


UNIVERSITY OF ST. MICHAEL'S COLLEGE



3 1761 01904327 2

55. 4.
BIBL. RES.

Krijtberg S. J.

AMSTELAEDAM.

E
9




142



ELENCHUS AUCTORUM ET OPERUM.

QUI IN HOCCE VOLUMINE CONTINENTUR.



GOLDHAGEN.

Meletema Biblico-Philologicum de Religione Hebræorum sub lege naturali.

NATALIS ALEXANDER.

Dissertationes de Noachidarum præceptis;

De præceptis moralibus, cæremonialibus et judicialibus, seu forensibus, legis Mosaicæ;

De Canonibus et Constitutionibus Apostolicis;

De novem Canonibus concilii Antiocheni Apostolorum;

De Epistolis decretalibus veterum Pontificum Romanorum, usque ad Siricium.

BOUVIER.

Appendicula: De præcipuorum Ecclesiæ festorum numero et institutione.

SUAREZ. - GUARINI.

Juris naturæ et gentium principia et officia, ad christianæ doctrinæ regulam exacta et explicata.

LESSIUS.

De Justitiâ, Jure et speciebus Juris in genere.

LYONNET.

Appendix prima ad tractatum de Justitiâ et Jure.

VOGLER. - EDITORES.

Appendix secunda ad Jus et Justitiam, seu Juriscultor theologus circa obligationes restitutionis in genere theorico-practicè instructus.

INDEX RERUM.

ALBERTUS MAGISTER MAGISTER ET OPERUM

ALBERTUS MAGISTER ET OPERUM

ALBERTUS MAGISTER

ALBERTUS MAGISTER ET OPERUM

ALBERTUS MAGISTER

ALBERTUS MAGISTER

ALBERTUS MAGISTER ET OPERUM

ALBERTUS MAGISTER

ALBERTUS MAGISTER

ALBERTUS MAGISTER ET OPERUM

ALBERTUS MAGISTER

ALBERTUS MAGISTER ET OPERUM

ALBERTUS MAGISTER

ALBERTUS MAGISTER ET OPERUM

Digitized by the Internet Archive
in 2010 with funding from
University of Ottawa

ALBERTUS MAGISTER

ALBERTUS MAGISTER

ALBERTUS MAGISTER

ALBERTUS MAGISTER ET OPERUM

ALBERTUS MAGISTER

ALBERTUS MAGISTER

ALBERTUS MAGISTER ET OPERUM

THEOLOGIAE

CURSUS COMPLETUS,

EX TRACTATIBUS OMNIUM PERFECTISSIMIS UBIQUE HABITIS, ET A MAGNA

PARTE EPISCOPORUM NECNON THEOLOGORUM

EUROPÆ CATHOLICÆ,

UNIVERSIM AD HOC INTERROGATORUM, DESIGNATIS,

UNICÈ CONFLATUS,

*Plurimis annotantibus presbyteris
ad docendos levitas pascendosve populos altè positis.*

ANNOTARUNT VERO SIMUL ET EDIDERUNT

FR. J. P. ET V. S. M[™].

TOMUS DECIMUS-QUINTUS.

Appendices ad Decalogum. — Præambula ad Justitiam.

De Religione Hebræorum sub lege naturali. — De Noachidarum præceptis.

De moralibus, cæremonialibus et judicialibus legis Mosaicæ præceptis.

De Canonibus et Constitutionibus Apostolicis. — De Decretalibus.

De præcipuis Ecclesiæ Festis. — De juris naturæ et gentium Principiis et Officiis.

De Justitiâ et Jure. — De Restitutione.

PARISIIS,

APUD EDITORES,

IN VIA GALLICÈ DICTA :

RUE D AMOISE, BARRIÈRE D'ENFER.

THEOLOGICAL

GENERAL COMPANION

EXTRACTS FROM THE LITERATURE OF THEOLOGY AND THE HISTORY OF THE CHURCH

AND THE HISTORY OF THE CHURCH

AND THE HISTORY OF THE CHURCH

AND THE HISTORY OF THE CHURCH

AND THE HISTORY OF THE CHURCH

AND THE HISTORY OF THE CHURCH

AND THE HISTORY OF THE CHURCH

AND THE HISTORY OF THE CHURCH

AND THE HISTORY OF THE CHURCH

TOMUS DECIMUS-QUINTUS.

AND THE HISTORY OF THE CHURCH

AND THE HISTORY OF THE CHURCH

AND THE HISTORY OF THE CHURCH

AND THE HISTORY OF THE CHURCH

AND THE HISTORY OF THE CHURCH

AND THE HISTORY OF THE CHURCH

AND THE HISTORY OF THE CHURCH


AND THE HISTORY OF THE CHURCH

AND THE HISTORY OF THE CHURCH

AND THE HISTORY OF THE CHURCH

SEP 27 1961

HERMANN GOLDHAGEN VITA.




GOLDHAGEN (Hermann), è societas Jesu, Maguntiae natus est, anno 1718. Variâ multiplicique doctrinâ litteras amplexus, eruditionis altissimæ famâ dignatus est. Vitam omnem in explanandis litterarum rudimentis consumpsit, priscos sermones dissertationibus illustrans, Scripturas sacras et historiam commentis annotans tum Latino, tum Germanico idiomate compositis, alter in extraneâ regione Petavii. Ordinis sui clades mæsto quidem, sed inconcusso animo pertulit, Monachiumque exul inivit. Ibi æumnas piis exercitationibus ingenuarumque artium studio allevans, consiliarii ecclesiastici urbis munere amplificatus, obiit, anno 1794, ætatis suæ septuagesimo octavo. Inter multiplicia ejus opera quibus scriptoris classici laudem est adeptus, notantur sequentia: *Rhetorica explicata et applicata ad eloquentiam civilem et ecclesiasticam*; *Meletema biblico-philologicum de religione Hebræorum sub lege naturali*; *Lexicon græco-latinum recensens græca themata*.

Annotationes quæ Meletemati P. Goldhagen infra intercalantur, auctorem habent P. Zaccariam; à textu facillimè distinguuntur, eò quòd angustius inter lineas detur spatium.

Appendices ad Decalogum,

NECNON PRÆAMBULA AD JUS ET JUSTITIAM.



MELETEMA BIBLICO-PHILOLOGICUM

DE RELIGIONE HEBRÆORUM

SUB LEGE NATURALI.

Praenotio chronologica.

§ 1. Ordine ut, quæ dicturi sumus procedant, juvat celebriores epochas, quæ ab orbe condito usque ad Messie adventum intercesserunt, pro systemate quod commodius videtur, ante designare (1). Annorum itaque numerum, qui ab rerum primordio ad æram usque christianam, sive ad eum annum quo natus vulgò ponitur Jesus Christus, quater mille conficere creditur, per certa intervalla sive epochas ita partimur.

§ 2. I. Ab rerum primordio ad diluvium universale fluxerunt anni.	4656
II. Usque ad annum quo Deus evocavit Abrahamum.	2085
III. Usque ad profectionem Israelitarum ex Aegypto, sive ad <i>legem Mosaicam</i>	2515
IV. Usque ad templi Hierosolymitani dedicationem à Salomone celebratam.	5000
V. Usque ad solutam Babylonicam captivitatem.	5468
VI. Usque ad communem Christi natalem.	4000

§ 3. 1^a Tantùm spatii sufficit cum ad seriem sacræ historiae aptè digerendam, tum ad ea componenda et rectè illiganda, quæ circa fide dignas Chaldaeorum, Aegyptiorum, atque Sinensium antiquitates afferuntur.

(1) Systema chronologicum modò summam propositum quare commodius videatur, nonnulla, quæ adnotare libet, persuadent.

Luculenter id præstitit episcopus Armakanus Usserius in excellenti opere: *Annales veteris et novi Testamenti*. Pluresque sunt alii, qui idem laudabili studio ostendere conati sunt. Consule, si lubet, egregium Chronicon P. Jacobi Tirini S. J.

§ 4. 2^a Ex rotundo ejusmodi numero, qualis est quater millesimus, memoria fructum capit longè optatissimum; præsertim quia idem minores alios penè sui similes, et quidem præcipuis in epochis complectitur; age enim, detrahe à 4000 circiter quingentos annos, et continges ferè epocham captivitatis Babylonicæ; si iterum 500 auferas, pervenies ad Templum à Salomone dedicatum: rursus abscinde 500, et versaberis circa epocham datæ legis Mosaicæ, etc.

§ 5. 3^a Perantiqua Judæorum *παράδοσις*, cui et Patres Ecclesie non invitè subscripserunt, salutarem Messie adventum ad annum conditi mundi 4000 referre amat; ita enim aiunt: *Sex millibus annorum stabit mundus, duobus millibus inane; duobus millibus Lex; duobus millibus Messias. Isti sunt sex dies hebdomadæ coram Deo. Septimus dies Sabbathum æternum est. Mille anni ante oculos tuos tanquàm dies*. Psalmo 89.

§ 6. Curiositatem non infelicem sapit, quod Cabbaliste in mysteriis primi Geneseos vocabuli *בראשית* exquirendis diligentissimi circa tempus venturi Messie evolverunt; præterquàm enim quòd ea vox, dum alia puncta vocalia substituit, legi *baraschit* et explicari possit *dabo filium*, h. e., Messiam; suis etiam litteris,

quæ Hebræorum more numerorum rationem habent, peculiarem ac planè commodum reddit numerum; sc. 4000, quo nempe anno Deus Pater Filium daturus mundo esset, imò enim inde sumunt litteras numero centesimo majores, quales sunt ב 200, ש 300, ת 400; secundò ex singularum litterarum appellatione itidem tales numeros eruunt sequenti methodo:

<i>Beth</i> hebr. בית ob ת reddit.	400
<i>Resch</i> hebr. ריש ob ב 200 et ש 300.	500
<i>Aleph</i> hebr. אלף ob ך finale.	800
<i>Schin</i> hebr. שין ob ש 300, et ך finale 700.	1000
<i>Jod</i> hebr. י quia minus est numero 100, vacat.	
<i>Thau</i> hebr. תי ob ת.	400
Adde tres litteras superiore numero 4 ^o recensitas, nempe ob ב.	200
ob ש.	500
ob ת.	400

Summatim collecta efficient. 4000

§ 7. *Scholion.* Qui natalem Christi secundum istas chronologicæ rationes definit, haud aegrè concedit quòd æra, quæ Christi natales verè afficit, toto biennio, triennio, vel quadriennio antevertat æram vulgarem Dionysianam: huic tamen insistere mavult quam cum Baronio et Onuphrio loco movere consules Romanos in fastis descriptos, et seculo tot annos eximere.

EROTEMATA PHILOLOGICA.

Praenotio.

Lex naturalis dicitur nobis ratio divina vel voluntas Dei ordiæm conservari iubens, perturbari vetans. Scilicet rerum omnium auctor Deus (quod nobis initio dari postulamus) mentes hominum potentiâ suâ conditas imperio voluntatis suæ gubernat, iisdemque divini vultus sui lumen quasi facem accendit, et imprimi, ex cujus luce intelligant, atque adeò sentiant, tribulationem et angustiam in omnem animam hominis operantis malum; gloriam autem et honorem et pacem omni operanti bonum, quicumque demùm illi sint, Judæi an Græci, culti aut barbari, divinitus obventura: quamvis qui metu aut præmio instet, nemo ullus inter homines sit. Rom. 11, 9, 10.

EROTEMA PRIMUM.

Lex naturalis quid pro fundamento statuit vel requirit?

§ 8. Resp. Deum esse ens scilicet primum ac necessarium, per se existens, et à nullâ sui causâ dependens; à quo tamen tanquàm à principio rerum universitas habet quod sit et perduret. Triplici potissimum nomine signatur ab Hebræis Adonai Dominus, Elochim Deus, et Jehovah qui est; quanquàm ab enuntiando hoc nomine reverentiæ causâ abstinerent. Atque hanc primam de Deo reverà existente veritatem, quam non nisi impius in controversiam trahit, Hebræi ante legem Mosaicam cum in suâ naturâ tum in rebus ceteris amplius quasi characteribus expressam legebant, et in explorato habebant. Utinam autem hæc, quæ vivimus tempora, tristes illa necessitas non exacerbaret, calamum stringendi adversus ea humani generis prodigia, et pestilentes magistros, qui religionis fundamenta subruere, ac Deum ipsum è

mundo, si fieri posset, tollere nefandis artibus allaborant! sed quia impietas velut sublato vexillo passim grassari pergit, operæ pretium facturum me arbitror, si invictis ac novo fortassis modo propositis argumentis primariam de Deo existente veritatem demonstratum eam.

§ 9. Argumentum I. Ex PRIMO OMNIS RATIOCINATIONIS PRINCIPIO posito in eo quod cogitemus; et hoc enim certissimè infero: *Cogito, ergo existo.* At simul inde necessariò inducor ut affirmem *existere Deum*; nam eodem tempore quò cogito, pariter adverto illud quod in me cogitat esse aliquid, quod mihi ipsi non debeam, quod nec mere facultatis fuerit idem mihi primitus donare, nec potestatis idem mihi conservare. Jam verò alterà ex parte certum est quòd idem habere non potuerim ab ente aliquo me inferiore, cujusmodi est materia; hæc enim non cogitat; vis cogitandi naturæ ejusdem repugnat, cum è contrario humane animæ nihil æquè naturale ac proprium sit, quam cogitandi facultate pollere. Necessariò igitur consequitur quòd eam cogitandi vim acceperim à potentiâ entis me superioris et præstantioris; ab eadem enim cogitandi facultate convictus sum de eo quòd ipse existam, et simul quòd eandem debeam enti me superiori, cujusmodi materia esse nequit. Atque hoc Ens me superius ac præstantius id est quod dico Deum.

§ 10. Argumentum II. Ex IPSA DIVINITATIS IDEA à Creatore nobis impressâ; omnes enim homines sociati cum aliis communi quodammodo pacto inter se nullo non tempore convenerunt, ut præcipuam hanc, quæ fundamenti loco esset, veritatem agnoscerent, *esse mentem aliquam quæ universum administraret.* Neque persuasio ejusmodi ad præjudicia referri potest; mansit enim et conservata est, etsi plurimæ intercesserint societatum mutationes, e. g., *confusio populorum, diversissimæ animorum propensiones et educationis rationes*; nulla autem gens, nulla natio est quæ non agnoscat existere aliquod numen; ac quanquàm maxima hominum pars aberraverit ab eo, quodnam illud numen sit, consensere tamen omnes esse potentiam aliquam rerum omnium dominam. Atque communis hîc sensus tribui educationi nequit, inest enim et advertitur, ut primum quis ratione uti velit. Equidem interdum evenit, exteriores ut sensus, et quam dicimus, imaginandi vis repugnent primæ isti de existente Deo veritati, propterea quòd oculis ille subjectus non sit; at enim ratio, quæ præditi à naturâ sumus, facilè, si quis ad eam animum advertat, silentium illis imperat, omniaque sensuum et specierum animo ab his impressarum ludibria fugat ac dissipat.

§ 11. Argumentum III. Ex NATURA CORDIS HUMANI, cujus desideriis prorsus satisfacere res hujus terræ nulla potest. Experimur profectò vacuitatem cordis nostri omni etiam honorum, divitiarum ac illecebrarum cumulo expleri nullatenus posse: ultra spatia temporis sua homo desideria porrigit, atque ex ipsâ quam infinitam sentit cordis sui ariditate cognoscit, felicitatem infinitam, quò aspirare queat, propositam sibi

esse; quod nequit cognitione assequi, ad modestiam et demissionem ejus facit; quod assequitur, placet equidem, non item explet; illudque ipsum quod non cognoscit excitat inflammataque ejus animum, simulque instruit istam animi humilitatem perpetuam non fere, multò quid majus ac terrenis prestantius esse, ad quod conditus sit. Jam verò si talem immortalitatis aviditatem, si eam infinitam ad infinitum capacitatem in sese deprehendit homo, necessario quoque erit primum, quod illum homini indidit, principium. Igitur necessario existit primum illud principium, quod est Deus.

§ 12. Argumentum IV. Ex ANIME ET CORPORIS CONNEXIONE, quæ sanè, quomodo se habeat, nostra mentis aciem longissime excedit: quâ demum ratione nobismetipsis obtemperemus, dum moveri corpus nostrum volumus, ipsi ignoramus. Quantum ænigmati in eâ cogitationis ad motum harmonia? quod occasione motus in corpore existat cogitatio, et vicissim, quod occasione cogitationis continuo sequatur motus in corpore, nemo unus vel sensu assequitur vel verbis explicabit. At enim ex hoc ipso luculenter conficit homo animum suum, cujus natura vim mentis superat, ab infinita quâdam sapientiâ procreatum esse, quæ hanc animam, hoc corpus ita condidit, interque ea quæ nullam ad se rationem habent, inexplicabilem hanc connexionem induxit.

§ 15. Argumentum V. Ex LEGE NATURALI, quam cordibus nostris infixam advertimus. Notiones enim boni et mali intus in animis nostris ferimus; ex naturâ nobis insunt, ab educatione non derivantur. Inde scilicet fluit quod sepositâ vel exclusâ quæcumque humane legis cognitione, interius persuasi convictique simus, nefarium planè scelus esse, atrox quidquam aut crudele in amici aut innocentis caput machinari vel statuere. Profectò prodigia nobis, et monstra hominum, quorum adeò memoriam detestamur, videntur illi qui horridis hujusmodi facinoribus humanitatis jura violarunt. Jam istas boni malique notiones, quas nec mutare possumus nec extinguere, æqua demum alia causa, quod aliud principium nobis tam altè impressit, nisi prima quædam justitia, infinite Sapientiæ intelligentia, suprema voluntas ordinem servari imperans, hoc est, ipsissimus Deus?

§ 14. III. et V. argumenti explicatio uberior. Ex AMORE JUSTITIÆ ET DESIDERIO GLORIÆ, quæ in nobis inesse ipsi videntur et experimur; nemo enim tam sine fronte impius erit, qui omnem legem naturalem inficiatur, et scelera virtutibus paria putet; quin imò audacissimus quisque, ubi contra communes boni malive notiones offendit, se ipse rem intus agit, omnesque occultando facinori conatus impendit. Insuper desiderium gloriæ tam altè nobis insidet, ut perpetuos quodammodo ejusdem clamores in nobis ipsi percipiamus; quid enim illa de propriâ excellentiâ opinio, publicæ estimationis aviditas, ambitio prerogativæ, sollicitudines, perturbationes ad lesionem amoris nostri proprii, emicantes passim spiritus, nisi miseriæ desiderii ad gloriam male collocati? ipsi nobis faciemus, dum aviditati gloriæ vanissimas res objicimus, quarum vacuitatem nostro damno experimur: altiora ei sunt proposita, quàm ut infimis hisce rebus exsaturetur. Jam verò fac Deum non esse, jam nullus erit homini

justitiæ sensus, nullus ad gloriam stimulus; ille enim secum perpetuo inert, et insinuat omnis officii, quo homo obligatur. At unde hoc opus, nisi hoc est superius rerum omnium arbiter, qui legem imponit, ceterorem imprimit, et consentiente loquitur? Et illud certaturabilis gloriæ cupiditas, cum in bonis non inveniat quo expletur, nonne bonum præ quodammodo excellentissimum et infinitum postulat, ut ne frustra clamorem torquere dicatur?

§ 15. Aerem verberant *Athi*, si ex recedente barbarie nonnullas gentes protrahere laborant, quæ hominum ac malum juxta aestimant, quibus pulchritudo est, senes ipsos parentes jugare, et humanas victimis idolo litare. Nego enim et potiusgo aliam fuisse aut tunc esse populum ratione pollentem, qui prima principia ita ignoraverit, ut, e. g., nullo sensu ac beneficii ad humanitatem afficeretur, quæ malis hominum commiseratione tingitur. Si qui vero in potestate aut idola male pii fuerint, annon hoc idem ex virtutis ejusdem instinctu facere se putarunt? Nempe virtutis limites ultra quam par est, protulerunt, vel, ut in vi lato longis parentum miseris occurrere, deo præsummâ, quam ex præjudiciis suis moti habebat, religione venerari; in quo profecto satis ostendunt instas sibi iusti injustique notiones esse, sed præjudiciis quibusdam opinionibus obscuratas; quarum si quæ tenebras discussit, continuo ad unam legis naturalis semitam redierunt. Miserandos profectò impiorum conatus, qui in horridis barbarorum tesquis umbrâ venantur, quas meridiano soli offundant!

§ 16. Argumentum VI. Ex SENSA DOLORIS, cui homines sunt obnoxii; hic enim facit ut luculento protinus testimonio asserant reverâ Deum esse, ad ejus presidium nullo exterius monente confugiant. Anima certè non impertit acerbissimum illum doloris sensum, quo, ubi igne aut ferro corporis partem adusseris, cruciamur: nec enim in nostrâ potestate est hoc doloris sensu carere; multò autem minùs adscribi materiæ hoc poterit; hæc enim ex naturâ suâ, ut planissimè demonstratum non semel est, vim sentiendi nullam habet. Quis igitur humane naturæ, ubi valida quædam in partes corporis impressio facta fuerit, tam vivum ad ima statim ossa delabentem doloris sensum indidit, nisi Deus quidam potentie infinitæ, qui quos creavit pro libitu periclitatur, ipsoque sensu instruit, summam virium ad puniendum penes se esse? Ejusdem porrò rationis sunt cæteræ quas in apinâ sentimus affectiones, v. g., timor ac terror homini naturales, qui, quæcumque etiam explicatione usus fueris, totidem sunt elevationes creature ad Creatorem. Ubi vita versatur præsentem in periculo, continuò Divinitatis opem, nemine docente, implorat homo: scilicet terrore ad Deum ducitur, suoque ex corde discit esse Deum.

§ 17. Argumentum VII. Ex SPECTACULO UNIVERŒ omnis; hoc enim ubi oculis usurpamus, diffusas ubique admirabilis Sapientiæ notas quasi manu tenemus. Sanè si attentius contemplamur singularum partium inter se connexionem, omnium, quæ in naturâ sunt, operum harmoniam; admirandos nexus, quibus cœli in vasto mundi sinu rotantur, tam raros astrorum motus, et ordines, immensam lucidissimorum corporum magnitudinem, prodigiosam eorum à nobis distantiam, etsi pro nostris commodis facta sint; certum solis cursum nostris unicè usibus aptum, lunæque

luminum varietatem tum crescentis tum senescentis; fertilitatem terræ longis seculis nondum exhaustam, quin imò recentem et vegetam ad incredibilem fructuum frugumque varietatem nobis in annos singulos suppeditandam; altitudinem et latissimam maris diffusionem; humani corporis singularumque ejus partium, si probè examinentur, inexplicabilem structuram, quæ item in reliquis ritè ordinatis corporibus animantium, et plantarum rarè specie elucet; hoc tam magnum, inquam, spectaculum, quod tam admirabile videtur, si quis contempletur, an vel momento hæsitabit, esse sapientiam aliquam infinitam horum omnium effectricem, quæ quid aliud esse possit, nisi Deus?

§ 18. Argumentum VIII. EX MOTU RERUM CREATARUM; hæ enim cum moveantur, necesse est primam esse causam motus; nulla quippe res motum ex sese habere potest, ac si quid movetur, ab altero moveretur oportet.

§ 19. Argumentum IX. EX IPSA DEI NATURA, hoc est, quod Deus existat necessariò, nullaque à re dependeat; *est Ens à se*; cætera quippe omnia quæ sunt, ex contingenti habent quod sint; poterant enim ac etiam non poterant existere: at verò Deus ex solâ, quam de ipso formamus, notione existit necessariò; nam fieri non potest ut aliam de Deo notionem animo comprehendamus quàm entis infinitæ perfectionis; hanc ipsam verò dum concipimus, simul ac præ reliquis complectimur quod re ipsâ Deus existat, utpote primam omnium perfectionum.

§ 20. Argumentum X. EX REVELATIONE, hoc est, quod se Deus certis et nulli dubitationi obnoxiiis notis atque signis cognoscendum hominibus dederit. Convinci de eâ potest quisquis argumenta de religionis Christianæ veritate solerti examine ponderaverit; hæc enim omnia revelatione tanquàm religionis istius fundamento innituntur. Jam verò quid ipsa religio in basi omnium argumentorum collocat, nisi primam illam de existente Deo veritatem? quam ipsam et lex naturalis, quâ Hebræi ante legem Moysi à Deo traditam vivebant, principe loco ponit et citra longas quæstiones assumit. Itaque à prolixiore. hæc tamen tempestate non inutili, digressionem ad scopum revertimur.

THEMA II.

Quæ generatim sunt illa quorum lex naturalis homines admonuit.

§ 21. Resp. I^a. Cum lex naturalis per ipsum rationis lumen à Deo impressum hominibus promulgetur, quo æternam ejus voluntatem agnoscent, bonumque juxta ac malum discernunt (§ 14) internâ conscientie voce identidem monente et clamante, primò omnium inducit hominem ad agnitionem Dei tanquàm Creatoris (§ 9, 10 et 12), et summi boni sui (§ 11 et 15), maxime ut ejus ad auxilium præsentis in discrimine confugiat (§ 16), ex quo conficit, deberi Deo religionem, cultum, amorem, reverentiam, obedientiam, etc. (11, 14 et 16) ...

§ 22. In quem sensum adducunt quod exstat Psalmo 1, 7: *Signatum est super nos lumen vultus tui.*

Domine, recta scilicet ratio instar radii cœlestis, quo supremus legislator æternam suam voluntatem in tempore scribit in cordibus nostris, mentique humanæ, rasæ velut tabulæ, imprimit. (§ 15).

§ 25. Illic pertinet effatum doctoris gentium, Roman. 2, 14: *Cum enim gentes, quæ legem positivam divinam non habent, naturaliter Gr. φύσει scil. naturâ duce, ea quæ legis naturalis sunt, faciunt, ejusmodi sive tales legem positivam non habentes, ipsi sibi sunt lex, quatenus scilicet legem naturalem per lumen rationis à Deo in cordibus suis descriptam gerunt (§ 15), quod ipsum Apostolus adjungit: Qui ostendunt opus legis naturalis scriptum in cordibus suis, testimonium illis reddente conscientia eorum, Gr. συνειδήσεως αἰσθησις τῆς συνειδήσεως, sc., duo in animis hominum discipline morales principia vigent, alterum est lumen rationis, quo bonum à malo dignoscimus, alterum conscientia, ex cujus testimonio vel suffragio intelligimus utrùm quod agimus justum injustumve sit. Unde l. c. sequitur: et inter se invicem cogitationibus accusantibus, dum malè agitur; aut etiam defendentibus et approbantibus, dum rectè operamur. Sc. in tribunali ejusque conscientia bona probantur: jugis enim rectè factorum comes est interior quædam oblectatio; mala damnantur, dum aberrantem à virtutis semitâ conscientia stimuli urgent ac torquent. (§ 14.)*

§ 24. Semel cognito Deum revera esse, summo jure, cui intercedere nihil potest, adstringitur homo, ut ei qui se creavit honorem et cultum tribuat. Quod enim sumus, ab ejus beneficio habemus; penes ipsum est plura in nos bona conferre, nostrasque miseras sublevare: illi igitur nostram admirationem, fiduciam, preces et gratiarum actionem nullo non tempore debemus. Homini enim lumine naturali, quod rationem dicimus, prædito incumbit, rectè eodem uti eique se morigerum præstare. Illo docente legem naturalem, hoc est, officii sui rationes agnoscit, simul intelligit vitio sibi verti, si iisdem desit.

§ 25. Resp. 2^a: Lex naturalis instigat hominem ad curam privati boni sui, se nempe ac vitam suam ut tuteatur, deinde et illa quæ ad se quavis ratione aut necessitudine spectant, cujusmodi sunt familia, bona fama ac fortuna, etc. Unde consequuntur temperantia, prudens amor, ordinata et æquabilis vitæ ac morum compositio, providentia. Istis enim ac similibus virtutibus omninò opus est, ut se ac sua rectè moderetur, ut opus auctorem commendet, ut dignam Deo Creatore et ultimo fine, dignam homine vitam exigit.

§ 26. Resp. 3^a: Lex naturalis jubet attendere ad bonum generale societatis, ex quo oriuntur charitas in alios, justitia, misericordia, fidelitas, gratus animus, etc., pessimè enim vita socialis haberet, si virtutum illa officia negligere, si contraria illis facinora impunè admittere fas esset.

§ 27. In præceptis quæ naturali lege dictantur, unum maxime cognitum et pro iis quæ inde fluunt latissimè diffusum est. Quod tibi non vis fieri, alteri ne feceris; quare, qui alteri calamitatis aliquid struunt, aut injuriæ quidquam vel damni inferunt, cum hæc à se abstinere velint, in legem naturalem peccant: quam simul ignorare nequeunt, dum, quæ in alios admittunt, sibi irrogari nolunt. Unde et Deus Isaïæ vocibus peccatores appellat: *Redite, pravificatores ad cor, Isaïæ 46.* Quam verborum vim ut peccatores sentirent, sic ex eis seiscitatur Augustinus: Quis vos docuit nolle ne quis bonis vestris manus adferat, ne quis vos ipsos malè habeat, aut durius quidquam in vos statuat? sed num putas te solum talia pati nolle? Age, si non vis pati ista, nunquid solus es homo? Et Enarratione in Psalm. 59: *Nemo est qui audeat dicere, bonum est adulterium, bonum est homicidium, bona fraus, bo-*

nam perjurum, nullus prorsus hominum. Nam, qui illa etiam faciunt, clamant mala hæc esse quando patiuntur.

PROTEMA III.

Quibus potissimum rebus homines ante diluvium lege naturali viventes suam erga Deum religionem definiebant?

§ 28. Resp. 1^a: Basin dicendorum ante supponimus in exploratâ eorum veritate, quæ Moyses et alii post eum scriptores theopneusti de mundi origine et vario hominum statu in sacris Scripturis enarrant. Mei hic instituti est, evidentissima argumenta operose persequi, quibus *veritas* Pentateuchi, et universi sacri codicis adversus Hobbesium, Peirerium, Spinosam, aliosque impios omnis revelationis osores, et malignos eorum conatus defenditur. Eam sibi operam pridem desponderunt viri celeberrimi, ac imprimis doctissimus Petrus Daniel Huetius in nobilissimo opere *Demonstrationis Evangelicæ*, in quo apodicticè et mathematicè divinæ Scripturæ *veritas* et antiquitatem à calumniis Atheorum vindicat. Aretius ratioinatio illa adstringi non potuit, totaque illa conserta est et contexta, resque aliæ ex aliis nexæ et inter se apte colligatione necessariâ ita coherent, ut nullis divelli argumentis, ratione nullâ labefactari queant, nec assensum lector possit abnuere; præsertim si animum, ut auctor et res ipsa postulat, adhibeat studiosum veritatis, non contumacem, tantùmque ibi demonstratis adjungat fidei, quantum aliis rebus solet adjungere, quæ paris roboris rationibus nituntur. Sophismata porro, fraudes et cavillationes, quibus scriptores impii fucum hodiè incautis facere conantur, magnificè elidunt ac triumphantium ritu proterunt, qui hæc ætate in Galliâ hanc sibi partem sumpserunt. Ejusmodi sunt: *La Religion vengée, ou Réfutation des auteurs impies, par une société de gens de lettres*, à Paris. It. *Lettres Critiques ou Analyse et Réfutation de divers Écrits modernes contre la Religion*, etc., ac similes magno numero laureatæ pagellæ.

§ 29. Resp. 2^a: Religionem suam homines ante diluvium viventes constituebant, 1^a in DOGMATIS, et quidem primariis de Deo, ut auctore nature, conservatore, ultimo fine, qui et benè gesta et præmio se digno adficeret, et impia facinora certis suppliciis vindicaret. Ex quo simul animas hominum à morte superstitis, et immortales fore intelligebant, simul et Deum sibi timendum, amandum omniq[ue] cum exteriore tùm interiore cultu prosequendum esse agnoscebant. (§ 11, 16, 21, 24.)

§ 30. 2^a In OFFICIIS RELIGIOSIS interni et externi cultûs, per amorem Dei super omnia, et dilectionem proximi ad Deum; cognito enim, homines cæteraque omnia ab infinitâ Dei bonitate, sapientiâ ac potentiâ profluxisse, planissimè cum ex rationis lumine, tùm ex majorum *perhibere* intelligebant, eum rebus creatis omnibus infinito excessu præcellere et ab homine rationis compote præponendum esse. Eisdem ex principiis manabat amor ille, quo cæteros omnes naturâ ipsis similes, et ab eodem præpotenti Deo ad suam

similitudinem conditos tanquam fratres prosequerentur, non tantum omnem ab iis injuriam abstinentes, sed et verâ singulos charitate propter Deum complectentes. Interiorem promde affectum externis quoque officiis contestari, et solebant et amabant; adversus Deum nempe precibus, laudibus, votis, victimis, et varii generis sacrificiis: *Holocaustis*, quidem, ut agnitionem supremæ in Deo excellentiæ, cui se penitus submitterent, testatam facerent: *Eucharistiis*, ut gratos se cumulatissimis Dei in se beneficiis exhiberent: *Impetratoriis*, quibus Dei opem in tot natura, peccato depravata, periculis flagitarent; ac demum *Propitiatoriis*, ut sua adversus Deum peccata exparent. Proximis autem quid deberent, ex ipso, quo in se ferebantur, amore existimare poterant. (§ 27.)

§ 31. Longa Patriarcharum vita mirum quantum profuit, ut quæ de mundi creatione, de primâ hominis conditione, lapsu et meliori spe, cæterisque Dei consiliis et prodigiis à protoplastis narrata fuerunt, recenti semper memoriâ vigerent, et in seros posteros proferrentur: juvat rem in tabulâ exhibere secundum systema chronologicum. (§ 2.)

Patriarche ante diluvium unâ viventes.

NOE

LAMECH simul cum 365

MATHUSALEM simul cum. 777
600 365

ENOCH simul cum. 500
445

JARED simul cum 565
555 566

MALALEEL simul cum. 850
775 565

CAINAN simul cum. 680
605 565

ENOS simul cum. 815
745 565

SETH simul cum. 807
747 565

ADAM simul cum. 800
695 566

Adam. 800
1 Seth 215
2 Enos 4
3 Cainan 4
4 Jared 5
5 Malaleel 5
6 Jared 6
7 Enoch 7
8 Mathusalem 8
9 Lamech 9
10 Noe 10

§ 32. " Statum primo mundi ævo sacrificandi ritum satis docent exempla Abelis et Caini, de quibus Scriptura, Genes. 4, 3, 4: *Factum est autem post multos dies, ut offerret Cain de fructibus terre munera Domino; Abel quoque obtulit de primogenitis gregis sui et de adipibus eorum; et respexit Dominus ad Abel et ad munera ejus; ad Cam verò, et ad munera illius non respexit. Quem in locum S. Cyrillus, Cassianus, Procopius et semel iterumque S. Chrysostomus asserunt fratres istos haud alio monitore ad sacrificandum accessisse, quàm naturali lumine quo noverant Deum, etsi nullius rei egeat, nostra tamen munera adeo non aspernari, ut iis etiam affici et honorari velit. Quibus ad stipulatur S. Thomas 2-2, q. 81, art. 1. affirmans ex naturali ratione procedere ut homo rebus quibusdam sensui subjectis utatur, Deoque offerat in signum debite subjectionis et honoris ad eum modum, quo subditi dominis in agnitionem dominationis nonnulla de suis impendunt. Hoc, inquit, pertinet ad rationem sacrificii; et ideo oblectio sacrificii pertinet ad jus naturale, unde in quâlibet ætate et apud quâlibet hominum*

nationes semper fuit aliqua sacrificiorum oblatio. Notari præterea meretur, mentionem de Cain et Abelis sacrificio non ideo Genes. I. c. fieri, quasi tum primum ceperint sacrificia reddere; lectio enim fontis hebraei Gen. 4. 3. *factum est (nikes jamim) in fine dierum* jure accipitur de anni fine et post messem, ubi quotannis gratiarum agendarum causâ Cain et Abel munera sua, et sacrificia Deo offerebant: quem morem cum ex ratione tum ex Adami exemplo hausisse videntur, atque ad posterum deduxisse; simul etiam aliis ex causis varia sacrificiorum genera, quæ deinceps lege divina certis ritibus facienda erant, celebrasse. (§ 50.)

§ 53. 3. In MYSTERIS quibusdam, dubitari enim nequit, ipsa nature jura perfectiorem in statum deducta, et beneficio divinæ gratiæ elevata fuisse, idque per ritus ac modos peculiare colendi ac implorandi Numinis; per fidem et spem in venturum aliquando Messiam humani generis redemptorem **, tanquam remedium peccati quod *originale* dicimus, imò etiam illius quod *actuale* appellamus: ubi scilicet perfecta in Deum charitas conjuncta fuerat, per rectè facta supernaturalis ac æterni præmii meritoria; per sempiterna item supplicia immortalis animæ admissi sceleris reæ destinata; denique per summa quedam religionis capita, e. g., *Anastasis* et *judicii universalis*, aliorumque similium, quorum non tam ita expressa extant vestigia.

§ 54. Ex eo quòd Scriptura sacra neminem in progenie filiorum Dei per Sethi lineam deductâ nominatim arguat, quin potius nonnullos præcipuâ laude eohonestet, satis argumenti præbetur asserendi, religiosum Dei cultum ex re et tempore constitutum ab his ac temporatum fuisse. De Patriarchâ Enos sacre paginæ disertis verbis commemorant, Genes. 4. 26: *iste cepit invocare nomen Domini*, non eò quòd antea homines religioni nullam navassent operam (§ 30 et 32), sed potius quòd consuetum Dei cultum solemnitate ornârit, ritibus ac ceremoniis certam in formam redegerit, unusque inter plures auctor fuerit, ut qui *filiorum Dei* nomine censi vellent, ad preces et sacrificia stato tempore convenirent. Quin imò, teste S. Augustino, l. 15 de Civit. Dei, cap. 18, vatem egit prædicans, *exortiturum populum qui secundum electionem gratiæ nomen Domini invocaret.* Equis verò ambigat, non paucos ex illâ jam hominum multitudine ad tam præclari exempli imitationem sese composuisse, itaque paulatim confectam esse disciplinæ sacratoris formam in colendâ religione, et Sacris procurandis cum theologicâ eorum notitiâ quæ ad res divinas pertinet. Quo maxime facit diversitas lectionis in Hebraico Genes. 4. 26, *az huchal likro beschem Adonai, tunc ceptum est ad invocandum in nomine Domini*, sc., plures exemplo Enosi persuasi in eadem instituta consenserunt adeo, ut hoc sensu Chaldeus Paraphrastes videatur dicere h. l., *tunc inceperunt filii hominum invocare*, præsertim cum verosimile sit, ab Enoso ritum colendi Numinis non solis verbis, quæ facile in auras abeunt, aut aliorum ignorantia, oblivione, vel malitiâ perverti queant, sed litteris, characteribus aut symbolis traditum et consignatum fuisse; negari enim illi ævo tot prerogativis ornato non debet, quod nostræ, aut Patrum memoriæ per familiare fuit.

§ 55. Messiam olim venturum, homines illius ætatis, si potissimum, qui cogitationes suas ad Deum præceteris referebant, ignorare non poterant cum ex illis quæ ex doctrinâ Protoplastorum de muliere, quæ semine suo serpentis caput elisura esset, acceperis credatur, tum ex renovatâ nonnunquam ejusdem Redemptoris predicatione; ob eam namque spem, ut S. Epiphanius l. 1, advers. hæres. hæres. 50, cum aliis docet, *Lamech Matusalem filius* Genes. 5. 29, de Noemo sibi nato dixit: *Iste consolabitur nos ab operibus, et laboribus manuum nostrarum in terrâ cui maledixit Domi-*

mus. Nempe alludens ad Hebraicum *Nuach* נֹחַ *quiescere* et prophetico afflatus spiritu filium suum appellat Noe sive Noach, quòd futurus esset pater Messiae, verissimi pacificatoris, et latissimi mortalium consolatoris, qui Noach et nunc parentes suos solaretur spe, mundum aliquando magis castigatum et justitiâ conspicuum futurum, atque illâ ætate erat, nempe quando is quem sub vocabulo *quietis* designat, *requiem nobis dabit à laboriosis operibus, hoc est, à peccatis nostris*, ut ait S. Epiphanius. Voluit insuper suavissima Dei benignitas ab ipsis quodammodò mundi inculpabilis luculentam Messiae figuram exstare in iis quæ circa Abelen contigerunt; qui Matthæi 22 et Luc. 11, *justi* encomio per Christum celebratus est, quòd illum suâ in personâ figuraret, qui primus justitiæ et sanctitatis auctor est. 2. Natus siquidem est Abel orbe per peccatum Adami in deterius commutato; Messias verò terrarum orbe Idolomanicæ sordibus ac scelerum colluvie latissimè oppleto. 3. Evam non tam viventium quàm morientium matrem habuit Abel; meliorem Evam, veram viventium matrem Mariam sibi in parentem delegit Christus. 4. Abel ovium pastor quidni bonum pastorem, et animarum nostrarum episcopum designet? 5. Ille aut virgo fuit, aut creditus est, altum de ejus progenie silente Scripturâ; hic et virgo, et virginis filius, virginitatis auctor, sponsus et exemplum. Præterea Abel, sacrificium Deo præstantissimum obtulit, factus et ipse per martyrium hostia; atqui idem modo planè inexplicabili tam in cœnaculo, quàm in cruce summus Sacerdos noster immolavit, cujus etiam sanguis clatiori voce etiamnum hodie misericordiam apud Deum exorat, quàm sanguis Abel in fratricidam disertus fuit. Verumtamen num cui fidem superare videatur, sanctos ejus ævi Patriarchas divino lumine collustratos eo oculo in figuratum contuitos esse, quo nos figuram respicimus?

§ 56. Apostoli ad Hebræos doctrina his admodum consentanea perhibet; *fide*, inquit cap. 11, 4, *plurimam*, Gr. *πλειονα*, h. e., præstantiorem majorisque pretii hostiam Abel, quàm Cain, obtulit Deo, sc. Fides viva, efficax et per actus patriæ, sacrificii, devotionis et charitatis operans ac præmia in cœlis proposita respiciens excitavit Abelen, ut amplioribus hostiis divinam rem conficeret. *Fide Henoch translatus est, ne videret mortem*; videlicet fides futuræ remunerationis stimulis addebat Henoch, ut ad studia clarissimarum fidei actionum magno animo incumberet, quibus cum Deo ambulavit tanquam amicus cum amico, aut potius tanquam servus cum domino jugi commercio conversatus, per quæ tanta sibi merita cumulavit, ut à Deo ex humano consortio abreptus et translatus in paradysum fuerit. At idem, teste S. Judâ Apostolo, vaticinium de supremo orbis judicio edidit, dicens: *Ecce venit Dominus in sanctis millibus suis facere judicium contra omnes, et arguere omnes impios de omnibus operibus impietatis eorum, etc.*, quod sive divinitus Judæ inspiratum, sive continuatâ παράσει, ad notitiam Apostoli pervenerit, manifestè pro receptis apud Patriarchas dogmatis perorat. Adicit demum Paulus, l. c.: *Fide Noe responso accepto (γρηγορησας, h. e., oraculo Dei admonitus) de iis quæ adhuc non videbantur, sc. de futuro orbis diluvio, meluens (gr. οὐλασθηεις, h. e., Deum, cujus timorem alii abjecerant, reveritus) aptavit arcam in salutem domus suæ, per quam salvabitur mundum.* Ita enim verò Noe, vir justus ac perfectus, à Scripturâ prædicatus, justitiæ ac penitentis præcedentem se, et magistrum præbuit, impendentem humani generi divinam ultionem cum voce, tum missis quaquaversum nuntiis vel epistolis denuntiavit, ipsosque centum et amplius annos hominibus salutari timore percellendis inexplibili charitate impendit. Jam verò tantis religiosi cultus magistris, qui simul divinæ voluntatis interpretes, simul rerum futurarum præseii fuerant, quàm copiosa religionis notitiâ imbui mundus et collustrari poterat!

PROTEMA IV.

Quibus modis homines post diluvium, ante legem Mosaicam viventes, religiosi erga Deum fuerunt?

§ 57. Isdem fere, quibus ante diluvium, quandiu scilicet ab avitâ majorum pietate, sano rationis instinctu, et doctrinâ religionis per manus quodammodo traditâ non desciverunt, quo autem pacto conservari ista ab ipsis mundi primordiis, et ad Abrahamum usque proferri possent, altera de Patriarchis post diluvium tabula ostendet.

Patriarche post diluvium und viventes.	THARE simul cum	42
	NACHOR simul cum	119
	SARUG simul cum	141
	REU simul cum	207
	PHALEG simul cum	209
	HEBER simul cum	259
	SALE simul cum	259
	ARPHAXAD simul cum	305
	SEM simul cum	350
	NOE simul cum	350
	1 Sem	448
	2 Arphax	558
	3 Sale	515
	4 Heber	285
	5 Phaleg	259
	6 Heu	219
	7 Sarug	187
	8 Nachor	148
	9 Thare	128
	10 Abraham	130

Sem itaque à Noë omnia veterum Patriarcharum instituta totumque religionis *patet* tam longo, quo unâ vixerunt, spatio discere atque adeo oculis usurpare poterat, iisdemque praesidiis cum posteris suis communicare. Unde etiam à diluvio religiosum cultum exercebant.

§ 58. I. SACRIFICIUS, PRIMITIVUS, DECIMIS. Sacrificandi quidem institutum tum ex naturali instinctu tum ab exemplo majorum et doctrinâ repetebant (§ 52). De offerendis Deo *primitiis* sive primis fructibus in gratiarum actionem pro frugibus terrae, item de *parte decimâ* fructuum divino cultui impendendâ nihil lege naturalî definitur; licet ut tam ista quàm illæ sacros in usus conferantur, naturali juri et rationi omnino consentaneum videatur. Decet sanè ut Deo, h. e., honori et cultui ejus, à quo in mortalium commoda liberali largitione tam multa effunduntur, et prima quæque et justa insuper portio ad qualem qualem beneficii recognitionem rependantur. Unde non solum patriarchas, sed etiam gentiles huic se mori accommodasse accipimus.

§ 59. Gen. 8, 20. *Edificavit autem Noë, archægressus, altare* (heb. *mišbeach* à mactandis victimis dictum) *Domino, et tollens de cunctis pecoribus et volucribus mundi, obtulit holocausta super altare.* Gen. 12, 7, 8. Abraham in Chanaanidem ex Haran progressus, primò *pervenit ad locum Sichem usque ad convallem Mambre, quæ deinde illustris ob eximios ibi in Abrahamum collatos à Deo favores appellata est. . . . edificavit ibi altare Domino, in quo scilicet victimas Deo obtulit gratiarum agendarum causâ, quòd Deus eam suis posteris regionem addixisset. Inde iter pro-*

secutus est y 8 ad montem, qui ad orientem erat civitatis *Luz*, deinceps *Bethel* dicitur, ac post ibidem religionem definitus est, additendo scilicet *altare* et totum suis à extraneis verum Deum perhibendo, laudando et oblatis tunc victimis celebrando. Quod patto religiosissimus ille patriarcha pesserit, dum ad Isaac cum Deo immolandum se accingeret, scimus ex Gen. 22, dum ad Isidus solemnî ritu cum Deo peribendum certa animalia et aves in sacrificium eligeret, ex Genes. 15. Actiones Melchisedechi sacerdotis proprias legitimus Gen. 14. Jacob Genes. 28 lapidem *erexit in titulum, hebr. mizpeh*, sive in monumentum ad memoriam rerum ibi gestarum tum apud se, tum apud posteros conservandam, cum etiam in signum propositi, quo jam tum animo designabat altare eodem loco extruendum, etc. Genes. 28, 11, *erexit titulum lapideum*, qui et monumentum esset factus sibi à Deo præmissionis, et simul altare, quo ad sacrificandum et libandum, h. e., ad libamina in honorem Dei effundenda utitur. Quibus ab exemplis pronum est conicere, quàm state illius ætatis religiones fuerint in extantibus ubique arvis et pecuilibus frugibusque vario ritu immolandi.

§ 40. Id primò ab Abrahamo factum esse ante legem Moysi, disertis verbis divina Scriptura tradit, Genes. 14, 20, *et dedit ei, sc. Melchisedech, decimas ex omnibus* et quidem intuitu sacerdotii et ministerii publici: nulla enim alioquin vis esset argumenti Patriarchæ ad Hebr. 7. Abraham avi exemplum concepto ad Deum voto secutus est Jacob Genes. 28, 22. *Lapsiste, quem erexi in titulum*, inquit, *vacillanti domus Dei: cunctorumque quæ dederis mihi, decimas offeram tibi*; quo autem pacto voti se religione Jacob expedierit, an ipse dederit, an, ut putat Oleaster, posteros suos eâ lege voluerit adstringere, ut honorum omnium decimas penderent iis quibus offerri Deus juberet, id verò Scripture testimonio definire non licet.

§ 41. Certè *Herodotus* in Clio testatur *Cræsum* ad Persarum regem *Cyrum* prolocutum: *Siste, inquit, ad singulas portas aliquot ex tuis satellitibus custodes, qui vetent exportari opes, ut earum decimæ Jovi necessarii reddantur.* Similiter *Agis*, inquit *Xenophon*, *Delphos profectus est, ac decimam Deo obtulit.* Neque minus de Latinis scriptum reliquit *Tullius* l. 1. de Nat. Deor. *Herculi*, inquit, *quisquam decimam vocat inquam, si sapiens factus fuisset?* In more apud veteres Romanos positum quoque fuit, nemini fas esse, novas fruges aut vinum gustare antequam sacerdotes primitias libassent, ut *Plinius* refert l. 18, cap. 2.

§ 42. II. In OFFICIIS AMANDI ET ADORANDI DEUM (§ 50) quæ primum mente et spiritu, tum externo corporis habitu et signo externo exequi decuit; quanquàm jure naturali definitum nihil exteriori in cultu fuerit.

* Abraham viso et audito Deo cecidit pronus in faciem, Genes. 17, 2, sub schemate angelicæ adoravit in terram. Genes. 18, 2. Eliezer viso factæ precationis effectu, inclinavit se et adoravit Dominum. . . . providens adoravit. Gen. 21, 26, 32.

§ 43. III. In LEGE REFERENDI GRATIÆ, SPE ET PRECATIONE (§ 24). Deus enim, rerum omnium conditor, vite humane administrator, ac mortalium supremus iudex, cum finem se excellentiorem nec habeat, nec habere possit, sua item est et omnium mentium plena summaque felicitas. Has leges altè sibi impressas multimodis testati sunt, qui post eluvionem vivere.

* Abraham et Jacob varias suas stationes peculiari munis implorandi ritu nobilitarunt, in *Bethel*, Gen. 12, 8; in Bersabee, Gen. 21, 35. Jacob iisdem in mansionibus ac nonnullis vitam, victum, liberos, sua omnia Deo horum largitori gratus adscribit, Genes. 33, 9, 48, 45.

Ita Melchisedech ob victoriam ab hostibus Abrahami fortitudine relatum honorem Deo deferit, Genes. 14, 19.

§ 44. IV. In voto ac jurejurando. Nempe vota libera rerum præ aliis Deo gratiorum ad cultum juris nature permissum, non verò ullâ lege præceptum referuntur. Ejusmodi se voto obstrinxit Jacob iter in Mesopotamiam prosecutus, Gen. 28, 20. *Vovit etiam votum dicens: Si fuerit Deus mecum, et custodierit me in viâ per quam ego ambulo..... erit mihi Dominus in Deum, et lapis iste quem erexi in titulum vocabitur domus Dei*.

Porro *jusjurandum*, quo divinam veritatem invocamus, quo omnis penè controversiæ finis quaritur, aut confirmatur, Hebr. 6, 16. Jure nature licitum justumque censetur, scilicet, si veri Dei nomine emittatur; certis tamen ritibus non utitur, sed humano arbitratu variis.

§ 55. * Neutiquam Jacobi verba eum in sensum accipi fas est, quasi ipsam *interiorem* Dei cultum, ejus religionem nemo non adstringitur, voto certis conditionibus sibi imperaret, firmaretque; hic enim religiosi voti materiem nullo modo habet, et Jacobo aliunde status sanctusque fuit. Sed quem quis pro certo polliceri ac confirmare potest, *externum* peculiari modo, loco ac tempore exhibendum cultum: is enim verò Jacobo votum nuncupanti propositus erat: promittit, altare ab se erectum eo in loco iri, in quo visio oblata ipsi esset, locum à se nomine *Bethel* (domus Dei) eorum, qui illi acciderant, in memoriam decorandum; et tandem se decimas bonorum omnium Deo præstiturum, si Deum sibi ac itineri suo liberaliùs faventem ac propitium habiturus esset. Hæc si ex animi sententiâ non succederent, damnari voti volebat.

§ 46. * Plura jurisjurandi à patriarchis editi exempla sacer codex profert. Abimelech, ne quid detrimenti ab Abrahamo sibi timendum esset, jurisjurandi ab eo religionem exigit, Gen. 21, 25, et quidem *Belohim* pariter cum Laban mutuum de amicitia fœdus percutere cum Jacobo vellet, Genes. 31, 55, ipse quidem falsa numina cum vero Deo commiscens testes appellat *Deum Abraham, Deum Nachor, et Deum patris eorum*, sc. Thare; Jacob autem jurisjurandi vim religiosius colens per unum *Deum, quem timuit Isaac*, adjuravit. Idem filium suum Joseph, Gen. 47, 51, ut corporis sui exuvias in avito Patrum sepulchro terre Chanaan conderet, jurejurando obligavit. Quid porro eundem inter Jacobum et Esavum, dum ille hujus jus ex natalium prærogativâ emere cuperet, intercesserit, manifestum est ex Genes. 25, 55, non ita, quo ritu in jurando processerint. Ex maximè raro rituum genere æstimare illud debemus, quod Eliezer manu subter femur Abrahami positâ sacramento se obligarit, Gen. 24, 9. *Mystagoga* quid habere id multis videtur et ad Messiam ex Abrahami progenie nasciturum, per cujus quoque nomen jurasset, pertinere.

LEOTEMA V.

Utrum ante legem Moysis data fuit hominibus lex aliqua positiva divina?

§ 47. R. I. Quod si *legis* * nomine accipimus plurium legum multitudinem, prout ab uno legislatore traduntur in ordine ad instituendum, sive dirigendam aliquam rempublicam vel congregationem hominum secundum peculiarem quemdam statum, pro certo ponendum est nullam ejusmodi legem ante Moysen existisse; communi enim et receptâ divisione omnem legem in *Veterem* et *Novam* partitur, * neque ex Scripturæ testimonio repetere possumus peculiare de

sacrificiis et sacramentis, de aliis religiosis ritibus aut moribus leges. Unde quidquid temporis ab Adamo ad Moysen usque lapsum est, *lege naturæ* comprehendimus, à quâ neutiquam separamus *legem*, hoc sensu connaturalem, * *GRATIE* sive *legem fidei*; quippe secundum ordinariam Dei providentiam, ut Suarez l. 1 de nat. legis in communi cap. 5, docet, nunquam illâ potuit mundus omninò carere, cum ex doctrinâ Apostoli Roman. 2, 5, *factores legis* semper potuerint divinæ gratiæ auxilio justificari.

* Eum in sensum Sacra Scriptura de lege sæpius loquitur. Sic Joan. 1, 17: *Lex per Moysen data est, gratia et veritas per Jesum Christum facta est*. Idem apud Paulum in epistolis ad Romanos, præcipuè ad Galatas, eadem notione accipitur, sicut etiam *lex gratiæ* tanquam una *lex* ad Romanos 8, appellatur: *Lex Spiritus ritæ*.

§ 48. * Quidquid toto veteri Testamento continetur, *legis veteris* nomine designari multis ex Scripturâ locis ostendit S. Hieronymus Epist. ad Algasiam; id tamen nominis præcipuè tribui collectioni præceptorum discimus ex eo quod *lex* dicatur per Moysen data, ipseque Christus illam divisionem instituat, ubi Luc. 24, 44, ait: *Necesse est impleri omnia que scripta sunt in lege Moysi, et prophetis et psalmis de me*. Alteram verò *legem*, quam *novam* nominamus, promisit Deus Jeremæ 31, 55: *Dabo legem meam in visceribus eorum, et in corde eorum scribam eam*; eadem indicator apud Isaïam 2 et Michæam 4: *De Sion exibit lex, et verbum Domini de Jerusalem*: hæc demum est *lex Fidei*, Roman. 5, *Gratia*, sive *lex Gratiae*, Galat. 5.

*** Naturale quodam modo appellatur, quod cum naturâ concretum est, semperque in illâ perseveravit; itaque *lex illa Gratiae* semper humano in genere fuit, nullo enim tempore id accidit ut in totâ hominum universitate, sive omni in Ecclesiâ lumen fidei deesset, aut supernaturali illâ lege divinâ homines penitus carerent; quippe quâ destituti ad Cælestem beatitudinem efferre sese non potuissent.

§ 49. R. 2. Nonnulla sacra ex Scripturâ colligi videntur; quorum observatio ad alias quoque gentes manavit, quæ vel soli juri divino vel juri naturali et divino simul adscribere Patres ac interpretes solent. Ejusmodi sunt *perpetuus matrimonii nexus*, quo viro prohibetur uxorem repudiare et alteram ducere, Genes. 2, 24. * *Fuga polygamie* simultaneæ, ut ne vir simul cum pluribus uxoribus in matrimonio possit vivere, Genes. 1. c. * *Sabbathi*, sive diei septimæ cultus religiosior saltem jam tum designatus. **

§ 50. * *Jure divino*, status conjugii ab ipso mundi primordio pactum seu vinculum nodavit *perpetuum* atque *indissolubile*, idque ratione universalitatis hominum etiam paganorum, quippe et isti non minùs ac fideles submittere se divinis imperiis debent; quomobrem Deus, ut Christus, Matth. 19, asserit, Adamo matrimonii legem insinuat Genes. 2, 24. *Relinquet homo patrem suum et matrem, et adhærebit uxori suæ; et erunt duo in carne unâ*; quibus sanè verbis ætissima et individua significatur conjunctio, quam Hebræus voce *dafak*, agglutinabitur, Græcus voce *συνεβλήθη* emphaticè exponit. Unde permissio repudiandi uxoris à Moysè subin Judæis ob cordis duriciam facta ex plurium theologorum sententiâ ac præcipuè Estii in 4, dist. 55, Sect 9, eosdem coram divino iudice culpâ liberos non præstitit, sed illâ solum penâ quâ qui fidem conjugii violarunt lapidibus obruendi erant. *Ab initio autem non fuit sic*, inquit Servator, Matth. 19, 8, qui et sublata Moysis permissione matrimonii nexum primæ institutioni vindicavit. Ille porro nexus, quatenus *spectato jure naturæ* firmus et indissolubilis

existat, non unus est auctorum consensus: cum tamen perpetuitatem, *spectato naturæ statu*, naturæ rationali admodum consentaneam esse, plurima possunt momenta persuadere. De quo ex professo disputant, qui de jure naturæ et gentium sanis et principis argumentantur.

§ 51. "Polygamiam, quatenus juri naturæ repugnet, haud prorsus est debere. eandem jure naturali prohibitam multi conantur evincere tum ex fine primario itaque secundario matrimonii, tum ex incommodo societatis humanæ; qui secus opinantur, illis maxime, quæ Sacra Scriptura de laudatissimis olim viris polygamis offert, fortiter insistent. Sed enim *spectato jure divino* ab inenutabili mundi conjugum, habitâ etiam ratione omnium hominum, *vinculum duorum* notavit: non enim dictum accepimus: *Adhærebit uxoris*, sed *uxori*; non *tres vel plures*, sed *utro erunt in carne una*; itaque in lege veteri dispensatum cum Patribus ad multiplicandum populum fidelem fuit: in lege novâ autem polygamiam divino jure prohibitam, nemo catholicorum inficias ibit, asserente Irid. sess. 24, can. 2: *Ni quis dixerit licere Christianis plures simul habere uxores, et hoc nullâ lege divinâ esse prohibitum, anathema sit*.

§ 52. "Benedixit Deus diei septimo et sanctificavit illum, Genes. 2, 5, se. segregavit eum diem à cæteris, plurimas ei tribuendo prerogativas jam tum eo consilio, ut in Judæorum religione esset sacer et divino cultui dedicatus. Qui mos latissime se diffudit. Insignis est locus R. *Gadali* in Gatênâ Chale, quo in confesso apud ethnicos esse ait, universum orbem sabbatum celebrare. Insignis et ille *Josephi*, l. 2 contra Appionem: *Οὐδὲν ἔστιν ὅτι τῶν ἑλλήνων ἐκκλησίαις, οὐδὲ παρθεναί, οὐδὲ ἐκκλησίαι, οὐδὲ τὰς ἐκκλησίας, ἀλλὰ πάντες ἅπαντες, τοῦ θεοῦ ἐκκλησίαι, οὐδὲ τὰς ἐκκλησίας, ἀλλὰ πάντες ἅπαντες*. Nulla omnino urbs est vel Græcorum vel barbarorum, neque ultra gens ad quam non penetraverit mos celebrandi septimi diei, quem feriati traducimus. Vetustissimum sabbathi originem docet etiam Herodotus l. 2, uti observavit Grotius de Verit. Rel. Christ. l. 4. Consentit Tacitus l. 5. Hist., sed falsam Judaici sabbathi originem prodit: scimus enim plerosque populos sacrum habuisse septimum diem, et die hoc mundi creationem absolutam existimasse. Nolum tamen positivum Dei præceptum Adamo de sabbathi cultu datum inde deducere, ejus nullum sat certum in Scripturâ vestigium extat; præsertim cum exploratum non sit, sabbathi diem ante Moysen legem solemnius vel celebratum vel observatum fuisse.

§ 53. R. 3°. Verosimile est ante legem Moysis datum fuisse à Deo hominibus interdum unum vel alterum præceptum peculiare, quod nempe pro divinæ voluntatis et sapientiæ consilio illius temporis rationibus accommodatum et opportunum erat. Mentionera de nonnullis sacre item pagine inferunt. 1°. Homini adhuc innocenti lex non comedendi de ligno scientiæ boni et mali, Genes. 2, 17, disertè proponitur. 2°. Ut ne filii Dei, h. e., oriundi è familiâ Seth matrimonio commiscerentur cum filiabus hominum, sive ortis ex familiâ Caini, Genes. 6, 5°. Ex communi theologorum doctrinâ datum hominibus, post peccatum Adam, fuit præceptum de usu alicujus sacramenti, quo possent non solum adulti, sed etiam à labe peccati originalis purgari. 4°. Discrimen inter animalia munda et immunda repetimus ex Genes, 7, vel in ordinem tantum ad sacrificia, si, quod communior sententia tenet, ab usu carnis ante diluvium sese abstinerunt; vel etiam in ordine ad cibum, si fortè, quod nonnulli autumant, carne tum vescerentur. 5°. Post diluvium hominibus in lege naturæ etiamnum viventibus duo nominatim præscripta legimus, nempe,

Genes. 9: *Carnem cum sanguine non comedetis*; et Genes. 17: "Tu ergo custodes pactum meum... circumcidetur ex vobis omne masculinum."

§ 54. "Fusi de lege quæ hominibus ante diluvium viventibus occisionum animalium aut carnis in cibis usu interdicere, nihil explorati tenemus, potiori tamen ratione dicendum videtur, non tantum religiosiores Sethi nepotes, sed et alios vel semper vel plerumque ab edendâ carne abstinuisse: Sethianos quidem cum maxime Patriarchas religio major et temperantia ab alimento carnis satis superque avocavit; alios quibus per religio aut severior disciplina non erat, fructus terre tum sapidiore, vel certe nausea quadam ob multiplexm alimenti, quod à carne habetur, impuritatem, et quæ ejus exi simplicitas intra limites temperatissimi victus continerent.

§ 55. "Fieri facile potuit ut Noe naturæ ductu, consuetudine aut parentum suorum institutione usum discernendi inter animalia haberet, in ordine potissimum ad sacrificia: quam differentiam Moyses anticipato nomine significavit per discrimen mundorum animalium et immundorum, quamvis talia ex ritu legis non essent; nec fortasse omnino idem cum illo discrimine, quod postea lege veteri fuit sancitum.

§ 56. "Latè hujus præcepti observatione videtur Deus non minus experiri voluisse ac exercere hominis post diluvium obedientiam, quam deterere eum à fundendo humano sanguine; simul etiam sanitati hominis consulere, cui à sanguine copiosius et frequentius in cibum adhibito non leve incommodum accedit. Ceterum cum omne præceptum positivum legi naturæ superadditum lege novâ per Christum invecit cessaverit, desiit pariter illud de sanguine non comedendo; farciminum alioquin usus aut suffocatorum, v. g., in columbulis non emisso sanguine jam nunc in prohibitis censeretur, quibus tamen fideles, conscientia nihil obstrepente, vescuntur. Quare, quæ, Act. 15, 20, 29, rursum prohibentur, non omnes fideles omni tempore afficiunt, sed, vel eos tantum, qui Judæis finitimi erant, vel tandiù, donec Judæi cum gentilibus unam in Ecclesiâ coaluissent, quæ conjunctio ut esset facilior, submovendum id maxime erat, quod Judæorum cum gentilibus conversationem et convivium impediret.

§ 57. "Præcepto isto lex vetus inchoata fuisse quodammodò videtur, quæ scilicet à Deo singulari ratione anticipata per aliquod tempus fuit, quod multiplicando populo, cui ex peculiari delectu danda deinceps lex erat, sufficeret. At enim cum generale præceptum de usu cujusdam sacramenti sive signi antecederet, quod ad impetrandam à Deo, mediante fide Christi, remissionem peccati originalis valeret (§ 53), dici commodè potest, et istud generale per legem vel consuetudinem humanam fuisse determinatum, et illud de circumcissione determinationem prædicti generalis speciatim à Deo pro Israelis populo factam continuasse.

EROTEMA VI.

Quid de Noachidarum præceptis sentiendum est?

§ 58. *Adverte*: Hebræorum magistri præcipuis in libris suis recensent præcepta quædam Noachidarum, quibus solis, utpote juri naturalis Noachidæ sive omnes gentes ab Hebræâ distinctæ tenerentur, cum Hebræis tanquam populo speciatim electo peculiariora per Moysen à Deo præcepta fuerint tradita. Majora atque illustriora septenario numero complectuntur, iisque ut se submitterent, adigebantur à Judæis proselyti domicilii, sive si qui ex gentibus terram Israeliticam pacis vel alterius commodi causâ incolebant citra Judæismi professionem. Solent autem hoc ordine plerumque recenseri.

I. *De cultu extraneo* sive de fugâ Idololatriæ et cujusvis superstitionis.

II. *De maledictione Nominis Sanctissimi.*

III. *De effusione sanguinis*, sive homicidio.

IV. *De revelatione turpitudinum*, sive illicito concubitu.

V. *De furto et rapinâ.*

VI. *De judiciis*, seu regimine forensi ac obedientiâ civili.

VII. *De membro animalis viventis non comedendo.*
De quibus nunc procedit questio, ad quam

§. 59. ¶. Præcepta Noachidarum imperfectam, incertam et manca juris naturalis disciplinam exhibent. 1° quia ex his non conficitur principium omnibus certum, ex quo nature præcepta vel evidenter fluant, vel saltem ad vim demonstrationis deduci et inferri queant. Tantine videatur Noachidarum auctoritas, quam nonnisi ex Hebræorum *παράδοσις* accipimus, omnes ut populi persuaderi illa et ad parendum constringi possint? 2° Præceptis illis nonnisi *Hebræorum sensa*, non semper rationi aut veritati consentanea, continentur: et cur ex Hebræorum mente eisdem non alii, nisi *Proselyti domicilii* obligentur? 3° Ipsi in præceptis invenitur, quod deficiant in necessariis, et aliunde permissis repugnent. An non enim è primis nature principiis constat, (§ 21) Deum *positivo cultu* colendum esse atque amandum? quid igitur priora duo horum præceptorum solum in iis versantur, à quibus declinandum est? Cur septimo præcepto inhibetur, quod, Deuteronomii 14, 21, permitti gentibus intelligitur? *Quidquid morticinum est, ne vescamini ex eo. Peregrino, qui intra portas tuas est, da ut comedat, aut vende ei, quia tu populus sanctus Dei es.*

§ 60. Certius ista præcepta ex Jobi commentariis petisset Joannes Seldenus, famosus Angliæ jureconsultus, qui seculo elapso hanc Noachidarum disciplinam ex Hebræorum documentis eruit et orbi proposuit. Luculenta enim eo in libro ante legem Mosaicam conscripto vestigia sex priorum præceptorum exstant, e.g., I. *De cultu extraneo*, cap. 51, 26: Si vidi solem... et latatum est in abscondito cor meum... quæ est iniquitas maxima, etc. II. *De Blasphemiâ*, cap. 1, 5: Ne forte peccaverint filii mei et benedixerint Deo in cordibus suis. III. *De Homicidio*, cap. 51, 29: Si gavisus sis ad ruinam ejus, etc. IV. *De Adulterio*, ibid. § 9: Si deceptum est cor meum super muliere: et cap. 24: Oculus adulteri observat caliginem: it. cap. 51, 1. Poppi fœdus cum oculis meis, ut ne cogitarem quidem de virgine. V. *De Furto* ibid. Alii terminos transtulerunt, diripuerunt greges: it. cap. 51, 7. VI. *De Judiciis*, cap. 27: Quando procedebam ad portam civitatis... Pater eram pauperum.

Auctore Seldeno, l. 5, cap. 6, de *Jure naturali et Gentium juxta disciplinam Hebræorum*, fornicationem jure naturali licitam putabant: quod sanè erratum est tum ex propositione damnatâ ab Innocentio M: *Fornicatio non est mala secundum se, sed solum ut prohibita à Deo*: tum ex gravibus solidarum rationum momentis, de quibus P. Schwarz S. J. de *Jure Naturæ*, l. 1, tit. 4, de officio hominis erga seipsum.

EROTEMA VII.

Quibus modis homines ab avità religione ad idololatriam desciverunt?

§ 61. ¶ I. Impensa idolis et falsis numinibus vene-

ratio, ac generatim omnis cultus impius, superstitiosus, sacrilegus originem suam variis è causis trahere poterat; prima tamen et potissima non longius arrescenda, sed ipso ab homine in pejora prolapsa repetenda citra controversiam est. Quid enim humani cordis depravatio, rerum ante gestarum oblivio, præsentium ignoratio, fastus, audacia, mala cupiditas, ardens studium in res sensibus subjectas, brutæ affectiones, effrenis proci alicujus amor, præpostera patris in filium, sponsæ in maritum dilectio, intemperata subditorum in principes, filiorum in patres pietas, vilis adulatio, nimia donorum in rebus ac personis effulgentium admiratio, quid, inquam, hæc similesve causæ vel solæ vel simul junctæ efficere facilius poterant, quàm ut mentibus offunderetur caligo, Labia de rebus cœlestibus cognitio excideret, et innata hominibus de Numine idea illuc paulatim detorqueretur, ut quos mortales immoderatiùs amabant et aestimabant, eisdem divinos demùm honores impenderent.

§ 62. ¶ II. Peculiares causas varii varias assignant; ac imprimis auctor libri *Sapientiæ* præcipuos idololatriæ fontes ostendit, cap. 13, 14, 15, inter quos ponitur 1° *supervacuitas* sive vanissima ambitio, de quâ S. Athanasius: *Hominum ambitione idololatria in mundum inducta est.* 2° *Furiosus amor in defunctos*, filiorum in parentes, subditorum in reges. 3° *Fabrica imaginum ac statuarum.* 4° *Ignorantia Dei et fraus demonum*; quæ summam complexus *Cornelius à Lap.* sic effert: *Idolum ergo finxit defunctorum amor et ambitio, provexit adulatio et metus principum, firmavit fraus demonum, splendor idolorum, tot seculorum error et usus.*

* *Sapient. 14, 15: Acerbo enim luctu dolens pater, citò sibi rapti filii fecit imaginem; et illum, qui tunc quasi homo mortuus fuerat, nunc tanquàm Deum colere cepit, et constituit inter servos suos sacra et sacrificia... Tyrannorum imperio colebantur signenta, et hos quos in palam homines honorare non poterant, propter hoc quòd longè abessent, è longinquo figurâ eorum allatâ, evidentem imaginem regis, quem honorare volebant, fecerunt, ut illum qui aberat, tanquàm præsentem colerent suâ sollicitudine.*

** *Sapient. 14, 18: Provenit autem ad horum culturam, et hos qui ignorabant, artifices eximia diligentia. Ille enim volens placere illi qui se assumpsit, elaboravit arte suâ, ut similitudinem in melius figuraret. Multitudo autem hominum abducta per speciem operis, eum, qui ante tempus tanquàm homo honoratus fuerat, nunc Deum aestimaverunt.*

*** *Sapient. 14, 21: Hæc fuit vitæ humanæ deceptio, quoniam aut affectû aut rebus deserientes homines, incommunicabile nomen lapidibus et lignis imposuerunt... § 16, deinde interveniente tempore, conalescente iniquâ consuetudine, hic error tanquàm lex custoditus est (1).*

EROTEMA VIII.

Quam in ætatem idololatriæ initium est referendum?

§ 65. ¶ I. Non improbabile existimatur idololatriæ principium à consecratis hominibus, qui ante generalem eluvionem vixerunt, repetendum esse. Rab-

(1) Confer Bannerii *Mythologiam* t. 4; Fourmontii *animadversiones*, P. Turnemini programma quoddam ad fabulas explicandas in Trivultianorum Patrum literariis Ephemeridibus propositum.

hini crimen superstitiosi cultus Caini posteris obiciunt. * Consentiant usdem scriptores Orientales; denique hominum ejus ætatis conditio et efficiens peccandi licentia rem videntur persuadere.

* O, menti suæ, male accepto verborum sensu, accumbunt, quod, Genes. 4, 26, de Loco Scriptura commemorat, idque ex Hebræo ita reddunt: *Tunc ceptum est profanari nomen Domini*, illos scilicet idolis committendo; sed perperam hoc sensu explicari ostensum est § 54, ampliusque aliorum interpretum variationes docent; legunt enim cum S. Hieronymo S. plura: *His speravit invocare nomen Domini*. Itaque firmus opinionis suæ momentum stauerent ex corruptione morum ac impietate, quæ in progenie Caini sive in filijs hominum omnia humana diviniq; jura violavit et pessumdedit; de quâ Scriptura testatur, *cunctam cogitationem cordis fuisse intentam ad malum omni tempore, et omnem carnem corruptisse non suam super terram*; quidni et atheismus et idolomania seculis invaderet? (§ 64) (1).

§ 64. ¶ II. SOLITIMIS EPOCHÆ fuscæ per orbem idololatricæ ligenda esse videtur ad Babelicam linguarum confusionem; cum enim homines hæc pœnâ divinitus mulctati quaquaversum dilaberentur, atque adeo ab iis, penes quos castior Dei cultus etiamnum perstitit, longius disjuncti essent, facile accidit, ut ex amore creaturarum rerum caligo mentis incretaceret, verique Dei cogitationem paulatim extingueret. Dùmque inter ea aliqualis de altiore quodam numine idea retineretur, et ipsa ex se sat rudis rerum exteriorum per sensus illapsarum imaginibus commisceretur, eò suâ quasi sponte vel certè urgente cordis depravatione (§ 61) processerunt, ut quidquid vim se movendi aut excellentiæ quidquam vel potestatis præ se ferret, notione divinitatis insignirent, et impio demum cultu prosequerentur (§ 62.) **

§ 65. * *Josephus*, Antiq. 1. 1, cum Patribus plerisque videtur tenuisse, tam rapidos progressus idolatriam eâ ætate fecisse, ut brevi primas ubique obtineret; quocumque enim Abrahami tempore oculos convertamus, nihil utique, nisi superstitionem et idolatriam offendemus. Affirmari tamen summâ veri specie poterit, idolatriam sensim et per gradus ad fastigium eluctatam esse, ut, qui omnium primi infami hoc scelere se contaminarunt, longè abfuerint ab eâ insanîâ, ad quam deinde lapsu temporis cæci mortales evaserunt: nec arbitramur totam simul idolomaniam ejusdem regionis crimen fuisse, quin potius singule singulos deos et religionem corruptis suis moribus aptam fabricarint.

§ 66. Nullo satis certo et historico documento adstrui potest, quis idololatricæ sceleris auctor reipsâ fuerit. Volunt nonnulli facinus illud repetendum esse ex Cham filio Noe; ejus certè progenies diris à Noem dextera à legum naturalium semitâ celerius deflexit, et per illuvies scelerum in suos propagatam rationis lumen pene extinxit. Sunt, qui id criminis malint referre ad Chanaan filium Chami; ac, si fides S. Epiphonio, Sarci avus Thare primus omnium post diluvium idolatriam inexit. Communior tamen sententia, cui et PP. Ambrosius, Hieronymus, Cyrillus, Eusebius adstipulantur, auctorem ejus nominat Nemrodum seu Belum virum superbum et arrogantem, ut à S. Cyrillo vocatur. Ilam verò, quæ in statutis regnat, adscribere malunt Nmo, qui primus ad Beli patris idolum auctoritate publica reis asyllum concessit.

(1) Auctores in hanc rem benè multos appellat P. Alphonsus Nicolai, tom. 3 Lectionum Biblicarum.

PROTEMA IX.

Quibus rebus vel personis divini honores præ cæteris sunt primò attributi?

§ 67. ¶ I. Jure merito viri liberali doctrinâ politè suæ celebrantur, *veluti, lucem et sidera* omnium prima fuisse, quibus nomen aliquod suo cultu dignum insidere mortales credere. Admirabilis enim, quo rutilabant, fulgor, vis et majestas, et derivata inde in universum terrarum orbem commoda tanti per eos ipsos valuerint, ut Auctoris potentiam oblitâ, divinitate ipsa et cultu donarent. 2. Maluerunt ali vetustissima idolatria in Numen consecratos fuisse spiritus, quos in astris molari et ingentia mortalius beneficia conferre dicebant; maxime autem *dæmonas*, quorum vexationes tristi experientiâ notaverant, quo sensu verum est illud Lucretii:

Primus in orbe deos fecit timor.

3. Degeneratum post hæc ad animas et genios, ad heroes, ad clarissimos quoscunque viros in Deorum numero habendos. 4. Nec minùs in elementis aliquid humano majus venerabantur; potissimum in igne, ejus cultum à Nemrodo subjectis eidem populis traditum fuisse volunt, indeque diutissime apud Persas obtinuisse, à quo nec hodie variis in locis discessum est. 5. *Mox manuum opera, aurum, lapides, animalium figuras* deorum nomine decorabant. 6. Eò demum impietatis et insanie proruerunt, ut non erubescerent, *muta animantia, dracones, serpentes, herbas, frutices*, quid? quòd ipsa deorum *scelerata facinora*, suæque vitia divinis mactare honoribus, Rom. 1. Quo monstruoso errore effectum illud est, ut compressis conscientia monitis immania quævis scelera, à quibus vel natura abhorret, ex religionis regulâ et instituto patrarentur. Atque ita omnis paulatim vera Religio extincta conceidit, fœdissima verò errorum illuvies totum penè terrarum orbem inundavit atque oppressit.

PROTEMA X.

Quâ ratione factum, ut ne Religio vera penitus extirparetur?

§ 68. ¶ I. Benignè providit Deus, ut in familiâ et posteritate Semi, etsi inter Chaldaeos idololatrias commorante, ac maxime in domo Thare, qui fuit Abrahami parens, sana Religio unâ eum Dei unius cultu non omnino intereideret. Hoc probabilius adstruere licet ex testimonio Achioris, Judith, v. 6: *Populus iste ex progenie Chaldaeorum est, hic primum in Mesopotamiâ habitavit, quoniam noluerunt sequi Deos patrum suorum, qui erant in terrâ Chaldaeorum*. Ex sententiâ S. Augustini, l. 16 de Civ. Dei: *una Thare domus erat, in quâ unius Dei veri cultus, solaque Hebræa lingua remanserat.... proinde, sicut per aquarum diluvium una domus Noe remanserat ad reparandum genus humanum, sic in diluvio multarum superstitionum, per universum mundum, una remanserat domus Tharæ, in quâ custodita eret plantatio civitatis Dei*. Ex facilitate, in unâ saltem familiâ hereditarias et quasi domesticas Patriarcharum traditiones usque ad Abraham, Isaac et Jacob, imò usque ad Moysen propagandi; id quod sequenti è schemate constat.

**TABULA traditionis hæreditariæ et domesticæ
ab Adamo usque ad Moysen.**

	Natus anno mundi	Vixit annos	Mortuus anno mundi
ADAM vixit annos 145 simul cum	1	950	950
MATHUSALA vixit annos 98 simul cum	687	969	1656
SEM vixit annos 50 simul cum	1558	600	2158
ISAAC vixit annos 55 simul cum	2108	180	2288
LEVI vixit diu cum	2253	157	2592

Amram nepos Levi, quem citra dubium viderat, quia idem hic Amram pater est Moysis nati post annos tantum 41, à morte Levi.

§ 69. Inde conficitur, quod Adam, Mathusala, Sem, Isaac, Levi, et Amram pater Moysis sese per succedentes generationes viderint, ac de omni orbis conditi historiâ principæque Patrum religione vicissim informârint; ista quippe ad propriam ipsorum familiam pertinebant, eo potissimum tempore, quo nullæ, quibus in familiari consuetudine occupari possent, historiæ extabant.

* Sententiæ de conservatâ in domo Thare verâ religione non efficit, quod legitur Josue, 24, 2: *Trans fluvium habitaverunt patres vestri ab initio, Thare Pater Abraham et Nachor* (sc. scilicet Nachor), *servieruntque diis alienis*; nam probabilius posteriora hæc verba generatim ad: *Patres vestri ab initio*, referenda sunt, quo-

rum plures pessimo Chaldeorum exemplo ad profana Sacra traducti fuerunt. Ac si quid etiam labis ex idololatrarum consortio Thare adhæsit, nec id acceptam à piis parentibus, Sem, Sale, et Heber, religionem extinxisse, nec cum Abramo communicasse videtur.


§ 70. R. 2°: Post duo annorum millia cœpit Deus è medio corruptissimorum mortalium genere unum sibi populum segregare, cujus caput et omnium credentium patrem constituit Abrahamum ortum è familiâ Heberi, quem etiam è Chaldaâ in terram Chanaan, futuram veræ religionis et Abrahami filiorum sedem evocavit. * Eidem magnificam deinceps promissionem de Jesu Christo è semine suo olim prodituro, per quem omnibus gentibus afferenda salus esset, fecit, factamque ejus filio Isaaco et nepoti Jacobo iteravit. Ex Jacobo, qui à pugnâ cum angelo Israel dictus est, duodecim prognati sunt filii, capita duodecim tribuum apud Hebræos, qui ob nomen Israel Jacobo inditum, Israelitæ, ob Judam Jacobi filium, cujus è tribu stirps regia, et ipse Messias nasciturus erat, Judæi appellantur. Atque hoc in populo supra ducentos annos in Ægypto, quò Jacob cum filiis descenderat, commorante, soboleque multò copiosissimâ vehementer aucto, casta Religio cum lege naturali, et majorum traditionibus conservata stetit ac floruit (§ 68).

§ 71. * Ab isto transitu, qui hebr. dicitur *Eber*, sive quòd antea Abram trans (hebr. *Eber*) Euphratem moraretur, *Hebræorum* derivatum esse nomen, probabilius arguitur. Atque hoc nomine primus appellatus est Abram occasione belli cum rege Sodomæ, ejusque fœderatis, quando scilicet eidem nuntius de Loth capto et abducto allatus fuit, Genes. 14, 15: *Et ecce unus, qui evaserat, nuntiavit Abram Hebræo*. Adhæsitque id nominis Abrahami et Jacobi posteris omnibus, usquedum decem tribus, discessione ab Roboamo factâ, regnum Samariæ constituerent.

Tantum de Religione Hebræorum usque ad legem mosaicam, et annum mundi 2513.

DE NOACHIDARUM PRÆCEPTIS Dissertatio.

AUCTORE NATALI ALEXANDRO (1).



I. *Noachidas* vocant Hebræi, id est, Noe filios, gentes omnes ab Hebræâ distinctas; præcepta verò *Noachidarum*, juris naturalis præscripta quibus homines adstringuntur universi, et quibus solis cæteræ gentes tenentur Dei mandatis; cum Hebræi ut peculiaris Dei populus præcepta etiam peculiaris à Deo per Moysen tradita, et in mosaicâ lege scripta sibi vendicent. Juris autem naturalis capita alia majora atque illustriora, alia minora seu obscuriora commemorant. Majora atque illustriora septenario numero complectuntur. Duo supremi Nominis cultum et honorem; quatuor hominum inter se convictum moresque spectant. Septimum crudelitatem erga alia animalia prohibet. Hoc ordine recenseri plerumque solent.

(1) Vide Natalis Alexandri vitam, supra, tom. VI, Theologiæ, col. 9-10.

- I. De cultu extraneo.
 - II. De maledictione nominis Sanctissimi.
 - III. De effusione sanguinis, seu homicidio.
 - IV. De revelatione turpitudinum, seu illicito concubitu.
 - V. De furto ac rapinâ.
 - VI. De judiciis, seu regimine forensi ac obedientiâ civili.
 - VII. De membro animalis viventis non comedendo.
- Priora sex in ipsis rerum initiis homini à Deo imperata esse aiunt, velut *primordialem legem*, et *matricem omnium præceptorum Dei*, quemadmodum ea, que primis parentibus à Deo præscripta sunt, vocat Tertullianus, lib. *Adversus Judæos*, cap. 11. Septimum

ad Noachii tempus revocant, cui et universis in illo hominibus prohibuit Deus, ne carnem cum sanguine comederent, Genesis 9, vers. 4. Hæc recensentur in Beresith Rabba, Parasch 53, à Maimonide in Hilch Melakim, cap. 9 : R. Jebuda Ben Samuel in Sepher Cozzi, part. 5, § 75, et alius Hebræorum magistros. Ad horum capitum professionem à Judeis adgebantur *Proselyti Domituri*, non *Proselyti Justitiae*. Proselytos Domituri vocant, qui ex gentibus ad incolatum seu pacem in territorii israelitice ditionis fruendam admitterebantur, citra judaismi professionem. Proselytos vero Justitiae, qui circumcisione et judaico baptismo initiati, et ad populum Hebræum aggregati, mosaicam legem ritusque judaicos profitebantur. Minorum seu obscuriorum juris naturalis capitum numerus neque omnino certus, neque adeo certe semper de eis apud Hebræos sententiae. Horum genus duplex est : alterum eorum quæ majoribus atque illustrioribus sive ut prævia atque antecedentia, sive ut consequentia committuntur, quemadmodum propagationis generis humani, et contractus matrimonialis jura cum præcepto de revelatione turpitudinum : domini, atque obligationis, promissionisque circa illud versantis jus in furti interdicto : penarum modus in judiciis, et cætera, quæ Talmudici appendices vocant septem illustriorum ac majorum præceptorum. Alterum genus eorum est, quæ universis quidem hominibus ab auctore nature Deo data sunt, et in ipsis mentibus insculpta, ut parentum honor : ad eorum nihilominus observationem penâ civili Gentiles in ditionis suæ territoriis commorantes non adgebant Israelite, sed tantum suadebant. De his omnibus fusè Seldenus in libris *De jure Naturæ et Gentium, juxta disciplinam Hebræorum*.

II. *Cultus extranei nomine, idololatria, et quodvis superstitionis et sacrilegii genus intelligitur.* Quæ naturæ lege ita prohibita sunt, ut nulla in his ignorantia homines à peccato excusare valeat, imò ignorantia omnis hujus capitæ adque officii peccatum simul sit ac pœna peccati. Ut enim docet Apostolus ad Romanos, 1 : *Revelatur ira Dei de caelo super omnem impietatem et injustitiam hominum eorum, qui veritatem Dei in injustitiâ detinent. Quia quod notum est Dei, manifestum est in illis : Deus enim illis manifestavit. Invisibilia enim ipsius à creaturâ mundi, per ea quæ facta sunt, intellecta conspiciuntur ; sempernam quoque ejus virtus et divinitas : ita ut sint inexcusabiles. Quia cum cognovissent Deum, non sicut Deum glorificaverunt, aut gratias egerunt, sed evanuerunt in cogitationibus suis, et obscuratum est insipiens cor eorum : dicentes enim se esse sapientes, stulti facti sunt. Et mutaverunt gloriam incorruptibilis Dei in similitudinem imaginis corruptibilis hominis, et voluerunt, et quadrupedum et serpentum. Et ad Ephesios 4, vers. 17 : Hoc igitur dico et testificor in Domino, ut jam non ambuletis, sicut et gentes ambulant in vanitate sensus sui, tenebris obscuratum habentes intellectum, alienati à vitâ Dei per ignorantiam quæ est in illis, propter cæcitatem cordis ipsorum ; qui desperantes, semetipsos tradiderunt impuditiæ, in operationem immunditiæ omnis. Unde et Psalmo 78, vers. 6, rex Va :*

tes ita Deum compellat : Effunde iram tuam in gentes quæ te non noverunt, et in regna quæ nomen tuum non intescuerunt. Atque, ut discrete ait Tertullianus, Apologeticæ 17, « hæc est summa delicti volentium recte cognoscere, quem ignorare non possunt. »

Cultus extranei interdum Egyptiis commune cum Hebræis fuit, sed nomine tenus, significatione plane diversâ. Egyptii enim cultus extranei nomine ritus omnes a majoribus non traditos execrabantur ; Hebræi omnem idololatriam ac superstitionem quæ divinus honor creaturis tribuitur. Egypti Deos adorabant, alios cælestes et æternos, ut vocabant, terrestres et mortales, ut Diodorus Siculus exponit ; cælestes, scilicet solem, lunam, spiritum, ignem, terram, oceanum, aerem ; terrestres, propter animi solertiam et beneficentiam, immortalitatem adeptos, ut Osiridem, Isidem, etc., ac præterea diversæ generis animalia, boves, hircos, feles, crocodilos, etc. Hebræi unum Deum, cæli et terre creatorem ac moderatorem supremum colebant, quem pariter colebant e gentibus viri pii et fideles. Nationis utriusque in religione discrimen expressit Tacitus, lib. 5 Historiæ, his verbis : « Corpora condere, quam cremare, è more Egyptio ; eademque cura, et de infernis persuasio : cælestium contra, Egyptii pleraque animalia effigiesque compositas venerantur : Judei mente solâ, unumque nomen intelligunt, profanos qui Deum imagines mortalibus materiis in species hominum effingant ; summum illud æternum, neque mutabile, neque interitum. Itaque nulla simulacra urbibus suis, nec dùm templis sunt. »

At, inquit Marshamus, *Egyptii per Nomorum suorum animalia, venerabantur Dei in res omnes potestatem, quam singuli Deorum declararunt, ut loquitur Porphyrius, lib. 1, § De Abstinentiâ, § 9 : idemque testatur Maimonides de idololatriâ in More Nevochim, part. 1, cap. 56 : « Nemo, inquit, eâ sententiâ cultu extraneo utitur, ac si aliud non esset numen præter id quod colit. Neque enim cuiquam in mentem venit, statuum ex metallo, saxo, ligno confectam esse ipsum cæli terræque creatorem et gubernatorem ; sed ita colunt, quatenus rei alienius imaginem induit, quæ velut intermedia sit inter ipsos et Deum. »*

Verum etsi ita se habuisset Egyptiorum theologia, etsi ea mens fuisset eorum, qui apud ipsos sapientes et prophete audiebant, ipsorum tamen ritus ac religionem omnem extranei cultus omnibus naturæ jure prohibiti nomine non fuisse execrandum minime probarent, siquidem cultum uni Deo debitum creaturis tribuebant, illasque pro diis saltem medioximis habebant, ut ipse Marshamus fatetur. Quod verò Maimonides ait, Spiritus Sancti refellit oraculo, Sapientiæ 14 : *Per manus autem quod fit idolum, inquit, maledictum est, et ipsum, et qui fecit illud : quia ille quidem operatus est : illud autem cum esset fragile, Deus cognominatus est... Acerbo luctu dolens pater, citò rapti filii fecit imaginem ; et illum, qui tunc quasi homo mortuus fuerat, nunc tanquam Deum colere cepit ; et constituit inter servos suos sacra et sacrificia. Deinde intercurrente*

tempore, convalescente iniquâ consuetudine, hic error tanquàm lex custoditus est, et tyrannorum imperio colebantur signenta. Et hos, quos in palam homines honorare non poterant, propter hoc quòd longè essent, è longinquo figurâ allatâ, evidentem imaginem regis quem honorare volebant, fecerunt, ut illum qui aberat, tanquàm presentem colerent suâ sollicitudine. Provesit autem ad horum culturam et hos qui ignorabant, artificis eximia diligentia.... Multitudo autem hominum abducta per speciem operis, eum, qui ante tempus tanquàm homo honoratus fuerat, nunc Deum arstimaverunt. Et hæc fuit vitæ humanæ deceptio: quoniam aut affectui, aut regibus deservientes homines, incommunicabile nomen lapidibus et lignis imposuerunt.

Oponitur etiam Marshamo locus ille Mercurii Trismegisti in Aselepio, à S. Augustino laudatus, libro 8 de Civitate Dei, cap. 25: « Et quoniam, inquit, de cognatione et consortio hominum deorumque nobis indicitur sermo, potestatem hominis, ô Aselepi, vinque cognosce. Dominus, inquit, et Pater, vel quod est summum, Deus, ut effector est deorum celestium, ita homo fictor est deorum qui in templis sunt humanâ proximitate contenti.... Ita humanitas semper memor naturæ et originis suæ in illâ divinitatis imitatione perseverat; ut sicuti Pater ac Dominus, ut sui similes essent, Deos fecit æternos, ita humanitas deos suos ex sui vultûs similitudine figuraret. » Hic cum Aselepius, ad quem maxime loquebatur, ei respondisset, atque dixisset: Statuas dicis, ô Trismegiste? Tum ille: » Statuas, inquit, ô Aselepi, videsne quatenus tu ipse diffidas? Statuas animatas sensu et spiritu plenas, tantaque facientes et talia, statuas futurorum præscias, eaque sorte, vate, somniis, multisque aliis rebus predictes; imbecillitates hominibus facientes, easque curantes, tristitiam lætitiâque pro meritis. An ignoras, ô Aselepi, quòd Egyptus imago sit cœli, aut, quod est verius, translatio aut descensio omnium quæ gubernantur atque exercentur in cœlo; ac si dicendum est veritûs: Terra nostra mundi totius est templum? Et tamen quoniam præscire cuncta prudentem decet, istud vos ignorare fas non est: Futurum tempus est quo appareat Egyptios incassum piâ mente Divinitatem sedulâ religione servâsse; et omnis eorum sancta veneratio in irritum casura frustrabitur. »

Refellitur præterea Marshamus ex Clementis Alexandrini loco, lib. 6. Stromatum, quem ipse profert, pag. 241: « Egyptii, inquit, peculiarem quamdam philosophiam exercent: illam maxime ostendit sacra eorum excessio. Primus enim procedit cantor, ex musicæ symbolis unum aliquid gestans. Dicunt illum ex libris Mercurii duos accipere debere: quorum unus hymnos Deorum, alter regie vitæ rationes continet. Post cantorem procedit horoscopus in manu habens horologium et palmam, astrologiæ symbola. Hunc oportet semper in ore habere astrologicos Mercurii libros, qui sunt quatuor... Deinceps progreditur scriba Sacrorum, pennam habens in

capite, et in manibus librum ac regulam, in quâ est et atramentum ad scribendum, et juncus quo scribunt. Illum oportet scire, quæ hieroglyphica vocantur, et cosmographiam, et geographiam, et ordinem solis et lunæ et quinque planetarum, et chorographiam Ægypti, et descriptionem Nili, et descriptionem apparatus sacrorum, locorumque eis consecratorum, et mensuras, et quæcumque in sacris sunt necessaria. Prædictos sequitur stolistes, cubitum justitiæ tenens, et calicem ad libandum. Hic omnia noscit quæ ad disciplinam pertinent, et victimarum sigillationem. Sunt autem decimi (libri) qui ad Deorum suorum honorem pertinent, et religionem Ægyptiacam continent, nempe de sacrificiis, de primitiis, de hymnis, de precibus, de pompis, de diebus festis, et ejusmodi. Post omnes prodit propheta, hydriam apertè gerens in sinu, quem sequuntur qui panes emissarios portant. Hic, ut præfectus sacrorum, libros decimos ediscit, qui sacerdotales vocantur, nempe de legibus, de Diis, et de universâ sacerdotum disciplinâ. »

III. Secundum Noachidarum præceptum vetat maledictionem nominis Sanctissimi, sive blasphemiam, à quâ abstinendum natura lex gentes omnes docuit. Hermaippus, in Vitâ Pythagoræ, scitis quibusdam istius sectæ hoc adjicit: *Ab omni abstinere blasphemiâ.* Hinc illud Socratis apud Platonem in Philebo: « Reverentia verò mihi semper erga deorum nomina est, non humana quedam, sed maximum quemque timorem exsuperans. » Hinc præclarum illud Platonis monitum, libro undecimo de Legibus. « Equum profectò est deorum nomina non faciliè inquinare, nec ea huc atque illuc devolvere: sed omnia, quæ ad deos pertinent purè castèque servare. » Plutarchus in *Questionibus*, dictum aliquod ex Platonis Thæteto celebrans, non joco illud ab eo prolatum hinc probat, quòd nominis in eo divini meminisset. « Neque enim, » inquit, adhibuisset Dei nomen dicto non serio. »

IV. Tertium Noachidarum præceptum effusionem sanguinis, sive homicidium prohibet: quod præceptum, Genesis 9, instauratur his verbis. *Sanguinem enim animarum vestrarum requiram de manu cunctarum bestiarum: et de manu hominis, de manu viri et fratris ejus requiram animam hominis. Quicumque effuderit humanum sanguinem, fundetur sanguis illius; ad imaginem quippe Dei factus est homo.* Hugo Grotius, *Annotationibus in Genesis 9*, et lib. 1 de jure belli et pacis, cap. 2, § 5, et lib. 2, cap. 20, § 8, ius talionis his verbis indicari perperam asserit, quòd, aucto humano genere et in gentes distributo, meritò solis iudicibus permisum est. Errat sanè vir eruditus; nunquam enim cuiquam mortalium licuit privatâ auctoritate alium punire, vel illatas sibi injurias vindicare, ut Deus ipse testatur, Deuteronomii 32, 33, Roman. 12, 19: *Mihi, inquit, vindicta; ego retribuam.* Præcepto etiam divino: *Non occides*, quod supremus Legislator omnium hominum cordibus inscripsit, doctrina illa Grotii palam adversatur. Hujus enim præcepti non hic solummodo sensus est, neminem innocentem occidendum

esse, sed ne reos quidem occidendos esse aliis, quibus Deus, vel magistratus, peculiari præcepto ultionem non mandavit. Eam autem legem non occidendi quemquam privato ausu, hominum cordibus impressam Deus confirmavit, his verbis Cainum fratriendam compellens, Genesis, 4, 13 : *Omnis qui occiderit Cain, septuplum punietur.* Consule quæ de lege talionis habet S. Augustinus, lib. 13 contra Faustum, cap. 25.

V. Quantum Noachidarum præceptum spectat revelationem turpitudinum, seu concubitum illicitum. Concubia certe fratrum cum sororibus tam uterinis quam germanis à gentibus penè omnibus incestuosa habita sunt. Egyptios, præter communem aliorum hominum morem, cum sororibus matrimonium inire solitos, Diodorus Siculus observat, lib. 1. Plato, lib. 8 de *Legibus*, talia conjugia vocat *nequaquam sancta, sed Deo invisa*. Scripsit Seneca : *Matrimonia deorum jungimus, et ne piè quidem, fratrum scilicet et sororum.* Ovidius, *Metamorphoseon* lib. 9 :

... Dii nempe suas habuere sorores :

Ut Saturnus Opim junctam sibi sanguine duxit :

Oceanus Tethin, Junonem Rector Olympi.

Philo Judæus, libro de *Legibus specialibus*, ad sectionem et septimum Decalogi præceptum, eâ de re ita disserit : « Deinceps præcipitur ne sororem quidem esse ducendam. Honestum sanè præceptum, atque aptum continentiar. Quamvis Atheniensis Solon hoc observat in uterinis tantum sororibus eodem patre pregnatis relinquî liberum. Contra Lacedæmoniorum legislator uterinis non interdicit connubio, sed solis eodem patre genitis. At Egyptius, videns utriusque simplicitatem et semiperfecta placita, laxavit libidinem, et duxit in corporibus animisque insanabile malum incontinentiæ, permissâ licentiâ ducendi sorores, sive per alterutrum parentem, sive per utrumque cognatas, majores pariter et minores, æqualesve, ne gemellis quidem exceptis; quas natura ipso natali se junxit, intemperantia verò societate copulavit insatiabilis, et malè copulatâ juncturâ. Quas leges abominatus Moses ut alienissimas à bonè constitutâ republicâ, et incitantes ad omnem turpitudinem, modis omnibus prohibuit congressum cum sororibus, utrumque sive alterum tantum parentem communem habentibus. »

Apud Persas sero Cambysis exemplo introducta sunt sororum conjugia. Responderunt ei Jurisconsulti, nullam se invenire legem, quæ sororem fratri nubere sinat. Ita refert Herodotus, lib. 5, cap. 51 : « Persæ verò, et inter eos potissimum, qui sapientiam profiteri videntur, Magi cum matribus matrimonia contrahunt », ut refert Sextus Empir. *Pyrri*, lib. 5, cap. 24. Hinc illud Catulli, epig. 91 :

Nam Magnus ex matre, et quato nascatur oportet.

Antiochus Soter Stratoniceam novercam deperiens exemplo execrando illam à patre in uxorem accepit. Ille aliæque turpitudines, et libidinum furie in corpora, in sexus, nec non adulterium et fornicatio, Noachidarum jure, seu lege naturali prohibite sunt. Quæ cum apud gentes obscurata esset, quas tradide-

rat Deus in desideria cordis earum, in immunditiam, ut contumeliis adherent corpora sua in semetipsis, ut ait Apostolus, ad Romanos 1 : de quibus ibidem subdit : *Qui commutaverunt veritatem Dei in mendacium : et coluerunt, et servierunt creaturæ potius quàm Creatori, qui est benedictus in secula, amen.* Propterea tradidit illos Deus in passiones ignominiosas. Nam sententia eorum commutaverunt naturalem usum in eum usum, qui est contra naturam. Similiter autem et masculi, relicto naturali usu feminar, exarserunt in desideriis suis in invicem, masculi in masculos turpitudinem operantes, et mercedem, quam oportuit, erroris sui in semetipsis recipientes. Cum, inquam, apud ethnicos plerosque lex illa de revelatione turpitudinum, seu de concubitu illicito, obscurata esset, illam Deus instauravit, Levit. 18. Dixi, apud ethnicos plerosque legem illam fuisse obscuratam. Nam conjugia et commixtionem cum matre, filiâ vel sorore pro illicitis ac nefariis, ex ipsis Græciæ moribus habita fuisse constat ex Ocello Leucæano, Pythagorico philosopho, lib. 2 *Περὶ τῆς φύσεως καὶ τῆς ἀρετῆς*, c. 4 : Oportet etiam, inquit, institui hujusmodi mores, qui in Græcis civitatibus legitimi ac recepti sunt, nimirum neutiquam cum matre, filiâ, aut sorore concumbere. Quod Jamblichus in *Vitâ Pythagoræ*, cap. 51, confirmat, et Euripides in *Andromache*. « Hujusmodi est, inquit, omne barbaricum genus. Pater enim filie, et filius matri miscetur : soror item fratri : et per eadem carissimi vadunt. » Et Simplicius, Comment. ad Epicteti cap. 47 : « Jam cum lex et consuetudo sororis et fratris consuetudine interdicit : appetitiones non secus ac ab ipsius nature imperio suppressæ, ita prorsus sunt immobiles, nisi fortè aliquos furoris intemperies et diræ scelerum ultrices agitarint. »

VI. Quantum Noachidarum præceptum furto et rapinâ interdicit. Præceptum istud omnium hominum animis à natura auctore inditum est. *Furtum naturali lege prohibitum est admittere*, ait Paulus jurisconsultus, l. 1, d. de *Furtis*. Et Ulpianus l. *Probrum*, d. De verborum significatione : *Furtum*, inquit, et *adulterium* naturâ turpe est. Euripides :

Namque odit ipse vim Deus : nec divites

Nos esse raptos, sed probè partis cupi.

Spernenda, si non jure veniat, copia est.

Communis æther hominibus, tellus quoque,

In quâ ampliare cuique sic fas est domum.

Ut ab alienis rebus ac vi temperet.

Soli Egyptii circa furtum legem habuerunt perquam singularem, teste Diodoro Siculo, lib. 1 : apud eos scilicet sodalitium aliquod furum institutum erat, cujus *ἐργασία* et quasi officium erat furari. Integrum cuique erat, modò vellet, ei se sodalio et officio ad dicere, eâ lege ut nomen suum profiteretur apud principem furum, sponderetque rem furto surreptam protinus ad illum delaturum. Furti autem manifestos non modò nullâ poenâ plectebatur, sed quarta pars pretii ipsi jubente lege cedebat, nonnisi tribus partibus justo possessori sua repetenti redditus.

VII. Sextum Noachidarum præceptum judicia spe-

etat, seu regimen forense et obedientiam civilem, quæ, naturâ magistrâ, seu naturæ potius auctore instituta est, ut ordo inter homines servaretur. De his plura Seldenus ex Hebræorum commentariis.

VIII. Septimum Noachidarum præceptum de membro animalis viventis non comedendo, post diluvium accessisse docent Hebræi, idque his verbis interdictum volent, Genesis 9, 3: *Omne quod movetur et vivit, erit vobis in cibum: quasi olera virentia tradidi vobis omnia; excepto quod carnem cum sanguine non comedetis.* At Noachidis, seu gentibus cæteris ab hebræâ, vetitum non fuisse sanguinis esum, colligitur ex Deuteronomii 14: *Quicquid morticinum est, ne vescamini ex eo. Peregrino, qui intra portas tuas est, da ut comedat, aut vende ei, quia tu populus sanctus Domini Dei tui es.* Carnem tantummodo ab animali vivente discriptam prohibitam gentibus volent, veluti exsectos agni testiculos, quia id signum est crudelitatis. Crudarum carniū esum ethnicis olim in Bacchanalibus solemnem ipsis exprobrat Clemens Alexandrinus, in Protreptico. Bacchi, inquit, orgiis celebrant Dionysium Menolem, crudarum carniū esu sacram insaniam agentes: et cæsarum carniū divulsionem peragunt coronati serpentibus. De hisdem Arnobius lib. 5 contra Gentes: Caprorum, inquit, reclamantium viscera cruentatis oribus dissipatis.

IX. Priorum sex præceptorum vestigia extant in libro Job, ante legem Mosaicam conscripto. 1^o De cultu extraneo, c. 51, 26: *Si vidi solem cum fulgeret, et lunam incedentem clarè, et letatum est in abscondito cor meum, et osculatus sum manum meam ore meo.* Quæ est iniquitas maxima, et negatio contra Deum Altissimum. 2^o De blasphemâ, c. 1, 5: *Cumque in orbem transissent dies convivii, mitebat ad eos Job, et sanctificabat illos, consurgensque diluculo offerebat holocausta pro singulis.* Dicebat enim: *Ne fortè peccaverint filii mei, et benedixerint Deo in cordibus suis.* 3^o De homicidio, c. 51, 29: *Si gavisus sum ad ruinam ejus qui me oderat, et exultavi quod invenisset eum malum.* Non enim dedi ad peccandum guttur meum, ut expeterem maledicens animam ejus. Si non dixerunt viri tabernaculi mei: *Quis det de carnibus ejus ut saturemur?* 4^o De adulterio, ib. vers. 9: *Si deceptum est cor meum super muliere, et si ad ostium amici mei insidiatus sum.* Scortum alterius: sit uxor mea, et super illam incurventur alii. Hoc enim nefas est, et iniquitas maxima. Et c. 24: *Oculus adulteri observat caliginem, dicens: Non me videbit oculus et operiet*

vultum suum. Perfodit in tenebris domos, sicut in die condixerant sibi, et ignoraverunt lucem. Si subito apparuerit aurora, arbitrantur umbram mortis: et sic in tenebris quasi in luce ambulant. Levis est super faciem aquæ: maledicta sit pars ejus in terrâ, nec ambulet per viam vinearum. Ad nimium calorem transeat ab aquis nivium, et usque ad inferos peccatum illius. Obliviscatur ejus misericordia: dulcedo illius vermes: non sit in recordatione, sed conteratur quasi lignum infructuosum. Et c. 51, v. 1: *Pepigi fœdus cum oculis meis, ut ne cogitarem quidem de virgine.* Quam enim partem haberet in me Deus desuper, et hæreditatem Omnipotens de excel-sis? De furto ibid. *Alii terminos transtulerunt, diripuerunt greges et paverunt eos. Asinos pupillorum abegerunt, et abstulerunt pro pignore boves viduæ. Subverterunt pauperum viam, et oppresserunt pariter mansuetos terræ... Agrum suum non demetunt; et vineam ejus, quem vi oppresserunt, vindemiant. Nudos dimittunt homines, indumenta tollentes, quibus non est operimentum in frigore... Vim fecerunt depredantes pupillos, et vulgum pauperum spoliaverunt. Nudis et incedentibus absque vestita, et esurientibus tulerunt spicas. Inter acer-vos eorum meridiati sunt, qui calcatis torcularibus sitiunt. De civitatibus fecerunt viros gemere, et anima vulneratorum clamavit, et Deus inultum abire non patitur. Ipsi fuerunt rebelles lumini, nescierunt vias ejus, nec reversi sunt per semitas ejus. Mane primo consurgit homicida, interficit egenum et pauperem; per noctem verò erit quasi fur.* Et c. 51, 7: *Si declinavit gressus meus de viâ, et si secutum est oculos meos cor meum, et si manibus meis adhesit macula. Seram, et alius comedat, et progenies mea eradicetur.* 6^o De judiciis, c. 27: *Quando procedebam ad portam civitatis, et in plateâ parabant cathedram mihi: videbant me juvenes et abscondebantur, et senes assurgentes stabant. Principes cessabant loqui, et digitum superponebant ori suo... Auris audiens beatificabat me, et oculus videns testimonium reddebat mihi. Eo quod liberâsem pauperem vociferantem, et pupillum cui non esset adjutor; benedictio perituri super me veniebat, et cor viduæ consolatus sum. Justitiâ indutus sum: et vestivi me, sicut vestimento et diademate, judicio meo. Oculus fui cæcus, et pes claudus. Pater eram pauperum; causam, quam nesciebam, diligentissimè investigabam. Conterebam molas iniqui, et de dentibus illius auferabam prædam.*

DE PRECEPTIS MORALIBUS LEGIS MOSAICÆ

Dissertatio.

(AUCTORE EODEM.)

DE EXTENSIONE, ET ORDINE PRECEPTORUM DECALOGI.

PROPOSITIO. — Omnia præcepta legis naturæ, necnon omnia præcepta veritatis veteris Legis, in Decalogo

continentur, vel ad illum revocantur. Sic autem ordinata sunt Decalogi præcepta, ut tria ad primam tabulam, septem ad alteram pertineant.



I. Primam propositionis hujus partem S. August. attingit, q. 140 in Exodum. « Cum tam multa, inquit, locutus sit Deus, duæ tantum tabule dantur Moysi lapideæ, quæ dicantur tabule testimonii future in Arcâ. Numrum omnia cætera quæ præcepit Deus, ex illis decem præceptis, quæ duabus tabulis conscripta sunt, pendere intelliguntur, si diligenter quærantur, et bene intelligantur. Quomodo hæc ipsa rursus decem præcepta ex duobus illis, dilectione scilicet Dei et proximi, in quibus tota lex pendet, et Propheta. » Ex lib. 19 contra *Faustum*, cap. 26. « Si Christus ubi quibusdam antiquis sententiis propositis, adjunxit : Ego autem dico vobis ; neque primorum hominum legem hoc verborum additamento adimplevit, neque illam quæ per Moysen data est, quasi contrariorum oppositione destruxit : sed potius omnia ex Hebræorum lege commemorata ita commendavit, ut quidquid ex personâ suâ insuper loqueretur, vel ad expositionem requirendam valeret, si quid illa obscure posuisset, vel ad tutius conservandum quod illa voluisset. Vides quàm sit aliter intelligendum quod ait : Non se venisse legem solvere, sed adimplere. Scilicet ut non quasi semiplena istis verbis integraretur, sed ut quod litterâ jubente propter superbiorum præsumptionem non poterat, suadente gratiâ propter humilium confessionem impleretur, opere factorum, non adjectione verborum. Fides enim, sicut Apostolus ait, Galat. 5, 6, per dilectionem operatur. Unde idem dicit, Roman. 13, 8 : Qui enim diligit alterum, legem implevit. Istam charitatem quia veniens Christus, per Spiritum S. quem promissum misit, in manifestatione donavit, quâ illâ charitate justitia legis posset impleri : Propterea dixit : *Non veni solvere legem, sed adimplere.* Hoc est novum Testamentum, quo huic dilectioni hæreditas regni cælorum promittitur, quod in figuris veteris Testamenti pro temporum distributione tegebatur. Unde idem dicit : *Mandatum novum do vobis, ut vos invicem diligatis.* Itaque vel omnia, vel penè omnia, quæ monuit seu præcepit, ubi adjungebat : *Ego autem dico vobis*, inveniuntur et in illis veteribus libris. »

II. Idem docet S. Thomas 1-2, q. 100, art. 1 : « Cum, inquit, moralia præcepta sint de his quæ pertinent ad bonos mores ; hæc autem sunt quæ rationi conveniunt ; omne autem rationis humanæ judicium æqualiter à naturali ratione derivatur : necesse est quòd omnia præcepta moralia pertineant ad legem naturæ, sed diversimodè. Quædam enim sunt, quæ statim per se ratio naturalis cujuslibet hominis judicet esse faciendâ, vel non faciendâ ; sicut, *honora patrem tuum, et matrem* : 4, *non occides ; non furtum facies* ; et hujusmodi sub absolute de lege naturæ. Quædam verò sunt, quæ subtiliori consideratione rationis à sapientibus judicantur esse observanda ; et ista sic sunt de lege naturæ, ut tamen indigeant disciplinâ, quâ minores à sapientioribus instruantur, sicut illud : *Coram cani capite conerge*, et *honora personam senis* ; et alia hujusmodi. Quædam verò sunt ad quæ judicanda ratio humana indiget in-

structione divinâ, per quam erodimur de divinis sicut est illud : *Non facies tibi sculptile, neque omnem similitudinem. Non assumes nomen Dei tui in vanum.* »

III. Articulo verò tertio ejusdem questionis ita describit : « Præcepta Decalogi ab aliis præceptis legis differunt in hoc, quòd præcepta Decalogi per se ipsum Deus dicitur populo proposuisse. Alia verò præcepta proposuit populo per Moysen. Illa ergo præcepta ad Decalogum pertinent, quorum notitiâ homo habet per se ipsum à Deo. Hujusmodi verò sunt illa, quæ statim ex principiis communibus primis cognosci possunt modicâ consideratione, et iterum illa quæ statim ex fide divinitus infusâ innotescunt. Inter præcepta ergo Decalogi non computantur duo genera præceptorum, illa scilicet quæ sunt prima et communia, quorum non oportet aliquam editionem esse, nisi quòd sunt scripta in ratione naturali, quasi per se nota : Sicut quòd homo nulli debet malefacere, et alia hujusmodi. Et iterum illa quæ per diligentem inquisitionem sapientum inveniuntur rationi convenire : Hæc enim proveniunt à Deo ad populum mediante disciplinâ sapientum. Utraque tamen horum præceptorum continentur in præceptis Decalogi, sed diversimodè. Nam illa quæ sunt prima et communia, continentur in eis, sicut et principia in conclusionibus proximis. Illa verò quæ per Sapientes cognoscuntur, continentur in eis sicut conclusiones in principiis. » Evidentiùs autem innotescet prior illa pars propositionis nostræ ex Decalogi explicatione mox subiungendâ.

IV. Alteram propositionis partem expendit sanctus Augustinus, questione 71 in Exodum. « Queritur, inquit, decem præcepta legis quemadmodum dividenda sint : Utrum quatuor sint usque ad præceptum de Sabbato, quæ ad ipsum Deum pertinent : sex autem reliqua, quorum primum est, *honora patrem, et matrem*, quæ ad hominem pertinent : an potius illa tria sint, et ista septem. Qui enim dicunt illa quatuor esse, separant quod dictum est : *Non erunt tibi dii alii præter me* : ut aliud præceptum sit : *Non facies tibi idolum*, etc., ubi figmenta colenda prohibentur. Unum autem volunt esse : *Non concupisces uxorem proximi tui* : *Non concupisces domum proximi tui*, et omnia usque in finem. Qui verò illa tria esse dicunt, et ista septem, unum volunt esse, quidquid de uno colendo Deo præcipitur, ne aliquid aliud præter illum pro Deo colatur : Hæc autem extrema in duo dividunt ; ut aliud sit : *Non concupisces uxorem proximi tui* ; aliud : *Non concupisces domum proximi tui*. Decem tamen esse præcepta neutri ambigunt, quoniam hoc Scriptura testatur. » Priorem divisionis rationem Judæi sequuntur, Josephus lib. 3 Antiquit., cap. 4 : Philo lib. de Decalogo, et ex Christianis interpretibus Origenes Homiliâ octavâ in Exodum, auctor Synopsis Scripturæ sacræ apud sanct. Athanasium, auctores Commentariorum in Epistolam ad Ephesios, sub venerandis S. Ambrosii, et S. Hieronymi nominibus editorum, Hesychius in Leviticum. At hanc meritò improbat S. Augustinus, loco mox

laudato. « Mihi tamen videtur, inquit, congruentius
 « accipi tria illa et ista septem, quia et Trinitatem
 « videntur illa quæ ad Deum pertinent, insinuare di-
 « ligentiùs intuentibus. Et reverà quod dictum est :
 « *Non erunt tibi Dii alii præter me*, hoc ipsum perfe-
 « ctius explicatur, cum prohibentur colenda signenta.
 « Concupiscentia porro uxoris alienæ, et concupiscen-
 « tia domus alienæ, tantum in peccando differunt, ut
 « illi quod dictum est : *Non concupisces domum proxi-
 « ni tui*, adjuncta sint et alia, dicente Scripturà : *Ne-
 « que agrum ejus, neque servum ejus, neque ancillam
 « ejus, neque bovem ejus, neque subjugale ejus, neque
 « omnes pecus ejus, neque quæcumque proximi tui sunt*.
 « Discrevisse autem videtur concupiscentiam uxoris
 « alienæ à concupiscentiâ ejuslibet rei alienæ, quando
 « utrumque sic coepit : *Non concupisces uxorem proxi-
 « mi tui, non concupisces domum proximi tui*, et huic
 « coepit cætera adjungere. Non autem cum dixisset :
 « *Non concupisces uxorem proximi tui*, huic connexuit
 « alia dicens, neque domum ejus, neque agrum ejus,
 « neque servum ejus, et cætera : sed omninò apparet
 « hæc esse conjuncta, quæ uno præcepto videntur
 « contineri, et discreta ab illo ubi uxor nominata est.
 « Illud autem ubi dictum est : *Non erunt ibi Dii alii
 « præter me*, apparet hujus rei diligentiorum executio-
 « nem esse in iis quæ subjecta sunt. Quò enim perti-
 « net : *Non facies tibi idolum, neque ullum simulacrum,
 « quæcumque in cælo sunt sursum, et quæcumque in
 « terrâ deorsum, et quæcumque in aquâ sub terrâ ; non
 « adorabis ea, neque serves illos*, nisi ad id quod dictum
 « est : *Non erunt tibi Dii alii præter me ?* »

Et Sermone 9, de decem Chordis, cap. 5, 6 et 7.
 Decalogus legis, inquit, decem præcepta habet : Quæ
 decem præcepta sic sunt distributa, ut tria perti-
 neant ad Deum, septem pertineant ad homines.
 Tria ad Deum, quæ jam dixi : Unus est Deus noster,
 ei nullam similitudinem debemus facere, et non for-
 nicari post Deum, qui unus est : Quia Deus et Chri-
 stus Filius Dei unum est cum Patre. Et ideò non
 debet à nobis accipi in vanum, ut putemus eum fa-
 ctum, id est creaturam aliquam, per quem facta sunt
 omnia : Quia ipse unus Deus Pater est, et Filius, et
 Spiritus Sanctus. In Spiritu S., hoc est, in dono Dei,
 requies nobis sempiterna promittitur. Inde modo
 pignus accepimus. Sic enim dicit Apostolus, 2 Cor.
 1, 22 : *Qui dedit nobis pignus Spiritum*. Si pignus
 accepimus, ut incipiamus in Domino et in Deo no-
 stro tranquilli esse, ut simus in Deo nostro mites,
 simus in Deo patientes, erimus etiam in illo unde
 pignus accepimus, in æternum quieti, quod erit Sab-
 batum Sabbatorum, propter ipsam requiem perti-
 nentem ad donum Spiritus Sancti. Tertium itaque
 præceptum de Sabbato, quod diximus, quod car-
 naliter Judei celebrant, nos spiritualiter agnoscamus.
 Nam quia Spiritus Sanctus dicitur, propterea septi-
 mum diem sanctificavit Deus, quando fecit omnia
 opera sua, sicut in Genesi scriptum legimus. Non ibi
 habes nominatam sanctificationem, nisi illo die ubi
 dicitur : *Requievit Deus ab operibus suis*. Non enim

« fatigatus erat Deus ut diceretur : *Requievit Deus ab
 « operibus suis* : sed in illo verbo tibi laboranti requiem
 « promisit, ut quia fecit omnia bona valde, et sic di-
 « citur, *Requievit Deus*, intelligas etiam te post bona
 « opera requieturum, et sine fine requieturum. Nam
 « dies superiores habent vesperam : Septimus iste
 « dies non habet vesperam : ubi Deus sanctificavit
 « requiem. Dicitur ibi, *factum est mane*, ut inciperet
 « ipse dies : Non dictum est, *factum est vespera*, ut
 « finiretur dies : Sed dictum est : *Factum est mane*, ut
 « fieret sine fine dies. Sic incipit ergo requies nostra
 « quasi mane, sed non finitur, quia in æternum vive-
 « mus. Ad hanc spem quicquid facimus, si facimus,
 « Sabbatum observamus. Ipsa est tertia chorda hujus
 « decalogi, id est, Psalterii decachordi : in tribus
 « enim chordis ad Deum pertinent præcepta.

« Tota lex in duobus præceptis est, in dilectione
 « Dei, et dilectione proximi. Ad duo itaque præcepta,
 « id est, ad dilectionem Dei, et proximi pertinet De-
 « calogus. Ad primum præceptum tres chordæ perti-
 « nent, quia Deus est Trinitas. Ad alterum verò præ-
 « ceptum, id est, ad dilectionem proximi, septem
 « chordæ, quomodo vivatur inter homines. Nam ipse
 « numerus septenarius, tanquam septem chordarum,
 « incipit ab honore parentum, *honora patrem tuam,
 « et matrem tuam*. Ad parentes enim suos homo ape-
 « rit oculos, et hæc vita ab eorum amicitia sumit exor-
 « dium. Quisquis autem suis parentibus non desert
 « honorem, quibus parere poterit? *Honora patrem tuum,
 « et matrem tuam*. Et dicit Apostolus, Ephes. 6, 2 :
 « *Honora patrem tuum, et matrem tuam, quod est man-
 « datum primum*. Quomodo primum, quando quartum
 « est mandatum, nisi quia in septenario numero est
 « primum? Ad dilectionem proximi primum est in al-
 « terà tabulâ. Nam ideò duæ tabule legis datæ sunt.
 « Deus enim famulo suo Moysi in Monte duas tabulas
 « dedit, in quibus duabus tabulis lapideis conscripta
 « erant decem præcepta legis, tria in unâ tabulâ, ad
 « Deum pertinentia ; septem in alterâ tabulâ, ad pro-
 « ximum. In alterâ ergo tabulâ primum est : *Honora
 « patrem tuum, et matrem tuam*. Secundum : *Non
 « mœchaberis*. Tertium : *Non occides*. Quartum : *Non
 « furaberis*. Quintum : *Non falsum testimonium dices*.
 « Sextum : *Non concupisces uxorem proximi tui*. Sep-
 « timum : *Non concupisces rem proximi tui*. Hæc jun-
 « gamus illis tribus ad dilectionem Dei pertinentibus,
 « si in Psalterio decem chordarum volumus cantare
 « canticum novum. » His gemina sunt quæ habet idem
 S. doctor, enarratione 2 in psalmum 52, ad illa verba :
Confitemini Domino in cytharâ et Psalterio decem chor-
dorum psallit illi. Et epistola 60, aliàs 119, cap. 11-
 V. S. Augustini sententiam approbat S. Thomas
 1-2, quest. 100, articulo 4. « Sed quia, inquit, facere
 « sculptile, vel similitudinem non est prohibitum,
 « nisi secundum hoc, ut non colantur pro diis (nam
 « in tabernaculo Deus præcepit fieri imaginem Cheri-
 « bim, receditur Exod. 25), convenientiâs Augusti-
 « nus ponit sub uno præcepto : *Non habebis deos
 « alienos* ; et, *Non facies sculptile*. Similiter etiam con-

concupiscentia uxoris alienae pertinet ad concupiscentiam carnis. Concupiscentia autem aliarum rerum quae desiderantur ad possidendum, pertinent ad concupiscentiam oculorum. Unde etiam Augustinus ponit duo praecepta, de non concupiscendo rem alienam, et uxorem alienam, et sic ponit tria praecepta in ordine ad Deum, et septem in ordine ad proximum : et hoc melius est.)

Item sanctus doctor, articulo 5, praecepta Decalogi convenienter numerari ostendit hoc ratione : Si etiam praecepta legis humanae ordinant hominem ad quandam communitatem humanam, ita praecepta legis divinae ordinant hominem ad quandam communitatem seu republicam humanam sub Deo. Ad hoc autem quod aliquis in aliqua communitate bene commoretur, duo requiruntur, quorum primum est ut bene se habeat ad eum, qui praestit communitati. Aliud autem est ut homo bene se habeat ad alios communitatis consocios et compatriotas. Oportet igitur quod in lege divina primo ferantur quaelibet praecepta ordinantia hominem ad Deum, et inde alia quaedam praecepta ordinantia hominem ad alios proximos simul convenientes sub Deo. Principia autem communitatis tria debet homo. Primo fidelitatem, secundo reverentiam, tertio famulatum. Fidelitas quidem ad Dominum in hoc consistit, ut honorem principatus ad alium non deferat : et quantum ad hoc accipitur primum praeceptum, cum dicitur : *Non habebis Deos alienos*. Reverentia autem ad Dominum requiritur, ut nihil injuriosum in eum committatur : et quantum ad hoc accipitur secundum praeceptum, quod est : *Non assumes nomen Domini Dei tui in vanum*. Famulatus autem debetur Domino quantum ad recompensationem beneficiorum, quae ab ipso perci-

piunt subditi : et ad hoc pertinet tertium praeceptum de sanctificatione Sabbati in memoriam creationis rerum.

Ad proximos autem aliquis bene se habet, et specialiter, et generaliter. Specialiter quidem quantum ad illos quorum est debitor, ut eis debitum reddat : et quantum ad hoc accipitur praeceptum de honoratione parentum. Generaliter autem quantum ad omnes, ut nulli noverint inferatur, neque opere, neque ere, neque corde. Opere quidem inferatur noverint proximo, quandoque quidem in propriam personam, quantum ad conversationem personae, et hoc prohibetur per hoc quod dicitur : *Non occides*. Quandoque autem in personam communitatis, quantum ad propagationem proles, et hoc prohibetur, cum dicitur : *Non necabis*. Quandoque autem in rem possessionem, quae ordinatur ad utrumque, et quantum ad hoc dicitur : *Nec furture parus*. Noverint autem oris prohibetur, cum dicitur : *Non loquaris contra proximum tuum per falsum testimonium*. Noverint autem cordis prohibetur, cum dicitur : *Nec concupisces*. Et secundum haec etiam differentiam distinguí possint tria praecepta ordinantia in Deum, quorum primum pertinet ad opus, unde ibi dicitur : *Non facies sculptile*. Secundum ad os : unde dicitur : *Non assumes nomen Domini Dei tui in vanum*. Tertium pertinet ad cor : Quia in hoc et hoc est Sabbathi, secundum quod est morale praeceptum, et praecipitur quies cordis in Deum. Unde, secundum Augustinum, per primum praeceptum reverentiam unitatem primi principii : per secundum, veritatem divinam : per tertium, ejus bonitatem, qua sanctificamur, et in qua quiescimus sicut in terra.)

DE CEREMONIALIBUS PRÆCEPTIS LEGIS MOSAICÆ

Dissertatio.

(AUCTORE EODEM.)

ARTICULUS PRIMUS.

De rituum Mosaicorum divisione et rationibus.

PROPOSITIO PRIMA. — *Veteris legis caeremoniarum convenienter dividuntur in sacrificia, sacramenta, sacra et observantias.*

I. Constat hujus divisionis ratio ex eo quod caeremoniarum nomen his quatuor commune sit. Sacrificia namque caeremoniae dicuntur Numerorum 15, 21. *Offeret vitulum de armento, holocaustum in odorem sanctissimum Domino, et sacrificium ejus de liba, ut caeremoniae postulant.* De ordinatione ministrorum, quod veteris legis sacramentum erat, Levitici, 7, 33, dicitur : *Hæc est unctio Aaron, et filiorum ejus in caeremoniis Domini.* De Sacris, Exod. 58, 24, dicitur : *Hæc sunt instrumenta Tabernaculi Testimonii, quæ enu-*

merata sunt juxta praeceptum Moysi in caeremoniis levitarum. Ad observantias denique spectat quod ait Dominus Salomoni 5 Regum 9, 6 : *Si autem aversione aversi fueritis eos, et filii vestri, non sequentes me, nec eius odientes mandata mea et caeremonias meas, quas proposui eis...* Auferam Israel de super facie terræ quam dedi eis.

II. Hanc divisionem præclare explicat S. Thomas Prima Secundæ, questione 101, art. 4, hoc posito principio quod caeremonialia praecepta ordinantur ad cultum Dei. In quo quidem tria considerari possunt.

1. *Ipse cultus* ; 2. *Cultores* ; 3. *Instrumenta colendi*. Cultus ipse specialiter consistit in sacrificiis, quæ in Dei reverentiam offeruntur. Instrumenta cultus pertinent ad sacra, sicut tabernaculum, altare, arca foederis, vasa, vestes sacerdotales, solemnitates. In cul-

toribus verò duo spectari possunt, scilicet eorum institutio ad cultum divinum, quod fit consecratione quadam vel populi, vel ministrorum; id autem præstant *sacramenta*. 2. Spectari potest singularis eorum conversatio, seu ratio vivendi et agendi, quâ distinguuntur ab his qui verum Deum non colunt, ad quam pertinent *observantia* in cibis, vestimentis, et aliis hujusmodi. Ad sacrificia revocantur oblationes et munera, de quibus Apostolus ad Hebræos 5, 1: *Omnis pontifex ex hominibus assumptus, pro hominibus constituitur in iis quæ sunt ad Deum, ut offerat dona et sacrificia pro peccatis*. Sacrificia quidem et sacramenta multò magis *sacra* erant quàm instrumenta divini cultûs, sed hæc ob relationem ad cultum religiosum, commune nomen sibi proprium fecerunt; cum proprium, quo designarentur, non haberent. Tandem quæ spectabant conversationem populi Deum colentis, communis *observantiarum* nomen retinebant cum *sacra* dici convenienter non possent, quia relationem immediatam ad cultum Dei non habebant, sicut Tabernaculum, vasa, ceteraque divini cultûs instrumenta; sed consecratoria quadam erant cæremoniæ, quatenus populum cultui Dei magis idoneum præstabant.

PROPOSITIO II. — *Cæremoniæ Mosaicæ legis ratione destitutas qui dixerit, se ipsum ratione destitutum probat.*

Propositionis hujus veritas elucescit ex testimonio, quo David præcepta Domini cohonestat, psalmo 18, 9, 10: *Justitiæ Domini rectæ, latificantes cor: Præceptum Domini lucidum, illuminans oculos... Judicia Domini vera, justificata in semetipsa*. Quod sanè dici non posset, nisi justitiæ et sapientiæ regulis omninò consentanea essent, et ob singulares quasdam rationes divino consilio dignas edita, populoque Hebræo tradita.

II. Secundò, Deo, qui *omnia in sapientiâ fecit*, ut dicitur psalmo 104, 24, et de quo Celsus apud Origenem libr. 5, solius philosophiæ lumine illustratus ait: *Deus est omnium quæ in rerum naturâ sunt, ratio; et proinde tam nihil potest sine ratione, quàm sine se ipso facere*. Deo, inquam, injuriam facit, qui aliquas ipsum leges tulisse, aliqua præcepta condidisse asserit, quorum nullæ rationes extent. Quod enim aiunt nonnulli, leges cæremoniales *ad præcepta* ostendenda gratiâ à Deo latas, sive ut summum imperium in servilem Hebræorum gentem ostenderet, probari mihi non potest. Summum namque Dei imperium aliunde satis manifestum est, ut ad illud demonstrandum legibus merè arbitrariis non fuerit opus. Accedit, quòd ejus bonitati et sapientiæ magis conveniat ut leges dederit, quarum exquisitæ sint rationes. Ut enim eleganter ait nuper auctor: « Leges sine ratione non tam principe justo, quàm tyranno moroso dignæ sunt. Leges sine ratione subditos pariunt sine honore, obsequium sine corde, culpam sine pudore. Neque sapientiæ divini sensus animæ naturaliter insitus opinari patitur cum leges ullas rationis ex-

« pertes ferre voluisse. Nam legis ratio est ipsa legis anima, maximè fidelis legis interpret obedientiæ mensura et conciliatrix; illius autem defectus legem ducit in odium primò, deinde in contemptum etiam et desuetudinem. »

III. Tertiò, rituum Ethnicorum à tenebrarum principe inventorum proprium fuit ut ratione destituti essent; contrarium itaque de ritibus Mosaicæ legis à Deo ipso præscriptis est asserendum. Arnobii testimonio lib. 7, adversus gentes ratiocinium istud nittitur: « Si quæcumque, inquit, ab hominibus fiunt, maximèque in sacrâ debent habere suas causas, nec sine ratione est, quidquam in negotiis omnibus et in omni administratione faciendum; edisserite nobis et dicite quæ sit causa, quæ ratio, ut ritibus hisce Deos propitiis. Et infra: Nisi ratio cur quid fiat in sacris ostendatur, et expositam sui causam habeat; non jam illud errori objiciendum est ludicro, sed, ut dicatur expressius, insanix, dementiæ, cæcitati. »

IV. Quartò, idem probat Scholarum Christianarum Princeps S. Thomas Primæ Secundæ, quæstione 102, art. 1, præclarâ hâc ratione. « Cum sapientis sit ordinare; ea quæ ex divinâ sapientiâ procedunt, oportet esse ordinata, ut Apostolus dicit ad Romanos 13. Ad hoc autem quòd aliqua sint ordinata, duo requiruntur: Primò quòd ordinentur ad debitum finem, qui est principium totius ordinis in rebus agendis; secundò, ut id quod est ad finem sit proportionatum fini; ex quo sequitur quòd ratio eorum quæ sunt ad finem sumitur ex fine. Manifestum est autem quòd præcepta cæremonialia, sicut et omnia alia præcepta legis, sunt ex divinâ sapientiâ instituta. Unde dicitur Deuteronomii 4, 6: *Hæc est vera sapientiâ, et intellectus coram populis*. Unde necesse est dicere quòd præcepta cæremonialia sint ordinata ad aliquem finem, ex quo eorum rationabiles cause assignari possint. »

V. Objicies, Christianæ legis præceptis hunc honorem servatum, ut rationalia dicantur, Epistolæ ad Romanos 12, 1: *Rationabile obsequium vestrum*. Doctrinæ Evangelicæ proprium esse ut lac rationale nuncupetur; 1 Petri 2, 2: *Rationabile sine dolo lac concupiscite*; Quibus innuere per antithesim quamdam videntur Apostoli, Judæorum ritus ratione destitutos fuisse, nec quidquam extra Dei voluntatem et summam auctoritatem habuisse, quo illorum obsequium, studiumque demereri possent. Idem innuit Glossa interlinearis ex Haymone Halberstatensi desumpta, in illud Epistolæ ad Ephesios 2: *Legem mandatorum decretis evacuans*: Id est, inquit, *evacuans legem veterem quantum ad carnales observantias, decretis, id est, præceptis Evangelicis quæ ex ratione sunt*. At si observantiæ veteris legis ex ratione erant, frustra evacuantur per rationalia novæ legis decreta. Præterea, discrimen esse fatendum est inter Moralia et Cæremonialia præcepta, quòd illa summâ cum ratione condita sint: actus enim humanos Morales dici à ratione, nemo nescit: ista ergo ratione destituta esse, et ex

mero supremi legislatoris arbitrio pendere consequens est.

Respondet S. Thomas observantias veteris legis, omnesque ritus Mosaicos, sine ratione institutos dici posse, si absolute spectentur. Sic rationem ex se nullam habuit prohibitio vestis ex lana et lino contextæ. Præcepta namque et instituta ceremonialia bonitate naturâ non gaudebant. Unde Ezechielis 20, 25. Dominus ait: *Dedi eis præcepta non bona, et judicia in quibus non vivent.* Sed tamen relativè spectata bonitatem et rationem habebant. At decreta novæ legis, quæ præcipiunt consistunt in fide et dilectione Dei, et omnia præcepta Moralia, ex ipsâ naturâ suâ rationem habent: hominum quippe naturæ et rationi per se consentanea sunt, eosque bonos efficiunt. Unde Ezechielis cap. laudato vers. 21, Deus ipsis ait: *Quæ cum fecerit homo, vivet in eis.*

Obijciens secundò: Plurimas esse Mosaicæ legis ceremonias et observantias, quarum hucusque ratio à viris perspicacissimis et sagacissimis assignari non potuit. Verisimile autem non est, si quæ sunt hujusmodi ceremonialiarum et observantiarum, seu præceptorum eas præscribentium causæ et rationes, eas ita obscuras esse, ut omnium oculos effugiant.

Confirmatur ex auctore Hebræo libri *Ikkarim* sive *De fundamentis legis*, qui Dei legem in tres partes dividit: « Prima pars, inquit, continet præcepta ad Dei scientiam vel intellectum originem suam referentia. « Secunda continet præcepta quæ Deus ex beneplacito suo instituit; eaque proveniunt ex Dei absolutâ voluntate, atque indicant Deum esse eum qui vult. « Vocatur autem hæc, STATUTA, atque continet omnia præcepta quorum ratio ignota est, exempli gr., prohibitionem esûs carnis suillæ, amictum heterogeneum, præceptum de non serendo diversa semina, de immolandâ vaccâ rufâ, et similia quæ omnia sunt ex decreto et arbitrio legis Dei, et sunt mandata ex ipso beneplacito, etc. »

Respondetur: Non sequi quòd nullæ sint legum ceremonialium rationes, etsi pleræquæ sint, quarum assignare rationem hucusque nemo homo potuerit, sed solùm quòd arcanæ sint, obscuræ, et apud ipsum legum conditorem Deum reconditæ, humanæque industriâ vix unquàm eruendæ. Nihilominus præceptorum omnium ceremonialium ratio assignari potest, si generatim spectentur, imò etiam si singulatim ritus quilibet ac observantia consideretur: quamvis singulæ ritûs ejuslibet partes et circumstantiæ rationem ut plurimùm nullam habeant præter summam omnipotentis legislatoris auctoritatem. Id S. Thomæ verbis exprimere malim, quàm meis, Prima Secundæ, quæstione 102, art. 2 ad 3. « Sicut, inquit, in legibus humanis dictum est, quòd in universali habent rationem, non autem quantum ad particulares condiciones, sed hæc sunt ex arbitrio instituentium: ita etiam multæ particulares determinationes in ceremoniis veteris legis non habent aliquam causam litteralem, sed solam figuralem: in communi verò habent etiam causam litteralem. » Idem asserit Maimonides in

Morè Nevuchim, p. 3. (quem librum edidit contra eos qui præcepta legis Mosaicæ nullas certas ob causas ac rationes a Deo data esse, suo tempore contendebant.) « Oblatio hostiæ, inquit, magnam habet utilitatem; sed quòd hostia una debeat esse agnus, alia aries, et quòd numerus ipsarum sit certus et definitus, ejus ratio nulla dari potest; et quilibet et ab omni similibus circumstantiis rationem reddere, is meo iudicio est amentissimus, neque absurditates à se removet, sed potius sibi auget. Is enim aque longe abest à veritate, qui credit istiusmodi particularia habere rationes, atque is qui credit totum præceptum nullam habere utilitatem. At scito, quòd sapientia requirat, vel si mavis, quòd necessitas postulet, ut talia in præceptis existant, quæ nullam rationem habent; et quòd res quasi impossibilis sit in lege ut hujus classis res aliqua in illâ non existat. Modi hujus impossibilitatis sunt isti. Si dicas: Quare illa oblatio debet esse agnus, et non aries? Eadem quæstio mansisset, si loco agni positus fuisset aries: nam necessariò species aliqua esse debuit. Ita si quis dicat: Quare debent esse septem agni, et non octo? Idem quæri posset, si fuissent, octo, vel decem, vel viginti... Tu itaque hoc retine quòd cum sapientes nostri passim dicunt, omnia præcepta suas habere causas, intelligendum id sit de usu sive fine præceptorum generaliter, non verò de singulis illorum partibus et circumstantiis. »

PROPOSITIO III. — *Ceremonialia Præcepta ob eam præcipuè causam Hebræis Deus tradidit, ut eos ab idololatriâ averteret. Eaque vel ipsorum rituum ratio est, quos à Gentium Moribus in legem transcriptos nonnulli perperam ac falsò asserunt.*

I. Prima pars istius propositionis probatur ex Ezechielis cap. 20, ubi Deus populo in memoriam revocat idololatriam, quâ, dum in Ægypto degerent, se ipsos contaminârunt; deinde recenset leges morales quas iis ex Ægypto recens egressis dederat; postea gentis illius contumaciam refert quâ leges illas divinas spernens, in superstitiones Ægyptiacas relapsa est: tum subdit se eis dedisse *statuta non bona*, per quæ non viverent, id est, leges ceremoniales, per se vitam non afferentes, sed ad frangendam duræ cervicis populi contumaciam aptissimas omnemque tollendam occasionem ad impios Ægyptiorum, vel aliarum gentium ritus deflectendi. « Si judicas eos, si judicas, fili hominis, abominationes patrum eorum ostende eis. Et dices ad eos: Hæc dicit Dominus Deus: In die quâ elegi Israel, et levavi manum meam pro stirpe domus Jacob, et apparui eis in terrâ Ægypti, et levavi manum meam pro eis, dicens: Ego Dominus Deus vester, in die illâ levavi manum meam pro eis, ut educerem eos de terrâ Ægypti, in terram quam provideram eis, fluentem lacte et melle... Et dixi ad eos: Unusquisque offensiones oculorum suorum abjiciat, et in idolis Ægypti nolite pollui: Ego Dominus Deus vester. Et irritaverunt me, nolueruntque me audire: Unusquisque abominationes oculorum suorum non projecit, nec idola Ægypti reli-

querunt : et dixi ut effunderem indignationem meam
super eos, et implem iram meam in eis, in medio
terre Egypti. Et feci propter nomen meum, ut non
violaretur coram Gentibus, in quarum medio erant,
inter quas apparui eis, ut educerem eos de terrâ
Egypti. Et feci ergo eos de terrâ Egypti, et eduxi
eos in desertum. Et dedi eis præcepta mea, et judicia
mea ostendi eis quæ faciens homo vivet in eis... Et
irritaverunt me domus Israel in deserto, in præcep-
tis meis non ambulaverunt, et judicia mea projece-
runt, quæ faciens homo vivet in eis : et sabbata
mea violaverunt vehementer : dixi ergo ut effun-
derem furorem meum super eos in deserto, et
consumerem eos. Et feci propter nomen meum, ne
violaretur coram Gentibus, de quibus eieci eos in
conspectum earum... Iterum levavi manum meam
in eos in solitudine, ut dispergerem eos in nationi-
bus, et ventilarem in terras ; eò quòd judicia mea
non fecissent et præcepta mea reprobassent, et sab-
bata mea violassent, et post idola patrum suorum
fuissem oculi eorum. Ergo et ego dedi eis præcep-
ta non bona, et judicia in quibus non vivent. »
Præcepta illa non bona, et judicia vitam non afferen-
tia, Deum Israelitis dedisse manifestum est, ut eos ab
idololatriâ averteret. Illa porrò præcepta esse leges
cæremoniales, constat cum ex antithesi quam inter
ipsa et præcepta moralia, in quibus homo vivet, Deus
instituit, tum ex interpretatione Patrum, qui locum
illum sic explicant, et propositionis nostræ veritatem
approbant.

II. Ita S. Justinus Martyr in dialogo cum Triphone
Judeo, p. 140 : « Itaque sacrificia à vobis non recipit
Deus, neque primitiis tanquam penuriâ laborans,
hæc præcepit vobis, sed propter delicta vestra. Nam
et Templum quod vocatur Hierosolymitanum, non
veluti indigus, vel domum, vel aulam suam fassus
est; verum ut ibi quoque in illum intenti simulacra
ne coleretis... Quòd si ista ad hunc modum non
fuerimus professi, eveniet nobis ut in absurdas inci-
damus cogitationes, quòd non idem Deus temporibus
Enochi, et aliorum omnium fuerit; qui neque cir-
cuncisionem, quam in carne non habebant, neque
sabbatum servaverunt, neque alia insuper quæ Moses
fieri mandavit : aut quòd non eodem eundem jussa
semper genus omne hominum exsequi voluerit.
Quæ sanè ridicula et stulta ad proferendum esse ap-
parent. Per causam verò et culpam hominum pec-
catorum, Deum qui idem semper est, ista et his si-
milia sanxisse, si profiteamur, cum ipsam perhu-
manum, et futurorum præscium, et locupletem, et
justum, et bonum esse (ut est) decreverimus. »
Idem p. 556 et 557. « Nam sine observatione sabbati
qui nominati modò sunt justi omnes Deo compla-
cuerunt, et post illos Abraham, atque ejus liberi
cuncti, ad Moysen usque; sub quo injustus et erga
Deum ingratus populus vester apparuit, vitulo in
solitudine fabricato. Unde Deus ad populum illum
se accommodans, hostias quoque offerre tanquam
nomini suo præcepit, ut ne simulacra coleretis...

Quin et sabbata peragere vos jussit, ut Dei recorda-
remini. Nam et verbum ejus hoc significat dicens :
Et cognoscetis me esse Deum Redemptorem vestrum.
Jam et à cibis quibusdam ut vos abstineatis, vobis
mandavit, ut etiam inter edendum et bibendum vo-
bis versaretur Deus, promptis admodum et procu-
rilus ad deficiendum à notione ejus. Idem p. 265.
Propter duritiam cordis populi vestri cunctas hujus-
modi sanctiones Deum per Moysen vobis tulisse in-
telligitis : ut per complura ista instituta, in actione
omni ob oculos vobis esset Deus ; ac neque injustò
facere, neque impiè agere occiperetis. »

III. Ita S. Hier. Commentario in Ezechielis cap. 20 :
Potest, inquit, et hoc dici quòd ante offensionem De-
calogum acceperint, post idololatriam verò et bla-
sphemiam multiplices legis cæremonias, ut Deo po-
tius offerrent victimas, quas demonibus offerebant,
et comparisone sacrilegii, levius fieret, quod non
erat per se bonum, et nequaquam malum, quia Deo
offerebatur. Tum demùm Deum Cæremonialia
præcepta Judæis tradidisse S. Hieron. innuit, cum fœ-
dus de Deo vero colendo violassent, et vitulum au-
reum adorassent; idque legislatorem optimum maxi-
mum præstitisse ut eos ab idololatriâ averteret. Id ex
Apostoli verbis ad Galatas 3, 19, confirmatur. *Quid igitur
lex? Propter transgressionem posita est*, etc., quibus
verbis indicat interprete Theophilacto : « Legem non
esse præcipuè ac primo consilio datam, quemadmo-
dum promissiones; sed veluti obiter additam ob
multas transgressiones, ut aliquod saltem colibe-
ret. »

IV. S. Aug. Epistolâ 82, aliâs 19, cap. 4, laudata
Ezechielis verba de cæremonialibus Mosaicæ legis
præceptis exponit : « Cur autem non dicam præcepta
illa veterum sacramentorum nec bona esse, quia non
in eis homines justificantur, nec tamen mala, quia
divinitus præcepta sunt temporis personisque con-
gruentia, cum me adjuvet etiam prophetica senten-
tia quâ dicit Deus se illi Populo dedisse præcepta
non bona? Fortè enim propterea non dixit mala, sed
tantum non bona, id est, non talia, ut illis homines
boni fiant, aut sine illis boni non fiant. »

V. S. Cyrillus Alexandr., libro 9 adversus Julia-
num, p. 522 et 525, Ezechielis locum eodem modo
explicat, et nostræ propositioni subscribit. « Cum Is-
raelite, inquit, nondum satis firmam in Dei cogni-
tione mentem haberent, ab officio suo citò discede-
bant, et ad deficiendum à Deo valde proclives erant,
et instigare non cessabant; vitulum quippe colla-
bant, ac dicere ausi sunt : *Hi Di tui, Israel, qui
educerunt te de terrâ Egypti.* Proindeque iis, cum
levibus ac rudioribus, obscura lex data est, quæ per
typum vix ad rerum verarum intellectum eveheret,
nequid tamen sanctæ vite iter manifestè panderet.
Quòd autem Deus legem in litteris, et umbris posi-
tam Israeli desipienti et peccati reo, ac recti nescio
cum adhuc infantibus tulerit; accipies ab ipso per
Isaie vocem ita dicente : *Et levavi manum meam su-
per eos in deserto*, etc. Et ego dedi eis præcepta non

bona, et justificationes, in quibus non vivit in eis. Dedit enim eos qui a benevolentia Dei non bene, et confidit videri non habebant. Dei conortio profectus excedere, et in Gentium regionibus vagari cum misericordia orbatos. Cum autem bonus sit, et sapientissimus Moyses precos respectet, legitima quidem eis dedit ad eos erudiendos, sed non bona, sicut ipse ait, neque certe vitam eis qui illa impleverint prestare valuit. Non bona autem Præcepta quidem? Si veritatis nimirum deus respicias. Veritas enim figuris incomparabiliter præstat. Siquidem fictitium non est Israelitis nullum plane cupisse fructum ex eo quod panibus non fermentatis vescerentur: Deum tamen in his qui nequitie fermentum abiciunt, et perpuratum cor habent, nec impuri aut profundi quæquam appetunt, tanquam singulare munus largiri, ut æternæ vitæ sint participes. Isaïam pro Ezechiele laudat S. Cyrillus ex memorie lapsu viris maximus interdum contingente.

VI. Theodoretus commentario in Ezechielem, hunc locum: *Dedit eis præcepta non bona, et justificationes, in quibus non vivit in ipsis*, explicans, aliorum interpretatione rejectâ, suam adstruit proposito nostro congruentem. Quadam igitur, inquit, hæc de idolorum cultu dicta acceperunt, dedit, pro permisi, inquit illegentes; sed perspicuum est nequaquam eos eorum quæ dicta sunt sententiam percipisse; impiam enim idolorum religionem nemo recte sentiens non bonam dixerit, sed admodum malam. Non ergo sapientie fons, pietatis legislator, impietatis accusator, extremam impietatem non bonam appellavit, quam multæ terminum vocat. Aliâ igitur hæc innuit oratio. Cum enim dederim, inquit, justificationes ipsis, quas faciet homo, et vivet in eis et per hoc intelligit decem verba legis, a quibus migrarunt ipsi, atque ea sine ullo metu aspernari perseveraverunt, aliis eos præceptis obstrinxit, ac veluti affixi, quæ vitam nullam ipsis ministrare poterant, sed suâ observatione et in ipsis occupatione id efficiebant, ut necessarias leges illas violare desisterent. Per hæc autem innuit præcepta de leprâ, de ossibus cadaveris et morticinio, et de aliis hujuscemodi, et crebras propter hæc expiationes, et sacrificia quæ pro his offeruntur. In his enim observandis illis occupati, non amplius necessarias illas et utiles leges poterant aspernari. Ideo non dixit dedisse se illis mala præcepta, sed non bona. Neque enim vitium eloccebant, neque virtutis ipsa per se erant efficiëntia; sed crebro ad sacrum Dei templum adventare, et Deo præsto esse cogebant. Qui enim se pollutum credebat, is ad expiationem accurrebat; ad quam cum pervenisset, in Dei memoriam redibat; atque hæc ipsa memoria impiam mentem exterminans, divinas leges observandas persuadebat. Ipsa igitur per se non bona, quæ divino consilio haud consueiebant, sed eorum quibus lex imponebatur, imbecillitati congruebant: Non tamen ipsa pulchra neque necessaria, ad bona et necessaria ducebant.

VII. Secundò eadem veritas probatur aliorum Pa-

trium, seu scriptorum ecclesiasticorum suffragis, extra citandis Iacobellis commentationem ipsa subscribentibus, scilicet ex Eusebio Cæsariensi, lib. 4 Demonstrationis Evangelicæ, cap. 4, ubi de veteri Testamento sic loquitur: Illud enim lapsus a veterum pietate Judæis, vitæque Aegyptiorum ac moros circulantibus, et ad errorem colendi multos fluxus, superstitionemque Gentium, quæ simul etiam venerabatur, desinantibus, legis loco impositum est, ut et eos qui ceciderant excitaret, et mentis inter ipsos doctrinis confessos atque prostratos erigeret. Et cap. 6 Moyses interea lex ingressa quasi puerilium imperfectarumque animarum curatrix quædam, et gubernatrix, aut etiam medici ejusdam instar, gravi Aegyptiæque morbo laboranti universæ Judeorum nationi tradita est. Nam quia cum Aegyptiis versantes post sanctorum patrum mortem, Aegyptiorum morum similitudine allecti erant, et in multorum Deorum superstitionem deciderant, adeo quidem ut Aegyptiis amplius nihil habere, et illis in omnibus similes, tum in errore simulacrorum, tum in aliis quoque facinoribus evasisse viderentur: Merito quasi ex profundo malorum ipsos hauriens Moyses, ab impiâ Deorum multitudine amovit, et ad opificem universi Deum reduxit perfectiorum illorum vitam, quasi in ingressibus et vestibulis, pro primo gradu pietatis obijciens. Deinde quasi imperfectis illis simulacrorum cultu interdicto, per quædam arcana seorsum signa, ut Religionem quam ipse probabat complecterentur, edicens, sacrificiis et quibusdam corporalibus caeremoniis, unum supra omnia Deum ut colerent, præcepit.

VIII. Idem asserit S. Joannes Chrysost. Enarratione in cap. 4 Isaïæ: Ea victimæ, inquit, non sunt à principio institute; sed ita ut essent ratio quedam instituendi Judæos, et illine avocandi ad aliam conversationem. Illi verò cum se totos occuparent in istis caeremonialibus, neglectis interim quæ urgebant necessariò, dixit Deus se deinceps ejus caeremonias legis non admittere: Neque veneritis ut appareatis mihi, si accesseritis, inquit, ad templum meum. Quis enim quesivit hæc de manibus vestris? Et quidem totus ille libellus qui Leviticus dicitur, de fisdem hostiis conscriptus est, de his sedulo sanciens. Rursus in Deuteronomio, in aliis item plerisque locis multe de his intersperse leges sunt. Quo igitur sensu hic ait: Quis quesivit hæc de manibus vestris? Ut discas, quòd illa voluntas Dei non fuerit principalis, aut prægrediens: sed ab illorum infirmitate sumpsit exordium, quæ de his est, legislatio. Quem admodum enim mulierem semel viro conjunctam volebat ab ejus communione divelli, cupiens tamen graviora mala excedere, nimirum, ne dum ea et interdicto viris à se eam excludere, huc necessitatis adigantur ut invisas ac domi existentes jugulent: quod minus erat malum, ob hoc fieri permisit. Ita sanè et hic interdicto cavet, ne victimas immolarent diæmoniis: Ea tamen passus est sibi offerri, ut quod cupiebat, rectè proveheret ac perliceret. Et

infra, cæremonialia præcepta cum moralibus comparans, hæc habet : « Mandatorum hæc quidem propter se fiebant, illa verò alias ob causas jubebantur, ut fierent : sicut est hoc, Deum novisse, ne homicidium committerent, ne adulterarentur; et quæcumque talia per legem sanciebantur propter utilitatem ex eorum observatione prodeuntem. Atqui immolatio, incensi oblatio, observatio Sabbati, et quæcumque ejusmodi è Religione sunt, non ut hæc ipsa simplici quâdam ratione fierent; quin potius ut per harum assiduam commentationem curamque abducerentur à cultu dæmonum. »

IX. Suffragatur iterum S. Cyrillus Alexandr. epistolâ ad Acacium, de Capro Emissario scriptâ, disertè asserens : « Universorum Deum ad evertendum Gentilium errores, qui multos Deos colebant, eorumque illuminationem qui in tenebris sedebant priscis illis legem suam per Moysen tulisse. »

X. Istorum Patrum sententiæ subscribit S. Thomas, Primâ Secundæ, quæstione 102, art. 2, ubi inter rationes litterales præceptorum cæremonialium hanc primo loco recenset, quòd data sint *ad vitandum Idololatriæ cultum*. Articulo verò 3, ait : « Secundum quod sacrificia ordinabantur ad cultum Dei, causa sacrificiorum dupliciter accipi potest. Uno modo, secundum quòd per sacrificia repræsentabatur ordinatio mentis in Deum, ad quam excitabatur sacrificium offerens. Ad rectam autem ordinationem mentis in Deum pertinet, quòd omnia, quæ homo habet, recognoscat à Deo tanquàm à primo principio, et ordinet in Deum tanquàm in ultimum finem, et hoc repræsentabatur in oblationibus et sacrificiis : Secundum, quòd homo ex rebus suis quasi in recognitionem, quòd haberet ea à Deo, in honorem Dei ea offerebat, secundum quod dixit David, 1 Paralipomenon 29 : *Tua sunt omnia, et quæ de manu tuâ accepimus, dedimus tibi...* Alio modo, ex hoc quòd per hujusmodi retrahebantur homines à sacrificiis idolorum. Unde etiam præcepta de sacrificiis non fuerunt data populo Judæorum, nisi postquàm declinavit ad idololatriam, adorando vitulum conflatilem. Quasi hujusmodi sacrificia sint instituta, ut populus ad sacrificandum promptus, hujusmodi sacrificia magis Deo quàm idolis offerret. Unde dicitur, Jeremie 7 : *Non sum locutus cum patribus vestris, et non præcepi eis, in die quâ eduxi eos de terrâ Ægypti, de verbo holocaustum et victimarum.* »

XI. Accedit ad nostræ propositionis confirmationem Maimonidis inter Hebræorum magistros doctissimi suffragium in More Nevochim, p. 3, cap. 29 : « Nôsti, inquit, ex pluribus Scripturæ locis, quòd prima legis nostræ intentio sit idololatriam tollere, memoriam illius, et omnium quæ illi adhærent, aut hominibus ad illam vel minimam occasionem præbent declinare. »

XII. Probatur pars altera propositionis, quòd scilicet illi ipsi ritus, quos ex gentium moribus in legem transcriptos viri quidam eruditi contendunt, ob eam rationem in eumque finem sint instituti, ut Judæos à

peregrinis ad patrios mores, et ab idolis ad veri Dei cultum sensumque revocarent : Primò ex ipsorummet hujus opinionis auctorum confessione, qui fatentur ethænicorum ritus nonnisi emendatos, et Dei sapientissimi limam passos, Deum in Mosaicam legem transtulisse, et per συγκατάθεσιν illam Israelitas à gentium idolis, et cæremoniis sensim et suaviter advocare studeisse. Ita loquitur Spencerus in Præfatione lib. 3 de *Legibus Ritualibus Hebræorum*.

XIII. Secundò, id omninò probant Patrum, seu aliorum scriptorum Ecclesiasticorum testimonia, quibus ceu sententiæ suæ patronis gloriantur, scilicet S. Hieronymi, Commentario in cap. 5 S. Matthæi, dicentis : « Hoc quasi parvulis erat lege concessum, ut, quemadmodum victimas immolabant Deo, ne eas idolo immolarent, sic et jurare permitterentur in Deum : non quòd rectè hoc facerent, sed quòd melius esset id honoris Deo exhibere, quàm dæmonibus. » Et Commentario in cap. 4 ad Galatas : « Arguit illos Apostolus, inquit, quia dies festos et tempora Judæorum observare vellent, sicut antea idolis fecerant. Nam Judæis illi dies idcirco concessi sunt, ne eos amore festivitatis idolis exhiberent. »

XIV. S. Joannis Chrysost. homiliâ 6 in S. Matthæum : « Ne igitur opineris, inquit, Deo indignum, quòd magi per stellam vocantur. Hoc enim modo omnes Judæorum cæremonias, omnesque ritus, et sacrificia, atque purificationes, et neomenias, et arcam, templumque ipsum reprobabis. Siquidem hæc omnia originem à Gentium ruditate traxerunt. Sed Deus ob deceptorum salutem, per ea ipsa se colipassus est, per quæ illi dæmones ante coluerant, aliquandiù illa in melius inflectens, ut eos paulatim et à consuetudine suâ reduceret, et ad philosophiam perduceret altiore. »

XV. Beati Theodoretî sermone 7, de *Sacrificiis*, ubi cum falsos gentium Deos victimarum nidore, velut coquos delectari præmisisset, subjungit : « Hæc autem et ipsi fortassè, in verum ac sempiternum Deum retorquere audebunt; quippe qui de sacrificiis in divinâ Scripturâ latas leges audiunt, Legislatoris autem consilium prorsus ignorant. Israel enim longinquum tempus in Ægypto versatum, pravisque indigenarum moribus imbutum, et idolis ac dæmonibus immolare ab illis edoctum, et ludis choreisque, ac musicis organis oblectari, harum rerum in habitu constitutum liberare volens, sacrificare quidem permisit, non tamen omnia sacrificare, neque falsis Ægyptiorum Diis, sed sibi soli Ægyptiorum Deo offerre. Deorum siquidem in numero bovem olim habebant Ægyptii, et ovem, et capram, et columbam, et turturem, et alia quædam ex iis quæ non esculenta erant, sed immunda vocabantur. Ne itaque indignarentur, tanquàm à moribus illis penitus exclusi, falsis quidem Diis sacrificare vetuit, sibi autem ea immolare jussit, quæ ab eis dudum adorabantur... Haud itaque victimarum indigens Deus, nidorisque appetens sacrificia illa instituit, sed ut agrorum affectibus mederetur. Ita et musica

« instrumenta passus est esse, non quòd illorum concen-
 « tu oblectaretur, sed ut idolorum errorem paulatim
 « aboleret. Nam si ut primum ab Ægyptiorum
 « potestate liberati sunt, perfectas eis leges objecis-
 « set, resillissent prorsus, frenumque respuentes ad
 « pristinam labem recurrissent. »

XVI. S. Cyrilli Alexandrini, quem ante Theodoretum
 laudare debueram, lib. 16 de Adorazione, ubi hæc
 habet : « Gentilium dementissima natio, suas consue-
 « tudines secuti, et more mutarum pecudum viventes,
 « promittebant comam, demoniis eam nutrire pro-
 « fessi. Atque alius quidem nymphis, quas orades
 « appellabant, alius fluvio, cum visum esset, offerre-
 « bant; atque religionis loco ea res habebatur. Sapien-
 « tissimus itaque Moses, imò per Mosem Deus cum
 « intelligeret, non facilè Hebræos, quos in Ægypto
 « mores imbibissent, deponere posse, similes ritus in-
 « stituere decrevit, sensim eos à priscis erroribus
 « disjungens. Quibus ritibus non demones ultra, sed
 « Deum omnipotentem quasi sub umbrâ et figurâ co-
 « lerent. Ob eam rationem legem de sacrificiis tulit,
 « illasque cruentas victimas haud admodum libenter
 « accipiebat. »

XVII. Probatur tertia pars propositionis : Quòd scilicet
 viri quidam eruditi falsò ac perperam asserant, Deum
 plerosque ritus ethnicorum in legem cultumque suum
 transtulisse : Primò ex ipsis Dei verbis, qui se ritibus
 ab iis, quos ethnici, et inter alios Ægyptii, in honorem
 numinum suorum frequentabant, diversis coli velle non
 semel significat Israelitis, Deuteronomii cap. 12, 30, 31,
 32, 33. Cave, inquit, ne imiteris eas, postquam te fuerint
 introeunte subversæ, et requiras caeremonias earum, dicens :
 Sicut coluerunt gentes illæ Deos suos, ita et ego colam. Non facies
 similiter Domino Deo tuo. Omnes enim abominaciones,
 quas aversatur Dominus, fecerunt Diis suis, offerentes
 filios et filias, et comburentes igni. Quod præcipio tibi,
 hoc tantum facito Domino : Nec addas quicquam, nec
 minuas. Et Levitici 18, 2, 3, 4 : Ego Dominus Deus
 vester : juxta consuetudinem terræ Ægypti, in quâ habitastis,
 non facietis : et juxta morem regionis Chanaan, ad quam
 ego introducturus sum vos, non agetis, nec in legitimis
 eorum ambulabitis. Facietis judicia mea, et præcepta mea
 servabitis, et ambulabitis in eis. Ego Dominus Deus
 vester. Præterea, leges caeremoniales eo consilio Deus
 Israelitis dedit, ut earum observantia, veluti pariete
 intergerino eos à gentium communione ac moribus omninò
 separaret, ut docet Apostolus ad Ephesios 2, 14, 15, ubi
 de Christo sic loquitur : Ipse enim est pax nostra qui fecit
 utrâque unum, et medium parietem macerie solvens,
 inimicitias in carne suâ; legem mandatorum decretis
 evacuans, ut duos condat in semetipso in unum novum
 hominem, faciens pacem, et reconciliet ambos in uno
 corpore Deo per crucem, interficiens inimicitias in
 semetipso. Hocne vero consilio congruebat, ut gentium
 ritus non paucos, quos ineptias nôrat esse tolerabiles,
 ut Spencerus loquitur, in sacrorum suorum numerum
 adoptaret? Tertiò, Deum leges caeremonia-

les condidisse ad abolendam idololatriam, satis superque
 probavimus. An verò gentium mores in legem transferre
 ad eum finem consequendum conveniens fuisset? Certe
 rituum similitudo tam facile Judæos ad cultum idolorum,
 quàm gentes ad cultum veri Dei allicere potuisset.
 Tertiò, legales caeremonias Deus instituit, ut Christi
 et mysteriorum ipsius figuræ essent, ut docet Apostolus,
 Epistolæ ad Colossenses cap. 2, 16, 17 : Nemo vos
 judicet in cibo, aut in potu, aut in parte diei festi,
 aut neomeniæ, aut Sabbatorum, quæ sunt umbra
 futurorum : Corpus autem Christi. Conveniensne
 fuisset ut Deus ex daemonis officinâ, ex ethnicorum
 superstitione lineamenta mutuaretur, quibus Christi
 salvatoris, mysteriorum ejus, atque rerum spiritualium
 ad regnum et fideles ejus pertinentium figuras et
 imagines adumbraret? Quartò, ritus plerique omnes,
 quos à gentibus ad Hebræos derivatos Spencerus
 asserit, vel è Patriarcharum moribus manasse
 manifestum est, ut ritum primitiarum ac decimarum
 Deo offerendarum, de quo Genesis, 4, 5, 14, 20, 18,
 22. Altarium ac titulorum in Dei honorem erigendorum,
 eaque olei effusione dedicandorum, et sacrificiorum
 oblationem, de quibus Genesis, 8, 20; 12, 7, 8, 13,
 18; 15, 9; 22, 5; 28, 17, 18, 22; 31, 54; 35, 11.
 Vel ritus hujuscemodi ab Hebræis traductos ad gentes
 longè verisimilius videtur, dæmone divini cultûs æmulo
 victimarum frequentium caeremonias, templorum
 religiones, lustrationum exercitia, festorum solemnitates,
 aliasque caeremonias Mosaicæ legis contaminante,
 interpolante, et ad idolorum cultus transferente. Sanè
 auctores omnes, quorum testimoniis probare nititur
 Spencerus ritus plerosque Mosaicæ legis è moribus
 gentium esse derivatos, longè recentiores sunt Mosis
 ætate. Cum enim ad ritus particulares descendit, ut
 hypothesim suam exemplis firmet, alios auctores non
 laudat quàm gentium historicos, poetas, philosophos,
 qui fidem licet faciant ritus illos ætate suâ inter gentes
 usitatos fuisse, non tamen ante Mosis tempora. Argumentum
 à Mosis antiquitate petatum invicti esse roboris tam
 contra eos qui ritus legis Mosaicæ ex moribus gentium
 derivatos contendunt, quàm contra eos qui plerasque
 historias à Moyse in Genesi scriptas, et fabulis gentium
 ab ipso interpolatas impiè olim asseruerunt, patet ex
 loco illo Origenis, lib. 4 contra Celsum : Et quoniam
 putat Mosem, quæ scribit de Turri, confusioneque
 liguarum, depravasse ex Aloidarum fabulâ, et ad
 Turrim suam transtulisse; equidem dixerim, Aloxi
 filiorum ante Homerum in litteris meminisse neminem,
 at quæ de Turri Moses prodidit, antiquiora esse
 non tantum Homero, verum etiam primis græcarum
 litterarum inventori- bus. Uter igitur alterius scripta
 depravavit, scriptorne Aloidarum fabulæ, historiam
 Turris; an is qui de Turri, et linguarum confusione
 meminit, Aloidarum fabulam? Certè incorruptis
 auditoribus apparet, quòd Moses sit Homero antiquior.
 Sic et quæ de Sodomis, et Gomorrhis propter peccatum
 igne deletis Moses narrat in libro Geneseos, Celsus
 comparat cum Phaetontis historiam, in eundem iterum

82 impingens lapidem ob non servatam antiquitatem
 « Moses temporum. Nam hi qui de Phaetonte fabu-
 « lantur, videntur Homeri ætate posteriores, quo
 « Moses fuit tantò antiquior. » Simili adversùs Mars-
 hamam, et Spencerum utimur argumento. Auctores
 omnes, quorum testimoniis probare nituntur legis
 Mosaicæ ritus plerosque inter gentes olim usitados, et
 à Deo ex moribus gentium in legem cultumque suum
 translatos, longè remoti sunt à mosaicorum temporum
 antiquitate. Ex ipsis itaque colligi non potest ritus il-
 los ante Moysen in usu fuisse gentium illarum. Fac-
 cessant itaque hoc in argumento Herodotus, Pausa-
 nias, Diodorus Siculus, Lucianus, Plutarchus, Apule-
 ius, Macrobius, Homerus, Martialis, Ovidius, Virgilius,
 poetæ omnes, quorum nominibus ac sententiis opus
 suum eruditus Spencerus implevit. Hi enim de ritibus,
 ut dixi, in Sacris gentium, de quibus scribebant, suâ
 ætate frequentatis testes idèi esse possunt, non de
 ritibus ante Moysen tempora usurpatis. Denique Tacitus,
 libro 5, Historiæ, Marsham et Spenceri opinionem
 jugulat his verbis: « Moses, quò sibi in posterum gen-
 « tem firmaret, novos ritus contrariosque cæteris
 « mortalibus indidit. Profana illis omnia, quæ apud
 « nos sacra. Rursùm concessa apud illos, quæ nobis
 « incesta... Hi ritus quoquo modo inducti, antiquitate
 « defenduntur. Cætera instituta sinistra, foedâ pravi-
 « tate valere. »

XVIII. Sed age, Spenceri argumenta expendamus.
 Primum petit ex illis S. Pauli verbis, Act. 13, ubi de
 Israelitis agens: *Deus, inquit, per quadraginta annos*
mores eorum toleravit in deserto. Ibi verò per mores
quos Deus tulit, intelligendæ videntur consuetudines
aliquæ, pueriles magis quàm profanæ, quarum non-
nullas ad tempus sustinuit, alias autem in sacrorum
suorum classem transtulit.

Respondetur, arbitrariam prorsùs esse Spenceri
 interpretationem. Mores Israelitarum, quos Deus sus-
 tinuit in deserto, frequentes fuere defectiones ad cul-
 tum idolorum, legis divinæ violationes, murmurationes
 in Deum et Moysen, infra meritum puniæ, ut
 docet Deus ipse apud Ezechielem, cap. 20, 13, et seq.
Et irritaverunt me domus Israel in deserto, in præceptis
meis non ambulaverunt, et judicia mea proiecerunt, quæ
faciens homo vivet in eis: et Sabbata mea violaverunt
vehementer. Dixi ergo ut effunderem furem meum su-
per eos in deserto, et consumerem eos. Et feci propter
nomen meum, ne violaretur coram gentibus, de quibus
rejeci eos in conspectu earum. Ego igitur levavi manum
meam super eos in deserto, etc. Et pepercit oculus meus
in deserto. De iis moribus loquitur S. Paulus, propter
quos Deus se Judæorum nationi quadraginta annis
offensum fuisse ait per Davidem, Psalmo 94, 9,
10, 11. Sicut in irritatione secundum diem tentationis
in deserto: Ubi tentaverunt me Patres vestri, probave-
runt et viderunt opera mea. Quadraginta annis offensus
fui generationi huic, et dixi: Semper hi errant corde.
Et isti non cognoverunt vias meas. Sanè si quos gentium
mores pueriles magis quàm profanos Deus in legem

suam transcripsisset, hos approbasse potius, quàm
 tolerasse diceretur.

XIX. Secundum argumentum petit Spencerus ex iis
 locis, quibus olim institutionum legalium observatio
 præcipue nitebatur. Observat nimirum in locis pleris-
 que, quibus Deus de præcipuæ notæ ritibus et insti-
 tutis agit, eum vocibus permittentem et dirigentem,
 potius quàm præcipientem et adhortantem indicantibus
 uti. Exodi 20, 25: *Si altare lapideum facere velis mihi,*
non ædificabis è sectis lapidibus. Levitici 1, 2: Si quis
è vobis obtulerit oblationem Domino, offeretis de pecori-
bus, etc. Numerorum 7, 61: Si quispiamnaverit op-
tum ad separandum se Domino, se à vino, etc. Ex qui-
bus colligit, ritus illos permissos potius fuisse, quàm
præceptos, et à seculi consuetudine magis quàm
Dei voluntate, et intentione primariâ derivatos.

Respondetur ceremonias omnes, quæ divinâ lege
 continentur, à Deo præceptas, non permissas tantum-
 modò fuisse, ut constat ex Deuteronomii 5, 31, 32,
 ubi Deus Moysen his verbis compellat: *Tu verò hæc*
sta mecum, et loquar tibi omnia mandata mea, et cære-
monias, atque judicia: quæ docebis eos, ut faciant en
in terrâ quam dabo illis in possessionem. Custodite igitur
et facite, quæ præcepit Dominus Deus vobis: Non de-
clinabitis neque ad dexteram, neque ad sinistram.
 Cap. 6, 1: *Hæc sunt præcepta, et cæremoniae, atque*
judicia, quæ mandavit Dominus Deus vester ut docerem
vos, et faciatis in terrâ, ad quam transgrediamini possi-
dendam. Et ex postremis Levitici verbis: Hæc sunt
præcepta, quæ mandavit Dominus Moysi ad filios Israel
in monte Sinai. Et ea ipsa loca quæ Spencerus profert,
 præceptum, non meram permissionem aut toleran-
 tiam notant, quamvis præcepta illa hypothetica sint,
 non absoluta. Si quis altare lapideum Deo erigeret,
 quod liberum erat (poterat enim de terrâ facere) præ-
 cepto divino tenebatur ad illud extruendum ex impoli-
 tis lapidibus. Si quis sacrificium offerret statis tem-
 poribus, vel pro suâ devotione, præcepto adstringe-
 batur ad eas victimas offerendas, quas Deus lege
 præscripserat. Si quis voto Nazareatus se obstrinxis-
 set, quod liberum erat, aliter ex Dei præcepto
 tenebatur à vino, et omni potu quod inebriare potest.

XX. Tertium argumentum arcessit Spencerus ex
 Epistolâ ad Galatas 4, 5: *Cum essemus parvuli, sub*
elementis mundi eramus servientes. Elementa enim
mundi, ritus interpretatur Israelitis cum mundo com-
munes, videlicet templa, aras, victimas, aliosque
mores, qui à gentibus ad Judæos per demissionem
quamdam Dei venerant.

Respondetur Mosaicæ legis cæremonias et obser-
 vantias, elementa mundi, ob eam rationem quam
 affert Spencerus ab Apostolo non appellari, sed ele-
 menta quidem vocari propter earum ruditatem et im-
 perfectionem, metaphorâ sive à naturâ, sive ab arte
 petitiâ. Mundi autem elementa, quia terrena erant,
 sensibilia, e mundo sumpta, et ex illis rebus, quas
 mandati homines cum iis quoque communes habe-
 bant, præsertim verò ex diebus, mensibus, annis,
 et temporibus, quæ solis, et lune cursu perficiuntur :

vel quia Deus mundum, id est, homines in mundo constitutos erigere volens: a tenuibus illis principibus exorsus est, pietatis scholâ ipsos veluti adhuc pueris pedagogi disciplinâ instituendis, in uno duntaxat mundi angulo aperta. Addiderunt, hunc locum optimo interpretis de gentibus, non de Judæis interpretari, et mundi elementa, cælum, terram, solem, sidera intelligere, eos dendum qui natura non sunt dii, quibus gentes olim serviebant, antequam Evangelii lumine collustrarentur. In eorum itaque personâ loqui sanctum Paulum, quibus ad evangelizandum missus erat, cum ait: *Sub elementis mundi eramus servientes*. Unde et postea subdit, vers. 8, 9, 10: *Sed tunc quidem ignorantes Deum, iis, qui natura non sunt dii, serviebatis. Nunc autem cum cognoveritis Deum, imo cogniti sitis a Deo, quomodo convertimini iterum ad infirma et egena elementa, quibus deo servire vultis? Dies observatis, et menses, et tempora, et annos. Hanc postremam interpretationem tradidit sanctus Augustinus in expositione Epistolæ ad Galatas. Priorem sanctus Joannes Chrysostomus, et Theodoretus; utramque S. Hieronymus proponit: « Elementa mundi, inquit, cælum et terram, et ea que intra hæc sunt, plerique appellata putant. Quod videlicet solem, lunam, maria, sylvarum, et montium Deos, et sapientes Græciæ, et barbaræ nationes, Romanique omnium superstitionum semina venerentur. A quibus, cum Christus venerit, liberamur, intelligentes ea creaturas esse, non numina. Alii elementa mundi, legem interpretantur Moysi, et eloquia Prophetarum; quod per hæc quasi initia et exordia literarum, Dei timorem, qui sapientiæ principium est, suscipiamus.... Ab his elementis, postquam venerit temporis plenitudo, redimimur, ad majora gradientes, adoptionem recipimus filiorum.... Potest igitur (ut diximus) Moysi lex, et prophete pro elementis accipi litterarum, quod per eas syllabæ jungantur, et nomina, et non tam sui, quam alterius rei utilitate discantur, ut possimus orationem legere contextam, in quâ sensus magis, et ordo verborum, quam litterarum principia considerantur. Quod autem legem, et prophetas, elementa mundi interpretati sumus, mundus pro his qui in mundo sunt accipi solet, eodem Paulo dicente: *Deus erat in Christo mundum reconcilians sibi*. Et in Evangelio: *Et mundus per eum factus est, et mundus eum non recepit*. » Hos interpretum reverâ coryphæos Spencerus consultius sequeretur, quam Grotium ingenio suo in Scripturæ Sacræ interpretatione liberius indulgentem; quem tamen hoc nomine cohonestare ipsi placuit.*

XXI. Quartum argumentum sumit Spencerus ex testimonio Origenis, lib. 5, contra Celsum. Cum enim Celsus arrogantiae maximæ Judæos argueret, quod primas sibi sanctitatis et favoris apud Deum partes sumerent, ob circumcisionem, abstinentiam à carne porcinâ, morem in excelsis immolandi, et hujusmodi alia, quæ tamen Ægyptii, Colchi, Persæ, aliique priores usurpassent in hunc modum, egregiè respon-

det Origenes: « Quod si quis erectâ mente ad contemplandum legislatoris cœnsideret, exinanet collata instituta ejus gentis cum reliquarum moribus, quibus hoc cœnsideratur, utinam hominum genus magis admittat, ut quod repudietis omnibus reliquis institutis, scilicet recipitis istos. » Quibus verbis fateatur Origenes, Deum mores sacros à Gentibus, sed cum delectu accepisse.

Respondetur, Origenem nihil minus dicere quam quod ipsi Spencerus attingit. Id unum assertit, in Judæicæ religionis ritibus nihil inutile, nihil superstitiosum fuisse, nihil obsecrum. Subdit enim: « Ideo nulla fuerunt apud eos vel scenæ eorum, vel athletarum, vel circensium certamina: non femine vendentes florem ætatis cuivis volenti seminare incassum, et naturæ humanæ seminibus illudere.... Mihi certè persuasum est, eos dignè appellatos Dei peculium, qui contempserunt omnem divinationem vanâ spe lactantem homines, et malorum demonum potius, quam melioris Naturæ inventum, querendo veram futurorum præscientiam in sanctis animis propter insignem puritatem capacibus divini Spiritus. » Imo Judæicæ religionis sacra gentium sacris longè dissimilia fuisse docet. « Velit nolit Celsus, inquit, altiore sapientiam tenent Judæi, non solum quàm vulgus, verum etiam quàm hi qui habentur pro philosophis. Namque philosophiæ studiosi post graves illas suas disputationes probabantur ad simulastra et demones: Judæorum autem vel postremus ad solum Deum Optimum Maximum respicit; et meritò hæc de causâ sibi placent, aliorum ut impiorum et impiorum devitantes consuetudinem. Atque utinam non contra legem peccassent, occisis primum prophetis, dein Jesu per insidias sublato! Habemus exemplum civitatis cælestis, quam Plato conatus est quidem effingere, cæterum non videtur hoc ita præstitisse ut Moses, cæterique Prophete post eum, formantes genus electum, gentem sanctam, Deo dicatam, pureque educatam præcui omni superstitione. Quoniam autem Celso libuit sacra Judæorum quibusdam gentibus communia facere, agendum dispiciamus quid sit hoc quoque. Putat de cælo dogma nihil differre ab opinione de Deo: atque Judæorum more Persas Jovi sacra facere in celsissimis montium: non videns quod Judæi, quemadmodum unum Deum sciebant, ita unicam sanctam precectionis domum, unum altare holocaustorum, et sacri sufficitis aram unicam, unumque Dei summum Sacerdotem. Nihil igitur commune Judæis erat, altissimos montes, eosque plures conscendentibus Sacrorum causæ longè dissimilium sacrificiis Mosaicis, quæ ad quamdam similitudinem et umbram celestium peragebantur à sacerdotibus Judæorum, in arcano intellectum legitimorum sacrorum enarrantibus, et quidnam significaretur per ea. »

XXII. Quintum argumentum Spenceri ex Eusebii testimonio sumptum, lib. 4 Demonstrationis Evangelicæ, cap. 6, causam ejus non promovet, cum id unum afferat, Deum congruentem Israelitarum moribus legem

promulgasse, quam vocat imperfectam, et quasi parvulis et infirmis accommodatam observantiam : comparatè scilicet ad religionem christianam, et observantiam legis evangelicæ.

XXIV. Sextum argumentum adornat Spencerus ex S. Joanne Chrysostomo, Homiliâ 6 in Mathæum, cujus testimonium superius descriptum est. Sed nec ipse Spencerus eloquentissimo Patri in omnibus credendum putat; ægrèque fert, quòd de rituum planè omnium antiquioribus temporibus apud Judæos obtinentium origine tam decretoriam sententiam tulerit. Nam ægrè creditur, inquit, circumcisionem, Sabbatum, festum Paschatis, et alia nonnulla Judæorum instituta, huic origini tribuenda esse. Sacrificia certè, quæ gentium ruditati et mori inoleto Sanctus Chrysostomus accepta refert, à Patriarchis, Deo procul dubio docente, oblata, Scriptura sacra commemorat; adeoque ex gentium moribus in Mosaicam legem translata dici verè non possunt. An verò Chrysostomus ipse id non agnoscit, divino scilicet afflatu homines, dum sola vigeret lex naturæ, edoctos de sacrificiis Deo immolandis? Audiatur, homiliâ 17 in Genesim: « Iterum dico, et dicere non cessabo, non quia Deus sacrificiis indiget, sed vult et per hæc ostendi gratum animi affectum Neque Cain doctorem habuit aliquem, neque Abel suggestorem et consiliarium: sed uterque conscientie suæ magisterio, et sapientiâ divinitus humano generi suppeditatâ, ad hanc oblationem incitatur. » Et homiliâ 26 in Genesim: « Et ædificavit Noe altare, et accepit de omnibus pecoribus mundis. Considera iterum diligenter ex præsentibus verbis, quomodo in naturâ nostrâ conditor omnium inseruit certam virtutis scientiam. Unde enim justo venissent? Nullus erat alius quem videbat, et à quo discabat. »

S. Hieronymus sententiæ Spenceri nullatenus favet. Ejus loca ex Commentario in S. Mathæi cap. 5, et in cap. 4 ad Galatas excerpta, probant duntaxat Deum leges cæremoniales Judæis dedisse, ut eos à profanis gentium ritibus ac moribus avocaret, ac idololatriam in populo illo peculiari à Deo electo aboleret. Illa S. Hieronymi testimonia descripta superius habes, num. 13. Aliud addit Spencerus ex Epistolâ ejusdem sancti doctoris ad Evagrium, ubi ait: « Ante circumcisionem sacerdotio functum Melchisedech; ut non gentes à Judæis, sed Judæi à gentibus sacerdotium acceperint. » Sed frustra locum illum S. Hieronymi vir eruditus ostendit, cum de gentibus profanis ac idololatriæ addictis S. doctor non loquatur, sed de gentibus verum Deum colentibus, nec tamen ex Abrahami genere ortis. Quanquàm vix propugnari queat vel illo sensu S. Hieronymi propositio, siquidem Abraham, antequàm Melchisedech occurrisset, veteres Patriarchæ Abrahami majores sacerdotio functi sunt, et sacrificia Deo obtulerunt.

XXV. A Theodoretò suppetias quærit Spencerus, sed locus Theodoretici excerptus è sermone 7 de sacrificiis, et supra, num. 15, descriptus, sacrificia quidem ab ethnicis frequentata probat, sed non ex lutulentis illis fontibus in Judaicam religionem à Deo derivata,

imò ab eo præscripta, et instituta ad idololatriam abolendam. Ait autem conveniens non fuisse, ut Deus ab Ægyptiorum servitute liberatis perfectas leges statim traderet, quia nondum evangelicæ philosophiæ capaces erant. Hanc ob causam illum sacrificia instituisse, quibus non indigebat, et quæ propter se ipsa non volebat. « Nam si, inquit, ut primùm ab Ægyptiorum potestate liberati sunt, perfectas eis leges objecisset, resiliissent prorsus, frenumque respuentes, ad pristinam labem recurrissent. Si enim rebus hoc modo dispositis, sæpenumerò id facere conati sunt, quid non ausi fuissent, Deo illis statim ab initio evangelicam philosophiam imperante? Quòd verò Deus nec sacrificiis egeat, nec musicis instrumentis ipsum audite per Prophetas loquentem: *Non accipiam de domo tuâ vitulos, neque de gregibus tuis hircos*, etc. His enim verbis pariter omnia rejecit, quæ jussa fuerant offerri Eo ipso edocens divinam naturam re nullâ indigere. *Quod ubi multis confirmavit, ita concludit*: Quod igitur de his rebus in Lege præceperat, illorum infirmitatis fuit, non indigentiae ipsius, aut voluntatis. »

XXVI. Fateor S. Cyrillum Alexandrinum, cujus locum supra, num. 16, descriptum habes, in eâ fuisse sententiâ, quam ejus verba præ se ferunt, et Spencerò de Nazaræatis origine suffragari. Verùm cum de re suâ ætate tot seculis antiquiore loquatur, ejusque opinioni nec Scriptura sacra, nec Traditio, nec humana Historia, nec ratio fidem adstruant, ab eo dissentire, salvâ nominis ejus reverentiâ, nobis liberum est. Ejus namque testimonio non obstante, semper incertum est, an mos ille Gentilium comam promittentium, eamque dæmoniis nutrientium, aut nymphis vel fluvio offerentium, tam antiquus fuerit, et apud eas Gentes, quibuscum Israelitis Mosis temporibus intercessit commercium, tunc receptus, ut Legis de Nazaræatu ferendæ occasionem dare Deo potuerit. Si quid in re tam obscurâ conjecturis tribui potest, felicius fortè conjicit, qui Deum sacram de Nazaræatu legem opposuisse asserit Zabiorum, id est, Chaldaeorum, finitimorumque populorum ethnicorum moribus, qui « omnia quæ separantur à corpore, ut pili, ungues, sanguis, pro immundis habebant: unde tonsores omnes iis immundi erant, quia sanguinem et pilos tangunt. Quicumque novaculam super carnem suam transire sinebat, lavare se cogebat in aquâ fontanâ, clarâ, limpidâ. » Ita refert Maimonides in More Nevochim p. 3, cap. 47.

XXVII. Ritus Mosaicæ legis plerosque à Gentibus ad Hebræos derivatos fuisse rationibus verisimilibus probare Spencerus aggreditur. Primam petit à primariis rituum Mosaicorum circumstantiis, scilicet ab eorum inutilitate et infirmitate, instituendi tempore, multitudine, pompâ et splendore, instituendi modo, et simplicitate. Eorum inutilitatem, et infirmitatem probant Apostoli verba ad Hebræos 7, 18. *Reprobatio quidem fit precedentis mandati, propter infirmitatem ejus, et inutilitatem*: Nihil enim ad perfectum adduxit lex. Et cap. 9, 9. *Juxta quàm munera et hostiæ offe-*

runtur, quæ non possunt juxta conscientiam perfectum facere servientem, solummodo in cibis et in potibus, et in variis baptismatibus, et justitiis carnis, usque ad tempus correctionis impositis. Ratio autem terre nequit Deum tot ritibus omni virtute vacuis, et hominem externum tantum exercentibus, Ecclesiam cultumque suum onerare voluisse; nisi quod Hebræorum populus, immani veterum omnium zelo ductus, demoni per eos cultum deferre voluerit, si minus Deo liquisset. 2^o Id confirmat institutionis tempus. Ritus enim illi plerique per annos bis mille veris Dei cultoribus incogniti fuerunt, et sub Mosis tempora primum in leges abierunt. Quid itaque dicendum, nisi quod novi mores, leges et ritus novos postularent, et Deus jam rem haberet cum pertinaci gente ab antiquis moribus minime dimovendâ. 3 Ipsa rituum Mosaicorum multitudo argumento esse potest, eorum non paucos à seculi moribus ansam et originem accepisse. Quid enim Deus elementa tot infirma et egena in legem cultumque suum accipere dignaretur, nisi quod eorum plerimos, utpote more veteri confirmatos, Judæi moris antiqui tenaces arctius amplecterentur? 4 E rituum eorum pompâ et splendore argumentum etiam non penitendum elicitur. Cur enim cultum tam splendidum et elegantem repente Deus instituit, nisi ut religionem ad puerilis populi gustum attemperaret, qui è longo cum Ægyptiis usu, cultum multo cum negotio et pompâ præstitum summo desiderio et admiratione prosequeretur? Ipse ritus Mosaicus instituendi modus huic sententiæ non parum presidii præbet. Cur enim Deus horum rituum minutias accurate adeo præscripsit, iisque detrahi vel addi vetuit, nisi ut Hebræorum ritus Gentium affines circumstantiis quibusdam peculiaribus ab iis discernerentur? 6^o Rituum aliquorum simplicitas probat ipsos non à Deo primum, sed à mundi nascentis ruditate genus et originem derivasse, ut oblatio primitiarum in honoris divini testimonium, Dei tabernaculum incolentis circumgestatio, pilorum consecratio in capitis Deo devoti testimonium, cultus Deo præstitus in novilunio, epuli ex oblatis participatio ad communionem, et familiaritatem cum Deo indicandam, etc.

XXVIII. Respondetur his viri eruditi argumentis plus inesse fuci rhetorici, quàm ponderis. Deum rationes suas habuisse, sapientiâ suâ dignas, quibus adductus est ut tot ritus, quamvis ex se inutiles et infirmos, utiles tamen ad finem, propter quem illos instituebat, consequendum præscriberet, scilicet ad abolitionem idololatriæ, ad conservandum divinorum beneficiorum memoriam, ad excellentiæ divini sensum hominum animis imprimendum, ad designandam dispositionem mentis Dei cultoribus necessariam. (Quæ rationes sunt literales.) Ad Christum, ejusque mysteria delineanda et figuranda, ac populi christiani mores instituendos, ad statum future gloriæ designandum. (Quæ rationes mysticæ sunt.) Ita S. Thomas, 1-2, q. 102, art. 2, Deum tot ritus instituisse, ut superbi populi ferociam jugo difficillimo subigeret, ut rudem ac lascivientem severi veluti pe-

dagogici discipline subiceret. Ut filium contumacem, sub tutoribus ac curatoribus, usque ad tempus præfinitum constituens, in officio contineret. (Ad Galatas 4, 1, 2, 3.) Ut paulatim ad Evangelicam perfectionem homines diserneret. Propterea, inquit S. Gregorius Nazianzenus, oratione 42, nobis adjumenti causa lex datur, velut materia quædam inter Deum atque idola interjecta, ab his quidem nos abducens, ad illum autem revocans. Ac paulum quiddam primò indulget, ut majus accipiat, sacrificia ad tempus concedit, ut Deum in nobis inserat, ac postea, cum commodum fuerit, ipsa quoque sacrificia de medio tollat, mirâ sapientiâ per tacitas subtractiones animos nostros sensim immutans, atque ad Evangelium traducens, jam ad obediendum exercitos et assuefactos. Sic igitur atque his de causis lex scripta introducta est, ad Christum nos colligens; atque hæc sacrificiorum est ratio. Et ut sapientiæ Dei profunditatem, atque impervestigabilem ipsius judiciorum divitias intelligas, ne ea quidem mysterii prorsus expertia et inutilia, et in nudo ac simplici sanguine defixa reliquit. Verùm magna illa, et quantum ad primam naturam immactabilis (ut ita loquar) victima legalibus sacrificiis immixta est; illa, inquam, non exiguæ cujusdam partis orbis terrarum, nec ad exiguum tempus, sed totius mundi nunquam intermiora expiatio. Rituum Mosaicorum splendorem et pompam quod spectat, ideò Deus cultum tam splendidum et elegantem instituit, ut Israelitæ Majestatis divinæ sensu magis afficerentur, et ad reverentiam Deo præstandam excitarentur, ejus excellentiæ singulari convenientem. Habet enim hoc humanus affectus, inquit sanctus Thomas, 1-2, quæst. 102, art. 4, ut ea quæ communia sunt, et non distincta ab aliis, minus revereatur; ea verò quæ habent aliquam excellentiæ discretionem ab aliis, magis admiretur et revereatur. Et inde etiam hominum consuetudo inolevit, ut reges et principes, quos oportet in reverentiâ haberi à subditis, et pretiosioribus vestibus ornentur, et, etiam ampliores et pulchriores habitationes possideant. Et propter hoc oportuit ut aliqua specialia tempora, et speciale tabernaculum, et specialia vasa, et speciales ministri ad cultum Dei ordinarentur: ut per hoc animi hominum ad specialem Dei reverentiam adducerentur. Uno verbo, totus exterior Dei cultus ad hoc præcipuè ordinatur ut homines Deum in reverentiâ habeant. Rituum porrò sacrorum minutias Deus præscripsit, ne Judæi ad idololatriam proclives ritum aliquem superstitiosum in cultum divinum adsciscerent. Proinde ritibus à se præscriptis aliquid addi vel detrahi severe prohibuit. Aliquorum denique rituum simplicitas non probat illos à gentium ruditate originem duxisse, cum aliquos à priscis Patriarchis frequentatos ex Scripturâ sacrâ certum sit, ut primitiarum oblationem, epuli ex oblatis Deo victimis participationem, etc. Alios verò Deus, ob fines sapientiæ suæ propositos, etiam instituerit ac præceperit, ut taber-

naclli constructionem, de quâ Exodi 26, 30: *Et eriges tabernaculum juxta exemplar quod tibi in monte monstratum est*, etc.

XXIX. Argumentum alterum ad opinionem suam probandam ducit Spenceus ex affinitate, quæ inter Hebræorum et Ægyptiorum præcipuè ritus intercessit. Unde factum est autem quòd Ægyptii et Hebræi cætera divisi maximè regionibus, linguis, studiis, legibus, cultûs objectis, toto cælo ab invicem separati, rituum tam similium usu conspirarent? Nulla ratio suppetit alia hujus convenientiæ, nisi quòd Deus ritus Ægypti plurimos, splendore præsertim aliquo plebem fascinantes, Israelitis, qui per multas annorum vices cum Ægyptiis vixerant, concessit et conservavit, ne populus ille, moris antiqui tenax, sacris novis aut rudibus offensus, à legis institutis ad Ægypti superstitionem resiliret. Ægyptos enim verò ritus aliquos ab Hebræis accipere voluisse, probabile non videtur. Primò quia Ægyptii, diu ante Mosis tempora, cæremonias suas, quâ sacras, quâ civiles habuerunt, nec verisimile est ipsos instituta patria rejicere voluisse, ut ad gentis Israeliticæ, sanguine servili, ut aiebant, prognate, mores se conformarent; præsertim cum ipsam, præ cæteris orbis incolis, odio et contemptu maximè prosequerentur, teste Josepho, lib. 1 contra Appionem; et non apud Ægyptios tantum, sed et alias è vicinâ gentes, Judæi bipedum vilissimi ac despiciatissimi haberentur. Accedit quòd Ægyptii veteres, rituum suorum tenacissimi, aliarum gentium ritus a peremerant, teste Herodoto, cap. 78 libri 2: *Contenti, inquit, moribus patriis, nullum alium asciscunt*. Et cap. 91: *Græcæ institutis uti recusant, nec aliorum hominum legibus illo pacto uti volunt. Et hoc Ægyptii eadem omnes observant*. Denique philosophi antiqui ad Ægyptum tanquam celeberrimam scientiæ divini simul et humanæ scholam se contulerunt, ut testantur Herodotus, lib. 2, cap. 50 et 51; Diodorus Siculus, Plutarchus, Diogenes Laertius, Eusebius, lib. 2 et 10 Præparationis Evangelicæ, et Josephus lib. 1 contra Appionem. At philosophi illi ad Judæos potius quam ad Ægyptios se contulissent, si novissent Ægyptios Judæorum remulos fuisse, et libris aut sacris Judaicis sacra pleraque sua derivasse.

Respondetur, affinitatem tantillam Judaicorum et Ægyptiorum rituum inde profectam, quòd Ægyptii ritus aliquos Hebræorum in sacra sua transtulerint. Id enim verò ut præstarent, efficere cum illarum de Abrahamo, Josepho, Mose existimatio, tum Religionis Judaicæ tot miraculis confirmata fama, tum rituum Judaicorum splendor, ac frequens nationis utriusque commercium, Salomonis præsertim temporibus. Quam venerandum Ægyptiis fuerit Abrahami nomen, testis est Nicolaus Damascenus apud Eusebium, lib. 9 Præparationis Evangelicæ, cap. 16. *Com*

tibus moribus delectati, suos ipsimet aliorum alii ritus elevarent, mutuoque propterea odio tenerentur, ille cum singulis ita seorsim agebat, ut quicquid suis quique de rebus ac placitis disputarent, id totum ipse respuerit, et ab omni veritate vacuum esse demonstraret. Quo factum est, ut in quotidianis eum mutisque congressibus, tanquam sapientissimum, nec singulari tantum intelligendi vi præditum, sed etiam ad persuadendum aliis quicquid probandum suscepisset, potentissimum admirarentur. Quanta verò fuerit Ægyptiorum erga Josephum veneratio, ejus in illos merita, cum sacerdotibus affinitas, secundus à rege dignitatis honorisque gradus, auctoritasque summa facile persuadent. *Rex enim constituit eum Dominum domus suæ, et principem omnis possessionis suæ; ut erudiret principes ejus sicut semetipsum, et senes ejus prudentiam doceret. An verò verisimile non est Ægyptios, quorum oculi in Josephum defixi erant, qui ipsum venerabundi audiebant, ritus aliquos ex illius religione accepisse, et sacrorum suorum superstitioni addidisse? Quid dicam de Moyse? Quem Ægyptiis ita mirabilem ac divinum visum esse ut eum sibi vendicaverint, ac Heliopolitem unum sacerdotum fuisse sinxerint, Josephus testatur, lib. 1 contra Appionem. Quem præclaris in rempublicam meritis non modo populum amorem sibi conciliasse, verum etiam parem superis honorem à sacerdotibus facile impetrasse, scripsit Artapanus, referente Eusebio, lib. 9 Præparationis Evangelicæ, cap. 27. Quid legum Israelitis à Deo per Moysen datarum famam longè latèque vulgatam prædicem? Quod Moyses ipse prædi erat Deuteronomii 4, 6, 7, 8. *Hæc est enim vestra sapientia et intellectus eorum populis, ut audientes universa præcepta hæc, dicunt: Un populus sapiens et intelligens, gens magna... Quæ est enim alia gens sic inclita, ut habeat cæremonias, justæque judicia, et universam legem, quam ego proponam hodiè ante oculos vestros? Judæos bipedum vilissimos et despiciatissimos habitos fuisse apud Ægyptios, vicinasque gentes Josue temporibus quis dixerit, qui terrore nominis sui, et famâ miraculorum in eorum gratiam à Deo editorum Palestinam finitimaque regna impleverunt, reges potentissimos debellârunt, veteribusque colonis è possessione suâ pulsus rempublicam florentissimam constituerunt? De quibus, cum nondum Jordanem trajecissent, Rahab Jerichuntina mulier exploratoribus dicebat, Josue 2, 9 et seq.: Novi quòd Dominus tradiderit vobis terram: etenim irrui in nos terror vester, et elanguerunt omnes habitatores terre. Audivimus quòd siccaverit Dominus aquas Maris Rubri ad vestrum introitum, quando egressi estis ex Ægypto: et quæ feceritis duobus Amoræorum regibus, qui erant trans Jordanem, Sehon, et Og, quos interfecistis. Et hæc audientes pertimimus, et elanguit cor nostrum, nec remansit in nobis spiritus ad introitum vestrum. Dominus enim Deus vester ipse est Deus in cælo sursùm, et in terrâ deorsùm.* Jam verò quantum sub Davide et Salomone floruerint res Hebræorum, nemo nescit. Historiæ sacræ haud prorsus imperitus, cum sapien-*

tissimi regis nomen longe lateque celebratur, cum regina Saba, audita quo fama in nomine Domini, quae sapientiam demonstrata est, Denique laudavit qui tantum regem Israelitis dedisset : *Sit, inquit, Dominus Deus tuus benedictus, cui complacuit, et posuit te super thronum Israel, eo quod dilexerit Dominus Israel in sempiternum.* Cum templi ab eodem rege conditi magnitudo novum Judaicis sacris splendorem, novum religioni apud vicinas gentes decus ac auctoritatem conciliavit : cum ex parte impletum est quod idem Salomon praedixit, *aboriginas de terra loquuntur* Jerusolymam ad invocandum nomen Domini venturas, 5 Regum 8, 41. His certe temporibus Aegyptios, quibus cum Israelitis frequens fuit commercium, cum Salomon regis Aegypti filiam in matrimonium duxisset, aliqua Judaicae religionis ritus ad sua sacra transtulisse, haud incredibile est. Satis eorum in avita superstitione retinenda obstinatio inde comprobatur, quod, inmutata profanae religionis suae substantia tenuis duntaxat fugientia veluti veritatis pietatisque umbras amplexi fuerint, ut eleganter ait nuperus auctor. Nec solum ex frequentibus congressibus cum Judaeis, sed ex eorum etiam libris sacrorum ritus aliquos, cum Aegyptiacam, tum ceteras gentes derivasse, inde fit verisimilius, quod ex eis fabularem quoque theologiam suam interpolarent. Eorum enim numen supremum nomen Jovis à depravato Jehovae nomine mutatum creditur; Phoenicum Taautum, qui et Thoth Aegyptiis, ex Hebraeorum, Tohu formatum non absimile verò est : Kel e Belsamen, id est, *Dominus*, factum videtur Mercurius, Typhon Baccus, Osiris, Vulcanus, alia Aegyptiorum aliarumque gentium numina, ex historia sacra ab ipsis, demone suggerente, interpolata, ipsos hausisse viri eruditi demonstrarunt, et inter alios eruditissimus praesul Daniel Huetius in Opere illo incomparabili Demonstrationis Evangelicae, Eliae quadrigas, quibus in caelum raptus erat, fabulae de solis quadrigis; et ignis qui coram Domino jugiter ardebat, Vestae, id est, divae flammæ munini ortum dedisse creditur. Hinc Machabaeorum 1, c. 5, 48, de Judeis dicitur : *Et expanderunt libros legis, de quibus scrutabantur gentes similitudinem simulacrorum suorum.* Hinc Tertullianus, Apologetici cap. 47 : *Omnia adversus veritatem de ipsa veritate constructa sunt, operantibus emulationem istam spiritibus erroris.* Ab his adulteria hujusmodi salutaris disciplinae subornata; ab his quaedam etiam fabulae immissae, quae de similitudine fidem infunderent veritatis, vel eam sibi potius evincerent. Quid plura? Gentes legis Moisaicae ritus plerosque fuisse imitatas, testis est Josephus, lib. 11 contra Appionem. Populi multi, inquit, à longo tempore cultum nostrum amulantur. Neque est civitas Graecorum usquam aut Barbarorum, nec ulla gens ad quam sepe ptinamus, in qua vacamus, consuetudo minime pervenerit; et jejunia, lucernarum etiam accensiones, et multa circa cibos, quos nobis comedere nefas est, ab exteris observantur... Unusquisque, si suam religionem domumque conspiciat, his quae dicuntur à

me, credere non recusabit. Denique gentium philosophi Judeos adierunt, consulerunt, ex eorum theologia et legibus plurima in sectas suas librosque traduxerunt Pythagoras praesertim, Plato, Aristoteles, Hecataeus Abderita. De Pythagorà et Platone ait Aristobolus Judeus apud Clementem Alexandrinum, lib. 1 Stromatum, et Eusebium, lib. 9 Preparationis Evangelicae, cap. 6 : *Plato ipse quoque republicae nostrae leges et instituta sectatus est, à quo partes eorum singulas curiose ac diligenter inspectas et excussas esse constat.* Nam ab idio quodam ante Demetrium, adeoque ante Alexandri ac Persarum imperium conversa Graecè fuerant, non ea modò quae dum ex Aegypto Hebraei cives nostri educerentur, sed etiam quaecumque illis singularem ad famam insignia contigerunt, tum quemadmodum eà regione potiti sint, adeoque legis universa complexio. Quare nemini dubium esse potest, quin multa inde laudatus philosophus exceperit : plurimarum enim rerum scientia floruit, quemadmodum et Pythagoras, qui et ipse permulta nostris à laebus in secte suae praecepta traduxit. Hermippus vetustissimus Vite Pythagorae scriptor à Josepho, lib. 1 contra Appionem, et Origene, lib. 1, contra Celsum laudatus, testatur Pythagoram multa eorum, quae Judaeis recepta sunt, in suam philosophiam transfudisse. Pythagorae placita ac praecepta de imagine Dei annulo non inscribenda, de morticinis non comedendis, de sacris nudis pedibus faciendis, de frugiferis arboribus non succidendis, aliaque, quantum cum Moisaicis institutis afinitatem habeant, cuius, non planè imperito, comperitum est. Hunc circumeisum fuisse Clemens Alexandrinus et Theodoretus referunt, quod incredibile non puto, siquidem ipsum, diu peregrinaretur, *cunctis tam Barbarorum quam Graecorum mysteriis initiatum*, asservit Diogenes Laertius. Quod nonnullis ausam praebuit existimandi Pythagoram ex Judaeis genus duxisse, ex quorum disciplina derivavit etiam magisterii praecepta (inquit S. Ambrosius, lib. 3, epistolà 20). De Platone pervulgatum illud est Numenii Pythagorici à Clemente Alexandrino et Eusebio memoratum : *Quid enim aliud est Plato, quam Moses Atticè lingua loquens?* Et S. Ambrosius, in Psalmum 118, haec habet : *Clamat per Isaiam Dominus : Consolamini populum meum.... Quia recepit de manu Domini duplicia peccata. Discite unde Plato haec sumpserit.* Eruditionis gratià, in Egyptum profectus, ut Mosis gesta, legis oracula, prophetarum dicta cognosceret, audivit consolationem populi, qui supra peccati modum videbatur fuisse unitus : et hunc locum quādam adopertum dote verborum in dialogum transtulit quem inscripsit de Virtute. Clearchus Peripateticus Judaeum quemdam, qui cum Aristotele versatus est, abs sese visum esse commemorat. Apud Clementem Alexandrinum, lib. 4 Stromatum, et Eusebium, lib. 9 Preparationis Evangelicae, cap. 5 et 6. De Hecathaeo Abderita scribit Origines, lib. 1 contra Celsum : *Extat et Hecathaei historici de Judaeis liber, in quo adeò probat hujus gentis sapientiam, ut Hieremias Philo in*

« suis de Judæis Commentariis primùm dubitet an hu-
 « jus Historici id scriptum sit ; deinde addat : Siqui-
 « dem ejus est, videri eum correptum Judæorum per-
 « suasionibus, probasseque eorum placita. » Sed etsi
 Judæam prisce illi philosophi non adierint, consuetudi-
 nem habere cum Judæis et Judæorum proselytis
 per alias regiones diffusis poterunt. Mos enim scri-
 pta (innuit Origenes ibidem) « multos etiam alienos à
 « Judæorum ritibus ad credendum moverunt; nimi-
 « rum quia, sicut in ipsis continetur litteris, primus
 « earum legum lator fuit Deus, hujus mundi conditor,
 « qui eas Mosi tradidit. Par enim erat ut totius mundi
 « opifex, post leges toti mundo impositas, vim eis ad-
 « deret, quæ valeret ubivis gentium. » Ex his omni-
 bus fit verisimillimum, Ægyptios, aliasque gentes ab
 Hebræis accepisse ritus nonnullos, qui in ipsorum re-
 gionibus inveniuntur affines ritibus Mosaicæ legis.

XXX. Obiecit rursus Spencerus Deum varia privilegia
 Judæorum genti ob seculi morem indulsisse, exempli
 gratiâ , oracula et prophetias, ne ad oracula vel ario-
 los ethnicorum confugerent, et multò felicius cum
 idololatris quàm se ipsis actum existimarent. Id probat
 primò ex Philone, lib. 4 de Monarchiâ, ex Maimonide,
 Præfatione in Seder Zer, et Origene, lib. 1 et 3 contra
 Celsum : indeque colligit Deum, cum legem traderet,
 ad Israelitarum ingenium et morem se attemperasse,
 et ritus nonnullos, quibus è longo usu pertinaciter ad-
 hærebant, iis indulsisse.

Respondetur, utut Deus se Israelitarum infirmi-
 tati attemperaverit, oracula et prophetias ipsis conce-
 dendo, ut eos à dæmonibus consulendis averteret,
 inde non sequi Deum prophetias è moribus gentium
 in Religionem Judaicam traduxisse, quia nec tunc
 primùm, cum lex data est, concessa est à Deo pro-
 phetia, nec ob eum duntaxat concessa finem, quem
 assignat Spencerus, sed ad populum Dei erudiendum,
 ad voluntatem Dei denuntiandam, ad confirmandam
 veritatem, et conservandam puritatem religionis, va-
 riasque corruptelas excindendas; ad Christi mysteria,
 et Ecclesiæ foundationem et propagationem prædican-
 dam. Ut illis tantò facilius homines fidem præberent,
 quantò certius ante prædicta, et secundum quod præ-
 dicta erant evenisse nõssent (ut frequenter inculcat
 S. Augustinus). Nec laudata à Spencero testimonia
 quicquam aliud probant, quàm Deum optimum pro-
 phetas et oracula Judæis concessisse ut eos in officio
 contineret, ne ad ariolos et oracula ethnicorum con-
 fugerent : quanquàm hæc unica non fuerit, et ad-
 æquata illius beneficii causa. « Quoniam, inquit Philo,
 « à naturâ insitum sit hominibus prænoscenti futura
 « desiderium, et ideò multi se ad aruspicinam simi-
 « lesque divinandi artes applicant, earumque usus
 « severè interdicitur. Promittit autem lex, modò pie-
 « tatem sincerè colant, exoriturum prophetam ali-
 « quem, qui vaticinetur correptus Numine. » Ita verò
 Maimonides : « Deus, prophetas mittendo, fecit ne
 « opus haberemus astrologis, divinis et ariolis, quo-
 « niam illos consulere possumus de rebus nostris, vel
 « simul universis, vel divisim singulis. Hoc est quod

« dicit Scriptura : Quia gentes istæ, quas tu expellis,
 « præstigiatores et divinos audiunt, ac tu non sic :
 « Dedit tibi Dominus Deus tuus prophetam è medio
 « tui. » Ita demùm Origenes, lib. 1 contra Celsum :
 « Admittendum necessariò, inquit, etiam Judæos ha-
 « buisse suos prophetas ; siquidem continendi erant
 « in datis sibi legibus, et in acceptâ fide Creatoris, ne
 « à fide deficerent ad gentium Deos. Ergo gentibus
 « cognitionem futurorum petentibus ex oraculis, au-
 « spiciis, auguriis, ventriloquis, aruspicibus, Chal-
 « dæis genethliacis, quæ artes omnes apud Judæos
 « sunt vetitæ, si ipsi nullum solatium habuissent è fu-
 « turorum præscientiâ, certè impulsu humanâ quâdam
 « futura cognoscendi libidine contempsissent res suas
 « ut nihil divinum in se habentes, nec alium post
 « Mosem prophetam recepissent, nec sermones etiam
 « mandassent litteris, transfugissentque ad oracula
 « gentium, aut ipsi conati fuissent apud se simile ali-
 « quod instituere. Quamobrem nihil absurdi est, etiam
 « de fortuitis quibusdam prophetas ejus gentis re-
 « spondere solitos, quò satisfacerent talium rerum
 « cognoscendarum cupidis : sicut Samuelem de asinis
 « perditis, et de morbo regii pueri illum de quo in 3
 « libro Regnorum scriptum est. Alioqui quomodò po-
 « tuissent ii qui legi Judaicæ patrocinabantur incre-
 « pare aliquem volentem idolorum oracula consulere,
 « sicut legitur Elias Ochoziam increpans : « An eò quòd
 « non sit Deus in Israel, vos itis in Baal ad consulen-
 « dum Myicæum deum Accaronitarum ? » Itaque
 quamvis Deus legem tradens, et sacrificia, aliosque
 ritus instituens, infirmitatis Israelitarum rationem
 etiam habuerit, et legalium cæremoniarum tam mul-
 tiplicem apparatus ipsis præscripserit, ut eos in cultu
 suo jugiter occupatos, obsequisque suis magis adstri-
 ctos contineret, ne ad idolorum cultum deficerent,
 non inde sequitur Deum ex gentium moribus, et su-
 perstitione sacrificia et alios ritus in legem cultumque
 suum transtulisse.

XXXI. Postremum argumentum ducit Spencerus
 ex eo quòd quælibet mundi reformatio morum quo-
 rundam antiquorum toleratione perficiatur ; quòd
 Christus, Apostoli, et Ecclesiæ primitivæ præsides,
 Judæorum et Gentilium ritus et instituta nonnulla re-
 tinuerunt, quæ suâ naturâ indifferentia fuerant et usu
 longo invaluerant, ne rebus tantùm novis studere, et
 barbarum movendarum occasionem captare videren-
 tur. Hæc œconomiâ erga Anglos recens ad christianam
 fidem conversos usus est S. Gregorius Magnus, cujus ex-
 stat de fanis idolorum apud ipsos non destruendis, sed
 vero Deo consecrandis, et antiquis ipsorum moribus
 nonnullis tolerandis, epistola 61, lib. 9 : Quia « duris
 « mentibus simul omnia abscindere, impossibile esse
 « non dubium est ; et ei qui locum summum ascen-
 « dere nititur, necesse est ut gradibus vel passibus, non
 « autem saltibus elevetur : sic Israelitico populo in
 « Ægypto Dominus se quidem manifestavit : sed sa-
 « crificiorum usus, quos diabolo solebant exhibere, in
 « cultu proprio reservavit, et eis in sacrificio suo im-
 « molare præcepit. Quatenus cor mutantes, aliud de

« sacrificio amitterent, aliud retinerent. Adeo ut etsi
« ipsa essent sacrificia quæ immolare consueverant,
« Deo tamen et non Idolis immolantes, jam ipsa sa-
« crificia revera non essent. »

Addit Spencerus lenem hanc et quasi insidiosam
mores novos inducendi methodum magnam sapientiæ
speciem præferre; siquidem à naturâ ita comparati
sumus, ut blande circumveniri malinus, quam aperte
cogi, et lenitatem quamvis fallacem, quam vim mani-
festam libentius admittamus. Hanc methodum politi-
cos sape, et centies exemplo suo comprobasse; cum
enim in regno novis omnibus reverà student, vetera
solent officiorum et privilegiorum nomina inviolata
relinquere. Hinc Taciti illud: *Arcaum novi status,
imago antiqui*. Sapientiæ itaque et pietati consenta-
neum est existimare Deum ritus aliquos antiquos tole-
rasse; et pertinacem populum ad cultum novum leniter,
et sub externâ veteris specie perducere studuisse.

Respondetur argumentum illud Spenceri à morum
quorundam antiquorum toleratione in quâlibet Eccle-
siæ reformatione, minimè probare quid præstiterit
Deus, cum Israelitis legem dedit, sed quid facere po-
tuerit. Quin gentium ritus aliquos à superstitione re-
purgatos in cultum suum transferre potuerit, et quin,
id si fecisset, convenientissimum fuisset ejus sapien-
tiæ, non incipiamur: sed negamus id fecisse, quia
ritus illos Judaicæ religionis, à Deo in lege Mosaicâ
præscriptos à Gentibus ante Mosaicâ tempora fre-
quentatos esse non constat, neque ex Scripturâ sacrâ,
ex traditione, aut humanæ historiæ monumentis, quæ
ante Mosis ævum nulla sunt, id probatur. Sacrificia
quidem apud gentes in usu fuisse ante Mosen certum
est, et Deum illa in cultu suo instituisse; at ex divinâ
religione moribusque Patriarcharum, non ex supersti-
tione ac moribus Ethnicorum illa in suum cultum ad-
optavit. Diabolus, Dei æmulus, divinos honores suffu-
ratus fuerat, cecos homines ad sacrificia sibi offerenda
induxerat; Deus quod suum erat ab inimico vindicavit,
sacrificia sibi uni offerenda populo suo imperavit.

Ex politicorum verò artibus divinam sapientiam
metiri quàm indignum est! Iis non indiget qui omnia
potest, et in manibus suis corda hominum habet, ea
quorsum vult flectens omnipotentissimâ potestate:
*Attingensque à fine usque ad finem fortiter, et disponens
omnia suaviter*. Non enim consilia Dei consiliis homi-
num similia sunt, nec viæ ejus viis hominum affines.
Ineptè quis sibi fingat illum ad Taciti regulas atten-
disse, aut illis se conformasse, cum legem populo suo
dedit. Auctoritate suâ usus est, eamque Israelitis fre-
quenter proposuit, ut eos ad præceptorum suorum ob-
servantiam alliceret, his verbis identidem repetitis:
Ego Dominus Deus vester. Novam denique rempubli-
cam, novam religionis ac sacrarum formam instituit
ac excitavit, non ex rituum Ethnicorum ruderibus,
sed ad exemplar à sapientiâ suâ conceptum, et Moysi
in monte sancto monstratum, ut secundum illud om-
nia componeret. Neque Israelitæ fidem Deo obstrin-
gentes, ab ipso petierunt ut affectibus ipsorum indol-
geret, ut ritus Gentium aliquos illis permitteret; sed

nullâ quesitâ ratione præter adorandam Domini vo-
luntatem, unâ voce responderunt. *Omnia verba Do-
mini, quæ locutus est, faciemus*, Exod. 29. 8 et 24. 3.

ARTICULUS II.

DE LEGIBUS CEREMONIALIBUS SACRIFICIORUM.

§ 1. De sacrificiorum ratione.

PROPOSITIO. — *Sacrificia Israelitica non solum permittit
Deus, sed præcepit, illa tamen non expectant, tanquam
illis indigens, aut quasi per se ei grata ac laudanda es-
sent; sed aliarum rerum gratiâ, scilicet et ad idolola-
triam abolendam, ad Christi sacrificium adorandam in-
dum, ad spiritualia sacrificia, quæ exag-ba. ab homi-
nibus, significanda.*

I. Probatur prima pars contra Spencerum, lib. 2
De Legibus Hebræorum ritualibus, Dissert. 2) ex libro
Levitici, quo sacrificiorum leges continentur, et in
verbis conceptæ sunt, quæ meram concessionem non
sonant, sed imperium. Unde hæc sententia liber ille
limitur, cap. 9: *Hæc sunt præcepta, quæ mandavit Do-
minus Moysi ad filios Israel in monte Sinai*. Primitias
sacrificiorum pro se ipso ac populo Aaron Deo jubetur
offerre. Tolle (inquit Moyses) vitulum pro peccato, et
arietem in holocaustum, utrumque immaculatum et offer
illos coram Domino. Et ad filios Israel le pueris: *Collite
hircum pro peccato, et vitulum, atque agnium anniculos
et sine maculâ in holocaustum; bovem et arietem pro
pacificis; et immolate eos coram Domino..... Tulerunt
ergo cuncta quæ jussisset Moyses ad ostium Tabernaculi,
ubi cum omnis multitudo astaret, ait Moyses: Iste est
sermo quem præcepit Dominus: Facite, et apparabit
vobis gloria ejus. Et dixit ad Aaron: Accede ad altare,
et immola pro peccato tuo; offer holocaustum, et depre-
care pro te, et pro populo, cùmque mactaveris hostium
populi, ora pro eo, sicut præcepit Dominus*. Peractisque
sacrificiis cùm Moyses et Aaron populo benedixissent,
apparuit gloria Domini omni multitudini, et egressus
ignis à Domino devoravit holocaustum, et adipem qui
erant super altare, Exod. 40. Erecto Tabernaculo, et
altari holocausti, Aaron obtulit in eo holocaustum et
sacrificia, ut Dominus imperaverat. Tandem prospera
quæque Deus promittit observantibus præcepta sua,
ceremonias, atque judicia omni tempore, non obser-
vantibus penas comminatur. Porro in ceremoniarum
numero primum locum obtinent sacrificia.

Præterea, quæ ad supremum Dei dominium reco-
gnosendum, profitendumque illum esse primum prin-
cipium, et ultimum finem hominis et creaturarum
omnium, ordinata sunt, non solum à Deo permittis-
sed instituta et præcepta credere par est. Is autem
primarius fuit sacrificiorum finis, ut docet S. Thomas
1-2, quæst. 102, art. 3: « Et quia pertinet ad re-
ordinationem mentis in Deum quæ per sacrificia re-
presentabatur, et ad quam excitabantur offerentes, ut
« mens humana non recognoscat alium primum au-
« ctorem rerum nisi solum Deum, neque in aliquo
« alio finem suum constituat; propter hoc prohibeba-
« tur in lege alicui alteri sacrificium offerri nisi Deo,
« secundum illud Exodi 22: *Qui immolat diis, occide-*

« *tur, nisi Domino soli.* » Ob eum finem antiqui Patriarche à primâ mundi origine sacrificia Deo obtulerunt, in quibus odoratus est odorem suavitatis, id est, ea pergratè habuit, ut interioris quod ipsi offerebant sacrificii signa. Cùmque fide facerent, secundùm illud Apostoli ad Hebræos 11 cap. : *Fide plurimam hostiam Abel, quàm Cain obtulit Deo*, certum est nonnisi revelante et per interiorē afflatum præcipiente Numine, id præstitisse. Solus enim Deus docere potuit modum ritumque quo se vellet coli, ut in re simili Tertullianus ait, lib. de Oratone : *Deus solus docere potuit ut se vellet orari.* Præterea mundorum tantum animalium ad sacrificia preparatio à Noacho jussu Dei, Genesis 7, 2, et 8, 20, *εμπυρισμός* sive inflammatio sacrificii igne cœlitus emisso frequenter facta, quæ honorificum erat Dei approbantis testimonium ; præceptum Abrahæ datum à Deo de Isaaci oblatione in holocaustum, et arietis pro ipso immolatio, Genesis 22 ; præscriptum ipsis à Domino sacrificium vacæ triennis, capræ trimæ, et arietis annorum trium, torturis quoque et columbæ ; sacrificii à Christo in cruce offerendi adumbratio per vetera illa sacrificia, de quibus S. Augustinus, lib. 20 contra Faustum, cap. 48, ait : « In victimis pecorum, quas offerebant Deo, sicut re tantâ dignum erat, Prophetiam celebrabant futuræ victimæ quam Christus obtulit : » Hæc, inquam, omnia probant sacrificandi ritum non ex instituto et arbitrio humano, sed à præcepto divino, non quidem positivæ legis, sed naturalis, originem suam in Patriarcharum religione derivasse.

Neque vult aliud sanctus Joannes Chrysostomus, Homiliâ 12, ad populum Antiochenum, dicens : « Quod igitur homo peccatum esse malum jam sciret, demonstravit Adam ; quod autem virtutem esse bonum etiam sciret, rursùm Abel manifestavit. Non enim ab ullo discens, neque legem de primitiis hoc disserentem audiens, sed à suâ conscientia doctus, sacrificium illud obtulit. Propterea non descendo ad posteros sermones, sed circa priores homines versor, quando nondum litteræ, neque lex, neque Prophetæ, neque Judices, sed solus Adam cum filiis erat ; ut discas quod in naturâ bonorum et contrariorum scientia prius erat reposita. Unde enim dicit Abel quod bonum esset offerre, quod bonum Deum venerari, et in omnibus gratias agere ? »

Neque etiam alia mens est auctoris Responsionum ad Orthodoxos inter S. Justini Martyris Opera editarum, cùm ad quæst. 83 respondet : « Nemo eorum qui irrationalia victimam Deo sacrificarunt ante legem, divinâ id jussione fecit ; quamvis pateat Deum hanc recepisse, acceptione ejus sacrificantem sibi placitum esse indicantem. Quod autem Abrahæ præcepit, ut animantia trima, item arietem acciperet, quem pro Isaaco offerret, non eò est factum quod oblatione ejus delectaretur, sed hoc tum usus tulit, futura præmonstrans. Porro quod Noe præceptum sit de irrationalibus Deo offerendis, nullibi apparet. » Id unum vult auctor ille, nullâ tunc lege positivâ præceptum hominibus fuisse, ut bruta ani-

mantia Deo in sacrificium offerrent, nec suapte naturâ victimas hujusmodi à Deo quæsitæ fuisse ; sed non negat quin interno Numinis futura præmonstrantis, id est, Christi sacrificium jam illorum sacrificiorum ruditate significantis, ac delineantis afflatu, ac imperio in primorum hominum cordibus insonante, ac eorum doctrinâ et traditione ad posteros traducto sacrificandi ritus institutus firmatusque fuerit.

Hæc denique mens fuit auctoris Constitutionum Apostolicarum, lib. 6, cap. 22, asserentis : « Ab-
« lem, Noe et Abraham, atque alios deinceps, non
« jussos, sed naturali aliquo instinctu et lege motos,
« sponte suâ, è grato favoris divini sensu victimas Deo
« obtulisse. » Sacrificia enim verò ex rebus quibusdam sensibilibus offerre Deo lex naturæ jubet, quamvis determinatio sacrificiorum ex institutione divinâ vel humanâ sit. « Naturalis, inquam, ratio dictat homini
« quod alicui superiori subdatur, propter defectus
« quos in se ipso sentit, in quibus ab aliquo superiori
« eget adjuvari et dirigi ; et quicquid illud sit, hoc
« est quod apud omnes dicitur Deus. Sicut autem in
« rebus naturalibus naturaliter inferiora superioribus
« subduntur, ita etiam naturalis ratio dictat homini,
« secundum naturalem inclinationem, ut ei quod est
« supra hominem, subjectionem et honorem exhibeat
« secundum suum modum. Est autem modus conveniens homini, ut sensibilibus signis utatur ad alia
« exprimenda, quia ex sensibilibus cognitionem accipit. Et ideò ex naturali ratione procedit, quod homo
« quibusdam sensibilibus rebus utatur, offerens eas
« Deo in signum debitæ subjectionis et honoris, secundum similitudinem eorum qui dominis suis aliqua
« offerunt in recognitionem domini. Hoc autem pertinet ad rationem sacrificii. Et ideò oblatio sacrificii
« pertinet ad jus naturale. » Sic ratiocinatur S. Thomas 2-2, quæst. 85, art. 1.

II. Probatur altera pars propositionis, scilicet Deum sacrificia non expetivisse aut præcepisse ut iis indigentem, aut quasi ipsi per se grata ac jucunda essent, vel primariâ voluntate ea vellet, sed voluntate duntaxat consequenti, et propter aliud, scilicet propter fines in ipsâ propositione explicatos. Hanc autem probat primò Davidis Oraculum Psalmo 59, 7 : *Sacrificium et oblationem noluisti ; aures autem perfecisti mihi. Holocaustum et pro peccato non postulasti ; tunc dixi : Ecce venio.* Quem locum sic reddit Apostolus, septuaginta Interpretes secutus, ad Hebr. 10, 5 : *Ideò ingrediens mundum dicit : Hostiam et oblationem noluisti ; corpus autem aptasti mihi ; holocausta pro peccato non tibi placuerunt. Tunc dixi : Ecce venio.* Hujus loci sensus non est, Deum sacrificandi ritum nullo modo voluisse aut præcepisse Israelitis, ut Spencerus contendit, sed solum ipsum sacrificia vetera non instituisse velut propter se expetenda, sed rei alterius gratiâ : maxime verò ad significandum Christi sacrificium, ut explicat S. Augustinus Enarratione in hunc Psalmum : « Antiqui enim, inquit, quando adhuc sacrificium verum, quod Fideles norunt, in figuris prænuntiabatur, celebrabant figuras fu-

turæ rei; multi scientes, sed plures ignorantes. Nam Propheta et sancti patriarchæ noverant quod celebrabant; cætera autem multitudo iniqua carnalis sic erat, ut fieret de illà quod significaret posteriora ventura: et venit sublato illo sacrificio primo, subtilis holocaustis arietum, hircorum, vitulorum, cæterarumque victimarum; noluit illa Deus. Quare illa noluit? Quare primo voluit? Quia illa omnia quasi verba erant promittentis, et verba promissiva, cum venerit quod promittunt, non jam enuntiantur. Tandem quisque promissor est, donec det: cum dederit, mutat verba. Non dicit adhuc: Dabo quod se daturum dicebat, sed dicit: Dedi; mutavit verbum. Quare illi primò placuit hoc verbum, et quare illud mutavit? Quia temporis sui verbum fuit; et pro tempore suo placuit. Quando promittebatur, tunc dicebatur. Cum autem datum est quod promissum est, ablata sunt verba promissiva, data sunt completiva. Sacrificia ergo illa, tanquam verba promissiva, ablata sunt. Quid est, quod datum est completivum? Corpus quod nōstis, quod non omnes nōstis, quod utinam qui nōstis, omnes non ad iudicium noveritis. Videte quando dictum est; Christus enim ille est Dominus noster, modò loquens ex membris suis, loquens ex personà suà. *Sacrificium, inquit, et oblationem noluisti.* Quid ergo? Nos jam hoc tempore sine sacrificio dimissi sumus? Absit. *Corpus autem perfecti mihi.* Idè illa noluisti, ut hoc perficeres; illa voluisti antequàm hoc perficeres. Perfectio promissorum abstulit verba promittentia. Nam si adhuc sunt promittentia, nondum impletum est quod promissum est. Hoc promittebatur quibusdam signis; ablata sunt signa promittentia, quia exhibitæ est veritas promissa.

Adde ejusdem regis prophetae oraculum ps. 49, Deum ita Judæos alloquentem induentis: «Deus, Deus tuus ego sum. Non in sacrificiis tuis arguam te. Holocausta autem tua in conspectu meo sunt semper. Non accipiam de domo tuâ vitulos, neque de gregibus tuis hircos. Quoniam meæ sunt omnes fere silvarum, jumenta in montibus, et boves, etc. Numquid manducabo carnes taurorum, aut sanguinem hircorum potabo? Immola Deo sacrificium laudis, et redde altissimo vota tua.... Sacrificium laudis honorificabit me.»

III. Confirmatur ex cap. 4 Isaie, vers. 2, ubi Deus his verbis Judæos alloquitur: «Quòd mihi multitudinem victimarum vestrarum? Dicit Dominus: Plenus sum. Holocausta arietum, et adipem pinguum, et sanguinem vitulorum, et agnorum, et hircorum nolui. Cum veniretis ante conspectum meum, quis quæsit hæc de manibus vestris, ut ambularetis in atriis meis?» Quæ verba S. Joannes Chrysostomus in expositione psal. 49 contra Judæos, qui potiore virtutis parte contemptâ, salutis spem in eis reponebant, dicta interpretatur, ea cum versibus 8, 9 et 10 ejusdem psalmi conferens. «Atqui, inquit, permulta dicta sunt de sacrificiis; sed non hæc decernit, tanquam hæc velit principaliter; sed ad infirmitatem eorum se

demittit. Jeremias quoque dicit: *Cur mihi fers thus ex Sabbâ, et cinnuminum ex terrâ longinquâ?* Omnes denique prophetae hoc nihil magis esse dicunt. Quocirca ipse quoque incipiens sic dicit: *Deus tuus ego sum;* ex eo ostendens ipso esse indignam hanc colendi rationem. Deum non fumo, nec nidore, sed per optimam vitæ institutionem, incorporcam, et in mente suam, colere et honorare oportet. Sed non sic externorum Demones, imò etiam hæc requirunt, et hoc videtur ostendere quidam poeta apud Græcos, dicens: *Hoc enim nos sortiti sumus munus.* Deus autem noster non sic; ipsi enim humanum sanguinem sitientes, et eos ad has artes volentes paulatim pellere, hæc petebant assidue. Ipse autem cum vellet eos paulatim ab occisione brutorum abducere, hæc demissione usus est, et permisit sacrificia, ut sacrificia tolleret. *Non accipiam de domo tuâ vitulos, neque de gregibus tuis hircos. Quoniam meæ sunt omnes fere silvarum, jumenta in montibus, et boves. Cognovi omnia volutia celi, et pulchritudo agri mecum est.* Vides quomodò paulatim erigit eorum mentem, qui in terras delixi et curvi sunt, excacatam eorum mentem aperiens, et ostendens se hæc jussisse, non quod eis egeret, nec lege sanxisse quòd ea admitteret. Si enim, inquit, ita colì vellem, cum omnem terram quæ sub sole est dominatù obtineam, et omnia creaverim, procurarem ut mihi lauta et opipara fierent sacrificia! Confer enarrationem in cap. 4 Isaie, ubi Deum leges de sacrificiis in Levitico et Deuteronomio sanxisse docet, eaque voluisse, non tamen voluntate primariâ et principali. Quo igitur sensu hic ait: *Quis quæsit hæc de manibus vestris? Ut discas quòd illa voluntas Dei non fuerit principalis,* etc. Lege totum locum Article superiori, propositione 3, num. 8.

Huic interpretationi concinit S. Hieronymus commentario in cap. 4 Isaie: «Hostiæ ergo, inquit, et immolatio victimarum non principaliter à Deo quæsitæ sunt, sed ne idolis offerrentur: et ut de carnalibus victimis quasi per typum et imaginem ad spirituales hostias transiremus. Dicendo autem se hostias non quæsisse, ostendit, quia Lex spiritualis sit, et omnia quæ Judæi carnaliter faciunt, à nobis impleri spiritualiter.»

IV. Eandem veritatem suffragiis suis Patres confirmant: S. Justinus Martyr in Dialogo cum Tryphone Judæo, p. 236. «Quòd, inquit, propter peccata populi vestri, et simulacrorum cultum, minimè gentium autem quòd istiusmodi oblationibus vestris ei sit opus, hæc itidem fieri sanxerit, accipite quomodò de his loquatur per Amos unum ex duodecim: *Num hostias et victimas obtulistis mihi in solitudine domus Israel?* etc. Ac rursus per Jeremiam: *Congregate carnes vestras et victimas, et comedite. Quia non de victimis et libationibus præcepi patribus vestris, quo die apprehendi manum eorum, ut educerem eos de terrâ Egypti.* Et rursus per Davidem in 49 psalmo: *Audi, popule meus, et loquar tibi, Israel, et testificabor tibi: Deus, Deus tuus sum ego. Non de sacrificiis tuis*

« arguam te. *Holocausta tua in conspectu meo sunt semper. Non accipiam de domo tuâ vitulos, neque de gregibus tuis hircos, etc.* Itaque sacrificia à vobis non recipit; neque primitus, tanquam penuriâ laborans, hæc præcipit vobis: sed propter delicta vestra. Nam et Templum, quod vocatur Hierosolymitanum, non veluti indigus vel domum vel aulam suam fassus est: verum ut ibi quoque in illum intenti simulacra ne coleretis. » Et p. 292, sic Tryphonem interrogat: « Oblationes et victimas ob penuriamne suam Deus offerre Patres vestros iussit, an propter duritiam cordis eorum, proclivesque ad simulacrorum cultum animos? » Respondet Trypho: « Hoc ipsum nos similiter confiteri cogunt sacræ Litteræ. »

V. S. Ireneus lib. 4, cap. 28. « Verbum, inquit, sine invidiâ utilitatem præstabat eis qui subjecti sibi erant, omni conditioni congruentem et aptam legem conscribens. Sic autem et populo tabernaculi factionem, et ædificationem templi, Levitarum electionem, sacrificia quoque et oblationes, et monitiones, et reliquam omnem legis statuebat deservitionem. Ipse quidem nullius horum est indigens. Est enim semper plenus omnibus bonis, omnemque odorem suavitatis, et omnes suaveolentium vaporaciones habens in se, etiam antequàm Moyses esset. Facilem autem ad idola reverti populum erudiebat per multas advocaciones, præstruens eos perseverare, et servire Deo, per ea quæ erant secunda ad prima advocans; hoc est, per typica ad vera; et per temporalia ad æterna; et per carnalia ad spiritualia, et per terrena ad cælestia.... Itaque lex et disciplina erat illis, et prophetia futurorum. » Idem cap. 29: « At ubi conversi sunt in Vituli factionem, et reversi sunt animis suis in Ægyptum, servi pro liberis cupientes esse, aptam concupiscentiæ suæ acceperunt reliquam servitutem (nimirum servitutem legis quâ coercerentur) à Deo quidem non abscedentem, in servitutis autem iugo dominantem eis. Quemadmodum et Ezechiel Propheta causas talis legis dat reddens ait: *Et post concupiscentiam cordis sui erant oculi eorum: et ego dedi eis præcepta non bona, et justificationes, in quibus non vident in eis.* »

VI. Tertullianus lib. 2, adversus Marcionem, c. 18: « Sacrificiorum quoque onera, inquit, et operationum, et oblationum negotiosas scrupulositates nemo reprehendat, quasi Deus talia sibi propriè desideraverit, qui tam manifestè exclamat: *Quo mihi multitudinem Sacrificiorum vestrorum? Et quis exquisivit ista de manibus vestris?* Sed illam Dei industriam sentiat, qui populum primum in idololatriam et transgressionem, ejusmodi officiis religioni suæ voluit adstringere, quibus superstitio seculi agebatur, ut ab eâ avocaret illos, sibi jubens fieri quasi desideranti ne simulacris faciendis delinqueret. » Capite quoque 22, Deum sacrificia quidem voluisse et præcepisse ait, sed non propter se. « Diximus, inquit, de sacrificiorum rationali institutione; avocante scilicet ab idolis ad Deum officia ea quæ sic rursus eiecerat, dicens: *Quò multi multitudinem sacrificiorum vestrorum? hoc*

« ipsum voluit intelligi, quòd non sibi ea propriè exegisset. Non enim bibam, inquit, sanguinem taurorum; quia et alibi ait: Deus æternus non esuriet, nec sitiet. Nam etsi ad oblationes Abel advertit, et holocausta Noe odoratus est libenter, quæ jucunditas sive viscerum vervecinorum, sive nidoris ardentium victimarum? Sed animus simplex et Deum metuens offerentium ea quæ à Deo habebant, et pabuli et suavis olentiae gratia apud Deum deputabatur, non quod fiebant exigenti, sed illud propter quod fiebant, ob honorem scilicet Dei. Si cliens diviti aut regi nihil desideranti, tamen aliquid vilissimi munusculi obtulerit, quantitas et qualitas muneris infucabit divitem aut regem, an delectabit titulus officii? At si cliens ei munera ultrò, vel etiam edicta ordine suo offerat, et solemnities regis observet, non ex fide tamen, nec corde puro, nec pleno circa cætera quoque obsequia, nonne consequens ut rex ille vel dives exclamet: *Quò mihi multitudinem munerum tuorum?* Plenus sum. Et solemnitates, et dies festos, et vestra sabbata odit anima mea? Vestra dicendo, quæ secundum libidinem suam, non secundum religionem Dei celebrando, sua jam, non Dei fecerant: conditionalem idcirco et rationalem demonstravit recusationem eorum quæ administranda præscripserat.

VII. Origenes, Homiliâ 17 in numeros: « Quoniam, inquit, et lex Dei de sacrificiis præcipit, et ritum sacrificandi tradit filiis Israel, requiratur fortassis, cur hæc cum demoniis dictata videantur, etiam Deo jubeantur offerri. Et erit quidem simplex et citius responsio, ut quemadmodum aliàs ostendimus, quòd libellum repudiî dari non Dei voluntatis fuit, qui quòd conjunxerat, noluit separari, sed Moyses hæc propriè ad duritiam cordis Judæorum scripsit: ita etiam et de hoc videri possit, quia Deus (sicut per alium prophetam dicit) *non manducat carnes taurorum, nec sanguinem hircorum potat.* Et item ut alibi scriptum est: *Quia non mandavi tibi de sacrificiis vel victimis, in die quâ eduxi te de terrâ Ægypti.* Sed Moyses hæc ad duritiam cordis eorum, pro consuetudine pessimâ quâ imbuti fuerant in Ægypto, mandavit eis: ut qui abstinere se non possent ab immolando, Deo saltem, et non demoniis, immolarent. » Huc usque benignis oculis opinionem Spencersi intueri videtur Origenes, imò et eam fulcire, dum sacrificia cum libello repudiî comparat, quem imperatum non esse, sed permissum duntaxat Judæis ad duritiam cordis certissimum est. Sed ex iis quæ subdit, liquidò constat ipsum huic responsioni, quam simplicem et citam dicit non omnino inhærere: siquidem aliam affert rationem cur instituta sint à Deo legalia sacrificia, scilicet idololatriæ destructionem: sicut mors Christi ad mortem sive abolitionem peccati volita est. Quemadmodum ergo Christi mortem non solum permisit, sed voluit ac prædefinivit Deus ut mortem peccati destrueret, ita sacrificia non solum permisit, sed præcepit, ut idololatriam everteret. « Videndum tamen est, inquit, ne fortè sit et aliqua sacrificandi Deo occulta ac secretior ratio. Ne fortè, inquam, sacrifici-

cia quæ Deo offeruntur, ad destructionem fiant eorum sacrificiorum quæ demonibus immolantur: ut quia per illa vulnerantur anime, per ista sanentur: sicut et ii confirmant qui medicinæ peritiam gerunt; serpentum namque venena depelli medicamentis nihilominus confectis ex serpentibus, perhibent. Ita ergo et sacrificiorum demoniacorum virus per sacrificia Deo oblata depellitur: sicut et mors Jesu mortem peccati credentibus non sinit dominari. Et quidem donec tempus patiebatur, sacrificia sacrificiis opponebantur: ubi verò venit perfecta hostia, et agnus immaculatus, qui totius mundi tolleret peccatum, sacrificia illa quæ singillatim offerebantur Deo, jam superflua visa sunt, cum una hostiâ omnis demonum cultura depulsa sit.)

VIII. S. Epiphanius lib. 4 adversus Hæreses, hæresi 42, quæ est Marcionitarum, p. 360, Edit. Paris. (Cum igitur dicit: *Non præcepi illis*; et idem tamen in lege Moysi præcipit: *Quilibet filiorum Israel, si offerat sacrificium de bobus aut ovibus, masculum immaculatum offerat*. Ac rursùm: *Si agnum*. Item: *Si peccaverit populus, offeret vitulum*; his omnibus grata sibi fuisse sacrificia declarat, quæ tum pro salute populi istius oblata sunt: non quòd illis indigeret, aut admodum cuperet; sed ut ad eorum se imbecillitatem, et anticipatam humanæ mentis opinionem accommodaret, atque ut à plurimorum cultu numinum ad unius Dei cognitionem, illorum animos traderet. Etenim quoniam in sacrificiis vehementer delixi ipsorum mens erat, tanquàm pietatis hæc essent officia, quæ idolis pro expiatione suâ ac salute præstarent: simul ne ob consuetudinem extorqueri subito sibi omnia ista molestius ferrent; suo in nomine fieri ista aliquando tempore voluit, quo à plurium Deorum inani cultu annuas illas cæremonias ad obsequium suum transferrent: atque ut uno demùm cognito Deo, corroboratæque in illum fide nostrâ, deinceps ab eodem audiremus: *Numquid manducabo carnes taurorum, aut sanguinem hircorum potabo?* Item: *Numquid quadraginta annis sacrificium obtulisti mihi in deserto, Domus Israel?* Quanquàm infinita jam erant oblata sacrificia; sed ut ostenderet sibi hæc oblata non fuisse, tametsi et acciperet ipse, et in nomine ejus offerrent. Quod quidem ob inveteratam istiusmodi in rebus illorum consuetudinem est factum, donec à plurium Deorum usu paulatim in unius cultum reformatos perduceret, et ab illo deinceps intelligeret, nihil hunc ejusmodi ritibus opus habuisse, nec habere: atque ita demùm per Christi sui adventum, totum illud sacrificiorum negotium circumscriberet; postquàm unicum ac singulare sacrificium antecedentia omnia consummasset, nimirum Christi sacrificium: quoniam, ut scriptum est, *Pascha nostra immolatus est Christus*. Hujus porro sacrificii, et Paschatis, et doctrinæ pedagogus lex fuit, quæ per figurarum adumbrationes deduceret, et ad aliud disciplinæ genus conferret.)

IX. S. Joannes Chrysostomus, homiliâ 2, adversus Judæos, sacrificia quidem permissa Judaico populo,

non imperata significat: sed permissionis vocabulum usurpat ad secundariam et consequentem voluntatem significandam. Sacrificia itaque propter se ipsa Deum non jussisse et voluisse docet eloquentissimus Pater; sed illa tamen voluisse ac præcepisse non negat alterius rei gratiâ, ut scilicet Judæos ad idololatriam pronos veri Dei cultui adstringeret. Laudatus enim Isaiæ et Jeremie testimoniis, sic Judæos alloquitur. « Audistis clarissimam vocem dicentem, quod nunc non postulaverit hæc de manibus vestris? Etenim si potuisset similiter et prisceos illos omnes qui ante vos floruerunt, prius ad hoc vitæ institutum adgesseret. Quo igitur, inquit, consilio hæc modo præcepit? Nimirum vestræ morem gerens infirmitati. Et quemadmodum medicus videns hominem febricitantem, morosum, minimeque sibi temperantem, si concupiscat frigidam bibere, ac minetur, ni accipiat, planè futurum, ut vel ad laqueum fugiat, vel è sublimi se præcipitem det, dum studet majus excludere malum, permittit quod minus est, cupiens illum à violentâ morte revocare: consimilem ad modum fecit et Deus, quoniam vidit illos insanientes, anxios, concupiscentes victimarum oblationem, jamque nisi acciperent quod desiderabant, paratos ut ad idola se deflecterent, imò non solum paratos, verùm etiam eò jam prolapsos, permisit immolationem victimarum. Atque ut sciatis hanc fuisse causam, vel ex ipso tempore declararetur id quod dico. Squidem post festum quod impiis demonibus celebrârunt, tum demùm permisit illis immolationes pendum, tantùm non dicens: Insanitis, et vultis immolare victimas, quin igitur mihi potiùs immolatis? Quanquàm ne hoc quidem permisit ut perpetuò liceret; sed prudentissimo consilio quod permiserat rursùm eripuit. Et quemadmodum si medicus ille posteaquam induisit appetitui laborantis, mox phialâ e suis oculis allatâ præseribat, ut ex hac solâ bibat aquam, deinde persuaso aegroti, clam iis qui ministrant præcipiat confringere phialam illam, ut eum clam nihilque suspicantem avocet ab illâ cupiditate bibendi frigidam: itidem fecit Deus permittendo sacrificia. Neque enim in ullo urbis loco permisit id fieri, nisi in unis Hierosolymis. Mox ubi per breve tempus sacrificassent, diruit civitatem: ut quemadmodum medicus fracto vase, ita Deus subversa civitate, vel invitos illos abduceret à victimis. » Quod S. Chrysostomus observat. Leges de sacrificiis datæ Israelitis non fuisse, nisi post adorationem Vituli, observat et S. Hieronymus commentario in Ezechielis cap. 20 et post illos S. Thomas Primâ Secundæ, questione 102, art. 3. Ubi enim alteram sacrificiorum, quatenus ordinabantur ad cultum Dei, causam litteralem esse dixit, ut per hæc homines retraherentur à sacrificiis idolorum, subdit: « Unde etiam præcepta de sacrificiis non fuerunt data populo Judæorum, nisi postquam declinavit ad idololatriam, adorando vitulum et filitem: quasi hujusmodi sacrificia sint instituta ut populus ad sacrificandum promptus hujusmodi sacrificia magis Deo quàm idolis offerret. Unde dicitur

Jeremiæ 7 : Non sum locutus cum patribus vestris, et non præcepi eis in die quâ eduxi eos de terrâ Ægypti, de verbo holocaustorum et victimarum.

X. S. Cyrillus Alexandrinus, libro 4 contra Julianum, p. 126, Deum ostendisse ait, vetera sacrificia rem usu necessariam non esse, et præter ejus fieri voluntatem : principalem utique et primariam, non secundariam et consequentem; et prolatis ad hujus propositionis probationem Isaïæ et Jeremiæ testimoniis subdit : Non enim cruore Deus indigebat : Neque verò tam crassum et materiale cultum requirebat : sed subtilem et spiritualem, qui nimirum spiritu constat, et omni virtute perficitur... Quoniam autem ab Ægyptiorum cultu, fœdisque et impiis moribus, et execrandâ istorum superstitione abductus Israel vix ac ne vix quidem revocari poterat, quippe cum infirmâ et imbecilli adhuc mente præditus esset, neque dum impigrè ad tam excelsum iter eximiae vitæ, et egregiorum operum cacumen eniti posset; apparet Deum instar pædagogi lege per Mosem latâ, spiritali quâdam ratione primum ab illo multitudinis Deorum errore ut recederent jussisse : permisisse interim suis, ut ex consuetudine prisci cultûs gratiarum actiones et sacrificia ritè sapienterque instituta offerrent, ut tantumquam in figuris et umbris veritatem præmonstrarent. Lex enim figuram habet veritatis, et per illam Christi Mysterium describitur. Scientiarum autem initia perfectâ eruditione semper carent, sensim verò ad id quod perfectum est provehant... Atque, ut dixi, posteaquàm nobis opportuno tempore Servator omnium Christus affulsit, abrogatæ quidem sunt figuræ, et verò cessavit umbræ utpote in litteris infirmitas. Ipse enim per illam priscis hominibus adumbratus est. Ideò cruenta sacrificia repressit, quasi veteribus singulari quodam consilio concessa, ut in iis exercitarentur, et instar institutionis essent. Dixit enim Christus : *Spiritus est Deus, et adorantes illum in spiritu et veritate, oportet adorare.*

Et libro 9, p. 307, Julianum objicientem inducit : si Deus cruentis sacrificiis minimè delectatur, quomodo videtur ergo hæc præcepisse? Numquid certe Moses veteribus imposuit, cum singulis legibus præponeret istud : *Hæc dicit Dominus*? Si sacrificia Deum Israelitis non præcepisse, sed permisisse duntaxat S. Cyrillus sensisset, postulabat Juliani objectio, ut mentem eâ de re suam aperte declararet, idque ingenuè concederet adversario. At longè aliam viam init. Deum illa præcepisse fatetur, sed non ut per se expetenda; verum ut Israelitas, perfectionis cultûs, spiritalis scilicet ac evangelici nondum, capaces, velut infantes quibusdam elementis exerceret, et in typis veritatem meditari doceret, atque ad perfectionem pedetentim eveheret. Ad hoc quoque, inquit, nos respondebimus : non erat mendax Moses, sed divinorum potiùs oraculorum sincerus ad-minister. Et lex quidem, que litterâ continebatur, emendatrix erat insipientium, et magistra infan-

tium (sic enim loquebatur in lege cum primis eruditus ille Paulus), et ceu quibusdam elementis ac disciplinarum notioribus principiis uti jubens, in typis assuescere veritatis meditationi permittebat, et in puerilibus exercitamentis interim versari. Vix enim fieri poterat, ut Israelitæ, qui animum ad pietatem recens formatum habebant, adorationem et cultum in spiritu ac veritate implere valerent, et tam sanctæ ac purissimæ vitæ, evangelicæ nimirum perferre sudorem... At verò quòd accuratissima illa benè vivendi ratio propemodum intolerabile Judæorum mentibus onus esset, ipse legislator docuit per vocem Isaïæ ita dicens : *Neque nosti, neque scisti : neque ab initio aperui aures tuas. Sciebam enim quòd inobedienter rebellaturus esses.* Tanto enim stupore, perviciâ et levitate laborabant veteres illi Israelitæ, ut cum Moses à Deo legem acciperet, ac in monte versaretur, ad defectionem conversi sint, et vitulo divinos honores ausi sint tribuere, hisque omnibus eum prosequi dicendo : *Hi sunt Dii tui, Israel, qui eduxerunt te de terrâ Ægypti* : cum autem ad eò infirmam et fragilem mentem haberent, quo pacto disciplinam evangelicam suscepissent, ut loco spiritalis victimæ intellectualem cultum Deo consecrarent, et pro animantium cæde virtutum fragrantiam? Immolabant igitur oves, boves, hircos, turtures et columbas. Sed consideranda est, atque omni admiratione prosequenda singularis in hoc ratio divini consilii. Cum enim sacrificare permetteret, propterea quòd hæc in Ægypto facere soliti essent, ac veluti pedetentim ad perfectionem eveheret, sacrificandi modos adumbrabat, non eo ritu quo soliti erant, sed tam solenter sapienterque preparados, ut et spiritalis cultûs formam in se parerent. Et infra : Constituit quidem per sapientissimum Mosem ritus umbratiles ac typicos, gnaros typos informandis eorum mentibus, qui tum erudiebantur, idoneos esse; non ita tamen ut in rebus adeò crassis perpetuò hærentes, spiritali et intellectuali cultu exciderent, sed acceptâ in umbris rerum verarum prædicatione, Dei obsecrandi modum cum primis agnoscerent, ad rectè vivendi semitam scitè et artificiosè pergentes. Quemadmodum enim periti fabri ærarii formas imaginum, quas facturi sunt, in cerâ liquefactâ priùs exhibent, non ut eatenus tantum illorum ars progrediatur, sed ut in ipsis eorum quæ mox faciendi sunt, decus prius eluceat : postquàm tamen ad exitum perductum opus erit, non jam artificem jure incusabimus, quòd typos negligat : Simili, opinor, modo, posteaquam Christus illuxit, qui est Veritas, et christianus cultus introductus est, vanos esse typos jurè statuemus; spiritualium quippè imagines erant. Sicut ergo sculptor peritus vult formatque typos non quidem primariâ voluntate, et propter ipsosmet, sed consequenti et alterius rei gratiâ, scilicet imaginis in ære, vel in alio metallo, aut marmore, vel ligno sculptende : ita de Deo sacrificandi ritus legales instituente dicendum est, ex S. Cyrilli mente : vult illos, jubetque Deus aliarum rerum gratiâ, nempe ad abolendam

idololatriam, ad eundem populum erudiendum: ad Christi sacrificium prædiligendum. « Nos, inquit S. Cyrillus, p. 505, à legalibus non abstinemus, ut impuris, sed potius tanquam à typis ad veritatem progredimur. Nemini autem non manifestum est, id quod ad figuram alterius assumptum est, non sui gratià esse, verum ut inferat spectantibus quamdam rei futuræ præmotionem. At cum spectatur veritas, tum nullus est usus. Lex autem Mosaica cum veritatis formam pariat, sancta quoque est ipsa; sancta est enim veritas, id est, Christus, aut ejus mysterium. »

XI. Theodoretus, lib. De Græcarum Affectionum Curatione, sermone 7 de Sacrificiis, ubi Ethnicis obicit, ipsorum Deos victimarum nidoribus delectari et obsoniorum olfactu gustuque recreari, subdit: « Hæc autem et ipsi fortasse in verum, ac sempiternum Deum retorquere audent: quippe qui de Sacrificiis in Divinâ Scripturâ latas leges audiunt, legislatoris autem consilium prorsus ignorant. Israeleni enim longinquum tempus in Ægypto versatum, pravisque indigenarum moribus imbutum, et idolis ac demonibus immolare ab illis edoctum, et ludis choreisque ac musicis organis oblectari, harum rerum in habitu constitutum liberare volens, sacrificare quidem permisit, non tamen omnia sacrificare, neque falsis Ægyptiorum Diis, sed sibi soli Ægyptiorum Deo offerre... Ne itaque indignarentur, tanquam à moribus illis penitus exclusi, falsis quidem Diis sacrificare vetuit, sibi autem ea immolare jussit, quæ ab eis dudum adorabantur... Itaque sapientissimus Medicus hoc remedii genus adhibuit Ægyptiæ ægritudini, ut sacrificare quidem Judæis propter eorum imbecillitatem indulgeret, sed ea quæ prius colebant immolare juberet, ut sacrificando discerent Deos non esse quos tanquam victimas ipsi mactarent. » Prolatis denique Davidis, Isaïæ, Jeremiæ, et Amosi Prophetarum oraculis subdit: « Alia quoque plurima hoc genus invenire est, quæ declarant Deum nec sacrificiis eguisse, nec fumo vel nidore carnis, musicisque instrumentis oblectatum, ea fieri jussisse, sed ut illorum infirmitati consulere... Quæ enim late legis mens fuerit, ipse qui legem tulit, per Prophetas Deus ostendit. » Observat autem Porphyrium, cum illa Prophetarum oracula perlegisset, aliena à verâ pietate sacrificia esse ostendisse. In libris enim de Abstinentiâ ab animatis, Theophrastum induxit dicentem, « præscos homines neque thus, neque ullas victimas solitos offerre, sed paucillum feni, tanquam genitalibus naturæ lanuginem, manibus altè sublatum, flammis imponere, et hoc sacrificio apparentes cælestes Deos excepisse. » Tum plurima in hanc sententiam persecutus: « Cum autem sacrorum, inquit, primitiæ ad multam iniquitatem hominibus processissent, execrabilis paulatim usus victimarum inductus est crudelitatis plenissimus: ita ut quæ olim contra nos imprecationes susceptæ sunt, nunc videantur eventum consecutæ, mactantibus hominibus, et aras Deorum cruore conspergentibus. Tum et post alia plurima, Deos, dicit, nullo pacto habendos eos esse, qui animalium victi-

cis gaudeant: esse enim injustum, impium ac scelestum sacrificare animalia: ideoque ne, Diis gratum esse. Addit insuper. Merito Theophrastus immolari eos prohibet, qui vitam pietati bene colere studeant, multis ejusmodi utens rationibus. » Deinde ostendit quantum immolari conveniat. « De, inquit, decet immolari, quibus immolandis neminem læserimus. Nihil enim æquè omnibus innoxium esse debet ac sacrificium. Abstinendum est itaque animalibus in sacrificiis. » Plura ex Porphyrio eâ de re excerpta legi possunt apud Eusebium, libro 4 Preparationis Evangelicæ, cap. 11, 12, 13 et 15, istudque inter alia: « Ubi autem intellexerit adolescens, magnis sumptibus, adeoque bonis, ac cæterorum animantium epulis Deos ipsos delectari, qui fieri queat, ut frugi ac temperans esse velit? Idemque si accensas esse Diis hujusmodi victimas putaverit, quomodo in animum inducat, seclerate sibi facere non licere, qui sacrificiis maleficiæ redimere se posse videat? Contra verò si Deos nihil istis omnibus indigere sibi persuaserit, sed in eorum potius à quibus advenit mores intueri, magnique sacrificii habere locum rectum de se ipsis, deque rerum veritate sententiam, herine poterit, quin et temperans, et justus, et sanctus evadat? Enimverò cum sincera mens, et animus ab omni cupiditate vacuus optimæ Deorum primitiæ sint, non alienum tamen ab iisdem fuerit, alia quoque ipsis modica ac facilis impensæ libare, si tamen id non dicis causâ, sed omni studio et proluxâ voluntate fiat: siquidem isti Deorum honores, solemnibus apud viros bonos præsidendi, assurgendi, ac discumbendi rationibus similes putandi sunt, non vectigalium pensionibus. » Hæc rursum ex eodem Porphyrio refert: « Porro non Diis, sed demonibus cruenta sacrificia ab illis oblata esse, qui Virtutes hoc in universo degentes agnoverant; id verò Theologorum ipsorum fide ac testimonio comprobatur; illudque præterea, ex iisdem noxios alios esse, aliosque bonos, qui nihil incommodi allaturi nobis essent. » Cap. 14 hæc ex eodem affert: « Ac Deo quidem rerum omnium principi, nihil eorum quæ sensus attingit (quemadmodum Sapientis quidam præcipit) neque adolentes, neque consecrantes: nihil enim ex materiâ conflatum est, quod idem non ei qui ab omni materiâ sanctus est, impurum continuò fuerit. Quare ne ipsa quidem eum deceat oratio, sive quæ cum voce conjungitur, sive quæ latet interiori, si perturbatione aliqua mentis inquinetur: sed potius casto silentio, sanctique cogitationibus de illo susceptis, eum rei gloriâ veneremur. Æquum enimverò est, ut vitæ cum eo similitudine conjuncti, sublimem ipsi ac cælestem instituti nostri rationem, velut sanctissimum sacrificium offeramus, quæ simul etiam et hymni loca sit et salutem nostram contineat. Sic ergo sursum numinis contemplatione, animo ab omni perturbatione vacuo susceptâ, hujusmodi sacrificium peragitur. »

His affine est illud Apollonii Thyanci, apud eundem Eusebium, cap. 15 ejusdem libri: « Equidem, inquit, sic existimo, justis cum verisque religionis officiis

Numen colere, sibi que per se propitium illud ac secundum præ ceteris hominibus habere posse, si Deo quidem illi, quem Principem diximus, quique et unus est, et longo à reliquis intervallo sejunctus, secundum quem utique ceteros cognosci necesse est, nihil unquam sacrificaret, ignem non accenderit, nec eorum re sensibus usurpantur quicquam planè consecraret; (utpote qui rei nullius indigeat, non modò nostræ, sed nec eorum etiam à quibus plurimum nature dignitate superamur; cumque adeò nihil sit eorum quæ à terrâ vel aere quoquo modo procreentur, aut alantur, non planta, non animal, quod, si tanti naturam numinis attendamus, non labis genus aliquod videatur): sed tantum excellentem illam ac præstantem orationem ei semper obtulerit; (eam autem intelligo, quæ nequaquam ore profertur), atque ab eo qui rerum omnium est Optimus, eò quòd similiter in nobis optimum est interprete, bona potularet. Illud autem mens est, quæ nullius operam instrumenti desiderat.)

XII. Verbum missis philosophorum testimoniis, ad Patres revertamur, nostræque propositionis probationes S. Augustini suffragio quod maximam huic argumento lucem affert, concludamus. Legitur illud libro 10 de Civitate Dei, cap. 5: « Quis autem (inquit) ita desipiat, ut existimet aliquibus usibus Dei esse necessaria, quæ in Sacrificiis offeruntur? Quod cum multis vobis divina Scriptura testetur, ne longum faciamus, breve illud de Psalmo commemorare sufficiat. *Dixit Domino, Deus meus es tu, quoniam bonorum meorum non eges*, Psalm. 13, 2. Non solum igitur pecore, vel quolibet aliâ corruptibili atque terrenâ, sed ne ipsâ quidem iustitiâ hominis Deus egere credendus est, totumque quòd rectè colitur Deus, homini prodesse, non Deo. Neque enim fonti se quisquam prodesse dixerit, si biberit; aut luci, si viderit. Nec quòd ab antiquis Patribus talia sacrificia sunt in victimis pecorum, quæ nunc Dei Populus legit, non facit, aliud intelligendum est, nisi rebus illis eas res fore significatas, quæ aguntur in nobis ad hoc ut inhaereamus Deo, et ad eandem finem proximo consulamus. Sacrificium ergo visibile invisibilis sacrificii sacramentum, id est, sacrum signum est. Unde ille penitens apud prophetam, vel ipse propheta, querens Deum peccatis suis habere propitium: *Si voluisses*, inquit, *sacrificium, dedissem utique, holocaustis non delectaberis. Sacrificium Deo spiritus contribulatus, cor contritum, et humilatum. Deus non spernet*, Psalm. 50: Intueamur tunc admodum ubi Deum dixit nolle sacrificium, ibi Deum ostendit velle sacrificium. Non vult ergo sacrificium trucidati pecoris, sed vult sacrificium contriti cordis. Illo igitur quod eum nolle dicit, hoc significatur, quòd eum velle subiecit. Sic itaque illa Deum nolle dixit, quomodo ab stultis ea velle creditur, velut suæ gratiæ voluptatis. Nam si ea sacrificia quæ vult, quorum hoc nomen, cor contritum, ex humiliatum dolore penitendi, nollet eis sacrificiis significari, quæ vult sibi delectabilia de-

siderare putatus est, non utique de his offerendis in lege veteri præcepisset. Et ideò mutanda erant oportuno certoque jam tempore, ne ipsi Deo desiderabilia, vel certè in nobis acceptabilia, ac non potius quæ his significata sunt, crederentur. Hinc et alio loco Psalmi alterius, 49, v. 12 et 13: *Si esurierio*, inquit, *non dicam tibi; meus est enim orbis terræ, et plenitudo ejus. Numquid manducabo carnes taurorum, aut sanguinem hircorum potabo?* tanquam diceret: Utique si mihi necessaria essent, non à te peterem, quæ habeo in potestate. Deinde subjungens quid illa significant: *Immola*, inquit, *Deo sacrificium laudis, et redde Altissimo vota tua*. Item apud alium Prophetam, Mich. 6: *In quo apprehendam*, inquit, *Dominum, assumam Deum meum ex celsum?* *Si apprehendam illum in holocaustis, in vitulis anniculis?* *Si acceptaverit Dominus in millibus arietum, aut in denis millibus hircorum pinguium?* *Si dederò primogenita mea, fructum ventris mei pro peccato anime meæ?* *Si annuntiatum est tibi, homo, bonum, aut quid Dominus exquirat à te, nisi facere iudicium, et diligere misericordiam, et paratum esse ire cum Domino Deo tuo?* Et in hujus Prophetæ verbis utrumque distinctum est, satisque declaratum illa sacrificia per se ipsa non requirere Deum, quibus significantur hæc sacrificia, quæ requirit Deus. In Epistolâ quæ inscribitur ad Hæbreos: *Bonè facere*, inquit, *et communicatores esse nolite oblivisci: talibus enim sacrificiis placetur Deo*, Hebr. 13, 16. Ac per hoc, ubi scriptum est: *Misericordiam volo, et non sacrificium*; nihil aliud quam sacrificio sacrificium prælatum oportet intelligi; quoniam illud quod ab omnibus appellatur sacrificium, signum est veri sacrificii. Porro autem misericordiam verum sacrificium est... Quæcumque igitur in ministerio Tabernaculi, sive templi, multis modis de sacrificiis leguntur divinitus esse præcepta, ad dilectionem Dei et proximi significandam referuntur. In his enim duobus præceptis, ut scriptum est, tota lex, et prophetæ. Math. 22, 40.)

Ex hoc S. Augustini loco exponendus est alter ille à Spencero laudatus, ex libro 18 contra Faustum, cap. 6: *De sacrificiis animalium, quis nostrum nesciat, magis ea converso populo congruenter imposita, quam Deo desideranti oblata?*

Guillelmus Parisiensis libro de Legibus cap. 11, hypothesim Spenceri funditus evertit. « Septem, inquit, de causis ante legem, et etiam sub lege, sacrificia sibi offerri voluit Deus, non solum propter consuetudinem idololatriæ, ut quidam opinati sunt. Hæc enim causa in Cain, et Abel locum non habet. Prima igitur ac præcipua causa fuit Dei honorificentia seu veneratio. Omnis enim cultus Deo honorificus est, quo ipse sibi servi vult. Et propter hoc altare sibi ædificari voluit... Talibus ergo muneribus honorabatur Deus, non quidem pretiositate ipsorum, sed electione, institutione, et acceptione ipsorum à parte suâ, obedientiâ verò, et devotione offerentium à parte ipsorum. Hæc igitur

« quinque honorifica efficiebant Deo huiusmodi sacrificia, videlicet quæ ipse elegit, instituerat et accepta habebat, quæ ei obedienter ac devote offerrebantur. Non enim coli voluit, neque colendus erat ad inventionibus humanis, sed magis ritu electum et institutionis sue... Secunda causa, fuit iustitiae suæ et misericordie vehemens ac fortis impressio, quam sacrificia huiusmodi faciebant, eo enim ipso quod ad mortem huiusmodi animalia offerrebant mortemque tradebant, se ipsos morte dignos ostendebant... In hoc verò quod mors eorum morte animalium commutabatur, Dei misericordiam erga se expressè legere poterant, vel etiam legebant: et erat fortior atque magis penetrans, magisque imprimens cogitationem ac rememorationem severitatis ac miserationis divine, huiusmodi operato, quam posset esse sermo... Tertia causa, divine beneficentiae cognitio, propter quod de ipsis donis ac datis suis partem reservabant, et offerebant Domino in recognitionem, quod de ejus benedictione et largitione omnia receperant videlicet et quæ sibi retinebant, et quæ Domino offerebant sicut legitur Deuter. 25: « Profectus hodie coram Domino meo, » etc. Quarta causa, offerentium sanctificatio. Expediantur enim et emundabuntur à contaminationibus peccatorum per huiusmodi sacrificia, faciente Dei virtute, et misericordia. Quinta causa, familiaritas ad Deum et appropinquatio: oblatio namque munerum, et participatio sacrae mensæ, multam fiduciam præstant appropinquationis, et de familiâ Dei efficit participantes. Ejus enim censetur esse familia, à quo pascitur et de cuius mensâ vivit. Quare manifestum est huiusmodi sacrificia participantibus imprimere familiaritatem et proximitatem ad Deum, dum eos Dei commensales quodammodò efficiebant... Propter quod, cum Deus non posset eis vice versâ comedendo communicare, mittebat interdum ignem de cælo, qui partem suam sacrificiorum comederet, quasi vice ipsius. Sexta causa, adunatio sive unio populi Dei, videlicet, ut una domus fieret, et una familia ex multis personis. Unam enim familiam et unam domum litteralem maximè facit communio victualium; sic et unam familiam spirituales, et unamque domum maximè facit communio ciborum et potuum spiritualium... Septima causa fuit attractio ad Dei cultum. Nihil enim magis aggregat homines et convenire facit ad locum aliquem vel factum, quàm cibus et potus... Voluit ergo sapientissimus et misericordissimus Deus, ut in domo suâ et altari esset communicatio cibi et potus, ut communitas populi sui per hoc et illud attraheretur, et ibidem astrictius teneretur: voluitque huiusmodi sibi sanctificata esse, ut populus non tanquàm bona propria, sed tanquàm sacra illa sumeret, ut Deum tanquàm patremfamilias suum, à quo pasceretur et animaretur, agnosceret, et se ad sanctorum communionem seu participationem admissum videns, ab omni vitiorum contaminatione

et maculâ conservaret... Clarum ex his, quod idololatria non dedit occasionem sacrificiis, cum ante idololatriam sacrificia fuerint. »

§ II. De sacrificiorum materiâ.

I. Veterum sacrificiorum materia, vel animata fuit, vel inanimata. Ex animalibus munda tantum, eorumque octo duntaxat species altari suo Deus admovei iussit, scilicet oves, capras, hircos, boves, vitulos, columbas, passeret et turtures, Levitici 1, 2, 10, 14, et cap. 13, 4, 5. Ratio autem cur his tantum animalibus adiutum ad altare suum Deus concesserit, multiplex est, litteralis, typica, et moralis. Hæc enim præ cæteris selegit: 1^o quia præsto semper erant, et pari facilitate mensis et altaribus offerebantur. Secundò, ad vitandam idololatriam, quia gentes animantium omne genus diis suis immolabant: Soli equos, Marti lupos, Priapo asinos, Dianæ cervas, Cereri sues, Hecati canes. Ægyptiî verò boves, oves, hircos ut numina venerabantur, seu ut sacros in numinum suorum honorem alebant, nec illa usquàm in sacrificium aut epulum mactabant. Quod à Theodoro, questione 4 in Leviticum, observatum est. « Salutare, inquit, medicamentum illis comparavit. Nam ea sibi sacrificari iussit, quæ pro diis coluntur ab Ægyptiis; de numero quidem quadrupedum, vitulum, et hircum, et ovem, è volatilibus autem turturem, et pullos columbarum. Nec ignoramus alia multa pro diis habuisse Ægyptios. Sed ex iis quæ pro diis colebant, mansuetoria sacrificiis addixit, reliqua verò appellavit immunda. Ut hæc quidem execrati tanquàm impura, in deorum numero non ponerent; illa verò, ut quæ ipsi sacrificarent, pro diis non haberent, sed eum solum adorarent, cui convenit hæc offerri. Quia verò nonnulli eorum locupletes erant, alii verò inopes, illis quidem vitulum, vel agnum, aut capram offerre præcepit; his verò par turturum, aut duos pullos columbarum. » Easdem rationes S. Thomas affert, primâ secundæ, questione 102, art. 3, in Resp. ad 2. Ratio, inquit, conveniens fuit, quare ista animalia offerebantur Deo in sacrificium, et non alia: primò quidem ad excludendam idololatriam, quia omnia alia animalia offerebant idololatricæ diis suis, vel eis ad maleficia utebantur. Ista autem animalia apud Ægyptios, cum quibus conversaverunt, abominabilia erant ad occidendum. Unde ea non offerebant in sacrificium diis suis. Unde dicitur, Exodi 8: *Abominationes Ægyptiorum immolabimus Domino Deo nostro.* Oves enim colebant, hircos venerabantur, quia in eorum figurâ demones apparebant. Bobus etiam utebantur ad agriculturam, quam inter res sacras habebant. Secundò, hoc conveniens erat ad prædictam ordinationem mentis in Deum; et hoc dupliciter: primò quidem quia huiusmodi animalia maximè sunt per quæ sustentatur humana vita; et cum hoc mundissima sunt, et mundissimum habent nutrimentum. Alia verò animalia vel sunt silvestria, et non sunt communiter hominum usui deputata; vel, si sunt domestica, immundum habent nutrimentum,

« ut porcus et gallina ; solum autem id quod est pu-
 « rum, Deo est attribuendum. Hujusmodi autem aves
 « specialiter offerebantur, quia habentur in copiâ in
 « Terrâ promissionis. » Piscēs verò à sacrificiis arce-
 « bantur, inquit sanctus Thomās, quia, cum in aquâ
 « vivant, magis sunt alieni ab hominē quàm cætera
 « animalia quæ vivunt in aere, sicut et homo ; et ite-
 « rum pisces ex aquâ extracti statim moriuntur. Unde
 « non poterant in templo offerri, sicut alia animalia. »

Ratio typica cur hæc animalia Deus offerri jussit, est quod ad Christum ; cuius sacrificio præludebant, significandum accommodata præ cæteris essent. Bos enim Christi fortitudinem et labores, ovīs innocentiam, hædus formam peccatoris, turtur arcem cum Deo conjunctionem, pulli columbarum mansuetudinem significabant. Hujus interpretationis auctores indicasse sufficiat sanctum Cyrillum Alexandrinum, libro 15 de Adoratione in spiritu et veritate, Procopium in cap. 4, Bedam in cap. 1 Levitici, et sanctum Thomam hæc ex glossâ ordinariâ laudantem : *Christus in vitulo offeretur propter virtutem crucis, in agno propter innocentiam, in ariete propter principatum, in hirco propter similitudinem carnis peccati in turture ; et columbâ duarum naturarum conjunctio monstrabatur.*

Ratio moralis petitur ex cupiditatibus quas mactare, et virtutibus quibus animas nostras adornare debemus, ut nosmetipsos in sacrificium Deo gratum offeramus. Ut enim Origenes, homiliâ 2 in Leviticum : *Homo munus offert Deo vitulum, cum carnis superbiam vicerit ; ovem, cum irrationabiles motus insipientesque corripuerit ; hædum, cum lasciviam superaverit ; offert etiam par turturum, cum non fuerit solus, sed mentem suam Verbo Dei velut viro conjugem sociaverit, sicut hoc genus avium unum dicitur et castum servare conjugium. Offert etiam et duos pullos columbarum, cum et ipse intellexerit mysterium, quo oculi sponsæ sicut columbæ dicuntur ad plenitudines aquarum, et collam ejus sicut turturis. His non æsimilia apud Hesychium et Radulphum Flavianensem legere est.*

II. Animalia omni ex parte perfecta in sacrificium offerri lex jubebat. Pseudem omnem jugo tritam, senio conlectam, testiculis læsam, mutilam, morbo denique vel vitio aliquo laborantem à sacris arcebat, Levitici 22, 21, 22, 23, 24, Deuteronomii 15, 21. Sacerdotes, qui in jugi sacro cæcæ, claudum et languidum immolabant, Deus reprehendit, Malachiæ 1, 8, et 14. Philo Judæus, libro de Victimis, summam fuisse sacerdotum curam et diligentiam testatur in explorandis pecudibus altari destinatis, ne fortè vel minima celaretur labecula. Ita sanxit Deus, ut suæ majestatis auctoritatem tueretur, sacrisque reverentiam conciliaret ; utque offerentes doceret, his victimis Christum impollutum, innocentem, et à peccatoribus segregatum significari, pro ipsis aliquando immolandum, et illos interim eorū immaculatum Deo offerre debere. Quæ de re sanctus Cyrillus Alexandrinus, lib. 15 de Adoratione in spiritu et veritate, pag. 520, ait : « Opportunè verò, ac necessariò præmonet lex, et
 « apertè testatur in his certè sacrificiorum generibus

« immaculatas esse oblationes oportere : nam, quia è
 « sacrificiis quæ offerebantur, alia Christum ut pro no-
 « bis immolatum significabant, alia etiam nos præfigu-
 « rabant nostram vitam Deo propemodum adolentes ;
 « hanc ob causam, inquit, ea immaculata esse de-
 « bere, nullaque corporis parte manca atque debilia :
 « immaculatus enim est Christus ; non enim fecit pec-
 « catum. Sed nè nos quidem accipiet Deus, dum ad-
 « huc in maculis versamur, et peccatorum deformitate
 « laboramus. » Singula porro vitia, ac labeles quæ victi-
 « mas Sacris inidoneas reddebant, ibidem tropologicè
 « S. Cyrillus explicat, quem adeat studiosus lector, abs-
 « que fructu non dimissurus. Audiendus etiam eadē de re
 « S. Thomas, quæst. 102, art. 3, ad 7 : « Quia, inquit,
 « animalia maculosa solent haberi contemptui etiam
 « apud homines, ideò prohibitum est ne Deo in sacri-
 « ficiis offerrentur ; propter quod etiam prohibitum
 « erat, ne mercedem prostibuli, aut pretium canis in
 « domum Dei offerrent. Et eadem etiam ratione non
 « offerebant animalia ante septimum diem ; quia talia
 « animalia erant quasi abortiva, nondum plenè con-
 « sistentia propter teneritudinem. »

Diabolum, Dei simiam, cultoribus suis similem in probandis victimis religionem in spirasse constat ex Luciano, libro de Sacrificiis : « Illi, inquit, cum im-
 « molant, primum sertis coronant pecudem, multoque
 « ante explorant, num legitima sit, et sacrificiis ido-
 « nea, nè fortè mactent ex his, quæ religio repudiat.
 « Ægyptii, teste Chæremone, ab altaribus removebant,
 « quæ gemina, aut maculosa, aut versicoloria, aut for-
 « mæ præter naturam. Atheneus ex Aristotelis Sym-
 « posio : Nihil, inquit, mutilum Deo offerimus, sed in-
 « tegrâ et perfectâ omnia. »

III. Quæ de mercede prostibuli et pretio canis in templum Dei non inferendis, ex Deuter. 23, 18, ob-
 « servat S. Thomās, paulò majori consideratione dig-
 « na sunt. Prostibuli mercedem in domum suam Deus
 « inferri vetuit, ut Judæos ab ethnicorum execrando
 « morè abduceret, qui donaria, pecuniâs, vestes ele-
 « gantes, et alia violatæ pudicitie præmiâ diis suis eorū-
 « que templis consecrare solebant, ut constat ex
 « Michæ 1, vers. 7 : *Et omnia, inquit, sculptilia ejus
 « concidentur, et omnes mercedes ejus comburentur igne,
 « et omnia idola ejus ponam in perditionem : quæ de mer-
 « cedibus meretricis revertentur.* Item ex Luciano, lib. de
 « Deâ Syriâ, ubi refert, Ægyptios in terrâ Bythiorum
 « inferias Adonidi peragentes, capita tondere solitos.
 « E mulieribus autem quæcumque tondere nolunt, in-
 « quit, talem penam exsolvunt. Unum quidem diem
 « ad quæstum corpore faciendum foro præstant ;
 « forum autem illud solis peregrinis exhibetur : et
 « quod inde mercedis efferunt, hoc Veneri in sacrifici-
 « um datur. » De Cypris idem refert Justinus, lib.
 « 22 Historiæ. « Mos erat Cypris, inquit, virginis ante
 « nuptiâs, statutis diebus, dotalem pecuniâ quæsiturâ
 « ras, in quæstum ad littus maris mittere, pro reliquâ
 « pudicitie libamenta Veneri soluturas. » De Siccensi-
 « bus Africanis idem narrat Valerius Maximus, lib. 2,
 « c. 6 : « Stece, inquit, est sanum Veneris, in quod se

matronae conferebant, atque inde procedentes ad questum, dotes injuriâ corporis contrahabant. De Phœnicibus idem testatur S. Augustinus, lib. 4 de Civitate Dei, cap. 10. « An tres Veneres sunt, inquit, una virginum, alia conjugatarum, alia meretricum? » Cui etiam Phœnices donum dabant de prostitutione filiarum, antequam jungerent eas viis? Deus itaque mercedem prostibuli in templum suum inferri, lege lata, vetuit, ut Judæos ab idololatria pariter et libidine abduceret, ut Sacrorum suorum puritatem præ Sacris gentium ostenderet, ut sacrarii sui dignitati et reverentiæ consuleret, turpe donum repudiando. Nul-
lius enim rei turpis merces decora est, inquit Tertullianus, lib. de Habitu muliebri. Præ cæteris autem questus arte meretricia factus, infamis sæpè habitus est. Hinc Severus imperator, teste Lampridio in ejus Vita. « Lenonum vestigal, et meretricum, et exoletorum in sacrum ærarium inferri vetuit, sed sumptibus publicis ad instaurationem theatri et circi deputavit. »

IV. Canis pretium quod spectat, à Deo pariter abominationis instar repudiatum, et à sacrario eliminatum, missis variis interpretum de hujus præcepti sensu sententiis, quas eruditè refellit Spencerus, lib. 2 de Legibus ritualibus Hebræorum, cap. 23, sect. 2, planissimus ille est, Deum pretium canis, si forte venderetur, ut cum rebus aliis commutaretur, tanquam rei vilissimæ pretium, imò tanquam abominationem rejecisse: Primò, ut sanctuarii sui honori consuleret. Secundò, ut Ægyptiorum superstitionem sugillaret, qui canem præcipuâ quâdam veneratione prosequerentur, testibus Herodoto, lib. 2, cap. 67, Diodoro Siculo, lib. 4, Plutarcho in Iside, Strabone, lib. 17, et Juvenali, qui de Ægypto ait:

..... Illic

Oppida tota canem venerantur, nemo Dianam:

Ægyptiæ hujus superstitionis ratio prima fuit Nili exundatio oriente caniculâ, ut observat Aelianus, lib. 10 de Animalibus, cap. 43. Cum stella canis exoritur, inquit, cum ipsâ pariter Nilus sese attollens irrigationem invehit, et in agros redundat, quapropter canem ut aquar fertilis inductorem colunt. Propterea, et canem animal, ut caniculæ symbolum, sacro cultu prosequerentur. Ratio altera erat, quòd Anubis sive Mercurii numinis eorum maximi symbolum et imago viva canis crederetur. Ægyptios namque Anubim suum sub imagine caput caninum habente venerari solitos, referunt Diodorus Siculus, lib. 4, Lucianus, lib. de Sacrificiis, et Servius in illud Virgili, Æneidos 8:

Omnigenumque Deum monstra, et latrator Anubis.

Isidi maxime Ægyptiorum deæ cum Anubi seu Mercurio necessitudinem non minimam intercessisse, constat ex columnâ Ægyptiæ Isidi erectâ, cum hæc inscriptione: *Ego Isis sum, Regina hujus regionis, à Mercurio erudita. Ego sum quæ in canis sidere exoritur, etc.* (refert Diodorus Siculus, lib. 2.) Isidem stupro colebant Ægyptii, ut probant illa Juvenalis:

..... Jamque expectatur in hortis,
Aut apud Isiææ potiùs sacraria lenæ.

Ipsi adeò prostitutionis premium impune feminæ dabant. Anubi vero seu Mercurio canis, animalis apud ipsos sacri pretium forte devotebant. In superstitionis utriusque, seu jam oblitus, seu prævisa, execrationem Deus hæc legem tulit. *Non offeres mercedem prostibuli, nec pretium canis in domo Domini tui, quidpropter est quod noveris: quia abominatio est utrumque apud Dominum Deum tuum.*

V. Materia sacrificiorum inanimata secundum legem divinam erat, panis, simila, spicae, vinum, sal, oleum, thus, Levitici 2, 1: *Anima cum obtulerit oblationem sacrificii Domino, simila erit ejus oblatio, fundetque super eam oleum, et ponet thus.* Morem illum gentes in falsorum deorum sacris imitatae sunt, ut constat ex illis Virgii, 6 Æneid.:

..... conquesta cremantur

Thurea dona, dapæ, fuso crateres olivo.

Panis sacrificialis variis modis parabatur: in elibano, in sartagine, vel craticulâ coquebatur, oleo conspersus, absque fermento et melle, sale verò conditus, quo etiam victimas omnes aspergi lex jubebat, Levitici 2, 2: *Omnis oblatio, quæ offertur Domino, absque fermento fiet, nec quidquam fermenti ac mellis adolebitur in sacrificio Domino.* Azyma sinceritatis, veritatis atque puritatis signa erant, 1 ad Corinthios 5, 7. Apud ethnicos, Flaminibus farinam fermentatam contingere non licebat, ut notat Servius ad 1 Æneidos. In sacrificio tamen pacifico, seu gratiarum actionis, panes fermentati offerebantur, Levitici 7, 13. De sale in sacrificiis omnibus adhibendo, lex habetur, Levitici 2: *Quicquid obtuleris sacrificii, sale condies, nec auferes sal fœderis Dei tui de sacrificio tuo. In omni oblatione tuâ offeres sal.* Ritum illum demon Dei æmulus ad idololatricos cultus traduxit. Nulla enim Sacra apud ethnicos continebantur sine molâ salsâ, teste Plinio, lib. 31 Naturalis Historiæ. Quò spectant illa Ovidii. *Fastorum 1:*

Ante, Deos homini quod conciliare valeret,

Far erat, et puri lucida mica salis.

Et illa Statii, Silv. 1:

..... Sæpè Deis hos inter honores,

Cespes, et exiguo placuerunt farra salino.

Hinc Plato saleum ὁσπῆρον σάπρον, corpus Deo amicum appellavit. Falsò igitur scripsit Maimonides in More Nevochim, p. 3, Deum salis usum in sacrificiis suis præcepisse, ut se idololatriæ opponeret, qui sale in Sacris suis non utebantur. *Sal fœderis* appellatur obdiuturnitatem. Aptissimum itaque symbolum fuit ad immortalitatem Dei, cui sacrificium offerebatur, significandam, ad fœderis cum Deo initi et per sacrificium confirmati perpetuitatem exprimentam; ad incorruptæ mentis puritatem, quam à sacerdotibus, et iis quòrum nomine sacrificia offerebant, Deus postulabat, designandam.

VI. Minchæ sacrificium, sive farrea oblatio triplex erat. Prima erat oblatio similæ, secunda panum, tertia spicarum virentium, de quâ, Levitici 4, 14: *Si autem obtuleris munus primarum frugum tuarum Domino de spicis adhuc virentibus, torrebis igni, et confringes in*

morem farris, et sic offeres primitias tuas Domino, fundens supra oleum, et thus imponens, quia oblatio Domini est. De quâ adolebit sacerdos in memoriam muneris, partem farris fracti, et olei, et totum thus. De primitiis messis hordeaceæ altero Paschatis die offerendis, lex ista intelligitur. Primitiarum scilicet solemnior oblatio triplicis generis à Deo imperata est : 1° spicarum virentium hordei in Paschate; 2° panum ex similâ fermentatâ recentis tritici, in Pentecoste, quod tempus erat messis triticeæ in Palæstinâ, Levitici 23, 15, 17; 3° vitis et omnium frugum, in festo Tabernaculorum, Exodi 23, 16, 19. Nullam victimam sine similâ et vino Deus offerri jussit, Numerorum 15, 4, 5, 7, 10. Ratio cur Deus Minchæ sacrificium instituerit, multiplex afferri potest : Primò, ut pauperes, qui animalia sibi comparare non poterant, sacrificia non negligerent. Hanc rationem affert Theodoretus, quæstione 1 in Leviticum. Secundò, ut sacerdotibus de pane et annona provideretur. Hujus enim sacrificii pars maxima in usum sacerdotum cedebat. Tertiò, ut terræ fruges Deo se debere, ipsumque escam dare omni carni jugiter meminissent ac profiterentur. Quartò, quia sacrificium quasi sacrum epulum erat Dei cum hominibus. Unde victimæ vocantur *panes Dei*, Levitici, 21, 21, et 22 et 26, et *cibus Dei*, Numerorum 28, 2, secundum Hebræum; et altare vocatur *mensa Dei*, Malachiæ, 1, 7, 12. Rationem litteralem et typicam farrei sacrificii affert S. Thomas, primâ secundæ, quæstione 102, art. 3, ad 12 : « Dicendum, quòd lex in sacrificiis providere « voluit paupertati offerentium : ut qui non posset ha- « bere animal quadrupes, saltem offerret avem ; quam « qui habere non posset, saltem offerret panem ; et si « hunc habere non posset, saltem offerret farinam, « vel spicas. Causa verò figuralis est, quia panis si- « gnificat Christum, qui est panis vivus, ut dicitur, « Joannis 6. Qui quidem erat velut in spicâ, pro statu « legis naturæ, in fide Patrum. Erat autem sicut simila « in doctrinâ legis Prophetarum. Erat autem sicut pa- « nis formatus, post humanitatem assumptam, coctus « igne, id est, formatus Spiritu Sancto in clibano ute- « ri virginis : qui etiam fuit coctus in sartagine per « labores, quos in mundo sustinebat : in cruce verò « quasi in craticulâ adustus. » Ex Hesychio hanc allegoriam hausit sanctus Thomas. De rebus reliquis inanimatis, quæ materia sacrificiorum erant, sic disserit doctor idem Angelicus in responsione ad 13 : « Ea quæ « in usum hominum veniunt de terrâ nascentibus, vel « sunt in cibum, et de eis offerebatur panis : vel sunt « in potum, et de his offerebatur vinum : vel sunt in « condimentum, et de his offerebatur oleum, et sal : « vel sunt in medicamentum, et de his offerebatur thus, « quod est aromaticum et consolidativum. Per panem « autem figuratur caro Christi : per vinum sanguis « ejus, per quem redempti sumus : oleum figurat « gratiam Christi : sal scientiam : thus orationem. »

VII. Panis et vini sacrificalem oblationem ex profanis gentilissimi ritibus originem duxisse asserit, non probat Spencerus. Melchisedecus ante legem latam panem et vinum in sacrificium obtulit, Genesis 14, 18,

non gentium certè profanarum ritu : *Erat enim sacerdos Dei altissimi.* A Noacho panis et vini oblationem derivatam longè probabilius est. Noachum ab antiquis *Ogygem* dictum, notum est : quod nomen ex *Ogy* Hebræâ voce, et per reduplicationem *Ogygi* ductum, *panis subcinericii in usus sacros factorem* significat, ut à viris eruditis observatum est. Imò patres antediluvianos è terræ frugibus sacrificia obtulisse vix dubitari potest. Licet enim de Caino duntaxat legamus, quòd ex fructibus terræ obtulerit munera Domino, Genesis 4, 3, nihilominus cum eo nomine oblatio ejus non sit à Deo repudiata, sed ob malitiam offerentis, verisimillimum est ipsum ab Adamo parente, Adamum verò à Deo edoctum, hæc in sacrificium Deo obtulisse. Hoc sacrificii genus, ut et alia sibi dæmon Dei æmulus arrogavit. Ilinc Moyses, Deuteronomii 32, 38 : *Ubi sunt Dii eorum in quibus habebant fiduciam ? De quorum victimis comedeant adipēs, et bibeant vinum libaminum ?* Deus ad abolitionem idololatriæ illud lege latâ Israelitis præscripsit. Gentes vini parte aliquâ suis numinibus libatâ, partem residuam inter sacrificantes ebibendam distribuebant. At apud Hebræos vinum quantum erat in sacrificium effundebatur : sacerdotes aut sacrificantes illius participes non erant ; in aliquibus gentium sacris vinum nullum libabatur, nempe in Sacris Cereris, ut colligitur ex Plauto in Aululariâ. At Deus in omni sacrificio sibi oblato vinum libari jussit, ne frumenti solius auctor ac præses haberetur. Ethnici non tantum vino mero, sed de melle, lacte, mulso, vino mixto libabant, maximè in Ægypto et Alexandriâ, ut refert S. Hieronymus Commentario in cap. 45 Isaïæ. At lex Dei vinum tantum generosum in sacrificium offerri jussit, Levitici 23, 15, Numerorum 15, 5, 7, et 38, 7.

VIII. Mellis usum à sacrificiis suis Deus abiegavit, Levitici 2, 2 : *Nec quidquam fermenti aut mellis adolebitur in sacrificio Domino. Primitias tantum eorum offeretis, ac munera : super altare verò non imponentur in odorem suavitatis.* Falsissimum proinde est, quod de Judæis Syriam incolentibus scripsit Theophrastus, referente Porphyrio, lib. 2 de Abstinentiâ, § 26 : « Non vitimas epulantur, sed eas integras per noctem com- « burentes, multo melle et vino iis superfuso sacrifici- « cium ocius consumunt, ne qui omnia videt, facinus « hoc intueatur. » Vel Plutarchi testimonio refellitur, lib. 4, Symposiaca, cap. 5. Quanquam graviorem ille calumniam in Judæos struxerit, eos ideò mel in sacrificiis non offerre, scribens quòd Bacchum colerent, et mellis admistione vinum corrupti videatur. Varias legis hujus rationes afferunt veteres. Quas exponit Theodoretus, quæstione 1 in Leviticum : « Prohibet quoque, « inquit, offerri mel ad altare, eò quòd apīs, ut quidam « volunt, in locis impuris sedeant, et undecumque confi- « ciendi mellis materiam coacervet. Nonnulli verò dixe- « runt, inde nos instrui, ex propriis laboribus persolven- « da esse sacrificia ex consilio Salomonis, quo dicitur : « *Honora Dominum ex justis laboribus, et præbe primitias « illi de tuis fructibus justitiæ.* At fructus apīs à labore « nostro non procedit. Quæ quidem verba nihil accu-

« ratum continent. Siquidem mellis confectio non caret
 « hominum industria. Quidam enim colende terrae dant
 « operam, nonnulli curant oves, alii mercatura student,
 « alii vero melli conficiendo incumbunt. Quamobrem
 « inquit, sub nomine quidem fermenti vetustatem ne-
 « quitae significari puto, mellis autem nomine volupta-
 « tem prohiberi. » Mystica haec ratio, non litteralis;
 quam nihilominus alii Patres asserunt, et inter alios S.
 Hier., epist. 19 ad Eustochium. « Quoniam, inquit,
 « mel in Dei sacrificiis non offertur, nimia dulcedo ante
 « mutata est, et quadam, ut ita dicam, piperis austeri-
 « tate condita. Apud eum enim nihil voluptuosum,
 « nihil tantum suave placet, nisi quod in se habet mor-
 « dacis aliquid veritatis. Mellis nomine paganorum do-
 « ctrinam intelligit Ilesychius, propter suavitatem ver-
 « borum et dulcedinem eloqui. » Rationem litteralem
 simul et mysticam affert S. Thomas, primâ secundae,
 quest. 102, art. 3, ad 14. « Mel, inquit, non offereba-
 « tur in sacrificiis Dei, tum quia consererat offerri in
 « sacrificiis idolorum, tum etiam ad excludendam om-
 « nem carnalem dulcedinem et voluptatem ab his qui
 « Deo sacrificare intendunt. » Veram legis huius ratio-
 nem attigit S. Thomas, cum Maimonide sentiens, qui
 in *More Nevochim*, p. 3, cap. 46, ait Deum a sac-
 rificiis suis mellis usum ablegasse, quod *idololat. i.e.*
res dulces ad oblationes suas eligerent, easque melle in-
ungere solerent. Vix ullus fuit falsorum deorum, cui
 melle non libarent ethnici, et quem oblatis mellis dulce-
 dine gaudere non crederent. Id de Mercurio testatur
 Antipater Sidonius, lib. 1 Anthologiae, cap. 38 : *Facilis*
est Mercurius, ô pastores, qui lacte gaudet, et querno pla-
catur melle. De Baccho idem constat ex Ovidio, lib. 3
 Fastorum :

*Liba Deo fiunt, succis quia dulcibus idem
 Gaudet, et à Baccho mella reperta ferunt.*

De Priapo pastor Astaeus, apud Calphurnium, eclogâ 2 :

Rorantesque favos damus, et liquentia mella.

De Jano idem docet Ovidius, lib. 1 Fastorum :

*Quid vult palma tibi, rugosaque carica, dixi,
 Et data sub nive candida mella cado?
 Omen, ait, causâ est ut res sapor ille sequatur,
 Et peragat ceptum dulcis ut annus iter.*

Nymphis mel et vinum fundi jubet Apollinis oraculum
 apud Eusebium, lib. 4 Præparationis Evangelicæ :

Funde mel Nymphis, et Bacchi dona.

Diis omnibus mel libari solitum asserit Pausanias
 in *Eliacis prioribus*, ubi, postquam aras minimum
 quinquaginta recensuit in Jovis Olympii templo variis
 numinibus erectas, et quasdam diis omnibus sacras,
 ait : *Semel quolibet mense, ad omnes quas recensuimus*
aras Elei sacra faciunt, vetusto quodam ritu thura et
melle subactum triticum adolentes. Persas in omnibus
 sacrificiis libantes oleum cum lacte et melle mixtum
 describit Strabo, lib. 15. Auctor Hymni in Mercurium
 mel vocat *deorum suavem cibum.* Et, quod caput est,
 Deus Judeis exprobat, Ezechielis 16, 18, 19, quod diis
 omnibus gentium mel obtulerint. *Fecisti tibi, inquit,*

iniquas masculinas, et fornicata es in eis. Et sumpisti
testimenta tua multicoloria, et operuisti illas et oleum
meum, et thymum meum posuisti coram eis. Et panem
meum, quem dedi tibi, simulam, et oleum, et mel, quibus
emurvi te, posuisti in conspectu eorum in odorem suavi-
tatis. Diis præsertim inferis et herolibus fato functis
 melle libabant profanae gentes. Sic Platonem facere so-
 lebant, Siko teste, lib. 13 :

*Duc prædicta sacris duro placamina Diti
 Mella simul tecum, et puri per dona Lyæi.*

Idem melle placari Furias memorat :

*Inde tibi, Alecto, tibi, nunquam læta Megæra,
 Corpora lanigerum procumbunt lecta bidentum,
 Fundunt mella super, Bacchique et lactis honorem.*

Apud Euripidem, fratrem Orestem, tanquam mo-
 riturum, Iphigenia sic alloquitur : *Multum enim orna-*
tum tibi in sepulchro ponam, et montana flava apis
delicias ex floribus manantes in rogam tuum incipiam...
 Ut itaque Israelitis ab idololatriâ Deus abduceret, ut-
 que non minus factis et ritibus quam verbis Deum
 viventem se colere profiterentur, mellis usum in sacri-
 ficiis nomini suo oblati lege latâ prohibuit.

§ III. De sacrificiorum fine variisque speciebus.

1. Triplex fuit sacrificiorum finis : Dei honos, su-
 premique ipsius Domini agnitio ; peccati expiatio ;
 grati animi ob accepta beneficia significatio, novor-
 umque à Deo postulatio. Hinc triplex sacrificiorum
 species : 1° Holocausta ; 2° Pacifica ; 3° Expiatoria, si-
 ve, ut Scriptura sacra loquitur, *pro peccato*, Levitici 1,
 3, 4, 5, 6 et 7. Holocaustum, à voce Græcâ, *ἅλωσις*,
καύσις, id est, totum combustum, appellatum est, quod
 in eo tota victima in Dei honorem consumeretur. Hoc
 ritu summum Dei dominium in res omnes significaba-
 tur ; et qui sacrificium offerebant, se totos esse Dei
 profitebantur. Holocausti ritus cap. 1, Levitici de-
 scribitur. 1° Masculinum pecus offerri debebat, utpote
 perfectissimum. Id imitati Ægyptii sacerdotes, Chæ-
 remone teste, feminas recusabant. 2° Offerendum erat
 ad ostium Tabernaculi testimonii, quod ad idololatriam
 extirpandam à Deo præceptum est, ne, si quovis in
 loco sacrificare ipsis liceret, ad altaria gentium et
 idola deflecterent. Lex ista sacrificiis omnibus com-
 munis fuit ; ejus hanc rationem asserunt S. Joannes
 Chrysost., Expositione in Psalmum 121 et 134, et
 Homiliâ in Psalmum 95 ; Theodoretus, quæstione 56
 in 3 Regum ; et Radulfus Flaviacensis, lib. 13 Com-
 mentariorum in Leviticum, cap. 1. Quæ ratio ex ipsâ
 Scripturâ eruitur, Levitici 17, 3, 4, 5 : *Iste est sermo,*
quem mandavit Dominus dicens : Homo quilibet
de domo Israel, si occiderit bovem, aut ovem, sive ca-
pram in castris, vel extra castra, et non obtulerit ad
ostium Tabernaculi oblationem Domino, sanguinis reus
erit ; quasi sanguinem fuderit, sic peribit de medio po-
puli sui. Idcirco sacerdoti offerre debent filii Israel hostias
suas, quas occidunt in agro, ut sanctificentur Domino ante
ostium Tabernaculi testimonii, et immolent eas hostias
pacificas Domino. Demones scilicet, latrones divini-
 tatis, ut vocat Tatianus, in montibus, fluminibus, lu-

cis, agris, sacrificio cuius oblato se presentes sistere solebant, ejusque honorem suffragari. Cui malo præsentissimum remedium Deus attulit, jubendo Israelitis ut ante ostium Tabernaculi, quò dæmon, utpote in locum Deo sacrum, obrepere non potuit, victimas suas immolarent.

Tertiò, offerens holocaustum imponebat manum capiti victimæ, tum ut hoc ritu significaret se victimam à manu suâ et potestate in jus Dei transferre, tum ut innueret se peccata sua imprecari et quasi imponere victimæ immolandæ, eamque pro se offerre. Manibus enim opera significantur. Hujus interpretationis fideiussorem habeo Eusebium, lib. 1 Demonstrationis Evangelicæ, cap. 10 : « Capiti, inquit, « victimæ unumquemque, dum sacrificat, manus habere injectas imperat, et ad sacerdotem animal ipsum adducere capite comprehensum atque detentum, quasi qui pro suo ipsius capite hostiam exhibeat. Dicit igitur de unoquoque : *Adducet illud ante Dominum, et imponet manus suas in caput muneris.* « Quod sanè in omni victimâ observatum est, cum aliter nullum sacrificium offeratur. Ex quibus utique verbis sermo divinus illud intelligi vult, humanarum animarum pretium, quæ sacrificarentur animalia exhiberi solita esse. Sic etiam Theodoretus, Quæst. 1 in Leviticum : Qui verò victimam offerebat, imponebat super caput ejus manus, tanquam suas ipsius actiones, (manus enim actiones denotent) pro quibus nimirum hostiam offerebat. » Licet enim verò holocaustum in honorem Dei, supremique ipsius dominii agnitionem primariò offerretur, secundariò tamen offerebatur etiam pro peccatis ad Deum placandum, Levitici 1, 3 : *Si holocaustum fuerit ejus oblatio, ac de armento, masculum immaculatum offeret ad ostium Tabernaculi testimonii, ad placandum sibi Dominum, ponetque manum super caput hostiæ, et acceptabilis erit, atque in expiationem ejus proficiens.*

Quartò, sacerdotes sanguinem victimæ offere debebant, super altare *fundentes per circuitum*; ut hoc ritu sanguinem pecudis pro suo sanguine, vitam ejus pro vitâ suâ, quam justissimus Deus ad expiandum peccatum repetere potuisset, Deo se exhibere profiteretur is qui sacrificium offerebat. Anima enim *omnis carnis in sanguine*. Hunc ritum profanæ gentes imitate sunt. Unde Lucianus, libro de Sacrificiis : *Sanguinem, inquit, aræ circumfundens.* Sanguinem in arâ fundi Servius etiam ait in 2 Georgicon.

Quintò, sacerdos, detractâ pelle victimæ, ipsam in frusta concidebat; eaque super altare composita comburebantur igne sacro, id est, cœlitus in altare delapso, qui vigili sacerdotum curâ inextinctus perpetuò servabatur, Levitici 6, 12; ex quo Veste ignis apud ethnicos; de quo Virgilius in 2 Æneidos :

Æternumque adytis effert penetralibus ignem.

Pellis detractio significabat omnia Dei oculis nuda et aperta esse. Ignis minimè vulgaris, nec à focis ad aram translatus, sed è cœlo delapsus, incomparabilem naturæ divinæ excellentiam testabatur, sacrisque singularem conciliabat reverentiam. De hoc igne plura

ex Hebræorum scriniis deprompta legi possunt apud Buxtorfium, Exercitatione in Historiam ignis sacri.

Sextò, aves ritu peculiari immolabantur, Levitici 1, 14 : *Si autem de avibus holocausti oblatio fuerit Domino, de turturibus, aut pullis columbæ, offeret eam sacerdos ad altare : et retorto ad collum capite, ac rupto vulneris loco, decurrere faciet sanguinem super crepidinem altaris; vesiculam verò gutturis, et plumas projiciet super altare, ad orientalem plagam, in loco in quo cineres effundi solent; confringetque ascellas ejus, et non secabit, neque ferro dividet eam, et adolebit super altare, lignis igne superposito.* Non comburebantur, sed projiciebantur, quæ immunda erant, procul ab ambitu castrorum in quemdam locum mundum, in quem et cineres altaris reponi solebant. Ritus ille immolandi aves absque divisione, antiquior lege fuit, ab Abraham observatus, Genesis 15, 10. Theodoretus, Quæstione 1 in Levit. : « Volatilia porrò nec patriarcha « divisit, nec legislator dividi jubet. Nam qui mente « sunt volucres, Deum ex toto corde diligentes, non « partiuntur illam in terrena et cœlestia, sed totam « sursum ferunt. » Totum ritum immolationis avium mysticè explicat S. Cyrillus Alexandr., libr. 16 de Adoratione in spiritu et veritate, p. 564, Edit. Regiæ Parisiensis. « Et aufertur quidem, inquit, in iis avibus ingluvies, id est, vesica, cum pennis : projicitur autem ut prorsus inutilis; id verò signum est clarum, sanctorum vitam ipsis etiam corporeis voluptatibus esse superiorem, ita ut jam ne ventris quidem ferè, quo cibi omnes deferuntur, usum desideret; ejusmodi namque est hominum tolerantissimorum vita, qui escas simul et ipsum quoque ventrem continententes, conficiunt carnem, et voluptates extinguunt, et ab omnibus mundanis atque supervacuis liberi sunt ac remoti. Id enim est pœnarum abjectionis..... Alarum contrafactio figura est et specimen quo indicatur sanctorum mentem non aliè sapere, neque in sublime volare, sed humilibus consentire, et tanquam inferiora querere..... Porro vitam suam illos universam et integram Deo dicasse, non ejus partem iis quæ sunt mundi tribuisse, in eo significatur, quòd non dividuntur. »

II. Holocausti ritum diabolus, Dei æmulus, ad profanarum gentium sacra transtulit. Hinc illud Virgilii, 6 Æneidos :

Et solida imponit taurorum viscera flammis.

Ad quem locum Servius : *Ergo, inquit, solida viscera, holocaustum significat.* Hinc et illud Senecæ in Œdipode :

Solidasque pecudes urit.

Herodotus lib. 2 de Ægyptiis scribit : *Pecude ad aram adductæ, rogam accendunt, deinde vino superfuso, et Deo invocato mactant.* Et lib. 7 : *Emilcar eo tempore sacrum fecit, libarique, tota victimarum corpora magno rogo imponens.* Sed profanæ gentes diis inferis ut omnia absumentibus holocausta immolabant : Israelite uni vero Deo, ut vitæ necisque domino. De his exstat insignis Theophrasti locus à Porphyrio laudatus, lib. 1 de Abstinentiâ, mendaciis licet calum-

nisque adversus Judæos aspersus. « Et sanè, inquit, « si ex Syris Judæi, qui, quod institutum apud eos « jam inde ab initio hoc sacrificii genus fuerit, etiam- « num animantes immolant, eodem, quo ipsi ritusa- « cra facere nos juberent, nunquam eo nos adduci « pateremur. Nec enim carnis victimis ad cibum uti « solent, sed integras ac solidas, et multo melle vi- « noque perfusas noctu flammis absumere, ac totum « sacrificium paucis aliquot horis peragere, utique ne « oculus ille omnia pervidens, indignum facinus aspi- « ciat. Deinde vero debitis illi singulis, dum ejusmodi « sacris operam dant, cum jejuni sese dedunt, tum « de divino Numine, uti homines ipso genere philoso- « phos docet, toto illo tempore sermones inter se mis- « cent: noctu autem sidera delixis in eorum oculis « contemplantur, suas interea preces atque vota Deo « nuncupantes. Hic enim non ceteras tantum animan- « tes, sed etiam semetipsos primi omnium offerre « ceperunt, necessitate profecto, non cupiditate du- « cti. » Hunc locum legere est apud Eusebium, lib. 9
Præparationis Evangelicæ, cap. 2.

III. *Secunda sacrificii species, Hostia Pacificorum*, quæ scilicet offerebatur pro pace, id est, salute, incolumitate, prosperitate; pacem enim pro beneficii pom etiam Latini docet Servius ad 4 Georgicon. Erat autem duplex: una gratiarum actionis pro beneficii acceptis, altera precationis pro beneficiis obtinendis. Rursus, votiva quedam, oblata nempe ad solutionem voti quo quis obstringebatur; alia spontanea et meræ liberalitatis, ad affectus pii testimonium oblata, Levitici 7, 12, 16. Hujusmodi sacrificia lege vetustiora fuisse certum est, cum eorum mentionem Moses ex improvviso faciat, Levitici 3, nunquam facturis, nisi populo ante nota fuissent. Idque etiam probatur ex Jethronis facto, qui, ante datam in monte Sinaï legem, holocausta et hostias Deo in castris Israeliticis obtulisse dicitur Exodi 18, 12, et postea Aaronem et omnes seniores Israel convivio excepisse coram Deo, juxta ritum pacificorum. Pacifica quæ à Græcis *εὐεργετία*, id est, *solutifera* dicebantur, ad profanam gentium religionem demonis amulatione translata sunt. Hinc illa Gratii in Cyneget.:

*To primum, Vulcane, loci, pacemque precamur,
Incola sancte, tuam.*

Et illa Virgilii, Georgicon 4:

*... Tu munera supplex
Tende, potens pacem.*

IV. Hostia pacifica esse debebat ex bobus, ovibus, agnīs, vel capris; masculus esset, an femina, perinde erat. Dividebatur in tres partes. Prima, scilicet adest et sanguis Deo adolebatur, cum caudā totā, renibus et jecore. Quibus significabatur immolandas in Dei honorem cupiditates, quarum instrumenta sunt adest, renes, jecur; et perseverantiam in Dei cultu, esse verum, quod ipsi offerre debemus, sacrificium. Secunda pars, scilicet pectus et armus dexter, cedebat sacerdoti. Tertia, nempe caro reliqua cedebat privatis qui obtulerant, de eaque licebat ipsis cum

eorum uxoribus et liberis epulari, in signum amicitiae cum Deo. Levitici 3 et 7. In hostia vero pro peccato, pars cedebat Deo, pars sacerdoti, nihil offerenti, ne de culpā sua letari videretur. In holocausto, totum Deo cedebat. Istud triplicis hujus sacrificii discrimen explicat S. Thomas, Prima Secunda, questione 102, art. 38, ad 8, docetque divisionem victimæ pacificæ in tres partes significasse, quod *salus hominis procedit a Deo, dirigentibus ministris Dei, et cooperantibus ipsis hominibus qui salvantur*. Rationem cur sacerdoti cedebat pectus et armus dexter, tradit idem doctor Angelicus, eamque duplicem, litteralem unam, mysticam alteram. « De hostiis autem pacificis, inquit, in usum « sacerdotis cedebat pectusculum et armus dexter, ad « excludendum quandam divinationis speciem quæ vocatur spatulamantia, quā scilicet in spatulis am- « malium immolatorum divinabant, et similiter in osse « pectoris: et ideo istæ efferentibus subtrahebantur. « Per hoc etiam significabatur quod sacerdoti erat « necessaria sapientia cordis ad instruendum popu- « lum; quod significatur per pectus, quod est tegu- « mentum cordis: et etiam fortitudo, ad susten- « tandum defectus, quæ significatur per armum dex- « trum. »

V. Adipis et sanguinis cujusvis esu Israelitis lege latè interdictum est, Levitici 3, 16, 17: *Omnis adest Domini erit, jure perpetuo in generationibus, et cunctis habitaculis vestris: nec sanguinem, nec adipem omnino comedetis*. Confer cap. 7, 26 et 17, 10, 12, et Deuteronomii 12, 16 et 15, 25. Cujus quidem legis ratio multiplex affertur à S. Thomā: « Prima fuit ad exclu- « dendum idololatriam. Idololatæ enim bibebant de « sanguine victimarum, et comedebant adipem secun- « dū illud Deuteronomii 32: *De quorum victimis « comedebant adipem, et bibebant vinum libaminum*. « Secunda ratio est ad informationem humanæ vitæ. « Prohibebatur enim eis usus sanguinis ad hoc quod « horrerent humani sanguinis effusionem. Unde dici- « tur, Genesis 9: *Carnem cum sanguine non comedetis, « sanguinem enim animarum vestrarum requiram*. Esus « verò adipum prohibebatur eis ad vitandam lasciviam. Unde dicitur, Ezechielis 44: *Quod crassum « erat occidebatis*. Tertia verò ratio est propter reve- « rentiam divinam: quia sanguis est maxime necessa- « rius ad vitam; ratione cujus anima dicitur esse in « sanguine: adest autem abundantiam nutrimenti « demonstrat... Et ideo, ut ostenderetur quod à Deo « nobis est vita et omnis honorum sufficientia, ad « honorem Dei effundebatur sanguis, et adurebatur « adest. Quarta ratio est quia per hoc figurabatur « effusio sanguinis Christi, et pinguedo charitatis ejus, « per quam se obtulit pro nobis. »

VI. A lege sanguinis esum prohibente differre paululum videtur illa de non comedendo *super sanguinem*, Levitici 19, 26, secundū textum Hebræum: Nam Vulgata nostra habet: *Non comedetis cum sanguine*. Veteres idololatæ, mactatā dæmonibus victimā, sanguinis partem comedebant, vel sanguinem in pelvim aut fossam effundebant, et ad illum convivendi causā

frequentes conveniebant, ut, cum dæmones, vel mortuorum umbræ sanguinem animalis immolati vescerentur, eorum gratiam usumque familiarem sibi conciliarent, et responsa de futuris eventis ab ipsis elicerent. Magico huic ritui legem illam Deus opposuit, teste Maimonide in *More Nevochim*, p. 3, cap. 46.

« Scito, inquit, quòd licet sanguis immundus et impurus admodum fuerit in oculis Zabiorum, tamen ab illis comestus fuerit, eò quòd existimarent cibum hunc esse dæmonum, et quòd is qui eum comedit hâc ratione communicationem aliquam cum dæmonibus acquirat, ita ut familiariter cum illo conversentur, et futura ei aperiant, prout vulgus dæmonibus ista attribuere solet. Fuerunt tamen quidam inter illos, quibus valdè durum et difficile videbatur sanguinem comedere (est enim res à quâ naturâ homo abhorret). Illi mactantes bestiam aliquam, sanguinem ejus accipiebant, et in vase vel fossulâ aliquâ colligebant; carnem verò mactatam, circa illum sanguinem in circulo sedentes, comdebant, imaginantes sibi in hoc opere ipsis carnem comedentibus, dæmones illum sanguinem comedere, et hunc ipsorum esse cibum : et hoc medio amicitiam, fraternitatem et familiaritatem inter ipsos contrahi, quia omnes in unâ mensâ edunt, et uno consessu accumbunt. Præterea opinabantur dæmones in somnio sibi comparere, futura indicare, plurimumque prodesse. » Comestionem ad animalis immolati sanguinem, de quâ Levitici 19, 26, divinationis ethnicæ ritum fuisse, colligitur ex legis istius conjunctione cum legibus aliis varias divinationis species prohibentibus : *Non comedetis super sanguinem* ; vel (ut habet Vulgata) *cum sanguine. Non augurabimini, nec observabitis somnia*. Divinationis, inquam, ritus erat omnium pessimæ et maximè execrandæ, scilicet necromantiæ, quâ veteres idololatræ, sanguine in fossulam effuso, circa illum comedentes, manes aut mortuorum animas evocabant, illasque de rebus obscuris interrogabant. Quo de ritu Horatius, *Serm. 1, Satyrâ 8*.

... Pullam divellere mordicis agnam
Cæperunt, cruor in fossam diffusus, ut inde
Manes elicerent, animas responsa daturas.

Huc etiam spectant illa Clementis Alexandrini, lib. 2 *Pædagog.*, cap. 1, ubi de idolothytis loquens : *Illu, inquit, mihi videntur execranda et abominanda, quorum sanguinem supervolant animæ ex Erebo nunc lumine cassæ*. Ejusdem nefandi ritus S. Aug. meminit, lib. 7 *De Civitate Dei*, cap. 35, de hydromanciâ agens.

« Quod genus, inquit, divinationis Varro à Persis dicit allatum, quo ipsum Numam, et postea Pythagoram philosophum usum fuisse commemorat : ubi adhibito sanguine etiam inferos perhibet sciscitari, » *νεκρομαντεῖον* Græcè dicit vocari. »

De eodem Guillelmus Parisiensis, lib. de Legibus, cap. 8 : « Adeò, inquit, placuit sanguis dæmonibus aliquando, et apud aliquos idololatræ, ut ne tangere illum auderent, tanquam partem diis consecratam, et eis solis debitam. Propter quod et circa sangui-

nem, vel ante ipsum comedebant, diis suis sanguinem relinquentes : opinabanturque ex hoc sese placere diis suis, quia ante vel circa sanguinem immolantium comedebant, putantes eâ horâ etiam deos suos convenire ab bibendum sanguinem hujusmodi. Et ita in conspectu eorum de sacrificiis comedentes, diis sanguinem illum bibentibus communionem forti ac federe indissolubili constringerentur.

De eodem S. Thomas, primâ secundæ, quæstione 102, art. 6, ad 1 : « Generaliter, inquit, Judæis prohibitus est esus omnis sanguinis et adipis cujuslibet animalis ; sanguinis quidem, tum ad vitandam crudelitatem, ut detestarentur humanum sanguinem effundere ; tum etiam ad vitandum idololatriæ ritum, quia eorum consuetudo erat ne circa sanguinem congregatum adunarentur ad comedendum in honorem idolorum, quibus reputabant sanguinem acceptissimum esse. Et ideò Dominus mandavit quòd sanguis effunderetur, et pulvere operiretur, nempe Levitici 17, 10, 11, 12, 13, 14 : Homo quilibet de domo Israel, et de advenis qui peregrinantur inter eos, si comederit sanguinem, obfirmabo faciem meam contra animam illius, et disperdam eam de populo suo, quia anima carnis in sanguine est : et ego illum dedi vobis, ut super altare in eo expietis pro animabus vestris, et sanguis pro animæ piaculo sit. Ideirco dixi filiis Israel : Omnis anima ex vobis non comedet sanguinem... Homo quicumque de filiis Israel, et de advenis qui peregrinantur apud vos, si venatione atque aucupio cøperit feram vel avem, quibus vesci licitum est, fundat sanguinem ejus, et operiat illum terrâ. » Ritum illum idololatricum et magicum comedendi super aut juxta sanguinem perstringi ab Ezechiele prophetâ, cap. 33, 25, 26 non absque fundamento putat Spencerus, lib. 2 de Legibus Hebræorum ritualibus, cap. 11 ; sic habet propheta : « Hæc dicit Dominus Deus : Qui in sanguine comeditis, et oculos vestros levatis ad immunditias vestras, et sanguinem funditis, numquid terram hæreditate possidebitis? Stetistis in gladiis vestris, fecistis abominationes, » etc. Scilicet cum victimas diis inferis immolassent, et sanguinem in fossam effudissent, oculos suos ad eorum idola, quæ immunditiarum nomine à Prophetâ designantur, cum fiduciâ tollebant, propitios sibi fore manes et mortuorum umbras sperantes, seque ab iis responsa elicturos. Porrò in gladiis suis stabant, quòd persuasum haberent necromantici mortuorum animas, quæ ad sanguinem bibendum vocatæ advolarent, mucronis stricti fulgore coliberi et in fugam dari. Unde apud Homerum, lib. 12 *Odysseæ*, Tyresias vates ab Ulyssæ evocata, sic ipsum allocuta fingitur.

Sed retrocede à fossâ, et remove ense acutum,
Sanguinem ut bibam, et tibi vera dicam.

Huc spectant et illa Siliî Italici :

..... Contende tueri,

Eductumque tene vaginâ interritis ense.

Quæcumque ante animæ tendunt potare cruorem,
Disjice.

VII. Tertia sacrificii species erat *hostia pro peccato*, eoque per ignorantiam commisso, quæ erat quadruplex, 1^a pro peccato pontificis, quæ erat vitulus. 2^a Pro peccato populi, ex eodem animalium genere. 3^a Pro peccato principis, quæ erat hircus. 4^a Pro peccato plebei, quæ erat capra, vel ovis. Ritus sacrificii pro peccato pontificis aut totius populi, hic erat: adducebant vitulum absque macula ad ostium Tabernaculi, manus ipsi imponebant sacerdos in priori, seniores in posteriori sacrificio. Eo mactato, sacerdos hauriens de sanguine victimæ inferebat illum in tabernaculum testimonii. Intincto deinde in sanguine digito, septies eo aspergebat velum Sancti Sanctorum, quo aspersorum numero perfecta expiatio significabatur. Eodem sanguine cornua altaris thymiamatis intingebat. Reliquum sanguinem fundebat in basim altaris holocausti in introitu Tabernaculi. Adipem, duos renunculos, et reticulum super eos positum juxta illa, adolebat super altare holocausti, ut in sacrificio pacificorum. Pellem vero cum carnibus, capite, pedibus, intestinis, fimo, offerebat extra castra, et comburebat in loco, ubi cineres effundi solebant. Ritus hic quasi tacita erat oratio, quâ pontifex Deum rogabat, ut sua vel populi peccata, seu penas ipsis debitas, cum vitulo mactato velati offerret extra castra omnino abolenda, ne populo imputarentur, eique nocerent. Significabatur præterea, *peccatum a sanctis septis alienum esse*, ait Theodoretus, questione 1 in Leviticum. Typicus etiam erat ritus ille, Christum significans extra civitatem, in loco separato immolandum. Unde Apostolus ad Hebræos 13, 11, 12, 13, ait: « Quorum enim animalium inferitur sanguis pro peccato in Sancta per pontificem, horum corpora cremantur extra castra. Propter quod et Jesus, ut sanctificaret per suum sanguinem populum, extra portam passus est. Exeamus igitur ad eum extra castra, improprium ejus portantes. Non enim habemus hic manentem civitatem, sed futuram inquirimus. » Pro peccato sacerdotis et populi similem victimam lex præscribit, docens quanta sit sacerdotii dignitas, quam universo populo purem fecit, inquit Theodoretus. In sacrificio pro peccato principis, aut plebei, victima non comburebatur extra castra, nec sanguis ejus inferebatur in tabernaculum, ut eo aspergeretur altare thymiamatis. Hi ritus Levitici 4 describuntur. Hostiarum pro peccatis ex silentio veritatis, immunditiæ, errore, juramento, item pro peccatis ex certâ scientiâ commissis, speciales ritus erant, cap. 5, et 6 Levitici descripti.

Qui sacrificia expiatoria pro peccatis suis offerebant, penitentiam debebant agere, et peccati confessionem edere his ferè verbis: *Eccc peccavit me, et peccavit me operum meorum. Nunquam revertar ad istam rem.*

Qui duos turtures, vel duos pullos columbarum offerebat pro peccato ex oblivione juramenti commisso, cum agnam sive capram comparare non posset, unum pro peccato et alterum pro holocausto offerre debebat. *Sacrificium namque pro peccato sine holocausto non offerebatur*, inquit S. Aug., questione 4 in Levi-

ticum. Sed prius offerebatur pro peccato, deinde holocaustum. Utroque Christi figura erat. *Qui non pro nobis mortuus est, non in odorem suavitatis Patri ut holocaustum oblatum, et sanguinem pro universorum vitæ pretium impendit*, inquit S. Cyrillus Alexandr. lib. 15 de Adoratione in Spiritu et Veritate. Non dividebantur hujusmodi officia, ut significaretur Christi mortem non dividentem interisse, sed mutuum inter nos unitatem. Tabernaculum avis sanguine respergebatur, quo significabatur *Christum sanctificare Ecclesiam suo sanguine*. Ita Sanctus Cyrillus.

Si nec turtures, nec pullos columbarum præ paupertate suppetrent, exiguum simulam pro peccato offerebat peccator, sine oleo et thure. (Levitici 5, 2.) Caput ritus rationem Theodoretus affert: *Oleum cum lætitiâ indicat, thure autem suavem odorem: quorum utroque privatum est peccatum.*

Qui sponte peccaverant, aut depositum acceptum denegaverant, aut injuriâ quâpiam illata proximo peccatum atroces pejerando reddiderant, imprimis restituere tenebantur injuriâ passis ea quæ iniquè abstulerant, et præter sortem quintam ejus partem; deinde arietem offerre ad placandum Deum. (Levitici 6.) Quod Zacchæus præstitit. Reddidit enim, quæ rapuerat iniquè, quadrupla: deinde honorum suorum dimidium dedit pauperibus.

In altari holocaustorum victimæ quoque pro peccato offerebantur, *ad consolationem offerentium, ut cognoscerent se non esse alienos à sanctis, cum per penitentiam sanabantur*. Ita Theodoretus, questione 4 in Leviticum.

VIII. Inter omnia sacrificia holocaustum erat præcipuum, quia totum comburebatur in honorem Dei, et nihil ex eo comedeatur. Secundum verò locum in sanctitate tenebat hostia pro peccato, quæ comedeatur solum in atrio à sacerdotibus in ipsâ die sacrificii. Tertium gradum tenebant hostiæ pacificæ: pro gratiarum actione, quæ comedeantur ipso die, sed ubique in Jerusalem. Quartum locum tenebant hostiæ pacificæ ex voto, quarum carnes poterant etiam in crastino comedi. Ita S. Thomas, primâ secundæ, questione 102, articulo 3, ad 10, Rationemque affert hujus ordinis: Quia maxime obligatur homo Deo propter ejus Majestatem; secundò propter offensam commissam; tertio propter beneficia jam suscepta: quartò propter beneficia sperata. Carnes porrò victimæ Pacificorum in tertium diem servatas comedere nefas erat. Si quis comederet, irrita fiebat oblatio, nec proderat offerenti, ut dicitur Levitici 7, 18. Rationem legis Theodoretus affert, questione 6 in Leviticum. Vult eos, inquit, non solos epulari, sed etiam egenis de carnibus largiri. Idcirco primâ quidem et secundâ die de carnibus illis sumere jubet, quæ autem supersunt, igni mandari: ut istâ necessitate compulsi, pauperes convivii sui socios habeant.

IX. Omne sacrificium sacerdotum igne penitus consumendum erat, id est, omnis victima à sacerdotibus proprio nomine oblata. (Levitici 6, 23.) Rationem af-

fert Theodoretus, quæstione 3 in Leviticum. Id enim verò lex præcepit, ut perfectum sacerdotem esse demonstraret, qui non oliquatenus, sed totam planè se dedicaverit Deo universorum.

X. Quicumque carnes victimæ tetigerat, vel ejus sanguine fuerat aspersus sanctificabatur, et vestis illius lavabatur in loco sancto. (Leviticus 6, 27.) Ad reverentiam sacris conciliandam lex ea pertinebat, interprete Theodoro, quæstione 5 in Leviticum. « Reverentiam, inquit, illos docet, ac jubet rebus divinis assistere cum timore, et procul à sacris stare imperat. Eum autem qui ausus fuerit appropinquare, et guttam sanguinis receperit, præcipit, templo assidere, quasi sui dominus ampliùs non sit. Assidere, inquam, non ut sacra faciat, sed ut aliquo alio ministerio fungatur. Propterea vestimenta, quæ guttis hujusmodi sanguinis respersa fuerint, lavari jubentur. »

ARTICULUS III.

DE LEGIBUS CÆREMONIALIBUS SACRORUM.

§ 1. De rationibus hujusmodi legum.

PROPOSITIO I GENERALIS. — Ad reverentiam singularem Deo ejusque sacris, ac ministris conciliandam, necnon ad mysteria Christi significanda, latæ sunt leges cæremoniales Sacrorum.

I. Hanc propositionem explicatione magis, quàm probatione indigentem illustrat S. Thomas primâ secundæ, quæstione 102, articulo 6 : « Totus, inquit, exterior cultus Dei ad hoc præcipuè ordinatur, ut homines Deum in reverentiâ habeant. Habet autem hoc humanus affectus, ut ea quæ communia sunt et non distincta ab aliis, minùs reveratur : ea verò quæ habent aliquam excellentiæ discretionem ab aliis, magis admiretur, et reveratur. Et inde etiam hominum consuetudo inolevit, ut reges et principes, quos oportet in reverentiâ haberi à subditis, et pretiosioribus vestibus ornentur, et etiam ampliores et pulchriores habitationes possideant. Et propter hoc oportuit, ut aliqua specialia tempora, et speciale tabernaculum, et specialia vasa, et speciales ministri ad cultum Dei ordinarentur, ut per hoc animi hominum ad majorem Dei reverentiam adducerentur. »

« Similiter etiam status veteris legis institutus erat ad figurandum mysterium Christi. Oportet autem esse aliquid determinatum, id per quod aliquid figurari debet, ut scilicet ejus aliquam similitudinem representet. Et ideo oportuit aliqua specialia observari in his quæ pertinent ad cultum Dei. »

Primam partem explicationis suæ fundavit procul lubio S. Thomas in lege illâ generali à Deo latâ, Leviticus 19, 30 : *Sanctuarium meum metuite : Ego Dominus*. Ad quam legem attendens Maimonides in More Nevochim, p. 3, cap. 45, ait : *Nosti quàm sollicitè et vehementer lex laboret magnificentiam et venerationem sanctuarii nobis persuadere.*

Alteram explicationis suæ partem fundavit doctor Angelicus in illo Apostoli loco ad Hebræos 8, 4, 5, ubi ait eos qui offerebant secundum legem munera, exemplari

et umbræ deservisse cælestium. Sicut responsum est Moysi, cum consummaret tabernaculum : Vide, inquit, omnia facito secundum exemplar quod tibi ostensum est in monte.

II. Idem S. doctor disserens de cortinis et pellibus quæ tabernaculum interiùs exteriùsque tegebant, in responsione ad 7 ait : « Horum operimentorum ratio litteralis in communi erat ornatus et protectio tabernaculi, ut in reverentiâ haberetur... Figuralis autem ratio horum est quia per tabulas, ex quibus construebatur tabernaculum, significantur Christi fideles, ex quibus construitur Ecclesia. Tegebantur autem interiùs tabulæ cortinis quadricoloribus, quia fideles interiùs ornantur quatuor virtutibus. Nam in bysso retortâ significatur caro castitate renitens : in hyacintho, mens superna cupiens ; in purpurâ, caro passionibus subjacens ; in cocco bis tincto, mens inter passiones, Dei et proximi dilectione præfulgens. Per opera verò tecti designantur prælati et doctores, in quibus debet renitere cælestis conversatio, quod significatur per pelles hyacinthinas ; promptitudo ad martyrium, quod significant pelles rubricatæ : austeritas vitæ et tolerantia adversorum, quæ significantur per saga cilicina quæ erant exposita ventis et pluviis. » Hanc allegoriam glossæ ordinariæ debere se fatetur S. Thomas. Hæc verò ex Bedâ sumpta est, libro 2 de Tabernaculo.

III. In responsione ad 9 docet Deum sacrorum suorum honori prospexisse, jubendo ut Tabernaculum, arca, altaria, vasa, universaque supellex ad cultum tabernaculi pertinens, sanctificaretur, et unctione sacrâ à communi rerum cæterarum sorte eximeretur. Lex habetur, Exodi 30, 25 et seq. : *Faciesque unctionis oleum sanctum, unguentum compositum opere unguentarii, et unges ex eo tabernaculum testimonii et arcam testamenti, mensamque cum vasis suis, candelabrum et utensilia ejus, altaria thymiamatis et holocausti, et universam suppellectilem, quæ ad cultum eorum pertinet. Sanctificabisque omnia, et erunt sancta sanctorum : Qui tetigerit ea, sanctificabitur*. Legis verò rationem breviter tradit S. Thomas loco mox laudato : « Sanctificatio, inquit, tabernaculi, et vasorum ejus habebat causam litteralem, ut in majori reverentiâ haberetur, quasi per hujusmodi consecrationem divino cultui deputatum. Figuralis autem ratio est, quia per hujusmodi sanctificationem significatur spiritualis sanctificatio viventis tabernaculi, scilicet fidelium, ex quibus constituitur Ecclesia Christi. »

IV. Ad reverentiam sacrorum promovendam latæ sunt à Deo leges de variis immunditiarum speciebus, quæ homines ab aditu sanctuarii prohibebant, et quarum nonnullæ nonnisi cum multo laboris et temporis impendio tolli poterant, ut observat Maimonides in more Nevochim, p. 3, cap. 47. Hanc legalium pollutionum rationem affert sanctus Thomas, primâ secundæ, quæstione 102, articulo 5 : « Istarum, inquit, immunditiarum erat ratio et litteralis, et figuralis. Litteralis quidem, propter reverentiam eorum quæ ad divinum cultum pertinent ; tum quia homines præ-

« tiosas res contingere non solent, cum fuerint immundi, tum etiam ut ex raro accessu ad sacra ea magis venerarentur. Cum enim omnes huiusmodi immunditias raro aliquis cavere possit, continget hoc quod raro poterant homines accedere ad attendendum ea quae pertinebant ad divinum cultum; et esse quando accedebant, cum maiori reverentia et humilitate mentis accedebant. » Dei sanctuarium tales omnes vulgares sanctitate, et excellentia longè antecellere cuivis colligere facile erat, cum nullis nisi sollicitè purgatis ad illud accedere concessum esset.

V. Honori sacrorum pariter consuluit Deus, latè lege de sacerdotibus insigni aliquo corporis vitio, et farditate notatis à tabernaculi ministerio, et ingressu prohibendis, Levitici 21, 16, et seq. : *Locutus est Dominus ad Moysen dicens : Loquere ad Aaron : Homo de semine tuo per familias, qui habuerit maculam, non offeret panes Deo suo, nec accedet ad ministerium ejus : si caecus fuerit, si claudus, si parvo, vel grandi, vel torto naso, si fracto pede, si manu, si gibbus, si lippus, si albuginem habens in oculo, si scabiem, si impetiginem in corpore, vel herniosus. Omnis qui habuerit maculam de semine Aaron sacerdotis, non accedet offerre hostias Domino, nec panes Deo suo : vescetur tamen panibus qui offeruntur in sanctuario, ita duntaxat ut intra velum non ingrediatur, nec accedat ad altare, quia maculam habet, et contaminare non debet sanctuarium meum. Ego Dominus qui sanctifico eos.* Deus regum instar se gerat, qui ministros oris et corporis elegantia conspicuos eligunt ad conciliandam majestati suae reverentiam; servos verò, quibus facies illiberalis est et deforme corpus, rejiciunt, ne majestas sua in conspectu plebis minuat. Ita Deus sacerdotes fardos et visu deformes à tabernaculi ministerio et ingressu prohibuit, ne plebeiis vix ultra superficiem penetrantibus minùs honorificè de ejus sanctuario sentiendi occasionem praeberent. Sic enim affectum est vulgus, ut ob externam corporis speciem, personam et ejus officium plerumque spernat, aut veneretur. Hinc Q. Curtius ait : « Plerisque gentibus ingens in corpore veneratio est, magnorumque operum non alios capaces putant, quam quos specie egregia et eximia natura donavit. »

Ad sanctuarii reverentiam conservandam, et religionis honorem tuendum, lege etiam latà à Deo sanctum est, ne quis altari ministraret, nisi è tribu Leviticà, et Aaronis familià genus duceret, Exodi 28, 1; Numerorum 1, 51; 3, 58; 18, 4. Natalium enim verò claritas multum venerationis conciliat iis, qui publica munera obeunt, et ad Ecclesiae vel reipublicae dignitates provehantur. Ne igitur sacer ordo vilesceret, si ex infimà plebe sacerdotes assumerentur, voluit Deus ut nemo sacerdotio fungeretur, nisi ex nobili Aaronis genere oriundus. Ad eundem finem, latae sunt leges de magnificis pontificis aliorumque sacerdotum vestibus, ut populus tam splendido praestricus apparatu singularem sacris personis reverentiam exhiberet. Hoc ipsius legis verba perspicue indicant, Exodi 28, 2, 3 :

Faciesque vestem sanctam Aaron fratri tuo in gloriam et decorem. Et loqueris cunctis sapientibus corde, quos repleti spiritu prudentiae, ut faciant vestes Aaron, in quibus sanctificatus ministret tibi. Et vers. 40. *Porro facis Aaron tunicas lineas parabis, et balteos, et thurais in gloriam et decorem.* De legum istarum fine S. Thomas loquentem audiamus, primà secundà, quaestione 102, articulo 5, ad 10 : « Intentio legis, inquit, erat imbuere ad reverentiam divini cultus, et hoc dupliciter. Uno modo, excludendo a cultu divino omne id quod poterat esse contemptibile. Alio modo, apponendo ad cultum divinum omne illud quod videbatur ad honorificentiam pertinere. Et si hoc quidem observabatur in tabernaculo, et in vasis ejus, et animalibus immolandis, multo magis hoc observandum erat in ipsis ministris. Et ideo ad removendum contemptum ministrorum, praeceptum fuit ut non haberent maculam, vel defectum corporalem : quia huiusmodi homines solent apud alios in contemptu haberi. Propter quod etiam institutum fuit, ut non sparsim ex quolibet genere ad Dei ministerium applicarentur, sed ex certà prosapià secundum generis successionem, ut ex hoc clariores et nobiliores haberentur. Ad hoc autem quod in reverentia haberentur, adhibebatur eis specialis ornatus vestium, et specialis consecratio, et haec est in communi causa ornatus vestium. »

VI. Typicam nihilominus rationem affert S. Thomas cur à sanctuarii aditu, et ministerio sacerdotes corpore deformes arcerentur : « Nam, inquit, maculae, vel defectus corporales à quibus debebant sacerdotes esse immunes, significant diversa vitia et peccata, quibus debent carere. Prohibebatur enim esse caecus, id est, ne sit ignorans; ne sit claudus, id est, instabilis, et ad diversa se inclinans; ne sit parvo, vel grandi, vel torto naso, id est, ne per defectum discretionis vel in plus, vel in minus excedat, aut etiam aliqua prava exerceat; ne sit fractio pede, vel manu, id est, ne amittat virtutem bene operandi, vel procedendi in virtutem. Repudiatur etiam si habeat gibbum vel ante, vel retrò : per quem significatur superfluous amor terrenorum. Si est lippus, id est, par carnalem affectum ejus ingenium obscuratur. Repudiatur etiam si habeat albuginem in oculo, id est, praesumptionem candoris justitiae in sua cogitatione. Repudiatur etiam si habeat jugem scabiem, id est, petulantiam carnis. Et si habuerit impetiginem, quae sine dolore corpus occupat, et membrorum decorem fardat : per quam avaritia designatur. Et etiam si sit herniosus, vel ponderosus : qui scilicet gestat pondus turpitudinis in corde, licet non exerceat in opere. » Haec ex S. Gregorio Magno, 1. P. Pastoralis, cap. ultimo, sumpsit S. Thomas, quoad sensum quidem, non quoad verba, ex S. Cyrillo Alexandrino, lib. 12, de Adoratione in Spiritu et Veritate; et Theodoro, quaestione 30 in Leviticum. Varietatis etiam ac splendoris vestium sacerdotalium rationes mysticas affert S. Thomas, quas strictim attingemus inferius.

VII. Ad sacerdotalis ordinis et sacrorum reverentiam pariter spectat lex de sacerdotum matrimonio lata, quā præceptum est ut virginem ducerent uxorem, non viduam, repudiatam, meretricem, aut ullam pudicitie suspectæ feminam, ne quid labis ac dedecoris huiusmodi conjugium sacris ministris affricaret, ex quo Sacra omnia in contemptum venirent, Levit. 21, 13, 14, 15 : « Virginem ducet uxorem : viduam autem, et repudiatam, et sordidam, atque meretricem non accipiet, sed puellam de populo suo : ne commisceat stirpem generis sui vulgo gentis suæ : quia ego Dominus qui sanctifico eum. » Et 5, 7 : « Scortum et vile prostibulum non ducunt uxorem, nec eam quæ repudiata est à marito : quia consecrati sunt Deo suo, et panes Propositionis offerunt. Sint ergo sancti, quia et ego sanctus sum, Dominus, qui sanctifico eos. »

§ 11. De Tabernaculi origine.

PROPOSITIO II. — *Tabernaculum ex profanâ gentium religione originem non duxit, sed ex Dei sapientiâ et voluntate.*

Hujus propositionis veritas contra Spencerum probatur ex cap. 25 Exodi, v. 8. *Facientque mihi sanctuarium, et habitabo in medio eorum : juxta omnem similitudinem Tabernaculi, quod ostendam tibi, et omnium vasorum in cultum ejus : sicque facietis illud, etc.* Et v. 40 : *Inspice, et fac secundum exemplar quod tibi in monte monstratum est.* Et Actuum 7, 40 : *Tabernaculum testimonii fuit cum patribus nostris in deserto, sicut disposuit illis Deus, loquens ad Moysen, ut faceret illud secundum formam quam viderat : non secundum formam quam viderat in Ægypto, aut quæ à gentibus idololatriæ deditis accepta esset, sed secundum formam in sacro monte à Deo ostensam et præscriptam.*

Confirmatur ex eo quòd Deus tabernaculum extrui jussit, velut *Ecclesiæ Christi typum*, ut explicat S. Cyrillus Alexandrinus lib. 9 et 10 *De Adoratione in Spiritu et Veritate*. Non est autem verisimile quòd ex profanis gentium religionibus Ecclesiæ typos Deus mutavit sit.

Objeicit Spencerus, lib. 3 de Legibus ritualibus Hebræorum, dissertatione 1 Ægyptiis et aliis gentibus in more fuisse, Deorum imagines, aut eorum symbola, in thecis aut tentoriis collocata circumferre ; vel ut eos honore singulari colerent ; vel ut eos haberent indivuos viarum et periculum suorum comites. Cum autem morem illum tollere non ita promptum esset, Deo visum esse ad seculi morem et modulum se demittere, in tabernaculo habitare, tabernaculum etiam ministris ejus circumferendum tradere. Id ex Amos prophetâ, cap. 5, v. 25, 26, probat : *Numquid hostias et Sacrificium obtulistis mihi in deserto quadraginta annis, domus Israel ? Et portastis tabernaculum Moloch vestro, et imaginem idolorum vestrorum, sidus Dei vestri, quæ fecistis vobis. Et migrare vos faciam trans Damascum, dicit Dominus.* Quem locum sanctus Stephanus protomartyr (Actuum 7) in concione ad Judæos profert : « Et vitulum fecerunt in diebus illis,

et obtulerunt hostiam simulacro, et lætabantur in operibus manuum suarum. Convertit autem Deus, et tradidit eos servire militiæ cœli, sicut scriptum est in libro Prophetarum : Numquid victimas et hostias obtulistis mihi annis quadraginta in deserto, domus Israel ? Et suscepistis tabernaculum Moloch, et sidus Dei vestri Rempham, figuras quas fecistis adorare eas. Et transferam vos trans Babylonem. » Ex quibus infert Spencerus tabernaculum Molochi, Dei tabernaculo principium tribuisse : cum Deus idèò tabernaculum portatile fieri, et sacra præ foribus ejus offerri jussisset, ut Molochi ritus longo usu confirmatos ad cultum suum transferret.

Id confirmat Spencerus ex similitudine et affinitate, quæ inter tabernaculum testimonii, et tabernaculum Molochi intercessit. Verisimile autem non est Israelitas jam ad idola lapsos, Dei tabernaculum imitari, vel cum tabernaculum archetypum præstò esset, aliud ad illius imaginem factum circumferre voluisse. Ratio itaque sentire cogit Ægyptios aut alias gentes non minus Molochi tabernaculum quàm Molochi nomen et cultum primos excogitasse ; et Deum Israelitis tabernaculum circumgestandum concessisse, ut ritibus antiqui moris imaginem aliquam præferentibus, eos ad cultum suum alliceret et arcè devinceret.

Secundò id confirmat Spencerus ex eo quòd gentes Molochum adorasse, et illius tabernacula circumgestasse videantur, diù antequàm Israelitæ Deum tabernaculo mediante colerent. Molochi enim tabernaculum theca erat parvula templi formam et vicem gerens, quales erant ædiculæ illæ argenteæ Actuum 19 memoratæ, templi Ephesini formam exprimentes, et imaginem *Dianæ Sospitali* sacramentum continentes. Tempia verò huiusmodi tabernaculorum exemplaria, Mosis ætate vetustiora fuisse multis argumentis evinci potest. Testem alibi advocat Diodorus Siculum, lib. 1, memorantem Osirin perantiquum illum Ægypti Deum, Jovi et Junoni templum magnitudine et sumptu nobile : fana insuper duo Jovi aurea, majus cœlesti, minus ei quem Ammonem vocant dedicasse : statuissetiam Diis aliis templa aurea. Meminit etiam quatuor templorum ab antiquissimis Ægypti regibus incredibili magnificentia Heliopoli extructorum. Lucianus templum Dæ Syriæ sacrum memorans ait : *Plerique à Deucalione structum dicunt hoc templum, eo scilicet Deucalione cujus ætate vis aquarum fuit maxima.* Ægyptios primos diis et aras, et simulacra, et templa statuisset scribit Herodotus in Euterpe, cap. 4. Ariapanus apud Eusebium, lib. 9 Præparationis Evangelicæ, cap. 27 refert, domos universas et templorum pleraque in Ægypto corruisse, cum Ægyptii grandine et terræ motu à Moysè affligerentur. Lysimachus apud Josephum, libro 1, adversus Apionem, ait Moysen et ejus comites ubique *Deorum templa et aras in quas inciderent evertisse.* Hebræi veteres locum illum, et in Deos eorum fecit Dominus judicia, de templis in Ægypto tunc temporis eversis interpretati sunt. Hebræi (inquit S. Hieronymus ad Fabiolam scribens de 40 Mansionibus) autumant quòd nocte quâ egressus est po-

pulus omnia in Aegypto templa destructa sunt. Ipsa nascentis idololatriæ incubabilis coeva fuisse templa, et subterfugis primùm extructa fuisse, Maimonides asserit. Templa denique apud gentes profanas jam extructa fuisse Mosais temporibus Spencerus colligit ex Levitic. 26, 50, ubi Deus ait: *Destruam excelsa vestra, et simulacra confringam.* Et Numerorum 33, 52: *Confringite titulos, et statuas comminuite, atque omnia excelsa vastate.* Hunc et alios locos ei cognatos in animo volvens Josephus Deum sic Israelitas alloquentem introducit l. 4 Antiquitatum: « Præterea lucos et aras, et templa quotquot habent Canaanitæ ad unum tolli iubeo, ferroque et flammis ita deleri, ut etiam memoria eorum omnis aboleatur. »

Denique contendit Spencerus dissertatione 6, sect. 4, tabernaculi fabricam gentis Israeliticæ voluntati et æmulationi magis quam Dei voluntati vel præcepto adscribendam esse. Prima namque Dei verba de tabernaculo extruendo facta, inquit, permittentem potius quam præcipientem sonare videntur, Exodi 25: *Locutusque est Dominus ad Moysen, dicens: Loquere filiis Israel ut tollant mihi primitias: ab omni homine, qui offeret ultionem, accipietis eas.*

Respondetur prorsus incertum esse an mos ille gentium Deorum imagines in tentoriis, aut ædiculis, seu templis portatilibus circumgestandi sit Mose antiquior vel cævus, cum nullus auctor proferri possit Mose vetustior, aut Mosei suppar, qui rerum istarum fidem faciat. Ex Scripturâ autem sacrâ non constare an tabernaculum Moloch Israelitæ portaverint in deserto. Id non probare obscurissimum Amosi locum, aut protomartyris Stephani illum recensentis sententiam: imò potius ex iis colligi circumgestionem illam tabernaculi Moloch velut in pompâ factam in deserto non fuisse, quæ ad id tempus refertur quo Israelitæ in *Damascum*, ut ait Amos, vel in *Babylonem*, ut ait sanctus Stephanus, in penam huius idololatriæ translati sunt. Præterea nullibi in Pentateucho tabernaculi Moloch ab Israelitis suscepti vel circumlati mentio occurrit, cum tamen cætera ipsorum sacrilegia silentio Moyses non præterierit. Nec verisimile est ipsos tabernaculum Moloch circumferre potuisse, quo tempore veri Dei tabernaculum gestabant, et publico solemnique cultu prosequerentur, quin Moyses illud statim confregisset, in cineremque redegisset, ac zelo gloriæ Dei succensus in idololatrias animadvertisset, sicut Vitulum aureum confregit, in cineres redegit, ejusque cultores delevit. Rem porro tam memorandam in Historiâ sacrâ non prætermisisset. Longè ergo probabilis est diabolum divinos honores usurpantem idololatriæ inspirasse ut tabernacula et ædificas numinibus suis extruerent, ad similitudinem tabernaculi Mosaii. Quanquàm similitudo et affinitas, quam inter Molochi et veri Dei tabernaculum intercessisse ait Spencerus, non probetur. Mosaii enim tabernaculi formam, Exodi 25, 26, 27, descriptam habemus. Formam verò tabernaculi Moloch nullibi descriptam invenimus. Et tabernaculum in quo Deus coli voluit, factum est secundum exemplar, quod

Deus Moysi in monte sancto monstravit, non secundum formam tabernaculi Moloch.

Templorum conditorum epocha incerta est. Quæ à Dioloro Sculo, Herodoto et Luciano de eorum multis narrantur, dubitanter asseruntur, ex incertis vulgi rumoribus. *Excelsa*, de quibus mentio in Pentateucho, altaria potius fuere, in montibus vel lucis excelsis extructa, quam templa. Ut ut est, ad hujusmodi templorum instar non constructum est tabernaculum Dei viventis: siquidem templa Gentium ab ultimâ pene rerum suarum memoriâ supra Heroum, quos in Deorum censum referebant, sepulcra condebantur, ut Heroum Animas circa eorum sepulcra (ut cæca gentilitas credebatur) corporum suorum sensu et amore oberrantes, hospitio exciperent. Quâ de re legendi sunt Clemens Alexandrinus in Cohortatione ad Græcos, et Eusebius lib. 2 Preparationis Evangelicæ, capit. 6, ubi fuse probant, *sepulcra mortuorum esse, quæ Deorum templa nominantur.* Idem multis exemplis confirmat S. Cyrillus Alexandrinus lib. 10 contra Julianum, p. 341 et 342. His consona sunt illa Prudentii verba, lib. 4 contra Symmachum.

Et tot templa Deum Romæ, quot in urbe sepulcra Heroum numerare licet.

Dei autem viventis tabernaculum, sive templum portatile, similem originem habuisse nemo dixerit. Regis maximi palatio quàm defuncti hominis monumento similis erat, ut explicat Rabbi Schem Toob, commentar. in More Nevochim Maimonidis. « Deus, » inquit, talem sibi domum condi jussit, qualis esse solet domus regia. In domo regiâ hæc omnia quæ diximus reperiuntur. Alii scilicet qui custodiant palatium ejus. Alii qui fungantur officiis ad regiâ dignitatem pertinentibus, qui epulas instruant, aliæque faciant regiâ necessaria. Alii denique qui voce quotidie fidibusque canant. Est etiam in domo regiâ locus ad cibos apparandos constitutus. Item locus ubi odoramenta adolentur. Est etiam mensa in domo ejus itemque conclave ipsi proprium, quo nemo pervenit nisi qui ei secundus est, quosque in maxime charis habet. Eundem ad modum volunt Deus ut hæc omnia in suâ domo inessent, ne quâ in re terrarum regibus concederet: est enim ille rex magnus, ut his quidem rebus non indigeat. Verùm hinc facile elucet ratio victus familiaris sacerdotibus, et Levitis dati, utpote quem rex quisque ministris suis suppeditare solet. Atque hæc omnia eò spectabant, ut intelligeret vulgus regem nempe Dominum exercituum inter nos versatum esse. Est enim ille rex magnus, omnibusque gentibus metuendus. » Hinc Dei regisque nomina vero Deo in Veteri Testamento conjunctim sæpius attributa, ut Psal. 67, 25: *Viderunt ingressus tuos, Deus, ingressus Dei mei, regis mei, qui est in sancto.* Psal. 88, 19: *Quia Domini est assumptio nostra, et sancti Israel regis nostri.* Psal. 94, 3: *Quoniam Deus magnus Dominus et rex magnus super omnes Deos.* Psal. 97, 6: *Jubilate in conspectu regis Domini.* Psalmo 45, 5: *Tu es ipse rex meus, et Deus meus, qui mandas salutes Jacob.* Psalmo 5,

2: *Intende voci orationis meæ, rex meus, et Deus meus.* Isaïæ 45, 15: *Ego Dominus Sanctus vester, creans Israel rex vester.* Zachariæ 44, 16, 17: *Et omnes qui reliqui fuerint de universis gentibus quæ venerunt contra Jerusalem, ascendent ab anno in annum, ut adorent regem Dominum exercituum, et celebrent festivitatem tabernaculorum: et erit. Qui non ascenderit de familiis terræ ad Jerusalem, ut adoret regem, Dominum exercituum, non erit super eos imber.* Malachiæ 1, 14: *Quia rex magnus ego, dicit Dominus exercituum, et nomen meum horribile in gentibus.* Denique quamvis Molochi aut falsorum aliorum numinum thecæ, tabernacula, adiculae, seu templa portatilia in usu fuissent apud Ægyptios, Ammonitas, Moabitas, aliasve gentes, antequàm Deus ab Israelitis in tabernaculo coleretur, quod tamen Spencerus non probavit, minimè sequeretur Deum ad mores gentium se demisisse, cum tabernaculum fieri jussit, aut ad Molochi tabernaculum respectum habuisse; sed potiùs tabernaculum extrui præcepisse formâ ac fine prorsus dissimile, et ejus omnis apparatus esset veluti *Liber sapientiæ sublimioris, et rei gloriosæ ad quam ista referuntur* (ut ait Abarbanel); Deum, inquam, id præcepisse ad idololatriam destruendam, et Israelitas cultui suo artius devinciendos, consultius colligitur cum Theodoro, quæstione 60 in Exodum. « Quare, inquit, jussit construi tabernaculum? Rationem reddidit ipse Dominus Deus dicens: *Et conficies mihi sanctuarium, et apparebo apud vos. Faciesque juxta omnia quæ ego demonstro tibi in monte, juxta similitudinem tabernaculi, et juxta similitudinem omnium vasorum ipsius.* Cum enim dedisset legem in monte Sinâ, verisimileque esset quosdam existimatos divinum numen loco circumscribi, jussit sibi construi tabernaculum, ut inde apparens, doceret populum cultum pietatis. Sicut enim acceptâ ab eis terrâ promissionis templum ædificari sibi jussit, legem dedit celebrandorum ibi divinorum officiorum, ne arbitrium suum secuti in his peragendis, prolaberentur in erroneum cultum Dæmonum: ita peregrinantibus illis ac desertum transeuntibus, tabernaculum ædificari præcepit, quod facili transferri posset, in quo preces et sacrificia offerrent. Et hæc eorum gratiâ gesta sunt. Quia enim, cum magnus ille Moses per multos dies in monte moraretur, Aaronem ita sunt allocuti: *Fac nobis Deos, qui præcedent nos:* et imagine vituli conflâtâ, ducentes choreas clamabant: *Hi sunt Dii tui, Israel, qui eduxerunt te de terrâ Ægypti:* tabernaculum hoc fieri mandavit Deus, et proficiscentibus illis præire jussit, et stationem habentibus subsistere: quo sacerdotes in eo sacrificia peragere possent. » Quamvis autem primitiarum oblatio ad constructionem tabernaculi, Israelitarum voluntati à Deo relicta sit, constructio tamen templi illius portatilis Mose à Deo præcepta est, ut ex laudatis Scripturæ Sacre locis liquido constat, et ex cap. 35, 29: *Omnes viri et mulieres mente devotâ obtulerunt donaria, ut fierent opera quæ jusserat Dominus per manum Moysi.* Et ex cap. 38, vers. 21, 22: *Hæc sunt in-*

strumenta tabernaculi testimonii, quæ enumerata sunt juxta præceptum Moysi in cæremoniis Levitarum per manum Ithamar, filii Aaron, sacerdotis: quæ Beseleel, Domino per Moysen jubente, compleverat.

Quod ait Theodoretus, Israelitarum gratiâ præcepisse Deum tabernaculi structuram, magis explicat S. Thomas Primâ Secundæ, quæstione 102, articulo 4 ad 1. « Cultus, inquit, Dei duo respicit, scilicet Deum, qui colitur, et homines colentes. Ipse igitur Deus qui colitur nullo corporali loco clauditur: unde propter ipsum non oportuit speciale tabernaculum fieri, aut templum. Sed homines ipsum colentes corporales sunt, et propter eos oportuit speciale tabernaculum, vel templum instrui ad cultum Dei, propter duo: Primò quidem, ut ad hujusmodi locum convenientes cum hac cogitatione quòd deputaretur ad colendum Deum, cum majori reverentia accederent. Secundò, ut per dispositionem talis templi, vel tabernaculi significarentur aliqua pertinentia ad excellentiam divinitatis, vel humanitatis Christi. Et hoc est quod Salomon, dicit 3 Reg. 8: *Si cælum, et cæli cælorum te capere non possunt, quantò magis domus hæc quam ædificavi tibi?* Et postea subdit: *Sint oculi tui aperti super domum hanc de quâ dixisti: Erit nomen meum ibi: ut exaudias deprecationem servi tui et populi tui Israel.* Ex quo patet quòd domus sanctuarii non est instituta ad hoc quòd Deum capiat quasi localiter inhabitantem, sed ad hoc quòd nomen Dei inhabitet ibi, id est, ut notitia Dei ibi manifestetur per aliqua quæ ibi fiebant vel dicebantur: et quòd propter reverentiam loci orationes ibi fierent magis exaudibiles ex devotione orantium. » Hæc Israelitarum fides fuit, gentium errori opposita, qui Deos suos templis et simulacris astrictos, et inclusos credebant, ut constat ex Menandro in Heniocho, id est, Auriga, scribente:

Istos vagantes non probo foris Deos:

Nullus domum deserens in albo meo scribitur.

..... Decet justum Deum

Domum manere, ut servet statuentes eum.

Convenientius porrò fuisse statui populi Judaici, antequàm regem haberet, tabernaculum quàm templum, docet S. Thomas articulo mox laudato ad 2. Populo scilicet in deserto ambulanti, vel in terrâ Chanaan variis bellis cum finitimis gentibus impedito, templum ædificari non debuit, ob tres rationes à rabbi Moyse allatas: « 1. Ne gentes appropriarent sibi locum illum. 2. Ne gentes ipsum destruerent. 3. Ne quælibet tribus vellet habere locum illum in sorte suâ, et propter hoc orirentur lites, et jurgia. Et ideò non fuit ædificatum templum, donec haberent regem per quem posset hujusmodi jurgium compesci. Antea verò ad cultum Dei erat ordinatum tabernaculum portatile per diversa loca, quasi nondum existente determinato loco divini cultûs. Et hæc est ratio literalis diversitatis tabernaculi et templi. » Rationem typicam subdit S. Thomas; per tabernaculum scilicet, quod erat mobile, significatur status præsentis et instabilis; per templum verò, quod erat fixum et

stabile, significatur status future vite, quæ omnino immutabilis est. Vel per tabernaculum significatur status veteris legis, per templum autem à Salomone constructum status novæ legis. Unde ad constructionem tabernaculi soli Judæi sunt operati : ad ædificationem verò templi cooperati sunt etiam gentiles, scilicet Tyri et Sydonii.

III. De structurâ Tabernaculi, seu præcipuis illius partibus, Arcâ, Cherubim, Altaribus.

I. Tabernaculi structuram partesque singulas non dicam exponere, sed vel describere, longioris foret operæ. Consulantur cum Exodi capitibus 25, 26, 27, 36, 37 et 38, Josephus lib. 3 Antiquitatum, cap. 5, 6, 7; S. Augustinus, questione 177 in Exodum; venerabilis Beda, et Richardus à S. Victore, lib. de Tabernaculo; Tostatus, commentario in Exodum; Ribera, lib. 4. de Templo; Villalpandus, tomo 2 in Ezechielem, in descriptione templi, aliique Scripturæ sacræ commentatores. Ego strictim, ut historicum et dissertatorem Ecclesiasticum deest, tabernaculi structuram secundum præcipuas illius partes delineabo.

II. Tabernaculum tribus partibus constabat. Prima, quæ exterior erat atrium; secunda, sancta; tertia: sancta sanctorum. Atrium longum centum cubitis et latum quinquaginta, suis tabulis cortinisque cinctum, sub dio positum erat. Sancta quadrangula erant, longa viginti, lata decem cubitos, oppanso velo à sanctis sanctorum divisa, de quo Exodi 26, 31, 32, 33. Sancta sanctorum quadratæ erant figuræ, longitudinis et latitudinis decem cubitorum. Atrium bipartitum erat, unum exterius in quo stabant Laici, aliud interius, exiguo septo seu muro altitudinis trium cubitorum à priori divisum, ita ut oculis populi paterent quæ in ea agebantur. In hoc erat labrum æneum, factum ex speculis mulierum, quæ excubabant per vices in ostio tabernaculi; et altare holocaustorum. In labro æneo manus pedesque lavare tenebantur sacerdotes tabernaculum ingressuri, et ad altare, ut thymiamata offerrent, accessuri. Lotionis hujus ritum negligentibus mortem lex comminatur: *Ne fortè moriantur* (Exodi 30, 21, 1). Ritus hic puritatem et innocentiam significabat, quæ sacris operam dare sacerdotes deberent. Hoc lustrationis genus gentiles imitati sunt, qui Deorum suorum templa ingressuri, se lavacro purgabant, ne coram iis conspurcati sisterentur. Hunc morem spectant illa Euripidis in *Jone*:

*Sed, ô Delphici Phæbi ministri,
Castaliæ limpidos*

*Ite ad gurgites, purâ verò aquâ
Abluti, ite in templum.*

III. In sanctis, quæ prima pars interior tabernaculi erat, continebantur: 1. Altare thymiamatis, obversum sancto sanctorum, et propitiatorio, ita ut in illud per hiatum in velo dividente relictum fumus thymiamatis ascenderet. 2. Ad latus dextrum hujus altaris erat candelabrum ductile de auro mundissimo, lucernis septem pariter aureis instructum. 3. Ad latus sinistrum mensa ex eadem materiâ, ex qua altaria, sci-

liet ex lignis Setim, auro purissimo circumdata, et labio auro per gyrum adornata, cui labio corona aurea duplex supereminerebat. In sancta quotidie ingrediebantur sacerdotes mane et vespere, ut thymiamata adolerent, lucernasque vespere accenderent, mane extinguerent. In divinum honorem jugis adhibebatur in tabernaculo suffitus, nec non ad disentiendum indorem ex animantibus, purgandumque aerem à fetore, ne à tabernaculi aditu populus abhorreret, illudque cum locum sordum contineret. Mystica significatio est, corda sursim habenda. « Cùm enim ad eum sursum est, cujus est altare cor nostrum, ejus Unigenito cum sacerdote placamur: ei suavissimum adolens incensum, cùm in ejus conspectu pio sanctoque amore flagramus: ei sacrificamus hostiam humilitatis et laudis, in arâ cordis, igne fervide charitatis, » inquit S. Augustinus lib. 10 de Civitate Dei, cap. 5.

IV. In mensâ duodecim panes azymi cum thure ponebantur, *Panis propositionis* propterea nuncupati, quod essent in monimentum oblationis Domini. Singulis sabbatis mutabantur, usibusque sacerdotum cedebant. (Levitici 24, 5, 6, 7, 8, 9, et Matthæi 12, 4.) Duodecim erant pro numero tribuum Israel. Eo ritu significabatur sacerdotes templo ministrantes in templo victum habere debere. Eucharistiam adumbrabant, ut docent SS. Hieronymus in 4 Malachia, Cyrillus Hierosolymitanus Catechesi 4 Mystagogicâ, S. Cyrillus Alexandrinus lib. 4 in Joannem, pag. 390; Joannes Damascenus lib. 4, cap. 14: Hesychius et Rupertus. Candelabrum ac mensam cum panibus in tabernacula posita Guillelmus Parisiensis ait: « Ut offerrentes et adorantes in Dei tabernaculo, ab ipso vitam, lucem et nutrimentum se obtinere cognoscerent, et ex ejus servitio, quod in eodem tabernaculo fiebat, ista sperarent. Vel insinuare voluit Deus se esse Deum cui septem planete serviunt, et quia ipse est dator esæ, non Ceres, et propter hoc non eis, nec huic, sed ipsi soli serviendum. » Sed præcipua ratio ob quam mensam et panes propositionis Deus in tabernaculo poni jussit erat idololatriæ abolitio. « Quia verò, inquit idem Episcopus lib. de Legibus, cap. 2, in sacris lunæ panes offerebantur, sicut superius ostendimus, est testimonio Jeremiæ de placentis quæ fiebant reginæ cœli, adeoque dediti erant hujusmodi servitio, quod non sufficiebat eis ut mulieres hæc agerent, imò filii colligebant ligna, et patres succendebant ignem, et mulieres conspergebant adipem, ut hujusmodi placentie fierent. Lunæ non fuit facile eos subito abripi ab hujusmodi consuetudine, et idè factum est, præcipiente Deo, ut ipsimet implere in domo idoli. Quapropter posita est mensa in tabernaculo Domini ad Aquilonem, non directè ante ipsum oraculum; et iterum prohibitus est populus panes ponere in mensâ illâ,

et de panibus etiam illis edere : soli enim sacer-
dotes jussi sunt panes illos ponere, et solum illis
concessum est inde comedere. Vides ergo quòd istà
triplici dissimilitudine ab idololatrià quasi regene-
ravit eos Deus, et aliquatenus elongavit, videlicet
ipsà positione et situ mensæ; item prohibitione po-
nendi panes, et vescendi ex eis. Mensam enim con-
sueverant videre directè ante idola, quibus in eà
panes offerebant. Amplius, super unumquemque
panum illorum ponebatur patena aurea, et pugillus
thuris, quales appositiones videre non consueve-
rant in domibus idolorum. » Hanc rationem etiam
tetigit S. Thomas Primà Secundæ, questione 102,
articulo 4 ad 6. « Mensæ autem, inquit, non poneban-
tur directè in medio ante propitiatorium, ad exclu-
dendum ritum idololatriæ. Nam gentiles in sacris
lunæ ponebant mensam coram idolo lunæ. Unde
dicitur Jeremiæ 7 : Mulieres conspergunt adipem,
ut faciant placentas reginæ cœli. »

V. In sanctis sanctorum erat arca fœderis, ex lignis
Setim, intus et foris deaurata, coronâque aurèa cir-
cumdata. Ligna Setim 70 reddiderunt ligna imputri-
bilia; arboris fuisse genus spinæ albæ simile docet S.
Hieronymus in cap. 3 Joelis, et in Michæ 6, 5. Lege
Buxtorfium Historiæ Arcæ fœderis, cap. 4. Arcam ope-
riebat propitiatorium aureum, quod et oraculum dice-
batur, quia inde Deus responsa dabat Moysi et Aaroni,
subindeque summis sacerdotibus ipsum consulentibus.
Utrumque latus propitiatorii Cherubim aurei et pro-
ductiles expansis alis tegebant, sese mutuo respi-
cientes versis in propitiatorium vultibus. (Exod. 25.)
Sancta sanctorum soli pontifici semel in anno pervia
erant, septimâ die septimi mensis, quo festum expia-
tionis celebrabatur. (Exod. 30, 10; Levit. 16, 2, 34,
ad Hebræos 9, 7.) Hoc significante Spiritu Sancto,
nondum propalatam esse Sanctorum viam adhuc priore
tabernaculo habente statum. Sancta sanctorum, supremi
illius cœli figura erant, in quo Deus gloriam suam
manifestat, in quo celestes spiritus faciem ipsius ju-
giter contemplantur, et in quod Jesus Christus ponti-
fex factus in æternum, per proprium sanguinem semel
introivit, æternâ redemptione inventâ, ut docet Aposto-
lus. Cœlum per sancta sanctorum significari agnos-
cunt Josephus lib. 5 Antiquitatum, cap. 3 et 8, et
Philo lib. de Vitâ Mosis; Theodoretus, quæst. 70 in
Exodum : Pars interior tabernaculi, cœlestia referebat :
unde vocata est sancta sanctorum. Quod verum esse te-
statur divinus Apostolus ita dicens : « Non enim in ma-
nifesta sancta Christus introivit, exemplaria vero-
rum. Sed in ipsum cœlum, ut appareat nunc vultui
Dei pro nobis. » Et iterum dum de spe divinâ dispu-
tat, ista subiunxit : « Quam sicut anchoram habemus
tutam ac firmam, et introeuntem usque ad interiora
velaminis, ubi præcursor pro nobis introivit Jesus
factus sacerdos secundum ordinem Melchisedech. »
Itaque pars illa intra velum præ se ferebat imaginem
cœlestium, altera verò extra velum, terrestrium. Nam in
aulæo coccinum ignem, hyssus tellurem, hyacinthus
cæra, purpura mare, septem lychni totidem planetas,

panes duodecim totidem zodiaci signa et menses no-
tabant. Quanquàm et alias haberent significationes
mysticas. Lege S. Thomam Primâ secundæ, quæst.
102, art. 4 ad 3 et 6.

VI. In arcâ fœderis recondite erant tabulæ legis
duntaxat, propter quod dicta est Arca Testimonii et
Arca Testamenti, Exod. 25. Ponesque in arcâ testifica-
tionem quam dabo tibi, 3 Regum 8, 9. In arcâ autem non
erat aliud nisi duæ tabulæ lapideæ, quas posuerat in
eâ Moyses in Horeb, quando pepigit Dominus fœdus
cum filiis Israel, cum egrederentur de terrâ Ægypti :
2 Paralipomenon 5, 10. « Nihilque aliud in arcâ nisi
duæ tabulæ, quas posuerat Moyses in Horeb, quan-
do legem dedit Dominus filiis Israel egredientibus
ex Ægypto. » Josephus, lib. 8 Antiquit., cap. 2, de
arcâ loquens : « Continebat hæc nihil aliud quàm duas
tabulas lapideas quæ decem præcepta, Dei ore in
monte Sinâ prodita, insculpta eis conservabant. »
Repugnare videtur Apostolus ad Hebræos 9, 3, 4.
« Post velamentum autem, inquit, secundum taberna-
culum, quod dicitur sancta sanctorum, aureum ha-
bens thuribulum, et arcam testamenti circumtectam
ex omni parte auro, in quâ urna habens manna,
et virga Aaron, quæ fronderat, et tabulæ Testa-
menti. » Duplex tantum via est Apostolum cum
Moysæ conciliandi. Prima, dicendo Apostolum scrip-
sisse quod urna habens manna, et virga Aaronis
erant in arcâ, quia juxta arcam erant, more loquendi
solemni Scripturæ sacræ, quo aliquid in loco aliquo esse
dicitur, quod juxta illum est. Sic Dominus ait Jeremiæ
35 de Rechabitis : « Et introduces eos in domum Do-
mini, in unam Exedram thesaurorum, et dabis eis
bibere vinum. » Sic et S. Joannes Evangelii cap. 10 :
« Et ambulabat Jesus in templo, in porticu Salomo-
nis. » Nec tamen Exedra thesaurorum, aut porticus
partes erant templi, sed structuræ foris adjunctæ. Sic
etiam accipiendum est quod in Evangelio legitur
Christum ejecisse vendentes et ementes è templo,
qui tamen in porticu templi, non in ipso templo ne-
gotiabantur. Et Lucæ 9 : Dicebant excessum ejus, quem
completurus erat in Jerusalem : quamvis non in urbe,
sed prope eam cruci suffixus sit. Sic in urbe natus esse
dicitur, et qui natus ad eam, hoc est, in ejus territorio.
Sic in Jericho Jos. 10, 10, valet, ad Jericho; in Gabaon,
hoc est, prope Gabaon : in, hoc est, prope Kariathiarim,
Jud. 18, 12. Hoc ergo sensu dictum fuerit à S. Paulo
urnam auream habentem manna, virgam Aaronicam,
et tabulas testamenti fuisse in arcâ : tabulas quidem
ut intra arcam inclusas, virgam verò Aaronis, et ur-
nam auream habentem manna, ut juxta positas, in ta-
bernaculo, coram Domino, id est, coram arcâ, ut di-
sertè habetur, Exod. 16, 33, 34. Dixitque Moyses ad
Aaron : Sume vas unum, et mitte ibi Man, quantum po-
test capere gomor : et reponere coram Domino ad servan-
dum in generationes vestras, sicut præcepit Dominus
Moysi. Posuitque illud Aaron in tabernaculo reservan-
dum. Et Numerorum 17, 4, Deus cum Moysæ loquens
de virgis principum duodecim tribuum, ait : Ponesque
eis in tabernaculo fœderis, coram testimonio (id est, co-

ram arcâ), ubi loquar ad te. Et 5, 10 : *Dixitque Dominus ad Moysen : Refer virgam Aaron in tabernaculum testimonium, ut servetur ibi in insigne rebellium filiorum Israel.* In capsâ scilicet arcæ adjacenti, et lateri ejus exterius adherente, sacra hæc monumenta deposita sunt, sicut et liber legis, de quo Deut. 31, 26 : *Postquam ergo scripsit Moyses verba legis hujus in volumine, atque complevit, præcepit Levitis qui portabant arcam fœderis Domini, dicens : Tollite librum istum, et ponite eum in latere arcæ fœderis Domini Dei vestri, ut sit ibi contra te in testimonium; lege Buxtorfium, Exercitatione in Historiam arcæ fœderis, cap. 5.* Secunda ratio conciliandi Apostolum cum Moysæ hæc est, ut dicamus Mosis et Salomonis temporibus solas tabulas legis in arcâ exstitisse, sed, post Salomonis fortè tempora, sacerdotes cupientes virgam Aaronis, et urnam auream continentem manna, in secretis tutiorique esse custodiâ illa in arcâ cum tabulis legis repositisse ejus rei non insecus S. Paulus, traditiones majorum ad pedes Gamalielis edoctus, hæc tria in arcâ esse scripserit. Ita Theophylactus.

VII. Arcam, sacratissimum præsentie divine symbolum à sacris gentium cistis, quarum apud antiquos obvia frequensque memoria est, originem derivasse asserit Spencerus, lib. 4 de Legibus ritualibus Hebræorum, dissert. 5. Nec tamen id firmis probat argumentis. Quæ enim profert ex Pausaniâ, Apuleio, Plutarcho, Theocrito, Tibullo, Catullo, Valerio Flacco, Ovidio, probant quidem Ægyptios, Phœnices, Græcos, Romanos, arcas, seu mysticas cistas in sacrorum suorum censu habuisse; sed non probant cistas illas gentilitas in usu fuisse ante mosaica tempora. Omnes enim illi auctores à Spencero laudati qui de cistis hujusmodi, in orgiis falsorum numinum usurpatis, scripsere, multis seculis Mose recentiores sunt. Longè verisimilius est diabolum Dei amulum Ethnicis inspirasse, ut arcas quoque, seu cistas mysticas, arcana quædam celantes, in suorum numinum sacris adhiberent, aut etiam solenni pompâ circumferrent. Pietas credere prohibet, arcam Domini à cistis Ethnicis natales accepisse, quæ nihil nisi quisquilias, vel magica quædam instrumenta, vel obscenas imagines continebant, quales erant illæ quarum meminere Plutarchus in Alexandro, Clemens Alexandrinus in Protreptico, et Synesius in Encomio Calviti. Quàm levia sint argumenta Spenceri ducta ab arcæ pulchritudine et magnificentia, ab ejus coronâ, circumstantiâ, line, nomine, facile intelligit quisquis illa paulò accuratius expendit. In Junonis templo, inquit, arcam è cedro confectam, cum aureis et eboreis emblematis, positam fuisse, testatur Pausanias lib. 5. *Ægyptii auream arculam, teste Plutarcho, in sacris habuerunt. Apud Babylonios in Apollinis templo auream miræ vetustatis arculam quandoque repertam, veterum scriptis nos docet Cælius Rhodiginus, lib. 8 Antiquitatum, cap. 12.* Igitur arca cedro et auro plurimo pariter illustris è gentium usu natales accepit. Quis non videat aquo et meliori jure concludi posse: Igitur ciste Ethnicæ ex diaboli emulatione, quicquid in Dei cultu splendidum erat, usur-

pantis, et ad suum cultum traducendis, originem acceperunt?

Idem judicium ferendum est de altero Spenceri argumento. Gentiles, inquit, cistas, in Deorum suorum mysteris usurpatis, coronis instructabant, teste Lantipede in Jon., act. 5. *Videm, inquit, arcam antiquam ætatis coronatam et floribus; et Oppiano lib. 4, ubi de Bacchi orgiis loquitur:*

Arcam porro arcamum sacer chorus sublatam,

Coronantes, tergis imposuerunt asini.

Arcæ igitur corona aurea à gentium moribus originem traxit: adeoque arcæ institutio ad eamdem originem referenda est.

Quin coronæ in usu gentium fuerint ante legem datam, pertinaciter non inficior: coronis reges utebantur, eorumque throni et regie his majestatis symbolis ornabantur: propterea Deus, ut se regem esse, ac Deum Israelis ostenderet, idque persuasum haberent Israelitæ, arcam, quæ ipsius thronus erat, coronâ instrui et ornari præcepit. Postea verò Ethnicis, suggerente et instigante diabolo, simulacra sua, altaria, victimas, cistas coronârunt. Bacchum primum coronam capiti suo imposuisse, et postea coronæ usum ad sacra traductum, testatur Plinius, Historiæ naturalis lib. 16, cap. 4. *« Antiquitas quidem, inquit, nulla nisi « Deo dabatur. Ob id Homerus cælo tantum eas, et « prælio universo tribuit. Viritum verò, ne in cer- « tamine quidem ulli. Feruntque primum omnium « Liberum patrem imposuisse capiti sui coronam ex « hederâ. Postea Deorum honori sacrificantes sum- « psere, victimis simul coronatis. Novissimè et in sa- « cris certaminibus usurpata, etc. »* Porro Liberum seu Bacchum Moysæ posteriorem fuisse certum est. Imò esse ipsum Mosén personatum doctissimus præsul Daniel Huetius in suâ Demonstratione Evangelicâ probavit. Arcæ itaque corona aurea à gentium caeremoniis originem non traxit: multò minus arca ipsa.

VIII. Arcæ, et cistarum ethnicarum discrepantes circumstantiæ, à quibus alterum argumentum ducit Spencerus, ejus assertioni fidem derogant. Deus in arcâ suâ nihil præter fœderis divini tabulas reponi voluit. Ex adverso nihil in arcis Ethnicis nisi fœderis cum dæmone initi sacramenta, nihil nisi quisquilie, aut res impudicæ, vel magica instrumenta, continebatur. Arca Dei viris solummodò, iisque è genere sacerdotali oriundis, bajulanda tradebatur; nec quisquam alius tactu levissimo arcam violare potuit, nisi tantæ temeritatis crimen capite luiturus. Arca verò in gentilibus ritus usitate, per sacerdotes quidem nonnumquam, per feminas autem non rarò ferebatur. Israelitæ caeremoniis sanctis, apertis et religionis congruis honorem arcæ Dei deferrebant: gentiles autem arcas suas caeremoniis quibusdam magicis, et stuporem, potius quàm religionem incutientibus, coluerunt, teste Clemente Alexandrino in Protreptico, ubi de sacris Eleusiniis sermonem facit. Arcæ Dei extrema imaginibus aureis, Cherubim dictis, supra illius operculum alas explicantibus ornabantur: in mysticis autem gentilium cistis, simulacrum numinis alicujus gran-

diusculum, aut imaguncule aliæ, ut plurimum inclusæ latuere. Deus unâ tantum arcâ, prout et uno templo, et altari holocausti colebatur : sic autem ferebat gentium usus, ut arcas varias in cultûs sui cæremoniis usurparent. Igitur, inquit Spencerus, arca è gentilium moribus initia petiit. Ego verò contrarium omninò inde colligi existimo, et mecum, ut opinor, existimabant omnes qui rectam rationem consulunt : igitur arca è gentilium moribus initia non sumpsit, sed è sacro illo exemplari, de quo Deus ad Moysen, Exodi 25, 40 : *Inspecte, et fac secundum exemplar quod tibi in monte monstratum est.* At, inquit Spencerus, si gentiles tantum Judæorum similes, arcas in sacrorum suorum censum recepissent, verisimile est eos arcas suas, non tantum ad arcæ Judaicæ figuram facere, sed ejus circumstantias omnes imitatione exprimere voluisse. Verum hujus objectionis vanitas inde patet quòd diabolum non simia tantum, sed corruptor divini cultûs semper exstiterit, et ritus sacratissimos, quibus Deus colebatur, æmulâ operatione ad sacra falsorum numinum traducens, ineptis, impuris, magicis, immanibus ritibus admixtis adulteraverit.

IX. Haud firmius est argumentum Spenceri à fine arcæ sumptum. Arca fœderis, inquit, nulli alii rei serviebat, quàm ad asservendam legem Dei duabus tabulis inscriptam : Gentium autem cistæ deorum symbola et instrumenta sacratiora continebant, ut sesamides, pyramides, lanas elaboratas, micæ salis, draconem, vel serpentes, sphaeras et figuras quasdam magicas, ut constat ex Clemente Alexandrino in Protreptico, et Synesio in Encomio Calvitii. Igitur arca finaliter spectata à cistis Ethnicis originem petiit. Ego verò contrarium omninò ex arcæ fine colligi arbitror. Arca auro propitiatorio oblecta, et duobus Cherubim desuper ornata, duasque tabulas divinæ legis continens, symbolum erat divinæ præsentis, gloriæ, potentis, majestatis. Hic arca scabellum pedum Dei à Davide appellatur, psalmo 98 : *Exaltate Dominum Deum nostrum, et adorate scabellum pedum ejus, quoniam sanctum est.* Hinc Deum super Cherubim sedere passim ait Scriptura, in eodem Psalmo 5, 4 : *Dominus regnavit, irascantur populi : qui sedet super Cherubim, moveatur terra ;* 1 Regum 4 : *Misit ergo populus in Silo, et tulerunt inde arcam fœderis Domini exercituum sedentis super Cherubim.* 4 Regum 19, 15 : *Ezechias ascendit in domum Domini, et oravit in conspectu ejus, dicens : Domine Deus Israel, qui sedes super Cherubim, etc.* Psalmo 79, 2 : *Qui sedes super Cherubim, manifestare coram Ephraim, Benjamin et Manasse.* Ex propitiatorio Deus à Moysen et Aarone consultus responsa dabat : unde et Oraculum vocatum est, Exodi 25, 22 : *Inde præcipiam, et loquar ad te supra propitiatorium, ac de medio duorum Cherubim, qui erunt super arcam testimonii, cuncta que mandabo per te filiis Israel.* Israelitis per desertum iter agentibus, cum elevaretur arca, dicebat Moyses : *Surge, Domine, et dissipentur inimici tui, et fugiant qui oderunt te à facie tuâ. Cum autem depone- retur, aiebat : Revertere, Domine, ad multitudinem exercitus Israel.* Adde arcam insignem fuisse Christi typum,

ut ostendit sanctus Cyrillus Alexandrinus, libro 4 in Joannem, pag. 57. Nobis, inquit, typicè Emmanuel ostendit dicens : *Et pones arcam testimonii, et teges arcam velamine.* In superioribus enim totius quodammodò arcæ figurâ Verbum comprehendimus. Erat enim domus Dei inhabitantis in ipsâ nimirum sanctum Christi corpus : sed nihilominus idem nobis quoque per arcam peculiariter designatur. Ex lignis enim imputribilibus constructa erat, ut intelligas ejus incorruptibilitatem. Tota verò inaurata erat auro purissimo intrinsecus et extrinsecus. Cuncta quippe pretiosa et regia sunt in eo, cum divina, tum humana, et in omnibus ipse primatum tenet, ut Paulus ait. Aurum autem præstantiam et excellentiam super omnia denotat. Constructa itaque arca ex lignis imputribilibus, et inaurata, divinam quoque legem reconditam habebat, ut typus esset Dei Verbi inhabitantis, et uniti sanctæ carni. Verbum enim Dei etiam lex erat, licet non hypostaticum, sicut Filius est. Tegitur autem velamine. Dei enim Verbum incarnatum cum esset, multos latebat, corpore suo amictum, et sanctâ carne quasi velamine contextum, ita ut exinde nonnulli, divinam ejus majestatem ignorantes, modò lapidare aggredirentur, crimini dantes, quòd homo cum esset, se ipsum Deum diceret ; modò nihil verentur dicere : *Nonne hic est Jesus, filius Joseph, cujus nos novimus patrem et matrem ?* Quomodo ergo dicit hic quia de calo descendit ? Joan. 6. Quòd ergo arcæ velum superinjectum esset, Jesum apud multos ignotum fore significat. Erat igitur etiam arca typus ipsius. Idcirco enim Israelitis illa quoque præcedebat in deserto, cum Dei locum tunc impleveret. Ipse enim erat ductor populi. Quod testatur psalmista dicens, Psalm. 67 : *Deus, cum egredieris in conspectu populi tui, cum pertransires desertum, terra mota est.* Arcâ enim præcedente, Deus utique præcedere dicitur..... Sed et circum Hierichuntem per sacerdotes portata, ejus mœnia subruit, non machinis, aut arietibus admotis, sed tubis ac voce. Quod in Christo præterea verum esse comperimus. Ipse enim est, qui à sanctis viris portatur et omnem diaboli vim evertit non armis, sed clamore ac tubâ, hoc est, evangelicâ prædicatione et consensu omnium populorum in rectitudine fidei Dominum confitentis. Denique ibi ostendit S. Cyrillus tabernaculum et omnia in eo contenta, typos Christi fuisse. In circuitu verò, inquit, tendi tabernaculum præcipit, quo quæcumque in eo erant, comprehenderentur, ita ut unum illud tantum cereretur. Unus enim est in nobis Christus, et multis modis intelligitur : tabernaculum quidem propter velamen carnis ; arca verò divinam legem continens, ut Verbum Dei ac Patris ; item mensa, puta cum vita sit, ac cibus ; candela, utpote lumen intelligibile ac spiritale ; altare thymiamatis, ut odor suavitatis in sanctificatione ; et altare oblationum, quatenus est pro vitâ mundi victima. Sanctificantur autem in ipso altari omnia : totus enim est sanctus, quocumque modo Christus intelligatur. Præcunte igitur

« sancto tabernaculo, Israelite simul procedere et una
 « conquiscescere jubebantur; Deo nos rursus utiliter
 « momento, Ducem nobis itineris ad salutem assumen-
 « dum esse Deum Verbum propter nos incarnatum,
 « ejusque praeceptis inunctanter parvulo, ad vitam
 « aeternam ascendendam. » Qui tabernaculum, ejus-
 « que vasa, et arcam fœderis, oculis fidei ac pietatis
 « consideraverit cum S. Cyrillo, is in Spenceri sen-
 « tentiam non ibit, asserentis duntaxat, non probantis,
 « arcam finaliter spectatam à cistis Ethnicis originem
 « petisse.

X. Argumentum denique Spenceri ab arce nomine
 et caractere ductum, nullius ponderis est. Illam in
 in Scripturâ sacrâ quandoque *arcam Dei*, nunc *arcam*
fœderis, alibi *arcam testimonii*, aliquando *arcam fœderis*
Dei totius terræ, dictam fateor: sed inde id factum per-
 peram colligit, Spencerus, quod diis aliis suæ essent
 ciste, adeoque necesse esset ut arca Judaica peculiari
 aliquo titulo, et caractere ab arcâ quâvis aliâ deo
 alicui extraneo divitâ discernere-tur. Hoc enim distinc-
 tionis et dignitatis epitheto insignita est, ut ab arcis
 vulgaribus, quibus, ad res domesticas alienius preti
 recondendas privati quique, seu Judei, seu gentiles
 utebantur, discernere-tur.

XI. De Cherubinis arce superpositis, deque eorum
 formâ et origine multa disputant viri eruditi. Formam
 quod spectat, ipsam in libris Mosis expressam non
 habemus. Josephus, libro 3 Antiquitatum, cap. 6,
 sic illos describit: *Cherubim sunt animantia volucra,*
novâ specie, nec unquam cuiquam hominum visa: quæ
Moyse in Dei solio viderat figurata. Hebrei Cherubim
 simulacra fuisse volunt ad similitudinem puerorum
 formata. Unde vocis originem ex linguâ Chaldaicâ
 quidam petunt, in quâ *Rub* vel *Rabio* est *puer*, ut *Ke*
rub, quasi *puer* dicatur. Alii *Cherubim* in vitulorum aut
 boum similitudinem totos effictos fuisse censent. Pro-
 babilior eorum sententia est, qui simulacra fuisse
 multiformia, id est, animalium diversorum species
 exhibentia, asserunt; ita tamen ut hominis forma in iis
 eminere-t. Opinionem illam adstruit maximè prophæ-
 tica visio Ezechielis, 1, 5, 6, 7, 8, 10: « In medio ejus
 « similitudo quatuor animalium; et hic aspectus eo-
 « rum, similitudo hominis in eis. Quatuor facies uni,
 « et quatuor pennæ uni. Pedes recti, et planta pedis
 « eorum quasi planta pedis vituli... Et manus hominis
 « sub pennis eorum in quatuor partibus... Similitudo
 « autem vultus eorum: facies hominis, et facies leonis
 « a dextris ipsorum quatuor: facies autem bovis à
 « sinistris ipsorum quatuor; et facies aquilæ de super
 « ipsorum quatuor. » Et cap. 10, 7, 8, 14, 15: « Et ex-
 « tendit Cherub manum de medio Cherubim ad ignem,
 « qui erat inter Cherubim, et sumpsit, et dedit in
 « manus ejus qui indutus erat lineis... Et apparuit in
 « Cherubim similitudo manus hominis subius pennas
 « eorum... Quatuor autem facies habebat unum: facies
 « una, facies Cherub; et facies secunda, facies ho-
 « minis; et in tertio, facies leonis; et in quarto, facies
 « aquilæ: et elevata sunt Cherubim: ipsum est animal
 « quod videram iuxta fluvium Chobar. » Et vers. 20:

« Ipsum est animal quod vidi super Deum Israel juxta
 « fluvium Chobar, et intellexi quia Cherubim essent. »
 Hos porro Cherubinos Ezechielis formâ et specie non
 unius quam nomine, similes fuisse Mosaces, ex eo
 colligitur quod Ezechiel qui sacerdos erat, adeoque
 templi et arce figuras probe noverat, postquam ad
 eorum figuras propius advertisset, hoc aperte testetur,
 dicens, *Et intellexi quia Cherubim essent* Cherubim
 ergo arce, quatuor facies, id est, quatuor formas,
 similitudines, aut ~~partes~~ habebant (sic enim vocis hu-
 jus notio ibi sumenda, pro formâ et exteriore specie
 que sub aspectum cadit, non pro vultu, quasi fuerit
 vultus ejusque Cherubim quadriformis). Prima ho-
 minis, secunda leonis, tertia aquilæ, quarta vituli.
 Vultum itaque humanum, staturam etiam erectam et
 humanam, et manus hominis. Dorsa leonum jubis
 vestita, quaternas aquilarum alas, et vitulorum crura
 pedesque, Mosaci Cherubini, sicut et Prophetici ha-
 bebant.

Confirmatur ex Apocalypsis 4, 6, 7, ubi Cherubim
 horum animalium, sed discretorum formis expressi,
 sancto Joanni in visione exhibentur: *Et in medio sedis,*
et in circuitu sedis, et quatuor animalia pleni oculis ante,
et retrò. Et animal primum simile leoni, et secundum
animal simile vitulo, et tertium animal habens faciem
quasi hominis, et quartum animal simile aquilæ volanti.

XII. Objiciet quispiam, Ezechielem binas tantum,
 non quaternas facies cuivis Cherubino tribuere, cap.
 41, 18, 19: *Et fabri-facta Cherubim et palme; et palma*
inter Cherub, et Cherub, duasque facies habebat Cherub:
Faciem hominis juxta palmam ex hac parte, et faciem
leonis juxta palmam ex aliâ parte, expressam per omnem
Domum in circuitu.

Respondetur, prophetam aliis in locis supra lauda-
 tis quaternas Cherubinis facies tribuere, ibi verò ex
 illis quatuor illas tantum referre, quarum altera,
 nempe hominis positu palmam respicit; altera, leonis
 nimirum, à palmâ alterâ prospicitur, cum ex binis reli-
 quis animantium formis, altera utramque palmam ex
 æquo prospiciat, altera neutram. Alis enim, quas vo-
 cat aquilinas facies, uterquo Cherubim utramque par-
 tem contingit, que illi proxima est: plantis verò pe-
 dum, quas bovis faciem appellat, pavimentum potius
 interius, quam laterales palmas prospectant; ut pro-
 pterea binas tantum facies, hominis, inquam, et leonis,
 commemoravit, quòd eæ ad dispositionem Cherubino-
 rum explicandam conducerent, quam potissimum hoc
 loco explicare decreverat, alias duas silentio præter-
 miserat, quas latè initio suæ prophetiæ descriperat.
 Ita Ezechielem cum ipsomet conciliat Villalpandus,
 tom. 2, p. 2, lib. 4, cap. 45.

Objici potest locus alter ex 3 Regum, capite 7, 29,
 ubi sacer historicus, cum de basilibus æneis loquere-
 tur: *Et inter cornulas, inquit, et plectas, leones, et bo-
 res, et Cherubim.* Ex quibus colligi posse videtur,
 Cherubim à bobus et leonibus distincta fuisse, et qua-
 tuor animalium formis minimè conflata.

Respondetur cum Villalpando, cap. 45 libri mox
 laudati, eo in loco litteram *Vau*, nostræ conjunctioni

et respondentem notioni Hebræis communi, interpretativè usurpari, ut sensus sit : *Leones et boves sculpti erant ; et hoc est Cherubim*. Quòd enim humanà formà ac facie minimè caruerint, non multò post idem sacer historicus significavit , v. 36: *Sculpsit quoque, inquit, in tabulatis illis, quæ erant ex ære, et in angulis Cherubim, et leones, et palmas, quasi in similitudinem hominis stantis, ut non cæolata, sed apposita per circuitum viderentur*. Quòd autem nostra conjunctio et interpretativè plerùmque sumatur ut et vox *Vau* apud Hebræos, duobus exemplis probat Villalpandus. Primum ex psalmo 113, vers. 17 : *Sacrificabo hostiam laudis, et nomen Domini invocabo*. Offeram, inquam, Deo quasi sacrificium laudis, hoc est, nomen Domini invocabo. Ac si apertè testetur, laudabile Deo sacrificium esse sancti nominis ipsius invocationem. Secundò ex psalmo 4, vers. 6: *Sacrificate sacrificium iustitiæ, et sperate in Domino*. Cujus sententiæ sensus est : Sacrificate justum sacrificium, hoc est, sperate in Domino. His verbis indicans spem in Domino collocandam esse, hoc est, Deo debitum ac necessariò reddendum sacrificium.

XIII. Cherubinorum formæ symbolicæ erant ac typicæ : quatuor scilicet Dei, Cherubim insidentis, attributa significat, ab angelis participata et representata. Species aquilæ significat Dei sapientiam (visus enim acuminè præstat aquila) ; species hominis significat Dei bonitatem, mansuetudinem et clementiam : species bovis Dei patientiam, et ad vindictam sumendam tarditatem : species leonis, Dei fortitudinem et potentiam. Significant verò in angelis, divinas illas dotes illorum naturam, atque ministerium spectantes. Forma aquilæ, cœlestis naturæ vigorem, agilitatem, nisum ad sublimia, perspicaciam incredibilem et sapientiam : forma hominis, bonitatem et charitatem erga homines. Forma leonis, robur ac potentiam Dei hostibus terribilem : forma denique bovis, constantiam, patientiam, firmitatem, assiduitatem in obeundo munere ipsi à Deo demandato. Lege sancti Dionysii, libro de cœlesti hierarchià, cap. 13. Illic autem observare operæ pretium est, Cherubinos, sive Mosaicos, sive Propheticos, non solum secundi ordinis angelorum primæ hierarchiæ typos fuisse, sed omnium ordinum angelos adumbrasse. Unde veteres hos cherubinos interdum Seraphinos appellant, et Cherubim Ezechielis cum Seraphim Isaïæ conferentes, utramque visionem cœlestium Spirituum symbola exhibuisse asserunt. Legi potest Villalpandus, tom. 2 in Ezechielem, p. 2, lib. 4, cap. 36. *Cherubim nomen similitudinem cognitionis et scientiæ significare veteribus persuasum fuit*, Philoni Judæo, lib. 4 de Vitâ Mosis ; S. Dionysio, in libris de Ecclesiasticâ Hierarchiâ ; Clementi Alexandrino, libro 5 Stromatum ; S. Hieronymo, commentario in cap. 6 Isaïæ ; Theodoretò, in cap. 1 Ezechielis, ad 5, 14. Significat etiam ea vox potentiam et fortitudinem singularem, si ex Syriacâ linguâ Hebrææ affini ejus origo arcessatur. Favet Philo Judæus, libro de Profugis, ubi notat per Cherubim *potentiam* ejus qui est, *creatricem et regalem* designari. Idem asserit

Theodorus apud Theodoretum, questione 40 in Genesim : *Cherubim, inquit, vocat illud omne quod potentia præditum est*. Sic dicit, Psal. 98 : *Qui sedet super Cherubim, hoc est, qui potenter regnat*. Et ascendit super Cherubim, et volavit, Psal. 17, *hoc est, advenit cum multâ virtute*. Illud igitur : Et statuit Cherubim, Genes. 3, dicit, ut indicet potentem quamdam et terribilem visionem et formam, quasi quorundam animalium, collocatam esse in ingressu Paradisi, quibus inde Adam arceretur. Huic Theodori observationi suffragatur Procopius in Genesis cap. 3. Hinc Deus super Cherubim nunquàm in sacris litteris sedere dicitur, nisi eum illius potentia et fortitudo celebranda venit : Psal. 79 : *Qui sedes super Cherubim, manifestare coram Ephraim, Benjamin, et Manasse. Excita potentiam tuam, et veni ut salvos facias nos*. Et Psalmo 98 : *Dominus regnavit, irascantur populi : qui sedet super Cherubim, moveatur terra*. Et Psalmo 17, quo David Dei potentiam celebrat, v. 2 : *Et ascendit super Cherubim, et volavit, volavit super pennas ventorum*. Quem locum ita reddit Chaldea Paraphrasis : *Et visus est in robore suo super Cherubim levissimus, et adduxit potentiam suam super alas turbinis*. Cherubim itaque Deum, ejus veluti solium erant, infinitâ sapientiâ et potentiâ pollere indicabant, et angelos, quorum sacra erant emblemata, scientiæ et potentiæ divinæ participatione excellere.

XIV. Quod spectat Cherubinorum arcæ originem intolerabilis est Spenceri opinio, qui ipsos à symbolis et simulacris Ægyptiis originem accepisse propugnat, lib. 3 de Legibus ritualibus Hebræorum, dissertatione 5. Varias animantium formas in uno simulacro commiscendi consuetudinem in Ægypto obtinuisse fateor. Sed quæ inter Ægyptiaca illa simulacra, et Cherubinos arcæ affinitas? Illa falsorum numinum, ista angelorum emblemata erant, et symbola. Illis divinus cultus exhibebatur ; ista non ad cultum, sed ad ornatum et mysticam significationem in propitiatorio effingebantur. Illa ab arte diaboli : ista ex arte et sapientiâ Dei derivata, et ad similitudinem exemplaris Moysi in Monte ostensi, Deo jubente, expressa, Exodi 26 : « Duos quoque Cherubim aureos et productiles facies ex utrâque parte oraculi. Cherub unus sit in latere uno, et alter in altero. Utrumque latus propitiatorii tegant expandentes alas et operientes oraculum, respiciantque se mutuò versis vultibus in propitiatorium, quo operienda est arca, in quâ pones testimonium quod dabo tibi. Inde præcipiam et loquar ad te supra propitiatorium, ac de medio duorum Cherubim, qui erunt super arcam testimonii, cuncta quæ mandabo per te filiis Israel. »

Denique Ægyptiaca illa simulacra et hieroglyphica Mosis ætate antiquiora fuisse non probat Spencerus, cum auctores longè juniores proferat, qui simulacrorum hujusmodi meminerunt. Profert scilicet Porphyrium, lib. 4 de Abstinentiâ, de sacerdotibus Ægypti sic loquentem : « Apud eos Deus aliquis ad collum usque formâ humanâ effingebatur, facies autem illi avis ali-
cujus vel leonis, vel alterius animalis aptabatur : et rursus alius caput humanum habuit, cæteras autem

« partes aliorum animalium, in aliis nempe inferiores, et in aliis autem superiores. » Profert Apertum, pompe Aegyptiace ceremonias describentem, *Methodoseos* lib. 2. « Gerebat, inquit, alius gremio suo summi sui numinis venerandam effigiem, non pecoris, non avis, non feræ, ac ne hominis quidem ipsius consuelem, sed solerti ingenio repositam, ipsa etiam novitate reverendâ. » Profert Eusebium, libro 5 *Preparationis Evangelicæ*, cap. 12, ubi simulacrum soli consecratum Elephantinopolim memorat, « quod sedens, ac cæruleo corpore imbutum, ipso quidem corporis trunco viridem præ se ferens speciem, arietis verò caput habens, in eoque proprium ac primarium insigne, hirci cornua. Ibidem tunc meminit, cujus symbolum homo est, accipitris vultum præferens, ac Tryphonem hippopotami specie conformatum jaculo subigens. » Profert Clementem Alexandrinum, lib. 5 *Stromatum*, p. 561, dicentem : « Ideo Aegyptii ante templa ponunt sphingas, quia doctrina, quæ de Deo, ænigmatica est et obscura. » Forte autem quod Deum oporteat amare et timere : « amare quidem, ut sanctis benignum et propitium : timere autem, ut qui sit impiis justus inexorabiliter. » Feræ enim simul et hominis imaginem sphinx significat. » Profert S. Gregorium Nazianzenum, oratione 2 in Julianum, quem deos et ritus Aegyptios honore prosequentem sic compellat, et per jocum irridet : « Unum solum in rebus tuis est, quod venerationem mereatur, nimirum honores illi qui apud Aegyptios Nilo per Androgynos habentur, et Isides, et Apides, cæteræque omnes bestiae, ex diversis generibus conflatae quas confingis et pingis. » Hæc certè testimonia non probant hujusmodi simulacra multiformia apud Aegyptios ante legem Moysi à Deo datam in usu fuisse, et Moyses Cherubinos arce ad morem imaginum et symbolorum Aegyptiorum efformasse. Si quæ esset ergo Cherubinis arce cum Aegypti symbolis et hieroglyphis cognatio, ea in diaboli æmulationem refundenda esset, qui, ut divinum cultum sibi arrogavit, ita divini cultus instrumenta, ritusque sacratissimos, cum hos et illa corrupisset atque adulterasset, ad idololatriæ pompam transtulit. Sicut verò inane est quod ex formâ Cherubinatorum struit Spencerus ad hypotheseos suam confirmandam, ita et quod ex fine petit argumentum. Quamvis enim Cherubim divinæ presentiae et majestatis symbolum essent, et ex propitiatorio quod alis suis obumbrabant, Deus ad Moysen loqueretur, non erant neque credebantur Dei sedes et habitacula, sicut simulacra in gentium templis posita deorum sedes ab Ethnicis habebantur, quibus deos per magicos characteres et supersticiosam dedicationem includi credebant, et alligari, ut constat ex Porphyrio apud Eusebium, lib. 5 *Preparationis Evangelicæ*, cap. 15, ubi de Hecate sic loquitur : « Neque tantum istos sibi characteres placere, verum etiam iis sese circumscribi, subjectâque imagine, sacro veluti domicilio, contineri declaravit. Nec enim terra, nisi sacra fuerit, deos ferre ac sustinere queat : sacra autem illa est, quæ divinam capit imaginem :

« et quæ sibi ita, id quod in feris numen retinebat, etiam das obstat. » Tunc illa Gentium apologia apud Arnobium, lib. 6 : « Nos neque ara, neque auri et argentique materiam, neque alias, quibus signa et confunt, eas esse per se deos, et religiosa decoremus numina ; sed eos in his colimus, easque veneramus, quos dedicatio infert sacra, et fabrilibus efficit habitare simulacris. » Hinc Pseudo-Trimegistus, in Asclepio, simulacra deorum corpora fuisse ait, qui magicis quibusdam consecrationibus ad corpora illa inhabitanda et animanda cohebantur, ut refert S. Augustinus, libro 8 de Civitate Dei, cap. 25. *Statuas*, inquit, à *Asclepi*, videsne quatenus tu ipse diffidas ? *Statuas animatas sensu et spiritu plenas, tantaque facientis et talia, statuas futurorum præcias*, etc. Asseri certè absque temeritate et impietate non potest Cherubinos propitiatorii ad istorum simulacrorum imitationem, et ob similem finem expressos.

Ex Demonis igitur æmulatione, quadriformes arce Cherubinos non tam exprimere quam interpolare in idololatriæ cultu gestientis, originem traxerunt quadriformes genii, quos supremo numini *Hemptæ*, pro quo Plutarchus *Emet* dicit, stipatores et nuntios tribuebant, referente Kircherò, p. 3. Sphingis Mysticæ de Mumiis, cap. 4. Quorum primus Horus, sub pueri formâ, mundi sensibilis geniale numen significat. Secundus caninâ facie, vigilantissimum Arabicæ seu Hermeticæ œconomicæ præsidem refert. Tertius vultu accipitrino, quem Thæstum vocant, cornu etiam Hammonis insignitus, solarem calorem, et in mundo inferiori fecunditatem designat. Quartus leoninâ facie formidabilis, *Monphta*, id est, Hyæi mundi, sive totius humide nature moderatorem adumbrat. Audierant scilicet Aegyptii supremo Hebreorum Numini, qui *Deus Emet*, sive *Veritatis*, in propitiatorio arce fœderis thronum suum habenti, angelos adistere, mandatorum ipsius in orbe universo administros, sub Cherubinatorum emblemate, quorum facies erant quadriformes, hominis, leonis, bovis, aquilæ. Quamobrem et ipsi *Hemptæ* supremo, quod sibi finxerunt, numini, quadriformes genios velut stipatores sive administros adjunxerunt, quorum unus pueri formam, alter caninam faciem, tertius accipitris, quartus leonis vultum haberet.

XV. Altare holocausti ex lignis *Setim* construi, et laminis æneis operiri Deus jussit, Exodi 27 et 38, 1 ; altare verò thymiamatis ex lignis ejusdem speciei compingi, et aureo purissimo vestiri, Exodi 50, 1, 2, 5. Verum intus lapidea fuisse hujusmodi altaria, vel terrea, necesse fuit, secundum Dei mandatum, Exodi 20, 24, 25 : *Altare*, inquit, *de terrâ faciatis mihi, et offeretis super eo holocausta, et pacifica vestra, oves vestras, et boves in omni loco, in quo memoria fuerit nominis mei : veniam ad te, et benedicam tibi. Quod si altare lapideum feceris mihi, non edificabis illud de sectis lapidibus : si enim laveris cultum super eo pollucur.* » Templi Hierosolymitani altare ex lapidibus non sectis, sed impolitis ædificatum, testantur Hierobatus apud Josephum, lib. 1 contra Appionem, et

Philo Judæus, lib. de Victimis offerentibus. Unde et 1 Macchabæorum 4, 47, dicitur : *Et acceperunt lapides integros secundum legem, et edificaverunt altare novum secundum illud quod fuerat prius*. Legem de altari terreo, vel ex lapidibus tumultuario opere collectis, de iis præsertim altaribus intelligendam, quæ ob causam extraordinariam ad tempus aliquod struebantur, qualia à Moyse Exodi 24, 4, à Josue, Gedone, Samuele, Eliâ, extra ordinem erecta sunt, viri censent eruditi : et ad ea præcipuè tempora respectum habere, quibus Israelitæ in deserto oberraverunt ; ubi mutatae subinde sedes iis altaria nova struendi necessitatem attulerunt. Hujus rationis auctor Theodoretus, quæstione 44 in Exodum : « Nemo, credo, negabit, inquit, quin uterentur ferreo, qui ligna tabernaculi concinnabant, itidem qui aurum, argentum, aut æs fabricabant. Quòd autem et sacerdotes gladiatorum auxilio victimas immolabant, excoriabant et dividebant, hoc quoque arbitror extra controversiam esse. Quærendum ergo nunc est quo pacto ferrum non polluebat hæc universa, lapides autem sectos polluebat. Certum quidem est quòd alia ex aliis adstruit. Etenim quia Israelitæ quadraginta annos permanserunt in deserto, contingenter abeuntis et loca mutantes, ideò vetat è lapidibus fabrefactis altaria construi : ne cum hi terram promissam obtinuissent, in aris illis vicini dæmonum sacrificia celebrarent. Idcirco præcipit ex terrâ, aut è lapidibus, quales natura produxit, altaria construi. Nam utrumque faciliè dissolvitur. Porro lex ipsa docet post ædificatum templum non licuisse alibi sacrificare. Si verò lex sacrificare vetabat extra templum, eadem ratione altare construi prohibebat. Unde ad convincendos impios, cum Elias ille magnus in monte Carmelo sacrificare coactus esset, lapides nativos composuit totidem numero quot erant tribus, et super his victimam obtulit, ut quam citissimè dissolvi posset ædificium illud, et nemo alius in eo loco sacrificium offerret. » Hanc legem de altari ex terrâ, vel ex lapidibus asperis rudibusque et ferro intactis construendo, Deum tulisse in remedium idololatriæ, quia idololatræ tunc temporis altaria sua ex lapidibus cæcis edificabant, censet Maimonides in More Novechim, p. 5, cap. 45. Idemque docet S. Thomas, primâ secundæ, quæstione 102, articulo 4, ad 7, et ante ipsum Guillelmus Parisiensis libro de Legibus, cap. 2. Quanquàm et Gentiles ipsi, demone Dei æmulo suggerente, altaria è terrâ, seu viridi cespite, sive ex aspero et impolito lapide, numinibus suis frequenter extruxerint. Testis Apuleius, libro 7 de aureo Asino : *Aram, inquit, cespite virente Marti deo faciunt*. Testis Lucanus, lib. 9 :

. *Exerit subitas congestu cespitis aras.*

Testis Tertullianus, Apologetici capite 25 : « Etsi à Numâ concepta est curiositas superstitiosa, nondum tamen aut simulacris aut templis res divina apud Romanos constabat. Frugi religio et pauperes ritus, et nulla Capitolia certantia cælo, sed temeraria de cespite altaria, et vasa adhuc sancta, et nidor ex

illis, et Deus ipse nusquàm. » De lapidibus, solius naturæ manu formatis, vel truncis informibus ad aras construendas, vel simulacra Deorum effingenda adhibitis, testis est Arrianus in Periplus. p. 1, ubi urbis Trapezuntis memoranda referens : *Stant ibi adhuc aræ, inquit, quanquàm ex aspero et impolito lapide, quo fit ut litteræ illis incisæ minus sint notæ atque illustres*. Testis Pausanias in Achaicis : *Apud Græcos, inquit, instituto vetere receptum erat, deorum honores lapidibus rudibus imaginum loco exhibere*. Testis Tacitus, lib. de Moribus Germanorum, quorum lucos et nemora postquàm commemorasset : *His, inquit, simulacra Deorum addita, id est, statuæ è stipitibus rudibus et impolito robore*. Testis Lucanus Massiliæ obsidionem describens :

Lucus erat longo nunquàm violatus ab ævo.

Arboribus suis horror inest : tum plurima nigris

Fontibus unda cadit, simulacraque mista Deorum

Arte carent, cæsisque extant informia truncis.

XVI. Vetuit etiam Deus, ne ad altare suum per gradus ascenderetur, Exodi 20, 26 : *Non ascendes per gradus ad altare meum, ne reveletur turpitude tua*. Legem hanc temporariam tantum fuisse, et peregrinationi Israelitarum in deserto accommodatam, quidam interpretes opinantur : siquidem altare templi Salomonici decem cubitos altum (1 Paralipomenon 4, 1) gradus necessariò habuit, quibus ad illud ascenderetur ; et Ezechielis altare gradibus instructum fuisse, probant expressa prophetæ verba cap. 43, 17. Alii censent Judæos terram in circuitu altaris uniformiter in altum sustulisse, adeò ut sacerdotibus non per gradus, sed per tramitem leniter acclivem ad altare ascendentibus, omnis verenda denudandi metus et occasio tolleretur. Ita Josephus, lib. 4 Antiquitatum, cap. 8, Abulensis et Ribera : alii arbitrantur Deum gradus perpetuos altari immobiliter adhaerentes vetuisse : sacerdotem verò sacris operantem, scabellum, pontem, aut fabricam aliquam ligneam pedibus suppositam habuisse. Ita Chaldaica paraphrasis Jonathanis, S. Augustinus, quæstione 113 in Exodum, Hugo cardinalis et S. Thomas. Alii existimant Deum non gradus omnes, sed gradus multos, altos, pompæ, non usui deservientes, in altaris sui structurâ prohibuisse, ut Judæos à gentilium ritu removeret, qui in altaribus sublimibus sacrificabant, quæ Scriptura vocat *Excelsa* simpliciter, et eo nomine execratur, Levitici 26, 30 ; Numerorum 35, 32 ; Ezechielis 6, 5 ; Osee 10, 8 ; Amos 7, 9. Volunt itaque nominis minimè obscuri interpretes, legem altare tantum prohibere, ad cujus apicem gradibus altis, et eruribus operosè divaricatis ascendebatur, quale describitur à poetâ templum Junonis.

. *Donis opulentum et Numine Divæ,*

Ænea cui gradibus strangebant limina.

Ita Villalpandus in Ezechielis, cap. 43, et Pineda, lib. 7 De Rebus Salomonis, cap. 10. Favet ratio legi adjuncta : *Ne, inquit, reveletur turpitude tua*. Fieri enim faciliè potuit ut sacerdos in altum ascendens, nuditatem suam populo inferiori spectandam præberet, si

ventus paulò vehementior tunica demissa lacrimas attolleret, aut cruribus natis explicatis femoralia sua rumperebantur. Hoc igitur institutum fuit ad excludendam idololatram. Nam in sacris Priapus sua pudenda gentiliæ populo denudabant. Verba sunt S. Thomæ, primæ secundæ, questione 102, articulo 1 ad 7. Peoris, seu Beelphegor, quæ et Priapus, cultum solâ pudendorum coram ejus idolo denudatione peragi potuisse, constat ex paraphrasi Chaldaicâ Jonathans in Numerorum 25, 1, 2, ex Gemara et ex Maimonide in Mora Nevochim, p. 5, cap. 55. Idque innuisse videtur Osee, cap. 9, 10: *Ipsi autem, inquit, intraverunt ad Beelphegor, abalienati sunt in confusionem, et facti sunt abominabiles sicut ea quæ dilexerunt.*

§ IV. De vestibus sacerdotibus, ac de Urim et Thummim.

I. Sacerdotales vestes quedam erant sacerdotibus omnibus communes, alie summo sacerdoti seu pontifici propriæ. Exodi 28 describuntur, et a Josepho, lib. 5 Antiquitatum, cap. 8. Communes erant sacerdotum atque pontificum vestes: 1^a *Linca femoralis*, usque ad genua et poplites demissa, quibus pudenda tegerentur. Horum superior pars sub umbilico vehementer adstringebatur, ut si, quando mactarent victimas, tauros et arietes traherent, portarent onera, cæterisque ministeriis incumberent, etiam forte laborarent, et casu femora detegerentur, partes obscenæ non apparent. Ita sacerdotum honori et Sacrorum reverentiæ a Deo consultum est. Nam et sacerdotes ludibrio vulgi expositi fuissent, et sacra in contemptum abiissent, si spectaculum aliquod inhonestum in sacris contigisset. Refert Josephus hujusmodi feminalia ex bysso retortâ ob fortitudinem solere contexi, et postquàm incisa fuerint, acu consui: non enim posse in telâ hujusmodi fieri.

II. Secundum indumenti genus erat *Tunica talaris*, linca, quam et Byssinam Josephus appellat. Hæc adharebat corpori, et tam areta erat, et strictis manicis, ut nulla omninò in veste ruga esset. Commoda hæc vestis erat ut sacerdotes sacra ministeria expedite obirent. Solent, inquit S. Hieronymus, epistolâ 128 ad Fabiolam, « militantes habere lineas, quas « camisas vocant, sic aptas membris et strictas corporibus, ut expediti sint vel ad cursum vel ad prælia, dirigere jacula, tenere clypeum, enses librare, et quocumque necessitas traverit. Ergo et sacerdotes parati in ministerio Dei utuntur hæc tunica, ut habentes pulchritudinem vestimentorum, nudorum celeritate discurrent. » Lineas sacerdotum Hebræorum tunicas imitati sunt linigeri Isis in Ægypto sacerdotes, de quibus Juvenalis, satyrâ 6:

Quæ grege linigero circumdatus et grege calvo.

Et Apuleius in Apologiâ: *Mundissima lini seges inter optimas fruges terra exorta, non modò indutiâ et amictui sanctissimis Ægyptiorum sacerdotibus, sed operti quoque inde rebus sacris usurpatur.* Sacerdotes, qui Ammonis sacra in templo Gaditano procurabant, Silius Italicus ita describit, lib. 3:

Lineæ prohibent gressus, ac lumine curant

Sacerdos cœcæ vias, nec dirigit ulla

Vultu quæ cecuræ talarum corpora limo.

In aliorum gentium gentiana sacra linca vestis usum invenit diabolus Per amulus. Dea. Sacerdotes veste candida ornatos sacris operam dedisse, testatur Lucianus, lib. de Dea Syria. Junonis etiam famulas, illius sacra gestantes candidis vestibus velatas describit Ovidius:

Mores patrum, Sancta velata vestibus altis,

Tradita supposito vertice sacra ferunt.

Probabilitate certe caret Spenceri sententia, libro 7 de Legibus Hebræorum ritualibus, dissertatione 1, asserentis, lineam Hebræorum sacerdotum vestem ab antiquo gentium, aut Ægypti more deducendum esse. Nam sacerdotales vestes, symbola sanctitatis, Deum ex diaboli officina fuisse mutatum, quis sibi persuadeat? Dei mandato sacerdotales vestes factas esse Scriptura sacra testatur. Exodi 38: « Faciesque vestem sanctam Aaron « fratri tuo in gloriam et decorem. Et loqueris cunctis « sapientibus corde, quos replevi spiritu prudentiæ ut « faciant vestes Aaron, in quibus sanctificatus ministraret mihi. Hæc autem erunt vestimenta quæ faciunt, etc., tunicam lineam strictam, etc. Facient vestimenta sancta fratri tuo Aaron et filiis ejus, ut sacerdotio fungantur mihi... Porro filiis Aaron tunicas lineas parabis, et balteos et tias in gloriam ac decorem. » Ad sacerdotum Ægyptiorum morem Deum respexisse, neque Scriptura, neque Patres asserunt. Lini feracissima fuit Ægyptus, lino Ægypti sacerdotes ipsaque numina ornabantur, fateor: sed non probat Spencerus, neque probare potest, ante Moysen Ægyptios vestem lineam in sacris adhibuisse. Herodotus, Apuleius, Plutarchus, Plinius, Juvenalis, Ovidius, Martialis de Ægyptiorum sui temporis more ac ritibus fidem faciunt, sed hujusmodi moris ac rituum originem non aperiunt, aut antiquitatem indicant. Auctores sunt denique Moysen longè recentiores. Quanquàm etsi Ægyptiis Moysis ætate jam in more fuisset linca vestis in sacris usus, id non probaret vestis sacerdotalis originem ex Ægypto derivandam esse: cum à Patriarchis acceptum hunc ritum sit verisimilius, qui Deo intus docente didicerint, quod dixit postea Plato: *Colorem album præcipuè decorum Deo esse*; et hoc ritu significasse puritatem animi et corporis quâ sacra tractari et administrari debent.

III. Tertium indumenti genus utriusque ordinis sacerdotibus commune, est balthæus seu zona, aut cingulum textum subtegmine coeci, purpure, hyacinthi, et stamine byssino; ob decorem et fortitudinem, atque ita polymitâ arte distinctum, ut diversos flores ac gemmas artificis manu non textas, sed additas arbitris. Lineam tunicam inter umbilicum ac pectus hoc stringebant balthæo, qui quatuor digitorum habens latitudinem, et ex unâ parte ad crura dependens, cum ad sacrificia cursu expeditiore opus erat, in levum humerum retorquebatur. Sic illum describunt Josephus et S. Hieronymus. Hunc vestes lineas circa pectus cingendi morem Ægyptii quoque sacerdotes

imitati sunt, Apuleio teste, lib. 2 de auro Asino, ita scribente: *Ille linea tunica mandale amicta, et rubea fasciola prominente, altiusculè sub ipsas papillas succincta, etc.* Ab Ægyptiis sacerdotibus hunc cingendi ritum Hebræos accepisse non probatur. Sacrationem ac planè divinam ejus originem fuisse colligere est ex Apocalypsicâ Visione, Apocalypsis 13, 6, ubi septem angeli de templo exeuntes describuntur *vestiti lino mundo et candido, et præincti circa pectora zonis aureis.* Et Apocalypsis 1, 15, S. Joannes vidit in medio septem candelabrorum aureorum *similem Filio hominis, vestitum potere, et præinctum ad mammillas zonâ aurâ.* Ratio litteralis cur ita cingerentur sacerdotes erat, ut magis expediti essent ad sacra ministeria obeunda, et ne zona medium corpus stringens sudorem provocaret, et sacræ vestes impuræ et malè olentes ex attracto sudore redderentur. Quod indicare videtur illud Ezechielis 44, 17, 18, ubi sacerdotum vestes Deus describit: *Cinque ingredientur, portas atrii interioris, vestibus lineis induentur... Vittæ lineæ erunt in capitibus eorum, et feminalia lineæ erunt in lumbis eorum, et non accingentur in sudore.*

IV. Quartum genus vestimenti sacerdotalis omnibus communis, est *Tiara*, seu rotundus pileolus. Non habebat acumen in summo, nec totum usque ad comam caput tegebat, sed tertiam partem à fronte inopertam relinquebat; atque ita in occipitio vittâ constrictus erat, ut non facilè laberetur ex capite. Erat autem byssinus, et sic fabrè opertus linteolo, ut nulla acûs vestigia extrinsecus apparerent. Ita post Josephum S. Hieronymus.

V. Quintum indumenti sacerdotalis genus, pontifici proprium, erat *Tunica talaris, tota hyacinthina*, ex lateribus ejusdem coloris assutas habens manicas, et in superiori parte, quâ collo induebatur, aperta, oris firmissimis ex se textis, sicut fieri solet in extremis vestium partibus, ne facilè rumperetur. In extremâ parte, id est, ad pedes septuaginta duo erant tintinnabula, et totidem mala punica iisdem contexta coloribus. Inter duo mala punica unum tintinnabulum aureum interjacebat. Ratio legis redditur, Exodi 28, 45: *Ut audiantur sonitus quando Pontifex ingreditur et egreditur sanctuarium in conspectu Domini, et non moriatur.* Ratio litteralis erat ut ad sanctuarii, Deique in sanctuario residentis reverentiam cum pontifex ipse, tum sacerdotes reliqui, Levitæ ac populus excitarentur. Typica, seu allegorica, ut Evangelii prædicatio per orbem universum significaretur, interprete S. Cyrillo, lib. 2 de Adoratione in spiritu et veritate, pag. 587. *Id quoque, inquit, symbolum est illius sacræ lularis atque sapientis dispensationis, divinæ, inquam, atque Evangelicæ prædicationis quâ prope modum universæ urbes circumsonant, cum propter nos introit in sancta sanctorum, aternâ redemptione inventâ summus ille sacerdos immaculata victima: Unâ enim oblatione consummavit in perpetuum sanctificatos, Hebr. 11. Sunt autem minime obscurum ænigma prædicationis quidem salutaris illa ex auro facta tintinnabula, urbium autem in*

*logranata.... Ut enim urbs uno illa quidem extrinsecus muro circumdatur, longè autem plurima intra se domicilia continet, eodem quoque modo malum granatum uno extrinsecus putamine cingitur, sed interius grana subtilibus tunicis tanquàm muris inter se distinguuntur, ac propè dixerim, per domicilia colliguntur... Tintinnabulum igitur singulis maligranatis adjunctum est: nam et unicuique urbi suus magister, qui divinarum disciplinarum sonitu atque concentu Salvatoris nostri in sancta sanctorum ingressum omnibus declarat. Impendebat autem mortis metus iis, quibus sacerdotis munere in tabernaculo fungi demandatum erat, nempe Aaron, nisi tintinnabula maximè circumstrepent. Est enim silentium doctoribus inprimis periculosum. Idque perspicuè illud est quod Paulus ait: VÆ ENIM MIHI EST, NISI EVANGELIZAVERO. Rationem omninò moralem affert S. Hieronymus, Epistolâ 128 ad Fabiolam, de veste sacerdotum; inquit: *Debet esse scientia et eruditio pontificis Dei ut et gressus ejus, et motus, et et universa vocalia sint. Veritatem mente concipiat, et toto eam habitu resonet, et ornatu, ut quidquid agit, quidquid loquitur, sit doctrina populorum. Absque tintinnabulis enim et diversis coloribus, et gemmis, floribusque virtutum, nec sancta ingredi potest, nec nomen antistitis possidere.**

A sacerdotis summi campanulis seu tintinnabulis originem accepere sistra et crepitacula apud Ægyptios, aliasque gentes, dum sacra falsis numinibus fierent, insonantia, suggerente dæmone Dei æmulo. Hinc Martialis Isidis sacerdotes *sistratam turbam* vocat. Ipsaque Ægyptus terra *cymbali orarum*, sive (ut habet Vulgata) *alarum* dicitur, Isai. 18, 1. Cymbalum autem orarum, ut observat Bochartus in Phaleg., lib. 4, cap. 2, phrasi Hebræâ cymbalum est, cujus in lateribus sunt oræ seu margines, id est, sistrum. Sistrum enim est cymbali species non minùs timula quàm vulgare cymbalum. Hinc Ovidius, lib. 1 de Ponto, elegiâ 1:

Jactantem Pharia timula sistra manu.

Et Apuleius, lib. 11 Metamorphoseon: *Æreis et argenteis, inò verò aureis et jam sistris argutum timtum constrepentes.*

Sed in eo differt sistrum à vulgari cymbalo, quod, cum rotundum fuerit cymbalum, sistrum fuit ovali formâ cum certis oris seu marginibus, ex quibus appensa tintinnabula argutum strepitum concussu edebant. Sanè verisimilius, consultius ac religiosius ad æmulationem dæmonis hi Ægyptiorum seu gentium aliarum ritus referuntur, quàm à receptâ cultûs Ægyptiaci pompâ tanquàm primo exemplari cum Spencero deriventur. Hinc illud Plutarchi de sacerdote maximo Judæorum loquentis, Symposiacon lib. 4, quæstione 5: *« Multa tintinnabula dependent de veste, quæ inter ambulandum strepitum edunt, et prout apud nos hodiè sonitibus utuntur inter sacrificia. »*

VI. Sextum indumenti genus, soli pontifici conveniens, erat *superhumerales*, Hebræis *Ephod* dictum, Ephod simplicium sacerdotum longè pretiosius et

humerali aptavit rationali, in quo erat doctrina et veritas.

IX. De usu URIM et THUMMIM, eorumque notione generali, eruditi consentiunt. Certissimum Dei oraculum fuisse censent, per quod Deus in rebus gravibus, dubiis et inopinatis, Ecclesie vel Reipublice salutem spectantibus, à rege aut principe, vel Synedrio interrogatus, quæ facere oporteret, per summum sacerdotem revelabat. URIM ET THUMMIM in hunc usum divinitus instituta fuisse, demonstratur ex Scripturâ sacrâ. Cum enim Deus Moysi mox morituro præcepisset ut manum Josue duci populi designato imponeret (Numerorum 27) addit : « Et stabit coram Eleazaro sacerdote, et omni multitudine : et dabit ei præcepta cunctis videntibus, et partem gloriæ tuæ, ut audiat eum omnis Synagoga filiorum Israel. Pro hoc si quid agendum erit, Eleazar sacerdos consulat Dominum. » Textus Hebræus habet : « Et coram Eleazaro sacerdote stabit, et interrogabit eum de iudicio URIM, juxta os ejus ingredientur, ipse et omnes filii Israelis, et tota congregatio. » Abiathar sacerdotem Deum nomine Davidis per Ephod (quo nomine Urin et Thummin ab eo indivulsa intelliguntur) consuluisse narrat sacra Regum historia, lib. 1, cap. 25, 9, 10, 11, 12. Cum David rescisset, inquit, quia præpararet ei Saul clam malum, dixit ad Abiathar sacerdotem : Applica Ephod. Et ait David : Domine Deus Israel, audivit famam servus tuus, quid disponat Saul venire in Ceilam, ut evertat urbem propter me : si tradent me viri Ceilæ in manus ejus? Et si descendet Saul, sicut audivit servus tuus? Domine Deus Israel, indica servo tuo. Et ait Dominus : Descendet. Dixitque David : Si tradent me viri Ceilæ et viros qui sunt mecum, in manus Saul? Et dixit Dominus : Tradent. Et cap. 50, 7, 8 : Confortatus est autem David in Domino Deo suo. Et ait ad Abiathar sacerdotem : Applica ad me Ephod. Et applicavit Abiathar Ephod ad David, et consuluit David Dominum dicens : Persequar latrunculos hos, et comprehendam eos, an non? Dixitque ei Dominus : Persequere; absque dubio enim comprehendes eos, et excuties prædam. Lib. 1 Esdræ, cap. 2, narratur quod cum sacerdotes nonnulli recens è captivitate rediit, nomina sua in genealogiis reperire non potuissent, Esdræ mandato cautum sit, ut non comederent de sancto sanctorum, donec surgeret sacerdos doctus atque perfectus : sive (ut Hebræus textus habet) donec extaret sacerdos cum URIM ET THUMMIM, id est, donec Deus oraculo determinaret utrum è familiâ sacerdotali originem traxissent. Hunc usum Urin et Thummin confirmat Josephus, lib. 3 Antiquitatum, cap. 9, ubi Rationale à græcis Judaicæ religioni non infensum Oraculum vocari testatur. Idem confirmat summus Hebræorum consensus, qui omnes revelationis divinæ modos ad quatuor capita revocant : 1° Spiritum sanctum, cujus afflatu aliqui summis in negotiis et officiis derepente prodit, aptus ad loquendum, vel agendum ultra humanum modulum, 2° prophetiam, quæ et somnium et visionem complectitur; 3° filiam vocis, verbum scilicet de celo mediante angelo factum; 4° Urin et Thummin, quibus Deus personis

publicis, de Ecclesiæ vel regni gravioribus negotiis ipsum consulentibus velut Deum ac regem Israelis, majestatis suæ placita declarabat, et de futuris eventis publicum bonum spectantibus certiores faciebat.

Ut autem de publicis duntaxat negotiis, à personâ publicâ, id est, rege, principe, vel duce, aut patre Domus Judicii, id est, Synedrii preside, URIM ET THUMMIM consuli potuisse tradunt, ne divini oraculi auctoritas vilesceret, ac in abusum traheretur : ita solo pontifice mediante, velut divinæ voluntatis nuntio et interprete ordinario ad Urin et Thummin datum fuisse aditum asserunt. Soli enim pontifici Urin et Thummin Rationali indita circumferre licebat. Id ex Talmud Joma, cap. 7 ex R. Levi Ben Gerson, ex Seder Olam, cap. 14, ex Abarbanele in Deuteronom. aliisque Hebræorum magistris, probat Buxtorfius in Historia URIM ET THUMMIM, cap. 5. Id confirmatur ex illis verbis Deuteronomii 33, 8, quibus Moses tribui Leviticæ benedicens, ob Aaronis meritum URIM ET THUMMIM perpetua adprecatur : Urin et Thummin tua viro sancto tuo. Ita quidem textus Hebræus, ubi Vulgata nostra habet : Perfectio tua, et doctrina tua viro sancto tuo, etc. Oraculum illud sub templo secundo defecisse tradunt Hebræi, quorum testimonia apud Buxtorfium, cap. 5, legi possunt. Salomonis temporibus conticuisse præpugnans Spencerus, lib. 3 de Legibus Ritualibus Hebræorum, dissertatione 7, cap. 7, argumento præcipuè negativo, ex silentio Scripturæ petito, in quâ Deum post Salomonis tempora quandoque per prophetas, nunquam per Urin aut Thummin de publicis negotiis consultum legimus. Id confirmat ex 2 Paralipomenon, cap. 34, 22, ubi Helcias pontifex Oldam prophetissam consuluit, cum Josiæ regis animus in dubio hæreret, et ille aliique de rerum eventu solliciti inter spem metumque vacillarent. Neutiquam autem credibile est, inquit Spencerus, Helciam consilia circa regni dubium impetrandi causâ Oldam adire voluisse, si rationalis oraculum suo saltem tempore non conticivisset. Hæc enim submissio pontificis officio locique sui dignitati minus consentanea videtur. Verum de re incertâ et obscurâ iudicium suspendere consultius existimo.

X. Ratio litteralis cur URIM ET THUMMIM Israelitico populo Deus dederit, multiplex afferri potest. Prima, ut Israelitas cultui suo magis adstringeret, qui ad oracula ariolosque gentium in viciniâ habitantium, insitâ quâdam futurâ cognoscendi libidine confugissent, et consequenter ad earumdem ritus et idola defecissent, si sua ei defuissent oracula. Hanc rationem Origeni debemus, lib. 1 contra Celsum : « Gentibus, inquit, futurorum cognitionem petentibus ex oraculis, auspiciis, auguriis, ventriloquis, aruspiciibus, Chaldeis, Genethliacis, quæ artes omnes apud Judæos sunt vetitæ, si ipsi nullum solatium habuissent è futuro- rum præscientiâ, certè impulsî humanâ quâdam futura cognoscendi libidine contempsissent res suas ut nihil divini in se habentes. Nec alium post Moysen prophetam recepissent, transfugissentque ad oracula gentium, aut ipsi conati fuissent apud se aliquid simile instituere. » Secunda, ut divinæ præsentie

ac specialis providentiæ signum esset ac argumentum. Tertia, ut hoc oraculum divini imperii pignus esset ac testimonium. Cum enim Deum de negotiis reipublice gravioribus consulere, ipsum esse regem Israelis profitebantur, ut revera erat. Unde Theodoretus, quest. 44, in 1 Regum, Deum iratum fuisse ait, cum regem petisset populus: « Quoniam petito erat præter legem et divinam. Dominus enim Deus et Dei et regis implebatum. Propheta autem erat administer, et velut quidam præfectus, aut magister militum, aut tribunus plebis. » Quarta, ad conciliandam summo sacerdoti reverentiam, qui oraculorum divinorum nuntius esset ac interpret. Id Ethnicis imitandum suggestit diabolus rei amulus. Suos enim pontifices, quos Deorum alloqui dignos præ cæteris existimabant, muneri Deos consulendi preposuerunt. Hinc Lucianus, lib. de Dea Syria, sermonem faciens de Apollinis oraculo, ait: « Summus sacerdos supplex accedens, in-terrogat illum de omnibus in dubio positis. » Hinc Julianus, Epistolarum p. 237: « Ego, inquit, quoniam sacerorum patriorum factus sum pontifex, et oraculi Didymæi præfecturam jam sortitus sum, edico tibi ne quid eorum quæ ad sacerdotem magnum spectant totis tribus mensibus attingas. » Ratio verò typica URIM ET THUMMIM erat admiratio prophetica veri pontificis JESU CHRISTI mediatoris Dei et hominum, per quem gratia et veritas facta est, imò qui veritas est, et lux vera, illuminans omnem hominem venientem in hunc mundum; et mysteria enarravit, utpote unigenitus qui est in sinu Patris; et omnia quæ audiit à Patre, apostolis suis, et per eos Ecclesiæ suæ nota fecit.

XI. De naturâ URIM ET THUMMIM varie sunt accipietesque cum Hebræorum, tum Christianorum sententiæ. Quidam censent Oraculum illud nihil aliud fuisse quàm duodecim gemmas rationalis cum inscriptis duodecim patriarcharum nominibus. In eâ fuere sententiâ R. Azarias in Meor Enaim, cap. 50; Josephus, lib. 3 Antiquitatum, cap. 8 et 9; Nicolaus de Lyra, Tostatus Oleaster, Lipomanus, Ribera. Procopius in Deuteronomii 35 duos lapides fuisse censet, claritatem et veritatem representantes. Anastasius Nicanus, questione 58 in sacram Scripturam, putat fuisse adamantem qui summo pontifice in sacra sanctorum intrante, si populus peccato pollutus esset, nigresceret; si Deus illum punire decrevisset sanguinei coloris efficeretur; si non peccasset, albesceret ut nix: atque tempore Zacharie patris S. Joannis Baptiste insigniter splenduisse. Arias Montanus, sententiæ Procopii adherens, duos lapides lucidissimos fuisse existimat, à Deo immediate productos, ac Mosis datos. R. Azarias his argumentis suam fulcit sententiam. 1. Quòd duodecim illæ gemmæ indite fuerint rationali, et ejus duplicationem repleverint, unde *Lapides impletionum* vocantur. 2. Quod Moyses, Exodi 59, accuratè omnia vestimenta describens, rationalis quidem, sed Urim et Thummim nullatenus meminerit: Levitici verò 8, ubi Urim et Thummim commemorat, de duodecim illis gemmis sileat. Quod argumento est Urim et Thummim nihil aliud fuisse præter gemmas ipsas rationalis. 3.

Quòd notissimum sit responsum per Urim et Thummim datum, ex gemmis illis et litteris illarum aggressum esse per lucem ex illis promanantem, unde *Illuminationes* dicte sunt quæ *gemmarum lucentes*. 4. Maimonidem in hanc propendere sententiam ait, ex cujus suffragio maxime ipsi probabilitas accedat. 5. Addunt alii, cum Moyses vestium sacerdotum materiam et formam accuratissime descriperit, Nam pluribus etiam descriptorum fuisse Urim et Thummim, si aliud à duodecim rationalis gemmis per illa intellexisset. Josephus, lib. 3 Antiquitatum, cap. 8, pontificum ornatum describens, gemmarum quodam in rationali fulgentium, Urim et Thummim nullam fecit mentionem. Cap. 9, ubi de rationalis oraculo agit, gemmas tantum insolito fulgore radiantes commemorat: « Per duodecim gemmas, inquit, quas in pectore pontifex insutas Esseni (id est, rationali) gestat, in bello victoriam prænuntiare Deus solebat. Nam prius quàm exercitus se moveret, tantus fulgor ex eis emicabat, ut toti populo facilè innotesceret adesse Deum, openique et auxilium suum invocantibus esse allaturum. Quapropter Græci quotquot à nostrâ religione non abhorrent, cum hoc miraculum pro compertissimo habeant, ita ut negari non possit, Essena vocant *λόγοι*, hoc est, oraculum. Desiit tam Essen quàm Sardonyx fulgorem emittere annis ducentis antequàm hæc commentaremur, irato Deo propter legum suarum prævaricationem. » Hanc sententiam sugillat et ad fabulas rejicit sanctus Augustinus, questione 117 in Exodum, exponens illa verba: *Et impones super rationale judicii demonstrationem et veritatem.* « Sic autem habet: Quid sibi hoc velit, vel in quali re vel metallo poneretur super rationale demonstrationis et veritas, quoniam talia dicit fieri in veste sacerdotis, quæ corporaliter fiunt, invenire difficile est. Fabulantur tamen quidam lapidem fuisse, cujus color, sive ad adversa, sive ad prospera mutaretur, quando sacerdos intrabat in sancta; et hoc esse quod ait: *Et afferet Aaron judicia filiorum Israel super pectus, ostendens videlicet in illa demonstratione et veritate, quid de illis judicaverit Dominus.* Quanquàm possit intelligi demonstrationem et veritatem litteris impositam super *λόγοι*. » Cum S. Augustino sentit S. Thomas Primæ Secundæ, questione 102, articulo 5 ad 8 et 9. « Judæi, inquit, fabulantur, quòd in rationali erat lapis, qui secundum diversos colores mutabatur, secundum diversa quæ debebant accidere filiis Israel: et hoc vocant veritatem et doctrinam. » Antiqui tamen et doctissimi Patres hanc Hebræorum sententiam ut maxime probabilem adoptarunt. In eâ fuit S. Joannes Chrysostomus, oratione 4 contra Judæos. « E lapidibus, inquit, qui erant in pectore summi sacerdotis (id vocabant declarationem), relucebat fulgor quidam figura significans.... Itaque ne Judæi perfrictâ fronte hominibus imputarent suarum rerum vastationem, non solum civitatem Deus passus est dirui ac templum vastari, verum etiam illa quæ cælitis habebant originem, è medio sustulit, videlicet ignem, vocem,

« è lapidibus reddi solitum fulgorem, et hujus generis
 « alia universa » In eadem sententiâ est Theodoretus,
 quest. 60 in Exodum. « Supra pectus autem, inquit,
 « erat quod rationale vocabatur, tegens cor, partem
 « rationalem. Quod ipsum quoque duodecim lapides
 « habebat apparatus, diversis coloribus distinctos : at-
 « que ex his belli tempore cognoscebatur victoriane an
 « clades immineret, ut perspicuum est ex Historiâ
 « regnorum. Nam cum alieigence coacto exercitu in-
 « vaderent populum Israel, ante configere Saul non
 « est ausus, quàm victoriæ indicia perspexisset. Appli-
 « ca, inquit, Ephod. Deinde cum victoriam futuram
 « amandasset, addidit, Exod. 28 : *Contrahe Ephod,*
 « et ita populum armari jussit. Propterea cum dixisset
 « Deus omnium, *et impones rationale judicii supra pec-*
 « *ctus Aaron, et aptabis illud superhumerali,* subjunxit :
 « *Et impones illi demonstrationem et veritatem.* Ac de-
 « monstrationem quidem appellavit indicia, quæ inde
 « petebantur; veritatem verò ipsam indiciorum certi-
 « tudinem. Cæterum non est ignorandum, Dominum
 « sapientissimum per signa corporea studuisse com-
 « modo eorum, qui crassioris adhuc erant ingenii, nec
 « percipere ea quæ intellectualia sunt poterant. »
 Hanc sententiam tantis licet nominibus roboratam
 ratio non levis concutit, ex ipso Scripturæ sacræ
 textu petita. Deus enim Urim et Thummim rationali
 jam perfecto et absoluto apponi jussit. At lapides in-
 seri voluit, cum adhuc rationale sub artificum manu
 versaretur. Istos à *Besedel* vel sociis; illa ab ipso
 Moyse. Postquam enim Deus voluntatem suam de
 gemmis in rationalis palis includendis declarasset
 Exodi 28, tandem addit v. 30 : *Et dabis ad pectorale*
judicii Urim et Thummim. Sive, ut habet Vulgata :
Pones autem in rationali judicii doctrinam et veritatem,
quæ erunt in pectore Aaron quando ingreditur coram
Domino. Nisi verò à gemmis diversum quid fuissent
 Urim et Thummim, ad quid novo mandato sanxisset
 Deus ut hæc in rationali ponerentur, cum jam antea
 gemmas in illo disponi ac figi præcepisset? Scio He-
 bræos ad majorem inculcationem id factum commi-
 nisci. Sed cur majori inculcatione opus in gemmis,
 quàm in reliquâ rationalis et Ephod, ac aliarum ve-
 stium sacrarum texturâ? Cur etiam verbis obscuris et
 mysticis, non autem apertis et usitatis, contra com-
 munem hominum morem, res eadem inculcarentur?
 Denique Siracides Ecclesiastici 45, 12, 13, ubi ponti-
 ficis ornamenta describit, de rationali judicii, de Urim
 et Thummim, de gemmis insculpta tribuum nomina
 gerentibus, velut de rebus distinctis loquitur. « Stola
 « sanctam auro et hyacintho, et purpurâ, opus texti-
 « le, viri sapientis, judicio et veritate præditi : torto
 « cocco opus artificis, gemmis pretiosis figuratis in
 « ligaturâ auri, et opere lapidarii sculptis, in memo-
 « riam secundum numerum tribuum. »

XII. Alii volunt urim et thummim fuisse scripturam
 vel sculpturam nominis tetragrammaton, cum certis
 quibusdam ejus per alia item nomina divina quadra-
 ginta duarum litterarum expositionibus, quas Moyses
 vel à Deo ipso scriptas, vel lapidibus insculptas acce-

perit, vel ipse ex divinâ revelatione scripserit, et du-
 plicationi rationalis inseruit. Ita auctor libri Zochar,
 Targum Jonathanis in Exodi 28, R. Salomon, R. Levi
 Ben Gerson; Nachmanides, Abarbanel, et alii rabbini
 nec non cabalistæ plures, qui observant nomen Dei
 tetragrammaton duodecim variationes admittere per
 litterarum transpositiones; quæ omnes eandem signi-
 ficationem *Essendi* retineant, sine ullâ mutatione, in
 argumentum unitatis et immutabilitatis essentiae divi-
 næ juxta illud Malachiæ 3, 6 : *Ego Dominus, non mu-*
tor : ac proinde ejusdem etiam sint sanctitatis. Hæc
 duodecim nomina divina ab exteriori duodecim ra-
 tionalis gemmarum parte fuisse iis insculpta : ita ut
 quemadmodum ab interiori parte nomen tribûs, ita in
 parte aversâ nomen quodpiam Dei insculptum fuerit,
 cujusque tribûs quasi signaculum et sigillum : et divi-
 norum illorum nominum virtute, quando sacerdos sum-
 mus Deum per illa consulebat, et gemmas insolitum
 fulgorem emisisset, et ipsius sacerdotis animum illumi-
 natum fuisse. De his Reuchlinus, lib. 3 de Arte Ca-
 balisticâ, Buxtorfius in Historiâ Urim et Thummim,
 cap. 2. Addunt Talmudici, cum pontifex Deum con-
 suleret, facie in arcam obversâ, litteras illas divinarum
 nominum in rationali tunc temporis plus solito splen-
 descentes, aut virtute divinâ protuberantes, Dei res-
 ponsum exhibuisse. Hæc sententia speciosum figmen-
 tum est; nullo Scripturæ sacræ, aut Patrum testimonio
 fulta est et cohonestata. 2. Incredibile est quod in
 duodecim gemmis singularum tribuum nomina in-
 scriptis, divina adhuc tot litterarum nomina insculpi
 potuerint. 3. Quomodo responsum quandoque proli-
 xum, et eadem alphabeti elementa sæpè repetita po-
 stulans, per litteras, quæ semel duntaxat in rationalis
 verbis occurrerant, reddi potuit? 4. Urim et Thum-
 mim in templo secundo non fuisse consentiunt Hebræo-
 rum magistri, quo tempore, inquit R. Azarias, nomen
 tetragrammaton adhuc ipsis notum erat. Si ergo Urim
 et Thummim nihil aliud fuere quàm divini hujus no-
 minis scriptura vel sculptura, cur Urim et Thummim
 non scripserunt, vel insculpserunt gemmis ratio-
 nalis?

XIII. Censent alii litteras ex nominibus divinis aut ex
 nominibus duodecim patriarcharum lucentes ac protu-
 berantes oraculum non perfecisse Spiritum sanctum,
 quo sacerdos simul cum rationali induebatur et illumi-
 nabatur, ut nòset quomodo litteræ sic lucentes vel pro-
 minentes combinandæ essent, ut hoc medio Dei consi-
 lium exploratum haberet, atque ad interrogata respon-
 deret. Ita Maimonides in More Nevochim, p. 3, cap. 45,
 R. David Kimchi in Judicam 20, et in 2 Regum 25. R.
 Bechai in Deuteronomii 32, 8. Quam sententiam Anto-
 nius Milieus in poemate cui titulus est Moses Viator,
 p. 1, lib. 13, non invenustâ musâ sic expressit :

. *Quoties de lege refert responsa sacerdos*
Consultus, regnique vicis et publica fata
Aut privata rogant dubiis in rebus egentes
Consilio, ac numen venerati ritè precantur ;
Pontifici adstans summo præcordia pellit

*Spiritus, et gemmas arcu illuminat igne.
Instigatque animi fibras, et facta recudit:
Tum anquam moderante Deo, certis sibi fudit
Effata, et prociat onus abest ambiquus error.*

XIV. Existimant alii eum et thummim imagines quasdam astrologicas fuisse. In eam sententiam unus Aben-Ezra propendit, quem R. Azarias merito refellit. Divinum enim oraculum profanis hujusmodi figuris aut imaginibus, ad superstitiosam divinationem plerumque accommodatis constituisse, quis sibi persuadeat?

XV. Aliis incertum videtur quæ fuerint *Urim* et *Thummim* ratione materie et forme spectata. Ita R. David Kimchi, in libro Schoraschim, R. Abraham Seba in Tzeror Hammor, et Aben-Ezra, quorum loca legere est apud Buxtorfium in historia *Urim* et *Thummim*, cap. 2.

XVI. Aliis probabilius videtur *URIM* et *THUMMIM* nihil aliud fuisse præter hæc duo verba: *DOCTRINA* et *VERITAS*, rationali inscripta, quemadmodum laminae aureæ, quam in fronte gestabat pontifex, inscriptum erat, *SANCTUM DOMINO*. Hæc opinio planior est et Scripturæ sacræ verbis magis conveniens, quibus perfecto rationali gemmisque, annulis et catenis aureis ornato, atque cum Ephode conjuncto, ita ut separari nequeant, additur: *Pones autem in rationali iudicii doctrinam et veritatem: quæ erunt in pectore Aaron, quando ingreditur coram Domino*. Censent autem hujus opinionis vindices duas illas voces rationali inscriptas non fuisse divinum oraculum, sed indices oraculi: non instrumentum, sed causam moralem, vel conditionem sine quâ non fieret hoc genus revelationis; summo sacerdoti Ephode et Rationali, cui *doctrina* et *veritas* inscriptæ erant, induto, Deumque coram arcæ consulenti, Deum revelasse placita sua quæ populo denuntiaret. Nec tamen id semper contigisse, sed cum Deo visum est. Unde 1 Regum 28, 6, ubi de Saule dicitur: *Consultuitque Dominum, et non respondit neque per somnia, neque per sacerdotes, neque per prophetas*; pro his vocibus *neque per sacerdotes*, in hebræo habetur, *neque per Urim*. Hanc opinionem sequuntur Salianus in Annalibus ad annum 2544, § 550, Cornelius à Lapide, et alii recentiores. Sed ea recens non est, imò S. Augustini calculo comprobata. Quæstione 117 in Exodum, ejus verba supra descripta habes num. 11, et S. Thomas, Primâ Secundæ, quæstione 102, articulo 5, ad 8 et 9. « In rationali, inquit, erant duo decim lapides pretiosi, distincti per quatuor ordines: in quibus etiam sculpta erant nomina filiorum Israel, quasi ad designandum quod ferret onus totius populi, per hoc quod habebat nomina eorum in humeris; et quod jugiter debebat de eorum salute cogitare, per hoc quod portabat eos in pectore, quasi in corde habens. In quo etiam rationali mandavit Dominus poni doctrinam et veritatem: quia quedam pertinentia ad veritatem justitiæ et doctrinæ scribebantur in illo rationali. » Hanc probabilem censet S. Cyrillus Alexandrinus, lib. 2 de Adoratione in Spiritu et Veritate, quamvis ipsam quætionem de Natura *Urim* et *Thummim* haud magni momenti esse putet.

*Præterea, inquit, aliud quoddam ornamentum hæc duo decim gemmis adnecti præcepit, dicens: « Et tu pones super rationale iudicii manifestationem et veritatem; et erit supra pectus Aaron cum ingreditur in sanctum coram Domino, et habebit Aaron iudicia filiorum Israel in pectus coram Domino in perpetuum. » Manifestationem igitur de veritate appellat, non tamen aperte indicant utrum lapides fuerint, an velut in parvâ tabella cum inscriptionem fieri jussert: memora enim prophetae dicentis: « Quia dies multos sedebunt tibi Israel sine rege, sine principe, sine sacrificio et sine altari, et sine sacerdotio, et sine manifestationibus, » Osee 3. Sed sive lapides illi fuerint, sive tantum in aurâ tabellâ ea nomina descripta fuerint, id verò non nimium curiose perestigabimus: tantum scire salta erit ea in figuram Christi esse posita, qui una cum sanctis hominibus versatur. » Ecce enim, inquit, Matth. 28, « vobiscum sum omnibus diebus, et usque ad consummationem sæculi. Veritas autem ac manifestatio Christus est: in eo enim Patrem cognovimus et manifestavit nobis hominem ipsius voluntatem, et perfectam, et beneplacentem, picta Scripturas: ait enim Christus: *Non dico vos servos, sed unicuique: quia omnia quæ audivi a Patre meo, nota faci volui*, » Joan. 16. Veritas est etiam alia ratione nile Emmanuel: quia solus ipse secundum naturam ihesus, et ut Deus ex Deo solus sanctus, solus Dominus: at verò creatura per participationem atque imitationem, id est, quodcumque ille esse intelligitur. Ad est itaque Christus cum sanctis viris præsens, cum tanquam in manifestatione ac veritate intelligitur; idemque causam nostram in conspectum Patris refert, semper vivens ad interpellandum pro nobis: id enim est, ut opinor, illud: *Et inferet Aaron iudicia filiorum Israel coram Domino in pectore suo in perpetuum.* »*

XVII. Spencerus, lib. 3 de Legibus Ritualibus Hebræorum, cap. 3, dissert. 7, novam nuper opinionem innoxit, multisque adstruere conatus est. Censet *URIM*, instrumentum concavum fuisse, decore fabricatum, sive simulacrum parvulum ad humanam similitudinem formatum, *Theraphim* antiquitus appellatum, quod reconditum gestavit summus sacerdos intra concavas rationalis plicaturas, quo mediante Deus, aut angelus illius vocem et nomen gerens ad pontificis interrogata respondit, eique quid agendum, quid non agendum, quid præsens, quid futurum esset, voce formatâ revelavit. Cum scilicet mos iste simulacra illa fatidica *Theraphim* in dubiis consulendi longè latèque per Gentes invaluisset, Deum veterem à *Theraphim* petendi oracula ritum, in pectorali *Urim* pene invariatum Israelitis ex indulgentia concessisse, ne in gentium sentitas moris antiquæ eorum desiderio præcipientes agerentur. *Urim* igitur eisdem cum *Theraphim* muneris, et fortè figuræ fuisse, sub nominis diversi larvâ simulacrum.

XVIII. Huic sententiæ Vistius, lib. 2 Aegyptiacorum, post Bonfrerium, in cap. 17 Judicum, et alios interpretes catholicos, rectè opponit *Theraphim* nun-

quàm à Deo in suo cultu approbata sed vetita fuisse, ut mera idololatriæ et superstitionis divinationis instrumenta. Id enim probat exemplum regis Babylonis, de quo Ezechielis 21, 21, legitur. « Stetit rex Babylonis in bivio, in capite duarum viarum, divinationem querens, commiscens sagittas : interrogavit idola, exta consulit. » Pro idolis, *Theraphim* habet Hebræus textus. Sicut et Zachariæ 10, 2, ubi Vulgata nostra habet : *Quia simulacra locuta sunt inutile*. Et 4 Regum 23, 24, ubi legimus in Vulgatâ nostrâ : « Sed et Pythones et Ariolos, et figuras idolorum, et im-
munditias et abominationes, quæ fuerant in terrâ Judâ et Jerusalem, abstulit Josias. » Pro figuris idolorum textus Hebræus habet *Theraphim*. Quem in locum R. David Kimchi ait : *Theraphim sunt imagines factæ ad cognoscendum ex iis futura*. Hæc simulacra nihil aliud quàm idola fuisse probat insuper Labani expostulatio cum Jacob, Genesis 31, 30 : *Cur furatus es Deos meos ?* ipsiusque Jacob responsum vers. 32 : « Apud quemcumque inveneris Deos tuos, necetur coram fratribus nostris : et quod Scriptura subdit : Hæc dicens, ignorabat quòd Rachel furata esset idola.... Cùmque intrasset Laban tentorium Rachel, illa festinans abscondit idola subter stramenta cameli, et sedit desuper. » Pro idolis *Theraphim* in Hebræo habetur. Sed et magicarum artium instrumenta *Theraphim* fuisse fatentur Hebræorum magistri. Salomo Jarchius in 2 Regum 23, 24, « *Theraphim fuerunt imagines quæ loquebantur per artes magicas. Qui faciebat eas, opus habebat respicere horam certam, et annum certum convenientiæ ad id.* » Capitula R. Eliezeris et Targum Hierosolymitanum confecta fuisse tradunt ex capite mactati filii primogeniti, saleque et oleo conditi, cujus ori inserebatur lamina aurea demonis nomine insignis, coram quo ad parietem posito lampades accendebant, et procumbentes illud interrogabant, responsumque per demonem accipiebant. Non est ergo probabile Deum, cujus consilium fuit Israelitis ad idololatriam et superstitionibus ceteris abducere, *Theraphim* adoptasse in sacrationem et miræ liberem cultûs sui partem. Israelite enim ad idololatriam et quodvis aliud superstitionis proclives, ad *Theraphim* gentium profanarum consulenda, imò et adoranda, occasione datâ facillè defecissent, si tantam inter illam et sacrum trini affinitatem observassent, et trini ejusdem muneris ac figuræ fuisset sub diversi nominis larvâ simulacrum.

XIX. Hypothesim nihilominus suam Scripturæ sacræ testimonio confirmare nititur Spencerus, illo imprimis Osee 3, 4 : *Dies multos sedebunt filii Israel sine rege, et sine principe, et sine sacrificio, et sine altari, et sine Ephod, et sine Theraphim*. Per *Theraphim*, inquit, hoc in loco non gentium idola ad consulendum aut colendum comparata sunt intelligenda; sed *Urim* vel monumenta sacra, consiliorum divinorum nuntia, in ephode vel adjuncto pectorali ex præscripto divino reponenda. Rationi enim minime consentaneum est Prophetam, debilem gentis israeliticæ causam prædicaturum, inter mala futura id quoque numerasse, quòd

carituri essent idolis. Rem bonam et licitam oportet esse, quam Deus minatur se ablaturum Israelitis, ut de peccatis eorum vindictam sumeret : alioqui eam auferre non pœnæ, sed beneficii loco ducendum esset. De quânam autem re bonâ et licitâ, ullâ cum veri specie, *Theraphim* hoc loco interpretari possumus, nisi de uriv Dei, ephodi tam sacro nexu coerente? Unde Spiritus Sanctus de *Ephod* et *Theraphim* hoc in loco, tanquàm de rebus ejusdem familiæ loquitur : de aliis autem omnibus quasi nullo cognationis vinculo junctis, sed ab invicem naturæ diversitate longè separatis. Nam hæc omnia vocabulo illo disjunctivo *absque*, sic à se mutuò separantur : *Sedebunt filii Israel absque rege, et absque principe, et absque sacrificio, et absque altari, et absque ephod* : sed *Ephod* et *Theraphim* conjunctum, et quasi continuo spiritu legenda in hunc modum proponuntur, *absque Ephod et Theraphim*. Accedit quòd 70 Interpretes *Theraphim* hoc loco per *ἀρχαί*, vel (ut aliqua legunt exemplaria) per *ἀρχαί-σσις* reddere consultius habuerunt. Iis verò vocabulis *Urim* aliis in locis solent exponere. Exodi 28, 26 ; Levitici 8, 8 ; Numerorum 27, 21 ; 4 Regum 28, 6. Aquila et Theodotion *Theraphim* hic loci per *ποτισμούς* transtulerunt, quo nomine et *Urim* explicant Levitici 8, 8. Vulgatus interpres pro *Theraphim Manifestationes* posuit, quo nomine summi sacerdotis *Urim* notare solet. S. etiam Hieronymus, *Ephod* et *Theraphim* de instrumentis quibusdam habitus sacerdotalis interpretatur. « *Theraphim*, inquit, propriè appellantur *μορφήματα*, id est, figuræ et simulacra : quæ nos possumus in præsentî duntaxat loco, Cherubim et Seraphim, sive alia quæ in templi ornamenta fieri jussa sunt dicere. Verùm quia Septuaginta *ἀρχαί* interpretati sunt, pro quibus Aquila *ποτισμούς* transtulit ; et hæc ipsa sunt *ἐν λογέσει*, id est, in Rationali : hoc intelligimus, quod in pectore et corde pontificis *ἀλήθεια καὶ ποτισμοί*, id est, veritas esse debeat atque doctrina.... Ili sunt ergo multi dies quibus infelix Synagoga et mulier adultera hordeo pascitur, et sedet contracta, quia cum Christo stare non potest. Sine rege, de quo locutus est Pater : *Suscitavi regem cum justitiâ*, Isai. 45. Sine principe, vel ipso Domino Salvatore, vel certo pontifice, de quo scriptum est, Exod. 32 : *Principi populi tui non maledices*. Et sine sacrificio, et sine altari. Subverso enim templo, et incensâ Jerusalem, nec sacrificium, nec sacerdotium Judaica gens exercere potest. Et sine Ephod, et sine *Theraphim*, id est, instrumentis sacerdotalis habitus. » Huic explicationi favent S. Cyrillus Alexand. et Theodoretus, et 70 Interpretes secuti, *Theraphim* per *Manifestationes*, id est, per *Urim* et *Thummim* explicant.

Respondetur : Etsi hoc imò Scripturæ sacræ loco *Theraphim* nomine *Urim* et *Thummim* significetur, ut laudata illa Patrum doctissimorum trias explicat, perperam inde colligere Spencerum, quòd *Theraphim* ejusdem cum *Urim* naturæ et figuræ fuerint, solo nomine differentia simulacra : sed solum quòd *Theraphim* prædicendi munere, mediante demone iis insi-

Michæ oraculo, ipsius pietati testimonium perhibuisse. Cùm enim Danites (quos dubius itineris sui eventus anxios habuît) Michæ Levitam Theraphim suis instructum a li sent, rogantes ut Deum loco suo consulere, Judic. 18, 1, id ab eo responsi tulere : *Ite in pace : Dominus respiciat viam vestram et iter quo pergitis.* At quis sibi persuadeat, Danitas à Michæ Theraphim responsa divina expectare, vel Deum inde reddere voluisse : modò Michæ ea ethnicismi studio, vel à sancto Dei Urin planè diversa, fabricasset?

Respondetur, totum illud Spenceri argumentum rufuoso nû tandeminto. Falsò enim supponit Michæ factum ex religione ac pietate originem duxisse, et Theraphim ab eo fabricata idololatriæ instrumenta non fuisse. At totum illud quod à Michæ factum est, superstitionis et idololatriæ nomine dammandum plura suadet. Ocasio facti fuit impotens Vulture superstitionis, que ducentos argenteos exorando voto dieavit ad faciendum ex eis *sculptile et conflatile*. Id eo tempore factum est quo *non erat rex in Israel*, seu legitimus magistratus, qui sacrilegas in religione novitates auctoritate suâ coercere posset, *sed unus, cui que quod sibi rectum videtur hoc faciebat.* Fecerunt Michæ et mater ejus, *sculptile et conflatile*, contra expressam Dei legem, Exodi 20, 4 : *Non facies tibi sculptile.* Deuteronomii 4, 15, 16 : *Custodite igitur sollicitè animas vestras. Non vidistis aliquam similitudinem in die quâ locutus est vobis Dominus in Horeb de medio ignis : ne fortè decipiti faciatis vobis sculptam similitudinem, aut imaginem masculi vel femine, etc.* Deuteronomii 27, 15 : *Maledictus homo qui fecit sculptile aut conflatile, abominationem Domini, opus manuum artificum, ponetque illud in abscondito.* Exodi 34, 17 : *Deos conflates non facies tibi.* THERAPHIM à Michæ fabricata, quamvis à sculptili et conflati antea nominatis distincta fuerint, auctore S. Hieronymo, epistolâ 150 ad Marcellam, tamen idola fuerunt, ut Vulgata nostra exponit. *Et fecit Ephod et Theraphim, id est, vestem sacerdotalem et idola.* Et cap. 28, 17 : *At illi qui ingressi fuerant domum juvenis, sculptile, et Ephod, et Theraphim, atque conflatile tollere nitebantur, et sacerdos stabat ante ostium, sexcentis viris fortissimis haud procul expectantibus. Tulerunt igitur qui intraverant, sculptile, Ephod et idola atque conflatile.* Et vers. 20 : *Acquievit sermonibus eorum, et tulit Ephod et idola, ac sculptile, et profectus est cum eis.* Vers. 24, Michas Danitis respondet : *Deos meos, quos mihi feci tulusis, et sacerdotem et omnia quæ habeo et civitis : Quid tibi est ?* Vers. 31 : *Mansitque apud eos in domum Michæ omni tempore quo fuit domus Dei in Silo.* Quod Spencerus ait, Micham sculptili suo et conflati duos tabernaculi Cherubinos exprimere veluisse, parum putum figmentum est. Cultum Michæ superstitosum et idololatriæ fuisse confirmant Chaldaica paraphrasis et Syriaca versio. Illa enim de Michæ ait : *Et vir Michæ illi domus erroris : et fecit Ephod, et similitudines.* Ista verò : *Vir enim iste Michæ habebat fanum deorum, feceratque Ephod et pallium ; et quamvis in cultûs objecto non errasset, haud leve crimen erat in privatis suis aedibus ea quæ publici cæ-*

teroquin cultûs erant peragere. Lex enim ea celebrari prohibet extra locum quem *degerit Dominus*, Levitici 17 et Deuteronomii 12, id est, extra tabernaculum testimonii, vel templum olim Hierosolymis ædificandum. Cujus loci religionem vel bello vindicare quondam decreverant cæteræ tribus contra Rubenitas, Gaditas, et dimidiam tribum Manassis, qui illam violasse videbantur, ædificato magno altari ad tumulos Jordanis. (Josue 20, 10.) Contra legem præterea peccavit Michas, quòd filium suum primò, deinde juvenem Leviticum, non Aaronici generis sacerdotem, sacris præfecit : cùm tamen jus sacrorum ad Aaronicos sacerdotes lex coerceat. Numer 3, 10 : *Dabisque dono Levitas Aaron et filiis ejus, quibus traditi sunt à filiis Israel. Aaron autem et filios ejus constitues super cultum sacerdotii. Externus qui ad ministrandum accesserit moritur.* Hallucinatur itaque Spencerus cùm factum Michæ ex hæc circumstantiâ laude dignum putat. Denique Michæ exemplum totam tribum Dan ad idololatriam pertraxit. Ablatis enim sculptili et conflati, Ephode, et Theraphim Michæ, ejusque sacerdote abducto : *Posuerunt sibi sculptile, et Jonathan filium Gerson filii Moysi, ac filios ejus sacerdotes in tribu Dan, usque ad diem captivitatis sue. Mansitque apud eos idolum Michæ omni tempore quo fuit domus Dei in Silo.* (Judicium 18, 30, 31.) Falsum porrò est quod tam confidenter asserit Spencerus, Deum per Theraphim Michæ consulentibus Danitis responsum dedisse. Id enim Scriptura sacra non dicit, longèque probabilius est Levitam illum mercenarium, qui profano sacerdotioungebatur, qui legem Domini tam manifestè violabat, qui idolo serviebat, Dei nomine abusus, ipsis respondisse : *Ite in pacem : Dominus respiciat viam vestram et iter quo pergitis. Sed etsi per Theraphim id responsi Levite datum supponatur, et eventus prædictioni responderit, non sequitur divinum id fuisse oraculum.* Quis enim nescit profana gentium oracula, et ariolos, interdum vera prædixisse, vel dæmone futuros eventus pro suâ conjiciendi vi prævidente, vel permittente Deo, inò ordinante ut spiritus mendacii vera præsigiret, ad serviendum providentiæ suæ?

Non diffiteor S. Hieronymum, epistolâ 150 ad Marcellam, innuere Theraphim Michæ juxta aliquem sensum, *sacerdotalia ornamenta* posse intelligi : sed præterquam quòd non est illa propria et nativa vocis hujus Theraphim significatio, ut ex ipso S. Hieronymo constat, qui ubique Theraphim vertit *idola* (excepto 1 Regum 19, 13, ubi *statuam redditi*), colligi inde non potest S. Hieronymum existimasse URIM ET THERAPHIM fuisse ejusdem muneris et formæ simulacra.

Hanc responsonem Theodoretî sustentabit auctoritas, qui hæc verba : *Fecit Michæ Ephod et Theraphim*, explicans questione 24 in Judges, ait : *De Ephod scilicet diximus quòd sit vestis sacerdotalis, et per eam significabat Deus quid esset agendum. Theraphim autem tale quidpiam erat dedicatum idolis, et non Deo.* Hoc enim hic etiam docet historia : *Fecit enim, inquit, sculptile et conflatile.* Deinde subjungit : *Et fecit Michæ Ephod et Theraphim, et implevit unus fi-*

« *hominum quorum animam, et factus est ei sacerdos.* » Non erat autem hic ex tribu Levitica, sed ex tribu Ephraim. Docuit etiam causam cur legem est transgressus. *In iis enim, inquit, diebus non erat rex in Israel. Unusquisque faciebat quod quidem erat in oculis suis.* Tam multa mala conciliant nullum habere rectorem aut magistratum! » Et quæstione 25, Levitate à Michâ conducti crumen multiplex has verbes exponit, quæ Micham ab idololatia absolvi non posse, contra Spencerum probant. « Ceterum, inquit, vni huiusmodi multiplex fuit legis transgressio. Nam primum eundem cum Deus fixisset tabernaculum in Silo, in alio loco contra legem fugebatur suo munere. Deinde de manufactis idolis hoc enim signifi ut *sculptile et conflatile*, offerebat sacrificia. Præterea in alio quoque ausus est legem transgredi. Lex enim præcebat Levitis ne sacerdotali fingerentur munere, sed jussit eos ministrare sacerdotibus. Et hanc ergo legem est transgressus, cum ausus sit fungi sacerdotio. Fuit etiam ingratus in eum qui ipsum coluerat, nam frandis acceptis instrumentis secutus est eos qui erant ex tribu Dan, et fuit conciliator erroris in adorandis idolis. »

XXI Tertium argumentum ad Hypothesin suam firmandam petit Spencerus ex facto Gedeonis, qui *Ephod* sibi fecisse, idque in civitate suâ *Ophra* statuisse narratur, Judicium 8, 27. Quod *Ephod* solum non fuisse credibile est, sed cum *Theraphim*, et simulacris aliis *Cherubimorum* figuram et pompam amulantibus conjunctum. Inaures enim aureas quæ Gedeoni, re bene gestâ contra Madianitas, præmiū loco cesserant, ad aliquid aliud præter *Ephodem* collaudandum fuisse dedicatas ingens auri pondus, mille scilicet a septingentorum aureorum, quo appensæ sunt vel estimate, satis probat. Nam absotum est fidei, sacerdotem ullum tanti ponderis Ephode onustum potius quàm vestitum, religionis opera peragere potuisse.

Ut argumento suo majorem probabilitatem conciliet Spencerus, ad Arabicam versionem provocat, quæ hunc Judicium textum sic reddit: *Et conflavit illud Gedeon in simulacrum.* Hoc autem non sine consilio fecisse probant historie sacre verba, interprete S. Augustino, quæstione 41 in Judices. *Dictum est enim:* Statuit illud Gedeon in civitate suâ; *ut hinc intelligatur quid aurum factum fuisse. Non enim dictum est:* posuit, *sed statuit:* quoniam ita erat solidum et validum, ut stitui posset, hoc est, positum stare. Hoc autem de simulacro, non de veste dici potest. Igitur verisimile est pontificis Ephod (exemplar ad cuius similitudinem sua omnia formavit Gedeon) imaginem unam et alteram intus habere: et adòque eam idem fuisse cum *Theraphim*.

Respondetur, probabile quidem esse Gedeonem ex auro tanti ponderis solum *Ephod* non fecisse, sed et cætera, quæ ad ornamenta vel instrumenta sacrarii pertinerent, et Scripturam à parte totum significasse: sed nihil inde pro suis *Theraphim* exculpet Spencerus. Neque ipsi S. Augustino ullo pacto favet. Sic enim solvit dubium quod moverat: « Hoc ergo illici-

« tam cum fecisset Gedeon, *conflatum est post illud omnia Israel*, id est, sequendo illud contra legem Dei: ubi non frustra queritur, cum idolum non fuerit, id est, cuiusquam dei falsi et alieni simulacrum, sed Ephod, id est, unum de sacramentis tabernaculi, quod ad vestem sacerdotalem pertineret, quomodo fornicationem Scriptura dicat populo istæ sectantis atque venerantis. Ideo scilicet quod præter tabernaculum Dei, ubi erant ista, quæ ibi fieri jussisset Deus, extra simde aliquid fieri fas non erat. Ideo sequitur, et dicat Scriptura: *Et factum est Gedeon, et domui ejus in scandalum;* id est, ut ab offenso Deo dederet; quia et hoc quoddam genus idoli quodam modo erat, quod extra Dei tabernaculum quolibet manufactum pro Deo coleretur: cum illa ipsa, quæ jussu sunt in tabernaculo fieri, ad Dei potius cultum referrentur, quàm pro Deo aliqual eorum, aut pro Dei simulacro colendum haberetur. Quanquam per Ephod vel Ephod, ea locutione quæ significat à parte totum, omnia possunt intelligi, quæ constituit Gedeon in suâ civitate, velut ad colendum Deum, similia tabernaculo Dei; et propterea per hoc, quia hoc est sacerdotalis honoris insigne, quod sæpè Scriptura commemorat: ut hoc sit peccatum Gedeon, quod extra Dei tabernaculum fecerit aliquid simile, ubi coleretur Deus: non quod solido auro velut adorandum constituerit Ephod, sed quod ex auro ipso, quod esset de prædâ, fecerit ea quæ pertinerent ad ornamenta vel instrumenta sacrarii, quæ omnia per Ephod significata sunt, propter excellentiam, ut dixi, vestis sacerdotalis. Nam et ipsum Ephod non quidem ex auro solo fieri præceptum est, si hoc est superhumeralis sacerdotalis vestis, veruntamen etiam aliquid auri habet. Nam ex auro et hyacintho, et purpurâ, et coccino, et bysso, ut fieret divinitus imperatum est; sed quia hoc ita posuerunt 70 Interpretes, ut commemoratis omnibus quæ de spoliis acceperat Gedeon, inferrent: *Et fecit illud Gedeon in Ephud;* videtur ita dictum, tanquàm ex toto illo quod commemoratum est, hoc factum esse credatur: cum possit etiam illic intelligi locutio quæ significat à toto partem, ut quod dictum est, *fecit illud in Ephud*, intelligatur: fecit inde Ephud, vel: fecit ex eo Ephud; non scilicet illud totum consumens in Ephud, sed ex illo quantum sufficiebat impendens. Nam in illâ interpretatione quæ ex Hebræo est, sic legitur: *Fecitque ex eo Gedeon* Ernob. » Hæc S. Augustinus qui duobus modis hunc locum Judicium probabiliter exponi posse censet, primò ut non solum Ephod, sed et cætera sacrarii ornamenta Gedeon ex auro prædæ perfici curaverit. Secundò, ut in solum *Ephod* totum contulerit. Quod nequaquàm absonum fidei est, cum *Ephod* non ad vestiendum sacerdotem, sed in monumentum victoriæ duntaxat de Madianitis singulari Dei beneficio reportatæ fecerit.

Posteriorem illam sententiam probabiliorē existimavit Theodoretus, quæstione 17 in Judices, ubi Gedeonis factum expendens, hæc habet: « Contra legem

« quidem erat quod factum fuit. Nam solis sacerdotibus Ephod uti licebat. Per illud enim revelabatur quid facto opus esset. Gedeonis tamen intentio minime vergebat ad impietatem; sed cum esset princeps et dux exercitus, volebat cognoscere per Ephod quid agere deberet. At hoc populo conciliavit contagionem iniquitatis. *Fornicatus enim est, inquit, cunctus Israel post illud ibi: et factum est Gedeoni et domui ejus in scandalum.* Ephod autem interpretatus est in Exodo superhumerales, cui copulabatur Rationale. Per illud verò indicabatur futura in bello victoria. Quod clarius cognoscitur ex historiâ Regnorum. Cum enim alienigenæ coegissent exercitum, præcepit Saül sacerdoti ut afferret Ephod: tum, ubi cognovisset hostes esse perturbatos, declaratamque victoriam: *Contrahe, inquit, Ephod.* Constat ergo texturam quamdam fuisse, quæ sacerdotibus circumponeretur, prænuntiantem quid agere conveniret. URIM verò Rationali inditum, nihil minus fuisse quam THERAPHIM, confirmat idem Theodoretus, quæst. 53 in 1 Regum, ubi hunc locum explicans: « Angustum peccatum est, exacerbatio, iniquitas, et Theraphim dolorem et labores inducunt, hæc habet: THERAPHIM posuit pro observatione. Quomodo enim Ephod dedicatum erat Deo, et per ipsum sciscitantibus significabatur quid agendum: ita per THERAPHIM significabantur idolorum prædictiones. Ad illius enim imitationem hoc eis erat dedicatum. Hoc autem apertius declaravimus in libro Judicum. » THERAPHIM itaque ad URIM et THUMMIM à profanis gentibus expressa sunt, non URIM, et THUMMIM ad similitudinem THERAPHIM.

XXII. Non leve causæ suæ præsidium ponit Spencerus in affinitate significationis nominum *Urim* et *Theraphim*. Observat scilicet *Urim* germanâ nominis notione non lumina propriè et primariò significare, sed ignes flammantes. Nomen verò *Theraphim* Hebraicum vel Chaldaicum esse, et pro *Seraphim*, levissimâ et sæpius usitatâ apud Chaldaeos *Schim* in *Tau* mutatione, apud Orientalium nonnullos usurpatum. Ex quibus colligit, imagunculis illis quæ angelorum symbola et quasi tripodes erant, nomen *Theraphim*, quasi *Seraphim* à gentibus inditum fuisse.

Respondetur, argumentum ab etymologiâ ductum, si ea incerta plurimùmque inter eruditos vexata, qualis ea est nominis *Theraphim* à Spencerò assignata, debilissimæ duntaxat, nulliusque momenti conjecturae loco habendum. Longè probabilius nomen *Theraphim* à voce Chaldaicâ *Theraph* derivatur, quæ significat *probris afficere*: idolis enim et idololatriâ nihil turpius, nihil probrosius. Hanc vocis hujus originem confirmant Hebræi in *Zohar* et in *Tanchuma*, ubi observant idola gentium *Theraphim* nominata fuisse propter ignominiam et foeditatem. Ita refert Buxtorfius in lexico Talmudico. Nulla ergo vocis istius cum Hebræâ *Seraphim* affinitas est. Nec probabit unquam Spencerus, simulacra illa ad memoriam angelorum celebrandam, vel ad eorum præsentiam significandam ab Hebræis conflata vel sculpta fuisse, quibus præter arcæ *Cherubim*

omne aliud imaginis, vel symboli angelici genus in sacris ignotum fuisse certissimum est. Sanè angelos *Theraphim*, aut fatidicas illas imagines *Seraphim* usquam vocatas, nec in Scripturâ, nec apud Patres, nec apud Hebræos, aut alios quosvis auctores legimus: quæ tamen nominum communicatio interdum facta fuisset, imò sæpius (ut fert usus hominum), si *Theraphim* et *Seraphim* affinem significationem habuissent, illaque istorum symbola extitissent.

XXIII. THUMMIM à moribus Ægyptiorum originem duxisse asserit Spencerus, Hebræisque latum ad exemplar illius gemmæ, quam è collo suspensam gestabat Ægyptiorum pontifex. De quo Ælianus lib. 14 Historiæ Variæ, cap. 54: « Apud Ægyptios à primâ antiquitate, qui judicabant sacerdotes erant. Eorum princeps fuit qui cæteros ætate anteibat. Ille in omnes jus dicebat. Eum autem esse oportebat omnium justissimum, et parcentem nemini. Gerebat autem de collo imaginem ex sapphiro, eaque imago Ἀληθεια VERITAS dicebatur. » De eadem Diodorus Siculus, lib. 1: « Summus iudex gestabat in collo ex aureâ catenâ pendens è lapillis pretiosis simulacrum, cui Veritas nomen. Hoc autem veritatis simulacrum, iudiciorum principi aptatum, causas cognoscendî auspicium fuit. » Verum probabilius ac religiosius censebit, quisquis asseret Ægyptios URIM et THUMMIM Hebræorum aliquâ ex parte imitatos. Imaginem illam sapphirinam, titulo *Veritatis* inscriptam, Ægyptios pontifices ante Mosaica tempora è collo suspensam gessisse, fidem non faciunt Ælianus et Diodorus Siculus. Antiquiores historici, Herodotus, Manetho et Sanchuniaton, hanc silentio prætermittunt, quod argumento est ornamentum illud sacerdotale recentioris ævi apud Ægyptios inventum fuisse. Ægyptiorum pontifex bullam illam sapphirinam è collo pendentem gestabat: summus Hebræorum sacerdos *Urim* et *Thummin* pectorali seu rationali indita, vel in ejus duplicationibus (ut Spencerò placet) abdita gerebat. Ille quâ iudex, iste quâ pontifex hoc insigne præferebat. Ille ut merum ornamentum, hic ut oraculum: ille causas populi cogniturus et iudicaturus: iste causas populi apud Deum actorus, illumque de publicis negotiis consulturus. *Thummin* itaque datum Hebræis ad exemplar sapphirinæ illius gemmæ, titulo *Veritatis* inscriptæ, quam à collo suspensam gestavit aliquando Ægyptiorum pontifex, perperam ariolatur Spencerus. Multò prudentior, ut verior, observatio Grotii in lib. 1 de Veritate Religionis Christianæ, § 16, *Urim* et *Thummin*, oraculo quod ex pectorali summi pontificis effulgebat, verba facientis: *Imitati hoc, inquit, sed ut pueri virorum res imitantur Ægyptii.*

XXIV. Octavum ornamentum pontifici pariter proprium erat *lamina aurea* in quâ scriptum erat nomen Dei Tetragrammaton, quod ineffabile apud Hebræos nuncupatur. Hæc pileolo lineo, et communi omnium sacerdotum in pontifice addita, vittaque hyacinthina in fronte constricta promicabat, ut totam pontificis pulchritudinem Dei nomen protegeret atque coronaret (inquit S. Hieronymus, epistolâ 128). Lamina illa in-

scriptum, *SANCTUM DOMINO*, Scriptura testatur. Pro *Domino* ineffabile nomen Hebraeus textus habet. Mirum pontifices usque summae potestatis fuisse. Primum observat, lib. 3 de Vita Moysi. *Adarius, inquit, pro duodecimo unponitur capiti, quod quantisper sacerdos honore suo fungitur et ministerio, non solum privatis hominibus est eminentior, verum etiam cunctis rectoribus.*

XXV. Mysticam vestium sacerdotalium significationem S. Hieronymus, epist. 128 ad Iulianum, exponit; proferit primo allegoricam explicationem Hebraeorum, Josephi, Philonis et aliorum: deinde moralem sensum elicit. *Secundum Hebraeos, inquit, quatuor colores ad quatuor elementa referuntur, ex quibus universa subsistunt. Byssus terrae deputatur, quia ex terrâ gignitur; purpura mari, quia ex ejus coelestibus tingitur; hyacinthus aeri, propter coloris similitudinem, cocculus igni: et justum esse commemorant ut pontifex Creatoris non solum pro Israel, sed et pro universo mundo roget: siquidem ex terra et aqua in aere et igne mundus iste consistit; et haec elementa sunt omnium. Unde primum vestimentum lineum terram significat; secundum hyacinthinum, aerem in colore demonstrans: quia de terrenis paulatim ad excelsa sustollitur; et ipsa vestis hyacinthina à capite usque ad talos veniens, indicat aerem de coelis usque ad terram fusum. Mala autem punica et tintinnabula in inferioribus posita, fulgura tonitruaque demonstrant, sive terram et aquam, et omnium elementorum inter se consonantiam, et sic sibi universa perplexa, ut in singulis omnia reperiantur. Quod autem supradicti colores auro intexti sunt, id significari volunt quod vitalis calor et divini sensus providentia universa penetret. Superhumeralis, qui duos lapides, vel smaragdinos, vel onychinos, qui desuper sunt, et utrumque humerum tegunt, duo hemisphaeria interpretantur, quorum aliud super terram, aliud sub terrâ sit: sive solem et lunam, quae desuper rutilant. Zonam illam, quâ sacerdotis pectus aretatur, et lineae tunica, id est, terra constringitur, interpretantur Oceanum. Rationale in medio positum, terram edisserunt, quae instar puncti, licet omnia in se habeat, tamen à cunctis tollatur elementis. Duodecim lapides vel zodiacum interpretantur circulum, vel duodecim menses, et singulis versiculis singula assignant tempora, et his ternos deputant menses. Polichre autem hoc ipsum quod in medio est, appellatur rationale. Ratione enim cuncta sunt plena, et terrena haerent caelestibus: imò ratio terrenorum, et temporum, caloris et frigoris, et duplex inter utraque temperies, de coeli cursu et ratione descendit. Unde et rationale cum Ephod fortius stringitur. Porro quod dicitur in ipso rationali *legere* esse et *docere*, id est, manifestatio atque doctrina vel veritas: hoc ipsum significat quod nunquam in Dei ratione mendacium sit, sed et ipsa veritas omnis seminis et argumentis monstretur hominibus, et usque ad mortales veniat. Super omnia celsioris et vitæ hyacinthina caelum monstrat: et auri lamina, quae*

in fronte pontificis est, inscriptumque nomen Dei, universa quae subter sunt Dei arbitrio gubernantur. Justum ergo erat ut pontifex Dei, creaturam omnium typum portans in vestibus suis, indicaret cuncta regere nascentemque Deum, et cum sacris aret ei, experiret universas conditiones, ut non pro liberis in parentibus, et propropter, sed pro cuncta creatura, et voce et habitu precaretur.

Moralem subinde sensum ex vestibus sacris elicit S. Hieronymus his verbis: *Legimus in Levitico juxta præceptum Dei Moysen lavisse Aaron, et filios ejus. Jam tunc purificationem mundi, et rerum omnium sanctitatem baptismi sacramenta signabant. Non accipiunt vestes, nisi lotis prius sordibus, nec ornantur ad sacra, nisi in Christo novi homines renascantur. Vinum enim novum in novis utribus initiatum. Quod autem Moyses lavat, legis indicium est. Habent Moysen et prophetas, ipsos audiant. Et ab Adam usque ad Moysen omnes peccaverunt. Præceptis Dei lavandi sumus; et cum parati ad indumentum Christi tunicas pelliceas deposuerimus, tunc induemur veste lineae, nihil in se mortis habente, sed totâ candida: ut de baptismo surgentes, cingamus lumbos in veritate, et tota pristorum peccatorum turpitudine celetur. Unde et David: *Beati quorum remissa sunt iniquitates, et quorum tecta sunt peccata.* Post familiaria et lineam tunicam induimur hyacinthino vestimento, et incipimus de terrenis ad alta conscendere. Haec ipsa hyacinthina tunica à Septuaginta *ὑποζώτης*, id est, subucula nominatur, et propriè pontificis est, significatque rationem sublimem non patere omnibus, sed majoribus atque perfectis. Hanc habuerunt Moyses et Aaron, et prophetae, et omnes quibus dicitur: *In montem excelsum ascende tu qui evangelizas Sion.* Nec sufficit nobis priorum ablatis peccatorum, baptismi gratia, doctrina secretior, nisi habuerimus et opera. Unde jungitur et Ephod, id est, superhumeralis, quod rationali copulatur, ut non sit laxum, neque dissolutum, sed haereant sibi invicem et auxilio sint. Ratio enim operibus, et opera ratione indigent: ut quod mente percipimus, opere perpetremus. Duoque lapides in superhumerali vel Christum significant, et Ecclesiam, duodecim apostolorum, qui ad prædicationem missi sunt, nomina continentes; vel litteram et spiritum, in quibus continentur legis universa mysteria. In dextrâ spiritus, in lavâ littera est. Per litteras ad verba descendimus, per verba venimus ad sensum. Quàm pulcher ordo, et ex ipso habitu sacramenta demonstrans! In humeris opera sunt, in pectore ratio. Unde et pectuseulum comedunt sacerdotes. Hoc autem rationale duplex est: apertum et absconditum, simplex, et mysticum, duodecim in se lapides habens, et quatuor ordines, quos quatuor puto esse virtutes, prudentiam, fortitudinem, justitiam et temperantiam, quae sibi haerent invicem, et dum mutuo rursus, duodenarium efficiunt numerum: vel quatuor animalia, quae in Apocalypsi describuntur plena oculis, et Domini luce radiantia mundum*

« illuminant. In uno quatuor, et in quatuor singula.
 « Unde et διήκωτος et διήκεια, id est, manifestatio, vel
 « doctrina et veritas, in pectore sacerdotis est. Cùm
 « enim indutus quis fuerit veste multiplici, consequens
 « est veritatem, quam in corde retinet, sermone pro-
 « ferre : et ob id in rationali veritas est, id est, scien-
 « tia, ut noverit quæ dicenda sint, et manifestatio
 « atque doctrina, ut possit instruere alios quod mente
 « concepit. Ubi sunt qui innocentiam sacerdoti dicunt
 « posse sufficere? Vetus lex novæ congruit : id ipsum
 « Moyses, quod Apostolus. Ille sacerdotis scientiam
 « ornat in vestibus : iste Timotheum et Titum instruit
 « disciplinis. Sed et ipse vestimentorum ordo præci-
 « pius. Legamus Leviticum. Non prius rationale, et
 « sic superhumale, sed ante superhumale, et dein-
 « cept rationale. A mandatis, inquit, tuis intellexi :
 « prius faciamus, et sic doceamus : ne doctrinæ au-
 « ctoritas cassis operibus destruat. Hoc est quod in
 « prophetâ legimus, Osee 10 : *Seminate vobis in justi-*
 « *tia, et metite fructum vitæ : illuminate vobis lumen*
 « *scientiæ.* Primum seminate in iustitiâ, et fructum vi-
 « tæ æternæ metite : postea vobis scientiam vindicate.
 « Nec statim absoluta perfectio est, si quis superhu-
 « merale et rationale habeat, nisi hæc ipsa inter se
 « forti compagine solidentur, et sibi invicem connexa
 « sint : ut et operatio rationi, et ratio operibus hæ-
 « reat, et his præcedentibus doctrina sequatur et ve-
 « ritas.... Lamina aurea rutilat in fronte : nihil enim
 « nobis prodest omnium rerum eruditio, nisi Dei scien-
 « tiâ coronemur. Lineis induimur, ornatur hyacin-
 « thinis, sacratio baltheo cingimur : dantur nobis opera,
 « rationale in pectore ponitur : accipimus veritatem,
 « profert sermo doctrinam. Imperfecta sunt universa
 « nisi tam decoro curui dignus quærat auriga, et
 « super creaturas Creator insistens regat ipse quæ
 « condidit. Quod olim in laminâ monstrabatur, nunc
 « in signo ostenditur crucis. Auro legis sanguis Evan-
 « gelii pretiosior est. Tunc signum, juxta Ezechielis
 « vocem, gementibus figebatur in fronte : nunc por-
 « tantes crucem, dicimus : *Signatum est super nos*
 « *lumen vultus tui, Domine.* Lege et Theodoretum,
 « qu. 60 in Exodum, et S. Thomam, q. 102, art. 5 ad
 « 8 et 9. »

§ V. De Solemnitatibus Veteris Legis.

I. Festorum solemnium apud Hebræos institutio-
 nem et originem gentium scribitur tribuit *Spencerus*, lib.
 5 de *Legibus Ritualibus Hebræorum*, cap. 8, dissertat.
 1, illamque ad Ægyptios refert. Testem laudat *Hero-*
dotum, lib. 2, cap. 58 et 59, dicentem : « Ægyptii ex-
 « stiterunt principes conventus, et pompas et concilia-
 « tula facitandi, et ab eis Græci didicerunt. Cujus rei
 « hoc apud me argumentum est, quod illa constet
 « prisceis temporibus, Græcica verò recens fuisse
 « instituta. Nec verò semel quotannis conventum
 « agunt Ægyptii, sed frequenter, tum alibi, tum præ-
 « cipuè ac studiosissimè in urbe Bubasti, in honorem
 « Dianæ. Secundo loco in urbe Busiri, in honorem
 « Isidis. » Id confirmat ex *Philone Byblio*, apud *Euse-*
bium, lib. 1 *Præparationis Evangelicæ*, cap. 9, dicente :

« Barbarorum antiquissimos, Phœnices inprimis et
 « Ægyptios, à quibus cæteri deinceps populi morem il-
 « lum acceperè, in maximorum deorum loco eos ha-
 « buisse, qui res ad vitam agendam necessarias in-
 « venissent, quique beneficium aliquod in genus homi-
 « num contulissent. Eos nimirum, quod sibi plurimo-
 « rum honorum auctores esse persuaderent, divinis
 « honoribus coluere ; ac templorum usu, quæ jam an-
 « te constructa fuerant, hoc ad munus officiumque
 « traducto, columnas insuper, statuasque ligneas ip-
 « sorum nomine consecrârunt, eaque præcipuo reli-
 « gionis cultu prosecuti Phœnices, festos illis quoque
 « dies longè celeberrimos dedicârunt. » Filios *Jacob*
Sichimitæ adortos fuisse *observato die festo, quo Si-*
chimitæ otio et epulis indulgebant, scribit *Josephus*, lib.
 1, cap. 19; *Lucianus*, lib. de *Deâ Syriâ*, de Ægyptiis
 scribit : *Primi quidem hominum, quos nos scimus,*
Ægyptii dicuntur, et Deorum notitiam percepisse, et
templa constituisse, locosque et solemnes conventus in-
didixisse. Ex his colligit *Spencerus* festa solemnia Mosis
 legibus antiquiora fuisse, primum apud Ethnicos usum
 et originem invenisse ; Deumque festa quædam in suo
 cultu instituisse, ut populo seculi moribus immerso
 nonnihil indulgeret, et publicis illis oblectationibus
 pueriles Hebræorum animos ad legem cultumque
 suum alliceret.

II. Verùm etsi festorum dierum celebrationem lege
 antiquiorem fuisse demus, et apud gentes profanas
 usitatum ante Mosaica tempora (quod tamen non pro-
 bant *Luciani*, *Herodoti*, aut *Philonis Byblii* testimonia);
 non propterea consequens est dies festos Hebræorum
 institutionem ac originem suam gentium moribus de-
 buisse. Longè credibilius est antiquos patriarchas festa
 solemnia habuisse, quemadmodum et sacrificia, hunc
 ipsis fuisse morem certos dies designandi, quibus fide-
 les in unum convenirent, et, profanis negotiis inter-
 missis, uni Dei cultui et religionis actionibus vacarent;
 hunc verò morem atque ritum filios et nepotes *Noë*
 in orbem universum propagasse. Quidni etiam ante
 ortum idololatriæ festos quosdam ac solemnes dies in
 Ecclesiâ patriarcharum Dei cultui dicatos credamus,
 cùm dierum hujusmodi celebratio tam arcto fœdere
 cum religione connexa sit, ut nulla gens fuerit un-
 quàm adeò barbara quæ cum aliquibus notiæ Dei
 scintillis, et religionis specie, festa sua solemnia non
 haberet. Dæmon scilicet Dei æmulus, non solum sa-
 crificia sibi offerri, sed et festos dies dicari sub falso-
 rum Deorum nominibus ambiit, cæcosque homines ad
 id induxit. Hanc *Strabo*, lib. 10 *Geographiæ*, p. 467,
 festorum originem ad naturæ ductum institutumque
 refert : Priorem autem esse naturam ac religionem,
 quàm idololatriam, nemo negaverit. *Commune*, inquit,
Græcis cum Barbaris est ut sacrificia inter feriandum
celebrent...; idque naturâ sic dictante... Benè quidem
dictum est homines tum maximè Deum imitari, cùm be-
neficia conferunt : rectius autem dicebatur, cùm munera
rectè colunt : id autem fit gaudendo, dies festos agitando,
philosophando, musicam tractando. Romani ferias so-
lemnesque conventus et statas à laboribus vacationes,

sient et Deos suos à Græcis accipere, teste *Dionysio Halicarnassensi*, apud *Eusebium*, lib. 2 *Præparationis Evangelicæ*, c. 8. Hinc illa dierum distinctio in dies *Festos*, *Profestos*, et *Interstitos*, ejus auctorem *Numm* laudat *Macrobius*, lib. 1 *Saturnaliū*, cap. 16. *Festi* fuerunt *Dus* dicati. *Profesti* hominibus ad administrandam rem privatam publicamque concessi. *Interstiti*, Deorum hominumque communes. Illorum enim dierum quibusdam horis fas fuit, quibusdam nefas jus dicere. *Festorum* genera quatuor apud Romanos. Aliæ *Stativæ*, statis et constitutis diebus et mensibus ab universo populo celebrande et in festis annotatæ. Aliæ *Conceptivæ*, quæ quotannis à magistratibus et sacerdotibus concipiebantur in dies vel certos, vel etiam incertos. Aliæ *Imperativæ*, quas consules vel prætores pro arbitrio potestatis indiciebant. Aliæ denique *Nundinæ* quibus conveniebant rustici negotiis vel mercibus suis proveneri. De his *Hospinianus*, lib. 1 de *Origine Fætorum*, cap. 1, et alii qui de festis Ethnicorum scripsere. Porro sicut dies quosdam numinis cultui sacrandos naturæ lex homines docuit, ita his diebus hunc uni rei vacandum, atque à profanis et ordinariis negotiis feriandum. Hinc legibus atticis sancitum est, ut 1, lege 11 de *Populo Atheniensium*, *festum ne aliquam sive privatam, sive publice injuria fiat; neve hic eatur concio de aliis rebus, quam iis quæ ad festorum religionem pertinent.* Item Romanis legibus constitutum, ut festis diebus liberi litium et jurgiorum requiem, servi operum et laborum haberent, *Cicero* teste, lib. 2 de *Legibus*: « Feriis jurgia amovento: et eaque in famulis operibus patratis habento. » Sacerdotes apud *Macrobius*, lib. 1 *Saturnaliū*, cap. 16, asserunt « ferias pollui quoties, iis indictis conceptisque, opus aliquod fieret. Præterea non licebat sacerdotum regem, et flamines videre feriis opus fieri. Atque ideò per præconem denuntiabant, ne quid tale ageretur; et præcepti negligens mulctabatur. Præter mulctam verò affirmabatur, eum qui talibus diebus imprudens aliquid egisset porco piaculum dare debere: prudentem expiare non posse, *Sævola* pontifex affirmabat. » Cum itaque ex communi fonte rationis mos ille ac ritus festos dies in numinis honorem celebrandi sit apud gentes omnes derivatus, frustra sunt, qui festorum originem ad *Ægyptiorum*, aliarumve profanarum gentium mores referant. Sed enim inter Judæorum et gentium festa magnum discrimen fuit, sive originem, sive numerum, sive ritum spectemus. Ethnici levibus de causis, plerumque ridiculis et fabulosis, quales erant rapus *Proserpinæ*, planctus *Isidis*, casus *Adonidis*, et aliæ similes, dies festos indixerunt. Hebræis ad insignis alicujus beneficii, à Deo in gentem universam collati, memoriam recordandam solemnitates institutæ sunt. Insignis fuit apud gentes profanas, Græcos præsertim, festorum numerus: lex Mosaica Judæis præter sabbata, ter tantum in anno festa publica solemniter celebranda præscripsit, Exodi 23, 14, 15, 16, 17: *Tribus vicibus per singulos annos mihi festa celebrabitis. Solemnitates Azimorum custodites.... Et solemnitatem messis Primitivo-*

*rum operis tui, quæcumque seminaveris in agro. Solemnitatem quoque in exitu anni, quando congregaveris omnes fruges tuas de agro. Ter in anno apparebit omne masculinum tuum coram Domino Deo tuo. Lihui festos dies integros otio, crapule et Veneri diebant: Judæi sacris et religiosis actionibus. Hinc *Philo Judæus*, lib. 1 de *Cherubim*, ait: « Contemplantur celebritates nostras. Omittantur quæ apud Barbaras simul et Græcos nationes per occasionem lignentorum fabulorum alie artes institutæ sunt, in nullum alium finem quam vanitatem pomposam fastuosamque. In omni festo nostro, et celebritate opera miranda et palmaria sunt, securitas, remissio, quies ab inferendis injuriis. In festis verò Gentium ebrietas, potatio, comensatio, delicia, oblectamenta, patentes januæ, pernoctationes, indecentes voluptates, quotidiana nuptiæ, insolentia, exercitium intemperantia, insipientia meditatio, studia turpitudinis, honestatis perniciës, nocturnæ exercitationes ad cupiditates inexplebiles, somnus diurnus, quando vigilandi tempus est naturæ ordinis perversio. Tunc virtus videtur ut noxia, vitium tanquam utile rapitur. Tunc in contemptu sunt quæ oportet facere: quæ verò non oportet, in pretio. Tunc musica, philosophia et omnis eruditio, divine animæ divina revera simulacra, tenent silentium. At istæ artes, quæ suis le-*

nociniis ventri et his, quæ sub ventre sunt, voluptatem conciliant, sese ostentant. Illic sunt festa istorum, qui se felices dicunt; horum turpitudinis, quæquid inter privatos parietes, locaque profana continentur, minus peccare mihi videtur: ubi verò torrentis in morem vastans omnia, vel in sacratissima templa irrupit, quicquid in his sanctum est stermit continuo, faciens profana sacrificia, victimas absque litatione, preces irritas, profana item mysteria simul et orgia, pietatem sanctitatemque fucam et adulterinam, castitatem impuram, et veritatem falsatam, cultum Dei superstitiosum, etc. » Quæ cum ita sint, veteris legis solemnitates à profanarum gentium moribus originem duxisse, absque ratione asseritur: maximè cum Pascha, Pentecostes, Scenopegia, festa fuerint Judæicæ peculiaria religioni, profanis gentibus ignota.

III. Non imus tamen inficias, quin festa solemnia populo suo celebranda Deus indixerit, non solum ad divinorum beneficiorum commemorationem, sed maximè ut proclives ad idololatriam Judæos in officio contineret, atque à profanarum gentium superstitionibus cum effreni licentiæ et obscenitate, quibus se Deos promereri putabant, conjunctis avocaret. Non alia mens est sancti *Joannis Chrysostomi*, homilia de *Christo Pastore et Ove*, tom. 6, p. 269. « Quæcumque, inquit, in veteri priscorum religione facta commemorantur, ad Christum ceu summam quandam tendunt: sive prophetia, sive sacerdotium, sive regnum, sive templum, sive thuribulum, sive velum, sive arca, sive propitiatorium, sive manna, sive virga, sive urna: omnia, inquam, ad ipsum referuntur. Jam enim antiquitatis Deus Judæis religionem

« sacrificiorum concessit, non quòd eà oblectaretur, et in eà acquiesceret, sed quòd à Græcorum cultibus ipsos summovere cuperet. Ita cùm ipse hanc quædam moderatione ipsos ad ea perducit quæ ipse velit: quæ non vult, velut sibi grata præscribit. Cùm enim, ut erat captus Judæorum, nondùm efficacem illam vim Spiritus intelligere possent, sed consuetudine gentium in servitutem redacti essent, et circa aras et sacrificia occuparentur, Deus dies illos festos etiam idolis colendis dicatos, hoc modo ad pietatem ordine quodam instituendam, immutat atque sustinet, quæ ipsi non placebant. Et quemadmodum bonus pater, cùm filium suum ludicris rebus occupatum conspiciat, à foro quidem ipsum arceat, domi verò omnia illi, quæcumque velit, permittit, et dùm ipsum in omni officio et decoro continet, iussu insolentiam licentiamque coerceat: sic etiam Deus, cùm constituisset ipsos his publicis dierum festorum conventibus ad pietatem conformare, permittebat etiam illis sacra facere. »

Eadem mens est *Theodoret*, quæstione 54 in *Exodum*: « Præcepit, inquit, diebus illis festis convenire in templum divinum, ut beneficiorum divinarum memoriam renovent, concordiam atque amicitiam concilient: cùm festorum peramantes sint, sacris et delubris dæmonum non delectentur, sed in templo Creatoris et bona suppeditantis, festivis fruuntur epulis. » Et quæst. 10 in *Deuteronomium*: « Porro, inquit, sapientissimus Dominus istà lege complexus est, liberans eos ab errore falsorum deorum. Etenim quia doctor impietatis, humano genere gulæ et voluptatum illerebris subjugato, festis dæmonum ludicra permulta inseruit, solertissimus Dominus Israelitam ab illo errore liberans, etiam de his quæ pertinent ad festa leges scripsit, et sacrificia permisit, et instrumenta musica toleravit, et jussit epulari, talibus illectamentis idolorum impium cultum amputans. »

IV. Septem solemnitates temporales, et unam continuam in veteri lege fuisse, ex *Numerorum* 28 et 29 colligit sanctus *Thomas* 1, 2, quæst. 102, art. 4, ad 10: « Solemnitas continua erat oblatio jugis sacrificii. Singulis scilicet diebus manè et vespere immolabatur agnus; et per illud continuum festum jugis sacrificii, representabatur perpetuitas divinæ beatitudinis: » *Numerorum* 18, 5: *Hæc sunt sacrificia quæ offerre debetis: agnos anniculos immaculatos duos quotidie in holocaustum sempiternum: unum offeretis manè, et alterum ad vespertum.* At id propriè festum non fuit. Nec ante solis ortum, nec post solis occasum, sed inter duas vespervas, ut loquuntur, iuge sacrificium afferebant, ut nocturna gentium sacra, in mortuorum honorem fieri solita se penitus repudiare, nec religionem suam quicquam commune cum diis inferis, aut cæremoniis eorum cultui propriis retinere eo ritu profiterentur. De diis inferis, quos *Milichios* vocant, verba faciens *Pausanias* in *Phocis*, eorum sacra lucifuga fuisse testatur: « His, inquit, nocturna fiunt sacra, in quibus ante solis exortum carnes victimarum abstu-

mere, eodem ipso in loco solemnè habent. » Nocturna sacra Principi tenebrarum conveniebant. At Deo qui lux est, et in quo tenebræ non sunt ullæ, sacrificium offerri debebat a populo suo lucente sole.

Temporales solemnitates aliæ quavis hebdomadâ, ut *Sabbatum*: aliæ singulis mensibus, ut *Neomenia*: aliæ singulis annis semel celebrabantur, scilicet *Pascha*, *Pentecoste*, *Festum Tubarum*, *Festum Expiationis*, *Festum Scenopægiæ* seu *Tabernaculorum*, et *Festum Cortis* seu *Collectæ*. Quatuor illæ postremæ solemniter peragebantur mense septimo, qui quasi totus sollemnis apud Hebræos erat, sicut et septimus dies, et instar unius festi censebantur. Festa Paschatis seu *Azymorum*, *Pentecostes* et *Tabernaculorum*, tria erant præcipua, quibus Israelitæ ad tabernaculum Domini in Silo, vel ad templum Jerosolymitanum, postquàm conditum est, convenire debuerunt, sacrificia oblaturi, *Exodi* 23, 14, et *Deuteronomii* 16, 16: *Tribus vicibus per annum apparebit omne masculinum tuum in conspectu Domini Dei tui, in loco quem elegerit: in solemnitate Azymorum, in solemnitate Hebdomadarum, et in solemnitate tabernaculorum. Non apparebit ante Dominum vacuus, etc.*

V. *Sabbatum*, Judaicarum festivitatum caput, à Deo institutum est in creationis memoriam, *Exod.* 20, 8, 9, 10, 11, adeoque ad idololatriæ abolitionem. Si enim creationis opus memori mente Judæi tenerent, vix fieri potuit ut cultum, uni Creatori debitum, creaturis impenderent. Fidem creationis mundi, legis Mosaicæ fuisse fundamentum, ait *Maimonides* in *More Nevochim*, p. 2, cap. 50: « Sentientiam, inquit, de æternitate mundi omnes legem nostram amplectentes refugiunt: fundamentum enim legis nostræ est quòd Deus hunc mundum creavit ex nihilo. » Hinc sabbati religio toties Judæis in lege inculcata. Hinc sabbati violatio poenâ capitali punita, quòd creationis abnegatio quædam videretur, ut observat *Aben-Esra* in cap. 20 *Exodi*. De sabbato pluribus egimus dissertatione 2, in explicatione 3 præcepti Decalogi. Quia sabbatum à quiete nomen accepit, et quiete ab operibus sanctificabatur, et in quietis divinæ memoriam ab opere creationis institutum erat, et figura erat quietis Christi, fidelium hic peregrinantium, sanctorum in cælesti gloriâ cum Christo regnantium: omnia festa solemnia à Deo instituta, ob sacrum otium quod iis diebus pariter indictum erat, sabbata vocata sunt. *Levitic* 23, 32: *A vespere usque ad vespertim celebrabitis sabbata vestra.* Et vers. 39, ubi de festo tabernaculorum agitur: *Die primo et die octavo erit sabbatum;* hoc est, primus et octavus dies festi et sollemnes erunt. Hinc etiam annus septimus, ob indictam terræ quietem, *sabbatum terræ*, et *annus sabbaticus* appellatus est. *Levitic* 25, 4: *Septimo autem anno sabbatum erit terræ, requietionis Domini.* Fuit præterea sabbatum sabbatorum, seu annus septies septimus, *Jubilæus* appellatus, qui servis plenam à laboribus quietem afferebat: de quo *Levitic* 25, 8: *Veneris bis quæ tibi præcepit dominus Deus tuus, id est, septies septies, etc.*

VI. *Neomeniæ festum* ad divinæ gubernationis opus commemorandum institutum est, inquit S. Thomas. Hæc namque inferiora secundum lunæ motum præcipue variantur. Secundo in figuram etiam Ecclesie per Christum olim renovandæ, cum lunâ collatæ. Cantorum 6, 10, et Apocalypsis 12, 1. 4. Neomeniæ cum sabbatis et festis reliquis Deo in antiquâ lege consecratis conjunguntur, 2 Paralipomenon 2, 3 et 31, 5, 1; Esdræ 3, 5; Isaïæ 4, 13; Judith 8, 6. Inter festus Domini celeberrimas atque sanctissimas quæ Levitici 23, recensentur, nulla sit Neomeniæ mentio, quia feriatio a laboribus hæc die præcepta Israëlitis non erat, quamvis præscriptis sacrificiis sollemnis esset, Numerorum 33, 11, 42, 13: *In Calendis autem offeretis holocaustum Domino, vitulos de armento duos, arietem unum, aqnos amiculos septem immaculatos, etc. Hircus quoque offerretur Domino pro peccatis in holocaustum sempiternum.* Tantum abest ut Neomeniæ sollemnitate à gentibus acceperint Judæi, ut Spencerus contendit, lib. 3 de Legibus ritualibus Hebræorum, cap. 4, dissertatione 4, ut potius novilunia sacrificiens in sui nominis honorem oblatis, buccinæ sonitu indictis, sollemnia Deus esse jussu ad idololatriæ abolitionem, ut Israelite religiosi officii occupati, Deique beneficiorum memores, ad gentilium ritus in Neomeniis usurpari solitos non deficerent. Ita S. Thomas loco supra laudato: « Ideo celebratur hoc festum in novitate lunæ, non autem in ejus plenitudine, ad evitandum idololatriæ cultum, qui in tali tempore lunæ sacrificabant. » Ita Maimonides in More Nevochim, p. 5, cap. 46: « Ne quis cogitaret de hirci Neomeniæ, quasi lunæ esset sacrificium, sicut Ægyptii facere solebant sacrificantes lunæ in singulis Neomeniis; idcirco disertè dicitur de ejusmodi sacrificio: *Sacrificium pro peccato Domino*, non verò lunæ. De hircis autem festorum principalium nequaquam hoc timendum fuit: quia dies illi non erant lunæ consecrati, nec signo aliquo naturali distinguebantur, sed ex instituto legis observati: Neomeniæ verò non erant ex impositione legis, et consueverant gentes in illis lunæ sacrificium offerre, sicut sacrificabant soli in ipsius ortu. Hæc de causâ ergo novo loquendi genere usa est lex de isto hirci, et dixit de eo: *Holocaustum Domino*, ad auferendum cogitationes istas ex cordibus hominum inveterata et exitiâ istâ lue laborantium. » Græcos et Romanos sacrificia in noviluniis offerre, et vota nuncupare solitos, ut sibi fausta omnia insequentis mense evenirent, auctores antiqui testantur. Libanius, declamatione 8 in Neomeniis: *Legem civitatis ad id munus adstricti, sacrificamus.* Plutarchus in Vitâ Amilii: *Amilius, ut primon revirescere lunam conspexit, ei juvenca undecim immolavit.* Clearchus apud Porphyrium, lib. 2 de Abstinentiâ, sect. 16, dicitur studiosè sacrificium peragere, quod singulorum mensium initio debebatur. Macrobius, lib. 1 Saturnalium: *Romæ calendis omnibus pontifex rem divinam Junoni facit.* Demosthenes, orat. 1 in Aristog.: *In noviluniis omnes in Acropolim ascendentes, Deos precantur, ut*

ortati et sibi metipsis bona largiantur. Lucianus in Icaromomp. Lapedoclem sic alloquens: *Ubi primum cecidisti in Græciam devolaro, memor ero sacrificare tibi in Junio, atque in noviluniis ter ad lunam inhians vota facere.* Horatius, lib. 5, od. 25:

Carlo supinas si tuleris manus

Nascente lunâ, rustica Pladele.

Tacitus lib. de Moribus Germanorum: *Cœmunt, inquit, nisi quid fortuitum et subitum inciderit, certis diebus, cum nempe inchoatur luna aut impletur. Nam agendis rebus hoc auspiciatissimum initium eruduit.* His superstitionibus Neomeniæ sollemnitate Deus opposuit Judæorum Neomenias trigesima sabbata vocat Horatius. Duplex porro apud antiquos Novilunia putandi vel inchoandi ratio obtinuit: naturalis una et astronomica, ἀπὸ τῆς συνόδου conjunctione lunarium: altera popularis, ἀπὸ τῆς γένεως à primâ visionē lunæ. Judæis autem à lunæ γένεσι Neomeniæ celebritatem auspicari mos erat, ut testantur Philo Judæus, lib. de Septenario et Festis, Maimonides, lib. Kiddush Hachodesh, cap. 5, § 2, et Abarbanel, lib. de Consecratione Novilunii. Qui Neomeniæ ritus, rabbinorum et scribarum traditione vel superstitione Mosaicæ legi superadditos, nōsse cupit, legat Buxtorfium, Synagogæ Judaicæ cap. 22.

VII. *Festum Paschatis* 14 die primi mensis sacri, id est, Nisan, sub vespem celebrandum, a Deo institutum est, in memoriâ liberationis ex Ægypto, et in figuram veri agni Paschalis, scilicet Christi, in vespere legalium cæremoniæ et synagogæ Judaicæ, immolati. Sollemnitate istius continuatio, seu appendix erat *Festum Azymorum* 15 die ejusdem mensis Nisan, et sex diebus sequentibus celebratum: qui dies pares quidem erant quoad usum Azymorum et sacrificiorum oblationem, non quoad celebritatem; primus enim et septimus festi erant ac sollemnes, adjunctæque habebant obligationem abstinendi ab omni opere servili: quinque reliqui erant profesti, Levitici 23, 5, 6, 7, 8; Numerorum 38, 16, 17 et seq. Hoc festum institutum est, ut memores essent Judæi panis afflictionis quem in Ægypto comederant, simul et liberationis suæ singulari Dei beneficio, propter quod gratum animum testarentur septem diebus continuis, id est, totâ mortalis hujusce vitæ septimanâ. Secundo, ut panem afflictionis et calicem amaritudinis, sive passionis Christi Domini significaret. 3° Ut manducationem carnis Christi, qui verè panis azymus est expers corruptionis, in adorando Eucharistiæ sacramento adumbraret. 4° Ut fermentum malitiæ et nequitie fugiendum intelligerent, sectandam verò sinceritatem, veritatem, conscientie puritatem per azyma adumbratam. Secundâ die Azymorum primitiæ messis, manipulus scilicet spicarum, et agnus immaculatus, anniculus in holocaustum offerebatur, in figuram Christi de quo Apostolus, 1 ad Corinthios 15, 20: *Nunc autem Christus resurrexit à mortuis primitiæ dormientium.* Lege postremam dissertationem nostrarum in 3 mundi Ætatem, in quâ fusè de Paschate egimus. De Ritibus Judæorum in celebra-

tionem Paschatis et dierum azymorum, legi Mosaicæ superadditis, legi potest Buxtorfius, Synagoge Judaicæ cap. 17 et 18.

VIII. *Festum Pentecostes* die quinquagesimâ à secundâ die Azymorum, seu à die decimâ sextâ mensis Nisan, quo primus frugum manipulus erat ex præscripto legis offerendus, celebrandum Deus instituit. A secundâ illâ azymorum die septem hebdomades numerande erant, seu dies quadraginta novem completi: et tum quinquagesimus festus erat, ut constat ex Levitici 23, 15, 16, Deuteronomii 16, 9, ex Josepho, lib. 3 Antiquitatum, cap. 10, et ex praxi constante cujus fidem faciunt Hebræorum commentarii et Calendarium. Ilinc Hebræis *Festum Sabbatorum* seu *Hebdomadarum*, dictum est, Exodi 34, 22, et Deuteronomii 16, 10, 16, et *Solemnitas messis primitivorum*, seu *Festum Primitiarum*, Exodi 23, 16, et Levit. 23, 17, quia panes primitiarum triticeæ messis illâ die Domino offerebantur. Græci, Πεντηκостή quasi dies *quinquagesima*. Quam appellationem et Ecclesia retinuit. Institutum hoc festum est in memoriam lætæ legis in monte Sinai: in grati animi significationem pro fertilitate agrorum, ubertate messis, et quietâ Chanaanitidis possessione, in figuram missionis Spiritus Sancti olim futuræ, cum complerentur dies *Pentecostes*, Act. 2, 1, et primitiarum Ecclesiæ christianæ: in figuram denique sanctificationis nostræ seu novitatis vitæ, novorum fructuum, fidei, spei, charitatis, virtutum omnium, quos operatur missio Spiritus Sancti. Ritus hujus festi celebrandi lex præscribit, Levit. 23, 15, 16, 18, 19: *Numerabis ergo ab alterâ die sabbati* (id est, à secundâ die azymorum: *Sabbatum enim pro Festo sumitur, cujus mentio proximè facta est*), *in quo obtulistis manipulum primitiarum, septem hebdomadas plenas, usque ad alteram diem completionis hebdomadæ septimæ, id est, quinquaginta dies; et sic offeretis sacrificium novum Domino ex omnibus habitaculis vestris, panes primitiarum duos de duabus decimis similæ fermentatæ, quos coquetis, in primitias Domini. Offeretisque cum panibus septem agnos immaculatos anniculos, et vitulum de armento unum, et arietes duos; et erunt in holocaustum cum libamentis suis in odorem suavissimum Domino. Facietis et hircum pro peccato, duosque agnos anniculos hostias pacificorum. Cumque elevaverit eos sacerdos cum panibus primitiarum coram Domino, cedent in usum ejus. Et vocabitis hunc diem celeberrimum atque sanctissimum: omne opus servile non facietis in eo. Legitimum sempiternum erit in cunctis habitaculis, et generationibus vestris.* Confer Deuteronom. 16, 9, 10, 11, 12.

IX. *Festum Clangoris Tubarum* in Neomeniâ mensis Tisri, seu anno civili ineunte celebrandum præscripsit Deus, in memoriam liberati Isaaci, et substituti arietis, cornibus dumeto harentis, ut volunt Hebræorum magistri, quibus suffragatur S. Thomas: deinde ut clangore tubarum ad grati animi significationem pro fructibus et beneficiis anno præcedente à Deo collatis excitarentur. Tertio, ad novi anni civilis sanctificationem. Quarto, ad indictionem festi solem-

nis *Expiationis*, die decimâ ejusdem mensis celebrandi. Quinto, ut hinc duceretur, annum sabbaticum et jubileum, mense Tisri inchoandos, numerandi ratio. Sexto, ad Evangelicæ tubæ clangorem in novo anno gratiæ significandum. De istius festi celebratione præceptum exstat, Levitici 23, 23, 24, 25: *Locutusque est Dominus ad Moysen dicens: Loquere filiis Israel: mense septimo, primâ die mensis erit vobis sabbatum memoriale, clangentibus tubis, et vocabitur sanctum. Omne opus servile non facietis in eo, et offeretis holocaustum Domino.* Item Numer. 29, 1 et seq.: *Mensis etiam septimi prima dies venerabilis et sancta erit vobis. Omne opus servile non facietis in eâ, quia dies clangoris est tubarum. Offeretisque holocaustum in odorem suavissimum Domino, vitulum de armento unum, arietem unum, et agnos anniculos immaculatos septem; et in sacrificiis eorum similæ oleo conspersæ tres decimas per singulos vitulos, duas decimas per arietem, unam decimam per agnum, qui simul sunt agni septem: et hircum pro peccato, qui offertur in expiationem populi, præter holocaustum calendarum cum sacrificiis suis, et holocaustum sempiternum cum libationibus solitis. Eisdem cæremoniis offeretis in odorem suavissimum incensum Domino.* De hoc festo intelligitur illud psalmi 80, 4: *Buccinate in Neomeniâ tubâ, in insigni die solemnitatis vestræ: quia præceptum in Israel est, et iudicium Deo Jacob.* De Judæorum ritibus in clangore tubarum, lege Buxtorfium, cap. 24 Synagoge Judaicæ. Ipsos buccinâ clangere ut Satanas perturbetur et confundatur recordatus, quod in fine dierum, cum magnâ tubâ clangetur, in æternum absorbendus sit tradunt R. Isaac Talmudicus in tractatu Roth Haschana, et Moses Kotsensis, cap. de 42 Præcepto. Causas morales hujus clangoris affert Maimonides tractatu de Pœnitentiâ, cap. 5. « Licet, inquit, clangor tubæ in capite anni decretum sit Scripturæ, est in eo moralis allegoricusque sensus. Evigilate è somno vestro, qui dormitis. Qui sopore obruti estis, expergiscimini è sopore vestro, et solliciti estote de operibus vestris, et revertimini per pœnitentiam, et recordamini Creatoris vestri. Qui veritatis immemores estis propter vanitates mundanas, quique totam vitam oberratis in rebus inanibus et ludicris quæ nihil proficiunt, attendite ad animas vestras, rectas facite vias vestras et opera vestra, et derelinquat unusquisque vestrum viam suam malam, et animi cogitationes impias. » Hæc ex antiquis Midraschim desumpsit Maimonides, ut observat ipsius commentator.

X. *Festum Expiationis* decimâ die ejusdem mensis celebrandum Deus instituit, in memoriam Dei, populo adoratione vituli polluto ad Moysis preces propiti: tum in expiationem peccatorum omnium, quibus se Israelite toto anno inquinassent. Quamobrem indictum jejunium, et afflictio animarum, Levitici 23, 26, 27 et seq. Locutusque est Dominus ad Moysen, dicens: *Decimo die mensis hujus septimi, dies expiationum erit celeberrimus, et vocabitur sanctus: agnetisque animas vestras in eo, et offeretis holocaustum*

Domino. Omne opus servile non facietis in tempore diei hujus : quia dies propitiacionis est , ut propitietur vobis Dominus Deus vester. Omnis anima , quæ afflicta non fuerit die hæc , peribit de populis suis : et quæ operis quippiam fecerit , delebo eam de populo suo. Nihil ergo operis facietis in eo : legitimum sempiternum erit vobis cunctis generationibus et habitationibus vestris. Sabbatum requietionis est , et affligetis animas vestras die nono mensis. Confer. Levitici 16 , 26 et seq. Ceremoniæ quædam erant ejus festi propriæ respectu pontificis , Levitici 16 præscriptæ , quæ typi fuerunt expiationis peccatorum totius mundi per Christum faciendæ. 1. Antequàm in Sancta Sanctorum ingrederetur , quod hæc unâ die ipsi per legem concessum erat , vitulum piacularem offerre debebat pro suis , familieque suæ peccatis , et arietem in holocaustum , id est , eos coram Domino sistere , ac devovere , subinde mactandos. 2. Duos hircos a populo accipere piacularem pro ipsius peccatis victimam , et unum arietem in holocaustum. 3. Piacularia sacra facturus , vestibus communibus omnium sacerdotum , non splendidis illius solius pontificis propriis indutus esse debebat. 4. Duobus hircis , ante tabernaculum testimonii Domino devotis , inter utrumque sors mittenda erat , uter mactaretur Domino , vel ablegaretur in desertum. 5. Vitulum piacularem pro se , domoque suâ fusis ad Deum precibus debebat immolare Pontifex. 6. Incenso thymiamate in sanctuarium ingredi. 7. De sanguine vituli septies aspergere contra propitiatorium , ad Orientem. 8. Mactato hircio pro peccatis populi , septupla quoque sanguinis ejus a-persione digito facta , e regione oraculi , sanctuarium primo , tum tabernaculum testimonii lustrare. 9. Nemo homo in tabernaculo esse debebat , quando pontifex sanctuarium ingrediebatur. 10. Egredebatur pontifex in sancta , et sanguinem vituli atque hirci piacularium super cornua altaris aurei per gyrum fundebat , digitoque septies aspergendo , illud ab immunditiis filiorum Irael expiabat. 11. Sanctuario , tabernaculo et altari thymiamatis emundatis , ad altare holocaustorum pergebat , et utrâque manu super caput hirci alterius viventis inpositâ , confessione suâ imprecabatur capiti ejus omnia Israelitarum peccata , tradebatque homini ad id destinato emittendum in desertum. Qui piacularem hircum emiserat , lustratione indigebat , nec ingredi poterat in castra , nisi loto corpore et vestimento. 12. Pontifex vestibus lineis exutus , lotusque , ac pontificiis indutus , suum ac plebis holocaustum offerebat ; Deumque pro se ac populo rogabat. 13. Vitulum et hircum pro peccato mactatos , quorum sanguis in sanctuarium illatus fuerat , mittebat extra castra , ut tam pelles , quàm carnes , et finus eorum combureretur. Qui autem illa comburebat , legalem contrahebat immunditiam , lotionem vestimentorum et corporis expiandam. Hos ritus typicos fuisse , et passionis Christi , atque expiationis peccatorum totius generis humani per ejus sanguinem faciendæ ab eo , pontifice nostro simul et victimâ , figuras insignes docet Apostolus Epist. ad Hebræos , cap. 9 , vers. 2 et seq. Christus

autem assistens pontifex futurorum bonorum , per amplius et perfectius tabernaculum non manu factum , id est , non hujus creationis ; neque per sanguinem hircorum aut vitulorum , sed per proprium sanguinem introiit semel in sancta , æternâ redemptione intentâ... Et infra : Non enim in manu facta sancta Jesus introiit exemplaria verorum : sed in ipsum cælum , ut apparet nunc vultui Dei pro nobis. Neque ut sæpe offerat semetipsum , quemadmodum pontifex , intrat in sancta per singulos annos in sanguine alieno : alioquin oportebat eum frequenter pati ab origine mundi : nunc autem semel in consummatione seculorum , ad destinationem peccati , per hostiam suam apparuit. Et quemadmodum statutum est hominibus semel mori , post hoc autem judicium : sic et Christus semel oblatus est ad multorum exhaurienda peccata ; secundò sine peccato apparebit expectantibus se in salutem. Et cap. 13 , 2 , 12 , 13 , 14. Quorum enim animalium inferitur sanguis pro peccato in sancta per pontificem , horum corpora cremantur extra castra. Propter quod et Jesus , ut sanctificaret per suum sanguinem populum , extra portam passus est. Exeamus igitur ad eum extra castra , improprium ejus portantes. Hic est hircus ille ^{descriptio} ~~descriptio~~ in quo Deus posuit iniquitates omnium nostrum. Imò hircus uterque typus Christi fuit , ut docet S. Cyrillus Alexandrinus , lib. 9 contra Julianum. « Cerne , inquit , mysterium , etiam in capris duobus rectè adumbratum. Caper enim , sive hircus , pro peccatis sacerdotis et populi mactabatur ex præscripto legis. Cum autem Christus pro peccatis nostris immolatus sit , hircio comparatur. Ut enim ait Isaias propheta 53 , 6 : Omnes sicut oves erravimus , homo in viâ suâ erravit , et Dominus tradidit eum pro peccatis nostris. Duo siquidem hirci assumuntur , non tanquàm duo Christi sint , aut duo , juxta nonnullos , filii , sed potiùs quòd oportebat eundem et immolari pro nobis , et mori quidem secundum carnem , vivere autem secundum spiritum. » Et infra : « Descriptus autem est per utrumque Christus unus , et moriens pro nobis secundum carnem , et mortem superans secundum divinitatis naturam. Emittebatur autem in desertum , quâ solitudine et inculto solo designatur gentium sterilitas. Hanc quippe ab ipsis prophetis reperiemus ita quoque nominatam. Scriptum est enim Isai. 35 , 54 : Lætare , desertum sitiens , exultet desertum , et floreat quasi lilium. Et rursus : Lætare sterilis , quæ non paris : erumpe et clama , quæ non parturis : quia plures filii desertæ , quàm habentis virum. » Multò plures enim fuerunt qui crediderunt ex Gentibus , quàm qui ex Synagoga Judæorum. Alio modo figuram hircorum explicari posse S. Cyrillus ait , ut sicut oves typi sunt sanctorum , sic hirci figuræ peccatorum intelligantur (Matthæi 23 , 34) : Porro apparuit nobis Dei unigenitus in specie nostrâ , et cum iniquis reputatus est : et si sensum legalium figurarum spectemus , hædus inter hædos , aut hircus inter hircos factus est. Jussit igitur lex hædos aut hircos duos assumi , ut ex eo Christus intelligeretur sicut unus è nobis quoad ejusdem naturæ similitu-

dinem, et speciem carnis ad hominem, nempe capri ad capram. Factus autem homo sicuti nos, mortem quoque nobis impositam subiit, hoc est, carnalem, ut nos morte et corruptione liberaret. Quod quidem ipsum videre possis etiam in binario illo hircorum numero impletum, quorum unus quidem immolabatur, et Deo in odorem suavitatis offerebatur: alter autem à mactatione liber dimittebatur. Mortuus enim est pro omnibus. Ille omnium dignissimus, et Christi mors solutio mortis fuit. Legatur ejusdem Patris epistola ad Acacium episcopum, De Capro Emissario, p. 3, concilii Ephesini cap. 36.

Eandem explicationem tradit Theodoretus, quæst. 22 in Leviticum: «Quemadmodum, inquit, in purificatione leprosi, uno passere mactato, alter illius sanguine tinctus liberabatur: ita duobus hircis oblati pro peccatis populi, unus sacrificabatur, alter emitebatur. Hæc verò typus erant Christi Domini, ita ut hæc duo animalia non pro duabus personis accipiantur, sed pro duabus naturis. Cum enim per unum hircum aduibrari commodè non possent mortalitas simul et immortalitas Christi Domini (nam hircus mortalis est solum), necessariò duos offerri jussit, ut ille qui mactabatur, carnis passibilem naturam figuraret: qui verò solvebatur, divinitatis indicaret naturam impassibilem.... Porro nemo existimet ineptum, hircos præfigurare passionem Christi, cum ipsum magnus Joannes appellaverit Agnum: sed perpendat potius quòd non pro justis tantum, sed etiam pro peccatoribus semetipsum obtulerit. Hæc autem Dominus comparavit cætum peccatorum: *Statuit enim, ait, agnos à dexteris, hædos autem à sinistris*, Matth. 25, 33. Et in lege pro peccato offerebatur hædus.... Hæc ergo prænuuntiabant terre salutem: Judeos verò tanquam infantes dolectabat, quòd hircus peccata in desertum auferret: quia reducebat illis in mentem scelus in deserto commissum, et inenarrabilem Domini benevolentiam, per quam justis supplicis evitatis, in terram promissam ingressi sunt. Legatur et S. Thomas 1, 2, quæst. 102, art. 5. ad 6. Sed de hirci emissario dicemus iterum articulo sequenti, ubi de Mosaicæ legis sacramentis agemus; et Marshallius Spenceri novam opinionem expendemus, qui hirci emissarii ritum ab expiatoriis Egyptiorum sacris derivatum contendunt.

Festum expiationis pœnitentiæ et confessioni apud Judæos dicatum est. Tradunt rabbini Deum primo die anni singulos homines judicare, et pro variis meritis eos tribus libris inscribere: perfectè justos *Libro Viventium*: perfectè impios *Libro Mortis*: intermedios tertio libro. Qui in eo descripti fuerint, eorum judicium in diem decimum mensis, suspendi: si perfectam pœnitentiam egerint, justis; sin minus, impiis adnumerandos. Sic R. Schem Tob initio Draschot sive sermonum de pœnitentiâ, tractatus Thalmudicus Rosc Haschana de capite Anni, Maimonides, lib. De Pœnitentiâ, cap. 3, mense *Tisri*, novoque anno incunte, novem diebus qui supersunt ad diem expiationis, pœnitentiæ, confessioni peccatorum, jejuniis, recon-

ciliationi cum leso proximo, rerum raptarum restitutioni, necnon corporis macerationi et verberationi sedulo incumbunt, ut justorum libro adscribi à Deo mereantur. Sed potissimum pridie hujus festi, et toto festo, austerum observant jejunium à vespere scilicet usque ad vesperam sequentem. Omnes omninò puberes, mares et feminae, eodem modo jejunare tenentur. Mares, cum diem unum supra decimum tertium annum attigerunt; feminae, cum unum diem supra undecimum annum assecutæ sunt. Ipsos infantes pro ætatis modulo abstinentiâ aliquâ horæ saltem alimentis assignatæ retardatione fatigant. Ab uxoribus abinent, discalceati incedunt, à balneis, odoribus, unctionibus, lotionibus temperant; ut constat ex Mose Cotsensi in lib. Semeg, tit. Hilcoth Hacckippurim ad præcepta 68 et 69, negativa ex libro Kiriath Sepher in explicatione præcepti 31, ex Orach Chaiim in decisionibus et moribus illius festi, aliisque Judæorum libris. Confessionem in primâ vespere festi hujus quisque edere tenetur, antequam cibum capiat, *Ne forte in cenâ ante confessionem suffocetur*, inquit Maimonides, cap. 2 lib. De Pœnitentiâ; sive *Ne mens ejus propter convivium conturbetur, ita ut non possit postea confiteri*, inquit R. Jacob in libro Orach Chaiim, sect. 607. Post cenam, manè et pluries in die confessionem iterant. Decem confessiones fieri in vicem decem pronuntiationum divini nominis, quas in die expiationis sacerdos magnus commemorat, refert Moses Transensis, cap. 2 decisionum de Pœnitentiâ. Multiplicis confessionis die expiationis faciendæ *Thalmud Jerosolymitanum*, et *Babylonicum*, in tractatu *Joma*, cap. ultimo, mentionem faciunt. De cujus etiam ritu plura ex rabbinorum commentariis deprompta legi possunt apud Buxtorfium, Synagogæ Judaicæ cap. 23, et apud Joannem Morinum, lib. 2 De Administratione sacramenti pœnitentiæ, cap. 22, et libro 9, cap. 35 et 36. Religiosiores Judæi pœnitentiæ dies ante festum expiationis anticipant, nonnulli quadraginta diebus, ut referunt R. Aser in fine tractatus De Anni principio, et R. Jacob in Orach Chaiim, sectione 581. De galli galinacei oblatione piaculari, aliisque superstitionis Judaicæ in Expiationis festo ritibus legi potest Buxtorfius loco supra laudato.

XI. *Festum tabernaculorum*, die decimâ quintâ mensis *Tisri*, et sex diebus sequentibus celebrandum Israelitis Deus instituit in memoriam peregrinationis in deserto, et habitationis in tentoriis: nec non divinæ protectionis, tunc eos quasi umbra sua continuo tegentis. Ad cujus beneficii magis expressam commemorationem, in tabernaculis de frondibus et ramis arborum contextis, sub dio, per septem dies habitabant. Hinc festo nomen datum *Scenopegiæ*, sive *Tabernaculorum*. Secundò, in gratiarum actionem pro fructibus recens collectis. Tertiò, in figuram hujus mortalis vitæ, in quâ tanquam in deserto probationum, et tanquam in transitoriis tabernaculis habitamus, peregrinorum, aut militantium more, idque diebus septem, quibus totum vitæ tempus significatur. Quartò, in figuram Christi qui per incarnationem habitavit in

carne tanquam in tabernaculo. Joannis 1, 14. Ritus hujus festi describuntur Levitici 23, 34. A quanto decimo die mensis hujus septima, erant feria tabernaculorum septem diebus Domino. Dies primus vocatur celebratissimus atque sanctissimus: omne opus servile non factis in eo. Et septem diebus offeratis holocausta Domino. Sumetisque vobis die primo fructus arboris pulcherrime, spatulasque palmarum, et ramos ligni densarum frondium, et salices de torrente, et latibulum coram Domino Deo vestro... Et habitabitis in tabernaculis septem diebus... Et discant posteri vestri quod in tabernaculis habitare fecerim filios Israel, cum educerem eos de terrâ Aegypti. Singulis hujus sollemnitatis diebus certa sacrificia lex præscribit Numerorum 29. De eodem festo hæc habentur Deuteronomii, 16, 13, 14, 15. Sollemnitatem quoque tabernaculorum celebrabis per septem dies, quando collegaris de arcæ et torculari frugibus tuis, et epulaberis in festinitate tua, tu, filius tuus et filia, servus tuus et ancilla; levites quoque et advena, pupillus ac vidua qui intra portas tuas sunt. Septem diebus Domino Deo tuo festa celebrabis, in loco quem elegerit Dominus. Benedicetque tibi Dominus Deus tuus in cunctis frugibus tuis, et in omni opere manuum tuarum, et in latitia. Confer. 2 Esdra 8, 14, 15, 16, 17, 18. De ritibus hujus festi Judaicâ superstitione inductis plura ex rabbinorum commentariis legi possunt apud Buxtorfium, cap. 21 Synagoge Judaicæ. Hujus festi meminit Plutarchus, et Judæis per calumniam impingit quod in Bacchi honorem illud celebrarent, libro 4 Symposiacon, quæst. 5. «Maxime, inquit, et perfectissimæ Judæorum sollemnitatis et tempus et modus cum Bacchi sacris congruit. Quod enim ipsi vocant jejunium, id sic celebrant, ut maxime ferente vindemiâ proponant mensas, in quibus expositæ sunt omnis generis fruges: et sub tabernaculis desident potissimum à palmitibus et hederâ quæ contextuntur: et diem quæ festum antecedit, tabernaculariam nominant. Pauci vero post diebus aliam festivitatem non obscure, sed omnino apertè Baccho nuncupatam celebrant. Est etiam solenne apud eos festum Crudephoria à palmitibus gestandis, et Thyrsoporia, ubi thyrsos gestantes in templum intant. Quid intus faciant, ignoro; credibile est Bacchi ab iis sacra peragi. Nam et tubis exiguis sicut Argivi bacchanalibus utuntur ad evocationem numinis: et alii progrediuntur citharis ludentes, quos ipsi levitas appellant, sive à Lysio sive ab Evio (utraque vox Baccho congruit) ita dictos. »

XII. Festum convocationis, seu Collectæ, octavâ die Scenopægiæ, seu festi tabernaculorum celebrandum Deus indicxit. Complementum quoddam fuit prioris festi, eoque die populus ad sanctuarium convocatus est omni opere servili interdicto. Unde et festum Retentionis, et interdicti appellatum est, et Collectæ. Quia populus septem Scenopægiæ diebus absolutis, unâ adhuc die retineretur, ac prohiberetur ne quid operis faceret. Item quod convocaretur, ad gratiarum actionem pro finitâ collectione frugum solenni ritu Deo faciendam: fortè etiam ad collectam pecuniariam

in sacrificiorum sumptus, aliosque usus sacros. Collectionem omnium gentium intra Ecclesiam, vel collectionem electorum intra regnum celorum adumbrabat. Levitici 23, 36 postquam de festo tabernaculorum Deus sermonem fecit, Dies quæque octavus, inquit, erit celeberrimus, atque sanctissimus, et offeratis holocaustum Domino: est etiam Latia atque Collecta. Omne opus servile non factis in eo. Ritus festi sacrificia præscripta sunt Numerorum 29, 35, 36, 37, 38. Hic dies vocatus est ab Hebræis Hoshannah Rabbah, quasi maximus dies festi. Solitus erat populus eâ die, et singulis etiam diebus festi præcedentis ut testatur Maimonides in Hilchos Theudin, cap. 10. magnâ sollemnitate haurire aquam e fonte Schloah, et deferre ad sacerdotes effundendam super altare cum vino, libamini loco. Buxtorius, cap. 21 Synagoge, et Egelius in Joannem, observant ad hunc morem alluisse Christum Dominum, quæ In novissimo die magno Festivitatis (tabernaculorum, sive in festo Latia et Collectæ) stabat, et clamabat, dicens: Si quis sitit, veniat ad me, et bibit. Qui credit in me, sicut dicit Scriptura, flumina de ventre ejus fluent equæ vinæ.

ARTICULUS IV.

DE LEGIBUS CEREMONIALIBUS SACRAMENTORUM VETERIS LEGIS.

I. Cum in nultum nomen religionis, seu verum seu falsum, coagulari possint homines, nisi aliquo signaculorum seu sacramentorum visibili consortio colligantur, ut ait S. Augustinus lib. 19 contra Faustum, Judaicam religionem sacramenta sua habuisse consequens est. Hæc autem vel necessaria erant ad consecrationem seu institutionem populi, aut ministrorum in cultu Dei, ut circumcisio et consecratio sacerdotum: vel usu rerum sacrarum constabant, ut agni paschalis manducatio, quoad populum; oblatio victimarum, usus panum propositionis, etc., quoad sacerdotes: vel necessaria erant ad removenda cultus divini impedimenta, scilicet immundities legales et peccata: ut purificationes, ac lustrationes, et sacrificia piaculatoria, præsertim vaccarum, et hirci emissarii. Hanc sacramentorum veteris legis divisionem S. Thomæ verbis adstruo 1, 2, quæst. 102, art. 5. «Sacramenta, inquit, propriè dicuntur illa quæ adhibebantur Dei cultoribus ad quamdam consecrationem, per quam scilicet deputabantur quodam modo ad cultum Dei. Cultus autem Dei generali quodam modo pertinebat ad sacerdotes et levitas, qui erant ministri cultus divini. Et ideo in istis sacramentis veteris legis, quædam pertinebant communiter ad totum populum, quædam autem specialiter ad ministros, et circa utrosque tria erant necessaria. Quorum primum est institutio communiter, quæ quantum ad omnes fiebat per circumcisionem, sine quâ nullus admittebatur ad aliquid legale: quantum verò ad sacerdotes, per sacerdotum consecrationem. Secundò, requirebatur usus eorum quæ pertinent ad divinum cultum, et sic quantum ad populum erat usus paschalis convivii, ad quem nullus incircumcissus admittebatur, ut patet Exod.

« 12, et quantum ad sacerdotes, oblatio victimarum, et esus panum propositionis, et aliorum quæ erant sacerdotum usibus deputata. Tertiò, requirebatur remotio eorum, per quæ aliqui impediabantur à cultu divino, scilicet immunditiarum. Et sic quantum ad populum erant institutæ quædam purificationes à quibusdam exterioribus immunditiis, et etiam expiationis à peccatis. Quantum verò ad sacerdotes et levitas, erat instituta ablutio manuum et pedum, et rasio pilorum. Et hæc omnia habebant rationabiles causas; litterales secundum quod ordinabantur ad cultum Dei pro tempore illo; et figurales, secundum quod ordinabantur ad figurandum Christum. »

§ 1. De Circumcisione.

Circumcisio primum veteris legis sacramentum à Deo instituta est Genesis 17, 10, 11, 12, 13, 14. Ejus præceptum Abrahamo datum, ab eoque executioni mandatum in se ipso, in Ismaele filio, et in servis omnibus. Lex circumcisionis renovata Levitici 12, 3. Litteralem circumcisionis rationem triplicem fuisse docet S. Thomas. Primò quidem et præcipuè instituta fuit ad protestationem fidei unius Dei. Et quia Abraham fuit primus qui se ab infidelibus separavit, exiens de domo suâ, et de cognatione suâ, ideò ipse primus circumcisionem accepit. Et hanc causam assignat Apostolus ad Romanos 4, 2. « Et signum accepit circumcisionis, signaculum justitiæ fidei, quæ est in præputio : Ut sit pater omnium credentium per præputium, ut reputetur et illis ad justitiam. In hoc autem legitur fides Abraham reputata ad justitiam, quia contra spem in spem credidit, ut fieret pater multarum gentium, secundum quod dictum est : Sic erit semen tuum. Et non infirmatus est fide, nec consideravit corpus suum emortuum, cum jam ferè centum esset annorum, et emortuam vulvam Saræ. In repromissione etiam Dei non hæsitavit diffidentia, sed confortatus est fide, dans gloriam Deo : Plenissimè sciens quia quæcumque promisit potens est et facere. Ideò et reputatum est illi ad justitiam. » Et ut hæc protestatio et imitatio fidei Abraham firmaretur in cordibus Judæorum, acceperunt signum in carne suâ, cujus oblivisci non possent : unde dicitur Genesis 17 : *Erit pactum meum in carne vestrà in fœdus æternum.*

Secunda ratio circumcisionis, inquit S. Thomas, esse potuit debilitatio concupiscentiæ, ideòque partes libidini ministrantes Deus circumcidi jussit. Huic affluens est ratio Photii, epist. 205. « E gente, inquit, Chaldaea oriabatur Abraham, ubi matribus, filiabus et sororibus de consuetudine impiâ carnaliter miscebantur. Quocirca ne per patrios mores vel ipsemet pollueretur, vel ab ipso descendentes, circumcidebatur ei præputium, quo sic aboleretur hujusmodi nefanda turpitudine : atque ita accrescebat ei suæ propriæ carnis circumcisio, ut divisio ab affinibus suis et consanguineis, ac quantum ad maritalem copulam spectabat, aversio. Nam post circumcisionem, qui spiam è sanguine Abrahami ab hujusmodi nefandis, vel furtim perpetrandis impediabatur. Tertiâ insti-

tutæ circumcisionis rationem S. Thomas affert, supplicationem sacrorum Veneris et Priapi, in quibus illa pars corporis honorabatur. *Phallalogia intelligit in quibus Dionysii phallum* (sic enim virile membrum ridiculi homines nuncuparunt) et adorabant miseri et basiabantur cuncti qui orgia celebrabant : rationem tamen ignorabant. Is verò qui Hierophantes vocabatur, et hæc sciebat, et Osirin, et Typhonem, et Osiridis membra à Typhone concisa latèque dispersa, Isin præterea Osiridis sororem, quæ magno illa studio collegit, solum autem ejus phallum non invenit, atque hæc de causâ excitatum ejus simulacrum ab omnibus adorari præcepit. » Ita refert lib. De curandis Græcorum affectionibus, Serm. 1, qui est *De Fide*.

Circumcisionis rationes quæ litterales, quæ typicas, Photius his verbis explicat in laudata ad Theodorum Hegumenum, epistola : « Tria præ se ferre videtur mihi circumcisio : primum, quod tanquam signum et sigillum Abrahami progeniem separaret, et à cæteris gentibus distingueret. Secundum, in se divini baptismatis gratiam, et efficaciam per figuram prædicationis : veluti enim olim circumciscus per sigillum in Dei populo censebatur, sic et baptizatus, Christi in se sigillum expressum habens, adoptatus inscribitur Dei filiorum albo. Tertiò, symbolum erat fidelium in gratiâ existentium, qui carnalium voluptatum et passionum insurrectiones tumultuosas excisorio fidei sermone et asceticis laboribus abscondunt et mortificant : non corpus scindunt, sed cor ; nec secundum litteram, sed spiritum circumciduntur... Certè erat necesse ut Abrahami progenies separaretur in primis, ne permixta cæteris nationibus illarum moribus paulatim abduceretur, factâ pietatis cultusque mutatione, et ita execrandis illarum sacris inserviret. Secundò, ut promissionis divinæ apprensus et cuicumque intelligibilis finis et perfectio redderetur, Abrahami semine in innumerabilem multitudinem multiplicato et exescente. Quòd si cum nationibus permixti mansissent, veritas promissionis adimpleta non agnosceretur ; nec multitudo tantæ esset admirationi, uti si separatim agerent, et rempublicam privatam tuerentur. Tertiò ; quod ante alias causas censetur, quandoquidem Dei dilecto et diligentî Deum Abraham pactum fuerat : *In semine tuo benedicentur universæ mundi nationes.....* ideò genus Abraham separatur, et à commixtione eximitur aliarum gentium, ut creator et Dominus naturam nostram ex illâ stirpe assumeret, et similiter ac nos carnis et sanguinis particeps fieret ; quò pacti et promissi veritas omnibus numeris apud omnes consummaretur : nempe Christo Deo nostro, in quo gentes omnes benedictionis per gratiam participes fiunt, è lumbis illius per principia generationis humanæ descendente. »

Typicam rationem circumcisionis sic explicat S. Thomas, quæstione et articulo supra laudatis, ad 1 : « Figuralis ratio circumcisionis erat : quia figurabatur ablatio corruptionis faciendâ per Christum, quæ

perfectè complebitur in octavâ ætate, quæ est ætas resurgentium. Et quia omnis corruptio culpe et pœnæ provenit in nos per carnalem originem ex peccato primi parentis, ideo talis circumcisio fiebat in membro generationis. Unde Apostolus dicit ad Colossenses 2 : *Circumcisi estis in Christo, circumcisione non manu factâ in expoliatione corporis carnis, sed in circumcisione Domini nostri Jesu Christi.*

Origenes lib. 5 contra Celsum, circumcisionem institutam etiam fuisse docet ad cacodæmonis injurias ab iis qui hoc sacramento initiati essent, propulsandas. « Et fortassè, inquit, propter aliquem infestum Judæorum genti angelum inventa est, qui posset in circumcisos lacerare, circumcisos non item : Quod colligi potest ex libro Exodi, ubi angelus ante circumcisionem Eleazari contra Moysen valuit : quo circumciso, irrita facta est illius potentia, quod non ignorans Sephora, scripo arrepto circumcidit suum filium, effata secundum vulgatam editionem : *Stetit sanguis circumcisionis mei pueri; secundum Hebræos verò, sponsus sanguinum tu mihi.* »

De ritibus ac moribus Judæorum in circumcisione celebrandâ curiosi lectores consulant Joannem Buxtorfium Patrem, cap. 4 Synagogæ Judaicæ. De ipsius verò circumcisionis divinâ institutione et antiquitate legatur dissertatio nostra 6 in tertiam mundi ætatem.

§ II. De Consecratione sacerdotum veteris legis.

Consecratio sacerdotum veteris legis sacramentum erat, sacramentum ordinis in Ecclesiâ olim à Christo instituendum præfigurans. Consecrationis illius ritus Exodi 39 à Deo præscribitur; Levitici 9 à Moyse exercetur. Sacerdos igitur ille fuit, cum et sacrificia obtulerit, et Araonem ejusque filios, jubente Domino, consecraverit. Hinc illud Psalmi 98, 6 : *Moyse et Aaron in sacerdotibus ejus.* At dignitas illa potestasque sacerdotalis in Moyse extraordinaria fuit, in quâ nemo ipsi successit. Ejus namque filii sacerdotes non fuerunt, sed levitæ duntaxat. 1 Paralipomenon 25, 15 : *Moyse quoque hominis Dei filii annumerati sunt in tribu Levi.* At Aaronis sacerdotium in ejus genere conservatum, et ad ejus filios transmissum est. Quidquid porrò fiebat in institutione vel consecratione sacerdotum, inquit S. Thomas Primæ Secundæ, quest. 102, art. 5, ad hoc pertinebat, ut ostenderetur eos habere quamdam prærogativam puritatis et virtutis et dignitatis. Ideò in ministrorum inauguratione tria peragebantur, 1 purificatio, 2 consecratio, 3 applicatio ad sacri ministerii functiones. Purificatio ablutione et sacrificiis absolvebatur. Ablutionem lex præcipit Exod. 29, 4 : *Aaron ac filios ejus applicabis ad ostium tabernaculi testimonii. Cumque laveris patrem cum filiis suis aquâ, indues Aaron vestimentis, etc.* Levitarum purificatio abrasione pilorum etiam peragebatur. Sacrificia vituli duorumque arietum, oblatio panum azymorum, crustulæ absque fermento, quæ oleo conspersa esset, laganorum quoque oleo litorum, imperantur Exodi 29, 1, 2, 3. Pontifex et sacerdotes inaugurandi victimis illis manus imponebant, ut pro se et

loco sul ipsas mactari et immolari eo ritu significarent. Effundebatur vituli sanguis ad altare, cujus cornua eo perungebantur : adeps intestina operiens, cum reticulo jecoris, et duobus renibus super altare incubebatur ; corpus reliquum extra castra comburebatur, quia piacularis erat victima.

Vitulus ille pro peccato oblatas Christi typus erat, interprete S. Cyrillo Alexandrino, lib. 11 De Adoratione in spiritu et veritate. « *Sicut enim vitulus parvus jugo quidem adhuc insuetus est, sed ejus naturæ tamen quæ jugo ferendo sit apta : ita Christus simul extra jugum et sub jugo est : nam cum secundum naturam Deus esset, factus est sub lege per humanitatem. Vitulus igitur appellatus est Christus sapienti consilio, ut in eadem re intelligatur à nobis tum ejus Verbi divinitatem minime assuetam esse servituti; tum eam naturam quæ sub jugo esset, quod ad ejus humanitatem attinet, subisse. Immo latur autem tanquàm pro sacro tabernaculo, ac pro iis qui sibi manus imposuissent (levitæ ii erant et sacerdotes). Nam ille mortuus est pro Ecclesiâ, et iis qui sunt illi per fidem consecrati. Sacram porrò fuisse, et in sacrificii morem acceptam Deo ac Patri Emmanuelis mortem ex eo videre licet, quòd sanguis ad altare funditur, et ex eo perungitur, quòd item adolentur intestina, quæ virtutum intimarum et in animo reconditarum figuram gerunt, in quibus spiritualis odor inest, neque ille simplex, cum intestina multiplicia sint, adeps, renes, pinna jecoris. Comburit autem reliquum corpus extra castra; nam extra portam passus est Christus. Quòd autem igni corpus absumitur significat nullo modo ejus passionem et mortem illi ignominie futuram, sed præclarum gloriæ atque illustrem exitum habituram : ignis enim specie divinitas intelligitur, cum etiam in monte Sinai eâ formâ Deus descendit. Destructurus verò mortis imperium Christus dispensatoriè mortem subiit, ut à nobis tanquàm Deus glorificaretur.* »

Aries quoque prior Christi figura fuit, immaculati, et perfecti. Hic altari et tanquàm totus, et per membra cresus imponebatur, ut Christi et membrorum ejus sacrificium repræsentaret. « Nos enim et singuli membra Christi sumus, et universi unum corpus intelligimur; totum porrò illum esse sacrum ac sanctum, et labem impuritatis habere nullam, ablucit illi inter testinorum optimè declarat. Simul autem offeruntur caput et pedes, ut illam suaveolentiam sanctitatis, quæ in Salvatoris nostri vita à principio usque ad finem fuit, ostendant. Aut fortassè melius est in membris figuram caput accipere; incessus verò ejus qui in actionibus efficiendis progredimur, pedes. In Christo autem odorem spirant, et summâ puritate præstant omnia tum cogitata, tum facta : neque enim peccatum fecit : ob eamque causam hanc oblationem arietis et holocaustum incensum appellat : neque enim ex parte sanctus aut sacer est. » Aries demum alter eodem ritu immolatus, cujus sanguine pontifex, et sacerdotes, eorumque vestes tingebantur

et sanctificabantur. Christum pariter designabat. Vocatus est *Aries consummationis*, aut *consecrationis* ut habet *Vulgata nostra* : Quod Christus in omni rerum optimarum genere nos absolutos atque perfectos reddat, et per sanctificationes in spiritu, virtutibus insignes efficiat.

Consecratio pontificis et sacerdotum hoc ritu peragebatur. 1. Abluti induebantur sacris vestimentis illorum dignitatem designantibus. 2. Pontifex oleo in capite perfundebatur, ut significaretur potestatem consecrandi ab ipso ad alios diffundi, sicut oleum à capite ad inferiora defluit. Quò spectat illud Ps 152 : *Sicut unguentum in capite, quod descendit in barbam Aaron*. 3. Minorum sacerdotum solæ manus consecrabantur, quæ ad sacrificia erant applicandæ. 4. Et de sanguine arietis immolati extremum auriculæ dextræ ipsorum tingebatur : ad significandam obedientiam legi Dei ab ipsis præstantiam in sacrificiorum oblatione; et pollices manuum eorum ac pedis dextri; ad significandam sollicitudinem, promptitudinem, alacritatem in executionem sacrificiorum. 5. Sanguine victimæ cum ipsi, tum eorum vestes aspergebantur, in memoriam sanguinis agni, quo veluti signo liberati sunt ex Ægyptiaca servitute. Ita S. Thomas loco laudato. S. Cyrillus typum Christi his in ritibus agnoscit, cuius gratiâ sacris Novi Testamenti ministris, imò iustis quibuscvis hominibus, « aures adjicit benedictione plenas : illas nempe obtemperantes et faciles, et ad ejus quidem dogmata excipienda paratas; in- « susurratas vero nugas, et execrandam nonnullorum « loquacitatem, qui veritatem oppugnant, et cum rectis « dogmatis libellum gerunt, minimè sustinentes : is « enim est aurium sanctarum fructus. Sanctæ sint « igitur aures, certæ veritatis et rectorum dogmatum « studiosis : id porrò Christi donum est, et cœleste « munus, et sancti illius sanguinis opus : nam omnes « res præclaras in ipso et per ipsum consequimur. « Ideoque et manus sanctificabatur, quæ est ad ope- « randum et efficiendum apta; et pes, qui rectorum « gressuum evidens est signum ac nota. De sanctis « enim factis nobis gloriam parare oportet, et per « eam semitam incedendum, quæ nos ad ea omnia « quæ Deo placent compendiariâ viâ perducant. juxta « id quod canitur in psalmis : *Et converti pedes meos « in testimonia tua*, Psalm. 118. Et illud quod in libro « Proverborum 4 habetur : *Rectos gressus fac pedibus « tuis, et vias tuas dirige*. Genus igitur sacrum et ele- « ctum sanctas aures habeat, manum similiter ac pe- « dem, iis quos jam diximus modis, dextrâque omnia « permixta, et tanquam summo loco, id est, in extre- « mis. *Extremum enim*, inquit, *auris, et pedis, et ma- « nus* : omnis enim actio proba, strenua ac dextra est, nihilque de vitio sinistrum habet, et usque ad ex- « tremum, id est, perpetuò seu ad finem usque porrigi- « tur. Qui enim Deo consecrati sunt, eos in sanctifi- « catione dextros esse, et perpetuò perseverantes « convenit. »

Offerebantur in consecratione sacerdotum, 1. vitu-
lus pro peccato, in memoriam remissionis peccati

Aaron in conflatione vituli. 2. Aries in holocaustum, in memoriam sacrificii Abraham, cujus obedientiam pontifex imitari debebat. 3. Aries consecrationis, quasi hostia pacifica, in memoriam liberationis de Ægypto per sanguinem agni. 4. Canistrum panum, in mem-
oriam mannae cœlitus præstitæ populo.

Applicatio denique sacerdotum ad sacri ministerii functiones hoc ritu fiebat. Adept arietis, armis dexter, torta panis crustula conspersa oleo, lagnum de câ-
nistro azymorum super manus eorum imponebantur, ut ostenderetur ipsos accipere potestatem illa offe-
rendi Domino. Exodi 29, 22, 23, 24. Septem diebus consecrationis ritus peragebatur, et vitulus piacularis per singulos dies offerebatur. Ut toto illo septiduo in tabernaculo manerent, ac die noctique excubias age-
rent, à Deo præceptum est Levitici 8, 35. « Quam in « sacris locis sessionem, firmitatis atque perman-
sionis in sanctificatione symbolum quoddam esse voluit, « inquit S. Cyrillus Alexandrinus. Necesse est, ut qui « in hac statione collocati sumus, aut præsto simus « Deo, firmi atque immobiles in virtute maneamus, ne « extra morum terminos, qui nos decet, egredia-
mur, aut è sacro sensu excedamus, sed semper propè « quodammodo simus, et apud Deum habitemus, juxta « illud quod est Prophete vocè dictum : *Quærens quæ-
re, et apud me habita*. Hoc autem per septem dies « facere jussit Moyses, quâ in re septenarius numerus « id significat, esse nobis aditendum ut omni tempore « Deo præsto simus. Idem enim est ac si dixisset sem-
per, ac si perpetuò. Intra tabernaculum verò manen-
tem præcepti servare custodias Domini, significans « illius assiduitatis quâ Deo assidemus, fructum esse « obedientiam et voluntatem exequendi quod ille præ-
cipiendum duxerit. Ad hunc igitur modum illi om-
nium Domino præsto esse debemus, cum ille in rectè « factis languor in extremum matorum omnium desinat : « eam enim ob causam, ut existimo, adjunxit Moyses illa « verba : Ne moriamini. »

§ III. De Paschalis agni manducatione.

Agni Paschalis manducatione, quæ Judaici populi sacramentum erat, Exodi 12, à Deo institutum, ritus-
quæ illius explicitius dissertatione singulari de *Agno Paschali*, quæ postrema est dissertationum nostrarum in 3 Mundi ætatem. Paschalis agni convivium figura
erat sacramenti Eucharistiæ. Comedebantur ejus car-
nes, ad significandum esum corporis Christi, *Agni Dei qui tollit peccata mundi*, in sacramento. Caro agni assa
igne manduebatur, ad significandum Christi passio-
nem, vel charitatem. Comedebatur cum azymis panis, ad significandam puram conversationem fidelium
mentium corpus Christi, secundum illud 1 ad Corin-
thios 5 : *Epuletur in azymis sinceritatis et veritatis*. La-
etuee agrestes addebantur, in signum penitentiae pec-
catorum, quæ necessaria est sumentibus corpus Christi. Renes autem accingendi sunt cingulo castitatis. Cal-
ceamenta pedum sunt exempla mortuorum Patrum. Baculi habendi in manibus, significant pastorem
custodiam. Præcipitur autem ut in una domo paschalis agnus comedatur, id est, in Ecclesiâ Catholicâ.

non in conventibus hæreticorum. Hæc ex veterum commentariis descripta in compendium colligit S. Thom. Primæ Secundæ, quæst. 102. Art. 3 ad Secundum.

Incircumcisis quibusque etiam proselytis, inquilinis, aut mercenariis hominibus, vel Judæis apostatis, esus agni paschalis non permittebatur: ab eoque prohibebantur et Judæi propter infectam circumcisionem cum liberorum tum servorum, ut explicat Maimonides libro De Sacrificiis, tractatu I De Sacrificio paschali, cap. 9: Lex exstat Exodi 12. 43. 44, 45, 46, 47, 48. Dixitque Dominus ad Moysen et Aaron: Hæc est religio phase: omnis alienigena non comedet ex eâ. Omnis autem servus emptitius circumcideretur, et sic comedet. Adveni, et mercenarius non edent ex eo. In unâ domo comedetur. Omnis cæcus filiorum Israel faciet illud. Quod si quis peregrinorum in vestram voluerit transire coloniam, et facere phase Domino, circumcideretur prius omne masculinum ejus: et tunc ritè celebrabit, eritque sicut indigena terræ. Si quis autem circumciscus non fuerit, non vescetur ex eo.

§ IV. De panum propositionis et aliorum consecratorum esu.

Oblatio victimarum, esus panum propositionis, seu aliorum panum, carniūve consecratorum, ad Sacramenta veteris legis pertinebant, Christique oblationem, et carnis ejus manducationem in adorando Eucharistiæ sacramento seu præclari typi adumbrabant. Esus panum propositionis, solis sacerdotibus licitus, Levitici 24, 9; et Matthæi 12, 4, idque in loco sancto. Ab eorum et omnium sanctificationum comestione immundus lex arcebat, Levit. 22, 3, 4, 5, 6, 7. Hinc sacerdotes, cum ministerii sui vices obirent, a juri-bus connubii abstinere tenebantur, ut colligitur ex I Regum 21: Et respondens sacerdos ad David, ait illi: Non habeo laicos panes ad munus, sed tantum panem sanctum: si mundi sunt pueri, maximè à mulieribus? Et respondit David sacerdoti: Equidem si de mulieribus agitur, continuus ab heri et nudius tertius, quando egrediebamur, et fuerunt vasa puerorum sancta. Demonem Dei simiam et æmulum, similis castimonie ritum Ægyptiorum sacerdotibus, et plebisque aliarum gentium sacrificiis suggestisse, comperit ex Cheremone stolco, Porphyrio, lib. 4 De Abstinentiâ, Ariano in Epicteto lib. 3, c. 21, Macrobio, lib. 1 Saturnalium, c. 25. Abstinentiâ à vino sanctificationis sacerdotum veteris legis pars fuit. Levitici 10, 8: Dixit quoque Dominus ad Aaron: Vinum et omne quod inebriare potest, non bibetis tu et filii tui quando intratis in tabernaculum testimonii, ne moriamini: Quia præceptum sempiternum est in generationes vestras. Et ut habeatis scientiam discernendi inter sanctum et profanum, inter pollutum et mundum; doceatisque filios Israel omnia legitima mea. Hanc abstinentiâ imitati sunt Ægyptii sacerdotes Plutarcho teste. Isiacorum sacrorum candidatos abstinentiâ ab animantibus et vino se purificare jussos, refert Apuleus, lib. 11 aurei Asini, de se ipso scribens: Illud planè præcepit sacerdos, ut decem continuis diebus ro-

lupatam ciborum carcerem, neque ullum animal essem et intinus assem: id est abstemius.

§ V. De Purificationibus ac Lustrationibus, variisque le-galium pollutionum speciebus.

Purificationibus ac Lustrationibus, sacramenta erant in veteri lege ad removenda divini cultus impedimenta, seu ad immunditias legales externasque abstergendas, a Deo instituta. Immunditiæ autem seu pollutiones legales alia personarum fuerunt, alia rerum. Personarum immunditiæ octo famosiores, in lege recensentur.

I. Prima immundities, erat puerperæ, Levitici 12. Mulier, si suscepto semine pepererit masculinum, immunda erit septem diebus, juxta dies separationis menstrua. Ipsa triginta tribus diebus manebit in sanguine purificationis suæ. Omne sanctum non tuncget, nec ingreditur in sanctuarium, donec impleantur dies purificationis suæ. Sin autem feminam pepererit, immunda erit duobus hebdomadibus juxta ritum fluxus menstrui, et sexaginta sex diebus manebit in sanguine purificationis suæ. Hæc immundities oblatione agni amniculi in holocaustum, et pulli columbæ sive turturis pro peccato, in pauperibus verò oblatione duorum turturum, aut duorum pullorum columbæ, unius in holocaustum, et alterius pro peccato, necnon oratione sacerdotis victimas illas immolantis, abstergebatur. Ibidem, 5, 6, 7, 8, inde profecta hæc immundities, quòd mulier pariat ad corruptionem, et non eâ conditione sit quâ fuit statim atque à Deo accepit ut esset. Deindè quòd in carnali voluptate serantur qui gignuntur, inquit, S. Cyrillus Alexandrinus, libro 15 de Adoratione in spiritu et veritate. Pollutio ex puerperio ex Hebræorum caeremoniis in gentium mores transiit. Quod tamen poetæ quidam et philosophi ut superstitionem irriserunt. Inter alios Euripides in Iphigeniâ Tauricâ culpât Dianam quasi nimis delectatam, quòd hominem puerperæ vel mortui tactu pollutum altaribus seu impium prohiberet suis. Mihi, inquit, ista diæ non placet sapientia. Docuit Pythagoras puritatem balneis et aspersionibus comparari, et purgatione à funere, et cubili puerperæ: ut refert Diogenes Laërtius in ejus vita. Notum illud Censorini: Prægnans ante diem quadragesimum non prodit in javum. At in Chryssippi libris legebatur: Ire ad templum rectè à puerperâ est a mortuo, sine causâ culpator. Et Theophrastus in Characteribus inter supersticiosos mores refert: Neque ad defunctorum justa, neque ad puerperam accedere velle.

II. Secunda immunditiæ species erat immundities menstruatæ, mense redeunte sanguinis fluxum patientis. Hæc ab hominum commercio, rerum domesticarum tactu, præcipuè verò Tabernaculi aditu septiduo separabatur. Quisquis ad eam accessisset, diebus totidem immundus erat. Si eam aut lectum ejus tetigisset, aut vas ab ipsâ contaminatum, immundus erat usque ad vespertinam. Quæ fluxum sanguinis aliàs patiebatur, tandiù immunda erat, quandiù hoc vitio laborabat. Quisquis eam, aut ejus stratum, vel sedile,

aut vas ab eâ sedatum tetigisset, immundus erat usque ad vesperam; et corporis ac vestimentorum ablutione purificabatur. Mulieris verò immunditia abstergebatur oblatione duorum torturum, aut duorum pullos columbarum, uaius in holocaustum, alterius pro peccato; et precipuus sacerdotis aviculas illas immolantis die octavo postquàm sanguinis fluxus cessaverat. (Leuitici 15). Lege Maimonidem lib. de Sacrificiis, tractatu 5 de Indigentibus piaculi, cap. 4.

III. Tertia immunditiei species erat immundities hominis continuo penè seminis fluxu laborantis. Ab hoc morbo sanatus, septiduò post vestibus et toto corpore aquâ vivâ lotis, duobusque torturibus aut pullis columbarum oblati uno in holocaustum, altero pro peccato, mundabatur. (Leuitici 15). Lege Maimonidem loco supra laudato, cap. 2 et 3.

IV. Quarta immunditiei species erat immundities concubitûs conjugalis: de quâ Iudæi veteres legem illam interpretantur Leuitici 15, 16: *Vir de quo egreditur semen coitus, lavabit aquâ omne corpus suum; et immundus erit usque ad vesperum. Vestem et pellem, quam habuerit, lavabit aquâ, et immunda erit usque ad vesperum. Mulier cum quâ coierit lavabitur aquâ, et immunda erit usque ad vesperum.* Hinc illud Iosephi lib. 2 contra Apionem: *Si quis ad concubitum corruptionemque transierit, immundus est. Oportet autem etiam post legalem commixtionem viri mulieres lavari.* Istius immunditiei et purificationis ritus ab Hebræis ad gentes transit. Hinc illud Herodoti libro 1, cap. 198: *Quoties cum uxore miscetur vir Babylonius, adhibito thymiamati assidet, et ex alterâ parte mulier idem facit. Quin etiam sub diluculum abluuntur ambo, nullum vas priusquàm se abluerint tacturi. Eadem et hæc Arabes faciunt.* Hinc et illa Plutarchi libro 3 Symposiacion, quæst. 6: *Nobis autem, si leges rectè colimus, cavendum est ne ad templa et sacrificia accedamus, paulò ante venerè re usi.* Hinc illud Clementis Alexandrini apud Eusebium libro 10 Præparationis Evangelicæ, cap. 6: *Ægyptii nemini, qui non se ab uxoris congressu lustrasset, patere templa vulerunt.*

V. Quinta immunditiei species erat immundities somnii, seu nocturna pollutio, quæ à publico cœtu hominem totâ die arcebat, et sub vesperam eluebatur aquâ. Deuteronomii 23. *Si fuerit inter vos homo qui nocturno pollutus sit somnio, egredietur extra castra, et non revertetur priusquàm ad vesperum lavetur aquâ: et post solis occasum egredietur in castra.* Ritus illum imitati sunt Ægyptiorum sacerdotes, de quibus Chereimon apud Porphyrium, lib. 4: *Si fortè in somnis polluerentur, illicò corpus lavacro lustrabant.*

VI. Sexta immunditiei species erat lepra; quo morbo affectus, ad arbitrium sacerdotis, ad quem lepræ cognitio ac iudicium pertinebat, ab hominum consortio separabatur, dissutisque vestimentis, nudo capite, ore veste contexto, se contaminatum ac sordidum clamabat. Operosa erat hujus immunditiei purgatio. Leprosus iudicio sacerdotis mundatus, duos passeris vivos pro se offerebat, et lignum cedrinum, vernicu-

lunquæ, et hyssopum. Passerum alter immolabatur in vase fictili super aquas viventes: alter vivus, cum ligno cedrino, et cocco, et hyssopo, tingebatur in sanguine passeris immolati, quo leprosum septies aspergebat sacerdos, et passerem vivum dimittebat ut in agrum avolaret. Mox homo à leprâ mundandus, lotis vestimentis, pilis omnibus abrais, abluto corpore, in castra vel civitatem recipiebatur, eâ tamen lege ut septem adhuc diebus extra tentorium suum vel domum maneret. Die septimo rursus purificabatur abrasione capillorum, barbæ, superciliorum, omniumque pilorum totius corporis; et vestium totiusque corporis ablutione. Die octavo offerebat duos agnos et ovem anniculam absque maculâ, et tres decimas similæ, oleo conspersæ, in sacrificium: et seorsim olei sextarium. Porrò agnorum alter offerebatur pro delicto, alter pro peccato, et ovicula in holocaustum. Peccatum est culpa quam quis sciens volens committit: delictum est culpa in quam quis per oblivionem, imprudentiam vel ignorantiam incidit. Sacerdos sanguine victimæ pro delicto immolatæ liniebat extremum auriculæ dextræ, et pollices manus dextræ, et pedes ejus qui à leprâ mundabatur. Mox de olei sextario in manum suam sinistram effundebat, intinctoque digito in eo, aspergebat coram Domino septies; quod autem reliquum erat olei in levâ manu, fundebat super extremum auriculæ dextræ, et super pollices manûs, ac pedis dextri ejus qui mundabatur, et super sanguinem pro delicto effusum, et super caput illius. Sequebatur oblatio sacrificii pro peccato: totus demum purificationis ritus oblatione holocausti absolvebatur. Pauperes agnum pro delicto, decimamque partem similæ conspersæ oleo, et olei sextarium, et duos tortures, aut pullos columbarum, unum pro peccato, alterum in holocaustum offerebant, eodemque ritu mundabantur, Levit. 14. Lege Maimonidem, libro de Sacrificiis, tractatu 5 de Indigentibus piaculi, cap. 4 et 5. Ritus hujus mysteria Theodoretus explicat quæstione 19 in Leviticum. *Duo passeris, inquit, qui in purificatione leprosi offeruntur, salutaris passionis typum continent. Nam quemadmodum ex passeribus illis alter mactabatur, alter sanguine mactati tinctus dimittebatur: ita Dominus Christus pro humanitate leprâ inquinatâ crucifixus est, carne quidem perferente mortem, divinitate verò passionem humanitatis sibi accommodante. Jam verò sicut leprosus reddebatur splendidus et purus, ubi adpersus fuisset sanguine passeris immolati mixto aquâ purâ, cum ligno cedrino, hyssopo, et cocco retorto: ita qui credit Christo Salvatori, sacrosancti baptismati aquâ lustratus, peccatorum maculis abstergitur. Porrò lignum cedrinum, quòd corruptioni minimè est obnoxium, repræsentat divinitatem passionis expertem. Coccinum verò retortum, humanitatem ex animâ et corpore constantem. Hyssopus autem calorem et suavem odorem Sancti Spiritûs. Per hæc enim qui baptizantur, ab animæ leprâ liberantur. Oleum autem quo inunguntur auris dextra et dextera manus, et pes dexter, innuit auditum quidem de-*

dicandum esse dextris sermonibus, manum autem et pedem dextris operationibus. Immissum verò capiti, consecrationem mentis indicat. Porro qui leprosus perdurabat, extra castra debebat, quemadmodum is qui sine penitentia delinquit expellitur extra Ecclesiam. » Rationes magis literales hujus ritus affert S. Thomas, primò secunda, questione 102, articulo 3. « Per ritum legis, inquit, leprosus non emundabatur à maculâ lepræ, sed emundatus ostendebatur. Et hoc significatur Levit. 14, cum dicitur de sacerdote : *Cum invenerit lepram esse mundam, præcipiet ei qui purificatur.* Jam ergo lepra mundata erat, sed purificari dicebatur, in quantum judicio sacerdotis restituebatur consortio hominum, et cultui divino, scilicet post septem dies. In primâ autem purificatione offerebat pro se leprosus mundandus duos passeris vivos, et lignum cedrinum, et vermiculum, et hyssopum; hoc modo, ut filo coccineo ligarentur passer et hyssopus simul cum ligno cedrino: ita scilicet quod lignum cedrinum esset quasi manubrium aspersorii; hyssopus verò et passer erant id quod de aspersorio tingeatur in sanguine alterius passeris immolati in aquis vivis. Hæc autem quatuor offerebat contra quatuor defectus lepræ: nam contra putredinem offerebatur cedrus, quæ est arbor imputribilis: contra fœtorem hyssopus, quæ est herba odorifera: contra insensibilitatem passer vivus: contra turpitudinem coloris vermiculus, qui habet vivum colorem. Passer verò vivus advolare permittebatur in agrum, quia leprosus restituebatur pristinæ libertati. Octavo verò die admittebatur ad cultum divinum, et restituebatur consortio hominum: primò tamen rasis pilis totius corporis, et lotis vestimentis, eò quod lepra pilos corrodit, et vestimenta coinquinat et fœtida reddit. Et postmodum sacrificium offerebatur pro delicto ejus; quia lepra plerumque inducitur pro peccato. De sanguine autem sacrificii tingebatur extremum auriculæ ejus qui erat mundandus, et pollices manûs dextræ et pedis: quia in istis partibus primùm lepra dignoscitur et sentitur. Adhibebantur etiam huic ritui tres liquores, scilicet sanguis contra sanguinis corruptionem: oleum ad designandam sanationem morbi: aqua viva, ad emundandam spureitiam. »

Allegoricam rationem subjungit Angelicus doctor: « Per duos passeris significantur divinitas et humanitas Christi. Quorum unus, scilicet humanitas, immolatur in vase fictili super aquas viventes, quia per passionem Christi aquæ baptismi consecrantur. Alius autem, scilicet impassibilis divinitas, vivus remanebat, quia divinitas mori non potest: et evolabat, quia passione adstringi non poterat. Hic autem passer vivus simul cum ligno cedrino, et coco, vermiculo et hyssopo, id est, fide, spe, et charitate mittitur in aquam ad aspergendum; quia in fide Dei et hominis baptizamus. Lavat autem homo per aquam baptismi et lacrymarum vestimenta sua, id est, opera; et omnes pilos, id est, cogitationes. Tingitur autem extremum auriculæ dextræ ejus, qui mundatur,

de sanguine et de oleo, ut ejus auditum muniat contra corruptentia verba. Pollices autem manûs dextræ et pedis tinguntur, ut sit ejus actio sancta. »

VII. Septima immunditiei species, erat immundities funeris, ab iis contracta, qui mortuorum corpora, sepulera, vel ossa tetigissent, aut eorum tentoria vel domos ingressi fuissent, vel exequias prosecuti. Numerorum 19, 11, 14, 16. Pollutio funebris ab Hebræis ad gentes ex dæmonis cacozeiliæ manavit. Homines mortui tactu contaminatos à Dianæ sacris reiectos fuisse testatur Euripides in Iphigeniâ Tauricâ. Pythagoram se ipsum à funere reversum, tanquam pollutum purgare solitum, refert Diogenes Laertius in ejus vitâ. Nonnisi post diem à pollutione funebri trigesimum aditus ad templum et sacra Ethnicis interdum concedebatur, teste Luciano, lib. de Deâ Syriâ. Gentiles funus persecuti redeuntes ignem supergrediebantur, aquâ aspersi, ubi observat Festus verbo, *Aqua*. Funebrem immunditiam abstergi aquâ lustrali, ritu singulari confectâ, ex cineribus scilicet vaccæ rufæ, Deo immolate, lex præcepit, Numer. 19: *Vaccam rufam*, seu juvenecam integræ ætatis, ut habet Vulgata nostra, *perfectam*, ut habet Hebræus textus, *absque maculâ*, jugum nondum expertam, tradi Eleazaro sacerdoti Deus jubet. 2° Ipsam eductam extra castra ab illo immolari in conspectu omnium. 3° Ut intincto in illius victimæ sanguine digito, *aspergat contra fores tabernaculi septem vicibus*. 4° Ut *comburat eam cunctis videntibus*, et totam quanta est cremari curet. 5° Ut cum ipsâ juvenecâ rufâ *lignum cedrinum, hyssopum, coccumque bis tinctum* sacerdos mitat in ignem, quo absumenda est. 6° Sacerdos, et qui piacularem illam victimam combusserit, immundi censentur usque ad vesperam, et aliâ aquâ corpus ac vestimenta ablueri jubentur, ut immunditiam eluant. 7° *Vir mundus* eligitur qui vaccæ cineres extra castra in loco mundo effundat: quâ actione et ille immunditiam contrahit, ad vesperam usque, vestimentorum ablutione abstergendam. 8° Deus vaccæ rufæ cineres cum aquis vivis misceri jubet, ut fiat aqua lustralis ad pollutionem funebrem expiandam. 9° Præcepit ut homines immunditiæ funebri inquinati, die tertio et septimo aspergillo hyssopi illis aquis tincto ab homine mundo aspergantur, necnon tentoria, vasa, vestimenta, et similia mortuo contaminata. 10° Die septimo expiati ad vesperam usque immundi remanebant, lotisque corpore et vestibus, sacrorum communioni, hominumque consortio restituebantur. *Si quis hoc ritu non fuerit expiatus*, inquit Deus, *peribit anima illius de medio Ecclesiæ; quia sanctuariam Domini polluit, et non est aquâ lustrationis aspersus. Erit hoc præceptum legitimum sempiternum.* 12° Qui aquas illas aspergit, immundus censetur, et vestimenta sua aquâ purâ ablueri tenetur. 13° Quisquis aquas expiationis tetigerit, immundus ad vesperam usque habetur. Singulas hujus ritus partes ac circumstantias lex præscribit, Numerorum 19.

Vaccam immolari Deus jussit, primò ut Ægyptiorum superstitionem sugillaret, qui vacas utpote Isidi

sacras, honore religioso prosequerantur, easque immolari nefas ducebant, ut referunt Herodotus, libro 2, cap. 41, et Porphyrius, lib. 2 de Abstinentiâ, cap. 11. Secundò, quòd victima piacularis esset pro peccato cultus vaccarum, quo se olim Israelitæ in Ægypto contaminaverant. Victima autem pro graviore peccato oblata, vilioris fuit speciei ac sexus, ut observat Maimonides in More Nevochim, part. 3, p. 486.

Cur vacca rufa potior esse debuerit, quàm alterius coloris, ne ipsi quidem Salomoni perspectum fuisse aiunt Hebræorum magistri. Marshamus in Canone Chronico, lib. 9, p. 213, et Spencerus, lib. 2 de Legibus ritualibus Hebræorum, cap. 15, sect. 2, ex Ægyptiorum more huius rei rationem petunt. Ægyptii nimirum in Typhonis sacris boves rufos immolabant, quòd Typhon rufi coloris fuisset. Ita refert Diodorus Siculus, libro 1 Historiæ. « Tauros equidem sacros, inquit, majori in honore quàm ceteros deos habent Ægyptii.... boves autem rufos immolare fas est, quòd hunc colorem habuisse Typhon videtur, qui per insidias Osirin oppressit. » Idem testatur Plutarchus in Iside : « Ægyptii, inquit, Typhonem colore rufo fuisse existimantes, bovum quoque nonnisi rufos immolant, tum accuratam adhibentes observationem, ut si bos vel unum capillum album aut nigrum habeat, non immolandum censeant. » Deus itaque Israelitis Ægyptiorum moribus assuetis immolationem vaccæ rufæ permisit. Hæc illius ritus origo, inquit Marshamus. Vel, ut ait Spencerus, Deus bovem integrè rufum immolari voluit, ut diabolum injuriatum ageret, eamque victimam, quam ipse quasi propriam accepisset, Deus sibi metipsi vindicaret : vel, ut bovem, etiamsi rufus esset, se eodem quo et alia sacrificia loco, et pretio habere significaret : vel, ut Israelitæ bovem rufum olim Typhoni devotum, Deo consecrantes, se et omnia sua soli vero Deo vovere, clarè testarentur.

Verùm inanes sunt istæ conjecturæ. Primò enim Typhonis sacra, moremque illum boves nonnisi rufos immolandi, Mose antiquiora fuisse apud Ægyptios, nec ex Diodoro Siculo nec ex Plutarcho colligi potest, qui Ægyptiorum duntaxat caeremonias referunt, sed ad primam illarum originem non ascendunt : neque tam reconditæ vetustatis idonei testes esse possunt. Sanè Typhonem ipsum esse Moysen personatum dudum à viris eruditis demonstratum est. Præterea, etsi constaret Ægyptios ab omni retrò antiquitate nonnisi rufos boves immolasse, consequens non est Mosaicum vaccæ rufæ ritum inde accedendum esse. Tertiò, si, ad sugillandum Ægyptiorum superstitionem boves rufos immolandum, vaccæ rufæ sacrificium Deus instituit, cur in hoc duntaxat sacrificio rufi coloris rationem habuit, et nusquam in aliis sacrificiis boves rufos immolari præcepit? Quartò, falsum est quòd permittente tantum, non jubente Deo (ut asserit Marshamus) Israelitæ vaccam rufam Deo in piaculari sacrificium obtulerint. Erroris convincitur hæc sententia ex Scripturæ verbis, Numerorum 19, 1, 2, 21: *Locutusque est Dominus ad Moysen et Aaron, dicens : Ista est*

religio victimæ quam constituit Dominus. Præcipe filiis Israel ut adducant ad te vaccam rufam..... Erit hoc præceptum legitimum sempiternum. Quintò, Ægyptii boves rufos immolabant, non quòd pretiosiores eos, aut diis suis gratiores existimarent, sed in odium et execrationem Typhonis : at vaccam rufam Israelitæ immolabant, quia Deo gratum hujusmodi sacrificium, utpote ab ipso præceptum, crediderunt. Sextò, vaccam illam piaculari, umbram fuisse, et figuram Christi, totumque illum ritum spiritalis nostræ per Christum purificationis typum fuisse, docet Apostolus, Epistolæ ad Hebræos 9, 13 : *Si enim sanguis hircorum et taurorum, et cinis vitulæ aspersus, inquinatos sanctificat ad emundationem carnis : quanto magis sanguis Christi, qui per Spiritum Sanctum semetipsum obtulit immaculatum Deo, emundabit conscientiam nostram ab operibus mortuis, ad serviendum Deo viventi?* Vacca scilicet Christi typus fuit ratione fecunditatis et lactis, sive nutrimenti. Rufus vaccæ color significabat sanguinem Christi, in horto Gethsemani, in prætorio Pilati, in cruce ad nostrorum criminum expiationem effusi, et quo totus ipse tinctus est. Designabat etiam hostium nominis ipsius sanguinem, quo vestes ipsius madefactæ et consperse sunt, Isaie 63 : *Quis est iste qui venit de Edom, tinctis vestibus de Bosrà? Iste formosus in stolâ suâ, gradiens in multitudine fortitudinis suæ. Ego qui loquor justitiam, et propugnator sum ad salvandum. Quare ergo rubrum est indumentum tuum, et vestimenta tua sicut calcantium in torculari? Torcular calcavi solus : et de gentibus non est vir mecum. Calcavi eos in furore meo, et conculcavi eos in irâ meâ. Et aspersus est sanguis eorum super vestimenta, et omnia indumenta meâ inquinavi; Apocalypsis 19, 13: Et vestitus erat veste aspersâ sanguinè : et vocatur nomen ejus Verbum Dei.* Denique rufus vaccæ piacularis color significat suspensionem nostrorum peccatorum à Christo ceu fidejussore nostro. Illa enim rubere dicunt ut coccinum, Isaie 1, 18 : *Si fuerint peccata vestra ut coccinum, quasi nix dealbabuntur. Et si fuerint rubra quasi vermiculus, velut lana alba erunt.*

Vaccæ rufæ sacrificium typum Christi fuisse, docet S. Augustinus, quæstione 33 in Numeros. « De juvenca rufâ, inquit, cinerem ad aquam adpersioniis, eorumque mundationem qui mortuum tetigerint proficere, lex mundavit, nec tacere permittitur; evidentissimum enim signum in eâ novi Testamenti præfiguratur : nec satis dignè festinantes dicere de tanto sacramento valemus..... Juvenca rufa carnem Christi significat. Sexus femineus est propter infirmitatem carnalem; rufa est propter ipsam eruentem passionem. Sine vitio dicitur hæc juvenca..... Erat quippe illa caro in similitudine carnis peccati, sed non caro peccati. Dicitur injugis; Caro enim Christi non est subjugata iniquitati, cui subjugatos inveniens liberavit, et eorum vincula dirupit. Super illius quippe carnem non est positum jugum, qui potestatem habuit ponendi animam suam, et iterum sumendi eam. Ad Eleazarum sacerdotem, non ad Aaron pontificem adduci jussa est, quo præfiguratum

et. non ad tempus quod tunc erat, sed ad posterum
 et hujus sacerdoti passionem Domini perventuram.
 et Ejus jubetur extra castra : sic et ejectus est Dominus
 et passurus extra civitatem in locum mundum : quia
 et Christus non habuit causam malam. Occidi jubetur
 et in conspectu omnium : sicut occisa est caro Christi in
 et conspectu eorum qui jam futuri erant in novo Testa-
 mento Domini sacerdotes. Aspersio septuplex sangui-
 nis ipsius contra fores Tabernaculi, testificatio est,
 et Christum secundum Scripturas fuisse sanguinem
 et in remissionem peccatorum. Ideo contra faciem Ta-
 bernaculi testimonii, quia non aliter declaratum est,
 et quam fuerat divino testimonio pronuntiatur. Et
 et ideo septies, quia ipse numerus ad mundationem
 et pertinet spiritalem. Victimæ concrenatio in conspectu
 et sacerdotis ad signum pertinet resurrectionis. Natura
 et est quippe ignis, ut in superna moveatur, et in eum
 et convertitur quod concrenatur. Additum est in con-
 spectu ejus, id est, sacerdotis : quia illis apparuit
 et resurrectio Christi, qui futuri erant regale sacerdo-
 et tium. Pelle ejus, carnes, sanguinem et finem, flam-
 et ma simul lex tradi jubet : quod non solum substantia
 et mortalis corporis Christi, nomine pellis, cornium et
 et sanguis significata, verum etiam contumelia et ab-
 et jectio plebis, per finem adumbrata, converteretur in
 et gloriam, quam combustionis flamma significat. »

Sacerdos lignum cedrinum, hyssopum et coccinum
 in ignem mittebat cum victimâ. et Lignum cedrinum
 et spes est quæ debet in supernis firmiter habitare.
 et Hyssopus fides, quæ, cum sit herba humilis, radici-
 bus hæret in petrâ. Coccinum charitas, quod fervo-
 rem spiritûs igneo colore testatur. Hæc tria debe-
 mus mittere in resurrectionem Christi tanquam in
 et medium combustionis illius, ut cum illo sit abseon-
 et dita vita nostra, sicut dicit Apostolus : *Et vita no-*
stra abscondita est cum Christo in Deo. Coloss. 38.
 et Vestimenta sui, et corpus ablueri Sacerdos jubetur.
 et Lavatio vestimentorum et corporis quid est, nisi
 et mundatio exteriorum et interiorum ? *Homo mundus*
 et colligere debebat cineres juvenæ in locum mundum
 et extra castra, Ps. 36, 37. Quid dicimus cinerem ju-
 et venæ, et reliquias videlicet illius interfectionis et
 et combustionis, nisi famam quæ consecuta est passio-
 et nem resurrectionemque Christi ? Quoniam sunt reli-
 et quæ homini pacifico. Nam et cinis erat, quia velut
 et mortuus ab infidelibus contemnebatur : et tamen
 et mundabat quia et resurrexisse à fidelibus credeba-
 et tur. Et quia hæc fama apud eos maxime claruit, qui
 et in cæteris gentibus erant et non erant de consorcio
 et Judæorum, ideo dictum existimo : *Et congregabit*
 et *homo mundus cinerem juvenæ* : mundus utique ab
 et interfectione Christi, quæ Judæos fecerat reos. Et
 et reponet in locum mundum : id est, honorabiliter tra-
 et clabit : tamen extra castra : quia extra celebrationem
 et Judaicæ consuetudinis honor Evangelicis claruit.
 et Ex cinere illo fiebat aqua aspersionis, unde munda-
 et bantur à contactu mortuorum : quod utique significat
 et ab iniquitate hujus moribundæ vel mortificæ vite.
 et Qui cinerem juvenæ congregaverat censēbatur im-

et mundus : quia et illi qui sibi videntur mundi in fide
 et christianâ se agnoscant, quia omnes peccaverunt,
 et et erant gloriâ Dei, iustificati gratis per sanguinem
 et ipsius. Hunc tamen vestimenti sui lavare dicit non
 et etiam corpus suum, quod alius cineris con-
 et tione et repositione in loco mundo, s. h. c. spirit. l.
 et ter intelligatur, jam intrinsecus vult intelligi fuisse
 et mundatum. Sicut Cornelius audiens et credens
 et quod predicaverat Petrus, ita mundatus est, et et
 et ante visibilem Baptismum cum suis qui aderant, ac-
 et cipere donum Spiritus Sancti : verumtamen nec vi-
 et sibile sacramentum contineri potuit, ut ablutus
 et etiam intrinsecus lavaret quodammodo vestimenta
 et sua. *Sancitur* legitimum æternum futurum filiis Israël
 et et proselytis : quo ostenditur Baptismum Christi,
 et quem significabat aqua ad-persionis, et Judæis et
 et gentibus profuturum. *De singulis quibusque post*
 et *ablationem dicitur*, et immundus erit usque ad ve-
 et speram : quia omnis homo, post remissionem plenis-
 et simam peccatorum, permanendo in hac vitâ contra-
 et hit aliquid mali : sit immundus usque ad ejusdem vite
 et finem, ubi ei dies iste quodammodo clauditur, quod
 et significat vespere. De vacca rufæ sacrificio idem
 sensit Theodoretus, questione 55 in Numeros.
 et Hanc quidem, inquit, offerri pro peccato populi lege
 et præcepit : præfigurat autem salutarem passionem,
 et quæ totius mundi peccatum abstulit. Sed vaccam
 et rufam offerri præcipit, ut corpus terrenum præno-
 et tet, quia nomen Ade terram rubram significat, ex
 et quâ corpus ipsius formatum est. Quod autem vacca
 et maculâ carebat, expertem peccati Christum Domi-
 et num innuit. Quod vacca jugum subiisse non debet,
 et Christi libertatem subdicat : jugum enim denotat
 et servitutem. At Dominus, cum ab eo postularetur di-
 et drachmum, dixit, Matth. 17: *Ergo liberi sunt filii.* Quod
 et verò vacca mactatur extra castra, passionem Salvato-
 et ris extra portam peractam indicat. Sed hæc manife-
 et stiùs docet divinus quoque Apostolus in Epistolâ ad
 et Hebræos. Totam porò vaccam unâ cum pelle et re-
 et liquis cremari mandavit : quia Christi Domini omnia
 et erant munda. Lignum cedrinum crucis erat figura.
 et Sicut enim illud immune à corruptelâ, ita lignum
 et crucis vivificat. Coccinum autem typus erat sangui-
 et nis Domini. Hyssopus etiam aderat, quia calor vi-
 et vificens dissolvit frigiditatem mortis. Eum tamen qui
 et cremavit vaccam impurum esse dicit usque ad ve-
 et speram, ad eos denotandos qui Christum cruci-
 et fixerunt Dominum. Atque hujusmodi cinere aquâ
 et permixto circumspergi præcepit eos qui appropin-
 et quassent mortuo, aut qui ejus ossa attigissent, aut
 et aliquo id genus alio essent polluti. *Et homo*, inquit,
 et *qui non fuerit purificatus*, peribit anima illa de medio
 et Synagoge, quia expiationis aquâ non fuerit lustratus.
 et Ita Dominus in sacris Evangeliiis ait, Joan. 5, 6 :
 et *Nisi quis renatus fuerit ex aquâ et Spiritu Sancto*, non
 et ingreditur regnum cælorum. »

Questione sequenti rationem reddit Theodoretus,
 cur tam cum qui aspergit, quam aspersum lex im-
 muudum usque vespere esse dicit. et Quoniam, in-

« quit, impurus erat ex lege, qui tangeb atos defuncti.
 « Igitur purificatio convenit veritati, quia per Christum
 « est purgatio; impurum autem esse legi : lex verò
 « gratiam præfigurabat. Hi porrò erant immundi us-
 « que ad vespem, id est, usque ad finem legis. Nam
 « diluculo similis est adventus Domini. *Sedentibus*
 « *enim in tenebris et in umbrâ mortis, lux orta est eis,*
 « sicut ait Isaias propheta. Et alibi dixit Deus : *Ti-*
 « *mentibus me oriatur sol justitiæ, et sanctitas in alis*
 « *ejus,* Malach. 4. Et rursus : *Ecce vir Oriens nomen*
 « *illi,* Zachar. 6. »

Ritum vaccæ rufæ explicat S. Thomas, rationesque illius litterales primùm, deinde mysticas affert, primâ secundâ, questione 102, art. 5, ad quintum. « Duplex, inquit, erat immunditia in lege. Una quidem per aliquam corruptionem mentis vel corporis : et hæc etiam immunditia major erat. Alia verò erat immunditia ex solo contactu rei immundæ : et hæc minor erat, et faciliori ritu expiatur, nam immunditia prima expiatur per sacrificia pro peccato (quia omnis corruptio procedit ex peccato, et peccatum significat) ; sed secunda immunditia expiatur per solam aspersionem aquæ cuiusdam : de quâ quidem aquâ expiationis habetur Numer. 29. Mandatur enim ibi à Domino quòd accipiant vaccam rufam in memoriam peccati, quod commiserunt in adoratione vituli. Et dicitur vacca magis quàm vitulus ; quia sic Dominus Synagogam vocare consuevit, secundum illud Osee 5 : *Sicut vacca lasciviens declinavit Israel.* Et hoc fortè ideò, quia vaccas in more Ægypti coluerunt, secundum illud Osee 10 : *Vaccas Bethaven coluerunt.* Et in detestationem peccati idololatriæ immolabatur extra castra : et, ubicumque sacrificium fiebat pro expiatione multitudinis peccatorum, cremabatur extra castra totum. Et ut significaretur per hoc sacrificium emundari populus ab universitate peccatorum, intingebat sacerdos digitum in sanguine ejus, et aspergebat contra fores sanctuarii septem vicibus : quia septenarius numerus universitatem significat. Et ipsa etiam aspersio sanguinis pertinebat ad detestationem idololatriæ, in quâ sanguis immolatus non effundebatur, sed congregabatur, et circa ipsum homines comedebant in honorem idolorum. Comburebatur autem igne : vel quia Deus Moysi in igne apparuit, et in igne data est lex : vel quia per hoc significabatur quòd idololatria totaliter erat extirpanda, et omne quod ad idololatriam pertinebat : sicut vacca cremabatur cum pelle et carnibus, sanguine et fimo flammæ traditis. Adjungebatur etiam in combustionem lignum cedrinum, hyssopus, coccusque bis tinctus, ad significandum quòd sicut ligna cedrina non de facili putrescunt, et coccus bis tinctus non emittit colorem, et hyssopus retinet etiam odorem, postquàm fuerit desiccatus, ita etiam hoc sacrificium erat in consecrationem ipsius populi, et honestatis et devotionis ipsius : unde dicitur de cineribus vaccæ : *Ut sint multitudini filiorum Israel in custodiam* : vel, secundum Josephum, quatuor ele-

« menta significata sunt (igni enim apponebatur ce-
 « drus significans terram propter sui terrestreitatem ;
 « hyssopus significans aerem, propter odorem, coccus
 « significans aquam eadem ratione quâ etiam purpurâ,
 « propter tincturas quæ ex aquis sumuntur), ut per
 « hoc exprimeretur quòd illud sacrificium offerebatur
 « Creatori quatuor elementorum. Et quia hujusmodi
 « sacrificium offerebatur pro peccato idololatriæ, in
 « ejus detestationem, et comburens, et cineres colli-
 « gens, et ille qui aspergit aquas in quibus cinis po-
 « nebatur, immundi reputabantur : ut per hoc osten-
 « deretur quòd quicquid quocumque modo ad idolola-
 « triam pertinet, quasi immundum esse abjiciendum.
 « Ab hac autem immunditiâ purificabantur per solam
 « vestimentorum ablutionem. Nec indigebant aquâ as-
 « pergi propter hujusmodi immunditiam : quia sic es-
 « set processus in infinitum ; ille enim qui aspergebat
 « aquam immundus fiebat : et sic si ipse seipsum as-
 « pergeret, immundus remaneret. Si autem alius eum
 « aspergeret, ille immundus esset : et similiter ille qui
 « illum aspergeret, et sic in infinitum.

« Figuralis autem ratio hujus sacrificii est : quia
 « per vaccam rufam significatur Christus secundum in-
 « firmitatem assumptam, quam femineus sexus desi-
 « gnat : sanguinem autem passionis ejus designat
 « vaccæ color. Erat autem vacca rufa ætatis integra,
 « quia omnis operatio Christi est perfecta, in quâ
 « nulla erat macula, nec portavit jugum peccati. Præ-
 « cipitur autem adduci ad Moysen ; quia imputabant
 « ei transgressionem legis Mosaicæ in violatione Sab-
 « bati. Præcipitur autem tradi Eleazaro sacerdoti :
 « quia Christus occidendus in manus sacerdotum tra-
 « ditus est. Immolatur autem extra castra, quia extra
 « portam Christus passus est. Intingit autem sacerdos
 « digitum in sanguine ejus ; quia per discretionem,
 « quam digitus significat, mysterium passionis Christi
 « est considerandum et imitandum. Aspergit autem
 « contra tabernaculum (per quod synagoga designatur)
 « vel ad condemnationem Judæorum non credentium,
 « vel ad purificationem credentium. Et hoc septem
 « vicibus, vel propter septem dona Spiritûs Sancti,
 « vel propter septem dies in quibus omne tempus in-
 « telligitur. Sunt autem omnia quæ ad Christi incar-
 « nationem pertinent, igne cremanda, id est, spiri-
 « tualiter intelligenda. Nam per pellem et carnem
 « exterior Christi operatio significatur : per sangui-
 « nem subtilis et interna virtus exteriora facta verifi-
 « cans : per fimum lassitudo, sitis et omnia hujusmodi
 « ad infirmitatem pertinentia. Adduntur autem tria,
 « scilicet cedrus, quod significat altitudinem spei vel
 « contemplationis ; hyssopus, quod significat humili-
 « tatem vel fidem ; coccus bis tinctus, quod significat
 « geminam charitatem : per hæc enim debemus Christo
 « passo adherere. Iste autem cinis combustionis colli-
 « gitur à viro mundo : quia reliquæ Passionis per-
 « venerunt ad gentiles, qui non fuerunt culpabiles in
 « Christi morte. Apponuntur autem cineres in aquâ
 « ad expiandum : quia ex passione Christi baptismus
 « sortitur virtutem emundandi peccata. Sacerdos qui

immolabat vaccam, et ille qui comburebat, et qui colligebat cineres, immundus erat, et etiam qui aspergebat aquam : vel quia Judæi sunt facti immundi ex occisione Christi, per quam nostra peccata expiantur : et hoc usque ad vesperum, id est, usque ad finem mundi, quando reliquæ Israel convertentur ; vel quia illi qui tractant sancta, intendentes ad emundationem aliorum, ipsi etiam antiquas immunditias contrahunt, ut Gregorius dicit in Pastorali, et hoc usque ad vesperam, id est, usque ad finem præsentis vite. Conferatur illa S. Thomæ explicatio cum eâ quam tradit Guillelmus Parisiensis, libro de Legibus, cap. 10.

VIII. Octava immunditiei species erat immundities contactûs, quam contrahebat omnis qui personam vel rem immundam, nolens licet ac fortuito, contigisset, Numer. 19, 22 : *Quicquid tetigerit immundus, immundum faciet : et anima quæ horum quippiam tetigerit, immunda erit usque ad vesperam.* Hæc verò immunditiæ lotione solâ vel aspersione abstergebantur.

IX. Non personarum tantum, sed et rerum immunditiam observari sanxit lex Mosaica. Lecta enim, stragula, vasa, furni, aliaque omnia humanis usibus accommodata, menstruate, seminiflui, leprosi, mortui, reptilis contactu pollutionem quamdam contrahebant, et in ipsos homines diffundebant, Levitici 15, 4, 5, 6, 9, 10, 21, 22, 23, 26 ; Levitici 11, 29, 30 et seq. : *Hæc quoque inter polluta reputabantur de his quæ moventur in terrâ, mustela, et mus, et crocodilus, singula juxta genus suum, mygale, et chamælon, et stellio, et lacerta, et talpa : omnia hæc immunda sunt. Qui tetigerit morticina eorum, immundus erit usque ad vesperam ; et super quod ceciderit quidquam de morticinis eorum polluetur, tam vas ligneum, et vestimentum, quam pelles, et cilicia, et in quocumque sit opus, tingentur aqua et polluta erunt usque ad vesperam, et sic postea mundabuntur : vas autem fictile, in quod horum quicquam intrò ceciderit, polluetur, et idcirco frangendum est. Omnis cibus, quem comedetis, si fusa fuerit super eum aqua, immundus erit : et omne liquens quod bibitur de universo vase, immundum erit. Et quicquid de morticinis hujusmodi ceciderit super illud, immundum erit : sive clibanî, sive chytropodes, destruentur, et immundi erunt.* Lepreæ contagio non solum hominibus, sed etiam vestimentis et domibus adhærebat : quæ quidem in iis analogica tantum lepra fuit. Vestimenta leprâ perseveranti contaminata igne comburi lex jubet, Levit. 13, 52, 57. Domus leprâ infecta septem diebus claudabatur mandato sacerdotis. Qui die septimo reversus, si lepram crevisse inveniret, jubebat erui lapides leprâ inquinatos, et projici eos extra civitatem in locum immundum : domum autem ipsam radi intrinsicè per circuitum, et spargi pulverem rasuræ extra urbem, in locum immundum, lapidesque alios reponi, alioque cemento liniri domum. Si lepra nihilominus rediisset, domus dirui debuit, et lapides ejus, ligna pulvisque universus extra oppidum in locum immundum projici. Si lepra perseverans non esset, litis denuò parietibus domus purificabatur à sacerdote, hoc ritu : sumebat sacerdos

duos passeres, lignumque cedrinum, et vermiculum, atque hyssopum : et immolato uno passere in vase fictili super aquas vivas, aspergillum ex ligno cedrino et hyssopo compositum, cui alligatus erat funiculo coequeo passer vivus, tingebat in sanguine passeris immolati, aquis viventibus commixti, domumque septies aspergebat. Tum dimisso passere vivo, orabat pro domo, quæ hoc ritu mundabatur, Levitici 14.

X. Legales illæ immunditiæ institutæ sunt ad mores Israelitarum informandos, ad idololatricas occasiones omnes removendas, ad reverentiam sanctuario conciliandam, ad jugem Dei memoriam conservandam, ad significandam immunditiam peccati, fœditatem libidinis, prævæ societatis contagium, occasionum proximarum pericula.

Veteres de his disserentes audiamus. Ad Israelitarum mores informandos, et jugem Dei memoriam conservandam leges illas omnes pertinere Tertullianus diserte asserit, lib. 2 adversus Marcionem, cap. 19 : *Sed et in ipsis commerciis vitæ, inquit, et conversationis humanæ domi ac foris, ad usque curam vasculorum omnifariam distinxit, ut istis legalibus disciplinis occurrentibus undique ne ullo momento vacarent à Dei respectu. Quid enim faceret beatum hominem, quam in lege Domini voluntas ejus? Et in lege Domini meditabitur die ac nocte. Quam legem non duritia promulgavit auctoris, sed ratio summæ benignitatis, populi potius duritiam edomantis, et rudem obsequio fidem operosis officiis dedolantis ; ut nihil de arcanis attingam significantis legis, spiritalis scilicet et propheticæ, et in omnibus penè argumentis figuratæ. Sufficit enim in præsentî, si simpliciter hominem Deo obligabat, ut nemo eam reprobare debeat, nisi cui non placet Deo servire.*

XI. Theodoretus, quæstione 14 in Leviticum, legem de immunditiâ puerperæ latam explicans, ait eam ad mulierum quietem procurandam, et virorum incontinentiam refrenandam, latam esse : *Lex, inquit, impuritatis mentione appetitionem extinguit.*

Quæstione 15, de contagione lepræ sermonem faciens, legemque de leprâ latam exponens, ait : *Per affectiones corporeas indicat morbos animæ : et per ea quæ non spontè committuntur arguit spontanea. Si enim naturalia quodammodò videntur esse impura, multò magis ea quæ manant à voluntate. Porro varias lepræ species edisserit, quia sunt etiam peccatorum discrimina : lepræ quædam est origo, quoniam et origo peccati. Quemadmodum itaque sacerdos lepram discernit, ita peccatorum animæ judicem ipsum esse oportet. Leprosus autem dicitur quod varietatem habet coloris : sic animam occupans vitium leprosam ipsam efficit. Leprosus autem nudato capite, et dissutis vestibus lex esse jubet, ut notus sit, et ne fiant impuritatis participes qui accedunt ad illum. Ita de peccantibus Apostolus dixit : Subducite vos ab omni fratre inordinatè ambulante, et non secundum traditionem quam accepistis à nobis. Et si is qui frater nominatur, aut fornicator, aut avarus, aut*

« idololatra sit, aut ebriosus, aut maledicus, aut rapax, cum hujusmodi non edite. »

Cur autem et vestibus et domibus lepra tempore Mosaicæ legis adhæreret, deque illarum pollutione et purificatione lex à Deo lata sit, rationem reddit Theodoretus, quæstione 18. Id scilicet ad illorum, nostramque institutionem factum docet : « Complures illis Deus tales præbuit instructiones. Nam et de leprosis domibus sic ait : Cum ingressi fueritis in terram Chanæeorum, quam ego do vobis, dabo etiam tactum lepræ in domibus terræ possessæ à vobis, etc. Ex his autem docet plagas fuisse à Deo missas interdum in vestimenta, interdum in domos : quæ quidem inenarrabilem Dei benevolentiam demonstrant. Dùm enim peccarent homines, vestimentis aut domibus plagas infligebat, hoc pacto sanitatem conferens possessoribus illarum. Cæterum domui leprosæ similis est domus Israel; de quâ qui peccaverant, tanquàm infecti leprâ lapides sublâti sunt, aliquando per Assyrios, aliquando per Babylonios, interdum per Mædones. Et quia adhærenti leprâ laborabant, illorum domum dirui funditus jussit legislator. Impuri sunt ergo qui introeunt in Synagogas illorum, quasi leprosam in domum ingrediantur. »

Quæstione 20, de hominis seminis fluxu laborantis immunditiâ disserens, ait : legem per naturalia nos instruere de vitiis animi, et ex illis docere quàm sint atrocia. Nam si fluxus naturalis impurus est, multò magis contraria legi lascivia. De immunditiâ concubitûs conjugalis ait Deum hæc lege docere moderationem in usu matrimonii et jubere. « Ut liberorum procreandorum causâ, non voluptatis gratiâ hujusmodi copulatio fiat. Hanc ob rem eos qui permiscerentur impuros appellat, et purgari præcipit, ut assiduitatem congregandi cohibeat purificationis occupatio. »

Quæstione 21, de immunditiâ menstruatae agens ait legem de hujusmodi immunditiâ latam : « Ne quis cum talibus commisceatur. Ferunt enim quidam congressu gigni tabem et lepram, hæc superfluitate lactente formata corpora; propterea dicit illum immundum qui talem mulierem attigerit. Paucis autem harum legum causas patefecit, dùm ait : Et abstinentes facietis filios Israel, et non moriuntur propter immunditiam suam, cum polluerint tabernaculum meum, quod est inter eos, Levit. 15, 31. Quod si quæ non sponte committuntur asserit pollueri, patet quia multò magis detestanda sunt voluntaria. Et hæc quidem valde congruebant illis, utpote maxime lascivis et nequiter libidinosi. Nam quod leve erat, dùm prætermittitur, observatum paratior effiebat ad potiora. »

Quæstione 7, agens de immunditiâ contactus, quæ Israelitas prohibebat ne carnibus victimarum Deo immolatarum vescerentur, ait : « Per hæc levitia graviores curat affectiones. Si enim legem naturalia poluunt, multo magis ea quæ procedunt à voluntate, quæ propriè dicuntur contra legem facta. »

Quæstione tandem 12, agens de immunditiâ rerum :

« Discimus, inquit, quantum malum sit peccatum, cum veram immunditiam illud conciliet. »

XII. Guillelmus Parisiensis, lib. de Legibus, cap. 6, Deum legem de mulieris menstruatae immunditiâ tulisse ait, secundum quosdam, ut Zabiorum, id est, idololatrarum ex Oriente antiquiorum, superstitioni modum et mensuram imponeret, populumque suum ab eorum moribus paulatim abduceret : « Mulier, inquit, menstruata immunda reputata est secundum quosdam, ex consuetudine et lege gentis Zabiorum, quæ adeò eas execrebatur tempore menstruorum, ut nonnisi igne purgari posse eas crederet. Et propter hoc comburebantur vestimenta earum, et omne quod telligissent tempore menstruali. Quia verò ritus iste ita inoleverat in Ægypto, et in terrâ promissionis, non potuit ab eo averti ex toto populus Judæorum. Et ideò legislator fecit super hoc quod in gente tam dura cervicis fieri potuit, mutans ritum simul et mitigans, quem radicitus extirpare nequivit. » Confirmatur ex Maimonide in More Nevochim, pag. 3, cap. 74 : « Consuevit, inquit, et usitato more receptum erat apud Zabios in partibus Orientis, ut mulier menstruo laborans, separatim sit in domo aliqua; ut loca in quibus ambulavit, comburantur; et quisquis cum eâ locutus fuerit pro polluto habeatur, quinmò si ventus idem transeat super menstruatam, et mundum aliquem, ut pro polluto habeatur. » Alteram legis hujus rationem asserit Guillelmus Parisiensis, idololatriæ extirpationem. « Non est autem dubitandum, inquit, quin idololatriæ quâ luna colebatur, per istam immunditiam multum detractum sit : cum fluxus menstruorum lunæ cursui deputaretur, et ita hæc immunditiam referrent in lunam. Et propter hoc addiscerent eam non esse colendam, cujus opere pollutio esset et immunditia. Potuit autem esse, ut mulieres menstruatae cæteris mulieribus audaciùs se lunæ cæremoniis immiscerent, reputantes se eo ipso sacris hujusmodi digniores, quòd in ipsis luna eo tempore manifestius operaretur. Potuit etiam esse (et hoc credimus ex eis quæ de idololatria legimus) quòd mulier menstruata aliquando ei immolata sit, et quia sanguis menstruus crebrò in ejus sacrificiis offerretur. Coli enim à mulieribus multà aviditate solebat luna, sicut legitur Jeremiæ 7 : *Mulieres aspergunt adipem ut faciant placentas reginæ cæli*; reginam cæli credebant lunam. Hæc igitur est una causa propter quam eas immundas judicavit lex. Secunda causa fuit, ut abstinerent viri à commixtione earum diebus illis tum propter factum, ne corrumpetur, et occasio daretur venenositate sanguinis illius, et ne ex eâ fedditate fierent abominabiles viris. Tertia causa fuit ipse menstruus sanguis, de quo multa monstifica faciebant malefici. Quarta, honor et reverentia Tabernaculi, in quo posset mulieribus fluxus contingere, si ad id eo tempore admitteretur; quâ iniquatione nulla abominabilior fieri poterat Tabernaculo. Quinta, horror sanguinis, quem in mentem semper ingerere volebat Dominus filiis Israel in detestationum idololatriæ. Sexta causa, contagium et

corruptela menstrui sanguinis, quæ tantæ infectionis est, ut etiam in speculo, in quo tempore illo mulier faciem inspexerit, forulentia suæ manifestum indicium imprimat. Manifestum igitur est quia et saluti animarum, et saluti corporum, et saluti partium seu forum, et ipsi sacramento matrimonii consultum est per legem, quia menstruata immunda sunt usque in tempus purgationis. »

Aharum immunditiarum pollutionumque legalium causas explicare pergit Parisiensis episcopus. « Leprosus, inquit, iudicatus est immundus, et propter forulentiam morbi, etiam propter ejus contagium, et propter honorem castrorum atque Tabernaculi, in quo potissimum intelligimus honorem Dei. Seminus flous vero propter ipsam spurcitiam fluxus, et propter abominationem idololatriæ venerat, in qua semen ipsum humane generationis miscebatur sacrificiis; et propter honorem castrorum, et etiam Tabernaculi. Horruit etiam lex, et horrii voluit fluxum humani seminis alibi quam in opere humane generationis, et hoc propter execrationem idololatriæ, et sodomiticas abominationes, quas omnino abolere et studiosissime extirpare ostendit. Voluit et honorem haberi Tabernaculo et castris: propter quod non nisi loti aquâ, etiam sacerdotes, tabernaculum intrare debebant.

« Immunditiæ vero irregularitatis meræ, quæ requirebant purificationem, multiplices erant; et ad hanc pertinet immunditia vasorum, sicut vas fictile, in quod aliquod ex nominatis octo reptilibus cecidisset, aut quod aliquid de mortuis eorum tetigisset, et propter hoc frangendum, sicut legitur Levit. 11. Eodem modo et elabani..., in quo non aliud intelligi recte potest, nisi prohibitio appropinquationis ad idololatriam. Ideo enim quia prohibiti sunt filii Israel tangere hujusmodi animalia, vel morticina eorum, et prohibiti sunt necessariò immolare ea, vel concedere de immolatis. In hoc etiam quod immunda iudicata sunt immunditiæ quæ prohibebat accessum ad Dei tabernaculum, etiam tangentibus ea, præcisa est etiam eisdem omnis species emundationis, et appropinquationis ad Deum per illa, et, quod plus est, ostensa sunt causâ divinæ offensionis et indignationis, non quidem propter se, sed propter idololatriam quæ de iis fiebat. Juxta hunc modum erat vas, quod non habebat operturam, nec ligaturam, sicut legitur Numerorum 19. Quia vasa hujusmodi habere consueverant idololatriæ: et etiam causâ honestatis et munditiæ corporalis. Quoniam facilius custodiuntur munda, quæ habent operculum: et honestius tenentur atque contrectantur, quæ ligaturam habent de se ut anulam vel anulum. Poterat etiam esse, ut alienas ligaturas adhiherent idololatriæ vasis suis, non sine aliquâ contaminatione idololatriæ; et vasa volebant carere operculis, ut aliquibus servitiis idololatriæ magis præstò essent: et ut ipsa reptilia idolis immolanda in ea irroperent, sicut mures, mustellæ atque lacertæ, et in eis invenerentur: sic enim inventa magis accepta credebantur

esse diis, utpote electa ab eis. Restant autem adhuc aliqua reliquæ idololatriæ istius. Credunt enim nonnulli insipientes, quædam numina nocturna frequentare domos, et vasa, quæ discooperta inveniunt, postquam inde comederint vel biberint, denuo replere. Si autem cooperta vel clausa sive obstructa ea inveniunt, inde offendi, et ex hoc immutare infortunium domui.

Mortuos autem generaliter tam viros quam mulieres immundos esse voluit lex, ut elongaret populum Israel, et a ritu quem habebant fundandæ idololatriæ, et ab operibus maleficis ac necromanticis, quorum multa legimus; et propter hoc qui tangeret mortuum, immundus esset, sicut legitur, Num. 19. Illis adde collationem insignium illorum locorum ex quibus moralis legis istius sensus innotesceat. Ecclesiastici 34, 30: Qui baptizatur à mortuo, et iterum tangit eum, quid proficit lavatio illius? Et Matthæi 8, 20: Dimittite mortuos sepelire mortuos suos.

XIII. S. Thomas, primâ secundæ, questione 102, articulo 5, ad quartum, rationes litterales et typicæ legalium pollutionum exponit. « Istarum, inquit immunditiarum erat ratio litteralis et figuralis. Litteralis quidem, propter reverentiam eorum quæ ad divinum cultum pertinent: tum quia homines pretiosas res contingere non solent, cum fuerint immundi; tum etiam ut ex raro accessu ad sacra ea, magis venerarentur. Cum enim omnes hujusmodi immunditias rarò aliquis cavere possit, contingebat, quòd rarò homines poterant accedere ad contingendum ea quæ pertinebant ad divinum cultum, et sic quando accedebant, cum majori reverentiâ et humilitate mentis accedebant. Erat etiam in quibusdam horum ratio litteralis, ut homines non formidarent accedere ad divinum cultum quasi refugientes consortium leprosum, et similium infirmorum, quorum morbus abominabilis erat et contagiosus. In quibusdam etiam ratio erat ad evitandum idololatriæ cultum: quia gentiles in ritu sacrificiorum suorum utebantur quandoque et humano sanguine et semine. Omnes autem hujusmodi immunditiæ corporales purificabantur vel per solam aspersionem aquæ, vel, quæ majores erant, per aliquod sacrificium, ad expiandum peccatum, ex quo tales infirmitates contingebant. »

« Ratio autem figuralis harum immunditiarum fuit: quia per hujusmodi exteriores immunditias figurabantur diversa peccata. Nam immunditia cadaveris ejus, cumque significat immunditiam peccati, quod est mors anime. Immunditia autem lepræ significat immunditiam hereticæ doctrinæ: tum quia heretica doctrina contagiosa est, sicut et lepra: tum quia nulla etiam falsa est doctrina, quæ vera falsis non admisceat: sicut etiam in superficie corporis lepra apparet quedam distinctio quarundam macularum ab aliâ carne integrâ. Per immunditiam autem mulieris sanguinulæ, designatur immunditia idololatriæ, propter immolationem eroris. Per immunditiam verò viri seminiflui designatur immunditia va-

« nœ locutionis : eò quòd semen est verbum Dei. Per
 « immunditiam verò coitûs, et mulieris parientis, de-
 « signatur immunditia peccati originalis. Per immun-
 « ditiam verò mulieris menstruatæ, designatur immun-
 « ditia mentis per voluptates emollitæ. Universali-
 « ter verò per immunditiam contactûs rei immundæ
 « designatur immunditia consensûs in peccatum alte-
 « rius, secundum illud 2 ad Corinthios 6, 17 : *Exite de*
 « *medio eorum, et separamini, et immundum ne tetige-*
 « *ritis.* Hujusmodi autem immunditia contactûs deri-
 « vabatur etiam ad res inanimatas. Quicquid enim
 « quocumque modo tangebatur immundus, immundum
 « erat. In quo lex attenuavit superstitionem gentilium
 « qui non solum per contactum immundi dicebant im-
 « munditiam contrahi, sed etiam per collocutionem,
 « aut per aspectum, ut rabbi Moyses dicit de muliere
 « menstruatâ. Per hoc autem mysticè significabatur
 « id quod dicitur, Sapientiæ 14 : *Similiter odio sunt*
 « *Deo impius et impietas ejus.* Erat autem et immun-
 « ditia quædam ipsarum rerum inanimatarum secun-
 « dum se : sicut erat immunditia lepræ in domo et in
 « vestimentis. Sicut enim morbus lepræ accidit in ho-
 « minibus ex humore corrupto putrefaciente carnem
 « et corrumpente ; ita etiam propter aliquam corru-
 « ptionem et excessum humiditatis vel siccitatis fit
 « quandoque aliqua corrosio in lapidibus domûs, vel
 « etiam in vestimentis. Et ideò hanc corruptionem
 « vocabat lex lepram, ex quâ domus vel vestis immun-
 « da judicaretur : tum quia omnis corruptio ad im-
 « munditiam pertinebat ; tum etiam quia contra hu-
 « jusmodi corruptionem gentiles deos Penates cole-
 « bant : et ideò lex præcepit hujusmodi domos, in
 « quibus fuerit talis corruptio perseverans, destrui, et
 « vestes comburi, ad tollendam idololatriæ occasio-
 « nem. Erat etiam et quædam immunditia vasorum,
 « de quâ dicitur, Numerorum 19 : *Vas quod non ha-*
 « *buerit operculum et ligaturam desuper, immundum*
 « *erit.* Cujus immunditiæ causa est quia in talia vasa
 « de facili poterat aliquid immundum cadere, unde
 « poterant immundari : erat etiam hoc præceptum ad
 « declinandam idololatriam. Credebant enim idolola-
 « træ quòd si mures, aut lacertæ, vel aliquid hujus-
 « modi, quæ immolabant idolis, caderent in vasa vel
 « in aquas, quòd essent diis gratiosa. Adhuc etiam
 « aliquæ mulierculæ vasa dimittunt discooperta in ob-
 « sequium nocturnorum numinum, quæ Janas vocant.
 « Harum autem immunditiarum ratio est figuralis :
 « quia per lepram domûs significatur immunditia con-
 « gregationis hæreticorum. Per lepram verò in veste
 « lineâ significatur perversitas morum ex amaritudi-
 « ne mentis. Per lepram verò vestis lanæ significa-
 « tur perversitas adultorum. Per lepram in stamine
 « significantur vitia animæ. Per lepram verò in sub-
 « tegmine significantur peccata carnalia : sicut enim
 « stamen est in subtegmine, ita anima in corpore. Per
 « vas autem quod non habet operculum nec ligatu-
 « ram, significatur homo qui non habet aliquod vela-
 « men taciturnitatis, et qui non constringitur aliquâ
 « censurâ disciplinæ.

VI. De expiatione generali Israelitarum, et de hirco emissario.

Expiatio generalis Israelitarum in solemnifeto Ex-
 piationis hircis duobus peragebatur, de quibus fortè
 decernere debuit pontifex, uter Deo sacrum piaculare
 fieri, uter in solitudinem populi peccatis et maledictis
 onustum ablegari deberet, Levitici 16, 7, 8, 9, 10 :
Duos hircos stare faciet coram Domino in ostio taberna-
culi testimonii : mittensque super utrumque sortem, unam
Domino, et alteram capro emissario : cujus exierit sors
Domino, offeret illum pro peccato : cujus autem in ca-
prum emissarium, statuet eum vivum coram Domino ut
fundat preces super eo, et mittet eum in solitudinem.
 Textus hebraicus sortem unam *pro Domino*, sortem
 alteram *pro Azazele* imponi ait : hircum cui sors ob-
 venerit *pro Domino*, immolari ut piacularem victimam
 pro peccato ; hircum cui sors obvenerit *pro Azazele*,
 sisti vivum coram Domino, ut per eum fiat expiatio ;
 et mittatur ad *Azazelem*, in Desertum. De hoc ritu
 articulo superiori, Numer. 10 egimus ; quædam in
 hunc articulum rejecimus quæ sunt observatione
 digna.

Hircis expiationem peragi Deus instituit, ut Ægy-
 ptiacam idololatriam sugillaret. Ægyptii enim Hircos
 præ cæteris animalibus impensè coluerunt, præcipuè
 Mendesii, ut testantur Herodotus, lib. 2, cap. 46,
 Diodorus, lib. 4 ; Strabo, lib. 17, Lucianus in Imagi-
 nibus, Plutarchus in Iside. Mulieres etiam tanquàm
 religione addictæ, sacris hircis fœdè se submittebant,
 testibus Pindaro, Herodoto, Strabone, Æliano, lib. 7,
 cap. 19, et Plutarcho in libro *Quòd bruta ratione utun-*
tur. Zabios, id est, veteres idololatrias Orientis, dæmo-
 nes sub hircorum formâ coluisse docet Maimonides in
 More Nevochim, libro 3, cap. 46. « Ex Zabiis, inquit,
 « quidam fuerunt qui dæmones colebant, et eos existi-
 « mabant habere formam hircorum. Unde etiam dæ-
 « mones *Seirim*, hoc est, hircos appellabant. Quæ
 « opinio Mosis ævo jam longè latèque in orbe diffusa
 « fuit, sicut ait, Levit. 17, 7 : « Et non sacrificabant ultra
 « sacrificia sua hircis, » id est, dæmonibus ita appel-
 « latis. » Hinc Ethnicorum theologia de Pane, Fauno,
 Silvano, Silenis, et Satyris, qui et ipsi hirci dicti sunt.
 Ut igitur Israelitas à Zabiorum et Ægyptiorum insanâ
 superstitione, cui olim dediti fuerant, Deus abduceret,
 hircis piaculum solenne fieri jussit.

Quid significetur nomine *Azazel*, cui in hircorum
 piacularem sortitione sors una tribuitur, magna lis
 est inter eruditos. Quidam ipsum absque interpreta-
 tione relinquunt, prout in Hebræo habetur. Ita Onke-
 los, Samaritanus, et plerique recentiorum : Aben-Esra
 in hoc nomine magnum aliquod mysterium contineri
 innuit, quod nemo possit capere ante annos virilitatis.
 Nonnullis Hebræis et Arabibus *Azazel* nomen est
 montis ad quem hircus emissus deducebatur, ut inde
 præceps ageretur. Ita Jonathan, R. Salomon, R. Saa-
 dias Gaon, Thalmudici in tractatu Joma, et Arabes,
 apud quos *Azaz* montem asperum significat. Sed hanc
 opinionem meritò rejicit Bochartus, Hierozoici lib. 1,
 cap. 54. tum quia Moses non *Azel*, sed *Azazelem* scri-

psit, et in Iudææ topographiâ mons nullus est hujus nominis : tum quia si *Azazel* nomen montis esset, verisimile est Moſen id significatum fuisse, et montem *Azazel* dicturum sicut montes *Araar*, montem *Abarim*, montem *Garizim*, montem *Galaad*, montem *Hermon*, montem *Oreb*, montem *Sion* dixit. Alii *Azazel* diabolum significare volunt. Ita *Spencerus*, lib. 5 De Legibus Ritualibus Hebræorum, dissertat. 8, sect. 2. Idque probat ex libro *Enoch apocrypho* in quo *Azazel* (corruptè pro *Azazel*) inter angelorum lapsorum principes numeratur, et ex *Origene* lib. 5 contra *Celsum*, ubi de diabolo loquens : « In *Levitico*, inquit, piacularis hircus, quem Hebræice litteræ nominant *Azazel*, et non alius erat, sorte mittendus in desertum, malis et omnibus in caput ejus vertentibus. Nam qui propter malitiam ad deteriorem partem pertinent, à Deo deserti sunt. » Id confirmat ex antiqui poetæ Christiani carminibus in *Marcum heresiarcham*; quæ ex *S. Irenæo* refert *S. Epiphanius*, heresi 34, quos sic Latinos fecit *Petavius* :

Hæc tu illa, Satanæ fretus auxilio patris,

Azazelisque mira designas ope,

Præcursor ollæ fraudis in Superos datus.

Alia ex hujus etymologiâ nominis argumenta ducit debiliora *Spencerus*. At huic opinioni assentiri non possum, cum inter plurima illa nomina, quæ diabolo in sacris litteris tribuntur, *Azazel* non legatur, nec verisimile sit Moſen, aliosve scriptores sacros hoc nomine alias ne semel quidem antiquum humani generis hostem designaturos, si proprium illius esset. Secundò, ex rabbinorum deliriis hæc interpretatio profecta, quanquàm nec ipsi *Azazelis*, sed *Sammaelis* nomine diabolum designant. Hinc in capitulis *R. Eliezer*, cap. 45, legitur : « Quo die Deus legem dedit et impurus ille spiritus *Sammael* Deum ita alloquitur : Domine totius mundi, qui mihi in omnes totius orbis gentes potestatem dedisti, in solum *Israel*em nulla mihi concessa potestas. Deus respondet : Tibi expiationis die in illos potestas erit, si peccatum in illis invenias : si verò peccati expertes sint, nihil erit tibi juris in illos. Ideirò munera hoc expiationis die *Satanæ* obtruduntur, ne *Israelitarum* oblationem interpellet : Unde dicunt : Date munus *Sammaeli* in die expiationum : sicut dicitur *Levit. 16* : A cœtu autem filiorum *Israel* accipies duos hircos, etc. Mitte tunc *Aaron* super duos hircos sortes : sortem unam *Domino*, et sortem alteram pro *Azazele*. Sors Domini erat holocaustum ; sors verò *Azazelis* erat hostia pro peccato, et imponebantur ei omnes iniquitates *Israelitarum*, sicut dicitur : *Et portabit hircus ille super se omnes iniquitates eorum*. Ubi ergo *Sammael* populum *Israelis* absque peccatis hoc die comperit, dicit ad Deum : populum in terris habes angelis cœlestibus similem.... Cum Deus hæc à malo angelo audit, illicò eorum peccata ipsis condonat et preces eorum exaudit. »

Tertiò, *Septuaginta Interpretes*, *Symmachus* et *Aquila*, qui Hebræici nominis significatum apprimit noverant, *Azazelis* nomine hircum in desertum emis-

sum intellexerunt. *Septuaginta* καὶ ἄλλοι οὐκ ἐπὶ τῷ ἁγίῳ ἁγίου, ἀλλὰ ἐπὶ τῷ ἁγίῳ καὶ ἁγίῳ. Et namque *Aaron* super duos hircos sortes : sortem unam *Domino*, et sortem unam emissario, καὶ τὴν ἄλλαν, ἐπὶ τῷ ἁγίῳ καὶ ἁγίῳ. τὸ δὲ ἁγίον, ἐπὶ τῷ ἁγίῳ καὶ ἁγίῳ, ἐπὶ τῷ ἁγίῳ καὶ ἁγίῳ, ἐπὶ τῷ ἁγίῳ καὶ ἁγίῳ, ἐπὶ τῷ ἁγίῳ καὶ ἁγίῳ, ἐπὶ τῷ ἁγίῳ καὶ ἁγίῳ, ἐπὶ τῷ ἁγίῳ καὶ ἁγίῳ. Et hircum super quem supervenit super eum sors *Emissarii*, statuet eum viventem ante *Domino*, ad orandum super eum, ut emittat eum in emissionem, et dimittet eum in desertum. » *Symmachus* : Εἰς τὸν ἀποστείλας, in hircum abeuntem. *Aquila* : Εἰς τὸν ἀποστείλας, ἐπὶ τῷ ἁγίῳ, in hircum qui in desertum emittitur. Sic etiam intellexit *S. Hieronymus*, cujus versio *Ecclesiæ* usu consecrata est : « Mittensque super utramque sortem, unam *Domino*, et alteram capro emissario : cujus exierit sors *Domino*, offeret illum pro peccato : cujus autem in caprum emissarium, statuet eum vivum coram *Domino*, ut fundat preces super eo, et emittat eum in solitudinem. »

Antiqui etiam *Patres* versionem 70 Seniorum secuti, *Azazel hircum emissarium* interpretati sunt, et *Juliani Apostate*, atque aliorum quorundam, qui *Azazel diabolum* intellexêre, interpretationem exploserunt et confutârunt : ut mirum sit eam *Spencero* placere potuisse. Ita *S. Cyrillus Alexandrinus*, lib. 9 contra *Julianum*, p. 301. « Sortes verò et nomina hircis, uni quidem *DOMINUS*, alteri verò *EMISSARIUS*. Non enim, ut ait præclarus ille *Julianus*, cuidam *Averrunco* et *Depulsori* malorum demoni dimitti jussit eum qui non esset immolatus, sed ipse potiùs dictus est illo *EMISSARIUS*, quod nimirum à mactatione dimissus, quemadmodum *DOMINUS* dictus est ille qui immolabatur. Descriptus autem est per utrumque *Christus* unus, et moriens pro nobis secundum carnem, et mortem superans secundum divinitatis naturam. Emittebatur autem in desertum, quâ solitudine et inculto solo designatur gentium sterilitas. » Idem epistolâ ad *Acacium Melitinæ* episcopum, quæ exstat 5 P. concilii *Ephesini*, cap. 56, et De *Capro Emissario* est inscripta, ipsam, quam propugnat *Spencerus*, opinionem stultam et ridiculam vocat, egregièque refellit. « Omnis, inquit, Scriptura divinitus inspirata utilis est. Equidem his qui veritatis vim contemplari possunt, venustas ejus velut coruscum quoddam lumen sese offert, mentemque ad cognitionem mysterii *Christi* illustrat. Quorum verò mens non firmiter incedit, sed quodammodo claudicat adhuc et puerili est sensu, talibus etiam præcipue Scripturarum speculationes reprehensibiles nonnunquam et culpande videntur. Atque hæc dico iis quæ pietas tua scripserat, non sine attentione lectis. Nam aliqui ex illis qui istie degunt, fortasse putârunt, alterum quidem caprum vel hircum Deo, qui est super omnia, ad sacrificium hostiamque deputari : alterum verò execrando cuiquam et malo immundoque demoni in desertum fuisse amandatum, atque hoc ipsum, per sacram manum legisque decretum. Id autem ex se

« omnino stultum est et ridiculum; meritoque dixerit
 « aliquis iis qui huiusmodi opinione tenentur: cur
 « non illud potius cogitatis? Nam quomodo universorum
 « opifex, qui omnem mentem ac sermonem ex-
 « cedit, solusque est secundum naturam Deus et Do-
 « minus, Satanam apostatam, regni sui ac gloriæ ve-
 « luti socium consortemque admisisset? Cum per
 « quemdam sanctorum prophetarum illum clarè pro-
 « nuntiare audiamus: *Gloriam meam alteri non dabo*,
 « Isai. 42. Quod si lex per sapientissimum Moysen
 « præcipit, ut quæcumque offerre quis voluerit, ea soli
 « Deo offerat: postea idem ipse qui legem hanc tulit,
 « manifesto oraculo sanxerit, ut gloria, quæ ipsi soli
 « maximè convenit, immundis spiritibus deferatur;
 « qui fieri potest, ut non suis ipse verbis contrarius
 « manifestè deprehendatur, cum hoc ipsum quod in-
 « hibuerat, fieri jubeat?... Esset porro divina illa in-
 « culpataque voluntas haud mediocriter culpabilis, si
 « posteaquam illos è medio sustulerat, qui Deos alie-
 « nos adoraverant, Deus ipse rursùm, qui suis deser-
 « toribus succensuerat, pravam illam adversariamque
 « potestatem donis sacrificiisque honorari jussisset:
 « quam quidem adversariam potestatem nonnulli for-
 « tassè divinarum scripturarum vim interno occulto-
 « que mentis oculo minime penetrantes, EMISSARIUM
 « nominatum esse dicent. Nos verò divinis oraculis
 « animum neque negligentem, neque segnem adhiben-
 « tes, sed diligentem et vigilantem, admirandam veri-
 « tatis pulchritudinem assequi enitemur. Dicimus igitur,
 « universorum Deum, cum ad evertendum genti-
 « lium errores, qui multos Deos colebant, eorumque
 « illuminationem qui in tenebris sedebant, priscis illis
 « legem suam per Moysen tulisset, nunquam passurum
 « fuisse ut ipsemet via et ostium, imò verò etiam
 « doctor ac magister, ad hoc ut impuri dæmones ho-
 « norarentur, existeret... Agedum igitur velamine le-
 « gis ablato, depositoque operimento quod Moysi fa-
 « ciem exterius adumbrat, ipsam nudam veritatem
 « contemplemur. Duos hircos offerri, et duas sortes
 « illis inscribi præcepit: voluit autem ut alter ex illis
 « nominaretur DOMINUS, alter verò EMISSARIUS. Nomina
 « itaque capris imposita, DOMINUS et EMISSARIUS. Desi-
 « gnatur autem per utrosque unus et solus filius et do-
 « minus Jesus Christus... Iis qui in terris erant lex
 « illa impendebat, ut mori necesse esset, idque tum
 « propter transgressionem in Adam, tum propter pec-
 « catum, quod ab eo ad nos usque tyrannidem suam
 « extendebat. Verum Dei Patris Verbum largum ad
 « benignitatem atque clementiam, factum est caro,
 « hoc est, homo nobis peccato obnoxiiis conformis, et
 « sortem nostram subiit.... Nomen itaque capro im-
 « molato erat DOMINUS, sorteque mactabatur, et sancta
 « erat sacraque victima in typum Christi, qui non pro
 « seipso, sed pro nobis mortuus est sanguineque suo
 « Ecclesiam sanctificavit... In altero quoque, hoc est
 « in vivo ac dimisso hircò, eundem spectemus, dum
 « in eo quod secundum humanam naturam patitur,
 « non patitur secundum divinam; et dum carne mo-
 « ritur, mortis victor evadit: neque, secundum Ju-

« dæorum amentiam, nobiscum in monumento re-
 « mansit, neque unà cum aliis intra inferni portas
 « detentus fuit... Revixit enim spoliatis inferis: et
 « ad supernum cœlestemque Patrem, locum uti-
 « que hominibus inaccessum abcessit; peccatis nos-
 « tris in se susceptis, et propitiatio pro illis exi-
 « stens. »

S. Cyrillo Alexandrino consentit Theodoretus, quæstione 22 in Leviticum. « Præcipit, inquit, hircos
 « sorte distingui: et unum quidem sacrificari, alterum
 « autem in solitudinem mitti. Quod quidam non re-
 « ctè intelligentes, dæmonem quemdam emissarium
 « arbitrati sunt, quia dixit Exod. 10: *Unum Domino*,
 « et *unum emissarium*. Sed hoc præ nimia stoliditate
 « putaverunt. Qui enim fieri posset cum qui dixit:
 « *Non erunt tibi alii Dii præter me, et non adorabis*
 « *neque servies alteri Deo præter me*, dæmoni cuidam
 « parem dari jussisse victimam? Atqui conveniebat
 « illos advertere animum et cognoscere, Deum hir-
 « cum etiam illum, qui dimittitur, offerri sibi jus-
 « sisse. » Sumes enim, inquit, hircum vivum coram
 « Domino, ad exorandum super eum, et ut emitta-
 « tur in solitudinem. Hoc autem satis innuit, quod
 « hircus ipse dictus sit emissarius, ut qui emittatur
 « in desertum. Hoc enim ipsum denotant quæ se-
 « quuntur: *Et assumet hircus super se iniquitates ipso-
 « rum in desertum*. Symmachus porro emissarium
 « interpretatur in hircum ascendentem ita ut emit-
 « tatur in emissionem: Aquila autem, in hircum
 « qui dimittitur in solitudinem. Non igitur Deo cui-
 « piam aut dæmoni mittebatur: sed ambo quidem
 « offerebantur Deo; sed unus mactabatur, alter autem
 « assumptis peccatis populi in solitudinem emitteba-
 « tur. »

Hircum ipsum emissarium dici, et nomen ἀπομαρτυριον
 in malo non esse accipiendum, sed sensum allegori-
 cum illius ritus amplectendum, S. Augustinus confir-
 mat quæstione 55 in Levit. « De duobus hircis, inquit,
 « uno immolando, et alio in desertum dimittendo,
 « quem ἀπομαρτυριον vocant, solet esse disceptatio: et
 « à quibusdam ille immolandus in bono accipitur, ille
 « autem dimittendus in malo. Non tamen iste sensus
 « ideò confirmandus est, quia homo, in cujus manu in
 « eremum hircus dimittitur, cum redierit, lavare jus-
 « sus est vestimenta sua et corpus suum aqua, et sic
 « ingredi in castra, tanquam et hoc sit indicium cur
 « in malo sit ille hircus accipiendus à cujus contagione
 « homo ablendus est. Sic enim dicit abluendum et
 « qui alterius hirci vitulique acceperit carnes, et extra
 « castra combusserit; quia ita de illo et de vitulo fieri
 « jubet, de quorum immolatorum sanguine fit adspersio,
 « et sunt pro peccatis: ac per hoc non negligen-
 « ter istorum duorum hircorum distinctio in allegoricà
 « significatione tractanda est. »

Huic sententiæ quæ Azazel de hircò ipso emissario
 interpretatur, calculum suum adjiciunt R. Kimchius,
 alique Hebræi, qui vocem illam conflata esse cen-
 sent ex *Ez caper* et *Azaal, abiit*. A verbo Arabico *Azala*,
 quod *separare* et *recedere* est, formatum ab Arabibus

Azazel, quod *azazel* vel *azazel* separationes aut recessus significaverit, et ex *Azazel* Hircos mutatos solum *Azazel*, et eodem sensu usurpare, conquit Bochartus. Ita hircorum unus recte dictum Domino fuisse servatus, nempe ut illi mactaretur et offerretur pro peccatis populi, alter servatur ad *Azazel*, *azazel*, ut in locum deserti remotum et separatim deduceretur.

Cui autem hircus vivus cuius capiti sacerdos totius populi peccata imprecabatur, in desertum emitteretur, querunt viri eruditi. Spencerus consequenter ad immanem illam et impiam opinionem, qua hircum ad diabolum ablegatum fuisse contendit, *Azazelis* nomine significatum, huius instituti rationem precipuam fuisse asserit, quod Mosi aitate desertum diaboli sedes et habitaculum pene proprium habebatur. « Prisci autem aevi more receptum erat, inquit, ut quodvis animal cuius alicui devotum vel destinatum ad numinis illius fines aut sedes amandaretur. » Hinc conjecturae coloris aliquid allinit Macrobii testimonium lib. 3 Saturnaliū, cap. 7. « Veteres, inquit, nullum animal sacrum in finibus suis esse patiebantur, sed abiegebant ad fines Deorum quibus esset sacrum. Animas vero sacratorum hominum Deus debitas aestimabant. Quemadmodum igitur quod sacrum erat, et ad Deos ipsos mitti non poterat, à se tamen dimittere non dubitabant; sic animas, quas sacras in caelum mitti posse arbitrati sunt, viduas corpore quantum illi ire voluerunt. Mori huic, aut saltem rationi consentaneum erat, ut hircus Deo et altari ejus sorte destinatus, ad illius quasi fines, altare et sanctuarium afferretur; hircus autem diabolo devotus et separatus, extra castra Israelis, ad fines quasi diaboli, locos nempe desertos et *azazel* abigeretur, inquit Spencerus. »

Alteram huius ritus rationem afferunt Bochartus, lib. 2 Hierozoici, cap. 59; Marshamus in Canone Chronico, pag. 207 et sequentibus, et Spencerus loco laudato, cap. 4: quod mos ille gentibus antiquioribus inolevisset, ut animalia Deo alicui sacra et devota libere et sine custode in campos emitterentur, et Deum hinc in re se ipsum mori passim recepto accommodasse. At hunc morem apud gentes profanas antiquiorem fuisse lege Mosaeica haud certum est. Auctores quidem Graeci et Latini moris istius fidem faciunt. Athenaeus, lib. 7, cap. 7, « sacrum piscem, ut et sacrum bovem, dimissione consecratum refert. De bove Jovi sacro ait: Bos dimissione Jovi sacratus est Milesiorum festum. » Epimenides, teste Diogene Laertio in ejus vita: « Athenas à peste liberaturus, oves nigras albasque adduxit in Areopagum; et inde quodcumque vellent, discedere permisit. » De templo Hierapolitano loquens Lucianus, lib. De Dea Syria, ait: « In atrio boves magni liberi pascuntur, et equi, et et aquilae, et ursi, et leones. Neque homines ledunt, sed sunt omnes et sacri et mansueti. » Superstitionem eandem apud Indos viguisse testis est Plutarchus in Luculli vita: « Boves, inquit, Dianae Persicae (quam maxime colunt) sacrae pascuntur: his ad victimam

« solum utuntur, de cetero per regionem vagantur liberi, faciem ferentes, insignia Deae. » Quod eos id in more habuisse confirmat Eustathius in Odissea 2. « Integra, inquit, nationum animas, et homines, et membris separabant, et quibus aliis prodest, aliis habitum. Inter eos et volucres sacrabant, et sedes, et naves, pavones scioet et anseres, et leones, et oves in historia memoratas. » Ad Romanos quoque hircum illum meminisse testis est Suetonius in Caligulae vita, ubi memorat equorum greges. « Quos in triginta Rubicone flumine consecraverat, ac vagos et sine custode dimiserat. »

Arabes, cum sub vero Ethnicismo viverent, antequam scilicet Mahometi nomen dedissent, quae suntumenta et pecora puta camelos feminas, boves et capras Deus suis se devotebant, ut notant Bochartus et Procopius; et eandem ita devotam *animam* *fixis* *relinquebant*, ut liberi pasceretur. Et ipsi *hircus* *azazel* *azazel*, *locus* *ejus*, et *equitatio* *ejus*. Ad hunc morem addit Synesius, epistola 57 scribens: *In hac de loco cum spe viderem, ut in sacro septo solutum animal.* Sed huiusmodi auctores, Mose tot seculis recentiores, idem, ut dixi, non faciunt morem illum animalia in numinis alicujus honorem dimittendi, legem Mosaicam antiquitate superare. Longè verisimilius est ex hirci *Azazelis*, et passeris vivi dimissione in scripturis Dei Israel morem illum ad gentes mansisse, diaboli suggestionem, qui Deum amulatus, ejus cultum sibi arrogare, interpolare, et ritus in ejus sacris solemnes, ac lege illius institutos usurpare, et ad sacra sua profana, seu superstitiosum falsorum numinum cultum traducere modis omnibus studuit.

Hunc hircum in desertum emissum, quod Christi figura esset extra civitatem pro peccatis nostris pulsi, sed tamen secundum divinitatem à passione et morte liberi, et secundum humanitatem ipsam à morte redi-vivi; cujus mortis et resurrectionis fructus ad Ecclesiam ex Gentibus nomine deserti significatam collectam potissimum pervenit, lubentius cum S. Cyrillo asserimus lib. 9, contra Julianum Apostatam. *Descriptus est*, inquit, *per utrumque hircum Christus unus, et moriens pro nobis secundum carnem, et mortem superans secundum divinitatis naturam. Emittebatur autem in desertum, quia solitudine et inculto solo designatur gentium stultitas. Hunc quippe ab ipsis prophetis percipimus ita quoque nominatam (Isai. 54): Plures filii deserte quam habentis virum. Multo plures enim fuerunt qui crediderunt ex Gentibus, quam qui ex Synagoga Judaeorum. Dimissionem hirci in desertum Christi libertatem à mortis vinculis et imperio significasse Theodoretus etiam observat questione 20 in Numeros; ideòque Davidem Psalm. 67, 8, Christi Domini passionem, resurrectionem, et ad coelos ascensionem his verbis praedixisse: *Deus, cum egredereris in conspectu populi tui, dum transires per desertum, terra commota est, etiam caeli distillaverunt. Atque inquit Theodoretus: Dum Christus crucifigeretur, novinus terram esse commotam et petras confectas. Caelum autem per solis obtenebrationem detestant impietatis excessum. Desertum vero inquit et**

figura. Ob id enim dixit: Dum transires per desertum.

Si cui tamen placeat hircum Ἀποπομπῆιον emissum fuisse in desertum, et in terram abscissam et invisam, quia desertum dæmonum habitaculum censebatur, huic rationi non refragabor, modò cum Spencero non asserat illum diabolo devotum et separatum, ad diabolum ablegatum, satanæ traditum; sed ut habitatio dæmonum populo Dei odiosa esset, ut peccatores et peccata ad partem diaboli pertinere hoc ritu Deus significaret; ut idololatriam sugillaret; ut peccatorum desertionem à Deo exprimeret; ut populi peccata, quibus hircus ille velut onustus in terram tam remotam deducebatur, et emittebatur, velut in terram oblivionis perferri indicaret, et multo magis Christum, cujus hircus Ἀποπομπῆιος typus erat, longè fecisse à nobis omnes iniquitates nostras, et peccata nostra pertulisse in corpore suo super lignum, ut peccatis mortui iustitiæ vivamus, 1 Pet. 24; illumque apparuisse, ut peccata nostra tolleret, 1 Joan. 3, 5. Has rationes Guiljelmo Parisiensi erudito juxta et pio episcopo debemus, libro de Legibus, cap. 9. « De hircò verò emissario, inquit, quare in desertum emitteretur, hæc causæ nobis juxta litteram videntur: Prima, quia dæmones in desertis habitare videbantur, et adhuc à multis creduntur, voluit Deus populo suo habitationem dæmonum reddere horrendam et abominabilem: et propter hoc hircum immunditias peccatorum portantem illuc emitti. Voluit etiam loca habitationis dæmonum, loca esse immunditiarum, et peccatorum, ut, longè inde faceret filios Israel, quasi diceretur hircò; illuc vade, illuc porta immunditias peccatorum, ubi prius locus est earum. Voluit etiam in hoc eis ostendere quòd peccatores et peccata pars dæmonum sunt, juxta illud (psalm. 62): *Partes vulpium erunt* Scendum est autem ritum hunc idololatriæ valdè fuisse contrarium, et dæmonibus inimicum, qui nullum animal sibi offerri volebant absque effusione sanguinis, aut combustione, aut aliqua læsione. In hoc igitur ritu, quo præceptum est emitti hircum integrum, aliquantum elongavit eos ab idololatriâ. Voluit etiam eodem ritu ostendere non esse locum peccatis nisi desertum, ut ex hoc agnosceret populus Israel, et non esse admittenda peccata in castris populi Dei; et ipsa peccata causas esse, quare ipsa loca populosa aut culta per iram Dei deserta fierent. Oratio verò, quæ fundebatur super hircum, hujusmodi fuisse videtur: sicut tu ejiceris, et longè sis à populo isto, ita fiat de peccatis eorum: vel, sicut tu liber, et sanus, et immunis et à morte, et læsione evadis vel emitteris: ita liber et immunis fiat populus iste à peccatis . . . Et hoc erat dicere: imputet sacerdos capiti capri emissarii peccata populi, ut sicut tu in figurâ et significatione super caput tuum portas peccata populi, et exportas longè seorsum ab illo, ita faciat Deus in veritate peccata seorsum longè à populo suo: et reverà fiebat ita, non quidem ex virtute quam haberet alteruter hircorum, sed omnipotentissimâ misericordiâ Dei . . . Ne obliviscaris autem quia deserta omnia

volebat Deus iis immunda et abominabilia reddere per hircum emissarium, quia malefici et idololatræ deserta propter hoc maximè frequentabant, ut audirent ibi responsa dæmonum, eisque ibidem inmolarent, sicut et adhuc multi faciunt. Unde quidam magus in libro suo de magicis dicit se transisse causâ philosophandi ad loca destituta omni habitatore, habitâsseque ibi cum inhabitantibus lucem sex lustris annorum, et ab iisdem didicisse quæ in eodem libro scripsit. Tum etiam propter faunos et satyros, qui in specie hircorum frequenter ibi hominibus illudebant, et adhuc illudere non cessant. Voluit etiam insinuare Deus in hircò emissario, ut quemadmodum hircus emissarius absque custode relinquebatur in deserto, expositus bestiis deserti ad devorandum propter peccata quæ in figurâ portabat; sic populus gravatus peccatis, à Deo custode ac defensore suo derelictus, bestiis malorum regnorum, seu principum inimicarum nationum, quasi quibusdam bestiis diripiendus ac dilacerandus exponendus esset. Et in hoc prudenter eos admonebat, ut declinarent immunditias peccatorum, si Deum habere vellent custodem ac defensorem, juxta illud Deuteronomii 32: *Dentes bestiarum immittam in eos*; et quòd alter cremabatur, alter verò in desertum mittebatur, insinuabat quia peccatorum quædam funganda erant et longè faciendi à populo, videlicet contagiosa maximèque declinanda: quædam verò consumenda et conterenda, vindictâ, pœnitentiâ, sacrificio. »

Hirci Ἀποπομπῆιου ritum ab expiatoriis Ægyptiorum, aliarumve gentium sacris originem duxisse, absit ut eum Marshamo et Spencero asseramus. Nota sunt quæ de Diis Averruncis, Græcè Ἀποπομπῆιους, sive malorum depulsoribus gentiles fabulati sunt. Nota quæ Zoroastres Magus, et Persæ de Oromaze Deo Lucido, et Arimano tenebricoso finxere. Nota quæ Chaldei de planetis Diis beneficiis et maleficis; quæ Græci de bonis et malis geniis, de bonâ sorte Jovis Olympii, et malâ Diis Averrunci delirârunt. Notum illud Horatii de Apolline, lib. 12, od. 21, malorum (ut credebant) depulsore:

. Hinc miseram famem,
Pestemque à populo et principe Cæsare,
In Persas atque Britannos
Vestrâ motus aget præce.

Nota quæ de principiis contrariis, seu Diis aliis quidem bonorum, aliis malorum auctoribus Ethnici commenti sunt: quo de errore Plutarchus, libro De Iside et Osiride, hæc scribit: « Vetustissima proinde à sacrarum professoribus rerum, et legum latoribus derivata est opinio, auctore incognito, fide firmâ et indelebili, non in sermonibus ea tantum et rumoribus, sed et in mysteriis ac sacrificiis tam Barbaris, quàm Græcanicis exstans: neque casu ferri et à fortunâ pendere hoc universum, mente ratione, ac gubernatore destitutum: neque unicam esse rationem, quæ contineat id et dirigat, tanquàm clavum aut fræna moderans: sed cum permulta è bonis juxta malis-

que sint confusa, imò nihil hæc natura sincerum
 (ut verbo dicam) proferat, non esse unum aliquem
 Pronum qui e duobus dolus vel nobis veluti aliquem
 liquorem campouis in morem distribuât, atque mis-
 ceat. Ergo à duobus principis contrariis, adversis-
 que dualis facultatibus, quarum altera ad dexteram
 et recta ducat, altera retrorsum avertatur atque re-
 flectat, cum vitam esse mixtam, tum ipsum mundum
 (si non universum, cum certe qui ad terram est, et
 longe subiacet), inæqualiter ferri, variisque et omnis
 generis motibus agitari. Si enim nihil absque causâ
 fit, et mali causam bonum non præbet: necesse est
 in naturâ ut boni, ita etiam mali ortum peculiarem
 suumque principium exstare. Atque hæc quidem sen-
 tentia plerisque et iisdem sapientissimis probatur.
 Existimant enim alii duos esse Deos quasi contrariis
 deditos artibus, ut bona alter, alter mala opera con-
 ficiat. Alii eum qui est melior, Deum: qui deterior,
 demonem dicunt. In quâ sententiâ fuit Zoroastes
 magnus. Is melioris nomen Oromazan, pejoris Arei-
 manium perhibuit: illum maxime similem esse luci,
 hunc tenebris et ignorantî . . . Docuitque votivas
 et pro gratis agendis oblatas victimas illi immolan-
 das; huic averruncandi mali causâ institutas et te-
 tricas. Herbam enim quandam Omomi appellatam,
 in mortario tundentes, Ditem invocant et tenebras:
 tum admixto lupi jugulari sanguine offerunt et abji-
 ciunt in locum quo solis radii non pertingunt . . .
 Chaldaei planetas Deos faciunt, quorum duos benefi-
 cos, totidem maleficos, reliquos tres medios affir-
 mant et promissuos. Græcorum opinio nemini ferè
 ignota est quâ bonam partem Jovi Olympio, malam
 Diti Averruncæ adsignant. Hujusmodi commenta
 ex Ægyptiorum theologiâ ortum habuere, qui *Osiridem*
 bonum esse genium, *Typhonem* malum crediderunt.
 Fateor hunc errorem apud Ethnicos longè latèque
 pervagatum fuisse, ut testatur Arnobius libro 7 ad-
 versus gentes. Nam quod dici à vobis accipimus,
 inquit, esse quosdam ex Diis bonos, alios autem
 malos, et ad nocendi libidinem promptiores; illisque
 ut prosint, his verò ut noceant, sacerorum solemnità
 ministrari: quânam istud ratione dicitur, intelligere
 confitemur non posse.

Verum inde perperam colligitur sacrum expiationis
 Judaicæ ritum, et duorum hircorum piacularium obla-
 tionem, alteriusque Ἀποπομπῆς in desertum emis-
 sionem, ab Ægyptiorum, aliarumve gentium expiato-
 riis sacris originem duxisse, aut Deum ex victimis,
 quas Diis Averruncis Ethnici devovebant, et Ægypti
 Typhoni, occasionem sumpsisse instituendi oblationem
 piaculariæ duplicis hirci. Nam errorem illum de Diis
 Averruncis, ac superstitiosum ipsos placandi ritum,
 errorem de duobus principiis contrariis, Osiridis et
 Typhonis sacra Moyse fuisse antiquiora, nec ex Arno-
 bii, nec Horatii, aut Plutarchi testimonio probatur.
 Verisimilius est quòd viri eruditi demonstrarunt Ty-
 phonem esse Moysem ipsum personatum; et Ægyptio-
 rum, aliarumque gentium profanarum theologiam ac
 ritus ex Mosaicis libris, Hebræorumque cæremoniis,

diaboli cacoethi seu pravâ emulatione adulteratis
 ex maximâ parte ortum habuisse. Id animadvertit
 Bochartus, quem Marshamo et Spencero oppono. Is
 enim libro 2 Hierozoiæ, cap. 34, de ritu impositionis
 manuum super caput hirci emissarii sermonem faciens,
 ait: « Hoc ritu nam Dei peccator deprecabatur, eam-
 que immitti petebat in illius victimæ caput, quam suo
 loco ponebat. Proinde hæc summus pontifex solemnî
 expiationis festo, totius Ecclesiæ personam sustinens,
 jubetur, utrique manu in hirci caput impositâ, Israe-
 litarum omnia peccata confiteri, eoque ipso hircum
 devovere, ut quicquid pœnarum in populum pro-
 pter admissa peccata impenderet, in illam conver-
 teretur. » Neque dubium quin inde Arab. Ægyptios
 manaverint similes ritus. De his enim sic Herodotus
 lib. 2, cap. 39: *Execrantur autem (victimarum) capita in hæc verba, ut si quid mali aut ipsis im-*
molantibus, aut toti Ægypto futurum sit, id in hoc
caput convertatur. Addit, « per Ægyptum univer-
 sam idem fieri circa caput pecudum immolanda-
 rum: et inde esse quod nemo Ægyptiorum de ullius
 animantis capite gustat. » Ibidem observat Bochar-
 tus videri Græcos ad hunc hirci emissarii ritum allu-
 sisse, cum ad capras sylvestres imminetia mala
 amandabant. Hinc illud Adagium: Κεῖν ζῆντις ἀγρίαις,
In capras feras. Ut enim notat Erasmus, *Abominantis*
est sermo, et malum deprecantis, inque sylvestres capras
avertentis; quod etiam probat ex Athenæi loco. Id
confirmat Hesychius: In capras agrestes, inquit, pro-
verbium, quo morbi, et maxime comitalis, converti di-
cuntur in capras agrestes. Et Suidas usurpari dicit, *per*
execrationem in feras capras mala convertere. Hinc
 Palamedem, cum luporum incursibus et peste Græcia
 vexaretur, Ulyssi consilium dedisse in hæc verba:
Supplicemus Apollini, Lycio et Phyxio ut has quidem
feras suis ipsius tollat sagittis, pestem vero in capras
vertat; refert Philostratus in Heroicis.

Si tamen quis id unum contendat, Deum ad exter-
 minandum errorem de duobus principiis, aut de Diis
 Averruncis (si forte tunc vel apud Ægyptios, vel apud
 alias gentes invaluerat), vel quem disseminandum à
 diabolo prænoscebat, etiam instituisse ut duplex hirci-
 scis sibi ut soli Deo vero, unico bonorum auctori ac
 malorum depulsori omnipotentissimo, in atrio taber-
 naculi offerretur, ne omnino repugnantem non ha-
 bebant. Alia enim ad gentium errores confutandos et
 superstitiosos ritus averruncandos in lege et prophetis
 scripta sunt. Quo pertinet illud Jeremiæ de nummibus
 et idolis Ethnicorum loquentis, cap. 10, 4: *Nolite ergo*
timere ea, quia nec mala possunt facere, nec bene. Quem
 locum S. Hieronymus hoc illustrat commentario: *So-*
lent enim, inquit, plerique gentilium dæmones colere,
ne noceant, et alios exorare, ut præstent beneficia. Unde
et illud Virgilianum est:

Nigram Hyemî pecudem, zephyris felicibus albam.

Errorem itaque gentium et hæreticorum de duobus
 principiis contrariis, antequàm oriretur, à Spiritu
 sancto in Scripturâ sacrâ damnatum duplicis hirci pia-
 cularis oblatione uni vero Deo et bonorum auctori et

panes hominibus ob peccata irroganti, et mala ob eorum poenitentiam ab illorum capitibus misericorditer avertenti, etiam convictum lubens fateor; sed id Marshami et Spenceri hypotheses non juvat.

ARTICULUS V.

DE LEGIBUS CÆREMONIALIBUS VETERIS LEGIS OBSERVANTIAS SPECTANTIBUS.

Observantiarum cæremonialium congruas rationes afferri posse, sive ex divino cultu, cui speciatim consecratus erat Israeliticus populus, sive ex spiritualium rerum ad vitam Christianam pertinentium significatione repetitas, docet S. Thomas primâ secundæ, questione 102, articulo 6. Harum observantiarum aliquæ solos sacerdotes, aliæ populum universum spectabant.

§ I. De legalibus observantiis sacerdotes spectantibus, quoad matrimonia præsertim et funera.

I. Sacerdotibus in uxorum delectu id ex lege observandum necessariò fuit ut meretricem, vel repudiatam à viro suo non ducerent, sed virginem. Levitici 21, 7, 13, 14, 15. « Scortum et vile prostibulum non ducet uxorem, nec eam quæ repudiata est à marito : quia consecrati sunt Deo suo, et panes propositionis offerunt.... Pontifex virginem ducet uxorem : viduam autem, et repudiatam, et sordidam, atque meretricem non accipiet, sed puellam de populo suo, ne commisceat stirpem generis sui vulgo gentis suæ : quia ego Dominus qui sanctifico eum. Hujus observantie lex à Deo lata est, inquit S. Thomas, tum propter reverentiam sacerdotum, quorum dignitas quodammodo ex tali conjugio diminui videtur : tum etiam propter filios, quibus esset ad ignominiam turpitudine matris. Quod maximè tunc erat vitandum, quando sacerdotii dignitas secundum successionem generis conferebatur. » Id etiam significabat magnum illud sacramentum conjunctionis Christi cum Ecclesiâ virgine, et cum animabus sanctis, de quâ Apostolus 2 ad Corinthios 11, 2 : *Despondi enim vos uni viro virginem castam exhibere Christo.* Hanc legis istius rationem reddit S. Cyrillus Alexandrinus libro 12 de Adoratione in spiritu et veritate, p. 434. « Feminam quoque, inquit, sibi virginem ad connubii societatem jungere debere apertè testatur : ejectam verò ad connubium ineptam esse decernit. Eaque figura est Judæorum Synagoga; nam ab ejus conjunctione illa repulsa est, de quâ per prophetam vocem dicit : *Quia ipsa non uxor mea, et ego non vir ejus*, Osee 2. Despondit autem Paulus Christo Ecclesiam ex gentibus castam, macula et rugarum expertam, inò verò sanctam et immaculatam. Atque hæc quidem ratio tum de Ecclesiâ ex gentibus collectâ, tum verò de matre Judæorum verum esse hoc ænigma comprobatur : neque ea figura parùm elegans est. Sed si cui placeat propriè ad unumquemque hominem harum sententiarum vim accommodare, dicimus Christum cum profanis atque impiis animis non posse conjungi, sed cum castissimis atque purissimis tanquam cum virginibus versari spiritaliter, easque fecundas reddere, ac sibi genere

« junctas appellare. *Quicumque enim, inquit, fecerit voluntatem Patris mei, qui in cælis est, ille meus frater et soror et mater est.* Matth. 7. »

Legem Mosaicam de sacerdotum connubiis in jus atticum suum Athenienses transfudisse colligitur ex Demosthene, qui in Næeram declamans, post Thesei tempora regem ab Atheniensibus factum ait sacrorum causâ tantum, additque : « Eum quidem regem populus suffragiis eligebat ex virtute præstantibus. Regem autem fecere, ut uxor ejus civis esset, nec alteri viro cognita, sed quæ virgo nupsisset. »

II. Lex sacerdotibus vetuit ne mortui alienjus exequiis interessent, nisi genere conjunctissimorum; pontifici verò seu sacerdoti maximo, ut ab omni prorsus luctu funebri, etiam patris vel matris abstineret. Iis denique prohibuit rasuram capitis, aut barbas, vel incisiones carnis in luctûs funebri testimonium. Ratio litteralis legis istius est, prima, ne sacerdotes pollutione funebri sacris functionibus ineptos se redderent, et sacra negligerent, vel manibus impuris tractarent, sicque Dei nomen polluere viderentur; secunda, ut sacerdotes majorem reverentiam apud populum obtinerent, dum non minùs moribus quàm dignitate ab eo separati viderentur, Levitici 21, 1, 2, 3, 4, 5, 6. *Dixit quoque Dominus ad Moysen : Loquere ad sacerdotes filios Aaron, et dices ad eos : Ne contaminetur sacerdos in mortibus civium suorum, nisi tantum in consanguineis ac propinquis, id est, super patre et matre, et filio et filiâ, fratre quoque et sorore virgine, quæ non est nupta viro : sed nec in principe populi sui contaminabitur. Non radent caput, nec barbam, neque in carnibus suis facient incisuras. Sancti erunt Deo suo, et non polluent nomen ejus : incensum enim Domini, et panes Dei sui offerunt et ideò sancti erunt, 5, 10, 11, 12. Pontifex, id est, sacerdos maximus inter fratres suos, caput suum non discooperiet, vestimenta non scindet, et ad omnem mortuum non ingreditur omninò, super patre quoque suo et matre non contaminabitur. Nec egreditur de sanctis, ne polluat sanctuarium Domini, quia oleum sanctæ unctionis Dei sui super eum est. Ego Dominus.* Tertia ratio hujus legis fuit *verpöu-æpelas* extirpatio. « Malefici, et sacerdotes idolorum, inquit S. Thomas, utebantur in suis ritibus ossibus vel carnibus hominum mortuorum, et ideò ad extirpandum idololatriæ cultum præcepit Dominus, ut sacerdotes minores, qui per tempora certa ministrabant in sanctuario, non inquinarentur in mortibus nisi valdè propinquorum, scilicet patris et matris, et hujusmodi conjunctarum personarum. Pontifex autem semper debebat esse paratus ad ministerium sanctuarii : et ideò totaliter prohibitus erat ei accessus ad mortuos, quantumcunque propinquos. » Ob eandem rationem ipsis vetitum est ne capita aut barbam raderent, vel carnes inciderent, quia ritus illi in testimonium luctûs primùm usurpati, in religionem tandem abierunt, et cultûs mortuis præstiti pars magna facti sunt. Hinc Lucianus de sacerdotibus Deæ Syriæ devotis agens, ait : *Capita detondent, quemadmodum Ugyptiit, quando apud ipsos mortuus est Apis.* Hinc il-

Iud Plutarchi in Iside loquentis de sacerdotibus. *In Egypti
Forum capita in luctu testimonium radi solita.* Id confir-
matur ex Baruch 6. 50, ubi de Babylonis et eorum
idolis verba faciens, ait: « In domibus eorum sacer-
« dotes sedent, habentes tunicas scissas, et capita, et
« barbam rasam, quorum capita nuda sunt. Rugiunt
« autem clamantes contra Deos suos, sicut in castris
« mortui. » Adde illam S. Thomæ observationem
primâ secundâ, quæstione 102, articulo 6 ad un-
decimum. « Preceptum etiam erat eis, inquit, ut non
« raderent caput, nec barbam, nec in carnibus suis fa-
« cerent incisionem, ad removendum idololatricæ ritum.
« Nam sacerdotes gentium radebant caput et bar-
« bam. Unde dicitur Baruch sexto: *Sacerdotes sedent,
« habentes tunicas scissas, et capita, et barbam rasam.*
« Et etiam in cultu idolorum incedebant se cultris et
« lanceolis, ut dicitur 5 Regum 18. Unde contraria
« præcepta sunt sacerdotibus veteris legis. » Hanc
legem quâ rasura capitis et barbæ sacerdotibus prohi-
betur paulo magis explicatam repetit Ezechiel pro-
pheta, cap. 44, 20: *Caput autem suum non radent,*
inquit, *neque comam nutriunt: sed tondentes attendent*
capita sua. Sacerdotum ministris ex æquo vetitum fuisse
patet ne caput ad vivam eum aut calvitiam raderent,
et ne comam promissam et incultam gererent. Rasa
enim et promissa vel neglecta casaries, luctûs fune-
bris index erat: et idolorum sacerdotes alibi comati,
alibi rasi incedebant, ut constat ex Herodoto lib. 2,
cap. 56. « Deorum sacerdotes, inquit, alibi comati
« sunt, in Ægypto derasi. Apud alios ritus est, statim
« in funere proximi capita deglabrari: Ægyptii in fu-
« neribus sinunt capitis crines augescere, barbam ta-
« men tondent. » Vestem lineam, et rasuram sacerdo-
tum Isidis insignia fuisse testatur Plutarchus in Iside.
Hinc *Grex Calvus* à Juvenali appellatur. Denique S.
Hieronymus commentario in Ezechielis, cap. 44, scri-
bit: « Quod sequitur, *caput suum non radent, neque*
« *comam nutriunt*, perspicuè demonstrat, nec rasis
« capitibus, sicut sacerdotes cultore quæ Isidis et Se-
« rapidis, non esse debere: nec rursus comam di-
« mittere, quod propriè, luxuriosum est, barbarorum,
« et militantium: sed ut honestus habitus sacerdotum
« facie demonstretur. »

III. Hujus observantiæ sacerdotalis circa funera
funebresque ritus, typicas rationes affert S. Cyrillus
Alexandrinus, lib. 12 de Adoratione in spiritu et
veritate, p. 450. Nec tamen literales omittit. Sacer-
dotes vitæ innocentia et puritate à vulgo secretos
prorsus esse debere, nec peccatorem populûm sequi,
aut consensu suo, vel conniventia, criminum alieno-
rum participes esse, sed flagitiosorum hominum so-
cietatem vitare debere, quantum possent, ne illorum
consortio contaminarentur, ea lex significabat. Se-
cundò sacerdotum Aaronicorum sacrificia typi erant
sacrificii Christi, quo mors dissolvenda erat: quam-
ohrem indignum erat eorum ministerio, ut in civitum
suorum, aut propinquorum funeribus lugerent, nisi
patris et matris, filiorum, fratris et sororis virgûs,
quod ipsi indulsit supremus legislator, ne omnem hu-

manitatis sensum exuisse, et pietatem parentibus delatam
ab ipso viderentur. Quia vero summus sacerdos
typus erat Christi, qui vita est, et vivunt omnia, et in quo
nec umbra est peccati, summum sacerdotem ad omni
prorsus funere abesse Deus voluit, nec patris etiam vel
matris exequis interesse, vel eos more populari lugere.
S. Cyrillum eâ de re disserentem audiamus. « Mendum
« quidem, inquit, homini nullam prorsus mors alterius
« hominis affert, si veram rationem exquisitas, sed
« mors tamen corporis figura est illius mortis intime,
« cum anime intereunt; quâ inquinari eum necesse
« est, qui vel voluntatis conjunctione, vel factorum
« similitudine propinquus fuerit. A mortuis enim ope-
« ribus abscedere, et quam longissime disjunctos esse
« sanctorum hominum dignitas postulat, expeditque
« cum illis minime congrui qui ejusmodi morbis af-
« fecti sunt. Scriptum est enim: *Qui tangit piecem in-*
« *quinabitur*, Ecclesiast. 15, 1. Per tale enim aliquid
« de alterius vitio trahet qui illius conjunctionem vi-
« tare noluert. Dat tamen sanctificationis hominibus
« licentiam lex, ut in patre ac matre, liberis quoque
« ac fratribus, et iis qui se proxime contingunt, sine
« culpâ contaminentur, ad inanima cadavera propius
« accedentes, in quo naturæ veneratione, criminum
« eorum, quæ in figurâ erant, minimam rationem ha-
« buit, ne qui Dei intimi familiares essent, duri et su-
« perbi et inhumani viderentur; cùm præsertim lex
« diserte præcipiat: *Honora patrem tuum et matrem*
« *tuam, ut bene sit tibi.* Alio quoque modo ac ratione
« sanctificationis hominibus interdictum esse luctum di-
« scimus: nam quia vitæ sacri administri erant, et
« ad mortem dissolvendam Deo sacrificia offerebant
« (mortis namque dissolutio est Christi mors, ovibus
« ac bobus figurata) qui consequens fuisset ut luctu
« ex morte suscepto premerentur?... Permisit itaque
« lex ut sanctificati homines ad eos qui summâ co-
« gnationis necessitudine cum ipsis juncti essent,
« mortuos accederent. Sed huic rei modum imponit,
« neque redundantia officii id violari sinit, quod illos
« maxime decet, ne augustus ille sacerdotii honos
« minuatur; prohibet enim ad aliorum hominum si-
« militudinem tondere caput, et ad oris dedecus bar-
« bam radere, et nefaria illa gentilis insanici facinora,
« illic, inquam, corporis incisiones, ut ne in mentem
« quidem veniant præcipit. Nam propinquis quidem
« jungi communionem doloris, nihil absurdi est: sed se
« prorsus inhoneste gerere, deforme et non mediocris
« insaniciæ. *Omnia enim, inquit, honeste et secundum*
« *ordinem fiant*, 1 Cor. 14. Quin etiam Dei honorem
« ipsorum quoque parentum obsequio præferendum
« putare, ipse Salvator jussit his verbis. *Qui amat patrem*
« *aut matrem plus quàm me, non est me dignus.* Matth. 10. »

Et infra, idem S. Cyrillus legem summo sacerdoti
circa funera impositam hunc in modum explicat. « Vi-
« des evidenter ut in figuris adhuc ipsum Emmanue-
« lem etiam Christum, in Aaron appellatum: unctus
« est enim Spiritu, ut Scripturæ tradunt, cùm ipse
« perfectissimus esset sacerdos, ob eamque causam
« sacerdotil gloriam ejusmodi haberet ut amittere non

« posset. Neque enim, inquit, ponet de capite suo ci-
 « darim, id est, habitum sacerdotalem non amittet :
 « dictum est namque illi omnium salvatori ac libera-
 « tori : *Tu es sacerdos in æternum secundum ordinem*
 « *Melchisedec*, Ps. 109. Et illi quidem plures facti sunt
 « sacerdotes eo quod morte prohiberentur permanere ;
 « hic autem eo quod maneat in æternum, sempiternum
 « habet sacerdotium : unde et *salvare in perpetuum po-*
 « *test accedentes per ipsum ad Deum*, Hebr. 7. Ita enim
 « scripsit beatus Paulus. Igitur hoc ipsum quod cidaris
 « non ponebatur de capite, sacerdotii dignitatem nun-
 « quam ab eo removendam significat. Sed ne vestes
 « quidem scindet, inquit : hoc quibusdam in mortuis
 « facere moris est, id verò à Christo prorsus alienum ;
 « neque enim ullum ex morte dolorem pati vita po-
 « test ; nihil enim prorsus illi mortuum est, sed ipsa
 « est mortis dissolutio et interitus eversio. Itaque ipse
 « quondam Salvator objurgavit eos qui Archisynagoga
 « puellam deflebant. *Recedite, inquit, ne flete ; non est*
 « *enim mortua puella, sed dormit*, Matth. 9 ; Luc. 8.
 « Erat enim absurdum profecto lacrymas pro mortuâ
 « puellâ profundere, cum adesset omnium vita, Chri-
 « stus nempe. Quod si super Lazaro deflevit, ex be-
 « nevolentia id factum dicimus, et divinæ fuisse beni-
 « gnitatis in nostris malis commiserationem : ipsius
 « enim naturæ mortis tyrannide violatæ misericordia
 « permovebatur, suisque lacrymis eadem ab illâ æ-
 « rumnâ liberabatur..... Nullo verò modo esse in
 « Christo profani aliquid obliquè significatur, in eo
 « quod dicitur recedendum esse summo sacerdote à
 « funere, neque eum ad ullum omnino mortuum ac-
 « cedere debere, posthabendamque hâc in parte illam
 « in patrem et matrem ac fratres observantiam. Vide
 « autem quàm prudens fuerit ipsa lex, quàmque aptum
 « his sententiis decorum minimè parvipenderit : in
 « aliis enim sacerdotibus, naturæ verecundia commo-
 « vebatur, permittebatque sanctificatis sacerdotibus in
 « mortuis qui summâ ipsis propinquitatē atque cognat-
 « tione juncti essent, sine ullâ criminis notâ consuetu-
 « dinem sequi ; et ne quid in umbrâ peccati admitteretur,
 « non valde laborabat : eæ namque culpe describeban-
 « tur quæ ad nos spectarent, figuraque illa ad homines
 « pertinebat, quibus nihil mirum, si quid maculæ sit
 « adjunctum : *In multis enim delinquimus omnes*, Jaco-
 « cob 3. Naturaque ipsa in nobis delinquendi morbo
 « laborat. At verò in summo sacerdote, id est, Christo
 « servata est, etiam in ipsâ figurâ, pura integraque
 « majestas, et illa in umbris ipsis quoque sinceritas,
 « ut ne pulchritudo veritatis tanquàm violata corrup-
 « peretur ; alienus est enim ab impuritate Christus, et
 « peccati prorsus ignarus, et ab omni contaminatione
 « remotus, imò verò splendoris atque puritatis cogni-
 « tor, et in summâ sanctificatione positus. »

Spiritualem rationem legum illarum, de quibus agi-
 mus, affert etiam S. Thomas loco laudato : « Spiritualis,
 « inquit, ratio horum est : quia sacerdotes omnino
 « debent esse immunes ab operibus mortuis, quæ sunt
 « opera peccati. Et etiam non debent radere caput, id
 « est, deponere sapientiam ; neque deponere barbam,

« id est, sapientiæ perfectionem : neque etiam scindere
 « vestimenta, aut incidere carnes, ut scilicet vitium
 « schismatis non incurrant. »

Observantia illa ad gentes manavit. Sacerdos Cre-
 tensis apud Euripidem ritus suos describens ait : *Non*
attinges funereas res. De sacerdotibus Ægyptiis Por-
 phyrus, lib. 2 de Abstinentiâ, scribit : « Tum qui ibi
 « sunt sacerdotes et aruspices præcipiunt eis abstinere
 « à sepulcris et hominibus profanis, et à Venere et
 « ab omni conspectu fædo ac fœnebris. » Sic flamen
 Dialis locum in quo bustum esset nunquàm ingredie-
 batur, mortuum nunquàm attingebat, ut refert A. Gel-
 lius, libro 10, cap. 15. *Moris Romani fuerat*, ut ob-
 servat Servius ad 3. Æneidos, *ramum cupressi ante*
domum funestam poni, ne quisquam pontifex per igno-
rantiam pollueretur ingressus. Testis est Tacitus, lib. 1
 Annalium, *neque imperatorem auguratu et vetustissimis*
cæremoniis præditum, attractare fœralia debuisse.

§ II. De observantiis populum universum spectantibus,
 et primò de ciborum discrimine.

Observantiæ populum universum spectantes, aliæ
 ciborum discrimen ac delectum ; aliæ utriusque sexus
 apparatus, aliæ heterogeneorum commixtionem vel
 conjunctionem, sive in seminibus, sive in animalibus,
 sive in vestibus spectabant.

Lex de animalium discrimine et ciborum delectu
 lata est Levit. 11. *Hæc sunt animalia quæ comedere*
debetis de cunctis animantibus terræ. Omne quod habet
divisam ungulam, et ruminat in pecoribus, comedetis.
Quicquid autem ruminat quidem et habet ungulam, sed
non dividit eam, non comedetis illud, et inter immunda
reputabitur... Omne quod habet pinnulas et squamas,
tam in mari, quàm in fluminibus et stagnis, comedetis.
Quicquid autem pinnulas et squamas non habet eorum
quæ in aquis moventur et vivunt, abominabile vobis ex-
crandumque erit, carnes eorum non comedetis, et morti-
cina vitabitis, etc. Varias istius observantiæ rationes
 auctores ecclesiastici proferunt. Quidam Deum hoc
 ciborum discrimen statuisse volunt, ut populi sui va-
 letudini prospiceret, dum animalia ex rebus immundis
 nutrita, ut porcum, vel foetida, ut talpas et mures,
 aliæque sub terrâ degentia ; aut venenosa, ut stellio-
 nem, lacertam crocodilum, aut succum insalubrem
 præbentia, ob nimiam abundantiam humoris, vel sic-
 citatis, ab illis attingi prohibuit. Si vetita sunt eis
 animalia ungulam continuam, non scissam habentia, ob
 terrenas quæ in iis abundant qualitates : et carnes
 animalium habentium multas fissuras in pedibus, ob
 redundantiam bilis et adustionem : ob hanc rationem,
 leonis, et similibus, atque etiam avium quarundam
 rapacium carnibus, Judæis interdictum est. Ob nimium
 verò humorem aves quædam aquaticæ, necnon pisces
 pinnulis et squamis destituti, ut anguillæ, et aliquæ
 hujusmodi, ipsis vetiti sunt. Animalia autem ruminan-
 tia, et ungulam findentia, munda et esui apta Deus
 pronuntiavit, necnon pisces pinnulis et squamis in-
 structos, ob qualitatum temperiem, quæ succum effi-
 cit humano corpori salubrem et amicum. Hanc ratio-

nem calculo suo approbat S. Thomas primâ secundâ, questione 102, art. 6 ad primum. Ipsi prævit Anastasius Sinaita, questione 26. « Deus quidem, inquit, fecit omnia valde bona : at si ab hominum avaritia et intemperantiâ assumantur ad id, ad quod non sunt condita, jam non sunt bona. cum enim diu post promissæ ad omnem usum fuerent, et cupiditatem vescendi eo quod noxium erat, accenderent, necessario induxit Dei providentia mundorum et immundorum discrimen. Nonnulla enim ex animantibus terrestribus et aqualibus, quæ copiosius habent virus, omninò prohibuit. »

Alii Deum optimum maximum animalium et ciborum discrimen instituisse censent, et in detestationem idololatricæ : nam gentiles, et præcipue Egyptii, inter quos Israelitæ erant nutriti, hujusmodi animalia prohibita idolis immolabant, vel eis ad maleficia utebantur. Animalia verò quæ eis sunt concessa ad esum non comedeant, sed ea tanquam Deos colebant; vel propter aliam causam ab eis abstinebant. Altera ratio est S. Thomæ loco supra laudato, ab antiquis Patribus accepta. Ita quippe Origenes, lib. 1 contra Gelsum : « Unde hoc quoque, si quid aliud in Mose admiratione dignum existimo, quod consideratis animalium differentis, sive divinitus doctus quid cognationis cum quibus demonibus habeant singula animalia, sive sapientia pervestigatis eorum ordinibus, omnia pronuntiavit impura, è quibus præagia sumunt Egyptii ceterique homines; reliqua verò, quæ non sunt hujus generis, pura ferè omnia : et in ordine impurorum censentur apud eum lupus, vulpes, draco, accipiter, aquila, et his similia. »

Ita Theodoretus, questione in Leviticum : « Nec ignoramus alia multa pro Diis habuisse Egyptios, sed ex his quæ pro Diis colebant, mansuetoria sacrificiis addixisse; reliqua verò appellavit immunda, ut hæc quidem excerati tanquam impura, in Deorum numero non ponerent : illa verò ut quæ ipsi sacrificarent, pro Diis non haberent, sed cum solum adorarent, cui convenit hæc offerri. » Et quest. 11 : « Ceterum dum animalia terrena, volatilia atque aquatilia, bifariam partitus est, munda quædam et alia nominans immunda suaslet nobis ne quicquam horum esse Deum putemus. Quo enim modo sane quisquam mentis Deum nunciant id quod aut tanquam immundum odio aversatur, aut quod verè Deo oblatum tandem ipse comedit? »

Ita S. Basilii Seleucensis, oratione 6 : « Olim Hebræi Egypto relicti idololatriæ graveolentiam usque adeò ferebant, ut debitum Dei cultum brutorum veneratione commacularent. Nam apud Egyptios superstitutionis insanitas pro lege obtinuit. Si quidem apud ipsos his Deus lege statuitur, et canis, et cum istis crocodilus ad sacrificium offertur, et ovis adoratur. Neque Hebræorum gens ab hac aegritudine deduci potuit; ipsa solitudo aegritudinem notificavit. Vitulum enim, quod et in Egypto factum, in deserto loco adorabant, et mare ipsorum gratiâ præter naturam seindebatur, cum interim populus ab impietate non resunderetur; sed morum progressu trans-

fegabat in Egyptum. hæc sapientissime Deus medicamentorum obicem opposuit malo, et brutorum animalium naturam discernens edictis, quodam vocavit munda, quædam appellavit immunda. ut hæc tanquam impura abominati, illa velut munda excedentes, utraq; superstitione abstinerent, evaderetque legis edictum animæ medicamentum. Fortæque Deus creaturarum injuriam nomine tenens, ut hominum morbum sanet, ut impediatur idololatriam, quæ usque ad animalia progreditur; et immundorum nomenclationem fert in creaturis, ut purum ab impietate custodiat hominum propositum. Hujusmodi igitur distinctionis causa opinione recepta est. Itaque propterea quod mandum editur facile evalescit; et quod immundum lege dicitur appellatio veneratione spoliatur. »

Aliis visum est illud ciborum discrimen à Deo institutum, ut Israelitarum intemperantiam coerceret, ac eos quibusdam abstinentiæ et temperantiæ rudimentis informaret. Ita Tertull. lib. 2 contra Marcionem, cap. 18. « Et si lex, inquit, aliquid cibis detrahit, immunda pronuntiat animalia quæ aliquandò benedicta sunt, consilium exerceat continentie intellige, et frenos impositos illi gula agnosce, quæ cum panem ederet angelorum, cucumeres et pepones Egyptiorum desiderabat. Agnosce simul et comitibus gulæ, libidini scilicet atque luxuriæ prospectum, quæ ferè ventri castigatione frigescent. Manducaverat enim populus, et biberat, et surrexerat ludere. Proinde ut et pecuniæ ardor restringeretur ex parte quâ de victus necessitate causatur, pretiosorum ciborum ambitio detracta est postremo, ut facilius homo ad jejundandum Deo formaretur, paucis et non gloriosis escis assuefactus, et nihil de lautioribus esuritus. »

Ita Novitianus, epist. de Cibis Judaicis, cap. 4 : « Accesserunt, inquit, et alia causa, quibus multa à Judæis ciborum genera tollerentur : quod id fieret, immunda multa sunt dicta, non ut illa damarentur, sed ut isti coercerentur servituri uni Deo, quia ad hoc assumptos frugalitas decebat, et gulæ temperantia, quæ semper religioni deprehenditur esse vicina, imò, ut ita dixerim, consanguinea potius atque cognata : sanctitati enim inimica luxuria est.... Ad coercendam ergo intemperantiam populi, remedia sunt ista quesita, ut quantum luxuria demeretur, tantum bonis moribus adderetur. Nam quid aliud merebantur, quam ut ne omnibus escarum voluptatibus uterentur, qui divinis Manna epulis vilissimos Egyptiorum cibos præferre ausi sunt, carnes jurentas inimicorum atque dominorum ante libertatem ponentes, digni sanè quos optata servitus saginaret, quibus malè displicuerit et melior et liber cibus? »

Ita S. Thomas loco supra laudato : « Tertia ratio est, inquit, ad tollendam nimiam diligentiam circa cibaria : et ideo conceduntur illa animalia, quæ de facili et in promptu haberi possunt. »

Alii Deum ciborum discrimen instituisse docent, ut etiam inter edendum, et bibendum Israelitæ Dei meminissent, adeoque nunquam ex eorum animis Dei notio et memoria excideret. Ita S. Justinus Martyr in Dialogo contra Tryphonem, sic in illius personâ Judæos alloquens : « Quin et à cibis quibusdam ut vos abstineretis, vobis mandavit, ut etiam inter edendum et bibendum vobis ob oculos versaretur Deus promptis admodum et proclivibus ad deficiendum à notione ejus. »

Alii Deum ciborum et animalium discrimen instituisse censent, et animalia quædam immunditiæ nomine à Judæorum mensis removisse, ut illa observantia indicaret ipsos gentem esse sanctam, Deoque sancto in peculium separatam, utque à profanis gentibus discernenterentur, iisque nec sanguine, nec religione, nec usu familiari jungerentur. Ratio est ipsis Scripturæ Sacræ verbis petita, Levitici 11, 43, 44, 45 : *Nolite contaminare animas vestras, nec tangatis quidquid in eorum, ne immundi sitis. Ego enim sum Dominus Deus vester : sancti estote, quia ego sanctus sum. Ne pollutatis animas vestras in omni reptili, quod movetur super terram. Ego enim sum Dominus, qui eduxi vos de terrâ Ægypti, ut essem vobis in Deum. Sancti eritis, quia ego sanctus sum. Lev. 1. 20, 21, 25, 26 : Ego Dominus Deus vester, qui separavi vos à cæteris populis. Separate ergo et vos jumentum mundum ab immundo, et avem mundam ab immunda. Ne pollutatis animas vestras in pecore, et avibus, et cunctis que moventur in terrâ, et que vobis ostendi esse polluta. Eritis mihi sancti, quia sanctus sum ego Dominus, et separavi vos à cæteris populis, ut essetis mihi. Et Deuteron. 14, 2, 3, 20, 21 : Quoniam populus sanctus es Domino Deo tuo; et te elegit ut sis ei in populum peculiarem, de cunctis gentibus que sunt super terram : ne comedatis que immunda sunt... Omne quod mundum est comedite. Quicquid autem morticinum est, ne vescamini ex eo. Peregrino, qui intra portas tuas est, da ut comedat, aut vende ei : quia tu populus sanctus Domini Dei tui es. Id ex Aristea confirmatur : « Cernis, inquit, quid possint, et efficiant conversatio et consuetudo, quod homines ex conversatione improborum depraventur, et fiant miseri per totam vitam... Hoc diligenter contemplatus, utpotè sapiens legislator noster, ne per illius impietatis communicationem inficeremur, neve conversatione improborum depravemur, circumsepsit nos legali sanctitate et puritate cibi, potûs, tactûs, auditûs et visûs. »*

Alii discriminis ciborum à Deo instituti rationes typicas, symbolicas, allegoricas reddunt, asseruntque Deum animalia quædam impura pronuntiâsse, et Judæorum mensis admovei prohibuisse, ut certis animalium vitiorum generibus, quasi figuris, certa hominum vitia notarentur. Ita auctor epistolæ S. Barnabæ adscriptæ. « Ergo, inquit, non est mandatum Dei ne manducet, sed Moses in figurâ locutus est illis. Porcinam ergo ad hoc dixit : non eris conjunctus hominibus talibus, qui cum luxuriant obliviscuntur Dominum suum. Porcus enim cum manducat, Dominum non novit, cum esurit, tunc clamat, et cum

accepit, iterum tacet. *Nec manducabis*, inquit, *aquilam, aut accipitrem, aut corvum*. Ille dicit : Non adjunges te, nec similabis talibus hominibus, qui nesciunt per laborem et sudorem sibi acquirere escam, sed rapiunt alienam per suam iniquitatem, et observant quasi in simplicitate ambulantes quæ dispolient; sic aves istæ solæ sibi non acquirentes escam, sed pigre sedentes querunt quomodo alienas carnes devorent, cum sint pestilentiosæ per suam nequitiam. *Non manducabis*, inquit, *murænam, nec polypum, nec sepiam*. Non, inquit, similabis adhærens talibus hominibus, qui in perpetuo impij, et judicati sunt jam mortui. Hi enim pisces soli maledicti sunt, non natantes sicut reliqui, sed in imâ altitudinis terræ inhabitant, etc. »

Ita Origenes, homiliâ 7 in Leviticum : « Agnoscite, inquit, quia figuræ sunt, quæ in divinis voluminibus scripta sunt : et ideò tanquam spirituales, et non tanquam carnales examine. Omnis homo habet in se aliquem cibum, ex quo qui sumpserit, siquidem bonus est, et de bono thesauro cordis sui profert bona, mundum cibum præbet proximo suo. Si verò malus, et profert mala, immundum cibum præbet proximo suo. Potest enim quis innocens et rectus corde mundum animal ovis videri, et præbere audienti se cibum mundum tanquam ovis, quæ est animal malum mundum. Similiter et in cæteris. Et ideò omnis homo, cum loquitur proximo suo, et sive prodest ei sermonibus suis, sive nocet, et mundum ei aut immundum efficitur animal, ex quibus vel mundis utendum, vel immundis præcipitur abstinendum. Si secundum hanc intelligentiam dicamus Deum omnipotentem leges hominibus promulgasse, puto quod digna videbitur divinâ majestate legislatio. Si verò adsideamus litteræ, et secundum hoc quod vel Judæis, vel quod vulgo videtur, accipiamus quæ in lege scripta sunt, erubescio dicere et confiteri, quia tales leges dederit Deus... Decernit ergo ne manducetur hujusmodi animalia quæ ex partē videntur esse munda, et ex parte immunda; sicut camelus, ex eo quod ruminat, mundus videtur, ex eo autem quod ungulas divisas non habet immundus dicitur. Post hæc jam nominat leporem et herinacium; sed et ipsos dicit ruminare quidem, sed ungulas non dividere. Alium verò ordinem facit eorum qui contra ungulam quidem dividunt, sed non ruminant. Primum ergo videamus qui sunt isti qui ruminant et ungulam dividunt, quos mundos appellat. Ego arbitror illum dici ruminare, qui operam dat scientiæ, qui in lege Domini meditatur die ac nocte. Sed audi quomodo dictum est : *qui dividit ungulam, et revocat ruminationem*. Revocat ergo ruminationem qui ea quæ secundum litteram legit, revocat ad sensum spiritalem, et ab infimis et visibilibus ad invisibilia et altiora conscendit. Sed si mediteris legem divinam et ea quæ legis ad spiritalem intelligentiam revoces, vita autem tua et actus tui non sint tales ut habeant discretionem vitæ præsentis et future, si non ista competenti ratione discernas et divides, ca-

inelus es tortuosus, qui cum intellectum acciperis ex meditatione legis divinae, non divolis neque se-
gregas praesentia et futura, nec angustam viam a via spatiosa secernis... Haec quidem generaliter de ta sunt de animalibus. Illa vero quae in aquis sunt, quia dicuntur, siquidem habent pinnas et squamas, munda esse; si non vero habeant, immunda, nec edi debere; illud in his ostenditur, ut si quis est in aquis istis, et in mari vite lupus, atque in fluctibus seculi positus, tamen debet satis agere, ut non in profundis jaceat aquarum, sicut sunt pisces qui dicuntur non habere pinnas neque squamas. Haec namque eorum natura perhibetur, ut in aquis semper et circa ipsum cenum demorentur, sicut sunt anguille, et his similia quae non possunt ascendere ad aquae summitatem, neque ad ejus superiora percurrere. Illi vero pisces, qui pinnulis juvantur, ac squamis muniantur, ascendunt magis ad superiora, et aeri luce viciniores fiunt, velut qui libertatem spiritus quantant. Talis est ergo sanctus quisque qui intra retia fidei conclusus, bonus piscis à Salvatore nominatur: qui et tam mittitur in vas, veluti pinnas habens, et squamas. Nisi enim habuisset pinnas, non resurrexisset de caeno incredularitatis, nec ad rete fidei pervenisset, nisi pinnis adjutus ad superiora venis et. Quid est autem quod et squamas habere dicitur? Tanquam qui paratus sit vetera indumenta deponere. Hi enim qui squamas non habent, velut ex interiora carni sunt et toti carnales qui deponere nihil possunt. Si quis ergo habet pinnas, quibus ad superiora nitatur, mundus est. Qui vero non habet pinnas, sed in inferioribus permanet, et in caeno semper versatur, immundus est. Similiter autem de avibus: *Non manducabis*, inquit, *læc, quia immunda sunt, aquilam, et vulturum, et cetera his similia*. His etenim avibus semper mortuorum corporum cibus est, et ex mortuis cadaveribus vivunt. Omnes ergo, qui hujusmodi vitam gerunt, immundi habendi sunt. Ego puto, et illos in his nominari qui alienis incubant mortibus, et arte quidam vel fraude testamenta subijciunt. Hujusmodi enim homines vultures et aquile merito appellantur, velut mortuorum cadaveribus inhiantes.

Ita Novationus, epistolâ de Cibis Judaicis, cap. 5: Quando irrationale animal ob aliquid reficitur, magis illud ipsum in eo, qui rationalis est, homine damnatur. Et si in eo, quod ex natura aliquid habet quasi inquinamentum, notatur, plus culpabile, cum illud contra naturam in hominem conqueritur. Ergo ut homines damnarentur, pecora culpata sunt, scilicet, ut et homines qui eadem vitia haberent, aequalis pecoribus aestimarentur. Quo pacto factum est, ut nec animalia damnarentur ab institutore sui culpa, et homines in pecoribus eruditi ad immaculatam institutionis suae possent redire naturam. Considerandum enim quomodo lex munda, et non munda discernit: munda, inquit, et ruminant, et ungulam fludunt; immunda neutrum faciunt, aut ex duobus unum aliquid; Omnia ista unus artifex fecit, et qui

fecit, ipse benedixit. Institutionem igitur mundam utriusque conspicio, quia et qui instituit, sanctus est, et quae instituta sunt, culpam non habent, dum hoc sunt quod facti sunt. Crimen enim nunquam natura: sed voluntas perversa excipere consuevit. Quid ergo est? In animalibus mores depinguntur humani, et actus, et voluntates: mundi si ruminant, id est, in ore semper habeant quasi cibum: praecepta divina: ungulam fludunt, si firmo gradu innocentiae, justitiae, omnisque virtutis vitae itinera conficiant. Eorum enim quae in duas ungulas pedem dividunt, robustus semper incessus. Sic qui neutrum faciunt, immundi sunt: quorum nec in virtutibus firmus incessus est, nec divinorum praeceptorum in ore ullius ruminationis teritur cibus. Nam et qui alterum faciunt, nec ipsi mundi, dum sunt ex altero debiles, nec in utroque perfecti. Hi autem sunt aut utrumque facientes, ut fideles qui mundi: aut alterum, ut Judaei, et Haeretici, qui sunt inquinati; aut neutrum, ut Ethnici, qui sunt consequenter immundi. Ita in animalibus per legem quasi quoddam humanae vitae speculum constitutum est, in quo imagines sanctionum considerent, ut plus vitiosae quaeque hominibus contra naturam commissa damnetur, dum etiam naturaliter in pecoribus constituta culpantur. Nam quod in piscibus squamis aspera pro mundis habentur, asperi, et hispidi, et firmi, et graves mores hominum probantur. Quae autem sine his sunt, immunda, quia leves, et lubrici, et infidi, et effeminati mores improbantur. Quid enim vult sibi lex, cum dicit: Camelum non manducabis, nisi quoniam de exemplo animalis vitam damnat enervem et criminis tortuosam? Aut cum suum cibo prohibet assumi, reprehendit utique cenosam, et luteam, et gaudentem vitulorum sordibus vitam, bonum suum non in animi generositate, sed in solâ carne ponentem: aut cum leporem, accusat reformatos in feminam viros. Quis autem mustelae corpus cibum faciat? Sed forte reprehendit. Quis lacertam? Sed odit vitae infidam varietatem. Quis stellionem? Sed maculas execratur, praedam de alienâ morte quærentes. Aut quis corvum? Sed versutas execratur voluntates. Passerem quoque cum interdicat, intemperantiam coarguit: quando noctuam, odit lucifugas veritatis: quando cynnum, cervicis altè superbos: quando caradrium, garrulam nimis linguae intemperantiam: quando vesperilionem, quærentes tenebras noctis simul et erroris. Haec ergo et his patria lex in animalibus execratur, quae in illis quidem non criminosa, quia in hoc nata sunt, in homine culpata, quia contra naturam, non ex institutione, sed ex errore quæsitae sunt.

Ita S. Augustinus, lib. 6 contra Faustum, cap. 7: Testamento veteri, inquit, ubi quidam cibi carcerum prohibentur, cur non sit contraria ista sententia, quâ dicit Apostolus: *Omnia munda mundis: et omnis creatura Dei bona est*, I Timoth. 4. Si possunt, intelligant hoc Apostolum de ipsis dixisse naturis: illas autem litteras propter quasdam praefi-

« gurationes temporì congruentes, animalia quædam
 « non naturâ, sed significatione immunda dixisse. Ita,
 « quod verbi gratiâ, si de porco et agno requiratur,
 « utrumque naturâ mundum est, quia omnis creatura
 « Dei bona est: quâdam verò significatione agnus
 « mundus, porcus immundus est: tanquàm si stul-
 « tum et sapientem diceret, utrumque hoc verbum
 « naturâ vocis, et litterarum, et syllabarum, quibus
 « constat, utique mundum est. Significatione autem
 « unum horum verbum, quo dicitur stultus, immun-
 « dum dici potest, non naturâ sui, sed quoniam quid-
 « dam immundum significat: et fortassè quod est in
 « rerum figuris porcus, hoc est in rerum genere stul-
 « tus; et tam illud animal, quàm istæ duæ syllabæ,
 « quòd dicitur stultus, quiddam unum idemque signifi-
 « cat. Immundum quippe illud animal in lege positum
 « est, eò quòd non ruminet: non autem hoc ejus vi-
 « tium, sed natura est. Sunt autem homines qui per
 « hoc animal significantur, immundi proprio vitio, non
 « naturâ: qui cùm libenter audiant verba sapientiæ,
 « postea de his omninò non cogitant. Quod enim utile
 « audieris, velut ab intestino memoriæ tanquàm ad os
 « cogitationis recordandi dulcedine revocare, quid est
 « aliud quàm spiritaliter quodammodò ruminare? Quod
 « qui non faciunt, illorum animalium genere figuran-
 « tur. Unde et ipsa à talibus carnibus abstinentia tale
 « vitium nos cavere præmonuit. Cùm enim thesaurus
 « desiderabilis sit ipsa sapientia, de hæc nanditiâ ru-
 « minandi, et immunditiâ non ruminandi alio loco
 « scriptum est: *Thesaurus desiderabilis requiescit in*
 « *ore sapientis; vir autem stultus glutit illum*, Proverb.
 « 24. Hæ autem similitudines rerum, propter quæ-
 « rendi et comparandi exercitationem, rationales
 « mentes utiliter et suaviter movent. Sed priori po-
 « pulo multa talia non tantùm audienda, verùm etiam
 « observanda præcepta sunt. Tempus enim erat, quòd
 « non tantùm dictis, sed etiam factis prophetari opor-
 « teret ea quæ posteriori tempore fuerant revelanda.»
 Ita S. Cyrillus, lib. de Adoratione in Spiritu et Veri-
 tate 14, pag. 498, 499, 500: «Non obscure est quin
 « lex nihil profanum ducat, omnia verò munda mun-
 « dis esse intelligat; sed naturalem ejusque animan-
 « tis proprietatem cum morum humanorum qualitati-
 « bus conferendo, non mediocrem utilitatem affert:
 « esse autem id, quod dixi, verum et exploratum ex
 « his rursus intelliges. Nam quæ apud omnes impro-
 « bantur, ea respuere et execrari perspicuè jussit, ca-
 « melum dico, et chærogrillum, nycticoracem, et ca-
 « tarrhactem, et stellionem, et mustellam, et alia fo-
 « diora. Igitur ad morum qualitatem aptè transferenda
 « sunt, quæ nonnullis animantibus rationis expertibus
 « secundùm naturam insunt, cùm ea singula in seipsis
 « depingant certorum hominum mores, et in quibus
 « vitiis versentur, designet..... Pergamus igitur ad le-
 « gis propositum. Justitiæ, et in universum omnis
 « probitatis laudes existunt illa quidem ex cujusque
 « voluntate et arbitrio; sed duplici ratione perficiun-
 « tur. Aut enim in nos ipsos aliquid boni facimus;
 « verbi gratiâ, cùm voluntates præcidimus turpes illas

« ac vitiosas, cùm mortificamus membra quæ sunt
 « super terram, cùm animum ad mansuetudinem com-
 « ponimus, cùm paupertatem in spiritu sectamur;
 « cùm puram liquidamque mentem, quoad fieri potest,
 « habemus. Aut præclara virtutis studia in fratres
 « conferimus, cùm iis qui spontè nos offenderint cle-
 « mentiam ultrò exhibemus; cùm laborantibus opem
 « ferimus; cùm mœrentes consolamur; cùm errantes
 « ex imperitiâ ad rectum iter transferimus, cùm indi-
 « gentibus necessaria suppeditamus; eaque omnia
 « quæ Deo grata sunt efficere summo studio contendi-
 « mus. An non igitur duplex est justitiæ ratio, cùm vel
 « in nos ipsos, vel etiam in alios exercetur? Ejusmodi
 « ergo justitiæ distributionem ungulæ dissectæ, id est,
 « pedi in duos ungues diviso, semper ferè lex compa-
 « rat; pes enim semper incessus illius, quo ad effi-
 « ciendum ciemur atque movemur, signum ac nota
 « est.... Si quis ergo rectè atque sapienter in utram-
 « que partem incedere nòrit, ita ut se et alios morum
 « suorum qualitate juvare possit, ad hæc sapiens et
 « prudentiâ summâ sit præditus, et verba, quæ de Deo
 « dicuntur, in cor tanquàm in habitaculum quoddam
 « atque domicilium recipiat, ac sursùm deorsùm sem-
 « per quodammodò volutet in se ipso divinorum do-
 « gmatum cogitationes; et notiones eas quas tam ac-
 « curatè perceperit, crebrâ prudentique inquisitione
 « tanquàm cibum communiat, animanti ruminanti per-
 « similis erit.» Prolixiorem S. Cyrilli locum inte-
 grum non describo; ipsum adeat studiosus lector,
 consulatque ejusdem librum 9 contra Julianum, pag.
 315, 316, 317, 318.

Ita Theodoretus, quæstione 11 in Leviticum: «Ar-
 « bitror, inquit, ungulæ divisionem significare bona-
 « rum actionum, et contrariarum discretionem: præ-
 « terea vivendum esse non tantùm præsentì vitæ, sed
 « etiam futuræ; et illi quidem attribuenda quæ sunt
 « necessaria: huic autem omnia, id est, et animam,
 « et corpus, et quæ spectant ad corpus. Ruminans au-
 « tem divinorum eloquiorum meditationem designat.
 « Quemadmodùm enim ovis et similia cibum assiduè
 « ruminant, sic impiger, et qui Deum diligit, ad Deum
 « universorum clamat: *Quomodo dilexi legem tuam,*
 « *Domine? Totâ die meditatio mea est.* Sicut enim ani-
 « malia quædam, et ungulas divisas habent, et cibum
 « repetunt: quædam neutrum horum agunt, velut
 « asinus, mulus, equus et feræ: alia bisulca quidem
 « sunt, ac non ruminant, veluti sus; nonnulla ruminant
 « quidem, sed non dividunt ungulam, ut camelus et
 « lepus: sic inter homines quosdam reperire licet
 « perfectos, qui et divinorum eloquiorum meditatio-
 « nem amplectuntur et virtutem colunt diligenter:
 « quosdam autem imperfectos, qui divina quidem elo-
 « quia voce tenùs pronuntiant, sed cameli more ungu-
 « lam dividere nequeant; nonnullos etiam pietati non-
 « dùm initiatos, qui eloquia divina non attigerunt, bo-
 « norum tamen operum sunt studiosi; alios denique,
 « qui tum fidei, tum operationis bonorum sunt prorsus
 « expertes. Porrò aquatiliùm illa vocat munda, quæ
 « squamis et pinnis prædita sunt; hæc enim aquis super-

• natant : quæ vero non sunt ejusmodi, deorsum et in-
 • luto volitantur. Mundi sunt igitur in rationis compo-
 • sitionibus, qui animæ ad terrena non affligunt, sed penitus
 • fidei præditi, clypeo virtutis mununtur. Quod enim
 • piscibus est squama, hoc hominibus est fides. His
 • nos circumtegit beatus Paulus, pennas gratiæ, et
 • arma Spiritus appellans. De volucribus autem illas
 • asserit esse immundas, quæ sunt rapaces, quæve
 • cadaveribus et quæ tenebris gaudent, docent nos
 • abstinere ab avaritia, putidumque peccati cibum
 • adversari, et tenebras odio prosequi. Quod hæc au-
 • tem non abs re sic intellexerimus, Actorum testificatur
 • historia. *Vidit enim inquit, B. Petrus studonem qua-*
 • *tuar intus demissam : in qua erant omnia quadrupedia*
 • *terræ, et volatilia. Audivitque vocem dicentem : Surge,*
 • *Petre, occide, et manduca. Deinde cum ille dixisset :*
 • *Nequaquam Domine, quia nihil unquam comedi quod*
 • *esset commune aut immundum, ait : Dominus Deus*
 • *quæ purificavit, ne communia dixeris.* At hæc dicta
 • esse gratiæ Cornelii, qui, cum esset gentilis, salvari
 • cupiebat, subsequentiâ demonstrant. Dominus quo-
 • que dixit Apostolis : *Multi venient ad vos in vestimentis*
 • *ovium, intus autem sunt lupi rapaces, Matth., 7 45 ; et*
 • *Judeis : Genimina viperarum, Matth. 23, 35. Et Apo-*
 • *stolus ad Philipp. 3 : Videte canes ; Presbyteris*
 • *etiam Ephesiorum, Actor. 20 : Scio quod post dis-*
 • *cessum meum ingredientur ad vos lupi graves non par-*
 • *centes gregi. Et prophete item quosdam equos fu-*
 • *rentes in feminas nominant ; alios verò serpentes,*
 • *et genimina aspidum volantium : rursùm Dominus,*
 • *Matth. 15, 47 : Simile est regnum celorum sagena*
 • *missæ in mare, et ex omni genere piscium congreganti.*
 • *Item, ibid. 24, 28 : Ubi cadaver, ibi congregabuntur*
 • *et aquila. Quare consonat interpretatio sententiæ*
 • *Scripturæ divinæ.*

Ita reliqui Patres et auctores ecclesiastici qui hoc
 argumentum tractarunt, et inter alios S. Thomas,
 primâ secundâ, quæstione 102, articulo 6, in Respon-
 sione ad Primum.

Ciborum discrimen apud Ægyptios aliasque gentes
 Ethnicas invexit superstitio. Ægyptii teste Plutarco in
Iside suam à sacris alienum sentiebant. Iidem hæves
 feminas recusabant, à torture abstinere, ut refert Por-
 phyrus, lib. 4 de Abstinentiâ, et à certo genere pis-
 cium lepidoto nimirum, et anguilla, ut refert Herodo-
 tus, lib. 2, cap. 72. Ægyptii sacerdotes, referente
 Cheremone, apud eundem Porphyrium, piscibus om-
 nibus abstinere, et quadrupedibus quotquot solidas aut
 multifidas haberent ungulas, aut cornuta non essent, et
 volucribus omnibus quæ carnes devorarent. Notum illud
 Juvenalis :

• . . . Lanatis animalibus abstinet omnis
 Mensa, nefas illic factum jugulare capellæ.

Non solum apud Ægyptios, aut Syros, sed et Græ-
 cos, à piscibus abstinere, puritatis pars haud po-
 terna censetur, teste Plutarco Symposiaco 8, quæstione
 8. Dea Syria sacerdotes, Luciano teste, suæ solos
 pro scelerotatis habentes, neque sacrificabant, neque man-
 ducebant. Veteres Britanni, leporem, et gallinam, et

anserem quædam fas non putabant, teste Julio Casare,
 lib. 3 de Bello Gallico, Pythagoram præcepisse a bove
 aratore et aride abstinere, tradit Aristoteles apud Dio-
 genem Laertium. Ut Dei suprema auctoritas anteaquam,
 et ciborum discrimen ob eas quæ diximus rationes a
 Judeis lege lata observari possit, ita de holi et molatio
 discrimen illud apud gentes profanas invenit. Apud
 Hebræos hujusmodi observantia religio fuit apud
 Ethnicos superstitio. Apud Hebræos note singulares
 fuere, quibus lex Dei instituto animalia munda ab
 immundis discernentur, scilicet ruminatio et ungula
 divisio : apud Ethnicos norma hæc discretionis anima-
 lium mundorum ab immundis non fuit : quamvis enim
 Ægyptii sacerdotes ad quadrupedum ungulas et cornua
 respectum habuerint, nullam tamen ruminationis ra-
 tionem habuerunt. Ethnici quidam à piscibus omni-
 bus abstinere, Judei ab iis solis quibus pinas et squa-
 mas natura denegavit.

Porcum inter animalia immunda maxime exe-
 crabantur Judei. Hinc illud Juvenalis de Judæa lo-
 quentis :

Observant ubi festu mero pede sabbata reges,
Et vetus indulget senibus clementia porcis.

Et alterum illud de Judæis :

Nec distare putant humanâ carne suillam.

Porcum Judeis maxime invisum esse persuasum
 habebat Antiochus, qui hoc animali, tanquam odii et
 tyrannidis suæ in Judæos instrumento, usus est, ipsos
 cogens porcos immolare, aut carnes porcinas edere,
 et carnificinas atrocissimas in eos exercens, qui hu-
 jusmodi victimis ac cibis pollueri sese recusarent, ut
 constat ex lib. 1 Machabeorum 1, 50, et 2 Machabeo-
 rum, cap. 6 et 7, et ex Josepho, lib. 1 de Bello
 Judaico, cap. 4. Abstinentiæ Judæorum à carne suil-
 lâ ratio Ethnicis scriptoribus ignota fuit. Plutar-
 chus, libro 4 Symposiaco, questionem proponit,
utrum suem colentes Judæi, aut potius aversati, carne
ejus abstineant ? Convivarum alius opinatur porcum in
 honore apud Judæos esse, ideòque ad ejus esu illos
 abstinuisse. Hujus autem honoris suibus, ut putat,
 habiti rationem ex eo repetit quod *prima suis rostro*
terram findens, vestigium arationis impressisse, ac vome-
ris opus summonstrasse credatur. Unde etiam Ægyptii,
qui cavam et mollem incolunt regionem, inquit Plutar-
chus, omnino etiam atrati usum non admittunt. Sed
postquàm Nilus clavic suâ solum rigavit, cum subsequen-
tes sues in agros depellunt : eâ verò calcandâ ac fodiendâ
tellure celeriter eam altè subvertunt, semenque occultant.
Addit Judæos, si abominarentur porcum, interfecturos
eum fuisse. Nunc, inquit, tam interficere, quam edere
suem, iis est religio. Et fortassis rationi hoc consentit :
sicut asino suus est apud eos honor, qui fontem aquæ
eis demonstravit. Ita suem eos revereri, ut sationis et
arationis magistram. Alius Judæos carnem suillam
abominari censet, tum quod abhorreant, tum quod vitiligibus
et leprâ, quas putant esu huius carniæ adscisci ; et scä-
biosis malignè pustulis : quæ sanè existimantur à pravâ
corporis affectione, et corruptelâ eorum quæ intus sunt,

in superficiem erumpere; tum quòd suis victus immundus sit, nullumque animal ita gaudeat *cano*, ac *sordidis impurisque locis*; tum quòd porcorum oculi ita sint *confracti*, et *humis defixi*, ut nihil eorum unquam cernant, quæ supernè sunt, neque in cælum intueantur, nisi supini contra naturam facti, pupillas sursùm obvertant, ideòque animal hoc aliàs clamosissimam, ubi supinum factum fuerit, tacere attonitum insolenti conspectu cæli. Alius Adonidem, qui vel idem cum Baceho, vel Bacchi fuerit amasius, à sue interfectum fuisse ait; ideòque Judæos, quos Bacehi sacris initiatos calumniatur, suem execrari. Tacitus, Historiæ libro 5, scribit Judæos à sibus abstinnisse *memoriâ cladis*, quòd eos *scabies quondam turpaverat*, cui id animal *obnoxium*. Judæos et Phœnices à sibus temperasse, quòd omninò in regionibus illis non nascerentur scripsit Porphyrius, libro 4 de Abstinentiâ. At rationis hujus falsitas patet ex eo quòd in vicinâ Gerasenorum regione, ubi et Judæi Græcis mixti habitabant, porcorum greges reperirentur, in quos se mitti dæmones à Christo supplices petierunt, Matthæi 8, 30, 31, 32. Petronius Judæos porcum coluisse putat, ideòque ab illius esu abstinnisse.

Judæus, licet et porcinum Numen aaret.

Hæc mera esse figmenta, calumniasque ab hominibus rerum Judaicarum imperitis excogitatas, evidens est. Legem divinam consulenti apparet porcum præ cæteris animalibus immundis vetitum Judæis non fuisse, et ob hanc rationem in immundorum animalium ordine positum, quòd, etsi ungulas fissas habeat, non tamen ruminet, Levitici 7, 8: *Et sus, qui cum iugulam dividat, non ruminat. Horum carnis non vescemini*. Hæc immunditiei nota. Hujus autem animalis impuritate et foeditate hominum ventri ac voluptati servientium, et qui affectibus terram solummodò sapientibus ad faciendam justitiam inutiles se præbent, ingenium ac mores adumbrari censent Patres. Abstinentiâ à suillis carnis Judæis à Deo præceptam, quia his solis *Ægyptii vesciebantur*, cæteris *tantum diis abstinentes*, visum est Theodoro, libro de Curandis Græcorum Affectionibus, sermone 8 de Sacrificiis. At eruditissimum Patrem latuisse aliquà ex parte videntur mores *Ægyptiaci*. *Ægyptios enim à porco abhorruisse testantur Herodotus, libro 2, cap. 47. « Suem autem, inquit, Ægyptii pollutum animal esse putant. Et eam si quis vel transeundo contigerit, ablit immersum se flumini cum ipsis vestibus. »* Alianus, libro 3 Historiæ, capite 16: *Sus præ voracitate ne propriis quidem fetibus pareat, et cum in humanum corpus incidit, non abstinet, sed illud mandit. Proinde hoc animal Ægyptii oderunt ut abominandum et omnivorum*. Plutarchus in Iside: *Suem animal impurum esse æstimant Ægyptii, plerumque enim coire videtur, cum luna decrescit*. Porcorum odium apud Judæos auctum fuisse post Antiochi persecutionem viri eruditi censent, tuncque hanc ab ipsis editam constitutionem, quæ in libro Juchasin legitur: *Maledictus quisquis suem aluerit*. Verisimile proinde est, odium illud quo porcum præ cæteris animalibus

immundis execrabantur Judæi, ex traditione majorum apud ipsos invaluisse. Hujus autem traditionis ratio esse potuit quòd animal esset in gentilium lustrationibus, sacrificiis, mysteriis magicis, festis et pactis sancendis maximè usurpatum. De lustrationibus testis est Isaias propheta, cap. 66, 17: *« Qui sanctificabantur, et mundos se putabant in hortis post januam intrinsecus, qui comdebant carnem suillam, et abominationem, et murem; simul consumerentur, »* dicit Dominus. De mysteriis magicis testis est idem propheta, cap. 65, 5, 4: *« Populus qui ad iracundiam provocat me ante faciem meam semper: qui immolant in hortis, et sacrificant super lateres: qui habitant in sepulchris, et in delubris idolorum dormiunt: qui comedunt carnem suillam, et jus profanum in vasis eorum. »* De Sacrificiis testis Varro, lib. 2 de Re Rusticâ, cap. 4: *« Sus, inquit, Græcè dicitur ζῆ, olim ζευ... Sus ita dictus ab illo verbo quod dicitur ζευω, quod est immolare: à suillo enim pecoris genere immolandi initium sumptum videtur. Cujus vestigia sunt, quòd initiis pacis, foedus cum feritur, porcus occiditur; et quòd nuptiarum initio in Hetruriâ nova nupta et novus maritus primum porcum immolant... Prisci quoque Latini, et etiam Græci in Italiâ idem facitasse videntur. »* Testis Ovidius, lib. 1 Fastorum:

Prima Ceres avida gavisa est sanguine porcæ.

Testis Horatius:

... Immolet aquis

Illic porcum Laribus.

De festis gentium testis Juvénalis, satyr. 11:

Moris erat quondam festis servare diebus

Sicci terga suis, rarâ pendentia crate,

Et natalitium cognatis ponere lardum.

Denique de pactis solemnibus testis cum Varrone Virgilius, libro 8 Æneidos:

... Et cæsa jungebant fœdera porcæ.

Hæc ante nos observavit Spencerus, ut ante ipsum alii viri erudit. Cum itaque non vulgaris fuerit porci usus apud Ethnicos, non mirum quod Judæi porcum inter animantia immunda eo nomine maximè oderint ac penè execrati sint, adeò ut vel illum nominare horrerent, et pro porco, *rem aliam* dicerent, ut ex Talmude aliisque Judæorum libris probat Bochartus, lib. 2 Hierozoici, cap. 57.

§ III. *Lex de sexus utriusque apparatu et vestitu non confundendo.*

Sexus utriusque apparatus ac vestitus confundi et promiscuè usurpari lex prohibet, Deuteronomii 22: *« Non induetur mulier veste virili, nec vir utetur veste femineâ: abominabilis enim apud Deum est, qui facit hæc. »* Hujus observantiæ multiplex ratio. Prima, eaque præcipua, idololatriæ exterminatio. Hæc enim vestium commutatio ritus idololatriæ fuit, in gentium profanarum sacris passim usurpatus. Hoc ritu Cyprios Venerem coluisse observat Servius ad librum 2 Æneidos. *« Veneris, inquit, in Cypro simulacrum est corpore et veste muliebri, cum scepro et*

« naturâ virili, quod ἀρσενεῖα vocant : cui viri in veste muliebri, et mulieres in virili veste sacrificant. » De Assyris idem testatur Julius Firmicus, libro de Erroribus profanarum religionum. « Sacerdotum suorum chorus, inquit, ei aliter servire non potest, nisi effeminent vultum, cutem poliant, virilem sexum ornatu muliebri dedecorent... Exornant muliebriter nutritos crines, et delicatis amicti vestibus, vix caput lassâ cervice sustentant. » De aliis Asiaticis ad memorie proditum a Philochoro apud Macrobiū, libro 3 Saturnal., cap. 8, affirmante « Venerem esse lunam, et ei sacrificium facere viros cum veste muliebri, et mulieres cum virili. » Cum Bacchi solemnia apud Græcos agebantur, Phallorum pompam exercebant *Ithyphalli muliebrem induit atolum*, ut refert Hesychius verbo ἰθυφάλλων. Cum Ὀρφεὺς in honorem Bacchi celebrant, Athenienses, « chori adulescentes duo, muliebri veste induti, palmitem gestantes plenum maturis uvis, festum auspicabantur, » teste Proclo in Chrestomathiâ. Argivi novimulia dissimulato sexu celebrant, « mulieres virilibus tunicis et chlamidibus, viros autem poplis mulieribus amictentes, » teste Polyæno, libro 8 Stratagematum. Apud Coos Hercules sacerdos in Antimaebiâ, « muliebri indutus veste, capite vitæ lato, sacrificium auspicabatur, » ut refert Plutarchus, quest. Græc. postremâ. Apud Romanos idibus Januarii tubicinis sacrificiis præcinere soliti, urbem circumbant *vestem induti muliebrem*, ut refert idem auctor in Quest. Roman., p. 277. Apud Naharvalos antiquæ religionis locus ostendebatur, Tacito referente, lib. de Moribus Germanorum : Præsidebat sacerdos muliebri ornatu. Legem utriusque sexus vestes commutari prohibuisse ad cultûs idololatricæ exterminationem, quia scilicet *in cultu Martis mulieres utebantur armis virorum : in cultu autem Veneris è converso viri utebantur vestibus mulierum*, docet S. Thomas, primâ secundæ, quest. 7, art. 6, ad sextum, præeuntibus Maimonide in More Nexochim p. 3, cap. 57, et Guilhelmo Parisiensi, libro de Legibus, cap. 15. Exerandi hujus ritûs reliquiæ in kalendarum festo seculari ac profano, quod initio redeuntis anni celebratur, Christianos olim infecerunt, ut constat ex S. Asterio Amaseno episcopo, in sermone adversus kalendarum festum. « Nonne, inquit, nudatus in me-
« retreum ac feminarum morem, vultum habitumque
« componit ille strenuus, leonni ille pectoris ac roboris, ille in armis, cum suis aspectu mirabilis, tum
« formidabilis hostibus; ac ad talos usque tunicam
« dimittit, zonam pectori circumvolvît, calcamenta
« muliebria sumit, et more feminarum capiti cro-
« bylum ac plexuram imponit : quin etiam lanâ plenam eolum gestat, ac dexterâ filum ducit, quâ trophæum ante tûit, animique tenorem immutans, in
« acutiorem ac muliebrem sonum vocem extenuat?
« Hæce celebritatis hujus utilitates : hæce hodierni publico conventu festi commoda et fructus. » Idem constat ex canone 62 Trullanæ synodi : « Kalendas, inquit, quæ dicuntur, et vota et brumalia quæ vo-

« cantur, et qui in primo macti mensis die sit conventum, ex fidelium universitate omnino tolli volumus, sed et publicas mulierum saltationes multam novam exitumque alluentes. Quin etiam eas, quæ nomine eorum, qui falso apud gentes di nominati sunt vel nomine virorum ac mulierum fiunt, saltationes ac mysteria more antipio, et à vita Christianorum alieno, amandamus et expellimus, statuantes ut nullas vir deinceps muliebri veste induatur, vel mulier veste viro conveniente, etc. Los ergo qui deinceps aliquid eorum, quæ scripta sunt, aggredientur, si sint quidem clerici, deponi jubemus, si vero laici, segregari. »

Ratio altera cur sexus utriusque vestes commutari lex vetuerit, est publicæ honestatis ac pudoris conservatio, et occasionum libidinis remotio : quam ob rationem ipsis etiam Ethnæis indecorum et pudendum visum est extra numinum suorum sacra vel festa, sexum mentiri. Hinc Diogenes Laertius in Vitâ Platonis ait : « Legis gemina est distributio, altera scripta, altera vero non scripta. Prior illa civilis est, quâ rempublicam administramus : quæ vero citra scripturam est, ea à naturâ et usu proficiscitur ; quale est, nudum in foro ambulare non debere, aut uti veste muliebri. Hæc enim lex nulla prohibet, sed ab iis faciendis abstinemus, quod lege non scriptâ prohibeatur. » Hinc Seneca, epistolâ 125 ad Lucillum, scribit : « Non videntur tibi contra naturam vivere, qui commutant cum feminis vestem ? » Jam christianos doctores audiamus : S. Augustinum, libro 2 Soliloquiorum, cap. 16 : « Credo, inquit, jure infames, instabilesque haberi se, qui muliebri habitu ostentant, quos nescio utrum falsas mulieres, an falsos viros melius vocem. Veros tamen histriones, verosque infames sine dubitatione possumus vocare : aut si latent, nec infame quidquam nisi à turpi famâ nominatur, veros nequaquam non sine veritate dicimus. » Et S. Thomam loco laudato : « Quod mulier, inquit, induatur veste virili, aut è converso, incitativum est concupiscentiæ, et occasionem libidini præstat. »

Rationes omnes observantiæ, quam expendimus, affert Guillelmus, parisiensis episcopus, libro de Legibus, cap. 15. « Causæ, inquit, prohibitionis, ne vir uteretur veste femineâ, vel è converso, multæ fuerunt. Prima fuit congruentia ipsius naturæ, videlicet ut quos natura sexu discreverat, discerneret et vestitus. Secunda, ut opportunitas auferretur turpitudini laibulis : posset enim intrare vir ad mulierem sub habitu muliebri, et è converso mulier sub habitu virili. Ablata igitur est per hanc discretionem vestitûs multa opportunitas flagitiis. Tertia, exterminatio sacrorum Martis et Veneris. In sacris enim Martis non solum virili vestitu vestiebantur mulieres, sed etiam armabantur, ut in ipsis vestimentis bellicis, id est, armis ipsum tanquam Deum belli, et victoriæ datorem colerent. Et Cacogræcus in libro maledicto, quem scripsit de stationibus ad cultum Veneris, inter alia sacrilega et Deo odibilia

« præcepit, ut qui nefandum ritum illum exerceat, co-
 « ronam femineam habeat in capite suo. Eodem
 « modo in sacris Veneris viri effeminebantur, videli-
 « cet in vestibus muliebribus sacra Veneris exer-
 « centes, propter huiusmodi sacrilegos ritus Marti et
 « Veneri se placere credentes atque querentes.
 « Quarta causa, ut occasio magna provocationi libi-
 « dinis auferretur: magna enim est provocatio libi-
 « dinis viris vestitus muliebris, et è converso: quo-
 « niam vestis muliebris viro circumdata vehementer
 « refricat memoriam, et commovet imaginationem
 « mulieris, et è converso. Alibi autem didicistis, quia
 « imaginatio rei desiderabilis commovet desiderium.
 « Quinta causa, ut auferretur occasio maleficii. Con-
 « sueverunt enim malefici et maleficæ, in vestibus
 « aut de vestibus libidinis maleficia exercere, et hoc
 « nos in libris eorum sæpè legimus. Sexta causa, ut
 « tolleretur error periculosus, et superstitiosa credu-
 « litas, quæ trahi possent ad idololatriam, quibus cre-
 « debant decepti, applicatione vestium muliebrium,
 « maximè in sacris Veneris, conjungi sibi ac concii-
 « liari amore fortissimo corda mulierum, propter
 « quas hoc facerent, vel quæ postea huiusmodi ve-
 « stibus uterentur: similiter et deceptæ mulieres id-
 « ipsum credebant de viris et virilibus vestimentis.
 « Voluit ergo Deus hunc superstitiosum errorem au-
 « ferri de cordibus eorum per ablationem abusivis
 « istius, ne per illum tandem traherentur ad cultum
 « Veneris. »

§ IV. *Lex vestem ex lino et lanâ mixtam prohibens.*

Vestem ex lino et lanâ mixtam Israelitis lex pro-
 hibet, Levitici 10, 19: *Veste quæ ex duobus textis est non indueris*; et Deuteronomii 22, 2: *Non indueris vestimento quod ex lanâ linoque contextum est*. Legis huius multiplex ratio. S. Isidorus Pelusiota, libro 5, epistolâ 84, Deum hæc observantiâ Judeos adstrinxisse censet, *ut mollitiem omnem, et variegandi artem, ad luxum nimiumque corporis ornandi studium eliminaret*, eosque doceret omnem operam ad animæ curam et ornatum convertendam. Hoc et alia de Heterogeneorum commixtione præcepta, morum simplicitatem commendare, animi duplicitatem ac hypocrisim dam-
 nare, adulterinas opiniones ac hæreses, quæ errorem cum veritate miscent, proscribere, censent plerique cum Theodoro, quæstione 27 in Leviticum, dicente:
 « Vestem ex lanâ et lino contextam vocat adulteram.
 « docens contrarias operationes non exercere. Et quod
 « his verbis non vestem, sed operationem adulteram
 « innuat, probant velamenta tabernaculi ex variis filis
 « contexta. » Ita etiam S. Cyrillus, Alexandrinus, lib. 7 de Adoratione in Spiritu et Veritate, pag. 245: « Ve-
 « stem, inquit, nos habere non sinit è duobus contex-
 « tam, quæ in figuratè significat cavendum esse ne
 « veluti duplicitatem quamdam in animam admitta-
 « mus; duplicitatem porrò internam ac spirituales
 « esse illam execrabilem hominibus placendi cupidita-
 « tem, quæ velut ex duobus intextitur studiis, non
 « mediocriter inter se differentibus. Quæ enim qua-

« lise est alia hypocritarum vita, nisi ut in con-
 « spectu quidem hominum boni viri appareant, ac
 « videantur esse, non sint tamen reverà probi? Ergo
 « duplices sunt nobis mores è dissimilibus voluntati-
 « bus contexti. At verò beatus David approbat unius
 « moris virum, eumque supernâ providentiâ dignum
 « haberi dicit. » Dominus, inquit, Psalm. 67, *inhabitare
 « facit unius moris in domo. Dissipare etiam Deus dicitur
 « ossa hominibus placentium*, Psalm. 52. » Idem quoque
 vitium Paulus execratur, etc. Huic explicationi calculum
 suum adjiciunt Procopius, Rupertus abbas, et S. Tho-
 mas, primâ secundæ, quæstione 112, articulo 6, *ad
 sextum*. Sed rationem legis istius litteralem præmittit:
 « Sicut dicitur Ecclesiastici 19. Amictus corporis
 « enuntiat de homine. Et ideo voluit Dominus ut po-
 « pulus ejus distingueretur ab aliis populis, non so-
 « lum signo circumcisionis, quod erat in carne, sed
 « etiam certâ habitus distinctione. Et ideo prohibitum
 « fuit eis, ne induerentur vestimento ex lanâ et lino
 « contexto. Primò quidem ad vitandum idololatriæ
 « cultum. Huiusmodi enim variis vestibus ex diversis
 « contextis gentiles in cultu suorum Deorum uteban-
 « tur, » ut colligitur ex Maimonide in More Nevochim,
 p. 3, cap. 37. Ita ante sanctum Thomam Guillelmus
 Parisiensis, libro de Legibus, cap. 13. « Usus, in-
 « quit, vestis ex lanâ linoque contextæ prohibitus fuit
 « juxta litteram, quia sacerdotes idolorum, et in
 « Ægypto maximè, vestibus huiusmodi utebantur.
 « Causa igitur in hoc fuit, ne Dei populus assimila-
 « tur idololatriis. Alia causa fuit generalis, ut idolola-
 « tria, quæ conjunctionibus huiusmodi exercebatur,
 « ex hoc percuteretur. Tertia fuit, ut ordo naturæ,
 « quæ idololatriæ multipliciter pervertebant, servare-
 « tur in vestibus, ut linum scilicet sub lanâ esset, et
 « corpori humano propinquius. Quarta, ut vestibus et
 « materiis earum, ipsa, quam natura inter eas fecerat,
 « discretio seu distinctio servaretur. Hæc enim omnia
 « confundebant et commiscebant idololatriæ in vene-
 « rationem maximè elementorum, pro eo scilicet
 « quod de commixtione elementorum, quibus servie-
 « bant, eorumque confusione omnia huiusmodi gigni
 « dicebant. Volebant etiam insinuari, per huiusmodi
 « commixtiones et conjunctiones, agricolas et pas-
 « tores ad stellarum servitium obligatos: quia stella-
 « rum favore et beneficio putabant fecunditatem, et
 « lanæ copiam in animalibus, fertilitatem in agris
 « provenire. Propter hoc ergo lanam et linum simul
 « in vestibus conjungebant, ut ipso habitu hanc su-
 « perstitionem profiterentur, et utramque copiam à
 « stellis provenire confiterentur. Utrumque autem is-
 « torum erat stellarum servitium, videlicet tam pro-
 « fessio quàm confessio ante dicta: quemadmodum
 « habitus religiosi delatio apud nos est Dei servitium.
 « Scito etiam quia huiusmodi conjunctiones lini et
 « lanæ in vestimentis faciebant eam observationem
 « conjunctionis stellarum.

§ V. *Lex de Fimbriis et Philacteriis.*

Israelitis mandatum est. Numer. 15, 37, « ut faciant

« sibi fimbrias per angulos palliorum, ponentes in eis
 « vittas hyacinthinas. » Ratio legis istius multiplex :
 Prima, ut ipso habitu ab alienigenis discernerentur.
 Secunda, ut memoriale divinarum præceptorum semper
 ob oculos gererent : « Quas cum viderint, recor-
 « dentur omnium mandatorum Domini, nec sequantur
 « cogitationes suas et oculos per res varias forni-
 « cantes, sed magis memores mandatorum Domini
 « faciant ea, sicutque Sancti Deo suo. » Hæc igitur ob-
 servantia ad publicam Judæismi professionem pertine-
 bat, ut docet S. Thomas post S. Hieronymum in cap.
 25 S. Matthæi. In hyacinthinis autem vittis significatur
*celestis intentio, quæ omnibus operibus nostris debet ad-
 junctæ*, inquit doctor Angelicus. Phylacteria usus adhi-
 buit, id est, membranas, quibus Decalogus inscriptus
 erat, quas in fronte ligabant quasi coronam, et in ma-
 nibus gerebant. Ea Exodi 15, 9 et 16, et Deuterono-
 mio 6, 8, imperari senserunt Josephus et S. Justinus
 Martyr in Dialogo cum Tryphone Judeo. Reclamant
 vero S. Hieronymus et S. Thomas, nec aliud istis locis
 Israelitis a Deo præcipi censent, nisi, ut divina man-
 data fideliter exequantur, illaque jugiter meditentur
 non minus quam quæ memoriae causâ in manibus ge-
 rere, aut ob oculos nostros ponere solemus. Exodi
 15, 9 *Et erit quasi signum in manu tuâ, et quasi monu-
 mentum ante oculos tuos : et ut lex Domini semper sit in
 ore tuo : in manu enim forti eduxit te Dominus de
 Ægypto :* v. 16 : *Erit igitur quasi signum in manu tuâ,
 quasi appensum quid, ob recordationem inter oculos tuos :
 eo quod in manu forti eduxit nos Dominus de Ægypto.*
 Deuteronomio 6, 7, 8, 9 : *Eruntque verba hæc quæ ego præ-
 cepi tibi hodiè, in corde tuo : et narrabis ea filiis tuis,
 et meditaberis in eis sedens in domo tuâ, et ambulans in
 itinere, dormiens atque consurgens. Et ligabis ea quasi
 signum in manu tuâ, eruntque et movebuntur ante oculos
 tuos. Scribesque ea in limine et ostiis domus tuæ.* Ex
 hujusmodi Phylacteriis, quasi magni essent ad pieta-
 tem momenti popularem auram captabant Pharisei,
 quorum hypoërisim coarguit Christus Dominus Mat-
 thæi 23, 5 : *Dilatant enim, inquit, phylacteria sua, et
 magnificant fimbrias.* Ceterum, S. Hieronymi et
 S. Thomæ sententia de locis mox laudatis et Exodi et
 Deuteronomii, ex parallelis Scripturæ Sacræ locis
 confirmatur, ubi proverbiali loquendi more tanquam
 corona capiti, et torques faucibus alligari jubentur,
 quorum jugis memoria et fidelis observantia commen-
 datur. Proverbiorum 1, 8, 9 : *Audi, fili mi, disciplinam
 patris tui, et ne dimittas legem matris tuæ, ut addatur
 gratia capiti tuo, et torques collo tuo.* Et cap. 3, 3 : *Mi-
 sericordia et veritas te non deserant, circumda eas gut-
 turi tuo, et describe in tabulis cordis tui.* Et cap. 6, 21 :
*Liga ea in corde tuo jugiter et circumda gutturi tuo. Cum
 ambulaveris, gradientur tecum. Cum dormieris, custo-
 diant te; et exigilans loquere cum eis. Quia mandatum, lu-
 cerna est, et lex lux.* Phylacteria itaque Phariseorum
 non erant divine jussionis, sed novelle supersti-
 tionis, nec à Mosis temporibus usitata fuere, sed post
 captivitatem demùm Babylonicam usurpata sunt, ut
 viris eruditis videtur : cum scilicet legi divine absurdæ

plerasque interpretationes ab hypocritis et supersti-
 tiosis magistris in dies affingerentur, qui proprio et
 litterali sensu exposcere quod metaphoricè capien-
 dum et spiritualiter intelligendum erat. Judaica illa
 Phylacteria ex Ægyptiorum Amuletis originem duxisse
 credant qui voluerint, modo a Deo præcepta non esse
 nobiscum fateantur. De his apud Kircherum, tom. 1
 Oedipi syntagmate 4, cap. 1; Abenephilus, arabs auc-
 tor, sed religione Judæus : « Erat, inquit, frequens
 « in Ægypto usus Phylacteriorum, variis imaginibus
 « insignitorum, quæ se fortunatos esse futuros
 « credebant : quæ adjugebant statunculas quasdam,
 « quas avertentes nuncupabant, quas nunc collo,
 « pectore, manibus portare; nunc in angulis domuum,
 « aliisque locis, veluti custodes eorum collocare sole-
 « bant. Quos usus omnes lex (ut eam quidem Judæi
 « perperam interpretantur) in Thephillim, Mezuzot,
 « et Totaphot convertit : quæ quidem nihil aliud sunt
 « quàm coria ex mundo animali, in quibus verba Dei
 « legis servanda continuam memoriam suadentis et
 « præcipientis scribebantur, ponebanturque super
 « frontem, et brachia, et postes portarum. »

§ VI. Lex diversorum seminum commixtionem prohi- bens.

Diversi generis semina in vineâ seri lex prohibet
 Deuteronomii 22, 9 : *Non seres vineam tuam altero se-
 mine : ne et sementis quam sevisti, et quæ nascuntur ex
 vineâ, pariter sanctificentur :* id est, polluantur et im-
 munditiam contrabant, sive maledictionem, à te, dum
 legem meam violaveris, in illâ redundantem. Et Levi-
 tici 19, 19. *Agrum tuum non seres diverso semine.* Ubi
 LXX Interpretes vertunt : *Kai toî ἀγρῷ σου οὐ
 ἑτεροσπορεύσεις ὄρεσσας.* Et vineam tuam non seminabis dif-
 ferentem. Hujus legis rationem quidam esse censent,
 quòd semina diversa sibi invicem alimenta detrahant,
 cum iisdem sulcis mandantur in vineto, et terræ suc-
 cum deprædentur, quem sibi totum vinea deposcit.
 Ita Josephus, libro 4 Antiquitatum, cap. 8; Philo, libro
 De Creatione, et Procopius. Alii sentiunt Deum hanc
 legem tulisse ut lucri cupiditatem in Israelitis colibe-
 ret, et nihilominus agricolis provideret, quia terra
 mixtis seminibus sata fructus exiliores producit. Ita
 Theodoretus, quæstione 23 in Deuteronomium : « In-
 « explebilem, inquit, aviditatem amputat, et agricolis
 « ipsis providet. Terra enim sata diversis seminibus,
 « exiliores fructus producit. Præcipit ergo neque per-
 « mixta semina mitti, neque vites censi. Deinceps
 « indicta muleta transgressori, castigat lucri cupidi-
 « tatem. Nam hæc sibi offerri jussit. Siquidem ait :
 « *Ut non sanctificetur quod natum est.* » Guillelmus Pa-
 risiensis, libro De Legibus, cap. 13, existimat Deum
 hanc legem veteri gentium profanarum usui oppo-
 sisse, qui in honorem Cereris et Bacchi mixta semina
 inter vites aut vitum ordines serebant, ut utriusque
 numinis ope ac favore proventum uberiorem habe-
 rent. « Utilitas, inquit, juxta litteram manifesta est in
 « hoc, quia collectio sementis non posset fieri absquo
 « detrimento vineæ, vel periculo. Ridiculus autem

est in hoc Dominum voluisse populo suo consulere, in quo nullo consilio indigebat. Cuilibet enim manifestum erat detrimentum hujus atque periculum. Causa igitur in hoc fuit idololatria Cereris et Bacchi, quorum cultores suis vineis culturas conjungebant atque miscebant; sic et fructus quos de beneficio eorum se obtinere credebant, in eodem agro conjungere consueverant. Causa autem in hoc erat, quia in eadem terrâ radices habent vites et fruges, et ex eadem nascuntur et nutriuntur. Volebant igitur Cererem et Bacchum et cultu, et operibus sociare. Attende autem quia generaliter dictum est Levitici 19: *Agrum tuum non seres diverso semine.* Ista autem repetitio insinuat nobis legislatorem non parum erroris atque periculi intellexisse in conjunctionibus hujusmodi. Non enim propter litteralem utilitatem solummodò prohibitiones earum repetivit: ex quo satis intelligitur, propter idololatriam Cereris et Bacchi, vel Stellarum, eas tam studiosè prohibuisse. Hæc ratio petita est ex Maimonide in *More Nevochim*, p. 5, cap. 37. Hanc suo calculo probat S. Thomas, aliasque addit, quæstione et articulo supra laudatis in responsione ad nonum. Discendum, inquit, quod omnes ille commixtiones in agriculturâ sunt prohibitæ ad litteram in detestationem idololatriæ. Quia Ægyptii in venerationem stellarum diversas commixtiones faciebant, et in seminibus, et in animalibus, et in vestibus, repræsentantes diversas conjunctiones stellarum. Vel, omnes hujusmodi commixtiones variæ prohibentur ad detestationem coitus contra naturam. Habent tamen figuralem rationem, quia quod dicitur: *Non seres vineam tuam altero semine*, est spiritualiter intelligendum, quod in Ecclesiâ, quæ est spiritualis vinea, non est seminanda alia doctrina: et similiter ager, id est Ecclesiâ; non est seminandum diverso semine, id est, catholicâ doctrinâ et hæreticâ.

§ VII. *Lex de primis agrorum inculcatorum fructibus per tres annos non comedendis.*

Primos agrorum inculcatorum fructus per tres annos comedi lex vetat, quarti anni fructus Deo dicari jubet, quinti demum in usum dominorum cedere. Levitici 19, 23, 24, 25: *Quando ingressi fueritis terram, et plantaveritis in eâ ligna pomifera, auferetis præputia eorum: poma quæ germinant, immunda erunt vobis, nec edetis ex eis. Quarto autem anno omnis fructus eorum sanctificabitur laudabilis Domino. Quinto autem anno comedetis fructus, congregantes poma quæ proferunt. Ego Dominus Deus vester.* Ratio legis istius multiplex: Prima, quod agrorum inculcatorum fructus ferum aliquod habeant et insalubre, proindeque nec esui sint apti, nec etiam oblatione digni, utpote præcoces et immaturi, et ab arbore adhuc imbecilla producti. Ita S. Joannes Chrysostomus, sermone de Ascensione Domini, qui est 35, tom. 5, Paris. edit., Frontonis Ducæi, pag. 461. *In hoc cerne*, inquit, *sapientiam legislatoris, qui illo vesci non permisit, ne ante Deum quicquam fructus sumeret: neque offerri illum mandavit, ne*

crudus et immaturus offeratur Domino. Sed dimitte, inquit, *quia primus est: ne offeras autem, quoniam indignus est honore acceptantis.* Secunda ratio est idololatriæ detestatio et extirpatio. Hanc enim legem idololatrarum moribus oppositam fuisse censent Maimonides et Guillelmus Parisiensis, libro De Legibus, cap. 4; idemque docet S. Thomas, quæstione et articulo supra laudatis, in responsione ad quintum. Gentiles, inquit, fructus primitivos, quos fortunatos aestimabant, Diis suis offerebant, vel etiam comburebant eos ad quædam magica faciendâ. Et ideo præceptum est eis ut fructus trium primorum annorum immundos reputarent. In tribus enim annis ferè omnes arbores terræ illius fructum producant, quæ scilicet vel seminando, vel inserendo, vel plantando coluntur. Poma autem quarti anni, tanquam primitivæ mundorum fructuum Deo offerebantur. Quinto autem anno, et deinceps comedebantur. Tertia ratio typica est sive allegorica. Hæc enim observantia significabat fructus legis utiles duntaxat evasuros, utpote omninò expurgatos et maturos tempore adventus Christi, ut explicat S. Cyrillus, libro 8 de Adoratione in spiritu et veritate: Hortis, inquit, fertilissimis Moysi Scriptura similis nobis videtur, quæ multiplex præceptorum germen complectitur, et tanquam arboribus densis ornata est; legibus, inquam, de quaque re constitutis. Sed uniuscujusque arboris, inquit, expurgabitur impuritas; id est, quod in historiâ ineptum est, abscindes; quoque in litterâ veluti corticosum, circumcides, atque ad ipsum cor arboris pervenies, id est, intimum præcepti fructum perscrutaberis, atque in cibum assumes. Sed erit, inquit, ejus fructus tribus annis immundus, non manducabitur. Annum ponit pro tempore; tria enim prima tempora fuere, quibus adhuc lex erat impura, historiæ crassitudine prægravata, et umbram tanquam inutilem corticem circumpositam habebat. Tria porrò tempora esse aio, quo Moyses, quo Josue, quo judices fuerunt; quartum postea fuit quo illustris prophetarum chorus exortus est; tum fructus legis sanctus est factus et laudabilis: nam à prophetis sanctis, quæ lege continebantur, abrogari sunt cœpta, et ne commemorari quidem ea quæ in umbris erant, contraque veritas prædicari palam, et Christi adventus mysterium commendari; hos proximè illic secutus est ille præcursor, clamans ac dicens: *Pœnitentiam agite; appropinquat enim regnum cælorum*: igitur quarto tempore, quæ in lege tradita fuerant expurgari cœperunt; erantque jam sanctus quodammodò ejus fructus; verum tamen quinto tempore ad cibum fuit aptus, quo tempore Christi contigit adventus testificatus à lege et prophetis. Brevius hunc locum allegorizat S. Thomas, 1-2, quæst. et art. supra laudatis: Per hoc, inquit, præfiguratur quod post tres status legis, quorum unus est ab Abraham usque ad David, secundus usque ad transmigrationem Babylonis, tertius usque ad Christum, erat Christus Deo offerendus qui est fructus legis. Moralem rationem addit

doctor Angelicus, et nempe lege nos edoceri quod primordia nostrorum operum debent esse nobis suspecta propter imperfectionem. Quod ex S. Gregorio Magno desumptum est libro 8 Moralium, cap. 29 : « Ligna et pomifera, inquit, sunt opera virtutibus foecunda. » Præputia itaque lignorum auferimus, cum de ipsa inchoationis infirmitate suspecti, primordia nostrorum operum non approbamus. Poma autem quæ germinant, immunda ducimus, nostrisque esibus non optamus, quia cum primordia boni laudantur operis, dignum est ut hoc animum non pascat operantis; ne dum accepta laus suaviter carpitur, fructus operis intempestive comedatur. Qui ergo inchoate virtutis ab humano ore laudem receperit, quasi plantati ligni ante tempus pomum comedit. »

§ VIII. *Lex de solutione decimarum.*

Frugum ac fructuum omnium decimæ triplices solvebantur, primæ levitis, secundæ tabernaculo, ex quibus ter singulis annis oblationes fiebant, tertiæ tertio quolibet anno pauperibus distribuebantur ex præscripto legis, Deuteronomii 26, 12. Quo religionis officio perluncti Israelitæ, ad solemnem hanc professionem faciendam adstrungebantur : *Abstuli quod sanctificatum est de domo meâ, et dedi illud Levitæ et advenæ, et pupillo ac viduæ, sicut iussisti mihi; non præterivi mandata tua, nec sum oblitus imperii tui. Non comedi ex eis in luctu meo, nec separavi ea in quolibet immunditiâ, nec expendi ex his quidquam in re fanebri, etc.* Ratio hæc ipsa præscripta sit professio, fuit rituum ethnicorum execratio, si Spencerus audiatur, ut scilicet à profanarum gentium moribus se prorsus alienos profiterentur, ab eorumque contagione se puros servarent. Futuram enim noverat Deus, nisi jam nata esset, superstitionem illam quæ Ægyptii, Phœnices, atque gentes profane publicam luctum frugibus collectis, in honorem Isidis, Osiridis, vel Adonidis celebrabant. Hinc illud Diodori Siculi, libro 4, de Ægyptiorum moribus agentis : « Etiam nunc Messis tempore, oblati spicarum primitiis, incoke juxta manipulos plangere, et isidemque invocare solent. Id quod idecirco faciunt, ut honorem pro inventis deat sub primæ inventionis et tempus retribuunt. » Quò spectat Julius Firmicus, libro de Errore profanarum religionum : « In adytis, inquit, habent idolum Osiridis sepultum, hoc annuis luctibus plangunt, radunt capita, ut miserandum casum regis sui turpitudine dehonestati defleant capitis, tundunt pectus, lacerant lacertos, veterum vulnerum reserant cicatrices, ut annuis luctibus in animis eorum funestæ ac miserandæ necis exitium renascatur... Sed in his funeribus et luctibus defensores eorum volunt addere physicam rationem, frugum semina Osirim dicentes esse, Isin terram, Tychonem calorem. Et quia maturatæ fruges calore ad vitam hominis colliguntur, et à terre consortio separantur, et rursus appropinquante hieme seminantur, hanc volunt esse mortem Osiridis cum fruges redeunt; inventionem verò cum fruges genitali terre fomento conceptæ, novâ rursus coeperint procreatione generari... Cur plangitis fruges

et terræ, et crescentia lægetis semina? Ad sustentationem generis humani hæc omnia divini summi Dei liberalitate donata sunt. Agende sunt summo Deo gratiæ propter hoc, nec est summi Dei lugenda largitio. Delfete potius quod erratis, et quod errorem vestrum restauratis semper luctibus, plangite. » Eusebius, lib. 1 Præparationis evangelicæ, cap. 9, de Phœnicum Theologiæ loquens : « Misericordiam, inquit, commiserationem et luctum senescenti terræ germini consecrabant. » Ammianus Marcellinus, libro 19, cap. 4, Grumbatis regis Chionitarum filii necem in Amidæ obsidione memorans, luctumque solemnem propterea celebratum describens, ait : « Fœminæ vero miserabili planctu, in primævo flore scissam spem gentis solitis fletibus conclamabant, ut lacrymare cultrices Veneris sæpè spectantur in solemnibus Adonidis sacris, quod simulacrum aliud quod esse frugum adultarum religiones mysticæ docent. » Et libro 22, cap. 9, Juliani imperatoris ingressum Antiochiam memorans, ait : « Evenerat autem iisdem diebus annuo cursu completo Adonia ritu veteri celebrari, amato Veneris, ut fabulæ fingunt, apri dente ferati deleti, quod in adulto flore sectarum est indicium frugum. Et visum est triste quod amplam urbem principumque domicilium introeunte imperatore nunc primùm, ululabiles undique planctus et lugubris sonitus audiebantur. » Denique Lucianus, libro de Deâ Syriâ, ritus in sacris Adonidis observari solitos referens : *Magni luctus*, inquit, *per totam regionem inducuntur.* Superstitiosis illis ethnicorum ritibus ne se contaminarent Israelitæ, solemni ter eos profiteri jussit Deus, quod ex decimis in luctu suo non comedissent : *Non comedi ex eis in luctu meo.* Hæc Spenceri observatio, libro 2 de Legibus ritualibus Hebræorum, cap. 24, auctoris ingenium et eruditionem probat, sed legis sensum, ut mihi videtur, non aperit. Sensus ille apertus et obvius est, non ex reconditionibus ethnicæ superstitionis mysteriis, non ex Isidis, Osiridis et Adonidis sacris Moyse fortè recentioribus arcescendis, sed ex legislatoris consilio. Jubet Deus ut decimæ Levitis, advenis, pupillis et viduis separantur. Porro, si quis luctu funebri aut aliâ quavis immunditiâ pollutus, ex decimis comedisset, vel eas in rem funebrem expendisset, pollutionem legalem affricuisset frugibus et fructibus, ex quibus cibos aut impensas funebres delibasset; adeoque illos attingere non potuissent Levitæ, advenæ, pupilli et viduæ, nec illius hominis mensæ accumbere. Panis enim lugentium pollutus censebatur, Osee 9, 4 : *Sacrificia eorum quasi panis lugentium, omnes qui comedent eum contaminabuntur.* Ne igitur alicujus luctus aut immundities fraudi esset Leviticis et pauperibus, in quorum usus tertii anni decimæ cedere debuerunt, Deus edixit ut solemni ter profiteretur Israelita quisque se ex decimis in luctu suo non comedisse, nec in quavis immunditiâ eas separasse, aut in rem funebrem expendisse. Eam interpretationem eò libentius amplector, quod Hebræo textui, Chaldaicæ paraphrasi, versionibus Syriacæ et Arabicæ, ac Vulgatæ

nostræ Latinae melius conveniat, Hebræorumque prae-
riter et Christianorum calculis comprobetur.

§ IX. *Lex animalium diversi generis conjunctionem prohibens.*

Animalium diversi generis sub eodem jugo conjunctionem et commixtionem Israelitis lex prohibet, Deuteronomii 22, 10. *Non arabis in bove simul et asino.* Et Levitici 19, 19 : *Jumentum tuum non facies coire cum alterius generis animantibus.* Legis istius rationem affert Theodoretus, quæst. 27 in Leviticum : « Frequenter admonui, inquit, per sensibilia docere quæ spectant ad animum. Prohibet ergo diversorum generum coitum, veluti equi et asini, ne ab irrationalibus animalibus ad ratione præditi transeat illegitima permixtio... Apostolus autem contrahere societatem cum infidelibus prohibet, dum ait : *Nolite jugum ducere cum infidelibus.* » Guillelmus Parisiensis, libro de Legibus, cap. 12, octo rationes hujus legis affert. « Dicens, inquit, causas prohibitionis commixtionis animalium diversi generis. Prima ergo causa fuit ut ordo ipse naturæ commendaretur populo Dei, tanquam jus naturale, ejusdemque statutum. Secunda causa fuit, ut flagitium omne sodomiticum declinaretur. Tertia causa, ut spurcissimis illis gentibus, quæ ante Dei populum ex terrâ promissionis ejiciendæ erant, dissimilaretur, sicut legitur Levitici 18 et 20. Quarta causa, ut modestia, et pressio concupiscentiæ ex hoc Deo acceptior esse ostenderetur, quod etiam in animalibus brutis ad limites, ex normam naturæ eam esse regulatam volebat. Quinta, ut nefanda opera et maleficia, quæ fœtibus ex hujusmodi commixtione procreatis fiebant, declinarentur; et hæc opera leguntur in libro qui dicitur *Neumich*, sive *Nevenich*, et alio nomine vocant *Leges Platonis*, qui liber totus est de hujusmodi commixtionibus, et vocatur *Leges Platonis*, quia contra leges naturæ est. Sexta causa, sugillatio culturæ, sive idololatriæ Veneris et Priapi. Hujusmodi enim commixtiones in ampliationem hujus idololatriæ faciebant homines perditionis. Septima causa, ut ait quidam, erat ne homines hujusmodi operibus contaminarentur, eis immiscendo se. Animalia quippe diversarum specierum rarissimè, et vix se invicem concupiscunt, nisi homo aliquid opere suo vel operis adhibeat ad appetitum hujusmodi concitandum; hoc ergo indignum homine valdèque indecens ipsum judicavit esse, et non immeritò, videlicet quòd aliquâ operatione suâ appetitum hujusmodi concitaret, et commixtionem procuraret. » Hæc ratio est et Maimonidis in More Nevochim, cap. 69. « Octava causa, quia hujusmodi commixtio vix fieri potest, nisi in conspectu hominum, unius aut plurium, per quem aut quos procuraretur, ut diximus. Periculosus autem est conspectus hujusmodi. Provocatorius enim est libidinis similisque nefariæ commixtionis. Et istæ eadem causæ fuerunt prohibitionis conjunctionis hujusmodi animalium in aliquo opere, sicut est illa prohibitio : *Non arabis in bove et asino*, quæ legitur Deuteron. 22. Scito tamen quia istas

conjunctiones animalium diversorum generum in operibus suis faciebant juxta conjunctiones Planetarum, et quasdam alias constellationes, credentes ex hoc opera prosperari. Voluit ergo Deus remove-
re vanitatem credulitatis istius à cordibus eorum, tanquam radicem idololatriæ, ne per eam, creatore relicto, ad stellarum servitia traherentur. » Has rationes contraxit S. Thomas, 1-2, quæst. 102, articulo 6 ad 8. « Circa commixtionem, inquit, animalium diversæ speciei, ratio litteralis potuit esse triplex : Una quidem ad detestationem idololatriæ Ægyptiorum, qui diversis commixtionibus utebantur in servitium planetarum, qui secundum diversas conjunctiones habent diversos effectus, ut super diversas species rerum. Alia ratio est ad excludendum concubitus contra naturam. Tertia ratio est ad tollendam universaliter occasionem concupiscentiæ. Animalia enim diversarum specierum non commiscuntur de facili ad invicem, nisi hoc per homines procuretur : et in aspectu coitus animalium excitatur homini concupiscentiæ motus : unde et in traditionibus Hebræorum præceptum invenitur (ut rabbi Moyses dicit), ut homines avertant oculos ab animalibus coeuntibus. » Rationem allegoricam subjungit S. Doctor; prohiberi scilicet, ne jumenta, id est, populares homines, faciamus coire, id est, conjunctionem habere cum alterius generis animantibus, id est, cum gentibus vel Judæis. Non esse etiam simul arandum in bove et asino : quia fatuus sapienti in prædicatione non est sociandus, quia unus impedit alium. Quod ex S. Gregorio sumptum est, libro 1 Moralium, cap. 16.

§ X. *De aliis quibusdam circa animalia observantiis Mosaicâ lege præscriptis : scilicet de ore bovi trituranti non alligando : de aviculâ matre cum pullis non tenendâ : de hædo in lacte matris non coquendo.*

Alias quasdam observantias circa animalia lex scripsit, scilicet ne os bovis triturantis alligetur. Deuteronomii 25 : *Non ligabis os bovis terentis in arêâ fruges tuas.* 2. Ne invento nido aviculæ pullis, vel ovis suis incubantis, mater cum filiis teneatur. Deuteron. 22, 6 : *Si ambulans per viam, in arbore vel in terrâ nidum avis inveneris, et matrem pullis vel ovis desuper incubantem ; non tenebis eam cum filiis, sed abire patieris, captos tenens filios : ut benè sit tibi, et longo vivas tempore.* 3. Ne hædus in lacte materno coquatur. Exodi 23, 19 et 24, 26, et Deuteronomii 14, 21 : *Non coques hædum in lacte matris suæ.*

I. Quod primam legem spectat, de ore bovi trituranti non alligando, sensum ejus cum litteralem, tum spiritalem breviter exponit Theodoretus, quæst. 31 in Deuteronomium. « Hujus, inquit, mandati spiritalem intellectum apertè docuit sanctus Apostolus. At tamen ipse litteræ sensus valdè pius est. Siquidem periniquum est, terram arantem, et messem cum labore triturantem, fructus non esse participem. » Ratio itaque litteralis est, ut Israelitæ ad misericordiam in homines exercendam paratiores essent, si etiam in animantia eam exercerent ; hinc Tertull., l. 2

contra Marcionem, cap. 17: *Bovi etiam terenti vincula oris remittuntur ad fructum presentis laboris, quo facilius in pecudibus premeditata humanitas in hominum refrigeria erudiretur.* Sic et Pythagorici, ut refert Porphyrius, lib. 2 de Abstinentiâ, lenitatem in muta animalia faciebant exercitationem bonitatis et misericordiae in homines. Forte ad superstitionem aliquam Zabiorum seu veterum idololatrarum averruncandam lex ea lata est, ut conjicit Guillelmus Parisiensis, libro de Legibus, cap. 4. Ubi cum aliis de legibus egisset ad sugillandam idololatriam, vel superstitionem gentium profanarum damnandam conditis, subdit: « De isto genere videtur et id quod legitur Deuteronomio. 25. *Non ligabis os bovis triturantis*: licet enim videri possit dictum esse et contra avaritiam Judaeorum, qui eo usque parcebant frugibus, ut nec boves triturantes inde comedere permitterent; et ne hanc avaritiam in vindemiatores uvarum extenderent, non permittent eos similiter de uvis comedere, vel de musto bibere, quod erat innata eis avaritiæ intoleranda crudelitas: tamen consuetudo eorum qui boves ovesque abominabantur, ut de frugibus suis eos non sinerent comedere, in mandato isto percussa est et ostensa equitas, quia justissimum est ut qui participat in labore participet in comestione. » Ratio verò spiritalis legis istius fuit, ut docerentur homines, alimenta pastoribus et prædicatoribus, hominum fruges terentium symbolo figuratis, ab iis quibus verbum Dei prædicant, non ex charitate duntaxat, sed etiam ex justitiâ subministrari debere, ut explicat Apostolus Epistolæ 1 ad Corinthios, cap. 9, 7, 8, 9, 10, 11. *Quis militat suis stipendiis unquam? Quis plantat vineam, et de fructu ejus non manducat? Numquid secundum hominem hæc dico? An et lex hæc non dicit? Scriptum est enim in lege Moysi: Non alligabis os bovi trituranti. Numquid de bobus cura est Deo? Nam propter nos scripta sunt. Quoniam debet in spe qui arat, arare, et qui triturat in spe fructus percipiendi. Si nos vobis spiritualia seminavimus, magnum est si nos carnalia vestra metamus? Et 1 ad Timotheum 5, 17, 18: Qui bene præsumunt presbyteri, duplici honore digni habeantur: maxime qui laborant in verbo et doctrinâ. Dicit enim Scriptura: Non alligabis os bovi trituranti.*

II. Legem alteram de aviculâ matre dimittendâ, cum pullis vel avis incubans inventa est, Israelitis ad humanitatem informâsse censet Theodoretus, q. 21 in Deuteronomium. « Humanitatem, inquit, docet. Si enim parentes capiat relictis pullis, interibunt planè, cum desit qui nutriet eos. Sin autem hos et illos venando capiat, peribit utique genus avium, si omnes talia committant. » Rationem illam immeritò ridet Guillelmus Parisiensis, meliorem licet afferat. « Quidam, inquit, ridiculosè et pueriliter dixit, præceptum esse causâ pietatis, ne mater filios perdens et otiosa nimis affligeretur, quasi duplici contritione contrita. In quo etiam credit ipse Deum insinuare filiis Israel, quàm misericordes deberent esse in homines, quantumque parcere ab afflictione eorum, quando in avibus sic parcere eos voluit ab afflictio-

ne. Propter hoc dicimus quod id bonum non est tantum, nec ullo modo Deo adeò placitum, ut tantâ mercede ab eo remuneretur, quantâ legis observantia universa. Quis enim audiat et risum contineat, de dimissione unius aviculæ tantam mercedem promittere, quantam pro universorum mandatorum suorum observatione? Amplius: Magis parcendum erit filijs, si pietas ibi locum haberet: cum filij nec sibi nec alijs possent consulere, et matre adhuc indigerent, illa verò non indigeret eis. Majori verò crudelitate detinentur et occiduntur filij in casu isto quàm mater. Ne dubites etiam vel aliquam idololatriam, vel aliquid idololatriæ simile, sapientissimum Deum per hoc mandatum voluisse damnare. Sicut enim malefici explorabant coitus seu commixtiones quorundam animalium, ut illâ horâ interficerent ea, et de corporibus eorum, vel pulvere darent eis quos vellent ardore suæ libidinis inflammare, credentes corpora eorum, vel pulverem, si illâ horâ occiderentur, hanc virtutem habere; sic et de matre ovis incubante vel pullis, si eâ horâ caperetur, fecunditatem et fortunam in nutriendis filiis posse præstare: et hoc scimus ex multis similibus, quæ legimus in libris maleficiorum. Voluit ergo hoc remove misericors Deus à cordibus eorum, ne aliunde venientem fecunditatem quærerent, vel sperarent, quàm ab ipso: et propter hoc dixit: *Ut longo vivas tempore.* Amplius: Observatores auguriorum faustam, et fortunatam reputabant inventionem nidorum cum matre et filiis, vel cum matre et ovis; ideò dogmatizabant non esse offendendam matrem, neque filios, nec separandos eos ab invicem. Quicquid enim contra nidum sic inventum facerent, contra fortunam facientes fieri credebant. Sed nidum cum omnibus in eois inventis servari præcipiebant, tanquàm bonæ fortunæ causam quamdam. Unde et quamdiù servabant nidum hujusmodi, cum omnibus inventis in eo, illæsum, causam putabant diù eis benè esse et vivere: si verò dissiparent, aut aliquid de inventis lederent, dissipari domos suas. Et quod matri, vel filiis, vel ovis malefacerent, hoc vel filios eorum esse passuros pro certo scirent. Quemadmodum adhuc est opinio multorum insipientium, et à veterum cordibus avelli non potest; faustam esse inventionem acis vel oboli, et magis fortunatam esse quàm magni ponderis argenti vel auri; et ideò custodienda esse arctissimè, tanquàm fortunæ felicitis, et honorum eventuum causas et pignora certissima, alioquin in perditione eorum perduntur ista bona. Voluit ergo misericors Deus hanc ridiculosam vanitatem, opinionemque mendacem delere de cordibus eorum; et bonum quod sperabant ex conservatione matris, vel pullorum, vel ovorum, et eorum conjunctione, posuit in contrario, videlicet in dimissione matris, et captione ac detentione filiorum. Non ergo propter bonitatem quam haberet in se dimissio aviculæ, captioque et detentio filiorum, tam magnificam mercedem promisit Dominus; sed propter desertionem vanissimæ superstitionis, et elongationem ab idolo-

« Iatriā, atque susceptionem veræ credulitatis, et bonæ
« spei firmationem. »

Rationem utramque, tum eam quæ à Theodoretō,
cū eam quæ à Guillelmo Parisiensi allata est, cal-
culo suo dignam iudicavit S. Thomas 1-2, q. 102,
art. 6 ad 8. « Proximum est, inquit, ut qui exercetur
« in affectu misericordiæ circa animalia, magis ex hoc
« disponatur ad affectum misericordiæ circa homines.
« Unde dicitur Proverbiorum 12 : « Novit justus animas
« jumentorum suorum : Viscera autem impiorum cru-
« delia. » Et ideò, ut Dominus populum Judaicum ad
« crudelitatem primum, ad misericordiam revocaret,
« voluit eos exercere ad misericordiam etiam circa
« bruta animalia, prohibens quendam circa animalia
« fieri, quæ ad crudelitatem quendam pertinere vi-
« dentur. Et ideò prohibuit ne coqueretur hædus in
« lacte matris, et quòd non alligaretur os bovi tritu-
« ranti, et quòd non occideretur mater cum filiis.
« Quamvis etiam dici posset, quòd hæc prohibita sunt
« eis in detestationem idololatriæ; nam Ægyptii ne-
« farium reputabant, ut boves triturantes de frugibus
« comederent : aliqui etiam malefici utebantur matre
« ovis incubante, et pullis ejus simul captis, ad fœcun-
« ditatem et fortunam circa nutritionem filiorum; et
« quia etiam in auguriis reputabatur hoc esse fortu-
« natum, quòd inveniretur mater incubans filiis. » Allego-
« ricam rationem subjungit S. Thomas : « Matrem
« etiam, inquit, non debemus simul tenere cum filiis :
« quia in quibusdam retinendi sunt spirituales sensus
« quasi filii, et dimittenda est litteralis observantia
« quasi mater, sicut in omnibus cæremoniis legis. »

III. Legem postremam quod attinet, de hædo in
lacte matris non coquendo, humanitatis et misericor-
diæ rudimentum esse censet Philo Judæus, libro De
Charitate, quia immanitatem sapit, id quod viventi
animali cibus fuerat, in condimentum occisi vertere.
Huic opinioni subscribat Aben-Esra, Isaacus, Arama,
et alii ex Hebræorum gente : ex Christianis Clemens
Alexandrinus, lib. 2 Stromatum, Theodoretus, q. 56
in Exodum, et S. Thomas 1-2, q. 102, art. 6, ad 4.
Sic in bruta etiam ea admitti, quæ speciem haberent
immanitatis, Ethnicis ipsi ab humanitate non planè
alieni prohibuerunt. Athenienses in puerum animad-
verterunt, qui configebat cornicum oculos, et poenam
illi irrogarunt, qui vivum arietem excoriaverat, ut
refert Plutarchus, lib. 4 de Esu carnium, lib. 2; acriter
in eos invebitur, qui veru candens in suum jugu-
lum intrudunt, ut sanguis circa ferri tincturam extin-
ctus atque diffusus, carnem teneram et friabilem red-
dat : aut qui saginandis gruibus et oloribus oculos
consuunt. « Edamus, inquit, carnes, sed fame, non
« luxuriā impulsī; interficiamus animal, sed miseran-
« tes et dolentes, non insultantes et excruciantes,
« qualia nunc multi multa perpetrant. Alii verubus
« igitis porcos jugulant, ut ferri tincturā sanguis
« extinctus atque diffusus carnem molliat, delicatam-
« que reddat. Alii uberibus suum foetarum instante
« jam partu insiliunt, eaque calcant, ut sanguinem, et
« lac, et tabum foetus simul interfecti inter matris do-

« lores eximentes (proh piacularis Jupiter!) maximè
« inflammatam animalis partem vorent. Alii gruas et
« olores oculis consutis inclusos in tenebris saginant,
« alienis temperamenti atque condimenti gustum
« novum obsonio suo conciliantes. Unde apprimè ma-
« nifestum sit, nonimenti, aut esūs, necessitatise
« gratiā, sed ob satietatem, luxum et prodigalitem,
« nefas hoc ad voluptatem parandam fuisse conver-
« sum. Proinde sicut libidinem in mulieribus suis non
« explentes, omnia tentando ac incestis cupiditatibus
« vagando, tandem ad infanda prolabantur : sic circa
« nutrimentum intemperantia naturalem et necessa-
« rium transgressa finem, crudelitate ac flagitio cupi-
« ditatem variavit. » At, inquires, exempla illa ex Plu-
tarcho allata respiciunt animalia viva, quæque vel
immanitatis, vel misericordiæ objectum quadamtenus
esse possunt. Quod de hædo dici non potest, qui in
lacte matris coquitur. Neque enim ad animal æcicum
attinet, quā ratione coquantur ejus carnes. Respondeo
cum S. Thoma loco supra laudato : « Quod etsi hædus
« occisus non sentiat qualiter ejus carnes coquantur,
« tamen in animo decoquentis ad quendam crudeli-
« tatem pertinere videtur, si lac matris, quod datum
« est ei pro nutrimento, adhibeatur ad consumptio-
« nem carniū ipsius. » Falsum enim est quod ob-
jecto supponit, nonnisi in vivos et sentientes crudeli-
tatem exerceri. Annon immanitas fuit in Fulviā, quòd
mortui Ciceronis linguam acu crinali pupugit, ut refert
Dio in Augusto? Et in Nerone, quòd matris à se in-
terfectæ membra curiosius inspexit et contractavit,
teste Suetonio? Et in uxore Tarquinii Tullii, quòd
supra cadaver patris adhuc eruentum, curru vecta,
consternatos equos egit, ut narrat Florus lib. 4, cap. 7?
Et in Seythis, quod hostium corio pro amiculis ute-
bantur, et iisdem pharetras integebant, ut legimus
apud Herodotum lib. 4, cap. 64? Quæ tamen mortuos
non sensisse, in confesso est. Ita lex ea quæ immani-
tatem sapient, in pecudes tam vivas quàm mortuas
ab Israelitis exerceri vetuit, ne qui in bruta saviere æ-
pissent, inde etiam in homines grassari paulatim as-
suescerent.

Secundò, Deus hanc legem veterum Ethnicorum ri-
tui magico et idololatrico opposuit. Ita Guillelmus Pa-
risiensis lib. de Legibus, cap. 4. « In naturā suā, in-
« quit, nihil habet immunditiæ hædus, neque lac ca-
« prinum; nihil etiam habet malitiæ, hoc est, nocu-
« menti contra sanitatem corporalem. Præterea,
« utrumque licitum erat eis comedere vel bibere; quò
« de causā igitur conjunctio amborum eisdem prohi-
« bita esset? Hædus enim et lac mandus cibus et li-
« citus est secundum legem; propterea non est cur à
« Deo lacteus, aut hujusmodi delicatus cibus merito
« prohibendus esset. Amplius : Quare prohibuit hoc
« potius de hædo, quàm de agno et vitulo? Ex his
« ergo omnibus consequens est, aliquam consuetudi-
« nem idololatrarum voluisse Deum per hoc remo-
« vere, ut Dei populus dissimilis esset idololatris, non
« solum ritu, sed vivendi ac rescendi consuetudine.
« Hujus autem signum validum est, quòd ista prohibi-

« *lio repetitur Deuteronomii 14. et Exodi 24. ut fortius imprimeretur. Ex hoc enim apparet, vehementer Deo displicere contrarium ipsius. Cum ergo in eo non inveniamur causa prohibitionis suae, necesse est ut propter aliud prohibitum sit, quod Deo non mediocriter displicebat : et hoc non potest esse nisi idololatria, vel aliquo modo ducens ad idem.* » Hanc rationem approbat S. Thomas loco supra laudato, his verbis : « Potest dici quod Gentiles in solemnitatibus idolorum taliter carnes hœdi decoquebant ad immolandum, vel ad comedendum. Et ideo Exodi 25, postquam prædictum fuerat de solemnitatibus celebrandis in lege, subditur : *Non coques hœdum in lacte matris suæ.* » Maimonidis suffragio hæc ratio confirmatur in More Nevochim p. 3, cap. 48, dicentis hœdum in lacte materno coquere prohibitum fuisse Israelitis, quod idololatriæ in cultu vel festo suo aliquo ita facere viderent. Additque : « In hac opinione non parum me confirmat, quod videam Deum bis post præmissum de tribus festis præceptum, ejus mentionem facere. Quasi voluisset dicere, quando in festis vestris coram me comparetis, non coquetis cibum vestrum secundum consuetudinem harum nationum. Hæc ratio magnum apud me pondus habet, licet ritum illum in libris Zabiorum nondum viderim. » Idem confirmat Abarbanel Commentario in Exodi cap. 25. « Probabilius, inquit, videtur legem hanc ortam esse è more quorundam cultui idololatrico deditorum, qui cum sese congregarent, ita facere consueverunt. Hœdum nempe lacte matris coxerunt, tempore quo fructus suos colligebant, persuasi se ritu illo Deorum suorum gratiam sibi conciliare. » Ad hanc autem sententiam firmandam commemorat Abarbanel Hispanorum Mesta, festum rusticum, quod pastores bis quotannis, ætate suâ, hœdis et lacte celebrasse refert, easque fuisse veteris superstitionis reliquias. Consideratissima porro virorum eruditorum observatio est, Deum Exodi 25, 19, et Deuteronomii 24, 25, 26, ubi Israelitas ad tria festa quotannis celebranda cohortatur, hæc quatuor illis præscribere. 1° Ne sanguinem sacrificii sui unâ cum pane fermentato offerant. 2° Ne adipem sacrificii sui in crastinum servent. 3° Ut primitias in Dei solius domum afferant. 4° Ne coquant hœdum in lacte matris suæ. Quorum præceptorum duo priora certum est ad pascha pertinere, et tertium ad Pentecostem, eaque superstitionis profanarum gentium moribus opponi. Quartum autem ad festum Tabernaculorum seu collectionis fructuum refert Abarbanel, et superstitione idololatrarum consuetudini pariter oppositum censet, qui hœdos in lacte materno coquebant, quo tempore fructus suos colligebant, ut deos suos magis propitios haberent. Favet etiam huic sententiæ vetus Karaita Anonymus, à Bocharto laudatus, et antiquos idololatrias hœdum in lacte materno coctum ad usus Magicos adhibuisse testatur. « Mos erat, inquit, inter veteres Ethnicos, cum fructus omnes collegissent, coquere hœdum in lacte matris suæ, et deinde ratione magica, lacte illo aspergere arbores, agros, hortos, et

« pomaria : fore credentes, ut hoc modo feraciora in annum sequentem redderentur. » Moris hujus non obscura vestigia in idololatriæ Græcæ et Romanæ monumentis inveniuntur. *Pænem* deum pastorum, *Pænem* deam rei rusticæ præsidem, et *Sylvanum* agrorum et sylvarum nomen, Græcos et Romanos qui sacrorum suorum partem maximam ab ipsis acciperunt, lacte propitiâsse, testes non ignobiles fidem faciunt. Plinius Præfatione ad Vespasianum : « Verumet Diis lacte rustici, multæque gentes supplicant. » Et Ovidius, libro 4 Pastorum :

*Adde dapes mul-tranque suas, dapibusque refectus,
Sylvicolum tepido lacte precare Pænem.*

[Horatius] denique, Epistolarum lib. 2, Epistolâ 1 :
*Agricolæ priaci fortes, parvoque beati,
Condita post frumenta levantes tempore festo
Corpus, et ipsum animum spe finis dura ferentem,
Cum sociis operum, et pueris, et conjuge jda,
Tellurem porco, Sylvanum lacte piabant.*

Ex illis quidem testimoniiis non constat, utrum in lacte, quod numinibus illis offerebant, hœdum vel agnium coquerent, sed id satis verisimile est, inquit, Tostatus Scripturæ sacræ eruditus interpres, q. 56 in Exodum, cap. 25.

Allegoricam et moralem legis hujus, quæ hœdum in lacte materno elixare vetat, rationem addit S. Thomas loco supra laudato. « Figuralis autem, inquit, ratio hujus prohibitionis est, quia præfiguratur quod Christus, qui est hœdus propter similitudinem carnis peccati, non erat à Judæis coquendus, id est, occidendus in lacte matris, id est, in tempore infantie. Vel significatur quod hœdus, id est, peccator, non est coquendus in lacte matris, id est, non est blanditiis deliniendus. » Prior illa ratio ex S. Augustino q. 90 in Exodum sumpta est : « Hoc, inquit, quomodo observetur ad proprietatem verborum, aut non est, aut non elucet. Intellectum tamen de Christo approbo, quod hæc prophetia prædictus est non occidendus à Judæis infans, quando Herodes querens eum ut occideret, non invenit, ut coques quod dictum est, pertineat ad ignem passionis, hoc est, tribulationem. »

Judæi prohibitionem illam non parum ampliârunt; nam hœdi nomine, bovis etiam et agni carnem, et coctionis nomine quemvis carniū illarum usum intelligunt; neque lac solum matris, sed aliud quodvis negant cum carne comedi debere, ut constat ex Maimonide libro de Cibis vetitis, cap. 9, quod viginti octo paragraphos de hæc prohibitionem complectitur, qui tamen (ut observat Bochartus) hoc argumentum Hebræorum omnium brevissimè transcurrit. Alii enim libros integros de eâ lege scripserunt, ex quibus illos habere constat duplicia vasa culinaria, altera ad carnes, altera ad cibos lactarios. Lactaria verò tribus distinctis notis signant, eò quod hæc prohibitio ter in Moyse repetatur. Duos etiam cultros semper deferunt, unum ad carnes, alterum ad caseum : tribus pariter incisuris notatum. Duo etiam in mensâ habent salina, ne carnes et lacteicia uno et eodem sale condiantur.

Carnes et lactinia simul coquere in eodem foco, aut simul mensæ apponere nefas ducunt, sed pro utrisque peculiares habent mappas et mantilia, aliaque anxia et scrupulosâ religione observant, ne in hanc legem peccare videantur. De quibus legi possunt Buxtorfius


Synagogæ Judaicæ, cap. 26, Leo Modena de Ritibus Judæorum, p. 11, cap. 7, Fagius in cap. 21 Exodi, Bochartus Hierozoici libro 2, cap. 5, et Spencerus, lib. 2, de Legibus Ritualibus Hebræorum, cap. 8

DE JUDICIALIBUS, SEU FORENSIBUS

LEGIS MOSAICÆ PRÆCEPTIS,

Dissertatio.

(AUCTORE EODEM.)



Ut divinæ legis populo Israelitico per Moysi manus traditæ accuratam habeamus notitiam, reliquum est ut post cærimonialium præceptorum explicationem, quæ populum illum ad Deum ordinabant, de Forensibus seu Judicialibus ejusdem legis præceptis agamus, quæ Israelitas ordinabant ad invicem. Quadruplex autem ordo in aliquo populo inveniri potest, inquit S. Thomas 1-2, quæst. 104, art. 4: Primus, principum populi ad subditos; secundus, subditorum ad invicem; tertius, ad extraneos; quartus, ad domesticos, sicut patris ad filium, uxoris ad virum, et domini ad servum. Et secundum quadruplicem illum ordinem distinguere possunt præcepta judicialia veteris legis. Dantur enim in eâ quædam præcepta de institutione principum, et officio eorum, et de reverentiâ eis exhibendâ; et hæc est prima pars judicialium præceptorum. Dantur quædam præcepta spectantia populares, et concives ad invicem comparatos; et hæc est secunda pars judicialium præceptorum. Dantur etiam quædam præcepta pertinentia ad extraneos, ut de bellis contra hostes, et susceptione peregrinorum et advenarum; et hæc est tertia pars judicialium præceptorum. Dantur denique in lege præcepta quædam pertinentia ad conversationem domesticam, nempe de uxoribus, filiis et servis; et hæc est quarta classis judicialium præceptorum.

ARTICULUS PRIMUS.

De præceptis judicialibus spectantibus principes; et de theocratico Israelitici populi regimine.

I. Ordinem optimum circa principes divinâ lege institutum probat S. Thomas ex duabus conditionibus ad rationem regiminis optimi requisitis: quarum prima est ut omnes aliquam partem habeant in principatu; medium enim istud efficacissimum est ad pacem populi conservandam: altera, ut sit præstantissima species principatus, nempe monarchia aristocratia temperata; ita ut unus quidem præsit, selecti verò ex populo, et à populo optimates in partem regiminis veniant. Hæc autem ratio fuit administrationis reipublicæ Hebræorum lege divinâ instituta. Moyses enim et ejus successores auctoritate quasi monarchica populum

regebant. Unde Deuteronomii 33, 4, dicitur: *Legem præcepit nobis Moyses, hæreditatem multitudinis Jacob. Erit apud rectissimum rex, congregatis principibus populi cum tribubus Israel.* Secundum Hebræum textum, et Chaldaicam paraphrasim, regis nomen clariùs et expressiùs ad Mosem refertur: *Et fuit rex in Israel.* Hinc S. Stephanus, Actuum 7, de Moyse ait: *Hunc Deus principem et redemptorem misit.* Et Philo, libro 3, de ejus vitâ, regem illum vocat: *Hæc est vita,* inquit, *hic exitus Moysi, regis, legislatoris, pontificis, prophætæ.* Eligebantur autem ex omni populo 72 seniores, qui regiminis participes essent, ac rerum gerendarum, judiciorumque administri, Exodi 18, 21: *Provide autem de omni plebe viros potentes, et timentes Deum, in quibus sit veritas, et qui oderint avaritiam, et constitue ex eis tribunos et centuriones, et quinquagenarios et decanos, qui judicent populum omni tempore; quidquid autem majus fuerit referant ad te, et ipsi minora tantummodò judicent; leviusque sit tibi, partito in alios onere....* Quibus auditis, Moyses fecit omnia quæ ille (scilicet Jethro) suggererat. Et electis viris strenuis de cuncto Israel, constituit eos principes populi, tribunos et decanos qui judicabant plebem omni tempore: *Quidquid autem gravius erat, referebant ad eum.* Et Deuter. 1: *Dixi vobis..* (inquit Moyses) *Date ex vobis viros sapientes et gnaros, et quorum conversatio sit probata in tribubus vestris, ut ponam eos vobis principes. Tulique de tribubus vestris viros sapientes et nobiles, et constitui eos principes, tribunos et centuriones, et quinquagenarios ac decanos, qui docerent vos singula. Præcepique eis, dicens: Audite illos, et quod justum est judicate; sive civis sit ille, sive peregrinus. Nulla erit distantia personarum, ita parvum audietis ut magnum; nec accipietis cujusquam personam, quia Dei judicium est. Quòd si difficile vobis visum aliquid fuerit, referte ad me, et ego audiam: Præcepique omnia quæ facere debetis.*

II. Israelitici tamen populi regimen nec monarchia propriè fuit ad Saulem usque, nec Aristocratia, sed Theocratia. Quamvis enim Moyses et Seniores, et post Moysis obitum, Josue, deinde judices, rempublicam Israeliticam moderarentur; Deus tamen summæ re-

rum praeerat, et non modo sacra, sed et civilia omnia supremo cum imperio, seu rex politicus regebat; Moyses autem et seniores, Josue, Judices, vicarium tantum imperium gerebant, et juxta Dei responsa vel precepta reipublicam administrabant. Dei regia potestas et absolutum in gente israelitica imperium ex Scripturâ sacrâ liquido probatur Judicium 7, ubi israelite a Madianitarum jugo Gedeonis virtute liberati, ipsi et posteris ejus imperium et principatum obtulerunt, dicentes: *Dominare nostritru, et filius tuus, et filius filii tui: quia liberasti nos de manu Madian.* At Gedeon principatum respuit, ne jura Dei qui rex erat israelis, usurparet. *Non dominabor vestri, inquit, nec dominabitur in vos filius meus, sed dominabitur vobis Dominus.* Et 4 Regum 7. Samuelem populi regem postulantis vota moleste ferentem Deus ita consolatur: *Audi vocem populi in omnibus quae loquuntur. Non enim te abjecerunt, sed me, ne regnem super eos.* Quibus verbis Deus indicat, non solum theocratiam naturalem se in israelitas exercuisse, quam in omnes creaturas jure creationis et omnipotentiae suae à primâ rerum origine exercuit et semper exercebit, sed etiam theocratiam civilem, et politicum imperium; quod ex verbis Samuehs, cap. 12 relatis, confirmatur. Videntes quod Naas rex filiorum Ammon venisset adversum vos, dixistis mihi: Nequaquam, sed rex imperabit nobis: Cum Dominus Deus vester regnaret in vobis. Hinc solum, cui Salomon insedit, solum Domini appellatur, 1 Paralipomenon 29, 25, et regnum, quod ejus posterî tenuerunt, regnum Domini, 2 Paralipomenon 11, 4, 8, et judicium quod principes populi ferebant, Dei judicium, Deuteronomii 1, 17. Hinc Jerusalem civitas Dei, et civitas Regis Magni dicitur Psalmo 47, 1, 2. Alibi etiam non semel titulus regis israel Deo tribuitur, Psalmo 149, 2: *Lætetur israel in eo qui fecit eum; et filii sion exultent in rege suo;* Jeremiae 51, 57: *Ait rex, Dominus exercituum nomen ejus;* Matthæi 5, 34: *Ego autem dico vobis, non jurare omnino, neque per cælum, quia thronus Dei est; neque per terram, quia scabellum est pedum ejus; neque per Jerusalem, quia civitas est Magni Regis.*

Præterea, Deus ea omnia egit in republicâ israelis, quæ terrenis regibus conveniunt. Leges dedit in monte Sinai, quas etiam mercede et poenis temporalibus propositis observari jussit. Ille controversias omnes graves circa res sacras aut civiles exortas, responsis ex propitiatorum, quod et oraculum dicitur, datis diremit, ac sententiam tulit, ut constat ex Exodi 18, 19, ubi Jethro ait Moysi: *Esto tu populo in his quæ ad Deum pertinent, ut referas quæ dicuntur ad eum;* et Numerorum 27, 4, ubi, cum filii Salphaad patris hereditatem postularent, retulit Majoris ætatis eorum ad judicium Domini, qui dixit ad eum: *Justam rem postulant filiae Salphaad; da eis possessionem inter cognatos patris sui, et ei in hereditatem succedant. Deus israeliticæ gentis bella pugnavit.* Josue 25, 5, 10: *Cernitis omnia quæ fecerit Dominus Deus vester cunctis per circuitum nationibus, quo modo pro vobis ipse pugnaverit: et nunc quia vobis sorte divisit omnem terram... Unus è*

vobis persequetur hostium mille viros. Quia Dominus Deus vester pro vobis ipse pugnavit, sicut pollicitus est. Hinc Deus Triumphator in israel appellatur, 1 Reg., 15, 29.

Tertio, jura majestatis apud israelitas, antequam regem haberent, uni Deo reservata erant. Ille enim duces et judices, proreges et vicarios suos constituerebat, Judicium 5, 10: *Et clamaverunt ad Dominum, qui suscitavit eis salvatorem, et liberavit eos, Othoniel videlicet... Fuitque in eo Spiritus Domini et judicavit israel;* cap. 6, 10, Dominus per angelum Gedeoni loquens, ait: *Vade in hac fortitudine tuâ, et liberabis israel de manu Madian. Scito quod miserim te. Judices nulla regie potestatis insignia gestabant; in reipublicæ negotiis difficillimis Deum ex oraculo respondentem consuliebant, quod argumentum est vicariæ tantum, et delegate præfecturæ. Numerorum 27, 16, Moyses Deum his verbis compellavit: Provideat Dominus Deus spirituum omnis carnis, hominem qui sit super multitudinem hanc: et possit exire et intrare ante eos, educere eos vel introducere: ne sit populus Domini sicut oves absque pastore. Dixitque Dominus ad eum: Tolle Josue filium Nun, virum in quo est Spiritus, et pone manum tuam super eum. Qui stabit coram Eleazaro sacerdote, et omni multitudine, et dabis ei præcepta cunctis videntibus, et partem gloriæ tuæ, ut audiat eum omnis synagoga filiorum israel. Pro hoc, si quid agendum erit, Eleazar sacerdos consulat Dominum, ad verbum ejus egredietur ipse, et omnes filii israel cum eo, et cætera multitudo.* Judic. 20, 18: *Surgentes venerunt in domum Dei, hoc est, in Silo; consulueruntque Deum, atque dixerunt: Quis erit in exercitu nostro princeps certaminis contra filios Benjamin? Quibus respondit Dominus: Judas sit dux vester. Rursum israelitæ aciem contra Benjaminitas direxerunt, ita tamen ut prius ascenderent et ferent coram Domino usque ad noctem, consulerentque eum et dicerent: Debeo ultra procedere ad dimicandum contra filios Benjamin fratres meos, an non? Quibus ille respondit: Ascendite ad eos, et inite certamen; 26, 27, 28: Omnes filii israel venerunt in domum Dei, et sedentes flebant coram Domino, jejunaveruntque die illo usque ad vesperam, et obtulerunt ei holocausta atque pacificas victimas, et super statu suo interrogaverunt. Eo tempore ibi erat arca fœderis Dei, et Phinees filius Eleazari filii Aaron, præpositus domus. Consuluerunt igitur Dominum, atque dixerunt: Exire ultra debemus ad pugnam contra filios Benjamin fratres nostros, an quiesces? Quibus ait Dominus: Ascendite, cras enim tradam eos in manus vestras. Nulli ad publicum aliquod munus gerendum sine Dei consensu evehi poterant, Deuteronomii 17, 14, 15: Cum ingressus fueris terram, quam Dominus Deus tuus dabit tibi, et possederis eam, habitaverisque ibi, et dixeris: Constituam super me regem, sicut habent omnes per circuitum nationes, eum constitues quem Dominus Deus tuus elegerit de numero fratrum tuorum. Numer. 11, 16, 17: Dixit Dominus ad Moysen: Congrega mihi septuaginta viros de senibus israel, quos tu nosti quod senes populi sint ac magistri: et duces eos ad ostium*

tabernaculi fœderis, faciesque ibi stare tecum ut descendam, et loquar tibi: Et auferam de spiritu tuo, tradamque eis, ut sustentent tecum onus populi, et non tu solus graveris. Sicut dimidium, tributum loco, Israelitæ omnes, annum vigesimum supergressi, Deo, tanquam regi suo, solvere quotannis tenebantur, Exodi 30, 13, 14: *Hoc autem dabit omnis qui transit ad nomen, dimidium sicuti juxta mensuram templi... Media pars sicuti offeretur Domino. Qui habetur in numero à viginti annis et supra, dabit pretium, etc.* Porro Deus Israelitis in populum sibi peculiarem elegit, ab iisque vicissim rex eligi voluit, ut gentis illius regimen et imperium populi suffragiis et consensu, potius quam eminentiæ suæ jure habere videretur. Deus Israelitis, Israelitæ Deo regum et subditorum ritu mutuo fœdere se obstrinxerunt. Illos in clientelam Deus recepit, sequæ in terram Chanaan illos introducturum sanctissimè promisit; illi datas à Deo leges fideliter ac religiosè se observaturos polliciti sunt, Exodi 19, 4 et seq.: *Vos ipsi vidistis quæ fecerim Aegyptiis, quo modo portaverim vos super alas aquilarum, et assumpserim mihi. Si ergo audieritis vocem meam, et custodieritis pactum meum, eritis mihi in peculium de cunctis populis; mea est enim omnis terra. Et vos eritis mihi in regnum sacerdotale, et gens sancta. Venit Moyses, et convocatis majoribus natu populi, exposuit omnes sermones quos mandaverat Dominus, responditque omnis populus simul: Cuncta quæ locutus est Dominus, faciemus* 23. 20: *Ecce ego mittam angelum meum, qui præcedat te, et custodiat in viâ, et introducat in locum quem paravi.... Si audieris vocem ejus, et feceris omnia quæ loquor, inimicus ero inimicis tuis, et affligam affligentes te.* 24, 3: *Venit ergo Moyses, et narravit plebi omnia verba Domini, atque judicia; responditque omnis populus una voce: Omnia verba Domini, quæ locutus est, faciemus.* Deuteronomii 26, 17, 18, 19: *Dominum elegisti hodiè, ut sit tibi Deus, et ambules in viis ejus, et custodias cæremonias illius, et mandata atque judicia, et obediās ejus imperio. Et Dominus elegit te hodiè, ut sis ei populus peculiaris, sicut locutus est tibi, et custodias omnia præcepta illius: et faciat te excelsiorem cunctis gentibus quas creavit, in laudem et nomen, et gloriam suam, ut sis populus sanctus Domini Dei tui.* Hinc lex populo israelitico data, Fœderis et Pacti nomine insignitur. Deuteronomii 4, 13: *Et ostendit vobis pactum suum, quod præcepit vobis ut faceretis, et decem verba quæ scripsit in duabus tabulis lapideis.* 29, 1: *Hæc sunt verba fœderis quod præcepit Dominus Moysi ut ferret cum filiis Israel in terrâ Moab; præter illud fœdus quod cum eis pepigit in Horeb.* Fœdus illud Deum inter et populum solemni ritu confirmatum est, Exod. 29, scriptis universis sermonibus Domini, ædificato altari, holocaustis et victimis pacificis Domino immolatis: *Tulit Moyses dimidiam partem sanguinis, et misit in crateras, partem autem residuam fudit super altare. Assumensque volumen fœderis, legit audiente populo. Qui dixerunt: Omnia quæ locutus est Dominus, faciemus, et erimus obediētes.* Ille verò sumptum sanguinem respersit in populum, et ait: *Hic est sanguis fœderis, quod pepigit Dominus vo-*

biscum super cunctis sermonibus his. Ascenderuntque Moyses et Aaron, Nadab et Abiu, et Septuaginta de Senioribus Israel, et viderunt Deum Israel... et comederunt et biberunt. Quartò, plurima legis Mosaicæ instituta Deo quatenus regi Israelis conveniunt; tabernaculum, et deinde templum instar palatii regii fuere, Exodi 25, 8: *Facientque mihi sanctuarium, et habitabo in medio eorum.* Arca et propitiatorium solii regii vicem præstabant. Ornamenta, supellex et vasa tabernaculi regiæ magnificentiæ conveniebant. Hinc Abarbanel ad Exodi 25: *In tabernaculo, inquit, fuere mensa, et candelabrum et ara suffitûs, tanquam ad ministerium regis mundi aptæ. Non quòd illi, cui laus omnis, harum ullâ re opus esset, absit ita sentiamus; sed ut populi animæ penitus insideret, in mediis Israelis castris versatum esse Dominum Deum ipsius. Sacerdotes et levitæ tanquam ordinis et dignitatis diversæ famuli instituti sunt, qui Deo tanquam regi Israelis ministrarent.* Quintò, sicut cæteras gentes à regibus suis, ita populum hebræum à Deo gubernatum fuisse, colligitur ex 17 Ecclesiastici 14: *In unamquamque gentem præposuit rectorem: et pars Dei Israel facta est manifesta.*

Confirmatur ex Josepho, lib. 4 Antiquit. Judaicar., cap. 8, ubi Deum sic Judæos alloquentem inducit: « Optimum quidem est optimatum regimen, et in sic administratâ republicâ vivere, nec est cur aliam ejus speciem concupiscatis; sed præstat ut hæc contenti, in legum et vestrâ ipsorum potestate sitis. Satis enim est Deum habere præsidem. » Et infra, belli leges Moyse præscriptas recensens, sic eum loquentem inducit: « Exercitum contra eos (hostes) educite, imperium Deo committentes, creato uno aliquo forti viro, qui vicarius illi sit, et quasi proimperator. » Et lib. 2 contra Appionem: « Quis ejus quidquam movere potest, aut quid melius ad invenit? Vel quis ab aliis gentibus tanquam præcellentius ad statum reipublicæ nostræ aliquid transferre potest? Aut quæ poterit esse melior atque justior, quam ea quæ Deum quidem principem omnium esse confirmat? Sacerdotibus autem in communi quidem res præcipuas dispensare permittit, summo verò pontifici aliorum sacerdotum principatum competenter injugit. » Ibidem: « Infinitæ quidem particulatim gentium atque legum apud cunctos homines differentiæ sunt. Alii siquidem monarchis, alii populo, potestatem reipublicæ commiserunt. Noster verò Legislator, nihil horum intendens, θεοκρατίῃ ἀπεινῶν τῆς πολιτείας, politiam nostram divinum imperium declaravit: Deo præcipuè principatum et potentiam assignans. »

Confirmatur secundò ex Theodoro, questione 14 in 1 Regum, ubi querit, « quomobrem doluit Deus, cum regem petisset populus? » respondet: Quoniam petitiō erat præter legem divinam. Dominus enim Deus et Dei et Regis implebat munus. « Propheta autem Samuel erat administer, et velut quidam præfectus, aut magister militum, aut tribunus plebis. Atque hoc Deus ei significavit, dicens: Audi vocem populi, quoniam non te

« *aperuerunt, sed me ut non regnem super eos.* »
 Confirmatur tertio ex S. Thomâ, 1-2, quæst. 105, art. 1, ad 1. « *Populus ille, inquit, sub speciali cura Dei regebatur. Unde dicitur, Deuteronom. 4: Te elegit Dominus Deus tuus, ut sis ei populus peculini.* »
 Et ideo institutionem summi principis Dominus sibi reservavit; et hoc est quod Moyses petiit, Numerorum 27: *Provideat Dominus Deus spirituum omnium carnis hominem, qui sit super multitudinem hanc.* Et sic ex Dei ordinatione institutus est Josue in principatu post Moysen; et de singulis judicibus, qui post Josue fuerunt, legitur, quod *Deus suscitavit populo salutorem*, et quod *Spiritus Domini fuit in eis*, ut patet Judicum 2. Et ideo etiam electionem regis non commisit Dominus populo, sed sibi reservavit, ut patet Deuteronomii 17: *Lum constitues regem, quem Dominus Deus tuus elegerit.* »

III. Porro quamvis regem Israëlitis Deus non dederit, donec eorum adulta respicienda esset, ac felicitis regiminis mutationem votis et importunis petitionibus populi novitatem amantis, et gentium moribus conformari volentis, quasi indignatus concesserit; de regis tamen electione congruo tempore facienda, et conditionibus ab illo subeundis providentissime statuit Deuteronomii 17, 14, 15, et seq. Ac primò quidem eligendi modum præscripsit, ut scilicet in ejus electione judicium Domini expectarent, nec alienigenam regem crearent, quia reges alienigenæ gentem, cui præficiuntur, minus diligere solent, resque illius minus curare: *Eam constitues, quem Dominus Deus tuus elegerit de numero fratrum tuorum. Non poteris alterius gentis hominem regem facere, qui non sit frater tuus.* Malè hoc Zelotæ eo trahebant, quasi externis regibus parere non liceret. Lex enim agit de voluntariâ electione, non de eo quod indixit necessitas. Voluit Deus ut tempore Babiloniæ captivitatis Judæi Nabuchodonozori regi parerent, et in Sedeciam animadvertit, quod foras cum illo iunctum violasset, atque ad regem Egypti confugisset, ut videre est Jeremiæ 38, 17, et Ezechielis 17, 12, 15, 14, 13. Adversus Zelotas illos disputans Agrippa apud Iulianum ita loquitur: « *Intempestivum est nunc libertatem appetere, cum oportuerit de eo, ne ea amitteretur, certasse olim: quia enim servitutis experientia, et justum certamen ne ejus initium fiat. At simul victus, si deficit, non libertatis est amans, sed servus petulans.* » Quem secutus Josephus, ipse obsessos Jerosolymitas sic affatur: « *Quod si est pulchrum pro libertate bellare, id olim factum oportuit; at cum simul succubum est, multisque temporibus concessum alteri imperium, velle deinde exequere jugum, mortem quaerentium est, non libertatem appetentium.* » Secundo, regibus, postquam instituti forent, præscripsit Deus quomodò se gerere deberent quantum ad personalem et æconomicam statum, ut scilicet non multiplicarent currus et equos, neque uxores, nec immensas divitias congregarent: quia ex horum cupiditate principes justitiam deserunt, et ad tyrannidem declinant: *Cumque fuerit constitutus, non multiplicabit sibi equos, nec reducet populum in*

*Egyptum, equitatus numero sublevarus. Non habebit uxores plurimas, quæ attenuent animum ejus, neque argenti et auri immensam pondus. Cum in Judæâ equorum inopia esset, adeo ut viri etiam principes armis adhererent, Judicum 10, 1, 12, 14, Paralipomenon 27, 30, velat Deus regi multitudinem equorum, ne daret inde occasio popularibus ingrati in Egyptum equis feracem, unde idololatrias superstitiones in Judæam reportarent. Præterea, vult eos soli Deo fidere, inquit, Theodoretus, q. 18 in Deuteronomio, suam expositionem Davidis oraculo confirmans, Psalm. 52: *Non salvatur rex per multam virtutem, et gigas non salvabitur in multitudine virtutis suæ. Fallax equus ad salutem; in abundantia autem virtutis suæ non salvabitur.* Uxores etiam plurimas regi prohibet, ne scilicet reges Israëlitis more Orientalium regum gynæcea feminis repleta ad fastum, luxum et voluptatum haberent. Ipsi tamen polygamis esse licuit. Magistrorum auctoritas octodecim simul uxores regi habere permisit. Sanctum Augustinum hæc de re disserentem audiamus, q. 26 in Deuteronomium. « *Quæritur, inquit, utrum David contra hoc præceptum non fecerit: non enim unam habuit uxorem. Nam de Salomone manifestum est, quod transgressus fuerit hoc præceptum, et in feminis, et in auro, et in argento. Sed hinc potius intelligitur permissum fuisse regibus ut plures haberent quam unam: multiplicare enim prohibiti sunt; quæ prohibitio non habet transgressionem si paucae fuerint, sicut David fuerunt, non autem multæ sicut Salomoni. Quamvis cum addit: *Ut non discedat cor ejus*, hoc magis videtur præcepisse, ne multiplicando perveniat ad alienigenas feminas, per quas factum est in Salomone, ut discederet cor ejus à Deo. Multiplicatio tamen generaliter ita prohibita est, ut etiam si ex Hebræis solis eas multiplicasset, contra hoc præceptum fecisse merito argui posset.* » Statuit etiam Deus quomodò reges gerere se deberent erga Deum ut scilicet in lectione et meditatione divinæ legis assidue versarentur, illumque timerent, ac illius mandatis morem gererent: *Postquam autem sederit in solio regni sui, describet sibi Deuteronomium legis hujus in volumine, accipiens exemplar à sacerdotibus leviticæ tribus, et habebit secum, legetque illud omnibus diebus vite suæ, ut discat timere Dominum Deum suum, et custodire verba et caeremonias ejus, quæ in lege præscripta sunt.* Statuit denique Deus quomodò reges gerere se deberent erga subditos, ut scilicet non superbe eos contemnerent, vel opprimerent, neque etiam à justitiâ declinarent: *Nec elevetur cor ejus in superbiam super fratres suos, neque declinet in partem dexteram vel sinistram, ut longo tempore regnent ipse et filii ejus super Israel.**

IV. Ne quis verò putet, Deum tyrannidem instituisse, quia, 1 Regum 8, per Samuelem ait: *Hoc erit jus regis, qui imperaturus est vobis: Filios vestros tollet, et ponet in curribus suis, facietque sibi equites et præcursores quadrigarum suarum, et constituet sibi tribunos, et centuriones, et aratores agrorum suorum, et messorum segitum et fabros armorum et curruum suorum. Filios quo-*

que vestras faciet sibi unguentarias, et focarias, et pacificas. Agros quoque vestros, et vineas, et oliveta optima tollet, et dabit servis suis. Sed et segetes vestras et vinearum redditus addecimabit, ut det eunuchis et famulis suis. Servos etiam vestros et ancillas et juvenes optimos, et asinos auferet, et ponet in opere suo. Greges quoque vestros addecimabit, vosque eritis ei servi. Ut enim docet S. Thomas loco supra laudato, in Responsione ad 5, « illud jus non debebatur regi ex institutione divinâ; sed magis prænuntiabatur usurpatio regum, qui sibi jus unicum constituunt, in tyrannidem degenerantes, et subditos deprædantes. Unde subdit: *Vosque eritis ei servi*; quod propriè pertinet ad tyrannidem. Quia tyranni suis subditis principantur ut servis. Unde hoc dicebat Samuel ad terrendum eos, ne regem peterent: sequitur enim: *Noluit autem audire populus vocem Samuelis.* » Samuel itaque Dei nomine prænuntiat tyrannidem à regibus nonnullis exercendam in Israelitas, in pœnam ingratitudinis erga Deum, contumaciæ, superbiæ, violationis fidei divinæ ipsius majestati præstitæ. Et clamabit, inquit, in die illâ à facie regis vestri, quem elegistis vobis, et non exaudiet vos Dominus in die illâ, quia petistis vobis regem. Attamen, inquit S. Thomas, potest contingere quòd bonus rex absque tyrannide filios tollat, et constituat tribunos et centuriones, et multa accipiat à subditis suis, propter commune bonum procurandum.

ARTICULUS II.

De præceptis judicialibus spectantibus populares et concives ad invicem comparatos.

I. Præceptorum judicialium quædam judicia pœnasque spectant; quædam de possessionibus decernunt. Utraque convenienter in lege tradita probat S. Thomas, 1-2, quæst. 105, art. 2: « Populus, inquit, est cœtus multitudinis, juris consensu, et utilitatis communione sociatus. Unde ad rationem populi pertinet, ut communicatio hominum ad invicem justis præceptis legis ordinetur. Est autem duplex communicatio hominum ad invicem: una quidem quæ fit auctoritate principum; alia autem fit propria voluntate privatarum personarum. Et quia voluntate unuscujusque disponi potest quòd ejus subditur potestati, ideò auctoritate principum, quibus subjecti sunt homines, oportet quòd judicia inter homines exerceantur, et pœnæ malefactoribus inferantur. Potestati verò privatarum personarum subduntur res possessæ: et ideò propriâ auctoritate in his possunt sibi invicem communicare, emendo, vendendo, donando, aliisque hujusmodi contractibus et commerciis. Circa utramque autem communicationem lex sufficienter ordinavit. » Unde singularis beneficii loco traditio judicialium præceptorum commemoratur Psalmo 147: *Non fecit taliter omni nationi, et judicia sua non manifestavit eis.*

II. Quod enim judicia pœnarumque irrogationem spectat, Deus judices inprimis constitui jussit: *Judices et magistros constitues in omnibus portis, quas Dominus Deus tuus dederit tibi per singulas tribus tuas, ut judi-*

cent populum justo judicio, nec in alteram partem declinent, Deuteronomii 26, 18. Hebræis et eis qui in eorum ritus transierant; tribunalia fuere ordinaria trium virorum, et vincti triumvirorum quàm plurima per urbes, oppida, ac pagatim disposita, præter magnum Synedrium 72 judicum Hierosolymis constitutum, quibus jus secundum præcepta Mosaica, et ea quæ ex majorum institutis moribusque adjecta essent, cum popularibus, tum proselytis justitiæ dicebatur. De quibus videri potest Seldenus, lib. de Synedriis Hebræorum. Proselytis domicilii jus dicebatur secundum jura Noachidarum, eisque judices sive ex hujusmodi Proselytis sive ex Hebræis constituebantur ab iis qui tribunalibus Israeliticis præerant, teste Maimonide in Hal. Melak, cap. 10. De causis pecuniariis triumviri, de capitalibus XXIII, de causis religionis Synedrium magnum, judicabant. Secundò rectum judiciorum ordinem Deus instituit, Deuteron. 1, 16: *Præcepitque eis dicens: Audite illos, et quod justum est judicate; sive civis sit ille, sive peregrinus. Nulla erit distantia personarum, ita pravum audietis ut magnum; nec accipietis cujusquam personam, quia Dei judicium est.* Tertiò sustulit Deus occasionem injusti judicii, acceptionem munerum judicibus prohibens, Exodi 23, 8: *Nec accipies munera, quæ etiam excæcant prudentes, et subvertunt verba justorum.* Deuteronomii 16, 19: *Non accipies personam, nec munera: quia munera excæcant oculos sapientum, et mutant verba justorum.* Quartò, numerum testium, duorum vel trium Deus instituit, Deuteronom. 17, 6: *In ore duorum aut trium testium peribit qui interficietur. Nemo occidatur, uno contra se dicente testimonium.* Et 19, 15: *Non stabit testis unus contra aliquem, quicquid illud peccati et facinoris fuerit; sed in ore duorum aut trium testium stabit omne verbum.* Attamen Noachides ex unius judicis sententiâ, uniusque testis testimonio, afficiebatur ultimo supplicio, idque sine præmonitione atque testimonio propinquorum. Minimè verò ex testimonio feminae. Neque licuit feminae illis jus dicere, uti nec Hebræis, ut refert Maimonides in Hal. Melak, cap. 9. Quintò, certas pœnas pro diversis delictis justissimus Legislator instituit, et quidem peccatis æquas, ut qui non redderet faciendum justitiam, redderet patiendi miseriam, ut ait sanctus Augustinus, libro 3 de Libero Arbitrio. Ex multis autem capitibus attenditur proportio pœnæ cum delicto, ex iisdem scilicet ex quibus æstimatur delicti gravitas: Primò ex quantitate peccati, quia majori peccato, cæteris paribus, gravior pœna debetur; secundò, ex peccati consuetudine, quia hominum peccatis assuetorum licentia non nisi gravioribus pœnis coercetur; tertio, ex effreni concupiscentiæ et affectu peccantis, necnon delectatione, quam ex peccato capit. Ab his enim illecebris et voluptate facile non retrahuntur homines miserè inescati, nisi graviorum metu pœnarum; quartò, ex facilitate committendi peccatum, et in ipso manendi. Quæ enim facili committuntur delicta, gravius puniri oportet in aliorum exemplum et terrorem. In ipsâ etiam quantitate peccati quadruplex gradus est attendendus:

Primò, cùm factum involuntarium est; si enim prorsus involuntarium sit, nulli poenae est obnoxium. Hinc Supremus Legislator edixit, Deuteronomii 22, 25, 26, 27: *Si in agro repererit vir puellam quæ desponsata est, et apprehendens concubuerit cum eâ, ipse morietur solus; puella nihil patietur, nec est rea mortis; quia sicut latro consurgit contra fratrem suum, et occidit animam ejus; ita et puella perpessa est. Sola erat in agro, clamavit, et nullus adfuit qui liberaret eam.* Si vero factum aliquo modo voluntarium fuerit, sed tamen ex infirmitate commissum, puta ex gravi animi perturbatione, levius peccatum est, adeoque leviori poenâ plectendum, nisi ob publicam utilitatem poenam aggravare necesse sit, ut ab hujusmodi delictis homines cohibeat severior disciplina. Atque earum etiam circumstantiarum Supremus Legislator rationem habuit. Secundus gradus est, peccatum ex ignorantia. Qui enim ex ignorantia peccabat, quodam modo reus censabatur propter negligentiam addiscendi. Publicorum tamen judiciorum censura non subiacebat, sed delictum suum præscriptis per legem sacrificiis expiabat, Levitici 4: *Anima quæ peccaverit per ignorantiam, etc.* Quod de ignorantia facti, non juris præceptique divini intelligendum est. Tertius gradus est, peccatum ex superbia, id est, ex certâ electione, vel malitiâ, quod secundum quantitatem delicti puniebatur. Quartus, peccatum ex protervitiâ et pertinaciâ, cujus reus, quasi rebellis, et legis (quantum in ipso erat) destructor, capitis damnabatur.

III. Graviora itaque crimina poenâ mortis vindicabantur. Unde, quaecumque contra Deum committebantur, ut idololatria, cæteræque superstitiones, blasphemia, schisma, violatio Sabbati; et gravissima contra proximum, ut irreverentia contumax in parentes, eorumque contemptus, homicidium, plagium, seu furtum hominum, adulterium, conjunctiones incestuæ, libidinum contra naturam monstra, erant capitalia facinora. Bruta ipsa animantia certis in casibus lex occidi jussit, non ob aliquam ipsorum culpam, sed in poenam dominorum, qui non caverant ne proximo grave nocumentum inferrent; vel in execrationem turpissimi et abominandi eriminis, et ne ex eorum aspectu aliquis horror hominibus incuteretur, et revocaretur in memoriam quod æternâ oblivione sepiendum erat, Exodi 21, 28: *Si bos cornu percusserit virum aut mulierem, et mortui fuerint, lapidibus obruetur.* Levitici 20, 15, 16: *Qui cum jumento et pecore coierit, morte moriatur; pecus quoque occidite. Mulier quæ succubuerit cuilibet jumento, simul interficietur cum eo.* Adversus furta rerum, non personarum, poena damni duntaxat, sive mulcta constituta est. Et pro furto quidem rerum quæ facile ab invasione furum custodiri possunt, fur duplum restituere cogebatur, Exodi 22, 7; pro furto verò rerum quarum difficilior custodia est, mulctam lex infligit graviolem. Unde furtum de pascuo gravius mulctabatur, quam de domo, Exod. 22, 1: *Si quis furatus fuerit bovem, aut ovem, et occiderit vel vendiderit, quinque boves pro uno ovem restituet, et quatuor oves pro unâ ove.* Hanc regu-

lam in plectendis furtis et profane gentes observarunt. De Scythis Justinus scribit, lib. 2, cap. 2: *Nullum scelus apud eos furto gravius. Quippe sine tecti munito pecora et armenta habentibus quid salvum esset, si furari liceret?* Hinc Aristoteles in Problematis sectione 29, loquens de lege Atticâ, quæ fures balnearios in ipsis balneis morte plecti decreverat, si æstimatio decem drachinis major esset: *Legis auctor, inquit, cùm sciret illis in locis dominos res suas custodire non posse, custodem legem addidit.* Percussiones et mutilationes poenâ talionis vindicabantur, Exodi 21, 24: *Oculum pro oculo, dentem pro dente, etc.*; et Levitici 24, 19: *Qui irrogaverit maculam cuilibet civium suorum, sicut fecit, sic fiet ei; fracturam pro fracturâ, oculum pro oculo, dentem pro dente restituet; qualem inflixerit maculam, talem sustinere cogetur.* Postulationem porro talionis Hebraeis non permissam tanquàm vitio careret, sed majoris duntaxat mali vitandi causâ, ad injuriam scilicet coercendam similis poenæ metu, docet Tertullianus, libro 4 adversus Marcionem, cap. 16: *Novam planè patientiam docet Christus, inquit, etiam vicem injuriæ cohibens, permissam à Creatore, oculum exigente pro oculo, et dentem pro dente; contra ipse alteram amplius maxillam offerri jubens, et super tunicam pallio quoque cedi. Planè hæc Christus adjecerit, ut supplementa consentanea disciplinæ Creatoris. Atque adeo hoc statim renuntiandum est, an disciplina patientiæ prædicatur penès Creatorem. Si per Zachariam præcepit, ne unusquisque malitiæ fratris sui meminerit, sed nec proximi. Nam et rursus: Malitiam, inquit, proximi sui unusquisque non recogitet. Multò magis patientiam indixit injuriæ, qui indixit oblivionem. Sed et cùm dicit: Mihi vindictam et ego vindicabo, proinde patientiam docet vindictæ expectatricem. In quantum ergo non capit, ut idem videatur et dentem pro dente, oculum pro oculo, in vicem injuriæ exigere, qui non modò vicem, sed etiam ultionem, etiam recordationem et recogitationem injuriæ prohibet, in tantum aperitur nobis quomodò oculum pro oculo, et dentem pro dente censuerit, non ad secundam injuriam talionis permittendam, quam prohibuerat, interdictâ ultione, sed ad primam coercendam, quam prohibuerat opposito talione, ut unusquisque respiciens licentiam secundæ injuriæ, à primâ semetipsam contineret. Facilius enim vi comprimi scit representatione talionis, quàm repromissione ultionis. Utrumque autem constituendum fuit pro naturâ et fide hominum; ut qui Deo crederet, ultionem à Deo expectaret; qui minùs fideret, leges talionis timeret. Hanc legis voluntatem de intellectu laborantem, Dominus et Sabbati, et legis, et omnium paternarum dispositionum, Christus et revelavit, et compotem fecit, mandans alterius quoque maxillæ oblationem, ut tantò magis vicem injuriæ extingueret, quam et lex per talionem voluerat impedisse, certè quam prophetia manifestè coercuerat; et memoriam injuriæ prohibens, et ultionem ad Deum redigens. Ita si quid*

Christus intulit, non adversario, sed adjutore præcepto, non destruxit disciplinas Creatoris. Legantur quæ supra observavimus, dissertatione 2, ad 5 Decalogi præceptum, § 49. Minora peccata flagellatione, vel ignominia lex puniri jussit. De flagellatione, Deuteronomii 25, 2, ita statutum: *Sin autem cum qui peccavit, dignum viderint plagis, prosternent, et coram se facient verberari. Pro mensurâ peccati, erit et plagarum modus*; ita duntaxat ut quadragenarium numerum non excedant, ne scdè laceratus ante oculos tuos abeat frater tuus. Hæc pœna infligebatur, cum alia pœna in lege expressa non erat, peccatumque erat contra præceptum vetans, non mente, aut verbo, sed facto. Ubi etiam excisio, pœna Deo reservata, mortis mentione non addita, iudices, si ad ipsos res deveniret, monitioque præcessisset, reum verberibus expiabant. Ea verbera, accedente confessione, valere credebantur ad evitandam pœnam à Deo reservatam, ut ex Hebræorum doctrinâ Grætius observat in Deuteronomii 25. Pœnam infamiae irrogandam ei lex edixit, qui uxorem fratris sui, abque liberis defuncti, ducere recusaret. Deuteronomii 25, 7: *Si responderit: Nolo eam uxorem accipere, accedet mulier ad eum coram Senioribus, et tollet calcamentum de pede ejus, spueque in faciem illius et dicit: Sic fiet homini, qui non ædificat domum fratris sui. Et vocabitur nomen illius in Israel, Domus discalceati.* Pœnam servitutis duobus duntaxat in easibus Hebræis infligi voluit celestis Legislator: Primò cum anno septimo remissionis servus beneficio legis uti volebat ut libertate donaretur, in pœnam addicebatur perpetuæ servituti, Deuteronomii 15: *Sin autem dixerit: Nolo egredi, eò quòd diligat te, et domum tuam, et benè sibi apud te esse sentiat, assumes subulam, et perforabis aurem ejus in januâ domus tuæ, et serviet tibi usque in æternum. Ancillæ quoque similiter facies.* Secundo, pœna servitutis infligebatur fari, qui resituere non poterat secundum præscriptum legis, Exodi 22, 3: *Si non habuerit quo pro furto reddat, ipse venundabitur.* Pœnam exilii universaliter lex non statuit, quia in solâ Judæâ Deus colebatur, cæteris gentibus per idololatriam corruptis. Unde si quis ab Israelitico populo universaliter exclusus esset, daretur ei occasio idololatriæ. Unde David Saûli dixit, ut refertur 1 Regum, 26, 19: *Maledicti sunt in conspectu Domini, qui ejecerunt me hodiè, ut non habeam in hæreditate Domini, dicentes: Vade, servi diis alienis.* Erat tamen aliquod particulare exilium, quo involuntarium homicidæ lex damnabat, si caput suum salvum præstare vellet. Ad unam scilicet urbem refugii confugiendum ipsi erat, ibique manendum usque ad mortem summi sacerdotis; quâ contingente, se in domum suam tutò recipere poterat, Deuteronomii 19, 4, et seq., Numer. 35, 25. Observatio est sancti Thomæ, primâ secundæ, Questione 105, Article 2, in Responsione ad decimum. Ideò autem ad obitum usque pontificis, reditum ejus qui alterum nolens interfecisset, lex distulit, quia, mors pontificis secundum ordinem Melchisedech, humani peccati solutio. Hic reduxit in Paradisum eos qui illinc fuerant

ejecti. Porro temporis illius spatio fuga homicidæ propinquorum mollebat animum, ac credis libidinem refrenabat. Quòd autem post obitum pontificis de exulantibus cessabat vindicta, satis valebat ad persuadendum propinquis, ut in reliquum iram extinguerent, tanquam mortuo pontifice sub quo delictum fuit admissum et quòd Legislator tum delicto, tum vindictæ præfinierit terminum.

IV. Ad excitandam inquirendi de homicidio occulto diligentiam, lata lex est Deuteronomii 21, in scilicet vicinioris civitatis Seniores vitulam jugo non sobactam de armento acciperent, ducerentque in vallem asperam, saxosam, incultam, ubi cæsis vitulæ cervicibus, coram sacerdotibus manus suas levarent super eam, dicentes: *Manus nostræ non effuderunt sanguinem hunc, nec oculi viderunt. Propitius esto populo tuo Israel, quem redemisti, Domine, et ne reputes sanguinem innocentem in medio populi tui.* Ad prodendum homicidium, ad execrationem cædis, ad iram Dei è populo civitatis avertendam, ritus ille institutus est.

V. Quod possessiones attinet, optimum est, inquit, sanctus Thomas, questione et articulo supra laudatis, ut distinctæ sint, et usus earum sit partim communis, partim voluntate possessorum communicetur. Hæc porro tria Mosaicæ legi statuta sunt. Primò enim possessiones singulis erant distributæ, Numerorum 33: *Ego dedi vobis terram in possessionem, quam dividetis sorte vobis.* Et quia possessionum irregularitas plerumque civitatibus et respUBLICIS ruinam affert, lex triplex remedium huic malo adhibuit: primum quidem ut pro numero hominum æqualiter dividerentur, Numerorum 33, 54: *Pluribus dabitur latior, et paucis angustior; singulis ut sors ceciderit, ita tribuetur hæreditas. Per tribus et familias possessio dividetur.* Secundum remedium est alienationis perpetuæ prohibitio, statutaque certo tempore eversio rerum venditarum ad suos possessores, ne sortes hæreditatum confunderentur. Quia verò domus urbanæ non erant sorte distinctæ, lex earum alienationem in perpetuum permisit, sicut et honorum mobilium. Domus verò quæ in villâ muris non septâ sitæ erant, in perpetuum vendi non poterant, quia domus hujusmodi non construuntur nisi ad culturam et custodiam possessionum; ideòque lex jus idem circa utrumque statuit, Levitici 25: *Sanctificabis annum quinquagesimum, et vocabis remissionem cunctis habitatoribus terræ: ipse est enim Jubilæus. Revertetur homo ad possessionem suam, et unusquisque rediet ad familiam pristinam.... Terra non vendetur in perpetuum, quia mea est, et vos advenæ et coloni mei estis. Unde cuncta regio possessionis vestræ redemptionis conditione vendetur. Si attenuatus frater tuus vendiderit possessiunculam suam, et voluerit propinquus ejus, potest redimere quod ille vendiderat. Sin autem non habuerit proximum, et ipse pretium ad redimendum potuerit invenire, computabuntur fructus ex eo tempore quo vendidit, et quod reliquum est reddet emptori, sicque recipiet possessionem suam; quòd si non invenerit manus ejus ut reddat pretium, habebit emptor quod emerat,*

usque ad annum Jubileum. In ipso enim omnis venditio redibit ad Dominum, et ad possessorem pristinum. Qui venderit domum intra urbis muros, habebit licentiam redimendi, donec impleatur annus. Si non redemerit, et anni circulus fuerit evolutus, emptor possidebit eam, et posteris ejus in perpetuum, et redimī non poterit, etiam in Jubileo. Sin autem in villā fuerit domus quæ muros non habet, agrorum jure vendetur. Si ante redempta non fuerit, in Jubileo revertetur ad Dominum. Tertium remedium ad possessionum inaequalitatem et confusionem tollendam, est propinquiorum successio in possessiones morientium, ut scilicet primo gradu filius, secundo filia, tertio fratres, quarto patru, quinto quicumque cognati hereditatem adeant. Sed tamen, ad distinctionem sortium in singulis tribubus conservandam, lex statuit ut mulieres, defectu fratrum haeredes, alienæ tribus et familie hominibus non haberent. Quæ lex occasione filiarum Salphaad lata est, quibus patris absque prole masculâ defuncti hereditas divino adjudicata est oraculo, Numerorum 26, 6: *Et hæc lex super filiabus Salphaad a Domino promulgata est: Nubant quibus voluit, tantum ut suæ tribus hominibus, ne commiscerentur possessio filiorum Israel de tribu in tribum. Omnes enim viri ducunt uxores de tribu et cognatione suâ: et cunctæ feminae de eadem tribu maritos accipient, ut hereditas permaneat in familiis, nec sit misceretur tribus, sed ita maneat ut à Domino separate sunt.* Vulgata nostra hic paulò obscurior, quæ hanc de connubiis legem inter viros et feminas ejusdem tribus ad omnes omninò feminas ac viros absque exceptione extendere prima fronte videtur, ex Hebræo textu et Samaritano, ex versione Sept. Interpretum, Chaldaicâ Paraphrasi, aliisque versionibus orientalibus illustrat, ex quibus evidens est hanc legem ad illas duntaxat feminas pertinere, quibus, defectu fratrum, paternam hereditatem adire datum est, exemplo filiarum Salphaad. Sic enim habet textus Hebræus ad verbum redditus: *« Omnis ideo filia possidens hereditatem de tribubus filiorum Israel, alicui de familiâ tribus patris sui erit in uxorem, ut possideant filii Israel singuli hereditatem patrum suorum. »* Versio Sept. Latine reddita sic habet: *« Et non circumvertetur hereditas filius Israel à tribu in tribum, quoniam unusquisque in hereditate tribus familie suæ, conjungentur filii Israel. Et omnis filia vendens hereditatem de tribubus filiorum Israel, uni eorum qui de populo patris sui, erunt uxores; ut vendent filius Israel unusquisque hereditatem paternam suam. »* Ita textus Samaritanus: *« Omnis ideo filia, possidens hereditatem de tribubus filiorum Israel, alicui de familiâ tribus patris sui erit in uxorem, ut possideant filii Israel singuli hereditatem patrum suorum; et non circumagatur hereditas de tribu in tribum aliam, sed unusquisque ex tribubus filiorum Israel hereditati suæ adhæreat. »* Ita Targum Onkelos: *« Et omnis filia hæres possessionis de tribu filiorum Israel, uni de familiâ tribus patris sui sit in uxorem, ut hereditent filii Israel singuli possessionem patrum suorum, et non transferatur possessio*

de unâ tribu in aliam tribum, sed unusquisque tribuum filiorum Israel adhæreat possessioni suæ. » Ita versio Syriaca: *« Et quicumque filia hereditatem possiderit in tribu filiorum Israel, alicui ex tribu domus patris sui nubat, ut possideat quisque filiorum Israel hereditatem patris sui, et non provehatur hereditas à tribu ad tribum aliam, sed unusquisque de tribubus filiorum Israel hereditati suæ adhæreat. »* Ita versio Arabica: *« Et simile esto iudicium cuilibet filie, quæ hereditavit possessionem ab aliquâ tribu filiorum Israel. Fiat enim alicui ex familiâ tribus patrum suorum conjux, ut hæreditet qualibet tribus ex eis possessionem patrum suorum, et non vagetur ulla possessio, quæcumque illa fuerit, ab unâ tribu ad tribum aliam, sed adhæreat unaquæque tribus ex filius Israel possessioni suæ. »*

VI. Secundò, lege sancitum est, ut quantum ad aliqua rerum usus communis esset. Primò quantum ad curam, Deuteronomi 22, 1: *Non videbis bovem fratris tui, aut ovem errantem, et præteribis; sed reduces fratri tuo, etiamsi non est propinquus frater tuus, nec nesci eum. Dices in domum tuam, et erunt apud te quamdiu quærat ab fratre tuo, et recipiat, etc.* 2 Quantum ad fructum; omnibus enim concessum erat ut unusquisque ingressus in vineam proximi uvæ impunè comederet, non tamen extra ferre posset, similiter ut in segetem amici ingressus, spicas frangere et manu conterere posset, non falce metere, Deuteronomi 23, 24, 25: *Ingressus vineam proximi tui, comede uvas quantum tibi placuerit; faras autem ne offeras tecum. Si intraveris in segetem amici tui, franges spicas, et manu contres, falce autem non metes.* Israelitis beneficentiæ assuescere, et ad mutuam rerum suarum communicationem faciles esse voluit cœlestis legislator, ut amicitie et charitatis, quæ finis legis est, pignus esset mutua rerum saltem modicarum communicatio. Vetuit autem ne manipuli vel racemi ex agro aut vineâ proximi efferrentur, ne gravis damni inferendi occasio daretur, ex quo pax et tranquillitas publica perturbaretur. Pauperibus verò jus specilegii et racemationis in divitum agris vineisque lex concessit, Levitici 19, 9, 10: *Cum messueris segetes terræ tuæ, non tondebis usque ad solum superficiem terræ, nec remanentes spicas colliges. Neque in vineâ tuâ racemos et grana decidencia congregabis, sed pauperibus et peregrinis carpenda dimittes. Ego Deus vester.* Deuteronomi 24, 19, 20, 21, 22: *Quando messueris segetem in agro tuo, et oblitus manipulum reliqueris, non reverteris ut tollas illum, sed advenam, et pupillum, et viduam auferre patieris, ut benedicat tibi Dominus Deus tuus in omni opere manuum tuarum. Si fruges collegeris olivarum, quicquid remanserit in arboribus, non reverteris ut colligas; sed relinques advenæ, pupillo, ac viduæ. Si vindemiaveris vineam tuam, non colliges remanentes racemos; sed cedent in usus advenæ, pupillæ ac viduæ. Memento quòd et tu servieris Ægypto, et idcirco præcipio tibi ut facias hæc rem.* Fruges etiam anni septimi pauperibus dimitti lex præcepit, Exodi 23, 10, 11: *Sex annis seminabis terram*

tuam, et congregabis fruges ejus. Anno autem septimo dimittes eam, et requiescere facies, ut comedant pauperes populi tui.

VII. Lex denique statuit communicationem rerum per eos factam qui sunt illarum domini, et hanc quidem vel merè gratuitam, ad quam pertinet illud Deuteronom. 14, 28 : *Anno tertio separabis aliam decimam ex omnibus quæ nascuntur tibi eo tempore, et repones intra januas tuas. Venietque Levites qui aliam non habet partem nec possessionem tecum, et peregrinus ac pupillus et vidua, qui intra portas tuas sunt, et comedent et saturabuntur; ut benedicat tibi Dominus Deus tuus in cunctis operibus manuum tuarum quæ feceris; vel cum utilitatis compensatione conjunctam, ut sit in venditione et emptione, in locatione et conductione, in mutuo et deposito; de quibus sanctissima sunt in Mosaicâ lege præcepta. Inprimis autem observatione digna sunt, quæ circa mutuum et commodatum sanxit cælestis legislator. Primò quidem voluit ut faciles se præberent ad mutuum exhibendum, nec ab hujusmodi præstando beneficio ipsos prohiberet anni septimi appropinquatio, Deuteronomii 15, 7, 8, 9, 10 : *Si unus de fratribus tuis, qui morantur intra portas civitatis tuæ, in terrâ quam Dominus Deus tuus daturus est tibi, ad paupertatem venerit, non obdurabis cor tuum, nec contrahas manum, sed aperies eam pauperi, et dabis mutuum, quo eum indigere perspexeris. Cave ne fortè subrepat tibi impiu cogitatio, ut dicas in corde tuo: Appropinquat septimus annus remissionis; et avertas oculos tuos à paupere fratre tuo, nolens ei quod postulat mutuum commodare; ne clamet contra te ad Dominum et fiat tibi in peccatum. Sed dabis ei, nec ages quippiam callidè in ejus necessitatibus sublevandis; ut benedicat tibi Dominus Deus tuus in omni tempore, et in cunctis ad quæ manum miseris. Non deerunt pauperes in terrâ habitationis tuæ; idcirco ego præcipio tibi ut aperias manum fratri tuo egeno et pauperi, qui tecum versatur in terrâ. Secundò, vetuit ne eos quibus mutuam darent pecuniam, vel usuris, vel pignorum ad sustentandam vitam omninò necessariorum acceptione gravarent; præcepitque ut accepta statim restituerent, Deuteronomii 23 : *Non fœnerabis fratri tuo ad usuram pecuniam, nec fruges, nec quamlibet aliam rem, sed alieno. Fratri autem tuo, absque usurâ, id quo indiget commodabis, ut benedicat tibi Dominus Deus tuus in omni opere tuo in terrâ, ad quam ingredieris possidendam. Deuteronomii 24, 6 : *Non accipies loco pignoris inferiorem et superiorem molam, quia animam suam opposuit tibi. Exodi 22, 26, 27 : *Si pignus à proximo tuo acceperis vestimentum, ante solis occasum reddes ei. Ipsum est enim solum, quo operitur, indumentum carnis ejus, non habet aliud in quo dormiat. Si clamaverit ad me, exaudiam eum, quia misericors sum. Confer Deuteronomii 24, 12, 15.*****

Tertiò, cavit Summus Legislator ne ab iis quibus mutuam pecuniam dederant, debita importunè exigèrent, Exodi 23, 25 : *Si pecuniam mutuam dederis populo meo pauperi qui habitat tecum, non urgebis eum quasi exactor; Deuteronom. 24, 10, 11 : *Cum repetes**

*à proximo tuo rem aliquam quanti debet tibi, non ingredieris domum ejus ut pignus auferas: sed stabis foris, et ille tibi proferet quod habuerit. Quartò, Deus edixit ut anno septimo debita penitus remitterentur. Probabile enim erat eos qui commodè reddere possent, ante septimum annum reddituros, neque creditorem beneficium fraudaturos. Si autem omninò impotentes essent, eâdem ratione remittendum ipsis debitum erat, quâ eis de novo dandum, ut eorum inopiæ subveniretur. Utrumque enim dilectio pariter imperabat, Deuteronom. 15, 1 : *Septimo anno facies remissionem, quæ hoc ordine celebrabitur: Cui debetur aliquid ab amico, vel proximo ac fratre suo, repetere non poterit, quia annus remissionis est Domini.**

Circa animalia verò commodata lex statuit ut ob ejus negligentiam, cui commodata sunt, si absente domino moriantur, vel debilitentur, ea reddere, seu damnum compensare compellatur; si verò domino præsentè id contigerit, restitutionis lege non teneatur, maximè si mercede conducta sint; quia mori pariter ac debilitari apud ipsum commodantem potuissent. Unde si saluum ac integrum animal quocumque eventu recipere deberet, lucrum ex mutuo reportaret, adeoque mutuum, gratuitum non esset, Exodi 22, 14, 15 : *Qui à proximo suo quidquam horum mutuo postulaverit, et debilitatum aut mortuum fuerit domino non præsentè, reddere compellatur. Quòd si in præsentiarum dominus fuerit, non restituet, maximè si conductum venerat pro mercede operis sui. Si verò gratis commodatum erat animal, culpa latè sumpta obligare poterat commodatarium ad partem saltem aliquam rei pereuntis præstandam, quæ non obligasset conductorem, qui non suo solius, sed alterius etiam, scilicet locantis comodo talem contractum inivit.*

VIII. De deposito hæc lata lex est : Si depositum furto sublatum sit, furque lateat, depositarius à forti suspicione juramento se purgabit coram iudicibus. Si verò depositor ipsum depositarium fraudis accuset, utriusque causam examinaabunt iudices, et si illi judicaverint, duplum restituet proximo suo, ut lex decernit, Exodi 22, 9; depositarius quidem, si fraudis reus judicetur, depositor verò, si iniquam actionem intenderit. Nam de mero casu teneri depositarium, planè injustum esset. Si cui commodatum animal ad custodiam fuerit, interimque pereat, debilitetur aut capiatur ab hostibus, et nemo homo viderit quicavere posset, vel depositarii innocentie testimonium perhibere, juramento suspicionem omnem depositarius à se repellat, dominusque animalis illius juramento stare tenebitur. Si furto ablatum fuerit, depositarii scilicet culpâ vel incuriâ, restituet damnum domino. Si comestum à bestia, occisi seu laniati animalis reliquias ad dominum deferet, nec ad restituendum adstringetur.

IX. Ubi controversia aliqua incidisset obscurior, seu questio, non facti, sed juris, quæ ab urbis aliqujus magistratibus dirimi non posset, sed eò usque procederet judicium contentio, ut pars minor tueri sententiam suam vellet contra majorem, et inter diversa sentientes scissura quædam civitatem illam ac vicinas

distractura omni posset, lege sacramentum est et ad sacerdotes, vel ad iudicem, si quis eo tempore populo a Deo litus presideret, aut ad Synedrium causa referretur, ex quorum responsis ac decretis, sacramentum quidem, et praesertim pontificis in controversis quae sacra spectabant, iudicis vero in causis civilibus, legis interpretatio constaret. Quod ad schismatis periculum averendum statutum est. Qui autem sacerdos, aut pontifex imperio parere superbe et contumaciter renuebat, capitis damnabatur. Deuteronomii 17, 8, 9, 10, 11, 12: *Si difficile et ambiguum apud te iudicium esse perspexeris inter sanguinem et sanguinem, causam et causam, lepram et lepram, et iudicium intra portas tuas videris, verba variari, surge et ascende ad locum quem elegerit Dominus Deus tuus. Veniesque ad sacerdotem levitici generis, et ad iudicem qui fuerit illo tempore: quareque ab eis, qui indicabunt tibi iudicium veritatem. Et facies quodcumque dixerint qui praesunt loco quem elegerit Dominus: et docuerint te juxta legem ejus; sequerisque sententiam eorum, nec declinabis neque ad dexteram, neque ad sinistram. Qui autem superbiuit, autens obedire sacerdotis imperio, qui eo tempore ministrat Domino Deo tuo, et decreto iudicis, morietur homo ille, et auferes malum de Israel; cunctusque populus audiens timebit, ut nullus deinceps intumeat superbiis. Sic majores Ecclesiae causas ad locum quem elegit Dominus, ad Romanam scilicet Ecclesiam, et Sedem Apostolicam, sedentemque in eâ summum pontificem, Christi vicarium, et S. Petri successorem referendas, ob divinum ejus primatum, jus et consuetudo a primis Ecclesiae seculis stabilita, et usu continuo ad hodiernum usque diem confirmata docent ac probant.*

ARTICULUS III.

De praeceptis judicialibus extraneos spectantibus.

I. Popularium cum extraneis congressus duplex esse potest: Unus pacificus, hostilis alter; et utriusque respectu sanctissima praecepta lex dedit. Pacificam enim cum extraneis communionem politici ratione sanxit: Primo respectu peregrinorum per Judaeam transentium, secundo respectu advenarum in terrâ Israelis habitare volentium, tertio respectu eorum qui in populi consortium ac ritum cooptari cupiebant. Quod spectat extraneos primae et secundae classis, lex Judaeis praecepit ut charitatem et misericordiam in ipsos exercerent. Exodi 22, 21: *Advenam non contristabis, neque affliges eum; advenae enim et ipsi fuistis in terrâ Aegypti.* Exodi 25, 9: *Peregrino molestus non eris. Scitis enim advenarum animas; quia et ipsi peregrini fuistis in terrâ Aegypti.* Quod tertiae classis extraneos attinet, lex Ammonitas et Moabitas in rempublicam Hebraeorum cooptari vetat, quia populo Israelitico panis et aquae subsidium negaverant, et Balaam Ariolum ad maledicendum Hebraeis conduxerant; necnon Amalecitas contra quos velat hostes infensissimos bellum perpetuum Dei nomine indictum est. Aegyptios vero et Idumaeos, qui Judaicae Religioni nomen dedissent, in tertiâ generatione civem nomine, jurebus, et pri-

vilegiis donari concessit, ob gentium illarum cum Hebraeis amicitiam. Exodi 17, 16: *Munus voca Dominum, et locum Domini erit contra. Vnde de genere dicitur in generationem. Deuteronomii 25, 5, 6, 7, 8: Ammonites et Moabites etiam post decimam generationem, non intrabunt in Ecclesiam Domini in aeternum, quia noluerunt vobis occurrere cum pane et aqua in viâ, quando egressi estis de Aegypto; et qui conduxerunt contra te Balaam filium Beor de Mesopotamia Syria, ut malediceret tibi. Non fueris cum eis pacem, nec quies eis bona cunctis diebus vitae tuae usque in sempiternum. Non abominaberis Idumaeum, quia frater tuus est, ex Isau scilicet Jacobi fratre, Abrahami filio primogenitus, nec Aegyptium, quia advena fuisti in terra ejus. Qui nati fuerint ex eis tertia generatione intrabunt in Ecclesiam Domini. Lex in Moabitis et Ammonitis lata, de maribus duntaxat intelligenda est; mulieres enim ex his populi ad Deum conversae, ut Ruth, nubere Israelitis poterant, ut observant Maimonides et Moses de Mothzi. Achio rem ducem Ammonitarum ex dispensatione in collegium populi Hebraici admissum ob fervorem fidei, et quod de Israelitis optime meritis esset, ac propter illos Holofernis odium in se conitasset, S. Thomas existimat, primâ secundâ, quest. 105, artic. 5, in responsione ad primum. Consent alii Achio rem in Religionem duntaxat et sacrorum Judaeorum communionem fuisse susceptum, idque unum significari Judith 14, 6: *Tunc Achior videns virtutem quam fecit Deus Israel, relicto Gentilitatis ritu credidit Deo et circumcidit carnem praepatii sui, et appositus est ad populum Israel et omnis successio generis ejus usque in hodiernum diem, sed magistratûs in republicâ Hebraicâ gerendi fuisse incapacem, et connubii cum Israelitide ineundi. Nullius porro gentis homines à Judaicae Religionis professione, et Sacrorum communione, si proselyti fierent, excluderantur, ne quidem Moabite, Ammonite, vel Amalecite, sed solim ab honoribus, consiliis publicis, et connubiis, quo etiam loco censebantur eunuchi et nothi Deuteronomii 25, 1, 2: *Non intrabit eunuchus Ecclesiam Domini. Non ingreditur nuptus, hoc est, de scorto natus, in Ecclesiam Domini usque ad decimam generationem. Ecclesiae nomine politicam societatem hic intellige, seu populi cœtum, non corpus religionis, sicut Numerorum 20, 1: *Cur cunctis ecclesiam Domini in solitudinem, ut et nos et nostra jumenta moriamur? Et Judicium 20, 2: *Tunc te tribus Israel in Ecclesiam populi Dei convenerunt quadraginta millia peditum pugnatorum. Harum legum rationem Theoretus exponit questione 26, in Deuteronomio, ubi quaerit: Quare non ad certum tempus, sed in perpetuum vetat eos misceri cum Moabitibus et Ammonitis? Et respondet: Inprimis propter infectam eorum radicem, cum ex illegitimo congressu nati sint. Deinde propter impietatem, ad quam tentaverunt adducere Israelitas, adornantes uxores, et per eas ad cultum idolorum illos allicientes. Idumaeum tamen et Aegyptium post tertiam generationem admitti jubet; illum quidem tanquam fratrem, hunc verò tanquam beneficium tem-*****

« pere opportuno. Urgente enim fame, patres eorum
 « in Ægyptum ingredientiſes acceperunt alimenta.
 « Lex igitur docet nos antiqui beneficii non obli-
 « viſci : Et questione 25, rationem reddit cur eunu-
 « chi et noſtri à populi Iſraelitici conſortio excluderentur.
 « Sterilitas, inquit, animæ per hanc denota-
 « tur. Alienum enim eſt à Deo, fructus bonorum ope-
 « rum non producere... Verum ſicuti ſterilitatem in-
 « terdiſcit, ita fructum malum repellit. Non enim in-
 « greditur, inquit, ex meretrice natus in Eccleſiam
 « Dei. »

II. De hoſtili cum extraneis congressu lex ſtatuit,
 ut bellum juſtè ſuſciperetur, et æque pacis conditiones
 primùm offerrentur hoſtibus. Deuteronomii 20, 10 : *Si
 quando acceſſeris ad expugnandam civitatem, offeres ei
 primum pacem. Si receperit, et aperuerit tibi portas,
 cunctas populus qui in ea eſt, ſalvabitur et ſerviet tibi
 ſub tributo. Sin autem foras inire noluerit, et cape-
 rit contra te bellum, oppugnabis eam.* Id valuiſſe etiam
 in terrâ Chanaan quidam contendunt, Maimonidis et
 Moſis de Kothzi præcepto jubente 15, auctoritate
 fulſi, et Gabaonitarum exemplo aſſertionem ſuam probant.
 At ſingulare et extraordinarium exemplum ad
 legis interpretationem trahi non debet. Gabaonitas
 dolo pacem petitorum verisimile non eſt, niſi diffide-
 rent ſe eam impetraturos, fatendo ſincerè, quod res
 erat, ſe portionem eſſe Hebræorum, minus ex populis
 terre Chanaan. Unde cum Joſue et Principibus Iſrae-
 lis diſiſſent : « De terrâ longi quâ venimus, pacem
 « voluiſſem facere cupientes : Reſponderunt eis Iſrae-
 « lite : Ne fortè in terrâ, quæ nobis ſorte debetur,
 « habitetis, et non poſſimus foras inire voluiſſem. At
 « illi ad Joſue : Servi, inquit, tui ſumus. Quibus
 « Joſue ait : Quinam eſtis vos et unde veniſtis ?
 « Reſponderunt : De terrâ longinquâ valdè vene-
 « runt ſervi tui in nomine Domini Dei tui. » Alii de
 civitatibus dentaxat extra Chanaanitidem ſitis legem,
 de quâ agimus, intelligi volunt, ſi-que ſolis pacem ab
 Hebræis fuiſſe offerendam, antequàm expugnarentur.
 Scripturæ ſacræ auctoritas hanc ſententiam alteri
 anteponi jubet, cum Deus populo terre Chanaan ſim-
 pliciter deleri præceperit, Deuteronomii 7, 1, 2 : *Cum
 introduxerit te Dominus Deus tuus in terram, quam poſ-
 ſeſſurus ingredieris, et deleverit gentes multas coram te,
 Hethæam, et Gergæam, et Amorrhæam, Chanaanem,
 Phariſæam, et Hivæam, et Jebuſæam, ſeptem gentes
 multo majoris numeri quam tu es, et robuſtiores te ;
 tradideritque eas Dominus Deus tibi, parentes eas uſque
 ad interuſionem. Non inibiſ cum eis foras, nec miſe-
 reberis earum : Et Deuteronomii 20, 15, 16. Sic facies
 cunctas civitates, quæ à te procel valdè ſunt, et non
 ſunt de his urbibus quas in poſſeſſionem accepturus es.
 Delis autem civitates quæ dantur tibi nullum omnino
 permittas vivere ; ſed interficies in ſec gladii, Hethæam
 videlicet, et Amorrhæam, et Chanaanem, Phereæam,
 et Hevæam, et Jebuſæam, ſicut præcepit tibi Dominus
 Deus tuus : Ne fortè doceant vos facere cunctas abo-
 minationes, quas ipſi operati ſunt Diis ſuis, et pec-
 caverunt Dominum Deum vſtrum. Unde ſi quis eorum*

*factum Deus improbat, Judicum 2, 1, 2, 3. Ascendit-
 que angelus Domini de Galgalis ad locum ſtentium, et
 ait : Eduxi vos de Ægypto, et introduxi in terram pro
 quâ juravi patribus vſtris ; et pollicitus ſum, ut non fa-
 cerem irritum pactum meum vobiscum in ſempiternum :
 Ita dumtaxat ut non feriretis fœdus cum habitatoribus
 terræ hujus, ſed aras eorum ſubverteretis, et noluiſtis
 audire vocem meam ; cur hoc feciſtis ? Quamobrem no-
 lui delere eos à facie vſtrâ. Verumtamen licet his popu-
 lis parcere poſt civitatum expugnationem, et datam
 à Deo victoriam lex vetaret, eiſque pacem offerre et
 cum iis fœdus inire ut ſuis ritibus moribusque inter
 Hebræos in eadem terrâ, iisdemque in civitatibus vi-
 verent, non prohibebat clementiam in eos exercere,
 et pacem eis concedere, ſi eam ante oppugnationem
 et certamen poſtularent, et abſolutâ deditiõne, om-
 niumque conditionum, quas victores præſcriberent,
 et imprimis Idololatriæ ejuratione, hanc gratiam mere-
 rentur. Id colligitur ex Joſue 11, 19, 20 : Non fuit
 civitas quæ ſe traderet filiis Iſrael, præter Hevæam,
 quæ habitabat in Gabaon ; omnes enim bellando cepit, Do-
 mini enim ſententia fuerat, ut induerentur eorda eorum,
 et pugnarent contra Iſrael, et caderent, et non mererentur
 ullam clementiam, ac perirent, ſicut præceperat Do-
 minus Moſi. Aliis autem civitatibus extra terram
 Chanaan poſitis pax primùm offerenda erat, tenta-
 daque controverſiæ, propter quam bellum denuncia-
 batur, compoſitio. Id ſapientes politicos vel ipſa ratio
 docuit. Hinc Dionyſius Halicarnanſenſis, in Excerptis
 legationum : « Non ante, inquit, ad res veniendum
 « eſt, quàm tentata ſit verborum via. » Menelaus apud Li-
 banium : « Homini convenientius prius verborum experi-
 « menta facere, quàm ſtatim ad arma proſilire. » Volo-
 geses apud Tacitum : « Æquitatem quàm ſanguine, cauſâ
 « quàm armis retinere parta majoribus malueram. » Et
 rex Theodoſianus apud Caſſiodorum, 3 Variarium 1 :
 « Tunc utile ſolum eſt ad arma concurrere, cum locum
 « apud adverſarios juſtitia non poteſt invenire. » Cicero
 libro 1 de Officiis : « Cum duo ſunt genera diſceptandi,
 « unum per diſceputationem, alterum per vim, cum-
 « que illud proprium ſit hominis, hoc belluarum, con-
 « fugiendum eſt ad poſterius, ſi non uti licet priore. »
 Terentius : « Omnia prius experiri, quàm armis ſa-
 « cientem deceat. » Plura vide apud Grotium, lib. 2
 de jure Belli et Pacis, cap. 25, § 7.*

Secundò, lex bellum juſtè cœptum fortiter geri
 ſanxit, conceptâ ab Iſraelitis de auxilio Domini exer-
 citium fiducia ; quod ut religioſius ſervaretur, ſta-
 tuit ut Sacerdos imminente prælio animos adderet
 pugnaturis, ac de præſenti Numinis ope ſecuros
 eſſe juberet : Appropinquante autem jam prælio, ſta-
 bit ſacerdos ante aciem, et ſic loquetur ad populum :
 Audi, Iſrael, vos hodiè contra inimicos vſtros pugnam
 committitis, non pertimescat cor vſtrum, nolite metueri,
 nolite cedere, nec formidetis eos, quia Dominus Deus
 veſter in medio veſtræ eſt, et pro vobis contra ad-
 verſarios dimicabit, ut erant vos de periculo. (Deu-
 teronomii 20, 2, 3, 4.)

Tertiò, lex providit ut impedimenta prælii remo-

verentur, illos in domum remittendo, quibus militis cordi non erat. Duces quoque per singulas turmas audiente exercitu proclamabant : Quis est homo qui ædificavit domum nostram, et non dedicavit eam? Vadat, et revertatur in domum suam; ne forte moriatur in bello, et alius deducat eam. Quis est homo qui plantavit vineam, et necdum fecit eam esse communem, de quo vesci omnibus liceat? Vadat, et revertatur in domum suam; ne forte moriatur in bello, et alius homo ejus fungatur officio. Quis est homo qui despondit uxorem, et non accepit eam? Vadat, et revertatur in domum suam, ne forte moriatur in bello, et alius homo accipiat eam. His dictis addent reliqua, et loquentur ad populum : Quis est homo formidolosus et corde pavidus? Vadat, et revertatur in domum suam, ne parere faciat corda fratrum suorum, sicut ipse timore perterritus est. (Deuteronomii 20, 5, 6, 7, 8.)

Quartò, lex statuit ut victoria moderate uterentur parcendo mulieribus, pueris, jumentis, etc. Cumque tradiderit Dominus Deus tuus illam in manu tuâ, percuties omne quod in eâ generis masculini est, in ore gladii, absque mulieribus, et infantibus, jumentis, et cæteris, quæ in civitate sunt. Paucis gentibus exceptis, adversus quas quod erat bellum non erat hominum, sed Dei, atque ita appellabatur. Et cum mulieres Madianitidas vellet occidi ob proprium ipsarum crimen, excepit virgines intactas, Numerorum 31, 18. Imò cum Ninivitis ob gravissima peccata interfectionem minatus esset, flecti se passus est miseratione victorum millium ejus ætatis, quæ honesti et inhonesti discrimen ignorat. Jona 4, 11 : Et ego non paream Ninive civitati magnæ, in quâ sunt plusquam centum viginti millia hominum, qui nesciunt quid sit inter dexteram et sinistram suam, et jumenta multa? Qui mulieribus et infantibus non parcerent, omnium gentium judicio crudeles habiti, Deo qui hanc legem Hebræis dedit, hoc illius caput in omnium hominum cordibus imprimente. Seneca libro 2, de Irâ, cap. 9. Quis irascitur pueris, quorum ætas nondum novit rerum discrimina? Apud Livium Camillus : Arma habemus non adversus eam ætatem, cui etiam captis orbibus pareitur, sed adversus armatos. Agathias libro 3. Quandoquidem vero pius non erat in rebus natos infantes paternorum facinorum insecios ita sævire atque insanire, ideo hæc ipsi non impune abire. Alexander apud Q. Curtium libro 5 : Cum captivis et feminis gerere bellum non soleo; armatus sit oportet quem oderim. Gripus apud Justinum libro 38, ait : A nullo unquam majorum suorum inter tot domestica et externa bella post victoriam in feminas sævitum, quas sexus ipse et periculis bellorum, et severitæ victorum eximat. Apud C. Tacitum alius : Neque adversus feminas, sed palam adversus armatos bellum se tractare. Valerius Maximus Munatii Flacci in infantes et feminas efferatam vocat crudelitatem, et audita etiam intolerabilem, lib. 9, cap. 1. Diodorus Siculus libro 15, narrat Carthaginienses Selinunte interfecisse feminas, infantes, animantia, sine humanitatis affectu.

Plura vide apud Grotium, lib. 3 de jure Belli et Pacis, cap. 11, § 9.

Vetat præterea lex divina ne fructuose arbores in terrâ hostili ab Israelitis victoribus succedantur : Quando obsederis civitatem multo tempore, et munitionibus circumdederis ut expugnes eam, non succides arbores, de quibus vesci potest, nec securibus per circumum debes vastare regionem; quoniam lignum est et non homo, nec potest bellum contra te augere numerum. Hanc legem ex rationis similitudine etiam ad agros frugiferos producit Philo Judeus libro de Humanitate, cupis hæc sint verba : Equitatem suam etiam largus dispensans Moses valde eâ ubertim ac liberaliter utitur, descendens a ratione utentibus ad muta animantia, ab his verò ad ea quæ è terrâ nascuntur, de quibus nunc dicendum est, quando de hominibus ut præstantissimis, et aliis quæ animam sentient in tacta sunt, jam egimus. Diserte itaque venit aut excindere arbores nites, aut extirpare ante tempus demetere frugiferas terras, aut illos omnino fructus corrumpere, ut abundantia alimentorum destruat humanum genus; abundant autem non modo necessaria, sed et quæ ad vitam delectationem faciunt. Necessarie enim fruges ad homines nutriendos sepositæ res; ad delicias vero omnium de arboribus nascentium varietas, quæ sæpè ubi alia deficient, succedunt in alimentorum locum. Ultra procedens, terram etiam hostilium vastari non sinit. Præcipuè verò excidiis arborum abstinere jubet, iniquum existimans iram in homines conceptam erogari in ea quæ causa mali nullius sunt. Hoc ipso et illud docet, non præsens tempus spectare tantum, cum nihil in suo statu maneat, sed cuncta vicibus ac mutationibus subjecta sint, ita ut facile sit eos qui nunc sunt hostes, ubi ad colloquia et pacta ventum erit, rursùm federatos fieri. At amicos necessariis fraudare durum, quibus ob futurum incertum etiam asservari debuerant, quæ usui esse possunt. Verissimè enim dictum antiquis : ita amicis utendum ut non putentur nullæ supervenire posse inimicitie, et ita tractandas offensas, ut amicitia speretur; nimirum ut quisque intra animum aliquid recondat quo tutus sit, et non eo nimium nudato per verba et facta mox penitentiam agat nimie suæ vehementiæ, seque accuset ubi res sanari amplius non potest. Oraculum hoc et civitatibus observandum est, ut pacis tempore parent quæ ad bellum sunt opus, in bello verò quæ ad pacem. Ac amicis suis supra modum fidant, tanquàm qui non possint in contrarium verti; neque hostibus ita disident, quasi nunquàm possint ad amicitiam reduci. Quod si etiam pro hoste nihil faciendum esset in spem conciliationis, certe nihil eorum quæ terra fert hostile; quin amica omnia, utilia omnia; mitissima verò vel maxime necessaria, ut quorum fructus aut alimentum siet, aut par aliquid alimento. Non oportet bellum inferre belli nesciis, non secare, non urere, non extirpare radi-

« citūs, quæ natura aquarum irrigationibus et æstatum
 « sereno tenerè eduxavit, ut tributa hominibus velut
 « regibus ferrent. Cura autem ei ut communi rerum
 « omnium et optimo præsidio fuit, illasam præstare non
 « animantibus tantum, sed et terræ fortibus vim
 « ac robur, præsertim verò mitibus, quia majoris tu-
 « telæ indigent, nec ad sylvestrium morem freunda
 « sunt, sed peritam culturam desiderant ut firmita-
 « tem consequantur. » Hinc Pythagoricum illud apud
 Jamblicum : Mansuetam frugiferamque arborem nec
 ledere, nec excindere fas esto. Porphyrius, lib. 4 de
 Abstinentiâ ab Animalibus, mores Judaicos descri-
 bens, legem hanc etiam ad animantia ruris operi in-
 servientia extendit. *Parci etiam jubet lex*, inquit, *in*
terrâ quamvis hostili, animantibus operum sociis, ita
ut ea occidere non liceat. Plura videri possunt apud
 Grotium, lib. 5 de jure Belli et Pacis, cap. 12.

ARTICULUS IV.

De præceptis judicialibus conversationem domesticam spectantibus.

I. Combinatio triplex in societate domesticâ invenitur : prima viri et uxoris ; altera patris et filii ; tertia domini et servi. De quibus omnibus divina lex conventientia præcepta tradidit.

Circa uxores, statuit primò ut contribules feminas ducant, ne sortes tribuum confundantur. Numerorum 36, 7 : *Omnes enim viri ducent uxores de tribu et cognatione suâ. Quem locum supra explicavimus.*

Secundò, statuit ut frater uxorem fratris absque liberis defuncti duceret uxorem, ut qui filios habere non potuerat secundum carnis conjugium, saltem per adoptionem haberet, ne ipsius nomen et memoria penitus deleterentur, sed à fratre personam illius gerente suscitarentur ac propagarentur. Deuteronom. 25, 5 : *Quando habitaverint fratres simul, et unus ex eis absque liberis mortuus fuerit, uxor defuncti non nubet alteri, sed accipiet eam frater ejus, et suscitabit semen fratris sui : et primogenitum ex eâ filium nomine illius appellabit, ut non deleatur nomen ejus ex Israel.* Jus Levitationis Moysiâ lege antiquius fuisse docet Patriarcharum Historia Genesis 38, 7, 8. Idem institutum consuetudo produxit ad illos propinquos, ubi fratres non exstant ; ita tamen ut solus frater uxorem fratris defuncti ducere teneretur, alioquin infamiâ notandus ; propinquus verò, ubi nullus frater erat superstes, jus quidem haberet ducendi viduam propinqui sui, et si hæreditatem illius adire vellet, ducere teneretur, non verò si hæreditate cederet, nec infamiæ legis illius propterea obnoxius esset, ut constat ex historiâ Ruth 4, 7. An ea lex cogeret ubi defunctus filiam reliquerat, incertum est, cum ex filiâ nepos in avi familiam adoptari posset. Quod lex statuit, primogenitum ex fratriâ filium nomine defuncti fratris appellandum, non ita intelligendum est, quasi proprium defuncti nomen primogenito ex viduâ filio imponendum necessariò fuerit, sed quòd defuncti filius et heres dicendus habendusque fuerit. Sic natus ex Ruthâ non vocabatur Mahalon, sed Obed filius Mathalon appellabatur. Nomen secum tradit hæreditatem.

ideoque et pro hæreditate ponitur. Numerorum 27, 3 : *Pater noster mortuus est in deserto... Cur tollitur nomen illius de familiâ suâ ? Date nobis possessionem inter cognatos patris nostri.* De hac lege Julius Africanus apud Eusebium, lib. 1 Historiæ Ecclesiasticæ, cap. 7 : « Quo-
 « niam, inquit, apud Israelitas generationum nomina,
 « vel ex naturæ vel ex legis ordine numerabantur :
 « naturæ quidem cum legitimi filii parentibus succe-
 « dunt ; legis verò quoties quis in nomen ac familiam
 « fratris sine liberis defuncti filios sustulit. Cum enim
 « certa spes resurrectionis nondum eis data esset, fu-
 « turam ejus promissionem mortali quâdam resurre-
 « ctione delineabant, ut mortui nomen nullis unquam
 « obliterandum seculis permaneret. »

Tertiò, lex cavet ne personæ quædam in matrimo-
 nium ducerentur, alienigenæ scilicet ob periculum seductionis, ne ad idololatriam femineis blanditiis pellice-
 rentur mariti ; et propinquæ propter reverentiam quæ
 naturæ lege ipsis debetur. Dent. 7, 3, 4, et Lev. 18,
 6, et seq. Et præcipuè quidem uxores assumi prohi-
 buit ex gentibus terræ Chanaan, vel finitimis, quas in
 suis ritibus retinendis pertinaciores fore Deus prævi-
 derat. Dent. 7, 1, 2, 3, 4 : *Cum introduxerit te Domi-
 nus Deus tuus in terram quam possessurus ingrederis, et
 deleverit gentes multas coram te, Hethæum et Gergezæum,
 et Amorrhæum, Chananæum, et Phersæum, et He-
 væum, et Jebusæum... Non inibis cum eis sedus, nec
 misereberis eorum, neque sociabis cum eis conjugia. Fi-
 liam tuam non dabis filio ejus, nec filiam illius accipies
 filio tuo : quia seducet filium tuum, ne sequatur me, et
 ut magis serviat diis alienis ; irasceturque furor Domini,
 et delebit te cito.* Si quæ verò ex feminis aliarum gen-
 tium idololatriam ejurare et Judaicæ religioni nomen
 dare vellet, in matrimonium illam ducere Israelitæ
 fas erat. Sic Boozus uxorem duxit Rutham, quæ socrui
 suæ dixerat 1, 16 : *Populus tuus, populus meus ; Deus*
tuus, Deus meus. Ideoque captivam matrimonio sibi
 copulare nemo Israelita poterat, nisi prius rasâ cæsa-
 rie, et circumcisis unguibus, et depositâ veste in quâ
 capta erat, flecteret patrem et matrem : quo ritu perpe-
 tua idololatriæ abjectio significabatur. Dent. 21, 10, 11,
 12, 13 : *Si egressus fueris ad pugnam contra inimicos*
tuos, et tradiderit eos Dominus Deus tuus in manu tuâ,
captivosque duxeris, et videris in numero captivorum
mulierem pulchram, et adamaveris eam, voluerisque ha-
bere uxorem, introduces eam in domum tuam : quæ ra-
det cæsariam, et circumcidet ungues, et deponet vestem
in quâ capta est ; sedensque in domo tuâ, flebit patrem
et matrem suam unum mense ; et postea intrabis ad eam,
dormiesque cum illâ, et erit uxor tua. Lex hæc non de
 feminis Chananæorum aliarumque gentium, contra
 quas bellum Domini indictum est, et quæ expugnatis
 earum urbibus jussæ sunt interfici absque sexûs dis-
 crimine, debet intelligi (ut monuimus), sed de aliis
 feminis alienigenis, quarum matrimonium, si legem
 susciperent et in id baptizarentur Judaico ritu, inter-
 dictum Israelitis omnibus non erat, sed sacerdotibus
 solis. Nec id lex indulsit nisi licentiæ militari et juri
 victoriæ, utque ea conjugia rariora essent, congres-

sum cum captivis illis elegantis formæ feminis non permisit, nisi conjuges facti essent. Antequam autem id fieret, lex auctori jussit feminæ omnes venereas, dilectas, amicitias, delicias, per quas vir posset aliam, et mense integro mentium et sapientiam in lectu manere, si forte male natus amor refrigeraret vel extingueretur. Ita Theodoretus, questione 19 in Deuteronomium: « Vir, inquit, libidinem reprimit, jubens non voluptatis affectum, sed rationem conjunctionem dominari. » Si vero captivæ dominus illuisset, nec ducere vellet uxorem, liberam dimittere tenebatur. « Sciantem postea non sederit animo tuo, dimittes eam liberam, nec vendere poteris penam, nec oporere per potentiam, quia humiliasti eam. » De Sapientiâ seculari seu profanâ eruditione hanc legem allegorice explicat S. Hieron. Epistolâ 146: « Hujus, inquit, sapientiæ typus et in Deuteronomio sub mulieris captivæ figurâ describitur, de quâ divîna vox præcipit, ut si Israelites eam habere voluerit uxorem, calvitium ei faciat, ungues resacet, et pilos auferat; et cum munda fuerit electa, tunc transeat in victoris amplexus. Hæc si secundum litteram intelligent, nomen ridicula sunt? Itaque et nos facere solent, quando philosophos legimus, quando in manus nostras libri veniunt sapientiæ secularis: si quid in eis utile reperimus, ad nostrum degna convertimus; si quid vero superfluum, de idolis, de amore, de curâ secularium rerum, hæc radimus, his calvitium inducimus, hæc in unguium morem ferro acutissimo desecamus. » Et Epistolâ 74: « Quid ergo mirum, si et sapientiam secularem propter eloquii venustatem, et membrorum pulchritudinem, de ancillâ atque captivâ Israelitidem facere cupio? Et si quicquid in eâ mortuum est, idololatriæ, erroris, voluptatis, libidinum, vel præcedo, vel rado, et mixtus purissimo corpori vernaculos ex eâ genero Domino Sabaoth? Labor meus in familiam Christi proficit, stuprum in alienam auget numerum concervorum. » Eundem locum de animâ Christo victori copulandâ moraliter explicant S. Ambrosius lib. 5, Epist. 35, et S. Paulinus, Epist. 1, ejus hæc sunt verba: « Remedi et decoris novacula nobis Christus Deus est, qui cor nostrum circumcidit, vitia radit, animæ caput levigat, et faciem mentis accurat; nosque ut illam in lege captivam purgat, et liberat horrendo misere servitutis capillo, ut conjungendi Domino, velut illa in Israelite viri nuptias transitura, criminibus carnis nostræ, quasi barbaris criminibus exuamur; denique sensibus innovatis, ut comis rudibus innotescamus, vitamque nostram quasi Nazareum crinem pascentes, Deo in castitate et parvitiâ consecremus. »

Quartò, lex præscribit quomodo tractandæ sint uxores, consulit eorum famæ, liberis, quieti, latitiæ. Pœnas in eum decernit, qui crimen falsò imposuerit uxori. Deut. 22, 15 et seq.: « Si duxerit vir uxorem, et postea odio habuerit eam, quæsieritque occasiones quibus dimittat eam, obijciens ei nomen pessimum, et dixerit: Uxorem hanc accepi, et ingressus ad eam non inveni

virginem: tollent eam pater et maritus ejus, et ferent eam signa virginitatis ejus ad seniores urbis qui in portâ sunt. Et dicet pater: Filium meum dedi huic uxorem, quam quia odit, imponit ei nomen pessimum, ut dicat: Non inveni virginem in tuam uxorem. Et ecce hæc sunt signa virginitatis ejus super me. Respondent vestimentum coram senioribus castitatis; apprehendentque senes urbis illius virum, et verberabunt illum, condemnantes insuper centum sicli argenti, quos dabit patri puellæ, quoniam diffamavit nomen pessimum super uxorem Israel; habebitque eam uxorem, et non poterit dimittere eam omnibus diebus vite suæ.

Providit etiam lex ne propter uxoris odium filius detrimentum pateretur. Deut. 21, 15, 16, 17: « Si habuerit homo uxores duas, unam dilectam, et alteram odiosam, genueritque ex ea liberos, et fuerit filius odiosæ primogenitus, volueritque substantiam inter filios suos dividere, non poterit filium dilectæ facere primogenitum, et præferre filio odiosæ, sed filium odiosæ agnoscat primogenitum, dabitque ei de his quæ habuerit cuncta duplicia: isto est enim principium liberorum ejus, et huic debentur primogenita.

Lex præterea cavet ne vir propter odium uxorem affligeret, sed potiùs scripto libello repudii eam dimitteret. Deut. 24, 1, 2, 3, 4: « Si acceperit homo uxorem, et habuerit eam, et non invenerit gratiam ante oculos ejus propter aliquam fœditatem, scribet libellum repudii, et dabit in manus illius, et dimittet eam de domo suâ. Cumque egressa alterum maritum duxerit, et ille quoque oderit eam, dederitque ei libellum repudii, et dimiserit de domo suâ, vel certò mortuus fuerit, non poterit prior maritus accipere eam in uxorem, quia polluta est et abominabilis facta est coram Domino: ne peccare facias terram tuam, quam Dominus Deus tuus tradiderit tibi possidendam. Permisit autem lex repudium uxoris, non quòd simpliciter id justum esset, sed propter duritiâ Judæorum, ut docet Christus Matthæi 19, 8: Quoniam Moyses ad duritiâ cordis vestri permisit vobis dimittere uxores vestras; ab initio autem non fuit sic. Atque posita lege, libellus repudii matrimonium solvebat; et ex Dei concessione licitum erat uxoris repudium, quoniam hujusmodi concessioni Judæorum durities occasionem dedisset. Sed repudiatam, postquam alteri nupsisset, recipere non poterat prior maritus, quia orbicularis ille nuptiarum regressus speciem adulterini concubitûs habuisset, omniaque lenocinia eo velo obtegi potuissent, et divorcium turpis commodatio uxoris visa esset. De causis repudii apud Hebræos non eadem est omnium interpretum sententia. Ob solam fornicationem dimitti potuisse uxorem Hebræam censet Lucas Burgensis Commentario in Matthæi 19, post Tertullianum lib. 4 contra Marcionem, cap. 21. Alii post Origenem et S. Joannem Chrysostomum, ob alias etiam animi corporisque fœditates licitum fuisse repudium veriùs asserunt, nempe ob lepram, sterilitatem, veneficiam, ebriositatem, rivandi consuetudinem, aliosque id genus prævios mores cum inobedientia et perfidia conjunctos. In casu enim adulterii vix locum habuisse repudium vi-

detur. Adultera enim criminis convicta lapidabatur; suspecta, aquis zelotypæ prodebatur. Libellum repudii scribi lex jussit, « ut in dissidium animus præceps, « libelli conscriptione refractus absisteret, et quid « mali esset uxorem dimittere cogitaret, præsertim « quia, ut perhibent, apud Hebræos scribere litteras « Hebræo nulli fas erat nisi scribis solis, cum et excellentiorem profiterentur sapientiam, et si qui eorum e sent æquitate ac pietate præditi, non tantum « profiterentur sapientiam, verum etiam sectarentur. « Ad hos igitur, quos oporteret esse prudentes legis « interpretes et justos dissidii dissuasores, lex mittere voluit eum, quem jussit libellum repudii dare, « si dimisisset uxorem; non enim ei poterat scribi libellus, nisi ab ipsis qui per hanc occasionem ex necessitate venientem quodammodo in manus suas « bono consilio regerent; atque inter ipsum et uxorem pacificè agendo, dilectionem concordiamque « suaderent. Quod si tantum intercederet odium, ut « extingui emendarique non posset, tunc utique scriberetur libellus, quia frustra non dimitteret quam « sic odisset, ut ad debitam conjugii charitatem nullâ « prudentium persuasione revocaretur. Si enim non « diligitur uxor, dimittenda est; quia ergo dimittenda « non est, diligenda est: dilectio autem monendo atque suadendo componi, non invitum cogendo imponi « potest. Hoc facere Scriba debebat justus et sapiens, quidem in illâ professione esse oportebat. Ad quem « ut veniretur, discordi marito libellus conscribendus « præceptus est. Quem vir bonus prudensque non « scriberet, nisi in animo nimis adverso atque perverso consilium concordie non valeret. » Ita S. Augustinus libro 19 contra Faustum, cap. 26. De divortii causis, libelli repudii formulâ, effectis et adjunctis apud Hebræos, plura dabit Seldenus in Uxore Hebræicâ, libro 3, à cap. 19 ad 25. Vir autem uxorem repudiare poterat; non etiam, ut apud Romanos, uxor virum: quod prima contra legem fecit Salome, ut narrat Josephus.

Uxor adulterii suspecta, per amaras aquas et sacrificium zelotypæ fidei castitatisque suæ probationem subibat, ut Num. 5 sancitum est. Si aquas bibere nollet, dote mulctatâ ejiciebatur à viro. Vide Seldenum libro supra laudato, cap. 15 et 16. Miraculum ad quod patrandum Deus se obstrinxit ad gravissimum et difficillimæ probationis crimen manifestandum, minimè incredibile est, cum apud profanas etiam gentes miracula quedam, vel miraculis similia ad prodendum puniendumque perjurium facta legamus. Plura ex antiquis scriptoribus congerit Grotius in cap. 3 Numerorum. Polemon in libro de Miris Siciliæ, ubi de crateribus Palicorum: « Adjuratores, inquit, Scripturam « habentes præceit adjuratis ea de quibus juramentum expostulant. Qui adjuratus est, ramum oleæ « vitæans, coronatus, discinctus, solâ indutus tunicâ, « tangens cratera, dictatum sibi juramentum enuntiat. « Et si quidem dii probent quæ jurata sunt, abijt sine « damno. At qui deos contempserit, moritur illic. » In mirabilibus quæ Aristotelis nomen circumferunt, eadem de re sic legimus: « Est autem et ibi mos jurandi qui sanctissimus creditur. Quæ enim quis jurat, « ea scribit in tabellâ; tabellam aquæ immittit. Si « rectè juret, supernat tabella; si non, aiunt tabellam gravem fieri, ita ut mergatur, hominem verò « incendi. » Adde Diodorum Siculum lib. 11. Simile, sed alibi, habet Plinius, lib. 51, cap. 2: « Annis Olachas in Bithyniâ Brietium alluit; hoc est et templo « et Deo nomen, cujus gurgite perjuri notantur pati « velut flammam urentem. » De Styge idem prodidit Porphyrius libro ejus argumenti: « Aiunt omnes « Styga aquam esse subterraneam, quæ eam vim habet, ut puniat eos qui per ipsam falsum jurare audent. » De veteris Sardinie fontibus Solinus scribit: « Coarguendis valent furibus; nam quisquis sacramento raptum negat, lumina aquis atrectat. Ubi « perjurium non est, cernit clarius; si perfidiâ abnuit, « detegitur facinus cæcitate, et caput oculis admissum « tenebris fatetur. » Quânto magis credibilia sunt, quæ Spiritu sancto dictante in libris canonicis sunt conscripta!

Denique ut major dilectio inter conjuges à principio contraheretur, arctiusque eorum corda stringerentur, vetuit lex ne viris qui nuper uxorem duxissent, publicæ functiones injungerentur, ut liberè cum uxore suâ colletari possent. Deut. 21, 5: *Cum acceperit homo nuper uxorem, non procedat ad bellum, nec ei quippiam necessitatis injungatur publicæ, sed vacabit absque culpâ domi suæ, ut uno anno letetur cum uxore suâ.*

II. Circa filios, lex præcepit ut parentes eos in religione et disciplinâ Domini instituant. Exod. 12, 26, 27: *Et cum dixerint vobis filii vestri: Quæ est ista religio? dicetis eis: Victimam transiit Dominus est, etc.* Filios verò contumaces, et qui spretis parentum monitis luxuriæ et comessionibus indulgerent, ad judicium tribunal perductos, ex eorum sententiâ lapidibus obrui jubet, Deut. 21, 18: *Si genuerit homo filium contumacem et protervum, qui non audiat patris aut matris imperium, et coercitus obedire contempserit, apprehendent eum, et ducent ad seniores civitatis illius, et ad portam judicii, dicentque ad eos: Filius noster iste protervus et contumax est, monita nostra audire contemnit, comessionibus vacat, et luxuriâ atque conviviis; lapidibus eum obruet populus civitatis, et morietur, ut auferatis malum de medio vestri, et universus Israel audiens pertimescat.* Legis hujus rationem affert S. Thomas ex Aristotele petitam: « Quia principatus paternus, inquit, habet solum admonendi potestatem; non autem « habet vim coactivam, per quam rebelles et contumaces comprimi possunt. Et ideo in hoc casu lex mandabat ut filius contumax à principibus civitatis puniretur. » Non solum admonendi, sed et corrigendi atque castigandi intra disciplinæ limites potestatem parentes habere S. Thomas agnovit, sed mutlandi aut occidendi jus respectu filiorum habere meritò negavit. Quamquàm populorum quorundam legibus jus vitæ et necis parentibus in filios attributum sit, ut testatur Dio oratione 15. Ita Solon et veteres Romani sanxerunt. Superius de lege autem patri permittit liberos interficere

ait : *Lex sciens patrem fore rectum judicem, hoc ei juris concessit.*

III. Cetera servos lex Mosaiica statuit ut moderate tractarentur quantum ad opus, ne nimis laboribus opprimerentur. Deut. 5, 14 : *Septimus dies sabbatus est, id est, requies Domini Dei tui. Non facis in eo quodquam opus tu, et filius tuus et filia, servus et ancilla, etc., ut requiescat servus tuus et ancilla tua, sicut et tu.* Secundo, servos moderate tractari lex fuisse quantum ad penas indiligendas. Quos enim domini mutilassent libertate donari voluit. Exod. 21, 26, 27 : *Si percusserit quispiam oculum servi sui aut ancillæ, et luscus eos fecerit, dimittet eos liberos pro oculo quem eruit. Dentem quoque si excusserit servo vel ancillæ suæ, similiter dimittet eos liberos.* Homicidii penis addixit eum qui servos ita verberaret, ut ex verberibus morerentur, cum id omnino compertum erat, cum scilicet in humanis domini manibus animam efflabant. Si verò incertum esset an ex verberibus mortui essent, nempe si post dies aliquot vixissent, lex nullam penam severioribus dominis imponebat. Nec enim homicidii damnabantur, qui liberum hominem percusserant, si statim non moreretur, sed baculo suo innixus ambularet; tenebatur tamen ad solvendas impensas, quas percussus in medicos fecerat. Id vero in proprio servo locum non habebat, quia, ut loquitur S. Thomas, quicquid servus habebat, et etiam ipsa persona servi erat quædam possessio domini; et ideo pro causâ assignatur, quare non subiaceat pænæ pecuniariæ, quia pecunia illius est, Deut. 21, 20, 21 : *Qui percusserit servum suum vel ancillam virgâ, et mortui fuerint in manibus ejus, criminis reus erit. Sin autem uno die vel duobus supervixerit, non subiacebit pænæ, quia pecunia illius est.*

Hebræos popularibus suis ut servis simpliciter uti lex vetuit, sed quasi mercenarii ad tempus, etiamsi premente egestate se ipsos vendidissent; septimo autem anno et quinquagesimo libertate donari jussit, ac viatico rebusque necessariis instructos dimitti, cum uxore, si ante venditionem suam illam duxerant, non autem si à domino illam acceperant, ut ei servos et ancillas pareret. Exod. 21, 2, 3, 4 : *Si emeris servum Hebræum, sex annis serviet tibi : in septimo egreditur liber gratis. Cum quali veste intraverit, cum tali erit, si habens uxorem et uxor egreditur simul. Sin autem dominus dederit illi uxorem, et pepererit filios et filias, mulier et liberi ejus erunt domini sui, ipse verò exhibet cum vestitu suo... Si quis vendiderit filiam suam in famulum, non egredietur sicut ancillæ sue exire consueverunt. Si displicuerit oculis domini sui, cui tradita fuerat, dimittat eam : populo autem alieno vendendi non habebit potestatem, si spreverit eam. Sin autem filio suo desponderit eam, juxta morem filiarum faciet illi. Quod si alteram ei acceperit, providebit puellæ nuptias et pretium pudicitiae non negabit. Si tria ista non fecerit, egredietur gratis absque pecuniâ. Lex ista puellis Hebræis pauperculis providit, quæ in famulas et uxores emebantur. Si enim dominis suis displicerent, postquam iis velut conjugibus usi erant, eas servitute eximere tenebantur; si autem illis abusi non essent, eas ven-*

dere non poterant alienigenis, sed suis Hebræis tradere, qui illos dicerent. Si poterant empta et in liberum nocebat, et alibi in ipsi supradictos potestaret, potestaret scilicet et alienis providere debet, curando ut filius suus in potestatem non egeret, debet ut rediret, quod his verbis intelligitur, potestaret ipsi vestimenta; tertio, ut alimenta præberet. Si in illorum aliquod ipsi negaret, liberum darentur, idque gratis. Levit. 25, 39, 40 et seq. : *Si paupertate compulsus venderit se tibi frater tuus, non cum opprimes servitute famulorum, sed quasi mercenarius et colonus erit : usque ad annum Jubilarum operabitur ad te, et postea egredietur cum liberis suis, et revertetur ad cognationem et ad possessionem patrum suorum. Mei enim servi sunt, et ego eduxi eos de terrâ Ægypti. Non veniant conditione servorum : ne affligas eum per potentiam, sed metuit Deum tuum ; servus et ancilla sint vobis de nationibus quæ in circuitu vestro sunt. Et de advenis qui peregrinantur apud vos, vel qui ex his nati fuerint in terrâ vestrâ, hos habebitis famulos ; et hereditario jure transmittetis ad posteros, ac possidebitis in æternum. Fratres autem vestros filios Israel ne opprimatis per potentiam. De advenis sive gentilibus innumeratis quidem, sed tamen verum Deum colentibus, et Noachidarum præcepta servantibus, hunc locum intelligendum colligitur, ex versione septuaginta Interpretum et Chaldaicâ paraphrasi : *Si invaluerit apud vos manus advena atque peregrini (id est, si opes ejus creverint), et attenuatus frater tuus vendiderit se ei, aut cuiquam de stirpe ejus, post venditionem potest redimi. Qui voluerit ex fratribus suis redimet eum, et patruus, et patruelis, et consanguineus, et affinis. Sin autem et ipse potuerit, redimet se supputatis duntaxat annis à tempore venditionis sue usque ad annum Jubilarum, et pecuniâ quâ venditus fuerat, juxta annorum numerum et rationem mercenarii supputatâ. Si plures fuerint anni qui remanent usque ad Jubilarum, secundum hos reddet et pretium ; si pauci, ponet rationem cum eo juxta annorum numerum, et reddet emptori quod reliquum est annorum quibus ante servivit, mercedibus imputatis : non affliget eum violenter in conspectu tuo. Quod si per hæc redimi non potuerit, anno Jubileo egreditur cum liberis suis... Mei enim sunt servi filii Israel, quos eduxi de terrâ Ægypti. Et Deut. 15, 13, 14 et seq. : *Cum tibi venditus fuerit frater tuus Hebræus, aut Hebræa, et sex annis servierit tibi in septimo anno dimittes eum liberum ; et quem libertate donaveris, nequam vacuum abire patieris ; sed dabis viaticum de gregibus et de arca et torculari tuo, quibus Dominus Deus tuus benedixerit tibi. Memento quod et ipse servieris in terrâ Ægypti, et liberaverit te Dominus Deus tuus, et idcirco ego nunc præcipio tibi... Non avertas ab eis oculos tuos, quando dimiseris eos liberos, quoniam juxta mercedem mercenarii per sex annos servivit tibi, ut benedicat tibi Dominus Deus tuus in cunctis operibus quæ agis.***

Lex denique vetuit Israelitis ne servum ad se confugientem domino traderent, si nempe à domino quaereretur ad mortem, vel ad aliquod peccati ministe-

rium, ut explicat S. Thomas. Alii de servis extraneorum, non Hebræorum, hanc legem explicant, ita ut terra Israelitica asylum fuerit; idque in favorem fidei et salutis illorum servorum sancitum est, quia proselyti fiebant, et veri Dei servituti se mancipa-

bant; unde conveniens erat ut ab hominum idololatrarum servitute redimerentur. Deut. 23, 15, 16: *Non trades servum domino suo, qui ad te confugerit. Habitabit tecum in loco qui ei placuerit, et in una urbe tua requiescet. Ne contristes eum.*

DE CANONIBUS APOSTOLICIS

Dissertatio.

(EODEM AUCTORE.)

Non una est de canonibus, qui apostolorum dicuntur, virorum eruditorum sententia. Turrianus auctor Societatis Jesu, omnes, id est, octoginta quinque pro veris ac genuinis agnoscit, libroque singulari Apostolicam ipsis auctoritatem adversus Magdeburgenses centuriatores vindicat. Bellarminus quinquaginta duntaxat priores legitimos esse censet, reliquos triginta quinque non esse legitimos, quamvis à Græcis recipiantur. Sic ille lib. de Scriptoribus ecclesiasticis in Clemente. Cardinalis Baronius, tom. 1 Annalium ad annum Domini 102, in eadem est opinione. Hos sequitur Possevinus in Apparatu sacro, v° Clementis. Binius istis liberalior est; is enim et priorum quinquaginta auctoritatem certam ac indubitam esse vult, et 35 postremos, duobus tantum demptis, nimirum sexagesimo quinto et octogesimo quarto, jure meritumque inter authenticos haberi posse ac debere scribit, tom. 1 Conciliorum, notis in canones apostolorum. Hanc controversiam uberrimè tractavit Joannes Dallæus lib. 5 de Pseudopigraphis apostolicis, ex quo, quæ rectè scripsit, ad nostrum usum convertemus, relictis falsis rationibus et hæretico succo tinctis, quas contra canonum apostolicarum collectionem profert Calvinianus homo. Porro ab hæreticis etiam aliqua mutuari non erubescam, erga ipsos ita me gerens, sicut erga philosophos ethnicos catholicum gerere se debere doctorem dixit S. Augustinus, lib. 2 de Doctrinâ Christianâ, cap. 40: « Si qua fortè vera dixerunt, inquit, non solum formidanda non sunt; verum etiam ab eis, tanquam ab injustis possessoribus in nostrum usum vendicanda. »

PROPOSITIO I.

Canones apostolici octoginta quinque, ab Orientalibus Ecclesiis recepti sunt, sexto incunte seculo; ante quinti seculi suprema in Oriente non probati.

Probatur prima pars ex Justiniano Augusto hos prolixè commendante in Constitutione ad Epiphanium patriarcham Constantinopolitanum. « Recte, inquit, atque congruenter omnia agerentur, si ipsum rei initium gratum Deo esset; quod quidem certè factum credimus, si sacri illi canones diligenter observentur, quos nunquam satis laudati, adorationeque digni, et qui ipsum Filium Dei conspexerunt,

illique ministrarunt Apostoli, nobis reliquerunt ac sancti Patres custodierunt et interpretati sunt. » A Justiniano porro hos ipsos quos nunc habemus 85 canones intelligi inde constat: primò, quòd totidem in nomecanonem ab ipso Justiniano confirmatum, et eidem illi Epiphanio commendatum, relatos fuisse, fides sit ex Arabico illius codicis interprete, qui in Oxoniensi bibliothecâ habetur, à Thomâ Roe ex Oriente allatus et donatus; secundò, quòd eosdem quoque canones 85, alter nomecanon exhibeat iisdem temporibus à Joanne Epiphaniensi scholastico, qui Constantinopolitanam Ecclesiam, circa suprema Justiniani tempora, post Eutychium rexit, concinnatus.

Probatur secundò ex Trullanâ synodo, quæ septimo exeunte seculo celebrata est, canone 2, ita decernente: « Hoc quoque huic sanctæ synodo pulcherrimè et honestissimè placuit, ut deinceps ad animarum medellam et perturbationum curationem firmi stabilesque maneat, qui ab illis qui nos præcesserunt, sanctis et gloriosis Apostolis traditi sunt octoginta quinque canones. »

Probatur tertio ex septimâ synodo œcumenicâ, canone 1: « Divinos, inquit, canones amplectamur, et integram illorum præceptionem ac immobilem tenemus, tam scilicet illorum qui ab almis et laudabilissimis Apostolis sancti Spiritûs tubis editi sunt, quam eorum qui à sex sanctis et universalibus synodis promulgati sunt. » Et canone 5, Simoniacos perstringens, ait: « Et ciat secundum apostolicam regulam, quæ dicit: Si quis episcopus per pecuniam dignitatem hanc obtinuerit, vel presbyter vel diaconus, deponatur et ipse et qui cum consecravit, et excidatur omnimodis etiam à communione, quemadmodum Simon Magus à me Petro. » Qui apostolicorum canonum trigesimus est. Et canone 12, honorum ecclesiasticorum alienatores sic percellit: « Quisquis episcopus inventus fuerit, vel abbas de salariis episcopi, sive monasterii, transferre quidquam in principem natus, vel etiam alii persone conferre, irritum sit, quod datum esse constiterit, secundum canonem sanctorum Apostolorum, qui dicit: Omnium ecclesiasticorum rerum episcopus sollicitudinem habet, » etc.

Probatur quartò ex S. Joanne Damasceno, qui ne-

dum canonum apostolicorum fuerunt, verum etiam illos singularem locum ac innume sequendâ sententiâ novi Testamenti libris commemorat, lib. 4 de Fide cathol. c. 18, canonem summa ita claudens : « Pauli & Apostoli Epistolæ 14, Apocalypsis Joannis Evangelium & Iste, canones sanctorum Apostolorum in per Clementem temp. »

Probatur quinto ex Photio in proœmio sui Nomocanonis, ubi scribit se non alios modo canones comparasse, & sed etiam eos, qui sanctorum Apostolorum esse et dicuntur, licet aliqui, quædam ob causas, ducunt eos auctoritatis esse existimaverint. »

Denique Zonarius, Balsamon, et alii juris ecclesiastici Græci interpretes, 85 canones apostolicos referunt.

Probatur secunda pars. Si ante sextum seculum in Oriente recepta fuisset canonum apostolicorum collectio, et tertio jam adultæ seculo innotuisset, Firmilianus aliique episcopi Orientales in controversiâ de Baptismo hæreticorum iterando, quæ eos uti et Cyprianum atque Afros cum Stephano Romano pontifice commisit, illorum auctoritatem suæ sententiæ cum primis favent in protulissent. Firmilianus namque et alii Orientales, pariter cum S. Cypriano et Africanis episcopis, studiis asserebant, baptizatos ab hæreticis Spiritum sanctum, qui ad solam Ecclesiam pertinet, suscipere non potuisse. Stephanus asserebat traditionem non esse innovandam, neque repetendum baptismum ab hæreticis collatum, sed manus in penitentiam baptizatis imponendas. Stephanus nitelatur antiquâ consuetudine, cui Cyprianus Scripturas opponebat. Firmilianus verò Stephano objiciebat contrariam consuetudinem, quæ vigeat in Oriente. *Quod quidem*, inquit ille ad Cyprianum scribens, *adversus Stephanum vos Afri dicere potestis, cognita veritate, errorem consuetudinis reliquisse, ceterum nos veritati et consuetudinem iungimus, et consuetudini Romanorum consuetudinem, sed veritati opponimus, ab initio hoc tenentes quod à Christo et Apostolo est traditum.* Certè nihil accidere poterat opportunius hæc contentione, ad urgendam canonum apostolicorum auctoritatem, si eâ tempestate conemata fuisset illorum collectio. Nihil enim à Firmiliano proferri poterat luculentius ad confirmandam consuetudinem illam constantissimam, et in apostolica traditione, ut contendeat, fundatissimam, quam Stephano pontifici romano obtrudebat, cum canon apostolicus quadragesimus sextus, conceptus sit in hæc verba : *Episcopum aut presbyterum, hæreticorum suscipientem baptismum, damnari præcipimus. Quæ enim conventio Christi ad Belial? aut quæ pars fidelis cum infidelis?* Et canon quadragesimus septimus, sic decernens : *Episcopus aut presbyter, si eum qui secundum veritatem habuerit baptismum, denuò baptizaverit, aut pollutum ab impiis non baptizaverit, deponatur, tanquam deridens crucem et mortem Domini, nec sacerdotes à falsis sacerdotibus discirens* : itaque ex silentio Firmiliani colligitur ignotes eâ ætate Orientalibus fuisse canones apostolicos.

Probatur secundò : Si ab Orientalibus Ecclesiis, ante

sexti seculi exordia, recepta fuisset canonum apostolicorum collectio, eam ecclesiasticorum canonum codici inseruissent, ac ante ceteros omnes collocaissent. Hinc enim his locum vindicabat tum antiquitas, tum auctoritas apostolorum. Atqui Orientalis Ecclesiæ in canones apostolicos nullo plane loco ac numero, in suo canonum codice censuit ante sextum seculum : ergo recepti antea non erant illi canones.

Probatur minor, supponendo tempore concilii Chalcedonensis, hoc est, anno Domini 451, existisse in Ecclesiâ Orientali canonum ecclesiasticorum codicem sacrum. Quod constat ex synodo Chalcedonensi, actione 2, ubi laudantur ac describuntur duo quidam canones, quorum unus nonagesimus quintus fuisse ibidem dicitur, alter nonagesimus sextus : *Leontius, reverendissimus episcopus Magnesiæ, ex codice religit regulam nonagesimam quintam : Si quis episcopus vacans, etc.* ; et ibidem : *Idem reverendissimus Leontius episcopus ex eodem codice legit regulam nonagesimam sextam : Si quis episcopus ordinationem acceperit episcopatus, etc.* In eadem synodo, actione 4, duo alii canones similiter citati ac descripti leguntur, quorum prior octogesimus tertius dicitur, posterior octogesimus quartus. *Sancta synodus dixit : Sacri Patrum canones legantur et commentariis inserantur ; sumptoque libro, Aetius archidiaconus et primicerius magnæ Ecclesiæ Constantinopolitanæ legit : Canon octogesimus tertius : Si quis episcopus à synodo depositus, etc.* Alius canon octogesimus quartus de iis qui se ipsos separant : *Si quis presbyter aut diaconus, contempto proprio episcopo, etc.* Denique actione 15, cum iudices imperatori canones legi jussissent, Beronicianus, magistriani et secretarii divini consistorii, ex codice dato ab Eunomio, dicitur legisse canonem 4 in hæc verba : *Episcopum oportet quidem præcipuè ab omnibus episcopis provincialibus ordinari, etc.*

Ex quibus colligitur concilii Chalcedonensis tempore existisse in Ecclesiâ Orientali codicem canonum perpetuâ numerorum serie distinctum ; eo ordine, ut primo loco descripti essent Nicænæ synodi canones, secundo Ancyranæ, tertio Neocæsariensis, mox Gangrensis, ultimo Antiochenæ synodi, conjunctim omnes sub continuatis numeris inserti, sic ut primus Ancyranæ concilii canon esset hujus codicis vigesimus primus ; Neocæsariensis primus quadragesimo sexto sub numero legeretur ; primus Gangrensis, sub sexagesimo ; Antiochenus primus, sub octogesimo. Qui enim, in synodo Chalcedonensi, codicis ab Eunomio dati quartus canon dicitur (sic enim legendum est, non sextus, ut vulgò habent recentes editiones conciliorum), is deprehenditur synodi Nicænæ quartus esse canon ; quin verò ejusdem codicis canones in eadem synodo dicuntur octogesimus tertius, octogesimus quartus, nonagesimus quintus, et nonagesimus sextus ; eos constat esse Antiochenæ synodi canones quartum quintumque, decimum sextum et decimum septimum, quibus ipsis locis evidenter occurrunt, si Nicænos, Ancyranos, Neocæsarienses, Gangrenses et Antiochenos canones perpetuâ numerorum serie adstrinxeris, ac in unum

corpus adunaveris. Id ex Chalcedonensi synodo observavit Hincmarus, archiepiscopus Remensis, vir suæ ætatis in re canonicâ peritissimus, opusculo quinquaginta quinque capitum, c. 21, dicens : « Sed et actio c. 12 Chalcedonensis concilii, in quâ scriptum habetur, regulâ 95, de vacante episcopio. Et paulò post c. Leontius ex eodem codice legit regulam 96 de his qui ad episcopatum vocati, evitant. Quas regulas, enumeratis à capite viginti capitulis Nicæni concilii, si quis per singula consequentia concilia ex ordine numeraverit, in Antiocheno concilio loca illorum numerorum tenere inveniet. »

Ex his colligitur hocce ratiocinium, quo minor evidenter probatur: in veteri Orientalis Ecclesiæ codice, anno 451 (quo celebrata est Chalcedonensis synodus), primo ordine descripti erant Nicæni canones; ergo nedùm recepti erant in Orientalibus Ecclesiis canones apostolici, quos haud dubiè Nicæni anteposuissem, si legitimos agnovissent illius codicis auctores.

PROPOSITIO II. — *Initio sexti sæculi quinquaginta canones Apostolorum in Ecclesiæ Latinæ codicem relati sunt, non tamen inter ecclesiasticas regulas ab omnibus Ecclesiis statim admissi. Atamen obtinere auctoritatem 50 illi canones per Occidentalem Ecclesiam universam, 35 posterioribus rejectis.*

Probatur prima pars ex collectione Dionysii Exigui, abbatis, qui sexto ineunte seculo Latinam interpretationem Græcorum canonum aggressus est, rogatus à Stephano, Salonitano episcopo, ut Cassiodorus scribit, non à Stephano papâ, ut opinatus est Sixtus Senensis. Is igitur Dionysius illi collectioni suæ quinquaginta priores canones Apostolis inscriptos inseruit, et cum Romanis communicavit, 35 posterioribus omisis; ut aliquam haberet rationem concilii Romani sub Gelasio anno 494 celebrati, in quo apostolici canones in apoeryphorum censum rejecti erant, utque in posteriores 35 illius pontificis iudicium caderet. Sed de Gelasio decreto inferius dicemus.

Probatur secunda pars testimonio Dionysii Exigui in suæ collectionis præfatione, in quâ Stephanum, ad quem opus mittit, verbis admonet : « In principio itaque canones, qui dicuntur Apostolorum, de Græco transtulimus; quibus quia plurimi consensum non præbuerunt facilem, hoc ipsum vestram volumus ignorare Sanctitatem, quamvis postea constituta pontificum ex ipsis canonibus assumpta esse videantur. » Id ipsum testatur titulus Cresconianæ collectioni præfixus, teste Baronio ad annum Domini 102, § 10, qui sic habet : « Incipiunt ecclesiasticæ regulæ sanctorum Apostolorum, prolata per Clementem Ecclesiæ Romanæ pontificem; quæ ex Græcis exemplaribus in ordine primo ponuntur; quibus quàm plurimi quidem consensum non præbuerunt facilem; et tamen postea quedam constituta pontificum ex ipsis canonibus assumpta esse videntur. » Ergo canones apostolici non statim ab omnibus Occidentis Ecclesiis admissi sunt post Dionysii collectionem.

Probatur secundò: Neque Ferrandus, Carthaginensis

Ecclesiæ diaconus, apostolicis canonibus locum ullum in breviario canonum dedit, quod circa sexti sæculi principia concinnavit atque publicavit; neque Martinus Bracaraensis, qui in Hispaniâ obiit anno Domini 580, eos vel memoravit, vel usurpavit, aut inseruit in suâ illâ Græcorum canonum interpretatione, quam, *Collectionis Orientalium canonum* nomine editam, ad Nitigesium misit anno Domini 572. Ergo canones apostolici, statim post Dionysianam collectionem, ab omnibus Occidentis Ecclesiis inter ecclesiasticas regulas non sunt admissi.

Probatur tertio ex S. Gregorio Turonensi, lib. 5 Historiæ Francorum, c. 19, ubi, concilii Parisiensis de Prætextati Rothomagensis archiepiscopi causâ historiam referens, ait librum Canonum à rege Chilperico ad episcopos missum esse, ut illius damnationem antistitis urgeret. « Ipse verò, inquit, ad Metatum discessit, transmittens librum Canonum, in quo erat quaternio novus adnexus, habens canones quasi apostolicos continentes hæc : Episcopus in homicidio, adulterio et perjurio deprehensus, à sacerdotio divellatur. » Quo ex loco manifestè colligitur, canones apostolicos, etiam post editum Dionysii Exigui codicem, à Gallicanis episcopis receptos non fuisse. Canon relectus in synodo Parisiensi, ejus summam retulit Gregorius Turonensis, est canon apostolicus 25, in quo nulla mentio homicidii, sed perjurii, adulterii et furti; ita ut corruptus esse videatur ad premendum Prætextatum, qui se designati homicidii reum esse spe veniæ professus est. Itaque tunc temporis in codicibus integris et minimè depravatis Ecclesiæ Gallicanæ deerant apostolici canones, ita ut necesse fuerit recenti et depravatrice manu novum quaternionem Chilperici codici adnecti, in quo descripti exhiberentur. Quod Gregorius Turonensis, inter suæ gentis episcopos sanctitate et doctrinâ primarius, velut novum atque insolitum annotavit, et canones istos veluti duobus, atque incertæ fidei, non simpliciter apostolicos, sed quasi apostolicos vocavit. Ergo ne seculo quidem sexto cadente, vulgò passimque Gallicana Ecclesia in regularum ecclesiasticarum codice habebat apostolicos illos, tametsi jam editos à Dionysio Exiguo, quinquaginta canones.

Probatur quartò, locupletissimo testimonio Hincmari, archiepiscopi Remensis, lib. 55 Capitum, c. 45, ubi Hincmarum nepotem, Laudunensem episcopum, de canonum ecclesiasticorum codice monens, primò affirmat exstare certos quosdam canones, « quos et apostolica Sedes, et omnes episcopi per universum orbem, à primæ sedis pontifice, usque ad illum, inquit, qui modò novissimè, etiam post te, est ordinatus episcopus, inò et omnis catholica Ecclesia, canones appellant; quosque à Nicæno concilio, quod primum in nostris codicibus (quos ab apostolicâ sede majores nostri acceperunt) sequendos per ordinem, usque ad Africanum concilium, pro canonibus recipiendis, venerandis et observandis retinent, et Innocentius, Zosimus, Bonifacius, Cælestinus, Leo, Hilarius, Symmachus, Gelasius, Hormisdas, Grego-

rim, et ceteri quoque, observandos canones nominant. Ex quibus colligitur, ceteritate, hoc est, anno Domini 870, in codice canonum ecclesiasticorum, quo Gallicana utebatur Ecclesia, primo loco positos fuisse Nicenos canones, adeoque in codice Leod. sic Gallicana nullam tunc existisse canonum Apostolicorum syllogen, sive Dionysianam, quæ 50 tantum canonum est, sive Græcicam, quæ 55 capitalis auctor est.

Pauo tamen antea, scilicet anno Domini 849, Romana Ecclesia canones apostolicos, velut sacras regulas, in iudiciis usurpabat, ut constat ex Leone IV., Romano pontifice, in epistola hoc anno ad Britannia episcopos data, ubi hæc habet. « De libellis et commentariis aliorum non convenit alipem judicare, et sanctorum conciliorum canones relinquere, vel decretalium regulas, id est, quæ habentur apud nos simul cum illis in canone, et quibus in omnibus Ecclesiasticis utimur iudicis, id est, Apostolorum, Nicænorum, Ancyranorum, Neocaesariensium, Gangrenensium, Antiochenensium, Laodicensium, Chalcedonensium, Sardicensium, Carthaginensium, Africanensium, et cum his regulis præsulum Romanorum, Sylvæstri, Syrii, Innocentii, Zosimi, Gregorii, Leonis, Gelasii, Hilarii, Symmaci, Simplicii. »

Probatur tertia pars, primo ex Gratiano, qui hæc nomine Leonis IX, pontificis Romani, contra Epistolam Nicetæ abbatis, suum in decretum retulit, dist. 16, canone CLEMENTIS: *Clementis librum, id est, Petri Apostoli itinerarium, et Apostolorum canones, numerant Patres inter apocrypha, exceptis capitulis quinquaginta, quæ decreverunt orthodoxæ fidei adiungenda. Quæ non Leonis, ut putavit Gratianus, sed Humberti cardinalis, Sylvæ-Candidæ Episcopi, verba sunt. Sed cum Humbertus ex sue Ecclesie sensu ea scripserit, non est dubitandum quin à Latinis, et duodecimo seculo quo vixit Gratianus, et undecimo quo floruit Humbertus, 50 priores canones Apostolis inscripti pro legitimis, 55 verò posteriores pro spuris et apocryphis habiti sint.*

Probatur secundò, ex verbis Urbani II, qui anno Domini 1088 Romæ sedit, apud Gratianum, dist. 52, cap. PRÆTER. Sciendam vero, inquit, quod canonum Apostolorum a ceteritate Orientalis et ex parte Romana utitur Ecclesia. Quibus verbis significat Græcos 85 canones penitus admittere, Latinos eorum duntaxat partem, hæc est, 50 tantum.

Probatur tertio ex Isidoro Mercatore, qui post annum Domini 800 vixit. Ille enim, licet insignis alioqui impostor, et fecundus apocryphorum parens, non est ausus sue collectioni plures quam 50 canones Apostolorum inserere, hæc præfatus, ut ea ex vetustissimo codice emendata Baro ius exhibet ad annum Domini 102: *Denique, propter eorum auctoritatem, ceteris conciliis præposuimus canones, qui dicuntur Apostolorum (licet à quibusdam apocryphi dicantur), quoniam plures eos recipiunt, et sancti Patres eorum sententias synodali auctoritate roborare, et inter canonicas posuere constitutiones.*

Confirmatur ex Hincmaro in opusculo 55 Capitum,

cap. 24, ubi Isidorica hujus præfationis meminit: *In eujus, inquit, collectionis præfatione, idem Isidorus dicit de Apostolorum canonibus, quod à quibusdam dicuntur apocryphi, et plures eos recipiunt, et Patres eorum sententias synodali auctoritate roboraverunt, et inter canonicas eas constitutiones posuerunt, quod de quibusdam sententias verum est, ut alia in hoc opusculo potes legere. Ex quibus constat, quod hæc circa annum 800, quo Isidor collectio prodit, nec Hincmaro a tate, universa recepti erant in Occidente apostolici canones: seorsim tamen obtinuisse 50 priores auctoritatem.*

PROPOSITIO III. *Canones Apostolici inscripti, nedum 55 posteriores, verum et priores 50 sunt Apostolis suppositi, et pseudographi.*

Probatur primo: Si Apostolici canones, vel saltem ipsorum aliqua pars esset ab Apostolis edita: illi perfecti, vel omnes, vel aliqui saltem, fuissent à veteribus quatuor priorum seculorum Patribus in canonem Scripturarum novi Testamenti relati, sicut alia Apostolorum opera. Nulla enim ratio est cur à canonibus novi Testamenti libris excludatur opus quod ab Apostolis editum ac traditum esse constat. Atqui nemo, nedum eorum qui sex primis Ecclesie seculari floruerunt, sed ne reliquorum quidem auctorum ecclesiasticorum post sextum seculum (si unum Joannem Damascenum exceperis), canones apostolorum in censum librorum canonicorum novi Testamenti retulit: ergo canones illi sunt Apostolis suppositi.

Probatur secundò: Si canones illi verè Apostolorum essent, ut titulus præfert, illorum certè meminissent quatuor priorum seculorum scriptores ecclesiastici, in iis maxime controversiis ac causis, in quibus res ipsa posebat horum canonum fieri mentionem; meminissent Eusebius Cæsariensis et S. Hieronymus, dum Apostolorum opera summà uterque diligentia recensent, et ea quæ ipsis falsò asfingebantur sugillant et explodunt. Atqui quatuor priorum seculorum Patres in nullo suorum monumentorum mentionem uspiam fecisse canonum apostolicorum reperiuntur, ne quidem in iis controversiis, in quibus ipsos proferri (si qui fuissent), res ipsa flagitabat. Non Victor pontifex Romanus in controversiâ de Paschate adversus Asiaticos, non Firmilianus et sanctus Cyprianus in controversiâ de Baptismo hæreticorum adversus Stephanum pontificem maximum, nec Eusebius et sanctus Hieronymus inter Apostolorum opera canones illos memorant; ergo canones illi sunt Apostolis suppositi.

Probatur tertio: Illi canones qui sermone scripti sunt, ab Apostolorum oratione alieno, sunt Apostolis suppositi; nulla enim ratio est cur Apostoli in canonicis decretis aliter loqui debuerint, quam in aliis, sive libris, sive epistolis suis; atqui canones illi verbis concepti sunt ab Apostolorum usu et stylo penitus alienis: ergo sunt pseudographi.

Probatur minor: In his enim canonibus passim usurpantur hæc vocabula: *Clericus, catalogus clericorum, lector, cantor, sacerdos, sacerdotalis administratio,*

laicus, item *Pentecoste*, pro toto eo tempore quod à Paschate ad propriè dictam Pentecostem decurrit; *primus inter Episcopos*, pro metropolitâ; *mensis hyperberetæus*, pro octobri. Quæ nusquam in genuinis Apostolorum operibus usurpata reperies.

Probatum quartò ex canonibus 46, 47 et 67, quibus collatus ab hæreticis baptismus reprobatum et exploditur. Enimverò, si 46 hic canon verè ab Apostolis conditus est, sequitur Ecclesiam in gravissimo errore versari, præsertim romanam, quæ, Stephano pontifice maximo duce, circa annum Domini 254, hæreticorum baptismum ratum habuit; et Africanam, quæ Donatistas idem cum auctoribus mox laudatorum canonum sentientes sancti Augustini scriptis egregiè confutavit; et Nicenam ipsam synodum, cujus canones totius orbis reverentiâ consecrati sunt, quæ solos ex omnibus hæreticis Paulianistas, si extra Ecclesiam baptizati fuissent, rebaptizandos decrevit. Ergo neque canones illi editi sunt ab Apostolis. Nec enim ullius roboris est quod quidem respondent, hos canones de Baptismo, non quorumvis hæreticorum, sed eorum tantum esse intelligendos, qui baptismi formam pervertebant. Nam hæc expositio repugnat primò verbis canonis qui non horum aut illorum hæreticorum, sed simpliciter hæreticorum baptismum repudiat: *Episcopum*, inquit, aut *presbyterum hæreticorum suscipientem baptismum, damnari præcipimus*.

Secundò, quæ ratio, quæ nititur canon 46, non à Baptismi formâ, sed baptizantis personâ ducta est: *Episcopum*, inquit, aut *presbyterum hæreticorum suscipientem baptismum, damnari præcipimus*: quæ enim conventio Christi cum Belial? aut quæ pars fidelis cum infideli? Vult auctor canonis, hæretici baptismum futile ac nullum esse, quòd hæretici nulla sit cum Christo communicatio, vel conventio; at quisquis verè hæreticus est, nullam habet cum Christo conventionem: ergo vel quorumvis hæreticorum baptismum illo canone reprobatum, vel inepta prorsus ab auctore canonis, atque ab ejus instituto aliena, allata ratio est.

Idem probatur de canone 7, quo constitutum est ne Pascha cum Judæis celebretur: *Si quis Episcopus*, inquit, vel *presbyter*, vel *diaconus*, sanctum Pascha diem ante vernale æquinocetion cum Judæis celebraverit, abiciatur, sive deponatur. Certè si id ab Apostolis lege latâ sancitum esset, eam legem non ignorassent sanctissimi Orientis episcopi, qui à Victore et Ecclesiâ Romanâ Occidentalique universâ dissentiebant in saceratissimi festi celebratione, nec suam consuetudinem Ecclesiarum à sancto Joanne apostolo et Philippo item apostolo derivatam adeò confidenter asseruissent. Incredibile namque est viros excellentissimos, arvo apostolico proximos, incredibiles in rem christianam zeli, et quidem hujusmodi, qui martyrium plerique obierint, vel canonem ab Apostolis constitutum (si existisset) ignorasse, vel cognitum neglexisse. Quid, quòd Victor Romanæ Ecclesiæ pontifex, qui Asiaticos ob morem, cujus retinentissimi erant, celebrandi cum Judæis Paschatis, anathemate mulctare decreverat, nunquam adversus ipsos canonem aliquem

apostolicum legitur protulisse; quod certè præstitisset, si canonem illum Apostoli condidissent.

Idem probatur de canone 65, quo decernitur, *ut si quis clericus inventus fuerit die dominico jejunare, vel sabbato, præterquam uno solo, deponatur; sin autem laicus, segregetur*. Enimverò incredibile est Romanam Ecclesiam, pontificesque, et Patres sanctissimos, necnon eruditissimos, ab apostolicâ lege tam enormiter descivisse, ut spreto Apostolorum canone, sabbati jejunium susceperent. At certum est in ipsâ urbe Româ, vivente sancto Ambrosio (hoc est, cadente quarto seculo) sabbato jejunari solemne fuisse, testibus sancto Augustino, epist. 86 ad Casulanum, Cassiano, lib. 3 de institutione cœnobiorum, cap. 40, et Soerate, lib. 5, cap. 2.

Præterea sanctus Augustinus loco mox laudato, inter cetera hoc liquidò statuit, certò sciri non posse an ab Apostolis institutum fuerit jejunium sabbati, necne. *Quod si respondetur*, inquit, *hoc docuisse Jacobum Hierosolymis, Ephesi Joannem, cæterosque aliis locis, quod docuit Roma Petrus, id est, ut sabbato jejunetur; sed ab hac doctrinâ terras cæteras deviâsse atque in eâ Romam stetisse; et ex contrario refertur, Occidentis potius aliqua loca, in quibus Roma est, non servasse quod Apostoli tradiderunt; Orientis verò terras, unde cepit Evangelium ipsum prædicari, in eo, quod ab omnibus simul cum ipso Petro Apostolis traditum est, ne sabbato jejunetur, sine aliqua varietate mansisse, interminabilis est ista contentio, generans lites, non finiens questiones*. Et infra: *Ego*, inquit, *in evangelicis et apostolicis litteris, totoque instrumento quod appellatur Testamentum non um, animo id revolvens, video præceptum esse jejunium. Quibus autem diebus non oporteat jejunare, et quibus oporteat, præcepto Domini vel Apostolorum non invenio definitum*.

Sanctus etiam Hieronymus sabbati jejunium rem esse medianam ac liberam, ac pro cujusque Ecclesiæ consuetudine observandam vel prætermittendam scripsit, epist. 28, quæ est ad Licinium. Sabbatarîi namque jejunii occasione, de quo Licinius quesierat, ait: *Unaqueque provincia abundet in sensu suo, et præcepta majorum leges apostolicas arbitretur*.

At verò Innocentius I, sabbatarium vindicaturus jejunium, epist. 1, quæ est ad Decentium Eugubinum episcopum, ait: *Sabbato jejunandum, evidentissima ratio demonstrat*. Quæ cum ita sint, spiritum esse illum canonem necesse est, quo sabbatarium jejunium tam severè prohibetur.

Idem probatur ex canone 84, quo librorum sacrorum veteris et novi Testamenti series continetur, in eorumque censum referuntur tres Machabeorum libri, Clementis epistolæ duæ, et Constitutionum libri octo, contra verum communemque cum veteris tum recentis Ecclesiæ consensum. Præterea canon ille expungit è serie librorum canonicorum librum Sapientiæ, et libros Tobiae, Judith, Ecclesiastici indictos prætermittit, quos vetus Ecclesia pro canonicis habuit ex Apostolorum utique traditione, ut patet ex decretis Innocentii I, in Epistolâ ad Exuperium, et ex Gela-

sio pontifice maximo in synodo Romana. Denique nec Esdras inter veteris Testamenti libros, nec Apocalypsum inter libros, novi Testamenti memorat hic canon. Ergo falso Apostolis affictus est.

Idem probatur de canonibus 21, 22 et 23 in eos, qui se abscedunt, constitutis; quibus decernitur, ne qui seipsum abscedit, clericus fiat; et, si factus sit, ut deponatur; laici vero tribus annis sequeatur, *quia est tui homicida, et Dei operum hostis*: id enim ab Apostolis minime constitutum esse facile probatur: primo ex eo quod verisimile non sit hos canones in rarum absurdumque facinus prius in Ecclesia positos ac promulgatos esse, quam ferenda huiusmodi legis occasionem dedisset editum ab aliquo huius facinoris exemplum; siquidem è singularium peccatorum exemplis humane ut plurimum leges nascuntur. At apostolicis vel proxime consequentis temporibus, nullum huiusmodi facinus à Christianorum aliquo editum legitur; nulla itaque exstitit occasio huius ferende legis.

Præterea S. Justinus martyr, apologia I pro Christianis, christianam ejusdam adolescentis meminit, qui, a præfeto Alexandriæ Felice, oblato libello, postulavit ut sub partes illas medici operâ abscedere liceret, quod tamen non obtinuit; idque aggressum esse, *ut ethnicis persuaderet Christianis mysterium non esse promiscuum et propatulam mixtionem*, quemadmodum ipsi calumniantur. At, si qui exstitissent Apostolorum canones, harum partium abscessionem sub penâ excommunicationis clericis, laicis vero sub anathemate prohibentes, eorum hoc loco S. Justinus meminisset, ostendissetque adolescentem id facinus aggressum esse juveni in pietatem animi ardore et zelo non secundum scientiam, imò contra leges apostolicas. Id enim commemorare omnino ad institutum sancti Justinii pertinebat, ut levam suspensionem, quam de nostre discipline inhumanitate concipere poterant ethnici, quasi hæc facinora lex christiana juberet, amoliretur.

Tertiò, idipsum suadet factum Origenis, qui seipsum abscedit anno circiter 208, quod non esset aggressus adolescens piissimus et eruditissimus, qui scholæ Alexandrinæ Ecclesiæ jam præerat (teste Eusebio lib. 6, c. 7), si id canone apostolico sub excommunicationis vel depositionis penâ prohibitum novisset. Neque vero id impunè tulisset Demetrius Alexandrinus patriarcha, sed hominem violati apostolici decreti convictum, et docendi munere abdicasset, et communione privasset ad triennium: quod cum minime præstiterit, imò bono animo esse jusserit Origenem Demetrius, Eusebio teste, colligitur citatos de eunuchis canones nedum in publicâ Ecclesiæ luce exstitisse, et pro apostolicis habitos fuisse.

Præterea, cum Demetrius, mutato animo, Origenis gloriæ invidens eum à Theoctisto Cesare et Alexandro Hierosolymorum Episcopis ad presbyteri dignitatem evectum indignaretur, et aliâ criminandi occasione destitutus, *facti illius*, inquit Eusebius lib. 6, c. 7, *quod ab inerte ætate conscivisset, calumniam objectaret, eum-*

que apud episcopos totius orbis, tanquam absurdissimi facinorosi, a peccatis abscederet, neque Theoctistus, neque Alexander, neque ullus alius episcopus ipsum propterea depositionis penâ multârunt. Quod certe præstitissent viri laudatissimi et juris ecclesiastici scientissimi, si canones apostolicos penam depositionis contra eos qui se abscederant decernentes habuissent vel novissent.

Quarto, S. Athanasius, Epistolâ ad solitariam vitam agentes, facinus Leonthi episcopi Antiocheni Ariana-rum partium exagitans qui seipsum abscederat, ut liberè cum Eustolio dormiret, *reverâ ejus concubinâ*, sed qua virgo dicebatur, ait ipsum *ne ut lucum quendam ad communionem admitti oportuisse*. Nec enim canonem primum spectans. At nullum canonem apostolicum memorat, quem tamen non omisisset, si exstisset ullus, ad augendam in Leonthio tam absurdi facinoris invidiam.

Denique S. Epiphanius heresi 58, quæ est Valesiorum, qui seipsos abscedebant, cum multis argumentis illorum dogma refellat, nullam canonum apostolicorum mentionem facit; quos, si verè apostolici essent, omittere flagitium erat; quo nihil proferri posset in absurdum Valesiorum institutum validius. Ex his igitur omnibus colligitur citatos canones 21, 22 et 23, Apostolis falsò affictos esse.

Idem probatur de canone 40, quo trine immersionis in baptismo ritus præcipitur: *Si quis episcopus aut presbyter non trinam mersionem unius mysterii celebret, etc., deponatur*. Istum namque canonem apostolicum non esse constat, primò quia Apostoli ipsi trinam in administrando baptismo immersionem non semper frequentârunt, cum tria circiter millia hominum hocce ritu baptizari ab ipsis non potuerint unâ die (Act. 2); secundò, quia veteres solâ traditione non scriptâ à majoribus acceptum trine mersionis in baptismo ritum, nullâ scriptâ lege constitutum testantur: Tertul-lianus de Coronâ, cap. 3, S. Basilii lib. de Spiritu sancto, cap. 27, et S. Hieronymus in dialogo adversus Luciferianos. Atqui falsò dixissent nullam istius ritûs scriptam esse legem, si apostolicus eâ de re canon scriptus exstisset; ergo ille canon falsò apostolis affictus est.

Dicas hoc canone non damnari eos qui trine mersionis ritum non adhibent in baptismo, sed eos qui ita hunc ritum negligunt, ut *unam mersionem celebrent, quæ datur in mortem Domini*, id est, eos damnari qui in mortem Domini baptizabant, non in nomine Patris et Filii et Spiritûs sancti; non verò eos qui semel tantum mergebant, invocatis tribus personis sanctissimæ Trinitatis; adeoque illas rationes non probare quòd canon ille non sit apostolicus.

Contra, tempore Apostolorum nulli hæretici exstis-sent leguntur, qui non trinâ mersione, sed unicâ, in mortem Christi baptizarent. Ergo canon ille hæc ipsâ ratione evincitur non esse apostolicus.

Probatur antecedens: Non enim alii in ecclesiasticâ historiæ monumentis occurrunt huiusmodi hæretici, quàm Eunomiani, ut constat ex Socrate, lib. 5 Historiæ,

c. 14, et ex Theodoro, lib. 4 hæreticarum tabularum, cap. 3, et ex synodo Œcumenicâ Constantinopolitanâ I, can. 7. Cùm itaque Eunomiani, quos perstringit ille canon, sub imperio Constantii, hoc est, post annum Domini 337, exorti sint, sequitur hujus canonis auctorem duobus et ampliùs seculis fuisse Apostolis recentiorum.

Probatur quintò propositio ex decreto synodi Romanæ anno 494 habitæ, præside Gelasio pontifice maximo, cujus quidem decreti prima pars, cùm post sacros utriusque Testamenti libros alia ecclesiastica monumenta commemoret, scilicet decreta synodorum Nicænæ, Constantinopolitanæ, Ephesinæ, Chalcedonensis, et opera sanctorum Patrum, ut Cypriani, Basilii, Athanasii, Cyrilli, Chrysostomi, et aliorum, nullam planè canonum apostolicorum mentionem facit; quos tamen si verè apostolicos agnovisset, vel in serie sacrorum librorum, vel certè inter Ecclesiastica monumenta, primo loco recensere debuisset. In posteriori verò decreti parte, quæ apocryphorum notitiam continet, canones Apostolorum disertissimis verbis nominavit Gelasius cum Romanâ synodo: *Liber, inquit, canonum Apostolorum apocryphus.*

Respondet Turrianus in defensione canonum Apostolorum, cap. 15, librum canonum apostolicorum, à Gelasio explosum, esse alium quemdam à codice 83 canonum quem habemus longè diversum, editum à Priscillianistis sub Apostolorum nomine; sanctique Leonis verbis suam illam fulcit responsionem, in epist. 93 ad Turribium, asserentis se Priscillianistarum multos corruptissimos codices, qui canonici titulantur, invenisse; et apocryphas scripturas, quæ, sub nominibus Apostolorum, multarum habent seminarium falsitatum.

Contra, Gelasius toto illo decreto nullum alium canonum apostolicorum librum ecclesiasticum atque legitimum memorat: ergo nullum agnovit nisi apocryphum.

Secundò, si tunc temporis duo exstiterent canonum apostolicorum codices, unus legitimus et ecclesiasticus, alter apocryphus et ab hæreticis suppositus, cæterum ejusdem uterque nominis ac tituli, quemadmodum Tertulliani tempore duo Lucæ codices, exstabant unus verus et incorruptus, falsus alter et à Marcione depravatus; si res, inquam, ita se habuisset, Gelasius distinguere debuisset legitimum apostolicorum canonum codicem, quem intactum sinebat, à falso quem velut apocryphum repudiabat, atque ita decernere: *Liber qui falsò à Priscillianistis canonum apostolicorum dicitur, apocryphus.* Ut si quis Lucæ Evangelium à Marcione interpolatum rejicere velit, ita loquatur necesse est: *Evangelium quod dicitur Lucæ, à Marcione interpolatum, apocryphum; non verò simpliciter et absolute: Liber Evangelii secundum Lucam apocryphus.* At nullà distinctione usus est Gelasius, sed simpliciter pronuntiavit: *Liber Canonum apostolicorum apocryphus;* ergo omnem, qui tunc exstabat, canonum apostolicorum librum hæc condemnatione involvit.

Præterea Humbertus cardinalis respondens Nicetæ Pectorato, qui can. 63 apostolorum adversus Latinos

pugnabat sabbato jejunantes, ait: *Hoc, id est, sabbato non jejunandum, asserere conaris ex apocryphis libris et canonibus pari sententiâ sanctorum Patrum repudiatis.* Quæ verba Gelasii et synodi Romanæ decretum spectant, assentiente Turriano. Atqui canon à Nicetâ prolatus contra Romanam Ecclesiam, non erat depromptus è codice Priscillianistarum, sed ex codice Orientalis Ecclesiæ, quæ canones 85 apostolicos in Trullanâ synodo susceperat; ergo non tantum liber Canonum apostolicorum à Priscillianistis editus (si quis nunquam exstitit), sed hic ipse liber, qui 85 canones à Græcis receptos complectitur, à Gelasio pontifice et Romanâ synodo in apocryphorum classem ablegatus est.

Respondet Bellarminus, lib. de Scripturis ecclesiasticis, in Clemente, istud Gelasii decretum non ferre quinquaginta priores canones Apostolis inscriptos, sed posteriores tantum triginta quinque.

Contra, Gelasius decernit apocryphum esse librum canonum apostolicorum; sed 50 priores canones Apostolis inscripti, vel eum librum conficiunt, vel certè ejus pars sunt, et quidem potior; ergo et ipsos apocryphos esse decrevit Gelasius. Nam, si 55 posteriores tantum explodere voluisset, prioribus verò 50 parcere, alios ab aliis distinxisset, nec indiscretè et simpliciter librum canonum apostolicorum ad apocrypha mandasset.

Respondet Baronius, librum canonum apostolicorum ideò apocryphum à Gelasio nuncupari, quòd non sit in censu divinorum novi Testamenti librorum; non autem quòd ex librorum ecclesiasticorum albo excludi debeat et expungi.

Contra, Gelasii decretum tres librorum ordines continet. In primo collocat libros sacros veteris novique Testamenti; in altero libros non sacros quidem, nec canonicos, sed probatos ab Ecclesiâ percenset, ut canones et acta conciliorum, necnon opuscula sanctorum Patrum; in tertio libros ab Ecclesiâ rejectos et improbatos reponit, ut *Itinerarium Petri, octo Clementis libros, Actus Andrea, Thomæ, Petri, Philippi, Evangelia Thaddæi, Matthiæ, etc.* Atqui Apostolorum canones nedum in primo ordine non collocat Gelasius, id est, inter libros divinos et canonicos, sed nec in secundo, id est, inter libros ecclesiasticos et authenticos; ergo censuit Apostolorum canones apocryphos esse, non modò quia non sunt pars Scripturæ sacræ, verum etiam quia ecclesiasticam, ut concilia et opera sanctorum Patrum, auctoritatem non habent.

Confirmatur ex ipsis Gelasiani decreti verbis, in quo, postquàm secundi ordinis opera recensita sunt, hæc habentur: « Cætera, quæ ab hæreticis sive schismaticis conscripta vel prædicata sunt, nullatenus recipit catholica et apostolica Ecclesia, è quibus pauca quæ ad memoriam venerunt, et à catholicis evitanda sunt, credimus esse subdenda, imprimis Ariminensem synodum, Itinerarium nomine Petri Apostoli. » Et post multa ejusdem generis unâ serie recensita, subdit: *Liber Canonum apostolicorum apocryphus.* Ergo etiam hic liber, iudice Gelasio, ex iis

est qui ab hæreticis vel schismaticis conscripti sunt, et quos nullatenus recipit catholica Ecclesia.

Probatum sexto ex S. Isidoro Hispalensi, qui septimo incunte seculo floruit, et quos hæc sunt verba a Gratiano in decretum relictum, dist. 16, c. 1, et in omnibus veteribus libris *conclithorum Hispaniarum inculta*, teste Antonio Augustino Tarraconensi, episc. lib. 4 de Emendatione Gratiani, dialog. 6: et Canones, qui dicuntur Apostolorum, sed quia eosdem nec sedes apostolica recepit, nec sancti Patres illis assensum præbuerunt, pro eo quod ab hæreticis sub nomine Apostolorum compositi dignoscuntur, quamvis in eis utilia inveniuntur, tamen auctoritate canonica atque apostolica eorum gesta constat esse remota, atque inter apocrypha deputata.

Probatum ultimo ex Hincmaro archiepiscopo Remensi, in opusculo 55 Capitulo, quod anno Domini 870 adversus Hincmarum nepotem, Lauduensem episcopum, elenchavit, cap. 24. Sic autem loquitur: et Canones qui vocantur Apostolorum, antequam erigerentur concilia libere iniquè celebrare, a devotis et quibusque collecti: in quibus quedam recta petibilia, quedam verò sunt non servanda. De quibus interdum quedam assumpta in conciliis: quedam a maximis et præcipue auctoritatis viros in suis operantibus (sicut et de apocryphis assumpta fuisse legimus), quoniam in quibusdam ad instructionem valent. Et ideo (sicut majorum traditione didicimus) eorum ante concilia in Canonum libris, ad instructionem et propter vulgatam eorum famam ponuntur... Ceterum idem Canones, qui vocantur Apostolorum, non ab Apostolis conscripti esse creduntur... Sed et B. Gelasius in Catalogo: Qui libri ab Ecclesia recipiuntur, de his Apostolorum canonibus penitus tacuit; sed nec inter apocrypha eos misit; quapropter in lectione illorum sequenda est cautela ab eodem S. Gelasio præmonita: Cum hæc, inquit, ad Catholicorum manum advenerint, B. Pauli Apostoli præcedat sententia, quæ dicit: *Omnia probate; quod bonum est tenete.* Ex his itaque constat viros medie ætatis eruditissimos existimasse canones qui Apostolorum dicuntur, falsò Apostolis inscribi, nec ab eis usquam editos fuisse, imò ad apocrypha prorsus amandandos. Adverte Hincmarum vel in codicem mutilum synodi Romane sub Gelasio incidisse, siquidem ait ipsum non misisse librum Canonum apostolicorum inter apocrypha, vel mendum in textum Hincmari irrepsisse, et loco istorum verborum: *Sed nec inter apocrypha eos misit*, sic restituendum esse: *Sed nec inter apocrypha eos omisit.*

Obijcit in tertiam propositionem et in ultimam partem primæ: Priores Ecclesiæ Romane pontifices, ut Analetus, Alexander, Julius, Eleutherius, Marcellus, Fabianus, Eusebius, Anicetus, Calixtus, Lucius, Eutychianus, canonum apostolicorum suis in Epistolis disertè meminerunt, eosque præbuerunt, ut constat ex eorum testimoniis à Turriano laudatis: ergo canones, Apostolis inscripti, verè apostolici sunt, et ut tales agniti prioribus Ecclesiæ seculis.

Respondet Distinguo antecedens. Canonum apostolicorum nomen tenent, eosque præbuerunt in epistolis prescriptis, et super scriptis, concedo, in epistolis legitimis, nego. At epistolæ priorum pontificum, ad Sixtum usque, quas in canonem apostolicorum gratè in prototipo Turriano, spurcæ sunt, et tam multa tamque insigne falsitatis, et suppositi eas præferunt argumenta, ut nemo fore eruditus vixit, qui aliquam illas tribuit auctoritatem. Præbuerunt enimvero omnes illæ epistolæ ex ejusdem impostoris officina, circa non seculi natum, quo tempore cum pauculum exstarent apud Latinos Apostolorum canones à Dionysio Latinitate donati, nam non est quod ab impostore sub priorum pontificum littera delitescente laudati fuerint, et ab eo Apostolis, quorum nomen præferebant, adscripti. Sed de his epistolis postea dicemus.

Contra, Gelasius I, pontifex maximus, inter authentica scripta retulit Epistolas decretales quas Romani pontifices diversis temporibus ad varias consultationes respondere dederunt, summâ veneratione recipiendas; sed ex his est Epistola Zephyrini, in quâ continetur Apostolis 70 sententias cum aliis quamplurimis episcopis præfixisse, et servandas censuisse. Illæ autem sententiæ sunt ipsi Apostolorum canones: ergo canones illi sunt verè apostolici.

Resp.: Distinguo majorem. Gelasius inter authentica scripta retulit Epistolas decretales Romanorum pontificum à aliquas, concedo, omnes, nego. Quas autem retulerit constat ex Epistola 2 Leonis IV ad Britannia episcopos datâ, ubi Epistolas illas decretales, quæ apud Ecclesiam Romanam in canone habebantur, et quibus in ecclesiasticis negotiis utebantur pontifices, disertè demonstrat, nempe Sylvestri, Siricii, Innocenti, Zosimi, Celestini et Leonis. Inter quas cum nullam ponat Zephyrini decretalem, non nisi per somnium dici potest, hanc ipsi cognitam, probatam fuisse. Præterea, cur apostolicas septuaginta sententias ipsos canones Apostolis inscriptos concedam, qui vel 85 in ecclesiâ Orientis Ecclesiæ, vel 50 tantum in nostro recensentur? Scio epidem Romanos decreti correctores ad canonem 2 dist. 16, legi monere, non septuaginta, sed quinquaginta sententias apostolicas; qui numerus canonibus apostolicis in Dionysii collectione exstantibus convenit. Sed etsi res ita se habeat, nego hinc sequi ut illi canones Zephyrino noti probatique fuerint, quia illius epistolæ et aliarum similium consarcinator est Isidorus Mercator, qui sexcentis post verum Zephyrinum annis vixit.

Obiectio secunda petitur ex Tertulliano in libro adversus Praxeam scribente, canones Apostolorum esse nobis per manus traditos. Ergo canones illi secundo Ecclesiæ seculo noti erant, receptique ut verè apostolici.

Resp.: Nego antecedens. Id quidem ex Tertulliano citat Bellarminus, lib. de Scriptoribus ecclesiasticis, in Clemente. Citat ante Bellarminum et Sixtus Senensis lib. 2 Bibliothecæ sanctæ, in Clemente; citat post ipsos Possevinus in Apparatu sacro, verbo Clementis. Sed id falsò omnes Tertulliano affingunt, quod nec in

libro adversus Praxeam, nec alibi uspiam scripsisseprehenditur.

Obijcitur tertio: Origenes, lib. contra Celsum, testatur fideles lapsos, peractâ legitimâ penitentia, in Ecclesie communionem admissos fuisse, non tamen ad sacra ministerium promotos; quod idem canone Apostolorum 51 et 80 edicatur. Et, lib. 8 contra eundem Celsum, ait, *Christianos à muneribus reipublice gerentis abstinere, non quòd communis vitæ ministeria fugiant, sed quòd servent se divini ac magis necessario ministerio Ecclesie Dei, ad salutem hominum.* Cum igitur idem constituent canones Apostolorum 6 et 61, rectè colligitur eos Origeni notos, et pro apostolicis habitos fuisse.

Resp.: Nego consequentiam. Equidem ex Origenis dictis colligitur mores illos in Ecclesiâ jam viguisse ipsius ætate, hoc est, tertio Christianismi jam adulto seculo, sed vel Apostoli doctrinâ, et rectâ ratione nitebantur, ut posterior, Ecclesie ministris curas mundi et populares administrationes prohibens: *Nemo enim militans Deo implicat se negotiis secularibus*, inquit Apostolus scribens ad Tim., 2 Epist. c. 2; vel episcoporum placitis et factis nitebantur, qui hanc disciplinam suas in Ecclesias introduxerant, ut prior, quo lapsi ad communionem peractâ penitentia recipiebantur, ab altaris ministeriis arcebantur. Non spectavit igitur Origenes canones apostolicos, nec eorum vel per umbram meminit. Unde falsissimum est quod Binius scribit in notis, canonem 51 Apostolorum citatum esse ab Origene, lib. 3 contra Celsum. Itaque horum canonum auctor ex antiquâ consuetudine, quæ jam Origenis temporibus vigeat, ausam arripuit contingendi illos canones, ut, hâc vetustatis objectâ larvâ, facilius incautis imponeret.

Obijcitur quartò: S. Alexander episcopus Alexandrinus disertè meminit canonem apostolicorum in Epistola ad Alexandrum episcopum Constantinopolitanum, quam refert Theodoretus, lib. 1 Historie ecclesiasticæ, cap. 4, ubi eos episcopos objurgat, à quibus clerici suscipiebantur, quos ipse excommunicaverat, idque ait contrarium esse canoni apostolico. « Unde fit, inquit, ut nonnulli qui eorum litteris (Arianorum scilicet) subscribunt, in Ecclesiam recipiantur: quod factum maximam infamie notam collegis nostris, qui illud ausi sunt, inussit; qui non modò id quod canon apostolicus non permisit faciunt, sed conatum eorum planè diabolicum contra Christum vehementiorem faciunt. » At his verbis canonem apostolicum 16 manifestè indicat: ergo tempore S. Alexandri patriarchæ Alexandrini, hoc est, circa Nicæni concilii tempora, canones Apostolorum recepti erant ceu verè apostolici.

Confirmatur ex Nicæni concilii can. 5, in quo laudatur canon antiquus, quo interdictum est episcopis ne ab uno excommunicatos alii admittant in communionem. « De his, inquit, qui communionem privantur, seu ex clero, seu ex laico ordine, ab episcopis per unanimumque provinciam sententia regularis oblineat ut hi qui abijciuntur, ab aliis non recipiantur. »

Habetur in Græco, *κατὰ τὸν κανόνα*. Quibus verbis aperte significatur canon apostolicus duodecimus. Ergo Nicæni Patribus noti fuerunt illi canones, probatique ut verè apostolici.

Idem probat concilii Antiocheni canon secundus qui vetat « in alteram Ecclesiam recipi, qui ab aliâ excommunicatur. Quòd si quis episcoporum, presbyterorum, diaconorum, vel etiam qui in canone detinentur, excommunicatis communicare deprehensus fuerit, et hunc oportet communionem privari, tanquam Ecclesie regulas confundentem. »

Resp. ad primum: Nego minorem, quòd scilicet S. Alexander his verbis canonem apostolicum 16 manifestè indicaverit; nam canon 16 Apostolis inscriptus perstringit episcopos qui clericos è propriâ parochiâ, seu diocesi, ad aliam, absque sui episcopi licentiâ, migrantes susceperint, sive illi clerici orthodoxi fuerint, sive hæretici; at S. Alexander loquitur de his qui se communionem cum hæreticis initâ maculaverint, et qui ipsorum litteris subscripserint. Unde S. Alexander canonis apostolici nomine non intellexit legem aliquam scriptam et editam ab Apostolis, sed regulam à viris apostolicis constitutam, vel etiam ab Apostolis, ut piè credebatur, sine scripto acceptam, quæ constanti omnium Ecclesiarum more firmata erat, ut Ecclesie paci et pastorum concordie consuleretur. Vel dico, nomine canonis apostolici intellexisse S. Alexandrum Apostoli sententiam, quam citat, ad Galatas 1 dicentis: *Si quis vobis evangelizaverit præter id quod accepistis, anathema sit.* De Arianis enim agebat, qui, cum hærescos manifesti essent, anathemate ab omnibus Ecclesiis percelli debebant.

Ad confirmationem respondeo, concilium Nicænum et synodum Antiochenam intellexisse regulam publici Ecclesie moris usûsque, non verò canonem aliquem ab Apostolis editum; alioqui Apostolos disertè laudassent; id enim et ad Apostolorum laudem, ad patrum Nicænorum pietatem, et ad legis quam ferebant auctoritatem inprimis pertinebat.

Objectio quinta sumitur ex Epistola Constantini imperatoris ad Eusebium Cæsariensem datâ, quâ illius pietatem laudat, quòd ab Antiochenis ad Ecclesiam illam, quæ metropolis erat Orientis, civium et cleri suffragiis electus, Cæsareæ episcopatum deserere noluerit, ab unâ in alteram Ecclesiam migrando, sed maluerit apostolicum canonem rigide observare. Is autem est canon apostolorum decimus quartus, quo migrationes istæ prohibentur. Exstat apud Eusebium, lib. 5 de Vita Constantini, cap. 59, illa Epistola: « Porro, inquit, abs te prudenter sanè factum est, quòd et Domini mandatum, et apostolicum Ecclesie Antiochenæ prorsus repudiando, et in eo episcopatu fungendo permanere laborasti, quem ab initio Dei voluntate suscepisses. »

Confirmatur ex synodo Nicænâ, cujus canone 15 vetantur migrationes ab unâ Parochiâ in aliam; quas tunc factas fuisse, præter canonem, observat synodus. Aliquo ergo canone anteriori vetitæ erant translatio-

nes : qui quidem alius non est quam 15 canon apostolicus.

Huc quoque spectat synodus Antiochena canone 21 decernens, ut episcopus maneat in Ecclesiâ quam a Deo sortitus est, secundum decretum prius eadem editum.

Respondeo canonem à Constantino et à Nicænis Patribus laudatum esse ipsum publicum legitimumque morem Ecclesiæ illorum temporum, non vero editum ab Apostolis canonem, unde Nicæna synodus canonem quidem citat, sed nullos Apostolos laudat; Constantinus vero laudat Ecclesiæ canonem, non vero Apostolorum, quamvis apostolicæ traditioni consentaneum scribat. Sic enim habet initio Epistolæ : « Episcopi totam tuam legi diligentissime, ex quâ Ecclesiæ canonem exquisitè abs te servatum intellexi. In his namque persistere, quæ Deo grata, quæque traditioni apostolicæ consentanea videntur, permagna pietatis est. » Canon vero prius contra migrationes editus, cuius Antiochena synodus meminit, est canon Nicæni concilii.

Contra, Constantinus citat apostolicum mandatum contra migrationes episcoporum : atqui nullum exstat nisi in canone Apostolorum 14. Ergo, etc.

Respondeo : Distinguo minorem. Nullum exstat scriptum, concedo; traditum, nego. Vel : nullum exstat, disertis verbis et explicitè conceptum, concedo; imphicite in apostolicâ doctrinâ exstans, et ex eâ per rectam expositionem haustum, nego. Illud autem mandatum colligitur ex his Apostoli verbis (ut Alexandrini concilii Patres in Epistolâ synodicâ apud S. Athanasium Apologâ 2 advertunt) : *Alligatus es uxori? noli quærere solutionem.* Quod de matrimonio spirituali episcopi cum suâ Ecclesiâ æquè intelligendum volunt, ac de conjunctione viri cum muliere. Agentes namque contra Eusebium Nicomediensem migraverat, ita ipsum perscrutantur : « Nec secum recogitat dictum illud Apostoli, quo profitetur se in alienis laboribus non gloriarum; neque præ oculis habet illius præceptum : *Alligatus es uxori? ne quære solutionem.* Quod si hoc de uxore dictum est, quanto magis de Ecclesiâ, atque adeò de episcopatu, cui cum quis alligatus est alium quærere non debet, ne adulter in sacris litteris deprehendatur? »

Obiectio sexta conflata ex variis Nicænæ synodi canonibus. Patres Nicæni canone 1 statuunt : « Si quis seipsum exciderit, ne in clerum admittatur; quos verò Barbari aut domini castraverint, si inveniuntur aliis digni, tales ad clerum canonem suscipere. » Cum itaque idem apostolicis canonibus 20, 21 et 22, sancitum sit, sequitur cognitos ipsis fuisse istos canones, et pro apostolicis habitos.

Præterea, eadem synodus canone 2 ait, multa facta esse adversus *Ecclesiasticam regulam*; v. gr., quòd homines ex gentili vitâ nuper accedentes ad fidem, brevique tempore instructi, mox ad baptismum perducerentur, simulque ad episcopatum vel ad sacerdotium promoverentur. Hæc porro regula est canon Apostolorum octogesimus; ergo, etc.

Denique canone 10 Nicæno canon apostolicus 62 insinuat et explicatur. Hoc apostolico canone, qui metu supplicii Christum negat, gradu dejectus et pellitur ab Ecclesiâ. Sed de eo qui post lapsum fuerit ordinatus, nihil statuitur. Ad hanc tamen speciem Nicæna synodus pernam de positionis extendit his verbis : « Quicumque de lapsis ad ordinem cleri promoti sunt per ignorantiam, vel per ordinantium dissimulationem, hæc ecclesiastica non præjudicat regula; cogniti namque deponantur. » Quasi diceret : Subsecuta lapsum ordinatio obnoxia etiam erit poenæ, quæ canone ecclesiastico lata est, id est, Apostolico 62, licet canon iste disertè tantum de eo loquatur qui clero adscriptus erat ante lapsum, cum in utraq; specie par sit omnino ratio.

Respondeo ad primum : nego consequens. Nam canones illos de concubis in clerum non recipiendis, Apostolis supplicatos esse disertè probavimus, ex facio præsertim Origenis, cui nusquam apostolici canonis violatio ab emulis objecta est. Canon itaque à Nicænis Patribus laudatus est mos ipse Ecclesiæ, vel lex aliqua Origeni facti occasione ab ecclesiasticis propositis lata, ne quis se exsecrare pietatis specie, vel tanti viri exemplo auderet, et si quis auderet, is à sacris submoveretur. Quæ lex deinceps apud omnes Ecclesias communi antistitum consensu obtinuit.

Ad secundum, nego Patres Nicænos nomine regulæ Ecclesiasticæ can. 80 Apostolorum significasse : quidni enim apostolicam potius quàm ecclesiasticam regulam appellassent? Quanquam et apostolicum omnino est quod ex 1 ad Timotheum 3 est depromptum, cuius verba ibidem citant; quæ Apostoli doctrina meritè regula Ecclesiæ ab ipsis vocatur. « Tempore, inquit, opus est ei qui baptizatur, et post baptismum, probatione quamplurimâ. Manifesta est enim apostolica Scriptura, quæ dicit : *Non Neophytum, ne in superbiam elatus, in iudicium incidat et in laqueum diaboli.* »

Ad tertium, nego regulam ecclesiasticam, ad quam alludit Nicænorum canonum decimus, esse sexagesimum secundum canonem Apostolicum. Satis enim est ad Nicænorum Patrum sententiam explicandam statuere, jam tum fuisse morem aliquem certum ac legitimum, quo apostate à clero arcerentur, partim ex sacrâ Scripturâ haustum, quæ sacros ministros puros criminis esse jubet; partim ex rectæ rationis luce; qui mos ab omnibus approbatus et usurpatus, *Regula ecclesiastica* vocatus est à Patribus Nicæis. An is autem lege aliqua scriptâ explicatus, litterique mandatus, an verò communi omnium usu ac tacito consensu receptus fuerit, nihil ad synodi mentem interest.

Obiectio septima petitur ex synodo Antiochenâ, quæ alludit ad canonem apostolicum 31, quo iubetur ne quid gravioris momenti agant episcopi provinciales, sine sententiâ ejus qui præest metropoli, quod iisdem ferè verbis statuitur can. 9 synodi Antiochenæ, secundum antiquam à Patribus nostris regulam constitutam. Et ejusdem concilii can. 23 prohibetur ne quis

episcopus sibi successorem eligat; sed electio fiat secundum regulam ecclesiasticam, quâ significatur canon apostolicus septuagesimus sextus. Ergo noti erant receptique tunc temporis canones apostolici.

Respondeo : Nego antec., quod scilicet Antiochena synodus nomine antiquæ et ecclesiasticæ regulæ canones apostolicos significet. Colligitur quidem ex Antiochenis canonibus laudatis, ea quæ ipsi decernunt, jam ante illam synodum in usu ecclesiastico fuisse, à superioris memoriæ sive synodis sive episcopis constituta; sed lege latâ ab Apostolis sancita fuisse non evincitur. Unde Antiochena synodus citat regulam à Patribus constitutam, non ab Apostolis; quod addidisset ad majus decretorum suorum robur, si verè novisset esse apostolicam.

Nec verò necesse est, nomine antiquarum regularum, quæ sive à Nicæna, sive ab Antiochenâ, sive ab anterioribus synodis memorantur, intelligi canones apostolicos, etiamsi in nullis veterum monumentis conscriptæ sint. Ecce tibi non unum exemplum. Synodus Nicæna can. 13 hæc habet : « De his qui ad exitum veniunt, lex antiqua regularisque servabitur, ita ut si quis egreditur e corpore, ultimo et necessario viatico minimè privetur. » Ubi, quæso, habetur illa antiqua regularisve lex? Certè nec in Apostolorum canonum collectione, nec in antiquis Ecclesiæ monumentis ante Nicænam synodum.

Ancyranâ synodus can. 21 ait : « Priorem definitionem præcepisse, ut mulieres, quæ fornicatæ, foetus in utero perimerent, usque ad exitum vitæ ab Ecclesiâ removerentur. » Ubi, quæso, vel in apostolicis canonibus, vel in aliquo vetustiori Ancyranâ istâ synodo monumento, hanc regulam seu priorem definitionem reperies? Non sequitur ergo quascunque regulas antiquas, Antiochenâ et Nicænâ synodo priores, etiamsi in nullo vetustiorum temporum monumento legantur, ex codice canonum apostolicorum esse citatas. Itaque leges, regulæ, vel definitiones antiquæ Ecclesiæ, et Patrum, quas Nicæna, Antiochena, et si qua alia synodus, memorant, esse sunt quæ tum in Ecclesiæ regimine obtinebant, vel tacito omnium consensu receptæ, vel quæ alicujus sive synodi, sive etiam episcopi decreto præceptæ ac sancitæ, vel in unâ provinciâ, vel in pluribus, vel etiam in omnibus observabantur.

Eodem sensu exponenda sunt Africana concilia, quæ « disciplinam ecclesiasticam, ordinem et à Patribus et à majoribus servatum, formam antiquam, statuta ex antiquorum sententiâ, » memorant ac commendant, observari præcipiunt, ut concilium Carthaginense II. can. 8, et synodus Africana, can. 53, et codicis Africani 49 et 86. His enim nominibus, quæ apud suam Ecclesiam in usu erant, vel à vetustis synodis constituta, vel à majoribus, nudâ et simplici traditione accepta, significant, non verò canones aliquos apostolicos.

Contra, Patres Africani in concilio Carthaginensi II, can. 2, episcoporum, presbyterorum et diaconorum continentiam sancientes, aiunt id Apostolos docuisse,

et ipsam servasse antiquitatem. Quibus verbis indicârunt can. 5 Apostolorum. Ergo canones illi noti fuerunt Ecclesiæ veteri Africanæ, ab eâque recepti ut verè apostolici.

Resp. : Distinguo antecedens : aiunt id Apostolos docuisse in genere, concedo, quatenus sacris hominibus continentiam suis in epistolis præceperunt; S. Paulus enim ad Titum 1 tradit episcopum, inter cæteras doctes, continentem esse debere : aiunt id Apostolos docuisse, in specie, hoc est, omnem omnino usum conjugii prohibuisse Ecclesiæ ministris, nego. Vel aiunt Apostolos id docuisse vivâ voce, et extra Scripturam, concedo. Lato eâ de re canone, nego. Namque ad canonem quintum apostolicum non respexerunt, qui tunc nullus erat, quique præterea nihil sancit de sacrorum hominum calibatu, sed solum ne episcopus, presbyter, vel diaconus uxorem suam ejiciant, religionis prætextu.

Obiectio octava petitur ex S. Athanasio in Epistolâ ad Orthodoxos, ubi de Georgii Cappadociæ, hominis Ariani, audaciâ conqueritur, qui jussu comitis per vim sedem Alexandrinam occupavit. Violatos ab eo canones ecclesiasticos palam profitetur, id est canonem Apostolorum 31, quo præcipitur ut si quis seculi potatibus usus ecclesiam per ipsas obtineat, deponatur. Ergo tempore S. Athanasii noti erant ac recepti in Ecclesiâ apostolici canones.

Præterea S. Athanasius in synopsis, canones Apostolorum inter hagiographa numerat : ergo, etc.

Respondeo : Distinguo antecedens : sanctus Athanasius conqueritur violatos canones ecclesiasticos, id est, ab episcopis vel synodis constitutos, concedo; id est, ab Apostolis editos, nego. Ait enim hos canones pulchrè ac firmè à Patribus nostris traditos. Certè ab Apostolis editos non siluisset, ut invidiosum magis redderet Georgii Cappadociæ facinus, si ita rem se habere existimasset, ipsique noti fuissent illi, de quibus nunc disceptamus, Apostolis inscripti canones.

Ad secundum respondeo : Nego antecedens : quo Bellarminus post Sixtum Senensem velut egregio argumento abutitur. Nam in totâ Synopsi sanctus Athanasius ne levissimam quidem apostolicorum canonum facit mentionem. Equidem inter ea novi Testamenti scripta, quibus contradicitur, unâ cum Petri Joannisque et Thomæ Periodis, sive Itinerariis, Thomæque Evangelio, Clementina etiam reponit; id est, illa Clementis nomine, paulò ante Eusebii tempora, conficta, et vulgata scripta, verbosa et proluxa, Petri et Appionis colloquia, sermonesque complectentia, quorum meminit Eusebius lib. 3 Historiæ, cap. 38.

Cæterum quidquid Clementinorum nomine intellexerit S. Athanasius, non hæc pro libris hagiographis habuit, ut Bellarminus ait; sed eodem loco duntaxat numeroque censendos existimavit, quo Petri et Joannis et Thomæ circuitus et Evangelium secundum Thomam, quæ inter apocrypha semper censuit Ecclesia.

Obiectio nona petitur ex S. Basilio, Epistolâ 1 ad Amphilochem, cap. 5, ubi diaconum à gradu dejectum ob crimen non arceat à communione, quoniam antiquus est canon, ut lapsi ex gradu, ex ministerio, qui-

dem sacro ejiciantur; communionem vero nequaquam preceant. Atque vetus ille canon quem laudat, est canon Apostolorum viginti quintus: ergo S. Basilio non probaturque fuerunt Apostolorum canones.

Respondet. Nego in eo in Equidem S. Basilium non eadem amodo diceret, quæ vigesimus quintus ille Apostolis ascriptus, sed nego quod canonem illum respexerit, qui tunc nullus erat, sed contra vigesimum quintum illum pseudoapostolicum, ex Basilio excerptum fuisse. Certè de illo ne quidem cogitasse S. Basilium constat ex ratione quam addidit suo canonem: *Arbitror & ceteros esse illos priores legem illam. Non videri abis his in idipsum.* At late frigide omnino ineptique dixerit de auctoritate canonis vigesimi quinti citati. Hos enim secutos esse legem illam exilesus est, quam ut id hisce verbis significare voluerit Basilius, *arbitror*, etc.; siquidem illi discrete nominatum suo illi canonem hanc rationem addunt: *Dicit enim Scriptura: Non videri abis his in idipsum.*

Obiectio decima eruitur ex synodo Constantinopolitana, habitâ sub Nectario, in causa Agathii, ubi querente Arabiano Ankyra episcopo an liceret diaboli episcopis episcopum accusatum gradu dejedere, ex sententiâ Nectarii et Theophili Alexandrini, totiusque synodi, decernitur episcopum deici non posse, præterquam à synodo episcoporum provincie, *ut apostolici canones constituerunt.* Quibus verbis, canon Apostolicus septuagesimus tertius significatur. Ergo tunc temporis in Orientali Ecclesiâ recepti erant canones apostolici.

Respondeo synodum illam Constantinopolitanam canonum apostolicorum nomine intellexisse canones à viris apostolicis editos, non ab Apostolis ipsis. Spectavit autem canonem quintum Nicene synodi, ad quem postea alludens Ecclesia Africana in Epistolâ ad Celestinum I pontificem maximum ait: *Synodi Nicene decreta, sive inferioris ordinis clericos, sive ipsos episcopos, metropolitanis suis apertissime commiscuerunt.* Certè si notum tum fuissent ac recepti Apostolorum canones, Patres Africani illos æquè laudassent ac Nicenos.

Obiectio undecima petitur ex Innocentio I pontifice maximo in Epistolâ ad Victricium Rothomagensem episcopum data anno Domini 404, ubi capitibus 1, 2, 3, 5, 6, etc., multa decernit quæ apostolicis canonibus 1, 61, 54, 56, 12, etc., continentur; ergo ipsi noti erant ac probati hi de quibus agimus, Apostolis inserti canones.

Confirmatur ex his quæ in illâ Epistolâ præfatur Innocentius: « Non quo, inquit, nova præcepta alique qua imperentur, sed ea quæ per desideria aliquorum neglecta sunt, ab omnibus observari cupimus; quæ tamen apostolicâ et Patrum traditione sunt constituta: scriptum est enim Thessal. 2: *State, ac tenete traditiones nostras quas tradidi vobis, sive per verbum, sive per epistolam.* » Ergo quæ Innocentius hæc in Epistolâ decernit, ex apostolicis canonibus hausit.

Respondeo: Distinguo antecessens. Multa decernit

Innocentius, quæ apostolicis canonibus continentur, quæ tunc exstarent omnes illi canones, et illa inde descripta sint, nego quæ postea in illam collectionem transierunt, concedo. Illis itaque regulas, quod essent in communi Ecclesiâ sancta, canonum pseudoapostolicorum consecrator in suam farraginem retulit, ut publicæ auctoritatis speciem, quam mendacio concideret. Sed hæc Innocentius nusquam dicit apostolicis canonibus sanctis esse, quod certe non prætermississet, si canones illos agnovisset. Hoc enim maxime pertinebat ad auctoritatem de rebus sanctis apud Victricium et ceteros episcopos Gallicanos conciliandam. Sane cum cap. 1 decernit *piscopum contra metropolitani consensum non esse ordinatum*, synodum Nicenam, quæ diud idem canone præcipit, disertè laudat. *Hæc enim, inquit, et in synodo Nicenâ constitutum est atque definitum.* Capitibus item 2 et 7, Nicenæ synodi nominatim meminit. Cur, amabo, qui Nicenos canones, datâ occasione, tam diligenter citat, nusquam laudat apostolicos, multo majoris et auctoritatis et antiquitatis (si verè ulli erant) futuros? Ratio in præcepto est, nimirum canones Nicenos quos citaret, perspectos habuit ille pontifex; apostolicos quos laudaret, nullos planè noverat.

Ad confirmationem respondeo, nego consequens. Colligitur quidem ex his quæ præfatur in Epistolâ citatâ Innocentius, ipsum existimasse illa quæ deinceps ibi decernit, fuisse jam ab ipsis Apostolis, sive vivâ voce, sive etiam scripto, Christianis tradita, et ipse sanè nonnulla ex divinis Scripturis eruit, ut ex Levitico, quod cap. 4 decernit de uxore clerici virgine; ex Apostolo Paulo, quod cap. 6 statuit de bigamis à sacris ordinibus arcendis; ex Moyse et ex Paulo, quæ cap. 9 de sacerdotum et diaconorum ab uxoribus continentia præcipit: ex eodem denique Apostolo, quæ sancit, cap. 13, de virginibus quæ neglecto proposito nubunt. Cætera quæ nullâ Scripturarum fulcit auctoritate, videtur etiam censuisse ab Apostolis tradita, sed vivâ voce; non autem in apostolicis canonibus. Ipse certè Ecclesiæ usus, quem, quod ejus initia nulla videret, ab Apostolis derivatum non immeritò suspicabatur, facilè ipsi persuasit hæc esse apostolica. Quidni enim potuit sanctissimus et doctissimus pontifex hæc regulâ uti, quam synchronus illius S. Hieronymus statuit Epist. 28: *Unaquæque provincia abundet in suo sensu, et præcepta majorum leges apostolicas arbitretur?*

Obiectio duodecima hauritur ex concilio Ephesino, actione 7, ubi refertur Antiocheum, episcopum ordinationes provincie Cypri ad se trahere conatum *contra leges ecclesiasticas et canones sanctorum Apostolorum.* Ergo jam tum noti erant canones Apostolorum 54 et 55, qui vetant episcopos ne extra provinciam quique suam manus imponant.

Respondeo latine Ephesine synodi editionem, loco mox laudato nihil de Apostolis habere. En ejus verba: *Non hæc, quæ præter ecclesiasticas constitutiones et decreta Patrum canones innovatur, et omnium libertatem attingit, annuntiavit piissimus episcopus Rhe-*

ginus, etc. Viden ut sanctorum Patrum canones dicit, non Apostolorum? Græcus codex vetus *canonum universalis Ecclesiæ* inscriptus, canone 178. eandem lectionem exhibet. Eandem exhibent Romana conciliorum Græcorum Latina editio anno 1608, Coloniensis anno 1618, Parisiensis anno 1656. Itaque hæc Ephesinæ synodi verba, *sanctorum Patrum canones*, nullatenus spectant canones apostolicos, sed episcoporum et synodorum superiorum decreta. Videntur autem ad Antiochenum canonem 15 digitum intendere, qui sic decernit: *Nullus episcopus ex alia provinciâ audeat ad aliam transgredi, et ad promotionem ministerii aliquos in Ecclesiis ordinare.* Forsan etiam alluserunt Ephesini Patres ad canonem secundum concilii œcumenici Constantinopolitani primi, quod Ephesinum annis propemodum 50 antecesserat.

Objectio decima tertia petitur ex constitutione Theodosii imperatoris lib. 3, c. de *Summâ Trinitate*, quâ Irenæum quemdam, *post binas nuptias, præter apostolicos canones, Tyriorum civitatis episcopum factum*, ab eâ Ecclesiâ dejecit. Quibus verbis respicit canonem 17 apostolicum. Ergo canones Apostolis inscripti, verè habiti sunt apostolici anno 440, quo Theodosius hanc constitutionem edidit.

Resp.: Nego quod his verbis respexerit Theodosius canonem 17 apostolicum, sed per apostolicos canones intellexit apostolicam doctrinam quâ constitutum est episcopum *unius uxoris virum esse debere*, 1 ad Tim. 3, et ad Tit. 1.

Objectio decima quarta petitur ex concilio Chalcedonensi, canone 12, dicente episcopos qui principum auctoritate interpositâ sedibus suis metropolcon honorem querebant, *præter ecclesiasticâ statuta facere.* Atqui his verbis indicat canonem apostolicum 31: ergo canones apostolici noti erant Patribus Chalcedonensibus.

Resp.: Nego minorem; sed nomine statutorum ecclesiasticorum intellexit Chalcedonensis synodus Nicænos Constantinopolitanosque canones, id est, canones primæ synodi 6 et 7, et secundæ 2, ut innuit Balsamon in scholiis ad hunc Chalcedonensem canonem.

Objectio decima quinta est ex S. Leone, epistolâ 92, ubi ait *ex apostolicâ traditione descendere eam Ecclesiæ consuetudinem quâ presbyteri et diaconi, criminis alienius rei, publicæ ac solenni poenitentiae minime subiciebantur.* Atque hæc referuntur ad canonem Apostolorum 25: ergo canones apostolicos novit præbuisse S. Leo.

Præterea idem, epistolâ I, canones Apostolorum citat 17 et 18, de iis qui ordinari non possunt. « Quævis vero, inquit, unicuique natalium honestas, et morum esse debeat, qui sacri altaris ministerio est sociandus, et Apostolo nos docente et divinâ præceptione didicimus, et canonum regulis, à quibus plerosque fratrum declinasse et penitus deviâsse reperimus. Nam constat ad sacerdotium pervenisse viduarum maritos quosdam

etiam, quibus fuerint numerosa conjugia, et ad omnem licentiam vita liberior, ad sacrum ordinem passim patefactis aditibus fuisse permisos, contra illam B. Apostoli vocem, quâ talibus reclamationem, dicens, 1 ad Tim. 3: *Unius uxoris virum, et contra illud antiquæ legis præceptum; Levit. 21: Sacerdos virginem uxorem accipiat, non viduam, non repudiatam.* »

Tertiò, idem, epistolâ 84, citat canonem apostolicum 34: « Igitur, inquit, secundum sanctorum Patrum canones Spiritu Dei conditos, et totius mundi reverentiâ consecratos, metropolitanos singularum provinciarum episcopos, jus traditæ sibi antiquitatis dignitatis intemeratum habere decernimus. »

Denique in eadem epistolâ, cap. 7, citat canonem apostolicum 37: « De conciliis, inquit, episcopalibus, non aliud indicimus quàm SS. Patres salubriter ordinârunt, ut scilicet bini conventus per annos singulos habeantur, in quibus de omnibus querelis, quæ inter diversos Ecclesiæ ordines nasci solent, judicetur. »

Ad primum respondeo: Nego minorem; ait enim S. Leo usum istum moremque ex apostolicâ traditione descendere, quod divinis litteris esset consentaneus huic nimirum testimonio, 1 Reg. 2: *Sacerdos, si peccaverit, quis orabit pro eo?* Non quod ex aliquo canonum apostolicorum codice depromptus esset. Verba S. Leonis sunt: « Quod sine dubio ex apostolicâ traditione descendit, secundum quod scriptum est: *Sacerdos si peccaverit, quis orabit pro eo?* Unde huiusmodi lapsis ad promerendam misericordiam Dei, privata est expetenda secessio, ubi illis satisfactio, si fuerit digna, sit etiam fructuosa. »

Ad secundum, nego antecedens, quod scilicet per canonum regulas S. Leo canones apostolicos 17 et 18 intelligat. Namque (ut ex toto contextu patet) S. Leo tria proponit diversa documenta, quibus innoscitur qualis suffragari debeat sacris hominibus natalium et morum honestas. Ad primum caput, refert testimonium S. Pauli, 1 ad Tim. 3; ad secundum, testimonium Levitici; ad tertium, canones ecclesiasticos, quos nominatim nullos citat. Itaque doctrinam apostolicam, quâ primum caput probat, disertè à canonum regulis distinguit, quæ tertium probationum caput complectuntur: quod perperam faceret, si canonum regulas, quas citat, verè apostolicas, et ex apostolicorum canonum codice depromptas existimaret.

Ad tertium, nego pariter antecedens. Nam per canones Patrum Spiritu Dei conditos, et totius mundi reverentiâ consecratos, non intelligit apostolicos, sed Nicænos. Respicit porro S. Leo canonem 6 Nicænæ synodi, quo *privilegia Ecclesiarum* sarta tecta esse jubentur; quæ hic sanctissimus pontifex optimè vocat *jura traditæ antiquitatis dignitatis.*

Ad quartum, nego id quod statuit S. Leo de conciliis in annos singulos celebrandis ex can. 37 Apostolorum haustum esse. Nam S. Leo sanctos Patres, qui istud salubriter ordinârunt, non alios quàm Nicænos intellexit quorum disertissimus est in eam rem canon

quintus. Et certè si S. Leo ad canonem aliquem apostolicum hoc loco respexisset, nominatim appellasset *Apostolos* (non) *sanctos Patres*. Communis enim Ecclesie loquendi usus solet in rebus hujusmodi Patres Apostolis tacite opponere, ut Patres fere semper intelligantur ceteri, præter Apostolos, veteris Ecclesie doctores.

Obijetur decimò sextò. S. Hieronymus ad can. 5 Apostolorum retulit, quod in Epistolâ ad Damasum scripsit, quodque à Gratiano, causâ 16, quæst. 1, cap. *Quoniam*, observatum est. Sic enim ait : « Quod autem beatitudo tua quaesivit, utrum usus decimarum, et oblationum secularibus provenire possit, novit tua sanctitas omnino non licere, protestantibus hoc divinis auctoritatibus paternorum canonum. » Jubeat autem canon laudatus sanctorum Apostolorum, qui sunt primæ Patres nostri, et quorum est divina auctoritas, ut fructum primitiæ in domum episcopi et presbyteri comportentur, qui illos dividant inter diaconos et reliquos clericos.

Respondeo, epistolam illam spuriam esse, et à S. Hieronymi ingenio planè alienam; neque in ullâ earum epistolarum quæ ab eo ad Damasum scriptæ exstant, aut in aliis omnibus S. Hieronymi operibus, hæc verba legi : quod et Romani Gratiani decreti correctores in suis ad hunc locum notis non præterierunt : *Para*, inquit, *hujus capituli citatur ex B. Hieronymo, in cujus quæ exstant, scriptis nihil hujusmodi inventum est.*

Respondeo secundò, non constare scriptorem cujus sunt verba à Gratiano laudata, quisquis ille fuerit, per canones paternos significasse apostolicos. Verisimilius enim est eum synodorum veterum decreta intellexisse, quorum auctoritatem divinam dixit, quòd ea eximia sit et maximi ponderis ad ecclesiasticam disciplinam sancientiam.

Obijetur decimoseptimo. Gelasius pontifex maximus multa in suis epistolis ac decretis ex apostolicorum Canonum libro laudat, ac velut Ecclesiasticas regulas affert. Ergo canones apostolicos, de quibus agimus, pro veris agnovit, aliosque omnino à nostris in apocryphorum classem amandavit.

Probatur antecedens : Epistola 9 citat *paternos canones* contra eos qui *seipsos abscindunt*. Respicens canonem Apostolorum 22, ibidem laudat *reverendorum canonum constituta* contra *desertores propriæ Ecclesiæ*. Alludens ad canones Apostolorum 15 et 16, ibidem cap. 20 citat *majorum veneranda constituta* contra peccatores subrepentes. Quibus verbis canones Apostolorum 25 et 61 intellexit. Denique epistola 5 conqueritur quòd episcopi *contra canones omnia gerant, et contra apostolicam disciplinam passim cuncta misceant, et non servatis regulis, sacras ordinationes conferant*. Agnovit igitur Gelasius regulas apostolicæ disciplinæ de dignis et indignis ordinationibus, qui sunt apostolici canones.

Respondeo : Nego antecedens. Ad primum testimonium respondeo *paternos canones* quos Gelasius laudat contra eos qui se abscindunt, non esse canones apo-

stolicos, sed Nicænum primum, hæc de cunctis præcipientem.

Ad secundum testimonium respondeo *reverendos canones* quos Gelasius citat contra desertores propriarum ecclesiarum desertores, non alios esse à Nicænis 15 et 16.

Ad tertium dico *veneranda majorum constituta*, contra peccatores subrepentes, esse ejusdem auctoritatis synodi canones 9 et 10.

Ad quartum dico Gelasium canones simpliciter nominare, ecclesiasticos scilicet, non ex libro canonum apostolicorum petitos. Ait porro *contra disciplinam apostolicam* facere eos qui passim cuncta misceant, quia Apostolus 1 ad Corinthios 14 jubet ut in Ecclesiâ *omnia honestè et secundum ordinem fiant*.

Obijetur decimo octavo : Collectio canonum in quinquaginta titulos distributa, quæ Theodoretæ Cyrensis episcopi nomine exstat in codice manuscripto Bibliothecæ christianissimi regis, ex eoque à Justello edita est, canones apostolicos 85 laudat : sunt igitur verè apostolici.

Respondeo hanc collectionem Theodoretæ non esse, sed Joannis Scholastici patriarchæ Constantinopolitani, qui sexto seculo floruit sub Justiano imperatore, quo tempore illi canones passim jam sub titulo canonum apostolicorum laudabantur, quamvis non sint apostolici. Unde nego etiam consequens.

Objectio ultima colligitur ex synodo Trullanâ canone 2, ex septimâ, Canonibus 1, 5 et 10, ex Romanâ synodo sub Gregorio VII, canone 2, ex concilio Triburiensi, cap. 2, ex Parisiensi sub Ludovico Pio, cap. 15, ex Tridentino, sessione 25, cap. 1 de Reformatione; item ex S. Joanne Damasceno lib. 4 de Fide Orthodoxâ; ex Tarasio patriarchâ Constantinopolitano in Epistolâ ad Adrianum pontificem maximum; ex Photio in Bibliothecâ; ex Bonifacio Apostolo Germaniæ in Epistolâ ad Gudbertum Anglum; ex Nicolao I pontifice maximo, passim in suis decretis; ex Leone IV, distinctione 19, cap. *de Libellis*; et ex Joanne VIII, in Epistolâ ad Basilium imperatorem. Ex his enim omnibus, tum synodis cum pontificibus et auctoribus ecclesiasticis constat canones Apostolis inscriptos, verè apostolicos esse.

Respondeo illas synodos et pontifices non decernere an canones apostolici verè, an falsò Apostolis inscribantur, uti nec quæstionem illam quæ ad ipsorum institutum minime pertinebat, expenderunt; sed eos sub nomine Apostolorum citarunt, quia ut ita citarentur, inoleverat usus. Cæterum omnes ille synodi, pontifices et auctores qui sexto seculo posteriores sunt, nequaquam sunt veteribus anteponendi.

Quæres quo tempore et à quo confecti sint canones apostolici? Respondeo verisimile esse aliquos fuisse confectos ab episcopis Iconiensis concilii, cui præerat Firmilianus, anno 258, congregatis ad controversiam de hæreticorum baptismo dirimendam. Ratio est quia canones apostolici 46 et 47 ipsam concilii Iconiensis sententiam de rebaptizandis hæreticis exhibent, ut constat ex Firmiliano rem gestam ita nar-

rante, in Epistolâ ad S. Cyprianum : *Hæretico enim sicut ordinare non licet, non manum imponere, ita nec baptizare, nec quidquam sanctè, nec spiritualiter gerere, quando alienus sit à spirituali et deificâ sanctitate. Quod totum nos jam pridem in Iconio qui Phrygiæ locus est collecti in unum, convenientibus ex Galatiâ, ex Ciliciâ, et cæteris proximis regionibus, confirmavimus tenendum contra hæreticos firmiter, et vendicandum, cum à quibusdam de istâ re dubitaretur.* Itaque tunc adornata ex parte videtur canonum apostolicorum collectio ab Orientalibus episcopis, qui Firmiliani sententiæ contra Stephanum Romanum pontificem cum Africanis episcopis adhærebant, ut traditionem scriptam deinceps objicere possent illius sectatores sententiæ Romanis aliisque Occidentalibus traditionem. Eam juvat conjecturam canon apostolicus 38, qui mensis hyperberetæi meminit, quo significatur october Lingvâ Syro-Macedonicâ, cujus erat usus per Orientem.

NOTA.

Canones qui dicuntur Apostolorum, falsò ipsis adscriptos dubitabit nemo, si in eisdem plura ab Apostolorum doctrinâ dissona cum Natale contineri conspiciat. Nihilominus hujusmodi canones concilio Nicæno, aliisque illorum seculorum synodis, ac Patribus ignotos fuisse credendum non est. In dubium revocari non potest, si quæ sibi objicit Natalis legantur, synodum nempe Nicænam, aliasque non semel canonum etiam nomine illos innuere; porro difficile est sibi suadere illam vocem *canon* à synodis usurpatam ad morem tantum designandum qui tunc vigeret in Ecclesiâ, quique esset regula rerum faciendarum seu judiciorum instituendorum, cum eam vocem semper legem scriptam significare omnes crediderint. Illud etiam addunt, concilium Nicænum morem in Ecclesiâ vigentem velut rem à canonibus distinctam indigitasse. Canones præterea Apostolorum inscripti disciplinam, quæ secundo aut tertio aut quarti seculi initio in quibusdam Ecclesiis servabatur, continent. Ita se habet, exempli gratiâ, canon præcipiens unâ cum Judæis Pascha non esse celebrandum, quod Victore pontifice plures synodi definierant. Canones etiam baptismi hæreticorum respuentes concilii Iconiensis definitiones innuunt, cui placuit S. Cypriani sententiæ contra S. Stephanum papam adhærere; neque etenim licet opinari Cyprianum et Firmilianum ad propriam constabiliendam disciplinam, illas synodi canones confinxisse. Hæc mihi verosimile esse demonstrant canones apostolicos collectionem esse quamplurimum canonum ante primam Nicænam œcumenicam synodum in pluribus particularibus synodis editorum; quæ collectio cum successu temporum novis canonibus fuerit adacta, factum est aliquos ejusdem canones non facili inter se conciliari, atque ejusdem materiæ canones nullo servato ordine in eadem conscriptos. Quia verò in præfatâ

collectione quosdam etiam canones inseruerunt, à quibus Romana seu etiam catholica abhorrebat Ecclesia, nec œcumenici fœtus erant concilii, nil mirum si illius non meminere primi canonum collectores, neque primi Ecclesiæ Patres ipsorum auctoritate adversus Ecclesiæ hostes pugnaverint, vel in usum redigere neglexerint. Illud tamen observandum, ea quæ refert Natalis in quartâ probatione tertiæ propositionis, Apostolorum quidem hos canones non esse demonstrare, non verò ipsorum destruere antiquitatem, ut ex sequentibus apparebit.

S. Athanasius igitur Leontii Ariani facinus exagitans, non canonem qui falsò Apostolorum diceretur, sed Nicænum adversus illum protulit, potius à concilii generalis canone damnatum ostendens, quam ab antiquiore canone dubiæ fortassè auctoritatis, etsi illum potuerit non ignorare. S. Epiphanius adversus Valerianos ejusdem canonis mentionem potuit negligere, cum non canonum auctoritate, sed S. Scripturæ adversus illos insurgat. S. Basilii aliique trinæ immersionis in baptismo ritum non ab aliquo canone, sed à traditione non scriptâ derivare dixerunt, quia invaluerat apud ipsos usus, nomine traditionis non scriptæ quidquid in S. Scripturâ non continebatur, designandi. Neque etiam necesse erat adversus hæreticos canonem falsò Apostolis affictum urgere; qui etenim in eâ collectione hæc de re leguntur canones, non ad profligandos hæreticos, sed ad proscribendam sacerdotum negligentiam respexerunt.

Adversus horum canonum antiquitatem videtur pugnavit canon 84, qui in censu librorum canonicorum tres Machabæorum libros, duas Clementis epistolas, ac octo Constitutionum libros enumerat; cum etenim hujusmodi errores ante concilium Nicænum non insonuerint, neque ab alicujus conciliabuli canone tunc temporis confirmatus credere conceditur. Sed illud respondendum, hujus canonis antiquitatem ex eo innoscere, quòd veteris Testamenti libros, qui in Hebræorum canone non legebantur, omiserit; nam nondum satis compertum erat in canonicorum librorum albo esse recensendos; in horum numero erant libri Sapientiæ, Tobie, Judith, etc., qui proinde deutero-canonicali appellantur, quia statim ab Ecclesiæ exordio de ipsorum non constitit auctoritate. Corruptus proinde dicendus iste Canon quoad eam partem quæ libros non canonicos inter canonicos admiscet; atque ita egisse non irrationaliter credendum constitutionum auctorem, qui sub Clementis larvâ abscondebatur, ut ita proprio libro irrefragabilem conciliaret auctoritatem.

Cæterum dum canonum Apostolis adscriptorum antiquitatem proposui, non ea mihi mens fuit, ut omnes apud aliquas Ecclesias ante Nicænam primam synodum vixisse traderem, cum ab ipsorum collectore eisdem alios postea consutos jam innuerim.

DE CONSTITUTIONIBUS APOSTOLICIS

Dissertatio.

(EOM M. AUCTORE.)

Constitutiones Apostolorum nomine inscriptas, et octo libris comprehensas e Græco in Latinum sermonem transtulit Carolus Bzovius, et anno 1665 in lucem emisit. Easdem Turrianus Societatis Jesu professor Latine interpretatus est, et commentariis illustravit. Eas cum conciliis Surii et Benii in suis conciliorum editionibus evulgarunt. De his queramus in presentiarum, an veri sint ac genuini Apostolorum vel saltem Clementis Romani, cujus nomen præferunt, fetus.

PROPOSITIO PRIMA. — *Constitutiones Apostolorum sunt apocryphæ, ab Apostolorum et Ecclesiæ doctrinâ alienæ; ipsis adeò Apostolis et Clementi Romano suppositæ.*

Probatur prima pars ex decreto Gelasii I pontificis maximi in Romanâ synodo, anno Christi 494: Item, inquit, *Itinerarium nomine Petri Apostoli, quod appellatur S. Clementis libri octo, apocryphum.* Porro libri octo Clementis nomine inscripti, sunt ipsissimi Constitutionum apostolicarum libri de quibus agimus.

Probatur secundo ex Humberto cardinali, episcopo Sylve Candidæ, qui à Leone IX legatus Constantinopolim missus est. Ille scilicet Nicetæ Pectorato Constitutionum apostolicarum loca quedam contra sabbati jejunium objicienti his verbis respondet: *Hoc asserere conaris ex apocryphis libris et canonibus pari sententiâ sanctorum Patrum repudiatis.* Et paulò post: *Unde nos quoque omne apocryphum abjicientes, dedignamur audire eorum fabulosas traditiones, quia non sunt ut lex Domini.* Citaverat autem Nicetas quintum et septimum librum Ordinationum seu Constitutionum apostolicarum. Ex quâ Humberti responsione colligitur, hæc tum fuisse de his libris Sælis apostolicæ, cujus legationem gerebat, sententiam.

Probatur tertio ex Honorio Augustodunensi, qui circa annum Domini 1120 in Galliâ nostrâ floruit. Ille nempe in opere suo de Scriptoribus ecclesiasticis, omnia quæ Clementi Romano tribuuntur, præter unam ad Corinthios epistolam, ait *inter apocrypha recenseri.*

Idem censent quique inter recentiores eruditi, Bellarminus lib. de Scriptoribus ecclesiasticis in *Clemente*, Baronius tom. 1. Annalium ad annum Domini 52 et alibi, Cardinalis item Petronius lib. 2 de Eucharistiâ cap. 1, Albaspineus (de l'Aubépine) Aurelianensis episcopus, Observationum ecclesiasticarum lib. 4, cap. 13; Petavius in notis ad S. Epiphanium, ad hæresim Audianorum; et alii quotquot modò numerantur eruditi.

Probatur quartò: Constitutiones apostolicæ, prio-

rum seculorum Patribus vel ignotæ prorsus fuerant, vel apocryphorum numero ac loco ab illis habitæ sunt; ergo verè sunt apocryphæ.

Probatur antecedens: Opus quod nusquam memorarunt priorum seculorum Patres, occasione datâ; cujus auctoritate nunquam usi sunt ad revincendos hæreticos; à cujus doctrinâ passim recesserunt, vel ipsæ ignotum fuit, vel apocryphorum loco habitum: atqui tales sunt Constitutionum Apostolicarum libri; ergo vel ignoti fuerunt priorum seculorum Patribus, vel ab iis in apocryphorum censum rejecti.

Probatur minor accuratâ inductione: I. Justinus Martyr, qui secundo seculo vixit, disertè testatur sabbati religionem passionem Christi fuisse abolitam, nec à sui temporis Christianis observata fuisse sabbata (ut videre est passim in Dialogo cum Tryphone), nec conventus Christianorum alio die fieri solitos memorat, quàm solis die, id est, dominicâ, ut videre est Apologiâ secundâ; igitur ignotæ erant Justino Apostolicæ Constitutiones, vel nullo in pretio apud ipsum erant, alioqui illarum doctrinam secutus fuisset, quâ tradunt sabbati diem, velut creationis, à Christianis observandum esse ac feriandum, neque jejunio funestandum, et conventus solennes eâ die indicunt, lib. 5, cap. 14 et 20, et lib. 7, cap. 24.

II. Sanctus Irenæus, qui floruit secundo cadente seculo, in egregio opere, quod adversus universas hæreses conscripsit, cum epistolam Clementis ad Corinthios non semel citet, lib. præsertim 3, cap. 3, nullibi Constitutionum Apostolicarum auctoritate Hæreticos refellit. Ergo ipsi incognitæ erant, vel apocryphæ ipsi videbantur.

Præterea idem Irenæus in Epistolâ ad Victorem Romanum episcopum, cujus fragmentum refert Eusebius, lib. 5 Historiæ Ecclesiasticæ, cap. 26, testatur consuetudinem Paschatis lunâ 14, unâ cum Judæis celebrandi, jam temporibus Aniceti, Pii, Hygini, Telesphori, Xisti et Soteris, Victoris decessoribus, apud Asiæ ecclesias vigiuisse, et in eo ritu fuisse à Romanâ Ecclesiâ toleratas. Igitur Constitutiones Apostolorum, quæ Pascha cum Judæis Christianos celebrare vetant, lib. 5, cap. 16, latuerunt viros sanctissimos Polycarpum, Thræseam, Sagarim, Papirium, Melitonem, Polyeratem, et cæteros Asianos, Apostolici nominis obscurantissimos; alioqui nunquam legem tam clavis tamque disertis verbis, ab Apostolis (ut fingitur) latam, temerè violassent. Sed et Victor ipsis Constitutionum Apostolicarum auctoritatem proculdubio objecisset, qui Joannem Aposto-

lum sui moris auctorem faciebant. Igitur vel nullæ extabant Apostolicæ Constitutiones, vel apocryphæ censebantur.

III. Clementis Alexandrinus, qui secundo seculo exeunte florere cepit, tertique initia attingit, frequenter laudat genuinam Clementis Romani ad Corinthios epistolam, et satis prolixos ex eâ textus describit lib. 1, 4 et 6 Stromatum. Nullibi Constitutionum Apostolicarum meminit, cum tamen multa passim tractet, quæ ex eo libro vel probari, vel ornari et illustrari poterant. Igitur ignotæ illi fuerunt Constitutiones Apostolicæ, vel apocryphorum loco habite.

IV. Tertullianus, Clementis æqualis, si constitutiones illas novisset, vel alicujus in Ecclesiâ auctoritatis existimasset, animam nostram non asseruisset esse corpoream, quam starum Constitutionum auctor, lib. 6, cap. 11, incorporare et immortalem profiteretur: nec laicis baptizandi potestatem concessisset lib. de Baptismo, cap. 17, et de Exhortatione Castitatis, cap. 7, quam auctor Constitutionum iisdem adimit lib. 5, cap. 10, nec adeo impotenter Zephyrini Romani pontificis decretum fornicatoribus aditum, per poenitentiam ad reconciliationem reservans, invasisset ac dilacerasset: cum auctor Constitutionum poenitentes absque discrimine recipiendos tam frequenter moneat lib. 2, cap. 12, et sequentibus, et cap. 48. Certè cum nullus veterum has Constitutiones adversus Novatianos produxerit; cum Tertullianus ipse, qui in suo de Pudicitia libro solvere nititur et explicare momenta omnia quæ Catholici Montanistis poenitentiae hostibus opponebant, et librum ipsum Pastoris quem proferebant ad causæ catholicæ præsidium, liberè inter apocrypha amandat cap. 10; cum, inquam, Tertullianus ne verbum quidem faciat de Apostolicis illis Constitutionibus; sequitur illas et Tertulliano, et illorum temporum catholicis ignotas prorsus fuisse, aut in antiquiorum numerum communi consensu ablegatas.

V. Quæ nec in Constitutionum Apostolicarum non meminit: sed eas sibi invisas fuisse, aut nullius auctoritatis indicat. Siquidem Christianorum dies festos recensens lib. 8 contra Celsum, dominicam duntaxat diem, Parasceven, Pascha, et Pentecosten memorat; Constitutiones verò, præter hos dies, Natalem Christi, et Epiphaniam, Ascensionem, et Apostolorum Natalitios à Christianis celebrari præcipiunt.

VI. Sanctus Cyprianus, cum Africanis episcopis in causâ de iterando Baptismo ab hæreticis collato, ex his Scripturis sententiam suam confirmat, Constitutiones non omisurus, si vel tum in rerum naturâ extitissent, vel ut geminum Apostolorum aut Clementis opus fuissent habite; cum nihil proferri posset ad defendendam Africanæ Ecclesiæ Dei disciplinam validius: siquidem omnium hæreticorum baptisma reprobant, lib. 6, cap. 15.

VII. Ignotas fuisse quarto seculo Constitutiones Apostolicas suadet Arianorum silentium, qui nihil ex

his ad erroris sui patrocinium adhibuerunt, cum plurima habeant Arianæ hæresi faventia. Certè si multa Dionysii Alexandrini securius dicta in rem suam torserunt, in quibus explicandis ac solvendis laboravit S. Athanasius, Constitutiones multò audacius jactassent, si extitissent eâ ætate. At ipsos nec leviter illarum meminisse, aut earum auctoritatem Catholicis objecisse demonstrat S. Athanasii silentium.

VIII. Sanctus Basilius Magnus easdem Constitutiones ut ignoraverit, vel nihili fecerit, necesse est: siquidem libro de Spiritu Sancto, cap. 27, negat scripto ullo tradita esse quædam eorum, quæ in Constitutionibus scripta leguntur variis in locis; scilicet: *Ut signo crucis eos qui spem collocarunt in Christum, signemus; ut ad orientem versi proecuramus; invocationis verba, cum conficitur panis Eucharistiæ, et poculum benedictionis; consecrationem aquæ baptismalis, et olei unctionis; trinam immersionem in baptismo; et alia id genus.*

Ex his colligitur propositio superius asserta, scilicet priorum seculorum Patres nusquam meminisse Constitutionum Apostolicarum, nunquam earum auctoritate usos, ab earum denique doctrinâ frequentius recessisse.

Probatur secunda pars, scilicet quòd Constitutiones illæ sint ab Apostolorum et Ecclesiæ doctrinâ alienæ, notando errores quibus scatent. Primo de Filii et Spiritus Sancti divinitate malè sentiunt, siquidem inter hæreticos recensent illos qui suspicantur Jesum esse Deum super omnia, lib. 6, cap. 25. Ipsum fingunt ministrantem Deo suo ac Patri, ad rerum omnium creationem, lib. 5, cap. 20. Patrem genuisse Filium ante secula, voluntate, et potentiâ, et bonitate, lib. 8, cap. 12. Episcopum Deo Patri similem asserunt; diaconum Christo, qui Patri ministrat et in omnibus assistit; Spiritum Sanctum diaconissæ, quæ ut nihil sine diacono facere debet, aut loqui, ita Paracletus nihil à se ipso loquitur aut facit, sed Christum glorificans, voluntatem illius expectat, lib. 2, cap. 26. Vocant Patrem Dominum Spiritus Sancti, lib. 8, cap. 37. Aiunt non baptizari in mortem Christi, auctoritate Dei universorum, et in testimonio Spiritus Sancti, lib. 5, cap. 6, quæ quantum Arianis et Macedonianis faveant, nemo oculatus non videt.

II. Quantum conjugium, et deinceps, manifestam esse scortationem, et indubitatam impudicitiam decernunt.

III. Concedunt ancillis ut heris infidelibus ad libidinem morem gerant, modo solis. *Pellex, infidelis ancilla, inquit, soli domino obsequens recipiatur. Si cum aliis intemperans fuerit, rejiciatur.* (Lib. 8, cap. 32.)

IV. Baptismum ab hæreticis collatum iterari jubent. (Lib. 6, cap. 15.)

V. Sabbati solemnem celebrationem, æquè ac dominicæ diei constituunt. (Lib. 8, cap. 53.)

VI. Elementis fidei imbuendum, et baptizandum esse decernunt eum qui Eucharistiam imprudens gustaverit (lib. 7, cap. 26), quasi Apostoli non baptizatis eucharistiam porrexerint.

VII. Affirmant se à Christo audivisse: *Oportere eum*

qui pastor est et episcopus in Ecclesiis totius Parviciæ constitutus, non minorem natu esse quam annorum quinquaginta. Quod nusquam Apostolis, aut apostolicis viris in mentem venit: imò constat Timotheum Ephesiorum Ecclesiæ à sancto Paulo præfectum, valde juvenem fuisse, ad quem scribens ait: *Nemo adolescentium tuum contemnat*. Id autem habent Constitutiones libro secundo, cap. 57.

VIII. Constitutiones editas ait illarum auctor à duodecim Apostolis, præsentem Paulo, et septem diaconis, lib. 8, cap. 4; at Stephanum inter septem diaconos primum, martyrium obisse constat, antequam Paulus ad Apostolatam à Christo vocaretur, Actuum 7.

IX. Jacobum Zebedæi filium inducunt concilii Hierosolymitani historiam narrantem, Constitutiones ipsas cum cæteris Apostolis condentem, libro sexto, capite decimo quarto et vigesimo secundo, cum constet, ex Actuum 12, Jacobum ab Herode gladio interfectum esse, ante concilii Hierosolymitani celebrationem.

X. Inter libros quos in Ecclesiâ legi præcipiunt Evangelium S. Joannis recensent, lib. 2, cap. 37, cum Evangelium à Joanne scriptum non esse constet ante annum Christi 97, quo à Nervâ Domitiani successore, ex insulâ Pathmo revocatus est, quo tempore Petrus et Paulus, cæterique Apostoli, qui harum Constitutionum auctores finguntur, variis mortibus ac locis consumpti fuerant.

XI. Philippum, à quo Simon Magus baptizatus est, Apostolum faciunt, quem diaconum duntaxat fuisse constat.

XII. Jacobum fratrem Domini extra numerum Apostolorum ponunt, lib. 6, cap. 14, contra sancti Pauli diserta verba, ad Galatas 1 scribentis: *Alium Apostolorum vidi neminem, præter Jacobum fratrem Domini*.

Tertia pars, licet jam probata satis videri possit, tamen iterum probatur; et primò quidem quod hæ Constitutiones Apostolis suppositæ sint. Si enim verè apostolicæ essent, cur in canonem Scripturarum sacrarum non essent relatæ ab Ecclesiâ? Præterea stylus planè dissimilis est apostolico. 3º Apostoli sibi ipsis festos dies non consecrassent. At dies festos Apostolis decernunt Constitutiones illæ, lib. 8, cap. 33.

Quòd denique harum auctor non sit Clemens Romanus, multis probatur. Primò, quia Eusebius et Hieronymus, cum de scriptis S. Clementis agunt, unam duntaxat illius ad Corinthios epistolam recensent: Eusebius, lib. 3 Historiæ, cap. 15, et S. Hieronymus in catalogo Scriptorum Ecclesiasticorum, in Clemente. 2º Quia Clemens tam absurda sanctis Apostolis non affluxisset. 3º Nec ipse qui Apostolorum mores, instituta et tempora, non minus quàm sua, nota et comperta habebat, ea scripsisset quæ ab Apostolorum doctrinâ, vel disciplinâ vel historiâ abhorrent. 4º Ex eâ quæ verè Clementis est ad Corinthios epistolâ colligitur diversum esse Constitutionum auctorem à Clemente: cum enim ambo Phœnicis avis historiam tradant, planè aliter atque aliter eam narrant. Nam verus

Clemens Phœnicem in Arabiâ mori facit; auctor verò Constitutionum Heliopolin in Ægypto, libro quinto, capite nono, præter alia inter utramque narrationem apud Clementem et Constitutiones discrimina, quæ viri eruditi observarunt.

Obicitur primò auctoritas sancti Epiphani, qui Constitutionum Apostolicarum sæpe meminit, et nonnulla ex ipsis refert affata vel decreta quæ in his leguntur Constitutionum libris quos habemus. Harum autem Epiphanius meminit, hæresi 45 et hæresi 75, contra Actium de Paschate disputans, et hæresi 80, agens adversus Messalianos; et horum librorum auctoritate hæreticos premit. Sed Epiphanius de his libris sententiam luculentius expressam legimus, hæresi 70, quæ est Audianorum, quos ait suum de Paschate cum Judæis celebrando errorem ex Apostolorum Constitutionibus confirmasse. Audiani verò, inquit, *ad institutum suum, quendam ex Apostolorum Constitutione auctoritatem accommodant; qui liber tametsi dubie apud multos fidei sit, non est tamen improbandus. Nam in eo quæ ad Ecclesiæ disciplinam attinent omnia comprehenduntur; neque quidquam aut in fide ac catholica professione depravatum, aut Ecclesiæ administrationi ac decretis contrarium continet; sed quod ad locum illum attinet, unde suam de Paschate sententiam affirmare conantur, hunc illi perperam interpretantur, et ad alienum sensum per inscitiam traducunt. Etenim Apostoli in illâ Constitutione ita definiunt: Vos, inquit, temporis rationes ne subducite; sed eo tempore celebrate, quo fratres vestri, qui ex circumcisione prodierunt. Cum his itaque Pascha peragite*. Secundò, ait Epiphanius Apostolos illâ Constitutione præcepisse, ut Episcopos Hierosolymitanos, etiam errantes in Paschatis celebratione, totos orbis Christianus sequeretur. Ergo constat ex sancti Epiphani testimonio constitutiones Apostolicas verum ac genuinum esse sanctorum Apostolorum opus.

Respondeo: Distinguo antecedens. Et loquitur S. Epiphanius de aliis Constitutionibus ab iis quæ penes nos sunt, concedo; et loquitur de illis quas habemus, nego. Fateor igitur fuisse tempore S. Epiphani Constitutiones aliquas Apostolis adscriptas, sed contendo planè diversas fuisse ab iis quæ nunc circumferuntur. Illæ enim, quarum meminit Epiphanius, *nihil aut in fide, aut catholica professione depravatum, aut Ecclesiæ administrationi, ac decretis contrarium continebant*, ut ipse ait. Nostras verò innumeris scatere erroribus, sive quoad dogmata, sive quoad ecclesiasticam disciplinam, demonstratum à nobis est. Secundò, quæ ex suis laudat ac describit Epiphanius, in nostris non leguntur; imò quædam leguntur in nostris planè contraria. Statuebant enim citatæ ab Epiphanio Constitutiones, Pascha celebrandum cum iis Christianis, qui Hierosolymis ex circumcisione erant, adeoque cum Judæis, quorum illi diem celebrabant. Nostræ verò constitutiones vetant cum Judæis Pascha celebrari, lib. 5, cap. 17. Porro si hæc in antiquis illis codicibus legebantur, mirum est S. Epiphanium illarum auctoritatem non retorsisse contra Audianos, qui ipsi abutebantur ut Pascha Judæorum more celebrandum esse

probarent. Non legitur etiam in iis Constitutionibus, quæ penes nos sunt, quod ex suis Epiphanius citat: *Qui affligerit animam suam dominicâ die, maledictus est Deo.* Ergo Epiphaniæ illæ Constitutiones planè diversæ erant à nostris.

Contra, ex hoc saltem S. Epiphanii testimonio constat, ejus ætate fuisse librum aliquem Constitutionum verè Apostolicarum. Cum ergo in iis quas habemus nonnulla sint ab ipso Epiphanio laudata, dicendum est alia quæ in ipsis non occurrunt fuisse malitiâ hominum expuncta; adeoque nostras Constitutiones interpolatas quidem esse, sed nihilominus apostolicas habendas: sicut et S. Ignatio septem epistolas vindicamus, quamvis multis in locis interpolatas fateamur.

Probatur antecedens. Librum illum citat Epiphanius ut apostolicum: ergo, etc.

Respondeo: Nego antecedens. Ad ejus probationem distinguo propositionem. Librum illum citat ut apostolicum, in multis reclamantibus, concedo; nullo reclamante in Ecclesiâ, nego. Ait enim ipse Epiphanius Constitutiones illas fuisse *dubiæ apud multos fidei*. Igitur à Græcâ illius temporis Ecclesiâ non erant publicè receptæ Constitutiones illæ, quas citat Epiphanius, qualescunque tandem fuerint, sed contra vulgò et à compluribus rejiciebantur, tanquàm dubiæ et incertæ. Sanè S. Hieronymum Epiphanio multò ocatiorem, Constitutiones illas nullo loco habuisse constat, cum ex illius silentio in Catalogo Scriptorum Ecclesiasticorum, tum ex epistolâ ipsius 28 ad Lucinum, ubi ait: *Apostolum Paulum et cum eo credentes, diebus Pentecostes et die Dominicâ jejunasse, in Actibus Apostolorum legimus*. Exindeque concludit jejunium omni tempore Deo acceptum esse. Quod non scripsisset, si Constitutiones ad Epiphanius sibi amicissimo laudatas alicujus esse auctoritatis existimasset, cum illæ Dominicâ die jejunio sub comminatione divinæ maledictionis interdicerent.

Respondeo secundò, S. Epiphanium, etsi Constitutiones illas, quas præmanibus habebat, probaverit, easque laudaverit ut Apostolicas, quia nomine Apostolorum inscribebantur, non existimasse tamen eas ab Apostolis, vel à Clemente conscriptas. Nam heresi 75, quæ est Aerianorum, postquam Constitutiones illas citavit, statim subjungit, de illarum auctoribus loquens: *Ante nos testes existisse habentes traditionem in Ecclesiâ, quam et ipsi à parentibus suis acceperant, et ipsorum parentes à majoribus suis didicerunt*. Quæ Apostolis, aut Clementi non conveniunt: nam Apostoli, quæ in Ecclesiâ instituerunt non acceperunt ab avis et à majoribus, sed à Christo: Clemens verò ab ipsis Apostolis.

Objicitur secundò: S. Cyrillus Hierosolymitanus Constitutiones apostolicas pro vero ac genuino Clementis Romani factu habuit; ergo ejus ætate, scilicet quarto seculo, auctoritatem obtinuerant in Ecclesiâ.

Probatur antecedens: Qui historiam de Phœnicia narrans ex libro 5 Constitutionum apostolicarum, cap. 6, eam tribuit Clementi, agnovit illum esse auctorem Constitutionum: sed Cyrillus Hierosolymitanus, catechesi 18, Phœnicis historiam narrans ex illo libro,

eam tribuit Clementi: ergo ipsum parentem Constitutionum agnovit.

Resp.: Nego antecedens. Ad ejus probationem distinguo majorem. Si occurrat duntaxat illa historia in libris Constitutionum, concedo; si præterea legatur in genuino et indubitato opere Clementis, nego. Porro nego minorem, quòd scilicet Cyrillus historiam illam narraverit ex libris Constitutionum; sed eam retulit ex epistolâ genuinâ Clementis ad Corinthios, cujus et verba interdum expressit; proindeque non sequitur Cyrillum Hierosolymitanum agnovisse Constitutiones illas, vel eas pro Apostolicis habuisse.

Objicitur tertio: S. Athanasius Constitutiones Apostolorum inter eos libros retulit, qui etsi in Canonem relati non sint, tamen legebantur in Ecclesiâ, et ab apocryphis distinguebantur. Quo in sensu habet Sapientiam Salomonis, Sapientiam Sirach, Esther, Judith et Tobiam, quibus addit librum Pastoris, et doctrinam (ut vocatur) Apostolorum. Exstat istud Athanasii testimonium in fragmento epistolæ Festalis; et in Synopsi sacræ Scripturæ, inter libros novi Testamenti, quibus contradicitur, numerat doctrinam Apostolorum Clementinam. Ergo Constitutiones apostolicas agnovit laudavitque S. Athanasius.

Resp.: Nego consequens: Quod ut verum esset, deberet demonstrari Athanasium nomine doctrinæ Apostolorum et Clementinorum intellexisse Constitutiones, de quibus disceptamus. At nequaquam ipsum hoc nomine illas intellexisse, gravissimis rationibus Usserius in dissertatione de epistolis S. Ignatii martyris demonstrat. Primò, quia S. Athanasius priori loco doctrinam illam Apostolorum inter eos libros numerat, qui catechumenis, et nuper ad fidem accedentibus, legendi essent; isti verò Constitutionum libri sunt episcopis dicati, resque ad Ecclesiæ regimen spectantes tractant. Secundò, quia ducentos duntaxat versiculos continebat liber ille, doctrina Apostolorum vocatus, ut testatur Nicephorus, Constantinopolitanus patriarcha; in Sticometriâ, ubi illum inter novi Testamenti apocrypha recenset; necnon Anastasius Bibliothecarius, in Latina ejusdem Sticometriæ interpretatione; et ex eo constat librum illum Canticum Canticorum breviorum fuisse; quòd ducentos octo ejusdem generis versiculos habere ibidem legimus. At verò Constitutiones apostolicæ longè prolixiores sunt, cum octo libris constant. Tertiò, quia in indiculo librorum canonicorum et apocryphorum quem Anastasii Nicæni questionibus subjectum, in publicâ Oxoniensis Academicæ bibliothecâ se legisse Usserius testatur, constitutiones Apostolorum, et doctrina Clementis referuntur, ut distincta opera, et in apocryphorum censu pariter reponuntur; et S. ipse Athanasius loco citato ex Synopsi Scripturæ sacræ, recenset, velut diversos libros, Doctrinam Apostolorum, et Clementinam. Ergo Clementina, sive Clementis nomine inscripta et vulgata, alia censatur ab Apostolorum doctrinâ. Sed si doctrinam Apostolorum Constitutiones apostolicas intellexisset S. Athanasius, illas non sejunxisset à Clementinis: siquidem Constitutiones Clementis nomen

proferunt, et Apostoli in illis inducuntur dicentes, se doctrinam illam suam per *communium suum Clementem* misisse. Clementina itaque intellexit S. Athanasius, Petri et Apionis dialogos, vel recognitiones, et alia quæ Rufinus quarto exviente seculo latinitate donavit: hæc enim Clementis nomine vulgata jam fuisse tempore Anastasii verisimile est.

Resp. secundo, S. Athanasium in Synopsi, librum illum inscriptum, *Doctrina Apostolorum*, quicumque ille fuerit, inter iustos ac reprobos recensere. Postquam enim illum cum aliis numeravit, hæc subiungit: *Hi omnes cognitionis quidem gratia expositi sunt, cæterum omnino perversæ et falso scriptæ sunt, et iusti ac reprobi.*

Resp. tertio, sanctum Athanasium illi *doctrinæ Apostolorum*, et Clementinæ auctoritatem non tribuere majorem quam circuitu Petri, circuitu Joannis et Evangelio Thome, quæ supposititia esse, nec Athanasius ipse, nec aliquis modo difutetur.

Denique Eusebius coram Athanasii, *doctrinam Apostolorum* recenset inter Scripturas, *quæ falso inscriptæ minimeque sermone dicuntur*, lib. tertio, capite decimo nono, et eodem loco illam habet, ac Petri Apocalypsim, et Pauli acta, quæ constat in omni Ecclesia semper habita fuisse ut supposititia et apocrypha.

Obijciatur quartò: Synodus Trullana, habita anno Christi 691, agnoscit Constitutiones ut opus Apostolorum, quamvis eas lege prohibeat, quia sunt ab hæreticis interpolate. En illius Synodi verba, canone 2: *Quoniam autem in his nobis canonicis præceptum est ut commendata sint forma Apostolorum per Clementem Constitutionem susciperemus, quibus jam olim ab iis qui a fide alieni sentiunt, ad labem Ecclesiæ asperguntur, adulterina quidam et à pietate aliena introducta sunt, quæ divinarum nobis decretorum elegantem ac decoram speciem obscurarunt: has Constitutiones ad Christianissimam græcis edificationem ac securitatem conducibiliter rejecimus, hæreticæ falsitatis fortius nequaquam admittentes, et germinare ac integræ Apostolorum doctrinæ hærentes.* Ergo Ecclesia Græca existimavit Constitutiones esse opus Apostolorum quamvis ab hæreticis temeratum.

Resp. hunc Græcorum in Trullanâ Synodo errorem fuisse ex altero illo natum, quod 85 canones Apostolorum, ut genuinos recipiunt, quorum postremo Constitutiones apostolicæ commendantur ac recipi jubentur: unde, sicut canones illos rejecimus, posthabita Trullanorum Patrum auctoritate, illosque ab ædemonis Apostolis, freti sententiâ Gelasii pontificis maximi, et Romanæ Synodi, ita et constitutiones eæ apocryphas, et Apostolis Clementique suppositas rejecimus.

Respondeo secundo, præhabilius esse Constitutiones illas fuisse ex integro suppositas ab aliquibus hæreticis, quam eorundem manu violatas. Nam si Constitutiones edidissent Apostoli, quas subinde hæretici corrupissent, aliquis tempore Trullanæ synodi, vel ante, vel post, proferri potuisset illarum Constitutionum codex ab aliis intactus, purusque et integer. Nam etsi codices corrumpere potuissent hæretici, quos penes

se habebant, non tamen depravare potuissent universos quos habuisset Ecclesia catholica toto orbe diffusa. Atque tempore Trullanæ synodi nullus erat Constitutionum Apostolorum illebratus codex. Si enim aliquis exstisset, opus illud non exposuissent penitus ut fecerunt, sed ex veris sincerisque codicibus jussissent emendari. Nusquam siquidem opus vere apostolicum sibi visum rejectit ulla synodus, quod ab hæreticis corruptum esset, si quis suppeleret sincerus et emendatus ejus codex. Nusquam, verbi gratiâ, ulla Ecclesia rejectit Lucæ Evangelium, et Pauli epistolas, quia multi utriusque operis codices exstabant à Marcione Mure Pontico, et Scripturarum corruptore, ut Tertullianus vocat, vitati. Verisimilius igitur est Constitutiones illas ab hæreticis nedum fuisse corruptas, sed ex integro librentas. Ergo cum nulla sit exceptio illa Trullanorum Patrum, non est cur eorum canoni multum tribuamus.

Obijciatur quintò: Photius vir multæ lectionis, et eruditionis, in bibliotheca, codice 112, Clementis Romani opera recensens, ipsi tribuit Constitutiones apostolorum, atque facile dñm posse objectiones quæ in ipsas hunc affirmat. Ergo prohibere nos non debent errores quibus maculate supponuntur, quin ipsas Clementi vindicemus.

Resp. Photium hæc scripsisse, quia illum causæ adversus Latinos suæ studium in transversum egit, et quia nonnulla his in Constitutionibus legit, quæ suis erroribus favebant. Cæterum argumenta quibus illarum suppositio probatur, animadvertit ipse, nec solum vere aggressus est, licet non esse insolubilia jactitavit. Ex quo colligatur, tempore Photii, constitutiones ob notorum errorum labem fuisse passim explosas. En ejus verba: *Constitutiones porro tribus ex capitibus denotant reprehensionem videntur obnoxie: Ex mala nimirum fictione, quam depellere non est admodum difficile: deinde quod contra Deuteronomium criminationes quasdam adducunt, quæ et ipsæ dñi facillimè possunt; denique ea Ariano, quem item paulo acrius instando refellere queas.*

Obijciatur ultimò: Photius, cæterique Græci, qui Constitutiones Apostolicas admiserunt, freti erant auctoritate sancti Dionysii Alexandrini, qui sententiam quandam ex illis Constitutionibus depromptam laudavit, ut apostolicam: ergo non male ipsas asservuerunt esse Apostolorum, vel Clementis saltem, qui illas ex ore Apostolorum exceperit.

Probatum antecedens ex Dionysii Alexandrini verbis apud Eusebium, lib. 7. historie Ecclesiasticæ, c. 6, ubi loquens de visione quâdam sibi divinitus oblata, hæc habet: *Visionem, utpote ritè consentientem voci apostolicæ, sic ad potentiores dicenti: (Sitis diligentes armadversores, et velut Trapezitar, qui argentum probant) lubens equidem approbavi.* Atqui hæc verba in nullo novi Testamenti libro expressa leguntur; exstant autem in Constitutionibus apostolicis, lib. 2, cap. 56, ergo S. Dionysius hæc verba citavit ex Constitutionibus apostolicis.

Resp.: Nego antecedens. Ad probationem distinguo

minorem. Hæc verba in nullo Testamenti novi libro leguntur, quoad apices et syllabas, concedo; quoad sensum, nego. Itaque Dionysius hæc verba non citavit ex Constitutionibus apostolicis, quas nullas agnovit, sed ex sacrâ Scripturâ, ex quâ et ipsarum Constitutionum auctor illa usurpavit, dicens loco citato: *Solis sacerdotibus judicare permissum est, quia dictum est eis: Justum judicium judicate*; et rursus: *Estote probi Trapezitæ*. Sicut ergo illa verba, *justum judicium judicate*, ita et ista, *Estote probi Trapezitæ*, ut Scripturæ Sacræ dicta usurpant. Priora Joannis 7 cap. Christus profert: *Nolite, inquit, judicare secundum faciem, sed justum judicium judicate*. Posteriorum verò verborum sensus habetur, 1 ad Thessalonicenses 5, ubi Apostolus ait: *Omnia probate; quod bonum est, tenete*; et Lucæ 19, ubi Christus ait: *Negotiamini, dum venio*. Nec Dionysius solum, sed et alii Patr. s., eadem verba laudârunt, ut oraculum Scripturæ Sacræ, ad locum citatum Apostoli alludentes. Clemens Alexandrinus, lib. 1 Stromatum, pag. 354: *Merito ergo, inquit, et Scriptura tales nos esse volens dialecticos, sic hortatur: Estote autem probi Trapezitæ, alia quidem reprobantes, quod verò bonum est retinentes*. Sanctus Basilius, homiliâ 12 in principium Proverbiorum: *Ut bonus Trapezita, inquit, quod bonum fuerit retinebit; et ab omni specie mali abstinebit*. Quæ postrema verba ostendunt sanctum Basilium ad verba Pauli respexisse, 1 ad Thessalonic. 5, ubi Apostolus post hæc verba: *Omnia probate, quod bonum est tenete*, statim subjungit: *Ab omni specie mali abstinete vos*.

Origenes, tomo 19 in Joannem, in cap. 8, hæc verba Christo tribuit, alludens procul dubio ad verba Servatoris: *Negotiamini dum venio*; et nihilominus illa Pauli verba citat, dicens, *servandum esse illud Jesu mandatum: Estote probi Trapezitæ*; et Pauli doctrinam dicentis: *Omnia probantes*, etc. Origenem in eo planè imitatus est sanctus Hieronymus, epistolâ 153 ad Minerium et Alexandrum, et alii ab Usserio et Dallæo laudati.

SCHOLION.

Operum meorum censores in indiculo suo hanc propositionem notant: *Constitutiones apostolicæ sunt alienæ ab Ecclesiæ doctrinâ*.

Verùm Constitutiones apostolicas ab Ecclesiæ doctrinâ alienas simpliciter non asserui, qui damnandus error esset: sed *apocryphas dixi, ab Apostolorum et Ecclesiæ doctrinâ alienas, ipsis adeò Apostolis et S. Clementi Romano suppositas*. Quòd verò in libro apocrypho plura inveniantur ab Ecclesiæ doctrinâ aliena, asserere et propugnare innoxium est. Cæterùm critica merè quæstio est, nihil ad fidem vel ad christianam morum disciplinam attinens. Invisum non fore confido religiosis censoribus Bellarmini cardinalis judicium. *De libris, inquit, Constitutionum apostolicarum, quæ*

Clementi auctori tribuantur, idem ferè judicium fieri debet ac de libris Recognitionum. Multa enim in illis utilia sunt, et à Græcis veteribus magni sunt; sed in Ecclesiâ Latinâ nullum ferè nomen habent: et ipsi etiam posteriores Græci in concilio Trullano, canone 2, improbant has Constitutiones ut ab hæreticis depravatas... Audio Æthiopes his Constitutionibus uti ut verè apostolicis, et eâ de causâ in erroribus versari circa cultum sabbati et diei dominicæ, et circa ministrum sacramenti baptismi, et aliis quibusdam dogmatibus... Habentur in iisdem constitutionibus alia non pauca, quæ abhorrent à veritate. Consonum est Baronii cardinalis judicium, cujus verba referre superfluum foret. Profero et aliud Romanis non invisum nomen Christiani Lupi in scholiis ad canonem secundum Trullanæ synodi, ubi de libris octo Constitutionum apostolicarum ita censet: Earum in Clemente Romano non meminit scriptus à S. Hieronymo catalogus virorum illustrium; quinimò ut apocryphas abjicit in Romanâ suâ synodo sanctus Gelasius; ejusdem judicium omnis semper Ecclesia Latina est secuta, nostris nominatim temporibus D. cardinalis Baronius, D. cardinalis Bellarminus, D. cardinalis Peronius, et Gabriel Alaspineus, doctissimus episcopus Ecclesiæ Aurelianensis. Quare bonas horas, quàm illis vindicandis, melius locare potuerant Carolus Bovius et Franciscus Turrianus. Eas spiritu apostolico plenissimas, ac in Sacrarum Litterarum canonem referri aptas, malè dixit Thomas Stapletonus.... Fuit opus editum à nescio quo quarti seculi homine Adriano variè, et in dogmate, et in ritu maculosum, uti facile possit ostendi, etc.

NOTA.

Quibusdam placet Constitutiones, quæ dicuntur apostolicæ, neque Apostolorum, neque Clementis quidem factum esse; quamvis eo tempore, quo ipsarum auctor easdem in lucem edidit, nihil adversùs fidem continuisse opinentur: quinimò plura ad disciplinam ecclesiasticam promovendam quàm maximè utilia. Et quidem difficile creditu est Apostolorum Constitutiones, quas sæpè citat commendatque S. Epiphanius, alias à præfatis Constitutionibus omninò fuisse, cum nullatenus aliarum Constitutionum rerum Ecclesiæ scriptores meminerint, nec aliquod illarum fragmentum exhibeant. Melius ergo judicare videntur qui asserunt Constitutiones, quarum testimonia refert S. Epiphanius, ideò ab eodem Apostolorum appellari, quia unus idemque liber erat, ac ille, quem sub nomine apostolicarum legimus Constitutionum. Verùm post S. Epiphani tempore, qui illum laudat ut comprehendentem plura ecclesiasticæ disciplinæ capita, nihilque adversùs fidem tradentem, ab hæreticis corruptus interpolatusque manifestè dignoscitur, cum verè non pauca improbanda contineat. Imò inter se pugnantia etiam comprehendit; si etenim de Paschate cum Judæis celebrando Audianis quandoque consentit, illis lib. 5, cap. 17, refragatur.

DE NOVEM CANONIBUS CONCILII ANTIOCHENI APOSTOLORUM Dissertatio.

(EOD. M. AUCTORE.)

Turrianus, lib. 1 pro Canonibus Apost., cap. 25; Baronius et Binius, hic in suâ Conciliorum editione, tomo 1, ille tom. 1 Annalium, ad annum Domini 102, Canones novem proferunt Antiocheno cuidam Apostolorum concilio adscriptos, de quorum auctoritate in præsenti-
arum agimus.

PROPOSITIO. — *Novem canones Antiochenæ Apostolorum synodo adscripti, sunt apocryphi et planè supposititii.*

Probatur: Illi canones falsò inscribuntur Apostolis, quorum memoria nulla occurrit in veteribus ecclesiasticis historiæ monumentis, in operibus sanctorum Patrum, aut in codicibus ullis canonum synodorum-que, sive Latini, sive Græci, ad Biniā usque editionem, collectionibus: atqui nulla memoria illorum canonum occurrit in veteribus historiæ ecclesiasticæ monumentis, usque ad Baronium, nulla in Patribus, nulla denique in conciliis, aut codicibus canonum, usque ad Binium: ergo falsò inscribuntur Apostolis.

Probatur secundò: Synodus illa Antiochena in omni retrò Ecclesiâ ignota fuit; nullumque est illius in actis Apostolorum, aut in omni retrò antiquitate vestigium. Et Hinemarus, qui anno Christi 871 floruit, opusculo 35, c. 24, enumerans omnes synodos ab Apostolis habitas, nullam Antiochenam recenset. Ergo fictitia est Antiochena illa synodus Apostolorum, et supposititii canones illi adscripti.

Probatur tertio: Canones qui variis verbis ab auctoribus referuntur sunt supposititii: sed canones illi variè referuntur à Turriano, Baronio et Biniò; ergo supposititii censendi sunt.

Probatur quartò: Illi canones qui plurima continent falsa et absurda, sunt falsò adscripti Apostolis: sed illi novem canones plurima continent falsa et absurda; ergo, etc.

Probatur minor: Primus canon decernit *ut credentes in Jesum, quos illius temporis homines vocabant Galilæos, Christiani vocarentur.* At ex historiâ ecclesiasticâ constat Galilæorum nomen Christianis, non Ecclesiæ initio, sed medio quarto seculo, sub Juliano Apostatâ fuisse impositum. Secundus, septimus et nonus canon sanciunt abstinendum esse à circumcissione, à sanguine, à suffocato, à fornicatione; et permittunt vesci carne suillâ, et pisce testam habente, necnon de eo qui squamis caret. At quis sibi persuadet Apostolos decretum in Epistolâ Synodicâ Hierosolymitani concilii tam luculenter tamque nitidè editum, canonibus verbosis et inutilibus recudisse?

Præterea nonus Turriani canon Judæorum synagogam belluinam vocat; at istud in Judæos convicium ab Apostolorum ingenio et charitate alienum est. Tertiò, decernit ille canon *ut Christiani anagogicè vivant.* Qui loquendi modus nec Apostolis, nec ullis scriptoribus ecclesiasticis sollemnis est. Sensus anagogicum christiani theologi in Scripturis sacris norunt. Nullus vitam dixit anagogicam. Quartò, depravat Scripturam sacram, et citat hæc verba velut oraculum propheticum: *Saturati sunt suillâ, et dimiserunt reliquias suas parvulis suis, cum habeatur apud Prophetam: Saturati sunt filii, etc.*

Quintò, canon tertius decernit *ut ex omni natione et genere ad fidem orthodoxam admittantur.* At opus non fuit ut Apostoli hunc canonem ederent post Christi mandatum dicentis: *Euntes docete, etc.*, et visionem, coelitus oblatam Petro, lintei illius mystici, in quo genus omne animalium conclusum erat.

Sextò, certum est imagines Christi, et maxime statuas, primis Ecclesiæ seculis non fuisse substitutas loco idolorum, nec fidelium venerationi expositas, ne cultus idololatrici objectum mutasse viderentur Christiani, non reliquisse; quod Patrum adversus Ethnicos discrepationes, et susceptæ pro nostrâ religione apologiæ diserte probant, ut ipsum Ethnicorum silentium, qui imaginum usum, et venerationem Christianis nusquam objeiciunt, tam splendidam tanque obviam objectionem non prætermisuri, si apud eos imagines existissent aliqua; quod denique probat prohibitio picture, et statuariae artis, Christianis primorum seculorum facta, teste Tertulliano, libro contra Hermodem, cap. 1, et libro de Idololatria, c. 3; imò statuarum usum nondum fuisse inductum in Christianorum templa tempore septimæ synodi œcumenicæ, constat ex eadem synodo, actione 7, et eruditi consentunt. Ergo canon octavus, synodo Antiochenæ Apostolorum adscriptus, fictitiæ synodi fictitiis canon est, siquidem pro idolis adorandam decernit statuum Christi Domini.

Objeitur: Illos canones invenit Turrianus in antiquissimo e dice MS Pamphilo martyris, qui in Origenis bibliothecâ illos invenerat: ergo non sunt rejiciendi.

Resp. : Nego consequens. Nam Turrianus fidem nullam meretur hæc in parte, cum non dicat ubi natus fuerit illud manuscriptum, et à quo habuerit. 2^o Falsò existimavit codicem hunc, qualicumque fuerit, esse Pamphilii martyris, quamvis ejus nomen præferret; siquidem nullos edidisse libros Pamphilium martyrem, constat et ex silentio Eusebii, qui nihil ab eo scriptum prodit, et ex testimonio sancti Hieronymi, lib. 2 Apologiæ adversus Rufinum.

Objectio secunda nititur auctoritate Innocentii primi, pontificis maximi, epistolâ 18, ubi de Ecclesiâ Antiochenâ loquens ait : *Ibi et nomen accepit religio christiana, et conventum Apostolorum apud se fieri celeberrimum meruit*. Ergo Apostoli synodum Antiochiæ celebrârunt, in quâ illos canones edidère.

Resp. : Nego consequens. Dicit enim Innocentius conventum celeberrimum Apostolorum factum esse Antiochiæ, quia illic sedit Petrus Apostolorum princeps, illucque profecti sunt Paulus et Barnabas; non quòd synodum ibi celebraverint aliquam; sed enim quomodò celeberrimus conventus diceretur synodus illa, cujus ante Innocentium nullus auctor ecclesiasticus meminisset?

Resp. secundò, si nomine conventus celeberrimi synodus intelligenda sit, Innocentium ex memoria lapsu (quod maximis etiam viris quandoque contingit) id tribuisse Antiochiæ, quod convenit Hierosolymis; eaque in re labi eò fuisse procliviùs, quò celeberrimas ille conventus Hierosolymis factus, seu Hierosolymitanum Apostolorum concilium, de Antiochenæ Ecclesiæ causâ, et ejusdem rogatu, celebratum fuerit.

Obijcitur tertio : Gregorius Pismuntens. à episcopis, in 7 synodo generali, actione 1, citat primum illorum canonum *ex synodo Apostolorum apud Antiochiam*. Ergo canones illi genuini sunt.

Resp. : Distinguo antecedens. Et affingit hunc canonem synodo, quam absque fundamento comminiscitur, concedo; et rectè citat, nego. Unde negandum est consequens. Certè Anastasius bibliothecarius, concilii septimi ex Græco interpres, Gregorii citationem suspectam habuit, ipsius verba sic reddens : *In synodum sanctorum Apostolorum, quæ apud Antiochiam congregata dicitur*. Cur, quæso, non dixit simpliciter, *quæ congregata est*, ut habet textus Græcus, nisi quia sciebat hanc synodum inauditam esse? Unde rei fidem penès unum Gregorium relinquens, scripsit : *quæ congregata dicitur*.

Resp. secundò, Gregorium illum non persuasisse synodi 7 Patribus laudatum à se canonem apostolicum esse : alioqui ipsum secuti essent. At contra, nullam ipsius rationem habuerunt; siquidem solas coloribus pictas tabulas et icones in religionis usum admiserunt, non verò statuas, quarum usum istius canonis probâisset auctoritas, si quæ apud illos existisset.

Resp. tertio multas apocryphorum quisquilias à 7 synodi Patribus probatas fuisse, qui in sacrorum librorum criticâ rudes erant : unde, si non recipimus quæcumque laudata sunt ab ipsis monumenta, sed ea expendimus, multò minùs tenemur admittere synodum Antiochenam Apostolorum, et ejus canones ab uno Gregorio Pismuntensi, homine levi, et Iconoclastarum erroribus antea maculato.

DE EPISTOLIS DECRETALIBUS VETERUM PONTIFICUM ROMANORUM, USQUE AD SIRICIUM.

Dissertatio.

(EODEM AUCTORE.)

ARTICULUS PRIMUS.

Utrum epistolæ decretales Romanorum pontificum genuinæ sint?

Non agimus de epistolis S. Cornelii, quæ exstant inter opera S. Cypriani, neque de epistolis Julii I, quæ referuntur à S. Athanasio, Apologiâ 2, nec de epistolis Liberii, quæ à S. Hilario in fragmentis recensentur, nec de epistolâ Damasi ad Ilirici episcopos, quam Theodoretus, lib. 2 Historiæ ecclesiasticæ, c. 22, exscripsit, aliisque ejusdem pontificis epistolis apud S. Hieronymum exstantibus : fatemur enim præcorum pontificum epistolas, quæ à sanctis Patribus, aut veteribus Historiæ ecclesiasticæ auctoribus referuntur, genuinas esse. De aliis igitur duntaxat questio est.

quas ex Isidori mercatoris collectione conciliorum editores in editiones suas transtulerunt; quarum quinque adscriptæ sunt S. Clementi; tres Anacleto; due Evaristo; tres Alexandro; due Sixto I; unica Telesphoro; due Hygino; quatuor Pio I; unica Aniceto; duo Soteri; unica Eleuthero; quatuor Victori; due Zephyrino; due Callisto I; unica Urbano I; due Pontiano; unica Antero; tres Fabiano; tres Cornelio, quorum una inscribitur : *Cherissimis atque dilectissimis fratribus sanctæ D. N. E. C. S. I. filijs, et omnibus Domino rectâ fide famulantibus; altera : Rufo coepiscopo; tertia : Lapidino Viennensi episcopo; unica Lucio; due Stephano I; due Sixto II; due Dionysio; tres Felici I; due Eutychimo; Cato unica; due Marcellino; due Marcellino I; tres Eusebio; una Melehiadi; una Silvestro,*

unica Marco, ad Sanctum (ut supponitur) data : due Julio I. : due Liberio : due Felici II. : Damaso plures, nimirum tres ad S. Hieronymum, ad Afros, de Chorocepho ad universos episcopos Italie, ad Aurelium. De his, inquam, epistolis querimus an genuinæ sint an supposititiæ.

Blondellus, auctor apud Calvinistas celebris, hoc de argumento copiose egit, et erudite in libro qui inscribitur : *Pseudo-Isidorus, et Turrianus vapulantes*, quo in opere sicut ejus criterium laudandum est, quo epistolæ illas priscis pontificibus merito abjiciant. ita ejus premissa est temeritas, quâ illas conviciis proscindit ac lacerat, nullâ habita ratione veritatum et pissimarum sententiarum, quæ in illis assertæ sunt et exarata. Frustra verò sibi coëcinit, quasi primus illarum suppositionem decretalium observasset atque propugnasset. Enimverò ante ipsum animadverterat scripseratque Antonius Augustinus, Tarraconensis episcopus, in us multas ex codice Theodosiano sententias, et ex scholis quæ sub Aniani nomine exstant ad eundem Theodosianum insertas esse, cum tamen Theodosianus codex duobus tribusve sæculis post pontifices, quibus illæ epistolæ affliguntur, sit conscriptus.

PROPOSITIO. — *Veterum pontificum Romanorum, ad Siricium usque, epistolæ supposititiæ sunt.*

Probatur primò : Ille epistolæ, quæ Scripturam sacram frequenter usurpant secundum Vulgatam versionem à sancto Hieronymo adornatam, non sunt genuinæ Romanorum pontificum qui Siricium præcesserunt : sed epistolæ illæ Scripturam sacram frequenter usurpant secundum versionem Vulgatam à S. Hieronymo adornatam ; ergo sunt supposititiæ.

Probatur secundo : Si epistolæ decretales veterum pontificum genuini essent illorum fœtus, harum auctores ecclesiastici octo priorum sæculorum interdum meminissent, has citassent interdum concilia et alii pontifices : atqui nullus, ante novum sæculum, illas epistolæ vel nominavit quidem : non S. Hieronymus in catalogo scriptorum ecclesiasticorum, non Siricius, non Innocentius, non S. Leo, alique sanctissimi pontifices, non ullum octo priorum conciliorum œcumenicorum, non Photius, vir immensæ lectionis, in bibliothecâ : ergo sunt supposititiæ.

Probatur tertio : Ille epistolæ, quarum argumenta non conveniunt sæculis auctorum, quibus inscribuntur, sunt supposititiæ : sed illarum epistolarum argumenta non conveniunt primis ecclesiæ sæculis, quibus vixerunt pontifices Romani, Siricii decessores ; ergo illis afflicte sunt, et supposititiæ.

Probatur minor : Illarum epistolarum argumenta non conveniunt primis Ecclesiæ sæculis, quæ non pugnant hæreticos primorum sæculorum, imò nequidem nominant, quæ de persecutionibus adversus Ecclesiam excitatis, de confessorum consolatione, et exhortatione ad martyrium, de lapsis, ne verbum quidem ullum habent ; sed nihil hujusmodi leges in illis epistolis : ergo illarum argumenta primis Ecclesiæ sæculis non conveniunt. Certè si conferatur harum epistola-

rum materia cum argumentis, de quibus agunt epistolæ episcoporum, opera sanctorum Patrum, decreta conciliorum quæ supersunt ex quatuor primis Ecclesiæ sæculis ad Siricium usque, nemo non intelliget quam parum conveniat Ecclesiæ nascentis ætati illarum epistolarum materia.

Probatur quarto : Illæ epistolæ priscis pontificibus afflicte sunt, quæ compilatæ sunt ex epistolis, operibus et decretis posteriorum pontificum, Patrum et conciliorum : atqui epistolæ veterum Pontificum usque ad Siricium, compilatæ sunt ex epistolis, operibus et decretis posteriorum pontificum, Patrum et conciliorum : ergo sunt afflicte priscis pontificibus.

Minorem accurate demonstrat Blondellus in Prolegomenis *Pseudo-Isidori*, c. 13, ubi in singulis epistolis notat sententias ex scriptis auctorum posteriorum delibatas, et ad verbum exscriptas ; et examine singulari ejusque epistolæ, in decursu operis, quod inscripsit : *Pseudo-Isidorus, et Turrianus vapulantes*, ubi Turriani vindicias pro epistolis illis funditus evertit.

Nec ullius est momenti pseudo-criticorum exceptio, respondentium, Patres, pontifices, concilia sequentium temporum, illarum ex epistolarum fontibus plurima hausisse, adeoque non esse mirum, quod eadem plerumque sententiæ legantur in illorum monumentis ac in illis epistolis. Hæc, inquam, futilis est responsio, nam si Patres, pontifices et concilia dictas epistolæ delibassent, eorum auctores nominassent interdum honoris causâ, sicut nominarunt alios quorum dicta usurpârunt : eorum testimoniis, atque auctoritate obruissent hæreticos ; nunquàm denique in dubium revocassent, quod tot decretalibus ab Apostolorum ætate fuisset constitutum. Atqui Patres, pontifices, concilia, quorum in monumentis, epistolis, decretis, eadem quæ in priscorum pontificum epistolis sententiæ leguntur, nunquàm vel epistolarum, vel eorum quorum inscriptæ sunt nominibus, meminissent, nusquàm eorum auctoritate urgent hæreticos sui temporis, in dubium quandoque revocant quod tot decretalibus constitutum est (quod Afrorum dubitatio de juræ appellationum ad Romanam sedem, tempore Zosimi, abundè testatur). Ergo non est verisimile, Patres, pontifices, concilia posteriora, mutatis ex antiquis decretalibus sententiis verbaque in sua monumenta transtulisse ; imò longè est probabilius harum consarcinatorem epistolarum, turpissimi plagii reum, quod posteriorum Patrum, pontificum et conciliorum dicta exscripserit, et alienis vulgaverit nominibus.

Preterea, quæ ex posteriorum Patrum scriptis vel conciliorum pontificumque decretis, in illis epistolis leguntur cum cæteris partibus non coherent, nec illarum stylo conveniunt : quod indicium manifestissimum est illa priscis decretalibus malè assuta fuisse.

Probatur quintò : Falsa temporum consignatio non leve est in epistolis aliisque monumentis impostura argumentum. Unde præclare Tatianus, oratione adversus Græcos, tomo 1 Bibliothecæ Patrum Græco-

Latinae, ait : *Ubi temporum ratio non coheret, ibi ne historia quidem vera esse potest.* Sed omnes ferè veterum pontificum epistolae falsis temporum consulationeque notis consignatae sunt, ut nemo oculatus non videt : ergo sunt suppositae praeis pontificibus.

Probat sextò : Styli similitudo, et idem scribendi character, evidenter probat unitatem auctoris : sed in illis veterum pontificum epistolis idem stylus, idem scribendi character occurrit; ergo evidens est eas ab uno auctore, non à diversis pontificibus conscriptas. Quà enim ratione, amabo te, fieri potuisset, ut tot pontifices, diversis temporibus, eosdem dictionis characteres servassent, eundem styli affectassent.

Probat septimò : Epistolae, quae barbaro et sordido sermone conscriptae sunt, et à seculi, quo datae supponuntur, elegantia et nitore penitus alienae, censeri debent suppositae; atqui epistolae veterum pontificum, ad Siricium usque, barbaro et sordido sermone conscriptae sunt, à priorum seculorum elegantia et purà latinitate alienae : ergo sunt suppositae. Quis enim sibi persuadeat praeos pontifices latiniùs et elegantius non esse locutos, quàm homines ex infimà plebis fece, quàm agasones, coquos et hortulanos; cum ipsi et plerumque nobilitate insignes, et semper studiis doctrinaeque non vulgari exculi, Ecclesiae praeficerentur universae?

Obijcitur primò : Ille epistolae genuinae sunt, quas ut genuinas agnoverunt concilia, conciliorum et canonum collectores alique auctores doctissimi et gravissimi : atqui veterum pontificum epistolas, usque ad Siricium, ut genuinas agnoverunt concilia, canonum collectores alique scriptores doctissimi : ergo sunt genuinae.

Probat minor : Illas citant Aquisgranensis concilii patres, sub Gregorio IV, Benedictus Levita, compilator Capitularium Caroli Magni et Ludovici Pii; Hincmarus Laudunensis episcopus, in libello quem Hincmaro, Remensi archiepiscopo obtulit (ut iste testatur in Opusculo 55, c. 43); concilium Coloniense, c. 3, Moguntinum, c. 11; Triburiense, cap. 21; Metense sub Arnulpho congregatum, c. 5; Remense adversus Arnulphum archiepiscopum; Luitprandus Ticinensis, in lib. de Vita pontificum; Ordo Romanus, Micrologus, c. 10 et 41, auctor Apologiae pro Gregorio VII, c. 3; Anselmus Lucensis episcopus, l. 1 adversus Guibertum antipapam, et in collectione Canonum, quam adornavit; Burchardus Wormatiensis in libris Decretorum, quos edidit, innumera ex praeorum pontificum decretalibus convasavit; Ivo Carnotensis in Decretum suum sexcentas ex iisdem sententias transtulit; Gratianus suo item Decreto, quod in scholis omnibus juris canonici legitur, et quod sequitur Ecclesia, illas epistolas inseruit; concilium Lateranense sub Callixto II, c. 4, Stephani I. secundam, et Callixti I. secundam citat. Denique omnes juris pontificii interpretes, omnes theologi polemici et scholastici ab annis 400 ad haec usque tempora, harum epistolarum testimonia catholicorum

ad confirmationem dogmatum laudarunt, et inter alios doctor Angelicus. Ergo concilia, canonum collectores alique viri doctissimi, veterum pontificum epistolas ut genuinas agnoverunt.

Respondeo : Distinguo minorem. Veterum Pontificum epistolas usque ad Siricium agnoverunt concilia, etc. Et haec concilia, hique collectores et auctores posteriores sunt nono seculo, nec epistolas illas ad severioris criticae regulas expenderunt, concedo : et nono seculo antiquiores fuerunt, et illas epistolas revocarunt ad examen, nego. Fateor itaque citata concilia, collectores canonum et alios auctores, veterum pontificum decretales epistolas ut genuinas agnovisse; sed hi omnes noni seculi exordia non antecedunt. Nam concilium Aquisgranense, quod ad secundam Fabiani epistolam allusisse videtur, celebratum est anno Domini 856. Benedictus Levita, qui regum nostrorum decreta in tres capitularium libros digessit, floruit circa annum Domini 846, aut 850; Hincmarus Laudunensis circa annum 870. Concilium Coloniense habitum est anno 887; Moguntinum anno 888; Metense post annum 887; Triburiense anno 895. Luitprandus floruit circa annum 950. Concilium Remense adversus Arnulphum celebratum est anno 992. Ordo Romanus conscriptus est à Bertoldo Constantiensi circa annum 1079, quo etiam tempore Micrologus in lucem editus est. Auctor apologiae pro Gregorio VII, scripsit paulò post synodum Romae celebratam anno 1074. Anselmus Lucensis obiit anno 1086. Burchardus Wormatiensis scripsit anno 1008. Ivo Carnotensis obiit anno 1114. Gratianus decretum suum absolvit anno 1151. Caeteri Gratiano posteriores fuerunt. Igitur, ante annum Domini 850, nulla decretalium quae pontificibus Siricii decessoribus adscriptae sunt memoria, nulla penitus fama fuit. Porro tot seculorum silentium, junctum invictissimis rationibus, quae illarum epistolarum suppositionem demonstrant, posteriorum temporum testimoniis anteponendum est : si enim posteriora concilia jus habent corrigendi priora, cum aliquo experimento rerum aperitur quod clausum erat, et innotescit quod latebat, ut S. Augustinus ait, l. 2, de Baptismo, c. 3, non mirum quod concilia, et eruditi auctores, qui post 8 seculum floruerunt, viri hujus seculi doctissimi emendent in rebus criticis, quarum media aetas rudis erat; maximè cum illa mediae aetatis concilia, illique auctores, terminos sibi à Patribus constitutos hanc in re transgressi fuerint, decretales octo prioribus seculis ignotas laudando, nec recentem nothorum factum animadvertendo natalem.

Respondeo secundò, veteres canonum collectores deceptos fuisse honesto nomine Isidori, sub quo prodit larvatus impostor et malè feriatas harum epistolarum artifex. Existimaverunt enim illarum collectorem fuisse sanctum Isidorem Hispalensem : quod falsum est (ut articulo sequenti ostendemus) nec illas accuratè expenderunt. Unde Ivoni, Anselmo, Burchardo, Gratiano anteponi debet Dionysii Exigui auctoritas et fides, qui sub imperio Justiniani collectionem suam adornavit interpellatus à Lauxentio Romanae Ecclesiae prae-

shytero : siquidem hanc collectionem Ecclesia Romana potius probavit, quam posteriores, ut testatur Cassiodorus auctor coævus, c. 25 Divinarum Lectionum, ubi de abbate Dionysio loquens, ait : *Ex Grævis exemplaribus, canones ecclesiasticos moribus suis, ut erat plenus atque disertus, magnâ eloquentiâ luce composuit. Quos hodie una celeberrimè Ecclesia Romana complectitur.* Porro Dionysius Exiguus, qui veterum pontificum epistolas summa accurate colligit, initium suæ compilationis facit à Decretalibus Siricii. Quod argumento est tunc nullas extitisse veterum Pontificum, qui Romanam Ecclesiam ante Siricum rexerunt, epistolas, sed eas fuisse scriptis temporibus confictas. Quod autem omnium quæ exstabant Pontificum decreta collegerit Dionysius, ipse testatur in epistola ad Julianum Ecclesie Romane presbyterum ita scribens : *Præteritorum Apostolica Sedis præsulum constituta, quæ valui cura et diligentia colligi, et in quendam redigens ordinem, titulis distincti compositis; ita diuturnat ut singulorum pontificum, quotquot à me præcepta reperta sunt, sub unâ numerorum serie terminarentur.*

Respondeo tertio, concilia citata, collectores Canonum, et auctores laudatos, varia ex veterum pontificum epistolis decreta laudasse, quia usu receptæ erant in Ecclesiâ; et ab Apostolica Sede probate erant, non quod illas à tantis pontificibus datas censerent. Vel certe de auctoribus illarum non curantes, nec criticum instituentes examen, illas citarunt occasione data, quia illas quoad dogmatum veritatem, quoad discipline rationem, quoad judiciorum ordinem ab Ecclesiâ receptas noverant, quorumcumque auctorem essent. Hanc responsionem suggerit eminentissimus Annalium ecclesiasticorum parens, tomo 10, ad annum Christi 865, p. 277, ita scribens : *At verò ex multis eas reddi suspectas epistolas, per ea quæ dicta sunt 2. Annalium tomo, dum de illis singulis mentio facta est, satis est demonstratum, simulque ostensum, illis non indigere Ecclesiam Romanam, ut si falsitatis arguantur, suis ipsa destituantur iuribus et privilegiis; cum, etsi illis careat, ex legitimis germanisque aliorum pontificum Romanorum epistolis decretalibus satis superque corroborata consistat. Cæterum quod excerpta ex illis capita à Benedicto Levita præmon, ut Canonibus consentientia probata essent (ut ipse testatur) auctoritate Romanorum pontificum, quod et à posterioribus factum est collectoribus: eadem usu potius recipi contigerunt, quam constanti ipsarum firmitate.*

Respondeo quarto, Benedictum Levitam, qui Capitularium libros digessit, eosque Lothario, Ludovico et Carolo regibus, Ludovici Pii imperatoris filiis nuncupavit, circa annum 850, satis innuere epistolas illas non esse genuinas; siquidem illas, suppresso auctorum nomine, citavit, ne recens detegeretur impostura: satisque habuit monere decreta illa quæ jussu Angarii Moguntini archiepiscopi ex scriptis Moguntiae ecclesie collegerat, et sparserat in tribus postremis Capitularium libris à Romanâ Ecclesiâ probata fuisse, ne quis adversis ea mutire auderet. Id notavit Baro-

nus loco supra laudato, ita scribens : *Sed et ipse Benedictus Levita, cum eadem Ludovici collectionem accepit multa, tamen bene consensit, aut tunc et illarum postularum haud adeo constantem, sed interea admodum, nunquam aliquem illarum citavit auctoritatem per se reliquis, quarum fides constant esset, Romanorum pontificum epistolis, Innocentii, Leonis, Gelasii, Symmachi, atque Gregorii, citans ac nominans eorum auctores, sed et magnâ cautela, quod sciret ea eis accepta haud adeo haberi firma, curavit (ut ipse in fine testatur) eadem auctoritate Apostolicâ confirmari.*

Porro verba Benedicti Levite, quæ hujus annotationis materiam Baronius præbuerunt, ita habent l. 7 Capitularium ad finem : *Maximè trium ultiorum capitula istorum librorum Apostolica sunt cuncta auctoritate roborata, quia his citandis maximè Apostolica interquit legatio. Nam eorum nomina, præter trium, id est Leonis, Sergii et Gregorii, hic non inseruimus, licet ea per singulos conventus inserta invenissemus.*

Ad Gratianum respondeo majorem fidem adhibendam esse doctissimo ejus emendatori Antonio Augustino Tarraconensi archiepiscopo, quam Gratiano ipsi, cujus collectio innumeris erroribus scatet in eo præsertim quod pseudographia frequentius citat; et Patribus pontificibusque, et conciliis ea decreta tribuit, de quibus nequidem cogitarunt, ut constabit legenti librum illius archiepiscopi, inscriptum *Gratianus Emendatus*, qui rursus in lucem nuper editus est curâ et studio viri clarissimi Stephani Baluzii, qui et eruditis notis huic editioni præfatus est. Porro Antonius Augustinus inter alia notat ipsa legum imperatoriarum verba, et quæ sub Aniani nomine exstant ad codicem Theodosianum scholia, in veterum pontificum epistolis usurpata esse: quamvis pontifices, quibus dictæ epistolæ tribuuntur, duobus aut tribus seculis codicis Theodosiani editionem præcesserint: quod evidentissimum est suppositionis argumentum.

Falsum autem est quod objicitur Ecclesiam sequi decretum Gratiani. Multa enim sunt in eâ collectione quæ Ecclesia non probat, cum errores probare non possit.

Objicitur secundò: Ille epistolæ genuinæ sunt, quas Romani pontifices, S. Leo Magnus, Gelasius, Leo IV et Nicolaus I, seu genuinas admiserunt, et ab omni Ecclesiâ velut genuinas recipi jusserunt: et quas Ecclesie Gallicanæ præsules ab octingentis annis receperunt. Atqui Romani pontifices nominati, decretales veterum pontificum seu genuinas agnoverunt, et ab omnibus recipi jusserunt; præsules etiam Gallicanæ Ecclesie ab octingentis annis illas recipere: ergo sunt genuinæ.

Probat minor ex epistolâ I sancti Leonis datâ ad universos episcopos per Campaniam et Picenum, vel Thusciam, et per universas provincias constitutos, ubi ait : *Omnia decretalia constituta omnium præcessorum nostrorum, ita vestram dilectionem custodire debere mandamus, ut si quis illa contempserit, veniam sibi dumtaxat noverit denegari.*

Item ex synodo Romanâ sub Gelasio anno 494, ita

decedente : *Item decretales epistolas, quas beatissimi papæ diversis temporibus ab urbe Romanâ, pro diversorum Patrum consultatione dederunt, venerabiliter recipiendas decernimus.*

Ex Leone IV, in Epistolâ ad episcopos Britannie, apud Gratianum, Dist. 20, cap. *De libellis*, ubi ait *sanctorum conciliorum canones non esse relinquendos, vel decretalium regulas quæ habentur simul cum canonibus : quibus autem, inquit, in omnibus ecclesiasticis utimur judiciis, sunt canones Apostolorum, Nicænorum, Ancyranorum, Neocæsariensium, Gangrensiarum, Antiochiensium, Laodicensium, Constantinopolitanorum, Ephesinorum, Chalcedonensium, Sardicensium, Africanensium, Carthaginensium, et cum illis regulæ præsulum Romanorum, Silvestri, etc.*

Idem constat ex epistolâ 47 Nicolai I, ad universos Gallicæ episcopos datâ, ubi quorundam ex illis pertinaciam retundit qui veterum pontificum epistolas admittere nolebant, quod codici canonum insertæ non essent. Porro, inquit, si idèò decretales epistolas priscorum pontificum Romanorum admittendas non esse dicunt, quia in codice canonum non habentur adscriptæ ; ergo nec Gregorii sancti, nec ullius alterius qui ante vel post ipsum fuit, est aliquod institutum, vel scriptum recipiendum, èd quòd in codice non habeatur.

Et infra : *Decretales Romanorum pontificum sunt recipiendæ, inquit, etiamsi non sunt codici canonum compaginate : quoniam inter ipsos canones unum beati Leonis capitulum constat esse permixtum, quo ita omnia decretalia constituta sedi Apostolicæ custodiri mandantur, ut si quis in illâ commiserit, noverit sibi veniam negari.* Profert deinde verba S. Leonis supra laudata Nicolaus, ex quibus sic colligit : *Dicendo verò omnia decretalia constituta, nullum de decretalibus constitutis prætermisit, quod non mandaverit esse custodiendum. Et rursus asserendo : omnium decessorum nostrorum nullum pontificum Romanorum, et qui ante se fuerit, exceperit.*

Et infra : *Consonat etiam huic beatissimo papæ Leoni sanctus et facundissimus in decretis suis papa Gelasius. Et prolatis Gelasii verbis supra citatis, sic colligit : In quo notandum, quia non dixit decretales epistolas, quæ inter canones habentur, nec tantum quas moderni pontifices ediderunt ; sed quas beatissimi papæ diversis temporibus, ab urbe Româ dederunt. Dictis autem diversis temporibus, etiam illa tempora vir sanctus comprehendit quæ crebrescentibus paganorum persecutionibus, ad sedem apostolicam deferri causas episcoporum difficillimè permittebant.*

Denique quòd præsules Gallicanæ Ecclesiæ veterum pontificum, ad Siricium usque, epistolas receperint, constat ex utroque Hincmaro, Laudunensi nimirum et Remensi. Nam et Laudunensis decretales illas protulit ut causam suam adversus avunculum tueretur, et Remensis in Opusculo 55 *Capitulum eius venerabiliter suscipiendas facit.* Idem constat ex epistolâ illâ Nicolai I, in quâ de Gallicanis episcopis ita scribit : *Nam nonnulla eorum scripta penes nos habentur, quæ non solum quorumcumque Romanorum pontificum, verum*

etiam priorum decreta, in suis causis præferre noscuntur.

Præterea si Gallicani episcopi existimassent veterum pontificum epistolas, ad Siricium usque, pseudopigraphas et supposititias esse, id respondissent Nicolao I, qui illorum auctoritate ipsos urgebat ; atqui istud non responderunt, sed solum eas non esse eodem loco et numero habendas ac canones, quia codici canonum non erant insertæ : ergo existimârunt illas epistolas esse genuinas. Nullam enim verò venerationem merentur epistolæ falsò veterum pontificum nominibus et nugaci impostore honestatæ : at Hincmarus Remensis archiepiscopus, vir juris Canonici peritissimus, cum veneratione vult recipi illas epistolas ; non censet igitur affictas priscis pontificibus. En Hincmari verba in opusculo 55, cap. 25 : *Tu hac discretionem (ut præmisi ex verbis Gelasii) suscipe ad instructionem illas epistolas quas beatissimi papæ diversis temporibus, ab urbe Româ, pro diversorum Patrum consultatione dederunt legendas, venerabiliter ; et serva sacra concilia, quæ sedes Apostolica et omnis sequitur Ecclesia, inviolabiliter.*

Respondeo : Nego minorem prioris syllogismi, quoad S. Leonem, Gelasium, et Leonem IV. Quòd autem illas epistolas admisisse dicitur Nicolaus I, distinguo. Illas admisit arguendo ad hominem contra Gallicanos episcopos, concedo ; ex propriâ sententiâ, nego. Vel, admisit ut vim canonum habentes, concedo ; ut genuinas, nego. Addo quòd, etsi illas ex propriâ sententiâ admisisset, et ut germanos veterum pontificum foetus recipiendas decrevisset, ipsum hoc in iudicio non sequeremur, quia æstu contentionis abreptus, novumque jus et antea inauditum in Gallicanæ Ecclesiæ judicia invehere volens, harum auctoritatem epistolarum protulit. Denique, quod additur, Gallicanæ Ecclesiæ præsules veterum pontificum epistolas recepisse, distinguo : et quidam eas receperunt, concedo ; omnes, nego. Rursus distinguo : eas receperunt absque examine, concedo ; prævio examine et disquisitione criticâ, nego. Singula responsionis capita singillatim expono.

Quòd sanctus Leo, epistolâ 1, cap. 5, ad veterum pontificum, qui Siricium antecesserunt, epistolas decretales minimè respexerit, meritò sum inficiatus, idque constat ex eo ipso loco : siquidem suorum decreta decessorum commendans, ab Innocentio I initium duxit, ante quem unus Siricius scripserat ad Afros et ad Himerium Tarracensem, qui ipsum consuluerat. Porro si S. Leo ad priscorum pontificum epistolas respexisset, vel, si tunc existissent aliquæ, commendasset inprimis epistolas Clementis, Anacleti, Hygini, Pii, Aniceti et aliorum. Nomine autem omnium prædecessorum suorum, quorum decretalia constitua custodiri mandat, intelligit Siricium, Celestinum, Zosimum, Bonificium, Sixtum III, non verò pontifices Siricio antiquiores, quorum nullæ exstabant decretales epistolæ. En verba S. Leonis : *Ne quid verò sit quod prætermisum à nobis fortè credatur, omnia decretalia constituta, tam B. recordationis Innocentii,*

quàm omnium predecessorum nostrorum, quæ de ecclesiasticis ordinibus, et canonum ordinata sunt disciplinis, et vestram dilectionem custodire debere mandamus, ut si quis illa contempserit, eum tibi denique noverit denotari.

Nego etiam Gelasium priscorum pontificum epistolas suffragari: cum enim ejus indefinita sit sententia, constabit ejus veritas, si ad eas epistolas referatur, quas Siricius, Innocentius, Zosimus, Bonifacius, Celestinus, Sixtus III, S. Leo, Hilarius, Simplicius, et Felix III, Gelasii decessores, scripserant. Hæ namque diversis temporibus, ab urbe Romæ, pro diversorum Patrum consultatione date fuerunt. Fateor Nicolaum Primum Gelasii verba ad omnes decretales, quæ suo tempore manibus omnium terebantur extendisse, ut illas etiam comprehenderent, quæ priorum pontificum venerandis insignitis sunt nominibus. Sed id asserit Nicolaus præter Gelasii mentem.

Contendo etiam Leonem IV illarum epistolarum veritati non favere; siquidem ex omnibus pontificibus qui Siricium præcesserunt, nullius decreta memorat, nisi Silvestro: *Et cum illis, inquit, regular præsulum Romanorum, Silvestri, Siricii, Innocentii, Zosimi, Celestini, Leonis, Gelasii, Hilarii, Symonachi, Hormisdæ, Simplicii et Gregorii Junioris.* Isti omnino sunt et per quos judicant episcopi et per quos episcopi judicantur, ut et clerici. Suspiciatur Blondellus, c. 16 Prolegomenon, mendum esse in textu Leonis, et loco istorum nominum, Silvestri, Siricii, legendum esse, scilicet Siriciæ, quia nullas Silvestri regulas habet vetus Romanæ Ecclesiæ canon: sed probabilior est conjectura, quam subjungit, Leonem quartum fortè respexisse acta Romanæ synodi sub Silvestro jam confecta: concinnata quippe fuerant cum actis Silvestri, quæ Gelasius in synodo Romanâ, à multis in urbe Romæ catholicis legi, testatur, eamque morem plures Ecclesias imitari. Quæ etiam acta citaverat septima synodus œcumenica, sexaginta et amplius annis antequàm Leo IV illam epistolam scriberet. Denique quod Leo respuerit ad acta synodi Romanæ sub Silvestro colligitur evidenter ex ipsiusmet epistolæ initio, ubi regulam in dictâ synodo constitutam profert ad iudiciorum canonicorum ordinem decernendum: *Nullam, inquit, damnationem episcoporum esse unquam censuimus, nisi aut ante legitimum numerum episcoporum, aut fit per duodecim episcopos, aut certe probatâ sententiâ per 72 idoneos testes, qui tales sint, qui et accusare possint, et prius ad sacra Christi quatuor Evangelia sacramenta præstent, quod nil falsum depromant, sicut nobis B. Silvester tradidit et Romana sancta tenere videtur Ecclesiæ.*

Jam ad Nicolaum I transeamus. Dico itaque Nicolaum emunctæ mentis virum et eruditum pontificem, epistolas veterum pontificum, quas apprime noverat supposititias, directe propugnandas non suscepisse; sed hoc unum contendisse, Gallicanos Antistites earum auctoritatem inefficaci ratione impetere. Gallicani enimverò episcopi hæc unâ ratione illas rejicere videbantur, quòd in codice canonum non essent: quum

rationem ut nullam ostendat Pontifex, ita contra eos ad hominem argumentatur: Porro si ideo Decretales epistolæ priscorum pontificum Romanorum adscribendæ non esse dicunt quia in codice canonum non habentur adscriptæ; ergo nec Gregorii sancti, nec ullius alterius, qui ante, vel post ipsum fuit, est aliquid institutum, vel scriptum recipiendum, eo quod in codice canonum non habentur adscriptum.... Sed quare nullum unquam, cum nec ipsas divinas Scripturas novi et veteris Testamenti jam recipimus, si istos duxerimus audientes? Item neutrum horum in codice ecclesiasticorum canonum habetur incertum.

Fugit deinde Nicolaus Gallicanos præsulæ rem plane falsam et ridiculam responsuros, scilicet ideo recipi vetus et novum Testamentum, quia recipiendum esse sancitum est Innocentii I decreto, quod canonum in codice est relatam: quasi verò id nunquam venerit in mentem doctissimorum Antistitum, sacras veteris novique Testamenti paginas auctoritatem ex Innocentii decreto precariam consequi: istam verò Gallicanis episcopis afflictam responsionem, in ipsos retorquet Nicolaus: inde colligens veterum pontificum epistolas pariter esse recipiendas, quia decreto Leonis papæ cavetur omnia decessorum suorum decretalia constituta custodienda esse. En verba Nicolai I, quæ responsionis nostræ veritatem ostendunt: *Sed responsuri sunt isti, inquit, quòd inter canones invenitur capitulum S. papæ Innocentii, cujus auctoritate docetur à nobis utrumque Testamentum esse recipiendum, quumquàm in ipsis paternis canonibus nullum eorum continetur ex toto insertum. Quibus ad hæc respondendum est, quoniam si vetus novumque Testamentum recipienda sunt, non quòd codici canonum ex toto habeantur adscripta, sed quòd de his recipiendis S. papæ Innocentii prolata videtur sententia, restat nimirum quòd decretales epistolæ Romanorum pontificum sunt recipiende, etiamsi non sint codici canonum compaginatæ: quoniam inter ipsos canones unum beati Leonis capitulum constat esse permixtum, quo ita omnia decretalia constituta sedis Apostolicæ custodiri mandantur, ut si quis illa commiserit, noverit sibi veniam negari.*

Non intenderat igitur Nicolaus probare epistolas veterum pontificum geminas esse, quia de hoc ipsum inter et Gallicanos episcopos non movebatur controversia: sed solum vim legis ecclesiasticæ ipsas habere, quod illi præfractè negabant.

Verum etsi decretales veterum pontificum epistolas ut genuina monumenta, suisque digna auctoribus, Nicolaus I admisisset, non ideo tamen illas admitteremus; sed responderemus appositè, illum pontificem æstu contentioni abreptum hîc asseruisse, ut novum jus Romanæ sedis vindicaret, hisque fundamentis superstrueret. Enimverò novam iudiciorum ecclesiasticorum regulam à veteribus canonibus, et prioris ævi disciplinâ prorsus alienam constituit, scilicet episcopum, inconsulto Romano pontifice, in synodis provincialibus deponi non posse, etiamsi Romanam sedem non appellasset: ob idque priscarum epistolarum se præstitit vindicem, ut illarum auctoritate novum illud

jus stabiliret, ac Metropolitanorum, Synodorumque Provincialium debilitaret dignitatem. Istud fuisse Nicolai I consilium constat ex ejus epistolâ supra laudatâ ad episcopos Galliae, in quâ de Rothadi Suessionensis episcopi causâ loquens hæc habet : *Etsi sedem Apostolicam nullatenus appellâsset, contra tot tamen et tanta vos decretalia efferre statuta, et episcopum, inconsultis nobis, deponere nullo modo debuistis.*

Denique, quod spectat Gallicanos episcopos, respondeo quosdam admisisse decretales veterum pontificum epistolas, non omnes. Equidem illas admisit Hincmarus Laudunensis, sed easdem Hincmarus archiepiscopus Remensis exposuit, ut constat ex ejus verbis apud Flodoardum, lib. 5 Historiæ Remensis, cap. 21 et 22, ubi episcopum Laudunensem sic alloquitur : *Quærens adinventiones ut te metropolitanâ subjectione posses exuere, libellum de Patrum antiquorum scriptis ante sacros Nicænæ synodi et aliorum sanctorum canones editis collegisti : in quibus sententias inter se dissonas, et contra evangelicam et apostolicam, atque canonicam apostolicæ sedis auctoritatem immiscuisti.*

Respondeo præterea Gallicanos episcopos tunc temporis veterum pontificum epistolas recepissee ex parte, quatenus canonibus non adversabantur; easdem rejecisse, quatenus canonibus repugnabant : quod ex Hincmaro archiepiscopo Remensi constat, qui earum auctoritate interdum usus est. Quæ episcoporum nostrorum inconstantia huic Nicolai I exprobrationi occasionem dedit : *Quoniam quidam vestrorum scripserint, haud illa decretalia priscorum pontificum in toto codicis canonum corpore contineri descripta ; cum ipsi, ubi suæ intentioni hæc suffragari conspiciunt, illis indifferenter utantur, et solum nunc ad inimutionem potestatis sedis apostolicæ, et ad suorum argumentum privilegiorum minus accepta esse præbeant.*

Porrò non responderunt Nicolao Gallicani præsules, has Epistolas supposititias esse, quia de falsitate illarum nondum omnino ipsis constabat, cum eas ad examen non revocassent; et ipsis aliunde satis erat, quòd canonicam continerent auctoritatem, ut earum auctoritate ad colla novo juri submittenda non adigerentur. Unde in unum pontifici reposuerunt parem earum non esse, ac canonum auctoritatem, quia non exstabant in codice canonum, quem ab apostolicâ sede majores eorum acceperant. Unde eas quidem se cum veneratione suscipere, solos autem se inviolabiliter observare canones profitebantur.

Obijcitur tertio : Sanctus Isidorus Hispalensis veterum pontificum epistolas ut genuinas agnovit; siquidem earum adornavit collectionem : ergo sunt recipiende.

Probatur antecedens ex Hincmaro archiepiscopo Remensi, epistolâ 7, c. 12, dicente : *Isidorus Hispalensis episcopus collegit cum epistolis Romanæ sedis pontificum a sancto Clemente usque ad beatum Gregorium, etc.*

Respondeo : Nego antecedens. Nam obiit sanctus Isidorus Hispalensis anno Chr. 656, Heraclii Augusti anno 26, Cinthilâ regnum incunte, ut testantur Redem-

ptus ejus diaconus in illius Vitâ, Braulio Casaraugustanus in Catalogo operum Isidori, Lucas Tudensis, lib. 3, et Mariana, lib. 6, c. 7. Ex quâ epochâ evidenter colligitur sanctum Isidorum Hispalensem non esse auctorem collectionis veterum decretalium, quæ Isidori Peccatoris, vel Mercatoris nomen præfert, cum et concilii Toletani undecimi illa meminerit, quod anno 675 ab Isidori obitu 59 habitum est, et concilii 6 œcumenici, quod celebratum est anno 681, 40 et amplius annis post obitum Isidori; et Gregorii II et III, necnon Zachariæ, summorum pontificum, qui post annum septingentesimum floruerunt, epistolas, auctor ille suæ collectioni inseruerit. Unde Hincmarus deceptus est, et alii qui ipsum secuti sunt.

Obijcies multa quæ in præfatione collectionis istarum epistolarum decretalium leguntur exstare in lib. 5 Etymologiarum S. Isidori Hispalensis; adeoque illum esse istius collectionis auctorem.

Respondeo contrarium potius colligi; nullus enim auctor eruditus et sapiens recoctam cranibem lectoribus apponit; et quæ semel scripsit, absque necessitate iterum obtrudit. Deinde, cum libros Etymologiarum non ab ipso Isidoro Hispalensi, sed Braulione Casaraugustano (de Sarragone) episcopo post Isidauri obitum editos, Braulio ipse, cujus rogatu illos conscripsit, testetur; evidens est posteriorem fuisse Isidoro, quisquis libros illos delevavit.

SCHOLIUM PRIMUM.

Ad hanc dissertationem operum meorum censores in suo indiculo hanc notam appinxerunt : *De Nicolao I pessimè loquitur, ut de ambitioso et insciente, et æstu contentionis abrepto.*

Resp. : Verum religiosorum censorum pace dixerim, id mihi affingi immeritò. Nicolaum I nusquam ambitionis insinulavi, absit; imò de illo scripsi in Historiâ ecclesiasticâ seculi 9, c. 1, art. 10 : *Sanctus ab Adriano successore, Græcis Latinisque plaudentibus vocatus est, qui et novum Eliam, et novum Phinees illum prædicaverunt. Ilhim cum S. Gregorio in gloriâ sanctorum visum scripsit Joannes Diaconus, lib. 4 de Vitâ S. Gregorii, etc.* Quòd eundem pontificem inscientem (ut loquitur auctor indiculi censorii) appellaverim falsum est; imò, p. 761 seculi I edit. primæ quam notat, ipsum voco *eruditum pontificem*. Dixi quidem illum æstu contentionis abreptum, veterum pontificum Romanorum epistolas propugnasse. Ita porrò se res habet; id illius ad Gallicanos episcopos epistola, quæ tota in ferventi disputatione posita est, liquidò ostendit. De quâ Baronius ad annum 865 : *Verum quòd his temporibus cum recens haberetur earum epistolarum editio, nec perfectè in omnibus cognite essent nondum adnotâ lucernâ Cleanthis, eâ ex parte tantum eas recipiendas negarent, quòd extra corpus canonum, suo seorsum volumine posite haberentur : hanc ipsorum objectionem magni posse esse momenti Nicolaus considerans, dum reliquæ omnes Romanorum pontificum extra posita decretales abolerentur unâ istâ sententiâ : rescriptis ad eam epistolam decretalem magni ponderis. Nunc*

verò contentions seu disputationis gestum spirant hęc Nicolai Argumenta? Si ideo decretales epistolae priorum pontificum Romanorum admittendas non esse dicunt, quia in codice canonum non habentur adscripta, cum nec Gregorii sancti nec alius altioris, nec aliorum post ipsam pat. est aliquid institutum vel scriptum recipiendum, eo quod in eodem canonum non habentur adscriptum; ergo doctrinam eorum et sanctiones de codicibus suis eruant; ut quid vel membranis occupant, postquam non habentur accepta? sed quare nuntium immoremur, cum nec ipsis divinas Scripturas non et veteris Testamenti jam recipientes, et istos duarum audientis? Etiam neutrum horum in codice ecclesiasticorum canonum habetur insertum. Sed responsuri sunt isti qui non ad obediendum potius quam ad resistendum semper parati sunt, dicentes, etc. Nonne contendit seu fervide disputat hoc enim sensu contentions vocem hic usurpavit qui objectiones diluit et responsiones occupat, de quibus illis quibuscum ipsi controversia est, ne quidem cogitasse verisimile est; qui magno conatu varia ad eorum expugnandam sententiam argumenta stringit et contorquet? Sic orationis contentionem et impetum contentionemque dicendi Cicero dixit, et omnia contentionem esse inter homines doctos in verbi controversia positam.

SOLUTION II.

Mirabitur omnis eruditorum hominum natio, quòd reliqui censores præcipuam dissertationis hujusce meæ propositionem in indiculo suo notaverint his verbis: *Epistolæ decretales Romanorum pontificum ad Siricum usque apocryphæ, cum ea sit Baronii cardinalis sententia, tom. 10 Annalium, ad annum octingentesimum sexagesimum tertium scribentis: Sed et ipse Benedictus Levita, etsi ex eadem Isidori collectione accepit multa, tamen benè conscius, auctoritatem illarum epistolarum hand adeo constanter, sed nutare admodum, nunquam alipem illarum citavit auctorem, ut fecit in reliquis, quarum fides constans esset, Romanorum pontificum epistolis, Innocenti, Leonis, Gelasi, Symmachii, atque Gregorii, citans ac nominans earum auctores; sed et magna cautela, quod serret ex eis accepta hand adeo haberi firma, curavit, ut ipse in fine testatur, eadem auctoritate apostolicâ confirmari. Qui autem primus excerpta ex eis decreta cum titulo edidit Romanorum pontificum, quorum nomine censerentur, fuit Hincmarus Laudunensis episcopus, ut apparet ex epistola seu libro contra ipsum scripto ab Hincmaro Remensi. Laudunensem vero secuti alii, ut qui sequenti seculo scripsit Burchardus, et omnium novissimus Gratianus. At vero ex multis eas reddi suspectas epistolas, per ea quæ dicta sunt secundo Annalium tomo, dum de singulis mentio facta est, satis est demonstratum, simulque ostensum illis non indigere Romanam Ecclesiam, ut si falsitatis arguantur, suis ipsa destituatur iuribus et privilegiis, cum etsi illis careat, ex legitimis germanisque aliorum Pontificum Romanorum epistolis decretalibus satis superque corroborata consistat. Idem censet doctissimus Card. Perronius.*

Secutus sum et doctissimi cardinalis Boni sententia lib. I Rerum Liturgicarum, scribentis: *Dudum ab omnibus observatum est Romanorum pontificum epistolas decretales ac ad Siricum supportas esse, a quodam Hincmaro de Laudunensi, perindeque illis fuerit, sed postea septuaginta per fraudem collectas, et venditis inter eos circulatorum, legum etiam canonum, et sanctorum Patrum, quæ 4 et 5 sæculo floruerunt, turpi anachronismo, eodemque pere stylo et dicendi characterem magna et parte contractas, etc.* Secutus sum sententiam Petri de Marca Parisiensis archiepiscopi op. lib. Sole Concordia sacerdoti et imperii, cap. 5, Pontii, Antonii, Augustini, Simondi, Petavii, P. Labbei, Christiani Lupi, p. 4; Notatum in conciliorum generalium et provincialium canones ac decreta, p. 565; Euthymius Schelstrate in Antiquitate illustratâ Caroli Le Comte in Amiculis ecclesiasticis Francorum, tom. 6, ad annum 785, pag. 265, etc.

ARTICULUS II.

Quis Epistolas illas fabricaverit, ac praeiis pontificibus supposuerit?

I. Sanctus Isidorus Hispalensis non est auctor illarum epistolarum, nec earum collector. Probatur Qui monumenta profert S. Isidoro recentiora, non est Isidorus ipse; sed illarum epistolarum artifex monumenta profert S. Isidoro Hispalensi recentiora, scilicet concilium Toletanum undecimum, concilium œcumenicum sextum, epistolas Gregorii II et III, Zachariæ et Bonifacii Moguntini archiepiscopi, ut probavimus ad finem articuli præcedentis; ergo auctor seu collector illarum non est S. Isidorus Hispalensis.

Secundo, Braulio Cesaraugustanus episcopus, Isidoro cœvus et amicissimus, in Catalogo quem texuit ipsius operum, nullam mentionem facit epistolarum decretalium quæ veteribus ante Siricum urbis et orbis pontificibus inscriptæ sunt, uti nec S. Hildephonus Toletanus antistes. Ergo illarum collectionem S. Isidorus non adornavit.

Tertiò, summa viri sanctitas et doctrina non sinunt ut ipsum tam fœde imposturæ auctorem, et tot propalatorem nœnarium existimemus.

II. Decretalium epistolarum collector non est alius Isidorus Hispalensis episcopus.

Probatur: Epistolarum decretalium artificem vixisse necesse est post annum Domini 700, siquidem ex Bonifacii Moguntini archiep. epistolâ ad Etibaldum regem, quæ post annum Domini 744 data est; et ex Epistolâ celeberrimæ abbatissæ Cangith post annum 720, ad eundem Bonifacium scriptâ, plurimas laciniâs excerptit. Porro ab anno 656, quo obiit S. Isidorus Hispalensis, ad annum 700 et supra, nullus in Hispalensis Ecclesiæ cathedrâ sedit Isidorus, ut constat in Ecclesiæ monumentis. Nam S. Isidoro successit Theodiscus, Theodisco Honoratus, Honorato Antonius, Antonio Fugitivus, Fugitivo Julianus, Juliano Florescendus, Florescindo Felix, Felici Faustinus, Faustino Oppa, huic Joannes, isti Verus, qui episcopatum admi-

nistravit circa annum Christi 760; igitur auctor seu collector epistolarum illarum non fuit alter à S. Isidoro ejusdem nominis Hispalensis episcopus.

Fateor equidem ad finem concilii tertii Bracarenensis, anno Domini 675, subscriptum reperiri Isidorum Asturicensem; et ad finem conciliorum Toletanorum, duodecimi, anno Domini 681, decimi quinti, anno 688, et decimi sexti anno 695, subscriptum etiam legi Isidorum Setabicensem; sed neuter decretalium artifex aut collector esse potest, cum posterior fuerit harum mercium institor anno Domini 700.

Non abnuo Juliani Toletani chronicon innuere Isidorum Mercatorem Setubensem episcopum, ope monachi ejusdam, epistolas decretales veterum pontificum compilasse, et obisse anno 805. Sed chronicon istud suspecte apud eruditos omnes fidei est, et sancto illi archiepiscopo existimatur suppositum.

III. Riculphus Moguntinus archiepiscopus plurimas epistolas sub veterum pontificum venerandis nominibus conscriptas, ex Hispaniâ in Germaniam attulit, ut refert Hincmarus in opusculo cap. 24: *De libro autem collectarum ab Isidoro Epistolarum*, inquit, *quem de Hispaniâ allatum Riculphus episcopus Moguntinus, in hujusmodi, sicut et in capitulis regis studiosus, obtinuit, et istas regiones ex illo repleti fecit, etc.*

IV. Incertum est quisnam fuerit Isidorus ille Mercator, qui illas epistolas fabricatus est. Quidam viri eruditi illarum auctorem fuisse Isidorum quemdam magni nominis monachum existimant, qui se peccatorem dicere soleret, et nomini suo hoc semper elogium adderet; quem episcopi ad has epistolas cudendas impulerunt; ex peccatore porro Mercatorem scribas oscitantes fecisse. Ita conjicit Morinus. Alii hoc peccatoris elogium servantes Isidoro, ipsum fuisse episcopum suspicantur, quod solemnissimum esset mos sanctorum episcoporum, ut se peccatores subscriberent, ut constat ex conciliis Turonensi I, Parisiensi III, Turonensi II, et Matisconensi I. Ita conjicit D. de Marcâ. Blondellus asserit harum mercium auctorem fuisse aliquem episcopum Germano-Francum, Caroli Magni imperio subditum, non verò Hispanum, sive monachum, sive antistitem. His rationibus nititur: primò, quod verisimile non sit Hispanos sub Maurorum tyrannide tunc gementes, illi epistolarum farragini concinnandæ animum intendisse; secundò, quia cum plurimas ad Galles, Germanos, Italosque datas epistolas Pseudo-Isidorus mentiatur, quinque tantum refert ad Hispanos conscriptas: quod certè non fuisse facturum videtur homo Hispanus, de gentis suæ gloriâ etiam ex pseudopigraphis epistolis stabilendâ sollicitus; tertio, quod styli barbaries et impuritas Germano-Francum potius redoleat quàm Hispanum; quartò, quod disciplina his epistolis expressa Ecclesiis quæ Caroli Magni imperio parebant, conveniret. Addit Blondellus Isidorum illum Mercatorem, ejus nomine vulgate sunt ille piscorum pontificum epistolæ, fratrem fuisse Eulogu Cordubensis (de Cordoue) presbyteri, qui cum pietatis causâ profugus Moguntiam adventasset, ibique mansisset aliquandiu, inde occasionem arripuerunt

Riculphus Moguntinus (de Mayence) archiepiscopus et Benedictus Levita veterum decretalium collectionem ipsi assignandi, ut incautis hanc ex Hispaniis allatam persuaderent. Verùm cum hæc dixisse contentus Blondellus, nullatenus ea probare satagat, ipsi fides non est adhibenda; sed quisnam fuerit, et cujas Isidorus harum epistolarum artifex, omnino incertum esse asserendum est.

AD PRECEDENTEM DISSERTATIONEM

Appendix.

De variis juris canonici collectionibus.

I. Ecclesia jure duplici regitur, divino et canonico: primum Scripturis sacris, alterum codicibus canonum continetur. Hinc olim in conciliis œcumenicis codex ille duplex proferebatur: unus divinæ Scripturæ et Evangeliorum, qui in medio Patrum consessu, in throno collocabatur; alter canonum anteriorum. Primus aperiebatur, cum fidei controversiæ dirimendæ erant; secundus, cum sancienda erat disciplina. Porro multiplices et variæ canonum collectiones exstiterunt. Antiquissima omnium est canonum, qui dicuntur apostolici, collectio, quamvis ante 6 seculum in Orientis Ecclesiis recepta non fuerit universim, nec ante Dionysium Exiguum, cum Occidentalibus communicata. Quæcumque hanc collectionem spectant, dissertatione 17, discussimus et exposuimus.

Quarto seculo, et quinto incunte, solis canonibus Nicænis et Sardicensibus, qui sæpè sub Nicænorum titulo sunt laudati, Ecclesia occidentalis regebatur, ut constat ex Innocentio I in Epistola ad Clerum Constantinopolitanum, quam Sozomenus refert lib. 8 Historiæ ecclesiasticæ, cap. 26: *Canonibus porro*, inquit, *obsequendum esse scribimus, qui Nicææ sunt decreti; quos solos consecrari decet Ecclesiam catholicam, et juxta eos judicare.*

II. Secunda collectio canonum, paulò post S. Joannis Chrysostomi obitum, et ante Chalcedonensis concilii celebrationem adornata est. Hæc Niemenos, Ancyranos, Neocæsarienses, Gangrenses, Antiochenos, Laodiceos et Constantinopolitanos canones, numero centum sexaginta quinque complectebatur. Ejus auctor fuisse conjicitur Stephanus Ephesinus episcopus, ejus nomen in veteri codice manuscripto legit adscriptum vii canonica antiquitatis peritissimus Just. Hus. Prolata est ista collectio in concilio Chalcedonensi, ex eâque canones quartus et quintus Antiocheni concilii sub nomine regulæ octogesimæ tertiæ et octogesimæ quartæ sunt recitati; canones verò decimus sextus et decimus septimus sub titulo nonagesimæ quintæ et nonagesimæ sextæ regulæ. Approbata est ea collectio in concilio Chalcedonensi, canone I, cujus hæc sunt verba: *Regulas sanctorum Patrum per singula nunc usque concilia conscriptas, proprium robur obtinere decernimus.* Adjecti sunt huic collectioni 27 canones concilii Chalcedonensis, expuncto, de Orientalium consensu, vigesimo octavo. Jus illud canonicum, per Orientis et Occidentis Ecclesias viguit. Illa col-

lectio, quam in lucem edidit Justellus, ab eo inscripta est titulo *codicis canonum Ecclesie universae*. Canonibus istâ collectione comprehensis vim publicæ legis tribuit Justinianus imperator novellâ constitutione 151. *Sanctinus igitur, inquit, ut sancti ecclesiastici canonis, qui a sanctis quatuor conciliis expositi sunt et confirmati, vim legum obtineant.*

III. Tertiâ canonum collectio in quinquaginta titulis distributa, in codice manuscripto bibliothecæ Christianissimæ regis, falso Theodoro adscribitur. Nam et canones apostolicos 89 laudat, qui Theodori ætate nondum in Orientalis Ecclesie codice relati erant, nec ab aliquo scriptore ecclesiastico illius temporis sunt laudati, et canones ecclesiasticos cum principum legibus, et præcipue cum novellis constitutionibus Justiniani imperatoris confert. Unde Joannis holæsticus, qui sub Justiniani imperio floruit, à Justello aliisque viris creditis probabiliter adscribitur. Sicut de Ferrandi Carthaginensis diaconi et Cresconii collectionibus in Africâ stylo compendioso conscriptis.

IV. Quarta Canonum collectio paulo ante concilium Trullanum edita est. Prima et secunda, de quibus egimus, complectebantur canones Africanos, et canonicas insuper sanctorum Gregorii Neocesariensis, Petri Alexandrini, Basilii aliorumque Patrum Epistolas. Id constat ex canone 2 illius concilii: *«Firmi stabilesque maneant, inquit, qui à sanctis Patribus qui nos præcesserunt suscepti ac confirmati sunt, atque adeo nobis etiam traditi sunt, sanctorum et gloriosorum Apostolorum nomine octoginta quinque canones... Obsignamus etiam reliquos omnes canones qui à sanctis et beatis nostris Patribus expositi sunt, id est, à trecentis decem et octo sanctis ac deiferis Patribus qui Nicæe convenerunt, iisque qui Ancyrae, et et iis etiam qui Neocesareæ, similiter et qui Gangris; præterea et iis qui in Antiochiâ Syriæ, atque et iis etiam qui in Laodiceâ Phrygiæ; præterea autem et centum quinquaginta Patribus, qui in hac à Deo conservandâ et imperiali civitate convenerunt, et ducentis qui in Ephesiorum metropoli prius coacti sunt, et sexcentis triginta sanctis et beatis Patribus qui Chalcedone coierunt; similiter et iis qui Sardice, et qui Carthagine, et qui rursus in hac Dei cultrice et imperatoriâ urbe convenerunt sub Nectario, qui imperanti huic civitati præsidebat, et Theophilo, qui fuit Alexandria archiepiscopus. Quin etiam canones Dionysii, qui fuit archiepiscopus magna Alexandrinorum civitatis, et Petri, qui fuit Alexandria archiepiscopus et martyr; Gregorii Neocesareæ episcopi Thaumaturgi, Athanasii Alexandrini archiepiscopi, Basilii archiepiscopi Cesareæ Cappadociæ, Gregorii episcopi Nissæ, Gregorii theologi, Amphilochoi, Leonii, Timothei archiepiscopi Alexandriae, prioris Theophili archiepiscopi, ejusdem Alexandriae, Cyrilli ejusdem Alexandriae archiepiscopi, et Gennadii, qui fuit patriarcha hujus à Deo conservandæ et imperantis civitatis. Præterea verò et à Cypriano, qui Afrorum regionis fuit archiepiscopus et martyr, et synodo quæ sub ipso fuit emissum canonem, qui in prædictorum*

et presulum locis solum secundum traditam eis consuetudinem servatus est; et nulli licere prius declaratos canones adulterare, vel non admittere, vel alios præter hæc propositos recipere canones a quibusdam falsâ adjecta inscriptione compositos, qui veritatem canonum conati sunt. Hæc porro collectioni Zonarii monachus, et Ritsanen patriarcha Antiochenus, Trullanos ipsos canones 192 addiderunt, necnon canones septimæ et octavæ synodi æmendarunt. Atque his constat jus omne Orientalium Ecclesiarum. Quod vero Occidentalem Ecclesiam spectat, ea usâ est codice canonum à concilio Chalcedonensi probato, et in omnibus Ecclesiis promulgato, donec Dionysius Exiguus abbas novam adornavit collectionem. Laurentii Romane Ecclesie presbyteri votis amicus. In eâ codicem canonum Ecclesie universæ ex Græco fideliter et accurate versorum exhibuit, in 27 canone concilii Chalcedonensis desinens. His adjunxit quinquaginta priores canones apostolicos, canones concilii Sardicensis, et conciliorum Africanorum. Integra Dionysii collectio canones 594 complectitur: quibus Romanorum decreta pontificum ecclesiasticam sententia disciplinam, à Siricio usque ad Hormisdam subjunxit. Hanc collectionem et interpretationem canonum probavit ecclesia Romana, ut testatur Cassiodorus, divinarum Lectionum c. 25, ubi de Dionysio ita scribit: *«Ex Græcis exemplaribus canones ecclesiasticos moribus suis, ut erat planus atque disertus, magnâ eloquentiæ luce composuit: quos hodiè usu celeberrima Romana Ecclesia complectitur.* Eâ collectione in judiciis ecclesiasticis etiam usâ est, ut constat ex causâ Contumeliosi Regensis (de Riez) episcopi, quem Jeanes II, pontifex maximus, ab episcopatus ordine suspendit propter varia, quibus pollutus erat, crimina, decrevitque ut in ejus locum visitator in ipsius Ecclesiâ constitueretur, datis eâ de re ad Cesarium episcopum Arelatensem litteris, quibus capita canonum, qui judicia episcoporum spectabant, et qui in Contumeliosi causâ usui esse poterant adjunxit, scilicet cap. 7 ex epistola Syrii, ex canonibus Apostolorum, cap. 25 et 51, ex canonibus Antiochenis cap. 4 et 15. Transscripta autem erant ea capita ex collectione et interpretatione Dionysii Exigui.

Gallicana Ecclesia hanc collectionem etiam amplexa est maximâ cum veneratione, eâque usâ est in judiciis canonicis, ut colligitur ex verbis Casarii Arelatensis in causâ Contumeliosi. *Nemo mihi, inquit, alia quolibet contra auctoritatem sedis apostolicæ, aut contra 518 episcoporum præcepta, vel reliquorum canonum statuta objiciat, quia quidquid contra illorum definitionem, in quibus Spiritum sanctum locutum esse credimus, dictum fuerit, recipere non solum temerarium, sed etiam periculosum esse non dubito.* Idem colligitur ex concilio Aurelianensi, canone 3, quo decernitur, ut *Metropolitani à comprovincialibus episcopis, sicut decreta sedis apostolicæ continent, cum consensu cleri vel civium eligatur, quia æquum est, sicut ipsa sedes apostolica dicit, ut qui præponendus est omnibus, ab omnibus eligatur.* Decretum Leonis I pontificis maximi at-

legat in epistolâ ad Anastasium Thessalonicensem, quod collectioni Dionysii Exigui, cum aliis ejusdem aliorumque pontificum decretis insertum erat. Istam itaque collectionem Gallicana Ecclesia receperat. Hic liber est canonum, quem rex Chilpericus ad Gallicanos antistites Parisiis in synodo congregatos misit, teste Gregorio Turonensi lib. 5 Historiæ Francorum, cap. 19, cujus verba in dissertatione de canonibus apostolicis adduxi.

Non tamen eo duntaxat canonum codice in sancienda disciplinâ, et in judiciis ecclesiasticis Gallicani antistites utebantur; verum etiam canonibus Gallicanarum synodorum, ut constat ex causâ Contumeliosi Regensis episcopi, in quâ Cæsarius Arelatensis protulit seorsim canones Gallicanos, eisque recensitis, ait: *Ecce manifestissimè constat quia non solum secundum quod et tituli antiquorum Patrum, sed et canones Gallicani continere videntur, clerici in adulterio deprehensi, aut ipsi confessi, aut ab aliis reiecti, ad honorem redire non possint.*

Idem constat ex Agobardo Lugdunensi archiepiscopo, in epistolâ ad Ludovicum Pium imperatorem: *Huc accedit, inquit, aliud quod piâ consideratione dignum videtur, de canonibus scilicet Gallicanis, qui quasi superflui aut inutiles à quibusdam respiciuntur, eò quòd neoterici Romani eos non commendaverint, cum antiqui religiosè eos venerati sint, quoniam venerandi et sancti viri eos ediderunt, quorum vitam et sanctitatem crebra miracula commendârunt... Neque hoc idcirco dicitur, ut passim omnium episcopalium conventuum sanctiones æquali auctoritate recipiendæ credantur, ut Nicæni, Chalcedonensis et cæterorum generalium ex totius mundi consensu congregatorum et receptorum. Sed quia congruâ veneratione, pro causis necessariis, quarum definitiones ex illis generalibus non inveniuntur, fides sit eis adhibenda, religione debita.*

Collectio et interpretatio Dionysii Exigui in Hispaniâ æquè ac in Galliis recepta est, ut constat ex concilio Bracarensi II, anno 563, in quo postulante Lucretio episcopo, *relecti sunt ex codice, coram concilio, tam generalium synodorum canones, quàm localium.* Quorum observantia cap. 20 ejusdem concilii præcepta est his verbis. *Item placuit ut quæcumque præcepta antiquorum canonum modò in concilio recitata sunt nullus audeat præterire. Si quis autem quasi contumax transgreditur, ille necesse est ut de suo degradetur officio.* Verum Martinus Bracarensis episcopus, natione Græcus, et Dumiensis olim cœnobii abbas, novam collectionem edidit, novâque methodo duas in partes illam distribuens, descriptis in primâ parte canonibus qui ad clericos, in secundâ qui ad laicos pertinerent. Hæc collectio à concilio Lucensi (de Lugo) in Galliciâ probata est anno 571, quam sæpè laudat Gratianus sub nomine Martini papæ in concilio.

V. Antiquo juri successit novum ex collectione Isidori Mercatoris, quod anno circiter 836, agente Nicolao I pontifice maximo, promulgari ceptum est. Veterum pontificum Romanorum decretales epistolas ea collectio complectitur, de quibus dissertatione præcedenti egimus. Jus illud novum, quo disciplina

vetus, quoad judiciorum Ecclesiasticorum ordinem, labefactata est, paulatim invaluit. Primus eo usus est Angilramnus episcopus Metensis, in collectione Capitulorum, quæ sub nomine Adriani Romani pontificis ad Angilramnum circumferuntur; quorum plurima ex veterum pontificum epistolis collegit, et Adriano papæ obtulit, cum aliquo de crimine accusatus, judicium sacerorum cognitioni subtrahere se vellet. Dixi t quæ sub nomine Adriani circumferuntur, nam faciliè assentior viro clarissimo et doctissimo Baluzio, qui in suâ ad Antonii Augustini de Gratiani emendatione Dialogos Præfatione, non inanimè suspicatur illorum capitulorum auctorem non fuisse Adrianum, sed Angilramnum. Ejus conjectura præcipuè nititur fide veteris codicis manuscripti Bibliothecæ regalis monasterii S. Victoris Parisiensis, in quo huic collectioni titulus iste præfixus est: *Incipiunt capitula collecta ex diversis conciliis sive decretis pontificum Romanorum ab Angilramno Metensi episcopo et Adriano papæ oblata.*

Præterea non est verisimile quòd Adrianus Angilramno codicem canonum alterum dedisset ab eo quo tunc Romana utebatur Ecclesia, quem Gallicana in judiciis ecclesiasticis et in controversiis de disciplinâ emergentibus consulebat; quem denique Carolo Magno dederat Adrianus ipse, ut hoc dono eum Ecclesiasticæ disciplinæ tutorem canonumque vindicem declararet. Et in illo codice, quem Carolo Magno obtulit Adrianus, veterum pontificum decretales epistolæ nullæ citatæ sunt, sed Romanorum episcoporum à Siricio duntaxat ad Gregorium Juniores decreta; quod argumento est Adrianum veteres illas epistolas venerandis præsulibus suppositas existimasse: non est igitur verisimile quòd ille pontifex depromptas ex illis epistolis sententias collectioni capitulorum Angilramno datæ inseruisset.

VI. Aliqua etiam ex Isidori Mercatoris collectione mutuatus est Regino monasterii Prumiensis abbas, in libris duobus quos de ecclesiasticis Disciplinis et Religione christianâ, scripsit anno circiter 906, jussu Ratibodi archiepiscopi Trevisensis, cujus in metropoli degebat, in sancti Maximini monasterio, in quod Prumiensi ex abbatiâ pulsus secesserat. Eo namque in opere, præter canones antiquos, dicta sanctorum Patrum, et sincera pontificum Romanorum decreta, pseudopigraphas etiam decretales in Isidori Mercatoris officinâ fabricatas interdum allegat.

VII. Post Reginum, Buchardus Wormatiensis episcopus, anno 1020, viginti decretorum libros novâ methodo composuit, Scripturæ sacræ Patrumque sententias, conciliorum canones, pontificum decreta, ad certa disciplinæ ecclesiasticæ capita redigens. Quo in opere componendo Olbertum Gemblacensem abbatem Burchardo collaborasse testatur Sigebertus in Chronico ad annum 1008.

VIII. Altera juris canonici collectio exstat sub nomine Anselmi Lucensis, quæ illius non est genuinum opus; plurima namque Urbani II et aliorum pontificum decreta continet, quorum ævo jam ornerat

Anselmus. Præterea vetus auctor vitæ ejusdem Anselmi, qui lucubrations ejus recenset, istius collectionis non meminit; de qua apud Sigebertum et Trithemium altissimum etiam silentium est.

IX. Anno deinde 1100, Ivo Carnotensis collectionem canonum elaboravit ad usum Ecclesiæ Gallicanæ, sive potius collectiones duas, quarum una *Pannormia* inscribitur, altera *Decretum Ivonis*. Et primam quidem non esse germanum Ivonis opus, viri quidam eruditi existimârunt, sed Hugonis cujusdam Catalaunensis, quem ex Ivonis decreto abbreviato libellum conscripsisse, qui *Summa decretorum Ivonis* appellatur, testis est Vincentius Bellocensis, lib. 25 Speculi historialis, cap. 84. Sed hunc librum alium esse à Pannormiâ Ivonis, ostendit et tituli diversitas in omnibus manuscriptis editisque codicibus, et canonum ac decretorum in utroque libro relatorum varietas. Ad calcem Pannormiæ (si descripta sunt decreta Innocentii II, qui pontifex factus est multis annis post Ivonis Carnotensis obitum. Hoc tamen argumento non est Pannormiam esse supposititium Ivonis opus, quia decreta illa non sunt pars istius collectionis, sed ipsi sunt addita posteriori manu. Unde Antonius Augustinus Tarraconensis episcopus habuisse se eodẽm veterem Pannormiæ Ivonis testatur, a quo decreta Innocentii II aberant, sicut absunt ab antiquissimo codice Bibliotheca Victorinæ, ut observat vir eruditus Stephanus Baluzius. Pannormia in partes octo, decretum in decem et septem divisum est. In utramque collectionem plurima ex digestis, codice et novellis transcripsit, juxta civile enim canonico præclare conjugens.

X. Anno tandem 1151, Gratianus monasterii Sancti Felicis Bononiensis, ordinis Benedictini monachus, jus canonicum in unum corpus redegit. Liber ille falsò decretum Gratiani inscribitur, cum in nullo ferè veterum codicum ea inscriptio exstet, sed ista: *Concordia discordantium canonum*. Hinc viri doctissimi Antonius Democlares et Antonius Pontius, qui edendo emendandoque Gratiano incubuerunt, vocem illam, *decretum*, utpote ineptam sustulere, quia non unius decreti explanatio, sed multorum collectio decretorum opus illud est: ille itaque *decretorum Collectanea*, hic *decretorum canonicorum Collectanea*, inscripserunt. Hanc adornavit collectionem Gratianus sub Eugenii III, pontificatu. Dionysii Exigui, Isidori et Ivonis collectiones complectitur, novis constitutionibus pontificum, canonibus conciliorum et sanctorum Patrum locis amplificatas et locupletatas.

Tres in partes dividitur Gratiani collectio: Prima distinctiones centum et unam complectitur; secunda, causas triginta sex, quarum singula in questiones dividuntur, et quælibet questio in capita. At verò questio tertia cause trigesimæ tertiæ, tractatum de Pœnitentiâ continet, in septem distinctiones, per ca-

(1) *Pannormiam* viri quidam eruditi dici debere contendunt, quasi legum omnium complexione; sed veteres codices manuscripti editique libri *Pannormiam* exhibent: uti et Trithemius in lib. de Script. ecclæs.

pta, divisum. Tertia pars exhibet tractatum de Consecratione, in quâ de consecratione ecclesiarum et missarum celebratione, de sacramento Eucharistiæ, et festivitatis per anni circulum celebrandis, de baptisni sacramento, de confirmatione et jejunio, quinque distinctionibus agitur.

Quatuor modis citari solet Gratiani collectio. Primo sic: *dist. 5. C. Si lapsus*, ita ut hæc verba sint principium capitis quod in eâ distinctione continetur. Secundo modo sic: *12. q. 2. C. Placuit*, id est, causa 12, q. 2, cap. quod incipit hoc verbo *placuit*. Tertio modo, tractatus de Pœnitentiâ sic allegatur: *De Pœnit. dist. 1. C. Multiplex*. Quarto, tractatus de Consecratione sic profertur in medium: *De Consec. dist. 1. C. Missarum*.

Innumera sunt in Gratiani collectione errata, et quidem gravissima, contra historia leges, contra criticæ accurationem, contra sanæ theologiæ principia quæ monachum illum doctissimum non fuisse et valdè indiligentem probant. Hæc annotata sunt et emendata à correctoribus Romanis, viris scilicet eruditis, quos summi pontifices Pius IV, Pius V, et Gregorius XIII, huic castigando operi præposuerunt. Sed et de Gratiani emendatione nemo scripsit accuratus aut doctius Augustino (de Tarracone) episcopo, qui libros duos hoc de argumento composuit, quorum quilibet dialogos viginti multâ ac variâ refertos eruditione complectitur: quos nuper doctissimis à se notis illustratos typis rursus mandari curavit Stephanus Baluzius. Veterum pontificum ante Siricium epistolas aliæque ex pseudopigraphis loca Gratianus allegat, concilia citat nullibi gentium celebrata, testimonia Patribus affingit quæ non agnoscunt.

XI. Post Gratiani collectionem, tres decretalium epistolarum Alexandri III, Innocentii III, et Honorii III, collectiones editæ sunt, quas unum in volumen congestas editionis honore Antonius Augustinus donavit, cum aliis duabus collectionibus antiquis, privato tantum studio, privatæque auctoritate compositis. Accessit quarta decretalium unum in corpus collectio, jussu Gregorii IX, pontificis maximi, à S. Raymundo à Penafort (Raymond de Rochefort) ordinis Fratrum Predicatorum, ipsius capellano et pœnitentiario, adornata et in quinque libros divisa. In primo agitur de munere et officio personarum ecclesiasticarum; in secundo, de judiciis et iis quæ ad judicia pertinent; in tertio, de rebus ad clericos et ecclesiasticos spectantibus; in quarto, de rebus quæ ad laicos attinent; in quinto, de delictis et eorum poenis.

Allegantur decretales hoc modo: *Ext. c. Etsi Judæos, de Judæis*, id est, cap. quod incipit his verbis: *Etsi Judæos*, titulo de Judæis.

XII. Quinque libris decretalium sextus additus est à Bonifacio VIII, qui summorum pontificum, qui Gregorium IX, inter et Bonifacium VIII, sederunt, decretales et ipsius Bonifacii constitutiones complectitur; sicut S. Raymundi collectio præter decretales supra laudatorum pontificum, Gregorii IX, constitutiones continebat. Decreta autem Bonifacii VIII, non sunt

ab Ecclesiâ Gallicanâ receptæ; et maximè decretalis *Unam sanctam*, quam ob assertam Romano pontifici in regum temporalia auctoritatem, quamvis Ecclesiæ Romanæ beneficiarii non sint, seu feudatarii, nostrates theologi et omnes regni hujus ordines rejiciunt, quam Benedictus XI, et Clemens V, justè prudenterque rescidère. Sic porro ista collectio citari solet: *C. Si iudex de sent. excomm. in 6*, id est, titulo de sententiâ excommunicationis, lib. 6 Decretalium.

XIII. His additæ sunt Clementinæ, id est, Clementis V, constitutiones in concilio Viennensi editæ, quæ hoc modo laudari solent: *Clement. Si furiosus de homicidio*; id est, Clementina, quæ incipit: *Si furiosus*, titulo de homicidio. Sequitur Extravagantium collectio, sive Joannis XXII, sive Communium, quæ à diversis pontificibus editæ sunt. Sic autem nuncupatæ sunt constitutiones illæ, quòd extra corpus juris canonici vagarentur. Sic autem allegantur: *Extrav. Vas electionis, de hæreticis*, id est, titulo de hæreticis, in Extravaganti quæ incipit, *Vas electionis*.

His omnibus constat juris canonici corpus, ceu totum illud quod hodiè à nobis jus novum nuncupa-

tur, quod in multis capitibus differt à jure veteri, sed in iis maximè quæ metropolitanorum et conciliorum provincialium auctoritatem spectant, quam labefactavit et propemodùm evertit. Verùm quamvis multò antiquæ disciplinæ et priscis moribus contraria invexerit, fatendum tamen est multos ipsum suppluisse juris veteris defectus, istamque novarum legum multitudinem necessariam fuisse, ut novis in dies emergentibus causis lux afferretur, novisque malis, quæ grassari cœperant, remedia adhiberentur opportuna. Unde tam verè quàm eleganter illustrissimus et doctissimus Parisiensium archiepiscopus Petrus de Marcà, l. 3 de Concordiâ sacerdotii et imperii, cap. 6, ait: *Si quis res accuratè expendat, non adeò laborabit de discrimine antiqui juris et recentioris; quod rerum et negotiorum varietas ab invitis pontificibus, pro utilitate reipublicæ christianæ extorsit. Itaque eo statu res Ecclesiæ nunc positæ sunt, ut si quis de absolutâ et integrâ restitutione juris antiqui et novi abolitione contendat, proinde agat, ac si imperiorum inveteratorum administrationem ad eam formam revocare velit, quæ in ipsis regnorum initiis obtinebat.*

DE PRÆCIPUORUM ECCLESIÆ FESTORUM

Numero et Institutione.

AUCTORE BOUVIER (1).



In tres classes naturalitèr dividuntur festia ab Ecclesiâ instituta et celebrata; alia quippe habent pro objecto Deum aut Christum; alia beatissimam virginem Mariam, et alia cæteros sanctos.

§ I. — *De præcipuis festis in honorem Dei et Domini nostri Jesu Christi institutis.*

1^o *Dominica*, sabbato veteris Legis substituta, de qua sufficienter diximus agendo de tertio Decalogi præcepto.

2^o *Adventus*. Annus ecclesiasticus a prima dominica Adventus incipit: Adventus vero, sic dictus quia præcedit adventum Domini nostri Jesu Christi in mundum, id est, Nativitatem ejus, initium habet die dominica quæ festo S. Andræ proxima est, ac proinde a die 27 novembris ad 3 decembris: quatuor semper complectitur dominicas. Bened. XIV, Inst. 41, n. 7, affirmat ejus institutionem ad sæculum sextum referendam esse et S. Gregorio Magno adscribendam. In Sacramentario S. Gregorii quatuor dominici dies Adventus nominantur, quibus deinde in aliquibus locis quintus et sextus accesserunt, ut in ritu Mozarabico, in ritu

Ambrosiano, et in pluribus religiosis ordinibus: tunc Adventus incipit dominica post festum S. Martini, et olim dicebatur Quadragesima S. Martini; per plura sæcula abstinencia a carnibus erat præscripta, et jejunium in usu generali erat usque ad duodecimum sæculum, modo ad devotionem, modo ex præcepto, sique adhuc viget apud Græcos.

Nunc in tota Ecclesia Latina, exceptis quibusdam religiosis ordinibus, obligatio abstinence et jejunii cessavit, etiam in Mediolanensi ecclesiâ, quæ tamen suum ritum incipiendi Adventum dominica post festum S. Martini retinuit. *Gloria in excelsis* et *Te Deum* supprimuntur in missa et officio de tempore, et adhibetur color violaceus.

3^o *Nativitas Domini*. S. Aug. Epist. 33, de more hoc festum die determinato celebrandi ut recepto et antiquo loquitur. S. Chrysost. sermone de Christi Nativ. 33, ait Romanos ex antiqua traditione hanc sanctam Nativitatem die 25 decembris celebrare, et illius notitiam ad Græcos transmisisse. Benedictus XIV ostendit hanc festivitatem ex antiquissima traditione in Occidentali ecclesiâ, die 25 decembris jam celebratam, in quarto sæculo transiisse ad Græcos, qui hucusque illius memoriam faciebant die Epiphaniæ. Romani facile potuerunt cognoscere, ex publicis commentariis, quibus recensio sub Augusto facta continetur, quo præcisè die natus esset Salvator mundi, et optime notat S. Chrysost. Valdè igitur credibile est esse diem 25 decembris.

Maxima hæc solemnitas incipit a Laudibus vigiliæ

(1) Eximium adhuc locum ex D. Bouvier desumptum hic subjicimus. Quidquam, uti videre est, in theologico opere magis novum simul et orthodoxum, ad præsentia necnon præterita tempora magis accommodatum reperire difficile foret. Et his quidem rivulis lectorem delectando, utnam enim ad fontem ipsum, tota commendandi auctoris empto opere, conducere posset!

quæ sunt de ritu duplici aut semiduplici : officium nocturnum cum solemnitate celebratur, et quilibet sacerdos habet facultatem tres dicendi missas, quod olim fieri solebat in magnis solemnitatibus, ut in tractatu de Eucharistia notavimus; et allegatio triplicis nativitatis Christi, in sinu Patris, in utero matris et in cordibus nostris, honorande motivum terræ illius celebrationis fuisse nullo modo videtur.

4° *Circumcisio*. In codice sacramentorum Ecclesie Romane a venerabili Thomasio cardinali edito, quem Bened. XIV S. Leoni Magno et predecessoribus ejus tribuendum esse putat, in Calendario Romano abhinc noncentis annis et amplius scripto, et in corpore juris canonici, nempe in Decreto, 5 part. dist. 5. can. 1, hoc festum appellatur octava Nativitatis Domini; sed, cum ex Evangelio constet eum die octavo fuisse circumcissum, erat simul festum Circumcisionis. Unde in Martyrologio Romano sic annuntiatur : *Circumcisio D. N. J. C. et octava Nativitatis ejusdem*; in Decretal. l. 2, tit. 91, cap. 5, simpliciter dicitur circumcisio. Bened. XIV æstimat et probat hoc festum ante finem quarti sæculi fuisse institutum. Et quoniam eodem die gentiles festum profanum et valde turpe jam et strence dicabant, viri mulieribus et femine virilibus personis susceptis, comensationes et aleas agitant, velut insani currebant, fideles ad ecclesias convocantur et jejunium cum oratione miscuentes, ante nonam nihil comedebant.

5° *Epiphania*, græcè *Θεοφάνεια*, id est, Dei manifestatio. Tres manifestationes Christi in eo die simul honorantur, videlicet manifestatio Magis et, in eorum personis, gentibus; manifestatio Judeis, cum, eo suscipiente baptismum a Joanne, vox de celo dixit : *Hic est Filius meus dilectus, ipsum audite*; et manifestatio divinitatis ejus discipulis in Cana Galilee, quando aquam mutavit in vinum. Certum est hanc festivitatem semper fuisse celebrem in utraque ecclesia, Orientali scilicet et Occidentali, ac ipsius institutionem ad Apostolos, juxta quosdam, et saltem tertium sæculum ascendere. In ea, post evangelium, solemniter annuntiatur populo quo die hoc anno celebrandum sit Pascha Domini.

Apud nos Baptisma Domini simul cum octava Epiphaniæ celebratur die 15 januarii.

6° *Festum sanctissimi Nominis Jesu*. Mos erat apud Judæos nomen imponendi puero in ipsamet circumcissionis solemnitate octavo die, ut patet exemplo Joannis Baptiste, de quo legitur, Luc. 1, 59 : *Et factum est in die octavo, venerunt circumcidere puerum, et vocabant eum nomine patris sui Zachariam, etc.* Et cap. 2, 21, de Christo habetur : *Postquam consummati sunt dies octo ut circumcideretur puer, vocatum est nomen ejus Jesus*. Sanctissimum illud nomen ab Angelo prænuntiatum, qualitatem Salvatoris exprimit; omnibus est venerabile, et in illo omne genu flectitur, *caelestium, terrestrium et infernorum*, Philip. 2, 10. S. Bernardus Senensis, anno 1447 mortuus, zelo pro conversione peccatorum flagrans, et penitentiam in Italia prædicans, ut compunctionem cordium excitaret, instituit ut, sacra concione habita, oculis auditorum ex-

poneretur tabella in qua radium nomen Jesu depictum erat. Quidam hujusmodi cultui restiterunt, alii illum approbaverunt. Postea sedes Apostolica illum approbavit cum officio pro tota S. Francisci familia, ad quam S. Bernardus Senensis pertinebat, et anno 1721, die 29 nov. pro universali Ecclesia, et statuit hoc festum dominica secunda post Epiphaniam celebrandum fore : huc usque in ecclesia Genouaniensi constituitur.

7° *Quadragesima*, quæ est traditionis Apostolorum, et tanquam preparatio ad magnum Paschatis festum fuit instituta. De illa fusius agemus ubi de jejunio. Tres eam præcedunt dominicæ, Septuagesima, Sexagesima et Quinquagesima, in quibus Ecclesia fideles ad penitentiam preparare intendit, bacchanalibus tunc grassantibus opponens signa tristitiæ in suis vestibus et ornamentis, in cantibus et caeremoniis, et in officiis suis ad memoriam revocans quæ Deus contra Adamum peccatorem, contra terræ incolas tempore Noe et contra Sodomitæ gessit.

8° *Dominica Palmarum*. Constat, ex S. Joanne, 12, 1, Jesum venisse Bethaniam *ante sex dies Paschæ*, id est, die sabbati in quo ramos cardere non licebat; in crastino die, dominicæ nostræ respondentis, venit Hierosolimam, et turba multa *acceperunt ramos palmarum et processerunt obviam ei, et clamabant : Hosanna, benedictus qui venit in nomine Domini, Rex Israel*.

In memoriam triumphalis hujus Christi ingressus in Jerusalem sollemnis instituta est professio quæ in usu est saltem a quinto sæculo in ecclesia Orientali, et ab octavo in Occidentali, juxta *Græcos* : in ea deferuntur palmæ quas celebrans benedicit et distribuit clericis, nobilibus et magistratibus, qui a digniore ad ultimum successive veniunt, duo genera coram celebranti flectunt, palmas ab eo accipiunt, manum ejus et ipsam palmam in una parte deosculantur. Mulieres, si veniant, palmam tantum deosculantur. Hic ritus Romanus Genouani non servatur, sed palmæ a celebrante vel ab episcopo, si sit præsens, benedicuntur, et postea clericis ac quibusdam tantum laicis in choro assistentibus per nonnullos clericos distribuantur. Ceteri fideles eas tenent manibus benedicendas.

Hymnus *Gloria, laus et honor*, etc., qui in dicta processione canitur, est initium carminum a Theodulpho, Aurelianensi episcopo, in nono sæculo compositorum, ut a pueris in die Palmarum canerentur. Reperiuntur inter multa ejusdem auctoris carmina, lib. 2, § 5, in Bibliotheca Patrum, t. 11, p. 57. Fertur Theodulphum ab imperatore Ludovico Pio Andegavis in carcerem detentum, hunc hymnum a se compositum cecinisse dum imperator in die Palmarum processioni assistens, prope carcerem transiret, et ideoque veniam ab illo obtinuisse. Vide Bened. XIV, de Dominica Palmarum, n. 18.

A dominica Palmarum ad dominicam in Albis quodlibet officium occurrens post quindenam paschalem, transferatur in diem festo duplici aut semiduplici non habentem : si esset festum in populo, juxta ritum

Romanam, soium transferretur officium, remanente obligatione abstinendi ab operibus servilibus, et missam audiendi, excepto Parasceve in quo non est obligatio audiendi missam quæ celebrari non potest, nec assistendi officio hac die celebrato, quia non est proprie missa, nec per se de præcepto; in eo casu indulgentia in feriam secundam post dominicam in Albis transfertur cum officio et feriatiōe, quia hæc feria tali anno censetur dies propria festi, et habet privilegium quodvis officium translatum et omnia officia in dictam feriam occurrentia removendi, modo non sint altioris gradus. In cæteris diebus in quibus remanet obligatio feriandi, indulgentia cum solo officio non transfertur, ut S. Cong. rit. declaravit 2 julii 1614 et tenent omnes auctores.

3^o *Officium tenebrarum.* Hoc officium recitatur vel cantatur quando sol tres partes diurni cursus absolvit, et non ante: dicitur *tenebræ*, quia olim in medio tenebrarum noctis habebatur, vel quia nunc sub vespera absolvitur. Incipit absolute, sine *Domine labia aperies*, *Deus in adjutorium*, *Gloria Patri*, *Invitatorio*, etc.; et hæc forma, quæ ex antiquo more officium nocturnum recitandi fuit conservata, ad plangendam Christi passionem et mortem maxime convenit. Quindecim in triangulari candelabro ponuntur cerei flavi coloris, quorum unus post finem cujuslibet psalmi exstinguitur, ad significandum discipulos Christi unum post alium magistrum suum dereliquisse. Ultimus ad canticum *Benedictus* post altare defertur, absconditur, et, finito officio, exstinguitur. Completa oratione *Respice, quæsumus*, fit fragor et strepitus aliquantulum, et populus discedit. Superior manu percutit librum aut scabellum, et omnes clerici idem faciunt; non vero laici. Hic fragor spiritualiter significat commotionem naturæ in morte Christi. Apud nos solus superior vel chori præses fragorem facit.

4^o *Feria quinta in cæna Domini.* Hæc feria omni tempore fuit celebris; in ea enim 1^o pœnitentes publici olim ante missam solemniter reconciliabantur ab episcopo; 2^o imperatores Christiani, exemplo Ecclesie ducti, indulgentiam concedentes captivis, eos solvebant a vinclis; 3^o celebratur institutio sanctissimæ Eucharistie: in pluribus ecclesiis unus celebrat, et omnes sacerdotes sacram synaxim de manu ejus suscipiunt; in aliis, ut apud nos, singuli celebrant, 4^o fit sollemnis consecratio S. chrismatis, olei catechumenorum et olei infirmorum; 5^o sanctissimum Sacramentum processionaliter defertur ad locum ubi usque ad posteram diem asservatur; 6^o lavantur in cathedralibus et in aliis quibusdam ecclesiis pedes duodecim pauperum (in Ecclesia Romana tredecim, quod sat difficile explicat Bened. XIV), ad exemplum Christi, qui humilitatis causa lavit pedes discipulorum, eisque mandavit ut idem facerent; 7^o denudantur altaria, ad significandum Christum per lapidem altaris representatum, in cruce fuisse nudum; 8^o sonus campanarum, dicto hymno *Gloria in excelsis*, suspenditur usque ad initium ejusdem hymni in sabbato sancto, et interea fit strepitus per aliquod ligneum instrumentum, ut mos fuit fa-

ciendi in primis Ecclesie sæculis. Silentium campanarum mystice exprimit silentium Apostolorum, qui, relicto Christo, abierunt.

11^o *Feria sextam Parasceve.* Parasceve apud Hebræos idem sonat ac præparatio, et sic vocabatur dies immediate præcedens sabbatum, quia in illa parandi erant cibi in sabbato sumendi. Cum in ea die Christus passus, crucifixus et mortuus fuerit, viri Apostolici eandem passionum et mortis Christi memorie specialiter consecrarunt, retento nomine eo tempore et in Evangelii usitato.

In hac die qua recolitur Christus ut mortuus, 1^o non celebratur missa proprie dicta, sed tantum missa præsanctificationum; 2^o cantatur vel recitatur Passio Domini nostri Jesu Christi, secundum Joannem; 3^o pro diversis ordinibus Ecclesie, et etiam pro iis qui non sunt de Ecclesia, ut sunt schismatici, hæretici, Judæi, pagani, specialiter oratur, ad expressius significandum Christum pro omnibus mortuum esse: ante orationem pro Judæis omittitur *Oremus* et *Electamus genua*, quia, ait Alcuinus, auctor noni sæculi, Judæi flexis genibus illuserunt Christo; 4^o sollemnis adoratio crucis sequenti modo: crux, cum imagine Christi in ea affixi, super pulvinum violacei coloris in ritu Romano, coloris rubri in ritu nostro, deponitur; celibrans, depositis calceamentis, manibus junctis et demissis oculis, in certâ à cruce distantia se constituit, duobus genibus flexis et inclinato capite, crucem adorantem mente vel ore secreto dicens: *Adoramus te, Christe, et benedicimus tibi, quia per sanctam crucem tuam redemisti mundum*; surgit, incedit, et in medio loco, inter primam adorationem et crucem, idem facit; deinde tertio ante ipsam crucem, quam postea deosculatur, non in faciem Christi, nec in manus, nec in latus, sed, ex reverentia, in solos pedes. Accedunt deinde diaconus et subdiaconus, et sic ordinate, ut dum celebrans secundam facit adorationem, diaconus faciat primam, et dum facit tertiam, diaconus faciat secundam et subdiaconus primam. Postea veniunt clerici, incipiendo à dignioribus, et laici idem facientes: si præsens esset episcopus, primus post celebrantem accederet. Ubi major est numerus fidelium ut omnes tres faciant adorationes sicut clerici, digniores tantum et in choro assistentes hunc sequuntur modum; cæteris præbetur crux quam successive deosculantur genuflexi. In ritu nostro non deponuntur calceamenta.

Plures parochi arbitrati sunt se hac die reliquias vere Crucis loco crucis ordinariæ fidelibus præbere posse adorandas. Errabant, nam ubique in liturgia ut adoratio crucifixi, id est, imaginis Christi cruci affixi.

12^o *Sabbatum sanctum.* Sabbatum Judaicum in festa Paschalia incidens magnus valdè dicebatur; hoc sabbatum semper fuit celebre apud Christianos tantquam præparatio ad maximam festivitatem Paschæ, et dictum est sanctum. In eo die 1^o catechumeni olim baptizabantur; 2^o non dicebatur missa, nequidem præsanctificationum: officium incipiebat ad vesperam, protrahabatur in noctem dominicæ. ita ut missa ver-

sus diem nascentem celebraretur. Paulatim tempus hujus officii fuit anticipatum, donec sabbato mane cum missa fuerit celebratum; et ideo adhuc dicitur in præfatione *O beata nox*, in præfatione *in hac potissimum nocte*, in canone, *noctem sanctissimam*. 5° Novus benedictur ignis qui ope instrumenti e silice eruitur: de precedenti cuncta fuerunt extincta luminaria ecclesie, in signum mortis Christi luminis mundi; e lapide, qui est figura Christi, novus educitur, profertur et benedicitur ignis, ex quo accendendus est cereus paschalis, ad significandum Christum esse resurrecturum et habere in se præcipuum luminis et vite. 6° Benedicitur solemniter cereus paschalis, qui totus debet esse ex cera, pondere cereis communibus major, et sat altus ut in cunctis officiis publicis usque ad Ascensionem accendi possit. In basilica Lateranensi octoginta est librarum; quidam volunt eum esse debere saltem decem vel octo librarum: id quidem optimum est, sed tamen in plerisque ecclesiis minoris est ponderis, ex usu recepto. Representat Christum ex mortuis suscitatum lumen mundi, et ideoque quinque grana incensi in eo figuntur ad significandas quinque illius plagas. Diaconus magnificum cantat præconium, quod quidam S. Aug., alii S. Leoni tribuerunt, sed cujus auctor remansit ignotus; cum autem diaconus non sit alienjuss benedictionis ecclesiasticæ minister, dicendum est cereum paschalem, quem laudat et exultat, ab illo præcise non benedici, et benedictionem ipsi communicari per accensionem luminis et insertionem granorum incensi a sacerdote celebrante benedictorum. 7° Fit benedictio solemnisi aque Baptismatis, et si sint catechumeni baptizandi, statim baptizantur: cantantur litanie, quas celebrans et ministri, juxta rubricam, prostrati, recitare non tenentur.

15° *Pascha seu Resurrectio Christi*. Hoc maximum festum appellatur in Martyrologio *solemnitas sollemnitas*: est institutionis Apostolicæ et præ cæteris Ecclesiæ sollemnitatibus gaudium et letitiam excitat, fidem corroborat et æternæ jubilationis pignus ineffabile nobis præstat, quia si Christus, factus nobis similis, a mortuis suscitatus, in gloriam intraverit, et nos debemus in fine sæculorum resurgere et cum illo in æternam gloriâ regnare.

In hujus diei officio, quod antiquam redolet simplicitatem, omissione hymni, capitulorum et responsoriorum brevium, continuo resonat letissimum verbum *Alleluia*, quod per vicos Jerusalem celestis æternaliter cantabitur, Tob. 13, 22, et in fine cujuslibet horæ ponitur hæc festivissima antiphona: *Hæc dies quam fecit Dominus; exultemus et letemur in ea*. Tres tantum dicuntur lectiones per octavam, in ritu Romano, et per totum tempus paschale, in Parisiensi, Cenomanensi, atque aliis ritibus. In vespere fit apud nos processio ad fontes, in qua cantantur psalmi *De profundis* et *In exitu*, ad significandum recenter baptizatos transisse quasi per mare Rubrum et de Ægypto seu de captivitate demonis exisse: in ritu Romano hæc cæremonia olim usitata omittitur, et Vespere in choro absolvuntur more solito.

Dominica sequens vocatur *in albis*, seu potius post albas, quia vestes albae, quibus neobaptizati sabbato sancto induuntur, sabbato sequenti deponuntur.

Tempus paschale est octava hebdomadarum, et terminatur vigilia sanctissimæ Trinitatis.

14° *Ascensio Domini*. Quadagesimo die a Resurrectione hoc celebratur festum, quod ideo in Constitutionibus Apostolicis, l. 8, cap. 5, dicitur dies Assumptionis Domini, et a S. Aug. Serm. 271, *die quadagesimus Ascensionis Domini* nominatur. Idem S. Doctor dicit, Epist. 54: « Illa autem quæ non scripta, sed tradita custodimus, quæ quidem toto terrarum orbe servantur, datur intelligi vel ab ipsis Apostolis, vel plenariis concilis, quorum est in Ecclesia saluberrima auctoritas, commendata atque statuta retineri, sicuti quod Domini passio et resurrectio, et ascensio in cælum, et adventus de cælo Spiritus sancti anniversaria sollemnitate celebrantur, et si quid aliud tale occurrat, quod servatur ab universa, quæcumque se diffundit, Ecclesia. » Magnæ ergo illæ festivitates ab universa servabantur Ecclesia tempore S. Aug., sicut tempore nostro, et velut ex Apostolica traditione descendentes habebantur.

Hæc festivitas octavam non habebat tempore Rodulphi de Rivo, Tongrensis decani, qui de Officio divino anno 1590 scribebat: sed mox habuit, et duo dies inter hanc octavam et Pentecosten intercedentes, velut continuatio octavæ habentur, ac ritu semiduplici celebrantur. In loco evangelii istius festi, ubi legitur, *assumptus est in cælum*, cereus paschalis extinguatur: aufertur, ex decreto S. Pii V, siquæ ascensio Christi exprimitur.

Vigilia Pentecostes semper eodem ritu servata est ac vigilia Paschæ, excepta cerei paschalis benedictione.

Ex Tertulliano dicente, lib. de Corona, cap. 5: *Eadem immunitate (jejunandi) a die Paschæ in Pentecostem usque gaudemus*, atque ex pluribus aliis primis Patribus, constat primitus nullum extitisse jejunium ob temporis paschalis letitiam, inter Pascham et Pentecosten; sed quoniam mos prævaluit jejunare, saltem ex devotione, feriis Rogationum seu supplicationum, quæ a S. Mamerto, Viennensi episcopo, versus annum 469 fuerunt institutæ ad iram Dei placandam, similiter contigit ut vigilia Pentecostes etiam jejunaretur: at jejunium Rogationum obsolevit, sola retenta a carnibus abstinencia, dum jejunium vigiliæ Pentecostes fere ubique factum est de præcepto. Episcopi provinciæ Turonensis, in mandato communi a nobis jam citato, diei 8 maii 1780, illud cum pluribus aliis pro suis respectivis diocesis suppresserunt.

15° *Pentecostes*. Die quinquagesimo post egressum de Ægypto, Lex vetus promulgata est in monte Sinai, per ministerium Moysis, et memoria hujus diei fuit celebris apud Judeos: similiter quinquagesimo die post resurrectionem Christi, Lex nova seu Evangelica fuit sua vice promulgata per admirabilem Spiritus sancti effusionem in omnes Apostolos, et per sensibiles ef-

fectus inde sequentes. Concordia tam perfecta casui fortuito tribui non potest : unde dies Pentecostes, seu quinquagesimus, semper fuit sollemnis in Ecclesia, et eundem habet ritum ac ipsa Pascha.

16° *Festum sanctissimæ Trinitatis.* In Decretal. l. 2, tit. 9, cap. 2, refertur constitutio Alexandro III tributa, quam Bened. XIV affirmat esse Alexandri II, anno 1061 ad dignitatem Pontificiam erecti : ille Pontifex testatur varias tunc extitisse consuetudines circa celebrationem festi sanctissimæ Trinitatis, secundum diversitatem regionum ; a quibusdam in octavis Pentecostes celebrari, ab aliis dominica prima ante Adventum, et Ecclesiam Romanam usum non habere speciale festum sanctissimæ Trinitati consecrandi, cum ei quotidie dicatur : *Gloria Patri, et Filio, et Spiritui sancto.* Hæc glorificatio, in fine psalmorum, in pausionibus psalmorum longiorum, in fine responsoriorum et etiam hymnorum, verbis tantum mutatis, recitari aut cantari solita, a quibusdam magno concilio Nicæno tribuitur, ab aliis habetur ut anterior, et tantum additio *Sicut erat in principio*, etc., ad hoc concilium refertur ; alii tandem iudicant eam ab Orientali Ecclesia in Occidentalem non fuisse introductam, sed initium habuisse in Gallia Narbonensi, in sexto sæculo.

Quidquid sit, hæc consuetudo est antiquissima et universalis ; attamen plures ecclesiæ iudicarunt, saltem à decimo sæculo, conveniens esse peculiare festum instituere in honorem sanctissimæ Trinitatis mysterii, quod est fundamentum fidei nostræ : sic ortum habuerunt variae consuetudines, quas Alexander II in sua decretali commemorat. Ecclesia Romana has consuetudines non improbavit, et tandem Joannes XXII, qui anno 1334 obiit, primus decrevit ut festum sanctissimæ Trinitatis prima die dominica post Pentecosten ab universali Ecclesia celebraretur, et generalis ejus institutio non fuit recepta nisi sub Benedicto XIII, anno 1405. In ritu Cenomanensi dupliciter celebratur, nempe prima dominica post Pentecosten et ultima, id est, dominica Adventum immediate præcedenti. Quædam vero ecclesiæ, v. g., Claramontana, in Gallia, illud nondum receperunt.

17° *Festum Corporis Christi.* Pia virgo, nomine Juliana, in pago diocesis Leodiensis anno 1195 nata, et monialis in conventu montis Cornelii, singulari devotione flagrabat erga præsentiam Domini nostri Jesu Christi in sacra Eucharistia. Cælesti visione frequenter donata, intellexit Christum optare ut sollemnis institueretur festivitas ad recolendam divinæ Eucharistiæ memoriam, et ipsam ad procurandam hanc institutionem fuisse electam. Obstupuit humilis virgo, iudicans se tanto perficiendo operi esse prorsus impari. Veruntamen, supernis auxiliis confisa, plures consulit viros pietate et scientia conspicuos, qui responderant ejus propositum nihil præ se ferre nisi laudabile, Deo ac Ecclesia dignum : tunc secretum suum aperuit ; multas difficultates, tribulationes ac persecutiones passa est, et nihilominus obtinuit, anno 1216, a Roberto, Leodiensi episcopo, edictum quo postulata so-

lemnitas instituebatur per totam diocesim, feria quinta post festum sanctissimæ Trinitatis quotannis celebranda, cum jejunio in vigilia. Canonici ecclesiæ collegiæ S. Martini, intra muros civitatis, soli paruerunt edicto, cæteris reclamantibus, et primi hoc festum anno 1247 solemniter celebrarunt, Juliana adhuc vivente.

Ea circa annum 1260 mortua, Eva, altera pia mulier Leodii habitans, cui Juliana totum negotium suum communicaverat, ab Henrico, Roberti successore, efflagitare non destitit ut Romanum pontificem exoraret quod nova festivitas ad universalem extenderetur Ecclesiam. Urbanus IV, sanctam Sedem tunc occupans, archidiaconus fuerat Leodiensis, Julianam noverat, audierat, et propositum ejus ut bonum et probandum laudaverat : precibus multiplicatis hac de re susceptis ac diu perpensis, edidit, die 11 augusti 1264, bullam qua prædictam instituit sollemnitatem feria quinta post primam dominicam Pentecostes in universa Ecclesia celebrandam.

Duplex editum fuit officium pro hac sollemnitate, unum à quodam Joanne, clerico Leodiensi, quod per plures annos in ecclesia S. Martini Leodiensis fuit celebratum ; et alterum jussu Urbani IV à S. Thoma de Aquino compositum, in Breviario Romano insertum, et nunc existens. Plures arbitrantur multa ex priori officio servata fuisse, et S. Thomam ea ad formam Breviarii Romani redegisse.

Sollemnis sanctissimi Sacramenti processio, cujus nulla fit mentio in bulla Urbani IV, ex devotione paulatim fuit introducta, ut ostendit *Fleury, Hist. eccl.* l. 93, n. 9, et facta est universalis.

Sacra rituum Cong. definiit, die 23 martii 1709, sanctissimum Sacramentum in hac processione et in ea quæ fit dominica sequenti, deferendum esse a sacerdote qui celebraturus est missam. Si episcopus processioni intersit et ex causa non celebraverit, debet tamen, ex Cæremoniali episc. l. 2, cap. 53, venerabile Sacramentum portare. Hæc decisio apud nos non fuit admissa quoad SS. Sacramenti delationem, sed celebrans vel episcopus, si adsit, in singulis stationibus dat benedictionem.

18° *Inventio S. Crucis.* Adrianus imperator, ex odio Christianorum, sanctum Christi sepulcrum terra operiri, et in eo loco templum Veneri dedicatum extrui jussit. Constantinus ad fidem conversus magnificentissimam ecclesiam in eodem loco erigere studuit, et mater ejus, sancta Helena, Jerusalem, circa finem anni 326, adventa, cuncta in circuitu loca everti jussit, et tres inventæ sunt cruces sibi invicem adjacentes. Crux Christi agnita est ex titulo : *Jesus Nazarenus Rex Judæorum*, juxta S. Ambrosium, et ex miraculosa sanatione mulieris ad tactum sanctæ illius crucis, juxta Ruffinum, Socratem, Sozomenum et Theodoretum, vel ex ejusdem aut alterius jam mortuæ resurrectione, secundum S. Paulinum Nolanum, in epistola ad Sulpicium Severum. Quidquid sit, dubitari non potest quin certa adhibita fuerint media veritatem cognoscendi.

Bollandiste referunt Crucis partem S. Mariani Hierosolymitano episcopo traditam, ac postea in templo a Constantino Hierosolyma exstructo locatam esse, et alteram ab Helena missam fuisse Roman, ut in templo S. Crucis in Hierosolymam poneretur: templum istud, in memoriam crucis quam Constantinus viderat in celo, extrui curaverat Helena. Verisimile est, aiunt Bollandiste, festivitatem Inventionis Crucis a die quo portio sancte Crucis in hac basilica posita est incerpisse, atque inde a summis Pontificibus in alias ecclesias Romæ et postea totius orbis catholici inveciam esse. Jussu Gregorii XI, anno 1377 defuncti, compositum fuit officium Inventionis et exaltationis S. Crucis; Clemens VIII hoc officium ad ritum secundæ classis promovit, et Urbanus VIII voluit ut hæc Inventionis solemnitas die 3 maii celebraretur de præcepto.

Multe nunc existunt particule de ligno S. Crucis per varias ecclesias dispersæ, quibus idem exhibetur cultus ac sanctissimo Sacramento, sed relativus, et ab episcopis ordinandus.

19° *Transfiguratio Christi*. Constat, ex tribus Evangelistis, Mattheo, Marco et Luca, Christum secum assumpsisse discipulos Petrum, Jacobum et Joannem, eos duxisse in montem excelsum et coram ipsis transfiguratum esse. In memoriam hujus facti mirabilis institutum est festum, cujus origo et initium assignari non potest; sed Bened. XIV demonstrat illius institutionem, quæ vulgo Callisto III, anno 1458 mortuo, tribuitur, esse anteriorem, et hunc Pontificem illius officium composuisse, edidisse, recitari præcepisse, indulgentias ei annexisse, et solemnitatem, die 6 augusti celebrandam, ad universalem Ecclesiam extendisse. Eo tamen tempore consuetudo jam erat ejusdem mysterii memoriam faciendi, sicut hodie, sabbato primæ hebdomadæ Quadragesimæ et dominica sequenti.

20° *Exaltatio S. Crucis*. Chosroes, Persarum rex, Hierosolymam anno 624 expugnatam incendit, plurimos Christianos cum Zacharia patriarcha captos Hebræis vendidit, sanctam crucem cum sua theca argentea abstulit eamque tanquam monumentum pretiosissimum honorifice custodivit. Heraclius imperator magnam victoriam adversus Persas anno 627 reportavit: Siroes, Chosroe filius et successor, pacem ab Heraclio petiit; inter condiciones quas Heraclius posuit, exegit ut sibi restitueretur crux Domini, eamque recepit in eadem theca argentea in qua S. Helena ipsam recludi curaverat. Sanctissimum pignus maximo cum triumpho susceptum est, et inde nata est occasio in solemniori ritu habendi Exaltationis sancte Crucis festivitatem, quæ a multo tempore jam existebat, in memoriam eorum quæ sub Constantino Magno acciderant, ut probat Bened. XIV, et fixa erat die 14 septembris.

De festo sacratissimi Cordis Jesu alibi diximus.

§ II. — De festis in honorem beate Mariæ Virginis.

Gratianus, in Decreto, 3 parte, dist. 3, can. 1, citat concilium quoddam Lugdunense ex quo tres tantum numerantur festivitates in honorem sanctissimæ Virgi-

tas natiuitate, Purificatio, Assumptio et Natiuitas. Tempore S. Bernardi quatuor erant, tres præcedentes et Assumptio. An eo tempore plures alie fuerunt institute, quas breviter indicaturi sumus, sequendo ordinem anni civilis.

1° *Desponsatio B. Mariæ cum S. Joseph*, die 25 januarii. Constat enim, ex dictis in tractatu de Matrimonio, verum extitisse matrimonium inter B. Mariam Virginem et S. Joseph. Bened. XIV, de hoc festo disserens, statuit 1° a nota temeritatis excusari non posse, qui veritatem hujus matrimoni nunc negaret; 2° communem esse sententiam B. Virginem quatuordecim circiter annis nupsisse; 3° falsam esse opinionem que tenet S. Josephum priorem habuisse uxorem ex quâ suscepisset liberos, et non fuisse atate valde provecutum, ut illum representare solent pictores; 4° in decimo quinto seculo festum Desponsationis B. Mariæ cum S. Joseph notum fuisse in ecclesia Carnuteni, et Gersonem etiam pro illo scripsisse; 5° Paulum III, in decimo sexto seculo, commissario generali Fratrum Minorum concessisse facultatem ut fratres et sorores officium Desponsationis, ex officio Natiuitatis desumptum, mutata voce *Natiuitas* in vocem *Desponsationis*, recitarent; 6° Benedictum XIII, edicto diei 22 augusti 1725, hoc festum ad omnes ditiones ecclesiasticas extendisse, die 23 januarii celebrandum; 7° annulum apud Perusinos asservatum, qui pie creditur B. Mariæ inserviisse quando nupsit, licet ab Innocentio VIII Perusinis præ Clusinis, in magnâ lite adscriptum, non idè esse certè authenticum. Sancta quippe Sedes pronuntians talè objectum ad hunc vel ad illum pertinere, de veritate ejus intrinseca non ideo judicat; quod pluries evenit ubi de identitate reliquiarum agobatur.

2° *Purificatio*, die 2 februarii. Certum est beatam Virginem Mariam, quæ more consueto non conceperat nec pepererat, veteri Legi circa purificationes mulierum non fuisse obligatam; ei tamen humilitatis causa se subiecit, et 1° quadraginta diebus ab ingressu templi abstinuit; 2° primogenitum suum obtulit Domino, sicut præceptum erat in Lege Moysis, et illam quinque stielorum oblatione redemit, secundum præscriptum Legis, quamvis B. Lucas de hoc sileat; 3° obtulit, pro suâ purificatione, hostiam Lege statutam et pauperibus permissam, scilicet par turturum aut duos pullos columbarum, loco agni anniculi in Levitico, cap. 12, præscripti.

Simul occurrerunt in templo venerabilis senex nomine Simeon et prophetissa Anna, qui exultaverunt præ gaudio, Deum benedixerunt et diversa vaticinati sunt. Unde hoc festum dicitur apud Græcos *ἑορτή*, *occursus*, à verbo *ἔρχομαι*, *occurrere*; habetur etiam apud illos, sicut et in ritu Ambrosiano, ut festum Domini nostri Jesu Christi, qui hæc die in templo fuit presentatus; verum, juxta Ecclesie Romane consuetudinem, inter B. Virginis solemnitates sub nomine Purificationis ejus numeratur.

Institutionem hujus festi assignare non possumus: scimus tantum eam antiquissimam esse, siquidem Ges-

lasius papa I., S. Eligius, S. Sophorius Hierosolym., S. Cyrillus Alex., etc., loquuntur de more suo tempore recepto benedicendi cereos eosque in processione deferendi, ut publicè significetur vera esse hæc verba de Christo prolata : *Lumen ad revelationem gentium.*

5° *Annuntiatio*, quæ 25 martii celebratur ad recordandum ineffabile Verbi divini Incarnationis mysterium, quod angelus Gabriel annuntiavit Mariæ Nazarethi genti, ut narratur Luc. 1, 26 et seq. Si Bollandistis fides adhibeatur, beatissima Virgo tanti beneficii gratam semper conservans memoriam, hanc diem quotannis singulari devotione colebat; Apostoli, cum huiusmodi piissimæ gratitudinis consuetudinem in sanctâ Dei Genitrice vidissent, eam observarunt et ubique servandam esse sanxerunt; sicque dicta festivitas esset traditionis Apostolicæ.

Certum est illam ad minus in septimo seculo solemnem extitisse, siquidem synodus in Trullo, anno 692 habita, præcipit ne per Quadragesimam integrum missæ sacrificium peragatur, *præterquam sabbato, dominica et sancto Annuntiationis die.* Verum Bened. XIV rectissimè notat synodum Trullanam de institutione festivitatis non agere, illam verò supponere, è contra, ut existentem et universalem. S. Aug. et S. Gregorius Thaumaturgus, juxta eundem doctissimum pontificem, de illâ festivitate non obscure loquuntur, quamvis non præcisè verbis.

4° *Compassio*, feria sexta post dominicam Passionis. Certum est B. Virginem crucifixioni divini Filii sui adfuisse, et ad stupendum huiusmodi spectaculum animam ejus incredibili dolore fuisse effossam, juxta Simeonis oraculum : *Et tuam ipsius animam pertransibit gladius.* Theodoricus, Coloniensis episcopus, synodum provincialem in sua civitate anno 1415 agens, et comprimere volens audaciam Hussitarum, qui sanctissimas Christi et B. Virginis dolore perfosse imagines fudebant, statuit ut deinceps festum commemorationis præfatæ angustiae et doloris B. Mariæ Virginis singulis annis feria sexta post dominicam Passionis, in omnibus ecclesiis suæ provinciae in choro tantum celebraretur. Bened. XIII jussit per decretum 22 augusti 1725 ut officium ejusdem festi in tota ditione ecclesiastica recitaretur, et per aliud decretum, 22 augusti 1727, illud ad universalem Ecclesiam extendit, sub nomine festi Dolorum beatissimæ Virginis, quod etiam dicitur festum septem Dolorum B. Mariæ virginis, quia septem præcipue numerantur circumstantiæ in quibus B. Virgo Maria vehementer doluit, et ideo pictores sanctam Deiparam septem gladiis perfossum depingunt. Apud nos hoc festum vocatur compassio.

3° *Auxilium Christianorum*, die 24 maii. Pius VII, libertatem feliciter adeptus anno 1814, post quinque annos duræ captivitatis quæ nullum finem habitura videbatur, declaravit suam liberationem tribuendam esse, juxta animi sui persuasionem, auxilio speciali beatissimæ Mariæ, cui in tribulationibus suis confidebat, et decreto diei 16 septembris 1815 instituit, pro ditionibus ecclesiasticis, festum in honorem ejusdem

sanctissimæ Virginis, sub titulo Auxilii Christianorum. Plures Ecclesiæ, notanter in Belgio, facultatem hoc celebrandi festum petierunt ac obtinuerunt. Confraternitas, sub eo titulo, in ecclesia parochiali S. Nicolai civitatis Namurei a Leone XII, per breve diei 17 nov. 1826, fuit erecta et multis indulgentiis plenariis ac particularibus locupletata. Erectionem alterius confraternitatis sub eodem titulo, die 17 martii anni 1835, pro cathedrali Cenomanensi pariter obtinimus.

6° *Visitatio B. Virginis*, die 2 julii. Postquam discessit angelus qui Verbi incarnationem B. Mariæ virginis annuntiaverat, ea iter ingressa, venit in quamdam civitatem Judæ in montibus sitam, ad cognatam suam Elisabeth, sciens per testimonium angeli eam, licet sterilem, in senectute concepisse et sextum decurrere mensem illius graviditatis; eam salutavit, mirabilia ab ea Spiritu sancto repleta audivit, *mansit cum illa quasi mensibus tribus, et reversa est in domum suam*, Luc. 1, 56. Negari non potest memoriam sanctissimæ hujus visitationis dignam esse speciali cultu : officium in illius honorem celebratum fuisse ab ordine Fratrum Minorum, anno 1265, testatur Bened. XIV, n. 9, et ejus institutionem, pro tota Occidentali Ecclesia, tribuit Urbano VI, quo mortuo, Apostolicas ejus litteras nondum editas Bonifacius IX, illius successor, promulgavit per const. anni 1589. Concilium Basileense, anno 1441, in sess. 43, statuit ut dictum Visitationis Mariæ festum die 2 julii in omnibus Christiani orbis ecclesiis solemniter celebraretur. Labbe, t. 12. Licet concilium Basileense tunc non fuerit œcumenicum, nihilominus festivitas Visitationis facta est universalis pro choro, non pro foro.

7° *Festum B. Mariæ de monte Carmelo*, die 16 julii. Mons Carmelus, inter Judæam et Syriam, fuit illustratus præsentia Eliæ et miraculo quo ignis de cœlo in prophetas Baal descendit. Existit celebris ordo religiosus, dictus de monte Carmeli ab Elia et Elisæo, quos ut primos patriarchas suos veneratur. Fertur Simonem Stock, virum eximie sanctitatis, generalem totius ordinis Carmelitarum, in tredecimo seculo visionem habuisse, multo ante suum obitum, in qua B. Virgo Maria ei apparuit, ostenditque scapulare tanquam peculiare signum suæ protectionis in Carmelitarum ordinem; deinde quinquaginta post annis eandem Virginem apparuisse Joanni XXII, summo pontifici, eumque monuisse de pluribus indulgentiis quas a Jesu Christo filio suo fratribus et sororibus Carmelitani ordinis impetrasset, et eas ab illo Pontifice fuisse promulgatas, die 5 martii anni 1322, per bullam quæ vulgo dicitur *Sabbatina*.

Hæc bulla non modicas patitur difficultates, ut videre est apud Bened. XIV, de Festis, l. 2, cap. 6, n. 9 : Paulus V eas non dirimens, permisit et patribus et Carmelitanis predicare quod populus Christianus et pie credere possit de adjutorio animarum fratrum et confratrum in charitate decedentium, qui in et vita habitum gestaverint, etc.

Quapropter, ait Bened. XIV, cum ea omnia quæ tum in B. Stokii visione, tum in Sabbatina bulla

« difficultatem creare poterant, et sapientibus doctorum virorum annuadversionibus et Romani pontificis decreto sublata sunt; cumque gliscentibus maxime contentionibus, nemo unquam cultum erga B. Virginem de monte Carmelo ausus sit improbare, quem Romani Pontifices tot tantisque indulgentiis locupletarunt; cum denique, B. Virgine intercedente, plura Deus miracula ediderit in eorum utilitatem qui huic devoto cultui sunt addicti... quisque fateatur necesse est festivitatem de monte Carmelo non sine gravi institutam esse iudicio, et in universali Ecclesia cum officio et missa propria celebrari. Eam pro Carmelitarum ordine anno 1587 approbavit Sixtus V, ejusque officium pro eodem ordine Paulus V, ex decreto S. rit. Cong. novis auxit lectionibus à venerabili card. Bellarmino recognitis. »

Eandem festivitatem, diversis successivis temporibus, Romani pontifices ad aliquot civitates, provincias et regna extenderunt, ut populorum, episcoporum aut principum devotioni satisfaceret, et Bened. XIII ad universalem Ecclesiam.

8° *Festum S. Mariæ ad Nives*, die 5 augusti. Est anniversarium dedicationis celebris basilicæ nunc dicte S. Mariæ Majoris, Romæ existentis, quæ vocata est *ad Præsepe*, quia præsepe Domini quod ex Bethleem dicitur asportatum, in ea cum honore servatur: appellatur etiam *basilica Liberiana*, quia sub Liberio summo Pontifice, in quarto sæculo, fundata est; et S. Mariæ *ad Nives*, ex pia populari traditione, quæ tenet, referente Bened. XIV, de Festis, l. 2. cap. 7, n. 6, nonis augusti, quo tempore gravissimi Romæ sunt calores, nivem noctu in Exquilinum collem decidisse, et eadem nocte Joannem, patricium Romanum, atque ejus uxorem in somnio à B. Virgine, cui erant addictissimi, monitos fuisse ut in parte collis nive tecta templum in ipsius honorem extruerent; Liberium idem simul habuisse somnium, quod Joanni communicavit, ad collem cum populi et cleri concursu processionaliter ivisse, cum nive tectum invenisse, ac in eo locum templi designavisse, quod deinde Joannis et uxoris ejus sumptibus exstructum est. Hoc miraculum consignatur in Martyrologio Romano, dicente: *Romæ in Exquiliniis, dedicatio basilicæ sanctæ Mariæ ad Nives*; deinde factum nivis miraculosæ narratur. Constat festivitatem hujus dedicationis celebratam fuisse duodecimo sæculo in ipsamet basilica, in quarto decimo sæculo ad totam urbem extensam esse, et à Pio V ad universalem Ecclesiam. Postea eadem basilica, ob maximam ejus celebritatem, dicta est *S. Mariæ Major*.

Quando summus Pontifex in palatio Quirinali residet, breviam suam et bullas inscribit de S. Mariæ Majori.

9° *Assumptio B. Mariæ in cælo*, die 15 augusti. S. Epiph. Heresi 78, dubitat an B. Mariæ mortua fuerit: alii id expresse negarunt, ob privilegium immaculate conceptionis, quia mors est pena peccati originalis, à quo B. Mariæ fuit exempta. Sed communis est opinio totius Ecclesiæ sanctissimam Deiparam, sicut cæteros Adami filios, obiisse. Disputatur de

anno et loco mortis ejus; communius asseritur eam annis septuaginta duobus natam mortuam esse Hierosolymis juxta quosdam, Ephesi juxta alios Bened. XIV, neutram ex his sententiis amplectens, statuit, cap. 8, n. 12, exploratum esse B. Virginem ex hac vita emigrasse, ejus animam à corpore fuisse separatam, et statimque, nulla vel minima mora interjecta, non solum beata visione fuisse præditam, sed sublata in ad empyreum et exaltatam super choros angelorum; et postea addit corpus ejus peculiari privilegio revivisse et simul cum anima in cælum gloriose translatum esse.

Non conveniunt doctores quo die et tempore B. Mariæ revixerit et in cælum assumpta fuerit; quidam mortem seu dormitionem ejus ab assumptione distinguunt, et alii volunt utramque eodem die contigisse.

Magna Assumptionis solemnitas in universa celebratur Ecclesia, saltem ab octavo sæculo, et probabilius a sexto, ut probat Bened. XIV, de Festis, cap. 8, n. 29; olim celebrabatur die 16 januarii, sub titulo Dormitionis; die 18 januarii, sub titulo Depositionis; et tandem die 15 augusti, sub nomine Assumptionis B. Mariæ.

Non tamen de fide est, ut omnes fatentur, dictam Virginem resurrexisse et in cælum corporaliter elevatam esse.

10° *Nativitas B. Mariæ*, die 8 septembris. Dies natalis aliorum sanctorum est dies mortis, quo in beatitudine æterna nascuntur. Celebrabatur natalis Domini et natalis S. Joannis Baptistæ tempore S. Aug. ut patet ex seq. ipsius verbis, Serm. 287: « Natales dies carnis nulli Prophetarum, nulli Patriarcharum, nemini Apostolorum celebravit Ecclesia; solos duos natales celebrat hujus (Joannis Baptistæ) et Christi. » Unde meritò infertur nativitatem B. Mariæ nondum extitisse ut festum. Conveniens tamen postea visum est eam instituere: ignoratur quo præcise tempore. Nonnulli putant eam primo institutam fuisse sæculo duodecimo in Gallia, et inde in Italiam commisse. Verum constat eam extitisse tempore Ildephonsi, sæculo septimo scribentis et dicentis, Bibliotheca Patrum, t. 12: « Nullius igitur nativitas celebratur in mundo, nisi Christi et ejus (Mariæ) atque beati Joannis. Joannes autem qui et ipse utero sanctificatus legitur; sic et beata virgo Maria, nisi in utero matris sanctificata esset, minime ejus nativitas colenda esset. »

In Codice sacramentorum Romanæ Ecclesiæ, qui creditur esse S. Leonis Magni aliorumque predecessorum Pontificum, habetur missa in Nativitate S. Mariæ cum propriis orationibus; in Sacramentario S. Gregorii à Menardo edito, p. 428, sunt orationes ad matutinum, processionem et missam in Nativitate B. virginis Mariæ. Probabile nihilominus videtur hanc festivitatem in Ecclesia Romana antiquiorem, in Gallia ante nonum sæculum non fuisse introductam, ut infertur ex multis testimoniis à Bened. XIV citatis. Nunc, et a duodecimo sæculo, celebris est tam apud

Græcosquam apud Latinos, et die 8 septembris habetur.

11° *Festum Nominis B. Mariæ*, dominica infra octavam Nativitatis. Venerandum semper fuit nomen S. Mariæ, et diu prohibitum fuit ne, præ reverentia, alteri femine imponeretur; serius hoc concessum est, et mos invaluit ut multis etiam viris ex devotione daretur. Deinde factum est ut cultus illi sancto nomini exhiberetur, qui anno 1515 diplomate Pontificio pro civitate et diœcesi Conchiensi, in Hispania, fuit approbatus, a Pio V sublatus et a Sixto V restitutus. Innocentius XI jussit, anno 1683, ut officium Nominis Mariæ ab universali Ecclesia die dominica infra octavam ejusdem Nativitatis recitaretur in memoriam celebris victoriae qua, ope beatissimæ Mariæ, exercitus Turcarum urbem Viennam obsidentium profligatus est.

12° *Festum B. Mariæ de Mercede*, die 24 septembris. B. virgo Maria apparuit Petro Nolasco, Raymondo de Pennafort et Jacobo regi Aragoniæ, eosque monuit sibi ac Filio suo gratum fore, si in ipsius honorem institueretur ordo religiosorum qui operam darent liberandis Christianis e captivitate Turcarum. Tunc institutus est ordo regularis sub invocatione B. Mariæ de Mercede redemptionis captivorum. Hinc nata est festivitas ad exhibendum specialem cultum B. Mariæ, pro isto singulari beneficio, sub titulo de Mercede redemptionis captivorum. Officium primo soli ordini fuit concessum, deinde ad omnia Hispaniæ regna, ac postea ad Gallias propagatum; denique Innocentius XII jussit illud die 24 septembris ab universali Ecclesia recitari.

Pius VII anno 1814 festum septem Dolorum B. Mariæ de novo instituit, in memoriam suæ captivitatis, et statuit ut illud tertia dominica septembris per universam Ecclesiam celebraretur. Officium est prorsus distinctum ab officio Compassionis.

15° *Festum Rosarii sanctissimæ Virginis*, dominica prima octobris. Die 7 octobris 1571, quæ fuit prima dominica octobris, commissum est prælium navale ad Naupactum, Pio V regnante, cui victoria Christianorum adversus Turcas divinitus eodem momento quo obtinebatur revelata est. S. Pontifex jussit quotannis S. Mariæ de Victoria commemorationem fieri, ut in Martyrologio habetur ad hunc diem. Gregorius XIII, advertens quod memorabilis victoria reportata esset dum pie sodalitates sanctissimi Rosarii, de more suo et instituto processione incedentes, Deum devote precarentur, ita ut pie aestimari potuerit ejusmodi preces, intercedente B. Virgine Maria, ad eam victoriam plurimum contulisse, statuit die 1 aprilis 1573, solemnem deinceps prima dominica octobris festivitatem peragendam fore, sub nomine Rosarii, in iis tantum ecclesiis in quibus capella vel altare erectum esset sub invocatione B. Virginis Rosarii. Die 26 octobris 1671 Clemens X, precibus Mariannæ Hispaniarum reginæ inclinatus, hoc festum celebrari permisit in cunctis regionibus catholicis regi Hispaniarum subjectis, etiam ubi nullum esset sacellum vel altare sub invocatione B. Mariæ Virginis Rosarii erectum.

Sub Innocentio XII delatæ sunt preces nomine Leopoldi imperatoris, S. rit. Cong. ut ad universalem Ecclesiam officium et missa Rosarii propagarentur; sed pontifex, morte præventus, rescriptum quo precibus Leopoldi satisfiebat, approbare non potuit. Clemens XI, ejus successor, decretum illud approbavit, die 3 octobris 1716, ac mandavit ut in universali Ecclesia prædictum Rosarii officium recitaretur et missa celebraretur.

14° *Festum de Patrocinio B. Mariæ*, dominica tertia novembris. Certum est B. Virginem pro nobis apud Deum intercedere, et patrocinium ejus feliciter invocari. Illam ergo merito ac convenienter invocare possumus ut potentem patronam nostram; ac proinde non mirum si festum in honorem ejus sub titulo ipsius patrocinii fuerit institutum. Colligitur ex decreto S. Cong. rit. diei 6 maii 1679, illud festum omnibus provinciis regi Hispaniarum subjectis fuisse concessum; deinde aliis regionibus, et a Bened. XIII omnibus ditionis ecclesiasticæ provinciis.

15° *Præsentatio B. Mariæ in templo*, die 21 novembris. Pia et antiqua est traditio B. Mariam adhuc tenebram, tribus annis natam, ut communius habetur, a parentibus in templo præsentatam fuisse et educatam, donec matrimonio Joseph fuerit conjuncta. Bened. XIV affirmat de ipsa præsentatione nullam esse rationem dubitandi, quamvis de illius tempore et modo multa narrentur incerta: festivitas in honorem hujus vetus erat in ecclesia Orientali, siquidem imperator Comnenus, qui regnare cepit anno 1143, eam inter alias festivitates commemorat. Gregorius XI, Avenione degens, precibus Philippi Mazerii, regis Cypri cancellarii, annuens, officium ab illo sibi oblatum accepit, diligenter examinandum curavit, ac decrevit, anno 1374, ut hæc dicta festivitas in tota ecclesia Occidentali die 21 novembris celebraretur.

16° *Conceptio beatæ Mariæ virginis*, die 8 decembris. De mysterio immaculatæ conceptionis beatæ Mariæ et festo in illius honorem instituto sufficienter diximus in tractatu de Peccatis.

17° *Translatio sanctæ domus Lauretanæ*, die 10 decembris. Benedict. XIV, in magno opere de Canoniz. sanctorum, l. 4, 12 part. cap. 10, et in tractatu de Festis, lib. 2, cap. 16, erudite probat, ex traditione, ex constitutionibus plurimorum summorum Pontificum, nempe Pauli II, Julii II, Leonis X, Pauli III, Pauli IV et Sixti V; ex Martyrologio Romano, in quo ad diem 10 decembris sequentia inserta sunt verba, ex decreto S. Cong. rit. diei 31 augusti 1669, « Laureti, in Piceno, translatio sacre domus Dei genitricis Mariæ, in qua Verbum caro factum est; » et ex celebriorum criticorum sententiis, inter quos numerantur Bollandistæ, ad 25 martii, § 4, Natalis Alexander, Hist. Eccl. decimo tertio seculo, Theophilus Raynaudus, Baillet, P. Honoratus a Sancta-Maria, Gravesonus, Guido Grandus, abbas Camaldulensis, D. Calmet, Muratorius, etc. — probat, inquam, domum natalem beatæ Virginis, divinis mysteriis consecratam, ab Infidelium potestate ereptam, in Dalmatiam

primo, deinde in agrum Lauretanum, Picenæ provincie, in ditionibus ecclesiasticis, translata fuisse ministerio Angelorum, sedente S. Celestino V, vel sub Bonifacio VIII, versus ann. 1294. Refert Clementem VII tres misisse viros qui magnitudines et mensuras domus Lauretanæ cum mensuris locorum in quibus antea fuisset conferrent, eosque, loco Dalmatiæ et fundamentis domus Nazareth visitatis, reperisse mensuras cum magnitudinibus domus Lauretanæ collatas optime sibi esse concordēs. Certum est domum Lauretanam in universo orbe catholico celebrem esse, multo populi concursu frequentari, et innumeri illustratam fuisse miraculis.

His omnibus permotus Innocentius XII, ut cultus fidelium erga beatissimam Virginem magis excitaretur, permisit ut dies anniversaria translationis sanctæ domus ejus cum officio et missa solemniter, die 10 decembris, celebraretur in totâ Picenæ provinciâ. Officium istud, cum propriâ missâ, in Piceno limitatum, die 9 maii 1719, ad omnem Etruriam propagatum est: deinde, à Bened. XIII ad omnes ditionis ecclesiasticæ provincias, et tandem ad cunctas regiones Hispaniarum regi subjectas, ex decretis 23 augusti 1725 et 10 novembris 1729.

18^a *Festum expectationis partûs B. Mariæ*, die 18 decembris. Sciendum est festum Annuntiationis olim in Hispaniâ celebratum esse die 18 decembris, ex decreto conc. Toletani in septimo seculo celebrati, Labbe, t. 6, eo quod 28 martii semper in quadragesimâ vel in Paschate incidat. Attamen, sequentibus temporibus, Hispaniarum ecclesiæ ad constantem Ecclesiæ Romanæ usum Annuntiationem die 25 martii celebrandi devenerunt, sed huic solemnitati alteram substituerunt, die 18 decembris, sub titulo Expectationis partûs B. Mariæ, quam Gregorius XIII anno 1575 approbavit. Hæc festivitas appellatur etiam beate Mariæ de O, cujus nominis origo ducta est ab antiphonis per O incipientibus, suspiria, gemitus et desiderium veterum Patrum adventum Redemptoris advocantium exprimentibus, quia prima harum antiphonarum in primis hujusmodi festi Vesperis dicitur.

Officium hujus festi capit recitari in regionibus reipublicæ Venetorum subjectis, ex indulto S. Cong. rit. diei 3 septembris 1695, et ad omnia ditionis ecclesiasticæ loca extensum est decreto Bened. XIII, diei 22 augusti 1775.

19^a *Festum B. Mariæ in sabbato*. Constat vetustum esse pium morem exhibendi in sabbato B. Mariæ virgini peculiarem quemdam cultum, et missam in ejus honorem hæc eadem die celebrandi. B. Petrus Damianus, anno 1073 vitâ functus, dicit in Opusc. 33, cap. 3 et 4, pium inolevisse morem ut per omne sabbatum missarum officia in honorem B. Mariæ celebrarentur, nisi fortè festivitas aut feria quadragesimalis obsisteret. Cardinalis Bona, in tractatu de Divinâ psalmodiâ, cap. 12, § 2, contendit officium B. Mariæ in Sabbato trecentis annis ante B. Petrum Damianum in Ecclesiâ tam Græcâ quàm Latinâ recitari consuevisse. Urbanus II, in concilio Claromontano, anno 1095, statuit

ut hora B. Mariæ dicerentur quotidiè, omnique ejus diebus sabbati fieret. a Micrologos de ecclesiasticis observationibus, in undecimo sæculo scriptus, cap. 60, dicit: « Et sabbato de sancta Maria pene usquequaque servatur, non tam ex auctoritate quàm ex devotione. » Bibl. Patr. t. 18.

Postea duplex nata est obligatio relative ad regulares et ecclesiasticos in sacris constitutos: una recitandi quotidiè, cum officio divino, parvum B. Mariæ officium; et altera, in ejus honorem celebrandi sabbatum. S. Pius V, quando vetus Breviarium ex mandato concilii Trid. emendavit, obligationem sustulit recitandi extra chorum officium parvum B. Mariæ, officiumque componi jussit de B. Mariâ in sabbato, ad quod omnes tenerentur.

Notandum quod, ubi dicitur obligationem aliquod officium recitandi ad universalem Ecclesiam fuisse extensam, id intelligendum sit de iis qui ad Breviarium Romanum tenentur: in locis quippe in quibus particulare Breviarium legitime recitatur, nova officia non obligant prius quam ab episcopis locorum fuerint approbata et præscripta. Sic non recitamus officium desponsationis B. Mariæ, de monte Carmelo, B. Mariæ ad Nives, etc.

§ III. — De præcipuis festis sanctorum.

Inter sanctos religioso cultu in Ecclesia honoratos, sunt angeli, sancti veteris Testamenti et sancti novi Testamenti.

De angelis.

Ex Scriptura sacra, traditione et Ecclesiæ interpretatione, constat multos esse angelos beatos, qui propterea cultu religioso honorari possunt, sine ullo dubio. Novem numerantur chori angelorum, scilicet Angeli, Archangeli, Cherubim, Seraphim, Principatus, Potestates, Virtutes, Dominationes ac Throni.

Tres tantum, ex Scriptura, nominatim designantur angeli, nempe Michael, Gabriel et Raphael. Quatuor alia nomina, *Uriel*, *Sealtiel*, *Jehudiel* et *Barachiel*, a Judæis accepta, nulla fide digna traditione nituntur, et in Ecclesia non admittuntur. Imo concilium Laodicenum, in Capitularibus Caroli Magni, apud Baluzium, stricte prohibuit ne ignota angelorum nomina fingerentur aut nominarentur, præter Michaelen, Gabrielem et Raphaelen; et in concilio Romano, sub Zacharia papa anno 745 celebrato, expresse dicitur nomina angelorum, Michael, Gabriele et Raphael exceptis, non esse angelorum, sed dæmoniorum.

His positis, plura notanda sunt ex praxi Ecclesiæ licita et consueta, nempe: 1^o ut corporeos pingere licet angelos licet incorporeos, quia sub figura hominis apparuerunt justis. 2^o Michael, Gabriel, Raphael, omnes angeli et archangeli, omnes sancti beatorum spirituum ordines publice et universaliter invocantur in Litanis: item incensum, ad offertorium, per intercessionem beati Michaelis archangeli, stantis a dextris altaris incensi, benedicitur. 3^o Dedicantur ecclesiæ et capellæ in honorem, aut omnium angelorum, aut singulorum, S. Michaelis, S. Gabrielis vel S. Rapha-

elis; aut in honorem Angelorum Custodum, vel insignis apparitionis alicujus angeli, v. g., S. Michaelis in monte Gargano, in Italia, anno 536, juxta Baronium, vel notabilis beneficii ministerio ejus obtenti. 4^o Ecclesie pariter dedicari possunt angelis custodibus in genere, non vero angelo custodi talis hominis, quia eo moriente ecclesia non haberet patronum nec titulum. 5^o Ecclesie non dedicantur Deo in honorem omnium Cherubim, Seraphim aliorumve angelorum ordinum, cum hoc non sit usu receptum, inquit Bened. XIV, de Canoniz. l. 4, part. 2, cap. 30, n. 10. 6^o In universali Ecclesia officium celebratur, die 8 maii, in commemorationem apparitionis S. Michaelis in monte Gargano, et die 29 septembris, pro dedicatione templi in eo monte constructi; die 2 octobris celebratur officium Angelorum Custodum, quod, petente Ferdinando imperatore, concessum est a Paulo V, et deinde a Clemente X, decreto 15 septemb. 1670, positum est in præcepto pro universali Ecclesia. 7^o In regionibus Hispaniæ subjectis et in pluribus ordinibus religiosis, ex variis summorum Pontificum decretis, recitatur officium S. Gabrielis, octavo die ante vel octavo die post Incarnationem, id est, 18 martii vel 1 aprilis, et officium S. Raphaelis die 2 maii. Cum enim sanctitas eorum constet ex Scriptura et ex praxi Ecclesie eorum nomina publice invocantis, laudabile est ut in eorumdem honorem templa Deo dicentur et officia celebrentur. 8^o Sixtus V concessit, die 5 februarii 1590, ut in regno Portugalliae et in cunctis regionibus ei subjectis recitaretur officium in honorem angeli custodis ejusdem regni; communis enim est theologorum sententia singula regna, provincias, civitates, dioceses, ecclesias, etc., suos habere custodes angelos: licet ergo eos speciali cultu honorare, et nihil vetat quominus summi Pontifices publicum officium in illorum honorem fieri permittant.

Unusquisque proprium angelum custodem cultu personali honorare potest; imo eum singulari devotione semper prosequi debet, ut sanctum, Dei visione gaudentem, suum comitem, amicum, protectorem, etc.; certum enim est, juxta multos, de fide est, saltem omnes justos singulares habere angelos custodes. Non ita constat, quamvis communis opinio id teneat, peccatores et infideles suos etiam habere custodes angelos qui salutem eorum procurare intendunt eosque non deserant nisi momento quo illorum damnatio consummatur.

Plures etiam contendunt principem demoniorum, Deum imitari volentem, speciales deputavisse diabolos qui singulos homines tentarent, et ad malum, quantum possent, inducere quærent. Hæc sententia nullo innixa est fundamento ex Scriptura aut traditione clare deducto; id unum habemus certum, multos existere angelos malos, nos circumstantes et ad malum inclinantes, a quibus præcavere et abhorrrere debemus.

De sanctis veteris Testamenti.

Controversia movetur inter theologos an viri sancti veteris Testamenti canonizari possint. Bened. XIV ad-

vertit, de Canoniz. sanct. l. 1, cap. 14, n. 2, hanc controversiam esse inutilem, quia sancti veteris Testamenti ii sunt qui ante Christum viventes, in ipsum ut mediatorem et redemptorem credentes, virtutibus aut martyrio illustres, Deo placuerunt, et quos Deus sanctos esse in divinis Scripturis manifestavit; in eo autem casu absona esset summi Pontificis sententia qua definiretur eos esse sanctos et in universali Ecclesia colendos. Verum summi est Pontificis decernere an cultus et qualis cultus publicus eis præstandus sit.

Notandum est, omnes sanctos ante Christum defunctos ad vetus Testamentum non pertinere; Bened. enim XIV, cum pluribus aliis, l. 4, part. 2, cap. 29, n. 2, ostendit S. Joannem Baptistam, S. Joseph, Innocentes ab Herode occisos, Zachariam, Elisabeth, Simeonem senem, Annam prophetissam, Joachim et Annam ad novum Testamentum pertinere, quia ab Evangelistis laudati sunt, aut Christum viderunt, aut ipsum propinquitate seu carnis affinitate proxime attingerunt.

Nemo inter catholicos dubitat quin summus Pontifex eundem cultum hujusmodi sanctis ac iis qui post mortem Christi obierunt decernere valeat. Potest similiter permittere cultum, instituere festa, cum officio et missa, in honorem aliorum sanctorum ad vetus Testamentum certo pertinentium, et quorum sanctitas constat. Id sequitur ex natura rei et ex praxi Ecclesie; apud Græcos enim honorantur ut sancti Abraham, Lot, qui, licet in vino turpiter egerit, laudatur à B. Petro, II Epist. n. 7, ut iustus, quia aut non peccavit, aut poenitentiam egit; tres pueri fornacis, Ananias, Azarias et Mizael; prophetae Isaias, Jeremias, Daniel, Amos, Abdias, Jonas, etc. Apud Latinos, ex sanctæ Sedis concessione, honorantur in aliquibus locis plures sancti veteris Testamenti; officia, missæ, templa, altaria eis dedicantur, v. g., Eliæ, præsertim apud Carmelitas; Abraham et Job, apud patres congregationis Oratorii Domini Jesu.

Existit difficultas circa cultum Enoch et Eliæ exhibitum; quia, ut Bened. XIV probat. l. 1, cap. 14, cultus religiosus decerni non potest hominibus adhuc viventibus, quantumvis habeantur ut sancti, et duo illi patriarchæ non mortui sunt, sed translati fuerunt, ut patet ex 4 Reg. 2 pro Elia, et Epist. ad Hebræos, 11, 5 pro Enoch. Verum illustris Pontifex respondet Ecclesiam non celebrare festum Eliæ ut beati, sed ut divinitus rapti, et aliunde dici posse ambos in gratia et perseverantia esse confirmatos; in hac autem hypothesi evanescit difficultas.

De sanctis novi Testamenti.

De iis solum pauca dicemus quorum publicum nunc fit officium in ecclesia Gallicana.

1^o S. Marcus, die 25 aprilis. Erat evangelista, B. Petri discipulus, et Alexandrinus episcopus. Die 25 aprilis, anno 68, post multa tormenta, occubuit martyr pro Christo. Reliquiæ ejus diu religiose asservatæ sunt Alexandriæ, unde translate sunt, ut fertur, versus annum 815 Venetiam, et ideo Venetiarum respublica hunc sanctum elegit pro patrono.

Hæc die fit processio et magna cantatur litania seu supplicatio à S. Gregorio Magno instituta pro obtinenda pestis cessatione : in septimo seculo jam affluebat dies 25 aprilis : concilium Aquisgranense, anno 856 celebratum, et Capitularia Caroli Calvi illam eodem die faciendam in Gallia præscripserunt. Tempore S. Gregorii jejunium in illo die erat de præcepto. Nunc propter tempus paschale, non est, in plerisque diocesis, obligatio jejunandi, sed tantum à carnibus abstinendi.

2° S. Joannes Baptista, die 24 junii. S. Joannes, ministerio archangeli Gabrielis annuntiatus, per miraculum in utero sterilis ex viro sene conceptus, ad præsentiam Domini exsultavit, sanctificatus fuit, et inter mirabilia natus est : vitam celestem duxit, penitentiam prædicavit, Christum annuntiavit, indigavit, baptizavit, et magnum humilitatis præbuit exemplum : fortiter obstitit Herodi in commercio incestuoso viventi, dicens, Marc. 16, 18 : *Non licet tibi habere uxorem fratris tui* : propterea in carcerem missus, petente Herodiade, fuit decollatus, et meruit ut Christus de illo diceret, Matth. 11, 11 : *Non surrexit inter natos mulierum major Joanne Baptista.*

Dies ejus Decollationis est celebris ; sed præcipua ejus solemnitas fit die ipsius Nativitatis, et antiquissima est in Ecclesia : S. Aug. septem habet sermones pro illa solemnitate, quam supponit jam esse antiquam et universalem : hæc habet Serm. 290, 4 in Natali Joannis Baptistæ : « Quia in magno sacramento natus est Joannes, ipsius solius justi natalem diem celebrat Ecclesia. Et natalis Domini celebratur, sed tanquam Domini. Date mihi alium servum, præter Joannem, inter Patriarchas, inter Prophetas, inter Apostolos, ejus natalem diem celebret Ecclesia Christi. Passionum diem servis plurimis celebramus ; nativitatis diem, nemini nisi Joanni. »

3° SS. Petrus et Paulus, die 29 junii. Petrus, ex piscatore factus discipulus Christi, Apostolus et princeps ac caput Apostolorum, sedem prius habuit Antiochiæ, deinde Romæ, ubi eam per viginti quinque annos tenuit, juxta Eusebium, S. Hieron. et calendarium Romanum à Bucherio editum. In carcerem Mamertinum sub Nerone conjectus cum B. Paulo, ibi manserunt octo mensibus, ut fertur ; Processum et Martinianum, custodes, et quadraginta septem alias utriusque sexus personas ad fidem adduxerunt ; postea damnati, Petrus ad crucem ut Judæus, et Paulus ad capitis amputationem ut civis Romanus, mortem die 29 junii subierunt extra muros civitatis. Petrus humilitatis causa petiit et obtinuit ut capite deorsum positus crucifigeretur. Corpora utriusque Apostoli religiosissime servantur Romæ, unum in basilica Vaticana S. Petri, et alterum in basilica S. Pauli, juxta viam Ostiæ à Constantino Magno constructa et anno 1825 infauste igne incensa. Eorum capita in figuris argenteis inclusa in basilica Lateranensi custodiuntur. Sanctæ ac pretiosæ illæ reliquiæ à peregrinantibus totius orbis catholici visitantur.

Percelebris semper fuit Romæ memoria Petri :

Ostenditur mihi Romæ inquit S. August. Enarrat. in Psal. 41, *in honore tanto templum Romæ, in quo ostendo memoriam Petri.* Idem S. doctor plures habet sermones in Natali Petri et Pauli. Tertium ex his sermonibus sic incipit *Hodiermenum est idem festum fuit sanctorum Apostolorum.* Hinc sequitur tale festivitatem utriusque Apostolorum esse potentissimam et venerationem nostram dignam.

4° *Festum omnium Sanctorum*, die 1 nov. Imperator Honorius prohibuerat ne Christiani templa idolorum everterent, volens ea conservare tanquam arbutum monumenta : Bonifacius IV, videns celebre Pantheon à Marco Agrippa sub imperio Augusti exstructum, adhuc exstare, illud mundare et reparare statuit, sollemniter illud, anno 687, B. Mariæ et omnibus martyribus ac confessoribus dedicavit, illucque transferri jussit plus quam viginti et octo plaustra ossium sanctorum martyrum, quæ divisa in variis Romæ cœmeteriis jacebant. Unde hæc ecclesia dicta est Sancta Maria Rotunda, ob ipsius formam, et etiam Sancta Maria ad Martyres.

Tale fuit exordium solemnitatis Omnium Sanctorum, quæ celebrabatur Romæ die 13 maii, die anniversaria prædictæ dedicationis : Gregorius III eam ad Ecclesiam universalem propagavit, et Gregorius IV diem 13 maii in 1 nov. mutavit, eo quod abundantior esset annona in mense novembris quam in mense maii ; tunc enim innumeri advenæ confluebant Romam ut solemnitati assisterent. Hic ultimus Pontifex, cum venisset in Galliam anno 837, regnante Ludovico Pio, festivitatem Omnium Sanctorum secum introduxit, quæ brevi fuit adoptata et facta est universalis in Galliis sicut in aliis regionibus.

5° *Commemoratio fidelium Defunctorum*, die 2 nov. Consuetudo orandi pro defunctis venit à traditione Apostolica, et fundamentum habet in praxi totius Ecclesiæ, in decretis conciliorum et in sacris paginis, tum novi, tum veteris Testamenti, ut alibi probavimus : nulla autem erat dies specialiter destinata ad orandum pro omnibus fidelibus defunctis. S. Odilo, abbas Cluniacensis, anno 1048 mortuus, statuit ut in cunctis monasteriis sibi subjectis, sicut die 1 nov. omnes coluntur sancti, ita 2 die pro omnibus oraretur defunctis : quidam putant eum exemplar hujus generalis commemorationis omnium defunctorum ab Amalario ducentos annos ante ipsum vivente, acceperisse, monasteriis suis præcepisse, et eo suggerente, Joannem papam XIX hanc praxim ubique servari mandavisse. Joannes autem XIX, anno 1024 electus, anno 1053 mortuus est.

6° S. Stephanus protomartyr, die 26 decembris. Unus fuit e septem primis diaconis ; plenus erat gratia et fortitudine, et faciebat prodigia et signa magna in populo, Act. 6, 8 : quidam de Judæis surrexerunt, disputantes cum Stephano, et non poterant resistere sapientiæ et spiritui qui loquebatur, ibid. Adhibitis falsis testibus, eum accuserunt blasphemie adversus Moysen et Deum ; ille autem mirabili sermone, in cap. 7 Actuum relato, iudiciis suis locutus est ; Judæi eum

audientes ipsis exprobrantem quod legem Dei non custodirent, *dissecabantur cordibus suis et stridebant dentibus in eum.* Ille vero caelesti visione donatus, ait : *Ecce video celos apertos et Filium hominis stantem à dextris Dei.* Tunc Judæi exclamaverunt eum blasphemare, sententia non expectata, traxerunt eum tantum blasphemum extra civitatem, et lapidaverunt illum Deum invocantem et pro lapidantibus orantem.

Passus est ergo et obiit, juxta Chronica cum operibus Eusebii a Scaligero publicata, die 26 decembris ejusdem anni quo Christus fuit crucifixus. Cultus ejus semper fuit celebris : S. Aug. a sermone 314 ad 325 de illo mirifice loquitur, de ejus natali, de ejus solemnitate, de mirabili corporis ejus inventione, de reliquiarum translatione, de manifestis miraculis intercessione ejus patris, etc.

7^a *Dedicatio ecclesiarum*, dominica post octavam omnium Sanctorum. In veteri Testamento triplex sollemnis describitur templi Jerusalem dedicatio, una sub Salomone, secunda post captivitatem Babylonicam sub Esdra, et tertia sub Juda Machabeo, qui, post impietates Antiochi, templum et altare purificari ac de povo dedicari voluit. Dies anniversaria harumce dedicationum sollemnis erat, et per dies octo celebrabatur. Sub nova Lege, ubi deferbuit persecutio, ingentes cœperunt ædificari ecclesiæ quæ sollemni ritu dedicabantur, ut in toto historiæ ecclesiasticæ decursu legitur : anniversarium hujusmodi dedicationum erat ubique festum solenne, et, cum variæ ecclesiæ diversis temporibus fuerant dedicata, contigerat ut anniversaria eodem die non celebrarentur, ideoque Pius VII statuit, « ut anniversarium dedicationis templorum « que in Gallicanæ reipublicæ territorio erecta sunt, « in dominica quæ octavam festivitatis Omnium San- « ctorum proxime sequitur, in cunctis Gallicanis ec- « clesiis celebretur. » Indult, diei 9 aprilis 1802. Hinc omnes, sive privatim in officio, sive publice, hanc festivitatem eodem die et eodem ritu celebrant, sive propria ecclesia fuerit consecrata, sive fuerit tantum benedicta ; simplex enim benedictio jux non dabat ad officium dedicationis quotannis celebrandum.

Notandum, festum Dedicationis ecclesiæ habendum esse ut festum Domini, ex decreto S. rituum Cong. diei 27 martii 1779, et ideo aliis festis ejusdem gradus præferendum esse.

DE RITU CELEBRANDI FESTA.

Singulas officium recitandi et festa celebrandi regulas hic certe non intendimus referre aut explanare : unusquisque eas legere debet in rubricis tum generalibus, tum particularibus. Quædam tantum paucis verbis dicemus 1^o de festis suppressis, 2^o de festis translatis, et 3^o de festo patroni et titularis.

De festis suppressis.

Cardinalis Caprara, per indultum modo citatum, diei 9 aprilis 1802, ex mandato summi Pontificis, quatuor tantum reservavit festa præter dies dominicos, videlicet Nativitatem Domini nostri Jesu Christi, ejus

Ascensionem, Assumptionem B. Virginis Mariæ, et festum Omnium Sanctorum ; « ita ut posthac, in reli- « quis festis diebus, omnes ejusdem incolæ (Gallicæ) « non solum a præcepto audiendi missam vacandique « ab operibus servilibus, sed a jejuniis etiam obliga- « tione in diebus qui festa hujusmodi præcedunt pro- « sus absoluti censeantur et sint. »

Eam tamen legem adjectam esse voluit summus Pontifex, « ut in festis diebus vigiliisque eos præceden- « tibus, quæ suppressæ decernuntur, in omnibus ec- « clesiis nihil de consueto divinarum officiorum sa- « crarumque cæremoniarum ordine ac ritu innovetur, « sed omnia ea prorsus ratione peragantur qua hacte- « nus consueverunt, exceptis tamen festis Epiphaniæ « Domini, sacratissimi Corporis Christi, SS. Aposto- « lorum Petri et Pauli, et sanctorum patronorum « cujuslibet diocesis et parœciæ, quæ in dominica « proxime occurrente in omnibus ecclesiis celebra- « buntur. »

Itaque in festis simpliciter suppressis, quæ sunt Circumcisio Domini, Purificatio B. Mariæ virginis, Annuntiatio, feria secunda et tertia Paschæ, feria secunda Pentecostes, Nativitas S. Joannis Baptistæ, Nativitas B. Mariæ virginis, Commemoratio omnium Defunctorum, Conceptio B. Mariæ virginis, et festum S. Stephani, remanet obligatio officium privatim recitandi et sollemnitatem publice in ecclesiis celebrandi, nulla vero missam audiendi et ab operibus servilibus vacandi. Quoniam tamen plurimis in locis fideles ab operibus servilibus abstinabant his diebus, dum alii eis vacabant, et nociva inde nascebatur varietas inter dioceses, parochias et familias, cardinalis Caprara, rogante Gubernio, die 6 julii 1806, omnibus scripsit episcopis, in memoriam revocans obligationem audiendi missam et ab operibus servilibus abstinendi in diebus festis suppressis sublatam esse, et expedire ut parochi alique viri ecclesiastici a sono campanarum et alia exteriori pompa in festis de præcepto consueta temperarent. Plures episcopi, v. g., Cenomanensis, Audegavensis, a ministro cultuum et præfectis vexati, ex consilio Legati a latere, hujusmodi festa ad dominicam proximam remiserunt, excepta Circumcisione Domini, quam Gubernium agnoscebat ut festum civile, et ideo celebrationem officii non impediēbat. Nunc communiter propriis diebus, juxta indulti verba, alia celebrantur festa, et annuntiantur ut festa devotionis.

Indulgentiæ prædictis festis annexæ nullam, ob suppressionem, subierunt mutationem.

De festis translatis.

Festa Epiphaniæ, Corporis Christi, SS. apostolorum Petri et Pauli, ac patroni diocesis et parœciæ non fuerunt suppressa, sed ad dominicam proxime occurrentem translata, ut patet ex verbis indulti supra citatis. Plura inde nata sunt dubia, quæ a diversis episcopis cardinali legato a latere proposita, soluta sunt per responsiones speciales eundem sensum habentes ac æquens ad episcopum Camberiensem : « Priusquam

• dubiis propositis respondeam, opportunum duco
• quasdam explicationes præmittere, quæ nonnullis
• jam Galharum episcopis datæ sunt, ut questionibus
• fieret satis quæ super intelligentia indulti diei 9
• aprilis 1802 quoad aliquorum festorum translatio-
• nem fuerant ab illis expositæ.

• 1^o Officia Epiphaniæ Domini, sacratissimi Corporis
• Christi, SS. apostolorum Petri et Pauli, et SS. pa-
• tronorum cujuslibet diocesis et parochiæ, recitanda
• erunt a clero tam privatim quam publice in ecclesiis,
• et missa de eisdem dicenda, in suo proprio die.

• 2^o In dicto proprio die fideles neque ad audien-
• dam missam neque ad abstinendum ab operibus
• servilibus obligati erunt.

• 3^o Sola solemnitas præfatorum festorum differtur
• in dominicam subsequentem, in qua officium quidem
• a clero, tam publice quam privatim, et missa reci-
• tabitur de dominica seu de festo occurrente, juxta
• calendarium. Canetur tamen una missa sollemnis de
• festis illis more votivo cum unica oratione; minime
• omissa in cathedralibus aliisque ecclesiis, in quibus
• officium publice agatur, et adsit sufficiens numerus
• ecclesiasticorum, alia missa conventuali de dominica
• vel festo occurrente.

• Quibus positis, venio ad dubia proposita, quibus
• hoc sit responsum.

• 1^o Si in unam eandemque dominicam incidat so-
• lemnitas translata, prout supra n^o 3 declaratum est,
• tum anniversarii dedicationis, tum patroni, ea so-
• lemnitas celebranda erit de digniori, scilicet de dedi-
• catione, translato minus digno, id est, festo patroni,
• ad primam dominicam non impeditam, juxta rubricas.

• 2^o Si dominica ad quam, juxta indultum redu-
• ctionis festorum diei 9 aprilis 1802, transferenda
• esset solemnitas patroni, sit dies propria S. Joannis
• Baptiste, tunc solemnitas patroni transferenda erit
• ad primam dominicam non impeditam, juxta rubri-
• cas, ne scilicet, cum festum S. Joannis sit ejusdem
• ritus, nec transferri possit, duplex solemnitas pri-
• mæ classis eadem die in una ecclesia peragatur.

• Novis apud plurimos exortis dubiis, eo quod, juxta
• istud responsum, transferri debeant in dominicam
• subsequentem festa quæ indultum decrevit cele-
• branda in dominica proxime occurrente, quæ a per-
• multis credebatur dominica proximior, opportunum
• ductum est denuo consulere Apostolicam legationem
• cujus responsum omnem tulit difficultatem, et quod
• dubium videbatur explanavit, declarando hæc verba
• indulti, in dominicam proxime occurrentem, intelli-
• genda esse de dominica proxime sequente, quoniam
• dominica quæ occurrit est illa quæ supervenit. Hæc
• responsio refertur in Rituali Bellicensi, t. 3, p. 172,
• prima edit. sine epocha seu data. Conformis est alteri
• responsioni ejusdem cardinalis, diei 21 junii 1804,
• apud Romæ relata, t. 5, p. 232.

Octava igitur festi translati ipsomet die in quem ca-
dit incipit, non vero die quo celebratur ipsius solem-
nitas pro populo.

Indulgentia cum solemnitate ad diem dominicam

transferitur, ex rescriptis ad archiepiscopum Mechlini-
ensem, die 21 junii 1804, et ad episcopum Cambrie-
ensem directis, et ex brevi Pii VII ad archiepiscopum
Lugdunensem, diei 13 aug. 1805 an ista rescripta sint
actus jurisdictionis ad proprias Mechliniensem, Lug-
dunensem et Cambriensem dioceses limitati, an verò
decisiones generales, hæreo dubitans, quamvis indul-
gentiæ translatio generalis probabilior mihi videatur.

Notandum 1^o, festum S. Joannis Baptiste apud nos
esse ritus sollemnis minoris, ac proinde festo patroni
et festo sanctissimi Corporis Christi cedere.

Notandum 2^o, quod si dominica sequens sit aliqua
ex majoribus primæ aut secundæ classis, in quibus
missæ votivæ sollemnes non admittuntur, missa so-
lemnis esse debeat de dominica privilegiata cum com-
memoratione festi translati. (Nota ad indultum expli-
cativum card. Caprara, diei 31 junii 1804, apud Romæ,
t. 5, p. 253.)

Notandum 3^o, quod, ex decreto Cong. rit. diei 26
nov. 1755, officia sanctorum quæ de mense decembris
aliquando supersunt, ad dies anni sequentis non im-
peditos transferri non debeant: vel eorum tantum sit
commemoratio, si rubricæ permittant, vel prorsus
omittuntur hoc anno.

De festis patroni et titularis.

1^o Patronus, a pater derivatus, ille communiter in-
telligitur qui alios suscipit defendendos: idea igitur
patroni, maxime in liturgia ecclesiastica, ideam im-
portat inferioris protegenti et superioris placandi, vel
orandi aut supplicandi. Unde personæ divinæ myste-
ria Dei aut Salvatoris, aut B. Mariæ, v. g., Conceptio,
Incarnatio, Assumptio, proprie dici non possunt pa-
troni, quia non habent superiorem orandum aut pla-
candum, vel spectari non possunt ut intercessores.
Sanctissima vero Maria, considerata ut persona, omnes
sancti et angeli in cælo regnantes et in Martyrologio
Romano inscripti, eligi possunt ut patroni, quia nos
inferiores apud Deum superiorem protegere possunt.
Universali autem ac perpetua consuetudine sancitum
est ut quævis ecclesia in honorem alicujus mysterii
vel sancti aut sanctæ erigeretur: si prius, persona
divina aut mysterium dicitur titulus aut titularis ec-
clesiæ; si posterius, sanctus vel sancta vocatur pa-
tronus vel patrona ecclesiæ et loci ab ea dependentis.
Si non esset locus ab ecclesia dependens, aut si alius
esset patronus loci, sanctus vel sancta sub ejus invo-
catione erecta esset ecclesia, illius titularis, et non
proprie patronus nuncuparetur.

2^o Patronus et titularis in duobus potissimum diffe-
runt: 1^o in eo quod patronus loci per se importet fe-
stum in populo, ex consuetudine et legibus Ecclesiæ;
non item titularis: unde in civitatibus et oppidis com-
munem patronum habentibus, ecclesiæ in iis existen-
tes solum patronum titularem habent, et olim in sola
die festi patroni loci erat obligatio audiendi missam et
ab operibus servilibus abstinendi; nunc autem, cum
solemnitas patroni ad dominicam occurrentem transfe-
ratur nulla est difficultas in populo, et præcedens dif-
ferentia amplius non existit, stricte loquendo; 2^o in eo

quod locus communiter non habeat nomen patroni, dum ecclesia sub nomine sui titularis designari soleat, v. g., ecclesia Sanctæ Crucis, Sancti Salvatoris, Conceptionis, Visitationis B. Mariæ, etc.

5° Sacra rituum Cong. definierat, die 15 septembris 1642, festum principalis patroni in quocumque regno, provincia, civitate, oppido vel pago esse de præcepto, cum obligatione audiendi missam et ab operibus servilibus vacandi; et die 21 junii 1710, celebrandum esse ritu duplici primæ classis, cum octava a clero facienda, etiamsi ecclesia non fuisset consecrata, sed tantum benedicta.

4° Episcopi provincie Turonensis, in suo communi mandato, diei 8 maii 1780, jam a nobis citato, statuerant 1° festum patroni principalis diœcesis propria die sua celebrandum esse; 2° festum patroni secundarii, ubi esset, ad dominicam proximioram transferendum; 3° festum patroni principalis uniuscujusque parochiæ ad dominicam præcedentem remittendum fore, si feria secunda, aut tertia, aut quarta incideret; et ad dominicam sequentem, si feria quinta, aut sexta, aut sabbato adveniret; 4° ex hypothese quod dominica præcedens aliquo solemni festo in tota diœcesi celebrato impediretur, festum patroni ad dominicam sequentem transferendum esse, et si dominica sequens esset impedita, dominica præcedente anticipandum fore. Vidimus autem quid indultum diei 9 aprilis 1802 statuerit. Nulla est differentia in modo celebrandi festum patroni et festum titularis: utrumque est ritus primæ classis, apud nos ritus annualis et cum octava.

5° Officium patroni locum habere non potest dominicis prima Adventus, Passionis, Paschatis, Pentecostes et Trinitatis, nec dominicis in quibus celebrantur festa Nativitatis, Circumcisionis, Epiphaniæ, Corporis Christi, Assumptionis et Omnium Sanctorum.

6° Octavæ prohibentur a die 17 decembris usque ad diem Epiphaniæ inclusive, in ritu Romano, exceptis iis quæ cum solemnitate Nativitatis Domini celebrantur, scilicet SS. Stephani, Joannis et Innocentium, à die 15 decembris usque ad Natale Domini, apud nos, et à feria quarta Cinerum usque ad Pascha: octavæ jam inceptæ cessant, nec tamen dies octavæ anticipantur.

7° Si festum patroni alicujus parochiæ vel titularis ecclesiæ quotannis in diem prohibitum incidat, recurrendum est ad episcopum, qui alium determinabit diem in quo officium ejus cum integra octava celebrari possit.

8° Ad officium patroni regni, provinciæ, diœcesis vel parochiæ tenentur omnes clerici sacris ordinibus initiati et in ejus territorio degentes; ad officium titularis tenentur clerici ecclesiæ adscripti.

9° Regulares obligantur ad officium patroni regni, provinciæ, diœcesis, civitatis vel oppidi in quo morantur, ex decreto S. Cong. rit. diei 20 martii 1683, sed absque octava; non vero ad officium parochiæ in qua demorantur, ut respondit S. rit. Cong. die 5 julii 1698.

10° Pastor plures habens ecclesias sub jurisdictione sua, si in illis æqualiter resideat, omnium patronorum et octavas de ritu primæ classis celebrare tenetur, prout festa sacra rit. Cong. declaravit die 5 julii 1698. Si vero resideat in ecclesia parochiali plures sub se habenti ecclesias vel capellas, solius patroni ecclesiæ parochialis officium cum octava celebrare potest: si tamen, in capellis sibi subditis, diem patroni celebraturus esset, solemnitatem patroni faceret, et officium ejus sub ritu primæ classis recitare posset, absque octava. Si sacerdos huic capellæ adscriptus esset, officium patroni celebrare non posset, nisi sub ritu in suo calendario expresso.

11° Qui capellæ rurali deservit, vel in territorio ejus residet, vel non: in priori casu, ad officium et octavam patroni ejus tenetur, et nihilominus probabiliter ad officium et octavam ecclesiæ matricis, quod tamen plures limitant ad hoc quod ecclesia matrix sit cathedralis; in posteriori vero casu, in quo sacerdos in territorio capellæ non residet, sed diebus dominicis et festivis ad eam pergit ministerium suum impleturus, quo expleto redit ad ecclesiam parochialem cui famulatur, divinis officiis assistendo tenetur ad officia et octavas utriusque patroni; utrique enim adscriptus est ecclesiæ; ergo utriusque patronos in æquali gradu celebrare debet.

JURIS NATURÆ ET GENTIUM PRINCIPIA ET OFFICIA,

Ad christianæ doctrinæ regulam exacta et explicata.

AUCTORE SUAREZ (1), CUM NOTIS GUARINI PANORMITANI.

Dissertatio præliminaris.

1. Quæ morum doctrinam spectat, præclarissima

(1) Vide Franc. Suarez vitam, vol. 12 Cursus Theologiæ, col. 91-92.

est philosophiæ pars, et ad cognitionem animi pulcherrima, et ad instituendos mores perutilis; quæ verò jus Naturæ et gentium attentè scrutatur, ea philosophiæ totius moralis basis est ac fundamentum.

Nemo sanè vel mediocriter eruditus ignorat quanti semper hanc morum philosophiam fecerint ejusdemque ætatis sapientes viri, quorum longum esset vel nomina recensere; nonnullos tamen juvat commemorare.

§ I. De philosophia Græcis.

Ut Egyptios, Chaldeos et Persas præteream, quorum ethice Gundlingius persecutus est in Hist. Phil. mor. c. 4, Pythagoræ philosophiam omnem ad virtutis studium fuisse comparatam (erat enim illi finis *ἀρετῆς τὸ τέλος*), neminem latet. Eminere deinde inter Græcos visi sunt complures; et ipsi quidem ob philosophiæ morali excellentiam. Sic illorum septem, quos sapientes vocabant, effata nonnisi mores respiciunt. Socratem, virum, Ciceronis lib. 4 de Orat. judicio, *omnium sapientissimum et sanctissimum*, ad mores hominum formandos vitæque ritè instituendam, philosophiæ studium omne transtulisse accepimus. Ejus doctrina morum vel hominem solum spectandum docet, vel ut est paterfamiliæ, vel ut civitatis est membrum. Ad primum spectat *ethice* ejus; ad hominem, quæ pater est familiæ, *œconomice* ejus pertinet; hominem in societate versantem *politice* ejus respicit. Ejus dogmata habes apud Stanleium in Hist. Phil. tom. 1, p. 5, c. 15.

De Platone quid dicam? Etsi placitis suis moralem philosophiam corrupisse ab aliquibus censeatur (*ἀρετὴ* enim de animi substantiâ docuit); nihilominus solidas adeò de virtutibus præsertim, ac de summo bono protulit sententiæ; ut ex ethnicorum numero, qui propius ad christiane morali doctrine præcepta accederet, fuerit nemo. Aristotelis ethnicorum ad Nichomachum libri decem, Magnorum Moralium libri duo, et Moralium ad Eudemum libri septem, totam exhibent philosophi hujus morum philosophiam. De viri hujus ethice idem dici potest, ac de ejus fortunâ penes homines ejusdem ætatis diversos. Apud aliquos enim summum humane sapientiæ fastigium attigisse creditus est; aliis vicissim ejus philosophia nugacissima visa est, litibusque serendis unicè accommodata. Buddeus Isag. hist. Theol. lib. 4, c. 4, § 31, in eâ est opinione: cum Plato ad internam animi purgationem respiceret, Aristotelem contra vite tantum civilis sibi habendam rationem putasse, eoque philosophiam suam moralem comparatam esse voluisse. Atque hanc, subdit, fuisse eorum opinionem, qui accuratius mentem Aristotelis introspexerunt, civilem potius quam moralem philosophiam tradidisse, hoc est, viri politici, et ad honores magnasque dignitates aspirantis. Verum Buddeo subscribere non placet; ex Aristotelis ipsius libris melior videtur Stanleii sententia Hist. Phil. tom. 2, c. 7, ubi ait: *Ethicæ addidit Aristoteles: felicitatem nec in bonis exterioribus constare, sicut Polyenus ait, nec in animo solum, sicut Plato dicebat; sed habere quidem formam in animâ, coinquinari autem et constricturi solum ipsam ab exterioribus non bene se habentibus*. Peculiaria moralium præcepta ex Aristotele Stobæus congregavit. Videatur apud Stanleium loc. cit.

ratio totius ethice Aristotelis, ut inde manifestum fiat quam vana sunt ac falsa quæ jectat Buddeus, ubi supra, subicit: *Ejusmodi virtutes civiles cum in quemlibet hominem, quantumvis solis naturæ viribus instructum cadant, ratio intelligitur cur ethice ista Aristotelica cum dogmatibus Pelagianorum egregiè consentiat, utpote qui italem non alias virtutes quam ad quas naturæ vires sufficerent, admittebant*. Siquidem vanum est velle, ab ethnico virtutes admitti, quas solis naturæ viribus non consequi se posse, affirmet. Deinde falsum est ut Stanleius ostendit non alias ab Aristotele in totâ ethicâ nisi civiles agnosci virtutes. Quare Buddeus suo Martino Luthero hæc scribens blandiri voluit, cujus apud ipsum nota erat vox: *Tota fere Aristotelis ethica pessima est, gratiæ inimica*. Error est Aristotelis sententiam de felicitate non repugnare doctrinæ catholicæ, etc.

Qui deinde consecuti sunt è Græcis morum philosophiam non omiserunt: ipsi etiam Cyrenaici atque Epicuri sectatores, corporis voluptatibus omnia tribuentes, magis videri quam esse morales philosophi cupiebant. De Cynicis verò ac Pyrrhonicis rerum omnium *ἀδυστολας* propugnantibus, illud constat, moralitatis modos admisisse, eos tamen quos civiles leges tantum statuerent. Pestifera sanè dogmata, quæ tamen Hobbesius, Spinosa, Tolandus, Jericus, alique ex Hollandiâ Angliæque scriptores renovârunt. Honestatis principia et Religionis fundamenta ad statum merè civilem referentes; unde *prudential* seu citius *simulationem* exigunt, sese ad cultum civilis societatis accommodandi. Id patet in libro: *L'esprit des Loix*.

§ II. De Romanis.

2. Romani verò in morum doctrinâ, et J. N. præstantiores, quam in reliquâ philosophiâ fuere. Unum aut alterum proferre sufficiat. Marci Tullii libros hæc super re quis sine laude commemoret? *De finibus bonorum et malorum* expendit Epicuri, Stoicorum ac Peripateticorum de summo bono summoque malo sententiæ. *Tusculanarum Quæstionum* liber primus de contemnendâ morte, secundus de tolerando dolore, tertius de ægritudine leniendâ, quartus de reliquis animi perturbationibus, et quintus quod virtus ad beatè vivendum seipsa sit contenta, agit. *De Legibus* libri tres ad civilem prudentiam referri possunt: de officiis libri tres, ad jurisprudentiam naturalem. Quot pulcherrima ad omne honestatis genus continent Cato major seu *de Senectute*, Lælius seu *de Amicitia*, et Stoicorum *Paradoxa*? Illum omisimus, cujus titulus *Hortensius*, sive *de Philosophia*; cui Augustinus fatebatur debere se prima melioris mentis semina. Plutarchus inter Romanos philosophos, etsi græcè scripserit, accensetur; cujus ethice referunt *Vitæ, parallelæ et moralia*.

Quæ de morali philosophiâ in universum spectata retulimus, de jurisprudentiâ naturali dicta potissimum intelligimus. Etsi enim, ut Joan. Fr. Buddeus loco citato, c. 4, advertit, juris naturalis principia per recte rationis usum facillè innotescant, imò juxta Apostoli phrasim omnium cordibus inscripta sint, adhuc plures exstiterunt ex illis ipsis quos supra commemo-

ravimus, qui juris naturalis præcepta et sedulo exco-
gitârunt et optimè tradiderunt. Commune apud hos
scriptores juris naturæ vocabulum *officiorum* titulo
περί καθήκοντων exprimebatur. At verò τοῦ καθήκοντος
nomen aliquando apud ipsos solas actiones honestas,
aliquando etiam decoras, imò etiam utiles, ac nostræ
conservationi inservientes indicabat. Hoc verò ex sin-
gularum peculiari systemate est dignoscendum, ut
certum ferri possit judicium. Sic apud Theodorum,
illud *ἄθεον* non aliud officii nomen exprimit, quam
corporis voluptatem. Idem apud Pyrrhonios, seu
scepticos, nihil discriminis interni inter honestum, et
turpe agnoscentes; idem fermè obtinebat apud quos-
dam academicos. Epicurei verò officia, utpote remo-
to Numine, non nisi utilitate metiebantur. Contra verò
reliqui, cum gravissima incommoda reputarent, quæ
ex prædictorum sententiis traherentur, in eam in-
gressi sunt opinionem, dari quædam per se turpia aut
honestæ citra omnem ad quamcumque legem respec-
tum. Hoc autem ab eo differt quàm maximè, dari
scilicet per se jus aliquod naturæ, si vel maximè po-
natur, *non esse Deum*; et catholici primum illud asse-
rentes, quemadmodum et Grotius asseruit, non affir-
mant tamen hoc, quemadmodum nec Grotius affirma-
vit: in quo cum Puffendorffio et Barbeyracio fallitur
etiam Joan. Fr. Buddeus. Atque hæc quidem de
ethnicorum in morali philosophiâ studio ac labore.

§ III. De christianis et sanctis Patribus.

3. Quod christianorum respicit tempus, sive Eccle-
siæ Patres spectes, sive scholasticos, defæciorem
invenies moralis scientiæ doctrinam.

Accedente siquidem ad lumen naturale rationis,
peccati originalis tenebris nimium quantum obscura-
tum, superno fidei lumine, factum est ut è veterum
ethnicorum documentis plurima dignoscerentur abso-
na, et cum hominis fine non convenientia: plurima
item ad hominis felicitatem consequendam necessaria.
Rursus, explicatis per firmiorem revelationis sermo-
nem hominum officiis, moralis illa nuda ac naturalis
philosophia non in pristino stetit necessitatis utilita-
tisque gradu. Quare et primorum Ecclesiæ seculorum
Patres, ubi de moribus, eorumque honestate sermo-
nem instituebant, plura è philosophiæ moralis haurie-
bant fontibus; et scholastici etiam de naturali lege,
atque honestatis principiis disserentes complura è divi-
næ revelationis dogmatibus exceperunt. Quo quidem fio-
bat, ut Christianorum flagitia, propositis vel ex ethicæ
argumentis acerbius exagitarentur: et veterum philo-
sophorum errores circa morum principia ad trutinam
divinæ vocis revocati certius detegerentur.

Audire liceat Suarezium lib. 4 de Leg., c. 3: *Est
advertendum philosophos non agnovisse supernaturalem
hominum finem, sed solum de hujus vitæ aliquam felici-
tatem, vel potius convenienti statu ad illam in pace et ju-
stitiâ transigendam tractasse, et in ordine ad hunc finem
de legibus considerasse, et ita naturalem legem solum
ab humanâ, quam nos civilem appellare possumus, di-
stinxisse. At verò cum fides doceat homines ad finem*

*supernaturalem vitæ futuræ per convenientia media in
hâc vitâ exsequendâ ordinari, rectè sacra theologia insert
longè aliter esse necessariam hanc legem naturalem.
Quare alteram ab alterâ prudentissimè non sejunxe-
runt.*

§ IV. De acatholicis eorumque in catholicos scriptores calumniis.

4. Hanc verò sapientissimam juris naturalis inve-
stigandi rationem modis omnibus coarguere conati
sunt acatholici. Hinc horrenda sunt, quæ vomunt
contra scholasticos scriptores, non aliâ sanè de causâ,
nisi quia juri naturali luculentius explicando nonnulla
è sacris litteris mutuârunt.

Joan. Fr. Buddeus Isag. Hist. Theol. lib. 1, c. 4,
§ 32, ait: *Scholastici doctores itidem lumen rationis, et
omniñ philosophiam Aristotelicam cum lumine revelatio-
nis conjunxerunt, turpiter ita cuncta inter se miscntes,
et variis erroribus jurisprudentiam divinam contaminâ-
runt. Quasi verò citra lumen revelationis possent ex
solo rationis lumine certa omnia derivari. Similia ha-
bet Puffendorffius in Præf. Oper. de J. N. et G. Et in
Specim. Controv. c. 1, § 2: Illi doctores, ait, qui in
episcopi romani verba jurârunt, quæ omnia ad poten-
tiam et quæstum sacerdotum vertere labor est (quanto li-
vore scatent dicta hæc Puffendorffii!) legi naturali et
universæ de moribus doctrinæ magnam caliginem offu-
dere. Unde verò tanta caligo? Nonnisi quia legis natu-
ralis principia ad solidissima sacrarum litterarum
lumina revocant. Et idcirco catholicos scriptores
versari in regno tenebrarum affirmat frequenter Puf-
fendorffius capite 2 Specim. Controv. § 5; quot injuriis
cumulat scholasticos primæ notæ scriptores sanctum
Thomam, Suarezium, Vasquium, Valentiam, Conim-
bricenses? eorumque doctrinam appellat *frivolæ subti-
litalis speculationibus adornatam, scientiæ prorsus ina-
nem, astutissimo consilio nutritam, ad otiosa ingenia
vanis disputationibus distinenda, etc.**

5. Nec dissimilia sunt quæ ceteri fermè J. N. scri-
ptores heterodoxi de catholicis auctoribus impuden-
tissimè scribunt, ut sine stomacho legi non possint.
Audiatur christianus Thomasius Hist. J. N. c. 4, § 17:
*In his omnibus commentariis tam super Sententias Lom-
bardi, quàm super Summam Thomæ frustra quæres do-
ctrinas utiles, et à sanâ ratione projectas, sed omnia
repleta sunt auctoritatibus, subtilitatibus, inanitatibus.
Et c. 5, § 9: Itaque initio seculi XVIII, doctrina de
virtutibus et de vitiis, sive de differentiâ justî et injusti,
boni et mali, de jure naturæ, etc., tam apud pontificios
quàm apud evangelicos, miserrimo et penè incurabili
morbo laborabat. (Proh fatum verè lacrymabile!) Scho-
lastici pontificii in libris qui titulis de justitiâ et jure,
vel finibus insigniebantur, talia dogmata inanuebant
animis discitulum, quæ solum inserviebant incremento
papatus et clericatus (evoluit unquam hos libros Tho-
masius?), et suppressiebant auctoritatem principum et
ordinum politicorum et laicorum. Præterea diversissimas
res inter se miscebant, jura naturæ, gentium, Mosaica,
Judaica, Græca, Romana, imperialia, pontificia, colla-*

gendo videlicet ex istis quidquid inde peti poterat ad eorum modo memoratum. At qui publice circumferuntur catholicorum sub his titulis libri, quam enormiter mentiatur Thomasius, demonstrant. Joan. Fr. Buddeus, Hist. J. N., § 12, de nostrorum scriptorum et quidem in J. N. libris sic habet subtili et spinoso dicendi genere, quæ fortè propriis illorum hominum laus est. Sine ordine tamen cuncta tradunt, infirmo, aut lubrico fundamento, quæ docent, superstruunt. Divina humanæque juramiscet. Rationum momenta aut planè non, aut jejuna quandoque et ridicula afferunt. Quam perfineat frontis homo sit, oportet, Buddeus, qui in auctoribus nostris spinosum dicendi genus criminatur, cum Puffendorfius, Cumberlandus, Grotius, alique J. N. egregii scriptores, ipsorum heterodoxorum judicio, vix queant intelligi? Testis sit, Schwartzius cujus verba ipse refert Puffendorfius, Erid. Scand. § 14, art. 9: Si quis penitus inspexerit Puffendorffii opus, non diffitebitur Puffendorffium non modò entia moralia, verum etiam totum ferme primum librum tam obscure tractare, ut ipse vix intelligat. Testis sit Gundlingius in disc. præl. cujus hæc verba: Si Grotium et Puffendorffium aspicimus, ijam civilis, jam naturæ jus, jam gentium proponunt (et hic est ille Puffendorfius, cujus clarissimum ac distinctissimum ingenium confusa scribendi ratio nostrorum auctorum nimis vexabat). Proinde mihi Puffendorffii pertæsum est, quoties ipsum explicari. Perturbat enim homines, et neipsum initio perturbabit. De Cumberlando non suadent passim ejus fautores, in Gallicâ traductione Barbeyracii legendum ejus librum, quàm in nativo Latini sermonis genere? Adeò malè mentem suam explicat, quin et Barbeyracius identidem cogitur, Latinum auctoris vocabulum apponere, veritus ne non illius sententiam tenuerit.

§ V. De acatholicorum in sanctos Patres conviciis.

6. Verùm et ferenda esset eorum audacia, modò in scriptores tantùm scholasticos mendacia conflaverint. Sed omnem vincit patientiam, quæ passim contra sanctos Patres indigna vomunt convicia. Unum aut alterum commemorabo; quid enim insanientem turbam in scenam inducam? Primum sibi locum vindicat Joannes Barbeyracius, cujus in sanctos Patres animi furor in Præfat. ad versionem Gallicam Operum Puffendorffii à § 9 impudentissimè erupit. Neque enim unum aut alterum carpit, sed à primis Ecclesiæ seculis ad scholasticorum tempora plerosque sanctos Patres saltem auctoritate præcipuos notat, et quasi J. N. ignaros pariter irridet. Athenagoram sæc. II carpit; Clementem etiam Alexandrinum eodem seculo exeunte, quem idcirco reprehendendum putat, quòd regulas vitæ nimis severas rigidasque, et ab hodiernâ vitæ consuetudine alienas præscribit. In Tertulliani libris etiam ante lapsum scriptis querit, quòd accuset, illum videlicet nimis rigidè censuisse: qui improborum facinora promovent, aut qui quâcumque ratione ad malum concurrunt, peccare. Ubi putat auctoritate Dupinii non esse principium hoc extendendum adeò, ut vult Tertullia-

nus; at in utrisque hujus Patris censurâ Barbeyracius ipse reprehenditur à Joan. Fr. Buddeo, Isag. Theol. lib. post. c. 4, § 4. Plura, ait Barbeyracius, se desiderare in Cypriano, præcunte Joan. Clerico, præsertim modum in laudandâ continentia, evchendo martyrio, commendandis elemosynis, et quod nimis auctoritatem episcoporum extulerit; in quâ quidem accusatione socium habet Joan. Fr. Buddeum loc. cit. Lactantio tribuit Barbeyracius sententiam, hominem probum nec militare debere, nec commerciorum causâ peregrinus petere oras: cum reverâ Lactantii lib. 5 de Just. c. 18, verba hæc sint. Cur enim (homo verè justus) naviget, aut quid petat ex alienâ terrâ, cui sufficit sua? quibus verbis indicat non dari justo necessitatem ea faciendi, non verò vetitum esse justo ea facere. At Barbeyracius ingenio suo carpenti SS. PP. libenter indulget, quod quidem ipsi Buddeo non probatur. Quemadmodum sibi displicere ostendit Buddeus loc. cit., quæ contra Athanasium et Cyrillum Hierosolymitanum pronuntiat Barbeyracius. Basilii causam contra ipsum Barbeyracium tueretur ipse Buddeus, rectamque habet Ceillierii defensionem. Quid in Gregorio Nazianzeno arguit Barbeyracius? Illud nimirum, quod in suo erga hæreticos zelo modum, justosque limites excesserit. Sed hic suam causam agebat Barbeyracius, ideòque modum ac limites justos tolerantia hæreticorum ignorabat. Quid verò in Joanne Chrysostomo? Illud idem quod Petrus Bælius 5 Abimelech et Sara, homo quidem non tam facetus quàm ad scribendum procax risui exponit; quàm indoctè autem atque adeò iniquè ostendit Ceillier in suâ Apolog. c. 12. In Ambrosio displicent laudes castitatis ac virginitatis; hoc etiam displicet in Hieronymo: Et quidem, ut ait, ex jure naturali Augustini sententias confert, malè etiam explicat, ut occasionem improbandi habeat, præsertim ubi de Abrahami et Saræ consensu respectu Agar agit, Aug. lib. 16 de Civ. c. 25. At Augustinus non ea docet, quæ objicit Barbeyracius, ut probat Ceillierus loc. cit. c. 14. Sed hic omnium Patrum à Barbeyracio iniquè congestos in doctrinâ morum errores recensere longum esset ac tadio plenum; refellere verò calumnias et mendacia propè superfluum, cum id præstiterit Remigius Ceillier Apolog. de la Morale des Pères, etc., an. 1718. Interim tamen ipse sibi plaudit Barbeyracius, aitque § 10 sperare se seculum tandem venturum fore in quo Patres et eorum studiosi admiratores immodicam, quâ fruuntur, existimationem sint amissuri. Et § 11 gaudio exultans subdit: *Legislatorem Lutherum et Calvinum non modò religionem, sed moralis doctrinæ, J. N. scientiam redintegrasse.* At quantâ opus est cecitate (quanquàm non, quo par erat, usus sum verbo); quantâ opus est insanità, audaciâ, temeritate, ut quis sibi persuadeat, aliisque velit imponere Christum, de Ecclesiâ suâ adeò sollicitum, non sanctorum Patrum (quorum mores incorrupti intemeratèque fuere) vocem et libris, sed Luthero et Calvino, hominibus quidem omni vitiorum genere inquinatis præcuntibus, voluisse nova inauditaque præcepta ac leges promulgare? Sed neque in omnibus Calvinus idem aliqne Lu-

theri asseclæ Barbeyracio arident; dolet enim eos crudele dogma de hæreticorum pœnis defendisse, atque tolerantissimum in religionis negotio oppugnasse.

7. Christianus Thomasius in Hist. J. N. c. 3, contra Ecclesiæ Patres invehitur, atque post Christi ascensionem et Apostolorum mortem extinctam Christianam Ecclesiam jacuisse usque ad Lutherum. § 4 subdit: *Multi protestantium theologorum, inprimis verò B. Lutherus noster, et alii de hoc abusu interpretationis, ab Ecclesiæ Patrum commisso conquesti sunt et adhuc conqueruntur.* § 22 laudat Barbeyracium, qui clarissimè monstravit quod Athenagoras, Clemens Alexandrinus, Tertullianus, Origenes, Lactantius, Cyprianus, Basiliius, Gregorius Nazianzenus, Ambrosius, Chrysostomus, Hieronymus, Augustinus, Leo, Gregorius Magnus (en quot sanctos Patres impudentissimus homo contemnit!) non solum in doctrinâ morali parum, aut nihil sciverint, sed et in explicatione Scripturæ sacræ, aut aliâ occasione ita ferente, varia noxiâ et erronea, ac non solum luci Evangelii, sed et juri naturi adversantia dogmata in animis auditorum suorum disseminaverint. His similia habet Heinnecius in Elem. hist. Phil. c. 4, à § 99 ad 102, ubi plures catholicos doctores, ait, non modò fastu scholastico, et malè sanâ curiositate, sed et absônâ dicendi docendique ratione cordatioribus hodiè risum excitare meritò. Hinc cognomina ridicula, dum Halesius Magister irrefragabilis, Rthardus de mediâ villâ auctoratus, Scotus subtilis, Bonaventura seraphicus, Thomas aquinas Cherubicus, alii aliter vocati. Vid. Tribbeck. de Doctr. schol. c. 6, p. 152, et tamen (en ut eundem despicientiæ locum diutius urget) hi doctores angelici, cherubici, seraphici non modò universam philosophiam ac theologiam (atqui hic non agitur de historiâ theologicâ, sed philosophicâ: quid tum? Contemnendi sunt catholici scriptores; nunquàm ergo non est locus) erroribus quamplurimis coinquinârunt; verum etiam in philosophiam moralem invexere sacerrima ista principia (quænam illa? Lutherine, an Melanctonis, an Calvinii, jura omnia divina et humana susdeque vertentium)? Probabilismû, methodi dirigendi intentionem, reservationis mentalis, peccati philosophici (sunt enim verò hæc omnia uno fasce colligenda? Trilecum et zizania?) quibus Jesuitæ etiannum mirificè delectantur (scilicet quo auctore hæc de Jesuitis asserit Heinnecius? Subdit statim): Conferri hic oportet Lud. Montaltii Epistolas ad quemdam ex provinciâ (conferri alicem oportet cum responsionibus Gabrielis Danielis ad predictas litteras, contra Antonium Arnaldum, aliosque Jansenianæ sectæ assertores). Et quamvis Lutherus (en excucullatum uxorumque animorum moderatorem)! ut illis scholasticorum sordibus Ecclesia purgaretur, nihil fecerit reliqui, tantum tamen abest, etc. Quanti facienda sit scholastica theologia non ab uno damnato capite nimirum Luthero, qui etiam scriptores istos inter $\alpha\chi\iota\beta\epsilon\alpha\lambda\alpha$ ut asserit Puffendorffius in Specim. Controv. c. 2, § 6, numerabat; sed ab electissimo tot doctissimorum virorum Tridentino concilio, cui divinum pastorem præfuisse certò novimus, reputare debemus.

§ VI. De recto juris naturæ usu.

8. Hæc itaque cùm apertè satis noverimus, ne à recto dignoscendi juris naturalis tramite deflectamus, omne studium est collocandum. Clament idcirco acatholici, vociferentur, atque in nos cujuscumque generis convicia jactent ac maledicta; malumus cum Ambrosio, Chrysostomo, Augustino, item Thomâ, Bonaventurâ, et si fas est etiam dicere, Suarezio inter indoctos accenseri, quam cum Puffendorffio, Thomasio, Barbeyracio, Heineccio inter summos homines adnumerari? Quinam verò sit rectus juris naturalis addiscendi modus? quinam optimæ hujus moralis scientiæ usus? Modum hunc rectum, rectum etiam usum, quo dissertatio tota collimat, explicabo sine morâ; utrumque postquàm explicavero, operis totius ideam et rationem nemo non probabit. Erit autem rectus juris naturalis usus, si recti definientur lumini naturali, seu rectæ rationi limites: rectus erit addiscendæ hujus facultatis modus, si probati consulentur auctores.

9. Profectò primum quod respicit: Inficiari debet nemo, duplex in præsentī humanæ naturæ statu dari lumen, quo homines moraliter agant, et appositè ad suam ipsorum felicitatem agant; naturale alterum, alterum verò supernaturale; illud ratio naturalis, hoc revelatio audit; illud naturæ debitum, hoc verò nullatenus debitum, sed merè gratuitum. Rursus nemo, nisi planè desipiat, in controversiam vocabit, lumen rationis minùs esse lumen, ac illud revelationis, et consequenter illud esse huic subjiciendum. Habemus hoc ex Paulo 2 Cor. 10. Nec ipsi sanioris judicii acatholici negant: Joan. Fr. Buddeus, Isa. Theol. I, prior. c. 4, § 31, sic habet: *In ethicæ, seu doctrinæ moralis philosophicæ utilitate, et necessitate ritè æstimandâ, ita incedendum, ne quidquam dignitati ac præstantiæ ejus detrahamus, nec tamen rationis viribus apud eos qui Christianorum nomine veniunt, in vitæ directione plus quàm decet, tribuamus. Minus enim lumen præferre majori fidei, stolidum foret.* Ratio autem est, tum quia revelationis lumen immediatè à Deo procedens infallibiliter rei veritatem atque honestatem ostendit, tum quia objecta etiam representat, quæ lumini naturali impervia sunt et longè superiora. Hoc utique verum ethnicis Philosophis obscurum fuit, ac fidei divinæ unicè debemus. Præclarè Suarezius rem hanc explicavit lib. de Leg., c. 3: « Circa legem « naturalem docet theologia hominem secundum duplicem naturam, et duplex rationis lumen considerare posse. Primò, secundum puram naturam, seu « substantiam animæ rationalis, et consequenter secundum rationis lumen illi connaturale; secundò, « juxta naturam gratiæ desuper homini infusæ, et secundum divinum ac supernaturale lumen fidei, per « quod pro statu viæ regitur et gubernatur. Et juxta « hæc duo principia distinguere duplicem legem naturalem; aliam, simpliciter naturalem respectu hominis; aliam, quæ licet supernaturalis sit respectu hominis (quia totus ordo gratiæ illi supernaturalis est) nihilominus naturalis dici potest respectu gratiæ, quia etiam gratia habet suam propriam essen-

« *tiam et naturam, cui connaturale est lumen infusum,*
 « *cui etiam connaturale est non solum dirigere homi-*
 « *nes ad rectam et honestam ac debitam operationem*
 « *supernaturalem, sed etiam depellere tenebras, et er-*
 « *rores circa ipsammet legem pure naturalem, et sub*
 « *altiori ratione præcipere ipsiusmet legis naturalis*
 « *observationem.* »

40. Atque hic est advertendum lumen revelationis esse absolute necessarium quoad ea officia que respiciunt objecta, non nisi per lumen fidei cognita; que quidem officia hominem obligant ad æternam sibi comparandam felicitatem; atque hoc ne heterodoxi quidem difflentur. Idcirco lumen fidei appellari posse *connaturale genere humano*, docet Suarezius loc. cit., eo modo quo naturale dicitur, quod cum naturâ concreatum est, semperque in eâ perseveravit. « *Quia*
 « *lex gratiæ semper in humano genere fuit, et un-*
 « *quam in hominibus universis, seu in totâ Ecclesiâ*
 « *lumen fidei defuit, neque homines caruerunt unquam*
 « *lege divinâ supernaturali, sine quâ non potuissent*
 « *in supernaturalem beatitudinem tendere. Unde*
 « *quando distingui solent status hominum per leges,*
 « *scilicet in statu legis naturalis, scriptæ vel gratiæ,*
 « *in primo statu per legem naturalem intelligenda*
 « *est tam lex solius naturæ, quam lex connaturalis*
 « *gratiæ, seu lex fidei. Non potuit enim mundus un-*
 « *quam carere omnino hæc lege secundum ordinariam*
 « *providentiam, cum factores legis semper potuerint*
 « *cum divino auxilio justificari, ut sumitur ex Paulo*
 « *ad Rom. c. 2 et 3. Atque ita etiam patet, quæ*
 « *fuerit necessitas et utilitas legis naturalis in hoc*
 « *posteriori sensu declaratæ; nimirum, quia gratia et*
 « *fides semper fuit necessaria, et hæc lex est illi*
 « *connaturalis. Item, ut haberet homo legem, per*
 « *cujus observantiam posset consequi remissionem*
 « *peccatorum, ac vitam æternam cum divino auxilio.* »
 Illud verò obscurius est, esse etiam necessarium lumen fidei ad aliqua legis officia naturalis quidem propria et rectam rationem in se, et reverà non excedentia, minùs tamen cognita ex originariæ culpæ tenebris, quibus et rerum veritas et objectorum honestas, non eo, quo fuerant primum collocata, bono mentis lumine permanserunt. Atque hoc in causâ fuit, cur ethnici philosophi de hominis summo bono tam absonas et inter se oppositas protulerint sententias; inde etiam factum est, ut de ipsius Dei naturâ dignoscendâ tot inter opiniones quereretur Tullius de Nat. deor. lib. 1. *Ita fit ut Deus, quem mente noscimus,*
atque in animi notione tanquam in vestigio volumus reponere, nusquam prorsus appareat. Inde etiam plurima observamus penès historicos exempla nationum, quibus fidei lux nondum affulsit, iniquissimis moribus viventium. Sic mulieres apud Indos igni se tradunt, defuncto marito; Iroquenses parentum senescentium carnibus aluntur; Aegyptii nuptias cum sororibus et cum matre etiam celebrant; apud Parthos nemo de regiâ stirpe Arsacidum jus habet legitimum ad thronum, nisi ex incestu filii cum matre natus sit; in Guianâ insulâ compertum est, maritum lecto ac-

cumbere, uxore pariente et enixâ; eamque puerperam tunc viro sine causâ jacenti famulari. Hæc, aliaque hujusmodi fieri novimus apud Barbaros, Ethnicosque, qui aliquid advertant naturalem rationem aut dedecus, aut minus sibi conveniens.

41. Superius autem dicta officia hominem obligant et quâ homo est, et quâ civis etiam est. Quare non erit omnino adprobandum quod acatholicorum plerique suadent posse scilicet integrum tradi jus naturæ, et gentium, et omnia hominis et civis officia posse rite explicari, nullo habito ad fidem respectu. Ut putat Puffend. De J. N. et G. l. 2, c. 3, § 15. *Ibi illud manifestum judicamus: etsi divinæ litteræ liquidius cognoscendo juri naturali plurimum lucem adferant; illud tamen etiam citra hoc adminiculum per vires rationis hominibus abs creatore concessæ, et adhuc superstitis posse investigari, et solide demonstrari; hoc enim jus per vires rationis adhuc superstitis posse plenè demonstrari, falsum est citra revelationis adminiculum.* In eâdem est cum Puffend. sententiâ Barbeyracius; in eâdem etiam Heineccius J. N. et G. l. 1, § 15, 16: *Quumque hoc jus complectatur leges per rectam rationem promulgatas; consequitur, ut jus naturæ derivandum non sit ex sacris litteris; at jus hoc naturæ non universalis tantum penès ipsos AA. principia indicat, sed plura etiam particularia; ad hæc autem necessarium est fidei lumen, ut depellantur offusæ mentibus tenebræ et errores, quemadmodum ex Suarezio adnotavimus.*

42. Hinc etiam jure merito irridendos puto AA. illos qui tantoperè gloriantur, velle se jus naturæ omnino explicare citra revelationis lumen. Esset siquidem illorum inanis conatus, et maximè periculosus: ut, qui oculorum infirmitatis conscii vellet de objectis judicare ex oculorum tantummodo testimonio citra rationis adminiculum. Inutilis labor, et errori maximè obnoxius. Plures ex acatholicis hoc identidem repetunt, hoc se fecisse plenis buccis, ut vidimus, gloriantur. Jos. Fr. Buddeus, Inst. theol. mor., part. 2, § 11, sic habet: *Nec tamen ideò improbandum illorum institutum, qui seorsim juxta lumen rationis jurisprudentiam divinam, seu naturalem tradunt. Quæ enim distincta sunt, rectè etiam distinctè traduntur, nec inter se sunt confundenda. Jurat etiam cognoscere, quousque ratio sibi relicta hic progredi queat, ut eo rectius, quæ revelationis vis sit, et præstantia, inde intelligatur. In negotiis præterea humanis sæpè cum illis nobis res est, qui revelationem non agnoscunt, quive proinde non aliam agendorum normam, quàm rectam rationem admittunt. Denique per rationem quoad humana præsertim negotia, multa specialius possunt investigari ac determinari, cum generalia saltem sint, quæ de hisce revelatio tradit, ut reliqua, quibus idem evinci potest, taceam.* Hæc autem Buddei ratiocinatio minùs, quod intendit, concludit: siquidem etsi distincta sint lumen rationis et fidei, nec idcirco confundenda: illud tamen utpote infirmum ab hoc debet adjuvari; unde seorsim tradi non debet. Deinde, verum quidem est, aliquid esse, cognoscere, quo rationis lumen ex originali labe obnubilatum

pertingat; sed et hujusmodi cognitionem sine fructu esse, et ad negotia periculosam, est certum. Quid autem facto opus sit, quando cum iis qui revelationem non agnoscunt sit agendum, dicam inferius: nullo tamen pacto probandum est illorum institutum, qui solo freti rationis lumine naturali cum hujusmodi hominibus velint res agere, et ad honesta eos pertrahere. Tandem, quod revelatio generalia ostendat, ratio quædam specialiora infert, utrumque lumen in consilium advocari, nec tradi debere seorsim. Rem hanc egregiè in veteribus philosophis advertit Lactant. l. v. de Just. c. 18, ubi videtur acatholicorum objecta diluere: *Plato et Aristoteles honestà quidem voluntate justitiam defendere cupierunt, effecissentque aliquid, si conatus eorum bonos, si eloquentiam, si virtutem ingenii, divinarum quoque rerum doctrina juvisset. Itaque opus illorum inane atque inutile jacuit, nec cuiquam hominum persuadere potuerunt, ut eorum præscripto viveret: quia fundamentum à cæto disciplina illa non habuit. Nostrum opus certius sit, necesse est, quos Deus docuit.* Ad Lactantii mentem scribebat Leibniti-
us in Epist. ad Molan. Ab. adversus Puffendorhium: *Dignè de jure philosophanti non tantum humanæ tranquillitatis, sed etiam divinæ amicitie ratio habeatur, cujus possessio nobis duraturam felicitatem spondet. Non nobis tantum nati sumus; sed partem nostri sibi alii vindicant, Deus totum, et Præfat. Cod. Jur. Gent.: Rectè à viris doctis, ait, inter desiderata relatum est: Jus Naturæ et Gentium traditum secundum disciplinam Christianorum, id est, Christi documentis et à divinis, sublimia, divina sapientum.*

12. Itaque revelationis lumen regulas juris naturæ, bonæque moralitatis exhibet, quas generis humani corrupti mores, et philosophorum ethnicorum executiones animi nec satis agnoverunt, nec libenter amplexi sunt. Quapropter colligi debet, adjuvari ex revelatione rationem ad jura sua dignoscenda; revelationis enim lumen ex omni parte divinum, quod ad mores, vitæque rationem spectat, nihil ostendit, quod simul summi non esse putet lumen naturale, ubi intento studio advertit, ac maturè considerat. Idcirco à nonnullis sapientibus viris dictum legimus: dogmata Evangelii quoad mores, simul cum bonæ moralis philosophiæ principiis, esse veluti instaurationes moralium dogmatum in animâ rationali impressorum; hæc aptando illud Tertulliani: *O anima hominis, quàm es naturaliter christiana!* Reddit præterea fidei lumen faciliorem præceptorum naturalium usum ex novâ præmiorum, poenarumque propositione: atque ex gratiâ divinarum auxiliorum largitione. Habet autem in se anima intimam ad servanda præsertim generalia quedam præcepta obligationem sine revelatione, ut habet apostolus, et dari ignorantiam circa prima moralitatis, et legis naturalis principia in mente integrâ, probari nullatenus potest: cum idem primorum principiorum, ut valdè probabiliter à nobis in philosophiâ rationali probatum est, sint innatæ, nec à sensibus haustæ.

13. Quare christiano philosopho ita erit in jure na-

turali, rectæque rationis principiis procedendum. Quæ lumen naturale, seu recta ratio, citra quodlibet præjudicium, sui juris esse representat, erunt maturè cum iis quæ ex fidei lumine accepimus, conferenda: cumque sciamus, utrumque lumen veluti in idem tendere, seu objectorum veritatem, honestatemque manifestare: prudenter inferimus, quæ infallibili revelationis testimonio comprobantur, vera esse; falsa tamen, si fidei testimonio contraria. Neque verò id assero, videlicet adsumendum fidei dogma quasi principium, undè altera rejici, altera probari debeat opinio: hoc enim esset non philosophum agere, sed actum fidei exercere. Illud autem pronuntio, fidei dogma esse illi debere instar doctissimi, solertissimique monitoris, quo certus fiat de admissio in peculiari aliquo casu errore; unde iterum, atque accuratius ratiocinationem instauret, donec lumine ipso naturali, ubi lapsus sit, invenire liceat. Quemadmodum in analysi sit, si fortè vel ex primâ positione, vel ex errore in decursu operis admissio deveniatur ad equationem vel impossibilem, vel certò falsam: tota, ut notant analytæ, repeti ac veluti resolvi debet praxis, singulique animadvertendi numeri, eorumque signa, ut erroris veluti principium detegatur. Hoc ubi ager in re morali, atque in J. N. principiis, et officiis optimus morum philosophus, modum aptissimum, rationemque firmissimam sibi conciliabit ad suadendum Ethnicis quibuscumque, revelationes pernegantibus, certissima morum dogmata.

De rectâ addiscendi J. N. ratione.

14. Justos posuimus lumini naturali fines: superest, ut addiscendæ hujus facultatis rectus modus proponatur. Is profectò erit, si probatæ fidei consulantur auctores. Sanè vix animum possum continere, cum in Catholicorum manibus magno plausu exceptos versari conspicio tot heterodoxorum libros, qui reverà si essent à Catholicorum aliquo conscripti vix oculos ad se eruditorum pertraherent. Confusa scribendi methodus, barbara Latini sermonis syntaxis, exigua eaque obsoleta bonæ doctrinæ copia, quid, quæso, tantos excitet græculorum plaudantium rumores! Dicam planè quod sentio, et mecum unâ reputant, quicumque solida veræ sapientiæ, omnisque scientiæ jecere fundamenta, et insipientium voces spernant: unus est iis auctoribus plerumque tantarum laudum titulus, nimirum diversa à nostrâ religio. Ille videlicet, qui unus satis esse deberet, ut istiusmodi libri à studiosorum præsertim manibus arcerentur. At liber de jure naturæ agit, non de religione. Quid tum? Grotius de jure belli scripsit; et tamen Puffendorffus Lutheranus religionis causâ verebatur ne apud suos Grotius legeretur: sic in epist. ad lect. ante 1 sui op. edit.: *Non exiguum nobilissimi operi (Grotii) labem aspergunt, quæ passim à receptæ orthodoxæ Ecclesiæ (scilicet Lutheranæ) sententiis diversus abit. Et per isthæc etiam verè atque utiliter dictis auctoritas detrahitur: at errores vel nulli sunt, vel cuique Catholicorum faciliè advertendi.* Imò potius et plures sunt, et cuius Catholicorum

difficillimè advertendi; cui fortè sacrarum facultatum præsidio, quo tandem colliment, dignoscant. Quotus autem quique ex iis qui acatholicorum versant libros, sacre theologiæ, divinisque litteris operam navavit? Exemplo sit, qui ancipiti plane consilio Puffend. opus de J. N. et G. in Italiam sermonem versum repurgavit, auxit, illustravit, et an. 1757 typis Venetis edidit. Hic sanè, tom. 2, lib. 3, c. 4, § 5, repurgare debuerat illam Puffend. propositionem: *Ignorantia juris naturalis neminem adultæ ætatis excusat: cum videatur, illa posse locum habere inter damnatas ab Alexandro VIII, quarum quæ n. 2 ait: Tamen si detur ignorantia invincibilis juris naturæ, hæc in statu naturæ lapæ operantem ex ipsâ non excusat à peccato formali*, rursus tom. 2, lib. 4, c. 2, § 9. Auctor Catholicus debuerat paulo cautius loqui circa obligationem ortam ex iurejurando per metum injustum exorto. Profectò D. Th. 2, 2, q. 89, art. 7 ad 3 ait: *In iuramento, quod quis contractus facit, duplex est obligatio: una quidem quâ obligatur homini, cui aliquid promittit; et talis obligatio tollitur per coactionem; quia ille qui vim intulit, hoc meretur, ut ei promissum non servetur: alia autem est obligatio quâ quis Deo obligatur ut impleat quod per nomen ejus promisit: et talis obligatio non tollitur in foro conscientiarum: quia magis debet damnum temporale sustinere, quàm juramentum violare: potest tamen repetere in iudicio quod solvit: et adeò fundatam in J. N. obligationem istam putavit S. Th. ut deinde subdiderit: *Romani pontifices ab hujusmodi juramentis homines absolverunt, non quasi decernentes, hujusmodi juramenta non esse obligatoria, sed quasi obligationem ex justâ causâ relaxantes*. Auctor verò Puffend. corrigens, et hanc admisit Puffend. sententiam: *non minus obligatus est ad restituendum vi extortum promissum, cui juramentum accessit, quàm si ab injurato id foret profectum: et hanc aliam infra: momentaneâ solutione juratum defungi posse, ut statim vel per se, vel in subsidium vocato magistratu datum recuperare queat: est sanè inanis religiositas; cum perinde sit nonolvere, et solum confestim recuperare: at oppositum definitur cap. Si verò; et cap. Verum de jur. jur. Plura fortassè essent in eo libro adnotanda: sed hæc duo, quæ se mihi, tom. 2 fortè versanti, primò obtulerunt, probant quàm difficile sit sine theologiæ studio hæreticorum errores advertere et corrigere. At mira sunt quæ dicunt hæretici, nova sunt etiam quæ dicunt. Adde, si rectè velis colligere, et falsa sunt quæ dicunt. Verùm quæ mira, quæ vera ab his AA. traduntur, ea nonnisi à nostris AA. Catholicis mutuasse constat, et in cursu operis constabit. Quæ de suo addidè, falsa ut plurimum convincuntur.**

OPERIS TOTIUS IDEA ET SERIES.

15. Hæc igitur cùm ita sint, auctor sum, ut jus naturæ et gentium nonnisi apud AA. Catholicos addiscatur. Neque enim putandum est non inveniri apud eos hujusmodi facultatem: siquidem quæ Puffendorfius, puta, magnâ primi voluminis parte de J. N. et G. agit circa moralitatem actûs. Habes apud catholicos scriptores in 1-2 de actibus humanis; cætera juris naturæ et gentium principia habes in tractatu de Legibus

apud Suarezium, Lessium, Molinam, Valentiam, Selas; et plenè omnia hæc apud D. Thomam. Quare fateri cogeris, ubi eos consulueris, quod nescio quis, novum parandi prandii genus scire cupidus, ubi non novas res, sed nova tantum nomina imposita à Gallis audivit, ingenue fassus est: Se tot annos ad Gallicum morem inscienter comedisse. Equidem eo animo laborem: hunc suscepi; et unum præ oculis præponens mihi Suarez, ostendere conatus sum, quam Puffendorfius iniiit rationem in suo de J. N. et G. opere, hanc penès Suarezium inveniri; quin et clariùs, et solidiùs apud hunc esse omnia quàm apud illum.

16. Scio alios Suarezii loco potuisse et laudabiliter proponi, vel plures simul cum Suarezio ad hæreticorum calumnias retundendas. Verùm, ne liber in Puffendorfiarum molem excreceret, unum aliquem magne notæ virum eligere in animum induxi. Ut autem in Suarezio consistere, plura fecèrè: illud sub initium me excitavit, quod P. Joannes Baptista Favre S. J. in dissert. polem. Rom. an. 1753, p. 3, § 4, ait: *Si quis institutiones J. N. ac G. doctissimas, easque perspicuas vulgare velit, quod juventuti catholicæ opportunissimum fore, nemo negaverit, satis erit hoc unum, ut quæ de hoc argumento scripsit eximius doctor Franciscus Suarez tum in disp. ad 1-2 S. Thomæ, tum in tract. de Legibus, aliisque in locis, cum ipsissimis ejus verbis sub certâ titulorum serie digereret, atque etiam illustraret: accessèrè deinde alterius viri minùs etiam suspecti de Suarezio in hanc rem laudes, P. Danielis Concinae nimirum, ubi in diss. Proleg. de J. N. et G. cap. 7, hæc scribit: *Ingens de Legibus volumen eximii doctoris Francisci Suarez prævalet omnibus operibus quæ hoc de argumento vulgârunt Puffendorfius, Hudeus, Thomasius, Wolfius, cæterique omnes ex Protestantibus*. Quid? quod et magno apud ipsos hæreticos in pretio Suarezius noster habetur ex juris totius scientiâ. Sanè Jo. Franc. Buddæus, Isag. hist. theol., lib. post., c. 4, § 10, ait: *Non minùs notus apud philosophos pariter ac theologus est Franciscus Suarezius: opus ejus de Legibus constat l. 10. Variâ in eo attulit in medium, quæ deinceps ab iis qui Juris naturalis tractationem ex instituto susceperunt, accuratius fuèrè discussa*. Licet quantum horum AA. legere licuit, legi autem plurimùm, nullibi Suarezii nomen expressè vel commendatum, vel ejus de J. N. sententias impugnatas adverti: scripsit autem notas in Suarezii Metaph. Jacobus Revius acatholicus, qui de Suarezio hæc habet sub initio: *Cum omnibus quos præsens ætas tulit, de palmâ contendit Franciscus Suarezius Soc. Jesu theologus, commentariis in Thomam, et theologicis opusculis celebre nomen adeptus; tandem, quoniam Christianus Thomasius in tract. Jur. de Jure Asyl, etc., appellare audeat: *Sceleratam Jesuitarum doctrinam in disciplinâ juris naturalis: placuit unum obijcere Suarezium, quem inter Jesuitas habere primas, et apud ipsos Protestantes magni esse nominis constat*.**

17. Interim præcipuos J. N. scriptores acatholicos consulere non sum gravatus, eosque in notis vel confutare, ubi à rectâ Catholicorum doctrinâ discosserint;

vel demonstrare facto ipso, non primos ea, quæ Suarezius noster docuit longè ante illos docuisse. Scribendi rationem secutus sum non mathematicam prorsus, qualem Volfius sequi gloriatur, sed mathematici vigoris maximè sollicitus, ut scilicet ab universalioribus, et magis certis, ad particularia, et minùs certa progredere, illam Volfianam utpote magis tegendis erroribus idoneam libenter omisi. Sic primà parte *Principiorum* omnia procedunt: de actùs humani moralitate, ubi de advertentiâ et libertate; de actùs humani honestate; de lege in genere; de lege naturali; de legis naturalis principio cognoscitivo; de jure gentium, ejusque proprietatibus, et à jure naturæ, et civili discrimine. Apponam primo loco iisdem fermè Suarezii verbis, et propositionem, et rationem: nolo ex industriâ appellare *Demonstrationem*: *Consuetudo scilicet (ut ait Favre loc. in fin.) ætatis nostræ malo fato, ut putidæ falsitates, ad faciliorem legentium deceptionem, sub evidentium demonstrationum mentito nomine delitescant. Juvat citiùs, veritatis illius robur verbis ipsius auctoris exhibere, quàm emendicato titulo doctiorum censuras subire. Potuissem utique ex Suarezio quoddam J. N. veluti compendium adornare, nec verba ipsius in medium proferre: sed mihi placuit erud. Lips. ingenuum testimonium, quod proferunt ad an. 1742, pag. m. 87, de opere Voltaire inscripto: Comparatio Leibnitianæ et Newtonianæ metaphysices, etc., ubi aiunt: Cupiditate flagramus videndi testimonia, ac ipsa verba Newtoni, viri sanè magni, quibus hoc compendium, metaphysicam, ejusque propositiones reddi possunt Newtono. Ea enim antequàm proferantur, metaphysicam huc nobis suppeditatam non tam Newtoni, quàm ipsius Voltarii existimabimus constanter; nì simile quid mihi etiam objiciatur, Suarezii ipsissima verba in hæc brevi J. N. et G. tractatione exseribenda putavi: quâ in re illud quoque respexi, ut scilicet discant aliqui è semidoctorum grege, qui multiplicia ac doctissima Suarezii volumina nunquàm attigerunt, tantum virum hanc quoque messem intactam, ut aiunt, non reliquisse; quin ex professo de J. N. et G. principiis, et egregiè disputasse. Posteriore autem de Officiis parte sententias etiam Suarezii et sequar et proponam, breviori autem ratione, ne diutiùs lectores morer. Sed jam tractationem ipsam adeamus.*

I.

Lex est commune præceptum justum ac stabile sufficienter promulgatum.

SCHOLION.

Heterodoxos diversas tuentes sententias proponimus, eorumque rationes expendimus ac statuimus:

II.

Puffendoriana legis definitio, quemadmodum et Barbeyraciana à verâ ratione legis abhorret.

SCHOLION.

Controvertunt autem, unde vim intimam obligandi lex hauriat? quare Suarezius noster statuit:

III.

Omnis lex aliquo modo est à lege æternâ, et ab illâ habet vim obligandi.

SCHOLION.

Sed jam ad legem ipsam naturalem, ejusque physicam essentiam deveniamus, ex Suarezio autem:

IV.

Lex naturalis explicari potest sic: Lumen naturale intellectùs repræsentans voluntatem Dei, auctoris naturæ, et supremi Domini, gubernatoris ejusdem naturæ, obligantem homines ad id servandum, quod recta ratio dictat.

SCHOLION.

Hæc positâ legis naturalis explicatione, clarissimè infertur peccati merè philosophici repugnantia. Aliorum etiam sententias exponimus, et ubi opus est confutamus.

V.

Pluribus capitibus vitiosa est et iniqua juris legisque naturalis ex Hobbesio definitio.

VI.

Nec est planè adæquata legis definitio: Congeries regularum, ad quas actiones liberas homines componere obligantur, naturali ratione cognita atque perspecta.

SCHOLION.

Eadem planè est ratio obligandi in lege naturali, ac in quâlibet aliâ lege, à Deo hominibus indictâ. Scriptores J. N. de physicâ hujus legis essentiâ non sunt admodum solliciti, sunt autem maximè de legis naturalis principio cognoscitivo; de quo infra; interim tamen legis naturalis proprietates sunt expendendæ.

VII.

Lex naturalis per seipsam desinere non potest, vel mutari neque in universali, neque in particulari, manente naturâ rationali cum usu rationis et libertatis.

VIII.

Nec potest Deus dispensare in aliquo præcepto naturali; sed mutare materiam ejus, vel circumstantias; sine quibus præceptum ipsum naturale non obligat ex se; et citra quamlibet dispensationem.

SCHOLION I.

Quare optimam habent explicationem, quæ primâ fronte opponi videntur huic principio J. N. certissimo; sed hic Puffendorfii incohærentia principia proponuntur et expenduntur.

SCHOLION II.

Explicatâ lege naturali κατὰ τὸ δὲ (secundum esse) ad ejus principium cognoscitivum devenimus: quoniam verò ab AA. in duplici illud significatione acceptum invenio; idcirco duplex exhibeo hujusmodi principium.

IX.

Principium proximè cognoscitivum honestatis moralis est actuale judicium mentis dictans objecti convenientiam cum naturâ rationali, vel disconvenientiam modo dicto.

X.

Principium cognoscitivum legis naturalis habens rationem finis naturalis est hoc: quod est necessarium ad felicitatem, seu beatitudinem naturalem homini, sive in particulari, sive in communi assequendam, illi

Ind est J. N. præceptum, quod vero est minus necessarium est bene præceptum.

SCHOLIUM.

Atque ex hoc principio veluti ex regula actionis honestæ, ut ait S. Th. 2 2, q. 141, art. 6, ad 1, inferri possunt, et juxta illam dirigere humane actiones: sed principium hoc non esset magis emolumentum, nisi aliud accederet proximum cognoscitivum legis naturalis principium, actiones dirigens in particulari.

XI.

Principium proxime cognoscitivum legis naturalis habens rationem notant, est actuale judicium mentis repræsentans objectum, vel ut præceptum, vel ut veritatem à supremo auctore et gubernatore nature rationalis.

SCHOLIUM.

Quid autem de aliorum cognoscitivis principis est dicendum?

XII.

Puffendorffii præsertim, et Grotii principium socialitatis obsequium est quoad alia, et quoad alia insufficient.

XIII.

Carubenchæ atque Heineccii principium cognoscitivum ab illo Suareziano non dissentit.

XIV.

Wolffii principium cognoscitivum legis naturalis non bene cum ipsâ lege naturali coheret.

SCHOLIUM.

Exactis explicatisque J. N. principiis tum essendi, tum cognoscendi, restat *jus gentium* expendendum; verum quoniam à pluribus in dubium revocatur *jus gentium* voluntarii existentia, cum omnia ad J. N. velint revocata, ideirco inter utrumque jus tradimus discrimina.

XV.

Fallitur Hobbes, et Puffendorffius, qui illi subscribit, dum putat *jus gentium* esse *jus naturale* in *gentium* ideâ spectatum.

XVI.

Fallitur etiam Heineccius, et Barbeyracius in notis ad Grot., putans *jus gentium* voluntarium esse commentitium et chimeram.

SCHOLIUM.

His rejectis, cum Suarezio nostro, quem Grotius sequitur, statuimus:

XVII.

Jus gentium non præcipit aliquid tanquam ex se necessarium ad honestatem, nec prohibet aliquid quod per se et intrinsecè malum est, vel absolute, vel supposito tali statu et conditione rerum; sed hæc omnia pertinent ad *jus naturale*; ac subinde in hoc sensu *jus gentium* non comprehenditur sub *jure naturali*.

SCHOLIUM.

Designandum igitur est verum inter utrumque *jus* discrimen.

XVIII.

Non rectè distinguitur *jus gentium* à naturali, quia

III. XV.

unum concessivum tantum sit, et aliud præceptivum: tum vel utrumque naturalium à natura præscriptum, vel si præceptum decessivum est, utrumque ad id cum proportionem respondens etiam per humanitatem nascatur.

SCHOLIUM.

Utrumque *jus* in aliquid concessivum et præceptivum.

XIX.

Jus gentium conveniat cum *jure naturali*, in eo quod utrumque sit aliquo modo contractum et ab omnibus.

SCHOLIUM.

Duplices generis præcepta sunt in J. G. scilicet quæ interuntur per evidentem illationem à J. N., ut volunt nonnulli?

XX.

Jus gentium, quatenus continet præcepta directive, non inferri necessitatem rei præceptæ ex sua natura per evidentem illationem ex præceptis naturalibus; et in hoc differt à *jure naturali*.

SCHOLIUM.

Præcepta autem negativa, quæ *jus naturalis* sunt, ut supra vidimus, malum prohibent, quia malum est; supponunt enim antecederet in ipsis rebus intensæ cum turpitudine: de præceptis vero J. G. quid Suarezius noster statuit?

XXI.

Juris gentium præcepta negativa non prohibent aliquid, quia per se malum sit: et in hoc differt *jus gentium* à *jure naturali*.

SCHOLIUM.

In J. N. honestas et inhonestas veluti ostenduntur, licet reverà etiam detur obligatio.

XXII.

Jus autem gentium non est tantum ostensivum malitiæ, sed constitutivum ex parte humane rationis.

SCHOLIUM.

Humana enim ratio et voluntas *jus gentium* reverà constituunt, nonnulla prohibendo.

XXIII.

Jus gentium aliquando mala aliqua permittit, vel saltem non punit.

SCHOLIUM.

In quantum à J. N. differt: non puniendo enim, non ostendit penes rempub. et nationes illa esse mala.

XXIV.

Jus gentium non est tam immutabile sicut *jus naturale*.

XXV.

Quod facta reverà sit aliqua mutatio in J. G., est aliquorum sententia: vix tamen probari potest.

XXVI.

In his etiam, in quibus *jus naturale* et *jus gentium* videntur convenire, omnimodum similitudinem non habent.

XXVII.

Principia J. N. difficilior ab hominum mentibus desunt, contra verò principia J. G.

XXVIII.

Jus gentium simpliciter est humanum ac positivum.

SCHOLION I.

Qui diversas à J. N. proprietates in J. G. bene perpendit, facili negotio principium modò dictum admittit.

SCHOLION II.

Jus ergo gentium non est omnino idem cum J. N.: at num dici potest non esse à jure civili diversum? Nihilominus statuitur cum Suarezio :

XXIX.

Jus gentium est veluti medium inter jus naturale et jus civile.

SCHOLION.

Illud videlicet respicitur à jure naturali tanquam magis amplum, atque intimum magis; contra verò hoc, tanquam restrictum, ac minus necessarium. In quonam verò differunt jus gentium ac civile?

XXX.

Jus gentium non differt à jure civili per hoc quòd civile sit jus unius civitatis aut regni: jus autem gentium sit omnibus gentibus commune.

SCHOLION.

Ex ipsà naturà juris gentium habetur discrimen inter hoc utrumque jus.

XXXI.

Præcepta juris gentium in hoc differunt à præceptis juris civilis, quia non scripto, sed moribus, non unius, vel alterius civitatis aut provincie, sed omnium vel ferè omnium nationum constat.

SCHOLION.

Exemplis principium hoc confirmatur, ac tota de principiis juris naturæ et gentium materia absolvitur.

Pars prior.

DE JURIS NATURÆ ET GENTIUM PRINCIPIIS.

DE LEGE IN GENERE.

I.

« Lex est commune præceptum, justum, ac stabile sufficienter promulgatum. » Suar. de Leg. l. 1, c. 12.

« Illud genus posuit etiam D. Thomas q. 96, art. 1, ad 2, et Jureconsult. l. 1 de Leg., et per illud excluduntur præcepta particularia: per alias verò particularitas indicantur omnia quæ in lege desiderari possunt, ut facili patet consideranti. » N. 5.

Quomodo lex differat à præcepto?

I. D. Thomæ doctrina de lege q. 91, art. 4, est: Lex est ordinatio rationis ad bonum commune ab eo qui curam communitatis habet, promulgata. Verùm ob stare huic definitioni ait Suarez loc. cit., quia potest prælati ordinare subditos secundum rectam rationem ad aliquid agendum, sufficienter proponendo communitati voluntatem suam, et nihilominus non ferre legem: quia non includit præceptum stabile et perpetuum, quod requiritur ad rationem legis, ex ratione

communitatis cui fertur (communitas autem est perpetua), et ex ratione legislatoris ferentis legem prospiciendo ad futura; unde posteros etiam obligare intendit. Quare si ad certum tempus indicatur, erit potius quoddam præceptum quàm lex. Hic autem est advertendum discrimen hoc inter legem et præceptum intelligi prout communiter fieri solet, et res exigit ipsa: nam aliquando per accidens, et ex positivâ voluntate superioris fieri potest, ut præceptum evadat stabile ac perseverans post mortem etiam superioris ferentis illud: quemadmodum statutum est in nostrâ Soc. Jesu. Ex Congreg. 7, can. 10; et Congr. 9, decr. 12, can. 4.

Puffendorfiana legis definitio excluditur

II. Puffendorfius de J. N. et G. l. 1, c. 6, § 4, legem definit sic: In genere autem lex commodissimè videtur definiri per decretum quo superior sibi subjectum obligat, ut ad istius præscriptum actiones suas componat. Verùm juxta hanc definitionem etiam iniqua superioris alicujus decreta dici deberent leges, quod quidem et philosophorum etiam ethicorum sententiis, et recte rationi dissonum est. Cicero de Leg., l. 2, ait: *Necesse est igitur legem haberi in rebus optimis. Prorsus assentior. Quid? quòd multa pernicioosa, multa pestifera sciuntur in populis, quæ non magis legis nomen attingunt, quàm si latrones aliquas concessu suo sanxerint? Nam neque medicorum præcepta dici verè possint, si qua inscii imperitique pro salutaribus mortifera conscripserint: neque in populo lex, cuicunque fuerit illa, etiamsi perniciosum aliquid populus acceperit. Ergo est lex justorum injustorumque distinctio, ad illam antiquissimam et rerum omnium principem expressa, naturam, ad quam leges hominum diriguntur, quæ supplicio improbos afficiunt, defendunt et timentur bonos. Præclare intelligo, nec verò jam aliam esse ullam legem puto non modo habendam, sed ne appellandam quidem. Et ibi. ait legem condi debere ad vitam justam, quietam et beatam; et ideò qui leges injustas condidit, quidvis potius tulisse, quàm leges. Quod etiam confirmat Plato in Dial. Men. Ratio autem est clara: quia lex est mensura rectitudinis; lex autem iniqua non est mensura rectitudinis operationis humanæ; nam potius actio illi conformis iniqua est. Non est ergo lex, sed ad summum participat nomen legis per quamdam analogiam et abusionem vocabuli: ut dici solent lex mundi, lex duelli, et similes, quatenus in ordine ad aliquem finem certum præscribunt operandi modum.*

Grotiana legis definitio non planè probatur, sed malè à Puffendorfo rejicitur.

III. Rectius itaque definit legem Grotius l. 1, c. 1, § 9: Lex est regula actionum moralium obligans ad id quod rectum est et laudabile. Etsi reverà totum hoc verificari posset de quolibet præcepto, dato ad tempus aliquod determinatum. Malè tamen impugnat Grotium Puffendorfius de J. N. et G. l. 1, c. 6, § 4: *Circa Grotianam definitionem, l. 1, c. 1, § 9, dicit legem dici obligare ad id quod rectum est, notandum est ipsum supponere, dari aliquod justum et rectum ante legem et normam; adeo quæ legem naturæ rectum non facere, sed*

jam antea existens duntaxat significare. De quâ hypothesi quid sentiendum, supra à nobis fuit expositum, scilicet esse explodendam. Male, inquam, rejicitur, cum ex supradictis etiam constet, quid sentiendum sit de illâ Puffendorfi sententiâ, quod non detur ante legem aliquod intrinsecè rectum; nempe esse omninò falsam.

Barbeyraciana legis definitio rejicitur.

IV. Alter impugnât Grotium Barbeyracius in gallicâ Grot. edit. de Jure Belli et Pacis, an. 1747, in not. n. 5 et 5. Duo nimirum objicit Grotio, 1^o quod Grotius videtur tribuere *unâ obligandi* in lege quasi ex suprà, prout regula est, cum revera tota vis obligandi in lege sit ex superiore legem ferente; 2^o quod Grotius reducat omnem effectum legis in meram *obligationem*, cum addi debuisset etiam *permissio*, quæ a lege male excluditur. Siquidem legislator, qui lege præcipit, vel prohibet expresse aliqua, tacito quodam consensu videtur relinquere libertati hominum reliquæ. Et quoad hoc reprehendit etiam Puffendorfiûm, idem sentientem. Legis definitio idcirco à Barbeyracio proposita est hæc: *Lex est voluntas superioris alicujus variâ ratione sufficienter manifestata, quâ is subjectorum suorum, aut omnes in universum, aut saltem omnes certi generis actiones dirigît, ita ut ratione illarum ipsis necessitatem certo modo agendi, vel non agendi imponat; aut libertatem pro libitu agendi, vel non agendi relinquat.* At vero hæc 1^o videtur non definitio, sed citius dicenda descriptio legis; 2^o vitium illud claudit, quod in Puffendorfiânâ adnotavimus, scilicet, possent sic dici leges quælibet iniqua etiam superioris præcepta.

Quæ potestas requiritur in ferente legem?

V. Est itaque de ratione legis *vis obligandi*; et idcirco non est magni momenti expendere, an sit inter legis effectus censenda *permissio*, cum omnes consentiant in eo quod quæ lege nec vetita, nec præcepta sunt, hominum libertati *permittuntur*. Habet autem vim obligandi lex à superiore: siquidem ut ait Suar. l. 1 de Leg., c. 8, à n. 2: *De ratione legis est, ut ab habente publicam potestatem feratur.* Potestas autem, quæ requiritur ad leges ferendas, est *potestas jurisdictionis*, quæ per se primò respicit communitatem perfectam, et non sufficit *potestas dominativa*, quæ est circa privatas personas, vel ex jure nature tantum, ut patris in filium; vel supposito etiam pacto humano, ut viri in uxorem, in ordine ad gubernationem domûs, aut personæ; vel ex jure gentium, aut civili, ut domini in servum bello captum; vel ex humano contractu, ut domini in servum qui se illi vendidit: quo spectat potestas per votum obedientiæ. Residet autem in *potestate jurisdictionis* major vis coercendû, ac in *dominativâ*. Et ita non licet domino sævire in servum, ut dicunt jura civilia; expeditque reipub. ut severior correctio nonnisi auctoritate publicâ fiat. Potestas autem *jurisdictionis* per se est potestas publica, et ad communitatem ordinata. Jam verò quia legislatio est potissimum actus quo respublica gubernatur, isque propter ejus commune bonum ferri debet; idcirco per se spectat ad *potestatem gubernativam* reip. ad quam

pertinet procurare ejus commune bonum. Hæc autem est *potestas jurisdictionis*. Non verò omnis *potestas jurisdictionis* sufficit ad leges ferendas: non ordinarii iudices habent *jurisdictionem*, et tamen leges condere nequeunt. Requiritur ergo *potestas* quædam, et *primæ* potestas in illo ordine, est etiam *condere legem*, actus præcipuus gubernationis reip. Potestas autem hæc *primario*, et *per essentialiam* est in Deo, communicatur autem regibus per quamdam participationem, juxta illud, Sap. 6: *Audite, reges... quoniam data est a Domino potestas vobis.* In omni rursus communitate est aliqua potestas *suprema* in suo ordine, in Ecclesiâ pontifex, in regno temporali rex, in republ. quæ aristocraticè gubernatur, tota respub. Non enim potest esse corpus, nisi sit monstruosum, et mutilum sine capite.

Quæ requiruntur ex parte legislatoris, et ex parte legis.

VI. Requiritur in legislatore ex parte intellectûs *judicium*, quo statuât et decernat rem talem esse reip. convenientem, et expedire, ut ab omnibus servetur. Lex enim debet esse *justa*, et consequenter etiam *prudenter* et *rationabiliter* lata. Ex parte voluntatis requiritur actus, quo princeps velit observari id quod expendens judicavit; actus verò voluntatis respicit obligationem subditorum. Post hæc necessarium est ut manifestetur subditis decretum illud sufficienti propositione. Hæc omnia ad mentem Suarezii loc. cit. Neque verò ultra hæc aliud additur à Puffendorfiô, c. 6, l. 1 de J. N. et G. et lib. de Off. Hom. et Civ. l. 1, c. 2, § 5, nisi obscura quædam, et incerta, et quædam etiam aperte falsa, ut de Materia Legis, loc. cit., § 16: *Materia legum in genere est, quidquid ab us quibus feruntur fieri potest, saltem eo tempore quo leges promulgantur.* Atque hoc quidem juxta supra impugnatam de intrinsecâ actus honestate sententiam. Haud ita Suarez, l. 1 de Leg., c. 9, ubi advertit materiam legis esse debere *justam*, et nomine justitiæ complectitur conditiones ab Isidor., l. 5 Etymol., c. 2, positas, scilicet: *quod religioni congruat, quod disciplinæ conveniat, quod salutî proficiat.* Jam verò inferius explicat, quod aliquando actus præcepti per legem supponantur boni, et honesti de se: et per legem accipiunt tantum necessitatem et obligationem, quâ antea erant voluntarii: ut de actu audiendû missam, jejundû, vel similibus. Aliquando lex datur de opere indifferente: ut de ferendis, vel non ferendis armis tali tempore et loco: et tunc actus fit bonus et ex efficiaciâ, et ex fine legis.

In quem ferri potest lex?

VII. Quis lege obligari possit, facillè ex jure legislatoris intelligitur, ait Puffend. ib. § 17, nempe ille qui legislatoris imperio est *subjectus*. Quem autem voluerit obligare legislator, ex ipsâ lege satis perspicitur. Unde patet verissima esse quæ habet Suar. 16, n. 7, de legis acceptione, quæ nimirum in legibus divinis non habet locum; in humanis verò non esse de ratione legis, nec formaliter convenire alicui legi, immo quodammodo

cum illius ratione pugnare. Nam de ratione legis est, ut vim habeat obligandi; si autem paret ex acceptatione subditorum, jam non tam imperiosa erit, quam ipsi subditi voluntariò se submitterent legi. Si ergo aliquando requiritur populi acceptatio, vel est propter imperfectam potestatem principis, qui tantum sub hac conditione et dependentiâ potestatem recipit; vel est ex benignitate legislatoris, qui non vult uti suâ absolutâ potestate. Unde quando dicitur *lex humana firmari meritis ut utitur*, non tam jure quam facto intelligendum est; ut sensus Archid. in § *lex*, d. 4, et ibi Turcor. art. 2, et certum est post damnatam propos. ab Alex. VII.

DE VI OBLIGANDI IN QUALIBET LEGE.

II.

Omnis lex aliquo modo est à lege æternâ, et ab illi habet vim obligandi. Suar. de Leg., l. 2, c. 4.

« Hæc est D. Thomæ sententia, q. 95, art. 5, Mens. et aliorum theologorum. Sumitur ex August., l. de verâ Relig., c. 51, ubi ait: *Conditor legum temporarium, si vir bonus est, et sapiens, illi in ista consilii æternam, de quâ nulli animæ judicare datum est, ut secundum incommutabiles regulas, quid sit pro tempore judicandum, vetandumve discernat.* Et l. 1 de lib. Arb., c. 6: *Nihil est in temporali lege, sed, quod à lege æternâ non deriveretur.* Et quæst. 67 in Exod.: *Lex æternâ Dei est, quam consulunt omnes pie mentes, ut quod in eâ invenerint, vel faciunt, vel jubent, vel vitent.* Ratio autem generalis reddi potest: quia lex æternâ est lex per essentiam, et omnis alia est per participationem; ergo necesse est ut omnis alia lex sit effectus legis æternæ. Præterea, lex duo requirit: unum ut sit justa et rationi consentanea, aliud ut sit efficax ad obligandum. Sed omnis recta ratio creata est ex participatione divini luminis, quod signatum est in nobis; et omnis potestas hominum desuper datur, et à Domino Deo est. Ergo omnis lex in hominibus existens est ex lege æternâ. Et utrumque significavit divina Sapientia, cum dixit, Prov. 8: *Per me reges regnant, utique quantum ad potestatem; et legem conditores justa decernunt, videlicet et quoad rectam rationem.* Ibid. n. 1 et 5.

Quid sit lex æternâ?

I. Dari in Deo legem æternam, est communis theologorum sententia. Cum enim Deus habeat Providentiam, necessariò supponi debet in eo æternâ quædam ratio practica totius dispositionis et gubernationis universi. Hanc utique æternâ rationem esse ipsam agnoscere in Deo. Sic Tullius 2 de Leg.: *Hanc rationem, alioquin sapientissimorum esse sententiam, nec scitum esse aliquod populum, sed æternam quædam, quod universum mundum regi imperandi perhibetur esse sapientiam.* Exstant Manili, l. 1 de Astron., versus illi:

*Hæc opus immensi consilii, non tempore nasci,
Membræque naturæ, dæmonia condida, formæ,
Aeris, atque ignis, terræ, pelagique jucentis,
Vis animæ divina regit, sacroque meatu
Conspirat Deus, et tacitâ ratione gubernat.*

Quos respicit lex æternâ?

II. Quæ deâ optime potest, legem hanc æternam non esse regulam actuum divinarum ad intra; nec esse regulam actuum divinarum ad extra, quatenus morales sunt et honesti; nam de illis constat non dirigi, sed ab intrinseco habere certum essendi modum, et per sese rectos esse; de istis verò, quia Deus nec superiorem habet, nec se ipsum per modum præcepti et legis potest obligare: cum non sit sibi superior, et rectum operetur ex naturali rectitudine, et ex principio contradictionis nequeat operari contra rectum, vel contra suum decretum, scilicet ex suâmet naturâ. Unde dictamina practica de iis quæ decent Deum, non proponunt præceptum, sed tantum ostendunt, indicando quid rei natura habeat. Dicimus autem legem æternam habere rationem legis respectu rerum gubernatarum, pro ipsis tamen creaturis, ut secundum illam moveantur, non verò pro Dei ipsius voluntate, ut necessariò secundum illam regat. Augustinus l. contra Faust. 22, c. 27, aiebat: *Lex æternâ est ratio dicendi, vel voluntas Dei, ordinem naturalem conservari jubens, perturbari vetans.* Atque hæc advertendum est, legem æternam ad mentem Suarez propriè esse decretum liberum voluntatis Dei, statuentis ordinem servandum aut generaliter ab omnibus partibus universi in ordine ad communitatem boni, vel immediate illi conveniens ratione totius universi, vel saltem ratione singulorum specierum ejus; aut specialiter servandum à creaturis intellectualibus quoad liberas operationes earum.

Quomodo lex æternâ obliget?

III. Hæc autem lex æternâ, ut est propriè præceptiva respectu hominum, habet vim obligandi de se, si sufficienter promulgetur, et applicetur. Deus enim habet supremam imperandi potestatem: ergo et obligandi. Imperat autem per suam legem æternam. Siquidem imperium suum non incipit in tempore; ergo per eandem obligat. Obligat enim verò in tempore, habito ad creaturas respectu; sed vis obligandi fuit ab æterno. At quoniam æternâ hæc lex non est per se ipsam hominibus viatoribus nota, debet utique vel in aliis legibus, vel per alias innotescere. Et quidem omnes necessariò vident aliquam participationem legis æternæ in se ipsis, cum nemo utens ratione sit, qui non judicet aliquo modo honestum esse faciendum, turpe vitandum. Aliqui rursus assequuntur legis æternæ cognitionem vel naturali cursu, vel perfectius per revelationem fidei, tandem per leges justas, temporales ac creatas. Quia sicut causæ secundæ ostendunt primam, et creaturæ Creatorem; ita leges temporales, quæ participatio sunt legis æternæ, fontem a quo manant ostendunt. At per idcirco vel in legibus inferioribus, vel per leges inferiores posse innotescere legem æternam patet, et quidem non per directam cognitionem sub ratione participationis legis æternæ, sed veluti exercitè et virtualiter.

Quomodo promulgetur?

IV. Ex eo quod diximus legem æternam nunquam

per seipsam obligare separatim ab omni alia lege, ne-
quidem pari modo promittit, ac lex alia promittit. Po-
test autem promitti per legem divinam, et tunc
ratio obligationis proxima est quod lex aeterna, et lex
aeterna, quod ibi intervenit, est signum rationis legis
principaliter obligentem. Hoc in legibus divinis posi-
tivis patet. In legibus vero humanis, licet concedatur
lex aeterna ad illarum obligationem, ut causa universa-
lis, tamen proxima causa obligationis est lex humana,
ut signum voluntatis humane in lege naturali quæ
habeat, dicemus mox.

DE LEGE NATURALI.

III.

*Lex naturalis, inquit, est potest. ex Suarez: in Lex
naturalis naturalis est, representans rationem boni, in
rebus, et supremam Deum, gubernantem, et ad
tunc, obligationem homines ad id servandum quod
recta ratio dicitur. Ex Suarez, de Leg., l. 2, c. 1, n. 44, et
c. 6, n. 15.*

Quamvis homines nihil acti cogitent, ad ju-
dicent, naturalem legem retinent in cordibus suis.
Quare licet in actuali iudicio mentis proprias
existat lex naturalis, ad hanc humanam naturalem in-
tellectus, quod veluti permanentiter continet scriptam il-
lam legem, et potest semper acti illam represen-
tare, potest vocari lex naturalis. Rursus lex naturalis
non tantum est inchoativa boni et mali, sed etiam
continet propriam prohibitionem mali et præceptio-
nem boni; neque enim importat merum iudicium
intellectus de honestate vel turpitudine objecti, sed
debet indicare mandatum superioris, scilicet Dei vo-
luntatem, et quidem ut supremum gubernatoris natu-
rae, ad quem spectat vetare, mala et præcipere bona;
et ideo peccata contra legem naturalem dicuntur
in Scripturâ esse contra divinam voluntatem. Unde
dixit Anselmus, l. de Volunt. Dei: *Quicumque legi
naturali obviat, Dei voluntatem non servat*, volunta-
tem scilicet obligandi homines ad id servandum quod
recta ratio dicitur. Tandem quamvis obligatio quam
addit lex naturalis, ut præceptiva est, sit ex volun-
tate divinâ, tamen illa voluntas supponit iudicium
de malitia, puta mendacii, et similia quæ ceteroquin
recta ratio dicitur. Verum quia ex vi solius iudi-
cii non inducitur propria prohibitio, vel obligatio
præcepti (nam hæc sine voluntate intelligi non
potest), ideo adiungitur voluntas prohibendi illud,
quia malum est, & ibi.

Quomodo insinuetur lex naturalis?

I. Tradita legis naturalis descriptio est ad doctoris
eximii mentem, ac juxta proprietates quas citatis in
locis ipse proponit. Posset autem paucioribus sic tradi.
*Judicium intellectus representans objecta, ut præcipit,
vel vetat à supremo gubernatore naturæ rationalis.* Ju-
dicium autem recte rationis inditum naturaliter ho-
mini est de se sufficiens signum talis divine volunta-
tis: nec necessaria est alia insinuatō. Siquidem
iudicium rationis indicat de se, ut ait Suarez l. 2 de
Leg., c. 6, n. 24, divinam providentiam decent in

Deum, et monetur à causatione ad plenum domi-
nium ipsius, et debet esse in hoc hominem ad quod
in qua prædicta lex naturalis est, et tunc
per seipsam quod continetur in lege naturali, et
ad ipsam potestatem humanam potestatem, et per
legem ipsam naturalem dicitur, et tunc per
sufficiens legis naturalis, non tantum quod manifestat
intrinsecam disconvenientiam, vel convenientiam,
actum, quoniam lumen Dei meretur et tunc, sed
etiam quod indicat bonum, et tunc actionem ad spici-
ere Auctorem naturæ, tanquam supremo bonum, crea-
tor, et gubernatori eisdem naturæ. Hæc itaque satis
est ad indicandum actus legis, ut scilicet D. Th. 1-2,
q. 90, art. 4, ad 1. Quod lumen ad hoc
tunc honestatem vel turpitudinem objecti, et tunc
dicitur rationem, et tunc ratio. Neque enim proprie dici
potest lex, cum hæc dicat voluntatem legis, et tunc
lumen vero dicitur bonum representans voluntatem Dei
modo dicto est lex naturalis: atque ex hac parte ab
etiam à lege immediate derivat.

De peccato philosophici dicitur in Suarez, l. 2, c. 6, n. 15, dicitur catholicorum sententia.

II. Quare legitime inferitur, posita lege naturali præ-
dicto modo explicatâ, peccata omnia, dissona scilicet
naturæ rationali, habere rationem transgressionis legi-
s proprie ipsius Dei, quam culpam theologice
communiter vocant. Siquidem lumen naturale in præ-
dicto statu representans rem dissonam naturæ ratio-
nali, illam simul tempore representat ut vetitam ab
Auctore et Gubernatore naturæ rationalis: et ideo
nequi actus ille libere patrari, quin simul in Auctorem
et Legislatorem supremum peccetur. Hanc de for-
mitatem, ait Suarez, ibi, c. 6, n. 17, non habet actus
humanus rationali naturæ contrarius, posita hypothesi
quod Deus illam non prohiberet (hoc est, si nulla esset
omnino lex naturalis: qui tunc non haberet illam vir-
tutem contra quam Dei scilicet Dei gubernatoris), quem
continet transgressio legis (in hac serie) respectu legisla-
toris. Constat illud Pauli: *Per pravaricationem legis
Deum in hoc, ad Rom. 2.* Adeoque posita lege,
implicit evidenter peccatum mere philosophicum: et
quidem juxta principia Suarezii, distinguuntur videli-
cet intrinsecam honestatem, vel turpitudinem rei à
lege ipsâ naturali; illamque statutam, ut vidimus,
independentem à voluntate ipsa Dei, legem vero natu-
ralem dependentem à divinâ voluntate, ut rigorosa
legis natura videatur postulare.

At non minus juxta solidissimam aliorum catholicorum
principia implicare dicitur peccatum philosophicum,
etiam posito, quod lex naturalis non distinguatur
à rectâ ratione. Licet inde sequitur, quod quisquis
contra rectam rationem agit, agit eo ipso contra legem
naturæ, licet non advertat ad ipsum Deum auctorem
naturæ rationalis, et ejusdem gubernatorem. Neque
enim advertentia ad Deum est ad offensam ipsius Dei
necessaria, nam homo agendo contra legem naturæ,
auctorem legis offendit, ejusque amicitiam solvit:

unde semper peccatum illud imbibit rationem offensæ Dei, et peccati theologicæ, licet ad Deum non advertat. Hæc autem ratio, quâ parte excludit necessitatem advertentiæ ad Deum pro peccato theologico, et offensâ Dei, optima est : nec Suarezii sententiæ de lege naturali opponitur, quin et illi favet, in hypothesi nimirum factâ à Suarez, quòd Deus non posuisset homini legem naturalem, sed illum cum solo honestatis principio constituisset. Jam in eo casu neque dari posset peccatum merè philosophicum ob rationem positam : semper enim peccatum contra principia honestatis moralis esset contra ipsum naturæ rationalis Auctorem. Rursus ea ratio magis est experientiæ conformis : nam de facto qui contra legem naturæ peccat, non videtur advertere ad voluntatem Dei, vel saltem non reflectit ad Deum : licet dici possit, quòd confuso aliquo modo attingat Deum.

Hobbesii de lege naturali errores.

III. Legem naturalem à jure naturali distinctam definiit Thomas Hobbes. Sanè jus naturæ appellat *libertatem quam quisque naturâ habet facultatibus naturalibus secundum rectam rationem utendi*; sic lib. 1 de Cive, c. 1, § 7, et c. 2, § 1, descripsit legem naturæ dictamen rectæ rationis circa ea que agenda vel omittenda sunt ad vitæ membrorumque conservationem, quantum fieri potest, diuturnam. Definitionem hanc pluribus capitibus vitiosam esse ostendunt complures; quos inter Antonius Genuensis, tomo 1 Metaph. c. 6, illam egregiè confutat : ac 1^o ex eo quòd dictamine rectæ rationis intelligatur naturæ humanæ finis, atque ex eo leges naturæ derivari possunt, non effici; seu dictamen rectæ rationis principium esse potest legum naturæ cognoscitivum, ut vocant, non obligationum, seu lex naturæ propriè dicta. Itaque lex naturæ est ratio imperantis Dei dictamine rationis humanæ promulgata, non ipsum humanæ rationis dictamen. Pergit deinde ad partem aliam Hobbesianæ definitionis, atque § 2: Ea verba : Ad vitæ membrorumque conservationem, quantum fieri potest, diuturnam, nimirum archum temporis spatium, nec totum objectum legis naturæ continent. Et quidem cum duplici vitâ sit homo præditus, animali et rationali, et rationalis immortalis quoque sit, necesse est ut ultra hanc vitam legis naturæ usus extendatur : ut utramque vitam, et quidem pro sui conditione eâ lege ordinemus... At Hobbesius, etc. Sed quoad hanc Hobbesianæ sententiæ impugnationem à Cl. V. præstitam, ut maxime secundum hanc partem probo, ita contra primam est quod reponam. Sanè solidè confutat vir doctissimus et Hobbesium et Puffendorhium totam legis naturalis doctrinam arcis hujus vitæ limitibus circumscribentes, eam clarè pateat legem naturalem non omninò perituris à supremo naturæ rationalis opifice traditam. Verùm ubi de dictamine rationis verba facit, esset utique interrogandi locus : quid nomine dictaminis rationis intelligat? An merum lumen intellectûs, prout videntur indicare verba immediatè sequentia? At hic esset adhuc addendum, quid representet lumen illud intellectûs. Nam potest exhibere convenientiam vel disconvenien-

tiam rei cum naturâ rationali, seu honestatem, aut turpitudinem rei : et in hoc sensu non erit propriè lex naturalis. Potest rursus ostendere voluntatem Dei obligantem homines ad honesta patranda, et vitanda turpia : et in hac acceptione erit optimè lex naturalis. Neque enim satis concipio quomodò lex naturæ dici possit *ratio imperantis Dei*, nisi accipiatur pro lumine naturaliter indito à Deo, significante voluntatem ipsius modo dicto. Lex enim naturalis non consideranda est in ipso Deo, in quo sanè importat actum divinæ voluntatis directum à judicio rationis, prout supra attigimus : sed consideranda est in hominibus, in quorum mentibus inscripta dicitur à sacris litteris. Hominibus autem quamnam *ratio imperantis Dei* insculpta est, præter lumen jam dictum intellectûs? Vitiosam itaque puto Hobbesii, ac pestiferam sententiam, habito nimirum respectu ad objecta per dictamen rationis exhibita, quæ quidem nec veram honestatem sapiunt, nec divini supremi Domini voluntatem proponunt.

A catholicorum de lege naturali sententiæ.

IV. Ex recentioribus verò juris naturalis scriptoribus plerique in stabillendis principiis cognoscitivis, ut dicunt, operam posuere, parùm de ipsâ legis obligantis naturâ solliciti. Sic Puffendorpius de J. N. et G. l. 1, c. 6, § 18, definiens legem naturalem, ait : *Est, quæ cum rationali et sociali naturâ hominis ita congruit, ut humano generi honesta et pacifica societas citra eandem constare nequeat; aut, si major, quæ bonitatem velut naturalem, seu utilitatem ex naturâ sua efficiat in ordine ad genus humanum in universum habet.* Hæc autem tota descriptio est non legis naturalis propriè, ut patet, sed potius finis naturæ ipsius humanæ, quem respicit principium cognoscitivum juris naturalis. Et juxta hanc intelligentiam ipsemet l. 2, c. 3, § 15, ait : *Fundamentalis lex naturæ isthæc erit : cuilibet homini, quantum in se, colendam et conservandam esse pacificam adversus alios socialitatem, indoli et scopo generis humani in universum congruentem.* Richardus etiam Cumberland non alio sensu accipere videtur legem naturalem, quando illam definit in tract. philos. c. 3, § 1 : *Lex naturalis est propositio clarissimè indita menti ex naturâ rerum consequenter à voluntate causæ primæ. Quæ propositio indicat actiones ad bonum commune agentium rationalium conducentes : quas præstitas præmia, neglectas pœnæ naturaliter sequuntur, prout exigit entium rationalium natura.* Nimirum hic Auctor finem complectitur naturæ totius rationalis, ex quo principia omnia utique naturaliter indita deducit. Sed de principio hoc cognoscitivo legis naturalis dicam infra.

De legis naturalis definitione sine ullâ ad Deum relatione.

V. Unum hic adnoto : iis omnibus, qui legem naturalem, seu principium, ut dicunt, essendi legis naturalis in pluribus, iisque naturalibus præceptis reponunt, non esse reverà solidam omnia nostrâ sententiâ contrariam. Siquidem omnia naturalia præcepta unum dicuntur componere jus naturale, adeoque unam legem naturalem : possunt enim uniri in uno fine, et in

uno etiam auctore, seu legislatore, et in uno modo vel vitandi malum, quia malum est, vel præcipiendi bonum, quia honestum ac necessarium est. Quare congeries præceptorum naturalium ad moralem unitatem reduci potest. Posset autem difficultas inveniri, si nulle in præceptis illis naturalibus haberetur relatio ad Deum, supremam scilicet naturæ totius curatorem et gubernatorem. Siquidem, sublata penitus hac relatione, vel implicita in intrinseca actuum honestate, et turpitudine, vel explicita in ipsa legis naturalis natura, jam eo ipso non remaneret in peccato, nisi ratio a philosopho morali considerata, ut ait D. Th. 1-2, q. 71, art. 6, ad 1, scilicet, *secundum quod contrariatur rationi*, non vero *secundum quod est offensio contra Deum*, quod consideratur a theologis: et consequenter dari posset peccatum mere philosophicum, quod scilicet patirantur quidem *contra regulas, quibus homo se comportare teneretur*. Sed, quoniam regulatum obligatio abunde conciperetur quam a naturâ, et a supremo Auctore et Gubernatore naturæ consequenter præscnderet, ideo posset nullam habere divine offensæ rationem, adeoque nec habere, nisi externam, philosophicam multam. Hoc autem falsum esse, constat ex propis, damnatâ. Sed hic locus postulat catholicos nostros J. N. scriptores admonere, ne scilicet, ex eo quod nonnullis juris naturæ professoribus, æatholicis quidem, displiceat principium aliquod æternoque naturale, sed lumine fidei regulatum, dicant propterea principium illud esse juste reprehensionis meritum; sed potius ut consentirem ipsam ad rectam etiam rationis trutinam revocare. Hinc Puffendoriana legis definitio: *Decretum quo superior sibi subjectum obligat, ut ad ipsius præscriptum actiones suas componat*, erit utique reprehensione digna; non quidem quod Deum legis naturæ auctorem adstruat, et consequenter principium activum obligationis saltem perfectæ legis naturalis esse Dei voluntatem (quemadmodum docto cuidam scriptori visum est); sed quod manca sit, utpote iniquo etiam cuilibet decreto conveniens, ut supra posuimus. Similiter Cocceii et Heineccii legis naturæ definitio: *Complexum regularum ab ipso Deo immortalis humani generi per rectam rationem promulgatarum*, nec erit reprehendenda ob expressam Dei præcipientis mentionem, quæ citius inde laude digna erit: verum quod nullum profert discrimen inter præcepta et consilia, quæ etiam dici possunt regulæ à Deo hominibus promulgate, ut patet, et tamen ex fide distinguere illa oportet: quemadmodum polemicæ contra heterodoxos tuerentur, et videre licet ap. Bellarm., l. de Monach. à c. 7, Suar., tr. de Relig., l. 1, à c. 6. Neque tandem Grotii aliorumque scholasticorum doctrina de legis naturalis definitione à docto auctore catholico dici debet jure reprehendenda, quod adstruat, actionibus jure naturali præscriptis inesse naturalem honestatem, aut turpitudinem ex se ipsis. Hoc enim juxta saniora catholicorum dogmata videtur compertum. Erit autem aliqua reprehensione digna legis naturalis definitio: *Congeries regularum, ad quas actiones liberas homines componere*

obligantur, naturali ratione communi ab eis præscriptæ. Siquidem, exclusâ intrinsecâ in actibus honestate vel turpitudine, et nullâ habatâ supremæ naturæ gubernatoris mentione, peccato mere philosophico vi sterneretur obligatio cum posset abunde juxta hujusmodi principia, quam à Deo dari in actibus ens.

Unde habeat vim obligandi lex naturalis?

VI. In obligatione legis naturalis ex dictis constat, totam vim omni a lege æternæ Dei, cujus voluntatem lex naturalis habuit: quod verò adeo obaget, ut præcisâ etiam legis supernaturalis cognitione, obliget in conscientia, et transgressorem æternâ poenâ puniat, est certum de fide, ut patet ex illo ad Rom. 2: *Quicumque in lege atque scripto peccaverint, sue iuperibunt*, scilicet, quia naturalem legem violaverint: de quâ subdit: *Gentes, quæ legem non habent, naturaliter, quæ legis sunt, faciunt, etc.* Testimonium addente illis conscientiâ ipsorum. Hoc autem in hypothesi culpe gravis, ut puta in materiâ gravi et necessariâ ad charitatem Dei, vel proximi, atque adeo ad felicitatem humanam consequendam. Neque obstat, quod neque ratio naturalis, nec lex naturalis ostendat hanc poenam: quia lex hæc naturalis, etsi prout est in nobis non ostendat hanc poenam, prout est in Deo tamen, ubi nimirum est voluntas divina directa ratione, hanc poenam repræsentat: et hoc sufficit ad illam subeundam, si semel homo efficiat actum tali poenâ dignum, licet meritum suæ transgressionis ignoret. Obligatio autem hæc ex vi legis naturalis specialis est: et in ordine ad malum vitandum supponit etiam, ut diximus, quamdam intrinsecam obligationem debitam ipsi naturæ: unaquæque enim res quodammodo sibi debet, ut nihil faciat suæ ipsius naturæ dissentaneum.

DE PERPETUITATE LEGIS NATURALIS.

IV.

Lex naturalis per seipsam destituit non potest, vel mutari, neque in universali neque in particulari, manente naturâ rationali cum usu rationis et libertatis.

Ita ex D. Th. 1-2, q. 93, art. 4 et 5, et q. 100, et art. 8, et 2-2, q. 66, art. 2, ad 1, et q. 101, art. 4, et ad 2, ex August. l. 83, quest. 53, et lib. de verâ Relig., c. 51, et l. 1 de lib. Arb., c. 6. Tum: *hoc jus naturale vel consideratur in Deo, vel in homine: prout est in homine mutari non potest, quia est intrinseca proprietas necessario fluens ex tali naturâ, quâ talis est, vel (ut alii volunt) est ipsa rationalis natura. Ergo repugnat, manente tali naturâ aptâ ad utendum ratione, auferri legem naturalem. Si vero consideretur hæc lex, ut est in Deo, supra ostensum est, non posse auferri neque à judicio divini intellectus, neque a voluntate, quâ velit ut talia bona præcipere, vel talia vitare: habita nimirum ratione ad Gubernatorem naturæ rationalis.* Ex Suarez de Leg., l. 2, c. 13, n. 2.

Legis naturalis immutabilitas.

I. Ad pleniorẽ legis naturalis cognitionem nonnullæ supersunt explicande legis ipsius proprietates. Illas inter potissimã est ejus firmitas et immutabilitas. Posset autem in lege fieri mutatio, vel ex eo quod

ipsa de se deficeret quasi ab intrinseco : si scilicet ex utili fieret noxia, aut ex rationabili fieret irrationabilis ; vel virtute alienius agentis habentis potestatem. Jam posita propositio de primi generis mutatione patet. Tota autem rationis vis in eo innitur, quod naturam lumen intellectûs, quod naturaliter est in homine, in presenti providentiâ representet necessario rem *honestam*, non modò ut convenientem nature rationali, sed etiam ut præceptam ; et *inhonestam* non modò ut dissonam, sed etiam ut vetitam à supremo Legislatore seu Governatore nature rationalis. Ergo ubi semel immotum manet lumen intellectûs, et immotè manent objectorum nature (prout nimirum debent) in isto casu, quemadmodum lex æterna Dei manebit immota vel præcipiens, vel vetans, ita lumen intellectûs representabit constanter vel præceptum, vel prohibitionem : præceptum, pro circumstantiis determinatis ; prohibitionem verò, pro quacumque circumstantiâ juxta naturam rei ipsius et objecti.

De honestate mutabili vel immutabili rei.

H. Atque ex postremis hæc verbis patet, quomodò procedat obligatio legis naturalis circa rem aliquam positivè honestam. Si enim rei honesta est omnino *inmutabilis*, ut est puta *obsequium erga Deum*, in hoc casu nunquam erit circumstantia oppositum permittens ex lege naturali : licet erit circumstantia vel præsciens, vel præcipiens, ut infra dicemus. Si vero rei honesta *mutare potest*, quòd alligata sit circumstantiis mutabilibus, in hoc casu lex naturalis respicit rem illam uno modo, quando est honesta ; alio modo, quando est inhonesta : primo modo, ut præcipiens ; secundo modo, ut prohibens. Quare lex naturalis eadem manet præcipiens honesta, vetans autem turpia. Quænam autem hæc sint, dictamen rationis ostendit.

Quid etiâ opinentur de hæc legis immutabilitate ?

M. Constantiam hujus legis habemus à Lactantio asserere, lib. 6. de vero Cultu, c. 6. ubi etiam Ciceronem sententiam lib. 5. de Rep. citat : *Est quidem vera lex hæc ratio nature congruens, diffusa in omnes, constans, sempiterna, quæ vocet ad officium jubendo ; retineat, et præbeo deterreat, quæ timore neque probos faciat, et improbos, et vetet, ne improbos jubendo, vel retinendo, et. Hujus legem non propagari fas est, neque derogari illi : hæc omnia licet, neque tota abrogari potest. Nec enim aut per seculum, aut per populum solvi hæc legem possunt. Nec erit etiam lex Romæ, alia Athenis, alia per, et per prætorum ; sed et omnes gentes, et omni tempore una, et sempiterna, et inmutabilis continetur. Quæ non erit contraria quasi magister, et imperator, sed etiam Deus : ille legis hujus inventor, disceptator, iudex, et non pariter, ipsa se fugiet, ac naturam hominibus committet : Lex ipsa bene meritis penas, etiam si ea non præcipiat, quæ putatur, effugerit. Hunc etiam immutabilitatem heterodoxi etiam juris naturalis scriptores affirmant. Puffendorus de J. N. et G. l. 2, c. 5, §. 1. *Posita veram et hæmon nature constantia, etsi ex beneplacito divino illa ab initio sic formata fuerit, lex nature firma et immota per se est. Quomodo**

autem firmitas hæc concipiatur, si nulla sit intrinseca rebus honestas, aut turpitudine, est non levis utique contra Puffendorium difficultas : quam fortassè melius infra explicabimus.

DE LEGIS NATURALIS FIRMITATE.

V.

Non potest Deus dispensare in aliquo præcepto naturali, sed mutare materiam ejus, vel circumstantias, sine quibus præceptum ipsum naturale non obligat ex se et absque dispensatione. Suar. de Leg. lib. 2, cap. 15.

Si præceptum est naturale, ut tale est, sequitur per consequentiam necessariam ex principis naturalibus. Ergo non potest magis dispensari in illo, quàm in ipsis principiis. Consequentia patet, quia omnis falsitas, vel defectus in conclusione redundat in falsitatem, vel defectum, aut mutationem principii. Antecedens verò patet, quia si non sequitur necessariò ex principis naturalibus, ergo non obligat ex vi solius rationis, et discursus : ergo non est merè naturalis obligatio. Declaratur tam in affirmativo, quàm in negativo præcepto : quia si præceptum affirmativum non sequitur necessariò ex principis naturalibus, ergo actus, quem præcipit, non est simpliciter necessarius ad honestatem morum ex vi solius rationis : ergo nec est præceptum, nec sub obligatione naturali, nisi accedat aliqua voluntas, quæ inducat necessitatem. Unde è contrario nec omissio talis actus erit per se et intrinsecè mala in aliquâ opportunitate, vel cum aliquibus circumstantiis. Nam si pro aliquo tempore vel occasione habet illam intrinsecam malitiam, non verò pro aliis ; certè pro illâ erit præceptum naturale obligans ad talem actum, et non pro aliis ; et ita stante illâ occasione cum omnibus circumstantiis, non poterit præceptum non obligare : quòd si mutetur occasio, et circumstantiæ, tunc desinere poterit obligatio, non tamen per dispensationem, sed quia hæc est natura præcepti affirmativi, ut obliget semper, et non pro semper. Si verò præceptum est negativum, ut sit naturale, oportet ut prohibeat rem, quia mala est : atque adeo id per se et intrinsecè est mala ; alioqui non erit præceptum naturale, quia non facit, sed ostendit malitiam actus prohibiti. Nam si actio ex se talis non est, necessaria erit aliqua voluntas, per quam fiat mala. Hæc.

De multiplici præceptorum J. N. genere.

I. Ne in equivocatione versemur, status propositionis est, non posse Deum efficere ut actiones illæ, puta, quæ per legem Decalogi prohibentur, male non sint ullo modo, ita ut nec per legem ostensivam naturalis rationis vetentur ut male. Dantur siquidem tria præceptorum naturalium genera : aliud præceptorum universalium, quemadmodum : *Malum non est faciendum ; bonum est prosequendum* ; et de his præceptis nemo sane mentis dubitat non posse dispensationem suscipere. Aliud continet conclusiones quasdam immediatas, et dictis principiis intrinsecas, ut *præcepta Decalogi*. At de hoc præceptorum genere satis et nonnulli fieri possunt, atque adeo factum à Theologis videmus. In tertio genere sunt alia præcepta naturalium, quæ derivant à primis principiis, et à præceptis De-

et contra, saltem pro aliquo casu : sicuti etiam posset pro aliquo casu ab actu honesto tolli ex divino arbitrio honestas. Ergo in exemplis illis juxta principia modò dicta censeri posset, ita factum à Deo. Atqui ipsemet Puffend. asserit l. 2, c. 3, § 5, hoc fieri à Deo minime posse : ait enim : *Postquam à Deo creatus est homo, animal quod citra observationem legis naturalis saltem esse nequit : inde haud quidquam fas est credere, eundem velle legem naturæ tollere, aut immutare, quamdum naturæ humanæ nullam mutationem infert. Adeoque posita verum et humanæ naturæ constantia, etsi ex beneplacito divino illa ab initio sic formata fuerit, lex naturæ firma, et immotà persistit.* Et ideo exempla illa juxta nostra principia explicat. Posset igitur Deus mutare, et non posset. Hæc autem qui secum coherent? Illud hic repetendum est, quod aiebat Leibnizius in Epist. illà contra ipsum Puffendorffium ad Molan. Abbatem : *Mirum esset virum acutum secum adeò pugnare potuisse, nisi schrennis facili evenire paradoxa tuentibus, ut, prævalente sensu communi, sui dogmatis obliviscantur.*

DE PRINCIPIIS COGNOSCITIVIS

LEGIS NATURALIS.

VI.

Principium cognoscitivum legis naturalis habens rationem finis seu regulæ actuum humanorum est hoc : *Quod est necessarium ad felicitatem, seu beatitudinem naturalem homini sive in particulari, sive in communi assequendam, illud est legis naturalis præceptum : quod verò est minus necessarium, est levius præceptum.* Suar. 1-2 disp. 16.

Naturà suà homo tendit ad naturalem beatitudinem sive in particulari, quæ dicit suarum facultatum perfectionem ; sive in communi, quæ importat aggregationem omnium bonorum. Ergo omne id quod necessarium est ad prædictam beatitudinem naturalem consequendam, est legis naturæ præceptum, quod est minus necessarium, est levius præceptum. Ibid. sect. 1, num. 1 et 5.

VII.

Principium proximè cognoscitivum honestatis moralis est, actuale judicium mentis dictans objecti convenientiam cum naturà rationali, vel disconvenientiam modo dicto.

VIII.

Principium proximè cognoscitivum legis naturalis est, actuale judicium mentis representans objectum vel ut præceptum, vel ut vetitum, à supremo Auctore et Governatore naturæ rationalis. Suar. 1-2, tract. 5, disp. 12, sect. 5.

Ratio (D. Th. 1-2, q. 19, art. 5) est optima : Voluntas pendet ex ratione ut ostendente objectum, et ideo necessaria est ratio, quæ ostendat objectum honestum, ut voluntas sit honesta. Item voluntas est potentia cæca ; indiget ergo dirigente et gubernante, ut recta tendat ; hoc autem non est nisi recta ratio, quæ hoc præstat per judicium conscientie : quocirca si hoc judicium certum sit, non est dubium quin in suo genere sufficiat ad honestatem voluntatis ; neque enim aliquid amplius ab homine requiri potest, cum et objectum propositionis sufficiens sit, ut supponitur, et modus etiam proponendi

sit perfectus, quantum ab homine præstari potest. Ibid. num. 4.

Ut conscientia obliget, necessarium est ut in objecto obligationem proponat ita ut non solum indicet aliquid esse bonum, sed etiam necessarium ad honestatem. Potest enim obligare vel ad omittendum, vel ad faciendum ; et ad hoc ex parte objecti satis est, ut contrarium proponat tanquam malum, quia omne malum cavendum est naturà suà, et vitandum. Vel potest obligare ad aliquid faciendum, idque dupliciter : scilicet vel quoad exercitium actus, et necesse est ut judicem me teneri huc et nunc ad hoc faciendum ; vel quoad specificationem tantum, ut si judicem, quamvis non teneat orare, v. g., tamen si orare velim, debere orare attentè, vel alio modo. Et tunc etiam necesse est ut illam conditionem proponat tanquam necessariam ad honestatem. Ratio generalis est, quia conscientia (seu judicium hoc mentis) non obligat, nisi ut applicans legem (nimirum ut representans legem) seu obligationem, quæ ex objecto nascitur. Ergo necesse est ut proponat objectum, ut inducens obligationem, vel ex se, vel ex superioris mandato. Ibid. sect. 4, n. 2.

De variâ acceptione principii cognoscitivi J. N.

I. Nihil adeò frequenter apud juris naturalis scriptores invenire licet, quam principia cognoscitiva juris naturalis. Quid autem eo nomine intelligant, si aliquos consulas, puta Thomasium, Instit. jur. div. l. 1, c. 4, Ludovici, Dub. circa jus nat. audies, eos intelligere propositionem sub quâ et ex quâ reliqua præcepta comprehendantur et inferantur ; si alios apud Genuens. de Princip. jur. nat. præf. et cap. 8, interroges, accipies ea esse à naturæ propensionibus, quæ tamen non insint illi à qualitatibus et vitiis naturæ humanæ adventitiis, sed à proprietatibus insitis et essentialibus, seu à vi quâdam innatâ. At, si attentè ab auctoribus ipsis statuta principia cognoscitiva expendaris, utrumque noveris ab ipsis intelligi ; et naturalem veluti quemdam actum, et eam naturalem inclinationem, ut inde cætera naturalia præcepta deduci possint. Hinc illud Puffendorffii de J. N. et G. lib. 2, c. 5, § 14 : *« Nobis nulla via proprius videtur, et magis apposita ad investigandum jus naturale (seu, ut ex loco ipso appareret, principium cognoscitivum Juris naturalis), quam ipsam hominis naturam conditionemque, et inclinationes accuratius contemplari. »* Postquam verò § 15 sequenti statuit fundamentalem legem naturalem, scilicet socialitatem, statim, ut ostendat inde erui præcepta omnia naturalia, subdit : *« Omnia quæ ad istam socialitatem necessariè faciunt, jure naturali præcepta ; quæ eandem turbant aut abrumpant, vetita intelligi.* Eodem ferme modo ratioeinantur Grotius, Heineccius, Cumberlandus, aliique. Quamobrem illud erit optimum juris naturæ cognoscitivum principium, ad quod consequendum omnia dirigantur naturalia præcepta, et à quo certo quodam modo dependeant.

De principio proximè cognoscitivo.

II. Hæc igitur cum ita sint, non unum tantum placuit cognoscitivum principium statuere, sed duplex pro duplici quidem acceptione ; et proximum princi-

pium cognoscitivum alterum dedimus pro *homine morali*, alterum pro *lege ipsâ naturali*, et quidem juxta posita superius à Suarez. Illud hic præ oculis habuimus, ut nimirum tale esset utrumque, et ex quo omnia possent deduci particularia honestatis morales principia, et particularia etiam legis naturalis præcepta. Sanè ut de *proximo principio* loquamur, nullum dari potest aliquid magis proximum ad cognoscendam honestatem moralem criterium, vel nulla clarior ad dignoscenda legis naturalis præcepta regula, magisque intima, ac ubique præsens, quam actuale prudens judicium, sive representans convenientiam cum naturâ rationali, sive exhibens voluntatem supremi Conditoris ac Moderatoris nature rationalis? Quæcumque enim ab hoc judicio præscindunt, etsi reverâ coram Deo ad legem naturalem, vel ad moralem spectent honestatem, nunquàm ad principium ipsorum cognoscitivum referuntur; et contra, ubi semel sub hoc judicio representantur, vim suam exerunt. Sive ergo præcepta naturalia velimus distinguere communi illâ ex parte personarum distinctione, scilicet circa Deum, circa proximum, circa seipsum; sive per virtutes, ut justitiæ, charitatis, seu amoris naturalis, etc., sive in ordine ad intellectum; nam quædam sunt per se notæ, et in se, et respectu omnium hominum, ut sunt universalissima præcepta; alia in se per se nota ac immediatè, non tamen quoad nos, quamvis respectu sapientum possint esse talia, ut sunt aliqua præcepta singularum virtutum, et præcepta Decalogi; alia verò sunt quæ indigent discursu, ubi aliqua facili, alia difficultè cognoscuntur; in omnibus hæc divisionibus locum habet criterium à Suarezio statutum, quo scilicet in particulari dignoscam quinam actus sint hic et nunc ex lege naturali præcepti vel vetiti. Idem pariter aptari potest ad aliam divisionem præceptorum naturalium, quam innuit Suarez de Leg. 1. 2, c. 8, n. 4, juxta varias hominis inclinationes naturales cum D. Thomâ; atque: « Est homo individuum quoddam ens, et ut sic inclinatur ad conservandum suum esse, et ad suam commoditatem; est etiam ens corruptibile, seu mortale, et ut sic inclinatur ad conservationem speciei, et ad actiones propter illam necessarias; tandem rationalis est, et ut sic capax immortalitatis, et spiritualium perfectionum, et communicationis cum Deo, ac societatis cum rationalibus creaturis. Lex ergo naturalis perficit hominem secundum omnem inclinationem suam, et ut sic continet varia præcepta temperantiæ vel fortitudinis, secundum primam inclinationem; castitatis et prudentiæ, quoad secundam; religionis, justitiæ, etc., quoad tertiam. Nam hæc omnes propensiones in homine spectande sunt, quatenus aliquo modo determinate et elevate per gradum rationalem. Nam si considerentur ut merè sunt naturales, vel animales; potius frændæ sunt ad virtutem assequendam, ut dixit Arist. 2, Ethic. c. 9, et Chrys. hom. 13 ad populum versùs finem; tamen ut regulabiles per rectam rationem singulis respondent propria et accommodata præcepta. » Jam quemadmodum, universaliter

loquendo, legis naturalis præcepta dantur homini ut naturales propensiones dirigat perficiatque; ita ad statutam regulam ipsi est confugiendum, ut modum et rationem illarum perficiendarum in particulari dignoscant. Idem de aliorum systematis dici debet, quod patet, illa referendo.

De Grotii et Puffendorfi principijs cognoscitur J. V.

III. Grotius de J. B. et P. in disc. prælim. in Prolegomenis a § 8, proponit pro cognoscitivo principio juris naturæ *appetitum societatæ pacatæ et tranquillæ*; statuit enim jus ipsum naturale in *quâdam convenientia aut disconvenientia cum naturâ rationali et sociabili*, lib. 1, c. 1, § 12, n. 1. Jam in eodem disc. § 8, ait: *Hanc societatæ custodiam humane menti conformem esse fontem juris propriè dicti*. Et confirmat hoc auctoritate Senecæ, de Benef. lib. 4, c. 18, quem locum refert Barbeyracius in notis ad caput hoc Grotii. Tale autem principium non alio auctore quam Deo in nobis existit; et ideo ait Grotius ibid. § 3: *Tale jus merito Deo adscribi potest*.

IV. Non absimile huic statuit principium suum Puffendorfius, et conformitatem hanc inter hos auctores agnoscit et fatetur Barbeyracius in notis ad Grot. edit. not. 1, ad § 8, ubi lectorem remittit ad ea quæ ipse ad idem principium socialitatis à Puffendorfiō statutum in notis ad Puffendorfiū dixerat. Puffendorfius verò Grotiani principii, à quo suum hauserat reverâ, non meminit, prout debebat; nec Grotium ipsum nominat, nisi ad aliud principium inferius commemorandum et impugnandum. Quin et Mascovius egregiam Puffendorfiō laudem ex hoc principio conciliare studet, nec aliquid Grotio tribuit. Jam Puffend. de J. N. et G. lib. 2, c. 3, § 15. Et de Offic. hom. et Civ. lib. 2, c. 3, § 9, ait: « Fundamentalis lex naturæ istæ erit: *cuiuslibet homini, quantum in se, colendam et conservandam esse pacificam adversus alios socialitatem, indocili et scopo generis humani in universum congruentem.* » Tum explicat quid nomine *socialitatis* intelligat: « Per socialitatem innuimus ejusmodi dispositionem hominis erga quemvis hominem, per quam ipsi benevolentia, pace et charitate, mutuaque adeò obligatione conjunctus intelligitur. Ut adeò falsissimum sit, eam, quam nos insinuamus socialitatem indifferenter se ad bonam et malam societatem habere. »

Improbatur socialitatis prædictæ systema.

V. Quamvis principium hoc socialitatis sit à naturâ inditum homini, quem *animal sociabile* constituit, unde Tullius, lib. 1. de Off., n. 11, postquam hominem ut animalium unum et ut rationalem cum suis officiis consideravit, subdit: *Eademque natura vi rationis hominem conciliat homini et ad orationis et ad vitæ societatem; ingeneratque imprimis præcipuum quemdam amorem in eos quæ procreati sunt, impellitque ut hominum carnis ac celebritates esse, et à se obiri velit; ab easque causas studeat parare ea quæ suppetant ad cultum et ad victum; nec sibi soli, sed conjugi, liberis, cæterisque, quos ceteros habeat tuerique debeat; quanquam, ut dixi,*

hoc sit à naturâ nobis constitutum, adhuc in eo principio plura supersunt obscura, plura etiam desiderantur. Desiderantur sanè *officia erga Deum*, quæ totius ethices præcipuum est fundamentum ac firmissimum. Ob id auctor reprehensus, sufficiens sibi visus et attulisse excusationem in Specim. Controv. c. 5, § 25, et Specim. Controv. c. 1, § 11, ubi ait, *hæc sibi constitutum præcipuum esse, ut officia hominum mutua, sive erga alios explicet*. Quam quidem excusationem planè futilem homini christiano de J. N. et G. scribenti ipse advertit, atque in lib. de Off. hom. et Civ. emendavit, addiditque officia erga Deum. Verùm agrè ex suo principio possunt ea deduci. Rursus non videtur, hoc principium aptari commodè posse *actibus internis*, quos imprimis dirigere debet morum philosophus. Insuper hoc principium Ade non congruisset, si dictus sine socio vixisset. Quid? quòd aliquando videntur officia erga nos cum iis quæ aliis debemus collidi? Certè ea erga nos præponi debent, licet hæc Hertius queratur, de Socialit. J. N. princ. sect. 2, § 8, multis ambagibus rem obvolvî. Quid rursus, si collidantur officia majoris et minoris societatis, utriusque commoda sunt præferenda? Hoc idem advertit Mascovius, et arbitrato suo litem diremit: *primiam minoris civitatis commoda, tum majoris*. Quàm magna tandem sequatur absurda, si in hæc socialitate non alia spectanda sunt bona, nisi quæ vite hujus cursum possunt perlicere? Ita verò socialitatem hanc statuit ipse Puffend. J. N. Principium; nam habet § 6, vel 8, Pref. ad lib. de Off. hom. et civ.: *Finem scientiæ juris naturæ tantum ambitu hujus vite includi, adeoque ea hominem formet, prout hanc vitam cum aliis sociabilem exigere debeat*. Et in fin. §: *Inde J. N. scita ad forum duntaxat humanum adaptantur, quod ultra hanc vitam se non extendit*. At quàm hoc sit philosopho morali christiano indignum, patet ex his quæ contra Puffendorcium objecit Leibnitiûs in Epist. ad Nolanum.

De Cumberlandi principio J. N. cognoscitivo.

VI. Richardus Cumberland aliam reverà inivit viam ad legem hanc naturæ dignoscendam, licet Puffendorfius loc. cit. asserat: *Ceterum à nostrâ lege fundamentali non abit illa Rich. Cumberland. de leg. nat. c. 1, § 4*. Itaque Cumberlandus legem hanc naturæ ex creaturarum rationalium fine eruendam censet. Tum subdit finem hominis esse beatitudinem, cujus natura capax est. Beatitudo verò, ejus homo hic capax est, duo complectitur, ut animus sine aegritudine, corpus sine dolore sit. Media autem ad hanc finem conducentia à Deo, à quo finis processit ille, præcipiuntur; et illi fini contraria item à Deo auctore naturalis illius finis vetantur. Præcipuum verò fundamentum ad nostram felicitatem obtinendam (quo posito, felicitas datur; quo oblato, aufertur) est mutua erga omnes benevolentia, quantum fieri potest, maxima et communis boni studiâ. Ita c. 1, § 4. Tandem ex hæc mutua benevolentia omnia juris naturalis præcepta deducit. Sane hæc principium non ea claudit absurda, quæ Puffendorfianum socialitatis jam dictum complectitur.

De principio J. N. cognoscitivo Heineccii.

VII. Heineccius de J. N. et G. l. 1, c. 5, postquàm § 67 et 68 explicuit principium cognoscendi J. N. esse debere *verum, evidens, atque adequatum*, ac rursus plures philosophorum sententias impugnavit, eodem ferme modo ac Cumberlandus ratiocinari cepit: « De eo quòd Deus velit homines felicissimos et vera « felicitas in fruitione boni malique absentia consistit, « vero autem bono frui non possumus, nisi per amorem. Inde inferitur Deum nos obligare ad amorem, « eumque et principium juris naturæ et ejusdem veluti compendium esse. » Sic § 77, 79. Quoad objecta hujus amoris asserit § 90: Nonnisi tria reperimus, quibus amoris quædam officia præstare possimus, *Deum, rerum omnium conditorem, nos ipsos*, qui nobis sanè sumus proximi, ac denique *alios homines*, quos nobis naturâ æquales esse non advertimus. » Capite deinde 4 applicare conatur ad humanas actiones hanc normam. Utriusque hujus auctoris Cumberlandi scilicet, atque Heineccii principium cognoscitivum videtur ad finem ipsum hominis naturalem refundi, et cum illo Suarezii, de quo infra, in pluribus convenire.

De Wolfii principio cognoscitivo J. N.

VIII. Wolfius in Phil. pract. tradit principium universale ad legis naturalis dignoscenda præcepta. Vult autem naturâ nos duci ad status nostri perfectionem, tum quoad ea quæ corpus, tum quoad ea quæ animum spectant. Idcirco § 340 hanc statuit generalem regulam: *Quæ te statumque tuum perfectionem efficiunt, facito; ea autem quæ te statumque tuum reddunt imperfectiorem caveto*. Hæc autem lex naturâ ipsâ suadet; siquidem, ut ait Psych. Empir. § 354, *bonum est quidquid nos ac statum nostrum internum et externum perfectiores reddit; et § 363: Quidquid nos statumque nostrum, sive internum, sive externum imperfectiores reddit, malum est*. Asserit proinde in Phil. pract. § 153: *Lex naturæ nos obligat ad actiones intrinsecè bonas committendas, intrinsecè verò malas omittendas*. Sunt autem quas modò dixerat, actiones intrinsecè bonæ, aut malæ. Dignoscuntur autem ex naturali dolore, qui sequitur ea quæ nos statumque nostrum reddunt imperfectiores; et ex voluptate quâ afficitur qui ea curat quæ se suumque statum reddunt perfectiores. Quare in Phil. pract. illud statuit principium legis naturalis cognoscitivum § 179: *Determinatio actionum liberarum per easdem rationes finales, per quas determinantur naturales, non verò per diversas, est principium cognoscendi legum naturalium, omnisque juris naturalis*.

Rejicitur Wolfii principium J. N. cognoscitivum.

IX. De hujusmodi Wolfii propositionibus jam ostendimus, quæ mala sequuntur consecutaria. Quæ ad hanc verò principium legis naturalis, fundatum videlicet in *bono perficiente naturam*, illud adnoto: optime præcipuari a Suarezio nostro l. 2 de leg. c. 2, ubi naturam ostendit fuscque probat, naturam rationalem et talis essentia est, non posse nec præcipere, nec ostendere.

midinem de honestate objecti, vel de legis præcepto; et hoc judicium denominat conscientiam certam. Conscientia verò dubia dici potest vel *intrinsecè*, quando nimirum non habetur judicium positivum de honestate vel obligatione objecti; vel *extrinsecè*, quando habetur quidem judicium positivum de honestate objecti, sed adhuc datur aliqua formido de opposito: hæc conscientia dici debet practicè certa extrinsecè et speculativè dubia; ut quando quis dubitans an emisit votum necne, judicat positivè esse licitum non implere. Hoc idem contingit in conscientiâ *probabili* vel *intrinsecè* vel *extrinsecè*. Jam certum est semper debere nos operari ex judicio proximo certo de honestate objecti; neque contra hoc judicium licet ullo modo operari. Sed hic opportunè querit Suarezius, l. 2, tr. 3, disp. 12, sect. 2, n. 7, in fin., « Quomodò in re dubiâ, vel probabili potest fundari certitudo? Respondetur, quia non fundatur in illo tanquàm in principio, sed solùm tanquàm in solo simplici termino, seu extremitate syllogismi, ex quo conficitur certum aliquod principium practicum in hoc, vel similem modum: In tali dubio vel probabilitate licitum est sic operari: sed hic intercedit tale dubium, vel probabilitas; ergo licitum est, etc. Illæ præmissæ non sunt dubiæ, vel probabiles, sed evidentes et certæ; aut assumunt dubium vel probabile tanquàm medium vel extremitatem syllogismi. » Sunt autem præmissæ illæ certæ ex principiis certissimis Probabilistarum; siquidem, ut fusè ostendit Gravina Tratten. apolog. suâ Probab. p. 1, dial. sulla concl. 2, n. marg. 52, qui operatur cum conscientiâ practicè ac verè probabili, certus est de honestate suæ operationis, licet de ipsamet opinionis ipsius veritate non sit certus. Argumenta hæc recensere longum esset, nec planè hujus loci; sed quandoquidem scriptores J. N. de probabili conscientia verba faciunt; idcirco et nos summa capita argumentorum pro sententiâ probabili hic proferimus. Ea autem capita ad hæc reducuntur: 1° quia Ecclesia Probabilissimum sciens, et prudens permittit, atque idè approbat permissivè; 2° quia doctores antiqui licitum asseruerunt, et exemplo ad praxim licitè reduci posse demonstrarunt; 3° quia qui illum sequitur, prudenter operatur; 4° quia illius usus est securus in conscientiâ; 5° quia ex præcepti incertitudine, cujusmodi Probabilismo continetur, non oritur obligatio; 6° quia consequenter deficit existentia præcepti; 7° quia saltem deficit sufficiens præcepti promulgatio; 8° quia in eo adest ignorantia invincibilis excusans à formali peccato; 9° quia nullum existit præceptum de sequendo Probabiliorismo; 10° quia etiamsi existit, tamen non est sufficienter promulgatum; 11° quia in illo libertas humana in certa suæ licite operationis possessione est; 12° quia illius usus est licitus in speculativis, unde et in practicis; 13° quia licitus est in questionibus pertinentibus ad fidem, unde et in rebus morum; 14° quia in moralibus sufficit quæcunque ostensio suasiva cujusmodi in Probabilismo reperitur; 15° quia in incertis proprium judicium alieno submittere prudens ac laudabile est; 16° quia à Probabilio-

ristis, ad quos id spectat, certò illicitus non demonstratur; 17° denique quia ex usu Probabiliorismi multa sequuntur absurda. Horum argumentorum vim ulteriore explicatione apud auctores dignoscere licet, quàm nobis in præsentem fas sit supponere. Neque enim impudentissimam Budæi in Hist. § calumniam hic refellere est animus, ubi asserit: *Recentiores Honoratum Fabri, Terillum, Guimenium secutos asserere, et publicè contendere, fas esse; eligere sententiam vel unius viri doctrinà incliti auctoritate muniri, ut aliter legi repugnantem; neque concinè temeritatem in suo J. N. libro, ubi Budæum impugnat asseritque: Prima Probabilismi capita Ecclesia Romana damnavit, universumque systema communis quoque doctorum catholicorum sententia improbat. Utrunque fusè impugnare esset philosophi limites excedere.*

XIII. Non eodem tamen modo ratiocinandum est de turpitudine actûs, ac de honestate: pro hac requiritur judicium certum, ut diximus; pro illâ sufficit hujus judicii defectus. Et licet judicium representans objectum sit omnino falsum; si nihilominus invincibiliter errat, unde videatur certum; eo ipso actus honestè ponitur, si representatur sub ideâ honesti; si sub ideâ præcepti, debet poni. Obligatio autem oritur à lege non verè existente, sed invincibiliter putatâ. Diversimodè loquendum, si error est voluntarius et vincibilis, ut supra diximus. In omnibus autem adverti debet, quod licet detur aliquando judicium de turpitudine actûs; adhuc si ex sufficienti aliquâ ratione, vel auctoritate, vel per sufficientia principia practica, homo sibi rationabiliter persuadet, hic et nunc licitè posse non operari juxta tale judicium speculativum, in tali casu judicium prius contemnit, aliudque in se efformat, et benè operabitur. V. Suar. loc. cit. sect. 4, etc.

DE JURE GENTIUM.

IX.

Jus gentium non præcipit aliquid tanquàm ex se necessarium ad honestatem; nec prohibet aliquid quod per se et intrinsecè malum est vel absolutè vel supposito tali statu et conditione rerum; sed hæc omnia pertinent ad jus naturale, ac subinde in hoc sensu jus gentium non comprehenditur sub jure naturali. Suar. de La g. l. 2, c. 17.

1° Quia multa dicuntur esse de jure gentium, quæ non habent illam intrinsecam necessitatem, ut divisio rerum, servitus, et alia quæ infra videbimus; 2° Quia jus gentium, nec circa prima principia moralia, nec circa conclusiones quæ ex illis necessariò inferuntur, versari potest; quia omnia illa sub proprio jure naturali comprehenduntur: præcepta naturalia, et quæ inde deducuntur, scripta esse dicuntur à Deo in cordibus hominum, ut sumitur ex Paulo ad Rom. 2. Præcepta autem juris gentium ab hominibus introducta sunt per arbitrium et consensum illorum, sive in totâ hominum communitate, sive in majori parte. Ergo quæ absolutè necessariam honestatem et intrinsecam continent, etiamsi per plures illationes deducantur, debent ad jus naturale spectare. Neque etiam dici debet jus gentium, quod comprehendat conclusiones necessarias, factâ aliquâ suppositione. Nam multa sunt de jure naturali, quæ non

obligant nec locum habent, nisi aliquid suppositione facta, ut præceptum non furandi non habet locum, nisi facta divisione bonorum et dominiorum. Præceptum item parandi dominia non habet locum, nisi supposita æquitate; justitia etiam contractuum non habet locum nisi ex suppositione commercii humani. Et ita sunt præcepta alia quæ manifestè pertinent ad jus naturale; nam ita sunt per se honesta, ut contraria prohibeantur quia mala, et non è contrario. Licet igitur conclusio sequatur ex suppositione se tenente tantum ex parte materiae præcepti, si illatio est evidens ex principiis per se notis; talis conclusio ad jus naturæ pertinet, non ad jus gentium. Ibid. n. 8, 9.

De primâ juris gentium constitutione.

I. Ut æquivocatio omnis tollatur, non est hic sermo de jure gentium, quod Bartolus alique juriste vocant Primarium seu Primævum: hoc enim est ex ipso l. ex hoc jure, ff. de just. et jur., illud quod fuit eo ipso, quod gentes esse ceperunt naturali ratione inductum absque aliquâ constitutione gentium. Siquidem hoc revera est jus naturale. Sed de secundario, quod est, quo omnes gentes utuntur ex constitutione ipsarum. De hoc autem asseritur, non includere materiam necessariæ honestatis, aut vetare aliquid intrinsece malum, factâ qualibet suppositione, quamvis etiam ejus obligatio ad naturam reducat longâ et difficili rationatione. Atque hic quidem non est sensus, quod in jure gentium naturalis ratio nullum habeat locum; siquidem inferri posset jus hujusmodi esse omnino irrationabiliter latum, quod est contra essentiam legis. Præterea colligitur ex l. Omnes populi 9, ff. de Just. et Jure, ubi Cæus ait: *Quod vero naturalis ratio inter omnes homines constituit, id apud omnes per æquæ custoditur, vocaturque jus gentium*; ubi jus gentium à ratione naturali dicitur constitui, quia omnes homines naturali ratione ducti illud constituerunt. Quare jus gentium non dicitur præcisè, quia eo utantur omnes gentes, sed quia eo utantur tanquam ejus auctores. Non assentior idcirco Ulrico Hubero in J. N. asserenti posse saltem in hypothesis dari in jure gentium quod repugnet rationi; nam ratio debet quodecumque jus constituere. Quare si in jure etiam civili requiritur aliqua ratio, quæ voluntatem principis moveat, et quoad modum, specialis etiam ratio quæ considerat particulares circumstantias, multo magis in jure gentium, ubi præcepta sunt magis generalia, et in eis consideratur nature totius utilitas et conformitas ad primâ et universalia principia nature. Et idcirco potuit D. Th. d. q. 95, art. 4, appellare juris gentium præcepta conclusiones aliquo modo deductas ex principiis juris naturalis, quia ex vi naturalis discursus statim apparet convenientia, et moralis utilitas talium præceptorum, quæ homines induxit ad tales mores introducendos magis necessitate exigente, quam voluntate, ut Justinus dixit.

Juris gentium existentia contra Puffendorfium et Barbeyracium asseritur.

II. Propositionem hanc aversantur, quicumque

dari aliquid ex se et intrinsece malum, aut necessariæ honestatis ante legem negant. Quare Puffendorfius jus gentium definitur de J. N. et G. l. 2, c. 5, § 25, subscribit Hobbesi sententiam, auctoris lib. de Cive c. 11: *Præcepta utriusque legis naturalis hominum, naturalis civitatum, quæ vulgo jus gentium appellatur, eadem sunt; sed quia civitates semel institutæ inducunt proprietates hominum personales, lex quam loquentes de hominum singularum officio naturalem dicimus, applicata totis civitatibus, nationibus sive gentibus, vocatur jus gentium. Tum subdit Puffendorfius concedere se, jus gentium, quod ex rationibus indigitur nostræ fuit; sed tamen negare aliud jus gentium voluntarium, seu positivum, quod quidem legis propriè dictæ vim habeat, quæ gentes tanquam à superiore profecta stringat. Idem videtur sentire G. Ludov. Hertogius in Præcognitis jurispr. Rom. Mathem. ordine expl., ubi ait: si jus naturæ ad ideam gentis accommodatur, jus gentium exoritur. Ergo jus gentium est jus naturale in gentium ideâ spectatum. Verum, quoniam supra statutum est, dari debere intrinsecam hanc honestatem, ac turpitudinem rebus ante quamlibet legem; nec rursus auctores isti aliam proferunt rationem; idcirco eorum sententia, collapsa fundamento, ruit. Quod si idcirco à Puffendorfio jus gentium voluntarium excluderetur, sienti Leibnitio in suâ Cens. Epist. § 14, visum est, quod scilicet: *Pactis mutuis jus officere gentes non possunt, quia à nullo superiore valida redditur obligatio*: in eo casu respondet Leibnitius ipse, argumentum hoc nimis probare: scilicet nec consensu et pactis homines superiorem sibi constituere possint; cujus contrarium ipse Hobbius agnovit. Rursus negari deberent jura consuetudine introducta, quæ quidem in civitatibus plura sunt. Nec sanè verum est quod contra Leibnitium subdit Barbeyracius, unicuique liberum relinqui, ut declaret, nolle se receptam consuetudinem sequi. Non enim in arbitrio singulorum relinquitur juri vel ex usu et consuetudine communi recepto refragari.*

Idem jus gentium ab Heineccii objectionibus vindicatur.

III. Heineccius etiam, licet actiones ex se et ante quamlibet legem dari bonas aut malas asseruerit, nihilominus de J. N. et G. l. 1, § 21 et 22 non distinguit a jure naturali jus gentium; sic enim habet § 21: *Cum præterea jus nature eas complectatur leges, quæ universo generi humano per rectam rationem sunt promulgatæ; homines autem, vel singuli seorsum, vel prout in certas societates convolverunt, considerari possint; jus, quo singulorum actiones reguntur, naturale; quod, quid in societatibus et inter eas justum injustumve sit, præcipit, jus gentium vocamus; adeoque eadem juris utriusque sunt præcepta, easdem leges; quinimò jus gentium est ipsum jus naturale vite hominis sociali negotiisque societatum, atque integrarum entium applicatum.* Et § 22: *Ex quo colligimus jus naturæ à jure gentium nec principio cognoscendi, nec ipsis regulis, sed solo objecto differre; adeoque rationem eos fugere, qui*

« nescio quod *jus gentium* à jure naturæ diversum sibi
« ligant. *Jus gentium positivum, vel secundarium,*
« quod veteres commenti sunt, propriè huc non per-
« tinere, cum nec à Deo constitutum, nec per rectam
« rationem promulgatum, nec universo generi hu-
« mani commune, nec denique immutabile sit. »

Quod jus illud dictans leges à Deo constitutas, per
rectam rationem promulgatas, omnibus hominibus
communes et immutabiles, velit Heineccius appellare
jus gentium positivum: quod quidem veteres appellabant
jus gentium primum; et nos diximus etiam esse
verisimilem jus naturæ: est questio de mero nomine,
nec longo digna examine. Verùm quod asserat, nullà
ratione duci, qui jus gentium à jure naturæ diversum
asserat, et jus gentium positivum esse commentiti-
um, hoc imperiti hominis est, et nimium sibi tri-
buitis. Non eam hujus auctoris, atque ejusdem fur-
furis alterius voces optimum illud à Suarez, aliisq; e-
etiam Protestantibus cum Ulrico Hubero designatum
discrimen infringunt; neque sufficit ut ipse autumat,
nec objectum ad juris utriusque differentiam cum
idem omnino dici debeat jus, quo leges traduntur ali-
quibus, ac quo traduntur omnibus. Siquidem ex eo
quod quis communitatem alloquitur, diversus dici à
seipso non debet, ac quando singulos communitatis
alloquitur. Deinde falsum omnino est jus gentium po-
sitivum à Deo non proficisci, modo scilicet eo quo
leges positivæ oriuntur. Tandem errat etiam Heinec-
cius, dùm à jure gentium positivo rectam rationem
ablegat. Unde pluribus capitibus Heineccius fallitur.
Grotii in jure gentium cum catholicis consensus; et mala
Barbeyracii censura.

IV. Haud ita verò ratiocinatur Grotius, qui de *jure*
gentium conformem suis principiis dat notionem. Dis-
tinguit jus naturale à jure gentium per ea quæ intrin-
secam habent bonitatem vel malitiam. *Jus* autem
gentium, ait de *J. B. et P. l. 1, c. 1, § 11*, « vim habet
« obligandi à voluntate populorum, aut saltem plero-
« rumque. Dixi *plerorumque*; nam excepto jure na-
« turali, quod dicitur etiam jus gentium, nullum
« inveniri licet aliud jus, quod communes sit omnibus
« omnino nationibus. Sæpè etiam id quod jure gen-
« tium est in unâ terre regione, laud est in aliâ;
« quemadmodum ostendimus loco suo de Captivis in
« bello, et de Jure postliminii. » Optimè quidem ra-
tione quoad hoc, et ferè eadem dixerat Suarez;
tum subdit: « Jam verò *jus gentium* eodem modo
« asseritur ac *jus civile non scriptum*, scilicet à perpe-
« tuâ praxi et testimonio peritorum. Siquidem, ut
« optimè notat orator divus Chrysostomus (orat. 76
« de Consuet.), *hoc jus est opus temporis et per usum*.
« Atque inde fit ut historice celebriores magno hic sint
« emolumento. » Hæc autem cum bene statuat Grotius
quæ profecto à catholicis scriptoribus lausit, quid mirum
quod Barbeyracii censuram subierit, hominis
scilicet perverse bona omnia tuentis? In notis igitur
ad Grotium hic ait, *jus hoc gentium positivum et distin-*
ctum à jure naturali esse meram chymiam; citatque
Jullendorffii locum, suæque mihi notas. Tum subdit

quandam veluti rationem, quod nimirum, *dentur leges*
omnibus gentibus communes, seu actiones quæ debent
exsequi gentes omnes, et invicem servare; e rùm cum et
populorum consensus nequeat esse obligationis fundamen-
tum ad illas servandas, nec rursus de ipsismet legibus
id possit esse verum, sequitur consequenter, juris illius
præcepta et leges non differre propriè à legibus et præ-
ceptis juris naturalis, nisi tantum in applicatione, quæ
diversa esse potest ex diversâ societatum ratione in mutuis
erga se officiis. Sed et Barbeyracii assertio contra Gro-
tium falsa est, ut constat ex dictis, et ejus ratio pro-
babilitate destituitur. Siquidem, quod omnes gentes,
quatenus unam efficiunt communitatem totius humani
generis, obligare singulos non possint ad ea quæ toti
humano generi utilia sunt, undenam probat Barbeyra-
cius? Sanè in confesso est apud omnes civitates posse
obligare etiam usu et consuetudine singulos ad ea
quæ toti civitati utilia sunt, et regnum ad ea quæ toti
regno conveniunt: quare igitur et idem dici non potest
de omnibus respecta singulorum? Ita autem ad aliqua
voluisse obligare, traditione compertum est, et suam
voluntatem nutibus, verbis, usu, et moribus aliisve
signis explicuisse præsertim in mundi exordio, quando
propter hominum paucitatem et amorem mutuum fa-
cile erat, omnes, aut majorem hominum partem in eâ
voluntate sensim ac paulatim convenire, et aliquo
modo eam promulgare, et consuetudine ipsâ denun-
tiare. Quare usu potuit hoc jus paulatim introduci, et
per successionem et imitationem mutuum populorum
sine ullo speciali conventu vel consensu omnium po-
pulorum uno tempore facto potuit obtinere. Est enim
hoc jus tam propinquum naturæ, tamque nationibus
omnibus conveniens, earumque expediens societati,
ut ferè naturaliter propagatum fuerit cum humano
ipso genere; et ideò scriptum non est quia à nullo
legislatore dictatum, sed usu convaluit. Quod autem
plura dentur ex his legibus quæ à merâ hominum vo-
luntate dependent, patet ex iis quæ infra dicemus. Sic
rerum divisio, et sedium occupatio, edificatio et mu-
nitio, aliaque exempla J. G. quæ refert Isidorus 6,
Etyrn. c. 6. Rursus jure gentium dicitur licitus transi-
tus innoxius per alienas terras et maria ad sua negotia
peragenda, sic enim concessa intelligitur J. G. rerum
divisio. De hoc exemplum habemus Num. c. 20 et 21,
ubi Irael regi Edon promiserat, non solum se non
declinaturum neque in vineas, neque in agros, sed viâ
regiâ progressurum, verùm etiam si quâ re opus ha-
buisset, justum pretium esse soluturum; cum verò
denegatus fuisset transitus, bellum indictum est, quod
injuria intelligebatur illata Israeli. Legati etiam J. G.
sancti esse solent; unde apud Livium, l. 2, senator
Carthaginiensis increpat ab sociis et pro sociis ve-
nientes levatos ab impatore in castra non fuisse ad-
missos, jusque gentium sublatum. Item ut filii in bonis
parentum succedant ab intestato, ubi aliud speciali
lege tantum non sit; atque alia quæ recensentur l. ex
hoc ff. de Just. et Jure. Super quæ vid. Turcerem. c.
Jus Gentium d. l. art. 5. S. d. de hujusmodi exemplis
ad jus gentium spectantibus infra.

DE CONVENIENTIA ET DISCONVENIENTIA INTER JUS NATURÆ
ET JUS GENTIUM.

X.

Non recte distinguuntur jus gentium a naturali, quia unum concessum tantum sit, et aliud præceptum. Nam vel utrumque membrum in utroque jure reperitur, vel si præceptum naturale est, etiam concessio, illi cum propositione respondens, ex ipso jure naturali nascitur. Suar. de Leg. l. 2, c. 18.

In jure naturali multa sunt quæ honeste fieri possunt ex vi legis naturalis, quæ non præcipiuntur, nec contraria prohibentur; et ita etiam dari potest jus naturale concessum, quale est jus ducendæ uxorem, jus retinendi et conservandi propriam libertatem: hoc enim honestum est, et illud jus naturæ concedit, non præcipit. Rursus nunquam separatur jus concessum ab omni jure præcepto, vel prohibente vid. est, si non aliquid licet, et conceditur, alter tenetur non impedire; et in præsentia materia, si unum sit juris gentium, etiam alterum; vel si unum est juris naturalis, etiam aliud; quod patet exemplis. Ibid. n. 5, 4, 9.

XI.

Jus gentium convenit cum jure naturali, in eo quòd utrumque sit aliquo modo commune tantum hominibus. Suar. de Leg. l. 2, c. 47, 19.

Nam de jure gentium hoc est certum. De jure autem naturali, licet à jurisperitis hoc dicatur esse commune brutis, adhuc nonnisi materialiter hoc illis aptatur quoad operationes merè sensitivas; at jus naturale, ut habet propriam rationem legis, non fundatur in ratione naturæ sensitivæ, ut communis est brutis animalibus, sed in ratione naturæ elevatæ per differentiam rationalem. Lex enim naturalis regulatur per convenientiam cum naturâ rationali; et quando respicit conservationem naturæ sensitivæ, semper involvit modum rationalem; unde multa prohibet uno modo, vel absolute hominibus, quæ non prohibet brutis, ut constat de matrimonio, de educatione filiorum, de conservatione propriæ vitæ, de vago concubitu, seu simplici fornicatione, de conjunctione cum matre, vel sorore, et similibus, quæ quidem brutis non prohibentur. Rursus multa præcipit, quæ aptari non possunt brutis, ut præceptum colendi Deum, honorandi parentes, et proximum. Ibid.

De jure gentium apud jurisconsultos.

I. Inde profectò accedit ut inter scriptores sapientissimè, et aliquando apud jurisconsultos, non fiat expressa juris gentium à jure naturæ distinctio. Hoc advertit Paradulphus Pratejus in lex. jur. V. jus, ubi ait: Illud diligentissimè observandum est, quod ignoratum multis erroris causam dedit, jus gentium aliàs accipi à jurisconsultis pro vero naturæ jure, aliàs pro eo jure quòd plurima hominum pars ubique recepit. Quod nisi rectè discernas, nunquam pervenies ad veram juris cognitionem. Hinc optimè intelligitur quod aiebat Cic. 4 Tuscul.: Omni in re consensio gentium jus naturæ putanda est, scilicet ita servari debet, quasi esset jus naturæ, vel si vis, est argumentum velut à posteriori, licet non univocum ad inferendum jus naturæ, con-

sensio gentium: dixi non univocum etiam ponens ipsum Cicero, qui l. 2 de Invent. Naturæ jus est, ait, quod non opinio genuit, sed quædam innata vis insinuat, ut religionem, pietatem, gratiam, vindicationem, observantiam et veritatem. Unde sequitur esse quid diversum ab illo jure quod non sit insertum à naturâ solâ, sed potissimum ab opinione et consensu hominum.

II. Illud autem non est dissimulandum jurisperitis communiter distinguere jus gentium à jure naturali, in hoc quod jus naturale commune dicant etiam brutis animalibus, secus verò jus gentium. Sed hanc distinctionem, nisi commoda accedat explicatio, merito alii reprehendunt cum Laurentio Vallâ l. 4 Elegant. c. 48. Explicatio autem de jure naturæ communi brutis est, vel quia naturâ, ut ait Cic. de Fin. l. 2, etiam bestis motum concessit, et cum quodam appetitu accessum ad res salutares, à pestiferis recessum, quemadmodum dedit hominibus, quibus superaddidit rationem; vel ex alio titulo, prout apud Suarezium ipsum habemus. Verùm si accipitur jus naturale pro lege rigorosè tali, illud concedi alteri à rationalibus creaturis non debet.

DE PROPRIETATIBUS JURIS GENTIUM.

XII.

Jus gentium, quatenus continet præcepta affirmativa, non infert necessitatem rei præceptæ ex solâ rei naturâ per evidentem illationem ex principiis naturalibus; et in hoc differt à jure naturali. Suar. de leg. l. 2, c. 19.

Quia quidquid est hujusmodi, naturale est, ut constat ex dictis. Unde necesse est ut aliunde oriatur talis necessitas. Ibid. n. 2.

Causa juris gentium constituendi.

I. Hinc optime Justin. in illo § Jus autem gentium sic tradit: Jus autem gentium omni humano generi commune est; nam usu exigente, et humanis necessitatibus, gentes humanæ jura sibi quædam constituerunt; causa enim ad hæc jura constituenda adnotatur usus legem exigens, et humana necessitas: quare leges positivæ non debent nisi principiis merè naturalibus, quia sic aliunde vim suam principiscerentur.

XIII.

Juris gentium præcepta negativa non prohibent aliquid, quia per se malum sit; et in hoc differt à jure naturali. Suar. de Leg. l. 2, c. 19. Id enim est etiam merè naturale, ut constat ex dictis. Ibid.

Finis juris gentium.

I. Ex eo quòd homines ad vitam commodius ducendam observârunt quædam noxia esse, quædam verò mæcunè utilia ad commune bonum promovendum, censuerunt non minus hæc præcipere, quam illa vetare. Atque hic repetere juvat naturæ jus propriè et directè non respicere quidquid ad humanam conjunctionem et societatem tuendam conducit. Si enim Adam sine socio vixisset, etiam secundum naturæ jus vixisset. Et Cicero de Offic. putat hominem à cæteris segregatum nonnisi honesta cogitare et agere oportere. Jus verò gentium respicit propriè homines inter

se societate conjunctos, illosque effectus producit, quos ipsi homines rationabiliter ad communitatem promovendam conducentes adverterunt.

XIV.

Jus gentium non est tantum ostensivum malitiæ, sed constitutivum ex parte humanæ rationis. Suar. de Leg. l. 2, c. 19.

Ex eo quod non prohibet mala, quia nalu sunt, sed prohibendo facit esse mala. Ibid.

Discrimen juris gentium à jure naturali.

I. Quòd reverà differat à jure naturali jus gentium, patet ex eo quòd jus gentium aliqua in se mala permittat, seu non puniat: quando nimirum ipsa permissio putitur adeò necessaria juxta hominum fragilitatem et negotiorum conditionem, ut in eà servandà omnes frè nationes concordent. Hujusmodi esse videtur permissio meretricum, et permissio alicujus deceptionis in contractu, quæ non sit enormis. Sic in jure civili, quod per similitudinem et convenientiam dicitur etiam jus gentium l. in causæ § idem Pomponius, ff. de minor., adjunctà glossà. Nam dicitur in textu naturaliter licere contrahentibus se circumvenire in pretio emptionis et venditionis. Ubi glossa exponit, naturaliter, id est, de jure gentium. Aliqui autem explicant illud licere in ordine ad humanam judicium, scilicet impunè fieri; alii verò explicant illud circumvenire non per deceptionem ex dolo et fraude, sed ut significat humanam solertiam et artem, quæ datur inter emptorem ut minoris emat, et venditorem ut pluris vendat, sed intra latitudinem justii pretii, sicut habet Sapiens Prov. 20: *Malum est, malum est, dicit omnis emptor, et cum recesserit, gloriatur.* Verùm in utrâque acceptione semper continet aliquid juxta naturalis philosophiæ ethicam minus honestum. Sane Cicero, l. de Offic. 3, c. 8 et 9, similes proponit questiones: Si vir bonus Alexandriâ Rhodum magnum frumenti numerum advexerit in Rhodiorum inopiâ et fame, summâque ammonæ charitate; si idem sciat complures mercatores Alexandriâ solvisse, navesque in cursu frumento onustas petentes Rhodum viderit, dicturusne sit id Rhodiis, an silentio suum quàm plurimò venditurus? Vendat ædes vir bonus propter aliqua vitia quæ ipse nôrit, cæteri ignorent. Quæro si hoc emptoribus venditor non dixerit, ædesque vendiderit pluris multo quàm se venditurum putarit; num id injustè atque improbè fecerit? Tum in utramque partem rationes expendens subdit: Non igitur videtur nec frumentarius ille Rhodios, nec hic ædium venditor celare emptores debuisse. Neque enim id est celare, quidquid reticeas; sed cum, quod tu scias, id ignorare emolumentum tui causâ velis eos quorum intersit id scire. Hoc autem celandi genus quale sit, et cujus hominis, quis non videt? Certè non aperti, non simplicis est, non ingenui, non justii, non viri boni; versuti potius, obscuro, astuti, fallacis, malitiosi, callidi, veteratoris, vafri. Hæc tot et alia plura non utile est vitiorum subire nomina.

XV.

Jus gentium non est tam immutabile sicut jus naturæ. Suar. de Leg. l. 2, c. 19.

Immutabilitas oritur ex necessitate: ergo quod non est æquè necessarium, non potest esse æquè immutabile. Ibid.

Exempla mutationis factæ in jure gentium.

I. Fuisse in jure gentium factam mutationem asserunt Aragoniensis, Salon et Bannes apud Salas de Leg. q. 91, tr. 14, disp. 2, sect. 3: scilicet, quòd rerum divisio sublata fuerit inter Christianos in primitivâ Ecclesiâ, et modò inter religiosos captivi christiani, capti ab aliis christianis, servi non fiunt, ut patet l. hostes, ff. de Captivis. Verùm hæc non facta sunt licita per dispensationem, si rectè advertantur; nam jure gentium non prohibetur rerum communitas, sed concessa est divisio, et data facultas omnibus hominibus, ut paulatim res sibi proprias facerent, eligendo agros quos colerent, loca ubi ædificia construerent, et similia; non tamen prohibiti sunt omnia ad communitatem reducere, ut in statu innocentie et initio mundi fuerunt. Similiter licet jure gentium concessum fuerit, ut in bello justo capti possent fieri servi, tamen non est prohibitum gerentibus justum bellum se expoliare hoc jure, vel simpliciter, vel etiam erga aliquas personas bello captas. Quare non est hoc probandum in jure gentium, quatenus concessivum est; sed de jure gentium, quatenus prohibitionem seu præcepta continet. Ut autem in hoc fiat hujusmodi mutatio (quæ tamen vi materiæ non repugnat, ubi res prohibita jure gentium simpliciter non sunt mala de se et intrinsecè, nec præcepta inferuntur per necessariam et evidentem illationem ex principiis naturalibus, nec obligatio oritur ex solâ ratione sine aliquo modo obligationis humanæ), adhuc opus est ut nationes omnes consentiant, vel ut paulatim introducatur consuetudo contraria, et prævaleat: quod quidem moraliter vix est possibile, sed tamen non repugnat. Potest etiam alio modo fieri, ut si aliqua communitas præcipiat ut inter partes suas et membra sua tale jus gentium non servetur; et hic modus est possibilis. Non autem mutari potest jus gentium saltem quoad moralem potestatem et usum hominum, nec rursus in toto, ut scilicet à toto humano genere auferatur collectio præceptorum juris gentium ex hominum conventionem, sed ea quæ sunt juris gentium possunt utique in unâ vel alterâ parte diminui.

XVI.

In iis etiam in quibus jus naturale et gentium videntur convenire, omnimodam similitudinem non habent. Suar. de Leg. l. 2, c. 19.

Nam in universalitate et communitate ad omnes gentes jus naturale omnibus est commune, solumque per errorem potest alicubi non servari; jus autem gentium non semper omnibus, sed regulariter et ferè omnibus commune est, ut Isidorus loquitur. Unde sine ullo errore potest alicubi non servari quod apud alios de jure gentium esse censetur. Item licet jus gentium regulariter versetur in materiâ propriâ hominum, aliquando potest aliquid disponere in materiâ communi brutis animalibus, ut in permittendo vago concubitu, vel in repellendâ vi, quatenus aliquo modo foveri vel determinari potest. Est ergo jus gentium simpliciter diversum à naturali, præsertim ratione primi discriminis. Ibid.

Facilior juris quam juris naturalis ignorantia.

I. Omnia a apud historicos plura referantur a populis fieri que contra legem humanitatis principia sunt, ea tamen vel in dubium ab acrius revocantur, vel etiam negantur, vel ad quoniam modo limitantur. Sic quædam blækones de fratribus populis, sive que ad sortilegia, sive que ad impedimenta spectant, confutat egregie Argentinus Jonas. Iracundis natione, qui floruit seculis 16 et 17. Alia etiam, que memorantur contra Germanos relato a Sexto Capricio Hypoth. l. 5, c. 24, coarguit illicò Pußendorfius de J. N. et G. l. 2, c. 5, § 8. *Id idem respectu mentis fieri est, ut mirum sit quomodo illud in mentem venire poterit, nisi qui vel minimum notitiam istius nationis habuit.* Nunc autem non potest, post culpe originales tenebras humane menti offusas, ex prava et assidua consuetudine et institutione, a loquendo lumen naturæ involvi, ut videantur gentes oblitiscere. Sic Cicerò Tuscul. l. 5, c. 27, ait: *Ægyptiorum imbuti mentes pravitatis erroribus quantum carnificinam prius subierint, quoniam ibi, aut aspidem, aut felum, aut canem, aut crocodilum violent; quorum etsi imprudentes quippiam fecerint, penam nullam recusant.* Et S. Aug. l. 5 de Doctr. christ., c. 8: *Fit plerumque, ut quisque hominum et tantum culpanda arbitretur, que sue regionis ac temporis homines vituperare atque damnare consueverunt; et ea tantum probanda atque laudanda, que consuetudo eruit, cum quibus vivit, admittit.* Hæc autem diversimode reprobandur à sana mentis hominibus, si contra jus naturale patrata fiant, ac si contra jus gentium tantum; nam nemo dicit de aliquo jure, certam legem ob consuetudinem abrogata, id quod bene Pufendorfius de consuetudine contra legem naturæ dixit ibid. § 9: *Hinc quæcumque consuetudo eas cives trahimus, ut rationis judicium eo usque detorqueat ac depravare queat, quo ipsi impossibile sit veritatem circa leges naturales percipere.*

XVII.

Jus gentium simpliciter est humanum ac positivum. Suar. l. 2, v. 19. *Lex sufficienter dividitur per naturalem et positivam proprie dictam, vel per divinam et humanam ab auctore utriusque derivantem, quia utraque membra immediate contradictionem involvunt, ut constat. Sed ostension est legem juris gentium non esse naturalem proprie et in rigore, et consequenter non esse divinam; ergo necesse est ut sit positiva et humana.* Rursus lex naturalis est, quam non opinio genuit, sed naturalis evidentiæ, ut Cicerò dicit. Ergo omnis lex, que non hoc modo generatur, positiva est et humana. Tale autem est jus gentium, quia non per conventionem, sed probabilitatem et communem rationem in hominibus introducit. Ergo. Ibid. n. 5, 4.

I. Est veluti corollarium quod ex statutis propositionibus optime descendit.

DE DIFFERENTIA INTER JUS GENTIUM ET CIVILE.

XVIII.

Jus gentium non differt à jure civili per hoc, quod lex sit jus unius civitatis aut regni, jus autem gentium sit

omnibus gentibus commune. Suar. de Leg. l. 2, c. 19.

Eccet enim lex posita ab hominibus potest in ordine ad quædam rationem juris posita autem esset Aristoteles legatum, § Ethic. c. 7, et tamen non videtur posse recipere, ut dicitur ex Ibid. § Ethic. c. 4, et sentit D. Th. 4-2 q. 95, addit naturaliter dicendum est utriusque differe; non tamen per contrariam differentiam. Nam 1^o lex differt a consuetudine ut in secundum minus et minus, et valde accidentalis; 2^o et differt, quoniam impossibile videtur jus gentium esse commune omnibus gentibus introductum voluntate et opinione humanâ, quemadmodum dicitur de jure unius civitatis aut regni, quia in his que ab opinione et arbitrio hominum pendunt, impossibile videtur omnes nationes convenire; nam hoc est hominum ingenium, ut quot sunt capita, tot ferè sint sententia et opiniones. Ergo vel jus gentium non est humanum, vel non potest in eo à civili differre. Ibid. n. 5.

I. Jus civile dicit etiam solet aliquando jus gentium, tate scilicet sumpto vocabulo; et vice versa ob aliquam convenientiam jus gentium dicit etiam potest jus civile.

DE VERA JURIS GENTIUM NOTIONE.

XIX.

Præcepta juris gentium in hoc differunt à præceptis juris civilis, quia non scripto, sed moribus non unius vel alterius civitatis aut provincie, sed omnium vel fere omnium nationum constant. Suar. de Leg. l. 2, c. 19.

Jus humanum duplex est, scilicet scriptum et non scriptum, ut tradunt jura. Constat autem jus gentium scriptum non esse; et ita in hoc differre ab omni jure civili scripto, etiam imperiali et communi. Jus autem non scriptum moribus constat: quid si sit unius gentis moribus introductum, et illam tantum obliget, dicitur etiam civile; si verò introductum sit moribus omnium gentium, et omnes obliget, hoc credimus esse jus gentium proprium: quod et differt a naturali, quia non natura, sed moribus inimitur, et à civili etiam distinguitur in origine, fundamento et universalitate, modo explicato. Ibid. n. 6.

Exempla juris gentium ab hominibus constituti.

I. Jus gentium fuisse ab hominibus constitutum, colligitur ex Just. in § Jus autem, de quo supra; ubi ait gentes humanas sibi constituisse jus gentium usu exi. c. 1. Unde inferitur non scripto, sed usu illud homines constituisse. Deinde id optimè fieri potuit; si quidem in hoc modo constituendi juris gentium nulla est repugnancia, et est plene possibile; et declaratur exemplis. Nam 1^o consuetudo recipiendi legatos sub lege immunitatis et securitatis absolute spectat non est de necessitate juris naturalis, quia potuisset unaqueque communitas hominum non habere apud se legatos alterius, nec velle illos admittere; tamen tamen admittere est de jure gentium, et illos repudiare esset signum inimicitie, et esset violatio juris gentium, ut ostendimus ex Livio: esto non esset injustitia contra rationem naturalem. Quare, licet supposita admissione legatorum sub pacto subintelligito, contra jus naturale sit non servare illis immunitatem, quia est contra justitiam et debitam fidelitatem, tamen illa

suppositio et pactum illud sub tali conditione jure gentium est introductum. 2° Patet in omni contractu et commercio cum quolibet hominum genere, ubi tria debent distinguī: unum est particularis modus contrahendi, et spectat ad jus civile; alterum est observatio contractus jam consummati, et hoc est juris naturalis; tertium est libertas contrahendi cum hominibus non inimicis, vel hostibus, et hoc est de jure gentium. Quia jus naturæ per se ad hoc non obligat, et una respublica potuisset nolle commercium cum aliâ etiam non inimicâ, jure gentium sunt introducta commercia libera, violareturque jus gentium, si sine rationabili causâ prohiberentur. 3° Cognoscitur in jure belli, fundato scilicet in potestate quam una respublica vel monarchia suprema habet ad puniendam vel vendicandam aut reparandam injuriam sibi ab alterâ illatam. Ex vi enim solius rationis naturalis non erat necessarium ut hæc potestas esset in respublicâ offensâ; potuissent enim homines instituere modum alium vindictæ, vel committere illam potestatem alteri principi, et quasi arbitro cum potestate coactivâ. Verum quia hic modus, qui nunc servatur, facilius est magisque naturæ consentaneus, usu introductus est, et ita justus, ut non possit illi jure resisti. In hoc etiam jure constituit Suarezius servitutes; nam illo jure utuntur populi et gentes inter se, et non erat necessarium ex purâ naturali ratione; posset enim alius introduci poenæ modus: nunc autem tale est hoc jus, ut et rei teneantur hanc poenam sustinere eo modo quo introducta est, et victores non possint justè gravius punire hostes jam victos, finito bello, nisi alius specialis titulus interveniat. Item fœdera pacis et induciarum possunt sub hoc capite collocari, non quatenus servanda sunt, postquam sunt facta: hoc enim potius pertinet ad jus naturale; sed quatenus admittenda sunt, et non neganda, quando debito modo et rationabiliter petuntur; hoc enim licet sit rationi naturali valdè consentaneum, tamen usu ipso et jure gentium videtur magis firmatum et sub majori esse obligatione.

Satisfit Heineccii oppositionibus.

II. Hæc autem exempla, quæ Suarezius noster modo dicto ad jus gentium revocat, ab Heineccio ad jus naturale revocantur. Sic J. N. et G. l. 2, § 222. Jus mittendi legatos, eorumque immunitatem, ait, spectare ad summus imperantes, et esse quid consequens ad jus pangendi fœdera. Verum licet videatur hoc rationi naturali conforme, non video necessitatem inferendi illud ex jure naturali: quo quidem res potuisset diversimodè constitui. Quemadmodum ipse Heineccius à jure naturali abstrahit alia legatorum jura circa familiam suam, circa sacra domestica, ædes, asylum et alia. Rursus licet ex jure societatis inferatur aliquod genus commercii seu communicationis rerum, operarumve necessariorum atque utilium cum aliis earum indigis, ut ponit Heinecc. loc. cit. l. 1, § 527, adhuc libertas contrahendi cum externis non inimicis, quæ ab ipso ad jus refertur imperan-

tium l. 2, § 169 et 189, reverà debet ad jus gentium referri. Nam si sine rationabili causâ prohiberetur, violaretur jus gentium. *Jus belli* ex Heineccio l. 2, § 192, etiam ad jura imperantium refertur. Quod quidem, si de modo agendi sermo sit, verum est; si verò de ipsâ potestate, quæ in republicâ residet, cum inferatur necessariò ex jure naturali ad jus gentium commodiùs refertur. *Servitutes* multò meliùs ad jus gentium prout Suarezius, quàm ad mutuum contractum, ut vult Heinecc. l. 1, § 80, reducuntur. Fieret enim contra jus naturale, si alio poenæ genere hostes hujusmodi plecterentur. Fœdera etiam sine rationabili causâ denegare, videtur, esse contra jus gentium, quo nimirum decretæ sunt conditiones et tempora. Vid. Heinecc. l. 2, § 210, et Puffend. de J. N. et G. l. 8, c. 8, § 7.

Suarezii ratio pro jure gentium admittendo.

III. Dat etiam Suarezius rationem, seu præcipuum fundamentum huic juri instituendo: « Quia humanum genus quantumvis in varios populos et regna divinum, semper habet aliquam unitatem non solum specificam, sed etiam quasi politicam et moralem, quam indicat naturale præceptum mutui amoris et misericordiæ, quod ad omnes extenditur, etiam extraneos, et cujuscumque nationis. Quapropter licet unaquæque civitas perfecta, respublica aut regnum sit in se communitas perfecta et suis membris constans, nihilominus quælibet illarum est etiam membrum aliquo modo hujus universi, prout ad genus humanum spectat. Nunquam enim ille communitates adeò sunt sibi sufficientes sigillatim, quin indigeant aliquo mutuo juvamine, et societate, ac communicatione, interdum ad melius esse majoremque utilitatem, interdum verò etiam ob maiorem necessitatem et indigentiam, ut ex ipso usu constat. Hæc ergo ratione indigent aliquo jure, quo dirigantur et rectè ordinentur in hoc genere communicationis et societatis. Et quamvis magnâ ex parte hoc fiat per rationem naturalem, non tamen sufficienter et immediatè quoad omnia; ideòque aliqua specialia jura potuerunt usu earundem gentium introduci. Nam sicut in unâ civitate vel provinciâ consuetudo introducit jus, ita in universo humano genere potuerunt jura gentium moribus introduci, eò vel maximè quòd ea quæ ad hoc jus pertinent, et pauca sunt, et juri naturali valdè propinqua, et quæ facillimam habent ab illo deductionem, adeòque utilem et consentaneam ipsi naturæ, ut licet non sit evidens deductio tanquam de se omninò necessaria ad honestatem morum, sit tamen valdè conveniens naturæ, et de se acceptabilis ab omnibus. » Atque hæc de principiis juris naturæ et gentium.

Pars posterior.

DE OFFICIIS JURIS NATURÆ ET GENTIUM.

I.

Juris naturæ officia quædam versantur circa Deum.

quorundam circa proximum, quorundam circa ipsummet hūminem. Suar. de Leg. l. 2, c. 8.

SCHOLIUM.

Ne in molem ingentis voluminis liber excresecet, ac nobis illud Leibn. Præfat. cod. J. G. displ. obperatur. *Juris doctrina, certis a naturâ inclusa limitibus, humano ingenio in immensum diffusa est.* Rursus ut continenti quâdam serie perecurrantur officia juris naturalis et Gentium, ideo utemur alia ratione, ac in explicandis principiis uti sumus. Proinde ea ex Suarezio nostro paucis indicare sufficiat, brevissimis in loco additis commentariis. Usurpatam à Suarezio partitionem, quam secuti sunt complures etiam ex Protestantibus, in Apostoli quidem verbis fundatam, *ut sobriè, justè et pie vivamus*, in officiis proponendis servare juvat.

DE OFFICIIS ERGA DEUM.

De Fide.

II.

I. Lex naturalis obligat hominem ex solo naturali lumine ad habendam et procurandam veram Dei cognitionem. Suar. de Fide, p. 2, disp. 13, sect. 1, num. 4.

II. Rursus obligat hominem, prout nunc est ad finem supernaturalem elevatus, ad habendam veram interiorem fidem in Deum. Suar. ib. n. 5.

SCHOLIUM.

Officia erga Deum à Protestantibus juris naturalis scriptoribus, vel omninò omissa, vel jejune satis pertractata, suo quoque loco disposita hic exhibemus. Ad fidem quod spectat, obligatio hæc non tantum est in statu naturæ lapsæ, sed etiam in statu innocentiae, imò fuit in ipsis angelis pro statu viæ.

III. Obligat etiam ad non repugnandum fidei, semel sufficienter positæ, nec ad recedendum à fide semel susceptâ, neque ad dubitandum aut formidinem admitte- *ntendam.* Ibid. n. 6 et 7.

SCHOLIUM.

Qui nolit mandatum regis, illi sufficienter propositum, suscipere tanquam præceptum regium, injuriam facit regi. Eadem injuria, naturali rationi contraria, irrogaretur Deo, si secus fieret. Idem de certitudine fundatâ in Deo, qui prima et infallibilis veritas est, etiam ex lumine naturali.

IV. Obligat ad credendum ea quæ sufficienter ut credenda et credibilia proponuntur. Ibid. num. 8.

V. Obligat infidelem, ubi incipiet animi stimulos sentire, ad veritatem inquirendam. Ibid. num. 9.

SCHOLIUM.

In lege novâ addidit Christus specialem necessitatem fidei, quæ quidem, spectatâ institutione, dici potest *positiva*; positâ autem institutione divini Legislatoris, dici potest *connaturalis* huic statui.

De Spe.

III.

I. Sicut obligatur homo ad inquirendam et tenendam veram cognitionem Dei ex naturali ratione, ita ad sperandum ab illo aliquod bonum, et timendum aliquod malum. Suar. de Spe, disp. 2, sect. 1, n. 6.

II. Tenentur omnes lege naturæ benè sentire d. divinâ

Providentiâ, cujus est reddere virtuti præmium et vitii poenam. Ibid.

SCHOLIUM.

Lex Clem. Alexand. l. 1 Strom. in fin., et l. 5 in princ., habemus antiquos philosophos cognovisse et commendasse spem præmium post mortem. Rursus ex tali spe movetur homines ad cultum præstandum Deo, ceteri naturæ, ad virtutes exercendas, ad vicia fugienda, quæ omnia spectant ad legem naturæ.

III. Denique tenetur homo lege naturâ tendere in Deum, ut ultimum finem, in eoque ponere suam beatitudinem, illamque intendere per debita media. Ibid.

SCHOLIUM.

Perfectior multò est usus spæ in lege Evangelii tum quoad modum sperandi gloriam, tum quoad media supernaturalia, scilicet sacramenta. Hæc autem perfectio et obligatio sequitur naturaliter, positâ perfectione fidei circa Christum et redemptionem ejus, et tali institutione sacramentorum.

De Charitate.

IV.

I. Præceptum diligendi super omnia Deum ut finem Naturæ, naturæ est; nam ad hunc amorem homo naturâ suâ inclinatur, quem, ut habet D. Th. 1-2, q. 94, dictat lex naturæ. Suar. de Charit. disp. 1, sect. 5, num. 3, et disp. 5, sect. 1, num. 2.

II. Sicut tenetur lege naturæ cognoscere Deum, ita tenetur illum amare, aut supra se, aut infra se, aut æquè, non his duobus modis, cum nihil inordinatum dicat lex naturæ; ergo super omnia. Ibid. disp. 5, sect. 1, num. 2.

SCHOLIUM.

Unde sequitur in lege naturæ dari potuisse peccatum grave, contrarium videlicet dilectioni Dei super omnia.

III. Præceptum diligendi Deum, ut finem supernaturalem gratiæ, est simpliciter supernaturale, etsi connaturale sit ipsi gratiæ. Ibid.

SCHOLIUM.

In lege Evangelii tenemur ad modum perfectiorem charitatis erga Deum, sub fide explicitâ Trinitatis et Mediatoris: hic autem modus consequitur naturaliter, positâ tali cognitione Dei.

De Pœnitentiâ.

V.

I. Malum culpæ, ut aliquo modo destruendum, est id quod respicit pœnitentiâ; quoniam verò dari nequit, quin dicat respectum ad Deum, hinc dicitur pœnitentiâ tendere in Deum. Suar. de Pœn. in 3 p., q. 85, disp. 2, sect. 1, n. 3, et sect. 2, n. 5.

II. Præceptum satisfaciendi Deo pro injuriâ illatâ per peccatum, naturale est. Suar. de Pœn. in 3 p., q. 90, disp. 15, art. 4, sect. 3, n. 4.

SCHOLIUM.

Quantum scilicet homini possibile est. D. Th. 3 p., q. 84, art. 7, ad 1. *De jure naturali*, ait, *esse quod aliquis pœnitat de malis quæ fecit.* Actus autem destructionis cum respectu ad Deum est ex se et naturaliter valde proportionatus ad hanc satisfactionem; nam nullus dari potest optior ad veniam impetrandam.

III. *Satisfactio Deo condigna dari nequit in purâ naturâ : excitatus verò homo, et adjutus divinâ gratiâ potest de congruo, seu imperfectò Deo satisfacere : quâ posita possibilitate, obligatur homo ex lege connaturali ipsimet gratiæ.* Ib. sect. 3, n. 6.

IV. *Modus satisfaciendi Deo habetur ex ordinatione ipsâ Dei ; posita tamen eâ ordinatione, modus ille connaturaliter obligat.* Ibid. n. 7.

SCHOLION.

In statu puræ naturæ pertineret ad divinam Providentiam determinare modum penitentiae : quo homini significato, homo teneretur illum adhibere naturaliter.

De religione.

VI.

I. *Ex vi solius legis naturalis non tenetur homo colere vel adorare Deum alio cultu purè interno, præter illum qui actibus fidei, spei, charitatis et penitentiae (si mortaliter peccavit) reperitur.* Suar. tom. 1 de Relig. tr. 2, l. 1, c. 2.

SCHOLION.

His actibus implet homo obligationem colendi Deum purâ mente et spiritu.

II. *Ex vi solius legis naturalis non est determinatus modus particularis adorandi Deum cultu externo.* Ibid. n. 6.

SCHOLION.

Circa modum in genere obligat lex naturalis, ut fiat modo decenti et proportionato, et sine superstitione. Suar. ibid. et in 3 tom., disp. 73 per totam, præsertim sect. 8.

III. *Colere Deum per visibile sacrificium et externam oblationem, licet in rigore non sit de jure naturali, est tamen adeò consentaneum illi, ut semper fuerit de jure gentium.* Suar. tom. 1 de Rel. tr. 2, l. 1, c. 3, n. 5. Ex usu hominum à principio mundi de Abel et Cain, et apud gentes etiam, ut notat Arist., 7 Polit. c. 8.

SCHOLION I.

Hic modus est honestus et sensibilis, unde legi naturali conformis. In lege autem novâ cultus Dei per verum sacrificium præceptum est jure divino à Christo Domino. Determinatio hujus præcepti relicta est pastoribus Ecclesiæ.

SCHOLION II.

De præcepto orationis ex jure naturali, vid. Suar. l. 1 de Orat. c. 29, de Timore et honore Dei. Vid. Suar. 3, p. 3, disp. 73, sect. 8.

IV. *Juramentum de se non est ex lege naturali prohibitum, si nimirum datur necessitas, et serventur conditiones.* Suar. de Jur., lib. 1, c. 2.

SCHOLION.

Necessitas datur in aliqua materiali utilitate ad finem honestum ; et consurgit ex incredulitate audientium, et ex detecta veritatis in naturâ corrupta. Conditiones sunt tres, scilicet, veritas, justitia et judicium. Vid. Suar. de Jur. lib. 1, cap. 3.

V. *Perjurium est contra legem naturalem ; atque ita prohibetur, Levit. 19, Zachar. 5, Exod. 20. In jura-*

mento enim adducitur Deus, tanquam prima et infallibilis veritas, in testem veritatis. Ergo, eâ deficiente, fit Deo gravis injuria. Suar. ibid. et l. 3, c. 2.

SCHOLION.

Hinc nunquam potest fieri licitum perjurium, et semper est grave peccatum. Suar. de Jur. l. 3, c. 4.

VI. *Juramentum promissorium per vim et metum cum injuriâ extortum, si est de materiâ honestâ, obligat ex lege naturali. Urget siquidem obligatio, ut fiat verum, quod sub divino testimonio dictum est, et fieri potest sine peccato.* Suar. de Jur. l. 2, c. 9 et 10.

SCHOLION.

Plura quæ in materiâ jurisjurandi occurrunt, videri possunt apud Suar. tribus libris de Juram.

DE OFFICIIS ERGA SEIPSUM.

VII.

I. *Duobus tantum indigemus, quoad vitæ conservationem et modum transigendi illam, scilicet victu et vestitu, juxta illud Pauli, 1 Tim. 6 : Habentes alimenta, et quibus tegamur, his contenti simus.* Suar. de Op. sex dier. l. 5, c. 6, n. 1.

II. *Ex lege naturali non indigent homines vestimentis, nec ea tenentur adhibere.* Ibidem.

SCHOLION.

In statu enim innocentie cum totâ lege naturali sufficienter tegerentur homines justitiâ originali.

III. *Naturaliter tamen indigent alimentis, et tenentur iis uti. Patet ex corpore petente nutritionem, augmentum, etc.* Ibidem.

IV. *Materia alimentorum non sunt ex lege naturale necessariò carnes ; quod docet D. Th., 1 p., q. 96, art. 1, ad 3. Ibid. n. 4 et n. 12.*

SCHOLION I.

In statu integritatis fuisset inordinatus usus carnis non ex speciali prohibitione Dei, neque ex ipsâ naturâ rei, sed ratione optimorum alimentorum loci illius. Ibid. num 14.

SCHOLION II.

Eadem ratio excluderet ab illo statu usum alterius cibi arte confecti, vini, etc., non quia lege naturæ prohiberentur, sed quia nec necessaria ea essent, nec sine curâ pararentur. Unde sequitur, ex lege naturali reverà non definiri ciborum qualitatem.

V. *Ex lege naturali facultates hominis dirigendæ sunt ad finem ordinatum. Finis autem ordinatus est finis honestus.* Suar. 1-2, tr. 3, disp. 9, sect. 3, n. 6.

VI. *Detectabilitas ipsa, ipsum levamen naturæ, vel qualibet corporis commoditas, si fiant considerando solum naturam animalem, non sunt bona et honesta.* Ibid. num. 9.

VII. *Ut sint bona et honesta, debent dirigi ab humana naturâ, ut rationali. Hoc fit quando ad operandum propter commoditatem naturæ adhibet homo rationis regulam, et judicat illam commoditatem esse sibi convenientem, etiam at ratione regulatam.* Ibid.

SCHOLION I.

Ex eo quòd homo semper tenetur operari ut homo, et consequenter regulam rationis adhibere, inferitur obligatio prædicta ex jure naturali. Modus autem

ille operandi satis est ad honestatem actum, ut diximus. Loquimur autem de operatione vere moralis.

SCHOLIUM.

Quam sit fecundus animi principium hoc in jure nat. quoad dirigenda officia hominis erga seipsum, patet considerata. Quamvis et multo fecundius esse illo Wolfio, et in regula morum multo locatius, et à periculo remotius, ex his quæ in l. p. dicta sunt, colligitur.

DE OFFICIIS ERGA PROXIMUM.

De hominum societatibus.

VIII.

I. Non ratione nature lapsa, sed ex lege naturali, genus humanum propagatur per naturalem generationem. Patet ex sequenti distinctione cum similitudine nature. Suar. de Opif. lib. 3, c. 2, n. 6.

SCHOLIUM.

Inde tamen non inferitur præceptum matrimonii obligare singulos etiam in statu innocentie, et dari pos. et etiam tunc ratio majoris boni in continentia.

II. Ex filiorum procreatione oritur naturaliter societas domesticæ, seu familie. Quod docuit etiam Arist., l. 4 Polit., c. 2. Suar., ib. c. 7, n. 1.

III. Hæc societas tradit cohabitationem necessariam viri et uxoris ad filiorum generationem et educationem. Ibid. n. 2.

SCHOLIUM.

Recta institutio filiorum est de jure nat. respectu parentum.

IV. Matrimonii insolubilitas est de jure nat. Suar. de Leg. l. 10, c. 2, n. 15.

V. Potestas videtur jure nat. prohibita. Lex autem prohibens filium potest maxime in naturali justitia, et æqualitate inter eum et uxorem, quoad mutuum corporis traditionem. Suar. de Opif. l. 5, c. 5, n. 17.

SCHOLIUM.

Quid dicendum de polygamia in principio generis humani, vel usque ad Evangelium, habetur ubi de Princip. legis natur. Polygamia etiam contraria est paci, tranquillæ habitationi et convenienti familie gubernationi, quæ sunt finis secundarius matrimonii.

VI. Societas plurium domorum, unde papes surgit, præscindens amorali unitate, vel communitate, est de jure nat. Ex generatione scilicet plurium filiorum, et ex successione natorum ex nat., seu nepotum ex filiis. Ib. n. 2, 3.

VII. Societas etiam politica, qualis in civitate vel reip. conspicitur, videtur esse de jure nat., non quidem propter indigentiam mutui auxilii tantum, sed etiam propter majorem vite jucunditatem, et honestam communicationem quam homo naturaliter amat. Ib. n. 6.

SCHOLIUM.

Multa corpora indigentia et deficiente sunt in natura exempta, adeoque non de jure nat. in se. Sed adhuc differentia naturalis hominum in scientia et virtute est caput sufficiens ad prædictam societatem, ut minus docti et minus ferventes à doctioribus et ferventioribus adjuvantur, et qui peccant, ab aliis possint corrigi.

DE HOMINUM DOMINIO IN HOMINIBUS.

I. Habet homo de jure nat. dominium in omnia bruta animalia. Suar. de Opif. l. 5, c. 6, n. 8.

II. In jure nat. non datur dominium in potestate unius hominis in alium ad usus et necessitates propriæ utilitatem dominum. Nam libertas est hominis naturalis, et utraque simul dari nequit. Ibid. l. 5, c. 7, n. 10.

SCHOLIUM.

Unde servitus non est de jure nat. Aliunde verò introduci potuit, scilicet in pœnam; et idcirco non est contra jus nat. Aliter est ratiocinandum de subjectione famulatus, quæ non in pœnam, sed in subadum est introducta.

III. Dominium directivum, seu potestas imperandi aliis in eorum commodum et commune bonum, est de jure nat. Ib. n. 11, et de Leg. l. 3, c. 1.

SCHOLIUM.

Sic potestas viri in uxorem, patris in filios et totam familiam: quæ quidem potestas ad bonum ordinem et pacem inter ipsos necessaria est, et resultat, posito contractu matrimonii et filii generatione.

IV. Politicus principatus, debito modo introductus, est de jure nat., cum spectet ad conservationem humanæ ac civilis reipub. Ib. num. 12; et Defens. cont. Reg. Angl. l. 3, c. 1, n. 3.

SCHOLIUM.

Sine justitiâ et pace nequit communitas hominum conservari: justitiâ et pax requirunt gubernatorem cum potestate præcipiendi et puniendi. Ergo si communis seu civilis societas est de jure nat., media ad illius conservationem sunt de jure nat.

V. Ad regimen et conservationem civilis societatis humanæ non est de jure nat. necessarius unus monarcha (sunt enim alii modi regiminum sufficientes, licet fortassè non ita perfecti), et idèò nomine unius principatus politici unum tribunal seu potestatem unam intelligimus, sive illa in unâ naturali persona, sive in uno consilio, seu congregatione plurium, tanquam in unâ personâ fictâ, ut in uno capite existat. Suar. Defens. præd. c. 3, n. 5; de Leg. l. 3, c. 2.

VI. Princeps politicus potestatem suam à Deo recipit. Ib. n. 6. Tum quia principatus est de jure nat., et jus nat. est à Deo; tum etiam quia innuit Scriptura. Quare Suarez ibi putat hoc esse de fide.

SCHOLIUM.

Licet potestas civilis suprema immediate dicatur à Deo collata hominum perfecte communitati (Suar. de Leg., l. 3, c. 2, n. 3), per naturalem consecutionem ex vi primæ creationis, et hominum communitas ex jure nat. non teneatur ad unum regimen potius quam ad illud (ex n. 5), adhuc tamen postquam in unam personam potestatem transiit, nequit extra injustitiam ab illius dominio recedere, vel illi potestatem imminuere. Suar. Defens. præd. c. 5, n. 2 et 4.

VII. Potestas hæc resultat naturaliter in humanâ naturâ (ubi homines libere in unam communitatem perfectam congregantur, et politice uniuntur) ab Auctore naturæ ratione sua providentiæ; et idcirco dicitur collata immediate à Deo. De Leg. l. 3, c. 5, n. 6.

SCHOLION.

Potestas est de jure nat.; at determinatio ad certum modum regiminis est ex arbitrio hominum. Vid. Suar. loc. cit. c. 4, n. 1, ubi de variis regiminum generibus, et de variis titulis obtinendæ regie potestatis: scilicet 1° immediatè à Deo, 2° per hereditariam successionem, 3° ex bello justo; quod quidem debet supponere regiam potestatem in eo qui illud indicit, et delictum in republicâ contra quam indicitur.

VIII. *Potestas suprema civilis non potest ferre leges de actibus purè internis. Quia illa potestas ad exteriorem pacem et honestatem societatis humanæ ordinatur, ad quam nihil referunt actus purè interni.* Suar. de Leg. l. 3, c. 13, n. 2, 3. *Potest tamen quatenus sunt connexi cum actibus externis.* Ib. n. 9.

IX. *Potestas hæc ferre potest leges obligantes in conscientiâ.* Suar., ib. c. 21, n. 25.

SCHOLION.

Potestas ferendi leges debet habere vim cogendi, ut patet: coactio autem sine potestate obligandi in conscientiâ vel est moraliter impossibilis, quia coactio justa supponit culpam; vel est insufficiens, quia non posset in multis casibus necessariis sufficienter reipublicæ subvenire. Quinimò leges etiam pœnales resolvuntur in aliquam conscientiæ obligationem, quia seculus superior non posset habere jus ad puniendum transgressorem, vel daretur bellum utrinque justum. Suar. de Leg. l. 3, c. 22.

X. *Supremus princeps, qui superiorem in temporalibus non habet, vel respublica quæ similem jurisdictionem apud se retinuit, habet jure naturæ potestatem legitimam indicendi bellum.* Suar. de Charit. disp. 12, sect. 2.

SCHOLION.

Si juidem tale bellum sæpè est reipub. necessarium ad pro, ulsandas injurias et coercendos hostes, ut conservetur pax reip. Unde bellum est de jure nat. licitum, atque adeò post legem evangelicam, quæ in nulla re derogat juri nat. Idcirco oportet potestatem illud indicendi esse apud aliquem ad quem spectat veri temp., et inferioribus principibus imperare.

XI. *Iusta belli causa, sine quâ bellum inhonestè fit, est ut qui injuriam intulit justè puniatur, si recuset absque bello justam satisfactionem præbere.* Ib. sect. 4.

SCHOLION.

Qui sine justâ causâ bellum aggreditur, non solum contra charitatem, sed et contra justitiam peccat; unde tenetur omnia damna restituere.

XII. *Iusta belli causa etiam de jure nat. esse potest defensio innocentium.* Ib. sect. 5.

SCHOLION.

Hoc peculiari modo ad principes christianos spectat, pro defensione eorum qui velint vel legem christianam promulgare (de quâ re datur in Ecclesiâ speciale jus, rationi naturali maximè congruum, Suar. de Fide, disp. 18, sect. 1), et prohibentur cum injuriâ; vel suscipere illam, et à rege infideli injustè vetantur. Atque hoc habet fundamentum in lege naturali, cui conformis est tota lex Christi.

DE HOMINUM DOMINIO IN BONA.

I. *Divisio rerum, et privata dominia non sunt ex jure naturæ.* Suar. de Opif. l. 5, c. 7, n. 17.

II. *Nullum est præceptum juris nat. prohibens hanc rerum divisionem.* Suar. ib., n. 18.

SCHOLION.

Non enim est contra justitiam nec contra aliam virtutem: quinimò potest esse utilis. Lessius lib. 2 de Just., c. 2, dub. 2.

III. *Divisio rerum mobilium et consumptibilium videtur necessaria ex jure nat.; neque enim possent, invito possidente, auferri sine injustitiâ.* Suar., ib.

IV. *De jure nat. videtur etiam esse, ut qui particulam terræ etiam ante statutam divisionem, sibi sumeret excolendam, non posset citra injustitiam ab alio privari.* Suar., ib.

SCHOLION.

Hinc factum est ut usus obtinuerit de rerum proprietate, et quamdiù illas quis retineret, et de terræ particulâ vel ad excolendum, vel ad habitandum acceptâ.

DE MUTUA HOMINUM CHARITATE.

1. *Tenemur legis naturalis præcepto diligere proximum sicut nos ipsos: quia id dicitur ratio naturalis, et quia nihil est magis necessarium ad generis humani conservationem, pacem et justitiam tuendam.* Suar. de Char., disp. 5, sect. 4.

SCHOLION.

Si tenemur diligere, tenemur consequenter à fortiori proximum non lædere; et quidem non lædere proximum in re aliquâ, ipso invito, quod spectat ad justitiam; sed neque ipso volente, ut in spiritualibus, quod pertinet ad charitatem.

II. *Præceptum naturale diligendi proximum obligat ad actus internos, quando isti necessarii sunt; vel ad opus externum, et beneficium proximo præstandum; vel etiam ad vitandum odium et offensionem proximi.* Suar., ibid.

SCHOLION.

Quare præceptum hoc obligabit, quando occurrit necessitas misericordiæ, ad quam spectat tum affectu, tum etiam effectu pro viribus sublevare proximi miseriam, seu malum ipsius involuntarium, sive in ordine ad animam, sive in ordine ad corpus. Ad animam pertinet fraterna correctio, quam cognovit Arist. 9 Ethic. c. 3. Ubi tamen et de delicto sufficienter constet; et spes sit fructus, et emendationis: ne scilicet correctio sit temeraria, et rursus actus sit otiosus. Obligamur autem, quando proximus indiget nostrâ correctione, et sit opportunitas illum corrigendi. Ad corpus spectat præceptum naturale eleemosynæ, quod respicit præcipua pars charitatis proximi. Hoc verò obligat tempore necessitatis proximi. Suar., ibid., disp. 7 et 2. Atque huc refertur, sepelire mortuos, licet cavere non sit capax misericordie; sed tamen homo, cujus est corpus illud, manet in memoriis hominum: et corpus habet ordinem ad animam, cui gratum est illud officium, quod ipsi etiam prodesse potest propter suffragia quæ in locis sacris fiunt. Suar. de Char., disp. 4, sect. 1.

III. *Ex lege naturali jubemur non odisse homines etiam improbos. Isti enim proximi sunt: et proximorum odium est intrinsecè malum, utpote odium rei bonæ, et per se amabilis.* Suar. De car. disp. 3, sect. 3.

SCHOLIUM.

Non est contra legem naturalem optare proximo malum temporale propter bonum finem, ad respectum ejus, vel ad vitandum majus malum: si nimirum aliâ viâ provideri non possit.

IV. *Ex lege naturali tenemur diligere inimicos, tum quia inimicus est proximus, respectu cuius prævalet illud: quod tibi non vis, alteri ne facias; tum quia vindictam sumere ab inimicis propriâ auctoritate, est contra rationem naturalem: ergo et appetitus vindictæ, cui contrarius est hic amor. Tandem hic amor est maxime necessarius ad conservandam justitiam et pacem inter homines.* Suar. ib.

SCHOLIUM.

Patet etiam ex præcepto expresso in 1. evangelicâ, ubi nulla de novo fuere imposita præcepta moralia positiva præter ea quæ sunt sacramentorum. (Suar. De Leg. 1. 10, c. 2.) Vocat autem Christus suum hoc præceptum, ut explicet maximam necessitatem et obligationem; et ut ostendat falsò Phariseos addidisse legi veteri (dicenti tantum Levit 19: *Diliges amicum tuum sicut teipsum*) illa verba: *odio habebis inimicum tuum*, quam sententiam ex Phariseis in vulgus promanatam Christus Dominus reject.

V. *Tenemur ex leg. nat. amare inimicos, eisque exhibere amicitie signa eo tempore ac modo quo circa alios homines.* Suar. ib.

SCHOLIUM.

Cæterum habenda in his officiis est ratio circumstantiarum, unde indicari possit internum odium, ex quo aliorum offensio oriatur.

VI. *Respectu omnium tenemur lege nat. non mentiri. Mendacium enim est valdè dissonum naturæ rationali: quia evertit ordinem ejus, et est contra finem et necessitatem verborum, seu locutionis rationalis.* Suar. De Fide disp. 3, sect. 5.

SCHOLIUM.

Ad hoc est à naturâ institutum verbum externum, ut per illud significemus internum, et ita possit esse inter rationales naturas societas et fidelitas, seu fiducia. Quare sequitur nunquàm posse honestari propter bonum finem, si retineat rationem mendacii, nec licet fieri malum, ut inde eveniat bonum, teste Paulo Rom. 3.

VII. *Sine rationabili causâ uti amphibologîa est contra virtutem veritatis. Quoties enim necessitas non requirit amphibologiam, debet evitari sermone simplicitas in sensu usitato et concepto ab auctoritate: tunc defectus simplicitatis in illo sensu est vitiosus et contrarius veritati. Si datur necessitas, tunc ille defectus simplicitatis, et clare expressionis suppleri potest ex adiunctis et circumstantiis, locutionem complementibus: et sic non est vitiosus, nec mendacium, cum detur verus sensus accommodatus locutioni.* Suar. De Jur. 1. 3, c. 11.

VIII. *Assertio alicujus dare faciendâ, vel de beneficio*

præstando includit intrinsecè ex vi veritatis tale propositionem, qualem requirit illud opus, quod præstandum, seu efficiendum assertur. respectu vero futuri operis non requirit veritas hujusmodi assertionis, ut postea illud opus omninò executioni mandetur. Suar. Relect. De libert. Volunt. div. disp. 2, sect. 2, n. 18.

SCHOLIUM.

Veritas enim assertionis non exigit perseverantiam in tali proposito, ut patet: quia hæc non assertur.

IX. *Si assertioni adjungitur promissio ex voluntate se obligandi, nascitur naturale debitum efficiendi veram assertionem de futuro, scilicet præstandi id quod promittitur.* Suar. ib.

SCHOLIUM.

Obligatio hæc oritur ex fidelitate; infidelitas autem maxime repugnat rationi, et convictui humano: et pro materiæ et personarum gravitate potest moraliter reputari sufficiens ad violandam charitatem.

X. *Si promissio inducit obligationem justitiæ, donando alteri jus: tenetur homo ratione justitiæ naturalis complere promissum.* Suar. ib. n. 19, 20.

SCHOLIUM I.

Hæc utique intervenit in commerciis, contractibus, etc., ubi voluntas hominum non sistit in merâ obligatione efficiendi verum, sed præterea transit in debitum justitiæ.

SCHOLIUM II.

Obligatio ex justitiâ inducit debitum restitutionis, si violari contingat: rursus fundat jus in conscientia vindicandi sibi propriâ auctoritate rem, si aliunde in judicio repetere non possit: ac præterea jus transit etiam ad hæredes.

IN OFFICIORUM CONCURSU, ET MUTUA COLLISIONE

I. *In omnibus officiis Deus est semper super omnia diligendus.* Suar. De car. disp. 9.

Idem dicas de Christo Domino, qui est Deus homo; et ideò magis quàm cæteri diligendus. Christus verò ut Homo (id est vita hominis in Deo) minùs quàm ipse Deus secundùm se, magis tamen quàm nos ipsi: cum sit bonum infinitæ excellentiæ ratione unionis, et jure redemptionis sit bonum universale (Suar. ib. in fin.).

SCHOLIUM I.

Quare in concursu officiorum ex lege nat. debitorum Deo cum aliis officiis, his illa preferenda sunt ex recto ordine rationis; quod patet in quâlibet culpâ etiam veniali. Rursus officia majoris obligationis erga Deum ex eodem ordine præferri debent officiis minoris obligationis. Eadem est ratio de præceptis juris nat. respectu præceptorum positivorum Ecclesiæ.

SCHOLIUM II.

Jam concurrere possunt, et veluti invicem collidi officia hominis erga seipsum cum officiis erga proximum: quoniam verò officia hæc respicere possunt sive bona spiritualia, sive bona temporalia, ideirò in triplici concursu considerari potest homo: 1º quando concurrunt officia de Bono spirituali sui ipsius cum officiis de bono spirituali proximi: 2º de bono temporali proprio cum bono spirituali proximi: 3º de bono temporali proprio cum bono temporali proximi

Possunt etiam concurrere officia erga unum proximum cum officiis erga alium : et hic sui pro singulis dantur canones juxta legem naturæ.

II. *In bonis spiritualibus simpliciter tenetur homo se magis diligere, et propriis ejusmodi necessitatibus subvenire, quam aliorum.* Suar. ib.

Quia potius debet homo sibi velle beatitudinem æternam quam aliis : et potius debet velle à se Deum amari quam ab aliis, juxta rectum ordinem charitatis.

III. *Nemo tenetur, nec potest aliis subvenire cum eo proprio spirituali detrimento, quod culpam includit.* Suar. ib.

Quia culpa includit offensam Dei, quæ vitanda est plusquam omnia mala creaturarum.

IV. *Nemo tenetur, nec potest aliis subvenire cum eo detrimento proprio spirituali, quod minuat substantiam charitatis, seu impediat augmentum ipsius, et meritorum.* Suar. ib.

Quia charitas maximè inclinatur ad sui perfectionem. Ergo non ad id quod hanc perfectionem impedit.

V. *Si concurrit detrimentum spirituale proprium merè extrinsecum, et accidentale cum salute aliorum, solet eligi illud potius propter hanc.* Suar. ib.

Sic se habet expressio illa Moysis, Exod. 32. : *Dimitte eis hanc noxam, aut dele me de libro tuo, quem scripsisti.* Et Pauli ad Rom. 9 : *Optabam ego esse anathema à Christo pro fratribus meis, juxta explicationem SS. PP., maximè Chrysost., hom. 2 et 3 de laudibus Pauli.*

VI. *Simpliciter loquendo tenetur homo magis diligere proximum in spiritualibus, quam se in corporalibus.* Suar. ib.

Quia secundum rectam rationem est amabilior anima proximi, quam corpus proprium.

VII. *Tenetur homo subvenire proximo existenti in extremâ necessitate spirituali, etiam cum evidenti periculo mortis.* Suar. ib.

Quia hic ordo cadit sub præceptum : ergo maximè in extremâ necessitate. Sic esset in parvulo moriente baptizando ; etc.

VIII. *Extra casum extremæ necessitatis spiritualis non obligat charitas per se ad subveniendum privato proximo cum periculo morali mortis corporis.* Suar. ib.

Quia tunc non est maxima necessitas ; unde nec obligatio perdendi summum bonum corporale. De bono tamen communi sufficit gravis necessitas spiritualis : quia tunc dari posset grave periculum religionis christianæ. Ut si sciam ab aliquibus hæresim esse prædicandam, teneor me illis opponere ratione charitatis : episcopus verò, et Parochus ratione officii et justitiæ ex tacitâ conventionem, tenetur etiam in gravi necessitate cujuslibet de suo grege.

IX. *In gravi necessitate spirituali, proximi obligat charitas cum aliquo etiam damno temporali proprio : extra casum vero talis necessitatis non est gravis obligatio.* Suar. ib.

Quia gravis necessitas spiritualis proximi est gravis momenti, et præferenda ex ordine charitatis alicui

damno proprio temporali. Deinde præcepta affirmativa solum obligant in casu necessitatis. Hinc licet sit laudabile subvenire proximo in talibus circumstantiis, non est grave præceptum extra necessitatem. Gravis autem necessitas prudenter est et cum proportionem judicanda.

X. *In temporalibus tenetur homo potius communi bono quam sibi subvenire.* Suar. ib.

Commune bonum præferendum est privato, cum sit universalius : et quilibet est pars boni communis, pars autem debet præferre bonum totius bono proprio.

XI. *In quacunque corporali necessitate potest quilibet licitè sibi potius, quam alteri privato subvenire.* Suar. ib.

In pari necessitate nemo tenetur diligere proximum plusquam se. Contra verò si proximus sit in necessitate vitæ, ego verò in minori necessitate : vel si proximus sit in gravi necessitate, non item ego. Multò magis si comparatur gravis necessitas vitæ proximi cum bonis superfluis, vel etiam necessariis ad statum. Hæc enim omnia minùs sunt diligenda, quam vita proximi.

XII. *Non tenetur homo in necessitate vitæ etiam extremâ sibi potius semper subvenire, quam proximo alicui, puta amico.* Suar. ib.

Quia licet nemo possit se occidere, tamen non tenetur semper omni medio, et ratione servare vitam, etiam in concursu alicujus sibi charissimi. Multò magis in concursu patris.

XIII. *Potest quis sine gravi culpâ in necessitate extremâ postponere se, ut alteri etiam extraneo in simili necessitate subveniat.* Suar. ib.

Hoc autem spectatâ tantum charitate ; si alia verò adsit obligatio justitiæ, vel pietatis, ut in patrefamiliâs, tunc non potest. Generaliter autem potest quis amittere vitam ob bonum finem : et conservatio vitæ proximi est bonus finis, vel honestas fortitudinis, charitatis, etc.

XIV. *Cæteris paribus non est dubium, quin secundum ordinem charitatis sit melius in extremâ necessitate subvenire sibi, quam aliis.* Suar. ib.

Sic melius est non dare alteri extremè indigenti id quo ego etiam extremè indigeo : omittendo enim hoc medium necessarium, censeor meipsum occidere. Sic è duobus naufragis posset alter licitè sinere, ut socius tabulam acciperet ; non posset autem dare illam socio, si jam ipse tabule insedisset : hoc verò si cætera sint paria.

XV. *Præceptum etiam naturale charitatis, et misericordiæ obligat ad servandum ordinem in dilectione, vel in subventionem proximorum.* Suar. ib.

Sicuti diversi dantur gradus conditionum, et conjunctio eorum in proximis, ita rectus ordo potest servandam legem in charitate et misericordiâ.

XVI. *Cæteris paribus tenetur præferre eos qui nobis conjuncti sunt, alienis.* Suar. ib.

Hæc est enim ordinis ratio : intelligendo in eodem genere bonorum.

XVII. *Inter sanguine conjunctos servandus idem*

ordo; inter conjugios pater, inter avunculos filius et antiquior. Sicut. ib.

Item, etiam ordo est inter amicos et cognatos, quibus rationem claritatis committunt. In concursu *pater filius* ut excedat non solum, preferendus est pater (Sicut. ib. act. 4, n. 6), gravius est enim impetras patrem interficere, quam filium. In concursu *pater matris* preferendus est pater, cui debetur in potestate non quam matri. Fortasse tamen hic ordo non est sub jure. (Sicut. ib. n. 8.) Rationes preferendus est *pater cognati*. (Sicut. ib. n. 16, cum D. Th.) Item preferendus pater impudens est licet alteri sanctior tunc quoad temporalia necessitatem, tunc quoad spirituale. (Sicut. ib. n. 19, 20.) In concursu *impudens et beneficiarius*, seu cujus sumus benefactoris, preferendus benefactor; quia est amor magis debitus.

XVIII. *In diversis conjugiorum, seu societatum generibus preferendi sunt additi in societate.* Sicut. ib.

Sic in rebus civilibus cives, in militaribus milites; nam respectu hujusmodi societatum consurgit quaedam obligatio ad particularia officia, ut patet.

Epilogus.

Atque hæc de *officiis* pertinentibus ad hominem, quia homo est, quia Christianus est. Neque enim officia juris nat. diversa urgent hominem, diversa urgent Christianum: quando eandem à Deo auctore naturæ habent originem, eosdemque homines, quicumque n. sint, cujuscunque ordinis, religionis, status, modo homines sint, obligant. Fides utique detexit plura *naturalia* et *moralia*, ut ait Ambrosius (Pref. in Luc. n. 4) et aperte docuit etiam *rationalia*. Atque hoc

hic beneficium non magis christianis quam ceteris hominibus respectu naturæ debetur, cum omnes fides illuminet. Quare jus pat. et filio competit, et cognati et omni fidei meum inimico est: ratio etiam et fides excolunt officia, cum debito debito magis procedunt, non pugnant inter se, sed

. *alterius sic*

Altera poscit operas, et cognati erant.


Horat. de Arte.

Poscit autem operum ratio à fide, ut ex dictis hactenus constat apertissime. Quare cuilibet plenissimam cupienti juris naturalis scientiam maxime erit entendam, ut sacrarum facultatum studio, sanctorum patrum sedula lectione, et Scripturarum humi meditatione, quæ sint ulteriora nostrum omnium officia, quæ dignoscere. Quanti autem fides ex Scripturis hausta ad omne genus officiorum conferat, colligi potest ex verbis Greg. XIII. in litt. Apost. ad regem catholicum dans, quæ Waltonius Anglus editor Bibl. Polygl. in Prefat. appellat *Arca ac Verissima*, quibus operum finem facio: *Scripturarum beneficium permagnum esse. Nam quod ad theologiam attinet, quæ est summa philosophia, his libris omnia nostræ religionis, et divinitatis mysteria explicantur: quod vero ad eam partem attinet, quæ moralis nominatur, hinc quoque omnia ad omnes virtutes præcepta colliguntur: quibus quidem duabus partibus omnis nostræ salutis et felicitatis ratio continetur, ut nihil esse possit horum librorum lectione dignius, nihil fructuosius, nihil omni hominum generi accommodatius, nihil majori doctrinâ et sapientia refertius.*

TRACTATUS DE JUSTITIA⁽¹⁾.

Sectio prima.

DE JUSTITIA, JURE ET SPECIEBUS JURIS IN GENERE.



CAPUT PRIMUM.

DE JUSTITIA GENERATIM. — (Habet 4 dubitationes.)

(D. Thom. q. 57 et 58.)

DUBITATIO PRIMA.

Quid sit justitia. — (D. Thom. q. 58, multis articulis.)

1. Nomen, nomen *justitiæ* de duobus potestatem habere accipi, ut colligitur ex Arist. 5 Eth. cap. 1. Præmo pro commensuratione omnium virtutum: *justitia* etiam dicitur quod est ad æquitatem et commensuram suæ regulæ, cui debet commensurari includit enim d. i. et æquationem, ut docet D. Thom. q. 80, canonico, et alibi. Unde *justitia* dicitur ea affectio, quæ efficit hanc adæquationem et commensurationem. Quare

etiam collectio omnium virtutum, sive actu sive habitu formaliter conformet, et veluti commensuram reddat voluntatem suæ regulæ, legi divinæ, rectè vocatur *justitia*, et quævis virtus pars *justitiæ*, præsertim cum hæc ratione ordinatur ad alterum, quod etiam notio *justitiæ* postulat, ut idem D. Thomas cum Aristotele docet, nempe ad Deum, cuius legi conformatur; per omnem enim virtutem respicitur Deo quod ei debet. Sic accipitur passim in Scripturis, ut cum dicitur: *Beati qui servaverunt et servaverunt justitiam: qui perierunt justitiam.* Sic Chrysost. homil. 12 in Matth. ait: *Justitia nihil aliud est quam omnium mandatorum plena custodia.* Et Anselmus, dialogo de veritate, cap. 15: *Justitia est rectitudo voluntatis, servata propter seipsam.* Hinc fit ut nomen *justitiæ* accipiat etiam pro ipsâ *charitate*,

(1) Auctore Lessio, ejus vitam videre est vol. 5 Cursus Theologiæ, col. 783-786.

nempe quia charitas voluntatem reddit conformem toti legi divinæ; ut quæ omnium virtutum complexiōnem quodammodò contineat, juxta illud Apostoli: *Vinculum perfectionis dilectio*. Unde D. August. lib. de naturâ et gratiâ, cap. 58: *Charitas Dei quâ unus justus est, quicumque justus est*; et c. ult.: *Charitas inchoata, inchoata justitia est; charitas magna, magna justitia est; charitas perfecta, perfecta justitia est*. Secundò accipitur pro virtutè particulari, quâ voluntas inclinatur ad cuique reddendum jus suum ad æqualitatem, quo modo hic de eâ disputamus, et querimus quid sit.

2. Definitur ab Ulpiano L. Justitia. π. de justitiâ et jure, hoc modo: *Justitia est constans et perpetua voluntas jus suum cuique tribuendi*. Sensus est, justitia est virtus inclinans et firmans voluntatem ad perpetuò cuique tribuendum jus suum, idque ad æqualitatem. Dicitur primò, *constans voluntas*, quia est propositum habituale deliberatum et firmum; secundò, *perpetua voluntas*, quia ad perpetuò reddendum: qui enim tantum semel, aut bis, non autem semper et in omni eventu vellet cuique jus suum reddere, non esset verè justus, nec haberet hanc virtutem; tertio, *jus suum*, id est, quod cuique strictâ obligatione est debitum; debet autem reddi hoc jus ad æqualitatem, alioquin non perfectè redditur, ac proinde non erit perfecta justitia: quia justitia æqualitas quedam est, vel certè æqualitatem involvit, ut nomen insinuat. Simili penè modo definitur Justitia à D. August. libr. 19 de Civit. c. 21; et Ambros. l. 1 de Officiis, cap. 24: *Justitia est virtus quæ sua cuique distribuit*.

3. Hinc patet primò, justitiâ esse virtutem; nam reddere cuique jus suum, et constituere ubique in actionibus quibus homines inter se communicant debitam proportionem et æqualitatem, est per se honestum et recte rationi consentaneum; ac proinde virtutis opus.

Patet secundò, hanc virtutem esse in voluntate, quam inclinât ut velit cuique reddere quod debet: est enim propositum et inclinatio voluntaria ad id quod justum est.

4. Patet tertio, hanc virtutem rectè disponere hominem ad alterum in functionibus et commutationibus mutuis; nam inclinât ut velis, et præstes quod alteri debes, et juri ejus ex æquo respondet. Nec obstat, quòd justitiâ sit velle etiam ut alter tibi jus reddat, ideòque non solum te disponat ad alterum, sed etiam alterum ad te: quia formaliter solum subjectum suum disponit ad alterum; effectivè tamen alterum ad se disponere potest; omnis enim virtus honestum sui objecti amat in omnibus, illudque procurat quantum commodè potest.

5. Patet quartò distinctio hujus virtutis à reliquis: ab illis quæ sunt in intellectu, quia est virtus voluntatis; à cæteris quæ sunt voluntatis, differt objecto: à *theologicis*, quòd earum objectum sit Deus; justitiæ, debitum proximo; à *Religione*, quòd Religio spectet debitum Deo, ut primo principio, cui æquale reddi non potest; justitia debitum proximo, cui potest rependi æquale; à *pietate*, quia pietas spectat solum debitum parentibus et patrie ratione oris, cui

etiam satisfieri ex æquo non potest; ab *observantiâ*, quia hæc spectat debitum majoribus ratione gubernationis, cui etiam præmium æquale reddi nequit ab homine; ab *aliis justitiæ partibus*, quia debitum, quod spectant, est minus debito justitiæ; à *temperantiâ*, quia hæc non disponit meam functionem ad alterum, sed ad meipsum, ut mihi sit commensa; inclinando me, v. g., ut comedam, et bibam, sicut ratio dictat mihi convenire ad bonam valetudinem, ad functiones animi et corporis, sine ullo ad alterum intuitu; à *fortitudine*, quia hæc non respicit quid alteri debeatur, sed quid se deceat sustinere, et quantum, etc.

6. Patet quintò, cum *justitia* sit ad alterum, hominis ad seipsum non esse propriè justitiâ, vel injuriam, neque patris ad filium, aut filii ad patrem, juxta Aristotelem et D. Thomam: quod intellige quoad jura et debita quæ sunt inter ipsos quâ tales sunt; quod enim filius ut filius debet patri, debet ei lege pietatis, non justitiæ: debet enim ei, non ut alieno et prorsus distincto, sed ut principio sui esse; similiter quod pater filio: debet enim ei tanquam sibi ipsi: est enim filius aliquid patris, scilicet fructus ejus et veluti pars ab illo abscissa, juxta Aristotelem, 8 Eth. cap. 12, in quâ natura paterna conservetur; quare cum tanta inter ipsos sit unio, majus est debitum quam justitiæ vulgaris.

Nec obstat, quòd si filius patrem occidat, peccat contra justitiâ, et teneatur hæredibus ad restitutionem; quia non peccat contra justitiâ præcisè, quatenus facit contra debitum filii et jus paternum (sic enim solum peccat contra pietatem), sed quatenus sine legitima auctoritate interimit hominem. Est enim in hoc facto duplex malitia, altera contra justitiâ, ratione substantiæ personæ quæ leditur; altera contra pietatem, ratione circumstantiæ ejusdem personæ. Potest tamen inter ipsos esse debitum justitiæ, quatenus sunt distinctæ personæ habentes distincta jura et dominia, ut si filius sit emancipatus, vel habeat bona castrensia, aut quasi castrensia.

Pari modo inter dominum et servum, quâ tales sunt, propriè non est justitia. Jus enim domini in servum non est justitiæ, sed despoticum, quo potest illi imperare, illoque uti in suum commodum, illum vendere, permutare, donare. Servus enim est domini instrumentum et possessio. Servus verò obstringitur domino, debito observantiæ seu dulciæ, et debito obedientiæ; si tamen spectentur ut sunt homines distincti et in multis rebus liberi, sui que juris, diversa jura habentes, sic potest inter eos esse justitia et injuria, ut si dominus servum occidat, vel mutilet; nam in vitâ membrisque tuendis et conservandis servus non subest domino, sed est sui juris, si servus furetur vel damnum domo inferat, si fugam contra jus et fas capessat; hoc enim furti genus est.

DUBITATIO II.

Utrum justitia tantum versetur circa actiones, an etiam circa passionem.

(D. Thom. a. 9.)

7. Respondeo, et dico primò, justitiâ primariò

versari circa solas actiones rite ad alterum disponendas, et circa res ut sunt actionum materia, non autem circa passiones, ut temperantia, et fortitudo.

Probat, quia proprium officium justitiæ non est curare ut homo non nimium nascatur, vel ne inebriat, aut ne voluptates amet plus quam par est, sed ut omne præstet quod ei debitum, et quamvis ab hoc impediri possit per iram, timorem, pecuniam vel voluptatam amorem, tamen ejus non est hæc impedimenta per seipsam tollere, sed aliarum virtutum præsidio: omnes enim virtutes se mutuo juvant, dum quævis tollit quendam aliarum impedimenta. Mansuetudo enim temperat iram: unde juvat illas virtutes, quarum functiones per iram impediri possent, ut justitiam, obedientiam, humilitatem. Fortitudo moderatur timorem, liberalitas pecuniarum amorem. Idem de cæteris esto judicium.

8. Dico secundo: Potest tamen justitia secundario moderari passiones, quatenus illa moderatio est medium necessarium ad finem ipsius intrinsecum, qui est reddere cuique jus suum.

Probat, quia possum velle moderari iram, amorem pecuniarum, et timorem ne alicui faciam injuriam, et ex vi hujus intentionis sequetur moderatio illarum passionum, absque intervenitu intentionis, quæ sit alterius virtutis: atqui intentio illa neminem ledendi est actus justitiæ: ergo justitia etiam moderatur passiones.

Secundò, quia omnis virtus ob suum finem intrinsecum potest quosvis actus externos aliarum virtutum ad illum idoneos imperare, ut ostensum est 1, 2, q. 17, a. 5; atqui moderatio passionum est medium idoneum et sæpè necessarium ad finem intrinsecum justitiæ, estque actus externus virtutis, cum non sit in voluntate: ergo justitia potest illam imperare. Itaque illa moderatio tunc formaliter erit actus justitiæ, non autem temperantiæ, vel mansuetudinis, vel fortitudinis; quia immediatè sequitur ex affectu justitiæ, ut ostensum est, 1, 2, q. 18, a. 6, dub. 1.

9. Hinc colligi potest quo modo justitia dicatur attingere medium rei, reliquæ virtutes medium rationis; de quo D. Th. a. 10. Justitia enim non spectat quidnam sit commensuratum suo subjecto secundum rectæ rationis regulam, sed quid sit commensum rei, vel juri alterius, ut nec minus nec amplius præstetur, sed æquale: temperantia autem et fortitudo spectant medium rationis, id est, quidnam juxta rationis dictamen sit commensum subjecto, non excedens aut deficiens modum subjecti; unde medium in his est variabile pro varietate subjectorum: quod enim respectu unius est medium et æquale, ad alterum est nimium, ad tertium est parum; itaque rationis examine hoc medium est investigandum, et ex consensu cum regulâ rationis statuendum. In justitiâ autem semper est idem medium, qualecunque tandem sit subjectum, quod ipsa afficit: quod medium consistit in æqualitate rei ad rem (ut pretii ad rem venditam), vel proportionis ad proportionem: nempe ut talis sit proportio inter munera et onera communia, qualis est inter personas

quibus hæc distribuuntur. Unde meritò dicitur medium rei, non excedens, non deficiens ad jus alterius.

DUBITATIO III.

Utrum propter justitiam particularem sit aliqua justitia generalis quæ legalis dicatur, et quid illa sit.

(D. Thomas. q. 58, art. 5, 6, 7.)

Respondeo, esse quamdam justitiam legalem, seu generalem. Ita docet hic D. Thom. a. 5, et Aristoteles 1, 5, c. 1.

10. Ratio est, quia omnis pars reipub. dupliciter potest ad alterum comparari. Primo, ut pars ad partem, cujus ad civem, et sic est justitia particularis quæ hominem in hac habitudine perficit. Secundò, ut pars ad totum, scilicet ad ipsam rempub.: sic est justitia generalis, quæ hominem in habitudine ad rempub. perficit.

Sed tota difficultas est, quid sit hæc justitia; quod ejus officium, et quomodo ab aliis distinguatur: nam D. Thom. hic, et Soto, 1, 5 de Justitia, q. 2, a. 3, existimant quamdam esse virtutem particularem distinctam à cæteris omnibus, quæ procuret horum commune. Verum Andreas Vega, 1, 5 in Conc. Trident. c. 4, et multi alii putant esse complexionem omnium virtutum.

Notandum est, nos po se loqui vel de re ipsâ, vel de mente Aristotelis, qui primus justitiæ legalis nomine videtur usus. Si de re ipsâ loquamur,

11. Dico primò, non videri dubitandum quin sit aliqua particularis virtus bonum commune reipub. intuens et procurans, cui hoc nomen justitiæ possit accommodari. Probat hoc satis D. Thom. art. 6.

Ratio est, quia velle et procurare bonum reipub. habet specialem rationem honesti et laudabilis, quæ non invenitur in functionibus aliarum virtutum: multò enim id est laudabilius quàm curare privata: ergo ad specialem virtutem pertinet, quæ rectè dicitur *Justitia legalis*: justitia, quia respicit quodammodò alterum, id est, rempub.; *legalis*, quia extendit se ad omnia quæ lege sunt statuta propter bonum commune.

Secundò, quisque civium quæ est pars societatis civilis, ejusque fruitur commodis, speciali debito obstrictus est ad procurandum bonum illius societatis (nam pars est propter totum, et bonum partis propter bonum totius); sed ubi est specialis ratio debiti, ibi etiam est specialis ratio virtutis, et quidem justitiæ, cum sit ad alterum, et etiam de iis quæ legibus sunt præcepta.

Tertio, si quis negligat bonum commune quando versatur in periculo, vel præponat ei privatum commodum, peccat contra hanc justitiam: non tamen tenetur ad restitutionem, nisi ex officio ei incumbat hujus boni conservatio: quod signum est, hanc esse virtutem specialem distinctam à justitiâ particulari.

12. Dico secundò: Probabile est hanc virtutem non distingui à virtute pietatis; quatenus per pietatem, patriæ vel reipub. in quâ vivimus, debitum cultum obsequiumque præstamus.

Probat, quia secundum D. Th. *justitia legalis* est procurare bonum commune reipub. et ceteras virtutum functiones ad hoc destinare, quando quis est : v. g., si re-pub. versetur in periculo, *justitia legalis* conatur omnibus modis eam tueri; imperat aut. militari ut excogitet modos defensionis; pericula cont. ruit; sumptus annone restringit; thesauros effendit : denique nihil non molitur ex affectu erga reipub. Sed hæc omnia videntur esse officia *pietatis* in patriam, vel reipubl. in quo explicari potest quæ in alia virtute hæc præstet : ergo pietas est illa virtus, quam D. Thom. *justitiam legalem* vocat, vel certe parum ab eâ distinguitur.

15. Dices : *Pietas* quæ est in subditis ac in principe : atqui *justitia legalis* non est æque in utroque : in principe enim est principaliter et architectonicè : in subditis secundario et veluti in administris, ut docet D. Thom. a. 6 : ergo sunt diversæ virtutes.

Respondeo majorem non esse veram : *pietatis* enim virtus quoad suas functiones externas (quæ sunt, reipublice bonum procurare et conservare) principaliter et excellentius est in principe : idque ob duas causas : Prior est, quia princeps, si consideretur ut privata persona, est nobilissima pars reipublice pollens opibus, auctoritate, scientiâ rei militaris, aliisque presidiis, quibus respublica defenditur : et sic lege pietatis tenetur pro suis viribus reipublicam tueri : ac proinde alios dirigere, sicut membrum nobiles dirigit ignobiliora. Altera est, quia est superior communitatis, cui ex officio incumbit publici boni curatio : et sic tenetur ad eadem obsequia externa pietatis, lege justitiæ : hic enim non comparatur ad communitatem ut pars ad totum, sed ut pars ad partem : nam tota re publica se habet ad principem sicut particulari persona ad custodem, quem stipendio ad se tuendam et custodiendum conduxit : et ob hanc causam maxime procuratio boni communis pertinet ad illum *ἀρχηγόνα*. Nam ratione officii est in illo auctoritas jubendi et aliis præscribendi.

16. Dico tertiò : Etsi hæc sententia probabilis sit, verius tamen est *justitiam legalem* à pietate distingui, si nomine justitiæ legalis cum D. Thomâ et multis aliis intelligamus virtutem, quæ spectat bonum publicum, quatenus debitum à parte totæ. Probat, quia ubi est diversa ratio debiti, ibi sunt diversæ virtutes : sed hic sunt diversæ rationes debitorum, nam longè strictiori et altiori debito pars obstringitur toti, et civis reipublicæ quatenus ipse est unum corpus in quo ipse membrum : quàm effectus obligatur causæ suæ secundariæ, et hominī suæ patriæ, ratione auxilii quod ipsa ad ejus ortum contulit : ejus scilicet auxilii quod quæque suam reipublicam, ejus est membrum, teneatur præferre parenti et vitæ suæ, cum tamen parens magis sit principium ortus quàm patria : atqui pietatis est curare bonum patriæ, quia hoc officium est illi debitum ratione beneficii ortus, quod accepimus : justitiæ autem legalis est, id bonum sive patriæ, sive alteri reipublicæ ejus sumus cives, procurare, quia id illi debetur ratione vinculi et nexûs,

qui est partis ad totum, et membri ad corpus : ergo sunt distinctæ virtutes.

17. Dico quartò : Si verò de mente Aristotelis, lib. 3 Ethic., c. 1 et 2, ubi de justitiâ legali agit, sit questio, videtur justitiâ legalis in subdito nihil esse aliud quàm omnium virtutum complexio, quatenus legi obtemperat : in superiore eadem complexio virtutum, quatenus inclinat illum ut curet leges servari.

Prior pars est Frustrati in illum locum, Barid, q. 4 Gyraldi, q. 5 in lib. 3, Ethic. et aliorum.

Probat, quia Aristoteles, c. 1, dicit *justitiam legalem non esse partem virtutis* (id est, speciem aliquam), *sed universam virtutem : sicut injustitia*, inquit, *legalis non est species malitiæ, sed universa malitia*. Addit, *virtutem in genere, et justitiam legalem esse de genere, sed differre solum πρὸς ἄλλα*, id est, in notione et ratione, ut rectè Eustratius interpretatur : atqui non rectè diceretur de aliquâ particulari virtute (etiamsi ipsa alias ad suum finem referret) non esse speciem virtutis, sed universam virtutem : non differre à virtute in genere, nisi ratione.

Secundò, ita se habet justitia legalis ad virtutem in genere, sicut injustitia legalis (quam ipse παρανομία, id est, legis violationem vocat) ad malitiam in genere, ut idem Aristoteles docet : atqui violatio legis et malitia sunt idem, etsi ratione differant : ergo similiter justitia legalis est virtus.

Tertiò, justitia legalis nihil aliud est Aristoteli quàm virtus ut legibus paret, sicut injustitia est legum violatio, seu παρανομία : atqui omnis virtus legibus paret : ergo collectio virtutum est justitia legalis.

18. Quartò, Aristoteles dicit legalem justitiam esse in maximâ admiratione apud omnes homines, et proverbiali versu dici, *in justitiâ summam est omnis virtus* : qui sumptus est ex Theognide : atqui hoc propriè convenit perfectæ obedientiæ, quæ fit per complexionem virtutum. Itaque Aristoteles per *justitiam legalem* videtur intelligere *obedientiam*, non ut est virtus specialis, quæ affectu præcepti facit opus, sed ut virtus generalis : omnis enim virtus quatenus facit id est quod lege præceptum est, est obedientia legis, etiamsi id faciat non affectu obedientiæ, sed propriæ honestatis : quicumque enim facit quod lex jubet, et vitat quod ipsa prohibet, legi obedit, et legem implet.

19. Altera pars probatur, quia omnis virtus inclinat in suum bonum eo modo quo potest. Temperantia enim non solum inclinat hominem ut ipse leges temperantiæ servet, sed etiam ut ab aliis servari curet, si commodò potest : ergo tota collectio virtutum in principe inclinat illum ut omnium virtutum leges à subditis servari curet.

20. Adverte tamen, superiorem posse multis modis inclinari ut curet servari leges. Potest enim hæc cura considerari primò, ut debita ex officio : et sic ad eam inclinat justitia particularis. Secundò, ut debita ex eo quod sit præcipuum membrum reipublicæ, et sic ad eam impellit virtus, quam D. Thomas vocat *justitiam*

legalium. Tertio, ut debita patrie, quae genuit, et sic ad eam inclinat pietas. Quarto, ut debita ex honestate suorum virtutum, de quibus sunt leges; et hoc modo tota virtutum collectio inclinat ad eam curam, quaevis enim virtus, si potest, curat ut deus quoque sit virtute praeditus, ut dictum est. Quinto, ut debita ex inclinatione charitatis naturalis in homines; et sic ad eam inclinat charitas naturalis, quae etiam vocatur justitia, de qua Cicero de Finibus, lib. 5: *In omni honesto nihil est tam illustre, quam ipsa charitas generis humani, quae animi affectio suum cuique tribuens, et societatem conjunctionis humanae aequè ac mirificè tuens, dicitur justitia*. Idem dicendum de quovis alio officio erga reipublicam; potest enim in eo multiplex ratio debiti spectari.

19. Dico quintò: Si quae virtus particularis vocanda sit justitia legalis, videtur hoc nomen maxime convenire virtuti *obedientiae*. Probatur, nam ea quae Aristoteles hic tribuit *justitiae legali*, magis conveniunt obedientiae quam ulli alteri virtuti particulari.

Primo, quia justitia legalis objectum secundum Aristotelem est id quod lege sancitum est, quod ille ~~etiam~~ vocat; atqui id ipsum est objectum obedientiae.

Secundò, quia *obedientiae* competit esse in magnâ admiratione apud homines, esse instar Ilesperi inter virtutes, et omnes virtutes complecti (quae Aristoteles tribuit justitiae legali), quia omnes virtutes inserit, insertasque custodit.

Tertiò, rectè dici potest virtus universa, quatenus inclinat ad omnium virtutum functionem et materiam.

Quarto, haec virtus respicit alterum, id est, superiorem, ejus legibus obedit, et bonum commune, quod consistit in legum custodia.

Denique Aristoteles nusquam alibi de obedientia agit, quasi eam hic satis insinuaverit. In eandem sententiam apertè inclinat D. Thomas, quaest. 120, art. 2 ad 1.

DUBITATIO IV.

Utrum justitia particularis rectè dividatur in distributivam et commutativam.

D. Thom., quaest. 61, art. 1.

20. Respondeo, et dico primò, rectè ita dividi. Probatur ex Aristotele, 5 Ethicor., cap. 2, ubi duas ponit justitiae partes, quarum altera dirigimur in distributionibus, altera in commutationibus. Eadem est sententia communis theologorum et philosophorum. Sed difficultas est quomodo haec species distinguantur.

Dico secundò rectè distinguì tali consideratione. In republica est triplex habitudo: 1. partis ad partem, 2. totius ad partes, 3. partium ad totum. Nunc, virtus quae singulas partes disponit ad bonum totius reipublicae est justitia legalis, de qua dictum est; quae verò disponit ad partem, est justitia particularis. Porro ad partem est duplex habitudo, nempe totius ad partem, et partis ad partem; virtus quae dirigit partem ad partem, scilicet civem ad civem, ut constituatur

aequalitas inter cives in actionibus, quibus inter se communicant, dicitur justitia commutativa; quae verò dirigit totum seu congregationem ad partes, in distribuendis per cives rebus communibus, faciendis, et onerandis, juxta proportionem inter ipsos repertam, dicitur justitia distributiva. Haec proprie et principaliter residet in principe vel magistratu, ad quem pertinent hujusmodi distributiones; in privatis secundario, quatenus eos disponit ut justam distributionem accipiant, eaque legitime factâ acquiescant. Colliguntur haec ex D. Thom., quaest. 61, art. 1.

21. Itaque distinguuntur hae duae species, primò, quòd justitia commutativa disponat privatum hominem ad privatum, vel eos qui se instar privatorum habent. Justitia distributiva, communitatem, vel eum qui communitatem representat, ad privatum. Secundò, quòd illa dirigat commutationes, haec distributiones. Tertio, quòd illa spectet conditionem rei alterius, ut ei reddat aequale; haec conditionem personae cui sitae dives an pauper, nobilis an ignobilis, doctus an indoctus; idoneus ad officium an ineptus ut secundum proportionem illarum conditionum fiat distributio. Quarto, huius intrinsecus illius est, constituere aequalitatem inter datum et acceptum; huius finis est constituere aequalitatem inter proportionem et proportionem, ut eadem sit proportio inter res quae distribuuntur, quae est inter conditiones personarum quibus fit distributio; v. g., est aliquid distribuendum secundum dignitatem personarum: si is ejus dignitas est ut duo accipiet 3 aureos; is ejus dignitas est ut quatuor accipiet 6; ejus ut octo, accipiet 12, etc. Vide Aristotelem lib. 5 Eth., cap. 5 et 4.

22. Hinc patet, quando militi datur stipendium, vel operariis publicis merces à republica pro ejusque merito, non dari per *justitiam distributivam*, sed per *commutativam*, quia non spectatur conditio personarum, sed operarum quas praestiterunt; et nihil aliud intenditur quàm ut in singulis constituatur aequalitas rei ad rem, scilicet mercedis ad operas. Unde respublica non comparatur tunc ad illos ut totum ad partem: sed ut pars ad partem, ut civis ad civem: subdit enim rationem unius personae conducentis operas singulorum.

Dices: Cùm sit distributio honorum communium secundum conditiones personarum, videtur etiam fieri per justitiam commutativam, et solùm per accidens videtur resultare illa proportionum similitudo inter multos, ejus signum est, quòd si distributor aliquem fraudaverit minus dando quàm postulabat ejus conditio, faciet ei injuriam; quam tenetur sarcire per legem justitiae commutativae, ut docet D. Thom., quaest. 62, art. 1, ad 5. Haec ergo erat violata.

25. Omissis variis solutionibus, respondeo proportionum similitudinem, seu aequalitatem non resultare per accidens, sed esse primariò intentam à justitia distributiva, tanquàm finem intrinsecum; sicut aequationum primariò intenta est à justitia commutativa. Tamen interdum justitia distributiva in sua functione includit commutativam, nempe quando sit distributio

rerum, quæ stricto jure debentur, juxta personarum conditionem, ut si quis relinquat centum aureos distribuendos studiosis alicujus collegii pro ejusque inopiâ, vel eruditione, præses distributor lege justitiæ commutativæ obligatur erga singulos; quamvis erga omnes teneatur servare formam justitiæ distributivæ, ut sit ea proportio elemosynæ ad elemosynam, quæ est inopiæ ad inopiam; unde si alicui pauperiori minùs dederit, tenebitur ex justitiâ commutativâ ei restituere ad justam proportionem, non secus ac si donator ei in particulari reliquisset, v. g., 10 aureos, et præses solùm dedisset 5; hoc ipso enim quo donator vult talem proportionem strictè servari, singulis implicite assignat certam summam, juxta proportionem inopiæ, quæ singulis debetur lege justitiæ commutativæ.

Confirm. Quia si pro uno solo fuisset facta assignatio, deberetur illi ex justitiâ commutativâ, ergo etiam debetur quando fit pro pluribus secundum proportionem paupertatis, vel doctrinæ; nam æquè multum juris quisque acquirit, ac si ipsi soli assignatio facta esset. Eadem ratio locum habet quando distribuitur ærarium commune alicujus Universitatis vel collegii in singulos pro ejusque dignitate vel ordine, juxta leges et consuetudines receptas. Itaque quando dividitur aliquid stricto jure debitum, concurrunt in eodem actu justitiâ commutativa et distributiva; distributiva, quatenus respicitur ut cuique detur secundum proportionem suæ dignitatis; commutativa, quatenus respicitur ut cuique detur æquale juri quod habet, quod jus ortum est ex lege, vel consuetudine, vel donantis dispositione, suppositâ certâ proportionem dignitatis ipsius ad dignitatem aliorum, et quòd aliis tantum vel tantum datum sit. Quare minùs dando quàm oportet, simul violatur justitiâ utraque: distributiva, quia non datur secundum proportionem dignitatis quam habet ad alios; commutativa, quatenus non datur æquale juri quod ipsi acquisitum est. Quando verò fit distributio rerum quæ stricto jure non debentur secundum conditionem personarum, tunc justitiâ distributiva non includit commutativam, ut fit in distributione beneficiorum et officiorum; quæ debent quidem conferri dignioribus, non tamen ita ut ipsi jure strictum ad illa habeant. Unde non fit ipsis injuria, quæ ad restitutionem obliget, et si aliis conferantur, peccat tamen distributor contra justitiâ distributivam de quo plura infra cap. 32, dubit. 2 et 3, c. 34, dubit. 13.

CAPUT II.

DE IPSO JURE IN GENERE.

(Habet 2 dubitationes.)

Dubitatio prima.

Quid sit Jus, et quodnam sit Justitiæ objectum.

1. Notandum est, nomen *juris* potissimum accipi tripliciter: Primò, ut sit idem quod *justum*. *Justum* autem dupliciter accipitur, secundum Aristotelem libr. 5, Ethicor. cap. 1: nempe generatim pro *legitimo* (et sic omne opus virtutis, quatenus consentaneum legi, dicitur *jus* et *justum*); et speciatim, pro eo quod est *æquale et alteri debitum*; hæc enim tria in-

volvit *justum* strictè acceptum, (ut colligitur ex D. Thom., q. 80.) *æqualitatem, debitum et esse ad alterum*. Sic dicimur reddere jus alteri. Secundò, ut sit idem quod *lex*, quæ est regula *Justi* in genere: cùmque sententia judicis sit etiam veluti quædam lex, (est enim lex privata, non publica) etiam ipsa *jus* dicitur; hoc modo judex dicitur dictare jus, et præesse juri dicendo, quamvis tunc possit accipi pro justo et æquo. Tertio, accipitur *jus* pro *legitimâ potestate*. Sic acceptum potest hoc modo describi: *jus* est potestas legitima ad rem aliquam obtinendam, vel ad aliquam functionem, vel quasi functionem; cujus violatio injuriam constituit.

2. Primò, *est potestas*, id est, habitudo quædam ad aliquid, unde dicimur aliquid posse; hæc autem se habet vel in modum potentie activæ, ut quando est jus ad aliquid agendum vel retinendum; vel potentie passivæ, ut in jure quod habes ut alaris, ut custodiaris, ut tibi serviatur; vel potentie resistendi, ut in jure quod habes ne quis ædificet tali loco; ne aperiatur fenestram in tuum hortum, vel aream; ne altiùs attollat murum; ne officiat tuis luminibus.

3. Secundò, *legitima*, id est, à lege concessa; quia facultas quæ secundum legem non competit, non est jus, sed vis et injuria; lex autem hanc potestatem concedens vel est divina positiva, ut ad sacramenta percipienda, vel est naturalis, ut ad usum membrorum, ad vitam per cibum et potum sustentandam, ad matrimonium ineundum, ad vim vi propulsandam, et similia. Vel est humana, ut ad successionem hæreditatis, ad præscribendam vel usucapiendam certo tempore rem alienam, ad acquirendum, possidendum, retinendum, alienandum per varia contractuum genera. Tot enim sunt genera jurium, quot sunt genera legum, quæ jus tribuunt: quamvis hæc diversitas non faciat diversitatem in ipso justitiæ habitu.

Hinc sequitur hanc potestatem non esse quid physicum, sed morale duntaxat, competens homini ex aliquâ Dei vel hominum ordinatione, vel deputatione, vel concessione; sicut esse magistrum, doctorem, regem, militem.

Tertiò, *ad rem aliquam*; ut ad obtinendum rem aliquam per successionem hæreditariam, per testamentum, per donationem liberalem, per contractus, per occupationem.

Quartò, *ad functionem*; ut ad liberum usum membrorum et rerum suarum.

Quintò, *quasi functionem*; ut ad possessionem civilem et naturalem, ad retinendum dominium, statum, et conditionem in quâ est.

Sextò, *cujus violatio*, etc., quia injuria nihil est aliud quàm alieni juris violatio. Dicitur autem violari, non quando aliquis privatur suo jure, sed quando jure manente contra illud agitur. Non enim agi potest contra jus quod non est. Unde quando quis privatur officio, quod est jus quoddam, non fit ei injuria, nisi in ipso aliud jus maneat respiciens illud officium: potest enim esse jus ad jus, et dominium juris. His positis,

4. Dico primò : Si *jus* accipiatur pro *justo in genere*, est formaliter obiectum obedientie.

Probatur, quia sic idem est quod *legitimum* seu lege statutum; atqui hoc est obiectum formale obedientie, quæ ideo vult et facit, quia est præceptum.

Dixi *formaliter*, quia si *legitimum* accipiatur materialiter, pro eo quod est lege statutum, est obiectum omnis virtutis, quia lex in omni materia virtutis aliquid statuit, ut supra cap. 1, n. 15, dictum est.

5. Dico secundo : Si *jus* accipiatur pro *justo speciali*, quod est æquale, debitum alteri; sic est obiectum formale justitiæ particularis, probatur, quia is peculiariter ratione dicitur justus, qui hanc æqualitatem debitam amat, intendit et servat. Injustus, qui eam non servat, ut patet in contractibus, ergo hæc æqualitas quatenus debita, est obiectum formale justitiæ, patet consequentia, quia obiectum formale cujusque virtutis est illud bonum honestum, quod per illam virtutem in opere intenditur.

Hæc autem æqualitas est duplex, ut supra, c. 1, num. 21, dictum est; altera rei *ad rem*, (ut pretii ad merces; rei reddende ad rem sublatam, vel peremptam) quæ æqualitas dicitur esse secundum *proportionem arithmetica*m, estque obiectum justitiæ commutativæ. Altera, *proportionis ad proportionem* (ut cum est æqualitas inter proportionem rerum quæ distribuuntur, et dignitatem secundum quas distribuuntur), quæ æqualitas dicitur esse secundum *geometricam proportionem*, estque obiectum justitiæ distributivæ: ratio istius appellationis est, quod arithmetica, præsertim vulgaris, spectet propriè proportionem numerorum et quantitatum: geometria proportionum.

6. Dico tertio : *Jus secundo modo*, scilicet pro lege, non est obiectum, sed regula justitiæ et cæterarum virtutum. Ratio est, quia virtutes in suis functionibus debent dirigi secundum præceptum legum: nisi enim legibus sint conformes, non erunt studiosæ nec laudabiles.

7. Dico quarto : *Jus pro potestate legitimâ*, non est obiectum, quod justitia intendit: est tamen aliquid unde obiectum. Justitiæ quodammodo pendet, et ad quod intrinsecum ordinem habet, quod *formale obiectum* cui dici potest.

Probatur, quia etsi justitia in opere suo non intendat *jus* alterius, intendit tamen id quod juri alterius est debitum, ac proinde id quod intrinsecum ordinem habet ad *jus* alterius; quod confirmatur, quia obiectum quod justitia intendit, includit esse debitum alteri ad æqualitatem; debitum autem non potest esse sine jure in altero, nam est correlativum ejus: debitum enim juri est debitum; ergo obiectum justitiæ includit ordinem ad *jus* alterius. Hinc fit ut nullum sit propriè opus justitiæ, sine jure in altero: quia opus justitiæ est reddere quod juri alterius est debitum; unde in altero postulat *jus*, in altero debitum. Quod autem hoc *jus* rectè dicatur *obiectum formale* cui patet,

quia est ratio cur alteri aliquid sit debitum. Pro quo notandum est, in justitia, sicut et in omni virtute quæ est ad alterum, posse distinguere *obiectum quod*, et *obiectum cui*. *Obiectum quod* est illud, quod ipse virtus intendit, et præstat externis. Hoc in proposito est redditio rei æqualis, quatenus debita, seu redditio debiti ad æqualitatem juris alterius.

Obiectum cui, est is cui præstatur: hoc in proposito est proximus noster, quatenus *jus* habet ratione ejus illi aliquid est debitum; ex jure enim ipsius in me vel mea, nascitur in me debitum præstandi ad, quod illud *jus* impleat et exhauriat, quo posito, justitia inclinat ut id velim affectu et præstem effectu; itaque *jus* est ratio objectiva in *obiecto cui*, unde tota ratio justitiæ pendet. Vide infra, c. 36, dubit. 2, et cap. 46, dubit. 1.

Nec obstat quod *vindicatio* non respondeat juri alterius, sed ipsius vindicantis: quia hæc virtus non est species justitiæ particularis, sed pars potentialis, ut infra ostendetur, cap. 47, dubit. 4.

Ex his patet, hanc juris acceptionem maximè servire nostro proposito, quia tota justitiæ ratio ex ea oritur; nam ipsa ratio debiti et obligationis nostræ ex ea pendet.

DUBITATIO II.

Quomodo jus secundum varias acceptiones dividatur.

8. Respondeo, et dico primò : Si *jus* accipiatur primo modo, id est, ut idem sit quod *justum alteri debitum*, dividitur in justum per æqualitatem rerum, et in justum per æqualitatem proportionum, ut dictum est, n. 5.

9. Dico secundo : Si accipiatur secundo modo, pro lege, dividitur sicuti lex. Itaque *jus aliud* est naturale, aliud positivum: *jus positivum* aliud est divinum, aliud humanum. *Jus divinum* aliud est vetus, aliud novum. *Jus humanum* aliud est *jus gentium*, aliud *jus canonicum*, aliud civile.

Jus naturale dicitur, quod ex ipsis rerum naturis oritur, scil. ex naturâ rationali, et naturali conditione operum, de quibus hoc *jus* disponit. Unde ejus rectitudo, suppositâ existentia naturæ humanæ, non pendet ex aliquâ liberâ ordinatione Dei vel hominis, sed ex ipsâ rerum naturâ. Itaque sicut naturæ conditio est immutabilis, ita quoque lex naturalis est immutabilis, manentibus iisdem circumstantiis rerum: ut bonum faciendum, malum vitandum; Deum colendum, et cætera quæ continentur in Decalogo, vel evidenter ex eo ducuntur.

Jus positivum est quod pendet ex liberâ Dei vel hominum voluntate; unde mutari potest, etiamsi omnes circumstantiæ, cum quibus antea obligabat, eadem maneat. *Jus divinum vetus* est, quod Deus in veteri Testamento tulit, de caeremoniis et politia. *Novum* quod in novo, ut sunt ea quæ de sacramentis. *Jus humanum* est, quod auctoritate humanâ seu puri hominis est conditum. *Jus gentium* est quod passim apud omnes gentes servatur. *Civile*, quod auctoritate principum secularium est conditum. *Canonicum*, quod aucto-

ritate Pontificis vel concilii conditum est. Sed de his plura, 1-2, tractatu de Legib. q. 96.

10. Dico tertio : Si jus accipiatur tertio modo, scilicet pro *potestate legitimâ*, dividi potest : Primo ex parte principii, nempe secundum divisionem legum quibus oritur. Unde aliud est *naturale*, quod lege vel concessu naturæ competit : aliud *positivum*, quod lege positivâ, vel concessione liberâ Dei vel hominum competit : et sic deinceps in aliis membris.

11. Secundò, dividi potest ex parte termini quem respicit, et sic dividitur in *jus ad rem*, et *jus in re*. *Jus ad rem* dicitur quod non tribuit actionem in rem, sed tantum in personam, tale jus est quod tibi competit per stipulationem, per donationem, per emptionem, aliosve contractus, ante traditionem rei. Si enim res illa alteri vendatur, et reipsa tradatur, manet illi, nec potes illam vindicare : quia non res erat tibi obligata ; sed tantum habes actionem personalem in eum qui te fraudavit, ut infra, cap. 3, num. 12 et 13, dicitur. Tale etiam jus est, quod habes per electionem, postulationem, præsentationem ad beneficium.

12. Imò tale etiam est, quod habes per collationem beneficii, ante acceptionem : et per successionem hæreditatis, ante illius acceptionem. *Jus in re* dicitur, quod tribuit actionem realem, seu quod rem obligatam habet. Tale est quod habetur per emptionem, et alios contractus, secutâ rei traditione ; per collationem beneficii, secutâ acceptione : per testamentum, vel successionem ab intestato, secutâ acceptione : tale etiam jus est dominium rei, et usus, et usufructus, id est, jus utendi et fruendi, respectu rei, quæ subest illis juribus, item jura quæ dicuntur *servitutes* ; jus etiam hypothecæ et pignoris ; denique omne jus, quod rem aliquam sive corporalem, (ut sunt agri, domus, supellex) sive incorporealem, (ut sunt officia, beneficia, redditus, servitutes, et similia) ita nobis obstrictam tenet, ut ex eâ possimus percipere fructus, vel emolumenta, vel securitatem creditorum, vel honorem, dicitur jus in re ; quocumque autem res talis transeat, potest vindicare tanquam nobis obstricta ; quia res omnis transit cum suo onere, quo est affecta.

CAPUT III.

DE SPECIEBUS JURIS REALIS; UT SUNT DOMINIUM, USUS-FRUCTUS, USUS, POSSESSIO, ET ALIA QUÆDAM.

(Habet 15 dubitationes.)

Dubitatio prima.

Quid sit dominium in genere, et quænam ejus species.

1. Respondeo : *Dominium* in genere duo includit, nempe potentiam quamdam, et auctoritatem in rem vel personam (ut colligitur ex D. Thom. de Potentiâ, q. 7, a. 10) et subjectionem rei, vel personæ, talem, ut inde dicatur ipsa esse alterius. Dominus enim vocatur qui habet aliquid suum, de quo possit disponere,

vel in quod auctoritatem exercere ; qui autem nihil habet suum, in quod exerat potestatem, non dicitur dominus.

Itaque *dominium in genere* nihil videtur esse aliud quam jus gubernandi vel disponendi de re aliquâ, tanquam suâ. *Suum* autem dicitur, quod ita subjectum et astrictum illi, cujus esse dicitur, ut possit de eo disponere proprio jure, non ex commissione alterius. Sic ius quod Deus habet in universam creaturam tanquam rem suam, quo potest de illâ statuere quod placuerit, est dominium Dei, et quidem perfectissimum, cum creatura perfectissimè sit ejus, utpote ei summè subjecta et obstricta ratione creationis, conservationis, gubernationis, et summæ ab eo dependentiæ omnium quæ in ipsâ sunt. Similiter jus quod rex habet in suum regnum : dux in suum ducatum : et quisvis in suas possessiones, dominium vocatur.

2. Hoc modo dominium dividi potest in dominium jurisdictionis et proprietatis. *Dominium jurisdictionis* est potestas gubernandi suos subditos. Gubernandi actus sunt præcipere, vetare, permittere, judicare, punire, præmiare. *Dominium proprietatis* est jus disponendi de re aliquâ tanquam suâ in suum commodum ; ab hoc dominio quisque dicitur rei suæ dominus, sive ille sit persona privata, sive publica, sive communitas ; nam persona publica et respub. potest possidere bona jure privato instar privatæ personæ.

3. *Dominium jurisdictionis* dividitur eo modo, quo jurisdictio ordinaria, quia ab hac non videtur distinguï ; unde aliud est *seculare*, aliud *ecclesiasticum*. *Seculare* est quod in rebus secularibus gubernat, pacem et publicam tranquillitatem procurans, ut est potestas imperatoria, regia, ducalis, comitalis, marchionalis, et similes respectu provinciarum, oppidorum, et pagorum, quæ ipsis proprio jure in negotiis secularibus subsunt. *Ecclesiasticum dominium* quod in rebus sacris et in rectè vivendi ratione dirigit, cultum divinum, et salutem animarum spectans ; ut est potestas papalis, patriarchalis, archiepiscopalis, episcopalis, et aliæ inferiores, respectu subditorum qui ipsis in spiritualibus subsunt.

4. *Dominium proprietatis* dividi potest in perfectum et imperfectum. *Perfectum* dicitur quod continet proprietatem rei et commodorum ejus. *Imperfectum*, quod tantum habet vel proprietatem rei absque emolumentis, vel emolumenta absque rei proprietate. Unde hoc dominium est duplex : aliud enim dicitur *directum*, aliud *utile*. *Directum* continet solam rei proprietatem : unde habens hoc dominium solet dici proprietarius. Tale dominium est quod habet filius familiæ in peculio quod dicitur adventitium ; et princeps in feudis ; et qui dedit agrum ad emphyteusim, in agro ; et omnis is qui dicitur dominus eorum, quorum alteri concessus est usufructus. *Dominium utile* continet solam rei commoditatem et utilitatem. Tale est quod habet usufructuarius, feudatarius, emphyteuta.

5. Hic tamen advertendum est, ne dominium directum esset omnino inutile ; jure statutum est, ut certis quibusdam casibus dominium utile redeat ad dominium di-

rectum, ut patet Institut. de usufr. § 1. Vide Silvestrum verbo *Dominium*, q. 4 et 2. Omissio dominii jurisdictionis (de quo 1-2, quæst. 96, tractandum) explicande nobis sunt præcipue species domini proprietatis, et quedam jura affluia.

DUBITATIO II.

Quid sit dominium perfectum seu plenum.

6. Notandum est dominium veteribus Latinis dici *mancipium*, quod potissimum apprehensione manuum hoc jus acquiratur, unde res *mancipi* dicebantur, quæ domino erant subjectæ; et homo *sui mancipii*, qui sui juris erat: *dari et accipi mancipio*, ejus transferrebat dominium; postea hoc jus cepit vocari dominium, quo nomine passim utuntur auctores Digestorum, ut patet tit. de Acquirendo rerum domino, et alibi.

7. Nunc resp. hoc dominium sic posse definiri: Dominum est jus in re, extendens se ad omnem ejus usum seu dispositionem, nisi lege prohibeatur. Definitur hic dominium plenum, continens in se dominium directum et utile; definitio habet tres partes. Prima est *jus in re*, hoc enim est loco generis: omne enim dominium est *jus in re*: non contra, ut patet in hypotheca et pignore, in usu et usufructu; et in jure quod conjuges habent in mutua corpora: sunt enim hæc jura in re, non tamen dominia. Excluduntur hic omnia jura ad rem.

8. Dico in re generatim, quia etsi jurisperiti tantum rerum corporaliū velint esse dominium; incorporalia autem (ut officia, jura) possideri *quasi dominio*: tamen hæc differentia passim non servatur, neque vulgò, neque à theologis, neque à jurisperitis: dicimur enim passim domini reddituum, et similia jurium; unde quotidie emuntur et venduntur etiam chirographa, et actiones personales, et servitutes. Secunda: *Extendens se ad omnem ejus usum*: quæ pars est loco differentia; nam proprium est perfecti domini, ut possis re tuâ uti pro tuo arbitratu, eam vel tibi servando, vel vendendo, vel donando, vel vastando. Hic excluduntur primò, omnia ea jura, quæ etsi dicantur dominia, non sunt tamen dominia plena, ut *dominium directum*, quod est dominium proprietatis nudæ sine usufructu: et *dominium utile*, quod est solius usufructus, vel usus: et *dominium jurisdictionis*, quale habet rex in regnum, et omnis superior in subditos. Secundò excluditur jus pignoris, et hypothecæ, et similia; quamvis enim per hæc obtineatur aliquod jus in re ad aliquem determinatum effectum et usum, non tamen ad omnem usum: quia res, in quibus hæc jura habentur, non possunt vendi, donari, destrui. Sic Religiosus non habet dominium in vestes et libros, quia non habet jus ad omnem eorum usum, sed solum ad determinatum.

9. Tertia est, *nisi lege prohibeatur*, quia etsi dominium ex naturâ suâ tale sit ut tribuat potestatem ad usum seu dispositionem rei qualemcumque; tamen interdum lege impediens fit ut hæc potestas non possit exire in actum. Sicut qui habet potentiam naturalem videndi, impeditur interdum ne possit eâ uti ad videndum; quo

impedimento sublato, statim sine accessione novi auxilii potest in actum exire. Sic pupillus prohibetur alienare rem suam usque ad certum tempus, cum tamen sit verus dominus, ut Apostolus ait ad Gal. 4. Sic majoratus, fideicommissa, et alia bona, quæ dicuntur vinculata, alienari ex legum dispositione non possunt, cum tamen verò domino possideantur, non enim hoc impedimentum quod lex inducit, tollit naturam domini aut jus in re, sed solum impedit ejus juris usum aliquem et executionem; quo impedimento per lapsum temporis, vel aliter cessante, sine collatione novi juris potest illa alienare. Simili modo potest impediri per votum et juramentum, ut infra patebit.

10. Ex his facile intelligi potest illa jurisperitorum definitio: *Dominium est jus perfecte disponendi de re corporali, nisi lege prohibeatur*, ubi corporali, melius omititur, ut dictum est. Hæc tamen definitio non explicat hoc jus esse in re fundatum; quod tamen ad rationem domini est necessarium.

Dico: Dominium videtur quid prius jure; ideo enim habes jus in re illa ad omnem usum et dispositionem, quia es ejus dominus; non contra: ergo dominium non est formaliter jus.

11. Resp.: Perfecta ratio domini non est prior jure et potestate disponendi de re, sed hanc essentialiter includit: esse enim dominum rei, est rem illam ita habere sibi subjectam et astrictam per aliquem actum, v. g. per emptionem et apprehensionem, ut ex vi illius subjectionis possis de eâ liberè disponere. Itaque dominium ex parte rei dicit subjectionem rei, et veluti servitutem, quâ domino est obstricta, et dicitur formaliter esse res mea, tua, sua: ex parte domini dicit non tantum nudam illam habitudinem, quâ dicitur rem habere per emptionem et traditionem; sed etiam potestatem et jus quæ ex vi modi illius habendi sequuntur. Ad rationem in oppositum,

Resp.: Etiam dicimus hominem posse intelligere, quia habet intellectum; et tamen intellectus essentialiter est potentia intelligendi. Itaque iste modus loquendi non est sufficiens signum, rationem domini esse priorem quàm sit ratio juris; potentia enim omnis considerata in se et ad se, concipitur ut prior seipsâ, considerata in ordine ad actum, cum tamen reverà prior non sit; eò quod respectus et ordo ad actum sit illi essentialis.

DUBITATIO III.

Quænam requirantur ad domini acquisitionem.

12. Respondeo, et dico primò: Quando dominium ab uno in alium transferendum est, ad acquisitionem domini ordinariè duo requiruntur, *titulus et traditio*: ita docet Covar., lib. 2 Var. c. 19. Colligitur apertè L. Traditionibus, 22 c. de pactis: *Traditionibus dominia rerum, non nudis pactis transferuntur*, juncta simul lege nunquàm; 31, 1, de Acquir. rer. dom.: *Nunquàm nuda traditio transfert dominium*; sed ita, si venditio, aut aliqua justa causa præcesserit, propter quam traditio sequeretur. Ex his duabus legibus apertè habetur utrumque requiri et sufficere. Ratio est ipsa legum dispositio: nam jure naturæ non est necessaria traditio: est

tamen rationi consona, quia sicut ut possim re aliquà uti naturaliter, requiritur in me vis utendi, et in re conveniens applicatio : ita, ut possim re aliquà uti moraliter tanquàm dominus, requiritur ex parte meà aliquod jus, per contractum aliquem, vel similem modum, et ex parte rei debita applicatio, quæ fit per traditionem vel apprehensionem. Accedit, quòd hæc ratione evitetur etiam incertitudo dominiorum, multarum litium seminarium.

13. *Titulus* est id in quo totum jus primitus fundatur, ut emptio, donatio, successio hæreditaria, et similia; per hæc tamen nondum habetur dominium, aut jus in re; sed solum ad rem: nisi accedat certa quædam traditio, quæ est veluti conditio necessaria ut ex vi prioris donationis vel emptionis resultet dominium. Unde si Petrus tibi vendidisset prædium, domum, pannum, equum, vel aliud quiddam, et ante traditionem venderet alteri et traderet, secundus emptor acciperet ejus dominium, nec teneretur illud tibi cedere, sed solum haberes actionem damni in venditorem, ut patet ex l. *Quoties*, 15, c. de rei Vindicatione. Nisi fortè alteri esset tradita titulo gratuito; tunc enim posses illam vindicare, similiter, si alteri esset quidem tradita titulo oneroso, sed scienti eam tibi antea venditam, de quo vide Covarr. lib. 2 Variarum, c. 19, num. 5, et infra, cap. 21, dub. 19.

14. Notandum est, ex eo quòd per solum titulum vel contractum non consequimur dominium, vel aliquod jus in re ante traditionem; sed solum actionem personalem, (præterquàm in pignore et hypothecà) resultare multos effectus, ut benè ostendit Antonius Gomez, de Servit. n. 23 et 24. Primò, promisisti alicui vel vendidisti servitutem in prædio, v. g. jus eundi, vel currum ducendi per tuum prædium, et nondum tradidisti eo modo, quo tradi debet; si alteri vendis prædium, ille non habebit actionem in emptorem, aut in prædium, sed in te.

15. Secundò, si vendidisti prædium cum pacto de retrovendendo, et ille vendat alteri, non habebis actionem in illum secundum emptorem, aut in prædium, sed in primum; quia nudum pactum de retrovendendo non tribuit tibi jus in re, sed actionem contra emptorem. Tertiò, si alienasti bona tua in fraudem creditorum, et emptor alienarit in tertium, creditores non habent actionem in illa bona, vel in tertium, sed tantum in secundum, si fuit conscius fraudis, etc. Vide plura apud Gomez, suprà.

16. Dixi ordinariè, quia in quibusdam casibus non est traditio necessaria ad dominium acquirendum. Primò, in *beneficiis*: nam in his acquiritur jus in re, et quasi dominium per collationem et acceptationem, ut patet ex c. *Si tibi absentis*, tit. *De præbendis* in 6. Secundò, in *hæreditate*: ut enim quis fiat Dominus hæreditatis, sive per testamentum, sive ab intestato, non requiritur aliud quàm ut hæreditas adeatur, ut patet ex l. *Cum hæredes*. 23, π, de Acquirendà vel Amittenda possessione, ubi sic dicitur: *Cum hæredes instituti sumus, aditæ hæreditate omnia quidem jura ad nos transeunt, possessio autem nisi naturaliter apprehensa sit, ad nos non pertinet.* Aditur autem hæreditas,

dum acceptatur verbo, vel facto, ut habetur Instit. de Hæredum qualitate, § ult. Tertiò, in *legato*; si enim tibi res certa legata sit, statim hoc ipso quo hæres acceptat hæreditatem, efficeris ejus dominus, ut colligitur ex l. *A. Titio* 64, π, de Furtis, ubi dicitur *quòd res legata rectà vià ab eo, qui legavit, ad eum, cui legata est transeat*. Quartò, quando aliquid donatur, venditur, aut relinquitur civitatibus, ecclesiis, aut aliis piis locis, aut in redemptionem captivorum, ut colligitur ex l. *Ut inter jus divinum*. 23, c. de Sacrosanctis Ecclesiis. Quintò, in contractu societatis omnium bonorum per matrimonium, de quo vide Covar. lib. 3 Variar. cap. 19, n. 1 et 2. Sextò, si donasti et tradidisti alteri domum, fundum, vel quid simile, sub eà conditione ut tibi alimenta præbeat; illo non præbente, ut debet, statim recipis dominium et possessionem illius rei, absque ullà traditione, l. 1, c. de Donat. quæ sub modo. Septimò, si princeps contrahat cum aliquo, vel donet, et intendat transferre dominium, erit translatum absque alià traditione, ut docet Covar. l. 2 Variar. c. 19, n. 5. Ratio est, quia sicut ex voluntate principis est quòd requiratur traditio; ita etiam ipsius arbitrio potest omitti. Præter hos vix invenias alios casus, in quibus ad comparandum dominium sive plenum, sive non plenum, non requiratur traditio jure communi Cæsareo, nam de juribus propriis variorum regnorum, vel dominiorum non est nobis hic sermo.

Adverte tamen, ad jus hypothecæ vel pignoris, talem traditionem aut apprehensionem non esse necessariam, sed nudam conventionem, vel legis dispositionem sufficere, ut patet l. 1, π, de Pignoribus.

Dico secundò, quando dominium non transfertur, ab uno ad alterum, ad acquisitionem ejus sufficit apprehensio: sic enim acquiruntur dominia earum rerum, quæ nullius sunt; ut infra dicetur cap. 5.

DUBITATIO IV.

Quidnam sit ususfructus.

17. Respondeo, *est jus rebus alienis utendi, fruendi, salvâ rerum substantiâ*. Ita habetur Instit. de Usufructu, in principio. Habet hæc definitio quinque partes. Prima, *est jus*; quia non loquimur hic de usu actuali, quem jurisperiti vocant usum facti, sed de ipso jure utendi, fruendi. Secunda est, *utendi*, ut excludatur jus, quod habet creditor in pignore vel hypothecà, vel depositarius in deposito; hi enim non possunt uti rebus illis: quòd si utantur invito domino, tenentur ei restituere æstimationem usûs. Tertia, *fruendi*, ut excludatur nudum jus utendi re aliquà, quod non extendit se ad ejus fructus percipiendos: sicut facit hoc jus, quo non solum datur potestas utendi re illà, in quâ constitutum est, v. g., equo, domo, agro, silvâ, sed etiam fruendi, id est, percipiendi omnes fructus, ita ut hoc ipso quo eos colligit, acquirat in eis plenum dominium. Si tamen fructuarius, priusquàm eos collegerit, moriatur, etiamsi jam sint maturi, acquiruntur domino proprietatis: non hæredibus fructuarii, ut

habemus Instit. de Rerum divisione, § 1a verò. Ratio est, quia quamdiu adherent fundo, censentur unum cum solo, unde pertinent ad dominum soli, donec fructuarius eos colligendo comparaverit sibi eorum dominium; quare si durante suo jure non collegerit, manebunt dominio fundi. *Fructus* autem dicuntur, in grege quidem, lana, lac, fetus: in fundo, forum, segetes, virgulta, salices et omnes arbores caduæ: fructifera autem non censentur in fructu, proles ancille non censetur in fructu, ob dignitatem naturæ. Vide de his omnibus lib. 7, π, tit. 1, potissimum l. 8 et 59, et 68. Quarta, *rebus alienis*, ut excludatur jus utendi et fruendi, quod quisque habet in re suâ. Quinta, *salvâ rerum substantiâ*, quia fructuarius debet rem integram proprietario reservare. Hinc fit ut usufructus propriè dictus non possit constitui in rebus quæ usu consumuntur, ut in vino, oleo, frumento, pecuniâ. Utilitatis tamen causa in his constitui potest quasi usufructus, tunc autem transfertur dominium in fructuarium; sed hic debet dare cautionem se finito tempore præscripto restitutum pecuniam, vel rei æstimationem. Vide Inst. suprà, § *Constituitur*.

18. Notandum autem est primò, ob hanc ultimam particulam, ut *salva maneat rei substantia*, fructuarium obligari ad hæc quatuor. Primò, si habet usumfructum gregis, vel armenti, quamvis possit uti frui lacte, lanâ, fœtu; tamen in locum capitum demortuorum, vel inutilium, debet è fœtu substituere alia capita: quæ postquàm substituerit, cedent in dominium proprietari: unde si pereant, ipsi peribunt. Ita habemus Instit. de Rerum divisione, § *Sed si gregis*, hoc tamen non habet locum quando conceditur usus, non gregis collectivè, sed animalium, seu singulorum capitum; tunc enim non tenetur substituere. Ita habemus l. *Quid ergo*, 70, π, de Usufructu. Ratio est, quia grex est æternus; sed singula capita seorsum pereunt.

Secundò, si usufructus sit constitutus in silvâ aut vineâ, tenetur fructuarius loco arborum vel vitium demortuarum alias serere; nisi vi tempestatis, vel simili casu essent eversæ; quod enim fortuitò perit absque culpâ fructuarii, proprietario perit.

Tertiò, si in ædibus sit constitutus usufructus, tenetur ad modicam earum reparationem proprio sumptu, ut integræ permaneant; non tamen tenetur ad magnos sumptus quibus efficiantur meliores.

Quartò, tenetur ad dandam cautionem proprietario, se boni viri arbitrato usurum, fructurum re ipsius, eamque restitutum finito tempore præscripto: vide plura apud Silv., sed minoris momenti.

19. Notandum secundò, usumfructum acquiri dupliciter, primò, legis ordinatione. Hic dicitur *legalis*, ut is, quem pater habet in peculio filii adventitio, quamdiù filius est sub patriâ potestate, et quem habet mater transiens ad secunda vota in bonis prioris tori.

Secundò, privatâ dispositione, ut testamento, pactionibus, stipulationibus, ut habetur Instit. de Usufructu, § *Hic dicitur conventionalis*. Vide Gomezium, de Servitutibus, n. 1.

DUBITATIO V.

Quomodo usufructus amittatur.

20. Respondeo, amitti multis modis: primò, si moriatur usufructuarius; secundo, si res ipsa pereat: ut si domus incendio consumpta sit; tertio, si tanto tempore non utatur suo jure, quanto opus est ut dominus directus contra eum præscribat. Hoc autem tempus est 10 annorum inter præsentem, et 20 inter absentes, ut colligitur c. de Usufructu, l. penult. Quartò, per maximam capitis deminutionem.

21. Dicebatur autem maxima capitis deminutio, cum civitas simul et libertas amittebatur: hoc autem fiebat tribus casibus. Primus est, per condemnationem ad metalla, vel ad bestias, vel generatim ad mortem. Sæpè enim condemnatio ad mortem longo tempore antecedeat executionem. Hi dicebantur effecti servi pœnæ; quòd autem omnes ad mortem condemnati hùc pertineant, patet l. *Qui ultimo*, 29, π, de Pœnis, et clarius l. *Quod ad statum*, 12, ibidem, ubi dicitur, *eos in quos animadverti jubetur, statim servos pœnæ fieri*. Eòdem pertinent damnati perpetuò ad trirèmes, ut docet Comesius ad l. 4 Tauri. n. 1. Et quamvis per authent. primam de Nuptiis, c. 8, ablata sit servitus pœnæ, quatenus erat impedimentum dirimens matrimonium; non tamen est ablata, quâ parte faciebat amitti usumfructum, eumque reverti ad proprietarium, ut eruditè ostendit Molina, disput. 9. Secundus est, quando libertus ingratitudinis in patronum condemnabatur, ideòque rursus in servitutem revocabatur. Tertius, quando se patiebatur vendi, ut esset particeps pretii. Hi tres casus habentur Instit. de Cap. demin. § 2. Quintò, per mediam capitis deminutionem; quæ est, cum civitas amittitur, sed libertas retinetur; hoc autem fiebat duobus casibus: primò, cum quis deportabatur in insulam. Secundò, cum aliquis proscribebatur interdictus aquâ et igni; ut habetur Instit. sup. ubi.

22. Adverte, hæc debere esse perpetua, et cum amissione omnium bonorum; quò modo fiebat apud veteres: alioquin non inducunt mediam capitis deminutionem. Hi omnes dicuntur mortui civiliter, quia testari non poterant, et respectu bonorum perinde se habebant, ac si mortui fuissent. Vide Silv. v. Testamentum, l. q. 4. Eòdem pertinent damnati ad carceres perpetuos, juxta communem sententiam doctorum. Per professionem verò non redit usufructus ad proprietarium, sed transit ad monasterium, si est capax successionis; ut rectè Navar. commentario secundo de Regular. n. 70, et seq. colligitur authent. *Ingressi*, c. de Sacrosanct. Eccl., de quo infra c. dub. 10.

Sextò, si usufructuarius cedat jure suo ipsi proprietario.

Septimò, si acquirat rei proprietatem: quòd consolidatio dicitur. Vide Instit. de Usufructu, § *Finitur*; et *Silvestrum*, verbo *Usus*, q. 41.

23. Octavò, si pater fiat hereticus, hoc ipso amittit usumfructum in bonis adventitiis filii: isque sta-

tim coalescit cum dominio directo, quod habet filius. Ita docet Jacobus Simanchas, Institutionum catholicarum, tit. 9, n. 81, et noster Molina, disp. 9. Ratio est, quia propter crimen hæresis paternum, etsi adhuc occultum, filius omnino exit patriam potestatem, efficiturque sui juris, adeo ut nullâ aliâ emancipatione egeat, ut expressè habetur c. 2, de hæreticis in 6, Alex. 4. Si nullâ aliâ eget emancipatione: ergo etiam quoad bona sua est exemptus à jure paterno, unde sequitur, posse illum uti occultâ compensatione, si aliter suo juri consulere nequit.

DUBITATIO VI.

Quid sit usus.

24. Respondeo, *usus est jus utendi re alienâ, salvâ ipsius substantiâ.* De hoc agunt Institutiones et Digesta, post titulum de Usufructu. Patet ex dictis de usufructu. Additur, *salvâ rei substantiâ*, ut excludatur jus ad usum quo res consumitur, vel alienatur; qui etiam dicitur usus, sed non ita propriè. Quid autem concedatur in usu fundi, ædium, servi, pecoris, eleganter explicatur in Instit. tit. de Usu et Habitatione.

25. Solùm hic duo notanda. Primum, eum, cui concessus est usus alicujus rei, non posse illam alteri locare, vel gratis concedere: secus est de eo qui habet usumfructum, hic enim potest rem illam alteri locare, et percipere pretium clocationis, vel gratis concedere. Institut. de Usu, § 1, non tamen ita ut alter fiat usufructuarius: sed ut habeat jus quoddam ad percipiendos fructus dependens à jure usufructuarii.

26. Secundum, in omnibus rebus alienis, quibus aliquo modo uti vel etiam frui possumus, considerari quamdam relationem subjectionis et obligationis respondentem juri nostro, quod in illis habemus; quæ subjectio seu obligatio vocatur *servitus* à jurisperitis, tit. de servitutibus rusticorum prædiorum, et urbanorum, π, eodem tit.

27. Dico, in omnibus rebus alienis, quia *nemini res sua servire dicitur*, secundum jurisperitos, sed aliena tantum, ut habetur l. *Uti frui*, §, π. Si usufructus petatur: idque distinctionis causâ à dominio; quia jus servitutis formaliter minus est quàm jus domini. Unde jurisperiti subjectionem rei, in quam habemus dominium, non vocant servitutem formalem, sed causalem. Vide Gomezium de Servitutibus in principio.

DUBITATIO VII.

Quid sit servitus apud jurisperitos.

28. Notandum est, hoc nomen dupliciter accipi apud jurisperitos; primò, pro subjectione et obligatione quæ est in re alterius, ut ipsa quodammodo serviat alteri. Secundò, pro jure, quod respondet illi obligationi.

Si accipiat pro jure, sic nihil aliud est quàm jus fruendi, vel aliquo modo utendi re alienâ, vel aliquid circa eam impediendi, hoc modo est quid generalius quàm usus et usufructus; omne namque jus utendi

vel fruendi est servitus; ut docet Gomezius de Servitutibus, n. 1 et 2, non contrà: nam jus impediendi ne altiùs attollas murum, est servitus; non tamen est usus vel usufructus.

Si autem pro *subjectione rei*, sic nihil est aliud quàm obligatio realis, quæ res alteri est obstricta, ut possit ex ipsâ percipere fructum, vel eâ aliquo modo uti, vel circa eam aliquid impedire.

29. Dividitur autem in tres species, secundum Gomezium, et alios; alia enim *servitus est merè personalis* ut ea quæ à personâ debetur personæ: ut si mihi usum servi tui ad tempus, vel ad vitam meam concesseris. Alia est *merè realis*: ut ea quæ à re debetur immediatè alteri rei, talis est quæ respondet juri agrorum, vel domorum, et similium rerum. Dixi *immediatè*, quia hæc servitus etiam debetur à re personæ; sed mediatè tantum, nempe ex eo quòd fiat talis rei dominus vel conductor, v. g., ager meus habet jus ut per agrum tuum possit iri, vel jumentum duci in meum; ager tuus servit meo; estque hæc servitus realis; quia à re debetur immediatè rei; et consequenter hoc jus transit ad eum ad quem transit meus ager. Alia est *mixta*, quæ à re debetur immediatè personæ, hæc extinguitur cum personâ cui debetur, talis est in re, quâ possumus uti vel frui immediatè.

30. *Servitus autem realis* dividitur in *Rusticam* et *Urbanam*, id est, in eam quæ prædio rustico, et quæ urbano debetur. *Prædium urbanum* in jure vocatur omne habitaculum, etiamsi in villâ sit, et hortus annexus, causâ amœnitatis. *Rusticum* quodvis aliud; ut stabulum, horreum, ager. *Servitutes igitur urbanae* sunt, v. g., ut ædes tuæ non possint altiùs attolli, ne officiant vicini luminibus; ut in tuum parietem possit immitti tignum à vicino, et similia. *Rusticæ*, ut liceat tibi per fundum alterius ire in tuum, vel jumentum agere, vel aquam ducere, et similia; quæ optimè explicantur Instit. de Servitutibus, et lib. 8. Digestorum, tit. 1, 2, 3, 4, qui sunt de Servitutib. Hæc enim non magnoperè pertinent ad nostrum institutum. Vide plura apud Gomezium, de Servitutibus.

DUBITATIO VIII.

Utrum distinguatur usus à dominio, in rebus quæ ipso usu consumuntur.

Sunt duæ sententiæ admodum celebres, occasione Ordinis Fratrum Minorum, qui dicunt se nullius rei habere dominium, ne in communi quidem; sed nudum duntaxat usum.

31. Prior est Joannis 22, extr. quæ incipit, *Ad conditorem*, § *Quòd autem*, et duabus seqq.: jus utendi rebus illis, quæ ipso usu consumuntur vel alienantur, non distingui à dominio earum; ac proinde Fratres Minores habere verum dominium in hisce rebus. Hanc sententiam sequitur Franciscus Sarmiento, de Redit. parte 1, c. 1, et 1 parte defensionum contra Navar. pag. 11, et Silv., verbo *Dominium*, § 3, et Turrecremata, lib. 2 Summæ, c. 112, ad 10 argumentum.

Alter sententia est omnino contraria; nempe in hisce rebus hæc duo distingui, et proinde Minores,

etsi usum habeant talium rerum, nullo tamen modo habere dominium, sed hoc esse penes sedem Apostolicam. Ita declaravit Nicolaus III. Extrav. *Exiit qui seminat*, de verborum significatione, in sexto, et postea Clemens V. in Clementinâ, *Exiit de Paradiso*, eodem tit. Ante Nicolaum in eadem sententia fuisse Innocentius IV. et Alex. IV. et Gregor. IX. quos Nicolaus pro se citat. Hanc sententiam sequitur Soto lib. 4 de Justitia q. 1, a. 1. Navar. commentatio 2 de Regular. num. 3, et plerique alii, pro quâ

32. Dico primo, jus utendi potest esse separatum à dominio, etiam in his rebus quæ unico actu utendi consumuntur, vel alienantur, explicatur simul et probatur.

Dupliciter enim potest alicui concedi usus, et jus utendi pane, vel pecuniâ: 1° *irrevocabiter*, et tunc non videtur multum differre à dominio, 2° *omnino revocabiter*, et dependenter à voluntate concedentis, ita ut quovis momento possit revocari sine ulla injuriâ usuarii et hoc jus sine dubio distinguitur à dominio, quia dominium est jus in re absolutum, et firmum, non dependens ex alterius nutu et arbitrio; hoc autem est conditionatum, et debilissimum; habeo enim illud, si velis; non habeo, si nolis me habere. Tale est quod singuli religiosi in vestes, libros, cibos, et similia, quæ illis à superioribus conceduntur, habent. Non enim ita conceditur illis jus utendi, quin ad nutum superioris revocari possit, nam ratio religiose paupertatis hoc intrinsece includit.

35. Notandum autem est, *usum irrevocabilem* à Nicolao III. Extrav. *Exiit*, vocari *Usum juris*; tum quia in eo habetur jus absolutum; tum quia jura de eo loquuntur. *Usum autem revocabilem* vocat *usum facti*; non quod in eo nihil sit juris, sic enim injustus esset, ut recte Joannes argumentatur, sed qui non est jus absolutum et solidum, utpote ab alieno nutu dependens, donec res ipso facto consumatur.

34. Dico secundò, verius est, conventus, totumque Ordinem Minorum, non solum in rebus aliis, sed etiam in his quæ unico actu utendi consumuntur, habere nudum usum seu jus utendi separatum ab omni dominio.

Patet ex decretis pontificum Nicolai et Clementis, quibus tres alii pontifices consentiunt: estque communior sententia doctorum.

Probatur primò; quia cum hæc possint separari, nihil mirum si de facto in aliquo ordine sint separata.

Secundò, certum est, religiosos singulos tantummodo habere talem usum, absque omni dominio, nam quidquid habent, potest illis ad nutum superioris auferri sine ullâ injuriâ, quod neque hi, qui sunt alterius sententiæ, negant vel negare possunt; nam hoc est de essentiâ paupertatis Evangelicæ: ergo nihil est incommodi, si illis in aliquâ communitate constituatur; ita ut ipsa tota nihil habeat, nisi nudam rei concessionem ad usum, sine omni proprietate domini.

33. Obijcies primò, Joannes 22, extr. *Ad conditorem*, dicit se abdicare à se et sede apostolicâ. omne do-

minium harum rerum, ne Fratres Minores prætendant aliud esse apud sedem Apostolicam, ergo vel est apud nullum, vel est apud ipsos Minores.

Resp. : Fideles, qui istas res largiuntur, vel intendunt sibi reservare earum rerum dominium donec consumantur, vel non intendunt. Si intendunt, manet apud ipsos: si non intendunt, transit ad sedem Apostolicam: nam post remissionem in illam alii pontifices rursus illud admisserunt, ut habetur in privilegiis Minorum, verbo Paupertas. Itaque sedes Apostolica habet dominium non solum rerum immobilium, sed etiam omnium mobilium ordinè à fidelibus absolute donatorum, ita ut possit ordinem hunc privare sine injuriâ.

Obijcit secundò, usus distinctus à dominio est qui competit alicui in re alienâ: salva rei substantiâ: ut habetur Instit. de Usu et Habitatione, et patet ex dictis; ergo ille usus, quo quis potest rem consumere, non est distinctus à dominio: ac proinde Minores talium rerum habebunt dominium.

36. Resp. negando consequentiam: nam solum sequitur, hunc usum, quo quis potest consumere rei substantiam, non esse talem, qualis est ille de quo jura loquuntur, qui propriè et strictè dicitur *usus*; est autem magna differentia inter hos duos usus: etsi enim uterque sit jus quoddam utendi, tamen hic de quo nunc loquimur, quem ponimus in Minoribus (quique *usus facti* vocari solet), est jus ad nutum revocabile, unde si dominus tollat rem quam dedit, non faciet illis injuriâ; ille verò de quo jura, quem *usum juris* vocant, non est revocabilis: unde si dominus tollat rem ante tempus concessum, faciet injuriâ. Deinde hic extendit se ad rei consumptionem, donationem, venditionem, sicut donatum; ille verò solum ad usum, in quo salva manet domino rei substantia. Unde hic usus ratione juris est minor altero; ratione tamen functionum ad quas se extendit, est major.

Obijcit tertio, D. Th. q. 78, a. 1, docet, in illis rebus, quæ usu consumuntur, cuicumque conceditur usus, concedi etiam rem ipsam ejusque *dominium*, unde colligitur, in nutu talium rerum non posse exigi usuram, id est, pretium usus distinctum à pretio rei: ergo sentit *jus utendi* non distingui in his à dominio.

37. Resp. : D. Thom. loquitur de usu, seu jure utendi absolute et independentè ab alio, quod sane nihil vel parum distinguitur à dominio in talibus rebus, quæ unico actu consumuntur; nos verò loquimur de jure utendi dependenter ab alio, quod distinguitur à dominio rei.

Inferes: Ergo hoc jus poterit pretio vendi, retento dominio directo; et alio contractu vendi poterit ipsum dominium: quod est aperire magnam fenestram usuris.

Resp. : Concedo, absolute posse vendi hoc jus seu hunc usum; sed minoris valet quàm dominium rei, vel jus irrevocabile utendi. Non enim tanti valet jus ad nutum alterius revocabile, quanti jus irrevocabile; neque jus quod conceditur solum ad usum determinatum, quanti illud quod ad indeterminatum. Quod si

quis alio contractu velit vendere dominium directum, non potest pluris vendi quàm per se valeat seorsim ab illo usu; et ita pretium usûs et pretium domini illius directi non superabunt justam rei æstimationem: sed hic modus contrahendi non est usitatus; nam facile palliaret usuras, quamvis per se non sit illicitus.

58. Objicitur quartò, si usus distinguitur à dominio, ergo Joannes XXII erravit.

Respondeo primò, esto; quia non in quæstione pertinente ad fidem; neque ipse asseruit suam sententiam tanquàm ad fidem pertinentem; neque alios obligare ad ita sentiendum voluit: sed solum quid sibi videretur, ut vir doctus explicuit.

Resp. secundò, si quis benè rem totam introspectiat, deprehendet non esse differentiam inter has sententias, nisi in modo loquendi; non enim negasset Joannes, Fratres Minores sine consensu superioris non posse vendere cibos, qui illis apponuntur, et superiores posse illis auferre sine injurià, unde quando vult eos habere dominium, non loquitur de dominio propriè dicto; sed de quodam jure, quod in effectu æquè valet ad dominium; quia ita liberè consumunt ac si domini essent. Vide Franciscum Sarmiento, de Redditi- bus, parte 1, cap. 1.

DUBITATIO IX.

Quid sit Possessio.

39. Notandum est *possessionem* dici à *pedum positione*, ut habetur l. 1, §. de Acquir. vel amit. posses.; nam per *pedum positionem* super bona immobilia, quæ sunt potissima, ut super agrum vel fundum, solet acquiri possessio; tribuitur autem hoc nomen interdum ipsi rebus possessis. Sed hoc loco accipimus pro actu, vel jure possidendi, à quo denominatur quis possessor. Actus possidendi dicitur possessio facti. Jus possidendi dicitur possessio juris. Utraque nobis est explicanda.

40. Dico primò: *Possessio facti est detentio rei, corporis, et animi, et juris adminiculo*. Ita Silv. verbo Dominium q. 2, ex Hostiensi, eam explicat ex parte Covar. ad regulam posses. p. 2, n. 2, in principio.

Prima pars est *detentio rei*; ubi rem accipio in genere, qui non solum res corporales, sed etiam incorporæ, ut census, beneficium, servitus, et similia dicuntur possideri à theologis; quæ à jurisperitis dicuntur quasi possideri, ut notat Covar. supra. Nomine autem *detentionis*, intelligitur etiam apprehensio prima, quæ ordinariè requiritur; quæ apprehensio est possessionis inceptio, et acquisitio, ut notat Covar.

Secunda, *corporis adminiculo*; quia ut res aliqua incipiat possideri, debet aliquo modo corporaliter apprehendi manibus, pedibus, oculis, vel simili modo, non se, vel in alio, in quo censeatur contineri; ut statim dicemus.

Tertia, *animi adminiculo*, quia debet eam apprehendere animo possidendi. Unde depositarius non dicitur possidere depositum, quia non detinet illud animo retinendi sibi.

Quarta, *juris adminiculo*, non quòd omnis possessio

facti sit justa; nam fur verè possidet rem furtivam, sed quia jus facit ut talis detentio sufficiens censeatur ad constituendam possessionem: nec eam impedit, sicut impedit ne detentio rei sacræ, ut loci religiosi, facta à laico, censeatur possessio: ut patet l. *Qui universas*, 50, §. de Acquir. et amit. possessione.

41. Dico Secundò: *Possessio juris est jus insistendi alicui rei, tanquàm suæ, non prohibetè possideri*. Ita Bartol. in l. de Acquir. vel amit. poss., et Covar. supra n. 3.

Prima pars est *jus*, ut excludatur possessio facti, quæ formaliter est ipsa occupatio et detentio, unde hoc jus oritur, si justa fuerit; quòd si illa detentio fuerit injusta, non oritur ex eà jus in conscientia; unde solum dicitur possessio facti: quamvis jurisperiti omnem possessionem jus appellent, respicientes forum externum.

Secunda, *insistendi rei*, ut excludatur dominium quod per se et formaliter tantum est jus disponendi de re. Hoc verò jus in eo situm est, quòd possessor possit rem pacificè tenere, et juris remediis, et interdum etiam armis tueri adversus perturbantes, quòd hic dicitur *insistere rei*.

Tertia, *tanquàm suæ*, si quis insistat rei nomine alterius, non erit vera possessio; unde tutor non est possessor bonorum pupilli, quia illa non detinet ut sua, sed nomine pupilli: nam pupillus possidet per tutorem.

42. Sic etiam possum aliquid possidere per servum, et per filium, ut autem possideam per alium, requiritur ut ille habeat animum rem detinendi pro me; si enim intendat pro se detinere, id est, tanquàm suam, non possideo per illum, quia non meo nomine, sed suo detinet. Excipio tamen servum et filium nondum emancipatum; hi enim, cum sint ejus conditionis ut non acquirant sibi, acquirunt nobis; etsi hunc animum non habeant: ut docet Covar. supra: quod intellige, si justè acquirant; si enim acquisitio esset injusta, nec sibi nec nobis acquirerent; sed possessio maneret apud antiquum dominum. Colligitur Instit. *Per quas personas nobis acquir.*, §. *Item placet*; in fine. Et l. *Quod servus*, 24, §. de Acquir. posses.

Quarta, *non prohibetè possideri*, quia nemo potest habere jus possidendi contra juris dispositionem, seu jure resistente; ut rei sacræ, loci publici, decimarum à laico.

DUBITATIO X.

Quomodo dividatur possessio.

43. Resp.: Etsi variis modis dividi possit, nimirum vel pro diversitate titularum, vel ratione bonæ et malæ fidei; usitatissima tamen est ea divisio, quæ in *Civilem* et *Naturalem* dividitur. *Civilis est quæ solo animo retinetur*; quamvis enim Initio ut incipias possidere, requiratur adminiculum animi pariter et corporis ut dictum est; tamen postea ut retineas et continues possessionem, sufficit animus retinendi rem, nec desistendi à possessione, ut habetur instit. de Interdictis, §. *Possidere*. Hoc modo possidet is qui abest

à rebus suis, sed animo eas retinet et occupat. Dicitur autem hæc possessio civilis, tum quia magis constat jure civili quam naturali, cum naturalis modus possidendi sit per corporalem insistentiam, tum quia parit effectus civiles, scilicet usucapionem rei, et dominium fructuum.

44. *Naturalis est quæ corpore simul et animo retinetur*, ut quando quis occupat rem ut suam; potest hæc naturalis conjungi cum civili, ut quando quis est præsens per se vel alium, rebus quas civiliter possidet: diciturque tunc possessor civiliter et naturaliter possidere: quæ possessio est firmissima. Potest etiam esse separata à civili: ut si invasor occupet rem eam immobilis; ego civiliter, ille naturaliter eam possidet, hæc possessio infirmior est quam civilis. Ad hoc tamen valet ne possessor possit ab extraneo daturbari, et interdum ne ab ipso quidem domino sine auctoritate publicâ.

45. Sed adverte, hæc duo nomina interdum aliter accipi; nempe, ut *possessio civilis* dicatur, quâ res possidetur quoad dominium directum; *naturalis* autem, quâ possidetur secundum usumfructum, vel usum, vel habitationem, vel alia jura diversa à dominio, ut docet Covar. ad reg. Possessor, p. 2, n. 4. Sic fructuarius possidet rem nomine suo naturaliter, quoad usumfructum; quamvis non possideat eam nomine suo, quoad dominium directum. Idem possidet usumfructum, seu jus utendi fruendi, quod habet in re civiliter. Supradictis duabus speciebus possessionis à quibusdam DD. addi solet tertia, quam vocant *civilissimam*, quæ solâ legis ordinatione constat, de quâ infra n. 48.

DUBITATIO XI.

Quibus modis acquiratur possessio.

46. Resp. tribus modis acquiri, *apprehensione vera, apprehensione fictâ, legis dispositione.*

Apprehensio vera est quæ fit manibus vel pedibus; hæc est necessaria, quando acquirenda est possessio earum rerum quæ dominium non habent, ut ferarum, gemmarum, thesaurorum, insularum, fluminum; item hæreditatis relicte, quia domino caret, qui eam tradat; quando quis etiam clam, vel vi possidere vult, requiritur vera apprehensio; denique si alius rem possideat, qui nolit tibi possessionem tradere, debes eam verè apprehendere, ut possideas, nisi fortè auctoritate judicis ea tibi eminùs ostendatur, et ficto modo tradatur. Vide Antonium Gomezium in legem 45 Tauri, n. 55.

47. *Apprehensio ficta* locum habet, quando res habet possessorem à quo tradatur, vel quando loco possessoris auctoritate judicis traditur; hujus sunt varii modi; usitatores sunt isti: 1° Si antiquus possessor tradat alteri, cui vult possessionem cedere, claves domus in quâ sunt merces tradende, idque apud ipsam domum, seu in præsentia domus, ut probat Covar. l. 3 Variarum, c. 16, num. 11. Ratio est, quia dum emptor apprehendit claves, censetur res ipsas intus conditas apprehendere. 2° Si tradat alteri scripturam,

sen instrumentum quo constet de titulo et jure quo rem possidebat. Nam in tali instrumento res ipsa contineri videtur. 3° Si antiquus possessor eminus vel communis ostendat mihi fundum, dicatque se tradere illius possessionem, et ego significem me acceptare: oculi enim sunt veluti longæ quædam manus quibus res visas quasi contrectamus. 4° Quando post contractum, consentiente antiquo possessore, apponitur custodia nomine ejus ad quem res transfertur, sive res sit mobilis, ut pecora, triticum, vel aliæ merces: sive immobilis, ut fundus, castrum, oppidum. 5° Si dem, aut vendam tibi rem absentem, et constituam me tuo nomine ejus rei possessorem: tunc enim per me incipis possidere, nec opus est alia apprehensione. Hoc jurisperiti vocant tradere et acquirere possessionem *per clausulam constituti*. 6° Si re tibi venditâ vel donatâ, constituam me conductorem ejus, vel reservem mihi usumfructum: nam hoc ipso censearis per me accepisse possessionem. Vide plura apud Antonium Gomezium, ad legem Tauri 45, à numero 45 et deinceps, et Molinam disp. 14.

48. *Legum dispositione* interdum transfertur possessio absque ullâ verâ vel fictâ apprehensione, si leges ita statuunt, ut optimè probat Covar. lib. 3 Variarum cap. 5, num. 6. Ratio est, quia modus acquirendæ et amittendæ possessionis juri humano subjacet, quod potest statuere varios modos, prout magis videtur expedire reipub. pro diversitate rerum et provinciarum. In regno Castellæ, majoratûs possessio, et omnium pertinentium ad jus primogeniû, transit ad proximum cognatum, vel agnatum, cui jure debetur, sine ullâ verâ vel fictâ apprehensione, ut habetur l. 45 Tauri, citatâ apud Covar. Simili modo apud Gallos possessio defuncti transit in ejus hæredem, etiam extraneum, sine ullo apprehensionis actu; teste Covar, ibidem; qui idex multis DD. probat. Hunc modum possidendi doctores vocant *civilissimam possessionem*, quia fit solâ legis civilis potestate, absque ullo animi vel corporis adminiculo, etiam nesciente eo qui incipit possidere.

49. Possessio autem *jurium et servitutum* apprehenditur dupliciter. Primò, si mittam te in agrum, in quo volo tibi servitutem constituere, tuque illuc eodem animo eas. Secundò, si utaris aliquo jure tanquàm ad te pertinente, sciente et ferente eo cujus intererat concedere vel prohibere: qui modus est generalis, et extendit se etiam ad ea quæ non sunt in re aliqua constituta, ut ad jus eligendi, præsentandi, et similia; de quo vide Covar. reg. Possessor, 2 p., initio, à § 8. Quomodò autem beneficii possessio acquiratur, idem l. 3 Variarum cap. 16, n. 10, ubi vide multa alia ad hanc questionem de acquirendâ possessione variarum rerum et jurium pertinentia. Verùm in his omnibus spectandæ sunt consuetudines regnorum et provinciarum, quæ admodum sunt variae.

DUBITATIO XII.

Quomodò amittatur possessio, tum mobilium, tum immobilium.

50. Resp. et dico primò: *Possessio rerum mobilium*

tum civilis, tum naturalis, amittitur: primò, solà voluntate possessoris nolentis eam amplius possidere. Secundò, per furtum aut rapinam alterius. Tertiò, si alterius custodiæ subsit, qui eam incipiat detinere tanquam suam, ad quod requiritur ut eam corporaliter apprehendat reverà, animo eam sibi retinendi. 1. *Possideri*. 5. π. de acquir. possess. Quartò, per amissionem rei, v. g., bursæ, annuli: vel per fugam, si sint animalia; ut si pecus aberraverit à grege, desinit statim possideri à domino: si gallinæ et similes aves domesticæ avolaverunt, nec habeant consuetudinem per se redeundi; secus verò, si habeant consuetudinem redeundi. De quibus et aliis animalibus, ut piscibus, feris, columbis, vide plura d. 1. *Possideri*. π. de acquir. et amit. possessione. Dixi, si sint animalia; quia possessio servi et ancillæ non amittitur per ipsorum fugam, ut patet l. Pomponius. 13. π. ibidem.

51. Dico secundò: *Rerum immobilium possessio civilis et naturalis* amittitur, 1^o si possessor sit longo tempore absens; nec per alium rei insistat, neque etiam protestetur se nolle amittere possessionem: quòd si non diù absit, vel protestetur, amittit solum naturalem, non civilem. 2^o Si rem scio ab alio occupatam, et negligat. 3^o Si reversus, statim quidem repetat suam possessionem, sed ab occupante repellatur, nec audeat ei resistere. 4^o Si timens repulsam non audeat repetere, aut invadere possessionem. 5^o Si nesciat rem esse suam, et ideò nec censeat illam in bonis suis: tunc enim caret animo possidendi. Hinc per longam oblivionem perditur possessio, ut docet glossa in cap. 11 Clerici. 16. q. 4. et colligitur ex l. Furtum. π. de Usucapionibus. Item si id quod possidemus, ita perdidimus, ut ignoremus ubi sit, ut habetur l. Si id quod. π. de acquirend. possess. 6. Si res ita sit occupata, ut non sit probabilis ejus recuperatio, ut si vir valdè sit potens, qui illam occupet; vel mare aut flumen assidue inundet. Quamdiù verò possessor est in ipsa re, ut in domo, vel fundo, aut in conspectu ejus, aut saltem propè, ita ut præstò possit adesse cum opus fuerit, retinet semper rei immobilis possessionem, tum naturalem tum civilem. Vide plura apud Gomezium supra; et π. tit de acquir. et amit. possess.

DUBITATIO XIII.

Quid privilegii conferat possessio.

52. Resp. primò: *Possessio*, si sit bonæ fidei, parit præscriptionem; id est, facit ut res quæ non est tua, elapso certo tempore fiat tua, et omnes fructus percepti. Secundò, si oboriatur dubium de rei dominio, et adhibita diligenti inquisitione maneat adhuc dubium utrius sit, melior est conditio possidentis. Tertiò, in judicio parit præsumptionem domini; unde possessor non debet probare rem esse suam, sed alter qui eam repetit: qui nisi id satis probet, nihil obtinebit. Quartò, possessor potest armis suam possessionem non solum naturalem, sed etiam civilem tueri, l. 5. π. de vi et vi armatâ. et l. 1. c. Unde vi, et cap. Olim, de

restit. spoliatorum; ut si foris rediens, invenias domum tuam, vel agrum ab aliquo injusto invasore occupatum, potes illum armis expellere, convocatis ad id auxiliis necessariis: servato tamen moderamine inculpatæ tutelæ. Ratio est, quia hoc non est invadere alium, sed suam possessionem tueri; sicut enim non teneor pati ut quis me dejiciat à possessione naturali domus vel agri, ita neque à civili: dejicior autem, si non audeo illum expellere. Quintò, possessor expulsus potest armis suam possessionem repetere, modò id fiat confestim et non ex intervallo, inquit Ulpianus dictâ l. 5, ut dum fur rem tuam auferens fugit; dum rediens domum, repulsus es ab iniquo invasore. *Dicitur autem fieri confestim*, vel *ex continenti*, quod fit quamprimùm commodè fieri potest, spectatâ rei difficultate et cæteris circumstantiis, ut si auxilia contrahenda essent. Vide Sil. Bellum 2, n. 5. Sextò, si dominus rei expellat injustè possessorem à possessione, amittit dominium, et applicatur expulso. Si non sit dominus, tenetur reddere possessionem expulso, et insuper æstimationem ejus, ut habemus l. Si quis in tantam, 7, cod. Unde vi, sed hæc lex, præterquam quòd pœnalis sit, ac proinde non obliget ad hanc restitutionem ante sententiam, non videtur amplius in usu, ut docet Covar. l. 3 Variarum, c. 16, n. 7. Septimò, si is qui amisit possessionem, non expellat occupatorem, sed probet, illum vi, clam, aut precariò à se accepisse, adjudicabitur ei possessio, sive ille occupator titulum habeat, sive non. Spoliatus enim ante omnia est restituendus, cap. 1, 2, et multis aliis de restitut. spoliat. et 5, q. 1, et π. de vi et vi armatâ, et π. quod vi aut clam, et π. de precario. Si autem nihil horum trium probare potuerit, alter retinebit possessionem. § Quorum vis. in fine Instit de Interdictis. Sed agendum erit de proprietate, quod vulgò de petitorio dicitur.

Si res subtracta erat defuncto, qui illam tempore mortis possidebat, adjudicanda est ejus possessio hæredi, postquam hæreditatem adierit. § Sequens divisio. Instit. de Interd. l. 1, π., et c. Quorum bonorum. Nec refert utrum clam subtracta sit, an palam prædita tanquam hæredi vel legatario, cum talis non esset. Si tamen possessor statim posset ostendere legitimum titulum, non esset privandus possessione: ut si res usucapta sit, ut colligitur ex d. l. 1, π. Quorum bonorum, junctâ glossâ.

CAPUT IV.

QUIBUS ET IN QUÆ DOMINIUM COMPETAT.

(Constat 11 dubit.)

DUBITATIO PRIMA.

Utrum soli nature rationali dominium competat.

1. Respondeo, soli nature rationali convenire, scilicet Deo, angelis, hominibus. Ratio est, quia fundamentum omnis domini est intellectus et libera voluntas, quæ soli nature rationali insunt. Quod probatur: Primò, quia illud est fundamentum domini, per quod

homo habet potestatem disponendi de rebus : hanc autem habet per intellectum et voluntatem : quia per hæc immediate habet potestatem in suos actus ; et per suos actus in res externas. Secundo, quia ratio domini includit potestatem liberam, et ordinationem in aliquem finem : atqui solus rationis et voluntatis est ordinare aliquid libere in aliquem finem. Tertio, confirm. ex Script. Gen. 1 : *Facimus hominem ad imaginem et similitudinem nostram, ut præsit piscibus maris, bestiis terræ, etc.*, ubi tribuitur homini præfectura et dominium in bestias terræ et pisces maris, ratione imaginis divinæ, quæ consistit in intellectu et voluntate liberâ. Vide Franciscum Victoriam, relect. de Indis, 1 p. num. 20.

2. Deus quidem summum quoddam, absolutissimum, et prorsus independens in omnes creaturas habet dominium, ratione creationis et conservationis, per quam tota creatura et secundum substantiam et secundum omnes suas perfectiones est ex ipso, et per ipsum, et in ipsum. Unde de omnibus liberè disponere potest prout placuerit ; nec cuiquam fiet injuria ; sepositâ tamen ipsius liberali promissione et ordinatione, quæ quandam obligationem inducit, non quidem, *justitiæ* propriè, sed *fidelitatis*, seu *veritatis*, quæ virtus passim in Scripturâ *justitia* vocatur ; de quo plura 1-2, q. 114. Cùmque sit immutabilis, inducit etiam quandam necessitatem, ita ut aliter disponere nequeat, quàm ordinavit. Hoc dominium Deus neque potest abdicare, neque ulli creaturæ communicare, neque ullam creaturam ab eo eximere : quia titulus ejus neque communicari potest, neque ab eo quisquam eximi. Hic enim titulus est creatio et assidua conservatio cause supremæ et independentis. Itaque omne dominium quod creaturis communicatur, infinitis partibus est minus ; et essentialiter dominio divino circa unamquamque rem subordinatum, ab eoque dependens.

3. Angeli propriè non videntur habere dominium, nisi suarum actionum. Possunt tamen etiam dici habere dominium rerum corporalium, quia magnam habent auctoritatem illas administrandi : quæ auctoritas interdum dominium dicitur. Sed hoc dominium non est tale, quale humanum, de quo modò loquimur. Non enim administrant illas ut suas, neque in suum commodum, sed sicut præfecti regii provincias et urbes, regis nomine. Secus est de dominio Christi hominibus, cui omnia dedit Pater in manus, ut sint ipsius ; de quo 3 p. q. 8.

4. Hominibus propriè convenit hoc dominium in res externas : nam his solis res externæ concessæ sunt, ut de illis liberè disponant ad sua commoda : quod maximè verum est de omnibus rebus sublunaribus ; unde, Psal. 8, dicitur : *Omnia subjecisti sub pedibus ejus, oves et boves, etc.*

5. Cælestia corpora, etsi condita sint ad hominis ministerium, tamen homo non propriè dicitur illorum dominus ; quia nihil circa ea potest disponere, vel mutare : commoditatum tamen quæ ab illis percipiuntur, dominus dici potest.

DUBITATIO II.

Utrum parvuli ante usum rationis habeant verum dominium.

6. Resp. habere verum dominium, ut patet ad Galat. 4 : *Quanto tempore hæres parvulus est, nihil differt a servo, cum sit dominus omnium* ; ubi Apostolus illi tribuit verum dominium hereditatis relictæ. Nec refert quod careat usu rationis, et libero arbitrio : quia etsi ad usum domini requiratur usus rationis, non tamen ad dominium ipsum habituale, quod immediate fundatur in potentiis ; quod autem non possint habere usum istarum potentiarum, provenit tantum ab impedimento extrinseco, scilicet ex redundantia humorum in cerebro. Idem dicendum de amentibus. Vide Victoriam, relectione de Indis, num. 21 et 22.

DUBITATIO III.

Utrum filii familiæ sub patriâ potestate constituti habeant dominium, et quarum rerum.

Magni refert hæc nôsse, ut sciamus de quibus validdè absque patris consensu possint disponere.

7. Suppono quadruplex genus *peculii* filiis familiæ posse competere, *castrense*, quasi *castrense*, *adventitium*, *profectitium* : est communis sententia DD. Vide Silv. verbo *Peculium*, et Nav. c. 17, n. 112. *Castrense* dicitur quod in militiâ, vel occasione militiæ partum, ut stipendia militum et aliorum qui castra sequuntur ; prædæ ex hostibus ; donativa ducum, vel commilitonum ; testamenta et legata occasione militiæ ; mobilia à parentibus vel aliis data eunti ad militiam, vel obsequium principis vel in illis versanti ; item quæ in obsequio principis in palatio, et quæ in custodiâ alicujus arcis acquiruntur. Denique omnia lucra quæ mediante aliquo contractu ex talibus bonis proveniunt.

Quasi castrense dicitur omne id quod ex beneficio ecclesiastico acquiritur ; imò quicquid acquiritur post clericatum, etiamsi aliàs esset adventitium, ut expressè habetur Anth. Presbyteros, 1, c. de episcopis et clericis : quod valdè notandum. Item quicquid acquiritur officio publico, non mechanico, ut iudicis, advocati, tabellionis ; vel professione alienius artis liberalis, et quod datur intuitu talis functionis, ut libri qui dantur à parente vel alio ei qui artem professurus liberalem ; et quod liberalitate principis ; denique quod ab aliquo datur filiofamiliæ, ut sit tanquàm *castrense* ; seu ut ipse tantum, non pater, habeat usumfructum : vocantur hæc quasi *castrensia*, quia habent privilegium *castrensi*, etsi verè *castrensia* non sint, et quia clerici sunt milites spirituales.

Adventitium, quod non provenit à parente, respectu cujus dicitur adventitium, neque ejus causâ vel intuitu principaliter datur (sic enim esset *profectitium*), sed successione, vel donatione alio intuitu factâ, vel industriâ propriâ, vel fortuitò ei obvenit ; ita tamen ut non sit *castrense*, aut quasi *castrense*, ut si inveniat thesaurum, si lucretur negociando ex

pecuniâ furtivâ, aut mutuò acceptâ; tunc enim lucrum est peculium adventitium; si in domo parentis aliquid extra ordinem lucretur, præstitis ordinariis operis ad quas tenetur; si plus lucretur quam consumit, et insinuet se cupere lucrum: si non insinuat, censetur id concedere amori parentis; de quo vide infra, cap. 12, n. 81. Mortuâ matre ante patrem, bona materna sunt adventitia filio respectu patris. Non tamen si pater præmoriatur, ejus bona sunt adventitia filio respectu matris: quia hoc jus oritur ex patriâ potestate, quam non habet mater in filium. Vide Nav. et Sil. supra, et Molinam disp. 9, et 232, et l. 4 et 6, c. de bonis quæ lib. in potestate, etc.

Profectitium est quod provenit à parente vivo, vel principaliter et proximè ejus causâ datur; nec est castrense, aut quasi castrense, ut sunt ea quæ à parentibus conceduntur filiis, ut ea administrent; et quæ dantur filio ab aliis ob amicitiam, vel obsequium parentum: secus si ob amicitiam vel obsequium filii. L. 6, c. de bonis quæ lib., etc., et Sil. supra cum Navar.

8. His positis, dico primò: Filius familiâs habet plenum dominium in peculio castrensi et quasi castrensi, ita ut tota proprietas, et ususfructus, et administratio horum bonorum sit penès filium. Ita communitur DD. Vide Nav. et Sil. supra; sunt enim aperta jura. π. et c. de Castrensi peculio.

Hinc sequitur primò, filium de his posse disponere, non secus ac si esset paterfamiliâs, per donationes vel contractus, imò etiam per testamentum et ultimas voluntates: si tamen sit pubes, i. e., si expleverit annum 14; ante enim hoc tempus testari nequit. L. A quâ ætate; 5, π. Qui test. fac. poss.; quâ de re infra cap. 19, dubit. 4.

Sequitur secundò: parentem ex his bonis non posse sibi quidquam usurpare, nisi quantum necessarium ad alimenta filii, cum illum ex suis alit: alioquin tenetur ad restitutionem, si filius velit; quòd si filius non speret futurum ut parens restituat, potest uti occultâ compensatione, vel mortuo parente petere à coheredibus: quod est notandum.

9. Dico secundò: *Peculii adventitii* filius est dominus directus, seu proprietarius: non tamen habet usumfructum, seu utilitatem, quamdiù est sub patriâ potestate, exceptis aliquot casibus.

10. Primus est, si pater filio condonet usumfructum; hoc enim non est donare de suis (quod facere non potest), sed non usurpare de bonis filii; unde filius non tenetur hoc conferre in suam legitimam, quando cum fratribus cernit hæreditatem paternam. Secundus est, si aliquid donetur filio, eâ lege ut parens usumfructum non habeat: tunc enim filius habebit etiam usumfructum, ut Navar. supra. Tertius, si aliquid ei donetur patre contradicente; non enim est æquum ut parens ex eo commodum reportet. Quartus, si ususfructus alicujus rei filio relictus sit: tunc enim parens nihil habebit. Ratio est, quia super usumfructum non potest statui alius ususfructus; nam ususfructus est ipsa commoditas et utilitas rei:

unde dicunt jurisperiti, *servitutis non esse servitutum*. Quintus, si filius unâ cum patre succedat in hæreditate fratris vel sororis. Vide Sil. verbo peculium, 1, q. 5.

11. His adde 6 casum, si parens fiat hæreticus, nam hoc ipso filius efficitur sui juris, c. 2, § fi. de hæret. in 6; ac proinde redit ad eum ususfructus, quem pater habebat in bonis adventitiis filii. Simanchas in Cathol. instit. tit. 9, n. 81. His eventis utilitas pertinet ad filium sicut bonorum castrensiùm et quasi castrensiùm; et coalescit ususfructus cum dominio directo. Spectandæ tamen hæc in re locorum consuetudines et propria jura. Hinc sequitur filium de istis extra casus prædictos non posse disponere, quia administratio et utilitas est penès patrem; potest tamen de istis donare causâ mortis, patre consentiente; ut expressè habetur, l. tam is, 25, π. de mortis causâ donat; non tamen de his testari, etiamsi pater consentiat, nisi ad pias causas, ut patet ex cap. Licet pater, 4, de sepulturis, in 6. Potest tamen de castrensiibus et quasi castrensiibus absolutè testari, ut ibidem dicitur.

12. Dico tertio: *Profectitorum* nullo modo habet dominium: quia dominium directum et utile est apud parentes: neque filius habet auctoritatem administrandi, nisi in eorum utilitatem, unde non potest de his quidquam alienare, vel in suam utilitatem convertere absque consensu parentis, respectu cujus profectitium dicitur; alioquin furtum committit. Hinc fit ut ob crimen filii hæc bona non possint fisco addici.

DUBITATIO IV.

Utrum servi habeant dominium aliquarum rerum.

13. Respondeo et dico primò, servos non videri habere aliquod dominium omninò perfectum et independens à potestate dominorum. Probatur primò, quia jura expressè dicunt, *servos, quidquid acquirunt quâvis causâ, vel occasione, dominis acquirere*, ut patet Instit. per quas personas cuique acquir. § Item nobis, et l. Id vestimentum, 25, π. de peculio, ubi dicitur, *servum nec esse dominum vestimenti quotidiani, quia qui ab alio possidetur, nihil possidere potest*.

Secundò, quia Innoc. IV in c. Cum olim, 2, de privilegiis, dicit *servum et monachum in eo esse pares, quòd neuter alicujus rei dominium habeat*; quam sententiam Nav. de Redd. q. 1, monito 10, in praxi et theoriâ receptam ait.

Tertiò, quia si servus secundum se totum quidquid est domini est, multò magis ea quæ habet domini sunt; accessorium enim sequitur suum principale.

14. Hinc sequitur dominum non facere injuriam propriè, si servo res suas adimat, sicut faceret si ab alio acciperet: quia jus omnia servi subiecit potestati domini; peccaret tamen dominus, si id quod concessit ei ut proprium, de quo pro arbitrio suo posset disponere, absque justâ causâ auferret; id enim, præterquam quòd sit inhumanum, est etiam contra fidem tacitè ei datam, nam dum sic concedit, concedit absolutè et in perpetuum, tacitèque promittit non revocare.

45. Dico secundò : Possunt tamen servi habere aliquarum rerum dominium imperfectum, ita ut eas non teneantur dominis suis tradere, quamvis domini absque iniustitiâ possint illos privare.

Probatur primo, quia, etsi jura concesserint dominis potestatem res servorum sibi usurpandi, non tamen ideo fecerunt servos incapaces omnis juris et domini, instar Religiosorum : nempe ut non possint ea que acquirunt occultare, et teneantur ea dominis exhibere ; imò credibile est id non potuisse fieri : tum quia nulla causa legitima valeret (unde ob nullum delictum talis incapacitas hactenus est inflicta) tum quia non est consentaneum humane imbecillitati, ut tale onus imponatur invito : esset enim nimis magna occasio peccandi. Secundo, quia servi possunt seipsum redimere, ut patet l. Vix, 35, c. de judicis, ubi servis datur actio contra dominos, si dicant se suis manibus redemptos, et non manus servorum contra placiti fidem.

46. Casus autem præcipui, in quibus potest servus aliquid dominium comparare, videntur esse isti : 1° Si dominus expresse vel tacite consentiat ut possit aliquid pecuniam habere. 2° Si servo aliquid donetur, vel legatur eâ conditione ut ad dominum non perveniat : tunc enim si dominus usurparet, hoc ipso amitteretur. 3° Si relinquitur servo absolute et sine conditione, non tamen intuitu domini, v. g., ob industriam, vel officium exhibitum : hoc enim videtur dari ut non sit domini, sed tantum servi. 4° Si ei aliquid detur in compensationem injuriæ illatæ ; compensatio enim fit ut ex eâ solatium capiat, loco doloris quem passus est, non ut dominus ejus inde diteseat ; unde contra omnem humanitatem esset hoc ei auferre. 5° Si aliquid lucratur suâ pecuniâ : sicut si filius lucratur pecunio castrensi vel quasi castrensi ; lucrum enim subit eandem rationem quam sors, quando quis nomine suo eam exponit. 6° Si aliquid sibi subtrahat sine domini incommodo, quod libere poterat consumere vel expendere ; aut præter opera præscripta quedam alia faciat ex quibus quæstum colligat.

47. Ex his patet, multum interesse inter monachos et servos quoad dominii rationem ; etsi enim in eo conveniant quod neutri habeant dominium omnino perfectum, tamen monachi nullum omnino in particulari habent, ut statim dicemus, et præterea sunt omnino incapaces ; servi verò sunt capaces, et præterea habent aliquid dominium imperfectum, ratione ejus possunt suâ auctoritate rebus suis uti et frui, easque alienare absque domini consensu ; et quamvis potestati domini aliquo modo subjectum sit, esset tamen inhumanitas et abusus quædam herilis auctoritatis, si hæc potestate dominus uteretur. Vide Navar. de Redditib. q. 1, monit. 10 et 11, et Petrum Navar. l. 5 de Restit. c. 4, n. 217.

Notandum tamen est, multos DD. concedere servis verum et perfectum dominium in plerisque casibus supra dictis ; eisque fieri veram injuriam obligantem ad restitutionem, si dominus res ipsis concessas auferat. Jura autem, que tradunt, servos, quicquid acquirunt, domino acquirere, intelligenda regulariter.

Ita Molina, disput. 58. Posset etiam addi jura illa consuetudine esse mitigata ; et hoc malim in praxi. Itaque posset servus uti occultâ compensatione, si dominus ei res suas abstulisset.

DUBITATIO V.

Utrum Religiosi habeant aliquarum rerum dominium.

48. Navarrus, Commentario 2 de Regularibus, n. 5, 54, et alibi, docet ne ipsis quidem congregationibus Religiosorum, que possunt habere redditus et bona immobilia in communi, competere dominium proprium bonorum, sed solum administrationem : dominium autem consistere apud solum Christum Dominum. Idem docet de omnibus clericis respectu bonorum ecclesiasticorum, in Apolog. q. 1, monit. 24 et sequentibus. In eadem sententiâ est Major in 4, d. 24, q. 6. Ratio præcipua est, quia hæc bona passim in jure vocantur *patrimonium Christi*. Sed contraria sententiâ est communis DD., pro quâ

49. Dico primò : Religiosi professi possunt in communi habere dominium bonorum temporalium, ita ut ipsa congregatio vero dominio illa possideat.

Probatur primò ex Concil. Trid. sess. 25, c. 5 de Regularibus, ubi conceditur *omnibus monasteriis et domibus tam virorum quam mulierum etiam mendicantium, exceptis Franciscanis (nempe Capucinis et Minoribus de Observantiâ, ut deinceps bona immobilia eis possidere liceat : atqui non propriè dicitur possessor, qui solam habet administrationem, sed qui dominium.*

Secundò, quia Nicolaus III, extrav. Exiit, docet, *dominium rerum quibus Franciscani utuntur, ad papam pertinere, non autem ad eorum congregationem ;* ubi insinuat, in aliis religionibus, quibus licet habere bona in communi, dominium pertinere ad ipsas congregationes.

Respondet Navar. comm. 2, n. 5, per *dominium ibi intelligi jus administrandi.*

Contra quia Sedes Apostolica plus juris in illa bona, quam sit jus administrandi, habere videtur ; nam potest ea pro suo arbitratu illis auferre et dare aliis absque injuriâ ; quod non potest in ea bona quorum tantum habet administrationem. Non enim potest unius monasterii bona sine justâ causâ dare alteri monasterio vel ecclesiæ, absque peccato iniustitiæ ; cuius ratio non est alia, quam quòd non habeat illorum dominium, sed solum jus administrationis.

Tertiò, quia communis sententiâ DD. est, *monachum, quicquid acquirit, non sibi acquirere, sed monasterio, ut docet Innocent. communiter receptus in c. Cum olim 2, de privilegiis ;* atqui hoc improprissimè diceretur, si solum jus administrandi, non autem dominium monasterio acquireretur.

Quartò, si communitas non haberet dominium horum bonorum, vel id proveniret ex Ecclesiæ ordinatione, vel ex voventium intentione, vel ex intentione donantium ; sed ex nullo horum potest provenire : neque enim illa est talis ordinatio Ecclesiæ, que communitatem faciat incapacem domini : neque intentio voventium est, ut per votum paupertatis, aut professionem, exclu-

dant dominium à communitate, sed tantum à singulis in particulari: neque intentio fidelium donantium hæc bona, est transferre dominium illorum in quemquam alium quam in ipsos Ordinum Conventus; sicut qui dat pauperi eleemosynam, non intendit transferre dominium in alium quam in pauperem. Vide Franciscum Sarmantum de Redditibus Eccl. p. 1, c. 2, n. 21 et 22.

20. Adverte tamen, hoc dominium non ita esse absolutum et independens ut secularium: Primò, quia annexum habet onus ut non possit alienari (saltem quoad bona immobilia et mobilia pretiosa quæ servando servari possunt), nisi in commodum Religionis; sed debeat transmitti ad posteros: sic enim illorum Conventui donatum est, et sacris Canonibus constitutum, ut Religio perseverare possit, quæ in re est simile majoratibus, qui etsi alienari non possint, tamen vero dominio possidentur. Secundò, quia ob legitimam causam, per papam (qui est summus administrator omnium ecclesiasticorum bonorum) potest ipsis adimi, et aliò transferri, relictis tamen ad vitam necessariis, ut patet tum ex praxi quotidianâ, tum quia hæc mente à fidelibus censetur donata monasteriis, ut si cultus divinus in ipsis deficiat, possint per summum Ecclesiæ dispensatorem melioribus usibus applicari. Ad rationem Navarri respondebitur infra.

21. Dico secundo: Religiosi professi solemniter sunt in particulari omnino incapaces omnis domini, ut ususfructus, possessionis, et similis juris rerum temporalium, mobilium et immobilium; ita ut nemo ex illis aliquid suo nomine, seu tanquam proprium tenere possit. Est certa et communis doctorum.

Probatur primò ex cap. Non dicatis, 12, q. 1: *Non dicatis aliquid proprium, sed sint vobis omnia communia.* Desumptum est ex regulâ D. Augustini. Scripsit in illud Navar. commentarium secundum de Regularibus.

Secundò ex capitulo, Cum ad monasterium, 6, de statu monachorum, ubi Innocentius III, sic ait: *Prohibemus districtè in virtute obedientiæ, sub obtestatione divini judicii, ne quis monachorum proprium aliquo modo possideat.* Et infra dicit *nec papam in eo dispensare posse; et cap. Monachi 2, eodem tit. concil. Lateran. ait: Qui peculium habuerit, nisi ab abbate fuerit ei pro injunctâ administratione permissum, à communione remonentur altaris, etc.*

Tertiò, ex concil. Trid. sess. 25, c. 2: *Nemini Regularium, tam virorum quam mulierum, liceat bona immobilia, vel mobilia, cujuscunque qualitatis fuerint, etiam quovis modo ab eis acquisita, tanquam propria, aut etiam nomine Conventus possidere, vel tenere; sed statim ea superiori tradantur, Conventuique incorporentur.* Ratio est, quia religiosus per solemnem professionem non solum spoliavit se omni dominio, sed etiam se incapax omnis domini et juris temporalis fecit; etsi enim voto simplici paupertatis non amittas dominium, nec etiam ejus fias incapax, tamen voto solenni amittis, et incapax redderis.

22. Unde autem votum solemne paupertatis hanc vim habeat, queri potest; de quo infra, cap. 41, dub. 8. Nunc tamen breviter dico ex ordinatione Ecclesiæ

hanc vim habere; quod ex eo constat, quia non habet eam præcisè ex naturâ voti, ut patet in voto simplici, quod non minus est efficax in ratione voti, quam solemne, et tamen nunquam potest inducere hanc incapacitatem. Neque etiam ex intentione votantis: si enim voveas in religione non approbatâ à Sede Apostolicâ, quantumvis intendas te reddere incapax domini, tamen incapax non fies: nemo enim suo arbitratu se potest reddere incapax. Unde non relinquitur aliud quam ordinatio Ecclesiæ, statuentis ut professio in religione approbatâ hunc effectum habeat. Simile est in incapacitate matrimonii, per solemne votum castitatis inductâ.

Dices: Supra, n. 21, dictum est papam non posse concedere ut monachus proprium habeat; atqui si ex constitutione Ecclesiæ proveniret quòd non sit capax domini, papa posset ei proprium concedere, quia potest in Ecclesiæ constitutione dispensare.

Resp.: *Proprium* dupliciter accipi potest. Primò ut significet dominium, quod in se et sui usu sit omnino independens ab arbitrio superioris; et tale proprium non potest concedere, quia essentiæ statûs regularis repugnat. Nam ex vi voti paupertatis, et ipsa domini retentio, et ejus usus arbitrio superioris subjicitur, ita ut si religiosus dominium retineat, illud secundum se et sui usum debeat assidue à nutu superioris dependere, ut infra, c. 41, dubit. 9, ostendemus. Itaque constante Religionis naturâ, hoc proprium concedi nequit. De tali loquitur Pontifex d. cap. Cum ad monasterium, 6, et concil. Lateran. loco citato.

Secundò, potest accipi generatim, ut comprehendat etiam dominium, quod in se, et in sui usu à superioris arbitrio dependet, et hoc modo papa potest proprium seu dominium concedere; tale enim proprium cum essentiâ Religionis non pugnat, ut infra loco notato dicitur; et hujus proprii incapax ex Ecclesiæ constitutione provenit, non ex ipsius voti naturâ, aut votantis intentione, ut ostensum est.

23. Addo, Ecclesiam etiam absque professione posse aliquem incapax domini et matrimonii reddere, ut videreest in iis qui in nostrâ societate cooptantur in coadjutores formatos, sive spirituales, sive temporales; qui etsi professionem non faciant, tamen per formulam suorum votorum redduntur incapaces et domini et matrimonii, ita statuente Sede Apostolicâ. Simili modo, qui in gradum scholasticorum vel coadjutorum post biennium admittantur, fiunt inhabiles ad matrimonium, ejusdem Sedis Apostolicæ decreto, quæ hanc incapacitatem et inhabilitatem votis illorum adnexuit.

24. Ex supradictâ propositione infert Navar. lib. de Redditibus, q. 1, monit. 10 et 12, et commentario 2, n. 2, religiosum professum nullius rei habere dominium, ne vestis quidem quâ induitur, aut panis quo vescitur, sed quicquid habet, esse penitus subjectum administrationi superioris, sine cujus consensu nihil omnino habere possit.

25. Unde sequitur primò, peccare mortaliter, si aliquid notabilis momenti recipiat et retineat, sine tacito

vel expresso consensu superioris. Secundo, si donatione, vel alio modo tunc quid alienet, sine superioris consensu, et eum, qui accipit, teneri ad restitutionem. Tercio, si abscondat, ne superior sciat. Quarto, si possideat aliquid tanquam proprium, nolens illud permittere superioris dispositioni, aut murmurans tanquam iniuria affectus, dum ei admittitur. Ratio est, quia haec omnia, dum absque consensu superioris fiunt, sunt actus domini independentes, et juris proprietarii, qui per votum paupertatis religiose redduntur illiciti, ut quibus votum et professio violatur.

26. Dixi *Religiosos esse incapaces domini rerum temporalium*, quia iurium et bonorum spiritualium possunt habere dominium vel quasi dominium. Nam regulares beneficiarii habent dominium, vel quasi dominium et possessionem suorum beneficiorum, et possunt agere nomine proprio ad eorum dominium obtinendum, et ad adspiciendum, retinendum et recuperandum eorum possessionem. Similiter simplex religiosus potest agere nomine proprio, super jure eligendi sibi competente, et jure alimentorum, et jure manendi in tali vel tali monasterio; de quo vide Navar., q. 1 de Redditibus, monito 9, et commentario 2 de Regularibus. Ratio est, quia religiosi per votum paupertatis non renuntiant bonis spiritualibus, nec iuribus praesentis, aut honoribus, qui pro talibus debentur, sed tantum temporalibus, ut docet D. Th. 2-2, q. 186, a. 7, ad 4; et Cajetan, ibid.

27. Dico tertio: Quidam religiosi non professi, sed tamen per solum votum simplex acceptatum ab Ecclesia facti vere religiosi, non sunt incapaces domini, sed retinent illud quamdiu superiori videtur; non tamen possunt habere ullum usum suorum bonorum, vel aliorum, sine superioris consensu. Patet ex constitutione Greg. XIII, edita hac de re anno 1584, quae incipit, *Ascendente Domino*, etc. Tales sunt scholastici approbati, et coadjutores, emissis votis post biennium probationis, in Societate Jesu.

Ubi notandum est, non esse de essentia paupertatis religiose ut reddat hominem domini incapacem, vel etiam ut dominio privet, sed tantum ut privet potestate utendi, ita ut absque superioris consensu non possit ullā re uti, vel de ulla disponere; et illo volente tenearis etiam ejus dominium abdicare. Ratio est, quia parvi momenti est dominium, cujus usus ita est impeditus et dependens, et alienatio sic obstricta et debita; dominium enim rerum non aestimatur nisi propter usum et potestatem disponendi: unde si potestas utendi et disponendi ita impediatur in aliquo per votum ac si non esset dominium, sanē talis meritō religiose paupertatis cultor est censendus; nihil enim ampliūs habet in rebus temporalibus potestatis, quae in actum possit exire, quā is qui dominio caret.

28. Hinc sequitur primo, talem, si alicujus rei, etiamsi sua sit, usum usurpet, absque superioris consensu tacito vel expresso, peccare mortiferē, si res sit notabilis momenti; quia non secus est privatus potestate utendi quā si sua non esset. Secundo, si de eā disponat in alium, per donationem, testamentum, vel

aliter absque consensu superioris, non solum peccare mortaliter, sed etiam dispositionem esse irritam. Cujus ratio est, quia per votum paupertatis a legitimo superiore acceptatum privavit se potestate disponendi suo arbitrio, solumque retinuit potestatem disponendi ex arbitrio et consensu superioris; unde si hic consensus desit, dispositio erit irrita, idque multo majori ratione quā dispositio prolata de re licet esse irrita, si fiat absque consensu Capituli. Simili modo dispositio pupilli est irrita absque consensu tutoris; etsi etiam totum dominium sit in pupillo, tamen hoc dominium est impeditum, transiata potestate disponendi in tutorem. Simili modo dominium talis religiosi est impeditum, ita ut non possit exire in actum, nisi dependenter a voluntate superioris; concessā tamen potestate disponendi, potest disponere in quasvis pias causas: nec superior potest illum ad hanc vel illam restringere, ut ex Constitut. constat.

29. Dico quartō: Religiosi beneficiarii, ut abbates, priores, praepositi, commendatores, et similes habentes beneficia regularia vel secularia, etsi nullum habeant dominium, habent tamen jus administrandi et dispensandi fructus suorum beneficiorum, tum ad sui status congruam sustentationem, tum ad alias pias causas. Id enim jure et consuetudine est eis concessum, quamdiū illa beneficia obtinent, ut probat Navar., comment. 2 de Regular., n. 10, quamvis Franciscus Sarmiento primā parte defensionis, monito 11, contrarium teneat; de quo plura infra, cap. 41, dubit. 11.

Ex his sequitur, Religiosum factum abbatem, commendatorem, vel episcopum, etsi possit expendere in usus proprios necessarios et decentes, et ad pias causas, non tamen posse expendere in res vanas, aut distare suos amicos; et si fecerit, teneri ad restitutionem: similiter et eos qui illa acceperunt. Ratio est, quia omnium istorum bonorum non est dominus, sed solum administrator et dispensator, habens tantummodo jus ad expendendum illa bona juxta praescriptum canonum et Religionis, et intentionem eorum quae a Religioni vel Ecclesiae reliquerunt. Vide Navar. q. 3 de Redditibus, monit. 17 et 35.

30. Dico quintō: Superiores Religionum non possunt alicui regulari concedere ulla bona stabilia (ut sunt fundi, redditus, adium locationes) etiam ad usum duntaxat vel administrationem; colligitur ex Trid. sess. 25, c. 2, de regularibus, ubi sic habetur: *Nec deinceps licet superioribus bona stabilia alicui regulari concedere, etiam ad usumfructum, vel usum, administrationem, vel commendam. Administratio autem bonorum monasteriorum vel conventuum, ad solos officiales eorundem ad nutum superiorum amovibiles, pertineat.* Navar. Comment. 1 de Regular. n. 15 et 16, putat hoc decretum solum continere jus commune, esseque declarationem capituli *Cum ad Monasterium*: ac proinde solum prohiberi concessionem superfluum, aut ad quosvis usus etiam profanos; sed longē verius est hic novum jus contineri, et introduci; idque tum ad tollendos abusos, qui ex hisce concessionibus bonorum immobilium sequi solent; tum propter speciem proprie-

tatis, dùm regulares talia bona tanquàm sua videntur administrare, et fructus in quosvis usus expendere. Itaque etiamsi non sit contra votum paupertatis aut contra jus commune, habere cum facultate superioris, cumque assiduà ab ejus nutu dependentià, talium bonorum administrationem et usum ad quasvis pias causas, tamen concil. id in posterum prohibet, et vult ad solos officiales horum administrationem deinceps pertinere, ut apertè colligitur ex responsis illustrissimorum cardinalium, qui præsunt dubiis circa decreta concilii Tridentini oborientibus, qui ne nobilissimis quidem personis id concedere voluerunt, hoc concilii decreto permoti.

31. Hinc sequitur, etsi census vitales possunt permitti pro alimentis et usibus necessariis eorum qui monasterium ingrediuntur, tamen horum administrationem non posse ipsis concedi, sed solis officialibus, quamvis eorum fructus usibus destinatis impendantur. Illi quoque, pro quibus relictì sunt, nihil sibi juris in illis vindicare possunt. Unde superior potest illos etiam in alios usus expendere, modò tamen aliunde satis ipsis provideat. Pontifex tamen cuivis Religioso potest talium bonorum liberam administrationem et usum concedere, modò tamen id fiat ad causas pias, quia cùm sit supra concilium, potest in ejus præceptis dispensare; de quo 2-2, q. 1, a. 10.

32. Adverte tamen, si alicubi talis administratio rerum mobilium vel immobilium ad usus necessarios concederetur, non teneri Religiosos ea superioribus spontè tradere, nisi constaret alià ratione, ex communi penu (ut sit ubi perfecta vitæ communio servatur) ipsis prospectum fore, unde multis locis possunt excusari; nisi enim hoc modo illis esset provisum, plerumque necessariis rebus destituerentur, maxime ubi Abbatie dantur in commendam, vel malè per praelatos administrantur. Si tamen à superiore legitimo alia ratio certa institueretur, per quam juxta formam vitæ communis, ipsorum necessitatibus satis foret consultum, non possent huic reformationi resistere, etiamsi illam priorem rationem in ingressu invenissent.

33. Dico sextò: Possunt tamen superiores concedere aliqua mobilia suis subditis ad usus necessarios, et etiam ad opera pia. Est communis sententia DD., v. g., vestes, libros, et similem suppellectilem (hæc tamen debet esse statui paupertatis accommodata, omni carens superfluo, ut Concil. inquit), et etiam aliquam pecuniam, præsertim ad usus certos et determinatos. Utrùm ad usus suos, vel pios indeterminatè concedi possit, dubium est. Verius videtur posse, quia hoc neque est contra professionem paupertatis, neque ullo jure vetatur.

34. Dices: Concil. Trid. etiam mobilia possessionem hisce Religiosis prohibere videtur.

Resp.: Concilium loqui videtur initio capitis de eis bonis quæ nondùm erant incorporata monasterio, aut sine justà licentià superioris à religiosis obtinebantur: nam immediatè post tantùm vetat ne superiores concedant stabilia, nullà factà mentione mobilium. Expedit tamen ob periculum proprietatis et abusus

talia non concedi, nisi ad usus omninò definitos.

DUBITATIO VI.

Utrum clerici non religiosi habeant aliquorum bonorum dominium, et quorum.

35. Notandum ex Nav. q. 1 de Redditibus, monito 19, *beneficiarios seculares tria genera bonorum habere posse: Patrimonialia*, qualia sunt quæ ipsi hæreditate, vel industrià, vel donatione, vel alio modo quo laici solent, sibi acquirunt. *Quasi patrimonialia*, quæ ipsi acquirunt ut clerici, ministeriis clericorum absque beneficio, ut celebrando, concionando, canendo, confessiones audiendo, vicarià temporali: item quæ assignantur alicui ad honestam sustentationem ab episcopo vel pontifice; *merè Ecclesiastica*: ut sunt ea quæ recipiuntur ratione canonicatûs, decantatûs, vel alterius beneficii titulo. His positus,

36. Respondeo et dico primò: Clerici non religiosi habent verum dominium bonorum patrimonialium, et de illis ut laici possunt disponere; est communis DD. Ratio est, quia per clericatum vel ordinem neque fiunt incapaces domini, neque etiam se abdicant dominio, neque se obligant ad patrimonialia in-pias causas expendenda.

37. Dico secundò: Clerici etiam habent absolutum dominium quasi patrimonialium, neque tenentur ea magis in usus pios expendere, quàm bona patrimonialia. Ita Covar. in cap. Cùm in officiis, de testamentis, n. 4, Navarrus et alii. Ratio est, quia hæc dantur ut stipendium quoddam sustentationis, et velut merces ratione operis præstiti, ut de iis disponant pro arbitrio: non enim fideles qui hæc tribuunt, intendunt illis ullum onus imponere, sed permittunt liberarum illorum dispositioni; sicut permittunt operarii arbitrio usum mercedis quam ei persolvunt. Nec refert quòd hæc stipendia interdum longè excedant operam; quia liberè à fidelibus dantur. Unde si alicui pro uno Sacro dentur 10 aurei, non minùs fiet illius pecuniæ absolutus dominus, quàm is cui datur unus duntaxat regalis; si enim pauper fit absolutè dominus elemosynæ quæ ei datur sine onere, et si ea magna sit, cur clericus non fiat dominus stipendii, quod ei liberaliter pro aliquo opere constituitur? Vide Navar., q. 1 de Redditibus, monit. 19 et 39, ubi docet contra Innocentium, hæc bona æquari patrimonialibus; ac proinde clericos de illis liberè disponere.

38. Unde sequitur, si de his vivant, vel expendant in pias causas, posse tantundem accipere ex redditibus beneficii, deque eo tanquàm de patrimonialibus disponere, quia cùm habeant jus accipiendi totam sustentationem ex beneficio, non tenentur vivere ex aliis suis bonis, unde si ex aliis vivant, possunt uti compensatione, accipiendo tantundem ex beneficio. Rursus cùm alia bona non teneantur absolutè in opera pia expendere, si sic expenderit, poterunt uti compensatione ex bonis beneficii, quæ alioquin in talia opera conferre debuissent, ut docet Navar., monito 32, nisi fortassè intenderint non uti compensatione: quod non est præsumendum, nisi id expressè

intenderint, et voluerint sibi libertatem illam dispendendi adimere. Nemo enim se privat jure suo, nisi volens.

39. Dico tertio: Episcopi, canonici, et alii beneficiarii, quod ad eam partem fructuum attinet, quæ congruæ eorum sustentationi est necessaria, ita sunt domini, ut non magis teneantur ex eâ erogare ad opera pietatis, quam ex bonis patrimonii: est fere communis sententia theologorum, etsi multi canonistæ dissentiant. Ratio est, quia hæc pars est justa merces eorum, qui Ecclesiæ serviunt; qui enim Ecclesiæ servit, jure potest ex bonis Ecclesiæ vivere. Unde sequitur, si quid velint ex hac parte sibi detrahere, posse de eo disponere sicut de bonis secularibus: quia nullam habent obligationem particularem cur hæc potius quam secularia bona sua in pauperes vel pias causas teneantur impendere: ut recte docent Covar. in c. *Cum in officiis*, n. 2; Navar. de Redit. q. 1, monito 30; Sotus l. 10, q. 4, a. 3, concl. 6. Si enim libere poterant hæc in suos usus convertere, cur si seipsum fraudare, et parcius vivere velint, vel reservatis fructibus beneficii uti patrimonialibus, non possint eos fructus cuivis alteri donare? Idem sentit Covar. de his redditibus, quos dignissimâ, inquit, mercede justitiæ, et laboris impensi in regimine Ecclesiæ, recipit is qui Ecclesiæ curam gessit, ut pastor, lector Capituli, scholasticus, decanus Christianitatis, et similes: quod etiam ex proposit. 2 satis constat; est enim justa laboris merces, justumque stipendium.

40. Dices: Concil. Trid., sess. 25, cap. 1, omnino interdicat ne Ecclesiastici consanguineos ditare studeant de redditibus ecclesiasticis.

Resp.: Concilium non loquitur de iis quæ quis sibi hoc modo subtrahit, vel quæ justo labore promeritus acquisivit; (hæc enim non censentur fructus beneficii, sed propriæ industriæ, ut rectè notat Navar.) sed loquitur de iis quæ tantum ratione beneficii obveniunt, et sustentationi redundant.

Notandum hic ex Navarro, monito 45, sicut justum pretium rerum non consistit in indivisibili, sed habet latitudinem (datur enim infimum, medium, et summum), ita etiam congrua sustentatio suos gradus habet; quare sicut quisvis juste potest rem vendere pretio summo seu rigido, ita potest insumere quod ad summum conveniens sustentationis est necessarium: ac proinde si quid velit huic detrachere, poterit de eo disponere, v. g., infimum congruæ sustentationis sit 500, medium 600, summum 700, si velit uti infimo, et expendere tantum 500, in se suamque familiam alendam, poterit 200 condere, ut liberè de eis disponat.

41. Sed tota difficultas est de eâ parte fructuum, quæ non est ulli gradui convenientis sustentationis necessaria, sed superflua: ut si percipis 1000 florenos ex tuo canonicatu, è quibus 500 omnino sufficiunt, ita ut facile 500 quotannis recondas; queritur utrum efficiaris dominus illorum 500, ita ut non tenearis ex justitiâ in opera pia expendere? Sunt duæ celebres sententiæ. Prior est Navarri, qui, lib. de Reditibus ecclesiasticis, summis viribus nititur ostendere, clericos

non esse dominos illius portionis redundantis, sed solum dispensatores, ita ut ex justitiâ teneantur expendere in pias causas; si secus fecerint, obligentur restitutionem in opera pia ex aliis bonis, quæ potius retinent, sicut econtrario bona domini sui cum restitutionem illius expendens, ad restitutionem teneantur. Idem docent multi theologi, Alexander Haec. 2. q. 3, q. 56, num. 3, a. 2; Richardus in 4, d. 45, c. 1, circa 5 principale; Henricus quodlib. 8, q. 27. In eâ parte dicunt, clericos fructuum ecclesiasticorum solum habere usum, non proprietatem, Major in 4 dist. 24, q. 6, ubi etiam dicit nullum doctorem ante ipsos citatum contrarium tenuisse: in quo tamen fallitur. Gabriel in 4, d. 45, q. 8, a. 2; et Paludanus, dist. 24, q. 5, sub finem, inclinant in hanc sententiam tanquam probabiliorum et dictis sanctorum conformiorum, etsi fateantur alteram esse probabilem. Thomas Waldensis, tom. 1, lib. 4, c. 42, et quatuor sequentibus. Petrus Soto de Instruct. sacerdotum, p. 2, lect. 3, ubi dicit: *Primo omnium constat ex decursu totius Ecclesiæ ab Apostolis, et ipso jure divino, bona omnium Ecclesiarum, cum Christi sint, merito etiam pauperibus esse nec ulla ratione, aut potestate humana fieri posse, ut tradantur in alios usus quam Ecclesiasticos et pauperum expediendi possint; et infra: Contrarium credimus errorem esse gravissimum; saltem contra bonos mores, et justitiam: et quidni etiam contra Scripturam.*

In eadem sententiâ sunt plerique canonistæ, ut ostendit Navar. Tract. 2 de Reditibus, monito 7, et Sarmiento, p. 2 de Reditibus, cap. 1 et seq. etsi in quibusdam minutis inter se discrepent. Eandem tenet Franciscus Turrianus in quâdam epistola ad episcopum Laodicensem, quam refert Navar. Tract. de Redit. q. 3, monito 55.

Altera sententiâ huic ex diametro adversatur; clericos beneficiarios esse absolute dominos omnium proventuum, quos ex beneficiis percipiunt, etiam partis illius redundantis: hanc docent passim recentiores.

42. Dico quarto: Sententiâ Navarri, quâ parte tenet, beneficiarios non ita esse dominos partis superflue, quin ex justitiâ teneantur eam in opera pia expendere, adeo ut si in alia insumperint, obligentur ad restitutionem; est valdè probabilis, sacris canonibus et rationi valdè consentanea. Primò, quia est multorum theologorum et omnium penè canonistarum, ut Navar. ostendit. Secundò, quia multi canonici dicunt eam partem, quæ sumptibus necessariis superest, esse pauperum, et ex bonis Ecclesiæ unam quartam deberi pauperibus, ut patet 12, q. 2. Tertiò, quia fideles non contulerunt tantas opes in Ecclesiâ, ut Ecclesiastici soli illis fruerentur, sed ut ex illis caperent quod decenti sustentationi necessarium, et reliqua in pauperes aliaque pia opera conferrent: ergo acceperunt illa bona cum tali onere; quare etsi dominum omnium fructuum accipiant, tamen accipiunt cum hoc onere, ut quod superest, in pauperes expendant. Hanc sententiam tanquam tutiorem, judico in praxi beneficiariis consulendam. Nihilominus

43. Dico quinto, verius videri, post erectionem tituli,

certosque proventus singulis titulis assignatos, beneficiarios effici absolute dominos omnium illorum proventuum, ita ut quamvis partem superfluum profanè expenderint, tamen ad restitutionem pauperibus vel aliis piis causis non teneantur: peccare tamen mortiferè, si hanc partem in opera pia non expenderint; ita passim DD. hujus temporis. Tradit hanc sententiam Sotus, lib. 10 de justitiâ, q. 4, art. 3 et 4, et videtur esse sententia D. Thomæ, q. 185, a. 7, ut conantur ostendere Sotus et Sarmiento, quamvis Navar. illum à se stare contendat; Adrianus in 4 Tract. de Restit. § *Pro clariori*, conclus. 2 et 4; Covar. in c. Cum in officiis, de Testam.; Franciscus Sarmiento de Reditibus, p. 2, cap. 1 et 2, et p. 4, et alii multi recentiores. Dixi post erecta beneficia, quia antequàm essent instituta, et singulis sua portio assignata, alia erat ratio; tunc enim omnes oblationes et reddituum proventus erant bona communia: nam clerici vivebant in communi, sicut modò Religiosi; et singulis dabatur ab episcopo, qui omnium erat administrator, quantum cuique opus: quæ superabant, conferebantur in pauperes, vel in alios pios usus, ut colligitur ex canonibus 12, quæst. 2. Unde tunc nemo habebat dominium, nisi ejus partis quam in singulos dies consumendam accipiebat. Verùm processu temporis, refrigerante charitate, multa exorta sunt incommoda; vel quòd non possent ita communiter pacificè inter se vivere; vel quòd plerique majores commoditates expeterent; vel quòd nolent se statui ecclesiastico sub tantà disciplinâ, tamque tenui diætâ mancipare. Itaque sensim beneficia et præbende institutæ, certique proventus annui singulis annexi, ex quibus copiosè, seorsim, et pro suo arbitratu possent vivere.

Nunc probatur prior pars: *Ipsos fieri absolute dominos omnium proventuum*. Primò, quia canones id satis apertè indicant: nam cap. unico, de Clerico non residente, in 6, dicitur: *Qui divinis officiis non intersunt (nisi infirmitas seu justa et rationabilis necessitas, aut evidens Ecclesiæ utilitas relevet), non sunt domini quotidianarum distributionum; neque faciunt eas suas, sed ad restitutionem sic perceptorum obligantur*. Supponunt ergo alios, qui intersunt, fieri dominos: quòd si isti fiunt domini quotidianarum distributionum, cur non etiam aliorum proventuum, præsertim cum omnes dentur propter divinum officium, sive publicè, sive privatim dicendum?

Respondet Navarrus et canonistæ, esse dominos quoad fidelem administrationem. Sed hæc expositio est extorta; nam sic etiam abbates essent domini suorum proventuum, quod nemo dixerit. Secundò conc. Trid. sess. 22, c. 3 de Reformatione, statuit, *ut in omnibus Ecclesiis cathedralibus et collegiatis tertia pars proventuum, omnium dignitatum, personatum, et officiorum, in distributiones dividatur; ut scilicet qui eas obtinent, si personaliter competens ibi servitium quolibet die statuto non impleverint, illius diei distributionem amittant, nec ejus quoquo modo dominium acquirant, sed fabricæ vel alteri loco applicetur*. Tertiò idem sess. 23, c. 1 de Reformatione, statuit, *ut episcopi, qui ultra tres*

menses (nisi urgente necessitate) absint à suis Ecclesiis, fructus non faciant suos pro ratâ temporis absentia, sed teneantur fabricæ vel pauperibus erogare. Idem statuit de aliis curam animarum habentibus. His et aliis locis apertè insinuat concilium, beneficiarios, si præsent quod debent, fieri integrè dominos omnium suorum proventuum.

44. Altera pars, quòd non teneantur ad restitutionem, etsi profanè expendant, videtur sequi ex dictis. Si enim absolute sunt domini, cur teneantur ad restitutionem? quisque enim rei suæ est moderator et arbiter. Idem sentire videtur D. Tho. q. 185, a. 7, ubi cum ex can. De redditibus, 12, q. 2, ostendisset, redditus Ecclesiæ et oblationes fidelium in quatuor portiones esse dividendas, ex quibus prima danda sit Episcopo, secunda fabricæ, tertia pauperibus, quarta clericis; subdit: *Si ergo distincta sint bona, quæ debent in usum episcopi cedere, ab his quæ sunt pauperibus, et ministris, et cultui Ecclesiæ eroganda, et aliquid sibi retineat episcopus de his quæ sunt pauperibus eroganda, vel in usum ministrorum, aut in cultum divinum expendenda; non est dubium quin contra fidem dispensatoris agat, et mortaliter peccet, et ad restitutionem teneatur*. De his autem, quæ sunt specialiter suo usui deputata, videtur esse eadem ratio quæ est de propriis bonis, ut scilicet propter immoderatum affectum et usum, peccet quidem si immoderata sibi retineat, et aliis non subveniat, sicut requirit debitum charitatis. Hæc ille, ubi videntur deesse hæc verba, non tamen ad restitutionem teneatur, ut notat Sotus: quia hanc redditionem requirit illud quidem; alioquin est oratio imperfecta et ἀνεκταπόδοτος. Idem postulat illa oppositio, quam statuit inter portionem ipsius usui specialiter deputatam, et inter portiones aliis deputatas, quantum solum est dispensator; deinde, etiamsi illa verba non addantur, tamen satis manifestè res ipsa videtur insinuari, dum ait eandem esse rationem de bonis specialiter ipsius usui deputatis, et de propriis seu patrimonialibus; quod non est ita intelligendum, quasi episcopus possit utraque eodem modo expendere, dum superflua sunt et honestæ sustentationi redundant: id enim falsum est, et contra conc. Trident., sess. 25, cap. 1, de Reform., et contra multos canones antiquos, quibus jubentur ecclesiastici, quæ ipsis superant, in causas pias erogare. Denique repugnat communi prudentium judicio; quis enim dixerit, cui quotannis viginti, triginta vel plura aureorum millia redundant ex fructibus ecclesiasticis, eum posse de illis ita liberè disponere ut de secularibus? Itaque illud accipiendum quoad dominium et immunitatem à restitutione in utroque bonorum genere, ut colligitur ex verbis præcedentibus in corp. art. Item quoad hoc, quòd non teneatur illa, nisi necessitate urgente, in pauperes erogare: quâ non urgente liberum ei sit in alia pia opera insumere. In his igitur est eadem ratio bonorum patrimonialium et fructuum ecclesiasticorum alicui specialiter deputatorum; non tamen negat D. Thomas quin absolute teneatur superflua bonorum ecclesiasticorum vel in pauperes vel alia opera pia erogare, et quidem strictiori

jure quam superflua bonorum secularium, ut colligitur ex resp. ad 2, ubi solum permittit illis de bonis dari consanguineis, quantum necesse est ut non egeant. Alter hunc locum exponit Sarmiento et Sotus, sed meo judicio non recte; quia sequeretur episcopum vane insinuando 50 milia aureorum superflua ex redditibus Ecclesie, non plus peccare quam tantalem insinuando ex secularibus.

45. Idem probatur ratione. Primo, nemo cogendus est ad restitutionem alienius rei, nisi constet esse alienam, vel lege justitiæ alteri debitam: atqui nullâ ratione vel auctoritate constat beneficiarios vel non habere dominium omnium suorum proventuum, vel aliquam partem horum lege justitiæ alteri deberi: ergo nos sunt ad restitutionem cogendi. Major patet ex reg. juris, *In dubio nemo spoliandus est jure quod possidet, et in pari causâ potior est conditio possidentis*. Minor probatur, quia hoc neque potest convinci ex modo donationis fidelium, quo hæc bona ad Ecclesiam translata sunt, neque ex Ecclesie præcepto, aut dispositione. Non ex modo donationis; quia non constat fideles qui hæc bona contulerunt, sub hoc modo et hac conditione donasse, ut Ecclesia lege justitiæ teneretur, ex iis quæ ministrorum honestæ sustentationi superessent, pauperes alere, vel alia opera pia promovere, ut diversa opinio supponit; quamvis enim fideles intenderint vel desideraverint ut hoc fieret, tamen valde credibile est eos Ecclesie talem obligationem non imposuisse: tum quia non dubitabant quin episcopi et prælati, qui illa administrabant, id sponte suâ essent abundè facturi, quod eos passim tam sollicitè facere videbant: tum quia modestiores, et in suos superiores reverentiores erant, quam ut illis auderent hujusmodi obligationem imponere; præsertim cum hæc darent in redemptionem suarum animarum, vel ut servorum Dei preces et suffragia consequerentur, vel ad cultûs divini amplificationem.

Confirmatur, quia bona Ecclesie à fidelibus relicta, vel sunt decimæ, vel prædia, vel census, vel dominia pagorum, oppidorum, provinciarum, etc.; atqui nulum genus horum videtur relictum cum tali onere, nisi fortè in particulari aliquâ donatione id expressum sit: ergo generatim non est putandum tale onus esse impositum. Minor probatur, nam quod ad jus decimarum attinet, fideles ratione illius non potuerunt Ecclesie ullam obligationem erga pauperes imponere: decimæ enim debentur illi lege justitiæ, ratione administrationis spiritualium, ut communiter doctores tradunt, et docet D. Th. q. 77, art. 1. Ratio est, quia tenetur populus lege justitiæ eos qui ipsi spiritualia administrant, pro dignitate sustentare: idque lumine naturali constat, etiam apud ethnicos. Porrò ad hanc sustentationem Ecclesia ab initio determinavit decimam fructuum partem, exemplo legis veteris: ubi etsi longè pauciores essent levitæ et sacerdotes, aliique sacrorum ministri; minor quoque esset eorum dignitas, minor labor, minor sacrorum sumptus; tamen decima pars fructuum, præter primitias et oblationes, à Deo constituta et præcepta fuit; neque ipsis ulla

obligatio justitiæ ad superflua in pauperes eroganda fuit imposita. Itaque decimæ (de quibus tamen maxime est quæstio) post illam determinationem non dantur liberâ fidelium voluntate, sed solvantur lege justitiæ, sicut tributa principibus. Quare non potuerunt fideles ullam obligationem clericis ratione decimarum, quoad modum expendendi superfluos illarum fructus, imponere. Verum de his infra, cap. 59, Dub. 1 et 2.

Dominia, prædia, et census proveniunt quidam ex liberâ fidelium donatione, non tamen videntur donata cum tali onere, dominia enim data sunt Ecclesie ad splendorem et auctoritatem: prædia et census, ad fundationem ecclesiarum vel monasteriorum, eorumque conservationem, ad augmentum cultûs divini, ad erectionem alicujus beneficii, ad satisfactionem pro peccatis, ad alimenta ministrorum Ecclesie, et aliorum in communi vivere volentium; ut constat ex multis, can. 12, q. 1.

Sed neque ex dispositione Ecclesie constare potest beneficiarios ad restitutionem male expensorum teneri. Primò, quia nusquàm id in canonibus clarè explicatur; cum tamen sit res maximi momenti ut, quæ ad omnes beneficiarios pertineat, et summopere ad publicam adificationem, et pauperum subventionem faciat. Sanè si vel ex naturâ rei, vel ex Ecclesie præcepto obligatur, id clarè debuisset per summos pontifices, vel concilia oecumenica, aut provincialia exprimi, nec tanta iniquitas tolerari: cum in rebus multò minoribus et per se clarioribus id fecerint, ne quis pretextu ignorantie se posset excusare; v. g., eum teneri ad restitutionem, qui divino officio non interesset, vel preces canonicas, aut partem earum aliquando præmitteret, aut à suâ residentiâ supra tres menses emaneret, et alia id genus; ut videre est in conc. Lateran. sub Leone X, conc. Trident. et variis canonibus 12, q. 1 et q. 2, et alibi.

46. Secundò probatur, quia Ecclesia non rescindit pacta, vel donationes quibus beneficiarii fructus redundantes alienant, vel profanè aut vanè expendunt: quod tamen omninò facere deberet, si putaret eos pauperibus stricto jure deberi. Hanc enim providentiam et curam ipsa pauperum causis debet, ut si quid lege justitiæ eis debitum sit, præstari curet, et debitores, si opus sit, compellat; sicut in testamentis et piis legatis facere consuevit. Eandem debet suis subditis, clericis et laicis, ut nec illis permittat quod pauperum est alienare, nec his retinere. Et sanè mirum esset Ecclesiam permittere tantam injustitiam, et non compellere ad restitutionem, sicut administratores alienorum compelli solent, si illa in suos usus converterint, vel malè expenderint, maxime cum causa pauperum sit in primis favorabilis. Hæc sunt præcipuæ rationes pro hac sententiâ; qui plures desiderat, videat Franciscum Sarmiento de Reditibus p. 4, cap. 1, ubi 12 rationes adfert; sed ferè jam dictis continentur.

47. Tertia pars, *quòd mortaliter peccent, si expendant illam portiones redundantem in usus profanos, vel ad dilandos amicos, est communis sententia DD. ut*

fatetur Sarmiento; et probatur primò, quia est contra districtum Ecclesiæ præceptum. Nam conc. Trid., sess. 23, c. 1, de reformatione, sic ait. *Omninò enim eis interdicat* (Episcopis sancta Synodus) *ne ex redditibus Ecclesiæ, consanguineos familiarisque suos augere studeant; cum et Apostolorum canones prohibeant, ne res ecclesiasticas, quæ Dei sunt, consanguineis donent: sed si pauperes sint, eis ut pauperibus distribuunt.* Et infra: *Quæ vero de episcopis dicta sunt, eadem non solum in quibuscumque ecclesiastica beneficia, tam secularia quàm regularia obtinentibus, pro gradu sue conditionis observari, sed etiam ad S. E. R. cardinales pertinere decrevit.*

Ubi notanda primò sunt illa verba, *omninò interdicit*, quibus apertè insinuat strictum præceptum.

Notandum secundò, non solum ipsos redditus, sed etiam reddituum fructus, *res ecclesiasticas*, et *res Dei* vocari; quod ex eo liquet, quòd episcopi non redditibus ipsis, sed fructibus eorum consanguineos locupletare soleant; fructus quoque, non redditus in pauperes distribuuntur. Denique quia hoc præceptum extenditur ad omnes minores beneficiarios, quorum pauci administrationem habent, nisi suorum beneficiorum; qui si redditus ipsos in consanguineos transferre vellent, omnes illis obsisterent. Unde etiam constat, concilium loqui non solum de fructibus alienis, quorum habent solum administrationem, sed etiam de iis qui mensæ episcopali sunt applicati.

Dicuntur isti fructus esse *res Dei*, quia sunt destinati tum ab Ecclesià, tum à donatoribus, ut ad honorem et cultum Dei impendantur; quo modo etiam decimæ dicuntur esse Dei, quæ causa sufficiens est ut Ecclesia singulis possit imponere præceptum, ne ex his consanguineos ditare studeant, aut vanè expendant. Idem probari potest ex antiquis can. quibus præcipitur, ut portio fructuum et oblationum, quæ episcopo, clericis et fabricæ non esset necessaria, distribueretur pauperibus; quod à temporibus Apostolorum multis seculis servatum est, et à variis pontificibus et conciliis confirmatum; cui ordinationi Ecclesia per erectionem beneficiorum, et per hoc quòd singulis sue partis administrationem permisit, derogatum noluit; sed potius voluit ei per singulos, pro cuiusque facultate, satisfieri; quare sicut episcopi, cum illa administrarent, tenebantur portionem cæteris non necessariam, pauperibus seponere, ita beneficiarii qui in illam administrationem ex parte successerunt, tenebant ea quæ sibi redundant, in usus pauperum, vel saltem in pias causas, quando graves necessitates non occurrunt, seponere.

Secundò probatur: nisi ecclesiastici obligarentur superflua in pios usus impendere, valde improvidè faceret Ecclesia, tantam affluentiam fructuum illis permittendo; quid enim hoc aliud esset quàm dare illis ansam et instrumentum luxûs, libidinum, superbiæ, et frustrari pia fidelium vota? Deberet potius bonam partem illis detrudere; et inde alia bona opera instituere.

Tertiò clerici ratione gradûs, quem obtinent in

Ecclesià, sunt veluti patres et tutores pauperum et orphanorum; ergo peculiari nexu charitatis et misericordiæ tenentur illis opem ferre. Confirmatur, quia elemosyna sæpè est necessaria ad bonum spirituale in subditis conservandum; ut quando pudicitia virginum ratione paupertatis periclitatur, aut aliqui ad furta et latrocinia se convertunt. Ergo ecclesiastici, (maximè episcopi et parochi) qui ex officio bonum spirituale subditorum procurare debent, partem proventuum suorum præ cæteris in opera pietatis impendere tenentur. Vide Sotum lib. 10, q. 4, art. 4, conclus. 2 et 3. Verùm hæc ratio non probat extra tales casus teneri illos sub peccato mortali præcisè ratione superflui. Itaque præcipua ratio, cur tam strictè extra necessitatem gravem corporalem vel spiritalem proximi teneantur superflua illa in pauperes vel opera pia impendere, est Ecclesiæ præceptum; quo semoto, etsi nonnulla sit inordinatio, tamen non videtur mortifera.

Contra 1 et 2 partem propositionis quintæ, quâ parte astruit dominium absolutum beneficiariorum, eosque à restitutione liberat, sunt multa argumenta ex canonibus et Patribus, ut videre est apud Nav q. 1 de Redd., Monito 21, 22, 23, ubi habet 17 rationes, quarum præcipuas attingemus.

Obijcitur primò: Multi Patres et pontifices in suis canonibus dicunt bona Ecclesiæ esse *patrimonium Christi, res Dei, bona pauperum*: et clericos tantum esse dispensatores et procuratores bonorum Ecclesiæ; ut videre est 12, q. 1 et 2.

48. Resp.: Dicuntur *patrimonium Christi*, quia propter Christum, et ad cultum Christi sunt donata. Dicuntur autem *bona pauperum*, tum quia omnia superflua dicuntur esse pauperum, utpote pauperibus eroganda: (quâ ratione Hieron. etiam de secularibus dicit, *aliena rapere convincitur, qui ultra necessaria retinere probatur*, ut habemus d. 42 can. Hospitale): tum quia peculiari ratione clerici ex his bonis pauperibus subvenire debent: tum denique quia hæ sententiæ referendæ sunt maximè ad illud tempus, quo nondum beneficia erant divisim erecta, sed vivebatur in communi: tunc enim verè erant bona pauperum, non laicorum propriè, sed clericorum, qui tunc pauperes erant, et in particulari nullum habebant dominium, sed communiter omnia possidebant; et aliqui ex illis erant bonorum communium administratores, sicut in monasteriis. Nos autem agimus de tempore post erecta beneficia et bona divisa.

49. Obijcitur secundò: Multi canones jubent fructus reddituum ecclesiasticorum et oblationes fidelium dividi in quatuor partes, et unam tribui episcopo, alteram clericis, tertiam fabricæ, quartam pauperibus. Ita habemus can. de Reddibus, qui est Simplicii, et can. Vobis, can. Concesso, et can. Quatuor, qui sunt Gelasii; item can. Cognovimus, can. Mos est, qui sunt Gregorii primi, et habentur 12, q. 2; atqui in plerisque locis non videtur quidquam assignatum pauperibus; sed solum episcopo, clericis et fabricæ: ergo portio pauperum permixta est proventibus clericorum

et episcoporum, ac proinde tenentur ex iustitia illam in pauperes conferre; ea autem portio censetur esse pauperum, quæ ipsorum statui non est necessaria. Nec sati facit si dicas canones illos intelligendos de bonis usque ad illud tempus donatis, non autem de donandis in posterum: quia Gregorius expresse jubet, *ut sine de præteritis redditibus, sine de his quæ in posterum obtineant, quartæ secundum distributionem canonice dispensentur.*

Resp., ex istis canonibus satis convinci, clericos teneri præcepto Ecclesiæ his locis, ubi pauperibus sua quarta non est assignata, quæ sibi redundant, erogare: non quod ex iustitiâ hæc pauperibus debeantur, sed quia sacri canones jubent ut ipsi ex Ecclesiæ redditibus quarta portio detur, ut habetur can. Mos est, 12, q. 2. Unde cum passim in bonorum ecclesiasticorum divisione et beneficiorum erectione nihil pauperibus videatur assignatum, dubitandum non est quin obligentur beneficiarii singuli pro suâ parte; divisus enim bonis, simul divisa est obligatio his bonis ordinatione Ecclesiæ impositâ. Non enim Ecclesia voluit (sicut ante diximus) per erectionem beneficiorum et bonorum divisionem hanc obligationem extinguere, ut satis ex conc. Trident. sess. 25, cap. 1, de Reform. constat.

Dices: Hospitalia ex his bonis videntur constituta: ergo pauperibus sua quarta est assignata.

Resp. negando antecedens; piraque enim aliâ ratione sunt erecta, ita ut bonis ecclesiasticorum nihil sit detractum, et quamvis constaret alicubi ex hisce bonis erecta esse, nihilominus superflua tenentur in pauperes vel alias pias causas, quæ nunquam desunt, impendere; quia hæc est mens canonum, et intentio fidelium.

50. Obijcitur tertiò: Clerici non possunt de bonis ecclesiasticis testari: ergo non sunt domini; antecedens patet cap. Relatum, 12 et cap. Ad hæc, 8, tit. de Testamentis, et confirmatur, quia agri, domus et similia acquisita bonis ecclesiasticorum pertinent ad Ecclesiam, non ad ipsos clericos, ut patet ex can. Placuit, 2, q. 3, qui est concilii Carthaginensis tertii, et c., Sacerdos, 12, q. 4, ex concilio Toletano 9; item ex toto tit. de peculio clericorum; ergo pecunia, quâ acquiruntur hæc bona, ad eos non pertinet.

Resp. hinc tantum sequi, usum dominii in certis actibus impediri, sicut in impubere; merito autem in condendo testamento impeditur, tum quia par est ut quod ipsis superest relinquatur Ecclesiæ, tum quia hæc ratione advocantur à studio accumulandi, et incitantur ut in vitâ ad pios usus erogent. Nunc tamen consuetudine tandem obtentum ut testari possunt, de qua infra cap. 19 Dub. 4. Ad confirmationem, resp.: Neg. consequent., quia Ecclesia potuit statuere, ut si aliqua immobilia comparantur pecuniâ ecclesiasticâ, ea cedant in dominium Ecclesiæ; nimirum ne clerici opibus congerendis instar secularium inhiarent, sed potius suam pecuniam in pauperes conferrent. Vide plura apud Navar. supra, et Sarmiento, 3 p. de Reddibus ecclesiasticis cap. 2, quæ, quia difficultatem non habent, omitto.

DUBITATIO VII.

Utrum clerici habeant dominium bonorum immediatum Ecclesiæ et suppellectilis eorum.

51. Resp. Nemo in particulari habet dominium bonorum immediatum Ecclesiæ, vel suppellectilis eorum, sed totus ecclesiasticorum corpusque ecclesiæ habet dominium bonorum suæ ecclesiæ; sicut conventus monachorum habet dominium bonorum monasterii, cum his tamen limitationibus: primo, ut pontifex, tanquam caput omnium Ecclesiarum et conventuum ecclesiasticorum, habeat supremam omnium administrationem: de quo vide Navar. in cap. Non licet, de spoliis clericorum, § 3; secundò, ut, si sit necessarium, vel valde expeditis ad commune bonum Ecclesiæ, possit Pontifex ea ad alios usus, et etiam ad alias dioceses transferre; sic videmus interdum bona ecclesiastica principibus secularibus concedi ad Ecclesiæ utilitatem: absque tamen iustâ causâ id facere non potest, quia non est dominus, sed administrator, ac proinde leges fidelis dispensatoris servare debet; prima autem lex est publica Ecclesiæ utilitas; tertiò, ut conventus ecclesiasticus cujusque diocesis teneatur illa ad posteros transmittere, nec possit ea vendere, vel extinguere pro arbitrio, quod vinculum provenit partim ex decreto Ecclesiæ, partim ex donatorum dispositione, qui voluerunt ea perpetuò esse cultui divino dicata. Vide Adrianum in 4 de Restit. § Pro clariori, et Turrecrem. lib. 2 de Ecclesiâ, c. 113.

DUBITATIO VIII.

Utrum omnia homine inferiora cadant sub iure dominium.

52. Resp. res omnes externas usibus humanis subjectas, cadere sub dominium hominis, idque jure naturæ; ut agros, montes, flumina, plantas, bestias, metalla, et similia. Cælorum autem et astrorum proprietas non sumus domini: etsi enim propter nos condita sint, ut nostris usibus famulentur, tamen non sunt nobis ita subjecta ut de illis possimus disponere, sicut res inferiores, quas contractamus et aptamus ad nostra commoda. Sumus tamen domini effectuum, ut luminis, caloris, auræ, salubritatis; quia his utimur quodammodo, sicut aliis rebus externis. Alio tamen modo possumus dici domini cælorum et astrorum, quia in obsequium nostrum facta sunt. Vide D. Th. 1 p., q. 96, art. 2.

53. Adverte tamen, cum dicitur hominem jure naturæ habere dominium in res inferiores, non esse id ita intelligendum quasi singuli habeant completum dominium à naturâ, sed quia potestatem habent res inferiores occupandi, et earum dominium completum comparandi; hoc enim jus cuique à naturâ concessum in rem quamlibet, ut eam occupare, sibi que vindicare possit, si ab alio ante occupata non fuerit.

DUBITATIO IX.

Utrum homo cadat sub dominium alterius hominis.

54. Resp. et dico primò: Jure naturæ non habet

homo dominium in alterum hominem. Ratio est, quia omnes homines naturæ conditione sunt pares, cum sint ejusdem naturæ, ex eodem parente, et ad eundem finem conditi; et quamvis quidam à naturâ sint magis apti ad imperandum, alii ad serviendum (quâ ratione Aristoteles, 1 lib. Polit. c. 1 et 3, dixit quosdam naturâ servos, quosdam dominos), nemo tamen naturâ est servus propriè; cujus signum est, quòd in statu naturæ integræ nulla futura fuerit servitus, ut communiter docent Patres, Aug. lib. 19 de Civit., c. 15, et Gregorius lib. 21 Moral. c. 11, quia servitus est pœna peccati.

55. Dico secundò: jure tamen gentium et civili potest quis effici servus, idque multis modis, ut statim dicemus. Patet ex Scripturâ, Exodi 21, Levit 25, Deuter. 20 et 21, ubi variæ leges præscribuntur de variis servitutum generibus; et Apostolus, 1 Cor. 7: *Servus vocatus es? non sit tibi cura*. Unde constat, etiam Christianos posse esse servos, non solum gentilium, sed etiam Christianorum; de quo vide Gratianum dist. 54, ubi habet multa decreta de servis christianis.

56. Dices: Servitus est contra naturam; ergo. Respondendo: Non est ita contra naturam ut sit contra rectam rationem vel præceptum naturale; sed dicitur esse contra naturam, quia est contra primævam naturæ conditionem, secundum quam, cum omnes essent recti et sine peccato, iniquum fuisset si alter alterum servituti subjecisset; nunc autem, supposito peccato, est secundum rationem: sicut uti pharmacis, et cruciatibus afficere homines, est contra primam naturæ constitutionem; non autem est contra rationem, supposito morbo vel peccato. Docet hoc D. Aug. lib. 19 de Civit., cap. 15: *Rationalem factum ad imaginem suam noluit nisi irrationalibus dominari; non hominem homini, sed hominem pecori; conditio quippe servitutis, jure intelligitur imposita peccatori. Proinde nusquam Scripturarum legimus servum, antequàm hoc vocabulo Noe justus peccatum filii vindicaret; nomen itaque istud culpa mèruit, non natura, etc.*

DUBITATIO X.

Utrum homo sit dominus vitæ suæ et membrorum.

57. Resp. et dico primò, hominem non esse dominum, sed solum custodem vitæ suæ membrorumque, et quasi usuarium: dominium verò horum esse apud solum Deum. Ita passim doctores, D. Thom., q. 64, art. 1; Cajetan. in Summâ, verbo Homicidium; Victoria relect. de homicidio n. 21; Sotus l. 4 de Justitiâ, q. 2, art. 3.

Probatur ex Scripturâ, Deuter. 32, ubi insinuat diviniæ potestatis esse, posse occidere et vitam concedere: *Videte quòd ego sim solus, et non sit alius Deus præter me: ego occidam, et ego vivere faciam*. Id est, habeo jus et potestatem occidendi. Sapientia 16: *Tu es, Domine, qui vitæ et mortis habes potestatem*. Idem docuerunt non solum doctores christiani, sed etiam philosophi. Cicero, de Senectute, refert Pythagoram dixisse, nemini fas esse injussu imperatoris summi Dei, de præsidio et statione vitæ discedere. Eadem est sententia Aristotelis, 1. 5 Eth. c. 10.

Ratio est, primò, quia dominium non est nisi in res eas, quas nostrâ industriâ nobis possumus adscribere: has enim sicuti possumus acquirere, ita etiam relinquere: atqui vitam nemo suâ industriâ potest acquirere; secundò, quia vita est fundamentum omnis domini humani: antequàm enim vitam accipiat, nullius domini est capax, quia non est: ergo par non est ut ipsa sub dominium cadat, sicut fundamentum omnium accidentium non potest esse quid accidentarium; tertio, quia dominium non est nisi in res distinctas: vita autem et membra non sunt quid distinctum à nobis, sed pars nostri vel substantia.

58. Dico secundò: Neque princeps, neque etiam respublica est dominus vitæ suorum subditorum, vel servorum. Sequitur ex dictis, et confir. primò, Exodi 21: *Qui percusserit virgâ servum vel ancillam, et in manibus ejus mortui fuerint, criminis reus erit*, nempe homicidii; secundò, proprium veri domini est, rem pro arbitratu suo posse perimere, etiam voluptatis causâ: atqui solus Deus pro arbitrio potest interficere etiam innocentes, non autem respub.; ergo respub. non habet dominium in vitam hominis; tertio, nemo est dominus suorum membrorum, sed solum custos et gubernator, ut ostensum est: atqui quisque privatus se habet ad rempub. ut membrum et pars, ex quâ unâ cum aliis partibus ipsa veluti unum corpus constat: ergo non habet dominium in privatos.

Nec obstat quòd principes possint interficere malefactores, et exponere subditorum vitam in bello, quia id faciunt non ut illorum domini, sed ut custodes tranquillitatis et boni publici: sicut homo ut custos vitæ suæ resecat membrum putridum, et exponit partem pro salute totius.

DUBITATIO XI.

Utrum homo sit dominus suæ famæ, et honoris.

59. Cajet., infra, q. 57, art. 2, negat; cum enim fama sit bonum medium inter vitam et res externas, potius censet eam collocandam cum vitâ, cujus domini non sumus, quàm cum rebus externis, quarum domini sumus. Idem videtur sentire Silvester, ver. De tractio, q. 3.

Sed dicendum est hominem esse verè dominum famæ suæ, sicut rerum externarum. Colligitur ex D. Th., infra, q. 64, art. 5 ad 5, ubi docet, *hominem licitè posse disponere de seipso, quantum ad ea quæ pertinent ad hanc vitam; sed transitum de hac vitâ ad aliam non subjacere libero ejus arbitrio*; et clariùs, q. 73, art. 4, ad 1, ubi docet, *in cujusque arbitrio esse pati detrimentum suæ famæ, nisi hoc vergat in detrimentum aliorum*. Idem docet Sotus, l. 4 de Justitiâ, q. 2, art. 5, et Adrian. in 4 quæst. de restitutione, circa finem. Covar. l. 2 variarum, c. 2, n. 3, et alii recentiores.

Probatur primò, quia homo famam et honorem, post vitam divinitus acceptam, sibi acquirit et auget, sicut res cæteras: ergo est illius dominus ut cæterarum.

Secundò, quia nisi esset dominus, non posset ejus restitutionem condonare (nemo enim condonare

potest quod non est suum): atqui certum est posse condonare ejus restitutionem. Nec obstat (quod contra hanc rationem objicit Adrian.) quod possimus condonare mutilationem membri, ejus tamen non sumus domini: quia si membrum posset restitui sicut fama, non possemus condonare. Quod igitur condonamus, est satisfactio pro illatâ injuriâ, et restitutio pecuniaria pro damno secuto: non autem proprie restitutio membri.

Tertiò, quia in multis casibus possumus nos infamare: primò, ad petendum consilium; secundò, ad nostri humiliationem; sicut latro ille apud Climacum Gradu 4, qui publicè gravissima crimina confessus est; tertiò, ad vitandum peccatum superbiæ vel aliud; quarto, quando injustè aliquem infamavimus, tenemur restituere ipsi famam, etiam cum nostrâ infamiâ, si opus est: atqui si non essemus famæ domini, nihil horum liceret: sicut non licet selsipsum occidere, mutilare, vulnerare, ob horum finium aliquem.

Contrâ objicitur primò: Ecclesiastici 41: *Curam habe de bono nomine, etc.*; ergo non licet famam negligere. Resp.: Non licet eam negligere sine justâ ratione: hinc tamen non sequitur hominem non esse ejus dominum; quia etiam pecuniæ sine justâ causâ profundi non debent.

Objicitur secundò: D. August., lib. de Bonò viduitatis cap. 22, dicit conscientiam nostram esse necessariam nobis, famam proximis, ac proinde crudelem esse qui famam negligit.

60. Resp.: Fama nostra tripliciter potest esse proximis necessaria: primò, quando ex nostrâ famâ ita pendet fama proximi, ut ex nostrâ infamiâ illius infamia sequatur; sicut ex infamiâ monachi sequitur infamia quædam monasterii; secundò, quando fama nostra est necessaria ut proximo præstemus officium ei stricto jure debitum, sicut famâ personæ publicæ, episcopi, parochi, abbatis, necessaria est ut benè regat subditos, et in his duobus eventis, multorum judicio, contra justitiam peccat, qui se infamat: non quia præcisè selsipsum famâ privat, sed quia ex consequenti proximo nocet, vel inferendo infamiam, vel se reddendo ineptum ad ei impendendum debitum officium; tertiò, quando non officio, sed solum ex charitate proximo prodesse tenemur, et per infamiam ad hoc reddimur inepti; tunc solum contra charitatem peccat, qui se infamat, sicut contra charitatem peccat qui pecuniâ, quâ pauperibus prodesse poterat, abjicit. Hæc de dominio vitæ et famæ; cætera dicentur infra cap. 9 de Homicidio, et cap. 11. de Detractione.

CAPUT V.

DE MODO ACQUIRENDI DOMINII IN RES QUÆ VEL SINGULÆ, VEL COMMUNES SUNT: UBI DE MANCIPIIS, VENATIONE, PISCATIONE, ALCUPIO, THESAURIS.

(Constat dubitationibus 18.)

DUBITATIO PRIMA.

Quomodo facta sit prima rerum divisio seu distinctio dominiorum.

1. Respondeo: Hæc distinctio facta est partim occu-

patione, partim sortitione; hi enim sunt primi modi acquirendi dominii. Nam posteri Adæ in hunc mundum veluti in amplissimam domum opibus repletam venientes, ut quisque prior aliquid occupasset, ita quoque dominus illius efferebatur. Quod si dolum erat uter prior occupasset, vel si ante occupationem plures ad idem aspirabant, sorte decidebatur. Similiter post diluvium, filii Noë alii aliam terræ partem, maxime post linguarum confusionem, occupare, vel sorte dividere; ut patet Gen. 10 et 11. Deinde crescente genere humano, ille partes multiplexiter rursus, et propè in infinitum sectæ, divisæ et distractæ sunt.

DUBITATIO II.

Utrum hæc divisio dominiorum licita fuerit, et commoda humano generi.

(D. Thom. q. 66, art. 4, 2.)

2. Resp.: Post peccatum hæc dominiorum divisio non solum fuit licita, sed etiam salutaris generi humano.

Quod licita fuerit est certò tenendum. Nam ex multis Scripturæ locis constat, licitè aliquid tanquam proprium possideri: et contrarium est hæresis quorundam, qui vocati sunt Apostolici, ut refert D. Aug. hæresi 40, et Epiphanius hæresi 61, qui asserebant hominem non posse salvari, nisi viveret instar Apostolorum, nudus ab omni divitiarum proprietate. Idem docuit Pelagius, ut colligitur ex Augustino, epistolâ 106, quæ est ad Paulinum.

5. Quod etiam commoda generi humano, probatur primò: Si possessiones mansissent communes, relicte fuissent inculte, tum quia homines faciliè negligent communia, tanquam parum ad se pertinentia, maxime autem curant propria, juxta illud Aristotelis: *Amabile bonum, cuique autem proprium*; tum quia quisque fugit labores, præsertim abjectos et graves (quales sunt in agriculturâ et rebus mechanicis), sectaturque otium et dignitatem; quamobrem quisque alteri talium rerum curam et procuracionem reliquisset.

Secundò, si mansissent communes, mundus arderet perpetuis contentionibus et bellis, quia plerumque plures concurrerent ad eandem rem occupandam, qui se mutuò conerentur impedire: et potentiores plerumque omnia raperent; nec meum et tuum (quæ dicuntur esse potissima causa dissensionum), tunc minis fuissent quam modò: quisque enim conatus fuisset rem communem, dum eâ utendum esset, facere suam; sicque assiduò rixæ et pugne inter homines exstiterent; his incommodis per divisionem utcumque occursum est: multò enim pauciores et rariores sunt nunc occasione, quam tunc fuissent. (unde Gen. 15, cum essent jurgia coorta inter familiam Abraham et Lot communiter pascentes, divisione regionis conciliati sunt): quamvis ob hominum pravitatem non omnia incommoda vitari potuerint. Denique idipsum Aristoteles lumine nature ductus docuit, lib. 2 Polit., cap. 2 et 3.

Obijcitur primò: *Jure naturæ omnia sunt communia*, ut habetur cap. Jus naturale, d. 1, ergo etiam post peccatum omnia debent esse communia.

Respondent quidam, in statu innocentiae omnia jure naturæ debuissent esse communia, sed hoc jus post lapsum esse revocatum, et ideò potuisse fieri divisionem. Colligitur ex Scoto in 4, d. 15, q. 2, art. 1, conclus. 1 et 2. Sed contra primò, quia etsi communitas rerum valdè fuerit consona statui innocentiae, nullo tamen præcepto divino vel naturali vetabantur inducere divisionem: quia Deus res istas inferiores hominum dispositioni subiecit, et ex hac divisione nihil incommodi secutum fuisset; nam singulis relictum fuisset quod abundè sufficeret, et quivis cum altero libentissimè ex rebus suis communicasset. Secundò, non rectè dicitur jus naturæ abrogatum: tum quia est immutabile et perpetuum, utpote immutabilem rectitudinem continens, tum quia jus non dicitur revocari ex eo quòd cesset ejus obligatio in aliquo ratione alienius circumstantiae mutatae (alioquin jus naturale, quo tener opitulari in extremâ necessitate constituto, revocaretur eo ipso quo cessat illa necessitas, quod est absurdum; semper enim manet illud jus et illud dictamen, etiamsi defectu materiae hic et nunc non me obliget actu), sed quia cessat voluntate legislatoris, qui manentibus iisdem circumstantiis materiae, potest illud tollere. Hoc enim interest inter jus naturale et positivum, quòd jus naturale semper vim habeat, manentibus iisdem circumstantiis materiae; jus positivum possit tolli, etiamsi nulla mutatio fiat circa materiam.

4. Respondeo igitur non fuisse aliquod præceptum naturale jubens rerum communitatem et vetans divisionem: sed omnia dicuntur *jure naturæ communia*, partim negativè, quia *jus naturæ* divisionem non fecit, aut præcepit: partim positivè, quia omnibus potestatem fecit utendi quavis re, et dominii capiendi, priusquam ab aliquo sit occupata, quod jus etiamnum durat.

5. Obijcitur 2°: Cap. Dilectissimis, 12. q. 1, dicit Clemens I: *Communis usus omnium, quæ sunt in hoc mundo, omnibus esse debuit; sed per iniquitatem alius dixit hoc esse suum, et alius istud, et sic inter mortales facta est divisio*. Respondeo, omissis variis expositionibus, sensum esse per iniquitatem hominum fuisse occasionem datam cur recta ratio dictarit esse faciendam divisionem, cum ante iniquitatem omnia essent communia. Canon enim iste acceptus est ex epistolâ 5 S. Clementis, quâ hortatur fideles, qui erant Ierosolymis, ad vitam communem, ex eo quòd sit consentanea statui innocentiae, ubi non erat *meum et tuum*; rerum autem divisio orta sit occasione peccati.

6. Obijcitur tertio: Patres dicunt neminem debere dicere: *Hoc est meum, hoc est proprium*, eò quòd omnia sint communia; ita Ambros. in cap. 12, Lucæ, Chrysost. homil. 10, in Epist. 1, ad Cor. in morali, et Orat. in S. Philogonium, etc. Respondeo: Tantum volunt neminem ita sibi rem aliquam debere vindi-

care, quin paratus sit eam, quando necesse erit, cum altero communicare; eò quòd in necessitate omnia sint communia, de quo plura suprâ, de eleemosynâ. q. 52.

DUBITATIO III.

Quo jure facta sit hæc divisio.

7. Resp. et dico primò non esse factam jure divino. Deus enim neque fecit divisionem illam primam, neque eam præcepit fieri. Dedit quidem Israelitis spolia Aegyptiorum, et regna Canaitarum; hoc tamen factum est præter usitatum morem. Denique Deus nunquam in Scripturis revelavit hanc divisionem esse faciendam.

8. Dico secundò: Non est etiam facta propriè jure naturali. Probatur quia jus naturæ neque fecit hanc divisionem, cum omnia reliquerit communia; neque etiam præcepit eam fieri; neque natura secundum se ad eam inclinât: non enim illam quarit, nisi in vitâ civili, ubi vivendum cum aliis, et suppositis incommodis ex hominum pravitate provenientius. Hæc ratione matrimonium dicitur esse juris naturæ; nimirum quia natura secundum se, id est, extra vitam politicam, et sepositis externis incommodis cælibatibus, ad illud inclinât: non sic ad rerum divisionem.

9. Dico tertio: Hæc divisio facta est jure gentium, ut habetur d. 1 cap. *Jus gentium est sedium occupatio*, et de justitiâ et jure. L. *Ex hoc jure dominia distincta*, etc. Hoc tamen non est ita intelligendum, quasi sit aliquod præceptum apud omnes, sed quia commune omnium judicium est, divisionem rerum expedire tum ad pacem, tum ad meliorem rerum administrationem; idque spectatâ mortalium conditione, quæ sul est amans, et alieni negligens quæ cupiditati et ambitioni miserè est subjecta. Itaque hoc *jus gentium* nihil est aliud quàm commune hominum judicium et gentium consensus: vel est concessio et jus ex communi judicio et consensu proveniens. Et quia hæc vitia plerumque in genere humano regnant apud omnes nationes, ideò expedientissimum fuit apud omnes fieri divisionem; unde sequitur, si in aliquo cœtu, dono supernaturali hæc vitia possint tolli, vel comprimi ut non dominantur, jus gentium ibidem non postulare, aut magis expedientem censere rerum divisionem, sed potius earumdem communitatem, qualis erat in statu innocentiae: præsertim cum multa alia ex hac sequantur commoda: temperantia, modestia, tranquillitas animi, vacuitas sollicitudinis rerum temporalium, mentis ad res divinas et ad studium sapientiæ expeditio: hoc modo fideles, Ecclesie primordio omnia habuere communia, maxime Ierosolymis et Alexandriae. Idem servatur, et quidem perfectius, in monasteriis et cœtibus religiosorum, qui cum ex multitudine sint selecti, et toti rebus divinis mancipati, facilius illa vitia quæ divisionem rerum postulant, devitate queunt; quare meritò inter eos, ut omnia sint communia, statuitur.

10. Obijcitur primò: Instit. de rerum divisione, § Feræ, dicitur: *Id quod antè nullius est, naturali ra-*

non conceditur occupanti; ergo divisio est facta jure naturali. Respondeo, 1^o *jus gentium* interdum vocari *jus naturale*, ut dicitur § precedenti, eodem tit. 2^o Aliud est res esse dividendas, aliud rem fieri occupantis, quod enim res, quæ nullius est præsertim fera vel gemma, cujus possessio alteri non adfert incommodum fiat occupantis, est juris naturæ; nam etiam in statu innocentie locum habuisset; quod vero facienda sit rerum divisio, est juris gentium.

11. Obijcitur secundò: Furtum est contra jus naturæ: ergo dominium rei competit alteri jure naturæ. Resp. negando consequentiam, quia jus naturale dicitur nihil alteri invito auferendum, quocumque jure illi id competat; sicut etiam jubet superiori obediendum, etiamsi illa potestas ei nisi jure humano non competat.

Obijcitur tertio: Id est juris naturæ, quod ratio naturalis dicitur omnino necessarium ad pacem generis humani: sed divisio rerum est hujusmodi: ergo est juris naturæ. Resp. 1^o Concedi posse illam hæc ratione esse juris naturæ, quamvis alio modo negetur esse juris naturæ. 2^o Naturalis ratio non dicitur id esse omnino necessarium: posset enim in singulis communitatibus institui politia, secundum quam pene omnia manerent communia: ut fit apud Anabaptistas in Moravia, excipe tamen uxores, quas illi fœdè nimis contra omnia jura communes faciunt.

Obijcitur quartò: Quod hæc villa sit mea, et illa tua, est ex jure imperatorum, ut inquit Augustinus, tractatu 6 in Joannem; ergo non jure gentium. Respondeo: Divisio rerum in genere est juris gentium, non autem hujus vel illius rei variis personis particularibus facta attributio. Hæc enim provenit, vel ex primâ occupatione, vel ex variis contractibus, aliisve modis jure civili approbatis.

DUBITATIO IV.

Quibus modis acquiratur dominium in homines, seu mancipia.

12. Resp.: Quatuor modis seu titulis: *Jure belli, nativitate, justâ condemnatione, et emptione*; ut rectè docet Silvester, verbo *Servitus*, q. 3.

Primus titulus est *jus belli*. 1^o In bellis servari consuetum, et communij gentium consuetudine receptum; quo non quidem præcipitur, sed datur potestas ei qui aliquem in bello justo capit, ut vindicet illum sibi in servum, ut patet L. Hostes, 1, de captivis; cujus juris institutio profecta est ex naturali quâdam commiseratione, ne capti occiderentur, (cùm tamen meritò possent occidi) sed servarentur, morte in servitutem commutata, unde et servi dicti sunt. Instit. de Jure personarum. Extenditur hoc jus etiam ad parvulos hostium et innocentes; qui etsi non peccarint, tamen servituti possunt addici tanquàm hostilis reipub. membra, quæ uti commodis, ita et incommodis sui corporis participant, in bonis præsertim externis; unde cùm in his etiam censeatur libertas, hæc spoliari possunt. Accedit quòd hæc ratione etiam parentes, qui deliquerunt, in suis puniantur, sed de his

plura 2-2, q. 40. Apud Christianos tamen consuetudine introductum ut Christiani capti a Christianis non fiant servi, idque in honorem libertatis, quam per Christum sumus consecuti; si tamen bellum injustum gerant contra infideles et capiantur, fiunt eorum servi jure gentium. Vide Covar. in reg. Peccatum, 2 p. § 41, num. 6.

Adverte tamen eum qui in bello ex parte suâ justo capitur, non contrahere veram servitutem; quod si utrinque justitia belli sit ambigua ob probabile jus utriusque partis, capti utrinque fiunt servi; ut rectè Covar. ex lege supradictâ; ubi tamen constare cepit utri parti faveat justitia, tunc ea pars quæ injustè cepit, debet captum in libertatem sine pretio restituere.

13. Secundus titulus est *nativitas*, ratione cujus efficitur servus, qui ex ancillâ natus est: nam *partus sequitur ventrem*, L. Partum. Cod. de rei vindicatione: idque meritò, quia mater est certior, et plus confert materiæ corpulentæ quàm pater: servitus autem secundum corpus convenit.

Notandum tamen, si mater fuit libera quando concepit, aut in partu, aut tempore aliquo medio inter conceptum et partum (etsi vel ad momentum) proles jure Cæsareo non contrahit servitutem, ut expressè habemus Institut. de Ingeniis, § Sed et si quis. Ratio est, quia hoc ipso momento quo mater efficitur libera, etiam proles libertati est restituta; unde calamitas matri superveniens, non debet nocere proli libertatem assecutæ, præsertim cùm causa libertatis sit maximè favorabilis.

Ubi tamen nulla est lex vel consuetudo disponens de servitute prolis, sufficit ut mater in partu sit ancilla, quia proles in partu est fructus ancillæ, non liberæ. Ita servari dicitur apud plerasque gentes, quæ jure communi Cæsareo non utuntur.

14. Tertius titulus est *justa condemnatio*, quâ quis fit servus, si ad hoc propter crimen à legitimo judice condemnatur. Sicut enim potest quis morte damnari, ita etiam servitute, quæ mors est civilis. Sic qui deferunt arma vel alia prohibita ad Turcas vel Saracenos, fiunt servi Christianorum eos capientium, c. Ita quorundam, 6, tit. de Judæis et Saracenis. Raptor puellæ in servitutem deditur, 36, q. 1, cap. de Raptoribus. Femina quæ sciens contraxerit matrimonium cum eo qui sacro ordine initiatus est, potest à principe in servitutem rapi, cap. Eos qui, d. 32. Filii autem ex tali conjugio suscepti, efficiuntur servi Ecclesiæ, cui parens inscriptus erat, 45, q. 8, c. Cùm multe. Quæ omnia intellige post sententiam judicis; ante enim illam pena servitutis legibus statuta non incurritur. Vide Silv. supra, q. 5.

15. Quartus titulus est *emptionis et renditionis*; loquor de illâ emptione, quâ quis primò fit servus ex libero, ut quando quis vel seipsum vendit, vel à parentibus venditur.

Quòd autem homo liber possit seipsum vendere probatur: quia est dominus suæ libertatis, sicut fame et pecunie: ergo eam potest liberè abdicare; quod

confirmatur exemplo tum S. Paulini, qui se vendi in servum voluit, ut filium viduæ redimeret: tum eorum, qui religionem ingrediuntur, qui non solum bona externa, sed etiam libertatem suam abdicant propter Christum, quamvis hi non efficiantur servi, eò quòd hoc non faciant in commodum prælati temporale, sed suum spiritale. Idem apertè colligitur Exodi 21 et Deut. 15, ubi conceditur Hebræo, ut se sponte possit alteri in perpetuum servum tradere.

Unde patet, jure naturæ hominem liberum posse suam libertatem vendere vel donare; ut tamen id fiat sine peccato, debet adesse justa aliqua causa: alioquin esset profusio libertatis, quæ bonis fortunæ et famæ est præstantior.

16. Adverte tamen, jure communi, in favorem libertatis requiri six conditiones ut hæc venditio sit rata: 1^o ut is qui se patitur vendi, sit major viginti annis; 2^o ut intendat esse particeps pretii; 3^o ut reipsa sit particeps; 4^o ut emptor credat ipsum esse servum: unde non permittit jus ut quis seipsum per se vendat, sed ut id per alium fiat; 5^o ut sciat se esse liberum ante venditionem; 6^o ut venditor sciat ipsum esse liberum. His omnibus conditionibus simul concurrentibus, venditio est valida: si vel una desit, jure communi est irrita. Vide Silv. verbo Servitus q. 3; ubi tamen jure Cæsareo non utuntur, potest quis seipsum liberè vendere, nullà habità ratione istarum conditionum.

17. Quòd verò etiam parentes possint jure naturæ vendere proles non emancipatas, colligitur Exod. 21, v. 7. Ratio est, quia proles est veluti pars et fructus parentis, trahens ab ipso esse et vitam; unde parens jus habet ex illà percipiendi ea emolumenta quæ ipsa de se, si sui juris esset, percipere posset; atqui ipsa si esset sui juris, posset se vendere: ergo, etc.

Jus tamen civile requirit certas conditiones, ut patet l. 2, c. de Patribus qui filios distraxerunt. Primò, ut id fiat *per nimiam paupertatem et victus causà*; ut illa lex ait; quòd si ob aliam causam pretio filii egeat, v. g., ad se redimendum à morte vel servitute, vel perpetuà captivitate, non poterit filium vendere, nec obsidem dare, ut docet Covar., l. 3 Variar., c. 14, n. 4, ex Accursio, Dyno, et Alciato; quia lex illa 2 id tantum concedit *victus causà*. Si tamen nudum jus naturæ spectemus, poterit ob quamvis gravem necessitatem. Secundò, ut soli patri hoc liceat; tamen jure naturæ etiam licitum matri. Tertiò, ut solum possit vendere filium nondum emancipatum: qui enim sui juris est effectus, non subest amplius patrie potestati. Quartò, ut filius ita venditus possit recuperare libertatem, soluto pretio, vel oblato alio mancipio, perinde ac si nunquam fuisset servus; ita habetur l. 2, supra. Vide Covar., loco citato.

DUBITATIO V.

Utrum servi ita transeant in dominorum potestatem ut non possint fugere.

18. Respondeo, et dico primò: Certum est posse fugere si non sint justè in servitutem tracti; nec so-

lùm fugere, sed etiam vi repellere impediētes, et surripere à suis dominis quantum satis ad compensationem injuriæ, et operæ præstitæ; imò quantum possunt, si adhuc duret bellum quod ex parte capientium sit injustum, quia tunc possunt hoc modo nocere hosti, ex tacito principis justum bellum gerentis consensu, ut rectè notat Molina. Sic Christiani à Turcis capti possunt eos spoliare et fugam capessere.

19. Dico secundò: Si à domino incitentur ad aliquod peccatum, qui rogatus nolit desistere; vel si inhumaniter tractentur, fugere possunt. Prior pars constat, quia non tenentur cum periculo animæ suæ (ob quod etiam maximè conjuncti deserendi, juxta illud, *si oculus tuus scandalizat te, erue eum et projice abs te*) domino suo servire.

Altera probatur, quia inhumaniter tractando (ut si fame, siti, frigore, verberibus sine causà affligat) facit eis injuriam, à quâ se possunt eripere per fugam, cum alia ratio non suppetit. Cessantibus tamen his causis tenentur reverti, si in posterum non est periculum, sicut conjux, quæ ob similem causam toro maritali se subduxit; nisi fortè injuria tanta fuerit, ut meritò libertate sit compensanda.

20. Dico tertiò: Si dominus sit Judæus aut paganus, jurisdictioni principis Christiani subjectus, vel si sit hæreticus, servus Christianus hoc ipso fit liber, ac proinde potest dominum deserere.

Probatur L. Deo nobis, 56, c. de Episcopis et Clericis, ubi Justinianus ait: *His ita dispositis, repetitâ lege jubemus, ut nullus Judæus vel paganus vel hæreticus servos Christianos habeat; quòd si inventi in tali reatu fuerint, sancimus servos omnibus modis liberos esse, secundam antiquiorem nostrarum legum tenorem.* Idem colligitur ex c. ult. de Hæreticis, et c. 2, et ult. de Judæis et Saracenis.

Adde, servos infideles istorum posse etiam fugere ad Ecclesiam ut liant Christiani, et factos Christianos statim esse liberos; ut habetur dicta L. Deo nobis, supra.

21. Dico quartò: Qui à se vel à parentibus legitime sunt venditi, fugere non possunt. Ratio est, quia cum sint facti servi per legitimum contractum, in quem ipsi vel parentes eorum loco justè consenserunt, tenentur contractu stare, nec possunt illum violare absque injustitiâ, sicut nec alias venditiones.

22. Dico quintò: Qui in penam criminum justè ad servitutem sunt condemnati, non videntur posse fugere; est communis ferè DD. sententia. Ratio est, quia reus tenetur exequi justam sententiam, si pœna talis sit ut non possit nisi per reum executioni mandari; atqui servitus est talis pœna; ergo. Sed de hoc plura infra. Nam si servitus illa sit valdè calamitosa, probabile est fugere posse oblata commodà occasione; contrarium enim est nimis durum et superans humanam conditionem, præsertim talium hominum.

Dico sextò: Proles eandem conditionem subit quam mater. Unde si mater se vendidit, vel à parentibus justè vendita est, vel ob crimen servitutis addicta, proles non potest fugere.

23. Hinc sequitur, eum qui huiusmodi servis consilium vel auxilium ad fugam præbet, peccare, et ad restitutionem teneri totius damni inde secuti; ut si fugat et abstulit simul 100 aureos, is qui fugam suavit, tenetur domino restituere non solum pretium servi, sed etiam damni, quod fugiens intulit; quia totius damni causa censetur, ut recte notavit Navar., c. 17, n. 403.

24. Dico septimò: Servi bello capti licet possint fugere ad suos, non possunt tamen dominis persequentibus vi resistere. Est contra Navar., c. 17, n. 403, et multos alios; sed ita sentiunt D. Soto, lib. 4, de Justitiâ, q. 2, art. 2, Bannes, 2-2, q. 40, a. 1, dub. 13; Covar., ad regulam Peccatum, 2 p., § 11, n. 6, et l. 1 Variar., c. 2, n. 10, et aliqui alii.

Probatur prior pars § Item ea. Instit. de rerum divisione, ubi de servis bello captis sic dicitur: *Qui tamen si evaserint nostram potestatem, et ad suos reversi fuerint, pristinum statum recipiunt.* Idem insinuat L. Nihil 26, de captivis et postliminio reversis. *Nihil interest, inquit, quomodo captivus reversus sit, utrum dimissus, an vi vel fallaciâ potestatem hostium evaserit; ita tamen, si eâ mente venerit ut non illo reverteretur.*

Probatur secundò ratione: primò, quia cum hæc servitus communi consensu gentium sit introducta, non debet ejus conditio magis onerari quam consuetudine totius orbis sit receptum; atque consuetudo habet ut tales servi sine conscientie scrupulo possint ad suos fugere, neque hoc censetur illicitum, nisi forte dedissent fidem de non fugiendo, et eâ lege vita eis esset condonata; tunc enim tenentur stare promissis; secundò, quia hæc servitus cæteris est nobilior, minusque probrosa; unde etiam in viros nobiles cadere potest; ergo non est cogenda in eas angustias, in quas aliæ servitutes; tertio, si non possent fugere, beneficium illud legum, quo conceditur libertas in termino, esset inutile; quia non possent illud consequi nisi per peccatum; unde esset illecebra ad peccandum.

Dixi, posse fugere ad suos, quia non licet eis fugere ad evagandum extra potestatem dominorum, sed solum animo contendendi ad suos. Hæc enim sola fuga jure et consuetudine servis concessa est, ut per eam possint libertatem in termino recuperare: nempe cum ad suos, vel ad amicam civitatem, ubi publico nomine tuti sint, pervenerint, ut habetur L. Postliminio. 17, de captivis; quòd si in viâ intercipientur, possunt reduci; quia antequàm perveniant ad suos, non recuperant libertatem. Postquàm autem pervenerint, ita sunt liberi, ut etiamsi redeant causâ mercaturæ, vel simili, non possint à priori domino retrahi in servitutem. Si autem fugiant non animo redeundi ad suos, peccant, et tenentur redire, ut rectè Covar., supra, quia privant dominum usu sui, dum adhuc continentur sub ejusdem dominio; nec sunt in viâ subtrahendi se ab eo per fugam jure permissam.

25. Altera pars, quòd dominis persequentibus vi resistere non possint, probatur; nam domini habent jus illos intercipienti et detinendi quamdà ad suos non pervenerint; alioqui inutilis esset servitus; quare cum

non possit esse bellum utrinque justum, non possunt se vi tueri. Simile est in reo, qui etsi fugere possit, non tamen ministris justitiæ persequentibus resistere.

Ex his sequitur primò licitum esse cooperari huiusmodi servo ad fugam, modo scandalum et aliæ indebite circumstantiæ absint; secundò, idem esse judicium de prole, quia non est deterioris conditionis suo parente; tertio, idem jus permanere, etiamsi decies quis vendatur; nam jure belli servus censetur, cujus primæva servitus sic est constituta, etiamsi decies venerit.

26. Obijciatur primò à Navar., cap. Si quis servum 17, q. 4, ubi concilium Gangrense sub anathemate prohibet ne quis alieno servo suadent ministerium domini sui destinare. Idem prohibetur cap. sequenti, quod est concilii Romani sub Martino I, et confirmatur L. 1, c. de Servis fugitivis, ubi dicitur *fugitivus servus fortum sui facere domino.* Et L. 5, si in fuga deprehendatur, gravis ei pena decernitur, nempe pedis amputatio, vel damnatio ad metalla.

Resp. illis canonibus solum prohiberi, ne quis prætextu religionis seu libertatis Christianæ doceat servum contemnere dominum suum, et deserere ejus ministerium; unde nihil ad nostrum propositum. Ad confirmationem, lex prima loquitur de eo qui fugit ad alium dominum; lex autem tertia loquitur indistinctè de servis, qui fugiunt ad barbaros, hostes Romani imperii; unde excipi debent illi qui fugiunt ad suum populum, ut colligitur ex aliis juribus allatis.

Obijciatur secundò: Qui damnatus est exilio ad certum locum, non potest ex eo loco fugere: ergo cum servus jure gentium damnatus sit servitute, non potest fugere.

Resp. negando consequ., quia hi servi non damnantur ut malefactores in judicio, sed nobiliori quodam modo, et minus ignominiosâ servitute, cui ex more gentium hoc privilegium est relictum.

27. Obijciatur 5^a: Servi à dominis solent graviter puniri, si contingat eos fugere, et à fugâ retrahi; ergo non licet eis fugere, quia alioqui injustè punirentur. Resp. primò, fortè illos dominos sequi alteram sententiam, quæ censet fugam esse illicitam, quæ etiam est probabilis, etsi nostra sit probabilior. Secundò, probabile est, etiamsi dominus putet fugam licitam, nihilominus servum posse castigari; non quòd peccaverit, sed quia privilegium fugiendi videtur illi cum hoc onere concessum in gratiam domini; sicuti custodiâ publicâ inclusi licet fugiant, ut infra dicitur; et tamen deprehensi puniuntur, L. 4, de effractor. et alibi; quod magis locum habere potest in servis, quia cum caperentur in bello, poterant justè occidi: sed mors illis commutatur in servitutem, ut si fugiant, nolentes se persistere, prius pena ex parte possit revocari, et non deinde gravi supplicio.

DUBITATIO VI.

Quæ anim. in cavit occupantur venatione, piscatione, aucupio.

28. Notandum est, animalium quædam naturali in-

dole esse mansueta, ut sunt oves, boves, equi, sues, galline domesticæ, anates domesticæ, et similes: alia esse fera seu silvestria: et horum alia usu sunt mansueta, ut cuniculi, cervi, quos domi nutrimus, pavones, columbæ domesticæ: alia retinent indolem silvestrem.

Nunc resp. et dico primò: Animalia naturâ mansueta et domestica, etiamsi dominorum potestatem longius evaserint, non licet capere: patet § Gallinarum, Instit. de rerum divisione, ubi dicitur *furtum committere qui hæc animalia cum effugerint, detinet*. Ratio est, quia hæc, licet fugerint, non tamen ideò recuperant libertatem, cum naturali suâ indole sint domestica, unde adhuc manent in dominio prioris domini; quare ubicumque hæc inventa fuerint oberrantia, dominis sunt restituenda. Imò etiamsi capta à lupo vel à vulpe fuerint, qui ea exemerit, restituere debet quidquid de illis superfuert.

Dico secundò: Animalia fera seu silvestria usu mansueta, quæ consuetudinem habent ex liberâ vagatione redeundi in potestatem domini, non licet occupare. Instit. Supra, § Pavonum. Unde qui in suo columbario appositis illecebris, aliorum columbas eò traducit, tenetur ad restitutionem: secus si id sine fraude accidat, v.g., quia melius eas alit, vel commodiorem stationem aptavit; consuetudo tamen est consideranda: nam quibusdam locis dicitur esse moris ut omni arte alienas columbas liceat accersere.

29. Dubitant doctores, an columbaria sint licita; sed dicendum est, ordinariè licita esse, nisi lege aliqua sint prohibita. Ita Navar., c. 17, n. 126; Cajet. verbo Columbarium; Silv., v. Restitutio 3, q. 4; Sotus, lib. 4, q. 6, a. 4; Molina, disp. 48. Primò, quia passim est consuetudo. Secundò, quia non sentitur ordinariè damnum notabile: non enim minùs vescuntur seminibus pravis, quæ sata suffocant et strangulant, ut lolio, melanthio, orobanche, quàm bonis: unde Astensis dicit quosdam tenere tantùm prodesse quantum nocent. Tertiò, quia potissimùm vescuntur grani prolapsi è spicâ, nec scalpendo detegunt semina terræ mandata, ut ferunt harum rerum curiosi. Quartò, nisi haberentur columbaria, esset major numerus silvestrium, quia pauciores caperentur, et ita magis nocerent satis. Denique quia cedunt in cibum reipub. Curare tamen debent qui eas fovent, ut pabulum in columbariis non desit, sic enim minùs nocere possunt.

30. Dico tertiò: Si hæc animalia amittant consuetudinem redeundi, licet occupare, et fiunt occupantis, ut habemus expressè Instit. loco citato.

Ratio est, quia tunc censentur se recepisse in naturalem libertatem, et non ampliùs esse in potestate prioris domini; unde columbæ tux si se aggregarint columbis alterius columbarii, et consuetudinem redeundi deseruerint, fiunt alterius. Dicuntur autem consuetudinem redeundi deseruisse, si his terve tempore consueto non redeant, ut docet Navar., c. 17, n. 128, et Silv., verbo Inventum, q. 2; quod de columbis est verum; non tamen de cervis et aliis, quæ interdum vagantur juxta domum, et spontè non re-

deunt, tamen facilè patiuntur se reduci. Itaque prudentis arbitrio definiendum est quando censeantur consuetudinem redeundi deseruisse.

31. Dico quartò: Animalia omninò fera et silvestria, si potestatem domini evaserunt, et in libertatem naturalem se vindicaverint, ubicumque reperta fuerint, licet prosequi et capere, et fiunt occupantis. Ratio est eadem quæ supra, quia jam nullius sunt.

Ubi adverte, eum qui ceperit aliquod animal ferum seu silvestre, ut cervum, leporem, perdicem, columbam, tandiù censi dominum, quamdiù illud suâ custodiâ coercet; quòd si ejus custodiâ evaserit, rursus fiet primò occupantis: ut si cervus ex silvâ vel prato concluso evaserit. Dicuntur autem recuperâsse naturalem libertatem, quando ita evaserunt, ut difficilè possint comprehendi; tunc enim sunt extra domini potestatem; quòd si facilè, non censentur esse extra dominium.

32. Unde patet, examen apum, cum silvestris sit naturæ, si ita evolet ut sit difficilis ejus persecutio, posse à quolibet capi, etiamsi ex arbore tuâ dependeat. Sicut enim avis non ideò fit tua, quia in tuâ arbore nidificat, ita nec examen apum, quia ex tuâ arbore pendet, tuum est; potes tamen alium re adhuc integrâ prohibere ne fundum tuum ingrediatur, vel arborem conscendat, ut illum prævenias, quòd si in tuum alveare involet, tuum efficitur. Hæc omnia expressè habentur Instit. de rerum divisione, et fusiùs in Pandectis L. 3, 4, 5, π de acquirendo rerum dominio; et L. 3, § Item feras, π de acquirendâ possessione. Vide etiam Navar., c. 17, n. 128.

Advertendum tamen, in his omnibus habendam esse rationem consuetudinis locorum et provinciarum.

DUBITATIO VII.

Utrum principes possint justè prohibere venationem, piscationem et aucupium in locis publici juris.

33. Covar., ad regulam Peccatum, p. 2, § 8, refert multos doctores qui tenent principes non posse id prohibere, cò quòd jure naturæ vel gentium licitum sit animalia libera capere; quod jus princeps tollere non potest. Ita Hostiensis, Joannes Andreas, Decius, Tiraquellus, Rebuffus, et plures alii, et Jason dicit hanc sententiam esse communem. Sed Covar. tenet contrarium, adductis pro se multis Jurisperitis, et conciliatis illis qui aliter sentire videbantur. Idem ex theologis tenent Cajet., tom. 1 Opuscul., tract. 17, cap. 12, et Joannes Medina, cod. de Restit., q. 12; Sotus, lib. 4 de Justitiâ, q. 6, a. 4, et alii passim. Pro quâ sententiâ,

34. Dico primò: Principes possunt prohibere hanc venationem seu captionem animalium in locis publici juris, ex consensu populi, sive gratis, sive per aliquem contractum præstito. Ratio est, quia populus potest cedere jure suo.

Dico secundò: Possunt etiam eam prohibere, si judicetur id necessarium ad reipub. onera sustinenda; nempe ut inde conflatur maxima vis pecuniæ, officio et administrationi principis necessaria. Quo titulo

quidam principes reservant sibi jus piscandi certa genera piscium, ut apud Hispanos reservant sibi jus piscandi thynnus, ut inquit Covar. n. 10.

Sed difficultas est, utrum ad solam recreationem possint sibi absque populi consensu tale jus reservare.

55. Resp. et dico tertio Principes etiam ad solam recreationem possunt absque consensu populi jus venandi in quibusdam locis sibi reservare. Ita Covar., Sotus, et Medina supra.

Ratio est, quia princeps cum labore pro repub., potest etiam aliqua loca communia sue recreationi reservare; præsertim cum id etiam pertineat ad principis dignitatem.

Dico, in quibusdam; quia non potest populum ab omnibus locis publicis excludere, et sibi totam venationem reservare, nisi forte eam ob causam remittat aliquid de tributis sibi debitis, vel aliter compenset. Ratio est, quia est nimis inhumanum et tyrannidem sapiens (ut recte docet Medina) tantummodo sui commodi et oblectationis gratia, universum populum omni recreatione et utilitate venationis, quæ jure naturali et gentium eis est concessa, privare.

56. Notandum primo, posse principem personis de repub. bene meritis jus venandi vel piscandi in loco communi attribuere, cæteris exclusis; modo tamen id absque notabili communitatis incommodo fiat. Sic videmus quibusdam monasteriis et nobilibus varia privilegia in hoc genere concessa.

Notandum secundo, etiam consuetudine legitime præscriptâ posse hujusmodi jus acquiri, tum principi, tum aliis, ut docent Cajet., Medina, et Covar. supra. Ratio est, quia consuetudo habet vim legis et privilegii: et sicut alia jura præscriptione acquiri possunt, ita et istud. Videndum tamen ne hujusmodi consuetudo malo titulo vel tyrannicè sit usurpata, ut monet Covar., num. 40.

57. Notandum tertio, principes qui sibi tale jus reservant, obligari ad cavenda damna quæ feræ multiplicata possent agris vicinorum inferre; et si quæ inferant, teneri ipsos ad restitutionem; ita Covar., supra, n. 10, ex Cajet. Estque communis DD. sententia. Ratio est, quia reservatione istius juris, et lege illâ quâ vetat venationem et ferarum peremptionem, dat causam damni quod per feras inferitur; qui autem dat causam damni, ipsum quoque damnum dedisse videtur, ac proinde tenetur sarcire. Neque satis est si dicant se velle sarcire damna quæ inferentur, sed etiam debent cavere quantum opus est ne inferantur; ut recte notat Navar., c. 17, n. 125; aliud enim peccatum est inferre damnum, aliud nolle compensare illatum. Quamvis si verè paratus esset totum damnum absque morâ compensare, et diligenter de eo subiinde inquireret, non putarem peccare mortifère, quia non inferret notabilem injuriam. Verum hoc in praxi rarum est. Excipiuntur tamen duo casus, quibus princeps ad neutrum tenetur: Primus, si consensu reipub. et eorum qui possident agros vicinos, hoc jus haberet: quivis enim potest cedere jure suo. Quo tamen casu

dissimulare deberet cum eo qui feram segetes vastantem in agro suo perimeret. Utitur enim ille jure naturalis defensionis, quo populus ille se privare voluisse non censetur. Secundus, si in terra hostili à se occupata tale jus in aliquo statu instituat, antequam agri vicini dividantur; tunc enim agri illi transeunt cum hoc onere seu servitute ad suos possessores.

58. Notandum quarto, cum, qui injuste prohibet alium à venatione, piscatione, aucupio, teneri ad restitutionem probabiliis lucri, quod ille deductis expensis et laboribus facturus erat, ut recte notat Covar., n. 11 et 12; Navar., c. 17, n. 120, non tamen ad restitutionem animalium, quæ capta non sunt: quia illa nondum fuerunt in potestate ejus qui prohibitus est. Unde etiam secundum quosdam non tenetur Ecclesie compensare decimas, quas venatores de rebus captis in quibusdam locis solvere solent (etsi Covar. contra sentiat), quia decimæ, nisi de rebus jam perceptis, non debentur. Idem judicium esto de eo, qui impedimento fuit agricole in agriculturâ. Sed de his infra, cap. 59, dubit. 3.

DUBITATIO VIII.

Utrum quis possit venari in prædio vel saltu alieno.

59. Resp. absolute posse, modo illa loca non sint ita conclusa, ut feræ non possint egredi; cavendum tamen ne quid damni inferatur. Quisque tamen potest jus venandi in suis prædiis sibi reservare, et aliis prohibere ne ibi venentur; ut habemus § Feræ, Instit. de rerum divisione. Hæc tamen prohibitio erit irrationabilis, ac proinde parum curanda, si ipse dominus nolit ibi venari, et feræ multiplicata damna inferant; imò talis dominus tenebitur tunc ad restitutionem damnorum, quia censetur illorum causa per suam prohibitionem, ut notat Covar., n. 11. Et consentiunt omnes DD., ut supra diximus.

40. Simili modo cavendum venatoribus, ne ipso actu venandi in locis alienis, vel transitu per illa, damnum inferant proterendo sata, sternendo segetes, excutiendo grana, kadendo vineas, dissipando sepes, et similia; alioquin tenentur ad restitutionem. Ita docent omnes DD. qui hanc rem attingunt. Silvester, v. Venatio, utrum, inquit, venatores concultantes agros, vineas et segetes, et quorum canes occidunt gallinas, et animalia pauperum, et aliorum, teneantur restituere: dicit Astensis quod sic, ad astimationem: aliàs peccant mortaliter, nisi damnum sit ita modicum, quod probabiliter creduntur non curare. Idem iisdem verbis affirmat Angelus, eodem verbo. Cajetanus, in Summâ, eodem verbo dicit, actum venandi esse peccatum, si damnum agris aut vineis inferatur, idque pro magnitudine damni. Barthol. Fumus eodem, n. 4, dicit, actum venandi esse peccatum si fiat cum damno proximi in personâ vel rebus; ut qui venator exponit se periculo occidendi vel vulnerandi proximum ex defectu circumspectionis, vel destruit segetes, semina, vineas, vel hujusmodi, et tunc judica mortale vel veniale secundum qualitatem actus vel periculi cui se exponit; et ultra peccatum tenetur de damno per eum illato, vel ejus occisione. Navar.

rus, in *Enchiridio*, cap. 17, n. 125: *Peccat qui ad venandum profectus permittit ut canes sui noceant alienis aribus domesticis, gallinis, anatibus, anseribus, et id genus aliis; aut ut sui equi aut famuli notabile damnum inferant prædiis, aut satis per quæ transeunt, aut eorum fructibus; et non vult restituere. Hostiensis in Summâ de pœnit. et remiss. Omitto alios, quia idem omnes, nemine discrepante, docent.*

Ratio est perspicua: quia vel venatio instituitur ad oblectationem, vel ad proprium commodum, vel ad bonum commune, v. g., ne feræ multiplicatæ noceant agris, pecoribus, hominibus. Si ad oblectationem vel proprium commodum, manifestum est id non posse fieri cum dispendio aliorum. Nec refert etiam si fortè sit persona publica vel gubernator patriæ, quia in iis quæ ipse agit in commodum proprium comparatur ad subditos, ut privatus ad privatum; unde non minus tenetur de damno quàm si esset privatus. Si verò ad bonum publicum instructa sit, nulla æquitas patitur, ut damnum quod occasione boni publici contractum est, à paucis hominibus privatis sustineatur, sed justâ proportionem distribuendum in omnes; alioquin peccatur contra justitiam distributivam, quæ sicuti præscribit bona communia certâ proportionem distribui in singulos, ita etiam onera et damna, quæ causâ communis boni imponuntur, vel inferuntur. Sicut enim bonum quod intenditur commune est, ita etiam damnum commune esse debet. Itaque deberet hujusmodi ex causâ damnum passis fieri compensatio ex bono communi, v. g., remissione tributorum vel exactionum, vel immunitate à milite, vel simili modo. Pari ratione cum causâ boni publici solam alicujus occupatur, ut convertatur in viam publicam, vel ut in eo fiat propugnaculum, vel cum deiciuntur ædificia privatorum, facienda est compensatio ex publico. Cum autem damnum illatum est causâ proprii commodi, ex propriis compensatio facienda, ut per se notum est.

41. Adverte tamen, si damnum est modicum, et dominus loci tantum ferè commodi adferat agricolis occidendo feras, quantum damni ipso actu venandi, vel si rebus illorum consulat, suâ auctoritate avertendo milites, eosque ab aliis incommodis tutando, ita ut meritò videri possint illa damna, quæ subinde ex venatione sentiunt, non curare, et condonare; non esse obligationem restituendi: quo modo fortassè aliqui locorum domini possunt excusari; hoc tamen non habet locum quando damna sunt gravia. Quomodo autem damnum grave aut leve agris et satis inferatur, et quodnam tale censendum sit, optimè ex ipsis agricolis cognosci potest.

Dices: Quid si ab hominum memoriâ sit usurpatum, ut tota venantium turba cum equis et canibus, prout occasio tulerit, per media sata sese inferat, non curans quid damni inde resultet; nec ulla ob id fiat restitutio, maximè cum nemo querelas apud judicem deponat? videtur enim hoc eventu habere locum præscriptio, quo tanti temporis tractu hoc jus sit à domino loci usucaptum. Resp.: Ut titulus præscriptionis hic locum habeat, debere constare; 1^o de ipsâ consuetudine

et usu qui memoriam hominum antecedit; 2^o non fuisse factam compensationem cum damna irrogata erant gravia; 3^o quòd damno affecti non deposuerint querelas, nec moverint litem, id non factum desperatione obtinendi juris, aut metu majoris mali, sed omninò liberè, et animo condonandi; alioquin cum præsumptio sit in contrarium, non potest censi bona fides in venatoribus damna illa inferentibus. Sic tyrannus non potest usucapere jus imperii in populum liberum, quando solo metu illum coercet, ita ut non præsumatur liberè in illum consentire. Ratio est, quia præscriptio in hujusmodi quæ vi præsumuntur usurpata, non potest dare jus, nisi quatenus tanti temporis usus et possessio parit præsumptionem liberi consensûs eorum ad quos pertinet. Si tamen hujusmodi fundi essent beneficiarii, jure feudi vel emphyteusis domino obnoxii, posset ex hujusmodi consuetudine præsumi, talem servitutem ab initio fuisse voluntate principiis annexam; et ideirò minorem pensionem minusve obsequium domino ab emphyteutâ vel fundatario præstari. Quis autem primo loco, quis secundo, et in subsidium hic in restitutione veniat, ex regulis generalibus colligendum. Vide infra cap. 13, Dubit. 5, et sequentibus.

DUBITATIO IX.

Quomodo peccet, et an teneatur ad restitutionem is qui contra justam prohibitionem venatur, aucupatur, piscatur.

42. Notandum ex Covar. venerationem prohiberi generatim quatuor rationibus. Primò *ratione status personæ*. Ita prohibetur clericis, et multò magis monachis; præsertim ea venatio, quæ fit magno strepitu canum et armorum, ut patet c. 1, de Clerico venatore: quod sumptum est ex concil. Aurelianensi, ubi *episcopus qui crebrò talibus venationibus dat operam, jubetur suspendi tribus mensibus à communione: presbyter verò duobus, diaconus ab officio*: unde videtur frequentatio talium venationum esse peccatum mortale. Quieta tamen venatio cum retibus, laqueis, paucisque canibus, modò rarò fiat, non est omninò prohibita Ecclesiasticis, ut notat Medina, q. 12, c. de Restitut., et Silv., verbo Venatio; sive fiat causâ necessitatis, sive exercitiî, sive moderatæ recreationis, ut notat Panormit. in illud c. 1 citatum.

Secundò, *ratione temporis*. Sic videri possit prohibita venatio diebus festis et jejuniis, ex cap. An putatis, d. 86, sed hoc intelligendum est quando ratione venationis omitteretur Sacrum, vel violaretur jejunium; alioquin absolutè non est prohibita, cum non sit opus servile, ut notat Navar., cap. 13, n. 11, quamvis in magnis festis et quibusdam jejuniis sit validè indecora, ob nimiam animi effusionem, et corporis agitationem.

Tertiò *ratione publicæ utilitatis*, ne videlicet soboles ferina extinguatur; sic prohibetur interdum venatio illis mensibus, quibus feræ sunt gravidæ et quando sunt nives, quia tunc facilè capiuntur; et usus certorum instrumentorum, ut bombardarum, retium te-

num, et similitum, quibus facile magno numero concluduntur.

Quartò, *ratione loci*: ut si in aliquo loco a principe statuta sit immunitas ne quis ibi venari possit, vel si locus sit alienus. His positis,

43. Dico primò: Quando venatio solum est prohibita ratione status vel temperis, ordinarie non est nisi peccatum veniale, modo scandalum absit, et periculum occisionis vel mutilationis, et animal captum non est necessario restituendum.

Prior pars patet ex dictis: estque Medinæ, Silvestri, et aliorum.

Altera probatur, quia conditio personæ vel temporis non facit illum actum iniustum, aut rem obnoxiam restitutioni.

Dico secundo: Etsi venatio prohibita sit ratione utilitatis publicæ, tamen non est peccatum mortale, nisi quando modus venandi censetur notabiliter perniciosus commodo reipub., et ideo sub gravi poenâ est prohibitus; vel quando reipsa notabile damnum bono publico inferitur (ut si sobolem ferream notabili ex parte extinguere), animalia tamen capta non sunt in foro conscientie restituenda. ita Covar., ad reg. Peccatum, p. 2, § 8, et alii. Ratio est, quia leges in hisce casibus non prohibent ipsam acquisitionem ferarum, sed usum venationis: uti autem venatione contra legis mandatum, non censetur notabilis injuria vel læsio reipublice cum jure gentium liceat occupare que nullius sunt. Unde fit ut venator non teneatur ad restitutionem ferarum captarum, etiamsi instrumentis vitæ cepit; quia feræ non sunt res reipublice.

Adverte tamen, si quis aquas inficeret, unde contingeret magnam vim piscium mori, vel alio modo grave damnum inferret, teneretur ad restitutionem reipublice que habebat jus piscandi, quatenus censetur illud jus graviter læsisse, et spem lucri et oblectationis eripuisse, ipsa tamen animalia non tenetur restituere; sed solum quantum illa spes, seu jus venandi censebatur valere.

Dices: Ergo semper tenetur ad aliquam restitutionem, etiamsi unam duntaxat vel alteram feram cepit; nam iniquè privavit reipublicam jure illius venandi, et sic censetur læsisse.

Resp.: Neg. consequentiam, quia illud jus venandi non censetur notabiliter læsum propter unam atque alteram feram subtractam: quamvis enim due vel tres feræ sint magni momenti, jus tamen venandi respectu earum, in magno saltu est parvi momenti.

Dico tertio: Qui venatur in alieno fundo, vel prædio, vel silvâ, invito domino, non tenetur ad restitutionem ejus quod cepit; peccat tamen pro ratione injuriæ et damni illati (si quod inferat), et tenetur ad ejus compensationem. Docet hoc Covar., supra, n. 4. Medina, q. 12, et alii.

Prior pars probatur, quia animal silvestre non erat domini illius fundi, sed nullius: ergo transit in dominium primò occupantis. Ratio est, quia animantia non sunt fructus agrorum vel silvarum vel fluviorum, si-

cuth arbores, que solo hærent: sed alia ex aliis procreantur. Unde sequitur, etiamsi ager vel possessio talis sit ut ejus fructus in venatione consistant, ipsaque venatio sit alteri elocata, non tamen ideo animalia fiunt conductoris, vel usufructuarii habentis, quando naturalis libertate laqueantur: sed conductor et usufructuarius solum jus venandi in tali fundo habent, quod jus censetur ad fructus agri vel silvæ pertinere. Vide Covar., n. 9 et 11.

Altera pars probatur, quia is qui venatur in alienâ possessione invito domino, facit illi injuriam. Dominus enim jus habet ut nemo ibi se nolente veniet, ut habemus § *Feræ*. Instit. de rerum divisione, et l. *Item si fundi*, 9, § *Aucupiorum*, et de usufructu, ubi dicitur: *Reditus aucupiorum, sicut et venationum, ad fructum agri pertinere, nec esse rationabile in agro alieno quemquam, nolente domino, aucupari*. Unde ulterius patet, si damnum aliquod inferat, teneri ad restitutionem, ut si segetes proculcet, si sepimenta dissipet, item, si dominus illam feram venari volebat, et probabiliter erat capturus; spectanda est æstimatio illius spei. Denique si jus venandi alteri vendere vel elocare statuerat; et in crebrâ venatione effeceris ut parvi æstimeretur, quod si nullum damnum sit illatum (ut si dominus ipse volebat venari, nec jus illud elocare) non tenetur venator ad illam restitutionem, etiamsi invito domino venatus sit; quia notabile damnum non irrogavit, vexatio quoque illa parum erat rationi consentanea, cum ipse eo jure uti nollet.

Advertendum autem est, eandem esse rationem extranei venantis in loco publico, atque civis venantis in loco privato alterius, invito domino: uterque enim sarcire damnum, si quod illatum fuerit, tenetur, non ipsas feras.

44. Dico quartò, qui venatur in loco publico venationi principum vel aliarum personarum justè assignato, peccat venialiter: et si notabile damnum infert, mortaliter; teneturque ad compensationem damni, non autem ad restitutionem animalis capti.

Probatur prior pars, nam lex illa prohibens in tali loco venationem, etiamsi poenam appositam habet, communi tamen hominum judicio non censetur gravem inducere obligationem: quamvis ipsi domini ibi venari soleant; nam feræ sunt nullius, et silvæ sunt communes; et aliàs non est notabilis læsio. Unde rationi consonum est ut reservatio illa juris venandi facta per principem, non adeò strictè accipiatur.

Dices: Si est peccatum veniale, ergo ratione gravitatis materiæ potest esse mortale.

Respondeo: Ipsa materiæ, secluso damno, ex genere suo est parva, et ita non constituit peccatum mortale, si damnum absit.

Altera pars constat; nam ratione damni potest censeri peccatum mortale: ut si animalia capta essent magni pretii et multa; ideoque princeps non posset tam multa capere quam aliàs solet. Item si feræ sint redditæ fugaces, ut difficillimè postea capiantur. Denique si aliqua ratione damnum sit notabile. Potest tamen venator excusari à restitutione (ut notat Medina),

quia principes non solent talem restitutionem curare, sed sufficit illis ut deprehensi poenam luant.

45. Hæc autem poena non debet esse corporalis; ut mutilatio, vel flagellatio (ut rectè notavit Silv., verbo *venatio*. Navar. cap. 17, n. 121, et alii doctores communiter), sed pecuniaria, quia non censetur grave crimen, etiamsi grave damnum intulerit. Unde si sit statuta poena corporalis, non est mandanda executioni; nisi quis valdè sæpè esset deprehensus, et minoribus poenis non emendatus; tunc enim posset aliqua corporalis, v. g., flagellatio, adhiberi.

Ultima pars, quod non teneatur ad restitutionem animalis capti, patet ex dictis. Notandum est, hoc etiam locum habere, et si quis arte magicà vel alià pravà machinatione feras elicerit, et ita extra silvas ceperit, ut notat Covar. n. 14. Nam modus iste capiendi, etsi sit grave peccatum, non tamen facit ut ipsa captio sit contra justitiam. Quamvis iste puniri possit, sicut is, qui intra silvam venatur. Qui tamen feras extra locum suum absque ullà fraude egressas caperet, non solum ad nihil tenetur, sed neque ideò puniri debet; ut ibidem Medina et Covar., quia ipsæ feræ cum sint nullius, jure gentium permittuntur occupari extra saltum prohibitum.

46. Adde: Idem dicendum si quis venetur feram in saltu concluso, sed ita vasto, ut in eo difficillimè capiantur: nam in tali loco non minùs fruuntur libertate naturali quàm si captæ non essent. Quod confirm. quia animalia quæ sunt in insula duarum vel trium leucarum, naturali libertate fruuntur, et fiunt primò occupantis: ergo idem dicendum de saltu amplissimo clauso. Ita Covar. supra, n. 15.

Utrum autem feræ, quæ naturali libertate fruuntur, possint per aliquam legem ita alicui magnati addici, vel bono publico servari, ut non transeant in dominium capientis, dubitari potest. Verius est posse, modò legitima causa subsit: ut si alià ratione non posset commodè sumptibus quibusdam necessariis provideri, hoc tamen rarò in praxi usu venit. Ratio est, quia lex ob justam causam potest alios reddere inhabiles ad certæ rei dominium comparandum. Sicut enim actiones humane subsunt legum dispositioni, adeò, ut per leges possit tibi concedi jus, vel imponi obligatio, aut etiam injici impedimentum ad aliquas actiones obeundas; ita etiam res externæ, earumque dominium et possessio, legum dispositioni subjacet: sicut jus acquirendi, vel incapacitas, per eas irrogari posset. Hinc quidam sunt incapaces quorundam officiorum, successionis hæreditariæ, possessionis immobilium, etc.

DUBITATIO X.

Utrum fera à me vulnerata, et postea ab alio capta, sit mea, an capientis.

47. Respondent communiter doctores esse capientis, et non vulnerantis. Ita Covar. ad reg. Peccatum, p. 2, § 8, n. 15, et alii, quod patet § *Illud quesitum*, Instit. de rerum divisione. Sed hoc intelligendum est, nisi ita vulnerata sit ut percussor insequens eam certo

esset capturus. Unde tria requiruntur ut fiat percussoris. Primò, ut læserit eam quantum satis ad capiendum. Secundò, ut læsam insequatur. Tertiò, ut moraliter certum sit quòd eam sit apprehensurus. Ratio est, quia tunc habet illam quodammodò in suà potestate, censetur enim quasi capta: unde alius non potest illum prævertere. Secus est quando dubium erat utrùm fera esset evasura: tunc enim fit occupantis; quia adhuc videtur habere suam naturalem libertatem, ut colligitur ex l. Naturalem, § π, de acquir. rerum dominio, ubi dicitur, *feram recepisce naturalem libertatem, quando difficilis est ejus persecutio*.

DUBITATIO XI.

Utrum fera meo laqueo capta sit mea, an ejus qui sortè superveniens laqueo exemit et abstulit.

48. Covar. supra n. 15 et Navar. cap. 17, n. 176, adjudicant illam eximentis, nisi contraria sit consuetudo in aliquo loco particulari. Idem sentiunt plerique doctores, ob l. *In laqueum* § 5, π, de acquir. rer. domin. ubi insinuat esse eximentis. Confir. quia non acquiritur dominium feræ, nisi per apprehensionem: is autem qui laqueum posuit, nondum apprehendit; ergo, etc. Hæc sententia est probabilis.

49. Verius tamen videtur, et rationi naturali magis consentaneum, ut sit ejus qui laqueum posuit. Ratio est, quia hic eam apprehendit et occupavit per suum instrumentum, ademptà ei libertate naturali; quæ apprehensio sufficiens videtur ut debeat illius censi; sicut enim manibus, ita instrumentis aliquid apprehendere possumus, et in nostram potestatem redigere. Favet dicta l. *In laqueum*, π, de acquir. dominio, ubi hic casus ponitur, et respondetur, *feram meam esse, si in potestatem devenerit*; atqui venit in meam potestatem per meum laqueum. Unde ad argument. contrar. sententiæ respondeo: illam legem, si benè expendatur, videri facere à nobis, in alio sensu non puto receptam. Nemo enim est qui non putet sibi injuriam fieri, si fera sic capta tollatur. Ad Confirm. ille apprehendit per suum instrumentum, quòd si talis apprehensio non est sufficiens ad comparandum dominium (quod tamen probari non potest) nihilominus satis est ad comparandum jus ad rem, quò tu, exclusis aliis, possis illam apprehendere; ita ut si alius præveniat, et te impediatur à consecutione illius rei, teneatur ad restitutionem. Ita Molina, disput. 42.

50. Hic tamen advertendum est primò; si fera se erat extricatura, potuisse ab alio occupari; quia tunc non pervenerat omninò in tuam potestatem, nec tu eam habiturus eras. Molina tamen putat tunc restituendam spem, et ab altero compensandam: quod est satis æquum.

Dices: Si avem caveà conclusam teneam, parùmque absit quin crumpat, et tu superveniens eam eximas, mihi est restituenda, quia necdum effugerat: ergo similiter fera laqueo meo capta.

Respondeo: Nego consequentiam; quia hæc fera nondum facta est mea, cum nondum eam omninò occupaverim: illa autem avis jam ante erat mea; unde

nisi reipsâ assequatur naturalem libertatem, mihi est restituenda.

Secundo : Si fera, quam ego persequor, incidat in laqueum tuum, uterque habet jus occupandi; tu, quia laqueo tuo capta; ego, quia meâ industriâ incidit : nisi enim exisset, non incidisset ; itaque erit alterutrius qui prior illam occupaverit.

Tertio : Si nassam in flumine intenderim piscibus capiendis, pisces capti mei sunt : eadem enim est ratio quæ laquei, quod si tu, ubi plena fuerit, exemptis piscibus, eam eodem loco vel alibi reponas, quod secundo loco captum erit, tuum erit, si prior occupaveris, quia etsi meo instrumento, tamen hoc factum tua industriâ, qui nassam ibi tuo nomine posuisti : meum verò, si ego prior, quia meo instrumento captum. Hoc maximè æquitati congruit.

DUBITATIO XII.

Utrum venæ metallicæ auri et argenti, censi debeat in nullius dominio, sicut feræ; et fiant primo occupantis.

Notandum est, præter feras, in nullius dominio esse lapillos, gemmas, ambarum, coralium, et similia, quæ in littore maris, vel promontoriis, vel fluminibus inveniuntur; unde hæc omnia fiunt primo occupantis, ut patet Instit. de rerum divisione. § *Feræ*, et § *Lapillorum*. Sed difficultas est de venis metallicis.

51. Respondeo et dico primò : Valdè probabile esse, has in nullius dominio censi. Sotus l. 5, q. 3, a. 3, et alii.

Probatur, quia principes passim sibi vindicant jus effodiendi hæc metalla, et concedunt privatis jus ea inquirendi ubilibet, etiam in agro alieno; et bonam partem sibi reservandi, compensato duntaxat damno, quod inferitur loco : quod non facerent si ista metalla essent in dominio ejus cujus est ager.

Unde sequitur, si quis eruisset aurum vel argentum in agro alieno, etiam invito domino, non teneri ad restitutionem auri domino agri, sed solum ad æstimationem damni illati : in quo spectanda etiam est spes illa et verisimilitudo, quâ dominus putabatur auro illo potiturus. Si tamen pars aliqua auri vel argenti eruti per regni leges esset attributa principi, ea esset persolvenda.

52. Dico secundò : Etsi tales venæ nullius sunt, et res eruta fiat occupantis, tamen seclusâ omni lege et consuetudine particulari, potestas et jus effodiendi tantum competit ei qui est dominus loci : unde si locus est hominis privati, jus etiam est privati; si est publicus, competit reipub.

Ratio patet ex dictis de venatione, præsertim cum metalla sint fundo permixta et inherentia, animalia autem sint vaga; ergo si cuique competit jus venandi in suo fundo, multò magis jus ibidem effodiendi metalli.

Unde sequitur Indos Occidentales jure potuisse prohibere Hispanos ab occupatione talium venarum in suâ regione : ut rectè docet Sotus libro 5, q. 3, a. 3, ad 2, quamvis contrarium senserit Victoria relect. de

Indis, p. 3, n. 4, quod intellige antequàm illæ provincie Hispanico imperio essent subjectæ. Nam quæque respub. potest prohibere extraneum a venatione in silvâ publicæ juris, et quisque privatus alium a venatione in suo fundo; ut supra dictum est; ergo multò magis ab eruendis metallis.

53. Dico : Lapidicina, quæ est in meo fundo, mea est, et non tantum jus cadendi ibi lapides : ut ostendit Covar. qq. practicarum cap. 37, n. 5, et colligitur ex l. *Vir in fundo*, 8, §. de fundo dotati. Idem sentiendum est de fodinâ carbonaria, cretariâ : ergo similiter vena auri et argenti, stanni, cupri, etc.

Respond : Neg. consequ. , primò, quia venæ metallicæ sunt maximæ æstimationis; quare non est æquum illas cedere vilissimo fundo; quâ ratione, § *Litteræ*, Instit. de Rerum divisione, dicitur *ridiculum esse picturam Apellis vel Parrhasii in accessionem vilissimæ tabulæ cedere*.

Secundò, quia venæ istæ ab ipsâ naturâ in jus publicum, non autem privatis usibus institutæ videntur, ut rectè Sotus, lib. 6, q. 3, art. 3, ait, suntque difficultatæ inventionis et rarissimæ.

DUBITATIO XIII.

Utrum justè prohiberi possit pastio et lignatio in pascuo vel silvâ reipublicæ.

54. Respondeo rempublicam posse id justè prohibere, etiam suis civibus, saltem secundum certum modum et mensuram, v. g., ne tali loco, tali tempore pascant, ne talem excendant stirpem, ne majorem molem lignorum auferant. Ratio est, quia id potest esse multum expediens bono publico; atqui potestas reipub. vel, principis in quem respub. suam transtulit auctoritatem, extendit se ad omnia quæ bono publico conducibilia censentur. Non videtur tamen omninò et in totum posse prohibere, quia singuli jus habent inde necessaria sumendi : quo jure absque suo consensu non possunt spoliari, nisi fortè aliunde sibi illa commodè parare valerent; de quo plura apud Covar. pract. qq. c. 37.

DUBITATIO XIV.

Quale peccatum sit, contra justam prohibitionem pascere, vel ligna cedere.

55. Respondeo, et dico primò : Si civis in loco publico communitalis, cujus ipse est pars, id faciat, solum venialiter peccat, nec ad restitutionem tenetur, nisi magnum detrimentum communitati censeatur illatum. Ita Sotus lib. 4, q. 6, art. 4, et alii.

Ratio est, quia in hisce rebus communibus, non censetur notabilis injuria committi per eos qui aliàs jus habent, nisi fortè enorme damnum inferatur : ut si stirpes multæ notabiles incidantur, si grandiores arbores ædificiis idoneæ sternantur.

Dico secundò : Idem dicendum de incolis duorum oppidorum vel pagorum habentium loca compascua vel silvas cæduas, si alteri in alterorum silvis hinc inde lignentur.

Ratio est, quia etsi incolæ hujus loci non habeant

jus ligandi in silvâ communî alterius loci, nec vicissim, tamen quia passim sectur contrarium ab utrâque parte acri, censetur communitates vicis-im condonare quod ereptum fuerit, contenti multa, si qui in tanto capiuntur.

56. Dico tertio: Si pascas vel ligueris in loco alienjus privati, vel reipub. aliene, cujus cives non possunt idem facere in loco reipub. tue, vel si id facias in loco communî elocato alteri, peccas pro ratione rei abate vel damni illati (quod sæpè multò pluris est, quam res successa valeat), et teneris ad restitutionem. Ita Sotus supra: ubi tamen illud de restitutione intellige, si per te a vel reipub. possidens locum solet curare recuperationem talium; alioquin si non solet curare, sed satis ei sit ut comprehensi multa hant, non erit necessaria restitutio. Vide plura de jure pascendi apud Covarr. pract. qq. c. 57, quæ ideo non adiero, quia variantur pro diversitate locorum: unde consuetudo et leges municipales in his servande.

DEBITATIO XV.

Quomodo acquiratur dominium in thesauros.

Tractat hoc Covarr. regula Peccatum, p. 5, § 2. Sylvester et Summistæ, v. Inventum.

57. Notandum est thesaurum esse dictum quasi *thesauros*, quod in crastinum seu futurum reputatur, ut dicit Covarr. ex Alciato; definitur autem p. de acq. rerum dominio, l. *Namquam*, 51, hoc modo: *Thesaurus est vetas quardam depositio pecunie, cujus non constat in auctore, ut jam dominum non habet.* Ubi nomine pecunie intelliguntur quævis opes mobiles, ut catenæ, gemmæ, vasa, nummi aurei et argentei; quod si non sit vetus, non censetur thesaurus; unde non fit inventor; sed si dominus inveniri nequit, expendi convenit in pios usus, sicut alia bona incerti domini. His positis,

58. Dico primo: Jure naturali et gentium thesaurus transit in dominium inventoris occupantis; est communis sententia DD.: quæ enim nullius sunt, fiant primo occupantis; at thesaurus in nullius dominio censetur; ergo, etc.

Dices: Quid si possit sciri à quorum majoribus sit conditus?

Respond.: Non refert, quia quod tanto temporis spatio desit possideri, desit etiam esse in dominio cuiusquam.

Notandum tamen, jus commune multa circa inventum thesaurorum disposuisse, ut patet § *Thesaurus*, instit. de Rerum divisione, et l. unica, c. de thesauris: quæ hæc jus sequenda.

Dico secundo: Thesaurus inventus in proprio fundo totus est inventoris, l. 24. Supra, ubi dicitur: *Thesaurus, quosquis in loco suo invenit, D. Adrianus naturalem acquisitionem accipit, ei concessit, qui eos invenit*; et l. unica, c. de thesauris, idem habetur, additâ ratione, ne Dei beneficium inveniens communia prosequatur.

59. Dico tertio: Inventus in fundo alieno (etiam si is fundus principis fuerit), si quidem fortuito sit reper-

tus, dimidium erit inventoris et dimidium domini fundi; si autem de industriâ quæsitus sine consensu domini, totus erit domini.

Prior pars apertè habetur utroque loco citato, etque servanda in foro conscientiæ, etiam ante omnem judicis sententiam.

Ratio est, quia hæc dispositio juris non est pœnalis; sed definitiva proprietatis rerum; ut rectè docet Navar. c. 17, n. 175, et Cajetan. infra, q. 66, a. 5, et alii passim.

Secunda pars, ut totus sit domini, si de industriâ quæsisisti, non videtur obligare in conscientia ante sententiam judicis; sed sufficit dare dimidiam partem domino fundi, parte alterâ dimidiâ retentâ. Ratio est, quia ista dispositio est pœnalis ad puniendam injuriam, quam inventor domino loci intulisse videtur, quærendo absque ejus consensu in ejus fundo. Confirmatur ex l. unica, c. de thesauris, ubi sic dicitur: *In alienis verò terrulis nemo audeat invitis, id est, nec volentibus vel ignorantibus dominis, opes abditas suo nomine perscrutari; quòd si nobis super hoc aliquis crediderit esse supplicandum, aut præter hujus legis tenorem in alieno loco thesaurum scrutatus invenerit, totum hoc locorum domino reddere compellatur.* Ubi expende verbum *compellatur*, quod indicat legem esse pœnalem, et compulsionem judicis esse expectandam.

60. Dico quarto: Si dominus consensit ut quæreret, sciens quid ille quæreret, standum est pacto, si quod initum est; si autem nullum sit pactum, totus thesaurus erit inventoris. Navarr. cap. 17, n. 172, et alii. Ratio est, quia tunc videtur illi partem suam condonasse: nisi fortè inventor certò sciverit ibi latero thesaurum, et simulaverit se nihil scire; tunc enim dominus ita deceptus non censetur condonasse, ut rectè Silv. verbo *Inventum*, q. 3.

Sed difficultas est, si fundus habeat duos dominos, nimirum directum et utilem, utri domino dimidium sit restituendum.

61. Resp. et dico quinto: Quando fundus hoc modo duobus dominis subest, dimidium erit inventoris, et alterum dimidium inter illos ex æquo est dividendum, tanquam inter dominos loci.

Ex quo sequitur, si dominus utilis (ut feudatarius, vel emphyteuta) inveniat thesaurum, reddet domino directo tantummodò quartam partem, et sibi reservabit alteram quartam partem, quatenus est ejus loci dominus; dimidium verò quatenus est inventor: quod est contra Navar., n. 172, et quosdam alios.

Ratio est, quia idem est inventor, et sic debetur illi dimidium; et est etiam dominus loci ex parte, unde ei debetur altera quarta; conductoris autem et usuarii nulla habetur ratio, quia nullo modo sunt domini. Idem dicendum de pigneratore. Vide Molinam disput. 56.

De usufructuario nudo queri potest utrùm censeatur hic esse dominus loci. Communis sententia est non censeri; colligitur ex l. *Fructus* 7, §. soluto matrimonio, ubi dicitur, *thesaurum inventum in fundo dotali, in quo vir habet usufructum, non deberi viro, sed*

uxori, cuius est fundus: quia thesaurus non est fructus fundi. Navar. tamen, n. 171, et quidam alii putant hunc censendam dominum, et eum quoque qui ad vitium condixit. Sed quod dixi est verius.

62. Dico sexto: Qui sent alicubi thesaurum latere, et eruit locum antequam eruat, efficitur dominus totius thesauri. Ita Navar. n. 175, et Sotus lib. 5 de Justitiâ, q. 5, a. 5 ad 2, et indicat D. Th. infra, q. 66, ar. 5. Idem insinuat in parabola Domini. Matth. 13.

Ratio est, quia eruit illum ex loco proprio; nec tenebatur domino priori indicare, sed poterat uti sua scientiâ, emendo agrum illum secundum communem aestimationem; ad quam ætimationem nihil facit thesaurus absconditus, cuius nulla habetur suspicio.

Potes, quod si thesaurus conditus fuerit in re mobili, v. g. in sacris linâ plenis, utrûm is qui efficitur dominus lane, efficitur etiam dominus thesauri?

Resp. non videntur hoc ipso effici dominum thesauri, quia non intendit illum occupare. Habet tamen jus illum thesaurum occupandi ante alios. Unde milites, qui excussit hosti sacros lupulo repletos, in quibus erant laminæ aureæ et argenteæ reconditæ, non fuit factus dominus illarum, cum illos vendiderit antequam sciret quid latere.

DUBITATIO XVI.

Cui cedat, si in loco publico, vel sacro inveniat.

63. Respondeo et dico primò: Si in loco publico, v. g. in flumine, in plateâ effossâ, in viâ publicâ inveniat, totus videtur esse inventoris, non principis vel reipub. Ita Covar. regula Peccatum, p. 5, § 2, n. 5, citans pro se Baldum, Cynum, et alios quosdam.

Ratio est, quia respub. vel princeps non est dominus talis loci jure domini specialis, de quo leges loquuntur; sed dominio jurisdictionis, et auctoritate disponendi.

Dices § *Thesaurus*, Instit. de rerum divisione, dicitur: *Si quis in fiscali loco, vel publico, vel civitatis thesaurum invenerit, dimidium esse fisci, vel civitatis.*

Respond., per locum publicum non intelligi forum, plateam, vel similem locum, qui propriè nullius est, omnium usibus deputatus; sed de loco, quem respub. specialis domini jure possidet, ut silva, pascuum, domus, hortus: alioqui dimidium non deberet dari civitati, ut ibi dicitur, sed potius principi.

Fateor tamen contrarium esse probabile, quia plerique jurisperiti ita sentiunt, teste Covar. supra.

Adverte, quando agitur de loco publico, nihil interesse utrûm fortuito ibi repertus sit, an de industriâ quasitus. Ratio est, quia locus publicus non censetur alienus, sed communis; distinctio autem illa solum locum habet in loco alieno.

64. Dico secundò: Si inveniat in loco sacro vel religioso casu fortuito, totus est inventoris, ut patet § *Thesaurus*, Inst. de rerum divisione. Idem habet Glossa ad c. *Si quid invenisti*, 14, quæst. 3, et Summa Rosella, verbo *Furtum*, n. 11. Contrarium tamen etiam est probabile, quod tenet Covar., et multi alii, qui docent dimidium deberi Ecclesiæ vel prælato,

quia Ecclesia et prælatus habeantur pro domino loci sacri. Verius tamen puto quod dixi, quia Justinianus, et optime noverat conditionem locorum sacrorum apud Christianos, tamen in suis Institutionibus confirmavit legem Adrianæ, cujus hæc est dispositio; unde cum jus canonicum et non derogaverit, valetur servanda. Intelligo autem hæc de locis sacris et religiosis omninò publicis, quæ in jure dicuntur esse numus; secus de monasteriis et similibus, quæ specialis domini jure possidentur.

Dico tertio. Si datâ operâ inventus sit in tali loco, dimidium cedet Ecclesiæ.

Probatur, quia Ecclesia censetur dominus talis loci; unde secundum legem unicam, c. *de thesauris*, debetur ei dimidium.

Dices: Ergo etiam debetur dimidium, si fortuito.

Resp.: Neg. consequ., quia obstat aliud jus particulare, quod aliter in eo casu disposuit.

DUBITATIO XVII.

Quid si per mugiam repertus sit.

65. Resp.: In eo casu pertinere ad fiscum. Ita communiter DD. ex l. unicâ, c. *de thesauris*.

Notandum tamen, inventorem non teneri illum tradere antequam à judice compellatur, ut rectè Navar. n. 175. Ratio est, quia lex illa pœnalis est, et quidem sententiæ ferendæ, non lætæ. Nihil enim aliud dicit imperator, quàm *se cuique in suis locis tribuere facultatem quaerendi thesaurum, et invento fruendi, dammodo sine secleratis ac punitivis sacrificiis aut aliâ qualicet arte legitis odiosa quærat.* Hic nulum verbum habet quo illum reipsâ privet inventis.

66. Porro hic advertendum est, primò, si hic thesaurus quasitus sit in loco alieno arte magicâ, solum eam partem adjudicandam per sententiam fisco, quæ fuisset inventoris, quia dominus loci ob maleficiûm alterius non debet suo jure privari.

Secundò, ea quæ hactenus dicta sunt de thesauris, procedere secundum jus commune, quòd si in aliquâ provinciâ sint aliquæ leges particulares, vel consuetudines hæc de re justæ, sunt servandæ. Quod autem quidam dicunt, consuetudinem habere ut thesaurus ubivis inventus sit principis, hoc multi censent non obligare in conscientiâ, ut Silv., verbo *Inventa*, n. 15, Sotus, l. 5 de Justitiâ, q. 5, a. 5, ad 2; quem vide. Sepe tamen potest justa subesse causa ut pars aliqua principi assignetur: ut si tale subsidium judicaretur necessarium ad onera reipub. sustinenda: ut autem totus applicetur, durum videtur, quia valdè difficile est et dissonum juri naturali. Fateor tamen contrarium non esse improbabile, quod tenet Covar. supra, n. 4, quamvis rationes ipsius non convincant.

DUBITATIO XVIII.

Quenam dicantur haberi pro derelicto, ita ut dominium eorum concedatur primo occupanti.

67. Respond. et dico primò: *Pro derelicto haberi*,

quod dominus eâ mente abiecit ut id in numero rerum suarum esse nolit; ut patet § penult. Instit. de rerum divisioe.

Unde sequitur, ea quæ in tempestate projiciuntur, levandæ navis causâ, non haberi pro derelicto, ut dicitur § ult. supra, quia ea libentissimè dominus servaret, si posset; et postquàm projecit et in portum evasit, summè desiderat ea recuperare. Unde iniqua est consuetudo quæ in quibusdam locis servatur, ut dominus provinciarum, vel territorii, bona naufragorum tanquàm *abandonata*, id est, quæ possessore careant, occupet. Nam præterquàm quòd sit contra jus naturale, utpote alieni occupatio, et magna in miseros crudelitas, est etiam contra jus Cesareum, auth. Navigia, c. de Furtis, et si sint bona Christianorum, occupantes ea incurunt excommunicationem Bullæ *Cænæ Domini*; de quo vide Nav. c. 27, n. 60 et 118, et Covar. ad reg. Peccatum, p. 3, n. 5.

Dices: Quid si ea res certò fuerit peritura, nisi ego eripuissem (ut saccharum, frumentum, farina, papyrus), possumne retinere?

Resp.: Non potes, quia, ut habetur ex l. Pomponius 42, §. de acquirendo dominio, qualibet res nostra, quantumcumque periclitetur, manet nostra, quandiu non est consumpta, nempe si cupimus eam nostram manere: ut si ovis nostra ex faucibus lupi eripiat, aut domus ab incendio, nostra manet. Unde quod ait Navar., c. 17, n. 99, posse pos talia retinere, si cum aliquo vitæ periculo ea ex undis eripuerimus, non est absolutè verum; nisi quando rationabiliter credi potest, dominum permittere res hujusmodi, sive ejectas, sive ex naufragio periclitantes, ei, qui se periculo voluerit exponere; ut quando res illæ statim essent perituræ, et non sine discrimine possent recuperari, ita ut periculum ferè tanti æstimetur quanti res ipsa: tunc enim etsi dominus jus habet rei vindicandæ, tamen recuperator potest exigere æstimationem sui laboris et periculi: unde si dominus nihil dicat, poterit retinere tanquàm ratione periculi concessam.

Dico secundò: Pro derelicto etiam haberi videtur res ea, quæ fluctibus procul abrepta est, et dominus sciens ubi sit quærenda, non curat eam recuperare, vel quia eam parvi facit, vel quia essent magnæ expensæ faciendæ.

Probat, quia dominus rem talem non videtur velle habere in bonis suis, ob incommodum conjunctum, secus est quando omninò vellet eam recuperare, si aliquo modo posset.

Addunt quidam, rem etiam haberi *pro derelicto*, quandò dominus ita eam projicit vel relinquit, ut nulla ei spes supersit industriâ aliquâ vel aliquo casu eam recuperandi. Itaque tunc si ego extraordinariâ industriâ eripiam, vel salvem, efficiam meam. Ita Petrus Navarr. l. 4, c. 1, n. 58; sed non existimo id esse verum, nisi dominus significaverit se eam concedere occupanti, vel æstimatio industriæ sit ferè par illi rei.

CAPUT VI.

DE MODO ACQUIRENDI DOMINII IN REM ALTERIUS ABSQUE EJUS CONSENSU; QUOD FIT PRÆSCRIPTIONE.

(Habet Dubitationes 18.)

1. Hactenùs diximus de modo acquirendi dominii in res quæ nullius sunt, vel communes: sequitur ut explicemus quomodò acquiratur in res quæ dominum habent, seu quomodò dominia ab alio in alium transferantur. Generatim autem transferuntur vel volente priore domino, vel invito. *Volente*, transferuntur tripliciter: donatione, ultimâ voluntate, contractu, de quibus infra. *Invito*, totidem modis: Primò, jure gentium; sic res bello captæ fiunt capientis, de quo sup. 2-2, q. 40, quæ est de bello. Secundò, auctoritate alicujus legis particularis; idque vel sine culpâ domini, ut lege præscriptionis, vel ob culpam ejus, ut ob crimen hæresis, læsæ majestatis, incestas nuptias; de quo 1-2, q. 96. Tertiò, sententiâ judicis; ut si fur damnetur in quadruplum; qui modus etiam obligat in conscientiâ, quando sententia non nititur falsâ præsumptione, de quo infra, sect. 4. Itaque ad præsentem locum solùm pertinet tractatio de præscriptione.

DUBITATIO I.

Quid sit præscriptio et usucapio.

2. Notandum est nomen *præscriptionis* tripliciter accipi apud jureconsultos, ut colligitur ex Covar. ad reg. Possessor, in princ., et § unico, relectione 1: Primò, generatim, ut idem sit quod *exceptio*, quæ opponitur ad excludendam actionem intentam ab actore; unde cum exceptio sit vel *dilatoria*, ut si opponas judicem non esse competentem, testes infames, actorem excommunicatum, vel *peremptoria*, ut si opponas te mandato principis fecisse, jam antè solvisse quod petitur, etiam præscriptio erit vel *dilatoria* vel *peremptoria*. Hoc modo accipitur in titulo de Exceptionibus et Præscriptionibus, lib. 44 Digestorum. Simili modo accepit Tertullianus, inscribens librum suum de *Præscriptionibus adversus hæreticos*: agit enim de illis quæ hæreticis per suam doctrinam veluti litem intentantibus opponi possunt à Catholicis, ne ab eis vincantur.

Secundò, accipitur specialius pro *exceptione peremptoriâ* proveniente ex eo quòd tempore legibus definito rem aliquam possedimus, vel jure aliquo usi sumus, vel quòd alius tali tempore ab usu alicujus juris cessaverit, ut docet Covar. supra, § unico, n. 4, et patet ex titulis, c. de Præscriptione longi temporis, et de Præscript. 50 et 40 annorum.

Tertiò, accipitur pro *dominii acquisitione*, vel *juris alieni elisione*, ex tempore legibus definito proveniente. Hoc modo dicimur præscribere domum, vineam, agrum, id est, acquirere dominium domus, vineæ, agri. Verùm sic non accipitur in jure civili, sed in jure pontificio, et passim ab interpretibus utriusque juris; ut docet Covarr. n. 6. Ratio cur sic acceperint, est quia qui dominium alicujus rei per con-

tinuatam ejus possessionem comparaverat, si impetebatur a priore domino, præscribebat, id est, excipiebat et opponebat certi temporis possessionem, per quam fecerat rem suam: et ita ejus actionem perimebat. Hinc ipsa *usucapio* et *dominii acquisitio* cepta est vocari *præscriptio*, cum tamen præscriptio ex usucapione oriatur; ut patet l. *Emptor*, 7, c. de Præscriptione longi temp.

3. Ex his patet quid sit *præscriptio*. Nam si primo modo capiatur, nihil est aliud quam exceptio, seu oppositio adversus actionem actoris.

Si secundo modo, est exceptio peremptoria contra priorem dominum, ex tempore legibus definito vim habens.

Si tertio modo, est dominii acquisitio vel alieni juris, sive realis, sive personalis peremptio, per continuationem temporis lege definiti. Ubi adverte, si acquisitionem dominii paulò latius accipimus, non opus est addere illam partem (*vel alieni juris peremptio*) quia qui jus alterius perimit, acquirit dominium suæ libertatis; liberatur enim obligatione, quæ alteri erat obstrictus; recte tamen additur causæ claritatis.

Usucapio verò est *acquisitio dominii per continuationem temporis lege definiti*. Ita habetur l. 3, n. de Usucap.; quæ definitio causaliter est intelligenda. *Usucapio* enim est causa acquisitionis dominii; formaliter autem videtur esse *possessio* quardam rei alienæ. Unde dicimus usucapionem interrumpi. Potest tamen etiam accipi pro ipsâ acquisitione formali dominii; nemo enim dicitur res usu cepisse, nisi jam dominium acquisierit.

Ex his colligi potest quomodò præscriptio ab usucapione differat: si enim primo vel secundo modo sumatur, res est clara, quia præscriptio his modis est oppositio contra actorem; si tertio modo, sic est magis commune quàm usucapio; omnis enim usucapio est præscriptio, non contra. Nam præscriptio, quæ extinguitur actio personalis vel realis alterius, non est propriè usucapio, tamen est præscriptio. Generaliter tamen posset dici usucapio, quatenus jus et libertas ab aliquâ obligatione potest dici usucapi; et sic æquè latè paterent præscriptio et usucapio.

4. Advertendum tamen juris interpretes passim distinguere præscriptionem ab usucapione, quòd usucapio sit mobilium, præscriptio verò immobilium; verùm hæc differentia non est fundata in jure. Nam usucapio etiam est immobilium, ut patet Instit. de Usucapionibus, in principio; ubi non semel ad res immobiles refertur, et l. unica, c. de Usucapione transformandâ. Similiter præscriptio in rebus mobilibus locum habet: nam quando eos usucepimus, utimur præscriptione, seu exceptione erga priorem dominum. Itaque hisce nomipibus utemur tanquàm synonymis.

DUBITATIO II.

Quæ conditiones requirantur ad præscriptionem seu usucapionem.

5. Respondeo, ordinariè requiruntur quatuor, ex

communis DD. sententiâ, ut testatur Silv., verbo *Præscriptio*, n. 1: *Possessio, titulus probabiliter præsumptus, bona fides, et continuatio possessionis cum bona fide, per tempus lege præscriptum.*

Primo, requiritur *possessio*; quia ut habet regula juris in 6, *sine possessione præscriptio non procedit*; oritur enim hoc totum jus ex possessione; debet autem hæc possessio esse quæ quis nomine suo possidet, non autem nomine alieno, quia hic verè non est possessor, sed alter qui per illum possidet; cum autem possessio alia sit *civilis tantum*, alia *naturalis tantum*, alia *civis et naturalis simul*, hæc ultima est aptissima gignenda præscriptioni; *naturalis tantum* non sufficit; *civilis tantum*, quæ solo animo rei nostræ etiam absentes insistimus, sufficit; ut probat Covar. reg. Possessor, p. 1, § unico, n. 7; hæc enim etiam ideò *civilis* dicitur, quòd hunc civilem effectum pariat.

6. Ob defectum hujus conditionis non possunt præscribi, primò, loca sacra, et jus decimarum à laico; nam non est capax possessionis civilis talium, cum jus ei resistat, ut patet ex dictis supra cap. 3, dub. 9. Secundo, religiosus professus non potest quidquam præscribere, seu usucapere, quia nihil potest nomine suo possidere. Tertiò, fructuarius, colonus, emphyteuta, feudatarius, conductor, commodatarius, pignerator, non possunt rei proprietatem præscribere seu usucapere: tum quia hanc non possident nisi naturaliter, cum dominus directus eam possideat indirecte; tum quia non possident eam nomine suo, ne naturaliter quidem, sed nomine directi domini. Unde si post centum annos probare posses initium possessionis, nimirum rem illam nomine tuo possessam fuisse ab initio, nulla præscriptio tibi obstat; ita expressè Glossa in cap. *Clerici*, 11, v. in jus proprium, 16, q. 1. Joannes Andreas ibidem. Silvest. præscriptio 2, n. 20, et alii. Quod probatur d. cap. *Clerici*, ubi dicitur: *Quæ precario possidentur, in jus proprium præscriptione temporis non posse revocari*. Idem confirm. cap. *Si episcopus*, 12, ibidem. Et quamvis loquantur solum de rebus Ecclesiæ, eadem tamen sunt intelligenda de rebus aliorum, cum eadem in omnibus sit ratio, ut Glossa exponit. Idem confirm. jure civili; nam l. *Malè agitur*, c. de præscript. 30 annorum, sic dicitur: *Malè agitur cum dominis prædiorum, si tanta precario possidentibus prærogativa defertur, ut eos post 40 annorum spatia quolibet ratione decursa inquietare non liceat*. Et infra: *Nemo igitur qui ad possessionem conductor accedit, diù res alienas tenendo jus sibi proprietatis usurpet; ne cogantur domini aut amittere quæ locaverunt, aut locatores utiles sibi fortassis excludere, aut annis omnibus super dominio suo publicè protestari*. Sed hæc intellige, si res apud illum qui nomine alterius possidebat, vel apud ejus heredem, maneat, secus si alteri vendita ab hærede bonâ fide fuerit; sed de hoc plura infra dubit. 15. Possunt tamen isti præscribere jus utilitatis; non quia naturaliter possident, ut quidam volunt, sed quia hoc jus civiliter possident, utpote suo nomine, ut rectè Covar. supra, n. 7. Quartò, si colonus vel quivis fructuarius vendere

domum vel agrum absente domino et ignorante, emptor non posset præscribere, quia non haberet possessionem civilem, sed solam naturalem; civilis enim manet apud dominum absentem, quamdiu retinet animum possidendi, vel donec sciat rem suam ab alio occupatam, et sciens non audeat eum depellere, ut dictum est c. 5, dub. 12; ubi tamen dominus auiserit possessionem, emptor poterit præscribere, ut dicitur dub. 15. Quintò, nemo potest præscribere quamdiu apud ipsum non est possessio civilis, sed apud alium; nam præscriptio incipit ab eo die quo dominus prior amittit possessionem civilem, ut omnes DD. tradunt, teste Covar. n. 7; tunc enim primum incipit detentor civiliter possidere.

7. Petes, utrum hæc conditio requiratur etiam in præscriptione, quæ fit per debitorem vel rem contra actionem personalem vel realem creditoris vel actoris? Quidam negant, eo quod reus vel debitor qui sic præscribit, nihil videatur possidere: cum hæc præscriptio ex eo oriatur, quod creditor vel actor aliquid omittat. Sed conformius dicitur, etiam hic necessariam esse quamdam possessionem, nempe libertatis suæ, quæ certo duret tempore, ut infra dubit. 11, patebit.

8. Secundò, requiritur *titulus probabiliter præsumptus*, id est, qui bonâ fide patetur validus; ut donationis, testamenti, vel successionis ab intestato, emptio- nis, permutationis, etc. Non est autem necessarium ut ille titulus sit verus, id est, validus: nam hic sufficit sine præscriptione ad transferendum dominium secutâ traditione: sed satis est ut probabiliter putetur verus, quamvis reverâ invalidus sit (ut quia venditor non habuit potestatem vendendi); tunc enim jus facit ut res aliena, exacto tempore definito, fiat tua. Debet autem hæc opinio, quâ putas titulum validum, provenire, non ex ignorantia juris, præsertim manifesti et indubitati (ut si putares minorem posse vendere rem immobilem sine decreto judicis, aut parentem validè de are filio), ut infra dub. 5 dicitur; sed ex ignorantia facti: ut si putes decretum judicis intervenisse, et non intervenit: si id quod parens dedit, putes fuisse donatum per cessionem usûsfructûs, quem in bonis ejus habebat. In dubio autem utrum ex ignorantia juris aut facti provenierit hæc opinio de titulo, exacto tempore præscriptionis præsumendum pro præscribente, ob possessionem bonâ fide toto illo tempore continuatam; secus si constet provenisse ex errore juris. Advertendum tamen est, non semper requiri titulum ad præscriptionem, ut docet Cov. 2 p., § 8, quia sæpe fit ut tituli obliviscamur; multa enim habemus in rebus nostris, quæ utrum emptione, donatione, testamento, an aliter acceperimus, ignoramus. Requiritur tamen ut brevior tempore fiat præscriptio.

9. Tertiò, requiritur *bona fides*, ut patet ex regulâ juris in sexto, *Possessor mala fidei non præscribit*, in quam regulam Covarr. doctissimum commentarium scripsit, quem sæpe hic citamus. Idem habetur in c. finali de præscriptionibus, quod sumptum est ex con-

cilio magno Lateranensi, ubi dicitur: *Quoniam omne quod non est ex fide, peccatum est, synodali judicio definimus, ut nulla valeat absque bonâ fide præscriptio, tam canonica quàm civilis; cum generaliter sit omni constitutioni et consuetudini derogandum, quæ absque mortali peccato non potest observari. Unde oportet ut qui præscribit, in nullâ temporis parte habeat rei alienæ conscientiam.* Ex quibus verbis hoc etiam colligitur, bonam fidem in proposito esse credulitatem, quâ quis sibi prudenter persuadet rem esse suam, vel saltem nescit esse alienam. Dico prudenter, quia si ex ignorantia crassâ, vel inordinatâ cupiditate illa persuasio procedat, non erit bona fides.

Quartò, requiritur certi temporis continuata possessio: quod tempus varium est pro varietate rerum præscribendarum, ut infra dicitur.

Circa prædictas condiciones, præsertim circa 3 et 4, sunt aliquot dubitationes. Unde sit

DUBITATIO III.

Utrum dubitans an res sit sua, censeatur bonâ fide eam possidere.

10. Tractat hoc Covar. ad regul. Possessor, p. 2, § 7, n. 3 et sequent.

Resp. et dico primò: Qui dubitat, non censetur habere bonam fidem ad inchoandam possessionem, quamdiu manet dubitatio. Ita Covar. supra, Joannes Medina, cod. de Restitutione, q. 17; et est communis sententia doctorum.

Ratio est, quia ut rem quam antea non habebam, incipiam mihi vindicare et usurpare, requiritur ut determinatè judicem eam vel esse nullius (et ita fieri meam per occupationem), vel certè esse meam, quamvis id antea non adverterim. Quòd si dubitem an sit mea, an aliena, iniquè ago eam mihi arrogans, cum non sit melior mea conditio quàm alterius. In hoc casu, si dubium versetur inter duos, quorum neuter bonâ fide possidebat, res est dividenda, quia pars est jus utriusque; neque est ulla ratio cur alteri potius quàm alteri adjudicetur, ut dictum est 1-2, q. 19.

11. Dico secundò: Qui dubitat, censetur habere bonam fidem sufficientem ad continuandam possessionem bonâ fide initam; unde quandò dubium supervenit ei qui bonâ fide cæpit possidere, non violat, nec interruptit eam. Ita Covar. supra, § 7, n. 3 et sequentib., ubi multos citat pro hac sententiâ. Idem docet Medina loco citato. Est contra Adrianum in 4, q. de Præscriptione; et Sotum l. 4 de Justitiâ, q. 5, a. 4, et quosdam alios, qui dicunt bonam fidem per tale dubium interrupti, et ita non procedere præscriptionem. Sed probatur nostra sententia ex cap. *Si virgo*, 34, q. 1, ubi dicitur: *In jure prædiorum, tandiù unusquisque possessor bonæ fidei dicitur, quamdiù possidere se ignorat alienum.* Idem indicatur c. finali de Præscriptione, cum dicitur: *Unde oportet ut qui præscribit, in nullâ temporis parte habeat rei alienæ conscientiam.* Atqui dubius non est sibi conscius rem esse alienam, et ignorat se possidere alienum: ergo manet

possessor bonæ fidei, et procedit præscriptio; loquuntur autem hoc capite de continuatione possessionis, non etiam de acquisitione.

Secundo, probatur ratione, quia in pari dubio melior est conditio possidentis quam non possidentis: ergo cum is qui incipit dubitare, jam possideat, melior est ejus conditio quam non possidentis; ac proinde potest rem retinere, et adhibita diligentia ad hunc in ment dubitatio, quod si potest rem retinere, etiam potest continuare possessionem perseverante illo dubio, ergo hæc continuatio potest pericere præscriptionem; nam sola illa possessio est inutilis ad præscribendum, quæ non est sine peccato, ut patet ex dicto c. finali.

Obijciatur contra: Bona fides est existimatio quæ quis prudenter existimat rem, quam retinet, esse suam, atque dubitans non existimat esse suam: ergo non habet bonam fidem.

Respondet. Non tantum est bona fides cum quis positive credit rem esse suam, sed etiam cum nescit esse alienam, ut colligitur ex cap. finali supra. Unde cum dubitans nesciat esse alienam, censetur habere bonam fidem talem, qualis quidem non sufficit ad inchoandam præscriptionem, tamen ad continuandam sufficiens est.

12. Ex his potest colligi resolutio ejusdam dubitationis, quam Covarr. tractat n. 2, supra: Utrum detur medium inter bonam et malam fidem? Dicendum est dari medium, si hæc speculative considerentur: non autem si in ordine ad praxim. Dubitans enim speculative, nec bonam nec malam fidem habet, quia nec credit positive rem esse suam, nec alienam; sed hæret in medio. In ordine autem ad praxim habet vel bonam fidem vel malam: bonam, si agatur de continuatione possessionis bene inchoate; malam vero, si agatur de possessione primùm inchoatâ. Qui enim dubitat an res sit sua, malâ fide possessionem inchoat, quia contra conscientiam facit; scit enim se eam rem, de quâ dubitat an alterius sit, sibi vindicare non posse; bonâ tamen fide possessionem ritè inchoatam continuat, quia cum possessio ei suffragetur, novit se rem illam ob dubitationem supervenientem non teneri deserere, et alteri tradere; sed satis esse ut diligenter de veritate inquirat; et si adhibita convenienti pro rei momento inquisitione adhuc dubium perseveraverit, tunc in suâ possessione progredi posse: cò quod in dubio melior sit conditio possidentis.

DUBITATIO IV.

Si quis dubitans an res sit sua, simul dubitet an liceat eam retinere, et tamen retineat, utrum bonâ fide continuat possessionem, an malâ.

13. Responsum: Malâ fide continuat possessionem; unde non procedit ei præscriptio, ut expresse habetur l. Si fur, c. de Usucapionibus, ubi dicitur: Si quis id quod possidet non putet sibi licere per leges usucapere, dicendum est, etsi erret, non procedere tamen ejus usucapionem, vel quia non bonâ fide videatur possidere, vel

quia in jure erranti non procedit usucapio. Sed occasione hujus legis occurrunt duo, de quo fuso Covarr. reg. Possessor, p. 2, § 7, n. 7, et sequent.

DUBITATIO V.

Utrum si quis ex ignorantia juris rem usuret ut suam, etiamque esse existimat, habeat bonam fidem sufficientem ad præscribendum.

Verbi gratiâ, comparasti rem aliquam contractu usurario, quem putas justam, quod ex statuto usuras mediocres juste exigi: acce, ista a re proprio vestem, equum, etc., nesciens rem ipsam non posse donare; utrum cum tali errore curat præscriptio? Joannes Medina, q. 17, docet quavis ignorantiam inculpata tam juris quàm facti sufficere ad præscribendum in foro conscientie. Sed contrarium est verius, si agatur de præscriptione ordinariâ. Pro quo

14. Dico primò: Juris clari ignorantia non sufficit ad præscriptionem rei, etiamsi sit omnino inculcata. Est communis sententia DD., ut docet Covarr. reg. Possessor, p. 2, § 7, n. 6.

Probatur l. Nunquam 31, c. de Usucapionibus, ubi dicitur: Nunquam in usucapionibus juris error possessoribus prodest; et l. Juris 4, c. de juris et facti ignor. : Juris ignorantia in usucapione negatur prodesse, facti verò ignorantiam prodesse constat; et l. Error 8, c. eod. tit. : Error facti, ne moribus quidem in damnis vel compendiis obest; juris autem error, nec finis in compendiis prodest; ceterum omnibus juris error in damnis amittendæ rei suæ non nocet. Idem habetur l. sequenti. Quare cum leges nolint hunc errorem prodesse, non procedet cum eo præscriptio; sicut enim præscriptio jure humano constat, ita ab eodem potest circumseribi.

15. Dico secundò: Hujus tamen juris ignorantia seu error inculpatus sufficit ad præscribendos fructus ex re illâ perceptos. Ita Navar. lib. 1, consil. 6, tit. de Officio judicis; Covar. l. 1. 4 variarum Resolutionum, cap. 5, n. 8, Glossa in l. Si fur, 32, c. de Usucap., § 1; Innoc. Ancharana Cardinal. et Imola, in cap. Ad nostram 11, de Rebus eccl. non alien., et alii multi. Probatur ex l. Sed etsi 25, § Scire, 6, c. de Petitione hereditatis: ubi insinuat eum qui in jure errans possidet, posse comparare fructus: modò non sit prado, id est, malæ fidei possessor. Nec refert utrum fuerit error juris nec assistentis nec resistentis contractui, an juris resistentis, quia utroque casu verum est, ut docet Navar. et Covar. supra: etsi multi juris-consulti cum Bartolo id non admittunt, cum est error juris resistentis. Rationes est, quia quando jus non distinguit, nec nos debemus distinguere: atque d. § Scire, non distinguit, nec est alius textus aut ratio efficax, quâ illa distinctio probetur, ut Navarrus ait. Deinde præter auct. res. citat., ita docet Glossa in l. 2, c. Si quis ignorans rem min. esse; ubi Baldus et Salicetus secuti Glossam docent, errantem in jure bonâ fide, acquirere fructus ex contractu nullo, et tunc reprobat. Idem tenet Covar. supra. Præscribuntur etiam in tenetis triennio bonâ fide possessi, ut docet

Covar. supra n. 7, et ex infra dicendis pat. bit. Ratio cur fructus præscribantur, esse potest, quia error circa fructus videtur esse error facti; putat enim possessor se eos percipere ex re suâ.

16. Dico tertio: Ignorantia vel error juris valdè dubii, et etiam verè dubii, sufficit ad præscriptionem ipsius rei. Ita Navar. supra: *Error, inquit, juris dubii perinde prodest ad hoc* (usucapionem), *sicut error facti*. Probat ex Glossâ, Panor. Felino et aliis in cap. *de quartâ*, de Præscriptionibus. Item tenet Covar. § 7, n. 12, et Sil. verbo *Præscriptio*, § 4, et alii. Nec refert quòd aliqui ex his requirant ut hoc jus sit valdè dubium; quia sufficit esse verè dubium, ut Navar. et Sil. Ratio est, quia quando jus aliquod est verè dubium (id est, de quo utrimque sint multorum sententiæ), prudenter possumus in praxi utramlibet sequi, perinde ac si jus planum esset.

Hinc sequitur posse usucapere eum qui aliquid contractu ambiguo, de quo utrimque sunt opiniones doctorum, comparavit.

17. Sed difficoltà est utrùm sententia Medinæ sit aliquo modo probabilis. Quidam negant esse probabilem, etiamsi agatur de præscriptione longissimi temporis, quæ non requirit titulum, qualis est 30 et 40 annorum. Probatur primò, ex juribus adductis n. 14, quæ expressè habent juris errorem in præscriptione non prodesse. Secundò, quia cum malâ fide non procedit ullo tempore præscriptio, cap. fin. de Præscript. Atqui is qui per ignorantiam juris rem acquirit, comparando illam per contractum jure invalidum, habet malam fidem, ut jura loquuntur; ergo. Minor probatur ex l. *Quemadmodum* 7, c. de Agriculis et censitis, ubi dicitur eum qui emit adscriptitium sine glebâ, non posse usucapere: *Quia, inquit, malæ fidei possessorem esse nemo ambigit, qui aliquid contra legum interdicta mercatur*. Ubi adverte non dici talem præsumi habere malam fidem, sed habere malam fidem. Nam jura malam fidem vocant non solum credulitatem quâ quis credit aut dubitat rem non esse suam, quam retinet ut suam, sed etiam quâ quis ex errore juris seriò putat esse suam; hanc enim ideò vocant malam, quia est inutilis ad præscriptionem. Tertiò, probatur ex cap. *Dudum* 31, de Decimis, ubi pontifex decimas, quas rex Hungariæ dederat Hospitalariis S. Stephani, adjudicat episcopo, eò quòd acceperant illas à manu laici, qui jure eas non poterat possidere, ac proinde nec donare: ubi pontifex non ponderat lapsum temporis 40 annorum nondum expleti, sed titulum ex errore juris inductum, ac proinde invalidum. Quartò, etiamsi pars adversa contra quam Titius intendit præscribere, fateretur illum ignorantiam invincibili juris laborasse, nihilominus in foro externo Titius condemnaretur: ergo ibi non proceditur ex præsumptione malæ fidei, sed ex eo quòd credulitas ex errore proveniens sit reverà mala fides. Confirm., quia alioquin jus civile foveret peccatum, auferendo rem vero domino, qui jam præscriptione acquisiverat verum dominium. Quintò, etiamsi concederetur illas leges procedere ex præsumptione malæ fidei, tamen res istæ non possent

præscribi tempore 30 annorum, sed solum tempore ejus initii non exstat memoria, quia præsumptio juris illi obstat, juxta cap. 1 de Præscript. in 6.

Hæc ferè sunt argumenta, quibus hæc sententia probari potest, quam proinde tenet noster Molina disput. 64, qui etiam putat contrariam non esse probabilem. Glossa in cap. 2, *De his quæ fiunt à prælato*, et in cap. *Apostolicæ*, 9, de Donat.; Felinus in cap. *De quartâ*, 4, n. 34, de Præscript.; Abbas in cap. *Cum non liceat*. col. 6; Cynus in l. *Si quis emptionis*, § 1, c. de Præscript. 30 annorum; Bart. in l. *Sed etsi*, § *Scire*, π. de Petit. hæredit. Sed contrariam judico veriore et probabilior, quando agitur de præscriptione 30 annorum. Hanc tenet expressè Covar. ad regul. Possessor. p. 2, § 7, n. 6, concl. 2: *Error, inquit, juris bonam fidem inducit sufficientem ad eam præscriptionem quæ titulum non requirit, sed solâ bonâ fide procedit*; qualis nimirum est 30 annorum. Et quamvis in sequentibus videatur hoc restringere ad errorem juris nec assistentis nec resistentis, quale plurimorum DD. judicio est de testamentorum solemnitatibus, tamen postea n. 11, idem concedit de errore juris contractui resistentis, modò sit error invincibilis: *Quantum, inquit, ad præscriptionem error juris excluditur, nec ex eo præscriptio procedit, quia illa culpa et negligentia in juris errore, et in non inquirendo diligenter quid leges de illo actu ad ejus justitiam statuerint, efficit ut ad effectum præscribendi juris error vel mala fides judicetur, vel ejus vicem habeat; juxta regulam, Qui contra jura, etc.; quo fit ut si contingat errorem juris etiam resistentis invincibilem esse, tunc præscriptio in animæ judicio obtinebit, atque ita defendi poterit Joannis Medinæ opinio*. Imò et ea sic intellecta apud Judicem exteriorem admittenda est, sicut apertissimè in tertiâ conclus. probatur. Hæc Covar. Eandem sententiam tenet Alexander Imolensis in d. cap. *De quartâ*, et in repetit. cap. fin. col. 4, in fine de Præscript., et col. 10; adducit Antonium Butrio in cap. *Cura*. 11, de Jure patron., qui etiam id docet in cap. *Pervenit*, 4, de Empt. et Vendit., ubi dicit: *Licet error juris circa titulum impediatur præscriptionem ad quam requiritur titulus, non tamen impedit præscriptionem ad cujus substantiam non requiritur titulus, sed sola bona fides, ut est præscriptio 30 annorum*. Item tenent Paulus de Castro consil. 152, § *Circa præsentem casum*, col. 3, et consil. 40, § *In causâ*, col. 1, et maximè in l. *Celsus*, 27, post principium, π. de Usucap.; Ludovicus Romanus consil. 123, § *Circa primum dubium*, col. 4. Pro eadem citat Covar. Alexandrum, consil. 125; Felinum in cap. *Cum contingat* 24, de Rescriptis; Jason. in l. *Si quis id quod notab.* 8; et ibidem Decium, π. de Jurisdictione omnium judicum, et Anton. Rub. cons. 75, qui hanc omnium fatetur esse communem.

Probatur primò: præscriptio tricenaria non requirit titulum, sed tantum possessionem bonæ fidei tanto tempore continuatam: atqui is qui errat in jure, potest habere bonam fidem, et cum eâ possidere tempore præscripto; ergo. Minor probatur, quia doctiores, quos commodè potuit, consuluit, et omnia fecit

que tenebatur facere ad cognoscendas contractus leges, ita ut ignorantia sit plane invincibilis, ergo habet bonam fidem. Quod confirmatur, quia cum jus est obscurum seu dubium, ideo error juris non excludit bonam fidem de titulo, quod error tunc plane sit inculpatum, et homo fecit quicquid debuit ad veritatem cognoscendam; ergo similiter quando jus non est quidem obscurum sed ignotum, error non excludet bonam fidem, si homo fecit quod in se est ut veritatem cognosceret. Ita Covar. supra, ubi dicit hanc rationem apertissime concludere.

Secundò, ideo error juris impedit præscriptionem, quia qui sic errat, presumitur habere malam fidem, vel reverà habet; sed jure civili præscriptio tricenaria et quadragenaria locum habet etiam cum mala fide, ut patet l. *Si quis emptiois*, c. de Præscript. 30 vel 40 annorum; ergo jure civili tricenaria præscriptio valet etiam cum errore juris. Conseq. est clara, et antecedens quoad utranque partem admittitur ab omnibus.

Dices: Jus civile qua parte concedit præscriptionem tricenariam cum malà fide, est correctum per canones; ut patet cap. *Vigilanti*, 5, et cap. *fin. de Præscriptione*.

Respond. non esse correctum, nisi quoad malam fidem, quæ est cum peccato: tota enim ratio illius præscriptionis tollendæ erat, quia sine peccato et dispendio salutis non poterat servari; atqui cum est error juris invincibilis, nullum est peccatum in possessione: ergo quoad hanc malam fidem non est correctum. Hæc ratio videtur hanc sententiam planè convincere.

Tertiò, ideo leges juris ignorantiam circa titulum non admittunt in præscriptione ordinariâ, quia is qui jus sui contractus ignorat, presumi ut non bonâ fide inchoasse possessionem, quia tenebatur adhibere diligentiam ut sciret quid jus præscribat, ut rectè docet Covar. supra n. 10; ergo si reverà nulla fuit negligentia, et error sit prorsus inculpatum, in foro conscientie, ubi cessat præsumptio, poterit præscribere. Antecedens est Covar. supra, et multorum DD. et confir. ex regulâ 82, in 6: *Qui contra jura mercatur, bonam fidem habere non præsumitur*; quam regulam intelligi de præsumptione juris docet ibidem Glossa, et ipsa verba satis indicant. Idem confirm. ex l. *Quemadmodum*, 7, c. de *Agric. et censit.*

Quartò, multi DD. docent præscriptionem ordinariâ, quæ titulum requirit, procedere cum ignorantia juris in iis in quibus error juris toleratur, ut in minore, rustico, milite, muliere, quia in his non presumitur mala fides, si aliquam diligentiam adhibuerunt: ita Molina jurecons. lib. 2 de Primogeniis, cap. 7, n. 69, cum aliis quibusdam quos citat; et Baldus in l. *Venditioni*, c. de Usucap. pro cunctis, et in l. *Possessiones*, c. *Si quis ignor. rem minor. esse*. Ubi dicit excusari si errans est miles, vel mulier, vel est passus in jure difficilis, de quo interrogans sapientem, habuit responsum erroneum. Ex his patet Medinæ sententiam esse valdè probabilem, et jure veriore in præscriptione 30 annorum, quæ titulum non requirit: in præscriptione autem ordinariâ, quæ requirit titulum,

in foro conscientie non esse improbabilem: imò non videtur improbabile etiam in foro externo admittendam esse, si probatum fuerit nullam negligentiam possessoris intervenisse, sed illam fecisse quantum pro suâ conditione potuit, ut jura cognosceret. Idem probant 3 et 4 ratio, et confirmatio primæ rationis.

Nec obstat quod hæc præsumptio male fidei sit præsumptio juris, et de jure, contra quam non admittitur probatio, cum sit instar juris; quia etsi ordinariè non admittatur, tamen quando subest evidens causa, potest admitti, vel judicis benignitate, vel restitutione in integrum, ex clausulâ generali, si qua mihi justa causa esse videbitur, de quâ l. 1, in fine, c. Ex quibus causis majores, etc.

Ad primam rationem sententiæ adversæ respond. illa jura loqui de præscriptione ordinariâ requirente titulum, quæ triennium, 10 vel 20 annis expletur, non autem de præscriptione 30 annorum. Hæc enim jura Pandectarum (unde sunt illæ leges citatæ) non est cognita, sed jure Codicis introducta. Secundò, dici potest illa procedere ex præsumptione male fidei: presumitur enim, cum est error juris in contractu, intervenisse saltem negligentiam aliquam, nec adhibitam omnem diligentiam, quæ potuit et debuit adhiberi; et ita error juris non prodest in compendiis, nisi probeatur adhibitam omnem diligentiam ut jus sciretur. Cum hoc tamen stat, quòd possit prodesse in foro conscientie, ubi cessat præsumptio, et statur ipsâ veritate.

Ad secundam, nego illum reverà habere malam fidem, si error erat invincibilis; solùm enim præsumitur habere, quia præsumitur non adhibuisse diligentiam quam debuit, ut sciret jura. Neque jura credulitatem ex errore inculpatum vocant malam fidem, eò quòd sit inutilis ad præscriptionem: esset enim petitio principii. Ideò enim credulitas aliqua est inutilis ad præscriptionem, quia est mala fides, non autem ideo est mala fides, quia inutilis ad præscriptionem. Deinde valdè improprie diceretur talis malà fide possidere. Denique cap. *Vigilanti*, et cap. *fin. de præscript.*, nullam agnoscit in hæc materiâ malam fidem, nisi quæ est cum peccato; talis autem credulitas ex errore juris inculpatum non est peccatum.

Nec obstat l. *Quemadmodum*; sensus enim est: Nullus juris peritus ambigit esse male fidei possessorem (nempe quoad forum externum), qui contra legum interdicta mercatur. Confir. 1^a quia ex illa lege sumpta est regula juris 82: *Qui contra jura mercatur, bonam fidem non præsumitur habere*; quæ apertè loquitur de præsumptione, illamque legem explicat: unde eodem modo intelligenda. Confirm. 2^a quia eadem l. dicitur nemperem amittere pretium: atqui hæc non est justum, nisi intervenerit aliqua culpa in emptione: ergo agitur de errore culpabili. Addo: Etiam si mala fides sic acciperetur, tamen cum præscriptio 30 annorum jure civili cum malà fide procedat, et talis mala fides non sit rejecta per canones, consequens est eam non obsistere tali præscriptioni; cujus etiam signum evidens est, quòd in d. l. *Quemadmo-*

dian, solùm dicatur, per talem malam fidem excludi præscriptionem longi temporis : infirmando non excludi præscriptionem longissimi temporis, qualis est tricenaria.

Ad tertiam, ad præscribendas illas decimas requirebatur possessio 40 annorum bonâ fide cum titulo; vel possessio à tempore immemorabili sine titulo, quia juss illi præscriptioni resistit, ut constat ex cap. 1 de præscript. num. 6. Illi autem hospitalarii non possederant à tempore immemorabili; unde cogebantur ostendere titulum; in quo titulo acquirendo præsumantur fuisse malæ fidei, eò quòd erraverint in jure manifesto; qui error præsumitur culpabilis, nisi contrarium probatum fuerit. An tempus 40 annorum fuerit elapsum, non constat ex textu, itaque non est mirum, si pontifex id non ponderarit.

Ad quartam, nego id esse verum in præscriptione tricenariâ; inò probabile est nec in ordinariâ verum esse, si pars adversa fateatur illum omnem diligentiam adhibuisse. Ad confir., non magis fovet peccatum, quàm quando testamenta non solemnia rescindit, vel non protegit, aut promissionem absque stipulatione factam non admittit, etc.; vel dici potest quòd sicut præscriptio est jure civili introducta, ita etiam jure civili in quibusdam casibus possit rescindi, ut patet cum datur restitutio in integrum contra præscriptionem. Probabile tamen est in foro conscientiæ, si constet omnem operam debitam fuisse adhibitam, non rescindi ratione ignorantie juris, etiamsi contra præscribentem sententia feratur, quia sententia procedit ex f. l. sâ presumptione. Parendum tamen sententiæ ob scandalum, et ne juris ratio perturbetur, sicut in multis similibus usuvenit.

Ad quintam, negandum est antecedens. Ad probationem resp. illud caput loqui non de presumptione malæ fidei ratione ignorantie juris, sed ratione conditionis ipsius rei, eò quòd res ipsa talis sit naturæ, ut jure communi non videntur posse à tali possideri, sicut decimæ à laico, aut decimæ hujus diocesis ab episcopo alterius diocesis; itaque nihil ad rem facit.

18. Dico quartò : Error inducens bonam fidem omninò sufficientem ad usucapionem, regulariter est error facti.

Sequitur ex dictis, ut si rem acceperis à fure, nesciens esse furem, tones illam bonâ fide, ortâ ex errore facti; similiter si emptione vel donatione habeas à pupillo, nesciens esse pupillum, ut patet l. *Pro emptore*, 2, π. *Pro emptore*. Pari modo si emas à prælato rem Ecclesiæ, putans capitulum consensisse, est error facti, et potes præscribere, etiamsi capitulum non consenserit. Si autem emeris à prælato, putans non requiri consensum capituli, est error juris, nec potes præscribere, nisi fructus rei, non autem rem ipsam, ut docet Covar. n. 6. Intellige tempore ordinario, et ut supra explicatum.

DUBITATIO VI.

Utrum aliquando cum malâ fide procedat præscriptio.

19. Vide Covar. ad reg. *Possessor*, p. 2, § 11.

Resp. Proprie loquendo nunquam procedit præscri-

ptio cum malâ fide. Nam leges civiles statuentes præscriptionem 30 aut 40 annorum etiam cum malâ fide procedere, sunt abrogatæ jure canonico, ut patet c. finali, de præscriptionibus. Unde omnes leges particularium locorum, statuentes præscriptionem post certum aliquod tempus, sive in rebus corporalibus sive in spiritualibus (i. e., juribus seu actionibus realibus et personalibus) requirunt suo modo bonam fidem, ut fusè docet Covar. § 11.

Unde inferitur primò : Ut præscribam contra debitum pecuniarium, vel contra actionem ad tale debitum, quam habet Petrus in me, non sufficit ut Petrus toto tempore non exigat debitum, aut non meminerit; sed requiritur ut ego certo temporis spatio bonâ fide existimem me nihil debere Petro; v. g., ut putem esse condonatum, vel solutum, vel ut omninò memoriâ exciderit. Ratio est, quia aliàs non censebor bonâ fide possidere jus non solvendi; etsi enim creditor me non interpellat, tamen terminus elapsus ipsaque dies interpellat et monet solutionis; quare cum peccem non solvendo, non potest mihi procedere præscriptio, juxta cap. finale supra. Similiter, etsi famulus intra biennium, ex quo desiit famulari, non petat stipendium à domino, non tamen potest dominus præscribere contra debitum illud, nisi bonâ fide putet solutum.

20. Adverte tamen non esse improbabile, cum malâ fide posse præscribi contra actionem personalem, ita ut si certo tempore creditor non exigat debitum, postea non possit illud petere in judicio, eique denegetur actio, ut docet Adrianus quodlib. 6, a. 3. Sic Carolus V, anno 1540, Bruxellæ statuit, ut famuli mercedem pactam petant à dominis intra biennium, à die à quo servire cessaverint : alioquin non possint eam petere in judicio, nisi scripturam producant; non tamen per hoc liberatur dominus in conscientiâ, si malâ fide retinet; sicut non liberatur is qui rem emit minoris justo, etsi non infra dimidium; neque is qui nudo pacto promissit aliquid, etsi contra hos non detur actio in foro externo. Contrarium tamen est verius, ut ostendit Covar.; si enim constaret debitorem malâ fide non solvisse, condemnaretur; hoc autem constare vix potest, nisi ex ipsius confessione.

21. Inferitur secundò, ut quis præscribat jus eligendi, præsentandi, pascendi, aut venandi in alieno prædio, aut alterius servitutis, requiri ut bonâ fide utatur tali jure tempore lege constituto; si enim malâ fide utitur, sciens se non rectè facere, non currit præscriptio.

Obijciunt primò : Is cujus bona per legem publicam addicta sunt fisco, ejusque hæredes præscribunt contra fisci actionem, cum tamen sciant bona sua fisco deberi; ergo aliquando cum malâ fide currit præscriptio.

Resp. : Jurisperiti hoc passim vocant malam fidem; sed rectius dicitur cum theologis, tales habere bonam fidem : non quid in quâ sibi persuadeant hæc bona absolute et pleno jure esse sua, sed quâ judicent licere sibi ea retinere, donec per fiscum auferantur; et se non

teneri licet ea offerre: de qua vide Covar. ad 4 Decretal. c. 6, § 8, à numero 5.

Objecit secundo. Possunt prescribere contra eum, cui habet jus servitutis rusticarum in suo praedio, et tamen scilicet ipsum hoc jus non habere, et tamen mala fide.

Resp. Nego consequens, aliud enim est acquirere per aliquid agendum in re aliena, aliud ex utroque, quod alter habet ratione praedicti rusticarum in re aliena, et denique nihil aliud est quam per eum, qui et tamen meum facium: quod fieri potest, ut sciamus eum non habuisse jus habuisse. Itaque altera habente jus servitutis in praedio meo, v. g., ut possit transire per meum praedium vel agrum, ut possit nascere in meo praedio, cum non requiratur illius actus in re ut ego contra praedictum praescribam, sed sufficiat ut ipse jure suo certo tempore non utatur aut habetur 1. *Hic autem par.* 6, §. 2. *De servitutib. urbanor. praedictar.* V. non sum in mala fide, etsi sciam illum jus habere; nam nihil facio illicitum, nec aliquid omitto quod debeat. Non enim tunc illi monere ut jure suo utatur. Itaque sum in bona fide, ut recte Medina, q. 47, c. *de restitutione*: quia bona fide sine illius jure suo non uti, et nihil libertatem creari; secus vero est quando alter habet jus, non quidem aliquid faciendi circa rem meam; sed ut ego aliquid non faciam, v. g., ne altius aedificem, ne fenestras in hortum ipsius aperiā, et similia. Tunc enim ut ego extinguam illud jus, requiritur ut bona fide faciam contrarium, et illud per certum tempus non contradicat, juxta legem citatam.

DUBITATIO VII.

Quantum temporis requiratur ad usucapionem rerum mobilium.

Notandum est ante tempora Justiniani res mobiles in Italia potuisse usucapi annali possessione bona fide continuata; immobiles biennio. Verum ipse hoc jus tanquam parum consentaneum aequitati, pleniusque litigiorum reformavit, ut videre est tit. *de annali except. Italic. contract. tollendā*, et tit. *de usucap. transfor.*, ejus reformationem amplexum est jus canonicum, juxta hanc igitur

22. Respondeo et duo primum: Ad usucapionem rerum mobilium privati hominis, vel etiam Ecclesiae, cum titulo requiritur et sufficit possessio per triennium bona fide continuata. Est communis sententia doctorum, ut docet Covar. reg. *Possess.* p. 2, § 2, n. 5, *de rebus privatis cum* habetur c. de Usucapione transformandā, l. Unica, et Instit. de Usucapionibus, § 1.

De rebus Ecclesiarum habetur authent. Quas actiones, c. de sacrosanctis Ecclesiis: *Quae actiones ante decem annis, alias vicennalis, alias tricennalis praescriptio excludit; hae, si loco relicto suo computentur, quod in immobilibus excluduntur; usucapionem triennalem, vel quinquennalem praescriptam in suo robore habentibus.* c. de Rebus Ecclesiarum quod centum annorum spatium vel privilegium. Quae authent. recepta est ab Ecclesia, ut patet ex Decret. 16, q. 5, c. ult. et penult. Ex qua constat, in rebus et ac-

tionibus, quae non eo tempore quam decennio usucapionem vel praescriptionem per se per praedictam Ecclesiam habere est actum de rebus, et non de eadem quanti temporis actiones. Itaque ratio huius usucapionis a doctrina canonica non debet deduci.

Idem est, pro herede; ut si pater rem ex aliena causa dederit filio, sed autem, sed non, vel contra, cum eadem rem in testamento tradidit, tunc bonā fide recipias; ita habetur l. 2, §. 2. *Pro emptore*, ubi dicitur: *Si pater filio dederit, filius non bona fide recipiat.* Idem de eadem cum quod per errorem solvitur secundo. Excepit tamen, nisi putem me dolo, vel posside, et ex emptione quae non praecessit. Tunc enim tunc non ad rem usucapitur, ut ibidem dicitur.

Secundus, *pro emptore*; ut si emens rem bonā fide à furioso quem putabas sanae mentis; secus si à prodigo vel auctore, cui interdicta administratio, quia non datur bona fides non solum in accipiente, sed etiam in tradente, idque necessarium in omni usucapione non dolum, quocumque titulo usucapias. l. 2, §. 2. *Pro emptore*.

Tertius, *pro transacto*; ut cum aliquid bonā fide est traditum et acceptum causā transactionis, ut à lite recedatur. l. *Ex causā*, c. de Usucap. pro empt. vel. transact., ubi dicitur: *Ex causā transactionis habentes justam causam possessionis, usucapere possunt.* Nec refert, etiamsi ea res forte sit aliena: modò non sit furtive aut vi possessa, aut res fisci, aut pupilli; sed talis quae usucapi possit: quod in omni usucapione ordinaria est necessarium.

Quartus, *pro herede*; ut cum quis verè est hæres, aut bonā fide se hæredem putat; intellige ut supra, nisi res sit vitiosa, id est, ejus conditioni obstet usucapio. Adverte tamen, quando exstat hæres qui dicitur suus, alios non posse contra illum usucapere, ut infra dubit. 15 dicitur.

Quintus, *pro donato*; ut cum quis bonā fide donavit rem alienam ignoranti. l. 2, §. 2. *Pro donato*. Si is qui alienam rem donaverit, revocare constituerit donationem, etiamsi iudicium ediderit, remque cepit vindicare, currit usucapio. Ille tamen requiritur ut donatio non sit invalida ratione personae. Hinc filius sub patris potestate constitutus non potest usucapere donatum à patre, nec conjux donatum à conjuge, ut habetur l. 1, §. 2. *Pro donato*. Qui tamen emit à conjuge, quod sic donatum novit, potest illud usucapere, quia cum consensu conjugis praesumitur venditum, ut habetur l. Si id quod, §. 2. *Pro derelicto*.

Sextus, *pro derelicto*; ut cum quis cepit bonā fide possidere rem, quae à domino putabatur habita pro derelicto. Idem dicendum de eo qui conditionem rei sciens, illam emit, ut habetur d. l. Si id quod.

Septimus, *pro legato*; ut si testator credebatur sanae mentis, non tamen erat: si legatum per codicillum ademptum erat, et id ignorabatur. l. 1, §. 2. *Pro legato*. Pro legato potest usucapi, si res aliena legata sit; aut testatoris auctor sit, sed adempta codicillis ignoratur;

in horum enim personâ subest iusta causa, quæ sufficit ad usucapionem. Addit: Idem dici potest, etsi in nomine erit dubitatio: veluti si Titio legatum sit, cum sint duo Titii, ut alter eorum de se cogitatum existimaverit. Idem l. fin. π. eodem.

Octavus, pro dote; ut si res aliena bonâ fide pro dote data sit; l. 1. π. Pro dote. Incipit autem hæc usucapio à tempore quo cœpit esse maritus per contractum de præsentî, non ante, ut ibidem dicitur, quia dos tunc primum incipit possideri titulo dotis. Si sponso aliquid à sponsâ detur eâ mente ut statim fiat ejus, poterit illud usucapere pro suo, non pro dote, ut ibidem habetur.

Nonus, pro suo; hic titulus est valdè generalis, et oritur ex omnibus iis quibus putamus nobis acquiri dominum, remque possidemus ut nostram, ut patet l. 1. π. Pro suo. Hoc modo potest quis usucapere fructum rei furtivæ, quam bonâ fide emit, v. g., agri, vel ancillæ etsi rem ipsam furtivam usucapere nequeat. L. 4. π. eodem. Sic si hæres putet Titio aliquid legatum, quod non est legatum, usucapiet Titius pro suo; ibidem. Denique quando quis in rebus suis invenit aliquid non furtivum, aut vi possessum, quod bonâ fide, ex aliquo titulo, etsi falso, putat esse suum, potest illud usucapere. L. fin., π. Pro suo.

Hi ferè novem tituli habentur lib. 41 Digest., et in c., lib. 7. Addunt doctores decimum, pro judicato; ut cum res est judicata, et spatio decem dierum non est appellatum. Hoc modo excluditur jus appellationis, et sententia transit in rem judicatam, ut habetur Novella 23. Quod etiam amplexa est Ecclesia in judiciis ecclesiasticis, ut patet cap. 27 Anteriorum, 2, q. 6. Ex his satis patet quomodò se habeat usucapio in mobilibus.

Petes utrùm usucapio triennalis etiam locum habeat contra Ecclesiam Romanam? Videtur non habere; nam post illa verba, *Usucap. triennii*, etc., subjungitur, *sola Ecclesia Romana*, etc., quasi sit exceptio ab utrâque sententiâ præcedente. Confir. cap. Cum vobis, 14, de præscriptionibus, ubi generatim absque distinctione mobilium et immobilium dicitur, *contra Ecclesiam Romanam*, nonnisi centum annorum præscriptio locum sibi vendicat, ubi Glossa. vº Centum: *Hæc præscriptio obtinet in rebus et possessionibus*, distinguens res à possessionibus, tanquàm mobilia ab immobilibus, et Panor. in cap. Cum dilecta. 4 de Confir. utili vel inutili, vº Possessiones: *Ecclesia Romana gaudet præscriptione centum annorum, non solum in rebus privatis ipsius Romanæ Ecclesiæ, sed etiam in omnibus juribus et possessionibus quæ competunt ratione libertatis datæ: ut cum eximit aliquod Monasterium, vel Capitulum à jurisdictione Ordinarii*. Addit Panorm.: *Et sentiunt DD. hic ex illâ generalitate verborum hoc procedere tam in rebus mobilibus quàm immobilibus corporalibus et incorporalibus, quod bene notes*. Ex hoc enim infertur quod usucapio triennalis in rebus mobilibus non habet locum contra Ecclesiam Romanam. Idem tenet Silvest. vº Præscriptio 1, n. 7, § 5. Hæc sententia est valdè probabilis. Nihilominus altera quoque sententia probabilis est; nimirum

triennem mobilium præscriptionem contra Ecclesiam Romanam locum habere; ita Covarr. supra, generatim docens par esse jus privati et Ecclesiæ in rebus et actionibus quæ minori tempore quàm decennio usucapiuntur, et Molina disput. 68, citans Glossam, et doctores in illam authent. Probatur, quia illa exceptio, *sola Romana*, etc., solum intelligenda est fieri ab illis verbis: *Hæc si religioso loco competant*, etc., et illa: *Usucapione triennii*, etc., veluti per parentesin interjecta. Id apertè indicant doctores in periochâ hujus authent. Confir., quia aliàs non rectè diceretur *usucapionem triennii*, etc., in suo robore durare; hoc enim significat nihil in illâ mutari; at aliquid in eâ mutaretur, ut statim ab eâ fieret exceptio. Deinde hæc authentic. ex tribus diversis Justiniani Novellis contexta est. Prima pars est ex Novellâ 131, cap. 6, pro temporalibus præscriptionibus, etc. Secunda, *usuc. triennii*, ex Novellâ 111, cap. 1. Tertia, *sola Romana*, ex parte est ex Novellâ 9, ubi solum in præscriptione longissimi temporis, quale est spatium 30 annorum, concedit Ecclesiæ 100 annos. Unde hoc non est extendendum ad usucapionem triennem et quadriennem. Mihi tamen probatur prior sententia, quia hæc res non solum pendet ex vi istius authent., sed maximè ex ordinatione canonum, qui generatim loquuntur.

Dico secundò: Ad usucapionem rerum mobilium sine titulo, requiruntur anni 30, sive privati eæ sint, sive Ecclesiæ; est communis doctorum.

Prior pars patet ex l. 3, c. de præscript. 30 vel 40 annorum, ubi res immobiles contra privatum præscribuntur 30 annis, sine titulo. Idem ergo censendum de mobilibus, cum nihil aliud de his sit statutum, absente titulo.

Altera probatur, quia cum Ecclesia in mobilibus non habeat privilegium, sed solum in immobilibus, eodem jure censi debet quo privatus; de quo vide Covarr. § 5, n. 2. Ego tamen exceperim Ecclesiam Romanam, juxta prædicta.

DUBITATIO VIII.

Quantum temporis requiratur ad immobilium præscriptionem, sive contra privatum, sive contra Ecclesiam, vel piam causam.

23. Dico primò: Ad præscribenda bona immobilia privatorum, cum titulo requiritur spatium 10 annorum inter præsentès; 20 inter absentes: sine titulo requiruntur anni 30. Est communis sententia doctorum in cap. Sanctorum, de præscript., et alibi.

Prior pars habetur Instit. de Usucap. § 1, et l. Cum in longi ult., c. de præscript. longi temporis, ubi tria notanda sunt. Primum est, longum tempus in materiâ usucapionis vocari spatium 10 annorum inter præsentès, 20 inter absentes; longissimum autem spatium 30 vel 40 annorum. Patet ex dictâ l. Cum in longi.

Secundum, præsentès dici, qui in eodem territorio habitant, ut sunt omnes qui in territorio Lovamensi, etiamsi non in civitate, absentes, qui in diversis ter-

ritorii, ut docet Panorm. in cap. *De quartâ*, de præscriptione, num. 30.

Tertium, si præsens fueris 7 annis, et postea egrediaris territorium habitaturus alibi, opus est adhuc sex annis, ut res immobilis contra te præscribatur. Ratio est, quia supererant tres anni ad complendam præscriptionem contra præsentem, qui debent duplicari ratione absentie: ut habetur expresse auth. *Quod si quis*, c. de præscriptione longi temporis; unus enim annus presentie æquivalet duobus annis absentie. Salv., verbo *Præscriptio*, l. q. 7, et reliqui doctores.

Alter pars, *sine titulo requiri annos 30*, patet ex cap. *Sanctorum*, de præscriptione. Idem colligitur ex l. *Si quis emptiois*, § 2, c. de præscriptione 30 vel 40 annorum.

Ubi adverte, quando agitur de præscriptione 30 vel 40 annorum, *ordinariè* neque jure pontificio neque Cæsareo requiri titulum, sed sufficere bonam fidem cum possessione tanti temporis, ut docet Covarr. reg. *Poss.* § 3, num. 2, ex communi doctorum sententia. *Dixi ordinariè*, quia interdum exigitur tituli probatio; nempe quando præsumptio juris est contra præscribentem, ut docet Covarr. l. 1 *Variar.* cap. 17, n. 7, ut fit quando episcopus unius diocesis vult præscribere decimas sitas in aliâ diocesi, ut habemus c. 1 de præscriptione, in 6. Ille enim ex possessione 40 annorum non præsumitur titulus, sed requiritur tituli probatio, vel certè, ut à tempore, cujus initii memoria non exstat, possederit.

24. Dico secundò: Si privatus ille fuerit pupillus, nulla contra eum, quamdiu est in eâ ætate, datur præscriptio, sive mobilium sive immobilium: si autem non sit pupillus, sed minor (id est, nondum habens 25 annos expletos), requiruntur 30 anni.

Prior pars patet l. *Sicut in rem*, 3, c. de præscriptione 30 annorum; factum id est in favorem pupillaris ætatis et status.

Alter pars habetur l. *ultimâ*, c. In quibus causis in integrum restitutio necessaria non est. Ratio est, quia minores non ita rebus suis possunt invigilare, ut majores, præsertim cum administrationem non habeant.

25. Dico tertio: Ad præscribenda bona immobilia contra Ecclesiam Romanam requiruntur anni 100; contra aliam Ecclesiam, vel hospitale, vel monasterium, vel contra pias causas, requiruntur anni 40; est communis doctorum. De Ecclesiâ Romanâ habetur authentica, *Quas actiones*, c. de sacrosanctis Ecclesiis; ubi præscriptionis tempus contra reliquas Ecclesias et pia loca restringitur ad annos 40 (cum antea esset annorum 100, ut patet ex l. *Ut inter divinum*, que immediatè præcedit), et soli Ecclesie Romanæ inter loca pia reservatur privilegium 100 annorum. Dico, *inter loca pia*, quia hic non revocatur privilegium, quod in dictâ lege, ut inter divinum, erat concessum civitatibus, ut contra eas non possit præscribi nisi 100 annorum spatio, si quid illis per ultimam voluntatem relictum, vel si quid donatum vel venditum fuisset, ut

recte Covarr. § 2, num. 45. Idem de Ecclesiâ Romanâ habent in multis canonib. tit. de præscriptione. De aliis Ecclesiis habetur tum alibi, tum cap. *De quartâ*, de præscriptione. De aliis *pia loca et causis* habetur authent. *Quas actiones*, et probat Covarr. reg. *Possessor*, § 2, n. 3, ubi etiam refutat quosdam, qui putabant contra pauperes non præscribi.

Ille tamen notandum est primo, quibusdam monasteriis et collegiis regularium concessum esse ut res immobiles non possint contra ipsos præscribi nisi annis 60. Concessit hoc Eugenius IV de plenitudine potestatis, ordini S. Benedicti, et Julius II congregationi S. Salvatoris, ut ex eorum privilegiis manuscriptis constat. Idem concessum Ordinibus illis qui horum privilegiis participant, ut societati nostræ et quibusdam aliis.

Secundò, si res privati incipiat esse Ecclesiæ, et contra privatum præsentem anni quinque sint exacti, non requiri ulterius spatium 35 annorum ad complendam præscriptionem contra Ecclesiam, sed sufficiens 20, quia quinque priores contra privatum continent dimidium tempus necessarium, ut docet Sil. v° *Præscriptio*, q. 7, § 6; consentiunt alii doctores.

Tertiò, nomine *bonorum immobilium* hic etiam intelligi jura et actiones ad immobilia: item beneficia, census, redditus, jus patronatus, ususfructus, et servitutes; hæc enim omnia fixa manent, et instar immobilium fructum vel commoditatem afferunt, itaque de his judicandum juxta duas propositiones supradictas. Majoris tamen lucis causa, et quia interdum in his est aliqua diversitas, breviter agemus de singulis.

DUBITATIO IX.

Quanto tempore præscribantur servitutes, et quanto amittantur.

De hac re fusè agit Gomezius, tractatu de Servitutibus, tom. 2, cap. 15.

26. Dico primò: Servitus merè personalis, quæ debetur personæ à personâ, nullo tempore præscribi potest, id est, usucapione acquiri, l. *finali*, c. de longi temporis præscriptione; idque verum est, etiamsi bonâ fide putans esse servum, emeris; ratio est quia æquitas non patitur hominem liberum fieri servum ex errore opinionis.

Dico secundò: Servus tamen præscribit libertatem contra dominum, si per 20 annos bonâ fide putaverit se liberum, etiamsi titulum libertatis non habeat. l. 2, c. de longi temporis præscript. quæ pro libert.; Gomez. n. 26. Hoc constitutum est in favorem servorum.

27. Dico tertio: Servitus mixta, quæ à re debetur personæ, ut est ususfructus, præscribitur cum titulo 10 annis inter presentes, et 20 inter absentes: sine titulo annis 30, l. *fin.*, c. de præscript. longi temporis, et Gomezius sup.; v. g., aliquis, qui non erat dominus rei, vel non habebat potestatem, constituit tibi ususfructum in agro, silvâ, vel aliâ re simili; tuque in re possedisti bonâ fide hoc jus per 10 annos præsentem eo ad quem pertinebat; etiamsi postea constet illum non potuisse constituere, tamen ut retinebis ad

vitam, vel ad tempus constitutum, quia hoc jus effectum est tuam lege prescriptionis: quod si dominus, ad quem pertinebat, sit absens, requiruntur anni 20. Si titulum non habes, quo ad te pervenit (ut si dictum tibi fuit ad te pertinere, nescias autem quâ ratione), sic per bonâ fide per 30 annos possideas, tuus erit ad vitam. Idem dicendum est de feudo et emphyteusi; præscribuntur enim ut ususfructus, cum sint species quedam illius.

Ubi tamen adverte, usumfructum non præscribi ratione possessionis rei fructiferæ, ut agri, silvæ, vel alterius, quia usufructuarius non possidet hanc rem suo nomine, nec possessione civili, sed tantum naturali et nomine alterius, verum ratione possessionis ipsius juris, quod vocatur ususfructus, ut bene Gomezius supra, qui citat alios; debes enim hoc jus possidere tantum tuum.

28. Dico quartò: Servitus merè realis, sive sit continua vel quasi continua (ut tigni immittendi, oneris ferendi, stillicidii, aqueductus), sive discontinua (ut eundi per tuum prædium, agendi jumentum, ducendi currum), cum titulo et bonâ fide præscribitur 10 annis, præsentem eo contra quem agitur; 20 verò eo absente: est communis doctorum ex l. finali, c. de Prescriptione longi temporis; ut si is qui verè non erat dominus rei, tamen putabatur esse, tibi concessit jus immittendi tignum in murum, vel stillicidium in aream, vel ducendi aquam per hortum, vel jumentum, aut plaustrum per agrum; et tu bonâ fide hoc jus per decennium possideas, præsentem eo cujus interest, verè efficeris dominus talis juris, lege prescriptionis; neque hic requiritur scientia et patientia illius, contra quem præscribitur, quando titulus adest, ut communiter doctores tradunt.

Dico quintò: Servitus merè realis, si sit continua vel quasi continua absque titulo, cum scientia et patientia adversarii præscribitur decennio inter præsentem, vicennio inter absentes; discontinua verò absque titulo, non præscribitur nisi tempore immemorabili, id est, cujus initii non exstet memoria. Prior pars est communis doctorum ex l. 1 et 2, c. de servitutibus et aquâ; eamque tradit Gomezius, tomo 2, cap. 15, num. 27. Si enim dominus, vel is cujus interest, scit et permittit tanto tempore, censetur hoc jus spontè concedere. Altera enim etiam communis, ex l. *Servitutes*, 4, c. de servitutibus. Itaque non præscribis jus agendi jumentum, vel ducendi currum per agrum alterius absque titulo, nisi ab hominum memoriâ fuerit consuetudo: quod ideò leges statuerunt, tum quia non faciliè potuit à domino adverti possessio hujus juris, ut posset eam impedire, cum sit valdè interrupta, tum quia non potest assignari tempus quo possessio ceperit. Itaque hic non tam præscriptio, quam præsumptio juris antiqui et veri tituli locum habet, sicut etiam in aliis quæ tempore immemorabili nituntur: secus est in servitute continuâ, cujus usus cum sit continuus vel quasi continuus, faciliè advertitur. Vide Gomezium num. 28.

29. Notandum est, cum tota præscriptio nascatur

ex continuâ possessione, quæ certo tempore duret, diligenter advertendum initium possessionis, quod aliter accipitur in servitutibus affirmativis, aliter in negativis, ut docet Gomezius supra. In *affirmativis* enim (ut sunt illæ in quibus tribuetur jus ad aliquid agendum circa rem alterius, ut sunt tigni immittendi, stillicidii, aqueductus et similes) incipit possessio ab eo die quo quis tali jure utitur bonâ fide. In *negativis* (ut sunt in quibus datur jus ad impediendum ne aliquid agas, ut ne altius attollas domum, ne propius ædifices, ne intersis electioni, ne veneris in tali silvâ, etc.) possessio incipit ab eo die quo prohibes vel impedis alterum, qui contrarium molitur. His positis, videndum quomodò servitutes extinguantur prescriptione.

30. Dico sextò: Ususfructus et omnis servitus, quæ non usu amittitur, extinguitur 10 annis inter præsentem, et 20 inter absentes: habetur expressè l. penult. c. de servitutibus.

Adverte tamen, esse differentiam inter servitutes rusticas et urbanas. Nam *rusticæ servitutes* sicut et ususfructus, extinguuntur per solum non usum: nec requiritur ut dominus prædii aliquid sciat, quo incipiat usucapere suam libertatem, (ut habetur l. *Hæc autem jura* 6, c. de servit. urban. prædiorum); vel ut nesciat te jus habere. Itaque jus itineris, agendi jumentum, ducendi plaustrum, derivandæ aquæ per prædium alterius, pascenti pecoris, aquandi, aræne fodiendæ, et similia, amittis solo non usu per decennium, si præsentem sis, si absens, per vicennium. *Urbanæ* autem non amittuntur solo non usu, sed requiritur ut possessor loci debentis servitutem, aliquid faciat bonâ fide, quo incipiat usucapere suam libertatem, ut habetur de l. *Hæc autem jura*: v. g., habes jus immittendi tigni in murum alterius; si eximas tignum, et possessor nihil faciat quo impediat ne rursus immittas, non perdis tantum jus tuum: sed si ille foramen obstruat, et tu per 10 annos non utaris tuo jure, perdis jus tuum. Similiter si habes jus ne ille altius attollat, vel propius ædificet, non amittis jus, nisi ille contra faciat, et tu post illud factum 10 annis præsentem sis; requiritur autem ut ille nesciat jus tuum, et bonâ fide agat. Habentur hæc omnia expressè d. l. *Hæc autem jura*, c. de servit. urban. prædiorum. Vide Silvest. verbo *Præscriptio* 1, q. 7, § 11, Molinam disp. 70; Covar. lib. 1 variar., cap. 17.

DUBITATIO X.

Quanto tempore præscribitur jus patronatûs (id est, jus præstatendi ad beneficium) et beneficium ipsam.

31. De hoc Covar. reg. *Possessor.* p. 2, § 10.

Dico primò: Si constet Ecclesiam olim fuisse liberam, jus patronatûs à laico præscribi nequit. Est communis sententia doctorum.

Ratio est, quia hoc jus est spirituale. Hæc ratio tamen non videtur firma: cum enim laicus sit capax hujus juris, cur ex possessione à tempore immemorabili non daretur præsumptio justo titulo concessum? sed bene præstat non præscribi absque titulo, nisi tempore immemorabili, quia præsumptio juris illis resistit; amplius convincere non videtur.

Dico secundò : Jus patronatûs etiam in ecclesiâ parochiali, de quâ dubium est an olim libera fuerit, potest præscribi à parochianis 40 annis cum titulo, tempore immemorabili, absque titulo. Imò etiam annis 10 absque titulo.

Prior pars patet, quia cum titulo colorato vel presumpto possunt præscribi à laico bona immobilia et jura (ut feudum et emphyteusis) contra ecclesiam; cur non etiam jus patronatûs, quod est minoris momenti? Nec presumptio juris est contra ipsos, cum credibile sit ipsos esse fundatores. Plus ecclesiæ, quando de alio non constat. Altera probatur, quia ex possessione hujus juris per tempus immemorabile, presumitur iustus titulus in parochianis. Addo etiam *absque titulo* posse ipsos spatio 40 annorum hoc jus præscribere, quia neque jus commune, neque male fidei presumptio illis obstat, ut colligitur ex Covarr. loco citato. Idem docet Molina disp. 75, § *Merito tantum*.

52. Dico tertio : Jus nominandi rectorem aut prelatum in ecclesiâ collegiatâ vel cathedrali, præscribi non potest à laico contra ipsam ecclesiam, nisi annis 40 cum titulo, aut tempore immemorabili absque titulo. Ratio est, quia jus commune repugnat; unde est vehemens presumptio usurpationis et male fidei. Nam jure communi istorum debet fieri electio, quæ pertinet ad capitulum; nisi patronus, qui ecclesiam edificavit aut dotavit, id sibi cum consensu episcopi triquam ex pacto reservasset, ut patet cap. *Massara*, 56, de electione. Quia tamen non est incipit talis juris (potuit enim competere majoribus ejus vel ex pacto in fundatione cum episcopo inito, vel ex privilegio pontificis), potest illud præscribere 40 annis cum titulo colorato (ut si concessum fuis et invalidè ob excommunicationem, vel aliâ de causa), vel absque titulo tempore immemorabili. Tam duraturna enim possessio lupus juris, et usus absque contradictione frequentatus, tollit presumptionem male fidei, et inducit titulum prescriptum. Vide concil. Trident. sess. 25, de reform. cap. 9, ubi declaratur quomodo hæc jura sint examinanda et probanda. Hoc modo multi principes præscripserunt in majoribus beneficiis jus patronatûs.

53. Dico quartò : In ecclesiâ non liberâ, jus patronatûs à laico contra verum patronum præscribi potest cum titulo colorato decem annis inter præsentem, 20 inter absentes; sine titulo annis 50. Est sententia communis doctorum, teste Covarr. Patet, quia est eadem ratio quæ bonorum immobilium et jurium contra privatum, ut fendi, emphyteusis, quæ simili modo præscriptione acquiritur. Non enim hic agitur contra ecclesiam, sed contra privatum.

54. Dico quintò : Beneficium ecclesiasticum cum titulo colorato præscribi potest contra alium, ad quem verè pertinebat, decennio inter præsentem, vicennio inter absentes, sicut alia jura quæ bonis immobilibus annumerantur: est communis sententia. Sine titulo non potest præscribi, quia non potest nisi in titulatione canonica acquiri ejus possessio.

Dico sexto : Qui pacifice aliquod beneficium absque

simonico ingressu triennium possedit, præscribit contra actionem ejusvis impetitoris. Patet ex regula Cancellariæ 35.

55. Sed difficultas est, utrum hæc possessio bonâ fide cum titulo colorato et absque sanctorum per triennium continuata, præscribit proprietatem benevolentem, ita ut possessor postea non teneatur illud resignare? Covarr. tenet non præscribere: itaque beneficium in foro conscientie esse dimittendum, simul atque constituit collationem non fuisse validam.

Verum Sac. l. 5, consil. 40 et 42, de præbendis, post Covarr. et alios, tenet contrarium, cum glossâ antiquâ in regulas Cancell. et Rebuffo, qui affirmat ita judicari in parlamenti Galliæ. Estque rationi valide consentaneum; cum enim pontifex post triennium nemini amplius concedat actionem ad illum beneficium, videtur possessorem reddere etiam securum in conscientia, si bonâ fide cum titulo possedit; tanquam qui triennali usucapione fecerit suum: in quâ sententia etiam est Emmanuel Sà, et alii quidam recentiores.

DUBITATIO XI.

Quanto tempore præscribantur debita, actiones, hypothecæ, legata, fideicommissa, et majoratus.

56. Dico primò : Debita rerum mobilium et immobilium præscribuntur cum bonâ fide annis 50 contra creditores, et excluditur actio ad ea petenda: est communis sententia ex l. Sicut in rem 3, c. de præscript. 30 vel 40 annorum, ubi dicitur, *nec actiones reales, nec personales ultra 30 annorum spatium protendendas*; et infra: *omnes hujusmodi actiones 50 annorum juri si- lencio emeri*. Idem de omnibus actionibus personalibus indecunque ortis, ut familie ereiscunde, communi dividundo, finium regundorum, pro socio, furti, bonorum ut raptorum, etc., dicitur l. 1, § *Ad hæc*, c. de annali except. Excipitur actio hypothecaria, quæ etsi, quando competit contra extraneum, extinguatur annis 50, tamen quando contra creditorem ejusque heredes, non excluditur nisi annis 40: ut statim dicemus. Huc pertinet etiam actio illa quam quis habet, cum rem suam vendidit infra dimidium justii pretii, ad petendum supplementum pretii, vel rescindendum contractum. Similiter cum quid emit ultra dimidium justii pretii, ad repetendum excessum; excluditur enim 50 annis, ut ex dictâ l. 1 sequitur, et docet Gomezius tom. 2, cap. 2, n. 22, de emptione et venditione: ex communi doctorum sententia.

Adverte tamen primò, multas actiones breviori tempore extinguí et præscribi adversus eos quibus competunt. Etsi enim omnes extinguantur 50 annis, non tamen omnes tantum temporis requirunt. Nam actio, quam habet respublica adversus quæstores et administratores, postquam computus sunt subscripti seu expuncti, excluditur ab ipsis quidem annis 20, ab eorum heredibus annis 40, ut expressè habetur l. In omnibus, c. de diversis temporalibus præscriptionibus.

Actio redhibitoria ad recuperandum pretium,

quando error dedit causam contractui (ut cum quis emit rem vitiosam, quam non emisset si vitium scivisset), præscribitur contra emptorem sex mensibus, computandis à die quo vitium rescivit. In foro tamen conscientiae venditor ob dolum non liberatur. Si bonà fide egit, potest usucapere pretium triennio; ut constat ex dictis dubit. 7.

Actio quanti minoris, quæ est ad recuperandam partem pretii, quam noluisse dare, si vitium ei perspectum fuisset, excluditur anno. Vide l. 1 et sequentes, π. de ædilitio edicto. Si tamen hujusmodi actio utilis competat ecclesie, aut pio loco, ad eam excludendam requiruntur anni 40. Omnis enim actio, quæ aliàs 10, aliàs 20, aliàs 30 annis excluditur, hæc si loco religioso competat, non excluditur nisi annis 40, ut habetur authent. Quas actiones, c. de sacrosanct. Eccles. Vide supra num. 22.

Item actio personalis nuda et simplex in Hispanià extinguitur 10 annis: si autem habet annexum jus summarie executionis, quod sæpè fit, extinguitur 20 annis; ipsum autem jus executionis, decem prioribus. Actio famulorum ad petendam mercedem in judicio, extinguitur in Hispanià triennio, computando à die quo desierunt servire: in Belgio biennio. Covar. ad Regul. Possessor, p. 2, § 11.

Quando locus unius episcopatus à fide catholicà defecit, si episcopus loci monitus ab aliis episcopis ut eum reducat, per 6 menses neglexerit, potest alius episcopus eum conari reducere, et si reduxerit, ipsius erit: cap. 15. Placuit ut quicumque 16, quæst. 4. Si autem non monitus neglexerit, et alius reduxerit, et reductum triennio possederit pacificè, ipsius erit: et sic jus repetendi competens priori episcopo extinguitur triennio, cap. 1 de præscriptione.

Pari modo, si colonus prædium, quod reipub. superiorem non recognoscenti in temporalibus vel supremo principi est tributarium, colere neglexerit, et alius agricola id colere curaverit, biennio illud sibi acquirit, priore excluso; si præmissa monitio fuerit, sex menses solum ad repetendum prior colonus habet. Ita statuitur in favorem boni publici, l. Loculorum, et l. Qui agros, c. de omni agro desert. Vide Covarr. supra.

Actio injuriarum expirat lapsu unius anni. L. Si non convitii, c. de injuriis; et Panormit. cap. Ea noscitur, num. 4, de sentent. excommunic.

Actio ad accusandum adulterium ad poenam criminalem, vel civilem, perit lapsu quinquennii, l. Adulter, c. ad l. Juliam de Adult.; non tamen extinguitur ad petendum divortium, c. 8 Admonere 53, q. 2.

Actio de aliis criminibus accusandis ad poenam, extinguitur annis 20. L. Querela. c. de falsis. Non tamen extinguitur jus judicis; quo ex officio potest procedere contra infamatum, vel canonicam purgationem indicere: quod etiam post 40 annos facere potest, ut docet Panormit. cap. Accepimus 14, num. de purgat. canon.

Actio ad reclamandum contra professionem extinguitur quinquennio, ut colligitur ex concil. Trident.

sess. 25, de Regular. cap. 19, de quo infra cap. 41, dubit. 7.

Actio quòd metùs causà, in minore expirat lapsu anni, in majore, si primà opportunitate eam intentare negligat. Panorm. cap. Si quis autem, 2, n. 4, de Regular. Ex his apparet, quanta in hujusmodi actionibus, ut contra eas præscribitur, sit diversitas.

37. Dico secundò: Si res hypothecata possideatur à debitore vel hæredibus ejus, non extinguitur actio hypothecaria, quam creditor habet, nisi 40 annis; requiritur autem in debitore bona fides se non debere; et ut tanto tempore post diem solutioni assignatum creditor non exegerit. Si verò possideatur ab eo qui non est debitor, nec hæres ejus (ut si fuit vendita ei qui ignorabat hypothecatam), extinguitur decennio inter præsentés, et vicennio inter absentes: habentur hæc l. Cum notissimi, c. de præscriptione 30 annorum, et l. 1 et 2, c. Si adversus creditorem. Vide Covar. ad reg. Possess. 5 p., § 3.

38. Dico tertio: Quando bona alicujus ob non solutum vectigal, vel ob similem causam ipso facto sunt commissa (id est, fisco addicta), præscribuntur à reo et ab hæredibus ejus contra actionem fisci quinquennio, ita ut si quinque annis à die commissi non petantur, expiret jus fisci. L. 2, c. de vectigalibus et commissis, ubi dicitur, commissum, quod ante quinquennium factum dicitur, nisi litè res anticipata sit, vindicari non posse.

Dico quartò: Quando ob aliud crimen sunt commissa (v. g., ob crimen perduellionis, ob incestas nuptias), reus quamdiù puniri potest, non potest ea præscribere; alii tamen (sive hæredes sint, sive non) ad quos ea deveniunt, præscribunt ea quinquennio contra fiscum, præterquàm in casu hæresis.

Prior pars, quòd reus non possit ea præscribere quamdiù potest puniri, per se patet; quamdiù enim potest puniri, fiscus jus habet ea sibi vindicandi.

Altera probatur ex l. 2 supradictà, quæ generaliter loquitur. Excipio casum hæresis, quia bona hæretici, et consequenter bona apostatæ, nunquàm possunt præscribi contra actionem fisci, nec ab ipso, nec ab hæredibus ejus, neque ab aliis, ad quos ea devenierint, nisi ipsi ignoraverint illum hæreticum esse, et 40 annis cum hac ignorantia ea possederint. Colligitur ex cap. 2 de præscript. in 6. De quo vide Covar. in epitome 4, decret. p. 2, c. 6, § 8, quia hæc res merè est fori externi; non enim in conscientia tenentur ea tradere, nisi post sententiam cogantur.

39. Dico quintò: Legata et fideicommissa non possunt præscribi contra legatarium et fideicommissarium nisi spatio 30 annorum. Colligitur l. ult., c. Communia de legatis, ubi dicitur, nec usucapionem, nec longi temporis (id est, 10 vel 20 annorum), præscriptionem contra legatarium et fideicommissarium procedere; quòd autem 30 anni sufficiant: est communis sententia doctorum, ut docet Covar. regulà Possessor, 3 p., § 3, n. 6.

Ratio est, quia defectus tituli, et mala fides ejus, qui rem transfert, non nocet in præscriptione trice-

nariâ; tantum enim spatium temporis supplet defectum tituli in possessore bonæ fidei.

40. Utrum autem fideicommissum possit etiam præscribi contra eos quibus post 30 vel 40 annos erat tradendum, qui forte nondum nati erant currente tempore præscriptionis, disputat Covar. et ostendit multis rationibus, probabile esse absolute præscribi: ita ut successoribus non sit unquam restituendum. Idem dicendum de majoratu et primogenio.

Adverte, hanc tricenariam præscriptionem requiri, si legatum vel fideicommissum, vel majoratus, qui ad alium pervenire debebat, tibi fuit traditus ab eo qui alteri tradere debebat: tunc enim ratione male fidei, quæ est in auctore, non potest præscribere ante 30 annos, ut infra dicitur. Secus si à tertio habeas, qui bonâ fide acceperit ab illo: tunc enim potes præscribere tempore ordinario: ut Covar. et consentiunt alii doctores.

DUBITATIO XII.

Quanto tempore possit præscribi adversus principem.

Notandum est, quinque genera bonorum principis posse considerari: ut docet Covar. reg. *Possessor*, p. 2, § 2, num. 7.

41. In primo sunt ea quæ per sententiam fisco tradita: hæc non possunt præscribi nisi 40 annorum spatio. L. *Omnes*, l. c. de præscriptione 30 vel 40 annorum; nec obstat § *Res fisci*. Institut. de usucapionib., ubi dicitur, *Res fisci usucapi non potest*: hoc enim est intelligendum tempore ordinario, quo res privati potest; ut tribus, 10, 20 annis. Secus autem extraordinario, ut ibidem notat Glossa.

Quando autem res nondum fisco est incorporata, sed manet apud reum vel hæredes, potest præscribi quinquennio, ut dictum est supra num. 38.

In secundo sunt ea quæ quis debet principi in recognitionem subjectionis suæ et supremæ potestatis ipsius, ut sunt census et tributa: horum exemptionem et immunitatem nemo potest præscribere. Panormit. in cap. *Cum nobis* et cap. *Ad audientiam*, et alii. Secus est de immunitate ab indictionibus et collectis, quæ non in recognitionem supremæ potestatis, sed pro expensis alienjus belli vel simili aliquâ publicâ necessitate solvuntur: hoc enim potest præscribi contra civitates annis 40, ut ostendit Covar. ibidem, num. 8. Idem dicendum adversus principem, ut colligitur ex d. L. *Omnes*, c. de præscript. 30 vel 40 annorum, nisi aliud particulari lege statutum sit, ut ex aliis docet Covarruvias supra, num. 15.

Simili modo præscribi à subditis nequit immunitas ab obedientiâ principis, vel ab ipsius correctione, vel ut ad eum non possit appellari, quia potestas præcipiendi, judicandi, et castigandi omnino intrinseca est auctoritati principis respectu subditorum. Potest tamen subditus præscribere exemptionem et libertatem, per quam desinat esse subditus, et non agnoscat illum superiorem in temporalibus: quod multi principes antea subditi imperio Romano fecere; ad

hoc autem sufficiunt quadraginta anni cum titulo, et sine titulo tempus immemorabile, ut ex his quæ nunc dicuntur, colligi potest. Exemptio tamen à potestate spiritali summi pontificis nullo modo præscribi potest, sicut nec ipse pontifex potest aliquem à sua jurisdictione eximere, qui hæc jure divino annexa est pontificatui in omnes Christianos, illis verbis Domini: *Pace oves meas*, Joannis 21.

In tertio sunt ea quæ etsi dignitati principis non sunt intrinseca, tamen ei propriè conveniunt et reservantur, ut posse indicare vectigal, instituere tabelliones, legitimare, et similia. Hæc acquiri possunt præscriptione ab inferiore, spatio 40 annorum cum titulo: sine titulo per tempus ejus initii non exstat memoria. Panormit. in c. *Cum nobis*, de præscript., etque communis opinio, teste Covarr. Ratio cur hæc acquiri possint ab inferiore, est quia possunt hæc per principem communicari subdito. Unde si subditus v. g., comes aliquis ejusque majores à tempore immemorabili hoc usurpaverit, præsumitur à principibus concessum.

Quadraginta anni non sufficiunt sine titulo, quia nisi titulum ostendat (v. g., concessionem alicujus, qui fuerit princeps vel pro principe habitus), præsumptio est contra eum quòd malâ fide usurpaverit, ut patet in simili cap. 1 de Præscriptione in 6, ubi episcopus sine titulo non potest præscribere decimas alterius diocesis, eò quòd præsumptio juris sit contra illum, cum decimæ jure communi pertineant ad ecclesias diocesis. Simili modo cum hæc jura principum sint propria, præsumptio male fidei est contra subditum; tollitur autem præsumptio illa, vel ostensione tituli colorati, vel possessione temporis immemorabilis; idem dicendum de præscriptione meri et misti imperii: ut docet Covarruvias, § 5, num. 5.

In quarto sunt bona principatûs, quæ coronæ sunt annexa, ut prata, saltus, vivaria, prædia rustica et urbana, urbes, castra; hæc præscribi non possunt contra principem, nisi 100 annis. Probatur ex L. *ut inter divinum*, 23, c. de sacrosanctis ecclesiis, ubi in præscribendo legato, vel donato, vel empto, contra civitates requiruntur 100 anni; ergo multò magis contra regnum vel provinciam. Hæc enim sunt bona regni vel provinciarum. Est communis sententia doctorum. Secus est de fisco principis: hic enim non fruitur privilegio præscriptionis centenariæ, sed tantum 40 annorum, sicut neque civitates, contra quas etiam 40 annis præscribitur, exceptis iis quæ habentur d. L. *ut inter divinum*, quæ sunt hæreditas, legatum, fideicommissum, donatum, emptum: ut enim hæc contra civitatem aliquam præscribas, requiruntur 100 anni. In cæteris sufficiunt 40 ut passim docent doctores.

In quinto sunt ea quæ princeps possidet ut privatus. In his quivis præscribit contra principem, sicut contra privatum. Ita Covarr. supra n. 16, ex Baldo et aliis: nam et res patrimoniales clericorum præscribuntur contra eos, sicut contra alios. Neque ullum jus exstat, quo principibus hæc in parte aliquod privilegium præ cæteris, maxime ecclesiasticis, tribuatur.

DUBITATIO XIII.

Quanto tempore præscribat, qui rem accepit à possessore malæ fidei, vel eo qui malâ fide tradidit.

Respondeo et dico primò : Is qui accepit eam ut hæres immediatus, nullo tempore potest eam præscribere, etiamsi bonâ fide acceperit et possederit. Est communis sententia doctorum, ut docet Covar. reg. Posses, § 9, in principio. Colligitur ex L. *Cum hæres*. π. de diversis temporal. præscript. ubi dicitur : *Cum hæres in jus omne defuncti succedat, ignoratione suâ defuncti vitia non excludit ; relictæ enim sciens alienum ille vel precario possedit ; quamvis enim precarium hæredem ignorantem non tenet, nec interdicto rectè conveniatur, tamen usucapere non poterit, quod defunctus non potuit.* Addit : *Idem juris est, cum de longâ possessione quaeritur, cum exordium rei, bonæ fidei ratio, non teneatur.* Et § *Distin.* Instit. de usucap. : *Si ille (defunctus) initium justum non habuit (id est, si malâ fide cœpit possidere), hæredi ubi nonum possessori, licet ignorantem, possessio non prodest.* Idem habetur L. ult. c. communia de usucapion. Ratio est, quia hæres defuncti personam representat, ita ut fictione juris censeatur una eadem persona, et eorum possessio, quasi una continuata possessio ; unde cum initium istius possessionis in defuncto sit vitiatum malâ fide, censetur etiam vitiatâ quâ parte extenditur ad hæredem, ita ut hæres fictione juris malâ fide censeatur possidere ; atqui cum malâ fide non procedit præscriptio ; unde sicut defunctus non poterat rem illam præscribere, ita nec hæres. Hæc ratio colligitur ex juribus citatis.

Adverte tamen, non videri omninò improbabile, hæredem posse præscribere spatio triginta annorum, quia hic non requiritur titulus, sed solum possessio bonæ fidei ; atqui iste hæres reverâ bonâ fide possidet. Nec obstat quòd juris fictione dicatur possidere malâ fide, tum quia id solum est verum quatenus continuatur ejus possessio cum possessione defuncti, et una cum illâ censetur ; non autem quatenus consideratur ipsa per se, et ut ab ipso hærede habens initium per novum actum, quo aditâ hereditate cœpit possidere ; tum quia, cum illa non sit vera mala fides, sed solum ficta vel præsumpta, quæ etsi impediât præscriptionem ordinariam, quæ tribus, decem, aut viginti annis completur, non debet ei tribui tanta vis, quanta malæ fidei veræ ; unde non debet impedire extraordinariam, quæ est triginta vel quadraginta annorum, et nullum postulat titulum, nisi præsumptio juris ei adversetur ; itaque hæres poterit triginta annis illa bona præscribere, non utendo tamen accessione temporis, quo malâ fide illam possedit defunctus. Hanc opinionem jure canonico veram esse, tenent Dynus, Bartolus, Bellametus, et quidam alii ; imò eandem etiam jure civili obtinere docet Alexander, consil. 110, num. 7, et multi alii, relati per Baldum. Vide Covar. supra num. 1, 4 et 5, qui etiam satis in illam inclinat. Tamen altera opinio videtur juri conformior, quòd causam cur talis hæres non possit præscribere, refert in malam fidem præsumptam, quâ censetur possidere : quæ mala fides

etiam præscriptioni tricenariæ obstat. Eandem tenet Silvest. præscriptio 1, num. 8, et alii passim.

43. Dixi, ut hæres immediatus, quia hæres mediatas, id est, hæres hujus hæredis, potest eam tempore ordinario præscribere, si bonâ fide verâ prior hæres possederit. Ratio est, quia fictio illa juris de malâ fide ad secundum hæredem non extenditur ; vitant enim jura duas fictiones ex eadem causâ ; unde et si mala fides vera defuncti pariat in hærede fictionem, et veluti umbram malæ fidei : non tamen hæc mala fides facta seu umbratilis potest similem parere in successore ; umbra enim umbram non facit, sed verum corpus ; quare etsi prior hæres succedens immediatè auctori malæ fidei, ac proinde labem malæ fidei juris fictione ab eo contrahens, non possit rem illam usucapere ; secundus tamen hæres, ad quem fictio illa non pertingit, poterit. Quòd si hæres potest illam usucapere, multò magis donatarius, emptor, et legatarius poterunt, cum personam sui auctoris non representent ; unde si immediatus hæres rem defuncto commodatam, aut locatam, aut apud eum depositam, existimans hæreditariam esse, bonâ fide accipienti vendiderit, aut donaverit, aut dotis nomine dederit, dubium non est quin is qui acceperit, usucapere possit, ut habetur § *Sed tamen.* Instit. de usucap.

Hoc tamen quod diximus, secundum hæredem posse usucapere, limitandum censent doctores, nisi hic secundus sit hæres, qui *suus* in jure vocatur. Hic enim rem illam non potest usucapere titulo hæredis. Ita colligunt ex L. *Nihil pro hærede*, 2, c. de usucapion. pro hærede, ubi dicitur : *Nihil pro hærede posse usucapi suis hæredibus existentibus, obtinuit* : quam legem doctores communiter sic intelligunt, quasi diceretur *suos* hæredes non posse usucapere titulo pro hærede, si succedant in rebus alienis apud defunctum repertis, quamvis defunctus bonâ fide eas tanquàm suas possederit. Idem confirmant ex L. 2, π. *Pro hærede*, ubi dicitur : *Filius à patre hæres institutus, res hæreditarias à patre sibi donatas, pro parte cohæredum usucapere non potest.* Hæres autem *suus* (quem Græci οἰκετός, id est, domesticum, vocant) est filius et filia respectu patris ; nepos et neptis respectu avi morientis in cujus sunt potestate, si tamen pater illorum per mortem vel aliter non ampliùs eidem avo suberat, ut habetur § *Sui autem*, Instit. de hæred. qual. et differ. Dicuntur isti hæredes *sui*, vel quia proprii et domestici, vel quia sibi ipsis quodammodò succedunt ; nam etiam vivo patre quodammodò domini bonorum existimantur, ut habetur Instit. loco citato. Causa autem, juxta communem doctorum sententiam, cur talis non possit præscribere titulo hæredis, est, non quòd fingatur habere malam fidem, sicut ejus decessor, sed quia non habet titulum possidendi distinctum : censetur enim continuare possessionem sui decessoris, et ex ipsius titulo. Unde cum ille non haberet titulum, utpote hæres mali auctoris, nec hæres illius habet.

Duo tamen hic advertenda : alterum est cum dicitur hæredem *suum* non posse usucapere, id intelligendum de usucapione ordinariâ, quæ requirit titulum, et in

mobilibus peragitur triennio, in immobilibus decennio inter presentes, et vicennio inter absentes. Unde non dicitur absolute, non posse præscribere, sed non posse præscribere *pro hærede*, id est titulo hæredis. Hinc tamen nihil obstat, quin possit præscribere usucapione extraordinaria non requirente titulum, qualis est trienaria et quadragenaria, quando presumptio juris non adversatur, ut patet ex dictis; non tamen potest uti accessione temporis sui decessoris, nisi hic etiam præscribere potuerit. Unde si ponamus hæredem immediatum iniqui possessoris, qui catenam auream malâ fide possidebat, non posse usucapere 50 annis illam catenam etiam cum bonâ fide; hujus filius requirit 50 solidos annos. Si autem juxta probabilem sententiam supra insinuatam dicamus immediatum hæredem potuisse tanto tempore illam usucapere, secundus hæres poterit uti accessione temporis, quo prior possedit; unde si tempus illud sit 40 annorum, solum requirit annos 20; si sit 20, solum requirit 10 ad complendam præscriptionem.

Alterum est, ea quæ diximus de hærede suo, ipsum non posse usucapere pro hærede, procedere secundum intellectum illarum duarum legum, quem communiter amplectuntur doctores. Satis tamen probabile est longe aliam esse mentem illarum legum, ut ostendit Viglius in tit. de hæred. quali. et differ., § *Sui autem*. Cum enim L. 2, c. de usucap. pro hærede, dicitur: *Nihil pro hærede posse usucapi, suis hæredibus existentibus*, non significatur hæredes suos non posse usucapere, sed alios non posse usucapere titulo pro hærede, contra hæredes suos. Cum enim suppetant hæredes sui ad quos ea res pertinet, alius caret titulo pro hærede; unde non potest usucapere, nimirum tempore ordinario. Confir. L. *Ex testamento*, 2, c. *Undeliberi*; quæ est ejusdem imperatoris, ubi dicitur: *Ex testamento, vel ab intestato existente filio vel nepote suo hærede, neminem posse ab intestato hæredem existere*. Unde sequitur, illum non posse habere titulum hæredis, ac proinde non posse pro hærede usucapere. Nec obstat dicta L. 2, c. pro hærede, quia solum agitur de rebus à patre donatis filio, quas cum filius titulo donationis naturaliter possidere cœperit vivo patre, non potest postea illo mortuo easdem incipere possidere titulo hæredis (ob dictum vulgare, quod habetur eadem lege, *neminem sibi causam possessionis mutare posse*), unde nec pro hærede usucapere.

Ad rationem contrariæ sententiæ respondet Viglius, *hæredi suo juris fictione tribui quidem dominium idem quod decessori, non tamen eandem possessionem*. Etsi enim vivo patre filius dicatur dominus ob futuram successionem necessariam, non tamen possessor; unde etiam nihil potest attingere sine concessu patris. Accedit quod nec primo hæredi, qui immediatè succedit auctori malæ fidei, desit titulus (rem enim habet titulo successionis hereditariæ), nec defectu tituli negatur ei usucapio, sed defectu bonæ fidei, ut ostensum est. Multo minus secundo hæredi deest titulus, cum priori de novo succedit. Juxta hanc sententiam *hæres suus* potest usucapere titulo pro hærede, sicut alii;

quæ sententia in re non multum discrepat à sententiâ multorum doctorum quid dicit, etsi hæres suus non possit præscribere titulo pro hærede, quatenus est filius, posse tamen quatenus est contractus vel agens testatoris. hoc enim nihil aliud est, quam absolute fieri illum posse pro hærede usucapere, licet sub alia qualitate, seu formalitate quam filii, quæ tamen qualitas semper includitur. Vide Gomezium, tom. 1, cap. 9, de transmissione hereditatis, num. 19, et Cœc. regul. *Possessor*, p. 2, § 5, num. 3 et sequentes.

44. Dico secundo: Qui bonâ fide accepit eam ab alio titulo (ut legati, donati, empti, etc.) ab auctore malæ fidei, potest eam præscribere tempore ordinario, præterquam in duobus casibus. Primus est, si res sit immobilis, et is contra quem præscribitur, ignoret eam ab alio possideri. Secundus est, si res illa sit *furtiva*, vel *vi possessa*; tunc enim requiruntur 30 anni. Est communis doctorum ex L. *An vitium*, 5, c. de diversis temporalibus præscriptionibus, ubi dicitur, *vitium auctoris non obesse emptori vel legatario*, ut si Titius vendat tibi quod alteri oppignoraverat: tunc enim malæ fides auctoris solum versatur circa rei *procedendum*, quam sibi iniquè *occupat*, non circa proprietatem, ut habetur d. L. *An vitium*. Si tradat tibi quod alteri antea à se venditum et nondum traditum fuerat. Si prælati sine consensu capituli in te aliquid transferat, cum putares eum consensum habere. Si tibi donatum a minore quem putabas majorem: secus si erres in jure, putans prælatum sine consensu capituli posse alienare, aut minorem donare. Si accepisti ab inventore qui putabat id necessariò dandum pauperibus. In his igitur et similibus, cum res non sit furtiva, nec vi possessa, malæ fides auctoris non nocet successori particulari, nimirum emptori, donatario, etc. Denique si accepisti bonâ fide à possessore malæ fidei; et dominus sciens rem suam alienam, intra decem annos, si præsens fuerit, et intra viginti si absens, litem in te non constituerit, firmiter eam obtinebis, ut habetur authent. *Malæ fidei*, c. de longi temporis præscriptione, et Novellâ 119.

Fecimus duas exceptiones. Prior de re immobili apertè colligitur ex d. authent. *Malæ fidei*, ubi dicitur: *Malæ fidei possessore alienante, cessat longi temporis præscriptio, si verus dominus ignoret jus suum et alienationem factam; spectatur ergo 30 annorum decessio*. Secus verò quando scit, et non se opponit, ut dictum est.

Alterâ exceptio probatur, quia *res furtivæ* et quæ *vi occupatæ* (etiâsi postea ab aliquo bonâ fide emptæ fuerint) non possunt præscribi spatio longi temporis, id est, decem vel 20 annorum, ut expressè habetur § *Furtivæ*, Instit. de usucap. Habent enim ex dispositione juris vitium obsistens ordinariæ præscriptioni, ut patet Instit. loco citato. Quare fallitur Sotus, libro 4 de justitiâ, quest. 5, art. 4, post secundam conclusionem, ubi docet, latronis filium, si bonâ fide paternam hereditatem adivit, et toto tempore præscriptionis illâ fide possedit, esse tutum in conscientiâ, etiâsi postea innotescat fuisse aliena. Idem docet de emptore,

qui bonâ fide emit à latrone. Sed est apertè contra jus; hæres enim mali auctoris titulo hæredis nunquàm præscribit, ut ostensum est; emptor verò non præscribit tempore ordinario.

Nec obstat L. *Si aliena*, 10, π. de usucapionibus, quam Sotus pro se citat; nam ex eadem lege, in fine, constat rem furtivam non posse usucapi, ne à possessore quidem bonæ fidei. Adverte tamen, emptorem talis rei posse illam usucapere tempore longissimo, nempe triginta annis; ut communiter doctores docent, et colligitur ex L. *Sicut in rem*, 3, c. de præscriptione 30, vel 40 annorum, et L. *Si quis emptionis*, 8, § *Quod si*, c. eodem. Unde si breviarium emeris à fure, et 29 annis bonâ fide possederis, et tunc intelligas furto fuisse sublatum, non potes retinere, ut ait Silvest.; secus si 30 expleveris: quòd si ubi 20 annis possedisti, alteri tradas, potest ille uti accessione temporis tui, et ita præscribere 10 annis: 10 enim et 20 efficiunt triginta annos præscriptionis: idque semper fieri potest, quando alter alteri in possessione succedit: si tamen uterque poterat rem usucapere. Si enim prior non poterat usucapere, quòd malâ fide possideret, vel quia est hæres ejus, qui mala fide possidebat; non potes uti accessione temporis, quo ille rem possedit, sed debes ipse integrum tempus possidendo explere: ita habetur § *Diutina*, et seq. Instit. de usucap., et L. penult. et ult., π. de diversis temporibus præscript.

Idem dicendum de rebus vi possessis, cum aliquis alterum è possessione suâ vi dejiciens illam occupat, quamvis res litigiosa sit, aut ille suam esse putet: talis enim res, etsi bonâ fide ab illo invasore eam emeris, non potest usucapi, nisi 30 annis, secluso tempore quo ille eam possedit. Si tu illam alteri tradas, poterit ille uti accessione temporis quo tu illam possedisti, ut ante dictum est.

Petes quid si illa res vacabat possessore propter longam oblivionem domini absentis, aut negligentiam, aut mortem, et ab altero absque vi occupata fuit?

Resp. Illam rem posse usucapi per eum qui bonâ fide illam ab usurpatore emerit vel dono acceperit, tempore ordinario, nimirum decem annis inter præsentés, et viginti inter absentes, ut expressè habetur § *Quod autem*. Instit. de usucap., quia res illa nec est furtiva, nec vi possessa, ut ibidem dicitur. Sed hoc jus postea est correctum ab eodem Justiniano, Novellâ 119, ubi requirit 30 annos in emptore, et aliis qui à malæ fidei possessore perceperunt. Si, inquit, *verus rerum dominus ignorat, simul quòd eæ res ad ipsam pertineant, simul quòd alienatio intercesserit; jubemus ut non aliter quàm tricennii præscriptione excludatur, cum is qui res hoc modo possidet, dicere nequeat, quòd ipse bonâ fide possidebat, quando à malæ fidei possessore hæcce acceperit.*

DUBITATIO XIV.

Quantum temporis requiratur ut consuetudo præscribat contra legem.

45. Suppono ex dicendis 1-2 quæst. 79, consuetu-

dinem posse præscribere contra jus positivum, illudque tollere, et novam obligationem inducere: modò sit *rationabilis et legitime præscripta*, ut expressè definitur cap. ult. de consuetudine, ubi Greg. IX sic ait: *Licet longævæ consuetudinis non sit vilis auctoritas, non tamen est usque adeò valitura, ut vel juri positivo debeat præjudicium generare, nisi fuerit rationabilis, et legitime sit præscripta.*

Rationabilis dicitur, quæ lege statui potest, sive quæ justa censeretur et obligaret, si lege statuta esset. Eadem etiam est materia legis justæ et consuetudinis; nam consuetudo est tacita quædam lex, ut insinuat 1. 3, c. *Quæ sit longa consuet.* et ex eodem fonte profuit; unde etiam eandem vim habet. Quare sicut lex posterior tollit legem priorem, ita etiam consuetudo priorem legem tollere potest. Nec refert, etiamsi in lege dicatur, *non obstante ullâ consuetudine etiam immemorabili*; vel, *nullâ consuetudine in contrarium ullis unquàm futuris temporibus valiturâ*. Nam prior clausula intelligitur de consuetudine quæ viguit ante illam legem, quam ea lex, utpote posterior, abrogare potest, sicut et legem priorem. Altera loquitur quidem de consuetudine futurâ; sed intelligenda, durantibus circumstantiis cum quibus illa consuetudo tunc non videbatur rationabilis: illis tamen mutatis, et subortis aliis cum quibus consuetudo contraria incipit videri rationabilis, potest vim illius legis tollere, et novam inducere, ut passim doctores tradunt. Et Covar. lib. 3, Variarum, cap. 13, n. 4, ubi dicit hanc opinionem esse communem.

Sic consuetudine quædam festa et jejunia juris communis quibusdam locis abrogata, vel alia nova introducta. Sic decimæ multæ sublata; sic multa circa ritus sacramentorum consuetudine mutata. Denique idem locum habet in legibus irritantibus, et quibusdam inhabilitatibus ad officia, beneficia, vel etiam matrimonia, inducendis vel tollendis.

Nec obstat quòd sicut lex non potest habere vim absque consensu principis, ita nec consuetudo, quia sicut consuetudo est tacita quædam lex, ita etiam ad eam sufficit tacitus et generalis consensus principis, quo statuit ut consuetudo legitime præscripta vim legis obtineat, et jus positivum tollat. Similiter non obstat quod habetur L. 2, c. *Quæ sit longa consuetudo*, ubi dicitur: *Consuetudinis usisque longævi non vilis auctoritas est, verum non usque adeò sui valitura momento, ut aut rationem vincat aut legem.* Sensus enim est consuetudinem debere cedere rationi naturali; unde ut vim habeat, debere esse rationabilem, ut pontifex ad verba hujus legis respiciens ait similiter debere cedere legi supervenienti, quia per legem tolli potest. Hinc tamen non sequitur, quin possit legem priorem abrogare, si legitime fuerit præscripta, ut d. cap. fin. dicitur.

His positis, difficultas est quantum temporis ad hoc requiratur. Multi doctores putant requiri 10 annos, ut consuetudo legem civilem aboleat; 40, ut legem ecclesiasticam. Ita Panormit. in cap. ult. de consuetudinibus, num. 11; Angelus, v. *Consuetudo*, num. 8

et 9; Silvest. eodem verbo, num. 6; Navar. l. 1, consil. 1, tit. de consuet. Ratio est, quia ad introducendam consuetudinem jus civile requirit longum tempus, c. *Quæ sit longa consuetudo*, atqui longum tempus est tempus 10 annorum, c. de præscript. longi temporis; ergo contra legem civilem requiruntur decem anni.

Quod vero contra legem ecclesiasticam requirantur 40, videtur ex eo probari, quod contra Ecclesiam non procedat præscriptio, nisi quadraginta annis.

Sed distinguendum est: vel enim illa consuetudo viget sciente et tolerante principe; vel eo in particulari illam ignorante. Nunc

Dico primò: Si priore modo consuetudo se habeat, verius est non requiri certum tempus ut possit legem collere. Ratio est quia ut consuetudo tollat legem, solùm requiritur ut passim agatur contra legem, seu ut lex non servetur, quando occurrit servanda, sciente principe et non se opponente, ut docent passim theologi et canonistæ. Panormit. supra, Glossa in cap. 1 de treuga et pace, et alii: dum enim scit suam legem non servari, et silet, censetur consentire ut non servetur, ne repub. perturbetur, ac proinde censetur tollere obligationem legis; et hoc modo consuetudo dicitur tollere vim legis, nempe quia princeps permittens consuetudinem, implicite detrahit sue legi vim obligandi. Confir. quia consuetudo populi habentis principem non potest per se tollere vim legis quam princeps imposuit (cum singuli seorsim, et omnes simul ei subsint), sed hanc vim tantùm habere potest à consensu tacito, vel expresso principis: censetur autem tacitus consensus, dum consuetudini non se opponit, etiamsi id fiat metu difficultatum.

Hinc sequitur, sæpe fieri, ut paucis annis lex abrogetur per consuetudinem, etiamsi antè recepta fuerit, quia ut dicatur esse consuetudo contraria, sufficit bis terve contra actum esse, ut docet Silvest. vº *Consuetudo*, n. 6; Panormit. supra, et alii passim: quam consuetudinem si constaret principem scire et dissimulare, desineret lex obligare.

Nec obstat quòd jus civile ad consuetudinem requirat longum tempus. Primò, quia non omne longum tempus est decennii; tantùm enim in materia usucapionis ita definitur. Secundò, quia ut consuetudo tollat legem, non requiritur ut sit longior, quàm necesse est ut princeps censeatur eam permittere, et suo consensu approbare.

Dices: Cap. fin. de consuetud. dicitur, consuetudinem, ut tollat legem, debere esse *legitimè præscriptam*; sed ad præscriptionem requiritur certum tempus; ergo.

Respondeo hoc intelligendum de consuetudine quam princeps in particulari ignorat. Huic enim non censetur ita consentire, sicut illi quam novit, et spontè tolerat; quod enim quis ignorat, non potest in particulari approbare: solùm ergo huic consentit in genere, quatenus consentit in decretum, quo statuit consuetudinem legitimè præscriptam esse instar legis. Itaque requiritur certum tempus necessarium ad præscriptionem.

46. Dico secundò: Si consuetudo ignorante principe vigeat, ut censetur legitimè præscripta, ita ut possit legem tollere, requiruntur decem anni, quibus ea consuetudo bonà fide à subditis promiscuè sit servata, eosque probabile est etiam sufficere.

Decem annos requiri est communis sententia doctorum. Itemque contra legem civilem sufficere, probatur quia lex civilis longe consuetudini tribuit vim legis, eamque instar legis jubet servari, c. *Quæ sit longa consuetudo*, l. 1, 2, 3: atqui tempus 10 annorum eodem jure censetur tempus longum, et longam efficiens possessionem, ut patet c. de præscriptione longi temporis; ergo etiam longum usum et longam consuetudinem.

Quòd etiam 10 anni sufficiant contra legem canonicam nondùm receptam moribus utentium, docet Navar. lib. 5, consil. 18. de excommunic. consil. 8, et fusè probat Felinus in cap. 1, de treuga et pace, num. 15, pro eadem adducens multos doctores, nimirum Chald. Imolensem, Butrium, Zabbar, et Dominicum, etc., idem tenet Covar., lib. 2 Variar. cap. 16, num. 6, citans Jasonem in l. *Rem non novam*, § *Patroni*, c. de judiciis; sequitur Azorius, lib. 5, Instit. moral., cap. 4, quæst. 3, et alii recentiores. Ratio est, quia cum lex moribus utentium minimè recepta non obliget, ac proinde non sit in possessione, facilius inducitur et convalescit adversus eam consuetudo, quàm si jam recepta esset; quæ consuetudo ad hoc valet, ut non teneamur post decennium eam admittere, nisi princeps de novo eam constituat, eique novum vigorem tribuat; itaque opus est nova promulgatione: nam lapsu decennii, vis ejus est antiquata ante decennii lapsum, etsi non obligarentur subditi, cum non viderent illam receptam; tamen poterant compelli ad eam servandam etiam ab inferioribus principe. Ita doctores supradicti.

An verò decem anni sufficiant contra receptam, major est difficultas. Non videtur improbabile sufficere, primò, quia nusquàm jus aliquod distinguit inter legem ecclesiasticam et civilem hæc in parte: ergo si contra legem civilem sufficiunt decem anni, etiam contra ecclesiasticam.

Nec obstat quòd contra Ecclesiam non procedat præscriptio nisi annis 40, quia hoc intelligendum de bonis immobilibus, et juribus Ecclesie, quæ sunt instar bonorum immobilium; obligatio autem subditorum ad legem servandam non potest censi inter bona vel jura ecclesiastica: itaque illæ leges præscriptionum non sunt huc traducendæ. Secundò, si 10 anni sufficiunt ut princeps secularis censeatur tacito quodam consensu remittere vim suæ legis, cur non sufficiant principi ecclesiastico? præsertim cum ejus sit curare, ne subditi peccent, neve assiduè angantur scrupulis, qui ex hujusmodi interminatis obligationibus nasci solent. Itaque cum Ecclesia contrarium non expresserit, probabiliter existimari potest eam sequi, ut in aliis multis solet, juris civilis morem. Tutius tamen est sententiam communem amplecti. Porrò advertendum est, requiri, ut per illud tempus subditi

bonâ fide legem non servaverint, ita ut non servando non peccaverint : alioquin contra eam non præscribent, ut rectè Silvester et alii docent.

Dices : Si currente illo tempore non peccant, quomodo ergo possunt puniri propter legis violationem?

Resp. : Quia præsumuntur peccasse ; non enim præsumitur legum communium ignorantia, nisi probetur ; deinde quia hæc veluti conditione tacitâ conceditur jus præscriptionis, ut si intra illud tempus deprehensi fuerint agere contra legem, possint plecti, ut hæc ratione lex non exarmetur, dum adhuc vivit, sed habeat quo se possit tueri.

47. Dico tertio : Si consuetudo sit aliquo modo contra jus Ecclesiæ, requiruntur anni 40. Patet ex dictis dubit. 8.

DUBITATIO XV.

Quæ res non possint præscribi.

48. Notandum est quedam in jure dici non posse præscribi, seu usucapi, quia ordinario tempore non usucapiuntur ; sic ut res furtivæ, res vi possessæ, et res fisci, dicuntur non posse usucapi ; cum tamen possint, hæc 40, illæ 50 annis. Simili modo dicuntur non posse usucapi ea quorum alienatio est prohibita, ut feudi dotalis, majoratus, legati, fideicommissi : quæ tamen possunt præscribi tempore ordinario, ab eo qui bonâ fide illa possidebat, et jam usucapionem inchoaverat, antequam illa bona contraherent hæc onera seu obligationes reales. Ubi verò jam contraxerunt, non potest inchoari præscriptio ordinaria ab eo qui hæc accepit ab auctore malæ fidei (secus de eo qui accepit à tertio) ; benè tamen tricenaria, ut patet ex dictis dubitat. 11. Idem dicendum de bonis adventitiis filii familiaris, si pater ea alienet. Ubi enim coeperint esse bona ejus adventitia, non potest inchoari in illis præscriptio contra filium, quamdiu est sub potestate patris ; sed inchoabitur solum postquam desierit esse sub illâ, et ab illo tempore debet continuari per 30 annos, ob malam fidem ejus, qui alienavit. Vide L. 1, c. de bonis maternis, et Silvest. præscriptio 2, num. 3.

Pari modo dicuntur non posse præscribi, quæ alieno nomine possidentur, ut precarium, commodatum, conductum, pignus, res emphyteutica aut feudalis : nimirum ab eo qui hæc sub tali titulo possidet, aut ab ejus hærede, ut constat ex dictis dubit. 3, et insinuat generatim cap. *Si diligenti*, 17, de præscriptione, et L. *Cum notissimi*, 7 § *In his*, c. de præscript. 50 et 40 annorum : id expressè habetur de re emphyteutica et conductâ. Eadem est ratio rei feudalis, quia feudum et emphyteusis eodem ferè jure constant. Et L. *Nec creditores*, 10, c. de pignoratitia actione, idem dicitur de pignore. Azo tamen ad illam legem docet, hæredem longissimo tempore, nempe 30 annorum, posse pignoris proprietatem præscribere. Hæc tamen omnia possunt præscribi à successoribus particularibus, quibus titulo legati, donati, empti, etc., obtigerunt, ut constat ex dictis supra dubit. 15. Jus

tamen feudale et emphyteuticum quoad proprietatem potest præscribi contra dominum directum annis 50, ut habetur lib. 2 Feudorum, tit. 26, § 4 : *Si quis per 50 annos rem aliquam ut feudum possedit, et servitutem domino exhibuit, quavis eâ de re non sit investitus, præscriptione tamen 50 annorum se tueri potest*. Idem dicendum de jure emphyteutico, si uniformem pensionem toto illo tempore solvit. Cum titulo autem præscribitur hoc jus 40 annis inter præsentem, et 20 inter absentes, juxta ea quæ diximus supra n. 27.

Denique, quando jus commune vel præsumptio malæ fidei obstat præscribenti. Tunc enim res illa præscribi non potest ab illo, nisi spatio 40 annorum cum titulo, vel tempore immemorabili sine titulo, ut expressè habetur cap. de præscript. in 6, tam diuturna enim possessio habet vim tituli : nam facit justitiam præsumptionem, et excludit præsumptionem malæ fidei. Hoc modo dicitur non posse præscribi exemptio à jurisdictione ordinarii, quæ tamen 40 annis cum titulo, et tempore immemorabili sine titulo acquiritur, ut constat cap. *Cum personæ*, 7, de privilegiis, in 6. Simili modo decimæ et ecclesiæ unius diocesis dicuntur non posse præscribi ab episcopo alterius diocesis. Nam jure statutum est, ut omnes ecclesiæ sint in potestate episcopi in cujus territorio sunt sitæ, ut habetur cap. 10, *Omnes*, 16, quæst. 7. Possunt tamen, si possideantur 40 annis, cum titulo, vel tempore cujus initii memoria non exstet, sine titulo, ut patet ex d. cap. 1 de præscript. in 6.

Idem dicendum, primò, de jure patronatus, ad nominandum rectorem vel prælatum, qui jure communi erat eligendus à capitulo. Secundò, de immunitate à solvendis decimis : omnes enim jure communi solvere tenentur ; quia tamen interdum aliqui eximuntur, potest hæc exemptio præscriptione 40 annorum cum titulo, vel tempore immemorabili sine titulo acquiri : non tamen ita quin, si opus sit, ecclesia possit rursus obligationem solvendi imponere, quia jure nature populus tenetur ecclesiæ ministros alere, ut infra cap. 59, dub. 1, dicitur. Tertio de immunitate à contributionibus, aliisque publicis oneribus. Quarto, de potestate faciendi vel concedendi aliquid quod non nisi à principe summo fieri, aut concedi solet, ut ea quæ sunt meri et mixti imperii. Vide supra dub. 10 et 12.

Nullo autem modo præscribi possunt, primò, exemptio ab obedientiâ superioris, et alia de quibus dubit. 12. Secundò, res usibus publicis deputatæ, ut forum, via publica, pons : hæc nec in totum, nec in partem præscribi possunt. Tertio, jus decimarum percipiendarum à laico. Et quidem si de ipso primævo et fundamentali jure loquamur, nullo modo à laico præscribi potest, quia est spiritale, fundatum in ministerio sacro. Si autem de aliquo jure, quod ab illo primævo sit derivatum, ut est jus feudale, quo olim nimirum ante concilium Lateranense sub Alexandro III, circa annum Domini 1179, celebratum, laicis interdum decimæ solent concedi, dubium est an hoc

Jus aliquâ ratione post illud concilium possit præscribi. Covarr. lib. 4 Variarum, cap. 17, num. 5, negat, quia, inquit, non solum jus commune illis resistit, et male fidei præsumptio, sed etiam facti sunt incapaces per illius concilii decretum: quod habetur cap. *Quamvis*, 17, et cap. *Prohibemus*, 19 de decimis: quando autem est incapax, non habet locum præscriptio. Nihilominus, si cujus majores a tempore ejus initii non exstet memoria, tale jus possederent, præsumeretur habuisse ante concilium, nec opus esset alia tituli probatione, ut plurimâ doctores quos ipse Covar. citat et sequitur, docent. Quarto, limites provinciarum, episcopatum, et paræciarum: quod intellige, si de his constet, si autem non constet, præscribi possunt. Quinto, res indivisa communis pluribus, nullo tempore ab aliquo illorum præscribi potest, quia ille nomine aliorum possidet. Colligitur L. *Si communem*, 10, π . *Quemadmodum servitus amittitur*. Vide plura apud Silvest. Præscriptio secundo.

DUBITATIO XVI

Quando præscriptio dicatur non procedere, dormire, interrumpi.

49. Respondeo et dico primò: *Præscriptio dicitur non procedere*, quando ob aliquam causam non incipit, vel non potest incipere. Ita Covar. reg. *Possess.* § 12. Hoc fit potissimum ob 4 causas: Primò, si desit possessio civilis. Secundò, si desit titulus, non potest incipere præscriptio triennalis, decennalis, aut vicennalis: potest tamen tricennalis, ut dictum est dubit. 8. Tertiò, si desit bona fides. Quartò, si res non possit alienari, legi resistente, ut dictum est de fundo dotali, de bonis adventitiis filii-familias, de legato, fideicommisso, majoratu.

Dico secundò: *Præscriptio dicitur dormire*, quando jam inchoata aliquanto tempore cessat; ita tamen, ut illo exacto, rursus vim habeat, et continuetur cum tempore priore. Sic dicitur dormire primò, tempore belli, quando jus non dicitur, vel homines diffugiunt in aliud territorium; similiter tempore pestis. Secundò, quando ecclesia caret rectore, cessat contra ecclesiam. Tertiò, quando is contra quem præscribitur non potest agere, ut est filius-familias, pupillus durante ætate pupillari (nempe usque ad annum 14 exactum in mare; in feminâ usque ad 12 exactum), uxor vivente marito. Vide Silvest. præscriptio 1, num. 9.

Dico tertiò: *Præscriptio dicitur interrumpi*, quando inchoata cessat, ut si rursus reviviscat, non continuetur cum tempore priore, sed de novo debeat inchoari.

Hæc interruptio generatim fit dupliciter: primò, naturaliter, secundò, civiliter. *Naturaliter* interruptitur, quando incipit aliquid deesse, quod est necessarium ad naturam præscriptionis, ut possessio, vel bona fides. *Civiliter* interruptitur, quando per aliquem actum juridicum interpellatur, ut per litis contestationem, vel citationem, ut docet Covar. § 12, ex Panorm. et aliis. *Triennalis* usucapio non interruptitur litis contestatione. Si tamen is qui volebat ita usucapere, condemnatur, debet rem restituere: si non condemnatur,

maneatque in bonâ fide, expleto triennio illam rem restituit. *Decennalis* tamen, triennalis et vicennalis, interruptitur, litis contestatione factâ coram jure competente. Si tamen actor succubavit in litē, vel actor ipse de deserta, non interruptitur. Similiter si anno tantum interruptendi præscriptionem, actus moverit. His addo præscriptionem contra actorem fieri interrupti solâ citatione. De his plura apud Covar. et Silvest. sed parum utilia theologo.

DUBITATIO XVII.

Utrum qui legitimè præscripsit rem aliquam, si termino præscriptus clauso, constet fuisse alienam, teneatur eam restituere.

50. Multi existimant talem teneri ad restitutionem, nisi intercesserit negligentia domini in re suâ inquirendâ: ita Adrian in 4, q. 2 de Præscrip. p. 166; Joannes Med., c. de Restit. q. 18; ejusdem sent. videtur Scotus in 4, d. 15, q. 2, § de secundo: nam eodem fundamento nititur; et Gabr. ibid. q. 14, a. 1, in fine, et alii nonnulli: fundamentum hujus sententiæ est, quòd leges præscriptionis videantur solum vel potissimum institutæ in pœnam negligentie domini; ubi ergo negligentia non intervenerit, ibi locum non habere; quare is qui usucepit, vel præscripsit, ad restitutionem obstrictus erit, ubi constiterit nullam negligentiam intercessisse. Sed contrarium est verius.

Unde dico primò, non solum quando domini prioris intercessit negligentia, sed etiam quando constat nullam intercessisse, res legitimè præscriptæ transeunt in dominium novi possessoris, ita ut non teneatur eas restituere, nisi prior dominus per judicem restituatur in integrum. Ita Covar. ad reg. *Possessor*, p. 5, § 2, n. 5, ubi multos alios refert, et Sotus, lib. 4 de Justitiâ, q. 5, a. 4, et passim doctores.

Probatur, quia L. 3, π . de usucapionibus, definitur *usucapio esse domini acquisitio per continuationem temporis lege definiti*; ergo transacto illo tempore, non tenetur is, qui usucepit, ad restitutionem; cum dominium acquisierit. Secundò, leges præscriptionis nunquam meminerunt, eam statui in pœnam negligentie dominorum: sed ob bonum publicum, nam L. 1, π . de usucapionibus, dicitur: *Bono publico introducta est usucapio, ne diu et fere semper incerta essent rerum dominia*; et L. ultima, π . *Pro suo, concessa dicitur ut aliquando litium esset finis*. Similiter canones indistinctè et absque restrictione negligentie, approbant præscriptiones bonæ fidei; atqui princeps per suas leges potest privare subdium re suâ, etiam absque ejus culpa, si ratio boni communis ita postulat; ergo cum ratio boni id exigit (nempe ne semper incerta sint dominia, et ne infinita quedam litium seges suboriantur), non est dubitandum quin hisce legibus dominium transferatur.

Tertiò, quia lege pœnali non amittitur dominium ante sententiam; atqui præscriptio simul atque peracta est, dominium admittit, et in novum possessorem omnino transfert: ergo leges præscriptionis non sunt pœnales duntaxat, punientes dominorum negligentiam.

Confirm. quia ista negligentia rei suæ, non est nisi venialis, quæ non meretur oblatione rerum puniri. Unde Adrian. requirit in eâ culpam mortalem; sed hæc vel nunquam vel rarissimè accidit; et ita ferè nunquam præscriptio habebit effectum.

Denique non potest sciri quanta negligentia à domino priore sit commissæ: itaque hæc res tota erit plena scrupulis, et inutilis ad praxim.

51. Dico secundò: Præscriptio non solum transfert dominium utile, sed etiam directum, idque tam in bonis immobilibus, quàm in mobilibus. Ita Covar. supra § 1, in fine, et passim theologi. Leges enim et canones indistinctè loquuntur de dominio, nec restringunt ad dominium utile, ut patet cap. 3, 4, 6, de præscript., et ex cap. Clerici, 26, q. 3, ubi dominium acquisitum per præscriptionem vocatur *proprietas*. Denique ex c. *Placuit*, 1 et 2, 16, q. 3. Idem colligi potest ex legibus citatis, et ex toto tit. c. de præscript. 30 annorum. Fundamentum jurisperitorum, qui contrarium tenent in bonis immobilibus, falsum esse ostendit Covar. supra § 1, num. 1.

Objicitur primò: Nemo sine culpâ debet privari re suâ; ergo debet intercessisse culpa.

Resp.: Antecedens verum est, nisi ratio boni communis aliud postulet, ut fit in proposito.

Objicitur secundò: Fundamentum præscriptionis est bona fides; ergo postquàm constiterit rem fuisse alterius, subvertitur præscriptio, quia subvertitur ejus fundamentum.

Resp. non subverti bonam fidem ex eo quòd peractâ præscriptione constet rem fuisse alienam, quia tunc verè potest judicare rem esse suam, quamvis antea alterius fuerit.

Objicitur tertio: Cui res est adjudicata per sententiam nitentem falsâ præsumptione, tenetur ad restitutionem: atqui leges præscriptionis nituntur falsâ præsumptione: ergo is cui res est adjudicata per talem legem, tenetur ad restitutionem.

Resp. primo, negando consequ., quia iudex per sententiam non intendit transferre dominium, sed solum declarare utrius sit; unde si fundamentum est falsum, quo sententia nititur, ipsa quoque corrui, nec est servanda in conscientiâ. At verò princeps per legem præscriptionis intendit transferre dominium absolutè; et quamvis fortè falsâ præsumptione ex parte nitatur,

tamen justam causam habet ita statuendi absolutè.

Secundò respondeo: Neg. minor., quia verum non est leges præscriptionis potissimum præsumptione negligentia nixas esse, ut ex dictis constat.

DUBITATIO XVIII.

Quibusnam adversus præscriptionem restitutio in integrum concedatur.


52. Notandum est *restitutionem in integrum* esse quoddam remedium, quod, finitâ præscriptione, relinquatur priori domino, qui rem suam amisit, nempe ut auctoritate judicis possit restitui in dominium et possessionem rei amissæ.

Quo posito, respondeo hoc remedium concedi, primò minoribus ætate, id est, qui nondum 25 annos expleverunt; secundò, piis locis et ecclesiis, etiamsi præscriptio sit 40 annorum. Ita docent Glossa et doctores in auth. *Quas action.*, c. de sacros. Eccles. verb. *Excluduntur*; estque communis opinio, teste Panorm. in cap. 1 de præscrip. et in cap. *Auditis*, eodem. Ecclesiæ enim concessum est privilegium minorum, estque instar minoris, vel etiam pupilli; ut tradunt doctores in cap. 1 et 2 de restit. in integrum lib. 6, quibus locis etiam expressè ecclesiis hoc beneficium restitutionis conceditur. Ubi adverte ecclesiis et minoribus hoc concedi, quamvis ipsis scientibus et resistere valentibus præscriptio facta sit, ut docet Covar. ad reg. *Possessor*, p. 3, § 3, n. 3, quia ratione fragilis ætatis id concessum minoribus, quorum privilegium extenditur ad ecclesiam et alia pia loca; conceditur verò per quatuor annos postquàm sciverint completam contra se præscriptionem. L. fin. c. de tem. in integrum restit. Tertiò, majoribus ætate conceditur in præscriptione 10 et 20 annorum, modò tamen probent, cum justâ et probabili ignorantia suâ, aut omninò sine suâ negligentia præscriptionem fuisse peractam. L. 4, § fin. π. *Ex quibus causis major*. Abbas et Felinus in cap. *Vigilanti*, de præscript., et alii, estque sententia communis, teste Covar. supra n. 1. Habent et hi quatuor annos postquàm sciverint completam præscriptionem. In præscriptione autem 30 et 40 annorum non conceditur majoribus restitutio, juxta Covar. n. 1, quamvis alii aliter sentiant: minoribus autem conceditur. Sed hæc ad forum externum pertinent. Vide infra cap. 17, dubitatione 9.

Sectio secunda.

DE INJURIIS ET DAMNIS

IN OMNIBUS HUMANORUM BONORUM GENERIBUS, ET NECESSARIA RESTITUTIONE.



Explicuimus superiori sectione, per sex capita, quid *justitia*, quid *jus*, quænam ejus species, et inprimis quid *dominium*, quibus et in quæ competat, quibusve modis comparetur. Sequitur nunc ut tractemus de *injuriis* et

damnis quibus justitia et jus violatur, et restitutione, quæ est principalis actus justitiæ commutativæ, per quem jus violatum instauratur.

Primum igitur dicemus de injuriâ et restitutione in genere. 2. de injuriâ in bonis spiritualibus. 3. de injuriâ in corpus proximi per homicidium vel mutilationem; 4. de injuriâ in corpus proximi per adulterium et stuprum; 5. de injuriis famæ et honoris per detractionem et contumeliam, 6. de injuriis fortunarum per fortum, rapinam, damnum illatum; 7. de cooperantibus ad hæc; 8. de restitutione ratione rei acceptæ, 9. de ordine servando in restitutione, deque ejus expensis; 10. de excusantibus à restitutione.

CAPUT VII.

DE INJURIA ET RESTITUTIONE IN GENERE.

(Habet 10 dubitationes.)

DUBITATIO PRIMA.

Quid sit injustitia et injuria. D. Thomas, q. 59.

1. Notandum est, sicut nomen *justitiæ* dupliciter accipitur (ut supra cap. 1, dub. 1, ostensum est): primo, pro omni virtute, quatenus est quedam legis obedientia; secundò, pro virtute particulari, quæ constituit æqualitatem in commutationibus et distributionibus: ita etiam nomen *injustitiæ* dupliciter accipitur, ut expressè docet Aristoteles 5 Ethic. cap. 1, primo pro omni legis violatione, quam ipse *ἀδικία* vocat, nos iniquitatem. Hoc modo omne peccatum est *injustitia* quedam, quia est violatio æqualitatis seu conformitatis debitæ legi vel præcepto superioris. Hinc peccatum definitur, *celestium inobedientia mandatorum, et divini prævaricatio præcepti*. Unde passim in Scripturis omne peccatum vocatur *injustitia*, et peccatores *injusti*, Joannis 7. *Injustitia in illo non est*, ad Rom. 1. *Revelatur enim ira Dei super omnem impietatem et injustitiam hominum eorum qui veritatem Dei in injustitiâ detinent*, Ezech. 18, et alibi. Similiter omne peccatum vocatur *iniquitas*, seu *ἀνομία*. E contrario omne opus bonum vocatur *justitia*.

2. Hinc patet hanc rationem *injustitiæ* esse generalem et communem omni peccato, sicut esse contra charitatem; neque videri distinguî à ratione generali inobedientiæ, quia hæc *injustitia* consistit in hoc quòd conformitas legi debitæ violatur, quæ violatio nihil est aliud quàm legi inobedientia.

3. Itaque peccatum non contrahit aliquam specialem pravitatem ex hac malitiâ (quia generalis est, essentialiter omni peccato conveniens), nisi ipsa in illo peccato speciali modo sit volita, ut cum quis ex contemptu legis peccat, quod fit, quando quis directè vult legem violare, ut ostendat se eam nihili pendere; generalis enim conditio objecti non potest specialem malitiam tribuere actui voluntatis, nisi speciali modo sit volita, quia malitia formalis in actu voluntatis sumi debet ex ordine quem habet ad malitiam objectivam, quæ cernitur in objecto volito, ut ostensum est 1-2, quest. 18, art. 1.

4. Secundo modo accipitur *injustitia* ut opponitur justitiæ particulari; idque vel ut actus, vel ut habitus. Si ut actus, sic nihil est aliud, quàm alieni juris violentia; neque differt ab *injuriâ*. Sicut enim actu justitiæ cuique jus suum tribuitur, ita injustitiæ hoc jus violatur: in quâ violatione sita est *injurie* ratio. Si verò

accipitur ut habitus, habitui justitiæ oppositus, sic nihil est aliud, quàm prava voluntatis dispositio ex injustis actibus orta, et ad similes inclinans. Quamquam si theologicè magis quàm philosophicè loquamur, *habitualis injustitia* non tantum consistit in prava dispositione reali, sed etiam morali et imputativâ: quod ut intelligatur.

5. Notandum, duplici modo fieri alteri injuriam, *commissione* et *omissione*, neque minus omissione reddi hominem injustum, quàm commissione. Omissio nuda non relinquit in voluntate aliquam dispositionem realem; relinquit tamen hominem injustum habitualiter, donec restituat, vel satisfaciât. En habitualement injustitiam sine reali dispositione voluntatis. Et quamvis rarò fiat, ut quis debitum officium omitat absque positivâ voluntatis complacentiâ et assensu, tamen fieri potest, et interdum fortassè fit. Idem in aliis vitiis locum habet, ubi omissione peccatur; remanet enim homo habitualiter vitiosus, absque reali habitu. Idem quoque locum haberet in virtutibus et omnibus vitiis, si ex actu nihil reale relinqueretur: morale enim illud et imputativum ex actu relictum, sufficeret ad denominandum hominem justum vel injustum, temperantem vel intemperantem. Sed de hoc plura 1-2, quest. 49, art. 1.

6. Hinc patet, *injustitiam habitualement* generatim non tantum consistere in reali dispositione, sed etiam in morali, seu imputativâ, quatenus complacentia interpretativa omissionis, per quam illa ommissio fuit voluntaria, censetur manere secundum moralem estimationem, et imputatur ut præsens, donec fiat restitutio.

DUBITATIO II.

Utrum aliquis dicatur injustus, eo ipso quòd faciat aliquid injustum.

D. Thom., art. 2.

7. Respondeo, et dico primò: qui sciens aliquid esse *injustum*, spontè illud facit, eo ipso est *injustus*. Probatur: qui vult libere id quod novit esse injustum, censetur etiam velle ipsam injustitiam et inæqualitatem annexam; ac proinde meritò dicitur injustus. D. Thomas dicit talem intendere formaliter injustum, quia intendit id, quod scit esse injustum; et ita intentio fit formaliter injusta, quamvis ipsam injustitiam per se non intendat.

8. Dico secundò: Qui ignorantia inculpata nescit esse injustum, vel si scit, non consentit in opus, sed vi externâ impulsus facit, non est dicendus injustus. Ratio est, quia malitia annexa operi, nullo modo est

volita, ac proinde non potest ipsius voluntatem contaminare.

Dico tertio : Si ignorantia sit culpabilis, vel vis extrinseca, aut passio, quâ incitatur, talis sit, ut ei possit resisti, verè erit injustus, si faciat opus injustum, licet minus, quàm si sciens et volens. Ratio est, quia hæc non impediunt quin ille absolutè censeatur velle et voluntariè facere quod injustum est, ut ostensum est 1-2, q. 6, a. 7 et 8.

9. Notandum tamen, Aristotelem, lib. 5 Ethic., cap. 8, ubi hanc quæstionem tractat, docere eum qui ex ignorantia vel passione quippiam injustum designat, non esse dicendum injustum, quia non operatur injustè, id est, ex habitu et affectu directè inclinante ad id quod injustum est, sed solùm per accidens et indirectè. Verùm hoc intelligendum est, non tam perfectè dici injustum, quàm eum qui sciens et suâ sponte facit: alioqui talis absolutè est injustus; indirectè enim voluntarium in peccatis, recidit in speciem voluntarii directi, ut constat ex 1-2, q. 6.

10. Notandum secundo, circa respons. D. Thomæ ad 5, dùm quis per ignorantiam inculpatam facit opus injustum, hoc opus non dici formaliter *injustum*, quia non procedit à voluntate (quæ in moralibus est instar formæ) injustà; dicitur tamen injustum materialiter, quia constituit veram inæqualitatem rei ad rem. Idem videtur dicendum de reliquorum vitiorum operibus: qui enim accedit ad non suam per ignorantiam, ut Jacob, vel plus comedit quàm natura postulet, facit opus materialiter intemperatum (quamvis formaliter, ut subest voluntatis affectui, possit esse temperatum); etsi enim non incongruens sit homini tale dictamen ex errore inculpatò habenti, tamen est ei incongruens secundùm se et absque illo errore considerato. Et ita quamvis ratio intemperati non conveniat illi operi in ordine ad actuale dictamen, convenit tamen ei in ordine ad naturam rationalem absolutè consideratam.

DUBITATIO III.

Utrum aliquis possit pati injustum volens.

[(D. Thom. art. 3.)]

11. Respondeo, et dico primò: Sicut nemo potest facere *injustum* propriè vel injuriam, nisi volens, ita nemo potest propriè pati injuriam, nisi nolens; ita D. Thomas, art. 3, ex Aristotele, 5 Ethic., cap. 9 et 11.

Prior pars patet, quia injustum formaliter et injuria includunt rationem voluntarii; hinc fit ut amens, et brutum non faciat injuriam, etsi lædat: sufficit autem sive directè, sive interpretativè sit voluntarium.

12. Altera pars probatur, quia nemo potest pati injuriam, nisi jus ejus violetur: non potest autem violari jus alterius, nisi ipso nolente, vel expressè, si sciatur, vel implicite, si nesciat; et ita sit affectus, ut, si sciret, expressè nollet. Cujus ratio est, quia si velit, vel certè positivè permittat se lèdi, jam cedit jure suo, illudque abdicat, vel certè in arbitrio lædenti ponit: ac proinde, etsi ipse lædatur, jus tamen ipsius (quà ipsius est) non violatur; sicut si concedam tibi ut vestem meam auferas, pono dominium rei meæ in

tuo arbitrio, unde si auferas, non violas jus meum.

Dixi, quâ ipsius est; quia etsi non violetur præcisè quâ ipsius est, potest tamen violari quatenus ad alium pertinet. Servus enim habet jus ut non spoliatur rebus suis invito; et dominus habet jus ut idem non spoliatur etiam volens. Unde qui spoliatur servum consentientem, etsi non faciat injuriam servo, facit tamen injuriam domino; similiter qui vastat vineam custode consentiente. Idem usuvenit quotiescumque alter alteri ita subditus aut connexus est, ut jura eorum inter se connexionem aut dependentiam habeant. Sic qui seipsum interficit, etsi non facit propriè injuriam sibi, facit tamen injuriam reipublicæ cujus ipse est pars, et etiam Deo (juxta D. Thomam) qui solus vitæ humanæ est dominus. Unde tales peccant contra præceptum: *Non occides*; et poenâ homicidii, si fieri posset, plectendi essent: et post mortem in tanti criminis poenam non minore ignominia afficiuntur. De quo vide Julium Clarum, lib. 5, recept. opinio. § fin, num. 57. Sed de hoc plura infra, cap. 9, dubitat. 6. Pari modo qui alium volentem interficit, non facit quidem illi propriè injuriam (volendo enim occidi, cedit jure suo, ac proinde interfecto non tenetur hæredibus ad ullam restitutionem), facit tamen injuriam reipub. et Deo, et peccat contra justitiam legalem. Unde David punivit Amalechitem tanquàm homicidam, qui se occidisse Sautem volentem dicebat, 2. Reg. 1. Idem dicendum; quando conjux consentiente conjuge adulterium committit. Non enim facit propriè injuriam consentienti, sed peccat contra matrimonii legem.

Notandum tamen est, non censi quempiam cedere jure suo, si aliquo modo involuntariè, et renitente affectu consensit, inductus ab eo qui læsurus est. Sicut enim donatio debet omninò esse libera, ita etiam cessio juris, quæ tollit injuriam. Unde qui solvit usuras, non cedit jure suo: quia non cupit ut usurarius has exigat, nec intendit se ullo jure privare, aut donare; sed solvit, quia aliter pecuniam obtinere nequit. Ex his patet intelligentia illius regulæ, quæ est 27, inter reg. Juris in 6: *Scienti et consentienti non fit injuria, neque dolus*.

13. Adverte tamen, quosdam doctores hanc regulam et ea quæ dicta sunt, limitare ad ea, in quibus jure nostro cedere possumus, ut in famâ, honore, et aliis bonis externis, quorum sumus domini. In his enim scienti et volenti non fieri injuriam: quia cum hæc subsint nostræ dispositioni, hoc ipso, quo volumus his spoliari, jure nostro nos privamus, et illud in alterius collocamus arbitrio; secus esse in aliis, quorum non sumus domini, sed custodes duntaxat: ut in vitâ, et membrorum integritate, in conjuge, in proli-bus, et similibus, in quibus jure nostro cedere non possumus. In his enim propriè fieri injuriam ei, cui ipsa commissa sunt, vel obnoxia, si perimantur, vel lædantur, etsi id ipso volente fit. Ratio est, quia cessio juris sit invalida, totum jus permanet in suo vigore: ac proinde si contra illud fiat, peccatur contra justitiam, et fit verè et propriè injuria, quamvis con-

sentienti. Unde inferunt eum qui interficit Titium volentem, facere ei proprie injuriam, quia Titius non poterat jure illo cedere: similiter cum quis adulterium committit cum uxore Titii ipso Titio consentiente. Alii dicunt, non fieri in istis proprie injuriam personæ, sed naturæ, vel statui.

Verum ad quod diximus est magis consentaneum nostro modo loquendi; nemo enim, qui volens in corpore lesus fuerit ab aliquo, vel conjugem alteri violenter dederit, dicit sibi injuriam factam, aut de injuria conqueri potest. Deinde est ipsa doctrina Aristotelis lib. 5 Eth. cap. 9, ubi ostendit neminem sponte pati injuriam, etiamsi possit sponte ladi, et damna affici: quia ad aliud requiritur ut invitus patiatur. Neque id intelligit solum in his, quæ subsunt nostræ dispositioni, ut in fama et divitiis, sed etiam in aliis in quibus jure nostro cedere non possumus, ut in vitâ et membris: quod ex initio capitis constat, ubi ex Euripide adducit exemplum ejus qui matrem volentem et rogantem interfecit. Confirmatur, nam ideo nemo sibi ipsi injuriam facere, aut a se injuriam accipere potest, quia non potest a se invitus pati: non enim fieri potest, ut si quis sibi damnum velit inferre, et simul nolit illud à se pati. Idem docet D. Thom. art. 5, q. 59. Confirmatur secundo, quia qui violat filiam consentiente parente, non facit parenti injuriam; et qui furatur à pupillo consentiente tutore, non facit tutori injuriam: et tamen isti jure suo cedere non possunt; ergo ad formalem injuriam non sufficit quod quis jure suo non possit cedere.

Nec obstat quod quis in illis jure suo cedere non possit, ac proinde jus illud, quod habet ut in illis non ledatur, permaneat, quia non permanet sub ratione formali juris justitiæ, sed solum materialiter, cum ipse nolit eo uti, eoque quantum in se est, cedat. Unde non censetur injuria in illum nisi materialiter, sicut enim potest esse injuria materialis ex parte irrogantis, ita etiam ex parte ejus cui irrogatur.

14. Dico secundò: Fieri potest ut quis ex parte sua injuriam inferat, et tamen alter propriè injuriam non patiatur: et è contrario fieri potest ut quis injuriam vel potius injustum patiatur, et alter propriè injuriam non inferat; ita D. Thom. ad 3, ex Aristotele supra. Prioris exemplum est, si detrahas famam alterius, ut illi noceas, et ille cedat jure suo optans haberi infamis propter Christum; posterioris est, si per ignorantiam vendas alteri rem vitiosam, quam ille putet esse probam.

Dices: Ego Christus et sancti propriè non sunt passi injuriam, cum libenter passi sint, et pati desideraverint.

Resp.: Nego consequ., quia, ut quis dicatur non pati injuriam, non satis est quòd ob aliquam causam libenter patiatur, seu quòd gaudeat illo malo, sed oportet ut etiam cupiat illud sibi à tali irrogari, cedendo, quantum in se est, jure suo: alioquin retinet actionem injuriarum in illum; et ille tenetur ad restitutionem, vel satisfactionem. Christus autem et sancti non cupiebant sibi ab impiis illa mala irrogari, nec illis ad

hoc ullum jus vel auctoritatem tribuebant, sed solum permissive se habebant non repugnando, et se non subrahendo illorum potestati, ut sis eorum malitiâ ad majus bonum uterentur. Unde retinent actionem injuriarum in illos coram tribunali divino, ut patet Sapientie 5: *Stabant justi in magnâ constantiâ adversus eos qui se cruciaverunt.*

DUBITATIO IV.

(Quid sit restitutio, et ejus virtutis actus.)

D. Thom. q. 62, a. 4.

15. Notandum est *restitutionem* propriè significare positionem rei in pristinum statum; et quia, dum res ablata redditur, in priorem statum reponitur, ideo significat *redditionem rei ablatae, sive jure, sive injuriâ ablata sit*; quod aliter Latinis dicitur *redhibitio*, et redhibere. Sic depositum et commodatum dicitur restitui, et etiam mutuum; quia saltem secundum speciem est idem. Eruptor verò pretium numerans non dicitur *restituere*, sed *solvere*: et qui damnum intulit, *compensat*, non *restituit*.

Apud theologos tamen hoc nomen accipitur generalitèr, ut etiam comprehendat omnem illati damni compensationem; et sic nihil est aliud quàm *rei acceptæ redditio*, vel *damni illati compensatio*. Hoc modo qui damnum intulit, dicitur facere restitutionem, dum illud compensat, et æquivalens rependit; posset etiam hoc modo emptor solvens pretium dici facere restitutionem, quia reddit rem in æquivalenti, quamvis non ita usitatè.

16. Hinc patet restitutionem esse opus externum justitiæ commutativæ, quia hujus virtutis est constituere æqualitatem inter datum et acceptum, inter damnum et compensationem; quod fit restitutione.

Nec obstat quòd etiam error, contra justitiam distributivam commissus, sarcietur restitutione, et ita videatur etiam esse opus justitiæ distributive, quia sæpè in actu distributionis continetur debitum justitiæ commutativæ, quod debitum violator pravæ distributionis: sicque non est mirum, si opere justitiæ commutativæ instaurari debeat, ut ostensum est, c. 1, dub. 4.

17. Potes, quò modo differt restitutio a solutione et satisfactione?

Respondet: A *solutione* differt, quòd non omnis solutio propriè sit restitutio, nec contra; dicimur enim *solvere* quod ex voto, juramento, charitate aut misericordiâ debitum est (nam et ex his virtutibus debitum et obligatio aliquid dandi in proximum nascitur); non tamen propriè dicimur *restituere*, aut facere restitutionem; et è contrario, qui reddit depositum, restituit, non tamen solvit. *Restitutio* enim postulat ut res quodamodò sit eadem vel in se, vel in æquivalenti: *solutio*, ut sit diversa.

18. A *satisfactione* verò, primò, quòd satisfactio sit quiddam generalius: omnis enim restitutio est satisfactio, non contra. Secundò, quòd satisfactio respiciat personam, dum præstat id quod alteri satis est,

etsi non sit æquivalens debito; restitutio autem respicit rem, dum præstat æquivalens, vel rem ipsam exhibet. Tertiò, satisfactio propriè fit pro injuriâ illatâ, et honore violato, quamvis nihil damni illatum sit; restitutio verò propriè ubi damnum illatum, vel res alterius ablata. Sic Deo satisfacimus, cui tamen nihil propriè restituere possumus, cum omnia perfectissimè sint ipsius. Quartò, satisfactio fit etiam pro damno irreparabili, restitutio solùm pro reparabili.

DUBITATIO V.

Ex quibus capitibus generatim nascatur obligatio restitutionis.

19. Respondeo, eam ex duplici capite nasci, nempe ex *injustâ acceptione*, vel ex *re acceptâ* sive justè, sive injustè; colligitur ex D. Thom., q. 62, a. 6 et 7; docet Cajet. ibidem, et Covar. ad reg. Peccatum, 2 p., in principio.

Per *injustam acceptionem* intelligo non solùm furtum, sed etiam damnum quodvis per homicidium, adulterium, stuprum, furtum, infamiam, sive alio modo iniquè illatum; quicumque enim alteri damnum infert, aufert aliquid ab eo; et sic dicitur teneri ratione injustæ acceptionis.

Per *rem acceptam* intelligo non solùm eam quæ à domino ablata est, ut equus, vestis, pecunia, sed etiam eam quæ ex justitiâ alteri debita est, et apud me retinetur, ut legatum alteri, aut venditum, quod apud me est.

Quòd autem ex priori capite nascatur obligatio restitutionis, probatur, quia qui damnum intulit, violavit æqualitatem quam poscit justitiâ commutativa: ergo ut æqualitatem illam sarciat, tenetur lege justitiæ ad restitutionem, etiamsi nihil emolumenti acceperit.

Quòd etiam ex secundo capite, patet, quia qui habet rem alterius, etsi nullam injuriam intulerit, habet tamen plus quàm suum; et verus dominus tantundem habet minùs quàm suum. Unde ut fiat æqualitas justitiæ, per quam cuique tribuitur suum, debet domino restitui. Vide D. Th. art. 6 et 7, q. 62, quamvis hæc duo capita paulò aliter explicet; sed res est eadem.

Dices: Qui obligatur ex stipulatione, non tenetur ex altero horum capitum: ergo hæc non sufficiunt.

20. Responderi potest, talem non propriè teneri ad restitutionem, sed ad solutionem. Si tamen nomen restitutionis generatim accipiat pro omni redditione, quâ res ex justitiâ debita redditur in seipsâ vel in æquivalenti, sic assignanda sunt tria capita omnis restitutionis. Primum, ex *injustâ acceptione*, seu damno illato. Secundum, ex *re acceptâ* justè vel injustè. Tertium, ex *contractu*. Nam mutuum et pretium rei emptæ, et similia, non debentur propriè ratione rei acceptæ (nam fieri potest ut hæc non extet), sed ex contractu.

21. Notandum est, inter hæc capita esse magnum discrimen; quando enim aliquid debetur ex injustâ ac-

ceptione, vel ex contractu, manet obligatio restitutionis, etiamsi res debita pereat, sine nostrâ culpâ: quando verò debetur tantùm ratione rei acceptæ, non manet obligatio, re absque culpâ nostrâ pereunte, ut patet in deposito.

Ex his plurima possunt deduci, ut patebit ex sequentibus.

DUBITATIO VI.

Utrum nascatur obligatio restitutionis ex damno dato absque culpâ, vel per culpam levem extra officium et contractum.

22. Notandum primò, tripliciter fieri posse ut damnum alteri culpâ meâ obveniat: Primò, si tenear ex officio impedire, et negligam. Secundò, si ex contractu. Tertiò, extra officium et contractum, de quo modo hic agimus.

Notandum secundò ex Adriano in 4, de Restitut., § Utrum in foro animæ, culpam aliter accipi apud jurisperitos, aliter apud theologos. Apud theologos enim culpa idem est, quod peccatum, sive mortiferum, sive veniale; apud jurisperitos verò est idem, quod omisio alienius diligentiae, unde sequitur aliquod incommodum. Dividunt autem culpam in latam, latiore, latissimam, levem et levissimam.

23. Culpâ latissima est dolus apertus; latior est dolus præsumptus. Est autem dolus quævis calliditas, fallacia et machinatio ad circumveniendum, fallendum et decipiendum adhibita. Calliditas fit tacendo, fallacia mentiando, machinatio arte verborum; ita tradit Glossa π. de dolo, l. 1. Sequuntur passim doctores.

Culpâ lata est omisio ejus diligentiae et circumspectionis, quam passim homines ejusdem conditionis adhibere solent: ut si quis librum commodatum relinquat foris ante ostium.

Culpâ levis est omisio ejus diligentiae et circumspectionis, quam solent diligentiores illius artis vel professionis adhibere.

Culpâ levissima est omisio diligentiae, quam diligentissimi et prudentissimi adhibent. Vide Navarrum cap. 17, n. 177 et sequentibus, et Silv. verbo Culpâ, in principio.

Illis positis, Angelus, verbo Culpâ, n. 6, sentit, ex quâvis culpâ, etiam levissimâ, nasci obligationem restitutionis; idem tenet Adrianus supra: probant ex quibusdam canonibus: sed contraria sententia est tenenda; pro quâ.

24. Dico primò: Quando non intercessit aliquis contractus, non oritur obligatio restitutionis ratione damni dati (saltem in foro conscientiae) nisi ex culpâ latâ, non autem ex levi, vel levissimâ; ita communiter DD., ut fatetur Angelus; Innocentius in cap. Sicut dignum, de homicidio; Gabr. in 4, d. 15, q. 14, art. 3, dubit. 2; Silv. verbo Culpâ, n. 6, ubi citat Panor. et alios. et verbo Restitutio, secundò, § 12 et 17; Sotus lib. 4, de Justitiâ, q. 7, art. 2, et lib. 5, q. 1, a. 9.

Probat primò, quia nemo tenetur adhibere majorem diligentiam in suis operibus, ne alteri noceat, quàm ejusdem conditionis homines passim in simili-

bus adhibere solent: nemo enim tenetur esse prudentior et circumspicietor hominibus sine sortis. Ergo damnum eveniens non debet illi imputari, sed censetur involuntarium.

Secundo, talis neque tenetur ratione contractus (sicut tenetur, qui ignorans vendidit rem vitiosam) neque ratione rei acceptæ, cum ea non exstet: neque etiam ratione injuste acceptionis, cum sine omni peccato damnum sit secutum, nemo enim tenetur ratione injuste acceptionis, nisi quando in eâ est peccatum (alioquin teneretur quis ex casu fortuito et præstitâ summa diligentia; quod tamen nemo dixerit) ergo cum hic non fuerit peccatum, non tenetur. Quod autem ratione culpe levis vel levissimæ non interveni- rit peccatum, patet, quia non tenebatur diligentiam et circumspeditionem adhibere, quam prudentiores et prudentissimæ solent adhibere, sed solum eam quam prudentes: ergo hanc adhibendo et illam omitendo, non peccavit.

Teneri vero ex culpa latâ, constat, quia quisque in actionibus periculosis tenetur præstare diligentiam quam homines ejusdem conditionis communiter præstare solent: ergo si hanc non adhibuerit, censetur damnum illi voluntarium, quia non fecit quod petuit et debuit, ut constat ex dictis 1-2, q. 6, a. 5.

25. Notandum est quosdam limitare hanc propositionem hoc modo: Non teneri ex culpa levi, etc., nisi quis adverterit damnum secuturum, vel illud intenderit. Sed si quis hec consideret, non est necessaria hæc limitatio, quia qui advertit ex sua actione secutum damnum, tenetur majorem diligentiam adhibere: nam quisvis prudens tunc eam adhiberet. Ut autem quis intendat damnum inferre per eam actionem, cui adhibet sufficientem circumspeditionem, vix unquam contingit; si enim facit aliquid ut noceat, quomodo adhibet sufficientem circumspeditionem ne noceat? Fieri tamen absolutè potest: ut si quis diligenti consideratione adhibita, quam prudens adhiberet, putet esse feram, et veniat in mentem fieri posse ut sit hostis, ideòque telo petat.

Utrum autem tunc ad restitutionem teneatur, est dubium; videtur teneri, cum directam nocendi intentionem habeat. Sed verius videtur non teneri, quia damnum respectu illius actionis censetur fortuitum; actio enim illa, facta cum tali circumspeditione, non censetur ullo modo tendere ad homicidium, aut esse periculosa, ut vitari debeat; nec refert quòd ab intentione eò dirigatur, quia dirigitur in incertum tantum in effectum fortuitum, sicut si quis jaculetur in altum eo fine, ut cadat in caput inimici, eò quòd cogitet id esse possibile, quamvis credat inimicum longè abesse. Simile ferè est, si quis in aliquo opere omnem diligentiam debitam præstet, ne noceat; optet tamen casu obvenire damnum vel mortem (ut posset contingere in medico vel chirurgo), et ideò non adhibeat circumspeditionem diligentioris aut diligentissimi: hic enim non tenebitur ad restitutionem. Ratio est, quia non tenebatur majorem diligentiam adhibere: adhibuit enim totum, quod ex justitiâ debuit: unde omit-

tendo illam majorem diligentiam, non fecit ei injuriam: ac prout, si aeger moriatur, non illi imputabitur homicidium, quamquam coram Deo sit reus: quod optaverit, et ut casu, moreretur, omiserit majorem diligentiam: quæ omissio fuit contra charitatem, sicut quando quis omittit pauperi succurrere in necessitate.

26. Ex his infero, si ex facto tuo vel omissione secutum est alteri damnum, et tu nihil in hoc peccaveris, ob naturalem inconsiderationem, vel oblivionem, non teneri te ad restitutionem, quamvis in foro externo, hoc latâ culpa commissum diceretur: quia neque ratione rei acceptæ teneris, ut quæ non exstet; neque ratione injuste acceptionis, cum non peccaveris; neque ratione contractus, cum nullus interveni- rit, uti suppono. Ita Sotus supra. V. g.: Egrediens cubiculum, et alia cogitatione abreptus, non clausisti ostium; hinc ingressi fures multa abstulerunt. Habes incernam juxta locum periculosum, et quamvis sollicitè proposueris extinguere, tamen aliquid intervenit, quo absque culpa obliviscens, vel in somnum incidis, et excitatur incendium. Aperuisti puteum, et casu oblitus es tegere vel sepiare, ne quis incidat: censetur enim hujusmodi eventus damnum fortuito datum; tales casus solent sæpè contingere inter homines, sine ullo eorum peccato, Deo sic disponente, vel permittente.

Sed difficultas est, utrum in culpa latâ, ut quis obligetur ex eâ, debeat esse peccatum mortale.

27. Respondeo et dico secundò, debere esse peccatum mortiferum commissum in damno dato, ut quis ex culpa obligetur ad restitutionem: ordinariè autem quando damnum est grave, culpa, seu negligentia, quæ commissum est, censetur mortalis, nisi aliunde constet non esse. Prior pars est ex mente Silvestri locis citatis, et auctorum quos ipse citat, Innocentii, Antonii de Butrio, et aliorum, ut constat per exempla ipsorum; Soti, lib. 4 de Justitiâ, q. 7, a. 2, ante solutionem primi argumenti, ubi ne in commodato quidem putat esse obligationem restitutionis damni, nisi intercesserit culpa mortalis, quia à venialibus, inquit, homines liberi esse nequeunt: sed de hoc infra. Approbamus sententiam Soti, quando nullus intercedit contractus: idem tenent multi recentiores, ut Petrus Nav. l. 2, c. 1, n. 18; Henriquez, tractatu de Irregularitate, c. 15, ubi citat alios; Emmanuel Sá, v. Restitutio. Ratio est quia, quando solum culpa venialis commissa est, non est actus perfectus in ratione injuriæ, sed imperfectus: ergo non inducit obligationem restitutionis, saltem perfectam, quæ astringat sub peccato mortali; non enim potest obligatio major esse in suo ordine, quam fuerit injuria, ex qua nascitur, in suo.

Petes, utrum saltem sub veniali sit obligatio?

28. Quidam affirmant. Sicut enim, cum nulla est culpa, nulla est obligatio: cum est lethalis, est obligatio sub peccato lethali: ita etiam cum est culpa venialis, videtur esse obligatio sub veniali. Sed verius videtur nullam esse obligationem restituendi, quod

satis indicat Silvest. et alii DD. Nam obligatio in materia gravi, non potest esse nisi sub gravi peccato; pendet enim obligatio ex materie gravitate, posito præcepto naturali vel positivo; mirum enim esset hominem sub veniali duntaxat obligari ad restitutionem decem millium aureorum, nec posse hoc peccato liberari, nisi proponat restituere. Ratio est, quia cum solum venialis culpa in damno inferendo intercessit, ut cum ex quâdam inconsideratione et animi ἀποροσῆς provenit, censetur quasi fortuito obvenisse; quis enim in hujusmodi rebus periculosus non aliquando aliquam negligentiam admittit? rarissimè tamen hinc talia damna accidunt: quare meritò quasi fortuita videri debent.

Ex dictis sequitur eum, qui subitâ irâ correptus aliquem interimit, ita ut fuerit solum motus secundò primus, non teneri sub mortali ad restitutionem, ut rectè colligit Petrus Navarra.

29. Altera pars probatur, quia quando opus est periculosum, vel advertis periculum, vel non advertis: si omninò non advertis, naturali quâdam mentis distractione, vel quia nihil occurrit quod mentem excitet ad periculi considerationem, non peccas, etiamsi non adhibeas diligentiam; si autem advertis periculum, ordinariè peccas mortaliter, debitam diligentiam omittens: rarò enim in operibus externis contingit inconsideratio imperfecta, quæ sit venialis; quæ tamen frequens est in subreptitiis cogitationibus et internis animi motibus. Ratio est, tum quia opera externa statim periculum suum ingerunt et excitant mentem ad considerationem, tum quia membra exteriora non moventur ad opus, nisi per rationem superiorem, ut docet D. Thomas, 4-2, q. 74, art. 7. Interdum tamen contingit hanc negligentiam considerationis esse venialem, quamvis exterioris judicetur esse lata culpa, quia non adhibuit eam omnem circumspectionem quam homines communiter adhibere solent: et tunc verius est non esse obligationem restituendi.

30. Sed contra has duas propositiones objicitur primò ex cap. ultimo de Injuriis, ubi Greg. IX dicit, *non excusari eum, cujus imperitiâ vel negligentia damnum est datum, sed solum eum qui, ut non occideret, de contingentibus nihil omisit.*

Resp.: Loquitur de culpâ latâ, quæ est peccatum: nomine enim negligentia et imperitiâ intelligitur peccatum; unde subdit: *Nec ignorantia te excusat, si scire debuisti ex facto tuo injuriam verisimiliter posse contingere.* Quòd autem ait, *illum non teneri, qui de contingentibus nihil omisit*, intelligendum est de iis contingentibus quæ prudens provideret, non autem de omnibus; nam certum est, neminem ex casu fortuito teneri.

Objicitur secundò ex can. Consultuisti, 2, q. 4, ubi Stephanus V scribit: *Monendi sunt et protestandi parentes, ne tam tenellos secum in uno lecto collocent, ne negligentia quolibet proveniente suffocentur vel opprimantur, unde ipsi rei homicidii inveniantur.*

Respondeo: Loquitur de negligentia quæ sit pec-

catum, quæ facilè committitur in re tam periculosâ et tam crebrâ; quam negligentiam quisvis prudens conaretur vitare.

Objicitur tertiò ex l. Qui occidit, 30, π. ad l. Aquilianam, § In hac quoque. Sed reverà illa, lex pro nobis facit. Primò enim dicit, in hac actione puniri dolum et culpam; et subdit exemplum ejus qui in stipulas ignem immisit die ventoso; deinde addit: *At si observavit omnia quæ oportuit, et subita vis venti longius ignem produxit, caret culpa.* Advertendum tamen est, in foro externo, tam ecclesiastico quàm civili, interdum puniri culpam levissimam, præsertim in committendo positam, partim ob præsumptionem fraudis, quæ potius locum habet in commissione, partim ne detur locus negligentia vel fraudi. Sed nos loquimur in foro interiori, ubi præsumptio non habet locum.

DUBITATIO VII.

Utrum nascatur obligatio restituendi ex damno, culpa levi vel levissimâ in officio vel consilio dando, commisso.

31. Respondeo et dico primò, neminem teneri in foro conscientia ex culpâ levi vel levissimâ in officio, sed solum ex gravi. Docent hoc auctores supra allati, dub. 6. Ratio est eadem, quia nemo tenetur in officio vel artificio esse prudentior et diligentior quàm passim homines ejusdem conditionis esse solent: v. g., advocatus non tenetur esse diligentior aut prudentior, quàm passim boni advocati esse solent; unde si contingat te cadere causâ, eò quòd non præstitit quod doctissimus et diligentissimus præstitisset, tamen bonâ fide præstitit quod solent diligentes et docti in similibus causis, non tenetur ad restitutionem. Idem dico de medico, architecto, prætore, magistratu, principe, et aliis officium vel artificio aliquod facitantibus. Unde sequitur etiam tutorem et curatorem non teneri in foro conscientia ex culpâ levi vel levissimâ, sed solum ex latâ, quiddid dicit Silv. v. *Restitutio*, 3, q. 8, § 3, cujus sententia in foro exteriori videtur servari.

32. Adverte tamen hæc intelligenda, nisi quis profiteretur se diligentiorum aut peritiorum aliis, aut etiam diligentissimum peritissimumque: et hac ratione eum, qui talem quærebat, ad se pertraxisset: tunc enim tenetur ex culpâ levi, et etiam levissimâ, ut rectè Silvest. verbo *Culpa*, q. 4. Ratio est, quia tunc promittit saltem implicitè ampliùs quàm alii passim præsent, et alter hanc ob causam cessat meliorem quærere: ergo, nisi hanc diligentiam præstet, tenebitur ad restitutionem, non quidem totius damni, sed quanti judicabitur spēs illa valere, quâ sperabat alter, majori illâ diligentia et peritiâ, quam quærebat, se voti compotem fore.

Dices: Qui aliquid ex officio facit, videtur semper teneri ex culpâ levi, quia pro eâ re stipendium accipit, ac proinde intercedit veluti contractus quidam in utilitatem utriusque: atqui cum contractus est in utilitatem utriusque, tenetur ex culpâ levi, ut infra dicitur.

Respondeo, quodam sensu dici posse licitum esse ex culpa levi, quia debet majorem diligentiam adhibere, quam si nihil commodi periret. Vel non ex officio faceret. Verum quia non debet majorem diligentiam, quam communiter debent homines ejusdem officii, ideo commodius dicitur eum non teneri nisi ex culpa gravi, nempe quae gravis est inter homines ejusdem officii.

55. Dico secundo: Qui praebeat consilium, tenetur ad restitutionem damni secuti ratione ignorantiae et casus, vel culpe latae, si erat parochus, confessorius, concionator, theologus, jurisconsultus, vel ejus professionis ad quam talis consultatio spectabat. Ita Joan. Medina, cod. de Restit. q. 7, ut si confessorius dicat quempiam teneri ad restitutionem, qui non tenetur, vel non teneri, qui tenetur; vel contractum quempiam esse licitum, qui est illicitus; si ignorantia sit crassa, vel considerandi negligentia sit gravis, tenetur ad restitutionem damni secuti. Probatur primò, quia talis ex officio et professione tenebatur hoc scire, et in respondendo hunc errorem vel negligentiam vitare, et non fecit: ergo censetur causa damni secuti. Secundò, quia ratione suae professionis vel officii, habetur sufficiens ab eo qui consilium petit: ergo si non sit sufficiens, et tamen respondeat, decipit alterum. Imò quicumque dat alteri consilium, suadens ut hoc vel illud faciat, aut absolute asserens illum posse facere, tenetur habere evidentiam moralem, illud cum his circumstantiis huic esse licitum: alioquin committit culpam latam, ut patet ex dictis, lib. I de Prudentiâ, dubit. 1. Ratio est, quia nemo potest aliquid aggredi, nisi cum tali judicio, ob periculum peccati: ergo neque alteri esse auctor.

Adverte tamen primò, nunquam teneri eum, qui consultus respondet juxta opinionem verè probabilem, ut ostensum est, 1-2, q. 19, secundò, neque eum qui simpliciter aperit suam opinionem, dicens ita sibi videri, non autem suadet ut alter sequatur; tertio, nec eum qui indicat se dubitare; tunc enim si alter sequatur, suae temeritati ascribat.

54. Dico tertio: Si is qui praebeat consilium, erat illarum rerum parùm peritus (v. g., quia non pertinebant ad ejus professionem), et alter sciens ejus insufficientiam petat consilium; consultor non tenebitur illi ad restitutionem. Ratio est, quia sibi debet imputare, si damnum ex illo consilio capiat; scienti enim et volenti non fit injuria. Si tamen agatur de damno alicujus tertii, tunc talis tenebitur illi tertio; ut si suades alicui certum contractum injustum, vel ut non restituat, etc. Ratio est, quia tuo malo consilio illi tertio invito damnum infers. Nec refert quòd tu consultor inculpabiliter ignorabas veritatem, quia nemo potest se miscere dandis consiliis in rebus quas non intelligit; unde latam culpam committis.

DUBITATIO VIII.

Utrum nascatur obligatio restitutionis damni ex culpa levi, vel levissimâ, quando intercessit contractus commodati, conducti, depositi, pignoris, vel alterius similis.

55. Sotus, l. 4 de Justitiâ, q. 7, a. 2, existimat

quod si res sit per culpam mortificatam, ita ut sis cui res commodata, vel locata, vel appignori data est, neque possit eam custodire, et quod si res neglegenter perierit, non teneatur ad restitutionem, nisi negligentia fuerit tanta, ut sit peccatum mortiferum contra Deum. Nam, inquit, a committitur homo utra liberet perit, unde ob illas negligentias non est tanta poena placenda. Idem tenent multi recentiores. Huetius, Sa. v. Commodatum; Henriquez de Integ. c. 15, ubi citat alios, addens, eos qui contrarium tenent, esse limitandos, ut id locum habent in foro exteriori. Verum contraria sententia est fere communis.

56. Respondeo igitur, et dico primò: Si res apud commodatarium vel conductorem pereat fortuito, ad nullam ipse restitutionem tenetur, nisi aliter expressè sit conventum. Ita habetur, c. unico de Commodato. Probatur, quia res quaeque domino suo perit, si nulla intercessit culpa vel pactio, ratione cujus tenearis ad damnum sarcendum.

57. Adverte tamen, in tribus casibus teneri commodatarium de eventu fortuito, qui in illo cap. exprimuntur. Primò, si intercessit pactum de restituendo quomocumque periret, quod pactum is qui commodat, semper potest exigere, quando gratis commodat; secus autem quando justo pretio, quia supra justum pretium nihil potest exigi pretio aestimabile; talis autem obligatio praestandi eventum fortuitum, est pretio digna. Secundò, si sit in morâ restituendi, ut si tempore statuto non restituat, et postea pereat; si enim restituisset, fortè non periisset; est autem in morâ, qui potest restituere, et non restituit, cum tamen teneatur. Tertio, si ex culpa data sit occasio casui fortuito, ut si non sis re illâ usus eo loco quo conventum est, sed alio, ubi erat majus periculum, ipsaque periit: v. g., accepisti utendum vas argenteum domi tuae, et foras extulisti; vide Instit. Quibus modis re contrah. obligatio, § Item is.

Dices: Quid si bonâ fide putavit se facere volente domino?

Resp.: Si verè domino placebat ut sic uteretur, vel ut retineret ultra terminum, non tenetur; secus verò, si deprehendat domino displicuisse. Prior pars probatur, quia usus est sub ratihabitione domini; ergo si postea ratum habeat, liberabitur, quia ratihabitiō retrotrahitur, et mandato aequiparatur, ut habetur reg. 10 de reg. Juris in 6; quod verum est maximè in contractibus et quasi contractibus; hic autem est contractus commodati. Sicut ergo, si domini expresso consensu fuisset usus, non teneretur de casu illo fortuito, ita nec modò tenetur accedente ratihabitione, quae aequivalet praevio et expresso consensui.

Dices: Jam est jus acquisitum domino, cui non intendit renuntiare. Confirm., quia ratihabitiō non extenditur ad ignorata.

Respondeo: Illi non est jus acquisitum absolutè, sed solum dependenter à consensu vel dissensu in usum praeteritum: sicut, delata vel devolutâ hereditate ad Titium, Titius non habet jus nisi dependenter ab acceptance.

Ad confirmationem : Ratihabitio non extenditur principaliter ad ignorata, extenditur tamen accessorie, sicut et consensus in contractibus; ut si emas rem tibi damnosam futuram, vel, si ego nomine tuo contraxerim utilissimè, et tu nolis ratum habere; error enim circa extrinseca in contractibus non vitiat contractum. Hinc fit ut sæpè contrahamus vel ratificemus, ex quibus maximum nobis obvenit damnum.

Altera pars patet ex dictis; et confir., quia non potuit uti re illà nisi cum animo compensandi in eventu quo dominus nollet ratum habere ipsius factum; alioquin commisisset furtum, contractando rem alienam invito justà ratione domino; ergo, si dominus nolit ratum habere illum usum, tenebitur perinde ac si illo invito usus esset. Nam reverà illo invito usus est; nec potest excusari à peccato, nisi per bonam fidem cum animo compensandi, si dominus nollet ratum habere.

Dices : Etiam cum dominus ratum habet usum præteritum, non videtur id facere nisi salvo jure de compensando si res perit.

Resp. negando assumptum; sicut enim in contractu commodati in futurum non postulavit ut commodatarius teneretur de casu fortuito, ita nec putandus est id requirere in ratihabitione præteriti, nisi id exprimat. Quod diximus de commodato, multò magis locum habet in conducto : quia conductor ad eventum fortuitum obligari non potest, sicut commodatarius.

58. Nota tamen, si res eodem modo erat peritura apud dominum, commodatarius in his casibus non teneri ad restitutionem, ut docet Cov. reg. Peccatum. p. 2, § 6, n. 1, et multi alii, de fure et omni injusto detentore, quia tunc non censetur domino causa damni : de quo plura infra, c. 12, dub. 15.

Dico secundò : Si consistamus intra limites juris naturalis, nemo tenetur de damno dato in re alterius, etiamsi apud ipsum sit ex contractu, nisi ob dolum aut latam culpam. Colligitur ex Silvest. et aliis dub. 6 citatis, quia generatim loquuntur.

39. Probatur primò, quia jure naturæ nemo tenetur majorem diligentiam præstare in custodia rei commodatæ, conductæ, etc., quam in re propriâ, et quam ipse dominus adhibuisset, si apud ipsum mansisset; ergo si hæc diligentia sit præstita, si contingat rem perire, sine culpâ peribit, ac proinde sine injustitiâ; atqui nemo tenetur jure naturæ in conscientia de damno dato, nisi injustè datum sit : ergo cum hic nulla sit injustitia commissa, non obligabitur in conscientia. Confirmatur, quia quando quis præstitit omnem diligentiam quam tenebatur præstare, res censetur casu periisse; ergo, etc. Probatur, quia jure naturæ non minorem postulat custodiam *precarium* quam *commodatum* (cum *precarium* nihil sit aliud quam *commodatum* ad tempus incertum, nempe ad arbitrium domini) : atqui *precarium* non requirit nisi custodiam communem, ita ut solùm præstare debeas dolum et latam culpam, ut patet l. Contractus 23, π. de Regulis juris, et l. Quæsitum est, 8, § Eum quoque, π. de precario, ergo, etc.

40. Dico tertio : Positis tamen legibus humanis de hisce rebus latis, si res alterius sit apud te per contractum, qui in tuam solius utilitatem tendat, teneris non solùm ex latâ culpâ, sed etiam ex levi et levissimâ, v. g. : Si gratis tibi commodavi librum, equum, vestem tuâ causâ, teneris in eâ re custodiendâ adhibere non solùm eam diligentiam quam homines communiter in suis rebus similibus præstare solent, sed etiam quam diligentiores et diligentissimi : unde si librum commodatum reliquisti in cubiculo, et egrediens ostium attraxisti, sed non tentasti an firmiter clausum esset, teneris ad restitutionem. Probatur hæc sententia ex cap. unico de Commodato, ubi dicitur : *Cum gratiâ sui tantum quis accommodatum accepit, de levissimâ etiam culpâ tenetur*; quod doctores interpretantur de culpâ juridicè acceptâ, quamvis Sotus velit eam theologicè accipi pro verâ culpâ in conscientia. Idem colligitur ex l. In rebus commodatis, 18, π. Commodati vel contra, et Instit. Quibus modis re contrahitur obligatio, § Item is. Ratio est, quia æquitas postulat ut is qui gratis re alterius utitur in suam utilitatem, summam diligentiam adhibeat, ne domino pereat; id enim jure naturæ ex gratitudine rependere debet; unde sufficiens subfuit fundamentum, ad hoc lege sancendum, et inducendum strictam obligationem.

41. Dico quarto : Si contractus tantùm cedat in commodum domini cujus ipsa res est, teneris solùm ex dolo vel latâ culpâ, non autem ex levissimâ vel levi. Patet Instit. supra, § Præterea et is, ubi dicitur *depositarium* (nempe qui gratis rem depositam custodit) *teneri solùm ex dolo*; ubi nomine doli etiam *lata culpa* continetur, ut ibidem insinuat Glossa. Unde si tibi commodavi librum, arma, vestem, in meum duntaxat commodum, teneris solùm ex culpâ latâ. Ratio est, quia æquitas postulat ut tunc non majorem tenearis custodiam præstare, quam passim homines in suis rebus solent, cum tibi nulla fiat gratia, nec tuum commodum spectetur, sed domini.

42. Dico quinto : Si contractus cedat in utilitatem utriusque, teneris ex culpâ latâ et levi, non autem ex levissimâ. Patet hoc ex d. l. Contractus 23, π. de regulis Juris, et Instit. supra, § Creditor. Talis est contractus pignoris; pignus enim datur utriusque gratiâ, nempe creditoris et debitoris : unde is qui pignus accepit, non tenetur nisi ad exactam diligentiam in eo custodiendo, ut habetur Instit. supra, non tamen ad exactissimam, ut ibidem probat Glossa. Talis etiam est contractus conducti et locati, et contractus depositi, quando datur pretium pro rei custodiâ; secus si gratis fiat; denique contractus commodati, quando utriusque causâ fit. Ratio est, quia cum res aliena tibi concedatur in tuam utilitatem, æquitas postulare videtur ut valdè diligenter eam custodias; non tamen diligentissimè, quia non tuâ solius causâ, sed etiam ob commodum domini traditur.

Sed nunc difficultas est, utrum hæc leges obligent in conscientia ante sententiam judicis, ad damni ex culpâ levi vel levissimâ dati reparationem.

43. Sotus putat ante sententiam non obligare; esse enim penales, et procedere ex presumptione culpe interioris. Idem videntur sentire ceteri supra citati. Quae sententia meo iudicio non est improbabilis; non quod hae leges penales sint, proprie loquendo, cum restitutio non sit pena, sed quod in foro conscientiae non videantur receptae; nemo enim est, qui pignori vel rei conductae putet se majorem custodiam debere ex iustitiâ, quam dominus ipse adhibere solet. Idem videtur de commodato: etsi enim majore curâ hoc custodiat, quam dominus, non tamen id facit, quod putet se teneri lege iustitiæ, sed ex gratitudine: id enim gratitudo postulat, propter commodum, quod ex re alterius percipit; nec minus putant homines se teneri ad custodiam precarii, quam commodati. Unde etiam plerumque fit restitutio, non solum si commodatum perit, sed etiam si precarium, quamvis absque omni culpâ perierit.

44. Dices: Si non tenetur, ergo iniquè cogitur in foro exteriori.

Respondeo, negando consequentiam: potuit enim hoc lege statui propter bonum commune; tum ut vitetur omnis fraus et negligentia circa res hujusmodi, tum ut omnes excitentur ad diligentiam eam quæ æquitati naturali est consentanea, etsi ex iustitiâ non sit debita. Sicut enim qui deloravit virginem volentem, ante sententiam nihil ei ex iustitiâ debet, tamen in foro externo cogitur eam dotare, lege sic statuente propter bonum commune: ita etiam qui amisit commodatum absque culpâ, etsi nihil ex iustitiâ debeat ante sententiam, tamen potest cogi ad restitutionem, ex vi legis ob bonum commune ita statuentem. Neque hoc mirum videri debet, quia in foro externo, dum agitur de damno dato, etiam culpa levissima spectatur, ut patet l. In lege 44, ff. ad legem Aquiliam: tamen in foro conscientiae hæc non obligat, ut ostensum est dubitatione 6.

45. Fateor tamen contrariam sententiam, nempe has leges obligare ad reparationem damni ante sententiam, esse communiorem, ac proinde ordinariè in praxi servandam. Ratio est, quia istæ leges sanciunt id quod naturali æquitati est consentaneum circa rem alienam (quam mediante contractu apud nos habemus) præstare; quâ sanctione positâ, qui facit talem contractum, accipiendo commodatum, conductum, depositum, pignus, implicite se obligat ad præstandam eam diligentiam quam leges requirunt; quare si hanc diligentiam non præstet (quamvis id naturali oblivione, sine orni culpâ factum sit, tenebitur ad restitutionem. Vide Covarr. in Epitome 4 decret. pag. 2, cap. 6, § 6, num. 15, et Navarr. cap. 17, num. 184.

DUBITATIO IX.

Utrum oriatur obligatio restitutionis ex damno dato cum ignorantia comitante.

46. Respondeo, minimè oriri (quidquid aliqui dixerint), si ignorantia fuit inculcata, ut patet ex dictis 1-2, q. 6, a. 8. Ut si putans esse feram, et telo

petens interficias; deinde deprehendas fuisse inimicum, quem ad necem querebas. Ratio est, quia occisio illa mundi, vel hominis, nullo modo est voluntaria, ac proinde absque omni culpâ, et consequenter non inducit obligationem restitutionis. Nec refert quod illum aequè voluisses occidere, si scivisses esse inimicum, et quod gauderes occidis; quia illa voluntas non est causa operis, cum non sit, nec fuerit; sed solum esset, posita conditione, quæ non ponitur; gaudium verò sequitur opus. Unde non magis obligat ad restitutionem, quam si gauderes ab alio factum.

DUBITATIO X.

Utrum restitutio sit necessaria ad salutem.

D. Thom. q. 62, a. 2.

47. Guido carmelita assignat Græcis hunc errorem, restitutionem inique ablatorum non esse necessariam ad salutem, sed sufficere eleemosynam ex illis datam. Sed non puto Græcos doctores hoc docuisse, cum scriptores antiqui non meminerint, quamvis credibile sit aliquos eorum sacerdotes ex avaritiâ hoc in absolvendis pœnitentibus observasse, ut partem obtinerent.

Respondeo igitur ipsam restitutionem externam esse necessariam ad salutem, si facultas suppetit: si autem non suppetit, non est quidem ipsa externæ restitutionis necessaria; propositum tamen restituendi est necessarium. Docet hoc D. August. epist. 54, quæ est ad Macedonium: Si res aliena, propter quam peccatum est, reddi potest, et non redditur, pœnitentia non agitur, sed simulatur; si autem veraciter agitur, non remittitur peccatum, nisi restituatur oblatum.

Prior pars probatur, quia non restituere, cum possis, est voluntariè nocere et facere injuriam proximo (non restituendo enim, nocet proximo; nam impedis illum à possessione et usu rei suæ vel debitæ): atqui necessarium est ad salutem ut nemini voluntariè noceamus, aut injuriam faciamus, ut ex multis Scripturis constat; ergo necessaria est restitutio. Vide plura apud Alphonsum Castrum, v. Restitutio.

Dices: Lucæ 11, cum Dominus dixisset Phariseo: Quod intus est vestrum, plenum est rapinâ et iniquitate, subdit: Verumtamen quod superest, date eleemosynam, et ecce omnia munda sunt vobis; ergo sufficit eleemosyna ad expianda peccata injustitiæ.

Respondeo: Si hoc argumentum valeret, etiam provaret pœnitentiam non esse necessariam furibus; itaque non vult Dominus eleemosynam sufficere, sed esse optimam dispositionem ad munditiam animi; q. d.: Date eleemosynam pro vestra facultate (id enim videt et significari in Græco, cum dicitur, τὰ ἑβότα, id est, κατὰ τὸ ἑβόν), et faciliè mundabimini, quia disponetur animus ad veram pœnitentiam et restitutionem. Vide Ambrosium et Theophylactum in hunc locum.

48. Altera pars probatur, quia nemo obligatur ad impossibile; quod tamen propositum restituendi tunc sit necessarium, patet, quia ad remissionem peccati necessaria est contritio, vel saltem attritio cum sacra-

mento : hæc autem continent propositum restituendi, tum quia continent dolorem de peccato injuste obligationis, in quo dolore continetur implicite propositum restituendi, tum quia continent propositum emendationis et servandi divina præcepta, inter quæ est præceptum restituendi.

49. Petes, quale est præceptum restitutionis, affirmativum, an negativum? Multi dicunt esse negativum, quia idem est dicere : *Restitue*, et : *Ne detine alienum*. Sed verius est esse affirmativum. Primò, quia præcipitur actus positivus; in negativo solum præcipitur abstinencia ab aliquo opere positivo. Nec obstat, quòd interdum videatur fieri restitutio solà cessatione detinendi : ut si deseras domum vel agrum, quem vi occupasti : quia hæc cessatio eò dirigitur, ut alter rem suam consequatur, fiatque æqualitas : et ita habet terminum positivum. Unde est instar actionis positivæ, quæ impletur præceptum affirmativum. Secundò, quia non obligat pro omni tempore, sed solum quando est opportunitas restituendi. Negativum autem obligat pro omni tempore. Illud autem præceptum : *Ne detine alienum*, in re potius est affirmativum, quàm negativum, quia non potest servari, nisi per actum positivum, neque obligat pro omni tempore.

50. Adverte tamen præceptum restituendi nasci ex præcepto negativo : *Non furtum facies*. Ejusdem enim rationis est furari, et detinere alienum, cum potes reddere. Unde hoc ipso quo præcipitur : *Non furaberis*, præcipitur etiam *ut non detineas*, si potes reddere : et consequenter, *ut restituas*, quia actus restitutionis est necessarius ad non detinendum alienum.

CAPUT VIII.

DE INJURIIS ET DAMNIS IN REBUS SPIRITUALIBUS.
ET NECESSARIA RESTITUTIONE.

(Complectitur dubitationes 3.)

DUBITATIO PRIMA.

Utrum is, qui privavit aliquem per injuriam aliquo sensu, vel usu rationis, philtro, veneno, vel alio modo, teneatur ad restitutionem.

1. Sotus, lib. 4, q. 6, art. 3, in solut. 1 argumenti, et quidam alii putant pro his damnis præcisè consideratis esse faciendam restitutionem pecuniariam, arbitrio boni viri.

Resp. breviter, verius videri, talem non teneri ad restitutionem præcisè pro ipso damno sensuum, vel usûs rationis, sed tantum pro damno temporali, quod inde sequitur, ut si non possit eam artem vel functionem obire, quæ lucrum faciebat; colligitur ex Gomezio, tom. 5, c. 6, num. 12, ubi probat, ex ætate et deformitate ex injuriâ remanentem non posse aestimari à iudice vel offenso, quia sicut liber homo nullam recipit aestimationem ita nec cicatrix vel deformitas ejus; quod expresse habetur l. fin. ff. de his qui deiecerint vel effuderint. Idem docet Navarr. c. 15, n. 19 et 20, multique alii infra citandi.

2. Ratio est, quia hæc damna nullo pretio sunt aestimanda, et tamen in bonis quæ supremum lo-

cum inter bona humana tenent; nec quidquam est in hominum potestate, quod his censeatur æquivalens : unde per pecuniam non potest fieri compensatio. Itaque pro his satis est poenitentia coram Deo, cum petitione veniæ pro injuriâ illatâ, quando scitur auctor; sed de hoc infra, cap. 9, dubitat. 25.

DUBITATIO II.

Utrum is, qui alterum graviter læsit in bonis animæ, pertrahendo ad peccatum, teneatur ad aliquam restitutionem.

3. Resp. et dico primò : Qui alterum metu vel fraude pertraxit in peccatum, tenetur ex justitiâ ipsum suæ libertati restituere, et vim fraudemque tollere, ne ille in posterum simili modo peccet; est communis sententia DD. Probatur, quia minari, aut vim inferre, est contra justitiam, si sine justâ auctoritate fiat, quæ nunquàm justa esse potest, dum quis ad peccatum cogitur. Similiter decipere alterum falsâ doctrinâ circa fidem, mores, vel artes humanas; sicut enim quisque habet jus justitiæ, ne ab alio lædatur in corpore, ita etiam ne in animâ lædatur invitus errore : sed is, qui aliquid facit contra justitiam, tenetur lege justitiæ cessare, et, quantum in se est, illud retractare et irritum infectumque reddere : ergo ex justitiâ tenetur vim tollere, minas remittere, fraudemque patefacere. Unde non est verum, quod quidam docent, eum, qui fraude pertraxit aliquem in errorem, si ille error non versetur in materiâ justitiæ (v. g., circa contractum vel restitutionem), sed in materiâ fidei, vel temperantiæ, non teneri errorem tollere lege justitiæ, sed solum lege illius virtutis, circa cujus materiam decepit. Ratio illorum est, quia eodem præcepto quo quis tenetur nihil contra aliquam virtutem sciens facere, eodem tenetur nihil contra illam suadere, aut docere : tam enim est contra rationem malum scientem consulere, quàm facere.

4. Sed etsi hæc ratio optimè probet eum, qui suadet falsum sciens, in materiâ fidei, vel temperantiæ, peccare contra has virtutes, tamen non probat eum non peccare etiam contra justitiam. Nam etsi non invitum et sine fraude induceret, peccaret contra has virtutes; ergo quando fraude utitur (id est, quando scit vel dubitat se malè docere, vel consulere, et alterum ex simplicitate decipi invitum), peccat contra justitiam.

5. Adverte tamen, si quis putaretur non invitus, sed voluntariè deceptus (quo modo multi jam ad hæreses pertrahuntur avidi novitatum, et auribus prurientes), non nasci obligationem ex justitiâ lege ad errorem dedocendum, sed tantum ex lege illius virtutis contra quam fuit alteri auctor peccandi et ex lege correctionis fraternæ. Idem dicendum, si deceptus cognoscat aliunde veritatem; tunc enim deceptor non tenetur ex justitiâ contrarium suadere.

6. Ratio est, quia ablatum est error intellectus, ratione cujus deceptor censebatur causa operis mali : unde si alter adhuc pergat in opere malo, non id facit ex ignorantia, sed propriâ malitiâ; ac proinde non potest imputari ei, qui ante deceperat, nisi fortè variis

Dixi, *non teneri ex justitiâ*, quia ex æquitate quâdam seu decentiâ tenetur illum hortari ad bonum propositum resumendum (ut reparet magnum illud bonum, quod nefariè in animo ejus destruxit, spiritum Dei exstinguens.

13. Dico secundò: Is qui vi aut fraude abduxit à Religione sive professum sive novitum, non tenetur ex justitiâ vel alio præcepto ipse ingredi; sed tenetur vim tollere et fraudem aperire, suadereque reditum; quòd si ille redire nolit, vel procul absit ut conveniri non possit, tenetur ex æquitate quâdam alium inducere, si commodè potest, non tamen ex justitiâ.

14. Prima pars, *quòd non teneatur ipse seductor ingredi*, probatur, tum quia ipse fortè non est aptus, tum quia status Religionis debet liberrimè acceptari: est enim status perfectionis, quæ nonnisi liberis, minimèque coactis functionibus acquiritur: unde par est ut ejus obligatio non nascatur ex ullo delicto, sed tantum ex spontaneo voto. Quo fit ut etsi ob delictum possit quis concludi in monasterio ad agendam pœnitentiam, tamen non possit cogi ut Religionem profiteatur.

Secunda pars, *quòd teneatur vim et fraudem tollere*, patet ex dubit. 2.

Tertia verò pars, *quòd ex æquitate teneatur alium inducere*, patet ex dictis. Cùm enim Deo et Religioni subtraxerit obsequium illud quod ille præstabat, par est ut compenset eo modo quo potest. Quòd tamen *non teneatur ex justitiâ*, docet Sotus; et probatur, primò, quia nec ipse religiosus ex justitiâ tenetur redire, sed solùm ex voto Religionis, ut quidam volunt. Secundò, etiamsi teneretur redire ex justitiâ (quod verius videtur), tamen auctor non tenetur ex justitiâ, nisi vim et fraudem tollere, et suadere reditum: nam aliter non potest personam restituere; ut autem aliam hujus loco restituat, nec moribus receptum est, nec justitia postulat quia capessere religionem, non est persuasione humanæ, sed pendet ex inspiratione divinâ. Tertiò, quia monasterium non possidet religiosum tanquàm mancipium, propter quod, si abductum fuerit vi vel fraude, debet aliud restitui, sed tanquàm filium, propter quem abductum vel occisum non restituitur alius. Quartò, qui religiosum occidit, non tenetur ex justitiâ alium inducere: ergo, etc. Quintò, nullus judex in foro exteriori id ei injungeret; quòd signum est non teneri ex justitiâ.

16. Dico tertiò: Qui novitium vi vel fraude seduxit, avertitque à Religione profitendâ, tenetur ex justitiâ monasterio compensari, quanti spes illa temporalis commodi, quod ex ipsius hereditate, donatione, vel industriâ expectabatur, valebat. Probatur generali ratione, quia qui aliquem impedit vi, fraude, mendacio, metu, ne tibi relinquat legatum, hereditatem, aut ne tibi conferat beneficium, quod proposuerat conferre, tenetur tibi ad restitutionem, quanti illa spes, judicio prudentum, æstimatur. Etsi enim tu non habeas jus ad beneficium, vel legatum istud, habes tamen jus, ne alteri vis aut fraus fiat in tuum detrimentum; pari modo Religio jus habet, ne vi aut fraude eum, qui sta-

tuit ingredi, avertas. Unde qui ita avertit, violat jus Religionis, ac proinde tenetur ad restitutionem damni consequentis, quâ parte pretio illud est æstimabile.

Hic tamen advertet, si restituit illum suæ libertati, fraudemque aperuit interea temporis, dùm adhuc illi est integrum redire, probabile esse non ampliùs teneri, quia in posterum non censebitur causa damni monasterio, sed novitius solus spontè non rediens; idem dicendum, si novitius ille fraudem aliquo modo advertit; nam egressio tunc non fuit involuntaria: quòd si non ampliùs sit ei integrum redire, ut si interim contraxit matrimonium, vel aliâ ratione impeditus est, tenebitur deceptor quanti spes illa monasterii æstimabitur, quia censetur causa damni in posterum. Dixi, *esse probabile*, quia etiamsi novitio sit integrum redire, tamen si occasione fraudis vel vis illatæ mutet seriò animum, deceptor videtur causa damni, quia injustè ejus occasionem dedit.

Sed difficultas est, si quis professum seducat, maximè sine vi vel fraude. Quidam putant talem teneri ad restitutionem commodi temporalis, quamvis sine vi vel fraude abduxerit. Ratio est, quia Religio jus habet ad percipienda commoda temporalia ex ejus functionibus (ut si erat concionator, vel doctor, à quo magnus proventus vel eleemosynæ); atqui hoc jus impedit is qui suadet egressum: ergo peccat contra justitiâ. Sed contrarium videtur verius; unde

16. Dico quartò: Qui vi vel fraude abduxit à Religione professum, tenetur monasterio compensare, quanti emolumentum temporale ex ipso proveniens æstimabitur: non tamen, si precibus vel consilio absque vi et fraude id fecit.

Docent hoc quidam recentiores, inter quos Petrus Nav. supra, n. 23, et Michael Salonijs, q. 62, a. 2.

Prior pars patet, quia est efficax causa damni, modo injusto; idque multò magis, quàm qui novitium abducit, qui enim professum vi vel fraude abducit, non potest id ita facere, ut non censeatur velle nocere Religioni, cùm ipse jam sit astrictus Religioni, et teneatur (saltem ex voto obedientiæ) pro Religione laborare, et habeat voluntatem laborandi, ex quo labore provenit emolumentum; itaque censetur causa propinqua damni, idque modo injurioso.

17. Hic tamen advertendum est primò, an reverà damnum sit acceptum: si enim ille tantumdem consumeat, vel si alius absque notabili incommodo in ejus locum substitui potest qui parem utilitatem adferat, non est opus restitutione.

Secundò, postquàm religiosus suæ libertati restitutus est, fraude detectâ, vel vi laxatâ, abductorem non teneri in posterum, sed solùm pro eo damno quod datum est interim dùm vis vel fraus durabat. Ratio est, quia in posterum non censetur causa damni, sed ipse religiosus nolens redire.

18. Altera pars probatur, quia religiosus non tenetur ex justitiâ procurare illa emolumenta, sed solùm ex virtute obedientiæ et religionis, ut docet Bannes, q. 62, a. 2, dubit. 6, et alii. Unde etsi nolit labi-

rare, et commoda monasterii conquirere, non peccat contra justitiam. Ergo is qui illi suadet absque vi et fraude ut non procuret, non peccat peccato injuriæ in monasterium, sed peccato irreligiositatis. Si enim ipse religiosus non facit proprie injuriam nolendo laborare, cum tamen sit principalis auctor damni, ergo neque consultor, cum solum tenetur secundario.

Dices primò: Iste facit injuriam Religioni, dum suadet egressionem, et ex hac injuriâ sequitur damnum: ergo tenetur de damno.

19. Respondeo primò, non esse injuriam, quæ sit contra jus justitiæ, sed contra virtutem Religionis, ejus violatio non obligat ad restitutionem.

Respondeo secundò, et melius: Etsi sit injuria in Religionem, suadere religioso egressum, non tamen est injuria suadere otium, ut illa commoda non procuret. Ac proinde suator iste non tenetur ad illius damni vel incommodi satisfactionem.

Confirm. ex facto ipsius religiosi: hic enim etsi faciat injuriam Religioni egrediendo, et ex hac injuriâ sequatur damnum, tamen ad compensationem damni illius non tenetur. Ratio est, quia etsi egredi sit injuria, non tamen nolle procurare utilitatem temporalem est injuria, eò quòd non teneatur ad hoc ex justitiâ, sed solum ex obedientiâ. Unde non omne damnum sequens ex injuriâ obligat ad restitutionem, sed solum illud quod ita sequitur, ut per ipsam actionem injurias inferatur; quod hic non cernitur, quia quavis suadere egressionem sit injuria, quatenus est causa egressionis, non tamen respectu damni seculi, eò quòd hoc damnum immediatè ex liberâ voluntate religiosi, non ex suasionem illâ dependeat.

Dices secundò: Si quis servo suaderet ne laboraret, teneretur ad restitutionem domino: similiter si servo emptitio suaderet fugam; ergo etiam qui monacho suadet fugam vel otium.

20. Respondeo: Qui tali servo suasit fugam, effectu secuto, tenetur ad æstimationem servi, in quam veniunt etiam commoda ab illo sperata. Ratio est, quia servus est principaliter commodum domini: inò quatenus est utilis ad temporalia, est possessio domini, sicut jumentum. Unde si seipsum domino subtrahat, furtum sui committit, et tenetur ad sui restitutionem, ut supra, cap. 4, dubit. 9, dictum est. Secus est in religioso, quia religiosus non est principaliter propter commodum temporale prælati, vel Religionis, sed ob tuum bonum spirituale: propter hoc enim se Religioni spontè mancipavit; unde non possidetur à prælato tanquam servus, sed subest tanquam filius in suum commodum, ut ad suam salutem rectè dirigatur. Quòd si quis servo suaderet, non quidem fugam, sed otium et cessationem ab operibus injunctis, etsi graviter peccaret, non videretur tamen peccare contra justitiam, et teneri ad restitutionem, quia nec ipse servus dedens se otio videtur contra justitiam peccare, sed contra obedientiam domino suo debitam. Non enim actiones servi sunt debitæ domino lege justitiæ, sicut mercenarii, qui pretium pro illis accipit: nec cogitur in foro conscientie compensare, etsi negligentius labo-

ravit sed eo jure debentur, quo servus tenetur obedire domino. Itaque cum principalis auctor et executor non teneatur, etiam non tenetur suator. Posset talis tanquam corruptor servi puniri.

CAPUT IX.

DE INJURIIS IN CORPUS PROXIMI PER HOMICIDIUM VEL MUTILATIONEM, ET DE NECESSARIA RESTITUTIONE.

(Habet dubitationes 26.)

DUBITATIO PRIMA.

Utrum liceat occidere aliquid vivens.

(D. Thomas, q. 64, a. 1.)

1 Respondetur affirmativè. Notandum Manichæos negasse animantia aut plantas interimiri posse, quod omnes animas putarent esse quasdam Dei particulas, ut refert D. August., lib. 1 de Civitate, cap. 20, et lib. de Hæres., c. 46. Sed fide tenendum est, homines in suos usus animantia et plantas posse interimere. Probat, Gen. 1: *Ecce dedi vobis omnem herbam afferentem semen super terram, ut sit vobis in escam*; et, Gen. 9, post diluvium conceduntur animantia et omnia viventia in cibum; 1 ad Corinth. 10: *Quidquid venit in macellum, manducate, nihil interrogantes propter conscientiam*. Denique ipse Dominus manducavit agnum Paschalem, quem antea oportuit occidere. Idem definitum est in concilio Beacacensi I, c. 14, ubi hæc hæresis damnatur. Ratio est, quia homo naturaliter est dominus omnium rerum inferiorum, juxta illud, Gen. 1: *Dominamini piscibus maris et volatilibus cæli, et universis bestiis terræ*; ergo potest eas in suum usum convertere. Confirmatur, quia non potest homo ali elementis simplicibus, ut terrâ, aquâ, etc.: ergo compositis, qualia sunt animalia et plantæ, quæ sine animâ, non possunt conservari, sed mox corrumpuntur: unde anima est ipsis data instar salis conservantis à putredine (ut recte dicit Philo), ut homo possit illis uti, cum liberit.

2. Adverte tamen, etsi liceat animantia occidere, abstinendum tamen à crudelitate, ne sine causâ doloribus conficiantur; unde Proverb. 12: *Novit justus jumentorum suorum animas, viscera autem impiorum crudelia*; Exodi 25: *Deus præcepit diem sabbati, etiam propter quietem jumentorum*; Jonæ ult.: *Parcit Ninive, tum ob homines, tum ob jumenta*; 1 euteron. 22: *Non arabis simul in bove et asino, ne videlicet totum jugum in asinum decadat, cum sit minor*; et cap. 25: *Non alligabis os bovi trituranti*. Nec obstat quòd Apostolus hunc locum afferens dicat: *Numquid de bobus cura est Deo?* vult enim dicere hoc non esse principaliter scriptum propter boves sed ob rem significatam, secundariò tamen, etiam ut animantia cum ratione tractentur.

Hinc patet, primò, posse in hac re esse peccatum, saltem veniale; est enim abusus quidam potestatis herilis et dominii. Secundo, quanta sit suavitas divini spiritus, etiam in creaturas ratione carentes.

DUBITATIO II.

*Utrum liceat occidere peccatores.**(D. Thomæ, art. 2.)*

5. Respondeo, licere occidere peccatores, si hoc est ad salutem reipub. vel ad salutem membrum reipub. licet hoc sit contra legem, si sit pro reipub. et hoc est in incolumitate potestatis occidi.

Notandum est Scotum in 4. d. 15. q. 5. art. 2. docere, non quoslibet peccatores, jussu à potestate publicè occidi, sed eos duntaxat quos Deus in veteri Testamento expressit. Ratio est, quia Deus, Exodi 20, et Matth. 5, absolute et generatim prohibet hominibus occisionem: *Non occides*; ergo non licet quicquam occidere, quantumvis ille malus sit, nisi Deus fecerit in suo populo: atqui Deus non dispensavit nisi circa quosdam peccatores, quos excepit, Exodi 22, et alibi. Hinc ulterius infertur, fides non posse occidi, quia non sunt excepti.

4. Sed hæc sententia defendi nequit. Primò, nam D. Thomæ ratio generatim probat de omnibus peccatoribus reipub. noxiis; quævis enim pars est propter totum, ergo ob totius incolumitatem potest rescindi. Secundo, quia si illos solos licebat occidere in veteri Testamento, quos Deus excepit, nempe maleficos, blasphemos, adulteros, sabbatum violantes, et paucos alios: ergo in novo Testamento nullos licebat occidere, quia ille leges, quibus hi jubebantur occidi, erant judiciales, accommodatæ statui illius populi, ac proinde jam cessarunt: et in Scripturâ novi Testamenti nihil de his vel aliis occidendis habemus. Hoc Joannes Apostata prætexens Christianos privabat magistratu, ut habet Socrates, lib. 5 Histor. c. 11. Tertiò, principes ethnici laudabiliter occidere poterant malefactores (qui tamen Scripturam non legerant, ut possent scire quos Deus excepisset), ut patet ad Rom. 13: *Non sine causâ gladium portat, Dei enim minister est, vindex in iram illi qui malè agit*. Vide D. August. 1. 4 de Civitate, cap. 21. Denique Scoti sententia infirmo nititur fundamento; nam præceptum: *Non occides*, intelligitur tantum de innocentibus, juxta illud: *Iustum innocentem non interficies*; et de occisione, quæ fit privatâ auctoritate, aut non servato ordine juris.

DUBITATIO III.

*Utrum privatâ auctoritate liceat interficere maleficos.**D. Thom. art. 3.*

5. Respondeo, non licere privatâ, sed duntaxat publicâ auctoritate; quod intellige de occisione ad punitionem, non ad necessariam sui defensionem. Ratio est, quia non licet interficere peccatores, nisi ob bonum reipub., sicut non licet amputare membrum, nisi ob salutem corporis; atqui procuratio boni publici pertinet ad publicam potestatem, quæ est in principe, vel magistratu: ergo ad salutem principem pertinet, malefactores e medio tollere, sicut ad salutem positi membra secare. Vide D. Aug. 1. 4. l. 1 de Civitate, cap. 17, 21, 29, et Gratianum, 25. q. 5.

6. Nec obstat quòd interdum permittatur, ut quis possit occidere publicos hostes reipub., ut latrones et proscriptos, quos Lannitos vocant, quia tunc non occiduntur auctoritate privatâ, sed publicâ, concessâ à principe, qui illam dare potest: primò, quando ad id statim incendis advertitur, quod, ut sæpe accidit in conjurationibus; secundò, quando criminisus aliâ ratione castigari non potest; tamen illum castigari omninò expedit, vel ad terrorem aliorum, vel ne plura seclera patret, ut fit in Bannitis; vide infra, num. 15, dubit. 5.

DUBITATIO IV.

Utrum homini privato liceat interficere tyrannum.

Alphonsus à Castro, lib. de Hæresibus, v. *Tyrannus*, sentire videtur nullum tyrannum ab homine privato posse interfici: idque probare conatur multis argumentis. Verùm distinctione utendum.

7. Respondeo igitur, dupliciter fieri posse, ut quis sit tyrannus. Primò, ratione tituli, nempe si absque ullo jure, armis principatum invadat, vel occupet, sicut Turca regna Orientis, et alia vicina. Talis potest à quovis de regno interfici. Est communis sententia doctorum, D. Thomæ 2 Sententiarum d. ultimâ, q. 2, a. 2, ad 5, ubi pro hac sententiâ adducit Ciceronem laudantem eos qui Cæsarem, quamvis familiarem et amicum, occiderunt, eumque explicans ait: *Tullius loquitur in eo casu, quando aliquis dominium sibi per violentiam surripit, nolentibus subditis, vel etiam ad consensum coactis; et quando non est recursus ad superiorem, per quem iudicium de invasore fieri possit. Tunc enim qui ad liberationem patriæ tyrannum occidit, laudatur et præmium accipit*. Idem eruditè docet Cajet. q. 64, a. 3, Sotus, 1. 4 de Justitiâ, q. 4, a. 3, et alii passim. Ratio est, quia talis non est princeps, sed iniquus invasor et oppressor reipub. et singulorum: atqui quisvis potest iniquum oppressorem reipub. (quando aliud non est remedium) è medio tollere: sicut enim privata persona, si iniquè ab aliquo opprimitur, potest vim vi repellere, et invasorem è medio tollere, quando alius modus liberationis non suppetit; ita reipub., si injustè invaditur, potest, per quemvis suorum, vim repellere, et, si opus est, invasorem è medio tollere: sic Aod sustulit è medio Egion regem Mobabitarum, qui oppresserat tyrannicè Israelitas, Judicum 3; et Judith Holophernem; Brutus, Cassius et alii Julium Cæsarem; denique apud omnes gentes passim maximis honoribus publicè affecti sunt, qui tales tyrannos occiderunt. Vide Herodotum, lib. 3, Xiphilinum in Augusto, et Alexandrum ab Alexand. lib. 3, cap. 26.

8. Potest autem id fieri duplici jure: Primò, jure defensionis innocentis: et hoc jure posset etiam is qui non est pars reipub. oppressæ, mens enim reipub. est ut à quovis defendatur, si alter liberari non potest. Secundo, jure vindictæ: quia reipub., vel ejus princeps, (si principem habet), potest vindicare injurias illatas, ita tamen ut injuriam vindicta non superet. Hoc jure non potest uti nisi auctoritas, ut miles, quia vindicta

requirit auctoritatem. Unde in pace non inferitur, nisi per judicem sententia interveniente, in bello, non per amicos.

9. In his tamen observandum primo, accessum esse, ut constet eum esse injustum deum. Si enim deus, et probare jus habet, non censetur tyrannus, tunc non licet interficere. Quamvis enim tyranni sunt omnes, quibus in bello periculi, aut in illis periculis hostibus, qui jure cumque potestate possunt licere, permittitur ut priores quoque deus in bello insulose interficeret, unde transigent, qui prius habebat se Pyrrum veneno necitatum, Pyrrus tradidit, ut testatur Cæsar, 5 Offensorem. Secundo, etiam timeantur magna mala a filio tyranno, vel a multis. Tertiò, ut non sit contra expressam repub. voluntatem. Illius enim est, auctoritatem istam vel certe consensum dare, censetur autem consentire, quando passim exes optant illum sublatum; imò quando non constat de contraria voluntate: nam tunc presumatur velle, quod juste velle potest, ut liberetur: atqui hoc juste velle potest, cum alia ratio non suppetat: ergo, etc.

10. Secundo, potest quis esse tyrannus ratione duntaxat administrationis, ut si is, qui est verus princeps, regni administrationem flectat non ad bonum publicum, sed ad sua privata compendia, auferendo illud injustis exactionibus, vendendo officia iudicum, condendo leges sibi commodas, publico parum utiles. Talis non potest à privatis interficere quamdio manet princeps. Hoc tantum probant rationes à Castro adductæ.

Probari id solet, primo, ex 1 Petri, 2: *Servi subditi estote in omni timore dominis, non tantum bonis et modestis, sed etiam dyscolis*; verum hic locus non agit de subditis principum, sed de mancipiis, et continet potius consilium, quàm præceptum, hortatur enim ut obediant, etiamsi ob fidem multas patiantur injurias à suis dominis, cum tamen in hoc casu possint fugere, si scandalum absit.

Secundò, probatur ex concil. Constantiensi, sess. 15, ubi damnatur hic articulus: *Quivis tyrannus potest et debet licite et meritorie occidi per quemcumque vasallum suum vel subditum, etiam per clanculares insidias et subtiles blanditias vel adulationes, non obstante quocumque præstito juramento seu confederatione factis cum eo, non expectatâ sententiâ vel mandato judicis cujuscunque*. In quo articulo sunt multi errores: Primò, quemlibet tyrannum posse occidi, nempe tam cum qui tyrannicè administrat, quàm qui tyrannicè titulum occupat. Secundo, debere occidi per quemvis subditum, cum tamen ex his plerique excusentur. Tertiò, idque etiam contra juramentum, et fœdus juratum, cum omne juramentum licitum sit servandum. Quartò, nullâ sententiâ judicis expectatâ, cum, si superiorem habet, ad eum primò sit confugiendum.

11. Tertiò, probatur, quia princeps, etsi tyrannicè regat, tamen manet superior unde Scriptura jubet nos, in rebus licitis, parere principibus ethiœis tan-

quàm superioribus, ad Rom. 13. 1 Petri 2. ex quo; etc. etiam in rebus illicitis. Hoc enim non solum inter, et ad imperatorem, cap. 13. Ergo non potest à subdito interficere non licet, non necessarium vitæ suæ à tyranno, sed quia tyrannis etiam auferat bonum, licet non in pace, et tunc non licet, ut ob eorum tabulam, testatur Cæsar, 6 Offensorem, sicut privatus quæpiam. Cum autem huiusmodi modis possunt per usum vel reipub. reserui, tum quia habenda est ratio maiestatis principis, qui omnibus sacrosancta esse debet, cum nobis auctoritatem divinam repræsentet, præsertim cum bona externa administrationi principis sint subjecta.

12. Adde, si tantum excrescat tyrannis, ut non videatur amplius tolerabilis, nec ullum aliud remedium supersit, primum à repub. vel comitibus regni, vel alio habente auctoritatem, esse deponendum et hostem declarandum, ut in ipsius personam liceat quodcumque attentare. Tunc enim desinit esse princeps. Vide Cajotum et Solum supra.

DUBITATIO V.

Utrum licitum sit occidere filiam in adulterio deprehensam, vel ipsum adulterum.

13. Quidam putant, primò, fas esse parenti, si filiam in adulterio deprehenderit, ipsam cum adultero occidere, modò adsint illæ conditiones, de quibus in 1. Patri, 20, et sequentibus, *de Adulteriis*; quarum prima est, ut filia sit juncta matrimonio secunda, ut sit in patris potestate; tertia, ut eodem impetu occidat filiam et adulterum, si possit; quarta, ut id faciat in domo patris vel generi; quinta, ut deprehendat eos in opere turpi.

Secundò, putant idem licitum marito in domo propriâ, in adulterum uxoris, si adulter sit persona vilis, ex 1. Marito, 24, *de adulteriis*, et 1. Gracchus, 4, c. eodem titulo. Ita sentit Julius Clarus, l. 5 Sententiarum, § Homicidium, n. 48 et sequentibus, et alii quidam recentiores.

14. Probari potest hæc sententia, primò, quia leges civiles non solum hoc permittunt, quatenus volunt esse impunè (ut communiter responderi solet), sed etiam expresse dant ius et potestatem. Nam d. l. 20, *de Adulteriis*, dicitur: *Patri datur ius occidendi adulterem cum filia, quam in potestate habet. L. 22, § 2. De occidendi patri concubitu domi sue, licet ibi non sit habitus, vel in domo generi. L. 25. Valuit hæc etiam in hunc potestatem patris competere, si ne quis ita occidat filiam deprehensam. Ut c. eodem tit. 1. Gracchus: Permittitur marito ut occidet adulterem, si vilis sit; et hunc dicit legitime interficere. Licet potest ex 1. Duodecim tabularum: *Morchus, in adulterio deprehensum necato*; ut refert ex aliis C. 11. de Matrimonio, 2 p., cap. 7, § 7. quæ lex etiam multò ante Athenis vixit, lata à Dracone et Solone, teste Plutarcho in Solone.*

15. Vix potest legem dare tunc auctoritatem, et constituere parentem et maritum veluti executores iustæ

punitiois; unde non faciunt auctoritate privatâ, sed publicâ.

Respondent quidam has leges esse injustas. Ita Fortunatus, tractatu de Ultimo fine, illatione 11. Sed contra primò, mirum est tot præclara ingenia Græcorum et Romanorum hanc injustitiam tot seculis non vidisse, eamque legibus et moribus à tempore Solonis probasse. Secundò, eadem leges redactæ sunt in codicem Justiniani principis christiani, et à reliquis principibus et jureconsultis christianis acceptatæ. Tertiò, lex civilis potest facere potestatem occidendi Bannitos, quos vocant, ob grave aliquod crimen: nam passim in Italiâ exstant statuta, per quæ licet impunè tales occidere, ut refert Clarus, supra, n. 52; item transfugas, qui ad hostes fugere tentant, l. 3, § *Transfugas*, τ. ad l. Cor. etiam, de Sicariis. Cur non etiam possit dare potestatem occidendi adulterum et filiam in scelere deprehenso? cum enim tales mortem mereantur, cur non potest ea, concessu legis, per patrem vel maritum inferri? Adde olim apud Germanos pernam adulterarii maritis permissam sine omni iudicio: ut refert Tacitus, de moribus Germanorum.

15. Ille tamen adverte, jure Casareo non permitti maritis ut occidant uxores adulteras, ut quidam theologi recentiores putant, sed tantum ut occidant adulterum, et tunc uxorem accusent in iudicio ut puniatur, ut docet Covarr. supra, et colligitur ex l. 2, τ. de Adulteriis: olim quidem aliquandù licebat; sed Augustus sustulit, ut refert Suetonius in Augusto; patri tamen permittitur ut occidat filiam simul et adulterum.

16. Ob has rationes videri possit hæc sententia non improbabilis.

Respondeo tamen, et dico primò, contrarium, nempe in foro animæ non esse licitum ante sententiam, esse tenendum. Primò, quia est communis sententia DD., ut affirmat Covarr. supra, n. 15, à quâ, in questione practica tanti momenti, non est facile recedendum. Secundò, quia istæ leges videntur improbatæ per canones. Nam 33, q. 2, cap. *Inter, hæc*. Nicolaus Papa consultus, utrum marito liceat secundum legem mundanam, nempe Longobardorum, ut ait Glossa, quæ tunc in Italiâ servabatur, uxorem, quæ adulterium perpetravit, interficere, respondit: *Sancta Dei Ecclesia mundanis nunquam constringitur legibus: gladium non habet nisi spiritalem, quo non occidit, sed vivificat*. Ubi occultè insinuat Ecclesiam improbare illam legem. Ad idem confirmandum adduci solet caput *Admonere*, ibidem; sed si benè examinetur, nihil probat. Confirmari potest ex D. August. l. 2 de adulterinis Conjugiis, c. 15: *Postremò quæro abs te an marito christiano liceat, vel secundum veterem Dei legem, vel Romanas, adulteram occidere* (alii legunt *abjicere*, sed malè); et post pauca, *Si, quod verius dicitur, non licet homini christiano adulteram conjugem occidere, sed tantum dimittere; quis dicat tibi: Fuc quod non licet, ut tibi liceat quod non licet? cum enim utrumque secundum legem Christi illicitum sit, sive adulteram occidere, sive illâ vivente alteram ducere, ab utroque abstinendum est*.

Idem credibile est Augustinum dicturum de parente et filiâ, marito et adultero.

17. Ratio autem potissima, cur illa potestas non sit concedenda, est, quia exponitur manifesto periculo salutis animæ eorum qui sic interficiuntur; idque absque ullâ necessitate: nam possunt capi, accusari, et per sententiam puniri: secus est de Bannitis, qui capi non possunt: deinde quia datur occasio occidendi impunè quem velis, domi tue, fingendo quòd cum uxore vel filiâ voluerit habere commercium.

18. Dico secundò: Post sententiam legitimè latam, potest parens occidere filiam, et maritus uxorem, si per judicem ei occidenda tradatur, ut fit in quibusdam regnis: tunc enim committitur executio justæ sententiæ, quæ sicut cuivis alteri, ita etiam ipsis concedi potest.

DUBITATIO VI.

Utrum liceat seipsum interficere.

(D. Thomas art. 5.)

19. Notandum est Donatistas, qui dicti sunt Circumcelliones, censuisse esse genus martyrii, seipsum interimere: unde passim se variis modis perimebant, ut August. refert hæresi 69 et alibi; contra hos disputat toto ferè lib. 2, quem scripsit contra epistolam Gaudentii, et lib. 1 de Civitate, à cap. 17 usque ad 28, et alibi.

20. Respondeo igitur, et dico primò, absque divinâ auctoritate non esse licitum seipsum directè seu ex intentione perimere; est communis sententia DD. Probatur primò, quia est contra illud Exodi 20: *Non occides*, ubi prohibetur occisio cujusvis hominis sine legitimâ auctoritate, ut docet August. cap. 17, supra: atqui nemo habet auctoritatem in seipsum, cum non sit seipso superior: ergo, etc. Secundò, quia est contra illud præceptum: *Diliges proximum tuum sicut teipsum*; ubi dilectio nostri constituitur mensura dilectionis proximi: atqui non licet occidere proximum sine auctoritate in ipsum; ergo nec seipsum: nam hoc est summi odii signum.

Dices: Optare sibi mortem, si causa subsit, non est signum odii, imò nec illicitum: ergo nec irrogare.

Resp. negando consequ. Multa enim sunt, quæ nobis aliisque optare possumus, nimirum ut inculpato modo obveniant; quæ tamen inferre non possumus: exemplum DD. multi afferunt in pollutione; sic possum malefico imprecari commeritum supplicium, non tamen inferre: possum optare multa pati pro Christo, quæ non possum inferre aut procurare, etc.

Tertiò, qui se occidit, reipub. injuriam facit: nam, illâ invitâ, veluti quoddam ipsius membrum abscindit etsi enim Respub. non habeat dominium in suos civis, sicut dominus in servum, habet tamen jus quoddam illis utendi in rebus necessariis.

Dices, non videri propriè injuriam in rempub., sed tantum generali ratione, quatenus est contra legem reipub., si quia talis lex vel consuetudo id prohibens in repub. sit; quod confirmatur, tum quia respub. non putat se ob id injuriâ affectam; sicut si quis ærarium

expilaret: tum quia quivis potest se subtrahere à reipub. et conferre se ad exterarum provincias, et tunc non plus commodi ex ipso constabit in reipub. quam si mortuus esset: tum quia fieri potest ut is qui se interficit, sit reipub. inutilis, vel etiam molestus: tum denique quia fieri potest ut sit solitarius, nulli reipublice insitus.

22. Resp.: Quidquid sit de istis rationibus, saltem est contra justitiam legalem, quæ non est minoris, sed potius majoris momenti, quam commutativa; vera ratio est, quia deest auctoritas.

Quarto, qui se interimunt, injuriam quandam Deo faciunt, rem eam, quæ ipsi soli subjecta est, absque auctoritate destruentes; nam ipse solus vitæ et necis potestatem habet, ut Sapientia, 16, dicitur; ordo enim rerum naturalis postulat, ut ea quæ homine sunt inferiora, ipsius potestati sint subjecta, ita, ut ea possit in usum suum interimere: ipsa verò humana vita non sit subjecta nisi Deo; et in certis casibus, nempe quando vita alienius, reipub. est noxia, ipsi reipub. loco Dei: non enim par est ut illud donum, quod nullâ suâ industriâ homo potest sibi comparare, nulloque modo ab ipsius consensu pendet, in ipsius sit potestate, sicut res inferiores.

Dices, si est injuria in Deum, ergo est contra virtutem religionis.

Resp.: negando consequentiam propriè loquendo, dicitur enim injuria in Deum, quia interimuntur res, quæ tantum generali modo est in dominio solius Dei, illque sine auctoritate à Deo concessa: tunc autem est propriè contra religionem, quando speciali modo est res Deo consecrata, et violatur absque auctoritate. Denique hanc sententiam multis locis docet D. Aug.; lib. de Civit., cap. 26, sic ait: *Hoc dicimus, hoc asserimus, hoc modis omnibus approbamus: neminem spontaneam mortem sibi inferre debere velut fugiendo molestias temporales ne incidat in perpetuas; neminem propter aliena peccata, ne hoc ipso incipiat habere gravissimum proprium, quem non polluebat alienum; neminem propter sua peccata præterita, propter quæ magis hæc vita opus est, ut possint penitendo sanari; neminem velut desiderio melioris vitæ, quæ post mortem speratur; quia reos suæ mortis, melior post mortem vita non suscipit.*

23. Sed contra objicitur primò: quidam coluntur ut martyres, qui tamen directè seipsos occiderunt; ut femine illæ, quæ cum ad tyrannum essent adducendæ, se in flumen præcipitaverunt, ne pudicitiam amitterent; de quibus Eusebius l. 8, c. 12 et 17, et Ambros. lib. 3, de Virginibus, ante medium: et S. Apollonia seipsam in regem conjecit, ut refert idem Eusebius l. 6, c. 55. Palladius etiam, historie Lausiace c. 150, aliam quandam feminam laudat, quæ cum accesseretur à tyranno, seipsam interfecit.

Resp.: Has et similes, dupliciter posse excusari. Primò, quòd id fecerint divinâ inspiratione; ita excusat eas D. August. loco citato. Simili modo etiam excusat Samsonem ibidem cap. 21; quamvis hic etiam aliter facillè possit excusari, ut infra, n. 33, dicitur.

Secundo, possunt excusari per ignorantiam inculpam. Nam se occidere ob patriæ salutem aut pudicitia custodiam, non est ita evidens esse malum, quin inculpate possit ignorari, et putari factum cum non solum ethnicis, præsertim Stoicis, quorum sententia elegantè explicat Justus Lipsius cent. 2, epist. 26, sed etiam multi Christiani, etsi doctissimi, ita viderentur sensisse. D. Hieronymus in cap. 1 Jonæ, versus finem: *Unde in persecutionibus non habet propria potestatem, absque eo, ubi castitas periclitatur, ubi aperte insinuat, in periculo castitatis id licere.* Scio Glossam et alios quosdam hunc locum Hieronymi in contrarium sensum explicare; sed violente. Ambros. et Eusebius supra, laudant mulieres illas, quod se occidissent, ne violarentur. Neque id tribuunt divinæ inspirationi; sed laudant factum tanquam honestum, ob talem finem. Palladius quoque non meminit ullas revelationis. Simili modo excusat Sotus S. Apolloniam: et excusari potest Razias, de quo 2 Machab. 14.

24. Dices: Quomodo coluntur ut martyres, si se illicito modo occiderunt; cum martyr ab alio debeat occidi?

Resp.: Quia propter fidem Christi ad hoc fuerunt quodammodo impulsæ. Unde cum ipse in eo facto non peccaverint, secundum moralem æstimationem censentur ab ipsis persecutoribus occisæ, et sic sunt martyres.

25. Objicitur secundò: quando aliquis legitimè condemnatus est ad mortem, potest cuivis à judice committi executio; ergo etiam ipsi reo: ergo saltem in hoc casu poterit seipsum directè occidere. Confirmatur quia tunc omnes rationes supradictæ cessant, non enim tunc agit contra charitatem sui, neque contra præceptum: *Non occides*, quia non occidit innocentem, neque propriâ auctoritate, neque absque juris ordine. Denique nulla videtur posse adferri ratio, cur tunc non liceat, saltem absque peccato mortali. Si dicas esse contra naturalem inclinationem, esseque nimium crudele, hoc quidem probat reum non teneri in se exequi, neque judicem id posse præcipere, ita ut obliget in conscientia; non tamen convincit, reum spontè non posse hanc commissionem suscipere: præsertim si permittatur illi mors facilis, ut venâ abruptâ, veneno hausto, corde transfixo, alioquin subito acerbissima. Sanè multò levius est, minusque natura horret sibi consciscere letum suave quàm ab alio perpeti dirissimum. Adde neminem sine causâ et justâ auctoritate posse in seipsum esse crudelem: tamen ex causâ, et cum tali auctoritate non videtur esse peccatum, saltem grave, si in seipsum crudelis sit. Secus tamen si tyrannus juberet, vel is qui non potest juste condemnare: quia sicut tunc non potest alteri committi executio, ita nec reo: deest enim justa auctoritas, quâ in re multum errarunt Stoici, non intelligentes veram causam, cur homo non possit se interficere.

Ob has rationes hæc sententia videri possit alienam non improbabilem, eamque insinuat Franciscus Victoria relect. de homicidio n. 50, ubi docet, eam qui

damnatus est ut veneno pereat, posse illud haurire; imò posse ad hoc obligari. Idem docet Arragon. q., 69, art. 4, et Corduba lib. 1, q. 36, addens esse eandem rationem aliarum poenarum. Et sanè dubitandum non videtur, quin possit os aperire ut infundatur; parùm autem videtur referre an ipse imundat, an alius, quando nulla datur amplius dilatio. I tergiversatio: item si serpentis ictu pereundum, an ipse reus applicet, an alius eum prestò habens. Quòd autem talis se directè occidat, quiddam Arragon. excuset, patet, quia intrò sumit rem, quæ non minùs directè extinguit, quàm ignis, vel gladius, vel plumbum liquatum. Neque inter hæc videtur esse alia differentia, quàm quòd haustus veneni minùs habeat horrois, nec possit commodè decorè per alium inferri, sicut supplicium ignis et gladii.

26. Verùm mihi placet contraria sententia: tum quia communis doctorum, à quâ in rebus practicis non facilè recedendum: tum quia sicut nemo est idoneus executor sententiæ mortis in parentem, ob reverentiam illi, qui est principium vitæ, debitam, et ob naturalem conjunctionem; ita multò minùs in seipsum: est enim actio directè pugnans cum inclinatione communis naturæ; nulla enim res seipsam ullo casu perimere intendit. Ex quo fundamento solvas argumenta alterius sententiæ.

27. Dico secundò, etsi non liceat seipsum directè occidere, licitum tamen est quando justa causa subest, aliquid facere vel omittere, unde certò scitur secururus interitus indirectè. Ita passim DD. infra citandi; ratio est, quia non est prohibitum homini ne vitam suam periculis unquàm exponat, ut eam conetur semper servare; sed tantùm ne ex intentione illam quasi exosam auferat, et ne absque causâ illam exponat, aut conservare omittat, tunc enim censetur illam ex intentione perdere; sicut prohibitum est, ne se ex intentione polluat, aut absque justâ causâ, ejus periculo se exponat. Explicari autem hoc potest multis casibus.

Primò, miles potest et tenetur non deserere stationem in periculo communi, etsi certus sit se occidendum.

28. Secundò, reus potest non fugere ex carcere, etsi certò sciat se morte plectendum, ut multi martyres fecère, imò potest malefactor zelo justitiæ et exempli publici, se offerre judici puniendum, ut docet Petrus Navar. l. 2, c. 3, n. 75, quia ob justam causam potest quis desiderare mortem, et etiam procurare legitimo modo, sicut alteri, ita et sibi.

29. Tertiò, condemnatus ad mortem per famem, potest abstinere à cibo clanculùm oblato; ut rectè docet Henricus quodl. 5, q. 31, Sotus l. 5, q. 6, a. 4, Lopez c. 63 Instruct.; quod mirum est negari ab Arragon et Victoria, cum doceant reum teneri bibere venenum, si ad hoc condemnatur; qui enim haurit venenum, positivè sibi infert aliquid directè interimens: qui non comedit, nihil infert, sed permittit calore interno vitam absumi; itaque solum non conservat vitam: ad quod satis gravem causam habet, nemine ut

se justæ sententiæ conformet. Confirmatur, quia si quis tantùm haberet idolothyta in extremâ necessitate, posset iis non vesci, et præoptare mortem: ut docet August. epist. 154, in fine, et Henricus supra. Idem dico, si solum haberet carnes humanas, quamvis etiam eo eventu talibus; sicut vesci, ut docet Cajet. q. 148, a. 2, ad 2.

Quartò, si duo in extremâ necessitate constituti sint, potest alter alteri cedere panem, quum habet, quo vitam tueri poterat, et sinere se emori: habet enim justam causam non comedendi, officium charitatis in proximum. Victoria n. 26, supra, Toletus l. 5, c. 6, et alii.

30. Quintò, potest quis se objicere telo ad conservandam vitam principis, et etiam ad conservandam vitam amici: imò si amicus sit condemnatus ad mortem, potest se pro illo offerre occidendum, inquit Toletus; intellige, si injustè: si enim justè, alliceret alterum ad peccatum.

31. Sextò, in naufragio potest alteri permittere tabulam nondum à te occupatam (imò etiam occupatam) et committere te undis, etsi non sit spes evadendi, ut docet Victoria n. 26, supra, et Petrus Navar. Hoc enim non est directè se interimere, sed exponere se periculo, ut ab undis, deprimenti corporis pondere, vincatur. Ubi adverte, eum qui prior rem occupavit in tali eventu, non teneri alterum admittere, sed posse impedire, nisi utrique sufficiat: si simul occuparunt, sorte dirimendum, nisi alter alteri sponte cedere velit.

Septimò, potes servire infectis peste, etsi putes te inficiendum.

32. Octavò, potes injicere ignem in pulverem tormentarium, ad evertendam turrim hostilem, etsi certum sit momento te dissipandum; neque enim tu te interimis propriè, sed ignis impetus, vel turris ruina; quibus te ob justissimam causam exponis, non secus ac is, qui se objicit telo ut corpus principis salvet; sic Eleazarus interfecit elephantem, à quo videbat se opprimendum; qui laudatur lib. 1 Machab., cap. 6.

33. Sic Samson Judicum 16, ut interficeret hostes populi, evertit domum, cujus ruinâ est et ipse obrutus. Nec obstat quòd D. August., lib. 1 de Civitate, c. 21, dicat, Samsonem non excusari, nisi quia Spiritus latenter hoc jusserat; quia alii hic nullam talem jussionem censent necessariam; vide Cajetanum in illum locum, et Ambros., lib. 1 Officiorum, c. 40, ubi factum Eleazari, quod est omninò simile, valdè laudat. Idem tenet Lopez 1, p. c. 65, in fine, et multi recentiores; estque res in bellis penè quotidiana: alioquin non liceret cum periculo vitæ suffodere turres et mœnia.

34. Hoc modo excusari possunt nostri milites et socii navales, qui sæpè fortissimè cum hæreticis prælio navali dimicantes, cum jam vident navem in potestatem hostium venturam, communi consensu ignem pulveri injiciunt, et se mari committunt, ne ipsi et navis veniant in hostium potestatem; non enim intendunt sui interitum, sed ne hostis navi cum publico damno potiat, et ut se ipsi, si quâ ratione possint,

mortis certissime ab hoste inferendæ eripiant : si enim quis potest desilire in mare ut salvet amicum , cui non ut evadat hostis crudelitatem ?

57. Socio , grassante incendio , si non suppetat alia ratio , non incendio inritis evadere , potest tunc saltem , per vim tunc dantes , eum cum eo in ignem perire : non enim aliter est incensum , nisi cum illud tormentum in ignem ex alio , quod ex animi natura instructu naturæ , minus tardas se salvare intendant.

DUBITATIO VII.

Utrum in aliquo eventu liceat interficere innocentem.

(D. Thom. , art. 6.)

V. G. Si tyrannus per quædam rationem , ut aliam Constantis Athariensis , et imperatoris sedis cardinalis illum interimat.

56. Respondeo et dico primo , non posse interfieri. Probatur , Exod. 25 : *Insentem et justum non occides ; quia aversor impium* ; est ergo impietas hoc facere ; ratio est , quia cum nullas hominum habeat deorum vite alterius , nemo potest eam tollere , nisi vel ad necessariam defensionem , vel ad circumum punitorem. Unde divus Augustinus , lib. 1 de Civitate , cap. 17 et 49 , docet , gravius esse peccatum occidere innocentem quam peccatorem.

Dices primo : Respublica potest exponere vitam suorum civium , ob communem salutem : ergo etiam potest vitam alicui eripere , quando id necessarium est ad commune bonum. Secundò , potest quis ad obtinendam victoriam dirigere tormentum in locum , ubi videt multos innocentes : quod nihil est aliud , quam eos occidere. Tertiò , viri Sumari occiderunt 70 filios Achab timore belli quod Jehu illis minabatur , ut patet 4 Regum c. 10 , et factum illud Deo placuit : ergo ob commune bonum licet interficere innocentes.

37. Ad primum respondeo , rempublicam posse suorum civium vitam exponere imperando justam defensionem , necessariam ad patriæ salutem , ad quam defensionem jure naturæ obligantur : quod longè aliud est , quam ipsam vitam directè eripere , seu inferre mortem ; eripere enim vitam innocenti , nihil per se confert ad avertendam reipubl. calamitatem , sed solum ex malitiâ tyranni. Itaque cum per se malum sit , non fit licitum ex eo quòd referatur ad talem finem , alioquin licitum esset sacramenta profanare , et hæreticas caeremonias inducere , si tyrannus id præciperet , excidium interminans.

Ad secundum , hoc non est directè et ex intentione occidere innocentes , sed præter intentionem ; intendit enim demoliri turrin , quod licitè potest ad obtinendam urbem. Neque tenetur abstinere , quòd hostes ibidem pueros et turbam imbellem collocent ; alioquin nunquam victoria posset obtineri , sed cepta prosequi potest , quatenus ad victoriam necesse , etiamsi inde sequatur illorum interitus. Si tamen illi essent in castris obsidentium , non possent interfici , ut civitas cogatur ad deditionem.

Ad tertium , valdè verisimile est , Jehu indicasse

ipsis voluntatem Domini esse , ut progeniem Achab deceret alioquin peccasse inducendo eos ad peccatum ; fuisse autem Dei voluntatem , qui vite necisque in omnibus potestatem habet , patet 2 Paralip. c. 22 , ubi dicitur : *Deum vocavit Jehu , et occidit domum Ahab.*

58. Dices secundò , potest tunc princeps cogere innocentem in ignem cum eo accedat , et , si de nocte , potest in ignem cum eo accedat , si de nocte , 1 per c. 6 , instruct. et Averanus , quoniam ibidem dicit , et Petrus Narum , lib. 2 , c. 5 , n. 120 , quamvis Sotus lib. 5 , q. 4 , art. 7 , et quidam alii negent. Probatur primo , quia ille innocens tunc ex caritate et pietate in patriam et ex justitiâ legem tenetur egredi , et se morti exponere , si certum sit civitatem communem aversum iri : ergo etiam ad hoc potest cogi.

Respondet Sotus , cum non teneri ex justitiâ particulari , ac promde non posse cogi. Sed in hoc fallitur ; nam ad multa cogi possumus per Magistratum , ad quæ ex justitiâ non obligamur : ut ad dandum elemosynam in magnâ fame , ad vendendum frumentum , ad vitandos sumptus immodicos in vestes et convivia ; ad vitandam ebrietatem , fornicationem , incestum , sodomiam , blasphemiam , certos ludos , et similia ; ad quæ tamen ex justitiâ non obligamur ; ergo similiter poterit iste innocens cogi , ut tyrannum accedat , etiamsi certissimè sit interficiendus : sicut cogi potest ut stationem suam tempore belli obeat , etiamsi constet esse interficiendum , quòd si nollet ire , jam verè non esset innocens : unde posset à reipub. tyranno tradi ; similiter si timeretur fugâ elapsurus cum perniciæ reipublicæ.

59. Secundò , si principe in extremâ necessitate constituto , non suppetaret nisi unus panis hominis privati , posset ille cogi ad cedendum eo principi , et etiam vi spoliari , etiamsi esset moriturus fame : ergo etiam potest cogi ut accedat tyrannum , quando id necessarium est ad salutem reipubl. Consequentia patet ; quia qui aufert illi panem , non minùs videtur ad mortem cooperari , quam qui cogit adire tyrannum , vel qui alium tradit.

Tertiò , si in hoc esset aliqua injuria , id proveniret ex eo quòd iste tradatur invitus ; atqui hoc non obstat : quia panis etiam aufertur ab invito , et tamen non fit ei injuria , eò quòd ex charitate obligetur illum spontè dare : ergo cum hic sit obligatio spontè accedendi ad tyrannum , si cogatur , non fiet injuria , potest enim legitimus superior cogere ad ea , ad quæ jure naturali obstringimur.

40. Dices primò , tradere innocentem tyranno in hoc casu , est ipsi cooperari ad necem innocentis : atqui hoc est illicitum , ergo , etc. Antecedens probatur , quia si satellites ipsius caperent et traderent illum , verè cooperarentur ; ergo similiter si reipub. id faceret.

Secundò , si tyrannus in hoc casu peteret sibi tradi virginem ad viandum , non posset reipubl. illam invitam tradere : similiter si peteret codices sacros ad comburendum , vel sacramenta ad temerandum : ergo nec innocens poterit tradi , qui ad mortem queritur.

Ad primum respondeo, negando id esse propriè cooperari ad necem. Ad probationem : est dispar ratio inter satellites tyranni et repub., nam illi nullam auctoritatem habent in innocentem ; unde inferunt ei injuriam, respub. verò habet auctoritatem ; est enim jure naturæ superior singulorum : unde potest cogere ad id, ad quod ille jure naturæ erat obstrictus ; utitur enim jure suo.

Ad secundum, nego consequentiam : est enim ratio dissimilis ; virgo enim ob periculum animæ non tenetur ire ; unde nec respub. potest eam cogere vel tradere ; potest tamen urbe excludere, et non tueri : non enim cum tanto suo damno tenetur illam protegere, vel apud se retinere.

Quod ad codices sacros et sacramenta attinet, dici potest esse disparem rationem ; quia neque in rebus ipsis est obligatio ut tradi debeant, neque Deus tenetur sustinere illam injuriam, ut homines non occidantur. Accedit, quòd in hujusmodi tradendis ad imperium tyranni, ferè semper sit periculum scandali publici ; videtur enim proditio quedam rerum sacramentorum. Unde veteres illud semper pro magno crimine habuerunt, ut patet ex D. Augustino, epist. 64, et 71, et Hæresi 69.

DUBITATIO VIII.

Utrum liceat alterum occidere in vitæ suæ defensionem.

(D. Thom., art. 7.)

41. Respondet D. Thomas licere, quando id necesse, modò tamen non intendatur mors invasoris.

Notandum est Augustinum de Anconà, tractat. de potestate Ecclesiæ, q. 52, art. 3, docuisse, *occidere invasorem non esse licitum, sed solum permissum*. Idem videtur sensisse Gerson tract. de Eucharistiâ. Ratio eorum est, quia tenemur potiùs corporalem mortem oppetere, quàm ut proximum in æternam damnationem præcipitemus. Sed contraria sententia est communis ; pro quâ dico primò fas esse occidere injustum invasorem, ob defensionem vitæ suæ, et integritatis membrorum, cum moderatione inculpatæ tutelæ. Ita D. Thomas hoc loco, et Victoria relect. de homicidio, num. 17 ; Gomez, tom. 3, cap. 3, num. 22, et sequent. Covar., relect. in Clement. Si Furiosus, 3 p., § unico, num. 6 ; Sotus, lib. 5 de Justitiâ, q. 1, art. 8, et alii. Probatur primò, quia Exodi 22, dicitur, *eum qui furem nocturnum occiderit, non esse reum homicidii*, nempe quia discerni nequit, an venerit animo occidendi, an furandi tantùm, ut D. August., q. 84 in Exodum exponit. Secundò, quia *vim vi repellere, leges omniaque jura permittunt*, ut ait Alexander III, cap. Si verò, 1 de sententiâ excommunicationis, et Innocent. III, cap. Significasti, 2 de Homicidio. Quare etiam clericis et monachis hoc concessum, sicut et laicis : idque contra quoscumque, etiam contra superiores, ut monacho contra abbatem, filio contra parentem, servo contra dominum, vassallo contra principem, et in quocumque officio sit quis occupatus : ut si celebret et invadatur, potest se tueri, et occidere invasorem, si necesse sit, et postea Sacrum continuare, ut docet D. Anton., 3

p. tit. 4, cap. 3, § 1 ; Silvester, verbo Bellum, 2, § 7 et 5, et alii.

42. Unde quod Sotus ait, si invasor sit princeps vel persona admodum utilis reipub., ego verò parum utilis, teneri me perpeti mortem, tantum verum est eo eventu, quo ex interitu alterius sequeretur magnum reipub. damnum, ut bella civilia ob successionem, etc. Idem jus suo modo locum habet in bestiis. Si enim bos tuus invasus à bove alterius, occidat invadentem, non teneris dedere eum noxæ, domino bovis occisi, ut colligitur ex L. 1, § Cum arietes, π Si quadrupes pauper fecisse dicatur. Eodem jure furiosi et amentes occidi possunt quando invadunt, si aliter elabi nequeas.

43. Dixi cum moderamine inculpatæ tutelæ (sic enim loquitur Alexand. III, supra), id est, cum eâ moderatione, sine quâ injuria depelli non potest : quia in defensione non potest uti majori vi, quàm sit necesse ad injuriam arcendam : alioqui non est defensio, sed ultio, unde teneberis ad restitutionem. Itaque eum qui percussit, et jam fugit, vel certè destitit, et amplius non metuitur, non potes occidere vel repercutere (nisi fortè interdum ad defensionem honoris, de quo infra), quia illa repercussio non est necessaria ad vitam tuendam ab injuriâ, ut quæ jam illata sit ; si tamen paret se percussor ad feriendum secundò, vel putetur aliter non destitutus, potest statim repercuti, si alioquin vis ejus declinari nequeat.

Ut autem meliùs intelligatur quo modo quisque vitam suam tueri possit, et in quibus periculis, notandum est vitam multis modis impeti posse et invadi.

Primò, si reipsà me ferias armis. De hoc nullum est dubium.

44. Secundò, si accedas ad feriendum, nec possim evadere, nisi vel fugiam, vel te præveniam. Et quidem si possim absque periculo vel ignominia declinare vel fugere, teneor ex charitate, ut grave damnum in me vel in proximo caveam. Unde religiosi et ecclesiastici tenentur fugere, quia id illis non probro, sed laudi datur : non enim illorum laus est in armis et audaciâ, sed in pietate et humilitate. Si tamen nolint fugere, non peccabunt contra justitiam, etiamsi invasorem occidant, justâ moderatione servatâ, ut docet Julius Clarus de Homicidio n. 32, addens hanc esse communem sententiam ; incurrent tamen irregularitatem. Si absque periculo, vel notâ ignominia non possim fugere, possum te prævenire ; non enim teneor expectare donec percusseris. Ita Covar., Sotus, Gomez, et alii, estque communis sententia doctorum, teste Julio Claro, num. 33.

45. Tertiò, si nondum accedis, tamen instructus es ad invadendum, nec possum evadere nisi præveniam : tunc enim possum prævenire, ut iidem doctores docent, et Navar., c. 15, n. 3, ubi ponit exemplum de marito qui pugionem condidit sub cervicali ut uxorem interficiat ; quem uxor id certò sciens, si aliud remedium non superest, potest prævertere. Ratio est, quia etsi nondum actu invadat, putat tamen invadere, et ita illam tenet conclusam et obsessam, ut aliter evadere

nequeat. Idem docet Cordab. lib. 1, quest. 58, de eo qui alteri paravit venenum, posse eam illud industria converti in auctorem, si alia ratio evadendi non supersit.

46. Quartò, si per famulum vel sicarium me statueris occidere, nec alia sit spes evadendi. Hoc etiam casu videtur licitum prævenire, si periculum sit præsens: ut, si actu mandes vel suadeas; videtur enim eadem ratio quæ in tertio; parum enim refert an per te, an per alium, invadas et comitis inteveneris; quod si periculum adhuc esset longinquum, ut si conjuraveris in meam necem, jamque cum suavis egeris, ut opportunitatem querant exequendi, major est difficultas. Sed videtur eadem ratio, si nulla alia supersit via evadendi; quia ita vitæ me insidiatur, ut alia ratione non possim elabi. Non enim tencor perpetuò me intra domum concludere, vel in exteris regiones concedere; esset tamen insidiator ille aliquoties ante monendus ut desistat. Ita docet Bannes, q. 64, art. 7, dub. 4, et quidam alii recentiores.

Mihi tamen hic modus in præxi non probatur, tum ob alias causas, tum ob periculum abusus, tum quia perrarum est, ut non suppetat alia ratio mortis evitandæ.

47. Quintò, si falsis criminationibus, testibusque subornatis (verbi gratiâ, imponendo sacrilegium vel crimen nefandum) vitam meam impetas in judicio, nec alia sit ratio effugii, quidam doctores concedunt, inter quos Bannes loco citato; ubi dicit licitum esse occidere eum qui vadit ad judicem ut imponat falsum testimonium, propter quod eris occidendus, vel infamandus, vel amissurus bona temporalia. Ratio ipsius est, quia hoc non est invasio, sed justa defensio. Item extendit ad eum qui contra justitiam legalem pandit crimen occultum.

Petrus Navarra, lib. 2, c. 5, num. 361, sentit esse probabile. Favet Cajetanus infra, q. 95, art. 8, ad 3. Probari potest primò, quia nihil refert utrùm invadas me gladio tuo, an alieno, ut ait Cajetanus: atqui calumniator ille invadit gladio alieno, nempe judicis; unde Nathan ad David ait: *Interfecisti Uriam gladio filiorum Ammon*; et Judæi, juxta D. August., occiderunt Dominum *gladio linguæ*. Secundò, si dominus vocaret famulos ut me occiderent, possem prævenire, occidendo dominum, ut famulos in meam necem concitare desinat, si aliter salvus esse nequeam; ut docet Bannes loco citato. Atqui eadem videtur ratio, cum calumniator conatur per judicem: cogit enim illum ut me occidat. Tertiò, quia in hoc casu licitum est mihi acceptare duellum, ut docet Cajetanus supra, et in Summâ verbo Duellum, et alii doctores passim. Atqui tunc possum occidere in pugnâ, si aliter evadere nequeo injuriam: cur non etiam sine duello? Nam acceptatio duelli nullum jus tribuit, sed solum facit, ut honestiore modo videar me tueri. Imò Bannes aperte indicat, in eo casu licitum esse non solum acceptare, sed etiam provocare calumniatorem ad duellum, citans in eam sententiam Cajetanum, quamvis ego id apud Cajetanum non inveniam. Sed et hæc sententia,

etsi fortasse speculative probabilis videri queat, non tamen in præxi est admittenda, ob incommoda quæ ex ea sequi possunt. Facile enim homines sibi persuadent se per calumniæ accusari, et non esse effugium, nisi morte accusatoris: neque multe cordes injuste patrantur; denique talis in repub. bene constitutâ, ut homicida plecteretur.

48. Sexto, si malefica positus certis signis magicis assidue per dæmonem noceat. Hoc casu si aliud remedium non suppetit, uti poterimus jure defensionis, cogendo eam verberibus, ut ab injuria cesset; si tamen certo constet eam esse mali auctorem, et patetur sine novo maleficio prius maleficium tollere posse. Ratio est, quia illa perinde facit, atque si tyrannus aliquis per suos satellites torqueret: utitur enim dæmone tanquam instrumento, eum assidue instigans signis illis, quibus se dæmone obstrinxit, ad noxam inferendam. Nihil autem interest, per te, an per ministros tuos noceas.

49. His adde, quando necesse est ad vitæ defensionem, nec alia patet ratio contra injustum invasorem, posse acceptari duellum, imò etiam offerri: ut si inimicus armatus te inermem inveniens, permittat tibi arma, ut militariter te occidat, vel si roges ut arma tibi permittat: tunc enim est vera defensio. Cajet. supra, Navarra c. 21, n. 39 et cap. 15, n. 9; Angelus, v. Duellum, n. 2; Lyranus, in c. 17, l. 1 Regum, et alii. Eadem videtur ratio in invasione fortunarum, ut colligitur ex iisdem auctoribus, traduntque in specie Angelus et Bannes. Nam fortunæ sunt necessarium vitæ instrumentum, subsidium, et ornamentum.

Contra hanc propositionem objicitur primò, Matth. 26, ubi Dominus Petro volenti se et ipsum defendere, dicit: *Omnes qui acceperint gladium, gladio peribunt*. Et confirmatur ad Roman. 12: *Non vos defendentes, charissimi*.

50. Respondeo: Petrus reprehenditur, primò, quia defensio illa habebat potiùs speciem vindictæ quàm defensionis; non enim erat probabile, tantam turbam tali modo posse repelli. Secundò, quia erat contra Domini voluntatem, cujus responsum debebat expectare. Tertiò, quia Dominus non habebat opus tali defensore, nec decebat eum tali modo defendi. Quartò, quia erat contra Patris ordinationem, qui volebat ut Filius illorum vim iniquam non defugeret. Vide D. August., tract. 412, in Joannem.

Ad confirmationem, *defendere ibi accipitur pro ulcisci*, ut patet ex Græco οὐχ οὕτως ἐνδικούμετες. Simili modo Judith cap. 1 et 2, accipitur.

51. Objicitur secundò, plus tenemur diligere salutem animæ proximi, quàm vitam nostram corporalem: ergo ad hanc servandam non licet proximum occidere quia si occidatur, anima peribit.

Resp. negando consequentiam; qui non tenemur lege charitatis exponere salutem corporis pro salute animæ alterius, nisi quando ea est in extremo discrimine, ex quo non potest se nisi meâ ope vindicare; ut si infans esset moriturus sine Baptismo. Ille autem

sponte et merâ malitiâ conjicit se in discrimen salutis, et potest liberrimè se eximere. Deinde qui invaditur, non est certus suæ salutis, si se permittat occidi; invasor enim jam vulneratus, potest poenitere, et salvari.

Tertiò, possent multa objici ex Patribus, qui insinuant hoc esse illicitum. Sed hi Patres loquuntur vel de vindictâ, ut Cyprianus lib. 1, epistolâ 1, et Cyrillus Alexandr. lib. 11, in Joannem cap. 53; vel de defensione non necessariâ, ut Ambros. lib. 3 Officiorum, cap. 4; vel de aggressionem, ut August. epistol. 154, quæ est ad Publicolam; vel denique loquuntur de periculo excessûs odii, iræ et debite moderationis, ut idem Augustinus lib. 1, de libero Arbitrio, cap. 5.

Objicitur quartò: Clerici olim ante, Clement. Si furiosus, fiebant irregulares, si aliquem, se defendendo occiderent: ergo non erat illis licitum.

52. Resp.: Verius est non fuisse irregulares, ut colligitur ex cap. Si verò, et cap. Significasti, supra citatis, et c. de his Clericis, d. 50. Neque D. Th., hoc art. ad 5, contrarium sentit: quia loquitur de illo qui in defensione sui, modum excessit. Citat enim cap. de his Clericis, quod agit de illis qui debitum noxia non servârunt, ut exponit Glossa; quibus ob id penitentia ibidem dicitur imponenda. Nunquàm autem penitentia imponenda fuit, quando defensio cum debito moderamine facta est; ut apertè ex Alexandro III et Innocentio III, locis supra citatis, colligi potest; sed de hoc plura sua loco.

Sed difficultas est, utrùm liceat occisionem intendere, an solùm ipsam defensionem, ita ut occisio solùm per accidens inde sequatur, ut videtur dicere D. Th. hic, Cajet. et plerique Thomistæ. Alii videntur aliter sentire, sed in re non est discordantia. Unde

53. Dico secundò: Licitum est in actu defensionis intendere omne id quod judicatur ad vite membrorumque defensionem necessarium; ac proinde interdum etiam læsionem mortiferam, et consequenter ipsam mortem, nempe in causâ. Ita docet Sotus supra, et Victoria relect. de homicidio n. 17, et Navar. c. 15, n. 3. D. Antoninus, 4 p. tit. 4, cap. 3, § 1. Ratio est, quia nisi liceret eam sic intendere, defensio sui sæpè redderetur impossibilis: sæpè enim fieri nequit ut te defendas, nisi invasori vulnus lethale infligas, ut sclopo vel hastâ. Quòd autem D. Th. insinuat, privatæ persone non licere occidere invasorem nisi per accidens, omissâ Soti solutione, sensus est, personæ privatæ non esse licitum absolutè desiderare ut invasor moriatur; hoc enim non est necessarium ad sui defensionem; sufficit enim ut occidat viribus destitutus, ne ampliùs ledere possit. Non tamen vult negare quin modis omnibus possit se tueri, et intendere quidquid ad hoc prudenter judicatur necessarium. Unde in periculoso conflictu non debet esse scrupulosè anxius ne hostem lethaliter vulneret; sed potest eum ferire eo modo, quo commodius fuerit, ut vim ipsius comprimat, etiamsi caput vel pectus trahendum foret; quòd si mors sequatur, id ei disollet;

non enim ad directè et secundum se intendebat: et hoc est quod vult Cajetanus, et alii.

54. Petes, quâ auctoritate id facit, publicâ, an privatâ?

Resp.: Privatâ, quia non facit ut judex, vel princeps repræsentans rempub., vel publico nomine, seu ut custos boni publici: sed eo jure, quod quisque habet, ut est custos rei suæ: quo jure noxia retundere, et vim vi repellere potest, quo etiam omnia animantia utuntur. Si publicâ auctoritate faceret, posset illum occidere animo vindictæ, sicut facit judex.

55. Dico tertiò: Etsi licitum sit occidere invasorem, quando aliter nos tueri nequimus, tamen sæpè est salutare consilium, permittere se potiùs occidi, quàm occidere. Ita D. Antoninus supra, et Silv. verbo Bellum, 2, §. 7, et patet exemplo Christi et multorum sanctorum. Idem colligitur ex D. August., l. 1 de libero arbitrio, c. 5. *Legem quidem non reprehendo, quæ tales (latrones invadentes) permittit interfici; sed quomodo istos, qui interficiunt, defendam, non invenio*; nempe quia facilè excedunt modum, vel opere, vel affectu. et D. Ambros., l. 10 in Lucam, exponens illa verba Lucæ 22: *Emat gladium, dicit licitum esse sed perdere non pro ad Evangelium, non autem postea*; non quòd absolutè non liceat, sed quòd non ita deceat: quod si quis cum ait, *ut sit in lege aspirantis eruditio, in Evangelio bonitatis perfectio*. Ratio est primò quia periculum est, ne ira vel odium se adisceant, neve modum excedamus: et sic dum volumus salvare vitam corporis, vitam perdamus animæ.

Secundò, quia hoc modo magis conformamur Christo, ejusque Apostolis, et martyribus.

Tertiò, quia charitas, etsi non obliget, tamen ad hoc magis inclinât, ne proximus in æternum pereat.

Ob has rationes, sentio hoc consilium magni faciendum, et omnibus clericis, maximè viris religiosis amplectendum, ut malint mortem perpeti, quàm iniqum invasorem occidere.

56. Dixi sæpè, quia si quis putaret se esse in peccato, et valdè timeret damnari, si tunc occideretur, teneretur se tunc omnibus modis tueri: quia magis tenetur diligere salutem animæ suæ quàm proximi. Ita docet D. Antoninus supra.

DUBITATIO IX.

Si is qui invaditur non possit se tueri, nisi cum periculo innocentis, quo invasor se protegit, utrùm ei liceat se cum illo periculo defendere.

57. Resp.: Probabilius est posse; ita Corduba, q. 35, lib. 1, et Petrus Navar., l. 2, c. 3, n. 147.

Probatur primò, quia qui invaditur, jus habet se defendendi, quo jure non privatur ex illâ innocentis interpositione, ut quæ ipso invito facta sit. Secundò, à simili: qui urbem justè obsidet, potest dirigere tormentum in turrim vel monia, prent necessarium ad victoriam, etiamsi hostes ibi ligaverint aliquos innocentes, ut communiter sentiunt doctores; ergo simili-

ter ad necessariam vitæ defensionem, potest petere adversarium, quamvis ille innocentem objiciat.

58. Adverte tamen primò, si potes fugere, teneris, saltem ex charitate, ne innocentem interficias.

Secundo, non potes directe impetere innocentem, ut illo sublato facilius superes adversarium; potes tamen petere adversarium, etiamsi ipse innocentem ante se teneat; ut notavit Corduba.

59. Petes, quid si fugiens hostem, non possit evadere nisi per angustum iter, ubi proteret infantem, vel claudum; poteritne illa fugere, ut se salvet?

Resp.: Petrus Navarra negat, nisi sit aliqua probabilis spes non interficiendi. Sed revera videtur eadem ratio, quæ in casu superiori; ita Corduba, l. 1, q. 58, dub. 2, et colligitur aperte ex Capotano, q. 67, a. 2, ubi dicit, *occidere innocentem per accidens, dando operam rei licitæ et necessariæ, non est contra jus naturale, divinum, vel humanum.*

Probatur: Nam iste jus habet ad fugam viâ publicâ: quo jure non potest privari in tanto discrimine, ratione infantis, vel claudi ibi fortè constituti: sicut si fugienti amens quispiam vel ebrius se objiceret, non teneretur cum certo vitæ periculo alio deflectere, sufficit igitur in tali casu, ut eam circumspectionem adhibeat, quam pro tempore et loco potest, ne noceat; quod si læsio vel mors secuta fuerit, non censetur ab ipso intentâ, sed solum permissa. Nam utitur jure suo, extrinsecè sibi necessario, eâ circumspectione quâ potest.

Si tamen infans sine Baptismo esset moriturus, eo eventu, lege charitatis teneretur potius se permittere occidi; quia salutem proximi spirituales, suæ corporali tenetur antepone.

DUBITATIO X.

Utrum ad conservationem vitæ matris liceat præbere pharmacum, quo proles putetur moritura.

60. Quidam doctores sentire videntur, licitum esse dare pharmacum ad faciendum abortum, si fœtus nondum sit animatus, quando id necessarium putatur ad curationem matris periclitantis: secus verò si sit animatus. Ita videtur sentire divus Antoninus, p. 3, tit. 7, cap. 2, § 2, ex Joanne de Neapoli. *Medici*, inquit, *dando medicinas prægnantibus ad procurandum abortum, et mortem ejus, ut occultetur peccatum, mortaliter peccant; sed si faciunt hoc ad præservandam prægnantem à periculo mortis, in quo est ex puerperio, tunc secundum Joannem de Neapoli, in 10 quodlibeto, distinguendum est de puerperio: si enim erat animatus, dando talem medicinam, medicus peccat mortaliter, quia est causa mortis puerperii corporalis et spiritalis: si autem puerperium nondum est animatus, posset et deberet tunc dare talem medicinam, etc.* Eadem verba refert Sylvest., v. *Medicus*, quest. 4, et Fomus v. *Aborsus*, num. 2. Eandem sententiam tenet Henriquez, et noster Sanchius, lib. 9 de Matrim., disput. 20, num. 6 et 10. Ratio est, quia in hoc casu fœtus est aggressor: nam veluti invadit matrem, dum ejus salutem periculum creat, sicuti pravi humo-

res invadunt naturam: ergo simili ratione pelli potest, cum nihil incommodi majoris momenti ex eâ re sequitur. Melius enim est depellere partum nondum animatum, quam extinguere matrem. Secus est cum proles est animata, tunc enim esset directum homicidium innocentis. Confir., quia ob salutem totius licitum est abscondere partem, ut infra dub. 14, dicitur; atqui fœtus est pars ventris, priusquam distincta anima informetur. L. 1, § 1, π. de ventre inspicendo.

Etsi hanc sententiam non damnem, tamen contraria mihi videtur omnino vera, si de directâ intentione abigendi partus loquamur. Unde,

61. Respondeo et dico primò: Non licet ei præbere pharmacum eo animo ut faciat proles abortionem, sive ante, sive post animationem. Ita Covar. Clement. Si furiosus p. 2, § 3, num. 1, et cæteri doctores; est enim communis omnium sententia, ut inquit Petrus Navarr., l. 2, cap. 3, num. 110. Probatur: non licet post animationem, quia non potest directe occidere innocentem, ut alium serves; unde ei qui hoc fecerit constituitur pena mortis. L. penult., c. de sicariis, et L. Divus, 4, π. de extraord. Crimin. Neque etiam antè; quia procurare aborsum propter sanitatem, est illicitum, sicut procurare pollutionem ob eundem finem: utrumque enim est contra naturam generationis, neque est medium per se necessarium ad sanitatem. Confirmat Covarruvias ex Tertull. in Apol. c. 9: *Nobis homicidio semper interdicto, etiam conceptum utero, dum adhuc sanguis in hominem delibatur, dissolvere non licet. Homicidi festinatio est prohibere nasci; nec refert, natam quis eripiat animam, an disturbet nascentem. Homo est qui futurus est: nam fructus in semine est.* Item c. Si aliquis, 5, de Homicidio, dicitur, *eum qui fecerit ut mulier non possit concipere, vel generare, vel ut proles non possit nasci, ut homicidam tenendum.* Quia tamen vere non est homicida, non punitur morte, sed exilio, si est nobilis; ad metalla, si ignobilis, ut expressè habetur L. Si quis aliquid. 38, § Quia abortionis. π. de Pœnis.

Dices: Quid si certa sit mors utriusque, nisi adhibeatur tale pharmacum, et probabile sit matrem posse salvam conservari illo adhibito?

Resp.: Non refert; nunquam enim licet ista directe procurare, ut patet in simili de pollutione, et de acceleratione mortis infirmi; quæ nullo casu procurari possunt. Imò est magis directè et propinquè contra naturam generationis, expellere fœtum, quàm procurare pollutionem; sicut fœtus, etsi nondum animatus, longè propinquior est naturæ humanæ quàm semina nondum commixta. Deinde in pollutione solum expellitur semen rude unius generis, idque ex sede non ultimâ sed instrumentariâ; in abortu expellitur semen geminum, commixtum, elaboratum, idque ex sede primariâ et finali à naturâ ad hoc destinatâ.

Dices, pollutionem nullo casu esse licitam ob voluptatem conjunctam, quæ tanta est ut homines in eâ locarent summum suum bonum, si aliquo casu per-

mitteretur : ea autem voluptas non est in abortione ; ita quidam Doctores.

Sed contra : primò, quia sic non tam jure naturali, quàm positivo divino pollutio est prohibita, quod est contra communem doctorum sententiam ; illa enim causa prohibendi est omninò extrinseca et remota, et etiam locum haberet in actu conjugali. Secundò, quia pollutio non est prohibita propter voluptatem, sed voluptas illa est prohibita ob pollutionem, seu seminis inordinatam emissionem ; tum quòd naturà suà incitet ad spermatisum ; tum quia voluptas in ratione moris sequitur conditionem operationis ex quâ resultat.

Ad rationem contrariæ sententiæ. Etiam semen simili modo invadit quando abundantia vel retentio morbum creat ; et tamen directè pelli non potest, inò proles animata multò magis invadit quàm inanima, cum sit robustior, et plus alimenti absumat, magisque naturam offendat ; ergo si hæc directè potest depelli, etiam illa. Ad confirm., concedo majorem ; sed nego fœtum propriè partem esse. Lex illa citata non loquitur de fœtu inanimato tantum, sed etiam animato. *Partus, inquit, antequàm edatur, mulieris portio est vel viscerum.*

Quod ad auctores illos tres primo loco citatos attinet, verba illorum sunt obscura, et solum videntur velle dicere, licere dare medicinam talem quæ abortum faciat, non quidem directà intentione pellendi partus, sed curandi morbi ; ut si necesse sit ad salutem matris movere menses, an detrahare sanguinem, licitum est hæc intendere, etsi certissimè inde sequatur abortus. Si tamen partus est corruptus, tunc liceret directè abigere ob matris salutem, quia non habet ampliùs rationem fœtus aut puerperii, sed molæ aut malignæ massæ.

62. Dico secundò : Si mater periculose laboret, et non supersit aliud remedium, potest ei præberi pharmacum directè tendens in curationem, etiamsi putetur inde abortio secutura, modò proles nondum sit animata. Est communis sententia DD. Silvestri, v. Medicus, q. 4 ; Anton., 3 p., t. 7, c. 2, § 2 ; Navar., cap. 25, n. 62.

Probatur primò, quia mater ante prolem conceptam jus habebat utendi remediis necessariis ad vitæ suæ conservationem, quod jus superventu prolis non est ei ablatum.

Secundò, quia abortio tunc censetur solum permissa, non procurata ; quia præter intentionem supervenit, matre suo jure utente : sicut si valetudinis causâ utendum sit medicamento, vel certo cibi potusve genere, unde pollutio secutura putetur, quam nullo modo intendis, censebitur solum permissa, et per accidens eveniens.

63. Dico tertio : Si proles jam sit animata, non est licitum præbere matri medicamentum directè curativum, cum notabili periculo prolis, si certum erat, vel valdè probabile, prolem sine illo vivam edendam ; est contra Cordubam q. 38, dub. 2, et Ludovicum Lopez cap. 63. Sed nostram sententiam docent D. An-

ton., Navar. et alii supra. Ratio est, quia quilibet tenetur præferre salutem æternam proximi, suæ vitæ corporali, et hanc pro illâ exponere ; ergo si matre à medicamento abstinente, proles ad Baptismum servari potest, alioquin ante Baptismum moritura, tenetur mater abstinere, quamvis cum certo vitæ discrimine id futurum esset.

64. Adde tamen, si valdè probabile esset, non adhibito remedio utrumque moriturum, eo verò adhibito saltem matrem posse servari, eo casu licitè posse hæc remedia adhiberi.

Petes : Quando proles animatur animâ rationali ?

65. Resp. : Covarruvias supra putat mares animari die 40 à conceptu, feminas 80, et ita communiter sentire doctores. Sed nulla videtur ratio, cur tanta sit discrepantia inter marem ac feminam. Itaque verius est, utrumque fœtum animari simul atque fuerit formatus. Nam Exodi 21, juxta versionem Septuaginta dicitur : *Qui percusserit mulierem prægnantem, et illa abortum fecerit, si fœtus erat formatus, dabit animam pro animâ : si nondum erat formatus, multabitur pecuniâ.* Ubi apertè insinuat fœtum habere animam, simul atque formatus fuerit. Idem docent Medici. Quoto autem die formatio absolvatur, docet Lævinus Lemnius cap. 11, citans Hippocratem lib. de Naturâ fœtus, *maris formationem absolvi aliquando die 30, aliquando 35, aliquando 40, aliquando 45, feminæ verò, nunc 35, nunc 40, nunc 45, nunc 50.* Verùm Hippocrates id non docet : nam lib. de naturâ fœtus num. 10, docet masculum, ut longissimè, 30 diebus formari ; feminam, ut longissimè, 42 diebus, idque duobus locis eodem libro repetit, et probat ex purgatione, quæ post masculi partum durat diebus 30, post feminæ 42, ut diutissimè.

DUBITATIO XI.

Utrum liceat occidere furem, in defensionem suarum facultatum.

Covarruvias in Clement. Si furiosus, p. 3, § unico, n. 6, putat id esse licitum. Primò : Si sit fur nocturnus ; eò quòd præsumatur animo occidendi venisse. Secundò : Si sit fur diurnus, et telo se defendat, dum possessor vult impedire ne rem auferat. Ratio est, quia in his duobus casibus miscetur periculum personæ cum periculo rei familiaris. Tertio, non esse licitum, si cum re fugiat ; quia non miscetur periculum personæ.

Alii putant id absolutè esse licitum laicis, non tamen clericis.

66. Resp. et dico primò, laicis id esse licitum, si ille facultates sunt magni momenti, nec sit probabilis spes aliter illas recuperandi : est communior sententia DD. Antonini 3 p., tit. 4, cap. 3, § 3 (ubi docet non solum pro rebus suis quemque posse defensionem suscipere, vim vi repellendo, sicut pro suâ personâ : sed etiam pro rebus apud se depositis vel commodatis, et pro rebus amicorum, eos adjuvando), Cajetani q. 67, art. 7, Silvest. Homicidium 1, n. 5, Joannis Medinæ cod. de Restit. q. 4, Soti lib. 5, q. 1, art. 8, et multorum aliorum doctorum. Idem te-

nent plerique Jurisperiti, teste Silvestro, et Covar.

Probatur primo ex Scriptura. Exodi 22, ubi dicitur *non fore reum sanguinis qui furem nocturnum occiderit, sed qui diurnum*, quod non ideo tantum dicitur, quod nocturnus presumatur venire ad occidendum, diurnus minime, sed potissimum ideo quod ea quæ noctu surripiuntur, ordinariè non possint recuperari, fure ignoto, ut recte docet Joannes Medina. Cod. de Restit. q. 1. Ea verò quæ interdum, plerumque possunt. Hinc qui furem diurnum non se telo defendentem interficeret, non excusaretur ab homicidio in foro externo; in foro tamen conscientie excusaretur, si non erat probabilis spes recuperandi; vel si recuperatio non erat certa, sed dubia, ut Sotus ait: quia non tenetur res suas perdere, aut probabili periculo exponere, ut fur salvus sit.

Secundò probatur ex Jure Canonico. Primò, ex cap. *Interfecisti*, 2 de Homicidio, ubi ex penitentiali Romano dicitur: *Si autem sine odi meditatione, te tuasque liberando, hujusmodi diaboli membra interfecisti; si aliquid jejungere volueris, bonum est tibi, et eleemosynas fac largiter*. Ubi indicat non esse necessariam penitentiam, ac promde hoc licitum fuisse; hortatur tamen ad eleemosynas, ad cautelam, ne forte modum excesserit. Secundò, ex cap. *Olim* 1 de restitut. spoliatorum, ubi Innocentius III approbat quod episcopus Tridenensis, Templarios, qui ipso ignorante possessionem occupaverant, vim vi repellendo ejecerit.

67. Tertiò, ex cap. *Dilecto*, 6, de sententiâ excom. in 6: *Cum omnes leges, omniaque jura, vim vi repellere, cunctisque sese defendere permittant, licuit utique ipsi Decano (si prædictus Bullinus cum bonis suis mundanis injuriose spoliare, vel ea violenter occupare præsumpsit) contra illius violentiam injuriamque se tueri*.

Tertiò probatur ex Jure civili L. *Furem*, 9, §. 1. ad L. *Cornel. de sicariis*, et l. 4, §. 1. ad L. *Aquiliam*.

Quarto, ratione: 1^o Quia bona temporalia sunt ad vitam servandam necessaria: ergo sicut licet vitam tueri, ita etiam hæc quæ vitæ sunt necessaria, non solum præcisè ut vivamus, sed etiam ut convenienter et honestè vivamus. 2^o Quia aliqui daretur occasio furibus et latronibus viros probos spoliandi; nihil enim ab illis esset tutum, si defensio necessaria non posset obijci; concessa autem defensione, etiam concessa censetur occisio, sine quâ sæpè non potest esse defensio.

68. Dixi in propositione: *Si res illa sint magni momenti*; quia pro re minimâ, non videtur concessum jus defensionis cum tanto alterius malo: est enim valdè iniquum ut pro poma, vel etiam uno aureo servando, alicui vita auferatur. Si tamen tibi verteretur probro, nisi rem furi extorqueas, posses conari, et si opus esset, etiam occidere, juxta Sotum; tunc enim non tam rei quàm honoris esset defensio.

69. Dixi: *Nec sit probabilis spes aliter recuperandi*, quia si possit aliter recuperari (v. g. per judicem), sæpè erit saltem contra charitatem pro iniuria defensione occidere: ut si fur re ablata fugiat; quòd si non fugiat, sed vi se velit tueri contra eum, qui nititur fur-

tum impellere, poterit vicissim illi vis vi repellere quantum necesse erit, ut res salva sit, ut facit Covar. et alii, etiam si res per Judicem recuperari possit: quia non dicat charitas ut patiar res meas in mea presentia capi, utque tanta furis improbitati non resistam. Ratio est quia hoc faciendo magnam contumeliam infert, quæ vi repelli potest. Confirmatur ex cap. *Olim*, supra, ubi Innocentius III docet licitum fuisse episcopo vi ejicere injustum occupatorem possessionis; et tamen facile judicio potasset recuperari. Idem docet Silvester verbo *Bellum* 2, num. 5, ubi dicit: *Quando res per viam judicii potest recuperari, non licet eam defendere, nisi dum est in ipso rapto*; intellige, dum raptor adhuc præsens est, nitens alterum possessione naturali ipsius rei spoliare, etsi eum presentem videat; hoc enim est magna contumelia.

70. Idem dicendum, quando in judicio non potest nisi magnis molestis recuperari.

Potes an sit contra justitiam si furem procul fugientem conficias, quando res judicio est recuperabilis?

71. Respondeo verius videri non esse, ut docet Cajetanus art. 7, et colligitur ex dictis: quia quisque jus habet defendendæ suæ possessionis, etiam civilis; quam retines quamdiu furem habes in conspectu. Unde potes eam tueri: erit tamen contra charitatem, quæ postulat ut cum quàm minimo malo proximi rem tuam salves.

72. Dico secundò: Idem licitum clericis pro defensione rerum suarum; ita expressè D. Antoninus supra, ubi docet omnibus concessam esse defensionem rerum, quibus concessa defensio vitæ. Idem tenent reliqui supra, et colligitur evidenter ex cap. *Olim*, et cap. *Dilecto*, supra. Nam ibi conceditur episcopo et Decano. Ratio est, quia jure naturæ id illis est concessum, neque jure humano illis est prohibitum sub peccato: ergo, etc. Unde idem jus extenditur ad religiosos, secundum predictos doctores. Neque obstat cap. *Suscepimus*, de homicidio; quia illi duo fratres Benedictini non judicantur ibi peccasse, et esse irregulares, quòd res suas moderatè defenderint; sed quòd occasionem dederint homicidio, latrones captos ligando, et cum se solvere vellent, occidendo, cum sine occasione se suaque salva habere possent.

73. Utrùm autem clericus vel laicus sit irregularis, qui ob defensionem rerum suarum occiderit, alibi dictum est. Nunc breviter dico laicum non esse. Idem probabile est de clerico, si id fecerit cum debito moderamine. Cur enim fiat irregularis ob id quod (ut habetur cap. *Dilecto* 6, de senten. excom. in 6) omnes leges et omnia jura ei permittunt? Confir.: Quia occisio, privatâ auctoritate facta, non inducit irregularitatem defectu lenitatis, sicut cum fit publicâ auctoritate à giudice ejusque ministris; sed ratione culpæ. Unde cum absit culpa, non debet censeri irregularis. Vide Sotum l. 5, q. 1, a. 8, Covar. Clem. Si furiosus, 3. p. § ultimo. Idem postremò egregiè defendit noster Suarez in præclaro opere suo de Censuris.

Sed difficultas est, quousque se extendat hæc defensio

sio: quare notandum est variis modis posse rem meam invadi.

Primò, si per te nitaris auferre, teque defendas contra impredientem. In hoc casu est communis sententia, posse interfici, et fatetur Covarr.

74. Secundò, si re acceptà fugias. Tunc possum insequi, et ferire; vel si necesse sit, eminùs telo petere, ut si quis equo meo fugiat. Ita Sotus, sup., à. 8. Silvester v. Bellum, 2, n. 3 et 10, et alii passim.

Probatur primò, quia invasio rei durat, donec se in tutum receperit, ubi quietè possidere incipiat.

Secundò, quia nisi id esset licitum, defensio rerum maximà ex parte esset inutilis; possent enim fures quidlibet rapere, et statim fugà se proripere: in fugà enim essent tuti.

75. Tertiò, si re certo loco deposità, volentem ingredi in eum locum, vi impediās. Tunc videtur concessum ut vim vi repellam, meamque rem vi recuperem: si tamen desit iudex, cujus ope id possum consequi, ita Silvester v. Bellum 2, n. 13 et Panormit. in cap. *Sicut*, 5 de Jurejurando. Idem sentiant multi doctores fieri posse quando quis nullà morà interposità rem suam persequitur. D. Antoninus supra. Silvest. v. Bellum, 2, n. 10. Joannes à Lignano, cujus verba citantur ab Anton., Silvestro, Fumo et aliis, quibus docet: *Si vi possideas rem meam, posse me eam recuperare in continenti; nec posse te mihi resistere; secus si id tentem ex intervallo. Si possideas precariò, et ego eam velim mihi restituì; si deneges restitutionem, posse me ex continenti vim tuam repellere. Nam denegando, videris spoliare. Si possides rem meam clandestinè, posse me domum tuam ingredi; quòd si me nolis admittere, posse me vim tuam repellere.* Verùm puto hæc non concedenda, si res per judicem possit recuperari, vel si major perturbatio metuenda.

Quartò, si invadas res meas per famulum, vel arte magicà per dæmonem; nec alià ratione, quàm nece tuà possit impediri.

Quintò, si conjuraveris in mea damna.

Sextò, si impediās iniquè meos creditores, ne mihi satisfaciant.

Septimò, si falsà accusatione, vel falso testimonio, me fortunis coneris evertere; nec alia ratio impediendi suppetat.

Sed de his modis satis constat ex dubit. 8, et rursum aliquid dicitur dub. 12.

DUBITATIO XII.

Utrum pro defensione pudicitiae et honoris liceat occidere eum qui tentat violare.

76. Respondeo, et dico primò: Licitum est mulieri, adolescenti, et cuivis alteri, pro defensione pudicitiae occidere invasorem. Est communis sententia doctorum, quamvis D. Augustinus lib. 4 de libero Arbitrio, cap. 5, videatur dubitare. Ratio est quia pudicitia pluris meritò aestimatur, quàm multe opes: præterquàm quòd in hæc re sit periculum peccati. Idem ethnici senserunt. Nam, ut scribit Cicero Oratione pro Milone, adolescens qui tribunum occiderat, volentem vim inferre

ejus pudicitiae, à Mario exercitùs imperatore absolutus fuit.

77. Dico secundò: Fas etiam est viro honorato occidere invasorem, qui sustem vel alapam nititur impingere, ut ignominiam inferat, si aliter hæc ignominia vitari nequit. Ita docet expressè Sotus art. 8. Navarr. cap. 15, n. 3, et Silvest. verbo Homicidium, l. q. 5, et Ludovicus Lopez, cap. 62. Antonius Gomez, t. 3, c. 5, n. 23; Julius Clarus, § Homicidium, n. 26, ubi dicit *periculum famæ æquiparari periculo vitæ*. Ratio est quia hic conatur auferre honorem, qui meritò pluris apud homines aestimatur quàm damnum multarum pecuniarum; ergo si potest occidere, ne damnum pecuniarum accipiat, potest etiam ne hanc ignominiam cogatur sustinere.

78. Notandum est variis modis honorem alterius posse impeti et auferri, in quibus videtur concessa defensio. Primò, si baculum vel alapam nitaris impingere, de quo jam dictum est. Secundò, si contumeliis afficias, sive per verba, sive per signa. Hic etiam est jus defensionis. Nam, ex sententià omnium, licet contumeliosum occidere, quando aliter ea injuria arceri nequit (quanquàm ipse armis non invadat), ait Petrus Navar. lib. 2, cap. 3, num 376. Etsi autem id non inveniam apud auctores expressum, tamen videtur ex illis posse colligi (præciso scandalo, et aliis gravibus incommodis), quando contumeliæ sunt atroces, et alià ratione vitari nequeunt. Ratio enim naturalis dictat licitam esse eam defensionem quæ necessaria sit ad contumeliam depellendam et comprimendam: alioqui daretur licentia improbitati, optimos quosque contumeliis vexandi: quæ tamen multò quàm damna rei familiaris sunt acerbiores, magisque mordent animos. Cavenda tamen vindictæ libido. Non enim licet privatà auctoritate contumeliam vindicare, sed tantum compescere, quod etiam in vitæ et rerum defensione servandum: tanti interest quo animo quid agas. Verùm hæc sententia non est sequenda. Satis enim esse debet in repub., ut injuriæ verbales verbis repelli, et legitimà vindictà comprimi et castigari possint.

79. Tertiò, si illatà alicui alapà, cesses, vel etiam fugias, multi DD. censent in hoc casu, si vir nobilis vel honoratus hujusmodi injurià sit affectus, posse statim repercutere, vel fugientem insequi, et tantum infligere verberum vel vulnere, quantum putatur necessarium ad honorem recuperandum; ita tenet Navar., c. 1 5. nu. 4; Henriquez, de Irregularitate, cap. 10, ubi citat multos pro hæc sententià; inter cæteros Jasonem, Cordubam, Mantium, Pennam, Clarum, Cajetanum, et Antoninum; eandem docet Petrus Navar., lib. 2, cap. 3, num. 380, et citat pro hæc sententià Mercatum. Idem tenet Victoria, relect. de Jure belli, num. 5, ubi dicit *eum qui colaphum accepit, posse statim repercutere, etiam gladio; non ad sumendam vindictam, sed ad vitandam infamiam et ignominiam, etiamsi invasor non esset ulterius progressurus*. Unde sequitur, si ille fugiat, posse læsum statim insequi et percutere; si enim potest repercutere manentem, cur non fugientem?

Probari potest hæc sententia. Primò, qui rem meam accepit, et cum eâ fugit, potest a me percuti, ut eam relinquat, vel redeat, si alter nequit recuperari. At qui is qui illatâ gravi ignominia fugit, honorem meum quodammodo secum defert: nam in potestate illius est eum mihi restituere, offerendo satisfactionem: ergo possum illum percutere, ut honorem meum restituat, vel saltem ut eum sic recuperem.

Dices: Est dispar ratio, nam res adhuc exat, et manet tua; sed contumeliâ illatâ, honor jam perit: ergo hic non est defensio.

Respond.: In eo est paritas, quòd sicut res potest recuperari, ita etiam honor qui in signis excellentie et hominum æstimatione consistit. Secundò probatur, quia si damnum à te rebus meis illatum, non posset aliâ ratione sarciri quàm tui percussione, posses statim percuti, ut illo modo fiat damni reparatio: ergo si violato honore, non potest fieri aliter reparatio, quàm si feriatur is qui eum læsit, poterit feriri; debet autem hoc fieri in continenti, dum adhuc læsio honoris veluti pendet, suspensis hominum de tuâ fortitudine et generositate iudicis.

Tertiò, quia aliàs dabitur licentia improbis, quodvis genus contumeliæ in quemvis ingerendi: nam solâ fugâ vel cessatione tuti erunt, præsertim quando desunt testes, qui eos nôrint, vel quando non morantur in eodem loco.

Hic tamen adverte, si læsor veniam petat, offendi non posse; quia quantum in se est, honorem restituit; unde si alter velit ipsum impetere, poterit se tueri, ut rectè notat Petrus Navarra.

80. Ob has rationes, hæc sententia est speculative probabilis; tamen in praxi non videtur faciliè permitenda. Primò, ob periculum odii, vindictæ et excessus: si enim D. Augustinus ob has causas agrè admittit, ut quis pro vitâ tuendâ alterum possit occidere, quantò minùs in tali casu, ob honorem tuendum concederet? Secundò, ob periculum pugnarum et cædium; unde qui tali casu occideret, puniretur in foro externo, ut docet Gomez, supra, num. 24, etsi mitiùs, tum quia alter dedit causam, tum quia homo inteso dolore permotus, non est omninò sui compos.

81. Quartus modus est, si nomini meo falsis criminationibus apud principem, iudicem, vel viros honoratos detrahare nitaris, nec ullâ ratione possim illud damnum famæ avertere, nisi te occultè interficiam. Petrus Navar., n. 375, inclinât, licitum esse talem è medio tollere. Eandem tanquàm probabiliorem defendit Bannes, q. 64, ar. 7, dub. 4, addens idem dicendum, etiamsi crimen sit verum; si tamen est occultum, ita ut secundùm justitiam legalem non possis pandere; idem tenent quidam alii recentiores. Probari potest:

Primò, quia si baculo vel alapâ impactâ velis meum honorem vel famam violare, possum armis prohibere: ergo etiam, si id coneris linguâ. Nam parùm videtur referre, quo instrumento quis nitatur inferre noxam, si æquè efficaciter nocebit.

Secundò, quia contumeliæ possunt armis impediri; ergo etiam detractiones.

Tertiò, periculum famæ æquiparatur periculo vitæ; quod est commune pronuntium per se totum, inquit Clarus, num. 26; atquè ob periculum vitæ evadendum, licitum occidere; ergo, etc.

Quarto, quia jus defensionis videtur se extendere ad omne id quod necessarium est, ut te ab omni injuriâ serves innumm: monendus tamen detractor prius esset, ut desisteret.

82. Verum hæc quoque sententia mihi in praxi non probatur, quia multis occultis modis cum magna reip. perturbatione præberet occasionem. In jure enim defensionis semper considerandum, ne ejus usus in perniciem reipub. vergat: tunc enim non est permitendus. Accedit, quod etsi speculative vera esset, tamen vix in praxi posset habere locum. Nam infamia vel est illata, vel non est. Si est illata, non extinguitur per mortem infamantis. Si non est illata, plerumque non satis constat, aliter non posse eam impediri: ac proinde non poterimus eo modo defensionis uti.

83. Quintus modus est, si aliquâ occasione me provocas ad duellum, et nisi acceptem, censeor ignavus et meticulosus; nec potero ampliùs in aulâ comparere, vel ullam promotionem militarem sperare, ut in quibusdam aulis principum dicitur usitatum. Cur enim tali eventu non possim duellum acceptare: non equidem animo illum interficiendi, sed comparandi in loco condicto, ne famam et opinionem strenuitatis (quæ nobilibus æquè est clara atque ipsa vita) amittam? ita tamen ut si me invaseris, statuam me tueri cum debito moderamine. Confirmatur primò, quia si quis mihi velit adimere vitam vel bona, nec possim aliter ea tueri nisi acceptando duellum, possem acceptare, ut patet dub. 8; cur non etiam ut servem meum honorem et famam?

Dices, recusare duellum non est dedecus apud sapientes, sed tantum apud stultos: ergo, etc. Respondetur: Quidquid sit, est tantum dedecus, ut passim apud nobiles plorè æstimetur quàm omnium honorum amissio, imò sæpè quàm mors ipsa: ergo jure nature possunt hoc dedecus à se depellere, etiam cum vitæ periculo.

Confirmatur secundò, quia acceptare duellum, et comparere tali loco, non est intrinsicè malum, sed quiddam adiaphorum, quod bene et malè fieri potest: ergo si justâ causa subsit, poterit licitè fieri; at conservatio honoris, qui tanti æstimatur, est justâ causa: ergo, etc.

84. Hæ rationes videri possint alicui probabiles. Nihilominùs in praxi contrarium sequendum sentio, tum ob alias causas, tum etiam quia Ecclesia sub gravissimis pœnis vetuit duella, ut patet ex conc. Tridentino, sess. 25, cap. 19, de reformat., quod meritò potuit, ob maxima mala quæ alioquin sequerentur: tum denique quia is qui duellum offert, non nititur me spoliare meo honore: sed si honoris amissio sequi videtur, id solùm est per accidens et ex consequenti, atque ratione impediri potest: primò, si dicat se

paratum fore, si per Ecclesie decreta liceret; secundò, provocantem experturum, quicum negotium habeat, si palam et non proditoriè aggressus fuerit.

85. Dico tertio: Qui fuste vel pugno invaditur, non tenetur fugere, si fuga illi esset ignominiosa, sed potest sistere gradum, cum animo se defendendi, et ignominiam impediendi: ita communiter DD. Ratio est, quia non tenetur sustinere illam ignominiam (quæ pluris aestimatur quam multe pecunie jactura), ne lædat invasorem. Idem dicendum, quando vita vel fortunæ invaduntur. Quòd si fuga non sit illi ignominiosa, tenetur fugere, vel alapam sustinere, (saltem lege charitatis), ut tantum malum evitetur. Unde ecclesiastico vel religioso non liceret se tueri cum morte alterius, ad alapam vitandam; maxime quando fugere posset, quia fuga illis non est ignominia.

86. Utrum verò si religiosus nolit fugere, sed se tueri, peccet contra justitiam, lædendo vel occidendo invasorem quæri potest. Puto non peccare contra justitiam, maxime si vita vel fortunæ invadantur; non enim ex justitiâ tenetur fugere, et hæc bona talia sunt, ut possit ea defendere. Idem dicendum, si graves ictus baculi vel pugni inferendi, quia ut hos avertat, potest se tueri. Ita Julius Clarus, de homicidio, nu. 32, ubi generatim docet invasum non teneri fugere, etiamsi possit, sive fuga sit dedecori, sive non, dicitque esse communem opinionem jurisperitorum; quod intellige, non ita teneri, ut peccet contra justitiam, si se defendat; videtur tamen peccare contra justitiam, si ob levem alapam vitandam occidat: quia res quam defendit magni momenti non censetur: ac proinde non videtur ei esse jus, causâ illius retinendæ, tantum malum irrogandi.

DUBITATIO XIII.

Utrum pro defensione alterius liceat occidere invasorem, et an ad hoc teneamur.

87. Dico primò, posse nos vitam proximi, quæ ab alio privatâ auctoritate impetitur, tueri, etiam cum interfectione invasoris, si aliter defendi nequit. Est communis DD., ut docet Clarus, § Homicidium, nu. 27 et 28. Probatur primò, quia sicut quisque potest tueri vitam suam, ita etiam proximi, qui charitatis et naturæ nexu ipsi est conjunctus. Secundò, quia talis censetur innocens, etsi fortè invasioni causam dederit; nam injustè invaditur: atqui licitum est defendere causam innocentis, imò charitas ad hoc obligat, quando sine gravi incommodo nostro vel alterius id fieri potest.

88. Idque verum est, etiamsi ille nollet defendi, sed vellet se pati occidi: quia cum non sit dominus suæ vitæ, non potest eam alteri donare; ac proinde non potest aliis jus defensionis adimere.

Idem dicendum de pudicitia, honore et fortunis proximi, si sit sanguine junctus, vel opem nostram flagitet; ut docet D. Antonius, 3 p., tit. 4, c. 5, § 2, et alii passim. Injuria enim, quæ fit personæ nobis conjunctæ, in nos redundat. Unde pater potest tueri pudicitiam honoremque filie, et maritus uxoris, etiamsi

ipsæ nolint; et occidere invasorem, quia injuria in ipsum redundat.

89. Dices: Ergo maritus etiam uxorem volentem adulterari poterit occidere, si aliter tantam injuriam prohibere nequit. Respondeo negando consequentiam: dum enim occidit invasorem pudicitie uxoris, defendit rem suam, nempe corpus uxoris, ut illud sibi salvum conservet: occidendo autem uxorem, non defendit rem suam, sed eam interimit.

Dices: defendit honorem; uxor enim marito magnam facit contumeliam, si in ejus conspectu tantum nefas tentare audeat.

Resp. id minore damno prohiberi posse, feriendo illam pugno vel baculo, vel ipsum adulterum armis abigendo.

90. Dico secundò: Nemo tamen tenetur tueri vitam hominis privati, cum probabili periculo vitæ suæ, etsi jure possit, si velit. Ratio est quia non teneor exponere vitam meam pro vitâ corporali proximi: possum enim vitam meam diligere præ vitâ cujusvis alterius privati. Unde neque pro defensione parentis, quamvis id esset valdè laudabile. Secus est, si persona principis, unde pendet boni publici conservatio, periclitetur.

Dices: Quid si ex officio teneatur defendere, ut prætor, magistratus, princeps? Silvester, Homicidium 1, q. 6, indicat, tunc cum periculo vitæ teneri.

91. Sed contrarium est verius; non enim officium obligat, ut pro homine privato vitam exponat, sed tantum ut pro bono publico, cujus propriè et directè est custos; unde cum periculo vitæ tenetur hostes reipub. et latrones è medio tollere; non autem causam privati cum eodem discrimine persequi.

92. Dico tertio: Privatus non tenetur tueri vitam alterius privati, quando non potest sine occisione invasoris. Ratio est quia ubi mala sunt paria, nemo tenetur alterum inferre, ut excludat alterum, præsertim cum id fieri nequeat, nisi horrendo illo modo occisionis proximi. Unde etiam nemo tenetur tueri vitam suam per mortem alterius. Adde, si invasor sit parens tuus, non potes illum occidere, ut defendas alterum: id enim repugnat pietati filiorum in parentes; idem, et potiori ratione, si princeps; præsertim si aliàs in gubernatione reipub. benè se gerat. Sed difficultas est an teneamur vitam proximi tueri vel liberare cum jacturâ facultatum, et quousque. Quà de re dictum est q. 32, a. 5, dub. 1 de Eleemosynâ.

93. Dico quartò: Qui non defendit vitam vel fortunas proximi, dum commodè potest, peccat quidem mortiferè contra charitatem; non tamen tenetur ad restitutionem, nisi ex justitiâ teneatur defendere. Prior pars per se patet. Altera probatur, quia peccata quæ solum sunt contra charitatem non obligant ad restitutionem. Tertia probatur, quia qui lege justitiæ tenetur, si omittat, peccat contra justitiam, et consequenter tenetur ad damnum ex omissione illâ secutum. Sicut enim dum quis commissione peccat contra justitiam, tenetur ad damnum ex commissione illâ secutum, ita etiam dum omissione, tenetur ad damnum secutum ex omissione.

94. Petes, quidam tenentur lege justitiæ alios defendere? Navarrus, cap. 24, num. 18, putat omnes superiores ad hoc teneri erga inferiores, et inferiores erga superiores. Sed verius est ad hoc obligari, primo, omnes superiores publicâ auctoritate ad aliorum gubernationem preeditos, idque juxta modum et finem gubernationis cuiusque; ut sunt principes, prætores, magistratus: item episcopi et parochi; nam et hi quoque ex officio ad hoc obligantur secundum modum sue potestatis, et media sue gubernationis: sed in ordine duntaxat ad spiritalia, v. g., ne subditi doctrinâ pravâ inficiantur, ne sacramenta eis denegentur. Secundò, qui ad hoc potestate magistratuum vel principum sunt constituti, ut tutores et curatores. Tertiò, qui ad hoc specialiter conducti, ut milites. Quarto, qui ad hoc se explicitè vel implicitè obligarunt, ut feudatarii et omnes famuli. Alii non videntur obligari ex justitiâ. Nam parens non tenetur defendere vitam et fortunas filiorum lege justitiæ, sed pietatis et officii paterni. Similiter filii non tenentur parentum vitam defendere lege justitiæ, sed pietatis filialis. Unde si non faciunt, peccant contra præceptum: *Honora patrem*.

95. Pari ratione, parochiani non tenentur episcopum et parochum lege justitiæ defendere (quia hoc officium non susceperunt), sed lege observantiæ. Et subditi, qui neque sunt feudatarii, neque stipendiarii, non tenentur magistratum vel principem defendere lege justitiæ particularis, sed legalis, et etiam observantiæ, quamvis princeps et magistratus eos ex justitiâ defendere teneantur.

DUBITATIO XIV.

Utrum aliquando licitum sit se mutilare, et quibus eventis.

D. Thomas, quæst. 65, art. 1.

96. Suppono primò potestati publicæ licitum esse mutilare malefactores, sicut et occidere.

Secundò, licitum esse se mutilare, quando id necessarium est ad corporis salutem, ut si cancer membrum occupet, si vipera vel aspis momordit, nec aliud remedium præstò sit. Ratio est, quia membra sunt ob bonum totius: ergo quando aliquid membrum est toti corpori perniciosum, jus naturæ dicat posse secari.

Ubi adverte hominem teneri permittere sibi membrum secari, si medici id judicent necessarium, nec magni dolores sint ferendi, ut docet Sotus, lib. 5, q. 2, art. 1. Ratio est quia tenetur vitæ suæ periclitanti, mediis ordinariis non admodum difficilibus opitalari; si tamen ingentes essent cruciatus tolerandi, non tenetur permittere, neque etiam potest ad hoc cogi. Ratio est quia non tenetur quisquam cum tanto cruciatu vitam incerto eventu conservare. Unde Marius, cum ei crus aperiretur, ait: *Non est tanto dolore digna salus*. Excipio tamen duos casus: primò, quando vita alicujus censetur bono communi necessaria: tunc enim ob bonum publicum tenetur, et posset cogi à republicâ.

97. Secundò, si esset religiosus, qui se totum constituit in potestate sui superioris, quamvis de hoc

dubitari possit, quia non videtur superior rem tam heroicam inferiori imperare posse. Ita docet Salomus in hunc articulum, et hoc videtur probabilius: nisi fortè ille religiosus esset necessarius reipub. vel communitati, et salus esset omnino certa (quod rarum est), et dolores non minus duraturi.

Difficultas superest de duobus casibus: prior est, utrum ob animæ salutem, v. g., ad carnis tentationes vitandas aut superandas, liceat se mutilare: alter est, utrum jubente tyranno possis tibi manum abscindere, si alioquin mox esses interficiendus.

98. Ad priorem respondeo id nunquàm licere, ut patet can. 22 Apostolorum, et can. 1 concilii Nicæni, ubi id expressè cavetur. Ratio est quia id nunquàm est medium necessarium ad animæ salutem; non enim membra adferunt homini perniciem (alioquin Deus pravè naturam instituisset), sed malitia et negligentia liberæ voluntatis. Unde qui ob hanc causam membrum aliquod secant, tacitam quandam injuriam et blasphemiam Deo irrogant. Adde, neque etiam esse conveniens remedium vel utile, quia abscissio seu castratio (de quâ præcipuè est quæstio) non tollit tentationes carnis, sed solum impedit generationem; quin potiùs illi qui castrantur, præsertim in virili ætate, magis incitantur libidine, ut docent Patres: Basilius, libro de Virginitate, circa finem, ubi id probat rationibus et exemplis: et Chrysostomus homil. 63 in Matthæum, et Augustinus libro 6 contra Julianum, cap. 5. Unde passim reprehenditur Origenes, de quo vide Euseb. lib. 6 hist., c. 6, et fusè apud Baronium, tom. 2 Annalium, ad annum Domini 208.

99. Dices: D. Marcus dicitur sibi pollicem præscidisse ex humilitate, ne cogeretur sacris initiari: ergo ob similem casum licebit. Respond. hunc non fuisse Marcum Evangelistam, ut rectè docet Baronius, tom. 1, ad annum 45, sed alium quemdam Marcum anachoretam, qui nisi divinâ inspiratione id fecerit, vel ignorantia probabili excusetur, laudandus in eo non est. Tali inspiratione putatur fecisse adolescens ille, qui linguam mordicus sibi præscidit, et in faciem meretricis, ut se ab ejus impuro contactu tueretur (cùm aliter non posset), exputit; de quo Hieronymus in Vita Pauli, in principio, quamvis etiam sine peculiari inspiratione eam cruentare, vel exiguâ particulâ ob hunc finem mutilare potuerit, cùm alia ratio defendendi non suppetere.

100. Sic miles in extremâ necessitate posset sibi dentes excutere, iisque loco plumbeæ glandis uti; quod aliquando factum à Lusitanis, in historiis Indicis legimus.

De secundo casu, Sotus supra dicit, quando necessitas abscindendi membri venit ab intrinseco, ut à morbo, vel saltem quando id per se est necessarium ad salutem corporis (ut si esses manu alligatus intra ardes, accedente incendio vel hoste), posse te manum tuam præscindere: quia id per se est necessarium ut vita sit salva: non autem, quando provenit ex alterius imperio.

101. Sed probabilius et verius videtur, etiam tunc

licere, ut quando tyrannus vel iudex hoc imperaret. Sicut Josephus Clitoni auctori rebellionis ejusdam imperavit, ut mox sibi manum abscinderet, ut refert ipse Josephus, lib. 2 de bello Judaico, cap. ult.; ita Toletus, lib. 5, cap. 6, etsi hoc factum non benè narret, memoriâ fallente.

Probatur primò, quia pars naturaliter est propter totum : ergo ad conservationem totius, licitum est auctoritatem habenti, partem è medio tollere : atqui quisque habet hanc auctoritatem respectu suorum membrorum, quia est gubernator et custos eorum, potestque de illis disponere ut expedit salutis totius : ergo, etc.

Secundò, ideò nullo casu licitum est privatâ auctoritate se interficere, quòd occisio sui nunquàm possit esse medium necessarium ad salvandum aliquid in ipso homine præstantius vitâ : atqui in homine est aliquid præstantius membro, propter quod ipsum membrum est, et ad quod conservandum aliquando est necessarium amputare membrum : ergo est licitum. Nec refert illam necessitatem provenire ab intrinseco ; quia necessitas est in ipso homine, sive proveniat à naturâ, sive ab ipso tyranno ; itaque licet peccet is qui hanc necessitatem imponit, non tamen peccat qui tantâ necessitate pressus, eo medio ad finem suum naturalem utitur. Nec obstat quòd respub. non possit jubente tyranno et excidium minante occidere innocentem, quia iste est suppositum per se consistens et sui juris, non habens essentialem ordinem aut dependentiam à repub., sicut membrum naturale à corpore. Unde respub. non habet eam auctoritatem in suos cives, quam homo in membra vitæ suæ non necessaria. Confirm., quia hæc membra non sunt absolutè necessaria corpori, sed solum ad ornatum et commoditatem : ergo potest hæc perdere propter salutem totius ; sicut et alia omnia quæ non sunt omninò necessaria ad vitam, possumus propter vitam prodigere, quando aliter salva esse nequit. Et sanè valdè mirum videtur, hominem non posse sibi præscindere digitum, vel auriculam, vel nasum, ut mortem evadat à tyranno intentatam, cum hæc omnia sint propter commoditatem totius, et salus totius possit sine his consistere. Quare non solum jubente tyranno puto hæc posse abscindi et perdi, sed etiam absque præcepto, quando sic putaretur flectendus ad misericordiam.

Dices : Ideò licitum est abscindere membrum alligatum, quia vim infert toti ; vim autem vi repellere licet, atqui hæc ratio non habet locum jubente tyranno. Non enim tunc membrum, sed tyrannus vim infert, unde ipse, non membrum perimi potest. Confirm., quia non sumus domini membrorum nostrorum, sed custodes ; ergo non possumus de illis pro arbitrio tyranni disponere.

Respond. : Non illa sola est ratio, sed etiam quia possumus disponere de membris non necessariis ob salutem totius, quando aliter salvum esse non potest, ut dictum est. Deinde non propriè vim infert membrum alligatum, sed vinculum, vel potiùs ipse alligans : alioquin si homo medio corpore alligatus esset, sibi

ipse vim inferret ; ac proinde seipsum posset interficere, si cum ingenti cruciatu victus esset ; sicut si alius me cum ingenti cruciatu vinceret, possem illum perimere, etiamsi ego simul periturus essem. Ad confirm., inde rectè sequitur non posse nos pro nostro vel tyranni nudo arbitrio de partibus corporis nostri disponere ; verùm quando id ad gravissimum malum avertendum est necessarium, non fit pro nudo nostro arbitrio ; neque ad id necessarium est dominium. Sic possum mihi infligere vulnus, et detrahare adipem, si id necessarium sit ad aliud vulnus unde aliqui mors impendet, curandum. Imò valdè probabile est, ob salutem reipub. posse me mihi præscindere nares, aures et labia, sicut fecit Zopyrus, de quo Herodotus, lib. 4. Etsi enim non simus horum domini, ita ut pro arbitrio possimus de his disponere, tamen nulla apparet ratio cur ob causam tanti momenti non possimus ea perdere, cum ad vitam non sint necessaria, sed solum ad ornatum et commoditatem. Sic Propheta jussit se vulnerari, 3 Reg., 20, quod sanè Dominus ei non præcepisset, si esset ita intrinsecè malum, ut auctores alterius sententie imaginantur. Sic etiam quedam sanctæ virgines sibi nares præsciderunt, ut evaderent petulantiam tyranni. Nec refert, si dicas hæc membra esse minoris momenti, quia neque horum sumus domini, sed solum custodes et rectores, et ita idem fundamentum in his locum habet ; quòd si hæc minoris momenti possumus perdere ob minores causas, poterimus manum totam perdere propter causam maximam, nimirum ad vitam servandam.

Dices : Etiamsi id possit fieri ob gravem causam, non tamen tali modo, nimirum ad imperium tyranni. Sed nulla est ratio cur non possit fieri cogente tyranno, et minante mortem odio privato, vel ob causam politicam. Secus autem si ob causam religionis, verbi gratiâ, quia absolvisti poenitentem, quia fecisti sacrum ; tunc enim præscindendo tibi manum ad imperium tyranni, videreris punire et improbare factum tuum veluti poenâ dignum ; quod redundaret in injuriam religionis.

DUBITATIO XV.

Quando homicidium casuale sit peccatum et quando non.

(D. Thomas, quæst. 64, art. 8.)

102. Respondeo et dico primò : Homicidium quod omninò casu sit, non est peccatum ; unde nec propriè homicidium vocatur, sed occisio simplex ; dicitur autem casu fieri, quod nec in se, nec in causâ suâ est voluntarium.

Tale est primò, quando causa non erat efficax, ita ut ex eâ non soleat ut plurimum talis effectus sequi ; sed aliunde, nempe ex eo quòd per accidens conjungitur : ut si alicui inflixisti vulnus non lethale, sed mors secuta est vel malitiâ medici, qui noxia apposuit, vel negligentia ejusdem, vel temeritate læsi, qui remedia opportuna adhibere noluit. Hæc occisio censetur tibi fortuita ; unde non eris reus homicidii, nec teneberis ad restitutionem ut homicida, sed solum ut

vulnerans; ut rectè Sotus, libr. 5, q. 4, art. 9, et Antonius Gomez, tom. 3, c. 3, n. 25; etque communis sententia jurisperitorum, ex L. Qui occidit 50, § finali, et ad L. Aquinam. Et probari potest ex cap. Significasti, 2 de Homicidio, ubi Innocentius III dicit: *Si percussio medicorum judicio lethalis non fuit, percussor post penitentiam, ad cautelam injustam, poterit in officio sacerdotali ministrare*; aperte indicans non esse irregularem. Ratio est, quia etsi vulnus sit aliqua occasio, tamen revera non est causa mortis, sed negligentia medici, vel ipsius læsi: tenebatur enim uterque diligentiam adhibere.

103. Unde illi qui neglexit imputandus effectus. Secus tamen, si eo loco non erant qui possent vulnus curare, et læsus debitam diligentiam præstitit: tali enim tempore et loco vulnus censeretur lethale.

Secundò, si dans operam rei licitæ, vel illicitæ, adhibuisti sufficientem cautionem, ne inde aliquid incommodi sequeretur: tunc enim etiamsi fortè secuta fuerit mors alicujus, non tibi imputabitur; quia nec in se, nec in causâ erit volita. Nec obstat, quòd causa fuerit periculosa, ac proinde videatur mors volita in causâ, quia diligentia abstersit periculum. Ita sentiunt passim recentiores, qui etiam volunt tunc non incurri irregularitatem. Si enim nulla est hic culpa occisionis, cur sit irregularitas? Nam hæc, cum in poenam statuta est (ut in præsentì casu), sine culpâ non contrahitur. Sed quidquid sit de irregularitate (de quâ alibi), certum videtur hic nullam esse culpam homicidii, vel obligationem restitutionis: eò quòd mors sit verè fortuita, ut docet Cajet., art. 8, quod declarat exemplis:

104.—1. Clericus dans operam venationi cum armis (quod ipsi est vetitum), casu hominem interficit: nempe quia crepuit fistula, vel hominem ferinâ pelle tectum putavit feram; etsi enim sic venando, peccet contra dignitatem status ecclesiastici, et consequenter contra virtutem religionis, nullo tamen modo peccato injustitiæ, vel homicidii.

105. 2.—Clericus peritus chirurgiæ incidit strumam vel apostema ex artis præscripto; monet ægrum, ne se vento committat. Ille, neglectis monitis, confert se ad messem, corripitur febris, moritur. Hæc mors non potest clerico imputari, (quamvis operam rei illicitæ dederit) sicut nec laico, si laicus chirurgus incisionem fecisset. Habetur iste casus cap. Tua nos, 19 de Homicidio, ubi etiam satis significatur non esse irregularem, si id causâ pietatis fecit, et sufficientem diligentiam adhibuit; quâ de re vide plura apud Medin., 1-2, q. 75, art. 8.

3. Accedit quis ad uxorem alterius, intervenit maritus; invadit adulterum; adulter se debito moderamine defendens, maritum interficit: non est reus homicidii, sed occisio illa censetur fortuita.

106. Ratio est, quia neque est culpabilis in causâ. Nam adulterium est causa remota, et occasio duntaxat; non enim est via ad occisionem mariti, sed potius adulteri; rarius enim mors mariti ex eo sequi

solet. Neque etiam est culpabilis in defensione: quia positus in illis angustiis poterat se defendere: nunquam enim tenebatur se pati interitum, cum debito modò armis, unde etiam non contrahit irregularitatem, juxta probabilem multorum sententiam, quam tenet Petrus Navar. libr. 2, c. 5, n. 762, ubi pro eodem adducit Mercatum et Silvest. Idem tenet Medina supra. Idem dicendum quando aliquis alterum convicio incitavit ad se invadendum; convicium enim non est via ad occisionem læsi, sed conviciatoris potius. Contrarium docet Navar. cap. 15, n. 7; citat pro se Antonium; sed hic nihil tale ibidem docet; et Cajetanum q. 64, art. 8; sed Cajetan. loquitur de eo qui dat operam rei illicitæ, quæ naturâ suâ ad occisionem tendit. Nec obstant c. Dilectus, 13, c. Ex literis, 15, et c. Joannes, 25 de Homicidio; quibus insinuat dantem operam rei illicitæ esse irregularem, si inde sequatur mors; quia id intelligendum de re illicitâ quæ ideò illicita est, quia periculosa ex se; eo quòd plerumque ex eâ mors sequatur; ut auctores citati docent, et optimè Bannes, q. 74, art. 8.

107. Adverte tamen, si suspicabatur talia incommoda ex adulterio secutura, tenebatur ex charitate abstinere. Unde volendo adulterium committere, peccat, non solum peccato adulterii, sed etiam contra charitatem proximi, quatenus per adulterium constituit se in necessitate damni proximo inferendi; adulterium enim tunc non solum habet rationem adulterii, sed etiam periculi alterius, quamvis indirectè et per accidens, ratione invasionis alterius. Quando tamen constitutus est in tali periculo, non peccat, etiamsi se defendendo occidat alterum, quia jus habet se tuendi. Idem dicendum, si imminente marito poterat fugere: tenebatur enim ex charitate, si videbat inde marito periculum, unde non fugiendo peccat contra charitatem proximi: non tamen peccat, si postquam non potest amplius fugere, se defendendo occidat invasorem; occisio enim illa non est peccatum (quia non censetur voluntaria), sed effectus per accidens secutus ex peccato. Simile est in eo qui post votum castitatis contrahit matrimonium; peccat enim contrahendo, quia exponit se periculo faciendi contra votum per debiti redditionem: cum tamen post contractum petitur debitum, non peccat reddendo, quia negare non potest; si tamen commodè posset avertere petitionem, peccaret reddendo.

108. Dico secundò: Si occisio non omninò casu fiat, eò quòd in opere periculoso non sit præstita cautio necessaria, erit peccatum injustitiæ et homicidii, mortale vel veniale, pro ratione negligentiae; ita Cajetan., a. 8, et alii probatur; quia erit voluntarium in causâ, nempe in omissione cautionis, et diligentiae debitæ, sicut submersio navis est voluntaria in negligentia gubernationis; unde non censebitur omninò casualis.

109. Quòd tamen non sit majus peccatum, quam illa negligentia, probatur, quia non est voluntaria, nisi ratione illius negligentiae: unde non potest nisi ratione illius, imputari ad culpam. Si ergo negligentia sit

gravis, erit culpa mortalis; si levis, erit venialis; si nulla, culpa quoque erit nulla.

DUBITATIO XVI.

Utrum mors, vel aliud damnum alicui tertio ex tuo maleficio obveniens, tibi imputetur.

Exemplum sit: occidisti occultè Petrum; imponitur homicidium Paulo, qui cum Petro exercebat simultates; capitur Paulus, afficitur supplicio.

110. Respondi, et dico primò: Si nec eà intentione occidisti Petrum, ut Paulo inde damnum eveniret, nec advertisti eventurum, non censeris causa mortis vel damni Paulo, unde nec teneris ad restitutionem.

Probatur primò, quia hoc damnum Paulo merè per accidens evenit ex actu tuo (non enim occisio Petri erat directa via ad nocendum Paulo); per se autem et directè provenit ex malitià accusatoris, vel testium: ergo non potest tibi imputari.

Secundò, quia tale damnum non provenit ut plurimum tertio ex hujusmodi actione, sed rarò; ergo non tenebaris advertere illud secuturum; ergo si non advertisti, non teneris ad restitutionem, quia nihil omisisti considerare vel cavere in tuà actione, quod ratione tertii considerare vel cavere tenebaris.

Tertiò, illud damnum nec in se nec in causà est volitum: ergo censetur fortuitum. Consequentia patet ex dub. superiore. Antecedens probatur: non in se volitum est, quia ignoratur eventurum, nec de eo cogitatur: non in causà, quia effectus non censetur volitus in causà, nisi probabiliter in eà proveniat; qui enim rarò provenit, non censetur magis in illà causà contineri quàm non contineri; sed potius minùs.

111. Sed quid si advertas damnum secuturum tertio? Multi doctores videntur sentire tunc committi peccatum injustitiæ respectu tertii.

Resp., et dico secundò probabilius videri, etiamsi putes inde damnum tertio obventurum, te nec peccare peccato injustitiæ in tertium; ac proinde non teneri ad restitutionem; colligitur ex dictis dubit. 15; ita docet Sotus, lib. 4, q. 6, art. 3, ad quartum argumentum; Lopez, tom. 1, c. 63, et multi alii. Probatur, quia quando ex aliquà actione sequitur damnum tertio, non ex naturà actionis, vel ut plurimum, sed ex malitià vel ignorantia aliorum, quæ se immiscet; non censetur illa actio injuriosa tertio, ut patet ex supradictis; atqui hæc occisio Petri est talis: ergo non censetur injuriosa Paulo.

Dices: Qui advertit ex opere suo secuturum damnum alteri, tenetur debitam cautionem adhibere, ne sequatur: omnis enim prudens hoc faceret; atqui iste non adhibuit debitam cautionem: ergo omissione istius censetur causa damni.

112. Resp.: Quando damnum sequitur ex opere, non naturà operis, sed per accidens, non tenetur ex justitià cavere ne sequatur, sed solùm ex charitate (unde quando habet gravem causam aliquid faciendi,

ne ex charitate quidem tenetur); itaque omittendo cautionem, et non impediendo damnum, non peccat contra justitiàm, sed solùm contra charitatem, quæ non obligat ad restitutionem.

Confirmatur aliquot exemplis: primum, si fureris Petri thesaurum, unde putes illum dolore moriturum, non censeris homicida, nec es irregularis, quia hoc damnum non ex illo furto directè, sed ex animi voluntario affectu secutum; poterat enim et tenebatur dolorem mitigare; si non fecit, sibi mortem suam imputet: secundum, vendis arma militi, quibus malè usurum putas; non tamen ideò censeris auctor illorum malorum: quamvis pecces contra charitatem, si ipse alioqui illa mala non fuisset factururus. Vendis Judæo agnum, quem putas sacrificaturum; non tamen es causa sacrilegi sacrificii.

113. Sed quid si intendas, ut tertio damnum sic eveniat? ut si cum vendis arma militi, optes in animo occidi inimicum tuum, et eà intentione vendas. Quidam putant te tunc teneri. Ita Sotus suprà et Cordub., lib. 1, 31, art. 3. Sed contrarium verius videtur. Unde dico tertiò: Etiamsi intendas damnum tertii, si tamen actio exterior cum circumstantiis talis sit, ut ex eà non sequatur damnum ut plurimum, seu ex conditione actionis, sed aliunde, non erit peccatum injustitiæ. Probatur, quia secundum communioem opinionem theologorum, intentio non facit, ut opus sit injustum, nisi aliàs ex naturà suà et circumstantiis tale sit; ergo cum hæ actiones, de quibus agimus, non sint injustæ respectu tertii ex naturà et circumstantiis, non fiunt injustæ ex intentione. Ratio est quia intentio accipit speciem suam ab objecto: ergo si objectum non est injustum respectu intendentis, neque intentio injusta erit, sed solùm contra charitatem. Objectum autem intentum non esse injustum respectu intendentis patet; quia quod intenditur est ut mors illi eveniat aliorum malitià: atqui hic nulla est actio injusta, quæ ab intendente in tertium dirigatur. Etsi enim illatio mortis sit injusta respectu eorum à quibus procedit, non tamen respectu illius à quo non procedit, quamvis illam optet fieri; quare nulla etiam est injustitia in illà intentione: ac proinde illa intentio non potest eam communicare operi externo. Deinde, intentio non facit ut opus externum magis sit damnosum aut noxium, aut magis violet æqualitatem: ergo si per se non est injustum, intentio nocendi non facit injustum: suppono enim aliàs esse satis voluntarium. Vide plura inf. c. 12, dub. 18, n. 129.

Ex his innumeræ quæstiones solvi possunt, quibus quæritur utrum sit peccatum contra justitiàm, an tantùm contra charitatem.

114. Dico quartò: Si actio exterior talis sit ut ex eà plerumque tale damnum tertio sequi soleat, erit peccatum injustitiæ, etiamsi illud damnum non intendas, nisi fortè in eà actione jure tuo utaris.

Prior pars patet ex dictis. Altera probatur, quia qui utitur jure suo, nemini facit injuriam: quamvis possit peccare contra charitatem, si parum ipsius intersit illo uti: ut si venas aquarum per tuum prædium cur-

rentes, à quibus aqua in puteum vicini influat, praetextu alienius operis intercipias : si cloacam in praedium alienum aperias, etc.

DUBITATIO XVII.

Utrum homicidium, vel aliud damnum in rogation per mancipium tuum, vel animal, tibi imputetur; et quid si per filium.

115. Respondeo, et dico primò : Si tuâ culpâ latâ id factum est, tibi imputatur, et teneris ad restitutionem totius damni, ut si jusseris, suaseris, impuleris, vel si negligens fuisti in praecavendo. Neque tunc sufficit servum vel animal noxæ dedere, id est, ad noxam seu damnum sarcendum, sed totum damnum compensandum, ut habetur L. Si servus, 2. §. de noxalibus action., et cap. Si culpa 9, de injuriis et damno dato. Dixi culpâ latâ, quia de levi et levissimâ extra contractum et officium non teneris, ut supra cap. 7, dub. 6.

116. Dico secundò : Si nullâ tuâ culpâ intervenerit, non teneris ad totum damnum, sed sufficit mancipium vel animal noxæ dedere : liberum tamen tibi est vel damnum compensare, vel rem quæ nocuit dedere. Est communis sententia doctorum, et habetur expressè locis citatis. Vide Silvestrum, restitutio 2, versùs finem, et restitutio 3, q. 4. Ratio est quia dominus non tenetur hic ratione sui, sed ratione rei suæ, quæ restitutioni obnoxia manet : mancipium quidem ratione culpæ (si enim non peccavit, non manet obnoxium), animal verò ratione legis ita disponentis. Cùmque mancipium et brutum nihil habeant à se distinctum quod pro damno accipi possit, concessum est ei qui damnum accepit, ut ex ipsorum corporibus sibi compenset; utrumque enim pretio est æstimabile. Hinc fit ut dominus subeat obligationem restituendi pro damno, vel corpora ipsorum, vel damni pretium.

Sed dubium est utrùm in conscientiâ tenearis ante judicis sententiam.

117. Resp., et dico tertiò : Seposito jure positivo, non tenetur dare corpora, vel pretium damni, ante sententiam. Probatur primò, quia nec tenetur ratione rei acceptæ, cùm hæc non exstet, nec ratione injustæ acceptionis vel damnificationis, quia absque omni ejus culpâ commissum; secundò, quia servus jure naturæ non manet obnoxius restitutioni, ita ut ipse se debeat tradere læso in compensationem; quinimò potest se abscondere et fugere : ergo nec dominus jure naturæ tenetur illum tradere, sed potest juvare ad lachras et ad fugam. Si enim est aliqua obligatio in domino ad eum tradendum, ea est secundaria, orta ex obligatione servi, qui est auctor damni; itaque cùm servus non teneatur se tradere pro damno, nec dominus tenetur. Idem dicendum de animali : non enim animal jure naturæ manet obnoxium læso, quia non peccavit; sicut neque statua aenea, quæ casu lapsa aliquem læsit, obnoxia manet.

Dices : Is qui læsus est, jure naturæ potest compensare sibi damnum ex re quæ læsit, si præter se ipsam illa nihil habeat : ergo, etc.

Resp. primo, antecedens non esse verum, ut patet in statuâ; non enim statuem illam sibi vindicare potest. Secundo, etiamsi verum esset, non tamen inde sequeretur dominum teneri tradere, nec posse abscondere. Nam illud jus læsi solum est conditionatum, nempe si possit animal vel servum capere. Servus enim potest fugere, et se abscondere. Itaque dominus ut sibi vel servo consulat, potest ad hoc juvare, nisi aliunde prohibeatur.

118. Dico quartò : Probabile est, neque jure positivo ad id teneri ante sententiam. Petr. Navar. l. 2, c. 1, n. 58, putat id esse verius, quia istæ leges videntur esse penales. Sed non propriè possunt dici penales, cùm apertè excludant omnem culpam domini, ut patet L. Si servus, etc., c. Si culpa, supra; sed constituunt id quod est consentaneum naturali æquitati, et quid in tribunalibus debeant judices judicare : interdum enim judex auctoritate legis potest decernere per sententiam, aliquam restitutionem, quæ ante sententiam non erat debita; sicut enim in penam potest injungere aliquam solutionem; ita etiam ob pacem publicam, dùm æquitati est consonum.

119. Ratio igitur, cur istæ leges ante sententiam non obligent, est, quia videntur solum pertinere ad forum externum, neque aliter usu receptæ. Nam homines passim ignorant has leges.

Dices : Gregorius IX, cap. ult. de injuriis, sic ait : *Quod si animalia tua nocuisse proponas, nihilominus ad satisfactionem teneris, nisi ea dando passis damnum, velis liberare teipsum*; ubi apertè insinuat obligationem ante sententiam.

Resp. : Ob hoc argumentum, est satis probabile contrarium, idque multi doctores tenent. Responderi tamen potest illa verba posse intelligi de obligatione in foro externo; quod insinuant illa verba, *nisi velis liberare teipsum*, nempe ab impetitione actoris : vel certè non est usu receptum.

120. Notandum est : Si servus vel animal ceperit esse extra potestatem domini, desinit erga illum actio, ut habetur § *Omnis autem*, Instit. de noxal. action. Si in alterius potestatem venerit, erit actio contra illius dominum : si fuerit manumissus, convenietur ut liber; poterit quidem dominus vendere, sed tenetur emptori indicare vitium, id est, esse obnoxium. Hæc et alia vide Institut. et π. de noxalibus actionibus; pertinent enim ad forum externum.

121. Sed quid si filius familiæ occiderit, vel damnum dederit?

Resp. et dico quintò : Parentem non teneri ex delicto filii vel damnum sarcire, vel filium noxæ dedere, si absque parentis culpâ commissum. Institut. supra, § ultimo. Ratio est, primò, quia iniquum est ut nequitia filii vel filiæ parenti, ultra ipsorum corpora, damnosa sit, ut de servis dicitur Instit. supra, § 1. Cùmque ex aliâ parte parens non sit dominus corporum horum (sunt enim libera), non etiam ratione locorum, actio contra parentem potest institui. Confirmatur, quia nimis asperum est ut parens cogatur corpora liberorum suorum noxæ dedere; se-

candò, quia filius familiàs, cùm sit liber, pro suis delictis conveniri potest, ut habetur § ultimo, supra : manet enim ex suo delicto obligatus tanquàm liber, et capax dominii. Vide Silvestrum restitutio 2, versùs finem.

DUBITATIO XVIII.

Utrum homicidia et damna quæ inferuntur per triremes Turcarum, imputentur remigibus Christianis ibi captis, ita ut peccent contra justitiam, vel saltem contra charitatem.

122. Navarrus, cap. 27, num. 63, docet eos peccare mortaliter ducendo remos, quando contra Christianos agitur; potiùsque debere oppetere mortem: non tamen explicat, utrùm contra justitiam, an contra charitatem. Ratio ipsius est, quia cooperantur ad homicidia et damna Christianorum. Etsi enim remigatio illa per se et in genere spectata non sit opitulatio ad malum, nec mala; tamen, ut hic et nunc fit, est verè et propriè cooperatio homicidii, ac proinde mala: actiones enim spectandæ in individuo cum circumstantiis sicuti fiunt. Addit tamen Navar. non videri excommunicatos per bullam *Cæne* (ubi *excommunicantur qui Turcis et aliis nominis Christiani hostibus auxilium quomodolibet præstant*), quia gravi metu compulsi faciunt, quales non videtur summus pontifex velle comprehendere. Idem docet fusiùs in cap. *Ita quorundam*, 6, de Judæis, notab. 21.

Sed verius est non peccare, quando flagris et metu mortis ad id compelluntur. Neque enim peccant contra justitiam, quia remigatio non est actio naturæ suæ periculosa Christianis, sed indifferens, sicut aurigatio: est enim delatio navis per mare, quæ Turcæ vectores benè et malè uti possunt; quòd autem cedat in perniciem Christianorum, est ex malitià Turcarum: ergo quando gravi supplicio urgentur, non censentur cooperari voluntariè ad damna Christianorum: sicut qui timore mortis reddit depositum furioso, non censetur ei cooperari ad necem quam infert inimico; et auriga, qui dominam suam vehit ad locum adulterii non censetur ei cooperari, ut fatetur Navarrus. Secus de iis qui tormenta in Christianos dirigunt, ignemque applicant, quia directè damnum inferunt.

Neque etiam contra charitatem, quia nemo tenetur ex charitate vitam suam exponere, nisi probabile sit illi damnum aversum iri: atqui id non est probabile illis remigibus; etsi enim unus vel alter cesset à remigando, non ideò alii cessabunt, sicque damnum æquè eveniet. Si tamen aliquis esset, qui suo exemplo vel exhortatione putaret reliquos cessaturos, et ita grave damnum impediendum (v. g., ne classis Christiana superetur), teneretur ille ex charitate, etiam cum certo mortis periculo, id præstare; secus, si damnum non sit tanti momenti.

123. Ad rationem Navarri respondeo illam remigationem, ut hic et nunc fit, non esse formaliter cooperationem, quia non fit intentione cooperandi ad cardes, sed solum materialiter; neque propriè est cooperatio, quia per se est indifferens, et solum ut subest malitiæ

et usui Turcarum concurrat ad malum, idque remotè; talis autem cooperatio non est illicita, quando non est voluntaria, sed coacta, metuque gravissimo extorta, ut patet exemplis supra allatis. Sic non propriè cooperantur captivi, qui coguntur tormenta trahere ad locum pugnæ, munire arces, advehere arma bellica vel annonam in castra, quia hæ actiones non sunt noxiæ, nisi per accidens, ex malitià eorum qui his præviis ad malum utuntur. Simili modo valdè probabile est licere Catholicis nautis et aurigis in Hollandià devehere annonam ad urbes et præsidia hæreticis insessa, et ad eorum castra, etiamsi metu gravi non compellantur: modò absit prava intentio, et illis cessantibus non desint hæretici plurimi qui id facient. Ratio est quia hæc actio est indifferens; et si Catholici excludantur, soli hæretici, quorum maxima copia suppetit, totum lucrum capient, et Catholici ad magnam penuriam redigentur, cùm vix alia ratio vivendi hoc tempore id genus hominibus ibi suppetat. Confirm. primò, quia hæc actio nec est mala per se, ut patet, nec ex intentione agentium, quia Catholici non intendunt quidquam mali; nec ex eventu, ut fit à Catholicis, quia si ipsi non facerent, plurimi alii non deessent: ergo non est Catholicis illo rerum statu prohibenda, præsertim cùm id esset ipsis gravissimum, et permissio nullo modo augeat vires adversariorum. Repub. enim perturbatà et tyrannide oppressà multa licent quæ aliàs sunt illicita. Confirm. secundò, quia si detrectent, reddent se suspectos, et fortè cogentur, aut aliis modis gravabuntur, tanquàm osiores boni publici. Ita mecum sentiunt viri doctissimi in hac universitate.

Quòd verò Navarrus putat non esse excommunicatos, supposità alterà ipsius opinione, nimirum, quòd non excusentur à peccato mortali, contrarium est longè probabilius: quando enim metus non excusat à peccato mortali, non excusat quoque à censurà, ut apertè colligitur ex cap. *Sacris*, 5, de iis quæ vi; ubi dicitur eum qui metu communicavit cum excommunicato, esse excommunicatum, quia, inquit, *licet metus attenuet culpam, quia tamen eam non prorsus excludit (cùm pro nullo metu debeat quis mortale crimen incurrere), excommunicationis labe credimus inquinari*. Torquent se hic canonistæ, quomodò metus non excusat à censurà, cùm sæpè excuset à culpà. Sed dicendum tunc excusare à poenà, quando excusat à culpà; quando verò non excuset à culpà, ita ut culpa maneat mortifera, tunc non excusare à poenà, ut hoc loco pontifex clarè pronuntiat.

DE RESTITUTIONE, AD QUAM TENETUR HOMICIDA.

Explicatà ratione homicidii, tum voluntarii, tum fortuiti, sequitur ut dicamus de restitutione seu compensatione necessarià.

DUBITATIO XIX.

Quantum teneatur homicida vel mutilator restituere.

124. Respondeo et dico primò, tepèri solvere in-

integras expensas, factas in curationem lesi; nam earum ipse causa et finis fuit.

Deo secundo, teneri etiam restituere, non quidem quantum ipse erat lucraturus, sed quantum illa spes lucri valebat, si quantum aliquo officio vel artificio faciebat; ut tamen detractis, quae ipse consumere solebat, si obiit: quae enim ipse consumebat, non possunt censeri in lucris ad haeredes pervenientibus. V. g.: Spes lucri aestimetur 1000, id quod consumpturus erat aestimetur 500, supersunt tantum 500 restituendi; quod valde notandum. Vide Covarr. lib. 2 Variarum resolut., c. 10, n. 7, et Sotum lib. 4 de Justit. q. 6, art. 3, ad 5.

Sed difficultas est, utrum ex hac summâ etiam detrahi debeat aestimatio laboris. Joannes Major in 4, d. 15, q. 19, affirmat.

125. Sed contraria sententia est communis, istius laboris non esse rationem habendam, sed integrè restituendum, quantum spes lucri, omnibus perpensis, aestimabitur. Ita Covarr. supra, num. 7, ultra medium, et alii passim. Probatur primò, quia si aestimationem laboris detrahamus, vix aliquid supererit; nam sepè lucrum non est majus, quam aestimatio laboris, ut patet in iis artificibus, in quibus est parum ingeniose industriae; secundo, quia qui alium injustè impedit a labore diurno, tenetur integrè lucrum illius diei sarcire, nullâ parte detractâ, ratione laboris non obiti: nam alter cupiebat laborem subire: ergo, etc.

126. Sententia tamen Majoris videtur satis aequa, si hoc modo temperetur, ut tantum detrahatur lucro, quantum ille artifex libenter pro laboris redemptione daturus fuisset: sic enim non videtur fieri ulla inaequalitas; quòd si ille laborem nullo modo voluisset redimi cum lucri immutatione, tunc integrè restitutio erit faciendâ, juxta communem doctorum sententiam.

127. Dico tertio: Si homicida, vel qui damnum intulit, moriatur, tenentur haeredes ex ejus bonis. Ratio est, quia haeredes succedunt in locum defuncti, et in omnia ejus bona et jura; unde etiam in omnes ejus obligationes, quibus ex justitiâ obligabatur.

Nec obstat l. Ex judiciorum, 20, π . de accusationibus, ubi dicitur, *poenam pecuniariam, quae descendit à delicto, non transire ad haeredes, lite non contestatâ*, quia vel intelligitur de poenâ propriè dictâ, quâ puniendus erat per sententiam is qui crimen contraxerat; quae poena non debetur ante sententiam, nec ab homicidâ, nec ab ejus haeredibus; ita eam intelligit Covarr. Vel certè lex ista solum negat haeredibus occisi actionem de damno in foro externo in haeredes occisoris, nisi ante mortem ejus lis contestata fuerit; ita Antonius Gomezius, tom. 3, c. 3, n. 37; non tamen liberat eos in foro conscientiae: nihil enim facit ad obligationem coram Deo, quòd lis ante mortem contestata vel non contestata fuerit.

DEBITATIO XX.

Quomodò aestimatio lucri futuri faciendâ est, cum ignoretur quamdiù fuisset victurus.

Angelus, restitutio 1, § Homicida, dicit eam facien-

dam juxta dispositionem legis, *Computationi*, π . ad legem Falcidiam. Idem docet Covarr. lib. 2 Variar., c. 10, n. 7, circa medium. In hac lege certum tempus constituitur futurae aetatis aestimandae: ita ut si quis sit annorum 50 vel infra, is putetur adhuc victurus 50; si sit 55, putetur victurus 25; si 40, adhuc 20, si 30, adhuc 10, semper diminuendo usque ad 60, sicut ibi expresse habetur.

128. Sed cum haec lex tantum loquatur de alimentis alicui ad vitam legatis, non videtur extendenda ad nostrum casum. Deinde in foro conscientiae, spectandae quoque sunt multae aliae circumstantiae, ex quibus aestimandum est futurae aetatis tempus et lucrum. Denique qui occiderit senem 59 annorum, non teneretur nisi restituere lucrum unius anni; qui sexagenarium, nihil: quod est contra omnem aequitatem: fieri enim potest ut sit validus, et putetur adhuc 20 annos victurus.

129. Respond. igitur non posse commodiorem regulam praescribi, quam ut illud restituatur, quod probi prudentesque viri, spectatis omnibus circumstantiis, ratione lucri cessantis, vel damni, ex occisione, mutilatione, aut etiam vitae abbreviatione emergentis, indicaverint esse aequum. Nam si vita alicujus accisa breviorque effecta est ex percussione injustâ, aestimandum tempus, quo ulterius putabatur eam producturus.

130. Hic tamen advertendum est: Si quis vel naturali, vel aliâ justâ morte erat à medio tollendus, qui injustè praeveniret, non teneretur ad restitutionem, quamvis injustitiam committeret, ut rectè docet Petrus Navarra, lib. 4, c. 1, num. 78, qui pro eadem sententiâ citat Navar. et Sylvestrum. Ratio est, quia non infert damnum pecuniarium; tam brevi enim tempore non erat ille lucraturus quidquam. Dixi, vel aliâ justâ morte, quia si injustè erat interficiendus, vel à latrone, vel etiam à magistratu, et ego praeveniam, omninò teneor restituere.

131. Ratio est, quia alter, qui eum interfecturus erat, fuisset obligatus: ergo, si ego praeveniam, similiter obligabor; non enim aliquid juris adeo amittit vel vivendi, vel lucri faciendi in vitâ, quia alius eum injustè statuerat interimere: sicut amittit, quando vel naturaliter, vel justè per magistratum perire debet.

Idem dico de quovis alio damno injustè illato, si res apud dominum certò erat peritura, vel justa poenâ, vel casu fortuito; si enim tunc culpâ meâ, vel etiam dolo perit, sub ejus dominio manens, non tenebor ad restitutionem, v. g., si incendi segetes quas eluvio fluminum certò erat eversura. Sed de hoc plura inf. c. 12, dub. 15.

132. Petes utrùm id quod restituendum est pro lucro probabili haeredibus occisi, aestimatum sit 50 aureis, ut docet Navarr. cap. 15, n. 24, in quam sententiam adducit Hostiensensem.

Respond. legem quam citat Navarr., illis verbis non agere de restitutione damni (haec enim debetur etiam ante condemnationem), sed de poenâ, seu multa quae per sententiam debetur: sic enim habet edictum prae-

torium : *Si eo ictu homo liber perisse dicatur, 50 aureorum judicium dabo; et immediate ante dixerat se in duplum daturum judicium, si ex ejecto vel effuso damnum datum esset; unde manifestè patet legem loqui de poenâ homicidii, non cujusvis, sed fortuiti, non autem de damno sarciendo. Idem docet Glossa in c. 4 de injuriis, dicens : Si liber homo perit, 50 aureorum fit condemnatio.*

DUBITATIO XXI.

Quantum teneatur restituere, qui modum justæ defensionis excessit.

133. Respondeo, et dico primò : Qui ab altero fuit provocatus ad pugnam, etiamsi modum fortè excessit, non tenetur ad restitutionem : ita multi recentiores. Ratio est, quia provocatus videtur ei condonare, dum facit ei potestatem, ut contra se agat quod poterit. Idem docet Bannes, q. 62, a. 2, dub. 5, ubi dicit eum qui voluntariè se exponit periculo, provocando alterum ad certamen, si occidatur, non esse injustam occisionem respectu illius, sed solum respectu reipublicæ, vel Dei, qui est Dominus specialis vitæ; et paulò ante dicit talem renuntiare juri suo, etiamsi in damnum filiorum id cedat. Idem videtur dicendum quando duo provocant se vicissim, et pari consensu pugnam aggrediuntur.

134. Dico secundò : Qui invaditur ab altero sine provocatione, si justam moderationem notabiliter excedat, ita ut mortiferè peccet occidendo suum invasorem, tenetur integrè damna compensare. Ita docet Navarr. c. 15, n. 27, et plerique hoc tempore. Ratio est, quia qui ita occidit, facit alteri injuriam, et est causa totius damni, sicut is qui dolo vel latâ culpâ est alteri causa damni.

Dices : Qui alterum injustè aggreditur apertâ vi, vel ex insidiis, et occidit, majorem infert injuriam quàm qui invasus et rei indignitate commotus occidit aggressorem : ergo ad majorem tenetur restitutionem.

Resp. negando conseq. ; non enim quantitas restitutionis ex injuriæ quantitate æstimanda est, sed ex quantitate damni per injuriam mortiferam illati; itaque cum hic intervenerit injuria, quæ sit peccatum mortiferum, integrè damnum sarciendo est. Secus est in poenâ; hæc enim respondet injuriæ, non damno; unde ubi major fuit injuria, major quoque poena est irroganda.

135. Adverte tamen quosdam doctores ob argumentum prædictum docere eum qui modum justæ defensionis excedit, non teneri tantumdem restituere, quantum aggressorem qui ex insidiis vel apertâ vi occidit, sed multò minùs. Ita Angelus, restitutio 1, § *Homicida*, Silv. restit. 3, q. 2, et Gomezius tom. 3, c. 3, n. 38. Idem docet Sotus, lib. 4 de Justit. q. 6, a. 3, ad 3. Ubi notandum est Silvestrum non loqui de poenâ propriè dictâ (ut Navarrus eum exponit), sed de restitutione damnorum, quam vult fieri judicio boni viri : de quâ etiam apertè Gomezius et Angelus. Quæ sententia mihi videtur probabilis, et consentanea æquitati naturali : etsi enim damnum illud par sit, sive hoc, sive illo modo illatum sit, et compensatio non sit æsti-

manda ex indignitate rei, vel magnitudine injuriæ, tamen is qui alterum invadit, videtur ex parte amittere jus ad compensationem damni; nam sibiipsi est causa mali, alterum injustè invadendo : quare si occidatur vel lædatur, sibi ex parte debet imputare. Deinde difficillimum est justum temperare dolorem, ut ait Angelus. Quare æquitas naturalis videtur postulare, ut non tam severè teneatur omnia damna rependere; idque communis humani generis sensus approbare videtur.

136. Dico tertio : Qui invasus ab altero potest fugere, vel aliter declinare, etsi id non faciat, sed, debitâ moderatione se vel sua, defendens, occidat invasorem, non tenetur ad restitutionem.

Probatur, quia non peccavit contra justitiam, sed solum contra charitatem, ut ostensum est supra, dub. 15 et 16; non enim ex justitiâ tenebatur fugere, vel à viâ declinare.

Confirmatur, quia nemo ex suâ malitiâ, quâ vult alterum invadere, acquirit jus in illum, quo illum obliget ad fugam, ita ut nisi fugiat vel patiat se interfici, censeatur ipsi facere injuriam; sed solum tenetur fugere ex charitate, si sine honoris dispendio possit; et ecclesiasticus tenetur etiam lege religionis, ne, videlicet non fugiendo, aliquid committat quod sanctitatem statûs ipsius dedecet; lege tamen justitiæ non magis tenetur quàm secularis.

137. Dico quarto : Idem omninò dicendum de eo qui alium contumeliâ vel aliâ injuriâ affectit; si ab illo invasus, justâ ratione se tueatur, et illum occidat, non tenetur ad homicidii compensationem : est contra Navar. cap. 15, n. 7; ita tenet Navarra, lib. 2, cap. 3, n. 362, ex Silvestro et Mercato; colligitur ex dictis supra, dub. 15.

Probatur, quia is qui injuriam alteri intulit, si armis ab eo invadatur, potest se cum justâ moderatione tueri, præsertim veniâ petità vel satisfactione oblata, quia alter tunc nullum jus habet sic invadendi privatâ auctoritate : ergo si eum occidat, non facit ei in hoc injuriam. Confirm., quia invasor non habet jus justitiæ in alterum, ut ille se non defendat, neque etiam ut fugam capessat, sed solum ut satisfactionem pro injuriâ offerat : ergo si moderatione debitâ se defendens occidat invasorem, non facit contra jus ipsius, ac proinde non peccat contra justitiam : sed habet se illa occisio tanquàm per accidens, et mediante alterius malitiâ proveniens, occasione operis injuriosi; ut si quis seipsum occideret præ impatentiâ, quia domum ejus succendi, non censeret ego idcirco homicida : nam ista actio injuriosa, non est verè injuriosa, respectu occisionis, per accidens ex eâ provenientis, sed solum est contra charitatem, ut supra, dub. 16, n. 112, ostensum; unde nec obligat ad restitutionem, causa mortis illatæ.

DUBITATIO XXII.

Utrum quando homicida sustinet poenam talionis, debeat fieri damnorum compensatio.

138. Summa Rosella, restitutio 3, et quidam recentiores dicunt tunc non deberi aliam compensatio-

nem; quod etiam videtur sentire Scotus, d. 15, q. 5, art. 2; Gabriel ibidem q. 15, art. 2. Antelius restitut. 1, § *Homicida*; Adremus quest. ult. de Restitut.

Respondeo: Verius est in rigore omnia damna ex homicidio secuta, ex bonis homicidæ sarcienda. Ita Navar. cap. 15, n. 25; Covarr. lib. 2 Variar. cap. 10, n. 7, circa medium; Gomez tom. 5, cap. 5, num. 57, et alii. Ratio est, quia pœna infligitur a iudice, non ut damnum parti læsæ compensetur, sed ut injuria reipub. et legibus illata vindicetur, aliisque terror incutiatur. Unde etiam ea crimina, quæ nemini damnum inferunt, pœnâ mortis puniuntur, ut sodomia, gravis blasphemia, hæresis.

159. Quivis hæc sententia in rigore sit vera, tamen contraria est probabilis, et consentanea aequitati, præsertim cum hac limitatione: ut hæredes homicidæ, quando ipse in corpore plexus fuit, in conscientia non teneantur quidquam solvere, nisi hæredes occisi id exigant; ita enim fere habet usus, ut pœnæ talionis censeantur acquiescere, et injuria illata videatur sic esse compensata: sic docet Michael Salonijs, q. 62, art. 2. Si hæredes occisi exigant aliam compensationem, præter pœnam homicidæ quod tamen honesti non solent, tunc hæredes homicidæ videntur teneri, quia damnum injuste datum non est per pœnam talionis reparatum. Certum tamen est, hæredibus occisi nihil deberi pro ipsâ vitâ ablata, etiamsi alias pro ea restitutio debetur. Ratio est, quia damnum vitæ censetur pœnâ talionis abundè compensatum. Ita docet Scotus in 4, dist. 15, q. 3, art. 2; Gabriel ibidem q. 15, art. 2, et alii.

DUBITATIO XXIII.

Utrum sit aliquid restituendum pro vitâ, membro, vel cicatrice.

140. Multi doctores censent non solum pro damnis pecuniariis ex læsione vel homicidio secutis, restitutionem pecuniariam deberi; sed etiam præcisè pro damno vitæ, vel membri, vel cicatricis, idque arbitrio boni viri. Indicat id D. Thomas, q. 62, art. 2, ad 1; Scotus, lib. 4 de Justit. quest. 6, art. 5, ad 5; Silvest. restitutio 3, q. 2, et quidam alii. Ratio est, quia qui non potest damnum totum integrè compensare, tenetur eo modo quo licet, juxta arbitrium prudentum. Confirmatur, quia alioqui sequeretur, teneri quempiam restituere pro vitâ bovis occisi, et non pro vitâ hominis: quod tamen videtur absurdum, eò quod hæc sit multò pretiosior. Sed contrarium videtur verius.

141. Respondeo igitur, etsi pro vitâ servi vel animalis necessariò restitutio pecuniaria sit faciendâ, tamen pro vitâ, membro, vel cicatrice hominis liberi, nihil in conscientia necessariò deberi.

Prior pars patet, quia vitâ servi et animalis pretio aestimantur, quod ad æqualitatem rependi potest: unde pro horum vitâ tantum solvendum, quanti plurimi vendi poterant: pro mutilatione et cicatrice, quantis pluris venderentur, si illæsa fuissent.

Secunda pars est Navarri, cap. 15, num. 22, ubi id egregiè probat; et Glossæ in cap. 1 de Injuriis et dam-

no dato; Ledesmae in 4, d. 24, q. 25, art. 2, dub. 7; Petri Navar. lib. 1 de Restitut. cap. 1, num. 80. Eandem tenet Covarr. lib. 2 Variarum resolut. cap. 10, num. 7, circa medium, et Gomezius tom. 2, cap. 6, num. 12, ubi dicunt, cicatricem hominis liberi, pecuniâ compensari non posse; unde idem multo magis si consequenter loqui velint dicere: debent de vitâ et membro.

Probatur primo ex 1. ultimâ = de his qui effud. vel de pecc. *Cum liberi hominis corpus, ex eo quod dejectione effusum quod erit, læsum fuerit, iudex computet mercedem medicis præstitas, ceteraque impendia, quæ in curatione facta sunt, præterea operarum, quibus caruit aut cariturus est ob id quod mutilis factus est. Cicatricum autem aut deformitatis nulla fit æstimatio, quia liberum corpus nullam recipit æstimationem.* Idem habetur l. Ex hæc lege, §, si quadrup. paup. fecisse dicatur.

142. Dices has leges solum negare actionem in foro externo. Contra, quia apertè indicant nihil pro his deberi, eò quod naturâ suâ sint supra omne pretium; ac proinde non possint conferri cum iis rebus quæ in humanos contractus veniunt, et sanè ratio nulla est cur neganda sit actio, si in conscientia aliquid debetur: et cur non fiat ejus taxatio per iudicem, dum reliquorum damnorum fiat, ipseque melius, quam alius quivis, eam facere possit.

Probatur secundo: Hæredes non tenentur compensare damnum vitæ, aut injuriam illatam, ut Scotus fatetur: ergo nec ipse occisor: si enim occisor ex justitiâ tenebatur ex suis bonis, cur non hæredes ex iisdem teneantur, cum succedant in ejus obligationes, sicut in jura?

143. Tertiò, quando homicida punitur pœnâ talionis, satisfacit illa pœna pro damno vitæ, uti praxis omnium tribunalium habet et doctores supra dicti sentiunt: neque enim justum videretur ad amplius solum obligare. Atqui per hanc pœnam corporalem nulla fit læsio pro vitâ compensatio; sed solum fit vindictio, quæ à reo non debetur ex justitiâ commutativa, sed à magistratu: ergo, cum post hanc pœnam censeatur in conscientia liber ab illâ compensatione, quæ pro ipsâ vitâ sit faciendâ, signum evidens est, ipsum antea etiam liberum fuisse, nec justitiæ lege damnum vitæ debuisse compensari; sicut alia damna, à quibus non est liber post pœnam.

Quartò, quia non potest statui quantum pro vitâ vel membro ex justitiâ sit restituendum, neque vir prudens certum quid arbitrari potest: si enim dixerit mille deberi pro vitâ, cur non duo millia, vel tria, et sic deinceps? etsi enim homicida non teneatur ita se exhaustum restituendo, ut in extremam aut gravem necessitatem incidat, tamen si opibus abundet, nunquam poterit ab arbitris tantum taxari, quin dici possit amplius deberi.

Quintò, quia vitæ omnium hominum sunt æqualis dignitatis: ergo æqualis debet fieri pro omnibus restitutio, quod est absurdum.

144. Sextò, restitutio, quæ debetur ex justitiâ, reparat damnum illatum præcisè ad æqualitatem: ergo

ubi damnum naturâ suâ irreparabile est, non debetur restitutio lege justitiæ.

Septimò, quia nemo obligatur damnum sarcire ex bonis diversi ordinis, sed tantum ejusdem; hæc enim sola inter se sunt commensurabilia; ergo quando non potest fieri commensuratio, non est obligatio justitiæ. Antecedens patet, quia aliquin qui læsisset in vitâ, deberet restituere in honore, vel potius in bonis spiritalibus, si pecunia non posset; quod tamen neque moribus gentium est receptum, neque ullo modo necessarium, ut passim doctores tradunt.

145. Ex quibus patet primò solum damnum pecuniarium, secutum ex homicidio, esse ex justitiâ compensandum: pro damno autem vitæ et pro injuriâ solum deberi satisfactionem quamdam, signis doloris et petitione veniæ. Fieri tamen potest, ut obligetur ex charitate ad aliquam pecuniariam satisfactionem, si hæredes sunt pauperes, et non poterunt merorem aliter deposituri; et ipse eam sine gravi incommodo possit præstare: tunc enim videtur saltem ex charitate et quâdam æquitate naturali teneri: fortè hoc voluit D. Thomas.

Secundò, si vir nobilis aut alius occisus sit, qui nihil lucri faciebat, nihil restituendum, præter expensas in medicos, si quæ factæ sunt.

Tertiò, patet responsio ad contrariam rationem: non enim omne damnum ex justitiâ est compensandum, ut patet de damno spiritali, quod tamen maximum est. Neque mirum videri debet, si pro vitâ animalis fiat restitutio, non autem pro vitâ hominis liberâ; quia vitâ hominis libera est super omne pretium pecuniarium et humanum, sicut et bona spiritalia: non tamen vitâ animalis vel mancipii. Hinc tamen non sequitur, minus esse peccatum occidere hominem, quàm bestiam.

146. Dices: L. Prætor edixit, 7, § 6, π. de injuriis, dicitur: *Posse hodiè de omni injuriâ, sed et de atroci civiliter agi, imperator rēscripsit*: ergo potest agi in judicio de damno vitæ sarciendo.

Respondeo, negando consequentiam; aliud enim est agere de injuriâ vindicandâ, aliud de damno sarciendo: injuriæ enim non debetur restitutio, sed vindictio et multa etiam pecuniaria, quæ fit operâ judicis; satisfactio etiam debetur, sed non pecuniaria ante sententiam: itaque potest civiliter agi, quia potest exigi aliqua satisfactio pecuniaria, per judicem imponenda.

DUBITATIO XXIV.

Utrum aliquid restituendum pro expensis funeris.

147. Respondeo ordinariè nihil pro his expensis restituendum, quamvis contrarium affirmet Navarrus, cap. 15, num. 22. Ratio est quia etiamsi naturali morte obiisset, nihilominus hæc expensæ fieri debuissent, unde per occisionem nihil damni ex hac parte illatum nisi fortè ex acceleratione, eò quòd citius isti sumptus fieri debuerunt, quibus adhuc aliquid lucri facere potuisset: sed hoc sub lucro cessante comprehenditur. Vel nisi extra patriam, aut alieno loco occisus sit, ubi majores sumptus, quàm domi fieri debuerunt, quod pertinet ad damnum emergens.

DUBITATIO XXV.

Utrum animæ occisi aliquid restituendum ex justitiâ.

148. Scotus, dist. 15, q. 3, art. 2, Gabriel, Adrianus et Angelus supra, docent, si homicida subeat poenam talionis, nihil ampliùs deberi pro vitâ occisi; si non subeat, debere satisfacere pro vitâ illius, bonis spiritalibus, per eleemosynas, orationes, missas, etc.

Sed communior sententia est, non obligari ex justitiâ ad hanc restitutionem, quamvis sit saluberrimum consilium, et æquitas naturalis videatur quodammodo postulare. Unde meritò pro satisfactione sacramentali, ipsi à sacerdote potest injungi: ita docet Sotus lib. 4, q. 6, art. 3, ad tertium, Silvester supra, et alii.

149. Ratio est, quia bonum spirituale non potest esse pretium rei temporalis; ergo non potest ex justitiâ deberi pro damno vitæ. Antecedens probatur, quia sunt res diversi ordinis, et vitâ per hoc non restituitur nec in se, nec in æquivalenti, quod apud homines habeat parem æstimationem.

Dices deberi hæc bona non pro vitâ, sed quia illum privavit facultate merendi et satisfaciendi.

150. Respondeo: Facultas merendi est irreparabilis, similiter meritum amissum est irreparabile, quia meum meritum non potest alteri donare, ita ut fiat ipsius. Deinde privatio hujus facultatis non potest ullo opere nostro compensari, sicut nec vitâ. Et quamvis satisfactio unius alteri prodesse possit, non tamen constat, an alter aliquâ satisfactione sit privatus, nec utrùm ei profutura sit. Denique non potest in his certa mensura constitui, quæ lege justitiæ debeatur.

DUBITATIO XXVI.

Utrum tantummodo uxori et liberis, an etiam aliis restituere teneatur, ut creditoribus, et iis quos occisus alebat.

Multi doctores sentiunt his omnibus faciendam restitutionem, quia per injuriam impediti. Verùm hæc sententia est valdè difficilis in praxi, et fortè in rigore non vera; unde

151. Respondeo et dico primò: Probabile est homicidam non teneri creditoribus defuncti. Colligitur hoc ex dictis supra dub. 15 et 16. Tenent Sotus, Salonius, Lopez, et alii ibi citati.

Probatur, nam planè per accidens obvenit damnum creditoribus: non enim illa actio occisionis ex naturâ suâ vel ut plurimum est ipsis damnosa: ergo non est injuria in illos.

Secundò, quia creditor non habet jus in debitorem, nisi quantum extendunt se bona, quæ actu habet, vel quæ verisimiliter erat habiturus: ergo cum homicida restituit hæredibus, in quos obligatio defuncti transfertur, ea quæ ipse putabatur lucraturus, non facit injuriam creditoribus; possunt enim ab hæredibus solutionem petere.

Tertiò, creditor non est ita conjunctus debitori, ut damnum, quod huic fit, debeat censeri fieri creditori; nam solum per accidens, seu civili modo ei coheret; quâ ratione innumeri possunt cum ipso conjungi. Ab-

gurdum autem videtur omnes eos, qui cum ipso contrahunt, habere jus justitiæ in ipsius inimicum, ne ipsum occidat. Confirmatur, quia qui cum aliquo contrahunt, debent videre an ille habeat sufficientia bona, vel certe curare, ut det sufficientem cautionem : quod si non fecerint, sibi imputent; non enim tenetur inimicus ex justitiâ tam procul respicere.

Quartò, non videtur hæc obligatio usu recepta; inò communi hominum judicio non censetur homicida creditoribus obligatus, nisi fortè eâ intentione occiderit, ut eis obesset.

152. Dices primò : Homicida tenetur filiis occisi, quia parens illis ex justitiâ obligabatur; ergo cum etiam obligetur ex justitiâ creditori, tenebitur ei occisor.

Resp. negando antecedens; idè enim tenetur filiis occisi, quia videntur una persona cum parente, ita ut censeantur damnum passi in bonis propriis, quæ per parentem possidebant. Neque verum est, parentem debere ex justitiâ filiis, cum solùm teneatur lege pietatis.

Dices secundò : Qui hypothecam perimit, tenetur creditori de damno : ergo etiam qui interimit debitorem qui, ratione obligationis personalis, est instar hypothecæ.

153. Respond. primò, negando antecedens : Nam satisfacit dando æquivalens illi hypothecæ, ut, si erit domus, ædificando domum similem, vel dando restitutionem, et compensando fructus pro tempore, quo eos impedit.

154. Secundò, negando consequentiam, quia debitor non obligatur secundùm se, ut hypothecæ (non enim potest vendi), sed ratione honorum quæ actu habet, vel habiturus erat, quæ compensantur ab homicidâ, ipsius hæredibus, quorum est defuncti debita solvere.

Dico secundò : Etiam probabile est non teneri illis quos occisus alebat ex liberalitate. Ita docet Sotus, Lopez et Salonijs supra.

Probatur primò, quia hoc damnum merè per accidens illis obvenire censetur; secundò, quia interfectus non tenebatur, ergo nec interfecto, cum ipse non censeatur una persona cum interfecto; tertio, quia aliqui teneretur alere omnes famulos ejus et pauperes quos ipse sustentabat, quod tamen non est usquam receptum.

Dices : Qui per vim impedit ne quis alteri beneficiat, tenetur illi de damno illius incommodi sperati; at homicida per vim impedit; ergo, etc.

Resp. : Major vera est, si eo modo vis afferatur, ut censeatur his velle nocere; hic autem non eo modo, neque eo fine vim infert, sed quia est inimicus, cui per accidens conjunctum est damnum aliorum. Adde quòd si ille pauperes alebat, fortè hæredes facti ditiores alent multò plures; nam singuli aliquas eleemosynas dabunt.

155. Dico tertio : Occisor solùm videtur obligari parentibus occisi, filiis et uxori. Ita Sotus supra, lib. 4, q. 6, art. 3, ad tertium, et Lopez c. 62, et Salonijs, q.

62 art. 2; Bannes ibid. q. 6. Idem tenent multi alii. Ratio est, non quia hæres succedit in jura defuncti; nam defunctus namquam jus habuit ad illam restitutionem, utpote cujus obligatio per mortem ejus orta sit, sed quia parens et filius censentur una persona, similiter maritus et uxor; quare qui interficit Petrum, ille uxori, liberis et parenti ejus damnum infert, eosque in re sua lædit. Nam veluti partem quamdam abscindit, à quâ illis strictissimo nexu proveniebat utilitas. Itaque si filius interfectus sit, et parens debeat succedere, eo quod interfectus careat prole, ipsi restitutio facienda. Similiter eo casu quo filius debuisset parentem alere, occisor tenebitur. Idem dico de uxore; ea enim commoda filiis, parentibus et uxori ejus sustinenda, quæ ipse interfectus præstare debuisset.

156. Quòd si tantummodò habet fratrem qui fratri succedat, probabile est ei nihil deberi, nisi ratione juris quod defunctus ante mortem acquisivit; quod totum in hæredem etiam extraneum transit. Ita Bannes, Sotus, et alii supra.

Primò, quia nec est hæres necessarius, nec censetur una persona cum eo; unde non censetur læsus in re suâ.

Secundò, quia communi hominum judicio non dicitur ei damnum illatum, sed potius commodum; citius enim fruitur ejus bonis; et si vixisset, fortè alios hæredes instituisset.

157. Adverte etiam probabile esse homicidam non teneri uxori, si illa nullum notabile detrimentum accepit, vel si æquè commodè potest nubere, ut iidem doctores tradunt. Tunc enim non censetur in rebus pecuniâ æstimabilibus læsa. Neque parenti occisi, nisi fortè sit hæres, vel filius occisus illum alebat, et aliunde ei non sit prospectum. Quia alioquin non censetur in re suâ læsus, ita ut damnum pecuniarum acceperit.

158. Dico quartò : Si læsus interfectori omnia remittat, ad nihil tenebitur, sicut qui volentem interficit : est communior sententia doctorum, Bannes q. 62, a. 2, dub. 6, Soti, Salonii, et aliorum sup. Ratio est, quia filiis non fit injuria per homicidam in bonis fortunæ, nisi quatenus læduntur in parente, contra ipsius voluntatem : ergo quando parens condonat omne damnum, nullum jus eis remanet. Sicut enim per eum jus acquirunt, ita etiam amittunt.

159. Nihilominus non rectè faciet læsus, si, filiis valdè egentibus, condonet occisori omnem restitutionem; valebit tamen in conscientiâ, nisi fortassè lege positivâ non permittatur ei nisi alicujus certæ portionis bonorum dispositio, v. g., tertiæ, quartæ, vel quintæ : tunc enim non valet remissio, nisi juxta hanc moderationem, ut quidam volunt. Alii tamen non addunt hanc limitationem, quia tale debitum, cum ab honestissimis viris plerùmque condonari soleat, non videtur censi inter bona creditoris, de quibus loquantur leges, portionem legitimam præscribentes; nemo enim cogitur hujusmodi actiones ex delicto vel injuriâ nascentes in censu suo numerare.

CAPUT X.

DE INJURIS IN CORPUS PROXIMI PER STUPRUM ET ADULTERIUM, DEQUE CONGRUA RESTITUTIONE.

(Constat dubitationibus 7.)

Notandum esse varias luxurie species, ut docet D. Thomas infra, q. 154, art. 1, inter quas duæ sunt quibus potissimum injuria fit proximo, *stuprum et adulterium*. Quare de hisce duabus dicendum, et de restitutione hæc pertinente; de cæteris infra, lib. 4, cap. 3.

DUBITATIO PRIMA.

Utrum stuprum, si fiat consentiente puellâ, contineat specialem deformitatem vel injuriam supra simplicem fornicationem.

1. Cajetanus, 2-2, quest. 154, art. 6, fusè nititur probare *stuprum* (seu deflorationem virginis) per se continere specialem deformitatem, atque adeò specialem injuriam in ipsam puellam, et in parentem ejus sub cujus custodiâ manet, eò quòd per illud violetur et reseretur claustrum virginale, cui per se debetur parentis custodia.

2. Dico primò : Si puella non est sub potestate parentum vel tutorum, vel si illis consentientibus se patiatur violari, illud *stuprum* non continet specialem malitiam mortalem supra fornicationem. Ita Sotus in 4, d. 18, art. 4, post septimam conclusionem, et Petrus Navarra, lib. 2 de Restitution., cap. 3, n. 433. Probat, quia in stupro non est speciale peccatum, nisi sit specialis injuria; quod etsi quidam negent, tamen cæteri cum Cajetano fatentur; sed hic nulla est injuria, quia consentienti non fit injuria; ergo, etc.

Dices ex Cajetano : Nec ipsa, nec parentes poterant consentire, sicut nemo potest consentire, ut sibi abscindatur manus : atqui per *stuprum* fit scissio quædam et ruptio membri : ergo fit verè injuria, etiamsi consentiant.

3. Respondeo primò verius esse nullam fieri rupturam, ut peritissimi medici docent. Deinde, etiamsi esset aliqua ruptura, illa per se non est illicita, nam potest fieri per actum matrimonii; et in se considerata, est parvi momenti, cum non lædat naturam.

Tertiò, si alicui volenti abscinderetur manus, non fieret ei injuria, ut docet Bannes ex D. Thomâ in 4, q. 64, art. 5, in fine, et constat ex dictis supra, cap. 7, dub. 3; multò ergo minùs ob innocuam illam rupturam. Deniquè ipsa est domina sui corporis, et habet jus utendi eo, etiam ad hoc opus, ita ut nemini faciat propriè injuriam : sicut corrupta nemini facit injuriam, si suo corpore abutatur.

Dices secundò ex Cajetano : Si *stuprum* non habet peculiarem malitiam, quando parentes et puella consentiunt, ergo neque adulterium, si maritus et uxor consentiant.

Resp. negando consequentiam : violatur enim indissolubile illud vinculum, quod matrimonii contractus induxit; quod non est in mariti potestate.

4. Unde etsi uterque consentiat, adhuc duplex in adulterio malitia remanet. Primò, quia est commer-

cium earum personarum inter quas nullum matrimoniale vinculum intercedit; sic enim habet turpitudinem fornicationis, estque contra castitatem. Secundò, quòd per illud violetur insolubile vinculum quod naturæ auctor alterum alteri obstrinxit, quodque sacramenti sanctitas confirmavit; hæc ratione habet malignitatem adulterii, estque quodammodò contra justitiam, ut multi doctores volunt, quia conjux jure illo cedere non potest : non tamen propriè est injuria in conjugem, ut ex dictis supra, cap. 7, dub. 3, constat; de hoc infra, lib. 4, cap. 3, dub. 10, plura.

Notandum tamen est Bannes supra constituere malitiam propriam stupri in quâdam deformitate, non contra justitiam, sed contra castitatem, quia natura ordinavit illam integritatem ad placendum viro in matrimonio. Sed profectò, hæc obligatio videtur parvi momenti; nam potest abstinere à nuptiis : potest etiam ita agere, ut vir non percipiat fuisse corruptam; denique potest ante matrimonium cum illo pæisci, vel esse parata perferre ipsius molestias. Unde etiam ipse non multum huic sententiæ inheret.

5. Dico secundò : Si puella potestati parentum subiecta absque illorum consensu patiatur se violari, illa violatio non continet specialem culpam mortiferam, ratione resignationis claustrî virginei, quamvis ratione mœroris et infamiae, quam affert parentibus, possit interdum specialem et gravem culpam continere. Prior pars sequitur ex dictis, quia ipsa est domina sui corporis, nec parens majus habet jus in corpus filiae inviolatæ, quàm violatæ. Secunda pars patet, quia ingens mœror parentibus inde solet obvenire, ob dedecoratam familiam et spes frustratas. Sed hæc incommoda per accidens conjuncta sunt violationi virginitalis, nempe ratione evulgationis : si enim occulta maneret, nihil tale sequeretur. Adde eadem sequi posse ex fornicatione filiae corruptæ. Unde patet, hanc malitiam non constituere propriam speciem stupri. Est tamen valdè ponderanda, quia potest esse mortifera, utpote quæ sit contra charitatem proximorum, et pietatem seu reverentiam parenti et familiæ debitam; et sæpè ex eâ gravissima mala, ut inimicitie et cædes, sequuntur.

6. Dico tertiò : Si puella consensit liberè in sui violationem, non est propriè *stuprum* à fornicationis specie distinctum, sed tunc demùm propriè est tale, quando violatio fit ipsâ omninò invitâ. Ubi adverte *stuprum* aliquando accipi pro omni coitu lege prohibito : sic etiam adulterium, et sodomia, et incestus, *stuprum* vocantur, ut patet l. *Inter liberas*, π . de adulteriis; aliquando accipitur strictiùs : et sic in virginem et viduam committitur, ut habetur eadem lege. Sed propriissimè accipitur pro violentâ virginis corruptione, quæ Græcis propriè dicitur $\varphi\omicron\rho\rho\alpha$, id est, corruptio : unde *stupratores* et *corruptores* virginum propriè dicuntur qui vim inferunt : et sic propria ratio *stupri* consistit in hoc quòd virginitali seu claustrò virginali vis afferatur. Quare supra fornicationem addit injuriam in puellam, quâ per vim integritas corporis (quæ maximi fieri solet) ei adimitur; unde est

gravissimum peccatum, poenā mortis plectendum.

7. Differt autem a *raptu*, quod *raptus* vim includat, quā puella abripitur a domo suā, vel paternā, et locum habere potest in corruptā; *stuprum* autem tantum in integrā, et potest fieri sine omni raptu, sicut et *raptus* potest fieri sine violatione.

8. Ex his sequitur cogitationes seu declarationes morosas in virgine, et in adolescente circa virginem, etsi sint peccata mortifera, non habere tamen specialem malitiam mortiferam supra alias delectationes morosas, nisi conjuncte sint cum voluntate inferende violentiæ.

DUBITATIO II.

Ad quid teneatur corruptor virginis, si non promisit ei conjugium.

9. Respondeo et dico primo: Si puella liberē consensit, ipse ad nihil ei tenetur. Sequitur ex dictis, quia volenti non fit injuria; neque tunc est proprie *stuprum*. Addo cum Soto, lib. 4, q. 7, art. 1, ad 2, neque parenti ejus quidquam tunc deberi. Ratio est, quia nec illi fit injuria, nisi fortē quatenus censetur ladi honor, et dedecori familia: puella enim est domina sui corporis. Neque D. Thomas, q. 62, art. 6, ad 3, contrarium tenet, ut quidam dicunt. Similiter ad nihil tenetur, si puella remisit damni compensationem: potest enim cedere jure suo, quod habet ad detrimenta nuptiarum sancienda, præsertim cum liberum ei sit à nuptiis abstinere.

10. Dico secundò: Si vi aut fraude usuram corporis extorsit, etsi absque promissione, tenetur tamen vel eam sibi matrimonio copulare, vel damnum reparare. Ita docent Navar. cap. 16, n. 16 et sequentibus, Silv. v. *Luxuria*, qu. 5, Anton. 2 p., l. 5, cap. 6, § 1, et alii. Probatur, quia damnum tunc per injuriam illatum est, ergo debet rependi. Hoc autem fiet vel matrimonio, vel damni æstimatione.

Sed contra, c. 1 de Adulteris, dicitur: *Si quis seduxerit virginem nondum desponsatam, dotabit eam, et habebit uxorem*; quod desumptum est ex cap. 22 Exodi, et c. 2: *Disponimus ut quam stupraverit uxorem habeat; ac si renuendum putaverit, corporaliter castigatus et excommunicatus, retrudatur in monasterium*; hic non solum ad alterum, sed ad utrumque teneri dicitur; nec solum ad æstimationem damni, sed ad integram dotem.

11. Resp. hæc intelligenda esse post sententiam judicis, ut rectè docet Sylvest. supra: ante enim sententiam non tenetur, nisi ad alterum; neque ad integram dotem, sed solum quanti pluris valebat spes nuptiarum, quam adhuc integra habebat: nam jure naturæ ad ampliùs non tenetur: ita Covarruv., 2 p. de Sponsal. cap. 8, § 8, num. 19.

Dixi, absque promissione, quia si intercessit promissio, implenda est, ut statim dicemus, n. 35.

12. Petes, quid si parens vel puella nolit admittere matrimonium, utrū ipse damnum teneatur reparare pecuniā? Respondeo: Si vi deflorata fuit, potest recusare ipsius matrimonium, et exigere quanti pluris eget

ad alteri liberē pro sua conditione nubendo. Idem dico, si fallaciter infecta fuit, et si adolescens ingebat se nobilem vel duxim, ut eam deciperet, qui enim fingit aliquid, ob quod ipsa consentit, et cupit gratificari, sine quo nullo modo consentiret, injuri in ei facit, ac promde tenetur de damno sicute Covarr. tamen, p. 2 de Sponsalibus, cap. 6, § 8, n. 19, existimat puellam in hoc casu admittre debere matrimonium, si ipsius conditio ei respondeat: quæ sententia nititur quādam æquitate. Sed verius putamus eam in rigore non teneri acceptare, quia circa ipsum decepta fuit per injuriam, ut existimaret esse alterius conditionis quam reverā sit; quæ deceptio causa fuit damni, unde potest justam compensationem exigere.

13. Sed quid si ipsa velit matrimonium? teneaturne corruptor? Respondeo: Si nec tacitè nec expresse promisit (ut si vi aut minis extorsit), non tenetur ante sententiam, sed sufficit in foro conscientie damni illati compensationem præstare, sive vi sive fraude et mendacis illam induxerit, modo promissio non interverit.

14. Petes utrū adolescens teneatur ad alterum prædictorum, si precibus importunis usuram corporis impetrarit? Quidam putant non teneri, nisi conjunctæ fuerint minæ, aut metus reverentialis, ut si erat illius dominus aut superior, aut magnæ auctoritatis, cui ipsa nihil audeat recusare: ita Petrus Navar. lib. 2, c. 3, n. 444, et quidam alii recentiores; quæ sententia est satis probabilis, et ordinariè vera. Fieri tamen potest ut importunitas tanta sit, ut ratione illius solius teneatur, ut si adeò importunè eam sollicitet, ut ipsa malit grave illud virginittatis detrimentum pati, quàm assidue tam improbā sollicitatione enecari. Tales erant preces Dalila, quibus expugnavit Samsonem. Sed hoc rarum est, quia molestiam illam plerūque aliter excutere possunt, conceptā irā, qualem in hac causā decet; deinde quamvis initio videatur multū repugnare, postea tamen sæpè libenter consentiunt. Promissa verò vim non afferunt, sed blandè alliciunt, multòque magis munera; alioqui qui promissis vel muneribus impetrasset officium, vel legatum, teneretur ad restitutionem, quod non est probabile. Vide plura infra, cap. 17, dub. 6.

15. Dico tertio: Si puella vi aut fraude violata, fortè postea æquè commodis potita est nuptiis, ita ut nihil detrimenti acceperit, non debet ei quidquam necessariò restitui. Ita docent Navar., cap. 16, num. 17 et 19, multique recentiores. Probatur, quia neque pro ipsa defloratione pudicitia, ut quæ irreparabilis sit, et pretio non æstimanda; neque pro damno inde secuto, cum nullum reipsa secutum sit.

16. Dices: Stuprator constituit eam in periculo non inveniendi commodas nuptias, quod periculum est pretio æstimabile: ergo debet rependi.

Respondeo: Inferre alter periculum, etiam vite et fortunarum, non obligat ad restitutionem, nisi damnum reipsa sequitur; huic tamen non obstat quia aliqua compensatio possit in pactum deduci, antequam se periculo quis exponat. V. g., possum justè exigere

400, ut me exponam vitæ periculo; tamen si alius me injuste adducat in tale periculum sine pacto, non tenetur ad ullam restitutionem, si fortè damnum secutum non fuerit, quia periculum etsi magni æstimetur ob damnum quod potest sequi, si tamen non sequatur reipsa, nihil pro illo restituendum (nisi pactum intervenierit), nam periculum damni non est damnum.

47. Dices secundo: Ergo puella, quæ jam centum acceperat pro defloratione, tenebitur restituere, si postea æquè bene nupsit, et nihil incommodi est perpessa. Respond. negando consequ.: primò enim, poterit retinere pro ipso pudicitie damno, juxta alteram sententiam, quæ probabiliter sentit illud esse pecunià reparandum; secundò, etiam juxta nostram sententiam non tenebitur. Ratio est, quia qui in aliquo periculo vitæ, fortunarum, vel infamiae est constitutus, potest pacisci cum eo qui ipsum per injuriam in tale periculum conjecit, de damno quod probabiliter timeatur, et quamvis postea non obvenerit, poterit tamen pretium conventum retinere, et si nondum solutum fuerit, poterit ex vi pacti exigere, eò quòd illud periculum, quod alter præstare debebat, in se suscepit: quòd enim damnum non evenerit, vel suæ industrie, vel benignæ Dei providentiæ adscribat. Confirmatur, quia potest quis pacisci de lucro cessante, vel damno emergente, antequàm eveniant (nempe, certo pretio periculi dum hortum in se recipiendo); nec tenetur restituere pretium conventum, etiamsi non eveniant, quando alterius causâ hoc periculum suscepit: ergo etiam poterit, quando alterius culpa in periculum conjectus est, quia tunc ille tenetur periculum præstare.

48. Debet tamen hoc pactum iniri, dum periculum adhuc durat: nam si nullum sit ampliùs, non est pretio æstimabilis ejus præstatio: itaque tunc pro eâ non poterit quidquam exigere. Similiter, nec lævales puellæ poterunt exigere, si ipsa ante tempus nubendi obierit, et ante obitum pacta non fuerit, quia damnum non est secutum.

49. Denique si, postquàm pacta est, condonaverit: potest enim hanc condonationem facere, etiamsi sub parentum curâ fuerit, quia non parentibus, sed ipsi debetur.

DUBITATIO III.

Ad quid tenetur corruptor, si eam decepit promissione conjugii.

20. Respondeo: Si promisit conjugium, et eâ sepe seu conditione usuram corporis impetravit, tenetur eam ducere, etiamsi fictè promississet. Est communis sententia doctorum. Probatur, quia hæc promissio facta est in modum contractus; unde cum ipsa ex parte sua compleverit contractum, tenetur etiam ipse complere, prout exterius judicio prudentum sonat; alioquin si tali artificio uti liceret, infinitis fraudibus humana commiseria peterent. Confirmatur, quia ipsa, consentiendo bonâ fide in copulam pro matrimonio futuro, juxta justitiam, quisivit ad ipsius matrimonium, cui juri non potest ipse satisfacere, nisi consentiendo in matrimonio. Unde sequitur non satis esse eam

ducere, vel largis donationibus damnum sarcire, si ipsa nolit acquiescere.

21. Idem dicendum si animo ficto cum eo per verba de præsentibus contraxit, eo tantum fine ut eâ potiretur, ut docet Sotus in 4, d. 27, q. 1, art. 3, et Adrian. q. 2, de matrimonio, et alii. Etsi enim matrimonium illo casu sit nullum, tamen manebit obligatio eam ducendi, si ipse velit, ratione injuriæ et damni secuti.

22. Adverte tamen excipi aliquot casus, quibus non tenebitur eam ducere, sed sufficet aliter damnum sarcire. Primò, si ipse longè sit nobilior vel opulentior, idque ipsa sciverit; tunc enim facilè potuit suspicari ipsum simulatè nuptias promittere, ut eâ frueretur.

Dico, si ipsa id sciverit, quia si omninò ignoravit ipsius conditionem, et exterius non habuit ullam causam suspiciandæ fraudis, tenebitur eam ducere, si ipsa velit: ita Petrus Navarra supra, et multi alii doctores. Ratio est, quia tenetur ex parte suâ contractum complere, ne ipsa detrimentum patiat. Neque illa facit injuriam exigendo promissum, quia pacta sunt corpus pro corpore, bonâ fide: reliqua, ut divitiæ, nobilitas, per accidens se habent ad hunc contractum.

23. Quidam tamen dicunt posse eum pecuniâ satisfacere arbitrio prudentum; quòd est probabile: insinuat D. Thomas in 4, d. 28, art. 2, ad 4; ait enim quòd teneatur eam ducere, si sint æqualis conditionis, vel si ipsa est melioris conditionis, indicans non teneri, si ipse sit melioris. Idem tanquàm valdè probabile tenet Corduba lib. 1 sui Quæstion., q. 13. Ratio est, quia qui in contractu fictè aliquid promittit quòd est longè melius, non tenetur illud dare, sed sufficit ut det aliud quòd judicio prudentis sit æquale: sufficit enim ad justitiam ut contractus reducat ad æqualitatem.

24. Secundò, si ex aliis conjecturis facilè deprehendi poterat ipsum non sincerè agere (ut verbis ambiguis uti, inconstanter loqui, nimis uti exaggerationibus). Ratio est, quia in his casibus puella facilè potest advertere vel suspicari ipsum reverà nihil seriò promittere, sed se ludificari. Utrum verò teneatur tunc damnum, si quòd secutum fuerit, rependere, dubium est: quidam putant teneri, quia per injuriam causam damni dedit; fraude enim et mendacio eam decipit.

25. Sed verius videtur non teneri: si enim fraudem facilè potuit advertere, non præsumitur decepta, sed fingere deceptionem, ut ait D. Thomas supra, et Silvest. *Matrimonium* quartò, q. 8; Tabi. vº *Matrimonium* 2. q. 7, et Fumus, vº *Restitutio*, n. 22, citatque D. Thomam et Verellensem.

26. Tertiò, si aliquid impedimentum legitimum intervenierit, ut si fiat ejus affinis, si ducat aliam per verba de præsentibus, si sacros ordines suscipiat, si grave aliquod damnum vel scandalum ex tali matrimonio sequeretur: denique si pater nolit eam dare. In his casibus sufficet damnum sarcire, de hoc tamen ultimo est difficultas: nam si corruptor non admittitur à parente puellæ ad matrimonium, paratus alioquin promissorum fidem præstare, cur in conscientia teneatur alio modo damnum sarcire? Quidam distinguunt:

si ex animo promississet, ad nihil aliud obligandum, quia nullam injuriam intulisset; si autem animo facili promississet, tunc a parente et a puella posse repudiari tanquam impostoribus et pudicitiae insulatorebus. et tamen ratione injuriæ teneri nihilominus damnari aequum.

27. Sed prout, in conscientia ad aliud non teneri quam ad implendum promissum, ducendo eam in uxorem; sic enim abunde videtur satisfacere pro injuriâ per fictionem illatâ. Quod confirmatur ex aliis contractibus; si enim fete tibi promittam mutuum, hocque nomine tu emas merces, facio tibi injuriam, et teneor sarcire damnum, nisi servem promissum; si tamen servare volo, tu vero nolis accipere, non teneor damnum secutum compensare.

28. Quartò, si illam contingat postea cum alio fornicari, prior non tenebitur eam ducere. Ratio est, quia in promissione sponsalium hæc conditio tacite subintelligitur. Sed difficultas est, utrum tunc teneatur tibi aliter satisfacere? Respondeo non teneri, nisi antea fuerit conventum; nam ex vi promissionis solum tenetur eam ducere; quæ obligatio extinguitur per supervenientem fornicationem; unde nisi antea fuerit mutata in obligationem pecuniariam, nihil ei ex justitiâ debebitur.

29. Quintò, si dicenti se virginem promissa nuptias, ut eâ potiretur, et postea deprehendat non esse virginem, non tenebitur stare promissis: ita Lopez, l. p., c. 76, citans pro se Armillam; idem tenet Corduba lib. 1, q. 13, sui Questionarii dicto 3. Ratio est, quia si eam decepit, ita vicissim ab eâ deceptus est: itaque est compensatio injuriæ; unde nec videtur petenti compensare debere: cur enim teneatur, cum ab eâ deceptus sit? Confirmatur, quia si seriò promississet, non teneretur propter illam deceptionem; ergo neque dum fiet.

30. Sextò, si putabat illam esse virginem, et in conjunctione deprehendat reverâ non fuisse, quamvis ex verbis ejus deceptus non fuerit, quo casu non tenebitur illam ducere, ut docet Corduba supra lib. 1, q. 13, quia illa causa sufficiens est ad solvenda sponsalia; tenebitur tamen, juxta prædictum auctorem, pecuniâ compensare, quia ipsa illum non decept fraude aliquâ. Contrarium tamen forte non improbabile, quia si seriò promississet, non solum non teneretur eam ducere, sed neque dotare. Nam ex vi promissionis solum obligatur ad eam ducendam: quæ obligatio cessat ex eo quòd deprehendat non esse virginem, ut alibi dictum est: quam sententiam invenio probatam doctissimo viro Thomæ Sancio lib. 1 de Matrimonio, di. p. 10, n. 12.

31. Adverte tamen: Si sciebat eam non esse virginem, et promisit ei matrimonium fiet, ad obtinendam copulam, eâ secutâ, tenebitur illam ducere, si ipsa velit, quia ipse deceptus non fuit, et illa ex parte suâ præstitit conditionem contractus: ita docent Silvest. 6º Matrimonium, 4, q. 8, Palud. d. 28, q. 1, art. 2, concl. 3. Contrarium tamen esse verius, si non time-

tor intima, docet Thomas Sancio, citans Lopezium, Veracium, et reque quare soluta est compensatio pecuniâ. Ratio est, quod corrupto, exigendo talis auctoritas pro corpore cum usura mercedis esset. Non enim tanti aestimatur corpus cum corruptia, ut restitutionis ejus debeat compensari. Ubi cum non teneatur ad matrimonium ratione promissionis sed quod nulla fuerit, nec ratione damni, cum nullum esset, cum sit, ut suppono solum teneatur propter petentis compensare copulam, per eadem injuriâ obligatum; secus tamen si esset honesta vidua, et impenderet infamia.

DUBITATIO IV.

Utrum is qui ante coëram ingredi copulam, et postea puellam sub promissione verâ vel fictâ matrimonii depernit, possit ingredi.

32. Resp. non posse intrare, sed teneri eam ducere, ut passim doctores tradunt: si tamen ipsa votum ejus omnino ignoravit, et recuset omnem aliam satisfactionem. Probatur, quia ingressus religionis jam factus est ei illicitus; non enim potest ingredi, nisi gravem injuriam irrogando puellæ; ergo, etc.

Secundò, à simili. Si ego vovissem 100 dare in elemosinam, et postea inferrem alteri damnum tanti aestimatum, nec haberem aliunde quo illud compensarem, tenerer dare illa 100 Deo vota, nec possem persolvere votum, omissâ damni compensatione, quia obligatio strictæ justitiæ præponderat obligationi religionis: ergo similiter hic, cum ratione contractus et damni pudicitie, corpus illius sit obnoxium puellæ, nec aliter possit ex æquo sarciri, nisi cum illâ contrahendò, tenebitur contrahere, et etiam consummare matrimonium; nam contrahendò et non consummando, non cessabit reparatum damnum pudicitie, nec occurreret efficaciter infamie imminenti.

Tertiò, quia puella bonâ fide ex parte suâ complexit contractum, cum damno suæ pudicitie: ergo alter tenetur complere ex parte suâ. Neque puella tenetur admittere aliam compensationem, tam quia pudicitia non est pecunia aestimabilis, tum quia non tenetur subire infamiam amissæ virginitatis, ut illi votum suum impleat.

33. Adverte tamen, si puella scivit eam habere votum castitatis vel religionis, non potest urgere ipsius nuptias, quia non bonâ fide contraxit, cum sciret ipsum non posse nuptias promittere. Sed tunc tunc aliter compensare? Certè non videtur teneri, nisi forte persuaserit puellæ se facillè obtinendum dispensationem), quia non fuit ab ipso decepta, scivit enim quòd promissum est non posse ab ipso licitè præstari.

34. Potes utrum in his casibus impetrari debeat dispensatio voti. Respondeo non videri necessarium, quia executio voti facta est illi illicita; considerandum ut petatur, quia alias tenebitur ex parte suâ servare castitatem, si eam vovit; unde non poterit debitum petere, sed tantummodò reddere, eâ implicitè vel explicitè petente.

35. Quod dictum est de eo qui promissione matrimonii virginem decepit, non posse illum ingredi religionem absque ipsius consensu, idem dicendum de eo qui contractis sponsalibus non obtinuit quidem usum corporis, sed magnam familiaritatem quæ moveat suspicionem copulæ, ita ut absque notabili infamia puellæ non possit recedere à contractu: ita Corduba et Lopez supra, n. 29, citati. Ratio est, quia non potest hanc jacturam aliter sarcire. Idem dicendum si erat vidua bonæ famæ, et non infimæ sortis, ob eandem causam. Denique idem docet Sancius lib. 8, disput. 36, si puella vi vel dolo fuit deflorata, vel precibus violentiæ acquipollentibus, et corruptor ut huic injuriæ satisfaciatur, sponte promittit ei matrimonium: tunc enim tenetur stare promissis, nec potest illā invitā religionem capessere. Ratio est, quia ex vi illius deflorationis injuriosæ tenetur illam ducere, vel dotare, juxta cap. 1 de adulteriis, quod ex lege veteri translatum in jus canonicum. Itaque cum ratione injuriæ violationis teneatur ad alterum disjunctivè, ubi semel elegerit alteram partem, non potest mutare absque consensu puellæ: *quod enim semel placuit, amplius displicere non potest*: juxta regulam 21 de regul. juris in 6. Quod intellige, si alterius intersit, ut ibidem Glossa: atqui hic plurimum interest puellæ te non mutare. Confirm., quia cum obligatio est disjunctiva, factā electione alterius partis, hæc sola debetur, ut patet in aliis debitis; electio autem in hujusmodi est debitoris; unde debet esse libera. Quare si metu cogatur ad illam partem, nempe ad promittendum matrimonium, non tenetur ad illam; sed solvendo dotem, vel damnum sarciendo, est liber. Si viduam honestam vi vel fraude absque promissione matrimonii cognovit, etsi postea ei promitteret matrimonium in satisfactionem, nihilominus posset alio modo pro injuriā satisfacere, et ita religionem ingredi: ita Sancius supra; quod intellige, nisi sequeretur illam gravis infamia, cui aliā ratione non possit occurri. Ratio est, quia talis promissio fuit omnino libera (solum enim de deflorante virginem statutum est, ut teneatur eam ducere, vel dote augere, cap. 1 et 2 de adul.); unde habet tacitam conditionem, nisi religionem ingrediar. Sicut qui promissione pecuniæ puellam defloravit, et si postea loco pecuniæ promittat matrimonium, nihilominus potest religionem ingredi solutā pecuniā promissā, quia cum sit promissio omnino libera, non à jure imperata, habet tacitam conditionem prædictam.

Verum etsi hæc sint probabilia, verius tamen putasse eandem rationem in foro conscientie; sive promissio facta sit viduæ honestæ, sive virgini, in prædictis casibus, modò cetera sint paria. Ratio est, quia jus illud c. 1 de adul. eum obligat ante sententiam judicis, ut supra dictum est, et communiter docent auctores. Itaque promissio illa matrimonii in utroque casu censetur liberalis; ac proinde tacitam habens conditionem, nisi religionem ingrediar: poterit ergo ingredi, solvendo dotem, aut prudentis arbitrio compensando, nisi per sententiam coactus fuerit

illam ducere. Ubi etiam advertendum eum qui consentientem defloravit, si postea ei matrimonium promittat, in foro externo cogendum ut eam ducat. Ratio est, quia quando vi vel dolo fecit secutā promissione, est compellendus, ut dictum est: atqui præsumitur ita fecisse, quia non videtur spontè consensisse; unde cogetur, nisi probet illam vel non fuisse virginem, vel spontè præbuisse consensum, ut rectè Sancius supra.

DUBITATIO V.

Utrum adulter teneatur aliquid restituere marito adulteræ pro injuriâ, si partus non sit secutus.

36. Respondeo et dico primò: Si nullum aliud damnum secutum est, non teneri quidquam pro hac injuriâ marito illatâ rependere. Ratio est, quia injuriæ ab omni damno separatæ, non debetur ex justitiâ, nisi satisfactio, per signa doloris, veniæ petitionem, etc.; quæ tamen locum non habet, quando injuria ignoratur; unde nisi maritus resciscat, non tenetur adulter ad talem satisfactionem: hæc enim satisfactio non lit, nisi sentienti se injuriâ affectum, cum consistat in placatione animi exacerbat; quòd si resciscat, et putetur cupere, tenetur: aliàs minimè.

37. Dico secundò: Si maritus exigit satisfactionem pecuniariam, alter non tenetur eam præstare. Ratio est, tum quia tale damnum non est illatum, tum quia hæc conventio seu transactio pro injuriâ adulterii jure est interdicta, l. *Transigere*, 18, c. de transactionibus, ubi dicitur: *Transigere vel pacisci de crimine capitali, excepto adulterio, prohibitum non est*. Idem vetatur l. *Miles*, 11, π. *ad legem Juliam*, de adulteriis: quod idcirco jus vetuit, ne maritus videatur suæ uxoris lenocinium facere, ejusque corpus ad quæstum tanquam leno prostituere.

38. Si tamen maritus occultè transigeret cum adultero sine scandalo, non videretur peccare, nec ad restitutionem teneri, quia leges illæ magis pertinent ad judices, ne concedatur actio, nimirum in pœnam, ob præsumptionem lenocinii, quam ad mores privatos.

DUBITATIO VI.

Utrum si secutus sit partus, teneatur adulter ad restauranda damna quæ consequuntur marito vel hæredibus legitimis, ex sustentatione ejus et hæreditatis partitione.

39. Respondeo et dico primò: Adulter non tenetur ad ullam damni compensationem, nisi ei moraliter certum sit esse suam prolem. Ubi adverte non videri certum, quamdiu habet probabilem rationem dubitandi de contrario, ut dictum est 1-2, q. 19, a. 6. Id enim moraliter certum censetur, quod prudenter ita creditur, ut contrarium nullo modo videatur probabile: talia enim passim humano more certa dicuntur.

40. Nunc probatur, quia in dubio melior est conditio possidentis; nemo enim tenetur aliquidolvere, et re suâ se spoliare, nisi ei constet se debere: con-

sentiunt ferè in hoc doctores. Quamvis enim quidam dicant illum teneri, quando probabiliter credit esse suam prolem, hoc tamen non est ita generatim intelligendum; sed quando ita credit, ut non habeat probabilem rationem dubitandi de contrario. Fieri enim potest ut quis probabiliter credat esse suam prolem, et etiam probabilitatem habeat non esse: quo casu certum est non teneri. Vide Sotum, lib. 4 de Justit. q. 7, art. 2; Navar. c. 16, n. 48 et 49.

41. Dico secundo: Si ullo modo suasis vel procuravit, ut adultera prolem susceptam marito supponeret, fingeretque esse ejus prolem, tenetur de damno secuto, nempe de alimentis et hereditate, una cum adultera. Ratio est, quia uterque est causa totius damni.

Ubi adverte utrumque teneri aequè primò pro rata: adulterum, quia utriusque nomine suasis; adulteram, quia utriusque nomine fecit. Quando enim consilium est in commodum consultoris, ipse tenetur primò loco, executor solum in defectum; si tantum est in commodum executoris, executor tenetur primò, consultor solum secundariò in defectum; si in commodum utriusque, uterque tenetur aequè primò pro rata; in solidum verò, ex defectu alterutrius, ut inf., c. 13, dub. 3, dicetur.

42. Dico tertio: Si adulter agnoscat esse suam prolem, vel certè nullam habeat justam rationem dubitandi, tenetur restituere saltem ea quae impensa in alimenta prolis, à tertio anno ætatis et deinceps, quamdiu parens tenetur filium alere, quamvis non suaserit suppositionem. Est communis sententia doctorum contra Sotum supra. Probatur, quia pater à tertio anno tenetur alere filium et deinceps, donec sibi de alimentis providere possit; à partu autem ad tertium annum inclusivè, tenetur mater: colligitur ex c. 2 de conversione infidelium, et probat ibidem Glossa; et ex l. Nec filium, 9, c. de patriâ potestate.

43. Sed præcipua difficultas est de restitutione hereditatis, quam nothus ille cum aliis filiis, tanquam unus ex legitimis prolibus, cernit.

Quidam docent, etiamsi adulter agnoscat esse suam prolem, tamen non tenere sarcire damnum legitimis filiis, ex illegitimi successione obveniens; modò non fuerit auctor suppositionis: docet hoc Sotus supra, et Henriquez lib. 1 de Matrimonio, cap. 21, ubi pro eadem sententiâ citat Pennam. Alii quidam recentiores, etsi contrarium teneant, tamen fatentur hanc Soti sententiam non esse improbabilem.

Probari potest primò, quia iste adulter non est verè causa hujus damni; neque enim illud intendit, neque suâ actione attingit, sed alienâ actione provenit: nempe matris suppositione, et fictione, quæ illum tanquam legitimum marito suo supponit; cujus fraudis adulter non est auctor, nec consultor, uti ponimus.

Secundò, si adultera procuraret sibi abortionem, non censeretur adulter causa homicidii, nisi forte suasisset vel adjuvisset: ergo similiter non censebitur causa suppositionis, et consequenter neque damni ex suppositione secuti; non enim videtur esse magis

causa suppositionis quam abortionis, cum neutrum consulerit, et utrumque ex sua voluntate aditeret secutum sit ipso materiali, cum quævis utrumque lit, duntaxat suppeditante, id est, prole in.

44. Dices censeri auctorem hujus suppositionis, quia matrem in eam necessitatem cogent, ut necessario deberet prolem supponere, alioquin debuisset seipsam prodere. Respondetur non idè censeri auctorem, quia non conjecit illam nolentem rem et invitam in eam necessitatem, sed volentem: unde ipsa sibi debet imputare, quòd in eâ necessitate sit constituta.

45. Addi potest probabile videri quòd, etsi per injuriam illam in hanc necessitatem conjecisset (quamvis teneretur illi de damno quod ipsa pateretur), non tamen obligatum ita hereditatem dividit; ut si constituam aliquem in necessitate accipiendi mutui aut vendendi suppellectilis, et ille ratione istius inopie faciat injuriam tertio, non tenebor tertio, cui ille injuriam, occasione inopie, fecit; sed illi, cui ego injuriam intuli.

Verum contraria sententia mihi placet, primò, quia communis, à quâ pròinde in re tanti momenti non est facilè recedendum; secundò, quia non expedit in re tam nefar à favere adulteris; tertio, quia etiamsi adulter non suasis suppositionem, tamen est causa cur nothus ille credatur esse legitimus filius mariti, idque iniquo modo, videlicet commercio cum uxore alienâ.

46. Unde cum ex injurioso facto ipsius sequatur hæc falsa credulitas, censetur etiam causa damni, quod ex illâ credulitate nascitur.

Neque dici potest hoc damnum inde nasci per accidens, quia sicut ille error ut plurimum sequitur ex tali facto iniquo, ita ex errore damnum; idque facile erat prævidere.

Et confirm., quia adulter verè est causa suppositionis: hoc ipso enim quo facit nasci prolem ex alienâ uxore, supponit illam marito ejus, tanquam esset ipsius vera proles; nam id sufficit ut censeatur proles mariti, et consequenter ut supponatur marito tanquam suâ: ergo est causa suppositionis, et consequenter damni quod sequitur. Sicut si ipse poneret prolem vivam actu in utero uxoris alterius, vere supponeret prolem marito, non minùs quàm si occulte in domo, subtractâ vel interfectâ prole illius, supponeret extraneam: atqui eadem est ratio de semine, quod est proles in potentia; sicut perinde est, sive serpente actu, sive semen ejus ponas in loco, unde postea nociturus est.

Dices: Sola mulier supponit pariens in domo mariti, vel affirmans ejus esse prolem.

Resp. negando antecedens, quia non est opus ad suppositionem, ut dicat esse prolem mariti. Nam hoc ipso quo non est suspicio adulterii, censetur esse mariti; quare eo ipso quo causam dedit parienti, suppositionis crimen admisit; unde cum non sola, sed una cum adultero causam dederit, etiam adulter est causa suppositionis. Nec refert etiamsi foris non pariat,

quia ad id non tenetur, nisi salvâ famâ et vitâ commode possit: et quamvis posset, non tamen idcirco, id omitendo, ipsa esset sola causa suppositionis, quia per hoc non excusaretur adulter, neque idcirco ex ejus facto minùs damni proveniret.

Similiter non excusatur ille, etsi ortâ suspitione adulterii, ipsa juret esse prelem mariti, quia damnum aliarum prolium semper ex ejus facto injusto sequitur, si nothus succedat; sicut quando duo causam efficacem damni futuri dederunt, non excusatur alter ex eo quòd alter causam illam occultet. V. g., Titius et Caius propinârunt alicui latens venenum, unde ille moriturus est, nisi ei succurratur; oritur suspicio de Titio: negat Titius; hinc fit ut ille moriatur: non excusatur Caius à restitutione, sed unâ cum Titio tenetur, quia causam efficacem dedit, unde reipsâ damnum secutum est.

Hinc etiam patet non esse necesse ut tempore adulterii exstent liberi, quibus fiat injuria, quia sufficit per actum injustum poni causam, ex quâ liberis exstantibus damnum sequitur. Manet enim actus ille injustus virtute in causâ, velut in semine; sicut cum tyrannus legem injustam scribit, quæ etiam ad 100 annos vocet.

Ex his facile solvas rationes sententiæ diversæ.

DUBITATIO VII.

Ad quid teneatur adultera, si partus secutus sit.

47. Respondeo et dico primò: Tenetur, quantum fieri potest sine famæ dispendio et vitæ periculo, procurare, ne legi imi hæredes ratione hujus illegitimæ prolis aliquid detrimenti capiant. Ita communiter doctores. Unde si habet parapherna, tenetur ea relinquere legitimis in compensationem. Similiter, si quid ex labore capiat lucri, ad quod ei etiam diligentia præstanda. Debet etiam solitos sumptus imminuere, quantum commode potest, spectatâ conditione status, valetudinis, etc. Quòd si hisce modis non potest satisfacere, tenetur eum inducere ad capessendam religionem, si ad eam videatur idoneus. Ratio est, quia omnibus modis debet cavere damnum hæredibus.

48. Dico secundò: Si hisce modis plenè potest damnum compensare, non tenetur ad aliud, sed potest permittere ut illegitimus succedat. Ratio est, quia nulum tunc sequitur damnum legitimis hæredibus.

Dices: Illegitimus per leges civiles est incapax hæreditariæ successionis: atqui hæc leges obligant in conscientiâ.

49. Respondeo primò non esse incapacem, quando eo nomine illa portio cæteris est compensata, et res omninò est occulta; atque in hoc casu leges illas accipiendas.

Secundò, etiamsi sit incapax, tamen potest permitti ut succedat, ne ipsa infametur, præsertim quando alii inde damnum non sentiunt, ob compensationem.

50. Dico tertio: Etiamsi nullo modo possit mater compensare damnum, non tenetur tamen prodere suum crimen marito aut proli, nisi moraliter certa sit damni avertendi. Est communis doctorum præter Adrian. q. 4 de reitut., § *Sed restat*, et Palud. in 4,

d. 27, q. 2, art. 4, qui putant eam teneri sese prodere, quamvis existimet se nihil effecturam, quia, inquit, fieri potest ut filius ei credat, et fortè occidat.

Probatur nostra sententia, quia in dubio melior est conditio possidentis: ergo quamdiu prudenter dubitat an proderit revelatio, non tenetur famam suam, crimen occultum pandendo, prodigere, multòque minùs, quando parum est credibile profuturum. Imò id magnè esset imprudentiæ; redderet enim se infamem et exosam apud filium, et ipsum conjiceret in magnos æstus animorum; quod non est faciendum absque certo fructu, de quo probabiliter non dubitetur.

51. Ubi adverte primò rarò accidere ut adultera non habeat justam rationem dubitandi an revelatio proderit.

Primò, quia filius matri dicenti ipsam spurcam non tenetur credere, etsi sciat ipsam adulteram fuisse, ut docet Glossa in c. *Officiis* 9, de penit. et remissionib., et fatentur omnes canonisti in eap. *Per tuas*, 10, de probationibus, et jurispositi in l. *Si posthumus*, 44, ff. de liber. et posthumis. Ratio est, tum quia illeganti suam turpitudinem, nulla debetur fides, et in regulis juris dicitur; quod intellige, cum alterius præjudicio, ut in presenti casu accidit; tum quia, cum ipse et suâ et publicâ opinione sit legitimus, non tenetur cum tanto suo incommodo se reputare illegitimum, nisi convincatur; itaque quamdiu subest aliqua ratio suspicandæ fraudis vel erroris, non tenetur credere: tum denique quia ingonium mulierum est alios præter modum amare, alios odisse.

Secundò, quia mater potest sibi persuadere filium, etiamsi credat animo, tamen verbis negaturum, nec idcirco cessurum hæreditate, sed potius omnia litibus et tumultibus mixturum.

52. Advorte secundò: Si filius omninò convincatur (ut quia mater testibus probat parentem toto illo tempore aluisse), tenetur non adire hæreditatem.

Dices: Qui alterum infamavit, tenetur revocare, quamvis non putet aliquem crediturum: ergo mulier tenetur se filio aperire, etc. Ita Adrian.

Respondeo: Si infamator certus sit nihil profuturum, non tenetur; si dubius, tenetur, quia ipse damnum intulit in famâ, quod etiam eam famæ dispendio debet sarciri: mulier autem ipsa damnum non intulit, sed solùm causam dedit, ex quâ damnum sequitur, non famæ, sed pecunie; unde tenetur impedire, si potest, etiam cum dispendio pecunie, non tamen cum dispendio vel periculo famæ.

53. Dico quartò: Quamvis certa spes esset per revelationem criminis, damnis hæredum occursum iri, non tamen tenetur crimen suum patefacere, si inde periculum vitæ vel famæ sibi impendere putaret.

De periculo vitæ est communis sententia doctorum. *De periculo famæ* docet Scotus d. 15, q. 2, sub litem; Gabr. ibidem, q. 2; Cajet. q. 62, a. 6, et opusculo 31, responsione 14, et Navar. c. 16, n. 44, et c. 17, n. 89, ubi fingit et docet id probat, et c. 28, n. 47; Covarr. regulâ *Peccatum*, 1 p. n. 7; Innocent. Panor.

et alii censuræ in e. *Officii*, 9, de penat. et remiss.; Casto lib. 2 de Potestate legibus penat. cap. 11. V. l. l. c. de restitut. q. 5. Et quidem de penat. et remiss. prius, quia viti nullo pretio est extenuatus: ergo propter rei penam restitutum, non tenetur quis inquam vitam prodigere aut periculo exponere.

Secundo, quia in periculo vite esset dominorum distinctio, ita ut forte re aliena tanquam sua et possideret; nec teneretur eam restituere, quandoque periret: durat, ut si in fugâ aliam opum concederetur, et ille periret: ergo, etc. Hinc fit ut etiam ampliusam hereditas, aut primogenitura, aut etiam agnum ad spiritum devoti deberet non tamen ad hoc impediendum vita exponi debeat: nunquam enim potest esse tanta externorum honorum copia, ut ipsam per se solam proficere vite oporteat.

54. Tamen spiritus esset perditis moribus, ita ut ex dominatu ejus timeretur mala reipublice administratio, legitimus autem esset optimæ spei, teneretur adultera etiam cum vite periculo impedire spiritus successionem: hoc enim non provenit ex obligatione qua tenetur impedire damnum legitimi hæredis, sed malum reipublice; estque hæc obligatio potius ex lege charitatis vel justitiæ legalis, quam justitiæ communitativæ.

55. Altera pars, quid neque cum famæ periculo.

Probatu primo ex cap. *Officii*, 9, de penat. et remissionibus, ubi pontifex consultus de quadam muliere quæ partum sibi insigni artificio supposuerat, essetne absolvenda, cum crimen suum timeret marito detegere, respondet: *Sicut mulieri quæ ignorante marito de adultero prolem suscepit, quantum id timeat confiteri, non est penitentia deneganda, ita nec illi; sed competens satisfactio debet imponi per discretionem sacerdotem.* Hic pontifex loquitur in genere de eâ quæ ob aliquam justam causam timet marito detegere crimen: nempe ob periculum vite, vel famæ, vel etiam perpetuæ offensionis.

56. Secundo, quia facta est res superioris ordinis, quæ juxta Regulam Cajet. et Navarri nunquam est necessario exponenda pro rebus inferioris conditionis. Hinc enim fit ut homo etiam infima sortis non teneatur vitam exponere pro maximis thesauris restituendis, vel famâ etiam illustris hominis reparandâ.

Tertio, quia fama apud homines pecunia non solet aestimari: et si quis eam sic aestimaret, præoptando pecuniam famæ, contra rectam rationem faceret; melius enim est nomen homin. quam divitiæ multæ, ut habetur Proverbiorum 22, quo fit ut etiam si ad perfectionem pertineat pecuniarum renuntiatio, non tamen famæ et boni nominis, cum hæc ad edificationem proximi et rectam officii administrationem pertineant. Vide infra, c. 11, dubit. 15.

Quarto, quia quod soli succedant legitimi, legibus humanis est introductum, quæ non videntur obligare, sed omnino cessare, quando imminet tale dispendium.

57. Adverte autem primò nos loqui de muliere honeste conditionis, et quæ pro tali passim habetur:

hæc enim propria est honestæ femine. Nam si suspecta sit vel ad oculos, ut quæ famæ prudentem, patet propter potestatem legibus detegere periculum suum. Sed, famæ sed et periculum est, quando cum est etiam hæreditas, quod tamen non est nisi cum vera fide, quæ non habet periculum et vite facta posset.

58. Secundo, si maritus sit vir vultu bonum et prudens, et periculo filius, ipse quoque non solum sed etiam compressuri, neque ideo mulierem osuri, aut probis vexaturi, non censetur se infamare, quantum et non illis delegat. Unde si hæc circumstantia adsint, et simul si certa spes damni avertendi, quod sane rarissimum est, tenetur se ipsa prodere.

CAPUT XI.

DE INJURIS FAME ET HONORIS, PER DETRACTIONEM ET CONTUMELIAM, DEQUE NECESSARIA RESTITUTIONE.

(Complectitur dubitationes 27.)

DUBITATIO PRIMA.

Quid sit fama et honor, et quemodo distinguantur.

1. Respondet Jurisperiti sic definiunt: *Fama est illarsa dignitatis status, locus et moribus comprehensus.* Ita habetur l. *Cognitio*, 5, c. de extraord. Cognit.; sed hic tantum bona fama describitur. In genere sic describi potest: *Fama est notitia existimatio de vita et moribus alterius.* Sermo etiam de hisce et rumor, fama dici solet, nempe à *fando*; sed potissimum consistit in ipsa opinione et judicio interno, estque duplex, bona, mala. Nos hic solum de bonâ agimus, quæ potissimum consistit in opinione virtutis et sapientiæ (in quibus etiam intelliguntur functiones ex his procedentes); hæc enim duo sunt propria hominis bona, ob quæ sola est laude dignus: secundario autem in opinione ingenii, eloquentiæ, nobilitatis, roboris, pulchritudinis, potentie, opum, et similium; quæ etiam magni æstimantur apud homines, qui et famam ex hisce querunt.

2. Honor autem nihil est aliud quàm testificatio quædam excellentiæ alterius, ut docet D. Thom. q. 103, art. 1, ad 2; immediatè tamen est testificatio nostræ opinionis, de excellentiâ alterius, cum quâdam nostri submissione; et mediâtè, ipse excellentiæ: nam signa externa immediatè significant nostros conceptus et affectus; mediâtè res ipsas. Hæc autem fit vel verbis, vel signis: verbis, et quando quis alterum honorifice compellat, ut sapientem, eximium, magnificum, clarissimum, etc.; signis, ut genuflexione, corporis inclinatione, cessione primi loci, erectione statue, etc.: qui enim cupiunt honorari, nihil aliud optant, quàm talia signa sue excellentiæ exhiberi.

3. Excellentia autem quæ respicit honor, potissimum consistit in sapientiâ et virtute (quæ etiam sanctitas dicitur); hæc enim habent præcipuam excellentiam; deinde etiam in aliis perfectionibus et dignitatibus vel moralibus, vel realibus à Deo communicatis, sive naturaliter ratione naturali, sive supernaturaliter. Sic potius, quæ est in principibus ecclesiasticis et

secularibus, et quæ est in sacerdotibus, est honoranda, quia est communicatio quædam divinæ potestatis; dignitas quoque principii, seu causæ, quæ est in parentibus; denique omnis perfectio rationalis naturæ, quia est principatio quædam perfectionis divinæ, est aliquo modo ratio honorandi, si nihil aliud impediatur. Quod addo, propter *dæmones* et *damnatos*, qui quia in malo obdurati, et omni ignominia digni, nullo honore sunt afficiendi.

4. Denique id quod singularem quemdam ordinem, vel ut effectus, vel ut instrumentum ad hasce perfectiones habet, etiam est ratio honorandi. Sic nobilitas et divitiæ honorantur: nobilitas, quia ex præclarè gestis orta est; divitiæ, quia ad opera præclara facultatem præbent, suntque virtutis instrumentum.

5. Ex his patet differentia honoris et famæ: nam fama est opinio virtutis, sapientiæ, et rerum præclarè gestarum alterius; honor autem est testimonium excellentiæ. Fama igitur consistit in internâ opinione, et dum exit in opus externum, dicitur laus vel vituperatio; honor autem consistit in externâ significatione nostræ æstimationis de excellentia alterius, et submissionis nostri, unde supponit opinionem excellentiæ, et intentionem exterius per aliquod signum eam testandi (in quo signo consistit honor), idque idò, quia hoc excellentiæ est debitum. Hinc fit ut honor sit excellentiæ quid, quàm fama: nam includit famam, seu opinionem excellentiæ, et præterea ejus testificationem et manifestationem. Unde meritò Aristoteles, lib. 4. Ethic. cap. 3, docet *honorem esse maximum inter bona externa, cujus signum est, quia, ut ipse ait, principatus et divitiæ propter honorem sunt optabilia*; sed de his plura infra c. 36, dubit. 1 et 2.

DUBITATIO II.

Quid sit detractio.

(D. Thomas quæst. 37, art. 1.)

6. Respondeo: *Est alienæ famæ occulta et injusta denigratio seu violatio.* Ita ab omnibus passim doctoribus definiri solet. Ubi adverte duo requiri ad *detractionem*: primò ut aliquid dicatur, vel eo modo dicatur, ut alicujus famam et existimationem quam possidet in animo alterius, extinguere aut minuire valeat; secundò, ut fiat occultè, saltem juxta intentionem dicentis: si enim quis in præsentia alterius, famam detrudere intendat, jam non erit simplex detractio; sed *contumelia*, quæ dictis vel aliis signis incoram violat alterius honorem: ut patet ex D. Thoma, q. 72, a. 1.

7. Unde dupliciter differt *detractio* à *contumeliâ*, primò, quòd detractio directè lædat famam, contumelia autem honorem; secundò, quòd detractio fiat occultè, seu in absentia, sicut furtum, juxta illud Ecclesiastæ 10: *Si mordeat serpens in silentio, nihil eò minus habet, qui occultè detrahit*; contumelia autem potissimum fit incoram: sicut enim honor non exhibetur nisi præsentì, vel absenti tanquàm præsentì (desiderat enim is qui honoratur, ut honorato innotescat et oporia, quam de illius

excellentiâ habet, et testimonium, quod exhibet); ita contumelia non fit nisi præsentì, vel absentì tanquàm præsentì. Unde patet detractioem cæteris paribus esse minus peccatum quàm contumeliâ, tum quia minus bonum aufert, tum quia est minus contra alterius voluntatem; nam occultè et altero nesciente aufert famam, sicut fur pecunias, quod est signum ipsum revereri eum cui nocet; sed contumelia, quasi vi illata, honorem aufert scienti et actu renitenti, sicut raptor pecunias.

8. Notandum est detractioem fieri octo modis, ut colligitur ex D. Thomâ: quatuor directè, et quatuor indirectè. Directè primò, imponendo crimen falsum; secundò, amplificando crimen verum; tertio, pandendo crimen occultum; quartò, sinistrè interpretando alterius factum: qui quartus modus, quatenus in animo alterius per tuam interpretationem lædis bonam opinionem quam ipse de proximo conceperat, vel ingeneras pravam, pertinet ad detractioem: ut verò in animo tuo, sic judicando temerè, proximo injuriam facis, ad temerarium judicium. Indirectè primò, negando rectè facta, vel dotes alterius; secundò, ea extenuando; tertio, tacendo bona alterius eo loco et tempore quo tuum silentium alii interpretabuntur lætam vituperationem; quartò, simulatè vel frigide laudando: ut quædo quis simulat se velle laudare aliquem, et tamen nihil affert laude dignum. Nam ut Phanorinus apud Gellium lib. 19, Noctium Attic. c. 3, ait: *Pejus est frigide laudare, quàm apertè reprehendere.*

DUBITATIO III.

(*Quale peccatum sit detractio.*)

D. Thom. art. 2 et 3.

9. Notandum est non esse detractioem, si quis servato ordine correptionis fraternæ, patefacit testibus vel superiori crimen fratris ut emendetur, quia non est injusta famæ læsio. Nam pro bonis superioris ordinis, licet exponuntur bona inferiora, ut pecunia pro vitâ corporali et fama pro salute spiritali. Ut autem sit detractio, requiritur ut injustè fama lædatur; quod dupliciter fieri potest: primò, directâ intentione; secundò, indirectâ.

10. Nunc, dico primò: Si directè intendas famam alterius lædere, erit formalis detractio, ex genere suo peccatum mortiferum, gravius quidem furto, quia lædit proximum in bono quod pecuniâ est præstantius, sed levius homicidio, quia illud bonum est minus præstans quàm vitâ, et levius adulterio, quia adulterium triplicem malitiam continet: nempe contra bonum prolis, contra sanctitatem matrimonii, et contra jus conjugis, ut supra ostensum est.

11. Dixi, *ex genere suo*, quia ratione exiguitatis materiæ, in quâ quis intendat famam alterius lædere, potest esse veniale, ut si de industriâ aliquam parvam imperfectionem alterius narres.

Similiter, ratione materiæ vel circumstantiarum fieri potest, ut aliquod furtum sit gravius aliquâ detractioem, et aliquâ detractio adulterio: infamare enim

graviter aliquem ordinem religiosum, vel prelatum ecclesiasticum, peius est peccato adulteri. Inter omnes detractiones ea est pessima, quæ fit per libellos famosos, tum quia ad plurimos permanat, tum quia ægerrime potest aboleri, cum auctor nequeat deprehendi. Unde morte punitur et qui libellum famosum sparserit, et qui inventum vulgaverit, ut patet l. unicâ, c. de famosa libellis.

12. Dico secundo, quod si non intendas ledere famam, sed ex quâdam loquacitate narres peccata vel defectus alterius, est detractio materialis, quia læsio alterius non est directe volita: est tamen peccatum mortiferum, si id quod narratur, graviter proximi famam lædat. Ratio est, quia etsi expresse non intendas ledere, tamen intendis implicite, dum vis illud unde per se læsio sequitur.

13. Dico tertio: Si id quod narratur, parum lædat, erit veniale: hinc fit primò, ut narrare defectus veniales proximorum, non sit nisi veniale: ut docet D. Anton. p. 2, tit. 8, c. 4, et Silv. v. *Detractio*, n. 2.

14. Ratio est, quia cum nemo fere ab his sit liber, non notabiliter lædunt famam, nisi fortè conditio personæ talis esset, ut in ea huiusmodi defectus censeantur magni momenti, ut si quis diceret de viro gravi et religioso, esse mendacem, id est, crebrò mentiri: nam dicere illum semel vel bis mentitum, non esset mortale, quia non ideo amitteret fam. m. Secundò, ob eandem causam ordinariè non est peccatum mortiferum revelare defectus naturales (nisi inde aliquid notabile damnum sequatur): sive illi defectus sint animi, ut si dicas quempiam esse ignarum, parvi iudicii, parvi ingenii: sive corporis, ut esse cæcum, gibbosum, etc.

15. Idem locum habet in defectibus natalium, ut si quis dicat esse filium clerici, natum ex adulterio, et similia: ut docet Pet. Navar. lib. 2, c. 4, num. 307, et insinuat Navar. c. 18, n. 24, nisi fortè propterea putaretur valdè in animo eorum, quibus dicitur, contemnendus. Ratio est, quia ob hæc non censetur quis infamis.

16. Si tamen in faciem hæc et similia, præsertim viro honorato, dicantur conviciandi causâ, erit peccatum mortale, quia censetur notabilis contumelia, secus si vihis sit conditio, nisi forte gravem mororem inde putetur concepturus.

17. Tertio, quando ratione conditionis personæ, peccata, etiam mortifera, non censentur notabiliter ledere famam, non est peccatum mortale, horum revelatio: ut si quis dicat militem commisisse duellum, habere concubinam, decepisse puellam: vel, adolescentem esse probrum, etc.

18. Quartò, idem dicendum, si generalibus nominibus peccatorum mortalium aliquem infames, ut si dicas esse superbum, avarum, iracundum; ut docet Silvester, *Detractio* n. 2, ex D. Anton. supra. Ratio est, quia hæc nomina ordinariè non ita accipiuntur, ut sonent peccata mortalia, sed ut naturalem inclinationem, vel veniales defectus denotent. Fieri tamen potest ut ratione dignitatis personæ, de quâ dicuntur,

vel quia putantur accipienda pro gravibus vitiis, sit in his peccatum mortiferum. Vide Navar. cap. 18, n. 14.

DUBITATIO IV.

Utrum auditor detractoris peccet mortaliter.

(D. Thom. art. 4.)

19. Respondeo et dico primò, qui ita audit ut inducat vel excitet ad detrahendum, non minùs peccat quàm ipse detractor, sed potius magis: similiter qui detrahentem verbis vel gestibus animat ad prosequendum. Ita D. Thom. art. 4, et alii. Quòd magis peccet, probatur; quia non solum ipse in se peccat affectu detractionis, sicut detractor, sed etiam alteri est causa detrahendi, detractor enim solum est auctor sui peccati, ille verò et sui et alterius: unde tenetur ad restitutionem, nisi detractor ipse restituat. In hoc casu locum habet quod ait Bernardus lib. 2 de Consid. sub finem: *Detrahere vel detrahentem audire, utrum horum detestabilius sit, non facile dixerim.*

20. Dico secundò, qui audiendo detractorem, lætatur, non tamen inducit nec animat ad continuandum, peccat mortiferè contra charitatem, ut qui alieno malo læteat, et etiam contra justitiam, quatenùs gaudet eo opere quo alteri injustè damnum datur: non tamen tenetur ad restitutionem, quia non est causa damni.

Dices: Tenebatur impedire, et non impedivit: ergo est causa. Respondeo: Non tenebatur obligatione justitiæ, sed solum charitatis; unde saltem non est causa per injuriam.

Adverte tamen, si quis solum delectetur eloquentiâ detractoris, vel curiosâ cognitione factorum proximi, non tamen desideret ut ille detrahat, non esse peccatum mortale: sed tunc solum, quando vel delectatur damno proximi, quod non potest provenire nisi ex aliquo odio, vel ita delectatur eloquentiâ vel curiosâ cognitione, ut placeat ei quòd alter detrahat. Nam, ut Apostolus ad Rom. 1 ait: *Qui talia agunt, digni sunt morte, non solum qui ea faciunt, sed etiam qui consentiunt facientibus.*

21. Dico tertio: Qui nec inducit, nec lætatur, tamen audit, nec resistit, cum possit, aliquando peccat venialiter, aliquando mortiferè. Mortiferè peccat, si infamia sit gravis, et facilè possit eam impedire, nec patet eam aliâ ratione avertendam, vel brevi recuperandam. Ratio est, quia charitas obligat ut grave damnum proximi, quod ipse invitus patitur, impediamus, si commodè possumus. Unde si sit superior, qui ex officio tenebatur impedire proximè infamiam, obligabitur ad restitutionem, in defectum inferioris.

22. Venialiter peccat primò, si detractio est levis. Secundò, si est quidem de re gravi, tamen solum fit apud unum, vel ut summum duos, qui rem omninò silebunt, tunc enim non censetur notabilis infamia; ita Cajet. 2-2, q. 73, art. 2, dub. 1; Cordub. q. 2, conclus. 5; Pet. Nav. lib. 2, cap. 5, n. 334: sed hæc sententia non est ita universè amplectenda, ut infra, dub. 11. dicetur. Tertio, si nimia verecundiâ vel

animi pusillitate non audeat resistere. Ratio est, quia tunc valde difficile est efficaciter impedire : unde tunc non tenetur, saltem sub peccato mortali, nisi forte infamia esset valdè atrox, vel gravia incommoda putaretur paritura; tunc enim deberet sibi vim facere, excussâ verecundiâ, et modestè contradicere. Quartò, si putet detractorem spontè revocaturum vel emendaturum quod dixit, idque brevi et efficaciter : quod ut faciat, adhuc menda correptio fraterna, si opus sit. Quintò, si putet auditores non credere.

25. Nullo autem modo peccas, si vel non putes profuturam tuam monitionem, vel metuas aliquod magnum damnum, ut contumelias, verbera; vel si rationabilis verecundia obstat, ut si sis famulus, vel nullius auctoritatis : debes tamen tunc, si commodè possis, vel discedere, vel faciem tristiores ostendere, vel sermonem aliò divertere : nam hæc ratione impeditur, vel saltem minuitur detractoris fervor, juxta illud Proverb. 25 : *Ventus equilo dissipat pluvias, et facies tristis linguas detrahentium.* Vide Chrysost. hom. 5 ad populum, à medio usque ad finem; Bernard. serm. 23 in Cantica, et serm. de triplici Custodiâ, manûs, linguæ, cordis.

DUBITATIO V.

Utrum audita, vel alia qualibet referens absque asseveratione et dubitanter, peccet mortaliter, et teneatur restituere.

24. Respondeo et dico primò, non esse peccatum mortiferum, si ita referat, ut ei probabile non sit ullam inde infamiam orituram, eò quòd alii non sint credituri. Ita Scotus d. 15, q. 4; Nav. c. 18, n. 50, et multi alii DD. Ratio est, quia tunc non est probabile periculum damni proximo.

Notandum tamen, si crimen esset valdè grave, ut hæresis, proditio, præpostera libido, et verisimile esset ex narratione auditoribus malam suspicionem suborituram, posse esse peccatum mortiferum, quia talis suspicio videtur esse magnum malum, respectu honeste personæ.

25. Dico secundò : Si quis audita referat coram iis quos probabile est ex suâ levitate credituros, etiamsi ipse sufficientem occasionem ad id minimè dederit, peccat mortiferè contra charitatem, non tamen contra justitiam; ac proinde non tenetur ad restitutionem. Quòd mortiferè peccet, probatur, quia qui advertit ex suis dictis vel factis alium graviter lædendum, sive in fortune, sive in famâ, sive in corpore, tenetur ex charitate abstinere, si commodè possit, quamvis id ex alterius culpâ proventurum videat. Quisque enim tenetur impedire notabile damnum proximi, quantum commodè poterit, et maximè quod sui occasione proveniret.

26. Quod autem non teneatur ad restitutionem, docet expressè Cajet. q. 73, a. 3, cum ait, *eum qui audita refert, non teneri ad restitutionem*; et Nav. c. 18, n. 48, ubi dicit, *non teneri, qui non dedit justam causam credendi*. Adrianus in 4, q. de Restit. famæ, in fine; Sil. v. *Detractio*, q. 4, et aliquot alii DD. Ratio

est, quia non est causa efficax damni, sed merè per accidens ex ipsius narratione sequitur : non enim ejus narratio est talis, ut idonea sit fidem facere : sed quòd illi credant, id provenit ex illorum levitate vel malitiâ. Unde is qui narrat audita ab hominibus parùm fide dignis, indicatis suis auctoribus, non tenetur ad restitutionem, etiamsi auditores ex suâ levitate credant, imò etiamsi id malo animo faceret, quia intentio nocendi non obligat ad restitutionem, quando opus ex se non est damnosum, ut supra, cap. 7, dubit. 2, dictum est.

27. Dico tertiò : Qui refert audita eo modo, vel nominatis iis auctoribus, ut audientes meritò possint induci ad opinandum malum de proximo, peccat contra justitiam, et tenetur ad restitutionem. Ita Sotus l. 4 de Just. q. 6, a. 3, circa quartum argumentum.

28. Probatur, quia dat sufficientem causam allis malè opinandi, ex quâ mala opinio reipsâ sequitur : ergo, etc. Antecedens probatur primò, quia si absolutè diceret Petrum commisisse adulterium, et alii crederent, peccaret contra justitiam, et teneretur ad restitutionem : atqui quando eo modo narrat, vel eo auctore nominato, cui meritò æquè sit credendum atque ipsi, non minùs efficaciter inducit audientes ad sic opinandum, quàm si ipse ex se asseveraret : ergo, etc. Secundò, quia inducere alterius testimonium, est adferre argumentum non exigui ponderis ad persuadendum : ergo, etc.

DUBITATIO VI.

Utrum sit peccatum mortale, infamare seipsum.

29. Cajetanus q. 73, art. 2, et in Summâ, v. *Detractio*, existimat esse peccatum mortiferum contra justitiam, se infamare, quia censet hominem non esse dominum suæ famæ. Unde colligit primò, esse gravius peccatum se infamare, quàm proximum, sicut gravius est se occidere, quàm proximum : in quâ sententiâ videtur etiam esse D. Aug. l. 1 de Civit. c. 20; secundò, hominem teneri ad restituendum sibi famam. Sed communis sententia est in contrarium; pro quâ

30. Dico primò, seipsum infamare, ex genere suo non est peccatum mortiferum, neque contra justitiam, neque contra sui charitatem. Ita Sotus l. 3, q. 10, a. 2; Nav. c. 18, num. 27 et 61, et alii passim. Probatur non esse contra justitiam, quia homo est dominus suæ famæ, sicut suarum opum, ut supra cap. 4, dubit. 11, dictum est : ergo illam dissipando, nulli facit injuriam (sicut neque dissipando alia bona), sive id fiat revelando crimen verum, sive crimen falsum sublepondo : quæ enim lex justitiæ obligat illum, ut retineat bonam existimationem in mentibus hominum?

Non esse etiam contra charitatem, probatur primò, quia charitas non obligat hominem ad bona bonis vite, quæ extra nos sunt, comparanda vel conservanda, nisi i quatenus sunt necessaria ad bona spiritualia vel æterna, vel proximorum : ergo non obligat ad famam conservandam, si ipsa secundum se consideretur.

Secundo, quia prodigalitas, quae versatur in bono extrinseco, ex genere suo non est peccatum mortiferum, aut contra charitatem, sed solum veniale contra liberalitatem: ergo cum fama sit etiam quoddam bonum externum, ejus profusio non erit contra charitatem, sed solum erit quidam prodigalitas.

31. Dico secundo, ratione tamen alioquin circumstantiae, nempe damni, quod nobis vel aliis contingit ex nostrâ infamia, potest esse peccatum mortale, se infamare. Est communis DD. et primo, si ex meâ infamâ sequatur notabile scandalum, vel mihi, vel proximo. Mihi quidem, ut si ex infamâ redderet et frenatior ad peccandum. Sed existimo raro fieri ut ex hoc capite infamare se sit peccatum mortale, quia ordinarie est occasio remota. Proximo vero, ut si ille sciens me aliquando tale peccatum admisisse, inde occasionem acciperet idem patrandi, quamvis et hoc fortassis raro usu veniat, praesertim si cum dolore vel vituperatione crimen meum commemoarem. Secundo, si inde mihi imminet periculum vitae, ut si dicam me occidisse parentem Petri, vel violasse ejus torum: hoc enim non solum est fama, sed etiam vitae profusio; et est alteri dare occasionem peccandi. Tertio, si mea fama sit necessaria muneri quod gero; ut si sim episcopus, parochus, abbas, prior: tunc enim peccabo contra justitiam.

32. Adverte tamen, in hoc casu se infamare, aut famam suam negligere, non esse per se contra justitiam, sed velle minus prebati cum hac infamia, quâ factus est ineptus, retinere. Unde si quis velit deponere officium, aut novis virtutum exercitiis infamiam vincere, ut muneri non obsit, non erit hæc ex parte contra justitiam se infamare, aut famam negligere, ut docet Sotus, l. 4, q. 6, a. 5, ad 4.

33. Quarto, si mea infamia redundat in alios, v. g., in liberos, in familiam, in ordinem religiosum; est enim magna infamia liberis (praesertim in Hispaniâ et Italiâ, habuisse parentem haereticum, praeterquam quod sunt inhabiles ad officia et beneficia: et familiae honestae infamia est, esse aliquem in eâ proditorem patriæ, sodomitum, latronem, vel qui publico supplicio sit affectus: ordini religioso, habere rixosum impure vite, elusum. In his igitur et similibus casibus, plerumque erit peccatum mortale seipsum infamare, tum quia notabiliter existimatio aliorum laeditur, tum quia gravi dolore afficiuntur. Utrum autem sit contra justitiam, dicendum infra, dubit. 25.

DUBITATIO VII.

Utrum possit quis sibi falsò crimen imponere, ad vitanda tormenta, praesertim si ob id esset extremo supplicio afficiendus.

34. Cajetanus, verb. *Detractio*, et quidam alii negant id licere, etiamsi hoc modo posset mortem evadere, eo quod homo non sit suae famae dominus. Sed hoc fundamentum neque verum est, ut supra ostensum: neque si verum esset, quidquam efficeret: quia etiamsi non esset dominus suae famae, tamen ad vitam suam vel proximi conservationem posset sine omni

peccato crimen occultum, quod vere commisit, pandere, et sine peccato mortali crimini, modò non commisit, sibi falsò imponere. Ratio est, quia recte credo habet, ut fama sit sibi necessaria et conservanda consequens iniquitas per eam tamen etiam potest per se, inter alia conservare cum totius, et propriæ rationis vite tum potes famam perdere, tum non. Non est dicendum, id in dico de vita proximi, cum infamia est pro illo vitam exponere: ergo in hoc non est famam, praesertim cum fama sit bonum respondens.

35. Unde respondeo et dico primo, ad vitanda tormenta levia sibi crimen imponere, ob quod morte et plebsenda sit peccatum mortiferum. Ita Sotus, lib. 5 de Justit. q. 10, art. 2, estque communis sententia DD.

Probatur primo, quia quisque tenetur suam vitam conservare et tueri, etiam cum aliquo dolore et incommodo, maxime quando mortem non est committitur. Secundo, quia in hoc casu conseretur sibi sponte mortem imminentem accersere, et seipsum quodammodo occidere, sine causâ dando occasionem suae mortis.

36. Dico secundo, non tamen erit peccatum mortiferum, si ob hujusmodi tormenta pondas verum tum crimen occultum, etsi ob id morte sis plebsendus: colligitur ex Scoto, d. 15, q. 3, ubi dicit: *Impedietur enim homicida: ut solveret per passiones voluntarias vel patienter susceptas, ut scilicet occideretur pro homicidio*: ubi indicat expedire ut se offerat magistratui puniendum. Idem tenet Pet. Navarra, l. 2, c. 4, num. 134.

37. Probatur, quia iste meritis est mortem: ergo potest eam sibi optare et procurare, si bonum finem propositum habeat, nempe vindictam suorum scelerum, exemplum publicum, et ut abrumpat peccandi consuetudinem, quam aliâ ratione sibi non videtur posse desiccare; denique ut bene se disponat ad mortem: nam alioquin est in periculo ne subito pereat inoparatus. Ob has causas sine omni peccato videtur se posse judicio sistere, et crimen aperire: ergo idem poterit in tormentis. Neque duci potest, cum hic peccare contra charitatem; tum quia majus bonum sibi propositum habet, quàm sit vita, ob quod vitam optat desiccare; tum quia si alius, qui criminis esset confessor, illum accusaret ob bonum publicum, ejusque salutem, non peccaret contra charitatem: ergo nec ipse.

38. Notandum tamen, si quis molitio quidam animi, quod parva tormenta nequeat perferre, crimina sua occultia proderet, non excusari à peccato, quamvis putem non fore mortiferum, nisi fortè per accedens, ratione alienius magis damni inde secuturi, ut est infamia fratri, scandalum publicum, et similia.

39. Dico tertio, ad vitanda levia tormenta, confiteri crimen suum occultum, vel imponere sibi falsum, non est peccatum mortiferum, si nihil aliud gravius malum inde metatur. Sequitur ex dictis, quia quisque famae suae est dominus: ergo sicut eam sine causa prodigere, ex genere suo non est mortale, ita etiam si minus mortale erit, si ob aliquam causam, licet non omnino justam et parem, eam prodigat.

40. Dico quartò, ad parentem vel amicum à morte vel tormentis magnis eripiendum, non est per se peccatum mortiferum, absque juramento sibi crimen falsò impingere, quando in quæstione non proceditur juridicè. Probatur, quia possum sine peccato mortifero mihi crimen falsum imponere, ad vitanda tormenta, si nihil aliud mali inde timeatur: atqui interitus amici vel parentis æquivalet magnis doloribus; ergo, etc. Imò si parens vel amicus sit omninò inculpatus, nec sit alia via mortis illorum avertendæ, videtur non esse peccatum, etiam se morti offerre illorum loco, quia nemini fit injuria; et aliàs licitum est vitam pro parente et amico exponere, ut docet Toletus, l. 5, cap. 6, et Sotus, lib. 5 de Just. q. 1, art. 6.

Dixi, *si injustè procedatur*; quia si justè procederetur, perverterem justum judicium, et facerem injuriam judici et accusatoribus et reipub.; unde sine dubio esset grave peccatum mortiferum.

41. Dico quintò: Ad vitanda tormenta valdè gravia, quibus meritò possis celerem mortem præoptare, non peccas mortiferè, si crimen falsum tibi imponas, quamvis certò ob id sis morte plectendus; est contra Navarrum et quosdam alios; sed ita tenet Angelus, v. *Detractio*, n. 6, Silvest. eodem, q. 3, Sotus supra, Toletus, l. 5, c. 66, et multi recentiores hoc tempore; unde hæc sententia est tenenda; favet enim multis miseris, qui alioquin non solùm corpore, sed etiam animà perirent, confitendo crimina falsò contra conscientiam, quæ non audeant revocare metu tormentorum.

Probatur primò, quia non tenetur homo cum tanto cruciату vitam tueri, ne alius eam eripiat, sicut non tenetur permittere sibi tibiam abscindi, cum tanto dolore; non enim, ait ille, tanto dolore digna est salus.

Secundò, quia si tunc fateri crimen, de quo falsò accusatur vel interrogatur, esset peccatum mortiferum, vel id idèò esset, quòd sit mendacium perniciosum, vel quòd sit perversio judicii: atqui non est perniciosum, quia neque alteri adfert aliquod malum, quod tanti sit, ut ille ex charitate aut justitià teneatur illud cum tanto incommodo suo avertere, uti suppono.

42. Neque etiam sibi infert malum, quod notabiliter præponderet ipsius tormentis: nam crimen fatendo, brevi morte longam mortem redimit, vel potiùs multas mortes unicà simplici commutat: talia enim tormenta pati, est longà quãdam et multiplici morte mori. Neque etiam est perversio judicii propriè, quia nec pervertit judicem ut faciat contra officium, nec accusatorem, nec testes; mendacium enim in judicio, cum nullius fit injurià, non est peccatum mortiferum: ut si Petrus à me exigat in judicio 100 aureos, et ego juridicè interrogatus, ad vitandas lites, fatear me debere, non pecco mortiferè, imò ne venialiter quidem, si commodà ratione me à mendacio vindicem. Neque etiam facit injuriam judici aut reip., quia non ducerent hoc sibi injuriæ (sicut si negaret crimen verum), sed potiùs commiseratione moverentur, si scirent.

43. Tertiò, vel interrogatur secundùm juris ordinem per tales torturas, vel contra illum ordinem. Si contra, non ipse judici, sed judex ipsi injuriam facit. Si secundùm ordinem juris, adhuc judici non facit injuriam, fatendo crimen falsum, quia non tenetur judici cum tantis tormentis suam innocentiam probare.

44. Dices primò, ex Navarro cap. 18, num. 29: Talis homo moraliter loquendo se interficit: ergo peccat.

Respondeo: Nego illum se interficere: non enim physicè, ut patet; neque etiam moraliter (sicut is qui sine justà causà se conjicit in certum periculum mortis, dicitur sibi causa mortis), quia justam causam habet, ob quam se interficiendum exponit; sicut si quis se exponeret hostium telis, ut gravissima tormenta ab illis inferenda evaderet, non se occideret.

45. Imò si honesta persona rogaret eum qui illà nefando modo vellet abuti, ut ipsam potiùs interficeret, non censeretur homicida sui, quamvis fortè alià ratione peccaret: ergo neque hic est homicida sui, fatendo tale crimen. Quod confirmatur, quia si rogaret judicem ut se interficiat potiùs quàm ita torquat, non censeretur homicida sui.

46. Dices secundò: Ergo etiam poterit alteri sine peccato mortifero falsum crimen imponere, ut tormentis se eximat.

Respondeo, negando consequentiam; quia non est dominus, nec eam habet potestatem in famam alterius, quàm in suam, præsertim contra veritatem; unde faciet illi gravem injuriam, si invito falsum crimen impingat; quæ injuria non habet locum, dùm sibi impingit.

47. Admitto tamen non fore mortiferum, si illi constet id non esse contra alterius voluntatem; ut si procul abesset, nec quidquam illi periculi immineret, essetque tantà amicitia alteri conjunctus, ut non sit dubium quin æquo animo sit laturus.

48. Dico sextò: Qui hoc modo vi tormentorum falsus est crimen falsum, ob quod erit morte plectendus, non tenetur illud postea revocare, quamvis antea perjurio illud confirmasset, si prudenter metuuit se rursum ad tormenta raptum iri, uti ordinariè fieri solet; sed potest sine peccato mortifero in eo persistere et mori. Ita Angelus, Sotus, et alii. Patet ex dictis, præterquàm illud de perjurio, quod nunc probatur; quia etsi peccaverit mortiferè, quando perjurio confirmavit, tamen postea non tenetur retractare. Ratio est, quia perjurium jam transiit, et, non retractando, nemini facit injuriam: retractando autem, culpam perjurii delere non potest, sed coram Deo poenitendo, quod potest facere absque externà revocatione: secus est de perjurio, quod in detrimentum alterius cedit; hoc enim debet revocari.

49. Petes utrùm teneatur ea quæ sibi imposuit retractare, saltem in extremo vitæ, cum jamjam est occidendus? Ita enim docet Silvester supra ex Panormitano. Sed verius est non teneri, si ea revocatio nihil prodesset, sicut ordinariè nihil prodest.

50. Dico septimò, si religioni vel familia: ex confessione falsi criminis sequeretur gravis infamia, prudenter expendendum, utrum tormenta ipsi infamiae præponderent, an contra: nam fieri potest ut tanta sit illa infamia, ut potius te earis quævis tormenta perpeti, quam illam tibi cum tanto aliorum damno irrogare, v. g., si inde bonum publicum notabiliter laederetur, si aliqui ideò in hæresim lapsuri, etc.

DUBITATIO VIII.

Utrum ad vitanda gravia tormenta, possis alterius peccatum occultum, vel aliud secretum pandere, præsertim si ipsi inde mors imminet.

51. Respondeo, et dico primò, posse te ob hanc causam illud aperire, si nullum aliud incommodum alteri, quam infamiae impendat. Ita docet Navar. c. 18, num. 54, et alii passim. Probatur, quia non teneor alterius famam cum tanto meo incommodo servare, sicut nec alterius pecunias, si eas apud me occultatas habeam.

52. Dices: Hoc non solum est non conservare famam, sed etiam positivè auferre; quod non licet. Respondeo id eo casu non esse positivè auferre; quia non intendo auferre opinionem bonam quam de ipso habent; sed solum id, quod latebat occultum in mente meà, profero per signa in lucem, ad quod jus habeo, eò quòd ille reverà hoc crimen fecerit, et ego illius cognitionem sine ipsius injurià sim assecutus. Sicut enim, si epistola, quædam secreta tua continens, apud me recondita foret, possem eam proferre ad vitanda gravia tormenta, ita etiam si tua secreta in meà cognitione recondita sint, possum ea proferre in lucem, ut aliquod grave incommodum evitem, etiamsi inde sequatur ut alii de te malam opinionem concipiant, et bonam à mentibus suis excludant; ad hoc enim permissivè solum me habeo, dum jure meo utor.

53. Hinc fit ut ad vitanda gravia tormenta, possim aperire quodvis secretum alterius mihi cognitum; modò non sit vel ex confessione Sacramentali acceptum, vel injurià extortum, ut quidam excipiunt, vel nisi inde gravissima incommoda timeantur: ut si esset secretum principis, vel reipublicæ, vel exercitus; ut rectè docet Sotus lib. 5 de Just., q. 10, a. 2, et Navar. c. 18, num. 54. Ratio est, quia illud secretum est veluti quoddam depositum, apud me occultatum, quod ego non teneor servare occultum cum tanto meo incommodo, etiamsi certum sit alteri inde damnum obventurum; si tamen sine causà proderem, esset injuria, et tenerer ad restitutionem, quia voluntariè essem causa damni.

54. Dico secundò: Ob eandem causam potes illud aperire, etiamsi inde alteri esset periculum mortis: modò illud sine vi et fraude, et extra confessionem acceperis. Ita Sotus et Nav. supra, et alii. Ratio est, quia non teneor cum tanto meo incommodo servare famam aut etiam vitam proximi. Non negamus tamen quin sæpè laudabilius sit, etiam quævis tormenta perferre, quam secreta, vel etiam crimina occulta privati hominis patefacere: qui tamen patefecit, non

peccavit; tenetur tamen postea extra tormenta revocare confessionem, quia parte cedit in damnum proximi, servata veritate commodo aliquo sensu, si potest, nisi rursus tormenta, vel aliud grave incommodum metuat.

Sed dubium hic est, si vi aut fraude extorsisti. Sotus putat tunc te non posse revelare, etiamsi tormentis esses necandus. Navarrus autem distinguit: Si damnum, inquit, irreparabile alteri imminet ex revelatione, non potes; si autem reparabile, potes.

55. Resp., et dico tertio: Probabile est absolutè, etiam in hoc casu, posse tale secretum vel crimen alterius aperiri ad vitanda gravia tormenta, etsi ipsi inde sit vite periculum; docet Petrus Navar. lib. 2. cap. 4, num. 151. Ratio est, quia, juxta Sotum et alios, possum aperire secretum tali casu, quamvis stipulatus sim alteri silentium; ergo etiam licet injurià extorserim. Nam qui ex contractu aliquid debet, non minus tenetur, quam qui ex delicto, ut infra dicitur.

Secundò quia, etsi antea injuriam feci extorquendo secretum, vel fraude expiscando, jam tamen postquam scio, jus habeo utendi et revelandi in tanta necessitate; sicut si quis furatus esset equum, posset eo in necessitate uti, etiam cum interitu equi, imò etiam cum interitu domini: ut si hostibus invadentibus luggiat, domino in periculo relicto.

Tertiò, quia in hoc casu reverà non infero damnum; sed si quod sequatur, ex alterius malitià sequitur, qui me injustè torquet; nam mea confessio tormentis expressa, non est alicujus ponderis, nec ei debet adhiberi fides, ut patet ex cap. 1, causà 15, q. 6, Alexandri PP. Quæ ratio benè probat confessionem non esse per se causam damni, sed solum per accidens, et damnum illud provenire non ex meà confessione, sed ex malitià judicis torquentis, et consequenter non censeri me causam illius damni, nisi permissivè.

56. Dices: Si talis confessio non censetur causa damni, ergo si vi tormentorum de altero crimen falsò confitearis, non peccas mortiferè, nec teneris ad compensationem damni.

Resp.: Sylvester, v. *Detractio*, q. 3, fatetur totum, modò tamen post tormenta revoces. Idem docet Pet. Navarra, lib. 2, c. 4, n. 151, quæ sententia videtur probabilis, si nihil aliud quam infamia metuatur; quia talis confessio verè non inducit infamiam, quando postea revocatur. Si tamen inde mors vel aliud grave damnum illi impenderet, omninò mortiferè peccares: quamvis enim, si iudex legitime procedat, talis confessio nihil mali inferre possit, secus tamen res habet, si capiet occasionem illi nocendi. Sicut si latro minetur mihi mortem, nisi dixerò quis se accusarit, non possum falsò id imponere ei, quem ille ob id esset interfectorus. Ratio est, quia cum talibus circumstantiis falsum imponere est per injuriam dare causam magni damni. Merito enim potestis queri de injurià, cui cum tanto damno falsum imponitur.

DUBITATIO IX.

Utrum possim manifestare alterius crimen occultum, ad impediendum damnum proximo impendens.

57. Respondeo, et dico primò, si illud damnum est alicujus momenti, sive sit temporale, sive spiritale, posse crimen proximi manifestari ad illud impediendum, quatenus id ad illud est necessarium. Ita Sotus, lib. 5 de Justitiâ, qu. 7, art. 1, et Navar. cap. 18, num. 51, et alii; v. g., novi Petrum esse furem, possum monere eos quibuscum habitat, ut sibi caveant: si gerit se pro medico, et ego novi ejus imperitiam, possum monere quibus impendit periculum; homicidium à Petro commissum imponitur innocentis, qui ob id erit plectendus, possum aperire Petrum auctorem.

58. Imò in hujusmodi casibus sæpè fit, ut non solum possim, sed ut etiam teneam ex charitate crimen alterius manifestare, nempe si grave damnum ex eo aliis imminet, et damnum, quod ex manifestatione sequitur, non sit tanti, ut ejus ratio præ altero haberi debeat. In dubio autem, utrum præponderet, inclinandum in favorem innocentis; huic enim in dubio favendum Ratio horum est quia nemo habet jus tuende famæ cum tanto damno, quod inde alteri injustè eveniret. Item quisque habet jus ad profendum si lucem id quod in suâ cognitione abditum tenet, si ex occultatione aliis damnum proveniret: si enim quisque id potest ad sua damna avertenda, cur non etiam possit ad damna proximorum, cum debeat diligere proxima sicut seipsum?

59. Hinc fit ut quando agitur de officio beneficiique conferendo, de matrimonio contrahendo, de religione suscipiendâ, si ego sciam aliquod justum impedimentum, male aliquod notabile incommodum merito timeri debeat, possim ejus occulta pandere.

60. Dico secundò, si ad avertendum illud damnum non est necesse crimen alterius patefacere, sed superest alia via commodior seu minus noxia, verbi gratiâ, per fraternam correptionem, non possum aperire: similiter, si nihil juvaret ad damnum avertendum. Prior pars patet, quia esset contra charitatem: tenemur enim minimùm ledere proximum, quantum fieri potest, tum in illo curando, tum in malis ab illo provenientibus avertendis.

61. Sed difficultas est an sit contra justitiam crimen tunc aperire? Videri possit non esse, quia nemo habet jus ad famam, per quam aliis nocere parat, seu per quam tribuitur ei probitas vel peritia, cujus simulatione aliis esset nocturus. Unde etiam nemo potest conqueri sibi factam injuriam, quòd illis sui defectus sint patefacti, sed sibi id imputare debet, ut qui per hanc famam aliis nocebat.

62. Deinde quia potest quis interdùm habere jus in famam et vitam alterius, etiamsi malum alter averti possit; ut si invadaris et possis fugere: non enim ex justitiâ teneris fugere, ut supra ostensum est. Sic, si accuseris injuste, et pos sis evadere vel exceptione fori, vel exceptione contra accusatorem, pendendo crimina ejus occulta, non facis illi injuriam, si pan-

das. Nihilominus altera sententia est communior, præsertim si ille alioquin erat bonæ famæ. Vide infra, n. 152.

Altera pars probatur, quia si revelatio illa non videtur profutura, frustra fiet: in dubio tamen est licita.

DUBITATIO X.

Utrum liceat infamare eum qui fictis virtutibus sibi famam paravit, vel qui crimen commisit cui jure infamia est annexa.

63. Respondeo, et dico primò, licitum est aperire hanc simulationem, si ea vergat in alicujus detrimentum: ut si quis simulet se peritum advocatum, medicum, confessarium, pharmacopolam, et constet mihi non esse talem. Ratio est, quia ille jus non habet famam suam retinendi cum aliorum periculo vel incommodo, præsertim cum eâ sit indignus, et tota in errore fundetur.

64. Dico secundò, si hæc simulatio nemini noceat, non licet eam patefacere. Probatur, quia est scilicet contra charitatem. V. g., est paupercula, quæ simulat pietatem, ut eleemosynas conquirat, non possum ejus occulta peccata manifestare, nisi ex illâ hypoërisi damnum alicui proveniat; cum enim sit verè pauper, est capax eleemosynarum. Idem dicendum de iis qui simulant nobilitatem, eruditionem, et quamvis peritiam, sine periculo alienius damni.

65. Sed dubium est utrum sit contra justitiam hanc fictionem aperire: videtur enim non esse; tum quia ille hypoërita non habet jus ad illam famam, cum fraude et factorum mendaciis illam compararit; tum quia iste nititur decipere et ingenerare falsam opinionem mentibus aliorum, non secus atque is qui verbis mentitur: potest ergo veritas aperiri. Ita sentit Adrianus, quodlibeto 11, quæst. 1.

Si dicas, non licet aperire crimen occultum alterius, ergo nec hypoërisim: responderi potest hoc esse proprium hypoërisis, ut eam patefacere non sit contra justitiam, quia intendit decipere, in falsam opinionem alios pertrahendo.

66. Sed verius est esse contra justitiam; quæ quoad ipsius malitia est occulta, jus habet, non quidem ut positive judicetur esse probus, sed ut non judicetur esse se malus, quia palam nihil improbè gessit: qui autem aperit hypoërisim, facit ut positive judicetur falsus; ergo facit ei injuriam. Nec obstat quòd intendat falsam opinionem suæ virtutis ingenerare: tum quia per hoc non efficaciter ledit; nam alii non tenentur positive credere esse talem (sufficit enim ut non judicent contrarium; an autem talis sit, Deo committant); tum quia illud incommodum per se est parvi momenti. Fateor tamen contrarium esse probabile.

67. Quod attinet ad eum qui crimen commisit, ob quod lex ipso facto ante omnem sententiam infamiam infligit, jubens auctorem eo ipso esse infamem, etc., de quo multa habentur: de his qui notantur infamia, ut si quis contrahat simul cum duobus, vel simul habeat duas sponsas; si quis deprehendatur in adulterio,

si exerceat improbum forum, exigens nautas usuras; si beneficium exerceat, si filias vel nepotes prostituat, si quæstus causa ludicrium sui facit, etc.: quæri potest, utrum talis absque injuriâ infamari possit, cum per legem jure famæ sit privatus. Sed docendum est, non posse, quando factum est occultum. Ratio est, quia retinet adhuc justam famæ possessionem, quæ absque injuriâ privari non potest. Sicut cum lex infligit hæretico, vel incestus nuptias contrahenti, amissionem honorum ipso facto, etiam die dominicam amiserit, non tamen potest statim spolari: quia retinet justam possessionem usque ad sententiam declarationis criminis, imò usque ad juridicam sententiam executionis, ut infra, c. 29, dubit. 8. dicitur. Valet tamen injusmodi infamia legalis ad duo. Primo, ut simulatque delictum fuerit publicum, possit ejus auctor ubique repelli et tractari tanquam jure infamis. Secundo, ut secunda sententiâ declarationis retrahatur infamia ad tempus commissi delicti, et ab eo tempore censeatur inhabilis ad officia et beneficia, tanquam vere infamis: imò valde probabile est, statim commissio criminis hanc inhabilitatem in conscientia contrahi: non tamen valet ad hoc, ut quandoque manet res occulta, possit illam propagare. Sola enim publicitas, ut sic dicam, facti, et necessitas impediendi majoris mali, hanc licentiam tribuit.

DUBITATIO XI.

Utrum revelare crimen proximi uni vel duobus, quibus dicere perinde sit ac si nulli diceretur, sit peccatum mortiferum.

68. Cajetanus, q. 75, art. 2, dubit. 1, putat non esse mortiferum. Idem docet Petrus Navarra, lib. 2, cap. 4, num. 555, et Corduba, tract. de Detractione q. 2, concl. 5, et Navarra, cap. 18, n. 55. Idem tenent quidam alii juris ætatis DD. Fundamentum est, quia illud censetur esse leve detrimentum in famâ, si non est periculum divulgationis, aut alterius incommodi.

Quod probatur primo, quia qui confitetur sua peccata sacerdoti, non censetur sibi notabile detrimentum famæ itrogare: preceptum enim confessionis non obligat cum notabili jacturâ famæ, sicut nec cum notabili jacturâ fortunarum; ergo hæc infamatio, quæ fit apud unum vel alterum, qui perinde se habebunt erga infamatum, ac si nihil scirent, non censetur notabilis, et consequenter nec mortifera.

69. Secundo, quia si illud detrimentum famæ esset notabile, non liceret explicare in confessione eam circumstantiam, ex qua sacerdos cognosceret socium criminis, quod tamen licitum esse docent penè omnes DD., exceptis paucis recentioribus, quia non est licitum in confessione alterum notabiliter infamare. Quare, cum ex communi sententiâ DD. id licitum, imò præceptum sit, evidens signum est non censi notabilem famæ lesionem.

70. Verum hæc sententia non videtur ita universè affirmanda: nam fieri potest, ut quis malis suis criminibus multis externis et publicis esse notus, quæ re probato, vel alieni viro gravi, cum quo assidue versatur, vel à

quo dependet, ut recte Solus, l. 6, de Justitiâ, q. 9, a. 3, et l. 5, q. 10, a. 2. concludat. 4. Sic distant rationes illæ: preceptum enim confessionis, etsi non obliget cum notabili jacturâ famæ, quæ jactura sit extrinseca confessioni, unde non tenetur quis confiteri per interpres, etiamsi fidelissimus sit, nec sacerdoti qui timetur revelaturus alteri, obligat tamen cum jacturâ famæ confessioni ipsi intrinseca, sive penitus illam abigi faciat, sive non: fructus enim confessionis hoc incommodum abunde compensat, ut merito quis non debet haberi ratio; unde etiam circumstantia complicis explicanda, quia ad integritatem confessionis spectat. Fateor tamen viros prudentes, quando nihil aliud incommodi inde metuant, parvi facere, nec gravate ferre crimen suum innotescere Probato, vel alteri, à quo potius auxilium expectant quam incommodum. Neque hoc est vera infamia: hæc enim est plurimum opinio et sermo. Scitis est, quando metuit, ne ille aliter erga se afficiatur, et ne exterius ab illo male tractetur: etsi enim neque tunc sit proprie infamia, merito tamen magni aestimatur.

71. Dices, temerarium judicium de proximo in re gravi est peccatum mortiferum, ut communiter docent DD.; et tamen hic saltem apud unum facta amittitur, ergo vel uni aperire crimen est peccatum mortale.

Respondeo negando consequentiam. Nam temerarium judicium non est peccatum mortale præcisè propter damnum, quod infert, sed propter gravem injuriam, dum ex levibus indiciis ei grave crimen imputat, et in corde suo continuit: hæc cum perinde sit ac si falsum imponeret, quod est peccatum mortale, etiamsi apud unum duntaxat ferat. Scitis est quando aperitur crimen verum; multò enim major injuria est falsum imponere, quam verum aperire.

DUBITATIO XII.

Utrum injuriam sibi ab aliquo factam referens amico, peccet.

72. Respondeo: Si faciat intentione detrahendi, ut se hoc modo vindicet, sine dubio est peccatum: et fieri potest, ut sit mortale. Si autem ut consolationem accipiat ab amico, sive ut querelâ expositâ dolor mitigetur, non est peccatum, saltem mortiferum, quia jure suo uti videtur. Ita Petrus Navarra, lib. 2, cap. 4, num. 515. Nimis enim grave est, et præter legem consuetudinem, ut quis cogatur injurias acceptas solus in silentio concoquere, nec possit eas cum amico communicare; nam hæc ratione magnam partem earum veluti pondere quodam levatur. Unde si inde aliqua infamia auctori injuriæ proveniat, non ipsi, sed auctori imputandum; adhibenda tamen moderatio, ne pluribus dicatur, quam ad consilium et solatium sit necesse; nec nominanda persona, nisi ad consilium sit opus, vel ad necessariam consolationem valde expediens.

DUBITATIO XIII.

Utrum crimina proximi, quod publicum est in aliquâ civitate, liceat tibi patefacere, ubi ignoratur.

73. Notandum est, in proposito crimen tripliciter

dici publicum; primò, si sit notorium jure; secundò, si facto; tertio, si famosum.

Notorium jure dicitur, de quo constat per juridicam sententiam, vel per confessionem rei in judicio, vel per legitimam testium dispositionem.

Notorium facto dicitur, quod in presentia multorum est perpetratum, ut in aliquo conventu, vel in loco publico, v. g., in foro, vel celebri platea, eo tempore quo multis innotescere potuit, vel quo majori parti viciniae passim ob oculos versatur, ut si quis in publica platea pugnet, vel jurgia cum clamore miscet: si quis publicè concubinam habeat et domi filios alat.

Famosum dicitur, ejus fama ex sufficientibus indiciis orta, ad multos pervenit, ita ut major pars civitatis, vel pagi, vel parociae, vel viciniae illud nòrit.

74. Addit Navar. c. 25 Enchir. num. 73, etiam dici *notorium*, quod evidenter notum est majori parti alicujus congregationis seu collegii, ubi non sint pauciores quàm decem; itaque si 6 aut 7 in congregatione, ubi 10 vel 11 sint, factum sciant, dicitur esse *notorium*, quod verum est respectu illius congregationis, non autem absolutè; quidquid enim notum est majori parti alicujus collegii vel congregationis, est notorium in illà congregatione, non autem absolutè respectu totius urbis vel parociae. Unde etiam talia non possunt absolutè dici publica; sed illa duntaxat absolutè publica dicuntur, quæ eo loco, et cum illis circumstantiis sunt gesta vel propalata ut cuivis innotescere potuerint, v. g., in foro, vel publica platea: quia non curavit auctor, quis videret vel non videret. His positis,

75. Dico primò: Revelare alicujus crimen, quod aliquo istorum trium modorum sit publicum, eo loco ubi ignoratur, non est contra justitiam. Docet hoc Cajetan., opusc. 34, resp. 9, et Navar., c. 18, num. 26. Ratio est quia quando hoc modo crimen est publicum, auctor amisit jus ad famam; nam ipsa facti evidentia, et justìi judicii ratio ei repugnat, ne possit queri sibi fieri injuriam narratione factorum, quæ jam in propatulo sunt posita; et quidem si per sententiam sit publicum, non potest esse dubitatio. Nam una ex pœnis, quâ judices afficiunt reos, est, quòd eo loco et tempore judicia exerceant, et pœnas infligant, quo eorum crimina in plurimorum notitiam venire queant; ergo non est contra justitiam, ea quovis loco divulgare. Si verò sit publicum evidentia facti vel judiciorum, jam sponte videtur cessisse jure suo, quod ad famam habebat; nam hoc ipso, quo non est veritus in publico crimen admittere, vel ejus indicia manifesta dare, non videtur curasse quis sciat, vel non sciat: eo enim loco et modo fecit, ut quivis videre posset; quòd si reipsa multi non viderint, id per accidens est, quia accidit, ibi tunc non adesse. Secus de eo, qui in aliquà domo coram aliquibus peccat; non enim hic censetur abjicere suam famam, nisi respectu domesticorum, qui ad talem locum convenire solent. Idem confirmatur ex consuetudine totius orbis; nusquam enim homines putant se inju-

riam facere, si publica crimina alibi referant, vel litteris perscribant, historiis commendent, vel historiis commendata legant vel referant.

76. Dices: Is qui hic amisit famam, non adeò alibi est infamis: ergo cum ibi adhuc retineat bonum nomen, non potest eo spoliari.

Resp.: Petrus Navarra et alii quidam putant eum retinere jus ad famam in locis remotis; unde si quis crimen, quod hic publicum est, ibi referat, peccaturus est contra justitiam. Sed contrarium videtur verius, unde dicendum est, retinere quidem aliis locis famam re ipsa et facto, non tamen jure; postquam enim crimen publicum factum est, amisit jus famæ, ita ut nemo ex justitia teneatur amplius priorem existimationem de illo retinere, ut ex Cajetano et Navarro supra colligitur.

77. Sed quid, si per injuriam factum sit publicum?

Respondeo: Non refert (etsi quidam aliter sentiant), nam hoc ipso, quòd factum est verè publicum, jus amisit ut homines aliter de se sentiant; ut si confessus fuit crimina sua occulta, per tormenta.

Dices: Per injuriam nemo amittit jus; ergo.

Respondeo: Non amittit jus præcisè per injuriam, sed per id quod ex injurià sequitur, quod est esse publicum et in propatulo. Publicitas enim facti tribuit licentiam loquendi, ita ut non censeatur amplius injuria, sive sit publicum per se, sive ratione famæ, ut ostensum est. Nunc videndum an hoc sit contra charitatem.

78. Dico secundò: Detegere crimen eo loco, quòd fama communis illud brevi erat perlatura, non est peccatum contra charitatem, saltem mortiferum: quòd si fama non erat eò perlatura, aut saltem non nisi post longum tempus, sæpè erit peccatum mortiferum, si ille ibi erat bone famæ. Prior pars probatur, quia tunc non censeor aliquod notabile damnum inferre, cum jam sit paratum in famà et rumore communi, ex quo necessitate quâdam eveniet, spectatà hominum conditione et communi consuetudine; idque sine peccato, saltem mortali eorum. Idem docet Navar. supra, ex D. Thomà, in 4, d. 19, q. 2, art. 3.

79. Secunda pars videtur esse contra Navarrum et Cajetanum; insinuant enim non fore peccatum mortiferum. Sed, quidquid sit de horum sententià, est ferè communis aliorum esse mortiferum: quod probatur, quia tunc lædo proximum in re magni momenti, quod meritò ægerimè ferrem mihi fieri. Nec refert quòd ille jus ad famam non habuerit; quia sine cujusdam injurià et absque fraude eam possidebat, eaque adhuc diù fuisset fruius: ergo contra charitatem est illum spoliare bono nomine, præsertim si nihil commodi proveniat detractori.

80. Adverte tamen non fore peccatum mortale, primò, si ille parum curet se alibi infamari; quod sæpè fieri solet, præsertim si procul absit. Secundò, si quis ob grave crimen fuerit publicè punitus; tunc enim sæpè expedit ista ad aliorum exemplum narrari. Et in his casibus potest intelligi Navarrus et Cajetanus

81. Petes: Quid si damnum aliquod in corpore vel

fortunis inde proveniat (ut si subtrahatur pensio, vel cooperatur in vincula) tenebiturne is qui divulgavit? Respondeo: Quidam putant teneri; sed verius credo non teneri. Ratio est, quia hæc infamatio non fuit contra justitiam, sed solum contra charitatem, ut ostensum est: ergo etiamsi inde illi damnum obveniat, non tenebor, quia non censebor causa injusta illius, quamvis peccatum contra charitatem tunc sit grandius. Confirmatur, quia si actio ipsa non est injuriosa, neque id quod ex illâ sequitur, ut patet in eo qui absque vi et fraude impedit legatum, vel beneficium, quod alius tibi volebat conferre: si enim actio, quâ impedit, non est tibi injuriosa, non inducit obligationem restitutioni, quamvis ex eâ tibi damnum proveniat.

82. Dico tertio: Si is qui olim ob sua crimina fuit infamis, nunc famam honestè vivendo recuperavit, est peccatum contra charitatem, illa crimina apud eos qui ignorabant commemorare; non tamen videtur esse contra justitiam, modò non detur occasio opinandi illum adhuc improbum esse. Esse contra charitatem, patet ex dictis. Non esse tamen contra justitiam, probatur, quia etsi jus habeat ad famam, quam ex eo tempore bene vivendo comparavit, non tamen unquam acquirit jus, ut dicatur vel æstimetur fuisse probus, illo tempore quo crimina sua publica fecit: ergo qui narrat eum olim illa fecisse, non facit ei injuriam, modo id non eâ formâ narret, ut indicet eum etiam nunc improbum esse. Quòd si alii inde acciperent occasionem dubitandi de præsentì probitate, teneretur saltem ex charitate illam suspicionem amoliri.

DUBITATIO XIV.

Utrum eum, qui uno aut altero crimine infamis est, liceat de aliis infamare.

83. Respondeo et dico primò: Si illa alia sint valdè affinia et ordinariè conjuncta graviori crimini, quod jam publicum sit, non erit peccatum, saltem mortiferum, illud aperire apud eos qui principale norunt, ut si narres de adultero, cujus crimen sit publicum, scripsisse litteras amatorias, misisse munera, etc.; si de ebrioso, non rectè curare familiam, rixari cum uxore; si de illo qui insigne furtum commisit, referas alia minora fecisse. Ratio est, quia non censetur nova infamia. Opus tamen hic est magnâ circumspectione, an crimen ita sit annexum alteri, ut non censeatur notabiliter infamiam augere.

84. Dico secundò: Si crimina illa non sint ita connexa, non solum est contra charitatem, sed etiam contra justitiam illa patefacere, præsertim si sint alterius generis. Est communis sententia DD. contra Paludianum in 4, d. 19, in fine, quem refutat Adrianus, quodlib. 11, art. 1.

Probatur primò, quia est infamis in uno genere vitii, non ideo amisit jus ad famam, quam habet in aliis virtutibus (potest enim quis haberi ebriosus, et tamen esse et haberi justus in contractibus, fidelis uxori, catholicus): ergo non potest infamari de aliis occultis.

Secundò, sicut diversarum virtutum diversa laus

est, alia major, alia minor; ita etiam diversorum criminum diversus est infamia, et alia plures, alia minus æstimatur: multi enim parum curant infamiam fornicationis, vel ebrietatis, qui tamen maxime faciunt infamiam furti et perjurii: ergo nullo modo qui amisit jus famæ in unâ virtute, censetur amisisse in aliis; sicut qui lesus est in uno membro, non amisit ideo integritatem in aliis.

85. Ratio à priori est, quia fama non est quid simplex, sed constat variis quasi partibus, quarum una sicut non pendet ullo modo ab aliâ, sic sine aliâ haberi potest, et à diversis diversæ partes famæ possidentur. Rarum autem est, ut quis in omni virtute, tamà sit clarus, omnesque bonæ famæ partes sit consecutus.

Sequitur altera pars hujus Capituli.

De famæ restitutione, quomodò, quibus, et à quibus faciendâ.

DUBITATIO XV.

Utrum fama cum periculo vite sit restituenda.

Dominicus Sotus, lib. 4, q. 6, art. 3, et quidam alii affirmant, si fama sit illustris familiæ.

86. Resp. et dico primò: Quando ex infamiâ, quam intulisti, non evenit alteri damnum in bonis superioris ordinis, nempe in spiritalibus, aut in vitâ corporali, non teneris eum vite periculo famam illi restituere. Ita Cajet. supra, q. 62, art. 3, et opuse. 51, resp. 14, ubi generatim docet rem inferioris ordinis, nunquam esse restituendam ex justitiâ, cum jacturâ rei superioris. Quam regulam optimè defendit Petrus Navarra, lib. 2, cap. 4, n. 405. Idem eruditè probat Navar., cap. 17, n. 89, 90, 91, contra Sotum. Idem breviter repetit, c. 18, n. 47: Quatuor, inquit, sunt bonorum ordines, videlicet animæ, corporis, famæ (cui annexus honor) et pecuniæ: et nemo tenetur restituere bona inferioris ordinis, cum jacturâ bonorum ordinis superioris. In eadem sententiâ est Corduba, l. 1, q. 31, et Silvester v. Detractio, q. 4, casu 2.

Probatur primò, quia nullum temporale bonum, sive pecunia, sive fama, sive vita, exponendum vel restituendum cum damno boni spiritualis; idque ideo quia bonum spiritale est superioris ordinis, nec æstimabile bono inferiore; ergo similiter fama non est restituenda cum periculo vitæ, cum vita sit bonum præstantius.

Secundò, nemo tenetur sarcire damnum pecuniarium jacturâ suæ libertatis, seipsum vendendo, aut tradendo in servitutem, ut passim omnes docent; idque ideo quia libertas est superioris conditionis: ergo, etc.

87. Tertiò, quia justitia commutativa solum postulat ut fiat restitutio in bonis, in quibus injustè alterum læsisti; nempe ut vitam exponas pro vitâ proximi, si eam in periculum per injuriam conjecisti: famam pro famâ, pecuniam pro pecuniâ, quia duntaxat per illa fit æqualitas. Quòd si hæc æqualitas per te fieri nequeat sine jacturâ boni superioris, censetur impossibilis; ac proinde non te obligat justitia, ut restitutio-

nem exsequaris : sed tribuit jus laeso, ut per judicem procuret vindicationem.

Quartò, idem confirmari potest ex iis quæ supra, cap. 10, dub. 7, diximus de adulterâ, quæ sibi partum supposuit, quæ cum periculo vitæ vel famæ non tenetur se aperire, etiamsi maximâ hæreditate legitimi hæredes essent privandi; ut plurimi doctores tenent.

Dices : Res inferioris ordinis potest sumi tantâ quantitate, ut prudenti judicio præponderet rei superiori; v. g., tanta potest assignari vis pecuniæ, ut præstantior censeatur quàm fama, et tam illustris potest esse fama, ut præstantior habeatur quàm vita : ergo tunc debet fieri restitutio, etiam cum damno boni superioris. Confirmatur, quia qui latrocinio sibi amplum statum adscivit, tenetur facere restitutionem, etiam cum amissione illius statûs et honoris : ergo, etc.

88. Respondeo : Etsi fieri possit ut prudenter præferas ingentem pecunie tuæ summam famæ vel vitæ alterius conservandæ, non tamen prudenter eam præferas famæ aut vitæ tuæ; nemo enim prudenter pro quantavis magnâ famâ eliget mori, vel pro maximâ vi pecunie suscipiet infamiam, quia fama omnibus thesauris melior, Ecclesiastici 41. Itaque vita et fama propria non possunt pecuniâ æstimari. Unde non sequitur : Ego possum plurius facere mille aureos quos habeo, quàm vitam hujus rustici ex latronibus redimendam : ergo, si rusticus mihi eos abstulerit, tenebitur reddere cum vitæ periculo; potest enim ille vitam suam plurius facere quàm centum millia aureorum.

89. Ad confirmationem : qui furtis sibi honorificum statum paravit, non habet jus ad illum statum, cum per injuriam eum obtineat; unde non est mirum, si teneatur restitutionem facere cum amissione illius statûs et famæ, quæ ex illo præcisè orta est. Adde, amissione statûs non amitti famam : potest enim status sine culpâ amitti.

90. Adverte tamen licitum esse vitam pro famâ restituenda exponere; non quòd fama plurius æstimeatur quàm vita, sed quòd pro virtute licitum sit vitam periclitari.

91. Dico secundò : Si ex infamiâ (de falsâ intellige) periculum vitæ uni vel pluribus impendat, vel mala reipublicæ administratio, vel aliud grande malum, teneris etiam cum vitæ periculo reparare. Est communis doctorum, quia tunc obligaris non ratione solius infamiæ, sed ratione damni quod ex eâ sequitur; quod contingere potest in infamiâ principis, papæ, prelati, religiosi ordinis, et similium, unde magna in republicâ damna

DUBITATIO XVI.

Utrum, si fama restitui nequeat, debeat pecuniâ compensari.

Respondeo et dico primò : Probabiliter videtur justitiam minimè postulare ut infamia compensetur pecuniâ, si revocatione dictorum tolli nequit.

92. Colligitur ex Navarro, cap. 17, num. 90. Ubi

ait : *Quando fama restitui nequit, aliquam pecuniam dari, non quidem pro famâ, quæ nullum pretium habet, sed pro damni compensatione, quod ob ejus jacturam quis incurrit. Idem docet Silvest., v. Detractio, q. 4, casu 2, et Franciscus Victoria, ut refert Salonius, Pet. Navarra, supra num. 417, multique recentiores; quod probari potest illis rationibus, quibus supra ostendimus, pro ipsâ vitâ ablata non esse necessariò faciendam restitutionem pecuniariam. Ratio est, quia justitia commutativa tantum postulat ut restituatur quod ablatum est, vel quod communi hominum æstimatione est æquivalens; quòd si neutrum fieri possit, cessat ejus obligatio. Unde qui damnum pecuniarium non potest sarcire pecuniâ, non tenetur illud compensare orationibus, aut honore exhibendo. Item qui vi aut fraude aliquem pertraxit in peccatum, non tenetur ipsi aut hæredibus pecuniam rependere.*

93. Dices : Pecunia est mensura omnium rerum humanarum : ergo in pecuniâ potest dari æquivalens. Deinde etiamsi non debetur æquivalens, tamen debet dari opera, ut quàm proximè ad hoc accedatur, sicut is qui intulit damnum mille aureorum, si non potest reddere æquivalens, tenetur tamen dare quantum potest, ut quàm proximè accedat ad æqualitatem.

Respondeo : Pecunia, secundum communem usum hominum, non est mensura, nisi rerum venalium, quas homines solent pecuniâ commutare; fama autem neque naturâ suâ, neque gentium consuetudine, pecuniâ solet æstimari. Quod etiam patet ex Scripturis, Ecclesiastici 41 : *Curam habe de bono nomine; hoc enim magis permanebit tibi, quàm mille thesauri pretiosi et magni.* Et Proverb. 22 : *Melius est nomen bonum quàm divitiæ multe*, id est, infinitæ. Quamvis interdum ex quorundam animi vilitate accidat, ut famam pretio exponant : sed hoc æstimationi famæ non officit.

94. Ad confirmationem, is qui damnum mille aureorum irrogavit, tenetur vel totum damnum sarcire ex æquo, si potest, vel, si non potest, tenetur partem ex æquo : quòd si nec totum nec partem, cessat obligatio justitiæ commutativæ; atqui hic nec tota fama, nec pars pretio æstimatur ex æquo. Quod confirmatur primò, quia alioqui infamator posset eam pecuniâ compensare, etiam nolente infamato; sufficit enim ut restituatur id quod æstimatione æquale est. Confirmatur secundò : si vir dives pro compensatione infamiæ acceptæ pecuniam exigat, ridiculus erit, eò quòd exigat id in quo nullum damnum accepit, quodque non solet pretium vel totius vel partis famæ censeri. Unde sequitur eandem esse rationem pauperis : nam status ejus, qui injuriam accepit, non mutat jus, seu rationem justitiæ commutativæ.

95. Fieri tamen potest ut ex quâdam æquitate, et etiam ex charitate, tenearis infamiam pecuniâ compensare, nimirum, si infamatus sit pauper, qui talem satisfactionem desideret, nec aliter mororem videatur depositurus; et is qui infamavit sit dives. Sicuti enim ratione alicujus conjunctionis vel beneficii accepti, ex

charitatis me magis obligat erga hunc quam erga istum, ita etiam ratione alicujus incommodi, quod alteri ex me obvenit; ut si aliquem induxi in peccatum; magis ego ex charitate teneor illum emendare, quam alius; et quam alium, ceteris paribus, ut patet ex dictis c. 8, dub. 4.

96. Dico secundo. Si infamator per judicem condemnatur ad pecuniariam satisfactionem, vel si transigat cum eo quem infamavit certa pecunie summa, tenetur ex justitia eam numerare. Probat, quia supposita tali injuria, potest judex in penam criminis talem satisfactionem imponere, et ille ex justitia tenetur eam exsequi, quia justae sententiae tenetur ex justitia parere. Idem posset judex, etiamsi fama jam esset recuperata, idque in penam prioris delicti, quia potest justa pena punire delicta, etiam post damna sarta. Similiter pacta et conventiones justae obligant; atqui hoc pactum potest esse justum, quia infamatus habet jus accusandi infamatorem, et etiam exigendi restitutionem, quando erit possibilis: unde ut hoc jure cedat, et omne debitum condonet, potest certam pecuniam pacisci.

97. Dico tertio: Debitor pecuniae, v. g., 100 aureorum injuste latus in fama vel honore à creditore, non tenetur ad solutionem illius pecuniae, sed potest uti compensatione secundum aestimationem damni accepti judicio prudentis faciendam, si à creditore aliam restitutionem obtinere nequit. Sequitur aperte ex sententia eorum qui famam pecuniâ compensandam docent, quando aliter sarciri nequit. Quae sententia est satis probabilis, et plurimorum doctorum, sicut et illa quae vitam ipsam, et cicatricem pecuniâ compensari vult. Si enim infamator tenetur dare pecuniam, v. g., 100 aureos pro infamia vel dedecore quod intulit, eò quod aliter satisfacere nequeat, vel nolit: ergo alter potest eam exigere, vel si debet, potest non solvere. Haec enim omnia paria sunt. Quod si infamator possit quidem restituere famam, sed nolit, tunc etiam in alterâ sententiâ tenetur vel famam restituere, vel certe tantum pecuniae, quantum judicio prudentis alter potest exigere; et si enim fama non possit, juxta eam sententiam, pecuniâ aestimari, obligatio tamen illius restituendae, qua ille tenetur, et incommodum quod latus patitur, potest pecuniâ aestimari. Confirmatur, quia cum possit restituere, tenetur, vel restituere, vel aliâ ratione ei satisfacere, ita ut ille liberè acquiescat.

DUBITATIO XVII.

Utrum, si fama aliâ viâ sit reconciliata, teneatur infamator eam restituere; v. g., si virorum gravium testimonio, vel probitate vitae penitus absterscit infamiam.

98. Respondeo, tunc non teneri ad famae restitutionem, quia jam restituta est; sicut si dominus recuperaverit, vel suâ vel aliorum operâ, equum quem sustulisti, non teneris ad restitutionem, quia non potest bis eandem rem accipere. Si tamen interea ratione infamiae aliquid damni acceperisset, v. g., si impe-

ditus fuisset à consecratione beneficiorum, officii, vel legati, teneris ad illius compensationem, quia hoc damnum ex ingusta tua infamatione illi obvenit.

99. Utrum autem aliquid sit restituendum pro ipsâ infamia, quam ille medio tempore usque ad aliam recuperatam subit, quæti potest. Sed respondendum est deberi aliquam satisfactionem, si potestur illam velle quod addo, quia alioquin censetur condonata, nec consuetum est alias offerre, nempe significando doloris et veniae petitionem, vel honorem aliquo aut laudem, juxta conditionem personarum: ut recte docet Petrus Navarra, lib. 2, cap. 4, n. 421, et Navarrus, cap. 18, n. 47.

DUBITATIO XVIII.

Utrum si infamia jam penitus abrit in oblivionem, sit restituenda; v. g., infamavit adolescens puellam, ac illi pudicitiam eripuisse, deinde temporis successu homines penitus obliviscuntur.

100. Respondeo, teneri restituere etiam post viginti annos, si periculum est ne aliquando illa infamia reviviscat; quod facile fieri potest: nam homines datâ occasione facile recordantur eorum quae antea exciderant; quod maxime locum habet, quando falsum impositum fuit, ut docet Cajet. q. 62, art. 2; si enim verum fuit, non facilè memoria renovanda, nisi periculum sit evidens; quod si putetur nullum esse periculum non tenebitur, ut docet Navarrus, c. 18, n. 47, contra Cajetanum, quia fama jam censetur restituta, vel certe damnum illatum omnino evanuisse; idque verum est, sive crimen fuerit verum, sive falsum, ut ibidem Navarrus.

DUBITATIO XIX.

Utrum totum damnum, quod sequitur ex infamia, sit compensandum.

101. Respondeo, et dico primò, damnum quod sequitur ex infamia falsâ, est integre reparandum. Est communis sententia doctorum. Ratio est, quia haec infamia est penitus injuriosa; impositio enim falsi criminis duplicem continet injuriam: primò, calumniam, eo quod crimen impingatur ei qui sentitur innocens; secundò, infamationem, quod hoc aliis persuadeatur: itaque haec actio omnino est injuriosa: atqui omne damnum, quod alicui sequitur ex actione in ipsum injuriosâ, est restituendum: ergo, etc.

Dices: Hoc damnum per accidens sequitur: v. g., infamasti Petrum adulterii, unde praeter intentionem tuam factum est ut exciderit officio vel beneficio quod ambebat.

102. Respondeo hoc non censi per accidens sequi, quia etsi non intendebas, tamen latus infamiae quam intulisti, est quaedam veluti prava dispositio, moraliter apta impedire varia commoda, et accersere incommoda, ita ut haec crebrò ex eâ sequantur: qui ergo hanc per injuriam infert, censetur esse causa injusta damnorum quae inde sequuntur.

103. Adverte tamen non esse tantumdem restituendum, quanti officium vel beneficium jam obtinebam va-

let (nisi fortè obtento privatus fuisset), sed quanti spes illa obtinendi valebat.

Sed major difficultas est, de patefactione criminis veri. Nam Sotus, l. 4 de Just., q. 6, art. 5, ad 4, sentit damnum, quod hinc sequitur, non esse integrè compensandum, sed partem duntaxat arbitrio boni viri definiendam. Ratio est, quia si ille privetur officio, vel impediatur ab eo consequendo, id non tam provenit ob criminis manifestationem, quae est injuriosa, quàm ob ipsum crimen, quod verè commissum est; manifestatio autem est solùm conditio quædam veluti applicans et adducens crimen occultum, tanquàm causam principalem, in cognitionem. Hæc sententia non est improbabilis, præsertim cum multi recentiores illam sequantur; contraria tamen est communior, pro qua

104. Dico secundò, verius videri eum qui patefacto crimine occulto alteri fuit causa damni, teneri ad integram restitutionem, sicut qui imposuit falsam; ut si impeditur à beneficio, ab opimo matrimonio, ab eleemosynis, cum esset probè dignus. Ita Nav., c. 18, n. 45, et alii passim, qui in genere dicunt infamatorum teneri ad restitutionem omnium damnatorum; nec distinguunt inter crimen falsum et verum.

105. Ratio est, quia est causa principalis (moraliter) illius damni; sicut is qui ignem occultum cineribus detegit, et applicat straminibus, unde vento flante accenditur domus. Deinde ipsum crimen non potest esse causa damni, nisi accedente cognitione; unde quamdiu crimen manet occultum, non potest inferre damnum, et ita se habet ac si non esset; ergo qui illud manifestat, tribuit illi veluti vim nocendi: ergo censetur causa principalis damni secuti.

DUBITATIO XX.

Quomodo fama est restituenda.

106. Respondeo et dico primò: Si crimen falsum disseminasti, debes adhibere omnem industriam, ut falsa illa opinio animis hominum eximatur; unde teneris illis significare, te deceptum fuisse, aut falsum dixisse, aut etiam mentitum esse, sicut videris opus esse ut credant; adhibito etiam juramento, si aliter non putentur credituri, et rei gravitas postulet. Ratio est, quia revocatio efficax debet adhiberi.

Sed quid si auditores ne juranti quidem credere velint? teneberisne testibus confirmare?

107. Resp. fieri posse ut tenearis, ut docet Sotus, l. 4, q. 6, a. 3, præsertim si id sine magno tuo incommodo facere possis; tunc enim vel charitas ad hoc obligaret, imò interdum etiam justitia; ut si alii haberent aliquas probabiles causas suspicandi, te non ex animo, sed pretio inductum revocare. Ratio est, quia justitia obligat ut efficaciter revoces, id est, eo modo ut auditores meritò possint debeantque tibi credere, nec habeant occasionem suspicandi rem fictè geri; raro tamen accidit ut hoc usui veniat.

108. Navarro tamen, c. 18, n. 45, videtur durum ut quis aliquando ad testes obligetur. Ratio ipsius est, quia si ne juranti quidem contra se ipsum credere velint,

id ex malitià eorum proveniet; itaque mala opinio quam retinent, censetur non amplius provenire ex dicto tui, qui illud satis efficaciter revocasti, sed ex suâ ipsorum malitià, qui sine illâ causâ volunt malè de proximo sentire. Idem sentit Pet. Navarra, l. 2, c. 4, n. 378. Sed quod diximus, verius est, ob rationem allatam.

109. Adverte tamen, si auditores nullam habentes probabilem rationem, nolint tibi sive juranti, sive testes adhibenti fidem habere, ad nihil amplius te obligari, quia non amplius censeris causa istius prævæ opinionis, sed illorum perversitas.

110. Dico secundò: Qui crimen occultum alterius manifestavit, quatuor modis potest famam restituere. Primò, si dicat se quidem tale quid narrasse, sed in eo fuisse mentitum, aut dixisse falsum. Hoc modo restitui posse probatur, quia etsi uno sensu dictum tuum falsum non fuerit, nempe quia erat conforme rei (verè enim commiserat crimen, quod cum commisisse dixeris), alio tamen sensu falsum fuit; idque dupliciter: primò, quia non fuit conforme legi divinæ, utpote peccatum quod in Scripturis vocatur mendacium et falsitas, sicut omne opus bonum, quia conforme legi divinæ, vocatur veritas; secundò, quia non fuit verum veritate publicâ, licet veritate occultâ verum fuerit. Hoc modo reus, cujus crimen est occultum, potest negare se fecisse, quia non fecit publicè, vel ita ut teneatur fateri, et iudex aliquem condemnans ex allegatis et probatis contra suam privatam scientiam, pronuntiat illum reum et criminis, quamvis verè non sit, quia secundum publicam probationem talis est. Pari modo potest iste dicere, sed dixisse falsum, vel mendacium, quia non est verum secundum publicam scientiam, ut rectè Pet. Nav., l. 2, c. 4, n. 381. Verum, etsi hic modus sit valdè bonus et efficax, tamen, ad illum non teneris; tum quia non teneris te infamare, tanquàm qui falsum crimen imposueris, cum verum dixeris; tum quia multi putant hunc modum illicitum, ut qui continere videatur mendacium; quorum sententia est probabilis, quamvis contraria sit probabilior.

Secundò, si dicat deprehendisse se fuisse deceptum, vel errasse: qui modus est etiam bonus; sed non tenetur eo uti, quia etsi fortassè hoc modo se non infamet, tamen videtur decipere auditores specie quâdam mendacii: quod non tenetur facere, imò non potest, secundum Cajetanum et Sotum.

Tertiò, si dicat se malè vel iniquè locutum esse de proximo, rogetque ut talem opinionem deponant; verum hic modus parùm est utilis apud ingeniosos: inde enim magis confirmabuntur illum crimen commississe; apud simplices tamen sæpè est utilis et usurpandus.

Quartò, laudando infamatum, et honorificè de eo loquendo, ubi datur occasio; hic modus necessarius est, dum quis non vult uti primo, vel secundo, et tertius esset inutilis vel noxius; sic enim sensim ex una parte tantundem famam ejus illustrare poterit, quantum ex alterâ obscuravit. Hunc tradunt Sotus, l. 4 de

Just. q. 6, a. 5, ad 4; Cajet. q. 62, a. 2, et 72, a. 5; Navar. c. 48, n. 45, et multi alii.

Potes. Teneturne infamator revocare apud eos quibus ipse non dedit, sed alii qui ab ipso acceperant; v. g., narrasti tribus, illi veroarrant alios?

111. Resp. Si ab illis tribus stipulatus est silentium, vel putatur omnino rem tacitam fore, non tenetur nisi apud eos revocare, quia infamia per illos irrogata censetur quasi fortuita respectu ipsius. Secus verosi advertit probabile periculum ulterioris infamiae, et maxime si crimen sit falsum; tunc enim si isti non restituant, tenetur tanquam causa, ut recte Pet. Navarra, l. 2, c. 4, n. 445.

DUBITATIO XXI.

Utrum hæredes infamatoris teneantur ad famæ restitutionem, si ipse eam non restituit.

112. Resp. et dico primò, hæredes loco defuncti non teneri ad famæ restitutionem. Ratio est, quia hæc obligatio est merè personalis (non enim est ad aliquid dandum, sed ad aliquid agendum), ut obligatio voti personalis, et restitutionis honoris, orta ex contumeliâ, quæ non transit ad hæredes, cum nullo modo afficiat vel respiciat bona, in quibus ipsi succedunt, sed nudam personam.

113. Dico secundò: Tenentur tamen ad reparationem damnorum quæ ex infamiâ illâ secuta sunt. Ita Navar., c. 18, n. 54, et Adrian., quodlib. 41. Ratio est, quia hæc obligatio non est purè personalis, sed afficit quodammodò bona infamatoris; unde cum eâ affectione seu obligatione perveniunt ad hæredes: veluti si defunctus domum alterius per injuriam incendisset, hæredes tenerentur damnum ex bonis illius rependere.

Dices: Quid si is qui ratione infamiae damnum passus est, jam obierit?

Resp.: Tunc restitutio facienda est hæredibus ipsius, quia hi succedunt in omnia jura defuncti; sunt enim hæc veluti partes hereditatis.

Potes, utrum defuncto sit fama restituenda?

114. Resp. affirmativè, quia fama est bonum quod homo etiam post mortem censetur possidere; per hanc enim vivit quodammodò in memoriâ hominum: unde maximè solent homines appetere famam post mortem, quasi per hanc consequantur quandam immortalitatem.

DUBITATIO XXII.

Utrum is teneatur ad restitutionem famæ qui bonâ fide existimans esse verum et publicum, narravit et infamavit proximum: item quid si auditores de alio intellexerint.

115. Respondeo, et dico primò: Qui hoc modo proximum infamavit apud superiorem vel alium, etiamsi fraternæ correptionis causâ id fecerit, simul atque agnovit errorem, tenetur ad restitutionem.

Probatur, quia qui damnum dedit injustum in re alienâ, etiam absque culpâ, ubi cognoverit, tenetur illud reparare, saltem ex charitate, si potest. Atqui hic

damnum dedit injustum in famâ alterius, uti supponimus: ergo. Item qui abstulit rem alienam injustè, quavis sine culpâ, et solum materialis injustitia fuerit, tenetur eam restituere, simul atque sciverit injustè se abstulisse; atque hic abstulit injustè materialiter; ergo, etc.

116. Dico secundò: Non tenetur eam restituere cum gravi suo incommodo, ut cum propriâ infamiâ, vel magno damno fortunarum. Probatur, quia sine culpâ eam abstulit: ergo non tenetur cum suo gravi damno eam restituere; sicut si deprehendas equum vel librum alterius apud te sine tuâ culpâ, non teneris remittere magnis tuis expensis. Pari modo si damnum absque culpâ intulisti.

Ubi adverte differentiam inter eum qui infamavit proximum cum culpâ injustitiæ, et eum qui sine culpâ, quod ille teneatur famam restituere etiam cum detrimento famæ suæ; sicut qui injustè formali injustitiâ damnum intulit, tenetur etiam cum æquali damno suo sarcire; hic verò non teneatur cum notabili damno, sed solum cum modico, uti prudentia et charitas dicabit.

117. Dico tertiò: Si is qui ita infamatus est sine culpâ infamatoris, interim aliquid damni patiatur, impediatur ab officio, aut etiam privetur, non tenetur alter ad restitutionem. Ratio est, quia non est causa hujus damni, nisi quatenus est causa infamæ, ex quâ hoc damnum est secutum, sed est causa infamæ sine culpâ: ergo etiam sine culpâ est causa damni inde consecuti, ac proinde non tenetur illud sarcire. Hæc ratio benè probat, si damnum illud secutum sit ex infamiâ, priusquàm ille suum errorem resciscat; nam tunc sine ullâ ejus culpâ sequitur.

Sed difficultas est, si ille, antequàm damnum sequatur ex infamatione, agnoscat suum errorem, et revocando quæ dixit, possit damnum avertere. Videtur adhuc non teneri; nam communis sententia doctorum est eum qui rem alterius absque suâ culpâ peremit, si inde non est factus ditior, non teneri ad restitutionem, quia neque ratione rei acceptæ, ut quæ non amplius exstet, neque ratione injustæ acceptionis, cum in eâ non peccaverit, neque ratione contractûs, cum nullus intervenerit; quæ tria tantum sunt radices restitutionis ex justitiâ debite, ut patet ex dictis c. 7, dubit. 5. Atqui iste absque suâ culpâ rem alterius, nimirum famam, peremit; ergo non tenetur lege justitiæ ad ejus restitutionem: ac proinde neque ad reparationem damni quod inde secutum.

Dices, aliam esse rationem famæ, aliam rerum pecuniâ æstimabilium: illa enim solo verbo absque ullius rei jacturâ restitui potest; damnum verò aliarum rerum non potest absque similium rerum amissione sarciri: unde in damno rerum meritò lex justitiæ non obligat, quando sine culpâ datum est, ne homo sine suâ culpâ cogatur se rebus suis spoliare; secus tamen in damno famæ, quod sine ullo detrimento sarciri potest.

Resp. hoc argumentum benè probare in damno famæ esse majorem obligationem charitatis, quia

charitas magis obligat ubi malum minore incommodo potest tolli; non tamen videtur probare obligationem justitiæ: hæc enim non pendet ex facilitate restitutionis, sed ex radicibus supradictis. Unde etiamsi solo verbo posset reparari damnum rerum absque culpâ illatum, cum res est destructa, non tamen esset obligatio ex justitiâ, sed solum ex charitate. Confirmatur hæc sententia; si enim qui absque culpâ aliquem infamavit, teneretur lege justitiæ, etiam teneretur cum famæ suæ amissione. Justitiæ enim lex obligat etiam cum bonorum ejus ordinis jacturâ, ut patet in eo qui injustè damnum in rebus vel in famâ intulit: atqui iste non tenetur cum jacturâ suæ famæ; ergo non ex justitiâ. Ob has rationes hæc sententia non videtur improbabilis.

118. Nihilominus contraria sententia mihi placet, nimirum eum qui sic infamavit, lege justitiæ teneri ad restitutionem famæ cum errorem suum deprehenderit, si absque notabili incommodo suo possit.

Probatum primò : qui famam alterius kedit, potius est similis furi rem alienam auferenti, quàm dampnum inferenti peremptione rei : nam ex naturâ rei fama illius manet in ejus potestate, quasi eam apud se retineat : unde dicitur fama auferri, surripi, restitui, sicuti res dicitur auferri à fure, detineri et restitui; atqui is qui rem alterius abstulit, et habet in suâ potestate, tenetur ex justitiâ illam restituere, simul atque cognoverit se injustè abstulisse; ergo idem dicendum in famâ.

Secundò, qui ex errore dixit falsum testimonium, tenetur, si commodè potest, lege justitiæ revocare, ubi deprehenderit suum errorem : alioquin censebitur intulisse gravem injuriam, et poterit puniri in foro externo tanquàm falsus testis. Ergo etiam qui ex errore infamavit.

Tertiò, qui est auctor mali etsi absque culpâ, longè strictiori jure tenetur illud emendare, si commodè potest, quàm alius qui non est auctor; sed alius tenetur lege charitatis; ergo ille tenetur lege strictiori, quæ non videtur esse alterius virtutis quàm justitiæ.

Quartò, etiamsi consideremus talem non teneri lege justitiæ ad reparationem famæ præcisè quâ parte jam est perditâ, tamen videtur omninò teneri ad impediendum damnum impendens, sicut qui absque culpâ incendit stramina ædibus vicina, ubi advertit periculum, tenetur lege justitiæ cavere, ne serpat ulteriùs, neve sequatur inde aliud damnum : et qui laqueum vel aliud instrumentum periculosum intendit, aut pulverem tormentarium certo loco posuit, tenetur, ubi advertit periculum, impedire ne noceat; adeò ut si neglexerit, teneatur de damno secuto; atqui ex infamiâ ferè semper impendit damnum, tum quia ordinariè tanquàm flamma quedam serpit ulteriùs, juxta illud poetæ :

Fama malum quod non aliud velocius ullum, etc.;
tum quia alios bonos successus in temporalibus et spiritalibus impedit.

Denique ratio est, quia quisque ex justitiâ tenetur neminem ledere, et consequenter cavere, quantum

commodè potest, ne ex suâ actione vel opere, quod in ipsius est potestate, alteri nocumentum inferatur.

Adverte tamen eum qui absque culpâ læsit, aut causam lædendi posuit, non teneri cum tanto onere restituere, aut damnum impendens impedire, cum quanto tenetur is qui cum culpâ injustitiæ; par enim non est æquè gravari inculpabilem atque culpabilem, cæteris paribus. Unde qui ideò solum lege justitiæ tenentur impedire malum aliquod, quòd ratione officii ad id obligentur, non tenentur cum pari suo damno, ut infra, cap. 15, n. 70, dicitur. Iste autem qui absque culpâ causam læsionis dedit, est similis illi qui tenetur ex officio, non autem illi qui ex culpâ injustitiæ. Ex quibus ad argumenta alterius sententiæ respondeas.

119. Dico quarto : Si te narrante de aliquo, auditores alium intelligant quàm tu velis, sicque illi oriatur infamia, teneris ex charitate ad restitutionem, si commodè potest, non tamen ex justitiâ.

Prior pars patet, quia charitas postulat ut damnum proximi avertamus et tollamus, si absque notabili incommodo possumus.

Altera probatur, quia tua narratio non est causa directa illius infamiæ, sed illorum prava intelligentia, qui imprudenter id ex verbis tuis colligunt. Adverte tamen, si ea esset conditio et dispositio auditorum, ut eâ spectatâ tale quid prudenter vel probabiliter ex verbis tuis videantur posse colligere, idque avertas, teneris non solum lege charitatis, sed etiam justitiæ, te explicare et infamiam avertere : quia etsi narratione tuâ non des hominibus perspicacibus, vel circumstantiis rei intelligentibus, justam occasionem talis opinionis praviæ; das tamen istis rudioribus et rerum ignaris, vel alias opiniones sinistras non improbabili-ter de tali viro conceptas habentibus, coram quibus narras; sermones enim operantur pro capacitate et dispositione auditorum.

DUBITATIO XXIII.

Utrum prælatus non impediens infamatorem teneatur ad restitutionem.

120. Respondeo et dico primò : Prælatus, seu superior non impediens externum à quo videt infamari suum subditum, non tenetur, saltem ratione famæ, suo subdito ad restitutionem. Ita Sotus, lib. 5 de Justitiâ, q. 10, art. 4. Ratio est, quia ex officio non suscepit defendendam subditi famam, sed salutem procurandam.

121. Dixi, non teneri *saltem ratione ipsius famæ*, quia videtur aliquando teneri ratione bonæ vitæ, salutisque spiritalis subditi; nempe si bona fama putaretur necessaria, vel valdè commoda, ne ille licentiùs vivat : multi enim amissâ famâ fiunt impudentes ad peccandum, tanquàm fræno honestatis, quo coercerentur, sublato. Itaque cum superior ex officio teneatur impedire ea quæ subditorum salutem adversantur, tenebitur etiam impedire subditorum infamiam, et si neglexerit, bonam famam restituere.

122. Dico secundò : Si non impediat subditum al-

teri non subito detrahentem, cum facile potest tenebitur ad restitutionem famæ, nisi subito restituat. Probatur, quia ex officio incumbit illi subditum suum corrigere et impedire ne alteri iniuste noceat, ergo si non impediatur cum facile possit, censetur causa moralis damni; sicut si prætor non impediatur furta et latrocinia in civitate, tenebitur ad restitutionem, quia indirecte censetur causa.

Dico tertio. Si tamen subditus in absentia superioris famam alterius violaverit, non tenetur superior eam restituere, subito non restituitur, modo quantum in se est compellat subditum ut restituat. Prior pars patet, quia non censetur tunc causa damni, cum absens non potuerit impedire.

Secunda pars probatur, quia superior ex officio tenetur compellere inferiorem, ne persistat in injuria alteri inferendâ, sicut ne primo illam inferat; atqui is qui infamavit, et non restituit famam cum possit, persistit in injuriâ, eamque continuat, sicut is qui rem alienam detinet invito domino. ergo prælatus tenetur eum compellere.

Potes, qui superiores hic intelliguntur obligari?

125. Resp. Parentes respectu liberorum, quamdiu eorum regimini subsunt; domini respectu servorum, superiores regularium, episcopi, et ex parte parochi, quia hi etiam possunt suos subditos compellere: denique principes et magistratus. Sicut enim hi tenentur contumelias impedire, ita et detractiones, maxime per libellos famosos, qui capitali sententiâ vindicantur, ut patet l. Unica, c. de famosis libellis. Non tamen tenentur cogere ad restitutionem famæ, nisi parte id juridicè petente, nisi fuerint aliquo modo infamæ causa; sic enim usus habet ratio est, quia parte non petente, præsumi potest condonata.

DUBITATIO XXIV.

Utrum restitutio famæ possit condonari, præsertim à prælato.

124. Respondeo restitutionem famæ, sicut et aliorum bonorum externorum, posse condonari, nisi forte nobis sit necessaria, vel ad proximam edificationem, vel ad vitandum scandalum, vel ad officium quo proximo obstringimur, ritè obeundum. Unde infero primò, privatum posse condonare hanc restitutionem, nisi forte esset infamatus de crimine, unde timeretur scandalum (ut de hæresi), vel ejus infamia redundaret in familiam; tunc enim eam condonare, esset contra charitatem; condonatio tamen esset valida. Quod intellige, si non aliâ ratione redundat in familiam, quam quod ille infamis homo dicatur esse illius familie, illorum frater, cognatus, etc.

125. Secundò, si vir valdè utilis bono publico, qui suis concionibus vel doctrinâ multum proderat reipublicæ, condonaret restitutionem famæ, unde postea impediretur fructus consuetus, peccaret contra charitatem: infamator tamen non amplius teneretur ex justitiâ; ex charitate tamen teneretur, si commode posset, quia tenetur ex charitate istud damnum reipublicæ, cujus ipse causam dedit, avertere, tollendo causam.

126. Tertiò, si fama tua videtur necessaria ad re-

stituendum tuam administrationem, non potes condonare. Ex quo tamen duos casus. Primo, si possis et veis officium deponere. Tunc etiam possis condonare sine peccato mortifero, ut patet dictis supra, et dicit Sotus lib. 4 de Just., q. 6, art. 5 ad 4. tunc.

Secundo, si humilitate et alio modo officium facile hanc jacturam possis apud subditos revocare.

127. Sed quid si condonaret respectu, nolens eum deponere, vel aliter sine auctoritate consuere? erunt condonatio valida?

Respondeo cum Soto supra, videri, quia ipse vere est dominus sue famæ, non subito. Neque per hanc condonationem facit injuriam subditis, nisi forte infamia in ipsos redundaret, quia non habent ius, ut ipse suam famam consecret, nisi supposito quod velit manere superior, et alius modis eam recuperare velit: quorum utrumque in ipsis arbitrio positum est, unde non tam condonando restitutionem, quam volendo cum illa ineptitudine petuamere in officio, injuriam illis facit.

128. Dices: Pateris non potest condonare restitutionem bonorum quæ sunt necessaria alendi proli, ergo nec superior restitutionem famæ necessariam ad gubernandum subditos.

Resp. primo negando consequentiam, quia pateris non potest cedere officio parentis, sicut superior officio superioris.

Secundo, negando antecedens (si consistamus præcisè in jure naturæ), quia potest mendicatio illis victum conquirere si velit; quod si nohit, sibi imputet: non enim manet illa condonazione absolute impotens ad prolem alendam.

129. Quarto, si infamia tua redundet in alios, ita ut ipsi inde maneant infamati vel suspecti, tunc enim condonatio non videtur valere. Tans est infamia religiosi, quæ redundat in monasterium: valde enim læditur bonum nomen Ordinis, dùm dicitur habere sceleratum monachum; tam tota communitas quodammodo redditur plebi suspecta. Unde etiam sæpe ingenti pecunia vellent hanc labem redimere. Nec obstat quod religiosus videatur dominus sue famæ, ut dictum est cap. 4, dub. 5 non enim per volum paupertatis renuntiat famæ et honoris suo, quia non est dominus famæ conventus, quæ per ipsos infamiam violatur. Talis etiam videtur infamia parentis, præsertim de crimine hæresis, prodicionis, vel alio simili, quæ redundat in liberos. Habentur enim viles, et inhabiles ad officia et dignitates. Idem dicendum de gravi infamiâ filii vel filię, si adhuc sub curâ parentum existant, imò etiamsi non existant, si tamen infamia illorum parentes suspectos reddat; eadem enim in his omnibus ratio. Si enim mea infamia vel labes ex tuâ pendet, non potes tuam sine meo consensu condonare. Secus si tua infamia non aliter redundet in me, quam quod dicar habere fratrem vel cognatum sceleratum, ut dictum est num. 124.

DUBITATIO XXV.

Utrum in restitutione famæ fieri possit compensatio.

130. Respondeo et dico primo: Non potest ita fieri

compensatio infamiae, ut si alius te infamavit, tu vicissim illum possis infamare. Ratio est, quia est manifesta vindicta, quam nemo privata auctoritate potest facere; reddere enim malum pro malo, ut fiat aequalitas, solius est publicae potestatis.

151. Dico secundò: Si quis te infamet, nec tu possis infamiam alià ratione avertere, potes aliquos defectus illius occultos aperire, ne ipsi fides adhibeatur. Ita Sotus supra, et alii passim; v. g., potes dicere, isti fidem non esse habendam, eò quòd aliàs in mendacio vel perjurio sit deprehensus.

Probatur primò, quia quisque habet jus tuendae non solùm vitae, sed etiam famae, cum justà moderatione (id est, sine quâ injuria prohiberi nequit); ergo cum infamiam, quam ille per injuriam tibi irrogare nititur, aliter prohibere nequeas, nisi criminibus ejus patefactis, potes ea patefacere. Secundò, quia potes aperire crimen alterius ad vitanda tormenta tua, vel damna proximi, ut patet ex dubit. 8 et 9; ergo multò magis ad avertendum damnum quod ipse criminosus tibi parat inferre; nam ratione injuriæ amittit jus quod habet, ne crimen ejus occultum pandas.

152. Adverte tamen primò: si criminis detectio non est utilis ad famae tuæ defensionem, est iniqua; quia non est defensio, sed vindicta: unde si tibi restituat, teneris illi vicissim ad restitutionem.

Secundò, si alià vià famam tuam possis tueri, v. g., interposito juramento, vel adhibitis testibus, erit contra charitatem aperire crimen occultum ad fidem ei detrahendam, quia lædis illius nomen plusquàm est necesse: videri tamen possit non esse contra justitiam, quia non teneris ex justitiâ confugere ad istos modos; non enim ille jus habet, ut parcas nomini ipsius in defensione tui, cum ipse famam tuam injustè oppugnet; non tamen potes plura in illum dicere, quàm necesse sit ut ei fides non habeatur. Communior tamen sententia doctorum id vult esse contra justitiam, quam et ego probo, auctoritate illorum ductus.

153. Dico tertio: Si tu alium injustè infamasti, qui te antea infamaverat, non teneris ei ad restitutionem, si ipse tibi restituere nolit; sed potes uti compensatione, servatâ tamen æqualitate, quantum fieri potest. Est contra Navarrum, cap. 18, n. 47, et Cajet., q. 62, art. 2, et Petrum Navarra, c. 4, n. 395. Sed nostra sententia est verior, eamque docet Adrian., in 4, q. penult. de restit., § Circa prædicta; Sotus, lib. 4, q. 6, art. 5, ad 4; Josephus Angles, in 4, de restit. famae, dubio 5; Tolet., lib. 5, c. 70, et alii.

154. Dixi, *servatâ æqualitate*; quia si tu intulisti ei multò graviores infamiam, divisibilem tamen, detegendo plura crimina, teneris ad restitutionem, donec damnum à te illatum sit æquale damno quod ipse tibi intulit. Probatur, quia in rebus temporalibus, quando jura sunt paria, si alter non vult tibi servare jus et solvere debitum, nec tu teneris illi servare et satisfacere, ut patet in debitis pecuniariis; atqui fama est bonum temporale, cujus sumus domini: ergo est eadem ratio. Idem videtur dicendum, quamvis jura non sint

paria, si infamia quam intulisti, non posset per partes restitui (ut si illum de graviore crimine infamasti, quàm ille te); tunc enim eam instar pignoris detinere potes, ut eum ad restitutionem compellas; et ipse sibi imputet quòd non restituit; sicut si annulum aureum habeas ab eo qui tibi debet tres philippicos, potes retinere instar pignoris, ut cogas ad solutionem.

155. Dices cum Navarro: Damnum famae à te illatum, per reciprocum damnum non tollitur, sicut debitum pecuniarium unius tollitur per debitum reciprocum alterius: ergo est dispar ratio.

Resp.: Etsi damnum à te illatum non tollatur per infamiam tibi vicissim illatam, tamen tollitur debitum sarcienti illius damni, si alter sarcire nolit quod à se illatum est; quod etiam usu venit in damnis fortunarum; si enim tu incendisti aedes Petri, et Petrus vicissim tuas, non tollitur per hoc damnum à te illatum Petro; sed tollitur debitum satisfaciendi Petro, propter compensationem.

Hinc patet compensationem hanc fieri posse etiam altero invito, si ipse nolit restituere: multò ergo magis mutuo consensu, contra Cajetanum. Quæ omnia intelligenda sunt de iis qui possunt facere condonationem infamiae sibi irrogatæ; nempe quorum infamia non pertinet ad subditos vel socios, ut patet ex dictis dub. 24; inter tales enim non potest fieri compensatio, propter injuriam quæ subditis vel sociis fieret.

Petes, utrùm possit fieri compensatio infamiae cum damno fortunarum; v. g., intulisti Petro damna infortunis, et ille te graviter contra justitiam infamavit; utrùm possis illi denegare damnorum restitutionem, si ipse nolit tibi famam restituere.

156. Resp.: Probabile est hanc compensationem fieri posse, quia probabilis est ea sententia, quæ asserit, infamiam pecuniâ esse compensandam, quando in suo genere non restituitur. Itaque si ille non velit, vel non possit eam in suo genere compensare, possit tamen pecuniâ, licitum tibi est pro eâ pecuniæ certam summam, judicio prudentis arbitrandam, exigere, ac proinde denegare debita usque ad illam summam. Idem etiam in alterâ sententiâ locum habet, quando famae restitutio est possibilis, et infamator non vult eam restituere; tunc enim jure pro eâ pecuniam exigere potes, seu potius pro redemptione obligationis restituendi. Secus tamen in hac sententiâ, si restitutio famae esset impossibilis; tunc enim nihil pro eâ exigere posses, nisi fortè competeret tibi actio injuriarum, pro cujus cessione aliquid pacisci potes.

DUBITATIO XXVI.

Quanam excusant famae restitutionem.

157. Respondeo: Primò, justa condonatio, id est, quæ ab eo facta est, cujus infamia non redundat in alios, ut patet dubit. 24.

Secundò, justa compensatio: ut si ab eo, quem infamasti, pari modo sis infamatus, ut patet dubit. 25.

Tertiò, si fama aliâ ratione jam sit recuperata, dubit. 17.

Quartò, si infamia prudenter existimatur abiisse in oblivionem; tunc enim non teneris, sive falsum impuleris, sive verum, dubit. 18.

Quinto, si crimen occultum, quod aliquibus dixisti, aliâ ratione fiat publicum; tunc enim amisit jus restitutionis, dubit. 15.

Sextò, si restitutio sit impossibilis, dubit. 15 et 16.

Septimo, si non possit fieri sine periculo vite, dubit. 15.

158. Octavò, si non possit fieri sine amissione famæ, quæ si longe majoris momenti, ut si prælatus, vel vir illustris infamavit plebeium, non tenetur cum jacturâ sui nominis revocare; sed sufficit ut illum laudet in eo genere virtutis, ubi infamavit; quòd si sic videatur non satis restituta, reliquum poterit pecuniâ compensare arbitrio prudentum, vel potius remissionem restitutionis pecuniâ impetrare; si tamen commode possit, alioquin non tenetur. Ratio est, quia ille plebeius non potest cum ratione exigere, ut ille famam suam tanti momenti amittat; sed debet esse contentus laude, humanitate et muneribus pecuniariis ex arbitrio prudentum. Ita Sotus, lib. 4, q. 6, art. 3, ad quartum; Toletus, lib. 3, cap. 70; Corduba, lib. 1, q. 33, art. 2; Covar. ad regulam Peccatum, 1 p., num. 8, § Tertiò, adultera; et alii.

Nonò, si bonâ fide persuasus esse verum et publicum, narrâsti, nec possis sine damno famæ tuæ restituere, dubit. 22.

Decimò, si reverâ nulla fuit infamia secuta, eò quòd infamator esset nullius fidei (quod sæpè accidit), vel quia illi apud quos infamavit, sciebant similia, ita ut infamia non fuerit notabiliter aucta.

DUBITATIO XXVII.

Utrum honor sit restituendus, et quo modo.

139. Notandum est, honorem ladi contumeliis, irrisione, sannis, alapâ inflictâ, aliisque similibus modis; sicut enim honoramus aliquem edito signo, quo testemur ejus excellentiam, nosque eum magnificare, cum quâdam nostri submissione, ita honorem ledimus edito aliquo signo, quo testemur ejus vilitatem, nosque illum contemnere, quod fit modis enumeratis.

140. Dico primò: Qui injustè alterius honorem laesit, tenetur ad restitutionem seu satisfactionem, sive id publicè coram aliis, sive privatim fecerit coram illo solo. Est communis doctorum. Prior pars patet, quia fecit veram injuriam contra justitiam commutativam.

Dices: Alter nullum accepit damnum ex contumeliâ, præsertim si nemo alius id advertit: ergo nihil restituendum.

Resp.: Esto, non acceperit damnum, tamen illata est ei verè injuria; unde teneris saltem ad satisfactionem, si nolis hoc vocare restitutionem; quod confirmatur illâ sententiâ Domini, Matth. 5: *Qui dixerit fratri suo, Fatue* (id est, grave convicium), *reus erit gehennæ ignis; et subjicit Dominus: Si ergo offers mu-*

nus tuum ad altare, et ibi recordatus fueris, quia frater tuus habet aliquid adversum te, relinque ibi munus tuum ante altare, et vade prius reconciliari fratri tuo; ubi manifeste Dominus exigit satisfactionem, etiam pro contumelia privata.

141. Respondeo secundo, inferri etiam damnum quoddam hominum æstimatione, non fortunarum, sed dignitatis; dum enim contumeliâ afficis, veluti labem quandam dignitati irrogas, eamque quantum in te est, viliores reddit. Unde contumeliâ affecti, dicunt honorem et dignitatem suam laesam et diminutam. Hanc autem læsionem tanti æstimant, ut sæpè damna fortunarum gravissima præoptent; unde etiam solent maximâ indignatione ob hanc injuriam commoveri.

142. Dico secundo: Omissio honoris debiti superioribus vel æqualibus, non est contra justitiam commutativam, sed contra virtutem observantiae; unde per se non obligat ad restitutionem. Patet, quia aliud est non honorare, aliud contumeliam irrogare.

Dixi per se, quia fieri potest, ut ratione alicujus contumeliæ interpretativæ, quæ illi omissioni conjuncta est, obligeris; ut si aliis honorantibus episcopum, vel pastorem prætereuntem, tu illum sine ullo honoris signo impudenter aspicias.

143. Dico tertiò: Qui in alterius absentia aliquid fecit vel dixit apud alios in ejus contumeliam, tenetur apud eosdem restitutionem facere, si probabile est ali quid honori ipsius apud eos detractum. Patet ex iis, quæ sunt dicta de famâ; si enim in animis eorum, dignitas ipsius imminuta est, ibi quoque instauranda est.

Dico quartò: Varii sunt modi honoris restituendi: ex quibus is tantummodò est necessariò adhibendus, quo, judicio prudentis, satisfit honori violato. Hec propositio per se patet; et docet eam Cajet. Opusc. 31, resp. 13, dub. 5.

144. Primò, restitui potest honor amicè et honorificè salutatione aut compellatione; et hic fere sufficit prælatis et superioribus erga inferiores, et viris nobilibus erga plebeios, ut rectè Cajet. q. 73, art. 3; non enim tenentur ii adeò sese demittere, ut veniam petant; quod expressè D. Augustinus docet in suâ Regulâ de superioribus.

Secundò, adhibendo ad mensam, dando locum honorificum, propinando, etc.; qui modus sæpè sufficit, etiam inter eos qui sunt paræ conditionis.

Tertiò, petendo veniam: qui modus est efficacissimus, quo debent uti inferiores erga superiores, et sæpè etiam æquales inter se; nam si læsus hanc satisfactionem justè exigit (ut si gravi contumeliâ affectus fuerit), nec aliam velit admittere, tenebitur alter veniam petere, si sit inferior vel æqualis.

145. Notandum primò, fieri posse, ut non sufficiat veniæ petitio; ut si atrox injuria viro nobili illata sit; tunc enim potest exigi major humiliatio, v. g., ut flexis genibus cum fune in collo veniam petas; sed qui injuriam intulit, non tenetur eam præstare ante sententiam judicis; sic enim moribus gentium est re-

ceptum, ut etiam pro summis injuriis non teneatur quisquam spontè majorem satisfactionem exhibere, quàm humilem venie petitionem cum signis doloris. Quòd si alter majorem exigat, eam per judicem curet imponi vel infligi.

Dices : Satisfactio exhibenda est ad æqualitatem.

Resp. : Satisfactio pro injurià dupliciter potest esse æqualis injurie : Primò exacte, ita ut gratiam non habeat admixtam, et hæc quia valdè difficilis est, infligenda est per judicem. Secundò, quãdam proportionē, sic ut tota ferè nitatur gratiã condonantis : et hæc consistit in humili veniæ petitione, signisque doloris, estque præstanda, etiam ante sententiam.

146. Notandum secundò, si petas veniam omnium injuriarum, et alter eam concedat, non censi condonatas, nisi eas injurias, quas verisimiliter intendit condonare. Itaque si aliqua illum latet, quam si nòsset, nollet sine satisfactione condonare, non censetur eam condonasse; quia ignorantia condonationem reddit involuntariam.

CAPUT XII.

DE INJURIIS FORTUNARUM, PER FURTUM, RAPINAM, DAMNUMVE ILLATUM : ET DE NECESSARIA RESTITUTIONE OB HANC CAUSAM.

(*Constat dubitationibus 20.*)

DUBITATIO PRIMA.

Quid sit furtum. (D. Thomas q. 66, art. 3.)

1. Respondeo : Jurisperiti sic definiunt : *Furtum est contractatio rei fraudulosa, lucri faciendi gratiã, vel ipsius rei, vel etiam usùs possessionisve.* Ita habetur L. 1, § Furtum. π. de furtis. et Institut. de obligationibus quæ ex delicto, § 1, quam supplet et explicat Navar. cap. 17, n. 1. Clariùs et brevius theologi : *Furtum est occulta rei alienæ acceptio invito domino.* Hæc definitio habet tres partes : Prima est, *occulta*, ut distinguatur à rapinã et aliis injustis acceptionibus, per iniquos contractus; occulta enim acceptio est, quæ sit domino nesciente, vel quam quis intendit facere domino nesciente. In contractu autem non intendit contrahens aliquid tollere domino nesciente, quamvis non cupiat ut dominus advertat rei justitiam.

Dices primò : Qui accipit rem, domino vidente, non accipit occultè, et tamen committit furtum : ergo.

Resp. : Si sciat dominum videre, et non curet, potius committit rapinam quàm furtum : si autem ignoret dominum videre, est furtum; quia intendit ipso nesciente accipere, ita ut aliter nollet.

2. Dices secundò : Detentio rei alienæ habet rationem furti : ergo non tantum consistit in acceptione.

Resp. : Detentio est instar acceptionis; quia acceptio et accepti detentio moraliter censetur eadem actio; quòd si quis id, quod justè accepit, postea iniquè relinquit, perinde facit ac si primò tunc injustè acciperet; vide D. Thomam in respons. ad 2, et Cajet. ibidem.

3. Dices tertio : Crimen non accipit speciem ex eo quòd sit occultum : ergo de ratione furti non est ut occultè fiat.

Resp. : Quando quis in injuriã inferendã utitur modo occulto, tanquàm medio ad exequendum opus, facit speciem distinctam à manifesto, quia tunc occultum et manifestum continent diversas injurias. Ille ratione furtum differt specie à rapinã, et dolosa invasio à manifestà, et contumelia à detractio. Si autem utatur modo occulto ob verecundiam, vel ad vitandum scandalum, aut supplicium, est circumstantia generalis.

4. Secunda est, *rei alienæ*; quia acceptio rei suæ quæ est apud alienum, non est furtum, saltem quæ suæ, quamvis possit esse furtum quatenus illa res est alteri commodata vel oppignorata; tunc enim auferitur illi usus, vel securitas, quam per illam rem habebat.

Tertia est, *invito domino.* Si quis enim putaret domino non displicere, non esset furtum, quamvis occultè illud acciperet; eò quòd per verecundiam vereatur petere; debet autem esse cum ratione invitatus; unde qui occultè accipit in extremã necessitate, non est fur. Item qui compensandi causã, quando aliter quòd suum est recuperare nequit. Addunt aliqui, *rei corporalis et mobilis*; sed melius omittuntur; nam potest quis etiam furari jura, ut census et servitutes, et res immobiles, occupando domum vel agrum alienum, domino absente.

5. Ex his patet primò, eum qui accipit hominem liberum, v. g., uxorem vel prolem alicujus, non committere furtum; quia homo liber non habet dominum à quo possideatur : sed dicitur committere *plagium* seu *crimen plagiatùs*, si fiat ad vendendum, vel ad retinendum in mancipium; si verò fiat ad fruendum, dicitur *raptus*; quæ propriè non sunt species furti. Quòd si quis furetur ancillam vel mancipium, ut illud vendat, erit verum furtum, quia est acceptio rei alienæ, quæ aliena; intendit enim eam accipere ratione utilitatis temporalis, quæ est domini; si autem furetur, ut ad tempus abutatur, non dicitur furtum, quia illa ancilla secundum illum actum non subest dominio alterius, nec ipse quærit in eã id quod alterius est, sed quod ipsius ancillæ. Infert quidem damnum domino, dùm privat ancillæ obsequio; sed non omnis damnificatio est furtum.

6. Quamvis enim furtum non sit peccatum, nisi quia infert alteri damnum, privando eum re suã, contra ipsius rationabilem voluntatem (si enim una eademque res in duobus locis esset, vel à duobus possideri integrè et usurpari posset, nullum peccatum committeretur), tamen non omnis damnificatio est furtum; sed differunt hæc saltem materialiter; furtum enim postulat acceptionem seu usurpationem, quæ quis rem sibi vindicat, etsi ad breve tempus, et animo eam paulò post abjiciendi : quo modo Augustinus furabatur poma; unde qui incendit alterius segetes, non est fur; tamen damnum infert, nec minùs peccat, quàm si eas auferret.

7. Patet secundò, eum qui rem sacram accipit, aut profanam in loco sacro, tanquàm in asylo depositam, committere peccatum furti, quia accipit alienum invito domino; quamvis huic furto conjuncta sit malitia sacrilegii, quæ quia præcipua est, ei nomen tribuit. Sunt

tamen in hoc peccato dicitur necesse distincte contra duas distinctas voluntates.

DUBITATIO II.

Utrum furtum et rapina differant secundum D. Thomam, art. 4.

8. Respondetur, species differentiam habere figuratam. Ita D. Thomas et Cajetanus. Testis est, quod in hoc includit violentiam, quae fit damno occulti, quam *furtum* excludit. Itaque novam rationem arguitur continet, quia novam rationem involuntarij, unde etiam est involuntarium quod quis ignorans patitur, aliter quod sciens et contentus: quamvis enim utraque sit absolute involuntarium, tamen alterum est longe magis involuntarium, et alterius rationis. Unde etiam patet, rapinam esse gravius peccatum quam furtum, ceteris paribus, ut docet D. Thomas, art. 9, et ibidem Cajet.

9. Petes, quo modo furtum et rapina differunt ab injurijs, quae fit per iniquos contractus?

Resp. quod furto et rapina patitur dominus damnum omnino involuntarij, nempe per ignorantiam, vel per vim, in contractibus autem patitur damnum involuntarie mixtum, si sciat iniquitatem contractus, id est, partim voluntarie, partim involuntarie; mavult enim hoc damnum iniuste pati, quam contractum omittere. Si autem ignoret contractus iniquitatem, et ideo contrahat, erit furtum, seu ejusdem ac furtum, rationis. Ex his constat, rationem genericam communem furto et rapinae, esse *injustam ablationem rei alienae, absolute involuntariam*. Ut autem contineat etiam injustitiam contractuum, dicitur *injusta ablatio rei alienae*; vide Joannem Mesnam, q. 3, c. de rebus restituendis.

10. Advertendum tamen est, aliquando enim injustam acceptionem vocari furtum et rapinam, ut patet cap. 4. Si quid. 11, q. 5, ex D. Augustino: *Si quid invenisti, et non reddidisti, rapisti*. Sic, Exodi 20, dum prohibetur *furtum*, omnis iniqua acceptio rei alienae intelligenda est, ut docet D. Augustinus, lib. 2, quest. 72 in Exodum; et hoc modo dividitur furtum in fraudulentum, occultum, et violentum. Sed proprie accipitur pro occulto, ut dictum est.

DUBITATIO III.

Utrum fur et raptor continuè peccent donec restituant.

Cajetanus, q. 66, art. 3, circa solutionem tertii argumenti, putat ipsam detentionem non posse continuare peccatum actuale furti, eo quod non sit actus, sed effectus actionis: unde vult detentionem esse solum in peccato habituali. Sed contrarium est verius; unde

11. Resp. et dico primò. Fur et omnis iniquus detentor rei alienae, vel alteri debite, continuè actu peccat, toto eo tempore quo, cum possit, non restituit; colligitur ex Gabriele in 4, d. 15, q. 2, art. 2, conclus. 2; et Soto lib. 4, q. 7, art. 1.

Probatur primò, quia non restituendo credit continenter proximum, ipsum impediens à possessione et usu rei suae vel debite: quae lesio quò diutius durat, eò censetur major; atqui haec lesio assidue pendet vel

a voluntate libere nocendi, vel a libera voluntate, quae sine ulla est peccatum actuale. non solummodo quia est peccatum operis exterioris, quicquid libere sit peccatum interius.

Secundo, quia tunc continet cum possit, voluntarie detentum, cum in aliquo detentio rei alienae, etsi non sit proprie actus, est tamen instanti actio, sicut possessio, ergo quandoque haec detentio exterior libere pendet a voluntate, est actuale peccatum, actumovens proximo.

12. Tertio, quia compit proximum injuste in vincula et ibi relinquit, continuè peccat actu, quia continuè nocet: perinde enim est, si ve manibus sive vinculis cum assidue tenendo affligat, cum utrumque aequè libere continuatur: ergo etiam qui assidue rem alienam cum incommodo continuo detinet, continuum peccatum committit.

13. Dices primo: Ergo is qui alteri vulnus inflixit, continuè peccat, quia continuè nocet.

Resp. neg. conseq. Non enim propriè continuè nocet, sed semel nocuit, et tunc peccavit actu; omne autem nocumentum deinceps secutum, naturaliter manat à primo nocumento, ita ut non dependeat ampliùs à praesenti ipsius voluntate, ut si vel non sit, sed solùm à praeteritâ, in qua semel censetur volitum. Quòd si esset in ipsius potestate tollere quotidianam molestiam ex vulnere proveniente, et non faceret, continuè noceret praesenti voluntate, et sic continuè peccaret, sicut is qui praesenti voluntate continuè nocet, constrictum tenendo, quem singulis momentis posset solvere.

14. Simile videmus in tyranno, qui idolum erigit, vel iniquam legem sancit; tandiù enim peccat, quamdiù illud idolum vel illa lex assidue ex ipsius libertate dependens, manet; nam ex parte suâ tandiù actu nocet, quòd nocumentum quovis momento potest et debet tollere.

Nec refert, quòd erecto idolo, vel lege datâ, nihil ampliùs agat; quia illa libera dependentia rei nocentis, est instar continuaë noxiae actionis; qui enim omnibus momentis causam noxiam, quam posuit, potest auferre, si non auferat, continenter nocet et peccat.

15. Dices secundo: Ergo singulis momentis peccat.

Resp.: Verum est, non quidem novum peccatum addendo, sed prius actu continuando: sicut si mala voluntas per integrum diem duret, est unum continuum peccatum, quod, quò plus liberè durat, eò ceteris paribus est gravius. Similiter detentio rei alienae toto tempore, quo commodè restitui potest, est unum peccatum continuum actuale, quod singulis momentis crescit, idque dupliciter.

16. Primò, ratione majoris liberè durationis; secundo, ratione majoris nocimenti, quod inde domino provenit; si enim inde dominus continuè crucietur animo, vel nova experiantur incommoda, haec detentio fit continuè pejor, idque intrinsecè quodammodò, sicut si ignem segetibus inmissum singulis momentis possis extinguere, et omittas, assidue crescit peccatum, ratione majoris damni: et si proximum, quem

vides fame cruciari, non juves, cum singulis momentis possis, assidue crescit illa omissio, ratione majoris incommodi. Quod si inde nihil aliud incommodi eveniat, quam quod dominus careat re sua, solum augebitur priore modo; sicut omne peccatum, et omne meritum augetur ex circumstantia durationis, quamvis in bonitate vel malitia intrinseca non crescat, ut ostensum est 1-2, quest. 74.

Dices tertio: Si hæc detentio est unum continuum peccatum actuale, ergo homo actu peccat, etiam cum dormit, tunc enim detinet.

17. Resp. primo, quodam sensu concedi posse, hominem peccare dum dormit; non quidem quod tunc novam culpam contrahat, vel contractam augeat, sed quia pravam propositum exequitur, vel in executione coepit perseverat: quo modo ipse somnus peccatum esse potest; ut si dormias loco vel tempore vetito, vel ut divinationem assequaris in somno, vel turpi voluptate perfruaris; his enim eventis ipse somnus est peccatum externum, seu executio peccati; pendet enim à priori voluntate, et ab eà informatur. Simili modo, tempore somni potest continuari aliud peccatum antea inceptum; ut si innocentem duris vinculis constrictum relinquis, et ita cubes.

18. Resp. secundo: Dum dormit, proprie loquendo, actu non peccat vero et formali peccato, quia neque somnus, neque id quod fit in somno, dependet ab aliqua voluntate libera, tanquam actio quæ assidue liberè fit et continuatur, sed tanquam effectus voluntatis præteritæ, à quâ ita pendet, ut cum coeperit, non sit in nostra potestate continuare vel abrumpere: unde peccatum non crescit, etsi somnus longior fuerit opinione; neque minuitur, si brevior.

19. Hinc etiam fit, ut quando somnus est executio peccati, non teneamur somnum in confessione explicare, sed sufficiat dicere, nos tali fine ad somnum composuisse; hoc enim est actio libera, non autem somnus. Hinc patet peccatum detentionis in somno non continuari formaliter, sed effective, quia effectus ejus antea prævisus et prævolitus continuatur, qui effectus etiam dicitur peccatum, quia est executio malæ voluntatis, vel continuatio executionis, antea per malam voluntatem inchoatæ. Ut autem formaliter continuetur, requiritur ut assidue dependeat ab hominis libertate, ita ut quovis momento possit et debeat tollere; non est tamen necessarium, ut continenter actu formali nolit tollere: sufficit ut non tollat, et advertat se posse tollere; tunc enim si omitat, liberè emittit, habetque actu voluntatem interpretativam continuam detinendi seu non restituendi, ut patet ex dictis 1-2, q. 6, art. 3.

20. Ex his sequitur, toto eo tempore quo commodè potest fieri restitutio, non fieri novum peccatum moraliter loquendo, per illam voluntariam retentionem, sed continuari antiquum, quod antea per acceptionem erat inchoatum; nam illa retentio informatur à primâ voluntate retinendi, quæ interpretative censetur actu manere. Et quamvis interim ille haberet aliquoties voluntatem expressam toto eo tempore non restituendi,

di, non censeretur tamen moraliter novum peccatum, neque plura numero peccata, nisi physica ratione, sed unum peccatum gravius: quia omnes illæ internæ voluntates referuntur ad unum idemque opus externum continuatum, et cum eo unum numero peccatum efficiunt; sicut cum quis versatur in conatu occidendi inimici, omnes actus prævii occisioni sunt unum numero peccatum, quia omnia interna desideria tendunt ad eundem conatum.

DUBITATIO IV

Quibus modis istud peccatum actuale iniquæ detentionis interrumpatur.

21. Respondeo, tripliciter interrumpi, ita ut formaliter non continuetur. Primo, ratione ipsius propositi, ut dum quis propositum detinendi mutat, constituens primâ opportunitate restituere, et hæc est perfecta interruptio. Secundo, ratione detentionis externæ, quando illa in se incipit non amplius esse injuriosa, eò quod restitutio eo tempore facta sit impossibilis, ut si procul absit, vel gravi penuriâ laboret; tunc enim externa detentio non est amplius peccatum; unde etiamsi ferretur excommunicatio in eum qui rem illam detineret, detentor tunc non incurreret, etiamsi animum nunquam restituendi haberet, quia, etsi illa voluntas interna peccatum sit, detentio tamen externa peccatum non est; non enim est voluntaria, seu à voluntate dependens, etiamsi fortè sit volita. Incurreret tamen, simul atque offerret se opportunitas restituendi, et eam negligeret, quia tunc detentio rursus inciperet esse voluntaria, ac proinde peccatum externum.

22. Dices: Quid si detentor non advertat se tali tempore non teneri ad restitutionem, putetque se teneri? Respondeo: Tunc externæ detentionis peccatum interrumpitur quidem materialiter, quia illa detentio reverà in se non est injusta, aut peccatum; non tamen interrumpitur formaliter, quia ipse putat eam esse injustam, et vult continuare. Sicut si acciperem à te rem meam nesciens esse meam, acceptio illa esset injusta formaliter (id est, ut subest illi iniquæ voluntati), non tamen in se et materialiter, quia est actio in se justa, quæ justè potest appeti et fieri.

23. Tertiò, ratione somni vel alterius distractionis, per quam fit ut homo non habeat tunc in sua potestate, de illius rei detentione cogitare; ut enim illa detentio sit libera, necesse est ut in potestate hominis sit advertere se detinere; alioquin pro illo tempore non est libera, ac proinde non est peccatum formaliter, sed materialiter tantum, vel effectus peccati. Itaque interrumpitur peccatum detentionis; formaliter tunc non peccat, cum illa detentio ab illo liberè non pendeat; continuatur tamen effective, quia effectus prioris peccati immediate volitus continuatur: qui effectus est peccatum in sua causâ, à quâ dependet, nempe in voluntate quæ præcessit. Hinc fit ut peccatum ratione hujus detentionis non sit majus vel minus, sive ea diutius duret, sive brevius, nisi quatenus id est prævisum et prævolitum, et consequenter solum ratione voluntatis præcedentis.

25. Petes, utrum interruptio hujus peccati debeat explicari in confessione? Videtur sanè id non esse necessarium, sed sufficere ut explicetur, primo, quandiu rem retinuerit; secundo, quoties interim occasionem restituendi habuerit et neglexerit; tertio, an interim dominus grave damnum vel afflictionem magnam senserit. Primum requiritur, ut intelligatur aliquo modo multitudo actuum interiorum, vel continuatio æquivalens multis actibus internis. Secundum, ut intelligatur multitudo actuum seu omissionum exteriorum. Tertium, ut quanta in illis actibus externis fuerit malitia; non requiritur verò ut explicet, quoties resiliit à proposito restituendi: tum quia is qui decies mutavit propositum, non magis peccavit, quam qui permansit continuè in voluntate retinendi, si cetera sint paria: tum quia omnes istæ volitiones non restituendi, referuntur ad continuationem unius actus externi, ac proinde moraliter censentur unum peccatum.

Mibi probatur, ut etiam numerus talium volitionum explicetur: quia per se sunt distincti actus, puta, si post testem meminisse.

DUBITATIO V.

Utrum dum quis utitur re alienâ, quam detinet invito domino, peccet novo peccato quotiescunque id facit.

Resp.: Quidam putant, id esse novum peccatum. Ita Navar. cap. 17, num. 54, et Cajet., q. 66, art. 5.

25. Sed verius est, non esse novum, sed unum idemque continuatum; colligitur ex Gabr. et Soto supra cit. n. 11. Ratio est, quia rem alienam accipere, retinere, uti, et destruere, censentur ejusdem rationis et speciei moralis: ergo quando hæc simul concurrunt, est unum peccatum continuatum.

26. Hic tamen duo advertenda: Primò, si domino perinde sit, utarise re suâ, an eam apud te detineas otiosam, non magis crescere culpam usu, quam nudâ detentione; ut, si sit gemma, annulus, torquis, vel quid simile, quod usu non fit deterius: si sit pecunia, eamque alienes, modò eâ alienatione non fias ad restituendum impotentior; quòd si dominus longè ferret agrius usum, quam otiosam detentionem, eò quòd res usu atteratur, vel periculo exponatur, tunc peccatum magis usu augeretur quam detentione (semper tamen intra eandem speciem), ut si sit vestis, vel equus, etc.

Secundò notandum: Si res ita apud te facta sit deterior, ut verisimile sit dominum eam non amplius velle, sed pretium ejus, non est peccatum eâ uti, aut etiam destruere, quia hoc non fit amplius invito domino, cum eam nolit sibi restitui; peccatum tamen esset non restituere ejus pretium, si commodè posses; quòd si etiam id tunc commodè non posses, neque hoc peccatum esset.

DUBITATIO VI.

Quale peccatum sit furtum.

Respondeo et dico primò, ex genere suo esse peccatum mortiferum. Ratio est, quia infert proximo nocumentum; atqui hoc est contra charitatem ergo.

Adverte tamen, furtum ex genere suo esse minimum peccatum, quod in proximum committitur; quia bona fortunæ sunt infima; ratione tamen incommodorum, quæ inde sequuntur, posset esse majus aliis.

27. Dico secundo: Fieri tamen potest, ut ex indeliberatione, vel ex materia parvitate, sit tantum peccatum veniale. Est certa. Et quidem ratione parvitas materia patet; quia in furto tali non est notabilis læsio. Ratione autem indeliberationis, quomodò possit esse peccatum veniale, difficilius est; nam opus illud externum videtur vix fieri posse absque plenâ consideratione.

28. Sed quidquid sit de opere externo, saltem voluntas furandi potest carere plenâ et sufficienti advertentiâ, ut patet, dum quis tentatur ad furtum; ac proinde in hac peccatum veniale erit. Puto tamen etiam fieri posse, ut hæc voluntas exeat in opus externum, auferendo rem alienam sine plenâ animadversione. Quidam enim ex consuetudine ita sunt propensi et veluti determinati ad furandum, ut rem auferant priusquam perfectè advertant quid agant. Idem fieri potest ex vehementiâ tentationis, præsertim in festinatione, ubi non conceditur deliberatio.

29. Dico tertiò: Ut furtum sit peccatum mortale, requiritur, ut materiæ quantitas notabilis sit. Patet, quia non cujusvis rei ablatio potest esse culpa mortifera, v. g., pomi vel oboli.

Sed difficultas est, quænam censenda sit quantitas notabilis. Navarrus c. 17, num. 4, putat dimidium regalem esse quantitatem notabilem, quæ constituat furtum mortiferum. Toletus l. 5, c. 16, unum regalem, vel duos, etiam respectu ditissimi. Bartò. Medina 1-2, q. 88, art. 4, duos regales. Sotus lib. 5, q. 3, art. ad tertium, unum vel duos aureos. Denique quidam centum aureos requirunt, vel amplius, seposito omni incommodo extrinseco. Alii verò docent, non posse in genere taxari, quæ quantitas sit notabilis, sed hanc statuendam arbitrio prudentium, pro variâ personarum et locorum conditione. Ita Joannes Medina c. de Restit. q. 10, et Petrus Navar. lib. 3, cap. 1, n. 53. Ratio est, quia quod respectu unius censetur notabile, respectu alterius non censetur tale, sed modicum et parvi momenti: juxta quam sententiam dici potest, primò, respectu omnium, etiam regis et hominis prædixit, unum aureum videri quid notabile, unde furtum unius aurei, erit mortiferum. Ita Pet. Navarra, et Sotus supra.

30. Nec obstat, quòd hæc quantitas respectu regis modica videatur: quia etsi modica sit ad donationes pro regiâ magnificentiâ faciendas, non tamen est modica, spectatis omnibus regis oneribus, ad quæ sollevanda hæc quantitas notabiliter juvat: ut patet cum militi solvendum est, qui per mensem unum, pro duobus aureis vitam exponit. Deinde censetur notabilis, cum agitur de injuriâ subeundâ: non enim minus rex se suæque omnia tuta esse vult ab injuriâ, quam alius quilibet. Secundò, respectu mediocriter divitum, quatuor regales sive unum florenum censi quid notabile, juxta Petrum Navarram, quia sufficit illis ad

victum unius diei : addit ille, minorem quantitatem non censi notabilem. Tertiò, respectu mechanico- rum, duos regales, juxta sententiam Medinæ; inde enim commodè victitant, et hæc summa ferè æquat mercedem diurnam. Sotus tamen et Petrus negant duos sufficere.

31. Quartò, respectu pauperis, unum regalem, vel etiam dimidium. Sententia illa de centum aureis, est nimis laxa, nec satis consentanea Scripturæ, quæ dicitur : *Fures regnum Dei non possidebunt*; pauciores enim sunt, qui tantas summas surripiant.

Nihilominus, etsi hæc ultima sententia satis probabilis videatur, placet tamen sententia Bartholomæi Medinæ, et Toleti, qui duos regales absolutè quantitatem notabilem statuunt, quamvis etiam minor summa talis censi possit, si notabilem lesionem secum trahat; ut si pauperi surrepta fuerit : ut Toletus notat. Quod confirmari potest ex Navarro, qui dicit : *In quibusdam Episcopatibus solitam ferri excommunicationem ob furtum duorum regaliū. Hoc tamen modo post concilium Tridentinum fieri non debet* : imò per se res satis indigna videtur, nisi in casu aliquo particulari, circumstantiæ tale remedium postulent. Vide Concil. Trident. sess. 25. c. 5, de Retorm. ubi statuitur ut hujusmodi excommunicationes non ferantur, nisi ob rem non vulgarem, causâ diligenter per episcopum examinatâ; unde non faciliè excusaverim eos, qui pro tribus vel quatuor florenis excommunicant.

32. Dices : Si furtum duorum regaliū, in divitem commissum, est peccatum mortiferum, non infra; ergo si quis auferat duos regales, minùs uno obolo, non peccavit mortiferè.

Respondeo : Non posse hanc quantitatem mathematicè statui, sed moraliter; sicut justa rerum pretia, quæ non consistunt in indivisibili termino. Itaque censebitur etiam peccare mortiferè, qui saltem uno vel altero asse non abest ab hac quantitate : quæ enim parùm distant, nihil distare videntur.

33. Dico quartò : Quamvis ipsa res, quæ surripitur, non sit notabilis pretii, tamen si auferatur ei qui inde grave incommodum accipiet, est peccatum mortiferum; quamvis non mortiferum in specie furti. Prior pars, *esse peccatum mortale*, probatur; quia notabile damnum proximo irrogatur; ut si sutori surripias setas, vel sartori acum; nec possint aliunde habere : sic si auferas clipiam rem parvi momenti, quam tamen ille maximi facit, et propter quam valdè perturbabitur, vel diras imprecabitur, ut ait Sotus supra.

34. Secunda pars, *Non esse peccatum mortiferum in specie furti*, optimè probatur à Navarro supra, c. 17, n. 2, quia res quæ surripitur, non est notabilis pretii : ergo non est materia furti mortiferi. Unde sequitur, si talis ferretur excommunicatio : Quicumque rem notabilem furatus fuerit, ipso facto sit excommunicatus, hunc non fore excommunicatum.

Petes : ad quam speciem ergo pertinebit hoc peccatum, quæ est mortiferum?

Resp. : Si sequatur damnum, v. g., lucrum cessans,

erit in specie damnificationis injustæ; quæ proprio nomine caret, quia hujus damni causam injustè dedit : si autem sciat fur, talem solere pejerare, imprecari, blasphemare, erit peccatum scandali, pertiniens ad eam peccati speciem, cujus sciebat suo furto, etsi exiguo, se fore causam.

35. Ex his sequitur, cum qui surripit minima, cum animo majora furandi si posset, peccare quidem mortiferè; non illo actu, quo vult furari hoc minimum, sed alio huic conjuncto; talis enim habet duos actus voluntatis : unum absolutum, quo vult hanc rem parvam furari; et hæc voluntas exit in actum externum, estque solum peccatum veniale : alterum conditionatum, scilicet vellem auferre majora si possem : et hæc velleitas est peccatum mortiferum, sed non exit in actum externum : unde talis fur non involveretur sententiâ excommunicationis latæ in eos qui rem notabilem furati essent.

DUBITATIO VII.

Utrum is qui minutis furtis intendit surripere quantitatem notabilis pretii, peccet mortiferè.

36. Respondeo : Qui per furta minima intendit ditescere, aut conquirere notabilem pecuniæ quantitatem, peccat mortiferè illâ intentione, et quovis externo furto minuto, ex ejus vi procedente. Est communis DD. sententia. Prior pars patet, quia intendit accipere rem alienam magni momenti invito domino.

37. Dices : Intendit accipere à diversis, et nemini cupit facere notabilem injuriam : ergo non est peccatum mortale. Ob hoc argumentum Hieronymus ab Hangesto, cap. 9 Moralium, pag. 450, admittit hoc non esse peccatum mortale, nec teneri ad restitutionem. Sed hanc sententiam non faciliè concesserim in praxi. Primò, quia alioquin non peccarent mortiferè, qui utuntur ponderibus vel mensuris justo minoribus : quod videtur esse contra illud Proverb. 11 : *Statera dolosa, abominatio est apud Deum*; et Deuter. 14 : *Non habebis in sacculo diversa pondera, majus et minus, etc., abominatur enim Deus eum qui facit hoc*, ubi satis insinuatur esse peccatum mortale. Secundò, quia præbet occasionem hominibus, ut ex alieno ditescere studeant. Tertiò, quia est contra communem DD. sententiam. Joannes Medina c. de Restitut. q. 10, in fine, putat non esse peccatum mortale, si ille id in fraudem legis de non furando, non faciat; sed quia fortè non habet aliàs, unde ipse et familia sua vivat; quæ sententia teneri potest, primò, si illius hominis conditio sit talis, ut alii teneantur ei succurrere : ut docet Angelus, v. *Furtum*, n. 57. Finis eodem verbo n. 10, et alii. Secundò, quando constat illos, à quibus accipit, si nòssent hominis statum, non fore invitos circa rei substantiam, etsi circa modum inviti sint; dùm displicet occulta surreptio vel fraus; aliàs non est tale.

38. Unde ad objectionem respondeo negando consequentiam, nempe quod ille non peccet mortiferè, dum intendit à multis parùm accipere. Ratio est, quia

multis inferre parvum damnum, perinde est ac si uni inferas magnum; nam omnia illa parva simul juncta, efficiunt unum magnum, quod est illius communitatis.

Nec refert, quod singuli vix sentiant aliquid incommodi; quia etsi nemo in particulari sentiat; tamen respectu communitatis est notabile incommodum, quia tali summa potest respublica aliquem notabiliter juvare, vel aliquod debitum dissolvere, sicut supra dictum est de rege; quia etsi in sua personâ ex furto duorum aureorum nihil sentiat incommodi, tamen censetur ei quid notabile, spectatis omnibus ejus oneribus et obligationibus. Simili modo, qui ex immenso tritici numero, ad rempublicam pertinente, duos modios auferret, parum incommodi singulis inferret; tamen peccaret mortiferè, quia respectu reipublice id censetur notabile. Adde, hanc rationem finandi, remque suam augendi, valdè repugnare societati humane, et in omni republicâ bene institutâ valde exosam; ac proinde tanquam rem valde noxiam hominum societate, censi prohibitam sub peccato mortifero: sicut fornicatio prohibita est sub peccato mortali; quia per se noxia est educationi prolis.

39. Altera pars probatur, quia singula externa furtiva procedunt ex intentione mortiferâ, suntque ejus executio: ideo enim furtiva parva committit, ut sensim ad magnam quantitatem perveniat: unde singulæ acceptiones, sunt executiones partiales illius intentionis mortiferæ, et consequenter in illis est peccatum mortiferum: quidquid enim fit ex intentione mortiferi peccati, est peccatum mortiferum.

40. Notandum tamen, in singulis non committi novum peccatum mortale, sed continuari jam ceptum: omnes enim istæ acceptiones et detentiones acceptorum censentur una continua executio illius prave voluntatis. Sed committitur novum peccatum veniale in singulis; et simul continuatur executio mortiferæ intentionis. Itaque quæque voluntaria acceptio est intrinsecè peccatum veniale; denominatione autem extrinsecâ est mortale. Unde fieri potest, ut is qui sic furatur, non magis peccet, quàm si uno actu eandem quantitatem furaretur, sed potius minùs, si cætera sint paria.

41. Petes: Utrùm iste, qui sic à plurimis corrasit, teneatur ad restitutionem, et cui?

Resp.: Teneri ad restitutionem iis, à quibus accepit, si tamen commodè possit; quòd si non possit, vel quod ignorentur, vel quia executio est difficilior, quàm res tantilla postulet, vel quia est periculum infamiae, injungendum illi à confessario, ut det in pauperes, vel alia pia opera: hoc enim videtur maximè consentaneum justæ voluntati dominorum, à quibus subtractum. Sed de hoc plùs infra, cap. 14, dub. 6.

DUBITATIO VIII.

Utrùm is, qui per furtiva minima non intendit acquirere rem notabilem, sed ex occasione ea committit, peccet mortiferè.

42. Respondeo et dico primò: Antequàm perveniat

ad quantitatem notabilem, non peccat mortifero: tamen simul atque ad eam pertingit, mortiferè peccat, nisi per inadvertentiam excusetur. Prior pars est manifestâ. Secunda etiam est communis doctrinâ et probatur, quia jam incipit voluntaria detinere alienam notabili quantitate.

Sed difficultas est, utrum illud ultimum fortum complens quantatam notabilem, sit peccatum mortiferum. Multi alarant. Exempli causa, accipit quis novum furtis pavis, novem asses: tandem ex occasione accipit decimum: in acceptione decimi dicitur esse peccatum mortiferum. Sed contrarium videtur verius, unde

Dico secundo, furtum aliud decimum, per se non est nisi veniale, sed detentio voluntaria rei alienæ in notabili quantitate, quæ tunc inchoatur, est peccatum mortiferum. Prior pars est Navarr., c. 17, n. 159. Altera patet ex supradictis.

43. Dices: Hoc decimo furto incert jam notabile damnum: ergo peccat per illud mortifero.

Resp. damnum illatum incipere tunc quidem esse notabilis preti; tamen hoc non inferitur per decimum furtum; sed per hoc et præcedentia collectum sumpta, quarum unumquodque est solum veniale.

Admitto tamen, tunc incurri peccatum mortiferum, si ille fur advertat se jam habere quantitatem notabilem, et non proponat restituere, cum tamen commodè possit; tunc enim saltem implicite habet voluntatem retinendi alienum quantitatem notabili: peccat ergo mortiferè non quidem voluntate accipendi hunc decimum assem, sed voluntate illâ, quâ hunc decimum cum aliis ante acceptis, qui simul juncti faciunt rem notabilem, vult retinere.

Si tamen non adverteret se jam habere alienum, quantitate notabili, non peccaret mortifero. Similiter si adverteret quidem, sed non haberet commoditatem restituendi, proponeretque primâ opportunitate restituere. Ratio est; quia talis neque accipit tunc alienum quantitatem notabili, neque etiam habet voluntatem culpabiliter tale quid retinendi, licet enim potest adhuc nolle restituere priores novem, et acceptio decimi non est peccatum mortiferum, sed solum veniale: ergo non peccat nisi venialiter.

Dices: Quid si post quantitatem notabilem per minima furtiva sublatam, addat quis furtiva alia parva, eruntne mortifera?

44. Resp.: Per se non fore mortifera, sed mortifera erit voluntas retinendi illa minuta cum aliis; et hoc peccatum voluntatis et externe retentionis sensim crescit, prout plus et plus detinebitur: ut si post 10 illos accipiat alios duos, et aliâ occasione tres, et postea unum, sicque sæpius, retinens interim omnia priora. Si tamen non sit commoditas restituendi priora, illa voluntas retinendi, mortifera non erit, modò concipiatur propositum restituendi primâ opportunitate; sed tunc quando illa nova furtiva rursus ad quantitatem notabilem ascendent, committetur novum peccatum mortiferum, juxta modum supradictum.

45. Ex his patet, fieri posse ut quis commiserit tantum furta venialia, et tamen sub peccato mortali teneatur restituere; quia velle retinere illam quantitatem sic partem per furta venialia, est peccatum mortale.

46. Adverte tamen, ad peccatum mortale majorem quantitatem requiri, quando quis eidem magnis temporum intervallis subtrahit parvis furtis, et non ex industriâ, sed per occasionem, quam dum brevi tempore vel de industriâ vel simul accipit, ut ibidem Navarrus docet. Ratio est; quia homines minus ægre ferunt sibi auferri longo intervallo et casu quedam minima, etiam ad notabilem quantitatem, quam eandem quantitatem simul vel per partes, de industriâ. Unde si is mortiferè peccat et ad restitutionem teneatur, qui ab eodem aufert 10 simul, vel per partes de industriâ, requirentur 15 vel 16 aut etiam viginti ut quis sub peccato mortali teneatur restituere acquisitum per minuta furta fortuita; præsertim si longis intervallis sint facta. Ratio tamen, quâ id probat Navarrus, non videtur firma; ex illâ enim sequeretur, nunquam peccari retentione sic ablatorum, etiamsi essent 10 scuta: ita enim argumentatur Navarrus: Minus peccat qui retinet, quam qui capit, cæteris paribus: et capiendi illa parva sine animo perveniendi ad quantitatem notabilem, non peccat plus quam venialiter: ergo nec retinendo. Etsi enim minus quis peccet retinendo quam capiendi, cæteris paribus, hic tamen non sunt paria; nam retentio comparatur ad quantitatem notabilem, tanquam ad unum objectum: unde potest esse mortifera; sed acceptiones singula comparantur ad res non notabiles; unde non possunt esse nisi veniales: hæc tamen ratio Navarri ad hoc juvat, ut ostendatur requiri majorem quantitatem ad peccandum mortiferè solâ retentione, quam acceptione quæ simul fit.

47. His adde, majorem quoque quantitatem requiri, quando quis à diversis minuta furatur, quam quando ab uno; quia diversi illi parum læduntur, nec ita curant rerum minutarum casu surreptarum restitutionem. Denique, major requiritur quantitas in furtis filiorum à parentibus, quam famulorum à dominis; et in furtis famulorum, quam externorum.

48. Ubi adverte, furta esculentorum et poculentorum, quæ committuntur à famulis, et ancillis, etiamsi sensim perveniant ad notabilem quantitatem, non esse peccata mortalia, si furentur ea, ut ipsimet consumant (secus verò si ut vendant) sintque ordinaria, quæ non solent accuratè concludi; de quo vide Navarrum, cap. 17, n. 158. Ratio est, quia dominis non omnino displicet, ut hæc capiantur: cujus signum est, quòd etsi sciant ista passim fieri, tamen non impediant; et si rogarentur, facillè concederent.

49. Unde potius displicet modus accipiendi quam ipsa acceptio seu consumptio; atqui non est peccatum mortiferum accipere aliquid occultè ab eo, cui non displiceret acceptio, si res ab eo peteretur; quamvis modus accipiendi displiceat; ut rectè docet Cajetan. in Summâ, v. lurtum, et Navar. c. 17, n. 158, et

comment. 2 de Regular. n. 20, quia dominus non est invitus circa substantiam acceptionis, sed solum circa modum; quod valdè notandum, ob furta filiorum, uxorum, famulorum, amicorum, et similia, qui per verecundiam vel timorem non audent petere.

50. Si tamen surripias ad eum usum, ad quem ille nullo modo voluisset concedere, ut ad computationes, ludos, etc., erit verum furtum, quia non vult rem esse tuam ad talem usum; et ita acceptio secundum substantiam censebitur fieri invito domino: id enim maximè ex usu et fine, ad quem res accipitur, spectandum est. Vide infra, c. 41, n. 80.

Monendi mihi sunt hoc loco pro his et similibus casibus confessarii, ut non facillè in furtis etiam minutis, et quæ ad peccatum mortale non pertingunt, dissimulent; sed pro conditione et capacitate personarum semper aliquam restitutionem injungant, quæ fiat vel reddendo rem eandem si exstat, vel ejusdem speciei, vel pretium rei, vel compensando majore obsequio, quam ex contractu teneantur; vel si creditoribus non possunt, conferendo tantundem in pauperes. Hæc enim ratione, cum non impunè transeunt, magis ab hujusmodi peccatis absterrentur, quam aliis pœnitentiis: alioquin fiunt ad hujusmodi furtula faciliores, et ad majora gradum faciunt.

DUBITATIO IX.

Quando plures uni per minuta furta grave damnum inferunt, ut cum multi vineam prætereuntes, botrum unum vel duos carpunt; utrum singuli peccent mortiferè, et teneantur ad restitutionem.

Resp. et dico primò: Si id fiat communi consilio, peccant mortiferè, et tenentur ad restitutionem in solidum, juxta multorum sententiam, de quâ infra, c. 15, dub. 2.

Dico secundò: Si casu id fiat, ita ut alter alterius non sit conscius, nemo peccat mortiferè, neque tenetur ad restitutionem. Ita Navar. cap. 17, num. 150, et alii. Ratio est, quia nemo est causa notabilis damni.

51. Sed quid si advertant notabile damnum inferendum?

Resp.: Multi doctores, affirmant, tunc singulos mortiferè peccare, et ad restitutionem suæ partis teneri. Ita docet Covar. l. 1 Variarum, c. 5, n. 15, Medina, c. de Restitutione, q. 10, Petrus Navarra l. 3, c. 1, n. 48, et alii. Ratio est, quia si advertas magnum damnum à pluribus per minuta furta dari, et ipse nihilominus frueris, ad illud cooperaris et auxilium præbes: atqui hoc est peccatum mortale. Unde ulterius sequitur, teneri te ad restitutionem tuæ partis sub peccato mortali; quia retinendo, cooperaris cum aliis ad retentionem rei notabilis: debet ergo fieri restitutio, donec res retenta non fuerit amplius notabilis pretii. Sed contrarium videtur verius; unde.

52. Dico tertio: Is qui alteri nullo modo suo exemplo vel hortatione est causa accipiendi, etiamsi sciat alios accipere, non tamen peccat mortiferè, modicum

accipiendo; neque tenetur sub peccato mortali ad restitutionem: colligitur ex Soto in 4, d. 22, q. 1, art. 2, casu 3. Probatur, quia iste infert parum damni: ergo ex hac parte non peccat nisi venialiter, et nemini est causa vel occasio furandi, ut suppono: ergo ex eo quod alii furentur, peccatum ipsius non aggravatur, sicuti is qui novit alios furari à rege, et parum furatur, non peccat mortifère, quando suo exemplo aliis non est causa; quod addo, quia etsi exemplum non inducat obligationem restitutionis, tamen est ratio cur quis peccet mortifère.

Nec obstat, quòd talis cooperetur magno damno; quia solum in parvâ parte cooperatur, et præter ipsius intentionem est, quòd illa cum aliis jungatur, et magnum damnum constituat; unde non est verum, quòd consentiat in totum damnum: quia displicet illi, quòd magnum damnum inferatur.

55. Dices primo: Iste est causa cur damnum, quod alioquin non fuisset notabile, sit factum notabile (v. g., alii abstulerunt 9 asses, quod damnum suppono nondum esse notabile, sed sit tale ablato decimo, quem iste furatur): ergo peccat mortifère.

Respondetur negando consequ.; quia non est verè causa damni notabilis, sed parvi; quòd autem, hoc furto posito, jam illatum sit damnum notabile, id omninò per accidens est et præter ipsius intentionem, neque ullo modo sequitur ex conditione illius furti, sed ex eo, quòd accidit aliis ante abstulisse novem; itaque complere hoc modo damnum, et efficere ut ex non notabili fiat notabile, non est notabiliter lædere, vel notabili injuriâ afficere, sed totum illud, quod est notabile, accipere vel retinere; quod iste non facit. Sicut qui complet lineam 10 pedum, addendo unum pedem, non est causa longæ lineæ: et qui complet summam 100 florenorum, dando unum florenum, non dat summam 100 florenorum: ita qui auferendo unum, complet damnum decem assium, non dat damnum notabile. Quod etiam inde confirmatur, quia alioquin si sciens alium abstulisse novem, auferas unum, infinitè amplius peccabis auferendo unum, quàm ille auferendo novem, quod per se est absurdum. Unde patet, istud argumentum, quod est fundamentum contrariæ sententiæ, parum esse firmum.

54. Dices secundò: Qui hoc modo damnum vineæ intulerunt, possunt sub pœnâ excommunicationis compelli ad restitutionem: ergo peccârunt mortifère, etc.

Resp. negando consequentiam; potest enim quis ex justâ causâ compelli sub peccato mortali ad id, ad quod aliàs non tenebatur; ut, v. g., venire ad supplicationem, solvere mulctam lege impositam: ad hoc enim satis est, ut sit justa causa præcipiendi, etiamsi hæc causa per se absque præcepto superioris non sufficiat ad obligandum. Itaque, cum hic sit justa causa præcipiendi sub pœnâ excommunicationis, ut singuli suam partem restituant, nempe ut ille grave damnum acceptum resarciat, potest sic præcipi. Hæc tamen causa non sufficit, ut singuli jure naturæ absque præcepto superioris teneantur sub peccato mortali; quia

quisque in particulari potest cogitare suam restitutionem parum profuturam ad damni compensationem, eò quod alii non restituant. Addo, non videri posse compelli sub pœnâ excommunicationis eos qui notabilem quantitatem non acceperunt, nisi quando res ita essent comparate, ut ex defectu restitutionis unus, notabile damnum sequeretur: ut si, Titio particulam suam non restituente, alii quoque restituere nollent.

55. Dices tertio: Ergo fieri potest, ut quis magnum damnum accipiat, et tamen nemo teneatur sub peccato mortali restituere.

Resp. concedendo totum: neque enim hoc absurdum videri debet, quando à multis datum est, cum etiam locum habeat, quando ab uno absque culpâ lethali irrogatum, ut supra ostensum, cap. 7, dubit. 6.

DUBITATIO X.

Utrum occultè vindicare rem suam vel sibi debitam, surripiendo eam alteri, sit peccatum mortiferum.

56. Resp. et dico primò: Si res tua justo titulo, v. g., pignoris, locationis, commodati, etc., apud alium exstet, eamque occultè recuperes, peccas peccato furti, et teneris ad restitutionem. Est communis doctorum opinio. Ratio est, quia iniquè spoliās alterum suo jure, quod in illam rem habebat; quod si magni sit momenti, necessariò est restituendum; hoc tamen intellige, si probabile erat te rem tuam, jure alterius finito, commodè recuperaturum.

57. Dico secundò: Si injusto titulo apud alium fuerit, vel aliàs tibi debita, non teneris ad restitutionem, etiamsi eam occultè receperis: peccas tamen, nisi certæ conditiones adsint.

Prior pars patet, quia nulla fit inæqualitas; neque alter justâ ratione est invitus, teneris tamen tunc monere, si commodè potes, nihil tibi deberi, vel remittere debitum, ut ille sentiat se non ampliùs obligatum, tum ne permaneat in peccato, existimando se detinere tuum vel tibi debitum; tum ne secundò tibi satisfiat, ut rectè Sotus, lib. 5. de Justit. q. 3, art. 3, Cajet. q. 66, art. 5; Navar. cap. 17, num. 113, et alii.

Alter pars: Quòd pecces, probatur; quia fit injuria publicæ potestati, quæ ad hoc constituta, ut singulis jus suum tribuat, ut rectè D. Thomas, q. 66, art. 5, ad tertium.

58. Dixi: *Nisi certæ conditiones adsint*; his enim positis, licitum est rem suam occultè recuperare, et pro debitis compensatione uti.

Prima est: Ut moraliter certum sit, rem tuam esse, vel tibi ex justitiâ deberi; si enim id esset dubium, non posses eam accipere; nam in dubio melior est conditio possidentis. Similiter, si non esset debita ex justitiâ, sed solum ex gratitudine.

59. Secunda est: Ut non possis eam aliâ ratione redipisci, vel certè non absque notabili molestiâ, vel expensis, vel amissione benevolentiae et favoris.

Tertia: Ut non accipias rem aliquam apud debito-

tate constitutum posse accipere remotionem, quò extrinsece indiget ad vitam suam conservationem. Est communis sententia doctorum; probatur, quia in extrema necessitate omnia sunt commutata, ut habet receptum apertum; non quod per illam statim transferatur dominium, sed recte probat Navarrus, cap. 17, num. 61, sed quia quoddam jus utendi, commune sunt, ita ut licite quies, illis angustus pressus, possit occurrere sibi quique vindicare rem quamlibet adeò sibi necessariam, et ex ejus usu sibi et proximo opulari.

68. Cujus ratio est, quia finis rerum inferiorum est ut hominibus in necessitate sunt subsidio, et ut homines per illas possint vitam suam conservare et tueri, ac proinde omnibus à neutra hoc jus competit. Neque divisio jure gentium introducta potuit hoc jus adimere; quia jus gentium supponit, non evertit jus naturale, praesertim quod tantopere necessarium ad vitam conservationem; censi itaque debet divisio esse facta, reservato cuique jure naturali, quatenus erat necessarium ad vitam tuendam: alioquin non esset rationabili modo facta.

69. Hinc sequitur primo, si quis, in tali necessitate constitutus, vellet aliquid sibi necessarium occupare, non posse à domino illius rei prohiberi, quia jure suo utitur; quare poterit se tueri, itaque qui injuste ab altero invadatur, etsi necesse sit, servato iusto defensionis moderamine, impediendum occidere.

Sequitur secundò, talem acceptionem non esse furtum aut rapinam, quia non fit domino jure invito: tenetur enim consentire, cum in jure tuo utaris.

70. Adverte tamen, si dominus sit, in pari necessitate te non posse ab illo accipere, ut contra statent, quia in pari causa melior est conditio possidentis. Utrum autem tenearis restituere, dicetur infra, cap. 16, dub. 4.

Sed difficultas est, utrum idem sit licitum in gravi necessitate. Multi doctores negant, putantes id juris soli extreme necessitati reservatum. Ita Cajet., q. 6, art. 7; Sotus, l. 3, q. 3, art. 4; Covar., ad reg. Peccatum, p. 2, § 1, n. 3, et multi alii. Aliis placet contrarium.

71. Dico secundò: Probabile est, non solum in extrema, sed etiam in gravi necessitate morbi, famis, nuditatis, posse te clanculum surripere ab opulenti, si aliter grave illud malum avertere nequeas. Angelus, c. *Furtum*, § 37, Sol. eodem, q. 3; Navar., c. 17, num. 5; Joan. Medina, c. de Eleemosyna, q. 7; Covarruvias supra sentit esse probabile; Petrus Navar., l. 3, c. 1, n. 375. Per gravem intelligo, non quovis modo gravem, sed valde gravem, etsi non extremam.

Probatur primò, quia sicut à naturà omnibus concessa est potestas succurrendi extreme necessitati ex rebus humanis, ita et valde gravi: cum enim haec potestas restricta sit ad extrema? Secundò, ex gravi necessitate facilis est lapsus in extremum, ergo quod in extremum concessum est, ext. n. 3. dum est etiam quodammodo ad gravem. Tertio, sicut visio rerum non debuit, nec jure potuit efficere, ut extrema necessitate haberes jus surripiendi ab us qui non sunt in

simili necessitate, nempe superflua naturae, quamvis essent aliquo modo necessaria statim: ita neque potuit efficere quod, dum tu es in extrema, quando aliud remedium non suppetit, licet surripere superflua vel potius necessaria alterius statim. Itaque in divisione et attributione rerum, quo factum est ut nemini jus sit in rem alterius, semper de necessitate conditio tibi intelligi. *Nisi enim ex extrema necessitate potest, non potest, neque contra naturam et equitatem facta esset.* Sicut de necessitatibus commutibus et non admodum gravibus, quae ea brevitate sunt, et non sic urgeant, ut divisio et attributio jure gentium facta debeat violari; alioquin omnia furti plena essent, nec posset pax inter homines conservari.

72. Hinc patet, talem surreptionem non esse furtum, quia dominus tenetur consentire, nec potest cum ratione esse cavens circa substantiam acceptionis; quamvis modò displicere possit, si ego quis, has quam petieris tamque inopiam aperneris.

73. Si tamen ipse sit in pari necessitate, vel status ipsius notabiliter laedatur, potest necesse, sique esset furtum, quia in hac necessitate non liceo surripere ab alio, cum notabili detrimento status illius, si cum in extrema non licet accipere, cum gravi detrimento naturae illius.

74. Dices primo, cap. Si quis 5 de furtis, dicitur: *Si quis ob necessitatem pauperis vel morbo, vel alio casu pariter sit in extrema, aut pauper, qui non habet unde vivat, et si rebus illius accipere non possit.* Hoc non ponitur penam nisi ei qui ob gravem necessitatem laesus fuerit. Ita Covarruvias.

Respond. primo, l. 1. Bar. l. 3. c. 1. d. 1. c. 1. non ita gravi, ut dicit Glossa l. 1. c. 1. d. 1. c. 1. q. 65, art. 7, ad primum. *De rebus, qui non habet unde vivat, qui non erat in extrema, sed in gravi necessitate.* Ad hoc non advertit stud. cap. necesse ex decretalibus pontificum, sed ex peritentiali T. c. l. 1.

Respond. secundò, fortasse agi de his qui indebito modo sine necessitate commoverent, surripiendo clanculum, cum facile potuissent obtinere, si suam necessitatem apernissent.

75. Dices secundò: Si in gravi necessitate posses surripere, potes etiam ad dandum coecere, vel in judicio vel extra: sed non potes cogere, ergo nec surripere. Minor probatur, quia nemo potest cogi ad id, ad quod non tenetur ex justitia: hic autem non tenetur ex justitia tibi dare; ergo, ita Sotus.

Respond. Si hoc argumentum valet, concluderet ne in extrema quidem tu es, de te posse surripere, quia dives non tenetur ex justitia dare, sed solum ex charitate, ut Sotus fatetur. Itaque a ganda est minor: potest solum deus cogi per legem potestatem ad surripendum per vim, sed de voluntaria occupare rem tibi sic necessariam conetur impedire, potes te tueri, si se inclum abis.

Ad probationem respondeo, negando assumptum; ad multa enim cogi possumus, ad quae ex justitia non obtinemus, ut ad non se inebriandum, ad non fornicandum, non blasphemandum, imò ad dandum eleec-

mosynam; ut enim quis cogi possit, satis est eum obligari alicujus virtutis præcepto, et necessarium esse vel valdè expediens ad bonum publicum ut hujusmodi opera fiant.

DUBITATIO XIII.

Quando filius peccet mortiferè, accipiendo vel expendendo bona paterna, et quando non.

76. Respondeo: Peccat mortiferè primò, si notabilem summam accipiat occultè ex bonis parentum (nempe quorum dominium vel ususfructus est parentum), ipsis meritò invitis, et tenetur ad restitutionem; est communis sententia doctorum, quia est verum furtum in materiâ notabili; unde, Proverb. 28, dicitur: *Qui subtrahit aliquid à patre suo, et à matre, et dicit hoc non esse peccatum, particeps homicidæ est*; ubi satis indicatur esse mortiferum.

Sed advertendum est, non idem censi notabile in furtis filiorum vel uxoris, quod censetur tale in furtis externorum, ut rectè inter alios notavit Petrus Navarra, lib. 3, p. 2, cap. 1, sed majorem quantitatem requiri: æque hæc quantitas est eadem respectu omnium, sed varia pro conditione statûs, ætatis, personarum, locorum, et aliarum circumstantiarum, prout prudens judicabit; unde si filius subtraxit duos vel tres aureos parenti prædixit, non statim putandum est mortale, præsertim cum parens talis sæpè non sit multum invitus: secus si parenti mechanico, vel cui res angusta.

77. Secundò, si expendat in res turpes aut vanas (ut in ludum, in computationes, in feminas) notabilem summam contra voluntatem parentum, ex iis pecuniis, quas parens ei ad honestos usus dedit, v. g., ad emendos libros, vestes, ad solvendum didacta magistris, ut rectè Navar., cap. 17, n. 164. Ratio est, quia parens non concessit ei pecunias illas ad tales usus, sed ad alios; neque intendit illas simpliciter donare, et dominium earum in filium absolutè transferre, juncto solùm mandato, ut honestè vel in hos usus impendat: sic enim ad restitutionem non videretur teneri, sed solùm contra paternam obedientiam fecisse; sed intendit donare cum restrictione ad usus determinatos, v. g., ad emendos libros, ita ut filius non accipiat earum dominium, nisi ad tales usus. Potest enim parens suam donationem limitare pro suo arbitrio, ita ut non plùs juris conferat, quàm ipse conferre intendit; quare si filius aliter expenderit, tenebitur ad restitutionem, cum ad alium usum jus non habuerit. Hoc tamen intellige, si parens inde damnum acceperit, ita ut ei idcirco plùs causâ filii expendendum fuerit: secus, si in solius filii incommodum cesserit; quòd si non possit restituere, tenetur adducere in divisionem, nisi fortè constet alios tantumdè expendisse, vel nisi parens condonaverit, vel putetur facilitè condonaturus, si filius auderet rogare: quâ ratione multi excusantur ab hac restitutione.

78. Et quamvis donatio patris facta filio non valeat, nisi in certis casibus, ut infra, cap. 18, dubit. 12, dicitur, tamen morte confirmatur, nisi excedat eam summam, de quâ parens potest disponere. Vide Navarra, cap. 17, num. 153.

79. Non peccat accipiendo, vel certè non mortiferè, primò, si quantitas pro conditione statûs et personarum non censeatur judicio prudentum notabilis.

Secundò, si putes parentem rogatum, facilitè concessurum; tunc enim non videtur invitus circa substantiam acceptionis, sed tantum circa modum, ut dictum est dubitat. 8, num. 49.

Tertiò, si dum versatur in studiis, vel extra domum paternam, expendat more aliorum suæ conditionis, in elemosynas, ludum et honestas recreationes: præsumitur enim parens id permittere, nisi constet de contrariâ voluntate; Navarra, num. 157.

80. Quartò, si in extremâ vel etiam gravi necessitate proximi surripiat ad elemosynam; tunc enim parens non potest esse cum ratione invitus, quia ipsemet tenetur dare.

Quintò, si accipiat ex bonis suis castrensibus vel quasi castrensibus, nempe ex partis occasione militiæ, vel officii publici, vel beneficii, etc.; quia hæc non pertinent ad patrem, nec pater ullum jus in his habet, sed ipse filius est in his veluti paterfamilias, ut ostensum est cap. 4, dubitat. 3.

Sextò, si parens sibi vindicet bona castrensia, vel quasi castrensia filii, ultra id quod expendit in ejus alimenta, filius potest tantumdè repetere; quòd si non audeat, potest occultè uti compensatione, vel repetere à cohæredibus. Quod valdè notandum confessariis, ne facilitè cogant filium ad restitutionem, cujus fructus beneficii percipiuntur à parente.

Septimò, si parens sit hæreticus, bona adventitia filii, in quibus ille habebat usumfructum, redeunt ad filium; et ususfructus consolidatur cum proprietate, ut patet ex dictis cap. 3, dubit. 5; unde filius potest ea sibi vindicare, quòd si non audeat vel non possit, potest occultâ compensatione ex aliis bonis paternis sibi consulere.

81. Octavò, si filius gerit negotia patris, potest deductis expensis, quas pater facit in illo alendo, pro suo labore et industriâ tantumdè accipere, quantum daretur extraneo; nisi intendat facere gratis. Ita Navarra, cap. 17, num. 144; Angelus, v. *Peculium*, num. 11, et alii.

Hic tamen sunt tria necessaria, primò, ut filius protestetur se velle lucrari: qui enim negotium alterius gerens petit mercedem, debet id explicare, si potest, maximè quando alter est præsens: nam hic fortè nolet, rebusque suis aliter consulat; quòd si ob reverentiam paternam non audeat, non est necessarium; quia parens non potest tunc id jure ægrè ferre. Secundò, ut constet parentem non facturum per se, neque in venturum alium, qui gratis vel minoris faciat. Tertiò, ut usumfructum istius lucri non sibi vindicet ante mortem patris, vel suam emancipationem, quia pertinet ad patrem; censetur enim hoc lucrum in bonis adventitiis, ut dictum est cap. 4, dub. 3.

Dices: Filius jure naturali tenetur servire parenti sine stipendio: ergo.

Resp. negando antecedens, nisi pater egeat, vel nisi alii filii etiam lucrentur patri; nulla enim æquitas

dictat, ut ipse teneatur sine stipendio laborare, aliis otiantibus.

DUBITATIO XIV.

Quando uxor peccet mortiferè, capiendo et donando ex bonis mariti, vel quorum ille habet administrationem, et quando non.

82. Respondeo : Mortiferè peccat, si summam notabilem ex bonis mariti, vel quorum administratio ipsius est, ipso cum ratione invito, accipiat. Ratio est, quia accipit illud cujus dominium vel certe administratio et ususfructus est alterius. Itaque tenetur ad restitutionem, etiamsi ex dote, vel ex bonis communibus accepisset : quia, etiamsi tota dos et dimidia pars communium bonorum ad ipsam pertineat, quod ad proprietatem attinet, tamen administratio et dimidia pars emolumentorum sunt mariti, quibus inique illum privat. Secus de pupillo, qui clam surripit à tutore : quia tutor non administrat bona pupilli in suum commodum, sicut maritus bona uxoris.

83. Si tamen putaretur maritus non utiliter administraturus, non teneretur tunc quidem : sed soluto matrimonio debet adducere in partitionem cum hæreditibus mariti, quantum subtraxit, dimidium ejus sibi detrahendo. Idem faciendum in aliis casibus, quando non habet unde restituat.

Hinc patet non esse verum quod ait Paludanus, in 4, dist. 15, quæst. 3, art. 6, uxorem ex facultatibus communibus posse facere eleemosynas, quantum rediret ad eam vel ad liberos, ejus nomine, soluto matrimonio ; sic enim totam suam partem posset dare, et privare maritum ejus administratione : vide Navarrum, cap. 17, num. 155, § ad tertium.

84. Non peccat mortiferè, primò, si quantitas judicio prudentis, spectato statu, opibus et cæteris, non sit notabilis.

Secundò, si maritus rogatus concederet.

Tertio, si det in extremà vel gravi necessitate proximi : in extremà enim quisque tenetur ex eo quod superest naturæ ; in gravi, ex eo quod statui.

Quartò, si det ex suis quorum habet liberam administrationem, ut ex paraphernis vel ex lucris suæ industriæ (præsertim si attulit dotem sufficientem ad se alendum), ut docent Navarrus, Silvest., et alii : quod intellige jure communi Casareo ; nam quibusdam locis hæc lucra censetur communia.

Quintò, potest facere donationes et eleemosynas secundum consuetudinem aliarum suæ conditionis mulierum ; quòd si maritus vetet, videtur vetare excessum. Ita passim doctores ; Paludanus, supra, Silvester, v. *Eleemosyna*, quæst. 5, Angelus, ibid. num. 7, et alii.

85. Si tamen constet illum omninò vetare, Navarrus et alii quidam dicunt, illam non posse quidquam dare. Sed contrarium est verius, quod etiam tenet Molina disputat. 274, et Petrus Navarra, l. 3, cap. 1, n. 83, et colligitur ex ratione quam Silvester, Angelus, Paludanus et alii doctores adferunt ; quia *consuetudo tribuit jus, non secus ac privilegium vel lex ;*

quo jure maritus illam private requirit, præsertim cum jus positivum magnam vim habeat circa bonorum administrationem, ut eam vel restringat marito, vel laxet.

Confirmatur primo, quia vir tenetur uxori præstare decentem sustentationem, spectata ejus conditione, suisque opibus : atque in hac sustentatione continentur non solum victus, vestitus, ornamenta et famulatus, sed etiam alia, quæ feminæ similis conditionis, illis locis, habere et facere consueverunt, ad recreationes, eleemosynas et largitiones ; ergo tenetur ei hoc concedere. Secundo, quia uxor non est mancipium viri, sed sociæ, habens etiam auctoritatem administrationis, etsi sub viro, ne quid inordinatè aut profusè faciat : ergo non potest ei maritus omnes donationes prohibere.

Sextò, potest dare ad impediendum damnum mariti, sive temporale, sicut fecit Abigail, 1 Reg. 25 (hoc enim damnum redundat in uxorem), sive spirituale, largiendo eleemosynas, ne Deus illum ob flagitia puniat, vel ut convertat, ut docent Angelus, Silvester, supra, Navarr., n. 154, et alii. Hic enim utilissimè gerit negotium mariti, nec ipse potest cum ratione esse invitus.

Septimo, si pro rebus familiæ vel sibi necessariis accipiat, ut pro vestibus, pro victu, pro medicamentis : quia maritus non potest justè recusare.

Octavò, si maritus est amens vel fatuus ; tunc enim administratio ad illam devolvitur, nisi aliter à magistratu sit provisum.

86. Nonò, si maritus est absens ; nam tunc etiam pertinet ad eam administratio, nisi aliud à marito sit præscriptum. Navarrus tamen putat eam in his duobus casibus non posse amplius dare, quam maritus præsens, vel compos mentis solitus erat. Sed verius est eam posse dare, prout ratio dictabit : quia potest secundum suam prudentiam administrare, unde alii doctores non addunt eam limitationem, ut Paludanus, Silvester, Angelus.

87. Decimò, si maritus est dissipator, rem communem in computationes, largas donationes, vel mulieres profundens ; tunc enim facit uxori injuriam, partem ipsius sine ipsius consensu profundens ; nam dimidia pars bonorum in matrimonio acquisitionum, est uxoris, et dos tota ; unde, soluto matrimonio, tenetur maritus vel ejus hæredes ad restitutionem uxori vel ejus hæredibus ; quare, si uxor difficultates metuit, potest occultè uti compensatione, accipiendo ex bonis mariti ut sibi vel liberis consulat, quantum opus est, ut sua pars salva sit, ut rectè docet Petrus Navar. l. 3, c. 1, n. 114, contra Navarrum, cap. 17, n. 155, qui putat maritum non teneri ad restitutionem, si malè impendat ex lucris communibus. Ratio ipsius est, quia non censentur lucra, nisi quæ tempore divortii inveniantur. Sed hæc ratio non est vera. Primò, nam uxor verè acquirit dominium et possessionem istorum lucrorum, simul atque percipiuntur, sicut in omni societate, singuli socii acquirunt dominium et posses-

sionem totius lucri ab initio, quo illud cedit societati, etsi partialiter. Neque maritus quidquam habet amplius, quàm jus administrandi in suum et uxoris commodum. Debet autem hæc administratio fieri secundum dictamen rationis; sicut et omnium bonorum communium; alioquin non est administratio, sed dissipatio, quæ non debet obesse sociæ, sed soli auctori. Secundò, quia alioquin maritus, si faceret notabiles donationes absque consensu uxoris, non teneretur computare in suam partem (quod tamen Navarrus negat, affirmans eum teneri); nam daret de iis quæ nondum cessarent in rationem lucrorum communium.

88. Adverte tamen, si maritus ludo perdidit, damnum censi commune; quia ludus est contractus fortuitus, quo potuit perdere et lucrari; unde communia hic esse debent et lucra et dispendia, sicut et in aliis contractibus, nisi fortè ordinariè amitteret, et uxor nollet consentire; non enim tenetur, cum videatur esse dissipatio, rem suam ita periculo exponere.

Undecimò, si pater vel mater uxoris sint pauperes; ita ut miserè secundum statum suum vivant; tunc enim si maritus nolit illis succurrere, potest uxor ex bonis communibus vel ex suâ dote subtrahere, ut illis det. Idem dicendum, si habeat prolem ex alio matrimonio, quæ similiter egeat. Ita Petrus Navarr., num. 159, et Cordub., q. 125. Ratio est, quia jure natura tenetur istis succurrere, si potest; et isti jus habent alimenta ab eâ petendi; unde maritus non potest jure id iniquè ferre. Tenetur tamen uxor hæc omnia, quæ sic dederit, referre in suam partem, cum ad partitionem cum heredibus viri ventum erit.

Probabile tamen est quod docet Molina, dispnt. 274, si matrimonium fuit celebratum contractu medietatis bonorum, posse hujusmodi necessitati succurri ex bonis communibus: ita ut uxor non teneatur id in suam partem referre. Similiter si matrimonium sit celebratum contractu arrharum et dotis (ut solet jure communium), et exstent aliqua lucra communia, posse de his lucris sumi, ut onus in utrumque recumbat. Idem dicendum de marito, si in suos donationes fecerit.

89. Duodecimò, si frater vel soror uxoris simili paupertate conflictentur, probabile est uxorem posse illis simili ratione succurrere. Ita Petrus Navarra, n. 161. Probatur, quia maritus jure communi teneturatribus suis subvenire (ut docent communiter doctores cum Glossâ in l. Qui filium, 4, c. ubi pupillus (liceri debeat); cur uxor id non possit? Confirmatur ex l. Mutus, 75, § 1, c. de Jure dotium: *Manente matrimonio, non perdituræ uxori ob has causas dos reddi potest: ut se suæque aliat, ut fructum idoneum emat, ut in exilium vel in insulam relegato parenti præstet alimenta, aut ut opem virum, fratrem, sororemve sustineat.*

DUBITATIO XV.

Utrum si res furtiva pereat, fur teneatur ad restitutionem.

90. Respondeo, et dico primò: Si res furto vel aliter iniquè parita, casu pereat, nihilominus is qui sus-

tulit, tenetur ad pretii restitutionem, si non putetur similiter peritura fuisse apud dominum. Est communis doctorum, D. Thome, q. 66, art. 6, Covar., ad regulam Peccatum, p. 2, § 6, num. 1, et aliorum. Probatur: Primò quia qui eam injustè accepit, non solùm obligatur ratione rei acceptæ, sed etiam ratione injuste acceptionis; ergo, sive res exstet, sive non, tenetur sarcire damnum. Consequentia patet, quia injusta acceptione est causa interitus; nam credibile est, si non accepisset, non perituram; ergo, etc. Secundò, qui injustè detinet semper est in morâ: ei autem qui est in morâ, etiam casus fortuitus imputatur, ut patet ex cap. 68.

91. Decimæ, 16, q. 1. Si tamen purgasset moram, rem offerens domino, et is noluisse tunc accipere, sed ei custodiendam commisisset, non teneretur ex casu fortuito, quia non esset amplius in morâ.

Sed controversia est inter doctores, utrum fur aut iniquus possessor teneatur ad restitutionem, quando possessor teneatur ad restitutionem, quando res certò erat apud dominum peritura. V. g.: Abstulisti vestes, frumentum, pecuniam ex domo alterius; quæ paulò post incendio vel hostili incursione peritura erant apud dominum. Incendisti segetes, quas inundatio postridiè erat eversura. Paludanus in 4, d. 13, q. 2, a. 1, conclus. 5, docet, etiam in hoc casu teneri iniquum detentorem. Ratio ejus est, quia semper est in morâ: mora autem trahit ad se periculum, ut jura determinant. Hæc ille. Idem tenent plerique jurisperiti, ut refert Covarruvias, loco citato.

92. Dico secundò: Si res casu, vel justâ hostium incursione certò erat peritura apud dominum, non tenetur fur ad ejus restitutionem, si apud eum similiter periit. Ita Covarruv. supra, et Joan. Medina, c. de Restitut. quest. 6, concl. 6, Silvester, Restitutio 7, quest. 5, § 3, Petrus Navar., lib. 4, c. 1, n. 17; Navarrus, c. 17, n. 8.

Dixi, casu vel justâ hostium incursione, quia si non erat peritura apud dominum, nisi per injuriam, tepebatur; qui enim eam sic abstulisset vel destruxisset, teneretur; ergo, si tu prævenias, teneberis; nam obligatio, quam alius subiisset, in te ratione damni transfusa est.

Dixi: Si certò erat peritura apud dominum; quia si id sit dubium, vel si dominus eam erat venditurus vel alienaturus ante illud tempus, teneberis; quia in dubio melior est conditio innocentis.

Nunc probatur propositio: Primò, quia si res certò erat apud dominum peritura, ita ut nihil juris vel commodi inde ad eum rediturum esset, nihil quoque novi detrimenti est illi illatum, dum apud te periit: ergo nihil est ei compensandum pro re illâ. Antecedens probatur: quia illud detrimentum jam erat præparatum in causâ, ita ut non posset impediri à domino, ac proinde secundum æstimationem moralem perinde se habebat, ac si jam illatum esset: ergo non censetur ille fur novum damnum intulisse. Secundò, quia fur non est causa damni ratione interitus rei, cum ad hunc non cooperetur, ut suppono, neque ra-

sic enim personalis, ut ei debeat restitui. Satisfacit tamen restituendo rem similem; vide infra, n. 107.

DUBITATIO XVI.

Utrum fur et quisvis alius iniquus possessor, teneatur restitutionem facere juxta summam æstimationem, quam tempore detentionis habuit.

99. Quidam affirmant, v. g. : Furatus es modium tritici, qui tunc valebat tres aureos, sed ante restitutionem excrevit ad quinque, deinde sensim remisit ad tres : dicunt teneri ad quinque. Ita Navarrus, c. 17, n. 26. Idem videtur sentire Gabriel, dub. 15, q. 2, art. 3, dubio 1, conclus. 3. Ratio est, quia quidquid incrementi accessit, est domini; unde totum illud tenebaris domino reddere : quâ obligatione non es liberatus, non enim per solutionem, nec per remissionem, nec per donationem : ergo, etc.

Sed utendum est distinctione cum Joanne Medinâ, Cod. de restit., q. 6, et Covar. ad reg. Peccatum, p. 2. § 6, n. 2. Unde.

100. Dico primò : Si res effecta sit melior vel majoris pretii apud furem, et adhuc exstet, tota domino reddenda, etiam cum illo incremento. Ratio est, quia res semper mansit in dominio prioris domini; unde ad eundem pertinet ejus incrementum et status melior, ut si abstuleris pullum equinum, aut vitulum, qui postea apud te adolescat : si nummos, quorum pretium apud te sit auctum.

Nec refert quòd apud dominum non fuisset effecta melior, vel fortè periisset : quia hoc ipso quo exstat, domini est; unde ratione rei acceptæ et exstantis, debes restituere. Hinc sequitur, eum qui accipit frumentum vel pecuniam, et retinuit donec excrevit æstimatio, teneri restituere simile frumentum, si prius consumpsit; vel illam æstimationem, si adhuc durat. Etsi enim fortè non statuisset illam tunc temporis vendere, tamen quandiu durat illa æstimatio, est in ipsius potestate, tanti vendere; unde non tenetur in restitutione tunc temporis minore compensatione esse contentus.

101. Notandum tamen ex Covarruviâ, n. 3, expensas esse deducendas (saltem in foro interiori), quibus res effecta est melior, quas dominus facere debuisset, si rem ad eum statum voluisset perducere : nemo enim cum damno alterius locupletari debet, ut si ex argento furtivo pateram confeceris, vel equum magnis expensis educaveris vel curaveris. In foro tamen externo leges non patiuntur expensas æstimari; sed in pœnam fur illis privatur. Verùm, cum hoc pœnale sit, non obligat ante sententiam judicis, teste Covarruviâ ibidem. Itaque dominus accipiens rem suam ita meliorem effectam, tenetur in foro conscientie æstimationem expensarum facere, non solum necessariorum, sed etiam utilium, industrie item et laboris à fure adhibiti, ut docent Covar. et Medina supra, et Petrus Navarra l. 4, c. 1, n. 32. Si tamen dominus interim cum damno suo caruisset usu vel fructu rei suæ, hoc etiam æstimare potest, ut omnibus consideratis, fiat æqualitas.

102. Dico secundò : Si res permanserit in eodem statu, sufficit eam uti est restituere; lucrum tamen cessans et damnum emergens ex detentione, domino sarcendum est. Quare si industriâ domini res futura erat multò melior, hoc est æstimandum, deductis laboribus et expensis ejus; nam hoc ad lucrum cessans pertinet.

103. Dico tertio : Si res effecta sit deterior, vel minoris pretii quàm erat antea; sed idem eventurum erat apud dominum, qui eam usque ad hoc tempus erat servaturus; satis est illam reddere uti modò est, ut si pretium frumenti vel pecuniæ rursus decrescat : si equus, ante sanus et valens, debilitetur, etc., colligitur ex dub. 15; res enim accrescit et decrescit domino suo. Idem docent Covar. et Medina supra. Itaque in casu illo tritici, teneris solum ad tres aureos (nisi fortè eo tempore, quo valebat quinque, coactus fuerit dominus emere quinque; tunc enim ratione damni emergentis, teneris ad quinque). Ratio est, quia licet incrementum illud, quod res habuit sive in se, sive in æstimatione, totum fuerit domini, tamen dum ponimus eam tunc non vendendam, sed servandam in aliud tempus, quo rursus futura erat deterior, aut minoris pretii, censetur illud incrementum domino prorsus inutile ac nullius pretii; unde si res sic effecta deterior illi restituatur, nullum damnum superest; tantum enim habet, quantum si ablata nunquàm fuisset, et aliàs de illo incremento nihil ampliùs exstat.

104. Hinc patet responsio ad argumentum pro sententiâ Navarri supra allatum. Fur enim solvitur obligatione sarcendi illius incrementi, per hoc quòd non ampliùs exstet et simili modo apud dominum erat desitutum. In hoc enim casu tenebatur solum ad illud incrementum ratione rei acceptæ, non autem ratione damni illati, quia non censetur domino damnum ex omissione restitutionis illatum esse, quando res apud dominum simili ratione deterior futura, aut incrementum nullius utilitatis domino est futurum.

Petes : Quid si fur illam vendidit in optimo statu?

105. Resp. et dico quartò : Si res intrinseco augmento melior effecta, vendita est vel aliter alienata per furem, tenetur domino restituere æstimationem, quam habet in illo statu (detractis tamen impensis), etiamsi apud dominum non erat melior futura : si autem solum extrinsecâ æstimatione aucta est, eamque tunc vendidit, et dominus eam venditurus non erat, tenetur solum ad æstimationem, quâ domino erat valitura. Loquor autem in eventu, quo neque rem ipsam, neque similem parâ bonitatis potest restituere.

Prior pars patet; nam totum illud incrementum intrinsecum statusque optimus, rei inhærens, est quiddam pertinens ad dominum rei, ratione cujus ipsa res pluris valet : ergo sicut æstimatio substantiæ rei est domino restituenda, ita etiam æstimatio hujus augmenti, ut si abstulisti pullum equinum, et adultum vendidisti : quidquid enim accessit illi pullo magnitudinis, roboris, dexteritatis, est domini; ac proinde si domino restitui non potest, æstimatio restituenda est, non solum pulli, sed etiam illius accessionis : nam in

utroque damnum datum est. Puto tamen non esse restituendam domino aestimationem rigorosam, etiamsi ipse ita vendidit: quia non censetur domino in hac damnum illatum, nisi ipse rem tanti erat venditurus. Sufficit igitur restituere medium, vel etiam infimam. Sufficit etiam restituere rem ejusdem speciei aequè bonam, detractis expensis et compensato damno si quod intervenit, etc.

106. Altera pars probatur: quia quando solâ aestimatione aucta est, nihil ei accessit, ratione cujus plurius valeret, quam ante vel post; sed incrementum pretii provenit ob causam extrinsecam: v. g., ob raritatem rei, vel copiam emptorum, ut patet exemplo tritici et pecuniæ, supra; ergo si eo tempore vendita fuit, quo valuit plurimi, non tenebitur restituere illam aestimationem, si dominus illam non erat tunc venditurus. Ratio est, quia hoc ipso quo dominus eam rem non erat venditurus, sed servaturus donec pretium decreveret, non censetur accepisse damnum quoad illud incrementum, unde fur potest illud retinere, quia censetur fructus industriæ; sicut enim industriæ est rem efferre in locum ubi plurius valet, ita etiam eam scire vendere eo tempore, quo plurius valet. Confirm. Quia res suo tempore scite vendita, est majoris utilitatis, quam servata in tempus importunum, quod pretium erit vile; atqui quod opportunè sit vendita, est ex industriâ foris, neque id habitura erat apud dominum; ergo lucrum illud est fructus industriæ, ac proinde non debitum domino, cum opportunitas effluerit, et pretium decreverit; tunc enim non est ampliùs in potestate domini, tanti vendere. Quare qui accepit modium frumenti, cum valeret tribus aureis, et vendidit eo tempore, quo valuit quinque, non tenetur restituere domino nisi tres, si rursus pretium eò usque decrevit, et dominus usque ad hoc tempus erat servaturus: vel si erat venditurus aut consumpturus, antequam pretium intenderetur.

107. Dices: Dominus habet jus ad pretium rei suæ: ergo est ei totum restituendum. Confirmatur, quia nemo potest ditescere ex alieno.

Respondeo: Dominus in præsentī casu non habet jus ad pretium rei per furem venditæ, nisi quatenus id est necessarium ad sarcindum damnum ex ablatione rei acceptum. Nam totum pretium est furis, ut patet ex L. *Qui vas*, 48, § ultimo, *π*, De furtis. Unde solum potest à fure repetere aestimationem damni: quare si eam non erat venditurus dum valebat quinque, non potest exigere quinque, nisi adhuc tanti valeat.

Ad confirmationem: Non potest quis ditescere ex re alienâ, ita ut per eam formaliter fiat ditior, hoc enim est detinere alienum; sed bene potest ex eâ, tanquam ex causâ, ditescere absque damno alterius; sicut cum quis pecuniâ furtivâ negotiatur.

Dices secundò: Si fur, cum res apud dominum esset peritura, eam accipiat et vendat, dominus potest repetere pretium, quia pretium succedit in locum rei, et ad bonam fortunam domini pertinet, rem tunc fuisse surreptam: ergo similiter si fur eam vendat quando valet plurimi, dominus poterit pretium repetere:

cum id in locum rei succedat, etiamsi eam ipse non erat venditurus. Quod enim tunc vendita sit, ad bonam ejus fortunam pertinet, unde non erit ullum discrimen inter augmentum rei intrinsecum et extrinsecum.

Respondeo negando consequ.: est enim dispar ratio. Cum enim a fure venditur res apud dominum peritura, tenetur fur non ratione injustæ acceptionis (si enim perisset similiter apud furem, ad nihil obstrictus mansisset), sed ratione rei acceptæ, quæ apud illum exstat in æquivalenti, quatenus ex pretio factus est ditior, sine ullâ peculiari industriâ; ut dictum est supra, n. 98. Si enim peculiari industriâ suâ plurius vendidisset (v. g., pretio rigoroso, aut quia repentina supervenit charitas, quæ mox cessavit) non tenetur nisi de pretio ordinario, id est, quanti res tunc temporis communiter aestimatur. Nam illud auctarium esset fructus industriæ. Nos autem loquimur hic in eventu, quo fur factus est ditior ex peculiari industriâ, per quam res illi plurius valuit quam domino; quem excessum dicimus non teneri restituere. Confirmatur: Quia in prædicto casu fur satisfacit restituendo tantundem frumenti paris bonitatis; atqui non valet jam nisi tribus aureis: ergo non suppetente frumento, restituendo tres aureos satisfacit ad æqualitatem. Pari modo in altero casu, si fur restituat domino rem venditam, vel aliam similem paris bonitatis, non est quod dominus, apud quem erat peritura, pretium venditionis exigat. Pretium quidem succedit in locum rei, non tamen succedit in omnes rei obligationes, neque quâ parte censetur fructus industriæ: et semper res similis paris bonitatis restitui potest compensato damno, si quod ex detentione domino obvenit. Confirmatur: Quia non minus res empta alienâ pecuniâ succedit in locum pretii, quam pretium succedit in locum rei alienæ venditæ. At fur pretii non tenetur restituere rem emptam, sed satisfacit restituendo pretium acceptum; ergo fur rei non tenetur restituere pretium rei venditæ, sed satisfacit restituendo rem venditam, vel similem paris bonitatis.

Dices, cum pretium frumenti decrevit, non censetur frumentum paris bonitatis, ac proinde non satisfaciet ad æqualitatem. Sed hoc est contra communem modum loquendi. Nemo enim dixerit, frumentum esse melius quia charius, aut deterius, quia minus charum. Deinde si non est paris bonitatis quando est minoris pretii, ergo si cum modius frumenti valebat 5 aurei dedisti mihi mutuum unum modium, concesso termino usque ad messem, non satisfaciam reddendo tantundem in messe, si tunc minoris valet; quod est absurdum. Tertiò, bonitas aestimationis est tibi nullius pretii, si non statueras vendere, et occasio vendendi jam est clapsa. Nec refert, quod hac ratione homo commodum perciperet ex dilatione restitutionis; quia id per accidens est. Sicut enim accipit commodum quando pretium decrescit, et talis res facilius haberi potest: ita potest incurrere incommodum, si pretium crescat, et res illa difficilius sit obtentu. Addo, semper accipere incommodum spiritale incomparabiliter majus.

108. Dico quintò : Si dominus rem erat venditurus in optimo statu, vel summâ æstimatione, tenetur fur præter rem ip. an. restituere æstimationem illius incrementi, vel pretium rei quo dominus eam vendidisset, etiamsi ipse inde incommodum non perceperit. In hoc casu vera est sententia Navarri. Ratio est quia tunc est verè causa hujus damni per suam iniquam detentionem, impediendo ne dominus inde lucrum faceret, quod alioquin facturus erat.

Nec refert, utrùm res casu an culpâ furis perierit, deterior facta sit; quia mora sua est damni causa. Idem dicendum, si res intrinsecè melior effecta apud furem, deinde facta est deterior, vel perit; quæ si suo tempore reddita fuisset, id incommodi apud dominum non accepisset, quo casu etiam vera est Navarri sententia; nam totum hoc incrementum erat domini, ac proinde illi restituendum. Si ergo non restituit, est in morâ; et consequenter tenetur etiam in casu fortuito.

109. Dico sextò : Si incertum sit quo pretio aut in quo statu dominus eam erat venditurus, restitutio facienda secundùm optimum statum et summam æstimationem, quam interea habuit. Ita passim doctorum. Ratio est quia in eo statu vendi poterat, et in dubio melior est conditio innocentis, in ejusdem favorem inclinandum.

Dices : Non constat, an verè damnum illud optimi statûs intulerim; ergo non teneor : nemo enim tenetur plus restituere, quàm constet abstulisse.

Ob hoc argumentum, verius videtur, in rigore non debere restitui secundùm optimum statum in foro conscientie, sed posse detrahi æstimationem illius incerti : cur enim tantum teneatur restituere quando est incertum, quantum dùm est certum? illud enim esse incertum, minuit æstimationem damni. Inclinandum autem in favorem innocentis in foro externo, ubi nocens est puniendus, et quando non suppetit melior ratio constituendæ æqualitatis.

DUBITATIO XVII.

Utrum fur et quisvis alius malæ fidei possessor, fructus perceptos, et eos qui percipi poterant, teneantur restituere.

Notandum est, eum qui detinet rem alienam, detinere vel bonâ fide (ut si putet esse suam, vel legitimè concessam), et hic dicitur possessor bonæ fidei, de quo infra agendum, vel malâ fide (ut si sciat, vel putet se non legitimè detinere); sic dicitur possessor malæ fidei, qualis est fur, raptor.

110. Notandum secundò, fructus esse duplices; quidam sunt fructus rei, qui nimirum ab ipsâ re proveniunt, quamvis intercedat humana industria; ut sunt fructus agrorum, arborum, ædium, et earum rerum quæ habent usum locabilem : pretium enim locationis est fructus earum, quem mediante usu sui, qui pretio est æstimabilis, pariunt. Alii sunt fructus industrie, ut quæstus, qui percipitur negotiatione, ut emendo vili, vendendo carè, ratione temporis vel loci. Nudum autem rei pretium non censetur fructus rei, sed suc-

cedit in locum rei, tanquàm altera res. Item quæstus, ex usu artificioso alieni instrumenti; ut si alieno pennisillo, vel coloribus alienis pingas.

111. Nunc sit prima propositio : ossessor malæ fidei tenetur restituere non solum rem alienam, sed etiam fructus ex eâ perceptos : nempe fructus rei, non autem nudæ industrie; est communis sententia doctorum. Ratio est, quia fructus rei hoc ipso quo producantur, cedunt in dominium ejus qui est dominus rei. § *Is verò*, Instit. de rerum divisione : ergo non minus sunt restituendi, quàm res ipsa. Deducendæ tamen sunt expensæ, quas dominus facere debuisset ad illos percipiendos : ut si fur agrum coluit alterius; si equum furtivum aluit. Quod non solum intellige de impensis necessariis, sed etiam utilibus, quibus res effecta est melior et fructuosior. Item de operâ et labore non solum conductitiæ, sed etiam quem fur per se præstitit. Horum omnium æstimatio detrahi potest, si dominus tantundem impendere debuisset. Secus, si ipsemet sine impensis, vel certè minoribus, aequè multum erat præstiturus.

112. Dices : Si expensæ possunt deduci, id fiet ratione damni, quod fur incurrit, rem alienam curando; atqui dominus non tenetur illud damnum æstimare, sed fur sibi imputet quod fecit : ergo.

Resp. : Non præcisè ratione damni furis, expensæ deducuntur, sed quia rem alterius suo sumptu vel labore meliorem reddidit, quod dominus sine pari sumptu non fecisset.

113. De impensis in ea quæ solum ad ornamentum et voluptatem pertinent, distinguendum est. Si enim dominus illud ornamentum velit retinere, debent deduci; si nolit, non debent. Poterit tamen tunc iniquus possessor illud auferre, ut si horologium ædibus affixit. Si nequeat auferri, res arbitrio prudentis transigenda. Dixi *fructus rei, non autem nudæ industrie*; quia *fructus nudæ industrie* non sunt restituendi : ut si alienâ pecuniâ es negotiatus, non teneris lucrum dare; sed duntaxat summam surreptam, compensato simul damno emergente, si quod ratione inopie pecuniæ intervenierit : si alienum frumentum vendidisti, sufficit restituere frumentum ejusdem pretii, nisi dominus illius chariùs interim erat venditurus.

114. Ex his sequitur primò, eum qui torquem aureum furto surreptum aliquoties pretio locavit, teneri non solum ad restitutionem torquis, sed etiam pretii locationis, quamvis dominus eum locare non consueverit, quod est contra Navarrum, c. 17, n. 23. Ratio est quia illud lucrum non est fructus industrie, sed pretium locationis, seu usus; qui usus est instant fructus rei, ac proinde ejus utilitas est domini. Idem dicendum de equis et mulis surreptis et elocatis, quamvis dominus elocare non sit solitus. Navarri tamen sententia locum habet, quando dominus est vi dives, qui tale pretium non putaretur velle.

115. Sequitur secundò, eum qui agrum sterilem sibi oppignoratum, quem dominus colli non curabat, excoluit, et aliquos inde fructus percepit, teneri ad illorum fructuum restitutionem, contra Sotum lib. 6,

q. 1, art. 2, ut rectè docet Navarrus, c. 47: deducenda tamen sumptuum, laboris et induitree aestimatio.

416. Dico secundo: Non solum fructus perceptos, sed etiam non perceptos, quos tamen dominus si zolari sua diligentia percepisset, tenetur satisfacere. Ratio est, quia sua detentio iniqua est causa illius beneficii. Ubi notandum, potius esse utrum illi fructus percipiendi fuerint ex re, melius autem industria domini aut ex agro per diligentissimam culturam, an ex nulla industria, ut ex peritâ negotiationis et contractuum: tenetur enim in alio fidei possessor omne lucrum cessans et damnum emergens, quod dominum ratione iniquae detentionis patitur, reponere inam lucrum totius censetur causa injusta.

Potes: Quid si fur rem meliorem fecit, sed postea sua negligentia exiguus fructus percepit, quam si dominus cum illo incremento recepisset, longe plus fructuum collegisset, tamen apud ipsum res illud augmentum habitura non fuisset.

417. Resp. Quidam tenent, furem tunc non teneri de excessu illo fructuum, quos dominus percepisset, ita Covarr., lib. 1 Variar., cap. 8, num. 4. Ratio est, quia in his non intulit domino damnum: nam si illi res apud dominum mansisset, non fuisset melior reddenda, ac proinde, nec dominus illos fructus percipiturus erat. Haec sententia est probabilis, quia videtur quidam equitate. Tamen contrarium videtur verius: quia rei melioratio eo ipso quo est, damnum est, et inique à fure detinetur, ex qua detentione lucrum domino cessat. Confirmatur: quia fur non restitendo illud melioramentum, est in mora: ac proinde tenetur de casu fortuito, et de omni damno, quod ex detentione sequitur: quod alias, si suo tempore restituisset, non erat secuturum. Quamvis enim non sit causa damni primâ acceptione, est tamen causa damni detentione rei, postquam facta est melior: quod Covarr. vias non videtur advertisse.

418. Dico tertiò: Tenetur etiam restituere fructus rei, quos ipse sua singulari industria percepit, deductis tamen expensis, quamvis dominus eos percipiturus non fuisset. Probatur: Omnes fructus rei cedunt in dominium ejus, cujus est ipsa res, eo ipso quo exstant, ut patet Institut. de rerum divisione, § Si Titius, et duobus sequentibus, ubi dicitur, *plantas quae terrae cohaerint, et frumenta, quae sata sunt, solo cedere*: ergo si fructus exstant, vel iniquus detentor sit factus ex illis locupletior, domino sunt restituendi.

419. Sed difficultas est: Si neque exstant, neque illis fur factus sit locupletior, cò quòd consumpserit cum sociis, an sint restituendi, quando dominus eos non fuisset percipiturus. Quidam tenent, in hoc casu non esse restituendos, primò, quia fur nec tenetur causâ rei acceptae, cum non exstet; neque causâ iniquae acceptionis, quia iniqua acceptio rei alienae non obligat ad restitutionem, nisi quatenus effluerit intulit damnum; atqui hic verè non intulit damnum secundum aestimationem moralem; quia etiamsi rem alterius non accepisset vel detinisset, dominus non ideo esset locupletior; ponimus enim rem ei futuram

vel certe minus frugiferam. Secundò, quia si res apud dominum non erat fructificatura, et alius in alterius est cum est ut fructificaret, vel certe non videtur industria, non rei ergo. Ita Covarr. ad reg. Per. cum p. 2, § 6, n. 4 et J. de res Medina q. 6, de restit. et Sol. v. Restit. 5, n. 9, et in cap. Petrus Navarrus l. 4, c. 4, c. 44. Haec sententia est probabilis, videtur etiam quidam equitate, et juxta eam posset etiam defendi, quod Navarrus ait et de torque et de furto elevato, si a domino daret non solent, ut colligitur ex Silvestro.

420. Contrarium tamen in rigore est verius. Ratio est, quia fructus hoc ipso quo exstant, quomodocumque proveniunt, etiamsi casu vel sponte, domino cedunt, ut patet ex jure citato: ergo statim debent domino restitui, cum sint in specie debiti: ergo eos consumere, est domino verum damnum inferre; est enim consumere rem ipsius: quae si suo tempore reddita fuisset, apud dominum non perisset. Item cum debeant restitui, statim, si fur eos tunc non restituit, est in mora, ac proinde etiamsi fortuito pereant, tenetur ad restitutionem. Si tamen pereant fortuito, vel etiam culpa levi, priusquam commode possent restitui, non tenebuntur; quia non censetur fuisse in mora: etsi enim rem inique detinuit, non tamen fructus.

421. Hinc patet solutio rationis prioris contrariae sententiae; etsi enim non censetur intulisse damnum iniqua detentione rei (quia apud dominum fuisset ad integrum, intulit tamen damnum, quia fructus perceptos debito tempore non restituit; qui hoc ipso quo sunt, domini sunt. Secus est, quando, si res reddita fuisset, apud dominum erat peritura.

Ad secundum respondeo, non esse fructum made industriae, sed ipsius rei, seposita industria. Unde solum sequitur, pretium industriae deducendum.

DUBITATIO XVIII.

Utrum is, qui alteri est causa damni, sive impediendo ab aliquo bono, sive alia aliqua ratione, teneatur ad restitutionem.

Omissis opinionibus, notandum est ex Navarro cap. 17, num. 69.

422. Dupliciter posse aliquem petere beneficium, officium, vel aliud commodum.

Primò, si habeat jus in re vel ad rem (de quibus supra, c. 2, dubit. 2) ita ut res ei ex justitiâ sit debita, scilicet per justam promissionem, stipulationem, venditionem, presentationem, oppositionem, expectativam, regressum, accessum, coadjutoriam, primegeaturam, etc., aut aliam titulum, per quem datur actio ad rem petendam: qui talem impedit, etiam solum suadendo, sine vi et fraude, ne res ad quam jus habet, ei detur, teneatur ad restitutionem, non quidem quanti illa res valebat, sed quanti illud jus, ac quae sp. s. iudicio boni viri, consideratis omnibus circumstantiis, aestimaretur.

Secundo, si nullum habeat jus in re vel ad rem proprium, quod ei tribuat actionem in iudicio, sed

solum remotum, quia dignus est, vel bene meritus; et de hoc est tota difficultas.

123. Nunc dico primò: Qui vi aut fraude impedit aliquem à consequendo aliquo beneficio, vel officio, quo dignus erat, vel ne instituator hæres, vel ne fiat ei donatio, legatum, etc., tenet et ad restitutionem, quanti judicio prudentis ea spes ipsi valebat. Est communis doctorum. Probatur; quia fraus et vis vel exercentur circa eum qui beneficium sperat; (ut si quis illum vi detineat, vel timetur ei ne sollicitet, vel litteras intercipiat, vel fraude avertat à re proseguendâ) et sic manifestè fit ei injuria, ex quâ sequitur damnum: nam contra voluntatem suam modo injusto impeditur à prosecutione, ad quam jus habet (etsi enim non habeat jus ad illud bonum, quod prosequitur, habet tamen jus ad illud proseguendum, rogando, sollicitando): ergo damnum, quod inde sequitur, censetur per injuriam datum. Vel exercetur circa ipsum collatorem (ut minando, ne conferat tali, aut persuadendo ipsum esse indignum, ignarum, etc., idque falsò); et sic etiam fit injuria petenti. Ratio est; quia violatur jus ipsius, quod habet ad illud bonum; quod jus non est quidem absolutum sed conditionatum, quia in liberâ voluntate collatoris positum: si enim velit, res tibi debetur: si nolit, non debetur. Unde si quis voluntatem ejus, qui proposuit vel deliberat tibi dare, per vim aut fraudem directè impediatur, aliòve inflectatur, veram tibi injuriam facit; nam jus tuum, in libertate collatoris constitutum, violatur.

124. Dices: Ergo si crimen tuum occultum pandam ob quod collator mutavit animum, non tenebor; quia collator non involuntariè (non enim fraude deceptus vel metu compulsus), sed voluntariè statuit tibi non conferre.

Respondeo: Vel ita pando, ut sequatur infamia apud plures; vel soli collatori et iis quorum interest, patefacio. Si priore modo, et illa infamia sit causa cur collator non conferat, aliàs collaturus, teneor ad restitutionem; quia per injuriam sum damni causa. Si secundo modo, non teneor: quia jus est, quando de officiis vel beneficiis agitur, patefacere ea quæ hominem minus habilem, vel collationem minus decoram reddunt. Unde solent capi occultè informationes. Quare fortassè etiam in priore casu non tenebor, si non tam ob infamiam, quàm ob crimen occultè commissum nolit conferre. Confirmatur: quia non est iniquum patefacere id, cujus ignoratio collationem reddit involuntariam, ita ut eo cognito nolle conferre: atqui ignoratio hujus occulti criminis redderet illam collationem involuntariam: ergo patefactio hujus, quâ parte ad collatorem pertinet, non est injusta, etiamsi apud alios injusta sit. Secus est, quando falsa dedecora impinguntur; tunc enim collator decipitur, ejusque libertas impeditur, et involuntariè sententiam mutat.

Petes: quid si is qui falsò collatorem informavit, sua dicta revocet, tenebiturne adhuc ad restitutionem?

Respondeo: Si revocet dum res non est integra,

tenebitur; quia ex vi prioris injuriæ damnum est secutum: nec est ampliùs in arbitrio collatoris illud impedire vel non impedire. Si verò res est planè integra, non tenebitur; quia non censetur causa damni in posterum, sed libera voluntas collatoris. Ratio est, quia quamdiu res est integra, infamator non censetur intulisse damnum, sed solum posuisse causam unde damnum timetur. Fecit enim per injuriam, ut collator nollet quod antea volebat, quod *nolle* erit causa damni, videlicet *non collationis*; at sublata falsâ informatione, si collator perstet in proposito, et nolit conferre, non ampliùs hujus *nolle* causa erit infamator, (quia non propter ejus dicta pergit nolle), sed libertas collatoris, qui pro suo arbitrato voluntatem mutare poterat. Circa prædicta quedam sunt advertenda.

125. Primò: Si is qui petit, nullo modo est dignus seu idoneus officio vel beneficio, non teneris ei restituere pro illo incommodo, etiamsi vi aut fraude impedivisti. Ratio est, quia tunc nullum jus habebat in liberâ collatoris voluntate positum; non enim poterat ei conferre; teneris tamen ad famæ restitutionem, nisi ratione mali impediendi potueris ejus crimen detegere, ut ex supra dictis constat.

Secundò, si erat dignus et idoneus, tamen nulla spes erat in ipsum fore conferendum: tunc, etsi vi aut fraude nissus fueris impedire, non teneris ad restitutionem. Ratio est, quia tuus conatus est inefficax; nam ex eo nullum reipsâ damnum obveniet: æquè enim illi collatum non fuisset. Nec refert, quòd fuerit dignus, quia si hæc dignitas nullam ei spem pretio æstimabilem tribuebat, nihil ei censetur injustè ablatum. Si tamen aliquam ei spem tribuebat, quamvis parvam, hæc judicio boni viri æstimanda est et compensanda.

126. Tertiò, si erat dignus et spem habebat, sed eam impedivisti ut conferretur digniori vel aptiori, quidam putant te teneri ad restitutionem, quanti illa spes ipsi valebat. Sed verius est te non teneri, nisi ad restitutionem famæ, de quâ modò non disputamus. Ratio est, quia officia et beneficia secundum rectam rationem, et reipublicæ Ecclesiæque intentionem, debent conferri dignioribus; et contra rationem est, conferre ea digno, relicto digniore, quando collatio est libera. Neque is qui dignus tantum est, jus habet, ut collator non cogatur conferre digniori. Unde etsi fiat injuria collatori, si ab eo qui potestate caret, vis ei inferatur; tamen petenti officium non fit injuria. Ita Covar. ad reg. Peccatum., p. 2, § 7, n. 8, et Michael Saloniùs q. 62, a. 2, controvers. 25. Secus est, si procurasti ut æquè digno conferretur; tunc enim teneris illi, quem injustè impedivisti: nam respectu alterius æquè digni, jus habebat ut collatori sua libertas relinqueretur.

127. Quartò, si iniquè impedivisti dignum ut daretur indigno, teneris non solum digno, sed etiam Ecclesiæ vel reipublicæ, quæ inde damnum patitur; idque juxta damni æstimationem, judicio prudentum faciendam. Patet, quia es causa utriusque damni. Pari ratione teneris Ecclesiæ, si dignior quærebatur,

taque vi aut fraude impedivisti ne id fieret, ut conferretur ei qui erat minus dignus, quia Ecclesia jus habet querendi optimos ministros, quod jus tu inique impedivisti. Sicut si quis optimum operarium querens, per te deciperetur, ut acciperet minus idoneum: huic enim teneberis, juxta damni aestimationem.

Quintò, si erant plures competitores digni, et tu illos omnes vi vel fraude impedivisti, teneris singulis, quanti cuique sua spes judicio prudentis aestimabitur.

128. Dico secundo: qui sine vi aut fraude, precibus, blanditiis, muneribus, impedit dignum vel digniorem ab officio, beneficio, et similibus, non tenetur illis ad ullam restitutionem, etiamsi illud malo animo et ex odio faciat. Est contra Cajetanum q. 62, art. 2., et Covarruviam supra, qui putant eum qui quovis modo impedit digniorem ut detur digno, teneri ad restitutionem digniori, quia secundum justitiam distributivam ei erat debitum. Est etiam contra Majorem, in 4, d. 15, q. 16, qui docet eum qui quovis modo impedit dignum vel digniorem, teneri si id faciat ex odio, secus si ut sibi vel alteri consulat. Sed nostram sententiam docet et probat Navarrus c. 17, num. 69 et sequentibus, et Sotus, lib. 4 de Just., q. 6, art. 3, versus finem, et alii passim. Ratio est, quia iste dignus et dignior jus non habent, nisi in liberâ voluntate collatoris; ergo si relinquis collatorem in sua libertate, nec aliquid facias quod illi libertati repugnet, non censeris hoc jus violare: ergo cum preces, munera, blanditiæ non repugnent libertati (non enim collator involuntariè censetur facere, quod ita inductus facit), nullo modo inferis illis injuriam.

Nec obstat, quòd malo animo id facias. Primò, quia iste malus animus non est contra justitiam, sed contra charitatem: non enim est contra aliquod jus, quod illi habeant, quando non intendis impedire libertatem collatoris. Secundò, quia generatim loquendo, verius est malum animum seu intentionem nunquam obligare ad restitutionem, nisi opus externum secundum se sit injustum, etiamsi Scotus et Richardus d. 15, et Cajet., q. 62, art. 2, contrarium sentire videantur. Ratio est, quia nisi opus externum secundum se sit injustum exterius, nulla committitur injustitia; ac proinde damnum, quod fit opere externo, non censetur illatum contra justitiam. Sicut si quis animo hæretico aliquid dicat quod exterius nullam habet speciem hæresis, non est hæreticus exterius, nec excommunicatus, ut dictum est 2-2, q. 11. Neque D. Thomas q. 62, a. 2, ad 4, contrarium sentit, quia intelligi debet de eo qui impedit alium modo injusto.

Dices: Lege 2, π. de aquâ, et aquæ pluvie arcendæ, § Idem Labeo, dicitur: Qui avertit torrentem, ne sibi noceat, unde factum sit ut vicino noceatur, cum eo aquæ pluvie arcendæ agi non posse à vicino, si modò non hoc animo fecit ut vicino noceat, sed ne sibi noceat. Idem habetur L. 1. Unde sequi videtur, si id fecit ut vicino noceat, injuriam fore: ergo pari ratione qui

impedit alterum ab officio ut illi obsit, non ut sibi vel alteri noceat, est illi injurius, quamvis sine vi et fraude ad faciat.

Resp. Omissâ solutione Navarri, quam habet n. 71, illa exceptione indicari, concedi actionem in foro externo, si probari possit, nullo suo commodo, animo duntaxat nocere id factum: potest enim talis in penam cogi ad reparationem damni, et operis in prorem statum restitutionem. Hinc tamen non sequitur illum obligari ante sententiam.

129. Notandum primo: Si absque vi et fraude procurasti ut beneficium daretur indigno, non teneris quidem aliis competitoribus dignis, quia nihil contra jus illorum fecisti, sed teneris Ecclesie vel republice, cujus jura vi lasti procurando ei ministrum ineptum: sicut is qui ad opus publicum operarios ineptos curavit, ad restitutionem tenetur. Ubi hic servandus est ordo, ut primo loco teneatur is qui officium administravit, et stipendia accepit: hic enim primò tenetur restituere stipendia quæ ei data pro officio, quia id vel non prestatit, vel non ut oportet; deinde sarcire damna quæ ipsius negligentia vel imperitia sunt contracta. Secundo loco tenetur collator; tertio suator.

Hinc patet, quanti oneris sit conferre beneficia vel officia publica, quod tamen jus plerique tantoperè expetunt.

Notandum secundò: Si absque vi et fraude impedivisti digniorem ut daretur minus digno, peccasti quidem, non tamen teneris ad restitutionem: non enim digniori, quia contra jus ejus nihil est actum; non etiam Ecclesie, quia nullum damnum per injuriam illi flatum: nam in potestate prælati erat eligere dignum, relicto digniore, quamvis in eo non sit fidelis dispensator. Hinc peccat contra fidelitatem dispensandi, et quidem sæpe mortiferè, ut infra dicitur. Etsi enim Ecclesia non ita obliget prælatum, aut republica principem, ut semper teneatur lege justitiæ, restitutionis vinculum inducente, conferre dignioribus, obligantur tamen ad hoc lege fidelitatis.

Dices: Ergo nunquam poterit petere beneficium vel officium, qui suos competitores videt esse digniores et aptiores.

Resp.: Si certò illi constaret alios multò melius et fructuosius obituros officium, peccaret sollicitando, sicut et collator conferendo, quia debet bonum commune præferre privato. Si tamen hoc illi non constet (ut ferè semper fit; non enim qui maxime videtur idoneus, semper optimè prestat officium), et ope divinâ confidat se tam benè functurum munere quam alios, non peccat, si bonâ fide se collatori offerat, quia ministros eligere non est ipsius, sed collatoris.

130. Dico tertio: Si fraus vel injuria non censeatur verè causa damni secundum aestimationem moralem, sed occasio duntaxat, non tenetur ad restitutionem. Ratio est, quia tunc damnum non sequitur ex vi actionis injuriosæ, sed aliunde. Explico exemplis. Das aliam alicui, qui inde per impatientiam in illis morbum, et moritur: vel libidine ulciscendi,

te vult interficere, à quo non potes te expedire, nisi ipsum interimas: non teneris de damno secuto, ut supra ostensum, cap. 9, dubitat. 8. Scripsisti falsò litteras, et sparsisti per viam, magnam esse in Hispanià frumenti inopiam, quas Petrus repertas aperiens, mittit magnam frumenti numerum cum ingenti damno suo: non teneris de damno, etsi graviter contra charitatem peccasti, quia sive levitati assignare debet, quòd hujusmodi litteris fidem adhibuerit; secus, si ad ipsum eas scripsisses, et misisses: ita Lopez, 1 p., cap. 124.

151. Petes utrum is qui secretum alterius per injuriam cognovit, si eo utatur in suum commodum cum incommodo alterius, tenetur ad restitutionem: v. g., Titius Cameraco scribit Roman ad Caium vacare beneficium in mense pontificis. Littere veniunt ad manus Sempronii: hic suspicatus quod res erat, illos aperit, et postea clausas reddit Caio, sed illum praeveniens apud S. Sanctitatem impetrat beneficium.

Dico primò: Si Sempronius litteras illas suppressit, vel serò reddidit, ita ut Caius non posset sollicitare, tenetur ad restitutionem, quanti spes Caii aestimabitur. Ratio est, quia per injuriam impedit illum à prosecutione istius beneficii. Tenebatur enim ex justitià tempestivè tradere, prout ei erat mandatum: ac proinde omissio tradendi, vel dilatio, est contra justitiam; ex hac autem directè sequitur quòd non possit prosequi illud beneficium, et consequenter amissio illius beneficii; unde et hæc injustè inferuntur: nam quod directè ex actione injustà sequitur, injustè irrogari censetur. Tenetur ergò illi non quanti valet beneficium, nisi fortè certum erat illum fuisse obtenturum, sed quanti spes obtinendi aestimabitur.

Dico secundò: Si litteras tempestivè tradidit, sed illas antea artificio quodam apertas legit, et sibi beneficium impetravit, probabilius est non teneri ad restitutionem. Probat, quia etsi commissa sit injuria adversùs Caium in litterarum apertione et lectione, non tamen in comparando beneficio, cum Caius non haberet majus jus quàm alter, et cuius esset jus sollicitandi. Confir., quia etsi notitia aliqua per iniqua media sit parta, tamen postquàm jam habetur, est illius qui illam possidet, et potest eà uti in suum commodum, non minùs quam si justo modo acquisita esset: ut si nòris secretam artem alterius operà dæmonis, vel occultè ingressus illius museum, chartas ejus evolveris, artificia inspexeris, potes illà arte uti, etiamsi lucrum alterius inde minuat. Similiter si illum coegeris ut te doceat, ut machinas suas tibi ostenderet, etc. Etsi enim fortè pro operà docendi aliquid solvendum sit, tamen ratione usùs illius notitiæ, et lucri quod inde consecutus es, ad nihil ipsi teneris: cum nemo per talem usum censeat alteri fieri injuriam. Sicut enim illa notitia est tua, ita etiam usus illius, et consequenter fructus qui inde proveniunt.

152. Dices: Illa apertio et lectio litterarum est injuriosa Caio: atqui hinc sequitur ipsi damnum: et censetur damnum illatum per injuriam.

Resp.: Damnum illud non sequitur ex apertione aut lectione litterarum, nisi remotè et per accidens, quatenus inde sequitur notitia rei, et ex notitià sollicitatio, et ex sollicitatione permotio voluntatis collatoris, et collatio beneficii: itaque injustitià statim intercipitur, et damnum illud sequitur Caio, ex eo quod tu utaris jure tuo, et re tuà: non enim ille caret beneficio, quia tu cum per injuriam impeditivisti, sed quia tibi conferri curasti; quod jure poteras. Simile esset, si visà vel contractatà bursà alterius (qualis fingitur fuisse bursa Fortunati), tantundem tibi pecunie comparares quantum ea continetur: tunc enim etiamsi per injuriam et vi illius bursam contractasses, et tantundem tibi illo contractu comparasses, posses illà uti non minùs quàm si tibi ab illo donata fuisset; unde si illum praevenires in emptione mercium, non teneris ad restitutionem.

155. Petes: Quale peccatum est in illà litterarum apertione? videri possit non esse peccatum mortale. Primò, quia non facit animo lædendi, aut aliquod damnum inferendi, sed solum sibi consulendi: atqui non videtur esse peccatum, nisi quis animo lædendi id faciat, aut lesionem injustam inde securum putet, aut dubitet, ut indicat Nav., c. 18, n. 53. Secundò, quia si litteræ illæ non fuissent signatæ, vel si jam resignatæ fuissent inventæ in cubiculo alterius, non esset peccatum mortale illas legere: atqui resignatio non est peccatum mortale, nisi ratione lectionis: ergo cum lectio per se non sit peccatum mortale, neque resignatio erit. Tertiò, possum aperire tibi eras inimici, si ex illis metuo mihi notabile nocumentum; ergo etiam litteras amici, si inde spero magna commoda absque injurià alterius.

Sed v. r. videtur esse peccatum mortiferum. Ratio est, quia communi hominum judicio resignare litteras alterius, et legere in re magni momenti, censetur gravis injuria, et in eum qui illas misit, et in illum ad quem mittuntur. Sigilla enim consensu gentium adhibentur tanquàm supremum munimen, et custodia secreti chartis commissi: unde jure gentium debent esse inviolata, sicut legati. Sine enim hujusmodi immunitate et veluti privilegio vix posset esse communicatio inter absentes: quod in magnum damnum reipub. redundaret. Violare ergo sigillum, est res gravis, utpote tendens ad eversionem communicationis inter absentes, ac proinde peccatum mortiferum.

Potes tamen excusari: 1.º si sit superior regularis qui aperit: hic enim jus habet aperiendi litteras quæ mittuntur ad subditum ab iis quibus superior iste non subest: idem dicendum de parente et aliis qui sunt loco parentis. 2.º Ex ratificatione mittentis, vel ejus ad quem mittuntur. 3.º Causa sibi evadendi ab injuriis et insidiis: quomodo litteræ interdum intercipiuntur et aperiuntur à magistratibus. 4.º Si ex inadvertentià fiat, potius eas ad te scriptas. 5.º Si contineant res parvi momenti. 6.º Si ex curiositate, et nullum sit periculum alterius incommodi. Vide Navar. supra, et Imanuellem Sà, v.º *Litteræ*.

134. Petes secundò : Quid si is, cujus bona ob crimen justè sunt confiscanda vel diripienda, fraude aut mendacis impedit ; teneturne ad restitutionem ? Videtur teneri ; quia injustè impedit fisco ab eo consequendo, ad quod jus habet, maxime si crimen sit saltem semiplene probatum ; tunc enim tenetur veritatem fateri. Unde in hoc casu talem teneri ad restitutionem, docent Sotus l. 4 de Jurem. q. 6, a. 6, paulo ante quintam conclus., et Molina dis. 93, § Duo aut ; etque quato probabilis.

Sed contraria est verior et probabilior, quam tenent Navar., cap. 18, n. 49, Barnes 2 2, q. 62, a. 7; Petrus Arragon. et Michael Salon. ibidem, Sanchez. lib. 10 de Matrimonio, n. 14. Probat, quia hujusmodi occupatio bonorum constituta est in poenam criminis : atqui poena non debetur ante sententiam saltem declaratoriam criminis, ut communiter Doctores tradunt ; imò non est solvenda ante sententiam constitutivam poenae ; quâ ipsa poena pubeatur solvi : ergo sententiâ non secuta non debetur poena.

Dices non deberi per modum poenae ratione criminis initio commissi, sed per modum compensationis damni, ratione doli, quatenus mendacis impediendo cursum iudicii et sententiam, impedit commodum, quod inde erat obvenerum fisco.

Sed contra primo, quia opus illud quo sententiam impedit, non est contra justitiam commutativam, nec propriè injuria, sed solum contra veritatem, obedientiam et justitiam legalem, quæ virtutes non obligant ad restitutionem. Non enim, posita semiplena probatione, tenetur lege justitiæ commutativæ veritatem fateri, sed lege obedientiæ et justitiæ legalis, vel religionis, si juravit. Deinde, etiamsi opus illud quo impedit esset injuria, in ordine ad ferendam sententiam (ut si minaretur judici ne sententiam ferat, vel atori ne in causâ pergat), non esset tamen injuria in ordine ad ista bona, quatenus fisco vel actorem ab istis obtinendis impedit. Ratio est, quia sicut quisque habet summum jus in tuendâ vitâ ; ita etiam in tuendis bonis quæ sunt instar vite, cum absque illis *vita sit invita*, vel, ut Græci dicunt, *ἡσος, ἀσείος* : unde etiam ipsa bona *ἡσος, vita*, vocantur. Ergo sicut is qui non sinit sibi eripi vitam alioquin justè ob crimen auferendam, non facit injuriam restitutioni obnoxiam, etiamsi alteri inde maximum commodum erat obvenerum ; ita nec is qui non sinit sibi eripi bona justè alioquin in poenam criminis auferenda, facit injuriam restitutioni obnoxiam. Facit quidem injuriam resistendo armis iudici, vel illi minando : hæc tamen injuria non est in illum cui poena erat applicanda, quia ille jus non habebat, nisi supposita sententiâ judicis. Imò illâ suppositâ, non habet jus ut reus spontè bona sua ei tradat, aut cum illis non fugiat, cum ad horum nihil sit condemnatus ; sed solum ut per ministros publicos ea occupet et auferat : quâ occupatione factâ, et pacificâ etiam possessione obtentâ, reus non amplius jus habet illa surripiendi aut vi auferendi, cum illorum dominum et possessionem omnino amiserit ; unde si postea auferret, teneretur ad restitutionem.

Confirmantur supradicta, primò, quia cum bona sint ad eri applicanda, reus non minus juris habet ad ea defendenda ne sibi auferantur, quam cum nulli sunt applicanda, sed igne vastanda. Non enim ipse obmittit talem alterius minus est liber ad impediendam restitutionem ablationem ; hæc enim qst. æque gravis est uno gravius cum alteri prodest. Atqui cum sunt vastanda, non facit injuriam restitutioni obnoxiam, etiamsi fraude, dolo aut vi imp. diat ablationem ; ergo neque cum alteri sunt applicanda. Confirm. secundo, quia obligatio illa restituendi minus est set gravis, ne accommodata fragilitati humanæ. Quotusquisque enim est hominum, qui ubi bona sua hoc modo eripisset periculo amissionis, sponte ea offerret fisco, vel alteri, cui in poenam ea erant cessura ? Sane vix ullus reperitur. Atqui lex ut justâ sit, debet esse hominum moribus et fragilitati attemperata, ut communiter theologi et canonistæ docent, cap. *Int.*, cap. *In utris.* d. 4.

15. Hinc inferitur primo, hæreticum qui fraude, mendacis, falsis testibus se defendit, et impedit sententiam, aut confiscationem bonorum, non teneri ad restitutionem. Quia non facit injuriam fisco, vel saltem non talem quæ restitutioni sit obnoxia, propter summum jus defensionis sui ipsius et rerum suarum.

Secundo, idem dicendum de adulterâ, quæ ipso jure amittit dotem. Non enim tenetur ea quæ habet tradere ante sententiam definitivam et actinam. Unde etiamsi falsis probationibus se defendat, aut falso probet etiam maritum innotatum esse, sicque sententiam doli imp. diat, non tamen tenetur ad restitutionem. Similiter si à sententiâ appellat, etsi inique ; nam appellatio suspendit sententiam. Ita Sanchez supra, multos alios citans. Si tamen maritus dotem habet, non tenetur eam repetenti restituere, quia potest ei opponere exceptionem adulterii, ut aperte colligitur ex cap. *Plerumque*, de donationibus inter virum et uxorem.

Tertiò, idem locum habet in eo cujus bona ob non solum vectigal, vel res prohibitas importatas aut exportatas, sunt ipso facto commissæ seu addictæ fisco, vel redemptori : hoc enim cum fiat in poenam criminis, requirit sententiam judicis, vel evidentiam tantam, ut possit justè ferri sententia. Unde si sententia impediatur, vel ita agatur ut crimen certò constare non possit, non tenetur. Similiter, si cum rebus suis priusquam occupentur, fugiat. Ipsam tamen vectigal, si justum erat, tenetur solvere, quia non est constitutum in poenam, sed in justam compensationem ratione securitatis vel gubernationis, quam princeps in patriâ prestat.

Quartò, idem cernitur cum miles justè oppidum aliquid concessu principis expilat. Fit enim hoc in poenam delicti, cujus omnes præsumantur participes. Unde etiamsi mendacis, fraudibus, vel etiam vi militum impediens ne res tuas diripiat, non teneris ei ad restitutionem. Addo tamen, in predictis casibus, si aliquid damnum injustè inferatur ab eo qui res suas

tuetur, teneri ad illius compensationem, ut si falsis testibus se defendat, tenetur ad expensas litis, si resistendo lædat, tenetur ad expensas medicorum.

136. Petes tertiò : Quid dicendum de testibus qui falso testimonio impediunt sententiam, et consequenter confiscationem ? Videntur sanè non teneri ad restitutionem, etiamsi rem suam non defendant, sed alienam. Si enim principalis auctor, et qui mandat, non tenetur, cui teneantur secundarii, qui illum juvant ? Deinde quia fiscus vel actor non habet jus ad bona occupanda, nisi positâ sententiâ : ergo si illa non ponatur, non fit ei hæc ex parte injuria. Confir., quia à tali teste detectâ falsitate fiscus non solet exigere compensationem damni, quòd bona rei non obtinuerit, sed satis habet illum puniri ut perjurum ; non ergo censet sibi factam injuriam restitutioni obnoxiam.

Utrum autem judex teneatur ad restitutionem, si hujusmodi reum non condemnet, vide infra c. 13, n. 73

DUBITATIO XIX.

Utrum si quis damnum intulerit in re adhuc indies crescente, teneatur integrè, perinde ac si adulta esset, rependere.

137. Dominicus Sotus lib. 4, q. 6, art. 5, et Michael Salonijs q. 62, art. 4, affirmant, si ex malitiâ rem illam peremit, non autem si ex negligentia : ut si conculcâsti segetem, nunc æstimatam 100, in messe 200 ; si interemisti pullum equinum, nunc valentem 20, intra biennium 100. Ratio illorum est, quia dominus rei non tenetur eam vendere pretio quo nunc valet, sed potest eam retinere, præstando omnes casus, eosque non æstimando.

Resp. contrarium esse verius. Ratio est, quia restitutio damni illati non est unquam facienda nisi secundum æqualitatem, prout prudentes arbitrabuntur ; itaque pro talibus segetibus non est ampliùs restituendum, quàm illæ judicio prudentum spectatis circumstantiis tunc valebant. Idem dicendum de pullo equino et similibus.

Nec obstat quòd ille eo pretio vendere nolisset ; hinc enim non sequitur damnum esse majus quàm ipsa res nunc valeat, sed injuriam esse majorem, quia hinc fit ut damnum sit magis contra domini voluntatem, quod ad incrementum injuriæ pertinet, non damni : pro quâ injuriâ, non pecunia, sed veniæ petitio, vel quid simile præstari solet ; unde illa distinctio damni ex malitiâ et negligentia, sententiam Soti non juvat : etsi enim majorem faciat injuriam qui infert damnum ex malitiâ quàm qui ex negligentia, non tamen infert majus damnum ; unde neque ad majorem tenetur restitutionem.

DUBITATIO XX.

Utrum qui in tempestate ejicit merces alienas, teneatur ad sarcindum damnum.

138. Respondeo et dico primò : Si is qui ejicit alienas, habet suas, tenetur illi pro suâ parte ad restitutionem. Ratio est, quia cum etiam propriæ merces

cooperentur ad navis depressionem, iniquum est totum onus conferre in merces alterius. Imò hoc casu, omnes tenentur pro suâ parte, qui ibidem merces habent, ut patet L. 2 et 4, π. de lege Rhodiâ de jactu.

Sed tenentur pro mercium suarum æstimatione, an pondere ? Quid si tantum habeat gemmas vel margaritas, quæ navem parum onerant ?

Resp. : Sepositâ lege positivâ, videtur tantum habenda ratio ponderis, quia pondus affert namque periculum, non æstimatio vel pretiositas. Lege tamen positivâ statutum est, ut habeatur ratio æstimationis, ut quisque pro mercium pretio conferat ad compensandum ei, cujus merces sunt ejectæ. Cujus ratio esse videtur, quia quò merces tuæ sunt magis pretiosæ, eò pluris interest tuâ, ut navis salva sit ; ac proinde eò ampliùs te in collationem dare par est : quæ ratio habet quidem aliquid æquitatis, ob quam possit lege sanciri : si tamen lex absit, alterum videtur servandum.

139. Dico secundò : Si is qui alienas ejicit, nullas habeat, non tenetur ad ullam restitutionem. Colligitur ex l. secundâ, ubi dicitur : *Liberi corporis, non oportere fieri æstimationem* ; nempe ad sarcindum damnum. Idem docet Joannes Medina, c. de Restit. q. 3, causâ primâ, et Petrus Navar. lib. 5, c. 1, num. 381. Probatur, quia id potest duplici jure, *usûs et defensionis* : jure usûs, quia quando alicujus rei usus mihi est extremè necessarius ad vitam conservandam, possum eam rem licitè consumere, et si inde non sum factus ditior, non teneor ad restitutionem, ut si hostem fugiens insiliam in equum alienum, qui in fugâ perimitur : non enim ratione acceptionis, ut quæ sit concessa ; neque rei acceptæ, ut quæ non exstet in se vel in sui pretio ; neque contractûs, cum nullus intercesserit, uti suppono. Hæc tamen ratio non habet locum, nisi in paupere ; et fortè contrarium hujus fundamenti est verius, ut infra c. 16, dubit. 1, dicitur. Altera tamen ratio est solida, nempe ex jure defensionis, quia jure naturæ quisvis potest à se repellere, quidquid ei affert interitum, vel est impedimento, ne se possit in extremo periculo salvare : atqui merces illæ afferent interitum, deprimendo navem, cui insideo. Idem dicendum, si quis fugiens pertundat parietem, vel conculcet segetes, aliter se salvare non valens, ut rectè Petrus Navarra.

CAPUT XIII.

DE COOPERANTIBUS AD FURTUM VEL DAMNUM.

(Complectitur dubitationes 11.)

Notandum est dupliciter furtum vel damnum inferri posse : primò, immediatè exequendo, et de hoc dictum est cap. 12 ; secundò, mediatè cooperando, vel consulendo, mandando, etc. De his modis nunc agendum est : sic enim plenè intelligetur quis ad restitutionem teneatur.

DUBITATIO I.

Quot modis censeatur quis mediatè cooperari ad damnum alterius.

Respondeo passim à doctoribus novem modos numerari, qui continentur hisce versibus :

Jussio, consilium, consensus, palpo, re armus,

Participans, mutus, non obstant, non manifestans.

Et sic universum sunt 9 genera personarum, quae tenentur ad restitutionem, praeter executores. De quibus modis vide D. Thom. q. 62, art. 7, et Gabrielem in 4, q. 2, d. 15, art. 5; Silv. Restit. 5, q. 6; Adrianum in 4, tract. de Restit. q. 1, § *Circa praedicta*; Joannem Medin. c. de Rest. q. 7 et 8; Sotum lib. 4, q. 7, a. 5; Covar. *Peccatum*, p. 2, § 12; denique Navarrum, c. 17, num. 17 et seq.

Advertendum est, sex prioribus modis positive cooperari, tribus posterioribus privative.

DUBITATIO II.

Utrum il qui positive cooperantur, semper teneantur ad restitutionem: an solum quando sunt causa sine qua damnum non fieret.

1. Quidam doctores sentire videntur, hosce cooperatores solum teneri ad restitutionem, quando ita cooperantur mandando, consulendo, consentiendo, etc., ut sine ipsis damnum non fieret; quando vero sine ipsis aequè damnum inferretur, non teneri. Ita docent D. Anton. p. 2, cap. 1, tit. 12, § 12, ex Paludano et Richardo; Silvest. Restit. 5, q. 6, § 3, ubi dicit hanc esse communem sententiam; Adrianus in 4, § de concurrentibus cum fure; Navar. c. 17, num. 17 et sequentibus; denique ipse D. Thomas in 4, d. 15, q. 1, a. 5, ad 5 questionem: quae sententia quodam sensu est aperte falsa, quodam certa, quodam probabilis. Ut autem res intelligatur,

2. Dico primò: Qui jubet, consulit, consentit, laudat, vel reliquum praebet executori, ita ut ex hisce causis ille motus fuerit ad damnum inferendum, non ideò excusatur a restitutione, quod alius non defuisset, qui jussisset, consulisset, etc. Ita docent Cajet. q. 62, art. 6; Joannes Medina q. 7; Sotus l. 4, q. 7, art. 5, et alii. Est certa, nec credibile est auctores prioris sententiae id negaturos; quòd si eorum sententia sic accipitur, ut huic repugnet, est aperte falsa. Probatur, quia talis ita est causa damni in hoc casu, ut si ipse vel alius similis non moveret executores, damnum non fieret; ergo verè est causa sine qua non fieret. Patet consequentia. Nam causa sine qua non est ea quae ita cooperatur, ut sine ipsa vel simili superveniente, non fieret effectus à causà executive, non autem illa duntaxat quae, si absit, effectus non fiet; nam alioquin is qui suadet vel praecipit homicidium, non esset causa, si alius erat suasurus, vel praecepturus; imò occisor non erit causa damni, si alius erat occisurus: quae aperte sunt falsa; sicut enim ille iniquè erat factururus, et restitutionis obligationem incursumus, si suasisset vel praecepisset maleficium: ita etiam is qui in ejus locum succedit.

3. Dices: Illa duntaxat est vera causa, quā posita sequitur effectus, et quā non posita non sequitur: ergo si tuo consilio non posito, effectus nihilominus sequeretur, tuum consilium non potest censi causa.

Resd. non esso de ratione causae, ut illa non po-

sta, effectus non ponatur: sed tantum ut illa posita, effectus ponatur. Idem enim effectus potest poni per multas causas. Pari modo, causa sine qua non, est ex cujus cooperatione sequitur effectus, ita ut nisi ipsa vel similis superveniens cooperetur, non sequatur effectus.

4. Dico secundò: Si executor absque illo consilio, consensu, mandato, laude, vel ministerio aequè bene et eodem modo damnum erat illaturus, quamvis nulla alia similis causa esset supervenitura, tunc illi non tenentur ad restitutionem. Est communis sententia doctorum, ut si consilio, mandato, laude, invites eum qui ante ad facinus paratissimus erat, quique non ideò celerius, atrocius, aut amplius inferet mali, nec firmabitur in proposito, non teneris ad restitutionem.

5. Ratio est, quia etsi graviter pecces etiam contra justitiam, tamen consilium et mandatum tuum inefficax est, quia damnum ex ipso tamquam ex causà non sequitur, ipsunquè duntaxat ut quid concomitans se habet; hoc modo Petrus Navarra, l. 3, c. 4, n. 48, et quidam alii putant explicari posse sententiam illorum doctorum, quo sanè sensu est certa.

6. Sed si quis eorum verba perpendat, illi non requirunt ut damnum eodem modo sit inferendum ab executore, sed tantum ut absolutè sit inferendum, sive cum iisdem circumstantiis, sive cum diversis. Sententia igitur illorum doctorum est hos non teneri, etiamsi executores moverint, ut citius vel animosius, vel alio loco faceret, si ipse jam ita erat comparatus, ut sine ipsis vel similibus supervenientibus absolutè esset factururus. Pari modo si causam dederint, ut plus damni inferret, quàm alioquin illaturus erat, non tenentur nisi ad illud amplius.

7. Probatur, quia D. Thomas supra, ut consulens teneatur ad restitutionem, duo requirit, nempe, ut probabiliter credat consilium suum fuisse efficax, et quòd sine eo injusta ablatio commissà non fuisset; ubi satis insinuat, etsi consilium sit efficax, ita ut moveat executores, ut citius vel expeditius faciat, tamen non inducere obligationem restituendi, si executor absque consilio erat factururus, licet non eodem modo. D. Antoninus, ex Paludano: *Si sine consilio vel mandato fuisset nihilominus facta rapina vel damnificatio, et nihil amplius per illa est additum, non tenentur, nisi quantum ad eos de rapina pervenit; si vero aliquid amplius ex mandato vel consilio factum est, ad illud amplius tenentur in solidum.* Hic solum requirunt ut ipsa damni substantia absque consilio fuerit inferenda, non autem ut eodem modo vel tempore. Idem disertè docent Navarrus, num. 20, et ceteri supra citati, et Gabriel in 4, d. 15, q. 2, art. 3, dub. 2.

8. Haec sententia est probabilis: primò, propter doctorum auctoritatem; secundò, propter rationem, quia isti tunc non tam sunt causam substantiae damni, quàm modi vel circumstantiae, cum quā mandatur executioni, ut quod fiat hoc tempore, hoc loco, hoc instrumento, hoc modo, vel cum hoc incremento; ergo non tenentur substantiam damni rependere.

9. Dices : Sunt causa totius actionis, ut hic et nunc sit : ergo tenentur. Confirmatur, quia non potest quis esse causa istorum accidentium et circumstantiarum, nisi etiam sit causa substantiæ actionis.

Resp. : Ob hoc argumentum altera sententia (hos obligari in solidum) est valde probabilis; quam tenent Cajetanus, Medina, Sotus, et Petrus Navarra supra. Responderi tamen potest : Etiam si sint causa totius actionis individua, ut hic et nunc sit, tamen, quia illa actio, quatenus damnosa, secundum suam speciem jam erat parata in causâ exequire, et omnino secutura, non videntur circa eam quidquam efficaciter operari, nisi inducendo novas circumstantias; quod non est magni momenti ad substantiam damni. Quando etiam aliqua causa est exitura per se in actum, parum refert utrum hoc celerius fiat an tardius, hic an alibi, hæc an illâ actione individua, hoc an illo instrumento. Ad confirmationem, concedo esse causam substantiæ illius actionis in individuo, nempe quod potius sit hæc individua actio quam illa; sed hoc parum facit ad obligationem restitutionis.

Primò, quia qui est causa ut differatur damnum in crastinum, est causa cur sit alia actio individua damnicans, et tamen non tenetur. Similiter qui rogat ut alio loco occidat, ubi minus erit scandalum.

Secundò, qui volenti furari 10 suadet ut furetur 20, est causa illius individua actionis quâ vult 20, et illius quâ accipit 20, et tamen non tenetur nisi ad 10, eò quod furti duntaxat horum censeatur causa, ut docet Medina, Covar., Petrus Navarr. et alii : ergo ut quis teneatur in solidum, non sufficit ut sit causa totius actionis ut hic et nunc sit, sed ulterius requiritur ut actio illa secundum suam speciem, sine tali cooperatione à tali executore non sit processura.

10. Ex his patet hanc sententiam esse probabilem, etsi altera quoque probabilis sit, et hoc tempore in scholis receptior; unde sentio in praxi ordinariè sequendam; id enim isti iniqui cooperatores merentur, ut in posterum sibi caveant.

DUBITATIO III.

Quomodo oporteat positivè cooperari, nempe jussione, consilio, consensu, palpatione, receptione et participatione, ut censearis causa damni.

11. Respondeo primò, de jussione : Qui ita jubet ut alterius animum ad maleficium moveat, censetur damni causa, imò inter causas præcipua, quia non est efficacior modus quo creatura rationalis liberè ab alio moveatur, quam per mandatum : mandans enim quamdam obligationem et necessitatem imprimit alteri. Dupliciter autem potest quis mandare, primò, expressè, ut si dicas famulo. Occide, volo occidas; secundò, implicite, ut si dicas : Utinam mihi hoc obsequium quis præstet ! charus mihi erit qui hoc fecerit.

12. Adverte tamen primò : Si revoces mandatum ante maleficium patratum, idque mandatario innotescat, non teneris, quia jam tollis causam : quâ de re sunt multa jura, ꝛ. mandati.

13. Secundò, enim qui ratum duntaxat habet ma-

leficium nomine suo factum, non obligari in foro conscientie ad reparationem damni, ut rectè Medina, quæstione 7, ad quartum argum., quod est contra Navarrum, cap. 27, num. 253, qui putat ratihibitionem obligare instar mandati, si dum mandare poteris, damnum tuo nomine sit illatum. Sed contrarium est verum. Ratio est, quia ex illâ ratihibitione facti præteriti, ipsum factum, per quod damnum illatum est, nullo modo pendet, tanquam ex causâ movente. Nec refert quòd nomine tuo factum sit, quia inde tantum sequitur voluntatem tuam fuisse causam finalem, et ideò illum fecisse, ubi tibi gratificaretur, quia putat tibi gratum futurum : sed hoc non sufficit, ut tu censearis causa efficiens, et voluntariè movens ad damni irrogationem. Finis enim non movet voluntariè, sed naturaliter, ex parte suâ.

Dices : Cap. Ratihibitionem, de regulis juris, in sexto, dicitur : Ratihibitionem retrahere, et mandato non est dubium comparari.

Respondeo : Comparatur mandato, non respectu operis patrati, et obligationis restituendi, sed respectu contractuum (quia solâ voluntate foris expressâ firmari possunt contractus præteriti, non autem causari damnum præteritum). Item respectu pænæ in foro externo, quia qui ratum habet maleficium, punitur sicut qui mandavit.

14. Secundò, de consilio. Hoc similiter est causa, dum quis ex eo permovetur ad faciendum opus. Huc etiam pertinent preces et promissiones. Ex quâ verò culpâ in dando consilio quis teneatur, explicatum est supra, cap. 7, dub. 7. Modò satis sit eum teneri, qui fraude vel culpâ latâ iniquum consilium dedit.

Sed difficultas est primò, si consultor ante peperatum maleficium revocet consilium, utrum nihilo minus teneatur.

15. Resp. et dico primò : Si dedisti consilium falsum vel falso fundamento subnixum (v. g., dicendo contractum esse licitum, bellum esse justum, et similia), sufficit ut postea retractes sententiam, dicendo te deceptum, et sincerè veritatem explices, eo modo, iisque rationibus, ut is cui consilium dedisti, intelligat te ex animo, non muneribus corruptum loqui : sic enim prius consilium satis eliditur; unde si ille nihilo minus in concepto facinore persistat, jam non tuo consilio, sed suâ duntaxat malitiâ, vel privatâ opinionione videbitur moveri; ac proinde tibi non putabitur.

16. Dico secundò : Si dedisti consilium verum, ostendendo utilitatem vel honorem qui ex opere iniquo consequetur, vel machinanti malum, occultam nocendi rationem aperuisti, non sufficit revocare ostendendo rem esse illicitam, suadereque contrarium; sed oportet persuadere : si enim ipse permotus istâ utilitate vel commoditate exequendi, quam aperuisti, facinus perficiat, teneberis. Ratio est, quia ostensione commodi vel honoris, voluntatem ipsius ad damnum inferendum permovisti, et hæc motio manet, quamdiù ipse eodem motivo incitatus, conceptum facinus vult proseguire : ergo cum sis causa istius voluntatis,

etiam ex causa effectus ejus, scilicet damni secuti. Simili modo, occultum nocendi artificium aperiendo, veluti armis et auxiliis instruxisti ut noceat, sine quibus non potuisset nocere, et per quæ in proposito nocendi fuit confirmatus: sicut qui furenti præbet arma ut inimicum occidat, tenetur, nisi reipsa abstulerit, nec illis occidat. Confirmatur, quia cum prævum consilium dares, debebas cogitare mala quæ inde sequi poterant, et non fore postea in tua potestate impedire, quin consilium illud exeat in opus.

17. Hinc intelligi potest distinctio inter *mandantem* et *consulentem*: cum enim mandatarius agat nomine mandantis, ut ipsius voluntati morem gerat, hoc ipso quo mandans revocat mandatum, et revocatio innotescit mandatario ante operis executionem, cessat omnis ratio agendi à mandante proposita, ac promde omnis motio ab ipso proveniens, non secus ac si vis telo impressa subito colibeatur et extinguatur. Dixi: Si *revocatio innotescat* mandatario, quia si non innotescat, tenetur mandator effectui secuto, non minus quam si non revocasset, quia ex vi mandati damnum datum est. Unde etiam incurrit censuras et irregularitatem, si forte mandanti (ut, v. g., in percussione clerici) posita sit, nec refert quod modo sit in statu gratiæ, quia etsi censura talis non contrahatur nisi propter peccatum mortiferum, non tamen est opus, ut illius peccati culpa tunc committatur, sed sufficit commissum esse, et effectum ejus, seu opus externum ex vi illius tunc fieri: sicut in proposito accidit. Nam opus externum imputatur mandanti tanquam auctori principali, qui altero sit usus ut instrumento. Qui verò consilium accipit, agit nomine suo, id est, ut rebus suis consulat; unde non statim cessat ratio agendi ipsi impressa, nisi contrarium persuadeatur, vel certè nisi ostendatur, illam rationem, ob quam motus fuit, non subesse; unde effectui secuto, censuras incurret.

Quando verò quispiam precibus, blanditiis, promissis induxit alterum ad conflandum maleficium, sufficit ut quantum in se est, ostendat sibi displicere, sequè propositum mutasse, et promissa rescindere; nam alter nomine ipsius acturus erat, seu ut ipsi gratificaretur.

18. Adverte tamen non esse impossibile consultorem non teneri, si consilium, quantum in se est, revocet, et contrarium persuadere nitatur, quamvis reipsa non persuadeat. Ita Pet. Navarra, l. 3, cap. 4, n. 27, citans pro se Joan. Medinam. Idem docet Salomius, q. 62, art. 7, controvers. 6. Neque ponunt in hoc discrimen inter mandantem et consultorem. Ratio esse potest, quia quando fecit quod potest ut consilium prius evertat, vel ostendit, omnibus consideratis, esse iniquum et non sequendum, non videtur executor ipsius consilio moveri, sed suâ malitiâ. Sed quod diximus videtur verius.

Petes utrùm, si mandatarius post revocationem mandati ipsi insinuatam perstet in proposito patrândi maleficii, v. g., occidendi Titii, teneatur mandans lege justitiæ monere Titium ut sibi caveat, vel aliter im-

pedire effectum. Quidam putant sic teneri. Ratio est, quia mandans dando mandatum de rito occidendo, fecit injuriam, ergo ex justitiâ tenetur impedire damna quæ ex illa injuria sequi possent, ergo si scit de ipsi minime periculo, ex justitiâ tenetur illud impedire, prout commodè potest, v. g., admonendo illum ut sibi caveat, etc. Confirm. quia ad hanc obligationem sufficit ut Titius ex injuria à mandante illatâ sit constitutus in hoc periculo.

Sed contrarium tenent plerique doctores, non teneri lege justitiæ, sed solum charitatis, etsi fortè strictius quam alii, eò quòd occasionem periculi dederit. Ratio est, quia etsi fecerit injuriam Titio, mandando ejus homicidium, et voluntatem alterius ad hoc flectendo, tamen hæc injuria ante effectum fuit ablata. Nam voluntas illa occidendi in gratiam mandantis, planè evanuit. Nec refert quòd ille dicatur perstare in voluntate occidendi, quia hæc voluntas non est eadem, sed diversa, utpote ex alio motivo concepta, quæ planè per accidens et fortuitò sequitur priorem voluntatem. Ad confirm., periculum in quo post revocationem mandati Titius versatur, non est ex injuriâ vel opere mandantis, sed ex malitiâ et arbitrio mandatarii. Denique, si illa sententia vera esset, mandans semper teneretur ad restitutionem secuto effectui, etiamsi non solum revocasset mandatum, sed etiam omnibus aliis modis conatus fuisset impedire: sicut qui per injuriam constituit aliquem in periculo hostium, ex quo illum non potest eripere, tenetur secuto damno.

19. Secundò difficultas est, utrùm consulens minus damnum ad avertendum majus, teneatur ad restitutionem.

Resp.: Si consulas inferri alicui damnum minus, ne eidem inferatur majus, non teneris. Ratio est, quia utiliter negotium illius geris, et meritò tibi gratiam debet pro hoc beneficio. Neque peccas suadendo minus, etsi ille de eo non cogitasset, (ut putat Pet. Navarra, supra, n. 29), quia non suades absolutè (hoc enim est illicitum, sicut et facere), sed sub conditione, nempe si alterum omninò velit facere, vel si aliter à majore abduci non potest: quæ conditio intelligitur, quando suadetur ei, cujus animus putatur obfirmatus. Si autem suadeas latroni, ut alteri, de quo non cogitabat, damnum minus inferat, teneris, quia injuriam illi facis, dum illum animo latronis, nocendi cupido, objicis: non enim licet impedire damnum Petri cum injuriâ Pauli. Hinc sequitur peccasse Loth, Gen. 19, dum Sodomitæ in hospites irruere conantibus, suavitè stuprum filiarum, quia suavitè injuriam in eas, de quibus ipsi non cogitabant, ut omittam quòd ex officio paterno earum pudicitiam tenebatur tueri, quamvis fortè excusari possit, quòd vel ex perturbatione id dixerit, vel ad declarandum sceleris, quod attentabant, immanitatem: quomodò dicere solemus: Me potiùs interfice, quam illi noceas. Vide Cajetanum in illum locum, et Lipomani Catenam.

20. Adverte tamen primò: Si Paulus esset vir opulentus, qui non putaretur gravatè suscepturus minus

damnum ad avertendum damnum Petri multò gravius, liceret illud consulere. Idem videtur, si Petrus illud minus damnum Paulo esset repensurus: tunc enim Paulus ex claritate teneretur permittere.

21. Secundò, si latro de utroque cogitaret, et anceps esset utri vellet damnum inferre, constitueret tamen firmiter inferre alterutri, posses suadere in genere quod minus est: malum enim minus respectu majoris non censetur malum. Neque per hoc consilium fit injuriæ ei cui minus damnum infertur, quia non revocas maleficio in mentem aliquid quod non cogitabat, sed tantum in genere doces, minus malum potius esse faciendum, quam majus, si necesse sit alterum fieri (quæ doctrina vera est et utilis), et indicas utrum ex duobus sit minus; in quo etiam veritatem, quam nosse expedit, ostendis. Unde non potest alter queri sibi factum à te injuriam; non enim dicis: Fac huic potius injuriam quam isti; sed tantum proponis veritatem speculativam; quod ut facias, justam causam habes. Juxta hæc intelligendus est Sotus, lib. 4 de Justitiâ, q. 7, a. 3, sub finem. Contrarium videtur sentire Pet. Navarra, supra, n. 50. Sed nihil aliud ejus ratio concludit, quam in particulari non licere directò maleficio inclinare in alterutrum, rogando ut huic potius quam illi noceat. Nos autem tantum dicimus, posse in genere suadere, ut faciat id quod minus est, et indicare utrum sit minus, relinquendo ipsius judicio, utrum malit amplecti.

22. Tertio loco est *consensus*: hic est causa, quando ab alienius consensu pendet, ut res fiat vel non fiat, v. g., ut huic inferatur bellum, ut iste eligatur in prelatum. Quòd si id à consensu tuo non pendeat, eò quòd auctoritatem nullam habeas, vel si absque tuo consensu jam antea æquè erant parati, neque illum expectarint, non censetur causa damni.

23. Hinc fit ut quādo plures ferunt suffragia, vel subscribunt in causam iniquam, si tu etiam consentias, postquā sufficiens numerus suffragatus est, non tenearis ad restitutionem damni secutori (etsi mortiferè peccaveris consentiendo), nisi spes fuerit, te contrario suffragio posse malum impedire. Ita Navarrus, c. 17, n. 21, et Cajetanus, v. *Restitutio*, c. 1, § *Consensus*. Ratio est, quia jam causa damni ita est disposita, ut æquè et eodem modo damnum sit secuturum absque tuo suffragio, atque cum illo; quare tuum suffragium accedens, non est ullo modo causa damni. Si tamen tuum suffragium ante contulisti, quā sufficiens numerus esset causæ inique suffragatus, teneris ad restitutionem, etsi certò sciveris, sequentes in eandem partem concessuros, ut rectè Cajetanus. Ratio est quia suffragium tuum causæ damnosæ aliquid contulit, ejusque pars in effectum influens est effecta.

24. Dices: Hoc suffragium non fuit causa sine quā non: ergo, etc.

Resp. negando antecedens; fuit enim causa sine quā non fieret damnum, nullā aliā simili causā accedente; nam quando se adjunxit causæ damnosæ (suffragantium numero), nondum ipsa erat ita disposita

et valida, ut sufficeret ad damnum inferendum. Hoc autem suffragium accedens illam complevit. Similiter teneris, si spes erat te alios ab iniquo suffragio posse revocare, quia ex officio quisque suffragantium teneretur damnum impedire, si potest.

25. Quarto loco est *palpo*, id est, adulator, qui laudat malefactorem, aut scelus patrandum commendat. Quò etiam pertinet exprobratio ignaviæ, ut quòd injuriam, quam accepisti, non sis ultus. Hic teneretur, quando ex tali laudatione vel exprobratione alter impellitur ad maleficio. Ratio est quia est instar consilii; proponit enim laudem, gloriam, decus, vel ignominie abstersionem, quæ ex maleficio videntur consequutura.

26. Quinto loco est *recursus*, seu recursum præbens; hic teneretur, quando eo modo præbet recursum, ut moraliter censeatur furi cooperari ad damnum inferendum, vel ad non reparandum illatum, v. g., si illum recipiat et non alios passim, si illum aut ejus instrumenta occultet, ita ut hinc animetur ad damnum inferendum.

Dices: Ergo qui occultat furem, dūm quæritur à lictoribus, tenebitur ad restitutionem, si postea ille damnum intulerit.

27. Resp.: Verum est, si id ita faciat ut in posterum det spem similis opitulationis, et fur illā fidens, rursus damnum inferat; alioquin si non det illi spem refugii in posterum, non teneretur, quia non eo fine, nec eo modo abscondit, ut moraliter censeatur causa damni: sed tunc merè per accidens ex illo opere damnum sequitur. Dicitur etiam *receptor*, quia rem furtivam in custodiam accipit, ut furi servet: hic teneretur domino, si eam furi reddiderit (si tamen absque notabili incommodo poterat ei denegare), quia non poterat eam in deteriori statu constituere, quā apud se erat. Item quia censetur cooperari furi ad retentionem rei alienæ. Vide Silvestrum, *Restit.* 3, q. 6.

28. Sexto loco est *participans*. Dupliciter autem dicitur quis *particeps*: primò, qui particeps est prædæ; et hæc ratione teneretur pro eā parte, quæ ei obvenit. Secundò dicitur participans, qui particeps est iniquæ operationis, præbendo auxilium et adjuvando ad executionem, sicut qui scalas apponit, vel eas sustinet fure ascendente, qui excubias agit, qui instrumenta suppeditat, qui furem comitatur defendendi causā, qui juvat effringere, asportare, etc., qui remos in tiremibus hostium impellunt, qui tormenta ad moenia vel propugnacula hostilia pertrahunt, et similes. Hi semper tenentur ad restitutionem hoc ipso quo aliquid auxilii ad iniquam executionem contulerint, si id spontè et sine compulsione fecerunt, et maxime quando aliàs damnum non fuisset secuturum.

29. Dixi: Si id spontè fecerunt, quia si quis justo metu coactus fecerit, non teneretur, modò id quod facit non sit per se malum. Itaque hoc metu compulsus, potest apponere scalas, præbere instrumenta effringendi, juvare conscendere murum; hæc enim per se sunt indifferentia, neque ledunt dominum, nisi ex iniqua intentione et usu furis, qui his auxiliis uti-

tur ad malum finem : pari modo potest jurare in re, postquam sublata est, asportanda, et in peccato agendo in hac enim non est injuria in damnum, si ex gravi metu fiant, postquam res sublata est, sicut enim far ipse, justo metu urgente, non tenetur rem ablatam restituere, ita potest eum ob eandem metum de loco in locum transferre; quare multo magis id poterit innocens, qui rem non surripuit.

50. Hinc sæpe excusantur rustici qui prædas militum injustas coguntur avehere, vel pecora sublata deducere. Non tamen hoc metu potest quis domum alienam perfringere, vel per fenestram penetrare, et res foras projicere, vel pecora e stabulo abigere; nam hoc est esse causam principalem et directam furti et injuriæ; quocumque enim res meas primo auferit vel lammificat, injuriam mihi facit, quocumque metu id faciat, nisi forte id faciat eum animo compensandi: tunc enim dominus id meritò debet permittere, ne alter gravissimum malum incurrat.

Dices: Isti cooperatores, qui functiones illas ad malum prævias obeunt, possunt interfici ab iis qui injustè oppugnantur, vel impetuntur, si malum alià ratione nequit averti; ergo iniuriam agunt. Consequentia patet, quia alioquin daretur bellum utrimque justum, seposità ignorantia. Confirmatur, quia etsi illud quod faciunt, in abstracto et per se consideratum non sit malum, sed adiaphorum; tamen, ut hic et nunc fit, est vera cooperatio injuste invasionis.

Ob hoc argumentum putant quidam cum Navarro, remiges Christianos, qui coacti metu mortis, agunt remos apud Turcas, non excusari.

Sed responderi potest posse interfici, non jure vindictæ tanquam reos criminis, sed jure necessariae defensionis (alioquin enim impossibilis esset defensio); quo modo etiam pueri et amentes interfici possent: etsi enim illi jus habeant ad illam actionem, quatenus est necessaria ut mortem evitent, qui tamen impugnantur, adversus quos hostis utitur illorum opera, jus habent ut se defendant, et victoriam persequantur, et consequenter ut faciant ea quæ ad hunc finem necessaria sunt. Ad probat. consequentia, concedo posse dari speciem quamdam belli utrimque justæ, maximè ubi ex alterâ parte non est propinqua vel directa oppugnatio. Sic servo bello capto licitum est fugere; tamen si fugerit, dominus potest eum castigare, ut dictum est supra c. 5, dub. 5, et reus potest effracto carcere erumpere; tamen si fecerit, potest puniri, ut infra c. 31, dub. 5, ostenditur; idem aliis exemplis posset ostendi: secus tamen, si utrimque sit propinqua impugnatio; unde illi dum causâ defensionis impetuntur, non possunt se defendere, ledendo justos defensores vel invasores, sed tenentur desistere, quia cessat coactio, vel si adhuc durat, illi parendo, mortem non vitabunt, sed aliunde incurrunt.

Ad confirmationem, dicendum est illud opus non esse malum ut procedit à voluntate ejus qui coactè agit, sed solùm ut subest directioni cogentis et utens eo ad malum finem, quæ malitia non est imputan-

da an misero, nec actionem, ut ab ipso est, contingat: sicut cum quis restituit gladium ardenti in eadem hostis sui, metu mortis adactus.

51. Petes utrùm is qui vendit arma properanti ad bellum negatum, vel venenum machinanti mortem alterius, censeatur cooperari, ita ut teneatur ad restitutionem?

Resp. primò: Si vendas arma soli parti iniquæ, et recuses alteri, teneris, quia ita vendis ut censearis cooperari. Secundo, si vendas passim omnibus petentibus, non teneris, quia externo actu venditionis non censeris magis cooperari parti iniquæ, quàm alteri; deinde quia damnum omninò remotè et per accidens sequitur ex hujusmodi venditione: non enim magis tendit ad irrogandam injuriam, quàm ad depellendam. Tertiò, si vendas jam contractâ pugnâ, vel proximè impendente, teneris, quia vendendo ei qui jam proximè comparatus est ad injuriam inferendam, censeris ei propinque cooperari, sicut qui furenti in eadem inimici, præbet gladium; cùm enim tantum malum possis et tenearis impedire, arma negando, si ea præbeas, non videris ob exiguum illud lucellum præbere, sed ut juves et servias ejus intentioni. Secus si magnum lucrum vel damnum esset propositum. Quartò, si vendas venenum ei qui dicit se petere ad interimenda noxia animalia, non teneris, etiamsi putes eum malo fine petere. Ratio est, quia eo modo vendis, quo aliis vendi solet. Confirmatur, nam qui vendit agnum Judæo, quem putat sacrificii causâ emere, non censetur ei cooperari ad superstitionem, quia ista venditio cum his circumstantiis facta est indifferens ad usum bonum et malum, et ex modo quo fit, non videtur fieri ad usum malum quem alter occultè intendit, sed ad bonum quem ex naturâ suâ vel justâ institutione habet: ergo neque qui arma vel venenum, si eo modo vendat quo passim aliis consuevit.

DUBITATIO IV.

Utrum is qui aliquo horum sex modorum cooperatur, teneatur in solidum.

52. Respondeo: Quod ad quinque priores modos attinet, *consulens, mandans, consentiens, laudans et receptans*, tenentur ad reparationem totius damni, si totius causa fuere, partis verò, si solùm partis damni causam dederunt: patet ex dictis. Sed quid, si volenti furari 10, suaseris ut acciperet 20, teneberisne ad 20?

Resp.: Si volenti furari 10, suasisti ut præterea alios 10 furaretur, non teneris nisi ad 10, quia non fuisti causa prioris volitionis, quæ cepit hæc 10, sed posterioris tantum, quæ ad alia 10 pertinet. Si verò suasisti ut furaretur 20, putat Adrian. q. 1 de Restit. § *Jam dicam*, eum teneri ad 20, quia est causa novæ voluntatis, pertinentis immediatè ad 20.

53. Sed contrarium est verius, ut docet Medina, c. de Restit. q. 8, et Covar. ad regul. *Peccatum*, part. 2, § 12, n. 4, nempe solùm teneri ad 10. Ratio est, quia suo consilio non fuit causa, nisi ablationis 10, nisi fortè suo consilio reddiderit ipsum in proposito

firmiorem, vel causa fuerit ut citius ageret, quam alioquin erat facturus : tunc enim censetur causa totius inique damnificationis, quatenus hic et nunc peragitur, juxta Cajetanum, Sotum et Medinam, de quo dubit. 2.

Utrum autem aliquis alterius consilio sit firmior redditus, non potest facile deprehendi, nisi exterius aliqua cernatur in opere variatio, ut si citius, audacius, ardentius solito faciat, vel indicet se ambiguum antè fuisse.

34. Sed præcipua difficultas est de sexto modo : nempe de *participante* vel *adjuvante*, ut quando milites spoliunt urbem : quidam enim videntur existimare singulos damni socios teneri in solidum, alii negant. Sed utendum est distinctione ; vel enim cooperantur ad idem individuum damnum, vel ad diversum. Quo posito,

Dico primò : Si cooperetur ad idem damnum individuum, tenetur in solidum, etiamsi socius constituerat solus inferre, juxta sententiam Cajetani, Soti, et Medinæ supra, ut si juves ad eandem domum incendendam, ad idem pondus auferendum, ad eundem gregem abigendum, ad eandem domum effrugiendam. Et de tali cooperante intelligendi sunt prædicti doctores, dum dicunt eum qui cooperatur ad idem damnum, teneri in solidum ; hoc enim limitandum est ad idem individuum damnum, quod à pluribus, tanquam partibus unius integræ causæ, infertur ; quisque enim tunc est causa partialis totius damni, ut hic et nunc fit, et in totum vim confert, licet partialem : sicut dum plures unam navem trahunt, unum pondus gestant. Nec refert quòd sine te fieret, quia non fieret, nisi tu vel alius tuo loco similem vim conferret ; nam per solam illam vim, quam nunc socius adhibet, executio non fieret, vel certè non eodem modo fieret ; per plures enim fit facilius, celerius, animosius.

35. Hic tamen adverte hanc sententiam maximè habere locum, quando quis cooperatur immediatè exequendo maleficium cum alio, tanquam causa partialis : tunc enim proximè est causa damni, ita ut sine ipso, vel alio similem opem conferente, non fieret, ut patet in eo qui juvat rem auferre. Si verò solum cooperetur mediatè, præbendo instrumenta, juvando consendere, ligando vinctum, probabilis est sententia Navarri, Silvestri et aliorum, non teneri, si damnum æquè per executorem erat inferendum, juxta ea quæ diximus dubit. 2.

36. Dico secundò : Si verò non concurrat ad idem damnum individuum, sed distinctum irroget, non tenetur in solidum, sed duntaxat pro suâ parte. Ita docet Adrianus q. 4 de Restit., Silvest. Restit. 3, q. 6, § Quartum, Navarrus c. 17, n. 21, et alii. Ratio est, quia tunc quisque solum est causa partis damni, quam ipse per se dedit, non autem totius, aut partis, quam alius fecit, nisi fortè alium impulerit, ut citius aut alacrius faceret, aut nisi se vicissim permoverint vel animarint, sicut quando tres vel quatuor milites se mutuo excitant ad alicui damnum inferendum ; tunc enim singuli censentur causa totius damni ; hoc

tamen ordinariè non accidit, nisi inter paucos.

37. Hinc fit ut miles gregarius non teneatur nisi de damno, quod ipse per se in bello iniquo dedit : non autem ad totum illius belli (quod est contra Covarr. reg. *Peccatum*, 2, part. § 12, n. 2, et Josephum Angles in 4, difficultate 10, de Restitut. ex bello), quia totius damni causa non fuit, sed duntaxat suæ partis, ut rectè Silvest. v. *Bellum*, 1, q. 10, § Sexta, et Navarr. n. 22. Nec obstat quòd singuli juerint ad iniquam expugnationem et ingressum in urbem, quia solum juerunt faciendo partem suam : non autem procurando ut alii suam in illo damno facerent, aut ut urbem expugnarent ; undè sicut iste non est causa damni, nisi ratione partis quam ipse intulit, ita non tenetur ad restitutionem, nisi pro suâ parte. Sicut enim totus exercitus est causa totius damni, ita singuli suæ tantum partis, nisi aliâ ratione alios juerint vel incitaverint. Dux tamen tenetur ad totum, quod per milites illatum est, quia vel eos ad hoc direxit, vel si non direxit, saltem tenebatur eis officio impedire.

Petes : Quid, si dubium sit an alios tuo consilio vel laude permoveris ?

38. Resp. : Communis ferè sententia doctorum est, te non teneri, quia melior est conditio possidentis. Cur enim tantum onus in te suscipias, si dubitas an causa damni fueris ? debet ergo moraliter esse certum. Idque locum habet in omni casu in quo dubitatur an causa damni fueris, si post diligentem inquisitionem dubium manet. Ita docent Silvester supra q. 6, in principio, ubi dicit esse sententiam communem, et Petrus Navarra l. 3, c. 4, n. 58, Joannes Medina, c. de Restit. q. 7, et multi alii ; et favet apertè S. Thomas q. 61, art. 7.

Sed contrarium docet Thomas Sanchez lib. 2 de Mat. disp. 41, n. 17, cum Covar., Clem. Si furiosus, 2 p. § 2, n. 1, et multis jurisperitis. Idem docet in Summâ lib. 1, c. 10, n. 44. Ratio ipsius est, quia cum dubio nemo præsumatur delictum admissurus, L. Merito, π. Pro socio, in hoc dubio an absque meo consilio Titius esset perpetraturus, præsumendum est non fuisse perpetraturum ; ac proinde ipsum meo consilio fuisse impulsam ac determinatam ad facinus ; quæ sententia videtur verior, quando reverà planè erat dubium an sine meo consilio vel laudatione fuisset facturus. Secus, si in eo tales erant dispositiones, ut meritò possit præsumi per se facturus. Vide infra c. 27, dub. 3, num. 13.

DUBITATIO V.

Quo ordine teneantur isti in solidum restitutionem facere.

39. Omissis variis sententiis, respondeo : Si aliquid ablatum sit, primo loco et antè omnes tenetur is, ad quem res furtiva pervenit, sive exstet in specie, sive non exstet, si tamen indè factus sit ditior. Ratio est, quia hic obligatur ratione rei acceptæ, quæ obligatio in summâ ; nam ex alienâ, quamdiù exstat in specie, per se debetur, semperque clamat, ut dici solet. Si

consumpta sit, vel consumpta est bonâ fide ab eo qui ignorabat esse furtivam, et sic non tenetur, nisi quantum ex ea factus est ditior; vel consumpsit malâ fide, sciens esse alienam, vel certè dubitans; et sic tenetur restituere pretium, quia quod consumpsit eam malâ fide, non liberat eum, quin primo loco teneatur, perinde ac si exstaret; alioquin nova illa injuria liberaret eum a restitutione; cum enim ipse ex eâ re commodum sciens et volens perceperit præ reliquis, par etiam est, ut præ aliis quoque veniat in onus restitutionis.

40. Si aliquis ex sociis damnum compensaverit, illi restituenda est res illa vel pretium ejus, non domino, quia in jus domini successit. Vide Cajetanum q. 62, art. 6, et Covar. reg. *Peccatum*, p. 2, § 12.

41. Dubium tamen est, an is qui bonâ fide rem furtivam emit, possit eam furi restituere, ut pretium redipiscatur, etiamsi dominus eam non esset recuperaturus, de quo infra c. 14, dubit. 3. Si verò nihil ablatum sit, sed tantummodo damnum irrogatum, primo loco tenetur is qui coegit, vel fraude induxit, vel qui impetravit, cui alter non fuit ausus contradicere, ut si dux imperet militi ut occidat, incendat, spoliât; si quis persuadeat id esse licitum, si conviciis impellat. Ratio est, quia hic injustè conjecit alterum in obligationem restitutionis; unde si hic restituit, executor, vel his qui hoc modo inductus est in maleficii societatem, non tenetur quidquam ei refundere, quia hic inductor totum debet compensare.

42. Pari modo tenetur primo loco qui suo nomine fecit, vel rogavit fieri, vel suasit. Primò, quia is cujus nomine fit, est causa principalis, quæ instar finis et efficientis moralis movet cæteras: ergo tenetur antè cæteras. Secundò, quia qui commodi vel honoris vel oblectamenti sui causâ cupit fieri maleficium, implicite hoc ipso censetur in se totum onus restitutionis suscipere; par enim non est, ut onus et obligationem maleficii in alios rejiciat, qui suâ causâ illud fieri postulat, ut si roges Petrum ut interficiat tuum inimicum: in hoc casu vera est sententia Cajetani, Soti et Bannesii, quæ affirmant eum qui alios induxit, teneri primo loco, et inductos non teneri illi quidquam refundere.

43. Adverte tamen esse quamdam sententiam, quam Petrus Navarra l. 3, c. 4, n. 101 et sequentibus, multis rationibus confirmare nititur: nempe hunc non teneri primo loco, quin executor et alii teneantur suas partes conferre, etsi minores, v. g., dampnum sit 6 aureorum: is qui jussit suo nomine fieri, tenebitur in restitutionem conferre 3, executor 2, laudator 1. Ratio præcipua est, quia omnes isti verè concurrunt ad damnum inferendum; ergo etiam concurrere debent ad restitutionem. Quæ sententia non est improbabilis, maxime quando executor mercedem habuit pro maleficio; tunc enim etiam suo nomine fecisse videtur. Contrarium tamen puto esse verius, quia qui maleficium suâ causâ fieri cupit, censetur etiam onus restitutionis in se recipere.

44. Secundo loco tenetur executor, quatenus est executor.

Tertio loco, ceteri qui consilium dederunt, qui consenserunt, qui laudaverunt vel animaverunt, qui præbuere recursum, et qui præstituerunt obsequium, instrumenta, comitatum. Probatur, quia executor, post eum qui jussit, vel suo nomine fieri voluit, est principalis; ceteri vero sunt causæ accessorie et secundariæ, fulcientes, et quodammodo servientes executori: quod enim faciunt, non suâ causâ faciunt, sed ut ipsum instruant et arment; alius enim ostendit viam perficiendi, alius utilitatem, alius laudem promittit, alius securitatem, alius obsequium et instrumenta præbet.

45. Unde sequitur primò, si executor restituerit, hos nihil teneri ipsi refundere, quia tenentur solum in ejus defectum, quamvis, ut ante insinuavi, non sit improbable, quòd ceteri teneantur illi ad aliquid refundendum, si illum induxerunt aliàs non facturum, et ipse non suâ causâ executus est. Ita enim tenet Cajetanus q. 62, art. 6, ad tertium argum., Bannes ibidem art. 7, et Sotus lib. 4, q. 7, art. 3, ubi etiam dicit: Si auctor non intentaret malum, nisi comitatus socii, socii tenentur ei restituere. Ratio illorum est, quia qui inducunt aliquem ad maleficium, sunt causa cur ille incurrat obligationem restitutionis; similiter qui comitantur eum qui aliàs non audeat. Sed quod diximus est verius; quamvis enim sint executori causa vel occasio mali, tamen quia nullâ vi vel fraude illum inducunt, non tenentur ipsi ratione hujus inductionis, neque censentur obligationem in se recipere, quia non suâ causâ fieri volunt.

46. Sequitur secundò, si executor noluerit, vel non potuerit restituere, teneri istos, quia succedunt in defectum executoris, sicut executor in defectum jubentis.

Sequitur tertio, si isti solverint, executorem (secundum veriore sententiam) teneri illis refundere totum. Ratio est, quia solvendo successerunt in jus quod dominus habebat in executorem qui prius tenebatur; unde sicut executor debuisset solvere domino ante ipsos, ita tenebitur ipsis solvere, qui jus domini in se transtulerunt, solvendo loco executoris: sicut si fidejussor, qui secundo loco tenetur, solvat, transfert in se actionem domini, quam habebat in principalem debitorem. Pari modo, si executor solverit, tenebitur ei jussor, vel is qui causâ suâ fieri voluit. Vide de his Silvestrum Restit. 3, q. 6, § 5, ubi, pro hac sententiâ citat D. Thomam, Rosellam, et Supplem. Idem docet Covar. ad regulam *Peccatum*, p. 2, § 12, num. 3.

47. Sequitur quartò, si executor nomine omnium executus est facinus, omnes simul teneri primo loco, quia illorum causâ factum est, et illi, in hoc consentiendo ut sic fieret, tacite in se receperunt obligationem; executor autem, quæ executor, tenetur secundo loco, quamvis ut unus illorum quorum nomine factum est, teneatur primo loco. Itaque si ipse restituerit in solidum, reliqui tenentur ei conferre suas partes: ita tamen ut ipse quoque pro suâ parte in

compensationem veniat non ut executor, sed ut unus illorum, quorum nomine factum est; v. g., totum damnum sit 100 aureorum: omnes quorum nomine factum, comprehenso execute, sint 10, reliqui novem debent ei singuli 10 aureos.

DUBITATIO VI.

Utrum inter causas secundarias quæ tenentur post executorem, videlicet inter consultorem, consentientem, animantem, receptatorem et subministrantem, sit aliquis ordo in restituendo.

48. Petrus Navarra lib. 5, c. 4, n. 81, ponit inter has causas ordinem aliquem. Ratio ipsius est: Nam illa prior tenetur, quæ prius et immediatius effectum attingit; atqui inter has alia prius et magis attingit, alia posterius et minus: aliter enim attingit consultor, aliter laudator, aliter receptator. Idem docet Alcozer in Summâ, c. 21, ubi primo loco dicit teneri imperantem et consulentem; secundo, executorem; tertio, receptatorem; quarto, qui non impediunt, cum ex officio teneantur; quinto, custodem specialiter deputatum; sexto, qui tacuerunt, ut testes juridicè interrogati.

49. Sed verius est non esse inter has causas secundarias ordinem talem, qualis est inter principalem et secundariam, ita ut una solvete, reliquæ maneant liberæ; sed in defectum principalis, omnes hæ causæ videntur teneri æquè primò, sic tamen ut alia ad plus, alia ad minus teneatur. Ratio est, quia una non est operata ad damnum, tanquam instrumentum alterius, vel alterius nomine, sed quæque per se in suo ordine; laudans enim non servit consentienti vel consulenti, nec ejus nomine agit, neque contra, ut suppono (si enim ponamus aliquem ex his alterius nomine agere, non tenebitur ille æquè primò, sed secundariò et in defectum illius cujus causâ egit, ut dictum est, quia ille in se suscipit obligationem). Itaque acquissimum videtur, si executor non restituat, ut isti omnes in locum ejus immediatè succedant, et teneantur pro ratâ portiones conferre, majorem quidem is qui magis videtur executorem movisse, minorem, qui minus; unde is qui est causa sine quâ damnum non fieret absolutè, plus tenetur conferre quàm is qui solùm est causa sine quâ non fieret tali modo, id est, ita celeriter, audacter vel atrociter.

50. Ex quo ulteriùs sequitur quòd plus interdum teneatur conferre consulens, quàm receptans vel consentiens; et interdum contrà, prout executor magis vel minus ab hac vel illâ causâ motus fuit. Et hoc videtur velle Petrus Navar. ; nihil enim aliud probat ejus ratio: omnes enim mediâtè et secundariò attingunt effectum (non unâ mediâtè, alterâ ut instrumentum alterius), quamvis alia efficacius aliâ. Unde solùm sequitur aliam plus debere in restitutione, aliam minus, non autem prius vel posterius; alioquin si receptator restitueret, cæteri nihil tenerentur ei refundere.

51. Ille autem ordo, quem ponit Alcozer, non

probat, quia nulla est ratio cur receptator teneatur prior quàm superior consentiens, aut consultor, prior quàm receptator. Imò si quis ordo ponendus sit, post executorem, prior teneri videbitur superior consentiens, quàm consultor vel receptator, quia ille tenebatur etiam ex officio impedire; unde dupliciter ex causâ tenetur, et quia consensit, et quia non impedivit.

DUBITATIO VII.

Quando plures sunt causæ damni æquè principales, vel æquè secundariæ, quæ videantur æqualiter contulisse ad totum damnum, ad quid singulæ teneantur.

52. Respondeo primò: Tenentur æquas portiones ad restitutionem damni conferre. Secundò, in defectum reliquorum, quisque tenetur in solidum. Tertio, ei qui prius solvit, tenentur reliqui, singuli pro suâ parte; v. g., tres communi consilio incenderunt domum valentem 3,000 aureorum, quisque tenetur conferre 1,000 pro suâ parte: si duo nolint, tertius tenetur in solidum; sed tunc habet jus exigendi 1000 ab utroque sociorum. Primum patet, quia cum eodem modo et æquè principaliter ad damnum sint cooperati, æqualiter tenentur ad ejus reparationem; ac proinde æquis partibus. Secundum patet, quia quisque cooperatur ad totum damnum: ergo in defectum sociorum tenetur ad reparationem totius.

53. Tertium patet, quia jus quod habebat dominus exigendi à singulis partem, translatum est in eum qui pro sociis satisfecit; non enim pro eis satisfecit ut essent omninò liberi, sed quia illis nolentibus, tenebatur domino restitutionem procurare; ergo potest ab illis repetere quod nomine illorum domino dedit, quodque ipsi dare debuissent. Confirmatur primò: Quia in hoc rectè eorum negotium gessit, ac proinde ipsi ratum habere tenentur. Secundò, quia dum nolunt solvere, non solùm creditori, sed etiam socio injuriam faciunt, cogentes eum solvere pro ipsis; ergo potest ab ipsis repetere.

54. Tertio, quia aliàs pejor esset conditio ejus quem prius pœnitet. Nec obstat quòd ipse alios induxerit ad damnum inferendum, quia si non imperavit, nec coegit, nec induxit in sui gratiam, ut facerent, sed ob communem utilitatem, omnes censentur eodem gradu et loco cooperari; nec quisquam videtur totum onus damni in se recipere; unde singuli ad suas portiones conferendas eodem gradu tenentur; ac proinde qui totum solvit, potest à cæteris suas partes exigere.

55. Contrarium tenent Cajetanus, Sotus, et Bannes supra, nempe eum qui induxit alios, non posse exigere ab illis ut partes conferant, eò quòd ipsis sit causa damni, inducendo in societatem maleficii. Sed quod diximus est verius, quia non fecit illis injuriam, sed volentes et consentientes induxit.

56. Ex his sequitur non esse universè verum, quod docet Angelus vº *Furtum*, num. 16: *Uno solvete, cæteros non teneri illi refundere, nisi fuerint causa sine quâ ille qui solvit, non fuisset inductus in*

crimen, etsi enim hoc sit verum in principali auctore solvente, respectu executoris, et in executore, respectu reliquorum, ut dictum est, non tamen est verum in duobus executoribus, vel consultiis, vel laudatoribus, etc., quorum alter non induxit alterum in crimen neque, in laudante, consentiente, consultore, etc., quorum alius alium non induxit, sed tantum induxerunt executores. Fateor tamen, in foro externo non dari actionem in socios, propter communis criminis, et hoc est quod significatur 1. Si *plures*, 17, c. de dolo, quam citat Angelus.

DUBITATIO VIII.

Utrum, si is qui damnum accepit, uni sociorum obligationem restituendi condonet, reliqui maneant liberi.

57. Respondeo et dico primò : Si condonet auctori principali, qui secundo loco tenebatur, manent liberi. Est communis sententia doctorum. Patet, quia hæc remissio est instar solutionis (unde solet à jurisperitis vocari acceptilatio, quæ est imaginaria quedam solutio); atqui solvete eo qui primo loco tenebatur, ceteri manent liberi, ut patet ex dictis: ergo, etc. Vide Medinam q. 8, dub. 3, et Sotum lib. 4, q. 7, art. 5, in fine.

58. Dico secundò : Si remittat ei qui secundo loco tenebatur, non ideò liberatur is qui primo loco. Ratio est, quia obligatio principalis auctoris non pendet ex obligatione secundarii, sed contra: quo fit ut, secundario solvete, teneatur ei principalis ex integro; solvete autem principali auctore, secundarius nihil teneatur ei rependere.

59. Dico tertio: Quando plures eodem gradu tenentur (id est, æquè primò, vel æquè secundario), etsi uni perfecta fiat remissio, non ideò ceteri sunt liberi à suarum partium restitutione. Ratio est, quia obligatio unius non pendet ab altero, sed omnes æquè mediâtè vel immediâtè se habent ad damnum.

Sed difficultas est, quantum quisque debeat, si id quod superest, in solidum sit compensandum: v. g., Titius, Stichus et Caius intulerunt damnum 300 aureorum, et Caio fit remissio.

60. Resp. Stichum et Titium debere suas partes, nempe utrumque seorsim 100. Quòd si Titius nolit restituere, vel non possit, Stichus non tenebitur ad totam portionem Titii, sed solum ad dimidiam, nempe ad 50; unde in universum ut restitutionem faciat, non tenebitur, nisi ad 150; non autem ad 200 vel 300. Ratio est, quia alterum dimidium portionis Stichi, quia non volebat vel non poterat restituere, ferre debet Caius, cui facta est remissio; nam eam ferre debuisset, si nulla remissio facta fuisset; atqui per remissionem non possunt socii gravari, sicut nec per solutionem.

61. Itaque dum Caio fit remissio, triplex remissio ei fieri intelligenda est: primò, ejus partis quam deberet, ceteris conspirantibus ad restitutionem, nempe 100 aureorum; secundò, partis quam deberet, uno recusante restitutionem, nempe 150: si enim Stichus noluisse restituere, tunc Caius cum Titio debuisset

restituere in solidum, collatis utrumque 150; tertio, totius quod debuisset solvere, utroque socio resolutionem recusante, nempe 300.

DUBITATIO IX.

Quomodo censetur quis causa damni negativè.

62. Respondeo: Si non impediatur damnum, dum ex officio tenetur. Hoc fit tribus modis, qui notantur his verbis, *mutus, non obstat, non manifestans*. *Mutus* dicitur qui omittit præcipere, si erat superior; consulere, si consultor; clamare aut strepitum edere, si erat custos rei, ad damnum impediendum. *Non obstat* dicitur, qui omittit opem vel operam, quæ poterat damnum impedire, et quam ex officio tenebatur navare, ut principes, magistratus, prepositi viarum, et similes. *Non manifestans* dicitur, qui, cum eo officio teneatur, omittit manifestare malefactorem, sive ante factum, quando damnum erat impediendum, sive post factum, quando sarcendum, ut custos rei custodienda deputatus: ita passim has causas explicant Sotus, Cajet., Silvest., Medina et Navarrus supra.

DUBITATIO X.

Utrum qui hoc modo causa damni fuere semper teneatur ad restitutionem.

63. Cajetanus verbo *Restitutio*, c. 1, § *Adverte quòd in his tribus*, putat etiam eos teneri ad restitutionem, qui etsi ex officio non tenerentur, tamen tenebantur ratione articuli necessitatis, et facillè poterant sine suo incommodo damnum impedire, ut si scias aliquos statuisse spoliare domum, vel occidere, et nisi indices, sequetur damnum. Ratio est, quia talis censetur causa illius damni, saltem indirectè, quod sufficit. Idem tenent Angelus verbo *Furtum*, n. 26, et Richard. d. 15, art. 5, q. 4, et quidam alii, cum hæc limitatione, si quòd non impediatur, ex malo animo facias. Sed contraria sententia est communis, pro quâ

64. Dico primò, neminem ratione damni non impediti teneri ad restitutionem, nisi ad hoc obligatus fuerit ex officio: colligitur hoc ex D. Thomà q. 62, a. 7, ad 3, et docent Medina q. 9, Navar. c. 17, n. 18, Covar. ad reg. *Peccatum*, p. 2, § 3, n. 5, qui dicunt hanc sententiam esse ferè communem. Ratio est, quia qui non obligatur ad impediendum ex officio, solum obligatur ex charitate: atqui violatio obligationis ex charitatis lege nascentis, non inducit necessitatem sarcendi damni; id enim proprium est vinculi justitiæ, ut omnes tradunt.

Dices primò, cap. *Quantus*, de sent. excommunic., Innocent III, dicit *eos qui consentiunt injicientibus violentas manus in clericos, et eos qui injiciunt, pari penâ condemnari ab Ecclesia*, nempe penâ excommunicationis. Secundò, cap. *Sicut dignum*, 6, de homicidio, Alexander III, ait: *Qui potuit hominem liberare à morte, et non liberavit, occidit*. Tertio, qui suadet alteri ne impediatur furem vel latronem aggredientem aliquem, tenetur ad restitutionem: ergo etiam is qui non impedit, dum facile potest.

65. Resp. ad primum : Innocentius ibi loquitur de iis qui consentiunt vel non impediunt, cum ex officio teneantur impedire, ut exponit Glossa, quanquam non negaverim posse excommunicationem ferri etiam in talem, qui non tenetur ex officio. Inde tamen non sequitur eum obligari ad restitutionem : nam propter peccatum mortale potest quis excommunicari, non tamen obligari ad restitutionem.

Ad secundum : Dicitur *occidere*, sicut is qui non pascit fame morientem, nempe culpâ homicidii, ut est contra charitatem, non ut contra justitiam, c. *Pasce*, d. 87, ex Ambrosio.

66. Ad tertium : Medina, concessio antecedente, negat consequentiam, et conatur ostendere eum qui remotior est, interdum teneri, quando propinquior non teneretur. Sed ex dictis cap. 12, dubit. 18, colligitur antecedens esse distinguendum : si enim is, qui suadet tibi ne latronem, qui invadit innocentem, impedias, id faciat sine vi aut fraude, non tenetur ad restitutionem, quamvis gravissimè peccet contra charitatem. Ratio est, quia non fecit contra aliquod jus justitiæ quod alter habeat, sed solum contra charitatis debitum ; ille enim innocens non habet jus justitiæ ad tuum auxilium, nisi quatenus in tuâ liberâ voluntate illud positum est. Unde quamdiu libertas tuæ voluntatis non impeditur, non fit ei injuria. Si tamen vi aut fraude impediret, tunc veram ei injuriam irrogaret.

67. Ad rationem initio allatam pro sententiâ Cajetani, respondeo eum qui tali modo est causa damni, solum esse causam privativam, quæ cum nullo modo influat in effectum, non tenetur ad restitutionem, nisi ex officio obligata fuerit ad impediendum : si enim solum ex charitate teneatur, solum contra charitatem peccabit.

Sed quid si fur det tibi aliquid, ne impedias ipsius furtum, clamando vel manifestando, teneberisne ad restitutionem ?

68. Resp. primò, te non teneri ad restitutionem pretii, nisi fortè sit pars furti : hanc enim teneris restituere ratione rei acceptæ.

Secundò, quod ad compensationem damni attinet, Sotus l. 4, q. 7, a. 3, putat te etiam non teneri ; quod probatur primò, quia non ideò magis obligaris ad impediendum, quòd pretium acceperis ut non impedias ; secundò, quia recipiendo illud pretium, non facis injuriam ei quem fur parat invadere ; sicut non facis injuriam, dum precibus tibi persuaderi sinis, ne maleficium impedias.

Contrarium videtur verius, quod tenent Petrus Navarra, l. 3, cap. 4, num. 152, et Salonijs pag. 273. Ratio est, quia hic non solum est non impeditio, sed etiam actus positivus, quo animat furem ; sine quo vel non fecisset, vel non tam audacter et securè fecisset. Aliud enim est, non impedire, aliud externo aliquo signo animare et securiorem reddere ; accipiendo autem pretium, videtur spondere securitatem. Quòd si solum non impediret, non teneretur, etiamsi pretium acceperisset, ut bene probant argumenta.

69. Dico secundò : Omnes qui obligantur ex officio impedire damnum alterius, si id ex culpâ gravi negligant, tenentur ad restitutionem. Est communis sententia doctorum. Probatur, quia illi ex justitiâ debent illum actum impeditionis damni : ergo omissio ejus est contra justitiam ; ergo si ex illâ omissione sequatur damnum, omittens est causa illius damni contra justitiam. Consequentia patet, quia, sicut damnum, quod sequitur ex injustâ commissione, est injustum ; ita etiam quod sequitur ex injustâ omissione. Unde, sicut teneris ad reparationem damni quod alteri datur ex opere tuo, contra jus ipsius facto, seu contra justitiæ debitum commisso, ita etiam teneris ad illud quod datur ex omissione, quæ sit contra jus ipsius, seu contra debitum quo ipsi obligaris ; quo modo debitor tenetur creditori ad interesse, quod sequitur ex non præstitâ solutione debitâ, ut rectè Medina, q. 8.

70. Ex his infertur primò, principes, magistratus, prætores et duces belli, teneri ad restitutionem, si omittant impedire furta, latrocinia, injusta monopolia, et similia damna, cum possint sine suo notabili detrimento vitæ, famæ, honoris, aut rei familiaris. Ita Silvester, rest. 3, q. 5, et alii doctores. Ratio est, quia ex officio, ac proinde lege justitiæ commutativæ tenentur, tanquam ad hoc conducti : ideò enim stipendia et honores à republicâ accipiunt. Dico : *Sine notabili detrimento*, quia non tenentur impedire damnum minus, cum suo majori vel æquali ; ita enim censentur reipublicæ operam suam veluti locasse, ut gravia communitatis damna (ut sunt latrocinia, hæreses et similia) teneantur impedire, etiam cum vitæ periculo, quia talia longè præponderant damno privato ; damna verò privatorum, quando id facere possunt sine pari damno suo.

71. Infertur secundò, idem dicendum de omnibus illis qui per modum contractûs sese ad alicujus rei custodiam obligarunt, stipendia ob eam causam accepturi ; nam lege justitiæ tenentur custodiam præstare ; unde, si omittant, tenentur damni secuti, sive ab hominibus inferatur, sive à feris, ut custodes hortorum, vinearum, saltuum, stagnorum, etc. Debet tamen damnum istud esse magni momenti, et dominus justâ ratione invitus ; unde si custos permittat aliquid pauperi, non ideò statim tenebitur. Vide Navarrum, cap. 17, num. 122 et 123.

72. Sed difficultas est, utrùm, si pœna sit constituta in eos qui certo loco venantur, lignantur, pascunt, aut certas merces exportant aut important, aut vegetal non solvunt, custodes dissimulantes aut non accusantes teneantur eam compensare ? Quidam putant teneri : ita Petrus Navarra, l. 3, c. 4, n. 142 ; Solonijs, q. 62, a. 6, controvers. 5 ; colligitur ex Soto, lib. 1, q. 6, a. 6, in fine quartæ solutionis. Ratio est, quia non accusando, vel non apprehendendo, sunt causa damni suis dominis, à quibus stipendia accipiunt, quorum tenentur commoda procurare : cum enim domini, hoc ipso quo quis contra legem hujusmodi pœnalem delinquit, jus acquirant ad multam pecuniariam, tenentur ipsi hoc jus non negligere ; quod

si negligent, peccant contra justitiam, ac proinde tenentur de damno secuto. Hæc sententia est probabilis.

75. Contrarium tamen videtur verius: hos custodes non teneri multam dependere, quæ delinquentibus irroganda erat. Ita Navarrus, cap. 25, num. 34; Silvester, restit. 3, quest. 5. Idem tenuit S. Bernardinus, teste Silvestro et Navarro. Ratio est, non quod pena non debeat ante sententiam, ut videtur velle Navarrus (non enim hic agitur de solutione penæ, sed de damno dato, vel commodo contra officium neglecto), sed quia custodes hujusmodi non tenentur ex justitiâ accusare, ut dominus vel respublica ditetur mulctis, sed solum ut damna impendantur, et vectigalia solvantur; officium enim illorum non est mulctas procurare, sed vectigalia recipere, et res suæ custodiæ creditas indemnes præstare. Leges quoque penales et commissoriæ non sunt factæ, ut respublica ex pœnis locupletetur, sed leges servantur, et subditi officium præstent. Unde neque procurator fiscalis non accusans, neque judex non condemnans in tali casu, tenentur ad penæ illius compensationem.

74. Inferitur tertio, etiam teneri tutores et curatores, qui negligent impedire damna pupillorum et minorum: nam ex justitiâ ad hoc obligantur. Etsi enim stipendia non recipiant, tamen potestas publica, sive lege, sive imperio, potest hanc obligationem imponere, et ipsi tenentur admittere, et ubi admiserint, lege justitiæ sunt obstricti.

75. Similem obligationem contrahit famulus, quando ei domus vel rerum custodia a domino demandatur; secus est, si non demandatur. Nam non hoc ipso quo quis alteri famulatur, tenetur justitiæ lege res ipsius custodire, saltem contra domesticos: ad hoc enim non censetur se obligasse, nisi is cui inter famulos ea cura speciatim est commissa. Unde si alium famulum videat aliquid surripientem, non tenetur lege justitiæ impedire, et consequenter nec damnum restituere. Contra externos tamen tenetur; nam ratione famulatus censetur obligari ad res domini ab injuriâ externorum tuendas, ut rectè docet Sotus, lib. 4, q. 7, a. 3; et ita fere habet communis gentium sensus. Cui verò domus cura commissa, tenetur ex officio custodire, etiam contra domesticos.

76. Simili modo, multorum sententiâ tenetur testis, si, juridicè interrogatus, veritatem non manifestarit, unde fiat ut alteri damnum detur, vel antea datum non rependatur. Ratio est, quia testis tunc ex imperio judicis accipit obligationem et quasi officium manifestandæ veritatis; secus, si interrogetur non juridicè, v. g., tanquam amicus aut familiaris, aut si res sit occulta. Si tamen periculum vitæ, famæ vel rei familiaris inde illi impenderet, non teneretur, quamvis juridicè interrogatus: sicut nec judex cum pari discrimine tenetur damna privata impedire. Illud tamen de obligatione testis non est certum, imò contrarium videri possit verius; de quo infra, c. 30, dubit. 8, dicetur.

77. Petes, utrùm confessarii teneantur, si pœnitentem non cogant ad restitutionem, vel non moncant?

Multi doctores docent teneri Rosella, Restit. 2, num. 5; Angelus, Restit. ultimo, num. 5; Navarr. cap. 17, n. 22. Petrus Nav. l. 5, cap. 4, n. 125. quam sententiam puto valde probabilem, si loquamur de his qui ex officio habent curam animarum, ut sunt episcopi et parochi. Ratio est, quia, cum isti sint superiores, ex officio tenentur regere subdites, et pro modo suæ gubernationis impedire ne aliis damnum inferant (ideo enim decimas a populo et stipendia ecclesiastica percipiunt, sicut principes et magistratus seculares tributa et vectigalia); ac proinde tenentur curare, si commode possint, ut restitutionem faciant; ejusdem enim rationis est damnum inferre, et illatum nolle sateire: quare, cum in hoc sacramento administrando id commode possint procurare, si negligent, tenentur de damno ex omissione secuto. Sufficit autem ut ex culpâ latâ vel etiam levi negligent, ut rectè Petrus Navar.

78. *Levi*, inquam, non quæ ipsis levis sit, sed quæ levis esset in eo qui non tenetur ex officio, nec stipendia recipiet: quæ enim culpa est levis in eo qui facit non ex officio, est gravis in eo qui ratione officii et stipendii tenetur, quia majorem diligentiam præstare debet. Si verò loquamur de illis qui ex officio ad curam animarum non tenentur, ut sunt religiosi, verius est hos non teneri de damno secuto, etiamsi ex ignorantia vel negligentia pœnitentem non monuerint. Ratio est, quia administratio sacramenti pœnitentiæ, præcisè non obligat confessarium ad impediendum damnum tertii, sed solum ad curandum bonum pœnitentis; et quamvis ex præsentī munere teneatur pœnitentem monere et instruere, non tamen ad hoc tenetur ex obligatione erga tertium (sicut superior tenetur), sed ex obligatione erga pœnitentem, quâ tenetur ejus salutem spiritalem procurare; unde si omittat, peccat contra debitum justitiæ, quo obstrictus est pœnitenti, non quo tertio.

His addo, idem probabiliter dici posse de episcopis et parochis, quia eorum obligatio, quâ lege justitiæ obstricti sunt populo, solum videtur esse in ordine ad spiritalia, ut supra, cap. 9, dubitatione 13, dictum est.

DUBITATIO XI.

Utrùm hi teneantur in solidum, et quo ordine.

79. Respondeo et dico primò: Qui fuit causa damni, non impediendo, aliquo horum trium modorum, cum ex officio teneretur, obligatur in defectum aliorum ad restitutionem in solidum. Est communis doctorum. Ratio est, quia fuit causa sine quâ non totius damni: quod sufficit in causâ permissivâ: tunc enim causa permissiva dicitur verè causa, quando sine ejus permissu damnum non fuisset illatum, et ipsâ lege justitiæ tenebatur impedire; de quo plura 1-2, q. 6, a. 3.

80. Utrùm autem inter has causas sit aliquis ordo, non ita constat. Petrus Navarrus, num. 147, putat, primo loco, teneri superiorem qui non impedit damna, ut principes, magistratus, prælatos; sicut enim

in illis est primaria potestas impediendi, ita negligentia illorum censetur primaria causa damni; secundo loco, custodem rei; tertio, testem qui rogatus non aperit veritatem, et eum qui tenetur ex officio dare consilium rectaque monita, et negligit. Quae sententia videtur vera, si sint causae damni aequè propinquae. Alioquin custos rei particularis videtur prius teneri quam magistratus, qui solum est custos universalis; quia hic adhibetur ut illius defectum suppleat, ejusque negligentia est causa propinquior damni, quam negligentia magistratus.

81. Dico secundò: Hae causae non impediunt, tenentur post omnes causas positivas, et in defectum earum succedunt. Ratio est, quia, sicut causa positiva est potior, magisque influit quam permissiva, ita etiam priorem locum habet in restitutione. Confirmatur, quia causa positiva animat aliquo modo malefactorem, ac proinde positivè movet et inclinat ad damnum inferendum; causa autem permissiva nullo modo inclinat, sed solum non impedit.

82. Quòd si contingeret malefactorem, consideratà superiorum vel custodum praeferentia negligentia, animari, alia esset ratio; tunc enim causa permissiva esset instar causae positivae; ac proinde teneretur simul conferre in restitutionem cum positivis, non post illas.

CAPUT XIV.

DE RESTITUTIONE RATIONE REI ACCEPTAE, ET CUI
LACIENDA RESTITUTIO.

(Habet dubitationes 9.)

Explicavimus duobus capitibus quisnam teneatur restituere ratione injustae acceptionis, eam immediatè exsequendo, vel mediatè cooperando. Nunc breviter dicendum de iis qui tenentur ratione rei acceptae, quales sunt qui bonà fide rem alienam apud se habent.

DUBITATIO PRIMA.

Utrum is qui bonà fide rem consumpsit, vel alienavit, teneatur postea ad restitutionem.

1. Respondeo, et dico primò: Quicumque habet rem alienam, quamvis optimà fide illam hactenùs tenuerit, putans esse suam, simul atque tamen cognoverit esse alienam, tenetur ad ejus restitutionem primà opportunitate, idque tantummodò ratione rei acceptae. Ratio est, quia non potest retinere rem alienam invito domino. Hinc lex civilis concedit domino evictionem et vindicationem rei suae, ubicumque ea fuerit.

2. Neque pretium, quod pro eà dedisti, exigere à domino potes (1. Mater tua, 3, 1. Si mancipium, 23, c. De rei vind.), quia par non est ut ipse rem suam emat (1. Suae, 16, π. De contrah. empl.), sed illud tibi à venditore repetendum. 1. 1, π. De evict. Quòd si eam, postquam sciveris esse alienam, ulteriùs detineas, habità restituendi opportunitate, incipis esse possessor male fidei, et obligari non solum ratione rei acceptae, sed etiam ratione iniquae detentionis, quae aequivaleret iniquae acceptioni; unde si interim pe-

reat, quamvis casu, teneris ad restitutionem, quia censeris esse in morà.

3. Dico secundò: Si is qui rem alienam bonà fide possidebat, eam interim consumpsit vel alienavit, solum tenetur restituere id quo inde factus est locupletior. Est communis doctorum Vide Cajetanum q. 62, a. 6; Medinam q. 10, de restitut., et Silv. restitutio 3, q. 7; Navar. c. 17, n. 7 et sequentibus. Ratio est, quia solum tenetur ratione rei acceptae, quae cum non ampliùs apud illum exstet, cessat quoque cum eà ejus obligatio.

4. Hinc sequitur primò, si eam bonà fide emit, et deinde eodem pretio vel minoris bonà fide vendidit, ad nihil teneri; si verò pluris vendidit, ita ut rem familiarem auxerit, tenetur solum restituere illud auctarium.

5. Secundò, si eam dono accepit et vendidit, tenetur restituere pretium, nisi fortè illud insumpsit in lusum vel largitiones, ita ut ex eo non sit factus locupletior; quod intellige, si alioquin talia impendia facere non constituerat; si enim jam decreverat, vel si necessarium erat impendere, quamvis illius rei pretium non obtigisset, jam pepercit rebus suis, quas impendisset; et sic censetur factus locupletior. Unde tenetur, quatenùs rebus suis, insumendo aliena, pepercit, ut si insumpsit decem aureos ex re alienà, solumque pepercit quinque ex suis, eò quòd non consumpsisset nisi quinque, non tenetur ad quinque, quia his tantummodò videtur locupletior.

6. Tertio, si eam bonà fide donavit, non donaturus aliam similem vel dissimilem, si hanc non habuisset, non tenetur ad quidquam, quia non est factus ditior. Secùs est, si aliam ex suis erat donaturus, quia tunc pepercit rei suae, donando alienam, et ita compendium ex re alienà fecit.

7. Quartò, si res periit durante bonà fide, ad nihil tenetur, sive fortuitò, sive culpà parvā aut magnā perierit, quamvis Navarrus, c. 17, num. 7, contrarium insinuet, dùm ait: Si absque ipsius culpà periit; et Sotus, l. 4 de Just. q. 7, art. 2: Si absque magnā culpà periit. Ratio est, quia non tenetur ratione damnificationis, seu injustae acceptionis (nam consumptio illius rei, vel negligens custodia, non est actio injusta, cum bonà fide se gerat erga illam, tanquàm erga rem suam); sed solum tenetur ratione rei: ergo si res non exstet nec in se, nec in pretio, quomodo cumque id factum sit, non tenetur. Vide Silvestrum supra.

DUBITATIO II.

Utrum possessor bonae fidei teneatur etiam fructus perceptos restituere.

8. Respondeo et dico primò: Tenetur restituere omnes fructus qui apud illum exstant, modò non sint fructus merae industriae. Ratio est, quia fructus hoc ipso quo proveniunt ex re tuà, cedunt in tuum dominium, ut constat Instit. de rerum divisione, § Si Titius, et sequenti. Tales sunt qui sine ullo labore proferuntur, ut fenum, glandes, poma, nuces, etc., et etiam qui interveniente labore, ut segetes, uvae. In

his tamen detractis erit expensæ. Fructus autem male industrie non sunt restituendi, ne quidem a male fidei possessore, ut si quis alienâ pecuniâ negotatus sit, ut supra dictum est.

9. Dico secundo: Si fructus quidem non existent, tamen illos factus sit locupletior, tenetur quibus locupletior, sive illi fructus fuerint mære naturales, sive mixti, id est, ex re, mære industria, provenientes. Ita Gabriel in 4, d. 13, q. 2, a. 3, dubio 5; Joannes Medina, c. de restit. q. 10; Covarr. lib. 4 Variar. cap. 5, num. 6, et alii passim. Ratio est, quia fructus debentur domino, detractis expensis; in locum autem fructuum succedit eorum pretium, quâ parte eo factus est ditior: idque servandum esse in foro conscientie, docet Sylvester verbo *Fructus*, quest. 1.

10. Adverte tamen, in quibusdam tribunalibus, fructus mixti non existant (etsi inde factus sis ditior), jureiurari non esse restituentes, ut refert Covarruvius, lib. 4 Variar. cap. 5, n. 6; quæ etiam est multorum jurisperitorum sententia, ut ibidem docet, nec videtur omninò improbabilis; nam quædam jura hinc valentur favere, Institut. de rerum divisione, § *Si pars à non domino*, l. *Overitum*, 41, c. de ac. putando: reus dicitur. Contrarium tamen, quod diximus, puto verius, quia est communis sententia, et firmiore nititur ratione, et favet apertes textus. L. *Si et me et Titium*, 52, c. *Si certum potestur*. Ad jura illa responderi potest esse intelligenda eo casu quo non sis factus locupletior.

11. Dico: L. *Qui scit*, 25, § ult., c. de usuris, dicitur, *bonæ fidei emptorem, qui, priusquam fructus perciperet, cognovit fundum alienum esse, censeri aliter locum alibi habere, ut fructus suos efficiat, donec fundus eius sit*: ergo etiamsi existent, potest retinere.

Resp. hanc legem non videri æquam seu veram; certum eam est, simul atque quis novit rem esse alienam, non posse fructus ejus suos facere, ut aperte colligitur l. *Qui bonâ fide*, 25, et l. *Bonæ fidei*, 48, c. *De acquirendo rem domini*, quia fructus cedunt solo, ut supra ostensum est. Neque mirum, interdum in Pandectis hujusmodi antinomias reperiri, quas frustra titantur interpretes conciliare, quia hoc opus collectum est ex plurimorum jurisconsultorum responsis, qui sæpe contraria sentiebant, et collectores non poterant in tantâ voluminum et sententiarum multitudine semper meminisse quid alibi posuissent. Vide Covarruviam supra, num. 7.

12. Dico tertio: Possessor bonæ fidei non tenetur ad restitutionem fructuum quos ratione negligentie sue non percepit, sicut tenetur possessor male fidei. Probatur, quia cum non sit factus ditior, non tenetur ratione rei acceptæ, et cum non fuerit causa injusti damni domino obveniatis (sicut possessor male fidei, injusti detentione), non tenetur ratione injustæ acceptionis.

DUBITATIO III.

Utrum si emeris rem furtivam bonâ fide, teneas eam

domino idere; an vero possis discolere contractum, recipio pretio.

13. Respondetur, et dico primo: Si grates eam accepisti, teneris, ubi cognoveris alienam, domino restituere: nec potes reddere furi, nisi moraliter sis certus furem restitutum. Ratio est, quia teneris ratione rei acceptæ, quæ apud te est, non furi cum non sit ejus: ergo vero domino. Nam restitutio, quæ facienda est ratione rei acceptæ, debet fieri illi cujus res est.

14. Dico secundo: Si bonâ fide eam emisti, ubi intellexeris esse alienam, poteris rescindere contractum, et reddere furi, à quo accepisti, ut pretium recuperes; nec teneris tunc domino restituere. Ita docent Navarr. c. 17, 9; Sylvester. v. *Restit.* 5, q. 7; Angelus, *Restitutio* 1, n. 1; Gabriel in 4, d. 15, q. 3, a. 3, dub. 5, ubi citat Hostiensem; Alex. Halensis, 4 p., q. 86, membro 3, art. 5.

Probatur primo, quia nullam injuriam intulisti domino hanc rem emendo et apud te detinendo, cum bonâ fide egeris: ergo non potest dominus merito egre ferre, tanquam injuriâ affectus, si eam, ne pretium amittas, in eo statu in quo erat antea, constituas.

Secundò, quia hic contractus fuit omninò involuntarius; error enim dedit causam contractui: nam si scivisses esse alienam, noluisses eam emere; aut certè fuit non voluntarius, ita ut non voluntariè habens rem alienam: ergo potest contractum rescindere, et rem acceptam restituere, ut pretium recuperes. Consequentia probatur, quia talis contractus vel naturâ suâ est nullus, propter defectum voluntarii; vel certè in irritum revocari potest, pro arbitrio ejus qui deceptus est, ut infra, cap. 17, dub. 5, dicitur. Tertiò, si quis inventam rem alienam in plateis sibi assumeret, et postea adverteret eam sibi fore damnosam, posset reponere eodem loco: nec teneretur eam cum suo damno servare, ut domino restitueretur: ergo, etc.

15. Adverte tamen contrariam sententiam esse probabilem, quam tenet Cajetanus, 2-2, q. 62, art. 6, Sotus, l. 4, q. 7, a. 2, et Covar. ad reg. *Peccatum*, 5 p. in initio, et lib. 4 Variar., cap. 3, n. 6, quorum hæc sunt præcipua argumenta:

16. Primò, si talis emptor rei alienæ potest eam furi reddere, ut pretium recuperet: ergo, si fur non inveniretur, vel si obiisset, posset eam alteri vendere, ne damnum patiatur.

Resp. negando consequentiam, quia, si non invenitur à quo illam emit, jam non potest contractum rescindere, nec rem in eodem statu constituere; unde teneretur eam domino reddere, quia neque potest eam retinere, cum sit aliena, neque potest eam vendere, cum ejus dominium transferre non queat, neque etiam potest à domino pretium exigere, quia nullum jus habet in dominum, cum sine domini culpâ ad ipsum pervenerit; sed tantum jus habet in venditorem, ac proinde ab hoc solo potest damnum suum sarcire, et non alio.

17. Secundò, qui rem furtivam reddit furi, coope-
ratur ipsius iniquæ detentioni : ergo, etc.

Resp. negando antecedens ; utitur enim jure suo,
ut se indemnem præstet, relinquens furem suæ con-
scientiæ ; non enim suadet ut non restituat ; quin po-
tius illi præbet restituendi exemplum ; neque etiam
dat occasionem novi peccati, quia fur jam ante non
constituerat restituere.

18. Tertiò, si dominus rei posset convenire talem
emptorem coram judice, judex eum condemnaret ad
restitutionem : ergo etiam antea tenebatur restituere.

Resp. negando consequentiam ; ideò enim condem-
nabitur emptor ad restitutionem, quia res aliena apud
ipsum reperitur. Judex enim statim inquit à quo
eam emerit : qui si potest inveniri, jubet, non ut illi
restituatur (quia non vult dominum rei per istas ambages
ducere) sed ut restituatur domino, cujus est, et ipse
si velit pretium ab illo recuperet. Judices enim, id
quod est expeditissimum sequi solent : si ille inveniri
nequit, jam æquè tenebitur domino ; quòd si furem
sciens, nolit ipsum detegere, meritò à judice in poenam
condemnatur, ut rem domino, non furi, restituat.

19. Dico tertiò : Si malà fide rem emisti, ut tibi
retineres, sciens vel dubitans esse furtivam, teneris
eam domino restituere. Ità docet Navarrus, Cajet.,
Sotus et Covar. supra. Ratio est, quia iste tenetur
non solum ratione rei acceptæ, sed etiam ratione in-
justæ acceptionis ; accepit enim rem alienam invito
domino, sciens vel dubitans esse alienam ; ergo,
etiamsi periret, teneretur de damno : ac proinde tene-
bitur eam domino reddere, etiamsi oporteat pretium
amittere. Confirmatur, quia cum sciverit esse alienam,
et nihilominus voluerit emere, censetur damnum in
se voluisse suscipere, et jure suo cedere, quod ha-
buisset ad contractum dissolvendum, si alienam esse
ignorasset. Itaque sibi imputet, quòd pretium dederit
pro eà re, quam sciebat restitutioni obnoxiam.

Petes utrùm saltem possis repetere pretium, quod
pro eà dedisti ?

20. Resp. : Si eam sciens esse alienam parvo pretio
emisti, ut domino invento restitueres, pretium repe-
tere potes, et dominus in conscientia tenebitur red-
dere, et in foro externo etiam cogetur, ut colligitur
Institut. de Obligationibus, quæ quasi ex contractu, § 1,
et l. 2. Si quis absentis, π. de Negotiis gestis. Ratio
est, quia utiliter gessisti negotium domini : non enim
dedisti pretium ut rem tibi retineres, sed ut eam pe-
riculo in quo erat eximeres, ne domino periret. Vide
Covarruviam ad regul. Peccatum, 3 p., in initio num.
5. Si magno vel penè æquali in eundem finem com-
parasti, non tenetur dominus totum refundere (nisi
fortè prudenter putaveris eam longè pluris valere),
quia nihil utilitatis tali emptione domino attulisti, nec
utiliter ejus negotium egisti, tenebitur tamen ad ali-
quid arbitrio prudentiam, nimirum quantum pruden-
ter, gerendo negotium ipsius, impendere potuisti.
Colligitur d. l. Si quis absentis, π. de Negotiis gestis.
Si verò eam tibi emisti, non potes pretium repetere,
quia neque nomine venditionis (non enim domino rem

suam vendere potes), neque nomine gestionis negotii,
quia non ejus causà emisti. Colligitur ex l. Si pupilli,
6, § Sed et si quis negotia, π. Supra. Vide Gabrielem
et Silvest. supra.

21. Circa hanc tertiam propositionem notandum
primò, contrariam sententiam, nempe etiam eum qui
malà fide emit, posse contractum cum fure initum
rescindere, ut pretium redipiscatur, non videri im-
probabilem ; eam enim tenent Alexander Halensis,
Gabriel, Angelus et Silv. supra. Ratio illorum est,
quia sibi quisque consulere potest præ altero, præ-
sertim cum rescindendo contractum non constituat rem
pejori loco, quam erat ante. Hæc sententia videtur
valdè rationi consentanea, quando rescinditur ex con-
tinenti, vel non ita diù postquam est initus, quia non
censetur notabilem injuriam domino fecisse, rem ip-
sius tantisper contrectando.

22. Notandum secundò, ea quæ hisce tribus dubi-
tationibus dicta sunt, potissimum esse intelligenda de
rebus alienis, quæ propriis non sunt ita permixtæ, ut
discerni nequeant. Quæ enim ita permiscantur ut non
possint discerni, transeunt in dominium ejus, cujus
rebus permixtæ sunt, et perit obligatio realis, solum-
que manet personalis, juxta Silvestrum usurà 6, q. 4,
Joan. Medinam, q. 10 de Restitutione, et Angelum, v.
Usura, 2, n. 18, quorum sententia est probabilis et
consentanea legi, Si alieni nummi, π. de Solutionibus,
ubi de alienis nummis dicitur : Si mixti essent, ita ut
discerni non possent, ejus fieri, qui accepit, in libris Cui
scriptum est : ita ut actio domino cum eo qui dedisset,
furti competeret. Ratio est, quia in talibus non est causa
cur potius hæc pars quam illa censeatur aliena. Itaque
si emeris frumentum, oleum et similia, quæ furto su-
blata fuere, et rebus venditoris ejusdem generis per-
mixta, non teneris ad restitutionem, etiamsi id scias,
et res apud te adhuc exstet, ut docet expressè Medina
quæst. 10. Verùm de hoc plura infra cap. 20, dub. 18,
num. 156 et sequentibus.

DUBITATIO IV.

Utrum si dubites an res sit aliena, possis eam accipere,
retinere, alienare.

23. Respondeo, et dico primò : Qui initio bonà fide
rem accepit vel habuit, si postea incipiat dubitare an
sit aliena, tenetur inquirere veritatem, et manente
dubio post inquisitionem, non tenetur restituere, sed
manet in possessione bonæ fidei. Ita Joannes Medina,
q. 10, et Silv., Restitutio 3, q. 7, § 3, Gabriel
supra, et alii. Ratio est, quia in dubio melior est con-
ditio possidentis : unde nisi moraliter certus esse in-
cipiat alienam esse, non tenetur eà se privare ; vide
cap. 6, dubit. 3, de præscriptione. Hinc sequitur, si
rem illam, domino post diligentem inquisitionem non
invento, vendat, non teneri postea illo comparente ;
ut rectè Silvester, Gabriel et alii. Ratio est, quia ne-
que tenetur ratione injuste acceptionis, cum bonà fide
illam habuerit et vendiderit, neque ratione rei acceptæ,
ut quæ nec per se ipsam, nec per aliquid sui, quod vi-
cem ejus suppleat, apud ipsum exstet. Quod addo,

quia si ipse ex eâ factus est locupletior, eatenus tenetur; res enim ratione illius accessionis, quæ ex ea rebus illius facta est, censetur adhuc existere.

Dices: Quid si occurrente dubio, non instituit inquisitionem, et postea certo deprehendat rem fuisse Titii?

Resp.: Tunc tenetur Titio restituere non solum rem illam, sed etiam fructus consumptos ex eo tempore quo dubitare cepit: ratio est, quia ex quo exortâ dubitatione an esset aliena, cepit negligere inquisitionem, non fuit amplius possessor bone fidei, sed mala fide et contra conscientiam suam rem illam cum eâ animi dispositione possedit. Deinde ex justitiâ tenebatur veritatem inquirere; unde ommissio illa seu negligentia fuit contra justitiæ legem: quare tenetur damni, quod ex eâ omissione vero domino obvenit.

24. Dico secundo: Qui dubitat utrum res sit aliena, potest nihilominus eam accipere titulo donationis, permutationis, emptionis, etc., modo eo animo accipiat, ut eam domino, si post diligentem inquisitionem invenerit, restituat. Ratio est, quia in hoc nullam facit domino injuriam, sed beneficium; nam alioquin fortasse nunquam fuisset restituenda.

25. Dico tertio: Quod si non eo animo eam accipiat, sed potius ut sibi retineat, peccat quidem, ut supra dictum est, non tamen tenetur eam statim restituere, sed mutato animo, debet diligenter an aliena sit inquirere, et ubi moraliter certus fuerit alienam esse, integrè restituere cum fructibus etiam consumptis: si autem aliquid dubii remanserit, tenetur eam cum altero, de quo dubitat, dividere, plus vel minus pro ratione dubii et indignationis animi illi assignando: qui si sit persona nota, ei sua pars tribuenda; si verò sit ignota, pauperibus. Ita Cajetanus, q. 62, art. 5, Sotus, lib. 4, q. 7, art. 1, circa tertium argumentum; Joannes Medina, quæst. 17.

Ex dictis sequitur, si accipias rem aliquam ab eo qui bonâ fide possidebat, neque moraliter certus sis tuam esse, non posse te retinere, sed totam debere restituere; quia in dubio possessio illi favet, ita ut nisi moraliter certum sit ejus non esse, non possit eâ spoliari; et ita in omnibus tribunalibus apud omnes gentes judicatur. Si verò neuter possidebat, vel alter non bonâ fide possidebat, non potes in dubio totam tibi vindicare, sed prout animus magis in hanc vel illam partem inclinat, restitutio ex eâ facienda; quare in pari dubio, poteris retinere dimidium. Si probabilius putes esse alienam, ei major pars reddenda; si tuam, tu majorem retinebis, idque secundum varios gradus, qui in hoc assensu esse possunt; cum enim neutri possessio suffragetur, res ex conjecturâ et opinione juris utriusque partis statuenda est.

DUBITATIO V.

Utrum qui bonâ fide rem alienam, quam ab alio emerat, vendidit, domino comparente, teneatur contractum venditionis rescindere, reddito pretio emptori cui vendidit, an sufficiat cedere ei suâ actione.

26. Navarrus, cap. 27, num. 8, existimat satis esse

ut cedat ei suâ actione; v. g., emi equum à Petro, et vendo eum Paulo bonâ fide, deinde resurget esse Joannes, eique restituitur: dicit Navarrus me non teneri refundere pretium Paulo, cui vendidi, a quo Joannes recuperat equum, sed sufficere ut ei cedam actione quam habeo in Petrum, a quo emi. Sed contrarium est tenendum; nempe ubi constiterit rem esse alienam, et Paulus voluerit ideirò contractum rescindere, debere me esse paratum rescindere et pretium restituere. Ita docet Sotus, l. 4, q. 7, art. 2, et colligitur ex D. Thomâ, q. 77, art. 2. Probatur, quia qui vendit alteri rem vitiosam tanquam bonam, ubi constiterit de vitio, tenetur se paratum exhibere, vel ad tollendum vitium, vel ad rescindendum contractum: sicut si quis daret bonâ fide monetam adulterinam, teneretur postea dare bonam, vel rescindere contractum; atqui hæc conditio esse alienum, est quoddam vitium rei: ergo, etc. Respondet Navarrus esse solum vitium extrinsecum, rem verò intrinsecè non esse defectuosam; secus esse in falsâ monetâ et similibus, quæ intrinsecum vitium habent.

27. Sed hæc responsio non satisfacit; nam nihil videtur referre sitne vitium intrinsecum an extrinsecum, quando reverâ tale est, ut emptor meritò sit invitatus faciatque ejus ignoratio emptionem involuntariam; tunc enim emptio est invalida, ac proinde rescindenda (si velit emptor), reddito pretio, ut cap. 17, dubit. 5, dicitur. Secundò, quia venditor tenetur emptori de evictione: nec potest illum ad alium ablegare, cum quo illi negotium non fuit; sed ipsemet tenetur illi satisfacere, ut constat ex l. 1, et multis aliis juri-bus, n. de evict. et c. eodem. Tertio, quia venditor non potuit transferre dominium in emptorem, cum res fuerit aliena: ergo etiam ex hac parte contractus est invalidus, ac proinde tenetur ei pretium restituere, si ipse velit.

Dices primò: Quid si Paulus eam mox restituat, antequàm mihi exhibeat? teneborne ei reddere pretium?

28. Resp.: Non tenebor; si videlicet ex illâ redditione incurri damnum, non valens recuperare pretium à Petro, quod tamen potuissem recuperare, si rem illam mihi à Paulo redditam, ei restituissem. Si enim Paulus volebat à me pretium recuperare, debebat mihi rem illam restituere, ut ego me indemnem servarem, juxta ea quæ diximus dub. 3. Quòd si illa accelerata restitutio non sit causa cur ego nequeam pretium à me datum Petro, redipisci, tenebor pretium quod accepi à Paulo, eidem refundere, quia vendendo ipsi rem alienam, ei causam damni dedi, et ipse suâ restitutione mihi vicissim damnum non intulit; sicut fecit, quando poteram me indemnem præstare.

Dices secundò: Quid si domino comparente, Paulus, qui rem habet, non inveniatur?

29. Resp.: Tunc ad nihil teneor, nisi ex venditione factus sim ditior, quia neque ratione rei acceptæ, cum illam non habeam, et ex eâ factus non sim ditior, neque etiam ratione injusti damni, quia bonâ fide vendidi. Paulo etiam non teneor, quia nullum dam-

num ex rei emptione, quam à me habet, incurrit, cum bonâ fide illam retineat.

Dices tertio: Quid si mihi innotescat post venditionem fuisse alienam? teneborne monere dominum, vel indicare Paulo esse alienam?

30. Resp.: Non teneberis, si inde tibi damnum impenderet, ut si non posses recuperare pretium quod bonâ fide dedisti. Ratio est, quia cum rem alienam non habes, nec alicui sis causa damni injusta, non teneris eam magno tuo damno curare, ut dominus rem suam redipiscatur: si tamen absque tuo damno possis, teneris ex charitate.

DUBITATIO VI.

Utrum bona et debita incerta, id est, quorum ignotus est dominus vel creditor, sint pauperibus restituenda.

31. Suppono primò, bona non censi incerta, nisi post eam inquisitionem quæ judicio prudentis pro rei qualitate videatur sufficiens; major enim diligentia, et in pluribus locis et longiori tempore adhibenda, quando res est magni pretii, quàm dùm parvi. Quòd si quis ante debitam diligentiam præstitam, talia convertat in pia opera, postea domino comparente, tenebitur ei ad integram restitutionem, ut communiter docent doctores.

32. Suppono secundò, non censi incerta, quando constat ea deberi certè alicui communitati, vel toti, vel majori ejus parti; etsi enim in particulari non constet quid cui debeatur, tamen constat hæc esse illius communitatis, ita ut ipsa tota, vel major ejus pars jus in illâ habeat, et singuli vel plerique censeantur habere aliquid in illo cumulo: ut quando exercitus expilat injustè pagum vel oppidum; tunc enim restitutio facienda communitati, operâ magistratûs, episcopi vel parochi, ut hi distribuunt iis qui in eo hominum certu majus damnum acceperunt judicabuntur. Nec potest fieri in pauperes, aut in alia pia opera, quia hæc bona non censentur esse incerta. Item quando pauciores quidem ex illo conventu damno affecti sunt, tamen per aliquam industriam cognosci potest qui sint; videlicet operâ parochi vel magistratûs evocatis generatim ut compareant qui spoliati fuere, et examinatis ubi, quando, quibus et qualibus rebus spoliati, etc.; quod faciendum est in rebus magni momenti, non tamen id necessarium in parvis, ut cum quis minutis venditionibus fraudavit. Quando tali industriâ sciri nequit quibus debeantur, conferenda sunt in pauperes, sive illius loci, sive alterius. Iis positis,

33. Resp. et dico primò, bona incerta, id est, habentia dominum ignotum, et incerta debita, sive ex contractu, sive ex delicto, restituenda sunt in pauperes, saltem jure positivo vel consuetudine. Est communis DD. sententia, præterquàm de bonis inventis. Vide Covarruviam ad reg. Peccatum, p. 3, § 1, n. 3; Joan. Med. c. de Restit. q. 3, causâ 10; Navar. c. 17, n. 92 et 93, et alios.

De incertis ex delicto debitis probatur ex cap. Cum tu, de Usuris; ubi Alexander III jubet, ut ea, quæ usu-

ris iniquè acquisita sunt, si non supersunt illi quibus debentur, aut eorum hæredes, dentur pauperibus; et usurarii eorumque hæredes ecclesiasticis penis ad hoc cogantur; quod DD. communiter extendunt ad incerta ex aliis delictis debita, ut ex furto, rapinâ, damno dato, et iniquis contractibus, idque meritò, quia eadem vel etiam major est in his ratio: ne videlicet hominibus iniquis integrum sit, ex iniquitate et injuriis distescere. Nomine autem pauperum intelliguntur non solum mendici, sed etiam quibus necessaria ad decentem statum desunt, et etiam quævis opera pia; ut inter cæteros docet Navarrus c. 17, num. 93.

34. De debitis ex contractu, v. g., ex deposito, commodato, mutuo, venditione, etc., probatur, quia, etsi de his non exsist canon, tamen ubique est consuetudo piorum, ut hæc in pias causas expendantur, quando dominus inveniri nequit, ut animæ ejus prosit.

35. Sed difficultas est, utrùm etiam jure naturæ pauperibus piisve operibus hæc sint eroganda. Fere omnes DD. ita sentire videntur: id enim sequi videtur ex ratione, quâ utuntur; aiunt enim hæc in pauperes esse restituenda, quia debitor jure naturæ tenetur hæc restituere eo modo quo potest; nempe ut vel ipse res, vel utilitas ex illis ad dominum perveniat: atqui hoc fiet, si dentur pauperibus ad salutem domini vivi vel mortui: ergo jure naturæ hæc in pauperes danda.

36. Verùm hæc ratio, etsi rectè probet, juri naturali, suppositâ fide, consentaneum esse ut sic erogentur, non tamen probat: id lege justitiæ esse debitum. Primò, quia fieri potest ut dominus in hæresi vel alio peccato mortifero obierit: quo eventu nihil potest ei prodesse. Secundò, quia in quibusdam locis fiscus principis occupat bona eorum qui intestati moriuntur, et nullum hæredem intra decimum gradum relinquunt. Item animalia incertorum dominorum oberantia, si domini post diligentem inquisitionem inventi non fuerint, applicantur in Hispaniâ quibusdam magnatibus. Idem fit de cæteris inventis in Galliâ, teste Covarruviâ, supra n. 5; quæ omnia iniquissima essent, si jure naturæ pauperibus deberentur. Quòd si hæc illis non debentur, cur debeantur alia, cum omnia æquè sint dominorum incertorum, nec minùs hæc quàm illa in dominorum utilitatem sint expendenda? Tertiò, quia fieri potest compositio cum pontifice super incertis, etiam injustè acquisitis, ut ea liceat retinere: quod signum est non esse jure naturæ pauperibus debita. Quartò, lex restitutionis est lex naturæ; atqui ratio naturalis non dicat hæc bona pauperibus esse debita: alioquin etiam apud ethnicos id dictaret; quod constat non esse verum.

37. Quintò, omnis restitutio, jure naturali debita, debetur certæ personæ vel certæ communitati; sicut etiam omne damnum et omnis injuria fit certæ personæ vel communitati: sed hæc incerta non debentur certæ personæ vel communitati; ergo non debentur jure naturali. Jure tamen positivo vel arbitrio humano, potest aliquid deberi in incertum; ut si tradam tibi aliquid distribuendum in pauperes vel alias pias

causas, in quas volueris, ex justitiâ teneris, et nisi distribuas, injuriam facis tum mihi, cujus rem retines; tum pauperibus in confuso.

38. Ex his satis patet, hæc jure naturali pauperibus vel pus causis non deberi. Unde cessante lege positivâ, vel consuetudine vim legis habente, bona incerta non necessario sunt in pauperes eroganda. Itaque cum solum lex invenitur de re quæ ex delicto debentur, nempe de usuris, putat Petrus Navarra, lib. 3, c. 2, n. 47, ea quæ ex contractu debentur, posse tanquam adespota, post diligentem inquisitionem, retineri: quæ sententia non est improbabilis, præsertim cum non constet consuetudinem esse in contrarium. Contrarium tamen in præxi, tanquam magis pium et communi doctorum sententiæ conformius, ordinariè judico sequendum.

39. Ad rationem pro contrariâ sententiâ allatam,

Resp.: Teneri quidem debitorem jure naturæ restituere rem eo modo, quo ipsa, vel utilitas temporalis ex eâ, seu pretium ad dominum pervenire queat: non tamen jure naturæ tenetur curare, ut si utilitas temporalis ad eum pervenire nequeat, proveniat illi utilitas spiritalis: quia lege justitiæ non tenetur damna temporalia compensare bonis spiritalibus, ut supra ostensum est. Fateor tamen valde esse aequitati consentaneum, ut ita fiat; maxime quòd hæc etiam videatur esse tacita dominorum voluntas.

40. Petes: Quo jurè potest pontifex de bonis incertis disponere?

Resp. primò, quia est supremus princeps in spiritalibus, cujus est de temporalibus suorum subditorum disponere, prout expedit ad bonum spiritale; quod maximè locum habet, quando ipsi domini de illis disponere nequeunt. Itaque potest hæc in pias causas ad salutem dominorum incertorum destinare. Secundò, quia potest debitores talium bonorum in penam injustitiæ vel etiam in favorem pauperum reddere incapaces, ne possint illorum dominium acquirere. Tertiò, quia talia bona ex tacitâ dominorum voluntate videntur in causas pias eroganda. Unde cum pontifex sit communis parens pauperum et causarum piarum, maximè ad ipsum pertinet suâ lege curare, ut ita fiat. Hinc patet, potuisse pontificem dispositionem talium bonorum principibus secularibus subtrahere et sibi reservare; suâ lege statuendo, ut in causas pias conferantur, quod nisi fecisset, possent principes de his, sicut de thesauris, et aliis bonis domino carentibus, statuere. Ratio est, quia bona hæc incertorum dominorum, post diligentem inquisitionem, censentur tanquam adespota; id est, quæ domino carent, quia non magis illis prodesse possunt, quàm si illorum non essent, et omninò domino carerent; unde si leges de his disponant, nulla fit dominis injuria.

41. Dico secundò, si is qui hæc bona habet, verè pauper est, poterit ea tanquam unus è numero pauperum sibi retinere. Ita docet Scotus d. 15, q. 3, Cajet. q. 62, a. 5, et alii. Ratio est, quia non debet esse pejoris conditionis, quàm alii pauperes, præsertim si non intercessit ipsius culpa in re illâ acquirendâ, vel

debato contrahendo. Quod si culpa intercessit, metetur quidem ea re privari, tamen paupertas est sufficiens ratio, cur possit illi per confessarium, vel etiam propria suâ auctoritate applicari, non enim est necesse, ut detur pauperiori vel sanctiori, quamvis id expediat, sed satis est ut detur pauperi, nomine paupertatis.

42. Ubi autem illi res hoc modo applicata fuerit, non tenebuntur postea copiosior effectus, aliis pauperibus restituere; quia sibi eam causâ paupertatis vindicando, benè eam distribuit; juxta generalem intentionem ejus, cujus est de bonorum incertorum distributione statuere, scilicet pontificis, et domini incerti.

43. Petes, quid si dominus postea comparuerit?

Resp. primò: si aliis pauperibus post debitam diligentiam distribuisti, ad nihil amplius teneris neque enim ratione rei, ut quæ in tua potestate non sit amplius, neque ratione injustæ acceptionis, quia etiamsi injustè acceperis, tamen hæc culpa jam est abstersa per restitutionem factam iis et eo modo quo potuit et debuit in tali casu fieri.

Secundò, si eam tibi tanquam pauperi assignasti, teneris domino cognito, modò adhuc extet in se vel in pretio, idque quamvis sine tuâ culpâ illam habueris. Ratio est, quia teneris ratione rei: nec es in tantâ necessitate, ut eam tibi possis reservare.

Tertiò, si verò ipsa nec in se, nec in pretio exstet, ad nihil teneris, præsertim si sine culpâ illam acquisiveras, quia qui bonâ fide rem alienam consumpsit, non tenetur, nisi quatenus factus est ditior.

Quartò, si per culpam acquisiveras, adhuc probabilius videtur te non teneri, domino comparente, si post debitam inquisitionem animo restituendi factam, tibi tanquam pauperi applicasti, eamque sic consumpsisti, ita ut nec in se, nec in pretio apud te exstet. Ratio est, quia neque ratione rei acceptæ teneris ut quæ neque in se, neque in pretio exstet, nec ratione injustæ acceptionis, quia culpa abstersa est per voluntatem restituendi, et diligentiam præstitam ut domino restitueres, et per restitutionem, quam tibi tanquam pauperi fecisti.

44. Adverte tamen quosdam doctores tenere rem semel debito modo pauperi applicatam (etiamsi tibi ipse applicueris) non debere domino postea comparenti restitui, etiamsi in suâ specie exstet. Insinuat Petrus Navarra l. 4, c. 2, n. 57, et docet apertè Henriquez, de Indulgentiis c. 34, num. 8. Ratio esse potest primò, quia dum applicata est pauperi, censetur in utilitatem domini restituta, et dominus tenetur hanc restitutionem ratam habere; secundò, quia per hanc applicationem transfertur dominium. Sed faciliè ad has rationes responderi potest.

Ad primam, non tenetur dominus habere ratum, nisi donec rem suam inveniat, quia cum hæc tacitâ conditione debet fieri applicatio, videlicet, ut si dominus compareat, ei restituatur.

Ad secundam, negatur transferri dominium, nisi postea possideatur tempore necessario ad usucapionem, ut rectè Covarruvias; jura enim hunc modum transferendi dominium ignorant. Si tamen in aliquâ

provincia esset aliqua constitutio, ordinans ut sic dominium transferatur, non esset damnanda, quia dispositio talium bonorum subest auctoritati principum, nisi quatenus pontifex eam sibi reservat.

46. Dixi in secundâ propositione: *Si is qui hæc bona habet, verè est pauper*, quia si solum est pauper pro loco vel tempore, tenebitur postea, juxta communem sententiam, veris pauperibus ad restitutionem; nam ex ordinatione Ecclesiæ et consuetudine piorum, veris pauperibus sunt distribuenda. *Pro loco* pauper est, qui alibi bona habet; *pro tempore*, qui novit artem vel industriam, quâ facili sibi necessaria ad statum comparare potest, vel aliunde ea proximè expectat.

47. Advertendum autem est expedire ut quis in hæc distributione (et præsertim quando sibi rem alienam reservat) utatur consilio episcopi vel parochi, vel prudentis confessarii, quia facili amor proprius in hoc negotio decipit; absolutè tamen non est necessarium, nam sufficit ut prudenter fiat. Vide Silvestrum, v^o *Restitutio*, 8, q. 5, et Medinam, q. 5, causâ 10, et Navar. num. 92, qui notat in quatuor casibus Episcopum se posse interponere.

DUBITATIO VII.

Cui facienda restitutio inventorum, habentium dominum sed incertum, et an inventor possit ea sibi retinere.

48. Dominicus Sotus lib. 5 de Justitiâ, q. 3, art. 3, ad 2, putat inventorem, si post diligentem inquisitionem dominus inventus non fuerit, posse hæc sibi retinere, neque obstare ullum jus positivum ecclesiasticum aut divinum, quo hæc necessariò sint pauperibus eroganda.

Probatur primò, quia talia bona, hoc ipso quo per sedulam inquisitionem tempusque ad id sufficiens, dominus non potest deprehendi, censentur adespota; ac proinde jure naturæ fiunt occupantis, sicut thesauri et alia, quæ nullius sunt, nisi quòd tacita quædam obligatio illis annexa sit, ut si dominus compareat, restituantur.

Secundò, quia super hujusmodi bonis nunquàm solet fieri compositio cum pontifice, ut testatur Petrus Navarra l. 4, c. 2, n. 71, quod signum est ea non esse necessariò in pios usus eroganda. Eandem sententiam sequitur Petrus Navarra l. 4, cap. 2, num. 75, qui pro eadem citat Ledesmam, Mercatum, et Barthol. Medinam. Hæc sententia est probabilis.

49. Contraria tamen est ferè communis doctorum, nempe hæc pauperibus vel aliis piis operibus esse impendenda, eamque tenet D. Thomas, q. 62, art. 5, ad 3, et passim theologi in 4, d. 15, Silv. v^o *Inventum*, n. 2, ubi dicit, *omnes canonistas ita sentire*. Navarra c. 17, n. 170; Covar. ad reg. *Peccatum*, 3 p., § 1, n. 1, et seqq.; qui etiam non probat consuetudinem illam applicandi hæc magnatibus. Hanc sententiam ordinariè in praxi judico sequendam: primò, quia est ferè communis; secundò, quia magis favet pietati; tertio, quia passim apud pios est consuetudo, ut piis operibus hæc impendantur: quæ consuetudo videri potest habere vim legis; orta enim est ex praxi communis

sententiæ, quæ usque ad Sotum viguit; unde magnum scrupulum plerique si hæc sibi retinuerint, concipiunt. Quartò, quia est magis consentanea juri communi; nam authent. *Omnes peregrini*, c. *Communia*, de success. statuitur: *Si peregrinus intestatus decesserit, ad hospitem nihil perveniet, sed bona ipsius per manus episcopi loci, si fieri potest, hæredibus tradantur, vel in causas pias erogentur*, etc., quæ constitutio magis pia est, quàm quæ hujusmodi fisco applicat. Quintò, quia hæc videtur esse domini voluntas, ut sic ei res sua aliquo modo prosit, et quisque de rebus suis perditis ita fieri cuperet.

50. Advertendum est nullo modo tolerabilem esse consuetudinem, quæ in quibusdam locis dicitur esse, ut bona naufragorum in litus ejecta habeantur tanquàm adespota, et occupentur à gubernatore loci (de quo vide Covarruviam supra): sunt enim excommunicati per bullam *Cænæ Domini*, et meritò, quia est afflictionem addere afflictis; et maximo damno affectis, modicum, quod benigna sors ad solatium extremæ miseriæ indulserit, eripere.

DUBITATIO VIII.

Utrum acceptum ob turpem causam sit necessariò restituendum, et cui.

51. Prima sententia est, pro nullo opere quod per se turpe seu peccatum sit (ut est fornicatio, adulterium, homicidium), posse aliquid accipi; et si quid sit acceptum, id esse necessariò restituendum, nisi videatur gratis donatum. Ita Joannes Medina, c. de *Restit.*, q. 20 et 28. Idem aliquando sensit Navarrus c. 17, n. 58 et seqq. Fundamentum est, quia peccatum est nullius pretii, utpote nihil, teste Augustino, ac proinde prorsus invendibile.

Secunda sententia est, pretium acceptum pro opere turpi, quod non sit contra justitiam, non esse restituendum; scèdus verò si sit contra justitiam. Ita Sotus lib. 4, q. 7, a. 1, ad secundum. Fundamentum ipsius est, quia acceptum pro opere debito ex justitiâ, necessariò est restituendum: ergo etiam quod acceptum fuerit pro opere injusto.

Tertia est, acceptum pro omni opere pravo, quod legibus puniatur, esse restituendum; scèdus verò de accepto pro opere quod leges non puniunt. Ita ferè omnes utriusque juris doctores quos refert Covarruvias ad regulam *Peccatum*, p. 2, § 2. Probatur, L. *Generaliter*, 26, π. de verb. oblig.: *Generaliter novimus turpes stipulationes nullius esse momenti; velut si quis homicidium vel sacrilegium se facturum promittat, sed et officio practoris continetur, ex hujusmodi obligationibus actionem denegari*. Et L. *Pacta*, 6, c. de pactis: *Pacta quæ contra leges constitutionesque, vel contra bonos mores sunt, nullam vim habere, indubitati juris est*. Si nullam vim habent, nulliusque sunt momenti, ergo id quod ex vi talis pacti accipitur, non efficitur accipientis, ac proinde est restituendum. Pro resolutione

52. Dico primò: Si solum jus naturæ spectetur, acceptum ob turpem causam, seu propter opus quod est peccatum, opere impleto non necessariò est resti-

tuum, sive illud opus sit contra justitiam, sive non : colligitur ex D. Thoma, q. 52, art. 7, in corp., et quest. 62, art. 5, ad 2, ubi docet, *quod propter opus malum est acceptum*. Nec distat, ut sitne opus illud contra justitiam, an non id in docet Cajetanus ibidem et Covar. ad reg. *Peccatum*, p. 2, § 2. Probatur primo, quia si jure naturæ esset restituendum, deberet restitui et qui dedit, atqui hoc non debet restitui, quia in accipiendo nulla hinc facta est injuria : libenter enim et libere dedit pro opere, quod tu facere non tenebaris. Secundo, quia etsi opus malum pro quo dedit non sit aestimabile pretio quia malum, tamen quia delectabile vel utile uni, et alteri detrimentosum, periculosum, laboriosum, inter homines pretio aestimatur : ergo quod hac ratione pro eo est acceptum, non est restituendum, nisi forte quis communem estimationem excesserit : ut si meretrix, quæ usuram sui concedere solet uno aureo, ab aliquo juvene extorserit 50 tanquam pretium.

53. Hoc tamen locum non habet in eâ quæ putatur honesta : ut si matrona aliqua vel filia 100 aureos pro usurâ corporis accipiat ab eo qui dare poterat, retinere potest, nam tanti et pluris potest suam pudicitiam aestimare. Res enim quæ certum pretium non habent, nec ad vitam sunt necessariae, sed voluptatis causâ queruntur, arbitrio venditoris possunt aestimari, ut probabiliter docet Petrus Navarra et alii.

54. Notandum tamen est Covarruviam et Cajetanum excipere id quod acceptum est a iudice, ut injustam sententiam ferat : hoc enim putant jure naturæ esse restituendum, quia injusta sententia et perversio judicii non est vendibilis. Sed hæc ratio non est firma : nulla enim est causa, cur magis debeat jure naturæ restitui quod acceptum fuerit pro iniquâ sententiâ, quam quod pro iniquâ occisione ; quod tamen etiam illorum judicio non est necessario restituendum.

55. Dices : D. Augustinus epist. 54 ad Macedonium ait, *sceleratius accipi pecuniam pro sententiâ injustâ quam pro justâ, pro testimonio falso quam pro testimonio vero* : atqui pecunia accepta pro sententiâ justâ est restituenda : ergo et pro sententiâ injustâ. Ita Sotus.

Resp. negando consequ. : Non enim quia aliquid est sceleratius, ideo magis vel æque obligat ad restitutionem. Hæc enim obligatio non sequitur magnitudinem sceleris, sed damnum per injuriam datum : at qui accipit pro sententiâ injustâ, nullam infert injuriam danti, sicut is qui pro justâ ; porro illud est sceleratius quàm hoc, tum quia pejus est ferre sententiam injustam (ad quam ferendam jam habet animum, qui pecuniam accipit, propter injuriam quæ fit alteri parti), quàm accipere pecuniam pro sententiâ justâ ferendâ, tum quia (ut ibidem Augustinus ait) sceleratius datur pro injustâ quàm pro justâ, quamvis detur voluntariè et libenter : loquitur enim de sententiâ ferendâ. Adde ibidem Augustinum significare pecuniam istam, etsi sceleratius acceptam, non esse opere impleto restituendam, dùm dicit *datam à volentibus* : volenti enim non fit injuria ; secus, si data sit pro sen-

tentiâ pactâ, quæ est contra iustitiam, et ideo restitui debet injuste.

Dico. *Opus sceleratius, propter opus sceleratius non debet restitui, eo quod opus proprium quod volenti, et libenter datur. Val. infra cap. 18, art. 5.*

56. Dico secundo. Verum et si videtur, quod jure positivo id non esset restituendum. Ita f. *Verum*, 2 part., tit. 2, cap. 5, in principio ; Angelus v^o C. *de rebus*, n. 2 et v. *Reverendissimus*, *de Turpi*, *de rebus*, l. 2, *de rebus*, l. 1, *de rebus*, q. 4, Navarra c. 17, n. 50 et 51. Idem tenent Covar. et Cajetanus supra, qui tamen excipiunt id quod acceptum est a iudice pro sententiâ injustâ ferendâ, innixi non juri positivo, sed naturali, quod jam refutatum est. Idem tenet ex parte Sotus, sed excipit id quod acceptum est ob maleficiam, *contra iustitiam*. Verum non sibi constat, non enim docet acceptum ab adultera non esse restituendum ; cum tamen adulterium sit maleficium contra justitiam. Deinde ex ejus sententiâ sequeretur militem debere restituere stipendium acceptum in bello injusto ; et fabrum pretium instrumenti fabricati ad furta vel homicidia, et armorum ad bella iniqua ; quæ omnia sunt contra communem hominum sensum, ut rectè Covarruvias supra.

57. Ratio est, quia leges istæ supra citatæ et similes, quæ pacta turpia et iniqua rescindunt, non ideo reddunt irritam acquisitionem rei ex tali causâ, nec faciunt accipientem inhabilem ad comparandum ejus rei dominium ; sed tantum videntur decernere, ut ante opus patratum habeantur illa pacta invalida, et ne ex illis oriatur obligatio civilis, id est, ob quam possit in iudicio peti promissum, ut docent Covarruvias supra, n. 6, et Navarra supra. Confirmatur, quia credibile est his legibus non rescindi obligationem naturalem, quæ ex talibus pactis opere completo nascitur ; ita enim leges positivæ sunt interpretandæ, si fieri potest, ut dispositioni Juris naturalis consonent.

58. Dices primò : L. 2, c. de donat. inter virum et uxorem, *jubetur restitui ancillæ militi, quam ipse donaverat concubinæ* ; ergo tenebatur restituere.

Resp. : Ibi tantum concedi militibus jus repetendi in iudicio quod meretricibus donarunt, ut docet Adrianus, tractatu de Restitut. § *Oritur alia questio, an meretricis*, etc., in fine. Hinc tamen non sequitur debere restitui ante sententiam. Deinde id non conceditur aliis, imò alii in foro externo coguntur solvere pretium turpitudinis meretrici, ut probat Covarruvias n. 2. Denique id non conceditur in aliis delictis ; nam L. 3, *de condict. ob turpem causam*, dicitur : *Ubi dantis et accipientis turpitudine versatur, non posse repeti, licet si pecunia detur ut male judicetur* ; et L. 8 dicitur *solutum ob turpem causam non posse repeti* ; idem patet ex L. 2 et 3, c. eodem. Ex quibus legibus satis probabiliter colligitur posse ista retineri in conscientia. Mens enim legum est, ut is qui dedit in peccatum criminis non possit recuperare.

59. Dico secundo : Is qui accipit aliquid ob maleficium, peccat, quia videtur illud approbare ; ergo non potest accipere, ergo nec retinere.

Resp. : Accipere pretium ante maleficium patratum, est peccatum, similiter et dare. Ratio est, quia tunc dare, est inducere ad maleficium, et accipere, est spondere et promittere maleficium; nam sub tali conditione datur et accipitur. Verùm accipere post maleficium, non est peccatum, sicut nec dare; non enim tunc accipitur vel datur, quòd maleficium placeat, sed ratione laboris, sumptus, vel periculi suscepti, vel ratione pacti onerosi et fidei obligatæ, quod fieri potest cum perfectâ criminis detestatione, et animo nunquam committendi.

60. Dico tertio : Etsi hæc sententia verior sit, contraria tamen, quæ censet id quod acceptum fuerit ob crimen legibus punibile, (nisi conseatur donatum) esse restituendum, non est improbabilis. Patet, quia est ferè communis omnium Jurisperitorum, ut docet Covar. supra, num. 6, item Medina et Navarri olim (licet hic postea mutârît), et aliorum; habetque rationes ex legibus petitas, utrumque probabiles.

61. Sed tunc difficultas est, cui restitutio sit facienda. Communior sententia est esse restituendum pauperibus, ut ibidem Covar. docet. Cùm enim leges non velint istud restitui illi qui dedit et induxit ad maleficium, neque possit retineri juxta hanc sententiam (eò quòd pactum fuerit irritum), consequens esse videtur ut in pias causas sit expendendum. Sed reverà hoc potius est salutare consilium quàm præceptum, ut rectè docent Antoninus, Navar. et alii. Merito tamen id poterit injungi in pœnitentiam à confessario, quando ei videbitur expedire, præsertim cùm tot doctores dicant absolutè in pauperes conferendum. Sotus et Covar. putant, si restituendum est, esse potius restituendum ei qui dedit. Si enim dominium non transtulit, apud ipsum mansit, quia non intendit aliter rem à se alienare, quàm ut in hunc transfretur; ex quâ ratione confirmatur prior sententia : absurdum enim est ut illi fiat restitutio, et contra mentem legum quæ intendunt illum punire, negatâ conditione seu actione repetendi; ergo nulli debet necessariò restitui ante sententiam.

DUBITATIO IX.

Utrum acceptum ob causam honestam, ad quam tamen obligaberis (v. g., ut facias vel omittas quod tenebaris facere vel omittere), debeat restitui.

62. Quidam putant generatim id esse restituendum. Ita Medina, q. 26; Navar. c. 17, n. 34; Covar. ad reg. Peccatum, p. 2, § 3; unde si alicui detur aliquid ne fornicetur, ne blasphemet, ne pejeret, id esse restituendum. Sed verius est non esse restituendum, nisi actio vel omissio debita fuerit ex justitiâ, vel nisi debita fuerit ex charitate erga proximum, et sine ullo sumptu vel labore possit præstari. Quod ut distinctè explicetur.

63. Dico primò : Si opus vel omissio ex justitiâ sint debita proximo, non potest pro illis quidquam exigi, et quod acceptum fuerit, est restituendum : est communis doctorum. Vide Covar. et Medinam supra, et Sotum l. 4, q. 7, a. 2. Probatur primò quia mani-

festè violatur æqualitas, si pro eo quod jam ex justitiâ absolutè est debitum, aliquid amplius exigatur vel accipiat; secundò, quia id quod datur pro justitiâ obtinendâ, vel injuriâ vitandâ, non censetur dari spontè, sed coactè et ex metu injuriæ, proveniente ab eo cui datur : ergo necessariò est restituendum, quia censetur per tacitam quamdam injuriam extortum : hæc est vera ratio, cur sit restituendum.

64. Hinc sequitur primò, judicem teneri restituere id quod accepit, ut justam sententiam ferret : intellige, si datum est timore injuriæ, aliàs non dandum; secus, si instar muneris liberalis, ut majorem quàm solet, quamque tenetur, diligentiam in causâ adhibeat.

Ubi adverte in sententiâ judicis duo considerari posse : prius, quòd sit actio maximè utilis et necessaria reipublicæ, egens multo labore et examine actorum et probationum, et magnâ auctoritate personarum; alterum, quòd sit justa. Ratione prioris, aliquid pro sententiâ à partibus accipi potest, si aliàs justum stipendium judici non est assignatum. Sic enim debita est ei merces lege justitiæ, sicut et labori advocatorum et jurisconsultorum. Ratione alterius, nullum ei debetur stipendium; sed, supposito officio judicis, gratis hanc qualitatem in suâ actione procurare debet : quod etiam locum habet, cùm est ea varietas sententiarum, ut ei liberum sit utramlibet partem in judicando sequi; ut enim sententia sit justa, semper gratis curandum est judici. Verùm quia tunc utraque pars justa censetur, dubitari potest, utrùm contra justitiâ peccet, si aliquid accipiat, ut hanc potius quàm illam in judicando sequatur. Videtur non ita peccare : primò, quia rationes prædictæ hic cessant; secundò, quia non tenetur ad alteram determinatè, sed liberum ei est sequi quam maluerit : ergo si aliquid accipiat ut hanc sequatur potius quàm illam, non facit ulli injuriam. Consequentia patet, quia cùm res non est debita, non est contra justitiâ (si solum jus naturæ spectemus) exigere pro eâ re pretium, si alioquin pretio sit æstimabilis; tertio, quia non accipit pretium pro justitiâ sententiæ, sed quia in hac causâ hanc opinionem præfert isti, ad quod nullo modo tenebatur : hoc autem est pretio æstimabile, tum quia utilissimum parti, tum quia, sequendo hanc opinionem, amittit favorem alterius partis, cui potuisset gratificari; quartò, quia nemo dixerit, illi parti à quâ judex aliquid in hoc casu acceperit, factam esse injuriam : imò passim hæc mente dantur à partibus, et accipiunt munera à judicibus, ut quantum intra limites justitiæ possunt, judices suum favorem impendant; quamvis hoc sit valdè reprehensibile, et meritò legibus vindicandum. Idem sæpè fit in collatione officiorum secularium : in beneficiis tamen erit simonia, quamvis fortè jure naturæ non sit obligatio restituendi, ut infra c. 35, dub. 28, dicitur. Hæc argumenta, si solum jus naturæ spectetur, faciunt hanc sententiam satis probabilem. Nihilominus legibus id vetitum est, quæ etiam possunt ad restitutionem obligare, imò et incapaces reddere domini rei hoc titulo datæ acquirendi.

65. Sequitur secundo, testem teneri restituere quod accepit, ut verum testimonium diceret : etsi enim non semper ex justitiâ teneatur testari, tamen si testari velit, tenetur ex justitiâ testari veritatem. Si tamen veritatis testimonium esset illi detrimentosum, possit aliquid exigere pro damno, vel periculo, quod metuitur : similiter si labor aut sumptus testi sit subeundus.

66. Tertiò, nihil posse exigi pro reddendo deposito, vel commodato, vel invento, vel pro solvendo debito : quod intellige de ipsâ nullâ redditione nihil habente laboris aut molestiæ : secus, si conjunctus sit labor, vel aliquid aliud pretio æstimabile.

Quartò, neque etiam ut non furaris, non occidas, non detrahas, quia hæc omissiones ex justitiâ sunt debite, absque ullo pretio, et nihil sumptus vel laboris habent : unde L. 2, §. de condict. ob turpem causam, dicitur : *Julianus dicit, si dederò tibi ne hominem occidas, condici posse*, id est, posse repeti.

67. Dices : Etsi talis ommissio est debita, non tamen est debita in tui gratiam : ergo si quis tuâ causâ abstineat ab his alteri inferendis, qui te non contingit, poterit ratione hujus obsequii aliquid exigere et accipere.

Resp. : Sotus supra, ob hoc argumentum, concedit posse sic aliquid accipi. Sed communis sententia est in contrarium. Ratio est, quia quando opus vel ommissio secundum se est invendibilis, etiam est invendibile obsequium, quo fit in tui gratiam ; alioquin usurarius posset aliquid exigere, quòd in tui gratiam det mutuum alteri ; et collator beneficii, quòd tuâ causâ huic conferat ; et judex, quòd tuâ causâ justam sententiam ferat : tale enim obsequium, quando opus est absolutè debitum, non censetur dignum pretio apud homines, sed ut summum amicitia. Si quid tamen ex liberalitate pro hac causâ esset datum, posset retineri, quia non censetur donatum invitè, neque ob causam, quæ sit nullius pretii, sed spontè et ex causâ virtutis ; unde promissio facta sub tali conditione non magis obligat quàm promissio liberalis absoluta.

68. Dices : Miles ex justitiâ tenetur militare, et tamen potest exigere stipendium ; ergo pro opere debito ex justitiâ potest pretium exigi.

Resp. : Miles non tenetur ex justitiâ, nisi ei jam constitutum sit stipendium ; præter hoc autem non potest ampliùs exigere. Idem dicendum de judice, aliisque officiis quæ non sunt debita ex justitiâ, nisi post contractum, quo illis stipendium justum est promissum.

69. Dico secundò : Si opus debitum sit proximo ex charitate, non potest pro eo pretium exigi, nisi fortè sit laboriosum, vel sumptuosum. Ita Covar. et Medina supra. Probatur primò, quia communi hominum judicio hæc non sunt pretio æstimabilia ; secundò, quia cum valdè intersit proximi, ut hæc fiant, si quid pro eo det, censebitur coactè datum (non gratis) pro re nullius pretii. Sed nihil potes exigere, ut ex animo deponas odium mei, vel ut mihi indices furem qui res meas surripuit, vel locum ubi deposuit, si id sine labore, sumptu, periculo facere possis, ut rectè Covar. supra.

Denique ut in extremâ necessitate des tennem elemosynam pauperi.

70. Dico tertiò. Quando aliquid datum est pro opere vel omissione, quæ solum credit in commodum accipientis, vel in honorem Dei, non necessario est restituendum : sed potest retineri. Ita Petrus Navarr. lib. 4, c. 2, num. 100, et ex parte Sotus supra. Ratio est, quia tunc censetur esse liberaliter donatum ex causâ, vel sub conditione ; nemo enim ab alio emit actiones vel omissiones liberas, illi soli commodas vel Deo honorificas, ad quas tenetur ; sed si quid pro illis offerat vel det, censetur datum in bonum illius, vel ad honorem Dei, merè liberaliter.

71. Hinc sequitur eum qui aliquid accepit ab altero, ut fieret Christianus, ut confiteretur in Paschate, ut non fornicaretur, non blasphemaret, posse retinere, nec teneri restituere, nisi repetatur in judicio. Nec obstat L. 2, §. de conditione ob turpem causam, ubi dicitur : *Si tibi dedit ne sacrilegium faceres, condici posse*, id est, repeti : quia solum conceditur repetitio in judicio, idque quando datum est, ne crimen fieret, quod legibus punitur ; hinc tamen non sequitur, ante sententiam esse restituendum. Puto tamen id, quod pro hujusmodi causâ promissum fuerit, impletâ causâ, non esse debitum nisi ex virtute fidei, sicut si absque hujusmodi conditione promissum esset. Ratio est, quia reverà hæc opera non sunt pretio æstimabilia, sicut nec alia supradicta ; sed discrimen inter hæc opera et illa est, quòd datum pro his non censeatur extortum ab invito, sed liberaliter donatum, eò quòd is qui dat, nullâ necessitate compellatur ; secus de dato pro illis quæ ex justitiâ vel charitate proximo sunt debita.

72. Advertendum tamen est, quando constat vel prudenter præsumitur aliquid datum per modum muneris liberalis, ad inclinandum eum qui accipit ad bonum opus ex justitiâ vel charitate debitum, vel ad eum à malo avertendum, non esse restituendum, nisi lex positiva in aliquo casu expressè inhabilem reddat ad dominium ejus rei capessendum, sicut videntur fecisse judices. L. *Plebiscito*. 18, §. de officio præsidis, et L. *Solent*, §. finali, §. de officio proconsulis ; de quo plura infra suo loco. Vide Silvestrum v° *Juder*, 4, q. 8.

CAPUT XV.

DE ORDINE IN RESTITUTIONE SERVANDO, DEQUE LOCO ET EXPENSIS.

(Completitur dubitationes 8.)

1. Notandum est, quando bona debitoris in solutionem omnibus creditoribus sufficiunt, non esse opus ullo ordine ; nam omnibus integrè est satisfaciendum ; sed tum demùm certus ordo servandus est, quando non sufficiunt.

DUBITATIO PRIMA.

Utrum debita certa sint prius solvenda quàm incerta.

2. Suppono debitum variis modis dici incertum. Primò, si non satis constat utrum debeas, necne ; et tunc non est necessaria restitutio, quia melior est

conditio possidentis. Secundò, si constat quidem rem deberi, sed dubitas cui ex duobus vel tribus debeatur. Hoc eventu, si dubium est æquale, res æqualiter est inter eos dividenda, vel ex illorum consensu sorte applicanda; sic enim servatur justitia. Quòd si postea constiterit uter sit verus creditor, alter tenetur ei restituere suam partem, nisi eam legitime usuceperit; si noluerit restituere, tu tamen liber manes, quia restituiisti eo modo quo potuisti et debuisti, nec in eo incerto amplius à te potuit exigi. Si dubium non fuit æquale, ei debetur major pars, de quo minus est dubium: alteri verò minor, judicio prudentis. Vide supra c. 14, dub. 4. Tertiò, dicitur incertum debitum, quando constat quidem deberi, sed nescitur cui vel quibus ex totà multitudine; sive res ipsa in specie suà sit aliena (ut equus, vestis, torquis, et similia), sive tantum sit debita confusè, ut quando loco rei perempte debetur pecunia. His positis,

5. Dico primo: Si res incertum habens dominum, in specie suà est aliena, primo loco est restituenda, non certis creditoribus, sed iis quibus incerta restitui solent, juxta ea quæ c. 14, dubit. 6 et 7, dicta sunt, quamvis nihil aliud supersit quod certis creditoribus dari possit. Est communis doctorum. Ratio est, quia creditoribus debet satisfieri ex bonis debitoris, non ex alienis. Itaque hæc ante omnia sunt segreganda à bonis debitoris, et in pios usus eroganda.

4. Dico secundò: Si res ipsæ non sunt in suà specie alienæ, tunc ex eis prius facienda est restitutio certorum debitorum quam incertorum. Est communis doctorum Antonini, 2 p., tit. 2, c. 3, in principio; Cajet. vº *Restit.*, c. 8; Silv. *restit.* 6, q. 5; Medinae, c. de *Restit.*, q. 2. § *Ad aliud, quod quinto loco*, et Navarri, c. 17, n. 17 et aliorum.

Sed difficultas est, quænam sit hujus ratio. Doctores qui consent incerta jure naturæ pauperibus esse danda, valdè laborant in assignandà ratione, nec quidquam afferunt quod omnino satisfaciatur. Sed juxta sententiam, quam supra c. 14, dub. 6 et 7, secuti sumus, non est difficile.

5. Ratio igitur, cur certis creditoribus prius sit solvendum quam incertis, est, quia jure naturæ tenetur debitor ex justitiâ solvere creditoribus certis, etiamsi illa lex positiva id juberet, idque de bonis suis, quorum dominium habet. Non tamen jure nature de his bonis tenetur solvere creditoribus incertis, quia his ipsis solutio fieri non potest; quod autem loco eorum æneatur pauperibus, id solum jure positivo constitutum est: quod jus locum non habet, quando certi creditores exstant; neque mens legislatoris fuit, nec verò potuit esse, eo casu obligare, quia quod debitum est jure naturæ, non potest tolli per legem positivam.

Adde, non solvendo talia incerta, nemini in particulari fieri injuriam; secus verò, si non solvantur certa.

Dices: Quando res est in specie aliena, et dominus reperiri nequit, non debetur jure naturæ pauperibus, et si positâ lege positivâ potest retineri; ergo etiam ex ea debet satisfieri creditoribus certis.

6. Resp. negando consequentiam, quia, etsi sepositâ lege positivâ posset debitor ex eâ satisfacere, non tamen tenebatur, eò quòd non teneatur, nisi de rebus suis solvere. Unde jure positivo statui potuit, ut hæc darentur pauperibus, etiamsi creditores certi nihil essent habituri; quòd si debitori ut pauperi res illa applicetur, tunc videtur ex illâ creditoribus esse solvendum, quia non amplius aliena censetur, nisi fortè paupertas illum excuset.

DUBITATIO II.

Utrum inter debitores certos prius solvendum sit venditori, cui pretium nondum est solutum, re venditâ exstante.

7. Respondeo et dico primò: Si res sit Ecclesiæ, vel fisci, vel minoris, et adhuc exstet inter bona debitoris, ante omnia solvendum est pro eâ pretium justum, vel certè res ipsa est restituenda. Probatur, quia talis rei non est translatum dominium per conventionem mutuam, et secutam traditionem, nisi reipsâ persolvatur pretium, ut docent Angelus, vº *Emptio*, n. 4; Silvest. eodem verbo n. 2, et notant Bartolus in L. *A divo pio*, 15, § *Sed si emptor*, π. de re judicatâ, et Panor. in c. *Cum olim*, de officio deleg.: et colligitur ex L. *Si curator*, 5, π. de jure fisci, junctâ Glossâ; unde sequitur talem rem, ubicumque exstiterit, etiamsi aliis vendita fuerit, posse vindicari.

8. Dico secundò: Si res alterius vendita fuerit tali debitori, et ille nec pignus aut fidejussorem dederit, nec pretium in presenti obtulerit, nec venditor illud pro soluto habuerit, fidens emptori, tunc vel pretium ante omnia solvendum, vel res restituenda venditori. Probatur, quia jure communi in hoc casu nondum censetur translatum dominium, etiamsi res tradita fuerit, ut expressè habetur Instit. de rerum divisione, § *Venditæ*, ubi dicitur: *Venditæ verò res et traditæ, non aliter emptori acquiruntur, quam si is venditori pretium solverit, vel alio modo ei satisfecerit, velut ex promissore aut pignore dato: quod quanquàm cavetur ex lege duodecim tabularum, tamen rectè dicitur et jure gentium, id est, jure naturali id effici.* Idem habetur L. *Quod vendidi*, 19, π. de contrahendâ emptione. Unde sequitur rem talem, ubicumque exstiterit, vindicari posse, nisi pretium solutum fuerit, ut dicitur L. *Procuratoris*, 5, § *Sed si dedi*, 18, π. de tributaria actione.

Sed hic difficultatem parit, quod in eodem § Instit. supra additur his verbis: *Sed si is qui vendidit, fidem emptoris secutus fuerit, dicendum est statim rem emptoris fieri; semper enim videtur fidem emptoris sequi, quando ei credit absque fidejussore vel pignore.* Unde tunc semper transfertur dominium.

9. Resp.: Tunc tantum censetur sequi fidem emptoris, quando ipsius nudâ promissione est contentus, perinde ac si pretium esset solutum; quod Ulpianus in dictâ L. *Procuratoris* ait, in creditum abire, et Pomponius in dictâ L. *Quod vendidi*, fidem habere emptori, sine ullâ satisfactione.

10. Petes: An ergo tunc venditor non habeat jurisdictionis? Covarruvias l. 1 *Variar.*, cap. 7, n. 3, pu-

tat non habere; pro suâ sententiâ ali et multos juris peritos, qui dicunt hanc esse communem. Idem sentit Petrus Navar. lib. 4, c. 4, n. 59, et Medina disput. 556. Probatur primo, quia illa res non est amplius venditoris, cum translatum sit dominium, uti suppono, neque manet illi obnoxia jure hypothecâ. Nam neque jure naturæ, neque jure positivo constituta est ista talis hypothecâ. Non jure naturæ, quia hoc jure nulla inducitur tacita hypothecâ; si enim contrahentes pacto expresso non obligant rem solutioni, non est cur illa jure naturæ debeat priori domino censi obligata, cum ejus dominium perfectum in alium transierit, non secus ac si solutio in præsentâ esset facta. Non etiam jure positivo, quia nullum jus positivum inducens in tali re hypothecam in jure Cæsareo reperitur. Secundo, si emptor ille alteri venderet, prior venditor non posset eam vindicare: ergo non erat ipsi hypothecata. Tertiò, quia neque expressa hypothecâ ex conventionione contrahentium potest in emptione sic constitui, ut venditor habeat jus prælationis præ aliis hypothecis jure positivo constitutis; nam contrahentes non possunt suo consensu efficere, ut is qui jure civili vel municipali habet jus prælationis, debeat postponi: ut si emi à te domum vel navim, et postea ad ejus reparationem accipiam ab alio pecuniam mutuatam; hic tibi præferetur in solutione, quia jure positivo habet jus prælationis, etiam respectu præcedentium hypothecarum, ut infra dicetur. Ex quibus sequi videtur venditorem esse numerandum inter creditores hypothecâ carentes; ac proinde omnibus hypothecam habentibus postponendum. Hæc sententiâ est valde probabilis. Contraria magis videtur æquitati consona: unde,

11. Dico tertiò: Probabile est venditorem, si ab emptore fidejussorem vel pignus non accepit, et res adhuc apud emptorem exstet, in eâ re cæteris esse præferendum, ita ut vel pretium ei solvendum sit, vel res ipsa restituenda. Ita tenent Cajetanus v^o *Restitutio*, cap. 8; Silv. *Restitutio* 6, quæst. 5; Fumus, eodem verbo, num. 56; Medina, c. de Restitutione, quæst. 2, § *Tertium dictum*; Navarr. c. 47, num. 49. Idem tenet Archidiaconus Baldus et alii, teste Silvestro. Probatur primò, quia valdè durum est, et ab æquitate naturali alienum, ut res mea, quam à me emisti, non soluto pretio, exstans in suâ specie, aliis assignetur, et ego re meâ simul et pretio frauder; seposito enim omni jure positivo, statim judicio naturali quisvis censeret, æquius esse ut venditori res sua restituatur, si emptor solvendo par non sit, quàm ut detur alteri. Secundò, si tibi locavi meam domum, invecta et illata in eam manent obligata pignori pro pensionibus annuis, et damnis in domum datis, ut habetur L. 2, §. *Ex quibus causis, pig. vel hypoth. tacita contrahatur*: ergo argumento à fortiori etiam res vendita manet obligata pro pretio. Tertiò, quia jure gentium non transfertur dominium rei venditæ ante solidum pretium, nisi datum fuerit pignus vel fidejussor, vel nisi venditor secutus fuerit fidem emptoris, ut habetur § *Venditæ*, supra; idque quia non censetur venditor dominium aliâ ratione velle transferre. Atqui, quando venditor credit emptori, etiamsi

ut ad id transierit quid dominum, non tamen induitur se præferre omni jure et recessu ad rem suam, nisi recessa solutum fuerit pretium, ut potest ex usu et communium hominum sensu: ergo saltem quandiu exstat apud emptorem, censetur quasi hypothecata pro pretio.

12. Unde ad primam rationem in contrarium respondetur: Etsi jure naturæ seu gentium non contrahatur ulla hypothecâ perfecta qualis jure positivo, nempe in quam retineatur jus apud quemcumque exstet, bene tamen potest contrahi imperfecta et incompleta, in quam retineatur jus, quandiu exstat apud emptorem: talem videtur habere venditor in re emptâ, ut dictum est. Si tamen emptor alteri vendat, non manet amplius obligata, sicut nec pretium pro eâ acceptum, ut rectè Navarrus.

Ad secundam, inde tantum sequitur, non esse hypothecam perfectam, quales sunt omnes hypothecæ speciales jure positivo introductæ.

Ad tertiam, inde solum probatur aliquam hypothecam huic præferendam, nempe eam quæ constituta est ratione mutui accepti ad rei instaurationem, secus de aliis.

13. Idem ob easdem rationes videtur dicendum de omni aliâ re, titulo oneroso alienatâ, ut supra docet Navarrus, ut de re mutuatâ, permutatâ, etc.; quod intellige, si res illa in suâ specie adhuc exstet in bonis debitoris, maxime si aliis permixta nondum sit. Imò etiamsi permixta sit, si certò constet illam ibi contineri, quia æquissimum est ut ante omnes, illi qui eam tradidit, restituatur vel ipsa vel pretium ejus: nec alii creditores possunt id meritò agere ferre, cum debitor ejus redditione non fiat impotentior ad ipsam solvendum, quàm fuisset si eam non accepisset.

DUBITATIO III.

Utrum debita ex delicto præferenda sint debitis ex justo contractu.

14. Sunt tres sententiæ. Prima est, debita ex delicto esse prius restituenda, quàm ex contractu (nisi fortè in contractu intervenerit hypothecâ), et quò delictum fuit majus, eò quoque priorem deberi restitutionem. Ita Joannes Medina quæst. 2 de Restitut., dubit. 5. Unde post hypothecas primò restituendum debitum ex rapinâ; secundò, ex furto; tertiò, ex usuris; quartò, ex contractu oneroso, ut ex mutuo, emptione, etc.; quintò, ex contractu gratuito, ut ex legato, promissione non completâ, etc. Probatur primò, auctoritate D. Bonaventuræ; secundò, quia illa debita sunt prius solvenda, quæ cum majori injuriâ et peccato sunt contracta, eò quòd quando non potest simul ab omnibus peccatis recedi, consentaneum sit ut prius à gravioribus, deinde à levioribus recedatur; atqui majus peccatum, majorque injuria, cæteris paribus, est in rapinâ, quàm in furto, et in furto quàm in usurâ: ergo prius solvendum pro rapto quàm furto, et prius pro furto quàm pro usurâ, et prius pro usurâ quàm pro contractu, in quo nulla commissa injuria. Inter contractus autem magis obligat is qui est onerosus quàm qui gratuitus, idque meritò, quia per onerosum

homo non fit impotentior ad solvendum aliis; nam una res supponitur loco alterius, ex naturâ contractûs: per gratitum verò secûs. Idem sentit D. Thomas opusculo 75, c. 18: *Cum necessaria ad salutem præcedant ea quæ sunt devotionis, justè solvuntur debita ante legata, sed majori justitiâ, restituenda sunt ablata, quàm debita solvenda: cion in hoc impleatur justitia, et tollatur injuria facta Deo et proximo. In solutione autem debitorum nulla tollitur injuria, sed solium impletur justitia.* Idem tenet Michael Salonijs q. 62, art. 8, in fine, et videtur tenere Angelus, restitut. 2, num. 18. Hæc sententia non est probabilis.

15. Secunda sententia est prius solvenda esse debita ex contractu justo oneroso, non gratuito, quàm ex delicto, nisi fortè res ex delicto parita in specie sit aliena. Ita Cajetanus, vº *Restitutio*, c. 8; Navar. c. 17, num. 52; Bartholom. Medina, l. 1 Summæ, c. 14, § 53; denique D. Anton., p. 2, tit. 2, c. 7, § 1 et 2, qui etsi assentiatur primæ sententiæ in ordine debitorum ex delicto, nempe prius restituendum quod ex rapinâ debitum, quàm quod ex furto, et prius ex furto quàm ex usurâ, addit tamen prius esse restituenda quæ ex contractu justo debita. Hæc sententia probabilis est, si res ex contractu accepta exstet apud debitorem, juxta ea quæ diximus dubit. 2; alioquin non video quâ ratione probabili queat defendi, nisi fortè in usuris.

16. Tertia sententia, quam veriolem judico, est, inter hæc debita nullum esse ordinem, sed ea pari jure censerî; esseque debita personalia, sine jure prælationis, præsertim si res ex contractu accepta apud debitorem non exstat. Ita docent Sylvester, restitutio 6, q. 5, puncto 5; Petrus Navarra, l. 4, c. 6, seu ultimo, n. 41, et alii recentiores. Probat primò, quia neque Jure positivo aliquid hæc de re cautum est, neque ulla ratio sufficiens afferri potest, quâ probetur jus naturæ postulare, ut alterum debitum alteri præponatur; ergo sunt paria. Secundò, quia, etsi major fiat injuria per rapinam quàm per furtum, et per furtum fortè quàm per usuram, tamen postea, dum quis non vult restituere, est eadem injustitia in ipsâ rei detentione; ejusdem enim speciei peccatum est, non solvere debitum ex contractu post elapsum terminum, invito creditore, et non solvere debitum ex rapinâ aut furto; quia æquè fit invito domino; quamvis enim in rapinâ sit major injuria, eò quòd sit major contemptus domini, et ipse magis involuntariè potitur, tamen postea non est major obligatio restituendi; nam pro excessu injuriæ, qui est in primo aggressu, non est facienda restitutio pecuniæ de quâ hic agimus, sed alia satisfactio.

17. Dices primò: Quamdiù raptor non restituit, non recedit ab injuriâ quam intulit personæ vi rapiendo; atqui ab hæc maximè tenetur recedere; ergo ante reliquos, etc.

Resp. primò, negando majorem; nam hoc ipso quo desinit vim inferre, injuria personalis non continuatur, sicut detentio rei; sed transit, unde etiamsi non restituat rapta, tamen non censetur continuare actua-

lem rapinam, sed solùm rei alienæ detentionem.

Respondeo secundò, negando subsumptum: non enim magis tenetur ad sarcindam injuriam illatam personæ, quàm ad faciendam restitutionem rei detentæ, præsertim cum in rei detentione etiam injuria domino fiat, et præter injuriam, damnum. Itaque cum is qui debet ex contractu, æquè obligetur elapso termino, atque is qui ex usurâ, furto vel rapinâ, non est cur naturali jure ullum ordinem inter ista debita constitutum putemus. Quod etiam ex eo confirmatur, quia alioquin contra jus naturæ faceret judex qui juberet pro ratâ talibus creditoribus restitui; et teneretur ipse de suo supplere; quod nemo dixerit.

18. Dices secundò: Detentio usurarum non tantum repugnat voluntati domini, quantum detentio rei furtivæ vel raptæ, vel ex contractu oneroso debitæ; ergo in usuris non est tanta obligatio restituendi, quanta in cæteris. Antecedens patet ex communi hominum sensu; nemo enim de illis magnoperè queritur, neque conatur recuperare; unde etiam non est tam detestabilis usurarius, quàm fur vel raptor, vel debitor ex contractu, qui post elapsum terminum non vult solvere, cum possit.

19. Ob hoc argumentum, non videtur improbabile debita ex contractu oneroso, ex furto et rapinâ, posse præponi debitis ex usurâ. Quia tamen contrarium puto verius,

20. Resp. omnia hæc contra voluntatem domino rum refinari, ita ut si possent, curarent sibi restitui; quod sufficit ut æquè injustè, seu contra eandem justitiæ speciem retineatur. Et quamvis detentio usurarum non tantum repugnet actuali voluntati domini, quantum debitum ex contractu vel furto, id non refert, quia hoc non provenit ex eo quòd intendit usurario eos donare, vel aliquid juris concedere, sed ex eo quòd spem non habeat recuperandi; sitque malum necessarium spontè subeundum. Sicut qui spontè dat lytrum latroni, non renititur actuali voluntate (nisi inefficaciter) illi detentioni; et tamen non minis injustè ille detinet, quàm fur vel raptor. Itaque hæc actualis repugnantia, non facit ut detentio rei sit magis contra justitiam, quàm aliàs esset; sed facere potest ut magis sit contra charitatem, ut si quis vehementer se inde cruciaret.

DUBITATIO IV.

Quis ordo sit servandus in solutione certorum debitorum.

21. Resp. primò restituenda ea quorum dominium non fuit translatum in debitorem.

Secundò, solvendum pro moderatis expensis funeris debitoris, L. penultima, π, de religiosis et sumptibus funeris. Huc etiam pertinent ea quæ necessaria sunt ad conscribendum testamentum, ad faciendum inventarium, ad custodiam suppellectilis, et similia opportuna, ut fiat restitutio. Unde si quis fecerit has expensas pro debitore, aut pro funere alterius, quem debitor sepelire debuisset (pro funere uxoris, filii, vel mancipii), ei jure naturali primò restitutio facienda est.

22. Tertiò, solvendum iis qui habent hypothecam

(quantum ea se extendit), ante alios qui non habent, ut habetur l. *Eos*, 9, c. *Qui potiores in pignore*. Ratio est, quia hypotheca datur creditori ad securitatem, ut in omni evenia possit ex ea curare sibi satisfieri.

25. Quarto, inter hypothecarios creditores, primò solvendum iis qui tempore sunt priores; hæc enim regula juris: *Qui prior est tempore, potior est jure*, intelligenda est de iis qui in eadem re habent hypothecam, ut docet Silvester, v° *Restitutio*, 6, q. 5, et colligitur l. 2, 4, 5, 6, 7, 8, c. *Qui potior in pign. hab.* (utrum etiam vera sit in creditoribus personalibus, dicitur dubitat. 6), estque generaliter vera, sive hypotheca sit tacita, sive expressa, sive generalis, sive specialis, sive sit conventionalis, sive judicialis, sive prætoria. Exceptis quibusdam casibus, in quibus posterior præfertur priori, ut statim dicemus. Neque solum expressa prior præfertur expressæ posteriori, sed etiam tacita prior, præfertur expressæ posteriori, ut patet in hypothecâ dotali, quæ, etsi tacita sit, præfertur tamen expressæ posteriori, ut docet Covar. lib. 1 Var. c. 7, n. 2, et colligitur ex l. *Hæc edictali*, 6, § *His illud adjungimus*, c. de *secundis Nuptiis*. Similiter generalis prior præfertur etiam speciali posteriori, ut colligitur ex l. 2, π. *Qui potiores in pignore vel hypothecâ habeantur*.

24. Unde patet primò, falli Navarrum, cap. 47, n. 50 et 51, et Silvestrum, *Restitutio* 6, q. 5, dum dicunt eos qui expressas habent hypothecas præferri iis qui habent tacitas: hoc enim verum non est, nisi illa expressa sit tempore prior, exceptis quibusdam casibus jure declaratis.

25. Patet secundò, falli Silvestrum, quando vult eum qui habet specialem hypothecam posteriorem, præferri habenti generalem priorem omnium bonorum, et præterea specialem in aliquâ re quæ distincta sit ab hypothecâ speciali alterius. Nec obstat l. 2, c. de *Pignoribus et Hypothecis*, quam ipse pro se adducit; nihil enim aliud ibi dicitur, quam tuum pignus posteriori debere tibi salvum esse, si priori creditori, habenti generalem hypothecam et etiam specialem in aliâ re quæ à tuo pignore distincta sit, possit integrè satisfieri ex illâ speciali; tunc enim non potest impedire tuam specialem, ratione suæ generalis prioris; qui enim præter generalem hypothecam etiam capit specialem, id facit, quòd primò velit vindicare specialem, et non attingere generalem, nisi in eventu quo specialis non sufficiat. Unde sequitur tuum pignus non fore tibi salvum, si alteri ex speciali illâ hypothecâ non possit integrè solvi; et consequenter generalis prior præferetur speciali posteriori. Vide Covar. l. 3 *Variarum*, cap. 48.

26. Adverte tamen esse aliquos casus in quibus posterior tempore præfertur priori habenti hypothecam expressam vel tacitam.

Primus habetur l. 5, π. *Qui potiores in pign.* Si tibi credidi, seu mutuavi pecuniam, ad refectionem vel conservationem alicujus rei alteri ante obligata, ut ad reficiendam vel armandam navem; tunc enim præferri debeat aliis habentibus in eadem re hypothecam

generalem vel specialem etiam expressam. Cujus ratio est, quia sine tali mutuo pignus illud vel non existisset, vel certe periisset; ac prout prior creditor parum vel nihil ex eo habuisset commodi; unde non potest agere ferre quòd is, cujus pecuniâ salvum est, prior ex eo solutionem illius pecunie accipiat.

Secundus habetur l. 6 supra: Si tibi mutuavi, v. g., 100, ut satisfaceres pro mercium vecturâ, vel pro conductione ardim in quibus asservarentur, manent mihi merces istæ obligatæ, ita ut primus solutionem ex illis habere debeam ante alios, generalem vel specialem, tacitam vel expressam hypothecam habentes.

Tertius est: In hypothecâ dotali, per quam bona mariti sunt obligata uxori, ejusque descenditibus, ita ut ipsa et ipsius filii ex illis suam dotem ante alios creditores, habentes tacitas hypothecas priores, possint deducere, ut patet l. *Assiduis*, 12, c. *Qui potiores in pignore*.

27. Notandum tamen est primò, dotem non præferri hypothecæ expressæ priori. Ratio est, quia lex non intendit doti dare privilegium cum injuriâ priorum creditorum, qui ex speciali conventionione jam jus habebant in bonis debitoris; valde enim durum esset, per nuptias viri supervenientes, omnes priores amittere jus quod expressè pacti erant. Secus est de iis qui habebant tacitam priorem, lege introductam; his enim dos præfertur, nisi etiam privilegium prælationis habeant, ut in casu primo et secundo, quia lex potuit suum beneficium, quod concedit prioribus, ita restringere, ut postponatur privilegio mulieris in causâ dotis, ut docet Silvester, v° *Dos*, n. 14.

28. Hinc patet non sequi expressam hypothecam priorem præferri doti posteriori; et hæc dos præfertur mutuo posteriori pro refectione: ergo expressa hypotheca prior præfertur illi mutuo posteriori. Vide Covarr. l. 4 *Variar.* c. 7, ubi ostendit, in iis quæ jure humano constant, non esse necessarium, ut si A vincat B et B vincat C, A vincat C. Idem Silvester supra.

29. Notandum secundò, dotem non præferri privilegio quod habet is qui mutuavit pecuniam juxta primum et secundum casum, nisi tempore dos sit prior, ut rectè docet Silvester supra. Neque contrarium colligitur ex novellâ 97, c. 3 (ut quidam putant), quia ibi solum dicitur, *eum qui mutuavit ad adificationem vel refectionem domûs vel navis, non præferri doti priori, sicut præfertur aliis non privilegiatis*. Hinc tamen non sequitur dotem posteriorem illi præferri, aut illum doti posteriori non præferri.

30. Quartus casus est: Quando ex pecuniâ pupilli empta est res aliqua, illa res manet pupillo obligata ante omnes, ita ut si ea alteri sit hypothecata, ipse sit præferendus, ut possit recuperare pretium. Idem colligitur ex L. penult., c. de *Servo pign. dato*.

Quintus est: Si tibi dem mutuam pecuniam ad emendam domum, vel prædium, vel rem aliam, cum pacto expresso ut ea res mihi maneat hypothecata pro debito, præferar aliis creditoribus habentibus hypothecam generalem in omnibus tuis bonis, quamvis talis hypotheca comprehendat etiam bona futura, et

consequenter hanc ipsam domum. Ita habetur l. *Licet*, 7, c. *Qui potiores in pign.* Vide Covar. sup. num. 3.

31. Sextus est : Quando quis contraxit cum fisco, manent ipsius bona fisco obligata cum privilegio praelationis. Idem jus habet fiscus ratione tributi nondum soluti. Unde omnia bona receptorum et redemptorum vectigalium sunt fisco hypothecata, l. 2, c. *de Privil. fisci*; dos autem et fiscus pari jure censentur. L. *Dotis tua*, 9, c. *de Jure dotium*. Vide Covar. supra.

32. Septimus est : Quando quis alicui credit pecuniam ad militiam, v. g., ut emat equum, arma, vel ut se in militia sustentet, habet hypothecam jure praelationis, etiam ante dotem, etsi dote sit posterior, ut patet ex novellâ Justiniani 97, c. 4. Unde huic ex bonis mariti integrè solvendum, quamvis uxoris dos esset peritura.

33. In his casibus non est servanda illa regula : *Qui prior est tempore, potior est jure* : nam habent privilegium ut praeferantur, etiamsi tempore sint posteriores, non quidem semper omnibus, sed quibusdam. In cæteris autem hypothecis, tale privilegium non habentibus, et in his quæ æquale privilegium habent, est servanda, ita ut integrè satisfieri debeat ei qui priorem hypothecam habuerit. Verùm accurata horum tractatio est jurisperitorum. Vide doctissimum tractatum de Pignore Antonii Negusantii.

34. Quintò, post eos qui habent hypothecam, si quid supersit, solvendum creditoribus personalibus, id est, qui non habent ullam rem debitoris, sibi immediate in genere vel in specie obligatam, sed solam personam.

Inter hos, primo loco, solvendum iis qui habent personale privilegium praelationis, absque hypothecâ, quale habet sponsa de futuro in bonis sponsi, ratione dotis traditæ, non secuto matrimonio, ut docet Glossa in l. *Eos*, 9, c. *Qui potior. in pign.*, et qui deposuit pecunias apud nummularium, non percipiens inde usuras, ut patet l. *Si hominem*, 7, § 2, π. *Depositum*, vel contra; quod quidam doctores extendunt ad omnia deposita, et ad commodatum et ad pignus, si dolo vel culpâ debitoris perierint; item ad pecuniam depositam in societate mercatorum ad negotiationem. Si tamen hæc exstaret, etsi mixta esset, ante hypothecas restituenda esset, quia in specie est aliena: nam quando talia voluntate dominorum commisceantur, singule partes fiunt communes, ut habetur §. *Si duorum*, Instit. de *Rerum divisione*, et L. Marcellus, 3, § *Pomponius*, π. *de Rei vindicatio*.

35. Secundo loco solvendum cæteris creditoribus chirographariis ex titulo oneroso, cuique pro ratâ, non habitâ ratione temporis prioris vel posterioris, quo debitum est contractum. Ita Silvester supra, et Nav. cap. 17, num. 51.

Tertio loco, solvendum creditoribus ex titulo gratuito, ut si defunctus alicui piæ causæ aliquid voverat.

Quartò, reliqua erunt pro hæredibus et legatariis; ita tamen ut hæredes præcedant legatarios: ad suam

legitimam obtinendam, si sunt hæredes necessarii, vel ad quartam bonorum (quæ dicitur Falcidia), si non necessarii.

36. Quæ hactenus dicta, jure communi Cæsareo servanda sunt, ubi et quatenus illud est receptum. Quòd si in aliquibus locis sint hæc de re aliæ aliquæ leges, vel consuetudines rationi consentaneæ, eæ sunt servandæ; et quidem in foro conscientiæ, ut docent communiter doctores; unde fallitur Gabriel in 4, d. 13, q. 2, dub. ult., ubi dicit, quæ canonistæ disputant, quinam jure potiores sint in restitutione, potius ad iudicii quàm ad conscientiæ forum spectare. Nam hæc leges non nituntur præsumptione, sed æquitate naturali, ex quâ propter bonum commune statuunt hunc ordinem: quod non minùs potuerunt facere, quàm transferre dominia usucapione.

37. Omnis autem lex humana rectæ rationi consentanea, quæ non nititur falsâ præsumptione, servanda est in conscientiæ foro.

DUBITATIO V.

Utrum prius petenti licet prius solvere.

38. Dico primò: Si debitor vel ejus hæres solvat posteriori, omisso eo qui habet hypothecam priorem vel privilegiatam, sciens id fieri cum damno prioris, tenetur priori de damno, et potest prior recuperare à posteriore quod solutum est. Patet ex l. *Scimus*, 22, § *Etsi præfat m*, c. *de Jure deliberandi*.

39. Dico secundò: Si sint plures creditores personales, inter quos nullum sit privilegium praelationis, et aliquis ex illis exigit ante alios solutionem debiti, sive in iudicio, sive extra, potest et tenetur debitor ei integrè solvere, etiamsi tempore esset posterior. Ita docet Navarrus, cap. 17, n. 52, et Silv. restitutio 6, q. 8, et colligitur ex l. *Pupillus*, 24, π. *Quæ in fraudem creditorum*. Ratio est, quia diligentia posterioris creditoris fecit eum potiore, sicut hypotheca vel privilegium, ut dicitur in prædictâ lege; unde sequitur creditorem posse petere integrum debitum, quando timet debitorem non fore omnibus solvendo, et retinere, ubi acceperit.

40. Petes, utrum non petenti possit debitor, sciens statum suum labantem, integrè satisfacere, ut ei gratificetur?

Resp. non posse, quia jus hoc non concedit; cum enim iste par sit aliis jure, neque diligentia in petendo faciat eum potiore, non potest ei fieri integra restitutio cum damno aliorum; sed pro ratâ, ut rectè docet Nav. supra.

41. Addo tamen eum, qui in hoc eventu solutionem accepit, non teneri in conscientiâ restituere, quia non accepit rem alteri obligatam; et colligitur ex l. *Quod autem*, § 6 et 7, π. *Quæ in fraudem creditorum*. Idem dicendum, etiamsi alii creditores habeant privilegium personale praelationis absque hypothecâ, ut colligitur ex l. dictâ, ubi dicitur: *Qui debitam pecuniam recepit, antequàm bona debitoris possideantur* (id est, auctoritate iudicis occupentur ab aliis creditoribus), *quavis sciens prudensque solvendo non esse, recipiat, non*

Est hoc edictum, nempe quo revocantur ea quæ in fraudem creditorum alienata sunt. Idem docet Molina disp. 556, etiam si Silvester et alii contrarium sentire videantur.

Nec refert quid ad hoc induxeris debitorem, quia jura id concedunt, teste Molinâ. Nec obstat 1. *Populux*, 24, c. 1. *Eodem tit.*, quia est alius casus in quo tutores sponte gratificati sunt uni ex creditoribus; unde dicitur ibidem *tale debitum revocandum*; quod intellige, *per judicem*; quare, nisi sic revocetur, poterit ille creditor retinere.

DUBITATIO VI.

Utrum regula illa jwis: Qui prior est tempore, potior est jure, possit extendi ad creditores personales.

42. Multi doctores affirmant illam locum habere in omnibus creditoribus ejusdem ordinis, id est, quorum alter non habet aliunde privilegium prælationis contra alterum. Ita Gabriel d. 15, q. 2, dub. ultimo; Medina, c. de Restitut. q. 2, dub. 5; Salon. q. 62, art. 8, in fine; Valentia, disp. 5, q. 6, puncto 10; Toletus, lib. 5, c. 25; Emanuel Sâ, v. *Restitut.* num. 65. Idem videtur sentire Navar. cap. 17, n. 55, in fine. Probatur primo, quia quò diutius creditor caruit suo, eò strictius ei debetur, et eò citius est restituendum; secundò, quia majori incommodo prius est occurrendum: atqui is, quis diutius caruit suo, plus accepit incommodi; ergo. Hæc sententia, ob auctoritatem horum doctorum, non est improbabilis, et est satis rationi consentanea; nam quando prius debitum contrahitur, debitor est magis solvendo, quàm postea quando nova debita accedunt; unde par esse videtur ut primus creditor non fraudetur propter debita posteriora; non enim debent ipsi esse fraudi posteriora debita ex contractu vel delicto, cum eo tempore quo cum illo contraxit, illa non habuerit.

43. Accedit quòd illa regula: *Qui prior est tempore, potior est jure*, non solum intelligenda sit in habentibus eandem rem sibi hypothecatam, sed etiam in ordine concessòs canonicorum in capitulo, in ordine subscribendi instrumentis actuum capitularium, in habentibus gratias expectivas in eadem Ecclesiâ, ut notat Glossa in illam regulam. Imò eadem Glossa dicit eam servandam inter creditores, quando venduntur res debitoris, ut illis satisfiat; quare non obscure est in hæc sententiâ.

44. Contrarium tamen puto verius, nempe non esse servandam inter creditores chirographarios seu personales carentes hypothecâ vel alio jure prælationis, sed tantum inter creditores habentes eandem rem sibi hypothecatam. Ita expressè docent Silvester, Restit. 6, q. 5, et D. Anton. p. 2, tit. 2, c. 7, § 5, ex Baldo, et alii passim; colligitur ex l. 1, c. de separationibus, ubi dicitur: *Licet alieni, adjiciendo sibi creditorem, creditores sui deterorem facere conditionem*, etc., et ex multis legibus, c. *Qui potiores in pign.*, ubi tantum hypothecis applicatur hæc regula.

DUBITATIO VII.

Utrum inter chirographarios carentes privilegio prælationis, possit satisfieri pauperi, cum sit dives illis.

45. Multi doctores affirmant id liceri posse. Medina supra. Si debitor posterior est longe pauperior priore, tunc debitum potius vultur preferendum, quia majori damno prius occurrendum. Idem tenet Salon. ob eandem causam. Idem expressè docet D. Thomas opusc. 75, cap. 18, et probat, *quia plus laus est pauperi ablatione suorum, et plus indiget*. Emmanuel supra ait, *excusari eum qui solvit prius potenti vel valde indigenti*. Silvest. Restit. 6, dicit *talem excusari jure poli*, non tamen fore.

46. Sed contrarium videtur verius. Probatur, quia pauper neque jure positivo habet jus prælationis, ut patet, neque jure naturali, nisi fortè sit in extremâ vel gravi necessitate, ita ut charitas obliget illi subvenire; tunc enim creditor dives meritò pati debet debitum suum differri vel nunquàm solvi, ut alteri, par jus habenti, in tantâ afflictione consulatur. Quòd si pauper non tantâ prematur inopiâ, non potest alter penitus privari, ut illi integrè satisfiat. Nec refert quòd pauper plus incommodi sentiat ex dilatione vel privatione partis rei debitæ; hinc enim non sequitur illum habere jus prælationis, sed ut summum, cæteris paribus, ampliùs posse ei solvi quàm diviti, qui tale incommodum non sentit; sicut plus restituendum ei, cui debentur 100, quàm cui 50, quando secundum proportionem fit solutio.

47. Nihilominus fateor sententiam alteram non esse omninò improbabilem, præsertim cum D. Thomas tam expressè illam teneat.

DUBITATIO VIII.

Quo loco et cujus expensis facienda est restitutio.

Notandum est obligationem restitutionis nasci vel ex injustâ acceptione, vel ex re acceptâ, vel ex contractu, ut explicatum est supra cap. 7, dub. 5. Nunc

48. Dico primò: Si debitum ortum sit ex injustâ acceptione, restitutio facienda est expensis debitoris, idque eo loco, ubi dominus illam possessurus erat, si ablata non fuisset; ita Cajetanus 2-2, q. 62, a. 5, circa solutionem tertii argumenti; Sotus l. 4 de Just. q. 7, art. 1, circa solutionem tertii argumenti; Covarr. ad reg. *Peccatum*, 1 p. n. 9; Joannes Medina, c. de Restitut. q. 2, dub. 3. Probatur, quia ex eo quòd dominus rem suam amiserit debitoris iniquitate, non debet ullum damnum sentire; sed lege justitiæ debet ita fieri restitutio, ut in pristinum statum restituatur, perinde ac si res ablata non fuisset: ergo restitutio non debet fieri ipsius expensis, sed debitoris, qui sibi imputet quòd eas subire cogatur.

49. Dices primò: Ergo tenetur ad ampliùs quàm ad rei ablatae seu damni illati compensationem.

Resp.: Verum est teneri ad ampliùs quàm damnum secundum se consideratum restitutum, non quidem ut dominus inde ampliùs accipiat commodi quàm accepit detrimenti, sed quia id est necessarium tanquàm medium, ut fiat restitutio: qui enim tenetur ad finem, tenetur ad medium necessarium.

Dices secundò: Non debet imputari debitori, quòd creditor in alium locum migravit: ergo tunc illius sumptibus non erit mittenda.

Resp. negando consequentiam, quia creditor non debet amittere libertatem transferendi se quò libuerit, ob injustitiam debitoris, qui sibi imputet quòd sumptus illos in restitutione facere cogatur; debebat enim rem relinquere in bonis creditoris; sic enim cum aliis parvo vel nullo sumptu translata fuisset. Si tamen creditor facturus erat sumptus in re illà asportandà, possunt deduci: non enim teneris illi cum lucro restituere, sed satis est ut ex ablatione nihil damni sentiat, de quo vide Covar. supra.

50. Notandum tamen est, si res non potest sine magnis sumptibus restitui, posse ex quàdam aequitate naturali differri restitutionem, modò inde dominus vel nihil vel parùm damni capiat. Si tamen ea est rerum constitutio, ut nisi modò restituas, postea nec ipsi nec hæredibus restituere possis, omninò nunc restituenda vel res ipsa, vel justum rei pretium, quamvis magnæ expensæ essent faciendæ, quia dominus non idèò potest re suà in perpetuum privari, quòd debitor tantumdem in sumptum impendere cogatur, nisi probabile esset domino in hoc casu non displiciturum, ut amicis ejus vel pauperibus detur; quod per litteras ab eo peti debet, si res est ambigua. Si verò spes sit fore ut aliquando restituatur sine tanto sumptu, poterit restitui differri; si res sit parvi momenti, et sine duplo vel triplo sumptu restitui nequit, probabile est pauperibus dari posse; præsumi enim potest id domino non displicere.

51. Dico secundò: Quæ debentur solum ratione rei acceptæ, restituenda sunt in loco ubi habentur; nec teneris ea mittere domino expensis tuis, sed mittere expensis domini, ut si bonà fide emeris rem à fure. Ratio est, quia cum tuo damno non teneris dominum in pristinum statum restituere, cum eum per injuriam non deturbaveris, sed solum teneris ad rei custodiam, monito interim domino ut significet quo modo velit eam sibi transmitti; quà in re non teneris ullos sumptus ferre: imò si contingat te in alium locum migrare, nec possis eam commodè apud aliquem, qui restituat, deponere, sed cogaris avehere, potes expensas à domino repetere; qui tenetur ad omnes expensas rei suæ custodiendæ necessarias, in utilitatem ipsius factas, ut habetur expressè l. 2, *π. de Negotiis gestis*.

52. Quod attinet ad ea quæ ex contractu debentur, hæc sunt triplicia. Vel enim debet restitui idem numero, ut depositum, commodatum, pignus; vel debet restitui quid distinctum, quod pro alio commutatur, ut in mutuo, venditione, locatione, etc., vel debet restitui id pro quo nihil accipitur, ita ut solum ex alterà parte sit obligatio, ut in promissione, donatione, testamento, legato. His positis,

53. Dico tertio: Quæ debentur ex contractu, in quo res eadem numero est restituenda, si in alterius tantum partis utilitatem accepta sint, debent ejus expensis restitui: idque eo loco, ubi sunt tradita, nisi aliter

justà aliquà pactione conventum sit. Prior pars patet, quia par non est ut ejus expensis restituatur, cujus commodum in contractu non queritur: ergo. Altera probatur, quia in hujusmodi contractibus tacitè censentur pacisci de eodem loco, nisi ob aliquam causam extrinsecam aliter expressè inter illos sit conventum; æqualitas enim postulat ut sicut idem restituendum quod acceptum est, ita etiam eodem loco.

54. Hinc fit ut, si tuà causà equum commodatum acceperis, tenearis eum tuis expensis restituere in eum locum in quo tibi traditus est. Non tamen teneris eum in locum remotum mittere, in quem fortè dominus commigravit, quia ibi commodatum non accepisti, nec illius longinquitatis es causa, sed dominus sibi imputet quòd commodatum ante discessum non reperierit.

E contrario, si depositum gratis custodiendum accepisti, restituendum est expensis deponentis, quia par non est ut depositarius, cum nihil commodi ex deposito perceperit, suis expensis illud ad dominum remittere cogatur, sive dominus in eodem loco manserit, sive aliò commigraverit. Secus est, si depositarius in alium locum remotiorem commigraret, quia tenetur rem depositam representare in eo loco, ubi eam custodiendam accepit, ut inde expensis domini restituatur. Idem dicendum de commodato, quod gratiæ solius commodantis acceptum est.

Sed quid, si depositum surripiatur et transferatur in alium locum, cujus expensis remittendum erit ad depositarium?

55. Resp.: Si sine culpà latà depositarii translatum est, debet queri et referri expensis domini deponentis, non autem depositarii, quia vitium et incommodum, quod obvenit deposito sine culpà latà depositarii, non est ei præstandum, sed auctori; si verò ex culpà depositarii latà factum sit, tenetur suis expensis; imò si pretio illam custodiat, tenebitur etiam ex culpà levi, juxta ea quæ diximus cap. 7, dub. 6.

56. Dico quartò: Quæ debentur ex contractu in quo pro re acceptà est reddenda alia, restitutio ex naturà contractus non quovis loco fieri potest, sed ibi faciendà est, ubi res, pro quà datur, est accepta, secundum quem locum etiam res quæ datur est æstimanda. Prior pars, non quovis loco fieri posse restitutionem, probatur, quia hoc sæpè alteri parti esset magno damno, ut si emens Antuerpiæ velletolvere in Hispanià, vel contra; ergo debet esse certus aliquis locus, in quo ex naturà contractus fiat solutio: is autem est ubi res vendita, mutuata vel permutata, fuit tradita et accepta; nullus enim magis justitiæ congruit, eò quòd in omnibus istis contractibus una res in locum alterius quasi substituitur; quod perfecto modo fieri nequit, nisi idem locus servetur.

57. Hinc fit ut nemo ex vi mutui possit obligari ut alibi reddat; aut ex contractu venditionis vel locationis, ut alibi pretium solvat. Nam hi contractus, ut justi sint, reducendi sunt ad æqualitatem respectu certi loci, in quo res prior traditur. Idem dicendum de emptione censuum; hi enim ex naturà contractus

non sunt solvendi in loco ubi est creditor, sed ubi ipse census est constitutus, seu alibi est res illa in qua obligatio est constituta, v. g., domus, ager, pratum, etc. nam pensio annua est veluti fructus hypothecæ, qui non est alibi, ex natura contractus, tradendus, quam ubi nascitur.

58. Quod si census sit omninò personalis, nullam habens hypothecam, solvendus est ubi iusta pactione constitutus fuerit. Si in pactum non est deductum, solvendus est in loco, ubi debitor commoratur, qui immediate in ipso debitore constitutus est: quod intellige, si debitor non abeat valde procul; si enim tam procul discedat, ut emptori inde grave incommodum oriatur in pensione exigenda, ita ut si de eo cogitasset, nolisset censum emere, tenetur debitor mittere ad locum priorem. His tamen non obstat quin contrahentes possint de alio loco solutionis pacisci: modo hoc onus iustà mercede compensetur.

59. Dico quintò: Quæ debentur ratione donationis, legationis, testamenti, reddenda sunt in loco ubi erant cùm donarentur, nisi aliud in ipsâ dispositione expressum fuerit, ac prout expensis eius cui donata sunt. Patet quia qui rem gratis dat, vel legat, non intendit se ad amplius obligare; sed permittit eam alteri, ut, si velit, suo sumptu illam auferat; si nolit, relinquat: si tamen hæres alio transferret, teneretur suo sumptu illam mittere, ubi erat prius.

60. Circa prædicta nota, quando res est restituenda expensis creditoris, eas ex ipsâ re deduci posse, quando alia commodior via non suppetit; unde si opus fuerit, poterit ea vendi vel ex parte, ut residuum ad creditorem mittatur, vel tota, si est indivisibilis, ut equus, ut ei pretium mittatur. Quòd si tantæ essent in remittenda re vel pretio expensæ, quanti valet, non est restituenda, sed monendus dominus; vel si id fieri nequit, danda pauperibus, si putetur dominus nunquam ad viciniora loca venturus.

CAPUT XVI.

DE CAUSIS EXCUSANTIBUS A RESTITUTIONE, VLL OMNINO, VLL AD TEMPUS

(Constat dubitationibus 12.)

1. Joannes Medina, c. de rebus restituendis, q. 3, enumerat 12 causas a restitutione excusantes, quas ordine prosequitur.

Prima est, inopia debitoris; secunda, remissio creditoris; tertia, cessio bonorum; quarta, damnum quod verisimiliter putatur creditori vel reipub. vel alieni tertio obventurum; quinta, solutio facta creditori tui creditoris; sexta, rei debite interitus; septima, juris aut judicis auctoritas; octava, religionis ingressus; nona, excommunicatio creditoris; decima, incertitudo creditorum; undecima, dispensatio vel compositio cum papâ; duodecima, compensatio: de quibus breviter dicendum.

DUBITATIO I.

Quæ inopia vel impotentia excuset debitorem à restitutione.

2. Respondeo: Dico primò: Extrema necessitas

tua, vel tuorum, vel proximi, cui aliter subvenire nequies, nisi rem alienam vel alteri debitam impendendo, excusat a restitutione, quandiu ea durat. Est communis doctorum. Ratio est, quia in tali eventu omnia sunt commissa, saltem quoad usum, ita ut nate quavis possit occupare, sibi que vindicare rem adeò necessariam, et ex ejus usu sibi et proximo opulari, ut ostensum est cap. 12, dubit. 12.

Sed difficultas est, utrum transactâ necessitate teneris ad restitutionem?

5. Resp.: Certum est, in quibusdam eventis, si res sit magni momenti, nec censeatur donata, te teneri, dùm suppetet commoditas.

Primò, si res adhuc existet, tunc enim teneris ratione rei acceptæ, ut si egisti usu rei, quo res non consumitur ut equi, vestis, navis, etc.; non enim extrema necessitas jus tribuit ad amplius quàm opus sit, ut ex periculo te eripias; si quid ergo supersit, restituendum.

4. Secundò, si intercessit contractus, sive ante necessitatem, sive in ipsâ necessitate, per quem translatum sit dominium, ut si acceperis mutuum, vel emeris; si enim ante necessitatem accepisti, et per illam rem te in extremâ necessitate potes juvare, non incidis in extremam necessitatem respectu opis alienæ (de quâ hic agimus), id est, quâ res aliena tibi sit necessaria; nam per rem tuam, quam emisti antea, vel mutuam accepisti, quæ in tuum dominium cessit, potes tibi consulere; unde manifestum est non esse tibi jus accipiendi et consumendi rem alienam: manet ergo obligatio per contractum inducta.

5. Si tamen per contractum non sit translatum dominium, ut in commodato, precario, conducto, et in extremâ necessitate rem consumpseris, probabile est te non teneri, nisi re, vel spe, seu facultate propinquâ dives sis. Ita Petrus Navarra lib. 4, cap. 4, num. 26. Ratio est, quia non teneris ratione rei, ut quæ nec in se nec in pretio exstet; neque ratione acceptionis, cùm eam jure tuo consumpseris; neque ratione contractus, quia isti contractus non obligant re pereunte, nisi culpâ tuâ perierit; hic autem absque culpâ perit: colligitur ex Silvestro, v° Restitutio, 5, num. 2.

6. Tertiò, si habes ex delicto (ut si furatus sis ante necessitatem), teneris, etiamsi postea in necessitate consumas, quia obligatio jam ante contracta, per necessitatem supervenientem non est extincta, sed consopita: quare transactâ illâ necessitate reviviscit. Ita Scotus d. 15, q. 2, § Ad argumenta. Idem tenent Richardus, Paludanus, et Silv., Restitut. 5, num. 2, qui hos citat.

7. Hæc sententia mihi videtur vera. Contrarium tamen est probabile, scilicet, te non teneri, ut docet Petrus Navarra lib. 4, cap. 4, num. 24, et quidam alii, quia licet potuisses accipere, si non habuisses antea, et consumere. Addunt iidem doctores, si accepisti rem absque peccato, nempe in ipsâ necessitate constitutus, te non teneri restituere, quia usus es jure tuo, illam accipiendo et consumendo.

8. Sed contrarium puto esse verius, nempe, si res

quam consumpsisti sit magni pretii, nec putetur donata, te semper ad restitutionem teneri, quando commodè poteris. Ita docent Navarrus cap. 17, num. 61 et 62; Adrianus in 4 tract. de Restitut. § *Quia dictum*, pag. 159; Covarruvias ad regul. *Peccatum*, p. 2, § 1, n. 3 et 4. Medina q. 3, in principio; Toletus lib. 5, cap. 24. Ratio est, quia extrema tua necessitas non transfert in te dominium rei alienæ, sed tantum tribuit jus utendi, idque prout opus est ut periculum evadas, et cum minimo alterius incommodo; ergo non aufert obligationem restitutionis faciendæ, si copiosior evaseris. Confirmatur, quia alter non tenetur eam dare, nisi quatenus opus est ut consulas tuæ necessitati; sed ad hoc sufficit ut rem tibi vendat, vel mutuet, vel det cum obligatione restituendi, cum veneris ad lautiorum fortunam: ergo. Quod res sit parvi pretii, non teneris postea restituere, maxime si re et spe, seu proximâ facultate pauper eras, quia talia non solent pauperibus sub onere restituendi dari, sed absolute; ridiculus enim esset dives, qui à paupere pro aliquot panibus, vel calceis, vel trita veste, talem obligationem exigeret.

Petes, quo jure tenebitur restituere rem talem, si non intercessit contractus, quo se ad hoc obligarit, neque delictum?

9. Resp. : Tenetur ratione cujusdam tacitæ obligationis jure gentium introductæ, quâ quis rem alterius in necessitate consumens, se tacite obligat ad rependendum, quando suppetet copia; etsi enim divisio rerum non potuit impedire usum rei alienæ tibi necessariæ, fecit tamen ut teneris ad restitutionem, quando commodè poteris: rationi enim consentaneum est ut consulatur tuæ necessitati absque notabili alterius damno. Alioquin si exercitus extremâ inopiâ laborans absumeret bona multorum agriculturalum, non teneretur ad restitutionem; quod planè falsum est. Tacite ergo se obligant jure gentium ad restitutionem faciendam, dum commodè poterunt.

Dices: Si quis in extremo periculo, dum fugit hostem, utatur equo alterius, et contingat equum perire, non tenetur ad restitutionem, ut multi doctores docent; ergo non oritur tacita obligatio ex usu rei alienæ.

10. Respondeo: Si non sit probabile periculum interitus equi, non tenetur solvere pretium, quia interitus censetur fortuitus; sed solum tenetur pro usu, si ille sit diuturnus, vel cum notabili damno domini. Pari modo neque conductor tenetur ad pretium, quia res domino suo perit, nisi interveniat pactum, vel mora, vel culpa. Si autem sit periculum, verius puto teneri solvere pretium, si intereat, etiamsi aliqui doctores indistinctè loquentes contrarium sentire videantur; quia, sicut dominus in hoc casu non tenebatur absque illo onere concedere, ita non videtur ipse sine tali onere accepisse, cum æquitas naturalis et jus gentium videantur ad hoc obligare: non enim plus juris potest sibi in re alterius vindicare, quam alter tenebatur concedere. Vide Navarrum et Covar. supra.

11. Hinc tamen non sequitur præcepto eleemosynæ

satisfieri mutuando, sed benè donando sub conditione, quando res est magni pretii; quod verum est, nemo enim potest jure queri sibi 20 vel 30 aureos non dari absolute, sed cum onere ut teneatur refundere, si locuples aliquando evaserit.

12. Petes: Quid si creditor sit in pari necessitate?

Resp. primò: Si creditor subtractione illius rei coniectus est in illas angustias, teneris illi restituere: primò, quia subtrahere alicui rem, quâ ille extremè indiget, est perinde atque occidere; secundò, quia in pari causâ melior est conditio possidentis, præsertim domini. Ita passim doctores Scotus, Silvester, et alii supra.

13. Secundò, si verò creditor subtractione illius rei non est coniectus in extremum illud discrimen, sed aliunde incidit, non teneris illi in pari discrimine quamvis simul inciderit (etiamsi Scotus, Richardus et Paludan. contrarium teneant), idque non solum quando res est sub dominio debitoris, sed etiam quando in specie est debita creditori, etsi Navarrus num. 60, cap. 17, tunc contra sentiat. Ita docent Cajetanus q. 62, art. 5; Sotus lib. 4, q. 7, art. 1, ad quartum argumentum; Toletus de Peccatis mortalibus, cap. 39. Ratio est, quia pro eo tempore cessat vis et potestas domini, jure gentium introducta; et perinde se res habent, ac si divisæ nunquàm fuissent; etsi enim dominium rei maneat apud priorem dominum quasi in habitu, tamen actus ejus impeditur, perinde ac si non esset; itaque manent intra limites juris naturæ. Quare cum seposito jure gentium, quo facta est divisio, possit quisque sibi consulere ex re quam occupat et possidet, non tenetur eam tunc restituere domino. Unde si ante occupavi tuum panem in solitudine, vel tuam sarcinam aut tabulam in naufragio, vel equum in fugâ, non teneor tibi tunc restituere, etiamsi simul in extremum periculum inciderimus, quia per hanc subtractionem non incidisti in periculum, neque in periculo constitutus hanc rem occupaveras, ut per eam te salvares. Si eodem momento res sit occupata in extremâ necessitate à duobus, tunc vel dividenda est, si potest dividi, vel sorte tribuenda.

14. Idem licitum esse non solum pro se, sed etiam pro parente, uxore et liberis: hos enim in extremâ necessitate præferri posse creditori docent Sotus supra, Lopez, 1 p., cap. 53, et Toletus de Septem peccatis mortalibus, cap. 39, revocans id quod dixerat lib. 5, cap. 24, addens etiam fratres in hac necessitate posse præferri creditoribus. Idque mihi videtur probabile, etsi Covar. et alii id non concedant, nisi cuique pro se.

15. Dico secundò: Non solum extrema, sed etiam gravis necessitas tua et proximi excusat, quamdiù durat, nisi creditor sit in pari necessitate; est communis sententia doctorum, et patet ex dictis cap. 12, dub. 12, ubi ostensum est probabile esse licere in hoc casu clanculùm surripere; ergo multò magis licitum est non restituere, etiamsi res in specie debita sit. Itaque ob periculum morbi, magnæ famis, nuditatis, et similis afflictionis, quam aliter nequis avertere, nisi rem

alteri debitam impendendo, potest differri restitutio : hæ enim dicuntur graves necessitates.

16. Dixi, *quandiu durat*, quia verius est per hanc necessitatem non extinguere debitum, neque rem alienam magis preti posse consumi, sine obligatione restitutionis faciendæ, quando commodè fieri poterit, ut patet ex supradictis.

17. Non tenetur tamen de lucro cessante vel damno emergente ex dilatione, quia non censetur esse in mora, neque tacite videtur ad hoc se obligasse, cum solum per accidentis eveniant ex dilatione.

18. Adverte tamen non esse improbabile, si is qui consumpsit rem alienam in gravi necessitate, re et specie pauper erat, non teneri postea ad restitutionem. Ita Silvester, v° *Furtum*, quest. 5, Angel. eodem, num. 57, ubi dicit : *Potest etiam dici quod, licet aliquis non sit in extrema necessitate, sine peccato et obligatione restituendi, possit occulte et bono modo accipere rem alterius, quando scilicet ille ita abundat, et iste ita eget, ut ex præcepto teneatur huic subvenire*. Idem tenet Petrus Navarra supra num. 26, ubi etiam docet, si quid ante necessitatem abstulisti injuste, et in necessitate consumpsisti, debitum extinguere, sicut ante dixerat de necessitate extremâ. Hoc tamen non est concedendum, quando debitum est ex contractu, per quem translatum est dominium in debitorem, juxta ea que diximus circa primam propositionem, num. 4.

19. Dixi : *Nisi creditor sit in pari necessitate*, quia tunc teneris ei restituere, juxta communem doctorum sententiam. Nam in pari necessitate (præter extremam) potior est conditio creditoris. Imò multi doctores, ut Scotus, Richardus, Paludanus apud Silvestrum, Restitutio 5, quest. 2, tenent etiam in pari necessitate extremâ esse restituendum.

20. Sed contrarium est probabile, et fortè verius, ut si debitor sit in gravi necessitate ratione morbi, famis, vel nuditatis, non tenebitur restituere, etiamsi creditorem contingat in parem incidere, modò debitor illum in eam non conjecerit, idque sive ex furto debitum sit ortum, sive ex contractu. Ratio est, quia non solum in extremâ necessitate, sed etiam in gravi, videtur esse melior conditio possidentis, ut colligitur ex dictis c. 12, dubit. 12. Ideò enim melior est conditio possidentis in extremâ necessitate, quia tunc omnia sunt communia, ita ut jus habeas occupandi ea que sunt apud alterum, non similiter egentem, et postquam occupasti, non teneris restituere, durante illâ necessitate, quamvis alter casu in parem necessitatem inciderit, modò tu illum in eam non conjeceris ; atqui simile jus occupandi ex rebus alterius, ipsi nec ad personam nec ad statum necessariis, videtur concessum in gravi necessitate, ut ibidem probabiliter est ostensum ; ergo etiamsi alter postea incidat in similem statum, non teneris tunc illi restituere.

21. Dico tertio : Excusat etiam à restitutione statim faciendâ, primò, magnum periculum salutis animæ tuæ, vel tuorum ; secundò, magnum detrimentum in rebus non debitis ; tertio, notabilis jactura decentiæ statûs. Primum docet D. Anton., 2 p., tit. 2, cap. 8,

ex Soto d. 15, q. 2 § ult., et Henrico, quodlib. 6, q. 24. Item tenet Navarra, cap. 17, n. 57, si periculum sit ne uxor vel filii pro inopia se prostituant, ne filii fiant latrones, ne ipse in desperationem pro impotentia incidat, ut recte D. Antonius. Magnæ enim sunt infirmitates animarum, que non quovis modo vinci possunt. Ratio est, quia quisque magis tenetur salutem animæ suæ et suorum consulere, quam debita solvere. Debet autem hoc periculum esse *notabile*, ita ut non suppetat alia commoda ratio ejus averteendi, nisi differendo solutionem. Secundum et tertium docent idem auctores et Covar. ad reg. *Peccatum*, p. 1, num. 2 ; Medina q. 2, dub. 4, et alii. Ratio est, quia in hisce casibus creditor secundum rectam rationem teneretur consentire in dilationem : contra enim æquitatem et charitatem faceret, si vellent sibi eum tanto alterius incommodo statim satisfacere ; ergo non peccas contra justitiam, etiamsi differas. Patet consequentia, quia cum omnis injustitia sit contra rectam rationem, ubi recte rationis dictamen non læditur, non peccatur contra justitiam, ut docet Scotus supra. Confirmatur, quia nemo tenetur restituere, quandiu dominus non potest jure esse invitatus circa detentionem : atque hic non potest jure esse invitatus : ergo.

22. Hinc inferitur primò, eum qui debet 100 aureos, si non potest statim solvere, nisi domum vel prædium aliquod vendat multò minoris quàm valeat, non teneri statim, sed posse differre. Idque verum est non solum quando debet ex contractu, sed etiam quando ex delicto, ut Navarra supra ex D. Anton. docet, etsi Cajetanus, v° *Restitut.* q. 6, et Sotus l. 4, q. 7, art. 4, contrarium sentiant. Ratio est, quia, etsi creditor, quando debitum est ex furto, non teneatur ex justitiâ dilationem concedere, tenetur tamen ex æquitate et charitate ; æquum enim est ut creditor permittat differri restitutionem, quæ suo debitori tam est damnosa, cum id sine suo notabili incommodo facere possit.

23. Itaque quando is est rerum mearum status, ut non possim debitum præstare statim, sine magnâ aliarum rerum mearum jacturâ, licitum est mihi ex quâdam æquitate juris naturalis differre, nisi fortè creditor simile detrimentum accepturus putetur. Secus est, quando tales sunt circumstantiæ, ut nisi modò restitutio fiat, nunquàm sit futura ; tunc enim si res injustè ablata est, statim restitui debet, etiamsi magni sumptus essent faciendi, ut dictum est cap. 15, dub. 8.

24. Dixi : *Aliarum rerum mearum*, quia si non paterer jacturam nisi in rebus debitis, quibus me spoliò dum solvo, non possem idcirco differre restitutionem ; hoc enim non est propriè damnum pati in rebus suis, sed relinquere alienas et debitas. Similiter, si ex restitutione non paterer quidem damnum in rebus meis quas possideo, sed solum in lucro quod intendo consequi, non possem idcirco differre, ut rectè Navarrus n. 59, et Cajet. v° *Restit.* cap. 6, quia tunc nihil amitto de meo, sed solum desino lucrum facere de alieno, seu alteri debito ; atqui æquitas non dictat alteri carere nisi rebus sibi debitis, ut ego ex illis

lucrum capiam : quod tamen intelligendum est, nisi illud lucrum quaeram, ut etiam aliis creditoribus meis satisfaciam, quibus alioquin solvere non potero; tunc enim charitas postulat ut creditor permittat dilationem, si commodè possit, quia contra rationem est ut velis tibi statim restitui cum tanto aliorum creditorum incommodo, quod dilata solutione posset vitari. Ita Petrus Navarra lib. 4, cap. 4, n. 52, ex Cordubà et Medinà.

25. Infertur secundò, si vir nobilis non potest statim solvere, nisi privet se omni obsequio famulorum et equorum, cogaturque abstinere à consortio sui similium, et si civis primarius non possit statim, nisi ita se privet, ut cogatur obire artem mechanicam sibi insuetam, posse differre restitutionem, donec absque jacturà statûs sui possint restituere. Quod intellige, si statum suum justè obtinent; debent tamen sibi detrudere quantum possunt intra limites decentiæ statûs, quæ non consistit in indivisibili, ut sensim restituant, ut notat Anton. supra.

26. Et quamvis, si debita sint ex delicto, plerique existiment statim esse solvenda, etiam cum amissione statûs, verius tamen et æquius videtur posse differri restitutionem, si statum illum justè obtinent, et ex improvise calamitas incidens, ad eas angustias redegerit, ut debita olim ex delicto conflata, non possint dissolvere sine sui statûs amissione. Ita Navarrus cap. 17, num. 63, et Silv., restit. 5, q. 1, 3 et 4, ubi dicit hanc sententiam esse veriolem et humaniorem, et pro eâ citat Scotum, Archidiaconum et Joannem Nyder. Videndum tamen an creditores non sint in pari angustia.

Dices : Ob hanc causam non licet accipere alienum; ergo nec retinere, cum hæc ejusdem rationis videantur.

27. Resp. negando consequens; minus enim est retinere per aliquod tempus dum possides, quam primum à domino auferre, eumque possessione spoliare; sicut minus est non curare vulnus inflictum, quam illud infligere; idque confirmat communis hominum sensus, qui minus curant rem suam per aliquod tempus non restitui, quam primum auferri.

28. Sed quid si ad eas angustias tuâ culpâ sis reductus, v. g., ludis, comensationibus, superfluis sumptibus?

Resp. : Tunc non mereris dilationem, neque debitorem ex contractu, neque ex delicto. Tibi enim imputare debes, quod jam sine statûs amissione non possis satisfacere. Secus est quando infortunium fuit improvisum. Ita docent Sotus l. 4 de Just. q. 7, art. 4, et Pet. Navarra supra, num. 44. Quod est notandum pro quibusdam nobilibus, qui debita sine fine contrahunt, ut supra conditionem sui statûs expendant.

29. Dixi : Si statum illum justè obtinent, quia si quis rapinis, usuris et similibus fraudibus ad aliquem honorabilem statum pervenisset, teneretur etiam cum ejus amissione confestim restituere, ut communiter docent doctores. Ratio est, quia hoc non est tam statum suum amittere, quam alienum dimittere, et ad

suum reverti. Quod est valdè notandum pro multis hoc tempore, qui magnis fraudibus repentè divites et magni evadunt; non enim possunt differre restitutionem usque ad mortem; sed tenentur statim restituere, etiam cum dimissione statûs malè acquisiti. Hoc tamen intelligendum, nisi debitor iste passim habeatur uti probus et honestus, et non possit subito statum mutare, nisi de suis fraudibus se infamet : tunc enim sensim posset restituere, quia periculum infamiae excusaret, ne statim teneatur.

30. Dices : Dimittere statum, semper est quedam infamia; ergo qui restituendo deberet eum dimittere, nunquam debet restituere.

Resp. negando antecedens; quando enim passim scitur statum illum fraudibus comparatum, nulla est infamia illum deponere, sed hoc potius bonam famam conciliat, malamque abstergit. Quando verò putatur justè acquisitus, tunc interdum dimissio statûs infamiam parit, nempe si homines inde suspicentur injustè conquisitum fuisse.

31. Petes : Quid si creditor ex dilatione per damnum accepturus sit in re familiari, vel statu?

Resp. : Tunc teneris statim restituere, ut communiter docent doctores, quia jactura rei familiaris vel statûs, non tribuit tantum juris, quantum extrema vel gravi necessitas, nec facit usum rerum communem. Itaque in causâ paris damni potior est conditio creditoris.

32. Notanda est quedam differentia inter dilationem debitorum ex contractu justo, et debitorum ex delicto : quando enim licitè differo solutionem eorum quæ ex delicto debeo, teneor compensare damna, si quæ interim eveniant creditori, et lucrum cessans ratione dilationis. Ratio est, quia injustè fui causa, dum acceperem illam, lucri cessantis vel damni emergentis; debebam enim advertere faciliè hoc incommodum ex tali acceptione evenire. Quando autem licitè differo solutionem debitorum ex contractu justo, tunc probabile est me non teneri compensare damna, si quæ fortè illi interim patiantur. Docet hoc Petrus Navarrus, num. 56. Ratio est, quia talis, inquit, non est in morâ.

33. Quod existimo verum esse, si debitor inciderit in gravem necessitatem, vel in eam inopiam, ut non possit sine amissione statûs restituere; non autem si duntaxat damnum aliquod pecuniarium esset passurus, quale creditor patitur : tunc enim si solutionem differat, ut damnum vitet, debebit creditorem reddere indemnem, quamvis ex contractu debeat. Nam contractus tacito consensu videntur sic intelligendi, ut videlicet post terminum tenearis solvere, vel damna emergentia compensare, nisi fortè interim in gravem necessitatem incideris, aut in eam inopiam, ut si tunc restituas, statum tuum retinere nequeas; tunc enim non est par creditoris et debitoris necessitas. Fortè tamen in censibus solvendis, illa sententia locum habere possit : nemo enim in his cogitur ad præstandum damnum creditori obveniens, aut ad lucrum ei cessans compensandum, quando sine notabili suo damno non potest statutis terminis solvere. Addo, quando debi-

tum est ex delicto, debitorem non teneri de damno emergente vel lucro cessante pro eo tempore quo non poterat restituere, nisi conjiciendo se in gravem necessitatem, ut ex supra dictis colligitur.

DUBITATIO II.

Utrum remissio creditoris excuset.

34. Resp.: Sicut dilatio concessa a creditore excusat, ne statim tenearis, ita remissio, ne unquam tenearis; est communis doctorum, Cajetani v. *Restit.* c. 7; Covar. ad reg. *Peccatum*, p. 2, num. 1; Soti l. 4, q. 7, art. 4; Navar. c. 17, n. 45, etc. Ratio est, quia sicut creditor potest jus suum, quod habet in debitorem, alteri donare, ita etiam ipsi debitori; quod est remittere, quia remissio est quedam donatio. Nec refert, etiamsi debitor non haberet animum restituendi, quia etsi peccet, tamen debitum extinguitur, si alter libere remittat. Hic tamen tres requiruntur conditiones ex communi doctorum sententiâ.

35. Prima est, ut hæc remissio sit libera omnino, id est, non extorta metu vel fraude, juxta ea quæ dicenda sunt c. 17, dub. 5, et 6; tunc enim etsi fortè aliquo modo sit valida, tamen ad arbitrium donantis est revocabilis; et donatarius tenetur vim et fraudem tollere, et donatorem in suam libertatem restituere, ut ratum habeat vel irritum, quod deceptus vel compulsus fecit. Metu extorta censeretur, si expressè vel implicite debitor minaretur creditori, nisi integrè vel ex parte remittat; quod interdum fit, quando potentes debent mechanicis aut mercatoribus. Similiter si cogeret eam subire multas molestias in sollicitando, sæpè venire frustra, diù expectare, etc. *Fraus esset*, si fingeret se longè pauperiorem, quàm reverà sit. Blanditiæ autem et preces non obsunt, quia non reddunt condonationem involuntariam, nisi fortè præter modum essent importunæ, ita ut quis mallet suâ pecuniâ privari, quàm tantâ importunitate sollicitari; tunc enim remissio non valeret in conscientiâ, quia causa redimendæ injustæ vexationis fieret. Non tamen hic opus est præsentem exhibere pecuniam, ut quidam putant. Imò, ut recte notat Cajetanus, expedit ut pauper non offerat diviti rem debitam, quando petit remissionem, quia fortè præsentia rei moveretur ad non condonandum, vel certè esset difficilius; facilius enim remittimus non habita, quàm ea quæ jam habemus in potestate; quodcumque tamen creditor ex signis præsumitur non libere condonasse, debitor non liberatur.

36. Secunda conditio est, ut possit condonare; nemo autem potest condonare, nisi qui donare; unde paterna debita non potest filius familiâs remittere, sicut nec uxor mariti.

37. Tertia, ut condonatio non fiat in casibus jure exceptis, qui tres inveniuntur. Primus casus est, si episcopus vel archiepiscopus visitans ecclesias, aliquid accipiat ab eis præter sumptus qui necessarii sint ad victum illis diebus quibus visitat; tunc enim tenetur ad ejus restitutionem intra mensem, et quidem in duplum, etiamsi libera eis fiat remissio à dantibus. Quòd si intra mensem duplum non restituerint, archiepiscopis et

episcopis interdictus est ingressus ecclesiæ; inferiores autem ab officio et beneficio sunt suspensi, quousque gravatis ecclesiis de duplo hujusmodi satisfactionem impendant. Ita habetur c. *Largit.* de censibus et exactionibus, quod est Greg. X in concilio Lugdun. et cap. sequenti, in 6; quod est Bonifacii VIII. quod nonnihil moderatur caput præcedens, quia permittit ut sumptus necessarios recipiant in pecuniâ, cum Gregorius solùm esculenta permitteret.

38. Notandum hic est legem penalem de duplo obligare ante sententiam; quod perrarum est, nec unquam præsumitur, nisi ex modo loquendi sit evidens.

39. Secundus casus est, si judex delegatus aliquid receperit à partibus, nisi fortè esculentum aut poculentum, merâ liberalitate oblatum, quod paucis diebus possit consumi; vel si dum cogitur extra domicilium proficisci, acceperit plusquàm moderatas expensas; vel denique si aliquid acceperit, quando partes sunt notabiliter pauperes: tenetur ad restitutionem, non obstante quâvis remissione. Patet ex c. *Statutum*, § *Insuper*, juncto § *Si quid*, de rescriptis, in 6.

40. Tertius casus, si inquisitores prætextu officii inquisitionis pecunias extorserint; tenentur restituere, nullis privilegiis, pactis vel remissionibus, super hoc valituris. Clement. *Nolentes*, de hæret.

41. His adde quartum: Si canonicus, qui officio non interest, accipiat distributiones, tenetur ad restitutionem; nec prodest remissio cæterorum, quibus illa accrescunt, ut habetur in conc. Trident., sess. 24, cap. 12 de reformat.

DUBITATIO III.

Utrum cessio bonorum excuset à restitutione.

42. Respondeo et dico primò: Cessio bonorum in foro conscientie non magis excusat quàm necessitas sine cessione excusaret, ut rectè Navarrus c. 17, n. 46. Probat, quia in hac cessione tantum conceduntur alimenta, idque ex quadam misericordiâ; neque semper, sed quando casus id videtur mereri, ut patet L. *Qui bonis*, x. de accessione bonorum: atqui hæc etiam absque cessione, consistendo in lege naturæ et gentium, retineri possunt. Non enim tenetur debitor se spoliare necessariis alimentis, ita ut cogatur mendicare; sed potest retinere ea quæ spectat à conditione suæ personæ, et eorum quos alere tenetur, judicio prudentis censentur necessaria, ut patet ex dictis dubit. 1.

43. Idque verum est, etiamsi debeat ex delicto, ut idem Navarrus docet, quamvis si delictum sit notorium (ut si sciatur illum iniquis modis opes collegisse), non tantum retinere possit, quantum si ex contractu deberet, et casu aliquo in grande infortunium incidisset, ut supra ostensum est; quantum autem quisque in tali eventu possit retinere, judicio prudentis est definiendum.

44. Dico secundò: In foro tamen exteriori cessio ad hoc juvat, ne debitor possit conjici in carcerem, ut

patet L. 1, c. *Qui bonis cedere possunt*; et ne, si post cessionem aliquid acquirat, ei possit auferri, quando est necessarium ad suam vel suorum sustentationem, ut patet ex L. *Is qui bonis*, 4, et L. *Qui bonis*, 6, π. de cessione bonorum; et § ultimo Instit. de actionibus.

45. Hinc sequitur eum qui absque culpâ cogitur cedere bonis, si fiat executio in bonis ejus per creditores, posse abscondere quantum necessarium est, ut tenuiter vivat secundum suum statum, ut docet Petrus Navarr. l. 4, c. 4, n. 60, et Silv. restit. 7, q. 6, et alii, qui admittunt eum posse retinere ut non egeat (ut expressè Silvester ait), *ne aliquatenus indecenter vivat*. Idem colligitur apertè ex juribus citatis, maximè quoad ea bona quæ post cessionem acquirit: de quibus etiam is qui debitor est ex delicto, potest retinere quantum necessarium est, ut pro suâ conditione non indecorè vivat; nam leges generatim loquuntur.

46. Potes, an leges id permittant de bonis quæ tempore instantis cessionis habebat?

Resp.: Ita videtur colligi ex dictâ L. *Qui bonis*, 6, π. de cessione bonorum, ubi dicitur *cum qui bonis cessit, non esse fraudandum quotidianis alimentis*; quod est æquitati consentaneum in debitore, qui absque suâ culpâ non est solvendo.

47. Dico tertio: Si illi qui hoc modo bonis cessere, postea ad lautiorē fortunam pervenerint, tenentur integrè satisfacere. Est communis doctorum, et patet; nam idem jus quod cessionis privilegium induxit, hoc expressè statuit, ut patet ex L. *Cum et filii familias*, 7, c. *Qui bonis cedere possunt*, ubi dicitur: *Apertissimi juris est, si quid pinguius accesserit debitoribus, hoc iterum usque ad modum debiti, posse à creditoribus legitimo modo avelli*; et L. 4, π. de cessione bonorum, dicitur: *Is qui bonis cessit, si quid postea acquisierit, in quantum facere potest convenitur*. Idem habetur § ult. Instit. de actionibus.

48. Ratio est, quia per cessionem debitum non fuit extinctum, sed consopitum, donec ad pinguiorem fortunam perveniret. Quod tamen intelligendum est, si acquisierit plusquàm sibi est necessarium ad decentiam statûs; nam si non ampliùs acquisierit, non tenetur, ut colligitur ex dictâ L. *Qui bonis*, 6, et § ult. Instit. supra, junctâ Glossâ, quæ dicit *illum teneri solvere, deducto tamen semper, ne egeat*, juxta L. *In condemnatione*, 173, π. de regulis juris.

49. Notandum tamen est primò, quosdam doctores sentire eum qui cessit bonis, quibusdam actibus juxta consuetudinem loci ignominiosis (v. g., sedendo in loco publico cum corbe capiti imposito), non teneri solvere debitum, etiamsi postea pinguiorem nactus fuerit fortunam, quia eâ ignominia satis videtur punitus, videturque hæc poena esse loco solutionis, sicut qui punitus est poenâ corporali, loco pecuniariæ, quam præ inopiâ solvere non potuit. Sed contrarium est verius, ut docet Covar. 2 Variar., c. 4, n. 6, quia hæc poena non imponitur ut liberetur à solutione, sed ut plectatur culpâ, quæ præsumitur ab eo admissa, accipiendò mutuum et contrahendo, cum esset impotens solu-

tionis. Accedit quòd per cessionem bonorum non tollatur naturalis obligatio restitutionis; sed solum competat exceptio, impediens licitis contestationem, juxta communem sententiam doctorum; de quâ vide Covarr. supra.

50. Notandum secundò, clericum inopem non teneri bonis cedere, nec posse tamen ob debita in carcerem conjici, ut notat Abbas, Imola, Ancharanus, et alii in cap. *Odoardus*, 3, de solutionibus, quia clericus non potest conveniri, nisi quatenus facere possit, deductis necessariis alimentis, ut colligitur ex dicto cap. *Odoardus*, et tenent communiter doctores, secuti Glossam in cap. *milites*, π. de re judic. et, Glos. in c. 40, *Studeat*, d. 50. Ratio est, ne in opprobrium statûs ecclesiastici cogatur mendicare; unde nec potest clericus huic privilegio renuntiare.

51. Covarruvias, supra, n. 9, intelligit hæc de clerico sacrorum ordinum, vel qui proprio ministerio Ecclesiæ inservit; de tali enim intelligendum esse caput *Odoardus*. Rebuffus tamen extendit ad omnes, ne conveniantur ultra id quod facere possunt; id est ut necessaria alimenta illis sint relinquenda, juxta dictam L. *In condemnatione*, 173, π. de regul. juris. Puto extendendum ad omnes et solos clericos, qui, juxta concil. Trident., sess. 25, cap. 6, gaudent privilegio fori, exceptis clericis conjugatis, ut sunt, primò, omnes initiati sacris; secundò, habentes beneficium ecclesiasticum; tertio, qui clericalem habitum et tonsuram deferentes, alicui ecclesiæ ex mandato episcopi inserviunt; quartò, qui in seminario clericorum, aut in aliquâ scholâ vel universitate, de licentiâ episcopi, quasi in viâ ad majores ordines versantur, et habitum cum tonsurâ gestant.

52. Excipio clericos conjugatos, qui si cum virgine contraxerunt, et alicujus ecclesiæ servitio ab episcopo deputati, eidem ecclesiæ serviunt, et clericali habitu et tonsurâ utuntur, gaudent quidem privilegio fori et canonis, non tamen cæteris clericorum privilegiis, ut expressè habetur cap. unico de clerico conjugato, in 6, ac proinde nec isto.

DUBITATIO IV.

Utrum si restitutio putetur creditori vel alteri nocitura, possit differri.

53. Respondeo, posse differri; et interdum debere, vel lege charitatis, vel etiam justitiæ. Prior pars patet, quia qui differt solutionem, ut creditorem à malo, in quod alioquin incurreret, avocet, utiliter et salubriter negotium ejus gerit: ergo ille non potest jure id ægrè ferre. Altera, quòd interdum debeat differri, patet: ut si dominus repetat rem suam, v. g., depositum vel mutuum, ut insumat in libidines, vel ut emat beneficium, et dilatâ solutione spes sit, malum illud fore impediendum. Tunc enim lege charitatis teneor differre, nisi inde aliquod notabile incommodum metuam. Ita Sotus l. 4, q. 7, art. 1, et Navar. c. 47, n. 62 et 63. Ratio est, quia teneor impedire malum proximi spiritale, etiam cum aliquo ipsius incommodo temporali, ut patet in correptione fraternâ, dum adhi-

centur testes, et in denuntiatione evidente ad emendationem, ubi laeditur fama proximi: ergo si differendo restitutionem, possum tale malum impedire, teneor ex charitate.

Dices: Ille habet jus petendi rem suam: ergo nisi restituo, facio ei injuriam. Confirmatur, quia nemo potest invitus impediri ne se inebriet, ne scortetur, ne per aleam decoquat.

34. Resp.: Habet quidem jus petendi, si illud per se spectes; sed quando vult re illa, ad quam jus habet, in suum vel alterius damnum abuti, ex charitate teneor obistere, si commode possum; et quamdum est spes eum impediendi, non facio injuriam, quia salubriter ejus negotium ago; non enim quovis modo agere contra jus alterius, est injuria (ut patet in eo qui negat depositum furem), sed sine justa causa vel debito modo agere, quamvis propriè et formaliter, quando justa causa subest, non agatur quippiam contra jus alterius (cum ille jus non habeat ut id non agatur), sed solum materialiter, quatenus res aliqua denegatur vel tollitur, ad quam, praevisâ illâ pravâ intentione, jus habet. Ad confirmationem, non potest ita impediri, ut vis à privato afferatur, sed aliis modis bene potest.

55. Dices secundò: Parochus tenetur subito petenti in Paschate Eucharistiam porrigere, quamvis sciat eum esse in peccato occulto, eò quod subditus jus habeat ad eam, etsi petendo peccet: ergo teneor etiam reddere debitum, petenti ob malum finem.

Resp.: Propriè loquendo, iste subditus non habet jus petendi Eucharistiam, sed habet jus, ne à parocho infametur, aut ne confessio ipsius reveletur; quod tamen ex publicâ Eucharistiae denegatione sequeretur; et hâc ratione à doctoribus dicitur habere jus ad eam, nempe quia sine injuriâ non potest ei negari; quæ injuria in hoc consistit, quòd ille infametur, vel secretum confessione violetur: secus est in nostro casu; ex dilatione enim non sequitur novum incommodum.

56. Dices tertio: Maritus qui vovit castitatem, habet jus petendi debitum, et uxor tenetur reddere (de quo cap. 40, dubit. 10), quamvis ille petendo peccet; ergo similiter in nostro casu.

Resp.: Etsi jus habeat, tamen quando vult illo jure abuti, potest uxor debitum negare, si commode potest, et speret hoc pacto peccatum mariti impeditum iri, præsertim in posterum. Quod addiderim, quia majori tergiversatione utendum, quando agitur de impediendis novis peccatis, in quæ vel ille incidere, vel alium induceret, quàm cum agitur de impediendo opere externo, cujus jam culpa est interitus commissa.

57. Adverte tamen: Si ex dilatione solutionis est periculum majoris vel paris incommodi, non possumus illam differre, quia non est jus differendi, nisi quatenus est spes mali impediendi. Item quando tergiversatio parum prodesset, ut si te vocaret in jus. Denique, si tibi inde aliquid incommodi notabilis metuas, non teneris, ut si idcirco vel illius amici-

tum, vel aliqua emolumenta amitteres, non enim teneris proximi peccata cum notabili tuo incommodo impedire.

58. Adde quosdam putare, quando creditor vult abuti rebus suis, tantummodò in suum damnum, ut in aleam, computationes, ludines, debitorem non obligari ad solutionem differendam, quia non est ipse curare, quo modo ille res suas sit impetrurus; itaque cum ex justitiâ debeat, non esse differendam. Ita Petrus Navarra l. 4, c. 2, num. 54. Puto tamen esse verius, quod diximus, quamvis raro obligatur sub peccato mortali, tum quia creditor potest illum jure cogere, tum quia passim apud homines hæc ratio differende solutionis parum est in uso, et sæpe parum efficit ad malum creditoris impediendum, et cum molestiis et calumniis conjuncta.

Tertia pars, quod interdum teneris ex justitiâ differre restitutionem, patet, ut si furens irâ in inimicum reposcat depositum gladium; tunc enim reddere censeretur esse propinqua cooperatio. Vide Navarrum supra, et l. Si pignore, 54, § 4, de furtis, ubi dicitur: Qui ferramenta sciens commodaverit ad effragandum ostium vel armarium; vel scalam sciens commodaverit ad ascendendum, licet nullum ejus consilium principaliter intervernerit ad furtum faciendum, furti tamen actione tenetur; quod intellige, nisi ex recusatione grave malum tibi impenderet: tunc enim illa reddere vel commodare non censetur cooperatio, quia est actio per se indifferens.

DUBITATIO V.

Utrum si id quod tibi debeo solvam tuo creditori, liberer à restitutione tibi faciendâ.

60. Respondeo: Hæc solutio me liberat in foro conscientie, si mihi constet te illi debere. Ita Angelus, vº Solutio, num. 15, ex Glossâ, instit. Quibus modis tollatur obligat.; Silv. vº Solutio, num. 4, et Medina, q. 3, causâ 5. Ut si sibi debeam 100, et in tantundem debeas meo fratri; si solvam fratri, tibi non amplius obligor. Ratio est, quia dum solvo tuo creditori 100, cui debes tantundem, transfero in me jus quod ille in te habebat ad exigendum à te 100, unde si tibi tantundem debeam, possum uti compensatione; nam jus quod ego in te tunc habeo, tanti valet quanti illud quod tu in me. Itaque in conscientia tibi non amplius obligor.

61. Dico in conscientia, quia secundum Bartolum in l. Solutum, 14, π. de pignor. action., cogar in foro externo tibi solvere, nisi res debita, quam restituo tuo creditori, sit illi obligata, ut si conduxi à te domum quam tu conduxisti ab illo; vel nisi meâ causâ factus sis debitor illi, ut si gerens mea negotia mutuum acceperis. Verum in foro conscientie hæc minimè sunt necessaria; sed sufficit ut tu verè ex lege justitiæ alteri debeas, ut Angelus et Silvest. supra docent.

DUBITATIO VI.

Utrum rei debitæ interitus excuset.

62. Respondeo et dico primò: Si res, quam debes

restituere, sit in specie aliena, excusaris ejus interitu, si non intercessit tua culpa, vel mora, vel pactum. Secus verò si aliquid horum intercessit, nisi similiter fuisset peritura apud dominum, ut patet ex dictis c. 7, dubit. 6 et 8, et cap. unico, de Commodato.

63. Dico secundò : Si rem alienam magni pretii in extremâ necessitate tuâ consumpsisti, verius est te non excusari à restitutione, dum pinguior fortuna obtigerit; sed teneri tacito quodam pacto, quod censetur jure gentium intervenisse, etsi contrarium sit probabile; patet ex dictis dubitat. primâ hujus capituli.

64. Dico tertiò : Si res non sit in specie aliena, sed tua, ejus interitus non te excusat. Ratio est, quia res domino suo perit, ut si pecunia destinata solutioni, surripiatur, vel à confessario, cui executionem commisisti, retineatur. Ubi notandum est quosdam existimare in hoc casu quo negotium confessario vel parochio commissum est, traditâ ei pecunia ut restituat (eò quòd debitor sine sui infamiâ non possit per se exequi), si eam retineat, debitorem excusari. Ratio illorum est, primò, quia hic restitutionem quantum in se est fecit, ut debuit et potuit; ergo ab eo non est ampliùs exigendum; non enim tenebatur per se restituere, cum id sine suspitione criminis facere non posset (uti supponimus), neque poterat invenire commodiorem et tutiorem viam, quàm per parochum, vel confessorem. Secundò, quia si creditor actu expresso consensisset, ut fieret hoc modo restitutio, debitor non teneretur ad ampliùs: sed in hoc casu creditor implicitè et actu debito censetur consensisse (quia tenebatur consentire), qui consensus implicitus et debitus eandem vim habet, quam expressus; ergo excusatur.

65. Sed contrarium est longè verius, ut docent Navarrus, c. 17, n. 67, et D. Anton., p. 2, tit. 2, c. 4, § 1, idque sive res in specie sit aliena, sive non. Si enim non est in specie aliena, ut si mittas pecuniam vel rem tuam tradendam creditori, et non tradatur, tibi perit, etiamsi debeas ex contractu. Nisi forte creditor miserit vel assignaverit hominem certum, cui numeres: hic enim loco creditoris acceptat, et ita transfertur dominium in creditorem. Unde si retineat, creditoris est damnum, ut docet Silvester, restit. 4, q. ult.

66. Si verò est aliena in specie, v. g., torquis, vestis, equus, etiam tuo periculo perit et retinetur, si injustè accepisti. Ratio est, quia intercessit culpa per quam dedisti occasionem damni domino obvenientis; si enim non surripuisses, ille rem suam non amisisset. Confirmatur, quia qui rem surripuit, tenetur de casu fortuito, eò quòd apud dominum non sic periisset, ut patet ex c. 7, dubit. 8, et c. 12, dub. 15; ergo, etc.; debebat enim, cum acciperet, cogitare similes casus ex surreptione posse evenire.

67. Ad primam rationem respondeo: Fecit quidem quod debuit et potuit pro illo tempore, sed cum tacitâ obligatione, ut si res non succederet, teneretur inire aliam viam, donec damnum reipsâ sit compensatum.

Ad secundam, dominus non tenebatur consentire, ut per parochum restitueret, nisi cum onere iterum restituendi, si reipsâ parochus non exequeretur.

Adverte tamen contrariam sententiam non videri omninò improbabilem, ob rationes allatas, et quorundam doctorum virorum, qui illam tenent, auctoritatem.

DUBITATIO VII

Utrum juris vel judicis auctoritas excuset à restitutione.

68. Respondeo quibusdam casibus excusare: primò, quando res legitimo modo est usucapta: tunc enim auctoritas legis transfert dominium in eum qui usucepit, de quo supra, cap. 6; secundò, quando judex in pœnam delicti, per sententiam imponit alicui multam in favorem ejus qui injuriam passus est, oportet tamen sententiam niti veritate, non falsâ præsumptione, de quo infra; tertiò, quando judex, auctoritatem legum et naturalem æquitatem secutus, aliquid alicui adjudicat, quod aliâ non deberetur ex rigore justitiæ, is qui hoc percepit, non tenetur restituere, de quo vide cap. 7, dub. 8; quartò, quando aliquis per sententiam ordine juris latam, privatus est officio, beneficio, vel hæreditate, is qui hæc postea obtinet, non tenetur restituere, etiamsi privatim sciat condemnatum esse innocentem, modò ille causa falsæ illius sententiæ nor fuerit; vide infra, cap. 29, dubit. 10.

DUBITATIO VIII.

Utrum ingressus in Religionem liberet à restitutione.

Medina, q. 3, causâ 8, docet debitorem, qui manendo in seculo poterat solvere, et ingrediendo se reddit impotentem, non posse ingredi Religionem, nisi ante solverit; quòd si ingrediatur et profiteatur, tamen adhuc manere obligatum, et labore suo vel arte, si quam novit, debere conari solvere. Ratio est, quia jure naturæ tenetur satisfacere. Contrarium tenet D. Thom., q. ultimâ hujus partis, art. 6, ad 3, et ibidem Cajet., Silv. v^o Religio, 2, q. 4, et alii Summistæ omnes: docent enim non teneri manere in seculo, sed sufficere si bonis cedat suis creditoribus.

70. Pro resolutione dico 1^o: Si debitor ingrediatur et profiteatur, omninò valebit professio, nec poterit reverti ad statum secularem. In hoc conveniunt omnes. Idque probat ratio D. Thomæ, quia etiamsi sit pecuniæ debitor, tamen ejus persona est libera; unde etiamsi concederemus illum malefacere, dum se Religioni mancipat, debitis non solutis, tamen illa traditio est valida: sicut si facultates ad solvendum creditori necessarias alteri donares, donatio jure naturæ valeret (quamvis in eâ peccares), quia res illæ tuæ erant. Secus est si servus profiteatur, quia cum persona ipsius libera non sit, sed domino ex justitiâ addicta, non potest validè se alteri donare, ac proinde nec profiteri sine domini consensu. Idem dico de conjugè, matrimonio jam consummato: non enim est sui juris: secus est ante consummationem.

71. Dico secundò: Qui debet aliquid exstans in specie, non potest omissâ restitutione Religionem ingredi. Ratio est quia hic nulla est justa ratio non restituendi. Idem dicendum, si quis sit obnoxius reddendis rationibus, ut ibidem D. Thomas ex B. Gregorio docet, id enim brevi tempore fieri potest. Similiter si aliqui sint parentes in gravi necessitate constituti, aut proles adhuc tenere alendæ, de quo infra.

72. Dico tertio: Si debitor possit brevi tempore, ut paucis annis, et consuetis laboribus satisfacere creditoribus, tenetur aliquantisper differre ingressum, ut illis satisfaciatur. Ita Petrus Navarra l. 4, c. 4, n. 94, et Lopez, l. p., c. 129. Idem sentit Medina supra et doctores Parisienses, quos ipse citat, quia tunc creditores meritò sunt invitati, si illis antea non satisfaciatur, cum facili negotio possit; neque tunc beneficio cessionis se poterit liberare, quia hoc non est introductum, nisi in favorem eorum qui aliter se à debitis eripere nequeunt.

73. Dico quartò: Si opus esset longo tempore (ut multis annis, vel insolitis laboribus), non tenetur expectare, sed relinquendo omnia sua creditoribus, poterit religionem ingredi. Ita P. Navarra, n. 95; idem dicunt omnes qui D. Thom. sequuntur. Ratio est, quia qui actu bona non habet, nec est in propinqua potentiâ ad ea habenda, absolute censetur impotens ad solvendum, ac proinde ab obligatione restitutionis est excusatus. Neque obligandus ad insolitum aut longum laborem, quando dedit quidquid habuit, quia ne iudices quidem in foro externo ad hoc obligant, ut ex praxi tribunalium satis constat; sufficit enim eis si viderint debitorem omnia quæ actu habebat dedisse, nec brevi tempore posse reliqua conquirere.

74. Unde etiam colligitur non esse hoc privilegium religionis, sed ex naturâ rei obligationem cessare vel potius sopiri, ratione impotentiae. Idque non solum locum habet, quando ex contractu, sed etiam quando ex delicto est debitum, ut ex furto, usuris, rapinis; sufficiet enim dare omnia, et non posse brevi aut facili, iudicio prudentis, reliqua solvere.

75. Non est tamen negandum quin status Religionis aliquid peculiaris favoris hæc in re mereatur, ut etiam propter illum creditores non debeant plus exigere, quam possit actu et sine longâ morâ præstare, præsertim cum in longâ morâ sit periculum salutis, vel damni spiritualis. Adde, cum quis est debitor ex justo contractu, potest facili beneficio cessionis liberari, retentis etiam necessariis alimentis, ut supra ostensum est.

76. Ex his sequitur, si is qui Religionem vult ingredi, est vir honoratus, quem dedecet servire, vel manibus operari, hunc non teneri ad illas lucrandi rationes descendere, sed posse statim ingredi, quia talis, ubi omnia dederit quæ actu habet, ad nihil amplius tenetur, cum nulla ratio lucrandi, quæ ipsum deceat, suppetat; si autem est talis, cui aliqua lucrandi ratio honesta et statui ipsius consentanea supeditet, tunc videndum an brevi tempore sine animæ

periculo possit se expedire, an non, et juxta ea quæ dicta sunt statuendum. Patendum tamen D. Theodoro sententiam esse probabilem Vide Silv. v^o Religio 2, q. 4.

DUBITATIO IX.

Utrum excommunicatio creditores habeat ad restitutionem.

77. Respondetur non esse improbatâ posse deficiat, donec Ecclesie reconcilietur. Hoc enim tenent Adrian. q. 5, de clavibus, § Si petas, an, et Felices in cap. Inter alia, de sententia excommunicationis, P. Gregorius in dicto cap. Inter alia, 31, et cap. Intelleximus, 7, de judiciis; Glossa in caput Absolutos, de hæreticis, et quidam alii apud Covar. ad regul. Peccatum, l. p., n. 8. Probatur primò ex cap. Nos sanctorum, l. i, q. 6, ubi Gregorius VII sic ait: *Eos, qui excommunicatis fidelitate aut sacramento constricti sunt, Apostolicâ auctoritate à juramento absolvimus, et ne sua fidelitatem observent, omni ratione prohibemus, quousque ipsi ad satisfactionem veniant*; et cap. seq.: *Juratos miles, inquit Urbanus II, Hugoni comiti, ne ipsi quamdiu excommunicatus est, serviant, prohibeto*. Qui canones etsi tantum videantur intelligi de debito fidelitatis, quod subditus debet principi, aut miles duci, aut famulus domino, tamen videtur esse eadem ratio de debito pecuniario. Unde Glossa, in dicto cap. Nos sanctorum, probat multis hanc sententiam esse probabilem. Secundò probatur, cap. Quòd in dubiis, et sequenti dicitur: *Nullus scienter nominatim excommunicato communicare tenetur, nisi quædam personæ, quæ per illud Gregorii papæ caput Quoniam multos, specialiter excusantur*; sed illo cap. Gregorii non excusantur debitores: ergo non tenentur. Unde Glossa et Adrianus colligunt non teneri, etiamsi juramento promississent solvere, quia juramentum habet tacitam conditionem, si talis permanserit, cui communicare liceat.

78. Adverte tamen, etsi quidam canoniste idem videantur sentire de debitore excommunicato, videlicet eum non teneri ad solvendum, quamdiù est in excommunicatione, id tamen omni ratione et probabilitate carere, quia non debet ei excommunicatio tanto esse commoda, ut rectè notat Glossa in can. Nos sanctorum: alioquin multi essent, qui cuperent excommunicari.

79. Dico secundò: Verius tamen videri, etiamsi creditor nominatim sit excommunicatus, non ideò differri posse restitutionem. Ita tenent Covar. supra, Silv., v^o Excommunicatio, 5, q. 12; Joannes Medina, q. 5, causâ 9, et plerique alii. Ratio est, quia neque jure divino, neque etiam jure humano debitor liberatur a tali debito statim solvendo post elapsum terminum. Non jure divino, quia nullum tale jus reperitur, præsertim cum etiam ethnicis et publicanis debita solvenda sint, ut colligitur ad Roman. 13, nisi fortè spes esset, tuâ dilatione ipsum conversum iri, et reconciliandum Ecclesie, quod interdum usu venit, quando debitor est magnæ auctoritatis, et recusat solvere creditori, nisi redeat ad Ecclesiam. Non etiam jure humano, quia jura citata non loquuntur de debito pecuniario, sed de debito fidelitatis et obsequii; leges enim

pœnales sunt strictè interpretandæ, quamvis Medina et quidam alii putent etiam agere de debito pecuniario, quod ex promissione et stipulatione juramento contractatà sit contractum, et de omni alio debito solis verbis conftrato, quod est probabile.

80. Dices : Excommunicati sunt vitandi in omni convicta humano : atqui solvere creditori, est habere cum eo humanum commercium : ergo hoc non licet.

Resp. hoc esse unum ex præcipuis argumentis contrariæ opinionis : sed dicendum cum Covarruvía, istam communionem esse valdè parvam et brevem, et cum sit in re necessarià (utpote in debito justitiæ, quod creditor potest exigere saltem extra judicium), non debet talis communicatio videri prohibita ; sicut elemosyna potest et debet dari excommunicato, quando elemosynæ præceptum erga proximum obligat.

81. Adverte tamen, si excommunicatus repetat debitum in judicio posse cum à debitore repelli, ut expresse habetur cap. *Pia*, de exceptionibus in sexto.

DUBITATIO X.

Utrum creditorum incertitudo excuset à restitutione.

82. Respondeo : Creditorum incertitudo non omninò excusat ; tunc enim restitutio facienda est in pauperes, juxta communem sententiam, ordinariè in praxi servandam. Vide supra, cap. 14, dub. 6, et 7.

DUBITATIO XI.

Utrum dispensatio vel compositio cum prælato excuset.

83. Respondeo et dico primò : Quando incertum est quinam sint creditores, tunc excusat compositio cum pontifice, sive debitum sit ex delicto, ut in usuris furtisque minutis, sive absque delicto ut in delictis ex contractu, et inventis. Ratio est, quia quando ignoratur proprius horum dominus, hæc restituenda sunt in usus pios, non jure naturæ, sed jure positivo (ut supra, cap. 14, d. 6 et 7, ostensum est) ; in quo jure potest pontifex dispensare : sublata autem illà obligatione restituendi, possunt hæc retineri.

Dico secundò : Si creditores sint noti, non potest pontifex te liberare à restitutione, nisi legitima causa subsit ; eà tamen supposità, potest. Prior pars patet, quia non potest pontifex, aut princeps, absque justà causâ res unius alteri donare ; neque enim est dominus bonorum suorum subditorum neque dispensator ; sed tantum defensor juris cujusque, et judex vindicque criminum.

84. Altera pars patet, quia pontifex habet supremam potestatem in bonis temporalibus omnium Christianorum, licet indirectam, nempe quatenus opus est ad regimen spirituale ; unde positâ justâ causâ, potest de rebus illorum disponere. Itaque potest imponere multas pecuniarias, et confiscationem bonorum pro criminibus ; et consequenter condonare restitutiones, hu-

jusnodi hominibus faciendas ; quod notandum propterea quæ debentur hæreticis, sive ex delicto, sive ex contracto, cavendum tamen scandalum. Vide cap. *Cum secundum leges*, de Hæret. in 6 ; Silvestrum, Restitut. 7, q. 2, § 3, et Innocentium IV, in cap. *Quæ in Ecclesiarum*, de constitutione.

Sed quia aliqui hæc de re nonnihil dubitârunt, probatur hæc ratio. Summus pontifex ob tale crimen potest privare dominio bonorum illudque addicere fisco, juxta dicta cap. *Cum secundum leges* ; potest subditos eximere obligatione serviendi, obediendi, solvendi tributa, aliisque vinculis etiam jurejurando confirmatis, juxta cap. *Absolutos*, ex. de hæret. ; cur non etiam debitores liberare obligatione solvendi, et debita condonare ? est enim hoc multò minus.


Dices : Potest ista per sententiam generalem seu leges, non autem per sententiam privatam, nisi præcedat cognitio causæ, et sententia declaratoria criminis ; alioqui sequeretur magna perturbatio in repub. ; deinde quia pœna debet cognosci à reo, et sentiri ; alioqui non est pœna ; at illa sententia privata non cognoscitur. Respondeo negando quod assumitur ; expedit enim ut etiam per sententiam privatam possit irrogari pœna, cum justa causa subest : ut si crimen aliâ ratione puniri nequeat, ob potentiam vel absentiam rei, vel perturbationem quæ metuitur ; et pœna illa non sit omninò nova, sed contineatur in aliâ jam ipso facto inersâ, ut in confiscatione bonorum ; et quamvis ad executionem confiscationis per realem ablationem bonorum, requiratur sententia declaratoria criminis, ut patet ex dicto cap. *Cum secundum leges* ; tamen hæc sententia non est necessaria, quando pœna non requirit aliam executionem præter eam quam lex vel sententia secum defert, quia inde non sequitur ulla perturbatio, sicut ex rei ablatione. Imò potest talis pœna irrogari per sententiam conditionalem, v. g., si constat Titium tali crimine obstrictum, non ei fiat solutio, etc. ; unde nec alia causæ cognitio requiritur. Ad illud de notitiâ pœnæ, non est necesse ut semper reus pœnam sentiat ; satis est ut possit eam apprehendere et timere, quamvis in executione eam non sentiat, ut patet in pœnis quæ post mortem inferuntur.

Idem puto posse principem secularem respectu suorum subditorum, jam enim justâ lege illorum bona fisco addicta sunt ; sed ob potentiam non potest fieri executio.

DUBITATIO XII.

Utrum compensatio excuset.

85. Respondeo, excusare tum cum qui compensatione usus est, ne cogatur restituere id quod compensationis causâ alteri subtraxit ; tum cum contra quem usus est, ne rursus cogatur solvere. Vide supra, cap. 12, dub. 10, et cap. 11, dub. 16.



Appendix prima AD TRACTATUM DE JUSTITIA ET JURE.

AUCTORE D. LYONNET (1).

Prefatio.

Jampridem à publicis scholarum theologicarum concertationibus discesseram, ut privatim inter laboriosas alterius ministerii horas iisdem vacarem studiis, cum viri graves, doctrinà et pietate maxime conspicui, vivide exquisierunt ut novis tractatibus circa justitiam et obligationes in lucem edendis curam impenderem. Huic consilio statim adhaerere non præsumpsi, experientià sciens quid oneris suscipiendum esset. Innumera et intricatissimæ difficultates quibus abundanter præfati tractatus non modicum terrorem in mente excitabant. Quis sum, aiebam, *minimus in domo patris mei*, id est, tardus ingenio, pauper doctrinà, imperitus in omnibus, ut audeam meas aperire opiniones circa res gravissimas et difficillimas? Num sedens, juxta verba Christi volentem ædificare turrim alloquentis, *mecum computavi*, seu, contuli tantum laborem cum infirmioribus meis facultatibus?

Hæc et similia, procul dubio, à susceptione istius operis me deteruissent, nisi faciliorem aperuissent viam multi theologi quorum nomina jam insignia sunt in scholis Galliarum. Inter eos recensere juvat DD. Bouvier, Gousset, Berger, Logerot, Annotatorem in Vogler, et alios, qui non parùm profuerunt in solvendis ambagibus præsentem materiam spectantibus. Quorum vestigiis insistentes conati sumus, instar apic quæque meliora hinc et inde colligentis priusquam mel suum condant, ea seligere quæ junioribus clericis Theologiæ studentibus magis utilia judicavimus. Iisdem locis quibus et alii nobiles magistri theologicas messuerunt palmas, multa invenimus quæ minimè despicienda sunt. Quot enim manent, in agro fertili et omnibus aperto, etiam post primos messores, spicæ ab aliis derelictæ. Ad eas colligendas probandasque et nostro modo disponendas, nihil non tentavimus, impendentes et tempus, et laborem, et bonam voluntatem.

Ut autem rectè et lucidè incederemus inter asperitates quibus frequenter impediuntur pleraque juris quæstiones, neque obsequentes rigidioribus, neque faventes laxioribus, neque famulantes opinionibus singularibus quorundam, præ oculis semper erat, tan-

quam fax nocturno viatori, doctrina quæ communiter prævalet in celeberrimâ societate pæ Olier. Ea doctrinà, veluti oraculo, diriguntur fere omnes Galliarum scholæ; vix ullus est professor qui illam sedulo non attendat et in pluribus sequatur. Hujus societatis præfulgentibus stellis, attente perlegimus plus quam viginti auctores qui de jure scripserunt, interrogavimus veteres et recentes plurimum seminariorum traditiones, frequenter columinus theologos et jurisperitos in scientiâ juris non modicè versatos. Per duos annos maxima nobis cura fuit in conferendis plurimis quæ faventi discipulorum turbæ olim ex professo dixeramus cum his quæ singulis diebus legebamus vel audiebamus circa justitiam et contractus. Ab iis collationibus et concertationibus in mente venerunt, quasi sponte suâ, novæ observationes, quæ, pluribus reformatis aliisque superadditis, duo breviter efficiunt opuscula pro quibus multam veniæ et indulgentiæ copiam flagitamus.

Inter istas elucubrationes in multis operosas desiderium faciliorem et utiliorem reddendi laborem piis sacræ militiæ candidatis nihili adiutorium erat et non leve incitamentum. Utinam ad hunc finem pervenerim! tunc aberunt omnes difficultates, omnes mentis perplexitates, omnes vigiliæ quas secum traxit hujus operis susceptio. Nam dulce præmium est adolescentibus theologiæ vacantibus laborem supplementorum conscribendorum alleviare...

Sed quid multa? Deus qui non confundit sperantes in se, largam effudit benedictionem supra ista compendia. Ultrà omnem spem successit prima editio illorum tractatum; hæc quippe brevi tempore penitus exhausta est à nobilioribus seminaris Galliarum: tres anni nondum effluerant cum jam tres millia exemplarium è prelis typographi exierant; nunc undè quæque ita exposcitur secunda editio, ut vix datum fuerit tempus quasdam corrigendi mendas et novas interponendi annotationes. Non defuerunt eâ occasione, gratulationes quarum maximam partem volumus deicendam esse jurisperitis et theologis qui nobis fuerunt duces et vexillarii.

Ex iis parem liceat augurari sortem novæ editionis! Hæc enim non minori benevolentia excipienda est, cum plurimis perfecta fuerit emendationibus et recentibus dilata observationibus. In quibusdam clariori ordine dispositæ fuerunt nonnullæ conclusiones; in aliis plurimæ quæstiones diffusionem verborum vel multitudinem distinctionum implexæ ad formam brevioris et simplicioris redierunt; in cæteris identidem ex-

(1) Ille, pro more nostro, vitam D. Lyonnet non describimus, eo quòd luce fruatur, Lugduni degens, canonicus ac minoris seminaris Lugdunensis superior. Præsens autem tractatus de *Justitiâ*, cui velot complementum adjungi potest ejusdem auctoris opus de *Contractibus*, Lugduni reperitur in viâ gallicè dictâ: *Grand-rue Mercière*, apud PELAGAUD ET LESNE, viros pro multis ac optimis editis libris, de Religione præclarè meritos. Uterque tractatus duobus separatim francis vauit.

currit prompta manus vitiosis deductionibus accuratiores substituens.

Optaverunt nonnulli ut plurimæ resecrentur quæstiones quæ breviores tractatus elementaris terminos aliquatenus videntur transcendere, quia juniores Theologiæ candidati, saltem pro nobili parte, tam multa et difficiliora simul portare nequeunt; responderunt verò multò plures nihil, paucis exceptis, in præsentibus opusculis omittendum esse, quia discipuli quàm paululum exercitiis analyticis assueti pensum supra difficultates ingenii et temporis non reputabunt. Ut autem utriusque opinionis patronis satisfaciamus, asterisco (*) præsignavimus ea quæ, ob limites temporis, vel alias rationes, omitti possunt absque offensione tractatûs. Quemque juvabit, cum postea tempus dabitur opportunius, scire ubi iaveniet quæstiones quas primâ vice festinanter perspexit.

Si quid tandem sanæ doctrinæ et rectis principiis minùs consonum, non obstantibus curis et vigiliis, nobis exciderit, ut facilè præsumitur ex fragilitate et infirmitate nostrâ, id statim revocamus et pro non dicto haberi volumus. Imò suppliciter et instantè rogamus eos qui in præsentibus opusculis aliquid mutandum, aut saltem emendandum advertunt, ut ea nobis indicare velint. Eo forsân modo magis ac magis complebuntur et perficientur, adjuvante Deo et auspice Deiparâ, tractatus qui ad utilitatem juvenum sacris altaribus servire ambientium incepti fuerunt et elaborati.

CAPUT PRÆVIUM.

Priusquàm aggrediamur hunc tractatum, utile ducimus quasdam quæstiones præmittere circa naturam, divisionem et obligationem Justitiæ generatim spectatæ.

Justitia, prout una est è quatuor virtutibus cardinalibus, definitur: *Virtus moralis firmiter inclinans voluntatem ad perpetuò reddendum alteri quidquid ipsi debetur.*

Dicitur 1° *Virtus*; virtus est habitus rationi consentaneus, et in genere moris perfectivus; quid verò rationi et moribus magis consonum quàm reddere unicuique jus suum?

2° *Moralis*; ut distinguatur à virtutibus theologicis, quæ versantur immediatè circa Deum. Hujus autem virtutis objectum immediatum est jus alteri reddendum.

3° *Firmiter inclinans*; virtus est quid potentiæ perfectivum: atqui Justitia non perliceret voluntatem, nisi illam firmaret in proposito laudabili restituendi; ergò....

4° *Voluntatem*; undè Justitia est virtus voluntatis; nam virtus subjectatur in eâ potentiâ ad cuius actus dirigendos ultimatè ordinatur: atqui Justitia, utpotè virtus practica, ultimatè ordinatur ad dirigendos actus voluntatis. Non ideo dicimur justî, quia intellectus cognoscit quid sit reddendum, sed quia voluntas intendit reddere. Ergo.

5° *Ad perpetuò reddendum*; ad Justitiâ enim requiritur voluntas reddendi in omni casu jus suum alteri; satis non est illud velle aliquoties reddere; nam virtus nulla subsistere potest cum vitio opposito: porrò qui aliquoties tantum vult jus suum alteri reddere, habet vitium oppositum Justitiæ, nempe injustus est, cum velit aliquoties bonum alienum retinere. Ergo.

6° *Alteri*; quia ad Justitiâ exercendam petitur diversitas suppositorum; nemo enim potest habere et simul carere: atqui redditio debiti exigit habentem seu reddentem, et carentem seu recipientem; ergò necessariò requirit diversas personas.

7° *Quidquid ipsi debetur*; Justitia generatim sumpta pro objecto habet quod alteri debitum est, sive ratione Justitiæ strictæ, sive ex gratitudine, sive ex decentiâ.

Colligendum est ex dictis Justitiâ tribus potissimum modis differre ab aliis virtutibus moralibus: 1° quòd Justitia sit ad alterum, dùm aliæ virtutes ad nosmetipsos; 2° quòd Justitia rectificet primariò res vel actiones hominis externas, dùm aliæ virtutes rectificent principaliter interiores animæ affectus; 3° quòd medium Justitiæ saltem rigorosæ, sit medium rei, seu commensuratio rei solvendæ cum re debitâ, dùm medium aliarum virtutum sit medium rationis, seu commensuratio rei cum tali vel tali personâ. Sic prudentia, fortitudo, religio à Justitiâ distinguuntur, vel quia non sunt ad alterum, sed ad nos, vel quia non versantur circa res externas, sed circa res interiores, vel quia non ad æqualitatem instituendam, sed juxta rationis dictamen exercentur.

Justitia, pro diverso respectu sub quo homo considerari potest in societate, dividitur in *legalem*, *distributivam*, *commutativam* et *vindicativam*.

Justitia *legalis* est illa quæ hominem relativè ad principem vel rempublicam, velut partem ad totum, ordinat, et definiri potest: *Virtus, quâ quis reddit reipublicæ cujus est pars, vel principi cujus est subditus, quod ipsi debitum est, obediendo scilicet legibus, et bonum commune procurando.* Dicitur *legalis*, quia pro objecto habet quod communiter debetur ratione legum.

Justitia *distributiva* ea est quæ rempublicam vel principem ordinat ad cives, velut totum ad partem, et definiri potest: *Virtus, quâ reipublicæ locum tenentibus bona et onera communia civibus distribuit juxta uniuscujusque merita, dignitates et facultates.* Unde non ad æqualitatem rei ad rem, sed proportionem rerum ad personas spectat.

Justitia *commutativa* illa est quæ hominem ad hominem tanquàm partem ad partem ordinat, et definitur: *Virtus, quâ quis reddit alteri quod suum est, perfectam servando æqualitatem rei ad rem.* Hæc non attendit ad qualitatem personarum, sed ad æqualitatem rei ad rem, ita ut ille cui debentur 100 nummi, quisquis sit, istos 100 accipiat. Dicitur *commutativa*, quia dirigit commutationes sive contractus.

Justitia *vindicativa* ea dicitur, quâ superior reo, ad servandum et procurandum bonum publicum, infligit pœnam culpæ debitam. Ad Justitiâ commutativam et

distributivam revocatur vindictiva: ad alteram, potius superior penam supra culpam imponere solet, ad alteram, quatenus superior penam minime vel etiam condonare potest in gratiam præteritorum meritorum vel futurorum obsequiorum.

In quolibet Justitiæ supra dictæ violatio est peccatum mortale ex genere suo, quia unaquaque Justitiæ est virtus gravissima momenti, et gravissimum habet amorem, nempe pacem civium, concordiam, bonum commune. Ideo illa violatio peccatum mortale aut veniale erit, supposito pleno consensu, prout hujus materia gravis aut levis habebitur.

Sola tamen Justitiæ commutativa stricte Justitiæ nomen obtinet, cum pro objecto sola habeat jus strictum alterius. Itaque in explicandis variis illius officiis, toti erimus in decursu hujusce Tractatus. Ut aliquem instituamus ordinem, in triplici dicemus parte: 1° *de jure et principiis generalibus juris*; 2° *de injuriâ et restitutione in genere*; 3° *de injuriâ et restitutione in specie*. Ea Tractatus divisio omnino legitima est: prius enim scire quid sit jus quam illud in quo violatur, ac proinde modum quo illud violari et deinde reparari possit.

PARS PRIMA.

DE JURE ET PRINCIPIIS GENERALIBUS JURIS.

Jus triplici potissimum sensu accipitur: 1° pro lege quæ est regula juris; 2° pro eo quod alteri debetur; illo sensu res mea dicitur jus meum; jus sic sumptum potius est juris objectum quam ipsum jus; 3° pro legitima facultate alicujus rei vel obtinende vel retinendæ; tale est jus formale, de quo tantum loqui intendimus.

Jus, postremo sensu acceptum, definitur: *Potestas legitima ad aliquid vel in aliquid*.

Dicitur 1° *Potestas*, quæ est aliquid morale quod concipitur, ait Collet, vel per modum *potentiæ activæ*, ut cum agitur de jure quod habet iudex ad ferendam sententiam; vel per modum *potentiæ passivæ*, ut cum dicitur aliquando patrem habere jus ut nutriatur à filio; vel per modum *potentiæ resistendi*, tale est jus quo impedire potes, v. g., ne alius per agrum tuum transeat.

2° *Legitima*, id est, justo titulo nixa, alioquin non esset jus, sed injustitia. Ad legitimam illius potestatis duo requiruntur: 1° ut concedatur ut valida à lege, vel naturali, v. g., usus membrorum; vel divinâ, v. g., jus ad sacramenta; vel humanâ, v. g., jus præscribendi; 2° ea potestas, quæ ab una lege conceditur, ab alterâ lege non reprobetur et invalida; sic pupillus, licet rei suæ sit dominus, eam propriâ auctoritate alienare non potest.

3° *Ad aliquid vel in aliquid*; quibus verbis designatur quidquid potest esse objectum juris.

Jus duplex est, aliud *latum*, aliud *strictum*.

Jus *latum*, seu *convenientiæ*, est illud cujus violatione non contrahitur obligatio restituendi, sed tantum

restituendi, nempe gratiam. Tale est jus ad elemosinam, gratitudinem, etc.

Jus *strictum* est illud cujus violatione contrahitur obligatio restituendi.

Utrumque quidem esset regula, quæ jura prædicta ab invicem discerneret, nam, ea semel tradita, statim determinaretur quandonam facienda sit restitutio, sed hic equis, hic labor. Non tamen eodem modo, sunt qui dicunt: Ad jus latum pertinet omne quod, extra societatem, vi atque armis, et in societate, recurrendo ad leges, repeti nequit; ad jus strictum illud omne revocandum est quod, extra societatem, vi atque armis et in statu societatis recurrendo ad leges, *si recursum sit possibilis*, exigi potest. Dixi, *si recursum sit possibilis*, quia si forsan impossibilis esset, vel coactione vel legitimâ compensatione uti liceret, positus quibusdam conditionibus.

Jus strictum dividitur in *jus ad rem*, et *jus in re*.

Jus *ad rem* est legitima potestas quam quis habet ut res aliqua fiat sua; tale est jus illius cui nondum tradita fuit res vel promissa, vel donata, vel etiam vendita, si sit mobilis aut indeterminata. Jus illud non dat actionem in rem ipsam, sed in personam quæ ante judicem citari potest, ut teneatur facere, vel dare quod promisit. Unde dicitur *jus personale*, quia immediatè personam afficit.

Ad *jus ad rem* sufficit titulus legitimus, vi cujus exigi potest rei possessio.

Jus *in re* est legitima potestas, quam quis habet in re suâ jam sibi acquisitâ. Tale est jus illius cui tradita fuit res vel promissa, vel data, vel vendita. Jus illud dat actionem in rem ipsam, adeo ut qui eo jure gaudet, rem suam repetere possit, in quascunque manus transierit; unde dicitur *jus reale*, quia immediatè rem attingit.

Ad *jus in re* tria requiruntur: 1° Existentiâ rei; hinc usufructuarius *jus in re* non habet in fructibus anno sequenti colligendis, quia nondum existunt; 2° titulus legitimus, v. g., emptio, donatio, etc.; hinc fures et usurarii *jus in re* non habent in bonis quæ furto et usuris possident, quia deest ipsis titulus legitimus; 3° traditio rei, *si agatur de bonis mobilibus, vel de indeterminatis rebus*; hinc qui emit equum aut vestem, etiam persoluto pretio, non habet *jus in re* illius vestis aut equi, quandiu ipsi non traduntur; nam si venditor eandem vestem aut equum alteri vendat et tradat, secundus emptor, modò sit bonæ fidei, acquirit *jus in re* talis equi aut vestis: unde primus emptor tantum habet actionem personalem in venditorem qui tenetur ipsi satisfacere, art. 1144 Cod. civ. Dixi: *Si agatur de venditione rerum mobilium vel indeterminatarum*, quia in cæteris venditionibus, in hæreditatibus et legatis, et ferè omnibus aliis casibus, sola acceptatio ad transferendum dominium sufficit.

Jus *in re*, quod nihil aliud est quàm jus proprietatis, subdividitur in *dominium plenum* seu perfectum, et in *dominium semiplenum* seu imperfectum.

Dominium plenum est *potestas legitima disponendi de re et de ejus fructibus tanquàm suis in omnem usum*

lege vel pacto non prohibitum. Unicuique patet tale dominium ex prædictâ definitione, tria secum importare, nempe *fruitionem*, quâ dominus omnes rei fructus colligit; *exclusionem*, quâ aliis interdicitur quidquid dominium in suâ fruitione perturbare potest; denique *dispositionem* seu facultatem rem donandi, vendendi, destruendi pro nutu suo absque alterius injuriâ. Olim à theologis communiter dicebatur humile vel altum prout competeat privatis vel principi; sed hodie penitus amandata est hæc distinctio, nam de essentia domini proprietatis est ut dominus re suâ uti et abuti possit; porro talis potestas principi non conceditur; ille tantum potest disponere de bonis et actionibus privatorum, quando utilitas publica id exigit, præviâ justâ et legitimâ indemnitate; idcirco jus principis in bona civium potius est jus gubernii seu imperii aut jurisdictionis quàm proprietatis.

Dominium imperfectum est *legitima potestas disponendi vel de re, vel de ejus fructibus in omnem usum lege vel pacto non prohibitum*. Vocatur *directum* aut *utile*, prout aut sola rei proprietas, aut tantum ejus fructus alicui competunt.

De utroque dominio, id est, *perfecto et imperfecto*, dicemus in duplici capite.

CAPUT PRIMUM.

DE DOMINIO PLENO SEU PERFECTO.

Quidquid dicendum habemus circa dominium plenum, quatuor articulis absolvemus. Primus erit de origine domini; secundus, de subjecto domini; tertius, de objecto domini; quartus, de modis dominium acquirendi.

ARTICULUS I.

DE ORIGINE DOMINII.

Circa originem domini pleraque obscura reperias apud auctores. Scire satis erit paucissima quæ nobis testatur Historia sacra.

Certum est 1° omnia bona in primâ rerum origine fuisse communia: Adamo enim et ejus posteris terram absque ullâ divisione concessit Deus, Psalm. 115, 16: *Terram autem dedit (Deus) filiis hominum*.

Certum est 2° quamdam bonorum divisionem etiam à primævâ ætate factam fuisse, ita ut bona unius non essent bona alterius; sic Abel dicitur Deo obtulisse de primogenitis gregis *sui*, Gen. 4, 4.

Certum est 3° divisionem bonorum fuisse legitimam et sapientem. 1° Legitima fuit; S. Scripturæ præcipiunt dare eleemosynas, solvere debita, furtis abstinere: quæ quidem legitimam supponunt rerum divisionem; ergo... Et verò illud in bonorum possessione legitimum est quod universali consensu ab omnibus fuit admissum: atqui ita divisio bonorum, cum ubique extiterit et nunc existat; ergo... 2° Sapientis. Ea divisio sapiens fuit quæ innumerorum bellorum et dissidiorum fomitem prælocavit: atqui ita divisio bonorum; si enim Abraham et Loth, viri boni atque sanguine conjuncti, non potuerunt secum habitare pacificè eo quod substantia eorum multa esset et quasi in-

divisa, quot inter homines minus pios et amicos, si bona mansissent communia, lites et jurgia exoritura fuissent! ergo.... Et verò quid melius ad industriam sive in agris excolendis, sive in artibus elaborandis promovendam, quàm unicuique rem propriam facere? ergo...

Hinc in pravissimum errorem impeerunt recentiores novatores qui primævam prædiorum et aliorum jurium communitatem petierunt, ut nova fieret distributio secundum merita et capacitatem uniuscujusque. Isti non adverterunt quòd, defectu judicis competentis ad merita aliorum sapienter ponderanda, impossibile esset prædictam distributionem facere absque innumeris perturbationibus; aliunde, tali distributione factâ, novus rerum ordo non stabilis esset, siquidem inter eos qui primò largam obtinuissent partem ob actiones vel facultates præclaras, multi deficiunt à prioribus virtutibus, et ob hanc negligentiam amitterent jus ad titulos vel prædia possidenda; ergo.

Quomodo autem facta fuerit bonorum divisio? an auctoritate parentum, ut putat Molina? an auctoritate principum ab hominibus electorum, ut credunt alii? an pacto hominum expresso, juxta multos, sicut accidit inter Abraham et Loth? an tandem ex mero facto hominum res communes apprehendentium cum intentione suas faciendi et retinendi, sive illa intentio per se valuerit, sive ex aliorum consensu tantum, sive ex consuetudine quæ paulatim apud omnes invaluit propter bona inde provenientia? Hæc omnia nimis incerta sunt ut unum modum potius quàm alium admittamus. Forsan satius esset dicere divisionem bonorum rependendam esse partim à jure naturæ imperativo, scilicet pro necessariis ad vitæ conservationem; partim à jure naturæ inclinante, nempe pro his quæ sunt tantum commodi; partim à jure gentium, seu ex iis quæ apud varios homines consensu expresso vel tacito recepta sunt.

ARTICULUS II.

DE SUBJECTO DOMINII.

Subjectum domini dicitur quisquis illius est capax. Porro capax est domini in res creatas omnis et solus homo. 1° Omnis: nam in quolibet homine reperiuntur domini fundamenta, nempe voluntas et intellectus, per quæ quis disponit de actibus suis et per actus de rebus externis; ergo. 2° Solus: dominium, utpotè facultas moralis, fundatur et regulatur legibus: atqui solus homo legibus regi et moderari potest: ergo solus homo capax est domini in res creatas.

Moveri tamen potest peculiaris difficultas de quibusdam hominum conditionibus, scilicet, 1° de infantibus et amentibus, 2° de filiis familiæ, 3° de uxoribus, 4° de clericis, 5° de religiosis. Cum dominium, ut jam diximus, restringi possit vel lege vel pacto, expedit ut de singulis quædam specialia statuamus.

§ 1. De infantibus et amentibus.

PROPOSITIO.

Parvuli et amentes sunt domini capaces.

Prob. 1°. S. Paul. ad Galat. 4, 1: Quanto tempore

hæres parvulus est, nihil differt a servo, cum ut dominus omnium. Unde sic illi sunt domini capaces quibus S. Paulus tribuit dominium hereditatis relicte: atqui parvulus S. Paulus tribuit, etc.; ergo....

2° Ratione. Si parvuli et amentes dominum non essent capaces, maxime quia ad habendum dominum requireretur usus rationis vel actualis vel saltem antecedens: atqui neutrum: non actualis, alioquin dormiens aut ebrius dominum amitteret; non antecedens, quia, ut ait Billoart, dominium habituale immediate fundatur in potentiis quæ usum rationis præcedunt; ergo....

Et verò quid est dominium? relatio quedam inter dominum et rem ipsius, vi ejus relationis res dicitur illius, ita ut alia persona sine injustitiâ illud objectum detrahere nequeat: atqui nihil repugnare videtur cur non possit existere talis relatio inter parvulum aut amentem et bona fortunæ, præsertim cum jure gentium statui potuerit implicite vel explicite bona quedam ad illos pertinere absque ullâ acceptatione, sicut advenit quotidie ex jure nostro in legatis quæ cedunt infantibus ante omnem usum rationis, juxta art. 725; ergo....

Obj. Ad acquirendum dominium requiritur acceptatio: atqui parvuli et amentes sunt incapaces acceptationis; ergo....

Resp. Dist. maj.: Quoties non intervenit jus gentium, conc.; quando intervenit jus gentium, neg. Fateor equidem ad acquirendum dominium requiri acceptationem ubi non intercedit jus gentium, quia tunc bona nullo vinculo nobis devincirentur; nego verò, cum occurrat jus gentium, desiderari acceptationem, quia statui potest auctoritate legitimâ bona quedam ad infantes et amentes pertinere. Hæc intelliguntur de bonis fortunæ, quia bona naturæ absque acceptatione verè acquiruntur.

§ 2. De filiis familiâs.

(Cod. civ. ab art. 371 ad art. 489.)

Filii familiâs dicuntur illi qui ex legitimo matrimonio orti, cujuscunque sicut sexus, adhuc potestati paterne subjacent. Porro, juxta hodiernum codicem isti subijciuntur paternæ potestati, donec fuerint emancipati vel annos majoritatis assecuti, art. 372.

Emancipatio fit vel pleno jure per matrimonium, art. 476; vel per patrem, aut defectu patris, per matrem, post completum annum 15, art. 477; vel defunctis patre et matre, per consilium familiæ post completum annum ætatis 18, art. 478.

Majoritas locum habet pro utroque sexu statim ac quis annum 21 compleverit, art. 388. Tunc unusquisque cujuslibet ætatis vite civilis est capax, art. 488. Sed in matrimonio contrahendo perseverat minoritas usque ad annum 25 pro maribus, et 21 annum pro feminis, art. 148.

His præhabitis, statuimus principia quibus nunc reguntur jura filiorum familiâs.

Jus filiorum familiâs spectari potest, vel quoad dominium directum seu proprietatem, vel quoad do-

minium utile seu usufructum, vel quoad administrationem bonorum. Itaque tria submittuntur principia ad determinanda jura filiorum familiâs.

I. PRINCIPUM: *Fili familias habent sicut et ceteri homines dominium directum in bona quæ legitimo titulo ipsis obveniunt, cujuscunque sint generis.* Etenim codex civ. parentibus usufructum quibusdam in casibus concedit; ergò dominium directum remanet filiis familiâs. Equidem codex illud non dicit expressè; unde primo intuitu videtur vigere jûs antiquum quo plurima bona cedebant parentibus; sed, ex art. 7 legis 21 martii 1804, leges veteres obsoleverunt in materiis quæ sunt objectum legis in codice: jam verò sic se habet materia præsens, cum de illâ titulus existat in codice.

II. PRINCIPUM: *Parentes habent dominium utile in omnia generatim bona filiorum usquedum isti emancipati fuerint, vel annum 18 compleverint, annexis tamen quibusdam oneribus nisi huic dominio renuntiaverint, art. 584.*

Dixi, 1° parentes, id est, durante matrimonio, pater solus, et dissoluto matrimonio, mater, cum hoc tamen discrimine, scilicet, si pater supersit, usufructum servat, etiamsi novum contrahat matrimonium, dum mater, si transeat ad secundas nuptias, usufructum ita amittit, ut, si forsitan iterum vidua fiat, illum recuperare non possit, art. 386. Ut hoc beneficium à lege obtineant parentes, negligere non debent inventarium rerum defuncti, si post illius obitum adsint filii minores, art. 1442.

2° Dominium utile, id est, commoda, fructus, emolumenta bonorum, art. 584, 589. Lex voluit ut parentes quodammodo fierent indemnes pro expensis quas exegit filiorum educatio, et simul providit ne parentes haberentur à filiis velut merè mandatarii, à quibus ratio potuisset postulari magno cum detrimento pietatis filialis.

3° In omnia generatim bona, quia lex ipsamet quasdam apposuit restrictiones: sic excipiuntur, 1° bona quæ acquiruntur industriâ separatâ, art. 387; 2° ea quæ ipsis dantur vel legantur sub conditione quòd nec pater nec mater illis fruantur, eod. art. ac suprâ; 3° ea quæ proveniunt ex successione quâ excluduntur pater et mater tanquam indigni, art. 730; 4° ea quæ majoratum component, ex decisione consilii statûs à gubernio approbatâ 18 die januarii, 1811. Horum omnium usufructus sicut et proprietas ipsis filiis familiâs cedit.

4° Filiorum legitimorum, quia parentibus non competit usufructus in bona spuriorum et naturalium; nullibi lex hunc concedit; è contrario legislator manifestè supponit matrimonium adfuisse, cum dicat, *durante matrimonio, pater, vel, dissoluto, superstes...* art. 584; sic statuitur in gratiam morum bonorum.

5° Usquedum isti emancipati fuerint vel annum 18 compleverint; tunc cessat jus parentum, art. 584. Citius cessaret illud jus, non obstante art. 620, si filius ante hoc tempus decederet. Lex usufructum non tribuit parentibus nisi propter onera: porro onera

cessant morte parvuli; ergo. Et verò jus illud afflicti bona filiorum in quantum præcisè ad illos pertinent: atq., adveniente eorum morte, jam ampliùs ad illos bona non pertinent; erg. Sic Delvincourt, Toullier, Joubert.

6° *Annexis tamen quibusdam oneribus.* Ea onera hæc sunt, ex art. 385: 1° « Les charges auxquelles sont « tenus les usufruitiers; » porro de his art. 606 et seq. usque ad 616 incl.; 2° « la nourriture, l'entretien et l'éducation des enfants, selon leur fortune; » 3° le paiement des arrérages ou intérêts des capitaux; 4° les frais funéraires et ceux de la dernière maladie. »

7° *Nisi usufructui renuntiaverint;* cum in gratiam parentum jus illud concessum fuerit veluti privilegium, huic renuntiare poterunt si ipsis sit onerosum.

III. PRINCIPIMUM: *Pater, vel illo defuncto, superstes, omnium bonorum filiorum familiâs servat administrationem, sive filii habeant in ea dominium plenum, sive habeant tantum dominium directum, donec isti sint majores qui emancipati,* art. 389, 481, 482, 483. Licet donator possit parentes usufructu privare, non potest tamen ab illis administrationem abstrahere; sic Paillet, in art. 387.

Majores omnimodam et emancipati non nisi restrictam obtinent bonorum suorum administrationem, art. 457, 458, 459, 481 et seq. 903, 1095.

Ex his solvuntur quæstiones practicæ huic materie affines.

Quer. 1° an filii familiâs habeant dominium plenum in bona quæ sibi à parentibus dantur?

Resp. 1° Filii fam. habent dominium plenum in bona primo usu consumptibilia quæ sibi à parentibus dantur, v. g. cibum, vinum, pecuniam, etc., *nisi quædam apposita fuerit restrictio*, cum eis uti et abuti possint absque alterius injuriâ, siquidem parentes in gratiam filiorum illa penitus abjecerunt; ergo. Dixi, *nisi apposita fuerit restrictio*; nam si parentes ea bona tantum dedissent pro usu determinato, v. g., ad libros emendos, pensionem solvendam, munuscula domesticis juxta consuetudinem conferenda, tunc filii familiâs non haberent in ea dominium plenum. Igitur si ad alium finem ea impenderent, restitutioni obnoxii essent, nisi parentes in illam distractionem consentientes rationabiliter præsumantur.

2° Filii fam. non habent nisi dominium utile in bona à parentibus sibi data, quando primo usu non consumuntur, v. g., vestes, libros, scapellos, etc.; nam aliud jus non habent in res hujusmodi quam jus à parentibus concessum: atqui supponuntur parentes eas res concedere ad usum et non ad abusum; ergo... Hæc itaque bona filii fam. donare, vendere aut mutare non possunt absque consensu parentum saltem bene præsumpto.

Quer. 2° utrum lucra quæ facit filius fam. in domo paternâ, ad ipsum vel ad patrem pertineant?

R. Extrâ omnem discussionem ponenda est hypothesis in quâ lucra filii familiâs necessaria forent ad vitam parentum sustinendam. Ferè omnes theologi

docent filium familiâs in hæc circumstantiâ non posse retinere lucra quæ facit in domo paternâ; id manifestum est, tum jure naturali, quo filii parentibus egentibus, saltem ex pietate, subvenire tenentur, tum jure civili, cum ex art. 205, quo sanè legislator voluit aliquid addere legi naturæ, ista sufficiat ad docendum parentibus egenis filios debere alimenta. Juxta art. citatum conceditur parentibus egentibus actio contra filios coram tribunalibus exercenda, ac proinde in illis agnoscendum est jus strictum retinendi lucra quæ facit filius familiâs in domo paternâ; atque iterum consequenter filius familiâs non potest ea lucra in hoc casu repetere. Sed, suppositâ non paupertate parentum, in sinuandæ sunt plures distinctiones ad claram quæstionis solutionem.

Vel illa lucra acquiruntur à filio fam. industriâ separatâ, v. g., labore extraordinario et indebito, arte propriâ, commercio peculiari; vel acquiruntur industriâ communi, v. g., unâ cum patre laborando, vel nomine patris negotiando.

Si prius, filius fam. statim habet in ea dominium plenum, cum ipsi lex conferat istorum proprietatem et usumfructum, art. 387; non tenetur tamen filius impensas deducere, quas in eo alendo fecit pater hujus industriæ conscius, nisi aliter stipulatum fuerit, quia, ex art. 852, tales impensæ non computantur in partem hæreditatis.

Si posterius, vel illa lucra acquisivit ut socius patris, putâ si unâ cum patre agit commercium; vel acquisivit ut mandatarius patris, v. g., famulus aut minister.

Si prius, filius fam. jus non habet ad lucrum ex societate proveniens, etsi vera sit illa societas, *nisi actu authentico constituta fuerit*; quia, ex art., 854, hæres quicumque, ac proinde filius, in hæreditatem tenetur conferre quidquid ex labore cum defuncto communi, quovis titulo percipere potuit. Lex sic statuit ne fraudes committerentur, scilicet, ne quid sub prætextu societatis aliquid ultra partem disponibilem recipiat. Dixi, *nisi societas actu authentico redacta fuerit*; eâ solemnitate adhibitâ, jam nullum est periculum ne fraus sub specie societatis committatur, ac consequenter lex irritans conventionem inutilis et imò esset odiosa, art. 855, 854.

Si posterius, filius fam. semel emancipatus, vel 18 annos assecutus, habet dominium plenum, saltem ratione stipendii vel salarii, servatis quibusdam conditionibus, in bona quæ acquiruntur industriâ communi. Filius non deterioris est conditionis ac extraneus: atqui extraneus jus strictum habet ad stipendium; erg. Et verò filius fam. non tenetur laborare gratuitò pro parentibus non indigentibus; neque jure naturali, cum hoc non præcipiat nisi reverentiam in illos parentes; neque jure civili, quod hæc de quæstione omnino silet; erg. Unde filius familiâs contra justitiam non peccat, et ad restitutionem non tenetur, repetendo, vel clam subripiendo lucra quæ fecit in domo patris sui. Sic sentiunt Lessius, Delugo, Navarrus, etc.

Dixi 1°: *Semel emancipatus, vel 18 annos assecutus*, quia ante hoc tempus filius familiâs habet tantum do-

minium directum bonorum quæ acquiruntur industria communis, horum vero usufructum parentes retinent, art. 584.

Dixi 2° *ratione stipendii vel salarii*, adeo ut lucrum quod proveniens labori et industria correspondeat, et distinguatur a lucro quod ex societate commercii ortum duceret. Inter utrumque magnum adest discrimen, cum lex uni et non alteri resistat.

Dixi 3° *servat quibusdam conditionibus*. Hæc enim requiruntur, 1° ut filius vel expressè vel implicite manifestaverit se non velle titulo gratuito laborare; alioquin lucra patri reliquisse censeretur; unde, si promiserit gratis laborare, vel nullatenus de lucro cogitaverit, vel de eo cogitans taceat ob levis metum, vel, optione illi datâ abundi aut gratuito laborandi, domi remanserit, nihil repetere potest, quia lucro renuntiavit; 2° ut pater per se vel per alios minori pretio id non fecisset quod fecit filius; 3° ut deducantur impensæ quas tunc temporis fecit pater in filio alendo vel vestiendo vel educando, quia pater non tenetur alere aut vestire filium propria habentem; aliter dicendum est de impensis quæ præcesserunt, nam pater censebatur gratuito tunc filium educare et vestire; 4° ut hæc bona ante emancipationem suam filius non repetat; et si enim filius post emancipationem vel 18 annos usufructum acquirat, administratio penes patrem usque ad majoritatem vel emancipationem filii manet.

Quod dicitur de filio familiâs relativè ad patrem vel matrem, pro lucris quæ fecit in domo paternâ, extendi debet ad filiam familiâs, ad nepotem, ad neptem, ad aliam quæcumque personam consanguineam vel extraneam, quæ simul cum alia operatur.

Cæterum, rarissimè in praxi permittenda est illa sententia, quia rarò concurrunt omnes conditiones quas exposuimus. Eâ tantum uti potest confessarius ad solvendas difficultates eorum, qui sub tali prætextu aliquid patri vel illius hæreditati subtraxerunt.

§ 3. De uxoris.

(Cod. civ. ab art. 1387 ad art. 1581.)

Sponsi matrimonium ineuntes constitui possunt quoad bona vel sub regimine communitatis, vel sub regimine communitatis exclusivæ, vel sub regimine dotali. Pro diversis illis regiminibus diversa sunt uxoris jura.

I. De dominio uxoris sub regimine communitatis.

Regimen communitatis illud est quo fit inter conjuges quedam bonorum societas: dicitur regimen communitatis *legalis* vel *conventionalis*, prout illa bonorum societas jure communi regitur vel modificatur stipulationibus conjugum. Regimen communitatis *legalis* locum habet quando conjuges matrimonium ineundo nullam specialem paciscuntur conventionem pro bonis, vel declarant per contractum matrimonialem se velle nubere sub regimine communitatis. Regimen communitatis *conventionalis* nihil aliud est quam communitas legalis cui contrahentes varias apponunt clausulas à lege non prohibitas; sub utroque illo re-

gimine bona sunt *communia* vel *propria*. Bona *communia* ea sunt quæ communitati ex lege aut conventionem matrimoniali subiacentur, art. 1404, usque ad 1405. Bona *propria* ea sunt quæ exclusive pertinent ad alterutrum ex conjugibus, quidam sunt bona immobilia de quibus sermo est art. 1404, usque ad 1408. His præhabitis, duæ assertiones pro bonis de quibus suprà.

1° ASSERTIO: *Uxor ferè nullum habet jus in bona communia quandiu perseverat communitas*. Licetnè dominium directum, dominium utile et administratio bonorum communium, marito, non quidem ut absoluto domino, cum quedam ei imponantur restrictiones, art. 1422, sed ut capiti exclusive tribuantur, art. 1421. Unde actus quos uxor, *durante communitate*, elicit absque consensu mariti, etsi fiant auctoritate justitiæ, non gravant bona communitatis nisi in paucissimis casibus, art. 1426, 1427. Dixi, *durante communitate*, quia, eâ solutâ, uxor, si velit ei stare, jus habet ad dimidiam partem bonorum, juxta regulas quæ statuuntur ab art. 1467, usque ad 1491.

2° ASSERTIO. *Uxor dominium solummodò directum servat in bona propria*. Apertè illud supponit art. 1428. Dixi, *dominium solummodò directum*, quia dominium utile communitati advenit, art. 1401, et administratio marito cum quibusdam oneribus tribuitur, art. 1448. Si autem maritus ea onera non impleat, invocare potest uxor dispositiones articuli 1443 et seq.

Matrimonium sub regimine communitatis conventionalis easdem sequitur regulas ac matrimonium initum sub regimine communitatis legalis, in iis quibus explicitè aut implicitè derogatum non fuit. Si quid communitati legali additum vel detractum fuerit per contractum matrimonialem, huic standum est.

II. De dominio uxoris sub regimine communitatis exclusivæ.

Regimen communitatis exclusivum est veluti medium inter utrumque, communitatis videlicet et dotale. Tunc locum habet quando conjuges, non stipulato regimine dotali, declarant se matrimonium inire sine communitate vel cum bonorum separatione, art. 1529. Istius regiminis hæc sunt principia.

1° ASSERTIO. *Si matrimonium simpliciter contrahatur sinè communitate, uxor conservat dominium directum omnium bonorum suorum saltem immobilium*. Durante matrimonio, maritus eorum habet usufructum et administrationem, art. 1530, 1531, excepto casu articuli 1634. Dissoluto autem matrimonio, immobilia in re, et mobilia saltem in valore vir reddere tenetur, art. 1552, 1553.

2° ASSERTIO. *Si matrimonium contrahatur cum bonorum separatione, uxor habet dominium directum, dominium utile et administrationem omnium bonorum suorum sive mobilium, sive immobilium, modò partem reddituum conferat ad onera matrimonii sustinenda*, art. 1556, 1557.

III. De dominio uxoris sub regimine dotali.

Regimen dotale nomen suum non accipit à consti-

tutione dotis : in aliis duobus regiminibus dos potest constitui; sic nominatur quia dos, quando constituitur sub hoc regimine, peculiaribus gaudet privilegiis, art. 1540 usque ad 1581. Ad regimen dotale non sufficit quædam dotis stipulatio, nec exclusio communitalis, neque etiam bonorum separatio, sed requiritur expressa declaratio, art. 1592.

Sub hoc regimine bona uxoris sunt vel *dotalia*, vel *paraphernalia*. *Dotalia* ea sunt quæ mulier tradit marito ad sustinenda matrimonii onera, art. 1540, 1541. *Paraphernalia* sunt omnia uxoris bona in dotem non constituta, art. 1574. Hæc ultima differunt à bonis propriis; propria habentur sub regimine communitatis, dum paraphernalia sub regimine tantum dotali inveniuntur.

1^a ASSERTIO. *Uxor ordinariè habet dominium directum bonorum dotalium*, art. 164. Cætera jura marito competunt, art. 1549, salvâ tamen stipulatione quâ conjuges convenerunt de quâdam parte reddituum ab uxore pro suis privatis necessitatibus percipiendâ, art. 1545.

Dixi *ordinariè*; quia si bona sint primo usu consumptibilia, art. 1587, vel mobilia æstimata, art. 1551, uxor non habet jus nisi ad valorem. Tunc maritus dominium directum, usumfructum et administrationem obtinet cum obligatione restituendi, soluto matrimonio, juxta id quod præscriptum est, art. 1564.

Fatendum est tamen restrictum esse dominium directum quod, pro diversis casibus, uxor vel maritus obtinet in bona dotalia immobilia, cum ea nec ab uxore, nec à marito, nec ab utroque simul, etiam accedente judicis auctoritate, alienari aut oppignerari queant, art. 1554, nisi in novem circumstantiis à lege prævisis, art. 1555, usque ad 1559.

2^a ASSERTIO. *Uxor habet dominium directum, dominium utile, et simul administrationem bonorum paraphernalium, quibus tamen quædam annectuntur onera*. Dominium directum implicite, cum nullibi marito tribuatur, et explicitè dominium utile cum administratione, art. 1576, uxori codex relinquit.

Dixi, *quibus tamen annectuntur quædam onera*. Si enim paraphernalia sint omnia uxoris bona, uxor oneribus matrimonii pro parte conventâ, vel deficiente pacto in contractu matrimoniali, pro tertiâ parte concurrere debet, art. 1575, 1576.

Ad hæc bona revocari possunt ea quæ comparat uxor vel propriâ industriâ, vel labore extraordinario post datam familiæ debitam attentionem, vel quid subtrahendo de sibi concessis ad cibum, vestitum, recreationes, vel aliquid accipiendo titulo donationis, sub conditione quod maritus in rem datam nullum jus habeat.

Nota I. Sub quocunque regimine nupserit mulier, non potest bona sua immobilia inter vivos donare, alienare, oppignerare, vel aliena titulo gratuito aut oneroso acquirere, absque consensu mariti vel judicis auctoritate, art. 217, 219.

Nota II. Sub quocunque regimine nupserit mulier, etiamsi quoad bona separata sit, aut mercaturam pu-

blicè exercent, non potest stare in judicio absque auctoritate mariti vel judicis, art. 215, nisi in jus vocetur tanquam rea, art. 216.

Collige 1^o uxorem peccare contra justitiam, et ad restitutionem teneri erga maritum vel ejus hæredes, si aliquid de fructibus rerum dotalium, vel de bonis communibus, vel multo magis de bonis propriis viri subripiat aut assumat, *marito rationabiliter invito*. Ratio est quia, ex dictis, violat jus strictum alterius.

Dixi, *marito rationabiliter invito*; sunt enim casus, in quibus uxor de bonis familie absque peccato et injustitiâ disponere potest. Sic potest uxor de bonis communibus vel de fructibus dotalibus clam subripere, quantum opus est ad suam decentem sustentationem, ad familiam alendam, ad filios educandos et collocandos secundum suum statum, ad moderatas elemosynas quas facere consueverunt piæ mulieres ejusdem conditionis, ad dotem suam conservandam, si immineat inevitabilis decoctio, ad extinguenda debita legitime contracta, si maritus solvere nolit; quia hæc omnia sunt onera communitatis.

Utrum autem uxor iisdem bonis possit patri vel matri vel proli indigenti, si quam habeat ex alio matrimonio, subvenire? Ità videtur, si nupserit sub regimine communitatis; tunc omnia onera matrimonii utrique conjugum sunt communia, ex art. 1409 collato cum articulo 206. Aliud est, si nupserit sub regimine dotali; maritus enim non tenetur præstare alimenta parentibus uxoris suæ indigentibus, nisi in subsidium et loco uxoris, quando ista non habet bona propria, art. 205, 206, 1558.

Collige 2^o maritum peccare contra justitiam, et ad restitutionem teneri erga uxorem vel ejus hæredes, si bona uxoris propria, aut dotalia, aut paraphernalia dissipet, vel accipiat et impendat, *ea invitâ*, fructus eorum bonorum, quorum illa habet usumfructum. Ratio est quia violat jus strictum uxoris vel in dominio directo, vel in dominio utili.

Dixi, *invitâ uxore*, quia, si maritus paraphernalium fructus percipiat sine mandato et impedimento uxoris, lucratur fructus consumptos, et tenetur tantum, sive post dissolutionem matrimonii, sive post uxoris petitionem, fructus exstantes restituere, art. 1577 et 1578.

An verò teneatur ad restitutionem maritus qui bona communia, invitâ uxore, in usus malos aut vanos notabili quantitate impendit? Affirmant qui volunt maritum esse merum communitatis bonorum æconomum. Negant alii qui censent maritum esse bonorum communitatis dominum. Nobis, ex art. 1421 et 1422, distinguendum videtur: si maritus, dissipando bona communia, sese continuerit intra limites juriurum, quæ à lege sibi concessa sunt, etsi peccaverit contra charitatem vel prudentiam, ad restitutionem non erit obligandus, modo inde rem propriam non auxerit. Si autem prædictos juris limites excesserit, v. g., titulo gratuito bona immobilia vel bonorum mobilia universitatem alienaverit, cogendus est ad restitutionem.

§ 4. De clericis.

Bona clericorum triplicis sunt generis: *patri-*

monialia, quasi-patrimonialia et ecclesiastica.

Patrimonialia seu profana sunt ea quæ clerici sibi comparant mediis sibi et laicis communibus, v. g., hereditate, donatione, venditione, professione liberali vel liberali sine respectu ad clericatum. Dicuntur profana quia ita sunt ratione functionis et salarii.

Quasi-patrimonialia seu quasi-ecclesiastica sunt quædam honoraria ex bonis fidelium provenientia et clericis data ob illorum sacras functiones, v. g., concionis, cantus in choro, missæ celebrationis, sacramentorum dispensationis, funeralium obsequiorum. Sic vocantur, quia profana sunt, quatenus proveniunt ex bonis fidelium profanis, et sacra, quatenus dantur ob sacras functiones.

Mere ecclesiastica ea sunt quæ proveniunt ex bonis Ecclesiæ appropriatis, et dantur propter munus spirituale. Sic olim beneficia. Appellantur mere ecclesiastica, quia sacra sunt, quatenus ob functiones sacras dantur et proveniunt ex bonis Ecclesiæ dicatis ac proinde sacris.

Varia sunt clericorum jura pro variis illis bonis.

Dico 1°: Clerici plenum habent dominium in bona patrimonialia, quia non amiserunt eorum proprietatem; neque voto, cum paupertatem non voverint; neque lege, cum lex ipsis hoc dominium non abstulerit; ergo.

Dico 2°: Clerici, juxta communioem et probabilio-rem sententiam, plenum habent dominium in bona quasi-patrimonialia, adeo ut de illis pro libito disponere possint absque ullâ obligatione restituendi. Ita bona clericis à fidelibus traduntur absque restrictione ad certum usum et citra onus superflua in pias causas erogandi; ea quippe dantur titulo vel congruæ sustentationis, vel mercedis pro labore extraordinario, vel compensationis pro lucris quibus renuntiavit, et impensis quas fecit sacræ militiæ candidatus ut se reddat aptum ad clericalia munia ritè obeunda: quocumque autem titulo præfata bona clericis obveniant, traduntur absque restrictione; ergo. Et verò illa bona pertinent vel ad clericos, vel ad ecclesias, vel ad donatores: atqui non duo posteriora; non ad ecclesias, cum ipsi non approprientur; non ad donatores, cum ea penitus abjecerint; ergo... Præterea sic Bened. XIV in opere de Beatific. servorum Dei, lib. 3, cap. 54, n. 23: « Reditus sunt in duplici differentiâ: alii qui proveniunt ex bonis patrimonialibus vel quasi-patrimonialibus, alii qui proveniunt ex bonis ecclesiasticis: honorum primi et secundi generis, ecclesiastici dominium habent: possunt eorum reditus sibi retinere vel etiam aliis pro libito largiri. » Ergò. Hinc non tenentur ad restitutionem hæredes sacerdotis quibus ille bona quasi patrum. reliquit.

Dico 3°: Circa bona ecclesiastica tria constant, scilicet, 1° clerici non habent dominium in fundum honorum ecclesiasticorum, eo sensu quòd illum valide vendere, donare aut commutare possint; 2° clerici juxta strictum habent in omnia ex his bonis quæ necessaria sunt ad honestam sustentationem: *Qui altari deserviunt, cum altari participant*, I. Cor., 9, 7, 13; hinc, etiamsi

alia habeant bona quibus decenter vivere queant, de bonis ecclesiasticis sumere possunt id quod necessarium est ad convenientem clericatum; hinc, si parti congruæ sustentationis parcant, in eam acquirunt dominium perfectum. 3° Clerici tenentur aliquo titulo reditus ecclesiasticos honeste sustentationi superfluos in pios usus sub penâ peccati mortalis impendere. Hanc obligationem, ait Bened. XIV de Syn. duce. 7, cap. 2, omnes Ecclesiæ canones clericis imponunt aut impositum supponunt.

Nunc difficultas est determinare an obligatio superflua honeste sustentationi in pios usus erogandi repetenda sit ex justitiâ vel ex charitate, vel ex religione vel ex lege ecclesiasticâ, vel ex alio titulo. Theologi circa hanc questionem in diversas partes abeunt.

Quid agendum in tantâ opinionum diversitate? Conc. Trid., rationibus et auctoritatibus utrinque perpensis, unam præ aliâ non assumi est amplecti sententiam. Cum decretum, quo interdictum episcopis ne redditibus ecclesiasticis consanguineos familiaresque suos augere studeant, sic efformatum esset, ut hujus prohibitionis hæc ratio adduceretur, *quia dispensatores tantum sunt*, in generali congregatione die 25 novembr. 1563, hæc verba Patribus expungenda visa sunt, et, intercedentibus cardinali à Lotharingâ, archiepiscopis Rhemensi et Granetensi, de facto fuerunt expuncta; unde mens Concilii Tridentini fuit ut in scholis maneret libera quæstio proposita. Iisdem momentis nixus Benedictus XIV Pontifex, traditionis ecclesiasticæ peritissimus, in aureo et immortalis opere de *Synodo diocesana*, ab eâ difficultate dirimendâ abstinuit, et in suis Synodis episcopos pariter abstinere monuit. Numquid post tot et tantas auctoritates nobis ultrâ progredi conveniat? Igitur satis erit pio sacerdoti, cum præsertim hujus controversiæ solutio, bonis ecclesiasticis hodiè ad honestam clericorum sustentationem vix sufficientibus, ad praxim parùm conferat, cognoscere gravem adesse obligationem, saltem ex religione, in pias causas superflua reddituum ecclesiasticorum impendenti: *Parvi enim refert*, scribit Bellarminus ad nepotem, *utrum quis damnetur quia peccavit contra charitatem, vel contra justitiam, non bene distribuendo facultates suas*.

In quâcumque tamen sententiâ, clericus graviter suis officiis infidelis defectu vel residentix, vel prædicationis, vel recitationis breviiarii, vel celebrationis missæ, vel aliorum munium pastoralium, ad restitutionem tenetur pro ratâ parte negligentix; adimpletio enim istarum functionum pensionis accipiendæ conditio est.

Ad hæc bona, nempe ecclesiastica, revocandæ videntur pensiones quæ clericis à gubernio vel à parochianis titulo *supplementi* solvuntur. Bona ecclesiastica sunt prædia vel reditus Deo dicata et Ecclesiæ appropriata ad clericorum sustentationem; atque tales sunt pensiones...: ergò. Et verò ea bona haberi debent ut ecclesiastica quæ dantur in compensationem bonorum ecclesiasticorum ablatorum; atqui tales sunt pensiones quæ clericis attribuantur, siquidem Pius VII non cessit bona ecclesiastica quæ fuerant à gubernio iniquè vendita tempore perturbationis Gallicæ, nisi ea

conditione ut eorum loco assignarentur pensiones vel redditus in honestam clericorum sustentationem: « De-
« claramus, ait Cardinalis Legatus, decreto circum-
« scriptiois sedium episcopaliū Parisiis dato, die 9
« aprilis 1802, earundem ecclesiarum dotationem ex
« iis redditibus conflata fore qui ab ipso gubernio,
« juxta præfatæ conventionis tenorem, singulis ar-
«chiepiscopis et episcopis assignandi erunt: » ergo...
Præterea confirmatur sententia nostra decisione sacre
penitentiariæ. Sic habet quesitum: « An salaria qua
in Belgio à gubernio solvuntur pastoribus et canonicis
induant naturam beneficiorum seu bonorum ecclesia-
sticorum, et annexam habeant obligationem inheren-
tem his bonis, scilicet strictam et canonicam obligatio-
nem expendendi superflua pauperibus seu piis causis,
et residentiae sub poenâ non faciendi fructus suos? » *Re-
sponsum*: « Sacra Penitentiaria, perpensis expositis,
respondet jam aliàs à S. Sede de consilio selectæ
congregationis responsum fuisse affirmative. Datum
Romæ, die 19 januarii 1819. » Hæc decisio, etsi
data fuerit pro Belgio, iisdem de causis Galliæ appli-
canda est.

Obj. 1°: Ea bona non sunt ecclesiastica quæ solis personis appropriantur; atqui ita pensiones de quibus supra, siquidem, ecclesiâ vacante, non solvuntur: ergo.

Resp. dist. maj. Quæ solis personis quâ talibus, conc.; quæ solis personis quatenus Ecclesias regunt, neg. Tunc enim indirectè ipsismet ecclesiis appropriantur ut vera dotatio, de qua loquitur Card. Caprara; porro ita sunt pensiones quæ clericis beneficiariis impenduntur: ergò.

Obj. 2°: Pensiones prædictæ eodem modo clericis tribuuntur quo laicis munia publica exercentibus; atqui omninò laicis cedunt pensiones: ergò et clericis.

Resp. neg. maj. Juxta conventionem gubernium inter et S. Pontificem initam, pensiones clericis tribuuntur in compensationem bonorum ecclesiasticorum; atqui bona substituta ejusdem sunt naturæ ac ea quibus substituuntur: ergò... dum verò laici publicas functiones exercentes ære publico tanquam salario solvuntur.

§ 5. De Religiosis.

Dominium religiosorum considerari potest vel quoad communitates religiosas, vel quoad religiosos improprie dictos, vel quoad religiosos proprie dictos. Ad hæc tria solvenda, ea tantum indicabimus quæ in præsentī rerum ordine alicujus utilitatis esse possunt.

I. De dominio communitatum religiosarum.

Sub nomine communitatum religiosarum hic comprehenduntur quælibet societates et religiosæ et merè ecclesiasticæ.

Communitates *generatim loquendo* habere possunt dominium rerum temporalium. Nam communitas religiosa, neque ex ordinatione Ecclesiæ, cum nullibi id prohibeat, neque ex intentione profitentium, cum profitentes intendunt tantum se ipsos obstringere voto

paupertatis, neque ex naturâ communitatis, cum aggregatio individuorum primariam illorum naturam non mutet, fit incapax domini temporalis. Ergo... Non ideò tamen permittitur communitati omnimodò temporalium dispositio, quia ejus dominium aliquatenus ligatur et restringitur ad sustentationem religiosorum, alimoniam pauperum et alios pios usus; nam hæc bona sunt Deo consecrata, ac proinde religiosè impendenda.

Dixi *generatim loquendo*, quia jure positivo et ecclesiastico, domini capacitas pro communitatibus sicut pro privatis restringi potest. Sic 1° ex jure canonico incapaces domini temporalis declarantur ordines mendicantes, videlicet, ordo Capucinorum et ordo Fratrum Minorum strictæ observantiæ, quibus addi debent domus Jesuitarum quæ verè professæ habentur, qualis est ea quæ Romæ floret: hi enim abdicaverunt dominium etiam in communi, ut nonnisi eleemosynis vivant. Sic 2° ex jure civili, acquirere et alienare nequeunt communitates ecclesiasticæ, quibus desunt quædam conditiones. Istæ conditiones lege diei 2 jan. 1817 exiguntur: 1° ut lege agnoscantur communitates; 2° ut obtineatur licentia à rege, si bonum acquirendum excedat 500 francos, et à præfecto, si bonum acquirendum 300 francos non excedat; 3° ut regis eamdem licentiam obtineant ad alienandum bona immobilia vel census ab iis institutionibus jam acquisitos.

II. De dominio religiosorum improprie dictorum.

Religiosi improprie dicti ii sunt qui in statu Religionis emisunt tria vota simplicia, nempe castitatis, paupertatis et obedientiæ. Jam verò illi sunt capaces domini in res temporales sive mobiles sive immobiles, in eo sensu quòd validè, etsi non licitè, possint eas acquirere, possidere et alienare. Etenim votum paupertatis neque *ex se*, neque *ex ordinatione Ecclesiæ* tollit capacitatem domini: non *ex se*, cum penes hominem non sit eam abdicare facultatem quæ ab ipso non pendet...; non *ex ordinatione Ecclesiæ*, cum Ecclesia vim proprietatis exclusivam voto simplici non alligaverit. Ergò nihil aufert religiosis improprie dictis capacitatem domini. Si quid strictius invenitur in Jesuitis qui post duos probationis annos emisunt vota simplicia, hoc provenit, non ex naturâ rei, sed ex privilegio S. Sedis, quæ istorum votis annexuit incapacitatem domini sub reservatione superioris. Ea verò capacitas quæ gaudent cæteri religiosi qui votis tantum simplicibus obstringuntur, non impedit quin graviter aut leviter peccent si ea utantur, disponendo de rebus suis absque dependentiâ superioris, quia isti votis suis saltem exercitium sui juris prohibuerunt.

III. De dominio religiosorum proprie dictorum.

Religiosi proprie dicti illi sunt qui in statu Religionis ab Ecclesiâ ritè approbato emisunt tria sollemnia vota, nempe castitatis, paupertatis et obedientiæ. Porro illi sunt incapaces domini in res temporales et externas, non quidem naturâ voti, cum votum solenne non differat à voto simplici, sed institutione

Ecclesie que voto solemniter tribuit vim proprietatis exclusivam. Sic Conc. Trid. sess. 25, cap. 2 de reg. statutis: *Et nemini regularium liceat bona mobilia vel immobilia tanquam propria, etiam nomine conventus, possidere vel tenere, sed statim ea superiori tradat*. Hinc nullam possunt rem temporalem pretio aestimabilem sine licentiâ superioris accipere, retinere, absumere, permutare, commodare, alienare, aut eâ uti, quia hæc omnia sunt actus proprietatis, cum fiant proprio arbitratu et absque dependentiâ à voluntate superioris.

Verum juxta probabiliorē sententiā non existunt in Galliis hujusmodi vota. Etenim fierent vel in societatibus recenter institutis, vel in veteribus societatibus in quibus olim emittebantur vota solemnia: atqui in quacunque hypothesi fiant, jam non habentur ut solemnia. Juxta præsentem Ecclesiæ disciplinam, tria vota religionis adeo inseparabilia sunt ut unum absque alio emitti non possit; atqui in Galliis jam emitti non potest votum paupertatis solemnē: votum paupertatis solemnē ex ordinatione Ecclesiæ excludit capacitatem domini, atque illa domini capacitas hodiernis temporibus abdicari non potest, quia jus civile, cui sese conformare tenentur omnes cives in his quæ sunt de foro temporali, statuit unumquemque ad contractus ineundos et successiones accipiendas habilem esse: ergo. Ea sententiâ confirmatur variis S. Penitentiariæ responsionibus, quarum una ad superiorem seminarii Nannetensis die 28 nov. 1818, alia ad Episcopum Lemovicensem anno 1820 et alia novissimè, præsertim pro monialibus, ad Episcopum Genomanensem 2 janv. 1836 directæ sunt. Vid. *Amicum Religionis Diarium*, 1 mart. 1836.

Hinc religiosi in Galliis validè habere possunt dominium, id est, acquirere, possidere, alienare, contractus facere, successiones recipere, et omnes actus proprietatis exercere. Sed, cum eorum votum ad minus valeat ut simplex, prædictos actus domini licitè exercere non possunt nisi cum dependentiâ superioris, juxta regulas paupertatis in ordine præscriptas.

ARTICULUS III.

DE OBJECTO DOMINII.

Objectum domini sunt omnes res usibus humanis accommodatæ: illæ sunt, respectu hominis, vel exteriores, vel interiores.

1° Exteriores sunt vel corporeæ, vel incorporeæ.

Corporeæ illæ sunt, quæ tangi possunt, ut fundus, vestis. Ecce sunt vel mobiles, vel immobiles. Mobiles illæ sunt, quæ se ipsas movent, ut animalia, vel quæ è loco in locum moventur, ut pecunia, supellex, navis, art. 527 et 528; immobiles istæ sunt, quæ naturâ suâ moveri non possunt, ut fundus, domus; vel ratione suæ destinationis tanquam immobiles habentur, ut animalia, instrumenta aratoria et alia similia, quæ dominus fundi in eo collocavit, vel colono tradidit ad culturam, quandiu fundo adherent, art. 517 usque ad 525.

Incorporeæ sunt res quæ tangi non possunt, sed in

jure consistunt, et solo intellectu percipiuntur, ut obligatio, hereditas, servitus. Hæc res sunt adhuc mobiles vel immobiles secundum mobilitatem aut immobilitatem rerum quas afficiunt. Sic mobiles dantur obligationes et actiones, quæ ad rerum mobiliarum acquisitionem tendunt, art. 529; immobiles verò dantur usufructus rerum immobilium, servitutes et actiones, quæ ad rei immobilis vindicationem tendunt, art. 526.

2° Interiores tres potissimum distinguuntur, vita, fama et libertas.

His notatis, omnes conveniunt res externas et sublunares, qualia sunt agri, montes, flumina, plantæ, metalla, bestie, jure naturæ cadere sub dominium hominis, homo enim à naturâ habet facultatem de his disponendi ad suum commodum, ex Psal. 8: *Omnia subjecisti sub pedibus ejus*.

Ut autem aliqua res objectum domini propriè dictum censeatur, tres potissimum conditiones assignantur a publicistis qui de jure naturæ et gentium scripserunt.

1° Ut res naturâ suâ sit apprehensibilis, id est, subiecti possit hominis potestati, alioquin dominium esset inutile ac proinde irritum. Hinc non dicimur habere dominium solis, lune, stellarum, quamvis contra justitiam peccaret ille qui nos injustè impediret à jure quod quis habet iis utendi.

2° Ut res alicui usui nobis esse possit. Ideò distracta sunt quedam objecta à statu primitivæ communitatis, ut ad nostram utilitatem inservire valeant. Vix tamen est aliqua res quæ ad aliquid non possit inservire; ad hoc sufficit aliqua voluptas ex ejus possessione percipienda.

3° Ut res possessionis exclusivæ sit capax, alioquin, si usibus communitatis vel universitatis destinaretur, nemo in eam, seclusis aliis, jus sibi tribuere posset; non datur alicui jus contra bonum publicum: hinc frustrâ quis vellet totum Oceanum occupare. Aliter tamen sentitur de fretis, et quibusdam maris partibus: interest quandoque gentium ea occupare, sive ad piscationem, sive ad legitimam defensionem.

Nunc expendendum superest an et quale dominium habeat homo in bona sibi interiora, scilicet vitam, famam et libertatem suam, de quibus sigillatim.

Quæres 1° an et quale dominium habeat homo in vitam suam et membra?

Resp. 1° Homo habet dominium utile in vitam et membra sua. Ille habet... qui sine peccato et absque alterius injuriâ membris suis et vitâ uti potest in suam utilitatem et in omnem usum à lege permissum; atqui ita homo....; nam quisque uti potest, absque alterius injuriâ, rebus quæ suæ sunt; atqui nihil homini magis est illius, quam quod ipsum constituit: ergo.

2° Homo non habet dominium directum in vitam suam et membra. 1° S. S. Sap. 16, 15: *Tu es, Domine, qui vitæ et necis habes potestatem*. Undè sic: Ille exhibetur potestas vitæ et mortis tanquam attributum Deo speciale; atqui illa potestas non esset Deo specialis, si homo ipse haberet dominium plenum in vi-

tam et membra sua; ergò. 2° Ratione. Si homo haberet plenum dominium in vitam suam et membra, jam de illis pro arbitrio disponere posset; atqui non... alioquin faceret injuriam et Deo, ejus depositum sibi creditum disperdit, et societati, quam privat jure quod ipsa habebat ad suos labores: ergò. Et verò vita et membra presupponuntur ad dominium: erg. non sunt objectum domini.

Ex eadem propositione apertè sequitur nec principem, nec rempublicam habere dominium in vitam suorum subditorum, sed solum Deum, qui solus est creator hominum, solusque eis vitam largitus est. Princeps tamen habet convenientem usum vite subditorum in ordine ad bonum publicum: sic potest exigere ut milites bellum cruentum incant, ne fines imperii invadantur, aut viri scelesti poenà mortis plectantur, ut pax et securitas communis societatem non deserant.

Quæres 2° an et quale dominium habeat homo in famam suam?

Resp. Homo habet dominium plenum in famam suam, quia ipsi competunt primarii actus domini circa eam; scilicet, potest homo famam proprio labore-comparare, ablatam ut suam repetere vel condonare, imò eam in multis casibus abdicare absque alterius injurià: ergò.... Sed illud dominium restringitur vel obligatione justitiæ; si quis, v. g., episcopus, parochus, pater, se infamare nequeat, quin alium aspergat infamià, aut se constituat in impossibilitate reddendi quod strictè alteri debet; vel obligatione charitatis ergà alios; si quis, v. g., vir boni consilii, ob infamiam quam sibi incuteret, non posset alteri præstare officia charitate debita; vel obligatione charitatis ergà se ipsum; si quis, v. g., absque rationabili causà, famæ abrenuntiaret, certè graviter peccaret, non minùs ac ille qui sinè prudentià bona sua administrat.

Obj. Ex eo quòd possimus condonare mutilationem membri, non sequitur nos esse dominos membrorum: ergò ex eo quòd possimus condonare læsionem famæ, non sequitur nos habere dominium in famam.

Resp. neg. conseq. et parit. Ratio disparitatis est quòd non condonemus ipsam mutilationem in se, sed tantum damnum ex mutilatione ortum; nam habemus dominium utile membri quo privamur per mutilationem: undè hanc læsionem condonamus; sed cum non habemus dominium directum membri, non possumus condonare ipsam mutilationem; ideò, si membrum restitui posset, non possemus condonare illius restitutionem; ubi verò agitur de læsione famæ, eam possumus directè condonare, etiamsi reparari possit: ergò.

Quæres 3° an et quale dominium habeat homo in alterum hominem?

Resp. Jure naturæ primario homo non habet dominium in alterum hominem, quia omnes homines jure naturæ sunt æquales, cum sint ejusdem naturæ, ex eodem parente orti, et ad eundem finem creati. Sed potest homo in alterum hominem habere domi-

nium, eo sensu quòd possit eum emere, vendere, vel illo ad laborandum uti; servitus enim, uti eam accipiunt Christiani, nihil aliud est quàm status subjectionis perpetuus, quo quis pro alimentis operas suas alteri præstare tenetur: atqui ille status nulli juri contradicit.

1° Non juri naturali. Jus naturale permittit ut quis de suo jure cedat vel illo privetur ob rationem sufficientem: atq. ideò quis fit servus, vel quia cedit usum suæ libertatis, vel illo privatur ob rationem sufficientem; etenim aliquis potest servus esse vel emptione, vel justà condemnatione, vel jure belli, vel conditione nativitatis: atq. in his omnibus homo fit servus vel quia cedit usum suæ libertatis, vel illo justà de causà privatur. Servus est 1° emptione, quia transtulit in perpetuum alteri dominium utile quod ipse habet in sua membra, sicut famulus transfert ad tempus pro pecunià vel gratià usum suorum membrorum; 2° justà condemnatione, quia judex poterat eum ad mortem condemnare, et à fortiori ad servitutem; 3° jure belli, quia victor hoc jus tenet ex conventionem gentium; 4° conditione nativitatis, quia princeps ob bonum publicum, videlicet ne filii ex servà nati pereant aut ne vivant furtis, cum parentes servi nihil habeant undè suis tribuant, statuit ut qui nasceretur ex matre servà jus haberet ad alimenta et vestes apud dominum sub conditione quòd sit servus: ergò.

2° Non juri divino. Si juri divino servitus contradiceret, ea lex reperiretur vel in vet. vel in nov. testamento; atq. neutr.; non in vet., cum lex Mosaica Israelitis concederet ut se traderent alteri in perpetuam servitutem, Exod. 21, Levit. 25; non in novo, cum S. Petrus hortetur servos ut dominos suos etiam dyseolos omni honore dignos arbitrentur: erg.

3° Non juri civili in genere. Nam apud gentes excellentissimas permissa est servitus, et etiamnum in variis regionibus permittitur: ergò.

4° Neque juri ecclesiastico, siquidem variis in locis juris canonici de servitute disseritur, et ea semper licita supponitur: ergò: aliundè...: erg.

Illud dominium non est nisi jus ad operas sub conditione quòd herus præstet servo quidquid ei necessarium est et rationabiliter utile corpori et animæ; hæc enim jura sunt essentialia naturæ humanæ quæ servus abdicare non potuit.

Colliges. 1° Commmercium nigrorum, quamvis in se lugendum, absolutè licitum esse, si justo titulo illi suà libertate priventur et humano modo à mercatoribus tractentur. Cum autem illæ conditiones ferè nunquam reperiantur, vix accidere potest ut culpà vacet illud commercium; ideò multis impeditur restrictionibus in nostris coloniis et aliis regionibus ubi adhuc viget.

Dices. Illud commercium est illicitum quòd dignitatem hominis evellit; atqui ita commercium nigrorum, siquidem eo admissio, homo fit venalis sicut equus et mulus: ergò.

Resp. neg. Olim religio Mosaica hoc commercium

Israelitis permisit, et nunc religio christiana, etsi vehementer illud moderatur, illud absolute non reprobatur. homo enim cum jus utile seu usum membrorum habeat, nihil vetat quominus illum transferat in alium per voluntariam servitutem. Exinde nemo conqueri potest quod equis et jumentis assimiletur homo; distinguenda sunt enim in homine quod est personale et quod est naturale; sub respectu personalium, factus est ad imaginem Dei, ac proinde nullam in terris similitudinem habet; sub autem respectu naturalium, bibit, manducat, et omnes alias exercet actiones brutis communes. Per servitutem alienatur tantum materialis vite et membrorum usus, qui quotidie pro hominibus sicut et pro brutis conducitur.

Colliges 2° servos emptione aut nativitate factos fugere non posse, nisi careant necessariis vel ad periculum impellantur; nam fugiendo dominum re suam et jure privarent. Si autem necessariis careant, vel ad peccatum impellantur, fugere possunt, quia, contractu ex una parte dissoluto, ex altera eo ipso dissolvitur. Item fugere possunt jure postliminii, si detur occasio fugiendi, servi bello facti: gentes enim quibus inductum fuit jus servitutis nunquam reclamare solent eos qui sic abierint. Item fugere possunt, cum spes evadendi subsit absque damno publico, servi iusta condemnatione facti, si pena sit onerosa et nimis longa; princeps non intendit incarcerationis imponere obligationem liberè vincula servandi cum ea facile solveantur; hæc lex proportionalis non esset communi hominum fragilitati, ac proinde potius in destructionem quam in ædificationem institueretur: ergo.

ARTICULUS IV.

DE VARIIS MODIS ACQUIRENDI DOMINIUM.

Modus acquirendi dominium est relatio moralis seu lege fundata quâ objectum domini subjecto ligatur. Acquiritur dominium vel per contractum, vel extra contractum. De modo acquirendi dominium per contractum agemus ubi de contractibus erit: hic verò discernimus de variis modis quibus dominium acquiritur extra contractum. Inter eos præcipue distinguuntur occupatio, inventio, accessio et præscriptio, de quibus statim.

§ 1. De occupatione.

Occupatio est apprehensio rei quæ nunquam dominum habuit aut censetur nunquam habuisse: nam, non obstante rerum divisione quæ primò facta est, plurima tamen remanserunt communia, indivisa et nulli appropriata, ut ferae in sylvis, pisces in aquis, aves in aere, gemmae, metallica venæ, lapilli, insulae inhabitatae, etc.

PROPOSITIO. - *Occupatio, servatis quibusdam conditionibus, est modus legitimus acquirendi primò occupanti dominium rerum quæ nullius sunt.*

Prob. Ille modus acquirendi est legitimus qui nulli fert injuriam; atqui modus acquirendi res quæ nullius sunt per primam occupationem nulli.... nam ibi nulla est injuria, ubi nullius jus leditur: et pñ nullius jus

leditur per occupationem rerum quæ ad neminem pertinent.

Dist. *occupatio quædam est conditio adus*, ut enim occupatio sit modum legitimum acquirendi dominium, plures exposcuntur conditiones vel ex parte rei occupate, vel ex parte occupantis, vel ex parte legum.

1° Ex parte rei occupate, requiritur ut res sub dominium privatum cadere possit, et ad neminem jam pertineat.

2° Ex parte occupantis, requiritur ut voluntatem habeat acquirendi dominium et eam aliquo facto sensibili manifestaverit.

3° Ex parte legum, requiritur ut occupationi non obstant; si enim leges obstarent, tunc illa bona occupari non possent, quia fieret alteri injuria, cum leges proprietatis determinativæ jus tribuant illi in cuius gratiam existunt.

Ex his principiis concludere est pene evanescere in Galliis modum acquirendi dominium per occupationem. Etenim juxta Delvincourt et alios juristas in interpretatione art. 715, omnia bona immobilia quæ nullius sunt in territorio jam ad gubernium pertinent. Itaque tota difficultas est pro quibusdam bonis mobilibus, maxime animalibus, rebus in mari vel in fluminibus repertis, spoliis bellicis et navalibus, et pro quibusdam aliis bonis huic questioni affinis, præsertim fodinis, lignis, et pascuis. His satisfaciemus in duplici numero.

N. 1. — *De rebus mobilibus occupationis capacibus.*

Bona mobilia, de quibus præcipue movetur questio, sunt animalia, res in mari vel in fluminibus inventæ, et spolia bellica et navalia.

1. — De animalibus.

Animalia triplicis sunt generis, 1° naturaliter mansueta et domestica, ut oves, gallinae, boves; 2° alia cieurata quæ ex feris mansueta fiunt, ut columbe in columbario, cuniculi in garenâ; 3° alia fera quæ liberè vagantur, qualia sunt animalia vel terrestria, ut lepores, vel volantia, ut aves in aere liberè volantes, vel natantia, ut pisces in mari aut fluminibus.

Quær. 1° Quomodo acquiratur per occupationem dominium animalium?

Resp. 1° *Animalia naturaliter mansueta*, quantumvis aberrant, semper remanent prioris domini. Ideò ad priorem dominum pertinere cessarent, quia, sic aberrando censerentur naturalem suam recuperasse libertatem: atq. non... cum ex naturâ suâ sint mansueta et domestica: ergo.... Si tamen tam procul abiissent et tam diu extrâ potestatem domini remansissent ut ad primordialem rediissent libertatem, tunc de illis eadem esset ratio ac de feris sylvestribus.

Hinc ad restitutionem tenetur qui animalium naturaliter mansuetorum lanam, plumas, ova, pellem, vel quancunque aliam partem etiam è lupi faucibus ereptam, sibi appropriaret. Improbabile verò non est quòd liceat illa occidere animalia, si sint minoris pretii, graviter noceant, et aliter damnum reparari nequeat: in eo casu cadaver ad dominum pertinet.

2° *Animalia cicurata* ad dominum pertinent quandiu servant consuetudinem ex liberâ vacatione revertendi ad dominum; tandiu pertinent ad priorem dominum quandiu non censentur suam primam libertatem recuperasse: atq. non censentur.... quandiu servant...., si quidem habitus revertendi à domino ipsis inmissus est vel vinculum morale et quasi funis quo retinentur et occupantur: ergo..... Alia citius, alia tardius hanc amittunt consuetudinem.

Hinc 1° injustum est pisces ex alterius vivario et columbas è columbario alieno in tuum appositis retibus aut aliis similibus attrahere. Secus, si pisces è vivario aut columbæ è columbario alterius in tuum sponte transeant, aut mediis tantum justis alliciantur, art. 564. Non judicantur mediis injustis prædicta animalia adducere qui suis duntaxat melius præbent pabulum aut locum opportuniorem ædificant.

Hinc 2° injustum est columbas aut cuniculos occidere, si ea animalia agris graviter non noceant aut aliter abigi possint. Aliter verò esset, si graviter nocerent aut quodam modo abigi nequirent, quia jus columbarii aut gerene hodiè non existit. Gallinæ non præsumuntur graviter nocere nisi tempore messis aut seminum, quo tantum durante, occidi possunt et retineri in compensationem damni illati: ita Gousset post Merlin, pag. 229. Alio tempore, harumce domini ante tribunal jus ad restitutionem haberent.

Hinc 3° examen apum quod ex alveario tuo avolat tuum manet quandiu in conspectu tuo versatur et difficilis non est ejus prosecutio. Statim ac impossibilis est ejus prosecutio, cedit, ex jure novo, non primo occupanti, ut jure communi fieri deberet, sed domino fundi vel arboris cui insidet.

3° *Animalia fera*, sive quia ita semper fuerunt, sive quia ad primam laxitatem redierunt, jure communi sunt primi occupantis, nisi capiantur in loco sepe aut muro concluso; ratio est quod nullus sint et à nemine repeti possint, cujuscunque sit fundus per quem transeunt vel in quo absconduntur: ergo. Dixi *nisi capiantur in loco concluso*, quia animalia censentur amisisse suam libertatem quando ad nutum comprehendi possunt; porro ad nutum comprehensibilia sunt animalia quæ in tali loco coercentur.

Quær. 2° Cujus sit fera si ab uno lædatur et ab altero comprehendatur?

Resp. Si quis feræ tale vulnus intulit ut adsit certitudo moralis illam capiendi, jam illius dominus est, quia moraliter per vulnus inflictum apprehensa est et quasi capta. Si autem vulnus tale non intulit ut adsit certitudo moralis feram capiendi, tunc fera cedit primo occupanti. Deniquè si dubium sit an lædens feram cepisset, dividendum est pro ratione dubii.

Quær. 3° Cujus sit fera, si unus laqueum tetenderit et alter illam deprehendat in laqueo comprehensam?

Resp. Si fera ita laqueo capta est ut non sit evasura, ejus est qui laqueum posuit, quia per instrumentum occupatur; unde non potest ab alio capi, sicut piscis per alterius rete jam comprehensus. Quòd si fera facilè sit evasura, fit jam primi occupantis, quia

nondum amisit primam libertatem. In dubio dividenda est præda.

Quær. 4° Quænam sint leges venationis et piscationis?

Resp. In Galliis facultas occupandi animalia per venationem et piscationem legibus specialibus limitatur et regitur, art. 715.

Sic ad venationem requiritur 1° permissio legalis, gallicè *port d'armes*; 2° proprietas fundi in quo venatur aut benè præsumptus domini fundi consensus; 3° tempus mandato præfecti statuum, nisi venatio fiat in propriis fundis muro circumclusis, aut sylvis propriis, absque canibus vulgò dictis *chiens courants*. (Lex 30 ap. 1790 et decr. 11 junii 1810, *bulletin des lois*, 5749.)

Sic ad piscationem requiritur, 1° pro fluviis navigabilibus permissio legalis, ut piscari liceat cum retis et lineæ dormienti; licet in fluviis absque ullâ licentiâ piscari cum manu et lineâ projectili; 2° pro fluviis non navigabilibus, proprietas ripæ adjacens, aut proprietarii consensus rationabiliter præsumptus; 3° in mari unicuique libera est piscatio, modò tamen adhibeantur retia statutis specialibus determinata. (*Avis du conseil d'état approuvé le 30 nivôse an 13, bulletin des lois*, n° 952.)

Quær. 5° An et quonam sensu obligent leges circa venationem et piscationem?

Resp. Leges illæ, cum bono publico non parùm provideant, sive prohibendo indiscriminatam armorum gestionem, sive multiplicationi avium et piscium invigilando, obligant in conscientiâ. Verùm, his legibus strictæ executioni passim non demandatis, viris probis legislatorem non intendisse sub gravi obligare communiter videtur. Quidquid sit, infringens illas leges, contra justitiam non peccat auferendo prædam, quæ non magis unius est quàm alterius. Peccaret tamen contra justitiam piscator qui absque licentiâ tantam piscium copiam destrueret, ut jus piscationis quod alter pretio conduxit, notabiliter redderetur vilius. Aliter verò dicas de illo qui sine licentiâ tantam avium multitudinem exploderet ut vix rare prædæ cæteris venatoribus relinquerentur. Ratio discriminis est quòd facultas venationis non conducatur pretio sicuti propriè locatur jus piscationis. Princeps, concedendo facultatem venandi, acceptâ modicâ summâ, non intendit ampliùs facere quàm dare chartam ut quis impunè venari possit.

II. *De rebus in mari vel in fluminibus inventis.*

Olim ea quæ sic inveniebantur dicebantur *épaves*. Duplicis erant generis: alia inveniebantur in fluminibus, vel in littore fluminum; tuncque appellabantur *épaves de rivière*: alia inveniebantur in mari, vel in littore maris, et ea vocabantur *épaves maritimes*.

Leges, quibus res ille determinabantur, non videntur penitus abrogatæ, cum praxi quotidianâ et sensu juristarum invocentur. Ex iis respondemus in sequentibus.

Quær. 1° Cujus sunt ea quæ in fluminibus vel littore fluminum reperiuntur?

Resp. Vel in fluminibus navigabilibus, vel in fluminibus non navigabilibus repenebantur. Si prius, post elapsum quoddam tempus, domino non comparere, fisco cedebat. Si posterius, nihil peculiare statutum fuerat: quare de his, sicut de rebus iniquitatis iudicandum est.

Quæst. 2. Cujus sunt ea que in mari vel in littore maris inveniuntur?

Resp. Circa ea constitutio regia anni 1681 distinguebat.

Quoad ea que e fundo maris proveniebant, sic statuiebatur: si ea objecta e fundo maris, vel e mediis fluctibus educiebantur, ad extrahentem seu inveniensem totaliter pertinebant. Si autem in littore maris repenebantur, tres habebant partes, una pro inventore, alia pro magno amirali, et altera pro fisco. Cum hodie sublatus sit officium magni amiralis, due ultime partes republice obveniunt. Ab hac regulâ parum recedebant plantæ maritimæ quæ capientis erant quando in littore fuerant rejectæ, et incolis riparum reservabantur donec saxis vel maris arena adhererent.

Quoad ea que in mare, levandæ navis causâ, projiciebantur, sic statuiebatur: si ea objecta in littore inveniiebantur, domino, si compareret, aut fisco, si non compareret, ex integro restituenda erant. Inventor, in eo casu, jus non habebat nisi ad mercedem pro labore. Si verò e medio mari extraherentur, tùm fiebant tres partes, quarum una inventori, alia magno amirali, et altera fisco cedebat. Nunc pars magno amirali destinata, fisco tribuitur. Vide Toullier, tom. 3 et 4.

III. De spoliis.

Spolia ea dicuntur quæ acquiruntur occasione belli. Duplicis sunt generis, bellica et navalia, prout acquiruntur occasione belli vel terrestris vel navalis. Quæcunque sint, cum, jure gentium, res hostium eodem ordine ponantur ac res nullius, occupationis objectum meritò habentur.

PROPOSITIO UNICA.

Princeps et solus princeps tantum potest, in bello justo, de bonis hostium sumere, quantum necesse est, tum ad compensationem damni et impensarum quæ fieri debuerunt, tum ad justam injuriæ vindictam, tum ad pacem et tranquillitatem obtinendam.

1^o *Princeps, in justo bello, tantum sumere potest de bonis hostium, quantum necesse est tum....* Judex potest in rem exercere omnia jura cum illud necessarium sit ad bonum, pacem et tranquillitatem publicam: atqui princeps qui justam habet causam belli, minus judicis censetur exercere in gentes divicias, et illud quidem necessarium est ad legitimam uniusejusque gentis defensionem, cum non aliud sit in terris tribunal ad lites gentium componendas: ergo.

2^o *Solus princeps, in bello justo, sumere potest de bonis hostium quantum necesse est....* Ille solus sumere potest de bonis hostium qui damna patitur, impensas facit, injuriam accipit, et tandem proprio nomine bellum agit: atqui ita solus princeps: ergo.

Dicti 1^o Ad compensationem damni, et impensarum, siquidem hostis iusta fuit causa detractionis simul et expensarum.

Dicti 2^o ad justam injuriæ vindictam, quia princeps hominem impium, sicut aliud bonum, tuum ac appetere potest et debet.

Dicti 3^o ad pacem et tranquillitatem obtinendam, quia tranquillitas et securitas sunt finis quem sibi proponere debet princeps, ac proinde infligi potest talis poena, ut hostis et alii a pace turbandâ efficaciter avertantur.

His duobus principis correspondent duo corollaria generalia, quorum ope solvuntur difficultates tempore belli frequentes.

Primum corollarium. Milites ea omnia possunt retinere, quæ exisse vel tacite fuerint à principe legitime concessa: potest enim princeps hæc bona ipsis concedere, sive ut inde minus gravetur ararium publicum, sive ut militum animi magis incitentur ad bellum, sive ut qui prælii pericula sustinent præ aliis, prout æquum est, commodis, si quæ sint, participant. Unde 1^o milites contra justitiam non peccant, cives urbis spoliando, quando victor in direptionem tradit urbem devictam. Unde 2^o milites non peccant contra justitiam, quando legitime missi vel approbati, quales vulgò *les partisans* in terrâ et *les pirates* in mari, excursions faciunt contra populos hostes, et eos bonis temporalibus expoliant, quia circa hæc communiter habetur consensus principum. Parvi refert an illa bona ab innocentibus vel reis auferantur, quia innocentes sicut et rei, quatenus pars communitatis, illius oneribus sublevandis concurrere debent.

Secundum corollarium. Milites ea sibi tantum arrogare possunt quæ legitime fuerint à principe, vel expressè vel tacite, concessa: milites enim non agunt nisi ut famuli et mandatarii principis, à quo solo derivatur potestas, quando adest justa belli causa, hostibus directe nocendi. Unde 1^o qui propriâ auctoritate aliquid subriperunt, sive apud suos concives, sive apud hostes, ad restitutionem tenentur. Unde 2^o milites qui absque ducis concessionem ceperunt ammonas, arma, aliaque belli instrumenta, pecunias in ærario publico contentas, vel ad thesaurum publicum pertinentes, restitutioni obnoxii sunt. Ratio est quia in his omnibus non præsumitur ex usu consensus principis.

Not. In primo corollario supponitur concessionem à principe factam legitimam esse. Si enim legitima non esset, vel quia bellum esset evidenter injustum, prout sæpius advenit in ultimis imperii temporibus, vel quia in bello justo jura gentium violarentur, prout agunt illi qui depredantur bona extraneorum et hospitum in oppido expugnato, pro nullâ haberetur. Ideò milites, qui tali consensu uterentur ad res hostium abripiendas, ab obligatione restituendi non immunes essent, nisi prius facta fuisset condonatio similis ei, quam principes, anno 1814, in favorem pacificationis, ad tranquillitatem publicam, sibi invicem concesserunt.

NUM II. *De rebus occupationi affinis.*

Inter eas præcipuè computantur fodinæ, ligna et pascua. Ea dici non possunt occupabilia, quia, ut pars vel fructus fundi, jam proprium habent dominum. Sed cum jus dominorum circa ea aliquatenus restringatur, de his pauca submittimus.

I. *De fodinis.*

Fodinæ sive metallicæ sive non metallicæ, quoad jura proprietarii, dividuntur in tres classes quæ vocantur, *mines, minières, carrières*. Sont considérées
 1° comme mines, celles qui contiennent en filons, en couches ou en masse, de l'or, de l'argent, du plomb, du fer, du charbon de terre; 2° comme minières, celles qui contiennent les minerais de fer dits d'alluvion, les terres alumineuses et les tourbes; 3° comme carrières, celles qui renferment les ardoises, les grès, les pierres à bâtir, les marbres, les substances terreuses et les cailloux de toute nature. (Loi du 21 avril 1810, art. 2, 3, 4.)

Vene quæ dicuntur *mines*, effodi nequeunt absque consensu gubernii, quod vel proprietario vel alteri, salvâ tamen justâ indemnitate, hanc facultatem concedere potest.

Vene quæ dicuntur *minières*, non indigent concessionem gubernii ut effodi valeant. Satis est ut propriarius declarationem suæ intentionis transmittat magistratui præfecti vices gerenti, si agatur de iis quæ nuncupantur *tourbes*.

Vene aliæ quæ vulgò appellantur *carrières*, effodi possunt absque licentiâ, servando tamen leges et statuta specialia. Vid. Toullier, tom. 3, n° 292 et seq.

II. *De lignatione.*

Per lignationem intelligitur collectio parvorum lignorum in sylvis. Talis collectio modo justa, modo injusta est. Itaque distinguitur.

1° Pauperes qui ligna viridia aut etiam sicca majoris pretii cædunt in sylvis ad privatos vel rempublicam vel communitem pertinentibus, contra justitiam peccant et restituere tenentur, quia violant jus strictum alterius, siquidem domini, quicumque sint, rationabiliter sunt invitati ut illud damnum sibi inferatur: ergo.

2° Pauperes qui ligna viridia aut sicca minoris pretii cædunt in sylvis ad privatos pertinentibus expendere debent an domini lignis aridis aut viridibus utantur ipsi. Si utantur, illa occupare nequeunt; si non utantur, ordinariè præsumitur illos non obstare quominus alii et maximè pauperes ea cædant et asportent: ergo.

3° Pauperes qui ligna viridia aut sicca minoris pretii, virgulta aut brachiola quæ arbores fieri nequeunt, in sylvis communibus cædunt ad frigus repellendum vel cibos coquendos, nec peccant, nec restituere tenentur. Ea concedere censetur communitas in gratiam pauperum: ergo. Alia esset conclusio, si pauperes ligna asportarent ad ea vendenda, nisi alio modo vivere non possent, aut nisi domini illud cognoscant et impedire non curent.

Annotandum est decretum consilii statum, anno 1806, die 9 julii, statuisse folia mortua sylvarum publicarum auferri non posse, eâ ratione quod arbusta tenera foreverent et terram opimam redderent.

III. *De pastione.*

Pastionis nomine hic intelligitur *conductio pecorum in pascua aliena*. An aliquandò licita sit? Adhuc distinguendum est. Illa pascua ad privatos vel ad communitatem pertinent.

Si prius, 1° pauperes qui sua ducunt animalia ad pascenda ea quæ dominus fundi collecturus est aut daturus in pabulum suis pecoribus, contrâ justitiam peccant et restituere tenentur; violant enim jus strictum alterius, cum domini sint rationabiliter invitati: ergo. 2° pauperes qui, frugibus et herbis collectis, sua ducunt animalia ad pascenda ea quæ dominus nec est collecturus nec suis animalibus in pabulum daturus, neque peccant neque restituere tenentur: jus alterius non violatur cum domini non sint rationabiliter invitati; sicque fert consuetudo recepta: ergo.

Si posterius, pascua communia sunt vel in sylvis vel in aliis locis. 1° Omnia communitatis membra et maximè pauperes jus habent pastionis in sylvis communibus, juxta decretum 1669, quod revocatum non fuit. Quædam tamen cautiones tum ratione temporis, tum ratione pecudum præscribuntur observandæ, ne scilicet damnum patiantur juniora arbustula. 2° Nihil speciale dicimus de pascuis communibus quæ sunt in locis campestribus, cum uniuscujusque jura pendeant ab usibus et locorum consuetudinibus.

§ 2. *De inventione.*

Inventio definitur *quædam occupatio rei à domino suo separatæ*. Porro res à suo domino quadruplici modo separari potest, vel quia dominus rem abscondit, et tunc dicitur thesaurus; vel quia invitatus eam amisit, et tunc vocatur res amissa; vel quia illam rejicit, et tunc est res derelicta; vel quia istam relinquit decedens absque hæredibus à sanguine et testamento, et tunc nuncupatur bonum vacans. Hinc totidem numeri.

NUM. I. — *De thesauro.*

Quær. 1° quid sit thesaurus?

Resp. Thesaurus definitur jure novo, art. 716: *res quæcumque abscondita vel infossa quam nemo probare potest esse suam, et quæ fortuito casu invenitur*.

Dicitur 1° *res quæcumque*, id est, sive vetus, sive recens depositio pecuniæ aut alterius rei mobilis pretiosæ, ut vasorum, gemmarum, annulorum, etc.

2° *Abscondita aut infossa*: si enim in aperto esset, non thesaurus, sed res amissa censeretur.

3° *Quam nemo probare potest esse suam*, alioquin haberet dominum cui certè restituenda foret.

4° *Et quæ casu fortuito invenitur*; videtur quòd illa verba ad essentiam definitionis non pertineant, quia, juxta Delvincourt et alios jurisperitos, ut res aliqua

sit thesaurus non requiritur absolute ut fortuito casu invenitur; ideo hæc clausula apposita fuit ne homines spe thesauri inveniendi incitarentur ad fodiendos aliorum agros.

Quær. 2° Cujus sit thesaurus?

Resp. 1° Jure naturali, thesaurus ad inventorem pertinet; quisque enim occupare valet ea quæ nullius sunt; atqui thesaurus est aut censetur nullius: ergo.... Et verò si quis thesaurum sibi vindicare posset in detrimentum inventoris, maxime fundi proprietarius cui codex civilis, art. 552, tribuit inferiora et superiora ejusdem fundi: atq. non potest jure naturæ, cum thesaurus non sit pars naturalis fundi: ita omnes ferè theologi et juriste, quamvis questio, si in se expendatur, difficultate non careat: ergo.

2° Jure civili, thesaurus totus est inventoris, si ab aliquo invenitur in proprio istius fundo: si autem invenitur in fundo alterius, media pars ad inventorem pertinet et altera media pars ad dominum fundi, art. 716. Hinc si invenitur in loco ad rempublicam, vel civitatem, vel ecclesiam pertinente, media pars reipublicæ, vel civitati, vel ecclesiæ cedit. Usufructuarius verò nihil exigere potest ex thesauri parte quæ domino tribuenda est, quia non est proprietarius.

Leges prædictæ obligant in conscientiâ, etiam ante sententiam judicis, utpotè directivæ et non penales, siquidem instituuntur ad proprietates rerum independentes à quolibet delicto determinandas.

Quær. 3° Quis sit inventor thesauri?

Resp. Si solum ad jus naturale attendetur, ille forsan diceretur inventor qui prior thesaurum manu, aut pede, aut alio actu proprietatis significativo apprehenderet; sed ex Codice nulla difficultas: ille est inventor, non præcisè qui apprehendit, sed qui detegit. Sic propriis terminis thesaurus jure definitur: *Res fortuito casu detecta*. Ità etiam judicavit Bruxellensis curia die quartâ martii 1810. Undè si opifex in agro laborans, licet de mandato domini, thesaurum detegeret, verè thesauri inventor esset. Aliud autem diceretur si dominus suspicans thesaurum latere in agro, opificem adhiberet ad effodiendum, quia opifex specialiter deputatus agit ut manus domini, aut potius ipsemet dominus.

Quær. 4° Quid juris si thesaurus ex industriâ invenitur?

Resp. Primo intuitu videtur quòd non sit thesaurus propriè dictus, quia fortuito casu non invenitur. Verum, cum hæc conditio minùs sit ad limitandos thesauros quàm ad arcendos homines à vesanâ cupiditate effodiendi agros alienos sub pretextu opes absconditas inveniendi, sequitur illam non absolute necessariam esse, ac proinde aliquid, etsi fortuito casu illud non invenitur, nihilominùs thesaurum esse. Undè intentio legis, hanc clausulam definitioni juris romani addendo, fuit tantum excludere à dispositionibus inventori favorabilibus eum qui absque consensu domini in fundo alieno thesaurum industriâ quærit.

Itaque ad clariorem solutionem, multiplici opus est distinctione.

1° Si *proprietaryus* industriâ thesaurum invenit in suo fundo, totus ad eum pertinet thesaurus, quia, ex unâ parte hoc jus quidem inventor et dominus habet à lege civili, et ex alterâ non privatur beneficio partis inventori rem fortuito casu invenienti concessæ, cum lex non intendat plectere nisi eos qui effodiunt agros alienos.

2° Si *extraneus* industriâ thesaurum invenit in fundo alterius, subdistinguendum est. Vel thesaurus absque consensu, vel de consensu domini questus fuit. Si prius, totus thesaurus ad proprietarium pertinet. Cum leges novæ circa hunc casum sileant, ad leges veteres recurrendum est, ait Delvincourt; atq. in hoc casu leges juris Romani, quæ olim in Galliâ vim obtinebant, totum thesaurum proprietario adscribebant: ergò totus thesaurus proprietario cedit. Prima medietas ei ut domino fundi tribuenda est, et secunda, quia ille injuriam passus est in effossione quam fecit alter absque ipsius consensu. Undè prima medietas statim danda est, quia lex jubens eam solvi non pœnalis, sed directiva est et proprietatis rerum definitiva; secunda autem medietas, nonnisi post sententiam judicis restitutioni obnoxia est, quia pena gravis est et activa, quam nemo spontè subire tenetur.... Si posterius, certum videtur inventorem jus habere ad unam partem dimidiam, quia, utpotè inventor, hanc partem tenet à lege et nullam posuit causam cur eâ privaretur, siquidem nullam intulit injuriam domino qui supponitur consensisse. Utrum autem jus habeat ad aliam partem? Alii affirmant, docentes dominum, consentiendo, juri suo renuntiasse: alii verò negant dicentes illam renuntiationem præsumi non posse. Quapropter ex circumstantiis tantum, secluso pacto, intentio domini dijudicanda est: ergo.... Cæterum monent auctores quòd, si fraude usus fuerit inventor ad extorquendum consensum, habendus sit sicut ille qui industriâ thesaurum quæsit absque consensu domini, quia, cum dominus ex errore solum consenserit, idem videtur esse ac si non consensisset.

3° Si *usufructuarius* industriâ reperit thesaurum in fundo ejus habet usumfructum, ex lege nullum jus habere videtur, cum neque proprietarius sit, neque inventor fortuito casu; attamen sentit Delvincourt eâ de re interrogatus, contrarium ex mente legis deduci posse, saltem pro parte quæ sit inventoris. Etenim lex ità voluit ne extraneus in fundum alterius ingrederetur ad effodiendum; atq. motivum hujus prohibitionis non reperitur in eo casu, siquidem usufructuarius nemini injuriam facit fodiendo agrum ejus habet usumfructum: ergò innocens inventor reputari debet, et ideo mediam partem repetere potest. Nequaquam, reponunt alii: usufructus jus non dat nisi ad ea quæ ordinantur ad fructus percipiendos, ac proinde non ad effossionem quæ fit sub pretextu thesaurum acquirendi.

Quær. 4° Au suspicans thesaurum in agro reconditum esse, possit illum agrum pretio communi emere et totum thesaurum sibi applicare?

Resp. affirm. 1° Quia thesaurus ille, cum non sit pars neque fructus fundi, non auget illius valorem; 2° quia

thesaurus ille nullo modo pertinet ad agri dominum, siquidem ante illius inventionem censetur esse nullius; 3° quia maximè pretium agri petitur ex communi hominum existimatione, à qua non recedit emens agrum pretio communio; ergo.... Undè, utpote inventor simul et fundi dominus, totum thesaurum retinere potest.

Aliud esset si quis primò invenisset thesaurum et illum deindè recondidisset, et postea agrum emisset, quia statim ac thesaurus reperitur, una pars venditori, ut domino, restituenda est.

Dices : Non licet à rustico emere vili pretio gemmam, quam ipse putat esse vitrum; ergò à pari.

Resp. neg. cons. et paritat. Disparitas est quòd præstantia gemmæ sit pars ejus : insuper non emitur pretio quod ex communi habet æstimatione; sed thesaurus non est pars agri, et ager emitur juxta communem æstimationem quæ constituit justum pretium : ergò nulla paritas.

Quær. 3° an opifex qui in angulo domus vel in arcæ veteri, vel in veste summam pecunie invenit, illam aut illius partem sibi retinere valeat?

Resp. Si quedam adsint vestigia quibus prudenter et rationabiliter judicari possit hanc pecuniam ad talem aut talem personam pertinere, v. g., quia talis familia multis abhinc annis in eadem manet domo, tunc pecunia hæc tota reddi debet; nam reverà dominum habet. Si verò nulla hujusmodi sint vestigia, res ista, ex definitione Codicis, ut thesaurus haberi debet, et propterea una media pars ejus ad inventorem, et altera ad proprietarium pertinet.

NUM. II. — *De rebus nuper amissis.*

Quær. 1° Quid sint res nuper amissæ?

Resp. Eæ intelliguntur quas dominus involuntariè perdidit et adhuc retinere meritò censetur.

Quær. 2° Ad quid teneatur inventor rei nuper amissæ?

Resp. Vel dominus inveniri potest, vel non.

Si prius, duo pro inventore instant officia, unum ex charitate et aliud ex justitià.

1° Inventor *saltem ex charitate* tenetur ad inquirendum dominum cum diligentia pretio rei proportionatà, quia in pari occasione idem sibi fieri unusquisque censetur velle : ergo. Dixi, *saltem ex charitate*, quia plurimi theologi cum Collatore Ambianensi, ut valdè suspectum injustitiæ habent eum qui omittit hujusmodi disquisitiones : adest enim quasi-contractus, quem vocant *gestionis*, vi cujus inventor, eo ipso quòd rem apprehendat et in custodià accipiat, suscipit in se illius curam ac proinde obligationem dominum querendi, ut ipsi eam reddere valeat. Si has disquisitiones facere nolle, tunc res non erat apprehendenda. Hoc satisfactioni consentaneum est, et imò ultrà omne dubium, si, disquisitiones omittendo, rem inventu difficiliorem reddat, prout ordinariè accidit, cum inventor rem apprehendens causa sit cur dominus communiter recordans loci in quo eam perdidit, eam frustra hoc in loco querat, vel res amissa non inveniat ab eo qui dominum diligenter inquisivisset.

2° Domino reperto, inventor ex justitià tenetur statim rem amissam restituere *absque ullo onere*, quia

res clamat domino. Hinc S. Aug., Serm. 179 : *Si quid invenisti et non reddidisti, rapuisti* : ergo. Dixi, *absque ullo onere*, quia reddendo purè et simpliciter juri stricto alterius satisfacit. Deduci tamen possunt impensæ quas inventor fecit ad rem conservandam vel dominum inquirendum : æquum non esset ut quis fieret pauperior negotia alterius utiliter gerendo. Item accipi possunt præmia quæ spontè inventori offeruntur : deterioris non debet esse conditionis inventor qui præstat domino opus charitatis simul et justitiæ, quàm quilibet extraneus, qui, licet nullo officio alteri commendetur, ad aliquid accipiendum habilis esse non desinit. Utrùm autem inventor similiter jus strictum habeat ad præmia quæ generatim dominus promissit iis qui rem amissam ipsi redderent? ita nobis videtur. Si enim jus non haberet, maximè quia illæ promissiones merè essent gratuitæ et metu factæ : atqui.... : non primum ; nam vulgò dominus aliquod commodum ex iis percipit, siquidem adhibetur diligentia major quàm ea quæ debetur : non secundum ; nam actio inventoris est etiam actio charitatis ; ille rem ubi invenit relinquere poterat ; ergo præsumendus est dominus, ex gratitudine, non verò ex metu, præmium polliceri, prout communiter fit inter homines benè cordatos et beneficii memores : ergo promissiones illæ sunt validæ ac consequenter jus inventori ; conferunt.

Si posterius, id est, si dominus, præhabita morali diligentia, inveniri nequeat, cum, teste Delvincourt, nullæ sint leges speciales sive in veteri sive in novo jure, quibus ex Codice civili determinandæ sunt res nuper amissæ, art. 719, quæstionem solo jure naturali attendimus. Sed quanta difficultas? Ad eam dirimendam tres occurrunt sententiæ.

Opinio quæ nobis probabilior videtur, docet res inventas pauperibus erogandas esse, vel in pios usus impendendas, quod non reperitur dominus.

Prob. Ea sententià juxta regulas opinionum moralium à doctore Muzzarelli sapienter expositas, præferenda est, quæ firmatur auctoritate et ratione suadetur atqui nostra sententià...

1° Firmatur auctoritate, scilicet 1° *Theologorum*. Ità S. Thomas, et ferè omnes theologi et canonistæ usque ad Dominicum Soto, qui primus, ut ipse agnoscit, opinionem novam professus est ; post eum major theologorum pars in veteri sententià ità perseveravit ut ista etiam ab adversariis communissima vel communior vel communis semper existimata fuerit. Nemo non videt quàm valida sit illa auctoritas in controversiis ad moralem spectantibus. 2° *Pastorum*. Hic citari possunt Catechismus conc. Trid. jussu S. Pont. editus, Conc. Med. IV, sub S. Carolo celebratum decreta plurium episcoporum quibus statutum fuit bona inventa in pios usus distribuenda esse. 3° *Fidelium communi persuasione*. Persuasio fidelium apud auctores pro indicio veritatis semper habita fuit ; atqui fideles communiter credunt res inventas, domino non comparente, in pios usus vel pauperibus impendendas esse : ergò.

2° *Suadetur ratio.* Ad opinionem nostram fortiter suadendam satis est ut amittens rei amissæ dominium retineat, et illius intentio sit ut res in pios usus impendatur: atqui hæc duo constant. 1° *Amittens rei amissæ dominium retinet;* si enim eorum rerum dominium amitteret, vel propria voluntate, vel lege positiva, vel lege naturali, atqui nullo modo; 1° non sua voluntate, vult enim in perpetuum rei suæ dominium servare, quod adeo verum est, ut, licet eam aliquo tempore amiserit, statim ac illam reperit continuo suam dicit ac sibi arripit. 2° non lege civili, cum sola dispositio legis que invocari possit, in eo tantum consistat quod domino contra inventorem post tres annos recuset actionem, art. 2279. porro aliud est ane et recusare actionem, aliud est eidem dominium auferre, quod magis clarescit cum eadem dispositio sit pro rebus amissis ac pro rebus furto abatis: certe quidem lex non intendit denegare domino proprietatem rei illi injuste ablatae: ergo nec rei amissæ. 3° Non lege naturali: jure naturali nemo excedit à dominio, nisi simul excedat à facultate intrinsecâ et radicali disponendi, atque in res mala fide possessa, incerto domino, restitui non deberet, quod falsum ab omnibus habetur: ergo aliunde: ergo. 1° *amittens rei amissæ dominium retinet...* 2° *Illius intentio legitime præsumpta, ea est ut in pios usus impendatur res amissa.* Id colligitur 1° facto. Non melius cognosci potest quantum sit voluntas domini bene præsumpta quam ex Theologorum disquisitione: Theologi enim, antequam pronuntiaverint talem esse domini voluntatem, expendere curaverunt quantum generatim sit intentio eorum qui res amiserunt: jam verò Theologi communissime tenent, domino non comparente, rem amissam pauperibus erogandam esse, vel in pios usus impendendam. 2° *Ratione.* Quisque enim vult res suas, cum ad se ipsum redire nequeunt, sibi servire meliori modo quo possunt: atqui res perita domino vel ejus heredibus non melius inservire potest quam eam nomine proprietarii impendendo in pia opera: ergo aliunde: ergo.

Not. Si inventor sit pauper, rem inventam ipse potest sibi applicare: æquum est ut non sit deterioris conditionis quam alii: ne tamen amore sui decipiatur, cum sit iudex in propria causâ, prius a confessorio aut viro gravi consilium petat.

Solvuntur objecta.

Obj. 1° Inventor potest retinere rem nullius: atqui res inventa nullius est: ad retinendum sicut et ad acquirendum dominium requiritur non solum potestas moralis, seu facultas utendi absque alterius injuriâ, sed potestas physica aut actualis aut virtualis eâ re utendi: eo enim fine res e statu communitatis extracta sunt: atqui dominus in præsentî casu non habet potestatem physicam, quia, domino non apparente post disquisitiones, moraliter certum est eum rem non esse recuperaturum: ergo.

Resp. ad 1. neg. min. Si perditor rei suæ dominium amitteret, vel propriâ voluntate, vel auctoritate legis, vel jure naturæ: atqui nullo modo, ex thesi: ergo.

Ad 11. neg. min. Adest enim semper facultas re revocari, et saltem exigendi ut res modo utri domino adhibeatur.

Ceterum præcipuum totius illius difficultatis labili nectitur fundamento. Falsum est enim eandem exigî potestatem ad retinendum sicut et ad acquirendum dominium. Ad retinendum dominium sufficit ut habita fuerit voluntas rem in perpetuum acquirendi, et ea voluntas perseveret absque alieni juri violatione, atqui hæc duo constant: 1° habita fuit voluntas rem in perpetuum acquirendi: nemo acquirit pro tali vel tali tempore, sed usque dum se spolet, vel auctoritate publicâ spolietur; 2° ea voluntas perseverat absque alieni juri violatione, cum perfecta sit sub hoc respectu inter homines reciprocitas. Hæc ita vera sunt ut intimum lumen omnibus dictet, rem domino comparenti restituendam esse, etiamsi ille diuturno tempore non habuerit potestatem physicam re suâ utendi: quo nihil clarius ad demonstrandum non requirere eandem potestatem ad retinendum sicut ad acquirendum dominium.

Obj. 2° Res impendenda est juxta voluntatem domini bene præsumptam: atqui voluntas domini est ut inventor rem retineat: desumitur, 1° ex communiter contingentibus: amittentes communiter non cogitant de pio usu, sed tantum de re recuperandâ; 2° ex majore utilitate: facilius rem recuperabit dominus, si inventor rem possit retinere: alioquin iste, prævidens se tantum onus assumere rem apprehendendo, eam derelinquet: ergo.

Resp. neg. min. Quoad utramque partem probationis, 1° quoad primam partem, dicitur meliori jure præsumi voluntatem domini esse ut res pauperibus distribuatur. Nemo est, etiam fide et moribus perditus, qui non malit, saltem virtualiter, ex re suâ aliquid commodi percipere: ergo. 2° Quoad secundam partem dicitur, tunc non majorem esse utilitatem, cum minores erunt perquisitiones: spe rem sibi applicandi inventor avertetur à tentandis mediis quæ forsitan dominum detexissent: ergo... Et verò, ait Billuart, anteponenda est utilitas certa alteri utilitati probabiliter non eventuræ: atqui utilitas, si res in pios usus impendatur, certa est, et improbabilis si in manu inventoris remaneat: ergo.

Obj. 3° Dicendum est de re amissâ sicut de thesauro: ideò enim thesaurus jure naturali inventoris est, vel quia nullius est, vel quia præsumitur talem fuisse prioris domini voluntatem: atqui pariter se habent res inventæ: ergo.

Resp. neg. paritat. Prima disparitas est, quòd pro thesauro naturaliter impossibile sit ut redeat ad dominum quia naturaliter dominus non est reperibilis: ideò nullius est. E contra semper possibile est, sin moraliter, saltem metaphysicè, res amissas ad dominum regredi posse. Secunda disparitas est, quòd dominus thesauri dominio censeatur renuntiare pro tali casu, cum sciens et volens pecuniam abscondit et de hoc neminem monet. Si enim voluisset hoc dominum sibi retinere vel heredibus transferre, certa posuisset

sigilla quibus ipse demonstraretur proprietarius, vel aliquem heredum monitum fecisset. Quare, his delictis, rationabiliter praesumitur juri suo renunciassse. Qui autem rem amisit, censi non potest dominio renunciassse, siquidem involuntariè rem perdidit; ergo.

Quæritur 3° quid agendum, si dominus compareat postquam in pios usus res inventa expensa fuerit?

Resp. : Vel res adhuc subsistit, vel consumpta est.

Si prius, res, ubicunque sit, domino qui clamat restituenda est, quia non data fuit nisi sub conditione eam reddendi, si dominus reperiatur. Censetur autem subsistere, quoties extat vel in naturà suà, vel in pretio eam representante, vel denique in eo ex quo aliquis factus est ditior. Dixi, *ubicunque sit*, id est, sive inventor eam sibi ut pauperi applicaverit, sive in pios usus tradiderit; excipe, si res vendita fuisset publicè in foro vel à mercatore hujusmodi merces publicè vendente, quia in hoc casu emptor rei dominium acquisivit, et potest illam retinere donec pretium ab eo solum ipsi reddatur. Ita statuit lex positiva pro securitate commercii, art. 2280: tunc dominus contra venditorem recursum obtinet.

Si posterius, id est, si res fuit consumpta; vel inventor fuit graviter negligens in domino inquirendo, vel non.

1° Si inventor graviter fuit negligens.... tenetur ratione gravis negligentiae domino restituere; quia, domino rationabiliter invito, rem alterius alienavit, ac proinde per culpam lethalem grave damnum intulit: ergo. Dixi, *ratione gravis negligentiae*; si negligentia levis fuit, ad nihil tenentur inventores, alioquin nimis gravarentur. Quenam verò negligentia aestimetur gravis? Id pendet à majore vel minore rei valore, qui communiter pro regulà majoris vel minoris diligentiae in inquisitione domini habetur. Videtur tamen pro re aliqualis momenti quòd schedulae sint affigendae, aut faciendae sint proclamationes in locis publicis, ubi affulget spes inveniendi dominum, qui, saltem per tres annos, prudenter expectandus est antequàm res in pios usus erogetur, art. 2279.

2° Si inventor sufficientem adhibuit diligentiam in inquirendo domino, antequàm rem pauperibus distribuat, aut in pias causas impendat, ad nihil tenetur neque ratione injuste detentionis, cum res sit consumpta, neque ratione injuste acceptionis, cum nullam culpam admisit: ergo.

Nota. Ad diligentiam necessariam non absolute requiritur ut res inventa potius tradatur communitati quae eam servabit, quàm pauperibus à quibus consumeretur; quia hoc onus inventoribus non imposuerunt domini; alioquin scrupulis, anxietatibus locus aperiretur. Satius est tamen ita agere, cum rei conservationi et hoc ipso domini desiderio melius consulatur.

NUM. III. — De bonis derelictis.

Quæres 1° : Quid sint bona derelicta?

Resp. : Ea sunt quae dominus abiecit eo animo ut jam non sint sua.

Quæres 2° : Cujus sint bona derelicta.

Resp. : Jure naturali, cum sint res nullius, primi occupantis fiunt; sed jure civili, ex art. 539 et 713, ad rempublicam pertinent.

NUM. IV. — De bonis vacantibus.

Quæres 1° : Quid sint bona vacantia?

Resp. : Ea dicuntur quae reliquit aliquis decedens, vel sine heredibus à sanguine aut testamento, vel cum heredibus qui nolunt ejus hereditatem adire.

Quæres 2° : Cujus sunt bona vacantia?

Resp. : Apud nos, ex art. 539 et 713, ad rempublicam pertinent. Ex art. 726 et 912, bona extraneorum quae in Galliis vacantia reputabantur, iisdem legibus subiacebant, ac bona Gallorum quae in respectivis exterorum regionibus vacantia habebantur. Sed hæc distinctio tollitur et hodie advenæ succedunt non secus ac regnicolæ. Ita lex 14 die julii 1819.

§ 5. — De accessione.

(Cod. civ., art. 546 ad art. 577.)

Accessionis nomine intelligitur jus quo dominus alicujus rei ea acquirit quae à re suà producuntur, vel ipsi necessariò uniuntur, art. 546. Unde duplex in Codice distinguitur jus accessionis, aliud in fructus rei, aliud in res rei unitas.

NUM. I. — De jure accessionis in fructus rei.

Fructus alicujus rei sunt vel naturales, vel industriales, vel mixti, vel civiles. Naturales illi sunt qui naturà solà, aut ferè solà producuntur, ut foetus animalium, fructus arborum, herba pratorum. Industriales illi sunt qui per hominis industriam et laborem ex remerè sterili proveniunt, adeò ut res non sit nisi instrumentum; ut lucrum ex pecunià per negotiationem. Mixti illi sunt qui partim ex naturà, partim ex industria proveniunt, ut segetes, uvæ, legumina. Civiles appellantur illi qui à lege inter fructus reputantur, etsi reverà non sint, uti pretium locationis, vel usura pecuniæ quando legitime percipitur. Isti cum naturalibus in jure confunduntur.

His praedefinitis, omnes fructus naturales, mixti et civiles domino rei acquiruntur jure accessionis, art. 546, 547, cum onere tamen solvendi impensas quae ad eos obtinendos ab alio factae sunt, art. 548. Industriales, de quibus loquitur Codex, rectius à theologis mixti vocantur.

NUM. II. — De jure accessionis ad res rei unitas.

Res rei unitae possunt esse vel immobiles, vel mobiles. Hic in memoriam revocandum est principium generale, cujus ope ferè omnes solvuntur hujus questionis difficultates: *Accessorium sequitur principale.*

PUNCTUM I. — De jure accessionis ad res immobiles.

Jus accessionis ad res immobiles potissimùm considerari potest vel in ædificationibus, vel in alluvionibus, vel in insulis quae aliquando efformantur.

1° *Ædificatio* fit vel ex alienà materià in proprio fundo, vel ex proprià materià in fundo alterius. In utroque casu, ædificium pertinet ad dominum fundi in quo ædificatum fuit, juxta illud juris nostri sicut et romanorum principium: *Ædificium semper solo cedit.*

art. 562. Si prædictus fundi hæc opera ipse fecerit ex aliena materia, illius materie pretium solvere tenetur; si autem aliquis ex sua materia in fundo alterius hæc construxerit, dominus fundi ac proinde ædificii diversa habet jura, prout ædificator fuit in bonâ vel malâ fide. Cum ædificator fuit in malâ fide, dominus fundi potest vel exigere ut opera tollantur, vel ea retinere solvendo pretium materie et laboris. Eadem facultas domino non conceditur, si ædificator fuit in bonâ fide. Hic, operibus ipsi relictis, habet tantum optionem solvendi vel pretium materie et laboris, vel valoris augmentum quod inde fundus suscepit, art. 565, 564, 565: implantatio arborum et plantarum eandem sequitur regulas ac ædificatio.

2° *Alluvio* est incrementum quod fluvius alicui prædio adjicit. Illud incrementum obvenire potest vel paulatim et insensibiliter, vel subitâ aquarum exundatione. Si fiat paulatim, id est, terras uni prædio adjungendo, aut unam e ripis insensibiliter deserendo, incrementum pertinet ad dominum fundi cui adjicitur, art. 566 et 567. Aliter statuitur de alluvionibus maris, lacuum et stagnorum, cum ille jure non agnoscantur, art. 567 et 568. Si subito fiat incrementum, ad dominum fundi cui deductum est totaliter pertinet, modo sit notabile et cognoscibile, et dominus fundi tempore lege determinato illud repetat, art. 569.

3° *Insula*; alia nascitur in mari, alia in flumine navigabili, alia in flumine non navigabili. Insula in mari nata, quia sicut mare communis est, primo occupanti cedit; idè non accessione sed occupatione acquiritur. Insula nata in flumine navigabili ad rempublicam pertinet, nisi adsint titulus et præscriptio contraria, art. 560. Insula nata in flumine non navigabili, ad eos qui propè ripas possident agros, pertinet, juxta mensuras art. 561 statutas.

PRÆCIPUUM II. — De jure accessionis ad res mobiles.

Jus accessionis ad res mobiles, ex Cod. art. 565, principiis æquitatis naturalis omninò regendum est; regule quæ traduntur potiùs ut legis exemplum quàm ut lex ipsa haberi debent. His nihilominùs utemur ad judicia nostra dirigenda. Ille regule versantur circa adjunctionem, specificationem et commixtionem.

1° *Adjunctio* est unio duarum rerum ad diversos dominos pertinentium; duarum una est principalis et altera accessoria. Quando res due ita conjuncte sunt ut unum corpus efficiant, etsi possint separari, pertinent ad dominum rei principalis cum onere alteri solvendi pretium rei adjuncte, art. 566, 568. Res illa tanquàm principalis habetur cui altera adjungitur solummodò ad usum, vel ornamentum, vel complementum, art. 567. Si res nulla considerari possit ut accessoria, illa pro principali habetur quæ pretio, vel pretio non discrepante, magnitudine voluminis præstantior est, art. 569.

2° *Specificatio* dicitur confectio alienjuss novæ speciei ex alienâ materiâ. Porrò vel pretium materie longè superat pretium industrie, vel pretium industrie longè superat pretium materie. Si 1°, proprietarius materie repetere potest novam speciem ex suâ

materiâ confectam, solvendo artificis laboris pretium, art. 570. Hinc si quis ex mero mero scyphum aut ex lana molâ vestem fecerit, meus erit scyphus et vestis mea, quia solvendo valorem laboris. Si 2°, artifex retinere potest novam speciem, solvendo proprietario materie justum illius pretium, art. 571. Hinc si sculptor ex alieno marmore pulcherrimam confecerit statuem, tunc jus haberet rem elaboratam sibi retinendi, soluto marmoris valore. At si artifex materiam alterius ad novam speciem conficiendam malâ fide adhibuisset, teneretur in utroque foro reparare damnum quod passus est dominus materie, art. 577.

3° *Commixtio* est conjunctio duarum rerum æque principalium ad diversos dominos pertinentium; ea conjunctio dicitur commixtio vel confusio, prout res conjunctæ facillè vel nonnisi difficillimè sunt separabiles. Si res conjunctæ facillè separabiles sint, v. g., oves in grege ad diversos dominos pertinentes, res separari debent pro ratâ parte rei mixtæ, art. 575. Si res conjunctæ nonnisi difficillè separabiles sint, v. g., acervi tritici, res sunt communes utrique domino, pro ratâ parte quantitatis, qualitatis et valoris rei mixtæ, art. 573. Si forsân materia unius valdè superet materiam alterius, quantitate et pretio, præstantioris materie dominus totam rem commixtam vel confusam repetere potest, solvendo alteri ipsius materiam, art. 574.

Præter regulas jam allatas quæ speciales sunt unicuique ex casibus propositis, quedam sunt communes, quas referre interest ut quæstiones circâ hanc materiam faciliùs solvantur occurrentes.

1° Cum res manet communis inter dominos materialium ex quibus confecta est, vendi debet per licitationem, ad communem illorum utilitatem, art. 575.

2° Quotiescunque dominus materie ex quâ, eo inscio, confecta est nova species, vindicare potest hanc materiam, ipse pro libitu valet petere vel restitutionem materie, in eadem naturâ, quantitate, pondere, mensurâ et bonitate, vel ejus pretium, art. 576.

3° Qui materiam alienam, inscio domino, consumpserunt, condemnari etiam poterunt ad reparationem damni, si quod patiaturs dominus materie, imò et in jus extraordinariè vocari, si casus evenierit, art. 577.

§ 4. — De præscriptione.

(Cod. civ. ab art. 2219 ad art. 2281.)

Præscriptio est *modus acquirendi dominium, vel se liberandi ab aliquâ obligatione, per certum temporis lapsum, sub conditionibus à lege præfixis*, art. 2219. Undè duplex est præscriptionis effectus. Unus est acquisitio domini; sic, v. g., aliquis possidet agrum per tempus à lege præfixum: ipsi proprietatis acquiritur vi solius possessionis, etiamsi nullum titulum validum habeat, modò quædam adimpleantur conditiones. Alter est liberatio seu exemptio à quâdam servitute et obligatione: sic, v. g., aliquis non exercuit, per tempus lege definitum, jus hominum et stillicidii quod habebat in agrum meum: adversùs eum præscribo, et me redimo à jure quod habebat.

Prior præscribendi modus dicitur gallicè *prescrire un droit*, et posterior nuncupatur *prescrire contre un droit*. Simul de utroque agemus in propositione sequenti.

PROPOSITIO. — *Præscriptio est modus in conscientia legitimus acquirendi dominium, vel se liberandi ab aliquâ obligatione sub conditionibus à lege præfixis.*

Prob. Præscriptio est modus in conscientia legitimus acquirendi... vel se liberandi... si princeps id voluerit et potuerit; atqui utrumque constat.

1° *Voluit*, quod patet 1° verbis legislatoris. Iste declarat enim purè et simpliciter per præscriptionem dominium acquiri et obligationem extinguere; atq. consuetus est ille modus declarationis cum datur pro conscientia: ergo... 2° *line legis.* Finis præscriptionis est stabilitas proprietatum et tranquillitas civium; atq. nemo non videt hunc finem non obtineri, si præscriptio non esset modus... quia probi semper remanerent anxii et dubii circa bona sua, cum tali lege uti non vellent: ergo... 3° *interpretatione communi.* Ab undecimo seculo Theologi, Canonistæ et Juristæ unanimes conelamant ore Gregorii IX, *secundum SS. Patrum sanctiones bona legitimè præscripta quietè et sincerè in perpetuum servari*: ergo 1° voluit princeps.

2° *Potuit.* Princeps, vi illius supremæ potestatis quâ disponit de bonis privatorum ad bonum commune, potest illud quod æquitati non repugnat et bono publico valdè utile est; atq. talis est translatio domini et extinctio obligationis vi præscriptionis. 1° Non repugnat æquitati. Nam ut judicetur de legis æquitate consideranda est illa non quoad privatos, sed in se, ante quemlibet eventum; atq. sic attentè non lædit æquitatem, quia tunc par est pro quolibet privato spes lucri et damni; unde sanè potuissent privati, absque injustitiâ, ex pacto statuere dominium acquiri, vel obligationes extinguere per diuturnam possessionem: ergo idem potest princeps pro bono publico absque injustitiâ: ergo 1° non repugnat æquitati... 2° Valdè utilis est bono publico. Valdè utile est bono publico ut bona diù non maneant incerta, ut finis imponatur litibus, domini cautiores efficiantur in rebus suis servandis et recuperandis; atq. hæc omnia præstantur translatione domini et extinctione obligationis in præscriptione: ergo princeps potuit... aliundè voluit: ergo.

Quibus patet præscriptionem fuisse introductam, non solum ad puniendam prioris domini socordiam, sed præcipuè ac primariò ad quietem civium ac familiarum assecurandam.

Hinc 1° non teneris rem legitimè præscriptam restituere, etiamsi, completâ præscriptione, noveris eam esse alienam. Ita S. Thomas, lib. 12, 2, 16, art. 2.

Hinc 2° si quis ignorans præscriptionem esse modum legitimum acquirendi dominium, rem à se sic acquisitam priori domino reddidisset, posset eandem ab ipso repetere, si postea sciret præscriptionem esse modum...; nam priori domino donum largiri nolebat, cum nesciret rem esse suam; non posset vero rem

illam repetere, si, quando eam priori domino reddidisset, scivisset præscriptionem esse modum acquirendi dominium: quia tunc adest verum donum; res autem semel donata repeti non potest.

Obj. 1° Nemo citrà culpam re suâ privari potest: atq. non pauci privarentur... si præscriptio esset modus legitimus... ergo.

Resp. dist. maj. Si non exigit bonum commune, *conc.* si exigit bonum commune, *neg.*, quia tunc præscriptio assimilatur oneribus publicis quæ quisque civis, etiamsi absit culpa et negligentia, subire tenetur eodem ferè modo quo solvit vectigalia et tributa. Ratio boni publici ita prævalet bono privato ut nemo haberi possit rationabiliter invitatus circa talem legis dispositionem.

Obj. 2° Princeps non potest ultra quod necessarium est ad finem suum obtinendum; atqui ad obtinendum finem in præscriptione intentum, sufficit ut in foro externo denegetur actio priori domino: ergo.

Resp. neg. min. In hac hypothese dominia tuta quidem essent ab evictione juridicâ, sed incerta remanerent; probi securè non possiderent, cum avidi ipsis confictos objicerent titulos quorum falsitas difficilè detegi posset; unde vitam ducerent in anxietatibus, aut inquisitionibus, aut litibus, aut renuntiationibus quas denique ad depellendos scrupulos facerent: ergo.

Obj. 3° Non potest quis licitè retinere rem sibi à judice adjudicatam, quando novit esse alienam: ergo à pari, si noverit, post elapsam præscriptionis tempus, rem esse alienam...

Resp. neg. conseq. et parit. Ratio disparitatis est 1° quòd iudex per sententiam non intendat transferre dominium, sed tantum declarare ad quem res pertineat, secundum allegata et probata: lex verò præscriptionis decernit verè transferri dominium ob varias causas quæ bonum commune respiciunt; 2° quòd sententia iudicis nitatur falsâ præsumptione; secus verò lex præscriptionis, quæ non adjudicat rem præscribenti, præcisè quia præsumit eam illius esse, sed ne diù incerta maneant rerum dominia, ne lites et fraudes oriantur, et ob alias rationes supra assignatas, si-ve res sit præscriptentis, sive alterius.

Dixi in propositione, *sub conditionibus lege præfixis*; quinque enim requiruntur: res præscriptibilis, possessio, titulus, bona fides, tempus lege statutum, de quibus successivè sermo erit.

NUM. I. — De rebus præscriptibilibus

Generatim ea omnia et sola præscriptibilia sunt quæ objectum domini esse possunt.

Ut autem apprime cognoscatur quænam bona in specie sint præscriptibilia, sufficit ea censere quæ sunt impræscriptibilia. Ad hoc duplex regula. Alia sunt impræscriptibilia naturâ suâ, alia dispositionibus legum.

1. *Reg. Impræscriptibilia sunt naturâ suâ ea pro quorum acquisitione non supponitur titulus legitimus.* Hinc 1° non præscribitur contra jus naturale et jus divinum. Hinc 2° non præscribitur contra ea quæ instituta sunt ad bonum commune. Hinc 3° non præscribitur contra

ea que non sunt in commercio, art. 2225. Ea demum extra commercium, que ita sunt domini publici ut fieri nequeant sub dominio privato quin naturam mutant. Sic habentur ea que ad rempublicam pertinent, titulo supremæ potestatis, quibus sunt illa de quibus art. 558 et 540. Ea autem censentur in commercio, et ideo præscriptibilia, que ita sunt domini publici ut sub dominio privato fieri possint absque ullâ nature transformatione. Sic computantur ea que ad rempublicam pertinent, titulo private proprietatis, quibus sunt illa de quibus art. 559, 541, 560. Juxta hunc posteriorem sensum intelligendus est art. 2227, quo statuitur gubernum iisdem præscriptionibus obnoxium esse ac privatis.

II. Reg. *Imprescriptibilia sunt dispositionibus legum ea que lege vel expresse vel implicite à præscriptione excluduntur.* Excluduntur expresse 1° servitutes, aut non apparentes aut non continue, cum scilicet iste titulus destituuntur, art. 691; 2° bonum dotale, tandem perseverat societas honorum inter conjuges, nisi forte præscriptio ante conjugium incepit, art. 1561; 3° bona dotationem regium componentia, leg. 18 novemb. 1814. Excluduntur autem implicite ea de quibus lex declarat vel absolute alienari non posse, vel alienari non posse nisi cum quibusdam solemnitatibus, vel denique non posse alienari in favorem talis vel talis persone; ita sunt quedam res minorum, interdictorum et mulierum, art. 2252 et seq.

NUM. II. De possessione.

Possessio in genere est detentio alicujus rei vel exercitium alicujus juris, art. 2228. Hæc requiritur 1° jure can. juxta reg. 5. juris in Sexto: *Sine possessione præscriptio non procedit*; 2° jure civ. art. 2229: *ergo... ad præscriptionem parvi refert utrum quis possideat per se vel per alium qui nomine ipsius possidet*, art. 2228.

Ita autem possessio, ut ad præscriptionem sufficiat, debet esse, juxta art. 2229:

1° *Titulo proprietatis*, alioquin adesset mera detentio, sed non possessio propriè dicta, qualis in jure intelligitur. Hinc 1° qui possident nomine alterius, v. g., curatores, tutores, coloni, depositarii, usufructuarii et eorum hæredes, quamdiu non interverterunt titulum prioris possessionis, seu nomine alterius possident, præscribere non possunt, art. 2256 et seq. Hinc 2° qui possident simplici tolerantia aut merâ facultate alterius præscribere nequeunt, art. 2252. Si quis, v. g., diu transeat per meum fundum, absque ullo titulo per se juris translativo aut talis tituli specie, contra me non præscribit, quia non titulo proprietatis, sed merâ licentiâ alterius possidet.

2° *Pacifica*, id est, actus violentiæ excludens: à die tantum quo cessavit violentia, incipit possessio ad præscriptionem apta, art. 2225. Videtur Codex his verbis abrogare principium juris romani, vi cujus res furtivæ aut vi ablata nunquam præscribi poterant.

3° *Publica*, seu oculis civium exposita, adeo ut ille cujus interest ne res sua ab alio præscribatur, eam reclamare valeat; sic qui furtim aquam haurit ex alieno

puteo, licet per longum tempus hauriat, jus non acquirit, alioquin destititno esset, aquam ab illo fonte hauriendi; necesse non est tamen ut dominus re per alterius possessionem cognoverit, alias vix applicari posset præscriptio.

4° *Certa*, id est, demonstrata per actus veræ possessionis attestativos quibus possessor moraliter certus sit se non alterius sed proprio nomine possidere. Deficiente illâ conditione, deficeret bona fides.

5° *Continuata tempore lege præfixo*: hæc continuatio impediri potest vel interruptione vel suspensione.

Interrumpitur possessio: 1° si possessor per tempus anno longius re possessâ privetur vel à domino legitimo vel ab alio, art. 2243; 2° si experiatu interpellationem juridicam, etiam coram judice incompetente, mandatum judicarium, apprehensionem honorum legalem, art. 2244 et seq.; 3° si agnoscat jus proprietarii in rem quam possidet, art. 2248.

Suspenditur possessio, 1° quando dominus est incapax rem suam prosequendi, ut sunt in multis, minores, interdicti, conjuges inter se, art. 2252 et 2253; 2° quando res possessa nondum est exigibilis, ut sunt præcipuè debita sub conditione, ad statutum diem, ad securitatem creditoris, antequam impleta fuerit conditio, vel dies advenerit, vel sublata fuerit oppignersatio, art. 2257.

In eo est discrimen inter suspensionem atque interruptionem, quod si suspensa fuerit præscriptio, tempus suspensionem præcedens cum tempore eam subsequente conjungi possit ad præscribendum, dum è contrâ, si præscriptio interrupta fuerit, tempus eam præcedens pro nihilo computari debeat, et, eâ interruptione sublata, denuò possessio inchoanda est et implenda.

NUM. III. De titulo.

Titulus in genere est causa propter quam aliquid possidemus. Nemo non videt ad præscriptionem non requiri titulum verum, seu per se sufficientem ad fundandum jus quod quis contendit; nam, si adesset, jam præscriptione opus non esset. Ideò tota questio movetur de titulo apparenti, qui, juxta Collet, potest esse vel præsumptus seu putativus, vel coloratus seu invalidus, vel vitiosus.

Præsumptus seu *putativus* ille est qui creditur verus, etsi non sit, v. g., si credam me emisisse aliquid quod reverà non emi.

Coloratus seu *invalidus* is est qui naturâ suâ dominium transferret si, ob latentem defectum, nullus non esset; v. g., donatio facta ab eo qui non est dominus.

Vitiosus ille est qui naturâ suâ non esset aptus ad transferendum dominium, licet totam vim suam obtineret; v. g., locatio, commodatum, depositum... Pauca de singulis.

I. *De titulo præsumpto seu putativo.* Ille titulus sufficit pro præscriptionibus 30 annorum. Etenim in hujusmodi præscriptionibus, cum lex titulum non requirat exhibendum, art. 2262, sufficit bona fides theologica; atqui ex titulo præfato oriri potest illa bona

fides, quâ quis credit se esse legitimum dominum : ergo... Non sufficit autem ille titulus pro præscriptionibus 10 et 20 annorum, quia leges pro illis non admittunt titulum qui reipsâ non existit, etsi putetur adesse, art. 2226, 2265, 2268.

II. *De titulo colorato seu invalido.* Certum est illum sufficere pro præscriptionibus 30 annorum, quia in illis nullus requiritur titulus. An verò sufficiat pro cæteris præscriptionibus? Diversa est decisio pro diversâ invaliditatis origine. 1° Si titulus sit invalidus ob defectum occultum juris in eo qui rem vendidit aut donavit, sufficit etiam pro præscriptionibus 10 et 20 annorum; 2° si titulus sit invalidus ob defectum formæ, non sufficit pro præscriptionibus 10 et 20 annorum, art. 2267; 3° si titulus sit invalidus ob irritationem legis, quæ aliâ de causâ quàm defectu formæ eum annullavit, sufficit vel non sufficit pro præscriptionibus 10 et 20 annorum, prout lex irritans primariò spectat ad utilitatem privatam vel publicam.

III. *De titulo vitioso.* Is titulus cuilibet præscriptioni semper obstat, ita ut cum illo nunquàm præscribere liceat, quia possidens titulo vitioso, proprio nomine possidere nequit. Sic olim omnes docebant, et nunc admittendum videtur ex art. 2236 et 2237. Unde præscribenti opponi potest ab eo contra quem præscribitur in quibuslibet præscriptionibus. Hoc sensu dicitur : *Melius est non habere titulum, quàm habere vitiosum.*

NUM. IV. *De bonâ fide.*

PUNCTUM I. *De naturâ bonæ fidei.*

Bona fides, in materiâ præscriptionis, est sincera existimatio, quâ quis prudenter sibi persuadet rem quam possidet esse suam, vel se non teneri ad implendam obligationem quæ præscriptionibus liberativis extinguitur. Hæc definitio spectat bonam fidem requisitam in præscriptionibus, sive ad acquirendum dominium, sive ad se liberandum ab aliquâ obligatione.

Bona fides sic intellecta potest esse vel theologica, vel juridica. Bona fides theologica ea est quæ prudenter concipitur, ad eam ut coram Deo culpâ saltem mortali vacet. Negligentia levis eam non impedit, cum diligentiam ordinariam non impediatur. Bona fides juridica ea est quæ concipitur ob possessionem inceptam virtute tituli proprietatis translativi, cujus vitia ignorantur. Lex civilis non aliam agnoscit bonam fidem, art. 550 et 2269. Inter utramque latum est discrimen : bona fides theologica existere potest absque bonâ fide juridicâ; aliquandò enim leges civiles ex certis indiciis præsumunt malam fidem, ita ut, quantacunque reperiatur bona fides theologica, possessio nihilominus pro illegitimâ habeatur. Vice versâ, bona fides juridica existere potest absque bonâ fide theologicâ; ad bonam fidem juridicam sufficit possessio incepta cum titulo domini translativo, cujus vitia ignorantur, etiamsi postea decursu præscriptionis detegantur vitia hujusce tituli, art. 2269. Numquid conditiones bonæ fidei theologicæ essentielles subsistere possunt in eo

qui sic præscriberet? Ille virtute præfati tituli sibi conscientiam efformare non potest se esse dominum rei quam præscribere intendit.

PUNCTUM II. *De necessitate bonæ fidei.*

Quæres 1° an bona fides theologica requiratur ad præscribendum?

Resp. affirm. Id probatur 1° jure can. ex reg. 2 juris, in 6 : *Possessor malæ fidei ullo tempore non præscribit.* 2° Conc. Later. IV : *Quoniam omne quod non est ex fide peccatum est, synodali judicio definimus, ut nulla valeat absque bonâ fide præscriptio tam canonica quàm civilis; undè oportet ut qui præscribit, in nullâ temporis parte habeat conscientiam rei alienæ.* Quis tantæ non suffragabitur auctoritati? Infallibilis est synodus œcumenica quando explicat jus divinum; atqui conc. Later. IV, quod ab Ecclesiâ recensetur inter concilia generalia, non edit novam legem, sed explicat jus divinum, cum, ex Epist. ad Rom. 14, 23, *Omne quod non est ex fide peccatum est*, concludat nullam valere præscriptionem absque bonâ fide theologicâ: ergò. 3° Ratione. Statim ac possessor fit malæ fidei, fur et latro est; atqui lex non intendit instituere præscriptionem in favorem furum; ergò bona fides requiritur in quibuslibet præscriptionibus, et quidem omni tempore ad præscribendum lege requisito.

Hinc art. 2268 et 2269 quibus nituntur illi qui putant in præscriptionibus sufficere bonam fidem juridicam, vim nullam obtinent in foro conscientie; leges in istis et similibus dispositionibus meritò præsumunt tantum pro foro externo dominium transferre voluisse; quòd si ulterius progredi intendant, causâ cadunt, quia juri naturali et divino adversantur.

Quæres 2° an bona fides theologica ad præscribendum sufficiat?

Resp. 1° bona fides theologica non sufficit in præscriptionibus 10 et 20 annorum. Ratio est quia tota vis præscriptionis pendet à lege civili: atqui bona fides theolog. non sufficit coram lege civili in hujusmodi præscriptionibus. Etenim lex civ. in præscriptionibus de quibus agitur exigit bonam fidem et titulum, art. 2295: atqui bona fides ad mentem legis civ. non alia est nisi juridica: ergò bona fides theolog. non sufficit in præscriptionibus 10 et 20 annorum.

2° Bona fides theologica sufficit in præscriptionibus 30 annorum. Ratio est quia ubi invenitur bona fides theologica, adest quidquid lege et conscientia exigitur ut hujusmodi præscriptiones vim suam obtineant. 1° Adest quidquid lege exigitur; lex enim neque bonam fidem juridicam, neque titulum exigit pro præscriptionibus de quibus hypothesis est: ergò 1°. 2° Adest etiam id quod conscientia exigitur. Conscientia præter conditiones jure civili requisitas nihil aliud requirit nisi bonam fidem theologicam, quæ in præfato casu reperitur: ergò 2°. Aliundè ergò.

PUNCTUM III. *De rebus quæ bonæ fidei obstat possunt.*

Tria potissimum bonæ fidei obstat possunt, 1° d.

bium, 2° error, 3° mala fides auctoris cui succedit aliquis

Quæres 1° utrum bonæ fidei ad præscribendum requisita offerat dubium an aliena sit res quæ possidetur?

Resp. Certum est apud omnes eum qui dubitat utrum aliena sit res quam ipse possidet, teneri strictè diligentiam adhibere ut dubium excutatur et veritas detegatur, alioquin illius possessio ad prescriptionem inservire non posset, etenim bona fides cum præfato dubio subsistere nequit. Sic possidens voluntarie se exponit periculo rem alienam occupandi, ergo.

Sed questio est: an dubium quod, facta disquisitione, nihilominus perseverat, impedit bonam fidem in prescriptione requisitam? Distinguendum est.

1° Dubium præcedens possessionem impedit bonam fidem ad præscribendum requisitam. Ad bonam fidem requiritur ut possessor sibi legitime persuadeat, saltem practice, rem quam detinet esse suam; atqui id non potest in tali dubio; 1° neque principiis directis, cum, ex hypothesi, diligenti examine non vincatur; 2° neque principiis reflexis, cum in sui gratiam nulla juris præsumptio invocari possit, sicuti in dubio de quo infra: ergo. Aliunde: ergo.

2° Dubium possessioni bonæ fide inchoate superveniens non impedit bonam fidem in prescriptione requisitam. Ad bonam fidem in prescriptione sufficit ut possessor sibi legitime persuadeat, saltem practice, rem de quâ speculative dubitat reverà esse suam: atqui præfatus possessor potest legitimè sibi persuadere.... scilicet 1° *Præsumptione juris*. Etenim ex illo axioma: *In dubio melior est conditio possidentis*, omnia tribunaia civilia et ecclesiastica adjudicant rem de quâ dubitatur ei qui prius bonâ fide possidere incepit; atqui illa adjudicatio certè præsumptionem proprietatis adducit in gratiam illius cui res attribuitur: ergo. 2° *Præsumptione rationis*. Licet sequi opinionem longè probabiliorem, in concursu etiam tutioris; atqui longè probabilius est rem quam prius bonâ fide possideri esse meam, non obstante dubio quod ratione non sublatum fuit. Nam sic ratiocinari possum: ex unâ parte viri probi non solent invadere res alienas, et ex alterâ parte homines divitiarum maximè avidi non sinunt res suas sibi abripi absque gravissimis oppositionibus; atqui conscientia auctoris testis est quod nunquam bonum alterius injuste occupaverim et nullæ reclamaciones aures meas commoverint: ergo. 2° Aliundè.... Deniquè demus ad momentum quod præsumptiones non sufficiant ad dubium de quo agitur resolvendum in certitudinem practicam; quid indè? Ad litem componendam addemus breviter: ad præscribendum non requiritur possessio perfectior eâ quam exigunt leges civiles et ecclesiasticæ; atqui leges illæ non exigunt nisi possessionem quæ prius bonâ fide incepit, etiamsi postea dubium superveniat, dummodò illud dubium rationibus intrinsicis depelli non queat: ergo decipiuntur illi qui perfectiorem exposcunt possessionem ad præscribendum. Undè dubium speculativum, etsi forsan subsistat, non

impedit bonam fidem practicam, quæ saltem sufficit ad possessionem continuandam, ac prompè fundandam prescriptionem. Sic bene unanimiter, teste De Lugo, Theologi, Canonistæ et Jurisperiti.

Quæres 2° an et quis error tollat bonam fidem in prescriptione requisitam?

Resp. Error, in genere, est privatio cognitionis rei quam scire possumus. Duplex est: alius juris, alius facti. Error juris is est, quo quis factum cognoscens, ignorat legem quæ illud prohibet: ut si quis sciens talem esse minorem, nesciat legem prohibentem eum ita contrahere absque consensu parentum. Error facti is est quo quis, sciens legem, ignorat tale factum esse legi contrarium; ut si quis, sciens illicitum esse cum minore contrahere absque parentum consensu, ignoret talem personam quæcum contrahit esse minorem. Nunc,

Resp. 1° Error vincibilis sive facti, sive juris, bonam fidem tollit. Tunc imprudenter quis judicat rem quam possidet esse suam, vel se non teneri ad implendam obligationem quæ prescriptionibus liberativis extinguatur, siquidem, adhibita morali diligentia quam non solent omittere viri prudentes, aliud potuit et debuit judicium ferre.

2° Error invincibilis facti bonam fidem non impedit, nam bona fides necessariò supponit errorem; atqui nullus error bonæ fidei faventior quam error invincibilis facti, cum nec impediatur judicium prudens, nec in jure reprobetur: ergo....

3° Error invincibilis juris impedit bonam fidem requisitam prescriptionibus 10 et 20 annorum. Ex principiis suprâ expositis, præter bonam fidem theologiam, exigitur bona fides juridica, art. 2265; atqui leges non supponunt bonam fidem juridicam in eo qui etiam invincibiliter legem ignorat, siquidem titulus nullus defectu formalitatum, nunquam prescriptionibus 10 et 20 annorum inservire potest; quod certè valeret, si bonæ fidei supplere posset ignorantia legis: ergo....

4° Error invincibilis juris non impedit bonam fidem requisitam in prescriptionibus 30 annorum. Etenim in hujusmodi prescriptionibus sufficit bona fides theologica; atqui error invincibilis juris sive clari, sive obscuri, non impedit bonam fidem theologiam, quæ nihil aliud postulat quàm diligentiam hominibus probis consuetam: ergo.... Hinc rejicienda videtur distinctio juris clari et obscuri quæ diù in scholis viguit, et nunc expungitur novo jure. Codex civilis reputat omnem hominem scire ac cognoscere jus gallicum, quodcumque sit.

Quæres 3° an mala fides auctoris ita noceat successori, ut qui bonâ fide succedit possessori malæ fidei, in conscientia præscribere nequeat?

Resp. Prænotatur aliquem posse succedere bonis alterius, vel titulo hæredis universalis, quandò omnia ejus bona recepit; vel titulo universali, quandò partem mediam aut tertiam dicitur accipere; vel titulo particulari, seu ut legatarium, quandò objectum determinatum, v. g., talem agrum, bibliothecam

obtinet. Post hanc prænotationem respondemus :
Vel hæres succedit titulo particulari, vel titulo universali.

Si prius, hæres potest præscribere, modò bonà fide possideat per totum tempus à lege præfixum ; ratio est quia successor titulo particulari non censetur unicam personam moralem efficere cum suo auctore, ac proindè nec succedit vitiis illius possessionis, nec tenetur ad ejus debita solvenda : undè suo nomine, et non nomine auctoris præscribere incipit.

Si posterius, vel agitur de præscriptionibus 10 et 20 annorum, vel de præscriptionibus 30 annorum.

Si primùm, hæres titulo universali præscribere non potest. Nam in illis præscriptionibus requiritur bona fides juridica ; atqui in eo casu non est... Ex dispositione legum, successor titulo universali censetur unicam personam moralem cum suo auctore efformare, et, eo ipso, succedere vitiis illius possessionis ; atqui possessio auctoris, utpotè mæle fidei, ad præscriptionem apta non erat : ergo nec possessio successoris. Hoc intelligendum est tantùm de successore immediato, quia lex non admittit fictionem fictionis ; undè fictio juris de malà fide hæredis immediati non transit ad secundum heredem, et ideò secundus hæres non efficit unicam personam cum antecessore, v. g., cum avo vel atavo, qui in malà fide naturali versabatur.

Si secundum, probabilius est possessorem bonæ fidei titulo universali succedentem auctori malæ fidei, per 30 annos præscribere posse. Illa sententia conformis est, 1^o juri civili. Jus civile, art. 2262, asserit omnes obligationes tam reales quàm personales posse præscribi per 30 annos sinè probatione bonæ fidei ; atqui una est ex illis obligatio possessoris bonæ fidei titulo universali succedentis : ergo... 2^o Juri canonico. Jus canonicum nihil aliud exigit, præter conditiones juris civilis, nisi bonam fidem theologicam ; atqui præfatus hæres est in bonà fide theologicà, id est, coram Deo inculpabili : ergo. 3^o Fini præscriptionis. Finis præscriptionis est reddere certa bona privatorum, et innumeras lites extinguere ; atqui hæc obtineri non possunt, nisi valeat præscriptio possessoris bonæ fidei succedentis titulo universali.

Num. V. De tempore ad præscribendum statuto.

Tempus ad præscribendum statutum aliud est in præscriptionibus ad acquirendum, aliud in præscriptionibus ad se liberandum ab aliquà obligatione.

PUNCTUM I. *De tempore requisito in præscriptionibus ad acquirendum.*

Diversum est tempus requisitum in præscriptionibus ad acquirendum, pro diversis rebus præscribendis ; res præscribendæ possunt esse vel immobiles vel mobiles.

Quær. 1^o quid temporis requiratur ad præscribendas res mobiles ?

Resp. In primà hujusce Tractatùs editione docuimus cum notissimo professore, cujus opiniones sæpè nobis fuerunt regulares, mobiles tantùm præscribi

posse per 30 annos, quia in illarum gratiam non videbantur invocari posse, neque præscriptiones antiquæ trium annorum, cum illæ censeantur obsolete, neque præscriptiones 10 aut 20 annorum, cum istæ loquantur tantùm de bonis immobilibus ; sed, rebus maturius expensis, satiùs est recurrere cum Berger, Receveur et pluribus aliis ad art. 2279, quo possessio pro titulo habetur ubi agitur de bonis mobilibus acquirendis. Hæc autem possessio, si invocetur ad præscriptionem rei mobilis, debet procul dubio esse sicut et pro aliis præscriptionibus certa, pacifica, incepta et continuata bonà fide, nisi dicatur legislatorem voluisse favere furtis et rapinis. Jam verò istæ possessionis conditiones non unico instanti implentur, sed aliquale tempus exigunt ; ideirco sentimus non multùm recedendum esse à legibus quæ olim requirebant tres annos in præscriptionibus mobilium. Praxis quotidiana supponit hujusmodi leges non omninò peremptas. Ita Gousset in art. 2279.

Quær. 2^o quid temporis requiratur ad præscribendas res immobiles ?

Resp. vel possessio caret titulo, vel titulo nititur.

Si prius, requiritur et sufficit spatium 30 annorum, art. 2262 : jam abrogantur omnes dispositiones quibus olim longius intervallum ad præscribendas res ecclesiarum et civitatum exigebatur.

Si posterius, vel ille contrà quem præscribitur est præsens, vel absens, vel aliquandò præsens et aliquandò absens. Si sit præsens, sufficit spatium decem annorum, art. 2265 ; si sit absens, requiruntur et sufficiunt viginti anni, art. eod. ; si partim sit præsens et partim absens, annis præsentiae addendi sunt anni absentiae duplicati usque dùm compleatur decennium, art. 2266. Si, v. g., proprietarius fundi præscribendi, quinque annis sit præsens, et deindè aliò transferat domicilium, adhuc desiderantur decem anni, quia decem anni absentiae pro quinque tantùm annis præsentiae computantur.

Censetur autem præsens ille contra quem præscribitur, quandò degit sub jurisdictione ejusdem curiæ regie in cujus territorio situs est fundus præscriptioni obnoxius, art. 2265.

PUNCTUM II. *De tempore requisito in præscriptionibus ad se liberandum ab aliquà obligatione.*

Præscriptiones ad se liberandum complentur vel longo, vel brevi, vel brevissimo tempore.

1^o Complentur longo tempore illæ quæ fiunt lapsu 30 annorum. Hujusmodi præscriptionibus extinguuntur omnes actiones tùm reales tùm personales, art. 2262 : sub his comprehenduntur census, gallicè *rentes*, non tantùm quoad annuos redditus, sed etiam quoad capitale. Motiva hujus præscriptionis sunt : 1^o præsumptio solutionis debiti ; 2^o ut debitor non teneatur perpetuò servare testimonia solutionis ; 3^o ut puniatur negligentia creditoris.

2^o Complentur brevi tempore illæ quæ fiunt spatio 5 annorum. Hujusmodi præscriptionibus extinguuntur insoluta censuum vel pensionum cibariarum reli-

qua, locationum pretia, et generatim ea quæ solvenda sunt quolibet anno vel breviori epochâ periodicâ, art. 2277. Motiva hujus præscriptionis sunt 1° præsumptio solutionis; 2° punitio negligentie creditoris; 3° excitatio diligentie debitoris, ne de die in diem differendo impar fiat solvendis simul debitis quæ facile quotannis solvisset.

5° Complentur brevissimo tempore illæ quæ sunt minori spatio. Quædam complentur spatio sex mensium, aut unius anni, aut duorum annorum, art. 2271 et seq. His adjiunguntur etiam plures præscriptiones 3 annorum, quibus applicari non possunt, nisi motiva legis pro præscriptionibus brevissimi temporis. Motivum unicum hujus præscriptionis aut saltem principale est præsumptio solutionis debiti. Quod clarescit discussione Codicis et art. 2275, ex quo qui præscriptionem opponunt tenentur jurare, si id postulaverint ii quibus præscriptio opponitur, vel debitum reverà solutum fuisse, si de ipsorum facto agatur, vel se ignorare rem esse debitam, si agatur de facto eorum quorum loco sunt.

Undè præscriptiones brevissimi temporis, cum præsumptione solutionis nitantur, nullum, deficiente illâ solutione, sortiuntur effectum. Sic mercatoribus et operariis debita in foro conscientie solvenda sunt, licet ob defectum petitionis debiti intrâ tempus lege præfixum ipsis in foro civili denegetur actio. Intentio legislatoris, ut patet ex his quæ dicta sunt, hoc tantum statuit, ne ii quibus merx aut opus præstitum est, his solvendi periculum subeant, quia debita minuta sicut eorum solutio facilè excidunt è memoriâ; sed nullo modo fuit eos ab obligatione solvendi liberare, si reipsâ non solverint.

Not. 1° Ad complendam præscriptionem conjungi possunt tempora possessoris et auctoris, quocunque modo possessor auctori suo successerit, sive titulo oneroso aut gratuito, sive titulo universali aut particulari, art. 2255. Ratio est quia venditor vel donator vel testator rem alteri tradit cum suis juribus, ac proinde possessione inchoatâ ad præscribendum aptâ. Observa tamen quòd successor bonæ fidei computare non possit annos possessionis sui auctoris, cum istius possessio debitis conditionibus vestita non fuit.

Not. 2° Præscriptio non computatur de momento ad momentum, sed à die ad diem, art. 2260, nec acquiritur nisi postremus dies totus effluerit, art. 2261.

Antequàm huic paragrapho finem imponamus, quædam sunt dispositiones generales quæ sedulò observari debent.

1° Nemini licet præscriptioni renunciare antequàm adimpleta sit. Cum verò fuerit adimpleta, licet, art. 2220. Hæc autem renuntiatio fieri potest vel expressè, scilicet per declarationem, vel implicite, scilicet facto quod supponit derelictionem juris acquisiti, art. 2222.

2° Lex de præscriptione, solâ conditionis impletiōe et lapsu temporis requisito, ante quamlibet judicis sententiam suum operatur effectum. Quod supponere

videntur et art. 2222, et finis præscriptionis. Aliudè quis judicem adiret ad confirmandam possessionem de quâ minime inquietatur? Hoc minus ridiculum esset.

3° Qui rem aliquam præscribit, eo ipso fructus illius acquirit, si non præscriptione, saltem tanquam possessor bonæ fidei, vi tituli proprietatis translativi cuius vitia ignorantur, art. 549 et 550.

CAPUT SECUNDUM.

DE PRÆCIPUIS SPECIEBUS DOMINII SEMI-PLENI.

DOMINIUM plenum, ut initio tractatûs notavimus, tria secum importat, nempe: *Jus de re quolibet modo disponendi, jus re perfectè fruendi, et jus omnes alios à quâlibet rei fruitione excludendi.* Porro in his tribus dominium modificari potest. 1° Jus disponendi restringitur, quandò dominus cogitur aut prohibetur rem suam alienare. 2° Jus fruendi potest diversis modis separari à dominio pleno, prout scilicet alius quàm dominus habet rei aut usum, aut usumfructum, aut habitationem. 3° Jus alios excludendi à fruitione rei multipliciter limitatur, videlicet quandò quis tenetur permittere ut alii in suo fundo quosdam exerceant actus proprietatis, aut quando ipse ab aliis impeditur ne exerceat quosdam actus domini in proprio fundo; illud autem præsertim evenit per servitutes. De triplici illâ specie modificationis agendum est in triplici articulo.

ARTICULUS I.

DE MODIFICATIONE DOMINII QUOAD JUS DISPONENDI.

Dominium limitari potest quoad jus disponendi, vel quia dominus necessitatur, vel quia prohibetur rem suam alienare.

I. De necessitate alienandi.

Certum est 1° aliquem cogi posse bona sua alienare ob utilitatem publicam: princeps enim, virtute altî domini quod ab auctore societatis tenet, ad bonum regimen communis, id præcipere potest sub conditionibus humanitatis et prudentie quas leges civiles non minùs præscribunt quàm requitas naturalis. Unicuique legere est art. 10 pacti fundamentalis, gallicè *charte*, necnon art. 545 Codicis civilis.

Certum est 2° aliquem cogi posse bona sua alienare etiam ob utilitatem privatam sive ex legis dispositionibus, ut in casibus qui prævidentur art. 572, 682, 827, 1686, sive ex hominum pactis et conventionibus.

Anno 1853, die juli septimâ, novæ prodierunt leges quæ determinaverunt quandonâm aliquis teneatur ob utilitatem publicam cedere proprietatem suam, et quomodò ille præstendus sit indemnitas de expoliatiōe quam patitur.

II. De prohibitione alienandi.

Alienandi prohibitio oritur vel à lege, vel ab hominum voluntate:

1° A lege, vel propter qualitatem personarum, ut sunt, v. g., minores, interdicti, mulieres sub potestate mariti, ii qui consilio judiciario subjiunguntur; vel propter qualitatem bonorum, ut, v. g., bona dotalia, bona quæ majoratum component, bona regiam dotatiōem efficiunt.

2° Ab hominum voluntate, quando fiunt substitutiones vel conditiones non alienandi apponuntur contractibus, modò illud à lege non prohibeatur.

Hæc et similia magis intelliguntur ex iis quæ sæpè dicemus in Tractatu de Contractibus.

ARTICULUS II.

DE MODIFICATIONE DOMINII QUOAD JUS FRUENDI.

Generatim à lege prohibetur omnis usus seu domini actus qui damnum inferre possit sive bono publico, sive juribus privatorum. Eo principio fundatur art. 674 et plures alii. Sed præcipua modificatio locum habet quando jus fruendi partim aut totaliter à dominio directo separatur; quod fit maximè per usufructum, usum et habitationem, de quibus statim.

I. De usufructu.

(Cod. civ. ab art. 578 ad art. 624.)

Usufructus est *jus utendi et fruendi rebus alienis, tanquam ipse proprietarius, salvâ earum substantiâ*: differt in multis à locatione, nimirum, 1° in eo quòd usufructus sit aliquid personale quod non transit ad hæredes, nisi datus fuerit ad tempus determinatum, dum locatio morte non extinguitur et ad successorem venit; 2° in eo quòd usufructuarius possit à suis obligationibus se liberare usufructui renuntiando, dum locator non potest; 3° in eo quòd proprietarius teneatur tantum usufructuarii fruitionem non impedire, dum locatori hanc fruitionem procurare debet; ita Jurisperiti.

Quær. 1° Quomodo acquiratur usufructus?

Resp. Acquiritur vel legum dispositione; talis est ille qui patri aut matri competit in quibusdam bonis filiorum; vel hominum voluntate, puta testamento, donatione et venditione, art. 579. Hic posterior constitui potest ratione sui, vel purè et simpliciter, vel ad diem vel sub conditione, art. 580; et ratione bonorum quibus fundatur, in cunctis rebus sive mobilibus sive immobilibus, art. 581.

Quær. 2° quænam sint jura usufructuarii?

Resp. Usufructuarius re uti et frui potest sicut ipse proprietarius, art. 578. Observat tamen Delvincourt ea verba intelligi non posse in totâ suâ extensione, eò quòd non possit usufructuarius modum fruitionis mutare, quod proprietario permittitur.

Hinc 1° percipit omnes rei fructus sive naturales, sive industriales, sive civiles, art. 582 et seq. 2° Si usufructus constituatur in rebus quæ primo usu consumuntur, ut vinum, oleum, frumentum, usufructuarius eis uti potest easque consumere, cum onere tamen restituendi alias ejusdem generis, quantitatis, qualitatis et valoris, aut in se aut in pretio, art. 587. 3° Si usufructus constituatur in rebus quæ primo usu non consumuntur, usufructuarius iis uti potest in usum ad quem destinantur, cum obligatione tantum eas restituendi, finito usufructu, tales quales sunt, modò delo et notabili culpa non deteriorate fuerint, art. 589. 4° Si usufructus constituatur in silvis, usufructuarius in silvis non solum ædulis sed excelsis

eam portionem quotannis cedere potest quæ sub domino cædi solebat, art. 590, 561. Extrâ hos casus, nihil cedere potest, nisi necessitas ædis restaurandæ aut consuetudo locorum id permittant, art. 592, 595. Ad ipsum adhuc pertinent arbores frugiferæ, quando demortuæ sunt aut casu eversæ, sed debet alias in earum locum plantare, art. 594. 5° Si usufructus constitueretur in fundis ubi sint fodinæ, usufructuarius eas incæptas continuare potest, sed novas aperire nequit, art. 598. 6° Utitur juribus servitutis et aliis commodis fundo annexis, sicut ipse proprietarius, art. 597. 7° Deniquè usufructum vendere, donare, locare potest, modò tamen nihil immutet in conditione proprietarii.

Quær. 3° quænam sint usufructuarii obligationes?

Resp. Usufructuarius re uti et frui debet sicut bonus pater familiæ, art. 598 et 601. Adverte, ex definitione usufructus, salvam debere esse formam rei, quia usufructuarius, saltem ordinariè, eam conservare potest.

Hinc 1° *initio usufructus*, debet inventario ritè confecto recognoscere omnia quæ usufructum constituunt et cautionem præstare, nisi ab eâ dispensetur per legem aut per eum qui usufructum dedit, art. 600 et 601.

Hinc 2° *tempore usufructus*, rei invigilare debet ne pereat aut deterior fiat aut ab alio usurpetur, ac proinde reparationes non majores sed modicas facere, onera pro re frugiferâ annualiter imposita solvere, loco vitium, arborum frugiferarum, aut capitum in grege demortuorum alia substituere, prout explicatur ab art. 605 usq. ad art. 614.

Hinc 3° *fine usufructus*, debet rem restituere cum fructibus, si nondum collecti sint, et cum ameliorationibus fundo factis, si absque incommodo auferri nequeant, nullâ proprietario impositâ obligatione solvendi impensas, art. 585, 589.

Quæres 4° Quomodo cesset usufructus?

Resp. Finem accipit usufructus 1° per mortem tûm naturalem, tûm civilem usufructuarii; 2° per expirationem temporis pro usufructu concessi; 3° per consolidationem, quâ usufructuarius fit simul dominus, aut dominus simul usufructuarius rei; 4° per non usum rei 30 annis; 5° per abusum rei sententiâ judicis recognitum; 6° per totalem rei destructionem; 7° per legitimam usufructuarii renuntiationem. Sic ab art. 617 usque ad art. 624.

II. De usu.

(Cod. civ. ab art. 625 ad art. 656.)

Usus est *jus utendi re alienâ in propriam tantior utilitatem, salvâ ejus substantiâ*. Undè jus usuarii minùs extenditur quàm jus usufructuarii. Si non potest, quem admodum usufructuarius, eos fructus accipere qui sibi sunt inutiles. Nomine tamen propriæ utilitatis intelligitur non solum utilitas personalis usuarii, sed etiam ejus familiæ, etsi, tempore quo usum acquirit, conjugatus non fuerit, art. 650.

Quæres 1° Quænam sint jura usuarii?

Resp. Usuarium, nisi aliud specialiter constitutum fuerit, fructibus et rebus utitur, in quantum necessarium est, ad suam aut familie quotidianam indigentiam, juxta ipsius qualitatem et conditionem, ita ut non possit inde lucrum, sed solam utilitatem consequi, art. 628, 630, 729.

Quæres 2° quænam sint obligationes usuarii?

Resp. Usuarium, sicut et usufructuarius, re uti debet tanquam bonus pater familias, art. 627. Hinc debet initio usus inventarium conficere, et cautionem præstare pro rebus usui concessis, art. 626; 2° Tempore usus rei invigilare ne pereat, aut deterior fiat, aut ab alio usurpetur, art. 627; 3° solvere onera, quales sunt impensæ pro tributis annuis, reparationibus gallicè dictis *d'entretien*, stipendiis famulorum, cultura agrorum, juxta ratam partem quâ utitur, art. 635. Cæterum, nunquam potest usuarium usum locare, vendere, aut alio modo ad alterum transferre, art. 631.

Quæres 3° quomodo acquiratur et extinguatur usus?

Resp. Usus eodem modo acquiratur et disperditur ac usufructus, art. 625, 626.

III. De habitatione.

(Cod. civ. ab art. 651 ad art. 656.)

Habitatio est jus inhabitandi aedes alienas, salva ipsarum substantiâ. Tale jus nihil aliud est quam usus in domo concessus; unde fisdem gaudet privilegiis, et fisdem subjacet obligationibus. Sicque in dispositionibus Codicis usus et habitatio fere confunduntur, art. 651 usque ad art. 656.

ARTICULUS III.

DE MODIFICATIONE DOMINII QUOAD JUS EXCLUDENDI.

(Cod. civ. ab art. 657 ad art. 689.)

Jus alios à suæ rei fruitione excludendi modificatur, vel quia aliquis cogitur aliis permittere ut in fundo suo actus proprietatis faciant, v. g., transeant per fundum suum, vel quia ipse prohibetur in proprio fundo actus proprietarii exercere, v. g., plantare propè limites agri. Illæ modificationes invehuntur per servitutes.

Servitus definitur: onus prædio impositum in usum vel utilitatem prædii ad alterum proprietarium pertinentis, art. 637.

Dicitur 1° *Onus*, ratione prædii cui impositum est, quodque vocatur prædium *serviens*; nam est jus ratione prædii cui debetur servitus, quodque appellatur *prædium dominans*. Nihilominus hæc qualificationes nullam præstantiam adducunt inter prædia, art. 638.

2° *Prædio impositum*; quia servitutes, à tempore quo sublata fuit præterita feodalitas, non in personis, sed in prædiis tantum constitui possunt, art. 686.

3° *In usum et utilitatem prædii*, quia servitutes, licet causâ hominis mediâtè comparantur sicut alia jura, maxime respectu rei constituuntur et prædiis debentur.

4° *Ad alterum proprietarium pertinentis*; quia nemo

utitur resuâ titulo servitutis, sed titulo proprietatis.

Triplex est servitus, *naturalis*, *legalis* et *conventionalis*, art. 639.

Servitus naturalis ea est quæ sine conventione et sine expressa legis dispositione instituitur ob naturalem positionem locorum; sic ager inferior suscipere tenetur aquas quæ naturaliter à superiori fluunt. Hinc proprietarius superioris agri nihil locum debet ut aqua vehementius fluat, nec d'incassum fluat, nec potest quicunque viâ vel arte cursum naturalem aquæ impedire. Multa alia sunt scitu digna, quæ reperies in Codice ab art. 640 usque ad 645.

Servitus legalis ea est quæ, absque ullâ conventione particulari, per legem constituitur pro bono publico vel pro utilitate privatorum, 3fl. 649. Ad priorem speciem pertinet obligatio viam ad tractum navigiorum in ripis fluminum relinquendi, et vias aut alia opera communia conficiendi, art. 650. Ad posteriorem speciem revocantur variæ obligationes, quibus proprietarii vicissim tenentur absque ullâ conventione, propter legum expressas dispositiones. Præterque ex illis obligationibus spectant: 1° Jus quod pro indiviso ad plures pertinet, art. 661. 2° Jus limitationis (*le droit de bornage*), art. 646. 3° Jus prædia sua circumscripiendi (*le droit de clôture*), art. 647 et 648. 4° Jus gallicè dictum *de mitoyenneté*, art. 655 usque ad 671. 5° Jus distantie, pro quibusdam operibus construendis, art. 671. 6° Jus luminis (*droit de vue*), art. 675 ad 680. 7° Jus stillicidii (*l'égout des toits*), art. 681. 8° Jus transitûs (*le droit de passage*), art. 682 ad 685.

Servitus conventionalis ea est quæ hominum facto et voluntate constituitur; hujusmodi servitutes, quando nulla facta est conventio specialis, regulis subjacent jure statutis.

Illæ servitutes dividuntur, 1° in *urbanas* et *rusticas*. Vocantur *urbanæ* quæ ad utilitatem ædium constitutæ sunt, sive ædes in rure sint, sive in urbe. Vocantur *rusticæ* illæ quæ in utilitatem agrorum sunt constitutæ, art. 687.

2° In *continuas*, et *non continuas*. *Continuæ* illæ dicuntur quarum usus est aut esse potest continuus absque facto hominis. Tales sunt servitutes aqueductûs, stillicidii, luminum et similium. *Non continuæ* illæ sunt quæ sine facto hominis exerceri non possunt, ut servitutes itineris, pecoris pascendi, aquæ hauriendæ, art. 688.

3° In *apparentes*, et *non apparentes*. *Apparentes* eas sunt quæ exterioribus declarantur operibus, v. g., januâ, fenestrâ, aqueductu. *Non apparentes* illæ sunt quæ talibus signis non manifestantur, ut prohibitio ædificandi in areâ suâ, vel altius tollendi ædes suas, art. 689. His præmissis,

Quæres 1° quomodo servitutes constituentur?

Resp. 1°: Servitutes, quæ simul continuæ sunt et apparentes, constitui possunt vel titulo, vel præscriptione 30 annorum, vel etiam destinatione patris familias, quæ locum habet tituli, art. 690, 692, 695.

2° Servitutes aut *non continuæ*, aut *non apparentes*, solo titulo constitui possunt, nec sufficit ad eas acqui-

rendas possessio etiam immemorialis. Manent tamen sic acquisitæ antè promulgationem hujus tituli Codicis civilis, id est, antè diem 10 februarii 1804.

Cæterùm, concessâ servitute, illud omne concessum censetur quod necessarium est ut eâ uti possit ille cujus gratiâ constituta est, art. 696.

Quæres 2° quanam jura et obligationes ex hâc servitute proveniant?

Resp. Hæc jura et obligationes præcipuè pendent à conventionibus contrahentium. Deficiente verò conventionē, sic definienda sunt :

1° Is, cui debetur servitus, omnia opera perficere potest quæ necessaria sunt ut eâ utatur atque illam conservet, art. 697, 698, 699.

2° Si dividatur fundus ad cujus utilitatem constituta est servitus, hæc debetur cuique parti fundi, ità ut tamen durior non fiat conditio domini prædii servientis, art. 700.

3° Dominus prædii servientis nihil agere potest ex quo servitutis usus minui possit, et vicissim is cui debetur servitus, nihil facere potest undè conditio prædii servientis gravior fiat, art. 701, 702.

Quæres 3° quomodo extinguantur servitutes.

Resp. Servitutes cessant, 1° tempore elapso vel conditione impletâ, si in diem vel sub conditione constitutæ sint; 2° renuntiatione expressâ vel tacitâ illius qui jus habet servitutis, v. g., si alteri permiserit id facere quo servitus impediatur; 3° consolidatione quâ fit ut dominus prædii dominantis fiat simul dominus prædii servientis vel contrâ, art. 705; 4° non-usu servitutis per 30 annos, art. 706. Hæc dispositio quibuslibet servitutibus communis est. Undè sequitur plus requiri ad acquirendas quasdam servitutes quàm ad eas extinguendas, cum ad acquirendas servitutes aut non continuas aut non apparentes possessio immemorialis non sufficiat. Incipit ille non-usus ad præscribendum requisitus, à die quo cessavit usus servitutis, si agatur de servitutibus discontinuis, vel à die quo factum fuerit aliquid servituti contrarium, si agatur de servitutibus continuis, art. 707. 5° Tali rerum mutatione, ut is cui debetur servitus eâ uti non possit, art. 703. Nota reviviscere illas servitutes, si prædia ità restituantur ut usus servitutis sit possibilis, modò restitutio fiat ante præscriptionem acquisitam, art. 704. Hinc si domus quæ habebat servitutem vel cui debebatur servitus diruta sit, suspenditur, et imò extinguatur servitus si domus iterùm non ædificetur intrâ tempus ad præscriptionem constitutum, id est 30 annos à die quo diruta est : si autem restauretur antequàm compleantur 30 anni, servitus in pristinum restituitur statum.

Pars secunda.

DE INJURIA ET RESTITUTIONE IN GENERE.

Quæres 1° Quid sit injuria?

Resp. Injuria definitur : Violatio juris alieni. Illa violatio fit vel voluntariè, vel involuntariè. Si prius, dicitur formalis. Si posterius, materialis est. Censetur cravis ista violatio, quandò per se apta est ad crean-

dum alteri dolorem difficilè sedabilem. Id autem judicatur in casibus particularibus ex prudentùm æstimatione, spectatâ communi hominum conditione et dispositione naturali.

Quæres 2° An scienti et volenti fiat injuria?

Resp. neg. Sicut impossibilis est violatio legis, quandò tollitur aut suspenditur ejusdem obligatio legis, ut actionem ampliùs non prohibeat, ità impossibilis est violatio juris, quandò tollitur aut suspenditur obligatio juris, ut alterius actioni ampliùs non adversetur; atqui sciens et volens tollit aut suspendit obligationem sui juris ut alterius actioni non resistat : ergò impossibilis est juris violatio seu injuria quandò alter est sciens et volens.

Ad hoc tamen quatuor requiruntur, 1° ut cessor juris plenè consentiat, id est, cum advertentiâ intellectùs et voluntatis propensione ad peccatùm grave sufficientibus, si cessio sit onerosa, et cum plenâ spontaneitate, id est, absque rationabili repugnantia, si cessio juris gratuita sit. Hinc ille, cui venditur res vitiosa pro re integrâ, vel qui pecuniam dat latroni, veram patitur injuriam. 2° Ut consentiat cessioni sui juris, id est, juri suo verè renuntiando, adeò ut non solùm fiat remissio indignationis sed etiam debiti. Hinc martyres, etsi lætantes et gaudentes irent ad supplicium, veram patiebantur injuriam. 3° Ut possit jus suum cedere, id est, lege aut alio obstaculo non impediatur. Hinc pupillus consentiens in ablatione suorum bonorum veram patitur injuriam, quia lex obstat ne possit jus suum cedere. 4° Ut illa cessio agenti innotescat, alioquin committeretur injuria formalis.

Quæres 3° quid sit restitutio?

Resp. Restitutio est actus justitiæ commutativæ, quæ res aliena redditur, vel damnum injustè illatum reparatur. Ex hâc definitione facilè concipitur restitutionem multùm differre à solutione, satisfatione et satisfactione, quæ fiunt vel ad præveniendam injustitiam, ut solutio, vel ad obediendum justitiæ vindicativæ, ut satisfactio, vel ad personales offensas per obsequium et excusationem solvendas, ut satisfactio, dùm restitutio præsupponit violationem juris alieni, actus habetur justitiæ commutativæ, atque circa res et non personas versatur. Ità Vogler.

His præhabitis, dicemus in quadruplici capite, 1° de necessitate; 2° de radicibus; 3° de circumstantiis restitutionis; 4° de causis ab eâ excusantibus.

CAPUT PRIMUM.

DE NECESSITATE RESTITUTIONIS.

PROPOSITIO. — Restitutio vel in re vel in voto necessaria est ad salutem.

Prob. 1° Script. Sic in veteri Testamento, Ezech. 33, 14, 15 : Impius, si egerit penitentiam, rapinam reddiderit, vitâ vivet et non morietur; erg. si non reddiderit, morietur et non vivet; erg..... Sic in novo Testamento, S. Jacob. ep. 3, 4 : Ecce merces operantium quæ fraudata est à vobis clamat, et clamor eorum

in aures Domini Sabaoth; atqui non clamaret, nisi necessaria esset restitutio : ergo...

2° Trad. Non melius Traditio cognosci potest quam SS. Patribus; atqui SS. Patres ea de re sunt unanimes. Sic S. August., cujus verba à totâ Traditione accepta sunt, et à jure canonico in vim axiomatis admissa, Serm. 150 : *Non remittitur peccatum, nisi restituatur ablatum; sed ut dixi, cum restitui potest : ergo.*

3° Ratione. Ratio dicitur ad salutem necessarium esse observare primaria legis naturalis principia; atqui violat hujusmodi principia qui non restituit....., siquidem non minus furatur ac injustus acceptor, cum omissio restitutionis sit rei alienæ acceptio continuata, invito domino : ergo.... Et verò ratio à priori cur adsit obligatio restituendi, illa est : talis est natura juris perfecti ut qui illud habet rem suam possit viâ coactionis repetere; atqui in vanum abiret illud jus, si ad restitutionem non teneretur qui hanc rem injustè possidet : ergo...

Dixi *in re vel in voto*, quia, ei qui statim restituere non potest, sufficit ut propositum habeat restituendi ubi poterit. Interea tenetur quod in se est facere ad comparandas facultates restitutioni necessarias; qui obligatur ad finem, is etiam ad media.

Hocce præceptum partim affirmativum est, cum aliquid jubeat faciendum, partim negativum, cum aliquid prohibeat; sed nobis primariò videtur negativum, siquidem detentionis injustæ prohibitionem includit tanquam fundamentum et rationem suæ obligationis. Ideò enim restituere tenemur quia rem alienam detinere prohibemur : præcepta affirmativa, fateor, includunt etiam quamdam prohibitionem, sed non ut sui rationem; sic Deus amandus est quia amabilis est, non verò quia odio non est habendus.

Hinc 1° præceptum restituendi obligat *statim*, adeò ut quisque habere debeat *statim* propositum restituendi rem alienam, et eam in toto vel in parte, prout ipsi possibilis est, *quamprimum moraliter* reddere tenetur.

Hinc 2° qui non restituit, cum potest et debet, peccat peccato continuato et tandiù protracto quantiù durat mora culpabilis, id est, toto omissionis tempore, quia semper violat præceptum negativum quod obligat semper et pro semper. Sentiant communiter doctores illud peccatum numero multiplicari, si expressè vel implicite renovetur intentio non restituendi; itaque detentor declarare debet ex quo tempore rem alienam detineat, an semper eam vel totaliter vel ex parte restituere potuerit, an voluntatem ejusdem non restituendæ iteraverit.

Hinc 3° neganda est absolutio poenitentibus restitutioni obnoxiiis qui firmum non habent restituendi propositum. Hoc autem proposito meritò carere judicantur 1° illi qui illud exsequendi facultatem comparare negligunt, v. g., superfluas in ludo, in mensâ, in equis, in famulis, pretiosâ suppellectili impensas resecano; 2° illi qui bis aut ter polliciti se esse restitutos, suis tamen promissis defuerunt : 3° illi qui in mortis peri-

culo, restitutionem hæredibus faciendam committunt, quamvis per se restituere possint, timendum est enim ne ab hæredibus omittatur id quod ipsimet negligunt. 4° illi qui toti solvendo pares, non nisi partem restituant; peccant enim eo ipso quo alienum retinent.

CAPUT SECUNDUM.

DE RADICIBUS RESTITUTIONIS.

Radices restitutionis sunt causæ propter quas oritur obligatio restituendi. Antequàm eas demonstremus, statuitur principium generale, ex quo fluunt illæ radices.

PROPOSITIO. — *Ex violatione justitiæ commutativæ et quidem solius per se oritur obligatio restituendi.*

Prob. prima pars : *Ex violatione justitiæ commutativæ oritur obligatio restituendi.* Ea obligatio admittenda est, quâ sublata, jus strictum, vanum ac illusorium esset; atqui, sublata obligatione restituendi ex violatione justitiæ commutativæ, vanum ac illusorium esset.... Jus illud vanum ac illusorium esset, cujus finis obtineri non posset; atqui, sublata obligatione restituendi ex violatione justitiæ commutativæ, finis juris stricti non posset obtineri : finis enim illius est ut unusquisque sua conservet, amissa recuperet; atqui nemo id posset, sublata obligatione restituendi...; siquidem dominus nullum haberet jus ad res suas retinendas, quæ proinde cederent fortiori eas abripienti. ergo.

Prob. secunda pars : *Ex violatione solius justitiæ commutativæ oritur per se obligatio restituendi.* Obligatio restituendi fundatur in repetibilitate debiti, seu in jure quod quis habet rem suam ubique repetendi; atqui solum debitum justitiæ commutativæ essentialiter repetibile est.

1° Essentialiter non repetibile est debitum justitiæ legalis. Objectum justitiæ legalis est obedientia legibus, quæ dicitur imperans in principe, et exsequens in subditis; atqui tale objectum non essentialiter repetibile est. Objectum quod transit et nunquàm redit, non essentialiter repetibile est; atqui talis est obedientia legibus. Sit in exemplum miles cui datur præceptum pugnandi, et qui de facto non pugnat; atqui pro illo milite reparatio illius inobedientiæ transit et nunquàm redit : etenim illam inobedientiam repararet vel fortius dimicando cum pugna præcipitur, vel dimicando cum non præcipitur; atqui in utroque casu non reparatur inobedientia; non in primo, quia tunc urget novum præceptum quàm fortius præliandi; non in secundo, quia tunc nova committeretur inobedientia. Undè, transactâ occasione justitiæ legali obediendi, illius motivum non perseverat. In justitiâ autem strictâ, cum ea tendat ad tribuendum unicuique quod suum est, illius motivum semper subsistit, quia, occasione restituendi etiam transactâ, manet inæqualitas donec reparata fuerit : ergo... 2° Essentialiter non repetibile est debitum justitiæ distributivæ. Objectum justitiæ distributivæ est privatis titulos et officia conferre juxta uniuscujusque merita et facultates; atqui tale objectum non essentialiter repetibile est, cum sit

indeterminatum; siquidem nemo probare potest se alius digniorem, aut tali munere dignum. Et aliudè breviter societas, si privati jus strictum haberent ad officia et titulos, cum unusquisque amore sui deceptus se dignum officio judicaret, et ad illud obtinendum decertaret; ideo superior, qui in distributione officiorum vel beneficiorum, dignum aut etiam digniorem praefermit, ipsis non aufert quod suum est, ac proinde erga eos injuriam strictam non committit, licet peccet contra justitiam distributivam ob injustam acceptionem personarum, si dignum digniori anteponat: ergo. 3^o Debitum justitiae vindicativae non essentialiter repetibile est. Objectum illius justitiae est punire reos; atqui repetibilis non est illa punitio si omittatur, alioquin dicendum esset aliquem jus strictum habere ad poenas, quas nemo certè excogitavit et ambiit: ergo; aliudè: ergo.

Dixi *per se*; aliquando enim obligatio restituendi oritur per *accidens* ex violatione justitiae legalis, aut distributivae, aut vindicativae, scilicet quando iis, ob pactum explicitum aut implicitum, justitia commutativa consociatur.

Sic 1^o restituere tenentur, ob violationem justitiae legalis et simul commutativae, tum subditi qui non praestant tributa quae princeps exigit ad bonum publicum, tum principes qui subditis ultra necessitatem onera imponunt.

Sic 2^o etiam restituere tenentur ob violationem justitiae distributivae et simul commutativae, 1^o superiores qui indignis officia conferunt; quia, licet stricto jure non teneantur utilissima reipublicae quaeque procurare, hoc tamen jure debent detrimentum quod inde recipit respublica avertere; 2^o titulorum et aliorum onerum repartitores qui, ultionis causâ, vel examinis defectu, vel ut suis parcant, quosdam privatos gravioribus oneribus premunt, quia privati jus strictum habent ne plus aequo opprimantur; 3^o qui bursas in seminariis aut collegiis pro paupere quâdam familiâ fundatas, aut eleemosynas cuicundam indigenti destinatas, extraneis et saepe non indigentibus conferunt; 4^o qui in concursu minus dignum praeferunt digniori; in concursu pactum implicitum intervenit quo dignior jus strictum acquirit.

Sic 3^o deniquè restituere tenentur, ob violationem justitiae vindicativae et simul commutativae, iudices et magistratus qui, propter gravem in puniendo negligentiam, causa sunt cur privati bona sua non recuperent, vel societas notabile damnum accipiat, quia ii ratione officii crimina plectere jure stricto tenentur.

Cum autem justitia commutativa multipliciter violari possit, expenditur quotuplex sit restitutionis radix.

Quatuor vulgò recenserì solent restitutionis radices, nimirum injusta acceptio, injusta detentio, injusta damnificatio, contractus aut quasi-contractus.

Ratio est quia totuplex restitutionis radix, quotuplex juris alieni violandi modus; atqui modus iste quadruplex: etenim violatur vel rem alienam accipiendo, v. g.

ex furto, et tunc est injusta acceptio; vel rem alienam injustè detinendo, ut si ovem quæ gregi meo se immiscuit, reddere nolim, et tunc est injusta detentio, vel damnum inferendo, ut si quis domum alterius incendat, et tunc est injusta damnificatio; vel contractui non stando, aut rem alienam malè gerendo, et tunc est violatio contractus aut quasi-contractus.

Verum hæc omnes restitutionis causæ, quas superius exposuimus, ad duas præcipuas extra contractum et quasi-contractum reduci possunt, videlicet injustam acceptionem et injustam damnificationem.

Sub nomine injustæ acceptionis comprehenduntur simul ablatio et detentio rei alienæ, domino rationabiliter invito. Hic junguntur illæ duæ actiones, quia in utraque dominatur acceptio, quæ vel inchoatur injustâ ablatione, vel continuatur injustâ detentione.

Sub nomine injustæ damnificationis comprehenditur omnis actio alteri damnosa, absque injustâ acceptione et detentione, si quis, v. g., alterius ædes comburat. Ad hanc revocatur injusta acceptio sub respectu quo, præter rei privationem, alteri damnum aliquod infert. Hinc duo articuli, primus de injustâ acceptione, et secundus de injustâ damnificatione. Obligatio restituendi ex obligatione contractus proveniens, ad Tractatum subsequentem remittitur explicanda.

ARTICULUS I.

DE PRIMA RADICE RESTITUTIONIS SEU INJUSTA ACCEPTIONE.

Res aliena accipi aut detineri potest à possessore vel bonæ, vel malæ, vel dubiæ fidei. Possessor est bonæ fidei, si post adhibitam sufficientem diligentiam prudenter judicet et credat rem quam possidet esse suam. Possessor est malæ fidei si advertat aut advertere possit rem quam detinet esse alienam. Possessor est dubiæ fidei, si graves sibi adsint rationes dubitandi an res sit sua vel aliena. Quisquis ille sit comprehenditur sub nomine acceptoris vel materialiter vel formaliter injusti, cum variis tamen obligationibus ipsi correspondentibus. De his in tribus paragraphis sermo est.

§ 1. — De possessore bonæ fidei.

Obligationes possessoris bonæ fidei considerari possunt tum ratione ipsius rei, tum ratione fructuum, tum ratione impensarum.

NUM. 1. — De obligationibus possessoris bonæ fidei, ratione ipsius rei.

Quær. 1^o ad quid teneatur possessor bonæ fidei, ratione rei quam possidet vel possedit?

Resp. Certum est possessorem bonæ fidei contra justitiam non peccare, rem alienam retinendo, eam impendendo in pravos usus, minoris vendendo, dissipando, quamdiu perseveret ipsius bona fides, quia ita agendo nullius jura formaliter lædit, cum nemini jus strictum habent ut aliud fiat; sed difficultas est in casu quo possessor, ante legitimam præscriptionem, animadvertit rem esse alterius. Ad claram illius decisionem

duplex fingi potest hypothesis: vel possessor rem adhuc retinet, vel non.

In prima hypothesi, id est, si possessor bonae fidei rem adhuc habeat cum advertit esse alterius, statim domino etiam non potenti illam restituere tenetur: alioquin diceretur dominus jus suum amisisse, praecise eo quod ipsius res in manus alienas transierit: quod admitti nequit, nisi tota subvertatur societas.

In secundâ hypothesi, id est, si possessor bonae fidei rem amplius non habeat, cum advertit eam esse alienam, tunc distinguendum est: vel rem consumpsit, vel rem donavit, vel illam vendidit:

I. Si rem consumpsit, vel inde ditior factus est, vel non. Si prius, tenetur restituere id in quo ditior factus est, quia per id res representatur. Si posterius, ad nihil tenetur, neque ratione rei alienae, cum res non existat, neque ratione injuste damnificationis, quae extra contractum non agnoscitur absque culpa theologicâ: ergo... Dicitur autem quis ditior fieri, cum rem alienam consumendo, pepercit rebus suis.

II. Si rem donavit, vel res adhuc existit, vel non. Si prius, donatarius eam restituere debet, quia dominum in illam non acquisivit, cum donator illi transferre non potuit quod non habebat. Si posterius, vel donator inde factus est ditior, id est, pepercit rebus suis quas certò dedisset si non habuisset prae manibus rem alienam, vel non. Si prius, donator restituere debet, cum rem alienam habeat in æquivalenti, seu in eo ex quo ditior factus est. Si posterius, vel ipse donatarius ditior evasit, et tunc id quo res representatur restituere debet; vel nihil inde lucri perecepit, et tunc ad nihil tenetur, neque ratione rei quae consumpta est, neque ratione injuriae, quae nulla est absque culpa theologicâ.

III. Si rem vendidit, vel res adhuc existat, vel non. Si prius, emptor tenetur restituere, salvo tamen illius recurso contra venditorem, nisi res empti fuerit in loco publico, aut à mercatore ejusmodi merces publicè vendente. Emptor enim in eam rem nullum acquisivit dominium: ergo... Unde recurrere potest contra venditorem, quia venditor tenetur emptorem praestare indemnem de sua emptione. Dixi nisi res empti fuerit... quia, ex jam dictis, ob securitatem commercialem lex transfert dominium huic emptori, adeo ut venditor emptorem cogere non possit ad rem sibi restituendam, nisi pretio prius soluto.

Si posterius, praetermissis variis opinionibus, probabilior nobis videtur sententia eorum, qui putant illum qui bonâ fide rem vendidit et pretium accepit, teneri reddere vel domino, vel emptori pretium rei, modo illud in bonâ fide non consumpserit. Ille debet restituere qui rem alienam habet, et qui ex re aliena ditesceret nisi restituat; atqui ita praedictus venditor. 1° Rem alienam habet... nam habet pretium rei alienae; atqui pretium rei alienae est alienum; siquidem ea est hominum voluntas ut nolint transferre pretium rei, nisi in quantum acquirant rei dominium: cum ergo in praesenti casu dominium non fuit transla-

tum, nec etiam dominium pretii venditor acquisivit, ergo habet rem alienam. 2° Nisi restitueret ditesceret ex re alienâ. Etenim accepit rem vel titulo gratuito, vel titulo oneroso; atqui in utroque casu ditesceret: in primo, quia reportat pretium rei quae gratis rebus suis additur; in secundo, quia compensat ex bonis alterius damnum sibi per forem illatum: ergo ditesceret: ergo restituere debet.

Dixi 1°: tenetur reddere emptori vel domino, scilicet emptori, si dominus rem suam ab emptore recuperet, alioquin emptor non foret indemnus ab evictione; et domino, si dominus rem recuperare nequeat, quia talis videtur praesumpta voluntas emptoris qui renuntiat dominio pecuniae suae, quando à proprietate rei vendita non evincitur.

Dixi 2°, pretium rei, scilicet, illud quo vendita fuit, si eodem fuerit empti; si verò fuit gratis accepta, vel majori pretio vendita, distinctione opus est: si auctarium proveniat ex ipsâ re quae melior evasit quam initio, tunc debet restitui totum pretium, quia res melioratur domino. Si è contrâ auctarium omnino debeatur industriae, non debet restitui, sed totum pertinet ad possessorem. Si verò ex utrâque proveniat, tunc partim domino rei, partim possessori ex iudicio prudentium tribuendum est.

Dixi 3°: modo pretium illud bonâ fide non consumpserit; si enim consumpsisset, de pretio ac de re ipsâ idem esset dicendum; porro quando possessor bonae fidei rem consumpsit nec ditior evasit, ad nihil tenetur: ergo...

Quæres 2° an ille qui bonâ fide rem emit à fure, pretium solum exigere possit à domino cui eam ipse restituit?

Resp. Vel illam emit cum intentione eam domino reddendi, vel absque illâ intentione, putans venditorem esse dominum rei.

Si prius, vel modico pretio, vel justo eam emit. Si modico pretio rem emerit, illud pretium potest repetere, quia æquum non est, ut qui negotia domini utiliter gessit damnum exinde patiatur. Hinc art. 1575. Si autem justo pretio emerit, legitime persuasus dominum ita rem suam affectu prosequi ut mallet totum pretium solvere quam jacturam rei subire, potest pretium exigere, quia etiam in hoc casu fuit utilis gestor rei alterius. Dixi legitime persuasus, nam si emit absque speciali ratione quâ putare potest se obsequium praestare domino, dicunt communiter illum non posse pretium repetere, quia emptor rem alterius utiliter non gessit, nullumque exinde dominus percipit commodum: quinimò iste forsân rei jacturam potius subiisset quam justum pretium solvisset. Admittunt tamen Lessius, Delugo, Billuart, possessorem posse exigere partem pretii correspondentem utilitati quâ rem domini gessit.

Si posterius, seu rem emit absque intentione reddendi, putans illam ad venditorem pertinere, opinio communis, teste Bened. XIV, docet possessorem non posse pretium solum repetere, nisi res empti fuerit in venditione publicâ, vel apud mercatorem taba pu-

hlicè vendentem. Si dominus pretium compensare teneretur, vel quia recepit rem alienam, vel quia damnum emptori intulit; atqui neut. : non primum, siquidem solummodò rem suam recuperat; non secundum, siquidem totum damnum illatum est per furem qui, nullum jus emptori transferendo, nihilominus pretium rei accepit : ergò. Dixi: nisi res empta fuerit in venditione... quia in hoc casu, si proprietarius rei originarius rem exigit, pretium à possessore solum reddere debet. Sic Codex civ. art. 2280.

Quæres 3° utrum ille, qui bonâ fide rem emit à fure, possit, comperto furto, eam furi reddere ut pecuniam suam recuperet?

Resp. 1° Si fur rem domino sit restitutus, aut dominus eam è manibus furis faciliè erepturus, emptor illam furi remittere potest ut pecuniam suam recuperet. Dominus rationabiliter invitus esse non potest, siquidem nullum indè patitur damnum: hinc axiomata: *Quod mihi prodest et tibi non obest teneris permittere.*

2. Si emptor rem in foro publico, vel ab homine res hujusmodi publicè vendente emerit, eam domino reddere non tenetur, nisi pretio ejus sibi soluto, art. 2280. Quæ lex favet commercio nec non tranquillitati publicæ, et ideò non dici potest injusta.

Sed extrâ hos casus emptor rem furi reddere nequit ut pecuniam suam recuperet.

Prob. Res aliena, ubicunquè sit, domino clamat, atqui fur non est dominus : erg... Et verò nullus potest, illasâ justitiâ, de re aliquâ disponere, domino rationabiliter invito; atqui dominus est rationabiliter invitus ut res sua furi reddatur, siquidem exponitur periculo eam amittendi : erg... Prætereà, nunquàm licet ponere actionem alteri directè damnificativam absque ratione sufficienti; atqui emptor in præsentī casu poneret..... 1° Actionem alteri directè damnificativam. Ille ponit actum alteri directè damnificativum qui ponit rem alterius in statu pejori; atqui ita emptor.... cùm res apud ipsum sit in meliori statu quàm apud furem qui eam faciliè non restituet : erg.... 2° Absque ratione sufficienti : sola causa quam asserre potest, certè esset damnum æquale sibi ipsi imminens; atqui illud damnum non est causa sufficiens, siquidem, ad ponendam actionem immediatè damnificativam in bonis fortunæ, generatim non sufficit damnum morte minus.

Obj. 1° Nemo tenetur procurare bonum alterius cum æquali suo damno, seclusis pacto et lege; atqui emptor rem domino restituendo ita ageret : ergò.

Resp. 1° : neg. maj. Ob nimiam ejus universalitatem. Emptor enim, fatentibus adversariis, si fur non appareat aut pecuniam reddere nolit, non potest rem aliis vendere, nec eam in usus proprios convertere ut se conservet indemnem.

Resp. neg. min. Aliud est procurare bonum alterius, aliud est à damno illi inferendo abstinere : atqui emptor rem domino restituendo tantum abstinere à damno alteri inferendo. ergo falsum est emp-

torum bonæ fidei rem domino restituendo directè procurare bonum alterius. Ipsi enim tantummodò reddunt quod illius est.

Obj. 2° Rem in eo statu reponere licet in quo erat antea; atqui eam furi reddendo, emptor illam in eo statu reponit in quo erat antea : ergo....

Resp. 1° nego maj. Dominus enim semper jus habet in rem suam in quocunque sit statu, et in omnia ejus incrementa sive extrinseca, sive intrinseca, quæ illam majoris efficiunt valoris; quia ubicunquè et in quocunque statu sit, semper domini est, illique clamat. Porro status securitatis quam in manibus emptoris obtinuit, verum est incrementum alicujus pretii : in illud ergo jus habet dominus : ergò....

Resp. 2° neg. min. Fur enim videns quod res sibi reddatur, formidabit ne in suspicionem furti veniat, atque rem aut longius asportabit, aut diligentius occultabit, ac proindè difficilius dominus eam recuperare poterit : ergò.

Obj. 3° Si quis in viâ res alienas invenit, eas colligere et eas domino reddere non tenetur : ergo à pari emptor teneri non potest rem quam bonâ fide emit domino reddere.

Resp. nego consequ. et paritat. Ratio disparitatis est quòd nemo jus habeat ut quis res ipsius in foro publico disperditas colligat; è contrâ, legitimus rei furatæ dominus semper in eam jus strictum habet, in quocunque sit statu : non licet ergò eam in statu deteriori quàm nunc est, reponere : si autem emptor eam furi redderet, eo ipso, in deteriori statu illam reponeret, et aliquo modo respectu domini destrueret : ergò, etc.

Obj. 4° Licet ponere actionem indifferentem ex quâ sequuntur æqualiter duo effectus, alius bonus et alter malus, modò bonus intendatur et compenset malum; atqui talis est redditio rei emptæ furi qui recepit pretium : ex eâ enim sequuntur æqualiter pro emptore obtentio pecuniæ, et pro domino rei privatio : ergò.

Resp. neg. min. Illi actus non sequuntur æqualiter, quorum unus sequitur immediatè, et alter non nisi mediâtè; atqui in redditione rei emptæ furi qui pretium restituit, malus effectus, nempe privatio rei pro domino sequitur immediatè, cùm includatur necessariò in ipsamet redditione rei alienæ furi; et bonus effectus, nempe obtentio pecuniæ pro emptore sequitur tantum mediâtè, cùm exigit actionem furis restitutivam.

NEM. II. De obligationibus possessoris bonæ fidei ratione fructuum.

Fructus, ex antea dictis, sunt vel naturales, vel industriales, vel civiles, vel mixti. Ab illâ notione, quæ communis est apud omnes Theologos, aliquatenus recedit dispositio Codicis civ., art. 583, 585, quibus vocantur industriales ii fructus, quos Theologi vocant mixtos : unde triplex tantum genus fructuum admittit. Illud autem sedulò observandum est, ut intelligatur legitimo sensu ista dispositio legis.

His positis, vel agitur de fructibus industrialibus, vel de aliis.

Si prius, possessor bonæ fidei fructus industriales restituere non tenetur: ad eum pertinent, ad quem pertinet causa frugifera; atqui causa fructuum industrialium pertinet ad possessorem, siquidem ii fructus totaliter proveniunt ex industria illius qui re alienâ tantum ut instrumento utitur: ergò.... Unde qui, ex pecuniâ alienâ negotiando, ingentes comparavit divitias, nihil ex his domino pecunie debet.

Si posterius, quæstio expenditur vel jure naturali, vel jure positivo.

1° *Jure naturali*, possessor bonæ fidei omnes fructus sive naturales, sive civiles, sive mixtos, in quantum sunt naturales, deductis tamen impensis et laboribus, domino restituere tenetur. Ad eum pertinent cujus est causa frugifera; atqui causa frugifera hujusmodi fructuum ad dominum rei pertinet, siquidem res ipsa eos produxit; inde proliit axioma: *Res fructificat domino suo*: ergò....

2° *Jure positivo*, possessor bonæ fidei omnes fructus sive naturales, sive civiles, sive mixtos, quâ parte sunt naturales, retinere potest, modò collecti fuerint durante bonâ fide. Hæc generatim statuit lex civilis, art. 549: « Le simple possesseur ne fait les fruits siens, « que dans le cas où il les possède de bonne foi. » Unde sic ratiocinandum est contrâ eos qui hanc legis dispositionem ad forum externum restringunt. Judicandum est in foro interno, sicut in foro externo, quoties judicium fori externi fertur ob gravem utilitatem societatis, et non fundatur in falsâ facti præsumptione; atqui tale est judicium fori externi adjudicans fructus possessori... 1° Fertur ob gravem utilitatem societatis. Judicium illud fertur tùm ad culturam proprietatem validius excitandam, tùm ad præcavendas familiarum ruinas, tùm ad avertendas perquisitiones in rebus secretioribus privatorum; atqui illud certò multùm utile est societati: ergò..... 2° Non fundatur in falsâ facti præsumptione. Si niteretur in falsâ facti præsumptione, maximè foret in præsumptione quòd fructus illi consumpti fuissent; atqui non fundatur in hâc præsumptione, siquidem adjudicat fructus extantes et apparentes: ergò...., ergò...., aliundè...: ergò hæc sententia admittenda est tanquam regula conscientie certa.

Ut autem possessor bonæ fidei proprietatem illorum fructuum acquirat, duo necessaria sunt: 1° ut fructus sint collecti, id est, separati à radice, si agatur de fructibus naturalibus, et correspondentes temporibus elapsis, gallicè *échus*, annumerando de die in diem, si agitur de fructibus civilibus. Id deducitur, maximè ex art. 585, 586, qui, etsi usufructuarium potissimùm respiciant, possessori bonæ fidei applicari possunt; is enim in jure domino æquinaratur. 2° Ut rem possederit bonâ fide juridicâ, id est, vâ tute tituli proprietatis translativi, cujus vitia ignorantur, art. 550. Ideò qui rem possidet absque titulo, etiamsi bonâ fide theologicâ esset, fructus prædictos non posset sibi vindicare. Jus enim retinendi fructus oritur tantùm ex lege positivâ; atqui lex positiva non adjudicat fructus ei qui est in bonâ fide theologicâ, si non habeat titulum naturâ suâ dominii translativum: ergò.

Nem. III. *De obligationibus possessoris bonæ fidei, ratione impensarum.*

Impensæ duplicis sunt generis, aliæ ordinariæ, aliæ extraordinariæ.

Ordinariæ sunt quæ fiunt sive ad rem conservandam, sive ad fructus percipiendos, sive ad solvenda alia onera quæ ab usufructuario communiter solvuntur.

Extraordinariæ sunt vel necessariae, id est, sinè quibus res periret vel saltem deterioraretur, vel utiles, id est, quæ rei valorem augment, vel voluptuariæ, id est, quæ fiunt tantùm ad ornamentum rei.

Cuilibet impensarum generi correspondet regula.

I. *Regula, pro impensis ordinariis.* Possessor bonæ fidei impensas ordinarias à domino generatim repetere nequit, quia compensantur per fructus quos percepit; ita ex art. 548. Eo sensu accipiendum est juris axioma: *Fructus non intelliguntur nisi deductis impensis.* Dixi, generatim, quia si fructus nondùm collecti fuerint et ideò ad proprietarium rei debeant redire, possessor bonæ fidei jus habet exigendi impensas, alioquin proprietarius ditesceret ex bono alterius.

II. *Reg., pro impensis extraordinariis.* Possessor bonæ fidei impensas extraordinarias, sive necessarias, sive utiles, sive etiam voluptuarias generatim exigere potest, saltem in quantum augment valorem fundi, quia nemo ditari debet ex re alienâ. Ita ex fine art. 555, quo proprietarius tenetur solvere aut pretium materię et laboris, aut augmentum quod inde res sua accepit.

Dixi 1°, generatim, nam pro impensis voluptuariis quæ auferri possunt absque deterioratione, prout sunt statuæ, imagines, et alia hujusmodi, dominus nihil refundere tenetur, quia possessor bonæ fidei eas auferre potest.

Dixi 2°, saltem in quantum augment valorem fundi; quòd si expensæ, juxta morem, majores sint amelioratione, dominus non tenetur compensare illum excessum, quia pauperior fieri non debet ob bonam fidem alterius; si tamen de facto expensæ minores sunt amelioratione fundi, non ideò dominus tenetur illas restituere juxta valorem ameliorationis, quia augmentum valoris est fructus prædii ad ipsum pertinentis. In his et similibus dominus, ex art. 555, habet optionem solvendi vel pretium ameliorationis vel pretium impensarum, id est, semper minus eligendi. Hinc si possessor bonæ fidei plantaverit arbores quæ 50 fr. emerant et quæ tempore restitutionis valeant 200, dominus non reddet nisi 50 fr., quia plus non expendit. Augmentum enim 150 fr. est fructus prædii ad dominum pertinentis; porrò res fructificat domino. Contrâ verò si possessor solvit 200 fr. ad arbores plantandas et tempore restitutionis arbores valeant tantùm 50 fr., non tenetur dominus refundere 200 fr. sed tantummodò 50 fr. quia res non est ipsi utilis nisi usque ad hanc summam.

Obj. Ex axiomate: *Fructus non intelliguntur nisi deductis impensis*, fructus percepti haberi possunt tanquàm indemnitas impensarum etiam extraordinaria-

rum : ergò possessor bonæ fidei nihil pro eis exigere potest.

Resp. neg. ant. Ità statuit expressè Codex civilis quoad impensas tùm necessarias, tùm utiles, tùm voluptuarias. 1° Quoad impensas necessarias. Nam ex art. 862 donatarius qui rem ad successionem refert, potest hujusmodi impensas repetere, quamvis ex art. 856 fructus faciat suos; atqui huic æquiparandus est possessor bonæ fidei : ergo. 2° Quoad impensas utiles. Id deducitur sivè ex art. 861 qui determinat donatarium ac proinde per analogiam possessorem bonæ fidei jus habere ad impensas; sivè art. 555 qui versùs finem affirmat absquè restrictione, possessorem bonæ fidei posse exigere impensas ex quibus auctus est valor rei. 3° Quoad impensas voluptuarias, art. 1655 ità videtur statuere præ casu speciali ex quo inferitur conclusio analogica pro similibus casibus. Ergo fructus percepti haberi non possunt tanquàm indemnitas impensarum extraordinariarum. Ergo prælaudatum axioma non intelligendum est nisi pro impensis ordinariis.

§ 2. De possessore malæ fidei.

Possessor malæ fidei duplici titulo ad restitutionem tenetur : scilicet, ratione rei alienæ detentæ, et ratione injustæ damnificationis; ratione rei alienæ detentæ subijcitur iisdem obligationibus ac possessor bonæ fidei, et ratione injustæ damnificationis iisdem subjacet oneribus ac injustus damnificator. Ex hoc principio solvuntur plerique casus circà obligationes possessoris malæ fidei.

Obligationes possessoris malæ fidei spectari possunt vel ratione rei, vel ratione fructuum, vel ratione impensarum.

Num. I. De obligationibus possessoris malæ fidei, ratione rei.

Quær. 1°. Ad quid teneatur possessor malæ fidei ratione rei?

Resp. Possessor malæ fidei, generatim loquendo, tenetur restituere rem alienam si exstet in naturâ, vel ejus æquivalens si jam non existat, etsi casu fortuito perierit, adeò ut dominus sit omninò indemnus. Explicatur per partes illa assertio.

Dixi 1°, rem in naturâ, vel in æquivalenti; quia res, si exstet in naturâ, et, si jam periit, in æquivalenti domino clamat; alioquin dominus damnum pateretur.

Dixi 2°, etsi casu fortuito perierit, quia possessor malæ fidei est causa efficax et injusta hujusce damni. 1° Causa efficax; nam per injustam acceptionem rem subtrahit à potestate domini, apud quem res fortuito casu non periisset; atqui illa actio est efficax damni, siquidem rem reponit in statu ubi perire potest casu fortuito. Contradiciunt adversarii, si res apud furem casibus fortuitis exponitur, simul præservatur à casibus fortuitis quibus apud dominum obnoxia fuisset. Sed non admittitur talis compensatio. Dominus pretio non æstimat illam immunitatem quæ illi occasio est plurium curarum et anxietatum ut rem suam recuperet; ergo. 2° Injusta. Si enim non esset causa injusta

damni, unicè foret quia casus fortuitos nec potuit nec debuit prævidere; atqui illa ratio nulla est: nam quicumque rem apprehendit, etsi in specie casus fortuitos non præviderit, eos tamen in genere potuit aut debuit prævidere : ergo.... Hinc in jure : *Præcedentibus pacto vel culpâ vel morâ casus fortuitus imputatur.*

Dixi 3°, adeò ut dominus sit omninò indemnus; æquum est enim ut dominus re alienâ nec ditetur nec ledatur. Quare possessori malæ fidei non satis est rem restituere, si ex illius absentia damnum passus est dominus. Tunc restituere debet et lucrum cessans et damnum emergens.

Quæres 2°. Ad quid teneatur possessor malæ fidei, si res quæ apud se fortuito casu periit, similiter apud dominum periisset?

Resp. Vel, quandò res ablata fuit, prævidebatur peritura apud dominum, vel non.

Si prius, id est, si res tempore furti prævidebatur peritura apud dominum, possessor malæ fidei jure naturali restituere non tenetur. Ille non tenetur ad restitutionem qui nec rem alienam præ manibus habet nec ullum damnum domino intulit; atqui ità, 1° non rem ille præ manibus habet : res periit; 2° non intulit... Is non intulit damnum reale qui auferit alicui rem nullius valoris; atqui res furata in eo casu nullius est valoris. Nam valor desumitur ex communi hominum æstimatione; atqui homines nihil faciunt rem quæ tempore furti manifestè peritura videbatur : ergo.... Hinc qui subripit equum ità morbo laborantem ut manifestè sit periturus, et reverà pereat, ad nihil tenetur.

Si posterius, id est, si res tempore quo ablata est non prævidebatur peritura apud dominum, vel peritura erat antè tempus quo periit apud furem, vel post tempus quo periit, vel simul et in eodem tempore.

1° Si res erat peritura apud dominum priusquàm apud possessorem malæ fidei, possessor malæ fidei ad restitutionem tenetur. Ille tenetur restituere qui privavit dominum jure suo stricto et sic culpabilis causa fuit damni; atqui ità possessor malæ fidei in hoc casu; 1° privavit dominum jure stricto..., nam dominus jus habet in rem suam in quocunque statu sit, ac proinde in eam extrà periculum positam; atqui possessor malæ fidei, rem detinendo, privat dominum jure quod habebat in rem suam : ergo...; 2° est causa culpabilis damni. Si enim rem domino reddidisset antè periculum quod ipse passurus erat, dominus potuisset illam salvare, siquidem apud ipsum jam periculum fugerat : ergo.

2° Si res peritura erat apud dominum postquàm apud possessorem malæ fidei, isto restituere tenetur; ad hoc sufficit ut, eo instanti quo res perit apud seipsum, possessor malæ fidei contraxerit obligationem personalem pretium restituendi, et hæc obligatio casu fortuito subsequenti non extincta fuerit; atqui ità. 1° Contraxit obligationem... nam, cum eo tempore res totum suum valorem servaret, verum damnum intulit domino possessor; contraxit igitur obligationem illud reparandi. 2° Hæc obligatio casu fortuito subsequenti

non fuit extincta; cum enim jus domini tunc esset personale et non attingeret rem certam et determinatam, non potuit amitti nisi ipse debitor satisfecisset: ergo.

5° Si res erat peritura apud dominum simul et apud possessorem male fidei, acriter disputant theologi. Alii opinantur possessorem male fidei ad restitutionem teneri, quia injusta rei acceptio intrinsecum et indivisum secum affert restitutionis debitum, quod non extinguitur per casum fortuitum concomitantem aut subsequentem deteriorationem, cum possessor male fidei suscipiat in se omnes casus fortuitos absque ulla exceptione. Ita Billuart, Daclun, Henricus à S. Ignatio, Collet, Antoine, Bouvier. Alii vero cum Lessio, Delugo, Molinà, Collatore Ambianensi, statuunt possessorem male fidei in hoc casu ad restitutionem non teneri. Huic ultimæ sententiæ tanquam probabiliori adherentes, dicimus in propositione sequenti.

PROPOSITIO. *Possessor male fidei non tenetur, attento jure naturali, ad restitutionem rei quæ apud ipsum fortuito casu perit, si eodem modo et eodem tempore apud dominum certo periisset.*

Prob. Ad contrahendam obligationem restituendi duo requiruntur, scilicet ut adsit damnum, et damnum sit imputabile; atqui neutrum in prædictâ hypothesis. Non primum, siquidem res apud dominum similiter periisset; non secundum siquidem ablatio rei non fuit causa efficax illius perditionis, sed fortuitus casus: ergo. Et verò si dominus posset pretium rei exigere, esset vel re adhuc exstante, vel instanti quo res perit; atqui neutr. Non primum: tunc enim jus non habet, nisi in rem quæ ipsi clamat; non admitteretur in exigendo pretio, si illud, re neglectâ, repetere vellet. Non secundum: si enim dominus pretium exigere posset instanti quo res perit, esset vel quia jus in re tunc mutaretur in jus ad pretium, vel quia fur in se susceperet periculum rei in omnibus fortuitis casibus; atqui in præsentî suppositione hæc duo absunt, cum rei destructio possessori male fidei imputari nequeat, et damnum nullum patiatur dominus. Hæc est enim regula omnino æquitatî consona, ut dominus ex re alienâ nec ditior, nec pauperior fiat: ergo... Unde possessor male fidei meritò assimilatur illi qui alicui dat venenum, quod nonnisi post 10 aut 15 dies mortem infert; si interea, v. g., tertiâ aut quartâ die venenatus pereat, corrumpente domo vel graviter morbo statim erumpente, numquid veneficus censebitur causa mortis? Homicida est affectivè, sed non effectivè. Sic se habet relativè ad damnum quod dominus patitur possessor male fidei, apud quem fortuito casu perit res, quæ eodem modo et eodem tempore apud dominum certò periisset. Ille quidem fraudavit dominum usu et possessione rei suæ; sed rei apissio nullo modo à imputari potest: ergo.

Dixi, *attento jure naturali*; etenim ex art. 1502 possessor male fidei, quocumque modo res perierit, ac proinde etiam casu fortuito, ad restitutionem tenetur. Verùm, cum hæc dispositio lata fuerit in modum

pæne, ut constat ex juristis qui eam maxime furibus applicant, possessor male fidei non tenetur restituere ante sententiam judicis.

Obj. 1°: Possessor male fidei duplicem contrahit obligationem, scilicet realem et personalem; propterea obligatio personalis non extinguitur nisi solutione, siquidem independens est ab omni eventu subsequenti; ergo.

Resp. neg. maj. Obligationes reales et personales simultaneæ esse nequeunt, sed sibi succedunt. Hoc autem posito, possessor male fidei non contrahit nisi obligationem realem, cum in potestate domini non sit, re adhuc existente, illius pretium exigere. Jam verò, illa obligatio cessat interitu rei inculpabili: ergo, re destructa, nihil obligationis superest in possessore male fidei, apud quem res perit casu fortuito, si eodem modo et tempore apud dominum periisset.

Obj. 2°: Possessor male fidei tenetur restituere, si fortuitos casus absque ulla exceptione in se suscipiat; atqui ita. Nam melioris non est conditionis ac emptor; atqui emptor suscipit in se omnes casus fortuitos.

Resp. neg. min. et paritat. Ratio disparitatis est quòd emptor sit rei dominus, ac proinde res ipsi fructificet et pereat, seclusis peculiaribus conventionibus. Possessor autem male fidei, cum non sit dominus, suscipit tantum in se casus fortuitos, quibus restituitur æqualitas ipsum inter et dominum, qui nec plus nec minus obtinere debet quàm legitimam indemnitàtem. Unde fit ut possessor male fidei non teneatur suscipere casus fortuitos, qui ipsi et domino communes essent.

Quæres 3° ad quid teneatur possessor male fidei, si res varium habuit valorem tempore detentionis?

Resp. Vel dominus rem consumpsisset aut vendidisset tempore majoris valoris, vel non.

Si prins, possessor male fidei tenetur restituere secundum majorem valorem rei, ac proinde rem cum excessu pretii, si exstet, vel solummodò pretium majori valori æquivalens; nam tenetur reponere dominum in statu in quo esset si res ablata non fuisset; atqui non reponeret, nisi restitueret secundum majorem valorem: ergo.

Si posterius, nempe si dominus re usus non fuisset tempore majoris valoris, tunc vel ipse possessor eam consumpsit aut vendidit illo tempore, vel non.

In prima casu, possessor male fidei tenetur restituere secundum majorem valorem. Nam eo instanti quo res perit aut vendita est aut consumpta apud possessorem male fidei, obligatio realis statim mutata est in obligationem personalem æquivalentem obligationi reali quæ majori rei valori correspondebat; atqui obligatio personalis nonnisi per solutionem annihilari potest; ergo.

In secundo casu, possessor male fidei non tenetur restituere nisi secundum valorem actualem. Nam si teneretur juxta majorem valorem, vel ratione rei acceptæ, vel ratione damni injustè illati; atqui non. Non primum, cum rem non consumpsit tempore majoris valoris; non secundum, cum non intulit damnum

ipsi imputabile; ex hypothesi enim re non usus fuisset tempore majoris valoris; aliundè si quod esset damnum, non ipsi imputabile esset; nam ipse non est causa efficax illius imminutionis quæ habenda est ut rei deterioratio et provenit ex casu fortuito: ergo.... Et verò si teneretur possessor malæ fidei secundum majorem valorem restituere, sequeretur quòd ipsius redditio in hoc casu non satisfaceret; atqui illud non videtur rationabile, cum dominus, si res ablata non fuisset, nihil ampliùs haberet quàm rem ipsam: ergo.

Obj. Fur tenetur reddere id omne quod erat domini; atqui major valor erat domini: ergo.

Resp. neg. maj. Quandiu existebat res, *conc.*; quando non existebat, *subdist.*: si imminutio furi fuerit imputabilis, *conc.*; si non fuerit imputabilis, *neg.* Id patet. Nemo tenetur reparare, nisi sit causa efficax damni: ergo.

Inst. Fur tenebatur restituere majorem valorem tempore majoris pretii; atqui ab illà obligatione liberari non potuit per decrementum rei; ergo fur tenetur... etsi imminutio non fuerit furi imputabilis.

Resp. 1° dist. maj. Obligatione reali, *conc.*; personali, *neg.* Dominus, re existente, furem cogere non poterat ad solvendum pretium; jus illius ad rem restringebatur; atqui jus illud sequitur vices rei; unde, re pereunte, simul evanescit. Ut autem rei destructioni superesset, requireretur ut jus in re transiret in jus ad pretium; atqui non constat illam conversionem fieri, quando fur nullum damnum sibi imputabile infert: ergo....

Resp. 2° neg. min. in sensu distinctionis. Tunc quis liberatur ab obligatione reali quando res illa nec subsistit, nec proprio ære assecuratur; atqui ita; 1° res ampliùs non habet majorem valorem; 2° non assecuratur proprio ære possessoris: possessor non suscipit per decrementum obligationem personalem majoris valoris, siquidem imminutio pretii non ipsi imputabilis est.

NUM. II. De obligationibus possessoris malæ fidei, ratione fructuum.

Possessor malæ fidei tenetur restituere omnes fructus, *exceptis industrialibus*, sive adhuc existant, sive jam consumantur. Nam possessor bonæ fidei illos fructus, non ex jure naturali, sed tantum ex jure civili, facit suos; porro lex naturalis eadem est pro possessore malæ et bonæ fidei: ergo, nisi lex civilis possessori malæ fidei sit applicabilis sicut et possessori bonæ fidei, possessor malæ fidei illos fructus retinere non potest. Jam verò lex civilis tantummodò loquitur de possessore bonæ fidei in art. 549, quo statuitur possessorem bonæ fidei collectos acquirere fructus absque ullà distinctione inter exstantes fructus et consumptos.

Dixi, *exceptis industrialibus*, quia eorum causa ad possessorem malæ fidei pertinet. Hinc thesaurarii, quæstores, receptores, telonarii et alii similes, qui ex pecuniis sibi creditis vel apud se depositis lucrum faciunt, v. g., negociando, cambiando, etc., hujusmodi lucrum restituere non tenentur.

NUM. III. De obligationibus possessoris malæ fidei, ratione impensarum.

Possessor malæ fidei easdem impensas ac possessor bonæ fidei, *attento jure naturali*, repetere potest. Nam jus strictum attendit tantum ad res et non ad personas; porro ex jure non licet ditescere ex re alienà: ergo non licet ditescere ex re alienà, sive ad possessorem bonæ fidei sive ad possessorem malæ fidei pertineat: quæ de re dominus non magis exigere potest impensas à possessore malæ fidei quàm à possessore bonæ fidei: ergo.

Hinc 1° possessor malæ fidei repetere potest impensas ordinarias (*d'entretien*): dominus non fecit fructus suos nisi deductis impensis.

Hinc 2° possessor malæ fidei repetere potest impensas necessarias, alioquin dominus ditesceret cum damno alterius, scilicet possessoris, cum ipse eas fecisset.

Hinc 3° possessor malæ fidei repetere potest impensas utiles aut exigere pretium valoris quem fundus inde percepit. Lex civilis arbitrio domini id relinquit, art. 555.

Hinc 4° possessor malæ fidei repetere potest impensas voluptuarias, si auferri possint absque rei deterioratione, vel, posito quòd auferri non valeant, si valorem fundi augeant; dominus commodum reportare non debet ex re alienà.

Dixi, *attento jure naturali*; quia si expensæ in vindictam delicti domino per justam judicis sententiam assignentur, possessor malæ fidei jam nihil retinere potest. Obediendum est justæ judicis sententiæ, seclusà verò sententiâ, possessor id potest, quia ex commissione domini rationabiliter præsumptâ egisse censetur: ergo.

§ 3. De possessore dubiæ fidei.

Dubium potest advenire possessori, vel incipiente possessione, vel possessione jam initâ. Diversæ sunt obligationes possessoris dubiæ fidei pro diversâ illâ suppositione.

I. De dubio præcedente possessionem.

Si quis rem cum dubiâ fide possidere incipiat, peccat saltem affectivè contra justitiam: ille peccat saltem affectivè contra justitiam qui se exponit periculo rem alienam detinendi, domino rationabiliter invito; atqui sic se habet ille qui incipit rem alienam cum dubiâ fide possidere: ergo. Itaque tenetur sufficientem adhibere diligentiam ad tollendum dubium. Factâ autem inquisitione, si agnoscit rem longè probabiliùs ad alium pertinere, eam reddere debet, alioquin esset detentor rei alienæ. Si è contra agnoscat rem longè probabiliùs suam esse, eam potest retinere, quia licet sequi opinionem longè probabiliorem. Si verò dubium perseveret, tunc res dividenda est ratione dubii, adeò ut major pars illi cedat pro quo stat major probabilitas, quia, cum militent rationes ex utràque parte æquæ evidentes, si res totaliter alteri tribueretur, incurreretur periculum jus alterius violandi.

Subnotandum est eum qui dubiâ fide incepit possidere, quando rem dividit, subire vices possessoris

malæ fidei quoad partem quæ domino redditur. Nam verus est possessor malæ fidei sub respectu illius partis. Quoad vero partem quam sibi retinere potest, non subit omnia privilegia possessoris bonæ fidei. Ratio est quod illa privilegia, utpote solo jure civili concessa, non pertineant nisi ad verum bonæ fidei possessorem. Sic fructus possessori bonæ fidei a lege concessos non potest sibi applicare, sed eos pro ratione dubii partiri tenetur.

II. De dubio possessioni bonæ fidei superveniente.

Si quis rem aliquam primò bonâ fide possederit, et postea tantùm dubitare cœperit an res sit aliena, sufficientem diligentiam adhibere tenetur ad depellendum dubium. Factâ autem inquisitione, si longe probabilius sit rem esse alienam, ea domino si inveniri possit, aut pauperibus, si forsân legitimus non appareat dominus, restituenda est. Si è contra longè probabilius sit rem esse possessoris, illam retinere potest. Si denique perseveret dubium, non obstantibus dispositionibus, probabilius nobis videtur rem posse retineri. Ad hoc enim sufficit ut possessor in illo dubio possit sibi efformare conscientiam præcise certam rem quam possidet esse suam; atqui ita... ex jure nimirum et ratione. 1° Ex jure. Nam sit illud axioma juris: *In dubio melior est conditio possidentis*; atqui ex illo axioma possessor dubiæ fidei sibi efformare potest.... nam possidet possessione cum bonâ fide inchoatâ; atqui ex illo axioma possessio bonâ fide inchoata ratio est sufficiens, in dubio superveniente, ad rem retinendam etiam in conscientia. Etenim illud axioma intelligendum est prout illud intelligunt tribunalia sive civilia, sive ecclesiastica; atqui omnia tribunalia.... ita illud axioma intelligunt ut totum adjuvandum possessori: ergo.... ergo.... 2° Ex ratione. Licet sequi opinionem longè probabiliorē, relicta tutiori; atqui longè probabilius est in pari dubio possessorem esse dominum rei quam possidet. Etenim homines ex unâ parte rerum avidi non solent res suas apud alios relinquere, et ex alterâ vir probus non solet res alterius possidere sine titulo justo; atqui si prædictus possessor non esset dominus, jam homines reliquissent sine reclamazione res suas apud alios, et vir probus inchoasset possessionem sine titulo legitimo; quòd meritò præsumi non potest: ergò... ergò... Et verò tranquillitas societatis et bonorum securitas expostulant ne quis turbetur in possessione alicujus rei, nisi agnoscat rem illam pertinere ad alium, alioquin inter probos nascerentur scrupuli et anxietates: ergò.

Eodem argumento uti potest possessor prædictus, sive per se possessionem bonâ fide inceperit, sive auctori bonæ fidei ipse titulo particulari vel universalis succedat, quia omnia jura antecessoris ad hæredem transeunt.

ARTICULUS II.

DE SECUNDA RADICE RESTITUTIONIS SEU INJUSTA DAMNIFICATIONE.

Triplici modo aliquis damnum alteri inferre potest, scilicet 1° immediatè, v. g., aliquem propriis manibus

occidendo; 2° mediatè et per alios, v. g., jubendo, consulendo ut aliquis occidatur; 3° alterum à consecutione alicujus boni impediendo. Damnificator simpliciter nuncupatur primus, secundus dicitur cooperator, et tertius impeditor vocari potest.

Certum est apud omnes eum qui damnum alteri intulit, sive immediatè, sive mediâtè, sive quolibet alio modo ad restitutionem teneri, quia violavit jus strictum alterius. Verum difficultas nunc est discernere quandò quis verè damnum alteri infert. Ad hoc facilius cognoscendum, de tribus damnificatoribus supra designatis successivè agemus in paragraphis sequentibus.

§ 1. De damnificatore simpliciter dicto.

Hic exponuntur conditiones resolvunturque difficultates actionem damnificativam spectantes. Sub illo paragrapho hæc omnia explicantur, quia, etsi cuilibet damnificatori potius communia sint quàm uni specialia, præcipuè damnificatori immediato applicabilia sunt.

NUM. 1. — De conditionibus actionem damnificativam spectantibus.

Quæres. Quænam requirantur conditiones ad actionem damnificativam?

Resp. Ut aliqualis actio, extrâ contractum et quasi-contractum, verè sit damnificativa, ac proinde ad restitutionem obligans, quatuor vulgò desiderantur, nempe, ut positiva sit, injusta, per se damni efficax, et theologice culpabilis.

1° Debet esse *positiva*, id est, non simplex alicujus actionis omissio. Si enim omissio sufficeret, damnum resarcire teneremur præcisè quia illud non impedivimus; atqui illud repugnat extra contractum aut quasi-contractum.... alioquin jure naturali teneremur ex justitiâ bonum alterius procurare aut malum avertere, quod nemo sanæ mentis admittet, cum omnes homines jure naturali sint æquales et alii ab aliis independentes: ergò.

Hinc ad restitutionem non tenetur ille qui damnum alterius non impedit quandò potest et debet ex charitate illud impedire, nisi ad id etiam ex justitiâ teneatur, scilicet ex pacto vel officio, ut mox dicemus.

2° Debet esse *injusta*, id est, justitiæ commutativæ opposita. Actio damnificativa supponit jus strictum alterius violatum fuisse; atqui jus strictum non violatur nisi per actionem injustam seu justitiæ commutativæ oppositam, alioquin darentur jura hinc et inde opposita: ergò.

Hinc actiones quibus violantur virtutes aut religionis aut pietatis aut charitatis, et justitia aut legalis aut distributiva aut vindicativa, etsi coram Deo peccaminosæ sint, verè damnificativæ et consequenter restitutionis passibiles dici nequeunt, quia in his et similibus casibus nullum jus strictè acceptum intervenit, nisi, ut jam antea observavimus, simul concurrat justitia commutativa.

3° Debet esse *damni efficax*, id est, per se et vi propria damnum producens. Huic omni et soli causæ im-

portabile est damnum. Estimatur autem quis per se et vi sua damnum producere, quando physicè vel moraliter illud determinat; jam verò physicè vel moraliter aliquis damnum determinat, quando voluntariè ponit actionem quæ ex naturâ suâ vel ex circumstantiis probabilem cum damno habet connexionem. Sit in exemplum ille qui per applicationem ignis comburit domum aut per explosionem catapultæ hominem occidit. Is enim communiter habetur ut auctor illius actionis damnificativæ, cum ista ab eo originem trahat, existentiam habeat, sive ab alio incipere debuisset, sive non.

Hinc 1° non sufficit actio damni occasionaliter efficax, seu quæ non habet connexionem cum damno nisi ex malitiâ alterius, seu explicatiis, quæ neque physicè, neque moraliter in damnum influit, sed cujus occasione tantum alter per se solum motus et impulsus se determinat ad damnum alteri inferendum. Sic, v. g., quis kedit alium leviter; occasione hujus vulneris medicus imperitus advocatur et agrotanti remedia nociva administrat; indè mors. Numquid vulnerans tanquam illius mortis causa possit haberi? Nemo sanè illud suspicatur, alioquin dicendum esset ferè omnes actiones hominum damnificativas esse, cum nulla sit cujus occasione damnum alteri per malitiam tertii inferri non possit.

Hinc 2° non sufficit actio accidentaliter damni efficax, seu quæ nonnisi improbabilem cum damno connexionem habet, seu quæ, attentis circumstantiis vel ipsâmet naturâ rei, nec prævidetur aut saltem nec prævideri potest ac debet physicè vel moraliter in damnum influere. Sic, v. g., quis alicui vulnus infixit: hoc vulnus non quidem de se sufficit ad hominem ordinarium occidendum, sed ratione debilitatis et infirmitatis talis hominis huic mortem adducit. Quis hunc percussorem incusabit mortis? Si enim sufficeret causa accidentaliter damni efficax, ut quis sit verus damnificator ac proindè restitutioni obnoxius, proximus, cum quisque jus strictum habeat ne ponantur actiones sibi damnificativæ, similiter jus haberet ut attenderemus ad ea quæ nonnisi improbabilem habent connexionem cum damno; atqui id absurdo absurdus est, siquidem moraliter impossibile est ut attendant homines ad ea quæ non sunt nisi improbabilia: ergò.

Hinc 3° in materiâ justitiæ, ineptæ sunt illæ conclusiones: Si hoc damnum non intulisset, alius intulisset: ergò causa damni non sum. Sicut in physicis vitiis certè foret ille arguendi modus: Si hic ignis domum tuam non incendisset, alius ignis quo nunc comburantur ædes vicinæ, eam incenderet: ergò hic ignis non incendit. Ità pariter in moralibus non valeret illud argumentum: Si Petrus damnum non intulisset, illud intulisset Jacobus; ergò Petrus non intulit. Ratio à priori est quod in aliâ hypothesi damnum alteri causæ esset imputandum, sed non sequitur in præfatâ hypothesi illud tali causæ imputari non debere. Igitur ad discernendum quando reipsâ causa damni efficax est, expendendum convenit non quod evenisset, sed quod de facto actum sit.

4° Debet esse *theologicè culpabilis*, id est, posita cum voluntario ad peccandum sufficienti, per oppositionem culpæ juridicæ quæ consistit in omissione diligentie quam prudentiores adhibere solent, et casu fortuito qui à nemine, nequidem à prudentioribus et prudentissimis, præcaveri potuit. Etenim obligatio restituendi non oritur nisi ex violatione juris stricti alterius; atqui jus strictum alterius non violatur absque culpâ theologicâ. Actio quâ damnum alteri infertur, in duplici tantum casu vacat culpâ theologicâ, scilicet quando agens vel non debuit impedire damnum, v. g., quia jus habebat ad actionem ponendam, vel non potuit impedire damnum, v. g., quia illud prævidere non potuit: atqui in neutro casu violatur jus strictum alterius; non in priori, alioquin darentur jura sibi contradicentia; non in posteriori, alioquin damnum patientes irrationabiliter forent inviti, siquidem nemo tenetur ad impossibile. Ergò... aliudè...

Hinc 1° ut aliquis damnum reparare teneatur, necesse est ut illud damnum sit voluntarium. Duplici autem modo damnum voluntarium esse potest directè vel indirectè; directè, cum illud expressè intenditur; indirectè, cum prævidetur aut prævideri potest damnum secuturum esse ex actu qui ponitur.

Hinc 2° malè interpretatur communiter illud axioma: *Suum cuique nocet factum; non valet nisi in quantum à voluntate procedit factum damnificativum.*

Hinc deniquè 3° sequitur neque culpam merè juridicam, neque casum fortuitum, secluso pacto, ad restitutionem in damnificatione inducendam sufficere.

Conclusio generalis.

Ergò ad contrahendam obligationem restituendi in simplici damnificatione, extrâ contractum et quasi-contractum, ante sententiam judicis, requiritur actio positiva, injusta, damni efficax et theologicè culpabilis.

Dixi 1°, in simplici damnificatione, quia si agatur de acceptione vel detentione rei alterius, obligatio restituendi non semper supponit culpam; nam quisque tenetur non alienam restituere; atqui fieri potest ut illam habeat absque culpâ, v. g., si bonâ fide illam possideat; ergò.

Dixi 2°, extrâ contractum et quasi-contractum. In contractibus ea veniunt quæ sunt juris et consuetudinis; atqui jus et consuetudo sunt saltem in contractibus ut obligatio restituendi oriatur absque culpâ theologicâ.

Dixi 3°, ante sententiam judicis. Nam, sententiâ judicis semel posita, adest obligatio restituendi etiam absque culpâ theologicâ. Obediendum est justæ sententiæ; atqui in hoc casu, quando scilicet adfuit tantum culpa in foro externo probata, justa est sententia judicis. In tantum injusta dici posset in quantum fundaretur in falsâ facti presumptione; atqui non fundatur... Ad hoc sufficit ut iudex non præcipiat restitutionem ob culpam theologicam: atqui ita. Præcipuus illius finis, id postulante bono publico, est reddere homines in suis rebus custodiendis prudentiores et in damno alteri inferendo cautiore: ergò.

Advertendum est quatuor istas condiciones ad duas reduci posse : omnis enim actio per se efficax est essentialiter positiva, et omnis actio injusta essentialiter peccaminosa est theologicè. Eas sic exposuimus ad fusiozem explicationem. Nunc unumquemque volumus monitum nos in decursu tractatus ea breviori via usus esse ad designandos eos qui damnificationis causa ad restitutionem tenentur.

Nem. II. — De quibusdam difficultatibus actionem damnificativam spectantibus.

Quæres 1° qualis esse debet culpa theologica ad contrahendam restitutionis obligationem requisita?

Resp. Duplex distinguntur culpa theologica, alia mortalis, alia venialis.

1° Culpa mortalis certè sufficit ad fundandam obligationem reparandi quodcumque damnum. Jus enim fundatur in necessitate conservandi uniuscujusque dominia; atqui securitati dominiorum sufficienter providetur sanctione restitutionis, cum quis admisit culpam mortalem. Tunc sufficienter providetur securitati dominiorum cum quisque tenetur adhibere diligentiam moralem quam solent adhibere prudentes; atqui unusquisque statim ad hanc tenetur diligentiam ac obligatur sub gravi : ergò sufficit culpa mortalis.

2° Culpa venialis ita est vel levitate materiæ, etiamsi plenus adsit consensus, vel levitate consensus, etiamsi materia sit gravis. Si prius, adest obligatio sub levi totum reparandi damnum per culpam venialem illatum. Nam damnum totum est voluntarium : ergò totum est imputabile, ideoque totum reparandum ; sed hæc obligatio tantum est sub levi, quia proportionari debet materiæ et injuriæ. Si posterius, omissis variis opinionibus ad hanc enodandam difficultatem excogitatis, probabilior nobis videtur sententia eorum qui putant in illo casu nullam esse obligationem restituendi. Si aliquid restituendum foret cum damnum grave illatum fuit culpâ veniali, esset vel pars notabilis, vel pars veniali peccato correspondens; atqui neutr. 1° Non pars notabilis; nam debet esse proportio inter obligationem et causam illius obligationis; atqui nulla esset, si pars notabilis ex culpâ veniali restitui deberet : ergò.... 2° Non pars peccato veniali correspondens; nam, ut adsit obligatio restituendi, objectum restituendum debet esse vel determinatum, vel saltem determinabile; atqui in hoc casu objectum restituendum nec est determinatum nec determinabile; nam objectum restituendum esset pars proportionata parti advertentie vel consensus; porro illa pars est indeterminabilis, siquidem innumeri sunt et indistinguibiles gradus advertentie vel consensus sufficientis ad peccatum veniale : ergò.... Et verò, si quid grave esset restituendum, ea obligatio nimis dura videretur ob leve delictum; et si quid leve reddendum esset ei qui grave damnum passus est, hoc nimis ridiculum et quasi injuriosum haberetur.... Præterea commercium et relationes societatis in brevi ruerent, si nasceretur obligatio reparandi grave damnum ex culpâ veniali.... Insuper obligatio restituendi cum divisione bonorum

introducitur fuit ut conservationi dominiorum uniuscujusque provideretur sapienter; atqui sapienter providetur conservationi bonorum, posito quod quis ad restitutionem teneatur cum solum culpæ mortalis reus est : ergò.... abunde.... ergò....

Cæterum docent omnes fere auctores in dubio an peccatum sit veniale vel mortale, cum posita fuit actio alteri damnificativa, culpam mortalem præsumendam esse, quia in operibus externis graviter periculosus, nisi subitanea sit et vehemens passio, rarò contingit ut quis excusetur à mortali propter inadvertentiam; opera enim illa periculum suum statim et facile ingerunt, et mentis attentionem excitant. Undè, ob illam præsumptionem lethalis culpæ, in similibus casibus non multum recederemus ab opinione illorum, qui consulunt ut disceptatio amicali transactione componatur inter damnificatorem et illum qui damnum passus est.

Quæres 2° Utrum quis teneatur resarcire damnum quod errore invincibili uni intulit, volens illud alteri inferre?

Resp. Error in personâ læsi non tollit rationem injuriæ. Ità communiter pro furto, communius pro damnificatione, et ferè unanimiter pro destructione.

Prob. Ille tenetur ad reparandum damnum qui posuit actionem materialiter et formaliter injustam; atqui ita ille qui ex errore invincibili uni potius quam alteri nocere intendit, si damnum sequatur.... 1° Posuit actionem materialiter injustam. Illud evidens est, cum reipsâ damnum alteri actione alterius illatum sit : ergò.... 2° Posuit actionem formaliter injustam. Si quid enim deesset ad injuriam formalem, vel ex parte intellectûs, vel ex parte voluntatis; atqui neutr. 1° Non ex parte intellectûs; ubi enim cognoscitur substantia actûs, ibi cognoscitur illius malitia formalis; atqui error in personâ læsi non tollit cognitionem substantiæ actûs. Quid est enim substantia actûs in presenti casu? Ea est, si agatur de furto, ut res aliena domino rationabiliter invito auferatur, si autem agatur de homicidio, ut homo privatâ auctoritate occidatur; si denique disputatio sit de quâdam rei destructione, ut res præsens comburatur, vel funditus evertatur; atqui error circa personam læsam non impedit horum actuum damnificativorum cognitionem substantialem : ergò.... 2° Non ex parte voluntatis; nam, ex probatis, adest cognitio sufficiens substantiæ actûs : ergò voluntas apprehendit malitiam actûs. Si quid obstaret, maxime dispositio illa, quâ quis supponitur versari, non occidendi si cognosceret; atqui illa dispositio non impedit quominus habeat voluntatem efficacem hominem præsentem occidendi. In materiâ injustitiæ, sicut in materiâ contractuum, non attenditur quid agens facere voluisset, sed quid reipsâ facere voluit; atqui reipsâ in casu proposito personæ præsentis nocere voluit : ergò.... Hinc qui domum Pauli incendere volens, incendit domum Petri, vel qui occidens Petrum credens invincibiliter occidere Paulum, damnum reparare tenetur. Ità ferè omnes cum Vogler, n. 202 et 203. contra Card. Delugo et paucos alios.

Quæres 3^o ad quid teneatur ille qui aliquid dixit aut fecit ex quo, præter ejus opinionem, damnum alteri illatum est?

Resp. 1^o : Vacans operi licito, quando præter intentionem ex errore prorsus invincibili dat alteri damnum, non tenetur per se ad restitutionem; creans damnum in hoc casu nullo titulo ad restitutionem tenetur, neque ob injustam acceptionem, ut evidens est, neque ob injustam damnificationem; nam injustitia vera non est culpa quæ non voluntaria: *Nihil enim volitum quod non præcognitum*. Si, v. g., Titius vacans venationi licitæ adhibeat sufficientem diligentiam, et inculpabiliter credat alicubi feram latere, eaque persuasione impulsus jaculetur sagittam, et loco feræ occidat hominem in dumetis absconditum, illa mors venatori non imputabilis est, licet eam causasset si hominem præsentem cognovisset; quia, ut ait Vogler, n^o 168, non sufficit injustus affectus ad inducendam obligationem restitutionis, sed requiritur ut affectus ille sit efficax, quo reipsa damnum efficiatur, alioquin non influit in opus quatenus damnosum, cum illud nec imperet, nec dirigat, nec perficiat.

2^o Vacans operi illicito, sed non injusto, si præter opinionem et datâ sufficienti diligentia, per accidens causet alteri damnum, ad nihil tenetur; ratio est quia illud damnum ipsi imputari non potest, siquidem nec fuit prævisum, nec prævisibile, sed merè fortuitum. Hinc clericus qui contra leges Ecclesiæ venationi vacat, et casu fortuito hominem pro ferâ occidit, non fit irregularis. Item qui alterum inducit ad carnes dicte prohibitæ comedendas, injustitiæ erga eum non erit reus, si morbum inde contrahat. Item qui in domo alienâ nocte deambulans ad fornicandum, pedibus in vas pretiosum offendit, ad restitutionem non tenetur.

3^o Vacans operi injusto, sed non nisi accidentaliter damnificativo, si datâ sufficienti cautela, prudenter sibi persuadeat damnum minimè secuturum, non tenetur ad restitutionem, secuto damno; ratio est quia damnum ipsi imputari nequit, cum nec prævisum fuerit, nec prævisibile, sed merè fortuitum. Hinc qui in arbore ascendit ut fructus injustè colligat, si decidat, et aliquem subitus positum suo pondere obruat, damna ex ejus morte secuta reparare non tenetur.

Hæc assertio locum habet, etiamsi agens suspicetur damnum eventurum, non quidem ut probabile, sed ut possibile, quia in humanis non habetur ratio meræ possibilitatis; alioquin omnes ferè hominum actiones essent vitandæ. Sic ait Vogler n^o 174: « Tiberius occidit in ædibus suis Pomponium, cadaver longius portat ut suspicionem evadat, et projicit ante domum Curtii: defertur hic ad tribunal, torquetur, imponit sibi erimen, et carnifici traditur. In hoc casu, si Tiberius non præcavit Curtium aliàs suspectum de cæde et criminalibus odiis contra Pomponium, non videtur cogendus ad restitutionem illius damni, quia situs ille cadaveris ante domum alicujus, ordinariè non est causa

sufficiens ad incarcerationem et supplicium extremum. Si tamen Tiberius præcaverit Curtium esse suspectum de cædibus, aut inimicum esse capitalem Pomponii, vel si Pomponium occideret indutus vestibis Curtii, aut in domo illius gladium cruentum relinqueret, teneretur ad restitutionem, quia cædes in illis circumstantiis patrata communitè, ut plurimum vel valdè frequenter, gravia causat damna. »

Quæres 4^o An qui præter intentionem posuit causam alteri damnificativam, teneatur illam auferre, si inculpabiliter fuerit posita?

Resp. Probabilius tenetur ex justitiâ aut damnum impedire aut illud reparare, si, quantum in se erat, non impedierit. Quisquis enim tenetur ex justitiâ impedire, vel, si non impediatur, reparare damna ab iis inferenda quorum est custos et moderator; atqui unusquisque est custos et moderator suarum actionum etiam involuntariè positarum, quando istæ retractari possunt antequam suum effectum obtineant. Sicut homines cavere debent ne ponant sinè ratione sufficienti actiones alteri damnificas, ita cavere debent ne actiones à se positæ, cum revocari possunt, damnum alteri inferant. Id sequitur ex primariâ juris individualis institutione, quæ cum rerum divisione introducta est, ut proprietatum et societatis sufficienter provideatur conservationi. Hinc qui inculpabiliter ignem ædibus alienis admovit, tenetur, quantum potest, incendium extinguere sub pœnâ restitutionis damni, si hanc extinctionem procurare non curet. Item pharmacopola qui venenum pro remedio ex errore invincibili vendit, si non moneat emptorem, damnum inde proveniens reparare debet. Item qui bonâ fide proximum infamat, imponendo falsum crimen, errore comperto, tenetur ex justitiâ retractare dictum, cum sine gravi suo incommodo potest. Item qui bonâ fide mandatum alteri nocivum, aut consilium alicui exitiale dedit, tenetur, ubi advertit, hæc revocare vel malum effectum impedire pro posse suo, ut fusius patebit ex dicendis. Ratio est in istis et similibus, quia causam damni, quam inculpabiliter posuit, non retractans quando id potest, censetur communi hominum apprehensione eam moraliter continuare, approbare, conservare. Ideo à plerisque dicitur potius causa positiva quam negativa, quia continuatio, approbatio, conservatio actionis damnificativæ, quam quis posuit etiam inculpabiliter, et facilè revocare potest, communiter existimantur causæ positivæ, vel saltem eis æquivalentes.

Dixi, quantum in se erat, non impedierit; quia, si non potuit damnum impedire nisi cum suo æquali vel majori detrimento . . . poterit se habere permissivè: etenim, cum non peccaverit ponendo causam, non tanta debet esse ejus obligatio, quanta esset si damnum oriretur ex injustâ damnificatione.

Quæres 5^o quid sit agendum in dubio, an actio damnificativa fuerit necne?

Resp. Dubitans post debitum examen restituere debet secundum gradum probabilem sui influxus in

damnum. 1^o Dicti non potest obligari ad totum damnum reparandum, qui tunc damnicatio incerta eadem pareret obligationem ac damnicatio certa. 2^o Dicitur non potest etiam ad nihil obligari, quia dubitans si exponeret periculo rem alienam detinendi, siquidem ex nullo principio potest sibi efformare conscientiam moraliter certam se nihil debere, neque ex axioma: *In dubio melior est conditio possidentis*, cum illud non valeat nisi in quantum nititur in presumptione proprietatis relative ad possidentem; neque ex alio axioma: *Nemo presumitur malus nisi probetur*, et propter dubium nemo spoliari debet re certe sua, cum illud applicationem non habeat ubi posita fuit actio damnicativa, de cujus influxu tantum dubitatur: ergo. . . Superest igitur, ut dubitans restituere teneatur secundum gradum probabilitatis sui influxus in damnum. Unde si quatuor aequaliter ad damnum concurrerint, unusquisque quartam partem restituere debet.

§ 2. De injusto cooperatore.

Cooperator ille dicitur qui concurrat cum alio ad damnum alteri inferendum; duplici autem modo aliquis damno alteri inferendo cooperari potest, nempe *positive* et *negative*; *positive*, quando influit in damnum *per positionem alicujus actus*, qui vel physicè, v. g., manum movendo, vel moraliter, v. g., suadendo aliis ut damnum inferant, detrimentum alteri facit; *negative*, quando influit in damnum *per negationem actus ex justitiâ debiti*, seu non impediendo damnum quod potuisset et ex justitiâ debuisset impedire. Memineris idem esse influere in damnum ut fiat, ac influere in damnum ut non reparetur. Utraque actio similiter alteri damnicativa est.

Diversi modi quibus damno alicujus cooperari potest, his comprehenduntur versibus S. Thomæ:

*Jussio, consilium, consensus, palpo, recursus,
Participans, mutus, non obstands, non manifestans.*

Sex priores modi cooperandi *positivi* sunt, et *negativi* tres posteriores. Agemus in duplici numero de *positivis* et *negativis* cooperantibus.

NUM. I. — De cooperantibus positivis.

Cooperatores *positivi* non minùs ad restitutionem tenentur quàm damificatores simpliciter dicti. Ratio est quia tunc damnum est ipsis imputabile, et meritò habentur velut causa moralis aut physica damni injuste illati. Et verò in moralibus eodem loco ponuntur *inducere ad damnum et illud efficere*. Præterea Innoc. XI sub excommunicatione hanc profligavit propositionem: *Qui alium movet aut inducit ad inferendum grave damnum tertio, non tenetur ad restitutionem illius damni illati*. Hinc art. 4382 et seq.

Ut autem cooperatores *positivi* ad restitutionem teneantur, eadem requiruntur conditiones ac pro damificatore propriè dicto, nempe ut sint causa efficax et injusta damni: 1^o causa efficax; si enim in damnum nihil influerent, ad damnum reparandum certò non tenerentur; undè si quis alteri consuleret id quod talis persona jam facere omninò decrevit, et æque sine

tali consilio fieret, tunc consulens non teneretur ad restitutionem. 2^o injusta; quia, ut constat ex iuris probatis, si quis pure, v. g., iudex qui non potestam intigit, aut alique culpa theologica extra contractum, v. g., inculpabiliter consulens aliquid alteri commensum, poneret actionem alteri damniciferam, ad nihil obligaretur.

Cum verò multipliciter aliquis in damnum influere possit in diversis illis cooperandi modis, de singulis successive dicemus.

PUNCTUM I. — De jubente.

Jubens, seu mandans ille est qui, ob proprium suum commodum, alium vulgo sibi inferiorem, jussione, aut modis jussioni æquivalentibus vere movet ad actionem alteri damnicativam. Hoc autem fieri potest vel expressè, ut si quis famulo dicat: *Hunc occide*; vel implicite, ut si quis manifestet inferiori rem sibi pergratam facturum si talem vindictam exequatur. Definitioni jubentis adduntur illa verba: *Ob proprium suum commodum*, ut ipse mandans distinguatur à consulente qui alios ad actionem damnicativam movet, non in suum, sed in alterius commodum.

Quærr. 1^o ad qui teneatur mandans, si mandatum ante illius executionem non revocaverit?

Resp. Certum est 1^o mandantem teneri ad restitutionem totius damni quod inferri jussit, aut ex sua jussione secuturum prævideri potuit. Ille tenetur. . . qui est causa efficax et injusta damni; atqui ita mandans; 1^o causa efficax; nam determinat voluntatem agentis ad damnum alteri inferendum, et ex illâ voluntatis determinatione sequitur directè et cum alio aliterius; 2^o causa injusta; quilibet profectò jus strictum habet ne quis sciens et volens ponat per se vel per alios actionem sibi damnicativam: ergo. . . Undè ait S. Thomas: *Qui jubet est principaliter movens*, et ideò principaliter ad restitutionem tenetur: quod verum est, etiamsi ante mandati executionem jubens de mandato verè doluisset, et illud revocare, si ipsi non defuisset potestas, valde exoptasset. Eodem modo causa est damni in præsentem casum ac ille qui alicui venenum dedisset, et postea vehementer doleret ante veneni operationem; ille dolor non impedit quin iste semper veneticus habeatur.

Hinc, si quis famulo præcipiat combustionem unius domus ex qua, ratione venti fortiter flantis, prævideri potest exustio ædificiorum proximè adjacentium, omnia damna ex illo mandato secuta restituere tenetur; quia, cum illud mandatum sit periculosum, attentionem excitat, ac proinde damnum prævisibile facit. Si quis verò præcipiat famulis ut aedes alienas incendant, famuli mandati limites transgredientes non solum domum comburunt, sed istius domus occidunt dominum; tunc jubens non de homicidio, sed tantum de incendio tenetur, quia cum illo homicidio nullam jussio probabilem habebat connexionem.

Certum est 2^o mandantem teneri ad restitutionem damnorum quæ ob executionem mandati mandatario obveniunt, dummodò mandatarius non se sponte obtulerit, et mandans ea damna, saltem in confuso, præ-

viderit. Ratio est quia mandatarius haberi debet tanquam invitatus et coactus agens, et mandans censetur se obligare ad illum indemnem prestandum: ergo.

Dixi 1°: Modo mandatarius non se sponte obtulerit ad mandatum exequendum. quia hoc in casu censetur in se pericula rei suscepisse. Huic assimilatur ille qui rogatus facile acquievit, aut ob mercedem promissam se determinavit.

Dixi 2°: Modo mandans ea damna saltem in confuso praevidere potuerit, alioquin censi non posset causa efficax horum damnorum, quæ in ipsius mente nullam probabilem haberent connexionem cum mandato. Hinc si mandatarius fulmine percutiatur, vel à latronibus spoliatur, dum iter agit pro mandati executione, hæc damna restituere non debet mandans nisi ea saltem in confuso praevidere potuerit.

Quæres 2° ad quid teneatur mandans qui antè mandati executionem illud revocavit?

Resp. Mandans, ut talis, ad nihil tenetur, si mandatum efficaciter revocaverit et hanc revocationem mandatario manifestaverit. Ratio est quia omnino abstulit causam efficacem quam posuerat, et mandatarium reponit in eodem statu ac si nunquam mandatum datum fuisset.

Porrò mandatum duplici modo revocari potest, expressè vel tacitè; expressè revocatur quando mandans verbis, litteris, aut nuntio significat contrariam voluntatem; tacitè autem revocatur cum nutu, facto, aut alio signo mandans implicitè declarat contrariam voluntatem. Censet Vogler mandatum ob diuturnitatem temporis non revocari. Id nobis videtur dijudicandum ex circumstantiis quibus aliquis prudenter judicare potest mandatum vel retractari vel subsistere.

Dixi 1° Ut talis; nam si mandando injustam damnificationem protulerit motiva, et suggesserit media quibus mandatarii voluntatem commoverit et illam excitaverit ad damnum inferendum, ita ut vi illorum motivorum mandatarius damnum operetur, tunc mandans tenebitur... non quatenus mandans, sed quatenus consulens.

Dixi 2° Si mandatum efficaciter revocaverit; si enim mandatarius, cognitâ versipelli et dolosâ mandantis indole, locum habuerit prudenter existimandi seriam non esse hanc revocationem, sed solum ad fucum faciendum, mandans tenebitur ad reparandum damnum quod intulit mandatarius, quia tunc mandatum non sufficienter revocatur. Si autem absque ratione sufficienti mandatarius sibi falsò persuaderet mandatum seriò non fuisse revocatum, et vi persuasionis istius damnum exequeretur, ad nihil teneretur mandans, quia totum illud damnum non jussioni sed imprudentiæ mandatarii adscribendum esset.

Dixi 3°: Si illum revocationem mandatario manifestaverit; quia, si ex incuriâ nuntii revocationis notitia ad mandatarium non pervenerit, vel ex oblivione mandatarii illa notitia evanuerit, mandans, etsi forsitan non peccaverit ob dolorem quo pungitur et diligentiam quam adhibuit ad avertendum mandati effectum, tenebitur adhuc de damno quod intulit mandatarius,

quia vi mandati illatum est. Unde mandans qui sui mandati revocationem mandatario notam facere nequit, debet ex justitiâ monere eum cui periculum imminet ut sibi suisque rebus invigilet; qui enim posuit voluntariè causam damnificativam, tenetur ex justitiâ aut eam tollere aut illius effectum impedire, si id possit absque suo longè graviore detrimento. Dico absquè suo graviore detrimento, quia sicut quis ad restitutionem non tenetur cum non potest restituere sine suo longè graviore damno, ita nec monere ad impediendum effectum ejus causam posuit, modò intentionem et potestatem habeat damnum reparandi si sequatur. Adde cum sanioribus Theologis aliquem potius mori debere quam sinere ut alter vi sui mandati occidatur, ideòque mortem alterius à se imperatam vitæ propriæ dispendio impediendam esse.

Quæres 3° an mandans teneatur reparare damnum quod mandatarius ex errore inculpabili alteri intulit? iste, v. g., mandatum acceperat occidendi Paulum, et ex errore invincibili Petrum occidit.

Resp. Circa hunc casum disputant Theologi; nos verò sentimus cum Vogler n° 279, contra Collet et Bouvier, mandantem prædictum ad nihil teneri.

Anteponenda est, ut probabilior, sententia quæ in sui gratiam habet et prægravem auctoritatem et non contemnendum rationis argumentum; atqui ita opinio nostra. 1° Prægravem habet auctoritatem, nempe declarationem congregationis cardinalium in conc. Trid. sess. 14, c. 7, quâ decisum fuit mandantem in hoc casu non incurrere pœnam irregularitatis, ac proinde non esse causam efficacem mortis Petri, quæ nullam probabilem habebat connexionem cum morte Pauli, quæ præcepta fuerat. 2° Validum rationis argumentum. Nemo tenetur de damno quod nec prævisum nec prævisibile fuit; atqui ita occisio Petri.... Si prævisa aut prævisibilis fuisset, vel sub ratione hominis, vel sub ratione specificâ Petri; atqui nullo modo... mandans neque sub ratione genericâ hominis, neque sub ratione specificâ Pauli hanc occasionem prævidere potuit: talia rariùs eveniunt ut inter casus prævisibiles computari possint. Ergo... Undè mors Pauli non ex injustâ motione sed occasione injustæ motionis sequitur.

Obj. Qui ex errore invincibili infert uni damnum quod vult alteri inferre, ad restitutionem tenetur; ergo à pari qui jubet damnum quod ex errore invincibili alteri infertur?

Resp. neg. cons. et parit. Ratio disparitatis est in præsentî hypothesi quòd mandatarius, seu qui ex errore invincibili uni infert damnum quod vult alteri inferre, aliquo modo voluit mortem Petri sub ratione genericâ hominis præsentis; siquidem se determinavit ad occidendum hominem ibi stantem, dum mandans nullo modo voluit mortem Petri neque sub ratione genericâ hominis, neque sub ratione individuali Petri; siquidem abstrahabat ab homine ac proinde ad nihil tenetur.

Quæres 4° utrum qui verbis, nutibus, aut etiam silentio manifestavit se gratum habiturum si quoddam damnum alteri inferatur, illud resarcire debeat?

Resp. Vel illa signa haberi debent ut impellentia ad damnum, vel non. Si prius, mandantis vires gerit atque induit obligationes ille qui ea manifestat. Unde qui verbis aut nutibus damnum jara illatum approbat, ad nihil tenetur, quia nullatenus in illud influxit, si quidem in præteritum non datur potentia nec actio. Si posterius, nulla est ratio cur ad restituendum obligari possit. Verum difficile est determinare quandonam illa signa mandato æquivalent. Ut hoc rectius discernatur, unusquisque attendere debet tum ad indolem et auctoritatem viri talibus signis utentis, tum ad modum quo hæc verba proferuntur, vel circumstantias quibus silentium observatur, tum ad servilem promptitudinem audientium, qui quandoque debiliora dominorum desideria pro verâ jussione accipiunt. Ex his iudiciis Henricus II, Anglorum rex, ab omnibus et etiam à seipso, propriâ remordente conscientia, habitus est auctor mortis S. Thomæ archiepiscopi Cantuariensis, ob illa verba que protulerat corâ aulicis: *Se nunquam posse cum uno sacerdote regni sui pacem habere.*

Quæres 5^a an restituere teneatur ille qui sciens alium paratum esse ad damnum alteri inferendum suo nomine, non ei contradicit, cum posset?

Resp. Si damnificator paratus ad damnum alicui inferendum nomine alterius sciât suum propositum innotescere illi ejus nomine damnificare intendit, sciens et non contradicens, cum posset, ad restitutionem tenetur si non ut mandans, saltem ut consentiens, quia tacito ipsius consensu damnificator efficaciter movetur ad damnum proximo inferendum. Si verò damnificator nesciat suum propositum innotescere illi ejus nomine damnum vult inferre, sciens et non contradicens ei, etiamsi posset, ad nihil tenetur, quia deest illius influxus moralis in damnum, nisi istud ex officio justitiæ impedire debeat; quo casu tenetur ut non obstands.

PUNCTUM II. De consulente.

Consulens est ille qui movet alium ad damnum alteri inferendum consilio, suasionem, precibus, promissis, adhortationibus, motiva utilitatis vel honoris proponendo, facilitatem executionis ostendendo, media et modos quibus efficaciter uti potest suppeditando.

Quæres 1^a ad quid generatim teneatur consulens?

Resp. Duplex est consulens; alius qui, suppositâ actionis injustitiâ, alium movet suo consilio ad illam exequendam; illud consilium dicitur practicum; alius qui ratione professionis vel officii, vel peculiaris peritiæ, decernit talem actionem esse justam vel injustam, restitutionem faciendam esse vel non faciendam, quales sunt parochi, confessarii, doctores, advocati, etc.; illud consilium dicitur doctrinale. De utroque dicemus.

Certum est 1^o consulentem primi generis, id est, eum qui, suppositâ actionis injustitiâ, movet ad actionem damnificativam, teneri ad restitutionem *ratione influxus in damnum*. Ille tenetur restituere qui est causa efficax et injusta damni; atqui ita consulens; 1^o efficax, nam determinat efficaciter voluntatem alterius ad damnum inferendum; 2^o injusta, nam quislibet jus strictum

habet ne ponatur absque sufficienti ratione actus sui damnificativus ergo.

Dixi *ratione influxus in damnum*; non obligatio restituendi non oritur nisi ex violatione juris stricti alterius, atqui jus strictum a tertio non violatur, nisi ratione influxus agentis in damnum ergo. Ille si consulens certo influat efficaciter in totum, obligatur ad restitutionem totius, si in partem tantum, obligatur tantum ad partem; si nullatenus influat, ad nihil obligatur, si probabiliter influat, obligatur ratione probabilitatis; si modo dubio, proportionate ad dubium tenetur.

Certum est 2^o consulentem secundi generis, id est, eum qui *ratione professionis vel peculiaris peritiæ* in quâdam scientiâ dat consilium, teneri reparare damnum ex consilio suo secutum, si præ negligentia in comparandâ aut conservandâ scientiâ vel nimis precipitatione in dando consilio mortaliter peccaverit. Ille tenetur reparare damnum qui est causa efficax et injusta damni... atqui ita consulens... 1^o Causa efficax... nam determinat efficaciter voluntatem agentis ad damnum inferendum; 2^o Causa injusta... nam ignorantia crassa æquiparatur male fidei in his qui tenentur ratione officii vel peculiaris peritiæ aliquid præstare, quia jure tenentur aut ex promissione implicitâ; atqui versatur in ignorantia et negligentia crassa prædictus consulens... cum peccaverit mortaliter qui in his ex officio rectius agere debebat: ergo restituere debet damnum, sive respectu illius qui consilium petivit, sive respectu aliorum quibus consultor vi consilii nocuit.

Dixi: *consulentem ratione officii vel peculiaris peritiæ quam proficitur*; etenim qui nec ratione officii, nec ratione peculiaris peritiæ consilium dant, ut mulieres et plebei, quorum nota est incapacitas, non tenentur restituere damnum *ergâ illum qui consilium petiit*, quia damnum quod patitur imprudentiæ ejus imputari debet, nam scienti et volenti non fit injuria. Secus verò dicendum est de damno ex hoc consilio *ergâ alios* illato; consulens de eo tenetur, quia est causa efficax et injusta damni, siquidem alter non est sciens, neque volens.

Quæres 2^a an restituere teneatur qui minus malum consulit ad majus vitandum?

Resp. Hæc duo mala eidem personæ vel diversis personis inferenda sunt.

Si prius, id est, si quis consulat minus malum alicui inferri, ne eidem inferatur majus damnum, restituere non tenetur, quia consilium istud ei prebuit, nedum noceat. Unde, si fur paratus sit ad furandum 20 aureos, licet ei consulere ut tantum 10 abripiat. In hoc casu non suadet absolutè malum, nec determinat maleficum ut absolutè noceat, sed tantum ut noceat minus, vel ut omittat saltem gravius damnum quando non vult grave damnum omittere.

Si posterius, id est, si mala diversis personis inferenda sunt, vel consulens minus damnum indicat personam determinatam cui inferri possit, vel non

Si prius, id est, si quis homini parato ad inferendam

damnum Petro consulat ut potius illud minus malum Paulo inferatur, vel designat personam de qua nullatenus cogitat maleficus, vel personam de qua cogitabat, licet inter duas fluctuans, obfirmatus ad nocendum alterutri; in primo casu, consulens minus damnum Paulo inferendum ad avertendum majus malum Petro imminens, contrahit obligationem restituendi, quia simul est causa efficax et injusta damni; efficax, cum determinat efficaciter voluntatem agentis ad damnum alteri inferendum: injusta, cum quisque jus strictum habeat, ne ponatur actus sibi damnificativus ad avertendum alterius etiam innocentis damnum: ergo... In secundo autem casu, certum est consulentem posse id omne quod in se est facere ut avertat damnum ab amico, modò simpliciter dicat: *Ne inferas damnum amico*. Ratio est quia, si amicus adesset, illud agere posset: ergo et alter nomine amici. Esto sequatur damnum alterius; illud fit per accidens, et non nisi ex malitiâ alterius. Sed quid esset si consulens præfatis verbis hæc adderet: *Infer, si vis, damnum Titio*. Nobis videtur cum Vogler, n° 290, quòd, etsi valde periculosum sit ita agere, consulens ad restitutionem non teneatur quoties illa verba: *Infer, si vis, damnum Titio*, non magis influunt in determinationem consultoris ac si simpliciter diceret: *Ne inferas damnum amico meo*. Ratio est quia non magis fit causa damni subsequentibus quam precedentibus verbis. Illud autem evenit quòd consultor ita determinatur ad damnum alteri inferendum, ut certum sit cum Titio damnum illaturum esse, si avertatur ab isto damno amico inferendo.

Si posterius, id est, si consulens indicet personas non determinatas, v. g.: *Si vis furari, quære potius divites*, vel illud consilium ex verbis et circumstantiis reducitur ad hanc formam: *Parce pauperibus*, vel ad illam: *Furare divitibus*. Si 1°, consulens id potest; ratio est quòd pauperibus prosit et nullius jus strictum lædat; 1° pauperibus prodest, ut patet; 2° nullius jus strictum lædit; sic enim non tam hortatur ad spoliandos divites quàm ad parcendum pauperibus: ergo... Si 2°, consulens id non potest. Etenim consulens dare non potest consilium quod influeret efficaciter in damnum injustum alterius; atqui consilium in præfatâ hypothesi influeret... 1° Efficaciter; illud consilium efficaciter influit quod determinat efficaciter voluntatem agentis ad damnum inferendum; atqui consilium in præfatâ hypothesi... ergo. 2° In damnum injustum; nam damnum injustum est ubi dominus habet jus interdicendi actum quo ipsi inferitur damnum; atqui dominus... Si enim divites ex justitiâ non tenentur compensare damna quæ fures inferunt pauperibus, pari ratione jus strictum habent interdicendi ne for inducatur ad damnum ipsis præ pauperibus inferendum: ergo... Et verò si tale consilium dari posset, maximè quia nullius jus læderetur; atqui illud dici nequit. Ideò enim nullius jus læderetur, quia nullus in particulari designaretur, porro vana est illa ratio; namque ab omnibus admittitur adesse obligationem restituendi si cuidam ad furandum non determinato

daretur consilium quemdam divitem furandi; atqui in eo casu nulla est designatio personæ in specie et tamen jus alterius læditur, nempe divitis cui res auferatur: ergo non designatio non impedit quin lædatur jus strictum divitis: ergo... ergo.

Quæres 5° utrum consulens qui consilium suum ante operis executionem revocaverit, reparare teneatur damnum, si nihilominus sequatur?

Resp. 1° Si consulens ita consilium revocavit ut totam illius vim abstulerit, ad nihil tenetur, quia jam non est causa damni; siquidem omnem causam à se positam abstulit. Hinc si Petro consulueris contractum quasi expertem usuræ, et postea doctior factus eidem Petro demonstraveris contractum esse usurarium, et rationes prius à te allatas everteris, quidquid agat Petrus, liberaberis à restitutione. Similiter si quem precibus, adhortationibus, blanditiis aut promissis impuleris ad damnum alteri inferendum, et deinde hæc omnia retractaveris, damnum tibi non debet imputari. Hoc præsertim evenit quòd consilium fuit doctrinale aut merè practicum.

2° Si consulens ita consilium revocaverit, ut, quamvis illud fuerit revocatum, totum adhuc subsistat robur consilii aut tota vis quæ fuit alterius animo impressa, ad restitutionem tenetur, quia manet vera causa damni. Eodem enim modo se habet ac homo qui ab alto lapidem ex irâ in inimicum projecisset atque statim de culpâ suâ, etiam ante damnum, verè doleret. Porro ille homo, juxta omnes, ad restitutionem obligatur: ergo. Hinc si quem argumentis et sophismatibus ad actionem alteri damnosam impuleris, ostendendo illi utilitatem actionis, vel voluptatem proponendo, vel docendo media quibus uti valeat, non semper exemeris à restitutione, quamvis consilium revocaveris; quia revocatio non sufficiens est ad auferendam totam vim quam posuisti. Hoc præcipuè locum habet quòd consilium fuit vestitum motivis utilitatis, honoris, delectationis, etc.

Obj. Mandans qui revocavit mandatum ante executionem non tenetur ad restitutionem damni quod deinde inferitur: ergò à pari consulens.

Resp. neg. conseq. et parit. Ratio disparitatis est quòd, cum mandatarius non proprio nomine damnum inferat, sed nomine jubentis, retractato semel mandato, mandans non fit ampliùs causa damni efficax, sed solum prava voluntas mandatarii; cum autem consultor agat in gratiam sui et adhuc possit moveri motivis quæ accepit à consulente, sequitur quòd si retractatio consilii non destruat illorum influxum in mente consultoris, consulens sit adhuc causa efficax damni: ergò magna disparitas est inter mandati revocationem et revocationem consilii vestiti motivis utilitatis, honoris, etc.

Quæres 4° an qui suo exemplo alios ad damnum alteri inferendum inducit, illud reparare teneatur?

Resp. Si quis dat malum exemplum in his circumstantiis quibus probabile sit alios eo impelli ad actionem proximo damnosam, ad restitutionem tenetur, quia simul est causa efficax et injusta damni: 1° effi-

cax: ille est causa efficax qui scienter ponit actionem quæ probabilem habet connexionem cum alterius damno: atqui ita dans malum exemplum.... siquidem ex adagio: *Verba movent, exempla trahunt*: 2. Injusta: quisque enim jus strictum habet ne alter ponat absque ratione sufficienti actionem sibi damnosam: atqui dans malum exemplum ponit: ergo. Si vero quis dederit malum exemplum in talibus circumstantiis quibus improbabile sit alios eo impelli ad actionem alteri damnificativam, ad nihil tenetur, quia tunc non est causa efficax damni, cum ejus actio probabilem non habeat connexionem cum damno in mente agentis.

PUNCTUM III. — De consentiente.

Consentiens est hic qui suffragio, approbatione vel favore, excitat alterum ad injustum damnum.

Quær. 1. Ad quid generatim tenetur consentiens?

Resp. Consentiens duplicis est generis: alius consentit inefficaciter, quando scilicet exterius de damno jam illato vel interius de damno inferendo gaudet: alius consentit efficaciter, quando scilicet ab illius consensu damnum pendet et determinatur. His præmissis,

Dico 1^o consentientem primi generis ad nihil teneri, quia nullo modo influat in damnum, etiamsi ex odio vel animo vindictæ actioni damnificativæ applauderet. Ergo.

Dico 2^o consentientem secundi generis ad restitutionem teneri, quia simul est causa efficax et injusta damni: 1^o efficax, nam ponit actum ex quo directè sequitur damnum alterius; 2^o injusta: alter jus habet ne ponatur actus sibi damnificativus: ergo.

Quær. 2^o quandonam consentiens censeatur causa efficax et injusta damni?

Resp. Quoties consentiens ex officio tenetur non consentire, et damnum, quantum potest, impedire non consentiendo. In moralibus, inquit Sylvius, qui potest et debet damnum impedire, censeatur illius causa, si, illo non impediante, evenierit. Porro tales sunt 1^o superiores, domini, patres familiæ, quando subditis, servis aut filiis consentiunt damnificantibus; 2^o senatores et consilarii, quando suffragantur bello injusto, iniquo judicio, iniquis legibus, exactionibus, tributis, etc.; 3^o capitulares et patrones qui ad prelaturas aut ad officia ecclesiastica indignos promoveant aut promoveri consentiunt.

Quær. 3^o An teneatur ad restitutionem qui suffragatur injuste sententiæ, postquam jam præcessit suffragiorum numerus ad rem injustam decernendam sufficiens?

Resp. Constat 1^o eum qui inter primos suffragatur, antequam compleatur numerus sufficiens, ad restitutionem teneri, etiamsi prævideat quod alii certò essent consensuri. Non minus enim est causa efficax et injusta damni quam ille qui vastat vineam mox ab aliis vastandam.

Constat 2^o eum qui, postquam jam præcessit sufficiens numerus suffragiorum, consentit, dum priores suâ eloquentiâ vel emissionem voti diversi ab iniquâ

sententiâ revocare potest, ad restitutionem teneri, quia potest et debet ex officio, quantum in se est, facere ad illud malum averendum.

Constat 3^o etiam adesse obligationem reparandi damnum pro eo qui suffragium dedit, completo suffragiorum numero ad injustam sententiam sufficienti, quando ex majore suffragiorum numero aliquatenus damnum aggravatur, ut fit, v. g., si iniqua sententiâ a curiâ supremâ facilius approbetur ob majorem numerum suffragiorum, vel si lex injusta feratur a principe qui forte non secutus esset pluralitatem votorum, sed unanimitate consensus determinatus fuit: quæ quidem reparatio damni proportionem habere debet cum solo mali gravamine.

Difficultas igitur in eo tota est: an teneatur ad restitutionem qui suffragatur injustæ sententiæ, quando numerus suffragiorum ad injustam sententiam sufficiens jam præcessit, et alii suffragantes ab iniquâ sententiâ deterreri non possunt.

Distinguendum est. Vel lex decernit talem numerum suffragiorum sufficere ad decisionem absque sententiâ judicis aut præsidis, vel lex requirit sententiam judicis aut præsidis.

Si prius, dans suffragium, quando numerus sufficiens jam præcessit, ad restitutionem non tenetur. Ratio est quod nullo modo influat in damnum; non dantur enim actio et potentia in præteritum: atqui damnum jam præterit; nam damnum fertur statim ac prodiit sufficiens numerus suffragiorum, cum lex non requirat sententiam judicis: ergo..... Eadem est doctrina, si suffragia sint publica, si sint secreta, quia in neutro casu influunt in damnum, cum lex decernat talem numerum sufficere absque præsidis sententiâ.

Si posterius, dans suffragium.... ad restitutionem probabiliter tenetur. Illi omnes tenentur ad restitutionem qui æqualiter concurrunt ad damnum; atqui ultimi suffragantes, sicut et primi, æqualiter concurrunt ad damnum in præsentī hypothēsi; nam damnum inferitur injustâ sententiâ; atqui omnes concurrunt ad injustam sententiam; sententiâ injusta efformatur ex collectione votorum; atqui vota sua emisissent non minus ultimi suffragantes quam primi: ergo.... Et verò illi tenentur ad restitutionem qui consentiunt ut damnum suo nomine inferatur; atqui ita suffragans laudatus; sententiâ enim alteri damnosa fertur et executioni mandatur nomine omnium suffragantium: ergo.... Unde ultimus suffragans se habet sicut ille qui se adjungit tribus furibus ad auferendam trabem quæ à tribus asportari potest.

Quær. 4^o an consilarii vel alia certis deliberantis membra peccent contra justitiam et teneantur ad restitutionem quando subterfugiant, ubi tamen impedire possent sententiâs injustas?

Resp. affirmativa. Nam ex officio justitiæ et quasi-contractu tenentur hujusmodi sententiâs impedire: tres tamen casus excipiuntur: 1^o possunt abesse, citra legitimum impedimentum, quando non imminet ex absentia magnum inconveniens; 2^o quando justam ab-

sentie habent causam. Hæc autem causa debet esse gravis si res magni momenti sit tractanda, et periculum sit ne noceat absentia; 5° quando certissimè sciunt conclusum iri contrà justitiam, et suffragium suum non ultrà servitutum quàm ut odium ipsis conciliet et suscitet graves rixas. Ubi monet card. de Lugo non consulendum esse inordinatis timoribus, cum unius cordata libertas non infrequenter multorum pusillanimitatem correxerit.

PUNCTUM IV. — *De palpone.*

Quæres 1° quid nomine palponis intelligatur et utrùm ille teneatur ad restitutionem?

Resp. 1° Palpo seu adulator is intelligitur non solum qui laudibus vel plausu movet alium ad injuriam alicui inferendam, sed etiam ille qui irrisionibus, vituperiis, murmurationibus aliove simili modo causa est damni quod alteri infertur.

Resp. 2° Si palpo in damnum influxit tenetur restituere ratione influxus, eodem modo quo consulens; sæpè enim efficacius ad injustitiam movet adulator quàm iste: nec requiritur ut damnum alterius intendat, sed sufficit ut prævidere debuerit damnum ex suâ adulatione consequitur.

Observare est palponem iisdem omninò obligationibus et immunitatibus obnoxium esse ac consulentem. Si alterum solummodò moverit adulatione, laudibus aut simili modo, tunc assimilandus est consulenti qui allicit precibus, blanditiis, etc.: quæ omnia destruuntur per revocationem. Si verò impulerit alium exprobris, vituperationibus, conviciis, jam assimilatur consulenti sub specie utilitatis, et tunc fieri potest ut, non obstante revocatione, nihilominus subsistat impressio in mente alterius facta. Undè palponi applicari debent quæ diximus circà revocationem consilii.

PUNCTUM V. — *De recursu seu receptore.*

Quæres quid intelligatur nomine receptoris, et utrùm ad restitutionem teneatur?

Resp. 1° Receptor seu recursum præstans, gallicè *recdeur*, is est qui damnicificatori, ut tali, securitatem et fiduciam præbet, ut damnum inferat vel illatum non reparet. Sic haberi debent illi qui malefactores ut tales auctoritate aut patrocinio protegent, hospitio recipiunt, eorumque instrumenta noxia asservant vel occultant, res furtivas emunt, etc.

Resp. 2° Tenentur ii omnes ad restitutionem quando causa sunt cur damnum inferatur vel illatum non resarciatur. Hinc sartor qui scienter res furtivas recipit à famulis, caupo qui pecunias furto ablatas accipit à filiis familiæ in pretium computationum, advocatus qui, injustitiâ cognitâ, furem coram tribunalibus tuetur in causis civilibus, cum indè sequatur immediatè detentio rei alterius, et alii similes, restituere tenentur.

Inter receptores computandi non sunt illi qui malefactores ut amicos vel consanguineos domi recipiunt, nec illi qui eos sub spe emendationis occultant, vel istis alioquin sub dio pernoctaturis diversorium causâ

humanitatis offerunt, nec illi qui ostendunt viam quâ fugere possint, ne à lictoribus comprehendantur, nec illi qui in causis criminalibus eos defendunt, licet prævideant malefactorem, benè succedente lite, restitutionis immemorem esse, quia ex unâ parte malus effectus compensatur per bonum effectum, nempe absolutionem à poenâ, et ex alterâ parte, ille malus effectus non directè oritur ex defensione advocati, sed ex malitiâ malefactoris. Cavendum tamen ne furi præbeatur spes recursus in posterum ut similia committat.

PUNCTUM VI. — *De participante.*

Participans duplex est, alius in prædâ, alius in actione damnosâ.

Participans in prædâ ille est qui post damnum illatum partem prædæ seu rei furtivæ obtinet. Huic applicanda sunt principia exposita ubi de possessore rei alienæ. Vel enim participans accepit rem in bonâ fide, vel in malâ fide, vel in dubiâ fide: decisiones pro variis illis suppositionibus alibi datæ fuerunt.

Participans in actione damnosâ ille est qui semel cum alio concurrat ad damnum alteri inferendum; porro hoc duplici modo fieri potest, immediatè et mediatè. Ille concurrat immediatè qui simul cum alio ponit actionem per se damnificativam, v. g., si duo simul occidant hominem, domum incendunt, aurum auferant. Ille concurrat mediatè qui ponit actiones quæ non sunt per se damnificativæ, sed quibus alter abutitur ad damnum alteri inferendum; v. g., si scalam commodet, si excubias agat, si arma ministret. Hinc duæ sectiones.

SECTIO I. — *De cooperatione immediatâ.*

Actio ad quam aliquis concurrat potest esse alter damnificativa vel in bonis vitæ, vel in bonis membrorum, vel in bonis fortunæ. Undè tres instituentur propositiones pro triplici illâ cooperatione.

PROPOSITIO I. — *Nunquàm licet, etiam ad mortem vitandam, immediatè concurrere ad actionem alteri damnificativam in bonis vitæ.*

Prob. Non licet cooperari ad actionem alteri damnosam nisi legitimè præsumatur quod lusus concedat jus suum, aut rationabiliter invitatus esse non possit; atqui ubi agitur de bonis vitæ, legitimè præsumi non potest proximus concedere jus suum aut rationabiliter invitatus non esse; etenim proximus præsumi non potest cedere aut debere cedere jus quod non habet; atqui proximus jus non habet in vitam suam; ergo. Et verò ideò licitum esset cooperari ad actionem alteri damnificativam in bonis corporis, quia cooperanti immineret periculum mortis aut mutilationis; atqui idem immineret periculum illi cui damnum inferretur per cooperationem immediatè damnificativam in bonis vitæ: ergo.

Hinc, ut notant communiter doctores, captivi apud Turcas contra justitiam peccant et ad restitutionem tenentur si in bello formaliter injusto adversus Christianos ignem bombardis admoveant, pilas explodant, sagittas emittant.

PROPOSITIO II. — *Nunquam licet, etiam ad vitandam mortem, immediate concurrere ad actionem alteri damnificativam in bonis membrorum, seu ad alterius mutilationem, nisi forsam pro avertenda reus mutilandi morte.*

Prob. Non licet cooperari ad actionem damnificativam, nisi latus de jure suo cedat aut cedere teneatur; atqui ubi agitur de bonis membrorum, latus nec de jure suo cedit nec cedere tenetur, siquidem jus directum non habet in membra sua, et, etiamsi haberet, tantam jacturam pati non teneretur ad servandam vitam alterius, cum ipse hanc potuit pati non teneretur ad propriam vitam conservandam: ergo.

Dixi: *nisi forsam pro avertenda ipsius mutilandi morte*; quia, cum unicuique liceat membrum sibi amputare ad vitandam mortem ab extrinseco, v. g., à tyrannide imminente, non repugnat quod eodem fine illud jus alteri concedat. Sed illa juris cessione mutilatori innotescere debet vel expressâ concessione vel saltem præsumptione legitimâ, alioquin mutilator se exponeret periculo jus alterius graviter lœdendi; etenim fieri potest quod mutilandus, cum non teneatur ad vite sue conservationem media extraordinaria adhibere, mortem mutilationi preferat, ac proinde mutilatori jus amputationis recuset.

PROPOSITIO III. — *Non licet generatim, ad vitandum damnum morte minus, immediate concurrere ad actionem alteri damnificativam in bonis fortunæ.*

Prob. Illud generatim non licitum est de quo generatim domini sunt rationabiliter invitati; atqui generatim domini sunt rationabiliter invitati de cooperatione in præfatâ hypothesis; etenim domini generatim sunt rationabiliter invitati de cooperatione quæ januam aperiret frequentibus abusibus, innumeris fraudibus, atqui talis esset cooperatio in præfatâ suppositione; siquidem, cum multi sint casus gravis necessitatis aut damni morte minoris, plurimi, quia major vel minor mali intensitas non rigorosè appretiabilis est, fingerent se esse in gravi necessitate, aut sibi imminere damnum morte minus falsò putarent, ad bona alterius invadenda: ergo. Et verò, admissâ licitate cooperationis immediate damnificativæ in bonis fortunæ, furibus nimia præberetur facilitas; cum scirent homines se posse cooperari actioni damnificativæ, ad declinandum damnum morte minus, latronibus et malefactoribus minorem opponerent resistantiam; inde quanta mala pro societate et privatis! ergo.

Dixi, *generatim*; tres potissimum admittuntur casus in quibus dominus censetur consentiens, ac proinde non fit illi iniuria, et ideò licita est cooperatio: 1° si cooperans possit et velit damnum reparare, quia dominus non potest esse rationabiliter invitatus quin ad vitandum grave malum, alter ponat actum qui censi potest nullum ipsi afferre detrimentum; 2° si damnum etiam grave, sepositâ cooperatione, æqualiter et certò ab ipsismet damnificantibus inferretur; ex principio: *Quod mihi prodest et illi non obest, teneris permittere*; 3° si damnum sit

leve respectu domini, quia ex charitate debet illud salvari. Ut autem merito producatur an damnum sit leve respectu talis hominis, attendendum est sive ad ipsius fortunam, sive ad ipsius habitum les dispositiones, vir dives et liberis facilior jus suum cedit quam pauper aut avatus.

Utrum autem licitum sit, ad vitandam mortem, cooperari actioni alteri immediate damnificativæ in bonis fortunæ, gravis est inter Theologos controversia. Ad mentem nostram clariùs aperendam distinguimus: vel ille à quo exigitur cooperatio habet intentionem et potestatem damnum reparandi, vel non.

Si prius, ille potest cooperari, sed postea damnum reparare debet. Prima pars assertionis, admissâ secunda, nullam patitur difficultatem, quia dominus non est rationabiliter invitatus; bonum commune exigit ut permittatur actio quæ uni utilis est et alteri non nocet. Porro certum est eum qui ad vitandam mortem cooperavit actioni damnosæ, ad illius reparationem, transactâ necessitate, astringi; si enim ad id non teneretur, vel quia in extremâ necessitate omnia facta fuerunt communia, vel quia dominus non fuit rationabiliter invitatus ut damnum sibi fuerit illatum; atqui non probant ille rationes nullam esse, transactâ necessitate, obligationem reparandi damnum illatum. Non prima; jus quod confert extrema necessitas in alterius bona restringi debet quantum potest, tum quia, cum solâ suadeatur necessitate, non debet extendi ultra stricte necessarium, tum quia est jus odiosum, utpotè derogans juri proprietatis, atquisalis sublevaretur necessitas in quâ versatur cooperator per simplex mutuum, quin requiratur absoluta donatio; ergo... Non secunda; æquius est ut ope bonorum suorum se liberet aliquis ab injuriâ sibi illatâ, quàm detrimento alterius; atqui cooperator in hoc casu se liberaret cum detrimento alterius, si non teneretur, transactâ necessitate, reparare damnum: ergo.

Si posterius, id est, si cooperans non habeat medium damnum reparandi, adhuc major est Theologorum disputatio. Alii sentiunt dominum teneri consentire damno sibi inferendo, quia tunc cessat bonorum divisio; ea enim non potuit institui ab hominibus contra finem pro quo bona creantur, scilicet in detrimentum vitæ ad ejus conservationem ordinata sunt. Alii verò negant dominum teneri consentire cooperationi sibi damnosæ quando cooperator non potest, transactâ necessitate, damnum resarcire, quia nemo tenetur pro aliis majores impensas facere quàm pro seipso. Itaque ad conciliandas illas opiniones dicimus: vel damnum inferendum est leve respectu domini, vel grave. Si 1° videtur quòd liceat cooperari, ad vitandam mortem; quia prohibitio cooperationis vires humanas superaret; nemo in tali necessitate similem curaret prohibitionem. Si 2° probabile est quòd non liceat cooperari, quia, sicut nemo tenetur, ad suam vitam conservandam, media impendere extraordinaria, ita nec pro vitâ alterius.

Quod autem dicitur de metu mortis, multi graviore theologi illud extendunt ad metum notabilissimæ mu-

lilationis, v. g., brachii, oculorum, quia hæc et similia morti æquiparantur.

SECTIO II. — De cooperatione mediata.

PROPOSITIO UNICA. — *Licet mediatè cooperari ad actionem alteri damnificativam in bonis sive corporis sive fortune ob vitandam mortem, aut mutilationem, aut aliud damnum proportionatè grave.*

Prob. 1° *S. Thomà.* Juxta eum, licet ob rationabilem causam ponere actum in se indifferentem, ex quo sequuntur duo effectus, alter bonus, alter malus, modò bonus sit æquè mediatas, in se intendatur et saltem compenset malum; atqui talis est cooperatio mediata de quâ agitur... 1° Actus in se indifferens, nam consistit in eo quòd quis scalam commodet, excubias agat, arma suppeditet; atqui actiones ille sunt indifferentes, cùm bono fine cohonestari possint: ergò. 2° Ex eâ sequuntur duo affectus, unus bonus et alter malus; scilicet pro cooperante conservatio vitæ aut alicujus boni, et pro eo qui damnum patitur damnificatio: ergò. 3° Bonus affectus intenditur, nempe conservatio vitæ, vel membrorum, vel fortune. 4° Bonus effectus compensat malum; bonus effectus est conservatio vitæ aut membrorum, aut alicujus boni proportionatè gravis; atqui ille effectus compensat damnum alterius in rebus æqualis momenti: ergò. Ratio est quia tunc cooperans censetur permittere malum alterius.

2° *Concessis adversariorum.* Fatentibus adversariis, licet ad vitandam mortem aut grave damnum reddere gladium furioso, pecunias petere ab usurario, remigare pro Turcis contra Christianos; atqui in his est cooperatio mediata: ergò.

3° *Ratione.* Bonum commune societatis exigit ut homines non teneantur se abstinere ab actionibus mediatè damnificativis, quando præsertim aliquod malum imminet ei qui recusaret cooperari, alioquin difficilissimæ et ferè impossibiles fierent relationes quæ debent existere in commerciis hominum: ergò licita est cooperatio actioni mediatè damnificativæ. Et verò virtute æqualitatis naturalis nemo tenetur convertere actiones suas indifferentes ad utilitatem alterius procurendam; atqui ad id teneretur si illicitum esset cooperari actioni mediatè damnificativæ: ergò.

Dixi 1°: *ob vitandam mortem*; etenim mors est omnium damnorum gravissimum; illud nemo pati tenetur ad conservandam alterius vitam, quando præsertim istius amissio pendet ex cooperatione duntaxat mediata; si tamen ageretur de bono publico, vita potius est amittenda quàm cooperatio ponenda.

Dixi 2°: *ob mutilationem*, quæ est etiam gravissimum damnum. Solum dubium esse potest in casu quo ageretur de mediata cooperatione ad mortem alteri inferendam; videtur quòd etiam tunc licita sit mediata cooperatio ob vitandam mutilationem; alioquin libertas hominum esset nimis restricta.

Dixi 3°: *ob damnum proportionatè grave.* Quando nam autem damnum haberi debeat tanquàm proportionatè grave? Vel illud damnum est majus quàm

malum inferendum, vel æquale, vel minus. Si cooperans metuat damnum longè gravius damno alteri inferendo, cooperari potest mediatè; si verò cooperans metuat damnum æquale, similiter non peccat cooperando, quia ordo charitatis unicuique permittit ut suum bonum æquale bono alterius anteponat. Si denique cooperans metuat damnum minus malo alteri inferendo, gravis est concertatio inter Theologos. Ex unâ parte generatim prohiberi non potest cooperatio mediata, cùm exindè sequatur decisio valdè dura, nempe non reddi posse furioso, ob solum metum mutilationis, gladium quo iste prævidetur seipsum occisurus: ex alterâ autem parte non potest generaliter approbari illa cooperatio, cùm exindè prodeant decisiones valdè laxæ et bono publico contrariæ, nempe licitum esse ob metum levioris mali, v. g., 20 vel etiam 40 assium amittendarum, præstare claves furi, vendere arma homicidæ, adducere virgines corruptori; undè viri prudentis arbitrio relinquitur decernere an licita sit in eo casu cooperatio. Ideò tunc principiis sequentibus duntaxat quis uti poterit ad judicandum, quando liceat ob minus damnum cooperari actioni mediatè damnificativæ. 1° Tantò major requiritur ratio, quantò propinquius causa quæ ponitur influit in malum. 2° Tantò major requiritur ratio, quantò majus est malum quod sequitur. 3° Major requiritur ratio, quando sine tuâ cooperatione effectus non sequeretur, quàm si nihilominus sequeretur. 4° Major requiritur ratio quando effectus est contra justitiam in damnum tertii, quàm si esset contra alias virtutes, v. g., temperantiam. Hæc sanè videntur conformia rectæ rationi, et ex his minus erit difficile resolvere plures casus in praxi satis implicatos.

NEM. II. — De cooperatoribus negativis.

Causæ negativæ seu non impediens damnum impedibile obligationem restituendi non pariunt *vi propria*, quia homo, utpotè dominus suarum actionum, non tenetur ex justitiâ, attento solo jure naturali, malum alterius avertire; sed obligant ad reparationem damni non impediti, *interveniente aliquo titulo strictæ justitiæ*, maxime contractu, vel quasi-contractu, vel lege civili, quando ista in rigore justitiæ, id est, sub poenâ restitutionis obligat quosdam homines ad quædam damna impedienda, prout locus est quoties lex imponit alicui indemnitatem in gratiam tertii si damnum non impediatur. Ratio istius obligationis est quia proximus per contractum aut quasi-contractum, aut legem positivam, jus strictum acquirit in actionem damni impeditivam, ab alio ponendam.

Ut autem causæ negativæ obligationem restituendi pariant, tres requiruntur conditiones; 1° ut teneantur ex justitiâ damnum impedire; alioquin ommissio actionis impeditivæ damni restitutioni obnoxia non esset, deficiente injustitiâ. 2° Ut damnum impedire culpabiliter omiserint; in contractu sufficit culpa juridica, in quasi-contractu requiritur culpa theologica. 3° Ut damnum saltem ordinariè potuerit impediri absque gravi incommodo, quia nec contractus nec lex

positiva solent obligare cum tanto onere. *Præ ordinariæ* quæ tenemur etiam cum gravi detrimento damnum alterius avertire, si hæc clausula in pacto apposta fuerit, vel actio præstanda strictiorem ex natura sua exeat obligationem.

Nullum existit discrimen sub respectu obligationis inter eum qui gratis et illum qui pro stipendio officium aliquod suscipit. Eodem modo tenentur ad munus rectè implendum statim ac illud voluntarie accipiunt. Sic iudex qui libenter et gratis suscipit officium, justitiam reddere debet sicut ille qui pro ære idem officium exerceret.

Triplex modo causæ negativæ cooperari possunt in damno alteri inferendo, scilicet non loquendo, non obstando, non manifestando: idcirco negativæ cooperans dicitur mutus, non obstans, non manifestans.

Mutus ille est qui, licet ex pacto vel officio damnum impedire teneatur, tacet, dum verbo, præcepto, minis, monitis, precibus, litteris, clamore, strepitu, etc., illud impedire posset. Sic muti sunt superiores, consiliarii, custodes vinearum, agrorum, etc., quando non præcavent damna quæ verbo vel signo facile possunt impediri.

Non obstans est qui non præstat, quando potest, opem aut operam quam ex contractu aut ex quasi-contractu aut ex alio titulo justitiæ debet, ut malefactorem à damno avertat: talis est dux exercitus qui civitati obsessæ non succurrit; item advocatus qui defectu studii et scientiæ clientem suum malè tuetur; item magistratus qui suâ segnitie permittit scandala grassari.

Non manifestans is est qui, dum potest ac debet ex justitiâ, malefactorem non manifestat, vel ante damnum illatum ut avertatur, vel post illatum ut resarciatur. Tales sunt præpositi negotiorum, et vectigalium collectores qui defraudantes non manifestant, ut damnum dominorum vel reipublicæ impendant.

Certum est omnes hujusmodi cooperantes teneri ad reparationem damni quod non impedierunt. Illi tenentur ad restitutionem qui privant dominum jure suo; atqui præfati cooperatores privant dominum jure suo; nam privant dominum jure quod ille acquisiverat vel contractu vel quasi-contractu in actionem quæ omittitur: ergo.

Ope istorum principiorum generalium solvendi occurrunt circà varias professiones nonnulli casus in quibus ambigitur an quis restitutioni obnoxius sit, quatenus damni causæ negativæ.

Quær. 1° an confessarius, qui cognoscit penitentem ad restitutionem teneri, et illum de restitutione faciendâ monere negligit, ad restitutionem teneatur?

Resp. Si confessarius, omnibus seriò perpensis, haberi debeat tanquàm causæ positivæ cur penitens non restituat, ad restitutionem suæ culpæ proportionatam certò teneatur. Ratio est quia tunc est causæ efficax et injusta damni; 1° efficax, cum ipsius silentium ex hypothese vim induat positivæ decisionis; 2° injusta, siquidem quilibet jus strictum habet ne alter tertium

exdet ad ponendum actum sibi damnificativum.

Si autem confessarius, attentis circumstantiis, sit tantum causæ negativæ cur penitens non restituat, non tenetur restituere ob neglectam monitionem. Ratio est quia non tenetur ex justitiâ damnum alterius impedire monendo penitentem. 1° neque contractu: confessarius enim nullum init conventionem quæ promissit invigilare bono temporali sive penitentis sive aliorum; 2° neque quasi-contractu, siquidem munus confessarii totum est in ordine ad spiritualia; 3° neque lege positivâ, quæ de casu supposito penitus silet: ergo confessarius omitendo monitionem non violat jus strictum alterius, ergo non tenetur ad restitutionem defectu monitionis.

Itaque valde expedit determinare quandocum confessarius haberi debeat tanquàm causæ negativæ vel positivæ cur penitens non restituat. Confessarius censetur causæ negativæ quando negligit monere penitentem de restitutione faciendâ, sive in illâ omissione peccaverit mortaliter, sive non, modo ex illâ omissione penitens non habeat locum prudenter opinandi se non teneri ad restitutionem. Existimatur autem causæ positivæ cur penitens non restituat, quando per falsam decisionem decernit talem personam restitutioni obnoxiam non esse, vel per silentium eam naturaliter inducit ad sic credendum. Silentium confessarii ad hanc conclusionem naturaliter ducit, cum ipse initio confessionis dixit penitenti se eum monitorem de quâlibet restitutione faciendâ, vel cum penitens decursu confessionis illum interrogat an restituere teneatur pro tali opere, nisi fortè penitens illud silentium oblivioni vel distractioni confessarii tribuere possit. Adverte tamen confessarium qui causæ positivæ foret cur penitens non restitueret, ad restitutionem non teneri, nisi gravem negligentiam in comparandâ scientiâ competentem habuerit, vel culpabilem præcipationem in solutione questionis commiserit. Porro, sapi evenit omissionem monitionis culpâ vacare, scilicet quando nihil deficit in confessario neque ex parte scientiæ, neque ex parte prudentiæ.

Quæres 2° utrum superior teneatur ad reparandum damnum ab aliis illatum qui ipsi subiciuntur?

Resp. Vel damnum impediri non potuit vel potuit impediri.

Si prius, superior ad nihil tenetur; neque enim injustus est detentor, cum rem non acceperit; neque injustus fuit damnificator, cum actio damnificativa ab alio ponatur; neque censeri debet injustus cooperator positivus, cum nullo modo alium excitet ad damnum alteri inferendum; neque denique cooperator negativus supponi potest, siquidem nemo se obligat ad impediendum damnum quod impediri nequit: ergo...

Si posterius, vel damnum illatum est ab illius libris, vel ab uxore, vel à domesticis, vel à discipulis, vel ab animalibus. Eadem non sunt omnino decisiones pro variis illis casibus.

1° Paterfamilias ad nihil tenetur pro damnis quæ intulit filius major vel etiam minor, quando iste non est ipsi contubernalis, etiamsi illud damnum impedire

potuerit, quia vi solius paternitatis non tenetur ex justitiâ præcavere damnum à suis alicui inferendum, siquidem in conditione patris non includitur unus è tribus titulis requisitis ut quis censeatur cooperari negativè actioni damnosæ; sed, attento jure civili, pater, et, post illius obitum, mater debent defectu filii refundere damna quæ intulit filius minor, quando iste cum parentibus sub eodem tecto habitat. Vide art. 1584 cum annot. D. Gousset.

2° Maritus ad nihil tenetur pro damnis ab uxore illatis. Id sequitur ex art. 1584 qui talem non prætermisisset obligationem, si reverà exstisisset et præsertim ex art. 1424 quo statuitur mulctas ab uxore debitas istius personalibus bonis solvendas esse. Vide Merlin, verbo *Défit*, Toullier, t. 11, n° 279. Obijciunt multi legem 28 sept. 1792, quæ maritum facit reum delictorum uxoris; sed illa re picit tantum delicta contra politiam ruralem, ac proinde nihil mutat in solutione questionis.

3° Herus vel mandans ad nihil tenetur pro damnis quæ domestici vel præpositi alicui intulerunt extra officia ipsis commissa, quia deest titulus justitiæ vi cuius debeat præfata impedire damna. Aliud est pro damnis quæ domestici vel præpositi alicui intulerunt exercendo officia ipsis commissa, art. 1584. Proponens famulum cuidam officio censetur ex parte legis civilis pondere societati de ejus idoneitate ad munus implendum quin ulli noceat. Hinc art. 1797, 1799, 1952, 1953, 1954.

4° Institutores et opifices ad nihil tenentur pro damnis quæ tertio intulerunt discipuli quando isti extra eorum custodiam ponuntur. Non strictius obligantur quàm parentes quorum vices gerunt; atqui parentes non videntur fidei-jussores actionum noxiarum quas posuerunt filii minores, quando isti non cohabitant in domo patris; ergo. At verò magistri et opifices debent ex jure civili reparare damna ab alumnis illata et à se non impedita, quamdiu isti sub eorum custodia agunt, art. 1584. Addit D. Toullier nullum magistro dari recursum contra parentes discipulorum damnificantium, quia in custodiam liberorum, pacta pecuniâ, præceptores consenserunt.

5° Proprietarius vel usuarius animalis, v. g., equi, bovis, tenetur reparare damna ab eo illata. Ratio est quia animalia non conceduntur alicui in societate nisi cum pacto cavendi ne per ea damnum creetur aliis. Sic aliundè art. 1585. Hæc decisio intelligitur, ut jam diximus, cum admissa fuit culpa theologica in custodiâ, vel usu bestie damnificantis.

Quær. 3° Utrum famuli restituere teneantur si non impediunt, cum possint, ne damnum heri suo inferatur.

Resp. Si non impediunt quando cavere debent ex officio, tenentur ad restitutionem; secus verò non tenentur. Ita 1° præfectus cellæ, granarii, horti vel culina tenetur ex officio justitiæ, id est, sub obligatione restitutionis, cavere ne quis damnum inferat in cellâ, granario, horto et culinâ. 2° Eadem obligatione tenetur famulus cui dominus tradit clavem ut afferat aliquid ex loco clauso, cubiculo, armario vel cellâ; nam, hoc

ipso quòd dominus tradat clavem, tacitè censetur ipsi committere custodiam loci. 3° Eodem jure stringitur præfectus supremus, cui cura incumbit totius domus; hic enim ex justitiâ vigilare tenetur ad rapaces domesticorum et aliorum manus. 4° Omnes famuli tenentur ex justitiâ defendere dominum adversus exterorum injurias, furtiva vel damna, saltem si possint absque notabili suo detrimento; nam iis, hoc ipso quòd in familiam admittantur, demandari videtur domini causa adversus extraneos.

Sed difficultas est an famulus qui videt bona domini sibi non specialiter commissa à suis conservis dilapidari, teneatur ex justitiâ obsistere vel dominum monere. Vogler, n° 326, cum ferè omnibus veteribus Theologis affirmat istum non teneri, si famulis illis non sit præfectus, et furtum non fiat in rebus sibi specialiter demandatis, quia hoc modo famulitium evaderet nimis difficile et exosum aliis conservis. Non desunt autem inter recentiores qui aliter sentiant. Fatentibus omnibus, inquit, ille famulus tenetur ex justitiâ obsistere vel dominum monere, quando damnum inferitur ab extraneis; ergo à pari et fortiori quando damnum inferitur à conservis. 4° A *pari*, quia, cum suscipitur famulatus officium, adest tacita obligatio quâ famulus sese obligat ad avertenda damna quæ dominus patitur. 2° A *fortiori*, quia, quòd graviora et frequentiora sunt damna, eò major præsumitur intentio domini ut à famulis impediatur: furtiva quæ committuntur à conservis graviora sunt et frequentiora furtis ab extraneis commissis: ergo. Si tamen ex monitione, nimis grave malum timendum haberet famulus, eo ipso illum excusant auctores, qui præcipuè adversariorum difficultati sic obviâ eunt.

Quæres 4° an custodes vectigalium mulctas non exigentes in iis circumstantiis in quibus exigere possent, ad restitutionem teneantur ergà principem vel ergà dominum, si vectigalia sint locata?

Resp. Multi opinantur illos ad restitutionem mulctarum non teneri; nam ad mulctas exigendas non sunt præpositi, sed ad vectigalia percipienda: ex officio igitur mulctas exigere non tenentur, et ideò si illas non exigant, restituere non astringuntur. Sic Vogler, n° 330. Alii è contrario docent præfatos custodes ad restitutionem teneri; eo ipso enim quòd vectigalibus sint præpositi, ea colligere debent ad quæ dominus vel principes jus habent; atqui isti jus habent ad mulctas sicut et ad vectigalia; mulctæ enim sunt sanctio legis: ergo. Et verò mulctæ non solum rationem pene habent, sed et compensationis damni per fraudes illati, nec non impensarum quas facit gubernium solvendo majorem numerum custodum ut impediatur fraudes: ergo. Inter has duas opiniones hæc nobis statuenda videntur:

1° Certum est eos teneri ex fidelitate ad exigendas mulctas, ac proinde peccare non exigendo, nisi rationabiliter præsumant consensum principis sibi favere.

2° Certum est eos teneri ex justitiâ ad exigendas mulctas in quantum necesse est ad præcavendas fraudes, ac proinde illos teneri ad restitutionem, non qui-

dem mulctarum, sed damni quod exinde obvenire potuit.

5 Probabilius videtur custodes non teneri ex justitiâ ad restitutionem mulctarum, quia non proprie amittuntur ex officio mulctis exigendis, sive quia leges penales non instituuntur ad locupletationem publicæ et civis, sive quia leges istæ non commensurantur modico stipendiis custodum qui nimium gravarentur, sive quia principes ex pravi ordinariâ non agnoscent tale onus in custodibus, vel communi consensu ipsis restitutionem condonant.

Quær. 5^a an testis restituere teneatur, quando veritatem in judicio non manifestavit, et sic causa fuit cur damnum illatum non reparetur?

Resp. 1^a: Si testis scienter et temerariò falsam depositionem emittat, et causa sit cur damnetur innocens, ad restitutionem tenetur. Ille restituere tenetur qui est causa efficax et injusta damni; atqui testis præfatus...; 1^a causa efficax; nam ponit actum ex quo sequitur damnum alterius, cum condemnation innocentis proveniat ex falsis testium declarationibus; 2^a injusta; nam innocens jus strictum habet ne testis falsam depositionem contra seipsum emittat: ergo.

2 Si testis non fuerit in judicium appellatus, non tenetur ad restitutionem, quamvis illius testimonium esset necessarium ad absolutionem innocentis. Nullus tenetur restituere ex eo quod non impediât damnum, quando non tenetur ex justitiâ illud impedire; atqui testis in hac hypothese non tenetur; siquidem præter obligationem naturalem, nulla est alia ratio quæ hoc ipsi imponat onus; atqui obligatio naturalis est tantum caritatis, cum homines inter se sint æquales: ergo.

3 Si testis legitimè citatus coram judice non compareat, aut judici interroganti non respondeat, ad restitutionem probabiliter non tenetur. Sic Lessius, De Lugo, Vogler, Vasquez, Sporer, Sanchez, etc., alii contra multos.

Prob. Ille non tenetur ad restitutionem qui non violat justitiam commutativam, sed tantum legalem; atqui testis...; nam tenetur tantum ex mandato judicis, atqui mandatum judicis non adducit obligationem justitiæ commutativæ, sed tantum legalis; nam mandatum judicis non potest obligare ex justitiâ commutativâ testem citatum ad ferendum testimonium, nisi in quantum tribuit partibus jus strictum ad testimonium; atqui judex non potest tribuere partibus jus strictum ad testimonium...; nullus potest alteri tribuere jus strictum in meas actiones liberas, nisi prius habeat dominium in illas; atqui testimonium meum est actio libera, et nullus præter me habet dominium in meas actiones liberas: ergo judex non potest tribuere alteri jus in meum testimonium: ergo.... Et verò officium testis se habet relativè ad aliquem, sicut tutela relativè ad cognatum, et militia relativè ad militem; atqui cognatus qui recusat tutelam quæ ipsi imponitur, et miles qui non vult pugnare, non peccant contra justitiam commutativam, sed tantum contra justitiam legalem: ergo.... Præterea, testis qui recusat comparere aut respondere in foro civili, nunquam

damnatur ad restitutionem: atqui damnaretur si...: ergo. Insuper si testes obligarentur ex justitiâ commutativâ coram judice comparere, tunc qui ex eorum ab eorum damnum passi fuissent, possent eos cogere ad sibi satisfaciendum; atqui sane nemo hoc dixit: ergo... Tandem, si testes testificari tenerentur ex justitiâ, maxime quasi-contractu, atqui non... Quasi-contractus consensus saltem tantum ex utroque parte supponit; atqui non est consensus..., siquidem officium imponitur, sed non acceptatur: ergo.... Unde testis recusans solummodò ad mulctam damnatur ex art. 80 Cod. Instructionis criminalis.

Advertunt tamen plurimi ex his qui hanc opinionem sequuntur, rem aliter esse dyadicandam, si testis ultro se offerat vel acceptet officium testis: in hoc casu tenetur ex justitiâ aperire veritatem ratione muneris, ac proinde restituere debet illis quos injusto silentio læsit: tacendo causa est cur is in ejus favorem tenetur dicere non adhibeat alios et sinceriores testes.

Objectiones. Si jussus proferre scripturam vel alium titulum ad judicium, hæc laceraret aut occultaret, ad restitutionem egi posset: ergo à pari jussus testimonium afferre in judicium qui fugeret vel taceret?

Resp. neg. cons. et parit. Ratio disparitatis est quod scriptura vel alius titulus sit res externa; porro de rebus externis respublica potest disponere propter necessitatem publicam, et alteri conferre jus in exhibitionem istorum; secus verò dicendum est de testimonio quod est actio omninò libera hominis, et à potestate publicâ independens: ergo.

Quæres 6^a An reus, qui legitimè interrogatus crimen suum negavit, teneatur solvere mulctam, ad quam certò alioquin fuisset damnatus?

Resp. Si mulcta, omnibus perpensis, imposita videatur in compensationem damnum quæ reus intulit per se vel per servos vel per animalia, eam solvere tenetur, alioquin fieret injustitia. Si autem mulcta tantum decernatur in pœnam delicti, reus ad eam solvendam non obligatur, quia tacendo nullius jus strictum violavit. Ideò ratiocinandum est de illâ pœnâ pecuniariâ sicut de pœnâ corporali: porro qui pœnam corporalem declinavit etiam per mendaciam, non tenetur eam sibi infligere: ergo nec debet reus qui tacendo declinavit mulctam, eam pœnam sibi imponere.

Quæres 7^a quid si judex absque causâ legitimâ pœnas pecuniarias relaxet?

Resp. Si mulcta, ex instituto legis, in vindictam delicti tantum imponenda sit, judex eam relaxans etiam absque justâ causâ, ad nihil tenetur, quia violavit duntaxat justitiam legalem. Unde nullus est judex qui ejusmodi mulctas restituat, et propterea ad restitutionem damnatur. E contrariò si mulcta applicanda sit lesis in reparationem damnum quæ isti perpessi sunt, judex eam relaxans absque legitimâ causa restituere debet, quia tunc causa est cur indemnes non fiant illi qui jus strictum habent ad indemnitatem obtinendam.

Ceterum, ut advertit Bouvier, in his et similibus,

confessarius non nisi cautè restitutionem imponat. Etenim non expedit, quandò æquales ferè sunt hinc et inde rationes sive ab intrinseco sive ab extrinseco, unam opinionem præ alià rigorosè observare. Ideò satius erit prudenter minuere restitutionem faciendam, vel amicabilem consulere transactionem, vel denique pœnitentem in bonà fide relinquere, si præsertim monitio prævideatur inutilis.

§ 5. *De iis qui alterum impediunt à consecutione alicujus boni.*

Nota I. Aliquem duplici modo impediri posse à consecutione alicujus boni, scilicet, vel precibus, suasionibus, consiliis, aut aliis mediis in se justis et licitis; vel fraude, dolo, metu, calumnià, aut aliis mediis in se injustis et illicitis.

Nota II. Bonum, ejus consecutio impeditur, debitum esse proximo vel ex justitià commutativà, vel tantum ex justitià distributivà, gratitudine, benevolentia, aut liberalitate illius à quo bonum illud conferri potest. Iis præmissis, dicimus:

Certum est 1^o ad restitutionem teneri illum qui quovis modo, sive metu, fraude, vi, sive precibus, consiliis, suasionibus impedit alterum à consecutione boni ad quod iste *jus strictum* habet. Ratio est quòd violet *jus strictum* alterius. Etenim agit perindè ac fur, siquidem in moralibus æquiparantur impedire, negare, non dare vel auferre bonum. Undè si impeditus habeat *jus in re* ad bonum à quo arcetur, impediens tenetur restituere totum valorem rei. Si verò impeditus habuerit solum *jus ad rem* in bonum à quo removetur, impediens tenetur restituere quanti illud *jus* prudentium judicio æstimabitur. Eo autem sensu intelligenda est impeditio quæ obligationem restituendi secum trahit, ut impeditus sit invitus, quia si liberè impediatur, censendus est juri suo renuntiare, et meritò illi applicatur axioma: *Scienti et volenti non fit injuria*. Hinc restituere tenentur qui vi, mendacio, minis, aut solum precibus, suasionibus aliquem avertunt à solvendis debitis, damno reparando, re alienà restituendà, præstando officio alicui ex justitià debito.

Certum est 2^o ad restitutionem non teneri illum qui quovis modo sive licito sive illicito, id est, sive vi, metu, fraude, sive precibus, consiliis, impedit alterum à consecutione boni ad quod iste *jus strictum* non habet et quod non potest consequi absque injustitià. Ratio est quia, etiamsi utatur viis injustis, non lædit jura alterius ratione boni à quo ille arcetur, siquidem nullus *jus strictum* habet ad bonum quod consequi non potest absque injustitià.... Hinc qui per mendacium aut calumniam furem avertit à furto, ad restitutionem non tenetur. Attamen calumniam aut detractionem ex justitià retractare debet.

Certum est 3^o ad restitutionem pariter non teneri illum qui alterum quovis modo sive licito sive illicito impedit à consecutione boni quod iste quidem obtinere potest sine injustitià, sed non sine peccato, si peccatum cadat in substantiam rei, v. g., in meretricio.

Ratio est quia tunc non lædit jura alterius; nemo quippè *jus strictum* habet ad opus essentialiter malum. Hinc qui consilio vel fraude impedit meretricem à lenocinio exercendo, hoc lucrum illi solvere non tenetur.... Ita Vogler, n. 579, 582.

Nunc questio in eo tota est, an impediens alterum à consecutione boni ad quod *jus strictum* non habet, sed quod legitimè consequi potest, ad restitutionem teneatur. *Respondetur.* Vel impediens utitur viis injustis vel viis justis.

Si prius, impediens tenetur ad restitutionem *secundum proportionem spei*. Etenim vis, metus, fraudes cadere possunt vel in eum qui bonum consecuturus erat, vel in eum à quo bonum illud sperabatur; atqui in utroque casu existit obligatio restituendi.

In 1^o casu, quia quisque *jus strictum* habet ut non privetur libertate petendi, prosequendi et consequendi bonum; porro impediens viis injustis alterum à consecutione boni, privat eum aliquo modo libertate quam habet à naturà prosequendi, petendi, ac proindè jure suo....: ergò....

In 2^o casu, quia unusquisque *jus strictum* habet, non quidem ut alter ipsi conferat beneficia, sed ut possit ea ab illo sollicitare si velit, et collator ipsi concedendi liber maneat, siquidem voluntas donatoris est pretio æstimabilis; porro *jus illud* ipsi aufertur quandò cadit vis in collatorem: ergò.... Dixi, *secundum proportionem spei*; non tenetur ad æquale, quia *jus speratum* non tanti valet quanti *jus obtentum*, sive quia illud bonum multipliciter impediri potest, sive quia sæpius impensæ sunt faciendæ ad illud obtinendum.

Si posterius, impediens non tenetur ad restitutionem. Obligatio restituendi oritur ex violatione justitiæ commutativæ; atqui in hæc hypothesi non violatur justitià commutativa, siquidem preces, blanditiæ, suasiones, non lædunt libertatem ejus qui bonum prosequitur, nec illius qui bonum concessurus est: ergò.... Et verò in tantum restituere teneretur, in quantum alteri auferre aliquid quod illius sit; atqui ille nihil aufert alteri quod illius sit; quidnam enim ipsi auferret quod illius esset? Nùm bonam voluntatem collatoris? sed bona voluntas collatoris ipsi non est propria, cùm collator possit eam ad nutum suum mutare. Nùm spem quam acceperat, bonà voluntate collatoris supposità, illud bonum consequendi? sed illa spes non est ipsius bonum proprium, ipsi solum commodatur, cùm ea pendeat à perseverantià benefactoris in suà bonà voluntate, quam ipse mutare potest ad nutum suum.

Non obstat 1^o *Quòd alter statuerat donare*; nam illa determinata voluntas alteri *jus strictum* non confert; sicut is absque donatarii injurià suam poterat mutare voluntatem, ità alter absque illius injurià potest eum inducere ad hanc mutationem voluntatis.

Non obstat 2^o *Quòd id fiat animo nocendi, ex odio aut vindictà*; quia affectus internus non facit quòd opus exterius sit injuriæ illativum, quandò ex se aut ex circumstantiis non est injustum. Sic judex con-

damnans secundum ordinem juris remm ad mentem, ex odio tamen, non peccat contra justitiam, quia huius condemnatio non est ex se et in hac circumstantia lesiva juris alieni, cum iste reus iudicio convictus amisit jus ad vitam. Sic qui recusat eleemosynam animo nocendi graviter indigenti non peccat contra justitiam, quia hanc recusatio non est lesiva juris alieni, cum eleemosyna non sit debita ex justitiâ. Sic qui diffamatum notorietate juris aut facti ulterius diffamat, non peccat contra justitiam, quia iste diffamatus amisit jus ad famam. Similiter in nostro casu, qui viâ non injustâ impedit aliam a consecutione boni ipsi ex justitiâ non debiti, etiamsi id faciat animo nocendi, non peccat contra justitiam, quia ista actio impeditiva in his circumstantiis non est lesiva juris alieni, cum impeditus supponatur non habere jus strictum ad illum bonum.

Inferendum est 1^o peccare contra justitiam ac proinde ad restitutionem teneri, 1^o illos qui vi, fraude, aut mendaciis testari volentem impediunt, avertendo notarios et testes, aut vanâ spe sanitatis moribundum distrabendo, ne testamentum vel legata faciat in favorem alterius. 2^o Illos qui mendaciis, calumniis et falsis criminationibus impediunt ne opitices, mercatores et famuli artem suam exercere possint, et inde lucrum convenientis reportare. 3^o Illos qui subtractis et interceptis litteris commercii ad alium scriptis, loco istius merces demandatas suppeditant cum detrimento alterius cui abstulerunt occasionem lucri. 4^o Illos qui falsis titulis vel simulatis obsequiis ab aliquo extorquent pecunias, munera vel legata. 5^o Illos qui, ut se vel suas res magis extollant, injuste depriment alios vel eorum merces aut officinas aut opera, sique causa sunt cur alter damnum patiat. 6^o

Inferendum est 2^o contra justitiam non peccare ac proinde ad restitutionem non teneri 1^o illos qui sine vi, fraude, mendacio, sed solis precibus vel obsequiis vel consiliis aliquem avertunt ab instituendo tali herede vel legatario. 2^o Illos qui prelatiis aut aliis superioribus detegunt occulta alicujus crimina, ut (quod aliis fieret) beneficium aut officium magni momenti indigno non conferatur. 3^o Illos qui sine vi, mendaciis et machinationibus injustis dignum aut digniorem impediunt, extra concursum, à consecutione beneficii aut officii, etiamsi emoveantur invidia vel odio, quia, cum ad hæc non habeant jus strictum, non violatur justitia commutativa.

CAPUT III.

DE VARIIS RESTITUTIONIS CIRCUMSTANTIIS.

Præcipue restitutionis circumstantiæ spectant vel solidaritatem et ordinem eorum qui restituere tenentur, vel personam cui restituendum est, vel denique locum, tempus et modum quibus fieri debet restitutio. Hinc tres articuli.

ARTICULUS I.

DE SOLIDARITATE ET ORDINE EORUM QUI RESTITUTRE TENENTUR.

I. De solidaritate.

Obligatio solidaris seu in solidum ea est qua singuli

cooperantes tenentur restituere pro cæteris cooperantibus qui nolunt aut nequeunt restituere, salvo tamen eorum recursu contra illos qui primario aut aequo ad restitutionem tenentur. Exempli gratiâ, tres ad damnum 500 aureorum ita concurrunt ut singuli consensu cause efficaces totius damnificationis, tunc unusquisque primario suam partem, nempe 100 aureos, restituere tenetur; sed secundario, deficientibus cæteris cooperantibus, partes ab eis non solutas, nempe 200 aureos, supplere debet. Quod si unus tantum ex tribus cooperantibus non possit aut nolit restituere, duo alii qui eodem ordine et eadem proportionem in damnum influxerunt, debent unusquisque 150 aureos. Hæc solutio non impedit quin alter nolens aut non valens restituere, ab obligatione sue partis solvende non eximatur, cum in eum servent recursum illi qui partem ejus restituerunt.

Quæres. Quandonam damnificantes, in solidum seu loco aliorum cooperantium qui restituere nolunt aut nequeunt, restituere teneantur?

Resp. Omnes conveniunt singulos damnificantes, quandò illi seorsim et absque mutuâ cooperatione concurrerunt ad damnum alteri inferendum, non teneri nisi ad restitutionem partis sue cooperationi correspondentis; in tantum enim tenentur in quantum influxerunt in damnum; atqui in prælatâ hypothese unusquisque è damnificantibus tantum influxit in partem damni illati: ergò. Hinc si viatores, unus post alium, vineam secus viam positam depopulati sint, singuli tenentur tantum ratione partis quam abstulerunt.

Si verò damnificantes conjunctim et mutuâ cooperatione concurrerunt ad damnum alteri inferendum, tres fingi possunt hypotheses: vel unusquisque posuit actionem injustam per se sufficientem ad damnum inferendum, v. g., in homicidio tres lethaliter hominem percusserunt: vel unusquisque ita concurrat, ut deficiente ipsius concursu, damnum non fuisset illatum ab aliis cooperantibus, v. g., duo asportant marmoream statuem quam unus solus auferre non potuisset; vel unusquisque ita concurrat, ut, deficiente ipsius concursu, damnum nihilominus illatum fuisset, v. g., tribus ad auferendam trabem paratis et sufficientibus quartus se jungit et cum ipsis trabem æqualiter trahit.

In primâ hypothese, unusquisque tenetur in solidum ad restitutionem totius damni, quia unicuique imputari potest totum damnum, siquidem unusquisque posuit causam efficacem totius damni.

In secundâ hypothese, unusquisque similiter tenetur in solidum ad restitutionem totius damni, quia unusquisque influit efficaciter in totum damnum, cum unusquisque posuit actum determinativum totius damni, scilicet actum necessarium ut totum damnum inferatur.

In tertiâ hypothese, magna lis est inter theologos. Multi affirmant singulos ad totum pro aliis in solidum teneri, alii verò negant. Nobis distinguendum videtur inter eos qui suâ cooperatione physicâ vel morali ali-

quid cæteris cooperantibus addunt audaciæ, constantiæ, industriæ, fiduciæ, et eos qui suâ participatione nihil addunt animi, perseverantiæ, securitatis, adeo ut se habeant relativè ad executionem damnificativam, perindè ac si non essent.

Priores tenentur in solidum ad restitutionem totius damni. Illi tenentur in solidum ad restitutionem totius damni qui reverà influunt in totum damnum; atqui ita præfati cooperatores, siquidem, auferendo communi conspiratione, v. g., tabulam, candelabrum, capsam nummariam, agunt veluti individuum collectivum, una persona moralis, agens unicum : ergò. Et verò absurdum est dicere pejorem fieri conditionem illius qui damnum patitur, præcisè eo quòd numerus damnificantium sit major quàm requiritur ad damnum inferendum, atqui reipsà fieret pejor.... Nam si minor sit numerus damnificantium, dominus recursum habet in singulos ad totius damni reparationem, dùm si major sit numerus damnificantium, habet tantum jus exigendi ab unoquoque reparationem partis damni : ergò. Præterea qui communi conspiratione, operà et consensu damnum sic inferunt, censentur promisisse solidaritatem. Insuper ea semper fuit praxis tribunalium civilium, ut defectu aliorum unusquisque ad totius damni reparationem condemnaretur. Sic art. 55 Codicis pœnalis.... Ratio ulterior hujusce decisionis hæc est : Prædicti cooperatores influunt in damnum, prout causæ totales, si non physicè, saltem moraliter.

Posteriore probabilitè non tenentur in solidum ad restitutionem totius damni. Namque principium est in materiâ justitiæ mensuram restitutionis desumendam esse ex efficacia influxus causæ in damnum; ex quo principio admittunt omnes eum, qui dat consilium furandi 200 nummos personæ determinatæ ad furandum 100, non teneri nisi ad restituendum 100; atqui in casu proposito cooperans dici non potest causa efficax totius damni : 1° neque physicè; cuique patet eum non esse causam physicam nisi partis damni ipsius influxui proportionatæ; 2° neque moraliter, cum ex communi hominum æstimatione nemo conqueri possit de tali cooperatore, tanquàm causâ totius damni. Sicque enim præfatus cooperator responderet : Fui causa partis damni, sed non totius damni; egi sicut ille qui dat consilium personæ determinatæ ad furandum : ergò.... Et verò ex decisione adversariorum sequeretur quemlibet gregarium militem exercitûs, qui, junctis viribus, grave damnum intulisset urbi, provincie, regno, et eum qui furi ad furandum obfirmatissimo debilissimum suggestisset motivum, ad restitutionem totius damni in solidum teneri; atqui nimis dura et rigorosa plerisque videntur illa consecutaria. Ipsimet adversarii, saltem inter mitiores, ea admittere nolunt et in praxi urgeri recusant : ergò... Ratio ultima hujus decisionis est quòd influxus causæ sit ita tenuissimus in totum damnum, ut vix censeatur influxisse, ac proindè totum damnum ei adscribi moraliter non possit.

Utile valde esset nunc scire quandonam damni-

factores suâ cooperatione physicâ vel morali aliquid cæteris cooperantibus addunt audaciæ, constantiæ, industriæ, fiduciæ, adeo ut ipsi censeantur motores efficaces totius damni. Non datur instrumentum quo gradus influxus in cooperationem alterius absolutè apprehendi possit; ea tamen afferri solet regula generalis : *Cooperatores sunt verè motores efficaces aliorum, quando erga illos funguntur munere vel mandantis, vel consulentis, vel consentientis, vel palponis, vel receptantis.*

Hinc communiter latrones qui, factâ prius societate, expugnant et diripiunt domum, sunt sibi invicem motores efficaces, nempe receptantes, quia sibi invicem præstant fiduciam et facilitatem; nullus auderet nec posset hoc damnum inferre sine ope aliorum. Item præstans instrumenta, excubias agens, scalam tenens, quia augent animum et dant facilitatem. Item qui mutuo consilio inferunt damnum aliquod, quia sibi invicem sunt consulentes. Item qui ordiuntur et dirigunt tanquàm duces vel partes principales actionem damnificativam communi conspiratione exequendam. Secus verò sentiendum est de illo qui, decursu operis incepti, aliis agentibus et sufficientibus se jungit, vel ita remotè influit, ut illius influxus pro nihilo reputari debeat.

II. De Ordine.

Ordo inter restituentes servandus in hoc consistit quòd aliqui restituere teneantur primariò et absolutè, non verò defectu alterius, alii autem tantum secundariò et defectu alterius; ita ut si restituerit ille qui primariò tenebatur restituere, cæteri ad nihil teneantur, et si qui secundariò tenebatur restituerit, ipsi restituere debeat ille qui primariò obligabatur.

Quær. quis ordo servandus sit inter eos qui restituere debent?

Resp. Nota 1° ad hanc quæstionem elucidandam maximè attendendum esse ad modum quo causæ damnificativæ in damnum influunt, atque ad illius influxus majorem vel minorem efficaciam.

Nota 2° causas damnificativas alias esse principales quæ alias movent ad damnum alteri inferendum, uti mandans; alias secundarias quæ à principalibus moventur, uti exequens; alias collaterales quæ influunt eodem modo, sed nec per alias agunt nec aliarum sunt instrumenta, v. g., consulens, consentiens.

Nota 3° Eandem causam posse simul esse principalem, secundariam et collateralem. Supponantur tres executores actionis damnosæ : unus potest esse causa secundaria respectu mandantis, principalis respectu aliorum participantium, et collateralis respectu aliorum exequentium.

His positis, vel damnificantes eodem modo influxerunt in damnum vel diverso.

Si prius, cooperatores hujusce generis, v. g., si plures sint mandantes, vel consentientes, vel exequentes, æqualiter restituere debent, si æqualiter in damnum influant; et inæqualiter, si inæqualiter damnum causent. Nam quantitas restitutionis determinanda est ex gradu influxus; atqui in primo casu influxus est æqualis, et in secundo inæqualis : ergò. Gradus in-

fluxus determinatur ratione partis quam habuisset cooperator si praeda distributa fuisset; damna les enim ordinarie accipiunt partem suam in iuxta proportionem.

Si posterius, vel actio damniificativa fuit cooperantibus lucrativa, v. g., furtum; vel simpliciter damniificativa, v. g., incendium.

Si prius, ille qui rem accepit ut eâ frueretur, illam vel æquivalens restituere tenetur ante omnes alios, quia *res clamat domino*. Quod si rem in mala fide consumpserit vel destruxerit, etiamsi dñor non exaserit, præ cæteris nihilominus restituere tenetur, quia rem consumendo et destruendo novam commisit injuriam ex quâ nullam utilitatem percipere debet. E. contra, si rem in bonâ fide accepisset et consumpssisset, ad nihil teneretur, quia nullam commisit culpam: tunc deficiente rei detentore, tenentur cæteri juxta ordinem mox exponendum.

Si posterius, id est, si actio fuerit simpliciter damniificativa, reparatio hoc ordine facienda est:

Primo loco, mandans tenetur ad totum damnum resarciendum. Ille tenetur ante alios qui est causa primaria et principalis damni respectu cæterorum; atqui ita mandans; siquidem ejus nomine et auctoritate illatum fuit damnum, ita ut cæteræ causæ ipsi subordinate fuerint tanquam instrumentum: ergò. Ille nomine mandantis intelligendus est ille qui vi, metu, minis, fraudibus, precibus, consiliis aut aliis mediis aliquem movet ad damnum alteri inferendum; hæc enim omnia mandato æquivalent.

Secundo loco, seu defectu mandantis, exequens totum restituere debet, adeò ut cooperatores subsequentes, ipso restituyente, ad nihil teneantur. Ratio est quia ille damnum infert mandantis nomine, ac proinde post jubentem est præcipua damni causa, respectu cooperatorum qui mediatè tantum damnum inferunt et ejus arbitrio subordinantur: ergò. Id autem intelligendum est de exequente qui suo nomine vel mandantis auctoritate agit; nam si plures simul consilium inferendi damnum iniissent; et unus nomine omnium illud inferret, ipse non teneretur ante alios: tunc enim omnes æqualiter influunt in actionem damniificativam, siquidem damnum inferitur nomine societatis cujus sunt membrum.

Tertio loco, seu deficientibus prioribus, cæteræ causæ positivæ, nempe, consentiens, palpans, receptans et participans in actione injustâ, restituere tenentur. Ille causa tertio loco restituere tenentur quibus subordinantur causæ negativæ; atqui causæ negativæ subordinantur causis positivis: nam causæ negativæ tacent, non obstant, non manifestant pro commodo causarum positivarum, ut istæ facilius obtineant suum effectum: ergò. Sed istæ non tenentur aliæ ante alias, quia ex illis una non servit alteri. Aliæ agunt independentè ab aliis: sic consulens non agit per consentientem, nec consentiens per palpantem aut receptantem: nulli ergò potest primario imputari damnum.

Quarto loco, seu post omnes causas positivas, cau-

sæ negativæ restituere tenentur, quia minus quam causæ positivæ in damnum influunt, causæ quippe positivæ propinquius et clacius proximo nocent: ergò. Inter istas tamen causas nullus ordo videtur communiter admittendus, namque ab nullis ordo ubi nulli causæ pro alia agit, atqui nulla causæ negativæ agit pro alia simpliciter negativæ: ergò. Dixi, *communiter*; licet enim potest ut quis primario teneatur veritas aut actibus obviare, rerum manifestare, tuncque evidenter tenetur ante alias causas negativæ; sic custos specialis tenetur ante custodem generalem pro damnis quæ non impedit in rebus sibi specialiter commissis, cum potuit impedire.

Corollaria.

I. Cor. Si causæ superiores totum damnum reparaverint, causæ inferiores ab omni obligatione liberantur: ratio est quia causæ subsequentes non tenentur nisi defectu aliarum. Hinc si restituerit possessor rei, ad nihil tenebitur mandans; si reparaverit mandans, liber erit exequens, etc. Si verò causa inferior reparaverit, causæ superiores tenentur singule in solidum servare indemnem causam inferiorem; hæc enim non tenetur nisi deficientibus superioribus. Dixi, *in solidum*, quia ante restitutionem læsus jus habebat exigendi ab unâquâque causâ superiori restitutionem in solidum; porro causa inferior quæ restituit, successit omnibus juribus illius qui fuerat læsus: ergò jus habet ad restitutionem solidariam à quâlibet causâ superiore.

II. Cor. Si condonatio facta fuerit in gratiam causarum superiorum, ad nihil evidenter teneri possunt inferiores, quia causæ inferiores non tenentur nisi defectu superiorum... Si verò facta fuerit tantum in gratiam causarum inferiorum, exinde non possunt liberari causæ superiores quia priores in condonatione non includuntur, cum teneantur independentè à posterioribus... Si autem condonatio facta fuerit ergà quasdam causas solummodò collaterales, aliæ causæ etiam ejusdem ordinis tenentur ad restituendum, non quidem partem condonatam, sed quod, illâ parte detractâ, superest; ratio quia singuli suas partes strictè et absolutè restituere debent: ergo remissio potest fieri uni quin simul aliis fiat.

ARTICULUS II.

CUINAM PERSONÆ FACIENDA SIT RESTITUTIO.

Tria hic inquiri possunt: 1^o cui restituenda sint bona certa, seu quorum certus est dominus; 2^o cui restituenda sint bona incerta, seu quorum dominus ignoratur; tandem cui ex creditoribus restituendum sit, quando bona debitoris non sufficiunt omnibus debitis persolvendis. Hinc tres paragraphi.

§ 1. — Cui restituenda sint bona certa.

Bona certa illi à quo injustè accepta sunt, vel ei qui in istius jura successit, communiter sunt restituenda: nam restitutio fieri debet ei qui injuriam passus est; atqui injuriam passus est ille à quo bona injustè accepta sunt... vel is qui in istius jura successit, siquidem unicam cum defuncto efficit personam: ergo.

Dixi 1^o illi à quo injustè accepta sunt. Bona certa injuste subripi possunt vel legitimo domino vel justo possessori. Si legitimo domino subrepta sunt, ipsi clamant. Satis est tamen ad debitam restitutionem ut res alienj remittatur ipsius administratori aut ejus negotia gerenti, modò ille admoneatur et nihil obstat ne fortè res ad dominum suum sit perventura. Si autem bona ablata sint justo possessori, eidem restituenda sunt, etsi ille non sit dominus, quia jure possessionis injustè privatus est. Quare si res ablata sit depositario, locatario, commodatario, debet istis restitui; alioquin enim prædicti venirent in suspicionem negligentiae in servandis rebus sibi commissis; sicque exponerentur periculo vel pretium laboris sui amittendi, vel officinam brevi desertam videndi, vel etiam quandoque domino rem iterum solvendi.

Dixi 2^o, vel ei qui in illius jura successit; quia personam defuncti representat. Si defunctus per testamentum de omnibus bonis suis disposuerit, iis reddenda sunt bona, in quorum gratiam testamentum ritè factum est; si defunctus absque testamento decesserit, bona iis tribuenda sunt qui lege fiunt hæredes; si denique mortuus fuerit absque hæredibus à testamento vel à lege, bona fisco cedunt, art. 559.

Dixi 3^o, ordinariè loquendo, quia nonnulla dantur exceptiones; si enim ille cui res injustè ablata fuit, sit incapax administrationis bonorum suorum, vel minor, interdictus, uxor, cessor bonorum, res tutori, vel marito, vel creditoribus deferenda est. Aliquando etiam præstat restitutionem fieri uxori sapienti vel liberis reservari quàm tradi conjugi deceptoris et flagitiosi.

Cæterum parvi refert an restitutio fiat domino vel possessori, quando neuter nihil damni indè passurus est.

§ 2. — Cui bona incerta restituenda sint.

Bona incerta sunt duplicis generis, alia justè acquisita, alia injustè acquisita. Justè acquiruntur, quando legitimo contractu et bonà fide accipiuntur, v. g., si quis ab ignoto mercatore decem ulnas panni accipiat pro quinque quarum solvit pretium. Injustè acquiruntur quando ex furto vel usuris vel similibus viis proveniunt.

1^o Bona incerta justè acquisita, post adhibitam diligentiam moralem ad dominum inveniendum, haberi possunt ut res inventæ quarum dominus non invenitur. Etenim res inventæ illæ sunt quæ ab aliquo nolente perditæ sine injustitiâ formali possidentur et ignotum habent dominum; atqui bona incerta justè acquisita absque injustitiâ formali possidentur et ignotum... : ergo judicandum est de illis sicut de rebus nuper amissis; porrò res amissæ nuper inventæ reddi debent domino, si adhibitâ sufficienti diligentia is inveniat, vel pauperibus aut piis causis applicari, si ille non possit inveniri: ergò pariter bona incerta reddi debent domino si inveniri possit, vel in pias causas impendi si non possit inveniri.

2^o Bona incerta injustè acquisita quorum dominus inveniri non potest, in pias causas impendenda sunt.

Sic est voluntas domini bonè præsumpta ut ea bona in pios usus impendantur; alioquin fraus istis malæ fidei acquisitoribus patrocinaretur: ergò. Si tamen dominus saltem in confuso cognoscatur, v. g., si dannum unum è duobus vel pluribus fuerit certò illatum, nec cognosci possit cuinam in particulari restituendum sit, tunc res vel omnibus in communi tradenda est, si id fieri possit, vel inter eos pro ratione dubii dividenda.

§ 3. — Cuinam facienda sit restitutio, quando debitor est impar ad omnia sua debita solvenda.

Quares 1^o quid debitor facere teneatur, si ipsius bona non sufficiant ut omnibus creditoribus debita sua solvat?

Antè responsionem sciendum est creditores alios esse privilegiatos, alios hypothecarios, alios communes. Privilegiati sunt illi qui ex legis positivæ privilegio jus habent ut ante alios solvantur, art. 2093. Hypothecarii ii sunt qui ex titulo hypothecæ seu assecurationis in bonis debitorum fundatæ jus habent ut solvantur immediatè post creditores privilegiatos, ut satis constat ex art. 2094, 2095. Communes seu mîerè chirographarii illi sunt qui jus non habent neque ex lege neque ex hypothecâ, ut præ aliis solvantur; his ante definitis.

Resp. Vel res aliena existit in propriâ specie apud debitorem, vel non existit.

Si prius, res domino reddenda est; ipsa domino clamat. Et verò non licet solvere debita cum rebus alienis. Undè res depositæ, commodatæ, locatæ, reddendæ sunt dominis, quæcumque sint cæteræ debitoris obligationes et quæcumque sint jura aliorum creditorum. Nonnulli hanc doctrinam extendunt etiam ad casum quo debitor ex alieno factus est ditior, et res aliena tantum æquivalenter exstat. Sed alii communiter hoc rejiciunt, et meritò quidem: 1^o quia hæc non applicatur eadem ratio, cum, re non extante, pretium est in dominio debitoris; 2^o quia, hoc admissio, inquirendum esset quænam objecta exstent in æquivalenti, quod est inauditum et in praxi moraliter impossibile.

Si posterius, id est, solutâ re alienâ, is ordo servandus est inter creditores.

Primo loco, solvendi sunt creditores privilegiati, servato ordine non temporis, sed causæ et naturæ privilegii, et, si concurrant privilegia ejusdem generis, pro ratâ parte debiti unicuique creditorum obvenientis, art. 2095, 2096, 2097. Porrò privilegia alia fundantur super omnia aut tantum quædam mobilia, art. 2101, 2102, alia super immobilia, art. 2103, alia super mobilia simul et immobilia, art. 2104, 2105.

Secundo loco, solvendi sunt creditores hypothecarii, servato ordine non temporis hypothecæ, sed ejus inscriptionis in tabulis conservatoris hypothecarum, exceptis tamen hypothecis legalibus uxorum, minorum, etc, quæ inscriptione non indigent, et computantur à die quâ constitutæ censentur, ut videre est in art. 2154 et 2155. Quòd si hypothecæ eadem die inscribantur, nullus inter eas servatur ordo, sed creditores jus æquale habent pro ratâ parte debiti, absque

ullâ distinctione inter serotinas et matutinas inscriptiones, art. 2147.

Tertio loco, solvendi sunt creditores communes seu qui nullum jus praelationis habent ut præ aliis solutionem accipiant, art. 2095. Jam vero inter creditores communes, alii sunt priores tempore et alii recentiores, alii ex contractu et alii ex delicto, alii ex titulo oneroso et alii ex titulo gratuito, alii pauperes et alii divites, alii denique certi et alii incerti. An verò aliquis ordo servandus sit inter illos? interroganti satisfi-
subsequentibus responsis.

Petes 1° an creditores anteriores præferendi sint posterioribus?

Resp. neg... Plerique Theologi sentiunt nullum ordinem temporis servandum esse inter priores et posteriores creditores, tum quia nulla lex praelationem assignat inter hujusmodi debita, tum quia sententia opposita viam aperiret fraudibus, cum facillimum sit decipere circa veram unius debiti epocham, tum quia creditor qui media debitum assecurandi per hypothecam non assumpsit, sibi imputare debet si damnum patiatur.

Petes 2° an creditores ex contractu solvi debeant antè creditores ex delicto?

Resp. Opinio communior tenet nullum inter illos creditores instituendum esse ordinem: sic Lessius, lib. 17, c. 15; Vogler, n. 448; Billuart, etc. Si quæ praelatio admittenda esset, fundaretur vel jure civili vel jure naturali; atqui neutro: 1° non civili; lex civilis de illâ praelatione non loquitur, et judices contrariam dispositionem sequuntur; 2° non naturali; ibi adest æqualis obligatio restituendi, ubi æqualiter læditur justitia commutativa; atqui non minùs violatur justitia commutativa, si debitum ex contractu non solvatur, quàm si debitum ex delicto retineretur, et vice versâ: ergo. Hinc dividendum est pro ratâ parte unicuique tribuendâ.

Petes 3° an creditores ob titulum onerosum antepo-
nendi sint creditoribus ob titulum gratuitum?

Resp. affirm. Debitor tenetur prius solvere debita ex contractu oneroso, si in hac hypothesi non teneatur solvere debita ex titulo gratuito; atqui ita . . . nam illa debita tantum inniuntur promissione liberè factâ et validâ; atqui non obligat illa promissio. Tempore enim quo facta est, vel debitor jam impar erat debitis suis extinguendis, vel poterat suis obligationibus satisfacere. Si 1°, evidenter nulla est; nam ex omnium consensu non obligat promissio quæ adimpleri non potest absque peccato et detrimento alterius; atqui promissio quam fecit debitor executioni demandari non potest absque peccato et injuriâ alterius in præ-
senti casu. Si 2°, pariter promissio non obligat; nam in quâlibet promissione subaudienda est illa conditio: *Sine præjudicio tertii*; vel illa: *Rebus in eodem statu remanentibus*; ergo . . . Excipe tamen, si post donationem de præsentibus factam et acceptatam constituerentur debita, quia res legitime data in donatarii domini-
um transit.

Petes 4° an creditores pauperes solvendi sint antè creditores divites?

Resp. negat, nisi sint in extrema necessitate pauperum. Nam illi prius non est restituendum qui nullum jus praelationis habet, atqui pauper nullum jus praelationis habet. Jus enim divitis tam strictum est quàm jus pauperis, siquidem justitia commutativa non attendit ad personas. Dixi, *nisi sint in extrema necessitate*, nam in eo casu pauper habet jus strictum ad bonum; atqui bonum restituendum est ei qui habet ad illud jus strictum: ergo.

Petes 5° utrùm creditores certi incertis præferri debeant?

Resp. Dubium potest cadere vel in debitum vel in creditorem.

Si primum, scinduntur Theologi. Quidam enim ex recentioribus docent non esse anteponenda debita certa; cum enim, inquit illi, dubium cadat in summam totalem, eo ipso adest certitudo quoad partem pro ratâ dubii. Alii, et quidem communiter, tenent anteponenda esse debita certa: namque satius est evitare injustitiam certam quàm incertam; undè potiùs indemnitas servandus est is cui certò debetur, quàm ille cui forsitan nihil debetur. Existimamus tamen aliquid creditori dubio ratione dubii tribuendum esse; quia sufficere debet ad inducendam obligationem restituendi, etiam concurrente debito certo, certitudo quæ sufficit ad eandem obligationem imponendam extrâ con-
cursum debiti certi.

Si secundum, id est, si dubium cadat in creditorem, non magis concordant Theologi: alii cum Tournely docent creditores certos anteponendos esse incertis; idque probant 1° *voluntate domini bene præsumptâ*. Illa voluntas in creditore præsumenda est quæ pia est et utilis; atqui ita voluntas creditoris incerti ut præferatur certus; pia est, cum debitori subveniat et impediatur ne incommodis gravetur ex impotentiâ orituris; ipsi utilis est, cum, si nunc non exigit ut pars sibi obveniens pauperibus pro solutione impendatur, jus ad solutionem servet, et propterea, si appareat, ipsi restitutio fiet: ergo . . . 2° *Naturâ debiti*, tum quia obligatio creditori incerto solvendi litigiosa est, cum rationibus ferè inextricabilibus et à plurimis non infimæ notæ Theologis prænetur, tum quia minus malum est damnum inferri personæ indeterminatæ quàm determinatæ; ergo . . . Alii post Billuart contrâ sentiunt non esse anteponendos creditores certos incertis, quia creditores incerti habent jus strictum ut non anteponanantur certi, et de jure suo non cedunt. 1° *Habent jus strictum*; nam creditores ignoti æquale jus habent ac creditores noti; ex hoc enim quòd inveniri nequeant non amittunt aliquid sui juris: ergo. 2° *De suo jure non cedunt*; nulla subest ratio illud præsumendi: isti certe præferuat tanquàm magis ipsis utile ut pauperibus erogentur vel in pias causas impendantur res propriæ quæ ad ipsos pervenire non possunt: ergo; aliunde: ergo. Hæc secunda sententia, utpotè communior et probabilior, est ordinariè admittenda. Dixi ordinariè, quia forsitan applicari posset prior opinio, ubi ageretur de casu quo creditores certi pati de-

berent gravissimum damnum, nisi reciperent integram debiti solutionem.

Concludes ex his omnibus responsionibus omnes creditores communes, quicunque sint, exceptis tamen creditoribus ex promissione gratuitâ, solvendo esse absque ullâ distinctione juxta partes proportionales debiti, ita ut ille cui plus debetur, sic etiam plus recipiat.

Quæres 2° utrûm debitor ad debita sua jam impar, integram debitum uni præ aliis solvere, et creditor ab eo accipere sine injustitiâ possit?

Resp. Vel creditor jus prælationis habet, vel non.

Si prius, debitor potest et debet illi integram antè alios debitum solvere, etiamsi inde fiat impar cæteris debitis solvendis. Ità statuunt leges civiles quæ ab omnibus Theologis habentur tanquàm in conscientia obligantes.

Si posterius, vel bonorum cessio jam fuit declarata, vel non.

Si declarata fuit bonorum cessio, gallicè *faillite*, certum est neque debitorem uni creditori præ aliis solvere, neque creditorem solutionem oblatam accipere posse. Ratio est quia jam ab eo tempore debitor, suo dominio, quod valdè controversum fuit, saltem administratione rerum suarum privatur, juxta art. 442 Cod. com. Ex quo irriti sunt pleno jure omnes actus quos eliceret debitor circa bona sua post declarationem cessionis; ideòque creditores ab ipso solutionem etiam oblatam accipere non possunt. Hæc legis dispositio solos negotiatores spectat, quia non parùm expedit bono publico, ut ii strictioribus teneantur legibus quàm cæteri; quocirca debitor commercio alienus, quando debitis suis solvendis impar est, non ideò spoliatur administratione bonorum suorum; nulla etiam admittitur præsumptio legalis fraudis pro actibus quos iste elicere potest, licet fiant intrâ decem dies qui præcedunt decoctionem; undè illi applicandus est tantum art. 1167 Cod. civ., quo irritari possunt actus in quibus probatur adfuisse fraudem.

Si bonorum cessio non fuit declarata, quæstio longè difficilior evadit. Ut eam solverent, veteres Theologi in varias abierunt distinctiones. Nobis magis placuit eam expendere ex legum dispositionibus. Cuique eas legenti hoc resiliet principium, nempe legem, in quantum potest bonæ fidei favere, et adversari fraudibus. Hinc videntur inutiles veterum Theologorum distinctiones. Pro praxi hæc breviter statuimus, sive quoad debitorem, sive quoad creditorem.

1° *Quoad debitorem.* Vel debitor est in bonâ fide, seu putat se parem esse ad omnia debita solvenda, vel in malâ fide, seu cognoscit certò se imparem esse, vel dubius est.

Si 1° debitor, generatim loquendo, petenti solvere et etiam non petenti solutionem offerre potest, quia tunc nullâ ratione impeditur à restitutione faciendâ: imò bonum publicum exigit ut id possit debitor, quoties versatur in eâ opinione se posse aliis æqualiter restituere; alioquin solutiones debitorum difficilior obtinerentur, et sic languesceret commercium. Dixi, *generatim loquendo*, quia quidam actus à debitore intrâ

decem dies quæ præcedunt cessionem initi, etiamsi facti fuerint cum bonâ fide, pleno jure irritantur, art. 443, 445, 446 Cod. comm.

Si 2°, debitor non potest solvere creditori jus prælationis non habenti, etiamsi illius debitum foret exigibile, quia tunc solvendo injuriam faceret cæteris creditoribus qui jus habent ad partem proportionatam ex bonis quæ debitori decocto supersunt. Quare multi opinantur debitorem in his angustiis teneri vel simpliciter dicere se non posse solvere, vel suam malam fortunam aperire.

Si 3°, debitor potest solvere creditori jus prælationis non habenti, modò debita sint exigibilia et postulantur juridicè vel privatim; sed non potest offerre solutionem debitorum quæ nondum sunt exigibilia, vel nullo modo postulantur. 1° Potest solvere debita quæ sunt exigibilia et postulantur....; nam leges sic videntur statuere in gratiam eorum qui negotiis suis invigilandis sunt curatiores, et tribunalia hocce in casu semper obligant debitorem ad solvenda hæc debita. Undè concludere est debitorem posse obsequi judicis sententiæ, cum ea dici nequeat injusta; imò potest solvere antè judicis sententiam, quia certò eum ad solvendum cogeret, si simplici petitioni obtemperare recusaret. 2° Non potest solutionem offerre, nec solvere debita nondum exigibilia. Nihil enim directè facere potest contra jus cæterorum creditorum; atqui, si alicui creditori qui jus prælationis non habet vel nihil postulat, debitor offerret solutionem debiti, præjudicio cæterorum, ipsis injuriam faceret, quia isti jus strictum habent ne alii præ ipsis solvantur, quando illi creditores nullam possunt prælationem in sui gratiam invocare.

2° *Quoad creditorem.* Vel creditor petens debitum est in bonâ fide, seu putat debitorem sufficienter pro omnibus suis debitis solvendis habere, vel scit debitorem non posse debita solvere, vel dubius est de statu debitoris.

Si 1°, creditor potest petere et accipere, nisi in casibus ubi adest nullitas pleno jure. Lex maximè intendit bonæ fidei favere; ergo, saltem propter legem, potest creditor petere et accipere: porro lex in conscientia valet. Nam illa lex valdè utilis est ad securitatem commercii, cum creditores non cogantur statum fortunæ suorum debitorum attentius perscrutari; et non videtur cur iis legibus creditor non possit in conscientia stare, sicut potest, ex consensu omnium, quando agitur de ordine inter creditores observando. Hoc verum est, sive debitum jam sit, sive nondum sit exigibile. Dixi, *nisi in casibus ubi adest nullitas pleno jure*, scilicet expressis art. 443, 444, 445, 446 Cod. comm. Hæc dispositiones justè latæ sunt ex motivo ordinis publici, et periculi præsumptione fundantur.

Si 2°, creditor nec postulare nec recipere potest. Hæc sententia consonat tum æquitati naturali, tum menti legis civilis. 1° *Æquitati naturali*; cum enim debitor impar sit suis debitis solvendis, omnes creditores æquale jus habent ad solutionem; 2° *menti legis*; mens legis est ut impediuntur fraudes quæ variis

honoribus nocere possunt, ut patet ex art. 1167 Cod. civ., et 1167 Cod. comm.

Si 5.º, id est, si creditor sit in dubio de statu fortune debitoris, non est inquietandus; is potest petere et accipere; namque jus suum creditor legitime persequitur; vigilantia non est prohibita neque vitiosa. Ut enim quis integrum debitum petere aut obtentum retinere prohibeatur, evidenter constare debet bona creditoris certo insufficientia esse; intolerabile siquidem esset alquem jus suum certum persequi non posse, quia dubitat an bona debitoris ad omnia ejus debita extinguenda sufficiant. Ita ferme Vogler in exquisitissimis annotationibus, quibus recentior locupletatus fuit, n. 448. Vid. infra.

ARTICULUS III.

De loco, tempore et modo quo restituendum est.

Singulis illis circumstantiis suis erit paragraphus.

§ 1. — *De loco ubi restitutio fieri debet.*

Restituendi obligatio nascitur vel à possessione bonæ fidei, vel à possessione male fidei, vel à contractu. Hinc tria queruntur.

Quæres 1.º quo in loco et ejus impensis restituenda sit res quam quis lucusque bonâ fide possidebat?

Resp. Restituenda est in loco ubi est, quando possessor bonæ fidei advertit eam non esse suam. Etenim possessor bonæ fidei nullum debet pati damnum propter rem alienam; atqui pateretur damnum, si deberet eam propriis expensis in alium locum transferre: ergo.... Itaque dominum admonere debet, et querere ab illo quid de re suâ fieri velit; interim eam tutò expensis domini custodiat.

Quæres 2.º quo in loco et ejus impensis restituenda sit res quam quis malâ fide possidebat?

Resp. Restituenda est expensis possessoris male fidei, in loco ubi dominus possedisset, si ablata non fuisset; nam possessor male fidei tenetur omne damnum emergens reparare et reddere dominum indemnem; æquum non est ut dominus ex alterius injustitiâ damnum patiatur; atqui damnum emergens non repararet, nec indemnem redderet dominum, si rem propriis expensis non restitueret in loco ubi dominus eam possideret: ergo.... Attamen probabiliter deducere potest sumptus quos dominus in eâ re illuc transferendâ fecisset, quia satis est ut debitor dominum præstet indemnem, nec requiritur ut ei lucrum afferat.

Si autem sumptus transvectionis duplò, triplo vel quadruplò valorem rei excederent, juxta communem sententiam, sufficeret ut pretium rei ad dominum mitteretur; tunc enim dominus rationabiliter invitus esse non potest in eo quod res sua sibi non reddatur, nisi ipse grave damnum indè patiatur.

Ubi verò nec res nec ejus pretium mitti possunt ad dominum absque gravibus hujusmodi impensis, distinguendum est: vel affulget spes, differendo, restitutionem fieri posse absque talibus impensis, vel nulla affulget. Si prius, debitor restitutionem differre potest, si dominus eâ dilatione non passurus sit no-

tabile damnum, quia dominus non videtur rationabiliter invitus, cum absque suo incommodo assentiat grave damnum alterius. Si autem dominus ex dilatione tantum passurus sit damnum, quantum debitor ex impensis notabilibus quæ ad restitutionem faciendæ sunt, procul dubio has impensas debitor sustinere tenetur, quia in pari causa melior est conditio innocentis. Si posterius, nempe si nulla spes affulgeat facinus in posterum restitutionem faciendi, debitor tenetur damnum impensarum sustinere, si impense transvectionis sint æquales, vel paulo majores damno quod passurus esset dominus ex privatione rei suæ, quia in pari causa melior est conditio innocentis. Si vero impense transvectionis longe sint majores damno quod dominus passurus est ex privatione rei, debitor ex communis doctorum sententiâ ad rem domino mittendam non tenetur, quia censetur adesse moralis impotentia; sed res poterit vel repari in pio loco, eâ lege ut reddatur domino compensanti, vel donari pauperibus præsertim domini consanguineis, quia rationabiliter præsumi potest taliam esse ejus voluntatem.

Quæres 3.º quo in loco et ejus impensis restituenda sit res ex contractu debita?

Resp. Vel conventio facta est de loco ubi res est reddenda, vel non. Si prius, servanda est conventio admissum; promissa enim obligant in conscientiâ. Si vero locus neque expresse, neque impiente designatus fuit, attendendum est ad naturam contractûs, ad morem consuetum et ad alias hujusmodi circumstantias. 1.º Si contractus sit purè gratuitus, v. g., donationis, promissionis, legationis, res tradi debet in loco ubi erat quandò fuit donata, promissa vel legata; quia donans, promittens vel legans, non censetur, nisi aliud signis exprimant, de se suscipere sumptus translationis: in eo casu expense transvectionum præstabuntur à donatario, promissario, legatario, etc., quia solus iste utilitatem percipit. 2.º Si contractus sit onerosus, in quo tamen res eadem reddenda est, restitutio fieri debet in loco ubi res erat tempore conventionis, art. 1247. Ex art. sequenti 1248, expensæ solutionis præstabuntur à debitore rei. 3.º Si contractus sit onerosus, in quo verò res distincta à re traditâ restituenda est, solutio fieri debet in domicilio debitoris, art. 1247. Admonet Delvincourt quod si debitor à tempore conventionis sedem suam mutaverit et longius transfulerit, ab isto sustinendas esse impensas quas mutatio domicilii secum importat; *Cours de Cod. civ.*, p. 766. Ampliora patebunt ubi de conditione et de contractibus specie.

§ 2. — *Quo tempore restitutio fieri debet.*

Quæ. 1.º quandorâm faciendâ sit restitutio?

Resp. Obligatio restituendi provenire potest vel ex simplici detentione rei alienæ, vel ex injustâ lésione, vel ex contractu.

1.º Si obligatio restituendi proveniat ex detentione rei alienæ, aut ex injustâ lésione, adimpleri debet *quamprimum moraliter fieri potest*. Tunc restitutio faciendâ est quandò dominus rationabiliter exigere po-

test rem suam; atqui dominus rationabiliter exigere potest ut res sua sibi reddatur quàm primum moraliter: ergo.

Ex his sequitur in morâ culpabili eos esse qui nolunt restituere, nisi coacti sint à judice, vel nisi creditores exigant, quos tamen sciunt nec audere nec posse exigere.

Dixi, *quamprimum moraliter*, quia omnes conveniunt, si sermo sit de restitutione reali, præceptum restituendi quamdam temporis moram permittere: ad actus exteriores necessariò requiritur quedam mora. Hinc solvuntur plures casus apud Billuart.

2° Si obligatio restituendi proveniat ex contractu, vel tempus restitutionis fuit præfixum, vel non. Si prius, tempore præfixo restituendum est; standum est enim conventioni justæ et validæ. Si posterius, restituendum est cum dominus restitutionem rationabiliter exigit, vel consuetudo illud indicat: in contractibus *ea veniunt quæ sunt juris et consuetudinis*. Hinc contra justitiam non peccant qui per quoddam temporis intervallum differunt solvere mercatoribus pretium rerum apud istos emptarum, quia illud fert consuetudo.

Quær. 2° utrùm liceat prævenire tempus in restitutione faciendâ, quandò provenit ex contractu?

Resp. cum omnibus Theologis, vel tempus præfixum fuit in gratiam debitoris, vel in gratiam creditoris. Si 1°, ipse debitor potest prævenire tempus; unicuique liberum est jus suum cedere; si 2°, non licet debitori prævenire tempus; nam creditor habet jus ut non violentur conditiones contractus cum suo damno.

§ 5. — *Quonam modo restitutio facienda sit.*

Quær. 1° quonam modo restituendum sit?

Resp. Eo modo restituendum est quo planè justitiæ violatæ satisfiat. Etenim restitutio fit ad reparandam æqualitatem et ad dominum reponendum in statu in quo erat antea; atqui ita fieri nequit nisi eo modo fiat..... ergo.

Hinc ad restitutionem nihil refert an quis restituat per se, an per alium, an advertente domino, an palam, an occultè, nisi agatur de restitutione famæ, aut nisi adsint circumstantiæ cur uno modo potius quàm altero restituatur.

Quæres 2° cujus periculo restitutio fieri debeat?

Resp. Vel res debetur ratione rei bonâ fide possessæ, vel ratione injustæ damnificationis, vel ratione contractus.

Si 1°, debitor ad nihil tenetur, modò remiserit rem per nuntium quem putabat fidelem; nam, *seclusis morâ, culpâ et pacto, res perit domino*; atqui creditor est dominus: ergo.

Si 2°, debitor, tenetur ad novam restitutionem præstandam, quocumque modo res pereat antequàm perveniat ad creditorem. Ratio est quia possessor malæ fidei in utroque jure, sive canonico, sive civili, in se suscipere debet omne periculum rei: aliunde qui alteri damnum injustum intulit, contraxit obligationem illud damnum reparandi; atque ab hac obligatione dispensari non

potest per eventum extrinsecum domino: ergo. Præterea violavit æqualitatem; atqui æqualitas illa non reparatur, nisi de novo fiat restitutio: ergo.

Monet S. Carolus ne confessarius in se assumat provinciam reddendi pecunias loco pœnitentis, absque necessitate. Quòd si hoc officium in se suscipiat, curet ut obtineat testimonium quod pœniteni exhibebit ad præcavendam omnem rapinæ suspicionem. In hoc chirographo non nominetur pœnitens, nec permittat confessarius ut is cui restituitur inquirat in personam cujus nomine fit restitutio.

Si 3°, vel res reddenda eadem est in individuo ac ea quæ accepta fuit, v. g., in deposito, in commodato, vel non, v. g., in mutuo. Si prius, debitor non tenetur de novo restituere, quia *res perit domino*, nisi aliter conventum sit. Si posterius, res perit debitori, quia debitor in eam dominium habebat; undè de novo restituere tenetur.

Nota: Ex quâcumque causâ proveniat obligatio restituendi, debitor eximitur ab obligatione de novo restituendi, si res remittatur personæ à creditore designatæ. Ratio est, quia tunc restitutio domino censetur facta, siquidem illius mandatio remittitur.

CAPUT IV.

DE CAUSIS A RESTITUTIONE EXCUSANTIBUS.

Regula generalis quâ fundantur causæ à restitutione faciendâ excusantes illa est: *Quotiescumque dominus rationabiliter consentire debet ut restitutio differatur aut omittatur, ea differri aut omitti potest, etsi de facto dominus sit invitus*. Jus creditoris et debitoris obligatio sunt duo correlativa; non datur obligatio in debitore quandò dominus rationabiliter consentire debet ut restitutio differatur vel omittatur; alioquin daretur obligatio ad aliquid bono ordini et facultatibus subjecti dissentaneum, quod admitti nequit ex parte virtutis moralis quæ, cum sit discreta, naturæ humanæ viribus semper accommodatur: ergo.

Ex hoc principio generali fluunt causæ restitutionis obligationem vel suspendunt vel tollunt; eas in duobus articulis expendemus.

ARTICULUS I.

DE CAUSIS QUÆ RESTITUTIONIS OBLIGATIONEM SUSPENDUNT.

Præter ignorantiam invincibilem quæ, dum permanet, à restitutione excusat, cum prius sit cognoscere obligationem quàm illam adimplere, tres sunt aliæ causæ propter quas licet restitutionem differre, 1° impotentia debitoris; 2° damnum creditoris aut alterius personæ; 3° cessio bonorum: undè tres paragraphi.

§ 1. — *De impotentia debitoris.*

Nota 1° duplicem esse impotentiam; 1° physicam seu absolutam, quâ durante nihil omnino habetur undè restitutio fieri possit; eâ certè suspenditur obligatio restituendi: ad impossibile nemo tenetur; 2° moralem seu maximam restituendi difficultatem, quæ ab hominibus solet vocari impotentia.

Nota 2° triplē esse moralem impotentiam;

1° necessitatem extremam, quæ est periculum mortis proximum ex restitutione certo imminens, et ideo vocatur extrema seu ultima; 2° necessitatem gravem, seu periculum probabile gravis damni in bonis sive animi, sive corporis, sive honoris, sive fortune; 3° communem, quæ est status eorum qui non nisi magno cum labore vivunt.

Nota 3° necessitatem communem non suspendere obligationem restitutionis, alioquin infinita illa insecutorum operatorum multitudo absolveretur ab obligatione restituendi, quod admitti non potest; quia hoc semel concesso, nullus dives miseris mutuari vellet meritò timens ne non res sua ad ipsum rediret; et ipsi pauperes ab aliis neglecti ad furtiva minuta sapissime allicerentur. Indè quanta mala pro societate et ipsis met miseris? Addimus debita istorum pauperum conditioni ipsorum proportionari ac proinde facile solubilia esse; ergò ratione verè impotentie excusari nequeunt. Ideirò difficultas tantum moveri potest de extrema et gravi necessitate; de quibus duo numeri.

NUM. I. — De necessitate extrema.

Quer. 1° utrùm necessitas extrema restitutionis obligationem suspendat?

Nota. Ante responsionem observandum est Deum homini jubere ut se conservet per media ordinaria creationis; hanc obligationem essentiali destruerè vel minuere non potuit divisio bonorum jure gentium admissa. Unde illud famosissimum axioma: *In extremâ necessitate omnia sunt communia*; id est, quislibet in extremâ necessitate occupare potest, vel jam occupata retinere bona quæ solent homines ejusdem conditionis in pari casu impendere. Ex hac explicatione admodum rationabili sequitur extremam necessitatem dare quidem homini jus occupandi quedam bona, scilicet media ordinaria vite conservande, sed minime media extraordinaria, v. g., centum nullia francorum quæ homines etiam ditissimi non solent in pari casu impendere, neque Deus impendere jussit; alioquin brevi evanescerent primatum divitiæ quæ tamen sunt splendor et quoddam robur civitatis.

Illis præmissis respondetur: Qui non potest restituere nisi se suosve in extremam necessitatem conjiciat, justam habet causam differendi restitutionem, quandiu durat illa necessitas: ratio est quia in tali necessitate omnia bona, saltem quoad usum, sunt communia, et potest quislibet ad vitam conservandam bona alterius subripere; ergò à fortiori potest illa retinere.

Dixi, *se suosve*: per suos intelliguntur illi qui strictè ipsi conjunguntur, ut pater, mater, uxor, filii, aut alii ascendentes et descendentes, quia sunt aliquo modo una persona cum debitore, atque ideò necessitas unius censetur necessitas alterius. Quidam addunt fratres et sorores, et meritò, si adhuc sint in tenerâ ætate, et sibi providere nequeant.

Quer. 2° Utrùm necessitas extrema debitoris excuset à restitutione, si creditor in eadem versetur necessitate?

Resp. Vel extrema necessitas creditoris venit im-

mediate ex re ipsius ablatione, vel ex alia causa.

Si prius, debitor non potest rem restituere, et si res adhuc existat eam reddere debet. Debitor in hoc casu in mortem alterius innocens potest et debet anathematizari, atqui hoc tamquam homicidium est, necesse est ab ipsius vitam suam tuendam. Ergo si creditor ut prius occupans habet jus ad rem suam etiam in extrema necessitate, ergo tunc non potest servare vitam nisi absumat panem alienum, vitare naufragium nisi abducat ratem alterius, nec sicarios nisi concedat equum proximo, nec rem ea eripere illi qui hoc unicum habet medium evadendi idem periculum.

Si posterius, vel res juste possidetur a debitore, v. g., contractu; tunc, concordantibus theologis, debitor potest rem sibi retinere: nam in pari causâ melior est conditio legitime possidentis; atqui legitime possidet debitor: ergò.... vel autem ex delicto res possidetur à debitore, tunc disputant theologi. Alii dicunt debitorem posse retinere, tum quia in extrema necessitate omnia fiunt communia, et ubi omnia sunt communia melior est conditio possidentis, tum quia obligatio restituendi in eo casu durior esset pro hominum fragilitate. Ita Billuart, Vogler, n° 465. Alii rectius docent debitorem teneri restituere. Si enim in hoc casu non teneretur ad restitutionem, vel quia bona fiunt communia, vel quia melior est conditio primi occupantis; atqui neutra ratio prævalet. Non prima; nam bona non fiunt communia nisi ob necessitatem servandi vitam; jam verò vita hominis innocens et domini, quæ certè præferri debet vitæ foris, postulat ut non sint communia in hoc casu: ergò. Non secunda: citatum axioma non applicatur nisi illi qui incepit possidere bonâ fide; atqui non incipit bonâ fide qui possidet ex delicto, siquidem titulum dominii translativum non habet: ergò. Et verò ille se habet sicut is qui mala rapit bona hominis extrema necessitate pressi, siquidem furtum continuat singulis instantibus; atqui posterior non posset nunc rapere, adversarii concedunt: ergò nec prior continuare. Undè jure non est prior occupans: ergò.

Quer. 3° utrùm qui in extrema necessitate re alienâ usus est, eam postea reddere teneatur?

Resp. Is in quatuor casibus certò restituere tenetur, nempe; 1° si, transactâ necessitate, res aliena adhuc subsistat in propriâ specie, quia res clamat domino; hinc si equus quo quis usus est ad declinandos hostes supersit, cum periculum jam evanuerit, domino restituendus est; 2° si debitum contraxerit ante extremam necessitatem et solutionem legitime distulerat propter hanc necessitatem; nam sic contrahendo, dedit creditori actionem personalem: porro hæc actio per supervenientem necessitatem non exstinguitur. Jus personale subsistit donec solvatur à debitore vel relaxetur à creditore; atqui extrema necessitas neque solutionem neque relaxationem affert: ergò. Unde si quis rem emit aut mutuo accepit et propter supervenientem necessitatem non solverit, sibi subvenit non ex alienis sed ex propriis, ac proinde non excusatur

à restitutione rei; 3^o si ante extremam necessitatem rem habuerit ex delicto, v. g., furto; ille quippe subierat obligationem injustæ acceptionis; jam verò hæc obligatio non tollitur extremâ necessitate; ea ne cesset quidem ob casus fortuitos, pro quibus spondet debitor ex delicto: ergò. 4^o Si fuerit tantum pauper secundum quid, id est, pauper in re et dives in spe, v. g., quia alibi bona habebat vel mox habiturus erat quandò rem etiam absque delicto acquisitam consumpsit; ideò enim ille debitor eximeretur ab obligatione restituendi, quia versaretur in extremâ necessitate, et in extremâ necessitate omnia bona fierent communia; atqui nulla est utraque ratio. 1^o Non versatur in extremâ necessitate, quia utpotè dives in spe, non indiget donatione; 2^o in extremâ necessitate omnia non fiunt communia absolutè, siquidem illud non est necessarium ad conservationem vite: ergò.

Magna verò lis est inter theologos, an qui in extremâ necessitate rem alienam consumpsit, illius pretium solvere teneatur, si eam non habuerit ex delicto et sit ipse absolutè pauper, id est, in re et in spe, quandò rem consummavit. Alii putant cum sancto Thomâ et generatim omnibus theologis illum debitorem non ampliùs teneri ad restitutionem, nam in extremâ necessitate omnia fiunt communia, saltem quoad usum; atqui bona de quibus agitur usu consumuntur: ergò non est obligatio ea restituendi. Alii verò putant illum debitorem teneri ad restitutionem. In tantum debitor præfatus immunis esset ab obligatione restituendi, in quantum, in extremâ necessitate bona fierent communia, non solùm quoad usum, sed etiam quoad proprietatem; atqui non fiunt communia quoad proprietatem. In tantum enim fiunt communia, in quantum sunt necessaria ad vitam conservandam quæ primarius bonorum finis est; atqui ad vitam conservandam sufficiens est bonorum usus cum obligatione postea reddendi si possibile sit: ergò.

Inter has opiniones distinguimus cum cardinali De Lugo: vel agitur de re majoris pretii quæ non cadit sub præceptum charitatis, vel agitur de re minoris pretii quæ cadere potest sub tale præceptum. Si prius, debitor, transactâ extremâ necessitate, restituere tenetur. Homines non tenentur pati majores impensas ad servandam vitam alterius quàm ad servandam suam; atqui non tenentur pati impensas extraordinarias ad suam vitam servandam; ergò nec pro vitâ aliorum. Si posterius, cum tunc urgeat præceptum naturale dandi elemosynam, dominus præsumitur rationabiliter donare usum rei minoris; atqui donatio eximit donatarium ab obligatione restituendi: ergò. Utraque decisio sequitur ex his quæ diximus circa primariam bonorum divisionem, scilicet in extremâ necessitate dari jus ad media ordinaria, sed minimè ad extraordinaria, etiam pro conservandâ vitâ. Ratio ulterior hæc est: homines alienare potuerunt communitatem bonorum etiam pro casu quo aliquid notabile exigeretur ad vitam servandam, quia nemo tenetur suæ conservationi providere mediis extraordinariis, sed nullatenus abdicare potuerunt primerdiale

rerum communitatem pro casu quo aliquid leve exigeretur ad conservationem suam, quia nullus abjicere potest media communia à Deo creata pro vitæ et membrorum principalium conservatione.

NUM. II. — *De necessitate gravi.*

Quer. an necessitas gravis suspendat obligationem restituendi?

Resp. Qui non potest restituere, nisi se suove in gravem necessitatem coniciat, justam habet causam differendi restitutionem quandò durat illa necessitas, positis tamen quibusdam conditionibus. Ratio est quia creditor non potest rationabiliter exigere solutionem debiti, cum ipse teneatur personæ gravi necessitate laboranti opem præbere, vel donando, vel saltem mutuando.

Dixi, *positis conditionibus*, 1^o ut propinqua affluat spes fortunæ melioris quàm restitutio fieri possit, alioquin creditor non censeretur consentire in dilationem, nisi fortè necessitas esset valdè gravis et extremâ proxima; 2^o ut ex eâ dilatione grave damnum emergens vel lucrum cessans non patiatur dominus; nemo tenetur pati grave detrimentum ad procurandum bonum alterius; 3^o ut suâ culpâ in hanc necessitatem non sese conjecerit debitor: aliàs indignus esset alterius favore; 4^o ut creditor non versetur simul in eadem necessitate, quia, cæteris paribus, melior esse debet conditio domini quàm debitoris.

Hinc artifex non tenetur ad restituendum vendere instrumenta quibus victum, focum et vestitum sibi suisque comparat, neque plebeius pauca, utensilia, vestes, lectum et alia ejusmodi, nisi creditor sit in pari necessitate, quia, cæteris paribus, melior esse videtur conditio domini.

Ut ea solutio in praxi majoris sit utilitatis, applicanda est præcipuis casibus in quibus censetur adesse gravis necessitas, ac proindè legitima causa differendi restitutionem.

Primus casus. Petrus restituere non potest absque notabili damno in bonis superioris ordinis, putâ absque periculo vel apostasiæ, vel mortis, vel mutilationis, vel infamiæ: An censeatur esse in gravi necessitate et ob illam causam à restitutione excusari?

Resp. Antè resolutionem casus, prænotandum est quadruplicem esse ordinem bonorum in quibus fieri potest læsio: in primo ordine sunt bona animæ; in secundo sunt bona corporis, ut vita, membra, libertas, virginitas, sanitas; in tertio sunt bona famæ et honoris; in quarto tandem veniunt bona fortunæ. His distinctis, dicimus:

Qui restituere non potest, nisi ipse vel aliquis è suis, grave damnum patiat in bonis superioris ordinis, communiter excusatur à restitutione faciendâ, quandò ex restitutione istud imminet nocumentum. Ratio est quia, cum bona superioris ordinis nullatenus æquiponderari possint bonis inferioris ordinis, durissimum esset ultro facere jacturam bonorum tanti valoris ad restituendam aliquam quantitatem bonorum valoris inæqualiter vilioris. Dominus, exigendo resti-

lutionem in pari circumstantiâ, irrationabilis merito presumetur.

Hinc pater familiâs à restitutione excusatur, si periculum sit, ne ob inopiam, filius ejus aut uxor se prostituant, aut filii se dent latrocinis, aut ipse debitor ruat in desperationem. Sed hæc excusatio, ait Vogler, n. 469, sufficere quidem potest ad differendam restitutionem, non vero omitteendam. Addunt complures restitutionem etiam in his casibus non datus differendam esse.

Dixi, communiter, quia fieri potest ut bona inferioris ordinis quæ restituenda sunt, talia sint et in tantâ quantitate ut æquivalent in æstimatione hominum, saltem relativè ad vitam civilem, bonis superioris ordinis per restitutionem amittendis; et vice versâ bona superioris ordinis per restitutionem amittenda tam levia sunt, ut in communi hominum existimatione non tanti æstimentur quanti bona inferioris ordinis, v. g., fama mulieris jam suspectæ. Tunc restitutio non differenda est, quia in his æqualitas jam ponitur inter creditorem et debitorem.

Secundus casus. Paulus restituere non potest absque notabili damno in bonis ejusdem ordinis: Utrum censeatur in gravi necessitate versariac proinde excusari à restitutione?

Resp. Qui non potest restituere absque gravi nocumento in bonis ejusdem ordinis jam sibi acquisitis, à restituendo excusatur, quando ex restitutione imminet istud nocumentum. Ratio est quia alias, etiamsi debitor restituere non posset 100 fr. quin perderet 1,000,000, teneretur ad restitutionem: quod est incredibile, nec congruit cum justitia, quæ cum sit virtus moralis, discretâ, prudenter tantum præcipit et non imponit obligationes intolerabiles: ergo...

Hinc potest aliquandiu differre restitutionem qui non potest eam exequi quin cogatur bona sua, domum, prædium, multò minori pretio vendere quàm valeant.

Dixi, absque gravi detrimento in bonis acquisitis, quia privatio lucri quod faceret debitor restitutionem differendo non esset sufficiens illius differendæ causa, cum creditor non teneatur quod suum est, aut quod sibi debetur alteri concedere ut iste inde lucretur et ditiescat. Excipe tamen si debitor lucrum quasi certum querat, ut aliis creditoribus satisfacere queat, vel fortunam extraordinariam hac dilatione restitutionis sit consecuturus. Tunc dominus rationabiliter invitus non est.

Tertius casus. Jacobus restituere non potest quin notabiliter excidat è statu suo: An censi debet in gravi necessitate, et propterea habere justam causam differendi restitutionem?

Resp. Qui non potest restituere quin notabiliter excidat è statu quem obtinuit justis mediis et a misit absque culpâ, excusatur à restitutione statim faciendâ. Ille potest differre restitutionem qui est in impotentiâ morali restituendi; atqui talis est debitor... Illud enim dicitur moraliter impossibile quod honestè et decenter fieri non potest: ergo. Et vero nullus tenetur reparare damnum alteri in bonis fortunæ statum cum dispendio

honoris et fame, atqui plerumque nullus è suo statu excedere potest quin sibi et familie suæ ingratatur dedecus in opinione hominum: ergo. Hinc vi nobilis, magis status, potens mercator, qui ex variis circumstantiis quas impedire non poterunt debitis gravantur, non tenentur omnem facultatem adipisci et artem mechanicam exercere ad solvenda debita sua; tenentur tamen innuere, quantum fieri potest, impensas in victu, in vestitu, in famulatu et aliis ejusmodi, ut paulatim restituant.

Dixi 1°, quem obtinuit justis mediis; nam qui rapinis, fraudibus, usuris aut aliâ viâ injustâ pinguem fortunam comparavisset, et supra conditionem suam se extulisset, non posset restitutionem differre sub prætextu quod suo statu excederet; ratio est quod hoc non sit suum statum amittere, sed potius statum alienum et injustè possessum relinquere, et ad proprium statum revertere: nec dici potest quòd statim restituendo damnum in bonis suis patiat, siquidem non sua sunt bona, sed aliena. Hinc usurarii et publicani, qui magnis opibus injustè congestis è mediocri suâ conditione emergerunt, debent in priorem statum recidere, si aliter restituere nequeant. Nota est vulgaris historia quam refert Vogler de nobili Belgâ, qui miserrimo trituratori restituere debuit arcem illegitimè possessam, ne parem cum majoribus subiret salutis jacturam.

Dixi 2°, quem amisit absque culpâ: nam si debitor suâ culpâ, puta ludis, comessionibus, superfluis impensis, sese conjecisset in periculum proprii status amittendi, res alienam in magnâ quantitate contrahendo, quod solvere nequit nisi proprium statum amittendo, ut faciunt multi nobiles, non posset ad dilationem recurrere, sed tunc teneretur statum suum etiam justè acquisitum dimittere, atque illud damnum sibi imputare deberet.

§ 2. — De damno creditoris vel alterius personæ.

Status questionis est an possis vel debeas differre aut omittere restitutionem, cum prævides restitutionem obtuturam creditori? Circâ hanc prævisionem triplex fingi potest hypothesis. Creditor re sibi restituta abuti potest in suum damnum temporale, vel in suum detrimentum spirituale, vel in perniciem alterius. Pro quibus definiendis tria asseruntur.

ASSERTIO 1°. Si restitutio creditori tantum affert detrimentum temporale quod licitè potest subire, non potes, creditore graviter invito, differre restitutionem. Si dominus v. g., petat solutionem pecunie mutuo concessæ, quam vult applicare convivio minimè necessario, non potes differre solutionem. Ratio, quia non potes cogere dominum aut creditorem graviter invitum, ne sua bona expendat in iis quibus licitè potest expendere.

ASSERTIO 2°. Si restitutio creditori spirituale damnum affert, v. g., quia graviter est peccaturus per abusum rei sibi debitæ, non solum, potes sed etiam debes differre solutionem, si illud commodè fieri possit, vel absque notabili tuo detrimento. Ratio est, quia tunc de-

bitor rem creditoris utiliter gerit, ac proinde irrationabilis esset iste, si restitutionem exigeret. Excipit Vogler quosdam casus in quibus differri non debet restitutio; 1° si dilatio restitutionis parum prosit ad impediendum peccatum, v. g., si creditor aliàs te cogeret auctoritate judicis, vel ab alio pecunias statim obtineret ad malum finem; 2° si creditor, post factam hodiè dilationem, cras iterum eodem animo petiturus est solutionem, et à petitione nunquam destitutus; nam in hoc casu, si differas restitutionem, non impedis peccata; 3° si periculum peccandi graviter, quod times in creditore, sit remotum; 4° si peccatum quod creditor committeret esset tantum leve; nam in hoc casu, licet fortasse aliquando possis, vix tamen debes differre restitutionem; 5° si grave detrimentum aliàs tibi propter dilatam solutionem immineat, ut si perderes creditoris amicitiam tibi valde necessariam. Quare sentiunt nonnulli raro evenire casum, in quo debitor seriò petenti rem suam, quàm non est abusurus in alterius damnum, debeat illam denegare; quia rarum est ut non aliqua ex memoratis causis excuset.

ASSERTIO 3^a. *Si creditor aut dominus abusurus est re sibi restituta in gravem alterius injuriam, v. g., si proximum esset occisurus, non solum ex charitate, sed etiam ex justitiâ debes differre restitutionem.* Ratio 1° quia qui domino petenti reddit gladium in circumstantiis in quibus iste vult alterum occidere, positivè cooperatur ad injustam alterius necem. Restitutio gladii in illo casu non minùs concurrat ad injustam necem quàm applicatio scalarum, porrectio clavium adulterinarum et præstatio aliorum instrumentorum, concurrunt ad injustam damnificationem. 2° Proximus quem creditor tuus è medio tollere vult, habet jus ne gladium illum absque necessitate gravissimâ des, et in tribunalibus dans gladium haud dubiè puniretur ut particeps homicidii, vel ut ille qui positivè dedit consilium homicidii; quòd gladius sit alterius, nil facit ad rem, cum dominus aut creditor non habeat jus illum repetendi in his circumstantiis. Hoc maximè verum est si gladius reddatur amenti furioso, vel ebrio à quo injusta cædes non procedit liberè, sed ex necessitate per instrumentum porrectum. Scitote tamen debitorem posse, illasà justitiâ, restitutionem differre, si ipsi immineat grave nocumentum. Id sequitur ex principiis cooperationis alibi expositis et demonstratis.

§ 3. — De cessione bonorum.

(Cod. civ. art. 1265 ad 1270. Cod. comm. art. 566 ad 575.)

Quæ. 1^a quid sit cessio bonorum?

Resp. Cessio bonorum est actus quo quis debitis suis solvendis impar cedit omnia bona sua creditoribus qui illa inter se dividant; art. 1265 Cod. civ. Monet annotator in Vogler, eam accuratè distinguendam esse à statu decoctionis qui dicitur *faillite* vel *banqueroute*, proût agitur de commercium exercentibus vel de aliis qui debitis suis satisfacere nequeunt. Cessio bonorum est utriusque status veluti sequela. Nam,

quandò debitor reperitur in prædicto statu decoctionis impletis variis formalitatibus jure præscriptis, fit vel compositio cum creditoribus quibus cedit bona sua, vel unio inter creditores ad promovendam venditionem bonorum decocti. Hinc duplex in jure nostro distinguitur cessio, voluntaria et judiciaria. Art. 1266 Cod. civ.

Cessio voluntaria illa est quæ liberè acceptatur à creditoribus eosque tantum habet effectus de quibus debitorem inter et creditores conventio inita est; art. 1267 Cod. civ., et art. 567 Cod. comm. 1° Ad eam concurrere debent omnes creditores; qui non concurrerent servarent jura sua, sive in personam, sive in bona debitoris; si hæc absque eorum consensu alienarentur, posset ista alienatio irrita declarari tanquam fraudulenta. 2° Cessor debet declarare omnia bona sua, et si quædam per fraudem retineat, irrita declarari poterit cessio; sed possunt creditores quædam ipsi relinquere ad propriam et familiæ sustentationem, ratione habitæ circumstantiarum. Ità Boulay-Paty, n° 566 et seq.

Cessio judiciaria est beneficium à lege concessum infelici et bonæ fidei debitori, ut libertatem sui corporis conservet, cedendo omnia bona sua creditoribus, non obstante quavis aliâ stipulatione; art. 1268, Cod. civ. Debitor cui istud beneficium conceditur non potest antè judices citari, in carcerem conjici, vel diutius in eo detineri; dum olim in carcerem tradebantur debitores donec suis creditoribus satisfecissent; art. 1270 Cod. civ., et 568 Cod. comm. Illud autem beneficium locum non habet pro debitis quæ proveniunt ex crimine, dolo, fraude, etc.; art. 575 Cod. comm.

Quæ. 2^a an cessio bonorum tollat vel saltem suspendat obligationem restituendi?

Resp. Certum est cessionem bonorum sive voluntariam sive judiciariam, modò non sit fraudulenta, esse causam legitimam restitutionis differendæ, cum nihil aliud sit quàm impotentia physica debita solvendi, et aliundè approbetur à lege quæ gravissimis nititur rationibus; sed neutra tollit omninò obligationem in posterum restituendi quod reliquum est ex debitis; ità ut si postea debitor ad meliorem fortunam redierit, debeat illà uti ad plenè solvendum: 1° non voluntaria, quia creditores sic componunt eò quòd plus obtinere non possint; ideò non censentur renuntiare juri quod habent ad perfectam solutionem, si postea debitori uberior copia adveniat; 2° non judiciaria, quia lex expressè declarat, art. 1270 Cod. civ. et 568 Cod. comm., debitorem teneri ad complementum solutionis si bona ipsi obveniant in posterum: ergò. Hinc debitor nihil negligere debet ad acquirendum undè solvat, et si quid postea comparaverit, tum suâ industriâ, tum hæreditate aliove modo, istud in suos creditores refundere tenetur donec integrè solverit.

Quæ. 3^a utrum qui bona cedit, aliquid retinere possit.

Resp. Qui bona cessurus est cessione voluntariâ ni-

hul retinere potest, nisi quod conceditur benevolis creditorum conventionibus, ex art. 529, 530 Cod. com.; nam debet statim bonum suum plene detegere, alioquin cessio irritari posset. Qui autem bona cessurus est cessione judiciaria nihil occultare potest præter partem sibi à iudice assignandam ex art. 529 Cod. com. et 592 Cod. judic. gallicæ *de procedure*; nam iudex solet exigere juramentum an aliquid debitor retinuerit. Sed, attento jure naturali, cessor potest, si meritò timeat ne pars assignanda sit omnino insufficientis suis suorumque necessitatibus, aliquid retinere ex bonis juste acquisitis, quia necessitas gravis legitima est causa restitutionem differendi. Caveat tamen ne coràm iudice juret se nihil retinuisse; aliàs perjurii reus esset.

Complementum articuli.

Quær. an causæ obligationem restituendi suspendentes simul excusent à reparando damno emergente vel lucro cessante quæ creditor passus est ex dilatione?

Resp. Si debitum sit ex delicto, debitor tenetur restituere, quia causa est efficax et injusta damni emergentis vel lucris cessantis, sive sit mora culpabilis, sive inculpabilis, siquidem injustè rem abstulit et in se suscepit rationem damnorum prævisibilium. Excepi si forsitan differatur restitutio ob bonum creditoris qui re suà abusus fuisset; tunc gessit utiliter rem alterius.

Si debitum sit ex contractu, debitor est in morâ culpabili vel inculpabili. Si 1°, debitor tenetur restituere; tunc fit debitor ex delicto; atqui debitor ex delicto tenetur restituere: ergò. Si 2°, debitor probabilis tenetur ad restitutionem, quia creditor non consentit in dilationem nisi sub eâ conditione, ut damnum emergens aut lucrum cessans reparentur, cum nemo censendus sit absque expressâ suâ voluntate bonum alterius procurare cum suo detrimento: ergò. Eximendus tamen videtur ab hac obligatione restituendi ille qui pauper et re et spe assumit in extremâ necessitate rem naturâ suâ fungibilem et minori pretio constantem quam pacto acceperat, quia ex antea dictis is suo jure utitur.

ARTICULUS II.

DE CAUSIS A RESTITUTIONE OMNINÒ EXCUSANTIBUS.

Tres potissimum ab omnibus agnoscuntur causæ à restitutione omninò excusantes: 1° condonatio seu remissio à creditore facta; 2° compensatio legitima; 3° auctoritas publicæ potestatis. De quibusdam aliis dubitari potest, ut videbimus.

Quæres 1° an remissio seu condonatio debiti à creditore facta omninò liberet ab obligatione restituendi?

Resp. aff. Ea causa liberat à restitutione faciendâ quæ dominium rei prius restituendæ debitori transfert; atqui ita remissio seu condonatio debiti: ergò. Ut autem hæc remissio valeat et verè liberet à restitutione, tres requiruntur conditiones; 4° ut creditor donare possit quod remittit, seu ut habeat dominium et administrationem rei; defectus unius conditionis pro-

curator rerum alienarum, et defectu alterius, filius familias adhuc minor donare nequeunt. 2° ut debitor non sit jure inhabilis ad accipiendum, sic in conc. Trid. irritatur distributionum remissio canonico absenti facta à presentibus, sess. 24, cap. 12, de ref.; 3° ut remissio fiat omninò libere et sponte, promdeque sine metu, ignorantia aut fraude. Hæc non excusat à restitutione condonatio, si creditor ignoraverit quantitatem debiti quod minus putabatur quàm reverà existeret; si deceptus fuerit circa fortunam debitoris qui longè existimabatur pauperior quàm erat reipsa; si partem debiti non remiserit nisi ob comminationes expressas vel indirectas alicujus mali; quia tunc remissio plenè voluntaria non est.

Utrum verò præsumi possit illa condonatio? quidni? Omissio restitutionis non est injusta nisi fiat invito domino vel creditore; porro non fit invito domino et creditore si fiat ex illius voluntate rationabiliter præsumptâ. Ex hoc capite plures excusantur à restitutione faciendâ, ut filii familiars quando furantur patri non notabilem summam, domesici quando consumunt esculenta communia. Ad præcavendos abusus putat Vogler non sufficere quancumque verisimilem aut probabilem præsumptionem, quia nimia janua panderetur furtis et injustitiis, sed requiri præsumptionem moraliter certam aut longè probabilem, præsertim in rebus gravis momenti.

Quæres 2° quid sit compensatio et quondam excuset ab obligatione restituendi?

Resp. Compensatio in genere est debiti et crediti contributio: duplex distinguitur; alia legalis, seu lege approbata, alia extralegalis, seu à lege neque approbata neque prohibita.

1° Compensatio legalis adest pleno jure, etiam inscio debitore, quoties duæ personæ sibi mutuò sunt debitrices: sic mihi debes 100 pro panno et ego tibi debeo 100 pro vino.

Certum est prædictam compensationem, positis quibusdam conditionibus, omninò liberare à restitutione faciendâ. Hæc enim non est neque contrà jus naturale, siquidem æqualitas utrinque servatur, neque contrà jus positivum, cum jus positivum eam inter causas quæ debitum extinguunt annumeret, art. 1289 et seq. Cod. civ.

Dixi, *positis quibusdam*.... Requiritur 1° ut objectum utriusque debiti sit ejusdem speciei, quia creditor cogi non potest ad recipiendam rem diversam ab eâ quæ sibi debetur, etsi ejusdem sit valoris. Si, v. g. debeas Petro equum et Petrus debeat tibi 100 aureas, non potes Petrum obligare ut debitum habeat extinctum et suum equum non repetat. Si tamen res diversæ speciei sine ullâ controversiâ per summam pecuniæ compensari possint, ut fit pro frumento, cujus pretium determinatur æstimatione fori, admitteretur compensatio. 2° Ut duo debita liquida sint, certa et extrâ controversiam posita; undè debitum incertum non potest esse objectum compensationis legalis. 3° Ut duo debita sint simul exigibilia; non potest enim debitor cogi ad solvendum antequàm ipsius debitum sit

exigibile: *Qui terminum habet, nihil debet.* 4° Ut debita sint personalia; sic debitum meum non potest compensari erga Petrum, eo quod Petrus aliquid debeat filiis meis, aut pupillo meo. Sic art. 1289 et seq. cum annotationibus D. Gousset.

2° Compensatio extralegalis, quam theologi communiter vocant occultam, in eo consistit, quod creditor rem suam aut aliquod æquivalens à debitore clam surripiat aut retineat.

Certum est prædictam compensationem penitus liberare ab obligatione restituendi, quia est solutionis genus per rem rei debitæ æquivalentem; siquidem eâ solutione posita, jam nulla est inequalitas.

Utrum autem hæc compensatio sit licita? *Resp.* Affirmativè positis quibusdam conditionibus. Si illicita esset, maximè quia violaretur vel jus proximi, vel jus judicis, vel jus societatis; atqui non. Non primum; non violatur enim jus proximi quando res quæ ad ipsum non pertinet ab eo aufertur: non secundum; nam sæpè recurri non potest ad judicem: non tertium; societati enim non nocet qui utitur compensatione cum conditionibus quas ut necessarias habemus.

Dixi, *positis quibusdam conditionibus.* 1° Condicio est ut certum et liquidum sit debitum, alioquin eâ utens se exponeret periculo alienam rem invadendi. Si tamen facta fuisset compensatio ex motivis probabilioribus, qui illà usus esset non obligandus foret ad restitutionem, nisi pro ratione dubii. 2° Condicio est ut debitum sit ex justitiâ; undè pauper, cui dives ex charitate deberet eleemosynas, non posset propriis manibus aliquid sumere titulo compensationis. 3° Condicio est ut debitum sit hic et nunc exigibile; aliàs injuria debitori fieret. 4° Condicio est ut accipiat res ejusdem speciei, si fieri possit. Non licet enim rem debitoris sinè necessitate aut illius consensu permutare. 5° Condicio est ut creditor non accipiat rem debitoris sibi commodatam aut apud se depositam, alioquin violaretur fides depositi et nullus auderet alteri aliquid commodare; art. 1295. 6° Condicio est ut res quæ subripitur sit verè debitoris et non alterius qui illam commodaverit, vel ejus fidei commiserit. 7° Condicio est ut nemini noceat; sæpè enim tollendo quod tuum est, tibi vel alteri labem suspicionis arceseres. 8° Condicio est ut res ex justitiâ debita aliter recuperari non possit, v. g., per petitionem debitoris, per judicis sententiam, sive quia desunt probationes, sive quia perjurant testes aut prævaricantur judices, sive quia graviores discordiæ aut majores expensæ timentur; aliàs violaretur ordo societatis ex quo nemo sibi debet justitiam reddere. 9° Condicio est ut non exponat debitorem aut illius hæredes periculo rem aut aliquid æquivalens iterum restituendi. Ideò prudenter admonendus est debitor nihil ampliùs ab illo deberi.

Not. Ex prædictis conditionibus aliæ ad justitiam, aliæ ad licitatem tantum, pleræque tamen ad justitiam compensationis petuntur. Observat Billuart, ad occurrendum objectionibus, requiri ut hæc omnia

constent non proprio judicio illius qui vult uti compensatione, sed judicio viri prudentis, quia in rebus propriis nimium nobis favere solemus.

Colliges 1°, non licere operariis, famulis et famulibus aliquid occultè subripere eo prætextu quod stipendium justo minus accipiant, tùm quia debitum hoc non est certum, tùm quia de stipendio cum heris conventum fuit, tùm denique quia opposita sententia innumeris furtis aditum aperiret; vix enim unquam famuli mercede sibi constitutâ contenti sunt.

Colliges 2°, cautè admodum in praxi admittendam esse compensationem occultam, cum rarissimè concurrant recensitæ conditiones; quare difficilè permittendum est ut eâ utantur poenitentes. Si autem eam adhüberint, quando accedunt ad sacrum tribunal, non statim et temerè ad restitutionem sunt obligandi, quia licèt in eo peccare potuerint, fieri tamen potest ut justitiam non violaverint.

Quæres 3° an auctoritas publicæ potestatis omnino tollat obligationem restituendi?

Resp. Duplex distinguitur auctoritas publica, alia juris, alia judicis.

Auctoritas publica juris nihil aliud est quàm potestas à Deo ordinata ad bonum regimen societatis; atqui illa potestas habet quiddam requiritur ad extinguendam obligationem restituendi, ut patet in inventione thesauri, in præscriptione rei mobilis vel immobilis, in acquisitione fructuum bonâ fide perceptorum et in multis aliis rebus de quibus jam diximus, cum scilicèt adsunt debitæ conditiones: ergò.

Auctoritas publica judicis nihil aliud est quàm sententia in judicio lata, quâ judex absolvit aliquem à restitutione faciendâ; porro illa sententia vel fundatur in præsumptione solutionis: v. g., judex decernit aliquem ad restitutionem non teneri, putans restitutionem aut factam fuisse, aut indebitam esse; vel fertur per modum pœnæ, v. g., si creditor propter culpam privetur restitutione crediti sui.

Si prius, vel præsumptio vera est seu reverà solum est debitum, vel falsa seu debitum solum non est, vel dubia seu dubium est et litigiosum an debitum solum fuerit. Si 1°, patet debitorem liberari à restitutione, cum jam facta fuerit solutio. Si 2°, sententia non excusat à restitutione, quia judex non intendit debitorem liberare. Si 3°, standum est sententiæ judicis qui tunc propter bonum commune et terminandas lites, censetur per sententiam jus tollere creditori, si quod habeat.

Si posterius, sententiæ judicis adhuc stare potest debitor, etiam in conscientia, quia leges quæ imponunt multam justæ sunt. Hinc si qua multa à judice imponatur in favorem illius qui injuriam passus est, iste non tenebitur illam restituere illi cui inflicta est, sed per illam sententiam acquirit jus ad hanc multam accipiendam et retinendam: ergò.

Quæres 4° an ingressus in religionem approbatam, in regionibus ubi talis religio agnoscitur, liberet à solutione debitorum?

Resp. 1° Si debitor religionem appetens habeat unde solvere possit, suis creditoribus satisfacere tenetur antequam religionis adeat penetrabilis, quia desiderabilior preparatio vite perfectioni consistit in adimplerione preceptorum, inter quae eminet restitutio facienda.

2° Si debitor religionem appetens nihil habeat unde solvere possit, sed speret brevi tempore comparare, manendo in seculo, sufficientem copiam ad restituendum, tenetur differre ingressum ut solvat: alioquin injuriam inferret creditoribus qui rationabiliter inviti forent si statim claustrali vite nomen daret.

3° Si debitor religionem appetens solvere non possit nisi renuntiando vite religiosa: vel longissimum tempus votis secularibus impendendo, duplex est sententia. Prima negat debitorem posse ingredi. Ita Suarez, Bonacina, Molina, Habert, Collet, Billuart. In concursu precepti et consilii impossibilis servandum est preceptum: atqui religionem ingredi est consilium; debita solvere est preceptum; ergo tenetur debitor adhibere media necessaria ut restituat, proindeque in seculo remanere. Insuper debitum justitiae ad minus tam strictum est quam debitum pietatis; porro filius, cujus auxilio indigent parentes gravi necessitate pressi, non potest religionem ingredi: ergo nec ille qui solvere nequit nisi manendo in seculo. Præterea plurimi SS. pontifices declaraverunt illicitam esse professionem eorum qui ingenti aere alieno gravati sunt aut redditus obligantur rationibus. Secunda sententia affirmat debitorem posse ingredi religionem. Ita S. Thomas, S. Antoninus, Lessius, Sanchez, Sylvius, Ligorio, Vogler. Nam impotentia moralis excusat à restitutione; atqui ille qui non potest restituere nisi remanendo...., dum ad vitam religiosam vocatur, versatur in impotentia morali. Nam ille est in impotentia morali qui non potest restituere sine graviore damno; atqui iste non potest restituere sine graviore damno, nempe privatione diuturnissimæ mediæ efficacissimæ ad gloriam Dei promovendam suamque salutem operandam: ergo.

Hæc ultima decisio faciliè admitti potest, si debita non sint quid grave respectu creditorum et non nisi intra longum tempus fieri possit restitutio, quia tunc creditores non possunt rationabiliter exigere ut talis debitor cum tanto detrimento restituat. Si autem debita sint quid grave respectu creditorum, debitor dici non potest versari in eâ impotentia quæ requiritur ut creditores non sint rationabiliter inviti de ingressu religionis, quia rarissimè affirmari potest quemdam hominem salvari non posse nisi in religione. Ad tale judicium ferendum de præfato debitore concurrere debent circumstantiæ adeò particulares, ut ipsius ruina spiritualis inevitabiliter prævideatur.

Quæres 5° an excuset à restitutione donatio vel legatio rei æquivalentis, quando quis debiti immemor tantum creditori donat quantum ipsi debet?

Resp. neg., nisi quod *gratuitò* datur præstetur sub conditione ut satisfiat debito si quod sit. Etenim de-

bitor tenetur ad restitutionem quandiu reverà non restituit: atqui non restituit per donum gratuitum. Nam donatio, sicut ceteri actus libere agentis, non operatur ultra donantis intentionem, atqui donator restituere non intendebat sed donare: ergo.

Obj. Debitor si memoret fuisset delati, dare voluisset: ergo donatio non fuit voluntaria: ergo haberi potest pro solutione.

Resp. neg. consp. Ille non consideratur quid in alia hypothesis factum fuisset, sed quod reipsa evenit, alioquin fore nulli starent contractus gratuiti. Isti solum deficiunt quando deficit id quod dat positive locum contractui.

Dixi, *nisi quod gratuito*... quia ad extinguendum debitum non requiritur in debitore intentio expressa restituendi, sed sufficit intentio generalis solvendi debita sua, si quæ sint.

Hinc qui in juvenilibus annis racemos aut fructus aut alia hujusmodi ignotis dominis subriperunt, cum maturiores facti stipem genis erogant, generalem animum habere debent varia illa damna resarciendi vel debita olim contracta solvendi, ut sic liberentur ab obligatione restituendi.

PARS TERTIA.

DE INJURIA ET RESTITUTIONE IN SPECIE.

Quadruplicis generis distinguuntur bona, nempe bona animi, bona corporis, bona fame et bona fortune. Porro in illis quatuor bonis jus strictum alterius violari potest; ergo in his quatuor bonis fieri debet restitutio. Hinc quatuor capita erunt.

CAPUT PRIMUM.

DE INJURIA ET RESTITUTIONE OB DAMNUM IN BONIS ANIMI ILLATUM.

Bona animi duplicis sunt generis, supernaturalia et naturalia. Supernaturalia ea sunt quæ ad salutem æternam ordinantur, ut fides divina, gratia, virtutes infusæ, bona merita, sacramenta, status pius et religiosus. Naturalia sunt facultates hominis naturales, ut memoria, intellectus, etc.

Quær. 1° an qui læsit alterum in bonis ordinis supernaturalis, illum, v. g., inducendo ad peccatum, vel avocando à virtute, vel imbuendo falsâ doctrinâ, teneatur ex justitiâ ad damnum reparandum?

Resp. 1°: Qui vi, fraude, metu vel alio modo injusto alterum læsit in bonis spiritualibus, vel inducendo... vel avocando.... vel imbuendo.... tenetur ex justitiâ ad reparationem damni illati, scilicet vim ac seductionem tollendo, fraudem et errorem aperiendo, eum inducendo ad penitentiam et Deum orando pro ejus conversione; tùm quia fuit illius damni causa efficax et injusta; tùm quia si reparare tenetur qui alium læsit in temporalibus, à fortiori qui in spiritualibus damnum intulit, eùm bona spiritualia sint temporalibus multò præstantiora: ergo. Hinc qui pravis degenerationibus tùm circâ fidem, tùm circâ mores, tùm circâ disciplinam Ecclesiæ aliquem per hujusmodi vias in-

buit, debet 1° causam damni spiritualis auferre, nempe errorem ex animo decepti evellere docendo veritatem; 2° resarcire damnum spirituale quod seductus passus est, ejus conversioni per se aut per alios allaborando, etiam cum damno vite, quod est inferioris ordinis relativè ad damnum de quo agitur; 3° reparare damnum temporale, quod prævisum fuit vel prævisibile, si deceptus aut tertius aliquid detrimenti subierint. Egregium cā de re exemplum reliquit D. de Fénelon, qui licet bonā fide errorem docuisset, brevi Innoc. XII contrā librum de Placitis Sanctorum non solum statim adhæsit, sed eundem librum solenni mandato proscripsit. Utinam illud imitentur ii omnes qui paucis ab hinc annis in fœdissimos errores impegerunt et eos ubique disseminaverunt!

Resp. 2°: Qui sinè vi, fraude, metu, aliove modo injusto, sed, v. g., consiliis aut precibus aliquem ad malum induxit, tenetur juxtā omnes ex charitate illum ad meliorem frugem reducere. Utrum autem ad id teneatur ex justitiā, non omnes consentiunt. Alii negant, quia scienti et volenti non fit injuria; alii verò affirmant, quia in iis quæ spectant ad salutem animæ, nemo cedere potest jus suum. Magis arridet prima opinio, quia homo, etsi illicitè consentiat peccato, validè agit et renuntiat restitutioni rei supernaturalis; hæc est enim necessaria appendix libertatis humanæ quæ fertur in bonum et malum. Quidquid sit de hac controversiā, cum pro praxi levis sit momenti, eam præmittimus. Nam qui præstiterit ea quæ charitate exiguntur, vix quidquā omittet ex his quæ justitiā debentur.

Hinc nemo non videt in quanta mala se conjiciant corruptores, qui alios ac præsertim juvenes incautos viam criminis edocent, cum difficillimum sit ex eorum animis fatales libidinis sensus deinceps propellere. Ad hoc præsertim attendere debent patres, matres, magistri, et quicumque custodiæ adolescentium præpositi, ne quæ incentivis verbis aut exemplis nimium efficatoribus venenum corruptionis in cordibus pubundis instillet; alioquin participes erunt injustitiæ, si ex officio talia impedire teneantur, vel saltem istius anathematis: *Qui scandalizaverit unum de pusillis istis qui in me credunt, expedit ut suspendatur mola asinaria in collo ejus, et demergatur in profundum maris.*

* *Quer.* 2° an restituere teneatur ille qui sinè justā causā alium ab ingressu in religionem avertit?

Resp. 1°: Si vi, fraude, metu alium avertit à statu religionis, tenetur restituere sive ergā candidatum, vim ac fraudem tollendo et ei suadendo ingressum religionis; sive ergā monasterium, compensando quantum valebat spes commodi temporalis quod ex istius labore vel donatione expectabatur, si candidatus injustè non fuisset abductus. Ratio est quia utrique damnum injustè intulit, cum quisque jus habeat ne viā injustā impediatur à consecutione alicujus boni. Attamen seductor non tenetur ipse religionem vovere, vel alium alterius loco substituere, ut placuit S. Antonino, quia illi divinæ vocationis fortè non habent indicia, et sic potius nocerent quàm prodessent.

2° Si precibus tantum aut consiliis aliquem avertit, distinguendum est: vel avertit novitium vel professum.

Si *novitium*, avocans non tenetur restituere, neque novitio neque monasterio: 1° non novitio, quia scienti et volenti non fit injuria quando ille jus suum cedere potest, ut nemo dubitat de novitio, qui absque alterius injuriā proposito suo renuntiare valet; 2° non monasterio, cum religio jus non habeat ut paratus eam ingredi, precibus aut tantum consilio, ab eo desiderio avocari non possit; alioquin suadens diviti volenti eleemosynam Petro largiri, ut eam potius Paulo eroget, ad restitutionem teneretur: ergò.

Si *professum*, avocans pariter non tenetur restituere neque professo neque monasterio; 1° non professo commoda quibus ille privatus est; etenim his commodis renuntiare liberè voluit et legitime potuit; voluit, quia preces et suasiones non auferunt libertatem; potuit, quia professus non est servus ex justitiā, sed tantum subjectus ex obedientiā: ergò avocans professum non tenetur illi restituere commoda quibus iste fruebatur; 2° neque monasterio damna realia quæ patitur illud ex privatione laboris, industriæ et lucri religiosi. Non magis injusta est causa secundaria quàm causa principalis; atqui professus exeundo, seu causa principalis damni, non facit injuriam monasterio quod privat labore suo, industriā, etc. Nam monasterium nullum aliud jus habebat ad laborem religiosi quàm illud quod iste votis promiserat; atqui in votis promiserat laborem *ex obedientiā*, sed non *ex justitiā*; alioquin superior cogere posset ad restitutionem religiosos qui ultrā necessarium ad suam sustentationem non laborant, quod nemo unquā dixit: ergò; ergò. Undè monasterium habet quidem jus strictum ad lucrum ex labore religiosi proveniens, cum quidquid acquirit monachus monasterio acquirat, sed non habet jus strictum ut religiosos lucrum faciat. In eo differt contractus religionis à contractu servitutis.

Quæres 3° An restituere teneatur ille qui alium injustè læsit in bonis animi naturalibus?

Resp. affirmativè, quia violavit jus quod proximus habet ad bona naturalia, quodque non minùs strictum est quàm jus ad bona externa quæ possidet. Hinc 1° qui veneno, potione, vel alio modo aliquem memoriā vel usu rationis privavit, tenetur curare ista mala, si curabilia sint, et damnum indè secutum resarcire. Hinc 2° qui alteri causa est injusta damni in scientiā vel arte, sive quia illum prohibuit ab earum acquisitione vel usu, sive quia cum ex officio vel pacto teneretur alios docere, notabiliter fuerit in hoc munere incapax aut negligens, sive quia falsa pro veris culpabiliter docuit, tenetur pretium malè comparatum pro ratione suæ ignorantie, negligentie aut malignitatis restituere, falsa quæ docuit revocare, et damna quæ hoc modo intulit reparare. Si autem gratuitè et sinè obligatione pacti vel officii malè doceret ex ignorantia aut negligentia, ordinariè non teneretur ex justitiā ad restitutionem; quia nemo de illius beneficio incompleto conquerendi jus habet. Dixi, *ordinariè*:

namque adesset ex justitia obligatio restituendi, si quis bene docendi etiam gratuito in se suscepisset, vel injuste impediret quominus ab alio recte doceretur alium.

CAPUT II.

DE RESTITUTIONE OB DAMNUM IN BONIS CORPORIS INFLATUM.

Inter bona corporis computantur vita, membra, sanitas, virginitas, ad quam accedit conjugalis castitas. Porro in his bonis læditur proximus, 1° per homicidium, mutilationem, percussionem, etc.; 2° per stuprum; 3° per adulterium. Hinc triplex articulus.

ARTICULUS I.

DE RESTITUTIONE PROPTER HOMICIDIUM, MUTILATIONEM, PERCUSSIONEM, etc.

Quæcumque de homicidio dicturi sumus, servatâ proportionem, dici debent de mutilatione, percussione et aliis hujusmodi. Hæc autem triplici paragrapho absolvemus. 1° A quo homicidio oritur obligatio restituendi; 2° quid restituere tenetur ille qui alium injustè occidit.

§ 1. — De obligatione restituendi ratione homicidii.

Quæres ex quonam homicidio oriatur obligatio restituendi?

Resp. Obligatio restituendi oritur ex omni et solo homicidio injusto et voluntario; nam, ut quis damnum aliquod reparare teneatur, requiritur et sufficit ut illius fuerit causa efficax et injusta; atqui in omni et solo homicidio injusto et voluntario homicida est causa efficax et injusta damni quod inde sequitur: ergo...

Dixi 1°, *ex homicidio injusto*, quo scilicet violatur justitia respectu illius qui interficitur. Hinc qui servato justo moderamine inculpatae tutelæ, injustum occidit aggressorem, ad nullam tenetur restitutionem; iudices qui reum ad supplicium secundum legem justam condemnant, familiam ejus alere non debent; milites qui in bello legitimo hostes occidunt, ad nihil obligantur.

Dixi 2°, *ex homicidio voluntario*, id est, quod expressè et directè volitum est, vel saltem indirectè et in causâ, aliquid agendo vel omittendo, undè prævidetur aut prævideri potest homicidium secuturum. Hinc qui alium occidit sive ex propria voluntate, sive ex alterius iniquo mandato, sive in bello evidenter injusto, omnia damna inde secuta reparare tenetur. Ità qui tempore perturbationis gallicæ ad injustas sententias positivè concurrerunt, vel eas executi sunt, restitutioni obnoxii sunt, etiamsi ab illis iniustus homicidiis abstinere non potuissent sine manifesto vitæ periculo, quia potius moriendum est quam positivè ad mortem innocentis concurrere. Si autem homicidium fuerit omninò casuale, nec ullo modo culpabile, nullam restituendi obligationem inducit.

§ 2. De objecto restituendo ab injusto homicidâ.

Quæres quid restituere teneatur ille qui aliam injustè occidit?

Resp. Antequam respondeatur, notandum est duplex inter damna alteri in bonis corporis: unum naturale, quod est ipsius amissio vitæ, membri aliquis, virginitatis, castitatis conjugalis, et aliud temporale, quod potissimum consistit in suppressione bonorum fortune que damnicatus, servatâ vitâ vel corporis sui integritate, conservasset aut acquirere sperasset. His premisis, statuenus de damno naturali et temporali.

I. De damno naturali.

Aquid omnes inuissum manet, damnum naturale ex justitia reparandum esse si reparabile sit: sic membrum disjunctum in suo loco restituendum est. Sed, cum damnum in eadem specie restitui nequeat, ambigitur utrum reparandum sit per bonum inferioris ordinis, v. g., per pecuniam mutilato vel hæredibus occisi solutas, per æquum honorem exhibitum, per elemosynas aut preces pro animâ defuncti oblatas. Veriter circa hoc punctum disputant theologi. Alii affirmant adesse obligationem illud damnum per bona alterius ordinis compensandi, alii verò negant.

Priores sic arguunt: Læsus in bonis superioris ordinis non est deterius conditionis quàm læsus in bonis inferioris ordinis; atqui læsus in bonis inferioris ordinis habet jus ad reparationem eo modo quo fieri potest: ergò. Et verò tollendi sunt effectus injuriæ, v. g., tristitia, animi dolor; atqui non tollentur nisi fiat aliquis reparatio: ergò... Præterea ideò, juxta adversarios, nulla est obligatio reparandi damna in bonis naturalibus per bona inferioris ordinis, quia vita et membra non sunt pretio æstimabilia; atqui vita et membra, licet non sint pretio æstimabilia quandò secundum se spectantur, pretio tamen æstimantur in ordine ad usus humanos; sic homo potest vendere libertatem, compensare divitiis defectum naturalem: ergò. Insuper æqualitas quæ per restitutionem exigitur, non consistit in naturis rerum, sed in earum rationabili æstimatione, secundum quòd usui humano deserviunt: ergò... Tandem S. Thomas huic sententiæ favere videtur: denique sic tribunalia civilia judicant: ergò...

Postiores sic arguunt: Quæcumque virtus non amplius obligat quando ejus finis nullo modo attingi potest; atqui quando damnum est irreparabile per bona ejusdem generis, finis justitiæ obtineri nequit. Et enim finis justitiæ commutativæ est reddere alteri quod ipsius est; atqui eo in casu alteri reddi non potest quod ipsius est. Nam duplici tantum modo alteri reddi potest quod ipsius est, videlicet reddendo rem ipsam vel æquivalens; atqui neutrum reddi potest: 1° non res, cum sit irreparabilis, ex hypothesi; 2° non æquivalens; tunc redditur æquivalens quando redditur res similis et ejusdem naturæ; atqui evidens est per bona alterius generis æquivalens ita reddi non posse, ergò... Et verò, si justitia obligaret ad restitutionem pecuniariam, determinari deberet quanta pecunia sit restituenda; atqui non determinari potest; nam ubi non datur communis mensura inter ablatum et reddendum, determinari non potest quid sit red-

dendum; atqui nulla dari potest communis mensura inter bona diversi generis: ergo... Præterea ideò, iniquant adversarii, restitutio facienda est per bona alterius generis, quia justitia obligat ad reponendum læsum in eodem statu ac erat antea, non solum quoad rem, sed etiam quoad felicitatem, ita ut justitia intendat restitutionem felicitatis; atqui non est finis justitiæ ut directè obliget ad reponendam personam in eodem statu felicitatis, alioquin facienda esset restitutio pecunie quoties læsa fuisset felicitas proximi, ac proinde omnes virtutes, charitas, obedientia, religio obligarent ad restitutionem, quod falsum: ergo... Equidem fateor justitiam tendere ad felicitatem proximi, mediatè, id est, per redditionem rei, sed non directè, quia primarius illius scopus sistit in æqualitate stabilendâ vel reparandâ. Sic inter multos Lessius, Delugo, Vogler, qui totidem sunt capita maximi ponderis in questionibus juris.

Unam ex illis opinionibus eligere admodum difficile. Sua utrique est probabilitas. Forsan satius esset in tantâ controversiâ aliquid uni et aliquid alteri concedere. Idèò suademus confessariis, patronis cujuslibet sententiæ in hac praxi saltem concordibus, ut suis poenitentibus per modum satisfactionis imponant obligationem quandam faciendi reparationem, vel pecuniâ, si ita permittant circumstantiæ, v. g., si mutilatus inopiâ opprimatur; vel precibus, si illud melius congruat, v. g., si læsus sit dives.

II. De damno temporali.

Certum est eum, qui alium injustè occidit aut mutilavit, teneri ad reparationem damnorum temporarium quæ per se ex homicidio aut mutilatione sequuntur, et quæ prævidit aut prævidere potuit saltem in confuso. Ratio est quia causa est efficax et injusta eorum damnorum.

Dixi 1^o, quæ per se sequuntur... nam si damnum ex homicidio aut mutilatione sequatur tantum per accidens, tunc occisori aut mutilatori imputari non potest. Itaque si mors aut amissio membri sequatur ex negligentia vulnerati vel ex incuriâ medici, occisor aut mutilator damnum indè proveniens reparare non tenetur.

Dixi 2^o, quæ prævidit aut prævidere potuit; alioquin non erit eorum causa culpabilis, ac proinde non adeat obligatio reparandi.

Dixi 3^o, saltem in confuso; quia non necessarium est ut damna specialiter fuerint prævisa.

Ex hac responsione sequitur injustum occisorem aut mutilatorem teneri reparare, 1^o omnes impensas curationi mutilati, vel vulnerati, vel occisi, antè mortem necessarias; 2^o expensas pro funere, si nempe majores sint faciendæ ratione mortis illatæ, v. g., ob magnam distantiam, quàm si domi aut propè domum naturaliter occisus obiiisset; 3^o lucrum cessans aut damnum emergens ex homicidio vel mutilatione; v. g., si occisus aliquo officio fungebatur, census annuos vitalitios recipiebat, artem exercebat undè questum faceret. Hæc autem omnia æstimari debent

juxta judicium viri prudentis, ratione habitâ variarum circumstantiarum; scilicet, 1^o attendendo ad conditionem occisi vel mutilati; an esset dives vel pauper, juvenis vel senex, ad laborem promptus et peritus, vel segnis et inarte imperitus, robusta utens valetudine vel infirma; 2^o attendendo ad tempus quo probabiliter illud lucrum perciperisset, spectatis illius vite probabilitatibus, juxta regulas ab iis traditas qui vitam hominum calculis subjecerunt; 3^o attendendo ad majorem minoremve probabilitatem illius lucri; quia lucri spes non tanti valet quanti ipsummet lucrum præsens. Ut faciliiori modo fiat hæc æstimatio, considerandus est, ait Delugo, status occisi antè mortem; eo tempore iste fingatur vendere spem omnium lucrorum quæ facere solet; tunc juxta hanc spem faciendâ est restitutio. Advertas tamen in eâ computatione deducendas esse impensas probabiles quas læsus fecisset ad vitam sustentandam, vel hæres pro occisi funere naturali subiiisset. Theologi vulgò sentiunt pretium laboris et molestiæ quæ passus esset occisus ad lucrum percipiendum deductibile non esse, tum quia ille labor injustè impeditur, tunc quia libenter et non tanquàm poena sustinetur, tum deniquè quia alioquin plerumquè nulla faciendâ esset restitutio; sæpè enim laboris et molestiæ æstimatio totum adæquaret lucrum.

Hæc occisoris et mutilatoris obligatio ad eorum hæres transit integra pro hereditatis quantitate, etiamsi isti extremo supplicio fuerint addicti; namque hæc obligatio evidenter est realis: porrò nemo diffitetur hæres teneri omnia solvere debita realia quibus hereditas gravatur; non tenentur tamen nisi ratione hereditatis, ac proinde non ultrâ illius vires. Ergò.

Dixi, etiamsi extremo supplicio fuerint addicti; per extremum supplicium satisfit tantum justitiæ vindictivæ et reipublicæ, non verò justitiæ commutativæ et parti læsæ, saltem quoad damna realia; semper enim certum erit illa injustè fuisse illata nec reparata.

§ 3. De iis quibus injustus homicida restituere tenetur.

Quæ. 1^o quibus restituere teneatur qui alium injustè occidit aut mutilavit?

Resp. Certum est restitutionem faciendam esse ipsimet læso vel mutilato, si adhuc supersit. Quando autem defunctus est læsus, controversia movetur utrùm faciendâ sit reparatio, 1^o hæredibus occisi; 2^o illius creditoribus; 3^o his qui ab ipso donationes vel liberalitates accipiebant vel sperabant.

Quæres 2^o an homicida teneatur restituere hæredibus occisi?

Resp. Advertes 1^o damna, quæ ex homicidio sequuntur, alia mortem occisi præcedere, alia eam subsequi. Priora sunt expensæ pro curando vulnere factæ, et lucrum cessans ob impotentiam commercium vel artem vel scientiam exercendi, quandiu vulneratus vivit. Posteriora præsertim coalescunt ex absentia lucrorum quæ fecisset occisus, si tardius morte naturali obiiisset.

Advertes 2^o hæres alicujus esse necessarios vel

voluntarios. Necessarii illi sunt qui, juxta leges civiles, totaliter ab hereditate privari nequeunt: scilicet pater, mater, liberi atque ascendentes et descendentes, qui ideo unam personam moralem cum defuncto efficere censentur. Voluntarii illi sunt qui totaliter ab hereditate privari possunt, sed tamen possunt defuncto succedere sive ab intestato, ut collaterales, sive a testamento, ut extranei.

His præmissis, vel agitur de damnis quæ mortem occisi præcedunt, vel de iis quæ illam subsequuntur.

Si prius, homicida, fatentibus omnibus, tenetur restituere ad æqualitatem omnia damna mortem occisi præcedentia hæredibus, sive necessariis, sive voluntariis; nam hæres quicumque titulo universali succedit in omnia jura defuncti; atqui defunctus jus strictum et acquisitum habebat ad compensationem damnorum quæ mortem suam præcedunt: ergo.

Si posterius, derelictis distinctionibus quas excoGITARUNT theologi inter hæredes necessarios et voluntarios, statuimus absolute: Homicida tenetur, non quidem ad æqualitatem, sed secundum spem lucri, restituere quibuscumque hæredibus occisi, sive necessariis, sive voluntariis, pro lucris quæ fecisset si diutius vixisset. Etenim hæredes titulo universali, quicumque sint, sive necessarii, sive voluntarii, eo ipso quod ad hereditatem vocantur lege aut testatoris voluntate, succedunt absque ulla distinctione in omnia jura defuncti; nulla quippe subest ratio cur ex jure ad unum potius quam ad alium transirent; porro defunctus jus strictum habebat quando moriebatur, ut sibi compensarentur lucri quæ fecisset si diutius vixisset. Id admittendum est, 1^o *ex principiis juris*. Delinctus enim, vel mutilatus, injuste privatus est spe quam habebat acquirendi ea bona aut avertendi damna: sed illa spes erat pretio æstimabilis, adeo ut de illa potuisset contrahere, eamque vendere; ergo ei debetur restitutio, siquidem ei verè damnum illatum est. 2^o *Ex principiis adversariorum*; si læsus non statim fuisset mortuus, sed solum vulneratus, ipsi compensanda essent lucri cessantia et damna emergentia; illud omnes agnoscunt, cum obligent ad reparanda damna mortem antecedentia. Jam verò absurdum videtur malefactorem ad minorem adstringi obligationem, quia statim læsus mortuus est; talis doctrina esset incitamen ad accelerandam mortem læsi, ut sic minueretur obligatio restitutionis. Ratio à priori est, quia ex ipso instanti quo fit læsio, contrahitur obligatio reparandi damna inde sequentia, cum eo instanti ponatur actio damni efficax et injusta: ergo; aliundè: ergo hæredes, sive necessarii, sive voluntarii, jus strictum habent ad restitutionem lucrorum quæ fecisset occisus si diutius vixisset.

Nec obstat quod occisus ea lucria, si diutius vixisset, probabiliter dissipasset; nam ille, quocumque modo usus fuisset bonis suis, eo instanti quo læsus est statim acquisivit jus ad omnia lucria quæ acquisiturus erat; hoc jus quippè independens est ab usu bonorum quem fecisset, siquidem dominus re sua uti et abuti

potest absque alterius injuriâ, idè occisor prodigi qui læsan pinguia lucria devorasset comensationibus, aut ludis, aut committens periculosus, non eximitur ab obligatione ea lucria restituendi istius hæredibus qui fortasse ab eo nihil accepissent, si occisus morte naturali obisset; his enim defunctus omnia sua jura reliquit.

N. B. Hæc quæ diximus, ubi docuimus nullum appendendum esse discrimen inter hæredes necessarios et voluntarios, tantum applicantur hæredibus voluntariis qui ad hereditatem de facto vocantur. Qui enim duntaxat spem habent se ad hereditatem vocandos esse, inter eos computandi sunt qui ab occiso liberalitates accipere sperabant, de quibus infra.

Quæstio 3^a an homicida teneatur restituere creditoribus occisi?

Resp. Homicida, *generatim loquendo*, non tenetur restituere creditoribus occisi. Si enim teneretur restituere creditoribus, maxime esset quia per occasionem privaret illos debitorum solutione quam sperabant ex lucrio probabiliter faciendo ab occiso; atqui homicida illos tali spe non privavit, siquidem ad debita repetenda actionem habebunt contra hæredes quibus restitui debet lucrium ab occiso percipiendum si diutius vixisset, cum ad istos immediate transeant jura et obligationes occisi: ergo. Ea decisio vera esse videtur, etiamsi homicida præviderit creditores solutionem debitorum obtenturos non esse, eo quod isti debitum probare nequeant, vel hæredes malevoli illud solvere nolint. Ratio est quia homines non tenentur nisi de damnis quæ habent connexionem probabilem cum suis actionibus liberis; atqui damnum quod patiuntur creditores in hoc casu probabilem non habet connexionem cum homicidio, siquidem non solet communiter ei adjungi, cum hæredes occisi ordinariè satisfaciunt illius obligationibus, vel quia lege coguntur, vel quia conscientia determinantur; hinc in foro externo non datur creditoribus occisi actio contra occisorem. Ergo. Sic Lessius, Sylvius, Billuart, Collet, Bouvier, etc.

Dixi, *generatim loquendo*, quia non pauci sentiunt homicidam teneri ad restitutionem erga creditores, quando eâ intentione iste homicidium perpetravit ut creditores suo debito frustrarentur. Etenim homines jus strictum habent à naturâ, ne alter dirigat suas actiones animo damnum ipsis inferendi. Sic communiter theologi.

Observatur occisorem aliquandò teneri ex charitate creditoribus potius quàm hæredibus restituere, aut creditores saltem monere se hæredibus restituere, ut isti ab iis solutionem exquirere et obtinere valeant. Ex circumstantiis judicandum erit quandoquàm expediat ita se habere.

Quæstio 4^a an homicida restituere teneatur iis qui ab occiso liberalitates recipiebant vel recipere sperabant?

Resp. Homicida, *generatim loquendo*, non tenetur restituere iis qui ab occiso liberalitates accipiebant vel accipere sperabant. Si homicida teneretur ad re-

stitutionem ergà eos, maximè quia illos injustè impedisset à consecutione liberalitatum; atqui non injustè impedivit.... Isti quidem jus strictum habent ne à beneficio obtinendo arceantur per actiones injustas quæ in collatorem cadunt, quandò illæ actiones ponuntur in ordine ad ipsos donis aut liberalitatibus exspoliandos; sed minimè, quandò illæ actiones alio ponuntur fine, etiamsi prouideatur alios damnum indè passuros esse. Nemo enim jus strictum habet ut alius absteat in suis operationibus ab iis omnibus quæ remotè et per accidens possunt alicui afferre nocumentum: indè sequerentur intolerabilia consecutaria, nempe homicidam qui occidit beneficii collatorem, vel conductorem operariorum, vel invitante ad convivia, teneri ad restitutionem ergà clericos qui beneficia sperabant, vel ergà mercenarios qui sæpè conducebantur ab occiso, vel ergà amicos qui frequenter ad prandium cum defuncto ciebantur, quod communi hominum sensui abundè nauseosum est. Sic præcipuè Molina, Delugo, Lessius, Layman, Haunoldus, Billauart, etc.

Dixi, *generatim loquendo*, quia ex jam dictis homo jus strictum habet ne actiones sibi materialiter damificativas alii dirigant animo nocendi. Ità Delugo, Ligorio, Daelman et ferè omnes.

Quæres 5º utrum injustus homicida liberetur à restitutione faciendà, si defunctus antè mortem remisit omnia damna.

Resp. Vel illa condonatio est remissio offensæ personalis, vel est remissio expressa damni realis.

Si prius, homicida non liberatur à restitutione; tamdiu remanet obligatio restituendi, quamdiu alter habet jus exigendi restitutionem; atqui defunctus habet jus exigendi restitutionem, siquidem tantum deposuit omne odium, spiritum vindictæ aut animum prosequendi malefactorem coràm judicibus; quod omnino diversum est à remissione debiti: ergò... Ità communissimè accipienda est condonatio quam supremà horà faciunt occisi.

Si posterius, homicida liberatur à restitutione, *exceptis strictè debitis*. Tunc cessat obligatio restituendi, cum ille cui fieri debet cedit validè de suo jure; atqui defunctus validè cedit.... Ideò enim non posset validè cedere de jure suo, quia juri et labori suo renuntiare non posset respectu hæredum necessariorum; atqui juri suo et labori renuntiare potest respectu hæredum necessariorum; siquidem non tenetur ex justitià laborare et lucrari pro suà familià. Undè pater piger aut dissipator bonorum suorum in ludis, computationibus, comensationibus, non arguitur injustitiæ, quamvis crudelitatis notam mereatur, et ad restitutionem in jure naturali non obligatur: ergò.

Dixi, *exceptis strictè debitis*, quia invalida esset remissio quæ fieret in fraudem eorum quæ jure stricto alteri debentur, nempe, 1º partis creditoribus obvenientis in solutionem debitorum; 2º portionis hæredibus necessariis lege reservate; 3º alimentorum et similium quæ defunctus præstare tenebatur vel ascendentibus, vel uxori, vel descendentes indigentibus,

juxta art. 205, 205, 206, 207, 208, 209, 210, 211, 214. Hæc ultima dispositio præcipuè intelligenda est quandò agitur de remissione lucrorum acquisitorum quæ fieret detrimento alimentorum, vestium et tectorum præcedentibus egenis debitorum, quia in hæc isti videntur habere jura inconcussa; sed decisio non eandem habet certitudinem, quandò agitur de remissione lucrorum quæ fecisset occisus si diutius vixisset, quia valdè litigiosum est an lex civilis ex justitià coegeret aliquem ad lucrum faciendum pro istius inopi familià, ac proindè an familia jus strictum habeat ad alimenta ex lucris à patre faciendis, et propterea an legitima vel irrita sit condonatio quam faceret occisus, qui ex lucris quotidianis alebat patrem aut matrem, aut uxorem, aut pueros indè in miseriam lapsuros.

Colliges 1º eum qui injustum aggressorem occidit, sivè servaverit justum moderamen inculpatæ tutelæ, sivè non servaverit, ad restitutionem non teneri. Ibi nulla est obligatio restituendi ubi nulla fit injuria injusto aggressori; atqui injusto agressori non fit.....: scienti et volenti nulla fit injuria, quandò jus cedi potest: atqui injustus aggressor est sciens et jus suum validè cedere potest, cum, nemine diffidente, restitutioni damnum renuntiare valet: ergò.

Colliges 2º duellantem occisorem non teneri restituere pro morte duellantis occisi qui prælium singulare provocaverat vel acceptaverat: scienti et volenti nulla fit injuria, quandò jure cedi potest; atqui: ergò.

Cæterum, semper ea excipienda sunt quæ aliis strictè sunt debita, v. g., creditoribus, uxori, liberis, quia defunctus ea validè condonare non potest.

ARTICULUS II.

DE STUPRO.

Stuprum in genere est defloratio virginis extrà matrimonium. Nomine virginis intelligitur in hac questione vel integra virgo, vel honesta vidua, vel puella vitata quæ non cognoscitur ut talis.

In stupro duplex distinguitur damnum, aliud naturale, quod consistit in privatione virginitatis et de quo judicandum est sicut de amputatione membri; aliud reale, quod consistit in amissione spei conveniens matrimonium inveniendi et de quo nunc agitur.

Ut quemdam ordinem teneamus in eo articulo, considerabimus obligationes stupratoris, sivè ergà virginem defloratam, sivè ergà prolem, sivè ergà parentes virginis violatæ. Undè tria sunt querenda.

Quæ. 1º ad quid teneatur stuprator ergà virginem violatam?

Resp. Certum est stupratorem, quocumque modo stuprum fuerit illatum, ad restitutionem ob damnum temporale non teneri ergà virginem aut ejus parentes, si crimen tenebris maneat involutum, quia tunc nullum reipsà sequitur damnum temporale. Necessaria verò est distinctio si crimen jam patuerit; tuncquè dicendum: Stuprum commissum fuit, vel virgine consentiente, vel vi, metu aut fraude in crimen adductà, vel spe matrimonii illectà.

Si 1º, stuprator ad nihil tenetur ergà virginem. Ibi

nulla est obligatio restituti nisi ubi natura fiat in iniuriā; atqui...; scienti et volenti non fit iniuria, quod si de iure suum cedere potest, atqui virgo consentiens erat. 1° Sciens, nulla fuit fraus; 2° Volens, sponte consentit; 3° Jus suum cedere potuit, non quidem eo sensu quod licitum ei fuerit in crimen consentire, sed eo sensu quod poterit renuntiare juri quod habebat ad temporalem reparationem: ergo.

Si 2°, stuprator tenetur erga virginem reparare omnia damna realia quæ exinde sequuntur; nam unusquisque tenetur reparare damnum cuius est causa efficax et injusta; atqui stuprator est causa efficax et injusta... siquidem virgo jus strictum habebat ut talibus modis in crimen sibi damnosum non adduceretur: ergo. Ad metum revocantur preces nimis importune, si præsertim jungantur cum metu reverentia. Unde stuprator tenetur defloratam convenienter dotare vel saltem ducere. Ex duobus illis restituendi modis quem voluerit eligere potest; alteruter sufficit ad reparationem damni; neque tamen stuprata, neque vicissim stuprator ad matrimonium cogi possunt.

Si 3°, vel promissio fuit ficta vel vera, seu vel seductor intendebat bonâ fide puellam ducere vel non. Si promissio fuit ficta, idem est casus ac si per fraudem virginem seduxerit. Tunc enim est fraus quando puella decipitur; atqui per illam promissionem reverâ decipitur puella; ergo adest fraus. Si promissio fuit vera, ad nihil tenetur deflorator; si enim teneretur vel ratione fraudis, vel ratione promissionis; atqui neutrum; 1° non ratione fraudis, siquidem nulla est, cum stuprator bonâ fide intenderet nubere; 2° non ratione promissionis; nam est contractus sub conditione turpi; atqui talis contractus non obligat, etiam adimplētâ conditione, ut ultimo capite probabitur: ergo.

Quer. 2° ad quid teneatur stuprator ergâ prolem?

Resp. Vel puella sponte consensit, vel injuste in crimen fuit adducta.

Si prius, vir et mulier tenentur in solidum prolem nutrire et educare donec ipsa sibi sufficienter providere possit. Sic art. 203 et 303, quibus addendæ sunt annotationes D. Gousset in prædictos articulos: « Le principe indiqué dans cet article est également applicable aux père et mère des enfants naturels légalement reconnus; ainsi jugé par la cour de Paris, le 11 frimaire an XII et le 23 prairial an XIII; par la cour de Toulouse, le 24 juillet 1808; par la cour de Cassation, le 16 novembre 1808 et le 27 août 1811. On doit suivre la même règle pour les enfants naturels qui ne sont point reconnus. Le père ou la mère d'un enfant naturel, même incestueux ou adultère, sont solidairement obligés en conscience, suivant leur facultés et moyens, de concourir à son éducation, dès le moment de sa naissance jusqu'à ce qu'il puisse se suffire à lui-même. » Quid hæc explicatio conformis voto naturæ et communi hominum existimationi? nemo est qui non sentiat munus quod parentes, prolem suscipiendo, sortiuntur, perfectius esse quam officium ab istis aut domesticis, aut nutricibus, aut magistris commissum; unde pater et mater ex justitiâ

tenentur, si non tunc naturali, quod non expendimus, sed tunc juri potius, prohi. nutriendæ vel educandæ providere: ergo.

Si posterius, solus vir tenetur, primo loco, prohi. nutrire et educare, quia tunc est causa principalis stupri; sed mulier tenetur, secundo loco, et vir, defectu, etiamsi nullam culpam admiserit fraudi cedendo, quia non desinit esse mater infantis, in hoc ultimo caso, puella servat recursum contra suum corruptorem, qui ad totum damnum refundendum tenetur. Si forsan puella sui sexûs abiciens verecundiam, juvenem ad stuprum viis injustis sollicitaret, ipsa teneretur primo loco de damno reali, nempe de sumptibus alimentariæ et educationis proli. Juvenis hoc onus secundo loco non nisi et defectu matris assumeret.

Hinc parentes qui prolem in xenodochio exposuerunt, tenentur, nisi verè sint pauperes, omnes impensas nutritionis et educationis xenodochio restituere. Sic fert sententia communis, ex praxi hospitiorum restitutionem pro talibus sumptibus exigentium, quia xenodochia, non in gratiam parentum qui solvere possunt, sed in gratiam infantum expositorum, instituantur. Ut autem determinetur quantitas restitutionis faciendæ, an proles vixerit vel mortua sit sciscitandum est; ad hæc documenta obtinenda satis erit indicare diem quâ proles exposita fuerit, sexum infantis, et maximè notas distinctivas quas à naturâ impressas vel à parentibus religatas puer secum attulit; ista indicia accuratè describuntur ab iis qui infantes expositos recipiunt. Tunc, si vixerit proles, restituendæ erunt impensæ tum apud nutricem tum in ipso xenodochio factæ usque ad annum duodecimum, quo puer potest laborare ad lucrandum quod victui et vestitui necessarium est: ille impensæ sunt circiter 1200 francorum. Si proles mortua sit, solvendi erunt sumptus à die expositionis usque ad diem mortis ejus. Si verò incertum sit an proles adhuc vivat necne, restitutio faciendâ æstimabitur secundum probabilitates mortis et vitæ pro hujusmodi infantibus. Cum igitur experienciâ constet vix sextam eorum partem ad duodecimum ætatis annum pervenire, idèò xenodochio 200 circiter francos restituere sufficiet, qui sunt sexta pars 1200 francorum.

Obj. Xenodochia maximè instituuntur ad præcavenda infanticidia; atq. non obtineretur ille finis si faciendâ esset restitutio pro infantibus expositis: ergo.

Resp. neg. min. Nam si parentes sunt divites, non multum impelluntur ad crimen infanticidii metu restitutionis; si autem pauperes sint, tunc obligatio restituendi, non valdè ut concedimus, urgenda est. Deniquè cum hæc ratio non sit omnino peremptoria suadebimus confessariis ut potius leniores quam rigidiores sint in usu nostræ opinionis.

Quæres 3° ad quid teneatur stuprator ergâ parentes virginis defloratæ?

Resp. Vel puella vi aut fraude in crimen fuit adducta, vel plenè et liberè in crimen consensit.

Si prius, stuprator tenetur restituere omne damnum temporale quod experiuntur parentes, in eo quod debeant filie dotem augere ut ea convenienter possit

nubere, quia jus strictum habent ne puella injustè impediatur à contrahendo matrimonio secundum suam conditionem : ergo.

Si posterius, non omninò certum est stupratorem teneri ad solvendum parentibus augmentum dotis quod isti constituunt ut puella deflorata juxta suam conditionem nubere possit. Alii affirmant, quia stuprator violavit jus strictum quod parentes habebant ut filia sua convenienter nuberet. Alii verò negant, quia puella de qua agitur, sive nulli nubat, sive matrimonium inconveniens ineat, non peccat contra justitiam ergà parentes; ità nubendo, ipsa sola, non autem parentes, ex incommodis talis matrimonii patitur; undè stuprator nullam eis debet restitutionem. Sic Billuart, cujus opinio gravioris est ponderis.

Observa tamen stupratorem teneri ad satisfactionem honorariam ergà parentes stupratæ puellæ, sive ea consenserit, sive vi aut fraude oppressa fuerit, quandiu sub eorum custodiâ erat; quia tunc violavit jus custodiæ quod illi in eam utpotè minorem habebant; hæc autem satisfactio honoraria consistit in petitione veniæ, vel humili sui submissione, vel aliquâ notâ pœnitentiæ, vel honoris exhibitione, vel aliis hujusmodi, prout insinuant circumstantiæ, quia sæpè isti tantâ apprehenduntur indignatione, ut corruptoris presentiam æquo animo ferre non soleant; tuncque signa doloris, preces, eleemosynas, missas offerre pro eis consulendum est. Si verò puella quæ deflorata fuit jam sub potestate parentum aut tutorum non esset, quia scilicet evasit major, ad nihil ergà eos teneri stuprator; tunc enim non censetur ullo modo jus strictum eorum violasse.

ARTICULUS III.

DE ADULTERIO.

Adulterium in genere significat accessum ad alterius forum, seu commercium cum personâ alteri conjugatâ. Hic agitur tantum de commixtione carnali mulieris conjugatæ cum altero viro, quia ab eo solo oriri solet damnum quod potest esse objectum restitutionis. In isto adulterio duplex distinguitur damnum, aliud naturale quod consistit in violatione fidei conjugalæ quæ alteri conjugi debetur; jam hoc satis intelligitur ex iis quæ diximus ubi de damno naturali ab homicidâ vel stupratore illato; aliud reale quod consistit in eo quòd proles indè suscepta ex bonis mariti cum filiis alatur, educetur, dotetur, et in hæreditatem admittatur. Agendum est de illo solo.

Quær. 1° an adulter et adultera teneantur in solidum reparare damnum quod sequitur ex adulterio?

Resp. Triplex casus circà adulterium fingi potest; vel nulla proles indè nata est, vel nata est proles, vel dubium et utrùm proles sit legitima an adulterina.

1° Si nulla proles ex adulterio nata sit, vel conjux mulieris adulterantis adulterium cognovit, vel ignoravit. Si prius, injuria illi conjugi illata reparanda est per aliquod medium, judicio viri prudentis, observan-

do non tam restitutionem quàm satisfactionem honorariam pro talibus injuriis deberi. Si posterius, ad nihil omninò tenetur adulter, quia satisfactio magis noceret quàm prodesset.

2° Si nata sit proles, adulter et adultera, quando crimen ex mutuo consensu peractum est, tenentur in solidum et æqualiter pro suâ parte ad compensanda omnia damna marito, vel filiis legitimis, vel hæredibus, exindè advenientia; 1° in solidum; ambo influunt efficaciter in totum damnum, adeò ut, uno sublato, damnum non fuisset illatum; 2° æqualiter pro suâ parte; uterque causa est æquè principalis damni. Si tamen adulter, ad obtinendum adulteræ consensum, ipsi acceptanti, promiserit se omnia damna esse compensaturum, vel si eam induxerit in adulterium per vim, fraudem, metum gravem, tunc tenetur de toto damno, mulier verò nonnisi in ejus defectum; adulter enim in his casibus, utpotè consulens simul et exequens, est causa magis principalis adulterii et damnorum indè subsequentium, censeturque in se suscepisse obligationem omnia hæc damna reparandi.

3° Si dubium sit an proles sit mariti, an verò adulteri, tunc tenentur adulter et adultera restituere marito, filiis legitimis aut aliis hæredibus, ratione majoris vel minoris dubii. Vel enim tenentur ratione... vel admittendum est quòd maritus innocens totum subeat onus alendæ et educandæ prolis quæ fortè sua non est; atqui illud est ab æquitate alienum: si enim duo vel plures sagittas projecissent in aliquem qui indè occisus fuisset, et dubitetur ex cujus sagittâ fuerit occisus, omnes docent eos teneri de damno pro ratione dubii, et iniquum fore si unus immunis esset à damno reparando: ergò à pari in casu præsentis. Nec obstat quòd in dubio proles præsumatur legitima: hæc enim præsumptio est tantum in favorem filii donec probeatur spurius, minimè verò adulteri qui posuit actionem de se damnificativam.

Quæres 2° in quo consistat damnum ab adulteris reparandum?

Resp. Totum illud damnum ad tria potissimum revocari potest, scilicet 1° ad sumptus pro enutritione et educatione prolis adulterinæ factos; 2° ad hæreditatem quam spurius loco filiorum legitimorum accepit vel accepturus est; 3° ad donationes et liberalitates à consanguineis vel amicis mariti aut adulteræ collatas spurio qui putabatur legitimus. De his tribus tres subsunt quæstiunculæ.

Petit 1° quid restituendum sit pro enutritione et educatione prolis adulterinæ?

Resp. Vel proles exposita fuit in xenodochio, vel in quâdam familiâ vixit supposita. Si prius, ratiocinandum est de illâ sicut de prole quam stuprator exposuit. Si posterius, difficillimum est determinare quantitatem compensationis faciendæ. Attendendum est, sive ad conditionem familiæ, quæ proli adulterinæ educandæ impendit majores sumptus si sit nobilis aut dives, vel minores aut ferè nullos si pauper sit aut eorū negligens paternæ: sive ad qualitatem filii adulterini, qui, forsitan ratione suæ complexionis debilis

aut tarditate sui ingenii causa fuit majorum impensarum quam alii filii legitimi, vel aptitudine et valetudine sua absque mora pervenit ad officium valde lucrative, unde cognatorum putativorum fortuna crevit aut amplificata fuit. Vir prudens hæc omnia æstimabit et æquam summam restituendam statuet.

Petitur 2 quid restituendum sit pro hereditate quam loco filiorum legitimorum spurius accepit vel accepturus est?

Resp. Si spurius aut spuria jam hereditavit cum aliis filiis legitimis, valor partis quam obtinuit refundendus est filio legitimis vel aliis heredibus qui eam perciperent. Si autem spurius aut spuria nondum partem habuit in hereditate, tunc adulter et adultera restituere debent, non totum damnum quod filii legitimi aut heredes paterentur si proles adulterina jam hereditavisset, quia incertum est an patri putativo supervictura sit; sed proportionatè ad diversos gradus probabilitatis vite aut mortis ejus, ratione habitâ illius ætatis et complexionis secundum judicium viri prudentis.

Petitur 3 quid restituendum sit pro iis quæ consanguineis mariti vel adulteræ dantur aut legantur spurio, quia reputatur legitimus, cum ea nec data nec legata fuissent si nota fuisset ejus illegitimitas?

Resp. Quidam affirmant cum Molinâ, adulterum et adulteram teneri ad restitutionem eorum quæ sic dantur, quia vera sunt causa cur donatores donationes faciant cum errore circa personam, ac proindè disponant de re suâ contrâ suam voluntatem; quo casu donationes nulle sunt et ad donatorem revertere debent. Alii verò probabilius negant post C. Delugo, adulterum et adulteram ad illam restitutionem obligari: de damno enim quod per accidens et præter eorum intentionem evenit, non tenentur; atqui tales sunt suprâ dictæ donationes; eas saltem ordinariè nec prævident nec prævidere possunt adulteri; deceptio igitur per accidens evenit ac proindè ipsis imputanda non est: ergò. Dixi, *ordinariè*, quia principium Molinæ nobis videtur rectum et suam habere applicationem, v. g., quandò mulier prævidere potuit filium spurium quasdam donationes accepturum esse.

Nec dicas ab adulteris saltem in genere prævideri posse futuras esse donationes, ac proindè restitutionem faciendam esse ob illam generalem prævisionem. Urgenda non est comparatio inter adulterum et possessorem malæ fidei. Possessor malæ fidei tenetur de casibus fortuitis, quia cadunt in rem determinatam et non sese extendunt ultrâ perditionem, aut deteriorationem rei detentæ. Ubi autem agitur de donationibus quæ proli adulterinæ fieri possunt, casus fortuiti non cadunt in rem determinatam; undè illi casus utpotè indefiniti et in infinitum multiplicabiles, prævideri non censentur.

Quæres 3 quandonam adulter et adultera damnum reparare teneantur?

Resp. Vel damnum jam illatum est, vel non. Si prius, damnum statim reparandum est sicut quodlibet aliud damnum. Si posterius, distinguendum est:

si adulter sit menti proximus, rem eo modo deservire debet quo debet restitui fieri. Itaque optimum erit illi suadere ut vel ipse statim restituat secundum probabilitates vite humane, vel possit summam reparando damno destructum committit viro posito et prudenti, cui suam mentem aperit. Ille, cum tempus erit, restituit nomine defuncti. Si vero mors non imminet, debet quidem adulter habere propositum, totum damnum rescuendi, si proles illegitima de facto hereditatem patris putativi et aliorum propinquorum injustè obtineat; sed potest differre restitutionem pro hereditate, præsertim si mors infantis spurii probabilis appareat; nam, cum istud damnum nondum fuit illatum, nondum urget obligatio illud reparandi. Cautiones tamen illi consulende sunt ne restitutio omitatur si ipse ante prolem moriatur.

Quæres 4 quomodò adulter et adultera damnum reparare possint?

Resp. Adulter nullam experitur difficultatem in modo quo damnum reparare debet. Cum autem adultera sit in casu particulari, nempe constituta sub potestate et administratione mariti, quædam speciales occurrunt difficultates. Ad eas resolvendas distinguimus: mulier, aut dissoluta, aut durante communitate, restituere debet; si dissoluta communitate restituere debeat, ex bonis ipsius restitutio facienda est; si verò durante communitate facienda sit restitutio, hoc est decisionis principium: ea restituere debet ex solis bonis quorum dominium et liberam administrationem habet. Quod si illa bona non sufficiant ad restitutionem, tenetur 1° rem familiarem diligentius administrare; 2° de cultu corporis sui et cæteris sumptibus sibi aliàs permissis detrachere; 3° patri putativo suadere, sed quàm prudentissimè, ut filiis legitimis plus tribuat quàm illegitimo, si id permittant locorum leges; 4° filium spurium prudenter inclinare ad statum cœlibem, aut religiosum, aut ecclesiasticum, si præ se ferat signa divinæ vocationis, ut post illius mortem bona quæ illegitimè obtinuit ad hæredes legitimos redeant.

Nota. Si mulier his aut similibus modis non possit sufficienter pro parte suâ restituere, adulter debet supplere, et totum illius defectu solvere, siquidem ad hoc in solidum tenentur.

Sed quid faciendum mulieri quæ similibus modis damna hæc compensare non potest? teneturne ad indicandum crimen suum?

Resp. neg. Saltem communiter loquendo. Si cui mulier teneretur manifestare crimen suum, esset vel marito, ut ab eo condonationem obtineret, vel spurio, ut hereditati renuntiaret; atq. neutri; 1° non marito, quia ex hujusmodi revelatione vix aliud sequitur quàm infamia mulieris, dedecus prolis illegitimæ, odium, contemptus et furor mariti, gravissimum scandalum societatis christianæ et perpetua divisionum radix in familiâ; porrò, obligatio reparandi damnum temporale non urget cum dispendio honorum altioris ordinis: erg. 2° Non filio, quia hæc revelatio inutilis esset, cum filius matri turpitudinem

suam alleganti non credet, aut si credat vix probabile est quòd ita perfectus sit ut solo justitiæ amore renuntiet hereditati quam tutò in foro exteriori retinere potest : erg. Innoc. H ec de re consultus sic decidit. c. 9, de pœnit.

Dixi, communiter loquendo, quia mulier in quibusdam casibus crimen suum manifestare debet : scilicet, 1° Si jam antea bonæ famæ nomen amiserit, modò exinde grave nocumentum non timeat; 2° si spurius regno vel pinguissimo majoritatu succedere debeat cum detrimento legitimi hæredis, quia bonum inferioris ordinis ita aliquandò notabile est ut in communi hominum estimatione bono altioris ordinis æquivalet; 3° si adultera spurio facilè demonstrare possit, v. g., ex mariti absentia vel impotentia ipsius, illegitimos esse natales, dummodò spurius prævideatur dispositus ad renuntiandum rebus acceptis vel accipiendis titulo hæredis. Hic casus rarissimus est quia spurius, ex regulâ juris : *Alleganti suam turpitudinem nulla debetur fides*, ferè nunquam matri suum crimen confitenti credere tenetur; ista quippè ex odio unius vel ex dilectione alterius agere præsumitur; quòd si verò mater sit probæ fidei, recte conscientie, æqualis regiminis ergà pueros, remque cum juramento affirmet in liminibus mortis constituta, ejus spurius testimonio stare debet; vulgò tamen spurius ex principiis card. Delugo tantum matri credere tenetur, quandò ista probat suum crimen rationibus quæ sufficerent in foro externo.

CAPUT III.

DE INJURIA ET RESTITUTIONE OB DAMNUM ILLATUM IN BONIS FAMÆ.

Ad cognoscendum quodnam damnum illatum sit circa bona famæ, tria discernenda sunt, nempe existimatio, fama et honor. *Existimatio* est quoddam judicium internum de vitâ, moribus et qualitatibus alicujus personæ, v. g., de virtute, vitio, ingenio, scientiâ, eloquentiâ, aptitudine, auctoritate, potentiâ et similibus quæ hominem efficiunt laudibus aut vituperiis dignum; *fama* est manifestatio externa bonæ vel male existimationis; *honor* est testimonium externum reverentiæ alicui præstitæ ob illius excellentiam in aliquo genere. Unde existimatio, fundatur in qualitatibus personæ, fama in existimatione, et honor in excellentiâ habitâ vel suppositâ. Bonæ existimationi opponitur judicium temerarium, famæ detractio, et honor contumeliæ.

Igitur ordinem naturalem sequendo agere debemus primò de judicio temerario, deindè de famâ et ultimò de contumeliâ. Sed prævaluit in scholis istius ordinis inversio ut procederetur à minùs noto ad magis notum : quapropter dicemus, 1° de detractioe quæ famam externè lædit; 2° de contumeliâ, quæ lædit honorem; 3° de judicio temerario, quo fama internè læditur.

ARTICULUS I.

DE DETRACTIONE.

Nemo ignorat quantum hæc materia in praxi utilis

sit tum confessariis, tum præconibus verbi divini. Hic breviter dicemus, 1° de naturâ detractiois; 2° de peccato detrahentium; 3° de peccato audientium detractioem; 4° de restitutione famæ per detractioem ablata.

§ I. De naturâ detractiois.

Quæres 1° quid sit detractio?

Resp. Detractio est famæ proximi extinctio, vel imminutio injusta, eo absente, dictis aut signis facta.

Dicitur 1°, *famæ proximi extinctio, vel imminutio*. Sic propriè non detrahit qui de vitiis alterius loquitur cum iis qui jam hæc noverunt, etsi peccare possit si hoc agat ex pravo fine vel affectu.

2° *Injusta*, quia ob justam causam licet proximi culpam alteri manifestare, servatis tamen charitatis legibus in Decalogo sapienter expositis.

3° *Facta, absente proximo*, ut distinguatur à contumeliâ quæ est injusta honoris violatio facta præsentì et scienti.

Quæres 2° quomodò dividatur detractio?

Resp. Detractio multiplex est pro variis ejus respectibus.

1° Ratione intentionis, dividitur in formalem et materialem. Detractio formalis est ea quæ fit cum animo alicui nocendi vel saltem prævisione famam ejus minuendi; materialis est ea quæ fit ex loquacitate, animi levitate ac sinè prævisione nocumenti.

2° Ratione materiæ circâ quam versatur, detractio dividitur in directam et indirectam.

Detractor directè proximi famam lædit cum ejus defectus aperit : quod fieri potest quadruplici modo, nimirum, 1° falsum crimen imputando, tuncque calumnia est; 2° verum crimen amplificando; 3° occultum revelando; 4° alterius factum sinistrè interpretando. Hæc versiculo sequenti continentur :

Imponens, augens, manifestans, in mala vertens.

Detractor indirectè famam alterius lædit, cum imminuit ejus præclaras dotes; hocque pariter fieri potest quadruplici modo : 1° negando laudabiles proximi actus aut eximias ejus dotes; 2° illos actus, vel dotes extenuando; 3° hæc eadem reticendo, præsertim in iis circumstantiis in quibus sinè alterius injuriâ sileri non possunt; 4° frigide, vel simulatè laudando. Hæc quatuor sequenti versiculo exprimuntur :

Qui negat, aut minuit, reticet, laudatve remissè.

3° Ratione mediorum quibus perpetratur, detractio dividitur in verbalem, quæ fit vivâ voce, et in scriptam quæ fit libellis mordacibus, picturis derisum aut contemptum moventibus, cantilenis injuriosis necnon historiis quibus describuntur occulta alicujus vitia. Errant procul dubio qui putant detractioem non esse cum persona non nominatur. Satis est ad detractioem quòd circumstantiæ notitiam persone adducant. Ultimè hoc detractiois medium est omnium gravissimum, quia per illud infamia longius spargitur et difficilius aboleri potest.

4° Ratione personarum de quibus detrahitur, detractio diversa est, prout attingit communitates aut personas privatas, superiores aut aequales, religiosos aut

seculares. Non multum curatur an detractio cadat in mortuos vel viventes, quia mortui non minus retineant juris in famam suam quam ipsiusmet viventes; homo enim post mortem suam conservat principium juris seu animam, ac proinde jus ad bona quæ anima possideri possunt, ergo et ad famam.

§ 2. — *De peccato detractum.*

PROPOSITIO. — *Detractio est peccatum mortale ex genere suo.*

Prob. 1^o Prov. 24, 9, 21: *Abominatio hominum detractor.... cum detractoribus non commiscearis.* Psal. 56, 5, de maliciis sic habetur: *Dentes eorum arma et sagittæ, et lingua eorum gladius acutus.* S. Paulus, Rom. 1, 38, detractores recenset inter eos qui *digni sunt morte.* Idem habet 1 Cor. 6, 40. S. Jacobus, Epist. c. 4, 11: *Qui detraxit fratri detraxit legi.*

2^o Idem constat ex SS. Patribus. Vide S. Cyr. epist. 52 ad Antonianum, et S. Bern. tract. de interiori Domino, cap. 42. Notissimum est in hac parte studium S. Augustini qui, referente Possidonio in ejus vitâ, distichum hoc ad suam mensam scripserat:

*Quisquis amat dictis absentium rodere vitam,
Hanc mensam vitæ noverit esse sibi.*

3^o Ratione. Illud peccatum est mortale ex genere suo quod graviter ledere potest, remanendo intra limites suæ speciei, charitatem et justitiam; atqui ita detractio.... 1^o Charitatem; nemo dubitat quin detractio gravis graviter proximum ledat ac proinde graviter adversetur præcepto: *Alteri ne feceris quod tibi fieri non vis.* 2^o Justitiam; facile intelligitur quod innocens jus habeat ne ob detractum pro reo traducatur: sed difficilior quidam illud concipiunt, cum ille de quo detrahitur vere criminis reus est. Nihilominus placet nobis ea explicatio: proximus jus habet ad famam quandiu publicum non est illius crimen, si non ratione virtutis quam non habet, saltem ratione possessionis legitimæ, nempe bonæ existimationis quæ illi utilis est et nemini noxia: ergo.

Dixi, *ex genere suo*; nam detractio fieri potest venialis ob levitatem materiæ, quando scilicet leviter alterius fama leditur, siquidem læsus tunc non est graviter invitatus; imo detractio omni vacat peccato, si quis justam habeat rationem defectum alterius manifestandi; utilitas publica, cui subordinantur omnia privatorum bona, non minus exigit ut defectus proximi revelentur justâ de causâ, quam occultentur cum abest legitima necessitas. Itaque ad hæc intelligenda duo supponuntur expendenda.

Quæres 1^o quandomodo gravis censeatur materia detractum?

Resp. Materia detractum toties censetur gravis, quoties aliquid revelatur alteri valde probrosum. Parvi refert an defectus alteri probroxus sit peccaminosus, v. g., adulterium, vel naturalis, v. g., morbus santicus, vel parentibus proprius, v. g., improbitas patris vel libido matris. Ut autem cognoscatur aliquid alteri valde probroxus esse, attendendum est 1^o ad qualitatem personæ detractum, si gravis sit et discreta,

aut parva et levis, quæ quæ majorem metatur fidem quam altera, ac proinde certius facit detractum quæ ab ipsâ originem ducit. 2^o Ad conditionem personæ de qua detrahitur, si sit religiosa aut laica, superior aut inferior, nobilis aut plebeia, quia quædam personæ parum æstimationis deperdunt unde alia multum; sic dicere de milite cum duellasse, aut verba imprecatoria protulisse, aut vanis amoribus favere, etsi hæc omnia sint peccata mortalia, detractio gravis non censetur; dum è contrario dicere de Episcopo, aut Sacerdote, aut Religioso eum vanitatis, ambitionis, mendacis consuetudine teneri, etsi forsitan illa peccata sint venialia, gravis habetur detractio. 3^o Ad circumstantias locorum, multa enim sunt quæ, quævis in se gravia, graviter, saltem ubique, non infamant, ut ebrietas in Germaniâ, aut Belgio, ubi communis est. Nollem tamen in regionibus nostris hæc ita extendere ut à mortali excusentur semper qui de milite diceret quod scortetur, de juvene quovis quod libidinosus sit, de quâvis muliere quod rixetur, de quovis plebeio quod (si ita sit) illegitima fuerint ejus natalia, quasi ordinariè in istis similia parvi pendantur.

Quæres 2^o quænam sint causæ quæ licitam faciunt manifestationem criminis aut defectûs alterius?

Resp. Auctores ad quadruplicem classem causas justas manifestationis referunt. 1^o Est Religio; licitum est scilicet detegere crimen quod tendit in detrimentum Religionis quando timendum est ne suboriatu Religionis detrimentum nisi crimen reveletur. Nemo dubitat quin, si quis falsas doctrinas spargat, illum manifestare liceat, ut fidei fidelium provideatur. 2^o Est Justitia: sic judex potest, ad puniendum reum, crimen denuntiare, et privatus zelo justitiæ ad judicem crimen occultum deferre. 3^o Est charitas; quando videlicet utilis est manifestatio ad bonum vel delinquentis vel aliorum qui, nisi fieret revelatio criminis, damnum paterentur. 4^o Est necessitas; nempe quando manifestatio necessaria est, sive ad damnum proprium averendum, sive ad petendum consilium auxiliumve, sive ob alia ejusmodi motiva.

Hinc à peccato exsulant, 1^o illi qui superiores, aut patres familiæ monent de subditorum, filiorum, aut famulorum vitiis, ut eos reprehendant aut coerceant; 2^o qui medici, advocati, confessarii, magistri, aut famuli inscientiam, aut pravitatem, detegit iis quorum interest ista cognoscere; 3^o qui juvenes admonet de vitiis quorundam sciorum, ut periculosam eorum societatem fugiant; 4^o qui crimina publica in historiis consignant ad bonum commune et horrorem vitii injiciendum et veritatem factorum conservandam pro instructione posterorum: sic egit Scriptura sacra cum posteris legenda tradidit scelera Cain fratricidæ, Loth cum propriâ filiâ incestuosi, David adulteri, Absalon rebellis, Amnon sororem deflorantis, etc., etc. In his tamen omnibus cave, ut decet christianum, ne crimen plus aut pluribus detegatur quàm necesse est ad malum depellendum.

Ut hæc principia magis ac magis elucescant, quædam dubia proponuntur solvenda.

Primum dubium : An et quatenus peccet qui occultum alterius crimen uni soli viro prudenti manifestat quem probè scit non evulgaturum?

Resp. A mortali peccato excusant eum Cajetanus, Navarrus, Corduba et multi alii, quia arbitrantur amissionem bonæ exstimationis apud unum hominem esse modicum nocumentum. Sed communiùs et rectiùs dicunt theologi peccare mortaliter eum qui absque justà causà revelat etiam uni soli viro prudenti gravem defectum alterius, quia plerique mallent suum defectum revelari octo vel decem hominibus quàm uoi, cui peculiariter desiderant placere, et apud quem exoptant benè testimari. Addunt tamen isti gravem saltem abesse culpam in pari revelatione, cum ea sit animo inveniendæ consolationis et doloris imminuendi, modò non subrepat animus vindictæ, nec nimis exaggeretur injuria recepta; quia, inquit Billuart, nimis esset grave et ab humanà consuetudine alienum, aliquem obligare ad excoquendum absque ullo solamine totum injustitiæ dolorem. Læsus non tenetur cum tanto incommodo parcere famæ alterius qui ipsi injuriam intulit.

Secundum dubium : An et quatenus peccet qui occultum alicujus crimen se ab aliis audivisse narrat, absque propriâ confirmatione nocendique proposito?

Resp. 1° : Si tales concurrant circumstantiæ ut moraliter certum sit non credituros esse eos coram quibus narratur crimen, non timenda culpa mortalis, quia abest periculum notabilis damni.

2° Si tales concurrant circumstantiæ ut narratio per se quidem fidem non mereatur, sed prævideatur alios ex animi levitate credituros esse, non peccatur contra justitiam, sed benè contra charitatem. Ratio *prioris*, quia cum audientes non ex pondere narrationis, sed ex animi levitate fidem adhibeant, narranti tanquàm causæ principali non potest adscribi infamia indè resultans. Ratio *posterioris*, quia præbet alteri occasionem alicujus bonam opinionem abijcendi.

3° Si tales concurrant circumstantiæ ut narratio suoque pondere fidem apud audientes mereatur, contra justitiam peccatur, quia ponitur absque ratione sufficienti actio alteri damnificativa.

Tertium dubium : An mortale sit de quâdam communitate aliquod infandum alteri revelare?

Resp. Vel agitur de communitate religiosâ, vel de profanâ. Si de religiosâ, sæpissimè peccatum est mortale aliquid infandum revelare, tum quia detractio redundat in religionem, tum quia membra hujus ordinis, ob conjunctionem quâ sibi invicem devinciuntur, singula propriam habent injuriam alteri factam. Si de profanâ, vel est numerosissima, vel pauca numero. Si prius, non videtur lethaliter peccaminosa narratio criminis, vel defectus ab uno admissi, quia ubique nonnulli inveniuntur perversi; quare societas, de cujus membro detrahitur, vel nullum vel nonnisi parvum patitur detrimentum. Si posterius, detractio graviter peccaminosa est, cum aliquid maximè odioso manifestatur de quodam membro parvæ communitatis, quia detractio in quâdam tantum resili-

personas, et indè graves suboriuntur contrà illas suspiciones.

Quartum dubium : An mortale peccatum sit aliquem de uno crimine infamatum de alio infamare?

Resp. Vel crimen occultum habet affinitatem cum crimine de quo est infamia, vel non.

Si *primum*, non peccat contrà justitiam qui crimen affine detegit ei qui principale cognoscit. Ratio est quia non censetur nova infamia inferri, nec prior augeri; v. g., si de homine publicè ebrioso dicas eum cum uxore rixari, verba imprecatoria proferre, non rectè curare rem familiarem, etc., non multum auges primam infamiam quâ jam dedecoratur.

Si *secundum*, peccat contrà justitiam qui crimen occultum alteri crimini de quo est infamia non affine nec connexum detegit. Ratio est quia injustè inferitur ei nova infamia gravis; fama enim est quid divisibile, partibus diversæ rationis constans, quarum si una auferatur, superest altera, proindèque jus ad illam conservandam. Hinc graviter peccat contrà justitiam qui de publico ebrioso dicit quòd adulterium, furtum, etc., commiserit.

Quintum dubium : An mortale sit peccatum aliquem in quodam loco infamatum in alio infamare?

Resp. Vel crimen est notorium notorietate juris, vel tantum notorietate facti.

Crimen est notorium, 1° notorietate juris, quando constat per sententiam judicis; 2° notorietate facti, quando patratum est coram multis, adeò ut non possit quâque cautione celari, vel quando sat personis innotuit, ut moraliter impossibile sit quòd non deveniat in cognitionem communitatis.

Si prius, qui revelat ubivis locorum et temporum crimen alicubi notorium *notorietate juris*, neque violat justitiam, neque charitatem. 1° Non justitiam; nam is non violat justitiam qui non violat jus quod alter habet ad famam: atqui revelans ubivis locorum et temporum crimen alicubi notorium notorietate juris non violat jus alterius, siquidem judex potuit et voluit damnato auferre jus ad famam ubivis locorum et temporum: potuit; nam potest auferre bona vitæ et fortunæ: ergò et famæ: voluit; nam sententiam fert publicam, et publicæ executioni jubet eam mandari: ergò. 2° Non charitatem; ille non ledit charitatem qui agit secundum intentionem legis et boni publici: atqui ita divulgans crimen notorium notorietate juris; nam intentio judicis et boni publici postulat ut viri sceleratissimi cognoscantur, ad alios metu infamiæ à crimine committendo deterrendos: ergò. Aliud esset si ex judicis intentione sententia restringi deberet ad quorundam tantum notitiam, ut fit in decisionibus pœnalibus monasteriorum et collegiorum. Non ideo licet crimen foris notum facere, quia talis non est intentio superioris.

Si posterius, id est, si agatur de crimine notorio *notorietate facti*, vel diffamatio fit in locis ad quæ mox et verisimiliter cognitio criminis per aliam viam perventura est, v. g., per commercia et alias relationes; vel in locis ad quæ non perventura est, aut tantum perventura post longum temporis spatium.

In *primâ hypothesisi*, diffamator neque violat justitiam, neque charitatem saltem graviter: 1° non justitiam, quia fama alterius censetur in hoc casu morator amissa ac proinde non estimabilis pretio: ergo. 2° Non charitatem saltem graviter: quia infamatus non multum dolere potest de actione quae fere nullum ipsi erat damnum, cum ex hypothesisi mox infamandus sit: ergo.... Huic decisioni stamus, etiamsi divulgatio criminis, quae mox facienda est, viâ injustâ fieri supponatur: proximus enim jus non habet ad famam nisi, vel quia innocens est, vel quia illius crimen est occultum. Porro deest in presenti casu uterque titulus: ergo. Unde timorati non inquirunt an rumor juste vel injuste propagatus fuerit, ut de aliquo loquantur crimine, modo illud sit reipsa publicum.

In *secundâ hypothesisi*, controversia inter Theologos. Juxta multo plures diffamator violat et justitiam et charitatem. 1° Justitiam, quia alter videtur jus habere ad famam suam in loco ubi non est verisimiliter perventura notitia criminis. Etenim ibi ad famam suam non amisit jus, neque sententiâ judicis, cum lata non fuit; neque crimine in se sumpto, alioquin quicumque committeret crimen occultum amitteret jus ad famam suam, quod omnes negant; neque publicitate in alio loco, quia jactura juris quod habet ut non reveletur, non debet extendi ultra publicitatem, quae adhuc non extenditur ad locum ubi fit diffamatio: ergo. 2° Charitatem, quia fecit alteri quod sibi fieri nollet, cum grave damnum inferat proximo: ergo.

Juxta alios quibus praesunt card. Delugo, Becanus, Lessius et multi apud Ligorio citati, diffamator neque justitiam neque charitatem ledit. Fatentibus omnibus Theologis, licet historicis publica alicujus crimina typis mandare ad instructionem posterorum veritatisque integritatem conservandam; atqui coevi non minus indigent instructione et veritatis integritate quam posterit: ergo id licet pro aliis quo pro alteris. Et verò nemo timoratus qui folia diurna, ubi quotidie publica describuntur crimina, non legat absque perplexitate; atqui tam scribere quam legere fas est: ergo. Praeterea si alienigenae quendam adirent locum, non malum esset eis revelare crimina in eodem loco publica; cur pejus esset eadem scribere crimina eisdem in patriâ commorantibus? Num varietas locorum lesionem fama variat? Ergo. Denique ratio fundamentalis in eo stat: bonum commune exigit ut homines ubique cognoscantur quales publice alicubi habentur, alioquin relationes societatis nimis difficiles et periculose essent.

Posteriori adheremus sententiae pro quibuscunque criminibus quae aliquam habuerunt publicitatem, sed maxime pro iis quae reddunt hominem perniciosum, ut sunt crimina homicidii, proditiōis, latrocinii, lenocinii, scandalosa impudicitiae et similium. Eò propensius hanc edimus opinionem quod in Galliis omnia jam nunc loca censeantur contigua ob nimias commercii relationes, multitudinem viatorum, nubem publicorum foliorum, et forsitan coarvorum lativam loquacitatem.

Ceterum omnes utriusque sententiae patroni in eo

concordes sunt, cum quae diffamatum uno tempore diffamat in quo tempore quo obierit tristitia erat adversa prior, vel ex lapso tempore, vel emendatione infamati, peccatum contra justitiam. Ratio est quia tunc tunc rediuntur ad eum statum in quo erat ante publicitatem, et in estimatione communi divulgatio fame proximi nocet.

§ III. — De peccato detractionem audientium.

Audientes detractionem triplicis sunt generis: alii influunt in detractionem, vel excitando, vel plaudendo, vel interrogando; alii non influunt in detractionem, sed in eâ complacent; alii nec influunt, nec complacent; sed non impediunt cum possent. Breviter aperienus quid de singulis sentiendum sit.

Primi peccant, 1° contra justitiam, cum sint causa efficax et injusta infamationis proximi; 2° contra charitatem, cum, nedum impediunt alterius malum, hujus participes fiant; quin etiam illi magis rei sunt quam ipsimet detrahentes qui ab iis, tanquam a causis primariis, impulsus accipiunt.

Secundi peccant contra charitatem, quia complacent in damno alterius, sed non contra justitiam, quia eorum complacentia non fuit causa excitativa detractionis. Imò illi ab omni peccato vacant, si complacent tantum in facundiâ detractoris aut singularitate facti aut moderatâ curiositatis satisfactione.

Tertii vel tenentur ex justitiâ impedire, vel non. Si prius, audientes detractionem, quando in eam nec influunt nec complacent, sed eam non impediunt, peccant contra justitiam, utpotè causae negativae quae non obsistunt damno quod ex justitiâ tenentur et absque gravi incommodo possunt avertere. Operosum est verò et maxime arduum definire quinam ex officio justitiae teneantur aliorum fame invigilare. Quando officium fundatur in contractu aut quasi-contractu cum republicâ vel cum privatis inito, tunc qui non impedit damna illata ab iis quibus ex tali officio praest, aut illata contra eos quibuscum ex eodem officio ligatur, tenetur ad restitutionem. Ubi autem sunt illi qui ex tali contractu constituuntur ad impediendas detractiones? nescio nisi magistratus publicos quibus denuntiantur libelli diffamatorii; non liquet patrem respectu filiorum etiam minorum, maritum respectu uxoris, magistrum respectu discipulorum teneri ex pacto ad impediendas detractiones quae fiunt à suis contra extraneos vel ab alienis contra suos. Si autem nullus sit contractus aut quasi-contractus, vi cuius aliquis tenetur alterius fame invigilare, tunc qui non impedit damna iis vel ab iis illata quibus praest, ad restitutionem non tenetur, quia nullum violat jus strictum; sic parochus respectu parochianorum, domines respectu famulorum, caupones respectu hospitum, etc. Liquidem predicti, si non impediunt damna inferri à suis subditis, suo desunt officio, sed non pacto, siquidem nullum intercedit nec cum eis nec cum republicâ quo teneantur impedire detractiones quae à subditis contra extraneos, vel ab extraneis contra subditos procedunt.

Si posterius, id est, si audientes detractionem non teneantur ex justitiâ eam impedire, huic non obstando, peccant tantum contra charitatem, vel mortaliter, vel venialiter, quia non obtemperant præcepto charitatis christianæ quâ quisque tenetur avertere malum proximi, cum id potest. Difficultas nunc est determinandi quandonam peccatum non impediens detractionem sit mortale aut veniale.

Auditio detractionis ab omni aut saltem mortali culpâ vacat quoties audiens detractionem eam non impedit, aut quia rationabiliter præsumit rem esse publicam, vel detrahentem justam habere causam sic loquendi, vel eum graviter offensum iri si reprehendatur, vel auditores rem facilius ob resistentiam credituros, vel resistentiam fore inutilem; aut quia ipse prohibetur timore, verecundiâ, reverentiâ, perplexitate gravi, qualis est in scrupulosis in prædictis circumstantiis; aut quia modus prudens impediendi menti non occurrit, ob narrationis præcipationem; aut quia res levis est, aut quia facile non credetur. Ratio est, quia ille de quo detrahitur, non graviter infensus est contra auditorem qui detractionem non impedit; aliâs relationes societatis intolerabiles essent. Hinc obligatio sub gravi detractionem impediendi admodum rara est inter æquales, et rarissima in inferioribus ergâ superiores, quia vix ullam repeties detractionem, quæ non fiat saltem cum unâ ex prædictis circumstantiis.

Consulunt auctores probati ad detractionem optimè declinandam, vel decenter contradicere, si factum quod refertur sit calumniosum, vel recedere à cœtu detrahentium, si commodè fieri potest, vel communiùs tristiore ostendere faciem, vel potiùs sermonem suaviter aliò convertere. Expedit rarò detrahentem ab initio sermonis abrumperè, quia sapè nonnisi communia et publica facta asseruntur; et aliundè talis interruptio ad attentionem detractantibus conciliandam inserviret.

§ IV. — De obligatione famam restituendi.

Quæres 1° utrùm fama sit restituenda?

Resp. Omnis ille qui famam alterius injustè lædit tenetur ex justitiâ sivè eam reparare, sivè damna ex ejus ablatione secuta rescire. Id ipso jure naturali præcipitur: *Non dimittitur peccatum, nisi restituatur ablatum, cum restitui potest.* Quòd si hoc verum sit de bonis fortunæ, multò magis profectò de famâ et honore quæ bonis istis sunt pretiosiora.

Dixi 1°, *omnis ille qui famam alterius injustè lædit*; quo nomine intelliguntur 1° ipsimet detractores, 2° cooperatores positivi detractionis, id est, qui eam jusserunt, consuluerunt aut alio simili modo provocaverunt; 3° cooperatores negativi, id est, qui detractionem non impediunt, cum id potuerunt absque gravi incommodo, et ex officio justitiæ debuerint.

Dixi 2°, *famam restituere*, tum apud eos quibus proximi crimen detectum fuit, tum apud eos quibus à primis audientibus fuit pervulgatum: id enim sibi imputare debent, cum facile potuerint prævidere detractionem esse pervagaturam. Si tamen detractor sti-

pulatus fuisset silentium cum iis quibus ipse narravit et prudenter existimasset eos non esse revelaturos, non teneretur apud auditores mediatos restituere, quia hæc ulterior revelatio non censeretur illi voluntaria. Ita Billuart, Ligorio, De Lugo, etc.

Dixi 3°, *et omne damnum ex ablatione famæ secutum rescire*, quia detractor est causa efficax et injusta horumce damnorum. Hinc ad restitutionem tenetur qui per injustam detractionem causa est cur aliquis ab officio vel beneficio adepto aut certò adipiscendo repellatur, cur puella non ineat conveniens matrimonium, cur famulus suas operas locare non possit, cur medicus, advocatus, pharmacopola non quærantur, cur mercator non vendat, cur pauper elemosynam non obtineat, etc.

Animadvertent Theologiæ candidati hanc esse differentiam inter obligationem rescarciendi damna temporalia quæ ex injustâ diffamatione sequuntur, et obligationem restituendi famam vel honorem; quòd scilicet obligatio restituendi damna temporalia, quæ vocantur fortunæ, sit realis, quia consistit in dandâ aliquâ re, ac proindè transeat ad hæredes diffamantis; dum obligatio famam vel honorem restituendi est solum personalis, quia consistit in aliquâ actione faciendâ, ac proindè non transit ad diffamantis hæredes.

Quær. 2° quomodò fama sit reparanda?

Resp. Vel detractor famam læsit, alteri falsum crimen imponendo, vel verum quidem sed occultum manifestando.

In primo casu, debet calumniator verba sua retractare apud eos qui illum audiverunt, aut ad quos pervenit fama criminis suppositi. Si opus est, ad fidem faciendam juramenta et testes adhibere tenetur, quamvis diffamando non adhibuerit, quia qui est causa damni injusta debet omni possibili eam revocare. Detractor tamen non tenetur dicere se mentitum fuisse; id enim propriæ famæ nocivum esset, et alienæ reparandæ omninò inutile; satis est ut auditores sciant detractorem falsum dixisse. Quòd si, adhibitis testibus et juramento, auditores in præconceptâ malâ opinione perseverent, detrahens liber erit ab ulteriori restitutione, quæ esset ei moraliter impossibilis; tunc sola auditorum malitia censeri debet causa istius pravæ opinionis.

In secundo casu, detractor non debet quidem priora verba expressè revocare, nunquam enim mentiri licet, sed aliam viam sectando, famam ablatam restituere tenetur, 1° directè dicendo se imprudenter locutum esse, se leviter judicasse, et factum non esse tale quale illud retulit; se in hoc egisse ex irâ, vindictâ, etc., in quibus non mentitur, quia nemo de proximo detrahit, nisi incitetur quâdam cupiditate, ut invidiâ, superbiâ, odio.... Sed hic modus parùm prodest, ut observant communiter Theologi, apud astutiores et sagacitate præditos, qui potiùs ex his formulis, in quibus non asseritur crimen non esse falsum, illud verum esse concludunt. 2° Indirectè, dicendo scilicet de priori crimine, et infamatum de

veris qualitatibus laudando, specialiter honorando, frequenter declarando eum tanquam virum probum haberi; sic enim sensum ex unâ parte tantundem famam ejus illustrabit quantum ex altera obscuravit. Ille modus aptissimus est et saepe sufficit ut auditores concludant falsa esse quæ dicta fuerant, aut oblivioni tradatur detractio præterita.

His mediis deficientibus, non pauci ad veniæ petitionem obligant eum qui non potest aliter famam reparare. At non probo eorum rationem: cur enim ille magis ad petitionem veniæ teneretur quam qui non potest restituere bonâ fortune? Per petitionem veniæ fama perditâ non rediret. Aliunde, saepe detractor ignoratur nec vellet cognosci. Facilius crederem eum P. Antoine detractorem cognitum teneri per signa doloris satisfacere pro dolore illato; hæc enim multum disponunt l'esum ad relaxandum de jure suo.

Quer. 3^o quanam causæ à famâ restituendâ excusent?

Resp. Suppono ex dictis non esse obligationem restituendi quandò infamatio fuit justa et licita.

Prima causa à restitutione excusans est absentia infamiae quæ locum habet, 1^o quandò auditores detractori non crediderunt; 2^o quandò fama proximi jam aliâ viâ recuperata est, v. g., si ex alterius testimonio, purificatione judiciali, vel experientiâ comperta est falsitas infamiae; 3^o quandò per oblivionem cessavit infamia; ibi nulla est obligatio restituendi, ubi nullum fuit damnum illatum, aut jam fuit reparatum; in hoc casu reparatio detractiois novam induceret infamiam.

Secunda causa est reparationis inutilitas aut impossibilitas; nemo enim tenetur ad actum inutilem aut impossibilem. Hinc si crimen quod revelatum fuit, aliâ viâ factum fuerit publicum, infamator ad nihil tenetur ergâ infamatum qui, publicitate recentiori, amisit, respectu prioris infamantis, jus ad famam ac proindè ad reparationem famæ; quod etiam probabilius est, etsi injustè crimen evaserit aliundè publicum; quia, licèt per injuriam infamatus non amiserit jus ad famam, amisit tamen per id quod ex injuriâ sequitur, scilicet publicitatem. Hinc etiam infamator non tenetur famam proximi reparare quandò id non potest quin ipse incurrat damnum notabiliter majus ac illud quod provenit infamato ex ipsius infamiâ. Censetur enim impossibile quod fieri non potest sine tali damno. Dixi, *quin incurrat damnum notabiliter majus*; nam si infamator non incurreret nisi damnum æquale, aut etiam paulò majus, teneretur nihilominus reparare, quia melior esse debet conditio innocentis. Ideò tenetur famam periculo vitæ reparare, si ex infamatione idem periculum infamato immineret.

Tertia causa est infamiae condonatio ab eo facta qui de jure suo cedere potest et de facto cedit. Censetur quis de jure suo cedere non posse quotiès peccaret contrâ justitiam seipsum infamando; quod accidit quandò ex ipsius infamatione directè sequitur alterius damnum quod ex justitiâ tenetur impedire. Hinc uxor non potest condonare valide infamationem suam circâ adulterium, quia ex illâ sequitur quedam mariti infamatio, quam ex justitiâ avertere debet. Hinc prælatus

qui ex justitiâ tenetur regere subditos, non potest remittere restitutionem famæ suo monachi rite obsecundo necessariam. Censetur vero quis infamationem suam de facto remittere quotiès fit expressa condonatio, vel adest rationalis præsumptio quod si læsus interrogaretur et rogaretur, facile condonaret, quia tunc non dici potest invitus si restitutio ei non fiat.

Quarta causa est compensatio mutua. Hanc causam admittunt communiter theologi, non quidem eo sensu quòd liceat infamato infamantem diffamare, quod esset vindicta pura: sed hoc sensu quod si ille quem diffamasti, te postea diffamet, uterque censeamini cedere de jure vestro. Ratio est quia tali in compensatione dici non debet eum qui famam alteri abstulit et eam reddere non vult, esse rationabiliter invitum ne propria sua fama ab alio retineatur.

ARTICULUS II.

DE CONTUMELIA.

Contumelia definitur: *Injusta læsio honoris alieni facta præsentì et scienti*; quibus verbis differt à detractioe quæ violat alienjus famam et fit absente personâ læsâ.

Contumelia fieri potest verbis, v. g., per exprobrationem criminum vel defectuum; factis, v. g., si quis alterum præsertim eximium alapâ percutiat; scriptis, v. g., libellis convicium et improprium redolentibus; picturis gallicè dictis *caricatures*, quibus ornatissimi cives et etiam reges respectui publico exponuntur; aut aliis denique contemptis signis, v. g., irrisionibus injuriosis.

PROPOSITIO. — *Contumelia est peccatum mortale ex genere suo.*

Prob. 1^o S. Script. Matth. 5, 22: *Qui dixerit fratri suo: fatue, reus erit gehennæ ignis.*

2^o Ratione, quia contumelia ex naturâ suâ graviter lædit honorem proximo debitum, ad quem ipse non minus juris habet quàm ad famam: imò, quia per contumeliam honos aufertur, quasi vi illatâ, scienti et renitenti; ideò contumelia magis lædit et acerbioem infert injuriam quàm detractio, ac proindè est gravius peccatum.

Dixi, *peccatum mortale ex genere suo*, quia veniale fieri potest, tum defectu sufficientis deliberationis, tum levitate materiæ; quæ quidem levitas aliquandò ex ipsâmet re, aliquandò ex conditione personæ lædentis et læsæ judicatur; contumelia enim quæ respectu domini, patris, aut viri honesti lethalis est, sæpè venialis erit respectu filii, subditi aut personæ vilis ac infimæ. Hinc à mortali excusantur ab aliquibus pueri, mulierculæ, rudes, etc., conviciis apud plebeios usitatis se læssentes, quia his non adhibetur fides, nec honor vilium personarum multum inde minuitur.

Quinimò verba contumeliosa possunt non esse peccatum, 1^o si proferantur causâ disciplinæ et correctionis; rarò tamen ea sunt adhibenda; ad iram commovent et non corrigunt; 2^o si non ad dehonorationem,

sed delectationem et joci causâ unicè proferantur. Caveas verò ne similibus laxiores dentur habentæ, quia sæpè proximus in his offenditur.

Quæres 1° quisnam sit modus reparandi honorem?

Resp. Modus ille pendet ex variis circumstantiis, nempe ex gravitate injuriæ, ex dignitate personæ læsæ et personæ satisfaciendæ, ex consuetudine in locis receptâ; porro ratio haberi debet illarum circumstantiarum in honore reparando. Si agatur de injuriâ superioris ergâ inferiorem, sufficere potest amica salutatio. Si offensus et offendens sint ejusdem conditionis, sufficere potest loci honorifici concessio, invitatio ad mensam, laudatio facta coram testibus injuriæ. Si verò agatur de injuriâ inferioris ergâ superiorem, plerumquè requiritur veniæ petitio, quæ sit publica, vel privata, prout offensa fuit publica vel occulta.

Quæres 2° quomodò sese genere debeant qui ab aliis contumeliâ affecti sunt?

Resp. Eos, secundum Christi doctrinam et exemplum, debere hæc omnia patienter sufferre, nec licitè posse vindictam nec injuriam pro injuriâ rependere. Possunt tamen ea peragere quæ necessaria sunt ad justam defensionem, v. g., dicendo calumniatorem falsa loqui. Imò strictè loquendo, licet in quibusdam circumstantiis satisfactionem à iudicibus expetere, præsertim si id necessarium sit ad salutem audientium, ad muneris sibi commissi exercitium, ad rationem scandali.

ARTICULUS III.

DE JUDICIIS ET SUSPICIONIBUS TEMERARIIS.

Judicium temerarium est actus mentis quo quis malum aliquid de proximo sine rationibus sufficientibus internè pronuntiat.

Quadruplicem judicii temerarii gradum post S. Thomam distinguunt theologi, nempe dubitationem, suspicionem, opinionem et judicium.

Dubitatio est hæsitatio mentis non magis uni parti quàm alteri adhærentis.

Suspicio est inclinatio mentis ad assentiendum uni parti potius quàm alteri.

Opinio est verus assensus seu determinatum judicium de veritate unius partis, sed non ità firmum ut excludat omnem errandi formidinem de contrario.

Judicium est assensus mentis firma et determinata uni parti potius quàm alteri, ideòque omnem errandi formidinem excludens.

PROPOSITIO.—*Judicium temerarium est peccatum mortale quoties est notabiliter temerarium, verè voluntarium et in materiâ gravi.*

Prob. 1° ex Script. S. Matth. 7, 1: *Nolite judicare ut non judicemini.* Luc. 6, 37: *Nolite judicare et non judicabimini; nolite condemnare, et non condemnabimini.* Rom. 2, 1: *Inexersabilis es, ô homo omnis qui judicas!*

2° Ex ratione. Illud est peccatum ex genere suo

mortale quod est contra justitiam et charitatem; atqui judic... 1° Contra justitiam. Unusquisque enim jus habet ad propriam famam retinendam apud alios, quandiu non probatur malus, et exindè homines meritò dolent et conqueruntur quando de ipsis temerè judicatur; atqui temerariè judicans de alio contra illud jus agit: ergò. 2° Contra charitatem, ex axioma: *Alteri ne feceris quod tibi fieri non vis*, et quia non potest esse benè affectus proximo qui de illo temerariè judicat: ergò.

Dixi 1°, *quoties est notabiliter temerarium*; id est, quoties fertur sine rationibus sufficientibus ad virum gravem determinandum; etenim tota ejus malitia ex temeritate oritur, ità ut si judicium ferretur ex motivis omninò sufficientibus, nullatenus foret peccatum; quia tunc esset judicium prudens et rationabile; porro per illud non infertur injuria proximo; proximus enim amisit jus famæ et bonæ existimationis respectu illius cui crimen sufficientibus indicii probatur. Ad dignoscendum verò quæ indicia sint sufficientia, statui potest generaliter: *indicia quæ, attentâ qualitate facti, personæ, loci et temporis, atque aliis circumstantiis, sufficerent ad movendum virum gravem et prudentem ad taliter suspicandum vel judicandum, censentur sufficientia.* Si nunc queratur quibusnam indicii viri prudentes determinentur ad sic vel aliter judicandum, respondemus eos determinari ad ferenda judicia quæ ex se vel ex usu conjunguntur cum indicii quæ ipsis subministrantur... Hinc 1° si videas hominem noctu alienas ædes perfodientem, scalas admoventem, ascendentem per fenestram, sufficiens indicium est ut iudices eum furandi vel alterius mali perpetrandi causâ id agere; secus si hæc meridianâ luce et coràm omnibus ista faciat. 2° Si advertas juvenem libidinosum et petulantem cum meretrice solâ colloquentem, sufficiens indicium est ut iudices illum de libidine cogitare; secus si sit vir gravis et integerrimæ famæ. 3° Si audias à personâ probâ, quæ nec solet de aliis detrudere nec incerta pro certis spargere, aliquid alteri odiosum, grave erit indicium commissum fuisse id quod refertur; secus si narretur ab iis qui sæpè rumores pro veritate accipiunt. Si fors rationes quæ moverunt ad judicandum parùm distent à sufficientibus peccatum erit veniale.

Dixi 2°, *quoties est verè voluntarium.* Undè si iudices ex solâ mentis promptitudine, absque deliberato consensu, nullum erit peccatum; tunc enim non tam erit judicium quàm repentina cogitatio cui communiter nec credit certò nec vult credere. Hinc confessarius non statim peccati mortalis reos existimabit tot homines qui verentur ne temerè judicaverint de proximo; iste potius considerabit dispositionem penitentis. Si penitens timorata sit conscientia, et credat se non fuisse consensurum male cogitationi irruenti, statim ac animadvertit illam esse temerariam, regulariter non erit arguendus de mortali, etsi diu perduraverit cogitatio. Si verò penitens sit parùm de salute suâ sollicitus, sed aliorum vitam carpere soleat, et in eam inquirere, uti faciunt devoti quedam, tunc

In dubio an prave cogitationi consenserit, semper habere debet scrupulum de mortali, ideoque rem totam confiteri ad minus ut dubium mortale. Quod si culpam suam de alio sensum maligne patefecerit, jam peccavit dupliciter; 1° quia sic consensum suum aliquate us firmavit; 2° quia plerumque imprudenti, hac agendi ratione priorem de proximo ideam iniecit alius quam haberet ipse.

Dixi 3°, *in materiâ gravi*. Si enim materia sit levis, id est, si, ex communi hominum opinione, leve detrimentum ex judicio temerario proximi famæ inferatur, peccatum erit veniale. Ut autem cognoscatur an grave vel leve detrimentum famæ alterius inferatur, spectari debent persone et circumstantiæ. Hinc grave peccatum erit, juxta multos theologos, si quis judicet virum sanctissimum esse mendacio deditum, nobilem esse spurium, quia graviter inde fama eorum imminuitur, indeque contemuntur. E contrario, juxta eosdem, leve peccatum erit, si quis hominem infimæ conditionis judicet esse ebriosum, militem esse duellatorem, quia non inde multum infamantur ejusmodi homines, et, nedum de illis miseris curent, non rarò gloriuntur.

Quæres. 1° Quid sentiendum sit de temerariis opinionibus, suspitionibus et dubiis circa proximum?

Resp. 1° Hæc omnia sunt peccata contra justitiam; nam violant jus quod habet proximus ne quis malè de ipso vel opinetur, vel suspicetur, vel dubitet; ergò... Hæc tamen peccata non sunt ejusdem gravitatis ac judicia temeraria, cum minus proximi famam ledant.

2° Opiniones temerariæ, quando adest sufficiens temeritas, voluntarietas et materiæ gravitas, peccata sunt mortalia. Nam includunt verum judicium temerarium, etsi minus firmum; atqui ex jam probatis judicium temerarium est peccatum mortale ex genere suo; ergò. Opinio temeraria usque ad apicem peccati mortalis non exurgit, nisi concipiatur ex multò minoribus indiciiis et versetur in multò graviore materiâ ac quando agitur de judicio temerario; quia minor sit injuria per opinionem quam per judicium.

3° Suspiciones et dubitationes temerariæ, etiam in materiâ gravi, ordinariè non sunt peccata mortalia. Ratio est quia suspiciens et dubitans parim ledunt alterius famam, vel quia in eis plenè non consentiunt. Hæc enim totidem habentur appendices fragilitatis humane quæ invita istas experitur.

Dixi, *ordinariè*, quia interdum suspiciones et dubitationes temerariæ sunt peccata mortalia, nempe 1° si sint de gravissimo crimine ex levissimis indiciiis et magnâ animi temeritate concepta in personam suâ pietate eximiam et probitate integerrimam; hujusmodi enim suspicio vel dubitatio maximam proximo injuriam facit; agrè ab eo ferretur si ab eo sciretur; 2° si ex gravi odio, vel contemptu, vel cordis malignitate procedant; 3° si exterius manifestentur, iisque detractio addatur.

Quæres. 2° an actiones proximi dubiæ, seu quæ in bonam vel malam partem possunt explicari, semper in meliorem partem sint accipiendæ?

Resp. 1° Posse quemlibet de iis actionibus summa judicium suspendere totumque Deo committere. Ratio est quia nemo tenetur judicare aliquem esse probum de cujus probitate datur sufficiens dubitandi ratio. Unde Christus non dixit: Semper judicate in bonam partem, sed: *Nolite judicare, ut non judicemini*; Matth. 7, 1.

2° Si tamen judicare velimus, aut si suspensio nostri judicii proximo nocitura sit, debemus illas actiones in meliorem partem interpretari. Ratio est 1° quia ita docuerunt sancti. *Nihil aliud nobis præcipi existimo*, inquit S. Aug., lib. 2 de Serm. in monte, c. 18, *nisi ut ea facta quæ dubia ex quo animo fiunt, in meliorem partem interpretemur*; 2° quia non debemus alteri facere quod nobis fieri nollemus; atqui profectò nullus est qui malus reputari velit pro actione quæ ex æquo in bonam et malam partem accipi potest: ergò.

3° Hæc secunda regula patitur aliquam exceptionem vel explicationem: nimirum si agitur de damno nostri vel aliorum vitando aut præcavendo, licitum est, imò prudentissimum, dubia de proximo non quidem absoluto judicio in pejorem partem interpretari, sed sese gerere perindè ac si probus non esset, non credendo tamen cum esse talem. Ratio est 1° quia nemo est qui de eo agendi modo justè conqueri possit; quisque in pari casu similiter ageret; 2° quia sic debemus omnem justitiam ergà proximum implere, ut non deficiamus à charitate quam nobis nostrisque debemus. Hinc qui ignotum domi recepit, quamvis cum esse forem judicare non possit, potest tamen suis rebus providere perindè ac si fur esset. Hinc parentes qui filios, domini qui servos, superiores qui inferiores vident dubia agentes, vel cum personis dubiæ virtutis aut probitatis non rarò colloquentes, nihil quidem intus mali judicare debent, sed possunt, imò tenentur ergà eos sese gerere quasi malè agerent, non quidem eos puniendo, sed monendo, quædam interdicens, cautionem omnem adhibendo, ut præcaveatur malum.

CAPUT IV.

DE INJURIA ET RESTITUTIONE OB DAMNUM IN BONIS FORTUNE ILLATUM.

Cum damna in bonis fortune præcipuè revocari possint, vel ad ea de quibus jam diximus, ubi de injustâ acceptione et injustâ damnificatione, vel ad ea de quibus mox dicturi sumus, ubi de obligatione restituendi ratione contractus, pauca nos manent tractanda sub titulo furti. Agemus 1° de furto in genere; 2° de quibusdam difficultatibus circa furtum.

ARTICULUS I.

DE FURTO IN GENERE.

Quæres. 1° quid sit furtum?

Resp. Furtum generatim definitur: *Ablatio rei alienæ domino rationabiliter invito*.

Dicitur 1°, *ablatio*, sive fiat per acceptionem, sive per detentionem, aut possessionem.

Dixi 2°, *rei alienæ*; sive ad alterum pertinentis, sive ipsis locatæ, commodatæ, oppigneratæ. Non enim so-

lus ille furatur qui rem alienam usurpat, sed etiam ipse rei dominus, si rem suam auferat ab eo qui jus habet eam retinendi vel illà fruendi. Si tamen quis privatà auctoritate rem suam ab alio injustè detentam capiat, non violat justitiam, quamvis peccet si possit per judicis auctoritatem eam recuperare.

Dicitur 3°, *invito domino*; si enim rei dominus consenserit, nullum erit furtum, cum volenti non fiat injuria. Hinc aliquandò à furto excusantur amici, vel conjuges, cum à se invicem aliquid parùm notabile auferunt, prudenter judicantes eos esse consensuros, si adessent ac rogarentur: quod ordinariè præsumi non debet, cum ex communiter contingentibus constet neminem velle sua bona dispergere.

Dicitur 4°, *invito rationabiliter domino*; quia non furatur qui aliquid aufert à domino irrationabiliter invito. Hinc etiam à furto excusantur qui rem alienam adhibent ut subveniant suæ vel aliorum extremæ necessitati; tunc enim rei dominus non est rationabiliter invitatus, nisi ipse sit in pari necessitate; tunc enim melior est conditio possidentis.

Quæres 2° quotuplex sit furtum?

Resp. Furtum aliud dicitur simplex, de quo hactenus; aliud rapina, si fiat apertè et cum violentià, præsentè et invito domino; aliud fraus vel dolus, si fiat dominum decipiendò in venditionibus aut emptiionibus, aut aliis modis; aliud sacrilegium, quo auferitur res sacra de loco sacro aut non sacro, vel res non sacra de loco sacro; aliud peculatus, quo quis aufert res pertinentes ad fiscum aut publicum ærarium; aliud plagiatus, quo homo in servitutem adducitur, sive ille sit liber sive servus alienus; aliud abiectus, quo pecus abstrahitur ex pascuis vel armento alieno.

Quæres 3° quale peccatum sit furtum?

Resp. Peccatum istud ex genere suo esse lethale. Nam 1 Cor. 6, 10: *Neque fures, neque avari.... neque rapaces, regnum Dei possidebunt*; aliundè expressè prohibetur in Decalogo, justitiæque legibus adversatur; porro Decalogus justitiæque leges obligant sub mortali.

Dixi furtum esse peccatum *ex genere suo mortale*; quia fieri potest veniale ex levitate materiæ; nam per furtum rei levis damnum leve proximo inferitur, nisi aliud malum indè sequatur.

Quæres 4° quænam rei ablata quantitas requiratur ut furtum censeatur grave?

Resp. Ea quantitas communiter censetur gravis cuius ablatio graviter afficit dominum ob notabilem utilitatem quæ eum privat. Nunc opere pretium est expendere quandonam dominus graviter invitatus est. Ad illud dignoscendum considerari debet, 1° ipsamet quantitas in se et independentè à paupertate aut opulentià illius cui res ablata est, quia jus pauperis, sub respectu justitiæ commutativæ, non strictius est quàm jus divitis, qui sapissimè majorem habet curam in pecuniis suis conservandis, quàm ipse pauper; 2° conditio et indoles personæ cui res auferitur; an sit pauper, vel dives, liberalis vel pecuniæ tenax; quia, etsi

divitiæ non minuant jus divitis, aliquandò evenire potest ut ditiores, cum superabundanter habeant, aliquid etiam notabile amittere parùm curent, dum pauperes semper invitati sunt cum proportionè ad materiam. Undè, si peccatum furti minus esse possit, cum res ditissimis subripitur, non tam est propter illorum divitias, quàm propter hoc quòd non sint graviter invitati. Etenim, si reipsa invitati sint cum proportionè ad materiam rei, prout rationabiliter esse possunt, sive ob utilitatem peculiarem rei, sive ob bonum commune, ne scilicet latior aperiatur via hujusmodi furtis, tunc ipsis, ablatione rei, tanta fit injuria quanta pauperibus.

Quænam verò sit illa quantitas absolutè gravis, seu gravis in se et independentè à conditione personarum quibus injuria inferitur? Olim Galli satis communiter assignabant nummum assibus sexaginta constantem; ratio, quia communis hominum persuasio erat valorem unius nummi non esse modicum quid, etiam respectu opulentissimi viri, cum huic gravem posset afferre utilitatem. Hodie autem sequendo eandem proportionem, summa absolutè gravis constat circiter quinque aut sex francis, propter pecuniæ depretiationem. Dicimus, *circiter*, quia id non potest determinari mathematicè. Sanè ridiculum esset dicere peccare mortaliter qui 100 asses, et duntaxat venialiter qui 99 furaretur.

Quænam autem quantitas censeatur respectivè gravis, impossibile est determinare, cum id pendeat à statu peculiari uniuscujusque. Ibi quanta diversitas! Ea tantum summa reputari solet respectivè gravis quæ sufficit, vel ad victum diurnum hominis cui auferitur, spectatà ejus conditione, vel ad mercedem diurnam operarii à quo eripitur. Homines enim, generatim loquendo, graviter afficiuntur, cum talia sibi abripiuntur.

Ex principiis expositis sequitur majorem requiri quantitatem ad constituendum peccatum mortale in quibusdam furtis quàm in aliis, maxime in furtis filiorum familiæ respectu parentum, in furtis uxorum respectu mariti, in furtis mariti respectu uxoris, in furtis domesticorum respectu dominorum in rebus cibi vel potûs, in furtis minutis et aliis hujusmodi, quia communiter in his dominus minus est invitatus quàm in aliis.

Interea observamus furtum rei levis fieri posse mortale per accidens, 1° ratione damni aut lucri cessantis, ut si acum fureris sartori, qui non possit aliam habere, et ideò uno vel pluribus diebus operas suas perdat; tunc peccas mortaliter, non quidem peccato furti *strictè dicti*, cum non subripias aliquid notabile, sed peccato damnificationis injuste quæ proprio nomine caret: nam per ablationem acûs es causa injusta cur sartor damnum grave patiat; est autem mortale contra justitiam creare alteri grave damnum sine justà causâ; 2° ratione scandali, ut si scias ob tale furtum aliquem blasphematurum: nam mortale est sine justà causâ facere id ex quo prævidetur alter mortaliter peccaturus; 3° ratione gravis mœroris quem concepit dominus ex furto rei, propter affectum

ad illam tunc enim graviter peccas saltem contra charitatem, ex qua tenemur impedire grave damnum proximo, quando facile possumus, hoc illud in rationabiliter evitandum sit.

Quæstio 5^a an necessitas excuset a furto?

It. sp. aff., si necessitas sit extrema: secus, si sit gravis.

Prob. prima pars; nimirum quod necessitas extrema excuset a furto. Ratio est, quia rerum divisio, pinguentium introducta, foret iniqua, si tacita conditio non facta fuisset ut in extremis omnia communia essent, id est, cuilibet maneret integrum jus naturale accipiendi vel usurpandi ea quibus extreme indiget. Quare Thomas 2-2, q. 66, ait: *Per talem necessitatem efficitur suum quod aliquis accipit ad sustentandam propriam vitam. I. a. resolutio tantum intelligitur, quando res ablata vel detenta est levioris momenti, quia res magni valoris non redeunt ad communitatem etiam in extremam necessitate, ut satis patet ex aliis dictis.*

Prob. secunda pars; nimirum quod necessitas gravis non excuset a furto, 1^o quia alioquin jura innumeris furtis aperta foret. Quot enim hodie homines gravi necessitate laborant? quot facile sibi persuaderent se in ea esse constitutos? 2^o Quia damnata fuit hec propositio ab Innocentio XI: *Permissum est furari, non solum in extrema, sed etiam in gravi necessitate.*

Sunt tamen aliquæ necessitates tam graves, ut moraliter æquivalent necessitati extremæ, v. g., periculum notabilis mutilationis, damnationis ad tirremes, duræ servitutis, diuturni carceris: quo in casu multis videtur licitum quod in extremam necessitate licet, quia, cum hæc necessitates non sint frequentes et abusibus proximæ, uti sunt communiter graves, nulla subest ratio cur divisio bonorum potius suspenderetur in extremam quam in prædictam angustiam. Non timendum est ne talis opinio in propositionem damnatam incurrat, tum quia propositio damnata loquitur de quolibet necessitate gravi, tum quia necessitas de qua sermo est moraliter loquendo æquivaleret extremæ. Fateor tamen, ait Billuart, in his contracto freno incidendum esse, ne detur locus abusibus.

Obj. Gravis necessitas excusat a restitutione statim faciendâ, ergo à furto, siquidem detentio nihil aliud est quam acceptio continuata.

Resp. neg. cons. et parit. 1^o Si posset accipi res aliena propter metum aut periculum gravis mali, panderetur janui continuis et innumeris direptionibus, ac proinde nulla esset securitas dominorum; cum enim in communitate quantum magna ordinario sint multi qui patiuntur gravem necessitatem, et illam non possint aliter depellere quam per magnam pecunie quantitatem, quilibet dominorum subjaceret plurimis et valde gravibus furtis. Contra verò, nec tot nec tanta sequuntur inconvenientia ex eo quod debitores ob gravem necessitatem differe vel omittere possint restitutionem; nam paucissimi debitores in illo periculo versantur, aut saltem iisdem non exponuntur abusibus. 2^o Fur, quando furatur, influit in damnum positivè;

quando verò non restituit, influit in damnum negativè: natura vero rigida obligat ut non influas positivè, quam ut non influas negativè. 3^o Per se difficilius est restituere quam non accipere; quia, dum restituis, positivè aliquid bonum exeres, et positivè spoliâ te bono quod possides, dum verò tantum non accipis, positivè non exeres aliquid bonum, et præcisè non spoliâs tempus; porro, natura facilis admittit excusationem in iis que per se difficiliora sunt.

ARTICULUS II.

DE QUIBUSDAM DIFFICULTATIBUS CIRCA FURTIVITATEM.

Quæres 1^a an restituenda sit res ob turpem causam accepta?

Resp. 1^a Si res data fuit gratuito, ex justitiâ restituenda non est, quia legitimo titulo acquiritur, nempe donatione legitime factâ, siquidem nec patratior criminis inhabilis est ad accipiendum, nec ille in cujus favorem patratum fuit crimen inhabilis fit ad donandum: ergo. Hinc juxta S. Thomam et fere omnes theologos, mulier retinere potest, illasâ justitiâ, id quod sibi datum est occasione criminis. Expedit tamen ut talia lucra in pias causas ex parte vel ex toto impendantur per modum expiationis, ne merces peccati ad novum peccatum alliciat.

2^o Si res data fuit in præmium operis accidentaliter mali, v. g., vestis vel alterius operis servilis die festo confecti, ex justitiâ restituenda non est; nam legitimo titulo acquiritur, cum opus accidentaliter malum, licet circumstantiâ ipsi extrinsecâ vitietur, non desinat esse in suâ substantiâ bonum et pretio æstimabile; sic vestimenta vel calceamenta die dominicâ secta et suta non minus corpori serviunt quam si die communi confecta fuissent: ergo.

3^o Si res data fuit in præmium operis intrinsecâ mali, v. g., fornicationis, adulterii, stupri, distinguendum est: vel opus nondum patratum est, vel jam patratum.

Si prius, restituenda est res accepta, opere nondum patrato; nam illud debet restitui cujus dominium non fuit ad accipientem validè translatum; atqui dominium rei pro opere illicito nondum perpetrato acceptæ non fuit ad accipientem validè translatum; nam res illa tradita et accepta est sub conditione quod malum opus ab accipiente consummaretur: porro talis conditio, etsi juramento confirmata, utpote turpis, non potest jure impleri, nec proinde parere obligationem dominii translativam; ergo dominium rei pro opere illicito nondum patrato acceptæ non fuit validè translatum: ergo res illa debet restitui.

Si posterius, videtur quod adhuc sit obligatio restituendi. Nam si res posset retineri, maxime esset vel quia contractus de re turpi fieret, positâ actione, validus, vel quia opus turpe foret pretio æstimabile; atqui neutrum. Non primum, juxta regulam 18 juris in 6: *Non firmatur tractu temporis quod ab initio de jure non subsistit*; atqui contractus de re turpi de jure ab initio... non datur vinculum iniquitatis: ergo. Non secundum; nam pretium rerum æstimatur judicio prudentium; atqui prudentes nihil faciunt opus turpe: ergo

Et verò, si opus turpe esset pretio æstimabile, maxime propter adjuncta, v. g., laborem, periculum; atqui adjuncta non sunt pretio æstimabilia; nam finis seu opus turpe non est pretio æstimabile; atqui media seu adjuncta quæ ad hunc finem conducunt sequuntur naturam finis; sic labor adjunctus rebus spiritualibus non est pretio æstimabilis, quia finis rerum spiritualium supra omne pretium ponitur: ergò; ergò. Ita Adrianus, Comitulus, Medina, Collet, Navarrus, Collat. Andegavensis et Parisiensis contra multò plures quibus tandem, si præter spem jus naturale magis illis quam nobis faveret, jure civile opponere fas esset, art. 1150.

Cui verò res illa restitui debeat? Aliqui putant eam pauperibus distribuendam esse, quia dominus dignus est ut illà privetur. Hoc sanè verum esset, ait P. Antoine, si lex dominum redderet incapacem hanc accipiendi; certè meruit ut illà spoliaretur; sed nullibi hæc pœna in Codice legitur; lex tantum recusat actionem, inquit Delvincourt, sive ad exigendam rem promissam, sive ad repetendam rem solutam pro opere turpi; ita quæ dominus non amisit proprietatem rei suæ; undè illi clamat et restituenda est.

Quæres 2^o an restitui debeat res ad opus bonum sed aliundè debitum accepta?

Resp. 1^o: Si res data fuit gratuitò, retineri potest, cum legitimo titulo acquisita fuit, scilicet donatione liberè factà ab eo qui dare poterat in gratiam illius qui habilis erat ad accipiendum: ergò.

2^o Si res data fuit tanquam pretium boni operis ex justitià debiti retineri nequit, 1^o neque virtute contractus onerosi, qui non valet nisi in quantum traditur objectum indebitum ex justitià strictà. Porro, ex hypothesi opus debebatur ex justitià: ergò; 2^o neque virtute contractus gratuiti, qui non tenet nisi fluat ex plenà spontaneitate; atqui ordinariè provocatur metu injustitiæ: ergò. Hinc restituere tenentur qui aliquid accipiunt pro ferendà justà sententià, pro testimonio vero dicendo, pro debito solvendo, pro deposito aut commodato reddendo, etc.

3^o Si res data fuit tanquam pretium boni operis, non ex justitià, sed ex charitate aut ex alià virtute debiti, expendendum est an illud opus erat pretio æstimabile vel non. Si *primum*, accepta per modum pretii pro opere æstimabili retineri possunt virtute contractus onerosi, cui nihil deest neque ex parte contrahentium qui dare et accipere possunt, neque ex parte objecti quod debet esse pretio æstimabile et indebitum ex justitià strictà; quæ omnia in præsentī hypothesi reperiuntur: ergò. Hinc advocatus, medicus, conductor domus non tenentur ex justitià restituere pretium à paupere acceptum pro patrocinio, procuratione, cubiculi locatione, quamvis ex charitate illa officia pauperi gratis exhibere teneantur. Si *secundum*, accepta per modum pretii pro tali opere retineri nequeunt, 1^o neque virtute contractus onerosi, qui existere nequit sine materià seu objecto pretio æstimabili; atqui in præsentī hypothesi actio supponitur nullo modo pretio æstimabilis: ergò; 2^o neque virtute con-

tractus gratuiti, qui in præsentī casu ordinariè spontaneitate non constat: ergò. Hinc si quis accipiat pretium ut indicet viam alicui peregrinanti vel locum ubi fur delitescat, tenetur illud restituere.

Quæres 3^o an mortaliter peccet, et an sub mortali restituere teneatur qui per levīa furta successivè commissā, grave damnum alteri intulit?

Resp. Duplex est pars in questione.

Ad primam, vel fur ab initio habuit intentionem per furta minuta quantitatem notabilem subripiendi, vel non.

Si prius, fur peccat mortaliter singulis vicibus, quia singulis vicibus continuat executionem intentionis mortaliter malæ, retinendo quantitatem notabilem rei alienæ: ergò. Hoc verum est, sive furta minuta committantur contra eandem personam, sive contra diversas personas: ratio est quia ad æstimandam quantitatem notabilem, non tam attendi debet quantitas in se, quam damnum quod sequeretur nisi furtum prohiberetur sub gravi. At suntne tot peccata numero distincta quot sunt furta minuta? Certum est tot esse peccata numero distincta quot sunt furta minuta, si prima intentio renovetur expressè vel tacitè; quia tot sunt peccata numero distincta quot sunt actus voluntatis deordinati; atqui tot sunt actus deordinati..., quoties intentio prima renovatur: ergò. Sed extra hunc casum res controvertitur. Probabilius negatur, quia furta minuta sunt continuata executio intentionis primæ, vi cujus fiunt, et in quā includuntur et uniuntur; atqui, ex tractatu de Peccatis actus externi, licet physicè plures, constituunt unum numero peccatum, quando prodeunt ex uno actu voluntatis virtualiter perseverante, et ad eundem actum principalem ordinantur, tanquam illius media aut dispositiones, siquidem tunc, juxta prudentium æstimationem censetur una actio in genere moris: ergò. Quidquid sit, in utrâque opinione pœnitens debet declarare quanto tempore et quoties furta minuta iteraverit; quia furtum quodlibet minutum erit, sin peccatum numero distinctum, saltem circumstantiā notabiliter aggravans, cum peccatum eò magis augeatur quò diutius aut sæpius prima intentio executioni demandetur.

Si posterius, qui ab initio non habuit intentionem subripiendi per furta minuta quantitatem notabilem, peccat mortaliter, non quocumque actu sed ultimo furto levi quo sciens et reflectens saltem confusè ad præcedentia furta complet materiam sufficientem ad peccatum mortale. Ille peccat mortaliter qui vult damnum notabile; atqui fur ponens scienter complementum damni notabilis eo ipso vult damnum notabile: ergò. Præterea ille peccat mortaliter in genere furti qui gravem materiam subripit, atqui ita... Nam furtum ultimum, licet secundum se consideratum sit leve, grave est si connectatur cum præcedentibus; atqui ita connectitur, non ratione peccati sed ratione materiæ et damni illati: ergò.

Ad secundam, vel res adhuc exstat, vel consumpta est. Si prius, qui per levīa furta acquisiverunt quantitatem notabilem tenentur sub peccato mortali illam

restituere: 1° Auctoritate: hæc propositio ab Innocentio M. damnata est: *Non tenetur quis sub potestate peccati mortalis restituere quod ablatum est per potestatem peccati, quantumcumque sit magna summa totalis*: ergo vera est contradictoria. 2° Ratione: ratio est quia hæc modica furta in unum collecta, vel personæ privatae, si sola læsa fuerit, vel communitati, si hæc furta in plures commissa fuerint, grave detrimentum afferunt.

Si posterius, qui per levia furta grave damnum intulerunt eidem personæ vel communitati restituere tenentur sub mortali, si adverterint aut advertere potuerint ac debuerint se grave damnum inferre: nam obligatio restituendi commensuratur damno injuste illato; atqui damnum non minus illatum est privatis aut societati, sive res consumpta fuerit, sive non: ergo.

Hinc non rarò peccant lethaliter et ad restitutionem tenentur caupones qui vino modicam aquam immiscent, mercatores qui fraudulentis mensuris aut ponderibus vendunt, sartores aliique opifices qui ex rebus sibi commissis aliquid retinent. Restitutio, si possibile sit, fieri debet personis læsis, v. g., eisdem vendendo postea in majori mensurâ, meliori qualitate, vel minori pretio. Si autem restitutio singulis moraliter fieri nequeat, vel quia ignorantur ii singuli, vel quia executio difficilior est, vel quia periculum est infamiae, tunc bona subrepta sive per parochum sive aliter restitui debent pauperibus communitatis læsa, vel in alia bona opera diffundi. Hoc enim voluntati eorum qui læsi sunt consentaneum videtur.

Difficile autem est determinare quænam quantitas sufficiat ad peccatum mortale in furtis minutis. Quidam duplum requirunt ac in furtis communibus, alii plus, alii minus. Nos autem, ait Billuart, censemus id relinquendum esse iudicio viri prudentis. Attendendum erit igitur sive intervallo temporis quod fuit inter varia furta, quia major exigitur quantitas pro minutis furtis longè distantibus, quàm si magna summa simul raperetur; v. g., qui racemos aliquot ex alienâ vite singulis annis excerpit faciliùs excusabitur quàm ille qui singulis mensibus similia sibi permitteret: sive multitudini personarum læsarum, quia major requiritur quantitas si furta fiant pluribus personis quàm si paucioribus fierent; v. g., si quinque franci abripiantur centum personis, ita ut unicuique auferatur unus assis, minus erit damnum quàm si 50 asses duabus tantum personis furto tollantur: sive tandem cæteris materiæ circumstantiis, scilicet ex unâ parte, an dives, an munificus, an consanguineus ille cui res auferatur, et ex alterâ, an miser, an uxor, an filius ille qui clam et minutatim subripit. Tunc, istis omnibus maturè libratis, graviter vel leviter videbitur ille cui furatur, ac proindè faciliùs apprehendetur quantitas materiæ in furtis levibus ad peccatum mortale sufficiens.

* *Quær.* 4° ad quid teneantur qui in Galliâ chartas (*assignats*) debita solverunt à 1° die jan. 1791 ad mensem jul. 1796.

Resp. Praemonemus sub tali capite non venire eos qui supposuerunt chartas falsas aut eas ut falsas cogitas in solutionem dederunt. Apud omnes constat istos teneri ad restitutionem totius damni quod passi sunt qui hujusmodi chartas acceperunt: nam idem dicendum de illis ac de iis qui debita sua monetâ adulterinâ solvunt; atqui posteriores ad restitutionem tenentur; ergo et priores. Unde restitutio fieri debet illis qui damnum passi sunt aut eorum hæredibus si inveniri queant, vel pauperibus aut hospitaliis, si inveniri non possint.

Iis præhabitis, vel tempore, quo chartæ in solutionem date fuerunt, suum primum valorem retinebant, vel communi cursu depretiabantur.

Si prius, qui chartas veras in solutionem dederunt tempore quo primum suum valorem retinebant, ad nihil tenentur, cum monetâ genuinâ suo debito satisfecerint: ergo.

Si posterius, tres occurrunt eâ de re sententiæ.

I° Eorum est qui dicunt ad nihil teneri eos qui debita sua solverunt ex chartis depretiatis, quocumque modo eas habuerint; nam, inquirunt, qui utuntur monetâ legali ut solvant debita sua ad nihil tenentur; atqui chartæ erant moneta legalis: ergo. Sic D. Bouillaud, quondam superior seminarii Lugdunensis, una è gloriis theologicis celeberrimæ Societatis.

II° Eorum est qui distinguunt inter illos qui debita sua solverunt ex chartis sibi datis ad solvenda debita ejusdem generis, et illos qui vili pretio chartas emebant et eas dabant juxta earum valorem nominalem. In *priori casu*, nulla erat obligatio restituendi; nam æquitati naturali consonum est ut quis in calamitate publicâ quærat se indemnem præstare; atqui chartæ erant publica calamitas: ergo. Undè qui debita sua ex illis solvebant, non tam intendebant damnum creditori inferre, quàm se liberare ab onere sibi imposito. In *posteriori casu*, aderat obligatio restituendi. Iniquum est ex eadem calamitate cum detrimento alterius ditari: quod certè fieret si abesset in hoc casu obligatio restituendi: ergo. Sic D. Asseline, episcopus Bononiensis cum pluribus in opusculo dato anno 1796.

III° Eorum est, qui dicunt illos qui hujusmodi chartis usi sunt ad sua debita persolvenda, semper et in omnibus casibus teneri reparare damnum quod creditores indè passi sunt. Hæc sola opinio videtur admittenda.

Prob. Nunquàm licet damnum alteri positivè inferre, et æqualitatem inter debitum et solutionem violare; atqui solvens ex chartis depretiatis, damnum alteri positivè inferebat, et æqualitatem inter debitum et solutionem violabat, siquidem ex communi hominum æstimatione chartæ nullatenus habebant valorem æquivalentem rei, pro cujus solutione dabantur: ergo ad restitutionem tenentur... Et verò si solutio ex chartis depretiatis posset excusari, id maximè esset, vel ratione calamitatis publicæ, vel vi legum; atqui neutrum. 1° Non ratione calamitatis publicæ; damnum quod aliquis patitur non dat ei jus alteri simile dam-

num positivè inferendi; alioquin ditesceret cum detrimento alterius, onus super alium rejiciendo; tunc quis solvere posset debitum monetâ adulterinâ quam ipse ab aliis incautus acceperat: ergò. 2° Non vi legum; leges enim chartarum istarum emissivæ, si injuste non fuerunt ab initio, saltem postea in desuetudinem abierunt, quia communis hominum aestimatio iis chartis non dabat postremis temporibus nisi valorem nominali valori multò inferiorem, ergò; aliundè: ergò.

Ut autem statuamus quid ad praxim pertineat, 1° hortandi sunt fideles ut invicem pascantur, quia æquum est ut omnes pro aliquâ parte onus calamitatis publicæ sustineant; 2° si obtineri nequeat amicalis transactio, qui solverunt debita sua ex chartis depretiatis, reparare debent damnum quod inde creditores passi sunt.

Cæterum, ad determinandum damnum quod resarciri debet, attendendus est valor realis chartarum eo præcisè tempore quo in solutionem date sunt, et tunc compensanda est differentia inter hunc valorem et valorem rei, solvendo etiam *interesse* juxta proportionem capitalis. Ab ipsomet gubernio tabula successive depretiationis indicativa confecta fuit et apud præfectos cujusque provincie deposita, ut ii qui similibus obstringerentur restitutionibus certam regulam haberent.

Quær. 3° an restituere teneantur qui bona ecclesiastica iisdem temporibus gallicæ perturbationis acquisiverunt?

Resp. Certum est 1° eos qui usurpaverunt, vel ab usurpatoribus acquisiverunt bona Ecclesiæ antè Concordatum 15 aug. 1801, triplex commisisse peccatum; 1° peccatum injustitiæ; nam ea bona non minùs erant aliena ac proindè inviolabilia quàm cætera bona privatorum; 2° peccatum sacrilegii; siquidem eadem bona divino cultui et religioni consecrata erant; 3° peccatum scandalis; illud enim peccatum erat excitamentum ad rapinas et usurpationes.

Hinc 1° sive usurpatores sive acquirentes bonorum Ecclesiæ in iis lugendis temporibus absolvi nequeunt nisi de istis peccatis sincerè doleant. Condonatio postea à S. Pontifice facta non impedit quin prius commissum fuerit peccatum in ablatione injustâ illorum bonorum.

Hinc 2° sive usurpatores sive acquirentes bonorum ecclesiasticorum antè prædictum Concordatum ipso facto incurrerunt excommunicationem majorem Conc. Trid. sess. 22, cap. 11, latam adversus spoliatores Ecclesiæ. Extrâ Galliam nonnisi à S. Pontifice, et in Galliâ nonnisi ab auctoritate ordinarii, id est, episcopi, absolvi potest ista excommunicatio. Hæc enim, etsi bona injustè acquisita condonata fuerint, ut patet ex dicendis, à S. Pontifice non sublata fuit.

Hinc 3° expedit ut poenitentia supradictorum spoliatorum in loco ubi talia perpetrârunt aliquatenùs publica sit, puta retractatione anterioris vitæ, professione fidei christianæ, usu sacramentorum, elemosynis, alioquin scandalum non reparetur.

Certum est 2° à tempore Concordati inter S. P. Pium VII et regimen consulare initi, die 15 aug. an. 1801, eos qui priùs usurpaverunt bona ecclesiastica sub præsidio legis civilis, vel ab istis ea bona acquisiverunt, à restitutione faciendâ omninò liberos esse, ita ut penès illos eorumque hæredes proprietas veterum bonorum ecclesiasticorum immutabiliter maneat. Ad hoc satis est ut S. Pont. voluerit et potuerit ista bona pro foro interno condonare; atqui utrumque constat. 1° Voluit; id patet, 1° ex sensu obvio verborum Concordati, art. 15: « Sanctitas sua, pro pacis et bono felicique Religionis restitutione, declarat eos qui bona Ecclesiæ alienata acquisiverunt nullam molestiam habituros, neque à se neque à successoribus suis; ac consequenter proprietas eorundem bonorum, redditus et jura iis inhærentia, immutabilia apud ipsos erunt, atque ab ipsis causam habentes. » 2° Ex communi interpretatione. Etenim episcopi, doctores, theologiæ professores, et confessarii scientiâ et pietate conspicui ex citato articulo semper intellexerunt proprietatem prædictorum bonorum translatam fuisse, ac proindè possessores minimè quoad restitutionem nunc inquietandos esse. 3° Ex confirmatione ejusdem Concordati quam idem pontifex Pius VII edidit in bullâ *Ubi primum*, die 27 juli an. 1817: ergò voluit condonare. 2° Potuit; id probatur 1° exemplo prædecessorum suorum. In Angliâ, post Henricum VIII, cardinalis Polus, supremâ rogante curiâ, ex facultate à Julio papâ III sibi datâ, dispensationem omnibus bonorum ecclesiasticorum acquirentibus concessit, ut ea tranquillè deinceps possiderent. 2° Ratione. Nam S. Pontifex potest pro bono Ecclesiæ quod princeps pro bono imperii; atqui princeps potest spoliare subditos proprietatibus, datâ justâ indemnitate: ergò et potuit S. Pontifex, stipulatâ indemnitate à gubernio solvendâ condonare, proprietatem bonorum Ecclesiæ: ergò. Dici non potest quòd illa dispensatio fuerit tantum pro foro externo; nam eodem decreto matrimonia jure ecclesiastico nulla revalidat, collationes beneficiorum confirmat; certè hæc pro foro interno erant: ergò et dispensatio pro bonis ecclesiasticis. Aliundè S. Pontifex scopum suum non obtineret, scilicet pacificationem conscientiarum, si condonatio laudata pro foro exteriori restringeretur. Sic denique S. Pœnitentiaria pluriès rescripsit.

Hinc 1° acquirentes bonorum ecclesiasticorum à 15^a die aug. an. 1801, verè et legitimè istorum proprietarii facti sunt, adeò ut ea vendere, donare aut quocumque modo alienare possint.

Hinc 2° qui capitalia Censuum antè concordatum an. 1801 reipublicæ aut ab ipsâ delegatis solverunt et legalem obtinuerunt exonerationem, vi prædicti Concordati, ab obligatione restituendi liberari videntur; deterioris enim non debent esse conditionis quàm cæteri bonorum ecclesiasticorum acquirentes; atqui ex dictis posteriores non tenentur ad restitutionem: ergò nec priores.

Hinc 3° illi omnes qui ab anno 1801, die 15 aug., talia obtinuerunt bona sive hereditate, sive emptione,

sivè permutatione nullo modo peccaverunt, nec proinde ab illis exigendum est ut de acquisitione ista contentantur.

Certum est 3^o, non obstante condonatione à S. Pont. factâ, quandam superesse obligationem pietatis, condonâ penitentiae, aliquod ex illis bonis injuste acquisitis in pias causas erogandi, sive ad extinguenda opera quibus praedicta bona à priis fundatoribus gravata erant, sive ad expandendam iniquitatem prioris injustitiae. Sic habet rescriptum S. Penitentiariae ad D. Bouvier, olim theologum, nunc episcopum Cænonanensem, die 20 martii an. 1818 directum.

« Sacra Penitentiariorum de expressâ apostolicâ auctoritate consulenti oratori declarat, bona ecclesiastica à gubernio gallico occupata ante conventionem clausam anno 1801 inter S. Sedem et gubernium gallicum, in plenâ acquirentium proprietate esse, adeo ut ea retinere, his gaudere atque alienare etiam illa tuto ac libere possint in foro tunc externo, tunc interno, dummodo tamen acquisitio facta fuerit secundum leges tunc vigentes. Hortatur tamen acquirentes istos ut pro suâ pietate ac religione satisfacere velint piis missarum, elemosynarum aliarumque rerum singulorum oneribus quæ bonis illis olim forsâ inflixerant. »

Ut verò nulla maneat ambiguitas circa praefatam conventionem, sciscitatur usquequò se extendat laudata condonatio : an ad fructus ex bonis Ecclesiae perceptos ante 13 aug. 1801 ; an ad bona à gubernio jam tunc occupata, sed nondum alienata ; an etiam ad bona à privatis privatim usurpata aut ab iis provenientia.

Resp. 1^o : Cessio proprietatum includit cessionem fructuum ante concordatum perceptorum. Qui dat rem aliquam generaliter, absolute et sine ullâ restrictione, dat principale et simul accessorium ; atqui fructus sunt aliquid accessorii : ergò. Et verò, si hæc de re dubium subsistisset, illud resolverent consultationes quæ postea Româ ad nos pervenerunt : ergò.

Resp. 2^o : Cessio proprietatum à S. Pont. facta applicari potest omnibus bonis ecclesiasticis à gubernio prius usurpatis, sivè jam ea alienaverit ante Concordatum 1801, sivè nondum alienaverit. Itâ fert Breve Pii VII ad episcopum Pictaviensem die 20 octobris an. 1821 directum. Sed gubernium, melioribus temporibus redeuntibus, plurima hujusmodi bona nondum alienata, v. g., templa, domos curiales, census non extinctos ecclesiis novis restituit. D. Affre, Vicarius Generalis Parisiensis, harum concessionum decreta recenset in opere valdè commendabili cui titulus : *Traité de l'administration temporelle des paroisses*.

Resp. 3^o Cessio bonorum Ecclesiae à S. Pont. facta tantum comprehendit quæ à gubernio tunc existentibus fuerunt occupata aut ab eo legaliter vendita, sed minimè ea quæ privati propria suâ potestate abriperunt aut à similibus spoliatoribus acquisiverunt, quia, ex declaratione S. Penitentiarie, die 20 martii

an. 1818 ad supra laudatum D. Bouvier directâ, non conceditur possessoribus bonorum ecclesiasticorum proprietatem vi conventionis an. 1801, nisi in quantum à gubernio gallico ista prius occupata fuerint, et eorum acquisitio secundum leges tunc existentes facta fuerit.

Hinc 1^o privati qui propria suâ auctoritate bona ecclesiarum, vel monasteriorum vel seminariorum abriperunt, aut à talibus spoliatoribus acquisiverunt quocumque titulo, ea retinere nequeunt, sed restituere debent cum fructibus perceptis ; quippe nihil aliud sunt quam possessores male fidei.

Hinc 2^o privati qui ante gallicam perturbationem singulis annis census in naturâ, v. g., frumento, vino, vel in pecuniâ, v. g. redditibus annuis, fabricis ecclesiarum vel quibusdam communitatibus religiosis, solvebant, atque abhinc ea proprio nutu solvere omiserunt, ad restitutionem tenentur, quia similes usurpationes in Concordato non condonantur.

Itaque, si alicubi remaneant quædam bona ecclesiastica à gubernio non vendita, vel census ecclesiastici ab eodem gubernio non alienati, ea cum fructibus suis aut præteritis redditibus restituenda sunt episcopis, qui hanc solutionem transmittunt ecclesiis aut communitatibus quibus ablata fuerunt illa bona, si adhuc exstant, vel si iste jam non exstet, in alia pia opera impendent juxta intentionem fundatorum, quorum episcopus, in suâ diocesi, ubi agitur de causis piis, legitimus est interpret, conc. Trid. sess. 22, cap. 8. His rationibus naturaliter ductus D. de Châteaubriant, cum 21 martii, anno 1817, invictis argumentis demonstraret coram supremo nobilium Parisii senatu, sylvas ecclesiasticas nondum alienatas Ecclesiae restituendas esse, refellebat objectiones quæ ipsi opponi possent extinctione veterum titularium : « Il existe des biens non vendus qui ont appartenu à des évêchés, des chapitres, des séminaires ; et ces évêchés, ces chapitres et ces séminaires ont été rétablis : ici le propriétaire ne manque donc pas à la propriété. De plus, des biens consacrés au culte peuvent changer de titulaire, pourvu qu'on donne à ces biens une destination pieuse, et qu'on remplisse les conditions imposées par les fondateurs. On trouve dans toute la chrétienté des exemples de ces transmissions ; il suffit pour s'en convaincre d'ouvrir les lois ecclésiastiques d'Hericourt. » *L'Ami de la Religion*, tom. 11, p. 255.

Licet à 25 martii 1855 prædictæ restitutiones multum evaserint difficiliiores, quia nunc possessores rerum ecclesiasticarum prescriptionem 30 annorum in foro externo invocare possunt, nihil negligere debent Parochi in expendendis bonis privatis quæ originem religiosam aut ecclesiasticam habuerunt, quia in ejusmodi possessoribus sæpissimè deest bona fides quæ requiritur in prescriptionibus ad acquirendum vel ad se liberandum ab aliquâ obligatione.

* *Quær.* 6^o an restituere teneantur qui in eadem rerum gallicarum eversione acquisiverunt bona quæ à republicâ in privatos usurpata fuerant, et ab eâ iniquè vendita ?

Resp. Eadem non fuit decisio circa hanc questionem in quolibet tempore.

1° A primâ die jan. 1792 usque ad finem Imperii, acquirentes istorum bonorum satis communiter eis assimilabantur qui ab injusto spoliatore rem alienam emptione vel dono accipiunt. Nemo hactenus conscientie favens leges innocentissimorum civium spoliatrices ab injustitie labe purgare ausus est. Quod adeo verum est ut plurimi ex his acquirentibus sæpè, durante Imperio, interrogarent circa legitimitatem illorum bonorum. Ideo confessarii, ad succurrendum iis qui in prædictis angustiis versabantur, consulebant adire veteres proprietarios et cum istis amicabiliter pacisci.

2° A fine Imperii usque ad 27 april. an. 1825, acquirentes bonorum prædictorum minus evaserunt dubii de rebus suis. Ratio est, quia princeps, constitutione publicâ an. 1814 datâ, voluit et potuit hujusmodi acquisitiones confirmare, etiam pro foro conscientie.

1° Voluit : id patet sive ex præviâ discussione publicæ constitutionis, sive ex sensu obvio præfatæ legis, sive ex motivo legislatoris qui pacem et oblivionem ubique proclamabat. 2° Potuit : princeps potest, exigente bono publico et præmissâ spoliatis æquâ indemnitate, de rebus privatorum disponere in utilitatem communem. Ab eâ tamen lege non sublata fuit possessoribus bonorum nationalium omnis perplexitas, quia deficiebat adhuc indemnitas ejusdem legis art. 10, non secus ac Cod. civ. art. 545 requisita. Quare hocce intervallo iterum consulebantur transactiones amicabiles cum prioribus dominis.

3° Ab an. 1825 inquietandi non videntur sub respectu restitutionis, nec immediati nec à fortiori mediati acquirentes proprietatum nationalium, modo acquisitio fuerit legalis seu facta auctoritate gubernii tunc existentis. Ratio est, quia lex proprietates nationales declarans inviolabiles omnem suum sortitur effectum, cum jam nihil ipsi desit, siquidem indemnitas novâ lege sancita est. Sic habet lex die 27 april. an. 1825 : « Trente millions au capital d'un milliard sont affectés à l'indemnité due par l'Etat aux Français dont les biens-fonds situés en France, ou qui faisaient partie du territoire de la France au 1^{er} janvier 1792, ont été confisqués et aliénés en exécution des lois sur les émigrés, les déportés et les condamnés révolutionnairement. » Ergo.

Dixi 1°, *acquirentes proprietatem nationalium*, quia non omnino constat sub illius ratihabitionis beneficio comprehendi eos qui dentaxat bona mobilia à republicâ acquisiverunt, cum lex an. 1814 data nullum de istis emittat verbum, et lex 27 april. an. 1825, articulum 9 constitutionis regie complens, nullam pro mobilibus assignet indemnitatem. Aliter sentiunt plurimi de mobilibus prædiis aut domibus annexis, quia accessorium sequitur principale.

Dixi 2°, *modo acquisitio fuerit legalis*, quia lex nullo modo fraudibus et spoliationibus privatorum favere intendit. Ideo quicumque privatâ auctoritate bona aliena usurpaverunt, earestituere debent cum transactionibus

Obj. Anno 1850, exurgente novo rerum ordine, distracta fuit pars notabilis indemnitis : ergo incompleta sit lex sanciens venditiones bonorum nationalium.

Resp. In his multa nimis vera sunt et in principio et in conclusione. Sed, omnibus perpensis, spoliati novem ex decem partibus indemnitis acceperunt : nunc convenit ut lex multas cicatrices obducens post magnas tempestates, deficiente decimâ parte indemnitis, toto careat suo effectu? Id quisque appetiabit, conferendo legem cum circumstantiis, et considerando reparationes adæquatas quandoque impossibiles esse. Cæterum in talibus difficultatibus nihil præjudicare intendimus, cum ad episcopos deferendæ sint, siquidem eorum est similia dubia resolvere.

* *Quær.* 7° an peccent et ad restitutionem teneantur conscripti desertores?

Resp. Nemo dubitat quin peccent contra justitiam legalem qui militie inscribi recusant, aut inscripti fugiunt, nisi bellum sit evidenter injustum, aut proximum salutis æternæ periculum ipsis immineat. Ratio est, quia extrâ hos casus princeps justè præcipit ut cives sorte designati militie nomen dent et vexilla sequantur; alioquin hostes fines patriæ invadere atque provincias occupare possent. Unde ad castra redire debent qui vexillis injustè se subtraxerunt, quia principis mandatum semper instat; non tenentur tamen se manifestare si morte, vel triremibus, vel aliis gravibus poenis plectendi essent; actus heroici non cadunt sub præceptum; atqui actus heroici est se spontè tam gravissimis malis offerre : ergo.

Utrum verò prædicti desertores ad restitutionem teneantur? ad hanc questionem lucidiùs exponendam certa ab incertis separanda sunt.

Antequàm incipiamus, sciendum est extrâ rem poni eos qui, pactâ quâdam pecuniæ summâ, se locaverunt ad militandum pro aliis et deinde vexilla deseruerunt; illi enim, nemine dubitante, tenentur ad restitutionem ergâ eos pro quibus sese obstrinxerant, quia ipsis deest titulus ad accipiendam illam pecuniam quæ non datur nisi propter onus militandi : ergo. His positis respondemus :

Certum est 1° eos qui militie inscribi recusarunt, aut inscripti fugerunt, cum leges conscriptionis evidenter erant injustæ aut proximum ipsis imminerebat periculum salutis æternæ, ad nullam teneri restitutionem, quia nemo tenetur reparare damnum quod non intendit et quod non sequitur ex actione licitâ, etsi prævideat alios loco ipsius malum passuros esse.

Certum est 2° eos qui militie inscribi renuerunt aut inscripti fugerunt ad nullam teneri restitutionem, cum omnes ab uno usque ad ultimum pro militiâ assumebantur, sicuti versùs finem imperii contigit, quia tunc desertio unius causa non erat cur alter focis paternis eripiebatur.

Certum est 3° eos qui militie inscripti fugerunt, ex novâ lege conscriptionis datâ 10 die martii anno 1818, ad nullam teneri restitutionem, quia tunc loco desertorum qui sorte designati ad militiam apti invenie-

bantur, non appellabantur alii qui loco ipsorum militarent.

Itaque maxima difficultas in eo versatur : an restituere teneantur illi qui exemptionem à militiâ sine justis causis obtinent in conciliis revisionis seu electionis militum?

Distinguendum est inter eos qui pecuniâ, aut seductione aut protectione, aut aliis mediis magistratus corrumpunt, et illos qui mendacis, fraudibus aut praviis mutilationis actibus eosdem magistratus decipiunt.

Priores ad restitutionem tenentur, si non ut damificatores, saltem ut injustitiæ cooperatores. Etenim efficaciter movent propositos ad inferendum alteri damnum quod poterant et debebant ex officio Justitiæ impedire : ergo.

Posteriores scholam in duas scindunt partes.

Affirmant alii eos ad restitutionem teneri erga istos qui loco ipsorum ad militiam vocantur. Illi tenentur ad restitutionem qui sunt causa efficax et iusta damni alterius; atqui ita prædicti : 1^o causa efficax; nam actione suâ determinant efficaciter principem ad alios albo militiæ inscribendos; 2^o injusta; nam privati jus strictum habent ex pacto implicito inter cives ut onera publica proportionatè ad vires ab unoquoque sustineantur juxta modum distributionis à principe statutum: quod violatur cum unus declinat onus militiæ sibi legitimè impositum : ergo. Vis illius argumenti exemplo tributorum illustratur. Si gubernium imponat aliis tributum pecuniæ declinatum ab aliquo, iste recusans tenetur, omnibus consentientibus, restituere iis qui pro seipso tributum pecuniæ solverunt : ergo à pari, ne dicam à fortiori, si gubernium imponat uni tributum personale militiæ declinatum ab altero, alter iste recusans tenetur restituere erga coactum pro illo castra adire.

Negant verò multi ad restitutionem teneri eos qui decipiunt præpositos concilio revisionis. Illi non tenentur ad restitutionem qui non sunt causa efficax et injusta appellationis aliorum ad militandum loco ipsorum; atqui decipientes... non sunt causa... 1^o Neque efficax. Nam eorum deceptio neque physicè neque moraliter incitat magistratus ad alios quadratis militariis inscribendos; talis actio in denegatione militaris concursus tota est. Si quid ampliùs additur huic recusationi imputandum non est; istud ab aliâ oritur causâ, scilicet à præpositis vel potiùs lege quæ, deficiente uno, indè occasione datâ, alterum vocat ad arma. 2^o Neque injusta. In tantum conscripti electioni militum fraudibus se subducentes causæ forent injuste appellationis aliorum ad militiam, in quantum illi jus strictum haberent ut sorte designati proficiscerentur cum legitimè non excusantur; atqui illud jus non est inconcussum, siquidem omnia officia ex pacto implicito provenientia non obligant ex justitiâ strictâ; alia sunt ex fidelitate, alia ex charitate, alia ex justitiâ legali, proit materia id insinuat; atqui materia in præsentis pacto non absolutè indicat obligationem justitiæ strictæ. Nam objectum istius quasi contractus est præ-

statu obsequii principi imperanti; atqui istud objectum non est materia communis obligationum strictæ justitiæ : hoc potius est objectum justitiæ legum; materia communis et ordinaria justitiæ strictæ consistit in pecuniâ vel re mercedibili : ergo. Aliunde : ergo. Unde conscriptus fraudibus, mendacis, fictis moribus se militiæ subtrahens, si ipsius loco alius militum cogatur, se habet sicut reus qui, accusatus de crimine quod patravit, ab eo se purgat coram iudice, etiamsi prævideat, occasione mendaciorum et mediocorum quibus utitur ad suam probandam innocentiam, accusatorem gravi molesta plectendum esse in penam delationis quæ falsa creditur ob defectum probationis. Jam verò nullus est theologus qui prædictum remu inducat ad restituendum accusatori damnum quod iste patitur, quia reus non est illius damni causa, sed tantum occasio : causa verò molesta quæ ei imponitur ipsius est imprudentia, precipitatio, imperitia : ergo nec dammandus est ad restitutionem conscriptus se subtrahens militiæ, decipiendo præpositos concilio revisionis, etiamsi prævideat alios sul loco tabulis militum inscribendos esse.

Quidquid sit de illis duabus opinionibus, una vix alteram vincit probabilitate. Ideò sapientissimum erit non valde premere juvenes qui supra dictis mediis à militiâ se redimunt. Plerique enim ignorant se committere injustitiam, et rari monitis obtemperant. Porro juxta principia alibi exposita, penitens non est monendus cum ipse est in bonâ fide et nulla affulget spes emendationis, etiamsi tertius prævideatur damnum passurus : ergo.

Quæres 8^o ad quid teneantur juvenes qui ope alienâ gratuitam acceperunt educationem sub spe quòd futuri essent clerici, si postea hunc statum deserant, aut illo sese indignos culpâ sui reddant.

Resp. Vel sincerè intendebant in statu clericali se Deo consecrare, vel non sincerè, vel erant dubii et ancipites.

1^o Si sincerè intenderent hunc statum amplecti, vel propter suam culpam ab illo arcentur, v. g., ob pravos mores, indisciplinam, desidiam; vel absque culpâ, v. g., ob capacitatis, vocationis aut valetudinis defectum. Si prius, prævidentes culpam posse fieri causam suæ expulsionis, tenentur ad restitutionem, quia donatores non intendunt illis subsidium præstare, nisi in quantum id faciant quod in se est ut idonei ad hunc statum efficiantur. Si posterius, ad nihil tenentur, quia intentio donatorum non fuit ut clerici fierent absque capacitate, aut valetudine, aut vocatione divinâ, uno verbo absque dispositionibus necessariò requisitis, sed tantum ut facerent quod in se erat ad illas dispositiones acquirendas : ergo.

2^o Si non sincerè intenderent hunc statum amplecti, sibi proponentes scientiam comparare ut indè meliorem invenirent fortunam in seculo, tenentur restituere id quod gratuitò acceperunt, quia illa pensio non fuit illis concessa nisi eâ lege ut sese ad hunc statum verè et ex animo destinarent.

3^o Si dubii et ancipites fuerint, tunc juvenes erant

vel incapaces vel capaces examinis. Si incapaces, utpote juniores sacre militiæ tirunculi, studiis legitimè vacare possunt, etsi nesciant quemnam statum deinceps ambire velint, modò sint in dispositione albo clericorum nomen dandi, si reverà vocati fuerint, quia donatores iis conditionem impossibilem imponere noluerunt. Si autem prælucente rationis face ad gravia momenta ponderanda, capaces fuerint examinis, dubium quamprimum moraliter excutere debent. Quòd si perseveret dubium, non obstante serio examine, illud iis aperire debent à quibus beneficia accepturi sunt; aliàs contrà eorum intentionem agerent et propterea justitiæ deessent.

Nec refert an illi juvenes pensionem habeant à gubernio solutam, quæ dicitur *bourse*, an verò simpliciter pensionem gratuitam in collegio aut seminario obtineant; nam pensiones à gubernio solutæ, ab Episcopo, quibus voluerit, applicari possunt; porro

episcopus eas applicare non intendit nisi eis qui sinerè clericatum desiderant et faciunt quod in se est moraliter ut ad ministerium sacrum idonei efficiantur; imò ipsum gubernium aliis eas pensiones solvere non intendit: ergò, etc.

Nomenclatio auctorum quos præcipuè consulimus.

DELUO.	BOUVIER, Cœnom.	POTHIER.
LESSIUS.	BERGER, Tolos.	DELVINCOURT.
VOGLER.	LOCEROT, Ambian.	TOULLIER.
LIGORIO.	RECEVEUR, Bisunt.	DURANTON.
MOLINA.	VERNIER, Bisunt.	PAILLET.
DAELMAN.	RAMONET, Tarb.	PIGEAUT.
LAYMAN.	REY, Lugd.	GOUSSET.
BILLUART.	ANNOT. in VOGLER.	
P. DENS.	ANNOT. in BILLUART.	
SALVIUS.	ANNOT. in P. DENS.	
BEGANUS.		
TOURNELY.		
COLLET.		
ANTOINE.		

VOGLERI VITA.

VOGLER (Josephus), societatis Jesu, initio ætatis proximè elapsæ florebat. Quidquid de eo compertum habemus, eximiumque insuper de præcipuo illius opere judicium refert sequens approbatio theologia Ignatii de Planck, Voglero cœvi atque in electorali Universitate Ingolstadianâ procancellarii.

« *Ors* eruditissimum admodum rev. Patris Vogler S. J. sacrosanctæ theologiæ doctoris, et in hac electorali Universitate nostrâ per complures annos professoris celeberrimi, quod de Restitutione in genere edidit, eâ doctrinæ profundissimæ soliditate, eruditionis amplitudine, styli gravitate, atque ingenii perspicacissimi luce incalescit, ut omni juris ac justitiæ titulo expetat in publicos omnium usus accommodari, et ad orbis eruditi solatium atque emolumentum amplissimum evulgari. Cumque insuper ad omnes orthodoxæ legis apices sit exactissimum, ac sacre fidei regulis ac canonibus ad amussim conforme, ideò luce publicâ omnino dignissimum est, ut auctoris, jamdudum per Germaniam Italianque notissimi, nomen ac memoria perennis conservetur, et doctrinæ solidissimæ fructus in omnes tantò uberius dispergatur. Ità censeo. »

Asterisco signo (*) multiplices includere placuit annotationes quas operi P. Vogler assuimus. Eximium quidem, laudatissimumque tractatum novi præsertim juris Galliæ dispositionibus illustrare opportunum duximus, ut Franciæ etiam prodesse queant scripta quæ aliâ in regione utilitate sese commendaverunt. Tali conficiendo labori non priores forsân accessimus; tot verò notis ex Codice nostro exhaustis ampliatisque illum auximus, ut meritò hunc commentarium nostrum esse gloriemur.

Appendix secunda.

JURIS-CULTOR THEOLOGUS

CIRCA OBLIGATIONES

RESTITUTIONIS IN GENERE

THEORICO-PRACTICE INSTRUCTUS.

QUÆSTIO PRIMA.

QUID SIT JUS?

1. Juris nomen æquivocum est. Sumitur 1° pro justo vel debito. 2° Pro scientia justî, vel jurisprudentiæ, quæ dicitur ars æqui et boni. 3° Pro legibus. Ità dividitur jus in canonicum et civile. 4° Pro loco qui servit administrandæ justitiæ. Sic actores causarum comparent in jure. 5° Pro jurisdictione quam habet superior aut princeps in subditos. 6° Pro jure proprietatis quod habes in re tuâ, vel ad rem quæ tibi debetur,

ita ut citra injuriam tibi negari non possit, et in hac ultima significatione jus respicitur à justitiâ particulari vel commutativa, cujus violatio restitutionem inducit.

2. *Dico* 1°: Jus proprietatis activum est legitima potestas adversum alios, ordinata principaliter in commodum proprii beneplaciti. Jus passivum est debitum activo juri respondens. Ità communiter recentiores. Dicitur 1° *legitima potestas* seu potestas legibus munita; nam illegitima, vis est, non jus. 2° *Adversum alios*; quia jus quod mihi favet, gravat alios, ne violent

meum jus, aut impediant exercitium mei juris. 7° *In commodum*, quod potest esse positivum vel negativum. — Aut enim mihi commodum est uti mea veste, domo, vel pecuniis, ita commodum est non verberari, non vulnerari, non occidi. 8° *In commodum proprii beneplaciti*, quæ particula discriminant jus proprietatis a jure jurisdictionis. Nam istud principaliter aut directe tendit in bonum subditorum. Unde tyrannus est, qui leges imponit tantum hoc motivo ductus, quia placet, vel quia sibi commodum est. Imò non valet lex aut præceptum, nisi dirigatur, aut saltem conducat ad bonum subditorum. Contrà, qui gaudet jure proprietatis, validè stringit alios præcise propter commodum sui beneplaciti, et potest usurpare tritum illud: Sic volo, sic jubeo. 9° Dicitur etiam *in commodum proprii beneplaciti*; nam ut præ cæteris eleganter explicat P. Ant. Perez, D. 4 de Just., obligatio juris directè tendit ad hunc finem, ut servetur indemnitas alterius libertas circa res suas, vel ea quæ sunt ipsi debita. Sicut enim jure gentium, ad vitandam confusionem, inventa sunt jura publica jurisdictionis, cum termini quidam et limites, ultra quos excurrere legislatoribus non licet; sic ad vitandas innumeras lites inventa sunt jura privata proprietatis, ut quisque se contineat intra fines à justitia libertati suæ concessos, nec involet in terminos alienæ libertatis. Et hinc obligatio juris et justitiæ distinguitur ab obligatione virtutum aliarum quæ sunt ad alterum, ut charitatis, pietatis, gratitudinis, religionis, etc., ut infra manifestius apparebit.

3. *Dico 2°*: Jus proprietatis aliud est jus in re, aliud jus ad rem. Jus in re dicitur quo res absolutè mihi devincta est et propriè mea, sic ut immediatè possum de ea disponere. Jus ad rem dicitur quo res nondum absolutè mihi devincta est, nec propriè mea, quamvis mihi sit debita. Declaro diversitatem exemplis. Venditio mercis, secuta traditione, gignit jus in re; quia propter dispositionem legum, merx vendita et tradita ita mihi obligatur, ut ubicunque sit et ad quas-cunque manus devenerit, semper retineat hanc obligationem; vel, ut juristis loqui placet, quasi clamet ad me: atque ideo mercem ubique possum repetere vel mihi vindicare, sive sit apud male fidei, sive sit apud bonæ fidei possessorem. Contrà venditio mercis, non secuta traditione, communiter (ex jure Romano à quo aliquatenus differt jus nostrum Gallicum, de quo vide tractatum de Contractibus) tantum parit jus ad rem; quia merx ordinariè propter solam venditionem nondum est absolutè mihi devincta, sed tantum venditor est obligatus ut eam mihi tradat. Quocirca si Titius venditor mercem denuo vendat, et tradat Sempronio, qui non est conscius primæ venditionis, venditio secunda valet, neque possum legitime mercem à Sempronio repetere, sed solum mihi competit actio contra Titium iniquum venditorem, qui tenetur ad interesse, seu debet mihi præstare quantum meâ intererat ut venditio prima traditione consummaretur, et merx fieret absolutè mea. Jus in re vocatur communiter à RR. jus reale; quia, dum læditur, pa-

rit actionem realem. Jus ad rem vocatur jus personale; quia petit actionem personalem. Nonnulli cum Haunoldo concedunt tertium jus, id est, mixtum. Sed hoc nihil est aliud, nisi concursus utriusque juris, et antiquiores T. T. vel Jurisconsulti non meminerunt juris mixti.

4. *Dico 3°*: Jus reale, vel jus in re dividi solet in dominium perfectum et imperfectum. Prius est jus perfecte disponendi de re suâ, sive est legitima facultas disponendi de re suâ quovis modo possibili, nisi fortè lex obsistat, et per accidens irritam aut invalidam reddat dispositionem. Posterius est jus imperfectè disponendi de re suâ, quod iterum subdividitur in dominium directum proprietatis, et in dominium indirectum utilitatis. Sed hæc parùm faciunt ad nostrum propositum.

Objectiones.

5. *Obj. 1°*: Jus proprietatis extenditur etiam ad actus illicitos; sed ad hos non extenditur legitima potestas, nisi velis admittere potestatem legitimam peccandi, quod in terminis est absurdum: ergo jus proprietatis non est legitima potestas. *M. prob.* Dominus habet jus utendi re suâ non tantum licite, sed etiam illicitè, v. g., prodigendi pecuniam turpiter in meretrices. 2° Maritus qui ligatur voto simplici castitatis habet jus petendi conjugale debitum, et uxor ex justitia tenetur obedire, nisi precibus aut alio facili modo possit avertere maritum à peccato. 3° Juxta sententiam valdè communem, clericus habet jus expendendi bona superflua non tantum ad pias, sed et profanas causas, quamvis, expendendo profanè, turpiter agat. Huc etiam spectat facultas qua pecunia nonnullis datur ad usus licitos et illicitos.

R. D. M. Extenditur ad actus illicitos quoad valorem, ut ratione juris agatur validè, *C.* quoad licentiam et honestatem, ut ratione juris agatur etiam licitè vel honestè, *N. M.* Non datur potestas legitima peccandi simpliciter, datur tamen legitima potestas operandi validè per peccatum. Ita sacerdos habet legitimam potestatem consecrandi validè, dum est in statu peccati mortalis, quamvis non habeat potestatem legitimam consecrandi licitè; sicut enim lex, ita legitima facultas est multiplex. Aliqua lex præcipit, alia consulit, alia præcise permittit actum. Una lex permittit actum ut licitum, alia solum ut validum.

6. *Obj. 2°*: Si possibilis est legitima facultas et jus ad actus illicitos, etiam est possibilis ad actus injustos: hoc implicat; ut enim arguit Haunoldus, Tract. 2 de Jur. et Just. n. 55, actus à jure procedens, semper est justus saltem negativè, sive non est injustus.

R. D. M. Est possibilis ad actus injustos formaliter ut injustos, et quoad licentiam, *N.* ad actus in justos materialiter tantum, et quoad valorem, *C.* Si Caius contraheret sponsalia cum Berta, sed dein hæc invita matrimonium iniret cum Sabina, matrimonium esset jure validum, esto per hoc violaretur jus Bertæ:

ergo Caius post sponsalia retinuit jus ad contractum validum matrimonii cum Sabina. 2° Titius, qui vendit absque traditione rem suam Cneio, potest validè, saltem in pluribus casibus, rem eandem iteratò vendere et tradere Sempronio, non obstante jure Titii: ergo habet jus et facultatem legitimam ac jure munitam ad secundam venditionem validè ponendam. 3° In sententia valdè communi, quodlibet peccatum mortale repugnat juri stricto quo nos obligat Deus, et tamen jus et legitima facultas extenditur ad actus illicitos.

7. *Obj.* 5°: Ex eo quòd Titius rem Cneio venditam iterum validè vendat Sempronio, non sequitur ei competere jus ad secundam venditionem; potest enim dici quòd venditio sit valida, non propter jus Titii, sed propter jus et dominium altum residens in republica, quæ dominium in eo casu transfert in Sempronium.

R. N. A. Nam hac ratione posset etiam dici quòd quoties dominus in translatione domini peccat, non ille, sed respublica vel Deus transferat dominium. 2° Quando Titius, post sponsalia cum Berta, contrahit matrimonium cum Sabina, Titius utique jus ad dominium sui corporis validè transfert in Sabinam, et non respublica vel magistratus: ergo etiam à pari. 3° Ut Titius validè rem vendat secunda venditione, non sufficit potestas purè physica pronuntiandi verba quibus fit contractus, et tradendi localiter rem venditam, sed requiritur potestas juridica, seu facultas libera munita favore legis, quæ tribuat venditioni secundæ valorem: hæc verò facultas nihil est aliud quam jus Titio favens et gravans alios, ut in valore venditionis Titius impediri non possit, et per venditionem comparet dominium pecuniarum: jus autem Titio sic assistens est jus Titii.

8. *Obj.* 4°: Hoc modo jus unum alteri foret contrarium; nam Titius haberet jus ad secundam venditionem, et Cneius primus emptor haberet jus contra secundam venditionem: item hoc modo possibile foret bellum utrinque materialiter justum.

R. N. Jus Titii tantum se porrigit ad valorem secundæ venditionis, et Cneii jus tantum est contra licentiam secundæ venditionis, in quo nulla contrarietas est. Porro bellum materialiter justum est, quod ex justitia simpliciter licet, sive quo non violatur alterius hominis jus: hoc autem ex utraque parte repugnat.

9. *Obj.* 5°: Licet habeam jus in mea bona, licet tamen impediunt me superiores ab usu vel exercitio mei juris: inò superiores non rarò justissimè non tantum prohibent, sed et irritant aut invalidum efficiunt exercitium mei juris, ut patet in pupillis: ergo jus proprietatis non est adversum alios.

R. D. C. Adversum omnes alios, etiam eos adversum quos mihi non competit jus, *C.* eos adversum quos mihi competit jus, *N.* Non habeo jus ut superior non prohibeat aut irritet exercitium mei juris, pro casibus in quibus privatum meum aut publicum bonum id exigit. Injustè tamen ageret superior si, secl-

so hoc bono, impediret exercitium mei juris. Unde subditus habet jus in multis casibus etiam adversus superiorem.

10. *Obj.* 6°: Pupillus habet jus et dominium perfectum in sua bona, neque tamen potest de illis prohibitu disponere; nam absque consensu magistratùs validè nequit alienare res suas immobiles, vel mobiles pretiosas, quæ servando servari possunt.

R. Non potest pro casibus in quibus dispositio non fit specialiter per leges invalida, *N.* in quibus specialiter fit invalida, *subd.* Non potest potentià proximè expedità, sive non potest ex defectu conditionis, vel propter impedimentum extrinsecum, *C.*; non potest potentià remotà, per accidens tantum impedità, sive non potest ex defectu juris aut domini sufficientis, *N.* Sicut ignis retinet intrinsecè totam potentiam urendi, quando non est applicatus, vel quando per decretum extrinsecum Dei specialiter impeditur ab unctione; sic etiam pupillus retinet intrinsecè totam potentiam disponendi, quando per leges impeditur specialiter à valida dispositione; leges enim istæ nec tollunt, nec diminuunt, nec in alium transferunt jus aut dominium pupilli, sed præcisè propter ipsius bonum impediunt, ut in certis casibus non valeat dispositio sine consensu magistratùs facta.

11. *Obj.* 7°: Pupillo competit jus perfectum et dominium plenum in sua bona: sed dominium plenum est facultas legitima se porrigens ad omnem usum, qui possibilis est habenti dominium plenum: at inter usus possibiles est utique bonorum alienatio.

R. D. m. Ad omnem usum possibilem specificativè sumptum, et non annullatum per contrariam legem, *C.* reduplicativè sumptum et annullatum per legem contrariam, *N.* Pupillus habet facultatem legitimam ad omnem usum possibilem, sed in sensu diviso, non autem composito, contrariæ legis annullantis usum; sicut ignis habet potentiam urendi tantum in sensu diviso, non autem composito, quo Deus efficaciter impedit unctionem. Cæterum opus est hic distinguere triplicem legem. Prima lex constituit intrinsecè jus et facultatem legitimam domini. Secunda præcisè prohibet usum juris et domini. Tertia simul annullat usum juris et domini pro certis circumstantiis, vel ad aliquod tantum tempus. Prima lex non tollitur per secundam aut tertiam, quod patet ex eo, quia sublati posterioribus legibus, dominus validè simul et licitè disponit, etiamsi non accedat nova lex constituens dominium. Aliud foret si lex annullaret omnem usum domini, et quidem in perpetuum. Tunc enim moraliter censeretur extinguì dominium; quia dominium quod in nullo casu validè potest exerceri, penitus est inutile, et moraliter censetur esse nullum.

12. *Obj.* 8°: Infans, ebrius, aut dormiens nihil potest rationaliter velle: ergo nec obligare potest in commodum sui beneplaciti.

R. D. A. Nihil potest velle per volitionem actualiter et physicè suam, *C.* habitualiter aut interpretativè suam, *N.* Volitio triplex est: actualis et physica, sive quam actu et physicè nunc elicio. 2° Habitualis, quæ

physicè præterit, et nondum est retractata. Talis esse potest etiam in dormiente vel ebrio. 5. *Moralis* et interpretativa, quæ fictione juris aut hominum æstimatione censetur mea. Sic voluntas parentum, tutorum aut reipublice moraliter est volitio filiorum aut populorum. Sic etiam voluntas Adami moraliter fuit nostra voluntas.

13. *Obj. 9°*: Dominus obligans alios ex justitia, sæpè non intendit commodum sui beneplaciti, v. g., si repetat à te librum hæreticum, ut non seducaris, aut gladium, ut in æstro furoris te non occidas. Et universim potest dominus uti re sua non minus ad utilitatem alienam quàm propriam; nam ideo res nostris juribus subduntur, ut dispensentur in communem utilitatem, et avaritiæ sordibus non caret qui bona sua refert tantùm ad proprium emolumentum: ergo de ratione juris non est ut obliget alios in commodum proprii beneplaciti.

R. N. C. Aliud est quòd dominus jure suo gravans alios, non intendat semper utilitatem propriam, et aliud quòd non velit obligationem quæ principaliter ac directè cedit in commodum proprii beneplaciti. Frequenter enim accidit ut alius sit finis obligationis vel præcepti, et alius sit finis obligantis aut præcipientis. Ita si voves jejunium propter sanitatem, finis tuus est sanitas; finis autem intrinsecus voti non est sanitas, sed honestas rehuens in actu religionis, quo servatur Deo promissum. Ita si papa jejunium indiceret ad impetrandam pacem, finis intrinsecus præcepti non esset pax, sed honestas temperantiæ vel obedientiæ.

14. *Obj. 10°*: Qui gaudet jurisdictione, multa validdè simul et licitè præcipit in proprium commodum. Ita, v. g., superior regularis petere potest ut everras ipsius cubiculum: ergo jurisdictio non differt à jure proprietatis. Dein, qui principem impedit vi, dolo, vel metu quominus exerceat jurisdictionem, afficit eum injurià: non esset autem injurià, nisi jus proprietatis et jurisdictio forent idem.

R. D. A. Ita ut finis iste tantùm sit extrinsecus præcepti, C. intrinsecus et sufficiens ad valorem præcepti, N. Finis, qui directè respicitur à lege vel præcepto, semper est utilitas subditorum; lex enim est ordinatio rationis facta in bonum communis. Unde philosophus, 1. Moral., observat discrimen inter servos et liberos, quòd illi sint gratià dominorum, isti gratià sui: nam dominus uti potest servis pro libitu; superior non potest præcipere pro libitu. Porro, quod additur de impediendo principem, non habet vim; quia princeps habet jus proprietatis reflexum in jurisdictionem. Unde qui per vim, dolum aut metum impedit eum ab usu jurisdictionis, infert injuriam; non quia ledit jurisdictionem, sed quia ledit jus reflexum proprietatis.

15. *Obj. 11°*: Deo tanquam supremo legislatori competit absolutissima potestas jurisdictionis: Deus autem in usu sue jurisdictionis intendit semper directè bonum sui beneplaciti.

R. D. m. Intendit hoc solum, N. simul cum utilitate

nostra, C. Deo competit indivisim eminentissimum jus proprietatis in omnes omnino creaturas, et absolutissima potestas jurisdictionis in omnes creaturas rationales. Et quoties operatur ad extra, semper habet duos fines, seu proprio, seu minis proprio sic dictos, finem scilicet primum excellentiæ suæ seu gloriam, et finem secundarium utilitatis seu felicitatem nostram. Et hi duo fines semper indispensabiliter sunt connexi; nam gloria Dei extrinseca nihil est, nisi clara notitia Dei cum laude: sed in hac notitia et laude potissimum residet nostra felicitas. Hinc agimus Deo gratias propter magnam gloriam suam, quia gloria Dei extrinseca semper est utilitas nostra.

16. *Obj. 12°*: Inter Deum et hominem, ex probabili multorum sententia, potest intercedere mutua quædam obligatio justitiæ commutativæ, sic, ut Deo competat jus proprietatis adversus hominem, et homini vicissim adversus Deum: non autem apparet quomodo juri divino adversus hominem, vel humano adversus Deum conveniat nostra definitio. Nam 1° Deus obligare non potest ad suum commodum, ut enim dicitur Jobi 22, 5: *Quid prodest Deo, si justus fueris?* 2° Deus ad multa jure suo nos obligat non liberè, sed necessariò, v. g., ut vitemus blasphemias, perjuria, vel alia quæ naturali lege vetantur: ergo non obligat ex beneplacito. 3° Homo nullatenus potest obligare vel gravare Deum; aliàs tolerari posset absona propositio quam damnavit Innoc. XI: *Deus subjicit nobis suam omnipotentiam.*

R. O. M. *Neg. m. Ad primum.* Deus obligare non potest ad suum commodum intrinsecum, C. extrinsecum, N. Bona nostra serviunt ad gloriam divinam extrinsecam, vel multiplicem finem divinitus intentum. Unde Paul. 2. Tim. 2: *Si quis ergo mundaverit se à peccatis, erit vas utile Domino.* Ad secundum. Deus ad vitandas blasphemias, etc., saltem obligat ex beneplacito suo necessario. Deinde semper intendit liberrimè plurimos fines, qui peccatis nostris impediuntur. Unde semper obligat ad commodum sanctissimæ suæ voluntatis et finem liberrimè intentum. *Ad tertium.* Eatenus tantùm homini competit jus adversus Deum, quatenus in commodum sui beneplaciti potest exigere à Deo quod sibi debetur titulo promissionis onerosæ: non autem quòd obligare possit Deum. Unde non dixi: *Jus proprietatis est legitima potestas obligandi alios in commodum sui beneplaciti*; sed præcisè: *Est facultas adversum alios in commodum, etc.*

17. *Obj. ult.* Plures habent legitimam facultatem exigendi quædam ab aliis in commodum sui beneplaciti, quin habeant jus strictum proprietatis: ergo necdum bene subsistit nostra definitio. A. *prob.* Pater à filiis exigit multa titulo pietatis præcisè in suum commodum. 2° Majores in republica meritò postulant observantiam et reverentiam à minoribus. 3° Benefactor expectat et vult obsequia grati clientis. 4° Deus ob infinitam et eminentissimam suam dignitatem exposcit omnem possibilem cultum religionis, esto non obliget titulo justitiæ. 5° Si vovisti dare pauperi panem, quando vel quoties ipsi liberit, pauper habet legi-

timam potestatem exigendi panem pro suo beneplacito.

R. D. Ita ut obligatio quam imponit aut respicit illa facultas, per se directè vel principaliter ordinetur ad alium finem quàm ad indemnitatem alienæ libertatis, *C.*; ita ut per se directè vel principaliter ordinetur ad hunc finem, *N.* Finis quem per se directè respicit obligatio justitiæ commutativæ, non est alius quàm pax, tranquillitas et indemnitas alienæ libertatis circa res suas, aut ea quæ sibi debentur, et nulla possibilis est obligatio stricti juris quæ non instituta sit in favorem et gratiam alterius ad usum aut dispositionem aliquam liberam. Et hinc injuria non fit volenti, quia injuria quæ talis non affert nocumentum vitæ aut honoris, sed libertatem ledit aut impedit, et materiale quid est, quod impedit libertatis fiat in usu vitæ, membrorum, honoris, famæ, vel pecuniarum. Hinc etiam quamvis in bruta possit exerceri crudelitas, tamen inferri non potest illis injuria. Verbo, sicut obligatio veracitatis instituta videtur ut in vita sociali sit conformitas intellectuum, et unus alteri conceptus suos ritè manifestet, sic obligatio justitiæ commutativæ videtur intenta potissimum ut sit conformitas voluntatum, et unusquisque se teneat intra cancellos libertatis propriæ, nec lædat jura libertatis alienæ. Porro finis hic non apparet in obligationibus aliarum virtutum. Nam finis pietatis in parentes est, ut amemus illos et honoremus, tanquam principia nostræ nativitatis, sive dein parentes hoc exigant à nobis, sive non. Finis observantiæ in majores ac seniores, ut eos debito cultu prosequamur. Finis gratitudinis, ut beneficia compensem reciprocis obsequiis, sive dein benefactor illa velit, sive non: imò si benefactor ea nolit, longè magis debemus esse grati. Finis religionis, ut præstemus divinæ majestati debitum cultum. Finis denique voti non est, ut faciamus quod proximus vult, sed ut solvamus promissionem factam Deo.

QUÆSTIO II.

QUID SIT INJURIA, NUM FIAT CONSENTIENTI.

18. *Dico 1°*: Injuria, theologicè sumpta, est *juris alieni violatio*. Ubi per jus intelligitur jus strictum proprietatis, quod à justitia commutativa respicitur. Duplex autem est injuria: *materialis*, quando læditur jus alienum absque formali peccato, vel absque cognitione et advertentia juris alieni; *formalis*, quando læditur liberè cum peccato formali, cum cognitione et advertentia juris alieni. Jurisprudentes sæpius aliter injurias accipiunt, et intelligunt læsionem injustam honoris, aut contumeliam; unde nascitur actio injuriarum.

19. *Dico 2°*: Consentienti validè non fit injuria. *S. Th.* 2-2, q. 59, a. 3, et alii, quibus concinit *Regula Canon.* 77 in 6: *Scienti et consentienti non fit injuria, neque dolus*; et *Reg. civil.* 143: *Nemo videtur fraudare eos, qui sciunt, et consentiunt*. *Ratio 1°*. Consentire validè dicitur ille, qui consentit efficaciter voluntate cessivà juris, vel qui tollit aut suspendit ita sui juris obligationem, ut alterius actioni non resistat: sed

qui sic consentit, pati non potest injuriam. Sicut enim impossibilis est violatio legis, quando tollitur aut suspenditur obligatio legis, ut actionem non ampliùs prohibeat, sic etiam est impossibilis violatio juris, quando tollitur aut suspenditur obligatio juris, ut alterius actioni non ampliùs adversetur. 2° Hospes invitatus ad mensam domini, quando comedit ob licentiam domini cibos non suos, non infert injuriam domino: sed cur ita, nisi quia dominus validè consentit in comestionem ciborum, et tollit aut suspendit obligationem sui juris, quod habet adversum alios in suos cibos? 3° Sicut injuria formalis est actio moralis facientis injuriam, sic est passio moralis domini patientis injuriam: sed inter actionem et passionem moralem hoc est discrimen, quod illa procedat ab intrinseco secundum inclinationem voluntatis, ista procedat ab extrinseco contra voluntatis inclinationem: ergo si dominus non habeat contrariam inclinationem voluntatis, non potest pati moraliter injuriam.

20. *Dico 3°*: Sæpius fit injuria consentienti, quando consensus est invalidus, et ineffaciter tantum tollit aut suspendit obligationem juris. *Ratio 1°* Quamdiu manet jus et obligatio juris, tamdiu locum habet violatio juris: sed quando consensus ex natura sua vel saltem ex dispositione juris est invalidus, manet jus et obligatio juris. 2° Invalida licentia consentientis præpositi non aufert violationem præcepti: ergo etiam invalida licentia consentientis domini non aufert violationem juris. 3° Consensus inefficax et invalidus perinde moraliter est ac nullus consensus: sed quando nullus est consensus domini, potest inferri injuria domino.

21. *Nota tamen*, cæteris paribus, esse majorem injuriam quæ fit domino nullatenus consentienti, quàm quæ fit aliquatenus et ineffaciter tantum consentienti; quia quo magis est dominus rationabiliter invitatus, eo majorem patitur injuriam. An verò diversitas hæc injuriarum sit specifica, vel explicari debeat in confessione, dicemus ubi de furto et rapina.

Objectiones.

22. *Obj. 1°*: Viator qui, metu mortis adactus, donat latroni vestem, patitur injuriam à latrone; sed viator in hoc casu validè consentit in donationem, quia contractus, directè per metum gravem et injustum extorti, sunt validi non solum jure naturali, sed etiam positivo, prout satis apertè colligitur ex § *Si metu coactus*. *Inst. except. L. si mulier* 21, § fin. ff. *quod metus causâ*. *L. ult. C. de his quæ vi. C. Abbas eodem* et cum innumeris docet *Th. Sanchez*, l. 4 de *Mat. D. 8*.

R. 1° multos facere discrimen contractus inter onerosos et purè lucrativos; quamvis enim contractus onerosi videantur validi, non tamen ideo validi sunt contractus purè lucrativi. Ratio discriminis est, quia leges et jura debent intelligi, quomodo regulariter magis favent innocenti læso: regulariter autem magis favent si contractus onerosi sint absolutè validi, nec

deseri possint ad arbitrium ledentis: hæc ratio non pugnat in contractibus pure lucrativis, ubi solus ledens lucrat. Item si valeret contractus lucrativi, directe per metum gravem et injustum extorti, valeret etiam licentia prelati per ejusmodi metum extorta, quod satis communiter negatur. Nec ob stare videtur *L. fin. C. De his quæ vi*; ubi donationes sic extortæ jubentur infirmari, quasi non infirmæ forent ante sententiam judicis; potest enim dici quod judices non debeant rescindere, sed tantum irritos declarare hujusmodi contractus. Sed quidquid sit de hæc responsione, quam Th. Sanch. Less. C. de Lugo, Palaeus non probant,

R. 2° C. M. D. m. Valide consentit in donationem secundum quid, *C.*; simpliciter et secundum omnes circumstantias, *N.* Esto viator valide consentiat in donationem nude spectatam, et renuntiet juri reali vel dominio quod habet in vestem; non tamen renuntiat juri quod habet contra minas latronis, et ne per metum injustum cogatur ad donationem, nec etiam renuntiat juri personali quod acquirit per donationem inique extortam. Unde jus viatoris perpetuo resistit acceptioni vel retentioni vestis. Hæc responsio servit etiam ad casum quo quis fraude deceptus, validum init contractum.

25. Obj. 2°: Pupillus dum alienat res suas absque consensu tutoris aut judicis, sæpè renuntiat efficaciter juri: sed, hoc non obstante, patitur injuriam à contrahente, saltem in casu quo tenetur hic etiam in foro conscientie contractum omittere: ergò. *M. prob.* Pupillus sæpè corripit voluntatem ita firmam, seriam et absolutam alienandi res suas, ut nullam habeat, aut habere possit voluntatem contrariam; sed voluntas hæc est efficax: ergò. Quod si dicas, legem resistere; contra est *regula 69, ff. Invito beneficium non datur.*

R. N. M. Ad prob. O. M. D. m. Est efficax attentio solo jure naturali, *C.*; attentio jure positivo, *N.* Jus humanum, ac multò magis divinum potest reddere nostros consensus invalidos et insufficientes ad plurimos effectus morales. Ita scimus irritum esse matrimonium clandestinum, professionem religiosam ante 16 annos ætatis completos, etc. Illa regula civilis habet locum, quando beneficium accipiens est rationabiliter invitatus, secus fallit sæpissimè: nam potest excommunicatus invitatus absolvi, potest ægrotus invitatus sanari.

24. Obj. 3°: Injuria semper fit invito: sed pupillus in priori casu non est invitatus: ergò.

R. D. m. Non est invitatus voluntate physicè suâ, *C.*; moraliter suâ, *N.* Pupilli voluntas est alligata voluntati tutoris, aut magistratûs. Unde quando tutor aut magistratus est invitatus, etiam pupillus est moraliter invitatus. Adde quòd pupillus etiam censeatur invitatus saltem implicite et interpretative, quia voluntate generali cupit esse felix membrum reipublice: pertinet autem ad ipsius felicitatem ut non valeant sui contractus absque consensu tutoris aut magistratûs; quia propter imbecillitatem judicii, subjaceret infinitis

deceptionibus: hæc autem generalis voluntas prævalet intentioni particulari, non aliter ac in ministro sacramentorum; juxta *TT.* sæpissime prævalet universalis intentio.

25. Obj. 4° Contingere potest ut ego cedam jure quod mihi competit in meos cibos, tu verò cibos meos comedas, neglecta vel vilipensâ meâ cessione: sed in hoc casu volenti fit injuria.

R. N. m. Dominus nunquam consentit ut independentem à licentiâ comedas ipsius cibos, neque relaxat unquam obligationem juris adversus actionem quâ comederes ipsius cibos, vilipensâ vel neglectâ licentiâ. Quòd si tamen ita relaxaret obligationem juris, et abdicaret à se prorsus omne dominium, inferretur injuria tantum affectivè, non autem effectivè.

26. Obj. 5°: Ex nostrâ doctrinâ sequitur, occiso nullam injuriam inferri. Nam per homicidium uti destruitur homo, sic destruuntur omnia hominis jura, quæ competunt ad hæc sublunaria: sed quando destruitur jus, locum non habet violatio juris: ergò.

R. N. seq. Ad prob. D. m. Quando destruitur jus ante tuam actionem, sic ut actioni tuæ moraliter non resistat, *C.*; quando destruitur per tuam actionem, et actioni tuæ moraliter resistit, *N.* Homo prout existens instanti *A*, jure suo petit ut non occidas eum instanti *B*: ergo jus existens instanti *A* moraliter resistit occisioni quæ fit instanti *B*. Taceo quòd jus formaliter resideat penes animam; hæc enim sola capax est legitimæ facultatis quâ constituitur jus: atqui jus hoc in animâ perseverat pro instanti quo violenter expellitur ex corpore. Videatur *Hau-noldus, tr. 2 de Jur. et Just. n. 590*, contra *Mart. Esparza*.

27. Obj. 6°: Martyribus, utut volentibus mortem, irrogata fuit ab occisoribus injuria.

R. D. Si non renuntiârunt efficaciter juri ad vitam, *C.*; si renuntiârunt, *N.* Multa strictim hic dicenda. 1° Juxta *S. Th.* alia est voluntas beneplaciti qua desideras mortem; alia voluntas signi quâ renuntias juri ad vitam, vel quâ das alteri licentiam inferendæ. Mortis prior voluntas non necessariò conjungitur cum posteriori. Nam legislator subinde desiderat actionem, quin det licentiam illius; et nonnulli, dum obligant subditos lege poenali, desiderant tacitè transgressionem, ut puniant. 2° Heroes sancti non consenserunt in illicitas actiones tyrannorum; sic enim voluissent peccata: sed tantum desiderârunt perpeccationem, ex hypothesi quòd tyranni per malitiam se determinarent ad infligenda tormenta. 3° Esto potuerint martyres cedere jure suo privato in vitam, tamen nequaquam ad hoc erant obstricti; secus enim quilibet dominus abdicare se deberet dominio rerum, ne patiatur injuriam peccantis. Item hæc cessio nihil admodum minuisset malitiam tortorum, qui perinde sæviissent, sive facta sive non facta fuisset hæc cessio juris, et aliunde martyribus erat melius pati simul injuriam et mortem, quam solam mortem. 4° Licet ex martyribus

complures ante mortem condonârunt tortoribus omnem injuriam, tamen propterea non abdicârunt jus ad vitam. Nam illa condonatio fuit tantum abdicatio juris ad iram, indignationem et aversionem contra tortores, aut vindictam in hac vitâ petendam. Sic etiam multi condonant aliis injuriam detractio- nis, incendii, vel furti, non tamen remittunt obligationem restitutionis. 5° Scriptura satis clarè manifestat eos non renuntiâsse juri ad vitam. Quippe, Sap. 7, tribuitur ipsis *actio injuriarum* contra tortores in extremo judicio. 6° Juxta plurimos, utut voluissent athletæ sanctissimi, tamen efficaciter abdicare non poterant jus ad vitam, quia non erant domini vitæ. Verùm Card. de Lugo, D. 8 de J. n. 13, est contrarius, et Aristoteles, quem communiter sequi solet Angelicus Doctor, 5 Eth. c. 9, cum docet, volenti non fieri injuriam; affert exemplum Euripidis de filio qui matrem volentem occidit.

28. *Obj. 7°*: Qui cum peccato mortali manus injicit in clericum utut volentem, afficit injuriâ clericum, et incidit in excommunicationem latæ sententiæ, *cap. contingit 1, de sentent. excommunic.* Idem est si clericum volentem convenias coram judice seculari.

R. Si clericus validè renuntiet juri suo, non committitur quidem injuria contra clericum, ut personam privatam; committitur tamen contra statum aut communitatem clericalem, cujus juri, utpotè non suo, renuntiare nunquam validè potest privatus clericus. Imò, si clericus ipse violentas in se manus injiceret cum peccato gravi, propter eandem rationem incurreret canonis excommunicationem, ut cum communi docet card. de Lugo, d. 8, n. 9. Nam verò clericus validè renuntiet juri privato, dubium est inter auctores. Esparza cum multis negat: c. de Lugo cum multis affirmat: quia nullum est jus, per quod invalida reddatur ejusmodi renuntiatio.

29. *Obj. 8°*: Marito quantumvis consentienti fit injuria per adulterium uxoris, et nisi committeretur injuria, non committeretur adulterium, sed simplex tantum fornicatio, quod est nefas asserere post Innoc. XI decretum, ubi damnatur hæc 50° propositio: *Copula cum conjugatâ, consentiente marito, non est adulterium, adeoque sufficit in confessione dicere, se esse fornicatum.*

R. D. Consentienti tantum invalidè, C.; validè consentienti, N. Communiter in adulterio mulieris triplex malitia concurrit. Una contra castitatem; altera contra fidem et puritatem matrimonii, ac contra bonum proles; tertia contra jus mariti. Cardenas, diss. 3, n. 48, in fidelibus addit malitiam irreligiositatis contra sacramentum matrimonii. Prima et secunda malitia semper adest, etiamsi maritus consentiat. Unde non benè confitetur uxor se fornicatam. An verò tertia malitia separari possit, disputant auctores. C. de Lugo. Less. et Moya concedunt. Cajetanus autem, Dicastill. Turrian. Anton. Perez, Espar. Maurus, Cardenas, Illung et alii communiùs negant; quia non aliter ab uxore violari potest fides et puritas matrimonii, nisi quatenus violatur jus mariti, quod acqui-

sivit per contractum matrimonii. Juxta priorem sententiam specialiter aperiendum est in confessione, si fiat adulterium consentiente marito; quia mutatur species peccati, nec habet omnes tres solitas malitias adulterii.

30. *Obj. 9°*: Detractor agit injustè, si graviter infamet monachum volentem, licèt hic validè renuntiet juri ad famam.

R. Agit injustè contra monachum consentientem, N.; contra coenobium aut ordinem, C. Monachus validè quidem renuntiat juri privato ad famam, ut multi concedunt; non tamen validè renuntiat juri totius coenobii vel ordinis, qui sæpè per infamiam unius atro carbone notatur.

31. *Obj. 10°*: Usurarius infert injuriam mutuuario, si quid petat vel accipiat ultra sortem, esto mutuarius sciens et volens det.

R. Si mutuarius sponte suâ donet aliquid ultra sortem, nulla fit usura, nec mutuarius patitur injuriam. 2° Si mutuarius det aliquid ultra sortem tanquam pretium absolutè debitum, et ex justitiâ, consensus ex communi TT. est nullus; quia nullus adest titulus quo transferri possit dominium, et consensus fertur in aliquid impossibile. Nam pretium mutui repugnat ex omni jure, naturali, divino, canonico et civili saltem particulari christianarum gentium. Deinde vel mutuarius scit nihil ultra sortem ex justitiâ deberi, vel non. Si posterius, injustè decipitur ab usurario petente vel accipiente pretium; si prius, ordinariè non habet animum transferendi dominium usuræ, sed tantum exterius eam dat: traditio verò sola citra consensum internum non transfert dominium, *L. nunq. 31, ff. De acquir. domin.* 3° Si verò mutuarius solvit usuram ex titulo fidelitatis, quia promisit usuram, putat quidem card. de Lugo, quem sequitur Haunold. Tr. 9, n. 452, transferri dominium, sed mutuarius tamen aliunde patitur injuriam; quia dominus, volens aliter dare mutuum injustè coegit ad promissionem, vel saltem injustè promissionem accepit.

52. *Obj. 11°*: Simoniacus facit injuriam danti rem temporalem, quantumvis iste consentiat.

R. Si simoniacus ex justitiâ teneatur gratis dare rem spiritualement, C.; si teneatur tantum ex virtute religionis, N. An simonia semper sit contra justitiam, disputant auctores, et Suar. tom. 1. de Rel. l. 4, c. 59 et 60, sequentia tenet: 1° Qui vendit functionem spiritualement, ad quam aliunde tenetur ex justitiâ, ratione muneris aut stipendii, procul dubio peccat contra justitiam, v. g. parochus, qui ratione beneficii tenetur gratis dicere sacrum. 2° Qui vendit beneficia quorum est administrator tantum, uti v. g. prælatus, episcopus, vicarius, iterum peccat contra justitiam, quia vendit rem non suam, non aliter ac si regis elemosynarius venderet elemosynas, aut hæres pia legata. 3° Qui vendit rem spiritualement ut spiritualement, videtur iterum peccare contra justitiam, quia vendit rem simpliciter invendibilem, et quæ secundum prudentem rationem non est æstimabilis pretio temporali; et alias

etiam non ageret injuste, si propter spiritualitatem pro missa vel baptismo peteret mille vel plures aureos. Item spiritualia, prout sunt spiritualia, non sunt sub dominio hominis; et Deus concedit tantum potestatem illa monstrandi gratis. 4° Qui moderato pretio vendit præcise commodum temporale, quod est annexum enti spirituali, quod alimde non tenetur ex justitia præstare, esto committat simoniam, peccare tantum videtur contra religionem; quia commodum illud per se est pretio æstimabile. 5° Et hinc, spectato solo jure naturali, non tenetur ad restitutionem, qui vendit beneficium suum, in quod habet jus, et ex quo percipit emolumenta temporalia; ac esto, non transferat jus in emptorem, tamen abdicat se suo jure. Item, qui carius vendit fundum propter jus patronatus, et commoditates temporales quæ proveniunt ex jure patronatus. Qui carius vendit miraculosam imaginem, ob lucrum, quod illius occasione habetur. I trium assertiones istæ sint veræ, videbimus alibi.

55. *Obj. 12°*: Per *L. 1, C. De raptu virg.* pœnâ capitali puniendi sunt qui rapuerint virginem etiam volentem: hæc verò lex supponit injuriam fieri volenti virgini.

R. N. m. Non solum injustitia, sed et alia peccata graviora merentur capitale supplicium. Dein esto non inferatur injuria virgini, parentibus tamen inferitur et reipublicæ, quibus non licet eripere puellas per vim. Sic etiam, qui seipsum occidit ponitur à republicâ pœnis infamie, confiscationis bonorum, et privationis sepulture. Quamvis enim non inferat injuriam sibi ipsi, cum justitia et injustitia semper sit ad alterum, tamen injuriam inferit civitati vel reipublicæ, quam violenter privat membro.

QUESTIO III.

QUID SIT RESTITUTIO, QUENAM EIUS NECESSITAS?

51. *Dico 1°*: Restitutio dupliciter à TT. accipitur, latius et strictius. Priori modo definit eam Lessius, l. 2, c. 7, n. 13: Est rei acceptæ redditio, vel damni illati compensatio. Posteriori describunt illam RR. cum C. de Lugo, D. 8, n. 17: Est juris alieni redintegratio, vel, actus justitiæ commutativæ, quo reparatur jus alterius materialiter aut formaliter lesum. Prima definitio comprehendit etiam redditionem mutui, commodati, depositi, pignoris, ubi non præcessit alieni juris violatio; secunda definitio non comprehendit; et quamvis prima deducatur ex verbis S. Th. q. 62, a. 1, O. non tamen ideo rejici meretur secunda, cum in re convenient auctores.

52. *Dico 2°*: Restitutio differt à solutione. Nam 1° solutio non semper est actus justitiæ commutativæ, v. g. cum solvimus ea quæ debemus ex voto, jramento, caritate, vel misericordiâ. 2° Cum reddimus rem acceptam, v. g. pignus, depositum, commodatum, non dicimur solvere, sed restituere. 3° Restitutio communiter fit in eadem re, solutio fit in diversa.

53. *Dico 3°*: Restitutio differt à satisfatione. Nam 1° finis satisfationis est satisfacere justitiæ vindica-

tæ, vel sustinere tantam pœnâ, quantum culpa præterita juxta vindictivam justitiæ meretur. Finis restitutionis est satisfacere justitiæ commutativæ, et impedire damnum imminens ex injusta læsione. 2° Finis satisfationis est, ut corrigatur delinquens, vel aut per exemplum à delictis avertantur. Finis restitutionis, ut quilibet habeat quod suum est. 3° Satisfactio regulariter non debetur ante sententiam judicis. Restitutio regulariter debetur ante omnem sententiam judicis.

54. *Dico 4°*: Restitutio differt à satisfatione. Nam 1° satisfactio generatim est solutio cujuslibet delicti, sive sit ex præcepto justitiæ, sive sit ex præceptis aliarum virtutum. 2° Satisfactio pressius est reconciliatio offensi per obsequium, petitionem veniæ, et similia. 3° Satisfactio potissimum est in utilitatem satisfaciens, ut propter obsequia sua liberetur à pœnâ, quam delicto promeritus est. Restitutio potissimum est in utilitatem illius cui fit restitutio.

55. *Dico 5°*: Restitutio non est ad salutem necessaria necessitate mediæ, sed tantum necessitate præcepti. Ita fere omnes TT. contra pauculos antiquos, qui dissentire videntur apud Navarram. *Ratio*. Nam, ut fusiùs exponit C. de Lugo, D. 3 de Euch. sect. 1, tantum illud est necessarium necessitate mediæ, quod est medium per se requisitum et ordinatum ad conferendam aut constituendam justificationem hominis, quo modo necessaria sunt, v. g., *baptismus*, qui per se requiritur, ut deleat peccatum, et conferat homini primam gratiam sanctificantem; *fides remuneratoris Dei*, quæ per se disponit ad primam gratiam sanctificantem, et justificationem; *pœnitentia post lapsum*, quæ juxta cœlestem ordinationem nos reconciliat cum Deo; *gratia prima sanctificans*, quæ vel maxime constituit justificationem: atqui tali modo non est necessaria restitutio, quæ per se non confert primam gratiam, nec directè ullatenus influit in justificationem, sed est necessaria tantum ut evitetur novum peccatum. 2° Quamvis Eucharistia juxta multos, attrito, bonâ fide procedenti, conferat primam gratiam, non tamen dicitur necessaria necessitate mediæ; quia per se non ordinatur ad conferendam primam gratiam, et per accidens est quòd in aliquo casu conferat: ergò multò magis hoc dici debet de restitutione. 3° Restitutio non aliter est ad salutem necessaria, quàm adimpletio cujuslibet præcepti naturalis graviter obligantis: nemo tamen asserit eam ideo necessariam necessitate mediæ.

56. *Dico 6°*: Restitutio non ita requiritur ad salutem, ut anima defuncti detineatur in purgatorio, donec restitutio fiat ab hæredibus. Ita communis TT. apud Dieastill. D. 4 de Restit. n. 38, contra popularem errorem. *Ratio 1°*. Vel enim defunctus, antequam obiret, fecit, quantum potuit, aut certè quantum sub culpâ gravi debuit, ad implendum præceptum restitutionis, vel non. Si posterius: est in loco unde non datur regressus. Si prius: ergò si satis est passus pro suis peccatis, æquum non est ut propter culpam hæredis amplius torqueatur. 2°. Hæredes multi semper

negligunt restitutionem : ergo defunctorum animæ vel nunquam vel tantum post extremum judicii diem evaderent flammæ. 5°. Defunctus ante mortem non raro lucratur plenarias indulgentias, et, quid si susceperet baptismum, aut afficeretur martyrio? Num etiam iste propter alienam culpam cruciandus semper est in purgatorio? Solum id populo dandum, animabus defunctorum sæpissimè proficuum esse restitutionem, ut citius liberentur, prout infra dicemus.

40. *Dico 7°* : Præceptum restitutionis rectius dicitur affirmativum quàm negativum. Ita S. Th. hic q. 62, a. 8, ad 1, Sotus, Valent. Less. Herinex et alii contra multos. *Ratio 1°*. Præceptum restituendi per se directè præcipit actum positivum, v. g. compensationem illati damni, retractionem infamatorii dicti, redditionem accepti. 2°. Quamvis præceptum restituendi reductivè vel indirectè pertineat ad præceptum negativum non furandi, tamen directè præcipit aliquid aliud quàm præceptum non furandi. Nam aliud est omittere furtum, et aliud restituere : sed hæc diversitas explicari non potest, nisi dicas, per præceptum restitutionis directè præcipi positivum actum restitutionis, et præcepto non furandi directè præcipi tantum omissionem furti. 3°. Præceptum solvendi pecunias debitas ex contractu est affirmativum non minus ac præceptum dandi eleemosynam : ergo et præceptum restituendi.

Objectiones.

41. *Obj. 1°* : Christus, Luc. 11, 41, cum increpauisset Phariseos ob rapinas et usuras, continuò subjunxit : *Veruntamen, quod superest, date eleemosynam, et ecce omnia munda sunt vobis* : ergo non est necessaria restitutio.

R. N. C. quæ similis est huic : ergo non est necessaria pœnitentia. Textus tripliciter exponitur. 1° Christus hortatus est ad eleemosynas, non quòd seorsim sufficiant, sed quòd impetrent, aut de congruo mereantur auxilia pœnitentiæ. 2° Christus videtur ironicè locutus, quasi diceret : Date eleemosynam de acceptis per fas et nefas, canite tubà ante vos, et erit salva res. 3° Fortasse Christus intellexit bona incerta ex delicto, quæ sunt eroganda pauperibus. Omnes expositiones sunt bonæ, sed prima præplacet.

42. *Obj. 2°* : Creditor ex caritate tenetur postponere bona temporalia, ne proximus damnetur : ergo tenetur remittere debitum nolenti restituere : ergo debitor est liber ab onere restitutionis ; quia non retinet invito, sed permittente domino.

R. N. A. Argumentum probat etiam furtum non esse peccatum, vel potiùs nullum esse possibile furtum ; quia dominus ex caritate teneretur impedire peccatum grave furis, et dare jus in bona sua. 2° Obligatio remittendi cuius debita brevissimo spatio redigeret omnes ad extremam inopiam, et everteret totum commercium humanum. 3° Caritas tantum obligat in casu quo proximus est in necessitate, vel quando se liberare non potest ab æternà damnatione, vel alio gravi malo.

43. *Obj. 3°* : Restitutio post actionem graviter ini-

quam, est ad salutem necessaria, vel in se, vel in voto, non minus ac baptismus, aut pœnitentia sacramentalis post lapsum : ergo est necessaria necessitate medii.

R. D. A. Non minus est necessaria, vel est æquè necessaria æqualitate quadam generica, C.; æqualitate specifica et ejusdem ordinis, N. Post actionem graviter et iniquè damnificantem, restitutio quidem est simpliciter necessaria vel in se, vel in voto, non tamen est medium per se requisitum et ordinatum ad delendum peccatum, aut conferendam gratiam justificantem. 2° Injustus damnificator, si nondum restituit, vel fortassis etiam restituere non potest, debet quidem in pœnitentià concipere votum aut propositum saltem implicitum restituendi, casu quo restitutio fieret possibilis : votum verò vel desiderium restitutionis non est votum et desiderium alicujus medii per se influentis ad justificationem. 3° Observantia cujuslibet præcepti graviter obligantis est ad salutem necessaria vel in se, vel in voto, quòd implicitè continetur in amore Dei super omnia, vel dolore serio peccatorum ; nemo tamen dicet, observantiam cujuslibet præcepti esse necessariam necessitate medii.

44. *Obj. 4°* : Extant in historiis plurimæ revelationes animarum quæ vivis apparuere, petentes restitutionem, ut liberarentur purgantibus flammis, et S. Brigitta, l. 6 Revel. c. 66, testatur animas in purgatorio tamdiu cruciari, donec restituantur quod ablatum : Revelationes autem S. Brigittæ non debent à cordato theologo rejici, cum eas accuratè priùs discussas approbârint Greg. XI, Urb. VI, Bonif. IX, Martinus V, ac eas valde commendent gravissimi doctores Cordub. Turrecr. Canis. Suar. Vasq. Salazar, Lezana.

R. Hoc argumento tantum evinci quòd animæ citius liberentur restitutione factâ ; neque plus indicatur in revelationibus S. Brigittæ, quàm quòd restitutio defunctorum animabus plurimum prosit. Et *ratio* : 1° quia sæpissimè viventes offerunt pro defuncto restitutionem ut opus satisfactorium. 2° Restitutio fit ex affectu commiserationis, quæ videtur instar orationis impetrare mitigationem pœnarum. 3° Qui restitutionem aut eleemosynam accipiunt, excitantur ad suffragia pro defuncto. 4° Verosimiliter opera quæ fiunt ex præcepto defuncti, movent Deum ut facilius exaudiat preces in ejus gratiam, vel etiam ut excitet alios viventes ad orandum pro defuncto. 5° Sicut effectus alii peccatorum quæ commisit defunctus, sæpissimè sunt causa cur Deus non abbreviet pœnas purgatorii, vel non acceptet statim preces illis applicatas ; ita movere potest etiam omissio restitutionis, et damnum, aut afflictio quam proximus patitur ex neglectâ restitutione. Et hinc meritò SS. canones, C. qui oblationes 9, q. 2, excommunicationem statuunt in desides executores testamentorum.

45. *Obj. 5°* : Animæ purgantes non liberantur à pœnis, donec præstiterint condignam satisfactionem pro suis peccatis : ad condignam verò satisfactionem requiritur restitutio.

R. N. M. et m. 1° Ut liberentur animæ, requiritur

tantum debita satisfactio. 2° Sicut anime purgantes non possunt amplius mereri, sic juxta plurimos non possunt amplius satisfacere. 3° Esto possent satisfacere non tamen satisfacerent per restitutionem ab herediis factam, quia non videtur hæc ab illis humano modo procedere: cum eam post mortem non possint amplius procurare vel impedire, nec voluntas defactorum in illam virtualiter influat. Sic etiam non mereris aut satisfacis formaliter per opera que fiunt a servo tuo te dormiente, quamvis ea prius imperaveris.

46. *Obj. 6°*: Præceptum restitutionis videtur esse potius negativum; nam idem est præcipere: *restituere*, et, *non detinere rem alienam*; hoc vero secundum præceptum est utique negativum.

R. Non esse proprie synonyma, *restituere*, et *non detinere rem alienam*; nam qui non restituit famam aut honorem, non proprie dicitur detinere famam aut honorem alterius. 2° Qui nihil habet de proximi bonis, nec ullatenus eum læsit, non detinet rem alienam, et tamen non ideo restituit. 3° Si præceptum restitutionis plus non præciperet quam ut non retinerem rem alienam, satisfacerem abijciendo rem in flumen. Alii casum miraculosum fingunt, quo res aliena replicaretur, in quo si rediret equus ad dominum, esto foret apud me replicatus, nihil agerem contra restitutionis præceptum.

47. *Obj. 7°*: Præceptum restitutionis obligat semper et pro semper: sed hoc est proprium solius præcepti negativi: ergo. *M. ex eo patet.* Præceptum non accipiendi rem alienam, invito rationabiliter domino, obligat semper et pro semper: ergo et præceptum non detinendi rem alienam, vel non omittendi restitutionem, invito rationabiliter domino.

R. N. m. Præceptum restitutionis, etsi directè sit affirmativum, indirectè tamen includit etiam præceptum negativum, prohibens detentionem alienæ rei, vel læsionem alieni juris, ut observat S. Th. q. 62, a. 8, ad 1.

48. *Obj. 8°*: Posset dici quòd præceptum restitutionis ex genere suo nec sit affirmativum, nec sit negativum determinatè, sed ab utroque præscindat; quia præcipit tantum redintegrationem alieni juris: hæc verò, licèt communiter fiat per actionem positivam, subinde tamen fieri potest per actionem negativam, ut si detineres alterius rem, v. g. bovem, vaccam, aut canem, et animal absque tuâ actione rediret ad dominum. 2° Si possidens fundum alienum, non resisteres domino fundum sibi vindicanti. 3° Si princeps, occupans injustè provinciam, cum militibus eam deserat.

R. N. a. Ad prob. In hoc casu cessat obligatio restitutionis ob defectum materie, non tamen propriè satisfacis præcepto restitutionis; quia propriè non reddis rem domino. Sic etiam non satisfacis præcepto restitutionis, si dominus ultrò tibi condonet restitutionem. Non satisfacis præcepto elemosynæ per hoc præcisè, quòd pauper rapiat tibi pecuniam. *Ad secundum* eadem est responsio. *Ad tertium* illa cessio corporalis jam est actio positiva. Deinde non sufficit quo-

modocumque deserere rem iniique possessam, sed debet domino suo reddi. Verum de his plus nuncio.

Quæstio IV.

EX QUIBUS TITULIS ORITUR OBLIGATIO RESTITUTIONIS?

49. *Dico 1°*: Primus titulus est injusta acceptio, vel injusta læsio. *Ratio 1°* est auctoritas communis SS. PP. e quibus Augustinus supra citatus, I post. 54 ad Macedonem: *Si res aliena, propter quam peccatum est, reddi potest, et non redditur, penitentia non agitur, sed fingitur. Quod si verò agitur, non dimittitur peccatum, nisi restituatur ablatum.* Quæ verba concil. Turon. tanquam Ecclesiæ doctrinam amplexum est, teste Sabonio. 2. Nisi titulus hic fundaret obligationem restitutionis, rueret omne commercium humanum, nulla posset consistere pax, et latissima via panderetur furtis, rapinis, fraudibus, usuris et aliis injustitiis infinitis. 3. Qui domino rationabiliter volenti non resarciit damnum injustè datum, nisi per impotentiam excusetur, voluntariè continuat damnum injustè datum: hoc autem non minus est nefas quam primo dare damnum injustè. 4. Jus domini per furtum, rapinam, aut aliam injuriam non tollitur, sed præcisè læditur. Unde licèt dominus facere non possit ut injuria non sit facta, cum factum infectum reddi non possit, meritò tamen exigere potest ut injuria non perseveret in effectu. 5. Denique veritas hæc est ita patens ut etiam à barbaris communiter agnoscat, in quibus sepeliri non potest illud rationis lumen: *Quod tibi non vis fieri, alteri non feceris.*

50. *Dico 2°*: Alter titulus est res accepta. *Ratio 1°*. Naturalis æquitas non patitur aliquem cum alterius detrimento locupletari. *L. nam hoc natura* 14, ff. de condict. indeb. *L. jure nature* 206, ff. de R. J. C. locupletari de R. J. in 6. 2. Qui, domino rationabiliter invito, rem alienam detinet, putans esse suam, errore cognito non potest ulterius eam detinere, nisi velit committere furtum aut injustitiam. Idem est si re venditæ detineat pretium, et ditior sit factus; nam res et pretium ex re comparatur moraliter æquivalent, et unum alteri subrogatur, ac, ut antea dictum, æquum non est tecum alterius detrimento locupletari. 3. Quamdiu res aliena formaliter extat in se, vel æquivalenter in suo pretio, dominus habet jus vindicandi rem suam, aut exigendi pretium rei substitutum; et nemo jus suum amittere debet, nisi vel per voluntarium consensum, vel ob propriam culpam injustitiæ, vel ob dispositionem legis, vel propter casum purè fortuitum. 4. Naturale lumen exigit ut qui plus habet quàm quod ei ratione sui juris competit, reddat ei qui minus exinde habet quàm quod ei jure competit. 5. Nisi hic titulus fundaret obligationem restitutionis, dissolveretur omne commercium, pax et tranquillitas humana.

51. *Dico 3°*: Secluso speciali contractu, vel particulari hominum lege, non datur alius titulus restitutionis extra predictos. Ita communiter TT. cum S. Th. q. 62, a. 6. C. *Ratio.* Vel enim extat apud te res aliena, vel non. Si prius; teneris ad restitutionem ti-

tulo rei acceptæ. Si posterius; per se et secluso speciali contractu, vel particulari hominum lege, non teneris ad restitutionem, nisi ablatio, vel actio tua *damnificativa* fuerit formaliter injusta. Nam 1° qui rem alterius absumpsit bonâ fide, rationabiliter existimans esse suam, nec inde factus est locupletior, ad nihil tenetur, ut docent receptissima jura. *L. item veniunt* 20, § *præter hæc. L. sed etsi lege* 25, ff. *de petit. hæred.* 2° Qui rem alterius innocenter et casu purè fortuito perdidit, secluso speciali contractu, iterum ad nihil tenetur. *C. unic. de commodat.* 3° Rursum ex communissima TT. non subjacet restitutioni qui rem alterius bonâ fide credidit esse suam, et turpiter aut prodigè destruxit absque lucro; quamvis enim egerit turpiter et prodigè, non tamen egit injustè, nec domino veram injuriam intulit. 4° Qui nocumento suo voluntario non læsit formaliter justitiam, sed alias virtutes ad alterum, v. g. caritatem, misericordiam, votum, etc., nullatenus obligatur ad restitutionem, nisi res aliena formaliter aut æquivalenter extet, ut denuo sentit communissima TT. et infrâ fusiùs ostendam. 5° Restitutio solùm est actus justitiæ commutativæ: sed ista non corrigit aliud delictum quàm injustitiæ, quod solùm est sibi contrarium.

52. Ex his assertionibus infer 1° esse latissimum discrimen inter titulum injustæ acceptionis et titulum rei acceptæ: nam titulo rei acceptæ non teneris, nisi res aliena formaliter aut æquivalenter extet, ac faciat te ditiozem. Titulo injustæ acceptionis aut læsionis teneris, etiamsi nullum temporale commodum acquisieris aut habeas ex re alienâ, v. g., si malitiosè succendisti domum, aut horreum Caii, si calumniis denigrasti famam Titii, vel contumeliis proscidisti honorem Sempronii. Si enim ex justitiâ teneris non supponere fomitem ignitum alienis ædibus, etiam ex justitiâ teneris suppositum à te fomitem remove, priusquam ædes ardeant. Igitur ex justitiâ pariter teneris impedire per restitutionem ne continuetur damnum injustâ suceensione datum.

53. Infer 2° obligationem restitutionis ex injustâ culpâ non consurgere, si præcisè tentatum, sed non efficaciter illatum est damnum. Ita si quem injustis quidem modis, sed incassum impedire tentasti quominus consequeretur sua bona, non teneris ad restitutionem; quia restitutio, quæ debetur ob injustam culpam, tantum eò tendit, ut reparetur jus efficaciter læsum, aut resarciatur damnum injustè datum. Hinc etiam qui destruxit injustè rem alterius, quæ per incendium, tempestatem, aut alium casum purè fortuitum certò periisset apud dominum, juxta multos non tenetur ad restitutionem, de quo tamen alibi. V. infrâ, n. 504.

54. Infer 3° possessorem bonæ fidei, qui per errorem inculpatum detinet rem alterius, teneri statim ad restitutionem, ubi certò comperit esse rem alterius, nisi fortè dominus consentiat in moram et dilationem restitutionis; aliàs enim fit male fidei possessor et fur. Dixi, *cum certò comperit*; nam si tantum dubitat, manet in possessione, donec veritatem liquidâ vel

multò probabiliùs comperiât, ut alibi statuemus.

55. Infer 4° detentorem alieni, compertâ veritate, non posse (*regulariter*) pretium exigere pro restitutione; sic enim venderet domino rem suam, quod jure non solùm naturali, sed et humano damnatur. *L. suæ rei* 16, ff. *De contrah. empt. et vendit.*, ubi ejusmodi venditio dicitur nulla. Quocirca conscientiiis suis pessimè consulunt, qui rem casu repertam nolunt reddere, nisi pretio priùs persoluto.

Suprà dictæ restitutioni adversantur qui dispositiones articuli 2280 Codicis civilis pro æquitatis normâ ducere non dubitant, legis quidem auctoritate freti, conscientiæ verò non assensu et ratiocinii auxiliis adjuti. Statuit enim articulus iste rem amissam, imò et furtivam, in commercio verò versatam, quàm apud mercatores et in foro et nundinâ publicetur, domino ipsi repententi gratuitò non esse restituendam. Quasi verò rei ablatæ primitivam labem commercii vices detergere possent, resque multis voluta manibus originis suæ vitium purgaret. Contra quæ multiplicia et in Digestis argumenta reperire est; negotiatorum verò in securitatem et tutelam lex talem exceptionem decernere potuit, ut et præscriptionis usucapionisque jura tueri, dummodò tamen bonæ fuerit emptor fidei, nullo enim in casu mala fides dominium conferre valet. Commerciis enim plurimùm interest ut incertum non pendeat rei dominium, traditionisque et possessionis jura multo favore dignentur, ne exquirendis titulis tempus consumptum, inutiliter disperdatur, celeritque permutationum noceat. Ita et sentiunt Daelman, Dens, Billuart, Collet, D. Gousset et Bouvier, Codicisque commentarium; eâ tamen restrictione, ut etiam in lege civili, casus intra præscriptos coerceatur ista à conscientiâ et naturali æquitate aberratio, utque imprudenti rerum alienarum emptori dominica revendicatio ubique occurrat, imò et poenas graves eliciat, quotiescumque, lege non approbante suspectarum personarum conditionibus manus dederit.

2° Si emisti modico rem alterius, ut cam restituas domino, qui aliàs eâ foret cariturus, potes ab illo pretium exigere tanquàm utilis negotii gestor. Imò subinde potes totum pretium expetere, si scias dominum ita constitutum, ut malit expendi totum pretium quàm omnino ferre jacturam rei. Quòd si tamen falsò credas hanc esse domini mentem, petere non potes totum pretium, ut contra Lessium benè probat C. de Lugo, D. 17, n. 4; nam in hoc casu non es utilis negotii gestor: et aliàs, si rem ipsius emisisses pretio admodum excessivo, dominus ob ignorantiam et errorem tuum cogeretur vel invitatus subire jacturam rei, vel redimere rem suam pretio excessivo.

56. Infer 5° si bonâ fide rem alienam emisti justa pretio, et durante eadem fide rem iterum vendidisti æquali vel miniori pretio, te ad nihil teneri, cum non sis factus ditior.

*Severius apud Billuart et Dens argumentum in emptoris damnum reperias; siquidem nihil respicientes ad bonam fidem, oblique sui in commercii commodum ruperrimi propensùs, contendunt principiis et conse-

quantitas alius esse locum, scilicet: 1° Pretium est representatio rei, ejus vires occupat: qui ergo in rem jus habet, jus habet et in pretium; atqui in rem alienam nullum jus tibi datur, ergo et nullum in pretium, et si rem alienaveris, pretium etiam solvere debes. 2° Nemo ditior fieri potest divitiis alienis: atqui, rem alienam adipiscendo, ex opibus alienis ditatus es, siquidem nullo jure eam consequi poteris; pretium præterea furi a te datum jam ad te non pertinebat, rem ergo servando ditior factus es, siquidem per ipsam compensasti damnum quod a fure illatum perpessus eras. Inde concludunt restituendam esse rem domino, teque teneri seu objecti, seu pretii de reintegratione.

Si vero vendidisti majori pretio, et excessus iste fuit fructus peculiaris industriæ et laboris tui, v. g. quia transportasti rem in alium locum, poteris illum excessum retinere; quia non es factus locupletior ex re alienâ, sed à tuâ industriâ et labore. Si verò excessus ille non fuit fructus peculiaris industriæ et laboris tui, sed potius ipsius rei, v. g. si vitulus aut equus adolevit, vel vinea vel hortus per maturitatem fructuum melior evasit, non potes excessum tibi retinere, ut cum communi C. de Lugo ubi supra, n. 19 et 20.

57. Inter 6° Titium, qui bonâ fide rem Caii donavit Sempronio, non donaturus aliam, si re Caii caruisset, ad nihil teneri; quia non est factus ditior ex alienâ re, nec amplius habet rem Caii, vel pretium rei subrogatum. Secus esset, si rem aliam ex suis donasset; tunc enim ex alienâ re factus est ditior, et pepercit rei suæ: tenetur igitur ad restitutionem, in quantum factus est ditior. Idem ex communi dicendum, si Titius bonâ fide comedit apud Caium cibos Sempronii: videndum quippe num Titius factus sit ditior, et quomodo pepercit domi sumptibus ciborum.

58. Inter 7° Titium qui rem Caii sibi donatam bonâ fide vendidit Sempronio, debere Caio restituere pretium, si Caius rem suam vindicare non possit à Sempronio. Si verò Caius rem suam vindicet à Sempronio, Titium debere pretium restituere Sempronio. Ratio prioris est; quia Titius ex alienâ re factus est ditior, et rem Caii commutavit in pretium, ac jus reale, quod habebat antea Caius contra Titium, propter acceptionem pretii conversum est in jus personale. Ratio posterioris est, quia venditio Titii non erat omnino valida, nec transtulit rei dominium in emptorem Sempronium: igitur Sempronius habet jus ad rescissionem contractus.

59. Inter 8° restitutioni non obnoxium esse qui non causaliter, sed tantum occasionaliter ex alienâ re factus est ditior. Dicitur autem occasionaliter factus ditior, qui rem alienam nunquam habuit, nec convertit in pretium, aut parcimoniam suarum facultatum. Ita si fur occasione spoliî lætior donaret tibi rem propriam, non esses obnoxius restitutioni, licet furtassè fur non fuisset donaturus, si timuisset rem furtivam iterum à se vindicatam iri. Sic etiam, ut C. de Lugo supra, n. 14, si Titius rem alienam bonâ fide vendidisset Caio, pretium verò donasset Sempronio, Sempronius comparanti domino non deberet restituere

pretium; quia dominus nullum haberet jus contra Sempronium: non reale; quia Sempronius rem domini non habet: non personale; quia Sempronius nunquam habuit rem alienam, nec illam commutavit in pretium. Pecunia verò quam Titius ipsi dedit, fuit verè Titii; quia per venditionem transit in ejus dominium. Similiter occasionaliter tantum fit ditior, qui rem alienam quidem habet, sed illam præcise tanquam instrumentum adhibet ad consequendum fructum industriæ vel laboris, v. g. qui negotiatur alienis pecuniis, et ex eâ negotiatione magnum percipit lucrum; hic enim fructus non oritur à pecuniâ, quæ sterilis reputatur, sed à solo labore vel industriâ.

60. Inter 9° cum qui causaliter ex alienâ re factus est ditior, non teneri semper ad restitutionem, in quantum factus est ditior. Alias qui vocatus ad convivium bonâ fide consumeret cibos furtivos valentes medio floreno, cum tamen domi consumpsisset cibos valentes integro floreno, deberet restituere totum florenum. Satis est igitur si restituat medium florenum, scilicet, in quantum factus est ditior usque ad valorem alienæ rei quam bonâ fide consumpsit. Sic enim æquatè resarcit damnum à se datum cum lucro.

OBJECTIONES.

61. *Obj. 1°*: Qui per inculpabilem errorem alteri detrahit, tenetur ad restitutionem famæ, saltem si possit absque notabili damno, vel molestiâ: at nec tenetur titulo rei acceptæ, neque titulo injustæ acceptionis.

Respondent complures, teneri detractorem titulo rei acceptæ. Nam moraliter censetur retinere famam alterius, qui, cum possit, eam non restituit.

R. 2°: Tenetur restituere per accidens, et indirectè, C.; per se et directè, N. Detractor in hoc casu per se vel directè tenetur non continuare detractionem: continuaret autem virtualiter, nisi retractaret dicta; nam silentium ipsius videretur esse virtualis approbatio dictorum.

62. *Obj. 2°*: Si vera prior responsio, sequitur, cum qui prorsus inculpate, sed absque suo lucro causavit alteri grave damnum in bonis fortunæ, saltem indirectè vel per accidens obligari ad restitutionem; quia, nisi restituat, virtualiter continuat damnum.

R. N. sequulam. Damnum hoc ordinariè non possum compensare citra meum æquale vel grave damnum. Unde sicut non teneor restituere famam innocenter ablata cum æquali meâ infamiâ, sic etiam in altero casu non teneor compensare damnum.

63. *Obj. 3°*: Quid si patiens damnum esset pauper, inferens autem opulentus? In hoc casu, licet opulentus jure naturali deberet compensare damnum inculpate datum, non pateretur æquale damnum.

R. D. m. Non pateretur æquale damnum formaliter, C.; materialiter, N. Quamvis opulento facilis sit subire jacturam unius aurei quam pauperi, tamen si deberet compensare damnum à se inculpate datum et æstimatum uno aureo, pateretur absolutè grave damnum: ad hoc autem natura per se non obligat; quia nemo doctorum hanc obligationem cognoscit. Item natura semper in suis obligationibus attendit ad casus communiter contingentes, vel ad ea quæ communiter se-

querentur ex obligatione: foret autem ordinariè nimis arduum, si quis compensare deberet grave damnum inculpatè datum in bonum fortune. Non est autem ordinariè nimis arduum, si quis retractare debeat dicta per errorem inculpabilem de proximo.

64. *Obj. 4^a*: Si res aliena sit ex eorum genere quæ functionem recipiunt, et unico suo usu consumuntur, ut pecunia, vinum, oleum, triticum, cibus; et ego rem illam bonâ fide consumpsi apud furem, tamen si fur restituere potest rem similem ejusdem bonitatis et valoris, non teneor ego quid restituere, quamvis inde ditior evaserim. *Et ratio*; nam in his quæ functionem recipiunt, sufficiens fit restitutio, si detur res similis ejusdem bonitatis et valoris, et fur non habet obligationem reddendi domino determinatè eandem numero rem, præsertim cùm usu suo ponatur consumpta, sed tantum omnino similem: igitur si fur potest hanc restituere, non teneor ego. Ita Salon. Bannez et Ledesma dicens esse communem Thomist.

R. Hoc argumento tantum probari quòd bonâ fide consumens rem furtivam non teneatur ad restitutionem ante furem. Sed nec istud efficaciter probatur; quia dominium ejusmodi rerum, nisi fortè fuerint indiscernibiliter mixtæ cum propriis, nullo modo transit in furem, nec in accipientem à fure, juxta *L. traditio 20, ff. De acquir. domin.* et *L. rogasti 2, et L. nam etsi fur 13, ff. Si certum petetur*. Ergo si bonâ fide rem accipiens à fure, adhuc eam retinet, procul dubio teneretur ad restitutionem ante furem: ergo etiam si rem illam consumens inde ditior evasit. Secus esset dicendum, si fur alienas res ita miscuisset cum suis, ut ampliùs discerni non possent; tunc enim sicut fur acquireret dominium, ita validè transferret illud in accipientem. Vide Th. Sanch. l. 2 Decal. c. 23, n. 34.

65. *Obj. 5^a*: Pone, Titium emissee cum Caio bona fide rem Sempronii 100 aureis; Caium verò, qui pro Titio priùs emerat, remissee postea socio debitum 50 aureorum. Pone rursus, durante bona fide, rem ab utroque venditam eodem pretio. In hoc casu, si Sempronius non posset vindicare rem suam, Titius deberet ei 50 aureos restituere, quod C. de Lugo, n. 25, putat esse certò falsum.

R. N. sequelam. Titius enim in hoc casu non fit ditior ex re alienâ, nisi tantum occasionaliter. Non enim refert lucrum ex venditione rei alienæ, sed tantum ex liberalitate socii debitum gratis remittentis. Casus est similis illi quem adduximus n. 59.

66. *Obj. 6^a*: Ergo etiam, si Caius rem Sempronii bona fide 100 aureis emat, et gratis donet Titio, Titius verò 100 aureis illam denuò vendat comparente Sempronio, poterit hic retinere centum aureos; quia lucrum hoc provenit non tam ex re alienâ quàm liberalitate donantis. Caius enim potuisset priùs eam Titio vendere 100 aureis, totum verò suum jus liberaliter ei remisit, aut in illum transtulit gratis rem dando. Unde sicut Caius ad nullam restitutionem teneretur, si 100 aureis vendidisset eam Titio, vel alteri cuicumque, sic etiam Titius ad nullam restitutionem tenetur, esto rem vendiderit 100 aureis.

R. N. C. 1^o Quia generaliter omnes docent, eum, qui bonâ fide consumpsit aut distraxit rem alienam, restituere debere in quantum ditior est factus, sive dono, sive quovis alio titulo rem alienam acceperit. 2^o Caius habet quidem jus retinendi pretium ex venditione rei, quia per eam non fit ditior: jus autem hoc transferre suâ donatione non potest in Titium; quia facere non potest per suam donationem ut Titius ex re alienâ non fiat ditior. 3^o Caius in hoc casu liberaliter Titio nihil donat præter rem alienam. Unde Titius nihil lucratur nisi rem alienam, aut pretium ex ipsa. Alius foret casus, si Caius creditò venderet Titio rem 100 aureis: item Titius denuò venderet 100 aureis Sempronio, postea verò Caius sponte suâ remitteret Titio debitum 100 aureorum; tunc enim Titius non fieret ditior ex emptione et venditione rei alienæ, sed ex alio disparato contractu.

DE CULPA JURIDICA.

Ad sequentes quæstiones provemium.

* Proœmium illud in capite quæstionibus auctoris inscribere pro utili duximus, ex eo quòd principia tum juris, tum theologiæ, longè invicem à se distantia et dispersa per opus P. Vogler disseminaverit, quorum veluti appendicem lectori submittendum esse putavimus, ne inermis et ignarus viarum inter arduas ambages ægrè procedere queat, quæ per viginti et quinque quæstiones extenduntur.

Et primò quid per culpam sit intelligendum non omnes consentiunt. Sunt qui culpam juridicam respiciunt, quasi nil nisi verba sonantem: theologi in culpâ nil nisi Dei offensam intuentur; jurisperiti nil nisi damnum seu detrimentum aliis illatum. Quæ ratio definiendæ culpæ per ejus effectus satis valuit, ideòque nobis explanandum est quomodò detrimentum aliis à nobis accipere possint, ut inde culparum divisio fiat.

Damnum proximo voluntariè inferre possumus; 1^o voluntariè, sive consultò; tumque culpa theologica locum habet; juridico autem ordine hoc factum non culpam modò, verum etiam dolum malum, fidei abnegationem redolet; 2^o Involuntariè, omisso legis imperio, quo præcavere jubemur ne quid damni negligentes vel imprudentes conferamus; quam culpam verè juridicam theologi affirmant esse, ex eo quòd in sensu jurisperitorum hunc characterem induat. 3^o Casu fortuito, voluntateque nullo modo consciâ, quod factum apud jurisperitos casus fortuiti nomen retinet. In primo casu, quæ et quomodò fiat restitutio, auctor quæstionibus 7, 8 et 11 exposuit, ad quas lectorem remittimus. In tertio casu, damni compensationi locum non esse, ideòque non de hoc ambigendum etiam auctor asserit et meritò, siquidem tum cum lege congruit et ratione naturali. Tertius ergo manet longè majoris ac ceteri momenti.

In hoc casu quotuplici modo possit culpæ reus de restitutione teneri faciendâ, jurisperiti satis concordant. Tres sunt hujus obligationis fontes: 1^o contra-

etus; 2° quasi-contractus; 3° quasi-delinctum. Secus si tractare aggredimur.

CAPUT PRIMUM.

De præstatione juridicæ culpæ in contractibus.

Quam questionem diverso jure Romani, posteaque Galli agitarunt. Utrumque exponemus.

1° *Jus Romanum.* Triplex in eo culparum gradus erat, ut et theologis, testibus Heinaccio, Vinio, Gallesque jurisprudentiæ Romanæ doctissimis investigatoribus, inter quos Pothier, Toullier, etc. Erat enim culpa, seu *lata*, seu *levis*, seu *levissima*.

1° *Lata*, quæ locum habet cum quis mali patrisfamilias exemplo, nec nova querere, nec quesita retinere bona didicit.

Secundum theologos, est ommissio diligentiae à perspicuis hominibus ejusdem conditionis in rerum administratione allata.

2° *Levis*, cum communis prudentiæ præscriptis aliquid derogatum fuerit.

Secundum theologos, ommissio est diligentiae quam homines in negotiis versati adhibere solent.

3° *Levissima*, cum sagacissimi attentissimique exactam diligentiam non adhibuerit rei custos.

Secundum theologos ommissio est seu oblitio illius prudentiæ quæ nisi in versutissimos et acerrimos viros cadit.

Inde videre est jurisperitos pro levi culpâ habere, quod latam theologis, pro levissimâ ducere, quod levem theologis esse decreverunt. His autem minùs quam cæteris in arte sibi propriâ peritiæ concedimus, unam tamen auctoris animadversionem magni ponderantes, scilicet culparum gradus varios esse, nec ipsas esse indivisibiles et absolutas, ut jam voluerant stoici, quos tam lepidè Flaccus irridet.

Surrexit et aliquando brevior sententia cujusdam advocati nomine Lebrun, consensum communem scriptorum sociorumque suorum explodentis; quo in systemate non ampliùs quam duo culparum genera reperiebat; eo judice, lata fuit, quæ à debitore committitur non adhibita in rem alienam seu creditoris vigilantia, quæ in virum prudentem cadit: levis autem, si objectum commune sibi et aliis homo minus accuratè pertractet. Quæ sententia, quamvis non omnibus probata, non sine pondere fuit, teste Pothier.

Cum contrahentes in tria discrimina culparum venire possint, placuit et tria culparum genera tribus applicare contractibus: si enim contractus in utilitatem dantis vergit, latæ culpæ repetitio læso dabitur; si in commodum accipientis, levis, si utriusque interest, levissimæ tantummodò. Sed obsoleverunt pleræque ex his distinctionibus, quibus ratiocinii fulcrum defuit: siquidem, eadem à vario reo commissa, prout ingenii vis varia fuit, ejusdem generis esse desinebant. Praxi præterea applicandæ incertissimis limitibus comprehensæ distinctiones maximè nocebant, indeque superadditis multiplicibus exceptionibus merè chaos exoriebatur. Quod continuò accidet, quoties non ex facto, sed ex mentis humanæ cognitione culpa pendebit.

II. *Jus Gallicum.* In vetere jure Gallico, quod, ut notum omnibus est, Romanam juri prudentiam servili prope modo secutum est, distinctiones supra allatas reperire est: quibus autem mutandis emendandisque curam ut facerent utrumque, codices civis institutores principium ipsum immutaverunt, Romanasque argutias exosi, à jure naturali illud mutaverunt. Voluere scilicet ut alteri facere quisque cogatur quod ipse sibi fieri vellet; inde progressi, utriusque, et obligantis et obligati conditionem meliorem fecere, siquidem hunc onerosâ providentiâ et curis eximere, illum verò suspicione et angoribus expedire tentaverunt; communem agendi modum hominum considerantes, viderunt in theoricâ distinctione non statutum fuisse quibus adjunctis, quibus conditionibus, quo pacto fuerat stipulatum, quæ omnia directè ad naturam contractus pertinebant. Inde ortus est articulus 1157 qui generaliter: « L'obligation de veiller à la conservation de la chose, soit que la convention n'ait pour objet que l'utilité de l'une des parties, soit qu'elle ait pour objet l'utilité commune, soumet celui qui en est chargé à y apporter tous les soins d'un bon père de famille; cette obligation est plus ou moins étendue relativement à certains contrats, dont les effets, à cet égard, sont expliqués sous les titres qui les concernent. »

Ex hujus articuli interpretatione duplex orta fuit commentandi ratio: sunt qui, duce Toullier et assentientibus multis, intellexere ex articulo supra dicto fluere ut vel levissimis culpis indulgendum non sit, quia, inquit, *omnibus curis*, non verò *partim* rem tutari et conservare debet obligatus; addunt articulos 1157 et 1158, quibus damnum impensâ mulcetur quicumque rem non gesserit, nisi fortuiti casus, causæ sibi extraneæ, visque majoris quam ut ei obniti potuerit, testimonium non tantum afferat et excusationem, sed etiam probet, ad id tendere, ut strictissimè accipiat obligationis vinculum. Addunt etiam, ex articulo 1579 posse concludi, non etiam vim majorem, fortuitosque casus semper pro excusatione valere, prætereaque licere ipsorum discrimen vel assumere sibi, vel aliis imponere multis in circumstantiis. Articulis 1882, 1928 et 1992 innixi, contendunt de levissimâ culpâ etiam teneri quicumque contraxerit: finem etiam art. 1157 hoc sensu explicant, in quo *quosdam contractus* in exemplum afferendo, veterum jurisconsultorum ad consuetudines nos revocant, statuuntque inter contractuum poenas differentiam esse prout differt et eorum natura contractuum. Argumentum denique claudunt allatis art. 1582 et 1585 dispositionibus: « Tout fait quelconque de l'homme qui cause à autrui un dommage, oblige celui par la faute duquel il est arrivé, de le réparer. -- Chacun est responsable du dommage qu'il a causé non seulement par son fait, mais encore par sa négligence ou son imprudence. » His freti et auctoritate Domat, assentiente D. Gousset, judiciariæ culpæ reum artissimis compedibus vincunt.

Altera est sententia jurisprudentum et theologorum

asserentium per verba hæc articuli 1157, *curas boni patrisfamilias* non aliud intelligi ac communem omnibus diligentiam, non autem eam quam prudentissimi simul et peritissimi viri adhibere possunt. Contendunt ex legislatorum etiam verbis induci debere hunc sensum, quibus Romanorum distinctiones contumeliosè habite sunt, nec immeritò. Legis silentium de culpæ gradibus pro codicis assensu, quo una et sola culpa, scilicet quæ lata dicitur à theologis, quæ levis à jurisperitis, in penam incidat, autumant. Quibus etiam accedunt directissima verba tribuni Maleville : « La première partie de l'article 1157 abroge la distinction que faisaient les Romains entre les différentes espèces de contrats. » Censent etiam articulo 1882, 1928, 1952 dispositiones, quæ aliquam culpæ quasi admittere possent distinctionem, nonnisi exceptionem esse et detractionem minimam ex generali principio quo sublata erat illa graduum veluti scala.

Sed in practicâ omnia aliter versantur quàm ex diversissimarum sententiarum pugnâ à fronte expectandum appareret; concordant enim tum distinctionum tutores, tum earum adversarii, regulis æquitatis et circumstantiarum necessitudinibus obsequi; jus in principio exolevit, in facto revixit, ambagibus suæ originis extricatum. Quanquàm enim adversati sint Romano juri in hæc parte Codicis civilis confectores, in eorum postea decretis facile percipere est triplicem imponi modum curas suas in certis contractibus conferendi :

1^o Boni patrisfamilias diligentia requiritur in contractu locationis, art. 1728; in deposito judiciario, art. 1962; in commodato, 1880; in usufructu, 601. Pereunte autem re commodatâ in manibus commodatarii, qui suam servare potuit integram, alienâ omissâ, lex minimè consulentem proximi commodis muletat, art. 1882.

2^o Ut res propriæ tractandæ sunt res commissæ depositario, ut patet art. 1927. Itaque si negligentia accipientis depositum perierit, nil ipsum quod arguat habet deponens, qui scilicet de se queri tantum debet, quòd malè amicem elegerit, præsertim si incautum jam novisset.

Accidit tamen ut quod priùs adeò laxis habenis normarum regebatur, adjunctorum concursu ad severiora revocetur : sicque depositarii munera onerosiora fiunt, si semetipsum obtulerit; si conducatur mercede; si in ipsius commodum depositum fuerit factum; si culpæ alicujus præstandæ sese obligaverit : imò, ex articulo 2060 carcere cohiberi interdum posset. In his autem casibus nuperi jurisconsulti patrisfamilias diligentiam exigunt, idèoque culpæ levis obligationem depositario imponunt.

3^o Contractus exstant de quibus Codex civilis nil specialiter patrandis decrevit : quos enumerare in promptu est : 1^o Mandatum ex se ipso gratuitum, sed mercedis additione strictius mandatarium obligans, art. 1950 et sequent.; aliter negotium gestioni simile fit, bonique patrisfamilias diligentiam exigit,

art. 1574. 2^o Societas, art. 1850, quæ latiore modo administratur, si quidem proprii negotii æquipollet gestioni, nihil habente socio quòd queretur, cum sibi ipsi imputare debeat errorem in eligendo à se commissum. 3^o Pignus, art. 2080, quo detentor boni patrisfamilias ad exemplar ad servandam rem oppigneratam adstringitur, salvâ impensarum suarum restitutione.

Hæc sunt juris Gallici præcipuæ dispositiones. Ex principiis autem si ad practicam transeamus, alium offendimus scopulum. Queritur enim quo tempore et quatenus conscientia legis civilis institutionibus subjaceat. Maximi enim momenti est ut vir probus et religiosus quorum officiorum peragendorum teneatur et quandò, apprime cognoscat, ut onus impositum opportunè excutiat.

De illis omnes questiones ad has redactæ sunt : 1^o Obligatio-ne vim habet latâ judicis sententiâ? 2^o Obligatio-ne ante latam judicis sententiam contrahentem adstringit?

De primâ questione paucissimi sunt qui dissentiant : siquidem iniquum est quis mente rejiciat quod facto quesivit contrahens, et cum alienjus contractus sponte suâ adierit discrimen, consequentias ejus cludere velit.

De secundâ autem disputatur : multi, quibus assentiunt Lessius et De Lugo, nec non et D. Gousset, ante judicis sententiam obligationem præstationis culpæ juridicæ nullam esse senserunt; imò dicit D. Gousset parvi interesse conscientie qualis culpæ præstatio sit à legibus civilibus determinata : ex eo quòd ante judicis sententiam nullius culpæ, nisi theologicæ, contrahens sit capax et reus. Post sententiam autem cujuslibet pænæ præstandæ tenebitur.

Contra quos P. Antoine, Billuart, et adeò multi exsurgunt, ut eos enumerare nimis operosum foret; quorum verò argumenta breviter exponemus, ut alterutram etiam eligentibus questio nil novi et ignoti offerat. Est in contractus naturâ, ut à principio recognita, et per consensum mutuum jam obliget. Quid autem est sententia judicis quoad contractum? Potestne naturam ejus obligatoriam aut restringere, aut extendere, aut mutare? Certissimè nequit; ad id tantummodò valet, ut conventionis intra terminos coerceat excedentem stipulatorem. Jam ergo contracta fuerat obligatio ex ipso facto stipulationis; quod facile in legum ipsarum multiplicibus casibus probabitur; veluti cum in emptione-ventitione venditori art. 1626 legem faciat assecurandi emptoris ab omni evictione, etiamsi non turbatæ possessionis et intercepti usûs arguendus sit.

Contra quam opinionem sunt qui asserunt ipsam esse duriorè, quàm aliquid penale ante judicatam causam et auditam constituat, inutileque esse bono publico autumant, ut condemnationem saltem dubiam prævertat.

Respondent adversarii : In contractibus qui ad jus pertinent, et consuetudinem obligatio præstandæ culpæ juridicæ videtur conditio quæ inhaeret essentiae con-

tractus, impliciteque in ipso continetur, nullumque aliud querentibus dicendum, nisi: Patere legem quam ipse tibi fecisti. Dura ergo non est lex, minime etiam bono publico seu privato nocet: siquidem magis interest contrahentis, ut sciat quid diligenti à seu pà se comitate unus sit in hoc vel illo contractu, imò, credibile esset consensum, quo natus contractus, non plane dari, nisi recte cognito quid boni malive sibi fecerat hujus condiciones. Concludendum ergo est in mente fuisse legislatoris, ante quem nemo censetur ignorare legem, ut contrahentes obligationem submet-ipsis imponerent, hâcque se ligatos ducerent, non adhibito judicis graviore ministerio.

CAPUT II.

De præstandâ culpâ juridicâ in quasi-contractibus et officiis.

Hoc in titulo theologorum sententiam multorum exponimus, inserto verbo *officiis*; siquidem solent plerique theologi quasi-contractus et officia iisdem legibus subicere, cui sententiæ manus non porrigunt juris interpretes: hinc facile intelligitur dispari utrisque usuro definitione. Secundum theologos, datur quasi-contractus, quum non formalis explicitusque consensus affertur à contrahentibus, attamen ex utraque vel alterutrâ parte provenit tacite vel interpretativè: inde fluit, juxta eos, causidici medici officia in quasi-contractuum classim incidere, cum tacito consensu expromendam omnem quâ gaudent diligentiam stipulentur; eadem ad munerum publicorum susceptores, porrecta denominatio.

Jurisperitos inter veteres et recentiores de definitione quasi-contractus non absolutè eadem stetit sententia: utrique verò theologicam explodere voluerunt. Per quasi-contractum Justinianus intellexit illud quod, absque contractu vel maleficio suo aliquem tamen obligat. Hujus fons est in fictione legali, quâ verus et absolutus consensus, qui tamen deest, existisse reverà præsumitur; imò non etiam tacitum vel expressum consensum requirit, quem lex finxit et suspicatur pro reali; atque hoc aspectu definitus quasi-contractus, ad medicum aut ad pastorem pertinere nequit, quorum certissimè consensus saltem tacitus reverà existit.

Idem animadvertemus si definitioni Codicis civilis fides sit. Titulo enim ex quo profluunt capita duo de quasi-contractibus et quasi-delictis inscribitur: *De obligationibus quæ sine conventione formantur*. Sequiturque art. 1570 sic: « Certains engagements se forment sans qu'il intervienne aucune convention ni de la part de celui qui s'oblige, ni de la part de celui envers qui l'on est obligé. Les uns résultent de l'autorité de la loi, les autres naissent d'un fait personnel à celui qui se trouve obligé. » In fine articuli explicantur exemplis prædictæ notiones, quarum prior ad tutores et administratores quibus etiam invitis munus incumbit, posterior ad actus licitos illicitosve spectat, et mutato nomine quasi-contractus vel quasi-delictum fit, prout à lege vel à facto hominis processit.

Justiniani definitioni adherere minùs prudens creditur qui annotabit exempla in ipsius gratiam allata,

nec totam solum gestionem, totalem, communitionem rei, ad tutorem hereditatis, et malefici solutionem, in quibus aliquid est consensus et potius tacite arbitror. Codex autem civilis testatur ex art. 1571 ad 1581 de quasi-contractibus tractat, quarum duas tantummodo indicat, negotiorum gestorum et tutelam et malefici solutionem.

In art. 1574 negotiorum gestorum qui negotios suscepit, officia sua inscripta habet. Boni patrifamilias vires tenere debet, ideoque si male consulas viibus sese immiscuerit, culpæ præstationem incurrit, quamvis lex judicis arbitrio per art. 1574 in fine permiserit, exploratis adjunctis, penam ut minuat. Inde quoque concludi potest si periculanti rei ex necessitate servande ejus se gestorem præstentit, re etiam male tractata, posse à judice excusari, quasi non aliam diligentiam rebus alienis quam suis afferre coactus.

Ex art. 1576 ad finem capitis, de illo qui maleficiam rem accepit, decretum est de quo duo notanda sunt: 1^o An bona fide, 2^o an mala fide accepit. In priori casu, nullius culpæ præstandæ tenetur, quia culpâ caret, ex illo Digesti principio: « Qui quasi rem suam neglexit, nullâ querelâ subiectus est. » Nullis fermè contradicentibus in veteri jurisprudentiâ viguit hæc decisio, cui nec obstant art. 1631 verba in fine, nec etiam art. 1379 dispositiones: illæ enim ad hominem spectant qui cum bonæ fidei possessor in principio fuerit, postea quo vitio laboraret sua possessio notum habuit.

In posteriore casu, severiori legis improbationi subjacens, ejus vi culpæ etiam levissimæ præstationi obnoxius, etiam à quibusdam furi æquiparatur, et ideo art. 1502 penalibus exponendus placuit. Hæc Delvincourt, cui Toullier et D. Gousset adversantur, ex eo quod furis instar haberi nequit ille qui nihil subripuit, nec dolosus latronis labe afficiendus sit, secundum legis principium: *Inimicitie restringit adæ*. Restituendo autem evidenter tenetur ex adagio: *Nemo potest rebus alienis disscere*.

Communio rei, tutelæ administratio, hereditas beneficiaria vel simplex, variis tractantur in codicis nostri paginis, non verò, ut in Justiniano eodem titulo addita.

Communio honorum non aliam diligentiam exquirat pro alieno quam pro suo.

Tutelæ administratio articulis 150 et sequentibus describitur officiumque boni patrifamilias imponitur gestori; quod his verbis concepit annotator celebris codicis: *En bon père de famille, comme un homme vigilant et économe administre ses propres affaires*. Quæ ipsum culpæ late solummodò obnoxium reddunt.

Hereditatis beneficiariæ administrator, rem quasi suam in gestione quum obtineat, pro gravibus tantum culpis pœnas dare cogitur, art. 801, secùs ac heredes rem legatam tractantes, quibus et romano et gallico jure rei administratio severior mandata est, ita ut de minimâ culpâ teneantur.

Quod ad forum conscientie pertinet, invaluit apud theologos sententia non priùs esse culpam præstandam

quàm iudex pronuntiaverit. Notabimus verò theologos ita statuentes, à sibi propriâ definitione processisse, proprièque officia, non verò præcisè quasi-contractus spectasse. Quanquàm autem contractus tacitus in officiis reipsà intercedat, aliâ tamen lege reguntur ac formales contractus; et hoc duplici de causâ: 1° De contractibus expressis et directis verbis lex statuit; de officiis non item. 2° Quamvis interveniat consensus tacitus in officiis suscipiendis, non vulgari hominum sententiâ stricta per ipsa intercedit obligatio, quæ contractibus pactis inhaeret. Imò verò culpe præstatio ante juridicam sententiam molestior esse posset in officiis quàm in contractibus; horum enim obligationes arctioribus limitibus per leges coercentur. Si verò de quasi-contractibus agatur in sensu jurisperitorum acceptis, quamvis in decisione suâ eos theologi officiis æquiparent, illos ab his non distinguentes, contractuum legem normamque subeant æquum videtur generatim, præsertimque cum ad quasi-contractus propriè dictos respiciatur, qui ex facto voluntario sese obligantis nascuntur.

CAPUT III.

De præstatione culpe juridicæ extra contractum et quasi-contractum, seu de quasi-delictis et eorum obligationibus.

Juris Romani amplissima fuerunt de hæc materiâ statuta; legibus enim propriis, quas Galli sparsis articulis in Codice tractaverunt, jus vetus quosque casus regibat. Concordat autem jus utrumque, et de principis et de obligationibus.

Tres sunt præcipuè modi per damnum illatum præstationem culpe juridicæ suscipiendi, prout ipsi injuriam intulimus, vel per personas nobis commissas, vel per res nostras damnum accidat. Quæ Codex Romanus complexus est lege Aquiliâ, ex Aquilio tribuno dictâ, lege noxali, et lege quadrupediariâ, eæ si quadrupes pauperiem, etc. His præmissis, videamus quid de his casibus sit statuendum.

ARTICULUS I.

De damno illato per factum personale.

Omnis hujus materiæ norma nititur articulis 1382 et 1383 Codicis civilis, quorum prior sic statuit: « Tout fait quelconque de l'homme qui cause à autrui un dommage, oblige celui par la faute duquel il est arrivé à le réparer. » Posterior sic: « Chacun est responsable du dommage qu'il a causé non seulement par son fait, mais encore par sa négligence. » Quibus congruit art. 1370 dispositio: « Certains engagements se forment sans qu'il intervienne aucune convention..... tels sont ceux qui naissent d'un fait personnel à celui qui se trouve obligé. » Per factum autem intelligitur omnis agendi ratio quæ quoquo modo possit aliis prodesse vel nocere: nec tantum actus, sed etiam omissio arguitur, ex fine articuli 1382, *par sa négligence*. Sufficit ut damni existentia pateat, ut factum per seipsum nocuerit, vel etiam, ducit Toullier, occasionem dederit inferendo detri-

mento, siquidem ex Digestis regulis occasionem damni qui præstat, damni illati reus fit. Hic non satis illustri ratione res exponitur, quæ clarius fit allatâ distinctione sequenti: Culpe præstandæ tenetur qui vel occasionem tantum detrimenti ministravit, si sermo sit de causâ etiam mediâ vel indirectâ; aliter autem res se habet, si agatur de occasione strictè acceptâ, quæ nec physicè, nec moraliter damnum determinavit, quo casu nulla præstanda est restitutio. De hæc questione inter jurisperitos exortum est dissidium, quorum hi articulo 1734 innituntur, alii articulo 1202 refellunt severiorem consequentiam: siquidem ex principio latius accepto deductionem extorserant, teneri de damno illato per aliquid è fenestris in viam effusum, omnes domus inhabitatores; similitudine etiam acceptâ ex articulo 1734 ratiocinabatur Delvincourt, quo incendii correi erant omnes qui locationem conduxerant. Et placuit redactoribus Codicis, ut apparet, illa interpretatio, nec principium deservire, sed exemplis abstinuerunt; vigere ergo nunc etiam temporis quidam asserunt. Quibus expressis verbis art. 1202 conceptum, parum relinquit effugii. « La solidarité ne se présume point: il faut qu'elle soit expressément stipulée. » Refellitur argumentum ex art. 1734 expressum, dictitando non generaliter, sed speciali et peculiari casu statutas fuisse hujus dispositiones, ut soli incendio quadrarent, quod reverâ, ut accidens ex vi majore, et lineâ vulgari videtur excedere. Quod si Romani juris ad auctoritatem proclametur, ipsius contra expressas legum decisiones impotentiam nemo est qui ignoret. Concludamus ergo delinquentem teneri præstandæ culpe pro facto, omissione et imprudentiâ non semper pro occasione allatâ: nullum autem, excepto casu incendii, solidarium esse facti à se alieni.

ARTICULUS II.

De damno illato per personas nobis commissas.

Omnes personæ quæ dominio quiritorio Romæ et in provinciis subiacebant, herum factis suis obligare poterant; imò et servos noxæ dari reparandæ jussum est, unde lex noxalis dicta fuit. Gallico jure de damno illato tenentur: 1° pater, et mater, defuncto marito, damni correi sunt illati à filiis minoribus cum ipsis habitantibus; 2° Hæri et mandantes tenentur de damno patrato à famulis suis et à præpositis in muneribus quæ ipsis fuerunt commissa; 3° Institutores et opifices, de damno incusso per alumnos discipulosque, quandiu ipsorum inspectioni submittuntur; 4° Omnes qui pro aliquo vel sponponderunt, vel spondere creduntur, articulo 1584; 5° Mandatarius pro persona quam sibi subrogavit, art. 1994; 6° Opifices et artifices solidarii sunt factorum eorum quos conduxerunt, art. 1797 et 1798, ut et negotiatores vicariorum suorum; 7° Capones nautæque pro furto in navi vel domo suâ patrato. Quibus una superest excusatio, si probent damno inferendo non occurrere se potuisse; quæ etiam defensio mandantes et heros non tutatur, siquidem rei sunt culpe, qui in eligendis hominibus quibus fidunt, errorem admisere.

ARTICULUS III.

De damno illato per res nostras.

Codice civili ad duos præcipue casus spectant legi dispositiones, quæ multos complectitur alios. Articulus 1585 statuit de damno solvendo quod ab animæ infertur seu sub heri oculis, qui tunc reus est non imphibite noxæ, seu remote ab ius conspectu, quum scilicet in vineis retinere feram et potuisset et delinisset; nisi tamen detrimentum tribuendum sit facto illius qui læsus est, vel alii, verbi gratiâ, canem vagum irritantis, vel stimulantis. Articulus 1586 providet damno solvendo quod ex ædis ruinis oritur, sive in ædificationis vitio, quo casu architectus in ius vocari potest, sive neglectâ domus curâ, quo casu dominus satisfaciendo tenetur. Notandum est in nostro jure non admitti, ut in Romano, culpæ præstationem dederit et deditur cui velut auctori imputandum est damnum; possunt enim rabiosi quadrupedis longè graviora esse facinora, quàm ut pretio ipsius redimi possint.

Ex dictis hactenus fuit questio duplex:

1^a Cujus culpæ tenentur qui in talibus delinquit? An levissimæ etiam, vel tantum late gravisque?

Si multis theologis fides, à lege Aquiliâ sequitur levissimam etiam culpam imputari debere; addit Toulhier, Pandectarum et Domat auxilio fidens, quancumque culpam reparari debere, quia meliùs est auctorem plecti damni quàm læsum ex eo pati, et ita D. Gousset. Cui assertioni oblectantur plerique his argumentis: Si juris solius naturalis, omissâ judicis sententiâ, rationes consulant, nullo modo tenetur homo de resarciendo damno abque culpâ theologicâ illato. Præterea diverso jure lex ipsa casus distinguit et regit. Quosdam non posse esse innocuos existimat, et ex ipso facto qui eos admittunt præstandæ culpæ damnat; sunt alii casus in quibus lex culpam solummodò præsumit et quasi subolfacit, admissâ tamen rei excusatione vel contrariâ probatione. In casibus prioris speciei, non deliquisse videtur qui licet vigilantissimus non se præstiterit, prudentis tamen viri diligentiam et cautiones servaverit; cui ergo culpa tantummodò imputanda est quæ lata apud theologos, levis apud jurisperitos ducitur. In posterioris speciei casibus, in quibus probationibus oppugnari potest legis præsumptio, nihil quod sibi exprobrat ille habebit, qui cautorum et vigilantium sepe more virorum rexit. Cæterùm, cum lex probationi in contrarium obstat, de culpæ naturâ disquirere non interest, si quidem lex, damnatione absolutâ, facti circumstantias et adjuncta è quibus culpæ natura pendet, omnino præterit et negligit.

2^a Quaritur etiam utrùm et quatenus conscientia in his casibus obligetur. Ex theologorum multiplicibus de hac materiâ controversiis hausimus conscientiam illis legibus astringi, quum iudex sententiam dixerit, nec priùs. Quamvis enim juris Romani pleraque instituta ad hæc obsoleverint, in legum Colicis discussionibus mens legislatorum se prodidit nostro jure consentanea. Non enim in præsumptionibus facti, sed

revera in præsumptionibus juris tutum insisterunt, ut ut quodam modo constet et universe factum arguerint, non quod absque exceptione damnosum sit, sed quod absque dubio plerumque periculosum sit; cum quod licet vel levissimam culpam in eo delinquentem, cuius gradum iustitiam præcædulo minime haberetur, sed quod sine culpâ potest factum non posse dixerint. Imo, acquisissimâ severitate lex præcavere voluit ne nimium utilitatis proximi homines incuriosos se præstarent. Ita et opinantur D. Gousset et plerique theologi.

QUÆSTIO V.

AN, ET QUANDO DEBEATUR RESTITUTIO PROPTER DAMNUM AB ANIMALI, SERVO VEL DOMESTICO DATUM?

67. Sciendum 1^o jure civili vel Cæsareo statutum ut, si quadrupes aut animal, naturâ suâ mansuetum, ex lasciviâ, feritate, pavore præter consuetudinem aggrediatur, vulneret, aut occidat alterius animal, dominus animalis, quanquam nullam commiserit culpam, resarciat damnum, aut animal suum noxæ dedat, sive dominium ejus transferat in læsum. Sic habetur *lib. 4, tit. 9, Instit. lib. 9, tit. 1, ff. si quadrupes pauperiem ferisse dicatur*.

68. Sciendum 2^o eodem jure decretum ut, si servus aut mancipium furto, rapinâ vel alio delicto scienter et voluntariè damnum inferat, dominus qui culpæ non est particeps, vel reparat damnum, vel servum noxæ tradat. Ita *lib. 4, t. 1, Instit. lib. 9, tit. 4, ff. lib. 5, tit. 41, Cod. de noxalib. action.*

69. Sciendum 3^o similes esse leges quibus præcipitur ut exerceat navis, stabuli, vel cauponæ conveniatur de dolo vel furto quod ab ejus ministris in navi, stabulo, vel cauponâ fuit commissum. Item ut paterfamilias sarciat damnum, si quid ex ædibus ipsius dejectum aut effusum culpâ domesticorum. Huc etiam revocant casum, quando per culpam coqui in culinâ, stabularii in stabulo, lotricum in lavatrînâ excitatum incendium corripuit vicinas aedes. Ita colligitur ex *lib. 4, tit. 5, Instit. lib. 9, tit. 3, ff.*

70. Difficultas est an et quomodo leges iste vim habeant in conscientiâ. Prima sententiâ vult, damnum ab animali vel servo datum absque culpâ domini, sarcendum à domino de jure naturali ante omnem sententiam judicis. Ita Gabriel Vasq. de Restit. c. 2, § 2, dub. 1, cum individuo suo discipulo Lud. Turriano. Secunda docet, ex legibus saltem positivis, obligationem esse ante sententiam judicis. Ita Panorm. in cap. ult. de injuriis, et alii complures præsertim antiqui, quamvis aliqui potiùs loquantur de lege Aquiliâ. Tertia censet, ex adductis legibus, nullam obligationem oriri ante sententiam judicis. Ita Molina, tr. 2, D. 715; Azor, tom. 5, l. 4, c. 8; Lessius, l. 2, c. 9, n. 118; Rebello, p. 1, l. 2, q. 10, n. 25; Diecastillo, D. 3 de rest. n. 14; Navarra, l. 2, c. 4, n. 55; Layman, tr. 5, p. 4, cap. 6; C. de Lugo, D. 3, n. 46; Tamburinus, Anton. Perez, Usparza, Fillicius, Hammondus, Illung, Joan. Pontius, Herincx,

Mezger, Sangallens, Petschacher, Sporer, Sannig.

71. *Dico 1^o.* Secluso contractu, nemo de jure naturali tenetur sarcire damnum, ab animali datum absque propriâ suâ culpâ. *Ratio prima.* De jure naturali non teneor sarcire damnum quod nullo modo mihi potest imputari : sed damnum quod datur à meo animali, sine propriâ meâ culpâ, nullo modo mihi potest imputari. Nam, ut ait S. Aug. ep. 154 : *Neque enim reus est Christianus, si bos ejus aliquem feriendo, vel equus eisdem jaciendo, aliquem occidat. Aut ideo non debent Christiani boves habere cornua, aut equus ungulas, aut dentes canis? et inferius : Absit ut ea quæ propter bonum aut licitum fecimus aut habemus, si quid per hæc præter nostram voluntatem cuiquam mali acciderit, nobis imputetur.* Secunda. Si foret in hoc casu naturalis obligatio sarcendi damnum, vel illa consurgeret ob rem acceptam, vel ob injustam acceptionem aut lesionem; alius quippe titulus ad restitutionem naturaliter obligans non datur : at non consurgit ob rem acceptam, quia suppono damnum illatum absque domini lucro : nec etiam ob injustam acceptionem, aut lesionem, ut patet. Tertia. Damnum ab animali meo datum absque culpâ meâ, respectu mei censetur esse casus purè fortuitus : at casum purè fortuitum, secluso speciali contractu, non teneor præstare; sed debere sarcire damnum, si res mihi commodata periisset improvise casu, fulmine vel motibus aquarum, quod tamen expressa jura negant, *cap. unic. commodat.* Quarta. Si domus mea casu fortuito corrueret, aut ex domo decideret statua marmorea, vel, si vis, etiam aurea, et opprimeret tuum animal, de jure naturali non deberem sarcire damnum, nec etiam tu posses in compensationem damni statuam, aut rudera domus accipere, quod planè fatebuntur omnes. Et aliàs etiam ex jure naturali tenerer ad aliquam compensationem tibi faciendam, si pater tuus occideret se ferro, vel fune meo, præter aut etiam contra meam voluntatem. Quinta. Si furiosus, infans, dormiens, aut rationis impos intulit damnum, nemo dicet jure naturali me ligatum ad præstandum damnum. Et tamen actio mea dormientis, infantis, etc., magis procedit à me quàm actio mei animalis, quam nullatenus procuro. Sexta. Dominus neque ex jure naturali, neque ex jure positivo tenetur præstare damnum fortuitò datum à servo : cur ergo præstare teneatur ex jure naturali damnum à bruto datum? Septima. Actio bruti quæ fit citra culpam hominis, est actio solius nature : sed actio solius nature non inducit obligationem sarcendi damnum; aliòquin natura seipsam obstringere deberet ad sarcendum damnum, vel possemus exigere restitutionem à natura.

72. *Dico 2^o.* Secluso contractu, nemo de jure naturali tenetur reparare damnum à servo datum, absque propria culpa. *Ratio 1.* Naturalis hæc obligatio non fundatur in ullo titulo : non in re accepta; nam ponimus abesse lucrum domini : non in injusta acceptione; nam ponimus dominum innocentem. 2. Damnum à servo datum sine culpa domini, respectu domini tantum est casus fortuitus : sed ad casum purè

fortuitum ex jure naturali nemo per se tenetur. 3. Si de jure naturali tenetur dominus ob delictum servi, non est ratio quare non ex eodem jure teneatur pater ob delictum filii : sed hoc est falsum; aliàs vicissim etiam filius teneretur ob delictum patris, quod est contra leges. *Quòd pater in reatu criminis alicujus est, filiis impedimento ad honores esse non debet. L. 3, § 9, ff. de mun. et hon. Crimen vel pena paterna nullam maculam filio infligere potest. L. 26, ff. de penis. Filius non portabit iniquitatem patris. Ezech. 18.* Eòdem facit totus titulus, *C. ne filius pro patre.* 4. Ut jurisconsulti communiter admittunt, si filius sine consensu vel delicto patris alterum in bonis temporalibus læsit, pater secluso speciali statuto vel contractu, et spectato solo jure communi, non potest conveniri de peculio quod filio dedit administrandum; neque potest inquietari de peculio adventitio, in quo habet usum fructum; multò minùs tenetur præstare legitimam : ista verò non essent æquitati consona, si de jure naturali teneretur quis satisfacere pro culpa servorum aut domesticorum. 5. Ut universim jura pronuntiant, nemo per se tenetur ob alterius delictum, et unusquisque ex suo admissio sorti subijcitur, nec alieni criminis successor constituitur. *L. 26, ff. de penis. Grave est et æquitati naturali contrarium, pro alienis debitiis alios molestari. L. unic. C. ut nullus ex vicin. Factum cuique suum, non adversario nocere debet. L. 155, ff. de R. J.*

73. *Dico 3^o.* Ante sententiam judicis nemo tenetur ex jure positivo reparare damnum ab animali, servo, vel domesticis sine culpa propria datum. *Ratio 1.* Leges quæ videntur nobis contrariæ, vel non præcipiunt damni reparationem ante sententiam judicis, vel, si præcipiunt, sub tanto rigore non sunt sufficienter manifestate, nec sunt communiter usu receptæ; et theologi qui præ cæteris accuratè discutunt obligationes legum in foro conscientie, plerique negant, aut non cognoscunt hanc obligationem. 2. Quando lex naturalis est clara, lex autem humana post diligentem inquisitionem summè dubia, standum est potius legi naturali : sed est clara lex naturalis eximens nos à compensatione damni, quod præter nostram culpam à nostris animalibus, servis, aut aliis domesticis est datum; lex autem humana præcipientis damni compensationem etiam ante sententiam judicis, est summè dubia, cum tot, imò longè plures eam negent quàm affirmant. *M.* est principium juris. Nam correctio juris est vitanda, quoad fieri potest, et in dubiis prævalet jus certum et clarum. 3. Bonæ fidei possessor non dejicitur à possessione propter jus alterius et dominium incertum : ergo etiam dominus spoliari non debet dominio suarum facultatum propter obligationem aut legem positivam incertam (1). 4. Si nec ex verbis

(1) Quibus argumentis dissertationem suam instruat Vogler facile diagnoscitur; nunc temporis, ut sapius in operis sui decursu, duo principia usurpat ex commentatoribus Juris Romani, dein ex Probabilistarum scriptis decerpita, scilicet : *Lex dubia non obligat, et : In dubio melior est conditio possidentis.* Quibus forsàn nimium fidei propositis adharet, aut ea saltem pium extensione dignatur, cum ad materias omnino

aut sine legum, neque ex interpretatione doctorum, necne ex praxi subditorum sufficienter liquet an leges obligent ante, vel primum post sententiam iudicis, nec cum habent notissimam regulam peris. *In dubio, quod est, statuatur. L. 9. ff. de R. J. et c. 79 eodem in b. In re dubia benigniora interpretatio est, quod minus iustus quam tutius est. L. 192. ff. de R. J. Contra etiam qui legem dicere possint aperte, interpretatio ferenda est. Cap. 57 de Reg. jur. in 6. Semper in dubio benigniora preferenda sunt. L. 56. ff. de R. J. 5. Fines istarum legum iustus, aut certe precipuus est stimulare cives ad maiorem diligentiam, et accuratius cavenda damna proxima, sed hic fines longe melius et utilius obtinetur, si leges primum obligent post sententiam iudicis: nam, hac secusa, communissime non observarentur, aut gigneretur innumere lites, scrupuli vel perplexitates. Et est nimis violentum et arduum, ut quis ultro se condemnet ad reparationem damni, cuius ipse non fuit causa.*

74. Dico 4. Post sententiam iudicis in foro conscientie datur obligatio sateiendi damnum ab animali, servo vel domesticis absque propria culpa datum. Ita omnes fere doctores, teste Picastr. D. 5, de Rest. n. 5. Ratio. Sententia iusta iudicis obligat etiam in conscientia, nisi falsa presumptione ducatur: at sententia iudicis, dum jubet reparari damnum ab animali, servo, vel domesticis absque culpa propria datum, est iusta, neque ducitur falsa presumptione: ergo. *M. est extraneas promiscue aptare laborat.* Nonnulli enim tum ipsorum principiorum firmitati, tum usus eorum opportunitati qui obijciunt, repugnat. Cum promissa. Siquidem 1. testimonio priorum Probabilistarum et autoritatem veterum comportum fit hinc principia diutius aut ignota aut fastidiosa facisse, nunquam etiam non sine repulsa a multis, et controversia ab aliis tractari. 2. Dubio legi obligationis vinculum sapere non licet: siquidem nunquam lex adeo obscura esse potest, ut ipsius principia non aliqua parte sese exeant. Sed etiam si dubio admittatur laborare, superant utique meritis axiomata, quorum ope nebule dissipari admodum possunt. Præterea juris principium succurrat incerto, statuens scilicet: *In dubio melior pars est eligenda.* Iuxta Gallico jure dubii concepti excusatio maligne semper accipitur, ut ex art. 4 Codicis civilis patet. 3. Aliud axioma inreprehensum non omnes dicunt, quo statuitur in dubio meliorem esse conditionem possidentis. Hinc in civili jure acceptum, ut incerte possessionis viribus occurrere posset non injuria in eadem insertum est, jam enim innotuit hominum in res que domino ejus subdantur amor, servandis fortunis vigilantia, suspiciones derelictarum rerum sine pretio et venditione longius arcebant: ideoque possessio presumptionem tituli præ se ferre potuit. Minus autem aptaretur axioma sive propositum illud exquirendo sensum legis, vel ejus existentie deducendis consequentis: insolens enim possessionem nactus, cum nullo argumento fulcerem isto. Possideo, possessioque mea valet, ex eo quod nihil præse de hoc statuit, vel etiam nulla sit lex de hac materia. His argumentis ceterisque que in manu sunt vix addere non nostrum est, sed licet tantum ut non autur lectores non probab. istarum auctorum asserta pro vulgari apud theologos doctrinam accipienda: testes item, quibus opinioem suam tutantur, detracti tuere et ab adiunctis suis divisi, in quibus tamen eorum causam reperire facile esset, et quasi detorsi et in alienam terram translati, minimè cum longinquis à se materiis quadrare possunt.

(Editores.)

certa. Nam forum internum confirmari debet externo, nisi forum externum falsa presumptione nascatur, ut cum Baldo non solum iuris consulti, sed et 74 communiter agnoscunt. *M. per b.* Jodex in hoc casu pronuntiat i. prius juxta leges accessorias, et omnium sapientium consilio corroboratis. Deinde non presumit nec etiam presumere potest culpam in partibus aut domino. 1. Quia si circa datum ab animali datum accessoria culpa domini, non habet locum actio legis quadrupedarie, quod patet ex L. 4. § 1. ff. si quadrupes. 2. Leges noxales, quibus dominus jubetur aut satiare damnum a servo datum, aut servum noxe tradere, præcipiunt hoc etiam pro casu quo dominus est immunis ab omni culpa, vel quando dominus ignoravit, aut impedire non potuit actionem noxam servi, prout aperte colligitur ex L. 2 et 5. ff. 2 et 4. C. de noxal. act. in b. Imò si dominus misit servum ut, v. g., vulneraret, occideret, alia gignitur actio juxta, L. 44. ff. ad. L. 3 aut. 3. Actione legis quadrupedarie vel noxalis tenetur etiam is qui post damnum ab animali vel servo datum, animal aut servum obtinuit ex quocumque titulo: quia nota capit sequitur: at leges inerte præsumerent culpam in eo qui damnum dare non potuit. 4. Ut habetur Instit. l. 4. tit. 5, cum aliquid effusum aut dejectum ex domo, necumen tum attulit, paterfamilias non tenetur ex maleficio, quasi proprie culpam commisisset, sed ex quasi maleficio, quia plerumque tenetur ob culpam alterius. 5. Ut habetur ibidem, exereitor navis, stabuli, vel cauponæ, quando tenetur ob culpam ministrorum, teneri dicitur quasi ex maleficio, si modo nullum visus sit maleficio. Fateor tamen in hoc ultimo casu videri posse quod etsi leges non præsumant culpam directam in exereitore navis, stabuli, vel cauponæ, præsumant tamen culpam aliquam indirectam: quia scilicet asseruit improbos ministros ad laborem. Unde dispiciendum quomodo leges vigeant in praxi.

75. Dico 5. Asserta de servo non vigent amplius inter christianos, et extendi nullatenus debent ad famulos. Ratio prioris est, quia servitus vera pridem desuit apud christianos, nisi quod habeant alicubi servos barbaros ac infideles: et aliqui, teste Florentio de Goeq., volunt generatim eam extinctam ann. 1280: et qui per Germaniam vocantur alicubi mancipia, non sunt proprie servi, neque id quod acquirunt, dominis suis acquirunt, sed tantum habent arctiores quasdam obligationes ad certa obsequia realia vel personalia, domino territorii præstanda, et impediuntur ab ordinibus et aliis dignitatibus, donec manumittantur. Ratio posterioris est, quia, cum servi destituantur proprio peculio, leges optime decreverunt ut, propter damnum à servo voluntariè datum, conveniatur dominus: hæc ratio cessat in famulis.

76. Addo tamen, dominum in certis casibus conveniri posse propter delicta famulorum: 1. si dominus famulo debeat mercedem aut salarium, ex quo potest satisfieri lasso; 2. si dominus locupletetur ex debito famuli; 3. si famulus delinquat mandante vel consentiente domino; 4. si dominus adseiscat aut retineat

famulos notoriè scelestos et improbos; 5° si famulus in ministerio sibi credito damnicet alios, v. g., stabularius in stabulo, minister cauponarius in caupona, etc. Non tamen universim hoc oportet ad quosvis famulos extendere; secus si pharmacopola minister, qui communiter habebatur bonus et industrius, malitiosè propinasset aliquibus venenum, posset dominus conveniri. Vide Manzium in app. ad tit. 8, l. 4 Instit.

OBJECTIONES.

77. *Obj. 1° contra primam conclusionem.* Est acquitati naturali consonum ut, qui percipit commodum, patiatur etiam incommodum; ergo, sicut dominus ab animali suo percipit commodum, ita debet pati incommodum, et sarcire damnum ab eo datum.

R. Hoc argumento Vasquii probari nimum. 1° Deberes sarcire damnum à servo tuo fortuitò datum, quod tamen excipitur à jure. Cur enim jure naturali potiùs sarcias damnum à cane, fele, vel bove datum, quàm fortuitò datum à servo? 2° Deberes sarcire damnum illatum à domo, statua, vel qualibet insensata re, quæ tuis commodis inservit. 3° Deberes sarcire damnum à teipso, sed dormiente vel infante, datum; nemo quippe plus commodi percipit ex te, quàm tu. *R. 2°.* Est consonum negativè, sive non est iniquum; item est aliquo modo consonum etiam positivè, sive congruum, ut præcipiatur lege positiva, C.; est positivè consonum, ut, seclusa lege positiva, sit debitum ex justitia, *N. et retorq.* Ad quem pertinet commodum, pertinere debet etiam incommodum; sed si meus canis, equus aut bos tibi casu prodesset, commodum ad te pertineret: ergo. Cæterùm observa, posse subin contingere, præcis omnibus legibus positivis, ut obligeris ad reparationem damni quod sine culpa tua bos infert, v. g., si pinguescat ex alterius prato, jure naturali debes restituere quantum ditior es factus.

78. *Obj. 2°.* Per divisionem rerum non est sublatum jus naturale, quod extitit ante divisionem: sed ante divisionem cuilibet competeat jus naturale compensandi damnum, à pecude datum, non expectatà sententià judicis: ergo.

R. D. m. Competebat jus compensandi, sed sine præjudicio vel damno alterius innocentis, C.; cum præjudicio, *N.* De jure naturali poterat quivis ante divisionem rerum accipere vel mactare pecudes sibi nocentes, quia pecudes erant nullius, et fiebant primò occupantis. Non autem potest de jure naturali quivis accipere vel mactare pecudes alienas cum præjudicio domini innocentis; secus enim posset quis accipere pretiosissimas res alienas, v. g., statuas, quæ fortuitò damnum dederunt.

79. *Obj. 3°* Saltem ex jure naturali debes sarcire damnum, malitiosè datum à servo; læsus enim habet jus contra servum: igitur vel debes sarcire totam æstimationem damni, vel pro noxa dedere servum.

R. N. A. Dominus in servo jus habet anterius reale, vi cujus servus est instar fertilis agri; sicut enim ager semper domino fructificat, ita servus semper domino lucratur. At verò læsus post damnum, à servo datum absque lucro, tantum habet jus po-

sterius personale contra servum, ita ut, si quondam hic evaserit liber, aut obtineat interim bona quadam propria, debeat satisfacere læso: jus autem antiquius reale fortius est quàm posterius personale, nec culpa servi præjudicat innocenti domino.

80. *Obj. 4° contra 2^{am} conclusionem.* Lex quadrupedaria fundatur in jure divino: nam Exodi 21 præcipitur 1°: *Si bos cornu percusserit virum, aut mulierem, et mortui fuerint, lapidibus obruetur.* 2° *Si bos cornupeta fuerit ab heri et nudius tertius, et contestati sunt dominum ejus, nec, recluserit eum, occideritque virum aut mulierem, et bos lapidibus obruetur, et dominum ejus occident.* 3° *Si quis aperuerit cisternam, et non operuerit eam, cecideritque bos aut asinus in eam, reddet dominus cisternæ pretium jumentorum.* 4° *Si bos alienus bovem alterius vulneraverit, et ille mortuus fuerit, vendent bovem virum, et dividunt pretium.* 5° *Sin autem sciebat quòd bos cornupeta esset ab heri et nudius tertius, et non custodivit eum dominus, reddet bovem pro bove.* Et hinc observat Emm. Gonzalez in *cap. fin. de injuriis*, legem quadrupedariam ab Hebræis ad Phœnices, ab his ad Athenienses, ab istis ad Romanos denique profectam: at si lex quadrupedaria fundatur in jure divino, obligat ante sententiam judicis.

R. Leges judiciariæ veteris Testamenti pridem expirarunt, et post mortem Christi fuerunt penitus abrogatæ. 2° Licet pontifices in *titulo de injur. et damno dato*, quasdam ex illis innovaverint, eæ tamen non ampliùs obligant ex jure positivo divino. 3° Ex adductis legibus pontifices in cit. tit. tantum instaurarunt tertiam et quintam, ubi manifestè supponitur aliqua culpa domini, quæ, si fuerit gravis, obligabit ante sententiam; si levis aut juridica tantum, obligabit primùm post sententiam, *ut patebit in questione sequenti.*

81. *Obj. 5° ex cap. fin. de injuriis et damno dato.* Si animalia tua nocuisse proponas, ad satisfactionem teneris, nisi ea dando passis damnum, velis liberare te ipsum, quod tamen ad liberationem non proficit, si fera animalia, quæ consueverunt nocere, fuissent, et quam debueras, non curasti diligentiam adhibere. Ubi Gregorius IX duo damna distinguit: unum ab animali feroci datum ex incuria vel culpa domini; alterum ab animali mansueto datum citra culpam et incuriam domini; et in utroque casu decedit esse necessariam satisfactionem, ita tamen ut in uno sufficiat si noxæ tradatur animal, non item in altero casu. Cùm autem pontifices respondeant præcipuè pro foro conscientie, manifestò sequitur legem quadrupedariam obligare non tantum in foro externo post sententiam judicis, sed etiam in interno ante sententiam judicis.

R. D. Sequitur legem quadrupedariam obligare pro foro conscientie post sententiam judicis, C.; ante sententiam, *N.* Pontifex in allato capite non respondet alicui consulenti, sed ex motu proprio loquitur et approbat legem civilem quadrupedariam. Unde, cùm ista per se tantum obliget post sententiam judicis, non credendum est à pontifice gravius onus imponi.

82. *Obj. 6^a.* Leges noxales et de pauperie non sunt penales : leges autem justæ, si non sint penales, obligant in conscientia ante sententiam judicis.

R. D. m. Si legislator hanc obligationem intendat, et sufficienter declarat, item si leges cum tanto rigore sunt receptæ, *C.* secus, *N.* Sicut in jure *L. 4 Instit. tit. 4 et 5* sunt obligationes quædam ex delicto, quædam ex quasi-delicto : et quasi-delicta nostra vocantur, quæ citra nostram propriam culpam a domesticis fiunt : sic possunt et solent à *TT.* distingui *leges propriè penales, et leges quasi-penales.* Dicuntur autem quasi-penales, quæ instar vere penaliū non obligant nisi post sententiam judicis. 2^a Leges quæ præcipiunt compensationem damni, per domesticos et ministros dati, dicuntur obligare ex quasi-culpa, et sunt quasi-penales : quia reputatur quasi-culpa, quod paterfamilias, rector navis, prefectus cauponæ non asciverit meliores ministros, aut non magis invigilaverit suis domesticis : sed hoc idem asserti potest de legibus noxalibus. 3^a Multæ leges exstant in jure quæ primum obligant post sententiam judicis, v. g., ad rescissionem contractus, ad restitutionem in integrum, etiamsi non sint leges verè penales. Quidni similis obligatio sit possibilis in legibus noxalibus ?

85. *Obj. 7^a.* Sequeretur ex nostra sententia, quod dominus ante sententiam judicis licitè possit occulare vel mactare suum animal, aut dimittere servum, ne tradere cogatur eos noxæ.

R. Si paratus animo sit ad compensationem damni post sententiam judicis, *C.* ; secus, *N.* Non tenetur dominus determinatè tradere servum aut animal ad noxam ; alioquin sapissimè teneretur plus pati quàm alter, qui per servum aut animal est læsus. Sed satis est si velit emendare damnum prout jura requirunt. Aliud foret, si dominus per fraudem aut injustam vim includeret animal, ut læsus scire non posset unde profectum sit damnum.

84. *Obj. 8^a.* Ut scribit Zoësius ad *tit. 4, L. 9. ff.*, in plerisque locis consuetudo viget ut animal includatur aut retineatur à læso, donec damnum emendetur : hæc autem consuetudo non esset licita, si primum post sententiam judicis deberet emendari damnum.

R. N. m. Ex eo quod læsus possit includere pecudem, non sequitur quod dominus sponte suâ debeat tradere pecudem ; hoc enim posterius est longè violentius, quàm prius. Dein illa consuetudo tantum permittitur in casu quo pecus aliena depascitur, ubi non instituitur actio de pauperie, sed de pastu.

85. *Obj. 9^a contra 4^{am} conclus.* Lex humana contra naturalem statuere nil potest : ergo si lex naturalis absolvit dominum à reparatione damni per animal aut servum dati, non potest humana lex eum condemnare.

R. argumentum militare contra quamlibet legem positivam, quâ nobis imponitur obligatio quæ jure naturali non existit. In forma *D. C.* Si lex naturalis absolvit simpliciter et absolutè, *C.* ; si tantum conditionatè, vel ex hypothesi quod non intercedat spe-

cialiter contractus, aut lex positiva quid aliud decorat, *N.* Lex positiva, si sit justa, non est contra, sed præter legem naturalem. Nihil enim præcipit adversus id quod præcipit lex naturæ ; sed tantum præcipit quod lex naturæ nec prohibet, nec præcipit, sed purè permittit.

86. *Obj. 10^a.* Est iniqua lex quæ punit innocentem, et spoliat bonis ob casum mere fortuitum, sine culpa propria commissum.

R. 1^a. Princeps et magistratus humanus ob utilitatem aut necessitatem reipublicæ, possunt disponere de bonis subditorum ex dominio alto, sicut privati cives ex dominio basso : ergo, sicut isti per contractus obstringere se possunt ad præstandos casus fortuitos, sic etiam potest princeps et magistratus per leges. 2^a Leges noxales propriè penales non sunt, sed quasi-penales, aut medicinales, ordinate tantum ad acuendam industriam, et meliorem custodiam animalium et servorum, et ne nimium multiplicentur damna propter multitudinem animalium aut servorum. 3^a Eadem leges antecederent ad omnem eventum sunt æqualiter omnibus optabiles, omnibus perinde favent, et omnes ponunt in eadem spe lucri, vel periculo damni. Taceo similes leges in Exodo.

87. *Obj. 11^a.* Iniqua foret lex naturæ si compelleret ad præstandos casus fortuitos : ergo etiam lex positiva.

R. D. C. Si compelleret ad præstandos quoscunque, *C.* ; aliquos tantum, v. g., circa pecudes aut servos, in quibus expedit acuerè vigilantiam dominorum, et impedire damna quæ nasci possunt ex nimia copia servorum et pecudum, *N.* Si natura nos cogeret ad præstandum unum casum fortuitum, ob paritatem rationis cogeret ad omnes. Item involveret nos nimis scrupulis, qui tamen cessant, quando positiva lex obligat tantum in certis casibus post sententiam judicis.

QUÆSTIO VI.

AN ORIATUR OBLIGATIO RESTITUTIONIS EX CULPA MERE JURIDICA ?

88. Sciendum 1^a culpam aliter à *TT.*, aliter à jurisperitis accipi. Culpa theologis idem est ac offensa Dei. Jurisperitis est ommissio diligentie, legibus requiritæ, quâ potuit caveri alterius damnum, sive dein adjungatur formalis offensa Dei, sive non. Juridicam culpam dividunt in latissimam, latiore, latam, levem et levissimam. Latissima est dolus apertus. Latior est dolus præsumptus. Lata est ommissio diligentie quam passim adhibent prudentes similis conditionis. Levis est ommissio diligentie quam adhibent tantum prudentiores. Levissima est ommissio diligentie quam adhibent solum prudentissimi : v. g., si librum commodatum relinquant ante fores cubiculi, dicitur culpa lata : si clauso cubiculo removeas clavem, sed seram aut pessulum non obducas, dicitur culpa levis : levissima, si clauso cubiculo removeas clavem, sed non tentes an obducta sit sera : quod tamen Molina limitat ad casum quo sæpius aut aliquoties expertus es clavem in-

fidelem. Porrò culpa juristica propter inadvertentiam, oblivionem, aut alias causas sæpè committitur absque theologia.

89. Sciendum 2^o contingere non rarò ut culpa quæ materialiter et absolute spectata videtur levis, formaliter et respectivè considerata, sit gravis aut lata; vel ut culpa quæ levis est in una materia, sit gravis in alia. Major quippe diligentia requiritur in polièdo pyropo quàm marmore; major in curando morbo valdè periculoso quàm minùs periculoso; major, cùm agitur de bono publico quàm cùm de bono privato; cùm agitur de vita vel membris hominum quàm cùm de fortunis.

90. Sciendum 3^o diligentiam magnam, majorem et maximam nequaquam in indivisibili consistere, sed habere suos gradus, sicut pretium infinitum, medium et summum. Unde potest quis dici maximam diligentiam adhibuisse, quamvis non attigerit supremum apicem omnis possibilis diligentie.

91. Sciendum 4^o celeberrimam in jure contineri legem, aut potiùs plebiscitum Aquilium, ita dictum ab Aquilio tribuno plebis, quo rogante plebs Romana tulit legem. Ejus olim tria fuerunt capita; sed secundum hodie nec exstat, nec est in usu. Primo capite, qui mancipium alienum, aut pecudem, gregatim pasci solitum, occidit injurià, tenetur sarcire damnum, et in tantum condemnatur quanti mancipium aut pecus eo anno, retrorsum computato, plurimi valuit. Tertio capite jubetur præstari quodlibet aliud damnum injurià datum, absque facto vel usurpatione rei. Videatur *tit. 5, L. 4 Inst., tit. 2, L. 9, ff. tit. 55, L. 5, C.*

92. Sciendum 5^o injuriam à jurisperitis dici quod non jure, vel contra jus alterius factum est per culpam juridicam, etiam levem et levissimam. Excipiunt tamen communiter auctores contractus, vel etiam quasi-contractus, ubi partes conveniunt de culpa solùm lata, vel etiam levi præstanda.

93. Questio nunc est an et quomodo lex ista valeat in conscientia? tres autem sunt sententiæ. Prima vult, etiam ante sententiam judicis, sarciriendum esse damnum ex culpa merè juridica datum. Ita Panorm. in cap. fin. de injur. Adrian. in 4 de restit. § *utrum in foro conscientie*; Covarruv. p. 2, de matrim. c. 6, § 8, n^o 16; Angelus v. culpa, n^o 6; Rosel. Ludov. Engle. in cap. fin. de injur. Secunda negat esse sarciriendum ante sententiam judicis. Ita Innocent. in cap. *Sicut dignus*, de homic. Sylvester, v. culpa, q. 4, v. restitutio, 2, n. 12; Henriq. de Irreg. c. 15; Saa, v. culpa; Toletus l. 5, c. 18; Molina tr. 2, D. 698, n. 6; Vasq. c. 2, § 2, dub. 2; Less. l. c. 7, n. 27; Azor, p. 5, l. 4, c. 7; Dicast. D. 3. de restit. n. 58; Reginald. l. 1. 10 de Restit. n. 69; C. de Lugo D. 8, n. 19; Martinus in Theol. mor. D. 7, n. 18; Rebell. Navarra, Laym., Torrian., Ant. Perez, Amicus, Esparz, Joan. Font., Bassus, Tambur., Firlhng, Hamaldas, Herlitz, Mezger, Illsing, Reiffenstahl, Sporer, Samig. Tertia contendit, neque post sententiam esse sarciriendum damnum ex culpa juridica datum, nisi accesserit culpa theologia. Ita Rebellus, Amicus, Reginald.,

Haunold., Ferd. Krimer, quibus in MS. accedunt aut fivent Romani theologie magistri, Nicolaus Martinez, Angelus Alemanni, Joann. Gormaz.

94. Dico 1^o: Secluso contractu, nemo de jure naturali tenetur sarcire damnum ex culpa merè juridica datum. *Ratio 1^a.* Naturalis obligatio quam vix ullus doctorum agnoscit, aut certè paucissimi, probabilissimè non datur: talis est obligatio de qua loquimur; nam auctores qui docent reparandum esse damnum ex culpa merè juridica datum, unicè fundantur in legibus positivis. *M. est certa.* Naturales enim leges, esto non omnibus, plerumque tamen multis sapientibus sunt notæ. 2^o Naturalis hæc obligatio vel oriretur ex re accepta, vel ex injusta acceptione aut læsione: non ex re accepta, quippe ponitur, damnum esse datum sine lucro damnificantis: non ex injusta acceptione vel læsione; nam ubi culpa vera coram Deo non est, injustitia vera non est. 3^o Qui prodigè vel luxuriosè dissipat rem alterius, bona fide putans esse suam, nullo jure tenetur ad restitutionem, ut passim admittunt auctores: ergo multò minùs ex jure naturali tenetur qui rem alterius destruit, aut violat illius jus sine omni culpa theologia. 4^o Si datur obligatio naturalis præstendi culpam juridicam levem aut levissimam, prout communiter culpam istam intelligunt, quilibet de jure naturali tenetur, ad impediendum proximi damnum, esse plus quàm ordinariè diligens; nec sufficiet impendere diligentiam qualem communiter prudentes ejusdem conditionis, officii vel artis adhibent: at hoc est falsum; quia nemo per se tenetur esse diligentior in avertendis alienis damnis quàm propriis. Nemo debet esse circumspectus in superlativo semper gradu, nemo debet esse plus quàm diligens; alias obrueremur infinitis scrupulis. 5^o Quòd si verò per culpam levem aut levissimam, ut mihi quidem videtur, in jure debet intelligi culpa quæ materialiter quidem est levis et levissima, formaliter tamen et respectivè gravis est aut lata, secundum ea quæ diximus n. 89, contra adhuc est. Non possum lædere jus alterius per culpam merè juridicam et respectivè latam, nisi naturalis quædam inadvertentia, vel oblitio, vel invincibilis ignorantia periculi, vel alia causa similis amoveat culpam theologicam: at læsio sic contingens, in tribunali divino pertinet ad casus fortuitos, quos de jure naturali nemo tenetur præstare, nisi fortè specialis sit contractus. 6^o Denique nobiles juristæ cum Covarruvia tradunt, culpam merè juridicam, levissimam aut levem non esse præstandam, si consistat tantùm in omissione, non autem in commissione, quod etiam aliqui colligunt ex *L. si mora 9, ff. solut. matrim.*; sed hoc discrimen oriri non potest ex solo jure naturali.

95. Dico 2^o: Etiam de jure positivo nemo tenetur præstare culpam merè juridicam ante sententiam judicis, nisi fors intervenerit contractus. Assertio præbatur iisdem fere rationibus, quibus superior circa leges noxales. 1^o Lex Aquilia vel non præcipit ut præstemus culpam merè juridicam ante sententiam judicis; vel, si præcipit, non est manifestata sufficienter,

aut non est communiter usu recepta. Nam theologici, qui potissimum expendunt obligationem in conscientia, communissime negant hanc obligationem, et hodie paucissimam legem observant cum tanto rigore. 2^o Nam lex aliqua sit usu recepta, est pura questio facti, quæ deciditur ex testimoniis et auctoritate doctorum. Unde, si fidem merenter jurisconsulti, dum apud Haunoldum cum Rebuffo, Mornacio, Zypæo, Corvino, Schenckvino testantur legem Aquiliam in quibusdam provinciis hodie non amplius receptam, quoad æstimationem quanti plurimi, fidem quoque merito postulabunt plerique I.T., dum asserunt legem Aquiliam non esse receptam usu quoad præstationem culpe tantum juridicæ. 3^o De jure naturali clarum est non dari obligationem præstandi culpam mere juridicam ante sententiam judicis; de jure positivo et humano suum est dubium: quando vero colliduntur duo jura, clarum prævalet obscuro et dubio (1). 4^o Legislatores per legem Aquiliam clare non exprimunt an obligare velint etiam ante sententiam judicis, ob culpam mere juridicam: ergo censendi sunt non obli. are. *Semper enim facienda interpretatio contra eum qui legem dicere potuit apertius.* Cap. 57, de R. J. in 6. In obscuris, quod minimum est sequimur; in dubiis pars benignior præferenda. L. 9, l. 36, l. 192, ff. de R. J. (1). 5^o Possessor bonus, oborto dubio num res sit alterius, non deicitur à possessione si dubium vinci non possit, nec obsistet jus aliquod speciale et manifestum: ergo nec dominus spoliari debet dominio suorum honorum in dubio num præstare debeat culpam mere juridicam. 6^o Cum difficilissimum sit in particularibus casibus semper discernere quando culpa sit sufficiens ad obligationem legis Aquiliæ, nimisque violentum sit ut quis ultro se condemnet ad reparationem damni quod innocens et citra culpam theologicam dedit, orirentur innumere lites et scrupuli, si lex Aquilia propter culpam mere juridicam obligaret ante sententiam judicis. Denique finis istius legis longè melius, suavius et certius, vel saltem sufficienter obtinetur, si primum obligat latà sententià.

96. Dico 3^o: Probabilius iudex ex vigore legis Aquiliæ condemnare non potest ob culpam respectivè levem aut levissimam. Ratio 1^a. Nam, ut accuratè ponderat C. de Lugo D. 8, n. 54, lex Aquilia fere perpetuò loquitur de culpa lata, quæ regulariter involvit culpam theologicam; et exempla quæ juriste communiter afferunt ad explicandam legem Aquiliam, pleraque continent culpam latam; nec ullus est textus qui cogat ad aliquam exceptionem. 2^a Esto lex 44. ff. ad L. Aquil. expressè meminerit culpe levissimæ, dubium tamen est quomodo vox ista sumatur, et longè melius conciliatur jus positivum cum naturali, si cum Covarr. ubi suprâ, n. 18, dicatur intelligi culpa, quæ juxta n. 89 materialiter quidem est levis et levissima, formaliter tamen et respectivè gravis est aut lata, propter materiam in qua requiritur a quovis prudente summa diligentia, v. g. si cum lu-

cerna noctu vagaris in fœculis, turri pulveraria; etc. 3^a In jure varia suppetunt exempla quæ satis aperte monstrant, per culpam levem aut levissimam nihil aliud adici quam culpam respectivè latam, quam vitaret omnis prociens et degens ejusdem conditionis et officii. Ita L. si mercos, 2, § qui communem ff. locati et § 3 Inst. eodem, locans operam in re admodum fragili, vel gravis unus periculis objecti, v. g. in transferenda columna, jubetur esse sicut diligentissimus paterfamilias, adeoque culpam levissimam præstare. Similiter, etiamsi mandatarius, L. 8, § ult. et L. 10, ff. mandati, tantum jubetur præstare culpam latam, tamen L. 25, ff. de R. J. et alibi, videtur compelli ad præstandum culpam levem. At L. 15 et L. 21 C. mandati, satis aperte jubetur præstare culpam levissimam: hujus verò diversitatis alia non est ratio, juxta Bachov. Brunnem. et alios, quos sequitur Bernardus Gletle, 5 p. select. c. 15, quam quod aliqua negotia communem, alia majorem, alia maximam diligentiam desiderent. Unde culpa quæ levis et levissima in uno negotio, gravis et lata censetur in alio, ubi quilibet prudentium exactissimam cautelam impenderet. 4^a Nimis rigida, vel etiam intolerabilis esset lex humana, si contenta non foret ordinarià diligentia, quæ prudentes communiter satisfacere se putant in cavendis aliorum damnis, sed requireret diligentiam majorem et maximam, aut si juberet universaliter refici damnum etiam gravissimum, quod oritur ex neglectu diligentie majoris et maxime, quam nec Deus à nobis exigit, et quam prudentes passim absque scrupulo sobent omittere. Et quidni posset sic statui lex, quæ disjunctivè nos obligaret vel ad supremum apicem omnis possibilis cautelæ, vel ad sarcienda quælibet damna, quæ per neglectum ejusmodi cautelæ possunt exorgere, quod tamen esset nimis inhumanum? 5^a In officiis, ubi tamen ob mercedem et stipendium videtur major diligentia requiri, nullus hodie syndicatur, aut condemnatur ob culpam respectivè levissimam, aut levem, ut infrâ videbimus. Et severitas major legum absterret merito prudentes ac timoratos ab officiis: ergo nec extra officium condemnandus quis est ob ejusmodi culpam.

97. Dico. 4^a Probabilius tamen, post sententiam judicis, in foro conscientie præstari debet culpa juridica respectivè lata, quamvis nulla intercesserit culpa theologica. Ratio 1^a Quia sic longè frequentius asserunt auctores et interpretes Aquiliæ legis. 2^a Finis Aquiliæ legis ex communi DD. sensu, videtur ut homines fiant diligentiores in cavendis aliorum damnis, sicut finis legum noxalium et illarum quæ obligant ex quasi delicto, est, ut homines fiant diligentiores in custodia servorum, animalium et domesticorum. Unde, sicut iste compensationem damni postulant, quando nulla prorsus intercessit culpa theologica, sic etiam illæ. 3^a Non rarò fit ut culpa respectivè lata, propter oblivionem, inconsiderantiam aut alias similes causas, excusetur à theologica: sed in hoc casu iudices non videntur attendere ad culpam theologicam, sed injungunt reparationem damni, sive dein

(1) V. notam subjectam, n. 75.

concurrerit, sive non concurrerit culpa theologica. 4° Quando propter incuriam alienus oritur incendium vicinæ domus, ordinariè condemnatur incurius ad aliquam compensationem: non est autem probabile quòd iudices semper tunc præsumant culpam theologicam; aliàs præsumere deberent mortalem. 5° Si vera est contraria sententia, posset condemnatus ob culpam merè juridicam et respectivè latam, quando nòset se coram Deo penitus innocentem, occultam instituere compensationem: hoc admitti non potest, quia nimia daretur ansa compensationibus occultis, rueret præcipuus finis legis Aquiliæ, lites texerentur ex litibus. Quòd si dicas, occultam compensationem ex alio capite non fore licitam, quia scilicet nemo propter jus incertum uti potest beneficio compensationis occultæ, jam hoc ipso fateris adversam sententiam nihil aut parùm ad praxim conducere. Porro, quæ dicta sunt hactenus de culpa respectivè lata, à fortiori locum habent, quando saltem accessit culpa theologicè venialis. Id tamen addo, satis æquum videri ut iudex non imperet compensationem totius damni, quando potest ex circumstantiis personæ, etc., verisimiliter colligi quòd nulla vel minutissima tantùm et moraliter inevitabilis culpa theologica accesserit, quòd damnum potiùs ex naturali quadam ignorantia vel oblivione fuerit profectum.

98. *Dico.* 5° Quando nulla prorsus intercessit culpa theologica, non videtur damnificans obligari posse ad excessum quanti plurimi. *Ratio.* Quia quoad istum excessum lex Aquilia est purè pœnalis, ut expressè dicitur § 9 Inst. de lege Aquilia. Et iudices non solent infligere tam gravem pœnam, nisi quando nòrunt aut præsumunt damnum scienter et voluntariè datum: ergo supponunt culpam theologicam.

OBJECTIONES.

99. *Objicitur* 1° *contra primam conclusionem* auctoritas Gregorii IX, cap. fin. de injur. et damno: *Si culpà tuà datum est damnum, vel injuria irrogata, seu aliis irrogantibus opem fortè tulisti, aut hæc imperitià tuà sive negligentia evenerunt: jure super his satisfacere te oportet, nec ignorantia te excusat, si scire debuisti ex facto tuo injuriam verosimiliter posse contingere vel jacturam.* Quo textu putant aliqui nihil apertius contra nos posse statui. Nam culpa theologica distinguitur a merè juridica, quòd illa scienter et cum advertentia contingat, ista verò præcisè per ignorantiam et oblivionem.

R. Pontifex utique locutus esset apertius, si dixisset obligari nos etiam in casu, quando coram Deo non sumus rei. Cùm autem hoc non expresserit, sequimur regulas juris n. 95 citatas. 2° Pontifex manifestò loquitur de culpa per ignorantiam vincibilem commissa. Dicit enim: *Si scire debuisti*; sed hæc culpa non est merè juridica. 3° Pontifex infrà subjungit, eum non esse damni reum, qui nihil de contingentibus omisit: at, qui facit omnia quæ necessaria sunt in foro conscientie, coram Deo nihil de contingentibus

omittit. 4° *Esto* pontifex loquatur de culpa merè juridica, tamen non exprimit an ea præstanda sit etiam ante sententiam judicis. 5° Imò, licet hoc absolutè statueret, tamen ejus constitutio non esset ampliùs sub tanto rigore recepta.

100. *Obj.* 2°. Stephan. V, cap. 20 *consultuisti*, 21, q. 5, mandat parentibus ut tenellos infantes secum in uno lecto non collocent, ne negligentia qualibet proveniente suffocentur, vel opprimantur, unde ipsi homicidii rei inveniantur: ergo quælibet negligentia etiam juridica sufficit ad reatum homicidii, multò magis ad obligationem restitutionis.

R. D. C. Quælibet negligentia, proveniens ex culpa lata, vel mortali, *C.*; quælibet simpliciter, *N.* Parentes peccare mortaliter, si cum periculo suffocationis, extra casum necessitatis, collocent infantes secum in eodem lecto, communis est et certa sententia. Imò casus hic in multis Germaniæ diœcesibus, ut Salisburgensi, Basileensi, Curiensi, etc., est reservatus.

101. *Obj.* 3°. Gratis dicitur legem Aquiliam non esse receptam usu quoad damnum præstandum ante sententiam judicis, si nulla intervenit culpa theologica. Nam hoc asserunt tantùm aliqui TT. supponentes suam sententiam, et ex praxi constat plurimos inquietari scrupulis, si damnum dederunt ex incuria, vel culpa merè juridica.

R. Si lex ita foret usu recepta in foro conscientie, mirum esset id non ab aliquibus tantùm, sed à plerisque TT. qui post Sotum et Molinam scripserunt, hactenus ignoratum. Quòd autem ex rudibus nonnulli scrupulis angantur ob damnum, culpà merè juridicà datum, profectò non est mirum, cùm etiam aliqui timoribus vexentur ob damnum casu fortuito datum.

102. *Obj.* 4°. Qui, v. g., scelopeto trajicit anseres rusticorum ob recreationem, ac seriò proponit resarcire damnum, utique tenetur ad restitutionem ante sententiam judicis: sed hæc obligatio provenit ex culpa merè juridicà: ergo. *M. prob.* Si committeretur culpa theologica contra justitiam, committeretur culpa gravis, quoties anseres essent magni valoris: sed hoc nemo dixerit, nam rustici non solent esse graviter inviti si resarciatur omne damnum, præcipuè si jaculator sit princeps, qui communiter duplo plus restituit.

R. N. m. Obligatio non provenit ex culpa, sed ex tacito vel interpretativo contractu: nisi enim jaculator tacitè vel interpretativè promitteret reparationem damni, non posset præsumi licentia rustici, vel rustici non concederet tacitè vel interpretativè licentiam jaculandi. 2° Etiam in hoc casu peccari potest contra justitiam, quia, nisi vel expressa, vel tacita, vel saltem interpretativa et rationabiliter præsumpta licentia domini excuset, fas non est alienam rem destruere cum proposito restitutionis; aliàs possem, inuito te, vendere tuum equum et reddere pretium æquivalens. 3° Jaculator in hoc casu sæpissimè peccat prodigalitate, vel contra charitatem; quia rustico, cui nihil constat de mente jaculatoris, præbetur scandalum et occasio non levis iracundiæ, blasphemie, etc.

103. *Obj. 5^a*. Si gentilis sciens et volens inferat invito grave damnum, utique tenetur ad restitutionem ante sententiam iudicis : at non tenetur ex culpa theologica ; nam pono quod Deum invincibiliter ignoret : ergo tenetur tantum ex iuridica.

R. N. m. Contraria doctrina supponit peccatum philosophicum, quod non ita pridem Vaticanis ignibus est absumptum. 2^o U. S. Hieronym. ad Algasia. *Nullus hominum est, qui legem hanc universalem nesciat : quod tibi fieri nolueris, alteri ne feceris ;* at cognoscens legem universalem cognoscit et legislatorem universalem, sive Deum. 3^o Nullus agit formaliter inhoneste, nisi præsciat malum inhonestum a nullo, nuspam, nunquam propter nullum bonum aut malum esse faciendum : sed hoc ipso cognoscit legislatorem supremum, qui semper, ubivis et omnes obliget.

104. *Obj. 6^a contra tertiam concl.* Leges noxales præcipiunt reparationem damni, sine ulla culpa, etiam iuridica, dati : quidni etiam lex Aquilia præcipere possit reparationem damni dati per culpam iuridicam respective levem et levissimam?

R. Aliud est quod lex Aquilia præcipere posset, et aliud quod actu præcipiat reparationem damni dati per ejusmodi culpam. Prius fortasse potest concedi, posterius negamus ; quia rigor iste non sufficienter ex illa lege colligitur. 2^o Si lex Aquilia juberet præstari quamlibet culpam respective levem aut levissimam, esset incomparabiliter magis rigida quam leges noxales : nam leges noxales non præcipiunt semper compensari totum damnum, sed contentæ sunt si servus aut animal tradantur noxæ. Lex autem Aquilia juberet compensari totum damnum propter culpas quæ frequentissimè contingunt, et moraliter sunt inevitabiles, et à prudentibus communiter non vitantur. 3^o Circa leges noxales est specialis ratio, quæ non servit circa legem Aquiliam : sicut enim respública propter bonum commune potest omnino tollere servos, et imminuere copiam animalium apud dominos, ne nimium multiplicentur damna, sic potest concedere copiam servorum et animalium cum hoc onere, ut damna ab iis data sarciantur : hæc ratio non habet locum in Aquilia lege.

105. *Obj. 7^a*. Per legem Aquiliam nemo tenetur ex casu merè fortuito, quod patet ex § *ac ne is*, *Inst. h. t.* ; sed, cum inferas alteri damnum absque culpa theologica, casus est merè fortuitus : ergo. *Prob. m.* Cum inferas damnum et violas alterius jus, semper es reus culpe theologicæ, nisi fortè per ignorantiam invincibilem, inadvertentiam, oblivionem excuseris : sed, quando sic excusaris, est casus merè fortuitus.

R. D. m. Est merè fortuitus in consideratione theologica, *C.* ; iuridica, *N.* Theologicè casus est tibi fortuitus, qui præter intentionem ac voluntatem tuam accidit, ita ut nihil omiseris eorum quæ debebas in foro conscientie. Juridicè fortuitus casus est eventus inopinatus rei, qui nullà providentiâ vel hominum curâ caveri potuit ac debuit, v. g., 4^o si candelam sine necessitate ponas in loco admodum periculoso, simulque firmissimè proponas eam statim amovere,

sed dein obliviscaris, aut obruaris somno ; 2^o si præceps et inconsideratus sis in agendo, vel ex habitu quodam effundas aut dejetas aliquid e fenestra, fores relinquis apertas, etc., unde sequatur incumentum, *cato* theologice non pecces actu ; 3^o si dans operam rei ex qua potest incendium nasci, non adhibeas diligentiam legibus requisitam, et quam prudentes communiter adhibent ; *cato* fiat hoc ex inconsiderantia, quæ coram Deo non est culpabilis. Taceo casum quo committeres culpam respective latam, cum proposito emendandi damnum, si quod forte sequatur.

106. *Obj. 8^a*. Lex Aquilia supponit damnum injuriâ datum, ut patet ex § 1 *Instit. h. t.*, sed injuria dicit culpam theologicam : ergo.

R. D. M. Supponit damnum injuriâ iuridicâ datum, *C.* ; theologicâ, *N.* Ut habetur § 3 *Inst. et L. 5. ff. h. t.*, injuria iuridicè dicitur, quidquid fit sine jure, vel contra jus, per aliquam culpam : at de jure sufficiens culpa putatur, si non impendis diligentiam à legibus requisitam, et talem quam prudentes communiter adhibent, et quam potuisses etiam impendere, si paulò circumspiceret et accuratior esses in tuis negotiis et actionibus.

107. *Obj. 9^a*. Lex Aquilia, *L. 5 sed et si*, § *et ideò ff. ad leg. Aquil.*, docet expressè, furiosos, infantes et alios qui doli vel rationis non sunt capaces, actione legis Aquiliæ non teneri : sed hujus alia ratio non est, nisi quia nulla culpa theologica potest in iis supponi.

R. N. m. Qui carent usu rationis, non solum capaces non sunt culpe theologicæ, sed nec iuridicam propriè committere possunt, neque subjacent legibus, aut per legem Aquiliam acui possunt ad majorem vel maximam diligentiam.

Quæstio VII.

QUALIS OBLIGATIO NASCATUR EX CULPA THEOLOGICÆ SOLUM VENIALI?

108. Quæstio non est de culpa injusta, quæ venialis est tantum ex parvitate materiæ, v. g., si duntaxat obolum clepas ; tunc enim oriri tantum obligationem levem, est luce clarius. Difficultas est de culpa qua simul aut successivè graviter damnificas, ita tamen ut excuseris à mortali ; quod multifariam accidit : 1^o propter defectum plenæ deliberationis ; 2^o per omissionem diligentiae tantum venialiter culpabilem in cavendo proximi damno ; 3^o per errorem, quo quis invincibiliter nescit pretium rei, ut si gemmam projicias in aquas, bona fide putans esse vitrum modici valoris ; 4^o per errorem, quo tantum invincibiliter ignoras gravitatem formalem, non verò materiale damni, v. g., si sciens et volens alteri surripias aureum, sed invincibiliter existimes acceptionem non ascendere ad lethale peccatum, vel dominum non esse graviter invitum ; 5^o si furta minutula sæpiùs repetas, ita tamen ut nunquam attendas ea coalescere simul in materiam peccati lethalis. Nos hic agimus tantum de primo et secundo casu, de cæteris acturi postea.

109. *Dico 1^o*. Ex culpa tantum indeliberata non

oritur gravis obligatio sarcienti totum damnum, vel partem notabilem damni. Ita Sotus l. 4, q. 7, a. 2; Henrici. l. 14, de irreg. c. 15; Saa, v. *culpa* et v. *restitutio*; Lessius l. 2, c. 7, n. 27; Navarra l. 2, c. 1, n. 48; C. de Lugo D. 8, n. 56; Toletus l. 5, c. 18; Azor p. 3, l. 4, c. 8; Th. Sanch. l. 2, Dec. c. 23, n. 160; Filline. Amic. Ant. Perez, Esparza, Tambur. Haunold. Illung, Mastr. Joan. Pont. Herincx, Sannig, Mezger, Singallens, Petschacher, Sporer, et alii contra Vasq. et Turrian. qui putant totum damnum, et contra Molin. Diecastill. Bonac. Rebell. Laymann, qui censent partem notabilem damni sub obligatione gravi resarciendam esse. *Ratio* 1°. Ubi culpa tantum est indeliberata, lesio non est plenè libera vel voluntaria; sed, ubi lesio non est plenè libera et voluntaria, non oritur gravis obligatio restituendi: ergo. *M. prob.* Lesio quæ non est plenè libera vel voluntaria, videtur in humanis et moralibus quasi casus fortuitus: sed ex isto non oritur gravis obligatio restituendi, quod superius ostensum. 2°. Vota, juramenta, promissiones et alii contractus, juxta communem, non inducunt gravem obligationem, quando non fiunt animo plenè deliberato: ergo nec culpa quæ per indeliberationem est levis. *C. videtur bona.* Nam obligatio gravis quam, nobis invitis, aut saltem directè non volentibus, injicit necessaria lex naturæ propter culpam, non debet faciliùs induci quàm obligatio gravis quam nobis ipsis injicimus voluntate propriâ et directâ per contractum; possumus enim ex arbitrio voluntatis ad plurima nos obligare graviter, ad quæ natura non potest nos obligare graviter; et vicissim natura non potest ad aliquid nos obligare graviter, ad quod non possumus etiam nos obligare graviter ex arbitrio voluntatis. 3°. Ideò votum, ex subreptione profectum, non valet, vel non inducit gravem obligationem, quia videtur iniquum ut, qui sui non est plenè compos, et non habet libertatem sufficientem ad merendum supplicium aut premium æternum, inducat sibi gravem obligationem, et obliget se sub pœnâ damnationis æternæ: sed hæc ratio pariformiter in casu nostro procedit. 4°. Videtur esse communis hominum conceptio, non esse consonum æquitati ut quis, per se loquendo, vel præcisè aliis finibus, expoliatur suis bonis, propter actum non plenè deliberatum; ac ideo fuerunt lætæ leges in subsidium pupillorum, quia præsumimus eos se obligare aliis potius ex judicii imbecillitate quàm ex ratione: sed, qui non plenè deliberat deliberatione sufficiente ad peccatum mortale, non est sui compos, magisque agit ex imbecillitate judicii quàm ratione. 5°. In materia restitutionis spectandum est summopere quid expediat, vel humano generi sit optabilis antecedenter ad omnes eventus: sed optabilis non est ut ex culpa tantum indeliberata nascatur gravis et naturalis obligatio restituendi; nam onus restitutionis per se difficillimum est, et nemo se faciliè spoliatur rebus suis nisi coactus: et ex altera parte peccatum indeliberatum est culpa valdè modica, quæ moraliter evitari vix potest; neque videtur satis æquum ut, qui propè inscius et involuntariè dedit damnum, sciens

dein et volens subeat grave damnum ob necessitatem restitutionis. Imò sapissimè contingeret ut, quando damnum ex subreptione datum, est maximum, cogere quis omnibus ferè suis bonis spoliari, quia bona vix sufficerent ad resarciendum damnum; quod planè difficillimum foret, et plurimos absterret à tractandis aliorum rebus, et suscipiendis officiis in quibus periculum est committendi culpas indeliberatas, ex quibus oriantur non rarò valdè gravia damna. 6°. Obligatio restitutionis, quæ nascitur ex injusta acceptione, quamvis propriè pœna non sit, est tamen instar pœnæ, quam natura lex imponit, ut homines absterreantur à libidine damnificandi: sed obligatio sarcienti grave damnum est pœna vel quasi pœna valdè gravis et molesta, quæ per se, vel seclusis aliis finibus, est improporcionata delicto levi, per indeliberationem commisso; nec etiam absterri sufficenter possumus ab actu semideliberato per eam pœnam; quia per actum semideliberatum, nec ad delictum, nec ad pœnam sufficienter attendimus, et satis esse debet quòd in certis casibus, humana lege definitis, per sententiam judicis condemnari possumus ad reparationem damni indeliberatè dati. 7°. Quando per culpam semideliberatam infertur damnum unius floreni, quero, vel oritur obligatio gravis restituendi totum florenum, vel præcisè partem notabilem, id est, medium florenum. Non prius; sic enim cogereris præstare totum damnum, quod tamen est semifortuitum. Non posterius; cur enim propter culpam semideliberatam imponi debet gravis obligatio restituendi medium florenum, cum tamen per aliam culpam semideliberatam, quæ præcisè damnum medii floreni dedisses, nulla prorsus gravis obligatio fuisset inducta? Item si posterior culpa propter indeliberationem est simpliciter improporcionata ad gravem obligationem, cur prior est proportionata?

110. *Dico* 2°. Quando culpa tantum est indeliberata, ne levis quidem oritur obligatio resarciendi grave damnum. Ita Lessius, suprà, n. 28; C. de Lugo, n. 58; Mastrius, Tambur. Herincx, Haunold. Illung et alii. *Ratio.* Obligatio naturalis ad materiam gravem nunquam est levis: hæc obligatio foret naturalis, et respiceret materiam gravem: ergo. *M.* est principium, à nobis alihi statutum, et brevissimè probatur. 1° Natura, dum obligat semper obligat necessariò, vel obligat tantum quantum materia simpliciter est capax: sed materia gravis simpliciter est capax obligationis gravis. 2° In opposita sententia, non foret sufficiens regula naturalis statuendi quenam obligatio sit gravis aut levis, et ex materiæ parvitate vel gravitate non posset desumi quantitas obligationis. 3° Ut indicat Lessius, valdè mirum esset dari naturalem quidem sed levem duntaxat obligationem solvendi centum millia florenorum. Adde, si ex delicto levi et indeliberato nasceretur obligatio levis reparandi totum et gravissimum damnum, hoc perinde foret ac si ex delicto homicidii tantum levi, quod à gravitate peccati per inadvertentiam excusatur, oriretur obligatio levis sustinendi gravissimas pœnas homicidii: sed hoc in

terminis est absurdum: nam, licet respectu prout sit possibile meritum pure congruum, tamen respectu prout tantum est possibile meritum congruum, qui pauper ultra congruum non esset liberalis, sed servus et iniustus.

111. *Dicto. 3^o.* Ex negligentia tantum venialiter culpabili, nec gravis nec levis oritur obligatio restituendi grave damnum. Ita cum alius C. de Lugo, n. 57. *Posterior pars* quoad obligationem levem *pote* et *dictis*. Prior quoad gravem *prob.* 1^o Hæc obligatio, antecedenter ad omnem eventum, non esset optabilis humano generi propter difficultatem summam evitandi quamlibet negligentiam venialiter culpabilem circa proximorum damna. 2^o Nihil frequentius quam ut officiales etiam timorati, medici, iudices, aconomi, famuli committant in materia justitiæ negligentiam venialiter culpabilem, ex qua tamen sæpi oriuntur mediocria damna: dicere verò quod semper contrahant gravem obligationem restitutionis, est oppidè durum, et hæc obligatio merito prudentes averteret à susceptione ejusmodi officiorum. 3^o In rebus magni momenti non solet contingere levis tantum negligentia, nisi per inconsiderantiam, inadvertentiam aut indeliberationem: hæc culpa non inducit onus grave restitutionis, ut nuperrimè dictum. Putat tamen C. de Lugo, subinde saltem esse deliberatam hanc levem negligentiam, ut si tenearis adhibere diligentiam ut viginti, sed deliberatè tantum adhibeas diligentiam ut novemdecim, quia putas modicissimum esse periculum gravis damni.

OBJECTIONES.

112. *Obj. 1^o.* Greg. IX, *cap. ult. de Injuris*, docet, cum non excusari ejus imperitià vel negligentia damnum est datum, sed cum duntaxat qui de contingentibus nihil omisit, vel adhibuit eam diligentiam et cautelam quæ communiter à prudentibus adhiberi solet: at qui per culpam theologicam injustitiæ causat alteri grave damnum, esto, propter inadvertentiam, excusetur à mortali, non adhibet eam diligentiam et cautelam quæ communiter à prudentibus adhiberi solet: ergo.

R. cum Lessio, Pontificem intelligendum de culpa lata et perfectè libera, quæ moraliter ab hominibus evitari potest. Et famulus, aconomus, iudex et officialis dicitur nihil de contingentibus omittere, quamvis subinde per culpam indeliberatam præbeat occasionem gravibus damnis.

113. *Obj. 2^o.* Qui lædit alterum sciens et volens, tenetur ad restitutionem: sed qui lædit cum culpa veniali contra justitiàm, lædit sciens et volens: ergo.

R. Si sciens et volens, scientià perfectà et voluntate plenà, *O.*; scientià tantum imperfectà et semiplenà voluntate, *N.* Si sufficeret sola voluntarietas, ac necessaria non esset libertas et advertentia ad iniquitatem damni, furiosus esset obnoxius restitutioni, quoties voluntariè damnum inferret.

114. *Obj. 3^o.* Videtur æquius ut sustineat damnum, qui saltem aliquo modo culpabilis et nocens est,

quam qui nullo modo, præsertim si nocens sit dives, et innocens pauper: at qui lædit ex culpa veniali, quantumvis imperfecta vel indeliberata, saltem aliquo modo nocens et culpabilis est, qui vero læditur, nullo modo culpabilis aut nocens est.

R. 1^o indubite. Etiam videtur æquius ut sustineat damnum qui est quam qui non est causa damni: sed qui lædit per causam pure fortuitam, est causa damni: qui verò læditur, non est causa damni.

R. 2^o. Videtur æquius, attento tantum uno vel altero casu singulati, *O.*; attentis omnibus possibilibus indivisim, *N.* In moralibus non oportet semper dispicere quid hic et nunc, sed quid universim expediat; non expedit autem ut ob culpas moraliter inevitabiles, universim imponatur a natura difficillimum onus restitutionis, et facilius est pati damnum quasi-fortuitum quam illud reparare scilicet et voluntarie. Neque per absentiam hujus obligationis inferitur singulare præjudicium fœdis, sed, antecedenter ad omnes eventus, est omnium hominum par conditio, spes aut periculum; nam, sicut ego tibi non teneor sarcire damnum grave, per inadvertentiam hodie datum, sic etiam tu mihi non tenebere cras sarcire damnum simile, simili modo datum.

115. *Obj. 4^o.* Obligatio gravis restituendi non est inproportionata delicto levi, semideliberatè tantum admissi: nam si Deus ob ejusmodi delictum potest et solet irrogare pœnas gravissimas purgatorii, non est cur natura propter idem delictum injungere non possit onus grave restitutionis.

R. 1^o. Si paritas est bona, posset pro quovis damno, quantumvis minutissimo et per culpam levissimam illato, nobis imponi durissimum onus restituendi maximam summam, et obligatio sustinendi gravissimas pœnas hujus vitæ. 2^o Promissio semideliberata, si sit peccaminosa, sufficit ad pœnas purgatorii, non tamen inducere potest obligationes civiles, quas paritas promissio deliberatè concepta. 3^o Alius est ordo reipublicæ divinæ vel æternæ, et alius est ordo reipublicæ humanæ vel temporalis: in priori præcipuè consideratur quid serviat ac deceat, ut quis ingredi possit beatitudinem æternam, et quomodo satisfieri debeat ob offensam infinitæ majestatis; in posteriorem perpenditur quid expediat ad felicitatem temporalem et commercium humanum, et quomodo satisfieri debeat ob injuriam factam homini. Si reipublica temporalis pro delictis levibus imponeret pœnas quales exigit Deus in purgatorio, pridem fuisset omnes viccomburiò sublati.

116. *Obj. 5^o.* Per leve delictum sæpius incurritur excommunicatio minor, quæ gravior est pœna quam jactura temporalium: ergo per leve delictum aut damnum indeliberatè datum, potest etiam incurri gravis obligatio sarcendi maximum damnum.

R. N. C. Damnum quod incurritur ex excommunicatione minori, facillimè reparatur absolutione: damnum quod incurritur ex restitutione gravis summæ, non ita facile reparatur. Unde, licet juxta considerationem asceticam excommunicatio sit pœna major, in

consideratione tamen morali vel politicâ, quæ prævalet in humano commercio, jactura temporalium est absolutè gravior.

117. *Obj.* 6°. Qui per culpam indeliberatam graviter denigravit alterius famam, tenetur ad restitutionem.

R. Si possit absque gravi proportionaliter incommodo, *C.*; secus, *N.* Etiam qui prorsus inculpate denigravit alterius famam, tenetur retractare dicta, si possit citra magnum incommodum, ut n. 61 dictum.

118. *Obj.* 7°. Non repugnat obligatio levis ad materiam gravem : ergo fallit secunda assertio. *Prob.* *A.* 1° Possum me leviter obligare ad recitandum quotidie rosarium per totum annum. 2° Superior ordinis obligare suos potest leviter ad jejunium, et ejusmodi præceptum viget apud RR. PP. Carmelitas, ut testis est Arriaga, D. 16, de leg., n. 74. 3° Similis obligatio potest imponi per spontaneum contractum.

R. D. A. Obligatio voluntaria, quam homo libere sibi vel aliis imponit, *C.*; involuntaria vel necessaria, quam imponit natura, *N.* Natura, dum obligat, obligat necessariò quantum potest. Homo, dum se vel alios obligat, obligat quantum vult : unde, sicut in materia gravi potest se non obligare, sic se potest obligare tantum sub levi.

119. *Obj.* 8°. Est possibilis obligatio naturalis, eaque gravis ad materiam levem : ergo et levis ad materiam gravem. *A. prob.* Qui sartori furatur acum, unicè necessariam ad laborem et victum, ex justitia tenetur eam restituere : sed hæc est obligatio naturalis, et quidem gravis ad materiam levem.

R. N. A. Ad. prob. *N. m.* Obligatio non est ad restitutionem acús præcisè, sed ad cavendum ne sartor patiatur notabile damnum.

120. *Obj.* 9°. Ponamus ad grave furtum exigi quantitatem medii floreni; fur medii floreni graviter obligatur ad restitutionem : atqui tantum obligatur ad materiam levem, seu restitutionem unius crucigeri : ergo. *M.* est communis sententia, quam docent Th. Sanch. l. 7, Dec. c. 21; Azor p. 3, l. 5, c. 13, Dicast. l. 2, tr. 2, D. 9, n. 62; C. de Lugo D. 16, n. 41; Moya tr. 6, D. 4, q. 4, § 3; Navarra, Rebell. Sair. Bonac. Vasq. Sotus, Arragon. Tambur. Haunold. et alii. *Ratio.* Acceptio 29 crucigerorum non est culpa mortifera furti : ergo nec retentio. 2° Si retentio 29 crucigerorum esset mortifera culpa, foret etiam retentio 28, 27, et sic ulterius, donec perveniretur ad primum crucigerum. 3° Sicut in furto, sic in omissione restitutionis est parvitas materiæ : sed hæc assignari non posset, nisi veniretur ad quantitatem indivisibilem, ultra quam retentio est lethalis, et infra quam retentio non est lethalis.

Respondent 1° Medina, Corduba, Lopez et Esparza q. 36, grave debitum restitutionis in hoc casu non extinguì per restitutionem unius tantum crucigeri. Nam læsus per ablationem medii floreni, jus obtinet exigendi totam quantitatem simul et indivisim, ac utitur jure suo, si nolit crucigerum acceptare nisi reddantur simul aliæ partes, vel certè pars valde nota-

bilis : hoc autem jure dum utitur, tenetur lædens sub gravi plus reddere quàm unum crucigerum; et aliàs furans medium florenum semper aut plerumque posset omittere totam restitutionem; quia communiter aut plerumque potest supponere quòd læsus malit potius nihil habere quàm unum duntaxat crucigerum, aut obolum. Sed quidquid sit de istà doctrinà, quæ videtur probari quòd lædens obligari possit graviter ad restitutionem omnium omninò crucigerorum.

R. 2° cum aliis, *N. m.* Obligatio gravis quæ fur medii floreni stringitur ad restitutionem, indirectè quidem respicit materiam levem, directè verò materiam gravem. Nam directè sub gravi tenetur ad non retinendam materiam gravem, indirectè verò tenetur ad restituendum saltem crucigerum. Hæc enim restitutio medium est ad implendam directam et gravem obligationem. Sic etiam, quando jam clepsisti 29 crucigeros indirectè sub gravi teneris omittere furtum novè crucigeri; quia directè sub gravi teneris omittere furtum gravis materiæ.

121. *Obj.* 10°. Ex nostra doctrina sequitur, eum qui per indeliberationem est causa gravis damni, ne quidem obligari leviter ad resarciendam partem levem damni. Nam, qui vovet indeliberatè rosarium, ne quidem ad unum Ave sub levi tenetur : at sequela concedi non potest : ergo.

R. 1°. Si damnum det indeliberatè quoad omnes partes, *C.*; secus, *N.* ut putat Haunoldus, tr. 2, n. 194. Ordinariè, cum est indeliberatus consensus in totum damnum, miscetur deliberatus in partem levem : ex voto tamen indeliberato materiæ gravis non resultat obligatio levis ad levem partem, quia vovens obligari non vult ad partem levem, nisi simul obligetur ad totum, vel quia vult votum non esse validum, nisi totum sit plenè liberum, vel quia leges ecclesiasticæ sic disponunt, et Deus non aliter acceptat votum.

R. 2°. *C. M. N. m.* 1° Auctores cæteri communiter non faciunt discrimen hic inter obligationem ex indeliberato voto et obligationem ex indeliberata culpa. Unde, sicut ex indeliberato voto non oritur obligatio levis ad partem levem, ita nec oritur ex indeliberata culpa. 2° Gratis supponitur quòd vovens indeliberatè rosarium, communiter voveat deliberatè unum et alterum Ave : et si id esset, planè non suppeteret efficax ratio deobligandi voventem à recitatione unius et alterius Ave. 3° Hoc modo quilibet actus semideliberatus esset meritorius æternæ vitæ; quod tamen à TT. communiter rejicitur; cuilibet enim actui semideliberato misceretur consensus deliberatus in bonum honestum. 4° Haunoldus, ex sua Theologia, l. 2, n. 212, supponit omnem actum moralem, etiam semideliberatum, oriri ex dictamine aliquo metaphysicè certo et evidenti; quod tamen hodie satis communiter rejicitur. 5° Esto cuilibet actui semideliberato misceatur consensus deliberatus, contingere tamen potest ut, semideliberatè causans injustum damnum, non habeat plenam deliberationem circa damnum injustum, v. g., si deliberatè mentiens non sufficienter advertat ad detractionem aut periculum detractionis.

Aliud esset, si quis, deliberatè volens creare damnum in bonis fortune, credat damnum esse minutum, nec satis advertat ad periculum gravis damni.

122. *Nota* tamen, confessarios nequaquam debere faciles esse, vel præcipientes, ut iudicent damnificationem externam contigisse citra sufficientem deliberationem. Quamvis enim, ut optimè notat Lessius, l. 2, c. 7, n. 29, semiplena deliberatio frequens sit in subreptitiis cogitationibus et internis animi motibus, opera tamen externa statim periculum suum ingerunt, et excitant mentem ad deliberandum.

QUESTIO VIII.

AN EX CULPIS VENIALIBUS, DELIBERATÈ COMMISSIS, VEL ETIAM EX UNA, NASCI POSSIT OBLIGATIO GRAVIS RESTITUENDI?

123. *Dico 1^o*: Ex culpis venialibus, deliberatè commissis, oritur obligatio naturalis sarcendi totum damnum. Ita communis apud Cardenam in sentent. prohib. Dissert. 23, n. 90; Moyam, tr. 6, q. 3; Haunold. tr. 2, n. 198. *Ratio*. Qui successivè brevi temporis intervallo et deliberatè per minutas acceptiones clepit eidem domino 100 denarios, esto fortè nunquam advertat se peccare mortaliter, obligatione naturali tenetur restituere omnes 100 denarios: ergo tenetur sarcire totum damnum. *A. prob.* Fur in hoc casu iure naturali tenetur vel omnes denarios, vel nullum restituere: nec enim est ratio cur potius istos quàm alios teneatur restituere, cum omnes abstulerit sciens et volens invito domino. 2^o Obligatio restituendi primum denarium non tollitur per oblationem secundi, et obligatio restituendi secundum non tollitur per ablationem tertii, etc., secus enim ablatio secundi vel tertii vim haberet eandem quam habet restitutio primi vel secundi; nam eodem modo tolleretur obligatio restitutionis ac restitutio. 3^o Si fur restituere non deberet omnes denarios, non deberet restituere primum, secundum, tertium, etc., nisi sub conditione quòd non sit plures furaturus: hoc autem in terminis est absurdum. Item felicius esset quoad obligationem restitutionis qui plura quàm qui pauciora successivè furatur. 4^o Lex naturalis non minùs est efficax quàm positiva: sed si lex positiva post singulas acceptiones injungeret restitutionem, obligaret ad restitutionem omnium. 5^o Qui quotidie per annum acciperet mutuo denarium, aut creditò panem, post annum cogeretur reddere vel solvere plusquam 360 denarios aut panes: ergo à pari.

124. *Dico 2^o*: Ex pluribus culpis venialibus, deliberatè commissis, oritur obligatio gravis sarcendi totum damnum. Ita rursum communissima DD. apud auctores antea citatos. *Ratio 1^a*. Nam inter prohibitas ab Innoc. XI, 38 sic habet: *Non tenetur quis sub pena peccati mortalis restituere quod ablatum est per parva furtiva, quantumcumque sit magna summa totalis*. Pontifex autem non videtur damnasse propositionem tantum in casu quo quis retinet adhuc rem alienam, minutatim ablatam, aut in casu quo clependo minutatim, pervenire valuit ad quantitatem gravem, et peccavit

lethaliter: sic enim damnatio fuisset inutilis et frustranea; quia nullus auctorum unquam negavit obligationem gravem restitutionis in his casibus: igitur damnasse videtur propositionem etiam in eo casu quo quis non retinet amplius rem alienam, et minutatim furando non peccavit mortaliter. *Secunda*. Obligatio naturalis sarcendi grave damnum est gravis: sed in casu quo fur brevi temporis intervallo, v.g., intra duos aut tres menses, eidem domino clepit 100 denarios, oritur obligatio naturalis sarcendi grave damnum: ergo. *M. patet*. Nam obligatio naturalis ad rem gravem nunquam est levis, ut dictum est n. 110. *M. ex communi* persuasionem colligitur: putant enim omnes, dominum, si tam modico temporis spatio fur ei clepit 100 denarios, pati notabile vel grave damnum. *Tertia*. Qui quotidie per annum acciperet mutuo denarium aut credito panem, procul dubio contraheret obligationem gravem reddendi 360 denarios, aut solvendi 360 panes: ergo etiam à pari, qui quot diebus eidem domino sublegeret unum denarium. *Quarta*. Obligatio naturalis quà prohibeor singulis ferè diebus eidem domino clepere denarium, est gravis; aliàs non peccaret mortaliter, qui sub initium anni statueret ita constanter clepere; et est, purè per accidens, quòd aliqui fures, minutatim clepentes, excusentur à mortali; quia scilicet non advertunt semper surreptiones suas coalescere moraliter in grave damnum: ergo etiam obligatio naturalis quà jubeor restituere denarios ita sublato, est gravis. *Quinta*. Consideratis omnibus, utut gravis sit hæc obligatio, tamen optabilius est eam existere quàm non existere; quia non sufficienter aliàs absterrentur homines à minutis, deliberatis et frequentatis furtis, quibus sæpissimè gravis perniciæ inferitur. Plura dicam, ubi de furtis minutis.

125. *Dico 3^o*: Lædens injustè, si cognoscit totam gravitatem materiale damni, sed ignorat gravitatem formalem, sub mortali tenetur ad restitutionem. Exemplo sit: Furaris simul principi tres aureos plena libertate, valorem et pretium optimè scis, bona tamen fide putas hanc quantitatem non esse sufficientem ad mortale peccatum. In hoc casu, licet consumpseris pretium, et ditior inde non sis factus, teneris sub mortali restituere tres aureos. Ita P. Hlsung, D. 3, n. 16, cum aliis RR.; nam antiquiores communiter ex instituto non examinant casum. *Ratio* verò est eadem quæ pro conclus. super. Si enim sub mortali teneor tres aureos restituere, quando venialiter tantum peccans eos per furta minuta successivè sublego, teneor pariter, quando sciens et volens eos simul surripio.

OBJECTIONES.

126. *Obj. 1^o*: Hæc propositio: *Non tenetur quis sub pena peccati mortalis restituere quod ablatum est per parva furtiva, quantumcumque magna sit summa totalis*, damnata est, ut jacet; et, universaliter prolata, est falsa: nam tenetur restituere 1^o qui rem gravem adhuc habet, esto per venialia tantum illam abstulerit; 2^o qui rem consumpsit cum conscientia gravis injustitiæ, quamvis res non amplius exstet; 3^o qui minuta-

tim eam est furatus cum animo perveniendi ad summam gravem : ergo falsum est propositionem esse damnatam in sensu quem nos comminiscimur, sive non est prohibita sententia docens, eum ad restitutionem graviter non obligari, qui materiam gravem absumpsit per peccata merè venialia, nec inde ditior est factus. *Cons. prob.* Propositio quam proscripsit pontifex est universalis negativa; nam idem est, non tenetur quis, ac nullus tenetur : ex falsitate verò propositionis universalis negativæ, tantum infertur veritas particularis affirmativæ, scilicet, aliquis tenetur; non autem veritas universalis affirmativæ, omnis tenetur. 2° Damnatio pontificis est odiosa, quam extendere non debemus ultra quàm exigit proprietas verborum : hæc verò non cogit nos ad ultimum sensum. 3° Pontifex in bulla non explicat an propositionem damnatam esse velit etiam in ultimo sensu : In obscuris autem sequimur quod minimum est, et contra eum facienda est interpretatio, qui clarius legem dicere potuit.

R. cum P. Cardenas et aliis. Nulli DD. unquam incidit quòd non teneatur ad restitutionem sub peccato mortali, qui quantitatem gravem, furtis minutis ablatam, adhuc retinet, vel qui minutatim furando peccavit lethaliter contra justitiam : pontifex autem videtur propositiones neutiquam damnasse solum in sensu qui nulli doctorum incidit; aliàs enim prohibitio fuisset inutilis, et fulmen inane, contra neminem intortum. 2° Licet pontifex non damnaverit propositiones in quolibet sensu DD., damnasse tamen videtur in sensu saltem unius aut alterius doctoris, ejus sententia velut liberior à Lovaniensibus, et aliis vel theologis vel episcopis fuit delata Romanam, ut videre potes apud Franciscum Bonæ Spei Carmelitam, in Apologia contra Caramuel. 3° Pontifex insistens vestigiis Alexandri VII, doluit theologiam moralem ab aliquibus deformatam, et ad bullam compulsus est, ut compesceret quorundam novitates ac laxitates. 4° Si liceret uti metaphysicis ejusmodi subtilitatibus in expositione sententiarum quas damnavit pontifex, periret omne robur pontificiæ damnationis.

127. *Obj.* 2° Nemo tenetur sarcire damnum fortuitum et involuntarium : sed qui successive multa minuta furatur, et nunquam advertit ea coalescere simul in grave damnum, non vult inferre grave damnum.

R. D. m. Non vult inferre grave damnum simul, indivisim, collectim, ac per modum unius, C.; non vult successive, vel divisim et per modum plurium damnorum levium, reipsà coalescentium in grave damnum, sive non vult singulas partes quæ constituunt grave damnum, N. Qui sciens furatur successive 500 denarios, vult inferre damnum 500 denariorum, et quàmvis non velit omnes partes collectim una volitione, vult tamen omnes partes distributè pluribus, et distinctis volitionibus. Sic etiam tenetur restituere simul 500 aureos, qui quotidie per annum furatur aureum, etsi nunquam advertat aureos in gravissimam hanc summam coalescere.

128. *Obj.* 3° : Omnis obligatio restitutionis oritur vel ex injusta acceptione, vel ex re accepta, vel, si vis, etiam ex legibus aut contractu : sed obligatio gravis restituendi propter furtum tantum venialia, sæpè repetita, non oritur ex ullo capite : non ex re accepta; quia ponimus rem absumptam sine lucro : non ex legibus aut contractu; nam ponimus hæc abesse : non ex injusta acceptione; nam obligatio quæ nascitur ex injusta acceptione, est poena; poena verò gravis non est proportionata delicto levi.

R. N. m. quoad ultimam partem. Ad prob. D. M. ad mentem C. Lugo, D. 8, n. 69, Haunoldi et aliorum DD. Est poena tantum impropria, vel conventionalis, intenta solum ad compensationem damni, scienter et voluntariè dati, C.; propria, vel judicialis, intenta solum ad vindicationem delicti, N. M. et D. m. Poena propria vel judicialis non est proportionata delicto levi, C.; poena tantum impropria, vel conventionalis, subd. Non est proportionata, si damnum illatum est leve, C.; si grave, N. Ut optimè P. Esparza, q. 25, obligatio restitutionis ob injustam acceptionem, ultimatè reducitur in conventionem naturalem et tacitam omnium gentium et hominum, quæ quivis, antecederet ad omnes eventus, vult servari jura sua quælibet illæsa, vel reparari jura sua scienter ab alio læsa; consequenter etiam vult illæsa servare quælibet jura proximorum, vel illa reparare, si fortè scienter à se fuerint læsa, juxta principium illud : Quod tibi non vis fieri, alteri ne feceris. Et hæc conventio maximè necessaria fuit ad promovendam felicitatem, et stabiliendam pacem humanam. 2° Sicut ille qui sciens alterius anseres trajicit sclopeto cum efficaci proposito sarcendi quantocius damnum, imponit sibi poenam quasi-conventionalem sarcendi damnum; ita qui sciens alteri minutatim furatur, imponit sibi, vel potius, ex contractu quodam naturali, suscipit poenam et obligationem reddendi quælibet minutatim ablata : ergo etiam suscipit obligationem reddendi gravem summam, si per furtum minutatim est ablata. 3° Qui clepit eidem domino quot diebus unum denarium, non minus suscipit obligationem reddendi surreptos denarios quàm ille qui singulis diebus ab eodem domino mutuam accipit denarium, hoc solum discrimine, quòd in posteriori casu sit obligatio restituendi, directè volita, in priori verò sit tantum indirectè volita, et habeat se per modum poenæ quæ sequitur necessariò delictum.

129. *Obj.* 4° : Ergo jam ponitur alia radix restituendi quàm res accepta, vel injusta acceptio, scilicet poena conventionalis.

R. N. sequel. Hæc enim poena convenit cum titulo injustæ acceptionis. Dein admitto plures esse titulos remotos restitutionis; nam omnes tituli qui fundant dominium, etiam remotè fundant in damnificante obligationem restitutionis : tituli verò fundantes dominium, sunt innumeri : proximi tamen tituli restitutionis sunt tantum duo.

130. *Obj.* 5° : Hæc ratione peccatorum inæqualium

æqualis esset poena; nam eodem modo restituere deberes summam gravem, sive venialiter, sive mortaliter ablationibus peccâsses.

R. D. Poena aliqua, *C.*; omnis poena, *N.* Debitum restituendi, si tamen est propriè poena, non est omnis poena quæ mortali vel veniali peccato injustitè respondet: per mortale contrahitur reatus inferni, per veniale reatus purgatorii.

131. *Obj. 6^o*: Qui per furta tantum venialia surripit alteri magnam quantitatem, non dat alteri causam rationabilem gravis offense vel indignationis: atqui sic non tenetur sub gravi quantitatem magnam restituere: ergo.

R. D. M. Ita tamen ut daret, si sciens postea magnam quantitatem retineret, aut non restitueret, *C.*; ita ut neque hoc sit, *N.*

132. *Obj. 7^o*: Si viverem annos Mathusale, singulis annis cleperem tres duntaxat denarios, nil unquam restituerem, summa quam tandem restituere deberem, esset valdè notabilis; atqui non deberem restituere sub obligatione gravi: ergo, etc.

R. D. M. Summa quam restituere deberem sub obligationibus pluribus moraliter distinctis, et quarum singule respicerent tantum materiam levem, vel quæ non coalescerent in unam gravem obligationem, *C.*; sub obligationibus moraliter indistinctis, vel quæ coalescerent in unam, *N.* Obligationes leves aliquando coalescunt, aliquando non: e. g., 1^o qui centies vovet recitare modicas preces in honorem variorum sanctorum, habet centum leves obligationes, quæ juxta quosdam non coalescunt in gravem; 2^o qui distinctis personis milles exilia promittit, mille contrahit leves obligationes, quæ tamen non coalescunt in unam; 3^o qui diversis sæpius, sed tantum in re modicâ detraxit, plurimas habet obligationes restituendi famam, quæ tamen non coalescunt in unam gravem obligationem.

133. *Obj. 8^o*: Ergo potest etiam dici quod, si per annum aliquis minutatim eidem clepat 600 denarios, habeat quidem quamplurimas leves, non autem gravem obligationem restituendi 600 denarios.

R. N. sequel. In priori casu leves obligationes ideò non coalescunt in gravem obligationem, quia damna levia quæ maximo temporum intervallo disjunguntur, non coalescunt moraliter in grave damnum; imprudens enim foret qui lamentaretur grave sibi damnum obortum, præcisè per hoc quòd singulis annis unus tantum aut alter denarius fuerit surreptus: at in posteriori casu damna levia coalescunt moraliter in grave damnum, et est lethale peccatum illa voluntas, quâ statim quotidie per annum homini mediocris fortune surripere denarium, et minutis furtis ascendere tandem ad summam 500 denariorum. 2^o Si singulis anni diebus acciperes credito panem, vel mutuum denarium, levia debita coalescerent in grave debitum, ut superius ostensum: ergo à pari. 3^o num aliqua moraliter coalescant, optimè desumitur ex judicio prudentum: at in casu nostro prudentes communiter judicant ex pluribus

damnis levibus oriri tandem grave damnum, et obligationem gravem restituendi. Sic Tambur. l. 8, Dec. tr. 3, c. 2, § 5, n. 6, docet, omnes fateri quod in hoc casu detur gravis obligatio restituendi. Testantur eandem auctoritatem Haunold, Illsung et alii.

Quæstio IX.

EX QUA CULPA NASCATUR OBLIGATIO RESTITUTIONIS IN CONTRACTU?

134. *Sciendum 1^o* contractum aliquando strictius, aliquando latus sumi. Strictius est pactum, seu consensus voluntarius duorum aut plurium, utro utroque pariens obligationem justitiæ, ut emptio, venditio, conductio. Latus est pactum inducens obligationem justitiæ, sed non mutuum, ut donatio vel liberalis promissio. Priores contractus vocantur onerosi, posteriores lucrativi.

135. *Sciendum 2^o* triplex esse genus contractuum, strictè sumptorum. Aliqui cedunt in utilitatem solius accipientis, ut regulariter commodatum, si, v. g., commodos alieni gratis equum ad certos dies: alii cedunt in utilitatem solius dantis, ut depositum: alii denum in utilitatem utriusque, ut emptio, locatio. Fieri tamen potest ut commodatum aliquando cedat in utilitatem utriusque, vel solius dantis, v. g., si vasa pretiosa commodentur ad recipiendum communem amicum; si sponsus sponse commodet vestes, ut ornatus ad ipsum accedat. Simile quid est in deposito, v. g., cum depositarius accipit pro deposito mercedem; tunc enim contractus cedit in utilitatem utriusque.

136. *Sciendum 3^o* in contractibus primi generis, qui cedunt in utilitatem solius accipientis, præstandam de jure quamlibet culpam etiam levem et levissimam. Patet hoc ex *L. in rebus commodatis* 18, ff. commodati et *Instit. quibus modis re contrahitur obligatio*, § *Item is*, et *cap. un. de commodo*. Excepi tamen 1^o contractum precarii: nam esto fiat in gratiam solius accipientis, quia tamen ad arbitrium dantis revocari potest, jura meritò statuerunt, præstandam esse solam culpam latam. *L. quæsitum* 8, § *eum quoque ff. de precario*, et *L. contractus* 25, ff. *de regulis juris*. Excepi 2^o si commodatum fuerit pupillo vel minori. Nam licet in gratiam illius mihi sit concessum, jura tamen, sicut in aliis materiis, sic etiam in hac specialiter illis faverunt, ut teneatur tantum de dolo, vel culpâ latâ.

137. *Sciendum 4^o* in contractibus secundi generis, qui cedunt in utilitatem solius dantis, de jure non aliam culpam esse præstandam nisi latam. Patet ex *Instit. supra*, § *Præterea et is*. Ubi tamen obiter observa monasterium ex culpa lata monachi non teneri, quamvis hic ex illius beneplacito munus depositarii susceperit, nisi fortè monasterium inde locupletius evaserit, c. 1, *de deposito*. Similiter Ecclesia non tenetur ex delicto depositarii clerici vel etiam prælati, *cap. Episcopo* 16, q. 6.

138. *Sciendum 5^o* in contractibus tertii generis, qui cedunt in utilitatem utriusque, præstandam esse culpam latam et levem, non item levissimam. Patet hoc ex *L. contractus* 23, ff. *de R. J. et Instit. supra*, § *Credi-*

tor. Exciipiunt tamen auctores 1^o mandatarius, qui tenetur etiam ex culpâ levissimâ, juxta *L. à procuratore et L. in re mandata C. mandati*; sed hoc restringi debet ad casum, quando negotium est maximi momenti, juxta, n. 96, vel quando mandatarius ultro se offerens, tacitè promittit exactissimam diligentiam : 2^o conductorem; hic enim tenetur ad custodiam, qualem diligentissimus paterfamiliâs suis rebus adhibet, juxta § 6, *Instit. de locat.*; hoc iterum restringi debet ad casum quo res locata postulat summam diligentiam, juxta n. 96 : 3^o nautas, stabularios, caupones, qui tenentur in depositis etiam ex culpâ levissimâ, juxta *L. 1 et 5, ff. nautæ, caupones*; quod meritò statutum, ut fraudibus istorum hominum occurratur. Observat tamen Castro Palao, tr. 32, D. 2, p. 8, legibus istis obstringi tantum nautas et caupones ex officio, non item cæteros qui per occasionem hospites recipiunt, esto pretium accipiant. Idem addit, caupones ab obligatione præstandi culpam levem aut levissimam immunes reddi, quando præmonent hospites ut rebus suis invigilent, vel ipsis arcam aut cubiculum cum clave designant; quia sic excutiunt obligationem, et in hospites eam transferunt. Demum, etsi caupones ex legibus videantur assumere custodiam rerum, quoties ipsis aut famulis videntibus res aliquæ deponuntur, tamen consuetudine videtur inductum ut, nisi præmoneantur de custodia, non teneantur ad specialem diligentiam. 4^o Demum excipiunt aliqui socium; nam, *L. 72, ff. pro soc. et § ult. Instit. eodem*, dicitur socius satisfacere, si rebus communibus eam diligentiam adhibeat quam suis adhibet, esto ipse sit parum diligens: igitur tantum ex culpâ latâ tenetur. Idem est in cohærede, juxta *L. 25, § 16, ff. fam. herc.*

139. *Sciendum* 6^o in contractu sæpius ex culpa teneri non solum accipientem, sed et dantem, v. g., si commodavit equum aut dolium, et non monuit de vicio vel fissurâ. Unde si commodatum fuit in utriusque gratiam, tenebitur etiam ex culpâ levi. Quod idem dicendum est de locatore qui non monuit de vitiis rei locatæ, si quidem conductor subiit aliquod detrimentum.

140. *Sciendum* 7^o culpam latam, levem aut levissimam accipi posse materialiter et formaliter, absolute et respectivè, prout diximus n. 89; et hinc Toletus l. 5, c. 19, de Lugo D. 115, censent, culpam, quæ levis est in deposito, latam esse vel gravem in commodato; quia naturalis æquitas exigere videtur ut majorem diligentiam adhibeas, quando rem alienam accipis in tui solius gratiam, ac quando rem accipis in gratiam solius dantis: quod utrum sit verum, statuemus infra.

141. *Dico* 1^o: In contractibus in quibus dominium accepti non transferitur in accipientem, accipiens per se non tenetur ad restitutionem ex casu merè fortuito, Less. l. 2, c. 7, Dub. 8; Lug. D. 8, n. 107, Palaus et alii communissimè, et habetur *cap. unico de commodato*, et Cod. civ. art. 1148, statuit, exceptis casibus art. 1302, 1807 et 1884. Quia fortuiti casus sunt supra nostram diligentiam, et res quælibet, dum fortuito perit, domino suo perit. Nec exstat ullum jus naturale,

vel positivum, ex quo teneatur quis ad præstandum casum merè fortuitum.

Dixi, *per se*. Nam excipe 1^o nisi speciale pactum accesserit de præstando casu fortuito (1), quod, e. g., commodans meritò potest exigere, quando gratis commodat: secus est, quando commodat justo pretio, tunc enim imponeret onus injustum; 2^o nisi commodatarius aut alius qui rem alienam habuit ex contractu, fuerit in culpabili mora restituendi: tunc enim tenetur ob injustam detentionem; vel, si voluit injuriam effugere, debuit suscipere obligationem restitutionis etiam pro casu fortuito; 3^o si re alienâ non sit usus eo loco vel modo quo fuerat conventum, et ubi majus periculum imminet. Disputant tamen auctores an, e. g., commodatarius teneatur ad restitutionem, quando bonâ fide credidit moram suam aut usum non displicere domino. Molina, Lessius et alii docent non teneri, si verè id domino placerit; quia sic usus et mora fit sub ratihabitione: *Ratihabito verò retrotrahitur, et mandato æquiparatur, C. 10, de R. J.*; secus verò, si dominus fuit invitus. Sed C. de Lugo D. 8, n. 124, censet, universim excusari commodatarium, siquidem invincibiliter erraverit, aut non implicito saltem contractu se obstrinxerit ad præstandum casum fortuitum, posito quòd mora vel usus domino displiceret. Hic verò contractus, virtualis aut implicitus, est per se necessarius ad effugiendum peccatum, quoties commodatarius, re commodata aliter utens, non certò vel probabilissimè scit voluntatem domini.

142. *Dico* 2^o: Jure naturali nemo tenetur ad restitutionem ex aliâ culpâ quàm respectivè latâ. Molina D. 295; Less. l. 2, c. 7, Dub. 8; C. de Lugo D. 8, n. 103; Tambur. in Dec. l. 8, tr. 3, c. 5, § 1; Haunold. tr. 2, n. 250; Esparza q. 32, et alii communissimè. *Ratio* 1^a. Jure naturali, vel seclusis specialibus pactis, nemo tenetur majorem adhibere diligentiam in custodiendis rebus commodatis, conductis, oppignoratis, etc., quàm soleant communiter alii prudentes, qui non adhibent semper diligentiam et cautelam maximam. 2^a. Attento tantum jure naturali, non satis apparet quare conductor, v. g., teneatur ex culpâ levi, famulus autem, artifex, medicus, advocatus, aut alius officialis teneatur tantum ex culpâ latâ. Sicut enim contractus locationis cedit in utilitatem utriusque contrahentis, nempe locatoris et conductoris, sic officium famuli cedit in utilitatem utriusque, scilicet famuli ac domini; et, sicut dominus pro certo pretio locat domum conductori, sic famulus locat ope-

(1) Inter casus fortuitos maximam distinctionem admittunt articuli 1772 et 1773 Codicis civilis, cæque credimus utendum esse regulâ, ut rectè sciamus quid statuatur in his casibus. Exemplum enim afferens è locatione conductione Codex, statuit decem casibus fortuitis se ipsum onerare reparandis posse qui locationem accipit; deinde articulo sequenti excluduntur casus fortuiti quos nominat extraordinarios, et quos potius dicere debuisset casus vis majoris quàm ut eis oblietetur. Vide etiam de hac materiâ Cod. commercialem, tit. vi, des *Commissionaires*.

ram domino, qui dat stipendium. 3°. Qui rem alienam habet precario, juxta leges tenetur ex culpa solum latâ, licet contractus sit in solam ipsius gratiam: ergo etiam, attento solo jure naturali, qui rem alienam habet commodato, solum tenetur ex culpa latâ; nam precarium à commodato præcise differt in hoc quod rem precario datam possit dominus repetere prohibito, modò saltem indulgeat ad aliquod tempus, ne contractus sit omnino ridiculus; commodans vero non possit repetere, nisi elapso tempore præfixo: sed hoc discrimen non videtur inducere tantam differentiam in obligatione restitutionis. Si enim commodato rem habens tenetur ex culpa levissimâ, quare precario rem habens non tenetur saltem ex culpa levi? et, si conductor tenetur ex culpa levi, quia contractus cedit in utilitatem utriusque, cur precario rem habens tenetur solum ex culpa latâ? cum tamen contractus cedat in utilitatem solius accipientis. 4° Juxta *L. 1 et 3, ff. navar, cauponas, etc.*, in rebus depositis isti tenentur ex culpa levi et levissimâ, quamvis iste contractus non tantum serviat in utilitatem accipientium. Et esto, propter periculum continuum quod in navibus et cauponis adest, videatur requiri major diligentia quam in aliis depositis, tamen ex aliâ parte, cum propter nimiam multitudinem hospium, cauponibus sit admodum difficile majorem diligentiam adhibere, non apparet cur jure naturali sint magis obligati quam alii. 5° Socius, juxta *L. 72, ff. pro socio et § ult. Inst. eodem*, tenetur tantum ex culpa latâ; quia socius sibi debet imputare quòd non elegerit meliorem socium: sed hoc idem, spectato jure naturali, dici posset de locatore, conductore, etc.

143. Dico 3°: Etiam de jure positivo nemo per se tenetur ad restitutionem ante sententiam judicis, præterquam ex culpa respectivè latâ. Sotus, l. 4, q. 7, a. 2; C. Tolet., l. 5, c. 18; Henriq. c. 15, de Irreg.; Emm. Saa, V. *commodatum*; C. de Lugo, D. 8, n. 106; Tamburinus, l. 8, tr. 3, c. 5, § 1; Ant. Perez, D. 3, de Rest., n. 142; Patrit. Sporer, tr. 4, c. 2, n. 234; Haunoldus, tr. 2, n. 230; Esparza, Ferd. Krimer, et alii RR. *Ratio prima*. Leges quæ citantur pro contrariâ sententiâ non videntur aliter late quam lex Aquilia, leges noxales et leges obligantes ex quasi-delicto: sed istæ non obligant ante sententiam judicis, quando culpa non est respectivè lata: ergo. *M. prob.* tum ex ipso tenore legum, in quibus alia vel major obligatio non exprimitur, tum ex eo quòd sufficiens disparitas afferri non possit. Secunda. Esto, leges requirant majorem diligentiam à commodatario, v. g., qui rem accipit in sui solius gratiam quam à depositario qui rem accipit solum in utilitatem deponentis, tamen ex hoc tantum probatur quòd culpa, quæ respectivè levis est in depositario, possit esse gravis in commodatario, quod ultro concedimus; non autem probatur quòd commodatarius debeat præstare culpam quæ respectivè non est lata, sive quòd teneatur ad restitutionem, quando res perit, et ipse diligentiam adhibuit qualem communiter adhibent prudentes commodatarii. Tertia. Ut ostendimus n. 96, de locatore et man-

datario, qui subinde tenentur præstare culpam levissimam, leges nihil aliud videntur intelligere per culpam levissimam quam respectivè latam. Sic etenim qui se specialiter obligavit ad diligentiam maximam, teneri dicitur ex culpa levissimâ, quamvis hæc culpa sit in foro theologico formaliter et respectivè lata, quam omnis prudens vitaret. Quarta. De jure naturali nemo per se tenetur in contractibus præstare culpam, nisi formaliter et respectivè latam; de jure vero positivo saltem est dubium: at in conflictu jurium, standum est potius juri claro quam dubio. Item dominus spoliari non debet dominio suarum facultatum propter jus alterius incertum (1). Quinta. In quasi-contractu non præstamus aliam hodie culpam nisi respectivè latam, ut infra videbimus: ergo nec in veris contractibus, et leges non videntur aliter usu receptæ. Nam, ut præter alios observat C. de Lugo, commodatarius, nisi gratis agat, restituere nil solet, quando circa rem commodatam, quæ perit, adhibuit diligentiam non solum communem, sed eam quam diligentiores commodatarii passim adhibent, esto non adhibuerit maximam: et quis divinabit qualis sit apex illius cautelæ quem attingere debet commodatarius? Item conductor non format sibi scrupulum, quando non restituit pretium equi pereuntis, in cujus custodia diligentiam adhibuit communem, ordinariam et humanam, qualem diligens quis et prudens conductor solet adhibere. Sexta. Denique tot et tam diversæ ac subtiles sunt leges et interpretationes legum circa culpam quam præstare cogitur conductor, socius, commodatarius, depositarius, mandatarius, negotiorum gestor, ut oriantur anxietates nimix, si leges obligarent ante sententiam ex aliâ culpa quam formaliter et respectivè latâ.

144. Dico 4°: Nemo per se sub gravi tenetur ad restitutionem in contractibus ante sententiam judicis, nisi ex culpa mortali; tenetur tamen post sententiam judicis. Posterior pars colligitur tum ex dictis ad leges noxales et plebiscitum Aquilii, tum ex eo quòd, juxta communissimum sensum, contrahentes saltem ad hoc se videntur obligare. Priorem partem defendunt Sotus, Henriq. Saa, Toletus, C. de Lugo, Tambur., Esparza, Sporer, Haunoldus et alii suprâ citati, ac probabilem esse fatentur Less. Filliuc. Herinex, Tannerus. *Ratio prima*. Ex contractu nemo per se tenetur ad restitutionem ante sententiam judicis, nisi commiserit culpam formaliter aut respectivè latam: ergo etiam nemo per se tenetur ad restitutionem gravem, nisi commiserit culpam theologicè mortalem. *C. prob.* Culpa formaliter et respectivè lata, quæ committitur in materia gravi, semper est theologicè mortalis, nisi fors, error, ignorantia vel indeliberatio mentis excuset, aut nisi specialiter statuas emendare damnum grave, si quod emergerit ex culpa formaliter et respectivè lata: sed in posteriori casu datatur quidem obligatio gravis sarcienti damnum, sed ea nascitur per accidens ex implicito vel interpretativo contractu,

(1) V. notam subjectam, n. 73.

probit fusiùs n. 102 fuit declaratum : in priori verò non datur gravis obligatio restituendi ; quia casus est fortuitus , aut quasi-fortuitus coram Deo. Secunda. Si commodatarius incideret in amentiam , et , eà durante , pessumdaret commodatum , eximeretur à restitutione : ergo etiam si per oblivionem naturalem , aut imperfectam deliberationem eam pessumdat , cum hic casus in foro divino nihil aut perparum à priori differat. Tertia. Si foret obligatio gravis restituendi propter culpam theologicè non mortalem , illa nasceretur vel ex jure naturali , vel ex jure positivo , vel ex propria voluntate contrahentium : non ex jure naturali ; sicut enim jus naturale non obligat graviter ad præstandam culpam purè juridicam , levem aut levissimam , ita nec graviter obligat ad præstandam culpam latam , quæ per errorem , inadvertentiam , non est theologicè mortalis : non ex jure positivo ; nam leges de contractibus non exprimunt aliam obligationem quàm lex Aquilia , vel leges noxales , et in dubio standum est potius jure naturali : non ex propria contrahentium voluntate ; quia contrahentes communiter non volunt aliter obligari per contractus , nisi juxta formam à jure naturali vel positivo præscriptam. Quarta. In quasi-contractu paucissimi formant sibi scrupulum de gravi obligatione restitutionis , nisi lethaliter peccaverint , aut diligentiam requisitam omiserint cum proposito vel implicito contractu sarcienti damnum , si quod fortè fuerit exortum : ergo à pari in vero contractu. Quinta. Denique , cum tot et tam graves auctores teneant nostram sententiam , et opposita sufficienter probari non possit , relinquendus est dominus in possessione honorum , neque propter jus alterius incertum adigendus ad restitutionem aut solutionem certam (1).

OBJECTIONES.

145. *Obj. 1^a contra 1^{am} assert.* Mutuatarius ex sententia communi tenetur ad restitutionem , etsi pecunia mutuata fortuitò pereat : ergo fallit prima assertio.

R. N. C. Assertio prima loquitur de contractibus in quibus non transfertur dominium : at in casu posito dominium pecunie transfertur in mutuatarium. Unde si pecunia casu fortuito perit , domino suo perit.

146. *Obj. 2^a.* Si res qualibet domino suo perit ; ergo si res vendita perit ante traditionem absque mora vel culpa venditoris , perit venditori , non emptori : nam ante traditionem rei non emptor , sed venditor est dominus rei vendite : atqui contrarium manifestè patet ex *L. 35, § 4, ff. de contrahend. empt. et vend. et L. 1 et sequentibus Cod. de periculo et commodo rei venditæ*. Quocirca , si res ita pereat , emptor solvere debet pretium , aut pretium solutum venditor non debet restituere.

R. 1^a. N. sequel. Licet emptor ante traditionem non sit dominus absolutè , vel quoad omnes effectus , est tamen dominus fictione juris quoad commoda vel

pericula , meliorationem aut deteriorationem rei , siquidem res determinata sit absolutè vendita. Secus enim est dicendum , si res indeterminata tantum sit vendita , vel si vendita sit res determinata , sed conditionatè tantum. Vide *Less. l. 2, c. 21, dub. 12 ; Card. Lug. D. 26, n. 246, et Haunold. tr. 10, n. 59 et sequentibus*.

* *R. 2^a : Jure Gallico præsentì , facillimè omnis disceptatio ad terminum suum duceretur ; Romanæ enim legis traditionem necessariam aliquandò Codex abolevit , ex ipso jure Romano quasi legis suæ fundamenta extrahens duo axiomata : Res perit Domino , et consensu fiunt obligationes in emptionibus , venditionibus. Quorum exempla nonnulla deprehendere est tum in art. 711, 1138, 1502, 1585, 1647. Quæ regula exceptionibus paucis et expressis firmatur , ut videre est 1^o in secundâ art. 1138 parte quam explanat art. 1139 ; 2^o in art. 1141, in quo de mobilibus agitur ; 3^o art. 1129 , qui de rebus certis et determinatis tractat ; juxta quas solas consensus dominium transferre potest , quod apprimè congruit cum art. 1585 de rebus quæ pondere , mensurâ et numero perpenso venumdantur ; 4^o si pereat res quæ erat antè venditionem vitiosa sciente venditore , quod fidem malam et dolum peculiari modo redolet ; 5^o si gustanda quæ tribuuntur et præstantur accepta nondum sint. Quarum exceptionum facillimè fons detegitur : siquidem , priore casu , moram prolatans sese expediendi , venditor malam fidem suam arguit ; secundo et tertio casu , nimis incerta et ex se mobilia , ideòque facilè subripienda non potest lex ut certa et fixa protegere ; quarto casu fraus innotescit ; quinto casu nulla nisi suspensivâ conditione accedit voluntatis declaratio , ideòque non locus est consensûs mutui , cum nondum declaratus sit , virtutem inclamandi.*

147. *Obj. 5^a : Si rem commodatam aut aliud debitum misisti per nuntium , et nuntius rem est furatus , res tibi , non domino perit : sed casus hic est fortuitus : ergo.*

R. D. M. Aliquando , si nimirum intercessit culpa tua , C. ; semper et seclusâ tuâ culpâ , N. Casus est multiplex. Si res , quam habes et mittis absque culpâ , sit alteri tanquam domino debita determinatè quoad individuum , vel , ut juristæ loquuntur , in specie , res illi , non tibi perit ; nam ipse dominus est , et res quæque domino perit per casum fortuitum , nec innocens debitor cogi potest ad præstandum casum fortuitum. 2^o Si res creditori sit debita tantum indeterminatè quoad speciem , vel , ut juristæ loquuntur , in genere , res tibi perit ; nam tu manes dominus , antequam res alteri tradatur. 3^o Si rem alienam habes ex culpa gravi , res tibi perit , et tu teneris præstare casum fortuitum ob culpam præcedentem , ut cum communi fere omnium docet Lugo , D. 21, n. 59. Unde non excusantur à restitutione iniqui possessores , si rem confessario tradunt , et confessarius eam perdit : sicut etiam non excusatur fur volens restituere , si res interim incendio perit. 4^o Si rem alienam mittis cum culpa lata , v. g. , per nuntium aut famulum , de cujus fide non es

(1) V. notam subjectam , n. 73.

morali certus, res iterum tibi perit. 5° Si vero dominus designavit tantum, excusatus a restitutione post traditam rem intactam, non traditio procuratori facta, censetur solas domino facta. *L. 180 quod iussu, ff. de R. J.*

448. *Obj. 4.* Quando contractus credit in utilitatem utriusque, videtur aequitati consonum ut damnum, fortuito secutum, dividatur; cum enim uterque percipiat aequaliter commodum, par est ut uterque sustineat aequaliter damnum. Ita Valerius, Diana, Paludanus apud Carl. Lugo, D. 8, n. 126.

R. Hoc absque fundamento dicit. Secus si conduceres domum valentem 100,000 aureorum, et ea fortuito terrae motu periret, deberes solvere 50,000; quod nemo dicit, et est expresse juri contrarium n. 51. Deinde dominus rei semper habet incomparabiliter majus jus in rem quam alter.

449. *Obj. 5.* Ut refert Haunoldus tr. 10, n. 729, jure Bavarico cavetur ut, si res commodata fortuito pereat, dominus non sustineat totum damnum, sed commodatarius arbitrio judicis cogatur ad transactionem.

R. Quidquid sit de iuribus municipalibus, nos loquimur tantum de jure communi et Caesareo. Sic etiam depositarius qui rem absque mercede recipit in alterius gratiam, de jure communi tenetur tantum praestare culpam latam; sed de jure Mechliniensi tenetur etiam praestare levissimam, ut testis est Guil. Heruicx D. 5, n. 51. Porro videndum quomodo vigeat in praxi statutum illud Bavaricum; et quia jura municipalia quae recedunt à jure communi, sunt strictae interpretationis, non debet Bavarica lex ad precarium extendi vel commodatum, quod fit in utriusque gratiam.

450. *Obj. 6.* Videtur contra naturalem aequitatem ut, cum dominus rem suam unice commodat in tui gratiam, et res apud te perit casu fortuito, quo minime perisset apud dominum, teneatur ipse solus sustinere damnum, tu vero sis immunis ab omni compensatione.

R. Dominus qui gratis alteri commodat, et te non obligat specialiter ad praestandum casum fortuitum, exhibet tibi liberale beneficium; at pro liberali beneficio nihil ex justitia, sed tantum ex gratitudine debetur. Unde, qui sunt admodum urbani vel ingenui, solent praestare casum fortuitum, non tantum in commodato, sed etiam in precario, quanvis non obligentur titulo justitiae. 2° Periculum quod habent commodantes ne res casu fortuito pereat apud commodatarium, abunde compensatur per amicitiam alterius, et per aequalem spem servandi rem illasam: sicut enim saepe contingit ut res fortuito pereat apud commodatarium, quae non periisset apud dominum, sic etiam saepe contingit ut res fortuito pereat apud dominum, quae non periisset apud commodatarium. 3° Dominus qui commodat, vicissim posset esse commodatarius. Unde, sicut ipse tunc nolle ex justitia esse obstrictus ad praestandum casum fortuitum, ita nec alterum velle debet obstrictum extra contractum specialem assecurationis.

451. *Obj. 7.* Si commodatarius non tenetur ex casu fortuito, sequitur illum restitutioni nequaquam

obnoxium fieri, dum in casu fortuito ruinae, naufragii, vel incendii res proprias servat, neglectis commodatis, quos servare simul una cum propriis non potest. *Contra est contra L. 5, § 4, ff. commodat.*

R. Si commodatarius res omnes proprias, non minus viles quam pretiosas servat, neglectis rebus commodatis, nascitur praesumptio quod dolum aut latam culpam commiserit. Unde damnabitur ad restitutionem, nisi praesumptionem fortiori probatione elidat. 2° Si res ambe simul servari non possint, et res propriae sint pretiosiores aut aeque pretiosae, non tenetur commodatarius alienas res preferre; quia nimium difficilis haec obligatio foret, et in eam nemo prudens, ante casum omnem particularem, consentiret. 3° Si res propriae sint viliores quam alienae, debet commodatarius utiliter gerere negotium commodantis. Potest tamen postea pretium rerum sibi peremptarum exigere, saltem si res suae sint alicujus aut magis momenti; quia non tenetur in rem commodatam facere expensas extraordinarias. *L. 48, § 2, ff. commodat.* 4° Si vero commodatarius non speret compensationem damni, non est cur debeat postponere sua si magni sint momenti; quia commodatarius non tenetur majorem diligentiam in alienis impendere quam diligentissimus paterfamilias in suis: diligentissimus autem potius arceat id quod est sibi formaliter maius et gravius damnum, cum unusquisque sibi sit proximus, et se magis diligit quam alios. Et quis, quae, mediocri fortunae civem obligabit ut, quando non potest rem alterius pretiosissimam servare quin faciat facturam irreparabilem 1000, vel plurium aureorum, sponte sua suspiciat hoc damnum? (Ita quidem docent C. de Lugo, D. 8, n. 156, etc., et alii multi quos citat et sequitur Bilhant, t. 11, p. 268; sed contradicunt Lessius, l. 2, c. 27, dub. 6; Sylvius, t. 3, p. 349; Pothier, *Tr. du prêt à usage*, n. 56, qui docent commodatarium teneri rem alienam preferre, nec posse suam, etiam pretiosorem, servare, nisi animum habeat alienae valorem commodanti solvere. In eo nituntur quod commodatarius exactissimam diligentiam custodiendae rei praestare compellatur (*L. 1, § 4, ff. de obl. et act.*), nec requiri videatur ut commodans damnum patiat ob beneficium alteri praestitum, praesertim eum dici possit ditiores esse factum quatenus rei propriae peperit. Quamvis non omnino forsitan decretoriae sint illae rationes, in eo sensu expresse statuit Codex civilis, art. 1882 ac proinde dicendum videtur commodatarium censi reipsa se obligare ad valorem rei in eo casu praestandum. Sed ille Codicis articulus non est ad alios contractus extendendus: « Assurément, ait Duranton, t. 1, p. 459, « un vendeur, dans le même cas, pourrait fort bien, « sans être responsable de la perte de la chose vendue, sauver la sienne propre » (1).

(1) Notam hanc parenthesi inclusam mutuamus à D. Carriere, Sulpitiano, modestiae simul et summae scientiae laude maxime dignandi, quocum saepius concordēs fuisset nobis ex animo gratulamur.

152. *Obj. 8°*: Saltem præstandus est in commodato casus fortuitus, quando res traditur æstimata: quod Bartolus, Anton. Gomez et alii cum Glossa probant ex *L. si ut certò* 5, § 1, ff. *commodati*.

R. cum Panormit. Molin. C. de Lugo, legem illam habere tantum in eo casu locum, quando constat ideo fieri prius æstimationem, ut totum periculum sit penes accipientem: secus enim in quovis contractu præstandus esset casus fortuitus, quando res æstimata traderetur; quod tamen ipsimet AA. negant; et æstimatio per se solum deservit ut constet de valore certo rei, nec opus sit postea litigare si quis rem acceptam culpâ suâ perdat. * Artículo 1883 Codicis civilis, si res æstimata dispereat usu suo, mutuantisque nullâ injuriâ et culpâ, commodatario damnum incumbit, qui certissime periculum rerum à se æstimatarum suscipit: siquidem non ideo quòd æstimatione usum fuerit, dominium in mutuantem transferetur, sed ideo quòd ipsi qui æstimationem rei provocavit in mente fixum est hoc modo sese assecuraturum fore, restitutionemque rei, si intacta manet, pretiumque, si aboletur. Inde axioma juris: *Æstimatio facit periculum ejus qui suscepit*.*

153. *Obj. 9° contra cæteras assertiones*. Ex lumine naturali et communi prudentium judicio, patet quòd obligemur ad majorem diligentiam circa res quas accipimus in nostri gratiam præcisè, quàm circa res alias quas accipimus in alterius gratiam: e. g., quilibet ex instinctu naturæ judicat se magis obligatum ad custodiendum equum, quando commodatum accipit in gratiam sui præcisè, quàm si præcisè recipit illum in gratiam domini, qui fortè non habet stabulum: ergo, si de jure naturali præstari debet culpa lata in contractu qui cedit in utilitatem solius dantis, præstari debet ex eodem jure culpa levis in contractu qui cedit in utilitatem utriusque, et culpa levissima in contractu qui cedit in utilitatem solius accipientis.

Respondebunt aliqui: D. M. Patet quòd obligemur ad majorem diligentiam titulo gratitudinis, *C.*; justitiæ, *N.* Duo sunt in commodato subtiliter distinguenda, res scilicet commodata, et usus rei ad certum tempus. Quamvis autem usus rei sit potissimum in commodato, quod cedit in utilitatem accipientis, tamen ex illo non videtur nasci obligatio justitiæ; nam usus rei donatur ab eo qui purè liberaliter commodat: quod verò donatur, non inducit obligationem justitiæ, cum donatio sit datio irredibilis et gratuita. Contrà verò res commodata non donatur, sed traditur cum obligatione reddendi: atqui non apparet satis ex jure naturali cur hæc obligatio justitiæ sit strictior in commodato quàm aliis contractibus, ubi etiam traditur res cum obligatione reddendi.

R. 2° cum Toletò, C. de Lugo, Anton. Perez, hac objectione tantum evinci quòd plus requiratur ad evitandam culpam mortiferam in uno contractu quàm in altero, vel quòd culpa quæ levis est in uno, formaliter et respectivè lata sit in altero, sive dein hoc proveniat ex lege naturali, sive tantum ex legibus positivis, aut communi contrahentium voluntate. Sic

etiam in moralibus culpa quæ levis est in laicis, potest esse gravis in sacerdotibus aut episcopis; defectus qui levis est in grammatico, gravis est in rethore; offensa quæ levis est in extraneo, gravis est in filio respectu patris.

154. *Obj. 10°*: Si contrahens, in cujus gratiam fit contractus, sub gravi non tenetur ad restitutionem ante sententiam judicis, nisi propter culpam respectivè latam aut mortiferam, nemo libens inibit contractus, qui cedere solent in commodum solius accipientis.

R. Argumentum AA. solvendum in quasi-contractibus, ubi tantum præstatur culpa respectivè lata et mortifera; item in casibus fortuitis, quorum periculo res suas exponit contrahens: at quando non committitur culpa respectivè lata, vel mortalis, casus est quasi-fortuitus, nisi fortè, culpam admittens, efficaciter statuat reparare damnum quod ex illa potest oriri. 2° Commodans ita vult ex justitia ligatum commodatarium, prout ipse vellet esse ligatus si commodatum acciperet: at nescio num velit quis, secluso speciali pacto assecurationis, ex justitia esse ligatus ad præstandos casus quasi-fortuitos et moraliter inevitabiles. 3° Commodans, quando rem suam concedit tantum in utilitatem alterius, vult ei præstare beneficium singulare: sed hoc plurimum diminueretur, si commodatarius deberet etiam præstare casus quasi-fortuitos. 4° Si commodans evitare vult omnia pericula commodati, potest adjicere pactum assecurationis.

155. *Obj. 11°*: Quomodo leges obligent aliunde melius innotescere vix potest quàm ex judicio vel interpretatione DD.: sed isti communissimè fatentur, leges de contractibus obligare ante sententiam judicis, etiam ob culpam merè juridicam, levem et levissimam. Ita Less. l. 2, c. 7, n. 45, fatetur sententiam nobis adversam, esse communioem et ordinariè servandam in praxi. Palao, D. 3, p. 6, n. 2, asserit omnes ferè DD. consentire quòd in contractibus obligatio restitutionis oriatur ex culpa merè juridica. Joan. Azor, p. 3, l. 7, c. 7, de commodat. dicit, sententiam nostram non esse solum contrariam juris civilis et canonici doctoribus, sed etiam omnibus summis; alii sententiam Soti vocant singularem.

R. Ex auctoribus qui citantur in oppositum, videntur complures intelligi posse de culpa quæ, materialiter et absolute spectata, levis, formaliter tamen et respectivè gravis est aut lata, prout ostensum in legibus n. 96, et apparebit inferius ex dicendis de quasi-contractu; vel possunt accipi de culpa juridica, quando quis, omittens ordinariam et moralem diligentiam, tacitè suscipit obligationem præstandi damnum. 2° Nec adversarii videntur in praxi semper à commodatario requirere summam et exactissimam cautelam, aut apicem summæ possibilis diligentiae. 3° Esto veteres plus voluissent, tamen hodie sententia nostra satis auctoritate munitur.

156. *Obj. 12°*: Leges plus volunt quàm ut præstetur culpa tantum respectivè lata; secus enim frus-

tranea foret distinctio culpæ levis et levissimæ. Item leges, dum obligant ad præstandam culpam levem et levissimam, inducant novam obligationem : non autem inducerent, si quis tantum obligaretur ex culpâ respective latâ et mortiferâ ; nam hæc etiam præstari debet, attento solo jure naturali.

Resp. D. Plus volunt post sententiam judicis, *C. ante, N.* Discrimen illud inter culpas non est frustraneum, quia leges hoc modo loquendi præcipiunt absolutè majorem accurationem in quibusdam contractibus quam aliis. An autem hæc obligatio proveniat ex jure naturali, præscindimus.

QUESTIO X.

EX QUA CULPA NASCATUR OBLIGATIO RESTITUTIONIS IN QUASI-CONTRACTU.

157. *Sciendum* 1° vocari quasi-contractum, quando non utrinque formalis et explicitus consensus intervenit, sed ex unâ parte virtualis tantum et interpretativus, uti fit in officio tutoris aut curatoris qui, dum assumit munus, tacitè vel virtualiter se adstringit ad debitam diligentiam in rebus pupilli vel minoris.

158. *Sciendum* 2° quinque genera quasi-contractuum in jure numerari, *L. 3, Instit. tit. 28*, videlicet negotia gesta, tutelam et curam, communionem rerum, aditionem hereditatis, solutionem indebiti : sed hodie nomen hoc porrigitur ad quodvis officium et munus, v. g. gubernatoris, judicis, medici, procuratoris, advocati vel cujuslibet artificis aut opificis, item episcopi, parochi, confessarii, etc. ; nam omnes isti, dum munere funguntur, tacitè promittunt obligationem requisitæ diligentiae.

159. *Sciendum* 3°, quod sæpius jam insinuaveram, pro diversitate materiæ diversam industriam et accurationem exposci ; nam utique major exposcitur vigilantia medici, quando morbus est soticus et valdè periculosus, ac quando morbus est communis, non habens grave periculum. Unde culpa quæ materialiter est levis, sæpius est respectivè gravis et crassa. Quibus suppositis,

160. *Dico* 1° : Inquasi-contractu nemo per se tenetur ad restitutionem, nisi ex culpâ respectivè latâ, *Silvester, v. Advocatus; Vasq. c. 2, dub. 5; Less. l. 2, c. 7, n. 31; C. de Lugo D. 8, n. 91; Sporer tr. 4, c. 2, n. 240; Tambur. l. 8, tr. 3, c. 5, § 2 à n. 1; Herinx D. 5, n. 34; Sotus, Henrig. Saa, Perez; Haunoldus, Esparza, et communissimè RR. Ratio prima.* Quia nemo per se tenetur in officio majorem adhibere diligentiam quam soleant communiter homines gnavi vel prudentes ejusdem conditionis et artis : non ex jure naturali, quia vix ullus agnovit hoc jus : non ex jure positivo, nam hoc sufficienter probari non potest, et in dubio standum est jure naturali. *Secunda.* Officiales communiter ad aliam diligentiam se non obligant quam ordinariam, nec respublica videtur ab illis plus exigere quam dominus ab œconomo vel famulis, qui satisfaciunt etiam moderatâ vel mo-

rali diligentia. *Tertia.* Si tenerentur officiales etiam præstare culpam respectivè levem aut levissimam, timoratos hæc obligatio plurimum absterret ab officiis, nemo libens attraheret alienas res, et quò magis quisque securitati suæ studeret, eò magis abhorreret ab artibus et muneribus cum maximo reipublicæ detrimento. Quippe nimis est arduum effugere quaslibet culpas, etiam respectivè leves, et attingere semper apicem illius diligentiae quem AA. requirunt. *Quarta.* Ut cum aliis testatur *Julius Clarus gravissimus J.-Ctus*, apud *Lessium* et *C. de Lugo*, non est hodie moris ut officiales syndicentur aut accusentur, quando non commiserunt dolum aut culpam respectivè latam.

161. *Dico* 2° : In quasi-contractu nemo per se sub gravi tenetur ad restitutionem ante sententiam judicis, nisi commiserit culpam theologicè mortalem. Ita præter *Gabr. Vasq.* et *Turrianum* omnes auctores nuper citati. Ratio prima eadem est quæ suprà n. 144. Culpa respectivè lata quam committis in materiâ gravi, semper est theologicè mortalis, nisi fors, error, ignorantia vel indeliberatio mentis excuset, vel nisi specialiter statuas emendare damnum grave quod fortassis emergere potest ex culpâ respectivè latâ. *Secunda.* Antecedenter ad omnes eventus, non est optabilior humano generi gravis obligatio sarcienti damnum, per culpam imperfectam et indeliberatam in officiis illatum ; cum enim moraliter impossibile sit in officiis cavere quaslibet culpas theologicè leves, et ex iis, præter intentionem aut sufficientem advertentiam, oriantur non rarò sat gravia damna, timorati plurimum abhorrerent à susceptione munerum, si deberent ante judicis sententiam compensare damna gravia, citra culpam mortalem illata. Et vae medicis si cogerentur ad restitutionem quoties per ignorantiam aut inadvertentiam, venialiter culpabilem, causa sunt accelerate mortis ! vae judicibus qui moraliter evitare non possunt culpas omnes theologicè leves in tractandis et decidendis forensibus causis ! *Tertia.* Circa famulos qui minutula sæpius domi furantur, est communis DD. sententia, plus ad forti gravitatem exigi quàm si furta minuta fierent ab extraneis, ac dominos non ita severos quoad restitutionem : ergo nec debemus supponere quòd domini, propter culpam indeliberatam et moraliter inevitabilem, exigant à famulis gravissimam restitutionem, non expectatâ sententia judicis ; cum, ut dictum est n. 109, ne quidem extranei facere debeant ejusmodi restitutionem. *Quarta.* Obligatio gravis præstandi culpam respectivè latam, quæ propter indeliberationem aut alias causas excusatur à mortali, non potest ex ullo jure sufficienter probari, neque satis etiam deducitur ex praxi ; cum hodie pauci forment sibi scrupulum faciendæ restitutionis, si culpam respectivè latam per oblivionem naturalem aut indeliberationem admiserint ; et quamvis auctores plurimi, præsertim veteres, videantur eam asserere, tamen hodie tot ac fortè plures illam negant : in ambiguis autem controversiis, quando veritas liquidò deprehendi non potest, standum est pro domino qui, propter jus alterius incertum, non est privandus dominio certo

suarum facultatum (1). Cæterum dixi semper, *ante sententiam judicis*.

162. *Dico 3°*: Per accidens tamen oriri potest in quasi-contractu gravis obligatio præstandi culpam respectivè levem et levissimam. 1° Quia potest accedere pactum assecurationis de præstandis ejusmodi culpis, imò de casibus etiam fortuitis. 2° Sæpe fit ut artifex, chirurgus, medicus et officialis se diligentissimum ac peritissimum venditet, ac dominus quærens bonum artificem, chirurgum, etc. peritiorem et diligentiorum accersisset; tunc enim artifex, chirurgus, etc., tenetur præstare culpam respectivè levem aut levissimam, nisi malis dicere culpam hanc non esse respectivè levem aut levissimam, quia artifex se graviter obligavit ad exquisitissimam diligentiam. Sed nolim de vocibus contendere; saltem ejusmodi culpa levis appellari potest respectu artificis in genere. 3° Sæpe res tractanda postulat exactissimam diligentiam. Verùm hic rectius dicitur omissionem summæ diligentiae, non levem, sed latam esse culpam.

163. *Dico 4°*: Culpa lata, propter quam officiales obligantur ad restitutionem, non solum contingere potest in administratione, sed etiam in susceptione munerum, v. g. si homines imperiti se ingerant in munera, ac postea propter imperitiâ aut ignorantiam causent gravissima damna. *Ratio*. Nam hæc ignorantia, cum sit vincibilis, non excusat à culpâ injustitiæ, multò minùs à restitutione; et hinc meritò timere debent æternum animæ dispendium caudici, senatores, prætores et judices, qui, tametsi jura primis vix labiis delibaverint, cruda vel impolita studia mox in forum, propulerunt, causas sanctissimas orare sustinent, et illotis, ut aiunt, manibus, gravissima tractant reipublicæ negotia, quos recentiorum nonnemo bene vocat *togatos vultures, privilegiarios crumenicidas et honoratos prædones*. Idem esto judicium de medicis, confessariis et pastoribus animarum.

164. *Dico 5°*: Officialis qui peccavit contra justitiâ, assumendo vel retinendo munus ad quod erat insufficiens, si tamen postea tantum assecutus est suâ diligentia quantum doctus assequeretur, non tenetur ad restitutionem; quia dampnum quod sequitur, non oritur formaliter ex imperitiâ, sed ex difficultate rei quam nec doctus superare potuisset. Ita C. de Lugo D. 8, n. 89.

165. *Objicitur*. Sententia quæ docet, in quasi-contractu præstari duntaxat culpam latam, est contraria legibus, sensui communi DD. et rationi. Nam 1° *L. quidquid tutoris 7, C. arbitrium tutelæ, et L. tutori 20, Cod. de Negot. gestis*, tutor et curator non tantum dolum et latam culpam, sed et levem præstare jubentur. Item *L. adversus 1 ff. Si mentor*, agrorum mentor, si mercede sit conductus, non omnem præstare culpam dicitur: igitur solum excipitur à levissimâ. 2° *Joan. Azor*, p. 3, l. 4, c. 6, et *Dicast. lib. 3, de Restit.* n. 87, scribunt, esse communem opinionem, quod officialis aut operarius, ex mercede vel stipen-

dio serviens, teneatur ex culpâ levi. 3° Naturalis æquitas exposcit ut majorem adhibeas diligentiam, quando servis alteri propter mercedem, et ex officio percipis emolumentum quàm si gratis tantum et liberaliter præstas obsequium.

R. cum *Less. l. 2, c. 7. n. 52*, sententias conciliari faciliè, si dicas, in quasi-contractu præstari culpam respectivè latam: quamvis enim officialis, artifex, aut famulus, mercede vel stipendio conductus, ad ampliorum diligentiam adstringatur quàm alius qui purè gratis et liberaliter servit, tamen non debet adhibere majorem quàm communiter solent alii, mercede vel stipendio conducti. Sic etiam, quamvis lex *Aquilia* jubeat præstari culpam levissimam, tamen, ut rectè *Covarruvias de matrim. p. 2, c. 6, § 8, n. 18*, notat, id non est intelligendum de culpâ respectivè levissimâ, sed de eâ quæ levissima foret in aliis materiis, ubi non requiritur tam exacta diligentia.

QUESTIO XI.

AN SARCIRI DEBEAT DAMNUM PER ACCIDENS ET EX IGNORANTIA DATUM?

166. Frequens est casus ut vacans rei licitæ vel illicitæ, præter intentionem sit causa damni cujus nullam habet aut habere potest suspicionem: e. g. 1° *Cæcilius* vacat honestæ venationi, videt animal in dumeto, per invincibilem errorem putat esse cervum, aut aprum, jaculatur, et occidit hominem. 2° *Eligius* contra præceptum Ecclesiæ festâ die laborat in officinâ fabrilis, casu prorsus improvise suscitavit incendium et comburit horreum *Fabricii*. 3° *Nerva* vult expilare domum *Tarquini*, præter intentionem movet ac dejicit asserem, et occidit infantem subtus latentem.

167. *Dico 1°*: Vacans operi licito, quando præter intentionem et ex errore prorsus invincibili dat alteri damnum ac lædit ipsius jus, per se non tenetur ad restitutionem. Ita omnes. Et *ratio 1°*. Juxta *c. quantum 48, dist. 50, et cap. fin. si culpâ, De injuriis*, non tenetur ad restitutionem, qui nihil de contingentibus ad præcavendum damnum omisit: nihil autem omisit qui, vacans operi licito, damnum alterius prævidere nullatenus potuit. 2° Creans damnum in hoc casu nec tenetur ob rem acceptam, ut suppono, nec ob injustam acceptionem aut læsionem: nam injustitiæ culpa vera non est, quæ non est voluntaria; nihil autem volitum, nisi præcognitum, ut cum *S. Th. 4-2, q. 6, a. 8*, docent omnes TT. et concinunt *J.-Cti L. nihil consensui 116, ff. de R. J. 3°* Aliàs etiam obnoxius restitutioni foret infans, dormiens aut amens, quoties causaret damnum materialiter injustum. 4° Qui bonâ fide consumit rem alienam, putans esse suam, esto gravissimum pariat damnum, non tenetur ad restitutionem, nisi factus sit ditior. 5° *Cæcilius*, quando licitè venatur, et præter omnem intentionem occidit hominem, quem, factâ sufficienti diligentia, putat esse feram, in omni foro absolvitur ab homicidio, neque fit irregularis; quia casus censetur omnino fortuitus, ut patet ex *c. Dilectus 13, c. Joann. 25, c. quidam 25 de homicid. et L. qui occidit 50, § fin. ff. ad leg. Aquil.*

168. *Dico 2°*: Assertio posita locum habet etiam in

(1) V. notam subjectam, n. 73.

casu quo ledens habitualiter aut actualiter est ita comparatus, ut vellet injustum causare damnum si suppeteret occasio : v. g. Titius, vacans venatione licite, praemissa sufficienti diligentia, certissimo sibi persuadet in frutetis latere bestiam, mallet praesentem esse Caium inimicum, jaculatur, et reipsa non bestiam, sed Caium occidit : in hoc casu non tenetur Titius ad restitutionem ex homicidio, nec incurrit poenam irregularitatis. Ita Suarez, D. 4, s. 8, de cens. n. 9; Th. Sanchez l. 9, de matrim. D. 52, n. 26; Vasq. l. 2, D. 125, n. 4 et 9; Azor, t. 1, l. 4, c. 14, q. 4; Navarra, l. 2, c. 4, dub. 7, n. 61; Dicast. D. 5, de Restit. n. 68; Sotus, Reginald. Lamb. et alii communissime contra Mercadum, etc. *Ratio 1^a* Ad inducendam obligationem restitutionis, non sufficit praeus et injustus affectus quo velles ledere, si posses; alias teneretur ad restitutionem, qui vellet furari centum millia florenorum, aut flammis absumere totam regionem, si posset; sed requiritur affectus efficax quo des actu damnum, et alterum effective ladas in suis bonis et iuribus : hic autem in posito casu non adest. 2^a Affectus Titii quo vellet occidere Caium, est pure conditionatus et concomitans, ac nullatenus dirigit, imperat aut efficit occisionem Caii : sed occisio quae non dirigitur aut efficitur ab injusto mentis affectu, non imputatur ad culpam formalis injustitiae. 3^a Nemo vult absolute nunc facere quod videt hic et nunc sibi non esse possibile : Titius autem, invincibiliter existimans adesse tantum bestiam, videt hic et nunc non esse sibi possibilem occisionem Caii. 4^a Si quis vehementi concupiscentia motus, accederet ad non suam, bona fide putans esse suam, non committeret opus externum adulterii formalis, esto vellet accedere si femina non esset sua; nam praeus istud propositum non influit moraliter in opus in quo nulla videtur possibilitas aut periculum adulterii. 5^a Qui percutit clericum, invincibiliter existimans esse laicum, non incurrit excommunicationem, quamvis ita sit dispositus, ut vellet etiam percutere clericum; nam Ecclesia non punit propter solos actus internos, neque ligat excommunicatione propter percussorem externam clerici, quando non est voluntaria : non est autem voluntaria percussio clerici quae non procedit à voluntate percutiendi clericum, sed tantum à voluntate percutiendi laicum.

169. *Dico 3^a* : Vacans operi prohibito, quod tamen non est contra iustitiam, si, facta sufficienti cautela, per accidens causet injustum damnum, non tenetur ad restitutionem. Ita Molina, l. 5, tr. 2; D. 728, n. 2; Less. l. 2, c. 9, n. 105; Navarra l. 2, supra, et c. 5, n. 562; Dicast. D. 7, de Rest. n. 100, et alii contra Gabriel. *Ratio prima*. Nullus est titulus ex quo nascatur obligatio restitutionis : non res accepta, quod suppono : non injusta acceptio vel lesio, neque contractus aut lex. *Secunda*. Damnum iniuriosum in hoc casu fortuitum est et omnino involuntarium : non enim est voluntarium in se, vel directè, cum damnificans illud nequaquam praevideat, aut intendat; nec est voluntarium in causa, vel indirectè, cum damnum per se, vel ut plurimum, vel etiam frequenter non oritur ex ope-

re, et consecutio illius invincibiliter ignoretur : invincibilis autem ignorantia tenet voluntarium. Unde S. Th. 1-2 q. 76, a. 5, docet ignorantiam invincibilem circumstantiae peccati excusare à speciali culpa malitia, tamen si peccatum ipsum sit in bono si voluntarium sit. *Tertia*. Si non fuisset secutum damnum, malitia injustitiae nec apud Deum, nec apud homines imputaretur operanti : ergo etiam, quamvis sequi contingeret damnum, malitia non debet imputari, cum malitia non pendeat ex eventu pure casuali. *Quarta*. Qui prodigè vel luxuriose dissipat res alienas, bona fide putans esse suas, quamvis agat illicite, non tamen tenetur ad restitutionem : ergo etiam à pari. *Quinta*. Si vera esset contraria sententia, reus esset homicidii, vel obnoxius restitutioni laicus qui tempore interdicti pulsaret campanam unde deciduus malleus occideret hominem, item clericus illicite venans, si casu creparet bombardam cum alterius perniciè, vel si fors occideret hominem ferinà pelle tectum; aut qui diebus esurialibus apponeret alicui carnes unde contraherent morbum : sed hoc est contra communem.

170. *Dico 4^a* : Qui vacat operi formaliter injusto, et voluntariè causat iniquum et grave damnum, et per accidens ac praeter omnem intentionem ac suspicionem infert aliud damnum quod cum priore per se non connectitur vel ex eo communiter, ut plurimum, aut valde frequenter non oritur, non tenetur ad reparationem posterioris damni. Ita Molina, tom. 3, tr. 2, D. 728, n. 2; Less. l. 2, c. 9, n. 110; Vasq. c. 3, de Rest. § 2, dub. 5; Dicast. D. 3 de Rest. n. 70; Navarra l. 2, c. 1, n. 79; Rebell. l. 2, q. 10, n. 19; C. de Lugo D. 8, n. 82, et alii communissime contra Gabriel et Silvestr. quos novissime sequitur Mastrius in Theol. Mor. D. 9, n. 50. *Ratio prima*. Quia damnum hoc est penitus fortuitum et involuntarium : non enim est voluntarium directè vel in se, quia ponitur nullatenus praevideri : nec est voluntarium indirectè, vel in causà; nam effectus ordinariè non dicitur volitus in causà, nisi per se, vel necessariò, vel ut plurimum, vel admodum frequenter proveniat ex causà, vel nisi saltem cognoscatur consecutio effectus ex causà. *Secunda*. Ut optimè Suar. D. 43, de Cens. s. 6, n. 8, quid refert, opus unde sequitur damnum injustum, esse malum contra iustitiam, vel esse malum praecise contra temperantiam, castitatem, obedientiam, etc., si ex utroque opere nascitur damnum per accidens et cum eadem ignorantia? Ergo, sicut non teneris sarcire damnum quod per accidens et praeter omnem suspicionem oritur ex opere malo contra temperantiam, castitatem, etc., ita neque teneris sarcire damnum quod per accidens oritur ex opere malo contra iustitiam. Jus enim quod, e. g., Cains habet in suam vitam, non prohibet occasiones iniustas, ex quibus remotè tantum, per accidens et fortuito casu nascitur damnum aut privatio vitae. *Tertia*. Qui furtim cadit arbores alienas in locis laicis, ubi, post sufficientem diligentiam, nullum videt periculum occisionis, non censetur reus homicidii, quando praeter intentionem et contra suam opinionem occidit hominem. Idem est,

si volens occidere tuam vaccam, casu prorsus improviso, simul interficiam tuum filium, de quo nullam habere potui suspicionem. *Quarta.* Qui percussione suâ graviter vulnerat principem aut sacerdotem, quem invincibiliter putat esse plebeium aut laicum, non incurrit crimen læsæ majestatis aut sacrilegii, nec subiacet pœnis quæ statutæ sunt adversus hujusmodi crimina. Ergo à pari. *Quinta.* Si deberet injustus occisor, v. g., compensare quælibet damna, etiam invincibiliter ignorata, quæ per accidens fortè nascuntur ex homicidio, nimirum onus accresceret occisori, maxima nasceretur in tribunalibus confusio, nullus esset finis litium; quia semper emergerent ut se proderent nova et nova damna, nec ullus esset restituendi finis, ut optimè notat C. Pallav. l. 4, c. 7, n. 72.

171. *Dico 5°* Auctor injusti damni, si tantùm prævideat aliud damnum sequi posse, sed tamen moraliter certò sibi persuadeat damnum minimè secuturum, non tenetur ad restitutionem, secuto damno. Ratio *prima.* Nam auctor injusti damni non potest in hoc casu rationaliter suspicari eventum damni, et nemo prudenter timet eventus purè possibiles, quorum periculum est valde remotum. *Secunda.* Esto, sub pelle ferinâ latere possit homo, nullus tamen arguet injustitiæ venatorem, quando scolopetum explodit in animal ferinâ pelle tectum. *Tertia.* Licet ænea fistula subin sponte suâ dissiliat, et interficiat vicinos, quia tamen casus hic est admodum rarus, injustitiæ reus non est habens fistulam oneratam. Item licèt, appositâ sufficienti diligentia, dum emititur glans plumbea, subinde casu per mediam viam currat homo, et ab illa corripiatur, non tamen idcirco culpabilis est jaculator. Id solum est verum, sufficere minus periculum ut ex justitiâ tenearis actionem omittere, quando periculum est irreparabilis damni quoad vitam, quàm si damni periculum est in aliis minoribus bonis. Undè, licèt probabilius sit in dumeto latere lupum, si tamen est aliquo modo verisimile hominem latere, debes ex justitiâ jaculationem omittere.

172. *Dico 6°* : Auctor injusti damni, etiamsi prudenter suspicetur eventurum aliud damnum, si tamen illud non eveniat per se, nec ut plurimum, nec valde frequenter, sed rarò, vel si potiùs ob aliorum malitiam aut ignorantiam eveniat, ordinariè non tenetur ad compensationem illius damni. Molina t. 4, D. 86; Less. l. 2, c. 9, n. 111; Dicastillo D. 7, n. 105; C. de Lugo D. 8, n. 82; Sotus, Angles, Salonijs, Lopez, Sporer et alii communissimè (1). Ratio *prima.* Qui vendit arma vel chartas lusorias, furto subductas, sæpe prudenter timet abusum, neque tamen idcirco tenetur præstare damna secuta; secus etiam teneretur qui venderet arma vel chartas, nullo furto subductas; cum in priori casu moraliter non magis influat in damna venditor quàm in posteriori. *Secunda.* Qui furatur Euclioni centum aureos, vel auferit feminæ deliciosum catellum aut aviculam, prævidet subinde tristitiam immodicam et morbum, vel etiam mortem

domini, et gravissimè peccat contra charitatem : non tamen tenetur ad restitutionem; quia morbus et mors non oritur ex naturâ actionis per se, sed potiùs ex stultitiâ domini. Similiter femina, quando timet, se conspectâ, juvenem ex amoris violentiâ futurum ægrotum aut insanum, tenetur quidem ex charitate conspectum vitare si commodè possit, non tamen ex justitiâ. *Tertia.* Aliud est præbere causam, aliud occasionem damni : posterius non sufficit ad obligationem restitutionis. Excipiunt tamen aliqui casum in quo creans injustum damnum intenderet aliud damnum per accidens connexum. Sed de hoc infra, cum de intentione nocendi, quæst. 25.

173. Ex his assertionibus resolvi possunt innumerati casus : lubet aliquot exempla subjungere. *Primum sit.* Curtius occidit occultè Mutium : cædes, præter illius intentionem, imponitur Mævio; rapitur hic ad torturam, fatetur cædem, afficitur extremo supplicio. Curtius in hoc casu tenetur ad restitutionem hæredibus Mævii; quia supplicium Mævii per se non oritur ex occisione Mutii, sed ex malitiâ vel ignorantia accusatorum, testium et judicum. Ita Molina, tom. 4, D. 86, n. 4, et alii communiter. Si tamen Mævius satisfecit hæredibus necessariis Mutii, tenetur Curtius refundere sumptus hæredibus Mævii; quia, cum jure naturali teneatur ad restitutionem faciendam hæredibus necessariis occisi, siquidem hoc damnum prævidit, satisfacere postea debet iis qui loco ipsius coacti fuerunt hanc obligationem suscipere.

174. *Secundum.* Tiberius occidit in ædibus suis Pomponium, cadaver longiùs portat, ut suspicionem evadat, et projicit ante domum Egnatii : deferitur hic ad tribunal, cogitur ad carcerem, torquetur, imponit sibi crimen, et carnifici traditur. In hoc casu, si Tiberius non præscivit Egnatium aliàs suspectum de cædibus aut capitalibus odiis contra Pomponium, Tiberius non videtur cogendus ad restitutionem; quia situs ille cadaveris ante domum ordinariè non est causa sufficiens ad incarcerationem et torturam. Sic etiam non tenetur ad restitutionem qui puerum, ante suas fores depositum, deponeret ante fores alterius; quia per hoc alter non cogitur ad educandum puerum, ut optimè Th. Sanch. l. 4, Consil. c. 5, dub. 5, n. 71. Ad summum Tiberius tenebitur compensare damnum, si fors Egnatius opifex, ad examen citatus, fraudari debuit lucro diurni laboris. Si tamen Tiberius præsciverit Egnatium esse suspectum de cædibus aut inimicum capitalem Pomponii; vel, si Pomponium occideret, indutus vestibus Egnatii contra voluntatem ipsius, vel in ejus domo, vel gladium cruentum ibi relinqueret, teneretur ad restitutionem; quia cædes in his circumstantiis patrata, communiter, ut plurimum, vel valde frequenter gravia damna causat Egnatio, prout observat Vasq. c. 2, de Rest. § 2, dub. 4, n. 31.

175. *Tertium.* Frobenius Sabino petenti potum, offert poculum veneno mixtum ex intentione necis : Tarquinius illud eripit Sabino, bibit et moritur. In hoc casu Frobenius, si non poterat citra manifestatio-

(1) V. quæ infra dicturi sumus, n. 185 bis.

nem sceleris et certum vite periculum impedire Tarquinium, non tenetur ad restitutionem; quia periculum istud non praevidit, et non tenebatur cum certo vite periculo mortem improvisam avertere. Similem casum de fero venenatâ resolvit C. de Lugo, D. 8, n. 86, quamvis in hoc casu concedam facilius praevideri posse periculum; cum in convivio saepius contingat ut unus cibum sibi porrectum alteri tradat.

176. *Quartum.* Titius infligit Cato vulnus admodum leve, Caius ex incuriâ non accersit chirurgum, non obligat vulnus, vel adhibet emplastrum nocens ac moritur. In hoc casu Titius non tenetur ad restitutionem pro morte; quia per accidens tantum sequitur, et oritur potius ex incuria Cati vel imperitia chirurgi quam ex facto Titii. Similiter non teneretur Titius si verberaret Caium, et Caius fugiens casu procideret, allideret caput ad petram, unde postea moreretur.

177. *Quintum.* Furbus ingreditur noctu sine lumine domum alienam, offendit pedibus in vas crystallinum et pretiosum, illudque frangit. In hoc casu, si Furbus nihil cogitavit de damno vel ejus periculo, non tenetur ad restitutionem, ut rectè Dicastillo, D. 3, n. 72. Imò, si praescivit remotum aliquod periculum, et diligentiam eam adhibuit quam communiter alii prudentes solent qui licite domum alienam ingrediuntur noctu sine lumine, non videtur ad restitutionem cogendus, ut in simili resolvit Molina, tom. 3, tr. 2, D. 728, n. 2, qui tamen n. sequenti statim observat, nisi de sufficienti diligentia constet, in foro externo facilius in hoc casu praesumi culpam theologiam, vel per modum poenae restitutionem imponi.

178. *Sextum.* Nigidius lumen ferens recludit et ingreditur domum alienam, surripit pecuniam, sed casu simul incendit aulea vel aliam suppellectilem. Inde territus ac fugiens relinquit domum apertam, ac eadem nocte furantur alii duos equos ex stabulo. Nigidius in hoc casu tenetur ad restitutionem pecuniae, quod est per se liquidum; item ad compensationem equorum, quia domum voluntariè relinquit apertam: sed pro combustis auleis ad nihil tenetur, cum casus sit fortuitus. Quòd si Nigidius facultà praeter intentionem incendit illam ipsam mercem quam voluit furari, facienda est distinctio. Vel enim vestem illam jam surripuit, et tunc restituere tenetur ob injustam acceptionem, sicut si res alia, furto subducta, casu pereat: vel vestem illam nondum surripuit, et excusatur; quia praeter intentionem et casu fortuito mercem incendit, et Nigidius non combure, sed furari voluit. Ita C. de Lugo, D. 18, n. 88.

179. *Septimum.* Turpilius habet rem cum alterius uxore. Supervenit maritus zelotypus, et mulierem in flagranti deprehensam occidit. In hoc casu, si Turpilius adhibuit sufficientem cautelam, ut marito non innotesceret crimen, vel si rem habuit in iis regionibus ubi rarissimus et extraordinarius est casus, ut mariti zelotypi tam atrociter sumant vindictam, non potest dici causa moralis homicidii: secus, si in aliis regionibus, ubi frequens est ejusmodi vindicta, et si simul non adhibuit sufficientem cautelam. Et in hoc casu

Suar. D. 45, de Cens. s. 6, n. 7, existimat intelligendum Pium V. qui, consultus à sacra Penitentiaria, declarasse dicitur quod adulter ejusmodi sit irregularis.

Objectiones.

180. *Obj. 1^a contra tertium conclus.* Dans operam rei prohibite, si sequatur inde mors alterius, in jure punitur ut homicida, vel sit irregularis, quamvis illud opus prohibitum non sit contra justitiam, et ex eo nec per se, nec ut plurimum, nec etiam valde frequenter oriatur mors. *Ant. patet ex c. tua nos 19 de hom.*, ubi monachus sacerdos, qui chirurgiam exercuit contra legem ecclesiasticam, et apostema gutturis aut strumam incidit, secutâ morte, declaratur irregularis; et ex c. fin. de homic. in 6, ubi, dum mandatarius excessit fines mandati, et occidit alterum quem percutere vel vulnerare solum erat jussus, mandans irregularis pronuntiatur. Item jura solum dicunt, eum irregularem non fieri, secutâ morte, qui dedit operam rei licite cum sufficienti cautione: igitur à contrario fit irregularis, qui dedit operam rei non licitae: quamvis enim argumentum à contrario sit apud dialecticos imbecille, firmissimum tamen est apud Juris-Consultos.

R. 1^o N. C. Irregularitas ob specialem juris dispositionem incurri potest, quando non incurritur obligatio restitutionis; quippe si potest irregularitas imponi propter opus nullatenus peccaminosum, sed potius meritorium, ut quando quis agit causam sanguinis, non est ratio quare non possit imponi propter homicidium casuale, secutum ex opere prohibito.

R. 2^o D. A. Fit irregularis in casibus jure expressis C. in aliis, N. Irregularitas non incurritur, nisi in casibus jure expressis, ut colligitur ex c. is qui 18, de sent. exc., in 6. Unde putat Suar. D. 45, de Cens. s. 6, n. 9, non incurri poenam irregularitatis propter opus illicitum, ex quo sequitur casuale homicidium, nisi quando specialiter à jure prohibitum est opus ob periculum aliquod homicidii, prout contigit in allatis casibus. Potest autem pontifex, tum in odium homicidii, tum ob reverentiam altaris, meritò poenas hujusmodi statuere.

181. *Obj. 2^a:* Irregularitas in praedictis casibus incurritur ut poena propter homicidium: poena verò non incurritur nisi propter delictum voluntarium: igitur homicidium in iis casibus est voluntarium: igitur ad homicidium voluntarium satis est si voluntarium sit opus prohibitum, ex quo sequi potest aliquando homicidium.

R. N. m. Sed incurritur ut poena propter opus illicitum, ita tamen ut homicidium requiratur tanquam conditio sine qua non, ut bene Suarez suprâ n. 16. Dein homicidium in praedictis casibus non est quidem reipsa voluntarium, est tamen voluntarium interpretatione legis; quia lex positiva specialiter prohibet illa opera, propter periculum aliquod homicidii.

182. *Obj. 3^a:* S. Th. 1 2, q. 75, a. 3, *Quandoque* nocumentum, ait, nec est praevisum, nec intentum; et tunc, si per accidens se habeat ad peccatum, non aggra-

vat peccatum directè; sed propter negligentiam considerandi nocumenta quæ consequi possent, imputantur homini ad pœnam mala quæ eveniunt præter ejus intentionem, si dabat operam rei illicitæ: ergo, si fur, noctu domum tuam ad furandum ingressus, eam per omnimodam inadvertentiam incendit, obligandus est ad restitutionem. Ita quippe textum Angelici doctoris exposuisse dicitur Sotus, cum Salmanticæ prælegeret, qui tamen alterâ die, cum melius locum perpenderet, sententiam revocavit, ut testis est Rebellus, l. 2, de Restit. q. 10, n. 19.

R. D. C. Post sententiam judicis, C. ante, N. Locus S. Th. procedit de quovis injusto damnificatore qui dat operam rei illicitæ, et per culpam merè juridicam est causa damni præter intentionem secuti; tunc enim in foro judiciali cogitur damnificator reparare damnum, juxta L. in lege 43, ff. ad Leg. Aquil. Unde S. Doctor addit, ejusmodi restitutionem esse pœnam, per civile jus appositam.

183. Obj. 4°. Qui se volens inebriat, et in ebrietate committit homicidium, non solum ebrietatis, sed etiam homicidii est reus, et tenetur ad restitutionem, ut tradit communis opinio veterum, quibus favent S. Thomas 2-2, q. 150, a. 4 in c. et Aristoteles 3 Eth. c. 5, ubi docet ebrium qui vulnerat aut occidit alterum ebrietatis tempore, duplici pœnâ dignum. Huc etiam facit antiquissima lex Pittaci statuensis ut ebrii, si percuterent, gravius punirentur quàm sobrii.

R. D. A. Si prævidit se prœsum ad rixas, et in ebrietate malum hoc verosimiliter eventurum, C.; si non prævidit, aut si moraliter adhibuit sufficientem cautelam ut impediretur ejusmodi malum, N. Mala quæ prudenter ab ebrio prævideri non possunt, non imputantur ad culpam, ut Origenes, Irenæus, Chrysost. Theodoret. ac præcipuè S. August. quos sequitur Vasquez, 1-2, D. 27, n. 5; Lothum, tametsi reus fuerit ebrietatis, excusant ab incestu, quia flagitium hoc minimè prævidit.

184. Obj. 5° contra quintum et sextum conclus.: Quamvis damnum injustum ordinariè, vel ut plurimum non oriatur ex actione tuâ, si tamen oriri possit et aliquoties oriatur, ac præterea scias hoc periculum, non potes actionem ponere citra peccatum injustitiæ, et damnum inde secutum merito tibi imputatur: ergo, si domum alienam intres animo furandi pecuniam, et conculeas humi vasa crystallina, vel præter intentionem suscitares incendium, semper teneris ad restitutionem. A. prob. Qui videt eminens animal, esto longè probabilis judicet esse feram, si tamen non sit omnino certus, et tenuiter tantum probabile sit hominem adesse, tenetur omittere jaculationem.

R. D. A. Si periculum sit aliquo modo propinquum et damnum sit gravissimum, quod reparari facile non potest, neque sit necessitas ponendi actionem, C.; secus, N. Ut dictum est n. 171, periculum, propter quod oportet actionem ex justitiâ cavere, debet aliquo modo esse propinquum; nam valde remota non prudenter timemus. 2° Quò gravius est damnum, eò fa-

cilius timeri debet periculum, et accuratior requiritur cautela. 3° Perpendi quoque debet utilitas et necessitas actionis. Unde venditor armorum excusatur ab injustis cædibus, quæ sæpius postea fiunt ab emptoribus.

185. Obj. 6°: Qui domino furenti, vel minitanti cædem injustam absque sufficienti necessitate, reddit gladium apud se depositum, censetur injusta causa necis, quamvis ista per se non oriatur ex naturâ actionis, sed ex malitiâ domini furentis: ergo etiam, qui furto suo dominum ita contristat, ut moriatur, est injusta causa mortis.

R. 1° ant. non esse positum extra controversiam, et P. Molina, t. 3, D. 753, putat depositarium peccare tantum contra charitatem, dummodo necem alterius non intendat.

R. 2° cum Soto, Ledesma, Lessio, Bonac. quos sequitur C. de Lugo, D. 21, n. 29: C. A. N. C. Licet injusta cædes per se non oriatur ex redditione gladii, secundum se spectatâ, tamen ut plurimum oritur ex eâ, si fiat in talibus circumstantiis in quibus dominus, petens gladium, est paratus ad injustam cædem, et subministratio gladii in iis circumstantiis videtur nimis proxima cooperatio ad cædem; alias etiam posset quis furenti subministrare proprium gladium citra vitium injustitiæ, quod nemo concedet. Contrâ verò rarissimò contingit ut quis propter furtum incidat in tristitiam causativam mortis: et esto sint aliqui tam miseræ vel delicate complexionis, imò sint possibiles homines ejusmodi infiniti, tamen in moralibus attendi debet vel actu communiter, plerumque, vel admodum frequenter fiat.

Minus peremptoriè abscondi nodum difficultatis videtur, nec disparitas decretorio satismodo distinguitur: Et enim, licet injusta cædes per se non oriatur ex redditione gladii, tamen ut plurimum oritur ex eâ, si fiat in talibus circumstantiis in quibus dominus petens gladium est paratus ad injustam cædem, sic quoque licet in vulgaribus casibus rarissimè accadat ut furto spoliatus, præ tristitiâ, mortis discrimen incurrat, possit tamen dici illud ut plurimum ac probabiliter eventurum fore, si furtum in hominem incidat quem fur novit esse tenui infimâque valetudine et habitudine corporis. Illis ut in ambagibus impediri nulli liceat, præmissâ definitione auctoris propositum illustrare tentabimus; hujus enim sententia ad unum revocari potest, scilicet de restitutione non teneri qui merè occasionalis vel accidentalis causa fuerit damni, quod omnibus intellectibus certissimè subjacet: nec inutile tamen erit, quid per causam merè occasionalem, quid per merè accidentalem percipiendum sit, explanare.

Cum causâ mediâtâ sæpius confusa est causa occasionalis: quarum discrimen magni esse momenti et decretoriâ ratione eminere facile probatur: siquidem causa mediata absque dubio plerumque præstandæ restitutionis et resarciendi damni tenetur, ut apparet in exemplo consciorum, et vel manu vel consiliis agentes juvantium, dum occasionalis non ita directè

accidentibus immiscetur. Ut ergo nomen occasionalis indicat, non sufficit ut ei accedat alia causa etiam libera quæ ipsi opituletur; non etiam ut damnum alienæ malitiæ vel ignorantie potius quam occasionali causæ sit tribuendum, quo casu mediata diceretur, causa occasionalis erit qui factum admittit, quod nec physice, nec moraliter damnum impingere ex se potest, quo autem peracto alter proprio motu nullo impellente, noxam parat et infert. Vide n. 175, 176. Ex his ergo sequitur causam posse esse mere occasionalem, quamvis eâ remotâ damno locus datus non, fuisset: quo in casu dici potest conditio sine quâ non non autem causa efficax, vel etiam mediata, vel cooperans, nec etiam partialis illati damni.

Causa mere accidentalis dicitur quæ damnum ut plurimum non infert, quandoque tamen nocere potest; nihil enim mirum esset in casibus peculiaribus damnum adeo imminens esse, ut probabiliter subsecutum hanc causam quasi determinantem prævideatur. Omnium verò intellectum laceret, communi-nemque sensum offenderet, qui accedens et fortuitum casum facto præviso, effectus necessario æquiparet; vulgaris etiam sermonis significationem oblitus fuisset.

Accidentalis ergo causa damni erit ille qui damnum nec ut certum, nec ut probabile prævidere et suspicari, vel potuit, vel debuit, actumque peregrinum nullo probabili nexu et apparente cum clade subsecutâ connexum; quem de restitutione teneri affirmare nemo nisi inique posset, cum evidenter hic, absente prævisione, abierit etiam voluntas; imo verò si possibilitatem suspensus, maturò et prudenti iudicio probabilitatem damni respiciens, tunc etiam involuntaria moraliter causa dicitur ex eo quod mere possibilitatis ratio exigi nequeat ab homine, qui nullo modo ad præcavendum omnia quæ accendere possunt adstringitur.

QUESTIO XII.

AN COMPENSARI DEBEAT EXCESSUS DAMNI INVINCIBILITER IGNORATUS?

186. Questio non est de excessu qui per accidens tantum connectitur cum damno scienter et voluntariè dato; nam de illo dictum est supra: sed de excessu qui per se connectitur, vel ex eo damno voluntariè dato communiter aut plerumque solet oriri; v. g. Titius in mare proiecit gemmam Cati, mille florenis æstimatam, ipse tamen errore penitus invincibili putat eam valere minoris. In hoc casu triplex est opinio. Prima vult compensandum esse totum damnum, esto Titius putaverit gemmam esse modici valoris. Ita C. Pallav. l. 4, c. 7, n. 71. Secunda contendit tantum tunc compensandum esse totum damnum, quando Titius gravem injuriam intulit, existimans gemmam esse magni valoris, esto putaverit esse minoris. Ita C. de Lugo, D. 8, n. 65, quem sequitur Illung. tr. 4. D. 5, n. 22. Tertia negat excessum invincibiliter ignoratum esse sarcendum. Ita P. Esparza, q. 34; Hammold, tr. 2,

n. 219; Mezer, D. 32, a. 2, n. 49; Ferd. Krimer, de Jur. et J. n. 524.

187. Dico 1^a Qui voluntarie damnum infert contrâ justitiam, sed invincibiliter existimat damnum esse leve, non tenetur ad reparationem totius damni. Ratio prima, quia nimis inhumana foret obligatio v. g. Titius bona fide credidit gemmam esse vitrum unius aut alterius teruncii, nec habuit ullam prudentem suspicionem oppositi, reddere cogetur centum mille, vel plures aureos. Secunda, Si Titius bona fide credidisset impolitam gemmam esse vitrum nullius omnino valoris, non teneretur ad ullam compensationem: ergo nec tenetur ad compensationem totius damni, quando credidit gemmam esse vitrum unius tantum aut alterius teruncii; sicut enim priori casu totum damnum est involuntarium, sic in posteriori quasi totum damnum est involuntarium, et tantum est voluntarium damnum unius aut alterius teruncii. Tertia, Destruens gemmam in hoc casu non posset ad furcam condemnari, dummodo legitime constaret illum invincibili errore deceptum: ergo nec condemnari debet ad gravissimam restitutionem aut reparationem totius damni. Quarta. Pone quod famulus ex petulantia dilaceret ephigraphum, vi cuius domino debentur trecenta milia florenorum, ita tamen ut ob ruditatem nihil suspicari possit de gravi damno, quis cum obligabit ad restitutionem tam gravis summe?

188. Dico 2^a: Qui bona fide credidit damnum esse leve, vel unius tantum aut alterius teruncii, non tenetur ad reparationem alicuius gravis damni. Ratio prima: Quia grave damnum est ei penitus involuntarium et fortuitum. Secunda. Si conceditur quod Titius in priore casu non debeat reparare totum damnum, non poterit taxari quantum de gravi damno debent reparare. Non enim potes dicere quod debeat 10 aut plures florenos reddere; quod enim gemma valeat 1000 florenis, est purè per accidens respectu Titii, et Titius non commisit majorem formaliter injuriam in hoc casu quam in altero, quo gemma solum valuisset 100 florenis. Tertia. Non apparet unde nascatur hæc gravis obligatio: non ex re accepta, quod patet; non ex injusta acceptione; quia culpa valde modica, quæ voluntariè tantum feror in leve damnum, non videtur proportionata satis ad tam gravem obligationem; et alias etiam qui levissimam tantum negligentiam committeret in rebus alienis, putans remotum esse periculum damni, semper teneretur ad gravem restitutionem, secundo gravi damno.

189. Dico 3^a: Qui voluntariè causat injustum et grave damnum, quod tamen bona fide credit esse minus grave quàm sit, probabiliter non tenetur ad excessum invincibiliter ignoratum, quamvis iste per se vel ut plurimum connectatur cum damno voluto. Ratio prima. Excessus damni, qui per errorem invincibilem ignoratur, ut nec veniat, nec post sufficientem inquisitionem venire possit in prudentem suspicionem, est fortuitus et involuntarius; non enim est voluntarius in se, quod patet: nec est voluntarius in causa; licet enim necessario connectatur cum

causa, tamen hæc connexio invincibiliter ignoratur à ledente. Secunda. Ut bene notat Esparza, perinde se habent in moralibus præcisio rationis ac distinctio realis; et malitia, quam mentaliter ab actu præscindendo, et invincibiliter nescio, non potest mihi moraliter imputari, sive dein per se, sive per accidens connectatur cum actu quem intendo; ita qui peccat cum ligatâ, quam invincibiliter putat esse solutam, committit quidem formaliter malitiam fornicationis, non verò committit formaliter malitiam adulterii. Qui per furorem eructat voces, quæ simul blasphemæ sunt in Deum, et in hominem contumeliosæ, non est reus blasphemæ, si per errorem invincibilem nesciat voces esse blasphemias: ergo non potest imputari moraliter ad peccatum excessus damni invincibiliter ignoratus: ergo nec imputari debet ad obligationem restitutionis. Tertia. Ideò, secundum AA qui nobis astipulantur supra n. 172, non debeo resarcire damna quælibet extrinseca, per accidens connexa cum damno, scienter et voluntariè dato, quia sunt mihi penitus involuntaria vel fortuita: et ideò sunt mihi fortuita vel involuntaria, quia nullatenus sunt prævisa, sed invincibiliter ignorata: sed hæc ratio, si quid probat, probat etiam pro nostro casu. Quarta. Si Titius à Caio, domino gemmæ, sæpius audisset eam constare duobus tantum aut tribus florenis, nec haberet ullam suspicionem oppositi, sed post destructionem intelligeret à trapezitis eam valere centum aut mille florenis, planè nimis durum videretur eum cogere ad solvendos centum aut mille florenos: sicut enim, si furca statuta tantum foret adversus furem centum aut mille florenorum, Titius non posset ad hanc pœnam cogi, dummodo legitime probaret sibi furtum tam grave non fuisse voluntarium, et se deceptum errore penitus invincibili, ita nec cogi debet ad restitutionem totius pretii, quando destructio totius pretii non fuit voluntaria. Quinta. Si Titius haberet duas gemmas Caii, quarum unam invincibiliter putaret esse suam, et committeret sciens et volens actionem ex qua per se nasceretur destructio utriusque gemmæ, profectò deberet unius tantum gemmæ pretium reddere: ergo etiam in casu, quo tantum unicam destrueret gemmam Caii, valentem mille florenis, sed cujus medium pretium invincibiliter putaret ad se propter hæreditatem spectare, nonnisi medietatem pretii deberet refundere: ergo etiam in casu quo destrueret gemmam valentem mille florenis, sed quam invincibiliter putaret valere tantum quingentis florenis. Taceo quòd exemplum de gemma quod communiter afferunt AA. non videatur satis ad propositum. Quòd enim gemma communiter nunc tanti fiat ab hominibus, est purè per accidens et dependet ab arbitraria hominum æstimatione; nam gemma quæ constat mille florenis, posset æstimari tribus aut paucioribus florenis. Sexta. Si damnum quod per se connectitur cum damno scienter et voluntariè dato, non obveniret illi cui damnum scienter et voluntariè datur, sed alicui tertio de quo nec in genere nec in specie prudens est suspicio, factetur ipsemet C. de Lugo, D. 11, n. 89, non esse re-

parandum; quia, cum invincibiliter ignoretur istius damni consecutio, tertius nullam formaliter injuriam patitur: ergo etiam, si damnum consequens obveniat illi cui damnum antecedens scienter et voluntariè datur. Septima. Denique, cum hæc nostra sententia sit valde probabilis, et nemo debeat privari dominio certo suarum facultatum propter jus incertissimum alterius, videtur meritò præferenda in praxi. (1)

OBJECTIONES.

190. *Obj. 1^o* Qui projicit gemmam alterius in flumen, absolute vel executiva sua voluntate vult projicere totum quod habet in manu; sed habet in manu gemmam mille florenorum: ergo vult in flumen projicere gemmam mille florenorum, esto non cognoscat totum hunc intrinsecum valorem.

R. 1^o retorsionem esse manifestam in Cæcilio qui per oculorum ludibrium fortè deceptus et videns animal, existimat esse feram, quod tamen est homo. Cæcilius enim absolute vel executiva sua voluntate vult occidere quod videt, aut sclopeto trajicit: sed hoc est homo: ergo. Alia retorsio formari potest in casu quo Titius invincibiliter existimaret gemmam esse vitrum nullius omnino valoris, et absolute projiceret gemmam.

R. 2^o *D. M.* Vult projicere totum quod habet juxta suam existimationem, sive quod per errorem invincibilem putat se habere, *C.*, quod habet ultra vel contra suam existimationem, *N.* Sicut Cæcilius tantum vult occidere quod invincibiliter putat se videre, scilicet feram, et non hominem, ita Titius vult projicere quod putat se habere.

191. *Obj. 2^o*: Contingere potest ut Titius projiceret gemmam, etiamsi cognosceret totum intrinsecum ejus valorem: ergo debet restituere totum intrinsecum valorem, licet eum actu non cognoscat, vel non possit cognoscere totum ejus valorem.

R. 1^o Nos loqui tantum in casu quo projiciens non est ita perversus, sed potius nollet projicere gemmam si cognosceret totum ejus valorem.

R. 2^o *N. C.* Contingere potest ut, qui vult occidere feram, concomitanter habeat voluntatem occidendi suum inimicum, si præsens foret; et tamen si deceptus occideret inimicum loco feræ, non esset idcirco reus homicidii, nec obligaretur ad restitutionem, juxta n. 168. Aliud fortassis est si Titius hanc voluntatem conciperet: volo projicere gemmam, cujuscumque demum sit valoris, etiam majoris quam ego mihi persuadeam. De quo P. Suar. D. 4, de cens. s. 8, n. 10.

192. *Obj. 3^o*: Licet resarcire non debeas damna quævis extrinseca, quæ per accidens connexa sunt cum damno gravi scienter et voluntariè dato, debes tamen resarcire damna quævis intrinseca, quæ vel sunt identificata cum damno scienter et voluntariè dato, vel ex illo communiter aut plerumque nascuntur;

(1) V. notam subjectam n. 73.

nam posteriora semper volita sunt in causa, non item priora: ergo.

R. N. A. Damna posteriora non possunt esse volita moraliter in causa, quando nullatenus cognoscitur eorum connexio cum causa: secus enim dici posset quod in casu quo destruens gemmam bonae fide crederet eam esse modicissimi valoris, gravitas damni sit indirecte volita in causa. Item excessus gravissimi damni non solum imputari deberet ad obligationem restitutionis, sed etiam ad malitiam.

195. *Obj. 4*: Obligatio sarcienti grave damnum quoad excessum invincibiliter ignoratum, antecedenter ad omnes particulares eventus et alias circumstantias quae sanum iudicium pervertere solent, est optabilior generi humano, et omnino necessaria videtur, ut fores et injusti rerum consumptores abstergeantur a gravibus injuriis, si minimum sentiant se postea cogendos ad sarcendum quodlibet damnum intrinsece connexum, etiamsi nunc forte lateat: ergo.

R. D. A. Obligatio sarcienti post sententiam iudicis, *C.*; ante, *N.* et retorqueo in damnis extrinsece connexis, aut per accidens tantum secus. Quinvis autem obligatio tam rigida, qualem adversarii requirunt, aliquos absterret, apud plerumque tamen non esset efficax: quia, cum damna invincibiliter ignorata sint extra prudentem suspicionem, pauci moverentur metu restitutionis ob huiusmodi damna.

194. *Obj. 5*: Videtur aequitati naturali conformius ut excessum invincibiliter ignoratum luat vel compenset nocens, qui voluntarie gravem injuriam intulit, quam ut eum ferat innocens. Nimis enim est arduum ut innocens, praeter gravem injuriam, ferre debeat notabilem damni partem sine ulla spe compensationis: natura vero non debet majus onus innocentibus imponere quam nocentibus.

R. D. Si nocens voluntarie gravem injuriam inferat etiam quoad excessum invincibiliter ignoratum, *C.*, secus, *N.* et retorqueo iterum in damnis extrinsece connexis et per accidens tantum secus. Sicut enim absolute difficilior foret, si nocens ante sententiam iudicis luere deberet haec damna fortuito data, quam si debeat innocens illa pati; sic etiam absolute difficilior foret, si nocens luere deberet damna intrinsece quidem connexa, sed invincibiliter ignorata. Concedo tamen post sententiam iudicis saepius haec damna compensanda. Nam si iudex imperare potest reparationem damni quod, te nesciente, servus aut animal dedit, quare non possit in poenam gravis injustitiae praecipere compensationem damni intrinsece connexi, sed invincibiliter ignorati, dummodo non sit nimium exorbitans excessus, ubi durissimum esset compellere nocentem qui maximam damni partem invincibiliter ignoravit, ad compensationem totius? Et hinc falsum est quod lesus ordinacoe sufferre debeat partem notabilem damni per errorem invincibilem dati, cum habeat recursum ad iudicem.

195. *Obj. 6*: In dubio preferri debet sententia quae potius innocentibus quam reus laeet: ergo, cum dubium uter ferre debeat damnum quoad partem invincibiliter ignoratam, reus potius quam innocens est astringendus.

R. D. C. Si reus sit etiam reus quoad partem invincibiliter ignoratam, *C.*, secus, *N.* Argumentum quoque retorqueo. In dubio non debet condemnari reus: in dubio melior est conditio possidentis, et nemo spoliari debet domino certo suorum facultatum propter jus alterius incertum *A.*

196. *Obj. 7*: Obligatio sarcienti totum damnum, quod per se non connectitur cum damno gravi voluntarie dato, videtur esse proportionata culpe mortali, per quam dissolvitur amentia lesa, vel occasio praebetur gravis indignationis et tristitiae: ergo lesus merito potest exigere compensationem totius damni.

R. N. A. Nam ob hanc rationem posset lesus exigere compensationem cujuslibet damni per accidens exorti; cum haec obligatio gravior non sit quam obligatio sustinendi penas inferni pro culpa mortali. 2^a Licet haec obligatio seorsim sumpta, non transcendat gravitatem poenae quam peccans sustinere debet in inferno, transcenderet tamen, si singul acciperetur cum aliis obligationibus quae per mortale peccatum incurruntur. 3^a Circa moralem obligationem restitutionis debet attendi quid potissimum expediat in hac vita: non autem expedit obligatio restituendi ante sententiam iudicis, quando damnum est fortuitum et involuntarium. Vide quae dicta sunt n. 115.

197. *Obj. 8*: Pro delicto gravi saepius imponitur poena quam reus invincibiliter ignoravit, ut manifestum est in fure qui suspenditur, etsi nesciverit furcam esse statutam pro gravissimo furto: ergo etiam per injuriam gravem incurri potest obligatio resarcendi totum damnum, etiamsi pars notabilis fuerit invincibiliter ignorata.

R. D. A. Si tamen agnoscatur tota malitia cui poena respondet, *O.*; secus, *N.* Obligatio restituendi, dum oritur ex injusta lesione, respondet peccato injustitiae. Quocirca, si non committitur injustitia respectu partis invincibiliter ignoratae, non oritur obligatio restituendi quoad illam partem. Aliud foret si damnificans injuste per invincibilem ignorantiam nesciret obligationem restitutionis ex injusta damnificatione; tunc enim procul dubio teneretur ad restitutionem juxta proportionem injustae damnificationis. Dein argumentum retorqueo. Si furca tantum esset statuta pro furto 100 aureorum, et fur invincibiliter existimaret damnum non esse 100 aureorum, fur agi non posset in furcam si probaret suum errorem.

198. *Obj. 9*: Homicida, dum in aestu furoris occidit inimicum, ordinarie non cogitat de damno quod inde provenit uxori vel liberis, et tamen in utroque foro cogitur ad restitutionem istis faciendam.

R. D. A. Non cogitat explicitè, *C.*; confusè saltem, et non potest, adhibita diligentia, clariùs cognoscere quibus damnum inferat, *N.* Sacerdos peccans contra castitatem, licet explicitè non habeat actualem cognitionem de voto castitatis, tamen committit peccatum sacrilegii, quia sæpius antè cognovit peccatum carnis esse contra suum votum, et dum actu peccat, confusè saltem concepit malitiam quam sæpius antè cognovit inesse suo peccato, sive concepit peccatum suum esse contra leges quas sufficienter antea percepit: simile quid in occisore cogita. Si tamen per iudicium contrarium et invincibilem errorem excluderet hanc circumstantiam, et citra suspicionem contrarii crederet inimicum suum esse clericum carentem liberis et uxore, non teneretur ad restitutionem, ut optimè probat *C. de Lugo, D. 11, n. 90.*

199. *Obj. 10°* : Fur pecunie non solum tenetur restituere pecuniam furto sublatam, sed et compensare debet damna quælibet emergentia vel lucra cessantia, quamvis ad ista non attenderit.

R. D. Quamvis ad ista non attenderit in specie, *C.*; in genere, *N.* Fur communiter cognoscit esse casum admodum ordinarium, ut ex gravi furto nascentur domino varia damna fortunarum, aut lucra non modica cessent. Quod si verò damna fortunarum essent admodum extraordinaria, quæ rarissimò solent obtinere, puto nec *AA.* ita fore rigidos, ut furem obligarent ad restitutionem.

200. *Obj. 11°* : Qui detinet injustè commodatum ultra dies præfixos, et est graviter culpabilis in mora restitutionis, debet restituere totum commodati valorem, si pereat interim casu fortuito. Qui clam alterius equum usurpat, tenetur compensare totum damnum, si fors equus rapiatur à latronibus aut vi fulminis occidatur, esto neuter præviderit hunc casum, aut voluerit tam grave damnum inferre: prior enim vult commodatum ad paucos dies aut hebdomades ulterius retinere; posterior usurpare vult equum ad iter, et postea reddere: igitur neuter domino vult auferre totum valorem commodati vel equi, sed præcisè valorem usûs ad certos dies.

R. 1° argumentum ab omnibus solvendum; cum enim sit casus fortuitus quòd commodatum, v. g., pereat incendio, vel equus rapiatur à latronibus, et damna fortuitò tantum connexa præstari non debeant, ipsimet *AA.* coguntur reddere disparitatem.

R. 2° : Qui commodatum aut equum retinere vult tantum ad certos dies, implicitè se obligat ad reddendum commodatum aut equum post illos dies, eo ferè pacto quo discurremus *n. 102*, de trajiciente rusticorum anseres; et nisi tacitè susceperet usuarius injustus hanc obligationem, haud dubiè graviùs peccaret.

R. 3° cum *C. de Lugo, D. 18, n. 89*, actiones aliquas injustas esse multis periculis fortuitis expositas, ac ideo prohiberi specialiter à justitia, ne res aliena per casus fortuitos omnino pereat domino. Talis est injusta retentio commodati ultra tempus præfixum, et usurpatio equi alieni contra domini voluntatem ad aliquot dies. Unde si res fortuitò pereat, debet injustus

detentor aut usurpator, qui saltem in genere prævidit periculum, illum casum præstare. Contrà vero quædam actiones non sunt expositæ multis casibus fortuitis, nec à justitia specialiter prohibentur propter pericula casuum fortuitarum. Talis est ingressus nocturnus in alienam domum animo furandi tantum. Hæc enim actio specialiter à justitia non prohibetur ob periculum fortuitum incendiî, sed propter periculum aut animum furandi, et hic non oportet præstare casum fortuitum.

QUÆSTIO XIII.

AN ERRANS IN PERSONA LESI TENEAUR AD RESTITUTIONEM?

201. Sæpissimè contingit ut volens unum ledere, loco ipsius per errorem invincibilem alium lædat, de quo minimè cogitabat et quem fortassis ledere nolisset: v. g., Titius comburit horreum aut aedes amici Lucii, quas per invincibilem errorem existimat esse Cneii capitalis inimici. 2° *Cæsar* volens occidere *Pomponium* hostem, occidit charissimum *Brutum*. 3° *Paulus* ex fenestra videt prætereuntem *Annam*, quam putat esse *Bertam*, et astantibus dicit prætereuntem feminam sæpius in adulterio deprehensam.

202. *Dico 1°* : Qui furatur, consumit aut destruit rem Lucii, putans esse Cneii, tenetur ad restitutionem, quamvis inde non evaserit ditior. Ita cum communi *Th. Sanches, l. 2, Dec. c. 23, n. 157*; *Rebellus, p. 1, l. 3, q. 11, n. 11*; *Dicastillo, D. 7, n. 107*, contra *C. de Lugo, D. 17, n. 78*, et *Tamb. l. 8, Dec. tr. 3, c. 4, § 6*, qui, licet regulariter obligent furem, putant tamen excusandum in casu quo sic animo comparatus est, ut explicitè vel implicitè nollet furari vel consumere rem alienam, si sciret esse Lucii. *Ratio 1°*. Nam accipiens aut consumens, est verè fur, et accipit aut consumit rem alienam invito domino: furtum verò semper inducit obligationem restitutionis. 2° Licet accipiens aut consumens erret in hoc casu quoad personam lesi, tamen hic error in furto non est substantialis, sed accidentalis tantum. Accipiens enim aut consumens efficaciter et absolutè vult omnia quæ requiruntur ad substantiam furti: scit rem non esse suam, sed alterius: scit alienum accipi non posse, domino rationabiliter invito: scit nullam sibi competere licentiam accipiendi vel consumendi rem alienam, et tamen, his non obstantibus, accipit, consumit rem alienam. 3° Emens rem à Stichò, quem putat invincibiliter esse Cneium, modò non erret circa substantiam meris, emit validè, et Stichò tenetur ad solutionem, esto non emisset si putasset rem esse Stichì: ergo etiam consumens rem Stichì, tenetur ad restitutionem Stichò, quamvis non Stichum existimet ledi, sed Cneium. 4° Voluntas quæ fur implicitè vel explicitè sic est comparatus, ut nollet furari, consumere vel destruere rem alienam, si sciret esse Cneii, tantum est conditionata, nec impedit ut absolutè non accipiat, consumat aut destruat rem alienam Lucii. Sicut autem in contractibus non attenditur

quid contrahens esset facturus aut voliturus si prae-
set hanc aut illam circumstantiam, sed quid absolute
faciat, sic etiam in furto non debet attendi quid fur
esset facturus sub hac aut illa conditione, sed quid
absolute faciat, alias absolute non esset fur qui
dum actu furatur, ita mente comparatus est, ut
nollet furari si certo praeiret se postea suspensum
iri. 3° Si vera contraria sententia, non tenerentur ad
restitutionem mercatores qui si pessime famulos, mi-
nistros aut procuratores dominorum decipiunt, ita
tamen habitualiter affecti sunt, ut nolent desipere si
lædi seirent hos aut illos dominos; item qui ha-
buit bona incerta ex delicto, et illa voluntarie con-
sumpsit, ex omnium sententia tenetur ad restituti-
onem, esto nesciverit dominum. Quidam etiam in nostro
casu?

203. *Dico 2°*. Qui lethaliter vulnerat Titium ami-
cum, putans invincibiliter esse Caium inimicum, pec-
cat opere suo contra justitiam, et tenetur ad restituti-
onem. Ita Rebellus et Dicast. supra contra Tambur.
l. 6, c. 4, § 5, n. 50, cui favet C. de Lugo. *Ratio 1°*.
Ex L. cum qui nocentem 18, § 5, ff. de injur., si injuria
mihi fuit ab eo cui sum ignotus, aut si quis putet me
Lucium Titium esse, cum sum Caius Sepsus, praevaluit
quod principale est, injuriam cum mihi facere velle.
Nam certus ego sum, licet ille me putet aliam esse quam
sum, et ideo injuriarum actionem habeo. 2° Esto vulne-
rans nollet id facere si cognosceret adesse Titium ami-
cum, tamen hæc voluntas est pure conditionalis, ut
supra diximus de furto, et prævalet absoluta vel effi-
cax intentio qua vult efficaciter et absolute telo con-
figere personam ibi stantem aut hominem individuum
illac prætereuntem: ergo, sicut te etur ad restituti-
onem qui scienter et voluntarie furatur et consumit
rem alienam quam putat esse Caii, cum tamen sit
Titii, sic etiam vulnerans tenetur ad restitutionem in
hoc casu. 3° Vulnerantis aut occidentis error est tan-
tum accidentalis, et nullatenus impedit injustam mu-
tilationem, vulnerationem, aut occisionem alterius:
scit enim actionem suam esse prohibitam lege justitiæ,
vel quinto præcepto Decalogi; rursum scit actionem
suam esse contra jus hominis ibi stantis aut illac præ-
tereuntem, qualiscumque demum ille sit: igitur volun-
tariè facit omnia quæ requiruntur ad substantiam in-
juste vulnerationis aut occisionis: igitur tenetur etiam
ad restitutionem damni, si quidem illud reparare
possit. 4° Si maritus zelotypus occideret alium, quem
per invincibilem errorem putaret adulterum reum, non
occisurus si crederet innocentem, utique peccaret
contra justitiam, et teneretur ad restitutionem: ergo
etiam peccat contra justitiam et tenetur ad restituti-
onem, siquidem ea sit possibilis, qui vulnerat aut occi-
dit Titium, existimans esse Caium: hæc enim cir-
cumstantia individualis non plus facit ad injustam
vulnerationem et occisionem quam circumstantia in-
nocentie. 5° Quivis hominum habet absolute jus ut
auctoritate privata non percutiatur, vulneretur, muti-
letur aut occidatur ab altero, præterquam in casu jus-
tæ defensionis, sive dein cognoscatur ab altero sub

ratione individuali, sive tantum agnoscat sub ratione
speciei hominis: alias non ageret injuste, qui percu-
teret, mutilaret aut occideret hominem ignotum, per-
sonatum et in tenebris ambulantem atque jus hoc
scienter et voluntarie læditur à vulnerante 6°. Qui
percuteret hominem quem invincibiliter crederet esse
clericum Gregorium, cum sit clericus Ambrosius,
esto simul ita foret affectus ut nollet percutere cleri-
cum Ambrosium, tamen ideo non effugit exeat in
canonis, ut cum communissima docet Th. Sanchez. l.
9 de Mat. D. 32, n. 27; nam voluntariè percussit ali-
quem clericum: ergo a pari. Sicut enim propter vol-
untariam percussorem cleriçi contrahitur excom-
municatio, ita propter voluntariam vulnerationem
hominis incurritur obligatio restituendi.

204. *Dico 3°*. Qui prætereuntem feminam graviter
infamat, putans aliam esse quam sit, tenetur ad resti-
tutionem. Assertio patet ex nuperrimè dictis, et ex
L. cum qui nocentem. Hæc enim præcipue concernit
casum in quo per errorem infamas, calumnias aut
convicio proscindis alium quam reipsa destinasti.
Dein est specialis hæc ratio; nam etiam qui purè ma-
terialiter et sine culpa detrahit, et per errorem incul-
patum affligit alteri falsum crimen, compertâ veritate,
tenetur, si faciliè potest, retractare dictum, juxta
numerus 61.

OBJECTIONES.

205. *Obj. 1°*: Incendarius qui per invincibilem
errorem putat ædes esse Cneii, cum sint Lucii, et
nollet eas comburere nisi crederet esse Cneii, nullam
infert injuriam: ergo non tenetur ad restitutionem.
A. prob. Nam 1° non infert injuriam Cneio, quia Cne-
ium non effective, sed affective tantum lædit, et hinc
in *L. superius citatâ* 18, § 4, ff. de injur. dicitur, eum
qui filium familiars kedit, putans esse patrem familiars,
nullam injuriam patri facere. 2° Nec infert injuriam
Lucio, quia de Lucii damno nihil omnino cogitavit,
et animo sic est comparatus, ut nollet comburere si
sciret esse Lucii. 3° Nec infert injuriam homini cui-
dam indeterminatè vel vagè; quia nullum alium vult
lædere quam Cneium inimicum. Argumentum hoc C.
de Lugo, D. 17, n. 77, putat esse difficile solutu, et
demum illi succumbit.

R. 1° argumento manifestè nimium probari; nempe
quod ille qui clam accipit et usurpat rem Lucii,
putans esse Cneii, non consumpturus si crederet esse
Lucii, reipsa non committit formale furtum, nec in
sacro tribunali debeat accusare se furti. Quippe furtum
formale semper continet formalem injuriam, et fit
contra jus et voluntatem domini.

R. 2°. N. A. Incendarius in hoc casu facit injuriam
Lucio; nam, ut benè Th. Sanchez. l. 2, Dec. c. 23, n.
157, ad injuriam domino faciendam sufficit ut gene-
ratim præcias rem non esse tuam, sed alterius, et
invito domino non posse rem illam destrui, neque do-
minum dare tibi licentiam destruendi: et tamen, hæc
scientiâ non obstante, rem absolute destruas.

206. *Obj. 2°*: Voluntas incurere non potest mali-
tiam formalis injuriæ, quam intellectus invincibiliter

ignorat; sed, dum incendiarius destruit aedes amici Lucii, quas putat esse Cneii, intellectus ipsius invincibiliter ignorat malitiam injuriæ formalis contra Lucium: ergo. *M. patet ex generali principio: nihil volitum, nisi præcognitum.* Undè, licet peccata nostra, juxta probabilem et fortassis veram sententiam, involvant injuriam strictè dictam adversus Deum, tamen, ut existimat supra C. de Lugo, si peccator hoc invincibiliter ignoraret, ac prudenter judicaret peccata non continere talem injuriam, non esset reus injustitiæ formalis adversus Deum. Sic etiam non contraheret malitiam inobedientiæ formalis, qui præceptum superioris invincibiliter nesciret.

R. D. m. Intellectus invincibiliter ignorat malitiam injuriæ formalis contra Lucium sub aliquo prædicato, C.; sub omni prædicato, N. Incendiarius scit actionem suam esse contra jus illius qui reipsa dominus est, et hoc sufficit ut contrahat malitiam injuriæ formalis contra verum et legitimum dominum, esto nesciat quis ille sit dominus, et per errorem affingat illud Cneio. Sic, ut in tract. *de Conscientiâ* dicitur, quando gentiles, Turcæ, vel athei per dictamen naturæ sciunt actiones suas esse contra jus et voluntatem supremi Legislatoris, cui semper, ubivis et ab omnibus est parendum, esto prædicatum hoc supremi Legislatoris per errorem affingat fabulosis diis, Deo simplici quoad personam, Deo chimerico, vel magistratui politico, tamen actionibus et flagitiis suis offendunt verum et supremum Legislatorem.

207. *Obj. 3^a:* Homicida qui per errorem invincibilem occidit clericum, patrem aut regem, dum vult occidere laicum, exterum aut plebeum, non est reus sacrilegii, parricidii vel læsæ majestatis, non committit injuriam in clericum, patrem aut regem: ergo etiam, qui per errorem invincibilem occidit Titium amicum, volens occidere Caium inimicum, non committit injuriam in Titium.

R. D. A. Non committit injuriam in clericum, patrem aut regem, quia talem, C.; quia hominem, N. et *D. C.* Ergo non committit injuriam in Titium, ut amicum, C.: ut hominem, N. Qui clericum, patrem, amicum aut regem per errorem invincibilem occidit, non cognoscit ullum prædicatum quod sufficiat ad contrahendam malitiam sacrilegii, parricidii, etc.; qui verò per errorem invincibilem occidit Titium, cognoscit saltem hominem ibi stantem, qualiscumque demùm sit, habere jus ad vitam, nec posse nisi per gravissimam injuriam occidi; undè contrahit malitiam injusti homicidii.

208. *Obj. 4^a:* Qui per errorem contrahit matrimonium cum Bertâ, volens inire solum cum Annâ, non contrahit voluntariè matrimonium, et matrimonium est nullum propter errorem substantialem in personâ: ergo, qui per errorem kedit amicum, ledere volens inimicum, voluntariè non kedit amicum.

R. D. C. ut *suprà*. Voluntariè non kedit amicum, ut amicum, C.; ut hominem, N. Error in personâ non semper est substantialis; alias baptizans aut ordo sacer esset invalidus, quoties baptizans aut ordinans

erraret in personâ: sed tunc tantum est substantialis, quando propter illum actus est simpliciter involuntarius, uti fit in matrimonio: nam contrahens est ita mente paratus, ut efficaciter et absolutè nolit matrimonium inire cum aliâ quàm cum Annâ, nec aliter contrahit cum Bertâ quàm sub conditione, si sit Anna; undè, cum hæc conditio non impleatur, matrimonium est nullum. Contrâ verò, qui per errorem consumit res amici, vel eum occidit, non conditionatè tantum, sed absolutè res consumit aut occidit; et quamvis nollet consumere vel occidere si sciret amicum kedi, tamen hæc intentio tantum est inefficax, et non impedit quin absolutè consumatur res amici, vel ipse occidatur, et prævalet efficax intentio quâ vult agere contra jus illius cui reipsa jus competit.

209. *Obj. 3^a:* Occidens unum loco alterius, quem reipsa nolisset occidere, non puniri potest pœnâ mortis ut homicida, sed subjacet tantum pœnis arbitrariis, ut docet communis apud Jul. Clar. l. 5, sent. § *homicidium*; cujus alia ratio non est, nisi quòd homicidium non sit voluntarium.

R. cum Covarruv. in c. *alma mater*, § 10, n. 44, et Molina, tom. 4, D. 50, longè communiorem et probabiliorem esse contrariam sententiam: nam homicida non punitur pœnâ mortis præcisè, quia Sempronium aut Titium, sed quia citra jus ullum hominem occidit. Potest tamen sæpius pœna mitior infligi; cum homicidium in hoc casu quoad personam individualem non ita voluntarium sit ut in aliis casibus, neque ita gravis injuria redundet in agnatos occisi.

210. *Obj. 6^a:* Si quis, putans se percutere servum nocentem, præter omnem intentionem percutiat hominem liberum, percutso non conceditur actio injuriarum adversus percutientem, ut docet Ulpianus, l. *illud relatum* 5, § 4, ff. *de injur.*; ergo etiam si quis mutilat Caium, putans se mutilare Lucium.

R. N. C. Qui vult percutere servum nocentem, nullam facere vult injuriam; quia percussus ejusmodi servum utitur jure suo, et potest illum meritò punire. Contrâ qui mutilat Caium, putans se mutilare Lucium, voluntariè facit homini gravem injuriam, esto non sciat qualis sit homo, vel per errorem prædicatum specificum hominis affingat alteri individuo quàm sit.

211. *Obj. 7^a:* Si Mævius et Julius rixentur, et Nerva se medium objiciat, ut dirimat rixam, Mævius verò gladium vibrans in Julium, præter intentionem vulneret Nervam, non est reus injusti vulneris: ergo etiam, si, volens occidere Caium inimicum, occidat Titium amicum.

R. N. C. In posteriori casu non est homicidium casuale; nam occisor non errat simpliciter in corpore occisi, et directè vult occidere hominem ibi stantem, esto non sciat quis ille sit. Contrâ Mævius fortuito tantum vulnerat Nervam; nam, ut ponitur in casu, prudenter advertere non potuit periculum Nervæ qui se medium incautus objecit.

212. *Obj. 8^a:* Occidens Titium loco Caii, nec Titio, nec uxori, nec heredibus ejus tenetur ad restitutionem. Non Titio; nam isti restituere nil amplius po-

test; non uxori, vel heredibus, nam istorum damna minime potuit suspicari.

It. Esto non sequatur obligatio restitutionis in hoc casu, tamen oritur in alio quo quis prævisè vulneraret aut mutilaret Titium loco Cati. Tunc eum compensare deberet damna quæ per se, vel ut plurimum derivantur ex vulnere vel abscissione membri. 2° Si vera quorundam sententia, qui docent pro bono vite faciendam esse compensationem in alio genere bonorum, occisor non esset exemptus ab onere restitutionis. 3° Si saltem generatim et confuse agnovit interfector alterum non destitui necessariis heredibus, non satis video cur istis non teneatur ad restitutionem. Taceo maximas expensas quæ sæpius fiunt ante mortem in curando vulnere.

QUESTIO XIV.

AN ORITUR OBLIGATIO RESTITUTIONIS EX VIOLATIONE JUSTITIÆ DISTRIBUTIVÆ?

213. Difficultas potissimum est an electores, patroni, vel collatores, quando scientes eligunt, præsentant ac promovent ad beneficia vel officia minus dignum aut simpliciter indignum, ac ideoque peccant contra justitiã distributivã, cogendi sint ad restitutionem faciendam magis digno vel digno. Decisio vero pendet ex eo, num digno vel digniori competat jus, strictè dictum, ad beneficium spirituale vel officium seculare publicum.

214. *Dico 1°:* Dignus aut dignior ante collationem, electionem, præsentationem aut nominationem, per se non habet jus strictè dictum ad beneficium spirituale vel officium seculare publicum. Ita doctores infra citandi. *Ratio.* Vel enim illi competeret jus in re, vel prævisè jus ad rem: neutrum competit: ergò. *Min. quoad priorem partem liquet:* aliàs dignus aut dignior ante collationem, electionem aut presentationem jam posset officium aut beneficium ut sibi proprium vindicare, quod nullus asserit: neque valeret electio digni, prætermisso digniori, quod iterum communissimè negatur. *Posterior pars prob.* 1° Quia nec auctoritate, nec ratione sufficienter evincitur hoc jus, et nuspian ex praxi relucet quòd dignus aut dignior coram iudicibus illud prosequatur, aut privatim urgeat restitutionem pro jure læso. 2° Dignior per se non habet alium titulum, nisi quòd sit aptior ad beneficium aut officium: sed major aptitudo non est jus propriè dictum ad beneficium et officium: aliàs etiam artifex aut opifex, qui majorem habet peritiam, haberet jus propriè dictum ut in labore cæteris anteferatur. 3° Licèt Deus, Ecclesia vel respublica velit ut anteponatur dignus indigno, vel dignior minùs digno, tamen ideoque nullum jus propriè dictum accrescit digno, vel digniori: nam etiam æconomus à Domino jubetur conducere strenuos operarios ad culturam vineæ, vel etiam seligere meliores; neque tamen ideoque jus ullum propriè dictum acquiritur operariis bonis aut melioribus. 4° Beneficia spiritualia sunt veluti stipendia ministrorum laborantium in vinea Christi, et officia pinguia secularium sunt ve-

luti stipendia ministrorum laborantium in horreo republicæ humanæ; sed ad stipendia per se non datur ullum jus, nequidem inchoatum, ante laborem, electionem, conductionem aut promissionem. 5° In magnis provinciis, quæ et in curia Romana, citra scrupulum, quicquid aliqui clament, venduntur officia secularia: sed hoc non esset licitum, si digniores haberent absolutum jus prælationis ad officia: vel enim venderentur officia minus dignis, et sic fieret injuria dignioribus; vel venderentur, ut sæpè fit, dignioribus, et sic iterum injuria fieret dignioribus; quia non possum tibi vendere quod ante meam venditionem absolutè jam et stricto jure tibi debetur. 6° Quo magis eligendi repugnant et abhorrent a dignitatibus, eo magis sunt eligendi: contra quo plus aliqui se pronos ostendunt ad munera speciosa, eo fortius ordinariè sunt repellendi: quod patet ex communi suffragio Patrum: at contrarium deberet accidere, si dignioribus competeret verum jus; nam, ut initio dictum, obligatio juris stricti dependet ex voluntate illius qui gaudet stricto jure. Neque dicas, hoc ipso quòd aliqui se pronos ostendant ad munera speciosa vel dignitates, eos effici minùs dignos, et tanquam ambitiosos ab electoribus esse repellendos: contra enim est; si notoriè digniores haberent jus strictè dictum præ cæteris, non essent ambitiosi, sed persequerentur suum jus eo pacto quo legitime electi jus suum meritò prætendunt.

215. *Dico 2°:* Distributor iniquus officiorum aut beneficiorum per se nihil restituere tenetur omissæ personæ dignæ, vel digniori. Ita Suarez, opusc. de Just. Dei, s. 3, n. 14; Less, l. 2, c. 32, n. 15, et c. 34, n. 72; Th. Sanch. l. 2 Consil. c. 4, dub. 41; Molina, l. C. l. 2 de Primogen. c. 5, n. 57; C. de Lugo, D. 1 à n. 51, et D. 35 à n. 75; Castro Palao, tr. 15, D. 2, p. 41, § 4; Dieast. D. 8, n. 150; Sotus, Covarruv. Adrian. Navarrus, Tolet. Azor, Rebell. Valent. Tanner, Laym. Tambur. Filliuc. Haunold. Herinex, Sporer, Illsung, contra S. Anton. Palud. Silv. Palac. Cajet. Bannez, Medin. Lopez, Salon. Aragon. Vasquez, et Navarram, quos sequitur Espârza. *Ratio est:* Restitutio propriè sumpta, semper est actus justitiæ commutativæ, et obligatio restitutionis, si quando nascitur ex culpa, nascitur tantum ex violata justitia commutativa: sed iniquus distributor per se non violat justitiã commutativã respectu personæ dignæ vel dignioris, ut patet ex n. præcedenti: ergo. *M. prob.* 1° testimonio S. Th. q. 62, a. 4, cujus auctoritati sequuntur hic communiter omnes theologi. 2° Restitutio est reparatio juris alieni, materialiter aut formaliter læsi: ergo non datur obligatio restitutionis, nisi quando jus alterius est materialiter aut formaliter læsum. 3° Ex violatione solius caritatis, misericordiæ, pietatis, obedientiæ, gratitudinis, etc., non oritur obligatio restitutionis, ut fatentur omnes: ergo nec oritur ex violatione solius justitiæ distributivæ. Nam ideo non oritur obligatio restitutionis ex violatione solius caritatis, misericordiæ, etc., quia virtutes istæ non supponunt verum et propriè dictum jus in altero: sed

hæc ratio locum etiam habet in justitiâ distributivâ. 4° Licet iniquus distributor violet jus aliquod minùs rigorosum alterius, et æqualitatem intentam à justitiâ distributivâ, tamen hæc virtus injungere non potest restitutionem. Vel enim restituere deberet iniquus distributor ex bonis privatis: atqui sic non reparat jus et æqualitatem intentam à distributivâ; nam hæc intendit æquam distributionem bonorum communium. Vel restituere deberet ex bonis communibus: sed hoc non ampliùs est in potestate distributoris; quia, juxta communem, collatio facta minùs digno, valet, nec potest revocari citra gravem injuriam electi. Si verò rursum occurrat occasio similis eligendi, et beneficium velit prensare alius adhuc dignior quàm qui priùs fuit omissus, non debet hic, sed ille potiùs eligi. 5° Ideo cæteræ virtutes, ut caritas, obedientia, pietas, postquam sunt violatæ, non ampliùs obligant ad restitutionem; quia post earum violationem non perseverat finis quem virtutes istæ respiciunt: v. g., si teneris lege caritatis succurrere proximo patienti gravem necessitatem, et non succurris, transactâ necessitate, non teneris quidquam restituere proximo, quia cessat necessitas quam sublevare caritas intendit. Si superior heri præcepit auditionem sacri, non teneris hodie compensare negligentiam hesternam; quia non manet finis obedientiæ, scilicet, conformitas cum præcepto superioris: sed hæc ratio locum habet etiam in justitiâ distributivâ. Vide C. de Lugo, D. 4 à n. 51.

216. *Dico 3°*: Si tamen beneficia vel officia conferuntur per concursum, id est, si plures edicto convocantur ad examen, ut eorum dignitas exploretur, et eligatur dignissimus, fit injuria strictè dicta dignissimo si non eligatur, et elector obligatur ei ad restitutionem. Ita Th. Sanchez. l. 2 Consil. c. 4, dub. 46; Aragon, q. 62, a. 2; Dicastillo, D. 8, de restit. n. 152; Rebellus, l. 5, q. 5; C. de Lugo, D. 34, n. 42, et alii communissimè contra Sotum, Navarrum, Ledesma. et pauculos alios, quorum sententiam Aragon. Dicastillo, Rebellus non agnoscunt esse satis probabilem. *Ratio 1°*. Quando fit electio per concursum, electores tacitè promittunt electionem dignissimo sub conditione quadam onerosâ, si nimirum se sistat, subeat examen et exponat se periculo repulsæ vel posthabitionis: at qui violat promissionem onerosam, peccat contra justitiam commutativam, et promissario tenetur ad restitutionem. 2° In rebus levioris momenti, quando plures citantur ad cursum aut ludum equestrem, ac proponuntur victoribus præmia, non possunt, citra propriè dictam injuriam, victores fraudari præmiis; est enim pactio quædam innominata, *facio ut des*, inter ludentes et distributores præmiorum: at ejusmodi pactum intercedit etiam inter concurrentes et collatores beneficiorum, sive dein pactum sit expressum in ipso edicto quo citantur concurrentes, sive sit tantùm implicitum et fundatum in consuetudine vel statuto quo præcipitur ut dignior præferatur. 3° In omni causa judiciali, cum res uni ex pluribus est adjudicanda, peccant contra justitiam commutativam iudices, si non adjudicent ei cui secundum leges est adjudicanda, et tenentur

isti debitam facere restitutionem: at, quando beneficia vel officia conferuntur per concursum et oppositionem, instituitur causa quædam judicialis. 4° Cum apud Hispanos, v. g., conferuntur cathedræ scholasticæ per oppositionem, ac instituuntur priùs examina, vel publicæ concertationes, ut eligi possit dignissimus, non possunt electores, citra gravem injuriam oppositorum, præferre quemdam extra numerum illorum, ut fatentur apud Rebellum ipsimet adversarii, Sotus, Nav. et Ledesma: ergo etiam non possunt ex ipsis oppositoribus præferre minùs dignum citra gravem injuriam dignissimi. Si enim oppositores habent jus strictè dictum, ut nullus extra numerum ipsis præferatur, etiam dignissimus habet simile jus ut non præferatur minùs dignus; cum unicus scopus oppositionis sit ut ex oppositoribus eligatur dignissimus et sicut oppositoribus tacitè promittitur electio unius intra numerum illorum, ita promittitur etiam electio dignissimi. Jam verò quod dicitur de cathedris, etiam dici debet de beneficiis per concursum collatis.

OBJECTIONES.

217. *Obj. 1°*: Juxta S. Th. q. 62, a. 1, ad 3, distributor iniquus tenetur ei restituere cui minus dedit quàm dare debuit ex justitiâ distributivâ.

R. cum Soto et aliis: Si dare debuit ex sola distributivâ, N.; si dare debuit simul ex justitiâ commutativâ, C. Sæpiissimè fit ut cum justitiâ distributivâ concurrat justitiâ commutativâ: quod patet 1° quando beneficia vel officia per concursum, ut nuperrimè dictum, conferuntur; 2° cum bona distribuenda sunt bona fortunæ, quæ principaliter destinata sunt, non ad bonum reipublicæ, sed ad utilitatem privatorum; tunc enim communiter ex justitiâ commutativâ debent distribui juxta proportionem laborum, meritum aut indigentie, prout fusiùs explicat Illung, D. 5, n. 8; et dominus aut administrator bonorum in hoc casu verum et propriè dictum jus confert hominibus privatis: 3° cum imponuntur onera vel vectigalia subditis; tunc enim quilibet privatorum habet jus rigorosum ne nimium et ultra proportionem gravetur.

218. *Obj. 2°*: Si quis in testamento relinquat mille florenos, ut distribuantur pauperibus juxta proportionem inopiæ, singuli pauperes acquirunt jus strictum ad majorem aut minorem summam, juxta proportionem inopiæ: ergo etiam, si respublica velit officia distribui juxta proportionem dignitatis et meritum, digni vel digniores acquirunt jus strictum juxta proportionem dignitatis et meritum.

R. D. A. Si testator efficaciter velit pauperibus competere jus, C.; secùs, N. Totum pendet ab intentione testantis. Sic enim paterfamiliàs dare potest uxori vel filiis pecuniam erogandam in pauperes, quin efficaciter hæc sua voluntate transferat jus in pauperes, sed tantùm velit uxori vel filiis dare materiam exercendæ misericordiæ; sic etiam testator relinquere potest bona danda pauperibus, quin efficaciter velit iis competere jus, ut liquet in casu quo reliqueret bona fratribus Minoribus, qui sunt incapaces juris et

domini. Similem in modum respublica vel Ecclesia varie potest obstringere suos administratores ad equam distributionem officiorum aut beneficiorum: 1^o sic, ut hac voluntate tribuat dignis aut dignioribus strictum jus; 2^o ut equam distributionem exigit titulo fidelitatis aut obedientie; 3^o ut imponat administratoribus obligationem ex justitiâ commutativâ, non quidem erga dignos aut digniores, sed erga seipsam. Quod verò primum fiat, nec ab auctoritate, nec a ratione, nec a praxi satis colligitur: secundum admittimus: de tertio disputabimus questione sequenti.

219. *Obj. 3^o*: Dux belli, cum partitur spolia, debet ea parti juxta proportionem meritorum; alias propriè dictam injuriam inditibus infert: ergo etiam, qui dat officia minus dignis aut indignis, propriè dictam injuriam infert.

R. N. C. Spolia distribui debent principaliter in utilitatem militum, et sunt veluti merces et stipendium laboris transacti: merces autem et stipendium ex justitiâ commutativâ commensurari debet labori transacto. Contrâ beneficia vel officia principaliter distribui debent ad utilitatem Ecclesie vel reipublice, neque sunt merces aut stipendium laboris transacti: nam sæpius promoveri debent ad beneficia vel officia, qui nihil laborarunt pro Ecclesia vel republica. Fateor tamen beneficia vel officia posse vocari stipendia quædam anticipata, quæ dantur intuitu laboris suscipiendi: verum etiam hæc stipendia non debentur ante conductionem et promissionem.

220. *Obj. 4^o*: Si dignus aut dignior per se non habet jus ad beneficium aut officium, non irrogatur ei injuria, quando postponitur indigno vel minus digno: falsum hoc: ergo.

R. Non fit injuria strictè sumpta, *C.* largiùs accepta, *N.* Sicut digno præ indigno, vel digniori præ minus digno competit jus largiùs acceptum, sic per postpositionem ei fit injuria largiùs accepta. Jus autem istud consistit partim in dignitate vel meritis illius cui beneficium aut officium est conferendum, partim in lege naturali vel positivâ, quæ jubentur electores præferre digniores minus dignis et dignos indignis.

221. *Obj. 5^o*: Evangelicus ille paterfamilias non fuit distributor iniquus mercedis, quando laborantibus inæqualiter dedit æqualem mercedem; cujus alia causa non fuit, nisi quòd magis laborantes non habuerint strictum jus ad ampliorem mercedem: ergo etiam collator beneficiorum aut officiorum non distribuit iniquè, si dignioribus non confert meliora beneficia, vel officia.

R. N. C. Paterfamilias ille non egit iniquè, quia nec ex justitiâ commutativâ, nec etiam ex distributivâ tenebatur magis laborantibus amplius quid dare quàm pactam mercedem: minus verò laborantibus ex pura liberalitate dedit aut promisit ampliorem mercedem, quàm ipsis abas debebatur. Contra verò, qui jubentur à republica distribuere bona communia, tenentur ex justitiâ distributivâ digniores ac dignos præferre.

222. *Obj. 6^o*: Officia publica sunt bona communia

reipublice: ergo quivis in republica jus habet in ea equè tam.

R. D. A. Sunt communia negative, sive non possunt extenderi citra dictam injuriam conferri, *O.* positive, *N.* Singula reipublice membra nec habent jus reale nec personale ad officia publica, ut ipsis determinate conferantur: secus enim et inepti promovendi forent. Denique universaliter etiam non est verum quod officia publica debeant semper indigentibus conferri: cum sæpius prospiciatur longè meliùs utilitati reipublice, si vocetur extraneus.

223. *Obj. 7^o*: Beneficia vel officia publica, quamvis principaliter ordinata sint ad utilitatem reipublice, minus principaliter tamen ordinata sunt ad utilitatem privatorum, qui digni vel digniores sunt: ergo istis competit verum jus. *A. prob.* Beneficia vel officia sunt communiter præmia meritorum, quibus homines privati se reddiderunt conspicuos in studiis, artibus aut aliis laboribus. 2^o Nisi beneficia vel officia forent ordinata, saltem minus principaliter, in bonum privatorum, languerent studia, vilescerent artes, cessare laudabilis æmulatio, succresceret otium, etc. 3^o Si vacarent duo beneficia, pinguius unum, alterum minus pingue, sed quæ requirerent æqualem aptitudinem aut peritiam, digniori conferendum est beneficium pinguius, uti tanquam certum tuctur Th. Sanchez. l. 2. Consil. dub. 2, n. 2: sed hoc non esset certum, imò potius falsum, si beneficia tantum ordinata forent ad utilitatem reipublice.

R. C. A. N. C. Hic finis obtinetur abunde si collatores beneficiorum aut officiorum obligentur dignioribus aut dignis saltem ex justitiâ distributivâ, vel si debeant æquam facere distributionem ex titulo obedientie, fidelitatis, caritatis aut justitiæ commutativæ quam exhibere tenentur reipublice vel Ecclesie, prout infra declarabitur. 2^o Quando summus pontifex indicit Ecclesie jejunium, subditi transgredientes præceptum, non tantum peccant contra obedientiam pontifici debitam, sed etiam contra temperantiam, quia pontifex suo præcepto constituit jejunium in materia necessaria temperantiæ, prout fusiùs in tractatu de Peccatis exposui: ergo etiam, quando respublica vel Ecclesia præcipit ut fiat æqua distributio beneficiorum et officiorum, transgressores præcepti peccant contra justitiâ distributivâ. 3^o Esto beneficia vel officia communia vocari possint aliquo modo præmia meritorum, non tamen sunt præmia ex pacto, vel alio titulo justitiæ commutativæ dignioribus aut dignis debita, sed ad summum ex gratitudine tantum; imò sæpius justissimè conferuntur etiam iis qui nihil apud rempublicam aut Ecclesiam, in qua sunt officia vel beneficia, promeriti sunt. Ac Rebell. l. 3, q. 3, n. 6, addit, evitari non posse simoniam, si beneficia darentur vel reciperentur tanquam pretia servitorum.

QUÆSTIO XV.

QUOMODO PECCENT ELIGENTES INDIGNUM AUT MINUS DIGNUM AD BENEFICIUM AUT OFFICIUM, ET AN TI-

NEANTUR AD RESTITUTIONEM ECCLESIAE VEL REIPUBLICAE?

224. Haec quaestio, quamvis à plurimis in praxi non admodum magni fiat, tamen, ex communi sapientium et proborum judicio, est gravissimi momenti; et, ut habetur in Divorum actis, S. Petrus Apostolus S. Leoni pontifici, de propria salute multum sollicito, hoc unum commendavit, ut attenderet maximam curam, et examinaret solertissimè ministros Ecclesiae, quos praeficeret; hoc enim exactissimè dijudicatum iri coram tribunali divino. Ut autem clarius procedam,

225. *Sciendum* 1 quatuor potissimum condiciones esse pensandas, ut videas an alter sit beneficio vel officio dignus. *Prima* est capacitas juridica, vel praesentia eorum quae lex canonica vel civilis speciatim exigit, ut aetas, legitimi natales, etc. *Secunda*, probitas morum; sic juxta communem est indignus beneficio curato, vel etiam simplici, qui frequenter et notoriè vivit in peccato mortali. *Tertia*, scientia competens ad ministerium; beneficium quippe datur propter officium. *Quarta*, prudentia et industria agendorum. Less. l. 2, c. 54, dub. 17, numerat decem condiciones, quas omnes dein explicat juxta morem suum clare, breviter, solidè.

226. *Sciendum* 2^o ex S. Th. q. 63, a. 2, in c., digniorem universim non esse qui doctior aut sanctior est, sed qui, pensatis omnibus, utilior est Ecclesiae vel reipublicae futurus, sive qui, pensatis omnibus circumstantiis personae, loci, temporis, aptior censetur ad ministerium quod ratione beneficii vel officii peragendum est. Unde quibusdam in locis dignior est beneficio qui magis sanctus; in aliis, qui magis doctus aut prudens: saepe confert etiam nobilitas et potentia secularis, ad reprimendam audaciam haereticorum, praesertim in locis septentrionalibus, ubi plurimum expedit episcopos esse potentes. Unde summi pontifices facilius etiam ibi dispensant in unione beneficiorum et episcopatuum.

227. *Sciendum* 3^o non universaliter accipi posse quod Aug. Barbosa, p. 1, de officio Parochi, c. 2, n. 109, cum quibusdam jurisconsultis asserit, digniorem esse qui diutius expectavit aut est senior. Quippe, nisi melius probaverit sua merita, vel majorem collegerit peritiam, aetatis conditio vel expectatio diuturnior parum valet; cum ecclesiastica beneficia principaliter ordinata sint in utilitatem Ecclesiae, non in commodum accipientium. Et hinc Th. Sanch. l. 2 Cons. c. 1, dub. 8, referens statutum aliquod ecclesiae Granatensis, vi cuius antiquior praefertur ad beneficium simplex, ait quidem illud esse tolerabile, sed addit intolerabile futurum si statutum simile fieret circa beneficia curata.

228. *Sciendum* 4^o nec etiam sustineri posse, quod aliqui putant, preferendum esse pauperem, et qui debet alere parentes egentes, etiamsi caetera non sint paria; parochia quippe non est propter parochum, nisi tantum secundario; sed parochus est potius propter parochiam. Imò, si caetera sint paria, et potentia divitiarum vel nobilitas multum conferant ad Ecclesiae

splendorem, et comprimendos haereticorum conatus, potius preferendus est dives et nobilis.

229. *Sciendum* 5^o magnam et odiosam esse controversiam inter TT. et jurisconsultos, quis ad beneficia sit preferendus, an jurista, num verò theologus; in qua singuli ferè dimicant pro suo foro. Quoad beneficia parochialia, quae non habent annexam jurisdictionem externam, etiam jurisconsulti dant manus; quia praecipuus parochi finis non est colligere decimas, oblationes et vota, vel dirimere lites, sed explicare doctrinam Christi, proponere, defendere supernaturalia fidei mysteria, tradere generalia conscientiae principia, ministrare sacramenta, excipere confessiones; quae regulariter melius scit theologus. Longè magis assertum est verum in locis ubi pullulant haereses, aut haeretici sunt vicini. Circa beneficium episcopale major est difficultas, et videri potest ex canonistis Pax Jordanus prael. 13, ex theologis Vasq. c. 2, § 5, dub. 9; quisque in suo sensu abundat. His suppositis,

230. *Dico* 1^o: Eligere vel promovere scienter indignum ad beneficium ecclesiasticum, est peccatum mortale: Th. Sanch. l. 2 Consil. c. 1, dub. 2, n. 12; Less. l. 2, c. 34, n. 55; C. de Lugo, D. 35, n. 1, quibus nemo refragatur. *Ratio certissimae conclusionis est*: 1^o constans sensus SS. PP., summorum Pontificum et conciliorum, qui promotiones indignorum semper detestati sunt, ut praesentissimam Ecclesiae pestem, quod patet ex C. grave nimis et absurdum 29, de praebendis; C. cum in cunctis 7; C. cum Wintoniensis 25; C. per inquisitionem 26, de elect. C. perpetuo 7; C. quinquam 18, de elect. in 6, ubi etiam gravissimae poenae statuuntur in eos qui scienter eligunt indignum. 2^o Ut bene Lessius, omnes ferè haereses, omnia scandala vel mala Ecclesiae proficiuntur ex eo quod beneficia conferantur indignis, id quod satis experta Germania temporibus Lutheri. 3^o Sicut oeconomus graviter peccat contra fidelitatem ac justitiam domino debitam, si scienter eligat ineptum, ignavum, frugiperdum et fortis deditum operarium, à quo periculum imminet gravi detrimenti; sic etiam peccat promovens indignum ad beneficium ecclesiasticum. 4^o Elector, quando suscipit officium, obligat se per quasi-contractum ad hoc ut Ecclesiae semper in electionibus provideat, et in hunc finem fideles ex obligatione justitiae pendunt electoribus decimas, ut vicissim electores ex obligatione simili dent eis bonos ac idoneos ministros. 5^o Imò, licet elector nullum haberet emolumentum ex electione, tamen, hoc ipso quod suscipiat officium electoris, suscipit etiam obligationem administrandi bene suum officium, ferè sicut confessarius, medicus aut iudex qui gratis officium administrat. Porro notant optimè DD. electorem in conscientia non esse tutum, si conferat beneficium ei quem nescit indignum, vel quem generaliter praesumit esse bonum; sed esse necessarium ut post sufficientem diligentiam positivè judicet esse bonum; et P. Less. supra, n. 56, dicit, patronos peccare graviter, si praesentent aliquem de cujus vita, moribus et doctrina non sunt satis informati per viros doctos et idoneos, de quorum fide non

possunt ambigere. Similiter C. de Lugo, n. 7, putat frequentius ab aliquibus peccari, quod promoveant indignos quam quod eligant minus dignos; cum minus facile vel etiam temere iudicent dignos qui re ipsa sunt indigni; et n. 105, magnam impertit laudem corvo cuidam cardinali, qui rogatus ut auctoritatem suam interponeret apud datarium pro conferendo beneficio, christiana libertate respondit: *Quomodo possum tuta conscientia id ptere, qui nondum habeo notitiam de tua dignitate ad beneficium?*

251. *Dico 2°*: Electio indigni sæpius est irrita de jure, sæpius tantum irritanda. Th. Sanch. l. 2 Consil. c. 1, dub. 45; Lessius, c. 24, n. 129; C. de Lugo, D. 35, n. 9, cum aliis. Ita, cum electus habet incapacitatem juris, defectum ætatis aut ordinis requisiti, censuræ vel irregularitate affectus, electio est irrita ipso jure. 2° Si defectus sit in scientia, et electus omnino sit illiteratus, qui latine non sciat legere vel scribere, collatio beneficii est nulla, nisi fors papa dispenset. Si verò non sit literatus omnino, sed tamen neutiquam instructus sufficienti scientia, non est irrita, sed irritanda tantum electio, nisi fors ad beneficium necessariò requiratur gradus doctoris vel licentiat. 3° Si proveniat indignitas ex pravis moribus, non est ipso jure nulla, sed irritanda promotio, nisi peccata secum afferant censuram, irregularitatem aut infamiam, quæ reddant inhabilem personam ad recipiendum beneficium.

252. *Dico 3°*: Eligere minus dignum ad beneficium episcopale, mortiferum est peccatum. Ita S. Th. q. 63, a. 2 c., et q. 185, a. 3 c., Vasq. de Benef. c. 2, § 3, n. 50; Lessius, l. 2, c. 54, n. 62; Th. Sanch. l. 2 Consil. c. 1, dub. 2; C. de Lugo, D. 35, n. 11; Palaus, t. 2, tr. 15, D. 2, p. 11; Card. Dis. 28, in prohibitas; Cov. reg. peccatum; p. 2, § 7; Barbosa, de officio parochi, p. 1, c. 2; Pax Jordanus, prælud. 12, et alii sine numero. *Prob. 1°* auctoritate C. Tridentini, sess. 14, de Reform. c. 1, ubi sacra synodus omnes et singulos qui ad promotionem præficiendorum quodcumque jus, quacumque ratione, à sede Apostolica habent, aut alioquin operam suam præstant, nihil in iis pro præsentis temporum ratione innovando, hortatur et monet, ut imprimis meminerint, nihil se ad Dei gloriam et populorum salutem utilius posse facere, quam si bonos pastores, et Ecclesiæ gubernandæ idoneos promoveri studeant, eosque alienis peccatis communicantes mortaliter peccare, nisi quos digniores, aut Ecclesiæ magis utiles ipsi iudicaverint, præfici diligenter curaverint. Et ibidem dicitur ad finem: *Sancta synodus tot gravissimis Ecclesiæ incommodis commota non potest non commemorare, nihil magis Ecclesiæ Dei esse necessarium quam ut Romanus Pontifex lectissimos tantum cardinales sibi asciscat, et bonos maximè, atque idoneos pastores, singulis præficiat, idque eò magis quòd orion sanguinem, quæ peribunt, Dominus Jesus Christus de manibus ejus sit requisiturus;* quibus verbis quid clarius afferri possit non video. Neque deas, superlativum et comparativum gradum lectissimos, maximè bonos et idoneos, digniores, accipi pro positivo. Nam hæc expositio damnata fuit expressè

sub pena excommunicationis ab Innocent. XI. Notandum quoque, nequaquam hic à concilio statui novam legem, cum concilium aperte pronuntiet se nihil innovare pro præsentis temporum ratione.

253. *Prob. 2° ratione*: Elector qui libere conjicit Ecclesiam in morale periculum sustinendi gravissima detrimenta, peccat mortaliter: hoc facit eligens minus dignum: ergo. *M. est clara*: nam elector hoc modo graviter abutitur suo officio, et in materia gravi agit contra fidelitatem aut justitiam Ecclesiæ debitam. *M. prob.* ex verbis antea citatis concil. Tridentini, quibus dicitur, in Ecclesia gravissima incommoda consurgere, si non præficiantur maximè idonei: nihil magis Ecclesiæ Dei necessarium quam ut asciscantur lectissimi; collatores, electores, promotores et quicumque operam suam præstant, communicare peccatis alienis ac mortaliter peccare, si non digniores practici diligenter curaverint. Dein, ut experientia quotidiana satis demonstrat, et optime ponderat C. de Lugo, fidelium tepiditas, vitiorum augmentum, improborum insolentia et omnia christiani populi mala potissimum sumunt originem ex eo quòd non vigilantissimi pastores singulis ecclesiis præficiantur.

254. *Prob. 3°*: Elector qui libere conjicit Ecclesiam in morale periculum habendi pastorem aut episcopum simpliciter indignum, peccat mortaliter, et gravissimè abutitur suo officio: sed hoc facit eligens episcopum minus dignum: ergo. *Prob. m.* Episcopus, juxta S. Paulum, 1 Tim. 3, debet irreprehensibilis esse, vel, ut ex PP. eruditè probat Aug. Barbosa, p. 1, de potest. Episc. tit. 2, norma virtutum omnium. Item debet esse simpliciter perfectus, ut docet S. Th. q. 184, a. 7, quem omnes TT. sequuntur; nec tantum tendere debet ad perfectionem, ut religiosi, sed debet habere gradum consummatæ perfectionis. Præterea finis episcopi proprius est, ut ovium necessitatibus opituletur, arecat lupos in ovile Christi grassantes, peccata subditorum impediatur, mores corruptos reformet, et pristinum Ecclesiæ splendorem, quantum fieri potest, restituat: ad hunc autem finem tot exiguntur dotes prudentiæ, doctrinæ, pietatis, zeli, constantiæ, sanctitatis, ut multi quidem sint respectivè digniores, id est, minus indigni quam alii; re ipsa tamen et absolute paucissimi sint digni, imò frequenter, ut Cardenas observat, ex toto collegio cathedrali vix ullus absolute vel simpliciter sit dignus: ergo qui libere minus dignum eligit, Ecclesiam libere conjicit in morale periculum habendi pastorem et episcopum simpliciter indignum: hoc autem non facit alius eligens respectivè magis dignum; quia, cum non possit eligere meliorem, libere non conjicit Ecclesiam in periculum habendi pastorem aut episcopum simpliciter indignum. Huc faciunt etiam verba gravissima Tridentini sess. 24, de Ref. c. 1, quibus dicitur episcopale munus esse hujusmodi, ut, si pro rei magnitudine expendatur, nunquam satis cautum videri possit.

255. *Dico 4°*: Eligere minus dignum ad parochiam aut beneficium curatum, est per se peccatum mortale. S. Th. q. 63, a. 2, et in Quodl. q. 6 et 8, ubi rem hanc

incontinenter, ut loquitur Sotus, et velut constitutissimam astruit; item Vasq. Less. Th. Sanch. C. de Lugo, Palau, Carden. Covar. Barbosa, Pax Jordan. supra citati; Azor, p. 2, l. 6, c. 15, q. 1; Dicastill. D. 8, de rest. n. 81; Valentia 2 2, l. 5, q. 7, p. 2; Sotus, l. 3, q. 6, conclus. 9; Navarr. l. 2, c. 2, n. 125; Rebell. p. 1, l. 5, q. 4; Ascan. Tambur. de Jure Abb. t. 4, D. 5, q. 15; Mastrius in Th. moral. D. 6, n. 9; Herinex, D. 7, n. 27, et alii quamplurimi : adeo ut Covarruv. et Dicast. pronuntient esse communem omnium ferè DD. sententiam; Azor testetur omnes Summistas consentire; Vasquez asserat esse doctrinam omnium præterquam aliquot juristarum. Ratio prima est hæc ipsa TT. et Canonist. auctoritas, quæ semper in moralibus est maximi faciendæ. Secunda : Tametsi synodus Tridentina loquatur supra de beneficiis tantum episcopalibus, tamen idem alibi sentit de parœcialibus; nam sess. 24 de Refor., c. 18, præcipit episcopis ac patronis ecclesiasticis, ut eligant ad parœcias eum quem cæteris magis idoneum judicaverint, ut è dignis eligant digniorem. Tertia : Eadem sacra synodus gravissimè præcipit, ut, vacante parochiâ, plures ab episcopo vel ecclesiastico patrono nominentur, qui credantur digni beneficio; vel etiam, si pro regionis more magis expediens esse videatur, per publicum edictum vocentur qui volent examinari : finito dein examine, semper ab ecclesiastico patrono præsentetur aut ab episcopo eligatur, qui cæteris dignior est judicatus. Si verò neglecta fuerit ab episcopis aut patronis ecclesiasticis hæc forma, synodus œcumenica provisionem et institutionem beneficii parœcialis declarat esse subreptitiam, quod etiam statuit B. Pius V, in bullâ cujus initium : *In conferendis ecclesiis*. Quamvis autem hæc decreta quoad formam eligendi non sint ubique recepta, tamen ex iis satis apparet quàm necessarium esse duxerint Tridentini Patres et summi pontifices, ut eligeretur dignior ad beneficium parœciale. Quarta : Qui scienter eligit episcopum notabiliter minus dignum, peccat mortaliter, quia *communicat peccatis alienis*, ut superius ostensum ex Trident., sive quia per electionem est causa cur ob defectum optimi pastoris magis invalescant scelera : sed hæc ratio, si quid probat, etiam ostendit, illos communicare peccatis alienis, et peccare mortaliter, qui non eligunt dignissimum parochum, præsertim in Germaniæ pagis et oppidis, ubi frequenter unus duntaxat presbyter regit aliquot animarum millia, et longè majus animabus periculum imminet quàm in plurimis Italiæ civitatibus, ubi non multò plures animas episcopus gubernat, et ubi strenuam operam episcopo navant plurimi ferventes religiosi. Quinta : Qui seriò perpendit quanti momenti negotium sit cura multarum animarum, difficulter definitur quantum gradus perfectionis desideretur ut aliquis beneficio parœciali simpliciter et absolutè sit dignus, et experientia docet plurimos ex iis quos antecollationem putavimus absolutè dignos, successu temporis apparere parùm aptos et simpliciter indignos, præsertim in Germaniæ locis, ubi pastores ab urbibus et à consortio virorum spiritualium semoti, nisi plane

sint optimi, per otium et alia vitia sensim intepescunt et pessimè corrumpuntur : ergo, nisi collator eligat eum quem existimat esse notabiliter aliis digniorem, Ecclesiam liberè conjicit in morale periculum habendi pastorem simpliciter indignum. Sexta : Oeconomus in re gravissimi momenti peccat contra fidem aut justitiam domino debitam, si non asciscat operarios maxime graves et idoneos, quos tamen faciliè posset asciscere. Rursùm, ut diximus ad *legem Aquiliam*, et in materiâ de contractibus, quando negotium est maximi momenti, non satisfacit artifex aut officialis, nisi maximam pariter diligentiam adhibeat : atqui non est res parvi momenti, multis nullibus aut centuriis animarum præficere virum qui per annos viginti, triginta vel plures fortassè parœciam solus est recturus. Septima : Constat ab experientiâ quantum efficere possit apud homines rurales et instructionis plurimum egentes, vir unicus, apostolico zelo flagrans, et instructus egregiis naturæ et gratiæ dotibus, quàm brevi tempore possit excindere non unam duntaxat, sed plures pravas consuetudines, ac inducere novos et sanctiores mores. Certè similis mutatio passim cernitur etiam in populosis urbibus, ubi confessarii possunt testari quid impetrare possit apostolicus concionator, qui notabiliter alios antecellit : atqui collator beneficii, cum faciliè potest eligere meliorem parochum, non potest Ecclesiam citra peccatum mortale tantis bonis orbare. Cæterum conclusio nostra regulariter procedit; nam quædam curata beneficia parùm dissident à simplicibus; vel quia paucissimas animas habent sibi subjectas; vel quia totam ferè curam animarum assumunt regulares, sic, ut parochus ferè tantum præsit cantandis officiis, et tunc fortassis eo proportionaliter modo discurrendum est de parœcialibus sicut de simplicibus.

256. Dico 5^o : Non solum elector, sed et patronus peccat mortaliter, si minus dignum præsentat ad episcopatum aut beneficium curatum magni momenti. Ita Th. Sanch. l. 2 Cons. c. 1, dub. 5, citans Frederic. Mendos. Molinam, J. C. Spinum, Mercadum, Less. l. 2, c. 34, n. 62; Vasq. de benef. c. 2, § 3, dub. 5 et 7; Rebell. l. 3, q. 4; Filliuc. tr. 41, c. 4, l. 3, n. 178; Dicast. D. 8, de Rest. n. 81 et 102; C. de Lugo, D. 35, n. 40; Wiggers, tr. 7, c. 3, dub. 5, n. 32; Florent. de Cocq. tr. 4, c. 2, l. 1; Cardenas in prohibitis, diss. 28, n. 21 et 58; Covarruv. reg. peccatum, § 7, n. 5; Gutierrez, l. 2, c. 41, n. 26; Salon. Aragon. Bannez et alii Thomistæ q. 63, a. 2, et TT. communiter contra Barbosam et multos juristas, qui putant sufficere si patronus laicus dignum præsentet, saltem ad beneficium inferius episcopali. Ratio prima : Tridentinum supra n. 252 citatum, asserit omnes qui quodcumque jus, quicumque ratione, à sede Apostolicâ habent, aut alioquin operam suam præstant, alienis peccatis communicantes, peccare mortaliter, nisi quos digniores et Ecclesiæ magis utiles ipsi judicaverint, præfici diligenter curaverint. Quis autem magis operam suam præstat quàm patronus, cujus præsentatio non potest irritari si dignus, etsi non dignior non præsentetur? item Ecce

patroni non habeant jus suum ex speciali privilegio sedis Apostolicæ, tamen habent jus ex generali concessione: cum fundatio sola beneficii sine concessione summæ pontificis non det jus patronatus: Secunda. Sacra synodus docet, electorem minus digni peccare mortaliter; quia communicat peccatis alienis, sive quia non impedit multa et gravia peccata fideliū, quæ facile posset impedire per electionem pastoris dignissimi, quæque tenetur vel ex charitate, vel ex fidelitate, vel etiam ex iustitiâ impedire: sed hæc ratio procedit etiam in patrono tam ecclesiastico quam laico. Tertia: Esto Tridentinum in allato textu loquatur de promotione epis. oporum, tamen eadem proportionally est ipsius mens quoad promotionem parochorum; et, si communicando peccatis alienis peccat mortaliter qui non promovet digniorem ad episcopatum, etiam peccat mortaliter qui non promovet digniorem ad parochiam, ut superius est visum. Quarta. Eadem in Ecclesiâ, vel potius graviora sequerentur incommoda, si patroni laici possent absque mortali peccato minus dignum presentare, quam si possent electores aut patroni ecclesiastici eum promovere; cum laici seculares, quales communiter patroni laici sunt, facilius ducantur humanis, politicis et carnalibus rationibus, et sapientius errare possint in presentatione illius quem judicant esse dignum, quàm electores aut patroni ecclesiastici. Quinta: Obligatio quâ tenentur electores sub gravi peccato promovere dignissimum, non est juris tantum positivi, seu naturalis, ut concedunt plerique DD.: aliâs hæc obligatio posset abrogari per contrariam consuetudinem, quod tamen nec ipse Paulus, ut contrariæ sententiæ patronus, audet concedere: item concilium Tridentinum, ubi præcipit electionem dignioris, addit se nihil innovare, vel non condere novam legem: aliæ verò leges humanæ scriptæ non sufficienter probant esse necessariam electionem dignissimi in omnibus beneficiis curatis, ut contra Lessium ostendit C. de Lugo, D. 53, n. 41: lex autem humana purè tradita gratis fingitur: atqui non potest ostendi lex ulla naturalis, propter quam sub mortali debeat elector promovere dignissimum, et non debeat etiam patronus laicus.

237. Dico 6^o: Doctrina proposita de electione vel presentatione magis digni patitur aliquot exceptiones quæ reduci possunt ad tria capita: parvitatem materiæ; necessitatem aut utilitatem reipublicæ; jus eorum qui minus sunt digni. Nam 1^o quando modicum est discrimen inter magis et minus dignum, sine peccato mortali minus dignus eligitur etiam ad beneficium curatum. Ita plerique DD. contra Turr. *et ratio*, quia, cum modicum inde damnum patiatur Ecclesia, vel reipublica, parum pro nihilo reputatur, et electores aliquin nimis exponerentur scrupulis. 2^o Ob eandem rationem, quando modicus et exiguus est excessus inter beneficia, licet magnus et notabilis sit inter personas, non videtur lethale, minus digno majus conferre beneficium. Ubi tamen observes, non esse duntaxat æstimandum excessum beneficii quoad redditus pecuniarios, sed etiam quoad honorem, dignitatem et

aliâ quæ beneficium præstantius efficiunt. 3^o Si per longam experientiam evidenter cognosco familiarem meum esse dignum, saltem respectivè, vel eo modo quo communiter alia parocia, sed alterum probabilius tantum iudico dignum aut diutorem, sine gravi peccato familiarem præfero, quia certa vel evidens notitia de dignitate unius aequiponderat notitiæ tantum probabili de maiori dignitate alterius. Aliud foret si cognoscerem evidenter alterum esse saltem parem meo familiari, simulque cognoscerem probabilius eum esse notabiliter digniorem; tunc etiam, ut ait C. de Lugo, tenerer eum præferre. 4^o Si non possit inveniri dignus, aut si dignus nolit beneficium, quia nimis est tenue, vel sit periculum ne devolvatur beneficium ad haereticos, absque culpa promovetur indignus: nam ex duobus malis eligitur minus, et melius est aliquem quàm nullum habere pastorem, qui sacramenta valde ministret. 5^o Cum electio minus digni necessarium est medium ad exclusionem indigni, potest ac probabilius debet in suffragio dignior omitti; quia non teneor eligere nisi digniorem ex possibilibus, et Ecclesiæ sic magis prospicitur. Eodem modo, si tres concurrerent, unus dignus, alter indignus, tertius indignissimus, et aliter caveri non possit electio indignissimi, eligendus esset indignus. 6^o Cum certissimò prævides suffragium tui digniori nihil profuturum, quia ceteri omnes inclinant in minus dignum, censent aliqui digniorem absque culpa præteriri; nam electus unanimi voce multò suavius et utiliùs gubernat. Excipiunt casum quo beneficium distribueretur per concursum, et suffragium tui digniori multum prodesset ad aliam electionem. 7^o Potest eligi minus dignus, quando magis dignus utiliùs occupatur alio munere, vel ex industria servatur ad melius beneficium brevi vacaturum. Quando verò duo sunt beneficia, pinguius unum, alterum verò tenuius, licet hoc posterius requirat majorem aptitudinem quàm prius, attenta quidem utilitate Ecclesiæ, digniori conferendum esset tenuius beneficium; quia tamen secundariò beneficia sunt etiam in utilitatem accipientium, et Ecclesiæ generatim utiliùs est ut digniores operarii melioribus fruantur stipendiis, non satis video quare non dignior promoveri possit ad pinguius. Merito tamen indignatur hic Bannez, quòd sæpè pinguiora sint beneficia simplicia minoris momenti quàm curata, quæ requirunt longè majorem aptitudinem quàm priora. 8^o Quando prævides digniorem brevi renuntiatum parochiæ, sapientius illum rectè negligis; quia mutationes huiusmodi non prosunt ecclesiis, et, mutatis identidem pastoribus, nunquam satis cognoscuntur oves. Aliud foret, si præscires Ecclesiam ex hac mutatione nihil damni passuram. 9^o Sæpe fieri debet electio ex personis certi loci, collegii, diocesis aut nationis; quia competit ipsis jus ex institutione beneficii contra peregrinos et extraneos. Quocirca prætermittendus est dignior extra locum, collegium, etc. Ita pontifex eligitur ex collegio cardinalium, licet Sotus dicat id minimè necessarium. Et in nostris partibus eligi debet episcopus ex ecclesiâ cathedrali. Sic in Hispania sunt incapaces beneficiorum omnes extranei

etiam cardinales, nisi saltem sint naturales. Idem in Gallia servari testis est Rebuffus. Posse verò beneficia sic institui, patet ex *C. bonæ memor* 4, § *quia verò, de postul. C. ne pro defectu* 41, *de elect. C. nec emeritis* 12. *C. nullus* 13, *dist. 61* : et ratio, quia communiter indigenæ magis diligunt ecclesiam, facilius conciliant sibi subditorum animos, non extrahunt pecunias è provincia, non inficiunt nationem peregrinis moribus; item multo magis vitantur lites, si tam activæ quàm passivæ voces affligantur certæ communitati. 10^o Id ipsum extendit Th. Sanchez ad casum quo beneficii fundator apposuit conditionem ut beneficium semper conferretur uni de familia, dum ex illa reperiatur dignus : quod ego libenter quidem de beneficiis simplicibus et supranumerariis concesserim; at de curatis magni momenti non videtur verum, saltem regulariter loquendo, prout infra monstrabitur. 11^o Quando per concursum alicui beneficium jam est promissum tanquam dignissimo, non potest illud alteri supervenienti postea conferri; quia prior jam habet jus. 12^o Si promisit episcopus extra concursum et promissione purè gratuita beneficium vacans alicui digno et bene merito, tenetur episcopus implere promissionem, dum tamen alius notabiliter dignior non compareat; hoc enim comparante, promissionem non ligare putat Vasq., c. 2, § 2, d. 4. Si verò promittat beneficium vacaturum, promissio est omnino nulla, ex *cap. de testanda* 2, *de concess. præbendæ, in 6*. Quod etiam ad patronorum promissiones extendere conatur Vasq. Videantur Th. Sanch. l. 1 *Cons. c. 2*, et *C. de Lugo, D. 55 à n. 21*.

258. *Dico 7^o* : Qui semel iterumque vel rarò minùs dignum promovet ad beneficium simplex minoris momenti, non peccat mortaliter. Ita Th. Sanch. l. 2 *Consil.*, c. 1, dub. 3, n. 20; Less., c. 4, n. 66; *C. de Lugo, D. 55, n. 20*; Barbosa, *de Offic. Parochi*, c. 2, n. 105; Pax Jordanus, *præl.* 42, n. 52; Navarra, l. 2, c. 2, n. 147; Herinex, *D. 7, n. 28*; Reginald. Sotus, Laym. Arag. Guttier. et alii quamplurimi contra Vasq. Ratio: Finis primarius ad quem instituta beneficia sunt, est utilitas Ecclesie; sed huic fini non graviter præjudicat qui semel iterumve tantum prætermittit digniorem, et paucorum mediocritas aliorum virtute facile compensatur. Secunda: Esto beneficia partialiter etiam instituta sint in favorem privatorum, tamen iis nullo stricto jure debentur, nec ostendi potest ulla lex naturalis aut positiva, quæ sub peccato mortali cogat semper conferre beneficium simplex magis digno. Tertia: Addunt aliqui quòd, si contraria sententia esset vera, omnes fere prælati viverent in statu damnationis æternæ.

259. *Dico 8^o*: Videtur tamen mortale passim et communiter eligere minùs dignum ad beneficium simplex. Ita Regin. Herinex, Less. Lugo et alii complures contra Navarram, Barbosam, Pacem Jordanum, etc. Ratio 1^a: Quia sic elector se conjicere videtur in morale periculum sapius graviter errandi, vel eligendi ministros simpliciter indignos. 2^a Hæc ratione fraudatur intentio fundatorum, qui videntur graviter invitati si redditus passim applicentur minùs dignis. 3^a Elec-

tor videtur etiam graviter violare fidelitatem Ecclesie debitam : s. tut enim œconomus diceretur graviter negligens si passim et ordinariè conduceret operarios minùs strenuos, gnavos et solertes, cum tamen facile possit habere notabiliter magis strenuos, gnavos et solertes; sic etiam elector in hoc casu graviter negligeret bonum Ecclesie. 4^a Elector iste dat causam ut langueant clericorum studia, multique non curent digniores effici, sed beneficia modis humanis aut illicitis ambiant, id quod cedit in grave præjudicium Ecclesie. Porro Rebellus, l. 3, q. 4, n. 12, et *C. de Lugo, D. 55, n. 20*, putant, ne semel quidem posse citra gravem culpam omitti digniorem in beneficiis simplicibus majoris momenti, qualia sunt archidiaconatus, præpositura, canonicatus splendidi; quod præcipuè notandum pro Germaniæ provinciis, ubi solent ex gremio canonicorum eligi principes episcopi, etc.

240. *Dico 9^o* : De secularibus officiis eo ferè modo discurrendum est ut de beneficiis ecclesiasticis, et peccant mortaliter eligentes indignos aut minùs dignos ad officia majoris momenti, uti sunt prætoris, judicis, gubernatoris, quæstoris in ampla provincia. Quoad indignum, consentiunt omnes. Quoad minùs dignum, assertionem tenent Sotus, Arag. Salon. Perez, quos citat et sequitur Lessius c. 32, n. 15; item Valent. Vega, Rebel. Malder, Bannez, quos ex Diana citat et ferè sequitur *C. de Lugo, c. 54, n. 13* et seqq. Ratio est: Ut in beneficiis ecclesiasticis, sic etiam in officiis secularibus frequentissimè contingit ut, quos censemus esse dignos, reipsa sint indigni: igitur, nisi maximus sit delectus et officia conferantur quàm dignissimis, respublica gravibus periculis subjacebit, et sensim implebitur ministris malis, politicis, atheis, ambitionis et avaris, qui se suaque tantum curent, bonum commune negligent, et omnia distorqueant ad pravas intentiones, qui jus et fas, justitiam et religionem auro venalem exponant. 2^o Licet minùs digni ritè fungerentur officio, quod tamen ordinariè non fit, aliunde tamen imminet grave detrimentum reipublicæ si digniores omittantur: nascuntur enim graves offensiones et alienationes subditorum à superioribus, languent studia, torpent ingenia, fovetur ambitio, neque subditi curant amplius egregiis facinoribus sibi devincire rempublicam, in quâ favoribus et pecuniis omnia emulgentur. 3^o Ut Lessius : quamvis uterque ex dignis fortasse posset æqualiter occurrere necessitatibus et periculis communibus reipublicæ, tamen dignior præterea potest etiam occurrere necessitatibus extraordinariis et magis particularibus. Item potest sagacitate vel industriâ suâ novas identidem et speciales utilitates in reipublicâ procurare, quod minùs dignus non potest : at si commodè fieri potest, distributor officiorum utique debet etiam attendere ad speciales utilitates reipublicæ, neque contentus esse debet mediocri, sed optimo statu, quem facile procurare potest electione digniorum officialium. 4^o Denique leges juris communis præcipiunt electionem dignissimi, in *Authenti-*

ca, ut *judices sine quoque*, § 8, *coactionem*; et *Authent. de defensoribus ecclesie*, c. 1, § 1, c. 2, et l. *ad aubeunda* 45, c. de decretalibus. Patet tamen cum C. de Lugo, D. 54, n. 21, beneficia evitare lethale peccatum, si conferantur notabiliter minus dignis, semel iterumve tantum officia secularia magis momenti, quam si conferantur beneficia curata; quia longe plus dependet ex annuarum cura quam ex administratione seculari.

241. *Dico 10*: Qui sciens et volens eligit ac promovet indignum ad beneficium ecclesiasticum aut officiumulare publicum, in conscientia reficere debet omnia damna vel detrimenta quae per electionem aut promotionem indigni subit Ecclesia vel respublica, modo saltem illa rationabiliter potuerint prevederi, vel in prudentem adduci suspensionem. Ita doctores universim apud Th. Sanch. l. 2 Consil. c. 4, dub. 45. Ratio: Nam, ut supra dictum n. 250, promotor aut elector, ex officio suo vel quasi-contractu, constituere debet bonum, idoneum ac fidelem ministrum, ac providere re per electionem indigni respublica vel Ecclesia conjiciatur in certum aut morale discrimen gravium damnorum. Unde, sicut oeconomus teneretur reficere damna, quando sciens ac volens ascisceret ad laborem ignavos, imperitos ac ineptos opifices, artifices, vel alios operarios, ita multo magis tenetur elector aut promotor indigni, cum damna publica longe pluris faciendae sint quam privata. Dein, cum indignus et ineptus saepissime labore suo nihil aut perparum mereatur, elector aut promotor debet Ecclesiae vel respublicae stipendium quod indigno datur, refundere, saltem in defectum promoti, qui primo loco tanquam principalis causa tenetur reficere damna per malitiam aut imperitiam data, vel etiam reddere stipendium quod labore suo non est promeritus. Atque hic merito C. de Lugo, D. 55, n. 49 et 50, multis electoribus et promotoribus objicit maximum salutis periculum et gravissimum onus restituendi, quod humeris suis imponunt, quando tradunt gubernacula cecis et indignis officialibus, ut quasi caecorum duces rempublicam in syrtes, scopulos et mille mala praecipitent. Quot enim in tribunalibus injustae sententiae, quot latrocinia, vexationes pauperum, periculus et aliae id genus injuriae consurgunt ob electionem unius indigni vel imperiti praetoris, questoris, judicis? Haec autem si debeant omnia resarciri, vae pravis et iniquis promotoribus!

242. *Dico 11*: Probabiliter iniquus elector aut promotor etiam sarcire debet damna quae per electionem aut promotionem notabiliter minus digni subit Ecclesia vel respublica. Ita Salon. q. 65, a. 4; C. de Lugo, D. 54, n. 42, quos sequitur Florent. de Cocq, tr. 4, c. 2, s. 2. Ratio. Nam: ut dictum n. 255 et sequentibus, elector et promotor ex officio cavere debent ne, per electionem aut promotionem suam, Ecclesia vel respublica conjiciatur in periculum morale sustinendi gravia detrimenta: sed in hujusmodi periculum conjicitur Ecclesia vel respublica si notabili-

ter minus dignus eligatur aut promovetur. 2° Oeconomus in re gravissimi momenti tenetur ex justitia non promovere quocunque, sed meliores operarios vel optimos asciscere, si quidem facile possit; et, nisi faciat, tenetur sarcire damna subeunta: ergo etiam a pari promotor aut elector, cum longe gravioris momenti sit promotio ad episcopatum aut parocciam insignem, quam oeconomicum hominis privati negotium, et impendant saepissime multo majora mala, si praetermittatur is qui longè dignior apparet ad episcopatum aut parocciam, quam si non accersantur ad laborem opifices optimi vel diligentissimi operarii. 3° Distributor beneficiorum aut officiorum non tantum ex lege positivâ, sed etiam, ut theologi plerumque concedunt, ex jure naturali tenetur ad beneficia vel officia majoris momenti promovere notabiliter magis aptos et dignos, saltem in casibus n. 257 non exceptis: atqui non videtur alia lex naturalis afferri posse quam justitiae commutativae quâ distributor obstringitur Ecclesiae vel respublicae: non enim ista lex naturalis fundatur in jure stricto quod habent digniores praeminus dignis, cum hoc abundè sit confutatum n. 214: neque fundatur in solâ charitate, prout existimat Laymannus: quia distributor *ex officio* debet cavere damna, vel pericula damnorum quae facile nascuntur ex electione notabiliter minus digni, praesertim in episcopatibus et parocciis insignibus magni momenti: item elector, distributor aut patronus accipit stipendium, decimas, jus presentationis et similia, ut Ecclesiae vel respublicae non noceat aut accersat gravia pericula per electionem, distributionem aut promotionem notabiliter minus digni: ergo non solum ex charitate vel amore boni communis ac publici, sed specialiter ratione sui muneris et officii, tenetur preferre notabiliter digniorem: neque demum lex ista fundatur in solâ fidelitate, quod vult Lessius cum communi; sicut enim oeconomus in rebus gravissimi momenti non solum ex fidelitate, sed etiam ex officio justitiae tenetur eligere meliores artifices, et, si facile fieri potest, optimos operarios, ita similiter tenetur elector aut promotor asciscere quantum fieri potest, aptissimos et maximè idoneos ministros, praesertim in episcopatibus et parocciis magni momenti; cum juxta Trident. n. 252 et sequentibus, in hac materia nunquam satis caveri possit, et nihil magis expediat aut necessarium sit Ecclesiae quam pastores maximè idoneos eligere.

243. *Dico 12*: Videtur tamen etiam probabilis, et in praxi tuta sententia quae tradit hoc non esse peccatum injustitiae strictius sumptae contra rempublicam aut Ecclesiam, et electores aut promotores qui scienter eligunt aut promovent notabiliter minus dignum, dummodo reipsa sit vel absolute dignus appareat, non teneri ad restitutionem reipublicae vel Ecclesiae faciendam. Ratio 1°. Quia longè communior est inter auctores. Ita Th. Sanch. l. 2 Consil. c. 4, dub. 45, n. 10; Sotus, l. 4, q. 6, a. 5 ad 6; Lessius, c. 54, n. 74; Ribell. Aragon, Layman et alii quamplurimi, quorum

aliqui volunt sententiam suam esse certissimam, certam, aut cum Th. Sanch. ferè certam. 2°. Esto jure naturali teneantur electores aut promotores præponere notabiliter magis dignum, tamen fuit in arbitrio et potestate reipublicæ vel Ecclesiæ, ut electores et promotores vi sui officii se adstringerent vel titulo justitiæ commutativæ, sub onere restitutionis, vel titulo solius fidelitatis, sine restitutionis onere : quod autem posterius præcisè sit factum, colligi videtur tum ex communiori judicio doctorum ; tum ex longissima praxi, qua nunquam videmus electores aut promotores qui notabiliter minùs dignum præponunt, ad restitutionem cogi ; tum etiam quia fortassis sequerentur in electoribus aut promotoribus nimis perplexitates. 3°. Propter ingentem et maximam auctoritatem contrariæ sententiæ, quæ per nullam convincentem rationem enervatur, saltem dubia sit assertio quam propugnat suprâ C. de Lugo cum aliis, scilicet, quod elector ex justitiâ commutativa teneatur præficere magis dignos : quando verò dubium est an per electionem iniquam violata sit justitiâ commutativa, non videtur bonus possessor aut dominus adigendus ad restitutionem (1).

OBJECTIONES.

244. *Obj. 1° contra tertiam, quartam et quintam concl.* : Œconomus rite fungitur officio, quamvis non constituat optimos operarios pro vinea domini, modò constituat bonos : ergo à pari elector. A. *prob.* Nemo tenetur administrare suum officium optimè ; satis est, si bene. Dein Œconomus non tenetur facere plus quàm dominus prudenter agens : sed hic non quereretur semper optimos.

R. D. A. Si non facilè constituere possit optimos, et si, neglectis optimis, non impendat moraliter domino notabile damnum, C.; secus, N. Ordinariè non possunt haberi notabiliter meliores operarii, vel ex illorum neglectu non impendit domino notabile damnum. Dein paritas non est inter operarios qui per aliquot dies aut hebdomadas domino laborant, et inter officiales ecclesiasticos aut seculares qui longissimo tempore munus exercent. Item, paritas non est inter damnum quod patitur tota respublica, diocesis aut parochia, et inter damnum privati domini.

245. *Obj. 2°.* Si praelatus aut princeps eligere tenetur optimos, etiam tenetur ad diligentiam summam in quaerendis optimis, nec sufficet moderata.

R. N. Onus adhibendi diligentiam summam foret difficillimum et intolerabile, nec reipublicæ foret expediens ; quia principes aut praelatos timoratos absterret ab officiis. Onus verò promovendi quos, adhibita moderatâ diligentia, reperis notabiliter digniores, non est nimis arduum, et est reipublicæ maximè necessarium.

246. *Obj. 3°.* Lex que non est usu recepta, non censetur obligare : sed non est usu receptum ut semper præferantur dignissimi, præsertim in beneficiis curatis parochorum, et nimis est durum peccati mor-

alis arguere praxim totius propemodum orbis christiani.

R. D. M. Si lex sit humana tantùm, C.; naturalis, qualis est in casu nostro, N. Contra legem naturalem nulla valet præscriptio vel consuetudo ; nam hoc ipso quòd sit contra legem naturalem, est irrationabilis, et optimè pronuntiavit Card. Centinus apud Mastrium, D. 6, n. 12, hodie non vigere justitiâ distributivam, sed potiùs disturbativam. 2° Falsò supponitur hæc corruptelam invaluisse passim, et contrarium optimè probant C. de Lugo, D. 35, n. 8. et Cardenas, Diss. 28, à n. 28 ; saltem de beneficiis majoribus Hispanorum, ubi reges accuratissimi sunt in capiendis arcanis informationibus, et præsentant ad episcopatus nonnisi dignissimos, qui nunquam fortè frequentârunt aulam, vel gratiam regis ambiverunt. 3° Multi, dum promoveant minùs dignum, excusantur partim ob ignorantiam, partim ob titulos n. 237 breviter expositos.

247. *Obj. 4°.* Electus non tenetur ad optimam administrationem officii : ergo nec elector ad optimam electionem.

R. N. C. Prior obligatio foret intolerabilis, non item posterior ; et, licet electus non teneatur ad optimam administrationem, tamen si notabiliter est habilior, longè plus reipublicæ proderit moderatâ suâ diligentia quàm alius, qui communiter etiam non adhibebit plus quàm moderatam diligentiam.

248. *Obj. 5°.* Apostolus, I ad Tim. 3, et ad Tit. 1, enumerans condiciones episcopi, solùm requirit ut sit sobrius, pudicus, hospitalis, doctor, irreprehensibilis ; non autem ut cæteris sit dignior.

R. Si legantur glossemata SS. PP. apud Barbosam, p. 1, de off. Episc. tit. 2, et consulatur Tridentinum de magnitudine muneris episcopalis, ista vox *irreprehensibilis* tot includit condiciones, ut paucissimi sint qui omnes habeant.

249. *Obj. 6°.* Prælatuæ regulares non necessariò conferuntur dignissimis : ergo nec episcopatus aut alia munia curata. A. *prob.* ex praxi quâ sæpe eliguntur superiores juvenes, tantùm ut probetur eorum dignitas et aptitudo regendi, præteritis senioribus, quos certò constat esse digniores. 2° Superiores, utut dignissimi, possunt in quibusdam ordinibus amoveri prohibito, modò absit periculum gravis infamiæ. 3° Prælatuæ regulares neutiquam sunt præmia meritorum, ut distribui debeant juxta proportionem meritorum ; premium quippe debet ex natura sua suscitare desiderium sui, quod tamen est contra perfectionem ordinum.

R. D. A. Si ex illorum neglectu non impendat grave damnum, C.; secus, N. Expedit ordinibus ut experientia quandoque sumatur etiam de novis et junioribus superioribus, ut amoveantur à regimine superiores etiam dignissimi, ne prælatuæ præscribantur apud paucos, et succrescat ambitio ; vel, deficientibus senioribus, non sit qui cum dignitate succedat. 2° Minùs digni, cum periculum apparet, in multis ordinibus statim removeri possunt. Unde non est idem periculum quod apud ecclesiasticos seculares. 3° Religiosæ

(1) V. notam subjectam n. 75.

quædam communitates adeò perfectæ sunt, ut vix egeant superiore, sed locum habeat illud Isaac 11: *Puer parvulus manabit eos*. Quod si verosimiles exceptiones desint, clarum est peccari mortaliter in eorum promotione, qui disciplinam notabiliter pessumdam. Vide C. de Lugo, D. 55, n. 55.

250. *Obj. 7^a*. Etsi concilium eligi velit digniores in episcopatibus, non tamen id exigit in parochiis: nam sess. 24, c. 18, de reform. sic habet: *Exigit maxime animarum salutem, a dignis atque idoneis parochiis gubernari*, non dicit *neceesse est*, sed *exigit*; non dant à dignissimis et optimis, prout supra dixerat de cardinalibus et episcopis, sed *a dignis atque idoneis*: ergo.

R. N. A. Mens concilii patet abunde. Nam in eadem sessione et capite verbis aliis obligat episcopum aut patronum ecclesiasticum, ut è dignis eligant digniorem. Item severissime mandat ut beneficia que non sunt patronatus laici, conferantur per nominationem plurium et concursum, ut eligi possit omnium dignissimus.

251. *Obj. 8^a*: Saltem patronus laicus non tenetur præstare digniorem, quod patet ex C. *monasterium* 16, q. 7, ubi fundatori laico permittitur ut præsentem quem voluerit, modò non sit malus aut indignus. Dein, ut Th. Sanch. l. 2, Concil. c. 1, dub. 10, contendit, potest fundator apponere conditionem, ut ad beneficium non eligatur alius quàm ex sua familia, si quidem ex illa reperitur dignus, esto digniores sint extra familiam. Imò potest fundator apponere conditionem, ut patroni sequentes aut sui successores conscientiam satisfaciant, si præsentent dignum omisso digniori.

R. D. A. Non tenetur in casibus in quibus Ecclesia potest hoc permittere, vel in quibus Ecclesie simpliciter est melius et utilius relinquere patrono laico facultatem præsentandi quemcumque dignum, etiam omisso digniori, C.; universaliter et absolutè, N. Quando jus præsentandi convenit laico, non propter institutionem beneficii ex propriis bonis, sed ex speciali concessione, vel propter insignia merita in Ecclesiam, non potest laicus patronus omittere digniorem: nam Ecclesia non potest in patronum transferre jus magis liberum quàm quod habet ipsa; unde, sicut ipsa non habet jus omittendi digniorem, ita nec habet patronus laicus. 2^o Quando laicus fundat beneficia simplicia, que tamen Ecclesie necessaria non sunt ad debitum decorem, potest Ecclesia permittere fundatori potestatem præsentandi quemcumque dignum; quia sic Ecclesia non patitur notabile detrimentum; licet enim ex defectu promissionis illorum qui videntur digni, conjiciatur in morale periculum habendi ministros indignos, tamen hoc malum abunde compensatur augmento ministrorum et cultûs divini, qui tantus non esset si tantum præsto forent ministri necessarii. 3^o Quando verò laicus fundat beneficia curata parochialia, non potest Ecclesia permittere facultatem omittendi communiter digniorem; quia nimis magna sequerentur detrimenta vel pericula, et aliàs etiam, si rex fundaret multos episcopatus, posset pro libito

notabiliter minus dignos præsentare, quod tamen cum Tridentini verbis n. 255 non convenit. 4^o Cum beneficia curata sint valde necessaria, et Ecclesia ipsa per se debeat ex decanis aut aliis redditibus illa constituere, ac dem aphores ministros eligere, non potest Ecclesia per se fundatoribus laicis hanc obligationem promovendi digniores remittere. 5^o Si tamen Ecclesia non possit instituire beneficium, et absolutè melius esset permittere fundatori laico potestatem præsentandi quemcumque dignum quam beneficio carere; posset Ecclesia potestatem hanc permittere fundatori ad unam aut alteram vicem, non autem regulariter, semper aut in perpetuum.

252. *Obj. 9^a*: Si non potest eligi vel præsentari minus dignus, etiam confirmari non potest, si forte fuit electus aut præsentatus: falsum hoc, et episcopus tenetur ejusmodi præsentatum aut electum confirmare: quod pluribus ostendit Th. Sanch. Consil. l. 2, c. 1, dub. 6, et manifeste colligitur ex Trid. sess. 24, c. 18.

R. cum S. Th. q. 65, a. 2 ad 3, N. M. Si non valeret electio vel presentatio minus digni, quæbet electio vel presentatio pateretur calumniam, et nimia foret conturbatio litium. Audiatur decisio Rotæ Romanæ, quam afferunt Pax Jordanus, prælud. 12, n. 6; Barbosa, de officio Parochi, p. 1, c. 2, n. 98; Farinæ, et alii: *Quamvis pro validitate electionis satis sit, si dignus eligatur, et electio de digniori sustineatur, id tamen præcedit, postquam celebrata est electio, ut litium occasiones amputentur; sed ante electionis celebrationem omnia jura clamant, quod meliores et sane sanctiores eligantur, et ideo peccant qui scienter, omisso digniori, eligunt dignum*. Taceo quòd nonnulli dubitant an beneficia paræcialia, que non sunt patronatus laici, vel que conferri debent per concursum aut nominationem plurium, consequantur firmum valorem, si non promoveatur dignissimus.

253. *Obj. 10^a*. Permutans, renuntians aut resignans beneficium, non debet querere magis dignum: ergo non elector aut patronus. *Ant.* existimat Th. Sanch. suprâ dub. 7, sufficienter ex praxi constare; Salomius, q. 63, a. 3, et C. de Lugo, D. 55, n. 49, testantur esse communem sententiam.

R. 1^a ant. esse controversum. Negant illud Navarrus, Navarra, Sotus, Palac. Vasq. Dicant. Wiggers, Flor. de Coeq, et P. Carden. diss. 28, n. 45. Imò Palacios apud Th. Sanch. asserit, episcopum peccare mortaliter, si permittat resignationem in favorem minus digni.

R. 2^a. D. A. Si per ejusmodi renuntiationem non præjudicatur Ecclesie, vel ista non constituitur in statu notabiliter deteriori, C.; secus, N. 1^o Quando permutatur beneficium simplex cum simplici, vel curatum cum curato, quorum tamen neutrum exigit notabiliter majorem aptitudinem, necesse non est querere notabiliter digniorem, sed sufficit æquè dignum substituere; quia non collocaur Ecclesia notabiliter in deteriori statu. Quippe, si potes beneficium retinere, nihil detrimenti patitur Ecclesia, modò substituas æqualem; et hoc etiam concedunt Vasq.

et Navarra. Idem juris est si beneficium non permutas, sed præcisè resignas in alium æquè dignum, modò non sit valde junior, aut spes magna sit post mortem tuam beneficium conferendum magis digno: nam etiam in hoc casu non collocatur Ecclesia notabiliter in deteriori statu. Si tamen in promptu foret ut beneficium pensaret alius notabiliter dignior, putat Lessius hunc ex claritate præferendum, nisi fors occuperetur in beneficio majoris aut æqualis momenti. 2° Si duo beneficia curata requirunt æqualem aptitudinem, tu verò malles beneficium alterius, qui quidem est minùs dignus quàm tu, sed tamen adhuc absolutè dignus, non videtur illicita permutatio; quamvis enim sequatur aliquod damnum, quòd beneficium tuum obveniat minùs digno, tamen illud abunde compensatur per hoc quòd alterum beneficium obveniat tibi magis digno. 3° Si verò beneficia sint inæqualia, curatum unum, alterum simplex, non videtur licita permutatio quia notabiliter minùs dignus acquirat beneficium curatum; quia jam Ecclesia collocatur notabiliter in deteriori statu. 4° Resignatio episcopatus in favorem alterius regulariter est suspecta, nec nisi gravissimas ob causas admittitur, imò nunquam in Hispania, tum ob maxima pericula quæ nascuntur in episcopatibus ob omissionem dignissimi; tum etiam quia communiter resignantes episcopatum reservant sibi pensiones, ut successor muneri suo pro dignitate non possit satisfacere, nec habeat unde pauperibus succurrat. 5° Similes ob causas putat C. de Lugo non facile permittendam beneficii curati permutationem cum simplici, præcipuè si resignans pensionem sibi reservet. Idem Card. improbat modum quo senes resignare solent beneficium in gratiam adolescentis consanguinei vel nepotis, ut beneficium hæreditarium perseveret in familia; quod etiam jura summopere detestantur, *C. plerique, C. apostolica* 8, q. 1, et *C. ex transmissa* 7, de filiis presbyterorum; *C. quia clerici* 6, de jure patronatus.

254. *Obj. 11°*: Si non licet eligere minùs dignum, etiam non licet ad beneficium concurrere cum magis digno; quia sic concurrens, dum petit eligi, petit rem intrinsecè malam.

R. D. M. Si certò constet alium esse notabiliter digniorem, et non adsint alie circumstantiæ quæ concursum honestent, *C.*; secus, *N.* Minùs dignus æquissimè non est certus alium esse notabiliter digniorem, et ipsi non competit dijudicare sua vel competitorum merita. 2° Ordinariè non seìt adesse vel abesse circumstantias in quibus, juxta n. 237, licitè præferatur minùs dignus. Sæpè sibi graviter præjudicaret ad aliud beneficium si cum pluribus competitoribus, è quibus varii non sunt ipso digniores, non concurreret ad beneficium. Unde, dum concurrat, solùm conditionatè petit ut hac vel alia vice promoveatur, si fuerit repertus dignior.

255. *Obj. 12°*: Officia secularia licitè possunt vendi. Ergo de necessitate non conferuntur dignioribus. *C.* fluit, quis enim credat emptores opulentes semper

esse digniores? *A. prob.* 1° suffragio S. Thomæ, quem sequuntur plurimi apud C. de Lugo, D. 54, n. 24; 2° ex praxi, quæ non solùm in principum et regum curiis, sed etiam in Romana viget, et, ut observat Azor, prævalebit semper, quidquid contrà clamaveris; 3° ex supremo dominio principis; possunt enim suprema principes donare, vendere, vel infeudare castella, comitatus, etc.; ergo et officia iis annexa.

R. Possunt vendi per accidens, si reipublicæ necessitas exposcat, et alie conditiones debitæ non deficient, *C.*; secus, *N.* Conditiones sunt: 1° auctoritas in vendente; 2° ut vendantur officia, quantum fieri potest, dignissimis; 3° ut pretium sit moderatum; 4° ut necessitas sit reipublicæ; 5° ut emptores obtineant emolumenta specialia, quæ non præcisè propter laborem in officio debentur: aliàs venderetur ipsis labor. Addo tamen cum S. Thomas, Lessio et aliis, ejusmodi venditiones non expedire, sed ut plurimum esse perniciosas in praxi; quia, dum officia sunt vendibilia, plerumque per pecuniam obtinentur ab indignis, studia pereunt et quisque pecuniis studet, sola divitum causa promovetur et officia vertuntur in proprium quæstum. Unde jure communi venditiones istæ fuerunt olim prohibitæ, *Novell.* 8, c. 7. Eadem strictè vetuit Pius V, anno 1571; sed et S. Thomas à Villanova dissuasit Carolo V vendere præturas Castellæ, quod multi volebant.

QUESTIO XVI.

AN RESTITUERE DEBEANT COOPERANTES AD INJUSTUM DAMNUM?

256. De cooperantibus ad injustum damnum agunt S. Th. hic. 62, a. 7, quem sequuntur ibi Bannez, Aragon. Salon, et alii discipuli: Sotus, l. 4 de Just. q. 7, a. 3; Medina C. de restit. d. 7 et 8; Covarruv. ad reg. *peccatum*, p. 2, § 12; Navarrus, c. 17, n. 17, et Vasq. c. 9, de rest. Molina, tom. 3, D. 729 et sequentibus usque ad 741; Lessius, l. 2, c. 13; Rebell. l. 2, q. 14; Azor, t. 3, l. 4, c. 10 et sequentibus usque ad 20; C. de Lugo, D. 19; Dicast. de restit. D. 43; Mercado, t. 6, c. 18; Navarra, l. 5, c. 4, Tambur. l. 8, tr. 4, c. 2; Laym. de rest. c. 5 et 6; Patria, Sporer. tr. 5, c. 5; Anton. Perez, D. 3, de rest. c. 3 et seqq. Haunold. t. 1, tr. 2, à n. 372; Florent. de Cocq, tr. 1, de J. et J. c. 8, et alii quamplurimi.

257. *Sciendum* 1° communiter novem recenseri causas cooperantes, quas indicant vulgares vicei:

Jussio, consilium, consensus, palpo, recursus,

Participans, mutus, non obstans, non manifestans.

258. *Sciendum* 2° cooperantes ideo vocari, quia non inferunt immediatè, vel exequuntur damnum injustum, sed ad illud mediatè, moraliter aut etiam physicè concurrunt. Unde, si computetur executor, sunt decem genera personarum, quæ propter injustum damnum obligantur ad restitutionem.

259. *Sciendum* 3° quosdam è cooperantibus positivè, quosdam negativè tantùm concurrere. Priori modo concurrunt mandans, consiliarius, consentiens, palpians aut laudans, dans recursum et participans

qui mandato, consilio, suffragio, etc., positivè movent ac incitant alterum ad injustè nocendum, vel cum eo physice participant. Posteriori modo concurrunt multi, non obstant, non manifestans, qui præcise non impediunt injustum damnum. Sed de causis istis specialiter infra. Nunc ad generalia principia.

260. *Dico 1^o*: Qui positivè cooperatur ad injustum damnum, id est, qui mandato, consilio, precibus, adulatione, minis, etc., movet alterum ad injustum damnum, aut qui sciens et volens physice participat, agit contra justitiam et tenetur ad restitutionem, si sit efficax causa damni. Ratio prima est consensus omnium DD. Secunda. Qui positivè cooperatur injustum damnum, est causa moralis aut physica damni injustè dati: sed hoc est contra justitiam, et infert obligationem restitutionis, si quidem efficaciter secutum sit damnum. Tertia. In quavis ordinata republica condemnatur ut injustitiæ reus, et compellitur ad restitutionem, qui sciens et volens mandato, consilio, vel alia quamvis ratione movet efficaciter ad injustum damnum. Ita, si consilium dedisti ut Caius Titium occideret, secutà morte, teneris de homicidio, *cap. si quis viduam. Dist. 50, C. sicut dignum 6, de homic.* Si consilio movisti servum ut fugeret aut furtum faceret, teneris furti, vel servi corrupti, *L. 1, § persuadere, ff. de servo corrupt.* Si persuasisti Titio ut me afficeret injurià, teneris mihi actione injuriarum, *L. non solum 11, ff. de injur.* Si supposuisti scallas, commodasti claves aut effregisti fenestras, ut alter furtum faceret, teneris furti, *Lib. 4, tit. 1, § 12, Inst.* Si mandasti Maxio ut Seium occideret, secutà necesse, teneris homicidio, *C. perniciosè, D. 1, de penitentia, et alibi.* Quarta. In moralibus idem est damnum injustè dare et ad illud cooperari. Sic enim habet regula 169, *ff. is damnum dat, qui jubet dare.* Et Gregor. IX, *C. fin. de injuriis*, universaliter decidit: *Si culpà tuà damnum est datum vel injuria irrogata, seu aliis irrogantibus opem fortè tulisti, jure super his satisfacere te oportet.* Quinta. Innocentius XI sub excommunicatione profligavit hanc thesim: *Qui alium movet aut inducit ad inferendum grave damnum tertio, non tenetur ad restitutionem illius damni illati.*

261. *Dico 2^o*: Positivè cooperans non eximitur à restitutione per hoc præcise quòd, ipso non cooperante, fuisset alius cooperatus, et damnum, ipso deficiente, tamen fuisset secutum. Ita Molina, *D. 756, n. 5; Less. c. 15, n. 2; C. de Lugo, D. 19, n. 6*, et alii communissimè. Nec reipsà dissentiunt veteres. Ratio prima. Quamvis, te non cooperante, fuisset alius cooperatus, tamen idcirco non omittis cooperationem, neque tollitur efficax tuus influxus in damnum alterius injustum: sed qui causat efficaciter damnum injustum alterius, tenetur ad restitutionem, ut dictum est n. sup. Secunda. Inepta foret in rebus physicis hæc illatio: si deficeret ignis A, calefaceret ignis B, cui sociatur ignis A: ergo ignis A non calefacit: ergo etiam in moralibus mala censetur illatio: si non mandassem ego eadem injustam, mandasset alius; ergo mandatum meum non effica-

citer influxit in eadem injustam. Tertia. Executor injusti damni tenetur ad restitutionem, etiamsi, deficiente ipso, non defecisset alius executor: ita, v. g., tenetur ad restitutionem famulus, si de mandato domini succendit injustè domum Titii, quamvis, ipso recusante, succendisset alius famulus: ita tenetur etiam qui furatur res Caii, quamvis easdem alius fur abstulisset; qui Caium injustè trucidat, quem alius injustè trucidasset: ergo etiam cooperans efficaciter ad injustum damnum tenetur ad restitutionem, licet, ipso deficiente, cooperatus fuisset alius. Quarta. Ista conditionalis, *si ego non fecissem, alii fecissent*, nihil facit ad mores, à tribunalibus exploditur, nec tollit quominus damnum injustè fuerit à me datum. Sic etiam in opposito, si largior elemosynam quam equidem alius dedisset, non privor mercede. Quinta. Sicuti necesse quidem est ut veniant scandala, vix tamen est homini illi per quem scandalum venit; ita, etsi damnum hoc necessariò per alios evenisset, vix tamen est illi per quem damnum infertur.

262. *Dico 3^o*: Qui negativè tantum et indirectè cooperatur ad injustum proximi damnum, sive quòd non impedit injustum alterius damnum quod ex charitate tantum impedire debet, non tenetur ad restitutionem. Est communissima DD. cum S. Th. q. 62, a. 7. Ratio prima. Ex violatione solius charitatis non oritur obligatio restitutionis, et alioquin oriretur etiam ex violatione solius obedientiæ, misericordiæ, pietatis, justitiæ legalis aut distributiæ; quod n. 215 fusiùs est rejectum. Secunda. Qui non succurrit inopi patienti gravem aut extremam necessitatem, non fit obnoxius restitutioni, quamvis graviter peccet contra charitatem, ut est communissimus sensus omnium DD. Qui deserit naufragum, et non eripit illum ab undis, cum facile potest, in nullo tribunali condemnatur ad restitutionem, dummodò non teneatur ad opem ex officio justitiæ. Tertia. Si tenetur ad restitutionem qui non impedit alterius damnum, cum facile potest, esto non obligetur ex justitia, tenetur etiam ad restitutionem qui non positivè procurat alterius bonum, cum facile potest: sed hoc nemo dicit.

263. *Dico 4^o*: Qui negativè cooperatur ad proximi damnum quod ex justitia debet impedire, peccat contra justitiam et tenetur ad restitutionem. Ita rursàm communissima cum S. Th. suprà. Ratio 1^a. Nam injustitiæ culpa semper obligat ad restitutionem, quoties est efficax causa damni. 2^a. Quando principes, gubernatores et præfecti reipublicæ sponte suà non impediunt gravissima damna quæ per bestias, latrones, hostes aut alios in republica creantur, nemo dubitat eos fieri obnoxios restitutioni. 3^a. Similiter tenentur tutores, curatores et administratores bonorum Ecclesiæ, quando per supinam eorum negligentiam accrescunt varia damna pupillis, minoribus aut Ecclesiæ. Nota tamen sæpiùs excusari non impediunt, quando non possunt advertere aliena damna sine periculo majoris aut æqualis sui damni. Licet enim ex justitia teneantur avertere damna, communiter tamen non tenentur cum gravi suo incommodo nisi fortè specialiter ad

hoc se obstrinxerint, uti milites, qui debent hostibus obistere etiam cum gravissimo periculo vitæ.

264. *Dico 5º*: Ex justitia nemo tenetur impedire proximi damnum, nisi teneatur vel ex re accepta, vel ex injusta acceptione, vel ex contractu, vel ex quasi-contractu. Sic, qui rem alterius habet quam prius bona fide putavit esse suam, tenetur ex justitia cavere, quantum commodè potest, ne fures eam surripiant; aliàs sequeretur quòd etiam ex justitia non teneretur ultrò monere dominum ut rem suam accipiat, vel non deberet ei rem reddere sponte suà. 2º Qui librum aut equum alterius citra licentiam accepit ad usus aliquot dierum, ex justitia vigilare tenetur ne res omnino pereat, vel subeat nocumentum. 3º Qui rem alterius habet ex contractu depositi, commodati, conducti, etc., titulo justitiæ debet avertere damna circa rem alienam. 4º Similiter debent esse solliciti circa res aut personas sibi creditas gubernatores, officiales, tutores, curatores, judices, medici propter quasi-contractum. Verùm extra quatuor istos casus gratis et contra communissimam DD. fingitur obligatio justitiæ quâ quilibet esset obstrictus ad impedienda proximi damna, quoties faciliè potest, nec ullum ampliùs discrimen fieret inter obligationem charitatis et obligationem justitiæ.

OBJECTIONES.

265. *Obj. 1º contra primam concl. § interdictum 12, Inst. de obligationibus, quæ ex quasi-delicto*, Justinianus sic habet: *Qui nullam opem ad furtum faciendum adhibuit, sed tantum consilium dedit atque hortatus est ad furtum faciendum, non tenetur furti.*

R. textum intelligendum pro casu quo vel nullum secutum est furtum, vel consilium non influxit efficaciter in furtum, aut fur aliunde jam ita determinatus erat, ut consilium non addiderit stimulum, aut fur non curavit consilium.

266. *Obj. 2º contra tertiam concl. Innoc. III, cap. quantæ. 47, de sent. excomm.* pari pœna judicat dignos qui percutiunt clericum, et qui non obstant percutientibus clericum: ergo etiam qui non impedit alterius damnum injustum, cum faciliè potest, eodem modo tenetur ad restitutionem ac ille qui dat injustum alteri damnum.

R. N. C. Pontifex in capitulo loquitur de consentientibus; nam dicit, *consentientes et facientes pari pœna plectendos*. 2º Esto Pontifex infra tanquam fautores criminis excommunicet, qui, cum possint, manifesto facinori desunt obviare; tamen, ut Glossa textum exponit, loquitur solum de illis qui ex officio justitiæ debent impedire percussionem clerici, vel qui habent ex officio auctoritatem prohibendi, et non prohibent, cum faciliè possint; namiti moraliter censentur consentire percussioni, dum eam non impediunt. 3º P. Suarez, quidem D. 22, de Censur. s. 1, n. 56, cum Innoc. et Abbate concedit, excommunicatos etiam esse qui tenentur tantum ex officio charitatis aut religionis impedire percussionem, et ex odio vel alio peccato mortali non impediunt, cum facile possint. Verùm, licet hæc sententia foret vera, quam ta-

men multi rejiciunt, tamen nihil inde contra nos eliceretur; nam excommunicationis pœna potest infligi non solum ob grave peccatum injustitiæ, sed etiam ob alia peccata. Contrà non oritur obligatio restitutionis ex alio peccato quam injustitiæ.

267. *Obj. 3º: Alex. III, cap. sicut dignum 6, de homic.* Qui potuit, inquit, hominem liberare à morte, et non liberavit, occidit.

R. D. Qui potuit et ex officio debuit, vel qui positivè jovit occisores, et impedit alios per vim et fraudem ne succurrerent, C.; universaliter, N. Pontifex respondit Oxoniensium episcopo, propter injustissimam eadem S. Thomæ Cantuariensis archiepiscopi, pro qua vult omnibus positivè cooperantibus imponi congruam pœnam, etiam iis qui comitati tantum sunt occisores, ut opem iis ferrent si fors ab aliis impedirentur; nam et hi positivè concurrerunt, incitando scilicet percussores ut securius ferrent. 2º Esto comites isti positivè non incitassent occisores, venerunt tamen ut eis opem præstarent, et injusta vi repellerent alios, qui fortè S. martyri tulissent suppetias; imò probabiliter illos terruerunt, ut succurrere non possent: hoc autem est manifestè contra justitiæ, ut infra videbimus, ubi de impediendis per vim et fraudem. 3º Potest dici cum Lessio quòd Pontifex occisionem latius acceperit, prout est violatio charitatis, et non strictè prout est violatio justitiæ. Sic enim et D. Ambrosius divites eueliones vocat homicidas pauperum, etiamsi non teneantur ex justitia, sed ex charitate tantum succurrere. Si non pavisti, occidisti. C. pasce, dist. 86.

268. *Obj. 4º*: Qui potest faciliè impedire damnum injustum alterius, ex officio debet impedire: sed qui non impedit damnum alterius quod faciliè potest, et quod ex officio debet impedire, peccat contra justitiæ, et tenetur ad restitutionem, maximè si faciat id ex odio vel vindicta privata.

R. D. M. Ex officio vel charitatis vel justitiæ, C.; semper ex officio justitiæ, N. Sicut ex justitia non teneor alteri positivè procurare quodvis bonum, quod ei debetur ab aliis ex justitia, quamvis facile possim; sic etiam ex justitia non teneor impedire quodlibet damnum, quod ab aliis injustè creatur, esto faciliè possim. Quin etiam, si damnum alterius permitterem ex odio, vel spiritu privatæ vindictæ, tamen hic affectus nihil faceret ad obligationem restitutionis; cum odium sit purè contra charitatem, et intentio nocendi per se non variet obligationem restitutionis, ut alibi dicemus ex instituto. V. quæst. 25.

269. *Obj. 5º*. Ergo etiam non peccas contra justitiæ, si suadeas alicui ne furtum impediatur, quod tantum ex charitate tenetur impedire: sed hoc est falsum et rejicitur à Joan. Medina, cujus sententiam approbare videtur Vasq. c. 4, § 3, dub. 1, n. 8: et si non peccas in hoc casu contra justitiæ, etiam non peccas contra justitiæ, si Titio volenti se defendere contra Caium, injustum aggressorem, eriperes arma; quod enim Titio sunt arma, hoc alteri, patienti furtum, est bonus amicus, parans suppetias.

R. cum Molina, D. 755, n. 4, et C. de Lugo, 19,

c. 101, si parè suadeas, et non adhibeas vim aut fraudem, C.; secus, N. Qui sine vi vel fraude impedit alterum a bono quod ei per justitiam non debetur, non peccat contra justitiam; alias etiam ita peccaret, qui sine vi vel fraude solis precibus aut consiliis moveret Caium ut Sempronium non eligeret heredem: item in priori casu peccaret etiam contra justitiam, qui videret tuas rationes non esse sufficientes ad omissionem licitam auxilii, et auxilium contra furem non ferret. Quamvis autem suadens videatur in hoc casu concurrere positive, non tamen positive concurrat ad injustum damnum, sed tantum ad arcendum et impediendum auxilium quod alteri ex justitia non debetur. Et hinc etiam non est paritas quoad arma, quibus se vult aliquis defendere contra violentum et injustum invasorem; nam invasus est dominus armorum, vel certè jus habet ne per vim eripiantur sibi.

270. *Obj. 6:* Ergo etiam non peccat contra justitiam, et non tenetur ad restitutionem, qui pecuniam accipit, ut non impediatur furum, vel ut dissimulet aut non prodatur furem: sed hoc negant Salomus et Navarra, quibus fere consentit Lessius hic n. 68; et ratio, quia pecuniam accipiens videtur animare furem ad latrocinium, et habet se sicut palpo vel adulator, qui positive concurrat ad maleficium.

R. cum Molina suprà, n. 5, et C. de Lugo, n. 102, C. sequel. Aliud est animare positive et directè, vel incitare laudibus aut vituperiis alterum ad injustam actionem, et aliud est animare negativè et indirectè, vel omittere terrorem aut promittere omissionem terroris, quo poterat alter impediri ne poneret injustam actionem: prius est contra justitiam, non item posterius. 2° Aliud tamen foret si fur daret pecuniam non ex propriis bonis, de quibus potest disponere, sed ex alienis aut furtivis; tunc enim accipiens esset furti particeps, et procul dubio teneretur ad restitutionem. 3° Majus dubium agitari posset an, si fur ex propriis bonis daret pecuniam ut sileres aut non obisteres, deberes ex justitia saltem furi reddere pecuniam acceptam. Verùm hoc pertinet ad materiam de turpi lucro, ubi communis sententia tenet non debere restitui pecuniam si fuit absolutè donata, vel si fuit promissa, vel data sub onerosa conditione quæ jam est impleta; debere tamen reddi ante conditionem impletam.

QUÆSTIO XVII.

QUANDO MANDANS TENETUR AD RESTITUTIONEM.

271. Certum est ex dictis suprà n. 260, peccare contra justitiam et obnoxium esse restitutioni, quoties jussione, præcepto vel auctoritate sua movet alterum efficaciter ad injustum damnum. Ut verò clariùs et distinctiùs procedatur, lubet præcipua dubia circa mandantem dissolvere.

272. Dubitabis 1° an mandans debeat compensare damnum, si mandatum efficaciter revocavit antequàm mandatarius illud impleat?

R. cum omnibus negativè, si quidem mandati revocatio pervenit ad notitiam mandatarii; nam, revocato mandato, non movetur ampliùs mandatarius ab au-

toritate vel voluntate mandatis, neque læt maleficium, quia judicat mandantem ad volentem, sed quia sibi placet, aut propter alias causas. Id ipsum indicant jura variis locis ff. *mandati*. Porro mandatum dupliciter revocari solet: *expresse*, quando verbis, litteris aut nuntio mandans expresse significat contrariam voluntatem; vel *tacitè*, cum nuntio, facto vel alio signo declarat implicite contrariam voluntatem.

273. Dubit. 2° an mandatum revocatum censatur ob longum temporis decursum?

R. Negat Azor hic c. 10, secutus Abbatem, Innoc. ac Bartolum. Quamvis enim in quibusdam casibus voluntas prima diuturnitate temporis revocetur, tamen hic aliter decedendum, quia mandatarius movetur adhuc à voluntate mandantis. Alii concedunt. Putem ego, si tantum sit temporis intervallum ut mandatarius prudenter possit ac debeat judicare mandantem non amplius persistere in antiquo proposito, mandatario potius imputandum esse maleficium quam mandanti.

274. Dub. 3° an teneatur ad restitutionem mandans qui, post mandatum penitentia ductus, vellet quidem illud revocare, sed non potest ob distantiam mandatarii?

R. cum communi omnium affirmativè. Quamvis enim mandator efficaciter revocet affectum iniquum, tamen non facit ut mandatum, iniquè datum, efficaciter non influat in maleficium. Et alias non esset reus homicidii, vel non subjaceret poenis homicidii, qui post lethale vulnus inflictum conciperet sincerum dolorem, et recuperaret statum amissæ gratiæ divine, priusquàm vulneratus è vita decederet. Item non deberet sarcire damnum incendiù, qui supposuit ignem alienis ædibus, sed visis postea flammis, detestatur facinus, ac vellet illud non fuisse commissum. Videri potest Suar. D. 44, de cens. s. 3, n. 5.

275. Dub. 4° an qui mandatarium tempèstivè monere non potest ut desistat, debeat, si potest, ex justitia tertium monere ut sibi caveat vel rebus suis consulat?

R. affirmativè cum C. de Lugo, D. 19, n. 20. Ratio. Qui posuit injustè causam ex qua per se nascitur grave damnum alterius, ex justitia debet tollere causam, aut impedire saltem influxum causæ: qui contra jus supposuit ignem alienis ædibus, ex justitia debet ignem extinguere, si potest: qui per injustam calumniam accusavit innocentem, et coniecit in proximum particulum necis, debet retractare calumniam etiam cum æquali periculo propriæ vitæ, si non potest aliter innocentem liberare, cum in pari causa melior debeat esse innocentis conditio quàm nocentis. Quòd si verò ex monitione tua imminet tibi damnum valdè notabiliter majus quàm sit damnum tertio inferendum ex mandato tuo, non teneris admonere tertium; quia nemo debet etiam restituere cum longè graviori suo incommodo. Unde, si tertio solùm inferendum sit damnum in bonis fortune, non teneris illum admonere, quando propter admonitionem tua vita vel fama gravissimè periclitaretur, prout alibi dicemus, ubi de causis excusantibus à restitutione.

276. Dub. 5° an mandans teneatur ex justitia vel charitate saltem monere tertium, ut sibi consulat, quando revocavit quidem mandatum, videt tamen mandatarium in suo proposito persistere?

R. cum C. de Lugo suprâ contra P. Suar. D. 44, de Cens. s. 3, n. 8: Probabilius per se non tenetur ex justitia; quia jam sustulit causam injustam, et damnum non imminet amplius tertio propter mandatum, sed propter nequitiam mandatarii. Idem esset dicendum, si mandans antea promisisset mercedem aut præmium mandatario; nam, revocato mandato, non potest mandatarius moveri spe mercedis aut præmii. Secus tamen esset dicendum, si mandans proposuisset mandatario specialia motiva, quæ mandatarium impellere potuerunt ad homicidium, v. g., spem obtinendi pecunias apud occisum; tunc enim ex justitia monere deberet tertium, imò, si non posset eum monere, teneretur postea ad restitutionem, prout infrâ n. 297, 208, dicitur de consulente. Quòd si tamen in primo casu mandans absque suo incommodo posset monere tertium, teneretur ad hoc ex charitate; non item si non possit absque pari suo incommodo, quia charitas per se non obligat cum tanto incommodo.

277. Dub. 6°: Quid si mandans revocâset mandatum, sed mandatarius crederet revocationem esse duntaxat simulatam propter adstantes, aut si putaret quidem seriò factam, sed illius postmodum oblivisceretur, ac idcirco perficeret damnum?

R. cum C. de Lugo, n. 26 et 27, videri probabile quòd mandans non eximatur à restitutione; nam etsi mandatarius sibi falsò persuadeat perseverare voluntatem mandantis, tamen non falsò sibi persuadet præcessisse mandatum, et ex illo movetur ad maleficium. Mandans autem qui posuit causam injustam aut dedit mandatum injustum, tenetur ad restitutionem, quoties efficaciter non impedit ut causa posita, vel mandatum iniquè datum non sortiatur effectum. Sic etiamsi mandans revocaret mandatum, et mandatarius ob surditatem, distractiones vel alias causas non intelligeret revocationem, mandans absque dubio teneretur ad restitutionem.

278. Dub. 7° an, si mandatarius excessit fines mandati, teneatur mandans ad excessum damni?

R. cum distinctione. Vel in potestate mandatarii fuit servare fines mandati, vel non: si prius, non tenetur mandans ad excessum, ut patet ex *L. diligenter*, 5, ff. *mandati*: si posterius, tenetur. Ita si Caius mandavit Sejo tantum ut furaretur Titio, Sejus verò Titium occidit, ut facilius lateret furtum, Caius homicidii non tenetur. Contra si Caius mandavit Sejo ut ferro percuteret aut vulneraret Titium, Caius ordinariè tenetur homicidii, quia, qui ferro vulnerat aut percutit, nec solet, nec etiam communiter potest ita prudenter cavere ut solum vulneret et non simul occidat, et Caius faciliè potuit hoc periculum prævidere. Si verò Caius mandavit Sejo ut Titium interficeret, Sejus autem qui non potuit aliter Titium interficere quàm exurendo domum Sempronii in quâ latebat, non tenetur Caius

ad reparationem damni quod Sempronius est passus, nisi fortè præviderit aut prævidere debuerit hoc periculum.

279. Dub. 8°: Quid si Titius Caio mandavit ut Sejum occideret, Caius verò per inculpatum errorem occideret Sempronium, non Sejum?

R. Quamvis Azor supra existimet Titium teneri ex homicidio, quia potuit ac debuit hoc periculum prævidere; cùm ejusmodi damna frequenter ex mandatis proveniant, probabilius tamen id negat Patrit. Sporer, tr. 5, c. 3, n. 206, afferens declarationem cardinalium in Conc. Trid. sess. 14, c. 7, quâ decisum fuit, mandantem in hoc casu non incurrere pœnam irregularitatis, quia reipsa non mandavit Sempronium occidi; et non ita frequenter contingit ut unus occidatur loco alterius à mandatariis. Nec obstat quòd mandatarius, volens occidere Sejum, teneatur ad restitutionem ex homicidio Sempronii, prout ostensum n. 203: quia mandatarius vult occidere hominem ibi stantem, quem falsò existimat esse Sejum; mandans non jubet occidi hominem ibi stantem, sed Sejum.

280. Dub. 9° an mandans teneatur etiam reficere damna quæ mandatarius est passus ob executionem mandati?

R. Si mandatarius sponte se obtulit, nec ulla vi vel metu coactus, sed ob mercedem operam addixit mandatori, mandator ad nihil tenetur; quia sponte volenti non fit injuria. Si verò mandator per vim aut metum injustum coegit, uti communiter cogunt superiores, tenetur reficere saltem ea damna quæ communiter, per se vel ut plurimum vel valdè frequenter oboriuntur mandatario, v. g., si mandatarius, in maleficio deprehensus, gravissimè puniretur aut etiam occideretur. Puta; si Caius per vim aut metum injustum adigeretur ut palàm aggrederetur Sempronium, et occideretur à Sempronio tuente vitam suam. Cætera verò damna purè fortuita quæ rarissimò contingunt et verosimiliter prævideri non possunt, reficere non tenetur, ut si mandatarius in itinere periret fulmine, suffocaretur in flumine, vel casu spoliaretur à latronibus. Facit huc casus Tamburini, quo duo litigabant de summâ 50000 et amplius aureorum: cùm autem unus ex procuratoribus, qui fortiùs litem urgebat, ab altero graviter sauciatus, peteret à domino cui serviebat expensas vulnèrum, rectè responsum est, nihil ei deberi; partim quia damnum non erat ex communiter contingentibus et purè fortuitis erat hic casus ad officium procuratoris et mandatarii; partim quia procurator sponte suscepit officium ob mercedem, et nemo reficit damnum fabro murario, si mercede conductus decidit ex tecto.

281. Dub. 10°. Quid si mandatarius à principio mandato non consentit, sed potiùs omninò respuat, et postea tamen delictum patravit?

R. Azor vult mandantem tunc non teneri, citans Baldum in *L. si litteras, ad finem, C. mandati*, et in *L. 1, C. de serv. fugit.*, et Bartolum in *L. qui alienâ, § si is qui, ff. de acquir. hæred.* Et ratio fortasse, quia si mandatarius initio respuat mandatum, et mandator ultra non urgeat, supponere potest ac debet non

amplius velle mandatoreni ut ipse maleficium exequatur. Verum contrarius est Suar. D. 44, de Cens. s. 5, n. 9, quia nisi mandator expresse vel tacite mandatum revocet, mandatarius moveatur à voluntate mandantis, præsertim si mandans etiam præmium promittit.

282. Dub. 11^o an teneatur etiam ad restitutionem, qui non mandavit, sed tamen postea ratum habuit injustum damnum?

R. cum C. de Lugo, n. 52, Azorio, Vasquio, Less. Rebell. et aliis communissimè contra Navarrum, Angel. Silvest. Palud., negativè. Quia per ratihabitionem sequentem iste non influit efficaciter in damnum præteritum: nec obstat C. 10, de R. J. in 6: *Ratihabitionem retrahit, et mandato non est dubium comparari*; nam hoc tantum est verum quoad aliquos effectus, à jure specialiter expressos. Ita ratam habens percussionem clericici, sui gratià factam, incidit in excommunicationem canonis juxta C. cum quis. 25, de sent. excomm. in 6. Quod, ut C. de Lugo cum pluribus contra Molinam tueretur, extendi non debet ad pœnam irregularitatis propter ratihabitionem injuste cædis.

285. Dub. 12^o an teneatur ad restitutionem qui scit aut timet nomine suo vel gratià sui damnum inferendum, neque tamen illud impedit, cum faciliè possit?

R. Si non impediens dedit signa positiva, quibus declaravit sibi gratum fore si nomine suo damnum inferretur, procul dubio tenetur ad restitutionem. Ita peccavit contra justitiam Henricus Angliæ rex, qui, licet explicitè non mandaverit necem S. Thomæ Cantuariensis archiepiscopi, satis tamen prodidit desiderium, quando sæpius fuit lamentatus se cum uno sacerdote pacem habere non posse. 2^o Si non expediens ex officio debet impedire damnum injustum alterius, iterum tenetur ad restitutionem, ut nemo negat. 3^o Si taciturnitas sit instar consensûs, v. g., si tui necessarii vel familiares, te præsentè, tractent de damno quod putant tibi futurum acceptissimum, tu verò non repugnes, sed taceas, cum faciliè possis impedire damnum, censet Rebellus, l. 2, q. 14, n. 13, induci obligationem restitutionis; quia qui tacet consentire videtur, et inferentes damnum moventur ex taciturnitate tanquam implicito consensu. Verum, extra positos casus, putat idem auctor nullam induci restitutionis obligationem, quanquam contrarius sit Molina, D. 729, n. 4, post Navarrum universaliter obligans ad restitutionem.

QUÆSTIO XVIII.

QUANDO CONSULENS TENEAUR AD RESTITUTIONEM?

284. Certum est ex n. 260, consiliarium peccare contra justitiam, et obnoxium esse restitutioni, quoties sciens et volens præbet iniquum consilium, et alterum efficaciter instigat, urget, hortatur aut impellit ad injustum damnum; in moralibus enim eodem loco sunt efficere et suadere damnum, ac philosophus, 2 Phys. t. 29, consiliarium reputat inter causas efficientes.

285. Dubitabis 1^o an peccet contra justitiam, et restitutioni fiat obnoxius, qui suadet minus damnum ut evitetur majus?

R. Si fur, latro vel maleficus est obfirmatus ad gravissime nocendum Caio, nec aliter avelli potest à maligno proposito, juste suades ut potius inferat eodem Caio minus damnum, v. g., ut noceat in bonis fortunæ si nocere voluit in bono vitæ, vel ut noceat in pecuniâ si gravius nocere voluit in combustionem animæ. Ita Sotes, l. 6, q. 1, a. 5; Suar. D. 45, de Cens. s. 3, n. 3; Th. Sanch. l. 7 de Matr. D. 11, n. 16; C. de Lugo, D. 19, n. 44, et alii communissimè. Ratio 1^a. Quia sic geris utiliter negotium Cui facis quod Cuius fieri desiderat, et ille tibi tenetur ad gratias reddendas. 2^a. In hoc casu non suades absolute malum, nec determinas maleficum ut absolute noceat, sed tantum ut noceat minus, vel ut omittat saltem gravius damnum, quando non vult omne damnum omittere. 3^a. Facit huc auctoritas SS. PP., è quibus S. Chrysost. hom. 27, ad Antioch. asserit, assueto jurare per Deum, si non possit aliter à vitio dimoveri, consulendum ut potius per caput suum juret, quanquam etiam hoc sit illicitum ac determinatè prohibitum, Matth. 5, 36: *Neque per caput tuum juraveris*; et S. Aug. qui refertur cap. si quod verius, 33, q. 2, loquens de marito qui cogitabat interficere conjugem, ut cum pellice vel aliâ feminâ posset copulari: *Si facturus est quod non licet, jam faciat adulterium, et non faciat homicidium*; et S. Epiph. l. 2 contra Hæres. t. 2, hæres. 6, pag. 6, videtur ei qui contra votum castitatis assiduò vacabat libidini, nec ullam præbebat spem bonæ frugis, consulere matrimonium: *Melius est unum peccatum habere et non plura: melius est lapsum palam sibi uxorem sumere quam quotidie occultis jaculis sauciari*. Fateor tamen in ultimo casu superstes esse remedium dispensationis in voto. Illud etiam addo, valdè cavendum ne maleficus, quando suadet ei conditionatè minus malum præ majori, confirmetur in proposito nocendi; cum sæpius certum non sit, eum aliter averti non posse quam per ejusmodi suasionem à suo decreto.

286. Dub. 2^o an possis etiam cooperari malefico ad minus damnum, si non potest aliter averti majus damnum respectu ejusdem personæ?

R. Si damnum minus concernit tantum bona fortunæ, potes licitè cooperari; quia dominus non est invitus, et cooperatio tua materialis ad damnum non est furtum, nec est actio intrinsecè mala. 2^o Si verò damnum minus concernit bonum aut integritatem corporis, v. g., si maleficus absolute decernit eripere vitam Caio, nec aliter moveri potest à maligno proposito quam per suasionem mutilationis, imò per immediatam cooperationem ad injustam mutilationem, gravior est difficultas; quia Caius non est dominus membrorum, et intrinsecè malum est innocentem mutilare. Quocirca Vasq. de Scand. n. 43, et Dicast. D. 4, de Rest. n. 74, putant cooperationem immediatam in hoc casu non esse licitam. Mihi, salvo meliore, videtur aliunde petenda decisio; ex eâ nempe quæstione, num homo possit abscindere sibi membrum ad servandam vitam, quando mors non imminet ex causis intrinsecis, puta ex carcinomate, gangrena, sed à causis extrinsecis, v. g., si tyrannus imponeret tibi abscissionem

mandis, aliàs te mox interfecturus. Multi cum Soto, l. 5, q. 2, a. 1, et Vasquio supra, negant. Alii cum Less. l. 2, c. 9, n. 101, concedunt; quia quilibet est custos, usufructuarius aut usuarius vite vel membrorum. Usuarius autem habet jus perdendi partem, ne pereat totum. Si vera est posterior sententia, non erit injusta vel illicita materialis cooperatio ad mutilationem non lethalem; quia Caius, qui mutilatur tanquam custos, usufructuarius aut usuarius vite vel membrorum, dat tibi licentiam mutilationis, ut serves vitam; sive dat licentiam exequendi quod ipsemet exequi sine peccato potuisset. 3° Si verò maleficus decrevisset necare patrem et filium, et mors utraque non posset vitari quin immediatè concurreres ad unius necem, certissimum est te cooperari non posse: quia nemo tibi dat jus in vitam.

287. Dub. 3° an, si fur, obfirmatus ad nocendum, alià viā non potest impediri, justè suadeas ut potiùs aliis ditioribus furetur quàm Caio?

R. cum Th. Sanch. l. 8 de Matrim. D. 11, n. 24; C. de Lugo, D. 19, n. 49; Ant. Perez, D. 3, c. 5, n. 78, et aliis affirmativè, si quidem generatim tantum suadeas, nullā determinatè nominatā personā. *Ratio prima.* Quia sic præcisè defendis Caium, et idem facis ac si furi clauderes januam, ne possit furare Caio. *Secunda.* Si præcisè diceres furi: *Non noce Caio, quia valde pauper est*, aut, *quia meus amicus est*, nemo te argueret injustitiæ; quòd autem dicas: *Noce potiùs aliis*, vel: *Non deerunt alii ditiores quibus noceas cum minori detrimento*, nihil aut parùm addit; nam, ut ponitur in caso, fur est obfirmatus ad furandum, et, si cohibeatur à documento Caii, statim cogitat de aliis, etiamsi tu nihil addas. Unde non possunt alii rationabiliter contra te conquiri, cum idem determinatè iis contingeret si præcisè diceres: *Parce Caio*. *Tertia.* Si quis omninò decrevit exsaturare suas concupiscentias per adulterium, non ageret iniquè maritus si repelleret adulterium à violatione thori, vel generatim illi diceret: *Commite potiùs fornicationem quàm adulterium*; et hæc ratione videtur etiam intelligendus S. Augustinus supra, n. 283.

288. Dub. 4° an, si fur, latro, maleficus obfirmatissimè statuit nocere Caio, justè suadeas ut potiùs noceat Titio, de quo tamen minimè cogitavit?

R. negativè cum communi DD., quos sequitur Th. Sanch. supra n. 24. *Ratio prima.* Quia non debet innocens defendi cum præjudicio vel injuria tertii, et Titius meritò foret invitus si, dum maleficus cogitat interficere Caium, eum determinares ut potiùs vulneret aut mutilet Titium. *Secunda.* Suasor in hoc casu videtur agere sicut ille qui volentem furari Caio positivè dirigeret ad domum Titii, vel ei daret claves ad domum clausam Titii: dum enim fur unicè cupit nocere Caio, et nihil omnino cogitat de Titio, Titii domus est furi propter incogitantiam aut decretum contrarium quasi moraliter oclusa. *Tertia.* Qui liberare vult innocentem à proximo periculo injusti damni, non debet nec potest ideo alium innocentem conjicere in periculum: hoc facit qui damni periculum amovetur à Caio, suadet ut damnum potiùs inferatur Ti-

tio, de quo nulla furis est cogitatio: sic enim Titius positivè conjicitur in periculum in quo priùs non fuit. Aliud foret si Titius esset vir opulentus, qui non gravatè damnum subiret pro Caio.

289. Dub. 5° quomodo possit excusari Loth, quando filias proprias obtulit ad stuprum, ut impediret gravius crimen Sodomice.

R. varias esse sententias. Multi cum S. August. q. 44 in Gen. et c. 9 de mendacio, factum Lothi non excusant à culpā. Quamvis enim in Script. 2 Pet. 11, 7, Loth asseratur esse justus, non tamen ideo præsumi potest justus etiam in hoc actu singulari. 2° Alii, quos sequitur Dicastillo, D. 4, n. 80, divinant Lothum fortassis excusatum fuisse per ignorantiam invincibilem, quæ contingere potuerit in re tam implexā et maximā mentis perturbatione. 3° Non pauci judicant Lothum, etiamsi dixerit civibus, *abutimini illis*, hyperbolicè tantum esse locutum, eo modo quo dicere soleamus: *Me potiùs interfice quàm ut illi noceas*, et quo modo David ad Jonathan dixit, 1 Reg. 20, 8: *Si est iniquitas in me, tu me interfice*; et Judas ad patrem Jacobum, Gen. 42, 37: *Duos filios meos interfice, si non reduxero tibi Benjamin*; adeoque non timuisse quòd homines nefarii conditionem hanc essent acceptaturi, vel etiam quòd filie maritatae essent consensuræ, prohi etiam docuit eventus. Ita videntur intelligi posse S. Ambrosius, l. 1 de Abraham, c. 6, et S. Th. de Malo, q. 4, a. 1, ad 14.

290. Dub. 6° an, si fur, latro vel maleficus deliberat inter Caium et Titium, justè suadeas ut notiùs inferat minus damnum Caio?

R. In hoc casu non est iniquum dicere furi: *Non noce Caio, quia pauperrimus est*, vel, *quia meus amicus est*. Quippe si potest Caius seipsum defendere, non est ratio quare non etiam tu Caium ut amicum possis defendere. Et esto sequatur damnum Titii, tamen id est per accidens, quod per se non oritur ex locutione tuā, sed tantum ex malitiā furis. 2° Etiam non videtur injustum dicere furi: *Majus malum est nocere Caio, quia pauperior est*; item: *Majus malum est potiùs fugiendum*; quia sic tantum aperis certissimam veritatem, quam si Deus furi suggereret, non esset auctor injustitiæ, nec determinaret furem ad nocendum alteri. Atque ita sentiunt Vasq. hic c. 9, § 1, n. 14; Less. l. 2, c. 15, n. 21; C. de Lugo, D. 19, n. 46; Dicast. D. 4, n. 87. 3° Imò C. de Lugo supra putat iniquum non esse si dicas furi: *Potiùs Titio noce quàm Caio*; quia moraliter non est magis causa damni quod inferatur Titio quàm si dicas: *Parce Caio*; *magis malum est nocere Caio*; *majus malum est potiùs fugiendum*. Fur enim, ut in casu ponitur, est obfirmatissimus ad nocendum alterutri. Verum contrarius est Dicastillo supra, n. 89; sed et Less. n. 24, non audet hunc consulendi modum approbare. Mihi saltem videtur, tametsi formulæ istæ non sint adhibendæ, non tamen consultorem ideo cogendum ad restitutionem; quia non est magis efficax causa injusti damni quàm si præcisè diceret: *Majus malum potiùs est fugiendum*; *non noce Caio*; *Caius pauperrimus est*.

291. Dub. 7^o an possis aequale damnum consulere ad vitandum aequale?

R. Th. Sanchez, l. 7 de Matr. D. 11, n. 26, putat quidem, ex consilio quo suades unum damnum ad vitandum alterum prorsus aequale respectu ejusdem personae, non omni obligationem restitutionis; quia nihil operatur hoc consilium nisi mutationem pure materiam damni. Addit tamen, se non videre quomodo possit honeste consilium preberi. Sed C. de Lugo, n. 51, docet oppositum, saltem in casu quo tibi foret utile, si fur potius hanc materiam, puta pecuniam, surriperet quam aliam, puta triticum, quod emere decrevisti; nam in hoc casu consilium non est in damnum domini, qui perinde laderetur deficiente consilio; nec in damnum spirituale furis, cum non sit ipsi occasio peccandi simpliciter et absolute, sed mutandi tantum unum peccatum in aliud omnino aequivalens; nec contra charitatem Dei, nam consilium dans absolute non vult offensam, sed praecise vult ut, si futura sit offensa, potius haec omnino similis quam illa fiat. 2^o Si damnum aequale quod suades sit inferendum alteri de quo fur minime cogitat, clarum est ex dictis n. 288, peccare te contra justitiam. 3^o Si verò fur haeret anceps inter utrumque, judicat C. de Lugo, n. 54, non esse contra justitiam, si suadeas ut fur parcat tuo amico, vel etiam dicas: *Si nullà ratione vis omittere furtum, furare potius Titio quam Caio, qui meus est amicus.* Verùm de hoc jam dictum est supra, n. 290.

292. Dub. 8^o an liceat consulere majus damnum, ut evitetur minus

R. Quamvis propriè non liceat consulere majus damnum ad vitandum minus, sæpissimè tamen possum et teneor impedire potius minus malum, esto provideam secuturum majus damnum. Ita Lothus ex officio patris vigilare potius debuit ut Sodomite non abuterentur filiis, quam ut non abuterentur contra naturam hospitibus. 2^o Qui videt furem obfirmatissimum ad nocendum, sed ancipitem inter Titium et Caium, potest defendere Caium amicum, et rogare vel etiam impedire furem ne Caium injuste ledat. Quod enim facere potest Caius, cur non Caii nomine facere possit amicus, esto per accidens inde sequatur majus damnum Titii? 3^o Si suator in hoc casu diceret furi non solum: *Parce Caio*, sed etiam adderet: *Si vis alterutrum ex his duobus ledere, nec aliter à proposito tuo potes contrahere, lade potius Titium quam Caium*, meritò controverti potest an teneatur ad restitutionem; quia vox ista plus non operatur aut non efficacius inluit ad injustum Titii damnum, quam si praecise diceret: *Si vis alterutrum ledere, non lade Caium*; at quia communiter auctores casum non attingunt, aliorum judicio rem submitto.

295. Dub. 9^o an, sicut aliquando licet consulere minus malum et peccatum ad vitandum majus, ita liceat etiam facere minus malum ad vitandum majus?

R. negativè. Nam implicat in terminis peccatum aut malum culpe, quantumvis leve, sine peccato

fieri; et turpiter hallucinati sunt quidam ex veteribus, quos tacito nomine perstrigit Glossa, c. 4, Dist. 14, qui docuerunt non esse nefas veniale committere peccatum, ut evitetur in aliis mortale. 2^o Suator non potest impedire utrumque malum, et suasionem suam ad aliud efficere contendit quam ut saltem evitetur majus: contra verò qui consilium audit, potest utrumque malum omittere. 3^o Est generale principium: *Non sunt facienda mala, ut evitentur bona; et, ut dicitur in cap. 4, super eo, de usur: Cum Scriptura sacra prohibeat pro alterius vità mentiri, multò magis prohibendus est quia, ne etiam pro redimenda vita captivi, usurarum crimine involvatur.*

294. Dub. 10^o an peccet contra justitiam qui furi vel malefico, qui paratissimus est ad hodie nocendum, suadet ut potius cras noceat?

R. Si fur aliter à proposito diverti non potest, non est iniquum furi vel malefico dicere ut potius cras noceat quam hodie; quia sic absolute fur aut maleficus non impellitur ad injustitiam; imò potius est spes mutandi propositi. 2^o Si moralis est certitudo forem aut maleficum à proposito non destitutum, putat C. de Lugo, D. 19, n. 45, non injustum semper esse si furi vel malefico suadeas accelerationem damni: v. g., maleficus obfirmatissimè statuit inferre damnum crastino die festo, ubi violabit Ecclesiae praeceptum etiam omissione sacri, vel labore servili, potes ei suadere ut potius hodie furetur, si nulla quidem spes affluat mutandi consilii. Idem juris est si dominus ex maleficio cras patrandò majorem concepturus sit morrorem quam ex maleficio hodie patrato. Sic etiam qui injustè vel justè certissimò necandus est, absque peccato petere potest ut citius occidatur, quando melius est depositus aut minor hominum concursus ac minus infamiae periculum: et aliàs etiam qui condemnatus est ad lentam mortem, rogare non posset ut mitiori supplicio velocius tollatur è vita. Ita sentit doctissimus cardinalis. Nota tamen, cavendum ne consultor nimis facile vel temerè sibi persuadeat non mutatum iri furis aut malefici propositum. Unde nisi certus existat de pertinacia, nec potest nec debet inducere furem aut maleficum ad accelerationem damni, quamvis timeat postea secuturum gravius peccatum; quia damnum quod hodie certò datur, in aestimatione morali praeponderat danno quod fortasse cras dabitur, et multis modis adhuc impediri potest. Et nemo prudens accersit hodie periculum certissimi mali, ut evitetur cras periculum incertum aliquantò majoris mali. Sic etiam ex opposito prudenter non sæpè conjeicimus in periculum incertum majoris mali, ut evitemus periculum certum minoris. V. g., mercatores cum periculo vitae prudenter navigant ad depellendum certissimum periculum paupertatis, quamvis mori sit majus malum quam paupertas. 3^o Qui suadet accelerationem damni absque sufficienti et rationabili motivo, peccat contra justitiam et tenetur ad restitutionem damni secuti. Num verò teneatur in solidum, statuatur infra.

295. Dub. 11^o an qui bona fide vel per errorem in-

culpatum dedit malum et iniquum consilium, v. g., dicens contractum esse licitum, qui reipsa non est licitus, cognita veritate, teneatur ex justitia vel ex charitate tantum illud retractare, dum res adhuc est integra?

R. Suasor in hoc casu probabilius ex justitia tenetur, si tamen facile potest. Ita contra Th. Sanch. in materia simili, quando quis bona fide testatur esse falsum, quod vergere potest in grave detrimentum proximi, resolvunt Molina, tom. 5, tr. 4, D. 40; Less. c. 30, n. 55; C. de Lugo, D. 39, n. 24; Tambur. l. 9, c. 3, § 3, et Dicastillo, de Poen. D. 10, n. 250. *Ratio 1^a*. Qui bona fide proximum infamat, imponendo crimen falsum, errore comperto, tenetur ex justitia retractare dictum, si quidem sine gravi suo incommodo possit; aliàs censetur moraliter continuare suum dictum: ergo etiam, et quidem à potiori, in nostro casu; nam, ut Dicastillo benè observat, qui operatur ex alieno consilio, movetur ad suam operationem, quia putat consultorem adhuc persistere in sua sententia, non operaturus si sciret contrarium. 2^o Qui per inadvertentiam applicuit ignem alienis aedibus, ubi primum advertit, tenetur ex justitia subducere fomitem ignitum, si possit absque gravissimo suo malo; secùs moraliter censetur conservare causam incendii. 3^o Qui præbet inscius alteri venenum, ubi rescit errorem, ex communi sensu videtur magis obligatus ad removendum malum quàm alius qui non præbet venenum, sed aliunde scit præberi venenum: hæc autem major obligatio non potest explicari, nisi dicatur esse justitiæ. 4^o Sicut paterfamiliàs ex justitia tenetur cavere, quantum commode potest, ne à domesticis, pueris ac infantibus inferatur aliis positivum et injustum grave damnum; ita quivis etiam ex justitia tenetur cavere ne per actiones suas et consilia positivè patiantur alii grave et injustum damnum. Unde, sicut paterfamiliàs ex justitia tenetur accurrere quando videt puerum suum accendere segetes alienas, ita quilibet ex justitia tenetur opitulari, quando videt positivas suas actiones vergere in grave et injustum proximi damnum.

296. Dub. 12^o an qui sciens dedit iniquum consilium, factà revocatione, teneatur adhuc ad restitutionem, secuto damno?

R. Si consilium erat simplex, v. g., si præcisè dixisti contractum esse licitum, bellum justum, medicinam salubrem, etc., vel si rogasti duntaxat alterum ut hoc aut illud faceret in tui gratiam, non teneris ad restitutionem, revocato consilio. Ita communis omnium; *et ratio*, quia consilium hoc æquiparatur mandato, et qui consilium accipit, non potest aliunde moveri per tuum consilium quàm ex auctoritate, judicio, vel etiam ex voluntate tua: ergo si sciat judicium tuum esse mutatum aut voluntatem tuam esse contrariam, non potest ampliùs moveri per tuum consilium.

297. Dub. 13^o: Quid verò, si consilium tuum iniquum non erat simplex, sed vestitum? Vestitum consilium appellatur, quando non solum interponis tuam auctoritatem, sed insuper adducis motiva, vel dicta-

mina gloriæ, commoditatis aut voluptatis, quæ proximum impellere possunt ad injustè nocendum, vel etiam doces artem nocendi, vel pandis secretum magicum ad nocendum.

R. In hoc casu teneris ad restitutionem, etiam retractato consilio. Ita Molina, D. 731; Less. c. 13, n. 16; Vasq. c. 9, § 1, n. 11; Azor. l. 4, c. 11; Dicast. D. 4, n. 62; C. de Lugo, D. 19, n. 37, et Cardenas, Diss. 23, in prohib. n. 136, aïens oppositam sententiam ab Innoc. XI damnatam. *Ratio 1^a*. Licet revoces consilium, ac seriò dicas poenitere te dati consilii, vel etiam alterum obnixè roges aut horteris ut non obsequatur tuo consilio, non movetur quidem maleficus ad inferendum damnum à tua voluntate vel auctoritate, movetur tamen ab aliis rationibus quas antè suggessisti: v. g., si feminam hortatus es ad abortum ob declinandam infamiam, et pandisti modum faciendi abortum, femina movetur ex infamia quam facile potest declinare pharmaco secreto. Si juvenem ambitiosum ad vindictam aut duellum animasti per exaggerationem injuriæ vel ostensionem gloriæ mundanæ, juvenis movetur potissimum his phantasticis umbris. Unde, nisi removeas efficaciter hæc motiva, semper teneris ad restitutionem. Affert exemplum Granatense Cardenas, Dissert. 23, n. 138, de duobus adolescentibus nobilibus amicitia conjunctissimis, quorum unus alterum galero percussit leviter ferè per ludum; cum autem tertius percusso diceret eum esse oneratum, nec posse dissimulari injuriam, hæc pessima insinuatio vinculum amicitia ita disruptit, ut percussus statim provocaret alterum ad duellum, sed infelici vulnere mox sauciatus, brevi post mortuus sit. In hoc casu tertius obligatus fuisset ad restitutionem, etiamsi postea consilium iniquum retractasset. 2^o Qui suggerit ejusmodi consilium vestitum, agit perinde ac si claves alteri suppeditaret ad furtum aut ense ad injustam occisionem alterius: at suppeditans clavem aut ense tenetur ad restitutionem, si non eripiat hæc instrumenta, vel efficaciter moveat alterum ad omissionem maligni propositi, quantumvis millies oret et obsecret ut desistat: ergo etiam à pari. 3^o Innoc. XI damnavit hanc propositionem, n. 39: *Qui alium movet aut inducit ad inferendum grave damnum tertio, non tenetur ad restitutionem damni illati*. Qui verò dat ejusmodi consilium, verè movet et inducit ad inferendum grave damnum, esto retractet suam voluntatem, aut asserat seriò sibi displicere datum consilium. Aliud tamen foret si rationes antè datas penitus dissolveres, aut ita veluti redigeres ad nihilum, ut ex iis moveri non posset ampliùs alter ad injustè nocendum: ubi tamen observo, non satis esse si malus consultor suggerat spiritualia motiva contra temporales rationes; nam istæ communiter prævalent apud homines mundanos, et illecebris terrestribus nimium quantum fascinosos.

298. Dub. 14^o an, si malus consultor poenitentia ductus abstrahere non possit alterum ab iniquo proposito, saltem monere debeat tertium cui damnum impendet?

R. Si consilium erat tantum simplex, et malus consultor revocavit quidem consilium, sed alterum avertere non potuit ab impio proposito, tenetur ex charitate tantum monere tertium ut rebus suis invigilet. 2° Si vero revocare non potuit consilium propter distantiam aut huiusmodi causas, ex iustitia monere debet tertium. 3° Hoc à fortiori locum habet quando consilium erat vestitum; tunc enim monere debet ex iustitia tertium, sive consilium revocaverit apud alterum, sive non: quæ omnia patent ex dictis de mandato, n. 275 et seq.

299. Dub. 15° an malus consultor teneatur etiam ei qui consilium petiit aut accepit, sarcire damna postmodum secuta?

R. Si consilio circumvenit alterum, ita ut consilium accipiens non adverterit ad fraudem et iniquitatem consilii, malus consultor utique tenetur ad sarcienda damna; quia fraus et dolus nemini patrocinantur. 2° Si verò qui consilium accepit, sufficienter advertit ad iniquitatem consilii, non tenetur ad restitutionem, quia scienti et consentienti non fit injuria neque dolus, C. 27, de R. J. in 6, et nullus ex consilio, dum fraudulentum non fuerit, obligatur. Et hinc etiam, si consultor est notoriè rudis et idiota, consilium petens et accipiens sibi debet imputare quòd huiusmodi consultorem adierit aut ei sit obsecutus, cum tamen abundè sciverit ejus imperitiam. 3° Sæpius contingit ut solus consultor teneatur resarcire quælibet damna quæ vel illi qui consilium accepit, vel aliis sunt enata: nam sæpius qui consilium accipit, procedit optimâ fide, quia putat consiliarios nil mali consulere; quod maximè notandum, et cetera sculpendum in silice consiliariis principum et regum.

300. Dub. ultimò ex qua culpa teneatur malus consultor?

R. Juxta Molinam, D. 730, si consiliarius judicetur peritus artis aut facultatis quam proficitur, nec accipiat stipendium aut mercedem, communiter tenetur ex culpa lata; si verò stipendium accipiat, ex culpa levi; si demum exactissimam peritiam ac diligentiam jactet, ut impediatur dominus à quærendis optimis consiliariis, tenetur ex culpa levissima. Quæ tamen omnia sunt intelligenda secundùm ea quæ fusiùs exposita sunt q. 9 et 10 de contractibus aut quasi-contractibus. 2° Navarrus, c. 17, n. 152, rectè monet sapientes et litteratos ut non nimium prudentiæ vel scientiæ suæ tribuant; quia sæpius per ignorantiam vineibilem peccant, quæ non excusat à restitutione. 3° Excusatur tamen consultus, quando respondet juxta opinionem verè probabilem, quam adhibita sufficienti diligentia putasse veram; vel qui, consultus, simpliciter aperit suam opinionem, dicens ita sibi videri, non autem suadet ut alter sequatur, imò simul indicat se dubitare: tunc enim alter, si sequatur, suæ temeritati ascribat.

QUESTIO XIX.

QUANDO TENEATUR AD RESTITUTIONEM CONSENTIENS, PALPO ET DANS RECOURS?

301. Dub. 1° quis veniat nomine consentientis?

R. Consentiens hic dicitur qui suffragio, voto vel sententia movet aut determinat alterum ad injustum damnum. Ita, v. g., consentiunt superiores, domini, patresfamilias, quando subditis, servis aut filiis dant potestatem aliis injustè nocendi, tametsi non præcipiant; 2° senatores et consiliarii, quando per suffragia concurrunt ad iniquas sententias, exactiones, tributa, etc.; 3° electores, capitulares et patroni, quando promovent indignum. Huc pertinent in Hispania scholares, quibus in aliquot academiis jus competit per suffragia nominandi vel eligendi magistros. Hos autem omnes peccare contra justitiam et obnoxios esse restitutioni, quoties voto vel suffragio suo creant injustum damnum, est luce clarius, et patet ex dictis n. 260.

302. Dub. 2° an teneatur ad restitutionem senator aut consiliarius, quando dat injustum suffragium, in casu quo minimè desunt alia suffragia sufficientia ad injustum damnum?

R. 1°. Si consiliarius et senator est inter primos qui suffragantur, tenetur ad restitutionem, esto sciat absque suo suffragio non defutura alia plus quàm sufficientia suffragia ad injustum damnum. Ita cum Navarro, Cajet. Molin. Lessio, Vasq. et aliis C. de Lugo, D. 19, n. 17. Ratio. Nam hoc modo jam influit effcaciter in damnum injustum, quod antea nondum erat sufficienter in causa præparatum. 2° Si verò suffragatur inter ultimos, et non est ulla spes mutandi vel revocandi priora suffragia, quæ propter numerum sufficientiunt ad injustum damnum, non tenetur consiliarius ad restitutionem, quamvis gravissimè peccet contra justitiam. Ita rursùm iidem DD., et ratio; quia damnum injustum erat jam ante sufficienter præparatum ac determinatum in causa propter pluralitatem votorum. 3° Aliud tamen foret si propter ultima suffragia cresceret, v. g., pœna per injustam sententiam concepta, vel si princeps fortè non esset secutus pluralitatem votorum, sed ad iniquam sententiam motus est à consiliariis per unanimum consensum.

303. Dub. 3° an teneatur ad restitutionem consiliarius, quando dubitat an suffragium suum fuerit inter priora, vel inter posteriora, v. g., prout sæpè contingit, quando suffragia non palàm et publicè feruntur, sed causa secretis calculis deciditur?

R. aff. Ita Molina, D. 756, et C. de Lugo, D. 19, s. 1, n. 22; P. Sporer, c. 3, n. 55, contra Dianam et alios. Ratio 1°. Quando damnum illatum est certum, et singuli cooperantes dubitant an ipsi determinatè fuerint efficax causa damni, tenentur omnes ad restitutionem; aliàs enim foret pessimè consultum leso si nullam exigere posset restitutionem. 2°. Quando plures, etiam non communicato prius consilio, simul explodunt in hominem aut jumentum alterius, et ex vulnere vel circumstantiis non constat quis determinatè leserit, omnes concurrentes ubique gentium ex aequitate naturali condemnantur ad restitutionem; nec est ratio cur forum internum hic discrepet ab externo. 3°. Quando quis injustè lædit integram communitatem per furta minuta, v. g., mercator utens falsis pon-

deribus, ita tamen ut nesciat quos determinatè læserit, per se debet satisfacere communitati, vel singulis in communitate, juxta proportionem dubii: ergo etiam, quando vicissim aliqua communitas aut collectio lædit, etiamsi nullus determinatè sciat an ipse læserit, tenentur omnes ex collectione, qui cooperati sunt, satisfacere. 4°. Si Caio constaret rem quam habet non esse suam, sed esse debitam uni ex tribus, ita tamen ut nesciat cujus determinatè sit, omnes tres possent exigere restitutionem à Caio juxta proportionem dubii: ergo etiam, si constat tres cooperatos ad injustum Caii damnum, et nescitur quis determinatè dederit, Caius similiter pro ratà dubii potest ab omnibus exigere restitutionem. 5°. Si non essent plura suffragia mala quàm quæ sufficerent ad injustum damnum, suffragatores injusti procul dubio tenerentur ad integram restitutionem, et Caius iniquè læsus haberet jus certissimum adversus omnes; quòd autem accesseris tu per suffragium tuum, non debet idcirco Caii conditio reddi deterior: imò potius, quia per injustum suffragium impediisti Caium ut non possit à cæteris exigere compensationem totius damni, debes Caio propter injustum hoc impedimentum satisfacere, vel reddere quantum alii minus redent.

304. Dub. 4° an consilarii vel senatores peccent contra justitiam et teneantur ad restitutionem, quando subterfugiunt senatum, ubi tamen possent impedire sententias injustas?

R. Cum Molina, D. 732; C. de Lugo, D. 19, n. 66, et aliis quamplurimis, *affirmativè*: nam ex officio justitiæ vel quasi contractu tenentur hujusmodi sententias impedire; tres tamen casus excipiunt. 1° Possunt aliquando senatores abesse citra legitimum impedimentum, quando non imminet ex absentia magnum inconveniens; 2° quando justam absentiae causam habeant. Ut tamen observat hic C. de Lugo, requiritur gravissima causa, quando sciunt rem magni momenti tractandam, et periculum est ne noceat absentia; 3° quando certissimò sciunt conclusum iri contra justitiam, et suffragium suum non aliò servitutum quàm ut odium sibi concilient et suscitent graves rixas. Ubi tamen iterum optimè notat C. de Lugo, contingere non infrequenter ut nimium sibi blandiatur privatus et proprius amor, et irrepat inordinatus metus: cum tamen uniùs cordata libertas multorum pusillanimitatem corrigat, vel saltem impediatur senatores ut alià vice non tam faciliè consentiant in facta iniqua.

305. Dub. 5° quis sit palpo, quando teneatur ad restitutionem?

R. Palpo idem est quod adulator. Tenetur hic ad restitutionem, quoties adulatione, laudibus aut blanditiis est causa cur damnum fiat aut damnum illatum non resarciatur. 2° Eodem onere premitur qui murmure, vituperio, vel exprobratione timiditatis, ignaviae vel pusillanimitatis, determinat alterum ad injustè nocendum, prout sæpissimè fit inter gregales juvenes, dum unus alterum incitat ad vindictam. 3° Illic etiam spectant qui homini per injuriam affecto ita repræ-

sentant injuriæ magnitudinem aut nobilitatem, ut ille commotus adversarium interficiat, esto non facerint animo incitandi ad tale damnum, modò saltem animadvertent probabiliiter secuturum id damnum, aut dubitaverint, ut rectè post Navarrum, Azor, Rebell. et Navarram observat Dicastillo, D. 4, n. 108: quamvis enim juxta plurimos excuseris à restitutione quando dubium est an commiseris injustitiam, non tamen excusaris quando operatus es cum dubio inferendi injustum damnum.

306. Dub. 6° quid sit recursus, et quando teneatur ad restitutionem qui præbet recursum?

R. Recursus hic præbere dicitur, qui malefactori positivè præstat refugium aut securitatem, ut vel maleficium committat, vel ne post maleficium restituat. 2° Hoc modo sæpissimè peccant advocati furum, caupones, quando recipiunt latrones, vel qui spolia furum abscondunt; item magnates, quorum protectione nituntur malefici. 3° Istos verò ad restitutionem teneri, dum efficaciter movent alios ad injustè nocendum, non est dubium: hinc C. qui aliorum 24, q. 3, Urbanus pontifex ait: *Qui aliorum defendit errorem, multò amplius damnabilior est illis qui errant.* Item Aug. ep. 54, relatus in c. 1, 14, q. 6: *Illud verò fidentissimè dixerim, eum qui pro alio ad hoc intervenit, ne malè ablata restituat, et qui ad se confugientem, quantum honestè potest, ad restitutionem non invellit, socium esse fraudis et criminis.*

307. Dub. 7° an ergo nunquam possit maleficis præstari recursus?

R. Potest præstari materialiter. 1° Quando maleficus seipsum potest defendere; sic quando furtum in judicio non est sufficienter probatum, advocatus licitè tuctur furem. Advertere tamen debet ut is occultè restituat vel præstet cautionem. Similiter si fur injustè vel contra juris ordinem vexatur in judicio, potest eum advocatus defendere, licet hac occasione fur fortasse sit abusus ad detinendam rem injustè surreptam. 2° Non peccant qui post factum recipiunt furem ut non incidat in manus carnificis aut lictorum, vel quando recipiunt tantum ob causam amicitiae, sanguinis, necessitatis aut humanitatis, vel ratione officii, ut si sint caupones, et non desint alia diversoria quibus recipiantur fures. Tunc enim formaliter non recipiunt fures ut fures, sed materialiter ut homines, consanguineos et amicos, nihilque præstant in damno inferendo vel retinendo. Sic etiam complures intelligunt censuras quæ late sunt contra receptores hæreticorum aut homicidum, scilicet, quando recipiunt eos formaliter ut tales. 3° Sæpius etiam excusantur receptores, quando prudenter metuunt ne, si non recipiunt furem, occidantur, vel aliud damnum proportionaliter admodum grave sustineant. Si tamen fur iis tradat res furto sublatas, tenentur eas domino reddere, non manifestato fure, si possunt absque notabili suo detrimento, nec ullo modo licet eas ut res sibi proprias asservare. 4° Qui furem abscondit, potest illum ad fugam juvare, cum etiam ipsi reo non sit illicitum fugere manus insequentium. Cavendum

tamen ut furi non præbeatur spes recursus in posterum, ut similia committat.

508. Dub. 8. an excusentur a restitutione caupones, si recipiant filiosfamilias à quibus potu vel lusu consumuntur pecunia paterna?

R. 1. Si caupones credant invitos esse parentes quoad substantiam, peccant contra justitiam, et tenentur ad restitutionem, tum ob rem acceptam, tum etiam ob injustam acceptionem, si recipiant à filiisfamilias pecuniam paternam. 2. Imo, si nihil recipiant à filiisfamilias, sed tamen locum, chartas aut lumen concedant, peccant contra justitiam, et per se tenentur ad restitutionem, nisi forte sciant eos eque conventuros alibi, vel rationabiliter existiment parentes non esse quoad substantiam invitos. 3. Quando summa non est valde notabilis, sapissimè pater, committens filio administrationem pecunie, non obligat eum titulo justitiæ, sed obedientiæ tantum, ut eam expendat in bonos et necessarios usus: quia scit non Carthusiano vel religioso, sed juveni vano, seculari se committere pecuniam: unde caupones tunc excusantur ab injustitiâ vel restitutione. 4. Sæpè parentes non curant restitutionem, postquam pecunia male fuit expensa: quamvis ista voluntas non debeat præsumi, quando summa valde notabilis est.

QUÆSTIO XX.

QUANDO PARTICIPANS TENETUR AD RESTITUTIONEM?

509. Dub. 1.º quid sit participans, et quando teneatur ad restitutionem?

R. Nomine participantis intelligitur quicumque socius et adiutor maleficii: quod fit tripliciter. Sæpè quis immediatè tanquam executiva causa participat in eodem maleficio, v. g., si quis cum alio furatur aut occidit. Sæpè participat quis in maleficio tantum mediatè, v. g., si tantum explorat an via furandi sit tuta, vel instrumenta, scalas aut similia suppeditat ad furandum. Sæpè quis participat tantum in re acceptâ, v. g., si capiat partem spoli post factum. 2.º Qui sciens participat in re acceptâ, semper tenetur ad restitutionem titulo rei acceptæ. 3.º Qui sponte suâ participat in actione injustâ, tenetur ad restitutionem, quoties itâ participat, ut moraliter ei possit attribui damnum. Unde tanquam grave crimen hoc reprehenditur, Psal. 49: *Si videbas furem, currabas eum co*; ubi S. August.: *Si non currabas, concurrerbas*. Et in jure participantes ejusmodi puniuntur ut fures. *L. in furti 30, § cum eo*, et *L. si pignora 34, § qui servamenta*, ff. de Furtis.

510. Dub. 2.º an qui propter metum gravem immediatè participat in actione injustâ, sit liber à restitutione?

R. Qui participat immediatè et liberè ponit actionem intrinsecè malam, non excusatur à restitutione. Sicut enim metus non tollit voluntarium, et non excusat à peccato formalis injustitiæ sic etiam non liberat à restitutione. Et hinc 1.º, ut notant communiter DD., si Turcarum captivi in bello formaliter

injusto, contra Christianos admoveant ignem bombardis, explodant pilas aut jacent sagittas, non excusantur ab injustitiâ vel restitutione: nam actio quæ per se, non superveniente alia causa libera, necessario trahit injustam occasionem alterius, est intrinsecè mala contra justitiam. 2.º Qui metu coactus incendit res alienas, perageret opus intrinsecè malum, nisi forte materia sit talis, ut participans ob extremam necessitatem alterius licitè possit eam surripere, vel nisi dominus rationabiliter credatur esse tam benignus, ut nihil potius incendi rem suam quam tibi viam eripi, prout sæpe potest supponi, quando certissimum est te non succedente, alios ministerium hoc obituros, et nulla propterea est incendi vitandi spes. His enim causis cessantibus, actio combustiva est per se determinata ad inferendum alteri necessario grave et injustum damnum: et, cum actio moraliter imputari non possit igni, debet ascribi causæ quæ libere fomitem ignitum apposuit. 3.º Less. c. 15, n. 50, revocat hunc casum, quando quis ob metum mortis effrangeret januas, penetraret fenestras et res foras projiceret, aut pecus alienum abigeret à stabulis. Verum contrarius est Castro Palao, D. 6, de Car. p. 11, n. 42, cujus sententiam amplector, saltem in casu quo prædictæ duæ limitationes adsunt.

511. Dub. 3.º an semper sit peccatum cooperari mediatè tantum ad alterius peccatum?

R. 1.º Qui cooperatur eâ intentione ut alter pravam suam voluntatem exequatur, est moraliter particeps ejusdem culpæ. 2.º Qui verò citra pravam intentionem cooperatur per opus de se indifferens, excusatur quoties habet sufficientem causam. Alias graviter peccarent sacerdotes, quoties homini, quem privatâ tantum notitiâ sciunt malè dispositum, distribuerent Eucharistiam; vel mutuarii, quoties in gravi necessitate peterent mutuum ab usurario; vel conjuges quæ marito malè petenti redderent debitum. 3.º Si tamen mediatè cooperans concurreret formaliter per actionem intrinsecè malam, ut si quis mandaret aut suaderet peccatum, procul dubio particeps esset peccati.

512. Dub. 4.º quænam causa sufficiat ut mediatè cooperari possis ad peccatum aut injustitiam alterius?

R. Vix posse tradi generalem regulam, sed recurrendum sapissimè tantum ad judicium commune prudentum. P. Th. Sauch. l. 1 Dec. c. 7, n. 12, rectè notat, 1.º tantò majorem communiter requiri causam, quantò certius ac gravius est peccatum aut damnum quod propter tuam actionem imminet, et quò propinquius actio tua concurrat ad peccatum et injustitiam alterius; item quantò probabilis est impedimentum in peccatum aut damnum, te non concurrente. 2.º Addit ibidem doctissimus auctor urgentiorem desiderari causam, ut licitè coopereris indirectè, quando peccatum et abusus alterius qui prævidetur, est contra justitiam, ubi fortius et injustus patitur, et quando tantum est contra charitatem,

ubi solus peccans ex voluntate propria detrimentum spirituale subit. 3° C. de Lugo, D. 25, n. 214, subministrat aliam regulam quoad peccata injustitiæ, scilicet, attendendum an dominus, cui datur damnum, meritò sit invitus circa cooperationem indirectam. Nam, si non sit rationabiliter invitus, cooperans non committit peccatum injustitiæ, nec tenebitur ad restitutionem : contra verò committet et tenebitur si dominus sit rationabiliter invitus. 4° Putem ego, considerandum quoque sæpius an non humano commercio nimia labe inferretur si non liceret indirecta cooperatio. 5° Denique semper ob oculos haberi debet universale principium ad dignoscendas obligationes naturæ, scilicet utrùm, omnibus benè perpensis, expediat potiùs obligationem existere quàm non existere : de quo post C. de Lugo et C. Pallav., videri potest Haunoldus, l. 2, Theol. n. 349 et seqq.

313. Dub. 5° an peccent mortaliter contra justitiam, et teneantur ad restitutionem christiani remiges, dum apud Turcas captivi, de mandato dominorum et ex metu mortis remigant contra christianos ?

R. Quamquam affirmativam acerrimè defendat Suar. D. 21, de Censuris, s. 2, n. 60, post Navarr. Ugo. lin. et Toletum, probabilior tamen est contraria sententia quam tuentur Molin. tr. 2, D. 115 ; Th. Sanch. l. 1 Dec. c. 7, n. 18 ; Less. c. 9, n. 122, et c. 15, n. 30 ; Vasq. c. 9, dub. 2, § 1, n. 59 ; Palaus, de Charit. D. 6, p. 11, n. 10 ; Corduba, Navarra, Lopez, Rodriq. Azor, Saa, Laym. Regin. Rebell. Salas, Dicast. C. de Lugo, Tambur. Flor. de Cocq, Sporer et alii. Ratio. Nam remigatio non est opus intrinsecè malum, sed indifferens, ut eo benè vel malè utantur barbari, neque videtur in hoc casu prohibita. Sicut enim remiges labore suo cooperantur indirectè ad mortem injustam aliorum, sic cooperarentur indirectè ad mortem suam si detrectarent laborem : est autem valdè durum dicere quòd in pari necessitate non possint potiùs sibi quàm aliis prospicere. 2° Sicut manus, sic etiam libertas est nobis data, ut nobis potiùs quàm aliis serviat : ergo si remiges pari modo dant ansam injustæ necis, sive laborent, sive non laborent, non debent obligari graviter aut etiam leviter ad opitulandum potiùs aliis quàm sibi. 3° Qui domino reddit gladium, quando properat ad injustam cædem, communiter excusatur à peccato si non possit negare gladium sine periculo certissimo propriæ necis : videtur autem hic casus omnino similis priori. Cæterum assertionem bene limitant Molina, Sanch. Less. Rebell., nisi gravis perniciēs imminet reipublicæ christianæ propter remigationem ; tunc enim bonum commune præferendum est privato ; verùm, ut Palaus advertit, rarus est casus in quo, si remigum unus aut alter cessaret, non statim præstò forent alii, vel damnum reipublicæ christianæ vitaretur.

314. Dub. 6° an peccent contra justitiam qui barbari et infidelibus deferunt arma, muniunt castra, subvehunt annonam ?

R. 1° Qui sponte sua suppeditant infidelibus arma, dum sunt hostes christianorum, lethaliter peccant et incurrunt excommunicationem, in bulla Cænæ contentam, de qua Suar. D. 21, de Cens. s. 2, n. 51. 2° Qui verò metu mortis adactus ea præbet, nec censuram incurrit, nec injustitiam committit ; et ratio est eadem quæ suprà de remigantibus. 3° P. Less. l. 2, c. 7, n. 125, judicat, probabiliter excusari catholicos aurigas et nautas, qui, v. g., Hollandis aut aliis hæreticis, injustè bellantibus, devehunt annonam, quamvis metu gravi non adigantur, modo saltem absit prava intentio, vel, illis cessantibus, non desint hæretici qui vecturam exerceant : nam hæc actio non est mala de se, nec etiam est iniqua propter intentionem agentium, nec etiam ex eventu, cùm, ut ponitur, hæretici milites æquè sint annonam habituri ab aliis, et permissio talis vecturæ non augeat vires adversariorum, imò potiùs contraria prohibitio catholicis plurimum officiat ; quia privantur maximo lucro quod soli hæretici capiunt.

315. Dub. 7° an peccent contra justitiam fabri ferrarii qui promiscuè vendunt arma, tametsi sciant aliquos abusuros.

R. 1° Si generatim tantùm et indeterminatè prævideant aliquos abusuros, non peccant ; quia tolleretur aliàs totum commercium humanum et nihil posset vendi, cùm nihil ferè sit quod non ab aliquibus vertatur in aliorum perniciem. 2° Si verò prævideant aliquos jam proximè comparatos ad injustam cædem, non possunt vendere propter exiguum et ordinarium lucellum, ac requiritur gravissima vel valde gravis causa, prout est major aut minor spes impediendi ; secùs enim fabri nimis propinquè concurrerent ad injustas cædes, sicut qui ruenti in cædem inimici præbent gladium. 3° In bello quod ex una parte formaliter est injustum, si venditores nesciant an milites serviant injustæ parti, non peccant arma vendendo promiscuè petentibus ; nam hæc venditio non magis tendit ad irrogandam quàm depellendam injuriam. Si verò sciant quinam sint ex injusta parte, non possunt vendere citra gravem et proportionatam causam.

316. Dub. 8° an peccent contra justitiam venditores veneni ?

R. affirm. Si quidem moraliter eis non constet ementes non abusuros veneno. *Ratio prima.* Nisi promiscua veneni venditio foret prohibita per legem naturalem justitiæ, sequeretur maxima perniciēs humani generis. *Secunda.* Ut optimè Suar. D. 10, de Charit. s. 4, n. 6 ; Th. Sanch. l. 1 Dec. c. 7, n. 6 ; Palaus, D. 6, de Char. p. 8, faciendum est discrimen inter indifferentia quæ bono vel malo usui deservire possunt. Aliqua, si promiscuè liceret ea vendere, regulariter converterentur in malum usum : hujusmodi sunt venenum, clavis adulterina, idolum in partibus infidelium. Alia verò regulariter emuntur et destinantur in bonum usum, ut arma, vestes, cibi, chartæ. Si objecta sint prioris generis non possunt vendi, nisi moraliter constet ementes bene usuros ; si verò sint ex posteriori genere, possunt vendi, quoties de abusu non constat.

Tertia. Potest autem ex qualitate personarum, sine vel modo petendi, colligi num euentes bene sint usuri. Quare, si vir notus publice petat venenum, pharmacopœus aut aromatarius communiter presumere potest bonum usum; quia rarissimus est tam idus, ut, si maleficum cogitet, non affectet secretum. Sic etiam non peccant macellarii, quando tempore jejunii vendunt carnes publice petentibus; quia presumuntur petentes habere privilegium, vel aliam causam excusantem, quam ipsi non debent nec etiam commode possunt examinare. Ceterum in venditione veneni multo magis presumitur bonus usus si pictores venena desiderant ad colores, aut si civis honestus petat ad interimendos mures aut alia noxia animalia. Num verò venditor veneni peccet contra justitiam, vel tantum contra charitatem, si vendat ei qui dicit se petere ad interimenda animalia, quamvis probabiliter potest cum malè usurum, est controversia. Less. c. 13, n. 31, judicat non esse contra justitiam, ac fortè ducitur hoc motivo, quia ex venditione veneni propter istam petitionem regulariter non oritur damnum injustum alterius: verùm alii sentiunt oppositum, saltem in casu quo damnum est propinquum.

317. Dub. 9^o an excusentur œnopolæ, qui vinum promiscuè vendunt tabernariis aut cauponibus, quos sciunt corrupturos vinum.

R. Œnopolæ communiter in hoc casu non peccant contra justitiam, quia nimium aliàs restringeretur commercium humani generis; et, ut advertit Th. Sanch. l. 1 Dec. c. 7, n. 37, difficulter œnopolæ distraherent vinum cum gravi suo detrimento, cum raro caupones occurrant de quibus timeri non possint ejusmodi fraudes. Et quamvis unus aut alter œnopolæ nolit habere commercium cum cauponibus dolosis, tamen ideo non impediuntur istorum peccata; non enim deerunt qui libentissimè vinum ipsis etiam optimà fide suppeditabunt, utpote non satis conscii fraudum. Cùm autem actus aliquis per se non est malus, sed indifferens, imò necessarius ad commercium humanum, et cùm per omissionem actus non impediuntur alterius peccata, sed incurritur tantum gravis jactura, non est actio graviter prohibita. 2^o Si tamen facilè reperiant œnopolæ caupones de quorum sinceritate non possunt prudenter ambigere, saltem ex charitate, ut vult Palaus suprà, p. 13, n. 5, cauponibus istis potius quàm aliis debent vendere; quia tenentur, quoad possunt, impedire peccata, maxime si vergant in damnum et præjudicium tertii. 3^o Si non vendant œnopolæ, sed præcisè deponant suum vinum apud tabernarios, ut isti vendant illorum nomine, profectò peccant contra justitiam, et tenentur ad restitutionem œnopolæ, si sciant à tabernariis distrahi vinum corruptum: non enim tabernarii, sed œnopolæ principaliter in hoc casu vendunt. Quòd si verò non sciant, tenentur saltem ad restitutionem, quantum facti sunt ditiores.

318. Dub. 10^o an qui vendit aut ministrat indifferenter, prævidens malum abusum, aut iniquam applicationem alterius, universim excusetur ex hoc capite quòd

alius eadem venderet aut ministraret, ipso deficiente?

R. negat. Nam aliqua sunt ex objectis indifferenteribus que ratione sui, vel attentis circumstantiis, tam propinque serviunt ad alterius peccatum, ut, nisi per legem naturæ prohibita foret in certis circumstantiis eorum venditio vel subministratio, sequeretur maxima perniciies universi: v. g., si liceret concedere scalam latroni quem scis iniqua meditari; supponere corpus furi, quando vult et non potest aliter ascendere per fenestram; præbere gladium furenti, quando meditatur injustam cædem. Et esto concurreret alius ad tam infame ministerium, tamen ideo tu non es excusatus: sicut enim ille non effugeret peccatum per suum concursum, ita nec effugis tu per tuum. Excipe tamen, nisi gravissima, sufficiens aut proportionata causa tuam cooperationem reddat honestam. 2^o Promptior tamen et facilius est excusatio si non deforent alii qui bonà fide suppeditarent instrumenta necessaria pro peccato: v. g., si Caius rueret ad iniquam cædem, et alii, quibus ignota penitus est Caii machinatio, libentissimè suppeditarent gladium, neque tu posses illos monere, facilius ei posses reddere gladium quàm si nullus alius sine peccato concederet. Sic etiam si dominus repetat gladium apud te depositum, quo tamen absolute non eget ad injustam cædem, cùm domi suæ plures habeat gladios omninò similes, quos eripere non potes, utique facilius eum posses reddere quàm si nullum haberet. Hæc ratione censetur etiam Christianus excusari, quando paschali tempore venderet agnum Hebræo, prævidens impiam ejus superstitionem; quippe nisi venderet iste, certissimò venderet alius, et quidem optimà fide, nec ullà ratione peccatum impediretur. 3^o Si verò sunt objecta quædam indifferenteria extra materiam justitiæ, quæ non ita propinque serviunt ad alterius peccatum, v. g., vendere fucos meretrici, præparare cibos soluturo jejunium, sternere mensam, etc., existimat Th. Sanch. l. 1 Dec. c. 7, n. 16, non esse peccatum mortale, siquidem alius non desit qui ministret: concedit tamen esse peccatum veniale, quia, dum ego non cooperor, regulariter alter peccabit minus, et mea tergiversatio salubriter alterum movet ut saltem in posterum non tam facilè peccet. Verùm Palaus, D. 10 de Charit. p. 9, n. 1, contrarius est, ac docet esse peccatum mortale, nisi causa sufficiens concursum tuum honestet. Verùm quænam illa sit, nec ipse nec alii generatim explicant, et nullus unquam explicabit, cùm res dependeat ex plurimis circumstantiis particularibus. Sic in casu posito circa jejunium, Palaus suprà, p. 11, n. 4, cum Navarro, Sanch. Azor et Saa putat, ancillas, servos aut filios excusari ratione famulatus aut filiationis, si jussu domini vel patris præparent cibos, sternant mensam, etc.; contra verò p. 10, n. 2, cum Vasquio negat, per se licitum esse ut dominus invitet ad cœnam eum quem scit aliàs soluturum jejunium, esto contrarium sentiant Navarr. Cajet. et alii satis communiter.

319. Dub. 11^o an peccent contra justitiam, qui cooperandur ad usuras?

R. 1° Certum est mutuatarium qui petit mutuum ab usurario, non peccare contra justitiam; quia nemo justitiam aut injustitiam exercet adversus seipsum. 2° Imò neque contra charitatem peccat, si mutuum petat ex justa vel rationabili causa, quamvis videat alterum non daturum sine usuris. Richardus autem existimat justam causam non esse, nisi cogat notabilis necessitas vel immineat notabilis penuria. Verùm alii communiter quos congerit Th. Sanch. l. 5 Dec. n. 12, non videntur exigere necessitatem gravissimam aut gravem; quod apparet probabile, dum usurarius aliunde jam habitualiter est paratus ad usuras unde colligendas. Imò Suarez, Salas, Hurtado, quos sequitur C. de Lugo, D. 25, n. 255, putant sufficere magnam utilitatem mutuatarii, qui non potest aliunde nancisci mutuum, licet usurarius aliunde paratus non sit ad colligendas usuras. 3° Molina, Suarez, Vasquius, Rebellus, Th. Sanch. Palaus et alii communiter credunt esse mortale, si mutuum petatur ad res non honestas aut necessarias, sed venialiter saltem illicitas. Verùm Sotus, Cajet. Navarr. Saa, Corduba, Vega, quibus adheret C. de Lugo, n. 254, docent oppositum, saltem in caso quo jam aliunde paratus esset usurarius ad usuras unde colligendas, et mutuatariorum valde durum foret carere mutuo. 4° Id communiter recipitur, mutuatarium non peccare si post mutuum solvat usuras; nam ordinariè magnas subiret molestias si non solveret, neque per negationem solutionis minueret usurarii peccata, sed potius daret ansam pluribus et majoribus, nisi judicis auctoritas intercederet. 5° Famuli tandem mutuatarii possunt facere quicquid facere potest mutuarius. Unde non peccant contra justitiam si faciant ea quæ vel expressè, vel tacitè vult mutuarius.

520. Dub. 12° an peccent contra justitiam et teneantur ad restitutionem, qui cooperantur ad usuras ex parte usurarii?

R. Applicandam hic regulam C. de Lugo, n. 312, propositam, an scilicet mutuarius sit invitatus necne. Et hinc 1° non videntur peccare famuli qui præcisè numerant pecuniam aut eam mutuatorio deferunt; nam hoc mutuarius absolutè vult, et est ipsi perinde, sive per proprios famulos, sive per famulos usurarii pecuniam recipiat. 2° Multò minus peccant famuli, quando sub clave custodiunt pecunias usurarias; nam hæc actio nimis remotè concurret ad usuram. 3° Si famuli præcisè dicant mutuatorio, dominum non aliter concedere mutuum, nisi sub usuris, vel si, post mutuum datum, sine ulla vi vel coactione absque minis et importunis verbis simpliciter referant tempus solutionis elapsum, aut asserant dominum desiderare solutionem, imò totum relinquunt ejus arbitrio, non videtur mutuarius graviter invitatus; cum has actiones communiter præstare possint ipsius proprii famuli vel amici, et mutuarius ordinariè sit sponte soluturus. Atque ita sentiunt Sotus, Navarra, Tolletus, Turrianus et alii, quos sequuntur C. de Lugo, D. 25, n. 224, et Dicastill. l. 2, tr. 10, D. 3, n. 98, quanquam alii cum Lessio refragentur. 4° Si verò cogant ad solutio-

nem aut importunis verbis sollicitent, ex omnium sententia, peccant contra justitiam et tenentur ad restitutionem, in defectum usurarii. 5° Si famuli præcisè referant in libros rationum quæ data sunt mutuo, judicant Salas et Navarra non evitari grave peccatum injustitiæ; sed Molina, Sotus, Bannez, Salonius, Aragon. Lessius, Turrianus, C. de Lugo et Dicastillo satis probabiliter docent oppositum; quia non videtur mutuarius graviter invitatus, si famuli de jussu domini referant in libros quod ipse dominus scriberet. 6° Tabelliones et notarios qui faciunt instrumenta et palliant usuram, ac scribunt usurarium dedisse centum et quinque, cum tantum dederit centum, non vindicat ab injustitia et restitutione P. Suar. D. 13, de Cens. s. 5, n. 25; sed Dicastillo putat hoc intelligendum, nisi tabelliones id faciant in gratiam vel ad preces mutuatarii, qui mutuum aliter extorquere non potest. 7° Principes ac judices graviter peccant contra justitiam si mutuarios cogant ad solvendas usuras, ac incidunt in excommunicationem Clement. de usuris. Existimat tamen C. de Lugo, propter gravissimas causas, posse statutum fieri quo mutuarii compellantur ad solvendas usuras, non quidem ut debitas, sed ad impedienda majora mala; quo pacto Navarrus ait, coactos aliquando fuisse Christianos, Romæ, Anconæ et Avenione ad solvendas Judæis usuras. Verùm obsistit Lessius. 8° Qui locant usurariis domos, communiter excusari solent; nam hæc actio nimis remotè conducit ad usuras, et alioquin etiam peccaret qui cibaria vel vestes iis subministraret. Palaus tamen, D. 6, de Car. p. 12, excipit casum quo tua domus ob situm loci multò commodior esset ad usuras, et absque gravi tuo detrimento posses alios et meliores habere conductores. 9° Qui deponit, mutuat aut alio contractu tradit pecuniam usurario, quando prævidet fore materiam injusti fœnoris, à quibusdam absolvitur omni peccato, ferè sicut locator domus, esto non habeat gravem causam, modò negotiationem malam non intendat aut consulat. Alii tamen cum Molina, Rebell. Th. Sanch. et aliis quos sequitur Palaus suprâ, p. 13, gravem causam postulant, v. g., securitatis pecuniæ, magnum et justum lucrum, etc.; siquidem, cessante depositione, vel non exercerentur usuræ, vel non in tanta quantitate; quia non solum vitari debet peccatum usurarii, sed etiam damnum quod mutuariis infertur. Imò Vasq. et Basil. Pontius existimant deponentem sine causa, quando potest, omissâ depositione, multas usuras impedire, non agere solum contra charitatem, quod volunt alii cum Molina, sed et contra justitiam et ad restitutionem obligari. Verùm contrarius est cum Lessio C. de Lugo, D. 25, n. 217, quia mutuarius qui non potest aliunde pecunias accipere, non solum non aegre fert, sed etiam gaudet quòd usurarius multas pecunias in promptu habeat, quanquam doleat aliquid exigi supra sortem.

521. Dub. 15° an peccent famuli contra justitiam, quando comitantur heros ad maleficium.

R. Si famulus comitatur herum, ut idem cum eo maleficium patret, v. g., ut in duello pugnet, aut

cum eo foretur, liquidum est illum ab injustitiâ vel restitutione non excusari; cum hoc opus sit intrinsece malum, et per nullam causam reddi possit honestum. 2° Si famulus comitatur herum ad duellum, non animo pugnandi, sed tantum defendendi dominum à morte, si forte vulneratus alteri succumberet, iterum peccat contra justitiam, quia dominus ex hoc comitatu regulariter fit animosior ad pugnandum, et non irret famulo non comitante: neque valet hic futile excusatio servi superius n. 510 rejecta, quòd, ipso deficiente, non defecissent alii: melior tamen esset excusatio, si famulus metu mortis aut gravissimi mali cogeretur ad comitandum; cum enim hoc opus de se sit indifferens, esto propter inquam domini mentem proxime deserviat ad maleficium, tamen non est illicitum quando cogit extrema necessitas. Atque ita resolvit Th. Sanch. l. 1 Dec. c. 7, n. 15, idem paulo post, n. 18, cum Cordub. dicit, non peccare contra justitiam navicularios qui paratos ire duellum, ex metu gravissimo mortis, cymbâ transvehunt ad locum privati certaminis, esto possent illud impedire si non transveharent; et cum Eum. Saa pariter excusat eos qui simili timore compulsi monstrant locum ubi latet inimicus. 3° Si tamen famulus comitatu suo nullatenus animaret dominum, et hic pergeret ad patrandum maleficium famulo non eunte, nec famulus ullâ duceretur intentione pravâ, qui tamen est casus rarissimus, non committeret peccatum injustitiæ, neque cogi posset ad restitutionem ob maleficium domini.

522. Dub. 14^a an famulus peccet contra justitiam, si jussu domini deferat aut scribat litteras mala vel iniqua continentes?

R. Si famulus præcisè suspicatur aut dubitat an litteræ continent quid mali vel iniqui, censet Palaus suprâ, p. 11, n. 7, tutò deferri posse litteras; quia nimium alias enervaretur disciplina, vel debita subiectio famulorum. Unde S. Aug. relatus in Cap. quid culpatur 25, q. 1: *Vir justus, si fortè sub rege homine etiam sacrilego militet, rectè potest illo jubente bellare, si quod sibi jubetur, vel non esse contra Dei præceptum certum est, vel utrum sit, certum non est.* Existimo tamen, si famulus non umbratili tantum suspitione ducatur, sed habeat rationabile, solidum et grave dubium an res vergat in admodum grave damnum tertii innocentis, et insuper si facilè possit suppressere litteras, et damnum alterius impedire, non teneri famulum, nec posse statim obsequi; quod ipsum etiam agnoscere videtur Palaus, tr. 1, D. 5, p. 15, n. 17. Aliud est de bello, ubi nimia sequerentur incommoda regnorum si non possent in dubiis obedire subditi, cum non expediat subditis patere principum arcana. Facilius tamen est excusatio, quando litteræ non cederent in præjudicium tertii innocentis. 2° Qui scienter defert litteras proximè duellum spectantes, vel invitantes ad actum libidinis, mortaliter peccat; quia moraliter loco domini provocat ad duellum, libidinem, etc., quod est intrinsece malum. 3° Si tamen famulus sciret mulieris constantem animum, et de-

ferret ei litteras non ad scandalum, sed potius ad risum et contemptum, vel ut illic comburentur, posset excusari. Verum non facile presumi debet hæc constantia mulierum, et res est admodum lubrica, in quâ prestat astringere quam laxare famulis habenas. 4° Facilius possunt excusari famuli, quando portant litteras remote tantum incitantes ad duellum aut libidinem, vel communia tantum urbanitatis signa deferunt, esto prudenter timeant sinistram affectum domini; secus enim famulatus nimium difficilis generatim accideret, et paucissimi timorati possent adire famulatum. Et hinc Th. Sanch. l. 1, Dec. c. 7, n. 22, 24 et 29, advertit, multa servitia, de se indifferencia, quæ remote tantum serviunt ad pravam opus, et à dominis etiam ordinantur ad aliquid mali, famulis esse licita, quæ tamen aliis non licent. Quod si famulus sciret dominum meditari flagitium, et juberetur inquirere num femina domi sit, et juberetur concubinam adducere, profecto non excusaret sola ratio famulatus, sed requireretur urgens aut gravissima ratio, prout est major spes impediendi flagitium. Ita docent Navarr. Rodríguez, Azor, et Th. Sanch. 5° Si famulus jussu domini scribat litteras proximè concernentes duellum, aut libidinem, existimat Th. Sanch. suprâ, n. 26 et 28, nunquam eum excusari, quamvis metu mortis cogatur; nam ista scribere semper est intrinsece malum, et ad nullum bonum potest deservire. Verum Palaus, D. 6, de Char. p. 11, n. 7, dubitat, cum possint ista subinde scribi propter bonum finem, v. g., ut proferantur in judicio, confutentur à DD. ostendantur superioribus, etc. Ego rem peritiorum censure committo.

525. Dub. 15^a: Quid si famulus sternat equum, aperiat januam, afferat scalas, aut alia ministret ad maleficium?

R. Non posse certam regulam tradi, sed considerandum sedulò quale sit maleficium quod intenditur; quum propinquè ministerium serviat maleficio; num ministerium absolutè requiratur ad maleficium, sic, ut, eo negato, possit inhiberi maleficium, et an, te deficiente, deficiant etiam alii qui bonâ fide ministrent; quæ causa vel necessitas urgeat ministerium; an ille, cui maleficium intenditur, meritò sit invitatus, et jure queratur contra ministrum. Et hinc 1° famulus, citra causam urgentissimam, sternere non potest equum ituro domino ad duellum, quando certò scit dominum alias non iturum. Minor tamen causa sufficeret, si non deferent alii qui bonâ fide sternerent equum, aut si dominus alias irret. 2° Famulus qui reverentia causâ tantum aperit januam manu sive vi, non videtur peccare graviter, secluso pravo affectu, neque tenetur ad restitutionem; quia ministerium hoc nimis remotè conducit ad pravam intentionem domini, neque necessario requiritur, cum dominus ipse possit aperire januam. 3° Ancilla sternens lectum, esto præsciat dominum graviter peccaturum, juxta communem DD. non est debeti mortalis rea; nam preparatio lecti valdè remotè conducit ad adulterium, neque vitaretur hoc peccatum quamvis ancilla refugeret id obsequium.

Et aliàs etiam peccarent qui venderent adultero lectum. Aliud tamen foret in hospitio, si duo jam proximè meditarentur flagitium, et ancilla cauponis facillè posset illud impedire non reserando cubiculum. 4° Si domina redux à furto incidat in ancillam, et jubeat asportare secum res furtivas, quas tamen sola domina facillè portaret, meritò dubitari potest an semper peccet contra justitiam juvando; quia, cum furtum inhibere non amplius possit, nec etiam possit efficaciter permovere suam heram ut res furtivas restituat fortassis parùm curat dominus rerum, si præstet ancilla breve servitium, quod tamen est minimè necessarium ad furtum. Quidquid sit, certius illud ex Laymanno, quòd non teneatur ad restitutionem; quia labor ipsius non multum influit in damnum injustum alterius. 5° Denique circa concursum famulorum maximè notanda venit propositio 51, ex damnatis: *Famulus qui submissis humeris scienter adjuvat herum suum ascendere per fenestras ad stuprandam virginem, et multoties eidem subservit deferendo scalam, aperiendo januam, aut quid simile cooperando, non peccat mortaliter si id faciat metu notabilis detrimenti, puta, ne à domino male tractetur, ne torvis oculis aspicatur, ne domo expellatur.* Ubi tamen non placet expositio P. Cardenas, quæ nimis est rigida, cum tamen propositio damnata sit tantum ut jacet: et, si propter notabilem necessitatem cooperor usuris, et peto mutuum, quod absque malo fœnore non est alter concessurus, quare non propter urgentissimam causam vel metum mortis possit famulus præstare ministeria quæ de se sunt quidem indifferentia, sed ob pravam intentionem domini deserviunt ad libidinem?

QUÆSTIO XXI.

QUANDO TENEATUR MUTUS, NON OBSTANS, NON MANIFESTANS?

324. Dub. 1° quid sit mutus, non obstans, non manifestans?

R. Ut voces non sint synonymæ, mutus est qui non impedit damnum præcepto, voce, litteris, monito, clamore, strepitu, quamvis teneatur ex contractu, vel quasi-contractu. Sic muti sunt superiores, quando non prohibent subditorum damna; consilarii, quando non monent ante damnum; custodes vinearum, agrorum, etc., quando non præcavent damna quæ verbo vel signo facillè possunt impedire. 2° Non obstans est qui non præstat opem aut operam quam ex contractu vel quasi-contractu debet, ut medici quando deserunt ægrotum; duces exercitus quando non succurrunt. 3° Non manifestans, qui, contra contractum aut quasi-contractum, reipublicæ, principi vel judici maleficium non manifestat, vel ante factum, quando damnum est impediendum, vel post, quando damnum est sarcien-dum.

325. Dub. 2° an confessarii teneantur ad restitutionem, quando rudem penitentem ex culpa non admonent, et sunt indirectè causa cur iste non restituat?

R. Quamvis affirmativa quam tuentur Angelus, Rosell. Sylvest. Navarrus, Tolet. Navarra, Molina. Sai-

rus, Aragon. Salon. et Moya, sit probabilis, negativa tamen quam docent Suar. Henriq. Vasq. Palaus, Emm. Saa, Valent. Rebell. Less. Coninck, Filliuc. Arriaga, Philipp. Faber, C. de Lugo, Bonac. Dicast. Malder, Sporer et alii, verosimilior apparet; quia confessarius ex officio justitiæ tenetur quidem procurare bonum spirituale penitentis, non autem emolumenta temporalia tertii. Neque placet discrimen quod nonnulli dant inter confessarium ex officio qui stipendium aut decimas accipit ut confessiones excipiat, ut parochus et episcopus, et inter confessarium qui non ex officio confessiones excipit: quippe si prior ex justitia deberet impedire damna temporalia tertii, teneretur etiam posterior; nam qui purè gratis et voluntariè suscipit munus ad quod ex justitia non tenetur, perinde debet illud administrare, sicut ille qui tenetur ad officium ex justitia vel propter stipendium. Sic etiam qui gratis suscipit munus judicis, debet perinde justitiam ministrare, sicut judex ordinarius. 2° Si tamen confessarii silentium ob circumstantias æquivalet positivo consilio, v. g., si penitens interrogaret specialiter de obligatione restitutionis, ac per modum interrogantis diceret se utique non obligatum esse ad restitutionem, ac confessarius ex culpa vel ignorantia crassa sileret, probabiliter confessarius teneretur ad restitutionem; quia taciturnitas in hoc casu foret instar positivi responsi. Ita sentit Dicastillo D. 10, de Pœnit., n. 324. 3° Quod autem P. Moya, tr. 3, D. 7, q. 4, asserit, silentium confessarii apud indoctos semper æquivalere positivo consilio, cum indocti omnes æquè liberos se agnoscant à restitutione, sive confessarius positive dicat eos non teneri, sive taceat, hoc mihi non probatur; quia possunt indocti credere quòd ex oblivione confessarius fortè non monuerit, et sæpissimè, dum indocti nullum habent scrupulum de obligatione restitutionis, nihil etiam cogitant de judicio confessarii circa restitutionem.

326. Dub. 3° an famuli teneantur ad restitutionem, quando non impediunt damna quæ vel à domesticis vel ab aliis inferuntur domino?

R. Si non impedian, quando cavere debent ex officio, tenentur ad restitutionem; secus verò non tenentur. Ita 1° præfectus cellæ, granarii, penùs, horti vel culinæ, tenetur ex officio justitiæ, vel sub obligatione restitutionis, cavere ne quis damnum inferat in cella, granario, penu, etc., vel furetur res suæ curæ specialiter concreditas. 2° Eadem obligatione stringitur famulus cui dominus tradit clavem, ut afferat aliquid ex loco clauso, cubiculo, cista, armario vel cella; nam hoc ipso quòd dominus tradat clavim, tacitè censetur ipsi committere custodiam loci. 3° Idem onus habet præfectus supremus, cui totius domûs cura incumbit; hic enim ex justitia vigilare tenetur ad elepices domesticorum aut aliorum manus. 4° Probabiliter omnes famuli tenentur etiam ex justitia defendere dominum adversus exterorum injurias, furta vel damna, saltem si possint absque notabili vel proportionato suo detrimento; cum iis hoc ipso quòd in familiam asciscantur, demandari videatur à domino cura adversum ex-

traneos. Ita Sotus, Navarra, Less. Laymann et C. de Lugo, Sporer, contra Molin. Azor et Bonac., quorum doctrinam Dicastillo putat non esse improbabilem. 5° Si famulus egredientem dominum comitetur, et in via videat furem insidiam erumentis domini, tenetur ex iustitia obistere, quia est custos domini. 6° Quando famulus videt furtum a domestico committi, cuius ipse praefectus non est, et in rebus curae suae specialiter non concreditis, probabilius ex iustitia non tenetur obistere; cum vix ullus doctorum obligationem agnoscat, et famulitium alias redderetur nimis difficile vel exosum. Hanc auctoris sententiam nonnulli sunt qui explodunt, interque recentiores scriptores non plurimi valet, siquidem in facto et in principio infirmissima est quae rationatur causa. Difficile et exosum famulitium in facto non redderet: facile enim furantis etiam sibi praefecti agendi modum patefacere quisque potest, nec absque memori animo herus studium famuli cognosceret; in facto etiam bene est si quis famulus opportunam delatione a se suspicionis labem et consequentias arcere potuerit, quae furto commisso, semper in inopes et humiles convertuntur. Quod autem ex odii timore arguitur, et falsum est, siquidem plus valeret heri amicitia quam noceret praepositi invidia, et etiam iniquum principium statueret, scilicet metus causam licere ab officiis suis deterreri. Adde quod praesumi debet in hoc casu voluntas domini, se scilicet furto non spoliari, quam voluntatem ut adjuvet, famulus peculium accipit, quae etiam voluntas certè est ut à suis moneatur in illo casu. Cuique etiam notum est alia esse famuli, alia extranei officia; strictiora esse famuli, curam vigilantiorum imponi, quasi rerum dominicarum custodi et servatori, per tacitam conventionem quae ex utriusque contrahentis officiis exprimitur; nec tamen, nostro tempore, omnino ab exprobratione liber foret etiam extraneus qui immotis ore et manu furtum conspiceret; à fortiori ergo famulus. Ità Haber, Collet, Billuart sentiunt; quibus accedunt Bouvier, Legerot et complures; id tantum addentes, scilicet excusari posse famuli silentium, si omni re perpensa, non sine ineluctabili periculo posset furantem insimulare. 7° Si tamen domesticus, noctu meditans fugam, multa surriperet, probabiliter alius famulus, etsi non ejus praefectus sit, nec gerat specialem rerum curam, ex officio deberet impedire; quia domesticus ille jam moraliter esset velut extraneus. Vide C. de Lugo, D. 49, num. 106.

527. Dub. 4° an paterfamilias teneatur compensare damna quae per ejus negligentiam gravem aut culpam latam intulerunt domestici?

R. Si damnum dederunt uxor vel liberi, tenetur; quia ex officio debet istis invigilare ne graviter aliis noceant, cum uxor et liberi censeantur una quasi persona cum paterfamilias, et iste debeat in omnibus eorum curam gerere. 2° Idem juris est si damnum per ejus negligentiam gravem dederunt animalia vel servi proprii dicti: quod patet tum ex iis quae dicta sunt ad leges noxales q. 5, tum ex sensu communi, tum etiam

ex eo quia servi et animalia conceduntur dominis cum pacto cavendi ne per servos aut animalia damnum creetur aliis; et humano generi male foret consultum, si domini non deberent etiam ante sententiam iudicis rescire damna quae per eorum gravem socordiam intulerunt servi vel animalia. 3° Si damnum dederunt famuli vel ancillae liberae, quibus proprium peculium competit, satis est quod lesi convenire possint famulos aut ancillas, et heri non videntur ex iustitia obligari ut caveant omnia damna quae per malitiam aut socordiam inferri possunt à famulis et ancillis. Excepe tamen, nisi famuli vel ancillae delinquant in officiis quae specialiter herus ipsis demandat. Ita Rebell. l. 2 de Rest. q. 14, n. 61, quem sequitur Dicastillo, D. 4, de Rest. n. 138.

328. Dub. 5° an ministri publici, qui tenentur alios ex officio defendere, teneantur etiam cum periculo vitae?

R. cum Molina, tom. 3, D. 725, et C. de Lugo, D. 10, n. 217, non posse certam et universalem regulam tradi, sed exactè simul libranda necessitatem reipublicae, quantitatem periculi vel damni quod utrinque tum reipublicae, vel innocentibus, tum etiam ministris publicis imminet, stipendium et finem ministrorum, ac denique spem avertendi damni. Et hinc 1° satellites non tenentur cum tanto periculo querere maleficum privatum, qui non admodum nocet reipublicae, cum quanto tenentur querere publicum grassatorem. 2° Famuli qui praecipuè suscipiuntur ad comitandum dominum, cum minori periculo tenentur quam satellites principis. 3° Gubernator civitatis, qui magis est minister ad pacem quam ad bellum, non tenetur se tantis periculis objicere sicut miles.

329. Dub. 6° an custodes saltuum, vinearum, lacuum, etc., teneantur rescire damna quae propter eorum dissimulationem sunt exorta?

R. cum communi affirm., siquidem domini graviter ferant eorum dissimulationem. Unde si pauperes ex urgenti necessitate ligna moderatè cædant, praesertim ex locis communibus, possunt custodes tuto dissimulare; quia suadet hoc lex caritatis, praesumpta voluntas dominorum et consuetudo. 2° Quando venantes aut cædentes ligna sunt consanguinei ipsius domini, sic, ut censeant illum nequaquam invitum, iterum tuto dissimulant. 3° Saepius etiam excusantur custodes, quando vel consuetudine vel patientiâ principis, scientis ac dissimulantis, receptum est ut non tam severe munus suum exequantur.

330. Dub. 7° an custodes saltuum, vinearum, etc., teneantur etiam ad restitutionem muletarum, quas alias certò solvissent si quos manifestare neglexerunt.

R. cum S. Bernardino, Navarro, Silvestro quos citat et sequitur Lessius, c. 13, n. 75, item cum C. de Lugo, D. 37, n. 102, et Dicastillo, D. 4, n. 163, contra Navarram, Salon. et Sotum, negativè. 1° Quia praxis contraria passim est, et domini vel non agnoscunt in custodibus hoc onus, vel communi consensu restitutionem ipsis remittunt. 2° Custodes communiter non videntur constituti ut ex iustitia reno-

publicam, fiscum aut dominos manifestatione delinquentium locupletent, sed tantum ut impediunt damna quae fierent aliis in silvis, agris, vineis et lacubus. Unde satis est eos obligari per justitiam ad sarcienda damna notabilia quae per ipsorum socordiam in silvis, vineis, etc., contingunt; ad manifestandos verò delinquentes, si non impendat aliud damnum in silvis, vineis, etc., videntur ex fidelitate solum vel ex jramento ligari, proit in simili dictum est, n. 243, de promotoribus minus dignis. 3° Si custodes ipsi delinquerent, utique non tenerentur ex justitia sua sponte solvere multam quae delinquentibus est praefixa: ergo nec tenentur eam dependere si delinquant alii, et eos ipsi non manifestent; dum enim dissimulant aliorum damna, fiunt moraliter auctores damnorum. 4° Ut plurimum nimis foret rigor, si obligatio custodum excederet longè tenuitatem salarii, si cogerentur in conscientia solvere multas quas alii qui sunt in delicto deprehensi solvissent, et quorum delicta dissimularunt. Caeterum assertio haec est vera, sive gratis, sive accepto pretio dissimulent. An verò pretium hoc debeant restituere, pertinet ad materiam de turpi lucro.

331. Dub. 8° an eustodes saltuum, vinearum, etc., peccent contra justitiam aut caritatem, si datà operà se abscondunt, ut liberiùs postea delinquentes ex insidiis capient ac ab eis poenas exigant?

R. Certum est quòd non peccent contra justitiam; quia nullo justitiae praecepto tenentur consulere bono delinquentium aut à poenis eos indemnes servare. 2° Probabiliùs etiam non peccant contra charitatem; quia fas est permittere materiam minoris mali ad cavendum majus et frequentius malum; quippe si sciatur custodes sapiùs latere, rariùs delicta committuntur, et delinquentes absterrentur metu, ne fors à latentibus intercipientur. Atque ita docent Navarrus, Navarra, Corduba, Rodriq. Molina, quos sequitur Dicastillo supra, n. 176, contra Medinam, Azor et alios. Taceo quòd aliquando possimus aliena peccata permittere, utendo illis in proprium commodum. 3° Si tamen custodes hac occultatione directè vel per se intenderent peccatum et damnum proximi, verissima foret contraria sententia.

332. Dub. 9° an praefecti gabellarum teneantur ad restitutionem, quando non exigunt gabellas?

R. Praefecti gabellarum tenentur quidem ad compensanda damna quae per eorum gravem negligentiam respublica vel princeps patitur ex defraudatione gabellarum, ad multas tamen defraudationum minimè tenentur; nam, ut bene Lessius, officium illorum est, non multas procurare, sed vectigalia recipere; neque leges poenales sunt factae ut respublica ex poenis locupletetur, sed ut leges serventur et subditi officium praestent. 2° Quamvis, juxta communioem, gabellae solvi debeant in conscientia, non tamen gabellarii damnandi sunt, quando subinde benigniùs agunt, praecipuè cum pauperibus, vel etiam iis qui gabellas aliàs diligenter solvunt; nam, ut sapientissimè C. de Lugo, D. 36, n. 41, principes ordinariè majorem summam

exigunt quàm quae sufficiat ad publicas necessitates; quia sciunt gabellas et tributa non integrè solvi. 3° Imò, quòd alibi fusiùs dicam, etiamsi fideles maximè sint hortandi ut tributa diligenter solvant, si tamen subinde aliquantum defraudent, non obligandi videntur ad restitutionem; quia communissima praxis id habet, principes connivent, et in tanta multitudine tributorum sapientissimi quique dubitant an omnia prorsus sint justa; imò veteres aliqui satis asperè loquuntur.

333. Dub. 10° quid dicendum de apparitoribus qui noctu, v. g., deprehendunt gestantes arma prohibita, quae per statutum applicanda sunt fisco?

R. cum C. de Lugo, D. 57, n. 99, videri satis probabile quòd non teneantur ad restitutionem, etiamsi non auferant arma, vel ablata statim iterum reddant ex benevolentia, vel etiam pro liberali munere; quia sic habet communissima praxis, et nimis rigida foret obligatio contraria, quam respublica vel princeps non censetur imponere. 2° Si deprehensus allegaret causam valde rationabilem, apparitor absolutè non teneretur arma auferre, vel posset ablata statim in continenti reddere, nec teneretur ad restitutionem: ergo etiam, si nonnunquam id faciat intuitu specialis benevolentiae. Nam principes ordinariè plus non exigunt; imò potiùs expetit ad reipublicae bonum ut arma subin auferantur tantum ad terrorem, et postea reddantur. 3° Arma sic ablata non videntur absolutè debita fisco, nisi postquam ei sunt tradita, vel apparitor illa jamdiu habuit.

334. Dub. 11° an reus qui, legitimè rogatus in judicio, sine justà causà negavit delictum, debeat restituere poenam pecuniariam ad quam aliàs certò fuisset damnatus?

R. Ita quidem affirmat Molina, tom. 1, D. 95, sub finem; sed rectiùs negant Navarrus, Salas, Vasq. Th. Sanch. et alii quos sequitur C. de Lugo, D. 57, n. 101. Ratio 1°. Poena communiter non debetur ante sententiam judicis, et fiscus aut actor non habet jus ad pecuniam, nisi medià sententià judicis. 2°. Sicut reus non tenetur ante sententiam judicis subire poenas corporales, esto per fraudes et mendacia evaserit sententiam judicis, ita nec ante sententiam judicis exequi debet poenas pecuniarias. 3°. Aliàs mercator qui contra legem in provinciam induxisset merces prohibitas, constantes, v. g., ter centum millibus florenorum, et in vià decepisset gabellarios aut etiam praefectos legitimè rogantes, teneretur ultrò tradere merces quae fuissent aliàs confiscatae; beneficiarius in judicio negans delictum, propter quod certò fuisset dejectus officio, teneretur ultrò se abdicare beneficio; ludentes ludo prohibito, si fors à pretore deprehensi et legitimè rogati, eluderent pretorem mendaciis, deberent sponte suà reddere totam pecuniam quam post sententiam judicis coacti fuissent solvere; sed haec omnia nimis sunt aspera, repugnant communissimae praxi, neque desiderari videntur à legislatoribus, et nullus ferè confessoriorum est qui scrupulum idcirco moveat. Excipi tamen possunt quasi poenae quae

per leges noxales debentur, non ad ultionem delicti, sed ad compensationem alicuius damni, ubi communis auctores agnoscunt non posse dominum animalis aut servi fraudibus uti vel mendacis, ut laeso non sariatur damnum, saltem post sententiam iudicis.

556. Dub. 12: Quid verò si pena pecuniaria incuratur ipso facto, v. g., si statuta sit honorum omnium confiscatio propter delictum hæresis, in partibus ubi crimen hoc non toleratur, vel propter incestus nuptias, ipso facto incurrenda?

R. Quamvis Paporm. Castro, Covarruv., et alii velint has penas deberi ante sententiam etiam declaratoriam iudicis, melius tamen id negat Molina, tr. 1. D. 95: quia lex obligans in conscientia ante sententiam omnem iudicem ad actum adeo difficilem et spontaneam privationem omnium honorum, esset intolerabilis, et imbecillitati hominum non satis accommodata; et usus, qui optimus est legum omnium interpretis, videtur oblique contrarius. 2^o Si tamen delinquens, in iudicio legitime rogatus, crimen negaret, putant Sotus et Molina, supra, delinquentem in conscientia non fore tutum, nisi traderet omnia bona sua fisco: sed C. de Lugo, D. 57, n. 110, videtur contrarius. 3^o Quod si minores essent pene pecuniariae, dubium non est quin lex ecclesiastica vel civilis, ante sententiam iudicis, ex aliquo facto compellere possit ad penas. Huiusmodi pena videtur quæ beneficiarii privantur parte reddituum, ob neglectum breviarium.

556. Dub. 13^o an iudex qui sine sufficiente vel legitima causa relaxat penas pecuniarias, à legibus prescriptas, teneatur ad restitutionem?

R. Quamvis affirmativa quam tuerentur Suar. l. 5, de Leg., c. 11, n. 6, Silvest. Angel. Laym. Rebell. Molina, P. Navarra, Medina, Salon. Aragon. Bannez, et Thomistæ communiter cum S. Th. sit valde probabilis, oppositam tamen etiam bene defendunt Less. c. 43, n. 75, Joan. Salas, D. 45, de Leg. n. 105, C. de Lugo, D. 57, n. 97, Th. Sanch. Vasq. Diana, Sporer et alii. Ratio; quia communis est hic stylus, et nullus est iudex qui restituat ejusmodi penas, aut propterea syndicetur; neque sufficienter probari videtur ab AA. tam gravis obligatio. 2^o Fiscus et alii quibus deberent applicari pene, non videntur habere jus ad penam, nisi pure conditionatam, nempe si rei fuerint condemnati. 3^o Licet iudex ex officio teneatur ad observantiam legum, tamen hæc obligatio non oritur ex jure quod habet fisco aut lesi, sed tantum ex debito quo stringitur orga reipublicam, ut scilicet subditi magis absterreantur à delictis. Unde si forte propter nimiam conviventiam invalescerent scelera, teneretur quidem iudex ad restitutionem reipublicæ, non tamen fisco vel iis qui per delicta sunt laesi. Atque hæc sententia mihi quoque probabilior apparet, si poena juxta leges erat applicanda fisco, pauperibus aut ministris justitiæ. Si verò sit applicanda lesi et actoribus, qui directè secundum leges petunt condemnationem malefactoris ad penam, opposita doctrina, sicut est communior, ita fors verisimilior est. Illud bene probatur

a Th. Sanch. l. 4 Cons. c. 3, doli. 2, omnibus includere gravem obligationem, ut quanto custodes, satellites et nostri justitie modo legitimo contentiant aut proleat grave damnum esse creaturæ, moneant laesos ut postulent satisfactionem.

557. Dub. 14^o an testis teneatur ad restitutionem, quando non manifestat in iudicio?

R. Si testis nondum est citatus et declinat iudicium, non peccat contra justitiam: quavis supplex agat contra citatorem, ut si lacrimis testimonio suo liberare posset innocentem. 2^o Si vero sit legitime vocatus ad testandum, et per linguam aut fraudes declinat iudicium, juxta communem peccat contra justitiam. Sed Molina, l. 1, D. 83, et l. 3, D. 700, et C. de Lugo, D. 39, n. 5, sunt contrarii; quia vocatus ad testandum non tenetur aliudè quàm ex præcepto iudicis: atqui non satis apparet quid iudex imponat hic subditi præceptum justitiæ potius quam obedientiæ. Sic etiam si quis, jussus a magistratu capessere tutelam, nollet obedire, vel falsis pretextibus se excusaret, non esset injurius in magistratum aut populum, sed tantum inobediens, pertinax aut parum pius: et universum nemo videtur ex justitia teneri ad functiones alienius officii, nisi vel expressè vel tacitè officium acceptet. Secus tamen est dicendum, si jussus proferre scripturam ad iudicium, eam laceraret aut occultaret: tunc enim peccaret contra justitiam: quia scriptura est res externa: de rebus autem externis respublica potest disponere propter publicam necessitatem, et actoribus in illas jus concedere, sicut ex communi fit in hoc casu. 3^o Multò minùs peccat testis contra justitiam, quando tantum formidat se citatum iri, et dolose iudicium subterfugit; quia nemo tenetur præcepto iudicis, priusquam ei imponatur: sicut etiam inferior, vitans conspectum superioris, ne mandatum accipiat, peccat quidem utens hoc artificio, non tamen agit contra mandatum superioris. 4^o Si tamen testis ultro se offerat, vel acceptet officium testis, tenetur ex justitia dicere veritatem, ac proin restituere debet iis quos injusto silentio vel testimonio falso lesit. Ad restituendam verò penam pecuniariam quam reus solvisset fisco, non tenetur, ut patet ex supra dictis. 5^o Obligatur etiam ad restitutionem, quando veritatem celans, est causa cur is in ejus favorem tenetur dicere, non adhibeat alios et sinceriores testes. 6^o Si testis in iudicio bona fide testificatus est falsum, in grave præjudicium tertii, tenetur ex justitia retractare dicta, juxta n. 295.

558. Dub. 15^o quando teneatur ad restitutionem advocatus?

R. Si per ejus negligentiam aut imperitiam cliens iustà causà excidit, tenetur de damno quod clienti obvenit. 2^o Si tueretur causam manifestè iniquam, tenetur ad compensationem omnium damnorum quæ parti alteri victæ obveniunt. Clienti verò causà cadenti tenetur, si bona fide procedentem non monuit de injustitia. 3^o Simili ratione tenetur, si persuadeat transactionem in causa manifestè iniqua; nam transactio tantum habet locum in causa dubia. 4^o Si fraudibus

clientem defendat, probabiliter non tenetur compensare emolumentum quod fisco per damnationem obvenisset. 5° Circa advocatum fisci major est dubitatio. Multi cum Salonio concedunt, eum obligari ad resarcienda damna quæ per ejus negligentiam aut silentium obveniunt fisco. Sed Less. c. 51, n. 51, et C. de Lugo, D. 37, n. 112, Salas et Bannez, tuentur oppositum; quia fiscalis primariò videtur institutus tantum ad accusanda delicta, ne fiant, sicut custodes qui denuntiare debent delicta, quamvis hoc secundariò conducat ad bonum fisci.

QUÆSTIO XXII.

AN OMNES ET SINGULI COOPERANTES TENEANTUR AD RESTITUTIONEM IN SOLIDUM?

339. Sciendum 1° cooperantes ad injustum damnum non semper æquali modo concurrere. Quidam principaliter influunt, ut *mandans*, qui meritò dux criminis appellatur, et in genere moris est principalissima causa; et *executor*, qui, quamvis moraliter determinetur à mandante, tamen in genere physico censetur causa principalis, quia seipsum immediatè, liberè et physicè determinat ad injustum damnum. Alii cooperantes secundariò tantum aut minùs principaliter influunt, ut consiliarius, adulator, mutus, non obstands.

340. Sciendum 2° per accidens contingere sæpius ut causa quæ foret aliàs secundaria, sit causa principalis aut unica cui possit ascribi damnum injustum; v. g., si consiliarii pessimi principem permoveant ad iniquam sententiam, injustum bellum et nimias exactiones, ubi sæpius princeps est excusatus quia bona fide procedit, et nequitiam in consiliariis non advertit.

341. Sciendum 3° non esse quæstionem an omnes cooperantes teneantur in solidum absolutè, sive num omnes et singuli debeant absolutè compensare totum damnum; quia sic læso deberet sæpius restitui decuplo vel centuplo plus quàm æstimetur totum ejus damnum; sed, an omnes teneantur in solidum, vel absolutè, vel saltem conditionatè, hoc est, si cæteri cooperantes non restituant.

342. Dico 1° : Quilibet ex cooperantibus qui concurrat efficaciter, ita ut moraliter ei possit ascribi totum damnum, tenetur ad restitutionem in solidum, vel absolutè, vel saltem conditionatè, hoc est, si cæteri non restituant.

Ut assertio, cujus notitia summopere requiritur in praxi quotidiana, rite penetretur, adverte tria concurrere debere, quibus positis, cooperans vel absolutè vel conditionatè teneatur ad restitutionem totius damni. 1° Ut cooperans influat physicè vel moraliter in totum damnum; nam si tantum influat in partem damni, manifestum est eum obligari solum ad restitutionem partis. Ita si plures, non communicato consilio vel operà, spoliant mercatorem, quilibet restituere tantum debet partem in qua mercatorem læsit. 2° Ut influat efficaciter; si quis enim consilio suo non persuadeat et permoveat alterum ad inferendum damnum, et alter inferat damnum ob alias causas, iterum est certum consulentem ad nihil obligari; quia restitui-

tionis obligatio non tam provenit ex injusto consilio vel actione quàm ex damno per consilium aut actionem injustam efficaciter dato. 3° Ut influat efficaciter, non quomodocumque, sed ita ut totum damnum ei moraliter ascribi possit: hoc autem bifariam contingere potest. Unus modus est, si cooperans ponit actionem injustam quæ per se sufficit, et actu determinat ad totum damnum: v. g. si duo cooperantur ad injustam cædem, et singuli lethaliter vulnerant; in hoc enim casu quilibet est causa verè totalis, cui totum damnum, non tantum totalitate effectûs, sed etiam totalitate causæ, potest ascribi. Alter modus est, si cooperans actione sua non quidem sufficit ad inferendum totum damnum sine aliis concausis, tamen, subtracto suo influxu, potest impedire totum damnum; vel si ita influit, ut, eo non influente, vel non superveniente simili causa, non poneretur damnum. Hoc modo communiter influit *mandans*: quamvis enim solum mandatum absque concursu executoris non sufficeret ad damnum, tamen, remoto mandante, vel non succedente simili causa, non poneretur damnum. Sic influit sæpius consiliarius aut suffragator qui, subtracto suo consilio vel suffragio, totum damnum impediret.

Assertio sic declarata *prob.* 1° ex consensu communi TT. omnium, à quo non licet in re tanti momenti discedere. 2° Nisi vera sit hæc assertio, non erit ulla ratio quare consiliarius, suffragator, *mandans* aut *executor* sæpius teneatur ad restitutionem in solidum. 3° Etiam in tribunalibus passim observatur mos ut, cum duo vel plures eandem trabem aut quilibet rem ponderosam furto asportaverint, quam quilibet solus ferre non posset, unusquisque teneatur in totum actione furti, juxta *L. ita vulneratus* 51, § *fin. ff. ad L. Aquil. et L. si plures* 6, ff. *arborum furtim cæsarum*, et *L. vulgaris* 21, § *si duo*, ff. *de furtis*. Leges autem istæ, dum concedunt actionem furti in totum, ex communi DD. interpretatione non statuunt novam pœnam, sed præcisè declarant quid de jure naturali competat læsis per furtum. 4° In hoc casu cooperans est causa verè totalis non tantum totalitate effectûs, sed etiam causæ; licet enim cooperans actione sua non sufficiat ad totum damnum sine cæteris causis ponendum, ita tamen influit, subtracto influxu et non succedente causa simili, totum damnum fuisset omisum: at causa sic influens, in æstimatione morali censetur causa totalis, cui justissimè totum damnum adscribitur, ac læsus meritò conqueri potest de tali cooperante, tanquam de causa totali, cum solus potuerit ac debuerit totum damnum impedire. Dein, cum cæteræ causæ sine tali cooperatione non sufficiant, damnum totum stat penes ejus arbitrium: igitur, si faciat efficaciter ut potiùs existat quàm non existat damnum, potest ei damnum imputari, quia solus illud dedisset.

343. Dico 2° : Si tamen cooperans influit quidem aliquo modo efficaciter ad totum damnum, ita tamen ut influxus ipsius non sufficiat ad totum damnum, nec etiam, influxu cohibito, vel non succedente alià simili

causa, damnum omitteretur, probabiliter cooperans non tenetur ad restitutionem totius damni, sed tantum ad aliquam partem, juxta proportionem sui influxus. Ita contra Molinam, D. 756, Cajet. q. 62, a. 7; Sotum, q. 7, a. 5; Less. c. 15, n. 5; Reb. Medin. Covarruv. Vasq. Navarrum, Dicastill. Tannerum et alios doctissimos RR. sentire videntur S. Th. in 4. d. 15, q. 1, a. 5 ad 5; S. Anton. Palud. Richard. Angel. Gabriel, Adrian. Silvester, Navarrus, quoscitat C. de Lugo, D. 19, n. 2, et sequitur n. 82. Item Tambur. l. 8, tr. 4, c. 2, § 8, n. 5; Patrit. Sporer, tr. 5, c. 5, n. 66, et novissime Jean. Gornaz, Theol. Rom. Ratio prima. Aliàs fatendum foret quòd, si totus exercitus junctis viribus inferret urbi gravissimum et injustissimum damnum, quilibet ex gregariis militibus de rigore juris teneretur ad restitutionem totius damni; nam quilibet efficaciter influit in totum damnum, et cæteri milites animantur ex consortio, nec ullus audeat inferre damnum, nisi videret se tot sociis stipatum: sequela verò, licet admittatur à Molina, Dicast. Reb. Laym. et aliis, est tamen nimis rigida, quam antiquiores communiter non agnoverunt; et Navarrus, c. 17, n. 20, testatur se contrarium resolvisse cum anno 1527 Roma diriperetur a militibus Borbonii, nec ullum resolutioni suæ fuisse contrarium. Secunda. Sequeretur quòd, si furi qui propter efficacissima motiva jam est obfirmatissimus ad furandum, suggererem novum motivum quod seorsim acceptum contemneretur aut cum risu rejiceretur, hic tamen et nunc adderet aliquem, sed debilissimum stimulum, deberem dein, deficientibus cæteris concausis, resarcire totum et integrum damnum: hoc iterum est nimis rigidum, ac plurimi hac doctrina redigerentur ad desperationem. Tertia. Idem semper esset dicendum, si consilio tuo tantum promovisses alterum ut aliquantulo citius aut alacrius intulisset damnum; cum tamen, ut advertit Laymanus, læsi parum intersit an primà vel secundà diei horà creetur damnum, quod aliàs absque dubio perficiendum erat. Quarta. Videtur contra praxin, ut restitutio tota, cum deficient aliæ concausæ, petatur ab ejusmodi cooperante qui tenuissimè tantum influxit, et non potuit impedire totum damnum. Quinta. Mensura restitutionis potissimum est injusta causalitas et efficax influxus in damnum: ergo, si cooperans tam debiliter influxit in damnum ut in æstimatione morali vix censeatur influxisse, quamvis aliquali modo influxerit, non est cogendus ad integram restitutionem, et eo pacto quasi fortissimè influxisset.

344. Dico 3^o: Si causa principalis per se sufficit, et est paratissima jam ad injustum damnum, et accedit causa minus principalis: e. g., consulens, palpo, consentiens, probabilius ista non tenetur ad restitutionem, quando non apparet ex effectu vel circumstantiis quòd causa magis principalis propter hunc concursum alacrius, animosius, citius, atrocius aut gravius nocuerit quam aliàs nocuisset. Ita Vasq. Molina, Reb. Azor, Less. Navarra, Bannez, quos citat et sequitur Dicastillo, D. 4, n. 11. Ratio prima est auctoritas S. Th. q. 62, a. 7 c.: *Tunc solum tenetur consi-*

liator aut palpo, id est, adulater, ad restitutionem, quando probabiliter estimari potest quod ex hujusmodi causis fuerit injusta accepta subsequuta: sed in hoc casu posito, probabiliter estimari non potest quod ex consilio, suffragio, etc., cause minus principalis injusta acceptio fuerit subsequuta: sicut enim, quando concurrunt efficaciter due cause physice, semper in effectu vel modo productionis apparet quadam diversitas ac quando tantum est unica causa; sic etiam ordinariè, quando concurrunt efficaciter plures cause morales. Secunda. Juxta sententiam communem, quando quis injustè suffragatur inter ultimos, non tenetur ad restitutionem si præcesserunt suffragia, quorum numerus sufficit ad injustum damnum, ut ex communi sententia n. 302 est dictum. Tertia. Qui scalam, à fure jam applicatam, tenet, ne fur labatur, ad nullam tenetur restitutionem, quando fur per eam ascendens inde non magis movetur aut firmatur ad furandum, et æquali cum alacritate properaret ad furtum, uti cum Soto, Molina, Layman. docet Dicastillo supra n. 26. Simili de causa, quod est exemplum Laym. c. 5, de Rest. n. 5, non tenetur ancilla quæ, cum domina redit à furto, ejusdem jussu simul asportat rem furtivam quam aliàs sola domina portaret. Quarta. Ut vult Dicastillo n. 27, qui tantum excubat dum alii furantur, ut, si opus sit, eos admoveat, non tenetur ad restitutionem, si fures eodem modo, æquè libenter et alacriter essent furaturi sine hoc vel alio vigili. Quinta. Huc etiam spectat § ope. Instit. de obligat. quæ ex delicto, ubi sancitur, consultorem actione furti non teneri, nisi præstiterit simul opem; quod intellige, nisi causa fuerit sine qua non, vel nisi moverit ad alacrius, expeditius aut gravius furandum.

Objectiones.

345. Obj. 1^o contra primam conclus. L. ita vulneratus 51, § fin. ff. ad L. Aquil. L. si plures 6, arborum furtim cæsarum, et L. vulgaris 21, § si duo, ff. de furtis, statuitur ut, si duo vel plures eandem trabem, tignum aut aliam rem ponderosam asportaverint furtivè, et si nullus eorum potuit rem asportare solus, omnes teneantur actione furti in solidum: igitur à contrario, si quilibet eorum asportare potuit solus, non omnes tenentur actione furti in solidum.

R. N. C. Leges allatæ tantum explicuerunt id quod erat certum et clarum, non tamen negarunt, neque negare potuerunt alterum.

346. Obj. 2^o contra secundam conclus.: Si fur ex se sit determinatissimus ad furandum Caio centum, Titius autem accedat et furi suadeat ut surripiat bis centum, certè Titius in conscientia debet restituere bis centum: ergo causa minus principalis tenetur ad restitutionem totius damni, quamvis non ita concurrat ut, influxu suo cohibito, possit impedire totum damnum, nec etiam ponat actionem quæ per se sufficiat et actu determinet ad totum damnum. Ant. probat Molina, t. 4. D. 756, quia post consilium fur eadem indivisibili volitione movetur in bis centum; nec est ulla ratio cur dicatur fur ob consilium moveri potius in

hos quam illos centum. 2° Pone bis centum in eodem marsupio concludi, certè fur qui per consilium movetur ad surripiendos hos centum, etiam movetur ad surripiendos alios centum, quia movetur ad sublegendum totum marsupium. 3° Si fur erat ex se determinatus ad furandum vas pretiosum constans centum florenis, tu verò consilio permoves ad furandum vas constans bis centum florenis, certè tibi potest ascribi moraliter damnum totius vasis.

R. Quamvis ista valde probabilem reddant contrariam sententiam, tamen non cogunt deserere sententiam communem veterum, è quibus S. Th. in 4, D. 15, q. 1, a. 5 ad 3: *In aliis autem causis enumeratis, inquit, non tenetur quis ad restitutionem, nisi in certis casibus, quando probabiliter credit quòd suum consilium fuit efficax, et quòd alias injusta ablatio commissa non fuisset; et S. Antonin. p. 2, c. 1, tit. 12, § 12: Si sine consilio vel mandato fuisset nihilominus facta rapina vel damnificatio, et nihil amplius per illud est additum, non tenentur, nisi quantum ad eos de rapina pervenit. Si verò aliquid amplius ex mandato vel consilio factum est, ad illud amplius tenentur in solidum.* Idem in hoc casu sentiunt expressè Covarruv. Medin. P. Navarr. Rebell. Aragon. Salon. Azor, Reginald. Sair. quos sequitur Dicast. D. 4, de Rest. n. 73, et Laym. c. 5, de Rest. n. 5. *Ratio:* quia si in hoc casu fur est obfirmatissimus ad surripiendos Caio centum aureos, et actio damnosa seu furtiva centum aureorum sufficientissimè jam est determinata in sua causa, ac certissimò secutura; Titius in æstimatione morali non censetur efficaciter determinare furem ad speciem, sed ad summum determinat ad aliam volitionem aut actionem qua feratur indivisibiliter ad bis centum: hoc autem nihil facit ad substantiam damni quoad priores centum aureos. Sic etiam, si fur esset paratissimus ad surripiendum equum, et Titius suaderet ut simul etià accipiat ephippium aut phalaras, non imputaretur ipsi moraliter ablatio equi quoad substantiam, sed tantum quoad circumstantias et ornatum.

347. *Obj. 3°:* Si Titius in priori casu movet efficaciter ad aliam volitionem aut actionem qua fur indivisibiliter tendit ad bis centum, Titio debet ascribi furtum aureorum bis centum.

R. D. Debet ascribi secundum æstimationem physicam et quoad individuum actionis aut volitionis, *C.*; secundum æstimationem moralem et quoad speciem actionis aut volitionis, *subd.* Prohinc actio vel volitio fertur in excessum, *C.*; prohinc præcisè fertur in centum aureos, *N.* Si fur esset firmatissimus ad surripiendos Caio centum aureos vel ex marsupio A, vel ex marsupio B, et ego determinarem eum ut potius surriperet ex marsupio B, non essem moraliter efficax causa gravis damni. 2° Si Cneius esset paratissimus ad necandum Sempronium in loco patulo, et ego determinarem eum ut potius in occulto occidat, ubi minus est scandali, non essem moraliter efficax causa cædis injustæ. 3° Si rogo maleficum ut iniquum propositum potius exequatur cras quam hodie, deter-

mino quidem illum ad aliam individuum actionem quæ damnificat, non tamen teneor ad restitutionem; nam, ut bene Lessius, c. 15, n. 9, et Laym. c. 5, de rest. n. 5, parum refert ad damni substantiam utrùm celerius fiat an tardius, hæc an illà actione individua, hoc an illo instrumento.

348. *Obj. 4°* Qui volentem furari consilio suo movet ut citius, alacrius et animosius furetur, tenetur ad restitutionem in solidum, ex communi RR. doctrina: ergo etiam qui volentem furari centum movet ut furetur bis centum, restituere tenetur omnes bis centum.

R. Quidquid sit de RR. doctrina, tamen antiqui, quòd fatentur ingenuè Lessius et Molina, sunt contrarii; neque satis apparet quare consultor in eò casu sit in solidum obligandus, cum ad substantiam aut speciem actionis non determinet, sed tantum ad individuum aut circumstantias, quæ parum aut nihil faciunt in æstimatione morali. Taceo quòd plerique RR., quando veniunt ad casus particularès in hac materia, videantur sibi contradicere, quod ostenderem facile si luberet ejusmodi contentionibus immorari. Fateor tamen, si moraliter superfuit aliqua spes inhibendi, consultorem qui movit ut citius, alacrius et animosius furetur damnum, teneri saltem ad restitutionem quanti valebat illa spes.

349. *Obj. 5°* Antiquorum auctoritas probat nimium, ei, si vera sententia S. Th. et S. Antonini, sequeretur excusatum à restitutione, qui concurrat quidem ad injustam actionem, ita tamen ut, ipso non concurrente, concurrisset alius, aut, ipso deficiente, damnum tamen esset secutum: sed hoc fusè rejectum est n. 261. Præterea S. Th. etsi videatur nobis favere loco superius adducto n. 346, tamen, ut advertit Navarra, l. 3, c. 4, n. 68, mutavit sententiam 2-2, q. 62, a. 7, dum ait: *In aliis autem quatuor causis non semper quis tenetur ad restitutionem, sed tum solum tenetur consiliator aut palpo, id est, adulator, ad restitutionem, quando probabiliter æstimari potest quòd ex hujusmodi causis fuerit injusta acceptio subsecuta.* Ubi vides omitti conditionem ultimam n. 346 relata.

R. antiquorum doctrinam esse sanam, si percipiatur eo modo quo Lessius eam interpretatur. Non enim volunt eum ad restitutionem non obligari, qui furatus est, occidit, dedit injustum consilium, mandatum, etc., ita tamen ut, ipso quidem deficiente, sed succedente alià simili causà, damnum tamen esset secutum. In hoc enim sensu doctrina est manifestè falsa, ut patet ex n. 261, sed præcisè volunt eum non obligari qui ita movet ad damnum, ut, ipso cessante, nec succedente simili causa, tamen sequeretur damnum.

350. *Obj. 6°* Innoc. XI damnavit hanc thesin: *Qui alium movet ut inducit ad inferendum grave damnum tertio, non tenetur ad restitutionem illius damni:* sed qui paratum furari consilio suo movet ut citius, alacrius aut animosius furetur, movet et inducit ad inferendum grave damnum.

R. D. m. Movet quoad substantiam, *N.*; quoad accidentia vel circumstantias individuantes, *C.* Non hic

nego obligationem restitutionis, nego tantum obligationem in solidum.

351. *Obj. 7.* Si bellum est injustum, omnes gregarii milites qui concurrunt ad pugnam, fiunt irregulares, esto sint eorum multa millia, nec omnes occidant aut lethaliter vulnerent; satis enim est quod omnes concurrant, et se mutuo animant ad pugnam; ergo etiam, si plura milia militum injuste confluant ad diripiendam eandem urbem, omnes ad restitutionem tenentur in solidum.

R. 1. P. Gominek, D. 18, de Sacr. n. 98, esse contrarium. Petat enim omnes quidem irregularitatem contrahere, quando sunt ita pauci ut se mutuo videre vel audire possint; nam omnes isti se mutuo moraliter animant ad pugnam: non item omnes qui se mutuo nec videre nec audire possunt. Verum C. de Lugo, D. 19, n. 94, bene ostendit ad animationem mutuam non requiri ut singuli à singulis videri vel audiri possint, sed sufficere si constet omnibus adesse totum exercitum, ex tot nullibus compositum.

R. 2. C. A. N. C. Ad irregularitatem contrahendam sufficit concursus partialis. Unde, si plures non successivè, sed simul suffragiis suis concurrant ad injustam sententiam mortis, omnes fiunt irregulares, licet singuli partialiter tantum concurrant; et, quovis suffragio deficiente, tamen injusta sententia sequeretur propter aliorum suffragia. Contra vero, ad contrahendam obligationem restituendi totum damnum, non sufficit partialis influxus, sed requiritur ut mihi tantam causæ totali possit ascribi totum damnum, prout dictum est n. 542.

352. *Obj. 8.* Dux exercitus, vel qui dedit consilium injustæ direptionis, tenetur ad restitutionem in solidum: ergo etiam gregarii milites, quando ceteros animarunt. Quod autem a confessariis non cogantur ad restitutionem in solidum, provenit partim ex eorum impotentia, partim ex præsumpta benignitate christianorum qui, postquam damna sunt illata, nolunt obligare milites rigore toto quo possunt, et contenti sunt. Si quilibet ex gregariis resarciat totum damnum quod immediatè dedit, et propter suam cooperationem insuper, addat tolerabilem aliquam et moderatam compensationem arbitrio prudentis, attentà scilicet qualitate personæ, damni, vel cooperationis.

R. N. C. Dux exercitus in aestimatione morali censetur causa totalis injustæ direptionis; quia, nisi mandaret aut consuleret, non sequeretur injusta direptio. Gregarii verò milites liberantur ab obligatione resarciendi totum damnum, non propter impotentiam, cum sæpe plus possent restituere quam restituere cogantur; nec propter benignitatem præsumptam christianorum, hæc enim æque posset fingi circa ducem exercitus aut consiliarium; sed propter tenuissimum suum influxum.

QUESTIO XXIII.

QUO ORDINE TENENTUR COOPERANTES AD
RESTITUTIONEM?

353. Dico 1.^a Si actio injusta fuit lucrativa, ut fur-

tom et rapina, et res aliena formaliter aut æquivalenter ad eum exstat, ad restitutionem primo loco tenetur qui rem furtivam adhuc possidet, aut ex ejus consumptione factus est dator. Ita communis omnium apud C. de Lugo, D. 19, n. 119. *Ratio*: quia titulus rei acceptæ fortior est in restitutione quam titulus injustæ acceptionis, et res aliena semper clamat ad dominum, ac æquissimum est ut qui lucrum ante ceteros habet, etiam ante ceteros sentiat onus et incommodum restitutionis.

354. Dico 2.^a Si actio injusta fuit purè damniificativa, ut incendium, homicidium, detractio; vel si res aliena nec formaliter nec æquivalenter amplius exstat, ad restitutionem primo loco vel præ ceteris causis tenetur qui fuit causa principalis damni. Ita communis theologorum cum S. Th. q. 62, a. 7, ad 2. *Ratio prima* theologorum cum S. Th. q. 62, a. 7, ad 2. *Ratio prima* consensus hic ipse doctorum. *Secunda*. Talis esse debet ordo quoad obligationem restitutionis, qualis est ordo quoad causalitatem injustam; ergo qui principaliter est causa damni, principaliter etiam obligatur ad restitutionem; et qui secundariò tantum, accessoriè vel minùs principaliter est causa damni, ligatur secundariò tantum, et in defectum causæ principalis aut principalioris. *Tertia*. Causa principalis, hoc ipso quod primariò præ ceteris injustè noceat, præ ceteris et primariò pati debet incommodum restitutionis quod oritur ex injusto nocimento.

355. Dico 3.^a Quando res aliena non amplius exstat in se vel in æquivalenti, mandans ante ceteras causas primo loco tenetur ad restitutionem. Ita communis cum S. Th. q. 62, a. 7, ad 2. *Ratio prima*. Quia mandans est dux criminis et principalissimus auctor damni; mandatarius verò vel executor est tantum causa instrumentaria; ceteri cooperantes sunt tantum adminicula. *Secunda*. Mandans aliquod maleficium, vult totum inferri suo nomine, sui gratià vel ad suum honorem, commodum aut oblectamentum: ergo rejicit in se totam obligationem restitutionis, et interpretativè vult alios cooperantes indemnes esse. *Tertia*. In tribunalibus ubique maleficium mandanti potius ac principalius quam executori vel aliis coopèrantibus adscribitur. Excipe, nisi executor damni motus fuisset ex se, vel egisset etiam particulariter negotium suum, tunc enim æquè fuisset causa principalis ac mandans. Sed quid si plures sint mandantes, unus immediatus, alter medius; puta, si rex injustam depopulationem urbis præcipiat duci exercitus, hic verò tribunis, et tribuni militibus? Aio regem principalissimè teneri; quia omnium principalissimè movet.

356. Dico 4.^a Si nemo mandavit damnum, et actio injusta non fuit lucrativa, executor injustus primo loco tenetur ad restitutionem. Ita rursus communis cum S. Th. suprà. *Ratio prima*. Quia, licet executor sit causa instrumentalis respectu mandantis, tamen respectu ceterorum coopèrantium est causa principalis; nam alii qui nec jubent nec volunt inferri damnum suo nomine, sunt causæ tantum accessoriæ vel secundariæ, quæ dirigunt, fulciunt, animant et non impediunt executorem, ac quodammodo

serviunt ei tanquam instrumenta malefacti. *Secunda*. Sicut mandans est principalissima causa moralis, sic etiam executor est principalissima causa physica. *Tertia*. Cæteræ causæ suum influxum subordinant arbitrio executoris, qui solus immediatè et libère se determinat ad damnificationem injustam. Excipe, nisi per fraudem ab altero seductus, bona fide damnum creasset; tunc enim non ipse, sed consultor fraudulentus teneretur ad restitutionem; imò consultor in genere moris tunc esset executor.

357. *Dico 5^o*: Inter reliquas causas, positivè concurrentes, ordinariè non est subordinatio statuenda quoad restitutionem, nec una tenetur ante cæteras. Molina, D. 757, n. 4; Vasq. c. 9, § 5, dub. ult. Lessius, c. 13, n. 49; Dicastill. D. 4, n. 252; C. de Lugo, D. 19, n. 150; Tambur. Herincx, Haunold. Sporer, Flor. de Cocq et alii contra Sayrum, Bonacin. et Azor. *Ratio prima*. Nam una causa communiter non est instrumentum alterius; una non operatur per aliam aut alterius nomine vel auctoritate: v. g., qui dat consilium, ordinariè non agit per laudantem, nec vicissim; consentiens non servit receptori, nec iste participant: sublato autem ordine quoad influxum et modum agendi, non apparet cur una causa principalius obligetur, altera secundariò tantum aut in defectum alterius. *Secunda*. Cur mandans ante mandatarium teneatur, est quia, dum vult suo nomine damnum inferri, suscipit totam obligationem restitutionis: et ratio cur executor ante reliquas causas obligetur, est quia cæteris causis utitur tanquam instrumentis, vel quia immediatius influit: at hæ rationes non procedunt in cæteris causis. *Tertia*. Nunquam ab adversariis afferri potest solidum discrimen quoad reliquas causas. Cur enim, ut Azor et Bonacina volunt, consulens magis tenetur quàm reliquæ causæ secundariæ? num quia immediatius influit? at hoc est falsum; num quia principalius? at cur hoc? num quia magis movet? at sæpè magis movet adulator aut receptor. Et esto magis moveret, ex hoc tamen capite consulens tantum obligaretur ad ampliorem restitutionem, non autem obligaretur immediatius. Excipe, nisi per accidens aliquis ordo foret inter has causas, v. g., si Titius Caio suaderet ut Sejum consilio permoveret ad damnum Cneii; nam in hoc casu probabiliter unus consulens teneretur ante alterum, et C. de Lugo, D. 19, n. 151, docet Caium ante Titium obnoxium fore restitutioni, quia est executor respectu Titii: executor verò tenetur ante consentientem.

358. *Dico 6^o*: Causæ negativæ probabiliter tenentur primùm post causas positivas, ita tamen ut nulla sit inter eas subordinatio, saltem ordinariè loquendo. Lessius, c. 13, n. 81; Laym. c. 6, de rest. n. 4; Vasq. c. 9, § 5, dub. ult. n. 9; C. de Lugo, D. 19, n. 153; Tambur. Herincx, Haunold. Sporer, Florent. de Cocq. *Ratio posterioris* contra P. Navarr. colligitur ex numero præcedenti. *Ratio prioris* contra Molinam est: 1^o causæ negativæ verè et propriè non inferunt damnum, sed præcisè non impediunt damnum quod ex officio tenentur impedire: videtur autem æquitati con-

formius ut restitutio priùs exigatur ab iis qui verè, propriè et positivè damnum inferunt. 2^o Injustè læsus eatenus solum à causa negativa restitutionem exigere potest, quatenus ob ejus silentium ab aliis est injustè læsus: ergo priùs probare debet damnum ab aliis illatum et conservatum, id est, non fuisse compensatum: igitur causa negativa non tenetur ad restitutionem, nisi ex hypothesi quòd alii, positivè cooperantes, non fecerint restitutionem. 3^o Si consulens, v. g., potest dici causa instrumentalis respectu executoris, et si tenetur executor ante consentientem, à quo positivè tamen impellitur ad damnum, non video quare non etiam causa negativa possit vocari causa quædam instrumentalis respectu causæ positivæ, vel quare causa positiva non teneatur etiam ante negativam, à qua præcisè non impeditur à damno. Bene tamen Lessius advertit, subinde causas quæ negativæ videntur, esse positivas; quia silentium illarum est instar approbationis qua malefactor animari solet.

359. *Dico 7^o*: Si causa principalis, id est, mandans aut executor restituat totum, ad nihil tenentur reliquæ subordinate causæ. Ita communis et certa doctorum apud C. de Lugo, D. 19, n. 115, et Laym. c. 6, de rest. n. 6. *Ratio*. Si reliquæ causæ deberent aliquid restituere, deberent restituere vel læso, vel causæ principali, quæ læso debitam restitutionem plenè jam præstitit. Non prius; quia præceptum restitutionis obligat tantum ad æqualitatem, et læsus exigere non potest duplicem solutionem adæquatam, aut aliquid ultra competentem reparationem damni. Non posterius; quia causa principalis absolutè tenetur ante cæteras causas integrè satisfacere læso, nec habet ullum jus adversus causas secundarias, quæ tantum obligantur ad satisfaciendum læso sub conditione, si deficiat causa principalis. Porrò, quod asseritur de causa principali respectu cæterarum secundariò concurrentium, parem ob causam dici debet de causis positivè concurrentibus respectu cæterarum negativè tantum influentium.

360. *Dico 8^o*: Causa minùs principali totum restituente, non manet immunis à restitutione causa principalis. Ita denuo communis; et *ratio prima*. Licèt causa principalis in hoc casu non teneatur quidquam restituere parti læsæ, cui ponitur integrè satisfactum, tenetur tamen indemnem servare causam minùs principalem, quæ tantum in defectum causæ principalis erat obligata, quæque per restitutionem utiliter gessit negotium causæ principalis. *Secunda*. Causa minùs principalis et secundaria, dum restituit totum ob moram causæ principalis, succedit in jus et locum creditoris, cui facienda erat plena restitutio per causam principalem. *Tertia*. Causa principalis ex mora, pertinacia vel delicto suo non debet ferre lucrum; nec causa secundaria debet esse malæ conditionis, propterea quòd citius ipsam poenituerit, vel quòd minùs fuerit pertinax.

361. *Dico 9^o*: Si plures æquali gradu vel loco, id est, æquè principaliter vel æquè secundariò tenentur ad restitutionem, et unus restituit totum, cæteri te-

tenentur ei satisfacere pro rata. *Conclusio patet ex præcedenti.* Notant hic auctores, non omnes causas quæ æqualiter immediate concurrunt, vel æquali loco aut gradu tenentur ad restitutionem, obligari semper ad easdem portiones in divisione faciendas, nam aliquæ plus, aliquæ minus tenentur restituere juxta proportionem influvis. Difficillimum autem est tangere punctum. Mihi valde placet Haunoldi doctrina, qui putat observandum quale lucrum ex cooperantibus quisque reportasset ex damno. Quando enim plures latrones concurrunt ad spoliationem viatoris, ordinariè plus spoliū relinquitur robustioribus et audacioribus. Quando plures conveniunt ad expilationem domus, communiter minus reportant qui tantum applicant scedas, aut excubias agunt, quam alii. Quocirca pari modo videtur imperanda restitutio.

362. *Dico 10^o* : Si injuste lusus condonet debitum restitutionis auctori principali, ceteri qui tantum secundo vel tertio loco tenentur, fiunt immunes ab omni debito : si verò condonet debitum ei qui secundo vel tertio loco tenetur, non ideo fit immunis auctor principalis. Si demum condonet uni ex iis qui eodem gradu tenetur, cæteris adhuc incumbit obligatio totam et integram suam portionem restituendi. Ita omnes apud C. de Lugo, D. 19, n. 140. *Ratio primæ partis est* : quia condonatio hæc est instar solutionis, et à jurisperitis vocari solet acceptilatio, quæ est imaginaria quædam solutio : sed solvante principali, ceteri fiunt immunes à debito restitutionem. *Ratio secundæ partis est* : obligatio tantum accessoria, qualem habent causæ secundariæ in defectum causæ principalis, potest deficere, quin deficiat obligatio causæ principalis : nam principale non dependet ab accessorio, sed vicissim ; et sicut, solvante causâ secundariâ, non excusatur causa principalis, ita nec excusatur si condonatio fiat causæ secundariæ. *Ratio tertiæ partis est* : si plures æquali gradu vel loco tenentur ad restitutionem, potest uni remitti obligatio restitutionis, quin remittatur alteri.

OBJECTIONES.

363. *Obj. 1^o* : Si mandans primo loco tenetur ad restitutionem, quia vult maleficium creari suo nomine vel in sui gratiam, etiam primo loco tenebitur qui quomodocumque petit maleficium in sui gratiam, esto non sit superior executoris : hoc autem est falsum et meritò rejicitur à Vasq. c. 9, § 1, n. 56, quia si petens maleficium, non est superior executoris, potius rogat quàm mandat ; hoc enim est discrimen mandantem inter et rogantem, quòd rogans manifestatione sui desiderii moveat tanquam inferior et indigens alieno beneficio, mandans verò tanquam superior agat, et moveat alterum ut inferiorem et indigentem executione mandati. Et hinc Deus rogare vel mandatum exequi non potest. Hinc etiam ridemus eorum arrogantiam qui, cum superiores non sint, utuntur verbis imperativi modi : at qui rogat, est instar consentientis, qui non tenetur ad restitutionem primo loco. 2^o Qui mandat, movet alterum, quia potest exigere penam, seu jure, ut reges, seu injuria, ut ty-

ranni, et ultor excoctore tanquam manu sua, vel instrumento sui subjecto qui vero rogat, plenam auctoritatem alteri relinquit, et potius subservit quos imperio sicut consultor. 3^o Si rogans aut petens maleficium in sui gratiam, primo loco tenetur, tenebitur etiam eodem loco blandiens, qui sæpissime maleficium extorquet in sui gratiam, ut feminae, quando persuadent injusta.

R. Cum Rebelo, l. 2, de Rest. q. 15; Less. c. 13, n. 42; Lavm. c. 6, de Rest. n. 2; Anton. Perez, D. 5, de Rest. n. 67; C. de Lugo, D. 19, n. 128; Dicast. D. 4, n. 221 : *D. M.* Etiam primo loco tenebitur qui quomodocumque petit in sui gratiam, si moveat efficaciter ut maleficium unicè vel principaliter fiat in sui gratiam, C.; secus, N. Nullus superior habet legitimam potestatem imperandi damnum injustum : ergo si non tenetur ad restitutionem primo loco propter hanc causam, quia vult maleficium creari suo nomine, vel principaliter in sui gratiam, non erit ampliùs valida ratio cur mandans primo loco teneatur ad restitutionem. 2^o Qui minis aut terroribus alterum compellit ad iniquum damnum, ex communi sententia primo loco tenetur ad restitutionem, esto non sit superior executoris : ergo etiam qui vult inferri maleficium suo nomine, vel principaliter in sui gratiam. 3^o Is cujus nomine principaliter fit maleficium, est finis principalis maleficii : finis autem in moralibus præcipuum habet locum. 4^o Qui tantum commodi vel oblectamenti sui causâ cupit inferri maleficium, implicite censetur totum onus restitutionis suscipere : par enim non est ut onus et obligationem maleficii in alios rejiciat, qui suâ causâ illud inferri postulat. 5^o Esto rogatus principaliter velit officium præstare in gratiam rogantis, non tamen hoc ipso vult nomine rogantis pati damnum ex actione mala subnatum. Taceo quòd sæpissimè promittatur à non superiore merces propter maleficium : in hoc autem casu, qui mercedem accipit et maleficium exequitur, constituit se famulum saltem ad actiones iniquas.

364. *Obj. 2^o* : Esto mandans sit causa principalis damni, tamen ex hoc tantum sequitur quòd debeat plus cæteris restituere, non autem quòd ipse solus ante cæteros debeat reficere totum damnum. Nam 1^o præter mandantem, executor et alii complures ad maleficium concurrunt : non est autem æquitati satis consonum ut, inter tot concurrentes, solus mandans cogatur reficere totum damnum. 2^o In judicio forensi punitur immediatè quisquis cooperatur ad injustum damnum, neque punitur ullus conditionatè tantum aut in defectum alterius : ergo idem quoque tenendum est de pœna vel onere restitutionis. 3^o Executor ordinariè mercedem accipit ex maleficio : par autem est ut qui refert immediatè lucrum ex damno, subeat etiam immediatè onus et incommodum restitutionis. Ob has et alias rationes P. Lessio, c. 15, n. 43, non videtur improbabilis sententia P. Navarrae, l. 3, c. 4, n. 102, volentis mandantem non teneri sic ad immediatam restitutionem, ut non alii quoque teneantur immediatè suas conferre portiones : v. g., si damnum foret

sæx aureorum, mandans fortè cogeretur restituere tres, executor duos, laudator unum. Verùm

R. N. M. Ipse Navarra, n. 108, fatetur sententiam suam esse singularem et disputandi tantum gratiâ propositam, et reipsa non audet à S. Th. cæterisque theologis abscedere. *Ad primam prob.* Esto plures concurrant ad injustum damnum, tamen non omnes eodem modo concurrunt, et aliqui principalis, alii minus principaliter et secundariò. Satis autem est si secundariæ causæ tantum secundariò teneantur aut in defectum causæ principalis. *Ad secundam.* In judicio forensi sicut plurimi puniuntur, qui nullatenus tenentur ad restitutionem, ita sæpius multi possunt ac debent puniri, qui secundariò tantum aut accessoriè tenentur ad restitutionem. *Ad tertiam.* Ut famulus qui recipit mercedem à domino, purum est instrumentum domini, sic mandatarius accipiens mercedem ob servitium iniquum, non desinit esse purum instrumentum mandantis. Aliud foret si rem ipsam injustè ereptam acciperet in mercedem; tunc enim ante cæteros teneretur ad restitutionem, tum ob titulum rei acceptæ, tum etiam quia lucrum immediatè perciperet ex re furtiva: quod in nostro casu non accidit, ubi famulus aut executor non formaliter percipit commodum ex re furtiva, sed tantum occasionaliter propter pactum domini volentis remunerari suum laborem.

365. *Obj. 3°:* Executor est immediata causa damni, mandans verò solum est mediata: videtur autem æquitati conformius, ut prius restituat qui fuit immediata causa quàm qui solum mediata, vel saltem ut utraque causa simul compellatur.

R. D. M. Si cætera sint paria, *C.*; secus, *N.* Sicut in physicis effectus, sic in moralibus bonitas actionis aut malitia magis imputatur causæ principali quàm instrumentali, neque refert quòd instrumentalis immediatius operetur; ut enim dicere philosophi solent, omne instrumentum operetur in quantum est motum à principali agente. 2° Quod sæpius jam dictum, mandans dum vult suo potissimum nomine maleficium creari, primariò suscipit onus restituendi totum damnum. 3° Mandans est etiam ordinariè causa sine qua non, et executor non ageret, nisi motus aut coactus à mandante. Quocirca communiter etiam magis irascimur domino jubentì maleficium quàm servo obtemperanti, magis judici qui præcipit injustam necem quàm carnifici.

366. *Obj. 4°:* Si famulus ex imperio domini consumeret omnino rem alienam, sed non absque magno suo commodo; puta, si rem illam edendo vel bibendo consumeret, nec tamen evaderet inde locupletior, aut propterea parceret suis sumptibus: in hoc casu non apparet quis primo loco teneatur ad restitutionem. Non enim tenetur executor; nam hic est tantum instrumentaria causa mandantis, et tantum idèò comedit, quia dominus imperio suo movet. Sed neque primo loco tenetur dominus; quia famulus agit potissimum ad suum commodum.

R. Licet *C.* de Lugo, D. 49, n. 120, velit in hoc

casu dominum ante famulum teneri, tamen mihi verosimilius est oppositum; quia famulus comedens aut bibens rem alienam, potissimum agit negotium suum, vel attendit ad propriam utilitatem. Aliud foret si dominus compelleret servum per metum injustum; tunc enim ob injuriam ei factam, teneretur famulum servare indemnem à restitutione.

367. *Obj. 5°:* Si decem essent prædones, ac mitterent unum qui communi nomine succinderet domum, executor hic eodem loco cum cæteris teneretur ad restitutionem. Unde si damnum esset mille florenorum, quilibet teneretur ad centum.

R. Si executor jussus esset agere solum aliorum nomine, non teneretur ad restitutionem, nisi post illos. At si jussus est agere communi omnium nomine, tenetur ad restitutionem æquali loco cum illis; quatenus enim agit suo nomine, non habuit causam principalem cui inservit.

368. *Obj. 6°:* Ad restitutionem sæpius primo loco tenentur quos posuimus secundo loco, v. g., consilarii principum, quibus sæpè solis imputantur injusta damna; 2° suffragatores, qui sua voce condemnant innocentem, quem tamen executor sententiæ putat innocentem; 3° receptatores filiorumfamilias; nam filii-familias sæpè non intelligunt injustitiam se committere, si dissipent bona domestica.

R. D. Tenentur primo loco si non adsit alia causa principalis, aut si causa principalis per ignorantiam invincibilem procedat, *C.*; secus, *N.* In his casibus solus consiliarius, suffragator aut receptator est causa moralis injusti damni.

369. *Obj. 7°:* Si foret lex purè pœnalis, ut nemo caderet ligna, venationem aut piscationem institueret in silva vel lacu communitalis: in hoc casu non tenerentur ad restitutionem transgressores legis; tenerentur tamen custodes, qui ex officio justitiæ debent impedire damna: custodes autem sunt tantum secundariæ vel accessoriæ causæ: ergo principaliter in hoc casu tenentur ad restitutionem causæ secundariæ vel accessoriæ. Casum hunc aliqui cum Joan. Medina vocant singularem.

R. Custodes in hoc casu non sunt secundariæ vel accessoriæ causæ, sed primariæ; nam ipsis solis incumbit officium impediendi damna.

370. *Obj. 8°:* Inter causas negativas videtur ponenda subordinatio quoad obligationem restitutionis: nam aliqui sunt custodes generales, alii tantum particulares; unde si generales, quorum est major potentia, dissimulant, potius et immediatius ad restitutionem sunt obligandi quàm particulares.

R. D. Per accidens, quando scilicet una prius ex officio debuit impedire damnum quàm altera, et non impedit, *C.*; secus, *N.* Custos generalis aut œconomus ex officio suo non tenetur immediatè cavere damna cellæ, culinæ vel stabuli; tenetur tamen monere custodes particulares, vel eos ad dominum deferre, quando reperit eos negligentes et incurios. Unde si damnum ex hac desidia fuerit ortum, primo loco videtur obligandus ad restitutionem custos particularis,

et in defectum istius secundo loco custos generalis aut arcuamus. Ita C. de Lugo, n. 15, quamvis an discurrant aliter.

571. *Obj. 9* : Isti causa principalis impotens fiat et damnum saltem non possit, non tamen ideo ceteri qui concurrunt ad damnum, minime sunt ab onere restitutionis : ergo etiam si causa principali remittatur a creditore debitum, non tamen ideo ceteri liberantur ab obligatione restitutionis.

R. C. A. N. C. Impotentia debitoris non extinguit debitum aut obligationem restitutionis, sed illam precise dilert aut suspendit, donec deutor fiat potentior : remissio vero facta debitori penitus extinguit debitum.

QUESTIO XXIV.

AN IMPEDIENS ALIUM A CONSECUTIONE BONI TENETUR AD RESTITUTIONEM ?

572. Legi possunt Domin. Sotus, l. 4, q. 6, a. 5 ; Cajet. q. 62, a. 2 ad 4, et alii Thomiste, Silvester, Angelus, Armilla, Fabiana, Rosella, v. *Restitutio* ; Navar. c. 17, n. 69 et seq. ; Covarruv. Reg. peccatum, p. 2, § 7, n. 8, Azor. tr. 5, l. 4, c. 9 ; Mohr. tr. 5, D. 227 ; P. Navar. l. 5, c. 6 ; Rebell. l. 5, q. 1 ; Less. l. 2, c. 12, dub. 18 ; Dicast. D. 8, de Rest. dub. 1 et 2 ; Laym. c. 7, de Rest. C. de Lugo, D. 18, de Rest. §. 5 ; Tamb. l. 8, tr. 3, c. 4, § 2, Patrit. Sporer, tr. 4, c. 2, §. 5.

573. *Dico 1^a* : Quando bonum est alteri debitum ex justitia, sic, ut ei competat jus in re, non potest consensio boni extra delictum injustitiae impediri, et impediens tenetur ad restitutionem totius boni. Ita omnes, et ratio est manifesta : nam impediens in hoc casu quoad substantiam operatur perinde ut fur, et moraliter idem sunt impedire, negare, non dare vel auferre bonum, in quod alteri competit jus reale.

574. *Dico 2^a* : Quando competit alteri jus ad rem, scilicet, ob promissionem, stipulationem, venditionem traditionem non secuta, presentationem, concursum, expectativam, coadjutoriam, accessum, regressum et alios similes titulos, ex quibus conceditur actio personalis ad rem, impediens peccat contra justitiam et tenetur ad restitutionem, non quidem quanti valet res et bonum impeditum, sed quanti valet spes boni vel jus ad rem impeditam. Ita denuo communis et certa ; quippe sic damnum inferitur per violationem alieni juris, quod est contra justitiam, et trahit necessitatem restitutionis. Quia verò bonum speratum et debitum multis saepe modis interverti potest et pendet ab aliorum libera collatione, non est equum ut impediens teneatur resarcire totum damnum. Quanti verò valeat jus et spes boni consequendi, non potest universim decidi, sed debet per arbitros, confessarios aut alios prudentes aestimari, vel inter laedentem et laesum amicabilem iuri compositio. Certè spes consequendi centum et mille aureos saepe non aestimatur decem aureis.

575. *Dico 3^a* : Qui sine vi vel fraude impedit alie-

rum a consecutione boni quod ei licite quidem conferri potest, at minus iustitiae titulo debetur, non peccat contra justitiam et tamen resarcire cogitur. Est communis sententia DD. et ratio : quia qui precesse precibus, consiliis, donis ob quae vi vel fraude obstat ut alteri non conferatur bonum speratum, non est magis causa damni quam ille qui precibus, consiliis et donis alioctus, bonum non confert : at iste non peccat contra justitiam. 2^a Aliàs ageres contra justitiam, quando titulum qui probabiliter alium esset scripturus heredem, sine metu, fraudibus aut mendaciis rogares ut tibi potius relinqueret hereditatem : sed hoc nemo dicit. Imo peccares contra justitiam, quoties aliquid domini ab altero postulares, quod dominus probabiliter alteri foret concessurus. 3^a Qui praecise precibus, consiliis et donis utitur, relinquit alteri plenissimam libertatem tam à necessitate quam à coactione, nec ulla prorsus est ratio cur cogendus sit ad restitutionem aut injustitiae dammandus. Accedit clarissima lex divinae Cod. Si quis ad optem testam prohibeat, et C. 62 de R. J. in 6 : Nullus ex consilio, dummodo non fuerit fraudulenti, obviatur.

576. *Dico 4^a* : Qui sine vi vel fraude impedit dignum aut digniorem a consecutione boni, quod ei tantum ex justitia distributiva debetur, non peccat contra justitiam commutativam, nec tenetur ad restitutionem. Conclusio liquet ex disputatis alibi de collatione beneficiorum. Nam si collator qui omnium maximè titulo justitiae distributivae tenetur eligere dignum aut digniorem, non debet facere restitutionem omisso digno vel digniori, multò minùs tenetur ille qui tantum est causa secundaria collationis iniquae. Sed qui consilio tantum precibus aut blanditiis absque vi vel fraude movet collatorem, est tantum causa secundaria collationis iniquae. Major est difficultas an hæc et prior conclusio vera sit, etiam quando quis alterum impedit ex odio vel spiritu vindictae. Sed hoc expenditur questione sequenti.

577. *Dico 5^a* : Qui sine legitima potestate adhibet vim aut incutit metum, et per hoc impedit alterum a consecutione boni licite et libere conferendi, peccat contra justitiam et tenetur ad restitutionem quanti valebat spes boni. Ita communissima DD. apud C. de Lugo, n. 94. Ratio. Licet alter non habeat absolute jus ad bonum, habet tamen jus conditionatum, si nimirum alter libere velit ; item habet jus absolutum ne per vim aut metum impediatur a bono quod alias proximè consequeretur. 2^a Vis et incussio metus, nisi procedant à legitima potestate, semper sunt contra justitiam, quia quilibet est dominus suarum actionum, et habet jus ad liberos usus suorum facultatum : sed huic juri directè contraria sunt vis et metus, quæ hec non tollant libertatem à necessitate, seu libertatem indifferentie, tollunt tamen libertatem à coactione. 3^a Extorta per vim aut metum absque legitima potestate, non possunt in conscientia retineri ; nec firmi vel omnino validi sunt contractus, dispensationes aut licentie, quando per vim aut metum absque legitima potestate extorquentur, ut patet ex utroque jure

ff. de vi et vi; C. de his quæ vi metusque causâ, et ex Decretalibus eodem tit. Cujus alia ratio non est, nisi quia vis et metus, quando non adhibentur ex legitima facultate, semper militant directè contra justitiam.

578. *Dico 6°* : Qui fraudibus aut mendaciis impedit alterum à consecutione boni licitè et liberè conferendi, peccat contra justitiam et tenetur ad restitutionem quanti valebat spes boni. Ita rursum communissima DD. apud C. de Lugo suprâ. *Ratio.* Nam in jure vis et fraus semper equiparantur quoad injustitiam, et hinc regule juris *L. 47. ff. de R. J. Consilii non fraudulenti nulla obligatio; cæterum si dolus et calliditas intercessit, de dolo actio competit; et Cap. 62, eodem tit. in 6* : Nullus ex consilio, dummodo fraudulentum non fuerit, obligatur. 2° Sicut vis et metus, sic et multò magis fraus et dolus tollit voluntarium, et impediunt dominum ab usu libero suarum facultatum. 3° Qui per mendacia vel fraudes extorquet bonum ex justitia sibi non debitum, agit contra justitiam et tenetur ad restitutionem : ergo similiter peccat et tenetur, qui per mendacia vel fraudes impetit alterum à consecutione boni quod ex justitia quidem ei non debetur, sed tamen licitè potest conferri. Taceo quòd frauset mendacium sit contra contractum universalem omnium populorum et hominum, qui voluerunt esse mutuò obstricti ad non utendum signis contra suam institutionem.

579. *Dico 7°* : Qui mendaciis, fraudibus aut illegitima vi proximum impedit à consecutione boni, quod hic justè non potest accipere, vel non potest facere suum, non tenetur ad restitutionem illius boni. P. Vasq. Less. et C. de Lugo. n. 96. *Ratio.* Nam impediens in hoc casu agit ad summum injustè, quatenus utitur mendaciis, fraudibus aut illegitima vi; non autem quatenus impedit proximum à consecutione boni, quod non potest hic facere suum, vel non potest accipere citra peccatum injustitiæ. 2° Qui malis artibus impedit proximum à consecutione boni, quod justè potest consequi per liberam et beneficam collationem alterius, ideò solùm peccat contra justitiam et tenetur ad restitutionem, quia lœdit efficaciter jus quod proximus habet ut nemo malis artibus impediatur liberam collationem, aut justam petitionem boni proximè sperati : sed hoc jus nullatenus efficaciter lœdit, qui malis artibus impedit proximum ut non consequatur id quod citra peccatum injustitiæ non potest accipere, vel facere suum; non enim efficaciter impedit justam petitionem aut liberam collationem, sed tantùm efficaciter impedit injustam acceptionem. 3° Qui fraudibus et mendaciis avertit latronem à rapinis, in nullo foro condemnatur ad restitutionem. Qui fraudibus aut mendaciis obstat sicario, ne prouat violenter in cædes injustas, non debet sarcire damna bonorum quæ sicarius obtinuisset ex cædibus. Qui falsis criminationibus impedit indignum ab officio vel beneficio, tenetur quidem recantare dicta vel abstergere gravem infamiam; non tamen tenetur compensare quanti valebat spes officii vel beneficii. Et ratio ulterior est : nam

indignus beneficio vel officio ne quidem habet conditionatum jus ad beneficium aut officium, quo simpliciter est indignus; quia juste non potest illud accipere, quamvis elector liberè velit conferre : sed qui non habet jus saltem conditionatum ad aliquod bonum, queri rationabiliter non potest, si quis mendacio, fraude vel illegitima vi præpediat liberam collationem boni. Taceo quòd aliqui cum Lessio velint mendacia vel fraudes in hoc casu non opponi justitiæ, sed tantùm veritati.

580. *Dico 8°* : Etiam non tenetur ad restitutionem, qui malis artibus impedit alterum à consecutione boni quod citra peccatum injustitiæ potest quidem accipi et conferri, non tamen acciperetur aut conferretur sine gravi peccato. Ita Tambur. supra n. 9; nam alii casum communiter non expendunt. Sit exemplum. Caius, homo sui juris et adhuc cœlebs, per famulum mittere vult feminae pretiosum donum, ut eam pelliciat ad fornicandum; famulus scit pravam domini mentem; scit etiam certissimò pessimam inclinationem mulieris, quæ recepto dono statim obsequeretur : excogitat mendacium ut impediatur donatio et peccatum. In hoc casu, quamvis famulus agat malè, non tamen subit obligationem restitutionis; quia neutra pars rationabiliter potest conqueri, et mendacium non est propriè perniciosum, sed jocosum tantùm aut officiosum, quod non trahit obligationem restitutionis. Cæterùm si donatio non sit utrinque peccaminosa, sed tantùm illicita, vel ex parte donantis, vel ex parte donatarii, putat Tamburinus eum qui mendaciis aut fraudibus impedit donationem, peccare contra justitiam et obnoxium esse restitutioni, quia dum malis artibus impedit peccatum donantis, violat jus donatarii qui potest licitè bonum accipere; dum verò malis artibus impedit peccatum donatarii, violat jus donantis, qui licitè potest conferre bonum. Verùm hæc resolutio valde difficilis est et ampliores poscit indagines. Quippe si mulier impedit mendacio suum maritum ne prodigè donaret aliis pecuniam, ne convivium valde sumptuosum instrueret aut bona sua dissiparet in popinis, an propterea statim pronuntiabis uxorem ad restitutionem iis teneri qui per mendacium impediuntur à consecutione bonorum? ego rem aliorum meliori judicio committo.

581. *Infer ex his assertionibus 1°* graviter peccare contra justitiam et ad restitutionem teneri, qui per vim, fraudes et mendacia testari volentem impediunt, qui notarios et testes avertunt, aut falsa spe sanitatis et longioris vitæ moribundum distrahunt, ut testamentum, codicillos vel legata facere non possit in favorem aliorum.

582. *Infer 2°* similis injustitiæ reos, qui fraudibus, mendaciis et falsis criminationibus impediunt opifices, operarios, mercatores et famulos à labore vel lucro, quod à locantibus aut eumentibus essent consecuti; item judices qui sine legitima causa detinent opifices, ut laborare non possint; vel prætores urbium, qui sine sufficienti causa mendicos impediunt ne corrogent elemosynas.

583. *Infer 3°* peccare contra justitiam et ad restitu-

tutionem obligari magistros scholarum, quando vi, fraudibus ac mendaciis subtrahunt aliis discipulis cum detrimento licet et honoris. Hec autem mendacia, ut advertit C. de Lugo, n. 112, facile misceri solent, dum, reluctantē propria conscientia, doctrinam propriam longe supra meritum extollunt, et promittunt utilitatem ac profectum, quæ tamen minime futura sciunt, alienas scientias et eorum magistros depriment, non absque notabili scholarum detrimento. Imo Navarrus, c. 25, n. 57, Cajet. et auctor Armille putant mortaliter peccare contra caritatem, qui, seclusis fraudibus, dolis aut vi, subtrahit alteri magistro discipulos cum notabili damno profectus eorum. Verum C. de Lugo, n. 111, contrarius est: alias enim etiam peccati mortalis dammandi advocati, medici, tonsores, artifices et mercatores, qui citra vim et fraudes, sed non sine præiudicio aliorum, trahunt illos ad suam officinam aut operam.

384. *Infer 4^o* peccare mortaliter contra iustitiam, et ex communiore sententia teneri ad restitutionem sacræ familiæ, qui juvenem opulentum vi, fraudibus et mendaciis avertit à religionis ingressu. Quamvis enim sacra familia non habeat absolutum jus ad hereditatem et bona juvenis, habet tamen jus ne per vim aut fraudes impediatur. Verum hoc alibi discutimus ex instituto.

385. *Infer 5^o* Caium peccare contra iustitiam et teneri ad restitutionem Titio, si tabellarium cui Titius dedit litteras in curiam pro beneficio consequendo, consulto divertat longis et inutilibus colloquiis, et adhibeat prandio, ut interim præmisso celeriore cursore Titium prævertat; cum enim tabellarius ex officio iustitiæ debeat iter accelerare, fugere moras aut diverticula, Caius ita nuntium divertens cooperatur injustitiæ, et Titium impedit ab obsequio tabellarii, quod est ipsi debitum ex iustitiâ. Dein, ut observat C. de Lugo, n. 105, etiam fraus hic intervenit; nam ista non solum in vocalibus mendaciis consistit, sed et aliis actibus externis, quibus aliud significatur et aliud intenditur. Ita si Caius homicidam ex asylo proliceres ad egressum prætextu cœnæ, sed interim moneres apparitores ut cœnantem caperent, dicereris fraudibus illum extraxisse.

386. *Infer 6^o*, si Stichus sit Cneii procurator omnino spontaneus, qui nullo iustitiæ titulo tenetur suscipere vel prosequi procuratoris officium, non peccare te contra iustitiam, quando precibus et consiliis tantum cum permoves ut non petat officium aut beneficium pro Cneo: si verò procurator non sit omnino spontaneus, sed ex iustitiæ titulo obstrictus Cneo, tu verò consiliis ac precibus cum permoves ut non fungatur suo munere, peccare te contra iustitiam et ad restitutionem obligari Cneo; quia cooperaris injustitiæ procuratoris.

387. *Infer 7^o* quid dicendum ad eam quem proponit Lessius, c. 12, n. 151. Caius Augustâ scribit Romam ad Titium, vacare beneficium in mense pontificis; litteras intercipit Sempronius, et, quod res erat suspicatus, eas aperit, et est causa cur Caius non obtineat

beneficium. In hoc casu Sempronius 1^o graviter peccat aperte contra legem de literarum alienas in re magis momenti, cum ex communi hominum iudicio censetur hoc genus iniquum, eoque iustitia exortetur omnium communem censurem inter absentes. 2^o Si studio suppressit litteras, ut ille se possit acquirere beneficium, deinde peccat in iustitiam et tenetur ad restitutionem Cneo, quem malis artibus impedit à beneficio. 3^o Si secretum manifestat alteri et iste præveniat, alterum obnoxius est restitutioni, quia per injustam revelationem secreti non modicum damnum ciet Caius. 4^o Si litteras obsignet ac tempestivè tradat Titio, simul tamen concurrat et beneficium impetret, existimant Less. Palani, Bardi, Diana, Sporer, illum non esse restitutioni obnoxium; quia licet injuste legerit, tamen injuste non utitur scientiâ, et intellecto secreto non minùs habet jus ad petendum beneficium quàm Caius. Sic etiam, qui per opem dæmonis acquireret scientiam aut artem, illa iustè dein uteretur ad suum commodum et lucrum, etiam cum præiudicio aliorum. Verum huic opinioni resistit acriter C. de Lugo, D. 18, n. 104, quia Sempronius non minùs injustè Caium impedit quàm si beneficium obtineret Fabricio, vel hunc moneret ut sollicitaret pro se. Neque ad rem est exemplum de scientiâ per opem dæmonis acquisitâ; nam illa non obtinetur injustè sed superstitionis tantum.

388. *Infer 8^o* quid sentiendum in casu quem Silv. v. *Emptio*, q. 17, narrat Venetiis contigisse. Mercator accepit litteras Alexandriâ, quibus significabatur superventuram penuriam aromatum; illas dilaceravit et temerè abiecit in foro: has collegit alius mercator, et partibus conjunctis legit; tum magnam aromatum copiam currente vili pretio emens, alterum prævenit et lucrum præripuit. Queritur an secundus mercator fecerit injuriam primo, vel teneatur ad restitutionem? Affirmant Rebellus, Lacroix, P. Antonius, Liguorinusque, hoc argumento: quæ fuit intentio, quid propositum mercatoris litteras dilacerando, etiamque eas à se projiciendo fragmentis divisas? Evidentissimè earum lectionem probabiliter impossibilem facere agnoverat; jus suum malâ conservationis ratione protegebat, attamen non omninò deserere gestiebat, nullique licet seu calliditate, seu vi rapere quod jure possidet alius, nec dereliquit. Ex ipso facto patet, siquidem si renuntiare pro bono duxisset mercator cur epistolam integram non in viam projecisset? Tum propositum communicandi cuilibet obvio quod ipse sciebat, apertè declarasset. Altera autem agendi ratio nullo modo renuntiationem significat, imò ad retinendum jus providentiam arguit, quæ non nisi eo decepto falli potuit. Sed meliùs negant Sylvester et Laymann, quos sequitur Sporer, supra, n. 208. Cum enim mercator primus sponte suâ projecerit litteras dilaceratas in forum, dedit omnibus potestatem in fragmenta litterarum, ut quilibet iis uti posset in suum commodum. Secus tamen esset dicendum, si quis alienas litteras in iis locis legeret ubi certò moraliter constaret non esse consulto relictas, sed casu vel involuntariè.

389. *Infer 9^o* non peccare contra iustitiam nec ob-

noxium esse restitutioni, qui detegit occulta ejusdam crimina prælati, et superioribus, ut, quod aliàs fieret, beneficium aut officium magni momenti non conferatur indigno; nam hoc expedit ad bonum commune, ejus salus et incolumitas meritò præponitur hominis privati famæ. Quin etiam id aliquando licet, quando testator aliàs relinqueret magnas divitias homini qui graviter eis est abusus. Imò licet palàm et injustè vulgares occulta crimina, tantùm deberes resarcire famam, non item emolumenta beneficii, officii vel lautissimæ hæreditatis, ut cum Lessio resolvit C. de Lugo, n. 92.

590. *Inf.* 10^o eos qui metu reverentia, molestis et importunis precibus, blanditiis aut assidua petitione permovent alios ut bona sua non largiantur iis quibus liberè destinabant, aliquando peccare contra justitiam, et aliquando non. Peccant, juxta C. de Lugo, D. 22 à n. 150, quando causa metum reverentialem incutiens, explicitè vel implicitè continet minas injusti mali. Non peccant, quando causa metum reverentialem incutiens, non continet ejusmodi minas. Et hinc non agunt injustè pauperes qui sapientiù repulsi sæpiùs instant, et eleemosynam rogant; nisi fortè velis injustitiam vocare nimiam vexationem aurium. Multò minùs peccant contra justitiam mulierculæ, dum blanditiis suis aliquid extorquent; nam blanditiæ potiùs augment voluntarium quàm minuunt. Sed de hoc fortassis alibi.

Objectiones.

391. *Obj.* 1^o contra tertiam conclus.: *Clementinà 1 de privilegiis*, sub interminatione mortis æternæ prohibet regularibus ne, dum intersunt testamentis, retrahant testament à legitimis faciendis ecclesiæ matri, vel suadeant ut bona testantis relinquatur potiùs monasteriis quàm ecclesiæ matri: ergo peccat contra justitiam qui sine vi vel fraude matricem ecclesiam impedit à consecutione boni, quanquam ex justitia nondum sit ei debitum.

R. N. C. Præceptum illud est positivum et ecclesiasticum, ad tuendam pacem et concordiam inter clericum et regulares, nec imponit obligationem justitiæ; unde Molina, tr. 2, D. 727, negat religiosos obligari ad restitutionem legati vel hæreditatis, nisi petatur, esto peccassent mortaliter impediendo matricem ecclesiam. Imò Th. Sanch. l. 2 Consil. c. 1, dub. 49, n. 28, negat esse restituendam hæreditatem, etsi petatur; quia Clementina restitutionem non præcipit in pœnam. Addit, religiosos peccare quidem lethali, si ex odio vel avaritiâ impediunt ne bona legentur matri ecclesiæ; non item si bono zelo, ut consulant salutem testantis.

592. *Obj.* 2^o: Juxta Philosophum, 2 Phys. c. 5, l. 56, quem citat S. Th. q. 62, a. 2, infortunatus est, qui non obtinuit bonum quod proxima spe certò jam erat sibi pollicitus; quia *quod parum distat, nihil distare videtur*: ergo, sicut peccas contra justitiam, si consiliis et precibus, absque vi vel fraudibus, impedis alterum invitum à consecutione boni jam debiti vel promissi, ita etiam peccas, si solis consiliis aut pre-

cibus impedis à consecutione boni certò consequendi.

R. Doctrina Philosophi perperam hic applicatur; nam qui parum abest ut peccet, non ideo peccat; qui parum absuit ut hominem occideret, non punitur ut homicida; qui parum absuit ut furaretur, non existimatur fur. Aristotelis effatum est verum quoad aliquos effectus, puta, suscitationem gaudii vel tristitiæ, si spes boni fuit valde propinqua et improvisò impedita; non autem quoad alios effectus promiscuè, præsertim civiles et juridicos. Nam pontifex, v. g., si sit electus et confirmatus, summa pollet jurisdictione; proximè eligendus nullà pollet. Aliquando tamen bene potest applicari dictum Aristotelis in materia restitutionis: e. g., si quis pessumdedisset fructus agrorum aut vineæ, qui perparum aberant à maturitate; tunc enim eandem fere restitutionem teneretur præstare quantum si fructus maturos abstulisset.

593. *Obj.* 3^o contra sextam et septimam conclus.: Licet per vim aut fraudem inferas injuriam illi cui vim aut fraudem adhibes, non tamen inferas injuriam ei cui vim aut fraudem non adhibes: at sæpè contingit ut vim et fraudem adhibeas soli collatori, qui statuit alteri beneficium conferre, non item collatorio cui vult collator benefacere: ergo si per vim et fraudem impedis Caium ne suam hæreditatem relinquat Titio, non inferas injuriam Titio, nec obstringeris ad restitutionem ei faciendam. Atque ita sentire videntur aliqui DD. antiqui, quorum sententiam esse probabilem fatentur Azor et Dicast.

R. D. M. Non inferas injuriam ei cui vim aut fraudem non adhibes immediatè vel mediatè, C.; cui solum non adhibes immediatè, N. Qui Caium immediatè per vim aut fraudem impedit ne suam hæreditatem relinquat Titio, saltem mediatè vim aut fraudem adhibet Titio. 2^o Libertas activa dandi et libertas quasi-passiva accipiendi sunt essentialiter invicem connexæ: ergo dum una libertas impeditur, etiam impeditur altera. 3^o Sicut nimia sequeretur perniciēs humanæ reipublicæ si citra obligationem restitutionis liceret per vim aut fraudem impedire collatorem immediatè à libera dispensatione bonorum, sic etiam sequeretur si liceret mediatè impedire collatarium.

594. *Obj.* 4^o: Si vera nostra sententia sequitur ad restitutionem cogendos esse mendicos qui variis, ut ordinariè fit, mendaciis, simulatis morbis, et specie sanctitatis extorquent et aliis præripiunt eleemosynam; item mercatores et opifices qui falsis laudibus extollunt res suas, et impediunt emptores ne merces alibi præcurent; præterea candidatos officiorum aut beneficiorum qui mendacio tegunt suos defectus, quibus cognitis eligerentur alii: sed sequela nimis est dura.

R. Cum hoc mentiendi genus apud mendicos, mercatores et opifices sit valdè vulgatum, ordinariè non adhibeantur ipsis magna fides, et ipsorum mendacia parum aut nihil influunt in damnum alterius. 2^o Plurimi, dum ita mentiuntur, venialiter tantùm delinquant; vel quia non attendunt ad damnum proximi, vel quia

non satis cognoscunt gravem obligationem. Ex delicto autem veniali per se non oritur obligatio gravis restituendi, prout in simili resolvit C. de Lugo, D. 11, n. 149, et D. 18, n. 57, et colligi potest ex dictis q. 7. Aliud foret, si quis levi tantum mendacio detulisset innocentem, unde privandus erat beneficio vel officio, tunc enim procul dubio teneretur recantare dictum, si res adhuc esset integra. 3. Sapissime contingit ut, dum unus petit elemosinam aut aliam gratiam, non adsit alius competitor : tunc vero per mendacium non impeditur alius; vel certe saepius impedimentum est valde remotum, ex quo non oritur obligatio restituendi. 4. Qui mendacio tegit suos defectus quos manifestare non debet, sapissime non magis impedit alios quam si modis honestis ac licitis eos celaret : tunc autem non apparet cur imponi debeat restitutio. 5. Non tamen nego mercatores saepius ad restitutionem teneri, quando mendaciis suis efficaciter impediunt alios mercatores à lucro; uti et mendicos, quando valde notabiles elemosynas extorquent, et per mendacia proxime impediunt alios.

595. *Obj. 5.* : Sequeretur ex nostra sententia quòd injustus homicida teneatur ad restitutionem omnibus pauperibus quos occisis liberaliter alebat, omnibus amicis et consanguineis quos ad convivia saepius invitabat, item omnibus operariis, famulis et mercatoribus qui per obsequia vel contractus ab illo multa sperabant; nam istos omnes homicida per vim injustam impedit à consecutione bonorum : sequela verò nimis est rigida, quam communis rejiciunt auctores ac præcipue Molina, t. 1, D. 85; Less. c. 9, n. 154; Dicast. D. 7, de Rest. n. 69; C. de Lugo, D. 11, n. 75; Corduba, Sotus, Ramm. Ledes. Salon. Aragon : Angles, Lopez, Mercad. Laym. Haunold. Tambur. Herinex, Sporer, Mezger, Sangall.; et C. de Lugo dicit esse contra praxim omnium penitentium aut confessiones excipientium.

R. 1.º sequelam habere multos et graves patronos. Tuentur illam Sot. Adrian. Speculat. Panorm. Ang. Rosell. Navarrus, Navarra, quos citat et sequitur Th. Sanchez. l. 1 Cons. c. 4, dub. 5; Vasq. Turrian. Azor, Saurus, ac novissimè P. Hsung, tr. 4, D. 5, n. 70; imò Vasquez evidentem esse pronuntiat. Addunt tamen per accidens homicidam excusari : nam 1.º saepius impedimentum non est etiax; dum enim occiditur pater, succedit filius qui pari vel fortassis majori liberalitate sustentabit pauperes. 2.º Frequenter homicida non prævitet, nec etiam probabiliter prævitere potest ejusmodi damna : tunc autem damna censentur sequi per accidens, quæ non debent in conscientia resarciri, prout colligi potest ex dictis q. 11 et seq. 3.º Non rarò læsi condonant restitutionem. Ita regulariter præsumi potest de consanguineis et amicis, quos occisus liberaliter saepius invitabat ad convivium. Licet enim isti doleant acerbissimè mortem alterius, de restitutione tamen non sunt solliciti, præsertim cùm invitati saepius ad convivia soleant communiter æquales perdere sumptus; quia reciprocè invitantes invitantur. 4.º Sapissimè spes boni quod alii consequi pote-

rant per liberalitatem occisi, est admodum remota : tunc autem non oritur obligatio restitutionis; aliis apustus occisor in infinitum deberet restituere, quia nunquam deerunt qui pretendere possint spem aliquam lucri remotam intervetsam esse per occasionem injustam.

R. 2.º potest cum Lessio, Dicastillo, C. de Lugo et aliis, cum qui ponit injustam vim aut fraudem, teneri tantum ad sarcienda damna quæ per se vel ut plurimum male subnasci solent, non item ad cætera quæ per accidens tantum aut raro sequuntur, videtur autem per accidens et raro tantum contingere quod pauperibus obveniat damnum ex occisione divitis ac liberalis domini (1). 2.º Universali consuetudine receptum videtur ut occisor injustus solum restituat heredibus necessariis, vel, si vis, etiam creditoribus occisi; non item aliis qui quomodocumque patantur incommodum ex injusta nece : igitur humana gens, penes quam stat obligatio voluntaria juris, non videtur ordinariè titulo justitiæ vel sub onere restitutionis astringere suos, ut per occasionem injustam non impediunt alios à consecutione bonorum quæ per liberalitatem occisi poterant iis obtingere. Addunt tamen aliqui cum Molina et C. de Lugo limitationem, nisi maleficus per occasionem injustam specialiter intendat aliorum damna : sed hæc limitatio discutitur q. seq. 3.º Qui per vim aut fraudem impedit liberalitatem alterius, ex communi judicio tenetur quidem ad restitutionem iis quos proximè per actionem suam impedit, ita ut moraliter iis nocere velle censeatur; non item aliis quibuscumque promiscuè quos remotè tantum impedit. Aliàs, qui dominum abire volentem ad aliam civitatem, ubi multis pauperibus larga stipe succurreret, vel ad locum sacrum ubi gazophylacio non paucos inferret aureos, per mendacium abstraheret à proposito, et cum vellet retinere secum, teneretur ad restitutionem; quod abhorret à communi DD. omnium sensu.

596. *Obj. 6.º* : Saltem admitti debet custodes saluum, vinearum, teloniorum, etc., reos, testes aut advocatos ad restitutionem teneri, quoties per mendacia vel fraudes impediunt fiscum à consecutione mulctarum. Licet enim fiscus ante judicis sententiam non habeat absolutè jus ad mulctas pecuniarias, tamen habet jus ut per vim, fraudes et mendacia non impediatur : consequens autem est contra ea quæ diximus à n. 530.

R. N. sequel. Obligatio juris alieni pendet potissimum ex illorum voluntate quibus competit jus, ut patet ex dictis q. 1. Respublica verò communiter non obligat titulo justitiæ, vel sub onere restitutionis, custodes saluum, reos, testes, etc., ut manifestent sua vel aliorum delicta ad locupletationem fisci, vel ut per mendacia non impediatur fiscum à consecutione mulctarum; sed tantum obligat titulo fidelitatis aut veracitatis. Id quod optimè colligitur tum ex continua tribunalium omnium praxi, qua nunquam

(1) De hæc responsione V. supra, n. 185 bis.

videmus imponi vel exigi restitutionem propter ejusmodi mendacia; tum ex eo quia nimium esset difficultas, hominum imbecillitati minimè commensurata vel intolerabilis omnino lex, qua rei sub obligatione justitiæ vel onere restitutionis cogerentur fateri sua delicta, propter quæ probabiliter aut certissimò præsciunt se condemnatum iri ad gravissimas multas pecuniarias.

597. *Obj. 7°* : Sequeretur ulterius ex nostra sententia, dominos peccare contra justitiam et ad restitutionem teneri, quando famulos inani spe promotionis in servitio detinent, ac impediunt ut apud alios dominos meliorem sibi conditionem procurent: hoc autem est contra praxim, et nemo dominorum ideo formare sibi solet scrupulum aut compensationem facere.

R. damnabilissimam esse praxim; quippè si sponsus qui falsa pollicitatione matrimonii deludit sponsam, et impedit ab aliis melioribus nuptiis, certissimò tenetur ad restitutionem, non est ratio cur in hoc casu non teneantur etiam domini.

598. *Obj. 8°* : Qui per vim, fraudes aut mendacia notabiliter minùs dignum impedit, ut beneficium aut officium conferatur digniori, non tenetur ad restitutionem, ut cum Covarruv. et Salonio docent Th. Sanch. l. 2 Consil. c. 1, dub. 49, et Tambur. suprà, § 3, n. 3: et tamen minùs dignus licetè potest accipere beneficium aut officium: ergo non semper tenetur ad restitutionem impediens alterum immediatè per vim aut fraudes, ut non consequatur bonum quod licetè potest accipere.

R. Si verum est antec., quod tamen negant Henric. et Dicastillo, D. 8, n. 29, ratio fortassis est, quia, quamvis Ecclesia vel respublica non approbet modum fraudulentum aut violentum, tamen absolute vult ut notabiliter minùs dignus impediatur à beneficio vel officio, saltem extra casus exceptos, n. 237: unde licet per vim, fraudem aut mendacia fiat injuria collatori vel collatorio, quatenus tamen illa minùs dignum impedit, non videtur injuria, vel certè non videtur injuria gravis, ex qua nasci possit obligatio gravis restituendi. Certior adhuc esset hæc responsio, quando posset impediens æquali facilitate per solas preces aut consilia minùs dignum impedire; tunc enim impeditus nullam haberet spem beneficii vel officii, neque propter vim aut fraudem impediens exigere posset compensationem.

QUÆSTIO XXV.

AN ODIUM AUT INTENTIO PRAVA NOCENDI VARIET OBLIGATIONEM RESTITUTIONIS?

599. Cardo difficultatis est, an opus externum quod per se non opponitur alterius juri, evadere possit injustum præcisè propter mutationem intentionis, propter odium aut spiritum vindictæ: v. g., si patienti gravem necessitatem non succurras ex odio; si dignum aut digniorem impedas à beneficio vel officio, ex libidine nocendi; si judex ferat sententiam de se justam ex spiritu vindictæ.

400. *Dico 1°* : Qui non succurrit alteri, quando succurrere non tenetur ex justitiâ, non peccat contra justitiam, neque tenetur ad restitutionem, esto ducatur intentione pravâ nocendi, moveatur odio vel spiritu privato vindictæ. Ita contra Rich. Major. Angel. Rosell. Tab. communissima DD. quos sequitur Dicastillo, D. 4, de Rest. n. 131, et C. de Lugo, D. 10, n. 100; nec obscurè consentit D. Th. hic, q. 62, a. 7, ad 3. Ratio prima. Quia sinister hic affectus est tantum contra charitatem, misericordiam aut pietatem, quarum violatio non inducit obligationem restitutionis, ut q. 14 fusiùs est expositum. Secunda. Contraria sententia caret omni fundamento, repugnat communissimæ simul et constantissimæ praxi seculorum, displicet plerisque doctis, et imponit onus non satis hominum imbecillitati proportionatum. Quid enim facilius quàm ut inter homines mutuis identidem offensionibus exasperatos gliscant odia, vel ex intentione pravâ negentur aut negligantur implorata vel usitata charitatis obsequia, v. g., ut ex spiritu privato vindictæ non detur alteri sollicitanti pecunia mutua, non commodetur equus, non elocetur domus; ut inimicus non invitetur ad cœnam, ut non obstetur damnis et injustis vexationibus eorum quos odimus? In his et similibus innumeris casibus intolerabile foret omnes ad restitutionem cogere. Tertia. Esto commune sit axioma PP. *si non pavisti, occidisti*; tamen illud optimè potest exponi de transgressione solius charitatis aut misericordiæ, non autem debet intelligi de violatione justitiæ; secus enim dives Euclio peccaret etiam contra justitiam, quando non studio directo nocendi, sed animo retinendi suas opes omitteret cibare mendicos: quod nescio num ullus hodiè scholasticorum dicat.

401. *Dico 2°* : Quando ponitur opus externum, quod est indifferens ut noceat vel non noceat alteri, sæpissimè propter variationem intentionis variatur obligatio restitutionis. Ita omnes. Et ratio prima. Nam intentio sæpissimè determinat opus externum ut sit alteri nocivum, et sæpissimè determinat ut non sit nocivum: opus verò quod non est nocivum alteri, nunquàm est contra justitiam, *ut per se patet*; opus verò quod est nocivum alteri, sæpissimè est contra justitiam: ergo, variatà solùm intentione, sæpissimè variatur opus, ut sit vel non sit contra justitiam, inducat vel non inducat obligationem restitutionis. Sic, v. g., qui tollit è mensâ monetam alterius, animo tantum inspicendi formam et insignia, non peccat contra justitiam: qui verò tollit animo furandi vel rapiendi, peccat contra justitiam et tenetur ad restitutionem. Secunda. Qui librum alterius accipit, ut inspiciat auctorem, non agit contra justitiam: agit verò, si librum accipiat ut furetur. Tertia. Accipiens aliquid ultra sortem, si tantum accipiat ut donum gratis et omninò sponte concessum, non est usurarius, neque tenetur ad restitutionem: si verò tanquàm debitum accipiat, est usurarius et ad restitutionem tenetur.

402. *Dico 3°* : Qui ponit opus externum, ad quod directè jus habet, et quod de se nocivum est alteri, non peccat contra justitiam, etiamsi ducatur spiritus

privato vindicta, vel alia pessima intentione. Ita plerique, quos sequitur C. de Lugo, D. 8, n. 79, et D. 18, n. 98. Et ratio prima. Non alias in justitiam delinqueret iudex qui sentem, legitime convictum, ex odio condemnaret ad mortem, et carnifex qui sententiam justam exequeretur ex odio; miles in bello justo, si quempiam occideret aut spoliaret ex intentione pravâ; mercator, si compararet aut venderet justo pretio merces, ut alii mercatores non gaudeant emolumentis: ubi tamen vix ullus agnoscit obligationem restitutionis. Secunda. Si non agit injuste, qui motus invidiâ vel odio non succurrit, quando non tenetur ex justitiâ succurrere, etiam non agit injuste qui motus eadem passione ponit actum externum de se nocivum, ad quem directe jus habet, et quem ex justitiâ non tenetur omittere; cum plane nulla sit disparitas, nisi quod in priori casu noceatur per omissionem operis, in posteriori per positionem. Tertia. Si actio, prout est nociva, potest directe poni quin contraria sit alterius juri, non apparet quomodo pravus animus aut intentio mala nocendi superaddat actioni malitiam injustitiæ, vel pariat necessitatem restituendi; nam intentio mala nunquam censetur injusta, nisi vel per seipsam immediatè ledat jus alterius, quo modo non lædit invidiâ vel odium, aut intendat actionem nocivam alterius juri contrariam.

405. *Dico 4^a*: Qui dignum aut digniorem sine vi vel fraudibus impedit à consecutione beneficii vel officii quod non est ipsi debitum ex justitiâ commutativâ, non peccat contra justitiam commutativam, neque tenetur ad restitutionem, etiamsi moveatur invidiâ vel odio. Ita communis eorum qui negant beneficia vel officia dignis aut dignioribus stricto jure deberi, præsertim Molina, t. 3, D. 727, Th. Sauch. l. 2 Cons. c. 1, dub. 49; Less. c. 12, n. 128, et C. de Lugo, D. 18, n. 98. Ratio prima. Quamvis hoc vitium in curiis sit assiduum et pene quotidianum, nunquam tamen videmus idcirco restitutionem fieri vel poni. Secunda. Cum hæc actio per se noceat digno vel digniori, præsciudendo ab omni intentione, neque per intentionem malam reddatur magis nociva, nec etiam, ut est nociva, contrarietur alterius juri, et impediens possit directe per consilia vel preces ponere obstaculum sine peccato injustitiæ strictius sumptæ, prorsus impertinenter se habet ad restitutionem prava mentis affectio. Tertia. Si teneretur ad restitutionem quisquis invidiâ vel odio ductus impedit dignum aut digniorem à consecutione beneficii vel officii, teneretur etiam quisquis ex odio vel invidiâ impediret alterum à consecutione boni quod licite posset ei conferri, adeoque teneretur etiam quisquis ex odio vel invidiâ non conferret alteri bonum indebitum: hæc autem obligatio non esset proportionata satis hominum imbecillitati, et vix ullus eam agnoscit.

404. *Dico 5^a*: Universim loquendo, quoties opus externum est per se nocivum, neque repugnat alterius juri, intentio prava non inducit malitiam injustitiæ, vel obligationem restitutionis. Ita contra C. de Lugo, supra, n. 98, communiter RR., præsertim Haunold. tr. 2, n. 230, et Esparza, q. 3^a. Ratio; quia cum ju-

stitia sit virtus ad alterum, et ex primario suo fine non versetur circa passionem aut affectionem internas, sed circa actiones et operationes externas, quibus conservatur indemne jus alterius, adeo non prohibet alias volitiones, nisi quæ feruntur in illas actiones aut operationes externas, quibus læditur jus alterius: ergo si actio vel operatio externa per se non opponitur alterius juri, neque per volitionem malam constituitur simpliciter aut magis nociva, volitio mala non potest esse prohibita per virtutem justitiæ.

OBJECTIONES.

405. *Obj. 1^a*: *L. fluminum* 24, § fin. et *L. Proculus* 26, ff. de damno infecto, et *L. in summi* 2, § 9, ff. de aquâ, et aqua pluvia arcenda, statuitur, eum qui facit aliquid in ædificio vel fundo proprio, v. g., qui fodit puteum aut derivat torrentem, eo tantum animo ut sibi prosit, infestari non posse per juridicam actionem; secus si faciat ut obsit alteri: ergo malus animus et intentio sinistra nocendi contra justitiam est, et parit obligationem restitutionis.

R. N. C. Actio circa fundum aut ædificium proprium sæpius est materialiter justa, sapius injusta, prout variantur circumstantiæ, tametsi non spectetur intentio. Sic agit justè vel utitur jure suo, qui torrentem sibi nocivum avertit à fundo, quamvis inde sequatur detrimentum alterius. Contra non agit justè nec utitur jure suo, qui torrentem sibi minimè noxium avertit in detrimentum alterius.

406. *Obj. 2^a*: Variatâ solùm intentione, potest opus aliquod externum incurrere censuram: ergo etiam variatâ solùm intentione potest oriri necessitas restitutionis. *Antec. patet ex Clem. 1, § verum*, ubi censuram excommunicationis subeunt inquisitores dum ex odio vel amore lucri temporalis negligunt ea quæ ratione muneris efficere debent adversum hæreticos.

R. D. C. Si per intentionem opus evadat alteri nocivum, *C.*; si opus per se sit alteri nocivum, et nocens habeat directe jus ad opus. *N.* Excommunicationis pena se latius extendit quàm ad sola peccata injustitiæ; necessitas restituendi non oritur ex alia culpa quàm injustitiæ: atqui opus externum ad quod nocens habet directe jus et quod æquè nocivum est alteri, sive præsens, sive absens sit intentio mala nocentis, non evadit injustum præcisè propter variationem intentionis, propter odium aut privatum spiritum vindictæ.

407. *Obj. 3^a*: Qui noctu cœnat paulò liberius, et non semper sequatur pollutio, peccat contra castitatem: qui verò cœnat ob alium finem, non peccat contra castitatem, esto prævideat aut formidet illud malum: ergo etiam sola diversitas intentionis facit ut eadem cœna sit vel non sit contra castitatem: ergo etiam sola diversitas intentionis facit ut eadem actio sit vel non sit contra justitiam.

R. Ut priùs D. ult. C. Si per intentionem actio fiat nociva et si nocens non habeat jus ad actionem, *C.*; se cus, *N.* Si paritas esset bona, peccaret etiam contra justitiam qui non subveniret proximo patienti gravem necessitatem ex odio, vel qui privato spiritu vindictæ non daret alteri quod ex justitiâ non tenetur dare: sic

uti enim peccat contra castitatem qui cum intentione pollutionis omitteret opera mortificationis, ita peccaret ille contra justitiam. 2° Pollutio quæ sequitur ex cœna liberiore, per se repugnat castitati, nec aliunde suscipit excusationem peccati quàm quia fit involuntariè : ergo, si per cœnam liberiorem intenditur, nulla prorsus est excusatio peccati contra castitatem. Contra verò nocivum opus quod per se non opponitur alterius juri, non repugnat justitiæ. 3° Nulla virtus assignari potest præter castitatem, quæ prohibeat cœnam assumptam ex illo fine : potest autem alia virtus quàm justitia designari, quæ prohibeat opus noxium, quod per se non injustum, sed tamen ex odio fit, scilicet charitas.

408. *Obj. 4°* : Tametsi non agas injustè si ponas ex odio noxium opus, ad quod habes positivè jus, vel quod præcipiunt tibi leges, v. g., si ut judex ex odio condempnes reum legitimè convictum ; tamen agis injustè quoties ponis ex odio noxium opus, ad quod positivè non habes jus ; v. g., si digniorem impedis à consecutione beneficii : ergo, etc.

R. N. A. Licet non habeas jus positivè, vi cuius actio tua positivè sit justa, satis est si jus habeas negativè, sive si nullum jus strictum actioni tuæ sit contrarium. Sic in extrema vel gravi necessitate, si non succurris pauperi, non agis quidem justè positivè, tamen agis justè negativè, nec ullam injustitiam committis, esto succursum omittas ex odio.

409. *Obj. 5°* : Non est ratio cur vis, metus aut fraus sit contra justitiam, non item odium : ergo si peccat contra justitiam impediens alterum vi, metu vel fraude, peccat etiam contra justitiam impediens alterum ex odio. Hinc etiam S. Th. q. 62, a. 2, ad 4, docet eum qui impedit alterum à consecutione beneficii vel præbendæ, teneri ad restitutionem, si impediat eum injustè : *Putat, si intendat ejus nocementum, quem impedit, propter odium vel vindictam aut aliquid ejusmodi.*

R. N. A. Ratio cur vis et incussio metus nisi procedat à legitima potestate, sit contra justitiam, est hæc : quia quilibet est dominus suarum actionum, et habet jus ad liberos usus suarum facultatum, cui dominio vel juri directè contraria est vis aut incussio metus, per quam tollitur libertas à coactione. 2° Ratio cur fraus sit contra justitiam est, quia fraus tollit aut minuit voluntarium, et impedit dominum à libero usu suarum facultatum et honorum : tollere verò vel minuire voluntarium, aut impedire libertatem alterius sine legitima causa, semper est contra justitiam, cujus potissimus scopus est indemnitas aliene voluntatis, aut libertatis circa res suas, ut initio statim, q. 1, est dictum. 3° Ratio cur odium non sit contra justitiam, sed præcisè contra charitatem, est in primis doctorum consensus valde communis ; dein quia non potest ostendi jus quod per odium violetur ; denum, quia per odium non restringitur aliena voluntas aut libertas quoad usus suarum facultatum et honorum. Porro S. Thomas l. c. putavit impedito competere jus aliquod strictum ad beneficium vel præbendam ; quod etiam nos concedimus, quando fit concu-

sus : vel intellexit odium quod modis injustis, puta, fraudibus, mendaciis aut per vim exercetur ; quo modo Scotum quoque suum exponit doctissimus scholiastes Cavellus.

410. *Obj. 6°* : Qui lædit injustè Titium, ac prævidet inde per accidens oboriturum fortassis aliquod damnum Caio, non agit injustè contra Caium, nisi damnum illud intendat : si verò damnum positivè et directè intendat, agit contra jus Caii, et secuto damno, tenetur ad restitutionem ; quamvis enim illud damnum per se non connectatur cum injusta læsione Titii, prava tamen intentio supplet defectum hujus connexionis. Ita sapientissimus C. de Lugo, D. 8, n. 75, et D. 18, n. 99.

R. Intentio prava supplet defectum connexionis, ut actio sit peccatum contra caritatem aut alias virtutes, C. ; ut sit contra justitiam, N. Veritas responsi sufficienter colligitur ex dictis.

411. *Obj. 7°* : Quanvis Caius non habeat jus ut directè non lædas Titium, tamen habet jus ut non lædas eum intentione directà lædendi Caium, cui per accidens fortè nasceretur damnum : ergo.

R. N. A. Quia pari modo posset dici quòd rei non habeant jus ut non condemnentur à iudicibus, habeant tamen jus ut non condemnentur ex odio ; quòd patiens gravem necessitatem non habeat jus ut ipsi succurram, habeat tamen ut auxilium non omittam ex odio.

412. *Obj. 8°* : Mulier prægnans, in morbo gravi, si sumat medicinam ex solo motivo sanitatis, non est homicida ; si verò solùm intendat occisionem prolis, est homicida : ergo variatà solùm intentione, variatur operis injustitia.

R. Sumptio medicinæ ex qua per se, vel ut plurimum, vel sæpissimè solet oriri mors innocuæ prolis, est opus quod per se repugnat justitiæ vel juri quod habet in utero proles, nisi gravis necessitas excuset ac dirigatur in conservationem matris, quæ cum prole deberet perire : unde mater accipiens hujusmodi medicinam, excusari non potest ab injustitia, nisi mors prolis ipsi sit involuntaria. Nos autem hic loquimur de operibus quæ per se non repugnant justitiæ. Dein dubitari fors potest an mater peccet contra justitiam, si, quando jus habet ad medicinam, etiam intendat occisionem prolis. Sic etiam, ut putat C. de Lugo, D. 8, n. 79, tantùm peccat contra charitatem, qui injustum invasorem occidit ex odio.

413. *Obj. ult.* : Male supponitur quòd justitia directè vel ex fine suo primario tantùm præcipiat aut prohibeat actiones externas ; nam judicium temerarium est actus internus, et tamen directè prohibetur à justitia.

R. Male supponitur in bonis honoris aut fame, C. ; in bonis vite, corporis et fortunarum, N. Dein actus externi vocari solent omnes actus à volitionibus distincti.

QUÆSTIO XXVI

QUO TOTO ET QUIS EXPENSÆ FACIENDÆ SINT.
RESTITUTIO?

414. Videri possunt S. Th. 2-2, q. 62, a. 3, et in 4,

dist. 18, q. 5, a. 5, quest. 4, ad 1, 2 et 3; Azor, p. 3, l. 4, c. 32; Moha, t. 5, d. 752; Vasq. c. 10, de Rest. dub. 1; Less. c. 15, dub. 8; C. de Lugo, d. 20, s. 8; Dieast. D. 41, de Rest. dub. 9; Tambur. l. 8 De al. t. 4, c. 1, § 7. Ego questionem in tres alias subdivido.

413. *Quæres 1°* quo loco facienda sit restitutio debitorum ex delicto?

R. Regulariter in loco creditoris. Unde si creditor alibi degat, tenetur debitor illic mittere rem, esto facere debeat aliquas expensas. *Et ratio*; quia creditor ex injusta tuâ lesione non debet pati damnum, sed reducendus est ad pristinum statum et perfectam æqualitatem juris. 2° Si tamen nimie forent expensæ, sic, ut creditor non possit rationabiliter exigere restitutionem immediate sibi faciendam, exploranda voluntas ipsius per litteras; vel si non possit id fieri, res danda consanguineis, si quidem creditoris voluntas esse merito præsumat, vel in pauperes eroganda. 3° Quæ verò nimie sint expensæ, non conveniunt auctores. Silvester excusat debitorem ab immediatâ restitutione, quando sumptus æquarent debitum: sed hæc opinio ut nimis benigna communis rejicitur. Navarr. Cajet. Joan. Medina, Vasq. aiunt, rem domino mittendam quæcumque sint expensæ, nisi dominus liberaliter obligationem remittat, aut remittere præsumat: sed hæc sententia nimis est rigida. Quis enim credat eum qui fors abstulit rem unius aurei, teneri ad restitutionem domino immediate faciendam, etiam cum sumptu mille aureorum? Richardus, Gabriel et Sotus excusant, quando sumptus excederent debitum. Lessius ait rem dari posse pauperibus, si parvi momenti sit et restitui domino non possit sine triplo vel quadruplo sumptu. Tamburinus vult non excusari debitorem ex delicto, si domino non possit aliter restituere centum aureos quàm expensis centum, ducentis aut trecentis aureis. C. de Lugo dicit pensandam esse non solum quantitatem rei, sed et conditionem, necessitatem et indigentiam utriusque, tam debitoris quàm creditoris. Unde, si sit uterque æqualiter dives, existimat non excusari debitorem ab immediatâ restitutione, nisi facere debeat expensas saltem duplo majores; nam restitui, licet non sit pœna, sapit tamen rationem pœnæ: cum ergo iudex intra terminos pœnæ pecuniarie soleat imponere pœnam quadrupli, non erit nimium si debitor ex delicto facere debeat expensas duplo majores. 4° Idem cardinalis addit, sufficere multò minus detrimentum, ut possis restitutionem ad commodius tempus differre, vel ut loco rei mittere possis pecuniam, vel etiam ut possis rem dare parentibus aut filiis egentibus lesi, si quidem præsumi possit ejus voluntas. 5° Si dominus habens rem ante suam migrationem fecisset expensas in transferenda re, possent iste subduci.

416. *Quæres 2°* quo loco facienda sit restitutio debitorum ex re accepta?

R. Regulariter in loco debitoris. Unde, si creditor alibi degat, non est cogendus debitor ut eam transferat, nisi cum impensis creditoris. *Et ratio prima.*

Quia debitor iste solum restituere debet, quæ à se fieri potest, absque proprio damno, non etiam est æquum ut innocens debitor extra contractum cogatur pati damnum in gratiam alterius. *Secunda.* Si impensis quæ fieri deberent in transferenda re, sint magnæ, vel merito dubitetur an dominus expensas suscipere velit, differri debet restitutio, vel ejus voluntas explorari per litteras. *Tertia.* Si vero nec opportunus tempus expectari possit, nec etiam domini voluntas per litteras intelligi, juxta communem, res danda consanguineis aut pauperibus, juxta præsumptam domini voluntatem. Aliqui tamen non improbabiler putant, rem posse retineri, perinde ut bona inventa. *Quarta.* Tamburinus bene notat, expedire purum si possessor bonus admoneat dominum ut res in tertio loco constituitur; alias enim, si faceret superfluas expensas in ejus custodiâ, perderet sumptus. Item restituere cogetur si culpam committeret in custodiâ.

417. *Quæres 3°* quo loco sit facienda restitutio debitorum ex contractu?

R. In loco qui per contractum designatus est: Cod. civ. art. 1247: si verò nihil expressè vel tacitè conventum, inspicere debet natura contractûs. Vel enim est purè gratuitus, vel onerosus, in quo res eadem reddenda; vel onerosus, in quo reddenda res distincta. 1° Si contractus est purè gratuitus, puta, donationis, promissionis, legationis, solutio fieri debet in loco ubi res erat quando fuit donata, promissa vel legata; nisi enim donans, promittens aliud quid signis exprimat, non censetur ad certum se locum adstringere. Quòd si faciende sint expensæ translationis, fiant a donatario, promissario, legatario, etc., quia solus iste percipit utilitatem. Cavendum tamen est donanti vel promittenti ne malâ fide procedat, aut rem studio transferat in locum remotissimum, unde non possit ab altero sine maximis impensis acquiri: sic enim donatio vel promissio redderetur inutilis. Porro circa legationem id communiter observatur, non esse spectandum locum ubi scribitur testamentum aut legatum, sed ubi moritur ille qui fecit testamentum aut legatum: nam per mortem completur donatio. Si verò hæres transtulisset ex hoc loco legatum, teneretur illud suis expensis remittere. Censurales qui colliguntur ex agro, prædio, etc., solvendi regulariter sunt in loco ubi res censui obligata, cujus veluti fructus sunt census annuales: fructus autem, nisi aliter conventum, solvendus est ubi nascitur. 2° Si contractus est onerosus, in quo rem eandem oportet reddere, restitutio facienda regulariter in loco ubi res accepta est, (seu in loco ubi res erat quàm stipulatio fieret, ut fert art. 1247 Cod. civilis); quia contrahentes in istum communiter tacitè conveniunt, et æquitas postulat ut, sicut eadem res est restituenda, sic etiam restituatur in eodem loco, nisi fuerit aliter conventum. Quoad expensas verò, videndum in cujus utilitatem contractus cedat: num si in utilitatem accipientis solius, expensæ fiant ab ipso; nam æquum non est ut expensæ fiant ab altero, cujus commodum in contractu non queritur. Si verò contractus cedat in utilitatem solius dantis, expensæ fiant

ab isto. Si demum in utilitatem utriusque, expensæ dividantur, nisi fortassis aliud ex contractu vel praxi constet. Unde commodatarius qui sui solius gratiâ commodatum equum accepit, tenetur illum suis expensis ad locum reducere: non tamen tenetur mittere ad locum remotiorem quò fortè dominus commigravit; quia commodatum ibi non accepit, nec fuit causa cur dominus aliò migraret. Depositarius verò qui tantum alterius gratiâ depositum custodit, tenetur illud mittere tantum alterius impensis. Si tamen ipse depositarius cum deposito commigrasset in locum remotiorem, teneretur illud in antiquum locum suis expensis remittere. (Debitor suis impensis solvit, Cod. civ. art. 1248.) 3° Si contractus est onerosus, in quo rem distinctam oportet reddere, restitutio facienda regulariter in loco ubi res aliena fuit tradita. *Ratio*; quia designari non potest aptior locus, et aliàs contractus sæpius essent injusti, nec foret æqualitas inter datum et acceptum, v. g., si mutuum acciperem Viennæ, sed meis expensisolvere deberem Francofurti. (Debitori in suo domicilio solutio expeti debet, Cod. civ. art. 1247.)

418. *Dices.* Sæpè fit contractus onerosus in viâ, vel in loco peregrino, v. g., si quis mutuum petat ab amico quem in viâ vel hospitio reperit: quis autem dicat mutuum esse reddendum in eodem loco?

R. appositam superius vocem *regulariter*. Non enim nego subin contingere ut debitum non sit reddendum in loco quo res æquivalens fuit tradita. C. de Lugo, n. 204, putat inspiciendum in hoc casu num locus iste sit vicinior loco debitoris, num vicinior domicilio creditoris, num æqualiter ab utroque distet. In primo casu dicit solutionem mutui faciendam in loco debitoris; in secundo et tertio, faciendam in loco creditoris. Tamburinus putat universim solutionem mutui esse faciendam in loco creditoris, et quidem impensis solius debitoris; nam iste solus beneficium accipit.

QUESTIO XXVII.

QUANDO SIT FACIENDA RESTITUTIO?

419. *Dico.* 1°: Debitum ex contractu restituendum est die vel tempore per expressam aut tacitam pactionem signato. Ita omnes, et habetur *L. eum, qui kalend. januar. 40* et sequentibus, ff. de verb. oblig. et *L. magnam 12, de Contrahend. et committ. stipul.* *Ratio* colligitur ex ipsa natura vel obligatione contractus. Si verò nullum tempus expressè vel tacitè signatum est, supponitur ordinariè creditor in moram consentire, quamdiu sponte sua debitum non repetit, ut habetur *L. mora 32, ff. de usuris, L. si ex legati 23, ff. de verb. obligat.*

420. *Dico* 2°: Quando terminus solvendi conductus est in favorem debitoris, ut in mutuo, commodato, potest debitor prævenire terminum; et, si creditor non acceptet, ac postea res pereat, interitus imputabitur ipsi, saltem in casu quo debitor declarasset se nolle periculum rei suscipere. Quando verò terminus est in favorem creditoris, ut in locato, debitor terminum prævenire non potest; quia cederet in damnum compensare tenetur debitor omne lucrum cessans aut

creditoris. Creditori verò nunquam conceditur petitio rei ante terminum præfixum, nisi in tribus casibus: 1° si pergat ad inopiam; 2° si debitor fugam paret; 3° si sit suspectus de non solvendo; tunc enim iste cogitur saltem præstare cautionem.

421. *Dico* 3°: Debitum ex delicto, vel re accepta, per se statim est solvendum. Ita omnes, et *ratio*: quia, sicut non licet accipere, sic non licet retinere rem alienam sine domini consensu. Porro *et statim* accipitur non mathematicè vel physicè, sed moraliter; quia dominus ob brevem dilationem non potest esse rationabiliter invitatus. An autem et quomodo multiplicentur peccata per moram, pertinet ad tractatum de *pœnitentia*.

422. *Dico* 4°: Non satisfacit debitor qui, cum possit simul restituere totum, vult tantum restituere per partes et successivè, nisi fortè dominus sponte consentiat. Ita contra paucos jurisconsultos communis et certa theologorum apud C. de Lugo, D. 20, n. 214, et habetur *L. tutor. 41, § Lucius, ff. de usur. et L. 3, ff. familiæ eriscundæ*, ubi plurima dicuntur esse incommoda dividuæ solutionis (Cod. civil. art. 1220 et 1244). *Ratio verò principalis est*: si non licet differre solutionem debiti totius ultra tempus præfixum, etiam non licet differre solutionem partis. Unde non potest absolvi pœnitens qui non vult aliter restituere; nisi fortè per ignorantiam invincibilem excusetur, de quo legendus meritò Tamburinus, l. 8 Dec. t. 4, c. 4.

423. *Dico* 5°: Graviter peccant et sunt in maximo damnationis periculo, qui restitutionem ad mortem differunt, vel qui restitutionem aut dubium quod habent circa restitutionem bonorum, rejiciunt in hæredes. Ita omnes TT. *Ratio*; quia creditores hanc dilationem ægerrimè ferunt, non tam ob damna communiter emergentia quàm ob periculum omnino carendi re sua. Praxis enim ostendit, hæredes, præcipuè nobilium, admodum esse negligentes in exequenda voluntate defuncti. Vide C. de Lugo suprà, n. 212. Subinde tamen excusare potest periculum infamiæ gravis aut alia justissima causa.

424. *Dico* 6°: Qui jam aliàs à confessario monitus, bis, ter aut sæpius restitutionem promisit, et promisso non stetit, regulariter absolvi nec debet nec potest, nisi fortè per accidens ob impotentiam aut aliam similem causam excusetur à restitutione statim facienda. C. de Lugo cum communi, n. 215. *Ratio*; quia sacerdos meritò dubitat de firmitate propositi, et aliàs etiam absolvi quater aut quinquies posset qui contra promissum, confessario datum, non eiecit concubinam; quam facilitatem absolvendi meritò Palas vocat nimiam audaciam. Quòd si tamen concurrerent ejusmodi circumstantiæ, quæ suaderent pœnitentem esse magis dispositum, putant Molina, C. de Lugo, Tambur. subin beneficium absolutionis concedi posse, ita tamen ut vetetur accessus ad eucharistiam, nisi prius fiat restitutio. Cajetanus verò ait, pœnitenti sic disposito dicendum: *Credo, fili, propositum tuum esse serium, et ideo prius restituere.*

425. *Dico* 7°: Si mora sit culpabilis in restituendo,

damnum emergens. Ita communis apud C. de Lugo, D. 18, n. 26. *Ratio*; quia debitor est injusta causa lucri cessantis aut damni emergentis. Molina tamen afferens varias leges, excipit contractum emptionis et venditionis in quo morosus debitor tenetur solvere tantum intrinsecum interesse, puta, fructus quos percipere poterat emptor ex merce, vel augmentum valoris quod percipere poterat venditor ex tradita moneta, non item extrinsecum interesse. Verum C. de Lugo, n. 28, existimat eas leges esse tantum pro foro externo conditas, ad vitandam nimiam turbam litum.

426. *Dico 8°*: Si debitum sit ex delicto, tenetur debitor compensare lucrum cessans aut damnum emergens, quod oritur etiam ex inculpabili mora restitutionis. Ita contra Palam C. de Lugo cum communi, D. 18, n. 40, et D. 21, n. 16. *Ratio*: Licet ea mora non sit culpabilis formaliter et in se, tamen est culpabilis causaliter et in radice, quod sufficit hic ad obligationem restitutionis. Excipiunt communiter eam, nisi debitor incideret in extremam necessitatem, in qua posset rem alterius consumere sine obligatione restitutionis; tunc enim debitor, extrema necessitate peracta, teneretur compensare tantum luera quæ prius cessarunt, aut damna quæ prius emergerunt. Adde, probabiliter etiam non esse compensanda damna emergentia vel luera cessantia, quæ nemo prudenter unquam potuit suspicari.

427. *Dico 9°*: Si debitum non sit ex delicto, et mora sit inculpabilis in restitutione, regulariter aut per se compensari non debet lucrum cessans aut damnum emergens. Ita contra Molinam et Emman. Sà, valde communis cum C. de Lugo, D. 18, n. 55. *Ratio*: Nam hæc obligatio compensandi lucrum cessans aut damnum emergens 1° non oritur ex injusta retentione, quod patet; 2° non oritur ex re accepta, quod iterum est manifestum; 3° non ex contractu; quia communiter contrahentes ad hanc compensationem se non obligant, et durissimum foret asserere quod, si quis commodaverit mihi librum ad mensem, et tam ego quam commodans oblivisceremur postea commodati, commodans autem qui fortè judicaret librum interiisse, compelleretur ad novum emendum majori pretio, tenerer excessum pretii refundere. Limitationem unicam appono: si creditor non sit contentus ut debitor diutius restitutionem differat, nisi cum obligatione sarcienti damna quæ fortè per moram evenient; tunc enim debitor vel statim debet restituere, vel, si velit peccatum effugere, debet implicito se pacto obstringere ad compensanda damna quæ fortè propter moram evenient.

428. *Obj.*: Si debitor qui culpabiliter est morosus, compensare debet omne lucrum cessans aut damnum emergens ex mora, magnates morosi plerumque cogendi forent ad hanc compensationem: hoc autem videtur esse contra praxim et à Molina negatur.

R. cum C. de Lugo, D. 18, n. 57: sicut ad contrahendam gravem obligationem restitutionis, ordinario et per se non sufficit quæcumque culpa etiam juridica vel purè venialis, sed requiritur determinatè

culpa mortalis: sic etiam ordinario et per se requiritur culpa mortalis, ut quis ob moram ad compensationem damni emergentis aut lucri cessantis obligetur: atqui sæpius debitor morosus excusatur à culpa mortali, quin etiam frequenter à culpa veniali. Nam 1° sæpiissime statuto tempore solvere non potest, et habet alios debitores à quibus debui in extorquere non potest, quod tamen esset pro solutione necessarium. 2° Sæpe creditorem ipsum habet obstructum alio genere debiti: quocirca si non solvit creditor, etiam ipse non tenetur solvere, juxta legem sciendum 21, ff. de usur. et L. quod te mihi 5, ff. si certum putatur. 3° Sæpe debitor non advertit adesse tempus solutioni præfixum. 4° Subinde contingit ut debitor jam obtulerit creditori congruam solutionem, sed iste noluerit eam accipere. 5° Sæpiissime mora non est magna, creditores autem per contractum ex communissima praxi consentire censentur in ejusmodi moram; et nimium inurbanus foret qui, nulla coactus necessitate, non permetteret inducias debitori. 6° Sæpe debitor prudentissimè judicat creditorem non esse graviter invitum, aut præsumit à creditore se monitum iri, quando periculum ingrueret lucri cessantis aut damni emergentis. Nam, ut rectè C. de Lugo, n. 32, si creditor non monet, quamvis facile possit, ac sciat monitum profuturum, emergens postea damnum non tam soquitur ex mora debitoris quàm ex negligentia creditoris. 7° Mercatores qui sciunt magnates aliquos in solvendo valde morosos, eis multò carius vendunt merces ob periculum lucri cessantis: tunc autem non video cur emptores obligentur semper ad compensationem lucri cessantis. 8° Esto magnates aliqui sint tardiores, tamen mercatores non graviter ferunt moram; quia plus ab illis lucrantur dum vendunt eis in majori quantitate, quàm iis à quibus paratam pecuniam accipiunt.

R. tamen 2° negari non posse quin magnates frequenter obligentur ad compensanda luera cessantia vel damna emergentia, nempe si mora solvendi sit exorbitans, si facile possint solvere moderando luxum, si sæpius à creditoribus fuerint interpellati de damno emergente vel lucro cessante, vel etiam si non sint moniti propter metum reverentialem. Tunc enim sub peccato mortali debent vel statim solvere, vel contractu tacito promittere compensationem lucri cessantis aut damni emergentis.

QUESTIO XXVIII.

QUIS ORDO SERVANDUS INTER CREDITORES.

*Scribente Voglerio, antiqui juris tantum proposita auctoritate vigeant, jusque commune constituebant. Nunc autem emersit è veteribus expressum et temporibus accommodatum jus, Gallicum scilicet, quod quasi remota novaque tempora vinculum coarctat, majorum principia societatis recentioris necessitudinibus aptans; ideòque duplex erit hujus questionis tractatio; una ex jure communi tractabitur, altera, Codicis et jurisperitorum nostre ætatis sententias expandens,

quid statuunt docebit : itaque videamus quid ferat questio *.

I. EX JURE COMMUNI.

429. *Sciendum* 1° creditores alios esse reales, alios personales. Reales sunt, quibus competit jus et actio realis adversus debitorem; personales, quibus competit jus tantum personale. Reale jus habent, quorum bona sunt apud debitorem, uti sunt res furto subductæ, res depositæ, commodatæ. Jus item reale habent qui pignus aut hypothecam habent in bonis debitoris; nam pignus aut hypotheca fundat actionem realem quasi Servianam. Cæteri creditores habent jus tantum personale.

430. *Sciendum* 2° creditores quosdam esse chirographarios tantum, quosdam hypothecarios. Priores sunt qui, præter chirographum à debitore subscriptum, nil habent loco cautionis; hypothecarii, qui pignus aut hypothecam habent à debitore. Dicitur autem quis habere pignus aut hypothecam, quando res debitoris est ipsi obligata in securitatem debiti: et si quidem sit res mobilis, vocatur pignus, si verò sit immobilis, specifico nomine vocatur hypotheca, quamvis generatim hypotheca sumatur etiam pro pignore.

431. *Sciendum* 3° hypothecam aliam esse expressam quæ constituitur ex pacto contrahentium, aliam esse tacitam quæ constituitur ex sola dispositione legis; et unam esse specialem qua certa res obligatur creditori, aliam generalem qua res omnes obligantur creditori. Porro tacitam et generalem hypothecam habet 1° maritus pro dote sibi promissa in bonis promittendis; 2° uxor in omnibus bonis mariti vel fidejussoris pro recuperanda dote; 3° fiscus aut camera principis in omnibus bonis illius qui fisco aliquid debet; minorens in omnibus bonis tutoris aut curatoris; item ecclesiæ vel civitates in bonis eorum qui ærarium earum administrant; 5° filius in omnibus bonis patris administrantis bona adventitia; 6° dominus in omnibus fructibus et rebus illatis in prædium locatum pro asscuratione pensionis aut rei locatæ. 7° Qui mutuum dant ad instruendam aut reparandam navem, domum aut prædium, habent tacitam hypothecam in navi, etc. 8° Qui credit pecuniam, ut alter eat in militiam, comparet arma, equum aut alimenta.

432. *Sciendum* 4° creditores aliquos esse privilegiatos, et aliquos non privilegiatos. Illi sunt qui per speciale legis positivæ privilegium aliis creditoribus anteferuntur; isti verò, quibus non competit ejusmodi privilegium.

433. *Sciendum* 5° creditores plurimos esse certos, plurimos incertos; plurimos esse creditores ob delictum alterius, plurimos sine delicto alterius; plurimos item ex titulo purè gratuito, plurimos ex oneroso: quæ non indigent explanatione. Difficultas exoritur, quinam ex istis creditoribus sint præferendi, quando bona vivi vel defuncti debitoris non sufficiunt ad satisfaciendum omnibus. Res est intricatissima propter innumeras leges, ut confessarius doctus sibi nunquam satis fidere possit. Vide Mol. tom. 5, D. 36

et 565, item 760; Lessium, L. 2, c. 15, Vasq. c. 11, de Rest. Dicast. L. 2, tr. 2, D. 11; Palaum, de Just. p. 18 à § 15; C. de Lugo, D. 20; Haunold. tr. 2 à n. 400.

434. *Dico* 1°: Creditores reales, quorum res extant apud debitorem, præferendi sunt omnibus aliis creditoribus. Ita omnes, et habetur L. *Procurat.* 5, sed si dedi 18, ff. de tribut. act. D. Julianus 13, § offerri 8, ff. act. empt. L. si ventri 24. § in bonis 2, ff. de privilegiis creditorum. Ratio est plana; quia solutio aliorum debitorum fieri non debet ex bonis alienis invito domino, sed fieri debet ex patrimonio debitoris. Nemo doctrinam extendit etiam ad casum quo debitor ex alieno factus est ditior, et res aliena tantum æquivalenter extat. * Hæc sententia ex collat. Paris. de usurâ, et ex sancti Antonini verbis deducitur. Verum alii communiter hoc non exprimunt; imò verò non sine causâ reprobant: quia 1° hic non eidem motivo applicando locus est, cum, re non subsistente, pretium sit in domicilio debitoris; 2° quo admissio quærendum foret quod æquivalens in locum rei fuerit suffectum, quæ perquisitio moraliter et in facto impossibilis est *.

435. *Dico* 2°: Creditores hypothecarii per se præferendi sunt omnibus personalibus. Ita omnes, et habetur L. eos 9, C. qui potiores in pignore. Ratio: Nam hypotheca est jus in re; vel, ut recentioribus loqui placeat, est quædam servitus imposita rebus pro securitate debiti: jus autem in re fortius et efficacius est quam jus tantum personale; nam jus reale facit rem ipsam obligatam, jus verò personale tantum facit personam obligatam; et sicut solutio fieri non potest ex bonis verè alienis invito domino, sic fieri non debet ex bonis quasi-alienis aut per hypothecam subjectis alteri domino. Excipiunt communiter creditorem personalem, qui dedit expensas ad funus debitoris vel alterius ejus funus ad debitorem spectaret; nec enim præfertur omnibus hypothecariis, juxta L. quæsitum 17, ff. de privil. credit. L. et si quis 14, § 1, ff. pro mort. L. pen. ff. de religiosis, et sumptibus funerum. Quam prælationem communiter etiam extendunt ad medicos, chirurgos aut eos qui dederunt expensas tempore morbi, vel pro testamento et confectione inventarii. Nemo videtur extendere prælationem etiam ad eos qui dederunt necessaria pro sustentatione statûs: sed hoc rejicitur à C. de Lugo, n. 82.

436. *Dico* 3°: Inter creditores hypothecarios præferendus est antiquior, nisi junior aut posterior gaudet speciali privilegio juris. Ita colligitur ex L. 4 et 6, Cod. qui potiores in pignore; et hic maxime locum habet regula juris 34, in 6: Qui prior tempore, potior jure. Ratio verò; quia res per hypothecam anteriorem jam est quasi alienata priori creditori, et transit in reale jus illius: ergo non potest creditori posteriori per novam hypothecam obligari sine tacito vel expresso consensu illius: atqui creditor anterior tantum consentit conditionatè, si nimirum ei possit ex aliis bonis satisfaceri. Cæterum regula procedit etiam quando tacita præcedit expressam aut generalis

specialem, ut contra Navarrum et Silvestr. communiter theologi et jurisconsulti.

457. *Dico 4^a.* Creditores personales ob titulum onerosum preferendi sunt creditoribus personilibus ob titulum pure gratuitum. Ita communis apud C. de Lugo, n. 141, et colligitur ex *L. inter eos* 19, § is quoque, ff. de re judicata. Ratio prima. Qui gratuito promittit, tacite semper apponit hanc conditionem, si commode vel sine præjudicio alterius potero, vel nisi rerum status notabiliter mutetur: atqui status iste notabiliter mutatur, si creditoribus aliis quibus oneroso titulo debitor obstringitur, non possit alias satisfieri. Secunda. Sicut esset iniquum facere liberalem donationem ex bonis alteri debitis per titulum onerosum, hoc enim esset offerre munus ex rapina; sic etiam iniquum esset promittere donationem ex bonis alteri debitis per titulum onerosum. Tertia. Ut aliqui discurrunt, in debito gratuito tantum intervenit unicum vinculum libertatis gratuito se ligantis: in debito autem oneroso intervenit vinculum quasi duplex, scilicet obligatio voluntatis et obligatio oneris quod alter subit: duplex autem vinculum per se preferendum est uni.

458. *Dico 5^a.* Inter creditores personales preferendi sunt qui speciale privilegium juris habent. Ita omnes. Gaudent autem ejusmodi privilegio, 1^o qui dederunt expensas funebres, quos, ut nuper dictum, oportet etiam hypothecariis creditoribus anteferre; 2^o sponsa de futuro, quæ dedit dotem, matrimonio non secuto; 3^o qui deposuit pecuniam apud depositarium à republica constitutum, neque percepit inde lucrum: imò Lessius contra Molinam hoc extendit ad omnes deponentes; 4^o pupillus, minor, fatuus qui, præter hypothecam tacitam, habet privilegium ut præferatur omnibus creditoribus personilibus tuis: 5^o qui dedit pecuniam ut ex ea solveretur creditori personali privilegiato; tunc enim succedit in locum privilegiati. Plura videre poteris apud C. de Lugo à n. 81, et Haunold. à n. 245, ubi recenset ordinem servari solitum ex jure Bavarico.

459. *Dico 6^a.* Inter creditores personales, æquè vel nullo modo privilegiatos, non est preferendus qui prior est tempore. Ita omnes juriste teste Haunold. n. 449, quos sequuntur ex theologis S. Antoninus, Silvester, Navarrus, Azor, Molina, Lessius, Reginaldus, Vasquez, Layman, Palaus, Haunoldus, Illung, contra Barth. Medinam, Sâ, Valentiam, Tolletum, Rebellum, quibus adhæret C. de Lugo, n. 146. Ratio prima. Quia sic habetur expressè *L. privilegia* 52, ff. de priv. credit. Secunda. Regula 54, in 6, qui prior tempore, potior jure, tantum est lata pro creditoribus hypothecariis, et, ex intentione legislatorum aut ex paritate rationis, extendi non potest ad personales; nam anterior hypothecarius ideo præfertur, quia jus prioritatis acquisivit in rem ipsam, cui debitor præjudicare non potest: at creditor personalis tantum habet jus in personam debitorem, qui sæpius obligari potest etiam, cum præjudicio creditoris, juxta *L. 4, § 2, ff. de separationibus*. Tertia. Sen-

tentum hanc exortere periculosum esset, quæ sub tali frons et dedas patentibus facilis adiret tentor, quam inde facilius esset quam tempus contrahere obligationis incertum vel ætiam latere. Quarta. Creditoris incertus est, et securitas subit, ut hypotheca inscripta, debitum suum assecuturi procureat: quod si omittat, damnum subsequens nulli alio quam sibi imputare potest.

460. *Dico 7^a.* Creditores personales magis indigentes, nisi laborent extrema vel valde gravi necessitate, non gaudent privilegio prædationis. Ita Vasquez, Azor, Lessius, Palaus, Bonacina, Turrianus et C. de Lugo, n. 161, contra multos antiquos. Ratio prima. Quia nec ex jure naturali nec ex jure positivo probatur ejusmodi privilegium: non ex jure positivo, nequam etiam talis lex reperitur: non ex jure naturali, quia tam dives quam pauper habent æquale jus in solutionem. Secunda. Aliàs, etiamsi creditor hypothecarius antiquior habet jus ad centum, et posterior ad mille, deberem prius solvere posteriori, tamquam magis indigenti, vel cui plus debetur. Tertia. Sicut non potes auferre centum aureos diviti, propter qualemquam etiam gravem tuam necessitatem, ita non potes restitutionem centum omittere respectu divitis ob majorem indigentiam alterius.

461. *Dico 8^a.* Creditores certi communiter preferendi sunt incertis. Ita communis apud C. de Lugo, n. 2. Imo P. Azor, p. 3, l. 4, c. 56, dicit omnes in hoc convenire, quamvis Molina contrarium teneat, ejus sententia est probabilissima. Ratio communioris assertionis est. Creditor incertus ordinariè non est rationabiliter invitatus ut debita certa præponantur incertis; magis enim expedit ad cavendas perpetuas lites, ut certa debita prius solvantur; et incerto creditori melius est ut, solutis debitis certis, ipse retineat integrum jus, ut cum tempore, si redeat et debitor ad meliorem fortunam perveniat, possit integrè suum debitum exigere. 2^o Incerta bona quæ sunt ex delicto, juxta leges eroganda sunt in pauperes et causas pias: at causa piissima est si solvantur debita certa. 3^o Si bona incerta non sunt ex delicto, probabiliter nec jure naturali nec positivo debent erogari in pauperes aut causas pias: ergo potest et debet ex iis fieri solutio debitorum certorum. 4^o De jure naturali certum est faciendam esse restitutionem, quoties debitum est certum: at de jure naturali non est certum faciendam esse restitutionem, quando debitum incertum ortum est sine delicto: jus autem naturale certum per se præponi debet incerto. Excipit C. de Lugo creditores qui propter nimiam distantiam conveniri non possunt, et æquiparantur creditoribus incertis; nam isti probabilius malunt fieri restitutionem fratribus aut consanguineis egenis, qui sunt in loco debitoris. Idem est si creditor qui conveniri non potest, presumitur velle potius ut debitum expendatur in bonum ipsius ad sacra legenda. Lessius quoque cum quibusdam ut certum supponit, quando res aliqua quoad individuum est incerti domini, ex ea non posse fieri solutionem debiti certi, quia solutio fieret

ex alieno. Verum licet ista doctrina sit verissima cum magna vel moralis est spes reperiendi dominum, at quando spes evanuit, non video quare non eodem jure possit res in solutionem debiti certi, sicut in pauperes vel causas pias expendi.

442. *Dico 9°*: Creditores ex delicto debitoris per se non sunt præponendi creditoribus sine delicto debitoris, nec vicissim. Ita communissima doctorum, quibus adhæret C. de Lugo, n. 56, contra multos veteres. *Ratio*. Nam, ut ex objectionibus patebit, nec ex jure naturali, nec ex jure positivo colligitur quod unus creditor alteri sit præponendus, et æquè repugnat justitiæ detentio rei debitæ per contractum, ac detentio rei debitæ per delictum.

443. *Dico 10°*: Creditori gaudenti jure prælationis debet integrè solutio præstari, quamvis parum aut nihil supersit pro cæteris creditoribus. Est communissima doctorum; *et ratio*; nam in hoc ipso consistit jus et beneficium prælationis. Nec obstat quod plurima prælationis privilegia dependeant tantum ex jure civili: cum enim leges istæ non sint pœnales, nec fundentur in falsa præsumptione, et sint rationabiles ac justæ, vim habent etiam obligandi nos in conscientia.

444. *Dico 11°*: Quando plures sunt creditores ejusdem qualitatis, et nullus eorum habet jus prælationis, debitor qui non potest omnibus totum solvere, debet solvere quantum potest, secundum partes proportionales debiti, ita ut cui plus debet, proportionaliter etiam plus solvat. Ita communis, *et ratio*; quia non potest excogitari melior modus satisfaciendi; et debitor, si vellet uni solvere totum, ageret in præjudicium aliorum. 2° Si tamen ex creditoribus æqualibus unus in judicio præveniret ac peteret solutionem totius debiti, posset ei per sententiam adjudicari tota solutio. Sic enim statuitur in lege *quod autem* 6, § *apud Labeonem* 6, et § *sciendum* 7, et *L. pupillus* 24, ff. *quæ in fraudem creditorum*, ubi jura volunt præmiare vigilantiam creditorum, et citius petenti conferre jus prælationis. 3° Extra judicium tamen probabiliter inter creditores æquales non potest debitor prius petenti præstare totam solutionem. Ita Vasq. Turrianus, Medina, Palaus, Lugo, n. 175, contra Silvestrum, Navarrum, Lessium, Aragonium, Bonac. et Reginald., quorum sententia etiam valde probabilis est. *Ratio*. Quia nec ex jure naturali, nec ex jure positivo sufficienter colligi videtur quod extrajudicialiter petens habeat privilegium prælationis; et ejusmodi privilegia, cum vergant in præjudicium aliorum, citra necessitatem extendi non debent; imò non pauci dubitant an etiam in judicio petens accipere possit totam solutionem. Unde 4° juxta priorem sententiam, peccat contra justitiam creditor qui petit solutionem totam extra judicium, sciens alios adesse creditores æquales, quibus postea satisfieri non possit; sic enim petens inducit alterum ad id quod citra peccatum injustitiæ fieri non potest. Imò probabiliter etiam peccat contra justitiam acceptans solutionem ultro oblatam; quia, ut discerit C. de Lugo, n. 116,

contra Mol. et Less., licet non cooperetur peccato dantis aut offerentis solutionem, cooperatur tamen injustæ damnificationi creditoris alterius, quem impedit ab acquirendo suo debito, cum per acceptionem ejusmodi debitor fiat impotens ad præstandam ei solutionem. 5° Valida tamen foret hæc solutio vel acceptatio; quia debitor transferret dominium rei suæ, quæ nullo jure reali ponitur aliis creditoribus obnoxia. Quocirca, si creditor bona fide reciperet ejusmodi solutionem, nullo pacto teneretur ad restitutionem creditori qui præjudicium est passus: non enim teneretur ob injustam acceptionem, quia procederet bona fide; nec teneretur ob rem acceptam, quia non acciperet rem alienam.

445. *Dico 12°*: Legata solvi debent post cætera debita testatoris. Ita communis et certa DD. apud C. de Lugo, n. 89. *Ratio prima*. Quia, cum legata sunt omnino voluntaria, fiunt solum ex iis quæ supersunt, deducto ære alieno, quod prius ex justitia solvendum est. *Secunda*. Inter legata verò, nisi testator aliud decreverit aut possit ejus voluntas sufficienter præsumi, non est servandus ordo, sed juxta proportionem omnia solvenda. Sic iterum communis. *Et ratio*, quia non debet asseri prælatio quæ nec in jure, nec in disponentis voluntate fundatur. *Tertia*. Si tamen gravis sit præsumptio quod testator potius voluerit exsolvi quædam legata, v. g., pia potius quam profana, voluntas hæc est adimplenda. Sic communiter prius solvenda sunt legata quæ testator applicavit ad missas pro se legendas. *Quarta*. Si legatum aliquod relinqueretur ad implendum votum defuncti, hoc esset præferendum; nam executio votorum, antequam fiant legata, jam est debita; legata verò cætera sunt pure voluntaria, ut meritò testator præsumi debeat voluisse prius executionem votorum. *Quinta*. Si vota sint æqualia et æqualiter Deo placeant, nec omnia possint impleri, datur optio hæredi solvendi vota quæ voluerit. Ita contra Th. Sanchez, C. de Lugo, n. 93. Quod si tamen votum aliquod esset præstantius et Deo magis placeret, illud sine dubio præ cæteris esset solvendum.

OBJECTIONES.

446. *Obj. 1° contra secundam conclus.*: Si creditor hypothecarius est præferendus creditori personali, præferendus est etiam venditori, qui rem tradidit emptori, sed non recepit pretium, contentus nudo chirographo, vel promissione emptoris; sed hoc negatur à Rebello, Silvestro, Navarro, Medina, Lessio, Bonacina: 1° quia nimis durum videtur quod, si mea merx extet apud emptorem, ego debeam fraudari simul merce et pretio, supposito quod creditoribus hypothecariis aliter satisfieri non possit. 2° Contractus non obligant ultra mentem et intentionem contrahentium: sed venditores non volunt aliter transferre dominium mercis in emptorem, nisi sub conditione pretii solvendi, voluntque sibi reservare jus et regressum ad rem suam, casu quo emptor non potest exhibere pretium. 3° Qui locat alteri domum aut prædium, habet hypothecam tacitam in omnibus rebus investitis et illatis pro secu-

ritate pensionis, juxta *L. 1 et 2, ff. ex quibus causis pupus vel hypoth.* : at si res quæ nunquam fuit mea, obligata est mihi pro securitate pensionis, multo magis pro securitate pretii debet esse mihi obligata res quæ fuit mea.

R. C. aequalam, quam admittunt ex theologis Vasq. Navarra, Molina, Turrian. *C. de Lugo*, n. 17, et Haun. n. 402. *Ratio*. Si venditor præferri deberet aliis creditoribus, deberet præferri vel propter dominium, vel propter hypothecam quam habet in re neutrum habet, non dominium, quia, si vendat crebro, vel si tradat rem alteri contentus chirographo et nuda promissione emptoris, et nisi specialiter aliud exprimat in contractu, non sibi reservat, sed alteri dat dominium : aliàs alter non posset consumere vel alienare rem, nisi soluto pretio ; et, si res alienata transiret ad tertium, ab illo posset res iterum vindicari, quod est falsum. Sed neque venditor habet hypothecam in re emptori tradita ; nam hæc hypotheca ex nullo jure colligitur, et Haunoldo teste, apud juristas est inauditum quod venditor persequi possit rem alteri cum dominio traditam, actione reali vel quasi Serviana, nisi specialiter in contractu voluerit rem hypothecatam esse. Dein, si foret hypothecata, non posset alter ante solum pretium consumere, vel alienare rem ; quod iterum est falsum.

Ad primam prob. R. Venditor imputare sibi debet quod sit secutus fidem emptoris, et nec dominium sibi reservaverit, nec per hypothecam sibi caverit. Dein, si mercis emptor eam vendidisset aut donasset tertio, non esset nimis durum si venditor à tertio non posset amplius vindicare rem, et deberet carere pretio simul et merce. Ad hæc venditores, dum credito vendunt merces, sæpius peccant contra justitiam, et justo carius vendunt, ut æquum sit eorum injustitias ita puniri. *Ad secundam.* Venditor actu non habet hunc animum, sed tantum haberet si periculum actu prævideret. In contractibus autem non attenditur ad intentionem habitualement et conditionatè tantum futuram, sed ad actualem et præsentem. *Ad tertiam.* Obiectio tantum probat quod jura potuissent in gratiam venditoris constituere tacitam hypothecam in merce, non autem quod actu constituerint. Neque valet hic argumentum à pari ; quia legislatores id non voluerunt, cum successivè plures hypothecas novas induxerint, quamvis initio jam adfuerit major aut par ratio eas inducendi, sicut inductæ sunt aliæ. Dein non est paritas ex casu locationis : nam locator non potest statim petere pretium locationis, sed debet expectare per bonam anni partem, v. g., per trimestre, donec conductor re fuerit usus : at venditor statim potest petere pretium mercis. Alius fortasse casus foret, si venditor per dolum fuisset deceptus ab emptore circa solutionem pretii : tunc enim venditio foret nulla, vel certe statim ad arbitrium vendentis deberet rescindi.

447. *Obj. 2º contra sextam conclus.* Non solum inter hypothecarios, sed etiam inter personales videtur esse præferendus antiquior creditor : nam 1º jura civilia, quæ videntur contraria, sunt correctæ per jus

canonicum, ubi statuitur universalis regula, qui prior tempore, potior jure. 2º Quando res eadem ex inter-vello duobus est vendita, sed noster tradita, juxta communem omnium res tradi debet ei qui prius emit. Quando Titius natio contraxit sponsalia cum Berta, dein cum Salucia, procul dubio debet servare fidem sponsæ priori. Si promissisti tuam operam et servitium Caio, postea verò Sempronio, putans utrique servire te posse, superveniente impedimento, debes ei servire cui citius promisisti : at in his casibus debita sunt tantum personalia. 3º Ideo præferendus est antiquior creditor hypothecarius, quia debitor, cum eandem rem obligat hypothecario posteriori, non aliter eam obligat aut obligare potest, nisi tantum obligatione conditionata, vel cum conditione, si creditor antiquus non subeat præjudicium aut detrimentum : sed hæc ratio procedit etiam in antiquiore creditore personali ; nam debitor personalis creditori posteriori se non aliter obligat aut obligare potest quam obligatione tantum conditionata, vel cum conditione, si creditor antiquus non subeat præjudicium aut detrimentum. 4º Quando quis obligat se primo creditori, se tacitè semper obligat ad faciendum quod est necessarium ad solutionem, vel ad non ponenda solutionis impedimenta : ergo non potest obligare se creditori posteriori, nisi salvo jure prioris. 5º Iniquus foret hic actus : Promitto tibi solutionem, etiamsi non possim solvere citra præjudicium antiqui creditoris, cui debeo totam solutionem : ergo etiam iniquus est hic actus : Obligo me tibi ad solutionem, etiamsi non possim id facere sine præjudicio prioris : ergo, qui justè promittit aut obligat se novo creditori, tacitè semper apponit conditionem, si solutio fieri possit sine præjudicio prioris. Hæc rationes quibus *C. de Lugo* contrariam sententiam à n. 147 probat, eam procul dubio reddunt valde probabilem, quamvis idem eminentissimus fateatur nostram quoque probabilissimam esse propter auctoritatem et leges.

R. N. A. Ad primum. Correctio juris est vitanda quoad fieri potest, et regula juris canonici communiter intelligi solet de creditoribus hypothecariis, nec est applicanda personalibus. *Ad secundum.* In exemplis illis creditor antiquior habet jus ad rem determinatam, et res illa, postquam absolutè est debita uni, non potest absolute alteri citra injuriam obligari ; in nostro verò casu datur obligatio vel jus ad rem tantum indeterminatam. *Ad tertium.* Si talis conditio inesset secundæ obligationi personali, vel inesset ex intentione tacita, vel expressa contrahentium, vel ex dispositione legum. Non ex dispositione legum, cum istæ non præferant antiquiorem debitorem personalem. Non ex intentione expressa contrahentium ; nam isti communiter expressè nullam conditionem adjiciunt. Non ex intentione tacita contrahentium ; licet enim apponerent ejusmodi conditionem, si præviderent periculum in solutione, tamen, quando non prævident, nihil addere solent. Dein etiam in hypothecis sæpius non adest ejusmodi conditionata voluntas ; cum sæpius creditor hypothecarius posterior ex privilegio juris præferri debeat an-

teriori. Quocirca generatim dicendum est contractus, nisi quid aliud exprimat, fieri juxta mentem et intentionem legislatorum : atqui legislatores non volunt contractus posteriores, in quibus obtineatur debitum personale, fieri tantum conditionatè. *Ad quartum.* Debitor ad summum se priori creditori censetur adstringere ut non ponat impedimenta voluntaria solutionis : dum verò contrahit novum debitum, rationabiliter putans se futurum solvendo parem, non voluntarie ponit impedimentum solutionis, sed est per accidens deinde quòd propter inopiam supervenientem solvere non possit. *Ad quintum.* Iniquus foret hic actus, si debitor actu prævideret morale periculum : secus verò non est iniquus, et retorsio patet in hypotheca posteriori et privilegiata, quæ licitè constituitur, esto per accidens subinde prior hypothecarius subeat aliquid impedimentum in solutione.

448. *Obj. 5^a contra tertiam conclus.* Debila ex delicto videntur prius solvenda quàm debita ex contractu ; quia 1^o sic sentit S. Th. opuse. 75, c. 18. 2^o Prius recedendum est à graviore peccato quàm à leviori : ergo prius recedendum à retentione rei per furtum acquisite, quàm à retentione rei debite per contractum. 3^o Sicut justitia gravius obligat ad non furandum quàm ad non accipiendam usuram, sic etiam gravius obligat ad restituendum debitum ex furto quàm debitum ex usura ; ergo etiam minus obligat ad restituendum debitum ex contractu licito : at, quando concurrunt duo præcepta, quæ simul servari non possunt, debet servari potius quod gravius est. 4^o Per restitutionem debiti ex delicto tollitur injuria : per restitutionem verò debiti ex contractu licito non tollitur injuria, sed tantum impletur justitia : major autem est obligatio tollendi injuriam quàm implendi justitiam. 5^o Creditor ordinariè magis est invitus, quando non restituit debitum ex furto vel rapina quàm quando non restituit debitum ex contractu licito. Item qui per contractum alteri dat rem suam, volens eam exponi alicui periculo ; qui verò rem amittit ex furto vel rapina, nullo modo voluntariè rem amittit.

R. ad primum : Ut notat Sylvius, opusculum illud probabiliter non est S. Thomæ, cum in editione Romana sit aliis litteris impressum. Dein esto divus Thomas esset contrarius, tamen in foro judiciali contrarium observatur, et in imperanda restitutione non fit discrimen inter debitum ex delicto et debitum ex contractu : durum autem est dicere quòd judices, indifferenter imperantes restitutionem, agant contra jus naturale. *Ad secundum :* Si creditor restituit quod debet ex contractu, volens etiam, si posset, restituere totum quod debet ex furto, jam sufficienter recedit à peccato quod commisit per furtum. Dein etsi fur commiserit peccatum in furto quod non commisit in contractu, tamen si dominus aequaliter velit restitui rem debitam ex furto et rem debitam ex contractu, non minus peccatum est libere non restituere quod debetur ex contractu quàm quod debetur ex furto. *Ad tertium :* Justitia quidem gravius vetat furtum quàm usuram ; quia **gravior fit injuria simpliciter nolenti per furtum quam**

non simpliciter nolenti per usuram : at non gravius obligat ad restituendum debitum ex furto quàm debitum ex usura : quia virtus hæc in præcepto restitutionis non tam attendit ad injuriam quàm ad damnum : æquale verò damnum subit lusus, sive retineatur debitum ex usura sive debitum ex furto. *Ad quartum :* Per solutionem debiti ex contractu non quidem tollitur injuria præcedens, sed tamen impeditur ne fiat : perinde autem est in moralibus impedire ac tollere injuriam. *Ad quintum :* Creditor sæpè magis petit debitum ex contractu quàm debitum ex furto. Dein esto dominus communiter magis indignetur furi, propter præcedentem injuriam, non tamen minus absolutè petit debitum ex contractu quàm debitum ex furto. Denique si graviter obligat ad reddendum utrumque debitum, non attendi debet in restitutione num intentius unum debitum exigat, sed utrum exigat unum prius quàm alterum.

II. Ex jure civili gallico.

* Ut in hac materiâ ordinatim et compositè digeriqueant Codicis civilis aliorumque nunc temporis vigentium præcepta, utque simul à profanis distinctæ sint res theologicae, totum hoc supplementum tribus articulis distribuemus. Primus Codicis civilis dispositiones de privilegio vel hypothecâ innitentibus creditoribus disseret ; secundus de creditoribus et debitoribus commercium agentibus, quibus assecurandæ obligationis causâ procedendi et persequendi seu defendendi rem suam ratio alia concessa fuit ; tertius theologorum proposita explanabit.

ARTICULUS I.

Codicis civilis dispositiones.

Ex articulis 2092 et 2095 bona quæque debitoris, seu mobilia, seu immobilia, præsentia vel futura, corporalia tum incorporalia, art. 517, 526, 528, 529 et 1166, communis cautio creditorum sunt ; juxta vires ejus fortunarum, æquâ proportionem distribui debent, nisi anteponanatur alii creditores legitimo titulo priorem locum obtinentes. Longè enim varia sunt jura in bonis, prout creditores chirographi, hypothecarii vel privilegiati sint.

Chirographi vocantur à græcâ voce *χρῆρ* et *γράφω*, quòd hoc nomine appellabantur qui titulum autographum à suo debitore quondam obtinuerant, nunc sic omnes qui titulo fruuntur cui nulla lex privilegia concessit, nec aliud jus quàm venditionem publicationemque bonorum provocandi, quo etiam casu proportionem habitâ sui crediti in participationem vocatur, si ultra suas vires debitor conduxerit nummos.

Hypothecarii à voce græcâ *ὑποθήκην* dicti sunt, quibus licet ex beneficio legis rem suam inter omnium manus insectari, chirographis exclusis, vel ad reliqua bona dividendum redactis ex privilegio lege concessio.

Tandem privilegiati, à vocibus latinis *primus* et *lego* dicti, tantâ apud legislatorem gratiâ valere, ut ipse statuerit privilegio nihilesse equiparandum, hypothecariosque, et facillè intelliges chirographos, minus ac-

ceptos excluderit. Privilegiati in distributione pretii concurrunt, ex axioma legis : *Privilegiatus contra æque privilegiatum non utitur privilegio*. Art. 2095, 2094, 2096, 2097.

Quum lex primò privilegiis faveat, dein hypothecis, postea chirographis, de privilegiis primò dicemus.

1^o Habent autem privilegia vim tum in mobilibus tum in immobilibus; tum simul in omnibus bonis. Art. 2100.

Priorum, quibus mobilia tantum gravantur, longam enumerationem attulerunt art. 2102, pro certis et determinatis mobilibus statuens, et art. 2105, in quodvis mobile jus decernens.

Aliorum qui in immobilibus jus privilegii obtinuerunt art. 2105 compendium facit, venditorum scilicet, mutuantium, coheredum, de assicurando communi dividundo, architectorum opificumque, præstantium denaria ut solvantur opifices.

Posteriorum denique, quibus jus datur in mobilibus et immobilibus art. 2101 jam mentionem facit, qui præsertim sunt creditores pro impensis judicialibus, funerariis et ultimi morbi, famulorum mercede, victuum suppeditione, etc. Sic ut ubique hæc credita, et quum de immobilibus agatur, primum locum obtineant. V. art. 2104 et 2105.

2^o Post eos qui privilegio gaudent, bona dividunt debitoris qui hypothecam in eis constituere, quod sit non servato ordine acquisiti juris ad hypothecam, sed considerato tempore quo hypotheca inscripta fuit in tabellis conservatoris hypothecarum. Hæc de communibus seu conventionalibus et judicialibus hypothecis. Triplex enim est hypothecægenus, scilicet : Hypotheca *legalis*, quæ competit feminis nuptis in bona mariti, minoribus et interdictis in bona tutoris, fisco civitatibus et publicis ædibus in bona exactorum avariorum et administrantium suo periculo. Art. 2121. Etiam sine inscriptione primum locum in solutione vindicandâ obtinent minores, multisque in casibus femine seorsim autem de fisco art. 2134, 2135. Hypotheca *judicialis*, quæ vim obtinet ex sententiâ judicis, presente vel absente vocato in jus latâ, jussuque regali executionis subscriptâ; art. 2125. Hypothecæ *conventionales*, seu consensuales, quæ assentientibus illis quibus alienare licet, in bonis eorum à creditore sumuntur; art. 2124. Plurimis autem hypothecis eodem die inscriptis, idem gradus conservatur, pro ratâque parte debiti concurrunt quaecumque horâ, seu matutinâ, seu meridianâ, seu vespertinâ conservator inscriptos fuisse notaverit.

Adjuvantibus his Codicis appendicibus, auctoris obscura esse desinunt quæ n. 435, 436, 438, 445 et 446 commenta evolvit. In chirographis et privilegio simul et hypothecâ destitutos recidimus, quorum jura satis lueulenter descripsit auctor, n. 439 et 447, de præferendis vel non creditoribus antiquioribus tempore; n. 440, de indigentioribus; n. 441 de certis et incertis, n. 442, et 448, quid juris de creditoribus cum aut sine delicto; n. 445 an prius legata testatoris quam cætera debita solvenda sint.

ARTICULUS II.

Codex commercii dispositiones.

Longè varia est Codicis commercii coram variis debitoribus persequendi ratio, prout commercio immiscuantur vel non : in his enim qui veluti fide publicâ vivunt majorem actuum suorum observantiam exquirunt, quam in homine suis impensis substantiam quærente; commercii enim eberitas et commoda tantum in negotiatoribus fiduciam exigunt, dum contra opifis quotidianam facertis victum querunt, male fiditur, imò fundorum dominis vix sine hypothecâ creditur. Alimentum ergo commercii fides, quam tutari lex debuit, ne periret invadente pecuniarum siti. Inde legis rigor exortus in hos qui delinunt, commercii vices infelici successu experti, quibus præter carceris impendentis discrimen multiplices instant suspiciones. Hunc statum hominis solvendi sua debita in commercio inita imparis, vocant gallicè *faillite*, quem verbo *defectus* traducimus : si sit autem debitis suis immersus homo non negotiator, dicitur eum *as suam dissolvissè*, sive gallicè, *être en déconfiture*. Quidquid sit de his verbis, latinè parùm congruenter representatis, de prioribus sermo sit, ut cognoscatur quid ad posteriores attineat.

Defectus seu impotentia negotiatoris locum habet ex quo alieno æri solvendo par esse desinit. Ipse calamitatem suam intrâ tres dies notam facere declaratione debet, ut proinde liquidum fiat quo die defectum incepisse tribunal statuet. Hujus autem diei maxime interest ut assignatio fiat à iudicibus, ex eo enim contractum sors pendet, declarantibus art. 443 et 444 quidquid immobilium translatum fuerit à debitore vanâ conventionem tradi, si intra decem dies qui præcedunt diem assignatum, hæc alienatio locum habuerit. Disputatur etiam de sensu art. 442, quo administratio bonorum rapitur debitori ex die impotentiae ejus. Quem diem hi aiunt esse epocham iudicii declarantis; alii, quos plures sequuntur, stricto sensu diem esse intelligunt quo solvere cessavit. Quidquid sit, non possessio, sed administratio bonorum tollitur, ita ut salvis et incolumibus creditorum juribus, debitor vano cum titulo possidentis, in eorum detrimentum agere nequeat, usquedùm alii ipsi gestioni provideant. Cur autem statuatur non posse hypothecis gravari, alienationibus transmitti gratuitis bona deficientis, decem ante assignatam à iudice epocham impotentiae diebus, faciliè detegitur; præcavit lex ne fraudulentis collusionibus debitorem inter et quosdam duriores creditores, cæteri fraudarentur.

Quibus autem factis suspicio et præsumptio fraudis adhaereat, videndum est; et quo principio innitatur iudicum severiores sententiæ. In principio ergo ponitur nullitate affici quidquid in facto contrahentium vel in facto solus deficientis dolum redelet aut potest admittere. Et primò, ex parte debitoris, art. 445 Cod. comm., quidquid actibus commerciorum et stipulationibus fecerit et pactus fuerit intra dies de-

cem qui praeerunt diei suae impotentiae assignatae, fraude infici praesumuntur; quo casu non solum vaneſcunt, sed et debitorem in suspicione collocant decoctionis fraudulentae, Gallicè *banqueroute fraudulente*. Secundò, ex parte eorum qui contraxerunt fraudulentè facta, ideòque inutilia sunt: 1° Omne privilegium et omnis hypotheca bonis debitoris imposita intra jam praescriptum spatium. — Quod asperius hic statuitur, si ad verbum Codicis attendatur; sed in practica distinguendum est inter privilegia quaedam quae dicuntur legalia, et privilegia quae ex hominis facto procedunt, inter hypothecas legales et hypothecas conventionales; siquidem privilegiis articulo- rum 2101 et 2102 Cod. civ. quae ex ipsa lege proficiscuntur, nil nocet articulus 445 Cod. comm., dum privilegio. art. 2071 Cod. civ. de pignoratibus certissime aliter statueret. Item de hypothecis; quas memorare oportet dividi in legales, judicia- rias et conventionales. Dicendum ergò esset maritum, uxore orbum intra decem supradictos dies, hypothecam certissime legali bona sua onerare, quum tutor filiorum neces- sariò fiat; contractas autem hypothecas iudicio in- scripto, vel eas quas nova sponsa intra hoc tem- pus requisivisset, nullà virtute vigere. 2° Omnes ac- tus transferentes dominium, gratuito facti; translatò- riū autem actus dominii sunt alienationes, venunda- tiones, donationes, etc., plerique articulo 893 Cod. civ. enumerantur; nec lex, eos in fraudem factos praesumens, aliquid effugii linquit in quo confidere possint creditores collusionis rei. Non tamen in legis exclusionibus mobilia numerantur, dummodò non ita sint immodicæ donationes eorum, ut credi- tores debito possint destituere, quo casu allatà pro- batione ex art. 447 Cod. comm. annihilarentur. 3° Quidquid pecuniarum solum fuit intra eosdem decem dies, pro debitis commercialibus nondum exigi- bilibus, quoquo modo fiat hæc solutio, tum pecunià, tum obligationum et titulorum remissione, tum mer- cium, repeti debet ut in fraudem factum creditorum. Contendunt multi propriorum chirographorum emp- tionem pro fraudulentà habendam esse, ex eo quòd nondum sint exigibiles, sint commerciali debito in- hærentes, ideòque art. 446 certissime obnoxii; sunt autem plurimi qui respondeant actus merè commer- ciales non ei qui periclitatur, necdum defecit, esse interdictos; atqui chirographorum emptio merè actus est solius commercii et etiam sese liberandi et au- gendarum fortunarum modus expeditissimus; non ergo chirographos suos pacto lucro redimere veta- tur. Facile videbitur exigibile debitum non iniquè et in vanum solvi, siquidem absurdum esset pro cri- mine ducere quod lex et iudices sanciant, et non sine magnis impensis exigunt, solutionem scilicet debiti. Si de aliis debitis non commercio durante factis sermo est, nullam textus patitur controver- siam. Siquidem multis in casibus Codex commer- cialia debita ab aliis sejungit et distinguit; si ergò hic debita commercialia directis verbis commemorat, de his solummodò agi voluit.

Huc usque de his sermonem habuimus quæ nullita- tem ex se ipsis trahunt, ita ut sufficiat eorum facto- rum praesentia ad suspensionem fraudis patenter ad- missæ: praesumitur in his omnibus fraus debitoris vel dolus creditorum fictorum; contrà praesumptiones legales quae constituuntur ipso actu, nihil valeret bona fides, quia nulla probatio contrà legis vetantis vel jubentis praesumptiones aliquid admittentes vel denegantes, afferri potest. Sunt autem alii actus quo- rum fraus probatione innotescere debet ut irriti di- cantur. Generaliter et art. 447 Cod. Comm. disposi- tionibus et principiis art. 1167 Cod. civ. innixi cre- ditores fraudem patefacere debent: hoc in eorum mu- nere est et utilitate. Imò in casu venditionis factæ oneroso titulo, non tantum debitoris aut creditoris vel extranei ementis fraus peculiaris probanda est, sed etiam incumbit onus creditori qui eos actus ex- plodit, probandi utrinque fraude peccatum fuisse; si quidem, non in eadem linea erat æquum eodemque statu constitui emptorem bonæ fidei, qui certo pretio venundata exsolvit, et donatarium, qui nullà impensâ factâ, creditorum detrimento augetur et ditesceret. Ita Curia Cassat. 1823. Præterea necesse est ut verè intersit utilitatis creditorum ut actus argui possint. Illic enim duo notanda: 1° Legem etsi commercialibus maximè rebus consulentem noluisse tamen ut suspicionibus perpetuis et praesumptionibus infensis porta panderetur actusque forsitan fide et probitate re- gentibus initos, duplicis et dolosæ intentionis leviter insimulari. 2° Non voluisse eandem à quibusvis, quorum causa non agitur, in jam abruptis negotiis impedimenta strui, ideòque solis creditoribus jus proponendarum nullitatum tribuisse; imò verò debitoris deficientis has invocantis prætensa redarguit, multi- plici de ratione; seu quòd non auditur homo turpi- tudinem suam allegans, ut fert lex Romana, seu quòd pactis et conventionibus propagandis consuli debeat, et ut securitas afferatur in his maximi sit momenti. Hoc statuit Curia suprema 9 maii 1834. Syrey, t. 34, l. 325.

His praemissis, transimus ad nullitates probatione fraudis determinandas. Hujus generis sunt quælibet in fraudem creditorum facta, quod planè cum jure romano congruit, quod etiam libertatem datam hoc modo irritam esse volebat. Nec solum quæ intra decem praescriptos dies facta sunt, sed longè ante de- bitoris defectum et impotentiam in ita sub hoc art. 447 imperio rediguntur, ut patet sententiâ Cur- iæ Cass. 2 julii 1834, quâ etiam usura est restituenda pecuniarum, fraude pluribus abhinc annis in detri- mentum creditorum admissâ. Syrey, t. 34, l. 710. In actibus suspectis numerant actus commerciales art. 445 citatos: bonorum derelictionem incuriam- que, juris sui abdicationes; sic creditoribus licet ex debitoris parte, et veluti cum etiam invitum repræ- sentantes, hæreditatem adire, art. 788; communio- nem bonorum invocare, art. 1164; communi divi- dendo intervenire, art. 863; separando patrimonio obistere, art. 878; dividendo patrimonio adesse,

art. 882, delinquentibus bonis obistere, art. 1065, bonorum divisionem inter uxorem et maritum, etiam patratam, e novo oppugnare, art. 1447, actus tam civiles, tum commerciales fraudem redolentes discutere, art. 1467 Cod. civilis.

Hæc de versantibus in commercio, quibus addi tamen possint carceris imminens periculum quotiescumque chirographis dictis *lettres de change* non satisfaciunt arumosi negotiatores, longaque severior pena que fraudulentam decoctionem afficit. De cæteris debitoribus passim lex statuit, bonorum additionem publicam jubens, pecunias debitas ipsis in gratiam creditorum apprehendens, mobilia et immobilia publicari sinens, ex quo pecunie dissolutio, seu *de confiture* gallice, denegata solutione chirographorum vel obligationum omissione constans fuerit, et solvendo factus sit impar, art. 1276, 1446, 1615, 1865, 1915, 2005, 2052, Cod. civ., et titulos VII, VIII, IX, X, XI, XII Cod. Proced. civ. lib. V. Interea autem nullo in loco administratione bonorum suorum destituitur ut qui commercium agit; et certissimè quanquàm omnia que nuper dicta sunt de juribus creditorum extendantur non tantum ad creditores commerciales, sed etiam ad quosque obligationum possessores, quamvis præter hos articulos sibi faventes, habeant etiam creditores, art. 1467 Cod. civ. dispositiones, non tamen ad id gratiæ in ipsos procedit lex gallica, ut non negotiatores tractare detur commercii Codicis asperitate, et alienationes decem ante dies dissoluti æris proruptis et inutilibus habere. Ut etiam ex articulo 1467 et aliis inquiratur in detegendam fraudem præsumptionibus gravibus, directis et concordantibus magistratus imitti debet, ut conscientie lucem inferat et securo animo dijudicet: non, ut in commercialibus, ad sunt præsumptiones ex suâ naturâ actuum deletrices.

Queritur ergo ex hisce omnibus quis sit ordo asservandus inter creditores quibus non potest debitor æs totum absolvere. Perpensis omnibus hæc usque allatis, facile videbitur quid in pari casu faciendum sit. Quid autem statuatur theologicè, et quoad forum conscientie, nunc exponendum ut questionis nullæ desint illustrandæ rationes.

III. De theologicis statutis pro ordine servando inter creditores.

Notandum primò quo in statu ad respectum creditoris sit debitor. Triplex esse potest:

1° In jus vocavit debitorem creditor. Communi omnium approbatione receptum est debitum, cujus dies solutionis cedit, iudicis ministerio posse repeti. Quo casu certè, ut minùs sibi noceat, impensas juris sustinendo, potest debitor aliis persecutorem suum in lite præferre, eique solvere, si præsertim alia debita nondum exsolvenda sint. Vidimus hoc esse in tribunalium normà, siquidem etiam qui æs dissolvit suum, urgenti in jure creditori intra decem decoctionis dies, satisfacere potest. Idem assentiunt theologi.

2° Rem suam creditor extra iudicium repetit. Sunt benè multi qui æs solvi volunt. Jus enim, aiunt, non petitionem inter juridicam et non juridicam distin-

guit: aequali lance utramque admittit et ponderat. nec valetur rectum jure suo destitit creditorem eo quod nec se, nec alium ledere gestit, ipsius fortunam multando, et impensis parcendo multatus quantum utrumque permittet. Sed plures contra statunt etiam hoc modo permitti licentiam debitori, ipsam judicem horum quos affectus aut commodum eum impellit ad exsaturandos, efficiendo suadendoque ut arbitrio suo aliena jura discutiat: præterquam si hæc solutio admitteretur, nullius virtutis esset prohibitio solvendi, quæ vocato et monito creditore de arumina suâ, à debitore facillime eluderetur, cum statim admonitus ad judiciales modos incurreret. Pari nos cbaritate quemque diligere proximum volens, mandatum non sinit ut fiat personarum acceptio, cum præsertim lex non homines, sed naturam crediti introspiciat et ordine disponat.

3° Si nec juridice nec alio modo repetatur, distinguendum an sit exigibile debitum vel non: primo casu, solvi potest, siquidem dies veniens obligat, et quod debetur etiam sine petitione adstringit ad solvendum. Quo casu excepto, pro iniquâ ducunt omnes ferè theologi debiti solutionem uni tantum ex æqualibus in jure creditoribus factam. Inter creditores autem rursus sit distinctio, vel enim ignorat creditor fraudem admitti a suo debitore, tuncque est bonæ fidei; vel cum eo colludit, et est malæ. Primo casu, non acceptum æs restituere debet, quia et suum accepit, et alienum non est adeptus, debitore bonorum suorum semper compote, nec unquam acceptionem sibi exprobrare debet, qui fidenter et puro animo suum expetiverit. Sunt tamen nonnulli qui ratiocinantur materiali et actuali modo creditorem qui pecunias accepit, etsi involuntariè defraudasse ejusdem juris participes, ideòque, re cognitâ, restitutionis faciendæ obligationem concipere; nullus enim omni jure locupletior fieri potest divitiis alienis. Alio casu, etiamsi cognoscat secum plures concurrere, si acceperit, sunt aliquot theologi qui restitutionem non deberi judicant hoc ratiocinio: rem accipere potest, suam enim esse scit: ergo jure eam assumere ex debitore offerente licet. Quòd si damnum quid patiantur alii, res ipsius non agitur; non enim tenetur suo damno et suis impensis aliorum detrimenta prævenire. Quam facillè factorum logicam æges evertunt et multiplices theologi in unum vocantes. Quicumque enim suo facto sciens, vel etiam nolens, à fortiori autem re deliberatâ, proximo damnum infert, de restituendo tenetur; nec innoxia dici potest acceptio supradicta, cum nocivos parit effectus. Aliundè, qui cooperatur malo, malum facit ipse; atqui debitor scit se malè agere, creditor non ignorat; ergo conscii sunt, reique simul. Tertiò, commune esse pignus creditorum vult et lex et ratio; atqui in bonorum insufficientiâ, pars cujusque minuitur, pro rato præstitorum. Jus ergo etiam cujusque creditoris in proportionem decrescit; atqui totâ summâ acceptâ, duplex iniquitas locum habet: 1° creditorum fortunis aliquid detrahitur, 2° majorem ac jus permittit partem referat creditor, non suum abripit. ergo tenetur resti-

tuendo. Congruit hæc solutio etiam legibus et veteribus et nuperis.

Putamus nos parvi interesse an petitionem creditor in jure protulerit, necne. Si enim licet ipsi rem suam in jure persequi, non bene sentimus quâ de causâ extrajudicialiter non posset idem agere, nisi contendat ex petitione in foro jus fluere, quod nos et omnes soli obligationi tribuimus et pactis. Cum autem non expostulari debet res ut non obtineatur, qui petere potest, potest ergo et accipere; frustra enim diceretur per oblationem debitoris fieri ut creditor jus suum amittat. Aliundè, si admittas in jure posse peti quod nobis debetur, et admittere debes nos posse etiam petere extra judicium; si secus statueretur, inde fieret ut nullo modo, non magis in jure quàm extra jus hanc repetitionem fieri posse: siquidem causa negandi affertur læsio commodorum quæ ad omnes creditores pertinet: læsio ne aliquid minus directi haberet quàm jure intercedente illata foret? Inde sequetur petitioni locum non esse, quæ aliorum jura diruit; non enim ex petitione novum jus creditori inferitur; sequetur judicis sententiam falso supposito constare, scilicet intacta esse jura creditorum. Quod ad debitorem pertinet, sententiæ judicis oblectari periculosum et inutile foret, nec suo detrimento, impensasque continuando, aliorum utilitati consulere debet; cum autem et obligationis vinculo teneatur monitos creditores sui status facere, sic necessario ipsis hoc monitum communicando, ab obligatione liberatur. Nil ergo interest an petierit vel non juridicè creditor, sed an solvere possit.

Creditor autem qui bonâ fide à debitore accepit quidquid ipsi mutuaverat, aliis creditoribus nullo modo participationem soluti aris debet offerre, nisi jus nullitatis merè notâ casus hos afficiat. Distinguendum cum jure an sit debitum exigibile vel non; si primus casus obtingat, non licet exquiri scrutantiori oculo fortunam debitoris, ideòque legibus et tribunalium consuetudini parendum est, quæ solutionem hanc assensione consecrant. Opposito in casu bonæ fidei cum ante omnia leges favere voluerint, nec ibi suspicio fidei affertur, præter theologorum ratiocinia, quietâ conscientia quid lex offerat accipere potest creditor; sed semper eâ conditione, ut nullitatis nota non casibus inusta sit paribus lege jubente, siquidem lex ea publici ordinis saluti invigilat, rarâ perspicuitate se intra æquos fines continuit, non facta falsò præsumens, sed periculum et discrimen indicans et suspicata, ideòque et forum internum obligat.

Quod ad quæstionem pertinet de accipiendâ vel repudiandâ oblatione debitoris cum ejus status innotescit, vel expetendâ solutione, negamus id sine injuriâ fieri posse: requitas enim naturalis non vult alium alio creditorem præferri. Idem lex vetat, et reverâ prudentissimâ prohibitione; quid enim facilius esset, si secus statueretur, quàm collusio creditoris ficti, forsâ proximi parentis, cum debitore? Voluit ergo quodcumque fraudem vel dolum suboleret, omnimodis investigationibus requiri, ut deinde nullitas actuum pro-

nuntiaretur; cauto simul pede procedens, non suspectos omnes actus primo impetu abrumpit. Talibus legis repugnare sententiis nec boni nec æqui viri esset. Animadvertendum solummodò est certo modo cognoscendum esse statum rerum debitoris, nec enim justum et charitati consentaneum foret suspicione aut dubio exorto proximi negotia in malam partem dijudicare.

QUÆSTIO XXIX.

AN EXCUSET A RESTITUTIONE IMPOTENTIA RESTITUENDI IN EODEM GENERE?

449. Difficultas est an, qui non potest facere restitutionem in eo genere bonorum in quo nocuit, v. g., in vita vel membris, restituere debeat in illo genere, puta fortunarum. Affirmant Sotus, Cajet. Silvest. Angles, Armilla, Lud. Lopez, Aragon, Corduba, Salon. Mercado, Valent. Molin. Rebell. Azor et antiquiores theologi communiter apud Tannerum, quibus favere videntur S. Thom. et Scotus. Aliqui tamen ex istis aiunt esse perinde, sive restitutio fiat in bonis spiritualibus, sive in pecuniâ. Negant Ostiensis, Panormit. Albericus, Aut. Gomez, Covarr. Navarrus, Navarra, Bannez, Salmanticenses, Vasquez, Turr. Th. Sanch. Less. Dicast. Laym. Haunold. Tambur. Herincx, Illsung, Mezger, Sporer, ac præcipuè C. de Lugo, D. 11, n. 5.

450. *Dico cum secunda sententia* : Qui restituere non potest in eo genere bonorum in quo nocuit, restituere non tenetur in alio genere. *Prob.* 1° auctoritate tum sacra, tum profana. *Exod.* 21, 18 et 19, præcipitur restitutio pro lucris cessantibus et expensis in medicos, non item pro vulnere quod injustè fuit inflictum. *En* textum : *Si rixati fuerint viri, et percusserit alter proximum suum... et ille mortuus non fuerit, sed jacerit in lectulo, si surrexerit, et ambulaverit foris super baculum suum, innocens erit qui percusserit, ita tamen ut operas ejus et impensas in medicos restituat.* 2° *Leges civiles*, ubi faciunt mentionem de damno vitæ vel membrorum injustè dato, semper quidem exigunt restitutionem pro damnis realibus annexis fortunarum; at pro damno solo personali vitæ vel membrorum nullam imponunt, ut videre est *L. ult. ff. de his qui effuderint, vel dejecerint*. Ubi redditur ratio : *Cicatricum autem, aut deformitatis (idem à fortiori dic de vita) nulla fit æstimatione, quia liberum corpus nullam accipit æstimationem.* 3° Idem habetur *L. ex hac lege 3, ff. si quadrupes pauperiem, L. liber homo 13, ff. ad L. Aquil. § ob hominem, instit. de oblig. quæ quasi ex delicto*. Non est autem credibile quòd J.-Cti peritissimi, vel principes christiani voluissent absolvere percussorem à restitutione quæ per adversarios est debita jure naturali.

451. *Prob.* 2° ex praxi constanti tribunalium. Quando mutilator aut homicida damnatur ad mortem, nunquam à judicibus cogi solet ad restitutionem faciendam mutilato vel hæredibus occisi pro damno vitæ vel membrorum, et est contra perpetuum usum ut homicida vel mutilator restituat; quod etiam ipsimet adversarii fatentur: atqui deberet restituere si vera foret opposita sententia. 2° Sicut ob capitale supplicium non eximitur fur à restitutione facienda pro damno

quod dedit in bonis fortunæ, sic etiam ob capitale supplementum eximi non deberet homicida vel mutilator a restitutione pro damno quod injuste dedit in bonis vite vel membrorum; et heredes occisi, si ius haberent ad restitutionem pro damno vite, commutative potius urgereat hanc restitutionem quam poenam talionis, quæ libet ipsis prodest. 3° Si mutilator aut homicida tenetur ad restitutionem pro solo vite vel membrorum damno, hæc obligatio transiret etiam ad heredes, si eum transeunt obligationes iustitiæ, quæ sunt omne per delictum, aut sicut transit obligatio restituendi pro lucris cessantibus, aut expensis occisi; consequens autem in tribunalibus non observatur, et ab ipsis adversariis communiter negatur.

452. *Prob. 3° a pari.* Si damnum vite vel membrorum compensari debet per bona fortunarum aut alterius ordinis, etiam damna spiritalia compensari debent per bona fortunarum, v. g., si quis juvenem vi vel fraude abstraxit ab ingressu religionis, neque potest aliam facere restitutionem quam pecuniariam; consequens est contra sensum omnium. 2° Si pauper intulit grave damnum in bonis fortune, quod in eodem ordine honorum reparare non potest, jure naturali non tenetur facere restitutionem in bonis spiritalibus. 3° Pro injuria soli adulterii, præciso quolibet alio damno, non est facienda marito adulteræ restitutio pecuniaria; quamvis enim id velit Rebellus, existimans nullum esse maritum adeo vilem et ignobilem, cui non minimum tres aurei pro primo adulterio sint reddendi, tamen, ut observat cum Molina C. de Lugo, D. 15, n. 6, contraria est praxis omnium penitentium et confessoriorum; et aliàs fieri deberet etiam marito similis restitutio pro osculo, amplexu, tactu, etc., quibus aspergitur matrimonio macula quedam moralis.

453. *Prob. 4° a priori.* Iustitia commutativa post violationem sui non obligat ad restitutionem, nisi quando res ablata restitui potest vel in se, vel in æquivalenti; sed vita vel membrum restitui non potest in se nec in æquivalenti; ergo, etc. *Quoad priorem partem m. est clara; quoad posteriorem probatur.* Tunc redditur res inæquivalenti, quando redditur pretium quo res ablata potest recuperari, sed vita vel membrum nullo pretio potest recuperari. *M. prob.* Iustitiæ commutativæ finis tantum est ut quilibet habeat quod suum est: ergo etiam finis iustitiæ commutativæ, quando post violationem sui obligat ad restitutionem, tantum est ut alter obtineat quod suum est, vel ut reparetur damnum injustè datum. 2° Ideo ceteræ virtutes, ut obedientia, charitas, pietas, non obligant violatorem suum ad restitutionem, quia, postquam sunt violatæ, non amplius potest obtineri finis quem virtutes intendunt: sed etiam, si damnum in vita vel membris irreparabiliter est illatum, iustitia non potest amplius obtinere suum finem; finis enim ipsius est, ut læsus recuperet quod suum est: hic verò finis non obtinetur, etiam si pro vita vel membris solvatur quanta libet pecunia. 3° Iustitiæ commutativæ finis est æqualitas inter bonum ablatum et bonum redditum: at inter bonum ablatum vite vel membrorum et inter bona reddita fortune nulla propor-

sus est æqualitas; nam, ubi non datur communis mensura, dari non potest commensuratio æqualitatis. Inter bona verò diversæ ordinis non datur communis mensura. 4° Si lex naturæ cogeret ad restitutionem pecunie pro vita vel membro, lex naturæ deberet etiam taxare quanta sit pecunia reddenda: sed hoc non taxat, imò nec taxare potest; cur enim jure naturali potius 100 quam 10000; cur 10000 potius quam 100000 sunt reddenda, cum vita sit bonum altioris ordinis? 5° Denique restitutio, proprie dicta, est reparatio damni per injustitiam illatum: sed per pecuniam non reparatur damnum vite.

Objectiones.

454. *Obj. 1°* Exod. 21, 26 et 27 præcipitur ut, si quis excusserit servo dentem aut oculum, ei donec libertatem. 2° Ibidem 22 statuitur ut, si quis percusserit mulierem pregnantem et causaverit abortum, subiacet damno, quantum maritus expetierit, et arbitri iudicaverint. 3° *Lege prætor edidit* 7, § *posse hodie ff. de injuriis*, conceditur actio pro quavis injuria etiam atroci, qualis committitur per occisionem aut mutilationem injustam. 4° *Lege prætor ait* 1, ff. *de his qui effuderint, vel deiecerint, decernitur solutio* 50 aureorum pro vita hominis liberi. 5° Idem habetur § *ob hominem instit. de obligat. quæ quasi ex delicto*; ergo lege positiva præcipitur restitutio pro vita vel membris.

Re p. D. C. Præcipitur restitutio tantum improprie dicta, seu compensatio pure pœnalis, quæ præstanda tantum est post sententiam judicis, C.; restitutio proprie dicta, quæ jure naturali præstari debet etiam ante sententiam judicis, N. Leges sibi non contradicunt, dum alicubi negant compensationem esse faciendam pro vita vel membris, alibi verò præcipiunt compensationem; nam prioribus in locis agunt de restitutione proprie dicta, in posterioribus de restitutione improprie dicta, seu de compensatione pure pœnali, qualis exigi solet pro plurimis delictis, etiam iis quæ non militant contra iustitiam.

455. *Obj. 2°* Tametsi leges non imperent restitutionem proprie dictam pro vita vel membris, tamen ea legum constitutio tantum in foro civili valet, et leges præcisè denegant actionem civilem, qualis etiam in aliis casibus sæpè non conceditur, quando ledens aperte violavit iustitiam, et in foro conscientie tenetur ad restitutionem.

R. N. A. Nam leges ideò negant actionem quia supponunt æstimari non posse vitam aut membra pretio pecuniario. 2° Leges non solum negant actionem, sed etiam eximunt homicidam ab omni restitutione pro vita vel membris, ut patet ex usu tribunalium, quando cogitur homicida subire poenam talionis. 3° Si jure naturali debita foret restitutio pro vita vel membris, leges negare non possent actionem in foro civili; nam, quando jure naturali debetur læsis restitutio, leges debent succurrere læsi et eis actionem permittere, nisi quando sequeretur aliàs nimia multiplicitas et perplexitas litium: hæc verò non sequeretur, esto concederetur actio pro restitutione damni

quod quis injustè passus est in vitâ vel membris. Sic etiam non sequitur nimia multitudo vel perplexitas litium, esto concedatur actio pro repetendis lucris cessantibus, aut expensis in medicos et chirurgos, quas injustè quis subiit ob occisionem aut mutilationem alterius.

456. *Obj. 5°* : Qui cum culpâ bovem alterius occidit, tenetur ad restitutionem : ergo etiam qui hominem : ridiculum quippè foret injustum homicidam gaudere meliori conditione quam injustum bovicidam, et pro minori damno multum, pro majori nihil exigi posse.

R. N. C. Unum damnum potest vel in se formaliter, vel æquivalenter in pretio reparari, non item alterum. Nec bene deducitur ex majori gravitate injuriæ major obligatio restitutionis ; aliàs etiam restituere deberet qui alterum injustè præcipitavit in infernum. Imò sæpè quò gravior est injuria, eò difficilior est reparatio, et bona excellentissima sæpè non possunt ullâ restitutione compensari. Nec propterea melior est conditio homicidæ quàm bovicidæ ; nam homicida subjacet gravioribus pœnis tùm spiritualibus tùm temporalibus, esto secundùm quid habeat feliciorem sortem.

457. *Obj. 4°* : Qui servum alterius occidit aut mutilavit, nec potest alium substituere, tenetur ad restitutionem pecuniariam : ergo etiam qui mutilavit aut occidit alium hominem liberum.

R. N. C. Servus pertinet ad bona fortunæ domini, et subjacet illius dominio ferè sicut bos, asinus, etc. ; ergo, sicut pro bove, sic etiam pro servo debet fieri restitutio, scilicet, quanti valeret si non esset occisus aut mutilatus. 2° Quando servus occiditur, non exigitur propriè restitutio pro vitâ servi, sed pro lucris cessantibus aut damnis emergentibus in bonis fortunæ, quæ non minis dependent à laboribus servi quàm jumentorum. Unde, quantò vegetior, robustior et diligentior est servus, tantò major exigitur restitutio. 3° Sic etiam oritur obligatio restitutionis ex occisione liberi, non quidem propter vitam ablatam, sed propter lucra cessantia et damna emergentia quæ patitur uxor cum liberis. Similiter qui vulnere deformavit vultum puellæ nubilis, tenetur compensare damnum emergens ratione nuptiarum.

458. *Obj. 5°* : Licet vitæ et membrum restitui non possint formaliter in se, saltem restitui possunt in æquivalenti : sed hoc sufficit ad obligationem restitutionis, ut patet in occisione bovis, ubi non potest idem bos restitui. *M. prob.* Bona fortunarum ita multiplicari possunt, ut in æstimatione morali præponderent vitæ vel membro ; nam plurimi præsertim ignobiles et egeni crederent fortunatam jacturam digiti aut dentis si compensaretur lucro 100.000 aureorum. Sic etiam in simili, licet argentum sit inferioris ordinis, tamen ita multiplicari potest, ut æquivalet auro. Similiter actus virtutum moralium, utut sint inferioris ordinis, ita multiplicari possunt, ut æquivalet actui charitatis. 2° Licet bona vitæ, corporis, honoris, fame, fortunæ, sint ordinis diversi, quate-

nus comparantur ad fines aliquos immediatos, tamen omnia sunt ejusdem ordinis, quatenus comparantur ad felicitatem temporalem hominis ; nam omnia memorata bona conveniunt in hoc, quòd sint instrumentum et medium felicitatis temporalis humanæ : ergo sub hac consideratione potest et debet unum bonum pro altero bono restitui. 3° Restitutio potissimum intenditur jure naturali propter hunc finem, ut tollatur dolor illius qui damnum et injuriam est passus : at, si rusticus egenus est passus injuriam in membro, dolor ipsius tollitur per magnam pecuniæ quantitatem.

Resp. D. M. : Restitui possunt in æquivalenti, hoc est, potest aliquid reddi quod æquivalet ad bonum reipublicæ, vel ad privatam felicitatem hominis aut alios fines, C. ; potest aliquid reddi quod æquivalet ad tollendum damnum aut reparandum jus læsi, N. Tunc tantum censetur restitui res in æquivalenti, quando redditur res omninò similis, aut pretium quo vel res ipsa vel res omninò similis potest recuperari. Sed bovicida reddens 100 aureos, reddit pretium quo comparari per se potest bos omninò similis ; nam pecunia æquivalenter est omnia quæ numerantur in bonis fortunæ. Non item æquivalenter est membrum aut vita ; cum per pecuniam non possit comparari membrum aut vita. 2° Si sufficeret restituere quod æquivalet ad privatam felicitatem hominis, satisfaceret fur qui, postquam hæretico surripuit 100 aureos, eum converteret ad fidem. Item satisfaceret qui, postquam abstulit alteri pecuniam, multis laudibus dilataret ipsius famam. 3° Ut suprà dictum est in rationibus, si natura nos obligaret ad restitutionem pro vitâ vel membro, deberet taxare pretium illud æquivalens quod debet restitui. Dic ergo quot aureis de jure naturali valeat nasus, quo Philippæis licitanda sit auricula, quanta pecunia debeatur pro dente vel oculo ? Et ex his sufficienter patet responsio ad primam et secundam oppositam rationem. *Ad tertiam D. M.* Ut tollatur dolor et simul etiam radix doloris, N. ; ut tollatur solum dolor actualis, C. Esto propter 100 aureos rusticus egenus ita diffundatur gaudiis, ut facilè divertere possit animum à jacturâ dentis, non tamen idcirco tollitur radix dolendi ; quia nisi rusticus ultrò remittat debitum, semper dolere potest quòd non habeat membrum suum. Videri potest Esparza, q. 37.

459. *Obj. 6°* : Esto natura determinatè non statuerit quanta pecuniæ summa sit reddenda pro membro vel vitâ, tamen id reliquit arbitrio prudentum : hoc autem sufficit ad obligationem restitutionis. Nam 1° qui mutilat opificem, ut laborare postea ampliùs non possit, tenetur ei compensare lucra cessantia vel damna emergentia ; qui modis et artibus injustis impedit alterum à consecutione boni, tenetur ad restitutionem de jure naturali ; quamvis in neutro casu natura determinet quanta pecuniæ summa sit reddenda, sed necessariò recurrendum sit ad judicia prudentum. 2° Frequentissimum est ut libertas vendatur pecuniâ, castratio puerorum admittatur ob congruam sustentationem, vel incolumitas vitæ gravissimis periculis

exponatur pro militari stipendio; quin apud infideles quosdam est in s. ut nobiles ad mortem damnati substituant egeum, qui contentus est si conjux cum liberto elevetur ad pauperiorem fortunam: hoc vero non contingeret si bona vite vel corporis compensari non possent pecuniis.

R. N. M. Vel enim natura reliquit hoc arbitrio privatorum, vel tantum arbitrio magistratûs aut judicium. Si prius, iterum quæro: vel reliquit arbitrio etiam unius tantum, aut alterius privati; et sic neque ledens, neque lesus teneretur hoc arbitrio stare; quia maxima foret difformitas in judicis privatorum, et quilibet judicaret, prout magis aut minus esset affectus erga aliquod bonum; vel reliquit arbitrio tantum communi prudentium; et isti nunquam conveniant, imo nullus prudens asserere poterit, vitam aut membrum tanti circiter, et non plus valere. Si posterius: ergo non obligatur ledens, nisi post sententiam judicis, quam exposcere suâ sponte non debet. 2° Esto natura permiserit prudentibus aut judicibus ut definiant compensationem pecuniarum, tamen id illis nullatenus precepit, ut patet ex praxi constanti prudentium ac tribunalium. 3° Esto iudices etiam imponerent aliquam compensationem pecuniarum, tamen eam non imponerent ut restitutionem propriæ dictam, vel quia judicant vitam aut membrum tanti circiter, et non plus valere: sic enim judicantes refragarentur suis legibus: sed imperant eam præcise tanquam penam, eo pacto quo pro delictis aliis, etiam iis que non sunt contra justitiam, imponere solent pecuniariam mulctam. *Ad primam rationem contrariam.* Lex naturæ non tantum obligat mutilantem aut impediendum ad restitutionem, sed etiam taxat quantitatem quæ debet restitui, scilicet, valorem spei, seu quanti valet spes lucri aut boni: quamvis dein, ut hæc spes æstimetur, propter diversas circumstantias morales sæpius recurrendum sit ad æstimationem prudentium, qui tandem definiant quanti circiter valeat spes. *Ad secundam.* Fateor, pro libertate, membro vel similibus, posse pretium aliquod taxari conventionem privata: sed hæc obligatio solutionis non oritur ex jure naturali, quod antecedenter ad talem conventionem pretium taxavit, sed ex liberâ conventionem partium. *Ad tertiam.* Potest ex dictis.

460. *Obj. 7°:* Si bona vitæ, corporis, famæ, vel honoris sunt superioris ordinis et plus valent quam omnia bona fortune, sequitur, quamlibet infamiationem aut dehonorationem injustam esse peccatum mortale; nam qui plus aufert quam valeant centum aurei, peccat utique mortaliter. At minimum bonum famæ vel honoris plus valet quam centum aurei.

R. N. sequel. Lex naturæ semper attendit ad id quod expedit aut melius est humano generi: non autem expedit humano generi gravis obligatio vitandi quamlibet etiam minimam dehonorationem injustam alterius: contra verò plurimum expedit obligatio gravis vitandi fortum centum aureorum. 2° Lex naturæ

vel potius providentia Dei per leges naturales et necessarias invigilat bono, felicitati, paci vel commercio humani generis: ad hunc finem maxime facit regens pecunie quantitas quæ possent comparari plurima bona, parum verò facit modicissimus honor. 3° Et quodlibet minimum opis bonum in æstimatione divina sit majus quam vita, corpus et omnia bona naturalia creata, non tamen ideo sequitur esse peccatum lethale, si proximum impedias ab opere bono levisimo.

461. *Obj. 8°:* Qui dat vitam, v. g., pater, generatione sua comparat jus ut à filio colatur, ametur ac tempore necessitatis alatur, igitur ex opposito, qui rapit vitam, imponit sibi obligationem juris ut alteri propter vitam ereptam beneficiat, quantum fieri potest, suffragis spiritualibus, aut subveniat propinquis.

R. 1° N. A. Pater non habet jus strictum ad amorem, cultum et obsequia que debet filius: sed iste tantum obligatur titulo pietatis. *R. 2° N. C.* Pater est bonus filio per suam generationem; bonitas autem necessario petit amorem; igitur pater titulo sue bonitatis amorem exigere potest à filio: contra verò, qui per injuriam occiditur ab altero, non est occisori bonus; igitur titulo carnis quam injustè sustinet, exigere non potest amorem ab occisore.

462. *Obj. 9°:* Justitia sæpius non attendit ad æqualitatem, et violatores suos obligat ad restitutionem, esto restitui non possit æquale: sic qui causavit alteri damnum æstimatum centum aureis, etsi non possit restituere centum, restituere tamen tenetur decem, si potest.

R. D. Sæpius non attendit ad æqualitatem omnimodam et totalem, et obligat ad restitutionem, esto restitui non possit æquale toti, C.; non attendit saltem ad æqualitatem partialem, et obligat ad restitutionem, esto ne quidem æquale parti possit restitui. *N.* Inposito casu non restituitur quidem aliquid æquale toti damno, restituitur tamen æquale parti; quia fuit illatum damnum etiam decem aureorum, et justitia per se non tantum intendit compensare totum damnum, sed et quamlibet partem totius damni.

463. *Obj. 10°:* S. Thomas apertè nobis refragatur q. 62, a. 2, ad 1, dum sic habet: *Quando id quod est ablatum, non est restituibile per aliquid æquale, debet fieri compensatio, qualis possibilis est: puta, cum aliquis alicui abstulit membrum, debet ei recompensare in pecunia, vel in aliquo honore.*

Respondent aliqui 1° S. Thomam esse quidem contrarium, at jura nobis suffragari; 2° alii cum Bannez, S. doctorem loqui de mulcta pecuniaria per iudicem imponenda, non autem de debito naturali restitutionis; 3° alii cum Salmanticensibus, S. doctorem loqui de consilio, vel de foro pœnitentiario, in quo confessorius obligare potest vel etiam debet pœnitentem ut satisfactionem aliquam præstet in bonum delincenti. Sic Comitulus, l. 4 Moral., c. 10, n. 23, censet hanc pœnitentiam imponendam homicidæ diviti, ut singulis hebdomadis per annum integrum procreet sacrum et det elemosynam pro anima occisi: ut quoties per

annum flexis genibus recitet coronam B. V. in subsidium defuncti, ut octavo quoque die per annum cōfiteatur, et singulis mensibus eucharistiam accipiat, ut in omni vita quotidie semel pro anima occisi flexis genibus saltem recitet orationem Dominicam et salutationem Angelicam : quod consilium ex Comitolo plures auctores referunt et approbare videntur. Adjungo, confessarios etiam optimē facturos, si magnatibus aut principibus, qui fortē non possunt restituere famam plebeio ablatam, citra propriam et valde notabiliter graviores infamiam, imponant compensationem pecuniariam quæ sufficiens videatur ad sopiendum plebei dolorem.

QUÆSTIO XXX.

AN EXCUSAT A RESTITUTIONE NECESSITAS PROPRIA VEL ALIENA?

464. De hac et aliis causis excusantibus à restitutione legi possunt Sotus, l. 4, q. 7, a. 4; Navar. c. 17, n. 75 et seqq. Medina, q. 5; Less., l. 2, c. 16; Azor, p. 3, l. 4, c. 59; Molin. tom. 3, D. 754 et seqq. Rebell. l. 2, de Rest. et 8; C. de Lugo, D. 21; Dicast. D. 10, de Rest. P. Navar. l. 4, c. 4; Laym. de Rest. c. 12; Castro Palao, tr. 52, p. 17; Tambur. l. 8, Dec. tr. 4, c. 1, § 9; Herinex, D. 8, q. 7; Haunold. tr. 2 à n. 424; Patr. Sporer, tr. 4, n. 50; Illsung, tr. 4, D. 3, q. 6 et 7.

465. *Dico 1^o*: Extrema necessitas excusat à restitutione; sive, potest omitti restitutio, quando fieri non potest quin subeas extremam necessitatem, aut te conjicias in apertum et proximum periculum vitæ. *Ratio prima*. Consensus omnium DD. *Secunda*. Obligatio contraria nimis esset ardua vel inhumana, nec posset moraliter observari. *Tertia*. In extrema necessitate licet etiam aliena surripere, ut alibi videbimus, ubi de furto: quidni et retinere, vel etiam absumere, prout necessitas exposcit? Limitant multi conclusionem cum C. de Lugo, suprā, n. 4, nisi creditor sit in pari necessitate: tunc enim aiunt meliorem esse conditionem innocentis. Verū hęc ratio non habet locum in debitis absque delicto contractis. Alii cum Azor putant, universim esse meliorem conditionem possidentis: sed hęc ratio non parū difficilis est in debitis ex delicto; nam fur ante suam necessitatem semper fuit malus possessor, et hoc ipsum est in quæstione, num incipiat fieri bonus possessor propter extremam necessitatem, quando creditor est in simili necessitate. Complures existimant in pari utriusque necessitate meliorem esse conditionem domini; quia prævalet et fortior est duplex titulus domini simul et necessitatis, ubi alter tantū habet titulum necessitatis. Alii cum Dicastillo suprā n. 27, censent universim, in extrema necessitate omnia fieri communia quoad usum; et, ut P. Illsung, n. 244, nimium difficilis et moraliter inobservabilis esset obligatio, si quis in extremo vitæ periculo sponte suā vel ex proprio motu deberet alteri tradere vel restituere quod sibi summē necessarium est ad vitam. Addit tamen, non esse licitum ut quis alterum versantem in pari neces-

sitate spoliaret, aut detrudat à possessione boni summē necessarij.

466. *Dico 2^o*: Non solum necessitas extrema propria, sed et parentum, uxoris aut liberorum excusat à restitutione, quando non potest aliter ei succurri. C. de Lugo n. 5. *Ratio*. Quia ferē non minus teneris necessitati parentum, uxoris aut liberorum quā propriæ consulere. Dein, si parentes tui possunt in extrema necessitate rem alienam accipere, non est quare non iis licitē possis cooperari. Unde C. de Lugo conclusionem extendit ad quamlibet necessitatem tertij, sed cum limitatione; si nempe necessitas sit talis, ut non solum patiens necessitatem possit rem accipere, sed et dominus aut creditor teneatur in ea ultrò subvenire. Quippe si custodires rem alienam valde pretiosam, quam quidem accipere clanculum posset patiens necessitatem, dominus autem non teneretur ultrò dare, putat cardinalis, D. 16, n. 175, te non posse succurrere.

467. *Dico 4^o*: Qui rem alienam consumit in extrema necessitate, quando re simul et spe pauper est, ordinariē, transacta necessitate, si pervenerit ad pinguorem fortunam, non tenetur eam restituere. C. de Lugo, D. 16, n. 171, Dicastillo et alij communiter. *Ratio*; quia, nisi præcesserit delictum aut contractus, nullus est titulus vi cujus alienæ rei consumptor obligetur ad restitutionem: non rei acceptæ, cum res ponatur absumpta sine lucro; non acceptionis injustæ; quia debitor licitē consumpsit. Dein esto res habita fuerit ex contractu vel delicto, tamen in ejusmodi necessitate, nisi res sit valde pretiosa, dominus ultrò teneretur succurrere. Quamvis autem fortasse posset adjicere conditionem et debitum restituendi, casu quo debitor pervenerit ad pinguorem fortunam, tamen quando patiens necessitatem est pauper in re et spe, vel quando valde modica spes est futuræ pinguioris fortunæ, dominus hanc spem pro nihilo reputat, et non solet ullam adjicere conditionem vel onus restituendi, nisi res sit valde pretiosa. Quocirca potest ordinariē præsumi donatio pro tali casu. Tres tamen exceptiones apponit C. de Lugo, D. 16, n. 172: nempe 1^o si debitor esset actu pauper, sed spe dives; tunc enim non esset necessitas accipiendi simpliciter, sed potiùs emendi vel mutuum petendi: 2^o si debitor consumeret rem suam quam debet ex contractu; quia tunc necessitati suæ non subveniret ex alienis, sed ex propriis, ac creditor in eo casu nihil donaret debitori: 3^o si debitor ad extremam necessitatem proveniret ratione delicti; quia tunc potiùs delicto quā necessitati fortuitæ deberet adscribi consumptio rei alienæ.

468. *Dico 4^o*: Necessitas gravis sæpius sufficiens est ut licitē differas restitutionem, positis tamen certis conditionibus: 1^o si creditor non sit in pari necessitate; 2^o si propinqua spes affulgeat futuræ fortunæ melioris, in qua paulatim aut simul possis satisfacere: secus enim creditor non concederet dilationem, nisi necessitas esset valde gravis aut extremæ proxima; 3^o si creditor interea non patiatur lucrum grave cessans aut grave damnum emergens, aut si saltem in hoc

casu paratus sis compensare, ac sit propinqua spes perveniendi ad statum in quo possis compensare: nam, nisi creditor sit valde misericors, non consentiet aliter dilationi, quam sub hac conditione, præsertim si debitum sit ex delicto: nam de debitis ex contractu mitius loquitur C. de Lugo, D. 21, n. 18. Ceterum ratio conclusionis sic explicata est: quia, positis istis conditionibus, inhumanum videtur exigere statim restitutionem, et in Evangelio creditor qui conseruo nullas inducias concessit, condemnatus est tanquam nimis rigidus et irrationabilis exactor.

469. *Dico 3^a*: Impotentia moralis excusat à restitutione, quando non potes restituere sine gravi dispendio honorum altioris ordinis, puta, si non potes restituere rem furtivam sine gravi tua infamia. Ita omnes ferè DD. apud Dicast., D. 7, n. 191; D. 10, 31; D. 12, n. 207. *Ratio prima*: Innocentius III, in cap. officii 9, de penit. et remiss. respondet, non esse negandam absolutionem feminae, si partum alienum sibi supposuit, vel proprium ex adulterio suscepit, et postea marito non vult detegere crimen, esto maritus aut alie proles patiantur detrimentum in bonis fortune. Quamvis autem Innocentius præcipue feminam excusare videatur propter impendens periculum vitæ, tamen indefinitè loquitur, et auctores communiter eum explicant de periculo grandis infamiae. Secus tamen esset sentiendum, si mulier non foret honesta famæ, vel si maritus esset admodum clemens et prudens, qui crimen silentio supprimeret. Potest etiam subinde damnum in bonis fortune, quod impendit toti reipublice, tam magnum esse, ut præponderet bono privato famæ. *Secunda*: Justitia respicit aequalitatem: ergo non cogit ut damnum minus resarciatur cum damno notabiliter majori: foret autem ordinariè longè majus, si resarcirentur bona fortune cum gravi detrimento famæ; nam, ut *Eccl.* 41, 13 dicitur: *Fama melior est quam mille thesauri pretiosi et magni*; et *Prov.* 22, 1: *Melius est nomen bonum quam divitiæ multæ*. *Tertia*: Si bonum inferioris ordinis restitui debet cum dispendio notabili bonorum ordinis superioris, debet etiam restitui fama cum detrimento vitæ vel membrorum: sed hæc obligatio nimis esset inhumana. *Quarta*: Addunt complures apud Dicast., D. 10, n. 31, non debere rem alienam restitui, quando morale periculum est ne filia vel uxor ex egestate prostituant pudicitiam, vel ne filii latrocinium exerceant, aut debitor ipse ruat in desperationem. Verùm hæc excusatio sufficere quidem sæpius potest ad differendam restitutionem, non ad omittendam simpliciter; quia malum sequitur tantum per accidens et ex prava voluntate sustinentis inopiam: creditor verò non debet omninò fraudari debito propter malitiam alterius.

470. *Dico 6^a*: Impotentia moralis excusat etiam à restitutione, quando non potes restituere sine detrimento valde notabiliter majori in bonis ejusdem ordinis. C. de Lugo, D. 21, n. 10; Dicast., D. 10, n. 39, et alii communiter. *Ratio prima*: Aliàs, etiamsi debitor restituere non posset 100, quin perderet 100,000, teneretur ad restitutionem; quod est incredibile, nec

congruit cum iustitia, quæ, cum sit virtus moralis, discreta, prudenter tantum præcipit, et non imponit obligationes intolerabiles. *Secunda*: Non tenetur restituere cum notabili dispendio bonorum altioris ordinis: ergo nec cum dispendio valde excessivo bonorum ejusdem ordinis; nam utrinque pugnat eadem ratio. *Tertia*: Juxta communem DD. apud Dicast., D. 12, n. 222, non tenetur princeps restituere famam privato, si non potest eam aliter restituere, nisi cum detrimento gravissimo propriæ famæ; quia fama principis ordinariè est incomparabiliter majus bonum quam fama privati, ergo etiam à pari. *Quarta*: Ut dictum est, n. 415, quando dominus est absens, et non potest ei res mitti sine tuis expensis, expensæ possunt esse tam graves, ut non tenearis ei rem mittere. Quidam possit detrimentum tuum esse tam enorme, ut non tenearis ad restitutionem? Porro quantus debeat hic excessus esse, difficillime determinatur, et disponendi debet inspecta non solum debiti quantitate, sed et utriusque tam creditoris quam debitoris conditione, necessitate vel indigentia. C. de Lugo, D. 21, n. 22, putat etiam observandum num debitum sit ex delicto, vel ex contractu; plus enim ait requiri ad omittendam solutionem debiti ex delicto quam debiti ex contractu: unde si, v. g., sufficeret ad omittendam solutionem debiti ex contractu detrimentum duplo excedens valorem debiti, requireretur ad omittendam solutionem debiti ex delicto detrimentum quadruplo excedens. Addit, rarissimò contingere casum, in quo non saltem aliqua pars debiti possit ac debeat restitui.

471. *Dico 7^a*: Impotentia moralis excusat saltem à restitutione statim facienda, quando non potes restituere quin decidas à statu quem obtinisti justis mediis. Ita contra Cajet. et Molin., alii DD. communiter, ut S. Antonin. Scotus, Navarrus, Silv. Angelus, Tolet. Less. quos sequitur Dicast. D. 10, n. 55, et C. de Lugo, D. 21, n. 12. *Ratio prima*. Quia contraria sententia nimis inhumana videtur, et plurimos debitores conjiceret in barathrum desperationis. *Secunda*. Aliàs honestus opifex, qui par solvendo non est, teneretur vendere domum, officinam et artis instrumenta, quò posset satisfacere, et cogendus esset vitam mendicatio transigere. *Tertia*. Qui non posset statim solvere, nec posset domum constantem 100,000 aliter vendere quam 10,000 teneretur hanc facturam facere: quod nimis est rigidum. *Quarta*. Ut ipse Molina concedit, quando quis non potest alteri mittere rem suam, nisi cum extraordinariis expensis quæ valde notabiliter excederent rei valorem, potest restitutionem differre, donec redeat dominus, vel rem largiri pauperibus: ergo etiam à pari. Cavendum tamen, ut bene Tambur. observat, ne qua committatur equivocatio, quia nobiles quamplurimi decipiuntur. Scilicet aliud est amittere statum, et aliud est moderari statum: ita nobilis, qui impar est solvendo, debet vivere parcius, alere pauciores familiares, minuire vel tollere convivia non necessaria, nec debet filiabus constituere dotes amplissimas. Imò Dicastillo, D. 12, n. 39, censet, nobilem obligatum ut

filiam tradat artificei, quando non potest aliter debita solvere : quod ergo quidem de nobili communi, non verò de nobili primæ classis intelligo. Denique complures volunt, non posse restitutionem differri, quando nulla spes affulget fortunæ melioris. Sed Navarra contrarius est, cuius sententiam Dicastillo putat esse probabilem.

472. *Dico 8^o* : Qui per statum suum aliena detinet, sive qui rapuit aliena bona quæ nobilem statum efficiunt, tenetur statum dimittere, nec potest ideo restitutionem differre, nisi fortè periculum gravis infamie concurrat. Ita communiter omnes DD. quos sequitur Dicast. D. 10, n. 59, et C. de Lugo, D. 21, n. 7. *Ratio*. Nam hoc propriè non est statu suo cadere, sed ex statu non suo in statum suum descendere. 2^o Nullus excusatur à restitutione statim facienda propter detrimentum quod præcisè patitur ex jactura rei non suæ, vel boni alieni, sed præcisè potest excusari quis propter detrimentum quod quis pateretur in rebus suis; aliàs quò plura vel pretiosiora quis furaretur, eò melioris per se foret conditionis; quia per se majus pateretur detrimentum restituendo quàm alius, qui pauciora vel minùs pretiosa furatus est. 3^o Nota est vulgaris historia de nobili Belga, qui pauperculo trituratorum restituere debuit arcem illegitimè possessam, ne parem cum majoribus pateretur salutis jacturam.

473. *Dico 9^o* : Qui per statum suum non possidet quidem aliena, sed tamen ad statum emersit injustis mediis, v. g., qui per pecunias furtivas, usurarias aut latrocinis extortas emit sibi latifundia, vel arces nobilium, differre non potest restitutionem, nisi iterum excuset fortassis infamie gravis periculum. Ita Dicastillo supra. *Et ratio*; quia DD. non faciunt discrimen inter hunc et priorem casum. 2^o Sicut res aliena quam quis injustè possidet, debet statim restitui, sic etiam statim restitui debet pretium aut lucrum injustè comparatum, nisi fortè sit fructus solius industrie; tunc enim restitui tantum debet id quod æquivalet rebus injustè ablatis. 3^o Aliàs furibus et latronibus concederetur illicitum nimis grande furandi.

474. *Dico 10^o* : Probabiliter etiam differre non potest restitutionem, qui tantum suâ culpâ, v. g., ludis, scortationibus, comessionibus, etc., pervenit ad eas angustias, ut non possit restituere sine notabili detrimento sui status. Ita Navarrus, Less. Medina, Dicast., quibus non omnes consentire videntur. *Ratio prima*. Quia planè decoctores ejusmodi non merentur ex ullo capite dilationem à creditore. *Secunda*. Aliàs etiam non tenerentur statim ad restitutionem, qui toti sunt in accumulandis debitis, ut conviviis, ludis, pompis et edificiis superfluis ea dilapident. *Tertia*. Ut testis est Tertullianus, l. 4 Apolog. lege veteri Romana nebulones hujusmodi secabantur frustatim, et partes abscissæ dividebantur inter creditores; tantum quippe conceperunt odium gentiles ex lumine naturali contra decoctores. Secus tamen esset dicendum, si quis haberet quidem debita ex defecto, sed per casus minime prævisos pervenisset ad angustias,

ut ea solvere non posset sine jactura status. Item aliud esset, si creditor misericors contentus foret solutione dilata. Fortassis etiam excusatur subinde necessitas quam incurreret innocens uxor cum liberis.

475. *Dico 11^o* : Debitor per se non potest differre restitutionem præcisè propter detrimentum lucris cessantis. Ita communis apud Dicast. D. 10, n. 48, et C. de Lugo, D. 21, n. 15. *Ratio*; quia nemo tenetur, quod suum est aut quod sibi debetur, concedere, ut inde lucreris ac ditescas. Aliud tamen esset, si restitutione dilata potes obtinere lucrum quo cæteris etiam aut pluribus debitis satisfaceres. Tunc enim creditor ordinariè præsumitur esse contentus dilatione, nisi patiat ex ea singulare damnum. Aliud etiam esset, si res alteri debita pareret ingens apud te lucrum restitutione aliquandiu dilata, creditori verò vel nullum vel exiguum afferret lucrum restitutio statim facta; tunc enim creditor sæpissimè foret contentus dilata solutione, siquidem paratus esses compensare lucrum cessans.

OBJECTIONES.

476. *Obj. 1^o contra quintam conclus.*: Etiam si pontifex in *Cap. offic. 9, de penit. et remiss.*, asserat non esse negandam poenitentiam femine nolenti manifestare suum crimen, tamen inde non sequitur bona fortunæ non esse restituenda cum detrimento notabili famæ; nam 1^o pontifex ideo dare potuit hoc responsum, quia confessio solius femine communiter nihil prodest ad cavenda fortunarum damna, cum femine suam turpitudinem alleganti non debeatur fides. 2^o In casu quem decidit pontifex, non erat metus solius infamie, sed etiam mortis. 3^o Ut vult glossa, pontifex ibi non respondet feminam tacendo non peccare, sed præcisè dicit ei negandam non esse poenitentiam.

R. N. A. Ad primum. Esto pontifex fortasse potuerit excusare feminam etiam ob hanc rationem, tamen, ut ex contextu vel interpretatione communi DD. colligitur, eam excusavit principaliter ob metum gravis mali. Dein pontifex agit in casu quo illa poterat impedire ne possessio viri devolveretur ad alios. *Ad secundum*. Pontifex in textu nihil dicit de metu mortis, sed de metu in genere, sive de metu mali quod communiter oritur ex ejusmodi manifestatione : sed hoc est gravis infamia. Dein loquitur pontifex de femina quæ supposuit sibi partum aut filium alienum, ne devolveretur hæreditas ad alienos : at propter hoc delictum mariti non solent uxores occidere, sicut propter adulterium. *Ad tertium*. Glossa manifestè decipitur; quomodo enim potest absolvi femina quæ perseverare vult in peccato gravi? Vide C. de Lugo, D. 15, n. 47.

477. *Obj. 2^o* : Non licet surripere gravem summam alienam, quando necessarium id est ad vitandam gravem infamiam : ergo etiam ex simili causa non licet differre vel omittere restitutionem gravis summae. *Consequentia videtur certa* : quia moraliter idem sunt accipere rem alienam, et retinere vel non restituere rem alienam, si dominus æquale patiat damnum, sive primò rem ipsius accipias, sive postea retineas

aut non restituas ipsi rem suam; et hinc theologi retentionem alieni vocant furtum continuatum. *Antec. prob.* Inter propositiones ab Innoc. XI damnatas sexagesima tertia sic habet: *Permissum est furari non solum in extrema necessitate, sed etiam in gravi, at, si liceret surripere gravem summam alienam, quando necessarium id est ad vitandam gravem intemum, permissum esset furari in gravi necessitate: ergo.*

R. N. C. Ut bene Molina, tom. 4, D. 102, n. 11, major necessitas et gravior causa requiritur ut licite rem alienam accipias, quam ut acceptam non restituas. *Ratio prima.* Est communissimus sensus DD., adeo ut Molina dicat id omnibus esse clarum ex lumine naturali, quanquam ipse non afferat aliam rationem. *Secunda.* Si posset accipi res aliena propter metum aut periculum cuiuslibet gravis mali, pandetur janua nimis surreptionibus, et sequerentur enormia furtiva. Cum enim, ut observat S. Th. q. 66, a. 7, in qualibet communitate paulò majori, sint ordinariè multi qui patiantur gravem necessitatem, et illam non aliter possint depellere quam per magnam pecuniam quantitatem, quilibet dominorum subiaceret plurimis et valde gravibus direptionibus. Contrà vero non sequuntur adeò frequentia damna, quanvis propter gravem necessitatem licitum sit differre, vel etiam aliquando penitus omittere restitutionem. *Tertia.* Ut specialiter discurramus de periculo gravis infamiae, periculum hoc apud ora frangi impatentia frequentissimum est, imò quotidianum, et nihil facilius quàm obstruere calumniantibus ora per massam argenteam; unde, si liceret ad vitandam infamiam aliis surripere magnam pecuniae quantitatem, nimium increbrescerent furtiva; imò calumniatoribus porrigeretur ansa minitandi gravem infamiam, nisi vexatio redimatur pecuniis. Contrà verò rarissimus est casus ut omissio restitutionis sit medium omnino necessarium ad evitandam gravem infamiam, cum sexcentae sint viae restituendi clanculum per confessarios et alios. *Quarta.* Domini communiter magis sunt inviti, quando surripitur res cum animo nunquam reddendi, quàm si tantum retineatur res cum animo tamen reddendi, quamprimum per vires licuerit. Sic etiam minus inviti forent domini si res surriperetur cum animo reddendi proximis diebus. Imò si gravis esset necessitas utendi re quadam aliena, et domino non decederet inde lucrum, non posset semper dominus esse rationabiliter invitus. *Quinta.* Per se difficilius est restituere quàm non accipere; quia, dum restituis, positivè bonum aliquod exerces, et positivè spoliās te bono quod justè vel injustè possides; dum verò tantum non accipis, positivè non exerces aliquod bonum, et praecisè non spoliās alterum: atqui natura facilius admittit excusationem in iis quae per se difficiliora sunt. *Sexta.* Fur, quando furatur, influit in damnum positivè; quando verò non restituit, tantum influit negativè: natura verò rigidius obligat ut non influas positivè quàm ut non influas negativè. Sic majus detrimentum apud te requiritur ut segetes alienas accendas, quàm ut accensas segetes iterum restin-

gues. Item magis detrimentum requiritur ut gubernator positivè concurrat ad damnum reipublicae vel urbis, quàm ut negativè tantum concurrat. *Septima.* Praeceptum non furandi negativum est, praecceptum verò restituendi vel est affirmativum, vel imitatur affirmativa: sed negativa praeccepta communiter saevius obligant quam affirmativa. Vide C. de Lugo, D. 13 à n. 49, subtiliter disputantem.

478. *Obj. 5.* Dominus rei, quando non potest aliter vindicare rem suam, nisi prodendo furem in iudicio, potest rem suam vindicare, non obstante gravissima furis infamia: ergo potest dominus esse rationabiliter invitus, quando fur propter grave detrimentum famae non restituit.

R. N. C. Aliud est quòd fur subire teneatur infamiam, quando defertur ad iudicium; et aliud est quòd ultro sibi debeat hanc poenam imponere. Posterius enim foret nimis difficile, ejus executio sperari vix potest ab hominibus in tanta fragilitate constitutis. 2° Laesus agere potest contra laedentem in iudicio, quamvis inde sequatur certò mors laedentis, non tamen idcirco laesus cum simili detrimento tenetur se prodere. 3° Omnes fatentur saltem differri posse restitutionem ob metum gravis infamiae, et tamen, hoc non obstante, quando dominus sciret furem, nec posset aliter vindicare rem suam, licitè deferret eum ad iudicium, non obstante gravi detrimento famae.

479. *Obj. 1°.* Si detrimentum in bonis superioribus excusat à restitutione bonorum inferioris ordinis, sequitur 1° quòd nunquam debeas restituere rem alienam, utit gravissimam, cum detrimento valetudinis: potest enim accidere frequenter ut res aliena tibi valde necessaria sit ad meliorem statum valetudinis: v. g., si res aliena sit nobile vinum tibi valde conducens; 2° quòd nunquam debeas restituere bona fortunae cum detrimento vel imminutione quadam tui status honorifici; 3° quòd nemo debeat restituere pecunias cum modico detrimento famae vel honoris: sequelas autem nemo concesserit.

R. Si detrimentum quodlibet excusat, C.; si tantum notabile detrimentum excusat, N. Detrimentum in bonis superioribus debet esse tantum ut, si restituens teneretur illud subire, pateretur valde notabiliter majus damnum quàm ille cui non fieret restitutio bonorum inferioris ordinis. Et hinc 1° si mulier non sit honestae famae, et detegendo suum adulterium moraliter possit impedire ne bona valde magna sui mariti devolvantur ad spurium, non semper excusatur ob suam infamiam. 2° Debet etiam adultera detegere crimen cum periculo propriae vitae, quando nasceretur aliàs maxima perniciēs reipublicae, cujus bonum utique notabiliter bono privato vitae praeponderat. Imò Sotus existimat adulteram debere suum crimen manifestare non obstante periculo vitae, quando non sequeretur aliud malum, nisi quòd legitimus haeres privaretur regno vel pinguissimo majoratu. Sed hoc ut nimis arduum rejicit Molina, tom. 4, D. 102, n. 6, aliens esse contra communem. 3° Si spurius esset ita facilis et timoratus, ut, intellectis à matre suis natali

Ius, libentissime cessurus foret bonis, et sacram religionem ingressurus, ac rem pressurus silentio, mater deberet illi manifestare natales, etiamsi dispendium aliquod sui nominis adiret apud filium. Verum hic casus raro contingit. 4° Sæpe fit ut proles legitima propter adulterium matris non tantum patiatur grave detrimentum in bonis fortunæ, sed etiam in honore, ut si tanquam secundò genitus excidat principatu, quo casu non excusat matrem periculum qualiscunque solum infamiae. 5° Ut Molina supra n. 14, homo plebeius et vilis, qui falso testimonio coniecit integram et nobilissimam familiam in gravissimam infamiam, et causavit illi confiscationem omnium bonorum, tenetur retractare falsum testimonium, si quidem utilis sit hæc retractatio ad restituendam familiam, non obstante periculo vitæ; quia mors mali et plebei testis in æstimatione morali non valde notabiliter excedit infamiam et paupertatem maximam alicujus integræ et nobilissimæ familie. Videatur C. de Lugo, D. 13, à n. 53.

480. *Obj. 5°*: Scriptura, Prov. 22, 1, dicit non solum melius esse nomen bonum quam divitias, sed notanter ait esse melius quam divitias multas: ergo divitiæ nunquam ita crescere possunt, ut eas notabiliter non excedat bonum honoris vel famæ: ergo nemo debet unquam restituere bona fortunæ cum detrimento famæ. 2° Nos ipsi supra negavimus pro bono superiori restitui debere bonum inferioris ordinis; quia bonum inferioris nunquam adæquare potest bonum superius. 3° Nisi concedatur universim bona generis inferioris restitui debere cum detrimento boni superioris, nunquam accuratè poterit decidi quam notabile debeat esse detrimentum boni superioris, ut excuseris à restitutione.

R. ad primum. N. C. Sicut actus theologicæ charitatis ex genere nobilior quidem est actu virtutis moralis, non tamen ex toto genere; sic etiam fama majus est bonum quam divitiæ, non tamen ex toto genere: quocirca licet maxima fama valde notabiliter præponderet maximis divitiis, et magna fama magnis, modica tamen fama non præponderat magnis aut maximis divitiis. *Ad secundum.* Ratio nostra fuit hæc; quia bona generis inferioris non æquivalent ad compensandum damnum in bonis altioribus illatum, sive quia per inferiora bona non potest recuperari res ablata, vel in se, vel in simili. *Ad tertium.* Opus est ad prudentes arbitros recurrere.

481. *Obj. 6° contra septimam conclus.*: In foro externo debitor cogitur restituere, quamvis idcirco debeat amittere statum justissimè comparatum, et relinquantur ei solum tenues vestes quibus se tegat, et alimenta necessaria non pretiosa: ergo etiam in foro interno.

R. N. C. Multa debent fieri post sententiam judicis, quorum executio spontanea nimis foret ardua ante sententiam judicis. 2° Judices debitorem justissimè condemnant ob bonum publicum, scilicet, ut vitentur innumeræ fraudes, quibus morosi debitores se palliant; ut terreantur debitores alii, qui sæpius

debita minimè necessaria sine fine contrahunt; ut alii debitores evadant accuratiores in solvendo. 3° Jura sæpius etiam indulgent personis nobilibus ut non debeant statim restituere cum gravissimo detrimento statûs, prout infra videbimus, ubi de privilegiis in cessione bonorum; hoc autem non fieret si non licita foret dilatio restitutionis ob hanc causam.

482. *Obj. 7°*: Superior status per se non magis uni debetur quam aliis, et, sicut fortuna multos evehit ad superiorem, ita multos deprimit ad inferiorem statum: ergo creditor ex hac causa non debet consentire dilationi vel omissioni restitutionis.

R. D. A. Non debetur antecederet ad possessionem, aut collationem, C. A.; consequenter, N. A. et C. Etiam divitiæ per se, et spectata naturali hominum conditione, vel antecederet ad omnem possessionem aut contractum, non debentur uni potius quam alteri; et tamen, si non possim restituere tibi decem aureos quin amittam ex meis centum aut mille, non cris, opinor, ita rigidus, ut in tali casu exigas restitutionem.

483. *Obj. 8°*: Esto creditor ex charitate teneatur consentire, quando debitor aliàs excideret statu, non tamen consentire debet ex justitia: ergo, si non consentiat, tenebitur debitor restituere, non obstante jactura vel detrimento gravissimo sui statûs. *C. prob.* Licet dominus ex charitate teneatur aureum, v. g., dare misello patienti gravem necessitatem, tamen, si nolit eum dare, misellus ex justitia tenetur omittere surreptionem aurei. Dein creditor etiam ex charitate non tenetur consentire; nam aliàs contra debitorem agere non posset in judicio citra grave peccatum aut magnam violationem charitatis, quod tamen est difficile et contra praxim præcipuè mercatorum, qui sæpius agunt ut subhastentur aliorum bona.

R. O. A. N. C. Aliud est quòd creditor non teneatur ex justitia consentire, et aliud quòd titulo justitiæ possit alterum obligare ne differat aut omittat restitutionem. Sic etiam dominus ex justitia non tenetur succurrere misero, qui patitur extremam necessitatem; secus enim teneretur ad restitutionem si miser moreretur; obligare tamen non potest miserum ex justitia ne surripiat necessaria. Quod additur de mercatoribus agentibus in foro externo, non habet specialem difficultatem; quia multa licent in tribunalibus, et fieri debent post sententiam judicis, quæ non licent privatim aut quæ fieri non debent ante sententiam judicis.

QUÆSTIO XXXI.

QUANDO BONUM CREDITORIS EXCESET A RESTITUTIONE?

484. Status quæstionis est, an possis vel debeas differre, aut omittere restitutionem, cum prævides restitutionem obfuturam creditori, vel creditorem abusurum re sibi restituta in suam aut alterius perniciem. Exemplo sit: dominus petit à te gladium, tibi commodatum, quo vel se vel alterum vult occidere. Postulat solutionem pecuniæ, mutuo tibi concessæ, quia vult eam dare meretricibus ad peccandum.

484. *Dico 1^a* Si restitutio creditori tantum *fit* et detrimentum temporale, quod licite potest solvere, non potes, creditore graviter invito, differre restitutionem. Ita, si dominus petat solutionem pecunie, nullo modo concessa, quam vult applicare convivio namine necessario, non potes differre solutionem. C. de Lugo, D. 21, n. 27. *Ratio*: quia non potes cogere dominum aut creditorem, graviter invitum, ne sua bona expendat in iis in quibus licite potest expendere.

485. *Dico 2^a* Si restitutio creditori spirituale damnum affert, v. g., qui graviter est peccatus per alium rei sibi debite, non solum potes, sed etiam debes differre solutionem, si quidem ad hoc commode possis, vel absque notabili tuo detrimento. Ita Sotus, Navarr. Molin. Less. Sporer, C. de Lugo n. 25, et Illsing n. 256, contra P. Navar. Azor. Th. Sanchez. Palaus et Dicast., qui precise dicunt, sufficere ad licentiam restitutionis, si creditor egerat restitutionem differri. *Ratio* sententiae communis est: quia charitas obligat ad impediendum grave proximi damnum, quoties absque notabili detrimento possum. Unde, sicut ex AA. sententia teneor praemittere correctionem, ne proximus labatur, ita teneor etiam differre restitutionem si verbalis correctio non sufficiat. Excipiendi tamen sunt aliqui casus, in quibus differri non debet restitutio: 1^o si dilatio restitutionis parum prosit ad impediendum peccatum, ut si creditor alias te cogeret auctoritate iudicis, vel ab alio pecunias statim obtineret ad malum finem; 2^o si creditor, post factam hodie dilationem, cras iterum eodem animo petens est solutionem, et a petitione nunquam destiturus; nam in hoc casu, si differas restitutionem, non impedis peccata, sed occasionem praebes multiplicandi peccata; 3^o si periculum peccandi graviter, quod times in creditore, sit remotum; 4^o si peccatum quod creditor committeret, esset tantum leve; nam in hoc casu, licet fortassis aliquando possis, vix tamen debes differre restitutionem; 5^o si grave detrimentum alias tibi propter dilatam solutionem imminet, ut si perderes creditoris amicitiam, tibi valde necessariam. Unde putant aliqui raro contingere casum, in quo debitor serio petenti rem suam, qua non est abusus in alterius damnum, debeat illam denegare; quia rarum est ut non aliqua ex memoratis causis excuset.

487. *Dico 3^a* Si creditor aut dominus abusus est re sibi restituta in gravem alterius injuriam, puta, si proximum est occisurus, non solum ex charitate, sed etiam ex iustitia debes differre restitutionem, si quidem iusta causa non excuset. Ita Sotus, Salon, P. Nav. Th. Sanchez. Valent. Less. Bonae. Palaus, Sporer, Tambur. Herinex, Laym. c. 9 de Rest. et C. de Lugo supra, n. 29, contra Molin. Dicast. et Mojam. *Ratio*: quia, qui domino petenti reddit gladium in iis circumstantiis in quibus vult alterum occidere, positive cooperatur ad injustam alterius necem: hoc autem, nisi fiat ex gravissima vel certe proportionata causa, semper est contra iustitiam, ut n. 518 est ostensum. 2^o Esto titulo urbanitatis aut amicitiae deberes com-

modare tui gladium petenti Plauto, si tamen petat in iis circumstantiis in quibus nunc vult occidere Terentium, non potes ei commodare gladium citra peccatum apertum et iustitiae: quia commodatio nimis propinque concenit, et determinat ad nepotum necem Terentii, neque minus deservit ad malitiam quam applicatio scilicet, percutio clavina, etc., quibus adjuvatur fur ad suum propositum: ergo etiam in nostro casu. Nam quod gladius in hoc casu sit alterius, valde licet ad rem, cum dominus aut creditor non habeat ius repetendi gladium in his circumstantiis, neque possit vi sui iuris obligare te ad reddendum gladium. 3^o Proximus quem creditor tuis e medio tollere vult, habet ius ne gladium ullum absque necessitate gravissima des; et in tribulationibus dans gladium haud dubie puniretur ut particeps homicidii, vel ut ille qui positive dedit consilium homicidii. Huc facere videtur L. si pignori 51, ff. de furtis: *Qui ferramenta sciens commodaverit ad effundendum ostium, vel amicum; vel scilicet sciens commodaverit ad ascendendum, licet nullum ejus consilium principaliter intenderit ad furtum faciendum, furti tamen actione tenetur*. Porro conclusio procedit à fortiori, si gladius reddatur amenti, furioso vel ebrio, à quo caries injusta non procedit liberè, sed ex necessitate per instrumentum à te porrectum.

468. *Dico 4^a* Ad cavendum grave domini detrimentum in bonis animae, licitum est quandoque surripere domino rem suam ad tempus. Ita S. Antonin. Sotus, Molina, Navarrus et C. de Lugo, n. 55. Ratio est eadem quae supra; quia charitas obligat aut saltem suadet ut impediās proximi grave damnum in bonis animae, quantum commodè fieri potest. Hinc aiunt fas esse mulieri surripere fucos ad tempus, si fucis allicit alios ad peccandum: item lusori chartas et instrumenta quibus abutitur ad peccatum. Tria tamen velim observare: 1^o Major causa requiritur ut licitè surripias alteri rem suam etiam ad tempus tantum, quam ut licitè non restituas vel differas restitutionem ad idem tempus. Nam, ut suprā, n. 477, fuit ostensum, universim plus requiritur ad licitam surreptionem quam ad licitam dilationem restitutionis. 2^o Si persona sis privata, nec aliunde tenearis ex officio vel contractu, nunquam ex iustitia debes alteri rem suam surripere; secus enim semper peccaret contra iustitiam qui, cum commodè potest, non impedit alterius peccata contra iustitiam. 3^o Rarus etiam est casus ut privatus obligetur ex charitate rem alienam surripere, quia per ejusmodi surreptionem communiter non impediuntur, sed potius multiplicantur peccata, vel committuntur alterius generis peccata, v. g., blasphemiae, odia, rancores. Item, qui surripit rem alienam, exponit se periculo ne tradatur aut puniatur tanquam fur.

489. *Dico 5^a* In casibus in quibus ob detrimentum creditoris debet aut potest differri restitutio, debitor non tenetur postea sarcire damnum interim emergens aut lucrum cessans, esto sit debitor ex delicto. C. de Lugo, n. 51. *Ratio*: quia debitor in his casibus non in sumi, sed in creditoris commodum differt solutio-

nem et gerit utiliter ejus negotium : ergo, si quod interea damnum emergat, non debet id pati debitor, sed creditor, cujus unius commodum spectatur.

Objectiones.

490. *Obj. 1°* : Esto creditor velit abuti pecuniis suis ad graviter peccandum, tamen habet jus petendi pecunias suas : ergo si petenti non restituo pecunias suas, ago contra jus ipsius.

R. D. Habet jus etiam pro iis circumstantiis in quibus proximè vult peccare, *N.* ; in quibus proximè non vult peccare, *C.* Creditor non habet jus obligandi me petitione sua ne faciam id quod ex charitate debeo facere. Sic etiam creditor habet jus ad famam ; non tamen potest efficaciter petere vel obligare me petitione sua ne coram testibus eum fraternè corrigam, quando non possum aliter ejus peccatum impedire, licet ex præsencia testium patiatu aliquam ignominiam.

491. *Obj. 2°* : Uxor tenetur reddere debitum conjugale petenti marito, quamvis iste voto simplici castitatis obstringatur et illicitè petat : ergo etiam reddere debes pecunias creditori, quamvis illicitè petat, et abusus sit pecuniis ad peccatum.

R. D. A. Si commodè non possit impedire peccatum futurum mariti, *C.* ; secus, *N.* Ordinariè parùm utilitatis est si non obediat uxor ; quia maritus urgebit, et alias fortasse causas in uxore suspicabitur, ac passione pressus crebrius insistet. 2° Si tamen maritus esset destitutus à proposito, vel aliis vicibus non petiturus, nec ideo conciperet suspicionem malam adversus conjugem, conjux ex charitate teneretur maritum à peccatis avertere. 3° Cùm uxor non sit voto castitatis obstricta, potest ipsa prævertere maritum ac petere debitum conjugale, quo casu maritus illud licitè reddet, utut voto castitatis sit obstrictus.

492. *Obj. 3°* : Parochus occulto peccatori non potest eucharistiam negare ; quia nimirum peccator habet jus petendi SS. eucharistiam in publico, quo jure privari non potest à parochia : ergo etiam à pari.

R. N. A. Parochus non ideo ministrare debet eucharistiam, quia peccator habet jus eam petendi in publico, sed quia jus habet retinendi famam in publico. Quocirca, si peccator occultè petat eucharistiam, non potest eam ministrare parochus, qui conscius est peccati.

493. *Obj. 4°* : Sicut peccator occultus habet jus ad famam, ita dominus habet jus ad suum gladium : ergo sicut parochus ad impediendum peccatum non potest lædere jus ad famam, sic etiam tu non potes ad impediendum peccatum ledere jus ad gladium : ergo, sicut non potest parochus occulto peccatori negare SS. eucharistiam, ita tu gladium non potes negare, esto dominus illo malè sit usus ad perniciem alterius.

R. N. ultimam C. Disparitas est : 1° Si domino fuerit das gladium, sequitur irreparabile damnum tertii, quod facilè potes impedire ; contrà non sequitur simile damnum si parochus occulto peccatori palàm ministrat eucharistiam : communiter autem est major obligatio vitandi vel impediendi peccata quæ vergunt in damnum tertii quam alia ; quia Deus ut prudentis-

simus legislator attendere solet ad pacem, tranquillitatem et quietem generis humani. 2° Parochus qui negat eucharistiam peccatori palàm petenti, communiter non impedit ejus peccatum : non enim impedit peccatum antecedens quo petit eucharistiam. Dein, licet impediatur opus externum sacrilegii, communiter tamen occasionem dat perseverantiae longioris in affectu pravo sacrilegii. Præterea dat occasionem odii, rancoris, vindictæ vel aliorum pessimorum affectuum. 3° Christus Dominus, ad vitanda majora mala quæ sequerentur, non vult ut minister publicus eucharistiæ procedat palàm ex scientia privata ; nam, si liceret peccatoribus occultis, publicè petentibus, negare SS. eucharistiam, absterrentur innumeri qui peccatores non sunt, à divina mensa propter metum publicæ confusionis, quam facilimè crearet sacerdos affectu pravo commotus ; cùm non omnes sacerdotes semper sint angeli.

494. *Obj. 5°* : Si licet ad impediendum domini peccatum surripere rem ipsius ad tempus, licebit etiam surripere vi : sed hoc est falsum : ergo.

R. D. M. Semper, *N.* ; subinde, *C.* Privato non licet adhibere vim, nisi dum opus est vim repellere vi. Sic, quando dominus œstro percitus occidere vult alterum, haud dubiè potes eripere furenti gladium. Contrà verò, si dominus præcisè velit abuti pecuniis ad ebrietatem aut fornicationem, non potes eripere pecunias vi, nisi jurisdictione polleas in dominum ; quia vis ista pertinet ad potestatem publicam et gubernativam, quæ non censetur permittere cuilibet privato facultatem adhibendi vim, ob pericula gravissimorum abusuum ; et aliàs etiam, si non posses aliter impedire peccatum alterius, posses eum domi vinculis adstringere, quod nemo dicit. Aliud tamen esset, si quis te vellet seducere, v. g. dominus turpia legens ex libro ; tunc enim haud dubiè posses ei librum eripere. Similiter adhibere vim licet, quando qui vim affert est auctoritatis magnæ, qui verò patitur est parvæ ; ut si major natu surriperet puero librum suum è quo seduceretur.

495. *Obj. 6°* : Si scires ex revelatione damnatum iri Titium, nisi spoliatur suis bonis, et redigatur ad incitas, non posses eum spoliare, vel ad incitas redigere : ergo non potes ad impediendum grave detrimentum in bonis animæ surripere domino pecunias.

R. D. C. Ad longum tempus, *C.* ; ad breve tempus, *N.* Extra casum extremæ vel gravissimæ necessitatis, non licet alteri surripere magnam quantitatem ad longum tempus ob scientiam aliquam privatam ; nam hæc surreptio communi doctorum judicio foret furtum : atqui furtum non licet ad impediendam alterius damnationem, sicut etiam non licet occisio proximi, quando per revelationem divinam certò scitur eum iri damnatum si diutius vivat.

QUÆSTIO XXXII.

QUONDAM EXCUSET INTERITUS REI.

496. *Dico 1°* : Si debitum sit tantum ex re accepta, et res pereat sine tuà culpà vel injustitià, non teneris

amplius ad restitutionem, nisi fortè ditior sis factus. Ita omnes. *Et ratio*: quia cessat omnis titulus restitutionis: non enim teneris amplius ob rem acceptam, cum ista ponatur desinere: non ob injustam acceptionem aut contractum, ut patet. Et nemo dicit bonæ fidei possessorem ad restitutionem obligari, quando rem alienam bonâ fide consumit et ex illâ non fit ditior.

497. *Dico 2°*: Si debita sit ex contractu, videndum an res quam debes, sit creditoris vel tua. In posteriori casu non eximeris ab obligatione restitutionis; eximeris tamen communiter in priori casu, si res pereat sine tuâ culpâ vel injustitiâ. Ita rursum omnes. *Et ratio*: quia, quando res perit sine culpâ, communiter domino perit, ut dictum est n. 441. Excipe 1° nisi specialiter conventum sit de præstando casu fortuito; 2° nisi res alteri determinate sit vendita: tunc enim, si fortuito pereat ante traditionem, non venditori, sed emptori perit: quia, licet emptor nondum sit dominus absolutè, censetur tamen dominus fictione juris, quoad commoda vel pericula, meliorationem et deteriorationem rei, ut n. 446 est dictum; 3° nisi res alteri qui nondum est dominus, sit determinate debita per promissionem, donationem, etc., absque traditione: tunc enim iterum alteri res per casum fortuitum perit: quia non habet alter jus nisi ad rem, sibi determinate promissam aut donatam, et ex nullo capite debitor tenetur sarcire casum fortuito vel sine suâ culpâ exortum; 4° nisi creditor rem oblatam congruo loco et tempore noluerit accipere; tunc enim casus fortuitus imputari debet creditori, nisi forte debitor ultrò voluerit suscipere periculum. Optimè verò monet Laymanus, c. 10, de Rest. n. 6, si creditor congruo loco ac tempore nolit accipere debitum integrum, valde consultum esse ut illud obsignatum coram testibus apud judicem vel alium auctoritate judicis deponat; talis enim depositio in utroque foro vim habet plene liberationis, juxta *L. acceptam, 19 Cod. de usur.* Vide Cod. civ., art. 1257, et quoad conditiones spectat, articulos ejusdem 1258, 1244, 1258.

498. *Dico 3°*: Si debitum ex delicto sit, et res casu pereat apud furem, non paritura similiter apud dominum, fur obligatur ad restitutionem. *Et ratio*, quia totum damnum moraliter oritur ex injustâ acceptione; nam, si non fuisset res injustè surrepta, non periisset. Similis est casus, quando res apud furem casu fortuito deterior evasit, non evasura deterior apud dominum; tunc enim fur tenetur restituere rem, et præstare totam æstimationem detrimenti. Imò P. Molina censet in arbitrio domini positum, ut vel exigit rem addito valore detrimenti, vel exigit integrum valorem quem res habuisset si non evasisset deterior; quia cogendus determinatè non est ut omninò careat re suâ, nec ut accipiat rem deterioratam. Verùm C. de Lugo, D. 48, n. 159, est contrarius, existimans non esse determinatè peti valorem integrum rei, sed satis esse si restituatur res cum integro valore detrimenti; quia sic ponitur sufficiens æqualitas quam solam intendit justitia. Monent autem DD. furem à restitutione liberari si, priusquam res interiret, eam obtulisset domino fa-

cile potènti accipere, dominus autem voluisset rem diutius apud furem servari: tunc enim casus fortuitus imputari debet domino, ut dictum est num. præced.

499. *Dico 4°*: Si res casu fortuito pereat apud furem, et perisset etiam apud dominum, eo quod alias fur superveniens eam consumpsisset, fur primus obligatur ad restitutionem. Ita omnes. *Et ratio*: quia sic fur primus suscipit totam obligationem restitutionis quam posterior alias subisset, ut patet ex dictis n. 261.

500. *Dico 5°*: Si fur destruat aut absumat rem, quando nondum prævidetur imminens periculum, de rigore juris tenetur restituere totum valorem rei, quamvis res apud dominum manens certissimo periisset casu pure fortuito. C. de Lugo, D. 48, n. 143, quem sequitur Haunold. tr. 2, n. 367. *Ratio*: quia res, antequàm prævideatur periculum interitûs, retinet totum suum valorem. Unde, si rem consumas aut destruas, subis obligationem præstandi totum valorem, et voluntariè commulas jus in re, quod habebat dominus, in jus ad rem vel in jus ad pretium: hoc autem jus manet salvum, etiamsi res aliunde postmodum certissimò periisset: perinde enim est ac si rem emis- ses cum obligatione solvendi, nam hæc obligatio manet, etsi res postmodum casu sit peritura: et si pretium statim solvisses, non teneretur venditor refundere pretium.

501. *Dico 6°*: Si res fortuito pereat apud furem, et eodem vel simili casu fortuito periisset apud dominum, puta, propter naufragium, incendium aut diluvium, fur non tenetur ad restitutionem. Ita contra Paludanum, Bartolum, Alexandrum et alios juristas, Covarruv., Molina, Medin., Navarra, Less., Vasq., Haun. et C. de Lugo supra n. 443. *Ratio*: quia fur in hoc casu rei damnum non infert effectivè, sed tantum affectivè, nec absolutè privat efficaciter dominum re suâ, sed tantum usu rei ad tempus, nec est causa cur pereat aut destruat res; cum hujus destructionis adæquata causa sit casus fortuitus, qui non fuisset impeditus etiamsi fur abstinuisset furto, vel rem furto surreptam restituisset. Sed neque fur commutat in hoc casu jus in re quod habuit dominus, in jus ad rem, vel in jus ad pretium: non enim commutat voluntariè, prout accidit in casu quintæ conclusionis; quia rem voluntariè non destruit aut consumit: neque commutat involuntariè, prout accidit in casu tertiæ conclusionis; nam in casu tertiæ conclusionis casus fortuitus non est adæquata causa destructionis, sed unâ cum furto, vel cum voluntate rem alienam non restituendi; si enim fur abstinuisset furto, vel rem furto surreptam domino reddidisset, res non interiisset.

Juristæ tamen aliqui putant, in foro saltem externo furem in præsentî casu cogendum ut domino restituat integrum rei valorem. Sed etiam hoc negant Covarruv., Less. et C. de Lugo supra n. 450, qui volunt id colligi ex *L. item si cum exceptione 14, § quod si homo, ff. quod metûs causâ, L. si plures 13, § sicut autem, ff. depositi, L. fin. § si eâ, ff. de Lege Rhodiâ.* Articulus 1502 codicis civilis statuit rem perire domino etiamsi debitor esset in morâ, quando in manibus creditoris

idem periculum offendisset; sic, ego debitor in morâ constitutor ut domum tuam actu possidentis ingrediar, et recalcitrante me fulmen aedes disjicit, probationem casûs fortuiti affero, et ab obligatione liberor, contra regulam, *res perit domino*. Cum verò de re furtivâ agitur, quocumque modo perierit res furto subrepta, nunquam, quidquid Durantion contendat, ille qui subrepsit de pretio solvendo teneri desinet, quia semper in morâ furatum objectum restituendi permansit. Quam pœnaliter hic Cod. civilis statuere voluerit, timoris causâ incutiendi, faciliè dignoscitur et approbatur, sed ultrâ furis personam non continuatur ultio legalis, hujusque hæres, patrii non consors sceleris, nullæ pœnæ submittitur. His sententiis accedunt Pothier, Pigeau, Toulhier, D. Gousset, qui ex illis concludit non nisi latâ judicis sententiâ vim habere in conscientia dispositionem legis.

Solum addo, sæpissimè domino restituendum in hoc casu valorem usûs quo dominus efficaciter ante fortuitum rei interitum fuit privatus, aut compensanda luera cessantia vel damna emergentia quæ dominus ante casum fortuitum ex absentia rei suæ est passus.

502. *Dico. 7°*: Si rem alienam consumas, quando prævidetur inevitabile periculum interitus apud dominum, opus est multiplici distinctione. Vel enim 1° res ob circumstantias suas nullo modo servari potest ac restitui domino; tunc enim, si periculum imminet ex causis naturalibus et non liberis, potes eam consumere citra obligationem restitutionis; quia res in tali casu domino parum aut nihil valet, et ipse non potest rationabiliter invitus esse propter consumptionem. Merito tamen observat C. de Lugo, n. 146, casum esse rarissimum; quia semper aderunt aliqui qui rem essent empturi, saltem pretio quodam minore. Vel 2° rem eripuisti periculo, et collocasti simpliciter in tuto, ut non subiaceat amplius ulli periculo, et tunc non potest eam absumere sine obligatione restitutionis; quia status melior rei pertinet ad dominum: potes tamen compensationem petere tanquam utilis negotii gestor, si liberasti rem ut eam domino restitueres. Vel 3° prævides rem certissimò postea perituram, si domino restituas, et tunc, ut cum Vasquio et Lessio putat C. de Lugo, n. 145, consumendo rem, probabiliter peccas tantum contra charitatem, et non contra justitiam, esto posses interim diutius servare rem, et postea restituere citra periculum. *Ratio verò est*; quia justitia vult tantum ut rem restituas; restitutio verò parum aut nihil in hoc casu prodest domino, neque magis evitatur damnum, sive restituas, sive consumas rem ipsius. Atque hæc servient ad elucidandas nonnullas difficultates quæ moveri possunt circa emptionem rei furtivæ.

Objectiones.

503. *Obj. 1°*. Ex assertionibus nostris sequitur, cum qui rem indeterminatè debitam ex contractu, v. g. pecuniam, triticum, vinum, oleum mittit creditori suo per tertium, puta, nuntium, amicum aut alium fidum hominem, non satisfacere suo debito, nec esse liberum à restitutione, si res fortuito casu pereat in

via, vel nuntius eam ex negligentia perdat aut ex malitia consumat: consequens est valde durum; quia nemo per contractum obligari vult ad iteratam solutionem rei. Et quid si res ad absentem creditorem iterum, tertio, vel pluries missa semper ita periret?

R. Si tertius non sit designatus à creditore, *C.*; si sit ab illo designatus et in procuratorem electus, *N.* Si creditor pati debet casum fortuitum, quando res ipsi determinatè debita perit in via, non est nimis durum, si debitor pati debeat casum fortuitum, quando res indeterminatè tantum debita, quæ subiacet dominio debitoris, perit in via; cum in contractibus necessaria sit æqualitas, et par debeat esse utriusque conditio, ac quælibet res per casum fortuitum pereat domino suo, vel illi cui determinatè debetur. Quòd si tamen sæpius ita res interiret, qui tamen est casus rarissimus, debitor est excusatus ex alio capite; quia nemo tenetur ad restitutionem cum detrimento proprio valde notabiliter majori.

504. *Obj. 2°*: Ergo etiam si pœnitens rem furto surreptam tradit confessario, cum aliter sine gravi nota restituere non possit, non absolvitur à restitutione, si confessarius eam fortuito casu perdat, vel in via spoliatur ab hostibus aut eam malitiosè consumat: consequens est falsum; quia pœnitens qui non potest aliter sine gravi nota restituere, si rem consignet confessario, facit quantum potest et debet. 2° Si creditor expressè consentiret ut restitutio fieret per confessarium, consignans rem confessario, foret liber ab ulteriori restitutione; ergo etiam est liber si tacitè consentiat: atqui sic consentire videtur; nam hic modus restituendi frequens est et usu receptus, cui nemo contradicit. 3° Si pœnitens non satisfaceret obligationi suæ, mittendo rem per confessarium, pœnitens esset simpliciter excusatus à restitutione; quia non potest aliter restituere sine gravi dispendio famæ, vel detrimento valde notabili in bonis superioris ordinis.

R. N. M. Quamvis Diana propositam sententiam existimet in praxi tutam, et Lessius cum Filliucio dicat non omnino improbabilem, ac Palaus fateatur in eam se propendere, tamen, ut testis est C. de Lugo, D. 21, n. 59, omnes ferè DD. sentiunt pœnitentem in hoc casu non fieri liberum à restitutione: fas autem non est in re tanti momenti deserere communissimam DD. in grave præjudicium tertii, præsertim cum argumenta contraria vel nihil vel nimium probent. 2° Si debitor innocens juxta communem omnium sententiam non liberatur a restitutione quando per amicum fidelem mittit centum florenos ex contractu mutui debitos, et isti pereunt in via; non est ratio cur debitor nocens liberari debeat in simili infortunio. 3° Pœnitens quidem facit in hoc casu quantum potest et debet ad evitandum novum peccatum, non tamen facit quantum potest et debet ad dissolvendam obligationem restitutionis. Sic etiam, si debitor ex delicto non possit rem furtivam restituere nunc, statuatur tamen restituere occasione proxima, et interim sollicitè custodiat

in arca, facit quantum potest, et debet ad evitandum novum peccatum, non tamen se liberat à restitutione. nec etiam sit liber ut res interit potest causa per incendium, fulmen aut depopulationis hostium. 4° Etiam si creditor tacite consentiat ut debitum consignetur confessario, non tamen idcirco vult estim esse suum procuratorem, ita ut æquivalat rem tradere confessario, et tradere ipsi domino vel creditori. Sic etiam, licet creditor sit tacite contentus ut res indeterminate debita mittatur per rautiam aut fidem hominem, non tamen huic destinat in suum procuratorem, neque vult debitorem absolvi debito si res ad se nequaquam perveniat. 5° Pecunia quam mittis, dum adhuc est apud confessarium, est tua, non autem domini vel creditoris, nec est ei determinate debita: igitur non domino, vel creditori, sed tibi perit. Et esto foret determinate etiam debita domino vel creditori, tamen debitor ex delicto tenetur etiam ad casus fortuitos quibus res interit, et ipse debet comedere quod intrivit.

305. *Obj. 3°*: Ergo etiam tenetur penitens ad iteratam solutionem, si pecuniam aliamve rem quam Titio surripuit, ex consilio simplicis ac mitis docti confessarii distribuit in pauperes, ac dein ex alio meliori confessario resciat incurrere consilium, ac rem Titio, non pauperibus, restituendam.

R. C. sequel. cum, ut observat Patrit. Sporer, tr. 4. c. 4, n. 20, videantur eadem rationes hic pugnare quæ supra; nisi forte Titus ita sit benignus, ut merito præsumatur contentus, vel nolle toto rigore juris uti adversus debitorem pauperem a confessario deceptum. Alii fortassis obtinent aliam excusationem; quia, sicut non tenetur ad restitutionem qui rem alterius assumpsit bona fide, rationabiliter credens domino nequaquam id displicere, sic etiam argendus non videtur ad restitutionem qui bona fide vel ex præsumpta domini voluntate dedit pauperibus assumendam. Verum, utut hæc excusatio sæpius locum inveniat in debitis absque delicto, et his quæ determinate domino vel creditori debentur, non tamen ea procedit in debitis ex delicto.

306. *Obj. 4°*: Ergo etiam teneris ad iteratam solutionem, quando debitum quod interit erat ex voto vel juramento: v. g., vovisti calicem argenteum aut pecunias in honorem Virginis Oettingenæ: nuntius, quem existimasti fidelem, in via spoliatur, aut cum calice vel pecuniis affligit.

R. multos apud Dianam, p. 10, tr. 16, resol. 97, admittere sequelam; et C. de Lugo, supra n. 59, affert exemplum illius qui, dum voti causâ tenderet Lauretum, à tempestate coactus appulit in Siciliam: hic enim minime videtur liberatus ab obligatione voti; quia tempestas et impedimentum computari debet inter infortunia, non tamen dissolvit votum. Alii tamen existimabunt, Deum, qui cor et affectum potius intuetur quam res, non exigere cum tanto rigore debita realia votorum, sicut homines qui, cum bonis fortunarum indignant, ad res potius quam affectus hominum attendunt. Et hinc etiam summi pontifices facile dant

potestatem commutandi vota, non item promissa jurata, quæ non negatus esset in præjudicium et damnum tertii. Den votus erat in aut pecunias, commutatur tantum promittit se missuram ac preem. Etenim quod ex sua parte requiritur ad hoc ut calix et pecunia veniat in locum suum, non est tam promittit se supplicium etiam nonita delictus. Ex quo capite P. Sarr. l. 4. de voto, c. 10, voventem, qui promisit sacra dedique sacerdotibus sufficiens stipendium, absolvit ab iterato stipendio vel elemosyna, si fors impense missas omittunt incurrit sacerdotes, et non reddunt stipendium. Idem assertit in casu quo quis promissit se se missuram aliam ad peregrinandum, ac subministratum ei necessarios sumptus: unde, si pecuniis acceptis iste non obicit peregrinationem, nec compelli posset ad reddendas pecunias, vovens esset exemptus ab ulteriori obligatione.

307. *Obj. 5°*: Si debitor bonâ fide creditoris famulo vel domestico consignet rem, etiam indeterminate tantum debitam, censetur obligationi satisfacere, quævis famulus aut domesticus malâ fide rem supprinat, alienet aut consumat.

R. D. Si famulus sit procurator domini, C.; secus, N. Si famulus à domino specialiter est constitutus aut missus, ut ipsius nomine debitum recipiat, excusatur à restitutione debitor, si debitum exsolvat famulo; quia, dum res traditur ejusmodi famulo, jam censetur solutio domino facta, juxta L. 180, quod jussu, ff. de R. J. 2. Si famulus est œconomus, cui communiter afferri solent debita quæ dominus exigit, iterum liber est à restitutione debitor œconomus rem consignans; quia communiter œconomus est delegatus ut in recipiendis debitis fungatur officio domini. 3° Si verò res est pretiosa, non est liber à restitutione debitor, si rem cuicunque famulo vel domestico consignet; quia sunt frequentissimæ famulorum fraudes, et dominus non vult ut cuicunque res promissæ tradatur. Hinc etiam, si quis clam veniens ad debitorem se fingeret famulum, non fieret liber à restitutione debitor si rem ei simplici fide consignaret.

QUESTIO XXXIII.

AN EXCuset INGRESSUS IN RELIGIONEM?

308. Tres sunt sententiæ. Prima vult non posse debitorem ingredi religionem, et ingredientem non liberari debito restitutionis. Ita Gerson Alphab. 39, litt. X et Y; Valent. Medina, Carbon, Angles. Secunda contendit debitorem ingredi posse religionem, et per hoc liberari debito restitutionis. Ita S. Thom. hic q. 189, a. 6 ad 3; Paludanus, Silv. S. Antoninus, Angelus, Cajet. Rosella, Armilla, Tabiena, Pedrazza, Viguerius, Aragon. Tertia media docet differendum ingressum religionis, si debitor in seculo manens probabiliter speret debita sua vel integrè vel ex magnâ parte solvi posse intra breve tempus; secus autem, si necesse foret expectare per longum tempus, puta, per duos aut tres annos. Ita Lud. Lopez, Azor, Less. Palaus, Haun., Illung; C. de Lugo, D. 21, n.

65, et Th. Sanch. l. 4 in Decal. c. 49, ubi materiam istam fusissimè ac doctissimè expendit.

509. Dico 1°: Debitor ex contractu purè gratuito, propter debita solvenda, communiter differre non tenetur ingressum religionis, esto postea non possit ampliùs illa solvere. *Ratio*; quia, qui per contractum purè gratuitum, puta, per promissionem liberalem se obligat, communiter se non intendit obligare, nisi quatenùs commodè potest, neque communiter habet intentionem explicitam aut implicitam obligandi se ad statum secularem, casu quo non posset aliter extinguere debita. Quin communiter habet contrariam intentionem implicitam, ut patet in promissione etiam juratà matrimonii, cui regulariter inest hæc conditio tacita: *nisi fuero religionem ingressus*. Dixi communiter, nam si debitor expressè se obliget ad manendum in seculo, donec solutum fuerit debitum, manere debet in seculo, præsertim si juramento promissionem firmasset; nam promissio, præsertim jurata quæ cedit in commodum et utilitatem alterius, servari debet, quoties servari potest absque peccato. Dein, ut cum Th. Sanch. optimè notat C. de Lugo, n. 68, si debitor absque magno incommodo posset aliquandiu differre religionis ingressum, puta, per unum aut alterum mensem, imo per sex, et interea posset solvere debitum, teneretur ingressum differre; quia, qui promisit aliquid, etiam purè liberaliter tantum, debet adhibere media necessaria solutionis quæ commodè potest.

510. Dico 2°: Debitor ex contractu oneroso communiter ob debita solvenda non debet differre religionis ingressum ad longum tempus, puta, ultra duos vel tres annos. *Ratio*. Nam obligatio quæ nascitur ex contractu, pendet ex voluntate vel intentione contrahentis: atqui contrahens onerosè, licet communiter se rigidiùs obliget quàm contrahens tantum gratuitò, tamen ordinariè se non obligat ut velit etiam stare contractu cum maximo suo detrimento, quale foret, si non posset unquam mutare statum suum in melius, ac vivere cum incomparabiliter majore securitate salutis. Adde, quòd sponsalia vel promissio mutua matrimonii sint onerosi contractus, et tamen in iis implicitè semper includitur tacita conditio: *nisi fuero religionem ingressus*.

511. Dico 3°: Spectato jure naturali probabiliter neque debitor ex delicto tenetur ob solvenda debita differre religionis ingressum ad longum tempus. *Ratio prima*. Debitor ex delicto restituere non tenetur debita in re, quando damnum quod pateretur esset incomparabiliter majus, præsertim in bonis altioris ordinis, quàm foret commodum quod ex restitutione perciperet creditor, prout superiùs, q. 50, fuit uberius ostensum: ergo multò minùs cum simili damno restituere tenetur bona quæ tantum habet in spe: atqui perpetua vel valdè diuturna exclusio à statu regulari quam pateretur debitor, communiter est damnum incomparabiliter majus, et quidem in bonis altioris, imò supremi ordinis quàm sit commodum quod ex restitutione perciperet creditor. Secun-

da. Vir honoratus, juxta communioem et veram sententiam, non tenetur procurare lucrum moraliter impossibile cum suo statu vel labore statum suum omninò dedecente, ut dictum n. 464: ergo multò minùs tenetur procurare lucrum moraliter impossibile cum statu perfectissimo religionis, ad quem aliunde habet jus, et cujus jactura longè gravius est damnum quàm jactura statùs honorati. Tertia. Nemo facilè dixerit aliquem ob debita persolvenda teneri semper abstinere statu conjugali, præsertim si propter tentationes gravissimas aut familiæ bonum hæc abstinencia foret molestissima: atqui abstinencia à statu incomparabiliter præstantiore, scilicet religioso, longè magis est difficilis et molesta homini qui seriò desiderat salutem. Videri potest Illsung, optimè quæstionem hanc discutens.

512. Dico 4°: Attento tamen jure novo positivo, non potest debitor ex delicto religiosum statum amplecti, quando non potest aliter solvere debita. *Ratio*; quia Sixtus V, anno 1587, motu proprio per specialem bullam exclusit ab ordinibus regularibus eos qui sunt ære alieno gravati, et ipsos inhabiles reddidit ad professionem. Et quamvis Clemens VIII, anno 1602, temperaverit Sixti bullam, ac statuerit professionem esse validam, tamen declaravit eam illicitam, ac superiores ordinum qui recipiunt ejusmodi debitores subjecit gravissimis pœnis. Adverunt tamen DD. cum Th. Sanchez et C. de Lugo, n. 87, prohibitionibus istis non comprehendi 1° moniales; 2° nec equites ordinum militarium, quia non veniunt in odiosis sub nomine regularium; 3° nec debitores quorum debita sunt parvi momenti, vel quorum debita non superant vires facultatum; has enim post ingressum religionis possunt creditoribus relinquere; 4° neque debitores qui sine gravi culpà contraxerunt debita; nam pontifices videntur loqui tantum de decoctoribus, qui bona sua dilapidarunt comensationibus, luxuriis, etc.; 5° neque illos qui quidem ex gravi culpà contraxerunt debita, sed nullam habent spem quòd manentes in seculo possint creditoribus satisfacere; nam horum ingressus non præjudicat creditoribus; 6° neque illos qui tantum oppressi sunt debitis incertis, etiamsi debita sint ex delicto; cum enim isti saltem jure positivo debeant bona quæ restitutioni sunt obnoxia distribuere pauperibus, et ipsi restituendo non sint, potest eis confessarius tanquàm verè pauperibus applicare summam debitam ad finem ingrediendæ religionis.

513. Dico 5°: Qui rationibus reddendis obstricti sunt, non possunt ingredi religionem ante rationes redditas. Ita colligitur ex *C. legem, dist. 53*; *C. unde obligatis ad ratiocinia*, et ex *L. Officiales 4, Cod. de episc. et cler.* Notant autem auctores, professionem editam ante datas rationes, utut illicita sit, semper tamen esse validam; quia nusquam exstat lex irritans ejusmodi professionem. An verò, quando rationes non possunt reddi, nisi longissimo tempore, teneantur isti differre semper ingressum religionis ex jure positivo, disputandum aliis relinquo.

514. *Dico 6^o*: Debitor ex contractu vel delicto, si potest intra breve tempus, id est, unum aut alterum annum gravia debita solvere, communiter ex iustitia tenetur ingressum differre, si quidem illa non possint aliter solvi, nisi dilato religionis ingressu. *Ratio*. Nam hæc dilatio non est tam grave detrimentum, ut propterea debeat omitti solutio debitorum quæ contracta fuerunt ex oneroso pacto vel delicto, et alias innumeris creditoribus gignerentur nimia detrimenta. Sapienter etiam advertit C. de Lugo, n. 79, perpendendum esse fructum quem debitor sperat ex ingressu religionis. Unde si vellet ingredi religionem laxam, præsertim ob motiva temporalia, vel posset æqualem fere profectum in beneficio quodam ecclesiastico seculari sperare, ubi simul lucraretur media necessaria solutionis, certè non excusaretur à solvendis debitis, etiamsi religionis ingressum vel penitus omittere, vel differre deberet ad longissimum tempus.

515. *Dico 7^o*: Religio vel monasterium non tenetur ex suis bonis solvere debita quæ religiosus contraxit ante licitum religionis ingressum. Ita cum communi C. de Lugo, D. 3, n. 215, et D. 21, n. 79. *Ratio*; quia creditor in bona religionis aut canobii nullum habet jus. Unde si religiosus etiam in ipsa religione, imò prælatus sine consensu conventus contraheret debitum ex delicto, vel injuste consumeret bona cujusdam domini secularis, non teneretur conventus sarcire damnum; quia personæ delictum non debet in damnum Ecclesiæ converti, juxta *Regulam* 76, in 6. Hinc etiam conventus non tenetur, quando res ab externo deposita apud privatum vel etiam prælatum, perit solum ipsius culpâ. Secus est sentiendum quoad debita quæ prælatus aut procurator contrahit, non excedendo limites administrationis sue.

516. *Dico 8^o*: Tenetur tamen religio vel monasterium solvere debita religiosi ex bonis quæ religiosus habuit ante religionis ingressum, vel etiam ex bonis quæ religioso postea per hereditatem, legata, donationem aut operam suam obveniunt. Ita rursus cum communi C. de Lugo suprà. *Ratio*. Nam creditor habet jus ad hæc bona, nec aliter hæc bona transeunt ad religionem, nisi cum obligatione quam haberent, si religiosus non esset ingressus religionem. Porro, cum dicitur solutionem esse faciendam ex bonis quæ religioso per operam suam obveniunt, opus est distinctione. Nam si religiosus operâ suâ serviat immediatè religioni, v. g., si coquat ei panem, pingat imagines aut ædificet monasterium, religio non tenetur ex his bonis satisfacere creditori, sicut etiam satisfacere non deberet alius dominus cui debitor are gravatus præstaret ejusmodi servitia. Secus est dicendum de laboribus quos immediatè non impendit religioni, v. g., si concionatur aut dirigit scholas, et accipit inde salarium.

517. *Dico 9^o*: Religiosus, quando non potest aliter solvere debita, tenetur ex iustitia procurare media necessaria solutionis per suum laborem, modo labor non sit nimium difficilis aut contra decentiam sui sta-

tus, ac prælatus det licentiam quam tamen hic ex iustitia dare non tenetur. Ita cum pluribus C. de Lugo, D. 21, n. 81. *Ratio prima pars*, quod religiosus laborando debeat procurare media solutionis, est; quia status religiosus non aliter excusat religiosum à solutione debitorum, nisi quatenus impedit potentiam solvendi: ergo si religiosus laborando potest acquirere media necessaria solutionis, non est cur excusetur à solutione. *Ratio secunda pars*, quod labor non debeat esse nimium difficilis et dedecens statum, est; quia secularis etiam dominus, quando non potest aliter solvere debita, descendere non tenetur ad media nimis exotica, vel dedecentia statum: nec gubernator urbis addiscere debet aut exerrere auctoris artificium, ut creditoribus satisfaciatur. Porro multa dedecent in religione sacerdotem quæ non dedecent laicum, et multa dedecent ecclesiasten aut theologum qui sublimioribus curis adstringitur, quæ non dedecent simplicem patremfamilias. *Ratio tertiæ partis*, quod labor institui debeat ex licentia superioris, est; quia statum religiosi nihil magis dedecet quàm laborare contra voluntatem superioris, et alias posset quis etiam laborare extra conventum et in habitu seculari. *Ratio quartæ partis*, quod prælatus non tenetur ex iustitia concedere licentiam, est; quia prælatus ipse nil debet creditoribus, et aliunde jus habet gubernandi vel occupandi subditos pro libitu: jus autem hoc, ratione traditionis per professionem factæ, fortius est quam jus creditoris. Non tamen inficior, charitatem exposcere sæpius ut prælatus non deneget licentiam, quando potest eam concedere sine notabili detrimento cœnobii.

Objectiones.

518. *Obj. contra secundam et tertiam conclus.* 1^o Obligatio naturalis præcedit ea quæ sunt puri consilii: sed obligatio solvendi debitum est naturalis, ingressus verò religionis est puri consilii.

R. D. M. Obligatio solvendi debitum in casu quo potest debitum solvi sine maximo solventis damno, vel non adsunt aliæ causæ solutionem excusantes, C.; in contrario casu, N. Præceptum naturale restitutionis non obligat in casu quo quis moraliter est impotens ad restitutionem: at, qui non potest restituere sine maximo suo detrimento, censetur moraliter impotens.

519. *Obj. 2^o*: Filius non potest ingredi religionem, quando non potest aliter quàm in seculo subvenire necessitati maximæ parentum: ergo etiam debitor non potest ingredi religionem, quando solum in seculo potest extinguere debita. *C. prob.* Ideò filius non potest ingredi religionem, quia de jure naturali debet succurrere parentibus, et ingressus religionis est puri consilii: sed hæc ratio pugnat etiam in altero casu.

R. N. C. Disparitas est, quia propter arcuissimum vinculum naturæ, longè major est obligatio pietatis in parentes quàm sit obligatio justitiæ; nam propter necessitatem maximam parentum quæ filium arceat ab ingressu religionis, potest etiam filius omittere debita justitiæ.

520. *Obj. 5°*: Qui solo brachio posset comparare lucrum unde solveret debita, peccaret contra justitiam abscindendo brachium: ergo etiam qui permanens in seculo, potest comparare lucrum quod requiritur ad solvenda debita, peccat contra justitiam ingrediendo religionem. *C. prob.* Ideò peccat prior contra justitiam, quia se reddit inhabilem ad solvenda debita: sed hoc etiam facit posterior.

R. N. C. Ad prob. D. M. Ideò solum, *N.*; quia se reddit inhabilem modo prorsus illicito ad quem nulum habet jus, *C.* Si sectio brachii necessaria foret ad longiorem vitæ conservationem, non peccaret contra justitiam abscindens sibi brachium.

521. *Obj. 4°*: Non licet inferre proximo grave detrimentum ob lucrum proprium spirituale vel temporale; non enim facienda sunt mala ut eveniant bona: ergo non licet creditores privare debito propter spirituale lucrum statûs religiosi.

R. D. A. Non licet inferre damnum per actionem positivam quâ res auferitur domino, *C.*; non licet inferre per omissionem actionis, aut restitutionis ob detrimentum proprium valde notabiliter gravius, *N.* Vide quæ dicta sunt n. 475. Dein, ut advertit *C. de Lugo, D. 21, n. 77*, debitor in nostro casu non tantum privaretur lucro, sed etiam efficeretur maximo damno; quia privaretur libertate quam alii habent ad eligendum statum perfectum.

522. *Obj. 5°*: Mancipium sine consensu domini recipi non potest in religionem; et, si recipiatur, intra triennium extrahi potest: ergo etiam debitor sine consensu creditoris recipi non potest. *C. prob.* Creditor ordinariè patitur non minus damnum, quando recipitur debitor, qui nunquam expunget gravissima debita, quàm patiatur dominus ex jactura mancipii.

R. N. C. Mancipium non solum domino debet sua, sed etiam seipsum. Unde, si tradat se religioni, perinde facit ac si personam suam alteri vendat, aut ex domini potestate fugiat, quod est furtum. Unde *Th. Sanch. l. 5 Dec. c. 4, n. 49*, meritò pronuntiat, irritam esse professionem mancipii. Contra creditori debitor non debet seipsum, sed tantum sua, nec sua debet pro quovis casu, vel quando non potest ea dare nisi cum incomparabiliter majore damno.

523. *Obj. 6°*: Qui sub spe promissi matrimonii vitavit virginem, non potest absque virginis consensu licite religionem ingredi: ergo etiam absque creditoris consensu religionem ingredi non potest, qui gravia debita cumulavit ex contractu.

R. N. C. Qui sub spe matrimonii copulam extorquet, implicitè promittit virgini se non ingressurum ordinem; nisi enim hoc promitteret, puella non daret usum corporis. At, qui debita contrahit, nec tacite nec expressè promittit se non ingressurum ordinem, antequam solvat debita.

524. *Obj. 7°*: Qui defloravit virginem, etiam matrimonio non promisso, sed tamen injustè per vim aut fraudem, et non potest ei per augmentum dotis aut alios modos procurare decentes nuptias, absolutè tenetur volentem ducere, neque potest ingredi religio-

nem sub melioris vitæ prætextu: ergo etiam, qui debita contraxit ex delicto, nec aliter ea potest solvere quàm si perseveret in seculo, non potest ingredi religionem: modus enim contrahendi debitum est idem utrinque.

R. N. C. Ut bene *P. Illsung, n. 297*, injusta defloratio virginis, ex consuetudine vel dispositione juris, æquivallet tacite promissioni qua deflorans disjunctivè promittit vel dotationem, vel nuptias. Dein, ut subtiliter advertit *C. de Lugo, n. 78*, nisi deflorator puellam ducat aut ei dotem augeat, ut æque bene possit nubere sicut priùs, femina patitur idem ferè detrimentum quod patitur deflorator; quia non habet libertatem assumendi statum quem voluerit: at, quando par aut idem est detrimentum illius cui debet fieri restitutio, non excusatur à restitutione qui per vim aut fraudem injustè læsit. Aliud tamen est in nostro casu, ubi damnum in bonis fortunæ quod patiuntur creditores ex ommissa restitutione, non est tantum quantum est damnum illius qui privatur libertate religiosam familiam intrandi.

525. *Obj. 8°*: Si vera nostra sententia, discipulus quem artifex instruit et alit, nullà petita pecuniâ, sed cum pacto ut postea, v. g., per sex annos maneat apud magistrum et ei laboret, discipulus, inquam, iste non peccabit contra justitiam, si nondum expleto tempore transeat ad religionem. Idem casus formari potest in pueris qui subinde gratis accipiuntur et erudiuntur, cum pacto ut in templo canant usque ad quintum-decimum ætatis annum.

R. C. de Lugo, D. 21, n. 74, et *Illsung* concedunt sequelam. Unde secundum istos *DD.* discipulus in hoc casu magistro solvere tantum debet alimenta accepta et valorem instructionis, deducto valore sui laboris et obsequii, casu quo conditionatè pactum esset initum; non verò debet resarcire damnum magistri qui probabiliter alium alumnus suscepisset diutius servitutum. Verum hoc alii discentiant.

526. *Obj. 9°*: Debitor qui non potest aliter solvere debita, nisi donationem, hereditatem aut legatum acceptet, non potest illa repudiare citra vitium injustitiæ, ut communiùs ac longè veriùs apud *Palaum, D. 4, de Just. p. 17, § 11*, docent *TT.* contra non paucos juristas; et aliàs neque peccaret contra pietatem, qui parentibus, gravi necessitate pressis, non succurreret, cum tamen facile posset acceptando hereditatem aut legatum: ergo etiam, qui non potest solvere debita, nisi perseveret in seculo, non potest deserere seculum citra vitium injustitiæ; ratio enim utriusque est quia qui tenetur ad finem, tenetur etiam ad media.

R. N. C. Qui tenetur ad finem, tenetur quidem ad media facilia vel ordinaria, non tamen ad difficillima vel molestissima. Aliàs, ut bene *P. Illsung, n. 277*, si debitor esset valde lubricus, et contraxisset magnam consuetudinem peccandi graviter, sæpius tenetur abstinere statu conjugali, et loco illius assumere beneficium pingue ecclesiasticum, ut posset expungere debita, non obstante gravissimo animæ suæ periculo; sæpius enim contingit ut in ecclesiastico statu

comparentur media solutionis que tamen compari non possunt in statu conjugali, ubi licet in elici vel artis vix satis est ad quotidianas famelicarum necessitates.

QUESTIO XXXIV.

AN EXCUSSET COMPOSITIO CUM SUMMO PONTIFICE. 1-9

527. Dico 1^o Summus pontifex potest facere compositionem in debitis incertis, ita ut debitor vel nimis vel nihil restituere teneatur. Ita communis cum C. de Lugo, D. 21, n. 92. *Ratio prima* est gravis utilitissima pontificum, qui per bullam *Cruciate*, qua fideles invitant ad bellum contra infideles, concedunt ejusmodi compositionem, sic, ut in Hispania et Sacka, ubi solum est usus *Cruciate*, commissarii pontificis exigere soleant, v. g., duos pulios aut regales pro quatuordecim vel quindecim scutis, aut pro 5000 dipondiorum solum 68, reliqua verò debita incerta remittunt. Non est autem credibile, sanctissimos et doctissimos pontifices tamdiu semper haec ausi fuisset, vel ignorasse quid exigenter commissarii. *Secunda*: Esto nulla sit proportio inter duos, v. g., julios aut regales et 14 vel 15 scuta secundum se, cum pulios Romanus aut regalis Hispanicus aequaleat nostris 12 circiter crucigeris, et scutum 2 florenis, tamen attendi debet finis bullae vel bonum maximam quod resultat ex concervatione pecuniarum in subsidium belli, si tantà clementià cum debitoribus procedatur. Sic etiam ad comparandas maximas indulgentias, opera quandoque parva in jubileo praescribuntur, ut alliciantur omnes fideles ad tantum thesaurum. *Tertia*: Pontifex ex praesumpta testatoris voluntate, vel etiam ex suprema sua potestate, legata pia commutare potest in alium usum aequè vel magis bonum: ergo etiam ex simili titulo commutare potest obligationem solvendi debita incerta. *Quarta*: Quod potest dominus bonorum absque causa, potest etiam supremus administrator bonorum ex justa et sufficienti causa: pontifex autem est supremus administrator bonorum quae debent erogari pauperibus, et habet sapissimè sufficientes causas, v. g., maximam utilitatem reipublicae christianae, fructus uberrimos spirituales privatorum, ut debitoribus incertis condonet obligationem. *Quinta*: Obligatio distribuendi bona incerta in pauperes est tantum juris positivi: pontifex autem dispensare potest in iis quae sunt juris positivi. Sic etiam, quia jure tantum positivo praecipitur ut canonici non faciant fructus suos ante professionem fidei, tamen si canonici fructus illos accipiant, procul dubio potest pontifex illis obligationem restitutionis remittere. Sic etiam pontifices non raro dispensant cum iis qui debent restituere fructus ob neglectum breviarium. Porro disputant DD. an debitor qui facta compositione solvit partem designatam pro debitis incertis, in conscientia maneat ita liber, ut etiam comparente postea vero domino vel creditore, nihil amplius restituere teneatur.

(1) Gallicis theologis non approbantur omnes hujus questionis assertiones: sed hic disputandi non locus et opportunitas dantur.

ter, in quo negotium sustinent Corduba, Covarr. Turrian. Molin. Vallalobos, Rodriguez. Sed affirmativum tenent Banez, Salas, Henriquez à Costa, quibus cum certa limitatone consentit C. de Lugo, n. 98.

528. Dico 2^o Etiam circa debita certa potest subinde pontifex ex gravissimis causis facere compositionem, quovis hoc potestate nunquam utitur. Ita Dicast. D. 10 de Rest. n. 175. C. de Lugo n. 96. *Ratio prima*. Pontifex non sit dominus, nec per seipsum, sed per alium, omnia bona bonorum temporalium, habet tamen adequate potestatem disponendi de bonis temporalibus christianorum, quatenus id necessarium est ad rectam Ecclesiae gubernationem: ergo, si summa necessitas Ecclesiae posceret et non sequeretur scandalum vel alia graviora mala, posset summus pontifex auferre domino vel creditori suum jus, et obligationem debitoris extinguere. *Secunda*. Si lex civilis propter commune et temporale bonum admittit dominium veris dominis, et transfert illud ad possessores bonae fidei post legitimam praescriptionem, non est ratio quare non etiam ob bonum commune spirituale lex ecclesiastica possit admittere jus creditoribus, et absolvere debitores onere restitutionis. *Tertia*. Cesante scandalo, posset pontifex id facere circa debita certa, quae solvi deberent iis quorum bona secundum leges ecclesiasticas applicanda sunt fisco. Nam si pontifex statuere potest ut eorum bona rapiantur ad fiscum, etiam statuere potest ut debitores iis non reddant bona quae debentur alias reddere.

529. Dico 3^o: Episcopi non possunt facere compositionem in bonis certis aut etiam incertis. Ita Silvester, Corduba, Manuel, Molina, Turrian. et C. de Lugo, n. 103, contra Trullenck, Villalobum, Henriquez et Dianam. *Ratio prima* est stylus omnium episcoporum. *Secunda*. Pontifex eatenus facere potest ejusmodi compositionem, quia potest indirectè de bonis temporalibus christianorum disponere propter bonum commune spirituale: sed haec ratio non concernit episcopum. *Tertia*. Debita incerta ex delicto, saltem de jure humano et canonico, debent erogari pauperibus: at episcopus dispensare non potest in jure canonico, praeterquam in casibus à summo pontifice concessis.

QUESTIO XXXV.

QUINAM ALIE CAUSAE DEBITOREM EXCUSENT?

530. Praeter memoratas, variae solent ab auctoribus adduci: 1^o excommunicatio debitoris aut creditoris; 2^o condonatio vel remissio creditoris; 3^o donatio vel legatio rei aequivalentis; 4^o absolutoria sententia iudicis; 5^o juramentum decisorium; 6^o transactio; 7^o novatio; 8^o delegatio; 9^o compensatio; 10^o solutio facta creditori creditoris; 11^o cessio bonorum; 12^o praescriptio. De postrema dicitur alibi. De ceteris hic breviter inquiremus.

531. Dub. 1^o an excommunicatio debitoris aut creditoris excuset à restitutione, vel saltem suspendat obligationem restitutionis?

R. Si solus debitor est excommunicatus, differre

non potest propterea restitutionem, quicquid contra doceant Ugolinius et Sairus. Ratio 1^a quia passim debitores excommunicantur, ut debita solvant, nec absolvantur donec restituant. Et aliàs excommunicati communem reportant ex iniquitate vel malitià suà, prout notavit Innoc. III in *C. si verè* 54, *de sent. excommunic.* 2^o Si creditor propter excommunicationem non est vitandus, debitor non potest differre solutionem. Nam ideo non deberet statim solvere, quia cum creditore non posset communicare: sed hæc ratio cessat si creditor non est vitandus. 3^o Etiam si creditor sit vitandus ob excommunicationem, tamen communior, imò, teste Palao, D. 1, p. 17, § 4, certa sententia vult non idcirco differri posse solutionem privatam; quia licet excommunicatus vitandus arceatur à iudicio, nec ei concedatur actio propter honorem et reverentiam tribunalis, ut patet ex *C. pia de except. in 6*, non tamen continuò privatur suis bonis et iuribus proprietatis, neque per excommunicationem prohibetur illi quodvis commercium si cedat in magnam utilitatem, seu temporalem, seu spirituales excommunicati; secus enim nec famuli persistere possent in ejus servitio, neque posset debitor privatim vel brevi colloquio causam dilationis illi proponere, quod nec ipsimet AA. volunt. Præterea *C. quoniam multos*, 11, q. 3, permittitur communico cum excommunicatis ob necessitatem; et *C. inter alia* 31, *de sententiâ excommunicationis*, dicitur non prohiberi quominus excommunicatis aliquid detur humanitatis causâ. Nec obstant *C. ult. de excess. prælat. et C. nos sanctorum* 15, q. 6, ubi vassalli vel sacerdotes eximuntur à debito fidelitatis debite principi vel episcopo excommunicato: nam ex his capitulis tantum infertur, principes et episcopos, nominatim excommunicatos, privari jurisdictione vel usu illius; non autem sequitur creditores spoliari jure privatim exigendi debita.

552. *Dub.* 2^o an excuset condonatio vel remissio creditoris?

R. Excusat; nam condonatio vel remissio creditoris æquivalet solutioni, et nolenti vel certè non exigenti solutionem non fit injuria per omissionem solutionis. Duplex tamen conditio requiritur: prima, ut condonatio vel remissio sit valida, nec irritetur à jure; secunda, ut fiat liberè, nec extorqueatur illegitimè vi vel fraude. Et hinc 1^o nulla est condonatio vel remissio debiti quæ fit ab eo qui condonare vel remittere non potest, v. g., à filiofamilias, pupillo, prodigo, furioso, religioso particulari, procuratore rerum alienarum, exactore vectigalium aut mulctarum, qui dominium rerum aut liberam administrationem non habent, vel non agunt ex voluntate domini. 2^o Juxta *C. exigit et seq. de censibus, et exactionibus in 6*, episcopus aut archiepiscopus ecclesias visitans, et accipiens aliquid ultra sumptus necessarios ad victum, tenetur ad restitutionem in duplum intra mensem, neque valet remissio dantium. 2^o Ex *C. statutum de rescript. in 6*, iudex delegatus accipiens aliquid præter esculenta et poculenta liberaliter oblata, quæ paucis diebus possunt consumi, tenetur ad restitutionem, non obstante qualibet remissione.

4^o Ex *Clement. nolentes, de hæret.* inquisitores qui prætextu officii pecunias extorquent, subjacent restitutioni, et remissio non valet. 5^o Ex *Trid. sess. 24, c. 12, de reform.* canonicus absens retinere non potest distributiones, etiam si prælatus ecclesiæ particularis aut Ecclesia remittat obligationem. 6^o Securi non sunt in conscientia debitores qui se fingunt impotentes ad solvendum, aut pauperiores quàm reipsà sint, vel solutionem tandiu procrastinant, ut creditor ex metu totum admittendi remittat partem debiti. Sicetiam gravissimè peccant magnates, qui mercatoribus, opificibus aut officialibus inferioribus nolunt solvere debita, nisi remissâ dimidiâ parte debiti. 7^o Uti existimat C. de Lugo, D. 21, n. 49, etiam tuti non sunt qui per inopiam non possunt solvere totum, possunt tamen partem, at illam partem non aliter offerunt, nisi cum pacto ut remittatur residuum; quia creditores tunc tantum consentiunt ex metu, ne totum amittant. Posset tamen hæc pactio fortassis locum habere, quando debitores in gratiam creditorum offerrent de præsentī majorem solutionis partem quàm reipsâ teneantur ob inopiam. Hoc enim excessu venderent creditoribus spem dubiam incertæ solutionis futuræ. 8^o Juxta eundem auctorem, n. 49, à restitutione non eximuntur debitores, quando remissio debiti, non quidem ab ipsis, sed tamen ab aliis injustè fuit extorta per metum aut fraudem; quia remissio perinde est involuntaria, sive debitor, sive tertius cogat aut decipiat. Et quamvis in contractibus onerosis fortè debeat hic fieri discrimen, tamen in purè lucrativis videtur aliter discurrendum, ut pronuntiat C. Pallav. apud Haunold. tr. 8, n. 120. Verùm hoc alibi discutiam ex professo. 9^o Non pauci docent, condonationem aut remissionem debiti nullam esse, quando precibus importunis extorquetur; quod ego non crediderim, nisi fortassis preces supra modum importunæ sint, ut creditor absolutè mallet re suâ privari quàm illis assiduò vexari; et aliàs etiam Evangelicus ille mendicus egisset injustè, quando per importunitatem extorsit panes. Disputant etiam hic DD. an si debitor inopiâ suâ creditorem movit ad remissionem, teneatur restituere debitum, ubi pervenit ad pinguiorē fortunam. Affirmant aliqui: sed Th. Sanch. l. 4, de Matr. D. 9, n. 17; Dicast. D. 10, n. 112; C. de Lugo, d. 21, n. 49; Silv. Navarrus uterque, Saa, Bonnac. et alii negant; quia remissio fit absolutè, et est solutio quædam virtualis, juxta *L. si fundum* 81, § *Titio fundum, ff. de legatis* 1. Imò, juxta communem, procedit etiam hæc resolutio pro casu quo facta est remissio debitori, qui nunquam habuit animum solvendi, modò non intervenerit fraus aut legitima vis; nam internus hic animus nullo modo vitiat condonationem aut remissionem liberam.

553. *Dub.* 3^o an sufficiat ad omissionem restitutionis voluntas creditoris rationabiliter præsumpta?

R. Sufficit, quia voluntas, rationabiliter præsumpta, sufficit etiam ad excusationem furti, prout communiter concedunt DD. ut Armilla, Ros. Tabien. Silvest. Cajet. Angles, Aragon. Sairus, Lessius, Th. Sanch. et C. de Lugo, D. 21, n. 54, et colligitur ex

L. inter omnes 46, § *recte*, et *L. qui eas* 48, § *qui et*, ff. *de furtis*. Imo communiter DD. hoc extendunt ad casum quo domino quidem displicet modus accipiendi sine licentia, non tamen displicet substantia. 2° Acceptio, retentio vel omisso restitutionis non est iniusta, nisi fiat invito domino vel creditore: non fit autem invito domino vel creditore, si fiat ex voluntate rationaliter præsumpta. 3° Quamvis ex hoc capite complures excusentur, ut infamilias, quando furantur patri non valde notabilem summam, domestici, quando consumunt esculenta communia, tamen summo pere cavendus est abusus. Unde non puto sufficere quicumque vero similem aut probabilem præsumptionem: quia fores nimium panderentur furtis et injustis, ut bene ponderat Molina; sed existimo requiri præsumptionem moraliter certam aut longe magis probabilem, præsertim in rebus gravis momenti.

554. *Dub. 4* an excuset donatio vel legatio rei æquivalentis?

R. Si debitor est memor debiti, sed tamen habet animum vere donandi vel legandi, certum est non extinguí debitum: quia pendet ex arbitrio debitoris an actu suo velit novum transferre jus in creditorem, vel an malit extinguere debitum, ut colligitur ex *L. creditorem* 87, ff. *de leg. 2*; *L. credit* 16, *C. de legat. L. si compensandi* 6, *C. de hered. instut.* Nec obstat quod aliis præceptis satisfieri possit, etiamsi desit satisfaciendi voluntas. Nam obligatio cæterorum præceptorum non dependet ex voluntate nostrâ, sicut obligatio contrahendi vel solvendi debitum justitiæ. 2° Si debitor est memor debiti et dat animo solvendi, satisfaciit debito, quamvis exterius simulet donationem, aut det in iis circumstantiis in quibus creditor existimat rem sibi donari: quia non requiritur ad veram solutionem ut debitor externè fateatur se solvere, modo non habeat animum solutioni contrarium. Et hinc, si Titius non possit aliter sine notâ solvere Caio 100 florenos quos ei furto surripuit, ac illi restitueret tempore nuptiarum, ubi Caius crederet offerri donum nuptiale, non esset urgendus ad aliam solutionem. Sed quid si Caius esset vir honestus, ac donatione simulatâ deceptus, postea simile donum offerret? Tamburinus, l. 8, tr. 4, c. 1, § 5, n. 2, existimat antidorum licite recipi, nec consurgere novam obligationem restitutionis: quia Titius est usus jure suo, nec ipsius simulata donatio fuit causa, sed tantum occasio antidori. Verum hanc responsionem discentiant alii. Certum est non posse simulatam ejusmodi donationem institui, quando non timetur notabile detrimentum. 3° Si debitor donans aut legans est inmemor debiti, non satisfaciit debito, esto non donaret aut legaret si sciret suum debitum. Ita communis ferè omnium apud Covarruv. et Menoch. quos sequitur Palaus, D. 1, de Just. p. 17, § 8, n. 5. *Ratio*. Nam in contractibus non attenditur quid quis faceret sub hac aut illa conditione, sed quid absolutè faciat. Et hinc in externo foro debitor iste cogeretur ad solutionem antiqui debiti nisi fors manifeste forent conjecturæ quòd de-

bitor non intenderit gratis donare vel legare. 2° Plures tamen DD. cum Covarr. *C. offic. de rest. n. 2*, excipiunt debitum legale, v. g., si pater reliquit filio legatum quod computatur pro dote dotali. *L. si cum dotali* 22, § *si pater*, ff. *solutio matrimonio*. Si maritus fecit uxori legatum quod computatur in partem illius quod alias uxori debetur. *In authentic. præterea*, *C. unde vir et uxor*. 3° P. Lavman, c. 12, de rest. n. 9, putat etiam excipi posse debita quæ propter legem ecclesiasticam expendi debent in pauperes vel causas pias. Unde si, v. g., canonicus restituere deberet 700 aureos ob neglectum officium divinum, ac inmemor debiti procuraret argenteam statuam templo, non esset urgendus ad ulteriorem restitutionem. *Et ratio*: quia lex positiva, dum obligat ecclesiasticos ad restitutionem ob neglectum officii divini, tantum vult ut in pias causas expendantur fructus male percepti, neque pauperibus aut templis conferat ullum jus ad fructus: vel si conferat, intendit hoc tantum sub conditione, si nimirum ecclesiasticus non tantundem ad causas pias gratis expendat: melius enim est ejusmodi leges ecclesiasticas benignius explicare. Præterea, qui erogat aliquid in causas pias, semper vult satisfacere pro suis delictis: igitur implicite vult satisfacere debito quod contraxit ex officii divini neglecto. Sic etiam aliqui excusant mercatores qui, cum habeant plurima debita incerta ex delicto, plura tamen expendunt in causas pias, quanquam sæpè non sint memores debitorum. Atque hanc sententiam etiam approbare videtur C. de Lugo, D. 4, n. 46, et placere sibi ait Th. Sanch. l. 2 Consil. c. 5, dub. 121, n. 5, quanquam in Decal. l. 1, c. 13, n. 11, contrarium sustineat.

555. *Dub. 5* an excuset absolutoria sententia judicis?

R. Si restitutionis obligatio tantum est dubia, tutò statur auctoritate judicis, ad quem pertinet decisio dubiorum. 2° Si restitutionis obligatio est certa, non tutò statur auctoritate judicis; quia sententia vel est iniqua, vel nititur falsâ præsumptione. 3° Secus esset dicendum, si judex in penam creditoris absolveret debitorem ab obligatione certa restitutionis. 4° Quando quis per sententiam, ordine juris latam, privatus est officio, beneficio vel hereditate, Lessius, l. 2, c. 16, n. 68, putat, eum qui bona hæc postea obtinuit, non teneri ad restitutionem, etiamsi privatim sciat condemnatum esse innocentem, modo causa falsæ sententiæ non extiterit; quia potest respublica propter gravissimas causas, et ne perturbentur judicia, transferre dominia rerum. Verum hoc est alterius loci.

556. *Dub. 6* an quid valeat juramentum decisorium?

R. Sæpè fit ut creditor, in supplementum sue probationis, quæ per se non sufficit, exigit deferri juramentum debitori. Quare si debitor juratò neget debitum, et iniquitas juramenti non possit ostendi, debitor est tutus quoad forum externum. 2° Imò, si juramento simul accedat absolutoria sententia judicis, extinguitur omnis obligatio civilis, neque creditor amplius actionem intentare potest. *Cod. civ. Juramen-*

tum in quolibet statu causæ deferri potest, dummodo merè personale sit factum quo approbando expetitur. Decretorium est, litemque djudicat etsi postea falsum fuisse deprehendatur; omnia quæ ex juramenti præstatione pendebant juranti tribuuntur, salvâ tamen publici ministerii vindictâ, si postea turpitudine jurantis pateat, proditâ per titulos ejus infamiâ. Art. 1538 et seq. Cod. civ. et 366 Cod. pœnalis. 5° In foro tamen interno manet obligatio debitoris, si sciat iniquitatem juramenti, vel postea comperiat certitudinem debiti. Creditor autem sciens justitiam suæ causæ, prospicere sibi potest per compensationem occultam.

537. *Dub. 7°* quid sit transactio?

R. Juxta Molinam et alios, est onerosa pactio de re dubiâ, post litem aut controversiam in judicio, vel etiam extra, motam. 2° Transactio liberat à restitutione, non quidem totaliter, sed quoad partem æquivalentem æstimabilitati justæ defensionis adversus actorem. 3° Debet tamen tempore transactionis res esse dubia; secus enim, si nōset actor jus alteri favere, irrita foret ejus actio. *L. si summa 63, ff. de conditione indebiti*. Si verò notitiam pro se haberet ille contra quem instituitur actio, posset alterum convenire per actionem doli. *L. sub prætextu 19, C. de trans.* Jure nostro transactio est contractus scriptus litem exortam dirimens, vel exoriendam præveniens. Art. 2044. De ejus vi lex Romana cum Gallicâ concordans statuit: *Non minorem auctoritatem transactionum quam rerum judicarum esse, rectâ ratione placuit, dummodò tamen falsis titulis non innitatur*; art. 2054, 2055, nec doli malo ut re jam judicatâ, provocetur, 2056; excepto casu quo de testamenti vani, vel rupti nullitatibus etiam rescissoriis transigatur. Art. 1538.

538. *Dub. 8°* quid sit novatio?

R. Est prioris debiti vel obligationis in aliam obligationem, vel civilem, vel naturalem translatio, ita ut prior perimatur. *L. 1, ff. de novat.* Fieri potest tripliciter: 1° si debitum mutetur quoad formam, ut si pretium quod ex emptione debetur, convertatur in mutuum; 2° si mutetur quoad materiam, ut si loco pretii quod debetur, subrogetur debitum mercis; 3° si mutetur ratione personæ, ut si debitor aut creditor substituat alium qui solvat aut cui solvatur. Codex noster de novatione satis cum veteri concordat, sed alio modo novationem explicat et dividit. Eo duce, novatio est substitutio novi debiti veteri debito, quod tum omnino extinguatur. Tribus modis fit: Quùm debitor novum debitum contrahit quod veteri substituitur quod perimitur; quùm novus debitor prisco debitori jam libero, substituitur; quum ex novo pacto, novus creditor prisco substituitur, cui nihil tunc debitor obligatur.

539. *Dub. 9°* quid sit delegatio?

R. Est species novationis; nam, ut ex Ulpiano colligitur *L. delegare 11, ff. de novat.* nihil est aliud quàm substitutio novi creditoris aut debitoris. Huic delegationi similis est solutio facta creditori creditoris, de quâ mox.

540. *Dub. 10°* quid sit compensatio?

R. Est debiti et crediti inter se contributio. *L. 1, ff. de compens.* Quando enim duo sibi mutuò sunt æqualiter debitores, utrumque debitum extinguatur, extra casus jure specialiter exceptos. Sic enim compensari non possunt debita regi vel reipublicæ, quæ vergunt in communem et publicam utilitatem, debita titulo depositi vel commodati. 2° Ad compensationem requiritur ut debitum sit certum vel ejusdem rationis, ac functionem recipiat. Unde, si non sunt ejusdem speciei, non est propriè compensatio, quanquàm debitor titulo retorsionis possit omittere restitutionem, donec alter vicissim restituat; ut ex *L. si non sortem 26, § si centum, ff. de conditione indebiti*, ostendit Molina D. 560. Compensatio, jure nostro, est reciproca et fictiva solutio, quæ inter duas personas debito mutuo sibi invicem obligatas, intervenit. Præter excepta à Voglero proposita, notantur in art. 1293 res injuriâ ablata, depositum, mutuum, res in quibus lex vetat injici manum, quæ omnes compensationi locum non admittunt. Vide Cod. civ. libro III. De acquirendo dominio, titulo 3, sectione 4. 3° Hæc compensatio differt ab illâ quam theologi communiter occultam compensationem vocitant, et quæ potius est recuperatio debiti per occultam invasionem.

541. *Dub. 11°* an solvens creditori sui creditoris, liberetur à debito? v. g., debes Titio centum, Titius etiam Caio debet centum: Caius qui non potest obtinere centum à Titio, petit illos à te.

R. Si Titius est contentus, utique satisfacis et es liber ab ulteriori debito. 2° Si Caius uti potest occultâ compensatione, non peccas graviter contra justitiam, dando centum Caio; quia Titius est irrationabiliter invitatus, et tu cooperaris ad justam et licitam compensationem. Dein hæc ratione Caius transfert jus suum in te: ergo, sicut Caius uti potest occultâ compensatione, sic et tu. Aliud foret, si Titius haberet alios creditores anteriores, quibus prius satisfacere deberet quàm Caio; tunc enim non posses Caio solvere centum, in hypothesi quòd Titius non posset omnibus creditoribus satisfacere. 3° Quamvis aliqui cum Molina discrimen faciant inter forum internum et externum, tamen C. de Lugo D. 21, n. 146, putat nullum esse faciendum, nisi fortè debitum sit occultum, quod in exteriori foro probari non potest, vel sit ex eorum genere pro quorum repetitione non conceditur actio civilis.

542. *Dub. 12°* quid sit cessio bonorum, et an excuset à restitutione?

R. Cessionem bonorum non satis distinguunt theologi ab illâ debitoris inopiâ quæ defectus, decoctiove æris vocatur, Gallicè, *faillite, banqueroute*, cùm de commercium agente sermo est, et *déconfiture*, dissolutio bonorum, cùm de alio quovis. Ut lucidiùs de hæc materiâ sentire detur, Codicis civilis instituta cum Codicis commercii dispositionibus conferre utile judicavimus.

Cùm negotiator æri alieno solvendo imparem se suspensis solutionibus declararit, deficere dicitur, bonorumque administrationem à die defectus vel

decoctionis amittit; art. 457 et 442 Cod. com. Actuum et stipulationum sit incapax, art. 444 et seq., sigillis appositis, nominatis agentibus et procuratoribus et syndicis, debitorum status evolvitur; præcavetur venundatione mobilium actibus servatorum et titulorum investigatione ne aliquid in fraudem creditorum agi queat, art. 449-514. Convocato creditorum conventum et compositio intervenire possunt inter eos et debitorem, quod Galli vocant *concordat*, par facultas in suspectum peris decocti non cadit. Hic duo accidere possunt: accipitur vel respicitur propositio concordatus. 1° Si utrumque adoptatur, tertia saltem parte creditorum assentiente, cessio voluntarie bonorum locus est: plerumque autem interest etiam creditorum, ut afflicto debitori aerumnis immeritis, assumptis cautionibus bonorum reddatur dispositio, quorum ope fidem in commercio et auctoritatem nominis sui redintegrando, postea debita exsolvere possit. Sæpius etiam fit ut remissione partim factâ debiti, deque quo cedebat prolatato, omnia in melius vertantur tum in creditorum gratiam, qui semper conscientie in foro jus pristinum asservant, tum in debitoris gratiam, qui non jam sibi vel bonis timet. Quamvis autem liberatus lege humanâ, debitor conscientie sue rationes impendere debet; scit enim componentes non alio modo potuisse rem tractare, damnumque perperossos, ne omnia simul amitterentur; proindeque omnis damni auctorem de restitutione integrâ teneri. 2° Vel non admittitur compositio; tunc contractus unionis creditorum constituitur miseriore debitoris fortunâ: omnium enim bonorum possessionem amittit quæ in syndicorum manus administranda venundandaque incidunt: aliquid tantum pecunie vel mobilium linquitur, ut suis suorumque necessitudinibus interdum subveniat; art. 529 Cod. com. quamvis de eâ questione fuerit disputatum, nullum jus aliud habet, nisi quod præfectus gerendis rebus, Gallicè, *commissaire de la faillite*, ipsi concedit, nec applicando locus est art. 592 simul cum art. 529 in debitoris gratiam, ut Rhodomagensi curiâ judicatum est, 4 februarii 1828. Etiam si adsit decoctionis præsumptio, ex primis verbis articuli 529 patet his victis habitisque providendum esse necessitatibus. Ampliori etiam gratiæ locus est ex articulo 550 Cod. com. si absit suspicio fraudis vel decoctionis; siquidem tunc permittitur pecuniam exposcere adjumenti ratione et opis, prout bona fides debitoris, familie ejus necessitudines et numerus, ipsum benevolentia dignum efficiunt; quidquid autem statuatur, dicendum est, ad conscientiam, non liberari à restitutione deficientem, nec decoquentem ares alienum, nec etiam illum qui negotiatoris titulo caret, et res sum dissolvit, quod Gallicè *déconfiture* vocatur, sed dilationis causam habere, donec locupletior rursus fiat.

Nunc verò quantum à decoctione cæterisque aris alieni disperditionibus distet cessio videndum est.

Cessio bonorum est derelictio à debitore facta bonorum omnium suorum, in gratiam creditorum, cum res alienum solvendo est impar; art. 1265 Cod. civ. li-

bet et debitorem pro rato tantum fortunarum eius dereliquit. Non ex se dominum bonorum cedenti eripit, publicandis solummodo creditores consulere possunt, fructibusque percipiendis, art. 129 nec nisi prius omnes Cod. proced. civ. formalitates complerint, art. 805-806 Cod. civ.

Duplex autem cessio, *voluntaria* et *judiciaria* seu in jure. Voluntaria, seu proprie *derelictio*, natis inter debitorem et creditores stat pactis: utrumque assensus unanims exigitur, absentibus enim creditoribus aut repugnantibus, jura in res et personam debitoris intacta forent, ex eo quod bona debitoris sint commune pignus debitorum ejus, ex art. 2093 Cod. civ. Ex quo sequitur venundationem bonorum in fraudem ipsorum factam intelligerent, si non assensu confirmarent. In materiâ tamen commercii adoptatur art. 549 et seqq. sententia, numeroque præstantiores legem cæteris imponunt. Ex articulo 1265 patet *omnia*, sine exceptione, bona cedentis esse declaranda, nisi fraudulentum silentii reus esse velit. Ex arbitrio creditorum pendet ut detrahatur in cedentis ejusque familie gratiam quedam pecunia ipsis subsidiaria. Cessio cum ex conventionibus solis vim suam mutuatur, ad creditorum arbitrium potest haberi ut solutio liberans ab ære alieno, quo casu optima fit in foro externo conditio cedentis; aliudè, ut diximus, non est debitis eximendi ratio capax, præsertim quoad conscientie forum internum in testimonium vocatur, quia nunquâ voluntaria est condonatio debiti, quanquam sit voluntario cessio à debente facta. Differt ergo cessio etiam voluntaria à compositione seu concordatu, 1° per tempus: compositio prævias formas Cod. proc. exigit; cessio nullas exposcit. 2° Per effectus: Illa quoad forum externum debitum extinguit: hæc jura creditorum integra servat; illa bonis debitorem non spoliât; hæc creditores in possessionem mittit, cum jure venundandi. 3° Per formas: hæc creditorum majorem partem pro iudicibus accipit; cessio autem unanimi iudicio accipi debet, excepto casu jam allato, quo cessio fiat una è conditionibus concordatus seu compositionis, quo casu in hujus normas incidit. Ex his etiam colligitur rarissimam esse voluntariam bonorum cessionem, siquidem compositio longè meliorem fortunam debitoris efficit, asperiusque cedentes Codex noster tractat, quàm ut se spontè spolient, nec derelictionis suæ mercedem in securitate bonorum futurorum inveniant, quod contrâ in compositione venit; speique illecebris ab eâ semper deterretur homo, nec melioris sortis instrumenta libenter abjicit.

Cessio judiciaria seu in jure, est ultimum remedium debitorum, quod leges meritò miserabile ac flebile appellant, et nihil est aliud quàm abdicatio juridica bonorum et jurium omnium in materiâ fortunarum, ut, quoniam creditoribus omnibus integrè satisfieri non potest, restitutio fiat à iudice secundum vires bonorum. Quibusdam in locis adjunguntur cæremonie, scilicet, cessor bonorum cogitur comparere nudus in publico.

* Cessio judiciaria, art. 1268 Cod. civ. descripta, est beneficium à lege concessum debitori infelici et bonæ fidei, quo ei licet, ut liberum corpus habeat, in jure omnem substantiam suam derelinquere quamvis aliud in pactis scriptum fuerit. Illud autem beneficium intra parvos limites coarctatur; siquidem, etsi lex statuatur, art. 2065 non nisi præcis casibus carceri civem exponi subeundo, quod propria laus est et commodum speciale cessionis, excluduntur benè multi, scilicet tutores, administratores, depositum habentes, fisci, publicorum ædium, hospitiorum bona gerentes, alienigenæ, qui fraudulentè alienum æs decoquunt, qui liberum esse hypothecis immobile mentiuntur, quamvis istis sit gravatum.

Sunt autem duo privilegia cessionis, nimirum, ut cessor bonorum ulterius molestari vel incarcerationi non possit (art. 1270 Cod. civ. et 568 Cod. comm.). Unde qui propter bona debita civilia non possunt incarcerationi, nunquam faciunt cessionem juridicam. Alterum est ut, si post cessionem aliqua bona fortè comparat, restituere plus non debeat quàm commodè possit, relicta parca et congrua sustentatione. * Severius jure Romano in cedentem se præstitit jus Gallicum: beneficium enim quod vocabatur *competentiæ*, de quo hic auctor verba habet, omnino explodit, ut supra diximus.

Quamvis leges civiles positivè non permittant ut à cessore bona quedam occultentur, prout contra Lessium contendit C. de Lugo, D. 21, n. 57. TT. tamen communiter docent, posse clam retineri quantum sufficit ut debitor tenuiter vivat secundum conditionem statûs, quod maximè locum habet in debitis sine delicto, nam si debita sint ex notoriis delictis, debitor obligabitur ad humiliorem statum. Et facultas Lovaniensis theologica censuravit hanc propositionem: *Qui cessit foro, potest sibi retinere bona quibus indiget ad sustentationem familiæ, licet debita, quibus cedit, sint ex injustitiâ vel notorio delicto contracta*: quam censuram approbavit synodus Namurensis anno 1659. Addit tamen C. de Lugo, cessorem bonorum qui bona quedam occultavit, non posse tam liberè privilegiis uti sicut alter qui nihil occultavit. Unde, si posterior ex acquisitis postea bonis tantum restituere debet quantum commodè potest, prior debet restituere plus.

* Ut imotescant nostri Codicis dispositiones quæ ad

penultimi ultimique paragraphi asserta spectant, remittimus ad omnia nuperrimè dicta de jure et officiis quæ cessionem obtinenti competunt, et ad art. 1270, Cod. civ. et 529 et 530, Cod. com. cum art. 592, Cod. Proc. collatis (1)*.

Si cessor bonorum postea perveniat ad pinguiorum fortunam, non excusatur ab ampliori restitutione, quia creditores juri suo propter cessionem absolutè non renuntiaverunt.

(1) Quo tempore opera Lessii (a.) Lyonnet et Vogleri prelo mandabamus, audivimus mox edendum esse curâ et impensis ter meritò à nobis laudati bibliopole Mequignon Junioris, tractatum de *Justitiâ*, auctore D. Carrières, S. Sulpitii professore emerito. Ex opere nondum vulgato aliquid excerptere pro specimine non licuit, et dolemus. Si autem de futuro per jam nota ominari fas est, diuturno successu honestabitur liber adeò faustis prodians auspiciis. Præter enim solitam quæ eminet scriptor diligentiam, peculiarium studia in evolvendâ parte theologiæ quæ ad *Justitiam Contractusque* spectat, D. Carrières diutissimè contulit, adeò perspicuè, ut seminarii fines fama ejus longè excesserit, nuncque temporis inter præcipuos tum moralis tum civilis jurisconsultos Europeanos emineat, siscitantibusque doctoribus sæpius respondeat, momentosâ semper auctoritate utriusque juris ambages illustrans. Quàm meritò tali laude inclaruerit æstimandi causam ministrant codices quos annuò dictavit theologiæ tiroinibus Sulpitiani, pro quibus magnum nomen est adeptus. Nec tamen ideò lectores nostri operis medullâ se destitutos esse querantur, siquidem in supradicti locum, luculentissimum edidimus tractatum D. Lyonnet, de *Justitiâ* versatum. Non humilis ille theologus pristinae disciplinæ fidem se præstitit, ita ut in Lugdunensi scriptore. Parisini et Sulpitiani præceptoris principia dignoscantur; auctoris verò nostri hæc laus est propria, ut non tritis gressibus servilem in modum insistat; idearum autem quas mutuavit orbem effodiendo, quidquid suspicatus est illustret, quidquid tangat legitimè suo dominio vindicet.

Tribus voluminibus constabit tractatus D. Carrières: cujus etiam exstant apud Mequignon Juniores tractatus de *Matrimonio* et *Annotationes ad Voglerum*; omnia laudatissima. Tum Gallorum, tum externorum quos habemus lectorum plurimi interest, ut eminentis viri scriptis sese instruant. Si quis autem ex subscriptoribus nostris, horum operum etsi cupidus, nolit directâ viâ cum eximio bibliopola conferre, justo pretio demandata opera immitti curabit administratio nostra. (Editores.)

(a) Lessium appellare omisimus, supra, cum ad ipsius opus de *Justitiâ* et *Jure* devenit. Celebrissimi hujus auctoris vitam reperire est in nostro Theologiæ volumine tertio, col. 785-786.



INDEX RERUM.

— 0 —

- HERMANN GOLDBACHEN VITA. 9-10
 APPENDICES AD DECALOGUM, NECNON PRÆAMBULA AD IUS ET JUSTITIAM. *Ibid.*
 MELLITEMA PUBLICO PHILOLOGICUM DE RELIGIONE HEBRÆORUM SUB LEGE NATURALI. *Ibid.*
 Pænotio chronologica. *Ibid.*
 EROTICATA PHILOLOGICA. — Pænotio. 11
 Erotica primum. Lex naturalis quid pro fundamento statuit vel requirit? *Ibid.*
 — II. Quæ generaliter sunt illa quorum lex naturalis homines admonuit? 15
 — III. Quibus potissimum rebus homines ante diluvium lege naturali viventes suam erga Deum religionem definebant? 17
 — IV. Quibus modis homines post diluvium, ante legem Mosaicam viventes, religiosi erga Deum fuerunt? 21
 — V. Utrum ante legem Moysis data fuit hominibus lex aliqua positiva divina? 25
 — VI. Quid de Noachidarum præceptis sentiendum est? 26
 — VII. Quibus modis homines ab avitâ religione ad idololatriam desciverunt? 27
 — VIII. Quam in ætatem idololatriæ initium est referendum? 28
 — IX. Quibus rebus vel personis divini honores præceteris sunt primò attributi? 50
 — X. Quâ ratione factum est ut res æternæ exstirparetur? *Ibid.*
 Tabula traditionis hereditariæ et domesticæ ab Adam usque ad Moysen. 51
 DISSERTATIO DE NOACHIDARUM PRÆCEPTIS. (Auctore Natali Alexandro.) 51-52
 — DE PRÆCEPTIS MORALIBUS LEGIS MOSAICÆ. (Auct. eod.) 53-40
 De extensione et ordine præceptorum Decalogi. *Ibid.*
 Propositio. Omnia præcepta legis naturæ, necnon omnia præcepta moralia veteris legis in Decalogo continentur, vel ad illum revocantur. Sic autem ordinata sunt Decalogi præcepta, ut tria ad primam tabulam, septem ad alteram pertineant. *Ibid.*
 — DE CEREMONIALIBUS PRÆCEPTIS LEGIS MOSAICÆ. (Auct. eod.) 45-46
 Articulus primus. De rituum Mosaicorum divisione et rationibus. *Ibid.*
 Propositio prima. Veteris legis ceremoniæ convenienter dividuntur in sacrificia, sacramenta, sacra et observantias. *Ibid.*
 Prop. II. Ceremonias Mosaicæ legis ratione destitutas qui dixerit, seipsum ratione destitutum probat. 47
 Prop. III. Ceremonialia præcepta ob eam præcipuè causam Hebræis Deus tradidit, ut eos ab idololatriâ averteret; eaque vel ipsorum rituum ratio est, quos e gentium moribus in legem transcriptos nonnulli perperam ac falsò asserunt. 50
 Art. II. De legibus ceremonialibus sacrificiorum. 74
 § 1. De sacrificiorum ratione. *Ibid.*
 Propositio. Sacrificia Israelitis non solum permitti Deus, sed præcipit; illa tamen non expetivit, tantùm illis indigens, aut quasi per se ei grata ac iucunda essent, sed aliarum rerum gratiâ, scilicet ad idololatriam abolendam, ad Christi sacrificium adumbrandum, ad spiritualia sacrificia, quæ exigebat ab hominibus, significanda. 74
 § 2. De sacrificiorum materiâ. 90
 § 3. De sacrificiorum fine variisque speciebus. 98
 Art. III. De legibus ceremonialibus sacramentorum. 107
 § 1. De rationibus huiusmodi legum. *Ibid.*
 Propositio prima generalis. Ad reverentiam singularem Deo epusque sacris ac ministris conciliandam, necnon ad mysteria Christi significanda, late sunt leges ceremoniales sacramentorum. *Ibid.*
 § 2. De tabernaculi origine. 111
 Prop. II. Tabernaculum ex profanâ gentium religione originem non duxit, sed ex Dei sapientiâ et voluntate. *Ibid.*
 § 3. De structurâ tabernaculi, seu præcipuis illius partibus, archâ, Cherubim, altaribus. 117
 § 4. De vestibus sacerdotalibus, ac de Urim et Thummim. 155
 § 5. De solemnitatibus veteris legis. 159
 Art. IV. De Legibus ceremonialibus sacramentorum veteris legis. 174
 § 1. De circumcisione. 175
 § 2. De consecratione sacerdotum veteris legis. 177
 § 3. De paschalis agni manducatione. 180
 § 4. De panum propositionis et aliorum consecratorum usu. 181
 § 5. De purificationibus ac lustrationibus, variisque legalium pollutionum speciebus. 182
 § 6. De expiatione generali Israelitarum, et de hirci emissario. 200
 servantis spectantibus. 211
 § 1. De legalibus observantiis sacerdotes spectantibus, quoad matrimonia præsertim et funera. *Ibid.*
 § 2. De observantiis populum universum spectantibus, et primò de ciborum discrimine. 216
 § 3. Lex de sexûs utriusque apparatu et vestitu non confundendo. 228
 § 4. Lex vestem ex lino et lanâ mixtam prohibens. 251
 § 5. Lex de fimbriis et phylacteriis. 252
 § 6. Lex diversorum seminum commixtionem prohibens. 254
 § 7. Lex de primis agrorum inculcatorum fructibus per tres annos non comedendis. 255
 § 8. Lex de solutione decimarum. 257
 § 9. Lex animalium diversi generis conjunctionem prohibens. 259
 § 10. De aliis quibusdam circa animalia observantiis Mosaicâ lege præscriptis: scilicet de ore bovi trituranti non alligando; de aviculâ matre cum pulis non tenendâ; de hædo in lacte matris non coquendo. 240
 — DE JUDICIALIBUS, SIVE FORENSIBUS LEGIS MOSAICÆ PRÆCEPTIS. (Auct. eod.) 247-248
 Articulus primus. De præceptis judicialibus spectantibus principes; et de theocratico Israelitici populi regimine. *Ibid.*
 Art. II. De præceptis judicialibus spectantibus populares et concives ad invicem comparatos. 253
 Art. III. De præceptis judicialibus extraneos spectantibus. 263
 Art. IV. De præceptis judicialibus conversationem domesticam spectantibus. 271
 — DE CANONIBUS APOSTOLICIS. (Auct. eod.) 279-280
 Propositio prima. Canones Apostolici octoginta quinque ab Orientalibus Ecclesiis recepti sunt, Sexto ineunte seculo, ante quinti sæculi suprema in Oriente non probati. *Ibid.*
 Prop. II. Initio sexti sæculi quinquaginta canones

- apostolorum in Ecclesie Latinae codicem relati sunt, non tamen inter ecclesiasticas regulas ab omnibus Ecclesiis statim admissi. Attamen obtinere auctoritatem 50 illi canones per Occidentalem Ecclesiam universam 55 posterioribus rejectis. 285
- Prop. III. Canones apostolici inscripti, nedum 55 posteriores, verum et priores 50 sunt Apostolis suppositi et pseudopigraphi. 286
- Quæst. quo tempore et à quo confecti sint canones Apostolici? 306
- DE CONSTITUTIONIBUS APOSTOLICIS. (Auctore eodem.) 309-310
- Propositio prima. Constitutiones Apostolorum sunt apocryphæ, ab Apostolorum et Ecclesie doctrinâ alienæ; ipsis adeo Apostolis et Clementi Romano suppositæ. *Ibid.* 319
- Scholion. 319
- DE NOVIS CANONIBUS CONCILII ANTIOCHENI APOSTOLORUM. (Auct. eod.) 321-322
- Propositio. Novem canones Antiochenæ Apostolorum synodo adscripti, sunt apocryphi et planè supposititii. *Ibid.*
- DE EPISTOLIS DECRETALIBUS VETERUM PONTIFICUM ROMANORUM, USQUE AD SIRICIVM. (Auctore eodem.) 323-324
- Articulus primus. Utrum Epistolæ decretales Romanorum pontificum genuinæ sint. *Ibid.*
- Propositio. Veterum pontificum Romanorum, ad Siricum usque, Epistolæ supposititiæ sunt. 325
- Scholion. 356-357
- Art. II. Quis Epistolas illas fabricaverit, ac priscis pontificibus supposuerit? 358
- Appendix ad præcedentem dissertationem, de variis juris canonici collectionibus. 340
- DE PRÆCIPUORUM ECCLESIE FESTORUM NUMERO ET INSTITUTIONE. (Auctore Bouvier.) 347-348
- § 1. De præcipuis festis in honorem Dei et Domini
- § 2. De festis in honorem beatæ Mariæ Virginis. 357
- § 3. De præcipuis festis sanctorum. 346
- 1º De angelis. *Ibid.*
- 2º De sanctis veteris Testamenti. 367
- 3º De sanctis novi Testamenti. 368
- De ritu celebrandi festa. 371
- De festis suppressis. *Ibid.*
- De festis translatis. 372
- De festis patroni et titularis. 374
- JURIS NATURÆ ET GENTIUM PRINCIPIA ET OFFICIA**, ad christianæ doctrinæ regulam exacta et explicata. (Auctore Suarez, cum notis Guarini Parmenitanti.) 375-376
- Dissertatio præliminaris. *Ibid.*
- § 1. De philosophis Græcis. 377
- § 2. De Romanis. 378
- § 3. De Christianis et SS. Patribus. 379
- § 4. De acatholicis eorumque in catholicos scriptores calumniis. 380
- § 5. De acatholicorum in sanctos Patres convitiis. 381
- § 6. De recto juris naturæ usu. 384
- § 7. De rectâ ascendendi juris naturæ ratione. 388
- Operis totius idea et series. 389
- PARS PRIOR. De juris naturæ et gentium principiis.**
- De legē in genere. 395
- Quomodo lex differat à præcepto. *Ibid.*
- Puffendoriana legis definitio excluditur. 396
- Grotiana legis definitio non planè probatur, sed malè à Puffendorfo rejicitur. *Ibid.*
- Barbeyraciana legis definitio rejicitur. 397
- Quæ potestas requiritur in ferente legem? *Ibid.*
- Quæ requiruntur ex parte legislatoris et ex parte legis? 398
- In quem ferri potest lex? *Ibid.*
- De vi obligandi in qualibet lege. 399
- Quid sit lex æterna? *Ibid.*
- Quos respicit lex æterna? 400
- Quomodo lex æterna obliget? *Ibid.*
- Quomodo promulgetur? 400
- De lege naturali. 401
- Quomodo insinuetur lex naturalis? *Ibid.*
- De repugnantia peccati merè philosophici cum in Suarezii, tum in aliorum Catholicorum sententiâ. 402
- Hobbesii de lege naturali errores. 405
- Acatholicorum de lege naturali sententiæ. 404
- De legis naturalis definitione sine ullâ ad Deum relatione. *Ibid.*
- De perpetuitate legis naturalis. 406
- Legis naturalis immutabilitas. *Ibid.*
- De honestate mutabili vel immutabili rei. 407
- Quid alii opinentur de hac legis immutabilitate. *Ibid.*
- De legis naturalis firmitate. 408
- De multiplici præceptorum juris naturæ genere. *Ibid.*
- De multiplici in divinis attributis ratione. 409
- An Deus unquam in lege naturæ dispensaverit? *Ibid.*
- De Puffendorffii in suis principiis inconstantia. *Ibid.*
- De principiis cognoscitivis legis naturalis. 411
- De variâ acceptione principii cognoscitivi juris naturæ. 412
- De principio proximè cognoscitivo. *Ibid.*
- De Grotii et Puffendorffii principii cognoscitivis juris naturalis. 414
- Improbatur socialitatis prædictæ systema. *Ibid.*
- De Cumberlandi principio juris naturæ cognoscitivo. 415
- De Heineccii principio juris naturæ cognoscitivo. 416
- De Wolfii principio cognoscitivo juris naturalis. *Ibid.*
- Rejicitur illud Wolfii principium. *Ibid.*
- Confirmatur nostrum juris naturæ principium cognoscitivum. 417
- De proprietatibus principii juris naturæ proximè cognoscitivi. 418
- De jure gentium. 420
- De prima juris gentium constitutione. 421
- Juris gentium existentia contra Puffendorffium et Barbeyracium. *Ibid.*
- Idem jus gentium ab Heineccii objectionibus vindicatur. 422
- Grotii in jure gentium cum Catholicis consensio, et mala Barbeyracii censura. 423
- De convenientiâ et disconvenientiâ inter jus naturæ et jus gentium. 425
- De jure gentium apud jurisconsultos. *Ibid.*
- De proprietatibus juris gentium. 426
- Causa juris gentium constituendi. *Ibid.*
- Finis juris gentium. *Ibid.*
- Discrimen juris gentium à jure naturali. 427
- Exempla mutationis factæ in jure gentium. 428
- Facilior juris gentium quàm juris naturalis ignorantia. 429
- De differentiâ inter jus gentium et civile. *Ibid.*
- De verâ juris gentium notione. 430
- Exempla juris gentium ab hominibus constituti. *Ibid.*
- Satisfit Heineccii oppositionibus. 431
- Suarezii ratio pro jure gentium admittendo. 432
- PARS POSTERIOR — De officiis juris naturæ et gentium.** *Ibid.*
- De officiis erga Deum. 433
- De Fide. *Ibid.*
- De Spe. *Ibid.*
- De Charitate. 434
- De Penitentia. *Ibid.*
- De Religione. 435
- De officiis erga seipsum. 436
- De officiis erga proximum. 437
- De hominum societatibus. *Ibid.*
- De hominum dominio in homines. 438
- De hominum dominio in bona. 440
- De mutuâ hominum charitate. *Ibid.*
- De officiorum concursu et mutuâ collisione. 442
- Epilogus. 443
- TRACTATUS DE JUSTITIA.** (Auct. Lessio.) 443-446
- SECTIO PRIMA. DE JUSTITIA, JURE ET SPECIERIS JURIS IN GENERE.** *Ibid.*
- Caput primum. De justitiâ generatim. (Habet 4 dubia.)

- Dubitatio prima.** Quid sit iustitia. *Ibid.*
 Dub. II. Utrum iustitia tantum versetur circa actiones an etiam circa passionem. 448
 Dub. III. Utrum præter iustitiam particularem sit aliqua iustitia generalis, quæ legatis dicatur, et quid ibi sit. 449
 Dub. IV. Utrum iustitia particularis recte dividatur in distributivam et commutativam. 455
 Cap. II. De ipso Jure in genere. (Habet 2 dubitationes.) 455
Dubitatio prima. Quid sit jus, et quodnam sit iustitiae obiectum. *Ibid.*
 Dub. II. Quomodo Jus secundum varias acceptiones dividatur. 458
 Cap. III. De speciebus juris realibus: ut sunt dominium, usufructus, possessio, et alia quaedam. (Habet 45 dubitationes.) 459
Dubitatio prima. Quid sit dominium in genere, et quænam ejus species. *Ibid.*
 Dub. II. Quid sit dominium perfectum, seu plenum. 461
 Dub. III. Quenam requirantur ad dominii acquisitionem. 462
 Dub. IV. Quidnam sit usufructus. 464
 Dub. V. Quomodo usufructus amittatur. 466
 Dub. VI. Quid sit usus. 467
 Dub. VII. Quid sit servitus apud jurisperitos. *Ibid.*
 Dub. VIII. Utrum distinguatur usus a dominio, in rebus quæ ipso usu consumuntur. 468
 Dub. IX. Quid sit possessio. 471
 Dub. X. Quomodo dividatur possessio. 472
 Dub. XI. Quibus modis acquiratur possessio. 475
 Dub. XII. Quomodo amittatur possessio tum mobilium tum immobilium. 474
 Dub. XIII. Quid privilegii conferat possessio. 475
 Cap. IV. Quibus et in quæ dominium competat. (Constat II dubitationibus.) 476
Dubitatio prima. Utrum soli naturæ rationali dominium competat. *Ibid.*
 Dub. II. Utrum parvuli ante usum rationis habeant verum dominium. 478
 Dub. III. Utrum filii familias sub patris potestate constituti habeant dominium, et quarum rerum. *Ibid.*
 Dub. IV. Utrum servi habeant dominium aliquarum rerum. 480
 Dub. V. Utrum religiosi habeant aliquarum rerum dominium. 482
 Dub. VI. Utrum clerici non religiosi habeant aliquorum bonorum dominium; et quorum. 488
 Dub. VII. Utrum clerici habeant dominium bonorum immobilium Ecclesie et suppellectilis sacre. 498
 Dub. VIII. Utrum omnia homine inferiora cadant sub ejus dominium. *Ibid.*
 Dub. IX. Utrum homo cadat sub dominium alterius hominis. *Ibid.*
 Dub. X. Utrum homo sit dominus vite sue et membrorum. 499
 Dub. XI. Utrum homo sit dominus suæ famæ et honoris. 500
 Cap. V. De modo acquirendi dominii in res quæ vel nullius vel communes sunt; ubi de mancipiis, venatione, piscatione, aucupio, thesauris. (Constat 18 dubitationibus.) 501
Dubitatio prima. Quomodo facta sit prima rerum divisio, seu distinctio dominiorum. *Ibid.*
 Dub. II. Utrum hæc divisio dominiorum licita fuerit, et commoda humano generi. 502
 Dub. III. Quo jure facta sit hæc divisio. 504
 Dub. IV. Quibus modis acquiratur dominium in homines, seu mancipia. 505
 Dub. V. Utrum servi ita transeant in dominorum potestatem, ut non possint fugere. 507
 Dub. VI. Quæ animalia licite occupentur venatione, piscatione, aucupio. 510
 Dub. VII. Utrum principes possint jure prohibere venationem, piscationem et aucupium in locis publicis

- juris. 512
 Dub. VIII. Utrum quis possit venari in prædio vel sacro antiquo. 514
 Dub. IX. Quomodo peccet, et in quædam ad restitutionem is qui contra prædictam prohibitionem venatur, aucupatur, piscatur. 516
 Dub. X. Utrum fœtus in utero vulnerato, et postea ab matre captus, sit iustus an iniquus. 519
 Dub. XI. Utrum fœtus in utero lapsum capiat ut meus, an ejus qui forte superveniens lapsum excipit et abstulit. 520
 Dub. XII. Utrum venæ metallorum auræ et argenti concessæ debeant in nullius dominio, sicut fœta, et fiant primo occupantis. 521
 Dub. XIII. Utrum jure prohiberi possit pastio et hæcatio in pascuis vel sacra republicæ. 522
 Dub. XIV. Quale peccatum sit, contra justam prohibitionem pascere vel hæcatio exercere. *Ibid.*
 Dub. XV. Quomodo acquiratur dominium in thesauros. 525
 Dub. XVI. Qui cedat, si in loco publico vel sacro inveniat. 525
 Dub. XVII. Quid si per magnum repertus sit. 526
 Dub. XVIII. Quenam dicantur haberi pro derelicto, nam ut dominium eorum concedatur primo occupanti. *Ibid.*
 Cap. VI. De modo acquirendi dominii in rem alterius absque ejus consensu, quod fit præscriptione. (Habet 18 dubitationes.) 528
Dubitatio prima. Quid sit præscriptio et usucapio. *Ibid.*
 Dub. II. Quæ conditiones requirantur ad præscriptionem seu usurpationem. 529
 Dub. III. Utrum dubitans an res sit sua, censeatur bona fide eam possidere. 532
 Dub. IV. Si quis dubitans an res sit sua, simul dubitet an liceat eam retinere, et tamen retineat, utrum bona fide continueat possessionem, an malâ. 535
 Dub. V. Utrum si quis ex ignorantia juris rem usurpet ut suam, suamque esse existimet, habeat bonam fidem sufficientem ad præscribendum. 534
 Dub. VI. Utrum aliquando cum malâ fide procedat præscriptio. 539
 Dub. VII. Quantum temporis requiratur ad usucapionem rerum mobilium. 541
 Dub. VIII. Quantum temporis requiratur ad immobilium præscriptionem, sive contra privatum, sive contra Ecclesiam, vel piam causam. 544
 Dub. IX. Quanto tempore præscribantur servitutes, et quanto amittantur. 546
 Dub. X. Quanto tempore præscribatur jus patronatus (id est, jus presentandi ad beneficium), et beneficium ipsum. 548
 Dub. XI. Quanto tempore præscribantur debita, actiones, hypothecæ, legata, fideicommissa et majoratus. 550
 Dub. XII. Quanto tempore possit præscribi adversus principem. 555
 Dub. XIII. Quanto tempore præscribat qui rem accipit a possessore malæ fidei, vel eo qui malâ fide tradidit. 555
 Dub. XIV. Quantum temporis requiratur ut consuetudo præscribat contra legem. 559
 Dub. XV. Quæ res non possint præscribi. 564
 Dub. XVI. Quando præscriptio dicatur non procedens, dormire, interrumpi. 565
 Dub. XVII. Utrum qui legitime præscripsit rem aliquam, si termino præscriptionis elapso, constet fuisse alienam, teneatur eam restituere. 566
 Dub. XVIII. Quibusnam adversus præscriptionem restitutio in integrum concedatur. 568
 Sectio SECUNDA. DE INJURIIS ET DAMNIS IN OMNIBUS HUMANORUM BONORUM GENERIBUS, ET NECESSARIA RESTITUTIONE. 567-568
 Cap. VII. De injuriâ et restitutione in genere. (Habet 10 dubitationes.) 569
Dubitatio prima. Quid sit injuria et injuria. *Ibid.*
 Dub. II. Utrum aliquis dicatur injustus, eo ipso quod faciat aliquid injustum. 570

- Dub. iii. Utrum aliquis possit pati injustum volens. 571
 Dub. iv. Quid sit restitutum, et cuius virtutis actus. 574
 Dub. v. Ex quibus capitibus generatim nascatur obligatio restitutionis. 575
 Dub. vi. Utrum nascatur obligatio restituendi ex damno dato absque culpa vel per culpam levem extra officium et contractum. 576
 Dub. vii. Utrum nascatur obligatio restituendi ex damno, culpa levi vel levissima in officio vel consilio dando, commisso. 580
 Dub. viii. Utrum nascatur obligatio restitutionis damni ex culpa levi vel levissima, quando intercessit contractus commodati, conducti, depositi, pignoris, vel alterius similis. 581
 Dub. ix. Utrum oriatur obligatio restitutionis ex damno dato cum ignorantia comitante. 585
 Dub. x. Utrum restitutio sit necessaria ad salutem. 586
 Cap. VIII. De injuriis et damnis in rebus spiritualibus, et necessaria restitutione. (Complectitur 5 dubitationes.) 587
 Dubitatio prima. Utrum is qui privat aliquem per injuriam aliquo sensu, vel usu rationis, philtro, veneno, vel alio modo, teneatur ad restitutionem. *Ibid.*
 Dub. ii. Utrum is qui alterum graviter laesit in bonis animæ, pertrahendo ad peccatum, teneatur ad aliquam restitutionem. 588
 Dub. iii. Utrum is qui avertit aliquem à religione quam volebat ingredi, vel ingressum extraxit, teneatur ad aliquam restitutionem. 590
 Cap. IX. De injuriis in corpus proximi per homicidium vel mutilationem, et de necessaria restitutione. (Habet dubitationes 26.) 594
 Dubitatio prima. Utrum liceat occidere aliquid vivens. *Ibid.*
 Dub. ii. Utrum liceat occidere peccatores. 595
 Dub. iii. Utrum privata auctoritate liceat interficere maleficos. *Ibid.*
 Dub. iv. Utrum homini privato liceat interficere tyrannum. 596
 Dub. v. Utrum licitum sit occidere filiam in adulterio deprehensam, vel ipsum adulterum. 598
 Dub. vi. Utrum liceat seipsum interficere. 600
 Dub. vii. Utrum in aliquo eventu liceat interficere innocentem. 603
 Dub. viii. Utrum liceat alterum occidere in vitæ suæ defensionem. 607
 Dub. ix. Si is qui invaditur non possit se tueri, nisi cum periculo innocentis, quo invasor se protegit, utrum ei liceat se cum illo periculo defendere. 612
 Dub. x. Utrum ad conservationem vitæ matris liceat præbere pharmacum, quo proles putetur mortua. 615
 Dub. xi. Utrum liceat occidere furem, in defensionem suarum facultatum. 616
 Dub. xii. Utrum pro defensione pudicitiae et honoris liceat occidere eum qui tentat violare. 619
 Dub. xiii. Utrum pro defensione alterius liceat occidere invasorem, et an ad hoc teneamur. 625
 Dub. xiv. Utrum aliquando licitum sit se mutilare, et quibus eventis. 625
 Dub. xv. Quando homicidium casuale sit peccatum, et quando non. 628
 Dub. xvi. Utrum mors vel aliud damnum alicui tertio ex tuo maleficio obveniens, tibi imputetur. 631
 Dub. xvi. Utrum homicidium vel aliud damnum irrogatum per mancipium tuum, vel animal, tibi imputetur, et quid si per filium. 635
 Dub. xviii. Utrum homicidia et damna quæ inferuntur per triremes Turcarum imputentur remigibus Christianis ibi captis, ita ut peccent contra justitiam, vel saltem contra charitatem. 635
 De restitutione ad quam tenetur homicida. 636
 Dub. xix. Quantum teneatur homicida vel mutilator restituere. *Ibid.*
 Dub. xx. Quomodo æstimatio lucri futuri facienda est, cum ignoretur quamdum fuisset victurus. 637
 Dub. xxi. Quantum teneatur restituere, qui modum justæ defensionis excessit. 639
 Dub. xxii. Utrum quando homicida sustinuit poenam talionis, debeat fieri damnorum compensatio. 640
 Dub. xxiii. Utrum sit aliquid restituendum pro vitâ, membro vel cicatrice. 641
 Dub. xxiv. Utrum aliquid restituendum pro expensis funeris. 645
 Dub. xxv. Utrum animæ occisi aliquid restituendum ex justitiâ. 644
 Dub. xxvi. Utrum tantummodo uxori et liberis, an etiam aliis restituere teneatur, ut creditoribus et iis quos occisus alebat. *Ibid.*
 Cap. X. De injuriis in corpus proximi per stuprum et adulterium, deque congruâ restitutione. (Constat 7 dubitationibus.) 647
 Dubitatio prima. Utrum stuprum, si fiat consentiente puellâ, contineat specialem deformitatem vel injuriam supra simplicem fornicationem. *Ibid.*
 Dub. ii. Ad quid teneatur corruptor virginis, si non promisit ei conjugium. 649
 Dub. iii. Ad quid teneatur corruptor, si eam deceptis promissione conjugii. 651
 Dub. iv. Utrum is qui ante voverat ingredi Religionem, si postea puellam sub promissione verâ vel fictâ matrimonii deceiverit, possit ingredi. 654
 Dub. v. Utrum adulter teneatur aliquid restituere marito adulteræ pro injuriâ, si partus non sit secutus. 656
 Dub. vi. Utrum si secutus sit partus, teneatur adulter ad restauranda damna quæ consequuntur marito vel hæredibus legitimis, ex sustentatione ejus et hæreditatis partitione. *Ibid.*
 Dub. vii. Ad quid teneatur adulter si secutus sit partus. 659
 Cap. XI. De injuriis famæ et honoris per detractionem et contumeliam, deque necessariâ restitutione. (Complectitur dubitationes 27.) 662
 Dubitatio prima. Quid sit fama et honor, et quomodo distinguantur. *Ibid.*
 Dub. ii. Quid sit detractio. 665
 Dub. iii. Quale peccatum sit detractio. 664
 Dub. iv. Utrum auditor detractoris peccet mortaliter. 666
 Dub. v. Utrum audita vel alia quelibet referens absque asseveratione et dubitanter, peccet mortaliter, et teneatur restituere. 667
 Dub. vi. Utrum sit peccatum mortale infamare seipsum. 668
 Dub. vii. Utrum possit quis sibi falsò crimen imponere, ad vitanda tormenta, præsertim si ob id esset extremo supplicio afficiendus. 669
 Dub. viii. Utrum ad vitanda gravia tormenta, possis alterius peccatum occultum vel aliud secretum pandere, præsertim si ipsi inde mors immineat. 675
 Dub. ix. Utrum possim manifestare alterius crimen occultum, ad impediendum damnum proximo impendens. 675
 Dub. x. Utrum liceat infamare eum qui fictis virtutibus sibi famam paravit, vel qui crimen commisit cui jure infamia est annexa. 676
 Dub. xi. Utrum revelare crimen proximi uni vel duobus, quibus dicere perinde sit ac si nulli diceretur, sit peccatum mortiferum. 677
 Dub. xii. Utrum injuriam sibi ab aliquo factam referens amico, peccet. 678
 Dub. xiii. Utrum crimen proximi, quod publicum est in aliqua civitate, liceat alibi patefacere, ubi ignoratur. *Ibid.*
 Dub. xiv. Utrum eum qui uno aut altero crimine infamis est, liceat de aliis infamare. 681
 Sequitur altera pars hujus capituli. — De famæ restitutione, quomodo, quibus et à quibus faciendâ. 682
 Dub. xv. Utrum fama cum periculo vitæ sit restituenda. *Ibid.*
 Dub. xvi. Utrum, si fama restitui nequeat, debeat pe-

- cumia compensari. 685
- Dub. xvii. Utrum, si fama alia viâ sit reconciliata, teneatur infamator eam restituere, v. g., si viro in gravium testimonio vel probatio vitæ penitus abstergerit infamiam. 685
- Dub. xviii. Utrum si infamia jam penitus abierit in oblivionem, sit restituenda, v. g., infamavit adolescentem puellam, se illi pudicitiam expresse, deinde temporis successu homines penitus obliviscuntur. 686
- Dub. xix. Utrum totum damnum, quod sequitur ex infamia, sit compensandum. *Ibid.*
- Dub. xx. Quomodo fama est restituenda. 687
- Dub. xxi. Utrum heredes infamatoris teneantur ad famam restitutionem, si ipse eam non restituit. 689
- Dub. xxii. Utrum is teneatur ad restitutionem famæ qui bonâ fide existimans esse virum et pulchrum, narravit et infamavit proximum; item quid si auditors de alio intellexerint. *Ibid.*
- Dub. xxiii. Utrum prelati non impediens infamatorum teneatur ad restitutionem. 692
- Dub. xxiv. Utrum restitutio famæ possit condonari, præsertim a prelato. 695
- Dub. xxv. Utrum in restitutione famæ fieri possit compensatio. 694
- Dub. xxvi. Quenam excusant famæ restitutionem. 696
- Dub. xxvii. Utrum honor sit restituendus, et quo modo. 697
- Cap. XII. De injuriis fortunarum per furtum, rapinam, damnumve illatum; et de necessariâ restitutione ob hanc causam. (Constat dubitationibus 20.) 699
- Dubitatio prima. Quid sit furtum. *Ibid.*
- Dub. ii. Utrum furtum et rapina differant specie. 701
- Dub. iii. Utrum fur et raptor continue peccent donec restituant. *Ibid.*
- Dub. iv. Quibus modis istud peccatum actuale inique detentionis interruptatur. 704
- Dub. v. Utrum, dum quis utitur re alienâ quam detinet invito domino, peccet novo peccato, quoti scumque id facit. 705
- Dub. vi. Quale peccatum sit furtum. *Ibid.*
- Dub. vii. Utrum is qui minutis furtis intendit surripere quantitatem notabilis pretii, peccet mortificare. 708
- Dub. viii. Utrum is qui per furti minima non intendit acquirere rem notabilem, sed ex occasione ea committit, peccet mortificare. 709
- Dub. ix. Quando plures uni per minuta furti grave damnum inferunt, ut cum multi vineam prætercuntes botrum unum vel duos carpunt, utrum singuli peccent mortificare, et teneantur ad restitutionem. 712
- Dub. x. Utrum occultè vindicare rem suam vel sibi debitam, surripiendo eam alteri, sit peccatum mortificare. 715
- Dub. xi. Utrum aliquando liceat vim adferre debitori, si aliter nequeas rem tuam obtinere. 716
- Dub. xii. Utrum in extorsâ vel etiam in gravi necessitate, licitum sit aliena surripere. *Ibid.*
- Dub. xiii. Quando filius peccet mortificare, accipiendo vel expendendo bona paterna, et quando non. 719
- Dub. xiv. Quando uxor peccet mortificare, capiendo et donando ex bonis mariti, vel quorum ille habet administrationem, et quando non. 721
- Dub. xv. Utrum, si res furtiva pereat, fur teneatur ad restitutionem. 725
- Dub. xvi. Utrum fur et quisvis alius iniquus possessor teneatur restitutionem facere juxta summam estimationem quam tempore detentionis habuit. 727
- Dub. xvii. Utrum fur et quisvis alius male fidei possessor, fructus perceptos, et eos qui percipi poterant, teneatur restituere. 751
- Dub. xviii. Utrum is qui alteri est causa damni, sive
- impediendo ab aliquo bono, sive aliquid aliâ ratione, teneatur ad restitutionem. 754
- Dub. xix. Utrum, si quis damnum a liberis in re alioque in dâs et secuto teneatur restituere, potius an si adultus esset, respondere. 745
- Dub. xx. Utrum qui in tempestate quærit merces alienas teneatur ad satisfactionem damnum. *Ibid.*
- Cap. XIII. De compensationibus ad damnum vel furtum. Complectitur dubitationes 11. 744
- Dubitatio prima. Quid modis censeatur quis mediate cooperari ad damnum alterius. *Ibid.*
- Dub. i. Utrum si per mediate cooperatus, semper teneatur ad restitutionem, an solum quando simul causa sine qua damnum non fieret. 746
- Dub. ii. Quomodo cooperatio positive cooperari, nempe jussione, consilio, consensu, palpetitione, receptione et participatione, sit censenda causa damni. 747
- Dub. iii. Utrum is qui aliquo horum sex modorum cooperatur, teneatur in solidum. 754
- Dub. v. Quo ordine teneantur isti in solidum restitutionem facere. 756
- Dub. vi. Utrum inter causas secundarias quæ teneantur post executorem, videlicet inter consultorem, consentientem, animantem, receptorem et subministrantem, sit aliquis ordo in restituendo. 759
- Dub. vii. Quando plures sunt cause damni quæque principes, vel quæ secundariæ, quæ videantur a quæ contulisse ad totum damnum, ad quid singulæ teneantur? 760
- Dub. viii. Utrum, si is qui damnum accepit, uni sociorum obligationem restituendi condonet, reliqui maneant liberi. 761
- Dub. ix. Quomodo censeatur quis causa damni negativè. 762
- Dub. x. Utrum qui hoc modo causa damni fuere, semper teneantur ad restitutionem. *Ibid.*
- Dub. xi. Utrum hi teneantur in solidum, et quo ordine. 766
- Cap. XIV. De restitutione ratione rei acceptæ, et cui facienda restitutio. (Habet dubitationes 9.) 767
- Dubitatio prima. Utrum is qui bonâ fide rem consumpsit, vel alienavit, teneatur postea ad restitutionem. *Ibid.*
- Dub. ii. Utrum possessor bonæ fidei teneatur etiam fructus perceptos restituere. 768
- Dub. iii. Utrum, si emeris rem furtivam bonâ fide, tenearis eam domino reddere; an verò possis dissolvere contractum, recepto pretio. 770
- Dub. iv. Utrum, si dubites an res sit aliena, possis eam accipere, retinere, alienare. 772
- Dub. v. Utrum qui bonâ fide rem alienam, quam ab alio emerat, vendidit domino comparante, teneatur contractum venditionis rescindere, reddito pretio emptori cui vendidit, an sufficiat cedere ei suâ actione. 775
- Dub. vi. Utrum bona et debita incerta, id est, quorum incertus est dominus vel creditor, sint pauperibus restituenda. 775
- Dub. vii. Cui facienda restitutio inventorum, habentium dominum, sed incertum, et an inventor possit ea sibi retinere. 779
- Dub. viii. Utrum acceptum ob turpem causam sit necessariò restituendum, et cui. 780
- Dub. ix. Utrum acceptum ob causam honestam, ad quam tamen obligaris (v. g., ut facias vel omittas quod tenearis facere vel omittere), debeat restitui. 785
- Cap. XV. De ordine in restitutione servando, deque loco et expensis. Complectitur dubitationes 8. 786
- Dubitatio prima. Utrum debita certa sint prius solvenda quam incerta. *Ibid.*
- Dub. ii. Utrum inter debitores certos prius solvendum sit venditori, cui pretium nondum est solutum re venditâ existente. 788
- Dub. iii. Utrum debita ex delicto præferenda sint debitis ex justo contractu. 790
- Dub. iv. Quis erit si servandus in solutione certus

rum debitorum.	792	III. De pastione.	852
Dub. v. Utrum prius petenti liceat prius solvere.	796	§ 2. De inventione.	<i>Ibid.</i>
Dub. vi. Utrum regula illa juris: <i>Qui prior est tempore potior est jure</i> , possit extendi ad creditores personales.	797	Num. 1. De thesauro.	<i>Ibid.</i>
Dub. vii. Utrum inter chirographarios carentes privilegio praelationis possit satisfieri pauperi omittitur.	798	Num. 2. De rebus nuper amissis.	855
Dub. viii. Quo loco et cujus expensis facienda sit restitutio.	<i>Ibid.</i>	Num. 3. De bonis derelictis.	859
Cap. XVI. De causis excusantibus à restitutione, vel omnino, vel ad tempus. (Constat dubitationibus 12.)	801	Num. 4. De bonis vacantibus.	860
Dubitatione prima. Quae inopia vel impotentia excuset debitorem à restitutione.	<i>Ibid.</i>	§ 3. De accessione.	<i>Ibid.</i>
Dub. ii. Utrum remissio debitoris excuset.	809	Num. 1. De jure accessionis in fructus rei.	<i>Ibid.</i>
Dub. iii. Utrum cessio honorum excuset à restitutione.	810	Num. 2. De jure accessionis ad res rei unitas.	<i>Ibid.</i>
Dub. iv. Utrum, si restitutio putetur creditori vel alteri necitura, possit differri.	812	Punctum primum. De jure accessionis ad res immobiles.	<i>Ibid.</i>
Dub. v. Utrum, si id quod tibi debeo solvam tuo creditori, liberer à restitutione tibi faciendâ.	814	Punct. ii. De jure accessionis ad res mobiles.	861
Dub. vi. Utrum rei debite interitus excuset.	<i>Ibid.</i>	§ 4. De prescriptione.	862
Dub. vii. Utrum juris vel judicis auctoritas excuset à restitutione.	816	Propositio. Prescriptio est modus in conscientia legitimus acquirendi dominium, vel se liberandi ab aliqua obligatione sub conditionibus à lege praefixis.	865
Dub. viii. Utrum ingressus in religionem liberet à restitutione.	<i>Ibid.</i>	Num. 1. De rebus praescriptibilibus.	864
Dub. ix. Utrum excommunicatio creditoris liberet à restitutione.	818	Num. 2. De possessione.	865
Dub. x. Utrum creditorum incertitudo excuset à restitutione.	819	Num. 3. De titulo.	866
Dub. xi. Utrum dispensatio vel compositio cum praelato excuset.	<i>Ibid.</i>	Num. 4. De bonâ fide.	867
Dub. xii. Utrum compensatio excuset.	820	Punctum primum. De naturâ bonæ fidei.	<i>Ibid.</i>
APPENDIX PRIMA AD TRACTATUM DE JUSTITIA ET JURE. (Auctore D. Lyonnet.)	821-822	Punct. ii. De necessitate bonæ fidei.	868
Praefatio.	<i>Ibid.</i>	Punct. iii. De rebus quae bonæ fidei obstare possunt.	<i>Ibid.</i>
Caput primum.	825	Num. 5. De tempore ad praescribendum statuto.	871
PARS PRIMA. DE JURE ET PRINCIPIIS GENERALIBUS JURIS.	825	Punctum primum. De tempore requisito in prescriptionibus ad acquirendum.	<i>Ibid.</i>
Caput primum. De dominio pleno seu perfecto.	827	Punct. ii. De tempore requisito in prescriptionibus ad se liberandum ab aliqua obligatione.	872
Articulus primus. De origine domini.	<i>Ibid.</i>	Cap. II. De praecipuis speciebus domini simpliciter.	874
Art. II. De subjecto domini.	828	Articulus primus. De modificatione domini quoad jus possidendi.	<i>Ibid.</i>
§ 1. De infantibus et amentibus.	<i>Ibid.</i>	I. De necessitate alienandi.	<i>Ibid.</i>
Propositio. Parvuli et amentes sunt domini capaces.	<i>Ibid.</i>	II. De prohibitionem alienandi.	<i>Ibid.</i>
§ 2. De filiisfamiliâs.	829	Art. II. De modificatione domini quoad jus fructuendi.	875
§ 3. De uxoriibus.	835	I. De usufructu.	<i>Ibid.</i>
I. De dominio uxorum sub regimine communitatis.	<i>Ibid.</i>	II. De usu.	876
II. De dominio uxorum sub regimine communitatis exclusivo.	834	III. De habitatione.	877
III. De dominio uxorum sub regimine dotali.	<i>Ibid.</i>	Art. III. De modificatione Domini quoad jus excludendi.	<i>Ibid.</i>
§ 4. De Clericis.	836	PARS SECUNDA. DE INJURIA ET RESTITUTIONE IN GENERI.	879
§ 5. De Religiosis.	839	Caput primum. De necessitate restitutionis.	880
I. De dominio communitatum religiosarum.	<i>Ibid.</i>	Propositio. Restitutio vel in re vel in voto necessaria est ad salutem.	<i>Ibid.</i>
II. De dominio religiosorum improprie dictorum.	840	Cap. II. De radicibus restitutionis.	882
III. De dominio religiosorum proprie dictorum.	<i>Ibid.</i>	Propositio. Ex violatione justitiae commutativae et quidem solius, per se oritur obligatio restituendi.	<i>Ibid.</i>
Art. III. De objecto domini.	841	Articulus primus. De primâ radice restitutionis, seu injustâ acceptione.	883
Art. IV. De variis modis acquirendi dominium.	845	§ 1. De possessore bonæ fidei.	<i>Ibid.</i>
§ 1. De occupatione.	<i>Ibid.</i>	Num. 1. De obligationibus possessoris bonæ fidei, ratione ipsius rei.	884
Propositio. Occupatio, servatis quibusdam conditionibus, est modus legitimus acquirendi primò occupanti dominium rerum quae nullius sunt.	<i>Ibid.</i>	Num. 2. De obligationibus possessoris bonæ fidei, ratione fructuum.	888
Num. 1. De rebus mobilibus occupationis capacibus.	846	Num. 3. De obligationibus possessoris bonæ fidei, ratione impensarum.	890
I. De animalibus.	<i>Ibid.</i>	Regula prima pro impensis ordinariis.	<i>Ibid.</i>
II. De rebus in mari vel in fluminibus inventis.	848	Reg. ii. Pro impensis extraordinariis.	<i>Ibid.</i>
III. De spoliis.	849	§ 2. De possessore malæ fidei.	891
Propositio unica. Princeps et solus princeps tantum potest, in bello justo, de bonis hostium sumere, quantum necesse est, tum ad compensationem damni et impensarum quae fieri debuerunt, tum ad justam injuriae vindictam, tum ad pacem et tranquillitatem obtinendam.	<i>Ibid.</i>	Num. 1. De obligationibus possessoris malæ fidei, ratione rei.	<i>Ibid.</i>
Num. 2. De rebus occupationi affinibus.	851	Propositio. Possessor malæ fidei non tenetur, attento jure naturali, ad restitutionem rei quae apud ipsum fortuito casu perit, si eodem modo et eodem tempore apud dominum certò periisset.	895
I. De fodinis.	<i>Ibid.</i>	Num. 2. De obligationibus possessoris malæ fidei, ratione fructuum.	895
II. De lignatione.	<i>Ibid.</i>	Num. 3. De obligationibus possessoris malæ fidei, ratione impensarum.	896
		§ 5. De possessore dubiae fidei.	<i>Ibid.</i>
		I. De dubio precedente possessionem.	<i>Ibid.</i>
		II. De dubio possessioni bonæ fidei superven-	


niente.	897
Art. II. De secunda radice restitutionis seu iniusti- dammificatione.	<i>Ibid.</i>
§ 1. De damnicatore simpliciter dicto.	898
Num. 1. De conditionibus actionem damnicativam spectantibus.	<i>Ibid.</i>
Conclusio generalis.	900
Num. 2. De quibusdam difficultatibus actionem damnicativam spectantibus.	901
§ 2. De iniusto cooperatore.	903
Num. 1. De cooperatoribus positivis.	<i>Ibid.</i>
Punctum primum. De iubente.	905
Punct. 2. De consulente.	909
Punct. 3. De consentiente.	915
Punct. 4. De palpone.	915
Punct. 5. De recursu seu receptore.	<i>Ibid.</i>
Punct. 6. De participante.	916
Sectio prima. De cooperatione immediatâ.	<i>Ibid.</i>
Propositio prima. Nunquam heet, etiam ad mortem vitandam, immediate concurrere ad actionem alteri damnicativam in bonis vite.	<i>Ibid.</i>
Prop. II. Nunquam heet, etiam ad vitandum mortem, immediate concurrere ad actionem alteri damnicati- vum in bonis fortune.	917
Sect. II. De cooperatione mediâtâ.	919
Propositio unica. Licet mediate cooperari ad actionem alteri damnicativam in bonis sive corporis, sive fortune ob vitandam mortem, aut mutilationem, aut aliud damnum proportionatè grave.	<i>Ibid.</i>
Num. 2. De cooperatoribus negativis.	920
§ 5. De iis qui alterum impediunt à consecutione alicujus boni.	927
Cap. III. De variis restitutionis circumstantiis.	929
Articulus primus. De solidaritate et ordine eorum qui restituere tenentur.	<i>Ibid.</i>
I. De solidaritate.	<i>Ibid.</i>
II. De ordine.	952
Corollaria.	954
Art. II. Quinam persone facienda sit restitutio.	<i>Ibid.</i>
§ 1. Cui restituenda sint bona certa.	<i>Ibid.</i>
§ 2. Cui bonam incerta restituenda sint.	955
§ 3. Cumam facienda sit restitutio, quando debitor est impar ad omnia sua debita solvenda.	956
Art. III. De loco, tempore et modo quo restituendum est.	944
§ 1. De loco ubi restitutio fieri debet.	<i>Ibid.</i>
§ 2. Quo tempore restitutio fieri debeat.	942
§ 3. Quonam modo restitutio facienda sit.	945
Cap. IV. De causis à restitutione excusantibus	944
Articulus primus. De causis quæ restitutionis obliga- tionem suspendunt.	<i>Ibid.</i>
§ 1. De impotentia debitoris.	<i>Ibid.</i>
Num. 1. De necessitate extremâ.	945
Num. 2. De necessitate gravi.	948
§ 2. De damno creditoris vel alterius persone.	950
§ 5. De cessione bonorum.	951
Complementum articuli.	955
Art. II. De causis à restitutione omnino excusanti- bus.	<i>Ibid.</i>
PARS TERTIA. DE INJURIA ET RESTITUTIONE IN SPE- CIE.	958
Caput primum. De injuriâ et restitutione ob damnum in bonis animi illatum.	<i>Ibid.</i>
Cap. II. De restitutione ob damnum in bonis corporis illatum.	961
Articulus primus. De restitutione propter homici- dium, mutilationem, persecutionem, etc.	<i>Ibid.</i>
§ 1. De obligatione restituendi ratione homici- di.	<i>Ibid.</i>
§ 2. De objecto restituendo ab iniusto homicidâ.	961
I. De damno naturali.	962
II. De damno temporali.	965
III. De iis quibus iniustus homicida restituere tene- tur.	964
Art. II. De stupro.	968
Art. III. De adulterio.	971

Cap. III. De injuriâ et restitutione ob damnum illatum in bonis fidei.	975
Articulus primus. De detractore.	<i>Ibid.</i>
§ 1. De detractore detractorem.	976
§ 2. De peccato detractorem.	977
Propositio. Detractor est peccatum mortale ex se non suo.	<i>Ibid.</i>
§ 5. De peccato detractorem aud. etiam.	982
§ 4. De detractore. Finem restituendi.	985
Art. II. De contumacia.	986
Art. III. De iudicis et suspicionibus temerariis.	987
Cap. IV. De reparatione et restitutione ob damnum in bonis fortune illatum.	990
Articulus primus. De furto in genere.	<i>Ibid.</i>
Art. De quibusdam facultatibus circa furtum.	994
VOGLIETI VITA.	1007-1008
APPENDIX SECUNDA. JURIS CONSULTORUM DE O- BLIGATIONIBUS RESTITUTIONIS IN GENERALE THEORICO-PRACTICE INSTRU- CTUS.	<i>Ibid.</i>
QUESTIO PRIMA. Quid sit jus.	<i>Ibid.</i>
QUEST. II. Quid sit injuria, cum fiat consentienti.	1016
QUEST. III. Quid sit restitutio, quænam ejus neces- sitas.	1021
QUEST. IV. Ex quibus titulis oriatur obligatio resti- tutionis.	1026
De culpa juridica, ad sequentes questiones proce- dendum.	1052
Caput primum. De præstatione juridicæ culpæ in con- tractibus.	1055
Cap. II. De præstata culpa juridicâ in quasi-contra- ctibus et officiis.	1057
Cap. III. De præstatione culpæ juridicæ extra contra- ctum et quasi contractum, seu de quasi delictis et eorum obligationibus.	1059
Articulus primus. De damno illato per factum perso- nale.	<i>Ibid.</i>
Art. II. De damno illato per personas nobis commis- sas.	1040
Art. III. De damno illato per res nostras.	1044
QUEST. V. An et quando debeat restitutio propter damnum ab animalibus, servo vel domestico datum.	1042
QUEST. VI. An oriatur obligatio restitutionis ex culpa mere juridicâ.	1050
QUEST. VII. Qualis obligatio nascatur ex culpa theo- logicè solum veniali.	1058
QUEST. VIII. An ex culpis venialibus, deliberate com- missis, vel etiam ex unâ nasci possit obligatio gra- vis restituendi.	1065
QUEST. IX. Ex quâ culpa nascatur obligatio resti- tutionis in contractu.	1066
QUEST. X. Ex quâ culpa nascatur obligatio resti- tutionis in quasi-contractu.	1081
QUEST. XI. An sarciri debeat damnum per accidens et ex ignorantia datum.	1084
QUEST. XII. An compensari debeat excessus damni invincibiliter ignoratus.	1095
QUEST. XIII. An errans in personâ lesi teneatur ad restitutionem.	1100
QUEST. XIV. An oriatur obligatio restitutionis ex vio- latione justitiæ distributive.	1105
QUEST. XV. Quomodo peccent eligentes indignum aut minus dignum ad beneficium vel officium, et an teneatur ad restitutionem Ecclesiæ vel republi- cæ.	1111
QUEST. XVI. An restituere debeant cooperantes ad iniustum damnum.	1128
QUEST. XVII. Quando mandans teneatur ad resti- tutionem.	1155
QUEST. XVIII. Quando consulens teneatur ad resti- tutionem.	1157
QUEST. XIX. Quando teneatur ad restitutionem con- sentiens, palpo et dans recursum.	1153
QUEST. XX. Quando participans teneatur ad resti- tutionem.	1149
QUEST. XXI. Quando teneatur mutus, non obstands,	

non manifestans.	1159
QUEST. XXII. An omnes et singuli cooperantes teneantur ad restitutionem in solidum.	1167
QUEST. XXIII. Quo ordine teneantur cooperantes ad restitutionem.	1175
QUEST. XXIV. An impediens alterum à consecutione boni teneatur ad restitutionem.	1181
QUEST. XXV. An odium aut intentio prava nocendi variet obligationem restitutionis.	1191
QUEST. XXVI. Quo loco et cujus expensis facienda sit restitutio.	1196
QUEST. XXVII. Quando sit facienda restitutio.	1199
QUEST. XXVIII. Quis ordo servandus inter creditores.	1202
§ 1. Ex jure civili.	1205
§ 2. Ex jure civili gallico.	1212
Articulus primus. Codicis civilis dispositiones.	<i>Ibid.</i>
Art. II. Codicis commercii dispositiones.	1214

§ 3. De theologicis statutis pro ordine servando inter creditores.	1217
QUEST. XXIX. An excuset à restitutione impotentia restituendi in eodem genere.	1220
QUEST. XXX. An excuset à restitutione necessitas propria vel aliena.	1227
QUEST. XXXI. Quando bonum creditoris excuset à restitutione.	1256
QUEST. XXXII. Quandonam excuset interitus rei.	1240
QUEST. XXXIII. An excuset ingressus in religionem.	<i>Ibid.</i>
QUEST. XXXIV. An excuset compositio cum summo pontifice.	1253
QUEST. XXXV. Quænam aliæ causæ debitorem excusent.	1254
INDEX RERUM.	1265-1266

FINIS TOMI DECIMI-QUINTI THEOLOGIE.



MIGNE, J.P.	BQT
	507
Theologiae cursus	.M5
	v. 15
completus.	

MIGNE, J.P.	BQT
Theologiae cursus	507
completus.	.M5
	v. 15.



